


ପାରମ୍ପରାଗ୍ରହଣ
ଜୀବିତ୍ ବାଚନ



The New Testament in the Munda language of India:

ପାରମ୍ପରାଗ୍ରହଣ ଜୀବିତ୍ ବାଚନ

ପାରମେଶ୍ଵରୀୟାଃ ଜୀନିଦ୍ ବାଚାନ୍

The New Testament in the Munda language of India: ପାରମେଶ୍ଵରୀୟାଃ ଜୀନିଦ୍ ବାଚାନ୍

copyright © 2020 The Word for the World International

Language: मुन्डा (Munḍa) (Munda)

Contributor: The Word for the World International

ପାରମେଶ୍ଵରୀୟାଃ ଜୀନିଦ୍ ବାଚାନ୍ ନାମା ନିୟମ୍ , 2020

The New Testament in Munda Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word.

See Revelation 22:18-19.

2023-04-13

PDF generated using Haiola and XeLaTeX on 22 Feb 2024 from source files dated 14 Apr 2023

903abb6b-97c3-582d-9df8-a6a8f2fce6d6

Contents

ମାଥୁରା	1
ମାର୍ଚ୍ଚ	53
ଲୁକ	85
ଯୋହାନ୍	138
ପ୍ରେରିତ୍	176
ରୋମି	225
୧ କରନ୍ତୁୟ	247
୨ କରନ୍ତୁୟ	267
ଗାଲାତିୟ	281
ଏଫିସିୟ	289
ଫିଲିପିୟ	296
କଲସିୟ	302
୧ଥେସଲନିକା	308
୨ଥେସଲନିକା	313
୧ ତିମଥୁ	316
୨ ତିମଥୁ	322
ତିତସ୍	327
ଫିଲମନ୍	330
ଏବ୍ରୀ	332
ଯାକୁବ୍	348
୧ପାତ୍ରରାସ୍	354
୨ ପାତ୍ରରାସ୍	360
୧ ଯୋହାନ୍	364
୨ଯୋହାନ୍	370
୩ ଯୋହାନ୍	372
ଯିହୁଦା	374
ଉନ୍ନୁପୁର୍ବ	376

ମାଧୁର ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର ମାଧୁର ଅଲ୍ଲାକାଦ୍ ଯୀଶୁ ଖ୍ରୀଷ୍ଟଆଃ ସୁକୁକାଜି ପାରିଚାଏ

ଯୀଶୁ ଖ୍ରୀଷ୍ଟଆଃ ଜୀବନ୍ତକେ ଉଦୁବେତାନ୍ ନାଞ୍ଜା ନିୟାମ୍ବରାଃ ଉପୁନିୟା* ପୁଥୁକଏତେ ମାଧୁର ଅଲ୍ଲାକାଦ୍ ସୁକୁକାଜି ହବାଅଃତାନା ମିଆଁଦ୍ । ଏନ୍ ସବେନ୍ ପୁଥୁକକେ ଯୀଶୁ ଖ୍ରୀଷ୍ଟଆଃ “ସୁକୁକାଜି” କାଜିୟଃତାନା । ଯୀଶୁଆଃ ଗନଏଃ ତାୟମ୍ତେ ଏନ୍ ସୁକୁକାଜିକେ ମାଧୁର, ମାର୍କ, ଲୁକ, ଆତଃ ଯୋହାନ୍ ତିକୁ ଅଲ୍ଲାକାଦାଃକ । ମାଧୁର ଅଲ୍ଲାକାଦ୍ ସୁକୁକାଜିରାଃ ଅନଲ୍ ଦିପିଲି କା ସାରିୟଃରେୟ, ବାଇବାଲ୍ ପାଣ୍ଡିତ୍ତକ କାଜିୟଃକ ଯେ, ନେଆଁ ଖ୍ରୀଷ୍ଟଆଃ ଜାନାମ୍ ତାୟମ୍ ୭୦ କରେ ଅଲ୍ଲାକାନ୍ ତାଇକେନା । ନେଆଁରାଃ ଅନଲ୍ ଠାୟାଦ୍ କା ସାରିୟଃତାନ୍ରେୟ, ଚିମିନ୍ଦକ ପାଲେଷ୍ଟାଇନ୍ ଦିଶୁମ୍ବରାଃ ଯୀରୁଶାଲେମ୍ ନାଗାର୍ରେ ଅଲ୍ଲାକାନା ମେନ୍ତେକ ବିଶ୍ୱାସାଃ ।

ନେ ପୁଥୁରାଃ ଅନଲ୍ନିଃ ମାଧୁର ତାନିଃ, ଯୀଶୁ ଇନିଃକେ ଆୟାଃ ତେଲା ବାଇୟଃ ନାଞ୍ଜ କେଡ଼ା ସିଦାରେ ଇନିଃ ମାଲ୍ହାରମ୍ ତାଇକେନାଏ । ଇନିଃ ଲେବୀ ମେନ୍ତେୟ ସାରିୟଃ ତାଇକେନାଏ । ମାଧୁର ଗେଲ୍ବାର୍ ପ୍ରେରିତ୍ତକଏତେ ମିହୁଡ୍ ତାଇକେନାଏ ଆତଃ ଇନିଃ ବିଶେଷକେଦ୍ତେ ଯିହୁଦୀ ହଡ୍ତକଆଃ ନାଗେନ୍ତେ ନେ ସୁକୁକାଜି ଅଲ୍ଲାକାଦାଏ । ଅକ୍ନାଃତି ଆୟାଃ ଅନଲ୍ରେ ମାରି ନିୟାମ୍ ଧାରାମ୍ପୁଥୁରାଃ ଆପିହିସିଠୁ ବାତାନ୍, ନେ ମାଧୁର ପୁଥୁରେ ଉଦୁବଃତାନା । ଯୀଶୁ ଖ୍ରୀଷ୍ଟ ଚାଏ ମାସି ପାର୍ମେଶ୍ୱାର୍ଆଃ ସାଲ୍ଲାକାନ୍ ବାଞ୍ଛାଅନିଃ ଆତଃ ରାଜା ତାନିଃ । ଅକଏୟାଃ ହିନିଜ୍ଞଃ ବିଷାଏରେ ମାରି ନିୟାମ୍ବରାଃ ଧାରାମ୍ପୁଥୁରେ ଆୟାରକାଜି‡ କାଜିକାନ୍ ତାଇକେନା, ଏନା ମାଧୁର ପୁରାଃତେ ଉଦୁବ୍ ନାଞ୍ଜ ସାନାଞ୍ଜ ତାଇକେନାଏ । ଯିହୁଦୀକ ମାସିକେ ଆକଆଃ ରାଇଜ୍ରେୟ ରାଜା ହବାଅଃଆଏ ମେନ୍ତେ ଆସ୍ତାକାଦ୍ ତାଇକେନାକ । ମାଧୁର, ପାର୍ମେଶ୍ୱାର୍ଆଃ ରାଇଜ୍ରେୟ, ଆମିକ୍ରେୟାଃ ରାଇଜ୍ ତାନାଃ, ଅତେଦିଶୁମ୍ବରାଃ ରାଇଜ୍ ନାହାଁଲାଃ ମେନ୍ତେ କାଜିକାଦା । ମାଧୁର ଆୟାଃ ଅନଲ୍ରେ ପାର୍ମେଶ୍ୱାର୍ଆଃ ରାଇଜ୍ ବିଷାଏରେ ପୁରାଃତେ ଉଦୁବ୍ ନାଞ୍ଜ ସାନାଞ୍ଜକାଦାଏ ।

ମାଧୁର ଅଲ୍ଲାକାଦ୍ ସୁକୁକାଜି ନାଞ୍ଜା ନିୟାମ୍ବରାଃ ପାହିଲା ପୁଥୁ ନାଗେନ୍ତେ ପୁରାଃ ବୁଗିନ୍ ତାନାଃ, ତିୟାଃତି ମାରି ନିୟାମ୍ବରାଃ ବାତାନ୍ଦକ ପୁରାଃତେ ଉଦ୍ବାକାନା । ନେ ପୁଥୁ, ମାରି ଆତଃ ନାଞ୍ଜା ନିୟାମ୍ ବାରାନାଃକେ ମେସାଃଏ । ବାଇବାଲ୍ ପାଣ୍ଡିତ୍ତକହଁ କାଜିୟଃକ, ମାଧୁର ଆୟାଃ ଅନଲ୍ରେ ମୁଣା ନାବୀରାଃ ଆନ୍ତୁ ଲେକା ସେସେନ୍ ନାଞ୍ଜ ସାନାଞ୍ଜକାଦାଏ, ଅକ୍ନାଃତି ମାରି ନିୟାମ୍ବରାଃ ପାହିଲା ମଣେୟାଁସି ପୁଥୁ ତାନାଃ । ଯୀଶୁଆଃ ବୁରୁ ଚେତାନ୍ରେୟାଃ ଇନିତୁ ୫-୭ ଆଧ୍ୟାୟକେ ପାର୍ମେଶ୍ୱାର୍, ମୁଣା ନାବୀକେ ଏମାକାଇ ଆନ୍ତୁଲଃ ହଗି ଜକାଃଏ ୨ କିଲିକଆଃ ୧୯:୩-୨୩:୨୧ ।

ପୁଥୁ ଭିତ୍ତରେ ତାଇକାନ୍ କାଜି

- ୧. ଯୀଶୁ ଖ୍ରୀଷ୍ଟଆଃ ଜାନାମ୍ ଆତଃ ସେଞ୍ଜାକାମିରାଃ ଏନେଚେଦ୍ । ୧-୪
- ୨. ଯୀଶୁ ଖ୍ରୀଷ୍ଟଆଃ ସେଞ୍ଜାକାମି ଆତଃ ଇନିତୁ । ୫-୨୫
- ୩. ଯୀଶୁ ଖ୍ରୀଷ୍ଟଆଃ ଗନଏଃ ଆତଃ ଜୀଉବିନିରିଦ୍ । ୨୬-୨୮

ଯୀଶୁ ଖ୍ରୀଷ୍ଟଆଃ କିଲି
(ଲୁକ ୩:୨୩-୩୮)

^୧ ନେଆଁ ହବାଅଃତାନା ଯୀଶୁ ଖ୍ରୀଷ୍ଟଆଃ ପୁରୁଖା ଆପୁକଆଃ ନୁତୁମ୍ କ ଅଲ୍ଲାକାନ୍ ପୁଥୁ, ଯୀଶୁ ଖ୍ରୀଷ୍ଟ, ଦାଉଦ୍ଆଃ କିଲିରେନ୍ ଆତଃ ଦାଉଦ୍, ଆବ୍ରାହାମ୍ଆଃ କିଲିରେନ୍ ତାଇକେନାଏ ।

^୨ ଆବ୍ରାହାମ୍ଆଃ ହନ୍ ଇସାକ୍, ଇସାକ୍ଆଃ ହନ୍ ଯାକୂବ୍, ଯାକୂବ୍ଆଃ ହନ୍ ଯିହୁଦା ଆତଃ ଆୟାଃ ହାଗାକ ତାଇକେନା, ^୩ ଯିହୁଦାରାଃ ହନ୍ ପେରସ୍ ଆତଃ ସେରହ୍, ଇନ୍ଦକିନାଃ ଏଙ୍ଗାତେ ତାମର୍ ତାଇକେନାଏ, ପେରସ୍ବରାଃ ହନ୍ ହେସ୍ତାନ୍, ହେସ୍ତାନ୍ବରାଃ ହନ୍ ଅରାମ୍, ^୪ ଅରାମ୍ବରାଃ ହନ୍ ଅମ୍ମାନାଦବ୍, ଅମ୍ମାନାଦବ୍ବରାଃ ହନ୍ ନହ୍ଗୋନ୍, ନହ୍ଗୋନ୍ବରାଃ ହନ୍ ସାଲ୍ମନ୍, ^୫ ସାଲ୍ମନ୍ବରାଃ ହନ୍ ବୋୟାଜ୍, ବୋୟାଜ୍ବରାଃ ଏଙ୍ଗାତେୟାଃ ନୁତୁମ୍ ରାହାବ୍, ବୋୟାଜ୍ବରାଃ ହନ୍ ଓବେଦ୍, ଓବେଦ୍ବରାଃ ଏଙ୍ଗାତେ ରୁଡ୍, ଓବେଦ୍ବରାଃ ହନ୍ ଯିଶି, ^୬ ଯିଶିରାଃ ହନ୍ ରାଜା ଦାଉଦ୍, ରାଜା ଦାଉଦ୍ଆଃ ହନ୍ ସୁଲିମାନ୍, ସୁଲିମାନ୍ବରାଃ ଏଙ୍ଗାତେ ସିଦାହେତେ ଉରିୟରାଃ କୁଡ୍ ତାଇକେନା,

^୭ ସୁଲିମାନ୍ବରାଃ ହନ୍ ରିହବିୟାମ୍, ରିହବିୟାମ୍ବରାଃ ହନ୍ ଅବିୟ, ଅବିୟରାଃ ହନ୍ ଆସା, ^୮ ଆସାରାଃ ହନ୍ ଯିହୋଶାଫ୍ତ୍, ଯିହୋଶାଫ୍ତ୍ବରାଃ ହନ୍ ଯୋରାମ୍, ଯୋରାମ୍ବରାଃ ହନ୍ ଉଜ୍ଜିୟ, ^୯ ଉଜ୍ଜିୟରାଃ ହନ୍ ଯୋଥାମ୍, ଯୋଥାମ୍ବରାଃ ହନ୍ ଆହାସ୍, ଆହାସ୍ବରାଃ ହନ୍ ହିଜକିୟ, ^{୧୦} ହିଜକିୟରାଃ ହନ୍ ମନଶି, ମନଶିରାଃ ହନ୍ ଆମୋନ୍, ଆମୋନ୍ବରାଃ ହନ୍ ଯୋଶିୟ,

* : ୧:୦ ଗଇର୍ † : ୧:୦ ବାଗାନ୍ ‡ : ୧:୦ ସିଦାରେ ହବାଅଃତେୟାଃ § : ୧:୦ ପାଞ୍ଜୁ

୧୧ ଯୋଶିୟରାଃ ହନ୍ ଯିକନିୟ ଆତଃ ଆୟାଃ ହାଗାକ ତାଇକେନା, ନେଆଁ ଇସ୍ରାଏଲ୍ ହଡକକେ କିରିଙ୍ଗ ଦାସିକେଦ୍ତେ ବାବିଲୋନ୍ତେ ଇଦିକ୍ୱତାଇକେନ୍ ଦିପିଲିରାଃ କାଜିତାନାଃ ।

୧୨ ବାବିଲୋନ୍ତେ ତଲ୍ଲଦି ତାୟମତେ ଯିକନିୟ ଶଲ୍ଲଟିୟେଲ୍ଲକେ ଜାନାମକିୟା, ଶଲ୍ଲଟିୟେଲ୍ଲରାଃ ହନ୍ ଜିରୁବାବେଲ୍, ୧୩ ଜିରୁବାବେଲ୍ରାଃ ହନ୍ ଅବିହୁଦ୍, ଅବିହୁଦ୍ରାଃ ହନ୍ ଏଲିୟାକିମ୍, ଏଲିୟାକିମ୍ରାଃ ହନ୍ ଆଜୋର୍, ୧୪ ଆଜୋର୍ରାଃ ହନ୍ ସାଦୋକ୍, ସାଦୋକ୍ରାଃ ହନ୍ ଆଖ୍ମି, ଆଖ୍ମିରାଃ ହନ୍ ଏଲିହୁଦ୍, ୧୫ ଏଲିହୁଦ୍ରାଃ ହନ୍ ଏଲିୟାଜାର୍, ଏଲିୟାଜାର୍ରାଃ ହନ୍ ମାଭାନ୍, ମାଭାନ୍ରାଃ ହନ୍ ଯାକ୍ୱୁ, ୧୬ ଯାକ୍ୱୁରାଃ ହନ୍ ଯୋଷେଫ୍, ଇନିଃ ମାରିୟାମ୍ରାଃ କଡାତେ ତାଇକେନା, ଏନ୍ ମାରିୟାମ୍ ଯାଶୁକେ ଜାନାମକିୟା, ଇନିଃକେ ମାସି ମେନ୍ତେ କାଜିୟାଃକ ।

୧୭ ନେ ଲେକାତେ ଆବ୍ରାହାମ୍ଏତେ ଦାଉଦ୍ ଜାକେଦ୍ ଗେଲ୍ଡପୁନ୍* ପିଡ୍ଡି, ଆତଃ ଦାଉଦ୍ଏତେ ବାବିଲୋନ୍ତେ ତଲ୍ଲଦିକାଦକ୍ ଜାକେଦ୍ ଗେଲ୍ଡପୁନ୍ ପିଡ୍ଡି, ଆତଃ ବାବିଲୋନ୍ତେ ଇଦିକାଦକ୍ ଦିପିଲିଏତେ ମାସି ଜାକେଦ୍ ଗେଲ୍ଡପୁନ୍ ପିଡ୍ଡିକ ତାଇକେନା ।

**ୟାଶୁ ଶ୍ରୀଷ୍ଟାଃ ଜାନାମ୍
(ଲୁକ ୨:୧-୭)**

୧୮ ✨ୟାଶୁ ଶ୍ରୀଷ୍ଟ ନେ ଲେକାଏ ଜାନାମଲେନା । ଇନିୟାଃ ଏଙ୍ଗାତେ ମାରିୟାମ୍କେ ଯୋଷେଫ୍ ନାଙ୍ଗ୍ ଆସିଆକାନ୍ ତାଇକେନା । ମେନ୍ଦ୍ ଇନିଃଲଃ ଆଶ୍ଦିୟାନ୍ ସିଦାରେ ଇନିଃ ପାବିତାର୍ ଆମ୍ତାତେ ଆବ୍ରାହାମ୍ ଆୟାନ୍ ଆତଃ ହାମ୍ବାରୋଞ୍ଜା କାନାଏ ମେନ୍ତେ ଆଟ୍ଟକାର୍ଯ୍ୟାନା । ୧୯ ଇନିୟାଃ କଡା ଯୋଷେଫ୍ ମିଆଁଦ୍ ଧାର୍ମାନ୍ ହଡ୍ ତାଇକେନାଏ, ଏନାତେ ମାରିୟାମ୍ ବାଦ୍ନାମଃକାଏ ମେନ୍ତେ ଇନିଃ କାଏ ସାନାଙ୍ଗ୍କେଦା, ଏନାମେନ୍ତେ ଇନିଃକେ କା ଆଶ୍ଦିୟାଃ ନାଙ୍ଗ୍ ଉଡ଼ୁକେଦାଏ । ୨୦ ମେନ୍ଦ୍ ଇନିଃ ନେଆଁ ଉଡ଼ୁତାନ୍ ତାଇକେନ୍ତେ ପ୍ରାଭୁଆଃ ମିଆଁଦ୍ ଦୁଡ୍ କୁମ୍ବରେ ଉଦୁବେନ୍ୟାନା ଆତଃ କାଜିକିୟାଏ, “ହେ ଦାଉଦ୍ଆଃ ହନ୍ ଯୋଷେଫ୍, ଆମାଃ କୁଡ୍ଡି ଲେକା ମାରିୟାମ୍କେ ଅଡ଼ାଃତେ ଇଦିନାଙ୍ଗ୍ ଆଲମ୍ ବରଏୟା, ଚିୟାଃତି ଇନିୟାଃ ହାମ୍ବାରୋଞ୍ଜା ପାବିତାର୍ ଆମ୍ତାତେ ହବାକାନା । ୨୧ ✨ଇନିଃ ମିଆଁଦ୍ କଡାହନ୍ ଜାନାମ୍ ଯାଏ, ଆତଃ ଆମ୍ ଇନିଃକେ ଯାଶୁ ମେନ୍ତେମ୍ ନୁଡୁମ୍ ଯା, ଚିୟାଃତି ଇନିଃଦ୍ ଆୟାଃ ହଡକକେ ଆକଆଃ ପାପ୍ତହେତେ ବାସ୍ତାଅକଥା ।”

୨୨ ନାବାକଆଃ ହରାତେ ପ୍ରାଭୁ କାଜିକାଦ୍ ନେ କାଜି ପୁରାଅଃ ନାଗେନ୍ତେ ନେ ସବେନାଃ ହବାକାନା, ୨୩ “ମିଆଁଦ୍ ଡିଶ୍ଟାକ୍ୱୁଡ୍ଡି ହାମ୍ବାରୋଞ୍ଜା ହବାଅଥାଏ ଆତଃ କଡାହନ୍ ଜାନାମ୍ ଯାଏ, ଆତଃ ହଡକ ଇନିଃକେ ଇମ୍ମାନୁୟେଲ୍” ମେନ୍ତେକ୍ ନୁଡୁମ୍ ଯା, ଏନାରେୟାଃ ମୁଣ୍ଡିଦ୍, “ପାର୍ମେଶ୍ୱାର୍ ଆବୁଲ୍ଲୟା ।”

୨୪ ଏନ୍ତେ ଯୋଷେଫ୍ ଦୁଡ୍ଡୁଏତେ ବିରିଦ୍କେଦ୍ତେ, ପ୍ରାଭୁଆଃ ଦୁଡ୍ଡୁ ଆବୁକାଲ୍ ଲେକା ଆୟାଃ କୁଡ୍ଡି ମାରିୟାମ୍କେ ଅଡ଼ାଃତେ ଇଦିକିୟା । ୨୫ ✨ମେନ୍ଦ୍ ଇନିଃ ମୁଡକ୍ୱଲ୍ କଡାହନ୍ ଆଉରି ଜାନାମ୍ ଜାକେଦ୍ ଯୋଷେଫ୍ ଇନିଃକେ କାଏ ଜୁଟିଦ୍କିୟା । ଆତଃ ଯୋଷେଫ୍ ଏନ୍ ହନ୍କେ ଯାଶୁ ମେନ୍ତେ ନୁଡୁମ୍କିଆ ।

୨

ସିଙ୍ଗିତୁରଃସାଃରେନ୍ ପାଣ୍ଡିତକ୍ ଯାଶୁକେ ନେନେଲ୍ନାଙ୍ଗ୍କ ହିଜୁଃତାନା

୧ ହେରୋଦ୍ ରାଜାରାଃ ଦିପିଲିରେ ଯିହୁଦା ଦିଶ୍ଟାମ୍ରେୟାଃ ବେଥ୍ଲେହେମ୍ ସାହାରରେ ଯାଶୁ ଜାନାମ୍ୟାନ୍ ତାୟମତେ, ସିଙ୍ଗିତୁରଃସାଃରେନ୍ ଚିମିନ୍ ପାଣ୍ଡିତକ୍* ଯାରୁଶାଲେମ୍ତେକ ହିଜୁଃୟାନା, ୨ ଆତଃ କୁଲିକେଦାଃକ, “ଯିହୁଦୀକଆଃ ରାଜା ହବାଅନିଃ ଜାନାମାକାନ୍ ହନ୍ ଅକ୍ତାଃରିୟା ? ଆଲେଦ୍ ସିଙ୍ଗିତୁରଃସାଃରେ ଇନିୟାଃ ଇପିଲ୍ଲକେ ନେଲ୍କେଦ୍ତେ ଇନିଃକେ ଜହାରି ନାଗେନ୍ତେଲେ ହିଜୁଃକାନା ।”

୩ ନେଆଁ ଆୟୁମ୍କେଦ୍ତେ ହେରୋଦ୍ ରାଜା ଆତଃ ଇନିଃଲଃ ଗଟା ଯାରୁଶାଲେମ୍ରେନ୍କ୍ ଆକ୍ବାକାଅୟାନା । ୪ ଆତଃ ଇନିଃ ହଡକଆଃ ସବେନ୍ ମୁଲ୍ ଯାଜାକ୍ ଆତଃ ଆଇନ୍ ଇଡୁକକେ ହାକାଅ ହୁଣ୍ଡିକେଦ୍ତେ “ମାସି ତାଏ ଶ୍ରୀଷ୍ଟ, ଅକ୍ତାଃରେ ଜାନାମାଆ ?” ମେନ୍ତେ କୁଲିକେଦ୍କଥା ।

୫ ଇନ୍କୁ ଇନିଃକେ କାଜିରୁହାଡ୍କିୟାକ, “ଯିହୁଦା ଦିଶ୍ଟାମ୍ରେୟାଃ ବେଥ୍ଲେହେମ୍ ସାହାରରେ,” ଚିୟାଃତି ନେଆଁକେଦ୍ ନାବା ନେଲ୍ଲେକାଏ ଅଲ୍ଲାକାଦା,

୬ “ରେ ଯିହୁଦା ଦିଶ୍ଟାମ୍ରେୟାଃ ବେଥ୍ଲେହେମ୍,
ଆମ୍ ଯିହୁଦାରେୟାଃ ମାରାଙ୍ଗ୍ ନାଗାର୍ଏତେ ଜେତାଲେକାତେ କାମ୍ ହୁଡିଙ୍ଗ୍ୟା,
ଚିୟାଃତି ଆମେତେଦ୍ ମିଆଁଦ୍ ଆଗୁଆଇ ଅଡଙ୍ଗ୍ଅଥାଏ,
ଇନିଃ ଆଇଁୟାଃ ଇସ୍ରାଏଲ୍ ହଡକକେ ହରକଥା ।”

୭ ଏନ୍ତେ ହେରୋଦ୍, ଏନ୍ ସିଙ୍ଗିତୁରଃସାଃରେନ୍ ପାଣ୍ଡିତକ୍କେ ଦାନାଙ୍ଗ୍ତେ ହାକାଅକେଦ୍କଥା, ଆତଃ ଏନ୍ ଇପିଲ୍ ଚିମ୍ତାଏ ନେଲ୍ଲୟାନା, ଏନା ଇନ୍କୁତାଏତେ ବୁଗିଲେକାଏ ସାରିନାମ୍କେଦା । ୮ ଏନ୍ତେ ଇନିଃ ଇନ୍କୁକେ

* ୧:୧୭ ୧:୧୭ ଗଉଦା ✨ ୧:୧୮ ୧:୧୮ ଲୁକ ୧:୨୭. ✨ ୧:୨୧ ୧:୨୧ ଲୁକ ୧:୩୧. † ୧:୨୧ ୧:୨୧ ଲୁକ ୧:୩୧ ✨ ୧:୨୫ ୧:୨୫ ଲୁକ ୨:୨୧.
* ୨:୧ ୨:୧ ନିକୁଦ୍ ସିମ୍ପାରେନ୍ ଇପିଲ୍ଲକେ ପାଢାଅକେଦ୍ତେ ସାରିତରୁମ୍କ ତାଇକେନା

ବେଥଲେହେମ୍‌ରେ କୁଲକେଦ୍‌ରେ ମୋଡାଦକଆ, “ସେନସପେ ଆଡ଼ଃ ବୁଗିଲେକାତେ ଏନ୍ ବାଲେଃହନ୍‌କେ ଦାଣ୍ଠାଲପେ ଆଡ଼ଃ ଇନିଃକେ ନାମ୍‌କିଃରେ ଉଦୁବାଇଙ୍ଗ୍‌ପେ, ଏନ୍ତେ ଆଇଙ୍ଗ୍‌ହ୍‌ ସେନ୍‌କେଦ୍‌ରେ ଇନିଃକେ ଜହାରିୟାଇଙ୍ଗ୍ ।”

^୯ ଇନ୍‌କୁ ରାଜାରାଃ କାଜି ଆୟୁମ୍‌କେଦ୍‌ରେ ଆକଆଃ ହରାରେ ସେନସୟାନାକ ଆଡ଼ଃ ନେଲେପେ, ଇନ୍‌କୁ ସିଙ୍ଗିତୁରଃସାଃରେ ନେଲକାଇ ଏନ୍ ଇପିଲକେଗି ନେଲକିଃରେ ପୁରାଃ ରାସକାୟାନାକ । ଏନ୍ ଇପିଲ, ଏନ୍ ହନ୍ ତାଇକେନ୍ ଠାୟାଦ୍‌ରେ ଆଉରି ସେଟେର୍ ଜାକେଦ୍ ଇନ୍‌କୁକେ ଆୟାର ଇଦିକତାନ୍ ତାଇକେନା, ଏନ୍ତେ ଏନ୍ ଠାୟାଦ୍‌ରେ ସେଟେର୍‌ୟାନ୍‌ତି, ଏନ୍ ଇପିଲ ଏନ୍ତାଃରେ ଆଟ୍‌କାୟାନା । ^{୧୦} ଇନ୍‌କୁ ଏନ୍ ଇପିଲକେ ନେଲକିଃରେ ପୁରାଃଗିକ ରାସକାୟାନା । ^{୧୧} ଆଡ଼ଃ ଇନ୍‌କୁ ଅଡ଼ାଃରେ ବଲୟାନ୍‌ତି ହନ୍‌କେ ଆୟାଃ ଏଙ୍ଗାତେ ମାରିୟାମ୍‌ଲଃ ନେଲକିୟାକ ଆଡ଼ଃ ଇନ୍‌କୁ ଇକଡ୍‌ମୁକେଦ୍‌ରେ ଇନିଃକେକ ଜହାରିକିୟା ଏନ୍ତେ ଆକଆଃ ପଟମ୍‌କେ ରାଡ଼ାକେଦ୍‌ରେ ସୋନା, କୁମୁରୁ ଆଡ଼ଃ ବୁଗିନ୍ ସହାନ୍‌ସୁନ୍‌ମ୍ ଦାନ୍‌କ ଏମ୍‌କିୟା ।

^{୧୨} ଏନ୍ତେ ହେରୋଦ୍‌ତାଃରେ ଆଲପେ ସେନ୍‌ରୁହାଡ଼ାଃ ମେନ୍ତେ ପାରମେଶ୍ୱାର୍‌ଆଃ ଆନାରୁ କୁମୁରେ ନାମ୍‌ୟାନ୍‌ତି, ଇନ୍‌କୁ ଏଟାଃ ହରାତେ ଆକଆଃ ଦିଶୁମ୍‌ତେକ ସେନଃରୁହାଡ଼ୟାନା ।

ଯୋଷେଫ୍ ଆଡ଼ଃ ମାରିୟାମ୍ ହନ୍‌କେ ମିସାର୍‌ତେକିନ୍ ଇଦିତାନା

^{୧୩} ଇନ୍‌କୁ ସେନସୟାନ୍ ତାୟମ୍‌ରେ, ପ୍ରାଭୁଆଃ ମିଆଁଦ୍ ଦୁଁଡ୍ ଯୋଷେଫ୍‌ତାଃରେ କୁମୁରେ ହିକ୍ଠୟାନା ଆଡ଼ଃ କାଜିକିୟାଏ, “ହେରୋଦ୍, ହନ୍‌ତାମାଃକେ ଗଏଃନାଙ୍ଗ୍ ଦାଣ୍ଠାତାନାଏ, ଏନାତେ ମାର୍ ବିରିଦ୍‌ମେ, ହନ୍ ଆଡ଼ଃ ଆୟାଃ ଏଙ୍ଗାତେକେ ମିସାର୍ ଦିଶୁମ୍‌ତେ ଇଦିକିନ୍‌ମେ ଆଡ଼ଃ ଆଉରିଙ୍ଗ୍ ଉଦୁବାମେ ଜାକେଦ୍ ଏନ୍ତାଃରେ ତାଇନ୍‌ମେ ।”

^{୧୪} ଯୋଷେଫ୍ ବିରିଦ୍‌କେଦ୍‌ରେ ଏନ୍ ନିଦାରେଗି ହନ୍ ଆଡ଼ଃ ଇନିୟାଃ ଏଙ୍ଗାତେକେ ମିସାର୍ ଦିଶୁମ୍‌ତେ ଇଦିକେଦ୍‌କିନା । ^{୧୫} ହେରୋଦ୍ ଆଉରି ଗଜଃ ଜାକେଦ୍ ଏନ୍ତାଃରେଗି ତାଇନ୍‌ୟାନା । “ଆଇଙ୍ଗ୍ ମିସାର୍ ଦିଶୁମ୍‌ହେତେ ହନିଙ୍ଗ୍‌କଡ଼ାକେଇଙ୍ଗ୍ କେଡ଼ାଆଉକିୟା” ମେନ୍ତେ ନାବୀତେ କାଜିକାଦ୍ ପ୍ରାଭୁଆଃ କାଜି ନେ ଲେକାତେ ପୁରାୟାନା ।

ସିଟିଆ ହନ୍‌କେକେ ଗଗଏଃ

^{୧୬} ହେରୋଦ୍ ରାଜା, ସିଙ୍ଗିତୁରଃସାଃରେନ୍ ପାଣ୍ଡିଡ୍ ହଡକ ବେଦାକେଦିୟାଁ ମେନ୍ତେ ଆଟ୍‌କାରକେଦ୍‌ତି, ପୁରାଃଗି ଖୁସ୍‌ୟାନା ଆଡ଼ଃ ପାଣ୍ଡିଡ୍‌କେକେ କୁଲକେଦ୍‌ରେ ଅକ୍‌ନାଃ ସାରିକାଦ୍ ତାଇକେନାଏ, ଏନ୍ ଲେକାଗି ବେଥଲେହେମ୍‌ରେନ୍ ଆଡ଼ଃ ଏନାରେୟାଃ ହପରଜାପାଃରେନ୍ ହନ୍‌କ, ଅକନ୍‌କତି ବାବାର୍ ସିମାରେନ୍ ଆଡ଼ଃ ଏନାଏତେ ହୁପ୍‌ଡିଙ୍ଗ୍ ସବେନ୍ କଡ଼ାହନ୍‌କକେ ଗଏଃନାଙ୍ଗ୍ ଆତୁକେଦ୍‌କଆଏ ।

^{୧୭} ନେ ଲେକାତେ ଯିରିମିୟ ନାବୀ କାଜିଲେଦ୍ କାଜି ପୁରାୟାନା,

^{୧୮} “ରମା ସାହାରରେ ହାୟ ହାୟରେୟାଃ ରାଆଃ
ଆଡ଼ଃ ପୁରାଃ କୁସୁଦ୍ କୁସୁଦ୍ ରାଆଃ ଆୟୁମ୍‌ୟାନା,
ରାହେଲ୍ ଆୟାଃ ହନ୍‌କ ନାଗେନ୍ତେ କୁସୁଦ୍ କୁସୁଦ୍ ରାଆଃ କେଦାଏ;
ଇନିଃ ଜୀଉରାଡ଼େଜେନ୍ କାଏ ସାନାଙ୍ଗ୍‌ତାନ୍ ତାଇକେନା,
ଚିୟାଃଟି ଆୟାଃ ସବେନ୍ ହନ୍‌କ ଗଏଃୟାନାକ ।”

ଯୋଷେଫ୍ ଆଡ଼ଃ ମାରିୟାମ୍ ମିସାର୍‌ହେତେ ରୁହାଡ଼ୟାନାକିନ୍

^{୧୯} ହେରୋଦ୍ ଗଏଃୟାନ୍ ତାୟମ୍‌ରେ, ପ୍ରାଭୁଆଃ ମିଆଁଦ୍ ଦୁଁଡ୍ ମିସାର୍ ଦିଶୁମ୍‌ରେ ଯୋଷେଫ୍‌ତାଃରେ କୁମୁରେ ଉଦୁବେନ୍‌ୟାନଲଃ କାଜିକିୟାଏ, ^{୨୦} “ବିରିଦ୍‌ମେ, ହନ୍ ଆଡ଼ଃ ଇନିୟାଃ ଏଙ୍ଗାତେକେ ଇସ୍ରାଏଲ୍ ଦିଶୁମ୍‌ତେ ସୁତୁଃଇଦିକିନ୍‌ମେ, ଚିୟାଃଟି ହନ୍‌ରାଃ ଜୀଉ ଇଦି ନାଙ୍ଗ୍ ସାନାଙ୍ଗ୍ ତାଇକେନ୍ ହଡକଦ ଗଏଃୟାନାକ ।” ^{୨୧} ଏନ୍ତେ ଯୋଷେଫ୍ ବିରିଦ୍‌କେଦ୍‌ରେ ହନ୍ ଆଡ଼ଃ ଇନିୟାଃ ଏଙ୍ଗାତେକେ ଇସ୍ରାଏଲ୍ ଦିଶୁମ୍‌ତେ ସୁତୁଃରୁହାଡ଼କେଦ୍‌କିନାଏ ।

^{୨୨} ମେନ୍‌ଦ ଆଖିଲିୟସ୍ ଆୟାଃ ଆପୁତେ ହେରୋଦ୍‌ଆଃ ଠାୟାଦ୍‌ରେ ଯିହୁଦା ଦିଶୁମ୍‌ରେ ରାଜାକାନା ମେନ୍ତେ ଆୟୁମ୍‌କେଦ୍‌ରେ, ଇନିଃ ଗାଲିଲ୍‌ତେ ସେନ୍‌ନାଙ୍ଗ୍ ବରକେଦାଏ । ^{୨୩} ଆଡ଼ଃ କୁମୁରେ ପାରମେଶ୍ୱାର୍ ଆତୁକାଦ୍ ଲେକା ଗାଲିଲ୍ ଦିଶୁମ୍‌ରାଃ ନାଜରେଡ୍ ସାହାରତେ ସେନସୟାନା । ଆଡ଼ଃ “ଇନିଃ ନାଜରେଡ୍‌ରେନ୍ ମେନ୍ତେ ନୁତୁମଃଆ ।” ମେନ୍ତେ କାଜିକାନ୍ ନାବୀକଆଃ କାଜି ନେ ଲେକାତେ ପୁରାୟାନା ।

୩

ବାପ୍ତିସ୍ମା ଏମଃନିଃ ଯୋହାନ୍‌ରାଃ ଇନିତୁ
(ମାର୍ଚ୍ଚ ୧:୧-୮; ଲୁକ ୩:୧-୯, ୧୫-୧୭; ଯୋହାନ୍ ୧:୧୯-୨୮)

☆ ୨:୨୩ ୨:୨୩ ମାର୍ଚ୍ଚ ୧:୨୪; ଲୁକ ୨:୩୯; ଯୋହାନ୍ ୧:୪୫.

୧ ଏନ୍ ଦିପିଲିରେ ବାପ୍ତିସ୍ମା ଏମିନିଷ ଯୋହାନ୍ ହିଜୁଃୟାନାଏ, ଆଡ଼ଃ ଯିହୁଦାରେୟାଃ ବିରରେ ଇନିତୁ କାଜି ଏଟେଦକେଦା, ୨ *ଆପେୟାଃ ପାପହେତେ ମନ୍ରୁହାଡ଼େପେ ଚିୟାଃଟି ସିର୍ମା ରାଇଜ୍ଦ ନାଡ଼େଃରେଗିୟାଃ ।” ୩ ଅକନ୍ ହଡ଼ଆଃ ବିଷାଏରେ ଯିଶାୟ ନାବୀ କାଜିକାଦନିଃ ଯୋହାନ୍ଗି ତାନିଃ : ଇନିଃ କାଜିକେଦାଏ,

“ଜେତାଏ ବିରରେ କାଉରିତାନିୟାଃ ସାଡ଼ି ଆୟୁମଃତାନା,
‘ପ୍ରାଭୁଆଃ ହରା ବାଇୟେପେ;
ଇନିୟାଃ ନାଜ୍ ହରା ସିଧାଏପେ ।’ ”

୪ ଯୋହାନ୍ ଉର୍ରାଃ ଉବ୍ତେ ବାଇୟାକାନ୍ ଲିଜାଃ ତୁସିଙ୍ଗ୍ ଅଃତାନ୍ ତାଇକେନାଏ, ଆୟାଃ ମାୟାଙ୍ଗ୍ରେ ଉହୁରାଃ କାସ୍ନା ତଲଃ ତାଇକେନାଏ ଆଡ଼ଃ ଇନିଃ ସନ୍ସରେଦ୍ ଆଡ଼ଃ ହୁରୁମ୍ସୁକୁ ଜମ୍ବକତାନ୍ ତାଇକେନାଏ । ୫ ଯାରୁଶାଲେମ୍ରେନକ, ଗଟା ଯିହୁଦାରେନକ ଆଡ଼ଃ ଯାର୍ଦାନ୍ ନାହିଁରାଃ ସବେନ୍ ହପରଜାପାଃରେନ୍ ହଡ଼କ ଇନିଃତାଃତେକ ହିଜୁଃୟାନା । ୬ ଆଡ଼ଃ ଇନ୍କୁ ଆକଆଃ ପାପକ ପାତିୟାକେଦା, ଏନ୍ତେ ଇନିଃ ଯାର୍ଦାନ୍ ନାହିଁରେ ଇନ୍କୁକେ ବାପ୍ତିସ୍ମାକେଦକଆ ।

୭ *ମେନ୍ଦ୍ ଯୋହାନ୍ ପୁରାଃ ଫାରୁଶୀକ ଆଡ଼ଃ ସାଦୁକିକ ଆୟାଃତାଃତେ ବାପ୍ତିସ୍ମା ନାମେ ନାଗେନ୍ତେ ହିଜୁଃତାନାଏ ନେଲ୍କେଦକଟି ଇନ୍କୁକେ ମେତାଦକଆ, “ଏ ବିଙ୍ଗ୍କଆଃ ହନ୍କ !” ହିଜୁଃତାନ୍ ମାରାଙ୍ଗ୍ ଏନେସେଦ୍ ଏତେ* ନିର୍ ନାଗେନ୍ତେ ଅକଏ ଆପେକେ ଚେତାଝାଦ୍ପେୟାଏ ? । ଆପେ ସାର୍ଡିଗି ପାପଏତେ ହେୟାଡିଙ୍ଗ୍କାଦ୍ରେଦ୍ ଆପେୟାଃ ବୁଗିନ୍ କାମିତେ ଉଦୁବେନ୍ଦ୍ପେ । ୮ *ଆଡ଼ଃ ଆବ୍ରାହାମ୍ ଆଲେୟାଃ ଆପୁ ତାନିଃ ମେନ୍ତେ ଆପେ ଡିଡିକେଦ୍ତେ କାଜିତାନ୍ଲଃ ନେ ସାଜାକଏତେ ବାଞ୍ଛାଃଲେ ମେନ୍ତେ ଆଲ୍ପେ ଉଡ଼ୁୟା । ଚିୟାଃଟି ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ପାର୍ମେଶ୍ୱାର୍ଦ୍ ନେ ଦିରିକଏତେ ଆବ୍ରାହାମ୍ ନାଗେନ୍ତେ ହନ୍କଏ ବାଇଦାଡିୟା ! ୧୦ *ଆଡ଼ଃ ନାହିଁଃ ଦାରୁରେୟାଃ ବୁଟାରେ ହାକେ ମାଣ୍ଡାଝା କାନା; ଅକନ୍ ଦାରୁ ବୁଗିନ୍ ଜ କା ଜଅଃଆ ଏନାକେ ମାଗଃଆ ଆଡ଼ଃ ସେଙ୍ଗେଲ୍ରେ ହୁରାଙ୍ଗ୍ଅଃଆ ।

୧୧ “ଆଇଙ୍ଗ୍ଦ୍ ଆପେୟାଃ ହେୟାଡିଙ୍ଗ୍ ନାଗେନ୍ତେ ଦାଆଃତେ ବାପ୍ତିସ୍ମାପେ ତାନାଇଙ୍ଗ୍ ମେନ୍ଦ୍ ଆଇଁୟାଃ ତାୟମ୍ତେ ଆଇଙ୍ଗ୍ଏତେ ପେଡ଼େୟାନ୍ନିଃ ହିଜୁଃତାନାଏ; ଇନିୟାଃ ଖାର୍ପା ଗଅଃଇଦି ଲେକାନିଃହ ଆଇଙ୍ଗ୍ ନାହିଁଲିଙ୍ଗ୍ । ଇନିଃ ଆପେକେ ପାବିତାର୍ ଆମ୍ନା ଆଡ଼ଃ ସେଙ୍ଗେଲ୍ତେ ବାପ୍ତିସ୍ମାପେୟା । ୧୨ ଆୟାଃ ଡିଃଇରେ ହାଟାଆଃ ମେନାଃ, ଏନାତେ କଲମ୍ରେୟାଃ ଗହମ୍ ଆଡ଼ଃ ବାବା ଗୁମ୍ ସାଫାକେଦ୍ତେ ଆୟାଃ ଭାଣ୍ଡାର୍ ଅଡ଼ାଃରେ ମାଣ୍ଡାୟା ଆଡ଼ଃ ପେଟେଃକେ କା ଇଣ୍ଡିଃ ସେଙ୍ଗେଲ୍ରେ ଅଣ୍ଡୁର୍ଏଣ୍ଡାଗେୟା ।”

ୟାଶୁ ବାପ୍ତିସ୍ମାୟାନାଏ
(ମାର୍କ ୧:୯-୧୧; ଲୁକ ୩:୨୧-୨୨)

୧୩ ଏନ୍ ଦିପିଲିରେ ଯାଶୁ ଯୋହାନ୍ତେ ବାପ୍ତିସ୍ମା ଇଦି ନାଗେନ୍ତେ ଗାଲିଲ୍ଏତେ ଯାର୍ଦାନ୍ ନାହିଁତେ ହିଜୁଃୟାନାଏ । ୧୪ ମେନ୍ଦ୍ ଯୋହାନ୍ ଇନିଃକେ ମାନାତାନଲଃ କାଜିକିୟାଏ, “ଆଇଙ୍ଗ୍କେ ଆମାଃଏତେ ବାପ୍ତିସ୍ମା ଇଦି ଲାଗାଡିଙ୍ଗ୍ୟାଃ, ଏନ୍ରେହଗି ଆମ୍ ଆଇଙ୍ଗ୍ତାଃତେମ୍ ହିଜୁଆକାନା !”

୧୫ ମେନ୍ଦ୍ ଯାଶୁ ଇନିଃକେ କାଜିରୁହାଡ଼କିୟାଏ, “ନାହିଁଃ ନେଆଁରେ ମାନାଡିଙ୍ଗ୍ୟାଃମେ, ଚିୟାଃଟି ନେ ଲେକାତେ ଆବୁ ପାର୍ମେଶ୍ୱାର୍ଆଃ ସବେନ୍ ଧାର୍ମାନ୍ କାଜି ପୁରାନାଙ୍ଗ୍ ଆବୁକେ ରିକା ଲାଗାଡିଙ୍ଗ୍ୟାଃ ।” ଏନ୍ତେ ଯୋହାନ୍ ଇନିୟାଃ କାଜିକେ ମାନାଡିଙ୍ଗ୍କେଦାଏ ।

୧୬ ଯାଶୁ ବାପ୍ତିସ୍ମାୟାନ୍ ତର୍ସା ଦାଆଃଏତେ ଅତଙ୍ଗ୍ୟାନା । ଏନ୍ତେ ଇନିଃ ନାଗେନ୍ତେ ସିର୍ମା ନିଜ୍ୟାନା ଆଡ଼ଃ ଇନିଃରେ ପାର୍ମେଶ୍ୱାର୍ଆଃ ଆମ୍ନା ଦୁଦୁମୁଲ୍ ଲେକା ଆଡ଼ଗୁଃତାନ୍ତେୟାଃ ଯୋହାନ୍ ନେଲ୍କିୟାଏ । ୧୭ *ଆଡ଼ଃ ସିର୍ମାଏତେ ନେଲେକା କାଜି ଆୟୁମ୍ୟାନା, “ନିଃଗି ଆଇଁୟାଃ ଦୁଲାଡ଼୍ ହନ୍ ତାନିଃ, ନିଃତାଃରେ ଆଇଁୟାଃ ପୁରାଃଗି ସୁକୁ ।”

୪

ୟାଶୁଆଃ ବିନିତାଅ
(ମାର୍କ ୧:୧୨-୧୩; ଲୁକ ୪:୧-୧୩)

୧ *ଏନ୍ତେ ପାବିତାର୍ ଆମ୍ନା ଯାଶୁକେ ବିର୍ତେ ଇଦିକିୟା, ଏନ୍ତାଃରେ ସାଏତାନ୍ ଇନିଃକେ ବିଡ଼ାଅକିୟା । ୨ ବାର୍ହସି ନିଦାସିଙ୍ଗି ରେଙ୍ଗେଃ କାଟାଦ୍କେଦ୍ ତାୟମ୍ତେ ଯାଶୁକେ ରେଙ୍ଗେଦ୍କିୟାଃ । ୩ ଏନ୍ତେ ସାଏତାନ୍ ଇନିଃତାଃତେ ହିଜୁଃୟାନା ଆଡ଼ଃ କାଜିକିୟାଏ, “ଆମ୍ ପାର୍ମେଶ୍ୱାର୍ଆଃ ହନ୍ ତାନ୍ମେରେଦ୍, ନେ ଦିରିକକେ ହଲଙ୍ଗ୍ ବାଇୟଃକା ମେନ୍ତେ ଆତୁତାମ୍ ।”

* ୩:୨ ୩:୨ ମାଧୁର୍ୟ୍ୟ ୪:୧୭; ମାର୍କ ୧:୧୫. * ୩:୭ ୩:୭ ମାଧୁର୍ୟ୍ୟ ୧୨:୩୪; ୨୩:୩୩. * ୩:୭ ୩:୭ ଏନେସେଦ୍ ଏତେଖ୍ସ୍ଏତେ * ୩:୯ ୩:୯ ଯୋହାନ୍ ୮:୩୩. * ୩:୧୦ ୩:୧୦ ମାଧୁର୍ୟ୍ୟ ୭:୧୯. * ୩:୧୭ ୩:୧୭ ମାଧୁର୍ୟ୍ୟ ୧୨:୧୮; ୧୭:୫; ମାର୍କ ୧:୧୧; ଲୁକ ୯:୩୫. * ୪:୧ ୪:୧ ଏବ୍ରା ୨:୧୮; ୪:୫୫.

୪ ମେନ୍ଦ ଯୀଶୁ ଇନିଷକେ କାଜିରୁହାଡ଼କିୟା, “ଧାରାମ୍ପୁଥିରେ ଅଲ୍ଲାନା, ‘ହଡ଼ ହଲ୍ଲଙ୍ଗେ ଏସ୍‌କାର୍ କା ମେନ୍ଦ ପାରମେଶ୍ୱାର୍‌ଆଃ ମତାଏତେ ଅତଙ୍ଗଅଃତାନ୍ ସବେନ୍ କାଜିତେ ଜାହିଦଃଆ ।’ ”

୫ ଏନ୍ତେ ସାଏତାନ୍ ଯୀଶୁକେ ଯୀରୁଶାଲେମ୍ ଏନ୍ ପାବିତାର୍ ନାଗାର୍‌ତେ ଇଦିକିଷତେ ମାଦିର୍ ଅଡ଼ାଃରେୟାଃ ରୁଟିରେ ତିଙ୍ଗୁକିୟା, ୬ ଆତଃ କାଜିକିୟାଏ, “ଆମ୍ ପାରମେଶ୍ୱାର୍‌ଆଃ ହନ୍ ତାନ୍‌ମେରେଦ ନେତାଃଏତେ ଲାଡ଼ାର୍‌ତେ ତେଗାଅତାମେ, ଚିୟାଃତି ଧାରାମ୍ପୁଥିରେ ଅଲ୍ଲାନା,

“ପାରମେଶ୍ୱାର୍‌ ଆୟାଃ ଦୁଁଡ଼କକେ ଆତୁକଆ;
ଆତଃ ଆମାଃ କାଟା ଦିରିରେ ଆଲ୍ଲକା ଠଗଃକା
ମେନ୍ତେ ଇନ୍‌କୁ ଆକଆଃ ତିଃଇତେକ ତେଲ୍‌ମେୟା ।’ ”

୭ ଯୀଶୁ ଇନିଷକେ କାଜିରୁହାଡ଼କିୟାଏ, “ଧାରାମ୍ପୁଥିରେ ନେଆଁହଗି ଅଲ୍ଲାନା, ‘ପ୍ରାଭୁ ଆମାଃ ପାରମେଶ୍ୱାର୍‌କେ ଆଲ୍ଲମ୍ ବିଡ଼ାଅଇୟା ।’ ”

୮ ଏନ୍ତେ ସାଏତାନ୍ ଯୀଶୁକେ ମିଆଁଦ୍ ସାଲ୍ଲାଜି ବୁରୁତେ ଇଦିକିଷତେ ଅତେଦିଶୁମ୍‌ରେୟାଃ ସବେନ୍ ରାଇଜ୍ ଆତଃ ଏନାରେୟାଃ ସୁଗାଡ଼ାନ୍‌ତେୟାଃକ ଉଦୁବକିୟାଏ । ୯ ଆତଃ ସାଏତାନ୍ ଯୀଶୁକେ କାଜିକିୟାଏ, “ଆମ୍ ଆଇଙ୍ଗ୍‌କେ ଇକ୍‌ଡ଼ମ୍‌କେଦ୍‌ତେ ଜହାରିଙ୍ଗ୍‌ରେଦମ୍ ନେ ସବେନାଃଇଙ୍ଗ୍ ଏମାମେୟା ।”

୧୦ ଏନ୍ତେ ଯୀଶୁ ଇନିଷକେ କାଜିକିୟାଏ, “ଆତମେନ୍‌ମେ ସାଏତାନ୍, ଚିୟାଃତି ନେଆଁ ଧାରାମ୍ପୁଥିରେ ଅଲ୍ଲାନା, ‘ପ୍ରାଭୁ ଆମାଃ ପାରମେଶ୍ୱାର୍‌କେ ଜହାରିମେ ଆତଃ ଇନିଷକେ ଏସ୍‌କାର୍ ସୁସାରିମେ ।’ ”

୧୧ ଏନ୍ତେ ସାଏତାନ୍ ଯୀଶୁକେ ବାଗିକେଦ୍‌ତେ ନିର୍‌ୟାନା ଆତଃ ଦୁଁଡ଼କ ହିଜୁଃକେଦ୍‌ତେ ଇନିଷକେ ସୁସାର୍ ଏଟେଦ୍‌କିୟାକ ।

ଗାଲିଲ୍‌ରେ ଯୀଶୁଆଃ କାଜିକାମି ଏନେଟେଦ୍
(ମାର୍କ ୧:୧୪-୧୫; ଲୁକ ୪:୧୪-୧୫)

୧୨ *ଯୋହାନ୍ ଜେହେଲ୍‌ୟାନାଏ ମେନ୍ତେ ଯୀଶୁ ଆୟୁମ୍‌କେଦ୍‌ତେ ଗାଲିଲ୍ ସାହାର୍‌ତେ ସେନଃୟାନା । ୧୩ *ନାଜ୍‌ରେଡ଼ ବାଗିକେଦ୍‌ତେ ସବ୍‌ଲୁନ୍ ଆତଃ ନପ୍ତାଲି ସିମ୍‌ନାରାଃ ଗାଲିଲ୍ ଦରେୟା ହେପାଦରାଃ କପର୍‌ନାହୁମ୍ ସାହାର୍‌ତେ ସେନ୍‌କେଦ୍‌ତେ ତାଇନ୍‌ୟାନାଏ । ୧୪ ନେଆଁତେ ଯିଶାୟ ନାବୀ କାଜିକାଦ୍ କାଜି ପୁରାୟାନା,

୧୫ “ସବ୍‌ଲୁନ୍ ଦିଶୁମ୍ ଆତଃ ନପ୍ତାଲି ଦିଶୁମ୍,
ଦରେୟା ହେପାଦରାଃ ଯାଦାନ୍ ଗାଡ଼ା ହାନ୍ ପାରମ୍‌ରେ
ସାଅଁସାର୍‌କଆଃ ଗାଲିଲ୍ ଦିଶୁମ୍,

୧୬ ନୁବାଃରେ ତାଇନ୍‌କାନ୍ ହଡ଼କ
ମାରାଙ୍ଗ୍ ମାର୍‌ସାଲ୍‌କ ନେଲେୟା
ଆତଃ ଗନଏଃରେୟାଃ ଉମ୍‌ଲୁରେ ତାଇନ୍‌କାନ୍ ହଡ଼କ ନାଙ୍ଗ୍
ମାର୍‌ସାଲ୍ ତୁରଃଆ ।”

୧୭ *ଏନ୍ ଦିପିଲିଏତେ ଯୀଶୁ ଇତୁ ଏଟେଦ୍‌କେଦ୍‌ତେ କାଜିକେଦା, “ଆପେୟାଃ ପାପ୍‌ହେତେ ମନ୍‌ରୁହାଡ଼େପେ ଚିୟାଃତି ସିର୍ମା ରାଇଜ୍‌ଦ ନାଡ଼େଃରେଗିୟାଃ ।”

ଯୀଶୁ ଉପୁନିୟା* କେଉଁବକକେ କେଡ଼ାକତାନା
(ମାର୍କ ୧:୧୬-୨୦; ଲୁକ ୫:୧-୧୧)

୧୮ ଯୀଶୁ ଗାଲିଲ୍ ଦରେୟା ଗେନାଗେନାତେ ସେନଃତାନ୍ ଇମ୍‌ତା, ପାଡ଼ରାସ୍ ନୁତୁମଃତାନ୍ ଶିମୋନ୍ ଆତଃ ଆୟାଃ ହାଗାତେ ଆହିୟ, ଏନ୍ ବାରାନ୍ ହାଗିୟାକିନ୍‌କେ ଦରେୟାରେ ଜାଲୋମ୍ ହୁଦ୍‌ମାକେଦ୍‌ତେ ହାକୁ ସାବ୍‌ତାନ୍ ନେଲ୍‌କେଦ୍‌କିନାଏ, ଚିୟାଃତି ଇନ୍‌କିନ୍‌ଦ କେଉଁବକିନ୍ ତାଇକେନା । ୧୯ ଯୀଶୁ ଇନ୍‌କିନ୍‌କେ କାଜିୟାଦ୍‌କିନା, “ଦେଲ୍‌ଆ ଆଇଙ୍ଗ୍‌କେ ଅତଙ୍ଗ୍‌ଇଙ୍ଗ୍‌ବେନ୍, ଆଇଙ୍ଗ୍ ଆବେନ୍‌କେ ହଡ଼କକେ ପାରମେଶ୍ୱାର୍‌ତାଃତେ ଆଉତେୟାଃ ଇତୁବେନାଇଙ୍ଗ୍ ।”

୨୦ ଏନ୍ତେ ଇନ୍‌କିନ୍ ଇମ୍‌ତାଙ୍ଗ୍‌ଗି ଜାଲୋମ୍ ବାଗିକେଦ୍‌ତେ ଯୀଶୁକେ ଅତଙ୍ଗ୍‌କିୟାକିନ୍ ।

୨୧ ଯୀଶୁ ଏନ୍ତାଃଏତେ କାଟିଃସାଙ୍ଗିନ୍ ଆୟୁରୁତେ ସେନ୍‌କେଦ୍‌ତେ ଏଟାଃ ବାର୍‌ହଡ଼୍ ହାଗିୟାକିନ୍, ଜେବଦୀୟାଃ ହନ୍ ଯାକୁବ୍ ଆତଃ ଆୟାଃ ହାଗାତେ ଯୋହାନ୍‌କେ ଆକିନାଃ ଆପୁତେ ଜେବଦୀଲଃ ଲାଉକାରେ ଜାଲୋମ୍ ଚାପିତାନ୍ ନେଲ୍‌କେଦ୍‌ତେ ଇନ୍‌କିନ୍‌କେ କେଡ଼ାକେଦ୍‌କିନା । ୨୨ ଏନ୍ତେ ଇନ୍‌କିନ୍ ଇମ୍‌ତାଙ୍ଗ୍‌ଗି ଲାଉକା ଆତଃ ଆକିନାଃ ଆପୁତେକେ ବାଗିକେଦ୍‌ତେ ଯୀଶୁକେ ଅତଙ୍ଗ୍‌କିୟାକିନ୍ ।

☆ ୪:୧୨ ୪:୧୨ ମାଥୁର ୧୪:୩; ମାର୍କ ୬:୧୭; ଲୁକ ୩:୧୯,୨୦. ☆ ୪:୧୩ ୪:୧୩ ଯୋହାନ୍ ୨:୧୨. ☆ ୪:୧୭ ୪:୧୭ ମାଥୁର ୩:୨. * ୪:୧୭ ୪:୧୮ ଚାଇର୍ ଝାନ୍

ୟୀଶୁଆଃ ଇନିତୁ, ପ୍ରାଚାର, ଆତଃ ପେଡେୟାନ୍ କାମି
(ଲୁକ ୬:୧୭-୧୯)

୨୩ *ୟୀଶୁ ଗଟା ଗାଲିଲ୍ ସେନକେଦତେ ଇନକୁଆଃ ସାମାଲ୍ ଅତଃକରେ ଇତୁତାନ୍ଲଃ ରାଇଲ୍ରେୟାଃ ସୁକୁକାଜି ଉଦୁବକେଦାଏ ଆତଃ ହଡକଆଃ ସବେନ୍ ଦୁକୁ ଆତଃ ସବେନ୍ ହାସୁକଏଡେ ବୁଗିକତାନ୍ ତାଇକେନାଏ । ୨୪ ଆତଃ ଇନିୟାଃ ନୁତୁମ୍ ଗଟା ସିରିୟା ଦିଶୁମ୍ ଜାକେଦ୍ ସେଟେରୟାନା ଆତଃ ହଡକ ସବେନ୍ ଲେକାନ୍ ଦୁକୁତାନ୍, ହାସୁତାନ୍କକେ ଆତଃ ବଜା ଏସେରକାନ୍କକେ, ମିକର୍ ବେମାରକକେ, ଆତଃ ବାଡତାକାନ୍କକେ ଇନିଃତାଃତେକ ଆଉକେଦକଆ ଆତଃ ଇନିଃ ଇନକୁକେ ବୁଗିକେଦକଆ । ୨୫ ଆତଃ ଗାଲିଲ୍, ଦେକାପଲ୍ଲୀ†, ଯାରୁଶାଲେମ୍, ଯିହୁଦା ଆତଃ ଯାଦାନ୍ ହାନ୍ ପାରମ୍ଏଡେ ଗାଦେଲ୍ ହଡକ ଇନିଃକେକ ଅତଃକିୟା ।

୫

ୟୀଶୁ ବୁରୁ ଚେତାନ୍ରେ ଗାଦେଲ୍ ହଡକକେ ଇତୁକତାନା

୧ ୟୀଶୁ ଗାଦେଲ୍ ହଡକକେ ନେଲକେଦତେ ବୁରୁଡେ ରାକାଦୟାନା ଆତଃ ଇନିଃ ଦୁବାକାନ୍ତାଃ ଆୟାଃ ଚେଲାକ ହୁଣ୍ଡିବିୟୁରକିୟାକ, ୨ ଆତଃ ଇନିଃ ହଡକକେ ଇତୁ ଏଟେଦକେଦତେ ମେତାଦକଆ,

ସାରତି ରାସକା
(ଲୁକ ୬:୨୦-୨୩)

- ୩ “ଆମ୍ଭାରେ ରେଙ୍ଗେଃତାନ୍କ ସୁକୁତାନ୍ଗିୟାଃ;
ତିୟାଃତି ସିର୍ନା ରାଇଲ୍ ଇନକୁଆଃଗି ତାନାଃ !
- ୪ ଏୟମେତାନ୍କ ସୁକୁତାନ୍ଗିୟାଃ;
ତିୟାଃତି ପାରମେଶ୍ୱାର୍ ଦ ଇନକୁକେ ଜୀଉରାଡେଃକଆ !
- ୫ ଲେବେଃଜୀଉକ ସୁକୁତାନ୍ଗିୟାଃ;
ତିୟାଃତି ପାରମେଶ୍ୱାର୍ ବାନାରସା* ଏମାକାଦତେୟାଃକ ଅତେରେକ ଆକ୍ତେୟାରରେୟା ।
- ୬ ଆପେ ଧାରମାନ୍ ନାଗେନ୍ତେ ରେଙ୍ଗେଃତାନ୍କ, ସୁକୁତାନ୍ ଗିୟାଃପେ;
ତିୟାଃତି ପାରମେଶ୍ୱାର୍ ଆପେକେ ବିୟାଃଗି ଏମାପେୟା !
- ୭ ଦାୟାତାନ୍କ ସୁକୁତାନ୍ଗିୟାଃ;
ତିୟାଃତି ପାରମେଶ୍ୱାର୍ ଇନକୁକେ ଦାୟାକଆ !
- ୮ ମନ୍ରେ ଫାର୍ତିଆକାନ୍କ ସୁକୁତାନ୍ଗିୟାଃ;
ତିୟାଃତି ଇନକୁଦ ପାରମେଶ୍ୱାରକେକ ନେଲିୟା !
- ୯ ବାପାଇତିକ ସୁକୁତାନ୍ଗିୟାଃ;
ତିୟାଃତି ଇନକୁଦ ପାରମେଶ୍ୱାରଆଃ ହନ୍କ ନୁତୁମଃଆ !
- ୧୦ *ଧାରମାନ୍ ନାଗେନ୍ତେ ସାସାତି ନାମତାନ୍କ ସୁକୁତାନ୍ଗିୟାଃ;
ତିୟାଃତି ସିର୍ନା ରାଇଲ୍ ଦ ଇନକୁଆଃଗି ତାନାଃ !
- ୧୧ *“ଆଇଙ୍ଗ୍ ନାଗେନ୍ତେ ହଡକ ଆପେକେ ନିନ୍ଦାପେୟାକ, ସିଗିଦ୍ପେୟାକ, ଆତଃ ହସଡ୍ କାଜିତେ ଆପେୟାଃ ବିରୁଧରେ ଏଡକାନ୍ କାଜିକ କାଜିୟାପେରେଦ, ଆପେ ସୁକୁତାନ୍ଗିୟାଃ । ୧୨ *ଆପେ ପୁରାଃଗି ରାସକାଅଃପେ, ତିୟାଃତି ସିର୍ନା ଦିଶୁମ୍ରେଦ ଆପେୟାଃ ନାଲା ପୁରାଃଗିୟା, ଏନ୍ ଲେକାଗିଦ ଇନକୁ ଆପେୟାଃ ସିଦାରେନ୍ ନାବୀକକେ ସିଗିଦକେଦକଆକ ।

ବୁଲୁଙ୍ଗ୍ ଆତଃ ମାର୍ସାଲ୍
(ମାର୍କ ୯:୫୦; ଲୁକ ୧୪:୩୪-୩୫)

୧୩ *“ଆପେ ସବେନକ ଅତେଦିଶୁମ୍ରେନ୍ ହଡକ ନାଗେନ୍ତେ ବୁଲୁଙ୍ଗ୍ ଲେକାଗି ତାନ୍ପେ, ମେନ୍ଦ ବୁଲୁଙ୍ଗ୍ ସାବାଗଃରେଦ ଏନା ଚିଲ୍କାତେ ଆତଃମିସା ସିବିଲ୍ଲୁହାଡ଼ଃଆ ? ଏନା ଆତଃ ଜେତାନ୍ କାମିରେ କା ଲାଗାତିଙ୍ଗ୍ ଦାଡ଼ିୟଃଆ ଆତଃ ବାହାରିରେ ହୁରାଙ୍ଗ୍ ଏଣ୍ଡାଗଃଆ । ହଡକ ଏନାକେ ତିକାକେଦତେ ସେନଃଆକ ।

୧୪ *“ଆପେ ଅତେଦିଶୁମ୍ରେୟାଃ ମାର୍ସାଲ୍ ଲେକାଗି ତାନ୍ପେ । ବୁରୁରେ ବାଇକାନ୍ ନାଗାର୍ କା ଉକୁଦାଡ଼ିୟଃଆ । ୧୫ *ଆତଃ ହଡକ ଦିମି ଜୁଲ୍କେଦତେ ତାଝାଲାତାରରେ କାକ ହାରୁବେୟା ମେନ୍ଦ ଦିକାରେକ ଦହୟା, ଆତଃ

* ୪:୨୩ ୪:୨୩ ମାଥୁର ୯:୩୫; ମାର୍କ ୧:୩୯. † ୪:୨୫ ୪:୨୫ ଦାଶ୍ତୁ ସାହାରରାଃ ସିମ୍ନା * ୫:୫ ୫:୫ ବାନାରସା କାଜି ଏମ୍କାନା * ୫:୧୦ ୫:୧୦ ୧ ପାଡରାସ୍ ୩:୧୪. * ୫:୧୧ ୫:୧୧ ୧ ପାଡରାସ୍ ୪:୧୪. * ୫:୧୨ ୫:୧୨ ପ୍ରେରିଡ୍ ୭:୫୨. * ୫:୧୩ ୫:୧୩ ମାର୍କ ୯:୫୦; ଲୁକ ୧୪:୩୪,୩୫. * ୫:୧୪ ୫:୧୪ ଯୋହାନ୍ ୮:୧୨; ୯:୫. * ୫:୧୫ ୫:୧୫ ମାର୍କ ୪:୨୧; ଲୁକ ୮:୧୭; ୧୧:୩୩.

ଅଡ଼ାଃରେନ୍ ସବେନ୍କକେ ଏନା ମାର୍ସାଲ୍ ଏମାକଥାଏ । ୧୭ *ଏନ୍ ଲେକାଗି ଆପେୟାଃ ମାର୍ସାଲ୍ ହଡ଼କଆଃ ଆୟାରରେ ମାୟାଲଃକା, ଏନାତେ ଇନ୍କୁ ଆପେୟାଃ ବୁଗିନ୍ କାମି ନେଲ୍କେଦ୍ତେ ସିମ୍ବା ଦିଶୁମ୍ରେନ୍ ଆପୁକେକ ମାରାଙ୍ଗକା ।

ଆଇନ୍ ବିଷାଏରେ ଇନିତୁ

୧୭ “ଆଇଙ୍ଗ୍ ମୁଗା ନାବୀ ଏମାକାଦ୍ ଆନ୍ରୁ ଆତଃ ନାବୀକଆଃ ଇନିତୁ ଇଣ୍ଠିଃ ନାଗେନ୍ତେ ହିଜୁଆକାନାଇଙ୍ଗ୍ ମେନ୍ତେ ଆଲ୍ପେ ଆଟ୍‌କାରେୟା, ମେନ୍ଦ୍ ଏନା ପୁରାଅଃ ନାଗେନ୍ତେ ହିଜୁଆକାନାଇଙ୍ଗ୍ । ୧୮ *ଆଇଙ୍ଗ୍ ସାର୍ତିଗି କାଜିତାନାଇଙ୍ଗ୍, ସିମ୍ବା ଦିଶୁମ୍ ଆତଃ ଅତେ ଆଉରି ଜିୟନଃ ଜାକେଦ୍ ଆତଃ ସବେନାଃ ଆଉରି ଚାବାଃଅ ଜାକେଦ୍, ମୁଗା ନାବୀଆଃ ଆନ୍ରୁରେୟାଃ ହୁଡିଙ୍ଗ୍ ଅନଲ୍ ଚାଏ ହୁଡିଙ୍ଗ୍ ବିନ୍ଧୁହ ଜେତାଲେକାତେ କା ଜିୟନଃଆ । ୧୯ ଏନା ନାଗେନ୍ତେ ଜେତାଏ ନେ ହୁପ୍ଡିଙ୍ଗ୍ ଆନ୍ରୁଏତେ ଜେତା ମିଆଁଦ୍ ଆନ୍ରୁ କାଏ ମାନାତିୟାଃ ଆତଃ ଏନ୍ ଲେକାଗି ହଡ଼କକେ ଇତୁକଆ, ଇନିଃ ସିମ୍ବା ରାଇଙ୍ଗ୍ରେ ସବେନ୍କଏତେ ହୁଡିଙ୍ଗ୍ ମେନ୍ତେ ଲେକାଅଃଆଏ ମେନ୍ଦ୍ ଜେତାଏ ଏନ୍ ସବେନାଃକେ ମାନାତିୟାଃ ଆତଃ ଇତୁଆଃଏ, ଇନିଃ ସିମ୍ବା ରାଇଙ୍ଗ୍ରେ ମାରାଙ୍ଗ୍ ମେନ୍ତେ ଲେକାଅଃଆ । ୨୦ ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ଆପେୟାଃ କାମି ପାର୍ମେଶ୍ୱାର୍ଆଃ ମନେ ଲେକା, ଆଇନ୍ ଇତୁକ ଆତଃ ଫାରୁଗୀକଆଃଏତେ ଆଦ୍‌କା ପାତିୟାର୍ କା ହବାଅଃ ଜାକେଦ୍ ଆପେ ଜେତାଲେକାତେ ସିମ୍ବା ରାଇଙ୍ଗ୍ରେ କାପେ ବଲ୍ ଦାଡିୟାଃ ।

**ଖୁସ୍ ବିଷାଏରେ ଇନିତୁ
(ଲୁକ ୧୨:୫୭-୫୯)**

୨୧ “ସିଦା ଦିପିଲିରେନ୍ ହଡ଼କକେ କାଜିୟାକାନ୍ ତାଇକେନା, ‘ଆଲମ୍ ଗଗଏଃ ଆତଃ ଜେତାଏ ଗଗଏଃରେଦ୍, ଇନିଃ ବିଚାରରେ ସାଜାଇ ନାମେୟାଏ’ ମେନ୍ତେ ଆପେ ଆୟୁମ୍‌କାଦାପେ । ୨୨ ମେନ୍ଦ୍ ଆଇଙ୍ଗ୍ ଆପେକେଇଙ୍ଗ୍ କାଜିୟାପେତାନା, ଜେତାଏ ଆୟାଃ ହାଗାକେ ଖୁସ୍‌ଅଃଆଏ, ଇନିଃ ବିଚାରରେ ସାଜାଇ ନାମେୟାଏ । ଆତଃ ଜେତାଏ ଆୟାଃ ହାଗାତେକେ ଡଣ୍ଡ ମେନ୍ତେ କାଜିନିଃ ମାରାଙ୍ଗ୍ ପାଞ୍ଚେଟ୍ରେ ସାଜାଇ ନାମେୟାଏ, ଆତଃ ଜେତାଏ କକଲେ ମେନ୍ତେ କାଜିନିଃ ସେଙ୍ଗେଲ୍ ନାରାକରେ ସାଜାଇ ନାମେୟାଏ । ୨୩ ଏନାମେନ୍ତେ ଆମ୍ ଆମାଃ ଦାନ୍ ପାର୍ମେଶ୍ୱାର୍ଆଃ ନାଗେନ୍ତେ ବେଦିତେମ୍ ଆଉଖେ ଇମ୍‌ତା ଆମାଃ ବିରୁଧ୍ରେ ଆମାଃ ହାଗାମାଃ ଜେତା କାଜି ମେନାଃ ମେନ୍ତେମ୍ ପାହାମ୍‌ତାରେ, ୨୪ ଏନ୍ ବେଦିତାଃରେ ଆମାଃ ଦାନ୍‌କେ ବାଗିକେଦ୍ତେ ସେନଃମେ ଆତଃ ସିଦାତେ ଆମାଃ ହାଗାମ୍‌ଲଃ ବାପାଇୟେନ୍‌ମେ, ଏନ୍ତେ ହିଜୁଃକେଦ୍ତେ ଆମାଃ ଦାନ୍‌କେ ପାର୍ମେଶ୍ୱାର୍ତାଃରେ ରାକାବେମେ ।

୨୫ “ଆମାଃ ବାଇରିଲଃ ହରାରେ ସେନ୍‌ତାନ୍ ଇମ୍‌ତା ବାପାଇଦାବେନ୍‌ମେ, କା'ରେଦ୍ ବାଇରି ଆମ୍‌କେ ବିଚାରନିୟାଃ ଡିଃଇରେ ଏମ୍‌ମେୟା, ଆତଃ ବିଚାରନିଃ ସିପାଇକଆଃ ଡିଃଇରେ ଜିମାମ୍‌ମେୟା, ଏନ୍ତେ ଆମ୍ ଜେହେଲଃଆମ୍ । ୨୬ ଆଇଙ୍ଗ୍ ଆମ୍‌କେ ସାର୍ତିଗି କାଜିତାନା, ଆମ୍ କାଉଡି କାଉଡି ଆଉରି ହାଲ୍‌ଚାବାଏ ଜାକେଦ୍ ଏନ୍ତାଏତେ କାମ୍ ଅତଙ୍ଗ୍ ଦାଡିୟା ।

ଆପାଙ୍ଗିର୍ ବିଷାଏରେ ଇନିତୁ

୨୭ “ଆଲ୍ପେ ଆପାଙ୍ଗିରାଃ, ମେନ୍ତେ ‘କାଜିୟାକାନ୍ କାଜିପେ ଆୟୁମାକାଦାଃ ।’ ୨୮ ମେନ୍ଦ୍ ଆଇଙ୍ଗ୍ ଆପେକେଇଙ୍ଗ୍ କାଜିପେତାନା, ଜେତାଏ ଜେତା କୁଡିକେ ଏଡ଼କାନ୍ ସାନାଙ୍ଗ୍‌ତେ ନେଲିରେଦ୍ ଇନିଃ ଆୟାଃ ମନ୍ରେ ଇନିଃଲଃ ଆପାଙ୍ଗିର୍‌ୟାନାଏ । ୨୯ *ଆତଃ ଆମାଃ ଜମ୍‌ଡିସାଃରାଃ ମେଦ୍ ପାପ୍‌ଇଚିମେରେଦ୍, ଏନାକେ ଅତଙ୍ଗ୍‌କେଦ୍ତେ ହୁଦ୍‌ମାଏଣ୍ଡାଏମେ, ଚିୟାଃତି ଆମାଃ ଗଗା ହଡ଼ମ୍ ନାରାକରେ ହୁଦ୍‌ମାଅଃଏତେ ମିଆଁଦ୍ ହାଟିଙ୍ଗ୍ ଜିୟନଃରେ ଆମାଃ ନାଗେନ୍ତେ ବୁଗିଅଃତେୟାଃ । ୩୦ *ଆତଃ ଆମାଃ ଜମ୍‌ଡିସାଃରାଃ ଡିଃଇ ପାପ୍‌ଇଚିମେରେଦ୍, ଏନାକେ ଛପାଏଣ୍ଡାଏମେ, ଚିୟାଃତି ଆମାଃ ଗଗା ହଡ଼ମ୍ ନାରାକରେ ହୁଦ୍‌ମାଅଃଏତେ, ମିଦ୍ ହାଟିଙ୍ଗ୍ ଜିୟନଃରେ ଆମାଃ ନାଗେନ୍ତେ ବୁଗିଅଃତେୟାଃ ।

**କଡ଼ାକୁଡିବାଗି ବିଷାଏରେ ଇନିତୁ
(ମାଧୁର ୧୯:୯; ମାର୍କ ୧୦:୧୧-୧୨; ଲୁକ ୧୨:୧୮)**

୩୧ * “ନେଆଁହଗି କାଜିକାନା, ‘ଜେତାଏ ଆୟାଃ କୁଡିକେ ବାଗିରେଦ୍, ଇନିଃ ଏନ୍ କୁଡିକେ ବାଗିରେଆଃ ଅନଲ୍‌ଚିଠା ଏମ୍ ଲାଗାଡିଙ୍ଗ୍‌ୟାଃ ।’ ୩୨ *ମେନ୍ଦ୍ ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ଜେତାଏ ଆୟାଃ କୁଡିତେକେ ଆପାଙ୍ଗିର୍ କାମି ବାଗିକେଦ୍ତେ ଏଟାଃ କାମି ନାଗେନ୍ତେ ବାଗିରେଦ୍, ଇନିଃ ଆୟାଃ କୁଡିତେକେ ଆପାଙ୍ଗିର୍ ରିକାଇରେୟାଃ ଗୁଣ୍ଡାରେ ଚିଟାଃଖା ଆତଃ ଜେତାଏ ବାଗିୟାକାନ୍ କୁଡିକେ ଆଣ୍‌ଦିନ୍‌ରେଦ୍, ଇନିଃ ଆପାଙ୍ଗିର୍ କାମି ରିକାଃଏ ।

କିରିୟା ବିଷାଏରେ ଇନିତୁ

* ୫:୧୭ ୫:୧୭ ୧ ପାଡ଼ରାସ୍ ୨:୧୨. † ୫:୧୮ ୫:୧୮ ଲୁକ ୧୨:୧୭. ‡ ୫:୨୨ ୫:୨୨ ଚିମିନ୍ ମାଗି ଅନଲ୍‌କେ ଅଲ୍‌କାନା, ହାଗାତେକେ ସାମା ସାମାରେ ଖୁସ୍‌ଅଃଆଏ. * ୫:୨୯ ୫:୨୯ ମାଧୁର ୧୮:୯; ମାର୍କ ୯:୪୭. † ୫:୩୦ ୫:୩୦ ମାଧୁର ୧୮:୮; ମାର୍କ ୯:୪୩. ‡ ୫:୩୧ ୫:୩୧ ମାଧୁର ୧୯:୭; ମାର୍କ ୧୦:୪. † ୫:୩୨ ୫:୩୨ ମାଧୁର ୧୯:୯; ମାର୍କ ୧୦:୧୧, ୧୨; ଲୁକ ୧୨:୧୮; ୧ କିରିୟା ୭:୧୦, ୧୧.

୩୩ “ଆପେ ଆଡ଼ଃଶିପେ ଆୟୁମ୍ବଦା, ନେଆଁ ସିଦା ଦିପିଲିରେନ୍ ହଡ଼କକେ କାଜିୟାକାନା, ‘ଆପେ ହସଡ଼ କିରିୟା ଆଲ୍‌ପେୟା, ମେନ୍‌ଦ ଆପେୟା କିରିୟାକ ପ୍ରାଭୁଆଃ ଆୟାର୍‌ରେ ପୁରାଏପେ ।’ ୩୪ *ମେନ୍‌ଦ ଆଇଙ୍ଗ୍ ଆପେକେଇଙ୍ଗ୍ କାଜିୟାପେତାନା, କିରିୟାଏ ଇମ୍‌ତା ଜେତାନ୍ ବିଷାଏରେ କିରିୟା ଆଲ୍‌ପେ ରିକାଏ, ସିର୍ମା ଦିଶୁମ୍‌ରେନ୍ ଆଲ୍‌ପେୟା, ଚିୟାଃଟି ଏନାଦ ପାର୍‌ମେଶ୍ୱାର୍‌ଆଃ ରାଜ୍‌ଗାଦି ତାନାଃ, ୩୫ ଚାଏ ଅତେରେୟା ଆଲ୍‌ପେୟା, ଚିୟାଃଟି ଏନାଦ ଇନିୟା କାଟାରେୟା ଗାଣ୍ଡୁ ତାନାଃ, ଆଡ଼ଃ ଯାରୁଗାଲେମ୍‌ରେଆଃ ଆଲ୍‌ପେୟା, ଚିୟାଃଟି ଏନାଦ ମାରାଙ୍ଗ୍ ରାଜାକଆଃ ନାଗାର୍ ତାନାଃ । ୩୬ ଆଡ଼ଃ ଆପେୟା ବହଃରେୟା କିରିୟା ଆଲ୍‌ପେୟା, ଚିୟାଃଟି ଏନାରାଃ ମିଆଁଦ୍ ଉବ୍‌କେ ପୁଣ୍ଡି ଚାଏ ହେନ୍‌ଦେ ରିକାନାଙ୍ଗ୍ ଆପେ କାପେ ଦାଡ଼ିୟା । ୩୭ ଏନାତେ ଆପେୟା କାଜି ‘ହଁ ରେଦ ହଁ’ ଚାଏ ‘କା ରେଦ କା’ ମେନ୍ତେ କାଜିପେ, ନେଆଁଏତେ ଆଦକା କାଜିତେୟା ଏଡ଼କାନ୍‌ଏତେ ହିଜୁଃଆ ।

ବାଦଲ୍ଲା ଇଦି ବିଷାଏରେ ଇନିତୁ
(ଲୁକ ୬:୨୯-୩୦)

୩୮ “ଆପେ ମେନ୍‌ରେଆଃ ବାଦଲ୍ଲା ମେନ୍‌ଦ୍, ଆଡ଼ଃ ତାଟାରେୟା ବାଦଲ୍ଲା ତାଟା ମେନ୍ତେପେ ଆୟୁମାକାଦାଃ ।’ ୩୯ ମେନ୍‌ଦ୍ ଆଇଙ୍ଗ୍ ଆପେକେଇଙ୍ଗ୍ କାଜିୟାପେତାନା, ଜେତାଏ ଆପେୟା ଏଡ଼କାନ୍ ରିକାଏରେଦ୍, ଇନିୟା ବାଦଲ୍ଲା ଆଲ୍‌ପେ ଇଦିୟା, ମେନ୍‌ଦ୍ ଜେତାଏ ଆପେୟା ଜମ୍‌ସାଃରାଃ ଜଞ୍ଜାରେ ଚାଟ୍‌କାନ୍‌ପେରେଦ୍, ଇନିୟାଏ ଏଟାଃ ଜଞ୍ଜାହଗି ବିୟୁରାଲ୍‌ପେ । ୪୦ ଆଡ଼ଃ ଜେତାଏ ଆପେୟା ବିଚାର୍ ଠାୟାଦ୍‌ରେ ଏପ୍‌ରାଙ୍ଗ୍‌କେଦ୍‌ତେ ଆପେୟା ତୁସିଙ୍ଗ୍ ଲିଜାଃ ଇଦିନାଙ୍ଗ୍ ସାନାଙ୍ଗ୍‌ରେଦ୍, ଇନିୟାଏ ଚାଦାର୍ ଲିଜାଃ ହଗି ଏମାଲ୍‌ପେ । ୪୧ ଜେତାଏ ପାଲ୍‌ଗାନ୍ ଆୟାଃ ବୋଝା ଗଅଃକେଦ୍‌ତେ ଆପେକେ ମିଦ୍ କିଲୋମିଟର୍ ହରା ସେନ୍ ରିକାପେରେଦ୍, ଇନିୟାଏ ବାର୍ କିଲୋମିଟର୍ ସେନଃପେ । ୪୨ ଜେତାଏ ଆପେକେ ଆସିପେରେଦ୍ ଇନିୟାଏ ଏମାଲ୍‌ପେ, ଆଡ଼ଃ ଜେତାଏ ଆପେତାଃଏତେ ରିଣା ଇଦି ସାନାଙ୍ଗ୍‌ରେଦ୍ ଇନିୟାଏ ଏମାଲ୍‌ପେ ।

ବାଇରିକକେ ଦୁଲାଡ଼କପେ
(ଲୁକ ୬:୨୭-୨୮, ୩୨-୩୬)

୪୩ “ଆପେୟା ଗାଡ଼ିକକେ ଦୁଲାଡ଼କପେ ଆଡ଼ଃ ବାଇରିକକେ ହିଲ୍ଲାଙ୍ଗ୍‌କପେ ମେନ୍ତେ ଆପେ ଆୟୁମାକାଦାଃ ।’ ୪୪ ମେନ୍‌ଦ୍ ଆଇଙ୍ଗ୍ ଆପେକେଇଙ୍ଗ୍ କାଜିୟାପେତାନା, ଆପେ ଆପେୟା ବାଇରିକକେ ଦୁଲାଡ଼କପେ ଆଡ଼ଃ ଆପେକେ ସିଗିଦ୍‌ପେତାନ୍‌କଆଃ ନାଗେନ୍ତେ ବିକ୍ତିପେ । ୪୫ ଏନାତେ ଆପେ ଆପେୟା ସିର୍ମା ଦିଶୁମ୍‌ରେନ୍ ଆପୁଆଃ ହନ୍‌କପେ ବାଇୟାଆ, ଇନିୟାଏ ଏଡ଼କାନ୍ ଆଡ଼ଃ ବୁଗିନ୍ ହଡ଼କ ନାଗେନ୍ତେ ସିଙ୍ଗି ତୁରାଏ, ଧାର୍‌ମାନ୍ ହଡ଼ ଆଡ଼ଃ ଏଡ଼କାନ୍ ହଡ଼କ ନାଗେନ୍ତେ ଦାଆଃ ଗାମାଃଏ । ୪୬ ଆପେକେ ଅକନ୍‌କ ଦୁଲାଡ଼କପେତାନାକ ଇନ୍‌କୁକେ ଏସ୍‌କାର୍ ଦୁଲାଡ଼କରେଦ୍ ଆପେୟା ଚିକାନ୍ ନାଲା ନାମାଆ ? ଚିୟାଃ ମାଲ୍‌ହାରମ୍‌କହିଁ ନେଲେକା କାକ ରିକାଃଟି ? ୪୭ ଆଡ଼ଃ ଆପେ ଆପେୟା ହାଗାକକେ ଏସ୍‌କାର୍‌ପେ ଜହାର୍‌କ ରେଦ୍, ଆଦକା ଚିନାଃପେ ଚିକାକାଦା ? ଚିୟାଃ ସାଅଁସାର୍‌କହିଁ ଏନ୍‌ଲେକା କାକ କାମିୟା ? ୪୮ ଏନାମେନ୍ତେ ଆପେୟା ସିର୍ମାରେନ୍ ଆପୁ ଲେକା ଆପେୟା ପାବିତାର୍ ତାୟାପେ ।



ଏମାଃରେୟା ଇନିତୁ

୧ *‘ହଡ଼କ ନେଲେକା ମେନ୍ତେ ଆପେୟା ଧାର୍‌ମାନ୍ କାମି ଇନ୍‌କୁଆଃ ଆୟାର୍‌ରେ ଆଲ୍‌ପେ ରିକାୟା, ଏନାମେନ୍ତେ ଆପେ ଚିର୍ଗାଲ୍ଲାକାନ୍ ତାଇନ୍‌ପେ, କା’ରେଦ୍ ଆପେୟା ସିର୍ମା ଦିଶୁମ୍‌ରେନ୍ ଆପୁତାଃଏତେ ଆପେ ଜେତାନ୍ ନାଲା କାପେ ନାମେୟା ।

୨ ‘ଏନା ନାଗେନ୍ତେ ଆପେ ରେଙ୍ଗେଃକକେ ଜେଡ଼ନାଃ ଏମ୍ ଇମ୍‌ତା ବେଦାହଡ଼କଆଃ ଲେକା ବିକ୍ଟୁଲ୍ ବାଜା ଆଲ୍‌ପେ ସାଡ଼ିଆ, ଇନ୍‌କୁ ହଡ଼କତାଃଏତେ ଜହାର୍ ନାମେ ନାଗେନ୍ତେ ସାମାଜ୍ ଅଡ଼ାଃକରେ ଆଡ଼ଃ ହରାକରେ ଏନ୍‌ଲେକା ରିକାଃକ । ଆଇଙ୍ଗ୍ ଆପେକେ ସାର୍‌ଡ଼ିଗି କାଜିପେତାନାଇଙ୍ଗ୍, ଇନ୍‌କୁ ଆକଆଃ ନାଲା ନାମ୍ ଚାବାକାଦାକ । ୩ ମେନ୍‌ଦ୍ ଆପେ ଦାନ୍ ଏମ୍ ଇମ୍‌ତା ଆପେୟା ଜମ୍‌ଡ଼ିଃଇ କାମିତାନ୍‌ତେୟା ଲେଙ୍ଗାଡ଼ିଃଇ ଆଲ୍‌କାଏ ସାରିକା, ୪ ନେ ଲେକାଗି ଆପେୟା ଏମାଃତେୟା ଦାନାଙ୍ଗି ତାଇନାଃ, ଆଡ଼ଃ ଆପେୟା ଆପୁ ଦାନାଙ୍ଗ୍‌ରେ କାମିତେୟା ନେଲାଃଏ, ଇନିୟାଏ ଆପେକେ ନାଲାଏ ଏମାପେୟା ।

ବିକ୍ତିରେଆଃ ଇନିତୁ
(ଲୁକ ୧୧:୨-୪)

୫ *‘ଆପେ ବିକ୍ତି ଇମ୍‌ତା ବେଦାହଡ଼କ ଲେକା ଆଲ୍‌ପେ ରିକାନାଃ, ଚିୟାଃଟି ଇନ୍‌କୁ ହଡ଼କଆଃ ନେପେଲ୍‌ରେ ସାମାଜ୍ ଅଡ଼ାଃକରେ ଆଡ଼ଃ ହରା କଚାକରେ ତିଙ୍ଗ୍‌କେଦ୍‌ତେ ବିକ୍ତି ନାଗେନ୍ତେ ସୁକୁଆଃକ, ଆଇଙ୍ଗ୍ ଆପେକେ ସାର୍‌ଡ଼ିଗି କାଜିପେତାନାଇଙ୍ଗ୍, ଇନ୍‌କୁ ଆକଆଃ ନାଲା ନାମ୍ ଚାବାକାଦାକ । ୬ ମେନ୍‌ଦ୍ ଆପେ ବିକ୍ତି ଇମ୍‌ତା ଆପେୟା ଭିତାର୍

* ୫:୩୪ ୫:୩୫ ଯାକ୍‌କ ୫:୧୨; ମାଧୁର ୨୩:୨୨. * ୬:୧ ୬:୧ ମାଧୁର ୨୩:୫. * ୬:୫ ୬:୫ ଲୁକ ୧୮:୧୦-୧୪.

ବାଖରାରେ ବଲପେ ଆତ୍ମ ଦୁଆର ହାଣ୍ଡେଦକେଦତେ ଆପେୟାଃ କାଏ ନେଲଃତାନ୍ ସିର୍ମାରେନ୍ ଆପୁତାଃରେ ବିକ୍ରିପେ ଏକ୍ତେ ଦାନାଙ୍ଗରେ ନେଲ୍ତାନ୍ ଆପୁ ନାଲାଏ ଏମାପେୟା ।

୭ “ବିକ୍ରି ଇମ୍ତା ସାଅଁସାରକ ଲେକା ଏନାଏନାକେଗି ଆଲ୍ପେ କାଜିୟା, ଚିୟାଃଚି ଇନ୍କୁ ପୁରାଃ କାଜି କାଜିଲେରେ ଆକଆଃ ବିକ୍ରି ଆୟୁମଃଆ ମେକ୍ତେକ ଉଡ଼ୁୟା । ୮ ଏନା ନାଗେକ୍ତେ ଆପେ ଇନ୍କୁ ଲେକା ଆଲ୍ପେୟାଃ, ଚିୟାଃଚି ଆପେୟାଃ ସିର୍ମାରେନ୍ ଆପୁଦ ଆପେ ଆସି ସିଦାରେ ଆପେୟାଃ ଲାଗାତିଙ୍ଗ୍ତେୟାଃ ସାରିୟାଏ । ୯ ଏନାତେ ଆପେ ନେ ଲେକା ବିକ୍ରିପେ,

“ ହେ ଆଲେୟାଃ ସିର୍ମାରେନ୍ ଆବା;

ଆମାଃ ନୁତୁମ୍ ପାବିତାରଃକା;

୧୦ ଆମାଃ ରାଇଜ୍ ହିଜୁଃକା;

ଆମାଃ ମନେ ସିର୍ମାରେ ଲେକା ଅତେଦିଶୁମ୍ରେୟ ପୁରାଅଃକା ।

୧୧ ଆଲେୟାଃ ତିସିଙ୍ଗ୍ରେୟାଃ ଜମେୟାଃ ଏମାଲେମେ ।*

୧୨ ଆଲେ ଆଲେୟାଃ ଏଡ଼କାନ୍କକେ ଛାମାକେଦକ ଲେକା,

ଆଲେୟାଃ ପାପକ ଛାମାଏମେ ।

୧୩ ଆତ୍ମ ବିତାଅରେ ଆଲମ୍ ଆଡଲେୟା,

ମେନ୍ଦ ଏଡ଼କାନ୍ନିଃଏତେ ବାଞ୍ଛାଅଲେମ୍ ।

ଚିୟାଃଚି ରାଇଜ୍, ପେଡେଃ ଆତ୍ମ ମାନାରାଙ୍ଗ୍ ଜାତ ଜରଙ୍ଗ୍ ଆମାଃଗି ହବାଅଃକା, ଆମେନ୍ ।†

୧୪ *“ଆପେ ହଡ଼କଆଃ ଗୁଣ୍ଟାକପେ ଛାମାଏରେଦ, ଆପେୟାଃ ସିର୍ମାରେନ୍ ଆପୁ ଆପେକେୟାଗି ଛାମାପେୟା ।

୧୫ ମେନ୍ଦ ଆପେ ହଡ଼କଆଃ ଗୁଣ୍ଟାକେ କାପେ ଛାମାଏରେଦ, ଆପେୟାଃ ସିର୍ମାରେନ୍ ଆପୁହ୍ ଆପେକେ କାଏ ଛାମାପେୟା ।

କାଟାବ୍ ବିଷାଏରେ ଇନିତୁ

୧୬ “ଆପେ କାଟାବ୍ ଇମ୍ତା ବେଦାହଡ଼କ ଲେକା ଆଲ୍ପେ ଗସ ମେଦ୍ମୁହ୍ଡ଼େନା, ଚିୟାଃଚି ଇନ୍କୁଦ କାଟାବ୍ତାନାଲେ ମେକ୍ତେ ହଡ଼କଆଃ ଆୟାର୍ରେ ନେଲଃକାଲେ ମେକ୍ତେ ଆକ ଗସ ମେଦ୍ମୁହ୍ଡ଼ିକ ତାଇନାଃ । ଆଇଙ୍ଗ୍ ଆପେକେ ସାର୍ତ୍ତିଗି କାଜିପେତାନା, ଇନ୍କୁ ଆକଆଃ ନାଲା ନାମ୍ ଚାବାକାଦାକ । ୧୭ ମେନ୍ଦ ଆପେ କାଟାବ୍ ଇମ୍ତା ଆପେୟାଃ ମେଦ୍ମୁହ୍ଡ଼ି ଆବୁଙ୍ଗ୍ମେନ୍ଦେ ଆତ୍ମ ବହଃରେ ସୁନ୍ମ୍ ଗସଗେନ୍ଦେ । ୧୮ ନେ ଲେକାତେ ଆପେ ହଡ଼କଆଃ ଆୟାର୍ରେ କାଟାବ୍ତାନାକ ମେକ୍ତେଦ କା ମେନ୍ଦ କା ନେଲଃତାନ୍ ଆପୁତାଃରେ କାଟାବ୍ତାନାକ ମେକ୍ତେପେ ଉଦୁବଃଆ, ଆତ୍ମ ଦାନାଙ୍ଗରେ ନେଲ୍ତାନ୍ ଆପେୟାଃ ଆପୁ ନାଲାଏ ଏମାପେୟା ।

ସିର୍ମାରେ ଖୁଜ୍

(ଲୁକ ୧୨:୩୩-୩୪)

୧୯ *“ନେ ଅତେରେ ଆପେୟାଃ ନାଗେକ୍ତେ ଖୁଜ୍ ଆଲ୍ପେ ହୁଣ୍ଡିଆଃ, ନେତାଃରେ ନିଦିରକ ଆତ୍ମ ମୁର୍ଗାଜମକେଦତେ ଜିୟନଃଆ ଆତ୍ମ କୁମ୍ତୁକୁ ସିହି ତଡ଼ାଅକେଦତେ କୁମ୍ତୁଆଃକ । ୨୦ ମେନ୍ଦ ଆପେ ନାଗେକ୍ତେ ସିର୍ମାରେ ଖୁଜ୍ ହୁଣ୍ଡିପେ, ଏକ୍ତାଃରେ ତିକୁ ଆତ୍ମ ନିଦିର୍ କାକ ଜିୟନେଆ ଆତ୍ମ କୁମ୍ତୁକୁ ସିହି ତଡ଼ାଅକେଦତେ କାକ କୁମ୍ତୁଆଃ । ୨୧ ଚିୟାଃଚି ଆପେୟାଃ ଖୁଜ୍ ତାଇନଃତାଃରେଗି ଆପେୟାଃ ମନ୍ ତାଇନାଃ ।

ହଡ଼ମ୍ରେୟାଃ ମାର୍ସାଲ୍

(ଲୁକ ୧୧:୩୪-୩୬)

୨୨ “ମେଦ୍ଦ ହଡ଼ମ୍ରେୟାଃ ଦିମି ତାନାଃ, ଆପେୟାଃ ମେଦ୍ ନିରାଲ୍ ମେନାଃରେଦ ଗଟା ହଡ଼ମ୍ତାପେୟାଃ ମାର୍ସାଲଃଆ । ୨୩ ମେନ୍ଦ ଆପେୟାଃ ମେଦ୍ ଏଡ଼କାନ୍ ମେନାଃରେଦ, ଆପେୟାଃ ଗଟା ହଡ଼ମ୍ ନୁବାଗଃଆ । ଏନା ନାଗେକ୍ତେ ଆପେରେ ତାଇନଃତାନ୍ ମାର୍ସାଲ୍ ନୁବାଗଃରେଦ, ଚିମିନ୍ ମାରାଙ୍ଗ୍ ବରଝାନ୍ ନୁବାଃ ହବାଅଆଃ ।

ପାର୍ମେଶ୍ୱାର୍ ଆତ୍ମ ଖୁଜ୍

(ଲୁକ ୧୨:୧୩; ୧୨:୨୨-୩୧)

୨୪ “ଜେତାଏ ବାରିଆ ଗମ୍କେକିନାଃ ଦାସି କାଏ ହବାଦାଡ଼ିୟଃଆ । ଚିୟାଃଚି ଇନିଃ ମିହୁଡ଼କେ ହିଲାଙ୍ଗ୍ଇୟାଏ ଆତ୍ମ ଏଟାଃ ମିହୁଡ଼କେ ଦୁଲାଡ଼ିୟାଏ, ତାଏ ମିଆଁଦ୍ନିଃଲଃ ମେସାନାଏ ଆତ୍ମ ଏଟାଃନିଃଲଃ କାଏ ମେସାନା । ଆପେ ପାର୍ମେଶ୍ୱାର୍ ଆତ୍ମ ଖୁଜ୍ ବାରାନାଃରେ କାପେ ଦାସିଦାଡ଼ିନା ।”

* ୭:୧୧ ୭:୧୧ ଆଲେୟାଃ ଲାଗାତିଙ୍ଗ୍ତେୟାଃ ତିସିଙ୍ଗ୍ ଆତ୍ମ ଗାପା ନାଗେକ୍ତେ † ୭:୧୩ ୭:୧୩ ନେ ବାଚାନ୍ ତିମିନ୍ ମାରି ଅନଲ୍ରେ ବାନଆଃ ☆ ୭:୧୪ ୭:୧୪ ମାର୍କ ୧୧:୨୫,୨୬. ☆ ୭:୧୯ ୭:୧୯ ଯାକୁବ ୫:୨,୩.

୨୫ “ଏନାମେନ୍ତେ ଆଇଙ୍ଗ ଆପେକେ କାଜିପେତାନାଇଙ୍ଗ, ଜାନିଦ୍ ତାଇନ୫ ନାଗେନ୍ତେ ଚିକ୍ନା୫ରୁ ଜମା୫ ଆତ୫ ଚିକ୍ନା୫ରୁ ନୁଁଏୟା, ଚାଏ ହଡ଼ମ୍ରେ ଚିକ୍ନା୫ରୁ ତୁସିଙ୍ଗ୍‌ୟେନା ମେନ୍ତେ ଆପେୟା୫ ଜୀଉରେ ଆଲ୍‌ପେ ଉଡ଼ୁୟା । ଜମେୟା୫ଏତେ ଜୀଉ ଆତ୫ ଲିଜା୫ଏତେ ହଡ଼ମ୍ କା'ଚି ମାରାଙ୍ଗ୍‌ଆଁ ? ୨୬ ଚେଟ୍‌କେକେ ନେଲ୍‌କପେ, ଇନକୁ କାକ ହେରେୟା ଚାଏ କାକ ଇରେୟା, ଆତ୫ ଇନକୁଆ୫ ଭାଣ୍ଡା୫ ଅଡ଼ା୫ରେ କାକ ହୁଣ୍ଡିଆ୫, ହଲେହ୍ ଆପେୟା୫ ସିମ୍‌ରେନ୍ ଆପୁ ଇନକୁକେ ଆସୁଲ୍‌କତାନାଏ । ଆପେ ଚିନା୫ ଇନକୁତା୫ଏତେ କାପେ ମାରାଙ୍ଗ୍‌ଆ୫ ? ୨୭ ଆପେକଏତେ ଅକଏ ଉଡ଼ୁ୫କେଦ୍‌ତେ ଆୟା୫ ଜୀଉକେ ମିଦ୍ ଘାଡ଼ି ପସାଦାଡ଼ିୟାଏ ?

୨୮ “ଆତ୫ ଆପେ ଲିଜା୫ ନାଗେନ୍ତେ ଚିନା୫ ମେନ୍ତେପେ ଉଡ଼ୁତାନା ? ଅତେରେୟା୫ ବାହାକକେ ନେଲେପେ, ଏନାକ ଚିଲ୍‌କା ହାରାତାନା, ଏନାକ କାକ କାମିତାନା, ଚାଏ କାକ ତୁକୁଇତାନା, ୨୯ ହଲେହ୍ ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ସୁଲିମାନହ୍ ଆୟା୫ ସବେନ୍ ସୁଗାଡ଼ାନ୍‌ତେୟା୫ଏତେ ଏନ୍ ବାହାକ ଲେକା କାଏ ସିଙ୍ଗା୫ରାକାନ୍ ତାଇକେନା । ୩୦ ତିସିଙ୍ଗ୍ ମେନା୫ ଆତ୫ ଗାପା ତୁଲ୍‌ରେ ହାଁଣାବ୫ତାନ୍ ଅତେରା୫ ତାସାଦ୍‌କେ ପାର୍‌ମେଶ୍‌ୱାର୍ ନେ ଲେକାଏ ସିଙ୍ଗା୫ରେ ରେଦ, ଏ ହୁଡ଼ିଙ୍ଗ୍ ବିଶ୍ୱାସ୍‌ତାନକ, ଚିୟା୫ ଇନି୫ ନେଆଁଏତେ ଆଦ୍‌କା ଆପେକେ କାଏ ତୁସିଙ୍ଗ୍‌ପେୟା ?

୩୧ “ଏନା ନାଗେନ୍ତେ ‘ଚିକ୍ନା୫ରୁ ଜମେୟା ? ଚାଏ ଚିକ୍ନା୫ରୁ ନୁଁଏୟା ? ଚାଏ ଚିକ୍ନା୫ରୁ ତୁସିଙ୍ଗ୍‌ୟେନା ?’ ମେନ୍ତେ ଆଲ୍‌ପେ ଉଡ଼ୁରେୟା । ୩୨ ଚିୟା୫ଚି ସାଅଁସାର୍ ହଡ଼କ ନେ ସବେନା୫ ଦାଣ୍ଡା୫ବାଡ଼ା୫କ, ଆତ୫ ନେ ସବେନା୫ ଆପେୟା୫ ଲାଗାଡ଼ିଙ୍ଗ୍‌ୟା୫, ଏନା ଆପେୟା୫ ସିମ୍‌ରେନ୍ ଆପୁ ସାରିୟାଏ । ୩୩ ମେନ୍ଦ୍ ଆପେ ସିଦାତେ ପାର୍‌ମେଶ୍‌ୱାର୍‌ଆ୫ ରାଇଙ୍ଗ୍ ଆତ୫ ଇନିୟା୫ ଧାର୍‌ମାନ୍ କାଜି ଦାଣ୍ଡାଏପେ, ଆତ୫ ନେ ସବେନା୫ହ୍ ଆପେକେ ଏମ୫ଆ । ୩୪ ଏନା ନାଗେନ୍ତେ ଗାପାନାଙ୍ଗ୍ ଆଲ୍‌ପେ ଉଡ଼ୁୟା, ଚିୟା୫ଚି ଗାପାଦ୍ ଆୟା୫ ନାଙ୍ଗ୍ ଆଇ୫କ୍‌ଚି ଉଡ଼ୁୟା । ମୁସିଙ୍ଗ୍‌ରେୟା୫ ଦୁକୁ ମୁସିଙ୍ଗ୍ ନାଗେନ୍ତେ ଥୁମ୍‌ଗିଆ ।



ଏଟା୫କକେ ବିଚାର୍‌ଏମ୫
(ଲୁକ ୬:୩୭-୩୮, ୪୧-୪୨)

୧ “ଏଟା୫କକେ ଆଲ୍‌ପେ ବିଚାର୍‌କଆ, ଏନାରେ ପାର୍‌ମେଶ୍‌ୱାର୍ ଆପେକେ କାଏ ବିଚାର୍‌ପେୟା । ୨ ଚିୟା୫ଚି ଆପେ ଏଟା୫କକେ ବିଚାର୍‌କ ଲେକାଗି ପାର୍‌ମେଶ୍‌ୱାର୍ ଆପେକେ ବିଚାର୍‌ପେୟାଏ, ଆତ୫ ଆପେ ସଙ୍ଗେ ତାମ୍‌ରେଗି ଆପେ ନାଗେନ୍ତେ ସୋଙ୍ଗା୫ଆ । ୩ ଆମ୍ ଆମା୫ ମେଦ୍‌ରେଆ୫ ରୁବା୫ କା ନେଲ୍‌କେଦ୍‌ତେ ହାଗାମା୫ ମେଦ୍‌ରେଆ୫ ହୁଡ଼ିଙ୍ଗ୍ ରୁବା୫ ଚିକା ନାଗେନ୍ତେମ୍ ନେଲେତାନା ? ୪ ଆମା୫ ମେଦ୍‌ରେ ରୁବା୫ ତାଇନ୍‌କେଦ୍‌ତେ, ‘ହାଗାମା୫ ମେଦ୍‌ରେଆ୫ ରୁବା୫କେ ଅଡ଼ଙ୍ଗ୍‌ତାମାଇଙ୍ଗ୍’ ମେନ୍ତେ ଚିଲ୍‌କାତେ କାଜି ଦାଡ଼ିୟାମ୍ ? ୫ ଏ ବେଦାହଡ଼, ସିଦାତେ ଆମା୫ ମେଦ୍‌ରେଆ୫ ରୁବା୫ ଅଡ଼ଙ୍ଗ୍‌ୟେମେ, ଏନ୍ତେ ହାଗାମା୫ ମେଦ୍‌ରା୫ ରୁବା୫ ଅଡ଼ଙ୍ଗ୍ ନାଗେନ୍ତେ ବୁଗିଲେକାମ୍ ନେଲ୍‌ଦାଡ଼ିୟା ।

୬ “ପାବିତାର୍‌ତେୟା୫ ସେତାକକେ ଆଲ୍‌ପେ ଏମାକଆ ଚାଏ ଆପେୟା୫ ମୋଡ଼ି ସୁକୁରିକଆ୫ ଆୟାର୍‌ରେ ଆଲ୍‌ପେ ଏଣ୍ଡା୫ଏୟା, କା'ରେଦ୍ ଇନକୁ ଏନାକକେ ଆକଆ୫ କାଟାତେକ ଡିକାଏୟା ଆତ୫ ରୁହାଡ଼କେଦ୍‌ତେ ଆପେକେ ଅଡ଼େ୫ପେୟାକ ।

ଆସି, ଦାଣ୍ଡା ଆତ୫ ଦୁଆର୍‌ରେ ଠକ୍ ଠକାଏପେ
(ଲୁକ ୧୧:୯-୧୩)

୭ “ଆସିପେ ଏନାରେଦ୍ ଆପେକେ ଏମ୫ଆ, ଦାଣ୍ଡାଏପେ ଏନ୍‌ରେଦ୍‌ପେ ନାମେୟା, ଦୁଆର୍ ଠକ୍ ଠକାଏପେ ଏନ୍‌ରେଦ୍ ଆପେ ନାଗେନ୍ତେ ନିଜଆ୫ । ୮ ଚିୟା୫ଚି ଜେତାଏ ଆସିତାନିନି୫ଦ୍ ତେଲାଇମା୫, ଆତ୫ ଦାଣ୍ଡାଏନି୫ଦ୍ ନାମେୟାଏ, ଆତ୫ ଠକ୍ ଠକାଏନି୫ ନାଗେନ୍ତେ ନିଜଆ୫ । ୯ ଆପେକଏତେ ଅକନ୍ ହଡ଼ ନେ'ଲେକା ମେନାଇୟା, ଆୟା୫ ହନ୍ ହଲଙ୍ଗ୍ ଆସିରେଦ୍, ଚିନା୫ ଇନି୫କେ ଦିରି ଏମାଲ୍‌ୟାଏ, ୧୦ ଚାଏ ହାକୁ ଆସିରେଦ୍ ଚିୟା୫ ଇନି୫କେ ବିଙ୍ଗ୍ ଏମାଲ୍‌ୟାଏ ? ୧୧ ଏନ୍ତେ ଆପେ ଏଡ଼କାନ୍‌କ ତାଇନ୍‌ରେୟା, ଆପେୟା୫ ହନ୍‌କକେ ବୁଗିନା୫ ଏମ୫ପେ ସାରିୟା, ତାଦ୍‌ ଆପେୟା୫ ସିମ୍‌ରେନ୍ ଆପୁ, ଅକନ୍‌କଚି ଆଇ୫କ୍‌କେ ଆସି ତାନାକ, ଇନକୁକେ ଏନାଏତେ ଆଦ୍‌କା ବୁଗିନ୍‌ତେୟା୫ କାଏଚି ଏମାକଆ !

୧୨ “ଏନାମେନ୍ତେ ହଡ଼କ ଆଲେନାଙ୍ଗ୍ ରିକାଏକାକ ମେନ୍ତେପେ ସାନାଙ୍ଗ୍‌ତାନ୍ ଲେକା ଆପେୟାଗି ଇନକୁ ନାଗେନ୍ତେ ଏନ୍‌ଲେକା ରିକାଏପେ, ଚିୟା୫ଚି ନେଆଁଗି ମୁଶା୫ରା୫ ଆନ୍‌ତୁ ଆତ୫ ନାବୀକଆ୫ ଇନିତୁରା୫ ମୁଣ୍ଡିତାନା୫ ।

ରେସେଦ୍ ଦୁଆର୍
(ଲୁକ ୧୩:୨୪)

୧୩ “ରେସେଦ୍ ଦୁଆର୍‌ତେ ବଲ୍‌ପେ, ଚିୟା୫ଚି ଜିୟନ୫ତେ ଇଦି ନାରାକ୍ ଦୁଆର୍‌ଦ୍ ଚାକାର୍‌ଗିୟା ଆତ୫ ଏନ୍ ହରାତେ ସେନ୍ ନାଙ୍ଗ୍ ପୁରା୫ଗି ସାହାଜ୍‌ଗିଆ, ଏନାରେ ବଲ୍‌ନାଙ୍ଗ୍ ପୁରା୫ ହଡ଼କ ମେନାକଆ । ୧୪ ମେନ୍ଦ୍ କା ଚୁଣ୍ଡି ଜୁଦାନ୍‌ତେ

☆ ୨:୨ ୭:୨ ମାର୍କ ୪:୨୪. ☆ ୨:୧୨ ୭:୧୨ ଲୁକ ୬:୩୧.

ସେତେବେଳେ ଦୁଆର ରେସେଦଗିଆ ଆଡ଼ଃ ଏନ୍ ହରାତେ ସେନ୍ ନାଙ୍ଗ ପୁରାଃଗି କେଟେଦଗିୟା, ଏନାକେ ନାମେ ହଡ଼କ ହୁଡ଼ିଙ୍ଗି ମେନାକଆ ।

**ଦାରୁ ଆଡ଼ଃ ଏନାରେୟାଃ ଜ
(ଲୁକ ୭:୪୩-୪୪)**

୧୫ “ହସଡ଼ ନାବୀକତାଃଏତେ ଚିର୍ଗାଲାନପେ, ଇନ୍କୁ ବାହାରି ନେପେଲରେ ମିଣ୍ଡିକ ଲେକା ଆପେୟାଃ ହେପାଦତେକ ହିଜୁଃଆ, ମେନ୍ଦ ଇନ୍କୁ ଭିତାର ନେପେଲରେ ହୁଣ୍ଡାକ ଲେକାନକ ତାନକ । ୧୬ ଆପେ ଇନ୍କୁଆଃ କାମିତେ ଇନ୍କୁକେପେ ନେଲ୍ଡରୁମକଆ । ଚିୟାଃ ହଡ଼କ ଜାନୁମ୍ ଦାରୁଏତେ ଦାଖ୍ ଜ ଚାଏ ଦଧାଡ଼ି ଦାରୁଏତେ ଲଆ ଜ ଗଦେୟାକ ? ୧୭ ଏନ୍ ଲେକାତେ ସବେନ୍ ବୁଗିନ୍ ଦାରୁ ବୁଗିନ୍ ଜ ଜଅଃତାନା ମେନ୍ଦ ଏଡ଼କାନ୍ ଦାରୁ ଏଡ଼କାନ୍ ଜ ଜଅଃଆ । ୧୮ ବୁଗିନ୍ ଦାରୁଏତେ ଏଡ଼କାନ୍ ଜ କା ଜ ଦାଡ଼ିୟାଆ, ଚାଏ ଏଡ଼କାନ୍ ଦାରୁଏତେ ବୁଗିନ୍ ଜ କା ଜଅଃଆ । ୧୯ ଖଜେତା ଦାରୁଏତେ ବୁଗିନ୍ ଜ କା ଜ’ରେଦ, ଏନା ମାଗଃଆ ଆଡ଼ଃ ସେଙ୍ଗେଲରେ ଏଣ୍ଡାଗଃଆ । ୨୦ ଏନାମେନ୍ତେ ଆପେ ହସଡ଼ ନାବୀକଆଃ କାମିତେ ଇନ୍କୁକେପେ ନେଲ୍ଡରୁମକଆ ।

**ଆଇଙ୍ଗ୍ ଆପେକେ କାଇଙ୍ଗ୍ ସାରିୟା
(ଲୁକ ୧୩:୨୫-୨୭)**

୨୧ “ଆଇଙ୍ଗ୍କେ ‘ହେ ପ୍ରାଭୁ, ହେ ପ୍ରାଭୁ’ ମେତାଇଙ୍ଗ୍ତାନ ଏନ୍ ହଡ଼କଏତେ ସବେନ୍ ହଡ଼କ ସିର୍ମା ରାଇଙ୍ଗ୍ରେ କାକ ବଲଆ, ମେନ୍ଦ ଜେତାଏ ଆଇଁୟାଃ ସିର୍ମାରେନ୍ ଆପୁଆଃ ମନେଲେକା ସେସେନ୍ନିଃ ବଲଆଏ । ୨୨ ପାରମେଶ୍ୱାର୍ଆଃ ସାଜାଇ ହୁଲାଙ୍ଗ୍ ହିଜୁଃରେ, ପୁରାଃ ହଡ଼କ ଆଇଙ୍ଗ୍କେ ‘ହେ ପ୍ରାଭୁ, ହେ ପ୍ରାଭୁ, ଚିୟାଃ ଆଲେ ଆମାଃ ନୁଡୁମ୍ତେ ପାରମେଶ୍ୱାର୍ଆଃ କାନାଜି କାଲେଟି କାଜି ? ଆମାଃ ନୁଡୁମ୍ତେ ବଙ୍ଗାକକେ କାଲେଟି ହାରଅଡ଼ଙ୍ଗ୍ ? ଆଡ଼ଃ ଆକ୍ଦାନ୍ଦାଆ କାମି କାଲେଟି କାମି ?’ ୨୩ ଏନ୍ତେ ଆଇଙ୍ଗ୍ ଇନ୍କୁକେ ମେତାକଆଇଙ୍ଗ୍, ‘ଆଇଙ୍ଗ୍ ଆପେକେ କାଇଙ୍ଗ୍ ସାରିୟାଃ, ଏ ଏଡ଼କାନ୍କ, ଆଇଙ୍ଗ୍ତାଃଏତେ ଆତମେନ୍ଦେ ।’

**ବାରହଡ଼ ଅଡ଼ଃ ବାବାଇକିନ୍
(ଲୁକ ୭:୪୭-୪୯)**

୨୪ “ଏନା ନାଗେନ୍ତେ ଜେତାଏ ଆଇଁୟାଃ ନେ ସବେନ୍ କାଜି ଆୟୁମ୍କେଦ୍ତେ ମାନାତିଙ୍ଗ୍ନିଃ, ଚାଟେନ୍ ଦିରିରେ ଆୟାଃ ଅଡ଼ଃ ବାଇକେଦ୍ ସେଣ୍ଡିନ୍ ହଡ଼ ଲେକାଃଏ । ୨୫ ଦାଆଃ ଗାମାକେଦାଏ, ଚୁଡ଼ାୟାନା, ଆନ୍ଦିହୟ ହୟକେଦାଏ ଆଡ଼ଃ ଅଡ଼ଃରେ ଚଅଃୟାନା, ମେନ୍ଦ ଏନା କା ହାଦୁଡ଼ୟାନା, ଚିୟାଃଟି ଏନାଦ ଚାଟେନ୍ ଦିରି ତେତାନ୍ରେ ବାଇୟାକାନ୍ ତାଇକେନା ।

୨୬ “ମେନ୍ଦ ଜେତାଏ ଆଇଁୟାଃ ନେ ସବେନ୍ କାଜି ଆୟୁମ୍କେଦ୍ତେ କା ମାନାତିଙ୍ଗ୍ନିଃ, ଗିତିଲ୍ରେ ଆୟାଃ ଅଡ଼ଃ ବାଇକେଦ୍ ତଣ୍ଡ ହଡ଼ ଲେକାଃଏ । ୨୭ ଦାଆଃ ଗାମାକେଦାଏ, ଚୁଡ଼ାୟାନା, ଆନ୍ଦିହୟ ହୟକେଦାଏ ଆଡ଼ଃ ଅଡ଼ଃରେ ଚଅଃୟାନା, ଏନ୍ତେ ଏନା ହାଦୁଡ଼ୟାନା, ଆଡ଼ଃ ଏନାରାଃ ଜିୟନଃ ପୁରାଃ ବରଞ୍ଜାନ୍ଗି ହବାୟାନା ।”

ୟାଣ୍ଡୁଆଃ ଆକ୍ତେୟାର୍

୨୮ ଖୟାଣ୍ଡୁ ନେ କାଜିକ କାଜିଚୁଣ୍ଡୁକେଦ୍ତି, ଗାଦେଲ୍ ହଡ଼କ ଇନିୟାଃ ଇନିତୁରେ ଆକ୍ଦାନ୍ଦାୟାନାକ, ୨୯ ଚିୟାଃଟି ଇନିଃଦ ଇନ୍କୁଆଃ ଆଇନ୍ ଇଡୁକ ଲେକାଦ କାହା, ମେନ୍ଦ ମିଆଁଦ୍ ଆକ୍ତେୟାର୍ ନାମାକାଦ୍ନିଃଲେକା ଇଡୁକ ତାଇକେନା ।



**ୟାଣ୍ଡୁ ମିଆଁଦ୍ ନାଗେଦାଅନିଃକେ ବୁଗି ତାନା
(ମାର୍କ ୧:୪୦-୪୫; ଲୁକ ୫:୧୭-୧୭)**

୧ ଯାଣ୍ଡୁ ବୁରୁଏତେ ଆଡ଼ଗୁୟାନ୍ତି, ଗାଦେଲ୍ ହଡ଼କ ଇନିଃକେକ ଅଡ଼ଙ୍ଗିୟା । ୨ ଏନ୍ତେ ମିଆଁଦ୍ ନାଗେଦାଅନିଃ ଇନିଃତାଃ ହିଜୁଃକେଦ୍ତେ, ଇକ୍ଡୁକ୍ତେଦ୍ତେ ବିନ୍ତିତାନ୍ଲଃ କାଜିକିୟାଏ, “ହେ ପ୍ରାଭୁ, ଆମ୍ ସାନାଙ୍ଗ୍ରେଦ ଆଇଙ୍ଗ୍କେ ବୁଗିନିୟାର୍ ଦାଡ଼ିୟାମ୍ ।”

୩ ଏନ୍ତେ ଯାଣ୍ଡୁ ଆୟାଃ ତିଃଇ ଜିଲିଙ୍ଗ୍କେଦ୍ତେ ଜୁଟିଦ୍କିୟାଏ ଆଡ଼ଃ କାଜିକିୟାଏ, “ଆଇଙ୍ଗ୍ ସାନାଙ୍ଗ୍ତାନିଙ୍ଗ୍ ଆମ୍ ବୁଗିନିୟାରଃମେ ।” ଆଡ଼ଃ କାଜିତାନ୍ ତରସାଗି ଇନିୟାଃ ନାଗେଦାଅ ଫାର୍ତିୟାନା । ୪ ଏନ୍ତେ ଯାଣ୍ଡୁ ଇନିଃକେ କାଜିକିୟାଏ, “ନେଲେମେ, ଜେତାଏକେ ନେ କାଜି ଆଲମ୍ ଉଦୁବ୍କଆଃ, ମେନ୍ଦ, ଜୁ, ଯାଜାକ୍ତାଃରେ ଉଦୁବେନ୍ମେ ଆଡ଼ଃ ଆମ୍ ବୁଗିୟାକାନାମ୍ ମେନ୍ତେ ଇନ୍କୁଆଃ ଗାଞ୍ଜା ନାଗେନ୍ତେ ମୁଣା ନାବୀ ଆଡୁକାଦ୍ ଦାଣ୍ଡୋରାଃ ଦାନ୍ ରାକାବେମେ ।”

☆ ୭:୧୯ ୭:୧୯ ମାଧୁର ୩:୧୦; ଲୁକ ୩:୯. ☆ ୭:୨୦ ୭:୨୦ ମାଧୁର ୧୨:୩୩. ☆ ୭:୨୮ ୭:୨୮ ମାର୍କ ୧:୨୨; ଲୁକ ୪:୩୨.

ୟୀଶୁ ମିତ୍ ସାଥ ସିପାଇକଆଃ ଗମ୍ଭକେୟାଃ ଦାସିକେ ବୁଗି ତାନା
(ଲୁକ ୭:୧-୧୦; ଯୋହାନ୍ ୪:୪୩-୫୪)

^୫ ୟୀଶୁ କପରନାହୁମ୍ ସାହାରତେ ବଲୟାନ୍ ଇମତା ମିତ୍‌ଶାଥ ସିପାଇକଆଃ ମିଆଁଦ୍ ରୋମି ଗମ୍ଭକେ ଇନିଃତାଃତେ ହିଜୁଃୟାନା ଆତଃ ଦେଞ୍ଜାନାଞ୍ ବିକ୍ରିକିୟାଏ, ^୬ “ହେ ଗମ୍ଭକେ, ଦାସିତାଇଞ୍ ବାଡ଼କାନତେ ଅଡ଼ାଃରେ ବିରିଦ୍‌ବାଡ଼ା କାଏ ଦାଡ଼ିତାନ ଆତଃ ବରଞ୍ଜାନଗି ଦୁକୁତାନାଏ ।”

^୭ ୟୀଶୁ ଇନିଃକେ କାଜିକିୟା, “ଆଇଞ୍ ସେନକେଦତେ ଇନିଃକେ ବୁଗିଆଇଞ୍ ।”

୮ ମେନ୍ଦ ମିତ୍‌ଶାଥ ସିପାଇକଆଃ ଗମ୍ଭକେ କାଜିରୁହାଡ଼କିୟା, “ହେ ଗମ୍ଭକେ, ଆମ୍ ଆଇଁୟାଃ ଅଡ଼ାଃରେମ୍ ବଲଆ ଏନ୍ ଲେକାନନିଃଦ ନାହାଁଲିଞ୍, ମେନ୍ଦ ମିସାଗି କାଜିତାମ୍ ଏନ୍‌ରେଦ ଦାସି ତାଇୟାଃ ବୁଗିକଆଃଏ । ^୯ ଚିୟାଃତି ଆଇଞ୍ ହିଁ ଏଟାଃକଆଃ ଆକ୍‌ତେୟାରରେ ମେନାଇୟାଃ, ସିପାଇକ ଆଇଁୟାଃ ଆକ୍‌ତେୟାରରେ ମେନାକଆଃ । ଆଇଞ୍ ମିହୁଡ଼କେ ସେନଃମେ ମେତାଇରେଦ ଇନିଃ ସେନଃଆଏ ଆତଃ ଏଟାଃନିଃକେ ହିଜୁଃମେ ମେତାଇରେ ଇନିଃ ହିଜୁଃଆଏ । ଆଇଁୟାଃ ଦାସିକେ ନେୟାଁ କାମିମେ ମେତାଇରେ ଇନିଃ କାମିୟାଏ ।”

^{୧୦} ୟୀଶୁ ନେଆଁ ଆୟୁମକେଦତେ ଆକ୍‌ଦାନ୍‌ଆୟାନା ଆତଃ ଆଇଃକକେ ଅତଞ୍‌ଇଁତାନ ହଡ଼କକେ ମେତାଦକଆ, “ଆଇଞ୍ ଆପେକେ ସାର୍‌ତିଗି କାଜିପେତାନାଇଞ୍, ଇସ୍ରାଏଲରେହ ନେ ଲେକାନ ମାରାଞ୍ ବିଶ୍ୱାସ୍ କାଇଞ୍ ନାମ୍‌କାଦା । ^{୧୧} *ଆଇଞ୍ ଆପେକେ କାଜିପେତାନାଇଞ୍, ପୁରାଃ ହଡ଼କ ପୁରାବ୍ ଆତଃ ପାଶ୍ଟିମ୍‌ଏତେକ ହିଜୁଃଆ, ଏନ୍ତେ ଆଗ୍ରାହାମ୍, ଇସାକ୍, ଆତଃ ଯାକୁବ୍‌ତେକଲଃ ସିମାଁ ରାଇଞ୍ରେ ଜଜମ୍ ନାଞ୍‌କ ଦୁବାଃ, ^{୧୨} *ମେନ୍ଦ ଏନ୍ ରାଇଞ୍ରେନ୍ ହନ୍‌କ ନୁବାଃଉତାରରେକ ହୁରାଞ୍ ଏଣ୍ଡାଗଆଃ । ଏନ୍ତାଃରେ ଆକଆଃ ରାନାଆଃ ଆତଃ ତାଗ ହାବ୍ ରିଡିଦଃଆ ।” ^{୧୩} ଏନ୍ତେ ୟୀଶୁ ମିତ୍ ସାଥ ସିପାଇକଆଃ ଗମ୍ଭକେ କେ କାଜିକିୟା, “ଜୁ ଅଡ଼ାଃତେ ସେନଃମେ, ଆତଃ ଆମ୍ ବିଶ୍ୱାସ୍‌କାଦ୍ ଲେକା ଆମାଃ ନାଗେନ୍ତେ ହବାଅଃକା ।”

ଆତଃ ମିତ୍ ସାଥ ସିପାଇକଆଃ ଗମ୍ଭକେୟାଃ ଦାସି ଏନ୍ ଦିପିଲିରେଗି ବୁଗିୟାନା ।

ୟୀଶୁ ପୁରାଃ ଦୁକୁତାନ ହଡ଼କକେ ବୁଗିକେଦକଆ
(ମାର୍କ ୧:୨୯-୩୪; ଲୁକ ୪:୩୮-୪୧)

^{୧୪} ୟୀଶୁ ପାଡ଼ରାସ୍‌ଆଃ ଅଡ଼ାଃତେ ହିଜୁଃୟାନଗି, ଇନିଃ ପାଡ଼ରାସ୍‌ଆଃ ହାନାରତେକେ ଉରିୟୁତେ ପାରକମ୍‌ରେ ବାଟିୟାକାନ ନେଲକିୟାଏ । ^{୧୫} ଏନ୍ତେ ୟୀଶୁ ଇନିୟାଃ ତିଃଇ ଜୁଟିଦକେଦାଏ ଆତଃ ଇନିଃ ଉରିୟୁଏତେ ବୁଗିୟାନା, ଏନ୍ତେ ଇନିଃ ବିରିଦକେଦତେ ଇନିୟାଃ ସୁସାର୍ ଏଟେଦକେଦାଏ ।

^{୧୬} ସିଜିହାସୁରଃ ତାନରେ ହଡ଼କ ପୁରାଃ ବଜା ଏସେରକାନ ହଡ଼କକେ ୟୀଶୁତାଃତେକ ଆଡକେଦକଆ । ଇନିଃ ବଜାକକେ କାଜିତେଗି ହାର୍ ଅତଞ୍‌କେଦକଆ ଆତଃ ସବେନ୍ ଦୁକୁହାସୁତାନକକେ ବୁଗିକେଦକଆ । ^{୧୭} ଯିଶାୟ ନାବୀ କାଜିକାଦ୍‌ତେୟାଃ ପୁରାଅଃକା ମେନ୍ତେ ଇନିଃ ନେ ଲେକାଏ କାମିକେଦା, “ଇନିଃ ଆଇଃକଗି ଆରୁଆଃ ଦୁକୁହାସୁକଏ ଗଅଃଇଦିକେଦା ।”

ୟୀଶୁକେ ଅତଞ୍‌ଇଁରାଃ ଗନଞ୍
(ଲୁକ ୯:୫୭-୬୨)

^{୧୮} ୟୀଶୁ ଆୟାଃ ଉପୁନ୍‌ସାଃରେ ପୁରାଃ ହଡ଼କକେ ନେଲକେଦତେ ଦରେୟା ହାନ୍ ପାରମ୍‌ତେବୁ ସେନା ମେନ୍ତେ ଚେଲକକେ ଆରୁକେଦକଆ । ^{୧୯} ଏନ୍ତେ ମିଆଁଦ୍ ଆଇନ୍ ଇଜୁନିଃ ହିଜୁଃକେଦତେ କାଜିକିୟା, “ହେ ଗୁରୁ, ଆମ୍ କତେମ୍ ସେନା ଏନ୍ତେଇଞ୍ ଅତଞ୍‌ମେୟାଁ ।”

^{୨୦} ୟୀଶୁ ଇନିଃକେ କାଜିରୁହାଡ଼କିୟା, “ତୁୟୁକଆଃଦ ଲାତା ମେନାଃ ଆତଃ ସିମାଁ ଲାତାରରେନ୍ ଚେଟ୍‌କିଆଃ ଅକା ମେନାଃ ମେନ୍ଦ ମାନଞ୍‌ହନ୍‌ଆଃ ବହଃ ଦହନାଞ୍ ଠାୟାଦ୍ ବାନଆଃ ।”

^{୨୧} ଆୟାଃ ଚେଲକଏତେ ଏଟାଃନିଃ କାଜିକିୟାଏ, “ହେ ପ୍ରାଭୁ, ସିଦାତେ ଆପୁଇଞ୍‌କେ ତପାଇ ନାଗେନ୍ତେ ସେନ୍‌ଇତିଞ୍‌ମେ ।”

^{୨୨} ମେନ୍ଦ ୟୀଶୁ କାଜିରୁହାଡ଼କିୟାଏ, “ଅତଞ୍‌ଇଁଞ୍‌ମେ, ଆତଃ ଗଏଃକାନକ ଆକଆଃ ଗଏଃକାନକକେ ତପାକକାକ ।”

ୟୀଶୁ ମାରାଞ୍ ହୟକେ ହାପାଉତାରକେଦା
(ମାର୍କ ୪:୩୫-୪୧; ଲୁକ ୮:୨୨-୨୫)

^{୨୩} ୟୀଶୁ ଲାଉକାରେ ଦେଏଃୟାନା ଆତଃ ଇନିୟାଃ ଚେଲକ ଇନିଃକେକ ଅତଞ୍‌କିୟା । ^{୨୪} ଏନ୍ତେ ନେଲେପେ, ଦରେୟାରେ ଇମ୍‌ତାଞ୍‌ଗି ଦୁଦୁଗାର୍‌ହୟ ବିରିଦ୍‌ୟାନା ଆତଃ ଲାଉକାରେ ଆଲ୍‌ପୁଞ୍‌କ ରାକାବ୍‌ୟାନା, ଆତଃ ଲାଉକା ତୁବିଃଗୟାନ୍ ଲେକା ହବାୟାନା । ମେନ୍ଦ ୟୀଶୁ ଦୁଡ଼ମ୍ ତାଇକେନାଏ । ^{୨୫} ଚେଲକ ଇନିଃତାଃତେ ସେନ୍‌କେଦତେ ବିରିଦିତାନଲଃ କାଜିକିୟାକ, “ହେ ପ୍ରାଭୁ, ବାସ୍ତାଅଲେମେ, ଆଲେ ତୁବିଃଗ୍ ଗଜଃତାନାଲେ !”

* ୮:୧୧ ୮:୧୧ ଲୁକ ୧୩:୨୯. * ୮:୧୨ ୮:୧୨ ମାଧୁର୍ୟ୍ୟ ୨୨:୧୩; ୨୫:୩୦; ଲୁକ ୧୩:୨୮.

୨୬ ଯୀଶୁ ଇନକୁକେ କାଜିରୁହାଡ଼କେଦକଆ, “ଏ ହୁଡ଼ିଙ୍ଗ ବିଶ୍ୱାସତାନ୍କ, ଚିନାଃ ମେନ୍ତେପେ ବରତାନା ।” ଏନ୍ତେ ଇନିଃ ବିରିଦ୍‌କେଦ୍‌ତେ ହୟ ଆତଃ ଦରେୟାରାଃ ଆଲ୍‌ପୁଙ୍ଗକେ ମାରାଙ୍ଗମତାକେଦା, ଏନ୍ତେ ସବେନାଃ ପୁରା ସିଃସଏଃୟାନା ।

୨୭ ହଡ଼କ ଆକ୍‌ଦାଦାଅୟାନାକ, ଆତଃ ମେନ୍‌କେଦାକ, “ନିଃ ଚିଲ୍‌କାନ୍ ହଡ଼ ତାନିଃ ? ହୟ ଆତଃ ଦରେୟାରାଃ ଆଲ୍‌ପୁଙ୍ଗକ ନିଃକେ ମାନାତିଙ୍ଗତାନାକ !”

ୟୀଶୁ ବଙ୍ଗା ଏସେରକାନ୍ ବାହୁଡ଼କିନ୍‌କେ ବୁଗିକେଦକିନା
(ମାର୍କ ୫:୧-୨୦; ଲୁକ ୮:୨୭-୩୯)

୨୮ ଯୀଶୁ ଦରେୟା ହାନ୍ ପାରମ୍ ଗେରାସିମିକଆଃ ପାରଗାନ୍‌ତେ ସେଟେର୍‌ୟାନ୍‌ଚି, ବାହୁଡ଼ ବଙ୍ଗା ଏସେରକାନ୍‌କିନ୍ ତପାଠାୟାଦ୍‌ଏତେ ଅତଙ୍ଗକେଦ୍‌ତେ ଯୀଶୁକେ ସେନ୍‌ଦାରମ୍‌କିୟାକିନ୍ । ଇନକିନାଃ ପୁରାଃ ପେଡେଃ ଆତଃ ବରଞ୍ଜାନ୍‌ଗି ତାଇକେନାକିନ୍, ଏନାତେ ଏନ୍ ହରାରେ ଜେତାଏ କାକ ସେନ୍‌ପାରମ୍ ଦାଡ଼ିତାଇକେନା । ୨୯ ଆତଃ ଇମ୍‌ତାଗି ଇନକିନ୍ କାଉରିତାନ୍‌ଲଃ କାଜିକେଦାକିନ୍, “ହେ ପାରମେଶ୍ୱାର୍‌ଆଃ ହନ୍, ଆଲିଙ୍ଗଲଃ ଆମାଃ ଚିକାନ୍ କାମି ? ଚିୟାଃ ଆମ୍ ନେତା ଆଉରି ସେଟେର୍ ସିଦାରେ ଆଲିଙ୍ଗକେ ସାଜାଇ ଏମ୍ ନାଗେନ୍ତେ ନେତାଃତେମ୍ ହିଜୁଆକାନା ?”

୩୦ ଆତଃ ଇନକୁଏତେ କାଟିଃ ସାଜିନ୍‌ରେ ସୁକୁରିକଆଃ ମାରାଙ୍ଗ ଗୋଟ୍ ଆତିଙ୍ଗତାନ୍‌କ ତାଇକେନା । ୩୧ ଏନ୍ତେ ଏନ୍ ହଡ଼ଆଃ ଭିତାର୍‌ଏତେ ବଙ୍ଗାକ ଯୀଶୁକେ ବିକ୍ରିକେଦ୍‌ତେ କାଜିକିୟାକ, “ଆମ୍ ଆଲେକେ ଅତଙ୍ଗଲେରେଦମ୍ ଏନ୍ ସୁକୁରିକଆଃ ଗୋଟ୍‌ରେ କୁଲ୍‌ତାଲେମେ ।”

୩୨ ଯୀଶୁ ଇନକୁକେ ମେତାଦକଆ, “ସେନଃପେ ।” ଏନ୍ତେ ଇନକୁ ଅତଙ୍ଗକେଦ୍‌ତେ ସୁକୁରିକରେକ ବଲୟାନା, ଆତଃ ସୁକୁରିକଆଃ ଗୋଟ୍, ଦରେୟାରେ ନିର୍ ଭୁଷ୍‌ମାଅୟାନାକ ଆତଃ ଦାଆଃରେ ତୁବିଃଗ୍ ଗଏଃୟାନାକ ।

୩୩ ସୁକୁରି ଗୁପିତାନ୍‌କ ନିର୍‌ୟାନା ଆତଃ ସାହାର୍‌ତେ ତେବାଃୟାନ୍‌ଚି, ହବାକାନ୍ ସବେନାଃ ଆତଃ ଏନ୍ ବଙ୍ଗା ଏସେରକାନ୍‌କିନ୍‌କେ ହବାକାନ୍‌ତେୟାଃ ସବେନାଃ ଉଦୁବାଦକଆକ । ୩୪ ଏନ୍ତେ ସାହାର୍‌ରେନ୍ ସବେନ୍ ହଡ଼କ ଯୀଶୁକେ ନେଲ୍ ନାଗେନ୍ତେକ ଅତଙ୍ଗୟାନା ଆତଃ ଇନିଃକେ ନେଲ୍‌କିଃତେ, ଆଲେୟାଃ ସାହାର୍‌ରାଃ ସିମ୍‌ନାଏତେ ଅତଙ୍ଗଅଃମେ ମେନ୍ତେକ ବିକ୍ରିକିୟା ।



ୟୀଶୁ ମିଆଁଦ୍ ବାଡ଼କାନ୍ ହଡ଼କେ ବୁଗି ତାନା
(ମାର୍କ ୨:୧-୧୨; ଲୁକ ୫:୧୭-୨୬)

୧ ଯୀଶୁ ଲାଉକାରେ ଦେଏଃୟାନ୍ତେ ଦରେୟା ପାରମକେଦ୍‌ତେ ଆୟାଃ ସାହାର୍‌ତେ* ହିଜୁଃରୁହାଡ଼ୟାନାଏ । ୨ ନେଲେପେ, ମିଆଁଦ୍ ବାଡ଼କାନ୍ ହଡ଼କେ ପାରକମ୍‌ରେ ବାଟିୟାକାନ୍‌ଗି ଯୀଶୁତାଃ ଗଅଃ ଆଉକିୟାକ । ଯୀଶୁ ଇନକୁଆଃ ବିଶ୍ୱାସ୍ ନେଲ୍‌କେଦ୍‌ତେ ଏନ୍ ବାଡ଼କାନ୍‌ନିଃକେ କାଜିକିୟା, “ଏ ହନ୍ ଆଲମ୍ ବରଏୟା ! ଆମାଃ ପାପ୍‌କ ଛାମାୟାନା ।”

୩ ଏନ୍ତେ ଆଇନ୍ ଇତୁକଏତେ ଚିମିନ୍‌କ ଆକ ଆକରେକ କାଜିକେଦା, “ନେ ହଡ଼ ପାରମେଶ୍ୱାର୍‌କେ ନିୟାଜତାନା ।”

୪ ଯୀଶୁ ଇନକୁଆଃ ମନ୍‌ରେୟାଃ ଉଡ଼ୁ ଆଟ୍‌କାର୍‌କେଦ୍‌ତେ ମେତାଦକଆ, “ଆପେ ଚିକାନାଙ୍ଗ୍ ଆପେୟାଃ ମନ୍‌ରେ ଏଡ଼କାନାଃପେ ଉଡ଼ୁତାନା ? ୫ ଅକ୍‌ନାଃ ରାଞ୍ଜାଲାଃ ? ‘ପାପ୍ ତାମାଃକ ଛାମାୟାନା’ ମେନ୍ତେ କାଜିତେୟାଃ ରାଞ୍ଜାଲାଃ ଚି ‘ବିରିଦ୍‌ମେ ଆତଃ ସେନେମେ’ ମେନ୍ତେ କାଜିତେୟାଃ ? ୬ ମେନ୍‌ଦ ନେ ଅତେରେ ପାପ୍ ଛାମାରେୟାଃ ଆକ୍‌ତେୟାର୍ ମାନଞ୍ଜାହନ୍‌ଆଃ ମେନାଃ,” ଏନା ଆପେ ସାରିଦାଡ଼ିପେ ମେନ୍ତେ ଇନିଃ ଏନ୍ ବାଡ଼କାନ୍‌ନିଃକେ କାଜିକିୟା, “ମାର୍ ବିରିଦ୍‌ମେ ଆତଃ ପାର୍‌କମ୍‌ତାମାଃ ଗଅଃକେଦ୍‌ତେ ଆମାଃ ଅଡ଼ାଃତେ ସେନଃମେ ।”

୭ ଇନିଃ ବିରିଦ୍‌ୟାନ୍ତେ ଅଡ଼ାଃତେ ସେନଃୟାନା । ୮ ନେଆଁ ନେଲ୍‌କେଦ୍‌ତେ ପୁରାଃ ହଡ଼କ ବରକେଦାକ ଆତଃ ପାରମେଶ୍ୱାର୍, ହଡ଼କକେ ନେ ଲେକାନ୍ ଆକ୍‌ତେୟାର୍ ଏମାକାଦକ ନାଗେନ୍ତେ ପାରମେଶ୍ୱାର୍‌କେ ମାରାଙ୍ଗକିୟାକ ।

ୟୀଶୁ ମାଧୁର୍ୟ୍ୟକେ କେଡ଼ାଇତାନା
(ମାର୍କ ୨:୧୩-୧୭; ଲୁକ ୫:୨୭-୩୨)

୯ ଯୀଶୁ ଏନ୍ତାଃ ବାଗିକେଦ୍‌ତେ ସେନଃତାନ୍ ଇମ୍‌ତା ମାଧୁର୍ୟ୍ୟ ନୁତୁମ୍ ମିଆଁଦ୍ ହଡ଼କେ ମାଲ୍‌ହାରମ୍ ଠାୟାଦ୍‌ରେ ଦୁବାକାନ୍ ନେଲ୍‌କେଦ୍‌ତେ ଇନିଃକେ କାଜିକିୟା, “ଦେଲା ଅତଙ୍ଗଇଙ୍ଗମେ ।”

ଏନ୍ତେ ମାଧୁର୍ୟ୍ୟ ବିରିଦ୍‌କେଦ୍‌ତେ ଇନିଃକେ ଅତଙ୍ଗକିୟା ।

୧୦ ଯୀଶୁ, ମାଧୁର୍ୟ୍ୟଆଃ ଅଡ଼ାଃରେ† ଜମ୍ ଦୁବାକାନ୍ ତାଇକେନ୍ ଇମ୍‌ତା, ପୁରାଃ ମାଲ୍‌ହାରମ୍‌କ ଆତଃ ପାପିକ ହିଜୁଃକେଦ୍‌ତେ, ଯୀଶୁଲଃ ଆତଃ ଆୟାଃ ଚେଲାକଲଃକ ଦୁଦ୍ ମେସାୟାନା । ୧୧ ଫାରୁଶୀକ ନେଆଁ ନେଲ୍‌କେଦ୍‌ତେ ଇନିଃକେ ଚେଲାକକେ କୁଲିକେଦ୍‌କଆକ, “ଆପେୟାଃ ଗୁରୁ ଚିକାନାଙ୍ଗ୍ ମାଲ୍‌ହାରମ୍‌କଲଃ ଆତଃ ପାପିକଲଃ ଜମ୍‌ତାନାଏ ?”

* ୯:୧ ୯:୧ କପର୍‌ନାହୁମ୍ † ୯:୧୦ ୯:୧୦ ଲୁକ ୧୫:୧,୨. † ୯:୧୦ ୯:୧୦ ଯୀଶୁଆଃ ଅଡ଼ାଃରେ

୧୭ ଯୀଶୁ ନେଆଁ ଆୟୁମ୍ବେଦ୍ରେ କାଜିରୁହାଡ଼କେଦକଆ, “ବୁଗିନ୍ ହଡ଼କ ନାଗେନ୍ତେ ମେନ୍ତେଦ କାହା ମେନ୍ଦ ହାସୁତାନ୍କ ନାଗେନ୍ତେ ବାଇଦ୍ ଲାଗାତିଙ୍ଗୟାଃ । ୧୩ *ମେନ୍ଦ ଆପେ ସେନଃପେ ଆଡ଼ଃ ‘ଆଇଙ୍ଗ୍ ଦାଣ୍ଡୋରାକାବ୍ କାହାଗି ମେନ୍ଦ୍ ଲିବୁଇଙ୍ଗ୍ ସୁକୁତାନା’ ନେ କାଜିରେୟାଃ ମୁଣ୍ଡି ଇଡୁନ୍ପେ, ଚିୟାଃଟି ଆଇଙ୍ଗ୍ ଧାର୍ମାନ୍ ହଡ଼କକେ କେଡ଼ା ନାଗେନ୍ତେଦ କା ମେନ୍ଦ୍ ପାପିକକେ କେଡ଼ା ନାଗେନ୍ତେଇଙ୍ଗ୍ ହିଜୁଆକାନା ।”

କାଟାବ୍ରେୟାଃ କୁନୁଲି‡
(ମାର୍କ ୨:୧୮-୨୨; ଲୁକ ୫:୩୩-୩୯)

୧୪ ଏନ୍ତେ ବାପ୍ତିସ୍ତା ଏମଃନିଃ ଯୋହାନ୍ଆଃ ଚେଲକ ଯୀଶୁତାଃତେ ହିଜୁଃକେଦ୍ରେ କୁଲିକିୟାକ, “ଆଲେ ଆଡ଼ଃ ପାରୁଗୀକ କାଟାବ୍ ରିକାଃଲେ, ମେନ୍ଦ୍ ଆମାଃ ଚେଲକ ଚିନାଃମେନ୍ତେ କାକ କାଟାବାଃ?”

୧୫ ଯୀଶୁ ଇନ୍କୁକେ ମେତାଦକଆ, “ଆଣ୍ଡିଅଡ଼ାଃରେ ବାଲକଲଃ ଦୁଲ୍ଲକଡ଼ା ତାଇନଃ ଜାକେଦ୍ ଚିୟାଃ ଇନ୍କୁ ରେଙ୍ଗେଃ କାଟାବ୍ ଚାଇନାଃକ ? କାହାଗି, ଏନ୍କାଦ କା ହବାଅଆଃ । ମେନ୍ଦ୍ ନେତା ତେବାଗାଃ, ଦୁଲ୍ଲକଡ଼ାକେ ଇନ୍କୁତାଃଏତେ ଇଦିୟାଆ, ଏନ୍ ଦିପିଲିରେ ଇନ୍କୁ କାଟାବେୟାକ ।

୧୬ “ଜେତାଏ ନାଝା ଲିଜାଃରାଃ କେଚାଃ ମାରି ଲିଜାଃରେ ଜଡ଼ାଇକେଦ୍ରେ କାକ ତୁନାୟା, ଚିୟାଃଟି ନାଝା ଲିଜାଃରାଃ କେଚାଃ ମାରି ଲିଜାଃଏତେ ଆଡ଼ଃଟି ଚେଚାଃ ଇଦିୟାଏ, ଆଡ଼ଃ ଏନ୍ ଚେଚାଃ ସିଦାଏତେ ଆଡ଼ଃଟି ମାରାଙ୍ଗ୍ ଇଦିୟାଆ । ୧୭ ଆଡ଼ଃ ହଡ଼କ ନାଝା ଦାଖ୍‌ରାସିକେ ମାରି ଉହୁର୍ତ୍ତୁମ୍ବାରେ ଜେତାଏ କାକ ଦୁଲ୍ପେରେଜେୟା, ଚିୟାଃଟି ଦାଖ୍‌ରାସି ଉହୁର୍ତ୍ତୁମ୍ବାକେ ଅଡ଼େଃତାଃଏ ଆଡ଼ଃ ଦାଖ୍‌ରାସି ଲିଙ୍ଗି ଏଣ୍ଡାଗଃଆ, ଏନାମେନ୍ତେ ହଡ଼କ ନାଝା ଦାଖ୍‌ରାସିକେଦ୍ ନାଝା ଉହୁର୍ତ୍ତୁମ୍ବାରେ ପେରେଜାଃକ, ଆଡ଼ଃ ବାରାନାଃ ଦହ ଜାତାନଃଆ ।”

ଯାଇରସ୍‌ରାଃ ହନ୍କୁଡ଼ି ଆଡ଼ଃ ଦୁକୁତାନ୍ କୁଡ଼ି
(ମାର୍କ ୫:୨୧-୪୩; ଲୁକ ୮:୪୦-୫୬)

୧୮ ଯୀଶୁ ଇନ୍କୁକେ ନେଆଁ କାଜିୟାକ ତାଇକେନ୍ ଇମ୍ତା, ଯିହୁଦୀକଆଃ ମିଆଁଦ୍ ଆଗୁଆଇ ଇନିଃତାଃ ହିଜୁଃକେଦ୍ରେ ଆୟାଃ ଆୟାଃରେ ଇକ୍‌ଡ଼ମ୍ପୁୟାନା ଆଡ଼ଃ କାଜିକିୟାଏ, “ହନ୍‌କ୍‌କୁଡ଼ି ନାହାଁଃଟି ଚୁଣ୍ଡୁକେଦା । ଇନିଃ ଚିଲ୍‌କା ବାଞ୍ଚାଅଃଆଏ, ଏନାମେନ୍ତେ ହିଜୁଃମେ, ଆଡ଼ଃ ଇନିୟାଃ ଚେତାନ୍‌ରେ ତିଃଇ ଦହେମେ ।”

୧୯ ଏନ୍ତେ ଯୀଶୁ ବିରିଦ୍‌କେଦ୍ରେ ଆୟାଃ ଚେଲକଲଃ ଏନ୍ ହାକିମ୍‌କେ ଅଡ଼ଙ୍ଗିକିୟାକ ।

୨୦ ଆଡ଼ଃ ବାରା ବାରାଷ୍‌ଏତେ ମାୟୋମ୍‌ଲିଙ୍ଗି ଦୁକୁରେ ଦୁକୁତାନ୍ ମିଆଁଦ୍ କୁଡ଼ି ଦୟାହରା ହିଜୁଃକେଦ୍ରେ ଯୀଶୁଆଃ ଲିଜାଃରାଃ ଆର୍‌ରା ଜୁଟିଦ୍‌କେଦାଏ । ୨୧ ଚିୟାଃଟି ଇନିଃ ଆୟାଃ ମନ୍‌ରେ “ଇନିୟାଃ ଲିଜାଃ ଏସ୍‌କାର୍ ଜୁଟିଦ୍‌ତାରେଦ୍ ଆଇଙ୍ଗ୍ ବୁଗିକଆଇଙ୍ଗ୍” ମେନ୍ତେ ଉଡ଼ଃତାନ୍ ତାଇକେନାଏ ।

୨୨ ମେନ୍ଦ୍ ଯୀଶୁ ହେତାରୁହାଡ଼କେଦ୍ରେ ଇନିଃକେ ନେଲ୍‌କିଃତେ କାଜିକିୟା, “ଏ ମାଇ, ଆଲମ୍ ବରଏୟା, ବିଶ୍ୱାସ୍ ତାମାଃ ବୁଗିୟାକାଦ୍‌ମେୟାଏ ।” ଏନ୍ ନେତାରେଗି ଏନ୍ କୁଡ଼ି ବୁଗିୟାନା ।

୨୩ ଏନ୍ତେ ଯୀଶୁ ଏନ୍ ଆଗୁଆଇରାଃ ଅଡ଼ାଃତେ ହିଜୁଃକେଦ୍ରେ ଗନଏଃରାଃ ମୁର୍‌ଲିସାଡ଼ି ହଡ଼କକେ ଆଡ଼ଃ ହାଲାଗୁଲାତାନ୍ ହଡ଼କକେ ନେଲ୍‌କେଦ୍ରେ, ୨୪ ଇନିଃ ମେତାଦକଆଏ, “ବାହାରି ଅଡ଼ଙ୍ଗ୍‌ଅଃପେ କୁଡ଼ିହନ୍ଦ୍ କାଏ ଗଏଃକାନା, ମେନ୍ଦ୍ ଦୁଡ଼ମ୍ପୁତାନାଏ ।” ଏନ୍ତେ ଇନ୍କୁ ଇନିଃକେ ଲାୟାକିୟାକ । ୨୫ ମେନ୍ଦ୍ ପୁରାଃ ହଡ଼କକେ ଅଡ଼ଙ୍ଗ୍‌କେଦ୍ରେ, ଇନିଃ ଭିତାର୍‌ରେ ବଲୟାନା ଏନ୍ତେ କୁଡ଼ି ହନ୍‌ରାଃ ତିଃଇ ସାବ୍‌କେଦାଏ, ଆଡ଼ଃ କୁଡ଼ି ହନ୍ ବିରିଦ୍‌ୟାନାଏ । ୨୬ ଆଡ଼ଃ ନେ କାଜି ଏନ୍ ଗଟା ଦିଶୁମ୍ ଆୟୁମ୍‌ୟାନା ।

ୟୀଶୁ ବାରହଡ଼୍‌କା ନେଲ୍‌ଦାଡ଼ିକିନ୍‌କେ ବୁଗିକେଦ୍‌କିନା

୨୭ ଯୀଶୁ ଏନ୍ତାଃଏତେ ସେନଃତାନ୍ ତାଇକେନ୍ ଇମ୍ତା ବାରହଡ଼୍‌କା ନେଲ୍‌ଦାଡ଼ିକିନ୍ ଇନିୟାଃ ଦୟାଦୟାତେ ଅଡ଼ଙ୍ଗିଃତେ କାଉରିକେଦାକିନ୍, “ହେ ଦାଉଦ୍‌ଆଃ ହନ୍, ଆଲିଙ୍ଗ୍‌କେ ଦାୟାଲିଙ୍ଗ୍‌ମେ ।”

୨୮ ଯୀଶୁ ଅଡ଼ାଃତେ ବଲୟାନ୍‌ଟି, ଏନ୍ କା ନେଲ୍‌ଦାଡ଼ିକିନ୍ ଇନିଃତାଃତେ ହିଜୁଃୟାନାକିନ୍ ଆଡ଼ଃ ଯୀଶୁ ଇନ୍‌କିନ୍‌କେ କୁଲିକେଦ୍‌କିନା, “ଆଇଙ୍ଗ୍ ଆବେନ୍‌କେ ବୁଗି ଦାଡ଼ିୟାଇଙ୍ଗ୍ ମେନ୍ତେ ଚିନାଃ ଆବେନ୍ ବିଶ୍ୱାସ୍‌ତାନାବେନ୍ ?”

ଇନ୍‌କିନ୍ କାଜିରୁହାଡ଼କିୟା, “ହେଗି, ପ୍ରାଭୁ ।”

୨୯ ଏନ୍ତେ ଯୀଶୁ ଇନ୍‌କିନାଃ ମେଦ୍‌କେ ଜୁଟିଦ୍‌କେଦ୍ରେ ମେତାଦକିନା, “ଆବେନାଃ ବିଶ୍ୱାସ୍ ଲେକା ହବାଅଃକା ।” ୩୦ ଆଡ଼ଃ ଇନ୍‌କିନ୍ ନେଲ୍ ଦାଡ଼ିକେଦାକିନ୍ । ଏନ୍ତେ ଯୀଶୁ ଚେତାଝାନ୍‌ଟି ଇନ୍‌କିନ୍‌କେ ମେତାଦକିନା, “ନେଲେବେନ୍, ନେଆଁ ଜେତାଏକକେ ଆଲ୍‌ବେନ୍ କାଜିକ ।”

୩୧ ମେନ୍ଦ୍ ଇନ୍‌କିନ୍ ଅଡ଼ଙ୍ଗ୍‌କେଦ୍ରେ, ଯୀଶୁଆଃ ବିଷାଏରେ ଏନ୍ ଦିଶୁମ୍‌ରାଃ ସବେନ୍‌ତାଃକିନ୍ ଉଦୁବ୍‌କେଦା ।

ୟୀଶୁ ମିଆଁଦ୍ କା ବାଖାଁନ୍ ଦାଡ଼ିତାନ୍ ହଡ଼କେ ବୁଗିକିୟା

* ୯:୧୩ ୯:୧୩ ମାଧୁର ୧୨:୭. ‡ ୯:୧୩ ୯:୧୪ କୁଲିକିୟା

୩୨ ହୃଦକ ଅତଃକ୍ଷୟତାନ୍ ତାଇକେନ୍ ଇମତା, ଚିମିନ୍ ହୃଦକ ମିଆଁଦ୍ କା ବାଗାଁଣ୍ ଦାଡ଼ିତାନ୍ ହୃଦକେ ଯାଶୁତାଃତେକ ଆଉକିୟା । ଇନିଃ ବଜା ଏସେରକାନ୍ ତାଇକେନାଏ । ୩୩ ଆତଃ ବଜା ଅତଃକ୍ଷୟାନ୍ ଇମତାଗି ଇନିଃ ଜାଗାର୍ ଏଟେଦକେଦାଏ । ସବେନ୍ ହୃଦକ ଆକ୍ଦାୟାଅୟାନାକ ଆତଃ କାଜିକେଦାଃକ, “ଆଲେ ନେ ଲେକାନ୍ କାମି ଚିଉଲ୍ଲାହ ଇସ୍ରାଏଲ୍ରେ କାଲେ ନେଲ୍ଲାଇଦା ।”

୩୪ *ମେନ୍ଦ ଦଫାରୁଶୀକ ମେନ୍ଦକେଦା, “ବଜାକଆଃ ଗମ୍ବକେରାଃ ଦେଙ୍ଗାତେ ଯାଶୁ ବଜାକକେ ହାର୍ ଅତଃକ୍ଷୟତାନା ।”

ୟାଶୁ ହୃଦକକେ ଲିବୁଇକେଦକଆ

୩୫ *ୟାଶୁ ସବେନ୍ ସାହାର୍ ଆତଃ ହାତୁ ହାତୁ ହନରତାନ୍ ତାଇକେନାଏ । ଇନିଃ ଇନ୍କୁଆଃ ସାମାଜ୍ ଅତଃକରେ ଇତୁକତାନ୍ଲଃ ରାଇଜ୍ରେୟାଃ ସୁକୁକାଜି ଉଦୁବକେଦାଏ ଆତଃ ହୃଦକଆଃ ସବେନ୍ ଦୁକୁ ଆତଃ ସବେନ୍ ହାସୁକଏତେ ବୁଗିକତାନ୍ ତାଇକେନାଏ । ୩୬ *ଇନିଃ ଗାଦେଲ୍ ହୃଦକକେ ନେଲ୍ଲକେଦତେ ଆୟାଃ ମନ୍ରେ ବିଲ୍ଲକାଅୟାନାଏ, ଚିୟାଃଚି ଇନ୍କୁଦ ଗୁପିନିଃ ବାଜାଲ୍ ମିଶ୍ରିକ ଲେକା ଜୀଉ ଦୁକୁଆକାନ୍ ଆତଃ ଛିତିବିତିକାନାକ । ୩୭ *ଏନ୍ତେ ଇନିଃ ଆୟାଃ ଚେଲ୍ଲକକେ କାଜିକେଦକଆ, “ଇରୋଃ ପୁରାଃଗିୟାଃ ମେନ୍ଦ କାମିନାଲ୍ଲକ ହୁଡ଼ିକ୍ଆଁକ । ୩୮ ଆମ୍ ଆମାଃ ଇରୋଃତେ କାମି ନାଲ୍ଲକ କୁଲ୍ଲକମ୍ ମେନ୍ତେ ଇରୋଃ ଗମ୍ବକେତାଃରେ ବିକ୍ତିମେ ।”



ୟାଶୁଆଃ କୁଲ୍ଲକାନ୍ ଗେଲ୍ବାର୍ ତେଲ୍ଲକ

(ମାର୍କ ୩:୧୩-୧୯; ୬:୭-୧୩; ଲୁକ ୬:୧୨-୧୬; ୯:୧-୬)

୧ ଯାଶୁ ଆୟାଃ ଗେଲ୍ବାର୍ ତେଲ୍ଲକକେ ଆୟାଃତାଃତେ ହାକାଅକେଦ୍ତେ ସତ୍ତରା ଆମ୍ବକକେ ହାର୍ଅତଃକ୍ଷୟରେୟାଃ ଆକ୍ତେୟାର୍ ଆତଃ ସବେନ୍ ଲେକାନ୍ କିଲିମିଲି ଦୁକୁ ହାସୁଏତେ ବୁଗିକ ନାଗେନ୍ତେ ଆକ୍ତେୟାର୍ ଏମାଦକଆଏ । ୨ ଏନ୍ ବାରା ପ୍ରେରିତକଆଃ ନୁତୁମ୍ ନେ ଲେକା ମେନାଃ, ପାହିଲାନିୟାଃ ନୁତୁମ୍ ଶିମୋନ୍, ଇନିଃଦ ପାଦ୍ରାସ୍ ମେନ୍ତେ କାଜିୟାତାନା ଆତଃ ଆୟାଃ ହାଗାତେ ଆହିୟାସ୍, ଜେବଦୀୟାଃ ବାରିଆ ହନ୍କଡ଼ାକିନ୍ ଯାକୁବ୍ ଆତଃ ଯୋହାନ୍, ୩ ଫିଲିପ୍ ଆତଃ ବାର୍ଥୋଲମି, ଥୋମା ଆତଃ ମାଲ୍ହାରମ୍ନିଃ ମାଥୁର, ଆଲ୍ଫିୟନାଃ ହନ୍ ଯାକୁବ୍, ଆତଃ ଅଭିୟ, ୪ ଶିମୋନ୍ ଅକଏଚି ଇସ୍ରାଏଲ୍ ହୃଦକଆଃ ତନଲ୍ଲହେତେ ରାଡ଼ା ନାଗେନ୍ତେ ସାନାଜ୍ ତାଇକେନାଏ, ଆତଃ ଇଷ୍ଟାରିୟତ୍ ଯିହୁଦା ଅକଏଚି ତାୟମ୍ତେ ଯାଶୁକେ ବାଈରିକଆଃ ତିଃଇରେ ଏମ୍ ଏଣ୍ଡାଃକିୟାଏ ।

ବାରାୟାନ୍ ପ୍ରେରିତକକେ ଏମାକାନ୍ ସେଝାକାମିରାଃ ବାହାରମ୍

(ମାର୍କ ୬:୭-୧୩; ଲୁକ ୯:୧-୬)

୫ ଯାଶୁ ନେ ଗେଲ୍ବାର୍ ତେଲ୍ଲକକେ କୁଲ୍ଲକେଦ୍ତେ ଇନ୍କୁକେ ଆତୁକତାନ୍ଲଃ ମେତାଦକଆଏ, “ସାଅଁସାର୍ ହୃଦକତାଃତେ ଆଲ୍ପେ ସେନା ଚାଏ ଶମିରୋନିକଆଃ ଜେତା ସାହାର୍ତେ ଆଲ୍ପେ ବଲ୍ଲଆ । ୬ ମେନ୍ଦ ଇସ୍ରାଏଲ୍ରେନ୍ ହୃଦକ, ମିଶ୍ରିକଲେକା ଆଦାକାନ୍ ହୃଦକତାଃତେ ସେନଃପେ । ୭ ଆତଃ ସେନ୍ତାନ୍ ସେନ୍ତାନ୍ଲଃ ‘ସିମା ରାଇଜ୍ ନାଡ଼େଃକାନା’ ମେନ୍ତେ ଉଦୁବେପେ । ୮ ହାସୁତାନ୍କକେ ବୁଗିକପେ, ଗଏଃକାନ୍କକେ ଜୀଉବିରିଦ୍କପେ, ନାଗେନ୍ତାଅକାନ୍କକେ ଫାର୍ଟିକପେ ଆତଃ ବଜାକକେ ହାର୍ ଅତଃକ୍ଷୟେ । ଆପେ ବେଗାର୍ ଗନଙ୍ଗ୍ତେ ନାମ୍ବାଦ୍ତେୟାଃ ବେଗାର୍ ଗନଙ୍ଗ୍ତେ ଏମାକପେ । ୯ ଆପେୟାଃ ଆଇଲ୍ଲାରେ ସୋନା, ରୁପା ଚାଏ ତାମ୍ବାରେୟାଃ ଟାକା ଆଲ୍ପେ ଇଦିୟା । ୧୦ *ଆତଃ ହରା ସେନ୍ ନାଗେନ୍ତେ ଆଇଲ୍ଲା ଚାଏ ବାରିଆ ତୁସିଜ୍ ଲିଜାଃ ଚାଏ ଖାର୍ପା ଚାଏ ସଗା ଆଲ୍ପେ ଇଦିୟା, ଚିୟାଃଚି କାମିନିଃଦ ଆୟାଃ ନାଲ୍ଲା ନାମେ ଲେକାଃଏ ।

୧୧ “ଆତଃ ଆପେ ଜେତା ସାହାର୍ରେ ଚାଏ ହାତୁରେପେ ବଲ୍ଲରେଦ, ଏନ୍ତାଃରେ ଆପେକେ ସୁକୁଆପେତାନ୍ଲଃ ଦାରମ୍ପେନିଃକେ ଦାଶାଁଇପେ, ଆତଃ ଏନ୍ତାଃଏତେ ଆଉରି ସେନଃ ଜାକେଦ୍ ଏନ୍ତାଃରେଗି ତାଇନ୍ପେ । ୧୨ ଆତଃ ଆପେ ଏନ୍ ଅତଃରେ ବଲ୍ଲ ଇମତା, ‘ଆପେରେ ଜୀଉସୁକୁ ହବାଅଃକା’ ମେତାକପେ । ୧୩ ଆପେକେ ଏନ୍ ଅତଃରେନ୍ ହୃଦକ ଦାରମ୍ପେରେଦ, ଆପେୟାଃ ଜୀଉସୁକୁ ଇନ୍କୁରେ ତାଇନ୍କା, ମେନ୍ଦ ଇନ୍କୁ କାକ ଦାରମ୍ପେରେଦ ଆପେୟାଃ ସୁକୁ ଆପେତାଃତେ ରୁହାଡ଼କା । ୧୪ *ଆତଃ ଜେତାଏ କାକ ଦାରମ୍ପେରେଦ ଚାଏ ଆପେୟାଃ କାଜି କାକ ଆୟୁମ୍ରେଦ, ଏନ୍ ଅତଃଏତେ ଚାଏ ଏନ୍ ସାହାର୍ଏତେ ଅତଃ ଇମତା ଇନ୍କୁକେ ବାଗିକେଦ୍କଆପେ ମେନ୍ତେ ମିଆଁଦ୍ ଚିହ୍ନାଁ ଲେକା ଆପେୟାଃ କାଗା ତାଲ୍ଲକାରେୟାଃ ଧୁଡ଼ି କଟା ବାଗିତାପେ । ୧୫ *ଆଇଜ୍ ଆପେକେ ସାର୍ତ୍ତିଗି କାଜିପେତାନାଇଜ୍, ବିଚାର୍ ହୁଲ୍ଲାଇଁରେ ଏନ୍ ସାହାର୍ରେନ୍ ହୃଦକତାଃଏତେ ସୋଦମ୍ ଆତଃ ଗମ୍ବରା ଦିଶୁମ୍ରେନ୍ ହୃଦକଆଃ ନାଗେନ୍ତେ ପାର୍ମେଶ୍ୱାର୍ ପୁରାଃ ଲିବୁଇୟାକଆଏ ।

* ୯:୩୪ ୯:୩୪ ମାଧୁର ୧୦:୨୫; ୧୨:୨୪; ମାର୍କ ୩:୨୨; ଲୁକ ୧୧:୧୫. * ୯:୩୫ ୯:୩୫ ମାଧୁର ୪:୨୩; ମାର୍କ ୧:୩୯; ଲୁକ ୪:୪୪. * ୯:୩୬ ୯:୩୬ ମାର୍କ ୬:୩୪. * ୯:୩୭ ୯:୩୭ ଲୁକ ୧୦:୨. * ୧୦:୧୦ ୧୦:୧୦ ୧ କରିନ୍ଥୟ ୧:୧୪; ୧ ତିମଥ୍ ୫:୧୮. * ୧୦:୧୪ ୧୦:୧୪ ପ୍ରେରିତ୍ ୧୩:୫୧. * ୧୦:୧୫ ୧୦:୧୫ ମାଧୁର ୧୧:୨୪. * ୧୦:୧୫ ୧୦:୧୫ ଲୁକ ୧୦:୪-୧୨.

ହିଜୁରତାନ୍ ସାସାତି

(ମାର୍କ ୧୩:୯-୧୩; ଲୁକ ୨୧:୧୨-୧୭)

୧୧ * “ନେଲେପେ, ଆଇଙ୍ଗ ଆପେକେ ମିଣ୍ଡିକ ଲେକା ହୁଣ୍ଡାଋକ ଆଲାରେଇଙ୍ଗ କୁଲ୍‌ପେତାନା, ଏନା ନାଗେନ୍ତେ ବିଙ୍ଗକ ଲେକା ସେଣ୍ଡାନ୍‌ସପେ ଆତଃ ଦୁଦୁମୁଲ୍‌କ ଲେକା ଲେବେୟଃପେ । ୧୨ * ମେନ୍‌ଦ ହଡ଼କତାଃଏତେ ଚିର୍ଗାଲ୍‌କାନ୍ ତାଇନ୍‌ପେ, ଚିୟାଃଚି ଇନ୍‌କୁ ଆପେକେ ପାଞ୍ଚେଟ୍‌କରେକ ଜିମାପେୟା ଆତଃ ସାମାଜ୍ ଅଡ଼ାଃକରେକ ହାଁଣସାପେୟା । ୧୩ ଆତଃ ଆଇଁୟାଃ ନାଗେନ୍ତେ ଆପେକେ ଇନ୍‌କୁତାଃ ଆତଃ ସାଅଁସାଋକତାଃ ଗାଞ୍ଜା ଏମ୍ ନାଗେନ୍ତେ ହାକିମ୍ ଆତଃ ରାଜାକଆଃ ସାମନାଙ୍ଗ୍‌ତେକ ଆଉପେୟା । ହାକିମ୍ ଆତଃ ରାଜାକଆଃ ସାମନାଙ୍ଗ୍‌ତେକ ଆଉପେୟା । ୧୪ ମେନ୍‌ଦ ଚିମ୍‌ତାଙ୍ଗ୍ ଇନ୍‌କୁ ଆପେକେ ଜିମାପେୟାକ ଇମ୍‌ତା ଚିନାଃବୁ କାଜିୟା ଚିଲ୍‌କାବୁ କାଜିୟା ମେନ୍ତେ ସିଦାରେ ଆଲ୍‌ପେ ଉଡ଼ଃୟା, ଚିୟାଃଚି ଏନ୍ ଦିପିଲି ହିଜୁରଆ ଇମ୍‌ତା ଆପେକେ ଅକଆଃ କାଜି ନାଗେନ୍ତେ ଏମାଃଆ ଏନାପେ କାଜିୟା । ୧୫ ଚିୟାଃଚି ଆପେ ଅକ କାଜିପେ କାଜିୟା ଏନାଦ ଆପେତେଗି କା, ମେନ୍‌ଦ ଆପେୟାଃ ଆପୁଆଃ ପାବିତାର୍ ଆମ୍‌ରାଃ ହରାତେପେ କାଜିୟା ।

୧୬ * “ହାଗା ଆୟାଃ ହାଗାତେକେ ଆତଃ ଆପୁ ଆୟାଃ ହନ୍‌କେ ଗଜି ନାଗେନ୍ତେ ଜିମାଲ୍‌ୟାଏ, ଆତଃ ହନ୍‌କ ଆକଆଃ ଏଙ୍ଗା ଆପୁକଆଃ ବିରୁଧରେକ ବିରିଦାଃ ଆତଃ ଇନ୍‌କୁକେ ଗଏଃ ଇଚିକଆକ । ୧୭ * ଆଇଁୟାଃ ନାଗେନ୍ତେ ସବେନ୍ ହଡ଼କ ଆପେକେ ହିଲ୍‌ଲ୍‌ପେୟାକ, ମେନ୍‌ଦ ଜେତାଏ ଟୁଣ୍ଡୁ ଜୁକେଦ୍ ତିଙ୍ଗୁ କେଟେୟାକାନ୍ ତାଇନ୍‌ନିଃ ବାଞ୍ଚାଅଃଆଏ । ୧୮ ଚିମ୍‌ତାଙ୍ଗ୍ ଇନ୍‌କୁ ଆପେକେ ମିଆଁଦ୍ ସାହାଋରେକ ସାସାତିପେରେ, ଇମ୍‌ତାଙ୍ଗ୍ ଏଟାଃ ସାହାଋତେ ନିର୍‌ପେ, ଚିୟାଃଚି ଆଇଙ୍ଗ୍ ଆପେକେ ସାର୍‌ତିଗି କାଜିପେତାନା, ଆପେ ଇସ୍ରାଏଲ୍‌ରାଃ ସବେନ୍ ସାହାଋରେ କାମି ଆଉରି ଚାବାଏ ସିଦାରେ ମାନଞ୍ଜାହନ୍ ହିଜୁରଆଏ ।

୧୯ * “ଗୁରୁଏତେ ଚେଲା କାଏ ମାରାଙ୍ଗ୍‌ଆଃ ଚାଏ ଆୟାଃ ଗମ୍‌କେଏତେ ଦାସି କାଏ ମାରାଙ୍ଗ୍‌ଆଁ । ୨୦ * ଚେଲା ଆୟାଃ ଗୁରୁ ଲେକା ଆତଃ ଦାସି ଆୟାଃ ଗମ୍‌କେ ଲେକା ହବାଅଃରେଦ, ଇନ୍‌କୁକେ ଇମ୍‌ନାଙ୍ଗ୍‌ରେଗି ସୁକୁ ହବାଅଃ ଲାଗାତିଙ୍ଗ୍‌ୟାଃ । ଇନ୍‌କୁ ଅଡ଼ାଃରେନ୍ ଗମ୍‌କେ କେ ବାଲ୍‌ଜେବୁଲ୍ ମେନ୍ତେକ ମେତାଲ୍‌ତାନ୍‌ରେଦ, ଇନିୟାଃ ଅଡ଼ାଃରେନ୍‌କକେ ଏନାଏତେ ଆଦ୍‌କା ଏଡ଼କାନ୍‌କ ନୁଡୁମକଆ ।

ଅକଏକେ ବର ଲାଗାତିଙ୍ଗ୍‌ୟାଃ

(ଲୁକ ୧୨:୨-୭)

୨୧ * “ଏନା ନାଗେନ୍ତେ ହଡ଼କକେ ଆଲ୍‌ପେ ବରଆକଆ, ଚିୟାଃଚି ଅକ୍‌ନାଃ ଉକୁଆକାନ୍‌ତେୟାଃ ଉଦୁବଃଆ ଆତଃ ଅକ୍‌ନାଃ ଦାନାଙ୍ଗ୍‌ଆଁକାନ୍‌ତେୟାଃ ସାରିୟଃଆ । ୨୨ ଆଇଙ୍ଗ୍ ଆପେକେ ଅକ୍‌ନାଃ ନୁବାଃରେଇଙ୍ଗ୍ କାଜିକାଦ୍‌ତେୟାଃ ମାର୍‌ସାଲ୍‌ରେ ଉଦୁବେପେ ଆତଃ ଅକ୍‌ନାଃ ଉକୁକେଦ୍‌ତେ ଆୟୁମେତେୟାଃ ସାଡ଼୍‌ମି ଚେତାନ୍‌ଏତେ ଉଦୁବେପେ । ୨୩ ଆପେୟାଃ ହଡ଼୍‌ମ ଗଗଏଃକକେ, ମେନ୍‌ଦ ଆମ୍‌କେ କା ଗଏଃ ଦାଡ଼ିକକେ ଆଲ୍‌ପେ ବରଆକଆ, ମେନ୍‌ଦ ପାର୍‌ମେଶ୍‌ୱାର୍ ଆପେୟାଃ ହଡ଼୍‌ମ ଆତଃ ଆମ୍‌ ବାରାନାଃକେ ନାରାକ୍‌ରେ ଜିୟନ୍ ଦାଡ଼ିୟାଏ, ଇନିଃକେ ବରଆଲ୍‌ପେ । ୨୪ ଚିୟାଃ ବାରିଆ ଗେର୍‌ଞ୍ଜାକିନ୍ ମିଦ୍ ସିକାତେ କାକିନ୍ ଆଖ୍‌ରିଙ୍ଗ୍‌ୟାଃ ? ହଲେହିଁ ଆପେୟାଃ ଆପୁଆଃ ବେଗାର୍ ଆରୁତେ ଇନ୍‌କିନ୍‌ଏତେ ମିଆଁଦ୍‌ହିଁ ଅତେ ଲାତାର୍‌ରେ କାଏ ଉୟୁଗଃଆ । ୨୫ ମେନ୍‌ଦ ଆପେୟାଃ ବହଃରାଃ ସବେନ୍ ଉଦ୍‌ହ ଲେକାକାନା । ୨୬ ଏନା ନାଗେନ୍ତେ ଆଲ୍‌ପେ ବରଏୟା, ଆପେ ପୁରାଃ ଗେର୍‌ଞ୍ଜାକଏତେ ପୁରାଃଗି ଗନଙ୍ଗ୍‌ଆଁପେ ।

୨୭ “ଜେତାଏ ନେପେଲ୍‌ରେ ଆପାନ୍‌କେ ଆଇଁୟାଃ ମେନ୍ତେ ଆତଃ ଆଇଙ୍ଗ୍‌କେ ସାରିୟାଃକ ମେନ୍ତେ ହଡ଼କଆଃ ଆୟାର୍‌ରେ ଆଇଙ୍ଗ୍‌କେ ସାରିୟାଃଇଙ୍ଗ୍ ମେନ୍ତେ କାଜିରେଦ, ଆଇଙ୍ଗ୍‌ହିଁ ଆଇଁୟାଃ ସିର୍‌ମାରେନ୍ ଆପୁଆଃ ଆୟାର୍‌ରେ ଇନିଃକେ ସାରିୟାଃଇଙ୍ଗ୍ ମେନ୍ତେ କାଜିୟାଲ୍‌ଙ୍ଗ୍ । ୨୮ * ମେନ୍‌ଦ ଜେତାଏ ହଡ଼କଆଃ ଆୟାର୍‌ରେ ଆଇଙ୍ଗ୍‌କେ କାଇଙ୍ଗ୍ ସାରିୟାଃ ମେନ୍ତେ କାଜିନିଃକେ, ଆଇଙ୍ଗ୍‌ହିଁ ଆଇଁୟାଃ ସିର୍‌ମାରେନ୍ ଆପୁଆଃ ଆୟାର୍‌ରେ ଇନିଃକେ କାଇଙ୍ଗ୍ ସାରିୟାଃ ମେନ୍ତେ କାଜିୟାଲ୍‌ଙ୍ଗ୍ ।

ଜୀଉସୁକୁ କା ମେନ୍‌ଦ ତାରାଉଡ଼ି*

(ଲୁକ ୧୨:୫୧-୫୩; ୧୪:୨୬-୨୭)

୨୯ “ଆଇଙ୍ଗ୍ ଅତେଦିଶ୍‌ୱାମ୍‌ରେ ଜୀଉସୁକୁ ଏମ୍‌ତେ ହିଜୁଆକାନାଲ୍‌ଙ୍ଗ୍ ମେନ୍ତେ ଆଲ୍‌ପେ ଆଟ୍‌କାରେୟା । ବାନଃଗି, ଜୀଉସୁକୁ ଏମ୍ ନାଗେନ୍ତେଦ କା ମେନ୍‌ଦ ତାରାଉଡ଼ି ଏମ୍ ନାଗେନ୍ତେ ହିଜୁଆକାନାଲ୍‌ଙ୍ଗ୍ । ୩୦ ଚିୟାଃଚି ଆଇଙ୍ଗ୍ ହନ୍‌କଡ଼ା ବିରୁଧରେ ଆପୁ, ଆତଃ ହନ୍‌କୁଡ଼ି ବିରୁଧରେ ଏଙ୍ଗା, କିମିନ୍ ବିରୁଧରେ ହାନାର୍‌ତେକେ ବିନ୍‌ଗାଅ ନାଙ୍ଗ୍ ହିଜୁଆକାନାଲ୍‌ଙ୍ଗ୍ । ୩୧ ଆତଃ ଅଡ଼ାଃରେନ୍‌କଗି ଅଡ଼ାଃରେନ୍‌କଆଃ ବାଇରିକ ବାୟଆଃ ।

* ୧୦:୧୭ ୧୦:୧୭ ଲୁକ ୧୦:୩୩. * ୧୦:୧୭ ୧୦:୧୭ ମାର୍କ ୧୩:୯-୧୧; ଲୁକ ୧୨:୧୧,୧୨; ୨୧:୧୨-୧୫. * ୧୦:୨୧ ୧୦:୨୧ ମାର୍କ ୧୩:୧୨; ଲୁକ ୨୧:୧୭. * ୧୦:୨୨ ୧୦:୨୨ ମାଥୁରା ୨୪:୯; ମାର୍କ ୧୩:୧୩; ଲୁକ ୨୧:୧୭ମାଥୁରା ୨୪:୧୩; ମାର୍କ ୧୩:୧୩. * ୧୦:୨୪ ୧୦:୨୪ ଲୁକ ୬:୪୦ଯୋହାନ୍ ୧୩:୧୭; ୧୫:୨୦. * ୧୦:୨୫ ୧୦:୨୫ ମାଥୁରା ୯:୩୪; ୧୨:୨୪; ମାର୍କ ୩:୨୨; ଲୁକ ୧୧:୧୫. * ୧୦:୨୬ ୧୦:୨୬ ମାର୍କ ୪:୨୨; ଲୁକ ୮:୧୭. * ୧୦:୩୩ ୧୦:୩୩ ୨ ତିମଥୁ ୨:୧୨. * ୧୦:୩୩ ୧୦:୩୪ ଖାଣ୍ଡା

୩୭ “ଜେତାଏ ଆୟାଃ ଏକା ଚାଏ ଆପୁତେକେ ଆଇଙ୍ଗଏତେ ଆଦକା ଦୁଲାଡ୍ରେଦ, ଇନିଃ ଆଇଁୟାଃ ଚେଲା ବାଇୟଃ ଲେକାନନିଃ ନାହାଁଲିଃ, ଆତଃ ଜେତାଏ ଲେକା ଆୟାଃ ହନ୍ତେକଡ଼ା ଚାଏ ହନ୍ତେକୁଡ଼ିକେ ଆଇଙ୍ଗଏତେ ଆଦକା ଦୁଲାଡ୍ରେଦ, ଇନିଃ ଆଇଁୟାଃ ଚେଲା ବାଇୟଃ ଲେକାନନିଃ ନାହାଁଲିଃ । ୩୮ ☆ଜେତାଏ ଆୟାଃ କୁଶ୍ ଗଅଃକେଦ୍ତେ ଆଇଙ୍ଗକେ କାଏ ଅତଙ୍ଗଇଙ୍ଗରେଦ, ଇନିଃ ଆଇଁୟାଃ ଚେଲା ବାଇୟଃ ଲେକାନନିଃ ନାହାଁଲିଃ । ୩୯ ☆ଜେତାଏ ଆୟାଃ ଜୀଉ ନାମେନିଃ, ଏନାଏ ଆଦେୟା ଆତଃ ଜେତାଏ ଆଇଁୟାଃ ନାଗେନ୍ତେ ଆୟାଃ ଜୀଉ ଆଦେନିଃ, ଏନାଏ ନାମେୟା ।

**ନାଲା ନାମେନିଃ
(ମାର୍କ ୯:୪୧)**

୪୦ ☆“ଜେତାଏ ଆପେକେ ସୁକୁଆପେନିଃ, ଆଇଙ୍ଗକେ ସୁକୁଆୟାଏ, ଆତଃ ଆଇଙ୍ଗକେ ସୁକୁଆଇଙ୍ଗନିଃ, ଆଇଙ୍ଗକେ କୁଲ୍ଲିନିଃକେ ସୁକୁଆଇୟାଏ । ୪୧ ଜେତାଏ, ନାବୀ ତାନିଃ ମେନ୍ତେ ପାର୍ମେଶ୍ୱାର୍ ଆଃ କୁନୁଲ୍ଲିନିଃ ଲେକା ଦାରମିନିଃ ନାବୀଆଃ ନାଲାଏ ନାମେୟା ଆତଃ ଜେତାଏ, ଇନିଃ ଧାର୍ମାନ୍ ହଡ଼ ତାନିଃ ମେନ୍ତେ ଧାର୍ମାନ୍ ହଡ଼ ଲେକାଏ ସୁକୁଆଇନିଃ ଧାର୍ମାନ୍ ହଡ଼ଆଃ ନାଲାଏ ନାମେୟା । ୪୨ ଆତଃ ଜେତାଏ, ନେ ହୁପ୍ତିଙ୍ଗଏତେ ମିହୁଡ୍ରେକେ ଇନିଃ ଆଇଁୟାଃ ଚେଲା ତାନିଃ ମେନ୍ତେ ମିଦ୍ ଗିଲାସ୍ ରେହାଡ୍ ଦାଆଃ ନୁଏ ନାଗେନ୍ତେ ଏମାଇରେଦ, ଆଇଙ୍ଗ ଆପେକେ ସାର୍ତିଗି କାଜିପେତାନାଇଙ୍ଗ, ଇନିଃ ଆଇଁୟାଃ ଚେଲାତାନିଃ ମେନ୍ତେ ଆୟାଃ ନାଲା ନାମେଗିୟାଏ ।”

୧୧

**ୟାଶୁ ଆତଃ ବାପ୍ତିସ୍ତା ଏମଃନିଃ ଯୋହାନ୍
(ଲୁକ ୭:୧୮-୩୫)**

୧ ଯାଶୁ ଆୟାଃ ଗେଲ୍‌ବାର୍ ଚେଲାକକେ ଆତୁ ଚାବାକେଦକଟି, ଇନିଃ ଏନ୍ତାଃ ବାଗିକେଦ୍ତେ ହେପାଦରାଃ ସାହାର୍ତେ ହଡ଼କକେ ଇଡୁକ ନାଙ୍ ଆତଃ ପ୍ରାଚାର୍ ନାଗେନ୍ତେ ସେନଃୟାନାଏ ।

୨ ଏନ୍ତେ ବାପ୍ତିସ୍ତା ଏମଃନିଃ ଯୋହାନ୍ ଜେହେଲ୍ରେ ତାଇକେନ୍ ଇମ୍ତା ଖ୍ରୀଷ୍ଟିଆଃ କାମିକ ଆୟୁମକେଦ୍ତେ, ଆୟାଃ ବାର୍‌ହଡ୍ ଚେଲାକିନ୍‌କେ ଇନିଃତାଃ କୁଲି ନାଗେନ୍ତେ କୁଲ୍‌କେଦକିନାଏ । ୩ ଇନ୍‌କିନ୍ ଯାଶୁକେ କୁଲିକିୟାକିନ୍, “ଅକନ୍ ହଡ଼ ହିଜୁଃଆଏ ମେନ୍ତେ ଯୋହାନ୍ କାଜିକାଦ୍ ତାଇକେନାଏ, ଇନିଃ ଆମ୍‌ଗି ତାନମେ ତି ଏଗାଃନିଃଲେ ନେଲ୍‌ହରାଇୟା ?”

୪ ଯାଶୁ ଇନ୍‌କିନ୍‌କେ ମେତାଦକିନା, “ଆବେନ୍ ରୁହାଡ୍‌କେଦ୍ତେ ଅକ୍‌ନାଃବେନ୍ ନେଲାକାଦା ଆତଃ ଆୟୁମାକାଦା ଏନାକ ଯୋହାନ୍‌କେ ଉଦୁବାଇବେନ୍ । ୫ କା ନେଲ୍‌ଦାଡ଼ିତାନ୍‌କ ନେଲେତାନା, କାଟା ଲେଙ୍ଗ୍‌ଡାକାନକ ସେସେନ୍‌ତାନା, ନାଗେଘାଅକାନକ ବୁଗି ନିଆଁରଃତାନା, ଭାଏରାକାନକ ଆୟୁମେତାନା, ଗଜାକାନକ ଜୀଉବିରିଦ୍ ରୁହାଡ଼ତାନା, ଆତଃ ରେଙ୍ଗେଃ ହଡ଼କତାଃରେ ସୁକୁକାଜି ଉଦୁବଃତାନା । ୬ ଆତଃ ଆଇଁୟାଃ ବିଷାଏରେ ଅକନ୍‌କଆଃ ଜେତାନ୍ ଆଡ଼ାଃଉଡ଼ୁ ବାନଃଆ, ଇନ୍‌କୁ ସୁକୁତାନ୍‌ଗିୟା ।”

୭ ଯୋହାନ୍‌ଆଃ ଚେଲାକ ସେନଃ ତାଇକେନ୍ ଇମ୍ତା ଯାଶୁ ଯୋହାନ୍‌ଆଃ ବିଷାଏରେ ପୁରାଃ ହଡ଼କକେ କାଜି ଏଟେଦକେଦ୍‌ଆଏ, “ଆପେ ଯୋହାନ୍‌କେ ନେଲ୍ ନାଗେନ୍ତେ ସେନ୍‌କେନାପେ ଇମ୍ତା, ଚିକ୍‌ନାଃ ନେଲ୍ ନାଗେନ୍ତେ ସେନ୍‌କେନାପେ ? ଚିନାଃ ହୟତେ ଏକ୍‌ଲାଅଃତାନ୍ ବିରନି ତାସାଦକେ ? ୮ ଏନା କାହାରେଦ ଚିକ୍‌ନାଃ ନେନେଲ୍‌ତେପେ ଅତଙ୍ଗକାନ୍ ତାଇକେନା । ଚିନାଃ ଗନଙ୍‌ଆନ୍ ଲିଜାଃ ତୁସିଙ୍ଗ୍‌ଆକାନ୍ ହଡ଼କେ ? ଗନଙ୍‌ଆନ୍ ଲିଜାଃ ତୁସିଙ୍ଗ୍‌ଆକାନ୍ ହଡ଼କ ରାଜାକଆଃ ଅଡ଼ାଃକରେକ ତାଇନାଃ । ୯ କାଜିଙ୍ଗ୍‌ପେ, ଏନା କାହାରେଦ, ଚିକ୍‌ନାଃ ନେନେଲ୍‌ତେପେ ଅତଙ୍ଗଲେନା ? ଚିନାଃ ମିଆଁଦ୍ ନାବୀକେ ? ଆଇଙ୍ଗ ଆପେକେ ସାର୍ତିଗି ମେତାପେ ତାନାଇଙ୍ଗ, ନାବୀଏତେ ମାରାଙ୍ଗ୍‌ନିଃକେପେ ନେଲିୟା । ୧୦ ଚିୟାଃତି ଯୋହାନ୍‌ଆଃ ନାଗେନ୍ତେ ଧାର୍ମାପୁଥ୍ରେ ନେଆଁ ଅଲାକାନା, ‘ପାର୍ମେଶ୍ୱାର୍ କାଜିକେଦାଏ, ଆଲେ ଆମାଃଏତେ ସିଦାରେ ଆଲେୟାଃ ଦୁଡ୍‌କେଲେ କୁଲିତାନା ଇନିଃ ଆମାଃ ନାଗେନ୍ତେ ପାହିଲାରେ ହରା ବାଇୟାଏ ।’ ୧୧ ଆଇଙ୍ଗ ଆପେକେ ସାର୍ତିଗିଙ୍ଗ୍ କାଜିୟାପେତାନା, କୁଡ଼ିକଏତେ ଜାନାମାକାନ୍ ସବେନ୍‌କଆଃ ଭିତାର୍ରେ ବାପ୍ତିସ୍ତା ଏମଃନିଃ ଯୋହାନ୍‌ଏତେ ମାରାଙ୍ଗ୍ ଜେତାଏ ବାଙ୍ଗାଇୟା, ହଲେହଁ ସିର୍ମା ରାଇଜ୍‌ରେନ୍ ହୁଡ଼ିଙ୍ଗ୍‌ନିଃ ଯୋହାନ୍‌ଏତେ ମାରାଙ୍ଗ୍‌ଆଏ । ୧୨ ☆ଆତଃ ବାପ୍ତିସ୍ତା ଏମଃନିଃ ଯୋହାନ୍ ଆୟାଃ କାଜି ପ୍ରାଚାର୍‌କେଦ୍ ଦିପିଲିଏତେ ତିସିଙ୍ଗ୍ ଜାକେଦ୍ ସିର୍ମା ରାଇଜ୍‌ରେ ପୁରାଃଗି ପେଡେୟାନ୍‌ତେ ଏଡକାନ୍ ହଡ଼କ ଏନାକେ ଆକ୍‌ତେୟାର୍ରେ ନାଗେନ୍ତେ ସାନାଙ୍ଗ୍ ତାନାକ । ୧୩ ଯୋହାନ୍‌ଆଃ ଦିପିଲି ଜାକେଦ୍ ସବେନ୍ ନାବୀକ ଆତଃ ମୁଗାରାଃ ଆନ୍‌ରୁ ସିର୍ମା ରାଇଜ୍ ବିଷାଏରେ ଆୟାର୍‌କାଜିକ କାଜିକାଦା । ୧୪ ☆ଆତଃ ଆପେ ଆପେୟାଃ ମନେଲେକା ଇନ୍‌କୁଆଃ କାଜିପେ ବିଶ୍ୱାସେରେଦ, ଏନ୍ ହିଜୁଃତାଇକେନ୍ ଏଲିୟ ନିଃଗି ତାନିଃ । ୧୫ ଆୟୁମ୍ ନାଗେନ୍ତେ ଲୁଡୁର୍ ମେନାଃନିଃ ଆୟୁମେକାଏ ।

☆ ୧୦:୩୮ ୧୦:୩୮ ମାଧୁର ୧୭:୨୪; ମାର୍କ ୮:୩୫; ଲୁକ ୯:୨୩. ☆ ୧୦:୩୯ ୧୦:୩୯ ମାଧୁର ୧୭:୨୫; ମାର୍କ ୮:୩୫; ଲୁକ ୯:୨୪; ୧୭:୩୩; ଯୋହାନ୍ ୧୨:୨୫.
☆ ୧୦:୪୦ ୧୦:୪୦ ଲୁକ ୧୦:୧୭; ଯୋହାନ୍ ୧୩:୨୦ମାର୍କ ୯:୩୭; ଲୁକ ୯:୪୮. ☆ ୧୧:୧୨ ୧୧:୧୨ ଲୁକ ୧୭:୧୭. ☆ ୧୧:୧୪ ୧୧:୧୪ ମାଧୁର ୧୭:୧୦-୧୩; ମାର୍କ ୯:୧୧-୧୩.

୧୭ “ଆଇଙ୍ଗ୍ ନେ ଦିପିଲିରେନ୍ ହଡକକେ ଅକଏଲଃ ଜକାକଆଇଙ୍ଗ୍ ? ଇନ୍କୁଦ ପିଟ୍ରେ ଦୁବାକାନ୍ ଆଡ଼ଃ ଆକ ଆକରେ କେଡ଼ାଅଡ଼ତାନ୍ ହନ୍କ ଲେକାଃକ, ୧୭ “ଆଲେ ଆପେ ନାଗେନ୍ତେ ମୁରଲିଲେ ସାଡ଼ିକେଦା, ମେନ୍ଦ ଆପେ କାପେ ସୁସୁନ୍କେଦାଃ, ଆଲେ ଦୁକୁତାନ୍ ଦୁରାଙ୍ଗଲେ ଦୁରାଙ୍ଗକେଦାଃ ମେନ୍ଦ ଆପେ କାପେ ରାଆଃ କେଦାଃ ।” ନେ ଦିପିଲିରେନ୍ ହଡକ ଏନ୍ ଲେକାନ୍କ ତାନ୍କ । ୧୮ ବାପ୍ତିସ୍ତା ଏମଃନିଃ ଯୋହାନ୍ କାଟାବ୍କେଦାଏ ଆଡ଼ଃ ଦାଖ୍‌ରାସି କାଏ ନୁଁ କେଦାଃ, ଆଡ଼ଃ ହଡକ ‘ଇନିଃକେ ବଙ୍ଗା ଏସେରକିୟାଏ’ ମେନ୍ତେକ କାଜିକେଦା । ୧୯ ଚିମତା ମାନଃହନ୍ ହିଜୁଃକେଦ୍‌ତେ ଜମ୍ ନୁଁ କେଦାଏ, ଇମ୍‌ତା ହଡକ ଇନିଃକେ ‘ପେଟୁ ଆଡ଼ଃ ଦାଖ୍‌ରାସି ନୁଁ ହଡ, ମାଲ୍‌ହାରମ୍‌କଆଃ ଆଡ଼ଃ ପାପିକଆଃ ଗାତି ତାନିଃ’ କାଜିକିୟାକ । ମେନ୍ଦ ପାର୍‌ମେଶ୍‌ବରଆଃ ସେଣ୍ଟି ଆୟାଃ କାମିତେ ଏନା ସାର୍‌ତି ମେନ୍ତେ ଉଦୁବାକାନା ।”

କା ବିଶ୍ୱାସତାନ୍ ସାହାରକ
(ଲୁକ ୧୦:୧୩-୧୫)

୨୦ ଯୀଶୁ ଅକନ୍ ସାହାରରେନ୍ ହଡକତାଃରେ ଆୟାଃ ପୁରାଃ ଆକ୍‌ଦାନ୍‌ଅ କାମିକ ରିକାକାଦ୍ ତାଇକେନାଏ, ଏନ୍ ସାହାରରେନ୍ ହଡକକେ ଇନିଃ ହିଲାଙ୍ଗକେଦ୍‌କଆଏ, ଚିୟାଃତି ଇନ୍କୁ କାକ ହେୟାତିଙ୍ଗକେଦା । ୨୧ “ଏ କରାଜିନ୍, ଆମାଃ ଚିମିନ୍ ପୁରାଃ ବରଂଜାନ୍‌ଗି ହବାଅଃଆ, ଏ ବେଥ୍‌ସାଇଦା, ଚିମିନ୍ ପୁରାଃ ବରଂଜାନ୍‌ଗି ହବାଅଃଆ, ଆବେନ୍‌ରେ ହବାୟାନ୍ ଆକ୍‌ଦାନ୍‌ଅ କାମିକ ସୋର୍ ଆଡ଼ଃ ସିଦୋନ୍‌ରେ ହବାକାନ୍‌ରେଦ, ଇଦୁ ଇନ୍କୁ ଚିତଲ୍‌ରେ ବସ୍ତା ଦୁସିଙ୍ଗକେଦ୍‌ତେ ଆଡ଼ଃ ତରେକ୍ ରେତାନ୍‌ରେ ଦୁବ୍‌କେଦ୍‌ତେ ମନ୍‌ରୁହାଡ୍ କେଦ୍‌ତେୟାଃକ । ୨୨ ଆଇଙ୍ଗ୍ ସାର୍‌ତିଗିଙ୍ଗ୍ କାଜିୟାପେତାନା, ବିଚାର୍ ହୁଲାଙ୍ଗ୍‌ରେ ପାର୍‌ମେଶ୍‌ବର ଆପେତାଃଏତେ ସୋର୍ ଆଡ଼ଃ ସିଦୋନ୍‌ରେନ୍ ହଡକକେ ପୁରାଃ ଲିବୁଇୟାକଆଏ । ୨୩ ଆଡ଼ଃ ଏ କପରନାହୁମ୍, ଚିୟାଃ ଆମ୍ ସିମ୍‌ା ଜାକେଦେମ୍ ରାକାବଆଃ ? ବାନଃଗି ଆମ୍ ପାତାଲ୍ ଜାକେଦେମ୍ ଏଣ୍ଡାଗଆଃ । ଚିୟାଃତି ଆମ୍‌ରେ ଅକନ୍ ଆକ୍‌ଦାନ୍‌ଅ କାମିକ ରିକାୟାନ୍‌, ଏନା ସଦୋମ୍‌ରେ କାମିୟାକାନ୍‌ତେୟାଃ ହଲେ ସୋଦମ୍ ତସିଙ୍ଗ୍ ଜାକେଦ୍ ତାଇକାନ୍‌ତେୟାଃ । ୨୪ *ମେନ୍ଦ ଆଇଙ୍ଗ୍ ଆପେକେ ସାର୍‌ତିଗିଙ୍ଗ୍ କାଜିପେତାନା, ବିଚାର୍ ହୁଲାଙ୍ଗ୍‌ରେ ପାର୍‌ମେଶ୍‌ବର ଆପେତାଃଏତେ ସୋଦମ୍ ଦିଶ୍‌ମ୍‌ରେନ୍ ହଡକକେ ପୁରାଃ ଲିବୁଇୟାକଆଏ ।”

ଲାଗାକାନ୍‌କ ଯୀଶୁତାଃ ହିଜୁଃପେ ରୁଡ୍‌ନୁପେ ନାମେୟା
(ଲୁକ ୧୦:୨୧-୨୨)

୨୫ ଏନ୍ ଦିପିଲିରେ ଯୀଶୁ ବିକ୍ତିକେଦ୍‌ତେ କାଜିକେଦାଏ, “ହେ ଆବା, ସିମ୍‌ା ଆଡ଼ଃ ଅତେରେନ୍ ପ୍ରାଭୁ, ଆମ୍ ନେ କାଜିକ ସେଣ୍ଟିନ୍‌କ ଆଡ଼ଃ ଇଦୁଆନ୍‌କତାଃଏତେମ୍ ଦାନାଙ୍ଗ୍‌ଆଁ କାଦାଃ, ଆଡ଼ଃ କା ଇଦୁଆକାନ୍‌କତାଃରେମ୍ ଉଦୁବାକାଦାଃ ମେନ୍ତେଇଙ୍ଗ୍ ଧାନାବାଦ୍ ଏମାମ୍‌ତାନାଇଙ୍ଗ୍ । ୨୬ ହେଗି, ହେ ଆବା, ନେୟାଗିଦ୍ ଆମାଃ ବୁଗିନ୍ ସାନାଙ୍ଗ୍ ।

୨୭ * “ଆପୁଇଙ୍ଗ୍ ସବେନାଃ ଏମାକାଦିୟାଏ, ଆପୁକେ ବାଗିକେଦ୍‌ତେ ହନ୍ ଅକଏ ତାନିଃ ନେୟା ଜେତାଏ କାକ ସାରିୟାଃ, ଆଡ଼ଃ ହନ୍‌କେ ବାଗିକେଦ୍‌ତେ ଆପୁ ଅକଏ ତାନିଃ ନେୟା ଜେତାଏ କାକ ସାରିୟାଃ । ମେନ୍ଦ ଅକନ୍‌କକେ ଏନା ସାରି ନାଗେନ୍ତେ ହନ୍ ଆଇଃକ୍‌ଗି ସାଲାକୁଆଏ, ଇନ୍କୁ ଏସ୍‌କାର୍ ପାର୍‌ମେଶ୍‌ବରଆଃ ବିଷାଏରେ ସାରିୟାଃକ ।

୨୮ “ଏ ଲାଗାକାନ୍ ଆଡ଼ଃ ବାହାରମ୍‌ତେ ତେନାକାନ୍ ହଡକ ଆଇଙ୍ଗ୍‌ତାଃତେ ହିଜୁଃପେ, ଆଇଙ୍ଗ୍ ଆପେକେ ରୁଡ୍‌ନୁଇଙ୍ଗ୍ ଏମାପେୟା । ୨୯ ଆଇୟାଃ ଆଡ୍‌ନା ଗଅଃଏପେ ଆଡ଼ଃ ଆଇଙ୍ଗ୍‌ଏତେ ଇଡ୍‌ନୁପେ, ଚିୟାଃତି ଆଇଙ୍ଗ୍‌ଦ ମନ୍‌ରେ ଲେବେଃ ଆଡ଼ଃ ନାରାମ୍‌ଗିୟାଙ୍ଗ୍, ଆଡ଼ଃ ଆପେ ରୁଡ୍‌ନୁପେ ନାମେୟା । ୩୦ ଆଇୟାଃ ଆଡ୍‌ନାଦ୍ କେଟେଦ୍ ବାନଆଃ ଆଡ଼ଃ ବାହାରମ୍ ତାଇୟାଃ କା ହାମ୍‌ଲାଃ ।”



ରୁଡ୍‌ନୁ ହୁଲାଙ୍ଗ୍ ବିଷାଏରେ କୁନୁଲି
(ମାର୍କ ୨:୨୩-୨୮; ଲୁକ ୬:୧-୫)

୧ ଏନ୍ ଦିପିଲିରେ ଯୀଶୁ ରୁଡ୍‌ନୁ ହୁଲାଙ୍ଗ୍‌ରେ ହେରାକାନ୍ ପିଡ଼ି ଆଲାଆଲାତେ ସେନଃତାନ୍ ତାଇକେନାଏ, ଆଡ଼ଃ ଆୟାଃ ରେଲ୍‌କେଃତେ ଗେଲେ ଜିକେ ହଦ୍‌କେଦ୍‌ତେ ଜମ୍‌କେଦାକ । ୨ ମେନ୍ଦ ଫାରୁଶୀକ ଏନା ନେଲ୍‌କେଦ୍‌ତେ, ଯୀଶୁକେ କାଜିକିୟାକ, “ନେଲେମେ, ରୁଡ୍‌ନୁ ହୁଲାଙ୍ଗ୍‌ରେ କା ଲାଗାତିଙ୍ଗ୍ କାମି ଆମାଃ ତେଲ୍‌କା କାମିତାନା ।”

୩ ଯୀଶୁ ଇନ୍କୁକେ କାଜିରୁହାଡ୍‌ଦ୍‌କଆଏ, “ଦାଉଦ୍ ଆଡ଼ଃ ଆୟାଃ ଗାତିକ ରେଲ୍‌କେୟାନ୍ ଇମ୍‌ତା ଚିନାଃଏ କାମିକେଦାଃ ଏନା କାପେଚି ପାଡ୍‌ଝା କାଦାଃ ? ୪ ଇନିଃ ପାର୍‌ମେଶ୍‌ବରଆଃ ଅଡ଼ାଃତେ ବଲୟାନ୍‌, ଆଡ଼ଃ ପାର୍‌ମେଶ୍‌ବରଆଃ ନୁଡ୍‌ମ୍‌ରେ ଏମାକାନ୍ ହଲଙ୍ଗ୍, ଅକ୍‌ନାଃକେଚି ଆଇନ୍ ଲେକାତେ ଯାଜାକ୍ ଏସ୍‌କାର୍ ଜମ୍ ଦାଡ଼ିୟାଏ ମେନଃତାନା, ଏନାକେ ଆଡ଼କେଦ୍‌ତେ ଜମ୍‌କେଦାଏ ଆଡ଼ଃ ଆୟାଃଲଃ ତାଇକାନ୍‌କକେୟା ଜମ୍‌ନାଙ୍ଗ୍ ଏମାଦ୍‌କଆଏ । ୫ ଚାଏ ରୁଡ୍‌ନୁ ହୁଲାଙ୍ଗ୍‌ରେ ଯାଜାକ୍‌କ ମାନ୍‌ିର୍ ଅଡ଼ାଃରେ ରୁଡ୍‌ନୁ ହୁଲାଙ୍ଗ୍‌କେ ସଡ୍‌ରାଏ ରେୟା କାକ ଚିଟାଅଃଆ, ନେଆଁ ଚିନାଃ ମୁଶାଃରାଃ ଆନ୍‌ଚୁରେ ଆପେ କାପେ ପାଡ୍‌ଅକାଦା ? ୬ ଆଇଙ୍ଗ୍ ଆପେକେ ମେତାପେ ତାନାଇଙ୍ଗ୍, ମାନ୍‌ିର୍ ଅଡ଼ାଃଏତେ ମାରାଙ୍ଗ୍ ନେତାଃରେ

* ୧୧:୨୪ ୧୧:୨୪ ମାଧୁର ୧୦:୧୫; ଲୁକ ୧୦:୧୨. * ୧୧:୨୭ ୧୧:୨୭ ଯୋହାନ୍ ୩:୩୫; ଯୋହାନ୍ ୧:୧୮; ୧୦:୧୫.

ମେନାଇୟା । ୭୬ ଧାରାମୁଖରେ ଅଲୀକାନା, ‘ଆଇଙ୍ଗ୍ ଦାଣ୍ଡୋରାକାବ୍ କାହାଗି ମେନ୍ଦ୍ ଲିବୁଇଙ୍ଗ୍ ସୁକୁତାନା,’ ନେଆଁରାଃ ମୁଣ୍ଡିପେ ଆବ୍ କାର୍ତ୍ତରୁମ୍ କାରେଦ୍, ନେ ବେଗାର୍ ଗୁଣ୍ଡାନ୍ କକେ କାପେ ଚିଟାକାକତେୟାଃ । ‘ଚିୟାଃଟି ମାନଞ୍ଜାହନ୍ ରୁଡ୍ ନୁ ହୁଲାଙ୍ଗ୍ରେନ୍ ଗମ୍ କେ ତାନିଃ ।’

ୟୀଶୁ ରହଡ଼ିଃଇ ହଡ଼କେ ବୁଗି ତାନାଏ
(ମାର୍କ ୩:୧-୬; ଲୁକ ୬:୬-୧୧)

୯୮ ୟୀଶୁ ଏନ୍ ଠାୟାଦ୍ ବାଗିକେଦ୍ତେ ସାମାଜ୍ ଅଡ଼ାଃତେ ବଲୟାନା । ୧୦୦ ଆଡ଼ଃ ଏନ୍ତାଃରେ ତିଃଇ ରହଡ଼ାକାନ୍ ମିଆଁଦ୍ ହଡ଼ ତାଇକେନାଏ । ଏନ୍ତେ ଚିମିନ୍ ହଡ଼କ ୟୀଶୁକେ ଚିଟାଇ ନାଗେନ୍ତେ କୁଲିକିୟାକ, “ରୁଡ୍ ନୁ ହୁଲାଙ୍ଗ୍ରେ ବୁଗିତେୟାଃ ଆଇନ୍ ଲେକାତେ ଠାଉକାନ୍ରିୟାଟି ?”

୧୧ ୟୀଶୁ ଇନ୍କୁକେ କାଜିରୁହାଡ଼ାଦ୍ କଥା, “ଆପେକଏତେ ଜେତାଏୟାଃ ମିଣ୍ଡି, ରୁଡ୍ ନୁ ହୁଲାଙ୍ଗ୍ ଗାତାରେ ଉୟାଃକେନଃରେ, ଚିୟାଃ ଆପେ ଇନିଃକେ ସାବ୍ କିତେ କାପେ ଅଡ଼ଙ୍ଗ୍ ଇୟା ? ୧୨ ଆଡ଼ଃ ମିଣ୍ଡିଏତେ ହଡ଼ ପୁରାଃଗି ଗନଙ୍ଗ୍ ଆଁଏ । ଏନା ନାଗେନ୍ତେ ରୁଡ୍ ନୁ ହୁଲାଙ୍ଗ୍ରେ ବୁଗିନାଃ କାମିତେୟାଃ ଆଇନ୍ ଲେକାତେ ଏଟାଃନିଃକେ ଦେଙ୍ଗାତେୟାଃ ଠାଉକାନ୍ରିୟା ।”

୧୩ ଏନ୍ତେ ଇନିଃ ଏନ୍ ହଡ଼କେ କାଜିକିୟାଏ, “ତିଃଇତାମାଃ ଜିଲିଙ୍ଗ୍ ଘେଁମେ ।” ଏନ୍ତେ ଇନିଃ ତିଃଇତାୟାଃ ଜିଲିଙ୍ଗ୍ କେଦାଏ, ଆଡ଼ଃ ଏଟାଃ ତିଃଇ ଲେକା ବୁଗିରୁହାଡ଼ାୟାନା । ୧୪ ମେନ୍ଦ୍ ଫାରୁଶୀକ ଅଡ଼ଙ୍ଗ୍ କେଦ୍ତେ ୟୀଶୁକେ ଚିଲ୍ କାତେବୁ ଗଜିୟା ମେନ୍ତେକ ରଜୋଟକେଦା ।

ପ୍ରାଭୁଆଃ ସାଲୀକାନ୍ ଦାସି

୧୫ ଚିମ୍ତା ୟୀଶୁ ଆୟାଃ ବିରୁଧ୍ରେ ରଜୋଟନାକ ମେନ୍ତେ ଆୟୁମ୍ କେଦା ଇମ୍ତା ଇନିଃ ଏନ୍ତାଃଏତେ ଅଡ଼ଙ୍ଗ୍ ଘାନା ଆଡ଼ଃ ଗାଦେଲ୍ ହଡ଼କ ଇନିଃକେ ଅଡ଼ଙ୍ଗ୍ କିୟାକ ଏନ୍ତେ ସବେନ୍ ଦୁକୁତାନ୍ କକେ ବୁଗିକେଦ୍ କଥାଏ । ୧୬ ଆଡ଼ଃ ଆଇଁୟାଃ ବିଷାଏରେ ଏଟାଃକକେ ଆଲ୍ ପେ କାଜିକଥା ମେନ୍ତେ ଇନିଃ ଇନ୍କୁକେ ମାରାଙ୍ଗ୍ ମଚା କେଦ୍ କଥାଏ । ୧୭ ପାର୍ମେଶ୍ୱାର୍ ଯିଶାୟ ନାବାଆଃ ହରାତେ କାଜିକାଦ୍ତେୟାଃ ପୁରାଆଃ, ନାଗେନ୍ତେ ଇନିଃ ନେଆଁ କାମିକେଦାଏ,

୧୮ “ଆଇଁୟାଃ ଦାସି ନେତାଃରିୟା, ଅକଏକେଚି ଆଇଙ୍ଗ୍ ସାଲୀକାଜାଇଙ୍ଗ୍,
ଇନିଃକେ ଆଇଙ୍ଗ୍ ପୁରାଃଗିଇଙ୍ଗ୍ ଦୁଲାଡ଼୍ ତାନା, ଇନିଃତାଃରେ ଆଇଁୟାଃ ପୁରାଃଗି ସୁକୁ,
ଆଇଙ୍ଗ୍ ଇନିଃରେ ଆଇଁୟାଃ ଆମ୍ବାକେ କୁଲିୟାଇଙ୍ଗ୍,
ଆଡ଼ଃ ଇନିଃ ସବେନ୍ ସାଅଁସାର୍ ହଡ଼କତାଃରେ ଆଇଁୟାଃ ବିଚାର୍ ଉଦୁବେୟାଏ ।

୧୯ ଇନିଃ କାଏ ଏପେରାଙ୍ଗ୍ ଆଃ ଚାଏ କାଏ କିର୍ଲାଅୟା,
ଚାଏ ଆଲା ହରାରେ କାଏ ତିଙ୍ଗୁନା ଆଡ଼ଃ ପୁରାଃତେ କାଏ କିର୍ଲାଅୟା ।

୨୦ ଇନିଃ କା ପେଡ଼େୟାନ୍ କକେ ଲେବେଃ ମନ୍ତେ ନେଲ୍ କଥା,
ଆଡ଼ଃ ନାରାଦୁରାକକେ ଲିବୁଇୟାକଥା ।

ଇନ୍କୁ ବିଚାର୍ ଆଉରି ନାମେ ଜାକେଦ୍ ଏନ୍ କାମି ନାଗେନ୍ତେ କାଏ ଅହରାଆଃ,
୨୧ ଆଡ଼ଃ ଇନିୟାଃ ନୁଡୁମ୍ରେ ଦିଶୁମ୍ରେନ୍ ସବେନ୍ ହଡ଼କ ଆସାଏୟା ।”

ୟୀଶୁ ଆଡ଼ଃ ବାଲ୍ ଜେବୁଲ୍
(ମାର୍କ ୩:୨୦-୩୦; ଲୁକ ୧୧:୧୪-୨୩)

୨୨ ଏନ୍ତେ ଚିମିନ୍ ହଡ଼କ ବଙ୍ଗା ଏସେରକାନ୍ ମିଆଁଦ୍ କା ନେଲ୍ ଦାଡ଼ିତାନ୍ ଆଡ଼ଃ କା ବାଖାଁଣ୍ ଦାଡ଼ିତାନ୍ ହଡ଼କେ ୟୀଶୁତାଃତେକ ଆଉକିୟା, ଆଡ଼ଃ ଇନିଃ ଏନ୍ ହଡ଼କେ ବୁଗିକିୟାଏ, ଏନ୍ତେ ଇନିଃ ବାଖାଁଣ୍ ଆଡ଼ଃ ନେଲ୍ ଦାଡ଼ିକେଦାଏ । ୨୩ ନେଆଁ ନେଲ୍ କେଦ୍ତେ ଗାଦେଲ୍ ହଡ଼କ ଆକ୍ ଦାନ୍ଦାୟାନାକ ଆଡ଼ଃ ମେନ୍ କେଦା, “ଚିୟାଃ ନିଃ ଦାଉଦ୍ ଆଃ ହନ୍ କାଟି ତାନିଃ ?”

୨୪ ୟୀଶୁ ମେନ୍ଦ୍ ଫାରୁଶୀକ ନେଆଁ ଆୟୁମ୍ କେଦ୍ତେ କାଜିକେଦାକ, “ବଙ୍ଗାକଆଃ ଗମ୍ କେ ବାଲ୍ ଜେବୁଲ୍ ଗି ନିଃକେ ବଙ୍ଗାକକେ ହାର୍ ଅଡ଼ଙ୍ଗ୍ ନାଙ୍ଗ୍ ପେଡ଼େଃ ଏମାଇତାନାଏ ।”

୨୫ ୟୀଶୁ ଇନ୍କୁଆଃ ମନ୍ରେୟାଃ ଉଡ଼ୁ ଆବ୍ କାର୍ତ୍ତକେଦ୍ତେ ଇନ୍କୁକେ ମେତାଦ୍ କଥା, “ଜେତା ରାଇଜ୍ ଆଇଃକ୍ତେଗି ବିନ୍ ଗାଅକେଦ୍ତେ ଆକ ଆକଆଲାରେ ଲାପ୍ଡାଇରେଦ୍ ଏନ୍ ରାଇଜ୍ କା ତିଙ୍ଗୁନାଃ । ଜେତା ସାହାର୍ ଚାଏ ଅଡ଼ାଃରେ ବିନ୍ ଗାଅ ହବାକେଦ୍ତେ ଆକ ଆକରେ ଲାପ୍ଡାଇରେଦ୍, ଇନ୍କୁ କାକ ତାଇନ୍ ଦାଡ଼ିୟା । ୨୬ ଏନ୍ ଲେକାଗି ସାଏତାନ୍, ସାଏତାନ୍ ଆଃ ରାଇଜ୍ ହିଗାଡ଼କେଦ୍ତେ ବିନ୍ ଗାଅରେଦ୍ ଏନା କା ତିଙ୍ଗୁନାଃ, ମେନ୍ଦ୍ ଛିତିବିତିକେଦ୍ତେ ଟୁଣ୍ଡୁତାରଃଆ । ଏନ୍ରେଦ୍ ଚିଲ୍ କାତେ ଆୟାଃ ରାଇଜ୍ ତାଇନ୍ ଦାଡ଼ିୟାଆ ? ୨୭ ଆଡ଼ଃ ଆଇଙ୍ଗ୍ ବାଲ୍ ଜେବୁଲ୍ ଆଃ ପେଡ଼େଃତେ ବଙ୍ଗାକକେ ହାର୍ ଅଡ଼ଙ୍ଗ୍ କ ତାନ୍ରେଦ୍, ଆପେୟାଃ ହଡ଼କ ଅକଏୟାଃ ହରାତେକ ହାର୍ ଅଡ଼ଙ୍ଗ୍ କତାନା ? ଏନା

☆ ୧୨:୭ ୧୨:୭ ମାଥିଉ ୯:୧୩. ☆ ୧୨:୧୧ ୧୨:୧୧ ଲୁକ ୧୪:୫. ☆ ୧୨:୨୪ ୧୨:୨୪ ମାଥିଉ ୯:୩୪; ୧୦:୨୫.

ନାଗେନ୍ତେ ଇନ୍‌କୁଗି ଆପେୟାଃ ବିଚାରନିଃକ ହବାଅଆଃ । ୨୮ ଫେନ୍‌ଦ ଆଇଙ୍ଗ ପାର୍‌ମେଶ୍ୱାର୍‌ଆଃ ଆମ୍ବାତେ ବଙ୍ଗାକଇଙ୍ଗ ହାର୍‌ଅଡଙ୍ଗକ ତାନରେଦ ଏନାତେ ଆଟ୍‌କାରଃତାନା ପାର୍‌ମେଶ୍ୱାର୍‌ଆଃ ରାଇଙ୍ଗ ଆପେତାଃତେ ତେବାଃକାନା ।

୨୯ “ପେଡେୟାନ୍‌ନିଃକେ ଆଉରି ତଲ୍‌ ଜାକେଦ୍ ଜେତାଏ ଇନିୟାଃ ଅଡ଼ାଃରେ ବଲକେଦ୍‌ତେ ଆୟାଃ ଫେନାଃତେୟାଃ କାଏ ରେଃକ୍‌ଦାଡ଼ିୟା, ଫେନ୍‌ଦ ସିଦାତେ ଇନିଃକେ ତଲ୍‌କେଦ୍‌ତେ ଆୟାଃ ଫେନାଃତେୟାଃ ରେଃକ୍‌ଦାଡ଼ିୟାଏ ।

୩୦ “ଜେତାଏ ଆଇଁୟାଃଲଃ ବାଙ୍ଗାକନିଃ, ଆଇଁୟାଃ ବିରୁଧ୍‌ରେ ଫେନାକୟା ଆତଃ ଜେତାଏ ଆଇଁୟାଃଲଃ କାଏ ହୁଣ୍ଡିନିଃ ଛିଡିବିଡିୟାଆଏ । ୩୧ ଏନା ନାଗେନ୍ତେ, ଆଇଙ୍ଗ ଆପେକେ କାଜିପେତାନାଇଙ୍ଗ, ହଡ଼କଆଃ ସବେନ୍ ପାପ୍ ଆତଃ ଏଡ଼କାନ୍ କାଜିକ ଛାମାଃ, ଫେନ୍‌ଦ ପାବିତାର୍ ଆମ୍ବାରାଃ ବିରୁଧ୍‌ରେ ନିୟା କାଜିକ କା ଛାମାଃ । ୩୨ ଜେତାଏ ମାନଃହନ୍‌ଆଃ ବିରୁଧ୍‌ରେ କାଜିନିଃ ଛାମାଃ, ଫେନ୍‌ଦ ଜେତାଏ ପାବିତାର୍ ଆମ୍ବାରାଃ ବିରୁଧ୍‌ରେ କାଜିନିଃକେ ନେ ପାରିୟା* ଚାଏ ହିଜୁଃତାନ୍ ପାରିୟାରେୟ କା ଛାମାଃ ।

ଦାରୁ ଆତଃ ଏନାରେୟାଃ ଜ (ଲୁକ ୬:୪୩-୪୫)

୩୩ “ଆପେ ଦାରୁ ବୁଗିନାଃପେ ଫେନେରେଦ୍ ଜ ବୁଗିନାଃପେ ଫେନେୟା ଚାଏ ଦାରୁ ଏଡ଼କାନାଃପେ ଫେନେରେଦ୍ ଜ ଏଡ଼କାନାଃପେ ଫେନେୟା, ଚିୟାଃଚି ଦାରୁଦ୍ ଆୟାଃ ଜ'ତେ ଆଟ୍‌କାର୍‌ତରୁମଃଆ । ୩୪ ବିଙ୍ଗକ ଲେକା ଏଡ଼କାନ୍ ହଡ଼କ ତାନପେରେଦ୍ ଚିଲ୍‌କାତେ ବୁଗିନ୍‌ତେୟାଃପେ କାଜିଦାଡ଼ିୟାଃ ? ଚିୟାଃଚି ମନ୍‌ରେ ଅକ୍‌ନାଃ ପେରେଜାକାନ୍‌ତେୟାଃ ମତାଏ କାଜିୟା । ୩୫ ବୁଗିନ୍ ହଡ଼ ଆୟାଃ ବୁଗିନ୍ ଭାଣ୍ଡାର୍‌ଅଡ଼ାଃଏତେ ବୁଗିନ୍‌ତେୟାଃ ଅଡ଼ଙ୍ଗୟେଆଏ, ଏଡ଼କାନ୍ ହଡ଼ ଆୟାଃ ଏଡ଼କାନ୍ ଭାଣ୍ଡାର୍‌ଅଡ଼ାଃଏତେ ଏଡ଼କାନ୍‌ତେୟାଃ ଅଡ଼ଙ୍ଗୟେଆଏ ।

୩୬ “ଫେନ୍‌ଦ ଆଇଙ୍ଗ ଆପେକେ କାଜିପେତାନାଇଙ୍ଗ, ହଡ଼କ ଆକଆଃ ମିନିଆଦ୍ ସାମାକାଜିରେୟାଃ ହିସାବ୍ ବିଚାର୍ ହୁଲାଙ୍ଗରେକ ଏଫେୟା । ୩୭ ଆପେ ଆପେୟାଃ ଜାଗାର୍‌ତେଗି ବିଚାର୍‌ୟାନ୍‌ଲଃ ଗୁଣ୍ଡାକାଦାପେ ଚି କାପେ ଗୁଣ୍ଡାକାଦା, ଏନା ଉଦୁବଃଆପେ ।”

ଆଇନ୍ ଇଡୁକ ଆତଃ ଫାରୁଗୀକ ଯୀଶୁକେ ଚିହ୍ନାକ ଆସିତାନା (ମାର୍କ ୮:୧୧-୧୨; ଲୁକ ୧୧:୨୯-୩୨)

୩୮ “ଏନ୍ତେ ଆଇନ୍ ଇଡୁକ ଆତଃ ଫାରୁଗୀକଏତେ ଚିମିନ୍ ହଡ଼କ କାଜିକିୟାକ, “ହେ ଗୁରୁ, ଆଲେ ଆମାଃତାଃଏତେ ମିଆଁଦ୍ ଚିହ୍ନା ନେନେଲ୍ ସାନାଙ୍ଗତାନାଲେ ।”

୩୯ “ଫେନ୍‌ଦ ଯୀଶୁ ଇନ୍‌କୁକେ କାଜିରୁହାଡ଼କେଦ୍‌କଆଏ, “ଆପେ ନେ ପାରିୟାରେନ୍ ହଡ଼କ, ଚିମିନ୍ ଏଡ଼କାନ୍ ଆତଃ ପାର୍‌ମେଶ୍ୱାର୍‌କେ କା ବିଶ୍ୱାସ୍‌ତାନ୍‌କ ତାନ୍‌ପେ । ଆପେ ଆଇଙ୍ଗକେ ମିଆଁଦ୍ ଚିହ୍ନାପେ ଆସିତାନା, ଫେନ୍‌ଦ ଯୁନ୍‌ସ୍ ନାବୀଆଃ ଚିହ୍ନା ବାଗିକେଦ୍‌ତେ ଆତଃ ଏଟାଃ ଚିହ୍ନା ଆପେକେ କା ଉଦୁବଃଆ । ୪୦ ଯୁନ୍‌ସ୍ ନାବୀ ଆପି ମାହାଁ ନିଦାସିଙ୍ଗି ମାରାଙ୍ଗ ହାକୁଆଃ ଲାହିଦ୍‌ରେ ତାଇକେନାଏ, ଏନ୍‌ଲେକାଗି ମାନଃହନ୍‌ ଆପି ମାହାଁ ନିଦାସିଙ୍ଗି ଅତେ ଭିତାର୍‌ରେ ତାଇନାଏ । ୪୧ ନିନିବିରେ ଯୁନ୍‌ସ୍ ନାବୀ ପ୍ରାଚାର୍‌କେଦ୍ ଇମ୍‌ତା ପାଡିୟାର୍‌କେଦ୍ ହଡ଼କ ତିଙ୍ଗୁକେଦ୍‌ତେ ନେ ଦିପିଲିରେନ୍ ହଡ଼କଲଃ ପାର୍‌ମେଶ୍ୱାର୍ ବିଚାର୍ ହୁଲାଙ୍ଗରେ ଇନ୍‌କୁକେକ ଚିଟାକଆ, ଚିୟାଃଚି ଇନ୍‌କୁ ଯୁନ୍‌ସ୍ ପାର୍‌ଚାର୍‌କେଦ୍ ଇମ୍‌ତା ମନ୍‌ରୁହାଡ଼କେଦାକ, ଆତଃ ନାହାଁଃ ଆଇଙ୍ଗ କାଜିପେତାନାଇଙ୍ଗ, ଯୁନ୍‌ସ୍‌ଏତେ ମାରାଙ୍ଗିନିଃ ନେତାଃରେ ଫେନାକୟା । ୪୨ ବିଚାର୍ ହୁଲାଙ୍ଗରେ ଦାକ୍ଷିଣ୍ ଦିଶୁମ୍‌ରେନ୍ ରାନୀ ନେ ଦିପିଲିରେନ୍ ହଡ଼କଲଃ ତିଙ୍ଗୁନାଃ ଆତଃ ଇନ୍‌କୁକେ ଚିଟାକଆ, ଚିୟାଃଚି ଇନିଃ ସୁଲିମାନ୍‌ଆଃ ସେଣାନ୍ କାଜି ଆୟୁମ୍ ନାଗେନ୍ତେ ଆୟାଃ ଅତେଦିଶୁମ୍‌ରେୟାଃ ଚୁଣ୍ଡୁଏତେ ହିଜୁଃକାନ୍ ତାଇକେନା, ଆତଃ ନେଲେପେ, ସୁଲିମାନ୍‌ଏତେ ମାରାଙ୍ଗିନିଃ ନେତାଃରେ ଫେନାକୟା ।

ଏଡ଼କାନ୍ ଆମ୍ବାରାଃ ହିଜୁଃରୁହାଡ଼ (ଲୁକ ୧୧:୨୪-୨୬)

୪୩ “ସଡ଼ରା ଆମ୍ବା ମିହୁଡ଼ତାଃଏତେ ଅଡ଼ଙ୍ଗୟାନ୍‌ରେ, ରହଡ଼ ଠାୟାଦ୍‌କରେ ହନର୍‌ବାଡ଼ାକେଦ୍‌ତେ ରୁଡ଼ନ୍ ନାଗେନ୍ତେ ଦାଣାଁୟାଏ ଆତଃ କାଏ ନାମ୍‌ତାରେ, ୪୪ ଇନିଃ କାଜିୟାଏ, ‘ଆଇଙ୍ଗ ଅକନ୍ ଅଡ଼ାଃଏତେ ଅଡ଼ଙ୍ଗକାନ୍ ତାଇକେନାଇଙ୍ଗ, ଏନ୍ ଅଡ଼ାଃତେଗି ସେନ୍‌ରୁହାଡ଼ାଇଙ୍ଗ,’ ଆତଃ ଇନିଃ ଏନ୍ ଅଡ଼ାଃକେ ସାମାଅଡ଼ାଃ, ସାଫାକାନ୍ ଆତଃ ସୁଗାଡ଼ାନ୍‌ଗି ନେଲେୟା । ୪୫ ଏନ୍ତେ ଇନିଃ ସେନ୍‌କେଦ୍‌ତେ ଆୟାଃତାଃଏତେ ଆଦ୍‌କା ଏଡ଼କାନ୍ ସାଡ଼ୁ ଆମ୍ବାକକେ ମିଦ୍‌ତେ ଆଉକଆ, ଆତଃ ଇନ୍‌କୁ ଏନାରେକ ବଲଆ ଆତଃକ ତାଇନଃଆ । ଆତଃ ଏନ୍ ହଡ଼ରାଃ ଦାସା ପାହିଲାଏତେ ଚୁଣ୍ଡୁ ଦାସା ପୁରାଃଗି ଏଡ଼କାନ୍ ହବାଅଆଃ । ନେ ଦିପିଲିରେନ୍ ଏଡ଼କାନ୍ ହଡ଼କଆଃଲଃ ନେ ଲେକା ହବାଅଆଃ ।”

☆ ୧୨:୩୦ ୧୨:୩୦ ମାର୍କ ୯:୪୦. ☆ ୧୨:୩୨ ୧୨:୩୨ ଲୁକ ୧୨:୧୦. * ୧୨:୩୨ ୧୨:୩୨ ଯୁଗ୍ ☆ ୧୨:୩୩ ୧୨:୩୩ ମାଥିଲ ୭:୨୦; ଲୁକ ୬:୪୪. ☆ ୧୨:୩୪ ୧୨:୩୪ ମାଥିଲ ୩:୭; ୨୩:୩୩; ଲୁକ ୩:୭ମାଥିଲ ୧୫:୧୮; ଲୁକ ୬:୪୫. ☆ ୧୨:୩୮ ୧୨:୩୮ ମାଥିଲ ୧୨:୧; ମାର୍କ ୮:୧୧; ଲୁକ ୧୧:୧୭. ☆ ୧୨:୩୯ ୧୨:୩୯ ମାଥିଲ ୧୨:୪; ମାର୍କ ୮:୧୨.

ୟୀଶୁଆଃ ଏଙ୍ଗା ଆତଃ ହାଗାକ

(ମାର୍କ ୩:୩୧-୩୫; ଲୁକ ୮:୧୯-୨୧)

୪୭ ୟୀଶୁ ଗାଦେଲ୍ ହତକକେ କାଜିକତାନ୍ ତାକେକେନ୍ରେ, ଇନିୟାଃ ଏଙ୍ଗା ଆତଃ ହାଗାକ ଏନ୍ତାଃ ସେଟେକେଦତେ ବାହାରିରେ ତିଙ୍ଗୁୟାନାକ ଆତଃ ଆୟାଃଲଃ ଜାଗାର୍ ନାଗେନ୍ତେ ମିହୁଡ଼ତାଃରେ କାଜିକୁଲ୍ଲକେଦାକ । ୪୭ ଏନ୍ତେ ମିହୁଡ଼ ଇନିଃକେ କାଜିକିୟାଏ, “ଆମାଃ ଏଙ୍ଗାମ୍, ଆତଃ ହାଗାମ୍ତେକ ବାହାରିରେ ତିଙ୍ଗୁକେଦତେ ଆମାଃଲଃ ଜାଗାର୍ ନାଗେନ୍ତେକ ସାନାଙ୍ଗତାନା ।”†

୪୮ ମେନ୍ଦ ଯୀଶୁ ଇନ୍କୁ କାଜିରୁହାଡ଼କେଦକଆଏ, “ଅକଏ ଆଇଁୟାଃ ଏଙ୍ଗାକକ୍ ? ଆତଃ ଅକନ୍କ ଆଇଁୟାଃ ହାଗାକକ୍ ତାନ୍କ ?” ୪୯ ଏନ୍ତେ ଇନିଃ ଆୟାଃ ଚେଲାକକେ ରୁଣ୍ଡୁକେଦତେ ମେତାଦକଆ, “ନେଲ୍କପେ, ନିକୁଦ, ଆଇଁୟାଃ ଏଙ୍ଗା ଆତଃ ହାଗାକତାନ୍କ । ୫୦ ଆଇଁୟାଃ ସିର୍ମାରେନ୍ ଆପୁଆଃ ମନେଲେକା କାମିନିଃଗି ଆଇଁୟାଃ ହାଗା, ମିଗି ଆତଃ ଏଙ୍ଗା ତାନ୍କ ।”

୧୩

ହିତାହେର୍ନିଆଃ ଜନ୍କା କାଜି

(ମାର୍କ ୪:୧-୯; ଲୁକ ୮:୪-୮)

୧ ଏନ୍ ହୁଲାଙ୍ଗି ଯୀଶୁ ଅଡ଼ାଃଏତେ ଅଡ଼ଙ୍ଗକେଦତେ ଦରେୟା ଗେନାରେ ଦୁବ୍ୟାନାଏ, ଆତଃ ଇତୁ ଏଟେକେଦାଏ । ୨ *ଆତଃ ଗାଦେଲ୍ ହତକ ଇନିୟାଃ ହେପାଦରେକ ଜୁରୁହୁଣ୍ଡିୟାନ୍ତେ ଇନିଃ ମିଆଁଦ୍ ଲାଉକାରେ ଦୁବ୍ୟାନାଏ ଆତଃ ଗାଦେଲ୍ ହତକ ଦରେୟା ଗେନାରେ ତିଙ୍ଗୁୟାନା । ୩ ଇନିଃ ଇନ୍କୁକେ ଜନ୍କା କାଜିତେ ପୁରାଃ କାଜି ଉଦୁବ୍କେଦକଆ ।

“ମୁସିଙ୍ଗୁହୁଲାଙ୍ଗି ମିଆଁଦ୍ ହିତାହେର୍ନିଃ ହିତା ହେର୍ ନାଗେନ୍ତେ ଅଡ଼ଙ୍ଗୟାନା । ୪ ଇନିଃ ହିତା ହେର୍ତାନ୍ ଇମ୍ତା, ତିମିନ୍ ହିତା ହରା ଗେନାରେ ଉୟୁଃୟାନା ଆତଃ ଚେଟ୍ଟିକ ଆଡ଼ଗୁକେଦତେ ଏନାକ ହାଲାଙ୍ଗ୍ ଜମ୍କେଦା । ୫ ତିମିନ୍ ହିତାଦ ହାସା ପୁରାଃ ବାନଃ ଦିରି ଅତେରେ ଉୟୁଃୟାନା, ହାସା ଏଡ଼ାଙ୍ଗି ତାଇକାନ୍ ହରାତେ ଅମନ୍ ଧାବ୍ୟାନା । ୬ ମେନ୍ଦ ସିଙ୍ଗିରାଃ ରାପ୍ତେ ଏନ୍ ଅମନ୍ତେୟାଃକ ସବେନ୍ ରହଡ଼ଗସୟାନା, ଚିୟାଃତି ଏନାଏତେ ଭିତାର୍ତେ ପୁରାଃ କା ରେହେଦାକାନ୍ ତାଇକେନା । ୭ ତିମିନ୍ ହିତା ଜାନୁମ୍ ରୁପାଦକ ଆଲାରେ ଉୟୁଃୟାନା, ଏନାକକେ ଜାନୁମ୍ ହାରାତପାକେଦାଏ, ଆତଃ ଏନାକ କା ଜ ଯାନା । ୮ ମେନ୍ଦ ତିମିନ୍ ହିତା ବୁଗିନ୍ ଅତେରେ ଉୟୁଃୟାନା, ଆତଃ ଏନା ଅମନ୍ ହାରାୟାନ୍ତେ ଆଦକା ଜ'ୟାନା, ତିମିନ୍ ମିଦ୍‌ଶାଅଗୁନା, ତିମିନ୍ ଷାଠେ, ଆତଃ ତିମିନ୍ ତିରିଗ୍‌ଗୁନା, ଜ'ୟାନା ।”

୯ ଆତଃ ୟୀଶୁ ମେନ୍କେଦାଏ, “ଆୟୁମ୍ ନାଗେନ୍ତେ ଲୁଡୁର୍ ମେନାଃନିଃ ଆୟୁମେକାଏ ।”

ୟୀଶୁ ଚିକାନାଙ୍ଗ୍ ଜନ୍କା କାଜି କାଜିକେଦାଏ

(ମାର୍କ ୪:୧୦-୧୨; ଲୁକ ୮:୯-୧୦)

୧୦ ଏନ୍ତେ ଚେଲାକ ୟୀଶୁତାଃ ହିଜୁଃକେଦତେ କୁଲିକିୟାକ, “ଚିକାନାଙ୍ଗ୍ ହତକକେ ଜନ୍କା କାଜିତେମ୍ ଇତୁକତାନା ?”

୧୧ ୟୀଶୁ ଇନ୍କୁକେ କାଜିରୁହାଡ଼ାଦକଆ, “ଆପେଦ ସିର୍ମା ରାଇଜ୍‌ରେୟାଃ ଉକୁଆକାନ୍ କାଜିରାଃ ମୁଣ୍ଡି ସାରି ନାଗେନ୍ତେ ସେଣ୍ଟା ଏମାକାନା, ମେନ୍ଦ ବାହାରିରେନ୍ ଏଟାଃକକେ କାଜିରାଃ ମୁଣ୍ଡି ସାରି ନାଗେନ୍ତେ ସେଣ୍ଟା କା ଏମାକାନା । ୧୨ *ଜେତାଏତାଃରେ ମେନାଃନିଃକେ ଏମାଃଆ, ଆତଃ ଇନିୟାଃ ପୁରାଃଗି ହବାଅଆଃ, ମେନ୍ଦ ଜେତାଏତାଃରେ ବାନଃଆ, ଇନିଃତାଃଏତେ ଅକ୍ନାଃ ମେନାଃ ଏନାହଗି ଇଦିୟଃଆ । ୧୩ ଇନ୍କୁକେ ଆଇଙ୍ଗ୍ ଜନ୍କା କାଜିତେ ଇତୁକ ତାନାକକ୍, ଚିୟାଃତି ଇନ୍କୁ ନେଲ୍‌ଦକ ନେଲେୟା ମେନ୍ଦ କାକ ନେଲେୟା, ଆୟୁମ୍‌ଦକ ଆୟୁମେୟା ମେନ୍ଦ କାକ ଆଟ୍‌କାର୍‌ଉରୁମେୟା । ୧୪ ଇନ୍କୁରେ ଯିଶାୟ ନାବାଆଃ ଆୟାର୍‌କାଜି ପୁରାଅଃତାନା,

“ନେ ହତକ ଆୟୁମ୍‌ଦକ ଆୟୁମେୟା ମେନ୍ଦ କାକ ଆଟ୍‌କାର୍‌ଉରୁମେୟା;

ଆତଃ ନେଲ୍‌ଦକ ନେଲେୟା ମେନ୍ଦ କାକ ନେଲ୍‌ଉରୁମେୟା,

୧୫ ଚିୟାଃତି ନେ ହତକଆଃ ମନ୍ କେଟେଦଉତାର୍‌ୟାନା,
ଇନ୍କୁଆଃ ଲୁଡୁର୍ ମେନାଃରେୟ କାକ ଆୟୁମେୟା
ଆତଃ ଇନ୍କୁଆଃ ମେଦ୍ ମେନାଃରେୟ କାକ ନେଲେୟା ।

କା'ରେଦ, ଇନ୍କୁ ଆକଆଃ ମେଦ୍‌ତେକ ନେଲେତେୟାଃ,
ଆତଃ ଆକଆଃ ଲୁଡୁର୍‌ତେକ ଆୟୁମେତେୟାଃ,
ଆତଃ ଆକଆଃ ମନ୍‌ତେକ ଆଟ୍‌କାର୍‌ଉରୁମେତେୟାଃ,

ଆତଃ ଇନ୍କୁ ଆଇଁୟାଃତାଃରେ ରୁହାଡ଼ତେୟାଃକ,
ଏନ୍ତେ ଆଇଙ୍ଗ୍ ଇନ୍କୁକେଇଙ୍ଗ୍ ବୁଗିକତେୟାଃ ।”

୧୬ *ମେନ୍ଦ ଆପେ ତିମିନ୍ ସୁକୁତାନ୍‌ଗିୟାଃପେ, ଚିୟାଃତି ଆପେ ନେଲ୍ ଦାଡ଼ିତାନାପେ, ଆତଃ ଆୟୁମ୍ ଦାଡ଼ିତାନାପେ

† ୧୨:୪୭ 12:47 ନେ ବାଗାନ୍ ତିମିନ୍ ମାରି ଅନଲ୍‌ରେ ବାନଆଃ * ୧୩:୨ ୧୩:୨ ଲୁକ ୫:୧-୩. * ୧୩:୧୭ ୧୩:୧୭ ମାଥୁରା ୨୫:୨୯; ମାର୍କ ୪:୨୫; ଲୁକ ୮:୧୮; ୧୯:୨୭. * ୧୩:୧୭ ୧୩:୧୭ ଲୁକ ୧୦:୨୩,୨୪.

। ୧୭ ଆଇଙ୍ଗଦ ସାର୍ତ୍ତିଗିଙ୍ଗ କାଜିୟାପେତାନା, ଆପେ ନେଲ୍ତାନତେୟା ପୁରା ନାବୀକ ଆତଃ ଧାର୍ମାନ ହଡକ ନେନେଲ୍ ସାନାଙ୍ଗକେଦକଆ ମେନ୍ଦ କାକ ନେଲ୍କେଦା ଆତଃ ଆପେ ଆୟୁମ୍‌କେଦ୍‌ତେୟା ଇନ୍‌କୁକେ ଆୟୁମ୍ ସାନାଙ୍ଗକେଦକଆ ମେନ୍ଦ କାକ ଆୟୁମ୍‌କେଦା ।

ୟାଶୁ ହିତାହେରନିଆଃ ଜନ୍‌କାରାଃ ମୁଣ୍ଡି ଉଦୁବ୍‌କେଦା
(ମାର୍କ ୪:୧୩-୨୦; ଲୁକ ୮:୧୧-୧୫)

୧୮ “ଆପେ ନାହାଁଃ ହିତାହେରନିଆଃ ଜନ୍‌କା କାଜିରେୟା ମୁଣ୍ଡି ଆୟୁମେପେ । ୧୯ ଜେତାଏ ହଡ ସିର୍ମା ରାଇଜ୍‌ରେୟା କାଜି ଆୟୁମ୍‌କେଦ୍‌ତେ ଏନା କାଏ ଆଟ୍‌କାର୍‌ଉରୁମେରେ, ଏନ୍ ଏଡକାନ୍‌ନିଃ ହିଜୁଃଆଏ ଆତଃ ଇନିୟାଃ ମନ୍‌ସୁରୁଦ୍‌ରେ ହେରାକାନ୍‌ତେୟାଃ ରେଃକ୍ ଇଦିୟାଏ, ଇନିଃ ହରା ଗେନାରେ ହେରାକାନ୍ ହିତା ଲେକାନ୍‌ନିଃ ତାନିଃ । ହରା ଗେନାରେ ଉୟୁଗାକାନ୍ ହିତାରାଃ ମୁଣ୍ଡି ନେଆଁ ତାନାଃ । ୨୦ ଜେତାଏ କାଜି ଆୟୁମାଃଏ ଆତଃ ରାସକାତେ ତେଲାଦାବେଆ, ଇନିଃ ଦିରି ଅତେରେ ଉୟୁଗାକାନ୍ ହିତା ଲେକାନ୍‌ନିଃ ତାନିଃ । ୨୧ ମେନ୍ଦ ଇନିୟାଃ ମନ୍‌ରେ କାଏ ରେହେଦ୍‌ୟାନ୍‌ତେ ହୁଡିଙ୍ଗ୍ ଦିପିଲିଗି ତାଇନାଏ ଆତଃ କାଜି ନାଗେନ୍ତେ ସାସାତି ଚାଏ ସିଗିଦ୍ ହିଜୁଃୟାନ୍‌ରେ ଇନିଃ ତହ୍‌ଦଦାବଃଆଏ । ୨୨ ଜେତାଏ କାଜି ଆୟୁମାଃଏ ମେନ୍ଦ ସାଂସାର୍‌ରେୟାଃ ଉଡୁଆତଃ ପୁରା ମେନାଃତେୟାଃରାଃ ହାୟା, କାନାଜିକେ ହାରାତପାଏୟା ଆତଃ ଇନିଃ କାଏ ଜଅଃଆ, ଇନିଃ ଜାନୁମ୍ ଆଲାରେ ଉୟୁଗାକାନ୍ ହିତା ଲେକାନ୍‌ନିଃ ତାନିଃ, ଇନିଃ ଜେତାନ୍ ଜ କାଏ ଜଅଃଆ । ୨୩ ଆତଃ ଜେତାଏ କାଜି ଆୟୁମ୍‌କେଦ୍‌ତେ ଆଟ୍‌କାର୍‌ଉରୁମ୍‌ନିଃ ବୁଗିନ୍ ଅତେରେ ଉୟୁଗାକାନ୍ ହିତା ଲେକାନ୍‌ନିଃ ତାନିଃ, ଇନିଃ ବୁଗିନ୍ ସାର୍‌ତିଗି ଜଅଃଆ ଆତଃ ମିଦ୍‌ଶାଅ ଗୁଣ୍ ଆଦକା, ଷାଠେ ଗୁଣ୍ ଆତଃ ତିରିଗ୍ ଗୁଣ୍ ଜଅଃଆ ।”

ଚୁଲିତାସାଦ୍ ରେୟାଃ ଜନ୍‌କା କାଜି

୨୪ ଆତଃ ଇନିଃ ଏଟାଃ ଜନ୍‌କା କାଜି କାଜିୟାଦକଆଏ, “ସିର୍ମା ରାଇଜ୍ ମିଆଁଦ୍ ହଡ ଲେକା ତାନାଃ, ଇନିଃ ଆୟାଃ ଅତେରେ ବୁଗିନ୍ ହିତାଏ ହେରକେଦା । ୨୫ ମେନ୍ଦ ହଡକ ଦୁଡ୍‌ମ୍‌କାନ୍ ତାଇକେନ୍ ଇମ୍‌ତା ଇନିୟାଃ ବାଇରି ହିଜୁଃକେଦ୍‌ତେ ଗହମ୍ ହେରାକାନ୍ ଅତେରେ ଚୁଲିତାସାଦ୍ ଜାଙ୍ଗ୍ ହେରକେଦ୍‌ତେ ସେନଃୟାନା । ୨୬ ଗହମ୍ ଅମନ୍‌ୟାନା ଆତଃ ଗେଲେୟାନ୍‌ରେ ଚୁଲିତାସାଦ୍ ନେଲ୍‌ୟାନା । ୨୭ ଅଡ଼ାଃରେନ୍ ଗୁସିୟାଁ ଦାସିକ ହିଜୁଃଲେନ୍ତେ କାଜିକିୟାକ, ‘ହେ ଗମ୍‌କେ, ଚିୟାଃ ଆମ୍ ଆମାଃ ଅତେରେ ବୁଗିନ୍ ହିତା କାମ୍ ହେରଲେଦା, ଏନ୍ ଚୁଲିତାସାଦ୍ ଅକ୍‌ତାଃଏତେ ହିଜୁଆକାନା ?’ ୨୮ ଇନିଃ ଇନ୍‌କୁକେ ମେତାଦକଆ, ‘ମିଆଁଦ୍ ବାଇରି ନେଆଁ ରିକାକାଦାଏ ।’ ଏନ୍ତେ ଦାସିକ କୁଲିକିୟାକ, ‘ଆଲେ ସେନ୍‌କେଦ୍‌ତେ ଏନାକେଲେ ହେଡେଦ୍ ହୁରାଙ୍ଗ୍‌ୟେଆ ମେନ୍ତେମ୍ ସାନାଙ୍ଗ୍‌ତାନାତି ?’ ୨୯ ଇନିଃ ‘ବାନଃଗି’ ମେତାଦକଆଏ, ‘ଚିୟାଃଚି ଚୁଲିତାସାଦ୍ ହେଡେଦ୍‌ତାନ୍ ଇମ୍‌ତା ଗହମ୍‌ହ୍ ଏନାଲଃ ହେଡେଦ୍‌ମେସାଅଃଆ । ୩୦ ଇରୋଃ ଦିପିଲି ଜାକେଦ୍ ଗହମ୍ ଆତଃ ଚୁଲିତାସାଦ୍ ବାର୍‌ନାଃକେ ମିଦ୍‌ତେ ହାରାଇଚିପେ ଏନ୍ତେ ଆଇଙ୍ଗ୍ ଇରୋଃ ଦିପିଲିରେ ଇରୋଃକକେ କାଜିକଆଇଙ୍ଗ୍, ସିଦାତେ ଚୁଲିତାସାଦ୍ ହୁଣ୍ଡିପେ ଆତଃ ଉରୁବେ ନାଗେନ୍ତେ ବିଡ଼ା ତଲେପେ ଏନ୍ତେ ଗହମ୍‌କେ ଆଇଁୟାଃ ଭାଣ୍ଡାଃ ଅଡ଼ାଃରେ ଦହଏପେ ।”

ମାନିଜାଙ୍ଗ୍‌ରେଆଃ ଜନ୍‌କା କାଜି
(ମାର୍କ ୪:୩୦-୩୪; ଲୁକ ୧୩:୧୮-୨୧)

୩୧ ଯାଶୁ ଆତଃମିଆଁଦ୍ ଜନ୍‌କା କାଜି ଇନ୍‌କୁକେ କାଜିୟାଦକଆ, “ସିର୍ମା ରାଇଜ୍ ମିଆଁଦ୍ ମାନିଜାଙ୍ଗ୍ ଲେକା ଏନା ଜେତା ହଡ ଇଦିକେଦ୍‌ତେ ଆୟାଃ ଅତେରେ ହେରକେଦା । ୩୨ ଏନାଦ ସବେନ୍ ହିତାଏତେ ହୁଡିଙ୍ଗ୍‌ଆଁ ମେନ୍ଦ ଏନା ହାରାୟାନ୍‌ତି ସବେନ୍ ଆଡ଼ାଃଏତେ ମାରାଙ୍ଗ୍‌ଅଃଆ ଏନ୍ତେ ଦାରୁ ହବାଅଆଃ, ଆତଃ ଏନାରେୟାଃ କତରେ ସିର୍ମାରେନ୍ ତେଣ୍‌କ୍ ଅକାୟା ।”

୩୩ ଯାଶୁ ଆତଃମିଆଁଦ୍ ଜନ୍‌କା କାଜି ଇନ୍‌କୁକେ କାଜିୟାଦକଆ, “ସିର୍ମା ରାଇଜ୍ ମିଆଁଦ୍ ରାନୁ ଲେକାଃ, ଏନାକେ ଜେତାଏ କୁଡି ଆଉକେଦ୍‌ତେ ଆପି କେଜି ମାଇଦାରେ ଏନା ଆଉରି ରାନୁଚାବାଅଃ ଜାକେଦ୍ ସିପୁଦ୍‌କେଦାଏ ।”

୩୪ ନେ ସବେନାଃ, ଯାଶୁ ଜନ୍‌କା କାଜିତେ ଗାଦେଲ୍ ହଡକକେ କାଜିୟାଦକଆ ଆତଃ ବେଗାର୍ ଜନ୍‌କା କାଜିତେ ଇନିଃ ଇନ୍‌କୁକେ ଜେଡନାଃ କାଏ କାଜିୟାଦକଆ । ୩୫ ନାବୀଆଃ ନେ କାଜି ନେ ଲେକାତେ ପୁରାୟାନା, “ଇନ୍‌କୁଲଃ ଜାଗାର୍ ଇମ୍‌ତା ଆଇଙ୍ଗ୍ ଇନ୍‌କୁକେ ଜନ୍‌କା କାଜିତେ କାଜିକଆଇଙ୍ଗ୍; ଅତେଦିଶୁମ୍‌ରେୟାଃ ମୁରୁରାଃ ସିଦାଏତେ ଉକୁଆକାନ୍ କାଜିକଇଙ୍ଗ୍ ଉଦୁବେୟା ।”

ୟାଶୁ ଚୁଲିତାସାଦ୍‌ରେୟାଃ ଜନ୍‌କା କାଜିରେୟାଃ ମୁଣ୍ଡି

୩୬ ଏନ୍ତେ ଯାଶୁ ଗାଦେଲ୍ ହଡକକେ ବାଗିକେଦ୍‌ତେ ଅଡ଼ାଃତେ ସେନଃୟାନା ଆତଃ ଇନିୟାଃ ତେଲାକ ଇନିଃତାଃତେ ହିଜୁଃକେଦ୍‌ତେ କାଜିକିୟାକ, “ଆମ୍ ଅତେରେୟାଃ ଚୁଲିତାସାଦ୍‌ରେୟାଃ ଜନ୍‌କା କାଜିରେୟାଃ ମୁଣ୍ଡି ଉଦୁବାଲେମେ ।”

୩୭ ଯାଶୁ କାଜିରୁହାଡ଼ାଦକଆଏ, “ବୁଗିନ୍ ହିତା ହେରନିଃ ମାନଝାହନ୍ ତାନିଃ । ୩୮ ନେ ପିଡି, ଅତେଦିଶୁମ୍ ତାନାଃ ଆତଃ ବୁଗିନ୍ ହିତା, ସିର୍ମା ରାଇଜ୍‌ରେନ୍ ହଡକ ତାନ୍‌କ ଆତଃ ଚୁଲିତାସାଦ୍ ଜାଙ୍ଗ୍, ଏଡକାନ୍ ଆମ୍‌ରାଃ ହଡକ ତାନ୍‌କ । ୩୯ ଆତଃ

ଏନା ହେରକେଦ୍ ବାଇରି, ସାଏତାନ୍ ତାନିଃ, ଆତଃ ଇରୋଃ ଦିପିଲି ଅତେଦିଶ୍ଟୁମ୍ରେୟାଃ ଚୁଣ୍ଡୁତାନାଃ ଆତଃ ଇରୋଃକ ସିର୍ମାରେନ୍ ଦୁଁଡକ୍ ତାନ୍କ । ୪୦ ଅତେଦିଶ୍ଟୁମ୍ରେୟାଃ ଚୁଣ୍ଡୁରେ ଏନ୍ ଚୁଲିତାସାଦକ ହୁଣ୍ଡିକେଦ୍ତେ ସେଙ୍ଗେଲ୍ରେ ଉରୁବଃ ଲେକାଅଃଆ । ୪୧ ମାନଝାହନ୍ ଆୟାଃ ସିର୍ମାରେନ୍ ଦୁଁଡକକେ କୁଲକଥାଏ ଆତଃ ଇନ୍କୁ ଇନିୟାଃ ରାଇଜ୍ରେ ସବେନ୍ ତହଦଃ ଲେକାନାଃ ତାଇନ୍ତେୟାଃ ଆତଃ ଏଡକାନାଃ କାମିତାନ୍କକେ ହୁଣ୍ଡିକଥା । ୪୨ ଇନ୍କୁ ସେଙ୍ଗେଲ୍ ହୁଝାଙ୍ଗ୍ରେକ ହାଁଶବଆଃ, ଏନ୍ତାଃରେ ରାନାଆଃ ଆତଃ ତାଟା ହାବ୍ ରିଡିଦଃଆ । ୪୩ ଏନ୍ତେ ଧାର୍ମାନ୍ ହଡକ୍ ଆକଥାଃ ସିର୍ମାରେନ୍ ଆପୁଆଃ ରାଇଜ୍ରେ ସିଙ୍ଗିଲେକାକ ନେଲଆଃ । ଲୁତୁର୍ ମେନାଃନିଃ ବୁଗିଲେକା ଆୟୁମେକାଏ ।

ଉକୁଆକାନ୍ ଖୁଜ୍ ରାଃ ଜନ୍କା କାଜି

୪୪ “ସିର୍ମା ରାଇଜ୍ ଅତେରେ ତପାକାନ୍ ଖୁଜ୍ ଲେକାନାଃ ତାନାଃ, ମିଆଁଦ୍ ହଡ୍ ନାମ୍କେଦ୍ତେ ଆତଃମିସା ଅତେରେ ଉକୁକେଦାଏ ଏନ୍ତେ ସୁକୁଜୀତ୍ତେ ସେନଃୟାନା ଆତଃ ଆୟାଃ ସବେନାଃ ଆଖ୍ରିଙ୍ଗ୍କେଦ୍ତେ ଏନ୍ ଅତେକେ କିରିଙ୍ଗ୍କେଦା ।

୪୫ “ଆତଃଗି ସିର୍ମା ରାଇଜ୍ ବୁଗିନ୍ ବୁଗିନ୍ ମୋତି ଦାଣ୍ଡାତାନ୍ ମିଆଁଦ୍ କିରିଙ୍ଗ୍ ଆଖ୍ରିଙ୍ଗ୍ତାନ୍ ହଡ୍ଲେକାଃ । ୪୬ ଆତଃ ଇନିଃ ମିଆଁଦ୍ ପୁରାଃ ଗନଙ୍ଗ୍ଆନ୍ ମୋତି ନାମ୍କେଦ୍ତେ ସେନଃୟାନାଏ ଆତଃ ଆୟାଃ ସବେନାଃ ଆଖ୍ରିଙ୍ଗ୍କେଦ୍ତେ ଏନାକେ କିରିଙ୍ଗ୍କେଦା ।

ଜାଲୋମ୍ପରାଃ ଜନ୍କା କାଜି

୪୭ “ଆତଃଗି ସିର୍ମା ରାଇଜ୍ ମିଆଁଦ୍ ଜାଲୋମ୍ ଲେକାଃ, ଚିମିନ୍ ହାକୁସାବ୍କ୍ ଆକଥାଃ ଜାଲୋମ୍କେ ଦରେୟାରେ ହୁରାଙ୍ଗ୍କେଦାକ୍ ଆତଃ ଏନାରେ ସବେନ୍ ଲେକାନ୍ ହାକୁକ୍ ଜାଲୋମ୍ୟାନା । ୪୮ ଏନା ପେରେୟାନ୍ତି ହଡକ୍ ଗେନାତେକ୍ ଆଇଜ୍ ଅତଙ୍ଗ୍କେଦା ଆତଃ ଦୁବ୍ୟାନ୍ତେ ବୁଗିନ୍ ହାକୁକକେ ଚୁଲ୍ଲିରେକ୍ ସାଲାକେଦ୍କଥା ମେନ୍ଦ୍ ଏଡକାନ୍କକେ ଏଣ୍ଡାଃକେଦ୍କଥାକ୍ । ୪୯ ଅତେଦିଶ୍ଟୁମ୍ରେୟାଃ ଚୁଣ୍ଡୁରେୟାଗି ନେକାଅଃଆ । ସିର୍ମାରେନ୍ ଦୁଁଡକ୍ ଅତଙ୍ଗ୍ଅଃଆ ଆତଃ ଧାର୍ମାନ୍କଥାଃ ଆଲାଏତେ ଏଡକାନ୍କକେ ଆତମ୍କଥା । ୫୦ ଆତଃ ଇନ୍କୁକେ ସେଙ୍ଗେଲ୍ ହୁଝାଙ୍ଗ୍ରେକ୍ ହାଁଶବ୍କଥା, ଏନ୍ତାଃରେ ରାନାଆଃ ଆତଃ ତାଟା ରିଡିଦଃଆ ।

ନାଝା ଆତଃ ମାରି ସାନାରୁଡି

୫୧ “ୟୀଶୁ ଇନ୍କୁକେ କୁଲିକେଦ୍କଥା, ଚିୟାଃ ଆପେ ନେ ସବେନାଃପେ ଆବ୍କାର୍ଡରୁମ୍କେଦା ?” ଇନ୍କୁ କାଜିରୁହାଡକିୟାକ୍,

“ହେଗି, ଆବ୍କାର୍ଡରୁମ୍କେଦାଲେ ।”

୫୨ ଯୀଶୁ କାଜିରୁହାଡକଥାଏ, “ଏନା ନାଗେନ୍ତେ ସିର୍ମା ରାଇଜ୍ରେୟାଃ ତେଲକାନ୍ ମିଆଁଦ୍ ଆଇନ୍ ଇତୁନିଃ, ମିଆଁଦ୍ ଅଡ଼ାଃ ଗମ୍କେ ଲେକାନ୍ନିଃ ତାନିଃ । ଇନିଃ ଆୟାଃ ଭାଣ୍ଡାଅଡ଼ାଏତେ ନାଝା ଆତଃ ମାରିତେୟାଃ ଅତଙ୍ଗ୍ୟେଆଏ ।”

ୟୀଶୁକେ ନାଜ୍ରେଡ୍ରେନ୍କ ହିଲାଙ୍ଗ୍କିୟା

(ମାର୍କ ୭:୧-୭; ଲୁକ ୪:୧୬-୩୦)

୫୩ ଯୀଶୁ ନେ ଜନ୍କା କାଜି ଚାବାକେଦ୍ତି ଏନ୍ତାଃଏତେ ସେନଃୟାନା । ୫୪ ଆତଃ ଆୟାଃ ଆପୁତେୟାଃ ସାହାବ୍ତେ ତେବାଃୟାନ୍ତି ଇନ୍କୁଆଃ ସାମାଜ୍ ଅଡ଼ାଃରେ ଇନ୍କୁକେ ଇତୁକେଦ୍କଥା ଆତଃ ଇନ୍କୁ ଆକ୍ଦାନ୍ଦାଅୟାନ୍ତେ, “ଇନିଃ ଅକ୍ତାଃଏତେ ନେ ସେଣ୍ ଆତଃ ପେଡ୍ରେୟାନ୍ କାମିକରେୟାଃ ପେଡ୍ଡେ ନାମାକାଦାଏ ?” ମେନ୍ତେକ୍ କାଜିକେଦା । ୫୫ “ଚିୟାଃ ନିଃ ଏନ୍ ବାଡ଼ାଇଆଃ ହନ୍ କା'ଚି ତାନିଃ ? ଚିୟାଃ ଇନିୟାଃ ଏଙ୍ଗାରାଃ ନୁତୁମ୍ ମାରିୟାମ୍ କା'ଚି ତାନାଃ ? ଯାକୁବ୍, ଯୋଷେଫ୍, ଶିମୋନ୍ ଆତଃ ଯିହୁଦା ନେ ସବେନ୍କ୍ ଆୟାଃ ହାଗାକ୍ କା'ଚି ତାନ୍କ ? ୫୬ ଆତଃ ଇନିୟାଃ ମିଶିକ୍ ଆବୁଲଃଗି ବାଙ୍ଗ୍କଥା ? ନିଃ ଏନ୍ ସେଣ୍ ଆତଃ ପେଡ୍ଡେ ଅକ୍ତାଃଏତେ ନାମାକାଦା ?” ମେନ୍ତେକ୍ କାଜିକେଦା । ୫୭ ଏନାତେ ଇନ୍କୁ ଇନିଃକେ ହିଲାଙ୍ଗ୍କିୟାକ୍ ।

ୟୀଶୁ ଇନ୍କୁକେ ମେତାଦ୍କଥା, “ନାବୀ ଆୟାଃ ଦିଶ୍ଟୁମ୍ ଆତଃ ଆୟାଃ ଅଡ଼ାଃ ବାଗିକେଦ୍ତେ ଏଟାଃ ସବେନ୍ତାଃରେ ମାଇନାଏ ନାମେୟା ।” ୫୮ ଚିୟାଃଗି ଇନ୍କୁ ଇନିଃକେ କାକ୍ ବିଶ୍ୱାସ୍କିଃ ନାଗେନ୍ତେ ଇନିଃ ଏନ୍ତାଃରେ ପୁରାଃ ଆକ୍ଦାନ୍ଦାଅ କାମିକ୍ କାଏ କାମିକେଦା ।

୧୪

ବାପ୍ତିସ୍ମା ଏମଃନିଃ ଯୋହାନ୍ଆଃ ଗନଏଃ

(ମାର୍କ ୭:୧୪-୨୯; ଲୁକ ୭:୭-୯)

☆ **୧୩:୫୭** ୧୩:୫୭ ଯୋହାନ୍ ୪:୪୪.

୧ ଏନ୍ ଦିପିଲିରେ ହେରୋଦ୍ ଗାଲିଲ୍‌ରେନ୍ ଲାଟ୍‌ସାହେବ୍ ତାଇକେନାଏ ଆଡ଼ଃ ଯୀଶୁଆଃ ବିଷାଏରେ ଆୟୁମ୍‌କେଦା ।
୨ ଆଡ଼ଃ ଇନିଃ ଆୟାଃ କାମିତାନ୍‌କକେ ମେତାଦ୍‌କଆ, “ବାପ୍ତିସ୍ମା ଏମଃନିଃ ଯୋହାନ୍ ଗଜାକାନ୍‌ଏତେ ଜୀଉବିରିଦାକାନାଏ, ଏନା ମେନ୍ତେଗି ଆକ୍‌ଦାନ୍‌ଆ କାମିକ ଇନିୟାଃ ହରାତେ ହବାଅଃତାନା ।”

୩ *ହେରୋଦ୍ ଆୟାଃ ହାଗାତେ ଫିଲିପ୍‌ଆଃ କୁଡ଼ି ହେରୋଦିୟା ନାଗେନ୍ତେ ଯୋହାନ୍‌କେ ସାବ୍‌କିତେ ତଲ୍‌କିୟାଏ ଆଡ଼ଃ ଜେହେଲ୍‌କାଇ ତାଇକେନାଏ । ୪ ଚିୟାଃଚି ଯୋହାନ୍ ହେରୋଦ୍‌କେ କାଜିକାଇ ତାଇକେନା, “ଆମ୍ ହେରୋଦିୟାକେ କୁଡ଼ି ଲେକା ଦହକାଇ ତାଇକେନାମ୍ ଏନା ଆଇନ୍ ଲେକାତେ କା ଠାଉକାନ୍‌ତେୟାଃ ତାନାଃ ।” ୫ ଏନାତେ ଇନିଃ ଯୋହାନ୍‌କେ ଗଗଏଃ ସାନାଙ୍ଗ୍ ତାଇକେନାଏ, ମେନ୍‌ଦ ଇନିଃ ଯିହୁଦୀ ହଡ଼କକେ ବରକେଦ୍‌କଆ, ଚିୟାଃଚି ଇନ୍‌କୁଦ୍ ଯୋହାନ୍‌କେ ମିଆଁଦ୍ ନାବୀ ତାନିଃ ମେନ୍ତେକ ଆଟ୍‌କାରି ତାଇକେନା ।

୬ ହେରୋଦ୍‌ଆଃ ଜାନାମ୍ ହୁଲାଙ୍ଗ୍ ସେଟେର୍‌ୟାନ୍‌ରେ, ହେରୋଦିୟାଃ ହନ୍ତେକୁଡ଼ି କେଡାକାନ୍ ହଡ଼କଆଃ ଆଲାରେ ସୁସୁନ୍‌କେଦାଏ ଆଡ଼ଃ ହେରୋଦ୍ ପୁରାଃଚି ସୁକୁୟାନାଏ । ୭ ଆଡ଼ଃ ହେରୋଦ୍ ଇନିଃକେ କିରିୟାତାନ୍‌ଲଃ କାଜିକିୟାଏ, “ଆମ୍ ଆସିଙ୍ଗ୍‌ତେୟାଃ ସବେନାଃଇଙ୍ଗ୍ ଏମାମେୟାଁ ।”

୮ ଆଡ଼ଃ ଇନିଃ, ଆୟାଃ ଏଙ୍ଗାତେ ଆରୁକାଇ ଲେକା ଆସିକିୟା, “ବାପ୍ତିସ୍ମା ଏମଃନିଃ ଯୋହାନ୍‌ଆଃ ବହଃ ନେ ଆଡ଼ିରେ ଏମାଇଙ୍ଗ୍‌ମେ ।”

୯ ଏନ୍ତେ ରାଜା ହୁଡ଼ିଙ୍ଗ୍‌ଜୀଉୟାନାଏ ମେନ୍‌ଦ ଇନିଃ ନେଆଁତାକାନ୍‌କଆଃ ସାମ୍‌ନାଙ୍ଗ୍‌ରେ କିରିୟାକାଦ୍ ହରାତେ ଏମାଇପେ ମେନ୍ତେ ଆରୁକେଦ୍‌କଆ । ୧୦ ଆଡ଼ଃ ଇନିଃ ଜେହେଲ୍‌କାନ୍ ଯୋହାନ୍‌ଆଃ ବହଃ ମାଆଃ ଆଉ ନାଙ୍ଗ୍ ହଡ଼କକେ କୁଲ୍‌କେଦ୍‌କଆ । ୧୧ ଆଡ଼ଃ ଇନିୟାଃ ବହଃ ମିଆଁଦ୍ ଆଡ଼ିରେକ ଆଉକେଦା ଆଡ଼ଃ ହନ୍ତେକୁଡ଼ିକେକ ଏମ୍‌କିୟା ଏନ୍ତେ ଇନିଃ ଆୟାଃ ଏଙ୍ଗାତେତାଃତେ ଇଦିକେଦା । ୧୨ ଯୋହାନ୍‌ଆଃ ଚେଲାକ ହିଜୁଃକେଦ୍‌ତେ ଆୟାଃ ହଡ଼ମକେ ଇଦିକେଦ୍‌ତେ ତପାକେଦାକ ଆଡ଼ଃ ସେନଃୟାନ୍ତେ ଯୀଶୁକେକ ଉଦୁବ୍‌କିୟା ।

ୟୀଶୁ ଗାଦେଲ୍ ହଡ଼କକେ ଜମେୟାଃ ଏମାଦ୍‌କଆଏ
(ମାର୍କ ୬:୩୦-୪୪; ଲୁକ ୯:୧୦-୧୭; ଯୋହାନ୍ ୬:୧-୧୪)

୧୩ ଯୀଶୁ ଯୋହାନ୍‌ଆଃ ବିଷାଏ ଆୟୁମ୍‌କେଦ୍‌ତେ ଏନ୍ତାଃ ବାଗିକେଦ୍‌ତେ ଲାଉକାରେ ସିଃସଏଃ ଠାୟାଦ୍‌ତେ ଏସ୍‌କାର୍‌ଗି ସେନଃୟାନା । ଗାଦେଲ୍ ହଡ଼କ ନେଆଁ ଆୟୁମ୍‌କେଦ୍‌ତେ ଆକଆଃ ସାହାର୍‌କଏତେ ସେସେନ୍‌ତେଗି ଇନିଃକେ ଅତଙ୍ଗ୍‌କିୟାକ । ୧୪ ଇନିଃ ଲାଉକାଏତେ ଅତଙ୍ଗ୍‌ୟାନ୍‌ଲଃ ପୁରାଃ ଗାଦେଲ୍ ହଡ଼କକେ ନେଲ୍‌କେଦ୍‌କଆ ଆଡ଼ଃ ଆୟାଃ ମନ୍‌ସୁରୁଦ୍ ଲିବୁଇତେ ବିଲ୍‌କାଅୟାନା । ଇନିଃ ପୁରାଃ ହାସୁତାନ୍‌କକେ ବୁଗିକେଦ୍‌କଆଏ ।

୧୫ ଆଡ଼ଃ ସିଙ୍ଗି ହାସୁରଃତାନ୍‌ରେ, ଯୀଶୁଆଃ ଚେଲାକ ଆୟାଃତାଃ ହିଜୁଃକେଦ୍‌ତେ କାଜିକିୟାକ, “ନେ ଠାୟାଦ୍‌ଦ୍ ସିଃସଏଃଗିୟା ଆଡ଼ଃ ସିଙ୍ଗି ହାସୁରଃତାନା, ଏନାତେ ମାର୍ ଗାଦେଲ୍ ହଡ଼କକେ କୁଲ୍‌ତାକମେ, ଆଡ଼ଃ ଇନ୍‌କୁ ହାଡୁ ସେନ୍‌କେଦ୍‌ତେ ଆକଆଃ ନାଙ୍ଗ୍ ଜମେୟାଃକ କିରିଙ୍ଗ୍‌ୟେକା ।”

୧୬ ଯୀଶୁ ମେତାଦ୍‌କଆଏ, “ଇନ୍‌କୁ ଚିନାଃମେନ୍ତେକ ସେନଆଃ ? ଆପେଗି ଇନ୍‌କୁକେ ଜମେୟାଃ ଏମାକପେ ।”

୧୭ ଇନ୍‌କୁ ଇନିଃକେ କାଜିରୁହାଡ଼କିୟାକ, “ମଣେୟାଁ ହଲଙ୍ଗ୍ ଆଡ଼ଃ ବାରିଆ ହାକୁ ଏସ୍‌କାର୍ ଆଲେତାଃରେ ମେନାକଆ ।”

୧୮ ଯୀଶୁ ମେତାଦ୍‌କଆଏ, “ଏନ୍ ସବେନାଃକେ ଆଇଙ୍ଗ୍‌ତାଃତେ ଆଉଝେପେ ।” ୧୯ ଇନିଃ ଗାଦେଲ୍ ହଡ଼କକେ ତାସାଦ୍ ଚେତାନ୍‌ରେ ଦୁବ୍‌କପେ ମେନ୍ତେ ଆରୁକେଦ୍‌କଆ, ଆଡ଼ଃ ଏନ୍ ମଣେୟାଁ ହଲଙ୍ଗ୍ ଆଡ଼ଃ ବାରିଆ ହାକୁ ସାବ୍‌କେଦ୍‌ତେ ସିର୍‌ମାସାଃ ସାଙ୍ଗିଲ୍‌ରାକାବ୍‌ତାନ୍‌ଲଃ ଆଗିଷ୍ଟକେଦାଏ ଆଡ଼ଃ ହଲଙ୍ଗ୍ କେତାଃକେଦ୍‌ତେ ଚେଲାକକେ ଏମାଦ୍‌କଆଏ, ଆଡ଼ଃ ଚେଲାକ ଗାଦେଲ୍ ହଡ଼କକେ ହାଟିଙ୍ଗ୍‌ଆଁଦ୍‌କଆକ । ୨୦ ସବେନ୍‌କ ଜମ୍‌କେଦ୍‌ତେ ବି'ୟାନାକ ଆଡ଼ଃ ଚେଲାକ ସାରେୟାକାନ୍‌ତେୟାଃ ବାରା ଟୁଙ୍ଗିକ ହୁଣ୍ଡିକେଦା । ୨୧ ଜମ୍‌କେଦ୍ ହଡ଼କ, କୁଡ଼ିକ ଆଡ଼ଃ ହନ୍‌କକେ ବାଗିକେଦ୍‌ତେ ପାଞ୍ଚ ହାଜାର୍ କଡାକ ଏସ୍‌କାର୍ ତାଇକେନାକ ।

ୟୀଶୁ ଦାଆଃ ଚେତାନ୍‌ରେ ସେସେନ୍‌କେନାଏ
(ମାର୍କ ୬:୪୫-୫୨; ଯୋହାନ୍ ୬:୧୫-୨୧)

୨୨ ଇମ୍‌ତାଗି ଯୀଶୁ ଚେଲାକକେ ଆରୁକେଦ୍‌କଆ, ଲାଉକାରେ ଦେଏଃପେ ଆଡ଼ଃ ହାନ୍ ପାରମ୍‌ତେ ସେନ୍ ଆୟାରଃପେ, ଇମ୍‌ତାଲଃ ଇନିଃ ଗାଦେଲ୍ ହଡ଼କକେ ବିଦାକେଦ୍‌କଆ । ୨୩ ଏନ୍ତେ ଇନିଃ ଗାଦେଲ୍ ହଡ଼କକେ ବିଦାକେଦ୍‌ତେ, ଆଇଃକ୍‌ଗି ବିନ୍ତି ନାଗେନ୍ତେ ବୁରୁତେ ରାକାବ୍‌ୟାନା ଆଡ଼ଃ ସିଙ୍ଗିହାସୁରଃତାନ୍‌ରେ ଇନିଃ ଏସ୍‌କାର୍‌ଗି ଏନ୍ତାଃରେ ତାଇନ୍‌ୟାନାଏ । ୨୪ ଆଡ଼ଃ ଏନ୍ ଦିପିଲିରେ ଲାଉକା ଦରେୟା ଖାଇଙ୍ଗ୍‌ଏତେ ପୁରାଃ ସାଙ୍ଗିନ୍‌ରେ ଆଲ୍‌ପୁଙ୍ଗ୍‌ତେ ଏକ୍‌ଲାଅଃତାନ୍ ତାଇକେନା, ଚିୟାଃଚି ଲାଉକା ସେନଃତାନ୍‌ସାଃଏତେ ହୟ ହିଜୁଃତାନ୍ ତାଇକେନା ।

☆ ୧୪:୩ ୧୪:୩ ଲୁକ ୩:୧୯,୨୦.

୨୫ ସେତାଃ ନିଦାରେୟାଃ ଉପୁନ୍ ଘାଡ଼ି ଇମ୍ଭାକରେ ଯାଶୁ ଦରେୟାରେ ସେସେନ୍‌କେଦ୍‌ତେ ଇନ୍‌କୁତାଃତେ ହିନ୍ଦୁଃତାକେନା । ୨୬ ତେଲ୍‌କ ଇନ୍‌ଃକେ ଦରେୟାରେ ସେସେନ୍‌ତାନ୍ ନେଲ୍‌କିଃତେକ ବରକେଦା ଆତଃ “ବଜା ତାନିଃ” ମେନ୍ତେ ବରତେକ କାଉରିକେଦାଃ ।

୨୬ ମେନ୍‌ଦ ଯାଶୁ ଇମ୍ଭାଗି ଇନ୍‌କୁକେ ଜାଗାତ୍‌ତାନ୍‌ଲଃ ମେତାଦକଆ, “ଜୀଉରେ କେଟେଜେପେ, ଆଇଙ୍ଗ୍ ତାନିଙ୍ଗ୍ ଆଲ୍‌ପେ ବରଏୟା ।”

୨୭ ଏନ୍ତେ ପାତ୍ରାସ୍ କାଜିକିୟାଏ, “ହେ ପ୍ରାଭୁ, ଆମ୍‌ଗି ତାନ୍‌ମେରେଦ ଦାଆଃରେ ଆଇଁୟାଃତାଃତେ ହିନ୍ଦୁଃମେ ମେନ୍ତେ ଆରୁଇଙ୍ଗ୍‌ମେ ।”

୨୮ ଯାଶୁ କାଜିରୁହାଡ଼କିୟାଏ, “ହିନ୍ଦୁଃମେ ।” ଏନ୍ତେ ପାତ୍ରାସ୍ ଲାଉକାଏତେ ଆଡ଼ଗୁୟାନ୍‌ତି ଦାଆଃରେ ସେସେନ୍‌କେଦ୍‌ତେ ଯାଶୁତାଃତେ ସେନଃ ତାକେନା । ୨୯ ମେନ୍‌ଦ ଇନ୍‌ଃ ହୟ ନେଲ୍‌କେଦ୍‌ତେ ବରକେଦାଏ ଆତଃ ଇନ୍‌ଃ ଦାଆଃରେ ତୁବିଃଗ୍ ଏଟେଦଃତାନ୍ ନେଲ୍‌କେଦ୍‌ତେ କାଉରିକେଦାଏ, “ହେ ପ୍ରାଭୁ, ବାଞ୍ଛାଅଇଙ୍ଗ୍‌ମେ ।”

୩୦ ଯାଶୁ ଇମ୍ଭାଗି ତିଃଇତାୟାଃ ଜିଲିଙ୍ଗ୍‌କେଦ୍‌ତେ ଇନ୍‌ଃକେ ସାବ୍‌କିୟାଏ ଆତଃ କାଜିକିୟାଏ, “ଏ ହୁଡ଼ିଙ୍ଗ୍ ବିଶ୍ୱାସ୍‌ତାନ୍‌ନିଃ ତିନାଃମେନ୍ତେମ୍ ଆଡ଼ାଃତଃତୁକେଦା ?”

୩୧ ଆତଃ ଇନ୍‌କିନ୍ ଲାଉକାରେ ଦେଏଃୟାନ୍‌ତି ହୟ ସାଲ୍‌ସାନ୍ତୁୟାନ୍ । ୩୨ ଏନ୍ତେ ଲାଉକାରେ ତାକେନ୍‌ ତେଲ୍‌କ ଯାଶୁକେ ଜହାଃକିଃତେ କାଜିକିୟାକ, “ଆମ୍ ସାଃଡ଼ିଗି ପାର୍‌ମେଶ୍ୱାର୍‌ଆଃ ହନ୍ ତାନ୍‌ମେ ।”

ୟାଶୁ ଗିନେସରେଡ଼ରେ ଦୁକୁହାସୁତାନ୍‌କକେ ବୁଗିକେଦ୍‌କଆ

(ମାର୍କ ୭:୫୩-୫୬)

୩୪ ଯାଶୁ ଆତଃ ଆୟାଃ ତେଲ୍‌କ ଦରେୟା ପାରମ୍‌କେଦ୍‌ତି ଗିନେସରେଡ଼ ନୁତୁମ୍ ପାର୍‌ଗାନ୍‌ତେକ ସେଟେରୁୟାନ୍ । ୩୫ ଏନ୍ତାଃରେନ୍ ହଡ଼କ ଯାଶୁକେ ନେଲ୍‌ଉରୁମ୍‌କିୟାକ । ଆତଃ ଇନ୍‌ଃ ନେତାଃରିୟା ମେନ୍ତେ ସବେନ୍‌ସାଃତେ କାଜିକୁଲ୍‌କେଦାକ ଆତଃ ହଡ଼କ ସବେନ୍ ଦୁକୁହାସୁତାନ୍‌କକେ ଇନ୍‌ଃତାଃତେ ଆଉକେଦ୍‌କଆକ । ୩୬ ଆତଃ ଇନ୍‌କୁ ବିକ୍ରିକିୟାକ, ଦୁକୁହାସୁତାନ୍‌କ ଆମାଃ ଲିଜାଃରେୟାଃ ଆର୍‌ବାକେ ଏସ୍‌କାର୍ ଜୁଟିଦ୍ ଇତି ନାଗେନ୍ତେ ଆରୁକମ୍ ଆତଃ ଜୁଟିଦ୍‌କେଦ୍ ସବେନ୍‌କ ବୁଗିୟାନ୍ ।

୧୫

ହାଡ଼ାମହଡ଼କଆଃ ଇନିତୁ

(ମାର୍କ ୭:୧-୧୩)

୧ ଏନ୍ତେ ଚିମିନ୍ ଫାରୁଶୀକ ଆତଃ ଯୀରୁଶାଲେମ୍‌ହେତେ ସେଟେରାକାନ୍ ଚିମିନ୍ ଆଇନ୍ ଇତୁକ ଯାଶୁତାଃତେକ ହିନ୍ଦୁଃୟାନ୍ । ଆତଃ କୁଲିକିୟାକ, ୨ “ଚିନାଃମେନ୍ତେ ଆମାଃ ତେଲ୍‌କ ଆରୁଆଃ ପ୍ରାଚିନ୍‌କଆଃ ରିତିରିଞ୍ଜାଜ୍‌କ କାକ ମାନାତିଙ୍ଗ୍‌ତାନା ? ଇନ୍‌କୁ ଆରୁଆଃ ରିତିରିଞ୍ଜାଜ୍ ଲେକାତେ ବୁଗିଲେକା ତିଃଇ କା ଆରୁଙ୍ଗ୍ ସିଦାରେକ ଜଜମାଃ !”

୩ ଯାଶୁ କାଜିରୁହାଡ଼ାଦ୍‌କଆଏ, “ଆପେ ପାର୍‌ମେଶ୍ୱାର୍ ଏମାକାଦ୍ ଆନ୍‌ରୁକେ କା ମାନାତିଙ୍ଗ୍‌କେଦ୍‌ତେ ଚିକାନାଙ୍ଗ୍ ଆପେୟାଃ ରିତିରିଞ୍ଜାଜ୍‌କେ ମାନାତିଙ୍ଗ୍ ତାନାପେ ? ୪ ପାର୍‌ମେଶ୍ୱାର୍ କାଜିୟାକାଦାଏ, ‘ଏଙ୍ଗାମ୍ ଆପୁକିନ୍‌କେ ମାନାତିଙ୍ଗ୍‌କିନ୍‌ମେ,’ ଆତଃ ‘ଜେତାଏ ଏଙ୍ଗାତେକେ ଚାଏ ଆପୁତେକେ ସାଃପାଅକିନ୍‌ରେଦ ଇନ୍‌ଃ ଗଜଃକାଏ ।’ ୫ ମେନ୍‌ଦ ଆପେ ସବେନ୍‌କ କାଜିତାନାପେ, ଜେତା ହଡ଼ ଆୟାଃ ଏଙ୍ଗା ଆପୁକିନ୍‌କେ, ଆଇଙ୍ଗ୍‌ତାଃଏତେ ଅକ୍‌ନାଃ ଦେଙ୍ଗାବେନ୍ ନାମାକାତେତେୟାଃ, ଏନା ‘ପାର୍‌ମେଶ୍ୱାର୍‌କେ ଦାନ୍ ଏମାକାନା’ ମେନ୍ତେ କାଜିତାନ୍‌ଲଃ, ୬ ଇନ୍‌ଃ ଆୟାଃ ଏଙ୍ଗା ଆପୁକିନ୍‌କେ କାଏ ମାନାତିଙ୍ଗ୍‌ରେୟା ହବାଅଆ, ମେନ୍ତେପେ କାଜିତାନା । ଆତଃ ପାର୍‌ମେଶ୍ୱାର୍‌ଆଃ ଆନ୍‌ରୁକେ କା ମାନାତିଙ୍ଗ୍‌କେଦ୍‌ତେ ଆପେ ଆପ୍‌ନାଃ ରିତିରିଞ୍ଜାଜ୍‌ରାଃ ଇନିତୁ ଲେକାପେ ସେସେନ୍‌ତାନା । ୭ ଆପେ ବେଦାହଡ଼କ ତାନ୍‌ପେ, ଯିଶାୟ ଆପେୟାଃ ବିଷାଏରେ ସାଃଡ଼ିଗି ଆୟାଃକାଜି କାଜିକାଦା,

୮ “ ‘ନେ ହଡ଼କ ମଚାତେକ ମାଇନିଙ୍ଗ୍‌ତାନା, ମେନ୍‌ଦ ଆକଆଃ ମନ୍ ଆଇଙ୍ଗ୍‌ତାଃଏତେ ସାଜିନ୍‌ରେଆ ।

୯ ଇନ୍‌କୁ ସାମାଗିକ ସେଞ୍ଜାଇଙ୍ଗ୍‌ତାନା, ତିୟାଃତି ହଡ଼କଆଃ ରିତିରିଞ୍ଜାଜ୍‌ରାଃ ଇନିତୁକେ ପାର୍‌ମେଶ୍ୱାର୍‌ଆଃ ଇନିତୁ ତାନାଃ ମେନ୍ତେକ ଇତୁକତାନା ! ”

ହଡ଼କେ ସତ୍ରାଇରାଃ ବିଷାଏ

(ମାର୍କ ୭:୧୪-୨୩)

୧୦ ଯାଶୁ ଗାଦେଲ୍ ହଡ଼କକେ କେଡାକେଦ୍‌କଆଏ ଆତଃ ମେତାଦ୍‌କଆଏ, “ଆୟୁମେପେ ଆତଃ ଆର୍‌କାର୍ ଉରୁମେପେ । ୧୧ ଅକ୍‌ନାଃ ହଡ଼ ହନ୍‌ରାଃ ମଚା ଭିତାରେତେ ବଲଃଆ ଏନା ଇନ୍‌ଃକେ କାଏ ସତ୍ରା ଦାଡ଼ିୟାଅଆ, ମେନ୍‌ଦ ଆୟାଃ ମଚାଏତେ ଅକ୍‌ନାଃ ଅଡ଼ଙ୍ଗ୍‌ଅଆ ଏନା ଆଇଃକ୍‌କେ ସତ୍ରାଅଆ ।”

୧୨ ଏବଂ ଯୀଶୁଆଃ ତେଲକ ଇନିଷତାଃ ହିଜୁଃକେଦ୍‌ତେ କାଜିକିୟାକ, “ନେ କାଜି ଆୟୁକ୍‌କେଦ୍‌ତେ ଫାରୁଶୀକ ଖୁସ୍‌ୟାନାକ, ଚିୟାଃ ନେଆଁମ୍‌ ସାରିତାନା ?”

୧୩ ମେନ୍‌ଦ ଯୀଶୁ କାଜିରୁହାଡ଼ାଦ୍‌କଥାଏ, “ଆଇଁୟାଃ ସିର୍‌ମାରେନ୍‌ ଆପୁ କାଏ ରୟାକାଦ୍‌ ଦାରୁ ତୁଦ୍‌ ଏଣ୍ଡାଗଥାଃ । ୧୪ *ଇନ୍‌କୁକେ ବାଗିତାକୁପେ, ଇନ୍‌କୁଦ୍‌ ମେଦ୍‌ କା ନେଲ୍‌ ଦାଡ଼ିତାନ୍‌ନିୟାଃ ମେଦ୍‌ କା ନେଲ୍‌ ଦାଡ଼ିତାନ୍‌ ଆଗୁଆଇକ ତାନ୍‌କ, ମେଦ୍‌ କା ନେଲ୍‌ ଦାଡ଼ିନିଃ, ମେଦ୍‌ କା ନେଲ୍‌ଦାଡ଼ିନିଃକେ ଆୟାର୍‌ଇଦିରେଦ୍‌ ବାରାନ୍‌କିନ୍‌ ଗାତାରେକିନ୍‌ ଉୟୁଗଥା ।”

୧୫ ପାଡ଼ରାସ୍‌ କାଜିକିୟାଏ, “ନେ ଜନ୍‌କା କାଜିରାଃ ମୁଣ୍ଡି ଚିନାଃ ତାନାଃ ଉଦୁବାଲେମ୍‌ ?”

୧୬ ଯୀଶୁ କାଜିରୁହାଡ଼ାଦ୍‌କଥାଏ, “ଆପେୟଚି ନାହାଁଃ ଜାକେଦ୍‌ ତଣ୍ଡିଗିୟାପେ । ୧୭ ଅକ୍‌ନାଃ ମତା ହରାତେ ଲାହିଦ୍‌ତେ ବଲଃଥା ଆତଃ ହଡ଼ମ୍‌ଏତେ ଅତଙ୍ଗ୍‌ଅଥା ନେୟାଁ ଚିୟାଃ କାପେ ଆଟ୍‌କାରେତାନା ? ୧୮ *ଜେତାଏ ହଡ଼ଥାଃ ମତାହରା ଅକ୍‌ନାଃ ଅତଙ୍ଗ୍‌ଅଥା ଏନା ଆୟାଃ ମନ୍‌ରାଃ ବିଚାର୍‌ଏତେ ଅତଙ୍ଗ୍‌ଅଥା, ଏନା ଇନିଃକେ ସଡ଼ରାଇଥା । ୧୯ ମନ୍‌ ଭିତାର୍‌ଏତେଗି ଏଡ଼କାନ୍‌ ଉଡ଼ୁ ହଡ଼ଗଏଃ, ଆପାଙ୍ଗିର୍‌ କାମି, ଆଣ୍‌ଦି ଆପାଙ୍ଗିର୍‌, କୁମ୍‌ତୁ ହସଡ଼ ଗାଞ୍ଜା, ପାର୍‌ମେଶ୍ୱାର୍‌କେ ନିୟାଇଥାକ । ୨୦ ନେ ସବେନାଃତେଗି ହଡ଼କେ ସଡ଼ରାଇଥାଏ, ମେନ୍‌ଦ ରିଡ଼ିରିଞ୍ଜାଜ୍‌ ଲେକାତେ ଡିଃଇ ବେଗାର୍‌ ଆବୁଙ୍ଗ୍‌କେଦ୍‌ତେ ଜମେତେୟାଃତେ ହଡ଼କେ କାଏ ସଡ଼ରାଇଥା ।”

ମିଆଁଦ୍‌ ସାଅଁସାର୍‌ କୁଡ଼ିଆଃ ବିଶ୍ୱାସ୍‌

(ମାର୍କ ୭:୨୪-୩୦)

୨୧ ଯୀଶୁ ଏନ୍‌ ଠାୟାଦ୍‌ ବାଗିକେଦ୍‌ତେ ସୋର୍‌ ଆତଃ ସିଦୋନ୍‌ ପାର୍‌ଗାନ୍‌ରେୟାଃ ସାହାର୍‌ତେ ସେନଃୟାନା । ୨୨ ଆତଃ ନେଲେପେ କିନାନରେନ୍‌ ମିଆଁଦ୍‌ ସାଅଁସାର୍‌ କୁଡ଼ି ଏନ୍‌ ଦିଶୁମ୍‌ଏତେ ଅତଙ୍ଗ୍‌ୟାନ୍‌ତେ ହାକାଅକିୟାଏ, “ହେ ଗମ୍‌କେ, ଦାଉଦ୍‌ଆଃ ହନ୍‌ ଲିରୁଆଇଙ୍ଗ୍‌ମେ, ହନିଙ୍ଗ୍‌କୁଡ଼ି, ବଙ୍ଗା ଏସେରକାନ୍‌ ହରାତେ ପୁରାଃଗି ହାସୁତାନା ।”

୨୩ ମେନ୍‌ଦ ଇନିଃ ଜେଡନାଃ କାଏ କାଜିରୁହାଡ଼ାକିୟା ଆତଃ ଇନିୟାଃ ତେଲକ ବିକ୍ତିକିଃତେ କାଜିକିୟାକ, “ଇନିଃକେ କୁଲ୍‌ତାଇମେ, ଚିୟାଃଚି ଇନିଃଦ୍‌ ପୁରାଃ ରାଆଃତାନ୍‌ଲଃ ଆବୁକେ ଅତଙ୍ଗ୍‌ବୁତାନା ।”

୨୪ ମେନ୍‌ଦ ଇନିଃ କାଜିରୁହାଡ଼ାଦ୍‌କଥାଏ, “ଆଇଙ୍ଗ୍‌ ଇସ୍ରାଏଲ୍‌ରେନ୍‌ ଆଦାକାନ୍‌ ମିଣ୍ଡିକତାଃତେ ଏସ୍‌କାର୍‌ କୁଲ୍‌କାନାଲଙ୍ଗ୍‌, ଏଟାଃକତାଃତେଦ୍‌ କାହାଗି ।”

୨୫ ମେନ୍‌ଦ ଏନ୍‌କୁଡ଼ି ନାଡ଼େୟାନ୍‌ଚି ଇନିୟାଃ ଆୟାର୍‌ରେ ଇକ୍‌ଡ଼ମୁକେଦ୍‌ତେ କାଜିକିୟାଏ, “ହେ ଗମ୍‌କେ, ଦେଙ୍ଗାଲଙ୍ଗ୍‌ମେ ।”

୨୬ ଏବଂ ଯୀଶୁ କାଜିରୁହାଡ଼ାକିୟାଏ, “ହନ୍‌କଥାଃ ଜମେୟାଁଃ ରେଃକ୍‌କେଦ୍‌ତେ ସେତାକଥାଃ ଆୟାର୍‌ରେ ହୁଦ୍‌ମାତେୟାଃ କା ବୁଗିନାଃ ।”

୨୭ ସାଅଁସାର୍‌ କୁଡ଼ି କାଜିରୁହାଡ଼ାକିୟାଏ, “ହେଗି ପ୍ରାଭୁ, ନେଆଁ ସାର୍‌ଚି କାଜିତାନାଃ, ମେନ୍‌ଦ ସେତାକହଗି ଆକଥାଃ ଗମ୍‌କେଥାଃ ମେଜ୍‌ଏତେ ଉୟୁଗାକାନ୍‌ ହଲଙ୍ଗ୍‌କେତାଃକ ଜଜମାଃ ।”

୨୮ ଏବଂ ଯୀଶୁ କାଜିକିୟାଏ, “ଏ କୁଡ଼ି, ଆମାଃ ବିଶ୍ୱାସ୍‌ ପୁରାଃ ମାରାଙ୍ଗିଆଃ ! ଆମାଃ ମନେଲେକା ହବାଅଃକା ।” ଆତଃ ଇନିୟାଃ ହଡ଼େକୁଡ଼ି ଏନ୍‌ ଦିପିଲିରେଗି ବୁଗିୟାନା ।

ୟୀଶୁ ପୁରାଃ ହଡ଼କକେ ବୁଗିକେଦ୍‌କଥାଏ

୨୯ ଯୀଶୁ ଏନ୍‌ଆଃଏତେ ଅତଙ୍ଗ୍‌ୟାନ୍‌ତେ ଗାଲିଲ୍‌ ଦରେୟାସାଃତେ ସେଟେରୁୟାନା, ଆତଃ ବୁରୁତେ ରାକାବ୍‌କେଦ୍‌ତେ ଏନ୍‌ଆଃରେ ଦୁଦ୍‌ୟାନାଏ । ୩୦ ପୁରାଃ ଗାଦେଲ୍‌ ହଡ଼କ ଛୁଟା, କାଣାଁ, କେପା, କା ବାଗାଁଣ୍‌ ଦାଡ଼ିତାନ୍‌, ଆତଃ ଏଟାଃ ହଡ଼କକେ ଆକଥାଃଲଃ ଆଉକେଦ୍‌ତେ ଇନିଷତାଃତେକ ହିଜୁଃୟାନା ଆତଃ ଇନ୍‌କୁକେ ଆୟାଃ କାଟା ସୁବାରେ ଦହକେଦ୍‌କଥାକ ଆତଃ ଇନିଃ ଇନ୍‌କୁକେ ବୁଗିକେଦ୍‌କଥାଏ । ୩୧ ଏନ୍‌ଲେକାଗି କା ବାଗାଁଣ୍‌ ଦାଡ଼ିତାନ୍‌କ ବାଗାଁଣ୍‌ ଦାଡ଼ିୟାନା, କାଣାଁକାନ୍‌କ ନେଲ୍‌ ଦାଡ଼ିୟାନା, କେପାକାନ୍‌କ ବୁଗିୟାନା, ଛୁଟାକାନ୍‌କ ସେସେନ୍‌କେଦା, ନେଆଁ ନେଲ୍‌କେଦ୍‌ତେ ଗାଦେଲ୍‌ ହଡ଼କ ଆକ୍‌ଦାନ୍‌ଆୟାନା ଆତଃ ଇନ୍‌କୁ ଇସ୍ରାଏଲ୍‌ରେନ୍‌ ପାର୍‌ମେଶ୍ୱାର୍‌କେକ ମାରାଙ୍ଗିକିୟା ।

ୟୀଶୁ ଏଟାଃ ଗାଦେଲ୍‌ ହଡ଼କକେ ଜମେୟାଁଃତେ ବି'କେଦ୍‌କଥା

(ମାର୍କ ୮:୧-୧୦)

୩୨ ଏବଂ ଯୀଶୁ ତେଲକକେ ଆୟାଃତାଃତେ ହାକାଅକେଦ୍‌ତେ କାଜିୟାଦ୍‌କଥାଏ, “ନେ ଗାଦେଲ୍‌ ହଡ଼କ ନାଗେଡ଼େ ଆଇଁୟାଃ ଜୀଉ ବିଲ୍‌କାଅଃତାନା, ଚିୟାଃଚି ଆପି ମାହାଁଏତେ ଆଇଁୟାଃଲଃ ମେନାକଥା, ଆତଃ ନାହାଁଃ ଇନ୍‌କୁତାଃରେ ଜମେୟାଁଃ ଜେଡନାଃ ବାନଃଥା, ଇନ୍‌କୁ ହରାକରେ ଭୁକ୍‌ସୁଲ୍‌କଥାଃକ, ଏନାତେ ଆଇଙ୍ଗ୍‌ ଇନ୍‌କୁକେ ବେଗାର୍‌ ଜମ୍‌କେଦ୍‌ତେ କୁଲ୍‌ କାଇଙ୍ଗ୍‌ ସାନାଙ୍ଗ୍‌ତାନା ।”

☆ ୧୫:୧୪ ୧୫:୧୪ ଲୁକ ୭:୩୯. ☆ ୧୫:୧୮ ୧୫:୧୮ ମାଥୁରା ୧୨:୩୪.

୩୩ ଇନିୟାଃ ଚେଲାକ କାଜିରୁହାଡ଼କିୟା, “କତାଃଏତେ ନେ ସିଃସଏଃ ଠାୟାଦ୍ରେ ନିମିନାଙ୍ଗ ଗାଦେଲ୍ ହଡ଼କ ନାଗେନ୍ତେ ବିୟଃଗି ଜମେୟାଃଲେ ନାମେୟା ?”

୩୪ ଯୀଶୁ କୁଲିକେଦକଆଏ, “ଆପେତାଃରେ ଚିମିନାଙ୍ଗ ହଲଙ୍ଗ ମେନା ?” ଇନ୍କୁ କାଜିରୁହାଡ଼କିୟା, “ସାଡ଼ୁ ହଲଙ୍ଗ ଆତଃ ଚିମିନ୍ ହୁପଡ଼ିଙ୍ଗ ହାକୁ ।”

୩୫ ଯୀଶୁ, ଗାଦେଲ୍ ହଡ଼କକେ ଅତେରେ ଦୁବ୍ପେ ମେନ୍ତେ ଆରୁକେଦକଆ । ୩୬ ଏନ୍ତେ ଇନିଃ ଏନ୍ ସାଡ଼ୁ ହଲଙ୍ଗ ଆତଃ ହାକୁ ଇଦିକେଦ୍ରେ ପାରମେଶ୍ୱାରକେ ଧାନ୍ୟାବାଦ୍ ଏମ୍କିୟାଏ ଆତଃ ଏନା କେତାଃକେଦ୍ରେ ଆୟାଃ ଚେଲାକକେ ଏମାଦକଆଏ ଆତଃ ଚେଲାକ ହଡ଼କକେ ହାଟିଙ୍ଗ୍ ଆଦକଆକ । ୩୭ ଏନା ଜମ୍କେଦ୍ରେ ସବେନ୍କ ବିୟାନାକ ଆତଃ ହଲଙ୍ଗ କେତାଃ ସାଡ଼ ଟୁଙ୍ଗି ସାରେୟାନା । ୩୮ କୁଡ଼ିକ ଆତଃ ହନ୍କ ବାଗିକେଦ୍ରେ ଉପୁନ୍ ହାଜାର କଡ଼ାକ ଜମ୍କେଦା ।

୩୯ ଏନ୍ତେ ଯୀଶୁ ଗାଦେଲ୍ ହଡ଼କକେ କୁଲିକେଦକଚି ଲାଉକାରେ ଦେଏୟାନାଏ ଆତଃ ମାଗ୍ଦଲା ପାରଗାନ୍ତେ ସେନୟାନାଏ ।



ପେଡ଼େୟାନ୍ କାମିରେୟାଃ ହାଟି

(ମାର୍କ ୮:୧୧-୧୩; ଲୁକ ୧୨:୫୪-୫୬)

୧ *ଫାରୁଶୀକ ଆତଃ ସାଦୁକିକ ଯୀଶୁତାଃ ହିଜୁଃକେଦ୍ରେ, ଇନିଃକେ ଚିଟାଇ ନାଗେନ୍ତେ ବିଡ଼ାଅତାନ୍ଲଃ ସିମାଏତେ ମିଆଁଦ୍ ଚିଙ୍ଗା ଉଦୁବାଲେମେ ମେନ୍ତେକ କାଜିକିୟା ।

୨ ଯୀଶୁ କାଜିରୁହାଡ଼ାଦକଆଏ, “ଆପେ ଆୟୁବ୍ତାନ୍ରେ ସିମା ଆରାଃଗିପେ ନେଲେରେଦ, କାଜିୟାଃପେ ତିସିଙ୍ଗ୍ ଫାରଚିଗିୟା । ୩ ଆତଃ ସେତାଃ ଇଦାନ୍ରେ ସିମା ଆରାଃଗି ଆତଃ ରିମିଲାକାଦ୍ରିପେ ନେଲେରେଦ, କାଜିୟାଃପେ, ତିସିଙ୍ଗ୍ ଦୁଦୁଗାର୍ ହୟ ହିଜୁଃଆ । ଆପେଦ ସିମାରେୟାଃ ଚିଙ୍ଗାପେ ନେଲ୍ତରୁମେତାନା ମେନ୍ଦ ଦିପିଲିରାଃ ଚିଙ୍ଗାକ କାପେ ନେଲ୍ତରୁମ୍ ଦାଡ଼ିତାନ୍ । ୪ *ଏଡ଼କାନ୍ ଆତଃ ପାରମେଶ୍ୱାରକେ କା ବିଶ୍ୱାସ୍ତାନ୍ ହଡ଼କ ଚିଙ୍ଗାକ ଦାଣାଁ, ମେନ୍ଦ ଯୁନୁସ୍ ନାବୀଆଃ ଚିଙ୍ଗା ବାଗିକେଦ୍ରେ ଇନ୍କୁନାଙ୍ଗ୍ ଏଟାଃ ଚିଙ୍ଗା କା ଏମଃଆ ।”

ଆତଃ ଇନ୍କୁକେ ବାଗିକେଦ୍ରେ ଇନିଃ ସେନୟାନାଏ ।

ଫାରୁଶୀ ଆତଃ ସାଦୁକିକଆଃ ଇନିତୁ

(ମାର୍କ ୮:୧୪-୨୧)

୫ ଚେଲାକ ଦରେୟା ହାନ୍ ପାରମ୍ପେ ସେଟେରୁୟାନ୍ତି ହଲଙ୍ଗ ଇଦି ନାଙ୍ଗକ ରିଡ଼ିଙ୍ଗ୍କେଦା । ୬ *ୟୀଶୁ ଇନ୍କୁକେ କାଜିୟାଦକଆଏ, “ଫାରୁଶୀକଆଃ ଆତଃ ସାଦୁକିକଆଃ ରାନ୍ତୁଏତେ ଚିର୍ଗାଲାକାନ୍ ତାଇନ୍ପେ ।”

୭ ଇନ୍କୁ ଆକ ଆକରେକ ମେନ୍କେଦା, “ଆବୁ ହଲଙ୍ଗ କାବୁ ଆଉକାଦା ଏନାମେନ୍ତେ ଇନିଃ ଆବୁକେ କାଜିୟାବୁତାନାଏ ।”

୮ ଯୀଶୁ, ଇନ୍କୁ କାଜିତାନ୍ତେୟାଃ ଆବ୍କାରକେଦ୍ରେ କାଜିକେଦକଆଏ, “ଏ ହୁଡ଼ିଙ୍ଗ୍ ବିଶ୍ୱାସ୍ତାନ୍କ, ଆପେତାଃରେ ହଲଙ୍ଗ ବାନଃ ମେନ୍ତେ ଚିକାନାଙ୍ଗ୍ ଆପେଗି ଉଡ଼ୁତାନା ? ନାହାଁଃ ଜାକେଦ୍ କାପେଟି ସାରିକାଦା ଆତଃ ଆବ୍କାରୁରୁମାକାଦା ? ୯ * ଏନ୍ ପାଞ୍ଚ ହାଜାର୍ ହଡ଼କ, ମଣେୟାଁ ହଲଙ୍ଗ ଜମ୍କେଦ୍ରେ, ଚିମିନ୍ ଟୁଙ୍ଗି ସାରେୟାନା ଏନା କାପେଟି ପାହାମେତାନା ? ୧୦ *ଆତଃ ଏନ୍ ଉପୁନ୍ ହାଜାର୍ ହଡ଼କ, ସାଡ଼ୁ ହଲଙ୍ଗ ଜମ୍କେଦ୍ରେୟାଃ କାପେଟି ପାହାମେତାନା ? ଚିମିନ୍ ଟୁଙ୍ଗି ସାରେୟାନା ? ୧୧ ହଲଙ୍ଗ୍ ନାଗେନ୍ତେ କାଜିୟାପେତାନା, ଚିଲ୍କାତେ ନେଆଁ କାପେ ଆବ୍କାରୁରୁମେତାନା ? ମେନ୍ଦ ଫାରୁଶୀକଆଃ ଆତଃ ସାଦୁକିକଆଃ ରାନ୍ତୁଏତେ ଚିର୍ଗାଲାକାନ୍ ତାଇନ୍ପେ ।”

୧୨ ଏନ୍ତେ ଇନ୍କୁ ହଲଙ୍ଗ୍ରାଃ ରାନ୍ତୁଏତେଦ କା ମେନ୍ଦ ଫାରୁଶୀକଆଃ ଆତଃ ସାଦୁକିକଆଃ ଇନିତୁଏତେ ଚିର୍ଗାଲାକାନ୍ପେ ମେନ୍ତେ ଇନିଃ କାଜିୟାଦ୍ବୁଆଏ ମେନ୍ତେକ ଆବ୍କାରୁରୁମ୍କେଦା ।

ୟୀଶୁ ଖ୍ରୀଷ୍ଟ ମାସି ତାନିଃ

(ମାର୍କ ୮:୨୭-୩୦; ଲୁକ ୯:୧୮-୨୧)

୧୩ କାଇସରିୟା ଫିଲିପି ପାରଗାନ୍*ରାଃ ସାହାର୍ତେ ସେଟେରୁୟାନ୍ତି ଯୀଶୁ ଆୟାଃ ଚେଲାକକେ କୁଲିକେଦକଆ, “ମାନଃହନ୍ ଅକଏ ତାନିଃ ମେନ୍ତେ ହଡ଼କ କାଜିତାନା ?”

୧୪ *ଇନ୍କୁ କାଜିରୁହାଡ଼କିୟାକ, “ଚିମିନ୍କ ବାପ୍ତିସ୍ତା ଏମଃନିଃ ଯୋହାନ୍, ଚିମିନ୍କ ଏଲିୟ, ଚିମିନ୍କ ଯିରିମିୟ ଚାଏ ନାବୀକଏତେ ମିଆଁଦ୍ନିଃ ତାନିଃ ମେନ୍ତେକ କାଜିତାନା ।”

* ୧୭:୧ ୧୭:୧ ମାଧୁର ୧୨:୩୮; ଲୁକ ୧୧:୧୭. * ୧୭:୪ ୧୭:୪ ମାଧୁର ୧୨:୩୯; ଲୁକ ୧୧:୨୯. * ୧୭:୬ ୧୭:୬ ଲୁକ ୧୨:୧. * ୧୭:୯ ୧୭:୯ ମାଧୁର ୧୪:୧୭-୨୧. * ୧୭:୧୦ ୧୭:୧୦ ମାଧୁର ୧୫:୩୪-୩୮. * ୧୭:୧୩ ୧୭:୧୩ ଅଞ୍ଚଳ * ୧୭:୧୪ ୧୭:୧୪ ମାଧୁର ୧୪:୧,୨; ମାର୍କ ୭:୧୪,୧୫; ଲୁକ ୯:୭,୮.

୧୫ ଯୀଶୁ ଇନ୍ଦ୍ରକୁ କୁଲିକେଦକଆ, “ମେନ୍ଦ ଆପେ ଚିନାଃ ମେନେତାନାପେ ? ଆଇଙ୍ଗ ଅକଏ ତାନିଙ୍ଗ ମେନ୍ତେପେ କାଜିତାନା ?”

୧୬ ✨ଶିମୋନ୍ ପାଡ଼ରାସ୍ କାଜିରୁହାଡ଼କିୟାଏ, “ଆମ୍ବି ଶ୍ରୀଷ୍ଟ, ଜାନିଦ୍ ପାର୍ମେଶ୍ଵାର୍ଆଃ ହନ୍ ତାନମେ ।”

୧୭ ଯୀଶୁ କାଜିରୁହାଡ଼କିୟାଏ, “ହେ ଯୁନ୍ସରାଃ ହନ୍ ଶିମୋନ୍, ଆମ୍ ସୁକୁତାନିୟାମ୍, ନେଆଁଦ ହଡ଼ହନ୍ ଆମାଃତାଃ କାଏ ଉଦୁବ୍, ମେନ୍ଦ ସିର୍ମାରେନ୍ ଆପୁ ଉଦୁବାଦମେୟାଏ । ୧୮ ଆତଃ ଆଇଙ୍ଗ୍ ହିଁ ଆମ୍ବେ କାଜିୟାମେ ତାନାଇଙ୍ଗ୍, ଆମ୍ ପାଡ଼ରାସ୍ ତାନମେ ଏନାରାଃ ମୁଣ୍ଡି ଚାଚେନ୍ ତାନାଃ ମେନ୍ଦ ଆଇଙ୍ଗ୍ ନେ ଚାଚେନ୍ରେ ଆଇଁୟାଃ କାଲିସିୟା ବାଇୟାଇଙ୍ଗ୍ ଆତଃ ନାରାକରାଃ ପେଡେଃ ଏନାକେ କାଏ ହାଦୁଡ଼ ଦାଡ଼ିୟା । ୧୯ ✨ଆଇଙ୍ଗ୍ ସିର୍ମା ରାଇଜ୍ରେୟାଃ ଚାଡ଼ି ଏମାମେୟାଁ, ଆମ୍ ଅତେରେ ଅକନାଃମ୍ ତଲେତେୟାଃ, ସିର୍ମାରେ ଏନା ତଲଃଆ, ଆତଃ ଆମ୍ ଅତେରେ ଅକନାଃମ୍ ରାଡ଼ାଏତେୟାଃ, ସିର୍ମାରେ ଏନା ରାଡ଼ାଅଃଆ ।”

୨୦ ଏନ୍ତେ ଆଇଙ୍ଗ୍ ମାସି ତାନିଙ୍ଗ୍, ନେଆଁ ଜେତାଏତାଃ ଆଲ୍ପେ ଉଦୁବିୟାଁ ମେନ୍ତେ ଯୀଶୁ ଆୟାଃ ଚେଲକକେ ଆରୁକେଦକଆ ।

ୟୀଶୁ ଆୟାଃ ଗନ୍ଏଃ ଆତଃ ଜୀଉବିନିରିଦ୍ରେୟାଃ ଆୟାରକାଜି କାଜିୟାଦକଆ

(ମାର୍କ ୮:୩୧-୯:୧; ଲୁକ ୯:୨୨-୨୭)

୨୧ ଏନ୍ ଦିପିଲିଏତେ ଯୀଶୁ ଆୟାଃ ଚେଲକକେ ଫାର୍ଚିତେ କାଜିକେଦକଆଏ, “ଆଇଙ୍ଗ୍କେ ଯୀରୁଶାଲେମ୍ତେ ସେନ୍ ଲାଗାତିଙ୍ଗ୍ୟାଃ, ଏନ୍ତାଃରେ ପ୍ରାଚିନ୍ଦକ, ମୁଲ୍ ଯାଜାକ୍ ଆତଃ ଆଇନ୍ ଇଡୁକଆଃ ତିଃଇରେ ସାବ୍ଇଚିକେଦ୍ତେ ପୁରାଃ ଦୁକୁ ସାହାତିଙ୍ଗ୍ ଆତଃ ଗଜଃ ଲାଗାତିଙ୍ଗ୍ୟାଃ ଏନ୍ତେ ଆପି ମାହାଁ ତାୟମ୍ତେ ଜୀଉବିନିରିଦ୍ ହବାଅଆଃ ।”

୨୨ ପାଡ଼ରାସ୍ ଯୀଶୁକେ ଗେନାତେ ଇଦିକିଃତେ ଏଗେରଏଗେଦକିୟାଏ । “ହେ ପ୍ରାଭୁ, ପାର୍ମେଶ୍ଵାର୍ ଆମ୍ବେ କିରୁଇମେକାଏ, ନେଆଁ ଆମାଃରେ ଚିତଲାଇଆ ଆଲକା ହବାଅଃକା ।”

୨୩ ଯୀଶୁ ହେତାରୁହାଡ଼କେଦ୍ତେ ପାଡ଼ରାସ୍କେ କାଜିରୁହାଡ଼କିୟାଏ, “ଏ ସାଏତାନ୍ ଆଇଁୟାଃତାଃଏତେ ଆତମେନ୍ମେ, ଆମ୍ ଆଇଙ୍ଗ୍କେ ତହଦ୍ଇଚିଙ୍ଗ୍ତାନାମ୍, ଚିୟାଃଚି ଆମ୍ଦ ପାର୍ମେଶ୍ଵାର୍ଆଃ କା ମେନ୍ଦ ହଡ଼କଆଃ ଲେକାମ୍ ଉଡ଼ୁତାନା ।”

୨୪ ✨ଏନ୍ତେ ଯୀଶୁ ଆୟାଃ ଚେଲକକେ କାଜିୟାଦକଆଏ, “ଜେତାଏ ହଡ଼ ଆଇଙ୍ଗ୍କେ ଅତଙ୍ଗ୍ ସାନାଙ୍ଗ୍ରେଦ ଇନିଃ ଆୟାଃ ମନେ ବାଗିତାକାଏ ଆତଃ ଆୟାଃ କୁଣ୍ ଗଅଃକେଦ୍ତେ ଅତଙ୍ଗ୍ଇଙ୍ଗ୍କାଏ । ୨୫ ✨ଚିୟାଃଚି ଜେତାଏ ଆୟାଃ ଜୀଉକେ ବାଞ୍ଛାଅ ସାନାଙ୍ଗ୍ନିଃଦ ଏନାଏ ଆଦେୟା ମେନ୍ଦ ଜେତାଏ ଆୟାଃ ଜୀଉକେ ଆଇଙ୍ଗ୍ ନାଙ୍ଗ୍ ଆଦେନିଃ ଏନାଏ ବାଞ୍ଛାଅୟା । ୨୬ ଜେତାଏ ହଡ଼ ଗଟା ଅତେଦିଶୁମ୍ ନାମ୍ବେଦ୍ରେୟା ଆୟାଃ ଜୀଉକେ ଆଦେରେଦ ଇନିୟାଃ ଚିକାନ୍ ଫାଏଦା ହବାଅଆଃ ? ଚାଏ ଜେତାଏ ହଡ଼ ଆୟାଃ ଜୀଉ ନାମ୍ବୁହାଡ଼େ ନାଗେନ୍ତେ ଚିନାଃଏ ଏମ୍ ଦାଡ଼ିୟା ? ୨୭ ✨ମାନଞ୍ଜାହନ୍ଦ ଆୟାଃ ସିର୍ମାରେନ୍ ଦୁଡ଼କଲଃ ଆୟାଃ ଆପୁଆଃ ମାନାରାଙ୍ଗ୍ରେ ହିଜୁଃ ଇମ୍ତା ଇନିଃ ମିଆଁଦ୍ ହଡ଼କେ ଆୟାଃ କାମିଲେକାଏ ଏମାଇୟା । ୨୮ ଆଇଙ୍ଗ୍ ସାର୍ତିଗିଙ୍ଗ୍ କାଜିୟାପେତାନା, ନେତାଃରେ ମେନାକଏତେ ଚିମିନ୍ ହଡ଼କ ମାନଞ୍ଜାହନ୍ ଆୟାଃ ରାଇଜ୍ରେ ହିଜୁଃତାନ୍ ଆଉରିକ ନେଲେ ଜାକେଦ୍ କାକ ଗଜଃଆ ।”



ୟୀଶୁଆଃ ରୁପ୍ ବାଦଲିଅଃ

(ମାର୍କ ୯:୨-୧୩; ଲୁକ ୯:୨୮-୩୬)

୧ ତୁରିୟା ମାହାଁ ତାୟମ୍ତେ ଯୀଶୁ, ପାଡ଼ରାସ୍, ଯାକୁବ୍ ଆତଃ ହାଗାତେ ଯୋହାନ୍ତେକୁକେ ଆୟାଃଲଃ ମିଆଁଦ୍ ସାଲାଙ୍ଗି ବୁରୁତେ ଇଦିକେଦକଆଏ । ଏନ୍ତାଃରେ ଇନ୍ଦ୍ରୁ ଏସ୍କାର୍ଗିକ ତାଇକେନା । ୨ ଇନିୟାଃ ମେଦ୍ମୁହାଁଡ଼ ଇନ୍ଦ୍ରୁଆଃ ସାମ୍ନାଙ୍ଗ୍ରେ ବାଦଲିୟାନା ଆତଃ ଇନିୟାଃ ମେଦ୍ମୁହାଁଡ଼ ସିଙ୍ଗିଲେକା ଜୁଲ୍ୟାନା ଆତଃ ଇନିୟାଃ ଲିଜାଃ ଝାକ୍ ମାକ୍ ପୁଣ୍ଡିୟାନା । ୩ ଏନ୍ତେ ମୁଣା ଆତଃ ଏଲିୟ ଯୀଶୁଲଃ ଜାଗାର୍ତାନକ୍ ନେଲକେଦକଆ । ୪ ପାଡ଼ରାସ୍ ଯୀଶୁକେ କାଜିକିୟାଏ, “ହେ ପ୍ରାଭୁ, ଆବୁଆଃ ନେତାଃରେ ତାଇନଃ ପୁରାଃ ବୁଗିନାଃ, ଆତଃ ଆମ୍ ସୁକୁରେଦ, ଆଇଙ୍ଗ୍ ନେତାଃରେ ଆପିୟା କୁମ୍ପାଇଙ୍ଗ୍ ବାଇୟା, ଆମାଃ ନାଗେନ୍ତେ ମିଆଁଦ୍, ମୁଣା ନାଗେନ୍ତେ ମିଆଁଦ୍ ଆତଃ ଏଲିୟ ନାଗେନ୍ତେ ମିଆଁଦ୍ ।”

୫ ✨ୟୀଶୁ ଜାଗାର୍ତାନ୍ ଇମ୍ତାଗି ମିଆଁଦ୍ ମାର୍ସାଲ୍ ରିମିଲ୍ ଇନ୍ଦ୍ରୁକେ ଉମ୍ବୁକେଦକଆ ଆତଃ ନେଲେପେ, ଏନ୍ ରିମିଲ୍ଏତେ ଲାବ୍ଜା ଆୟୁମ୍ୟାନା, “ନିଃଗି ଆଇଁୟାଃ ଦୁଲାଡ଼୍ ହନ୍ ତାନିଃ, ନିଃତାଃରେ ଆଇଁୟାଃ ପୁରାଃଗି ସୁକୁ, ନିୟାଃ କାଜି ଆୟୁମେପେ ।”

☆ ୧୭:୧୭ ୧୭:୧୭ ଯୋହାନ୍ ୬:୬୮,୬୯. ☆ ୧୭:୧୯ ୧୭:୧୯ ମାଧୁର ୧୮:୧୮; ଯୋହାନ୍ ୨୦:୨୩. ☆ ୧୭:୨୪ ୧୭:୨୪ ମାଧୁର ୧୦:୩୮; ଲୁକ ୧୪:୨୭.
☆ ୧୭:୨୫ ୧୭:୨୫ ମାଧୁର ୧୦:୩୯; ଲୁକ ୧୭:୩୩; ଯୋହାନ୍ ୧୨:୨୫. ☆ ୧୭:୨୭ ୧୭:୨୭ ମାଧୁର ୨୫:୩୧ରୋମି ୨:୬. ☆ ୧୭:୫ ୧୭:୫ ମାଧୁର ୩:୧୭; ୧୭:୧୮; ମାର୍କ ୧:୧୧; ଲୁକ ୩:୨୨. ☆ ୧୭:୫ ୧୭:୫ ୨ ପାଡ଼ରାସ୍ ୧:୧୭,୧୮.

୬ ଚେଲାକ ନେଆଁ ଆୟୁମ୍ବକେଦ୍‌ତି, ବରତେ ତାବେରକେଦ୍‌ତେ ଅତେରେକ ଉୟୁୟାନା । ୭ ଯାଶୁ ଇନ୍‌କୁତାଃ ନାଡ଼େୟାନତି ଜୁଟିଦ୍‌କେଦ୍‌ତେ କାଜିକେଦ୍‌କଆଏ, “ବିରିଦ୍‌ପେ, ଆଲ୍‌ପେ ବରଏୟା ।” ୮ ଇନ୍‌କୁ ଆରିଦ୍‌ରାକାବ୍‌କେଦ୍‌ତେ ଯାଶୁକେ ବାଗିକେଦ୍‌ତେ ଏନ୍ତାଃରେ ଜେତାଏକେ କାକ ନେଲ୍‌କେଦ୍‌କଆ ।

୯ ଇନ୍‌କୁ ବୁରୁଏତେ ଆଡ଼ଗୁତାନ୍ ଇମ୍‌ତା ଯାଶୁ ଇନ୍‌କୁକେ ଆରୁକେଦ୍‌କଆ, “ମାନଝାହନ୍ ଗଜାକାନ୍‌କଏତେ ଆଉରି ଜୀଉବିରିଦ୍ ଜାକେଦ୍ ଆପେ ନେଲାକାଦ୍‌ତେୟାଃ ଜେତାଏକେ ଆଲ୍‌ପେ ଉଦୁବାକଆ ।”

୧୦ ଚେଲାତାୟାଃକ ଇନିଃକେ କୁଲିକିୟାକ, “ଆଇନ୍ ଇତୁକଆଃ ଆଇନ୍ ଚିନାଃ ମେନ୍ତେ ଏଲିୟକେ ପାହିଲା ହିଜୁଃ ଲାଗାତିଙ୍ଗ୍‌ୟାଃ ମେନେତାନାଏ ?”

୧୧ ଯାଶୁ କାଜିରୁହାଡ଼ାଦ୍‌କଆଏ, “ଏଲିୟ ହିଜୁଃକେଦ୍‌ତେ ସବେନାଃ ଆତଃମିସା ବାଇରୁହାଡ଼େୟାଏ, ଏନା ସାର୍‌ତିଗି ତାନାଃ । ୧୨ *ମେନ୍‌ଦ୍ ଆଇଙ୍ଗ୍ କାଜିୟାପେ ତାନାଇଙ୍ଗ୍, ଏଲିୟ ହିଜୁଃୟାନାଏ ଆତଃ ଇନ୍‌କୁ ଇନିଃକେ କାକ ନେଲ୍‌ଉରୁମ୍‌କିୟା ଆତଃ ଆକଆଃ ମନେଲେକା ଇନିଃକେ ସିଗିଦ୍‌କିୟାକ । ଏନ୍ ଲେକାଗି ମାନଝାହନ୍‌କେକ ସିଗିଦିଆ ।”

୧୩ ଏନ୍ତେ ଚେଲାକ, ଇନିଃ ବାପ୍ତିସ୍ତା ଏମଃନିଃ ଯୋହାନ୍‌ଆଃ ବିଷାଏ କାଜିକତାନାଏ ମେନ୍ତେ ଆଟ୍‌କାରକେଦାକ ।

ୟାଶୁ ମିଆଁଦ୍ ବଙ୍ଗା ଏସେରାକାନ୍ ହନ୍‌କେ ବୁଗିକିୟାଏ
(ମାର୍କ ୯:୧୪-୨୯; ଲୁକ ୯:୩୭-୪୩)

୧୪ ଯାଶୁ ଆତଃ ଆୟାଃ ଚେଲାକ ଗାଦେଲ୍ ହଡ଼କତାଃତେ ରୁହାଡ଼ୟାନତି ମିଆଁଦ୍ ହଡ଼ ଯାଶୁତାଃତେ ହିଜୁଃୟାନା ଆତଃ ଇକ୍‌ଡ଼ୁକେଦ୍‌ତେ, ୧୫ କାଜିକିୟାଏ, “ହେ ପ୍ରାଭୁ, ହନିଙ୍ଗ୍‌କଡ଼ାକେ ଲିରୁଆଇମେ, ଇନିଃଦ୍ ମିକ୍ ବେମାର୍‌ତେ ପୁରାଃଗି ଦୁକୁତାନାଏ ଆତଃ ଇନିଃ ମଣ୍ଡେସା ସେଲ୍‌ଲ୍‌ରେ ଆତଃ ଦାଆଃରେ ଉୟୁଗଃତାନାଏ । ୧୬ ଆଇଙ୍ଗ୍ ଆମାଃ ଚେଲାକତାଃ ଇଦିକିୟାଇଙ୍ଗ୍ ମେନ୍‌ଦ୍ ଇନ୍‌କୁ କାକ ବୁଗିଦାଡ଼ିକିୟା ।”

୧୭ ଯାଶୁ କାଜିରୁହାଡ଼ାଦ୍‌କଆଏ, “ଏ କା ବିଶ୍ୱାସ୍‌ତାନ୍ ଆତଃ କେଟେଦ୍ ମନ୍ ହଡ଼କ, ଚିମିନ୍ ମାହାଁ ଜାକେଦ୍ ଆପେଲଃ ତାଇନାଇଙ୍ଗ୍ ? ଚିମିନ୍ ଜାକେଦ୍ ଆପେକେ ସାହାତିଙ୍ଗ୍‌ପେଆଇଙ୍ଗ୍, ଇନିଃକେ ଆଇଙ୍ଗ୍‌ତାଃତେ ଆଉଡ଼ିପେ ।” ୧୮ ଯାଶୁ କଡ଼ାହନ୍‌ରେ ତାଇକାନ୍ ବଙ୍ଗାକେ ମାରାଙ୍ଗ୍‌ମଚାକିୟା ଆତଃ ଇନିଃତାଃଏତେ ବଙ୍ଗା ଅଡ଼ଙ୍ଗ୍‌ୟାନା ଆତଃ ଏନ୍ କଡ଼ାହନ୍ ଏନ୍ ଦିପିଲିଏତେ ବୁଗିୟାନାଏ ।

୧୯ ଏନ୍ତେ ଚେଲାକ ଯାଶୁତାଃତେ ଏସ୍‌କାର୍‌ରେ ହିଜୁଃକେଦ୍‌ତେ କୁଲିକିୟାକ, “ଆଲେଦ୍ ଚିନାଃମେନ୍ତେ ଏନ୍ ବଙ୍ଗାକେ କାଲେ ଅଡ଼ଙ୍ଗ୍ ଦାଡ଼ିକେନା ?”

୨୦ *ୟାଶୁ ମେତାଦ୍‌କଆଏ, “ଆପେୟାଃ ହୁଡ଼ିଙ୍ଗ୍ ବିଶ୍ୱାସ୍ ମେନ୍ତେ କାପେ ଦାଡ଼ିକେନା । ଆଇଙ୍ଗ୍ ସାର୍‌ତିଗିଙ୍ଗ୍ କାଜିୟାପେତାନା, ଆପେୟାଃ ବିଶ୍ୱାସ୍ ମିଆଁଦ୍ ମାନିଜାଙ୍ଗ୍‌ଲେକା ମେନାଃରେଦ୍, ମିଆଁଦ୍ ବୁରୁକେ ନେତାଃଏତେ ହାନ୍ତାଃତେ ସେନଃମେ ମେନ୍ତେ କାଜିରେଦ୍ ଏନା ସେନଃଆ ଆତଃ ବିଶ୍ୱାସ୍‌ରାଃ ପେଡ଼େଃତେ କା ଦାଡ଼ିୟଃଲେକା ଜେଡ଼ନାଃ ବାନଆଃ ।

୨୧ ନେ ଲେକାନ୍ ବଙ୍ଗାକ ବିକ୍ତି ଆତଃ କାଟାବ୍‌କେଦ୍‌ତେ ଏସ୍‌କାର୍‌କ ଅଡ଼ଙ୍ଗ୍‌ଆଆ ଆତଃ ଏଟାଃ ଲେକାତେଦ୍ କାହାଗି ।”*

ୟାଶୁ ଆୟାଃ ଗନଏଃ ବିଷାଏରେ ଆତଃମିସା କାଜିକେଦାଏ
(ମାର୍କ ୯:୩୦-୩୨; ଲୁକ ୯:୪୩-୪୫)

୨୨ ସବେନ୍ ଚେଲାକ ଗାଲିଲ୍‌ରେ ହୁଣ୍ଡିୟାନତି ଯାଶୁ ଇନ୍‌କୁକେ କାଜିୟାଦ୍‌କଆଏ, “ଆଇଙ୍ଗ୍ ମାନଝାହନ୍ ତାନିଙ୍ଗ୍, ଆତଃ ହଡ଼କଆଃ ତିଃଇରେ ଏମ୍‌ଏଣ୍ଡାଗଃଆଇଙ୍ଗ୍ । ୨୩ ଇନ୍‌କୁ ଇନିଃକେକ ଗଜିୟା ଆତଃ ଆଦି ମାହାଁରେ ଜୀଉବିରିଦ୍ ରୁହାଡ଼ାଏ ।”

ଆତଃ ଚେଲାକ ପୁରାଃଗିକ ହୁଡ଼ିଙ୍ଗ୍‌ଜୀଉୟାନା ।

ୟାଶୁ ମାହିର୍ ଅଡ଼ାଃରାଃ କାର୍ ପାଏସା ଏମ୍‌ତାନାଏ

୨୪ ଯାଶୁ ଆତଃ ଆୟାଃ ଚେଲାକ କପର୍‌ନାହୁମ୍‌ତେକ ସେଟେରୟାନତି, ମାହିର୍ ଅଡ଼ାଃରେନ୍ ମାଲ୍‌ହାରମ୍‌କ ପାଡ଼ରାସ୍‌ତାଃତେ ହିଜୁଃୟାନାକ ଆତଃ କୁଲିକିୟାକ, “ଚିୟାଃ ଆପେୟାଃ ଗୁରୁ ମାହିର୍ ଅଡ଼ାଃରାଃ କାର୍ ପାଏସା କାଏ ଏମାଃ ?”

୨୫ ପାଡ଼ରାସ୍ କାଜିକେଦ୍‌କଆଏ, “ହେଗି, ଏମାଃଏ ।”

ଏନ୍ତେ ପାଡ଼ରାସ୍ ଅଡ଼ାଃତେ ବଲୟାନତି, ଯାଶୁ ପାଡ଼ରାସ୍‌କେ ପାହିଲା କାଜିକିୟାଏ, “ଗିମୋନ୍ ଚିନାଃମ୍ ମେନେତାନା ? ନେ ଅତେରେନ୍ ରାଜାକ ଅକଏତାଃଏତେ କାର୍ ହାରମାଃକ ? ଇନ୍‌କୁ ଆକଆଃ ପାର୍‌ଜାକତାଃଏତେ ଚି ପାର୍‌ଦେଶିକତାଃଏତେ ?”

୨୬ ପାଡ଼ରାସ୍, “ପାର୍‌ଦେଶିକତାଃଏତେ” ମେନ୍‌ରୁହାଡ଼କେଦ୍‌ତି,

* ୧୭:୧୭ ୧୭:୧୭ ମାଧୁର ୧୧:୧୪. * ୧୭:୨୦ ୧୭:୨୦ ମାଧୁର ୨୧:୨୧; ମାର୍କ ୧୧:୨୩; ୧ କରିନ୍ଥ୍‌ୟ ୧୩:୨. * ୧୭:୨୧ ୧୭:୨୧ ନେ ବାଗାନ୍ ଚିମିନ୍ ମାରି ଅନଲ୍‌ରେ ବାନଆଃ

ୟାଶୁ କାଜିକିୟାଏ, “ଏନ୍‌ରେଦ ପାର୍ଜାକ ପାଏସା କାକ ଏମ୍‌ରାଃକାଜି । ୨୭ ମେନ୍‌ଦ ନାହାଁଃ ଆବୁ ଇନ୍‌କୁକେ ତହ୍‌ଦ୍‌ରିକା ନାଜ୍ କାବୁ ସାନାଜ୍ ତାନା, ଏନା ମେନ୍‌ଡେ ଆମ୍‌ ଦରେୟାତେ ସେନ୍‌କେଦ୍‌ତେ ବାନ୍‌ଗି ହୁରାଜ୍‌ୟେମେ ଆତଃ ସିଦା ବାନ୍‌ଗିଅଃ ହାକୁକେ ସାବିମେ ଏନ୍‌ଡେ ଇନ୍‌ୟାଃ ମଚାଏତେ ମିଆଁଦ୍ ରୁପାରାଃ ସିକାମ୍ ନାମେୟା, ଏନାକେ ଇଦିକେଦ୍‌ତେ ଆଇଁୟାଃ ଆତଃ ଆମାଃ ନାଗେନ୍‌ଡେ ଏମାକମେ ।”

୧୮

ସିର୍ମା ରାଇଜ୍‌ରେ ଅକଏ ମାରାଜ୍‌ଆଁଏ
(ମାର୍କ ୯:୩୩-୩୭; ଲୁକ ୯:୪୭-୪୮)

୧୨ *ଏନ୍ ଦିପିଲିରେ ତେଲାକ ଯାଶୁତାଃତେ ହିଜୁଃକେଦ୍‌ତେ କୁଲିକିୟାକ, “ସିର୍ମା ରାଇଜ୍‌ରେ ଅକଏ ମାରାଜ୍‌ଆଁଏ ?”

୨ ଯାଶୁ ମିଆଁଦ୍ ହୁଡିଜ୍ ହନ୍‌କେ ଆୟାଃତାଃତେ ଆତକେଦ୍‌ତେ ଇନ୍‌କୁଆଃ ଆଲାରେ ତିଜ୍‌କିୟାଏ, ୩ *ଆତଃ ମେତାଦକଆଏ, “ଆଇଜ୍ ସାର୍‌ତିଗିଜ୍ କାଜିୟାପେତାନା, ‘ଆପେ ହେୟାତିଜ୍‌କେଦ୍‌ତେ ହୁଡିଜ୍‌ହନ୍ ଲେକା କାପେ ବାଇୟେନ୍‌ରେ, ଜେତାଏ ସିର୍ମା ରାଇଜ୍‌ରେ କାପେ ବଲଆ । ୪ ଏନାମେନ୍‌ଡେ ଜେତାଏ ଆପାନ୍‌କେ ଲେବେୟେନ୍‌ନିଃ ଆତଃ ନେ ହନ୍ ଲେକା ବାଇୟେନ୍‌ନିଃଗି ସିର୍ମା ରାଇଜ୍‌ରେ ମାରାଜ୍‌ଆଁଏ । ୫ ଆତଃ ଜେତାଏ ନେ ଲେକାନ୍ ହୁଡିଜ୍ ହନ୍‌କେ ଆଇଁୟାଃ ନୁଡୁମ୍‌ତେ ସୁକୁଆଇନିଃ ଆଇଜ୍‌କେ ସୁକୁଆଃଏ ।’

ବିଶ୍ୱାସ୍‌ରେ ଆଲ୍‌ପେ ତହ୍‌ଦ୍‌ଃଆ ମେନ୍‌ଡେ ଯାଶୁ ଇଡୁକତାନାଏ
(ମାର୍କ ୯:୪୭-୪୮; ଲୁକ ୧୭:୧-୨)

୬ “ଜେତାଏ ଆଇଁୟାଃରେ ବିଶ୍ୱାସ୍‌ତାନ୍ ନେ ହୁପ୍‌ଡିଜ୍‌କଏତେ ମିଆଁଦ୍‌ନିଃକେ ଆୟାଃ ବିଶ୍ୱାସ୍‌ରେ ତହ୍‌ଦ୍‌ରିକାଇରେଦ ଇନ୍‌ୟାଃ ହଟଃରେ ଜାତ୍ରାଦିରି ହାକାକେଦ୍‌ତେ ଇନିଃକେ ଇକିର୍ ଦରେୟାରେ ହୁଦ୍‌ମାତେୟାଃ ଇନିଃ ନାଗେନ୍‌ଡେ ବୁଗିଅଃତେଆଃ । ୭ ହାୟ, ଚିମିନ୍ ବରଝାନ୍‌ଗି ନେ ଅତେଦିଶ୍ୱମ୍ ଚିୟାଃତି ହଡକଆଃ ବିଶ୍ୱାସ୍‌ରେ ତହ୍‌ଦ୍‌ରିକା ନାଗେନ୍‌ଡେ ପୁରାଃତେୟାଃ ମେନାଃ । ନେ ଲେକାନ୍ ତହ୍‌ଦ୍‌ଃତେୟାଃଦ ହିଜୁଃଗି ଲାଗାଡିଜ୍‌ୟାଃ ମେନ୍‌ଦ ଜେତାଏ ତହ୍‌ଦ୍‌ରିକାନିଆଃ ହାୟ, ଇନ୍‌ୟାଃ ଦାସା ଚିମିନ୍ ବରଝାନ୍‌ଗି ହବାଅଆଃ ।

୮ *ଆମାଃ ତିଃଇ ଚାଏ ଆମାଃ କାଟା ଆମାଃ ବିଶ୍ୱାସ୍‌ରେ ତହ୍‌ଦ୍ ରିକାମତାନ୍‌ରେଦ ଏନାକେ ଛପା ଏଣ୍ଡାଗେମେ । ବାରିଆ ତିଃଇ ଆତଃ ବାରିଆ କାଟା ତାଇକେଦ୍‌ତେ ନାରାକ୍‌ରେ ଜାନାଅ କା ଇଣ୍‌ଜଃ ସେଜେଲ୍‌ତେ ସେନଃଏତେଦ ଚୁଣ୍ଡାୟାନ୍‌ଡେ ଜୀଦାନ୍‌ରେ ବଲଃ ଆମାଃ ନାଗେନ୍‌ଡେ ବୁଗିନାଃ । ୯ *ଆମାଃ ମିଆଁଦ୍ ମେଦ୍ ପାପଇତିମେରେଦ, ଏନାକେ ଅତଜ୍‌କେଦ୍‌ତେ ହୁଦ୍‌ମାଏଣ୍ଡାଏମେ । ବାରିଆ ମେଦ୍ ତାଇକେଦ୍‌ତେ ନାରାକ୍‌ ସେଜେଲ୍‌ରେ ହୁଦ୍‌ମାଅଃହେତେ ମିଆଁଦ୍ ମେଦ୍‌ତେ ଜୀଦାନ୍‌ରେ ବଲତେୟାଃ ବୁଗିନାଃ ।

ମିଆଁଦ୍ ଆଦାକାନ୍ ମିଣ୍ଡିଆଃ ଜନ୍‌କା କାଜି
(ଲୁକ ୧୫:୩-୭)

୧୦ *ନେ ହୁପ୍‌ଡିଜ୍ ହନ୍‌କଏତେ ମିଆଁଦ୍‌ନିଃକେହ୍ ଆଲ୍‌ପେ ହିଲାଜ୍‌ଇଆ ଚିୟାଃତି ଆଇଜ୍ ଆପେକେ କାଜିପେତାନାଇଜ୍, ଇନ୍‌କୁକେ ଜାତ୍ରନାଅକତାନ୍ ସିର୍ମାରେନ୍ ଦୁଡକ ଜାନାଅଗି ଆଇଁୟାଃ ଆପୁ ପାର୍‌ମେଶ୍ୱାବ୍‌ତାଃରେ ମେନାକଆ । ୧୧ ଚିୟାଃତି ମାନଝାହନ୍‌ଦ ଆଦାକାନ୍‌କକେ ବାଞ୍ଛାଅ ନାଗେନ୍‌ଡେ ହିଜୁଆକାନା । *

୧୨ “ଚିକ୍‌ନାଃପେ ଉଡୁ ତାନା ? ଜେତାଏ ହଡ଼ଆଃ ମଣେହିସି ମିଣ୍ଡିକ ମେନାକଆ, ଆତଃ ଇନ୍‌କୁଏତେ ମିଆଁଦ୍‌ନିଃ ଆଦକରେ ଚିୟାଃ ଏନ୍ ଉପୁନ୍‌ହିସି ଗେଲ୍‌ଅରେୟାଃ ମିଣ୍ଡିକକେ ବୁରୁରେ ଗୋଟ୍‌କେଦ୍‌ତେ ବାଗିତାକଆଏ ଆତଃ ଆଦାକାନ୍ ମିଣ୍ଡିକେ କାଏ ଚି ଦାଣ୍ଡାୟା ? ୧୩ ଆତଃ ଇନିଃକେ ନାମ୍‌ତାଇରେ, ସାର୍‌ତିଗିଜ୍ କାଜିୟାପେତାନା, ଇନିଃ ଏନ୍ ଉପୁନ୍‌ହିସି ଗେଲ୍‌ଅରେୟା କା ଆଦାକାନ୍ ମିଣ୍ଡିକଏତେ ମିଆଁଦ୍ ନାମାକାଇ ମିଣ୍ଡି ନାଗେନ୍‌ଡେ ପୁରାଃଗି ରାସ୍‌କାଅଃଆ । ୧୪ ଏନ୍‌ଲେକାଗି ନେ ହୁପ୍‌ଡିଜ୍‌କଏତେ ମିଆଁଦ୍‌ନିଃକେହ୍ ଜିୟନିଃକାଏ ମେନ୍‌ଡେ ଆପେୟାଃସି ସିର୍ମାରେନ୍ ଆପୁ କାଏ ସାନାଜ୍‌ତାନା ।

ପାପ୍‌ତାନ୍ ହାଗା ଚାଏ ମିଗିକ
(ଲୁକ ୧୭:୩)

୧୫ *ହାଗାମ୍‌ତାମାଃ ଆମାଃ ବିରୁଧ୍‌ରେ ପାପ୍ ରିକାଏରେଦ, ଆୟାଃତାଃ ସେନ୍‌ମେ ଆତଃ ଆବେନ୍ ବାରାନ୍‌କିନାଃ ଆଲାରେ ଆୟାଃ ଚିଟାତେୟାଃ ଉଦୁବାଇମେ । ଇନିଃ ଆୟୁମ୍‌ରେଦ ହାଗାମ୍‌ତାମାଃକେ ନାମ୍‌ରୁହାଡକିୟାମ୍ । ୧୬ ମେନ୍‌ଦ ଇନିଃ କାଏ ଆୟୁମ୍‌ରେଦ ମିହୁଡ୍ ଚାଏ ବାର୍‌ହଡ୍ ଏଂଠାକକେ ଆମାଃଲଃ ଇଦିକୁମେ । ଧାରାମ୍‌ପୁଅରେୟାଃ କାଜିଲେକା,

* ୧୮:୧ ୧୮:୧ ଲୁକ ୨୨:୨୪. * ୧୮:୩ ୧୮:୩ ମାର୍କ ୧୦:୧୫; ଲୁକ ୧୮:୧୭. * ୧୮:୮ ୧୮:୮ ମାଥୁରା ୫:୩୦. * ୧୮:୯ ୧୮:୯ ମାଥୁରା ୫:୨୯.
* ୧୮:୧୦ ୧୮:୧୦ ଲୁକ ୧୯:୧୦. * ୧୮:୧୧ ୧୮:୧୧ ନେ ବାଟାନ୍ ଚିମିନ୍ ମାରି ଅନଲ୍‌ରେ ବାନଆଃ † ୧୮:୧୨ ୧୮:୧୨ ଅସି ‡ ୧୮:୧୨ ୧୮:୧୨ ଅଶେଇଶ୍
§ ୧୮:୧୪ 18:14 ଚିମିନ୍ ମାରି ଅନଲ୍‌ରେ ଆଇଁୟାଃ ଅଲ୍‌କାନା * ୧୮:୧୫ ୧୮:୧୫ ଲୁକ ୧୭:୩.

‘ବାରହତ୍ ଚାଏ ଆପିହତ୍‌ଆଃ ଗାଞ୍ଜାତେ ସବେନ୍ କାଜି ମାନାତିଞ୍ ହବାଅଃଆ ।’^{୧୭} ଆତଃ ଜନିଃ ଜନ୍‌କୁଆଃ କାଜିକ କାଏ ଆୟୁମ୍‌ରେଦ କାଲିସିୟାକେ ଉଦ୍‌ବିମେ, ଆତଃ ଜନିଃ କାଲିସିୟାରାଃ କାଜିୟ କାଏ ଆୟୁମ୍‌ରେଦ, ଜନିଃକେ ସାଅଁସାର୍ ହତ୍ ଆତଃ ମାଲ୍‌ହାରମ୍‌ନିଃ ଲେକା ରିକାଜମେ, ଆତଃ ଜନିଃଲଃ ଆଲମ୍ ମେସାଅଃଆ ।

^{୧୮} “ଆଇଞ୍ ସାର୍‌ତିରିଞ୍ କାଜିୟାପେତାନା, ଆମ୍ ଅତେରେ ଅକ୍‌ନାଃମ୍ ତଲେତେୟାଃ, ସିମ୍‌ରେ ଏନା ତଲଃଆ, ଆତଃ ଆମ୍ ଅତେରେ ଅକ୍‌ନାଃମ୍ ରାଡ୍‌ଏତେୟାଃ, ସିମ୍‌ରେ ଏନା ରାଡ୍‌ଅଃଆ ।

^{୧୯} “ଆତଃ ସାର୍‌ତିରିଞ୍ କାଜିପେତାନା, ଆପେକଏତେ ବାରହତ୍ ନେ ଅତେରେ ଜେଡ୍‌ନାଃ ମିଦ୍ ମନ୍‌ତେକିନ୍ ଆସିରେଦ, ଏନା ସିମ୍‌ରେନ୍ ଆପୁଇଞ୍ ସାଃଏତେକିନ୍ ନାମେଗିୟା ।^{୨୦} ଚିୟାଃତି ବାରହତ୍ ଚାଏ ଆପିହତ୍ ଆଇଁୟାଃ ନୁଡ୍‌ମ୍‌ତେ ହୁଣ୍ଡିୟାଃତାଃରେ ଆଇଞ୍ ଜନ୍‌କୁଆଃ ଆଲ୍‌ରିୟାଃ ।”

ଛାମା କା ଏମ୍‌ତାନ୍ ଦାସିଆଃ ଜନ୍‌କା କାଜି

^{୨୧} ଏନ୍ତେ ପାଡ୍‌ରାସ୍ ଯାଶୁତାଃତେ ହିନ୍ଦୁଃଲେନ୍ତେ କୁଲିକିୟାଏ, “ହେ ପ୍ରାଭୁ, ହାଗାଇଞ୍ ତାଇୟାଃ ଆଇଁୟାଃ ବିରୁଧ୍‌ରେ ସବେନ୍ ଜମ୍‌ତା ପାପ୍‌ଏରେଦ ଚିମିନ୍‌ସା ଜାକେଦ୍ ଛାମାକୟାଇଞ୍ ? ଚିୟାଃ ସାଡ୍ ଧାଅଁ ଜାକେଦ୍ ?”

^{୨୨} ଯାଶୁ କାଜିରୁହାଡ୍‌କିୟାଏ, “ସାଡ୍ ଧାଅଁ ଜାକେଦ୍ ମେନ୍ତେ କାହାଗି, ମେନ୍‌ଦ ସତସ୍ତୋର୍ ଧାଅଁ ଜାକେଦ୍ ?^{୨୩} ଚିୟାଃତି ସିମ୍‌ ରାଇଜ୍‌ଦ ମିଆଁଦ୍ ରାଜାଲେକା, ଜନିଃ ଆୟାଃ ଦାସିକଆଃ ହିସାବ୍ ଆସି ନାଞ୍ ଉହାଟ୍‌କେଦାଏ ।^{୨୪} ଆତଃ ରାଜା ହିସାବ୍ ଏଚେଦ୍‌ତାଇକେନ୍ ଜମ୍‌ତା ମିଆଁଦ୍ ଦାସିକେ ଜନିଃତାଃକ ଆଉକିୟା, ଜନିଃଦ୍ ଗେଲ୍ ହାଜାର୍ ଦିନାରି ରିଶୀ ଜଦିକାଦ୍ ତାଇକେନା ।^{୨୫} ଜନିଃତାଃରେ ହାଲ୍‌ରୁହାଡ୍ ନାଗେନ୍ତେ ଜେଡ୍‌ନାଃ କା ତାଇକେନା । ଏନାମେନ୍ତେ ରାଜା ଜନିଃକେ ଆତଃ ଆୟାଃ କୁଡ୍, ହନ୍‌ଗାଁଶା, ଆତଃ ଆୟାଃ ମେନାଃତେୟାଃ ସବେନାଃ ଆଖ୍‌ରିଞ୍‌କେଦ୍‌ତେ ରିଶୀ ପେରେଃ ନାଗେନ୍ତେ ଆତୁକେଦ୍‌କଆ ।^{୨୬} ଏନ୍ତେ ଏନ୍ ଦାସି ରାଜାରାଃ ଆୟାରରେ ଜକ୍‌ଡ୍‌ମୁକେଦ୍‌ତେ ଉୟାଃୟାନ୍‌ଏ, ଆତଃ କାଜିକିୟାଏ, ‘ହେ ଗମ୍‌କେ, ଆତଃ ଚିମିନ୍ ମାହାଁଲେକା ତାଞ୍‌ତାମେ, ଏନ୍ତେ ଆଇଞ୍ ସବେନାଃଇଞ୍ ହାଲ୍‌ରୁହାଡ୍‌ମେଆ ।’^{୨୭} ଏନ୍ତେ ଏନ୍ ଦାସିରାଃ ରାଜା ଜନିଃରେ ବିଲ୍‌କାଅକେଦ୍‌ତେ, ଜନିଃକେ ଆଡ୍‌ଃକିୟା, ଆତଃ ଆୟାଃ ରିଶୀକ ବାଗିକେଦାଏ ।

^{୨୮} “ମେନ୍‌ଦ ଏନ୍ ଦାସି ଅତଞ୍‌ୟାନ୍‌ତେ, ଆୟାଃତାଃଏତେ ମିଦ୍ ସାଅ ମୁସିଞ୍‌ରାଃ ନାଲା ସିକା ରିଶୀ ଜଦିକାଦ୍ ମିଆଁଦ୍ ଗାଡିଦାସିକେ ନାମ୍‌କିୟାଏ, ଏନ୍ତେ ଜନିଃକେ ସାବ୍‌କିତେ ହଟ୍‌ରେ ଲିମ୍‌ଦୁ ଏଚେଦ୍‌କିୟା ଆତଃ କାଜିକିୟାଏ, ‘ଆଇଁୟାଃତାଃଏତେ ରିଶୀକାଦ୍‌ତେୟାଃ ସବେନାଃ ପେରେଜାଇଞ୍‌ମେ ।’^{୨୯} ଏନ୍ ଗାଡିଦାସି ଜକ୍‌ଡ୍‌ମୁକେଦ୍‌ତେ ବିନ୍ତୁକିୟାଏ, ଆତଃ କାଜିକିୟାଏ, ‘ଆତଃ ଚିମିନ୍ ମାହାଁଲେକା ତାଞ୍‌ତାମେ, ଏନ୍ତେ ଆଇଞ୍ ସବେନାଃଇଞ୍ ହାଲ୍‌ରୁହାଡ୍‌ମେଆ ।’^{୩୦} ମେନ୍‌ଦ ଜନିୟାଃ ବିନ୍ତି କାଏ ଆୟୁମ୍‌କେଦା, ଆତଃ ଜନିଃ ରିଶୀ ଆଉରି ହାଲ୍‌ରୁହାଡ୍‌ତେ ଜାକେଦ୍ ଜେହେଲ୍‌କିୟାଏ ।^{୩୧} ଜନିୟାଃ ଗାଡିଦାସିକ ନେଆଁ ନେଲ୍‌କେଦ୍‌ତେ ପୁରାଃଗିକ ହୁଡିଞ୍‌ଜାତୟାନା ଆତଃ ସେନଃୟାନ୍ତେ ସବେନାଃ ଆକଆଃ ରାଜାକେକ ଉଦ୍‌ବ୍‌କିୟାକ ।^{୩୨} ଏନ୍ତେ ଜନିୟାଃ ରାଜା ଜନିଃକେ ହାକାଅକିୟାଏ, ଆତଃ କାଜିକିୟାଏ, ‘ଏ ଏଡ୍‌କାନ୍ ଦାସି, ଆମ୍ ଆଇଞ୍‌କେ ବିନ୍ତିକେଦିଞ୍‌କେରେ ଆମାଃ ସବେନ୍ ରିଶୀ ବାଗିତାଦ୍‌ମେୟାଞ୍‌ଇଞ୍ ।’^{୩୩} ଆଇଞ୍ ଆମ୍‌କେ ବିଲ୍‌କାଅକେଦ୍‌ମେଲେକା, ଆମ୍‌ହ ଆମାଃ ଗାଡିଦାସିକେ ବିଲ୍‌କାଅଁ ଲାଗାଡିଞ୍ ତାଇକେନା ।’^{୩୪} ରାଜା ପୁରାଃଗି ଏସେଦ୍‌ୟାନ୍‌ଏ ଆତଃ ଜନିଃ ଏନ୍ ଦାସିକେ ସବେନ୍ ରିଶୀ ଆଉରି ହାଲ୍‌ରୁହାଡ୍‌ତେ ଜାକେଦ୍ ସାଜାଇ ନାମେ ନାଗେନ୍ତେ ଜେହେଲ୍‌ତେ କୁଲିକିୟାଏ ।”

^{୩୫} ଯାଶୁ ଜନ୍‌କା କାଜି କାଜିଚାବାକେଦ୍‌ଚି କାଜିକେଦାଏ, “ଆପେକଏତେ ମିଆଁଦ୍ ହତ୍ ଆପେୟାଃ ହାଗାକଆଃ ଗୁଣ୍ଡାଁ ଆପେୟାଃ ମନ୍‌ସୁରୁଦ୍‌ତେ କାପେ ଛାମାକରେଦ, ଆଇଁୟାଃ ସିମ୍‌ରେନ୍ ଆପୁହ୍ ଏନ୍‌ଲେକାଗି କାଏ ଛାମାପେୟା ।”

୧୯

**କଡାକୁଡିବାଗିରେୟାଃ ଜନିତୁ
(ମାର୍କ ୧୦:୧-୧୨)**

^୧ ଯାଶୁ ନେଆଁ କାଜି ଚାବାକେଦ୍‌ଚି ଗାଲିଲ୍ ବାଗିକେଦ୍‌ତେ ଯାଦାନ୍‌ନାହିଁ ହାନ୍‌ପାରମ୍ ଯିହୁଦା ପାର୍‌ଗାନ୍‌ତେ ସେନଃୟାନା ।^୨ ପୁରାଃ ଗାଦେଲ୍ ହତ୍‌କ ଜନିଃକେକ ଅତଞ୍‌କିୟା ଆତଃ ଜନିଃ ଏନ୍ତାଃରେ ଦୁକୁହାସୁତାନ୍‌କକେ ବୁଗିକେଦ୍‌କଆଏ ।

^୩ ଚିମିନ୍ ଫାରୁଶୀକ ଆୟାଃତାଃତେ ବିଡାଅ ନାଗେନ୍ତେ ହିନ୍ଦୁଃୟାନା ଆତଃ କୁଲିକିୟାକ, “ମୁଶାରାଃ ଆଇନ୍ ଲେକାତେ, ଚିୟାଃ କଡା ଆୟାଃ କୁଡିକେ ଜେତାନ୍ କାଜି ନାଗେନ୍ତେ ବାଗିଦାଡିୟାଏ ଚି କାହା ?”

^୪ ଜନିଃ କାଜିରୁହାଡ୍‌ଦକଆଏ, “ଆରାମ୍‌ପୁଥ୍‌ରେ କାପେଚି ପାଡ୍‌ଅକାଦା, ବାବାଜନିଃ ମୁନ୍‌ରେ ଏନ୍ ବାରାନ୍‌କିନ୍‌କେ, କଡା ଆତଃ କୁଡି ବାଇକେଦ୍‌କିନାଏ ?^୫ ଆତଃ ପାର୍‌ମେଶ୍‌ବର୍ କାଜିକେଦାଏ, ‘ଏନା ନାଗେନ୍ତେ ହତ୍ ଆୟାଃ ଏଜାମା

☆ **୧୮:୧୮** ୧୮:୧୮ ମାଧୁର ୧୭:୧୯; ଯୋହାନ୍ ୨୦:୨୩. ☆ **୧୮:୨୧** ୧୮:୨୧ ଲୁକ ୧୭:୩,୪. * **୧୮:୩୩** ୧୮:୩୩ ଦାୟା

ଆପୁକିନକେ ବାଗିକେଦ୍‌ତେ ଆୟାଃ କୁଡ଼ିଲଃ ମିଦଃଆଏ, ଆତଃ ଇନକିନ୍ ବାରାନ୍‌କିନ୍ ମିଦଃଆକିନ୍ ।^୬ ଏନାମେନ୍ତେ ଇନକିନ୍ ବାରିଆ ହଡ଼ମ ନାହାଁଲଃକିନ୍, ମେନ୍‌ଦ ମିଆଁଦ୍ ହଡ଼ମତାନ୍‌କିନ୍, ଏନା ନାଗେନ୍ତେ ପାର୍‌ମେଶ୍‌ୱାର୍ ମିଦ୍‌ରେ ତଲ୍‌କାଦ୍‌ତେୟାଃ ହଡ଼ ଆଲକାଏ ବିନ୍‌ଗାଏକା ।”

^୭ *ଫାରୁଶୀକ ଯୀଶୁକେ କୁଲିକିୟାକ, “ତାବ୍‌ଦ ମୁଶା ଚିନାଃମେନ୍ତେ କୁଡ଼ିକେ ବାଗିରେଆଃ ଅନଲ୍‌ଚିଠା ଏମ୍‌କେଦ୍‌ତେ ବାଗିକେଦେ ମେନ୍ତେ ଆଇନ୍‌ରେ ଆଚୁକାଦା ?”

୮ ଯୀଶୁ କାଜିରୁହାଡ଼କିୟାଏ, “ମୁଶାଦ୍ ଆପେୟାଃ କେଟେଦ୍‌ମନ୍ ନାଗେନ୍ତେ ଆପେୟାଃ କୁଡ଼ିକେ ବାଗି ଚିକାଦ୍‌ପେୟାଏ, ମେନ୍‌ଦ ଅତେଦିଶୁମ୍‌ରେୟାଃ ମୁନ୍‌ରାଃ ସିଦାରେ ଏନ୍‌ଲେକା କା ତାଇକେନା ।^୯ *ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ଜେତାଏ ହଡ଼ ଆପାଙ୍ଗ୍‌ର କାମି ବେଗାର୍ ଏଟାଃ କାଜି ନାଗେନ୍ତେ ଆୟାଃ କୁଡ଼ିକେ ବାଗିକେଦ୍‌ତେ ଏଟାଃ କୁଡ଼ିକେ ଆଣ୍‌ଦିୟାରେ ଆପାଙ୍ଗ୍‌ର କାମି କାମିୟାଏ ଆତଃ ଇନିଃ ଆଇଃକ୍‌ଗି ଆପାଙ୍ଗ୍‌ରନିଃ ହବାଅଃଆଏ ।”

^{୧୦} ଚେଲ୍‌କ ଯୀଶୁକେ କାଜିକିୟାକ, “କଡ଼ା ଆତଃ ଆୟାଃ କୁଡ଼ିଆଃ ଆଲ୍‌ରେ ନେ ଲେକା ହବାଅଃତାନ୍‌ରେଦ୍ ଆଣ୍‌ଦି କା ବୁଗିନାଃ ।”

^{୧୧} ଯୀଶୁ ଇନ୍‌କୁକେ କାଜିରୁହାଡ଼କେଦ୍‌କଆଏ, “ସବେନ୍ ହଡ଼କ ନେ ଇନିତୁ କାକ ମାନାତିଙ୍ଗ୍ ଦାଡ଼ିୟା, ମେନ୍‌ଦ ପାର୍‌ମେଶ୍‌ୱାର୍ ଏନା ଅକନ୍‌କକେ ଏମାକାଦ୍‌କଆଏ, ଇନ୍‌କୁ ଏସ୍‌କାର୍‌ଗି ଦାଡ଼ିୟାକ ।^{୧୨} ଚିୟାଃଚି ଚିମିନ୍ ଚାକୁରା*କ ମେନାକଆ, ଇନ୍‌କୁ ଏନ୍‌ଲେକାଗିକ ଜାନାମାକାନା, ଆତଃ ଏଟାଃ ଚିମିନ୍‌କ ହଡ଼କଆଃତେ ଚାକୁରାକ ବାଇୟାକାନା, ଆତଃ ଏଟାଃକ ସିମ୍‌ା ରାଇଜ୍‌ରାଃ କାମି ନାଗେନ୍ତେ କାକ ଆଣ୍‌ଦିନ୍‌ତାନା । ନେୟାଁ ମାନାତିଙ୍ଗ୍ ଦାଡ଼ିନିଃ ମାନାତିଙ୍ଗ୍‌ୟେକାଏ ।”

ୟୀଶୁ ହୁଡ଼ିଙ୍ଗ୍ ହନ୍‌କକେ ଆଗିଷ୍‌କେଦ୍‌କଆଏ

(ମାର୍କ ୧୦:୧୩-୧୬; ଲୁକ ୧୮:୧୫-୧୭)

^{୧୩} ଏନ୍ତେ ଯୀଶୁ ହନ୍‌କଆଃ ଚେତାନ୍‌ରେ ତିଃଇ ଦହକେଦ୍‌ତେ ବିକ୍ରିକାଏ ମେନ୍ତେ ହଡ଼କ ହୁଡ଼ିଙ୍ଗ୍ ହନ୍‌କକେ ଯୀଶୁତାଃତେକ ଆଉକେଦ୍‌କଆ ମେନ୍‌ଦ ଚେଲ୍‌କ ଇନ୍‌କୁକେକ ମାରାଙ୍ଗ୍‌ମତାକେଦ୍‌କଆ ।^{୧୪} ଯୀଶୁ ମେତାଦ୍‌କଆଏ, “ହୁଡ଼ିଙ୍ଗ୍ ହନ୍‌କକେ ଆଇଙ୍ଗ୍‌ତାଃତେ ହିଜୁଃଇଚିକପେ ଆତଃ ଇନ୍‌କୁକେ ଆଲ୍‌ପେ ମାନାକଆ, ଚିୟାଃଚି ସିମ୍‌ା ରାଇଜ୍‌ଦ୍ ନେ ହନ୍‌କ ଲେକାନ୍‌କଆଃ ତାନାଃ ।”

^{୧୫} ଏନ୍ତେ ଇନ୍‌କୁ ଚେତାନ୍‌ରେ ତିଃଇ ଦହକେଦ୍‌ତେ ଆଗିଷ୍‌କେଦ୍‌କଆଏ ଆତଃ ଇନିଃ ଏନ୍ତାଃଏତେ ସେନଃୟାନା ।

କିସାଁଣ୍ ଧାଙ୍ଗ୍‌ଡ଼ା

(ମାର୍କ ୧୦:୧୭-୩୧; ଲୁକ ୧୮:୧୮-୩୦)

^{୧୬} ମିଆଁଦ୍ ଧାଙ୍ଗ୍‌ଡ଼ା ଯୀଶୁତାଃତେ ହିଜୁଃୟାନା ଆତଃ କୁଲିକିୟାଏ, “ହେ ଗୁରୁ, ଜାନାଅ ଜୀଦାନ୍ ନାମେ ନାଗେନ୍ତେ ଆଇଙ୍ଗ୍‌କେ ଚିକାନ୍ ବୁଗିନ୍ କାମି ରିକା ଲାଗାତିଙ୍ଗ୍‌ୟାଃ ?”

^{୧୭} ଯୀଶୁ କାଜିରୁହାଡ଼କିୟାଏ, “ଚିକାନାଙ୍ଗ୍ ଆଇଙ୍ଗ୍‌କେ ଅକ୍‌ନାଃ ବୁଗିନ୍ ବିଷାଏ ତାନାଃ ମେନ୍ତେମ୍ କୁଲିଙ୍ଗ୍‌ତାନା ? ପାର୍‌ମେଶ୍‌ୱାର୍ ଏସ୍‌କାର୍ ବୁଗିନ୍‌ନିଃ ତାନିଃ । ମେନ୍‌ଦ ଆମ୍ ଜୀଦାନ୍‌ରେ ବଲ୍ ନାଗେନ୍ତେ ସାନାଙ୍ଗ୍‌ତାନ୍‌ରେଦ୍, ପାର୍‌ମେଶ୍‌ୱାର୍‌ଆଃ ଆନ୍‌ଚୁକ ମାନାତିଙ୍ଗ୍‌ମେ ।”

^{୧୮} ଇନିଃ ଯୀଶୁକେ କୁଲିକିୟାଏ, “ଅକନ୍ ଆନ୍‌ଚୁକ ?”

ୟୀଶୁ କାଜିରୁହାଡ଼କିୟାଏ, “ହଡ଼ ଆଲମ୍ ଗଜିୟା, ଆଲମ୍ ଆପାଙ୍ଗ୍‌ରାଃ, ଆଲମ୍ କୁମ୍‌ତୁଆଃ, ହସଡ଼ଗାଝା ଆଲମାଃ,

^{୧୯} ଏଙ୍ଗା ଆପୁକିନକେ ମାନାତିଙ୍ଗ୍‌କିନମେ, ଆତଃ ଆମାଃ ହପ୍‌ରଜାପାଃରେନ୍‌କକେ ଆମ୍‌ଲେକା ଦୁଲ୍‌ଡ଼କମେ ।”

^{୨୦} ଏନ୍ ଧାଙ୍ଗ୍‌ଡ଼ା କାଜିରୁହାଡ଼କିୟାଏ, “ଏନ୍ ସବେନ୍ ଆନ୍‌ଚୁକଇଙ୍ଗ୍ ମାନାତିଙ୍ଗ୍‌କାଦା ଆତଃ ଚିକ୍‌ନାଃ ଆଇଙ୍ଗ୍‌କେ ରିକା ଲାଗାତିଙ୍ଗ୍‌ୟାଃ ?”

^{୨୧} ଯୀଶୁ କାଜିରୁହାଡ଼କିୟାଏ, “ପକ୍‌ତାମ୍ ସାନାଙ୍ଗ୍‌ତାନ୍‌ରେଦ୍, ମିଆଁଦ୍ କାଜି ଆମ୍‌କେ ରିକା ଲାଗାତିଙ୍ଗ୍‌ୟାଃ, ଜୁ, ଆମାଃ ସବେନାଃ ଆଖ୍‌ରିଙ୍ଗ୍‌କେଦ୍‌ତେ ରେଙ୍ଗେଃକକେ ହାଟିଙ୍ଗ୍‌ଆଁକମ୍, ଆତଃ ଆମ୍ ସିମ୍‌ାରେ ଖୁଜ୍‌ମ୍ ନାମେୟା । ଏନ୍ତେ ରୁହାଡ଼କେଦ୍‌ତେ ଅତଙ୍ଗ୍‌ଇଙ୍ଗ୍‌ମେ ।”

^{୨୨} ଏନ୍ ଧାଙ୍ଗ୍‌ଡ଼ା ନେ'କାଜି ଆୟୁମ୍‌କେଦ୍‌ତେ ହୁଡ଼ିଙ୍ଗ୍‌ଜୀଉୟାନ୍ତେ ସେନଃୟାନା ଚିୟାଃଚି ଇନିଃ ପୁରାଃଗି କିସାଁଣ୍ ତାଇକେନାଏ ।

^{୨୩} ଯୀଶୁ ଆୟାଃ ଚେଲ୍‌କକେ କାଜିୟାଦ୍‌କଆଏ, “ସାର୍‌ତିଗିଙ୍ଗ୍ କାଜିୟାପେତାନା, କିସାଁଣ୍ ହଡ଼କନାଙ୍ଗ୍ ସିମ୍‌ା ରାଇଜ୍‌ରେ ବଲ୍‌ଃ ପୁରାଃଗି ହାମ୍‌ଲାଃ ।^{୨୪} ଆତଃଗିଇଙ୍ଗ୍ କାଜିପେତାନା, ପାର୍‌ମେଶ୍‌ୱାର୍‌ଆଃ ରାଇଜ୍‌ରେ କିସାଁଣ୍ ହଡ଼ ବଲ୍ ଦାଡ଼ିଏତେ, ସୁଇ ଉଣ୍‌ସୁରେ ଉର୍‌ ପାରମାଃତେୟାଃ ରାଝାଲାଃ ।”

^{୨୫} ଚେଲ୍‌କ ନେଆଁ ଆୟୁମ୍‌କେଦ୍‌ତେ ପୁରାଃଗିକ ଆକ୍‌ଦାନ୍‌ଆୟାନା, ଆତଃ ଆକ ଆକରେକ କୁପ୍‌ଲିୟାନା, “ତାବ୍‌ଦ୍ ଅକଏ ଜୀଉ ବାସ୍ତାଅ ନାମ୍ ଦାଡ଼ିୟାଏ ?”

* ୧୯:୭ ୧୯:୭ ମାଥୁର ୫:୩୧. * ୧୯:୯ ୧୯:୯ ମାଥୁର ୫:୩୨; ୧ କରିନ୍ଥ୍‌ୟ ୭:୧୦,୧୧. * ୧୯:୧୨ ୧୯:୧୨ ଚାକୁରା, ନପୁଂସକ

୨୬ ଯୀଶୁ ଇନ୍ଦ୍ରକୁ ଆରିଦ୍‌କେଦ୍‌ତେ କାଜିକେଦ୍‌କଆଏ, “ହଡ଼କ ନାଗେନ୍ତେ ନେଆଁ କା ଦାଡ଼ିୟଃ କାମିତାନା ମେନ୍‌ଦ ପାର୍‌ମେଶ୍‌ବରତେ ହବାଦାଡ଼ିୟାଆ ।”

୨୭ ଏନ୍ତେ ପାଡ଼ରାସ୍ କାଜିକିୟାଏ, “ନେଲେମେ, ଆଲେଦ ସବେନାଃ ବାଗିକେଦ୍‌ତେ ଆମ୍‌କେଲେ ଅତଙ୍‌କେଦ୍‌ମେୟାଁ । ଆଲେ ଚିକ୍‌ନାଃଲେ ନାମେୟା ?”

୨୮ ✱ୟୀଶୁ ଇନ୍ଦ୍ରକୁ ମେତାଦ୍‌କଆ, “ସାର୍‌ଡ଼ିଗିଙ୍‌ କାଜିୟାପେ ତାନାଇଙ୍‌, ସବେନାଃରାଃ ନାଞ୍ଜାଗି ବାଇରୁହାଡ଼କେଦ୍‌ତେ, ମାନଞ୍ଜାହନ୍ ଆୟାଃ ମାନାରାଙ୍‌ରେୟାଃ ରାଜଗାଦିରେ ଦୁବାଃଏ ଇମତା ଆପେ ଆଇଙ୍‌କେ ଅତଙ୍‌କାଦିଙ୍‌କଗି ଗେଲ୍‌ବାର୍ ରାଜଗାଦିରେ ଦୁବ୍‌କେଦ୍‌ତେ ଇସ୍ରାଏଲ୍‌ରେନ୍ ଗେଲ୍‌ବାର୍ କିଲିକଆଃ ତେତାନ୍‌ରେ ରାଇଜେୟାପେ । ୨୯ ଆଡ଼ଃ ଜେତାଏ ହଡ଼ ଆଇଙ୍‌ ମେନ୍ତେ ଅଡ଼ଃ ଚାଏ ହାଗା ଚାଏ ମିଗି ଚାଏ ଆପୁ ଚାଏ ଏଙ୍‌ମା ଚାଏ ହନ୍‌ଗାଁଣା ଚାଏ ଅତେହାସା ବାଗିତାରେଦ୍, ଇନିଃ ଏନା ସାଅଗୁନା ଆଦ୍‌କାଏ ନାମେୟା ଆଡ଼ଃ ଜାନାଅ ଜାନାଅରେୟାଃ ଜୀଦାନ୍ ନାମେୟାଏ । ୩୦ ✱ମେନ୍‌ଦ ପୁରାଃ ଆୟାର୍‌ରେନ୍‌କ ତାୟମଃଆ ଆଡ଼ଃ ତାୟମ୍‌ରେନ୍‌କ ଆୟୁରଃଆ ।

୨୦

ଦାଖ୍‌ବାକ୍‌ଡ଼ିରେ କାମିତାନ୍ ହଡ଼କଆଃ ଜନ୍‌କା କାଜି

୧ “ସିମ୍‌ ରାଇଜଦ୍ ମିଆଁଦ୍ ଚାଷି ହଡ଼ଲେକାଃ, ଇନିଃ ଇଦାନ୍‌ତେ ଆୟାଃ ଦାଖ୍‌ବାକ୍‌ଡ଼ିରେ କାମିନାଙ୍‌ ହଡ଼କକେ ଦାଣ୍ଠା ନାଗେନ୍ତେ ଅତଙ୍‌ୟାନା । ୨ ଇନିଃ ସିଙ୍‌ସାଟୁବ୍‌ରେ ମୁସିଙ୍‌ରାଃ ନାଲା ସିକାପେ ନାମେୟା ମେନ୍ତେ ଇନ୍ଦ୍ରକୁ କାଜିକେଦ୍‌କଆ, ଆଡ଼ଃ ଆୟାଃ ଦାଖ୍‌ବାକ୍‌ଡ଼ିରେ କାମିନାଙ୍‌ କୁଲ୍‌କେଦ୍‌କଆଏ । ୩ ଇନିଃ ସେତାଃ ନାଅ ଘାଡ଼ିକ ହବାଅଃତାଇକେନ୍‌ରେ ପିର୍ ପିଡ଼ିରେ ଏଟାଃ ହଡ଼କ ସାମାଗି ତିଙ୍‌ଆକାନ୍ ନେଲ୍‌କେଦ୍‌କଆଏ । ୪ ଇନିଃ ଇନ୍ଦ୍ରକୁ କାଜିୟାଦ୍‌କଆଏ, ‘ଆପେୟ ଦାଖ୍‌ବାକ୍‌ଡ଼ିରେ ସେନଃପେ ଆଡ଼ଃ କାମିପେ, ଆଇଙ୍‌ ଆପେକେ ଠାଉକାନ୍ ଲେକାଗି ନାଲାଇଙ୍‌ ଏମାପେୟା ।’ ୫ ଆଡ଼ଃ ଇନ୍ଦ୍ର କାମିତେକ ସେନଃୟାନା, ଏନ୍ତେ ଇନିଃ ଆଡ଼ଃଗି ତିକିନ୍‌ରାଃ ବାରାବାଜେ ଆଡ଼ଃ ତାର୍‌ସିଙ୍‌ ତିନ୍‌ବାଜେ ଅତଙ୍‌ୟାନା ଆଡ଼ଃ ଚିମିନ୍ ନାଲାକାମି ହଡ଼କକେ ଆଉକେଦ୍‌ତେ କାମି ଏମାଦ୍‌କଆଏ । ୬ ସିଙ୍‌ ହାସୁରଃତାନ୍‌ରାଃ ପାଞ୍ଚବାଜେକ ଇନିଃ ଆଡ଼ଃମିସା ଅତଙ୍‌ୟାନା, ଏନ୍ତେ ପିର୍ ପିଡ଼ିରେ ଚିମିନ୍ ନାଲାକାମିକ ସାମାଗି ତିଙ୍‌ଆକାନ୍ ନେଲ୍‌କେଦ୍‌କଆଏ, ଆଡ଼ଃ ମେତାଦ୍‌କଆଏ, ‘ଚିନାଃ ମେନ୍ତେ ଆପେ ନେତାଃରେ ସିଙ୍‌ସାଟୁବ୍ ଜାକେଦ୍ ସାମାଗିପେ ତିଙ୍‌ଆକାନ୍‌ ?’ ୭ ଇନ୍ଦ୍ର କାଜିରୁହାଡ଼କିୟାକ, ‘ଜେତାଏ ଆଲେକେ କାମିନାଙ୍‌ କାକ ଆତୁକାଦ୍‌ଲେୟା ।’ ଇନିଃ ମେତାଦ୍‌କଆଏ, ‘ଠିକ୍‌ମେନାଃ, ଜୁ, ଆପେୟ ଦାଖ୍‌ବାକ୍‌ଡ଼ିରେ ସେନଃପେ ଆଡ଼ଃ କାମିପେ ।’

୮ “ଆୟୁବ୍‌ୟାନ୍‌ଚି ଦାଖ୍‌ବାକ୍‌ଡ଼ିରେନ୍ ଗମ୍‌କେ, ଆୟାଃ ଭାଣ୍ଡାରିକେ କାଜିକିୟାଏ, ‘ସବେନ୍ ନାଲାତାଇକେନ୍‌କକେ ହକାଅକେଦ୍‌ତେ ଆକଆଃ ନାଲା ଏମାକମେ ।’ ତାୟମ୍‌ତେ କାମି ହିଜୁଆକାନ୍‌କକେ ପାହିଲା ଆଡ଼ଃ ମୁଲ୍‌ଏତେ କାମିକେନ୍‌କକେ ଟୁଣ୍ଡୁରେ ନାଲା ଏମାକମେ । ୯ ସିଙ୍‌ସାଟୁବ୍‌ତାନ୍‌ରାଃ ପାଞ୍ଚବାଜେ କାମିକେଦ୍ ସବେନ୍ ହଡ଼କ ମିପିହୁଡ଼ରେ ମୁସିଙ୍‌ରାଃ ନାଲା ସିକାକ ନାମ୍‌କେଦା । ୧୦ ମୁଲ୍‌ଏତେ କାମିକେନ୍‌କ ଆଦ୍‌କା ନାଲାଲେ ନାମେୟା ମେନ୍ତେକ ଉଡ଼ୁକେଦା, ମେନ୍‌ଦ ଇନ୍ଦ୍ରହଗି ମିପିହୁଡ଼ରେ ମୁସିଙ୍‌ରାଃ ନାଲା ସିକାକ ନାମ୍‌କେଦା । ୧୧ ଇନ୍ଦ୍ର ନାଲା ତେଲାକେଦ୍‌ଚି, ଅଡ଼ଃ ଗମ୍‌କେୟାଃ ବିରୁଧ୍‌ରେ କୁରୁମ୍‌ଡୁରୁମ୍‌ୟାନ୍‌ଲଃ କାଜିକେଦାକ, ୧୨ ‘ତାୟମ୍‌ତେ ହିଜୁଆକାନ୍ ହଡ଼କ ମିଦ୍ ଘାଡ଼ିଗି କାମିକେଦାକ ଆଡ଼ଃ ଆଲେ ସିଙ୍‌ସାଟୁବ୍ ନିମିନ୍‌ରାଃ ସିଡୁଙ୍‌ ସାହାଡ଼ିଙ୍‌କେଦ୍‌ତେ କାମିକେଦ୍‌ରେୟା ଆମ୍ ଆଲେକେ ଇନ୍ଦ୍ରକୁଲଃ ମିଦ୍‌ଗିମ୍ ଜକାକେଦ୍‌ଲେୟା ।’

୧୩ “ମେନ୍‌ଦ ଇନିଃ ଇନ୍ଦ୍ରଏତେ ମିହୁଡ଼କେ କାଜିରୁହାଡ଼କିୟାଏ, ‘ଏ ଗାତି, ଆଇଙ୍‌ ଆମ୍‌କେ କାଇଙ୍‌ ବେଦାମେତାନା, ଆମ୍ ଆଡ଼ଃ ଆଇଙ୍‌ ଚିନାଃ ମୁସିଙ୍‌ରାଃ ନାଲା ସିକା ଏମଃଆ ମେନ୍ତେ କାଲାଙ୍‌ ବାଗାଁଣ୍ କାଦ୍‌ତାଇକେନା ? ୧୪ ନେ ଆମାଃ ନାଲା ଇଦିମେ ଆଡ଼ଃ ସେନଃମେ । ଆଇଙ୍‌ ତାୟମ୍‌ତେ ହିଜୁକାନ୍ କାମିନିଃକେ ଆମ୍‌କେ ଏମାକାଦ୍‌ମେ ଲେକା ଏମନାଙ୍‌ ସାନାଙ୍‌ତାନାଇଙ୍‌ । ୧୫ ଚିୟାଃ ଆଇଁୟାଃ ମେନାଃତେୟାଃକେ ଆଇଁୟାଃ ମନେଲେକା ଏମ୍ କାଇଙ୍‌ ଦାଡ଼ିୟା ? ଚି ଆଇଙ୍‌ ବୁଗିନ୍ ଏମଃନିଃ ତାନିଙ୍‌ ମେନ୍ତେମ୍ ହିସ୍‌ଜାଈଙ୍‌ତାନା ?’ ”

୧୬ ✱ଆଡ଼ଃ ଯୀଶୁ ନେ ଲେକାତେ କାଜିଚାବାକେଦା, “ତାୟମ୍‌ରେନ୍‌କ ସିଦାଅଃଆ, ଆଡ଼ଃ ଆୟାର୍‌ରେନ୍‌କ ତାୟମଃଆ ।”

ୟୀଶୁ ଆୟାଃ ଗନଏଃ କାଜି ଆପିସାତେ କାଜିୟାଦ୍‌କଆଏ (ମାର୍କ ୧୦:୩୨-୩୪; ଲୁକ ୧୮:୩୧-୩୪)

୧୭ ଯୀଶୁ ଯୀରୁଶାଲେମ୍ ସେନଃ ଇମତା ଗେଲ୍‌ବାର୍ ଚେଲାକକେ ଗେନାତେ ଇଦିକେଦ୍‌ତେ କାଜିକେଦ୍‌କଆଏ, ୧୮ “ନେଲେପେ, ଆବୁ ଯୀରୁଶାଲେମ୍‌ତେବୁ ସେନଃତାନା ଆଡ଼ଃ ମାନଞ୍ଜାହନ୍‌କେ ମୁଲ୍ ଯାଜାକ୍‌କଆଃ ଆଡ଼ଃ ଆଇନ୍ ଇଡୁକଆଃ ତିଃଇରେକ ଜିମାଈୟା ଆଡ଼ଃ ଇନ୍ଦ୍ର ଇନିଃକେ ଗନଏଃ ସାଜାଇ ନାଗେନ୍ତେକ ବିଚାରେୟା । ୧୯ ଆଡ଼ଃ ଇନ୍ଦ୍ର

✱ ୧୯:୨୮ ୧୯:୨୮ ମାଧୁର ୨୫:୩୧; ଲୁକ ୨୨:୩୦. ✱ ୧୯:୩୦ ୧୯:୩୦ ମାଧୁର ୨୦:୧୭; ଲୁକ ୧୩:୩୦. ✱ ୨୦:୧୭ ୨୦:୧୭ ମାଧୁର ୧୯:୩୦; ମାର୍କ ୧୦:୩୧; ଲୁକ ୧୩:୩୦.

ଇନିଷକେକ ଲାନ୍ଦାଇୟା, ହାଁଶ୍ଵାଇୟା ଆତଃ କୁଶ୍ଵରେ କିଲ୍ଲା ନାଗେନ୍ତେ ସାଅଁସାର୍‌କଆଃ ତିଃଇରେକ ଏମିୟା, ମେନ୍‌ଦ ଆପି ମାହାଁ ତାୟମ୍‌ତେ ଇନିଃ ଜୀଉବିରିଦାଏ ।”

ମିଆଁଦ୍ ଏଙ୍ଗାରାଃ ବିନ୍ତି
(ମାର୍କ ୧୦:୩୫-୪୫)

୨୦ ଏନ୍ତେ ଜେବଦୀୟାଃ କୁଡ଼ିତେ ଆୟାଃ ବାରିଆ ହନ୍‌କିନ୍‌ଲଃ ଯୀଶୁତାଃତେ ହିଜୁଃୟାନା ଆତଃ ଇକ୍‌ଡ଼ମୁକେଦ୍‌ତେ ଦେଙ୍ଗା ଆସିକିୟାଏ ।

୨୧ ଏନ୍ତେ ଯୀଶୁ କୁଲିକିୟାଏ, “ଆମ୍ ତିନାଃ ସାନାଙ୍ଗ୍ ତାନାମ୍ ?” ଇନିଃ କାଜିରୁହାଡ଼କିୟାଏ, “ଆଇଁୟାଃ ନେ ହନ୍‌କିନ୍ ଆମାଃ ରାଇଜ୍‌ରେ ମିଆଁଦ୍‌ନିଃକେ ଜମ୍‌ତିସାଃରେ ଆତଃମିଆଁଦ୍‌ନିଃକେ ଲେଙ୍ଗାଡ଼ିସାଃରେ ଦୁବ୍‌କାକିନ୍ ମେନ୍ତେ ଆରୁକିନ୍‌ମେ ।”

୨୨ ଯୀଶୁ ଜେବଦୀୟାଃ ବାରିଆ ହନ୍‌କିନ୍‌କେ କାଜିରୁହାଡ଼କେଦ୍‌କିନାଏ, “ତିନାଃବେନ୍ ଆସିତାନା ଏନା କାବେନ୍ ସାରିତାନା । ତିନାଃ ଆଇଁୟାଃ ଦୁକୁରେୟାଃ ନୁଁଏ କାଟୋରାରେ ନୁଁବେନ୍ ଦାଡ଼ିୟା ?”

ଇନ୍‌କିନ୍ କାଜିରୁହାଡ଼କେଦା, “ଦାଡ଼ିୟାଲିଙ୍ଗ୍ ।”

୨୩ ଯୀଶୁ ମେତାଦ୍‌କିନାଏ, “ଆଇଁୟାଃ କାଟୋରାତେ ନୁଁଦବେନ୍ ନୁଁଇୟା ମେନ୍‌ଦ ଆଇଁୟାଃ ଜମ୍‌ତିସାଃରେ ଆତଃ ଲେଙ୍ଗାଡ଼ିସାଃରେ ଦୁବ୍‌ରିକାତେୟାଃ ଆଇଁୟାଃ ତିଃଇରେ ବାନଆଃ ମେନ୍‌ଦ ନେ ଠାୟାଦ୍ ଆପୁଇଙ୍ଗ୍ ଅକନ୍‌କ ନାଗେନ୍ତେ ବାଇୟାକାଦାଏ ଇନ୍‌କୁ ନାଙ୍ଗ୍ ଏସକାର୍ ତାନାଃ ।”

୨୪ ଏଟାଃ ଗେଲ୍ ଚେଲ୍‌କ ନେଆଁ ଆୟୁମ୍‌କେଦ୍‌ତେ ଏନ୍ ବାରାନ୍ ହାଗିୟାକିନ୍‌କେ ଖୁସ୍‌ୟାନାକ । ୨୫ *ମେନ୍‌ଦ ଯୀଶୁ ଇନ୍‌କୁକେ କେଡାକେଦ୍‌ତେ କାଜିୟାଦ୍‌କଆଏ, “ନେ ଅତେଦ୍‌ଶୁମ୍‌ରେନ୍ ହଡ଼କଆଃ ହାକିମ୍‌କ ଇନ୍‌କୁରେକ ରାଇଜ୍‌ତାନା ଆତଃ ଆକ୍‌ତେୟାର୍ ନାମାକାଦ୍‌କ ଇନ୍‌କୁଆଃ ଚେତାନ୍‌ରେ ପୁରାଃଗି ଆକ୍‌ତେୟାର୍‌ରେ ତାନାକ, ଏନା ଆପେ ସାରିୟାକାଦାଃପେ । ୨୬ *ଆପେୟାଃ ଆଲାରେ ଆଲକା ଏନ୍‌କାଅଃକା, ମେନ୍‌ଦ ଆପେ ଆଲାରେ ଜେତାଏ ମାରାଙ୍ଗ୍ ସାନାଙ୍ଗ୍‌ରେଦ ଇନିଃ ଏଟାଃକଆଃ ସୁସାର୍‌ନିଃ ହବାଅଃକାଏ, ୨୭ ଆତଃ ଆପେୟାଃ ଆଲାରେ ଜେତାଏ ସିଦାଉତାରଃ ସାନାଙ୍ଗ୍‌ତାନ୍‌ନିଃ, ଏଟାଃକଆଃ ଦାସିଲେକା ଏଟାଃକକେ ସୁସାର୍‌କକାଏ । ୨୮ ନେ ଲେକାତେ ମାନଃହନ୍ ସୁସାର୍ ନାମେ ନାଗେନ୍ତେଦ କା ମେନ୍‌ଦ ସୁସାର୍ ନାଗେନ୍ତେ ଆତଃ ଆୟାଃ ଜୀଉ ପୁରାଃ ହଡ଼କନାଙ୍ଗ୍ ଦାଣ୍ଠେଁ ଗନଙ୍ଗ୍ ଏମ୍ ନାଗେନ୍ତେ ହିଜୁଆକାନାଏ ।”

ୟୀଶୁ ବାରହଡ଼୍ କାଶାଁକିନ୍‌କେ ବୁଗିକେଦ୍‌କିନାଏ
(ମାର୍କ ୧୦:୪୬-୫୨; ଲୁକ ୧୮:୩୫-୪୩)

୨୯ ଯିରିହୋ ସାହାର୍‌ଏତେ ଅତଙ୍ଗ୍ ତାଇକେନ୍‌ରେ ପୁରାଃ ଗାଦେଲ୍ ହଡ଼କ ଇନିଃକେକ ଅତଙ୍ଗ୍‌କିୟା । ୩୦ ଆତଃ ବାରହଡ଼୍ କାଶାଁକିନ୍ ହରାଗେନାରେ ଦୁବାକାନ୍ ତାଇକେନ୍ ଇମ୍‌ତା ଯୀଶୁ ପାରମଃତାନାଏ ମେନ୍ତେକିନ୍ ଆୟୁମ୍‌କେଦ୍‌ତି କାଉରିକେଦାକିନ୍, “ହେ ଗମ୍‌କେ, ହେ ଦାଉଦ୍‌ଆଃ ହନ୍, ଦାୟାଲିଙ୍ଗ୍‌ମେ ।”

୩୧ ଗାଦେଲ୍ ହଡ଼କ ହାପାଃଅବେନ୍ ମେନ୍ତେକ ମାରାଙ୍ଗ୍‌ମତାକେଦ୍‌କିନା ମେନ୍‌ଦ ଇନ୍‌କିନ୍ ଆତଃ ପୁରାଃତେ କାଉରିକେଦାକିନ୍, “ହେ ପ୍ରାଭୁ, ଦାଉଦ୍‌ଆଃ ହନ୍ ଦାୟାଲିଙ୍ଗ୍‌ମେ !”

୩୨ ଯୀଶୁ ତିଙ୍ଗୁୟାନ୍ତେ ହାକାଅକେଦ୍‌କିନାଏ ଆତଃ ମେତାଦ୍‌କିନାଏ, “ଆଇଙ୍ଗ୍ ଆବେନାଃ ନାଗେନ୍ତେ ତିନାଃଇଙ୍ଗ୍ ଚିକାୟା ମେନ୍ତେବେନ୍ ସାନାଙ୍ଗ୍‌ତାନା ?”

୩୩ ଇନ୍‌କିନ୍ ଯୀଶୁକେ କାଜିରୁହାଡ଼କିୟାକିନ୍, “ହେ ପ୍ରାଭୁ, ମେଦ୍‌ଲିଙ୍ଗ୍ ନେଲ୍ ଦାଡ଼ିକା ମେନ୍ତେଲିଙ୍ଗ୍ ସାନାଙ୍ଗ୍‌ତାନା ।”

୩୪ ଯୀଶୁ ଇନ୍‌କିନ୍‌କେ ଲିବୁଇୟାଦ୍‌କିନାଏ ଆତଃ ଇନ୍‌କିନାଃ ମେଦ୍ ଜୁଟିଦ୍‌କେଦାଏ, ଏନ୍ତେ ଇମ୍‌ତାଗି ନେଲ୍ ଦାଡ଼ିକେଦାକିନ୍ ଆତଃ ଇନ୍‌କିନ୍ ଯୀଶୁକେ ଅତଙ୍ଗ୍‌କିୟାକିନ୍ ।

୨୧

ୟୀଶୁ ମାନାରାଙ୍ଗ୍‌ରେ ଯୀରୁଶାଲେମ୍‌ତେ ବଲତାନା
(ମାର୍କ ୧୧:୧-୧୧; ଲୁକ ୧୯:୨୮-୩୮; ଯୋହାନ୍ ୧୨:୧୨-୧୯)

୧ ଯୀଶୁ ଆତଃ ଆୟାଃ ଚେଲ୍‌କ ଯୀରୁଶାଲେମ୍ ନାଡ଼େଃରାଃ ଜାଇତୁନ୍ ବୁରୁ ଜାପାଃ ବେଡ଼୍‌ଫାଗି ହାତୁତେ ସେଟେର୍‌ୟାନାକ, ଇମ୍‌ତା ଯୀଶୁ ବାରିଆ ଚେଲ୍‌କିନ୍‌କେ କୁଲ୍‌କେଦ୍‌ତେ, ମେତାଦ୍‌କିନାଏ ୨ “ଆବେନ୍ ଆବେନାଃ ସାମନାଙ୍ଗ୍‌ରେଆଃ ହାତୁତେ ସେନଃବେନ୍ ଆତଃ ଏନ୍ତାଃତେ ତେବାଃ ଇମ୍‌ତାଗି ମିଆଁଦ୍ ଗାଧା ଆତଃ ଗାଧାହନ୍‌କେ ତଲାକାନ୍‌ବେନ୍ ନାମିୟା, ଇନ୍‌କିନ୍‌କେ ରାଡ଼ାକେଦ୍‌ତେ ଆଇଙ୍ଗ୍‌ତାଃତେ ଆଉକିନ୍‌ବେନ୍ । ୩ ଆତଃ ଜେତାଏ ଜେଡ଼ନାଃ କାଜିବେନ୍‌ରେଦ, ‘ନିକିନ୍‌ତାଃରେ ପ୍ରାଭୁଆଃ କାମିମେନାଃ’ ମେତାଇବେନ୍ ଆତଃ ଇନିଃ ଇମ୍‌ତାଗି କୁଲ୍‌ବାଗିକିନାଏ ।”

୪ ନେଆଁ ନାବୀକଆଃ କାଜି ପୁରାଆଃ ନାଗେନ୍ତେ ନେ ଲେକା ହବାୟାନା ।

* ୨୦:୨୫ ୨୦:୨୫ ଲୁକ ୨୨:୨୫,୨୬. * ୨୦:୨୬ ୨୦:୨୬ ମାଧୁର ୨୩:୧୧; ମାର୍କ ୯:୩୫; ଲୁକ ୨୨:୨୬.

୫ “ସିୟୋନ୍‌ରେନ୍ ହନ୍‌କୁଡ଼ିକେ କାଜିପେ,
 ‘ନେଲେମେ, ଆମାଃ ରାଜା ଆମାଃତାଃତେ ହିଜୁଃତାନା !
 ଲେବେୟାନ୍‌ଗି ଇନିଃ, ଗାଧା

ଆତଃ ଗାଧାହନ୍ ଚେତାନ୍‌ରେ ଦୁବ୍‌କେଦ୍‌ତେ ଆମାଃତାଃତେ ହିଜୁଃତାନା ।’”

୬ ଏନ୍ ଚେଲ୍‌କିନ୍ ସେନଃୟାନ୍ତେ ଯୀଶୁ ଆରୁକାଦ୍‌କିନ୍ ଲେକା କାମିକେଦାକିନ୍ । ୭ ଚେଲ୍‌କିନ୍ ଗାଧା ଆତଃ ଗାଧାହନ୍‌କେ ଆଉକେଦ୍‌ତେ, ଗାଧାକିନାଃ ଚେତାନ୍‌ରେ ଲିଜାଃ ଆଟେଦ୍ କେଦାକିନ୍ ଆତଃ ଯୀଶୁ ଏନ୍ ଚେତାନ୍‌ରେ ଦୁବ୍‌ୟାନାଏ । ୮ ଗାଦେଲ୍‌ହଡ଼କ୍‌ଏତେ ଚିମିନ୍‌କ ଆକଆଃ ଲିଜାଃ ହରାରେକ ଆଟେଦ୍‌କେଦା, ଆତଃ ଏଟାଃକ ଦାରୁଏତେ କଡକ ମାଆଃକେଦ୍‌ତେ ହରାରେକ ଆଟେଦ୍‌କେଦା । ୯ ଆତଃ ଆୟୁର୍ ତାୟମ୍‌ତେ ସେନ୍‌ତାନ୍ ଗାଦେଲ୍‌ହଡ଼କ କାଉରିକେଦା, “ଦାଉଦ୍‌ଆଃ ହନ୍ ହୋଶାନ୍ନା, ପ୍ରାଭୁଆଃ ନୁତୁମ୍‌ତେ ହିଜୁଃତାନ୍‌ନିୟାଃ ଧାଇନ୍ ହବାଅଃକା, ସାଲାଇ଼ଉତାର୍ ଠାୟାଦ୍‌ରେ ପାର୍‌ମେଶ୍ୱାର୍‌ଆଃ ମାନାରାଜ୍ ହବାଅଃକା ।”

୧୦ ଯୀଶୁ ଯୀରୁଶାଲେମ୍‌ତେ ବଲୟାନ୍ ଇମ୍‌ତା ଗଟା ନାଗାର୍‌ରେନ୍ ହଡ଼କ ଆକ୍‌ଦାନ୍‌ୟାନା ଆତଃ “ନିଃ ଅକଏ ତାନିଃ ?” ମେନ୍ତେକ କୁଲିବାଡ଼ାକେଦା ।

୧୧ ଗାଦେଲ୍‌ ହଡ଼କ କାଜିରୁହାଡ଼କେଦା, “ନିଃ ଗାଲିଲ୍‌ରେୟାଃ ନାଜ୍‌ରେଡ଼ରେନ୍ ନାବୀ ଯୀଶୁ ତାନିଃ” ମେନ୍ତେକ କାଜିକେଦା ।

ୟୀଶୁ ମାନ୍ଦିର୍ ଅଡ଼ାଃତେ ସେନ୍‌ତାନାଏ

(ମାର୍କ ୧୧:୧୫-୧୯; ଲୁକ ୧୯:୪୫-୪୮; ଯୋହାନ୍ ୨:୧୩-୨୨)

୧୨ ଯୀଶୁ ମାନ୍ଦିର୍ ଅଡ଼ାଃରେ ବଲୟାନାଏ ଆତଃ ମାନ୍ଦିର୍ ଅଡ଼ାଃରେ ସବେନ୍ କିରିଙ୍ଗ୍ ଆଖ୍‌ରିଙ୍ଗ୍ ତାନ୍‌କେ ହାର୍ ଅଡ଼ଙ୍ଗ୍‌କେଦ୍‌କଆ ଆତଃ ପାଏସା ଭାଞ୍ଜାଅତାନ୍‌କଆଃ ଚେବୁଲ୍‌କ, ଦୁଦୁମ୍‌ଲ୍‌କ ଆଖ୍‌ରିଙ୍ଗ୍‌ତାନ୍‌କଆଃ ଦୁବ୍‌ତେୟାଃ ଉଦୁର୍‌ବାଟିକେଦାଏ, ୧୩ ଆତଃ ଇନିଃ ଇନ୍‌କୁକେ କାଜିୟାଦ୍‌କଆଏ, “ଧାରାମ୍‌ପୁଥିରେ ନେଆଁ ଅଲାନା, ‘ଆଇୟାଃ ଅଡ଼ାଃ ବିକ୍ତିଅଡ଼ାଃ ମେନ୍ତେ ନୁତୁମ୍‌ଆ’ ମେନ୍‌ଦ ଆପେ ନେଆଁକେ କୁମ୍‌ତୁକୁଆଃ ତାଇନଃ ଠାୟାଦ୍‌ପେ ବାଇୟାକାଦା ।”

୧୪ ମେଦ୍ କା ନେଲ୍ ଦାଡ଼ିତାନ୍‌କ ଆତଃ କାଟା ରୁଶ୍‌କାନକ ମାନ୍ଦିର୍ ଅଡ଼ାଃରେ ଇନିଃତାଃତେକ ହିଜୁଃୟାନା ଆତଃ ଇନିଃ ଇନ୍‌କୁକେ ବୁଗିକେଦ୍‌କଆଏ । ୧୫ ମେନ୍‌ଦ ମୁଲ୍ ଯାଜାକ୍‌କ ଆତଃ ଆଇନ୍ ଇଡ଼କ ଇନିୟାଃ ଆକ୍‌ଦାନ୍‌ୟାନାମିକ ଆତଃ ମାନ୍ଦିର୍ ଅଡ଼ାଃରେ “ଦାଉଦ୍‌ଆଃ ହନ୍ ହୋଶାନ୍ନା” ମେନ୍ତେ ହନ୍‌କ କାଉରିତାନ୍‌ତେୟାଃ ନେଲ୍‌କେଦ୍‌ତେ ଖ୍ୱୟ୍‌ୟାନାକ, ୧୬ ଆତଃ କୁଲିକିୟାକ, “ଚିୟାଃ ଆମ୍ ଇନ୍‌କୁ କାଜିତାନ୍‌ତେୟାଃ ଆୟୁମେତାନାମି ?”

ଏନ୍ତେ ଯୀଶୁ ଇନ୍‌କୁକେ କାଜିରୁହାଡ଼ାଦ୍‌କଆ, “ହେଗି ଆୟୁମ୍‌ତାନାଇଙ୍ଗ୍ । ଆପେ ଧାରାମ୍‌ପୁଥିରେ ଅଲାନାନ୍‌ତେୟାଃ ଚିଉଲାଇ ହ କାପେ ପାଡ଼ାଅତି ? ‘ଆପେ ହନ୍‌କେ ଆତଃ ହୁଡ଼ିଙ୍ଗ୍ ହନ୍‌କେ ବୁଗିନ୍ ଜହାର୍ ନାଗେନ୍ତେ ଇଡ଼ୁକାଦ୍‌କଆପେ ।’”

୧୭ ଯୀଶୁ ଇନ୍‌କୁକେ ଯୀରୁଶାଲେମ୍‌ ବାଗିକେଦ୍‌ତେ ବେଥ୍‌ନିଆ ନାଗାର୍‌ତେ ସେନଃୟାନା ଆତଃ ଏନ୍ତାଃରେ ମିଦ୍‌ନୁବାଃ ତାଇନ୍‌ୟାନାଏ ।

ୟୀଶୁ ଲଆ ଦାରୁକେ ସାର୍‌ପାଅକେଦା

(ମାର୍କ ୧୧:୧୨-୧୪, ୨୦-୨୪)

୧୮ ସେତାଃ ଇଦାନ୍‌ରେ ଯୀରୁଶାଲେମ୍‌ ନାଗାର୍‌ତେ ସେନଃରୁହାଡ଼ତାନ୍ ତାଇକେନ୍ ଇମ୍‌ତା ଯୀଶୁକେ ରେଙ୍ଗେଃକିୟା । ୧୯ ହରାଗେନାରେ ମିଆଁଦ୍ ଲଆଦାରୁକେ ନେଲ୍‌କେଦ୍‌ତେ ଏନ୍ତାଃତେ ସେନ୍ ନାଡ଼େୟାନା, ମେନ୍‌ଦ ସାକାମ୍ ବାଗିକେଦ୍‌ତେ ଏନାରେ ଜେଡ଼ନାଃ କାଏ ନାମ୍‌କେଦା ଆତଃ କାଜିକେଦାଏ, “ଆମାଃତାଃରେ ଚିଉଲାଇ ଅଲକା ଜଅଃକା” ଆତଃ ଲଆଦାରୁ ଇମ୍‌ତାଗି ରହଡ଼ୟାନା ।

୨୦ ଚେଲ୍‌କ ନେଆଁ ନେଲ୍‌କେଦ୍‌ତେ ଆକ୍‌ଦାନ୍‌ୟାନାକ ଆତଃ କୁଲିକିୟାକ, “ଲଆଦାରୁ ଚିଲ୍‌କାତେ କାଜି ତର୍‌ସାଗି ରହଡ଼ୟାନା ?”

୨୧ ✠ୟୀଶୁ ଇନ୍‌କୁକେ କାଜିରୁହାଡ଼ାଦ୍‌କଆଏ, “ସାର୍‌ତିଗି କାଜିୟାପେ ତାନାଇଙ୍ଗ୍, ଆପେ ମନ୍‌ରେ କା ଆଡ଼ାଃଉଡ଼ୁକେଦ୍‌ତେ ପୁରାଃ ବିଶ୍ୱାସ୍‌ତାନ୍‌ଲଃ ନେ ଲଆଦାରୁକେ ଆଇଙ୍ଗ୍ ରିକାକାଦ୍‌ଲେକା, ଆପେୟ ଏନ୍‌ଲେକା ରିକାଦାଡ଼ିୟାପେ । ଆତଃ ନେଆଁକେ ଏସ୍‌କାର୍ କା ମେନ୍‌ଦ ବୁରୁକେହ୍ ‘ମାର୍ ବିରିଦ୍‌ମେ ଆତଃ ଦରେୟାରେ ଉୟୁଗଃମେ’ ମେନ୍ତେପେ କାଜିରେ ଏନା ଏନ୍‌ଲେକା ହବାଅଆଃ । ୨୨ ଆତଃ ଆପେ ବିଶ୍ୱାସେରେଦ୍, ବିକ୍ତିତେ ଆସିତେୟାଃ ସବେନାଃପେ ନାମେୟା ।”

ୟୀଶୁଆଃ ଆକ୍‌ତେୟାର୍ ବିଷାଏରେ କୁନୁଲି

(ମାର୍କ ୧୧:୨୭-୩୩; ଲୁକ ୨୦:୧-୮)

✠ ୨୧:୨୧ ୨୧:୨୧ ମାଧୁର ୧୭:୨୦; ୧ କରିନ୍ଥ୍‌ୟ ୧୩:୨.

୨୩ ଯୀଶୁ ମାନ୍ଦିର ଅଡ଼ାଠରେ ବଲକେଦ୍‌ତେ ଇତୁତାନ୍ ତାଇକେନ୍ ଇମ୍‌ତାଗି ମୁଲ୍ ଯାଜାକ୍‌କ ଆଡ଼ଠ ହଡ଼କଆଃ ପ୍ରାତିନ୍‌କ ଇନିଃତାଃତେକ ହିଜୁଃୟାନା ଆଡ଼ଠ କୁଲିକିୟାକ, “ଆମ୍ ଅକ ଆକ୍‌ତେୟାର୍‌ତେ ନେଆଁକମ୍ କାମିତାନା ? ଆଡ଼ଠ ଅକଏ ନେ ଆକ୍‌ତେୟାର୍ ଏମାକାଦ୍‌ମେୟାଏ ?”

୨୪ ଯୀଶୁ ଇନ୍‌କୁକେ କାଜିରୁହାଡ଼ାଦ୍‌କଆଏ, “ଆଇଙ୍‌ହ୍‌ଫି ମିଆଁଦ୍ କାଜିଇଙ୍‌ କୁଲିପେୟା, ଏନାପେ ଉଦୁବାଇଙ୍‌ରେଦ୍ ଆଇଙ୍‌ ଅକ ଆକ୍‌ତେୟାର୍ କାମିତାନାଇଙ୍‌ ଏନାଇଙ୍‌ ଉଦୁବାପେୟା । ୨୫ ଯୋହାନ୍, ବାପ୍ତିସ୍ତା ଏମ୍ ନାଗେନ୍ତେ ଅକ୍‌ତାଃଏତେ ଆକ୍‌ତେୟାର୍ ନାମାକାଦ୍ ତାଇକେନା ? ସିର୍ମାରେନ୍ ପାର୍‌ମେଶ୍ୱାର୍‌ତାଃଏତେ ଚି ହଡ଼କତାଃଏତେ ?”

ଆଡ଼ଠ ଇନ୍‌କୁ ଆକ ଆକରେକ ଉଡ଼ଃକେଦା, “ଆରୁ, ‘ସିର୍ମାରେନ୍ ପାର୍‌ମେଶ୍ୱାର୍‌ତାଃଏତେ’ ମେନେରେଦ୍ ଇନିଃ ‘ଚିକାନାଙ୍‌ ଯୋହାନ୍‌ରେ କାପେ ବିଶ୍ୱାସ୍‌କେଦା’ ମେତାରୁଆଏ ? ୨୬ ମେନ୍‌ଦ୍ ଆରୁ, ‘ହଡ଼କତାଃଏତେ’ ମେନେରେଦ୍, ଗାଦେଲ୍ ହଡ଼କତାଃଏତେ ବରମେନାଃ, ଚିୟାଠି ଯୋହାନ୍‌କେ ସବେନ୍ ହଡ଼କ ନାବୀ ତାନିଃ ମେନ୍ତେକ ବିଶ୍ୱାସୀ ତାଇକେନା ।” ୨୭ ଏନାତେ ଇନ୍‌କୁ “ଆଲେ କାଲେ ସାରିୟା” ମେନ୍ତେ ଯୀଶୁକେକ କାଜିରୁହାଡ଼କିୟା ।

ଏନ୍ତେ ଇନିଃ ଇନ୍‌କୁକେ ମେତାଦ୍‌କଆ, “ଆଇଙ୍‌ହ୍‌ଫି ଅକ ପେଡ଼େଃତେ ଏନାକଇଙ୍‌ ରିକାତାନା, କାଲଙ୍‌ ଉଦୁବାପେୟା ।

ବାରିଆ ହନ୍‌କିନାଃ ଜନ୍‌କା କାଜି

୨୮ “ନେ ବିଷାଏରେ ଆପେ ଚିନାଃପେ ଉଡ଼ଃତାନା ? ଜେତାଏ ହଡ଼ରାଃ ବାରିଆ ହନ୍‌କିନ୍ ତାଇକେନା, ଆଡ଼ଠ ମାରାଙ୍‌ନିଃତାଃତେ ସେନ୍‌କେଦ୍‌ତେ କାଜିକିୟାଏ, ‘ଏ ହନ୍, ଜୁ ତିସିଙ୍‌ ଆଇଁୟାଃ ଦାଖ୍‌ବାକ୍‌ଡ଼ିରେ କାମିମେ ।’ ୨୯ ଇନିଃ କାଜିକିୟାଏ, ‘ଆଇଙ୍‌କେ କାମି କା ସାନାଙ୍‌ ତାନାଃ,’ ମେନ୍‌ଦ୍ ତାୟମତେ ହେୟାଡ଼ିଙ୍‌କେଦ୍‌ତେ ସେନଃୟାନାଏ । ୩୦ ଏନ୍ତେ ଆପୁତେ ହୁଡ଼ିଙ୍‌ ହନ୍‌କଡ଼ାତାଃତେ ସେନ୍‌କେଦ୍‌ତେ ଏନ୍‌ଲେକାଗି କାଜିକିୟାଏ, ଆଡ଼ଠ ଇନିଃ ‘ହେଗି, ଆଇଙ୍‌ ସେନାଇଙ୍‌’ ମେନ୍ତେ କାଜିରୁହାଡ଼କିୟାଏ, ମେନ୍‌ଦ୍ ଇନିଃ କାଏ ସେନ୍‌ୟାନା । ୩୧ ଏନ୍ ବାରାନ୍‌କିନ୍‌ଏତେ ଅକଏ ଆପୁତେୟାଃ ମନେଲେକା କାମିକେଦାଏ ?”

ଇନ୍‌କୁ “ମାରାଙ୍‌ନିଃ,” ମେନ୍ତେକ କାଜିରୁହାଡ଼କିୟା ।

ୟୀଶୁ ଇନ୍‌କୁକେ କାଜିୟାଦ୍‌କଆ, “ସାର୍‌ତିଗିଙ୍‌ କାଜିୟାପେତାନା, ମାଲ୍‌ହାରମ୍‌କ ଆଡ଼ଠ ବେଶ୍ୟାକ ଆପେଏତେ ସିଦାରେ ପାର୍‌ମେଶ୍ୱାର୍‌ଆଃ ରାଇଜ୍‌ରେକ ବଲତାନା । ୩୨ ☆ବାପ୍ତିସ୍ତା ଏମାଃନିଃ ଯୋହାନ୍‌ଦ୍ ଆପେତାଃ ଧାର୍‌ମାନ୍ ହରା ଉଦୁବ୍ ନାଗେନ୍ତେ ହିଜୁଃୟାନା ଆଡ଼ଠ ଆପେ ଇନିଃରେ କାପେ ବିଶ୍ୱାସ୍‌କେଦା, ମେନ୍‌ଦ୍ ମାଲ୍‌ହାରମ୍‌କ ଆଡ଼ଠ ଆଣ୍ଡିଆପାଜିରକ ଇନିଃରେକ ବିଶ୍ୱାସ୍‌କେଦା । ଆଡ଼ଠ ଆପେ ନେଆଁ ନେଲ୍‌କେଦ୍‌ରେହ୍, କାପେ ହେୟାଡ଼ିଙ୍‌କେଦା ଆଡ଼ଠ ଇନିଃରେ କାପେ ବିଶ୍ୱାସ୍‌କେଦା ।

**ଦାଖ୍‌ବାକ୍‌ଡ଼ିରାଃ କାର୍‌କାମି ହଡ଼କଆଃ ଜନ୍‌କା କାଜି
(ମାର୍କ ୧୨:୧-୧୨; ଲୁକ ୨୦:୯-୧୯)**

୩୩ “ୟୀଶୁ କାଜିକେଦାଏ, ଏଗାଃ ଆଡ଼ଠମିଆଁଦ୍ ଜନ୍‌କା କାଜି ଆୟୁମେପେ । ମିଆଁଦ୍ ଲୟଙ୍‌ ଗମ୍‌କେ ଦାଖ୍‌ବାକ୍‌ଡ଼ି ବାଇକେଦାଏ ଆଡ଼ଠ ଏନା କେସେଦ୍‌ବିୟୁର୍‌କେଦାଏ, ଘାନା ନାଗେନ୍ତେ ଗାଡ଼ା ଉର୍‌କେଦାଏ, ଆଡ଼ଠ ହରମେନ୍ତେ ମାଚେନ୍ ଅଡ଼ାଠ ବାଇକେଦାଏ, ଏନ୍ତେ ଇନିଃ ଦାଖ୍‌ବାକ୍‌ଡ଼ି କାର୍ କାମିତାନକକେ ଏମ୍‌କେଦ୍‌ତେ ସାଜିନ୍ ଦିଶୁମ୍‌ତେ ସେନଃୟାନାଏ । ୩୪ ଜ ଗଦଃ ସାହା ତେବଃୟାନ୍‌ଚି, ଦାଖ୍‌ବାକ୍‌ଡ଼ିରେୟାଃ ଜ ନାମେ ନାଗେନ୍ତେ ଇନିଃ ଦାସିକକେ ଏନ୍ କାର୍ କାମିକତାଃତେ କୁଲ୍‌କେଦ୍‌କଆଏ । ୩୫ କାର୍‌କାମି ହଡ଼କଦ୍ ଏନ୍ ଦାସିକକେ ସାବ୍‌କେଦ୍‌ତେ ମିହୁଡ଼କେ ଦାଲ୍‌କିୟାକ, ଆଡ଼ଠମିହୁଡ଼କେ ଗଏଃକିୟାକ, ଆଡ଼ଠ ଏଗାଃ ମିହୁଡ଼କେ ଦିରି ଚିଦ୍‌ଗିକିୟାକ । ୩୬ ଏନ୍ତେ ଇନିଃ ସିଦାଏତେ ଆଡ଼ଠଗି ଆଦ୍‌କା ଦାସିକକେ କୁଲ୍‌କେଦ୍‌କଆଏ, ଆଡ଼ଠ କାର୍‌କାମି ହଡ଼କ ଇନ୍‌କୁକେହ ଏନ୍‌ଲେକାଗି ରିକାକେଦ୍‌କଆକ । ୩୭ ତୁଣ୍ଡୁରେ, ଇନିଃ, ଆୟାଃ ହନ୍ତେକଡ଼ାକେ କାର୍ କାମିହଡ଼କତାଃତେ କୁଲ୍‌କିୟାଏ, ଆଡ଼ଠ କାଜିକେଦାଏ, ‘ଇନ୍‌କୁ ହନ୍‌କିକଡ଼ାକେ ମାଇନିୟାକ ।’ ୩୮ ମେନ୍‌ଦ୍ କାର୍‌କାମି ହଡ଼କ ଏନ୍ ହନ୍‌କେ ନେଲ୍‌କେଦ୍‌ତେ, ମେପେନ୍‌ୟାନାକ, ‘ନିଃଗି ଏନ୍ ଗମ୍‌କେୟାଃ ହନ୍ ତାନିଃ, ଦଲ୍‌ରୁ ଗଜିୟା ଆଡ଼ଠ ଇନିୟାଃ ହାନାଚିଙ୍‌ରୁ ଇଦିୟା ।’ ୩୯ ଏନ୍ତେ ଇନ୍‌କୁ ଇନିଃକେ ଦାଖ୍‌ବାକ୍‌ଡ଼ିଏତେ ସାବ୍‌ଅଡ଼ଙ୍‌କିଃତେ ଗଏଃକିୟାକ ।

୪୦ “ନାହାଁଃଦ୍ ଦାଖ୍‌ବାକ୍‌ଡ଼ିରେନ୍ ଗମ୍‌କେ ହିଜୁଃରେ ଏନ୍ କାର୍‌କାମି ହଡ଼କକେ ଚିନାଃଏ ଚିକାକଆ ?” ମେନ୍ତେ ଯୀଶୁ କୁଲିକେଦ୍‌କଆଏ ।

୪୧ ଇନ୍‌କୁ କାଜିରୁହାଡ଼କିୟା, “ଇନିଃ ଏନ୍ ଏଡ଼କାନ୍‌କକେ ପୁରାଃ ସାସାଡିତେ ଗଏଃକଆ ଆଡ଼ଠ ଦାଖ୍‌ବାକ୍‌ଡ଼ି ଏଗାଃ କାର୍‌କାମି ହଡ଼କକେ ଏମାକଆ, ଅକନ୍‌କଚି ଠିକ୍ ନେତାରେ ଇନିଃକେ ଆୟାଃ ହିସାକ ଏମାଲୟା ।”

୪୨ ଯୀଶୁ ଇନ୍‌କୁକେ ମେତାଦ୍‌କଆ, “ନେଆଁ ଧାରାମ୍‌ପୁଥିରେ କା’ପେଚି ପାଢ଼ାଅକାଦା ?

“ଅଡ଼ାଠ ବାଇତାନ୍‌କ ଆଡ଼ମ୍ ଏଣ୍ଡାଗାକାନ୍ ଦିରିକେ କଚାରାଃ ଦିରିକ ବାଇକେଦା ।

☆ ୨୧:୩୨ ୨୧:୩୨ ଲୁକ ୩:୧୨; ୭:୨୯,୩୦.

ପ୍ରାଭୁ ଆଇଃକ୍‌ଗି ନେଆଁକେ ବାଇୟାକାଦା

ଆତଃ ଆବୁଆଃ ନେପେଲ୍‌ରେ ଆକ୍‌ଦାନ୍‌ଅଗିୟା !”

୪୩ “ଏନା ନାଗେନ୍ତେ ପାର୍‌ମେଶ୍‌ବରଆଃ ରାଇଜ୍ ଆପେଏତେ ରେଜଃଆ ଆତଃ ଅକନ୍ ହଡ଼କ ପାର୍‌ମେଶ୍‌ବରଆଃ ମନେ ଲେକା କାମିୟାଃକ ଇନ୍‌କୁକେ ଏମଃଆ ।

୪୪ “ଏନ୍ ଦିରିରେ ଉୟୁଗଃନିଃ ଗୁଣ୍ଡାଅଃଆଏ ଆତଃ ଏନା ଜେତାଏରେ ଉୟୁଗଃରେଦ ଇନିଃକେ ରିଦିୟାଏ ।”*

୪୫ ମୁଲ୍ ଯାଜାକ୍‌କ ଆତଃ ଫାରୁଣୀକ ଯୀଶୁଆଃ ଜନ୍‌କା କାଜି ଆୟୁମ୍‌କେଦ୍‌ତେ, ଇନିଃ ଆବୁକେ କାଜିୟାବୁତାନାଏ ମେନ୍ତେକ ଆଟ୍‌କାର୍‌କେଦା । ୪୬ ଏନାତେ ଇନ୍‌କୁ ଇନିଃକେ ସାସାବ୍ ସାନାଜ୍‌କେଦାକ, ମେନ୍‌ଦ ଇନ୍‌କୁ ଗାଦେଲ୍ ହଡ଼କକେ ବରକେଦ୍‌କଆକ, ଚିୟାଃଟି ହଡ଼କ ଇନିଃକେ ନାବୀ ମେନ୍ତେକ ଆଟ୍‌କାରି ତାଇକେନା ।

୨୨

ଆଣ୍‌ଦି ଭୋଜିରେଆଃ ଜନ୍‌କା କାଜି (ଲୁକ ୧୪:୧୫-୨୪)

୧ ଯୀଶୁ ଆତଃଗି ଜନ୍‌କା କାଜିତେ ହଡ଼କକେ କାଜିକେଦ୍‌କଆ । ୨ “ସିମ୍‌ଫା ରାଇଜ୍ ମିଆଁଦ୍ ନେ ଲେକାନାଃ ତାନାଃ । ମିଆଁଦ୍ ରାଜା ହେନ୍ତେକଡ଼ାରାଃ ଆଣ୍‌ଦିରେ ମାରାଜ୍‌ଜମେୟାଃ ବାଇକେଦାଏ । ୩ ଇନିଃ କେଡ଼ାକାନ୍‌କକେ ଆଣ୍‌ଦି ଭୋଜି ଜଜମ୍ ନାଗେନ୍ତେ ହାକାଅ ନାଜ୍ ଆୟାଃ ଦାସିକକେ କୁଲ୍‌କେଦ୍‌କଆଏ ମେନ୍‌ଦ ଇନ୍‌କୁ ହିଜୁଃ କାକ ସାନାଜ୍‌କେଦା । ୪ ଇନିଃ ଏଟାଃ ଦାସିକକେ ନେଆଁ କାଜିକେଦ୍‌ତେ ଆତଃମିସା କୁଲ୍‌କେଦ୍‌କଆଏ, ‘ଆଇଜ୍ ମାରାଜ୍‌ଜମେୟାଃ ବାଇୟାକାଦାଇଜ୍, ଆଇୟାଃ ମାପ୍‌ରାଜ୍ କିରିକାନ୍ ଜାତୁକ ମାଆଃକେଦ୍‌ତେ ସବେନାଃ ବାଇସେକାଡ଼ାକାନା, ଆଣ୍‌ଦି ଭୋଜି ଜଜମ୍‌ତେ ହିଜୁଃପେ ।’ ୫ ମେନ୍‌ଦ କେଡ଼ାକାନ୍‌କ ଜେତାଏ କାକ ଉଡ଼ୁକେଦ୍‌ତେ ଆକଆଃ କାଜିକାମିରେ ତାଇନ୍‌ୟାନାକ, ଚିମିନ୍‌କ ଆକଆଃ ଲୟଜ୍‌ତେ, ଆତଃ ଚିମିନ୍‌କ କିରିଜ୍ ଆଖ୍‌ରିଜ୍‌ତେକ ସେନଃୟାନା । ୬ ଏଟାଃକ ରାଜାରାଃ ଦାସିକକେ ସାବ୍‌କେଦ୍‌ତେ ଇନ୍‌କୁକେ ସାସାତିକେଦ୍‌କଆକ ଆତଃ ଗଏଃକେଦ୍‌କଆକ । ୭ ରାଜା ନେଆଁ ଆୟୁମ୍‌କେଦ୍‌ତେ ଖୁସୟାନାଏ ଆତଃ ଆୟାଃ ସିପାଇକକେ କୁଲ୍‌କେଦ୍‌ତେ ଏନ୍ ଗଗଏଃକକେ ଜିୟନ୍‌କେଦ୍‌କଆଏ ଆତଃ ଇନ୍‌କୁଆଃ ନାଗାର୍‌କେ ଅଣ୍ଡୁରକେଦା । ୮ ଏନ୍ତେ ଏନ୍ ଆଣ୍‌ଦି ଗମ୍‌କେ ଦାସିକକେ କାଜିୟାଦ୍‌କଆଏ, ‘ଆଣ୍‌ଦି ଜମେୟାଃ ବାଇୟାକାନା ମେନ୍‌ଦ କେଡ଼ାକାନ୍‌କ ଏନା ନାମେଲେକା କାକ ତାଇକେନା । ୯ ଏନା ନାଗେନ୍ତେ ବାରିଆ ହରା ମେସାଅଃତାନ୍‌ତାଃ ସେନଃପେ ଆତଃ ଆପେ ନାମ୍‌ତାନ୍ ସବେନ୍‌କକେ ଆଣ୍‌ଦି ଜମେୟାଃ ନାଗେନ୍ତେ ହାକାଅକପେ ।’ ୧୦ ଏନ୍ ଦାସିକ ହରାକରେ ସେନ୍‌କେଦ୍‌ତେ ଇନ୍‌କୁ ନାମ୍‌କେଦ୍ ସବେନ୍ ଏଡ଼କାନ୍ ଆତଃ ବୁଗିନ୍ ହଡ଼କକେ ହୁଣ୍ଡିକେଦ୍‌କଆକ ଆତଃ ଆଣ୍‌ଦି ଅଡ଼ାଃ ହଡ଼ତେ ପେରେଃୟାନା ।

୧୧ “ରାଜା ଜଜମ୍‌କକେ ନେନେଲ୍‌ତେ ବଲୟାନ୍ ଇମ୍‌ତା, ଆଣ୍‌ଦି ଲିଜାଃ କା ତୁସିଜ୍‌କାନ୍ ମିଆଁଦ୍ ହଡ଼କେ ନେଲ୍‌କିୟାଏ । ୧୨ ଆତଃ ଇନିଃ କୁଲିକିୟାଏ, ‘ଏ ଗାତି, ଆମ୍ ଆଣ୍‌ଦି ଲିଜାଃ କା ତୁସିଜ୍‌କେଦ୍‌ତେ ଚିଲ୍‌କାତେମ୍ ବଲଆକାନା?’ ମେନ୍‌ଦ ଏନ୍ ହଡ଼ ହାପାୟାନାଏ । ୧୩ ଏନ୍ତେ ରାଜା ଦାସିକକେ କାଜିକେଦ୍‌କଆଏ, ‘ଆୟାଃ ତିଃଇ କାଟା ତଲ୍‌କେଦ୍‌ତେ ନୁବାଃରେ ହୁରାଜ୍‌ତାଇପେ, ଏନ୍ତାଃରେ ଇନିଃ ରାଆଃୟାଏ ଆତଃ ତାଟା ରିଦେୟାଏ ।’”

୧୪ ଆତଃ ଯୀଶୁ କାଜିଚୁଣ୍ଡୁକେଦାଏ, “ପୁରାଃକଦ ହାକାଅକାନା ମେନ୍‌ଦ ହୁଡ଼ିଜ୍‌ଲେକାକ ସାଲାକାନା ।”

କାର୍ ପାଏସା ଏମ୍‌ରେୟାଃ ବିଷାଏରେ କୁନୁଲି (ମାର୍କ ୧୨:୧୩-୧୭; ଲୁକ ୨୦:୨୦-୨୬)

୧୫ ଏନ୍ତେ ଫାରୁଣୀକ ସେନଃକେଦ୍‌ତେ, ଆବୁ ଚିଲ୍‌କାତେ ଯୀଶୁକେ ଆୟାଃ କାଜିତେବୁ ସାରିଆ, ମେନ୍ତେକ ରଜୋଟ୍‌କେଦା । ୧୬ ଇନ୍‌କୁ ହେରୋଦ୍‌ଆଃ ହଡ଼କଲଃ, ଆକଆଃ ଚେଲ୍‌କକେ ଯୀଶୁତାଃତେକ କୁଲ୍‌କେଦ୍‌କଆ ଆତଃ ଇନ୍‌କୁ ଯୀଶୁକେ କାଜିକିୟାକ, “ହେ ଗୁରୁ, ଆଲେ ସାରିତାନାଲେ, ଆମ୍ ସାର୍‌ତିଜ୍ ହଡ଼ ତାନ୍‌ମେ ଆତଃ ପାର୍‌ମେଶ୍‌ବରଆଃ ସାର୍‌ତି ହରା ଇତୁଆଃମେ ଆତଃ ଜେତାଏକେ କାମ୍ ବରଝା, ଚିୟାଃଟି ଆମ୍ ହଡ଼କଆଃ ମେଦ୍‌ମୁହାଁଡ୍ କାମ୍ ନେଲାଃ । ୧୭ ଆମ୍ ଆଲେକେ କାଜିୟାଲେମ୍, ଆମ୍ ଚିକ୍‌ନାଃମ୍ ଉଡ଼ୁତାନା ? କାଇସାର୍‌କେ ଆଇନ୍ ଲେକାତେ କାର୍ ପାଏସା ଏମଃ ଲାଗାତିଜ୍‌ୟାଃ ତି କାହା ?”

୧୮ ମେନ୍‌ଦ ଯୀଶୁ ଇନ୍‌କୁଆଃ ଏଡ଼କାନାଃ ଆଟ୍‌କାର୍‌କେଦ୍‌ତେ କାଜିୟାଦ୍‌କଆଏ, “ହେ ବେଦାହଡ଼କ ଚିନାଃ ମେନ୍ତେ ଆଇଜ୍‌କେ ଚିଗାଇଜ୍ ନାଗେନ୍ତେ ବିଡ଼ାଅତାନାପେ ? ୧୯ କାର୍ ପାଏସା ଏମ୍‌ରେୟାଃ ସିକା ମିଆଁଦ୍ ଏମାଇଜ୍‌ପେ ।”

ଏନ୍ତେ ଇନ୍‌କୁ ମୁସିଜ୍‌ରାଃ ନାଲା ସିକା ଇନିଃତାଃତେକ ଆଉକେଦା । ୨୦ ଆତଃ ଇନିଃ ଇନ୍‌କୁକେ କୁଲିକେଦ୍‌କଆଏ, “ନେ ସିକାରେ ଅକଏୟାଃ ମୁରୁଡ୍ ଆତଃ ନୁଡୁମ୍ ମେନାଃ ?”

୨୧ ଇନ୍‌କୁ କାଜିକିୟାକ, “କାଇସାର୍‌ଆଃ,”

* ୨୧:୪୪ ୨୧:୪୪ ନେ ବାଗାନ୍ ଚିମିନ୍ ମାରି ଅନଲ୍‌ରେ ବାକଆଃ ☆ ୨୨:୧୩ ୨୨:୧୩ ମାଧୁର ୮:୧୨; ୨୫:୩୦; ଲୁକ ୧୩:୨୮.

ଏନ୍ତେ ଇନିଃ ଇନକୁକେ ମେତାଦକଆ, “ଅକ୍ନାଃ କାଈସାରଆଃ ଏନା କାଈସାରକେ ଏମାଈପେ, ଅକ୍ନାଃ ପାର୍ମେଶ୍ୱାରଆଃ ଏନା ପାର୍ମେଶ୍ୱାରକେ ଏମାଈପେ ।”

୨୨ ଆତଃ ଇନକୁ ନେଆଁ ଆୟୁମକେଦ୍ତେ ହାଏକାର୍ଯ୍ୟାନାକ ଆତଃ ଇନିଃକେ ଦେତେ ସେନଃୟାନାକ ।

ହଡ଼କଆଃ ଜୀଉବିନିରିଦ୍ ବିଷାଏରେ କୁନୁଲି

(ମାର୍କ ୧୨:୧୮-୨୭; ଲୁକ ୨୦:୨୭-୪୦)

୨୩ ଏନ୍ ହୁଲାଙ୍ଗି ଚିମିନ୍ ସାଦୁକିକ ଯୀଶୁତାଃତେକ ହିନ୍ଦୁଃୟାନା ଆତଃ ଇନକୁ ଜୀଉବିନିରିଦ୍ ବାନଆଃ ମେନ୍ତେକ କାଜିତାଈକେନା । ୨୪ ଇନକୁ କାଜିକିୟାକ, “ହେ ଗୁରୁ, ଜେତାଏ ହଡ଼ ବେଗାର୍ ହନ୍‌ଗାଁଣାତେ ଗଜଃରେଦ, ହାଗାତେ ଇନିୟାଃ କୁଡ଼ିକେ ଆଣ୍ଡିୟାଃ ଲାଗାତିଙ୍ଗୟାଃ ଆତଃ ଗଜାକାନ୍ ହାଗାତେୟାଃ ନାଙ୍ଗ୍ ହନ୍‌ଗାଁଣା ହାରାକକାଏ ମେନ୍ତେ ମୁଣା ନାବୀ କାଜିକାଦା । ୨୫ ନେଲେମେ, ଆଲେତାଃରେ ସାଡ଼ ହାଗିୟା ତାଈକେନାକ ମାରାଙ୍ଗନିଃ ଆଣ୍ଡିକେଦ୍ତେ ବେଗାର୍ ହନ୍‌ଗାଁଣାତେ ଗଏଃୟାନାଏ, ଆତଃ ଏନ୍ ରାଣ୍ଡିକୁଡ଼ିକେ ହାଗାତେ ଆଣ୍ଡିୟାନାଏ । ୨୬ ଏନ୍‌ଲେକାଗି ଏଟାଃ ହାଗାତେଲଃ ଆତଃ ଆପିୟାନିଃଲଃ ହବାୟାନା, ଚୁଣ୍ଡୁରେ ସାଡ଼ ହାଗିୟାକ ଇନିଃକେ ଆଣ୍ଡିୟାନାକ । ୨୭ ଆତଃ ସବେନ୍‌କଆଃ ତାୟମ୍‌ତେ ଏନ୍ ରାଣ୍ଡି କୁଡ଼ିୟାଗି ଗଏଃୟାନାଏ । ୨୮ ଏନ୍ତେ ଜୀଉବିନିରିଦ୍ ଇମ୍‌ତା ଏନ୍ କୁଡ଼ି ଅକଏୟାଃ କୁଡ଼ିତେ ହବାଅଃଆଏ ? ସବେନ୍‌କଦ ଇନିଃକେ ଆଣ୍ଡିୟାନାକ ।”

୨୯ ଯୀଶୁ ଇନକୁକେ ମେତାଦକଆ, “ଆପେ ଧାରାମ୍‌ପୁଅ ଆତଃ ପାର୍ମେଶ୍ୱାରଆଃ ପେଡ଼େଃ କାପେ ସାରିୟା ଏନା ନାଗେନ୍ତେପେ ଆଦାକାନା । ୩୦ ଜୀଉବିନିରିଦ୍‌କେଦ୍ତେ ଜେତାଏ କାକ ଆଣ୍ଡିନାଃ, ତାଏ ଆଣ୍ଡି କାକ ଏମଃଆ, ମେନ୍‌ଦ ଇନକୁ ସିର୍ମାରେନ୍ ଦୁଁଡ଼ଲେକାକ ତାଈନାଃ । ୩୧ ଆତଃ ଗଜାକାନ୍‌କଆଃ ଜୀଉବିନିରିଦ୍ ବିଷାଏରେ ପାର୍ମେଶ୍ୱାର୍ କାଜିୟାକାଦ୍ କାଜିକେ କାପେଟି ପାଡ଼ାଅକାଦା ? ୩୨ ‘ଆଇଙ୍ଗ୍ ଆବ୍ରାହାମ୍‌ଆଃ ପାର୍ମେଶ୍ୱାର୍, ଇସାକ୍‌ଆଃ ପାର୍ମେଶ୍ୱାର୍ ଆତଃ ଯାକୁବ୍‌ଆଃ ପାର୍ମେଶ୍ୱାର୍ ତାନିଙ୍ଗ୍ ।’ ଇନିଃ ଗଏଃକାନ୍‌କଆଃ ପାର୍ମେଶ୍ୱାର୍ ନାହାଁଲିଃ ମେନ୍‌ଦ ଜାନିଦ୍‌କଆଃ ପାର୍ମେଶ୍ୱାର୍ ତାନିଃ ।”

୩୩ ଆତଃ ଗାଦେଲ୍ ହଡ଼କ ନେଆଁ ଆୟୁମକେଦ୍ତେ ଇନିୟାଃ ଇନିତୁତେ ହାଏକାର୍ଯ୍ୟାନାକ ।

ମାରାଙ୍ଗ୍ ଆନ୍‌ରୁ

(ମାର୍କ ୧୨:୨୮-୩୪; ଲୁକ ୧୦:୨୫-୨୮)

୩୪ ଯୀଶୁ ସାଦୁକିକକେ ହାପାକେଦ୍‌କଆଏ ମେନ୍ତେ ଫାରୁଶୀକ ଆୟୁମକେଦ୍‌ତି ହୁଣ୍ଡିୟାନାକ । ୩୫ ଆତଃ ଇନକୁଏତେ ମିଆଁଦ୍ ଆଇନ୍ ଇତୁନିଃ ଯୀଶୁକେ ଚିଟାଈ ନାଗେନ୍ତେ ବିଡ଼ାଅକିୟାଏ ଆତଃ କୁଲିକିୟାଏ, ୩୬ “ହେ ଗୁରୁ, ମୁଣାରାଃ ଆଇନ୍‌ରେୟାଃ ମାରାଙ୍ଗ୍ ଆନ୍‌ରୁ ଅକ୍ନାଃ ତାନାଃ ?”

୩୭ ଯୀଶୁ ଇନିଃକେ କାଜିରୁହାଡ଼କିୟାଏ, “ଆମାଃ ସବେନ୍ ମନ୍‌ତେ, ଆମାଃ ସବେନ୍ ଜୀଉତେ ଆତଃ ଆମାଃ ସବେନ୍ ମନ୍‌ତେ ପ୍ରାଭୁ ଆମାଃ ପାର୍ମେଶ୍ୱାର୍‌କେ ଦୁଲ୍‌ାଡ଼ିମେ ।’ ୩୮ ନେଆଁଗି ମାରାଙ୍ଗ୍ ଆତଃ ପାହିଲା ଆନ୍‌ରୁ ତାନାଃ । ୩୯ ଆତଃମିଆଁଦ୍ ମାରାଙ୍ଗ୍ ଆନ୍‌ରୁ ଏନ୍‌ଲେକାଗିୟା, ‘ଆମାଃ ହପର୍‌ଜାପାଃରେନିଃକେ ଆମାଃ ଲେକା ଦୁଲ୍‌ାଡ଼ିମେ ।’ ୪୦ ଏନେ ବାରିୟା ଆନ୍‌ରୁରେ ମୁଣାରାଃ ଆଇନ୍ ଆତଃ ନାବୀକଆଃ ଇନିତୁରେ ଆସ୍ରାଏତାନା ।”

ଶ୍ରୀଷ୍ଟ ମାସି ତାନିଃ

(ମାର୍କ ୧୨:୩୫-୩୭; ଲୁକ ୨୦:୪୧-୪୪)

୪୧ ଫାରୁଶୀକ ହୁଣ୍ଡିୟାନ୍ ଇମ୍‌ତା ଯୀଶୁ ଇନକୁକେ କୁଲିକେଦ୍‌କଆଏ ? ୪୨ “ଆପେ ଶ୍ରୀଷ୍ଟଆଃ ବିଷାଏରେ ଚିନାଃପେ ଉଡ଼ଃତାନା ? ଇନିଃ ଅକଏୟାଃ ହନ୍ ତାନିଃ ?”

ଇନକୁ କାଜିରୁହାଡ଼କିୟାକ, “ଦାଉଦ୍‌ଆଃ ।”

୪୩ ଯୀଶୁ ଇନକୁକେ କାଜିୟାଦ୍‌କଆଏ, “ଦାଉଦ୍, ମାସିକେ ‘ଆଇଁୟାଃ ପ୍ରାଭୁ’ ମେନ୍ତେ ଚିନାଃମେନ୍ତେ ତାମ୍ କାଜିକିୟାଏ ? ଚିୟାଃଟି ପାବିତାର୍ ଆମ୍‌ାତେ ଇନିଃ ଅଲ୍‌ାକାଦାଏ,

୪୪ “ପ୍ରାଭୁ ଆଇଁୟାଃ ପ୍ରାଭୁକେ କାଜିକିୟା,
ଆଇଙ୍ଗ୍ ଆମାଃ ବାଈରିକକେ ଆମାଃ କାଟା ଲାତାର୍‌ରେ ଆଉରି ଦହକ ଜାକେଦ୍
ଆମ୍ ଆଇଁୟାଃ ଜମ୍‌ଡ଼ିସାଃରେ ଦୁବାକାନ୍‌ମେ ।”

୪୫ “ଦାଉଦ୍ ଶ୍ରୀଷ୍ଟକେ ‘ଆଇଁୟାଃ ପ୍ରାଭୁ’ ମେତାଈତାନ୍‌ରେଦ, ଇନିଃ ଚିଲ୍‌କାତେ ଇନିୟାଃ ହନ୍ ତାନିଃ ?”

୪୬ ଆତଃ ଜେତାଏ ମିଆଁଦ୍ କାଜିୟା ଯୀଶୁକେ କାକ କାଜିରୁହାଡ଼ ଦାଡ଼ିକେଦା, ଏନ୍ ହୁଲାଙ୍ଗ୍‌ତାଃଏତେ ଜେତାଏ ଇନିଃକେ ଜେଡ଼ନାଃ କୁଲିନାଙ୍ଗ୍ କାକ ସାହାଁସକେଦା ।

☆ ୨୨:୨୩ ୨୨:୨୩ ପ୍ରେରିଡ଼ ୨୩:୮. ☆ ୨୨:୪୦ ୨୨:୪୦ ଲୁକ ୧୦:୨୫-୨୮.

୨୩

ଆଇନ୍ ଇତ୍ତୁକଆଃ ଆଡ଼ଃ ଫାରୁଶୀକଆଃ ବିରୁଧରେ ଯୀଶୁଆଃ ଚେତାଅ

(ମାର୍କ ୧୨:୩୮-୪୦; ଲୁକ ୧୧:୩୭-୪୨; ୨୦:୪୫-୪୭)

୧ ଏନ୍ତେ ଯୀଶୁ ଏନ୍ ଗାଦେଲ୍ ହଡ଼କକେ ଆଡ଼ଃ ଆୟାଃ ଚେଲକକେ କାଜିୟାଦକଆଏ, ୨ “ଆଇନ୍ ଇତ୍ତୁକ ଆଡ଼ଃ ଫାରୁଶୀକ ମୁଶାରାଃ ଆଇନ୍ ଇତ୍ତୁରାଃ ଆକ୍ତେୟାର୍ ନାମାକାଦ୍ ଇନିତ୍ତୁକ ତାନକ । ୩ ଏନା ନାଗେନ୍ତେ, ଆପେ ନେଆଁ ମାନାତିଙ୍ଗପେ ମେନ୍ତେକ କାଜିରେଦ ଏନ୍ ସବେନାଃ ମାନାତିଙ୍ଗପେ, ମେନ୍ଦ୍ ଇନ୍କୁଆଃ କାମିଲେକା ଆଲ୍ପେ କାମିୟା, ଇନ୍କୁ କାଜିଦକ କାଜିୟା ମେନ୍ଦ୍ କାକ କାମିୟାଃ । ୪ ଇନ୍କୁ ଆକଆଃ ଇନିତ୍ତୁକେ ହଡ଼କଆଃ ତାରାନ୍ ଚେତାନ୍ରେ ହାମ୍ବାଲ୍ତେୟାଃକ ଲାଦିତାନା, ମେନ୍ଦ୍ ଇନ୍କୁ ଏନାକେ ଆକଆଃ ମିଆଁଦ୍ ସାର୍ସାର୍ତେହ୍ ଉଠାଅକେଦ୍ତେ ଗଅଃକଦି ନାଙ୍ଗ୍ କାକ ଦେଙ୍ଗାଃ । ୫ ହଡ଼କ ଆଲେକେ ନେଲ୍ଲେକାକ ମେନ୍ତେ ଇନ୍କୁ ଆକଆଃ ସବେନ୍ କାମିକ କାମିୟାଃ । ନେଲ୍ଲକପେ, ଇନ୍କୁଦ୍ ଧାରାମ୍ପୁଅରେ ଅଲକାନ୍ତେୟାଃ ଆକଆଃ ମଲ୍ଲକ୍ତେକ ତଲେୟା ଆଡ଼ଃ ଆକଆଃ ତୁସିଙ୍ଗ୍ ଲିଜାଃରେୟାଃ ଝାଲେରକେକ ଜିଲିଙ୍ଗ୍ଆଃ । ୬ ଆଡ଼ଃ ଇନ୍କୁ ମାରାଙ୍ଗ୍ତମେୟାଃତାଃରେ ଚେତାନ୍ ଠାୟାଦ୍ରେ ଆଡ଼ଃ ସାମାଜ୍ ଅଡ଼ଃକରେ ଆୟାର୍ରେ ଦୁବ୍ନାଙ୍ଗ୍ ସୁକୁକଆ । ୭ ଆଡ଼ଃ ଇନ୍କୁ ହଡ଼କତାଃଏତେ ପିଟ୍ ପିଡ଼ିକରେ ଜହାର୍ତେଲ୍ଲା ଆଡ଼ଃ ‘ହେ ଗୁରୁ’ ମେନ୍ତେ କାଜିୟାଲେକାକ ନେଆଁ ସୁକୁଆଃକ । ୮ ମେନ୍ଦ୍ ଆପେ ‘ହେ ଗୁରୁ’ ମେନ୍ତେ ଆଲ୍ପେ ନୁତୁମାଆ, ଚିୟାଃତି ଆପେୟାଃ ଇତ୍ତୁନିଃଦ୍ ମିଆଁଦ୍ଗିଆଏ, ଆଡ଼ଃ ଆପେ ସବେନ୍ ହାଗା ତାନ୍ପେ । ୯ ଆଡ଼ଃ ଅତେରେ ଜେତାଏକେ ‘ଆବା’ ମେନ୍ତେ ଆଲ୍ପେ କାଜିୟା, ଆପେୟାଃ ଆପୁଦ୍ ମିଆଁଦ୍ଗିଆଏ ଆଡ଼ଃ ଇନିଃ ସିମାରେ ମେନାଇୟା । ୧୦ ଆଡ଼ଃ ଆପେ ହଡ଼କଆଃ ‘ଗମ୍ବକେ’ ମେନ୍ତେ ଆଲ୍ପେ ନୁତୁମାଆ, ଚିୟାଃତି ଆପେୟାଃ ଗମ୍ବକେଦ୍ ମିଆଁଦ୍ଗିଆଏ, ଇନିଃ ମାସି ତାନିଃ । ୧୧ ଆଡ଼ଃ ଆପେୟାଃ ଆଲ୍ପେ ସବେନ୍ଏତେ ମାରାଙ୍ଗ୍ନିଃ ଆପେୟାଃ ସୁସାର୍ନିଃ ହବାଅଃକାଏ । ୧୨ ଆଡ଼ଃ ଜେତାଏ ଆପାନ୍କେ ମାରାଙ୍ଗ୍ୟେନ୍ ସାନାଙ୍ଗ୍ରେଦ୍ ଇନିଃ ହୁଡ଼ିଙ୍ଗ୍ୟେନ୍କାଏ, ଆଡ଼ଃ ଜେତାଏ ଆପାନ୍କେ ହୁଡ଼ିଙ୍ଗ୍ୟେନ୍ନିଃ, ମାରାଙ୍ଗ୍ୟେନ୍କାଏ ।

ୟୀଶୁ ହସଡ଼ହଡ଼କକେ ସାଜାଇକେଦ୍କଆଏ

(ମାର୍କ ୧୨:୪୦; ଲୁକ ୧୧:୩୯-୪୨, ୪୪, ୫୨; ୨୦:୪୭)

୧୩ “ଏ ହସଡ଼ ଆଇନ୍ ଇତ୍ତୁକ ଆଡ଼ଃ ଫାରୁଶୀକ ଆପେୟାଃ ସାଜାଇ ପୁରାଃ ବରଞ୍ଜାନ୍ଗି ହବାଅଆଃ, ଆପେଦ୍ ହଡ଼କଆଃ ସାମାଜ୍ରେ ସିମା ରାଇଜ୍ରେୟାଃ ଦୁଆର୍ପେ ହାଣ୍ଡେଦ୍ ତାନାଃ, ଆପେଦ୍ ଆପେଗି ଏନାରେ କାପେ ବଲତାନା ଆଡ଼ଃ ବଲ ସାନାଙ୍ଗ୍ତାନକକେ କାପେ ବଲ ଇତିକୁତାନା । ୧୪ ଏ ହସଡ଼ ଆଇନ୍ ଇତ୍ତୁକ ଆଡ଼ଃ ଫାରୁଶୀକ ଆପେୟାଃ ସାଜାଇ ପୁରାଃ ବରଞ୍ଜାନ୍ଗି ହବାଅଆଃ, ଚିୟାଃତି ଆପେ ବେଦାତେ ଜିଲିଙ୍ଗ୍ ଜିଲିଙ୍ଗ୍ଗି ବିନ୍ତ୍ରିୟାପେ ଆଡ଼ଃ ରାଣ୍ଡିକୁଡ଼ିକଆଃ ଅଡ଼ଃକ ଉଦେତାନାପେ, ଏନାମେନ୍ତେ ଆପେ ଆଦ୍କା ସାଜାଇପେ ନାମେୟା ।* ”

୧୫ “ଏ ହସଡ଼ ଆଇନ୍ ଇତ୍ତୁକ ଆଡ଼ଃ ଫାରୁଶୀକ ଆପେୟାଃ ସାଜାଇ ପୁରାଃ ବରଞ୍ଜାନ୍ଗି ହବାଅଆଃ, ଆପେଦ୍ ମିଆଁଦ୍ ହଡ଼କେ ଯିହୁଦୀ ଧାରାମ୍ପରେ ମେସାଇ ନାଗେନ୍ତେ ଦରେୟା ଆଡ଼ଃ ଗଟା ଅତେଦିଶୁମ୍ପେ ହନର୍ତାନା, ଆଡ଼ଃ ଚିମ୍ତାଙ୍ଗ୍ ଇନିଃ ଯିହୁଦୀ ଧାରାମ୍ପରେ ମେସାୟାନ୍ରେ, ଆପେଏତେ ବାର୍ଗୁନା ଇମ୍ନାଙ୍ଗ୍ ନାରାକ୍ରେ ସାଜାଇ ନାମେ ନାଗେନ୍ତେପେ ଦେଙ୍ଗାକତାନା ।

୧୬ “ଆନ୍ଧା ହରା ଆୟାର୍ତ୍ତକ ଆପେୟାଃ ସାଜାଇ ପୁରାଃ ବରଞ୍ଜାନ୍ଗି ହବାଅଆଃ, ‘ଜେତାଏ ମାନ୍ଦିର୍ ଅଡ଼ଃରେୟାଃ କିରିୟାଏରେଦ୍ ଇନିଃ ମାନାତିଙ୍ଗ୍ ନାଗେନ୍ତେ କାଏ ତଲ୍ଲଆ ମେନ୍ଦ୍ ଜେତାଏ ମାନ୍ଦିର୍ ଅଡ଼ଃରେୟାଃ ସୋନାରାଃ କିରିୟା ଜମେରେଦ୍ ଇନିଃକେ ଏନା ମାନାତିଙ୍ଗ୍ ଲାଗାତିଙ୍ଗ୍ୟାଃ ।’ ୧୭ ଏ କା ନେଲ୍ ଦାଡ଼ିତାନ୍ ତଣ୍ଡକ, ସୋନା ମାରାଙ୍ଗ୍ ଚି ସୋନାକେ ପାବିତାର୍କାଦ୍ ମାନ୍ଦିର୍ ଅଡ଼ଃ ମାରାଙ୍ଗ୍ ତାନାଃ ? ୧୮ ଆଡ଼ଃଗି ଇତ୍ତୁଆପେ, ‘ଜେତାଏ ବେଦିରାଃ କିରିୟାଏରେଦ୍ ଇନିଃକେ ଏନା ମାନାତିଙ୍ଗ୍ ନାଗେନ୍ତେ କା ଲାଗାତିଙ୍ଗ୍ୟାଃ, ମେନ୍ଦ୍ ଜେତାଏ ଏନାରେ ରାକାବାକାନ୍ ଦାନ୍ରାଃ କିରିୟାଏରେଦ୍ ଇନିଃକେ ଏନା ମାନାତିଙ୍ଗ୍ ଲାଗାତିଙ୍ଗ୍ୟାଃ ।’ ୧୯ ଏ ମେଦ୍ କା ନେଲ୍ ଦାଡ଼ିତାନ୍ ହଡ଼କ ଆପେୟାଃ ସାଜାଇ ପୁରାଃ ବରଞ୍ଜାନ୍ଗି ହବାଅଆଃ, ଏନ୍ ଦାନ୍ ମାରାଙ୍ଗ୍ଆତି ଦାନ୍କେ ପାବିତାର୍ ରିକାଏତାନ୍ ଏନ୍ ବେଦି ମାରାଙ୍ଗ୍ଆଁ, ନେ ବାରାନାଃରେ ଅକ୍ନାଃ ମାରାଙ୍ଗ୍ଆଁ ? ୨୦ ନେଆଁମେନ୍ତେ ଜେତାଏ ବେଦିରେୟାଃ କିରିୟାଏରେଦ୍, ଇନିଃ ଏନାରେୟାଃ ଆଡ଼ଃ ଏନାରେ ରାକାବାକାନ୍ତେୟାଃ ସବେନାଃରେୟାଃ କିରିୟାଏତାନା । ୨୧ ଜେତାଏ ମାନ୍ଦିର୍ ଅଡ଼ଃରେୟାଃ କିରିୟାଏରେଦ୍ ଇନିଃ ଏନାରେୟାଃ ଆଡ଼ଃ ଏନାରେ ତାଇନିଃତାନ୍ ପାର୍ମେଶ୍ୱାର୍ଆଃ କିରିୟାଏତାନା । ୨୨ ଆଡ଼ଃ ଜେତାଏ ସିମାରେୟାଃ କିରିୟାଏରେଦ୍ ଇନିଃ ପାର୍ମେଶ୍ୱାର୍ଆଃ ରାଜ୍ଗାଦିରେୟାଃ ଆଡ଼ଃ ଏନାରେ ଦୁବାକାନ୍ ପାର୍ମେଶ୍ୱାର୍ଆଃ ନୁତୁମ୍ପରେ କିରିୟାଏତାନା ।

☆ ୨୩:୫ ମାଥିଉ ୬:୧. ☆ ୨୩:୧୧ ୨୩:୧୧ ମାଥିଉ ୨୦:୨୭,୨୭; ମାର୍କ ୯:୩୫; ୧୦:୪୩,୪୪; ଲୁକ ୨୨:୨୭. ☆ ୨୩:୧୨ ୨୩:୧୨ ଲୁକ ୧୪:୧୧; ୧୮:୧୪.
* ୨୩:୧୪ ୨୩:୧୪ ନେ ବାଗାନ୍ ଚିମିନ୍ ମାରି ଅନଲ୍ରେ ବାକଆଃ ☆ ୨୩:୨୨ ୨୩:୨୨ ମାଥିଉ ୫:୩୪.

୨୩ “ଏ ହସତ୍ ଆଇନ୍ ଇତୁକ ଆତଃ ଫାରୁଶୀକ ଆପେୟାଃ ସାଜାଲ ପୁରାଃ ବରଞ୍ଜାନ୍ତୀ ହବାଅଥାଃ, ଆପେଦ ପୁଦନା, ପାନ୍ମୁହୁରି ଆତଃ ଜୀରାରାଃ ଗେଲ୍ ହାନାଟିଙ୍ଗ୍ ପାର୍ମେଶ୍ୱାକ୍ରେକେପେ ଏମାଲତାନା, ମେନ୍ଦ୍ ମୁଶାରାଃ ଆନ୍ତୁରେୟାଃ ମାରାଙ୍ଗକାଜି, ନ୍ୟାୟ ବିଚାର୍, ଲିବୁଲ ଆତଃ ପାତିୟାର୍ରେଃ ଲେକାନ୍ କାଜିକେ ବାରିୟାକାଦାପେ, ମେନ୍ଦ୍ ଏଟାଃତେୟାଃକକେ କା ବାରିକେଦ୍ତେ ନେ ସବେନାଃକେ ମାନାତିଙ୍ଗ୍ ଲାଗାତିଙ୍ଗ୍ୟାଃ । ୨୪ ଏ କାଣ୍ଟା ହରା ଆୟାର୍ଇଦିକ, ଆପେଦ ସିକିଙ୍ଗ୍ କପେ ଛାନାଅତାନା ଆତଃ ଉଟ୍ଟକପେ ଉଦ୍ଦକତାନା ।

୨୪ “ଏ ହସତ୍ ଆଇନ୍ ଇତୁକ ଆତଃ ଫାରୁଶୀକ ଆପେୟାଃ ସାଜାଲ ପୁରାଃ ବରଞ୍ଜାନ୍ତୀ ହବାଅଥାଃ, ଚିୟାଃଟି ଆପେଦ ତୁବ୍ନି ଆତଃ ଆଡିରାଃ ବାହାରିକପେ ଗାସାର୍ ଆବୁଙ୍ଗ୍ ତାନା । ମେନ୍ଦ୍ ଏନାରେୟାଃ ଭିତାର୍ ହିସ୍ତା ଆତଃ ଏଡ୍‌କାନାଃ ପେରେଜାକାନା । ୨୬ ହେ କାଣ୍ଟା ଫାରୁଶୀକ ସିଦାତେ ତୁବ୍ନି ଆତଃ ଆଡିରାଃ ଭିତାର୍ ଆବୁଙ୍ଗାସାରେପେ ଏନ୍ତେ ଏନାରେୟାଃ ବାହାରିଙ୍ଗ୍ ଆବୁଙ୍ଗାସାରଥା ।

୨୬ ☆“ହେ ହସତ୍ ଆଇନ୍ ଇତୁକ ଆତଃ ଫାରୁଶୀକ, ଆପେୟାଃ ସାଜାଲ ପୁରାଃ ବରଞ୍ଜାନ୍ତୀ ହବାଅଥାଃ, ଆପେ ତୁନାତେ ଜଲମାକାନ୍ କାବାର୍ ଲେକାନ୍ କ ତାନ୍ଦେ, ଏନା ବାହାରି ନେପେଲ୍ରେଦ୍ ପୁରାଃ ବୁଗିନ୍ତୀ ନେଲ୍‌ଠାନା ମେନ୍ଦ୍ ଏନାରେୟାଃ ଭିତାର୍ରେ ଗଜାକାନ୍‌କଆଃ ଜାଙ୍ଗ୍ ଆତଃ ସବେନାଃ କା ଫାର୍‌ଚିତେ ପେରେଜାକାନା । ୨୮ ନେ ଲେକାତେ ଆପେ ବାହାରି ନେପେଲ୍ରେ ହଡ୍‌କଆଃ ସାମ୍‌ନାଙ୍ଗ୍ରେ ଧାର୍‌ମାନ୍‌ଗିପେ ନେଲ୍‌ଆଃ ମେନ୍ଦ୍ ମନ୍ ଭିତାର୍ରେ ବେଦାତେ ଆତଃ ଏଡ୍‌କାନ୍‌ତେ ପେରେଜାକାନା ।

ୟାଶୁ ଇନ୍‌କୁଆଃ ସାଜାଲକେ ଆୟାର୍‌କାଜି କାଜିକେଦାଏ
(ଲୁକ ୧୧:୪୭-୫୧)

୨୯ “ଏ ହସତ୍ ଆଇନ୍ ଇତୁକ ଆତଃ ଫାରୁଶୀକ ଆପେୟାଃ ସାଜାଲ ପୁରାଃ ବରଞ୍ଜାନ୍ତୀ ହବାଅଥାଃ, ଆପେଦ ନାବୀକଆଃ ନାଗେନ୍ତେ ବୁଗିନ୍ କାବାର୍ ବାଲକେଦ୍ତେ ଧାର୍‌ମାନ୍‌କଆଃ ତପାଗାଡାରେ ନୁତୁମ୍ ଅଲ୍‌କାନ୍ ଖୁଣ୍ଟୁକେପେ ସିଙ୍ଗ୍‌ରାଅ ତାନା । ୩୦ ଆତଃ କାଜିତାନାପେ, ‘ଆବୁ ଆବୁଆଃ ହାଡାମ୍‌କଆଃ ଦିପିଲିରେବୁ ତାଇନ୍‌କାନ୍‌ରେ, ଆବୁ ଇନ୍‌କୁ ଲେକା କାବୁ କାମିକାଦ୍‌ତେୟାଃ ଆତଃ ନାବୀକଆଃ ଗନ୍‌ଏଃ ମାୟୋମ୍ ଲିଙ୍ଗ୍‌ରେ ଇନ୍‌କୁଲଃ କାବୁ ମେସାକାନ୍‌ତେୟାଃ ।’ ୩୧ ନେଆଁତେ ଆପେଗି ନାବୀକକେ ଗଏଃକେନ୍‌କଆଃ କିଲିକ ତାନ୍ଦେ ମେନ୍ତେ ଆପେୟାଃ ନାଗେନ୍ତେ ଗାଞ୍ଜାପେ ଏମ୍‌ତାନା । ୩୨ ଆପେଗି ହାଡାମ୍‌କଆଃ ପାପ୍‌ରାଃ ସସଙ୍ଗ୍‌ତେୟାଃ ପେରେଜେପେ । ୩୩ ☆ଏ ବିଙ୍ଗ୍‌କ, ଆପେ ବିଙ୍ଗ୍‌କଆଃ ହନ୍‌କ ! ଆପେ ନାରାକ୍‌ରେୟାଃ ସାଜାଲଏତେ ଚିଲ୍‌କାପେ ବାଞ୍ଚାଅଥା ? ୩୪ ଏନାମେନ୍ତେ ଆଇଙ୍ଗ୍ ଆପେତାଃତେ ନାବୀକ, ସେଣ୍‌ନ୍‌କ, ଆତଃ ଇତୁକକେ କୁଲ୍‌କତାନାଲ୍‌ଙ୍ଗ୍, ଆତଃ ଆପେ ଇନ୍‌କୁଏତେ ଚିମିନ୍‌କକେ ଗଏଃକଆପେ ଆତଃ ଜୁଗ୍‌ରେପେ କିଲ୍‌କଆ ଆତଃ ଏଟାଃକକେ ଆପେୟାଃ ସାମାଜ୍ ଅଡାଃକରେପେ ହାଣ୍‌ସାକଆ ଆତଃ ସାହାର୍ ସାହାର୍‌ଏତେ ହାର୍‌କତାନ୍‌ଲଃ ସିଗିଦ୍‌କଆପେ । ୩୫ ଆତଃ ନେ ଲେକାତେ ଧାର୍‌ମାନ୍ ହାବିଲ୍‌କେ ଗଏଃକିଃତାଃଏତେ ମାନ୍‌ଦିରେୟାଃ ପାବିତାର୍ ଠାୟାଦ୍ ଆତଃ ଦାଣ୍‌ରାକାଦ୍ ବେଦିରାଃ ଆଲାମାଲ୍‌ରେ ଆପେ ଗଏଃକିଃ ବେର୍‌ଖୁୟାଃ ହନ୍ତେକଡା ଜିଖ୍‌ରିୟା ଜାକେଦ୍ ଆତଃ ଅତେଦିଶ୍‌ମ୍‌ରେନ୍ ଧାର୍‌ମାନ୍ ହଡ୍‌କକେ ଗଏଃକେଦ୍‌କ ନାଗେନ୍ତେ ଆପେ ସାଜାଲପେ ନାମେୟା । ୩୬ ସାର୍‌ତିଗିଙ୍ଗ୍ କାଜିୟାପେତାନା, ନେ ସବେନ୍ ହଡ୍‌ଗଏଃକଆଃ ସାଜାଲ ନେ ଦିପିଲିରେନ୍ ହଡ୍‌କକେ ନାମଥା ।

ଯୀରୁଶାଲେମ୍ ନାଙ୍ଗ୍ ଯାଶୁଆଃ ଦୁଲ୍‌ଡ୍
(ଲୁକ ୧୩:୩୪-୩୫)

୩୬ “ହେ ଯୀରୁଶାଲେମ୍, ହେ ଯୀରୁଶାଲେମ୍, ଆମ୍ ନାବୀକକେମ୍ ଗଏଃକେଦ୍‌କଆ ଆତଃ ଆମ୍‌ତାଃତେ କୁଲ୍‌କାନ୍‌କକେ ଚିଦ୍‌ଗିଗଏଃ କେଦ୍‌କଆମ୍, ଏଙ୍ଗାସିମ୍ ଆୟାଃ ହନ୍‌କକେ ଆପ୍‌ରର୍ ଲାତାର୍ରେ ଆବ୍‌ରୁମ୍ ତପାକତାନ୍‌ଲେକା ଚିମିନ୍‌ସା ଆଇଙ୍ଗ୍ ଆମାଃ ହନ୍‌କକେ ହୁଣ୍ଡିସାନାଙ୍ଗ୍‌କେଦାଲ୍‌ଙ୍ଗ୍, ମେନ୍ଦ୍ ଆପେ କାପେ ସାନାଙ୍ଗ୍‌କେଦାଃ । ୩୮ ନେଲେପେ, ଆପେୟାଃ ମାନ୍‌ଦି ଆପେତାଃରେ ହାଦୁଡ୍‌ନାଙ୍ଗ୍ ବାରିୟାତାନା । ୩୯ ଚିୟାଃଟି ଆଇଙ୍ଗ୍ ଆପେକେ କାଜିୟାପେ ତାନାଲ୍‌ଙ୍ଗ୍, ‘ପ୍ରାଭୁଆଃ ନୁତୁମ୍‌ତେ ହିଜୁଃତାନ୍‌ନିଃକେ ପାର୍‌ମେଶ୍ୱାର୍ ଆଗିଷ୍ ଏମାଲକାଏ’ ମେନ୍ତେ ଆପେ ଆଉରି କାଜି ଜାକେଦ୍ ନାହାଁଃଏତେ ଆତଃ ଆଇଙ୍ଗ୍‌କେ କାପେ ନେଲିୟାଃ ।”

୨୪

ୟାଶୁ ମାନ୍‌ଦିରଅଡାଃ ହାଦୁଡ୍‌ରେୟାଃ କାଜି ଉଦ୍‌ବ୍‌କେଦା
(ମାର୍କ ୧୩:୧-୩୧; ଲୁକ ୨୧:୫-୩୩)

୧ ଯାଶୁ ମାନ୍‌ଦିର ଅଡାଃଏତେ ଅଡ୍‌କେଦ୍‌ତେ ସେନଃତାନ୍ ଦିପିଲିରେ ଆୟାଃ ତେଲାକ, ମାନ୍‌ଦିର ଅଡାଃରେ ବାଲୟାକାନ୍‌ତେୟାଃ, ଆତଃ ମାପ୍‌ରାଙ୍ଗ୍ ଅଡାଃକ ଉଦ୍‌ବାଲ ନାଗେନ୍ତେକ ହିଜୁଃୟାନା । ୨ ମେନ୍ଦ୍ ଯାଶୁ ଇନ୍‌କୁକେ ମେତାଦ୍‌କଆ, “ଆପେ ଚିନାଃ ଏନ୍ ସବେନାଃ କାପେ ନେଲେତାନା ? ସାର୍‌ତିଗିଙ୍ଗ୍ କାଜିୟାପେତାନା, ଏନାରେ ଦିରି ତେତାନ୍ ଦିରି ଚିରିୟାକାନ୍ କା ତାଇନା, ସବେନାଃ ହାଦୁଡ୍‌ଥା ।”

☆ ୨୩:୨୨ ୨୩:୨୭ ପ୍ରେରିଡ୍ ୨୩:୩. ☆ ୨୩:୩୩ ୨୩:୩୩ ମାଧୁର ୩:୭; ୧୨:୩୪; ଲୁକ ୩:୭.

ଦୁକୁ ଆତ୍ମ ସାଧାତି

(ମାର୍କ ୧୩:୩-୧୩; ଲୁକ ୨୧:୭-୧୯)

୩ ଯୀଶୁ ଜାଇତୁନ୍ ବୁରୁରେ ଦୁବାକାନ୍ ତାଇକେନ୍ ଇମ୍ତା ଚେଲକ ଏସ୍କାରରେ ଇନିଃତାଃତେକ ହିଜୁଃୟାନା ଆତ୍ମ କୁଲିକିୟାକ, “ଆଲେକେ ଉଦୁବାଲେମେ ନେ ସବେନାଃ ଚିଉଲ୍ଲା ହବାଅଥଆ ଆତ୍ମ ଆମାଃ ହିଜୁଃରେୟାଃ ଚିହ୍ନାଁ ଚିନାଃ ତାନାଃ ଆତ୍ମ ଅତେଦିଶୁମ୍ରେୟାଃ ଚୁଣ୍ଡ ଦିପିଲି ଚିଉଲ୍ଲା ହବାଅଥାଃ ?”

୪ ଯୀଶୁ କାଜିରୁହାଡ଼କେଦକଆଏ, “ଚିର୍ଗାଲ୍ଲାନାନ୍ଦେ, ଜେତାଏ ଆଲକାକ ବେଦାପେକା । ୫ ଚିୟାଃଚି ପୁରାଃ ହଡ଼କଦ ଆଇଁୟାଃ ନୁତୁମତେକ ହିଜୁଃଆ ଆତ୍ମ ‘ଆଇଙ୍ଗ୍ ଖ୍ରୀଷ୍ଟ୍ ତାନିଙ୍ଗ୍’ ମେନ୍ତେକ କାଜିୟା ଆତ୍ମ ପୁରାଃକକେ ବେଦାକଆକ । ୬ ଆପେ ମାପାଃତୁପୁଇଙ୍ଗ୍ ଆତ୍ମ ମାପାଃତୁପୁଇଙ୍ଗ୍ରାଃ କାଜିପେ ଆୟୁମେରେଦ, ଚିର୍ଗାଲ୍ଲାନାନ୍ଦେ, ବରତେ ଆଲ୍ଲପେ ଆକବାକାଅଥାଃ । ନେଆଁ ସବେନାଃଦ ହବାଅଥାଃ ଲାଗାତିୟାଃ, ମେନ୍ଦ ଏନ୍ ଦିପିଲିହ ଚୁଣ୍ଡ ନୁହାଁଲାଃ । ୭ ଚିୟାଃଚି ଦିଶୁମ୍ ବିରୁଧରେ ଦିଶୁମ୍ ଆତ୍ମ ରାଇଜ୍ ବିରୁଧରେ ରାଇଜ୍ ଲାଡ଼ାଇ ହବାଅଥାଃ, ସବେନ୍ ଠାୟାଦ୍ରେ ଅତେ ଏକ୍ଲାଅଥା ଆତ୍ମ ରିଙ୍ଗାଅଥା । ୮ ମେନ୍ଦ ନେ ସବେନାଃ ହନ୍ ଜାନାମାଃ ଇମ୍ତାରାଃ ଦୁକୁରେୟାଃ ଏନେଚେଦ୍ ଲେକାନାଃ ତାନାଃ ।

୯ “ଏନ୍ତେ ଇନ୍ଦକୁ ଆପେକେ ସାଧାତିପେ ନାଗେନ୍ତେକ ଜିମାପେୟା ଆତ୍ମକ ଗଏଃପେୟା, ଆତ୍ମ ଆପେ ଆଇଙ୍ଗ୍ତାଃରେ ପାଡ଼ିୟାରକାଦ୍ ନାଗେନ୍ତେ ସବେନ୍ ହଡ଼କ ଆପେକେକ ହିଲ୍ଲାଙ୍ଗ୍ପେୟା । ୧୦ ଏନ୍ ଦିପିଲିରେ ପୁରାଃ ହଡ଼କ ଆକଆଃ ବିଶ୍ୱାସକ ଆଦେୟା, ଆତ୍ମ ଆକ ଆକଗି ମିହୁଡ଼ ଆତ୍ମମିହୁଡ଼କେ ଏମ୍ଏଶ୍ୱାଗିୟାକ ଆତ୍ମ ହିଲ୍ଲାଙ୍ଗ୍ଆକ । ୧୧ ଆତ୍ମ ପୁରାଃ ହସଡ଼ ନାବୀକ ହିଜୁଃଆ ଆତ୍ମ ଇନ୍ଦକୁ ପୁରାଃ ହଡ଼କକେ ବେଦାକଆକ । ୧୨ ଚିୟାଃଚି ଏଡ଼କାନ୍ ନିତିର୍ୟାନ୍ ନାଗେନ୍ତେ ପାର୍ମେଶ୍ୱାର୍ଆଃ ନାଙ୍ଗ୍ ପୁରାଃ ହଡ଼କଆଃ ଦୁଲାଡ଼ ହୁଡ଼ିଙ୍ଗ୍ଇଦିୟାଃ । ୧୩ ମେନ୍ଦ ଜେତାଏ ଚୁଣ୍ଡ ଜ୍ୱାକେଦ୍ ସାହାତିଙ୍ଗ୍ତାନିଲ୍ଲ ଡିଙ୍ଗ୍ କେଚେୟାକାନ୍ ତାଇନ୍ରେଦ୍ ବାଞ୍ଚାଅଥାଏ । ୧୪ ଆତ୍ମ ପାର୍ମେଶ୍ୱାର୍ଆଃ ରାଇଜ୍ ବିଷାଏରେ ନେ ସୁକୁକାଜି ଏଟାଃ ଏଟାଃ ଜାଗାର୍ତାନ୍ ସବେନ୍ ହଡ଼କଆଃ ଗାଞ୍ଜା ନାଗେନ୍ତେ, ଗଟା ଅତେଦିଶୁମ୍ରେ ଉଦୁବଥା ଆତ୍ମ ଏନ୍ତେ ଚୁଣ୍ଡୁଆ ।

ୟୀଶୁ ଏନ୍ ଅଡ଼େଜଃ ପୁରାଃ ସଡ଼ରା ବିଷାଏରେ ଉଦୁବେତାନ

(ମାର୍କ ୧୩:୧୪-୨୩; ଲୁକ ୨୧:୨୦-୨୪)

୧୫ “ଆପେ ଚିମ୍ତା ଏନ୍ ‘ଅଡ଼େଜଃ ସଡ଼ରାକାନ୍ନିଃ’ ମାନ୍ଦିର୍ ଅଡ଼ାଃରାଃ ପାବିତାର୍ ଠାୟାଦ୍ରେ ଡିଙ୍ଗ୍ଆକାନ୍ଦେ ନେଲିୟା,” ନେ କାଜି ଅକ୍ନାଃଚି ଦାନିୟେଲ୍ ନାବୀ କାଜିକାଦାଏ, ପାଡ଼ାଅନିଃ ନେଆଁରାଃ ମୁଣ୍ଡି ଆବ୍କାର୍ଉରୁମେକାଏ । ୧୬ “ଇମ୍ତା ଯିହୁଦା ପାର୍ଗାନ୍ରେ ତାଇନଃତାନ୍ଦକ ବୁରୁତେକ ନିର୍ତ୍ତେବାଃକା । ୧୭ ଅକ ହଡ଼ ଆୟାଃ ଅଡ଼ାଃ ସାଡ଼ମିରେ ମେନାଇୟାଃ ଇନିଃ ଆୟାଃ ଜେନ୍ନାଃ ଇଦିମେନ୍ତେ ଅଡ଼ାଃଏତେ ଆଲକାଏ ଆଡ଼ଗୁଃକା । ୧୮ ଆତ୍ମ ପିଡ଼ି ଲୟଙ୍ଗ୍ରେ ମେନାଇନିଃ ଆୟାଃ ଲିଜାଃ ଇଦି ନାଗେନ୍ତେ ଆଲକାଏ ରୁହାଡ଼କା । ୧୯ ମେନ୍ଦ ଏନ୍ ଦିପିଲିରେନ୍ ବାଜ୍ ଆକାନ୍ କୁଡ଼ିକଆଃ ଆତ୍ମ ତଆ ନୁନୁଆକତାନ୍ ଏଙ୍ଗାକଆଃ ନାଗେନ୍ତେ ଚିମିନ୍ ବରଞ୍ଜାନ୍ଗି ଦୁକୁ ହବାଅଥାଃ । ୨୦ ଆପେ ନିର୍ସେନଃ ନାଗେନ୍ତେ ରାବାଙ୍ଗ୍ସାହା ଚାଏ ରୁଡ଼ନ୍ ହୁଲାଙ୍ଗ୍ ଆଲକା ହବାଅଥାକା ମେନ୍ତେ ଆପେୟାଃ ପାର୍ମେଶ୍ୱାର୍ତାଃରେ ବିକ୍ରିପେ । ୨୧ ଚିୟାଃଚି ଏନ୍ ଦିପିଲିରେଦ୍ ମାରାଙ୍ଗ୍ ଦୁକୁ ହବାଅଥାଃ ଏନା ପୁରାଃ ବରଞ୍ଜାନ୍ଗି ହବାଅଥାଃ ନେଲେକାନାଃ ଅତେଦିଶୁମ୍ରେୟାଃ ଏନେଚେଦ୍ଏତେ ନାହାଁଃ ଜାକେଦ୍ ଚିଉଲ୍ଲାଅ କା ହବାକାନା ଆତ୍ମ ଚିଉଲ୍ଲାଅ କା ହବାଅଥାଃ । ୨୨ ଆତ୍ମ ପାର୍ମେଶ୍ୱାର୍ ଏନ୍ ହୁଲାଙ୍ଗ୍କକେ କାଏ କାମ୍ତିକାରେଦ୍ ଜେତାଏ କାକ ବାଞ୍ଚାଅଥାତେୟାଃ, ମେନ୍ଦ ଆୟାଃ ସାଲ୍ଲାନାନ୍ ହଡ଼କଆଃ ନାଗେନ୍ତେ ଏନ୍ ହୁଲାଙ୍ଗ୍କକେ କାମ୍ତିୟାଏ ।

୨୩ “ଏନ୍ ଦିପିଲିରେ ଜେତାଏ ଆପେକେ, ‘ନେଲିପେ, ଖ୍ରୀଷ୍ଟ୍ ନେତାଃରିୟା’ ଚାଏ ‘ହାନ୍ତାଃରିୟା,’ ମେତାପେରେଦ୍ ଇନିଃକେ ଆଲ୍ଲପେ ବିଶ୍ୱାସୀଆ । ୨୪ ହସଡ଼ ଖ୍ରୀଷ୍ଟ୍ ଆତ୍ମ ହସଡ଼ ନାବୀକ ବିରିଦାଃ ଆତ୍ମ ମାପ୍ରାଙ୍ଗ୍ ଚିହ୍ନାଁ ଆତ୍ମ ଆକ୍ଦାନ୍ଦାଅ କାମିକ ରିକାଉଦୁବେଆ, ଆତ୍ମ ହବାଦାଡ଼ିୟାଃରେଦ୍ ପାର୍ମେଶ୍ୱାର୍ଆଃ ସାଲ୍ଲାନାନ୍କକେହଁ ବେଦାକଆକ । ୨୫ ଏନାମେନ୍ତେ ଆୟୁମେପେ, ଆଇଙ୍ଗ୍ ଆପେକେ ନେତା ହିଜୁଃ ସିଦାରେଇଙ୍ଗ୍ ଉଦୁବାଦ୍ପେୟା ।

୨୬ “ଏନା ନାଗେନ୍ତେ, ଜେତାଏ ଆପେକେ, ‘ନେଲିପେ, ଇନିଃ ବିର୍ରେ ମେନାଇୟା’ ମେତାପେରେ, ‘ଏନ୍ତାଃତେ ଆଲ୍ଲପେ ସେନା’ ଚାଏ ନେଲିପେ, ‘ନେତାଃରାଃ ଭିତାର୍ ବାଖ୍ରେରେ ଉକୁକାନାଏ’ ମେତାପେରେ ଆଲ୍ଲପେ ବିଶ୍ୱାସୀଆ । ୨୭ ଜେଲେକାଚି ହିଚିର୍ଦ୍ ସିଙ୍ଗିଡୁର୍ ସାଃଏତେ ଅଡ଼ଙ୍ଗ୍କେଦ୍ତେ ସିଙ୍ଗି ହାସୁର୍ସାଃ ଜାକେଦ୍ ସିମ୍ବାକେ ମାୟାଲେୟାଏ, ଏନ୍ ଲେକାଗି ମାନଞ୍ଜାହନ୍ଆଃ ହିନିଜୁଃ ହବାଅଥାଃ ।

୨୮ “ଅକ୍ତାଃରେ ମାଁଡ଼ା ମେନାଃ, ଏନ୍ତାଃରେ ଗିଦିକ ହୁଣ୍ଡିୟାଃଆଃ ।

☆ ୨୪:୯ ୨୪:୯ ମାଧୁର ୧୦:୨୨. ☆ ୨୪:୧୩ ୨୪:୧୩ ମାଧୁର ୧୦:୨୨. ☆ ୨୪:୧୭ ୨୪:୧୭ ଲୁକ ୧୭:୩୧. * ୨୪:୧୯ ୨୪:୧୯ ହଡ଼ମକାନ୍ ☆ ୨୪:୨୧ ୨୪:୨୧ ଉନୁଦୁଦ୍ କାଜି ୭:୧୪. ☆ ୨୪:୨୨ ୨୪:୨୨ ଲୁକ ୧୭:୨୩,୨୪. ☆ ୨୪:୨୮ ୨୪:୨୮ ଲୁକ ୧୭:୩୭.

ମାନଙ୍କାହନ୍‌ଆଃ ହିଜୁଃରୁହାଡ୍
(ମାର୍କ ୧୩:୨୪-୨୭; ଲୁକ ୨୧:୨୫-୨୮)

୨୯ ✨ଏନ୍ ଦିପିଲିରେୟାଃ ଦୁକୁ ତାୟମ୍‌ତେ ଇମ୍‌ତାଗି ସିଜି ନୁବାଗଃଆ ଆତଃ ଚାଣ୍ଡୁ ମାର୍ସାଲ୍ କାଏ ଏମେୟା ଆତଃ ଇପିଲକ ସିର୍ନାଏତେକ ଉୟୁଗଃଆ ଆତଃ ସିର୍ନାରେୟାଃ ପେଡେଃୟାନ୍‌ତେୟାଃକ ଏକ୍‌ଲାଅଃଆ । ୩୦ ✨ଏନ୍ ଦିପିଲିରେ ମାନଙ୍କାହନ୍‌ଆଃ ଚିହ୍ନାଁ ସିର୍ନାରେ ନେଲଆଃ ଆତଃ ଅତେରେନ୍ ସବେନ୍ ହଡକ ଏୟମ୍‌ୟା† । ଇନ୍‌କୁ ମାନଙ୍କାହନ୍‌କେ ପୁରାଃ ପେଡେଃତେ ଆତଃ ମାନାରାଙ୍‌ଲଃ ସିର୍ନାରାଃ ରିମିଲ୍‌ରେ ହିଜୁଃତାନ୍‌କ ନେଲିୟା । ୩୧ ଆତଃ ବିଜୁଲ୍ ବାଜା ସାଡିଆ, ଆତଃ ଇନିଃ ଆୟାଃ ସିର୍ନାରେନ୍ ଦୁଡକକେ ଅତେଦିଶୁମ୍‌ରାଃ ନେ ଚୁଣ୍ଡୁଏତେ ହାନ୍ ଚୁଣ୍ଡୁ ଜ୍ଞାକେଦ୍ ଆୟାଃ ସାଲାକାନ୍‌କକେ ହୁଣ୍ଡି ନାଗେନ୍ତେ କୁଲ୍‌କଆ ।

ଲଆ ଦାରୁରାଃ ଇନିତୁ
(ମାର୍କ ୧୩:୨୮-୩୧; ଲୁକ ୨୧:୨୯-୩୩)

୩୨ “ଲଆଦାରୁରେୟାଃ ଜନ୍‌କା କାଜିତେ ଇତୁଃପେ, ଏନାରେୟାଃ କତ ସାଗେନ୍‌ତାନ୍ ଆତଃ ସାକାମ୍ ସୁଡାଅଃତାନ୍ ଇମ୍‌ତା ଜେଟ୍‌ସିଜି ନାଡେଃଋିଆ ମେନ୍ତେପେ ସାରିୟା । ୩୩ ଏନ୍‌ଲେକାଗି, ନେଆଁ ସବେନାଃ ହବାଅଃତାନ୍‌ପେ ନେଲେ ଇମ୍‌ତା, ଆଇୟାଃ ହିଜୁଃ ନେଡା ନାଡେଃଋେରିଆଃ ମେନ୍ତେ ସାରିପେ । ୩୪ ସାର୍‌ଡିଗିଙ୍‌ କାଜିୟାପେତାନା ନେ ସବେନାଃ ଆଉରି ହବାଅଃ ଜାକେଦ୍ ନେ ଦିପିଲିରେନ୍ ହଡକ କାକ ଚୁଣ୍ଡୁଆ । ୩୫ ସିର୍ନା ଆତଃ ଅତେ ଚୁଣ୍ଡୁତୁତାରଃଆ, ମେନ୍‌ଦ୍ ଆଇୟାଃ କାଜିକ କା ଚୁଣ୍ଡୁଆ ।

ଏନ୍ ମାହାଁ ଆତଃ ଏନ୍ ଘାଡିକେ ଜେତାଏ କାକ ସାରିୟା
(ମାର୍କ ୧୩:୩୨-୩୭; ଲୁକ ୧୭:୨୭-୩୦, ୩୪-୩୭)

୩୬ “ଏନ୍ ହୁଲାଙ୍ ଚାଏ ଏନ୍ ଦିପିଲି ଜେତାଏ କାକ ସାରିଆଃ, ସିର୍ନାରେନ୍ ଦୁଡକହ କା, ଆଇଙ୍ ପାର୍‌ମେଶ୍‌ବାରଆଃ ଦୁଲାଡ୍ ହନ୍‌ହ କା, ମେନ୍‌ଦ୍ ଆଇୟାଃ ଆପୁ ଏସ୍‌କାର୍‌ଗି ସାରିଆଃଏ । ୩୭ ଆତଃ ନୁହୁଁରାଃ ପାରିୟାରେ ଜେ'ଲେକା ହବାୟନା, ମାନଙ୍କାହନ୍‌ଆଃ ହୁଲାଙ୍‌ରେହଗି ଏନ୍‌ଲେକା ହବାଅଆଃ । ୩୮ ଚୁଡା ଦାଆଃ ହିଜୁଃ ସିଦାଏତେ ନୁହୁଁ ଲାଉକାରେ ଆଉରି ବଲ ଜାକେଦ୍ ହଡକଦ୍ ଜମ୍‌ ନୁଁ ଆତଃ ଆଣ୍‌ଦିତାନ୍ ଆତଃ ଆଣ୍‌ଦି ଏମ୍‌ତାନ୍‌ରେ ତାଇକେନାକ । ୩୯ ଆତଃ ଚୁଡା ଦାଆଃ ହିଜୁଃକେଦ୍‌ତେ ସବେନ୍‌କକେ ଆଉରି ଆତୁଇଦି ଜାକେଦ୍ ଇନ୍‌କୁ ଜେଡ୍‌ନାଃ କାକ ଆଟ୍‌କାରେ ତାଇକେନା, ଏନ୍ ଲେକାଗି ମାନଙ୍କାହନ୍‌ଆଃ ହିଜୁଃ ହୁଲାଙ୍‌ରେ ହବାଅଆଃ । ୪୦ ଇମ୍‌ତାଙ୍ ବାର୍‌ହଡ୍ ଲୟଙ୍‌ରେକିନ୍ କାମିକାତେରେ, ମିହୁଡକେ ଇଦିୟଃଆ ଆତଃ ମିହୁଡକେ ବାଗିଅଃଆ । ୪୧ ଜାନ୍ତାଦିରିରେ ଗୁଣ୍ଡା ରିଦେତାନ୍ ବାରିଆ କୁଡିକିନ୍‌ଏତେ ମିଆଁଦିନିଃକେ ଇଦିୟଃଆ, ଆତଃ ଏଟାଃନିଃକେ ବାଗିଅଃଆ ।

୪୨ “ଏନାମେନ୍ତେ ଏୟନାକାନ୍‌ତାଇନ୍‌ପେ, ଚିୟାଃତି ଆପେଦ୍ ଆପେୟାଃ ପ୍ରାତୁଆଃ ହିଜୁଃ ଦିପିଲି କାପେ ସାରିୟା । ୪୩ ✨ମେନ୍‌ଦ୍ ନେଆଁ ଆଟ୍‌କାରେପେ, ଅଡ଼ାଃ ଗମ୍‌କେ କୁମ୍‌ତୁ ହିଜୁଃ ଦିପିଲିକେ ସାରିକାରେଦ୍ ଏୟନାକାନ୍‌ ତାଇନ୍‌ତେୟାଃଏ ଆତଃ ଆୟାଃ ଅଡ଼ାଃକେ ସିନ୍‌ ତଡାଅକେଦ୍‌ତେ କାଏ ବଲ୍‌ରିକାକତେୟାଃ । ୪୪ ଏନା ନାଗେନ୍ତେ ଆପେୟା ସାପ୍‌ଡାଅକାନ୍‌ ତାଇନ୍‌ପେ, ଚିୟାଃତି ଆପେ କାପେ ଉଡ଼ୁତାନ୍ ଦିପିଲିରେଗି ମାନଙ୍କାହନ୍‌ ହିଜୁଃଆଏ ।

ପାତିୟାର୍‌ତାନ୍ ଆତଃ କା ପାତିୟାର୍‌ତାନ୍ ଦାସିକଆଃ ଜନ୍‌କା କାଜି
(ଲୁକ ୧୨:୪୧-୪୮)

୪୫ “ଏନ୍ତେ ଗୁସିୟାଁ ଆୟାଃ ଅଡ଼ାଃରେନ୍‌କକେ ବୁଗିନ୍ ନେଡାରେ ଜମେୟାଃ ଏମାକ ନାଗେନ୍ତେ ଅକଏକେ ଇନିଃ ସାଲାକିଆଏ, ଏନ୍‌ଲେକାନ୍ ପାତିୟାର୍‌ରଃ ଆତଃ ସେଣାଁନ୍ ଦାସି ଅକଏ ତାନିଃ ? ୪୬ ଆୟାଃ ଗୁସିୟାଁ ନେ'ଲେକା କାମିତାନ୍ ଦାସିକେ ହିଜୁଃ ନାମିରେ ଇନିଃ ସୁକୁତାନ୍‌ଗିୟାଏ । ୪୭ ସାର୍‌ଡିଗିଙ୍‌ କାଜିୟାପେତାନା, ଇନିଃ ଏନ୍ ଦାସିକେ ଆୟାଃ ସବେନ୍ ମେନାଃତେୟାଃରେନ୍ ଗୁସିୟାଁ ବାଇୟାଏ । ୪୮ ମେନ୍‌ଦ୍ ଏନ୍ ଦାସି ଏଡକାନ୍ ତାନିଃରେଦ୍, ଇନିଃ, ଆଇୟାଃ ଗୁସିୟାଁରାଃ ହିଜୁଃତେୟାଃ ବିଲାମଃତାନାଃ ମେନ୍ତେ ଆଇଃକ୍‌ଗି ଆୟାଃ ମନ୍‌ରେ କାଜିୟାଏ, ୪୯ ଆତଃ ଆୟାଃ ଗାତିଦାସିକକେ ଦାଲ୍ ଏଟେଦ୍‌କଆଏ ଆତଃ ବୁଲ୍ ହଡକଲଃ ଜମ୍‌ ନୁଁରେ ତାଇନାଏ । ୫୦ ଏନ୍ତେ ଏନ୍ ଦାସି କାଏ ଉଡ଼ୁକା ହୁଲାଙ୍‌ରେ ଆତଃ କାଏ ସାରି ଦିପିଲିରେ ଇନିୟାଃ ଗୁସିୟାଁ ହିଜୁଃଆଏ, ୫୧ ଆତଃ ଗୁସିୟାଁ ଇନିଃକେ ପୁରାଃ ଦୁକୁ ଏମାକତାନ୍‌ଲଃ ଚୁକ୍‌ଡା ଚୁକ୍‌ଡା ମାଆଃଇୟାଏ ଆତଃ ହସଡ୍ ହଡକଲଃ ହାନାଟିଙ୍ ଏମାକୟାଏ ଆତଃ ଏନ୍ତାଃରେ ରାଆଃ ଆତଃ ତାଟା ରିଦ୍ ହବାଅଆଃ ।

୨୫

ଗେଲେୟା ଡିଶ୍‌ୟାକୁଡିକଆଃ ଜନ୍‌କା କାଜି

✨ ୨୪:୨୯ ୨୪:୨୯ ଉନୁଦୁବ୍ କାଜି ୭:୧୨; ଉନୁଦୁବ୍ କାଜି ୭:୧୩. ✨ ୨୪:୩୦ ୨୪:୩୦ ଉନୁଦୁବ୍ କାଜି ୧:୭. † ୨୪:୩୦ ୨୪:୩୦ ମନ୍‌ସୁରୁଦ୍‌ଲଃ ରାନାଃ ✨ ୨୪:୪୩ ୨୪:୪୩ ଲୁକ ୧୨:୩୯, ୪୦.

୧୫ “ଏନ୍ ଦିପିଲିରେ ସିର୍ମା ରାଇଜରାଃ ହିନିଜୁଃ ନେ ଗେଲେୟା ଡିଣ୍ଡାକୁଡ଼ିକ ଲେକା ହବାଅଥା, ଇନ୍କୁ ଆକଆଃ ଦିମି ସାବକେଦ୍ତେ ଦୁହ୍ଲକଡ଼ାଲଃ ନେପେଲ୍ ନାଗେନ୍ତେକ ଅଡ଼ଙ୍ଗୟାନା । ୧୬ ଇନ୍କୁଏତେ ମଣେୟାଁ ସେଣ୍ଡାନ୍କ ଆଡ଼ ମଣେୟାଁ ଡ଼ଣ୍ଡକ ତାଇକେନା । ୧୭ ଏନ୍ ଡ଼ଣ୍ଡ କୁଡ଼ିକ ଆକଆଃ ଦିମି ଇଦିକେଦ୍ ଇମ୍ତା ଆଦକା ସୁନୁମ୍ କାକ ଇଦି । ୧୮ ମେନ୍ଦ ଏନ୍ ସେଣ୍ଡାନ୍କ ଆକଆଃ ଦିମି ଇଦିତାନ୍ଲଃ ଶିଶିରେ ଆଦକା ସୁନୁମ୍ ଇଦିକେଦା । ୧୯ ଦୁହ୍ଲକଡ଼ା ହିଜୁଃରେ ବିଲାମ୍କେଦାଏ, ଏନାତେ ଏନ୍ ସବେନ୍କକେ ଝୁପାଅ ଏଚେଦକେଦକଆ ଆଡ଼ ଦୁଡ଼ୁ ବାଟିୟାନାକ ।

୨୦ “ଏନ୍ତେ ଆଲା ନିଦାରେ କାଉରି ଆୟୁମୟାନା, ‘ନେଲିପେ, ଦୁହ୍ଲକଡ଼ା ହିଜୁଃତାନାଏ, ଇନିଃକେ ଦାରମ୍ତେ ଅଡ଼ଙ୍ଗଅଃପେ ।’ ୨୧ ଏନ୍ତେ ଏନ୍ ଗେଲେୟା ଡିଣ୍ଡାକୁଡ଼ିକ ବିରିଦକେଦ୍ତେ ଆକଆଃ ଆକଆଃ ଦିମିକ ସାଜାଡ଼ାଅକେଦ୍ତେ ଜୁଲ୍କେଦାକ । ୨୨ ଆଡ଼ ଏନ୍ ଡ଼ଣ୍ଡ କୁଡ଼ିକ ସେଣ୍ଡାନ୍ କୁଡ଼ିକକେ ମେତାଦକଆକ, ‘ଆପେୟାଃ ସୁନୁମ୍ କାଟିଃଲେକା ଏମାଲେପେ ଆଲେୟାଃ ଦିମିଦ ଇଣ୍ଡି ଜଃତାନା ।’ ୨୩ ମେନ୍ଦ ସେଣ୍ଡାନ୍ କୁଡ଼ିକ କାଜିରୁହାଡ଼ାଦକଆ, ‘କାହାଗି ଆଲେୟାଃ ଆଡ଼ ଆପେୟାଃ ନାଗେନ୍ତେ ନିମିନାଙ୍ଗ୍ ସୁନୁମ୍ କା ପୁରାଅଥା, ଏନାମେନ୍ତେ ଜୁ ଆଖରିଙ୍ଗକତାଃ ସେନଃପେ ଆଡ଼ ଆପେୟାଃ ନାଗେନ୍ତେ କିରିଙ୍ଗ୍ୟେପେ ।’ ୨୪ ଆଡ଼ ଇନ୍କୁ କିରିଙ୍ଗ୍ ନାଗେନ୍ତେକ ସେନଃତାନ୍ ତାଇକେନ୍ ଇମ୍ତାଙ୍ଗି ଦୁହ୍ଲକଡ଼ା ସେଚେରୟାନାଏ ଆଡ଼ ସାପ୍ଡାଅକାନ୍କ ଇନିଃଲଃ ଆଣ୍ଡି ଅଡ଼ାଃତେକ ବଲୟାନା, ଆଡ଼ ଦୁଆର୍ ହାଣ୍ଡେୟାନା ।

୨୫ “ତାୟମ୍ତେ ଏନ୍ ଡ଼ଣ୍ଡ କୁଡ଼ିକ ହିଜୁଃକେଦ୍ତେ କାଜିକିୟାକ, ‘ହେ ପ୍ରାଭୁ, ହେ ପ୍ରାଭୁ, ଆଲେୟାଃ ନାଗେନ୍ତେ ଦୁଆର୍ ନିଜାଲେମ୍ ।’ ୨୬ ଏନ୍ତେ ଦୁହ୍ଲକଡ଼ା କାଜିରୁହାଡ଼ାଦକଆଏ, ‘ଆଇଙ୍ଗ୍ ଆପେକେ ସାର୍ତିଗିଙ୍ଗ୍ କାଜିୟାପେତାନା, ଆଇଙ୍ଗ୍ ଆପେକେ କାଇଙ୍ଗ୍ ସାରିୟାଃ ।’ ”

୨୭ ଆଡ଼ ଯାଶୁ କାଜିଟୁଣ୍ଡକେଦ୍ତେ କାଜିକେଦାଏ, “ଏୟନାକାନ୍ପେ, ଆପେଦ ମାନଃହନ୍ଥାଃ ହିଜୁଃ ହୁଲାଙ୍ଗ୍ ଆଡ଼ ହିଜୁଃ ଘାଡ଼ି କାପେ ସାରିୟା ।

ଆପିୟା ଦାସିକଆଃ ଜନ୍କା କାଜି (ଲୁକ ୧୯:୧୧-୨୭)

୨୮ “ଏନ୍ ଦିପିଲିରେ ସିର୍ମା ରାଇଜଦ୍ ନେ ଲେକାଗିଆ, ମିଆଁଦ୍ ହଡ଼ ଆୟାଃ ଦାସିକକେ ହାକାଅକେଦ୍ତେ ଆୟାଃ ସବେନ୍ ଖୁଲ୍ ଏମାଦକଆଏ ଆଡ଼ ସାଙ୍ଗିନ୍ ଦିଶୁମ୍ତେ ଅଡ଼ଙ୍ଗୟାନା । ୨୯ ଇନିଃ ମିହୁଡ଼କେ ମଣେୟାଁ ହାଜାର୍ ରୁପା ସିକା, ଆଡ଼ମିହୁଡ଼କେ ବାରିୟା ହାଜାର୍ ରୁପା ସିକା, ଆଡ଼ମିହୁଡ଼କେ ମିଦ୍ ହାଜାର୍ ରୁପା ସିକା, ନେ ଲେକା ସବେନ୍କକେ ଆକଆଃ ଆପ୍ନାଃ ପେଡ଼େଃ ଲେକାତେ ଏମାଦକଆ ଆଡ଼ ସାଙ୍ଗିନ୍ ଦିଶୁମ୍ତେ ସେନଃୟାନା । ୩୦ ମଣେୟାଁ ହାଜାର୍ ରୁପା ସିକା ନାମ୍କେଦ୍ନିଃ ଇମ୍ତାଗି ସେନଃୟାନ୍ଲଃ ଏନାକେ କିରିଙ୍ଗ୍ ଆଖରିଙ୍ଗ୍ରେ ଏମ୍କେଦ୍ତେ ଆଡ଼ ମଣେୟାଁ ହାଜାର୍ ରୁପା ସିକା ପସାକେଦାଏ । ୩୧ ଏନ୍ଲେକାଗି ବାରିୟା ହାଜାର୍ ରୁପା ସିକା ନାମ୍କେଦ୍ନିଃହ୍ ଆଡ଼ ବାରିୟା ହାଜାର୍ ରୁପା ସିକା ପସାକେଦାଏ । ୩୨ ମେନ୍ଦ ମିଦ୍ ହାଜାର୍ ରୁପା ସିକା ନାମ୍କେଦ୍ନିଃ ସେନ୍କେଦ୍ତେ ଅତେରେ ଗାଡ଼ା ଉର୍କେଦାଏ ଆଡ଼ ଆୟାଃ ଗୁସିୟାଃ ଟାକାକେ ତପାକେଦାଏ ।

୩୩ “ତିମିନ୍ ମାହାଁ ତାୟମ୍ତେ ଏନ୍ ଦାସିକଆଃ ଗୁସିୟାଁ ହିଜୁଃରୁହାଡ଼ୟାନାଏ ଆଡ଼ ଇନ୍କୁଲଃ ହିସାବକେଦାଏ । ୩୪ ମଣେୟାଁ ହାଜାର୍ ରୁପା ସିକା ନାମାକାଦ୍ନିଃ ହିଜୁଃୟାନାଏ ଆଡ଼ ମଣେୟାଁ ହାଜାର୍ ରୁପା ସିକା ଆଦକା ଆଡ଼କେଦ୍ତେ କାଜିକିୟାଏ, ‘ହେ ଗମ୍କେ, ଆମ୍ ମଣେୟାଁ ହାଜାର୍ ରୁପା ସିକା ଏମାକାଇଙ୍ଗ୍ ତାଇକେନାମ୍, ନେଲେମେ ଆଇଙ୍ଗ୍ ମଣେୟାଁ ହାଜାର୍ ରୁପା ସିକା ପସାକାଦାଇଙ୍ଗ୍ ।’ ୩୫ ଇନିୟାଃ ଗୁସିୟାଁ କାଜିକିୟାଏ, ‘ସାବାସ୍, ଆଇଁୟାଃ ବୁଗିନ୍ ଦାସି ! ଆମ୍ ବୁଗିନ୍ ଆଡ଼ ପାତିୟାର୍ରେଃ ଲେକାନ୍ ଦାସି ତାନ୍ମେ, ଆମ୍ ହୁଡ଼ିଙ୍ଗ୍ତେୟାଃରେ ପାତିୟାର୍ରେଃ ଲେକାମ୍ କାମିକାଦ୍ ହରାତେ, ଆଇଙ୍ଗ୍ ଆମ୍କେ ପୁରାଃତେୟାଃରାଃ ଗୁସିୟାଁ ବାଇମେୟାଇଙ୍ଗ୍ । ଏଲା ହିଜୁଃମେ, ଆଇଁୟାଃଲଃ ରାସ୍କାନ୍ମେ ।’

୩୬ “ବାରିୟା ହାଜାର୍ ରୁପା ସିକା ନାମାକାଦ୍ନିଃହ୍ ହିଜୁଃୟାନାଏ ଆଡ଼ କାଜିକିୟାଏ, ହେ ଗମ୍କେ, ଆମ୍ ବାରିୟା ହାଜାର୍ ରୁପା ସିକା ଏମାକାଇଙ୍ଗ୍ ତାଇକେନାମ୍, ନେଲେମେ ଆଇଙ୍ଗ୍ ବାରିୟା ହାଜାର୍ ରୁପା ସିକା ଆଦକା ପସାକାଦାଇଙ୍ଗ୍ । ୩୭ ଇନିୟାଃ ଗୁସିୟାଁ ଇନିଃକେ କାଜିକିୟାଏ, ‘ବୁଗିନ୍ କାମିକାଦାମ୍, ଆମ୍ ବୁଗିନ୍ ଆଡ଼ ପାତିୟାର୍ରେନ୍ ଦାସି ତାନ୍ମେ, ଆମ୍ ହୁଡ଼ିଙ୍ଗ୍ତେୟାଃରେ ପାତିୟାର୍ରେକାନାମ୍ ଏନାତେ ଆଇଙ୍ଗ୍ ପୁରାଃତେୟାଃରାଃ ଗୁସିୟାଁ ବାଇମେୟାଇଙ୍ଗ୍, ଏଲା ହିଜୁଃମେ, ଆଇଁୟାଃଲଃ ରାସ୍କାନ୍ମେ ।’

୩୮ “ଏନ୍ତେ ଏନ୍ ମିଦ୍ ହାଜାର୍ ରୁପା ସିକା ନାମାକାଦ୍ନିଃ ହିଜୁଃକେଦ୍ତେ କାଜିକିୟାଏ, ‘ହେ ଗମ୍କେ, ଆମ୍ କେଚେଦ୍ ମନ୍ରେନ୍ ହଡ଼ ତାନ୍ମେ ଏନା ଆଇଙ୍ଗ୍ ସାରିତାଇକେନାଇଙ୍ଗ୍ । ଆମ୍ କା ହେରାକାନ୍ତାଃଏତେ ଇରାଃମେ ଆଡ଼ କା ଦାସିକାନ୍ତାଃଏତେ ହୁଣ୍ଡିୟାଃମେ । ୩୯ ଏନାତେ ଆଇଙ୍ଗ୍ ବରକେଦାଇଙ୍ଗ୍ ଆଡ଼ ସେନଃକେଦ୍ତେ ଆମ୍ ଆଇଙ୍ଗ୍କେ ଏମାକାଦିଙ୍ଗ୍ ଟାକାକେ ଅତେରେ ଗାଡ଼ା ଉର୍କେଦ୍ତେ ଉକୁକେଦାଇଙ୍ଗ୍, ନେଲେମେ, ନେ ନେତାଃରେୟା ଟାକା, ଅକ୍ନାଃଟି ଆମାଃତାନାଃ ।’

☆ ୨୫:୧ ୨୫:୧ ଲୁକ ୧୨:୩୫. ☆ ୨୫:୧୧ ୨୫:୧୧ ଲୁକ ୧୩:୨୫. ☆ ୨୫:୧୪ ୨୫:୧୪ ଲୁକ ୧୯:୧୧-୨୭.

୨୬ “ଇନିୟାଃ ଗୁସିୟାଁ ଇନିଃକେ କାଜିରୁହାଡ଼କିୟାଏ, ଏ ଏଡ଼କାନ୍ ଆତଃ ଆଲ୍‌ସି ଦାସି, ଆଇଙ୍ଗ୍ କା ହେରାକାନ୍‌ତାଃଏତେ ଇରାଃଇଙ୍ଗ୍ ଆତଃ କା ତାସିକାନ୍‌ତାଃଏତେ ହୁଣ୍ଡିୟାଃଇଙ୍ଗ୍ ମେନ୍ତେ ସାରିତାଈକେନ୍‌ରେଦ୍, ୨୭ ଆମ୍ ଆଇଁୟାଃ ଟାକାକେ ବ୍ୟାଙ୍କ୍‌ରେ ଏମଃ ଲାଗାତିଙ୍ଗ୍ ତାଈକେନା ଆତଃ ଆଇଙ୍ଗ୍ ହିନ୍ତୁଃରୁହାଡ଼କେଦ୍‌ତେ ସବେନ୍ ମୁଲ୍‌କାନ୍‌ତାରଲଃ ଟାକା ନାମ୍‌ରୁହାଡ଼ କେଦ୍‌ତେୟାଃଇଙ୍ଗ୍ । ୨୮ ଏନାତେ ନାହାଁଃ, ଏନ୍ ମିଦ୍ ହାଜାର୍ ରୁପା ସିକା ଇଦିକେଦ୍‌ତେ, ଅକଏତାଃରେ ଗେଲ୍ ହାଜାର୍ ରୁପା ସିକା ମେନାଃନିଃକେ ଏମାଈପେ । ୨୯ ଚିୟାଃତି ଅକଏତାଃରେ ମେନାଃ, ଇନିଃକେ ଏମଃଆ ଆତଃ ଇନିୟାଃ ପୁରାଃଗି ହବାଅଃଆ, ମେନ୍‌ଦ୍ ଜେତାଏତାଃରେ ବାନଃଆ, ଇନିଃତାଃଏତେ ଅକ୍‌ନାଃ ମେନାଃ ଏନାହଗି ଇଦିୟଃଆ । ୩୦ ଶୁଆତଃ ନେ ଏଡ଼କାନ୍ ଦାସିକେ ବାହାରି ନୁବାଃରେ ହୁଦ୍‌ମାଈପେ, ଏନ୍ତାଃରେ ରାନାଃ ଆତଃ ତାଟା ରିନିଦ୍ ହବାଅଃଆ ।’

ଚୁଣ୍ଡି ହିତାର୍

୩୧ “ମାନଃହନ୍ ଆୟାଃ ସିର୍ମାରେନ୍ ସବେନ୍ ଦୁଁଡ଼କଲଃ ଆୟାଃ ମାନାରାଙ୍ଗ୍‌ରେ ରାଜା ଲେକା ହିନ୍ତୁଃ ଦିପିଲିରେ ଇନିଃ ଆୟାଃ ମାନାରାଙ୍ଗ୍ ସିର୍ମାରେୟାଃ ରାଜଗାଦିରେ ଦୁବାଃଏ । ୩୨ ଆତଃ ଅତେଦିଶୁମ୍‌ରେନ୍ ସବେନ୍ ଜାତିରେନ୍ ହଡ଼କ ଇନିୟାଃ ଆୟାଃରେକ ହୁଣ୍ଡିୟାଃଆ ଆତଃ ଗୁପିନିଃ ମିଣ୍ଡିକକେ ମେରମ୍‌କଏତେ ହିଗାଡ଼କ ଲେକା ଇନିଃ ଇନ୍‌କୁକେ ମିହୁଡ଼ଏତେ ଆତଃମିହୁଡ଼କେ ହିଗାଡ଼କଆ । ୩୩ ଇନିଃ ମିଣ୍ଡିକକେ ଆୟାଃ ଜମ୍‌ତିସାଃରେ ଆତଃ ମେରମ୍‌କକେ ଲେଙ୍ଗାତିସାଃରେ ଦହକଆଏ । ୩୪ ଏନ୍ତେ ରାଜା ଆୟାଃ ଜମ୍‌ତିସାଃରେନ୍‌କକେ କାଜିକଆଏ, ‘ଆଇଁୟାଃ ଆପୁଇଙ୍ଗ୍‌ତାଃଏତେ ଆଶିଷ୍ଟକାନ୍‌କ ହିନ୍ତୁଃପେ ଆତଃ ଆପେୟାଃ ନାଗେନ୍ତେ ଅତେଦିଶୁମ୍‌ରେୟାଃ ଏନେଟେଦ୍ ସିଦାରେ ବାଈୟାକାନ୍ ରାଈଜ୍‌ରେ ବଲପେ । ୩୫ ଚିୟାଃତି ଆଇଙ୍ଗ୍‌ଦ୍ ରେଙ୍ଗେଜାକାନ୍ ତାଈକେନ୍‌ରେ ଜମ୍‌ତେୟାଃପେ ଏମାଦିୟାଁ, ଆତଃ ତେତାଙ୍ଗିଙ୍ଗ୍ ତାଈକେନ୍‌ରେ ନୁଁଏ ନାଗେନ୍ତେ ଦାଆଃପେ ଏମାଦିୟାଁ, ଆଇଙ୍ଗ୍ ଏଟାଃ ଦିଶୁମ୍‌ରେ ତାଈକେନ୍‌ରେ ଆପେୟାଃ ଅଡ଼ାଃରେ ତାଈନ୍ ନାଙ୍ଗ୍ ଠାୟାଦ୍‌ପେ ଏମାଦିୟାଁ, ୩୬ ଆଇଙ୍ଗ୍ ସାମାହଡ଼ମ୍ ତାଈକେନ୍‌ରେ ଲିଜାଃପେ ତୁସିଙ୍ଗ୍‌କେଦିୟାଁ, ଆଇଙ୍ଗ୍ ହାସୁତାନ୍ ତାଈକେନ୍‌ରେ ଯାତ୍‌ନାଏ ସାକ୍‌ଲାଅ କେଦିୟାଁପେ, ଆଇଙ୍ଗ୍ ଜେହେଲ୍‌ରେ ତାଈକେନ୍ ଇମ୍‌ତା ନେନେଲ୍‌ତେପେ ହିନ୍ତୁଃୟାନା ।’

୩୭ “ଏନ୍ତେ ଧାର୍‌ମାନ୍ ହଡ଼କ ଇନିଃକେ କାଜିରୁହାଡ଼କିୟାକ, ‘ହେ ଗମ୍‌କେ, ଚିଉଲା ଆଲେ ଆମ୍‌କେ ରେଙ୍ଗେତାନ୍‌ଲେ ନେଲ୍‌ଲେଦ୍‌ମେୟାଁ ଆତଃ ଆମ୍‌କେ ଜଜମାଃଲେ ଏମାଦ୍‌ମେୟାଁ, ଚାଏ ଚିଉଲା ତେତାଙ୍ଗିତାନ୍‌ଲେ ନେଲ୍‌ଲେଦ୍‌ମେୟାଁ ଆତଃ ନୁଁ ନାଙ୍ଗ୍ ଦାଆଃଲେ ଏମାଦ୍‌ମେୟାଁ ? ୩୮ ଚିଉଲା ଆଲେ ଆମ୍‌କେ ନେଲ୍‌କେଦ୍‌ତେ ଏଟାଃ ଦିଶୁମ୍‌ରେନ୍ ତାନିଃ ମେନ୍ତେ ଆଲେୟାଃ ଅଡ଼ାଃରେ ତାଈନ୍ ନାଙ୍ଗ୍ ଠାୟାଦ୍‌ଲେ ଏମାଦ୍‌ମେୟାଁ ଆତଃ ଚିଉଲା ସାମାହଡ଼ମ୍ ତାଈକେନ୍‌ରେ ତୁସିଙ୍ଗ୍ ନାଙ୍ଗ୍ ଲିଜାଃଲେ ଏମାଦ୍‌ମେୟାଁ ? ୩୯ ଆତଃ ଆମ୍ ହାସୁତାନ୍‌ରେ ଚାଏ ଜେହେଲ୍‌କାନ୍‌ରେ ଚିଉଲା ଆଲେ ଆମ୍‌କେ ନେନେଲ୍‌ତେଲେ ସେନ୍‌କେନା ?’ ୪୦ ଆତଃ ରାଜା ଇନ୍‌କୁକେ କାଜିରୁହାଡ଼କଆଏ, ‘ଆଇଙ୍ଗ୍ ଆପେକେ ସାର୍‌ତିଗିଙ୍ଗ୍ କାଜିୟାପେତାନା, ଆପେ ଆଇଁୟାଃ ନେ ହାଗାକଏତେ ମିହୁଡ଼ ନାଗେନ୍ତେ ଅକ୍‌ନାଃପେ ରିକାକାଦା, ଏନା ଆଇଁୟାଃ ନାଗେନ୍ତେୟ ରିକାକାଦାପେ ।’

୪୧ “ଏନ୍ତେ ପାର୍‌ମେଶ୍ୱାର୍ ଆୟାଃ ଲେଙ୍ଗାତିସାଃରେନ୍‌କକେ କାଜିୟାଦ୍‌କଆଏ, ‘ହେ ସାର୍‌ପାଅକାନ୍ ହଡ଼କ ! ଆଇଁୟାଃତାଃଏତେ ନିର୍‌ପେ ଏନ୍ତେ ସାଏତାନ୍ ଆତଃ ଆୟାଃ ଦୁଁଡ଼କ ନାଗେନ୍ତେ ବାଈୟାକାନ୍ ଜାନାଅ କା ଇଣ୍‌ଜଃ ସେଙ୍ଗେଲ୍‌ତେ ସେନଃପେ । ୪୨ ଚିୟାଃତି ଆଇଙ୍ଗ୍ ରେଙ୍ଗେଃ ତାଈକେନ୍‌ରେ ଜମ୍‌ତେୟାଁ କାପେ ଏମାଦିୟାଁ, ଆଇଙ୍ଗ୍ ତେତାଙ୍ଗି ତାଈକେନ୍‌ରେ ନୁଁ ନାଗେନ୍ତେ ଦାଆଃ କାପେ ଏମାଦିୟାଁ । ୪୩ ଆଇଙ୍ଗ୍ ଏଟାଃ ଦିଶୁମ୍‌ରେ ତାଈକେନ୍ ଇମ୍‌ତା ଆପେ ଆପେୟାଃ ଅଡ଼ାଃରେ ତାଈନ୍ ନାଙ୍ଗ୍ ଠାୟାଦ୍ କାପେ ଏମାଦିୟାଁ, ଆଇଙ୍ଗ୍ ସାମାହଡ଼ମ୍ ତାଈକେନ୍‌ରେ ତୁସିଙ୍ଗ୍ ନାଙ୍ଗ୍ ଲିଜାଃ କାପେ ଏମାଦିୟାଁ, ଆତଃ ଆଇଙ୍ଗ୍ ଦୁକୁରେ ଆତଃ ଜେହେଲ୍‌ରେ ତାଈକେନ୍ ଇମ୍‌ତା ଆଇଙ୍ଗ୍‌କେ କାପେ ଯାତ୍‌ନାଏ ସାକ୍‌ଲାଅ କେଦିୟାଁ ।’

୪୪ “ଏନ୍ତେ ଇନ୍‌କୁହଗି ଇନିଃକେ କାଜିରୁହାଡ଼ିୟାକ, ‘ହେ ପ୍ରାଭୁ, ଚିଉଲା ଆଲେ ଆମ୍‌କେ ରେଙ୍ଗେଃତାନ୍ ଚାଏ ତେତାଙ୍ଗିତାନ୍ ଚାଏ ଏଟାଃ ଦିଶୁମ୍‌ରେନ୍, ଚାଏ ସାମାହଡ଼ମ୍, ଚାଏ ହାସୁତାନ୍, ଚାଏ ଜେହେଲ୍‌ରେ ନେଲ୍‌କେଦ୍‌ତେ କାଲେ ଦେଙ୍ଗାକେଦ୍‌ମେୟାଁ ।’ ୪୫ ଏନ୍ତେ ରାଜା କାଜିରୁହାଡ଼କଆଏ, ‘ସାର୍‌ତିଗିଙ୍ଗ୍ କାଜିୟାପେତାନା, ଆପେ ନେ ହୁପ୍‌ତିଙ୍ଗ୍‌କଏତେ ମିହୁଡ଼କେହ୍ କାପେ ଦେଙ୍ଗାକେଦ୍‌କ ନାଗେନ୍ତେ ଆଇଙ୍ଗ୍‌କେହ୍ କାପେ ଦେଙ୍ଗାକେଦିୟାଁ ।’ ୪୬ ଏନ୍ତେ ଇନ୍‌କୁ ଜାନାଅ ଜାନାଅରେୟାଃ ଦୁକୁ, ମେନ୍‌ଦ୍ ଧାର୍‌ମାନ୍‌କ ଜାନାଅ ଜାନାଅରେୟାଃ ଜୀଦାନ୍‌କ ନାମେୟାଁ ।’

୨୭

ୟାଶୁଆଃ ବିରୁଧରେ ରଜୋଟ
(ମାର୍କ ୧୪:୧-୨; ଲୁକ ୨୨:୧-୨; ଯୋହାନ୍ ୧୧:୪୫-୫୩)

☆ ୨୫:୨୯ ୨୫:୨୯ ମାଥୁରା ୧୩:୧୨; ମାର୍କ ୪:୨୫; ଲୁକ ୮:୧୮. ☆ ୨୫:୩୦ ୨୫:୩୦ ମାଥୁରା ୮:୧୨; ୨୨:୧୩; ଲୁକ ୧୩:୨୮. ☆ ୨୫:୩୧ ୨୫:୩୧ ମାଥୁରା ୧୭:୨୭; ମାଥୁରା ୧୯:୨୮.

୧ ଯୀଶୁ ନେ ସବେନ୍ କାଜିକ କାଜି ଚାବାକେଦ୍ତି, ଇନିଃ ଆୟାଃ ଚେଲାକକେ କାଜିୟାଦକଥାଏ, ୨ “ବାର୍ସିଙ୍ଗ୍ ତାୟମ୍ତେ ପାସକା ପାରାବ୍ ହବାଅଆଃ ଏନା ଆପେ ସାରିତାନାପେ । ଇମ୍ତା ମାନଝାହନ୍ କୁଶ୍ରେ କିଲାଅଃ ନାଗେନ୍ତେ ଜିମାଃଝାଏ ।”

୩ ଏନ୍ତେ ମୁଲ୍ ଯାଜାକକ, ଆଡଃ ପ୍ରାଚିନକ, କାୟଫା ନୁତୁମ୍ ମାରାଙ୍ଗ୍ ଯାଜାକରାଃ ଅଡଃରାଚାରେ ହୁଣ୍ଡିୟାନା । ୪ ଆଡଃ ଇନ୍କୁ ଯୀଶୁକେ ବେଦାତେ ସାବ୍କେଦ୍ତେ ଗଜି ନାଗେନ୍ତେ ରଜୋଟକେଦାକ । ୫ ମେନ୍ଦ୍ ଇନ୍କୁ କାଜିକେଦାକ, “ପାରାବ୍ରେଦ୍ କାହାଗି, କା'ରେଦ୍ ହଡ଼କ ହାଲାଗୁଲାୟାକ ।”

ବେଅନିଆରେ ଯୀଶୁଆଃ ବହଃରେ ସୁନୁମ୍ ଦୁଲ୍ଲଃତାନା
(ମାର୍କ ୧୪:୩-୯; ଯୋହାନ୍ ୧୨:୧-୮)

୬ ଯୀଶୁ ବେଅନିଆରେ ନାଗେଦାଅଏତେ ବୁଗିଆକାନ୍ ଶିମୋନ୍ଆଃ ଅଡଃରେ ତାଇକେନ୍ ଇମ୍ତା, ୭ *ମିଆଁଦ୍ କୁଡ଼ି ପୁରାଃ ଗନଙ୍ଗ୍ଆନ୍ ବୁଗିନ୍ ସହାନ୍ ସୁନୁମ୍ତେ ପେରେଜାକାନ୍ ମିଆଁଦ୍ ପୁଣ୍ଡିଦିରିରାଃ ତୁକାଃ ସାବ୍କେଦ୍ତେ ଯୀଶୁତାଃତେ ହିଜୁଃୟାନା, ଆଡଃ ଯୀଶୁ ଜଜମ୍ ନାଗେନ୍ତେ ଦୁବାକାନ୍ ଇମ୍ତା ଇନିୟାଃ ବହଃରେ ଦୁଲ୍ଲକେଦାଏ । ୮ ଇନିୟାଃ ଚେଲାକ ନେଆଁ ନେଲ୍କେଦ୍ତେ ଖ୍ସୟାନାକ ଆଡଃ କୁଲିକିୟାକ, “ଚିୟାଃ ନାଗେନ୍ତେ ନେ ସବେନ୍ ସାମାଗି ଏଣ୍ଡାଗଃତାନା ? ୯ ନେ ବୁଗିନ୍ ସହାନ୍ ସୁନୁମ୍ ପୁରାଃ ଗନଙ୍ଗ୍ତେ ଆଖ୍ରିଙ୍ଗ୍ ଦାଡ଼ିକାନ୍ତେୟାଃ ଆଡଃ ରେଙ୍ଗେଃକକେ ଏମାକାନ୍ତେୟାଃ ।”

୧୦ ଚେଲାକ କାଜିତାନ୍ତେୟାଃ ଯୀଶୁ ସାରିକେଦ୍ତେ କାଜିକେଦକଥାଏ, “ଆପେ ଚିନାଃମେନ୍ତେ ଏନ୍ କୁଡ଼ିକେ ବିଡ଼ଲାଇତାନାପେ ? ନିଃଦ୍ ଆଇଁୟାଃ ନାଗେନ୍ତେ ବୁଗିନ୍ କାମି କାମିକାଦାଏ । ୧୧ ରେଙ୍ଗେଃକଦ୍ ଆପେଲଃ ସବେନ୍ ଇମ୍ତା ତାଇନାଃକ ମେନ୍ଦ୍ ଆଇଙ୍ଗ୍ ଆପେଲଃ ସବେନ୍ ଇମ୍ତା କାଇଙ୍ଗ୍ ତାଇନା । ୧୨ ଆଇଁୟାଃ ତପାଅଃରାଃ ସେକାଡ଼େନ୍ ନାଗେନ୍ତେ ଇନିଃ ନେ ବୁଗିନ୍ ସହାନ୍ ସୁନୁମ୍ତେ ଆଇଁୟାଃ ହଡ଼ମ୍ରେ ଦୁଲାକାଦା । ୧୩ ସାର୍ତିଗିଙ୍ଗ୍ କାଜିୟାପେତାନା, ଅତେଦିଶ୍ଟୁମ୍ରେୟାଃ ଜାହାତାଃରେଗି ସୁକୁକାଜି ଉଦୁବଃତାନ୍ ଇମ୍ତା ଏନ୍ କୁଡ଼ି କାମିକାଦ୍ତେୟାଃ ପାହାମେ ନାଗେନ୍ତେ ଉଦୁବଃଆ ।”

ୟୀଶୁକେ ସାବ୍ରିକାଇ ନାଗେନ୍ତେ ଯୀହୁଦା ଟାକା ନାମେତାନା
(ମାର୍କ ୧୪:୧୦-୧୧; ଲୁକ ୨୨:୩-୬)

୧୪ ଏନ୍ତେ ଏନ୍ ଗେଲ୍ବାର୍ ଚେଲାକଏତେ ମିଆଁଦ୍ନିଃ, ଇଷ୍ଟାରିୟଡ଼୍ ଯିହୁଦା ମୁଲ୍ ଯାଜାକକତାଃ ସେନଃୟାନାଏ, ୧୫ ଆଡଃ କୁଲିକେଦକଥାଏ, “ଆଇଙ୍ଗ୍ ଇନିଃକେ ଆପେୟାଃ ତିଃଇରେ ଜିମାଇରେଦ୍ ଆପେ ଆଇଙ୍ଗ୍କେ ଚିନାଃପେ ଏମାଇୟାଁ ?” ଏନ୍ତେ ଇନ୍କୁ ଇନିଃକେ ତିରିଶ୍ଟୁ ରୁପା ସିକା ଲେକାକେଦ୍ତେ ଏମକିୟାକ । ୧୬ ଏନ୍ ହୁଲାଙ୍ଗ୍ତାଃଏତେ ଇନିଃ ଯୀଶୁକେ ସାବ୍ରିକାଇ ନାଗେନ୍ତେ ସୁଯୋଗ୍ ଦାଣ୍ଡାତାନାଏ ତାଇକେନା ।

ୟୀଶୁ ଆୟାଃ ଚେଲାକଲଃ ପାସକା ପାରାବ୍ ଜମେତାନାଏ
(ମାର୍କ ୧୪:୧୨-୧୫; ଲୁକ ୨୨:୬-୧୩, ୨୧-୨୩; ଯୋହାନ୍ ୧୩:୨୧-୩୦)

୧୭ ସାବାଃ ହଲଙ୍ଗ୍ ପାରାବ୍ରେୟାଃ ସିଦା ହୁଲାଙ୍ଗ୍ରେ ଚେଲାକ ଯୀଶୁତାଃତେ ହିଜୁଃକେଦ୍ତେ କୁଲିକିୟାକ, “ଆଲେ ଅକ୍ତାଃରେ ଆମାଃ ନାଗେନ୍ତେ ପାସକା ପାରାବ୍ରେୟାଃ ଜମେୟାଃଲେ ବାଇୟା ମେନ୍ତେମ୍ ସାନାଙ୍ଗ୍ତାନା ?”

୧୮ ଯୀଶୁ ଚେଲାକକେ ମେତାଦକଥା, “ଏନ୍ ନାଗାର୍ରେନ୍ ଜେତାଏ ହଡ଼ତାଃତେ ସେନ୍ପେ ଆଡଃ ମେତାଇପେ, ‘ଗୁରୁ କାଜିତାନାଏ, ଆଇଁୟାଃ ନେଡା ସେଟେରାକାନା, ଆଇଙ୍ଗ୍ ଆଇଁୟାଃ ଚେଲାକଲଃ ଆମାଃ ଅଡଃରେ ପାସକା ପାରାବ୍ ମାନାଅୟାଇଙ୍ଗ୍ ।”

୧୯ ଏନ୍ତେ ଚେଲାକ ଯୀଶୁ ଆତୁକାଦ୍ଲେକା ରିକାକେଦାକ ଆଡଃ ପାସକା ପାରାବ୍ରେୟାଃ ଜମେୟାଃକ ବାଇକେଦା ।

୨୦ ଆୟୁବ୍ୟାନ୍ତି ଯୀଶୁ ଗେଲ୍ବାର୍ ଚେଲାକଲଃ ଜଜମ୍ ନାଗେନ୍ତେ ଦୁବ୍ୟାନାଏ । ୨୧ ଇନ୍କୁ ଜମ୍ତାଇକେନ୍ ଇମ୍ତା ଇନିଃ ମେତାଦକଥାଏ, “ସାର୍ତିଗିଙ୍ଗ୍ କାଜିୟାପେତାନା, ଆପେକଏତେ ମିଆଁଦ୍ନିଃ ଆଇଙ୍ଗ୍କେ ବାଇରିକଆଃ ତିଃଇରେ ସାବ୍ରିକାଇଙ୍ଗ୍ୟାଏ ।”

୨୨ ଇନ୍କୁ ପୁରାଃଗି ହୁଡ଼ିଙ୍ଗ୍ଜାଉୟାନାକ ଆଡଃ ଇନିଃକେ “ହେ ପ୍ରାଭୁ, ଇନିଃ ଆଇଙ୍ଗ୍ ତାନିଙ୍ଗ୍ତି ?” ମେନ୍ତେ ମିହୁଡ଼୍ ମିହୁଡ଼୍ତେ କୁଲି ଏଟେଦକିୟାକ ।

୨୩ ଆଡଃ ଯୀଶୁ କାଜିରୁହାଡ଼ାଦକଥାଏ, “ଆଇଁୟାଃଲଃ କାଟୋରାରେ ଆୟାଃ ତିଃଇ ସୁଡ଼କାଦ୍ନିଃଗି ସାବ୍ରିକାଇଙ୍ଗ୍ୟାଏ । ୨୪ ପାବିତାର୍ ଅନଲ୍କରେ ଅଲ୍ଲକାନ୍ ଲେକା, ଆଇଙ୍ଗ୍ ମାନଝାହନ୍ ତାନିଙ୍ଗ୍, ଆଇଙ୍ଗ୍କେ ଗଠଃଲାଗାତିୟାଃ । ମେନ୍ଦ୍ ଆଇଙ୍ଗ୍ ମାନଝାହନ୍ ତାନିଙ୍ଗ୍, ଆଇଙ୍ଗ୍କେ ବାଇରିକଆଃ ତିଃଇରେ ସାବ୍ରିକାନିଃ ହାୟ୍ ହାୟ୍ ଚିମିନ୍ ଦୁକୁନାମେୟାଏ । ଏନ୍ ହଡ଼ କାଏ ଜାନାମ୍କାନ୍ରେଦ୍ ଇନିଃ ନାଗେନ୍ତେ ବୁଗିକାନ୍ତେଆଃ ।”

୨୫ ଏନ୍ତେ ଯୀଶୁକେ ସାବ୍ରିକାଇନିଃ ଯିହୁଦା କାଜିରୁହାଡ଼କିୟାଏ, “ହେ ଗୁରୁ, ଇନିଃ ଆଇଙ୍ଗ୍ ତାନିଙ୍ଗ୍ତି ?” ଯୀଶୁ ଇନିଃକେ କାଜିକିୟାଏ, “ହେଗି, ଆମ୍ଗି ତାନ୍ମେ ।”

☆ ୨୨:୭ ୨୨:୭ ଲୁକ ୭:୩୭,୩୮.

ପ୍ରାଭୁ ଭୋଜ

(ମାର୍କ ୧୪:୨୨-୨୬; ଲୁକ ୨୨:୧୪-୨୦; ୧ କରିନ୍ଥୀୟ ୧୧:୨୩-୨୫)

୨୭ ଚେଲାକ ଜମ୍ଭାକେନ୍ ଇମ୍ଭା ଯୀଶୁ ମିଆଁଦ୍ ହଲଙ୍ଗ ଇଦିକେଦ୍ତେ ଆଶିଷ୍ଟକେଦାଏ ଆଡ଼ଃ ଏନାକେ କେଡ଼ାଃକେଦ୍ତେ ଆୟାଃ ଚେଲାକକେ ଏମ୍ଭକେଦ୍ତେ ମେଡ଼ାଦକଆଏ, “ନେ ଚେଲାଏପେ ଆଡ଼ଃ ଜମେପେ, ନେଆଁ ଆଇଁୟାଃ ହଡ଼ମ ତାନାଃ ।”

୨୮ ଏନ୍ତେ ଇନିଃ କାଟୋରା ଇଦିକେଦ୍ତେ ଆଶିଷ୍ଟକେଦାଏ ଆଡ଼ଃ ଏନା ଇନ୍କୁକେ ଏମ୍ଭକେଦ୍ତେ ମେଡ଼ାଦକଆଏ, “ଆପେ ସବେନ୍ ନେଆଁଏତେ ନୁଁଏପେ । ୨୮ ନେଆଁଦ୍ ପାର୍ମେଶ୍ୱାର୍ ଆଃ ରାଜିନାମାକେ ମୋହରକାଦ୍ ଆଇଁୟାଃ ମାୟୋମ୍ ତାନାଃ । ଅକ୍ନାଃଟି ପୁରାଃ ହଡ଼କଆଃ ପାପ୍ ଛାମା ନାଗେନ୍ତେ ନେ ମାୟୋମ୍ ଲିଙ୍ଗିଆକାନା । ୨୯ ଆଇଙ୍ଗ୍ ଆପେକେ କାଜିୟାପେ ତାନାକଙ୍ଗ୍, ଆପୁଇଁୟାଃ ରାଜିକ୍ରେ ଆପେଲଃ ନାଝା ଦାଖରାସି ଆଉରିଙ୍ଗ୍ ନୁଁଇ ଜାକେଦ୍, ନାହାଁଃଏତେ ନେ ଦାଖରାସି ଆଡ଼ଃ ଚିଉଲାଅ କାକଙ୍ଗ୍ ନୁଁଇଆ ।”

୩୦ ଏନ୍ତେ ଇନ୍କୁ ମାକନାନ୍ ଦୁରାଙ୍ଗ୍ ଦୁରାଙ୍ଗ୍କେଦ୍ତେ ଜାକତୁନ୍ ବୁରୁଡେକ ସେନଃୟାନା ।

ୟୀଶୁ ପାଡ଼ରାସକେ ଚେଡ଼ାକତାନା

(ମାର୍କ ୧୪:୨୭-୩୧; ଲୁକ ୨୨:୩୧-୩୪; ଯୋହାନ୍ ୧୩:୩୬-୩୮)

୩୧ ଏନ୍ତେ ଯୀଶୁ ଚେଲାକକେ କାଜିୟାଦକଆଏ, “ଆପେ ସବେନ୍କ ନେ ନିଦାରେ ଆଇଙ୍ଗ୍କେ ବାଗିକେଦ୍ତେ ନିରକଆଃପେ, ନେଆଁଦ୍ ଧାରାମ୍ପୁଥୁରେ ଅଲକାନା, ‘ପାର୍ମେଶ୍ୱାର୍ ଗୁପିନିଃକେ ଦାଲିୟାଏ ଆଡ଼ଃ ଗୋଟ୍ରେନ୍ ନିଶ୍ଚିକ ଛିଡିବିଡିୟଃଆ ।’ ୩୨ *ମେନ୍ଦ୍ ଆଇଙ୍ଗ୍ ଜୀଉବିରିଦ୍କେଦ୍ତେ ଗାଲିଲ୍ ପାର୍ଗାନ୍ତେ ଆପେଏତେ ଆୟାର୍ରେଇଙ୍ଗ୍ ସେନାଃ ।”

୩୩ ଆଡ଼ଃ ପାଡ଼ରାସ୍ ଯୀଶୁକେ କାଜିକିୟାଏ, “ଏଟାଃକ ବାଗିତାମ୍ରେହ୍, ଆଇଙ୍ଗ୍ ଆମ୍ଭକେ କାକଙ୍ଗ୍ ବାଗିମେଆ ।”

୩୪ ଯୀଶୁ ପାଡ଼ରାସକେ କାଜିକିୟାଏ, “ଆଇଙ୍ଗ୍ ସାର୍ଡିଗିଙ୍ଗ୍ କାଜିୟାମ୍ତାନା, ନେ ନିଦାରେ ସାଣ୍ଡିସିମ୍ବକ ରାଃଏ ସିଦାରେ ଆମ୍ ଆଇଙ୍ଗ୍କେ କାକଙ୍ଗ୍ ସାରିୟା ମେନ୍ତେ ଆପିସାମ୍ କାଜିୟା ।”

୩୫ ପାଡ଼ରାସ୍ ଇନିଃକେ କାଜିରୁହାଡ଼କିୟାଏ, “ଆଇଙ୍ଗ୍କେ ଆମାଃଲଃ ଗଜଃ ଲାଗାଡିଙ୍ଗ୍ରେୟ ଆଇଙ୍ଗ୍ ଆମ୍ଭକେ କାକଙ୍ଗ୍ ସାରିୟା ମେନ୍ତେ କାକଙ୍ଗ୍ଗି କାଜିୟା,”

ଆଡ଼ଃ ସବେନ୍ ଏଟାଃ ଚେଲାକହ ଏନ୍ଲେକାଗି କାଜିକେଦାକ ।

ଗେଥ୍ସିମାନି ବାଖଡ଼ିରେ ଯୀଶୁଆଃ ବିକ୍ତି

(ମାର୍କ ୧୪:୩୨-୪୨; ଲୁକ ୨୨:୩୯-୪୬)

୩୬ ଏନ୍ତେ ଯୀଶୁ ଆୟାଃ ଚେଲାକଲଃ ଗେଥ୍ସିମାନି ନୁଡୁମ୍ ମିଆଁଦ୍ ବାଖଡ଼ିଡେକ ସେନଃୟାନା, ଆଡ଼ଃ ଇନିଃ ଇନ୍କୁକେ ମେଡ଼ାଦକଆଏ, “ଆଇଙ୍ଗ୍ ଏନ୍ତାଃରେ ବିକ୍ତି ଜାକେଦ୍ ଆପେ ନେଡ଼ାଃରେ ଦୁବ୍ପେ ଆଡ଼ଃ ବିକ୍ତିପେ ।”

୩୭ ଇନିଃ ପାଡ଼ରାସ୍ ଆଡ଼ଃ ଜେବଦୀୟାଃ ବାରାନ୍ ହନ୍କିନ୍କେ ଆୟାଃଲଃ ଇଦିକେଦ୍ତେ ଆଏ, ଆଡ଼ଃ ଇନିଃ ପୁରାଃଟି ଦୁକୁଡେ ଆକୁଲ୍ବାକୁଲ୍ୟାନା, ୩୮ ଆଡ଼ଃ ଇନିଃ ଇନ୍କୁକେ କାଜିୟାଦକଆଏ, “ଜୀଉତାକୟାଃ ଗଜଃଲେକା ଦୁକୁଃତାନା, ନେଡ଼ାଃରେଗି ତାଇନ୍କାନ୍ପେ ଆଡ଼ଃ ଆଇଁୟାଃଲଃ ଏୟନାକାନ୍ ତାଇନ୍ପେ ।”

୩୯ ଆଡ଼ଃ ଯୀଶୁ କାଟିଃ ସାଜିନ୍ ସେନ୍କେଦ୍ତେ ଅତେରେ ଇକଡ଼ୁୟାନ୍ଲଃ ଅମ୍ବାୟାନାଏ ଆଡ଼ଃ ବିକ୍ତିକେଦାଏ, “ହେ ଆବା, ହବାଦାଡ଼ିୟଃରେଦ୍ ନେ ଦୁକୁରାଃ କାଟୋରା ଆଇଙ୍ଗ୍ଡ଼ାଃଏତେ ଇଦିୟଃକା, ଏନ୍ରେୟ ଆଇଁୟାଃ ମନେଲେକାଦ୍ କା ମେନ୍ଦ୍ ଆମାଃ ମନେଲେକାଗି ହବାଅଃକା ।”

୪୦ ଏନ୍ତେ ଯୀଶୁ ଚେଲାକତାଃ ରୁହାଡ଼ୟାନ୍ତି ଇନ୍କୁକେ ଦୁଡ଼ୁକାକାନ୍ ନାମ୍ଭକେଦ୍ତେ ଆଏ, ଆଡ଼ଃ ପାଡ଼ରାସକେ କାଜିକିୟାଏ, “ଆପେ ଆଇଁୟାଃଲଃ ମିଦ୍ପାଣ୍ଟାହ୍ ଏୟନ୍କେଦ୍ତେ କାପେ ତାଇନ୍ ଦାଡ଼ିକେନା ? ୪୧ ବିଡ଼ାଅରେ ଆଲପେ ଉୟୁଗଃକା ମେନ୍ତେ ଏୟନାକାନ୍ ତାଇନ୍ପେ ଆଡ଼ଃ ବିକ୍ତିପେ । ଆମ୍ଭାଦ୍ ସାନାଙ୍ଗ୍ତାନାଏ, ମେନ୍ଦ୍ ହଡ଼ମ୍ ନାରାଦୁରାଗିୟାଃ ।”

୪୨ ଇନିଃ ଆଡ଼ଃମିସା ସେନଃୟାନାଏ ଆଡ଼ଃ ବିକ୍ତିକେଦାଏ, “ହେ ଆଇଁୟାଃ ଆବା, ଆଇଙ୍ଗ୍ କାକଙ୍ଗ୍ ନୁଁ ଜାକେଦ୍ ନେ ଦୁକୁରାଃ କାଟୋରା ଆଇଙ୍ଗ୍ଡ଼ାଃଏତେ କା ଇଦି ଦାଡ଼ିୟଃରେଦ୍, ଆମାଃ ମନେ ଲେକାଗି ହବାଅଃକା ।” ୪୩ ଇନିଃ ଇନ୍କୁତାଃ ହିଜୁରୁହାଡ଼ୟାନ୍ତି ଆଡ଼ଃମିସା ଦୁଡ଼ୁକାକାନ୍ ନାମ୍ଭକେଦ୍ତେ ଆଏ, ଚିୟାଃଟି ଇନ୍କୁଦ୍ ଦୁଡ଼ୁଡେ ମେଦ୍ତାକଆଃ ଆରିଦ୍ କାକ ଦାଡ଼ିତାଇକେନା ।

୪୪ ଯୀଶୁ ଇନ୍କୁକେ ବାଗିକେଦ୍ତେ ଆଡ଼ଃଟି ସେନଃୟାନା ଆଡ଼ଃ ଏନ୍ ଲେକାଗି ଆପିସାଏ ବିକ୍ତିକେଦା । ୪୫ ଏନ୍ତେ ଇନିଃ ଆୟାଃ ଚେଲାକତାଃ ହିଜୁଃକେଦ୍ତେ ଇନ୍କୁକେ ମେଡ଼ାଦକଆ, “ନାହାଁଃ ଜାକେଦ୍ରିପେ ଦୁଡ଼ୁଡୁତାନା ଆଡ଼ଃ ରୁଡ଼ୁଡୁତାନା ? ନେଲେପେ, ଆଇଙ୍ଗ୍ ମାନଝାହନ୍ ପାପିକଆଃ ଡିଃଇରେ ସାବ୍ରିକାଅଃତାନାକଙ୍ଗ୍ । ୪୬ ବିରିଦ୍ପେ, ଦଲାବୁ ସେନଆଃ ! ନେଲିପେ, ଆଇଙ୍ଗ୍କେ ସାବ୍ରିକାକଙ୍ଗ୍ନିଃ ସେଟେରାକାନାଏ ।”

☆ ୨୭:୩୨ ୨୭:୩୨ ମାଥୁର ୨୮:୧୭.

ୟୀଶୁକେକ ସାବିତାନା

(ମାର୍କ ୧୪:୪୩-୫୦; ଲୁକ ୨୨:୪୭-୫୩; ଯୋହାନ୍ ୧୮:୩-୧୨)

୪୭ ୟୀଶୁ ନେଆଁ କାଜିତାନ ଇମ୍ତାଗି ଗେଲ୍‌ବାର୍ ଚେଲ୍‌କାଏତେ ମିଆଁଦ୍‌ନିଃ ଯିହୁଦା ନୁତୁମ୍ ଚେଲ୍‌ ହିଜୁଃୟାନାଏ, ଇନିଃଲଃ ପୁରାଃ ଗାଦେଲ୍ ହଡକ ତାରାଉଡି ଆତଃ ଉଜ୍ଞାଟ୍‌କ ସାବ୍‌କେଦ୍‌ତେ ହିଜୁଃୟାନାକ । ମୁଲ୍ ଯାଜାକ୍‌କ ଆତଃ ପ୍ରାଚିନ୍‌କ ଇନ୍‌କୁକେ କୁଲ୍‌କାଦକ ତାଇକେନା । ୪୮ “ଆଇଜ୍ ଅକ୍‌ନିଃକେ ଚଅଃଇଜ୍ ଇନିଃକେଗି ସାବ୍‌କିତେ ତଲିପେ” ମେନ୍ତେ ୟୀଶୁକେ ସାବ୍‌ରିକାନିଃ ଯିହୁଦା ଏନ୍ ଗାଦେଲ୍ ହଡକକେ ଚିହ୍ନାଁ ଏମାକାଦକ ତାଇକେନାଏ ।

୪୯ ଯିହୁଦା, ୟୀଶୁଆଃ ନାଡେଃ ସେନ୍‌କେଦ୍‌ତେ, “ହେ ଗୁରୁ, ଜହାର୍” ମେତାଇୟାଏ ଆତଃ ଇନିଃକେ ଚଅଃକିୟାଏ ।

୫୦ ୟୀଶୁ କାଜିରୁହାଡକିୟାଏ, “ଏ ଗାତି ଆମ୍ ଅକନ୍ କାମିନାଜ୍ ହିଜୁଆକାନାମ୍ ଏନା ରିକାଧାବେମେ ।”

ଏନ୍ତେ ଇନ୍‌କୁ ନାଡେଃ ହିଜୁଃକେଦ୍‌ତେ ୟୀଶୁକେ ସାବ୍‌କେଦ୍‌ତେ ତଲ୍‌କିୟାଃକ । ୫୧ ୟୀଶୁଲଃ ତାଇକେନ୍ ହଡକଏତେ ମିହୁଡ୍ ଆୟାଃ ତାରାଉଡି ଅଡକ୍‌କେଦ୍‌ତେ ମାରାଜ୍ ଯାଜାକ୍‌ରାଃ ଦାସିଆଃ ଲୁଡୁରକେ ମାଆଃ ଖାଣ୍ଡାଅକେଦାଏ । ୫୨ ୟୀଶୁ ଇନିଃକେ କାଜିକିୟାଏ, “ଆମାଃ ତାରାଉଡିକେ ଖାପ୍‌ରେ ଦହଏମେ, ଚିୟାଃଟି ତାରାଉଡି ସାବ୍‌କେଦ୍‌ତେ କାମିତାନ୍ ସବେନ୍‌କଦ୍ ତାରାଉଡିତେକ ଗଜଃଆ । ୫୩ ଆପେ ଚିନାଃ କାପେ ସାବିତାନା, ଆଇୟାଃ ଆପୁଇଜ୍‌କେ ବିନ୍ତଲେରେ, ଇନିଃ ଚିନାଃ ଆଇୟାଃ ନାଗେନ୍ତେ ଇମ୍ତାଗି ଗେଲ୍‌ବାର୍ ଫାଉଦ୍‌ତାଃଏତେ ଆଦକା ଦୁଡକକେ କାଏ କୁଲ୍‌ଦାଡିୟା ? ୫୪ ମେନ୍‌ଦ ନେ ଲେକାତେ ହବାଅଃଗି ଲାଗାଡିଜ୍‌ୟାଃ ମେନ୍ତେ ଧାରାମ୍‌ପୁଅରେ ଅଲ୍‌କାନ୍‌ତେୟାଃ ଚିଲ୍‌କାତେ ପୁରାଅଃଆ ।”

୫୫ ଏନ୍ ଦିପିଲିରେ ୟୀଶୁ ଗାଦେଲ୍ ହଡକକେ ମେତାଦକଆ, “ଚିୟାଃ କୁମ୍‌ହୁ ଚୁଲକା ସାବିଜ୍ ନାଗେନ୍ତେ ତାରାଉଡିକ ଆତଃ ଉଜ୍ଞାଟ୍‌କ ସାବ୍‌କେଦ୍‌ତେ ହିଜୁଃକାନାପେ ? ଆଇଜ୍ ସବେନ୍ ହୁଲାଇ ମାନ୍‌ଦିର୍ ଅଡ଼ାଃରେ ଦୁବ୍‌କେଦ୍‌ତେ ଇଡୁକ ତାଇକେନାଇଜ୍ ଆତଃ ଆପେ ଆଇଜ୍‌କେ କାପେ ସାବ୍‌କେଦିୟା । ୫୬ ମେନ୍‌ଦ ଧାରାମ୍‌ପୁଅରେ ନାବୀକ ଅଲ୍‌କାଦ୍‌ତେୟାଃ ପୁରାଅଃ ନାଗେନ୍ତେ ନେ ସବେନାଃ ହବାୟାନା ।”

ଏନ୍ତେ ସବେନ୍ ଚେଲ୍‌କା ଇନିଃକେ ବାଗିକିୟାକ ଆତଃ ନିର୍‌ୟାନାକ ।

ଯିହୁଦୀକଆଃ ପାଞ୍ଚେଟ୍‌ରେ ୟୀଶୁଆଃ ବିଚାର୍

(ମାର୍କ ୧୪:୫୩-୬୫; ଲୁକ ୨୨:୫୪-୫୫, ୬୩-୭୧; ଯୋହାନ୍ ୧୮:୧୩, ୧୪, ୧୯-୨୪)

୫୬ ୟୀଶୁକେ ସାବାକାଇ ହଡକ ଇନିଃକେ କାୟ୍‌ଫା ମାରାଜ୍ ଯାଜାକ୍‌ଆଃ ଅଡ଼ାଃତେକ ଇଦିକିୟା, ଏନ୍ତାଃରେ ଆଇନ୍ ଇଡୁକ ଆତଃ ପ୍ରାଚିନ୍‌କ ହୁଣ୍ଡିୟାକାନ୍‌କ ତାଇକେନା । ୫୭ ମେନ୍‌ଦ ପାଡ୍‌ରାସ୍ ସାଜିନ୍‌ଏତେ ମାରାଜ୍ ଯାଜାକ୍‌ଆଃ ଅଡ଼ାଃରାଚା ଜାକେଦ୍ ଅଡକ୍‌କେଦକଆଏ ଆତଃ ଟୁଣ୍ଡୁରେ ଚିନାଃ ହବାଅଆଃ ଏନା ନେନେଲ୍ ନାଗେନ୍ତେ ଇନିଃ ଭିତାର୍ ବଲକେଦ୍‌ତେ ଏନ୍ତାଃରେ ଦାରଖାନ୍‌କଲଃ ଦୁବ୍‌ୟାନାଏ ।

୫୯ ମୁଲ୍ ଯାଜାକ୍‌କ ଆତଃ ଯିହୁଦୀ ପାଞ୍ଚେଟ୍‌ରେନ୍ ସବେନ୍‌କ ୟୀଶୁକେ ଗଗଏଃ ନାଗେନ୍ତେ ହସଡ୍ ଗାଞ୍ଜାକ ଦାଣ୍ଡାବାଡ଼ା ତାଇକେନା । ୬୦ ମେନ୍‌ଦ ପୁରାଃ ହଡକ ହସଡ୍ ଗାଞ୍ଜାକ ଏମ୍‌କେଦ୍‌ରେୟ୍ ଜେଡ୍‌ନାଃ କାକ ନାମ୍‌କେଦା, ଏନ୍ତେ ଟୁଣ୍ଡୁରେ ବାର୍‌ହଡ୍ ଆୟାର୍‌ତେ ହିଜୁଃକେଦ୍‌ତେ କାଜିକେଦାକିନ୍, ୬୧ “ନେ ହଡକ କାଜିକାଦ୍ ତାଇକେନାଏ, ‘ଆଇଜ୍ ପାର୍‌ମେଶ୍‌ବାର୍‌ଆଃ ମାନ୍‌ଦିର୍ ଅଡ଼ାଃକେ ହାଦୁଡକେଦ୍‌ତେ ଆପିମାରେ ଏନାକେ ବାଇରୁହାଡ୍ ଦାଡିୟାଇଜ୍ ।’”

୬୨ ଏନ୍ତେ ମାରାଜ୍ ଯାଜାକ୍ ବିରିଦ୍‌ୟାନାଏ ଆତଃ ୟୀଶୁକେ କାଜିକିୟା, “ନେ ହଡକ ଆମାଃ ବିରୁଧ୍‌ରେ ଗାଞ୍ଜାକ ଏମ୍‌ତାନା, ଆମ୍ ଚିକାନାଜ୍ ଇନ୍‌କୁକେ କାମ୍ କାଜିରୁହାଡକତାନା ?” ୬୩ ମେନ୍‌ଦ ୟୀଶୁ ହାପାକାନ୍ ତାଇକେନାଏ, ଇମ୍‌ତା ମାରାଜ୍ ଯାଜାକ୍ ଆତଃଗି କାଜିକିୟାଏ, “ଆଇଜ୍ ଜାନିଦ୍ ପାର୍‌ମେଶ୍‌ବାର୍‌ଆଃ ନୁଡୁମ୍‌ତେ କିରିୟାନ୍‌ତାନ୍‌ଲଃ କୁଲିମେ ତାନାଇଜ୍, ସାର୍‌ତିଗି କାଜିୟାଲେମ୍, ଆମ୍ ପାର୍‌ମେଶ୍‌ବାର୍‌ଆଃ ହନ୍ ଖ୍ରୀଷ୍ଟ୍ ତାନ୍‌ମେଟି ?”

୬୪ ୟୀଶୁ ଇନିଃକେ କାଜିରୁହାଡକିୟାଏ, “ଆମ୍ ଠାଉକାଗି କାଜିକେଦାମ୍, ମେନ୍‌ଦ ଆଇଜ୍ ଆପେ ସବେନ୍‌କକେ କାଜିୟାପେ ତାନାଇଜ୍, ନାହାଃଏତେ ଆପେ ମାନ୍‌ଖାହନ୍‌କେ ସବେନ୍ ପେଡେୟାନ୍ ପାର୍‌ମେଶ୍‌ବାର୍‌ଆଃ ଜମ୍‌ତିସାଃରେ ଦୁବାକାନ୍ ଆତଃ ସିମ୍‌ରାଃ ରିମିଲ୍‌ରେ ହିଜୁଃତାନ୍‌ପେ ନେଲିୟା ।”

୬୫ ଏନ୍ତେ ମାରାଜ୍ ଯାଜାକ୍ ଆୟାଃ ଲିଜାଃ ଚେଟାଃକେଦ୍‌ତେ କାଜିକେଦାଏ, “ନିଃଦ୍ ପାର୍‌ମେଶ୍‌ବାର୍‌ଆଃ ହିଲାଇକାଜି କାଜିକେଦା, ଆତଃ ଆବୁକେ ଚିକାନ୍ ଗାଞ୍ଜା ଲାଗାଡିଜ୍‌ୟାଃ ? ନେଲେପେ, ଆପେଦ ନାହାଃଗି ପାର୍‌ମେଶ୍‌ବାର୍‌ଆଃ ନିନ୍‌ଦାକାଜିପେ ଆୟୁମ୍‌କେଦା, ୬୬ ଆପେ ଚିନାଃପେ ଉଡ଼ୁତାନା ?”

ଇନ୍‌କୁ କାଜିରୁହାଡକେଦାକ, “ଇନିଃ ଚିଟାକାନ୍‌ନିଃ ତାନିଃ, ଇନିଃକେ ଗଜଃ ଲାଗାଡିଜ୍‌ୟାଃ ।”

୬୭ ଏନ୍ତେ ଇନ୍‌କୁ ଇନିୟାଃ ମେଦ୍‌ମୁହାଡ୍‌ରେ ବେଏକ୍‌କିତେ ଦାଲ୍‌କିୟାକ ଆତଃ ଏଟାଃକ ଆପ୍‌ଡିତାନ୍‌ଲଃ ୨୮ କାଜିକିୟାକ, “ଏ ଖ୍ରୀଷ୍ଟ୍ ! ଆମ୍ ପରେ ନାବୀ ତାନ୍‌ମେ, ମାର୍ କାଜିଲେମେ, ଆମ୍‌କେ ଅକଏ ଦାଲ୍‌ମେତାନାଏ ?”

ପାଡ୍‌ରାସ୍ ୟୀଶୁକେ କାଇଜ୍ ସାରିୟା ମେନ୍ତେ ଦଦାଦ୍‌ୟାନାଏ

(ମାର୍କ ୧୪:୬୬-୭୨; ଲୁକ ୨୨:୫୬-୬୨; ଯୋହାନ୍ ୧୮:୧୫-୧୮, ୨୫-୨୭)

☆ ୨୭:୫୫ ୨୭:୫୫ ଲୁକ ୧୯:୪୭; ୨୧:୩୭. ☆ ୨୭:୬୧ ୨୭:୬୧ ଯୋହାନ୍ ୨:୧୯.

୭୯ ପାତ୍ରରାସ୍ ବାହାରି ଅଡ଼ାଠରାଚାରେ ଦୁବାକାନ୍ ତାଇକେନାଏ, ଏନ୍ତେ ମାରାଙ୍ଗ୍ ଯାଜାକରାଃ ମିଆଁଦ୍ କାମ୍ଡ଼ି ଇନିୟାଃ ନାଡ଼େଃତେ ହିନ୍ଦୁଃକେଦ୍ତେ କାଜିକିୟାଏ, “ଆମ୍ ହ ଗାଲିଲ୍ରେନ୍ ଯୀଶୁଲଃ ତାଇକେନାମ୍ ।”

୮୦ ମେନ୍ଦ୍ ପାତ୍ରରାସ୍ ସବେନ୍କଆଃ ସାମ୍ନାଙ୍ଗ୍ରେ ଦଦାଦ୍*ତାନ୍ଲଃ କାଜିରୁହାଡ଼କିୟାଏ, “ଆମ୍ ଚିନାଃମ୍ କାଜିତାନା ଆଇଙ୍ଗ୍ କାଇଙ୍ଗ୍ ସାରିୟା ।” ୭୧ ଆଡ଼ଃ ଇନିଃ ବାହାରି ଅଡ଼ାଠରାଚାରେୟାଃ ବଲଦୁଆର୍ତାଃତେ ସେନଃୟାନା । ଆଡ଼ଃମିଆଁଦ୍ କାମ୍ଡ଼ି ଇନିଃକେ ନେଲ୍କେଦ୍ତେ ଏନ୍ତାଃରେ ତାଇକାନ୍ ହଡ଼କକେ ମେତାଦ୍କଆ, “ନିଃଦ୍ ନାଜ୍ରେଡ଼ରେନ୍ ଯୀଶୁଲଃ ତାଇକେନାଏ ।”

୭୨ ଇନିଃ ଆଡ଼ଃମିସା କିରିୟାତାନ୍ଲଃ ଦଦାଦ୍ୟାନାଏ ଆଡ଼ଃ କାଜିକେଦାଏ, “ଆଇଙ୍ଗ୍ ଏନ୍ ହଡ଼କେ କାଇଙ୍ଗ୍ ସାରିୟା ।”

୭୩ ଘାଡ଼ିକାଦ୍ ତାୟମ୍ତେ ନାଡ଼େଃରେ ତିଙ୍ଗୁଆକାନ୍କ ପାତ୍ରରାସ୍ତାଃତେ ସେନ୍କେଦ୍ତେ କାଜିକିୟାକ, “ଆମ୍ ହ ସାର୍ତିଗି ଇନ୍କୁଏତେ ମିଆଁଦ୍ନିଃ ତାନ୍ମେ, ଚିୟାଃଚି ଆମାଃ ଜାଗାର୍ ଉଦୁବେତାନା ।”

୭୪ ଏନ୍ତେ ପାତ୍ରରାସ୍ କାଜିକେଦାଏ, “ଆଇଙ୍ଗ୍ କିରିୟାକେଦ୍ତେ ସାର୍ତିଗି କାଜିତାନାଇଙ୍ଗ୍, କାହାରେଦ୍ ପାର୍ମେଶ୍ୱାର୍ ଆଇଙ୍ଗ୍କେ ସାଜାଇ ଏମାଇଙ୍ଗ୍କାଏ, ଆଇଙ୍ଗ୍ ଏନ୍ ହଡ଼କେ କାଇଙ୍ଗ୍ ସାରିୟା,”

ଇମ୍ତାଙ୍ଗ୍ ସାଣ୍ଡିସିମ୍ ରାଆଃକେଦାଏ, ୭୫ ଆଡ଼ଃ “ସାଣ୍ଡିସିମ୍ ଆଉରି ରାଆଃ ସିଦାରେ ଆମ୍ ଆଇଙ୍ଗ୍କେ ଆପିସା କାଇଙ୍ଗ୍ ସାରିୟା ମେନ୍ତେ କାଜିୟାମ୍” ମେନ୍ତେ ଯୀଶୁ କାଜିକାଇ କାଜିକେ ପାତ୍ରରାସ୍ ପାହାମ୍କେଦାଏ ଆଡ଼ଃ ଇନିଃ ଅଡ଼ଙ୍ଗ୍କେଦ୍ତେ କୁସୁଦ୍ କୁସୁଦ୍ତାନ୍ ରାଆଃକେଦାଏ ।

୨୭

ୟୀଶୁକେ ପିଲାତୁସ୍ତାଃତେ ଇଦିକିୟାକ

(ମାର୍କ ୧୫:୧; ଲୁକ ୨୩:୧-୨; ଯୋହାନ୍ ୧୮:୨୮-୩୨)

୧ ସେତାଃ ଇଦାନ୍ରେ ସବେନ୍ ମୁଲ୍ ଯାଜାକ୍ ଆଡ଼ଃ ହଡ଼କଆଃ ପ୍ରାଚିନ୍କ ଯୀଶୁକେ ଗଜି ନାଗେନ୍ତେକ ରଜୋଟକେଦା । ୨ ଇନ୍କୁ ଯୀଶୁକେ ସିକ୍ଡିତେ ତଲ୍କେଦ୍ତେ ରୋମିରେନ୍ ଲାଟ୍ସାହେବ୍ ପିଲାତୁସ୍ତାଃରେକ ଜିମାକିୟା ।

ସିହୁଦାରାଃ ଗନଏଃ

(ପ୍ରେରିଡ଼ ୧:୧୮-୧୯)

୩ ☆ବାଇରିକଆଃ ତିଃଇରେ ସାବ୍ରିକାକାଇ ସିହୁଦା, ଯୀଶୁଆଃ ଗନଏଃ ସାଜାଇରେୟାଃ ବିଚାର୍ ଆୟୁମ୍କେଦ୍ତେ ହେୟାଡ଼ିଙ୍ଗ୍କେଦା ଆଡ଼ଃ ଏନ୍ ତିରିଶ୍ତୁ ରୁପା ସିକା ରୁହାଡ଼୍ ନାଗେନ୍ତେ ମୁଲ୍ ଯାଜାକ୍ ଆଡ଼ଃ ପ୍ରାଚିନ୍କତାଃ ଆଡ଼କେଦାଏ । ୪ ଆଡ଼ଃ କାଜିକେଦାଏ, “ଆଇଙ୍ଗ୍ ମିହୁଡ଼୍ କା ଚିଟାଃଅ ହଡ଼କେ ଗଏଃ ନାଗେନ୍ତେ ବାଇରିକଆଃ ତିଃଇରେ ଜିମାକେଦ୍ତେ ପାପ୍କାଦାଇଙ୍ଗ୍,”

ମେନ୍ଦ୍ ଇନ୍କୁ କାଜିରୁହାଡ଼କିୟାକ, “ଏନାରେ ଆଲେ ଚିନାଃ ଚିକାୟାଲେ ? ଏନା ଆମ୍ଗି ସାରିମେ !”

୫ ସିହୁଦା ଏନ୍ ସିକାକେ ମାନ୍ଦିର୍ ଅଡ଼ାଃରେ ହୁଦ୍ମାକେଦ୍ତେ ସେନଃୟାନା ଆଡ଼ଃ ଆଇଃକ୍ଚି ହାକା ଗଏଃୟାନାଏ ।

୬ ମୁଲ୍ ଯାଜାକ୍ ଏନ୍ ସିକା ଆଡ଼କେଦ୍ତେ କାଜିକେଦାକ, “ନେଆଁଦ୍ ମାୟୋମ୍ରେୟାଃ ଟାକା ତାନାଃ, ଆଇନ୍ ଲେକାତେ ନେଆଁକେ ମାନ୍ଦିର୍ ଅଡ଼ାଃରେୟାଃ ଖୁର୍ ଅଡ଼ାଃରେ ଦହ ନାଙ୍ଗ୍ କା ବୁଗିନାଃ ।” ୭ ଏନ୍ତେ ଇନ୍କୁ ନେ ବିଷାଏରେ ସାଲ୍ହାକେଦ୍ତେ, ଏଟାଃ ଦିଶୁମ୍ରେନ୍କକେ ତପାକ ନାଗେନ୍ତେ ଏନ୍ ଟାକାତେ କୁମ୍ପାର୍ଆଃ ଅଡ଼କେ କିରିଙ୍ଗ୍କେଦାକ । ୮ ଏନାମେନ୍ତେ ଏନ୍ ଅଡ଼କେ ତସିଙ୍ଗ୍ ଜାକେଦ୍ “ମାୟୋମ୍ରେୟାଃ ଅଡ଼େ” ମେନ୍ତେକ କାଜିତାନା ।

୯ ଏନ୍ତେ ନେ ବିଷାଏରେ ଯିରିମିୟ ନାବୀ କାଜିକାଦ୍ କାଜି ପୁରାୟାନା, “ଇସ୍ରାଏଲ୍ରେନ୍ ହଡ଼କ ଇନିୟାଃ ନାଙ୍ଗ୍ ଠାହାରାଅକାଦ୍ ଗନଙ୍ଗ୍କେ ଚାଏ ଏନ୍ ତିରିଶ୍ତୁ ରୁପା ସିକା ଇଦିକେଦ୍ତେ, ୧୦ ଆଇଁୟାଃ ପ୍ରାଭୁଆଃ ଆରୁ ଲେକା ଇନ୍କୁ କୁମ୍ପାର୍ଆଃ ଅଡ଼କେ କିରିଙ୍ଗ୍କେଦା ।”

ୟୀଶୁକେ ପିଲାତୁସ୍ତାଃ କୁନୁଲି

(ମାର୍କ ୧୫:୨-୫; ଲୁକ ୨୩:୩-୫; ଯୋହାନ୍ ୧୮:୩୩-୩୮)

୧୧ ଯୀଶୁକେ ରୋମିରେନ୍ ଲାଟ୍ସାହେବ୍ ପିଲାତୁସ୍ତାଃ ସାମ୍ନାଙ୍ଗ୍ରେ ତିଙ୍ଗୁକିୟାକ, ଆଡ଼ଃ ଲାଟ୍ସାହେବ୍ ଇନିଃକେ କୁଲିକିୟାଏ, “ଆମ୍ ସିହୁଦୀକଆଃ ରାଜା ତାନ୍ମେଚି ?”

ୟୀଶୁ କାଜିରୁହାଡ଼କିୟାଏ, “ହେଗି, ଆମ୍ଗି କାଜିତାନାମ୍ ।” ୧୨ ମୁଲ୍ ଯାଜାକ୍ ଆଡ଼ଃ ପ୍ରାଚିନ୍କ ଇନିଃକେ ଚିଟାଇତାନ୍ ଇମ୍ତା ଇନିଃ ଜେଡ୍ନାଃ କାଏ କାଜିରୁହାଡ଼କେଦା ।

୧୩ ଏନ୍ତେ ପିଲାତୁସ୍ ଇନିଃକେ କାଜିକିୟାଏ, “ଇନ୍କୁ ଆମାଃ ବିରୁଧ୍ରେ ଚିଟାନାଙ୍ଗ୍ ପୁରାଃ ଗାଞ୍ଜାକ ଏମ୍ତାନା ଏନା ଚିନାଃ କାମ୍ ଆୟୁମେତାନା ?”

୧୪ ମେନ୍ଦ୍ ଯୀଶୁ ମିଆଁଦ୍ କାଜିୟ କାଏ କାଜିକେଦା, ଏନାମେନ୍ତେ ଲାଟ୍ସାହେବ୍ ପୁରାଃଗି ଆକ୍ଦାନ୍ଦାୟାନା ।

* ୨୭:୨୦ ୨୭:୨୦ ଅସ୍ୱାକାର୍ ☆ ୨୭:୩ ୨୭:୩ ପ୍ରେରିଡ଼ ୧:୧୮,୧୯.

ୟୀଶୁଆଃ ଗନଏଃ ବିଚାର

(ମାର୍କ ୧୫:୬-୧୫; ଲୁକ ୨୩:୧୩-୨୫; ଯୋହାନ୍ ୧୮:୩୯-୧୯:୧୭)

୧୫ ରୋମିରେନ୍ ଲାଟ୍‌ସାହେବ୍‌ଆଃ ରିତିଲେକାତେ ପାସ୍କା ପାରାବ୍ ଦିପିଲିରେ ଗାଦେଲ୍ ହଡକଆଃ ମନେଲେକା ମିଆଁଦ୍ ଜେହେଲ୍‌କାନିଃକେ ଇନ୍‌କୁଆଃ ନାଗେନ୍ତେ ଆଡାଗାକତାନ୍ ତାଇକେନାଏ । ୧୬ ଏନ୍ ଦିପିଲିରେ ବାରବ୍‌ବା* ନୁତୁମ୍ ମିଆଁଦ୍ ନାମିକୁମ୍‌ତୁ ଜେହେଲ୍‌ରେ ତାଇକେନାଏ । ୧୭ ଏନ୍ତେ ଇନ୍‌କୁ ହୁଣ୍ଡିକାନ୍ ତାଇକେନ୍ ଇମ୍‌ତା ପିଲାତୁସ୍ ଇନ୍‌କୁକେ କୁଲିକେଦକଆଏ, “ଆଇଙ୍ଗ୍ ଆପେୟାଃ ନାଗେନ୍ତେ ଅକଏକେଇଙ୍ଗ୍ ଆଡ଼ାଃଇୟା ମେନ୍ତେପେ ସାନାଙ୍ଗ୍‌ତାନା ? ବାରବ୍‌ବାକେ ଚି ଖ୍ରୀଷ୍ଟ୍ ନୁତୁମ୍‌ତାନ୍ ଯୀଶୁକେ ?” ୧୮ ଚିୟାଃଚି ଯିହୁଦୀକଆଃ ପ୍ରାଚିନ୍‌କ ହିସ୍‌ଙ୍ଗାତେ ଇନିଃକେକ ଜିମାକିୟା, ଏନା ପିଲାତୁସ୍ ସାରିତାଇକେନାଏ ।

୧୯ ପିଲାତୁସ୍ ବିଚାର ଠାୟାଦ୍‌ରେ ଦୁବାକାନ୍ ତାଇକେନ୍ ଇମ୍‌ତା ଆୟାଃ କୁଡ଼ି, “ଏନ୍ ଧାର୍‌ମାନ୍ ହଡକେ ଜେଡ୍‌ନାଃ ଆଲମ୍ ରିକାଇୟା, ଚିୟାଃଚି ଇନିୟାଃ ନାଗେନ୍ତେ ଆଇଙ୍ଗ୍ କୁମ୍‌ରେ ତିସିଙ୍ଗ୍ ନିଦାରେ ପୁରାଃଚି ଦୁକୁଇଙ୍ଗ୍ ନାମାକାଦା” ମେନ୍ତେ କାଜି କୁଲିକେଦାଏ ।

୨୦ ମେନ୍‌ଦ ମୁଲ୍ ଯାଜାକ୍‌କ ଆଡ଼ଃ ପ୍ରାଚିନ୍‌କ ବାରବ୍‌ବାକେ ଆସି ନାଙ୍ଗ୍ ଆଡ଼ଃ ଯୀଶୁକେ ଗଜି ନାଗେନ୍ତେ ଗାଦେଲ୍ ହଡକକେ ଉସ୍‌କୁରକେଦକଆକ । ୨୧ ମେନ୍‌ଦ ରୋମିରେନ୍ ଲାଟ୍‌ସାହେବ୍ ଗାଦେଲ୍ ହଡକକେ କୁଲିକେଦକଆଏ, “ନେ ବାରାନ୍‌କିନ୍‌ଏତେ ଆପେୟାଃ ନାଗେନ୍ତେ ଅକଏକେଇଙ୍ଗ୍ ଆଡ଼ାଃଇୟା ମେନ୍ତେପେ ସାନାଙ୍ଗ୍‌ତାନା ?”

ଇନ୍‌କୁ “ବାରବ୍‌ବାକେ” ମେନ୍ତେକ କାଜିରୁହାଡ଼କିୟା ।

୨୨ ପିଲାତୁସ୍ ଇନ୍‌କୁକେ କୁଲିକେଦକଆଏ, “ଖ୍ରୀଷ୍ଟ୍ ନୁତୁମ୍ ଯୀଶୁକେ ଆଇଙ୍ଗ୍ ଚିନାଃ ଚିକାଇୟାଇଙ୍ଗ୍ ?”

ଇନ୍‌କୁ ସବେନ୍‌କ କାଉରିକେଦ୍‌ତେ କାଜିରୁହାଡ଼କିୟା, “ଇନିଃକେ କୁଣ୍ଡରେ କିଲାଇମେ ।”

୨୩ ମେନ୍‌ଦ ପିଲାତୁସ୍ ଇନ୍‌କୁକେ କୁଲିକେଦକଆଏ, “ଚିକାନାଙ୍ଗ୍ ଇନିଃ କିଲାଞ୍ଜାଏଃ ଚିକାନ୍ ଗୁଣ୍ଡାଁ ରିକାକାଦାଏ ?”

ମେନ୍‌ଦ ଇନ୍‌କୁ ପୁରାଃତେକ କାଉରିକେଦା, “କୁଣ୍ଡରେ କିଲାଅଃକାଏ ।”

୨୪ ଏନ୍ତେ ପିଲାତୁସ୍ ଜେଡ୍‌ନାଃ ରିକା କାଏ ଦାଡ଼ିକେନା, ମେନ୍‌ଦ ଆଦକା ପୁରାଃ ହାଲାଗୁଲାଅଃତାନା, ନେଆଁ ଆଟ୍‌କାରକେଦ୍‌ତେ ଦାଆଃ ଆଉକେଦାଏ ଆଡ଼ଃ ଗାଦେଲ୍ ହଡକଆଃ ସାମ୍‌ନାଙ୍ଗ୍‌ରେ ଆୟାଃ ତିଃଇ ଆବୁଙ୍ଗ୍‌କେଦ୍‌ତେ କାଜିକେଦାଏ, “ନେ ହଡକଆଃ ଗନଏଃ ମାୟୋମ୍‌ରେ ଆଇଙ୍ଗ୍ କାଇଙ୍ଗ୍ ଚିଟାନାଃ, ଏନା ଆପେୟାଃ କାମିତାନାଃ ।”

୨୫ ସବେନ୍ ହଡକ କାଜିରୁହାଡ଼କିୟାକ, “ୟୀଶୁଆଃ ଗନଏଃରାଃ ଗୁଣ୍ଡାଁ ଆଲେୟାଃରେ ଆଡ଼ଃ ଆଲେୟାଃ ହନ୍‌କଆଃରେ ଠଗଃକା ।”

୨୬ ଏନ୍ତେ ପିଲାତୁସ୍ ବାରବ୍‌ବାକେ ଇନ୍‌କୁ ନାଗେନ୍ତେ ଆଡ଼ାଃକିୟା, ମେନ୍‌ଦ ଯୀଶୁକେ ହାଁଶ୍‌ସା ରିକାକେଦ୍‌ତେ କୁଣ୍ଡରେ କିଲାଅଃକାଏ ମେନ୍ତେ ସିପାଇକଆଃ ତିଃଇରେ ଜିମାକିୟାଏ ।

ୟୀଶୁକେ ସିପାଇକ ଲାୟାଇତାନା

(ମାର୍କ ୧୫:୧୭-୨୦; ଯୋହାନ୍ ୧୯:୨-୩)

୨୭ ଏନ୍ତେ ପିଲାତୁସ୍‌ଆଃ ସିପାଇକ ଯୀଶୁକେ ରୋମିରେନ୍ ଲାଟ୍‌ସାହେବ୍‌ଆଃ ଅଡ଼ାଃ ଭିତାର୍‌ତେ ଇଦିକେଦ୍‌ତେ ଗଟା ପାଲ୍‌ଟାନ୍‌କରେନ୍‌କକେ ହୁଣ୍ଡିକେଦକଆକ । ୨୮ ଇନ୍‌କୁ ଇନିୟାଃ ଲିଜାଃ ହଲେଃକ୍‌କେଦ୍‌ତେ ଇନିଃକେ ମିଆଁଦ୍ ବାଇଗିନିଆ ଲିଜାଃକ ତୁସିଙ୍ଗ୍‌କିୟା । ୨୯ ଏନ୍ତେ ଜାନୁମ୍ କଡ ଗାଲାଙ୍ଗ୍‌କେଦ୍‌ତେ ମୁକୁଟ୍‌କ ବାଇକେଦା ଏନ୍ତେ ଇନିୟାଃ ବହଃରେକ ଟୁପୁରିକିଆ ଆଡ଼ଃ ଇନିୟାଃ ଜମ୍ ତିଃଇରେ ମିଆଁଦ୍ ସଟାକ ଏମ୍‌କିୟା ଆଡ଼ଃ ଇନିୟାଃ ଆୟାଃରେ ଇକ୍‌ଡୁମ୍‌କେଦ୍‌ତେ, “ଏ ଯିହୁଦୀକଆଃ ରାଜା ଜାନାଅ ଜାକେଦ୍ ତାଇନ୍‌ମେ” ମେନ୍ତେ କାଜିକେଦ୍‌ତେ ଇନିଃକେକ ଲାୟାକିୟା । ୩୦ ଆଡ଼ଃ ଇନ୍‌କୁ ଇନିଃକେ ବେଏକ୍‌କିୟାକ ଆଡ଼ଃ ଏନ୍ ପାଇପ୍ ଇଦିକେଦ୍‌ତେ ଇନିୟାଃ ବହଃରେକ ଦାଲ୍‌କିୟା । ୩୧ ଇନ୍‌କୁ ଇନିଃକେ ଲାୟା ଚାବାକିତେ, ଏନ୍ ଲିଜାଃକ ହଲେଃକ୍‌କେଦା ଆଡ଼ଃ ଆୟାଃ ଲିଜାଃ ତୁସିଙ୍ଗ୍‌କିତେ କୁଣ୍ଡରେ କିଲାଇ ନାଗେନ୍ତେକ ଇଦିକିୟା ।

ୟୀଶୁ କିଲାୟାନାଏ

(ମାର୍କ ୧୫:୨୧-୩୨; ଲୁକ ୨୩:୨୭-୪୩; ଯୋହାନ୍ ୧୯:୧୭-୨୭)

୩୨ ଇନ୍‌କୁ ସାହାର୍‌ଏତେ ସେନଃତାନ୍ ତାଇକେନ୍ ଇମ୍‌ତାଗି ଶିମୋନ୍ ନୁତୁମ୍ କୁରିନି ସାହାର୍‌ରେନ୍ ମିଆଁଦ୍ ହଡକେ ନେଲ୍‌କେଦ୍‌ତେ ଯୀଶୁଆଃ କୁଣ୍ଡ ଗଅଃ ନାଗେନ୍ତେ ଇନିଃକେ ଜାବାର୍‌ଜାସ୍‌କିୟାକ । ୩୩ ଇନ୍‌କୁ ଗାଲ୍‌ଗାଆ, ନେଆଁରାଃ ମୁଣ୍ଡିଦ୍ “ବହଃଜାଙ୍ଗ୍” ନୁତୁମ୍ ମିଆଁଦ୍ ଠାୟାଦ୍‌ତେକ ହିଜୁଃୟାନା । ୩୪ ଏନ୍ତାଃରେ ଇନ୍‌କୁ ଇନିଃକେ ମେହେର୍‌ତେଆଃ ମେସାକାନ୍ ଦାଖ୍‌ରାସି ନୁଇ ନାଗେନ୍ତେକ ଏମ୍‌କିୟା, ମେନ୍‌ଦ ଇନିଃ ଏନାକେ ଚାଖାଅକେଦ୍‌ତେ ନୁଁ କାଏ ଦାଡ଼ିକେନା ।

୩୫ ଇନ୍‌କୁ ଯୀଶୁକେ କୁଣ୍ଡରେ କିଲାକିୟାକ, ଏନ୍ତେ ଇନିୟାଃ ଲିଜାଃକକେ ଇଦି ନାଗେନ୍ତେ ଚିଠା ଉୟୁଃକେଦାକ ଆଡ଼ଃ ଲିଜାଃତାୟାଃ ହାଟିଙ୍ଗ୍‌କେଦାକ । ୩୬ ଏନ୍ ତାୟମ୍‌ତେ ଇନ୍‌କୁ ଏନ୍ତାଃରେ ଦୁବ୍‌କେଦ୍‌ତେ ଇନିଃକେକ ହରକିୟା

* ୨୭:୧୭ ୨୭:୧୭ ଚିମିନ୍ ମାରି ଅନଲ୍‌ରେ ଇନିୟାଃ ନୁତୁମ୍ ଯୀଶୁ ବାରବ୍‌ବାସ୍ ଅଲ୍‌କାନା

। ୩୭ ଆତ୍ମ ଆତ୍ମ ଇନିୟାସ ବହଃ ଚେତାନରେ ଇନକୁ “ନିଃ ଯିହୁଦୀକଆଃ ରାଜା ଯୀଶୁ ତାନିଃ,” ମେନ୍ତେ ଆୟାଃ ବିରୁଧରେ ମିଆଁଦ୍ ଚିଠାଅନଲରେ ଅଲକେଦତେ ହାକାକେଦାକ । ୩୮ ଏନ୍ତେ ଇନିଃଲଃ ବାରହଡ୍, ରେରେଃକକିନକେ କୁଶ୍ରେକ କିଲକେଦକିନା ମିଆଁଦ୍ନିଃକେ ଜମ୍ଵାଃରାଃ କୁଶ୍ରେ ଆତ୍ମମିଆଁଦ୍ନିଃକେ ଲେକାତିସାଃରାଃ କୁଶ୍ରେ ।

୩୯ ଆତ୍ମ ଏନ୍ ହରାରେ ସେନ୍ପାରମଃତାନ ହଡକ ଆକଆଃ ବହଃ ହିଲାଅକେଦତେ ଯୀଶୁକେ ନିନ୍ଦାତାନଲଃ ଲାନ୍ଦାକିୟାକ, ୪୦ *ଆତ୍ମ କାଜି ଏଚେଦକେଦାକ, “ବାଃରେ, ମାନ୍ଦିର୍ ହାଦୁଡ୍ନିଃ ଆତ୍ମ ଆପିମାରେ ବାଈରୁହାଡ୍ନିଃ, ଆମ୍ ପାର୍ମେଶ୍ଵାର୍ଆଃ ହନ୍ତାନମେରେଦ ମାର୍ କୁଶ୍ଏତେ ଆଡ୍ଗୁନ୍ମେ ଆତ୍ମ ବାଞ୍ଚାଅଏନ୍ମେ ।”

୪୧ ଏନ୍ ଲେକାଗି ମୁଲ୍ ଯାଜାକକ, ଆଇନ୍ ଇଡୁକ ଆତ୍ମ ପ୍ରାଚିନ୍ଦକ ସବେନ୍ ଲାନ୍ଦାକିୟାକ, ୪୨ ଆତ୍ମ କାଜିକିୟାକ, “ଇନିଃଦ ଏଟାଃକକେ ବାଞ୍ଚାଅକେଦକଆଏ, ମେନ୍ଦ ଇନିଃ ଆଇଃକଗି ବାଞ୍ଚାଞ୍ଜେନ୍ କାଏ ଦାଡିତାନ୍ । ଇନିଃ ଇସ୍ରାଏଲରେନ୍ ରାଜା ତାନିଃରେଦ ନାହାଃଗି କୁଶ୍ଏତେ ଆଡ୍ଗୁନ୍କାଏ, ଆତ୍ମ ଆବୁ ସବେନ୍ଦକ ଏନା ନେଲକେଦତେ ଇନିଃରେବୁ ବିଶ୍ଵାସେତେୟାଃ । ୪୩ ଇନିଃଦ ଆଇଃକଗି ପାର୍ମେଶ୍ଵାର୍ଆଃ ହନ୍ତାନିଜ୍ ମେନ୍ତେ କାଜିୟାଃଏ ଆତ୍ମ ପାର୍ମେଶ୍ଵାର୍ତାଃରେ ଭାର୍ଯ୍ୟାକାଦାଏ । ଠାଉକାଗିୟା, ପାର୍ମେଶ୍ଵାର୍ ଇନିଃକେ ବାଞ୍ଚାଅ ସାନାଙ୍ଗତାନାଏ ଚି କାହା ଏନା ମାର୍ବୁ ନେଲେୟା ।”

୪୪ ଆତ୍ମ ଇନିଃଲଃ କୁଶ୍ରେ କିଲକାନ୍ ଏଡକାନ୍ କାମିକିନ୍ହଗି ନେ ଲେକାଗି ଇନିଃକେକିନ୍ ଲାନ୍ଦାକିୟା ।

ୟୀଶୁଆଃ ଗନଏଃ

(ମାର୍କ ୧୫:୩୩-୪୧; ଲୁକ ୨୩:୪୪-୪୯; ଯୋହାନ୍ ୧୯:୨୮-୩୦)

୪୫ ଡିକିନ୍ସିଲ୍ଏତେ ତାର୍ସିଜ୍ ତିନ୍ଦାଣ୍ଟା ଜାକେଦ୍ ଗଟା ଦିଶୁମ୍ ନୁବାଃୟାନା । ୪୬ ତାର୍ସିଜ୍ ତିନ୍ଦାଜେ ଇମ୍ତାକ ଯୀଶୁ ପୁରାଃତେ କାଉରିକେଦତେ କାଜିକେଦାଏ, “ଏଲୋଇ, ଏଲୋଇ, ଲାମା ସାବାକ୍ଆନି ?” ଏନାରାଃ ମୁଣ୍ଡିଦ୍, “ଏ ଆଇୟାଃ ପାର୍ମେଶ୍ଵାର୍, ଏ ଆଇୟାଃ ପାର୍ମେଶ୍ଵାର୍ ଚିନାଃମେନ୍ତେ ଆଇଙ୍ଗକେ ବାଗିକିଦିୟାମ୍ ?”

୪୭ ଏନ୍ତାଃରେ ଡିଙ୍ଗୁଆକାନ୍ ଚିମିନ୍ ହଡକ ନେଆଁ ଆୟୁମ୍କେଦତେ, “ଇନିଃ ଏଲିୟକେ ହାକାଅତାନା” ମେନ୍ତେକ କାଜିକେଦା । ୪୮ ଇନକୁଏତେ ମିଆଁଦ୍ନିଃ ନିର୍ଧାବକେଦତେ ସ୍ଵଞ୍ଜକେ ସାବକେଦାଏ ଆତ୍ମ ମେହେର୍ ରାସିରେ ତୁପୁକେଦତେ ମିଆଁଦ୍ ଜିଲିଜ୍ ସଟାରେୟାଃ ଚୁଟିରେ ଗୁଡୁକେଦାଏ, ଏନ୍ତେ ଇନିଃକେ ନୁଁ ନାଗେନ୍ତେ ଏମ୍କିୟାଏ ।

୪୯ ମେନ୍ଦ ଏଟାଃକ କାଜିକେଦା, “ରାହା, ନାହାଃ ଏଲିୟ ଇନିଃକେ ବାଞ୍ଚାଅ ନାଗେନ୍ତେ ହିଜୁଃଆଏ ଚି କାହା ଏନାବୁ ନେଲେୟା ।”

୫୦ ଯୀଶୁ ଆତ୍ମମିସା ପୁରାଃଗି କାଉରିକେଦାଏ ଆତ୍ମ ଜୀଉତାୟାଃ ଅତଙ୍ଗୟାନା ।

୫୧ ଏନ୍ତେ ମାନ୍ଦିର୍ ଅଡାଃରେ ହାକାକାନ୍ ହାନାଟିଙ୍ଗ୍ ଦାନାଙ୍ଗଲିଜାଃ ଚେତାନଏତେ ଲାତାର୍ ଜାକେଦ୍ ଆଲାରେ ବାର୍ ହିସା ଚାଗାଡ୍ୟାନା ଆତ୍ମ ଅତେ ଏକ୍ଲାଅକେଦତେ ଚାଚେନ୍ଦକ ଫାଡାଃୟାନା । ୫୨ ଆତ୍ମ ଚିମିନ୍ ତପାଗାଡାକ ଅଟାଃୟାନା ଆତ୍ମ ପାର୍ମେଶ୍ଵାର୍ଆଃ ଚିମିନ୍ ଗଜାକାନ୍ ପାବିତାର୍ ହଡକଆଃ ହଡ଼ମ୍ ଜୀଉବିରିଦ୍ୟାନା । ୫୩ ଆତ୍ମ ଇନକୁ ତପାଗାଡା ବାଗିକେଦତେ ଯୀଶୁଆଃ ଜୀଉବିନିରିଦ୍ ତାୟମ୍ତେ ପାବିତାର୍ ନାଗାର୍ ଯୀରୁଶାଲେମ୍ତେ ସେନଃୟାନାକ । ଏନା ପୁରାଃ ହଡକ ଇନକୁକେ ନେଲକେଦକଆକ ।

୫୪ ମିଦ୍ଶାଅ ସିପାଇକଆଃ ଗମ୍କେ ଆତ୍ମ ଆୟାଃଲଃ ଯୀଶୁକେ ହରଇତାନ୍ଦକ ଅତେ ଏକ୍ଲାଅଃତେୟାଃ ଆତ୍ମ ସବେନ୍ ହବାୟାନ୍ତେୟାଃକ ନେଲକେଦତେ ପୁରାଃଗିକ ବରକେଦା ଆତ୍ମ ଆକ୍ଦାନ୍ଦାଅଃତାନଲଃ କାଜିକେଦାକ, “ସାର୍ଡିଗି ନେ ହଡ ପାର୍ମେଶ୍ଵାର୍ଆଃ ହନ୍ଗି ତାଇକେନାଏ ।”

୫୫ *ଏନ୍ତାଃରେ ଯୀଶୁକେ ଦେଙ୍ଗାକାଇ ପୁରାଃ କୁଡିକ ସାଜିନ୍ଏତେ ନେଲି ତାଇକେନାକ । ଇନକୁ ଗାଲିଲ୍ଏତେ ଅତଙ୍ଗଆଉକାଇ ତାଇକେନାକ । ୫୬ ଇନକୁଏତେ, ମାଗ୍ଦାଲିନି ମାରିୟାମ୍, ଯାକୁବ୍ ଆତ୍ମ ଯୋଷେଫ୍ଆଃ ଏଙ୍ଗାତେ ମାରିୟାମ୍ ଆତ୍ମ ଜେବଦାୟାଃ ହନ୍ଦକଆଃ ଏଙ୍ଗାତେ, ନେ ସବେନ୍ଦକ ତାଇକେନା ।

ୟୀଶୁଆଃ ତପାଅଃ

(ମାର୍କ ୧୫:୪୨-୪୬; ଲୁକ ୨୩:୫୦-୫୬; ଯୋହାନ୍ ୧୯:୩୮-୪୨)

୫୬ ଆୟୁବ୍ୟାନ୍ତି ହାରାମାୟା ସାହାର୍ରେନ୍ ଯୋଷେଫ୍ ନୁଡୁମ୍ ମିଆଁଦ୍ କିସାଁଣ୍ ହଡ ହିଜୁଃୟାନାଏ, ଇନିଃହଗି ଯୀଶୁଆଃ ମିଆଁଦ୍ ଚେଲା ତାଇକେନାଏ । ୫୭ ଇନିଃ ପିଲାତୁସ୍ତାଃତେ ସେନ୍କେଦତେ ଯୀଶୁଆଃ ଗଏଃହଡ଼ମ୍ ଆସିକିୟାଏ, ଏନ୍ତେ ପିଲାତୁସ୍ ଇନିୟାଃ ଗଏଃହଡ଼ମ୍ ଏମାଲ ନାଗେନ୍ତେ ଆଡୁକେଦକଆ । ୫୮ ଆତ୍ମ ଯୋଷେଫ୍ ଯୀଶୁଆଃ ଗନଏଃ ହଡ଼ମ୍ ଆଉକେଦତେ ଫାର୍ଟି ନିରାଲ୍ ଲିଜାଃତେ ପଟମ୍କେଦାଏ । ୫୯ ଆତ୍ମ ଇନିଃ ଆୟାଃ ନାଗେନ୍ତେ ଚାଚେନ୍ଦରେ ଉରାକାନ୍ ନାଞ୍ଜା ତପାଗାଡାରେ ଇନିଃକେ ଦହକିୟାଏ ଆତ୍ମ ତପାଗାଡା ଦୁଆର୍ରେ ମିଆଁଦ୍ ମାରାଙ୍ଗ୍ ଦିରିତେ ବାଗିକେସେଦକେଦତେ ସେନଃୟାନାଏ । ୬୦ ଆତ୍ମ ମାଗ୍ଦାଲିନି ମାରିୟାମ୍ ଆତ୍ମ ଏଟାଃ ମାରିୟାମ୍ ତପାଗାଡା ହେପାଦ୍ରେ ଦୁବ୍ୟାନାକିନ୍ ।

ତପାଗାଡାଃରେ ଦାରଞ୍ଜାନ୍ଦକ

* ୨୭:୪୦ ୨୭:୪୦ ମାଥୁର ୨୭:୨୧; ଯୋହାନ୍ ୨:୧୯. * ୨୭:୫୫ ୨୭:୫୫ ଲୁକ ୮:୨,୩.

୨୭ ଏଗାଃ ହୁଲାଙ୍ଗ, ଅକ୍ନାଃଟି ରୁଡ଼ନୁହୁଲାଙ୍ଗରେ ମୁଲ୍ ଯାଜାକ୍ ଆଡ଼ଃ ଫାରୁଗୀକ ପିଲାତୁସ୍ତାଃତେ ସେନଃୟାନାକ
 ୨୩ *ଆଡ଼ଃ କାଜିକିୟାକ, “ହେ ଗମ୍ବେ, ଆଲେ ନାହାଁଃ ଜାକେଦ୍ ପାହାମକାଦାଲେ ଏନ୍ ବେଦାନିଃ ଜାନିଦ୍ ତାଇକେନ୍ରେ
 ‘ଆଇଙ୍ଗ୍ ଆପିମା ତାୟମ୍ବେ ଜୀଉବିରିଦାଇଙ୍ଗ୍’ ମେନ୍ତେ କାଜିକାଦ୍ ତାଇକେନାଏ । ୨୪ ଏନା ନାଗେନ୍ତେ ତପାଗାଡ଼ାକେ
 ଆପିମା ଜାକେଦ୍ ହର ନାଗେନ୍ତେ ଆରୁକମ୍, କା’ରେଦ୍ ଇନିୟାଃ ଚେଲାଇ ନିଦାରେ ହିଜୁଃଆକ ଆଡ଼ଃ ଗଏଃହଡ଼ମ୍ବେ
 କୁମ୍ବୁତୁ ଇଦିକିୟାକ ଏନ୍ତେ ଇନିଃ ଗଜାକାନିକଏତେ ଜୀଉବିରିଦାକାନାଏ ମେନ୍ତେ ହଡ଼କକେ କାଜିୟାକଆକ । ନେ
 ତୁଣ୍ଡୁବେଦା ପାହିଲା ବେଦାଏତେ ପୁରାଃ ଏଡ଼କାନ୍ ହବାଅଆଃ ।”

୨୫ ପିଲାତୁସ୍ତ ଇନ୍କୁକେ କାଜିରୁହାଡ଼ାଦକଆଏ, “ଜୁ ଦାରଖାନକକେ ଇଦିକପେ ଆଡ଼ଃ ଏନ୍ ତପାଗାଡ଼ାକେ ବୁଗିଲେକା
 ହରୟେପେ ।”

୨୬ ଏନ୍ତେ ଇନ୍କୁ ଦାରଖାନକଲଃ ସେନ୍କେଦ୍ତେ ତପାଗାଡ଼ା ବଲତାଃରେ ହାଣ୍ଡେଦାକାନ୍ ଦିରିକେ ମୋହର୍
 ଏମ୍ବେଦ୍ତେ ତପାଗାଡ଼ାକେ ହର ନାଗେନ୍ତେ ଦାରଖାନକକେ କାଜିକେଦକଆକ ।

୨୮

ୟାଶୁଆଃ ଜୀଉବିନିରିଦ୍

(ମାର୍କ ୧୬:୧-୮; ଲୁକ ୨୪:୧-୧୨; ଯୋହାନ୍ ୨୦:୧-୧୦)

୧ ରୁଡ଼ନୁ ହୁଲାଙ୍ଗ୍ ତାୟମ୍ବେ, ଏତଆର୍ ହୁଲାଙ୍ଗ୍ ସେତାଃ ଇଦାନରେ ମାଗ୍ଦାଲିନି ମାରିୟାମ୍ ଆଡ଼ଃ ଏଗାଃ ମାରିୟାମ୍
 ତପାଗାଡ଼ା ଠାୟାଦ୍ତେ ନେନେଲ୍ତେକିନ୍ ସେନଃୟାନା । ୨ ଆଡ଼ଃ ଏନ୍ତାଃରେ ପୁରାଃଗି ଅତେ ଏକଲ୍ଆୟାନା ଚିୟାଃଟି
 ପ୍ରାତୁଆଃ ଦୁଁଡ଼ ସିମାଏତେ ଆଡ଼ଗୁୟାନା ଏନ୍ତେ ତପାଗାଡ଼ା ସେନ୍କେଦ୍ତେ ଦୁଆର୍ତାଃରାଃ ପୁରାଃ ମାରାଙ୍ଗ୍ ଦିରିକେ ବାଟି
 ଆଡ଼ମ୍ବେଦ୍ତେ ଏନାରେ ଦୁବ୍ୟାନାଏ । ୩ ଇନିଃଦ୍ ହିରିର୍ ଲେକା ନେଲଃ ତାଇକେନାଏ ଆଡ଼ଃ ଇନିୟାଃ ଲିଜାଃ ବାରାଦ୍
 ଲେକା ପୁଣ୍ଡିଗି ତାଇକେନା । ୪ ଦାରଖାନକ ଇନିଃକେ ନେଲ୍କେଦ୍ତେ ବରତେ ଆର୍ଆରାୟାନାକ ଆଡ଼ଃ ଗଜାକାନିକ
 ଲେକା ହବାୟାନାକ ।

୫ ମେନ୍ଦ୍ ଦୁଁଡ଼ ଏନ୍ କୁଡ଼ିକକେ ମେତାଦକଆଏ, “ଆଲ୍ପେ ବରଏୟା । ଆଇଙ୍ଗ୍ ସାରିତାନାଇଙ୍ଗ୍ ଆପେ
 କୁଗ୍ରେ କିଲାୟାନ୍ ଯାଶୁକେ ଦାଣ୍ଡାତାନାପେ । ୬ ଇନିଃ ନେତାଃରେ ବାଙ୍ଗାୟା ଇନିଃଦ୍ ଆୟାଃ କାଜିଲେକାତେ
 ଜୀଉବିରିଦାକାନାଏ । ନେତାଃ ହିଜୁଃକେଦ୍ତେ ନେଲେପେ, ନେତାଃରେ ଇନିୟାଃ ଗଏଃ ହଡ଼ମ୍ବେ ଦହକାଦ୍
 ତାଇକେନାକ । ୭ ଆଡ଼ଃ ଆପେ ଜାଲ୍ଦି ସେନ୍କେଦ୍ତେ ଚେଲା ତାୟାଃକକେ କାଜିୟାକପେ, ‘ଇନିଃ ଗଜାକାନିକଏତେ
 ଜୀଉବିରିଦାକାନାଏ, ଆଡ଼ଃ ଆପେଏତେ ଆୟାରେ ଇନିଃ ଗାଲିଲ୍ତେ ସେନଃତାନା । ଏନ୍ତାଃରେ ଆପେ ଇନିଃକେପେ
 ନେଲିୟା ।’ ଆଇଙ୍ଗ୍ ଆପେକେ କାଜିକାଦ୍ପେତେୟାଃ ପାହାମେପେ ।”

୮ ନେଆଁ ଆୟୁମ୍ବେଦ୍ତେ ଇନ୍କୁ ବରତାନରେୟ ପୁରାଃ ରାସ୍କାତାନଲଃ ଇମ୍ତାଗି ତପାଗାଡ଼ା ବାଗିକେଦ୍ତେ ଆୟାଃ
 ଚେଲାଇକେ ଉଦ୍ବାକ ନାଗେନ୍ତେ ନିର୍କେଦାକ ।

୯ ଇମ୍ତାଙ୍ଗି ଯାଶୁ ଇନ୍କୁକେ ହିଜୁଃନାମ୍ବେଦ୍ତେ କାଜିୟାଦକଆଏ, “ଆପେୟାଃ ଜୀଉସୁକୁ ହବାଅଆକା” ଆଡ଼ଃ
 ଇନ୍କୁ ସେନ୍ ହେପାଦକେଦ୍ତେ ଇନିୟାଃ କାଟା ସାବ୍କେଦ୍ତେ ଜହାରକିୟାକ । ୧୦ ଏନ୍ତେ ଯାଶୁ ଇନ୍କୁକେ
 କାଜିୟାଦକଆଏ, “ଆଲ୍ପେ ବରଏୟା, ଆପେ ସେନ୍କେଦ୍ତେ ଆଇଁୟାଃ ହାଗାଇଙ୍ଗ୍କକେ କାଜିୟାକପେ, ଗାଲିଲ୍ତେ
 ସେନଃପେ ଆଡ଼ଃ ଏନ୍ତାଃରେ ଇନିଃକେପେ ନେଲିୟା ।”

ଦାରଖାନକଆଃ ଉନ୍ଦୁଦ୍

୧୧ ଏନ୍ କୁଡ଼ିକ ସେନଃତାଇକେନ୍ ଇମ୍ତା, ତପାଗାଡ଼ା ହରତାଇକେନ୍ ଦାରଖାନ ସିପାଇକଏତେ ଚିମିନିକ ନାଗାର୍ତେ
 ରୁହାଡ଼କେଦ୍ତେ ମୁଲ୍ ଯାଜାକ୍କକେ ହବାଲେନ୍ତେୟାଃ ସବେନାଃ ଉଦୁବାଦକଆକ । ୧୨ ଆଡ଼ଃ ମୁଲ୍ ଯାଜାକ୍
 ଆଡ଼ଃ ପ୍ରାଚିନିକ ହୁଣ୍ଡିକେଦ୍ତେ ବାଖାଣ୍ ବାଇକେଦାକ ଏନ୍ତେ ଦାରଖାନ ସିପାଇକକେ ପୁରାଃ ଟାକା ଏମ୍ବେଦ୍ତେ,
 ୧୩ କାଜିକେଦକଆକ, “ଆଲେ ଦୁଡ଼ମ୍ବାକାନ୍ ତାଇକେନ୍ ଇମ୍ତା ଇନିୟାଃ ଚେଲାଇ ନିଦାରେ ହିଜୁଃକେଦ୍ତେ ଇନିଃକେ
 କୁମ୍ବୁତୁ ଇଦିକିୟାକ ମେନ୍ତେ କାଜିୟାକପେ । ୧୪ ଆଡ଼ଃ ନେ କାଜି ରୋମିରେନ୍ ଲାଟ୍ସାହେଦ୍ ଆୟୁମ୍ବେଦ୍ତେ ଆଲେ
 ଇନିଃକେ ବୁଗିଲେକା କାଜିତାଇୟାଲେ ଯେ, ଆପେୟାଃ ଜେତାନ୍ ଗୁଣ୍ଡା ବାନଆଃ । ନେ ବିଷାଏରେ ଆପେ ଜେଡ଼ନାଃ
 ଆଲ୍ପେ ଉଡ଼ୁୟା ।”

୧୫ ଦାରଖାନ ସିପାଇକ ଟାକା ନାମ୍ବେଦ୍ତେ ଇନ୍କୁ ଇତୁକାଦକ ତାଇକେନ୍ ଲେକାକ କାଜିକେଦା ଆଡ଼ଃ ଏନ୍ କାଜି
 ଯିହୁଦୀକଆଃ ଆଲାରେ ନିଡିର୍ୟାନା ଆଡ଼ଃ ତିସିଙ୍ଗ୍ ଜାକେଦ୍ ମେନାଃ ।

ୟାଶୁ ଆୟାଃ ଚେଲାଇତାଃରେ ଉଦୁବେନ୍ୟାନା

(ମାର୍କ ୧୬:୧୪-୧୮; ଲୁକ ୨୪:୩୬-୪୯; ଯୋହାନ୍ ୨୦:୧୯-୨୩; ପ୍ରେରିଡ଼ ୧:୬-୮)

* ୨୭:୨୩ ୨୭:୨୩ ମାଧୁର ୧୬:୨୧; ୧୭:୨୩; ୨୦:୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩.

୧୭ ✧ ଏଗାରାଝାନ ଚେଲାକ ଗାଲିଲ୍‌ରେ ସେନକେଦ୍‌ରେ ଯୀଶୁ କାଜିକାଦ୍‌କ ତାଲକେନ୍ ବୁରୁତେକ ସେନଃୟାନା । ୧୭ ଏନ୍ତାଃରେ ଇନ୍‌କୁ ଯୀଶୁକେ ନେଲ୍‌କେଦ୍‌ରେ ଜହାର୍‌କିୟାକ ମେନ୍‌ଦ ଚିମିନ୍‌କ ଆଡ଼ାଃଉଡ଼ୁୟାନା । ୧୮ ଏନ୍ତେ ଯୀଶୁ ଇନ୍‌କୁତାଃରେ ହିନ୍ତୁଃକେଦ୍‌ରେ କାଜିକେଦ୍‌କଆଏ, “ସିର୍ମା ଆଡ଼ଃ ଅତେରେୟାଃ ସବେନ୍ ଆକ୍‌ତେୟାର୍ ଆଇଁୟାଃ ଡିଃଇରେ ଏମାକାନା, ୧୯ ✧ ଏନାମେନ୍ତେ ସେନଃପେ ଆଡ଼ଃ ଅତେଦିଶୁମ୍‌ରେନ୍ ସବେନ୍ ହଡ଼କକେ ଆଇଁୟାଃ ଚେଲା ବାଲକପେ ଆଡ଼ଃ ଇନ୍‌କୁକେ ଆପୁ, ହନ୍ ଆଡ଼ଃ ପାବିତାର୍ ଆମ୍ବାରାଃ ନୁତୁମ୍‌ରେ ବାପ୍ତିସ୍ମାକପେ । ୨୦ ଆଡ଼ଃ ଆଇଙ୍ଗ୍ ଆତୁକାଦ୍ ସବେନାଃ ମାନାଡିଙ୍ଗ୍ ନାଗେନ୍ତେ ଇତୁକପେ ଆଡ଼ଃ ସାରିଜମେପେ, ଆଇଙ୍ଗ୍ ଅତେଦିଶୁମ୍‌ରେୟାଃ ତୁଣ୍ଡୁ ଦ୍ରିପିଲି ଜାକେଦ୍ ଆପେଲଃ ସବେନ୍‌ଇମ୍‌ତା ତାଲନାଲଙ୍ଗ୍ ।”

ମାର୍କ ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର ମାର୍କ ଅଲ୍ମାକାଦ୍ ଯୀଶୁ ଖ୍ରୀଷ୍ଟଆଃ ସୁକୁକାଜି ପାରିଚାଏ

ଯୀଶୁ ଖ୍ରୀଷ୍ଟଆଃ ଜୀଞ୍ଜାନକେ ଉଦୁବେତାନ ନାଞ୍ଜା ନିୟାମରାଃ ଚାରୁ ପୁଅକଏତେ ମାର୍କ ହବାଅଃତାନା ମିଆଁଦ୍ । ଏନ୍ ସବେନାଃକକେ “ସୁକୁକାଜି” କାଜିୟଃତାନା, ଏନାରାଃ ମୁଣ୍ଡି “ବୁଗିନ୍ କାଜି” ତାନାଃ । ଯୀଶୁଆଃ ଗନଏଃ ତାୟମ୍ତେ, ଏନ୍ ସୁକୁକାଜିକେ ମାଥୁଉ, ମାର୍କ, ଲୁକ, ଆତଃ ଯୋହାନ୍ ତିକୁ ଅଲ୍ମାକାଦାଃକ । ଉପୁନିୟା ସୁକୁକାଜିକଏତେ ମାର୍କ ହବାଅଃତାନା ସବେନ୍ଏତେ ହୁଡ଼ିଙ୍ଗ । ନେ କାଜିୟଗି ବିଶ୍ୱାସଃ ତାନା ଯେ, ନେ ସୁକୁକାଜି ସବେନ୍ ସୁକୁକାଜି ଏତେ ସିଦା, ଯୀଶୁତାୟମ୍ ୨୫-୨୦ କରେ ଅଲ୍ମାକାନା । ଚିମିନ୍ ବାଇବେଲ୍ ପାଣ୍ଡିତକ ବିଶ୍ୱାସେତାନାକ, ରୋମ୍ରେ ତାଇନଃତାନ୍ ଖ୍ରୀଷ୍ଟ ବିଶ୍ୱାସୀକକେ ବିଶ୍ୱାସରେ କେଟେଦଃ ନାଗେନ୍ତେ ରୋମ୍ରେ ନେ ସୁକୁକାଜି ଅଲ୍ମାକାନ୍ ତାଇକେନା ।

ମାର୍କ, ଅକଏଚି ଯୋହାନ୍ ମାର୍କ ନୁଡୁମ୍ତେ ସାରିଅଃତାଇକେନାଏ, ଇନିଃ ପାଉଲୁସ୍ ଆତଃ ବର୍ଣ୍ଣବାସରାଃ ଗାତି ତାଇକେନାଏ, ମେନ୍ଦ ଚିମ୍ତା ଇନିଃ ଇନ୍କୁଆଃ ସେଞ୍ଜାକାମିରାଃ ସେନଃରେ ବାଗିକେଦ୍ତେ ରୁହାଡ଼ୟାନାଏ, ଇମ୍ତା ଇନିୟାଃ ନୁଡୁମ୍ତେ ଆଞ୍ଚ ହିଜୁଃୟାନା ପ୍ରେରିଡ୍ ୧୩:୧୩ । ତାୟମ୍ତେ ଆତଃମିସା ଇନିଃ ବର୍ଣ୍ଣବାସଲଃ ସେଞ୍ଜାକାମି ନାଗେନ୍ତେ ସେନଃୟାନାଏ ପ୍ରେରିଡ୍ ୧୫:୩୭-୩୯ । ମାର୍କହଗି ପାଡ଼ରାସରାଃ ମିଆଁଦ୍ ଦୁଲ୍ଲାଡ୍ ଗାତି ମେନ୍ତେ ସାରିଅଃତାଇକେନାଏ ୧ ପାଡ଼ରାସ୍ ୫:୧୩ । ମାର୍କ ଯୀଶୁଆଃ ଜୀଞ୍ଜାନକେ ମେଦ୍ତେ କାଏ ନେଲ୍ଲକାଇରେୟଗି, ବାଇବେଲ୍ ପାଣ୍ଡିତକ ବିଶ୍ୱାସେତାନାକ ଯେ, ଇନିଃ ପାଡ଼ରାସରାଃ ଗାଞ୍ଜାଇଲେକାତେ ଆୟାଃ ସୁକୁକାଜିକେ ଅଲ୍ମାକାଦାଏ । ନେ ସୁକୁକାଜିରେ ମାର୍କ ଚେଲାବାଇ ଆତଃ ଚୁଣ୍ଡି ଦ୍ୱିପିଲି ବିଷାଏରେ ଯୀଶୁଆଃ ଇନିଡୁକେ ଉଦୁବାକାଦା ।

ମାର୍କ ନେ ପୁଅରେ ଯୀଶୁ ଖ୍ରୀଷ୍ଟକେ ଲେବେଃ ଦାସି ଆତଃ ଆପୁ ପାର୍ମେଶ୍ୱାରରାଃ ସାନାଙ୍ଗ୍ ପୁରାନାଙ୍ଗ୍ ସବେନ୍ ନେଡାରେ ତାୟାରାକାନ୍ କାଜି ମାନାଡିଙ୍ଗ୍ ହନ୍କତା ଲେକା ଉଦୁବିତାନାଏ, ଏନାମେନ୍ତେ ଇନିଃ ବିଶେଷକେଦ୍ତେ, ପ୍ରାଭୁ ଯୀଶୁଆଃ ପେଡେୟାନ୍ କାମିକ ବିଷାଏରେ ଅଲ୍ଲକେଦା । ଦିଶ୍ୱମରାଃ ସବେନ୍କତାଃରେ ପାର୍ମେଶ୍ୱାରରାଃ ସୁକୁକାଜି ପ୍ରାଚାର୍ ରିକାରାଃ ମାରାଙ୍ଗ୍ ଆନ୍ତୁହଗି ନେ ସୁକୁକାଜିରେ ଅଲ୍ମାକାନା ।

ପୁଅ ଭିତରରେ ତାଇକାନ୍ କାଜି

- ୧. ବାପ୍ତିସ୍ମା ଏମଃନିଃ ଯୋହାନ୍ ଆତଃ ଯୀଶୁଆଃ ବାପ୍ତିସ୍ମା । ୧:୧-୧୩
- ୨. ଗାଲିଲ୍ରେ ପ୍ରାଭୁ ଯୀଶୁଆଃ ସେଞ୍ଜା । ୧:୧୪-୯:୫୦
- ୩. ଯୀରୁଶାଲେମ୍ତେ ସେନଃ ଆତଃ ମାନ୍ଦିର୍ ଅଡ଼ାଃରେ ବଲଃ । ୧୦:୧-୧୨:୪୪
- ୪. ହିଜୁଃ ବିଷାଏକରାଃ ଆୟାରକାଜି । ୧୩:୧-୩୭
- ୫. ଯୀଶୁଆଃ ଗନଏଃ ଆତଃ ଜୀଉବିନିରିଡ୍ । ୧୪:୧-୧୬:୨୦

ଯୋହାନ୍ ବାପ୍ତିସ୍ମା ଏମଃନିଃରାଃ ପ୍ରାଚାର୍
(ମାଥୁଉ ୩:୧-୧୨; ଲୁକ ୩:୧-୧୮; ଯୋହାନ୍ ୧:୧୯-୨୮)

^୧ ନେଆଁ ପାର୍ମେଶ୍ୱାରଆଃ ହନ୍ ଯୀଶୁ ଖ୍ରୀଷ୍ଟ*ଆଃ ସୁକୁକାଜିରାଃ ଏନେଟେଦ୍ । ^୨ ଯିଶାୟ ନାବୀ† ଅଲ୍ମାକାଦ୍ ପୁଅ ଲେକାତେ,

“ପାର୍ମେଶ୍ୱାର କାଜିକେଦାଏ, ‘ଆଲେ ଆମାଃଏତେ ସିଦାରେ ଆଲେୟାଃ ଦୁଁଡକେଲେ କୁଲିତାନା ଇନିଃ ଆମାଃ ନାଗେନ୍ତେ ପାହିଲାରେ ହରା ବାଇୟାଏ ।’

^୩ ଜେତାଏ ମିହୁଡ୍ ବିର୍ରେ କାଉରିକେଦାଏ,
‘ପ୍ରାଭୁଆଃ ହରା ବାଇୟେପେ,

ଆୟାଃ ଏଙ୍କବେଙ୍କ ହରା ସିଧାଏପେ ।’”

^୪ ଏନ୍ତେ ବାପ୍ତିସ୍ମା ଏମଃନିଃ ଯୋହାନ୍ ବିର୍ରେ ସେଟେର୍ତାନଲଃ, ଇନିଃ ହଡକକେ କାଜିୟାଦକଆ, “ପାପ୍ଏତେ ମନ୍ରୁହାଡେପେ ଆତଃ ବାପ୍ତିସ୍ମାଅଃପେ, ଏନାରେ ପାର୍ମେଶ୍ୱାର୍ ଆପେୟାଃ ପାପ୍କ ଛାମାପେୟାଏ ।” ^୫ ଏନ୍ତେ ଯିହୁଦା ରାଇଜ୍, ଯୀରୁଶାଲେମ୍ ନାଗାର୍ଏତେ ଆତଃ ଯାଦାନ୍ ନାହିଁରାଃ ସବେନ୍ ହପର୍ଜାପାଃରେନ୍ ହଡକ ଯୋହାନ୍ତାଃ ଆୟୁମ୍ ନାଗେନ୍ତେ ହିଜୁଃୟାନାକ । ଏନ୍ତେ ହଡକ ଆକଆଃ ପାପ୍କ ପାତିୟାରକେଦା ଏନ୍ତେ ଇନିଃ ଯାଦାନ୍ ନାହିଁରେ ଇନ୍କୁକେ ବାପ୍ତିସ୍ମାକେଦକଆ ।

* ୧:୧ ୧:୧ ମାସି, † ୧:୨ ୧:୨ କାଜି ଆୟାରନିଃ

୭ ଯୋହାନ୍ ଉର୍ବରାଃ ଉଦ୍ଦେ ବାଈୟାକାନ୍ ଲିଜାଃ ତୁସିଙ୍ଗ୍‌ଅଃତାନ୍ ତାଈକେନାଏ, ଆୟାଃ ମାୟାଙ୍ଗ୍‌ରେ ଉହୁର୍‌ରାଃ କାସ୍‌ନା ତଲଃ ତାଈକେନାଏ ଆତଃ ଈନିଃ ସନ୍‌ସରେଦ୍ ଆତଃ ହୁରୁମ୍‌ସୁକୁ ଜମ୍‌କତାନ୍ ତାଈକେନାଏ । ୭ ଈନିଃ ପାର୍‌ଚାରେତାନ୍‌ଲଃ କାଜିୟାଦକଆଏ, “ଆଈଙ୍ଗ୍‌ଏତେ ପୁରାଃଗି ପେଡ୍‌ୟାନ୍‌ନିଃ ଆଈୟାଃ ତାୟମ୍‌ତେ ହିଜୁଃତାନା, ଉଙ୍ଗ୍‌ଦକେଦ୍‌ତେ ଈନିୟାଃ ଖାର୍‌ପାରେୟାଃ ତନଲ୍‌ ରାଡ୍‌ଏ ଲେକାନ୍‌ନିଃ ନାହାଁଲିଙ୍ଗ୍ । ୮ ଆଈଙ୍ଗ୍‌ଦ ଆପେକେ ଦାଆଃତେ ବାପ୍ରିସ୍ତାପେ ତାନାଈଙ୍ଗ୍, ମେନ୍‌ଦ ଈନିଃ ଆପେକେ ପାବିତାର୍‌ ଆମ୍‌ତେ ବାପ୍ରିସ୍ତା ଏମାପେୟାଏ ।”

ୟୀଶୁଆଃ ବାପ୍ରିସ୍ତା ଆତଃ ବିଡାଅ
(ମାଥୂଉ ୩:୧୩-୪:୧୧; ଲୁକ ୩:୨୧-୨୨; ୪:୧-୧୩)

୯ ଏନ୍ ଦିପିଲିରେ ଯୀଶୁ ଗାଲିଲ୍ ପାର୍‌ଗାନ୍‌ରେୟାଃ ନାଜ୍‌ରେଡ୍ ନାଗାର୍‌ଏତେ ଯାଦାନ୍ ନାହିଁତେ ହିଜୁଃୟାନା, ଆତଃ ଯୋହାନ୍ ଯୀଶୁକେ ବାପ୍ରିସ୍ତା ଏମ୍‌କିୟାଏ । ୧୦ ଆତଃ ଯୀଶୁ ଦାଆଃ ଭିତାର୍‌ଏତେ ବାହାରି ଅତଙ୍ଗ୍‌ୟାନ୍ ଈମ୍‌ତା ଈନିଃ ସିର୍‌ମା ନିଜାକାନ୍ ଆତଃ ପାବିତାର୍‌ ଆମ୍‌ ଦୁଦୁମ୍‌ଲ୍‌ ‡ ଲେକା ଆୟାଃ ଚେତାନ୍‌ରେ ଆଡ୍‌ଗୁତାନାଏ ନେଲ୍‌କିୟା । ୧୧ *ଆତଃ ସିର୍‌ମାଏତେ ନେ'ଲେକା କାଜି ଆୟୁମ୍‌ୟାନା, “ଆମ୍‌ଗି ଆଈୟାଃ ଦୁଲାଡ୍‌ ହନ୍, ଅକଏକେଟି ଆଈଙ୍ଗ୍ ଦୁଲାଡାଃ; ଆମାଃତାଃରେ ଆଈୟାଃ ପୁରାଃଗି ସୁକୁ ।”

୧୨ ଈମ୍‌ତାଗି ପାବିତାର୍‌ ଆମ୍‌ ଯୀଶୁକେ ବିର୍‌ତେ ଈଦିକିୟା । ୧୩ ଯୀଶୁ ଏନ୍ତାଃରେ ବାର୍‌ହିସି ନିଦାସିଙ୍ଗି ତାଈକେନାଏ, ଆତଃ ସାଏତାନ୍ ଈନିଃକେ ବିଡାଅକିୟା । ଈନିଃ ବିର୍‌ ଜାଁତୁକଲଃ ତାଈକେନାଏ ଆତଃ ଦୁଁଡକ ହିଜୁଃକେଦ୍‌ତେ ଈନିଃକେ ସୁସାର୍‌ ଏଟେଦ୍‌କିୟାକ ।

ୟୀଶୁ ଚାର୍‌ଝାନ୍ କେଉଁଟକକେ କେଡାକତାନାଏ
(ମାଥୂଉ ୪:୧୨-୨୨; ଲୁକ ୪:୧୪-୧୫; ୫:୧-୧୧)

୧୪ ଯୋହାନ୍ ଜେହେଲ୍‌ୟାନ୍ ତାୟମ୍‌ତେ, ଯୀଶୁ ଗାଲିଲ୍ ସାହାର୍‌ତେ ହିଜୁଃୟାନାଏ ଆତଃ ପାର୍‌ମେଶ୍‌ବାରାଃ ସୁକୁକାଜି ଉଦୁବ୍‌ବାଡାକେଦାଏ । ୧୫ *ନେତା ପୁରାୟାନା, ଆତଃ ପାର୍‌ମେଶ୍‌ବାରାଃ ରାଈଙ୍ଗ୍ ଆପେତାଃ ନାଡ୍‌ୟାକାନା ! ଆପେୟାଃ ପାପ୍‌ହେତେ ମନ୍‌ରୁହାଡ୍‌ପେ ଆତଃ ସୁକୁକାଜିରେ ବିଶ୍‌ୟାସେପେ” ମେନ୍ତେ ଈନିଃ କାଜିକେଦ୍‌କଆଏ ।

୧୬ ଯୀଶୁ ଗାଲିଲ୍ ଦରେୟା ଗେନାଗେନାତେ ସେନଃତାନ୍ ଈମ୍‌ତା ଶିମୋନ୍ ଆତଃ ଆୟାଃ ହାଗାତେ ଆହିୟକେ ଦରେୟାରେ ଜାଲୋମ୍ ହୁଦ୍‌ମାକେଦ୍‌ତେ ହାକୁ ସାବତାନ୍ ନେଲ୍‌କେଦ୍‌କିନାଏ, ଚିୟାଃଟି ଈନ୍‌କିନ୍‌ଦ କେଉଁଟକିନ୍‌ ତାଈକେନା । ୧୭ ଯୀଶୁ କାଜିକେଦ୍‌କିନାଏ, “ଦେଲା ଆଈଙ୍ଗ୍‌କେ ଅତଙ୍ଗ୍‌ଈଙ୍ଗ୍‌ବେନ୍, ଆଈଙ୍ଗ୍ ଆବେନ୍‌କେ ହଡକକେ ପାର୍‌ମେଶ୍‌ବାରାଃତେ ଆଉତେୟାଃ ଈଡୁବେନାଈଙ୍ଗ୍ ।” ୧୮ ଈନ୍‌କିନ୍‌ ଈମ୍‌ତାଙ୍ଗ୍‌ଗି ଜାଲୋମ୍ ବାଗିକେଦ୍‌ତେ ଯୀଶୁକେ ଅତଙ୍ଗ୍‌କିୟାକିନ୍ ।

୧୯ ଆତଃ ଯୀଶୁ ଏନ୍ତାଃଏତେ କାଟିଃସାଙ୍ଗିନ୍ ଆୟୁର୍‌ତେ ସେନ୍‌କେଦ୍‌ତେ ଜେବଦୀୟାଃ ହନ୍ ଯାକୁବ୍ ଆତଃ ଆୟାଃ ହାଗାତେ ଯୋହାନ୍‌କେ ଲାଉକାରେ ଜାଲୋମ୍ ଚାପିତାନ୍ ନେଲ୍‌କେଦ୍‌କିନାଏ । ୨୦ ଆତଃ ଈମ୍‌ତାଙ୍ଗ୍‌ଗି ଯୀଶୁ ଈନ୍‌କିନ୍‌କେ କେଡାକେଦ୍‌କିନାଏ, ଆତଃ ଈନ୍‌କିନ୍‌ ଆକିନାଃ ଆପୁ ଜେବଦୀକେ ନାଲାନାମ୍ ହଡକଲଃ ଲାଉକାରେ ବାଗିକେଦ୍‌ତେ ଯୀଶୁକେ ଅତଙ୍ଗ୍‌କିୟାକିନ୍ ।

ବଙ୍ଗା ଏସେରାକାନ୍ ହଡକେ ଯୀଶୁ ବୁଗିକିୟାଏ
(ଲୁକ ୪:୩୧-୩୭)

୨୧ ଏନ୍ତେ ଯୀଶୁ ଆୟାଃ ଚେଲାକଲଃ କପର୍‌ନାହୁମ୍ ସାହାର୍‌ତେ ସେନଃୟାନାଏ, ଆତଃ ଈନିଃ ରୁଡନ୍ ହୁଲାଙ୍ଗ୍‌ରେ ସାମାଜ୍ ଅଡାଃରେଷି ବଲକେଦ୍‌ତେ ଧାରାମ୍ କାଜି ଉଦୁବ୍ ଏଟେଦ୍‌କେଦାଏ । ୨୨ *ଆୟାଃ ଧାରାମ୍ କାଜି ଆୟୁମ୍‌କେଦ୍‌ତେ ହଡକ ଆକ୍‌ଦାନ୍‌ଆୟାନାକ, ଚିୟାଃଟି ଈନିଃ ଆଈନ୍ ଈଡୁକ ଲେକାଦ କାହା, ମେନ୍‌ଦ ମିଆଁଦ୍ ଆକ୍‌ତେୟାର୍ ନାମାକାଦ୍‌ନିଃଲେକା ଈନ୍‌କୁକେ ଧାରାମ୍ କାଜି ଉଦୁବ୍‌କ ତାଈକେନାଏ ।

୨୩ ଈମ୍‌ତାଗି ଈନ୍‌କୁଆଃ ସାମାଜ୍ ଅଡାଃରେ ମିଆଁଦ୍ ସଡରା ଆମ୍‌ତେ ଏସେରାକାନ୍ ହଡ କାଉରିକେଦାଏ, ୨୪ “ହେ ନାଜ୍‌ରେଡ୍‌ରେନ୍ ଯୀଶୁ, ଆଲେଲଃ ଆମାଃ ଚିକାନ୍ କାମି ? ଆମ୍ ଚିନାଃ ଆଲେକେ ଜିୟନ୍ ନାଗେନ୍ତେମ୍ ହିଜୁଆକାନା ? ଆମ୍ ପାର୍‌ମେଶ୍‌ବାରାଃ ପାବିତାର୍‌ନିଃ ତାନ୍‌ମେ, ଏନା ଆଈଙ୍ଗ୍ ସାରିତାନାଈଙ୍ଗ୍ ।”

୨୫ ଯୀଶୁ ଈନିଃକେ ମାରାଙ୍ଗ୍‌ମତାକେଦ୍‌ତେ କାଜିକିୟାଏ, “ହାପାଅଃମେଁ, ଆତଃ ଈନିଃତାଃଏତେ ଅତଙ୍ଗ୍‌ଅଃମେ ।”

୨୬ ଏନ୍ତେ ଏନ୍ ସଡରା ଆମ୍ ଈନିଃକେ ମୁର୍‌କୁଟାଅକିୟାଏ ଆତଃ କାଉରିତାନ୍‌ଲଃ ଈନିଃତାଃଏତେ ଅତଙ୍ଗ୍‌ୟାନା । ୨୭ ନେୟାଁ ନେଲ୍‌କେଦ୍‌ତେ ସବେନ୍‌କ ନେ'ଲେକା ଆକ୍‌ଦାନ୍‌ଆୟାନାକ ଯେ, ଈନ୍‌କୁ ଆକ ଆକାଗି କୁଲିୟଃତାନ୍‌କ ତାଈକେନା “ନେୟାଁ ଚିକ୍‌ନାଃ ? ନେଆଁଦ ନାଝା ଈଡୁ ! ନିଃଦ ଆକ୍‌ତେୟାର୍‌ତେ ସଡରା ଆମ୍‌କକେ ଅତଙ୍ଗ୍‌ଅଃ ନାଙ୍ଗ୍ ଆଡୁକତାନାଏ ଆତଃ ଈନ୍‌କୁ ଈନିୟାଃ କାଜିକ ମାନାଡିଙ୍ଗ୍‌ତାନା ।”

‡ ୧:୧୦ ୧:୧୦ ପାରା * ୧:୧୧ ୧:୧୧ ମାଥୂଉ ୩:୧୭; ୧୨:୧୮; ମାର୍କ ୯:୭; ଲୁକ ୩:୨୨. * ୧:୧୫ ୧:୧୫ ମାଥୂଉ ୩:୨. § ୧:୨୧ ୧:୨୧ ଯିହୁଦୀକଆଃ ବିକ୍ରିଅଡାଃ * ୧:୨୨ ୧:୨୨ ମାଥୂଉ ୭:୨୮, ୨୯.

୨୮ ଆତ୍ମ ସ୍ୱାଧୀନତା କାଳି ଇମ୍ପାରି ଗାଲିଲ୍ ଦିଗୁମ୍ବରା କତାକୁନି ସବେନ୍ସାଃରେ ନିତିରୟନା ।

ୟୀଶୁ ଦୁକ୍ଷୁହାସୁତାନକକେ ବୁଗିକୁତାନାଏ
(ମାଥୂଉ ୮:୧୪-୧୭; ଲୁକ ୪:୩୮-୪୧)

୨୯ ଇମ୍ପାରି ଇମ୍ପାରି ଇମ୍ପାରି ଆତ୍ମ ଆତ୍ମା ଚେଲକ ସାମାଜ ଅତ୍ମା ବାଗିକେଦ୍ତେ, ଯାକୁବ୍ ଆତ୍ମା ଯୋହାନ୍ନା, ଆତ୍ମା ଆତ୍ମା ଶିମୋନ୍ ଆତ୍ମା ଅତ୍ମାରେ ସେନୟନାକ । ୩୦ ଶିମୋନ୍ ଆତ୍ମା ହାନାରେ ଉରିୟୁତେ ପାରକମ୍ପରେ ବାଗିୟାକାନ୍ ତାଇକେନାଏ, ଆତ୍ମା ଇମ୍ପାରି ଇନିୟା କାଳି ଇମ୍ପାରି ଉଦ୍‌ବୁକିୟାକ । ୩୧ ଏନ୍ତେ ଇମ୍ପାରି ଇନିୟା ଜାପାରେ ସେନୟନାକ ଇନିୟା ତିଃଇ ସାବ୍‌କେଦ୍ତେ ବିରିଦ୍‌କିୟାଏ ଆତ୍ମା ଇନିୟା ଉରିୟୁତେ ବୁଗିୟାନା, ଆତ୍ମା ଇନିୟା ଇନିୟାକୁ ସୁସାର ଏଟେଦ୍‌କେଦ୍‌କଆ ।

୩୨ ସିଜିହାସୁର ତାନରେ ହଡକ ପୁରାଃ ବଜା ଏସେରକାନ୍ ଆତ୍ମା ଦୁକ୍ଷୁହାସୁତାନ୍ ସବେନ୍ ହଡକକେ ଇମ୍ପାରିତାତେକ ଆତ୍ମାକେଦ୍‌କଆ । ୩୩ ଆତ୍ମା ଏନ୍ ସାହାରରେନ୍ ହଡକ ଏନ୍ ଅତ୍ମା ଦୁଆରେକ ହୁଗ୍ରିୟାନା । ୩୪ ଏନ୍‌ରେଦ୍ ଇମ୍ପାରି ତିମିନ୍ ରାକାମ୍‌ରେନ୍ ହାସୁ ଦୁକ୍ଷୁତାନ୍ ତିମିନ୍ ତିମିନ୍ ହଡକକେ ବୁଗିକେଦ୍‌କଆଏ, ଆତ୍ମା ତିମିନ୍ ତିମିନ୍ ବଜାକକେ ହାଅତ୍‌କେଦ୍‌କଆଏ, ଆତ୍ମା ଇନିୟା ବଜାକକେ କାଏ କାଳି ଇତିକେଦ୍‌କଆ, ତିୟାଟି ଇନିୟାକୁ ଇମ୍ପାରିକେ ସାରିତାଇକେନାକ ।

ୟୀଶୁ ଗାଲିଲ୍‌ରେ ସୁକୁକାଳି ଉଦ୍‌ବୁକେଦାଏ
(ଲୁକ ୪:୪୨-୪୪)

୩୫ ଏଟାଃ ହୁଲାଇ ଆଜ୍‌ମାର୍ସାଲ୍ ଝୁଲ୍‌ପୁଲ୍‌ନୁବାଃ ତାଇନଲ୍‌ଗି ଇମ୍ପାରି ବିରିଦ୍‌କେଦ୍‌ତେ ସିଃସଏଃ ଠାୟାଦ୍‌ତେ ସେନୟନାଏ ଆତ୍ମା ଏନ୍ତାରେ ବିକ୍ତିକେଦାଏ । ୩୬ ମେନ୍‌ଦ, ଶିମୋନ୍ ଆତ୍ମା ଗାତି ତାୟାକ ଇମ୍ପାରିକେ ଦାଣ୍ଟା ନାମକେଦ୍‌ତେ, ୩୭ ଆୟାତାତାକ ହିଜୁୟାନା ଆତ୍ମା କାଳିକିୟାକ, “ସବେନ୍‌କ ଆମ୍‌କେ ଦାଣ୍ଟାବାଡାତାନାକ ।”

୩୮ ମେନ୍‌ଦ ଇନିୟା କାଳିୟାଦ୍‌କଆଏ, “ଦଲା, ଜାପାଃକରାଃ ହାଡୁତେବୁ ସେନାୟା, ଜେ'ଲେକାଟି ଏନ୍ତାକରେହିଁ ଆଇଜ୍ କାଳିକି ଉଦ୍‌ବେୟାକ, ତିୟାଟି ଏନା ନାଗେନ୍ତେ ପାର୍‌ମେଶ୍ୱାର୍ ଆଇଜ୍‌କେ କୁଲକାଇଜ୍‌ୟା ।”

୩୯ ଏନ୍ତେ ଇନିୟା ଇନିୟାକ ଆତ୍ମା ଅତ୍ମାକରେ ଇଡୁକେଦ୍‌କଆ ଆତ୍ମା ବଜାକକେ ହାଅତାନ୍‌ଲଃ ଗଟା ଗାଲିଲ୍ ହନରକେଦାଏ ।

ୟୀଶୁ ମିଆଁଦ୍ ନାଗେଦାଅନିୟାକେ ବୁଗି ତାନାଏ
(ମାଥୂଉ ୮:୧-୪; ଲୁକ ୫:୧୨-୧୬)

୪୦ ମୁସିଜ୍ ହୁଲାଇ ମିଆଁଦ୍ ନାଗେଦାଅନିୟା ଇମ୍ପାରିତାତେ ଦେକାଆସି ମେନ୍ତେ ହିଜୁୟାନାଏ, ଆତ୍ମା ଇକ୍‌ଡୁକ୍‌କେଦ୍‌ତେ ବିକ୍ତିତାନ୍‌ଲଃ କାଳିକିୟାଏ, “ଆମ୍ ସାନାଜ୍‌ରେଦ୍ ଆଇଜ୍‌କେ ବୁଗିନିୟାର୍* ଦାଡିୟାମ୍ ।”

୪୧ ଏନ୍ତେ ଇମ୍ପାରି ଦାୟାତେ ପେରେୟାନାଏ ଆତ୍ମା ଆୟାତ ତିଃଇ ଜିଲ୍‌କେଦ୍‌ତେ ଜୁଟିଦ୍‌କିୟାଏ ଆତ୍ମା କାଳିକିୟାଏ, “ଆଇଜ୍ ସାନାଜ୍‌ତାନିଜ୍ ଆମ୍ ବୁଗିନିୟାର୍‌ମେ ।” ୪୨ କାଳିତରସାଗି ଇନିୟା ନାଗେଦାଅ ନିରୟନା ଆତ୍ମା ଇନିୟା ବୁଗିୟାନାଏ । ୪୩ ଏନ୍ତେ ଇମ୍ପାରି ଇମ୍ପାରି ଏନ୍ତାଏତେ କୁଲକିୟାଏ, ଆତ୍ମା ମାରାଜ୍‌ମତାତେ କାଳିକିୟାଏ, ୪୪ “ଆୟୁମେମେ, ଜେତାଏକେ ନେ କାଳି ଆଲମ୍ ଉଦ୍‌ବୁକିୟା, ମେନ୍‌ଦ, ଜୁ, ଯାଜାକ୍‌ତାତେ ଉଦ୍‌ବେନ୍‌ମେ ଆତ୍ମା ଇନିୟା ନେଲ୍‌ମେକାଏ, ଏନ୍ତେ ଆମ୍ ବୁଗିମ୍‌ପାରିତାତେୟା ସବେନ୍ ହଡକଆ ସାରିନାଗେନ୍ତେ, ମୁଣା ହୁକୁମାକାଦ୍‌ଲେକା ଦାଣ୍ଟାକାବେମେ ।”

୪୫ ମେନ୍‌ଦ ଏନ୍ ହଡକ ସେନୟାନତି ନେ କାଳି ସବେନ୍‌ତାତେ ଉଦ୍‌ବୁ ଏଟେଦ୍‌କେଦାଏ, ଇନିୟା ନେ କାଳି ମେନ୍ତେ ଇମ୍ପାରି ଜେତାନ୍ ସାହାରରେ ହଡକଆ ଆୟୁରେ କାଏ ବଲ ଦାଡିକେନା, ଆତ୍ମା ସିଃସଏଃ ଠାୟାଦ୍‌ରେ ତାଇନବାଡାୟାନାଏ, ହଲେହିଁ ହଡକ ସବେନ୍‌ସାଏତେ ଇନିୟାତାତେ ହିଜୁୟାନା ତାଇକେନାକ ।

୨

ୟୀଶୁ ମିଆଁଦ୍ ବାଡକାନ୍‌ନିୟାକେ ବୁଗିକିୟାଏ
(ମାଥୂଉ ୯:୧-୮; ଲୁକ ୫:୧୭-୨୬)

୧ ତିମିନ୍ ମାହାଁ ତାୟାଦ୍‌ତେ, ଇମ୍ପାରି କପରନାହୁମ୍‌ତେ ଆଇଃକ୍ ତାଇନଃ ଅତ୍ମାତେ ରୁହାଡୁୟାନତି, ଅତ୍ମାତାତେ ମେନ୍ତେ ଇନିୟା ଆୟୁମକେଦା, ୨ ଏନ୍ତେଦ୍ ହଡକ ପୁରାଃ ହୁଗ୍ରିୟାନ୍ତେ ଏନ୍ତାରେ ଦୁଆପିଗ୍ରିରେହ ଠାୟାଦ୍ କା ତାଇକେନା, ଆତ୍ମା ଇମ୍ପାରି ଇନିୟାକେ ବାଚାନ୍ ଉଦ୍‌ବୁକିୟାଏ । ୩ ଏନ୍ ଦିପିଲିରେ, ମିଆଁଦ୍ ବାଡକାନ୍ ହଡକେ ଚାର୍‌ଝାନ୍ ହଡକ ଇନିୟାତାତେକ ଗଅଃ ଆତ୍ମାକିୟା । ୪ ମେନ୍‌ଦ ଗାଦେଲ୍ ହଡକ ନାଗେନ୍ତେ ଇନିୟାକୁ ଇମ୍ପାରିତାତେ କାକ ସେନ୍‌ଦାଡିୟାନା । ଏନାମେନ୍ତେ ଇମ୍ପାରି ତିଜ୍‌କାନ୍‌ତାତାତେ ଅତ୍ମା ସାଡ଼ି ଗେନାକେଦ୍‌ତେ, ଏନ୍ ବାଡକାନ୍‌ନିୟାକେ,

☆ ୧:୩୯ ୧:୩୯ ମାଥୂଉ ୪:୨୩; ୯:୩୫. * ୧:୪୦ ୧:୪୦ ଯିହୁଦୀକଆ ଲେକାତେ ନାଗେଦାଅ ତାଇକାନ୍ ହଡକ ସଡ଼ା କାଳିୟା ତାଇକେନା ଆତ୍ମା ପାର୍‌ମେଶ୍ୱାରା ସେଝା କାଏ ଦାଡିତାଇକେନା

ବାଟିଆକାନ୍ ପାରକମ୍ଭାଷଣି ଆଡ଼ଗୁକିୟାକ । ୫ ଆଡ଼ଃ ଯୀଶୁ ଇନ୍ଦ୍ରୁଆୱ ବିଶ୍ୱାସ୍ ନେଲ୍‌କେଦ୍‌ତେ ବାଡ଼କାନ୍‌ନିୱକେ ମେଡାଈୟାଏ, “ଏ ହନ୍ ଆମାଃ ପାପିକ ଛାମାୟାନା ।”

୬ ଏନ୍ତାଃରେ ଦୁବାକାନ୍ ଚିମିନ୍ ଆଇନ୍ ଇଡୁକ ଏନା ନେଲ୍‌କେଦ୍‌ତେ ଆକ ଆକଆୱ ମନ୍‌ରେ ପାହାମ୍‌କେଦାୱକ, ୭ “ନିୱ ଚିଲ୍‌କାକେଦ୍‌ତେ ନେ ଲେକାଏ କାଜି ଦାଡ଼ିତାନ୍ ? ନିୱଦ ପାର୍‌ମେଶ୍ୱାର୍‌କେ ନିୟାଈତାନା, ମିହୁଡ଼କେ ବାଟିକେଦ୍‌ତେ, ମେନ୍‌ଦ ପାର୍‌ମେଶ୍ୱାର୍ ବେଗାର୍ ଅକଏ ପାପ୍ ଛାମା ଏମ୍ ଦାଡ଼ିୟାଏ ।”

୮ ଇନ୍‌କୁ ଏନ୍‌ଲେକା ଆକଆୱ ମନ୍‌ରେ ପାହାମ୍‌ତାନା ମେନ୍ତେ ଯୀଶୁ ଇମ୍‌ତାଗି ଆୟାୱ ଆମ୍‌ରେ ଆଡ଼କାର୍‌କେଦା, ଆଡ଼ଃ ମେଡାଦକଆଏ, “ଆପେ ଆପେୟାୱ ମନ୍‌ରେ ଚିନାୱପେ ଉଡ଼ୁଡ଼ତାନା ?” ୯ ଅକ୍‌ନାୱ ରାଖାଲାୱ, ନେ ବାଡ଼କାନ୍‌ନିୱକେ “ପାପ୍ ତାମାୱକ ଛାମାୟାନା” କାଜିତେୟାୱ ରାଖାଲାୱ* ଚି “ବିରିଦ୍‌ମେ, ପାରକମ୍ ତାମାୱ ଗଅୱକେଦ୍‌ତେ ସେନୱମେ” ମେନ୍ତେ କାଜିତେୟାୱ ରାଖାଲା ? ୧୦ ମେନ୍‌ଦ ଆପେ ସାରିଦାଡ଼ି ନାଗେନ୍ତେ ଉଦୁବାପେତାନାଈକ୍ ନେ ଅଡେଦିଶ୍ୱମ୍‌ରେ ପାପ୍ ଛାମାରେୟାୱ ଆକ୍‌ତେୟାର୍ ମାନଖାହନ୍‌ଆୱ† ମେନାୱ, ଏନ୍ ବାଡ଼କାନ୍‌ନିୱକେ କାଜିକିୟାଏ, ୧୧ ଆଇକ୍ କାଜିମେତାନାଈକ୍, “ମାର୍ ବିରିଦ୍‌ମେ ଆଡ଼ଃ ପାରକମ୍‌ତାମାୱ ଗଅୱକେଦ୍‌ତେ ଆମାୱ ଅଡ଼ାୱତେ ସେନୱମେ ।”

୧୨ ଇମ୍‌ତାଗି ଇନିୱ ବିରିଦ୍‌ୟାନାଏ, ଆଡ଼ଃ ଆୟାୱ ପାରକମ୍ ଗଅୱକେଦ୍‌ତେ ସବେନ୍‌କଆୱ ସାମ୍‌ନାକ୍‌ରେ ସେନୱୟାନାଏ, ଏନାତେ ସବେନ୍‌କ ଆକଦାୟାଅୱତାନୁଲୱ ମେନ୍‌କେଦାୱକ “ନେ ଲେକା ଚିଡ଼ଲାହ୍ କାବୁ ନେଲ୍‌କାଦ୍ ତାଈକେନା, ଆଡ଼ଃ ପାର୍‌ମେଶ୍ୱାର୍‌କେ ମାରାକ୍‌କିୟାକ ।”

ୟୀଶୁ ଲେବୀକେ କେଡ଼ାଇତାନାଏ
(ମାଥୁଉ ୯:୯-୧୩; ଲୁକ ୫:୨୭-୩୨)

୧୩ ଆଡ଼ଃଗି ଯୀଶୁ ଗାଲିଲ୍ ଦରେୟା ଗେନାତେ ସେନୱୟାନାଏ, ଗାଦେଲ୍ ହଡ଼କ ଇନିୱତାୱକ ହିଜୁୱୟାନା ଆଡ଼ଃ ଇନିୱ ଇନ୍‌କୁକେ ଇଡୁ ଏଚେଦ୍‌କେଦକଆ । ୧୪ ଆୟାର୍‌ତେ ସେନୱତାନ୍ ଦିପିଲିରେ ଆଲ୍‌ଫିୟାନ୍‌ରାୱ ହନ୍ତେକଡ଼ା ଲେବୀ ଆୟାୱ ମାଲ୍‌ହାରମ୍ ଠାୟାଦ୍‌ରେ ଦୁବାକାନ୍ ନେଲ୍‌କେଦ୍‌ତେ ଯୀଶୁ କାଜିକିୟାଏ, “ଦେଲା ଅତକ୍‌କ୍‌କ୍‌ମେ ।” ଏନ୍ତେ ଇନିୱ ବିରିଦ୍‌କେଦ୍‌ତେ ଅତକ୍‌କିୟା ।

୧୫ ତାୟମ୍ ଦିପିଲିରେ ଯୀଶୁ ଲେବୀଆୱ ଅଡ଼ାୱରେ ଜମ୍‌ନାକ୍ ଦୁବାକାନ୍ ତାଈକେନାଏ, ଇମ୍‌ତାକ୍ ଯୀଶୁକେ ଅତକ୍‌କ୍‌ତାନ୍ ପୁରାୱ ମାଲ୍‌ହାରମ୍‌କ, ପାପିକ ଯୀଶୁ ଆଡ଼ଃ ଆୟାୱ ଚେଲାକଲୱ ଜଜମ୍‌କ ଦୁବ୍‌ୟାନା । ୧୬ ଫାରୁଶୀକଏତେ ଚିମିନ୍ ଆଇନ୍ ଇଡୁକ, ଯୀଶୁକେ ମାଲ୍‌ହାରମ୍ ଆଡ଼ଃ ପାପିକଲୱ ଜମ୍‌ତାନ୍ ନେଲ୍‌କେଦ୍‌ତେ ଆୟାୱ ଚେଲାକକେ କାଜିୟାଦକଆକ “ଚିନାୱମେନ୍ତେ ଇନିୱ ନେ ଲେକାନ୍ ହଡ଼କଲୱ ଜମ୍‌ତାନାଏ ?”

୧୭ ଯୀଶୁ ନେୟା ଆୟୁମ୍‌କେଦ୍‌ତେ କାଜିୟାଦକଆଏ, “ବୁଗିନ୍ ହଡ଼କ ନାଗେନ୍ତେ ମେନ୍ତେଦ କା, ମେନ୍‌ଦ ହାସୁତାନ୍‌କ ନାଗେନ୍ତେ ବାଈଦ୍ ଲାଗାଡ଼ିକ୍‌ୟାୱ, ଧାର୍‌ମାନ୍ ହଡ଼କକେ କେଡ଼ା ନାଗେନ୍ତେଦ କା ମେନ୍‌ଦ ପାପିକକେ କେଡ଼ା ମେନ୍ତେକ୍‌କ୍‌ ହିଜୁୱକାନା ।”

କାଟାବ୍‌ରେୟାୱ କୁନୁଲି
(ମାଥୁଉ ୯:୧୪-୧୭; ଲୁକ ୫:୩୩-୩୯)

୧୮ ଯୋହାନ୍ ଦୁବାକ୍‌ରାୱ ଚେଲାକ ଆଡ଼ଃ ଫାରୁଶୀକ କାଟାବ୍ ତାଈକେନ୍ ଦିପିଲିରେ ଚିମିନ୍ ହଡ଼ ଯୀଶୁତାୱ ହିଜୁୱକେଦ୍‌ତେ କୁଲିକିୟାକ, “ଚିନାୱମେନ୍ତେ ଯୋହାନ୍ ଦୁବାକ୍‌ରାୱ ଚେଲାକ ଆଡ଼ଃ ଫାରୁଶୀକଆୱ ଚେଲାକ କାଟାବାୱ ? ମେନ୍‌ଦ ଆମାୱ ଚେଲାକଦ କାକ କାଟାବାୱ ?”

୧୯ ଯୀଶୁ ମେଡାଦକଆଏ, “ଆଣ୍‌ଦିଅଡ଼ାୱରେ ଦୁହ୍ଲାକଡ଼ା ବାଲାକଲୱ ତାଈନୱରେ, ବାଲାକ ଚିଲ୍‌କାତେ ରେଜେୱ କାଟାବ୍‌ଗି ତାଈନାୱକ ? କାହାଗି, ଏନ୍‌କାଦ କା ହବାଅଆୱ ଆକଲୱ ଦୁହ୍ଲାକଡ଼ା ତାଈନୱ ଜାକେଦ୍ କାକ କାଟାବ୍ ଦାଡ଼ିୟାୱ ।” ୨୦ ମେନ୍‌ଦ ନେଡ଼ା ତେବାଗାୱ, ଆଡ଼ଃ ଦୁହ୍ଲାକଡ଼ାକେ ଇନ୍‌କୁଆୱ ଆଲାଏତେ ଇଦିୟାଆ, ଏନ୍ ଦିପିଲିରେ ଇନ୍‌କୁ ରେଜେୱ କାଟାବ୍ ରିକାଏୟାକ ।

୨୧ “ଜେତାଏ ନାଖା ଲିଜାୱରାୱ କେଚାୱ ମାରି ଲିଜାୱରେ ଜଡ଼ାଇକେଦ୍‌ତେ କାଏ ତୁନାଏୟା, ଏନ୍‌କାଲେରେ ନାଖା ଲିଜାୱରାୱ କେଚାୱ ମାରି ଲିଜାୱଏତେ ଆଡ଼ଃଗି ଚେଚାୱ ଇଦିୟାଏ, ଆଡ଼ଃ ଏନ୍ ଚେଚାୱ ସିଦାଏତେ ଆଡ଼ଃଗି ମାରାକ୍ ଇଦିୟାଆ । ୨୨ ଆଡ଼ଃ ନାଖା ଦାଖ୍‌ରାସିକେ ମାରି ଉହୁର୍‌ତୁମ୍‌ରେ ଜେତାଏ କାକ ଦୁଲ୍‌ପେରେଜେୟା, ଏନ୍‌କାଲେରେ ଦାଖ୍‌ରାସି ଉହୁର୍‌ତୁମ୍‌କେ ଅଡେଡ଼ାତାଏ ଆଡ଼ଃ ଦାଖ୍‌ରାସି ଲିକ୍‌ି ଏଣ୍ଡାଗଅଆ, ଏନାମେନ୍ତେ ନାଖା ଦାଖ୍‌ରାସିକେଦ ନାଖା ଉହୁର୍‌ତୁମ୍‌ରେ ପେରେଜାୱକ ।”

ରୁଡ଼ନ୍ ଝୁଲାକ୍‌ରେଆୱ କୁନୁଲି
(ମାଥୁଉ ୧୨:୧-୮; ଲୁକ ୬:୧-୫)

୨୩ ମୁସିକ୍ ରୁଡ଼ନ୍ ଝୁଲାକ୍ ଯୀଶୁ ହେରାକାନ୍ ପିଡ଼ି ଆଲାଆଲାତେ ଚେଲାକଲୱ ସେନୱତାନ୍ ତାଈକେନାଏ, ଆଡ଼ଃ ଇନିୟାୱ ଚେଲାକ ସେନ୍‌ତାନ୍‌ଲୱ ଗେଲେକ ହଦ୍ ଏଚେଦ୍‌କେଦା । ୨୪ ଆଡ଼ଃ ଫାରୁଶୀକ ଯୀଶୁକେ କାଜିକିୟାୱକ,

* ୨:୯ ୨:୯ ସାହକ୍ † ୨:୧୦ ୨:୧୦ ଯୀଶୁ

“ନେଲେମେ, ରୁଡ଼ନୁ ହୁଲାଙ୍ଗ୍ରେ ଆମାଃ ତେଲକ ଆଇନ୍ ଲେକାତେ ଅକ୍ନାଃ କା ଠାଉକାନ୍ କାମି ତାନାଃ, ଏନା ଚିନାଃମେନ୍ତେକ ରିକାତାନା ?”

୨୫ ଯୀଶୁ ଇନ୍କୁକେ କାଜିରୁହାଡ଼ାଦକଆଏ, “ଦାଉଦ୍‌ଆଃ ଜମେୟାଃ କା ତାଇକେନା ଇମ୍ତା ଇନିଃ ଆତଃ ଆୟାଃ ଗାଡ଼ିକ ରେକେଃୟାନ୍ ଇମ୍ତା, ଇନିଃ ଚିନାଃଏ ଚିକାକାଦ୍ ତାଇକେନା, ଏନା ଚିଉଲ୍ଲାହ୍ ଚି କାପେ ପାଡ଼ାଅକାଦା ? ୨୬ ଚିଲ୍‌କା ଇନିଃ ମାରାଙ୍ଗ୍ ଯାଜାକ୍ ଅବିୟାଅର୍‌ରାଃ ସାମାଏରେ ପାର୍‌ମେଶ୍ୱାର୍‌ଆଃ ଅଡ଼ାଃତେ ବଲ୍‌ୟାନା ଆତଃ ଅକ୍ନାଃକେଚି ଆଇନ୍ ଲେକାତେ ଯାଜାକ୍‌କେ ଏସ୍‌କାର୍ ଜମେବାଇୟାଃ ହଲ୍‌ଙ୍ଗ୍‌କେ ଜମ୍‌କେଦାଏ ଆତଃ ଆୟାଃ ଗାଡ଼ିକକେୟ ଜମ୍‌ନାଙ୍ଗ୍ ଏମାଦକଆଏ ।”

୨୭ ଆତଃ ଚୁଣ୍ଡୁରୁ ଯୀଶୁ ମେତାଦକଆଏ, “ରୁଡ଼ନୁ ହୁଲାଙ୍ଗ୍‌କେ ମାନ'ଖାରାଃ ବୁଗିନାଃ ନାଗେନ୍ତେ ବାଇୟାକାନା, ମେନ୍‌ଦ ମାନ'ଖାକେ ହାମ୍‌ଲ୍‌ତେ ତେନ୍ ନାଗେନ୍ତେ କାହାଗି । ୨୮ ନେ ଲେକାଗି ମାନ'ଖାହନ୍ ରୁଡ଼ନୁ ହୁଲାଙ୍ଗ୍‌ରେନ୍ ହିଁ ଗମ୍‌କେ ତାନିଃ ।”

୩

ୟୀଶୁ ରହଡ଼ିଃଇନିଃକେ ବୁଗି ତାନାଏ (ମାଥ୍‌ଉ ୧୨:୯-୧୪; ଲୁକ ୬:୬-୧୧)

୧ ଏନ୍ତେ ଯୀଶୁ ସାମାଜ୍ ଅଡ଼ାଃତେ ବଲ୍‌ୟାନା, ଏନ୍ତାଃରେ ତିଃଇ ରହଡ଼ାକାନ୍ ମିଆଁଦ୍ ହଡ଼ ତାଇକେନାଏ । ୨ ଆତଃ ଯୀଶୁ ରୁଡ଼ନୁ ହୁଲାଙ୍ଗ୍‌ରେ ଏନ୍ ହଡ଼କେ ବୁଗିୟାଏ ଚି କା ମେନ୍ତେ ଚିଟାଈ ନାଗେନ୍ତେ ଚିମିନାଙ୍ଗ୍ ହଡ଼କ ହରାକ ଦାଣ୍ଡାତାନ୍ ଆତଃ ଲଡ଼ଇତାନ୍‌କ ତାଇକେନା । ୩ ଯୀଶୁ ତିଃଇ ରହଡ଼ାକାନ୍ ହଡ଼କେ କାଜିକିୟାଏ, “ଏଲ୍ଲା, ସବେନ୍‌କଆଃ ଆଲାରେ ତିଙ୍ଗୁନ୍‌ମେ ।”

୪ ଏନ୍ତେ ଯୀଶୁ ଇନ୍କୁକେ କାଜିୟାଦକଆଏ, “ଆବୁଆଃ ଆଇନ୍‌ଲେକାତେ ରୁଡ଼ନୁ ହୁଲାଙ୍ଗ୍‌ରେ ଅକନ୍ କାମି ରିକା ଲାଗାଡ଼ିଙ୍ଗ୍‌ୟାଃ ? ମିହୁଡ଼୍‌ଆଃ ବୁଗିନ୍ ରିକାତେୟାଃ ଚି ଏଡ଼କାନ୍ ରିକାତେୟାଃ ? ମିହୁଡ଼୍‌ଆଃ ଜୀଉ ବାଞ୍ଚାଅତେୟାଃ ଚି ଜୀଉ ଗଗଏଃତେୟାଃ ?” ମେନ୍‌ଦ ଇନ୍କୁ ଇନିଃକେ ଜେଡ଼ନାଃ କାକ କାଜିରୁହାଡ଼ ଦାଡ଼ିକେନା ।

୫ ଏନ୍ତେ ଇନ୍କୁଆଃ କେଟେଦ୍ ମନ୍ ନେଲ୍‌କେଦ୍‌ତେ ଯୀଶୁଆଃ ମନ୍ ଦୁକୁୟାନା, ଆତଃ ଖ୍ୱସ୍‌ତେ ଇନ୍କୁକେ ନେଲ୍‌ବିୟୁର୍ କେଦ୍‌କଚି ଏନ୍ ହଡ଼କେ ମେତାଇୟାଏ, “ତିଃଇତାମାଃ ଜିଲିଙ୍ଗ୍‌ୟେମେ,” ଇନିଃ ତିଃଇ ଜିଲିଙ୍ଗ୍‌କେଦାଏ, ଆତଃ ତିଃଇତାୟାଃ ପୁରାଗି ବୁଗିରୁହାଡ଼ୟାନା । ୬ ଆତଃ ଫାରୁଶୀକ ଅଡ଼ଙ୍ଗ୍‌କେଦ୍‌ତେ ଯୀଶୁକେ ଚିଲ୍‌କାତେବୁ ଗଜିୟା ମେନ୍ତେ ଇମ୍‌ତାଗି ହେରୋଦ୍ ରାଜାରାଃ ହଡ଼କଲଃ ରଜୋଚ* କେଦାଃ ।

ଗାଦେଲ୍ ହଡ଼କ ଯୀଶୁକେକ ଅଡ଼ଙ୍ଗ୍‌ଇତାନା (ମାଥ୍‌ଉ ୪:୨୩-୨୫; ୧୨:୧୫-୧୬; ଲୁକ ୬:୧୭-୧୯)

୭ ଏନ୍ତେ ଯୀଶୁ ଆୟାଃ ତେଲକଲଃ ଗେନାକେଦ୍‌ତେ ଗାଲିଲ୍ ଦରେୟାସାଃତେ ସେନଃୟାନାଏ, ଆତଃ ଗାଲିଲ୍ ଆତଃ ଯିହୁଦାଏତେ ଗାଦେଲ୍ ହଡ଼କ ଇନିଃକେକ ଅଡ଼ଙ୍ଗ୍‌କିୟା, ୮ ଯୀରୁଶାଲେମ୍, ଇଦୁମ୍, ଯାର୍ଦାନ୍ ଗାଡ଼ା ହାନ୍‌ପାରମ୍, ସୋର୍ ଆତଃ ସିଦୋନରାଃ ହପ୍‌ରଜାପାଃ ନାଗାର୍‌କଏତେ ପୁରାଃ ଗାଦେଲ୍ ହଡ଼କ ଇନିଃୟାଃ ସବେନ୍ ମାପରାଙ୍ଗ୍ କାମି ରିକାରେୟାଃକାଜି ଆୟୁମ୍‌କେଦ୍‌ତେ ଇନିଃତାଃତେକ ହିଜୁଃୟାନା । ୯ ଏନ୍ତାଃରେ ହଡ଼କ ହୁଣ୍ଡିୟାନ୍‌ଚି ଇନ୍କୁଆଃ ଉପୁଦୁର୍‌ଠେପ୍‌ସା† ଏତେ ବାଞ୍ଚାଅ ନାମେ ନାଗେନ୍ତେ ଯୀଶୁ ଆୟାଃ ନାଙ୍ଗ୍ ମିଆଁଦ୍ ଲାଉକା ଜଗାଡ଼ନାଙ୍ଗ୍ ତେଲକକେ କାଜିକେଦକଆଏ । ୧୦ ଚିୟାଃଚି, ଯୀଶୁ ପୁରାଃ ହଡ଼କକେ ବୁଗିକାଦକ ତାଇକେନା, ଏନାମେନ୍ତେ ଦୁକୁହାସୁତାନ୍ ସବେନ୍‌କ, ଇନିଃକେ ଜୁଚିଦି ନାଗେନ୍ତେ ଇନିଃତାଃ ଜୁରୁହୁଣ୍ଡିନ୍‌ତାନ୍‌କ ତାଇକେନା । ୧୧ ଆତଃ ସଡ଼ରା ଆମ୍‌ତେ ଏସେରାକାନ୍ ହଡ଼କ ଇନିଃକେ ନେଲ୍‌ତାଇଲଃଗି ଇନିଃୟାଃ କାଟାସୁବାରେ ଉୟୁଗେନ୍‌ତାନ୍‌କ ତାଇକେନା, ଆତଃ “ଆମ୍‌ଗି ପାର୍‌ମେଶ୍ୱାର୍‌ଆଃ ହନ୍ ତାନ୍‌ମେ” ମେନ୍ତେକ କାଉରିତାଇକେନା ।

୧୨ ଏନ୍ତେଦ ଆଇଁୟାଃ ବିଷାଏରେ ଏଟାଃକକେ ଆଲ୍‌ପେ କାଜିକଆ ମେନ୍ତେ ଇନିଃ ଇନ୍କୁକେ ମାରାଙ୍ଗ୍‌ମତା କେଦ୍‌କଆଏ ।

ୟୀଶୁ ଗେଲ୍‌ବାର୍ କୁଲାକାନ୍‌କକେ ସାଲାକେଦକଆଏ (ମାଥ୍‌ଉ ୧୦:୧-୪; ଲୁକ ୬:୧୨-୧୬)

୧୩ ଏନ୍ତେ ଯୀଶୁ ବୁରୁତେ ରାକାବ୍‌ୟାନାଏ, ଆତଃ ଆୟାଃ ସାନାଙ୍ଗ୍‌ଆଁକାଦକକେ ଆୟାଃତାଃତେ କେଡ଼ାକେଦକଆଏ, ଆତଃ ଇନ୍କୁ ଇନିଃତାଃତେକ ହିଜୁଃୟାନା । ୧୪ ଆତଃ ଇନିଃ ଗେଲ୍‌ବାର୍ ‡ପ୍ରେରିଡ଼କକେ ସାଲାକେଦ୍‌ତେ, ଇନ୍କୁକେ ପ୍ରେରିଡ଼ ମେନ୍ତେ ନୁଡୁମ୍‌କେଦକଆଏ । ଇନିଃ ଇନ୍କୁକେ କାଜିକେଦକଆଏ, “ଆଇଙ୍ଗ୍‌ଲଃ ତାଇନଃ ନାଗେନ୍ତେ ଆପେକେ ସାଲାକାଦ୍‌ପେଆଇଙ୍ଗ୍, ଆତଃ ସୁକୁକାଜି ଉଦ୍‌ଦ୍ ନାଗେନ୍ତେଇଙ୍ଗ୍ କୁଲ୍‌ପେୟା । ୧୫ ଆତଃ ବଙ୍ଗାକ ହାଏଅଡ଼ଙ୍ଗ୍ ନାଗେନ୍ତେ ଆପେକେ ପେଡ଼େଃ ଏମାପେୟାଇଙ୍ଗ୍ ।”

* ୩:୬ ୩:୬ ବିଚାର୍ / ମନ୍ତ୍ରଣା † ୩:୯ ୩:୯ ମାର୍ଚ୍ଚ ୪:୧; ଲୁକ ୫:୧-୩. ‡ ୩:୯ ୩:୯ ଠେଲାପେଲା † ୩:୧୪ ୩:୧୪ ବାରାଝାନ୍

୧୬ ଯୀଶୁ ନେ ଗେଲ୍‌ବାର୍ କୁଲ୍‌କାନକକେ ସାଲାକେଦକଆଏ, ଶିମୋନ୍, ଅକଏକେଟି ଇନିଃ ପାତ୍ରରାସ୍ ନୁତୁମକିଆଏ । ୧୭ ଜେବଦୀଆଃ ବାରିୟା ହନକଡାକିନ୍ ଯାକୁବ୍ ଆତଃ ଯୋହାନ୍, ନେ ବାରାନ୍ ହାରିୟାକିନକେ ଯୀଶୁ, ବାନାରଗେସ୍ ମେନ୍‌ଲେରେ “ରିମିଲ୍‌ସାଡ଼ିରେନ୍ ହନକିନ୍” ମେନ୍ତେ ନୁତୁମକେଦକିନା; ୧୮ ଆହିୟ, ଫିଲିପ୍, ବାର୍ଥୋଲମି, ମାଥୁଉ, ଥୋମା, ଆଲ୍‌ଫିୟନାଃ ବାରିଆ ହନକଡାକିନ୍ ଯାକୁବ୍ ଆତଃ ଅଭିୟ, କିନାନ୍‌ରେନ୍ ଶିମୋନ୍, ଅକଏଟି ଇସ୍ରାଏଲ୍‌କକେ ମୁକ୍ତି ଏମ୍ ସାନାଙ୍ଗତାନ୍ ଯିହୁଦୀକ ଏତେ ମିହୁଡ଼ ତାଇକେନାଏ । ୧୯ ଆତଃ ଇଷ୍ଟାରିୟଡ଼ ଯିହୁଦୀ ଅକଏଟି, ତାୟମ୍‌ତେ ଯୀଶୁକେ ବାଇରିକଆଃ ତିଃଇରେ ଆଖ୍‌ରିଙ୍ଗକିୟା ।

ୟୀଶୁ ଆତଃ ବାଲ୍‌ଜେବୁଲ୍
(ମାଥୁଉ ୧୨:୨୨-୩୨; ଲୁକ ୧୧:୧୪-୨୩; ୧୨:୧୦)

୨୦ ଏନ୍ତେ ଯୀଶୁ ଅତଃତେ ରୁହାଡ଼ୟାନାଏ, ଆତଃ ଏନ୍ତାଃରେ ପୁରାଃ ହଡ଼କ ହୁଣ୍ଡିୟାନା, ଏନାତେ ଇନିଃ ଆତଃ ଆୟାଃ ଚେଲାକ ଜମ୍‌ହ କାକ ଦାଡ଼ିକେଦାଃ । ୨୧ ନେୟା ଆୟୁମକେଦତେ ଆୟାଃ ଅତଃରେନ୍ ହଡ଼କ ଆଇଃକକେ ସାଦ୍‌ଇଦି ନାଗେନ୍ତେ ଅତଞ୍ଜୟାନାକ, ଚିୟାଃଟି ହଡ଼କ କାଜିତାଇନାକ, “ନିଃ ବାଲ୍‌ଅଃତାନାଏ ।”

୨୨ *ଆତଃ, ଯୀରୁଶାଲେମ୍‌ଏତେ ହିଜୁଆକାନ୍ ଆଇନ୍ ଇତୁକ ମେନ୍‌କେଦାଃକ “ବଙ୍ଗାକଆଃ ଗମ୍‌କେ ବାଲ୍‌ଜେବୁଲ୍ ଇନିଃକେ ଏସେରକିୟାଏ । ଇନିଃଟି ଇନିଃକେ ବଙ୍ଗା ହାଡ଼ଅତଙ୍ଗ ନାଙ୍ଗ୍ ପେଡ଼େଃ ଏମାଲତାନାଏ ।”

୨୩ ଏନାମେନ୍ତେ ଯୀଶୁ ଇନକୁକେ ହାକାଅକେଦକଆଏ, ଆତଃ ଜନ୍‌କା କାଜିତେ ମେତାଦକଆଏ, “ସାଏତାନ୍‌ଗିଃ ସାଏତାନ୍‌କେ ଚିଲ୍‌କା ହାଡ଼ଅତଙ୍ଗ୍ ଦାଡ଼ିୟାଏ ? ୨୪ ମିଆଁଦ୍ ରାଇଜ୍ ଆୟାଃରେଗି ବିନ୍‌ଗାଅକେଦତେ ଆକ ଆକଆଲାରେ ଲାପ୍‌ଡ଼ାଇରେଦ ଏନ୍ ରାଇଜ୍ ଛିତିବିତିକଆଃ । ୨୫ ଆତଃ, ମିଆଁଦ୍ ଅତଃରେନ୍‌କ ଆକ ଆକଗି ଲାପ୍‌ଡ଼ାଇରେଦ ଏନ୍ ଅତଃ କା ତିଙ୍ଗୁନାଃ । ୨୬ ଏନ୍‌ଲେକାଗି ସାଏତାନ୍, ସାଏତାନ୍‌ଆଃ ରାଇଜ୍ ହିଗାଡ଼କେଦତେ ବିନ୍‌ଗାଅରେଦ ଏନା କା ତିଙ୍ଗୁନାଃ, ମେନ୍‌ଦ ଛିତିବିତିକେଦତେ ବୁଣ୍ଡୁତାରଃଆ ।

୨୭ “ପେଡ଼େୟାନ୍‌ନିଃକେ ଆଉରି ତଲ୍ ଜାକେଦ୍ ଜେତାଏ ଇନିୟାଃ ଅତଃରେ ବଲକେଦତେ ଆୟାଃ ମେନାଃତେୟାଃ କାଏ ରେଃକଦାଡ଼ିୟା, ମେନ୍‌ଦ ସିଦାତେ ଇନିଃକେ ତଲ୍‌କେଦତେ ଆୟାଃ ମେନାଃତେୟାଃ ରେଃକଦାଡ଼ିୟାଏ ।

୨୮ “ସାର୍‌ତିଗି କାଜିପେତାନାଇଙ୍ଗ୍, ମାନଞ୍ଜାହନକଆଃ ସବେନ୍ ପାପ୍ ଆତଃ ଇନକୁଆଃ ନିୟା କାଜିକ ଛାମାଞ୍ଜାଃ; ୨୯ *ମେନ୍‌ଦ ପାବିତାର୍ ଆମ୍‌କେ ହିଲାଙ୍ଗ୍‌ଇ ହଡ଼କେ ଚିଉଲାହ କା ଛାମାଞ୍ଜାଃ, ଚିୟାଃଟି ଇନିଃ ଜାନାଅ ଜାନାଅରାଃ ପାପ୍ କେଦାଏ ।” ୩୦ “ସଡ଼ରା ଆମ୍‌ ଇନିଃକେ ଏସେରକାୟାଏ” ମେନ୍ତେ ଆଇନ୍ ଇତୁକ କାଜିକେଦତି ନେ ସବେନାଃ ଯୀଶୁ କାଜିକେଦାଏ ।

ୟୀଶୁଆଃ ଏଙ୍ଗା ଆତଃ ହାଗାକ
(ମାଥୁଉ ୧୨:୪୬-୫୦; ଲୁକ ୮:୧୯-୨୧)

୩୧ ଏନ୍ତେ ଯୀଶୁଆଃ ଏଙ୍ଗାତେ ଆତଃ ହାଗାକ ହିଜୁଃୟାନା ଆତଃ ରାଚାରେ ତିଙ୍ଗୁକେଦତେ, ଇନିଃକେ କେଡ଼ାଆଉଞ୍ଜି ନାଗେନ୍ତେ ମିହୁଡ଼କେକ କୁଲ୍‌କିୟାଃ । ୩୨ ଆତଃ ଗାଦେଲ୍ ହଡ଼କ ଇନିଃତାଃରେ ଦୁବ୍ ଜୁରୁଆକାନ୍‌କ ତାଇକେନା, ଆତଃ ଇନକୁ କାଜିକିୟାଃକ, “ନେଲେମେ, ଆମାଃ ଏଙ୍ଗାମ୍ ଆତଃ ହାଗା ମିଗିକ ରାଚାରେକଆ, ଇନକୁ କେଡ଼ାମେତାନାକ ।”

୩୩ ଯୀଶୁ କାଜିୟାଦକଆଏ, “ଅକଏ ଆଇଁୟାଃ ଏଙ୍ଗାଇଙ୍ଗ୍ ? ଆତଃ ଅକନ୍‌କ ଆଇଁୟାଃ ହାଗାଇଙ୍ଗ୍‌କ ତାନ୍‌କ ?” ୩୪ ଆତଃ ଦୁବାକାନ୍‌କକେ, ଆରିଦ୍‌ବିୟୁରକେଦତେ କାଜିକେଦାଏ, “ନେଲ୍‌କପେ ନିକୁଦ ଆଇଁୟାଃ ଏଙ୍ଗା ଆତଃ ହାଗାକତାନ୍‌କ । ୩୫ ଅକଏ, ପାର୍‌ମେଶ୍ୱାର୍‌ଆଃ ସାନାଙ୍ଗ୍ ପୁରାଃଏ, ଇନିଃ ଆଇଁୟାଃ ଏଙ୍ଗାଇଙ୍ଗ୍, ହାଗାଇଙ୍ଗ୍ ଆତଃ ମିଗିଙ୍ଗ୍ ତାନିଃ ।”

୪

ହିତାହେରନିଆଃ ଜନ୍‌କା କାଜି
(ମାଥୁଉ ୧୩:୧-୯; ଲୁକ ୮:୪-୮)

୧ *ୟୀଶୁ ଆତଃଟି ଗାଲିଲ୍ ଦରେୟା ଗେନାରେ ଇନିତୁ ଏଟେଦକେଦାଏ, ଆତଃ ଏନ୍ତାଃରେ ଗାଦେଲ୍ ହଡ଼କ ହୁଣ୍ଡିୟାନ୍‌ଟି ଦରେୟାରେ ତାଇକାନ୍ ମିଆଁଦ୍ ଲାଉକାରେ ଦୁବ୍‌ୟାନାଏ ଆତଃ ସବେନ୍ ହଡ଼କ ଦରେୟା ଗେନାରେ ଅତେରେକ ତାଇକେନା । ୨ ଯୀଶୁ ଇନକୁକେ ଜନ୍‌କା କାଜିତେ ପୁରାଃ କାଜିକ ଇତୁକେଦକଆଏ, ଆତଃ ଇତୁକତାନ୍‌ଲଃ କାଜିକେଦକଆଏ,

୩ “ଆୟୁମେପେ, ମିଆଁଦ୍ ହିତାହେରନିଃ ହିତା ହେରନାଗେନ୍ତେ ଅତଞ୍ଜୟାନା । ୪ ଆତଃ ଇନିଃ ହିତା ହେରତାନ୍‌ଲଃ ଚିମିନ୍ ହିତା ହରା ଗେନାରେ ଉୟୁଃୟାନା ଆତଃ ଚେଣ୍‌କି ଆଡ଼ଗୁକେଦତେ ଏନାକ ହାଲାଙ୍ଗ୍ ଜମ୍‌କେଦାଃ । ୫ ଚିମିନ୍ ହିତାଦ ହାସା ପୁରାଃ ବାନଃ ଦିରି ଅତେରେ ଉୟୁଃୟାନା, ହାସା ଏତାଙ୍ଗି ତାଇକାନ୍ ହରାତେ ଅମନ୍ ଧାବ୍‌ୟାନା । ୬ ମେନ୍‌ଦ ସିଙ୍ଗି ରାକାବ୍‌ୟାନ୍‌ଟି ଏନ୍ ଅମନ୍‌ତେୟାଃକ ସବେନ୍ ଗସୟାନା, ଆତଃ କା ରେହେଦାକାନ୍ ହରାତେ ରହଡ଼ୟାନା । ୭ ଚିମିନ୍ ହିତା

☆ ୩:୨୨ ୩:୨୨ ମାଥୁଉ ୯:୩୪; ୧୦:୨୫. ☆ ୩:୨୯ ୩:୨୯ ଲୁକ ୧୨:୧୦. ☆ ୪:୧ ୪:୧ ଲୁକ ୫:୧-୩.

ଜାନୁମ୍ ଚୁପାଦକ ଆଲାରେ ଉୟୁଃୟାନା, ଏନାକକେ ଜାନୁମ୍ ହାରାତପାକେଦାଏ, ଆତଃ ଏନାକ କା ଜ ଯାନା । ୮ ମେନ୍ଦ୍ ଚିମିନ୍ ହିତା ବୁଗିନ୍ ଅତେରେ ଉୟୁଃୟାନା, ଆତଃ ଏନା ଅମନ୍ ହାରାୟାନ୍ତେ ଜ ଯାନା, ଅକଆଃକ ତିରିଶ୍, ଅକଆଃ ଷାଠେ, ଅକଆଃ ମିଦ୍‌ଶାଅଗୁନା, ଜ ଯାନା ।”

୯ ଆତଃ ଯୀଶୁ ମେନ୍‌କେଦାଏ, “ଆୟୁମ୍ ନାଗେନ୍ତେ ଲୁତୁର୍ ମେନାଃନିଃ ଆୟୁମେକାଏ ।”

ୟୀଶୁ ଚିକାନାଙ୍ଗ୍ ଜନ୍‌କା କାଜି କାଜିକେଦାଃଏ
(ମାଥୁଉ ୧୩:୧୦-୧୭; ଲୁକ ୮:୯-୧୦)

୧୦ ଯୀଶୁ ଏସକାରଗି ତାଇକାନ୍ ଦିପିଲିରେ, ଆୟାଃଲଃ ତାଇକେନ୍ ହଡକ, ଗେଲ୍‌ବାର୍ ଚେଲ୍‌କଲଃ, ନେ ଜନ୍‌କା କାଜିରେୟାଃ ମୁଣ୍ଡି ଚିକ୍‌ନାଃ ତାନାଃ ମେନ୍ତେକ କୁଲିକିୟାଃ ? ୧୧ ଇନିଃ କାଜିୟାଦକଆଏ, “ଆପେଦ ପାର୍‌ମେଶ୍‌ବାର୍‌ଆଃ ରାଇଜ୍‌ରେୟାଃ ଉକୁଆକାନ୍ କାଜିରାଃ ମୁଣ୍ଡିପେ ନାମ୍‌କାଦାଃ । ମେନ୍ଦ୍ ବାହାରିରେନ୍ ଏଗାଃକକେ କାଜିରାଃ ଜନ୍‌କା କାଜିତେ ସବେନାଃ ଉଦୁବଃତାନା । ୧୨ ଏନ୍‌ଲେକାତେ,

“ଇନ୍‌କୁ ନେଲ୍‌ଦକ ନେଲେଆ, ମେନ୍ଦ୍ କାକ ନେଲ୍‌ଉରୁମେୟା,
ଇନ୍‌କୁ ଆୟୁମ୍‌ଦକ ଆୟୁମେୟା, ମେନ୍ଦ୍ କାକ ଆର୍‌କାରେୟା,
କା'ରେଦ ଇନ୍‌କୁ ମନ୍‌କ ରୁହାଡେଡେୟାଃ,
ଆତଃ ପାର୍‌ମେଶ୍‌ବାର୍ ଇନ୍‌କୁକେ ଛାମା ଏମାଦକଡେୟାଏ ।”

ୟୀଶୁ ହିତାହେର୍‌ନିଆଃ ଜନ୍‌କା କାଜିରେୟାଃ ମୁଣ୍ଡି ଉଦୁବେତାନାଏ
(ମାଥୁଉ ୧୩:୧୮-୨୩; ଲୁକ ୮:୧୧-୧୫)

୧୩ ଏନ୍ତେ ଯୀଶୁ ମେତାଦକଆଏ, “ନେ କାଜିରାଃ ଜନ୍‌କା କା'ଚିପେ ମୁଣ୍ଡିକେଦା ? ତାଦ୍, ଆତଃ ଜନ୍‌କାକ ଚିଲ୍‌କାପେ ମୁଣ୍ଡିଆ ? ୧୪ ହିତାହେର୍‌ନିଃଦ ପାର୍‌ମେଶ୍‌ବାର୍‌ଆଃ କାଜି ହେର୍‌ନିଃ ତାନିଃ । ୧୫ ଚିମିନ୍ ହଡକ ପାର୍‌ମେଶ୍‌ବାର୍‌ଆଃ କାଜି ଆୟୁମ୍ ତାନଲଃଗି ସାଏତାନ୍ ହିଜୁଃକେଦ୍‌ତେ ଇନ୍‌କୁତାଃଏତେ ଆୟୁମ୍ କାଜିକେ ରେଃକଇଦିତାଃଏ, ଇନ୍‌କୁଦ ହରା ଗେନାରେ ହେରାକାନ୍ ହିତା ଲେକାଃକ । ୧୬ ଏନ୍‌ଲେକା, ଚିମିନ୍ ହଡକଦ ହିତା ହେରାକାନ୍ ଦିରିଅତେ ଲେକାନ୍‌କ ତାନ୍‌କ, ଇନ୍‌କୁଦ କାଜି ଆୟୁମ୍‌ଲଃଗି ରାସକାତେ ତେଲ୍‌ଏତାନ୍ ହଡକ ତାନ୍‌କ । ୧୭ ମେନ୍ଦ୍ ଇନ୍‌କୁତାଃରେ ‘ରେହେଦ୍’ କା ତାଇନ୍ ହରାତେ ଇନ୍‌କୁ କାଚିଃ ଘାଡ଼ିଗିକ ତାଇନାଃ, ତାୟମ୍‌ତେ କାଜିରାଃ ହରାତେ ଦୁକୁହାସୁ ଚାହେ ସାସାତି ହିଜୁଃରେ ଇମ୍‌ତାଗିକ ରୁହାଡକଆଃ । ୧୮ ଜେତାଏ କାଜି ଆୟୁମାଃଏ ମେନ୍ଦ୍ ସାଂସାର୍‌ରେୟାଃ ଉଡ଼ୁ ଆତଃ ପୁରାଃ ମେନାଃତେୟାଃରାଃ ହାୟା, କାନାଜିକେ ହାରାତପାଏୟା ଆତଃ ଇନିଃ କାଏ ଜଅଃଆ, ଇନିଃ ଜାନୁମ୍ ଆଲାରେ ଉୟୁଗାକାନ୍ ହିତା ଲେକାନ୍‌ନିଃ ତାନିଃ, ଇନିଃ ଜେତାନ୍ ଜ କାଏ ଜଅଃଆ । ୧୯ ନେ ଲେକାନ୍ ହଡକଦ ଜାନୁମ୍ ଆଲାରେ ହେରାକାନ୍ ହିତାଲେକାନ୍‌କତାନ୍‌କ । ୨୦ ଆତଃ ବୁଗିନ୍ ଅତେରେ ହେରାକାନ୍ ହିତାଲେକା ଚିମିନ୍ ହଡକ ସୁକୁକାଜି ଆୟୁମ୍‌କେଦ୍‌ତେ ମାନାଡିଙ୍‌ୟାଃକ, ଆତଃ ମିଆଁଦିନିଃ ତିରିଶ୍, ଏଗାଃନିଃ ଷାଠେ, ଆତଃ ମିଆଁଦିନିଃ ମିଦ୍‌ଶାଅ ଗୁନାକ, ଜ ଆଃ ।”

ଦିମିରେୟାଃ ଜନ୍‌କା କାଜି
(ଲୁକ ୮:୧୬-୧୮)

୧୬ ✨ଆତଃଗି ଯୀଶୁ କାଜିୟାଦକଆଏ, “ଚିୟାଃ ଜେତାଏ ହଡ ଦିମି ଜୁଲ୍‌କେଦ୍‌ତେ ‘ତାଝାତେ’ ଚାଏ ପାର୍‌କମ୍ ଲାତାର୍‌ରେ ଦହୟାଏ ? ଏନାକେଦ ପାଶା ଚାଏ ଦିର୍‌କା ଚେତାନ୍‌ରେ ଦହୟାଏ । ୧୭ ✨ଅକ ସବେନ୍ ଉକୁଆକାନ୍‌ତେୟାଃ ଏନା ମାୟ୍‌ଲ୍‌ତେ ଆଉଃଆ, ଆତଃ ଅକ ସବେନାଃ ଦାନାଙ୍‌ଆକାନା ଏନା ଉଦୁବଃଆ । ୧୮ ଲୁତୁର୍ ତାପେଆଃ ଆୟୁମ୍ ନାଗେନ୍ତେ ମେନାଃରେଦ୍, ଆୟୁମେପେ ।”

୧୮ ✨ଆତଃଗି ଇନିଃ କାଜିୟାଦକଆଏ, “ଆପେ ଆୟୁମେତେୟାଃ ବୁଗିଲେକା ଆୟୁମ୍‌ଉରୁମେପେ, ଆପେ ସଙ୍ଗେ ତାମ୍‌ରେଗି ଆପେ ନାଗେନ୍ତେ ସୋଙ୍ଗଃଆ, ଆତଃ ଏନାଏତେ ଆଦକାପେ ନାମେଆଁ । ୧୯ ✨ଚିୟାଃଚି, ଅକଏତାଃ ମେନାଃ ଇନିଃଦ ଆତଃଗି ନାମେଆଁ, ଆତଃ ଜେତାଏତାଃରେ ବାନଃଆ, ଇନିଃତାଃଏତେ ଅକ୍‌ନାଃ ମେନାଃ ଏନାହଗି ଇଦିୟଃଆ ।”

ହାରାତାନ୍ ହିତାରେୟାଃ ଜନ୍‌କା କାଜି

୨୦ ଆତଃଗି ଯୀଶୁ କୁଲିକେଦକଆଏ, “ପାର୍‌ମେଶ୍‌ବାର୍‌ଆଃ ରାଇଜ୍ ନେ'ଲେକାଗିଆଃ, ମିଆଁଦ୍ ହଡ୍ ଆୟାଃ ଅତେରେ ହିତା ହେର୍‌କେଦାଏ । ୨୧ ଆତଃ ଇନିଃ ନିଦାରେ ଦୁଡ଼ମ୍‌ାଏ, ସିଙ୍ଗିରେ ବିରିଦାଏ, ଆତଃ ଇନିୟାଃ କା ସାରିତେ ହିତା ଅମନଆଃ ଆତଃ ହାରାଅଆଃ । ୨୨ ଅତେଦ୍ ଆୟାଃତେଗି ଜ'ଏମାଃଏ, ସିଦା ଅମନେୟାଏ, ଏନ୍ତେ ଗେଲେୟାଏ, ଏନ୍ତେ ଗେଲେରେ ଜାଙ୍‌ଅଃଆ । ୨୩ ଜ ଜାଙ୍‌ୟାନ୍‌ଚି ଏନ୍ ହଡ୍, ଇରୋଃ ଦିପିଲି ସେଟେର୍‌ୟାନା ମେନ୍ତେ, ଦାଡ଼ରମ୍ ସାବେଆଏ ।

ମାନିଜାଙ୍‌ରେଆଃ ଜନ୍‌କା କାଜି
(ମାଥୁଉ ୧୩:୩୧-୩୪; ଲୁକ ୧୩:୧୮-୧୯)

✨ ୪:୨୧ ୪:୨୧ ମାଥୁଉ ୫:୧୫; ଲୁକ ୧୧:୩୩. ✨ ୪:୨୨ ୪:୨୨ ମାଥୁଉ ୧୦:୨୭; ଲୁକ ୧୨:୨. ✨ ୪:୨୪ ୪:୨୪ ମାଥୁଉ ୭:୨; ଲୁକ ୭:୩୮. ✨ ୪:୨୫ ୪:୨୫ ମାଥୁଉ ୧୩:୧୨; ୨୫:୨୯; ଲୁକ ୧୯:୨୭.

୩୦ “ଆଡ଼ଃଗି ଯିଶୁ କୁଲିକେଦକଥାଏ, ପାରମେଶ୍ୱାରୀଆଃ ରାଇଜ୍ ଚିନାଃଲଃରୁ ଜକାଏୟା ଚାଏ ଅକ ଜନ୍କା କାଜିତେ ଏନାରୁ ଉଦୁବେୟା । ୩୧ ଏନାଦ ମିଆଁଦ୍ ମାନିଜାଙ୍ଗ୍ ଲେକା, ଅତେରେ ହେରତାନ୍ ସାମାଏରେ ଅତେରାଃ ସବେନ୍ ହିତାଜାଙ୍ଗ୍ ଏତେ ହୁଡ଼ିଙ୍ଗ୍ଆଁ, ୩୨ ମେନ୍ଦ୍ ଅତେରେ ହେରୟାନ୍ତି ଏନାରେୟାଃ କତକ ଏଟାଃ ଆଡ଼ାଃଦାରୁକଏତେ ପୁରାଃ ମାରାଙ୍ଗ୍ ହାରାସାଲାଇଅଃଆ, ଆଡ଼ଃ ସିର୍ମାରେନ୍ ଚେଟ୍ଟେକ୍ ଏନାରେୟାଃ ଉମ୍ମଲୁରେକ୍ ଅକାୟା ।”

୩୩ ଯିଶୁ ଇନ୍କୁକେ ଆଟ୍ଟକାରୁରୁମ୍ ଦାଡ଼ିଲେକା ପୁରାଃ ନେଲେକାନ୍ ଜନ୍କା କାଜିକ କାଜିକେଦକଥାଏ । ୩୪ ବେଗାର୍ ଜନ୍କା କାଜିତେ ଇନିଃ ଇନ୍କୁକେ ଜେଡ଼ନାଃ କାଏ କାଜିୟାଦକଥା, ମେନ୍ଦ୍ ଏସ୍କାରରେ ଇନିଃ ଆୟାଃ ଚେଲାଇକକେ ସବେନାଃରାଃ ମୁଣ୍ଡି ଉଦୁବାକ ତାଇକେନାଏ ।

ୟିଶୁ ମାରାଙ୍ଗ୍‌ହୟକେ ହାପାଉତାରକେଦାଏ
(ମାଥୁଉ ୮:୨୩-୨୭; ଲୁକ ୮:୨୨-୨୫)

୩୫ ଏନ୍ ହୁଲାଇ, ଆୟୁବୟାନ୍ତି ଯିଶୁ ଚେଲାଇକକେ କାଜିୟାଦକଥାଏ, “ଦଲାରୁ, ଦରେୟା ହାନ୍ ପାରମ୍‌ତେବୁଆ ।” ୩୬ ଆଡ଼ଃ ଚେଲାଇ ଗାଦେଲ୍ ହଡ଼କକେ ବାଗିକେଦ୍‌ତେ ଲାଉକାରେ ଦୁବୟାନାକ, ମେନ୍ଦ୍ ଯିଶୁ ସିଦାରେ ଦୁବାକାନ୍ ତାଇକେନାଏ, ଏନ୍ତେ ଇନ୍କୁ ଲାଉକାକେ ଚାଲାଅକେଦାଃକ, ଏନ୍ତାଃରେ ଏଟାଃ ଲାଉକାକହ ତାଇକେନା । ୩୭ ଇମ୍‌ତାଙ୍ଗ୍‌ଗି ଦୁଦୁଗାରହୟ ବିରିଦୟାନା ଆଡ଼ଃ ଲାଉକାରେ ଆଲ୍‌ପୁଙ୍ଗ୍‌କ* ରାକାବୟାନା, ଏନାତେ ଲାଉକାରେ ଦାଆଃ ପେରେଜଃତାନ ତାଇକେନା । ୩୮ ଇମ୍‌ତା ଯିଶୁ ଲାଉକାରେୟାଃ ତାୟମ୍‌ସାଃରେ ଉଠୁଙ୍ଗ୍‌କେଦ୍‌ତେ ଦୁଡ଼ୁକାନାଏ ତାଇକେନା । ଚେଲାଇ ଇନିଃକେ ବିରିଦତାନ୍‌ଲଃ କାଜିକୟାଃକ, “ହେ ଗୁରୁ, ତୁବିଃଗ୍ ଗଜଃତାନାଲେ, କାମ୍‌ତି ପାହାମ୍‌ତାନା ?”

୩୯ ଯିଶୁ ବିରିଦ୍‌ତିଲୁୟାନ୍ତି ହୟକେ ମାରାଙ୍ଗ୍‌ମଚାକିୟା ଆଡ଼ଃ ଆଲ୍‌ପୁଙ୍ଗ୍‌କେ କାଜିକେଦା, “ହାପାଅଃମେଁ,” ଆଡ଼ଃ ଏନା ରୁଡ଼ୁୟାନା, ଆଡ଼ଃ ପୁରା ସିଃସଏଃୟାନା† । ୪୦ ଏନ୍ତେ ଯିଶୁ ଚେଲାଇକକେ କାଜିୟାଦକଥାଏ, “ଚିନାଃ ମେନ୍ତେପେ ବରତାନା ? ନାହାଁଃ, ଜାକେଦ୍ ଆପେୟାଃ ବିଶ୍ୱାସ୍ ବାନଃଆଟି ?”

୪୧ ଏନାତେ ଇନ୍କୁ ପୁରାଃଗି ବରକେଦାଃକ, ଆଡ଼ଃ ମେପେନ୍‌ୟାନାକ, “ନିଃଦ୍ ଅକଏ ତାନିଃ ? ହୟ, ଆଡ଼ଃ ଦରେୟା ହୁଁ ନିୟାଃ କାଜିକ ମାନାଡ଼ିଙ୍ଗ୍‌ତାନା ।”

୫

ବଙ୍ଗା ଏସେରାକାନ୍‌ନିଃକେ ଯିଶୁ ବୁଗି ତାନା
(ମାଥୁଉ ୮:୨୮-୩୪; ଲୁକ ୮:୨୬-୩୯)

୧ ଏନ୍ତେ ଯିଶୁ ଆୟାଃ ଚେଲାଇଲଃ ଗାଲିଲ୍ ଦରେୟା ସେନ୍‌ପାରମ୍‌କେଦ୍‌ତେ ଗେରାସିମିକଆଃ ପାର୍‌ଗାନତେ ତେବାଃୟାନାକ । ୨ ଇନିଃ ଲାଉକାଏତେ ଆଡ଼ଗୁୟାନ୍ତି, ସଡ଼ରା ଆମ୍‌ତେ ଏସେରାକାନ୍ ମିହୁଡ୍ ହଡ଼ ତପାଠାୟାଦ୍‌ଏତେ ଅଡ଼ଙ୍ଗ୍‌କେଦ୍‌ତେ ସେନ୍‌ଦାରମ୍‌କିୟାଏ । ୩ ଇନିଃ ତପା ଠାୟାଦ୍‌ରେ ତାଇନଃତାନାଏ ତାଇକେନା, ଇନିଃକେ ଜେତାଏ କାକ ତଲ୍ ଦାଡ଼ିତାଇକେନା, ସିକ୍‌ଡ଼ିତେହ୍ କାହାଗି । ୪ ପୁରାଃସା ଇନିୟାଃ କାଟା ଡ଼ିଃଇକ ସିକ୍‌ଡ଼ିତେ ତଲାକାନ୍ ତାଇକେନାଏ, ମେନ୍ଦ୍ ସବେନ୍ ଇମ୍‌ତା ଇନିଃ ସିକ୍‌ଡ଼ି ଆଡ଼ଃ ବେଡ଼ିକକେ ଟଟାଃକେଦାଏ । ଇନିଃତାଃରେ ପୁରାଃ ପେଡ଼େଃ ତାଇକେନା ଆଡ଼ଃ ଜେତାଏ ହୁଁ ଇନିଃକେ କାକ କାରୁ ଦାଡ଼ିତାଇକେନା । ୫ ନିଦା ଆଡ଼ଃ ସିଙ୍ଗି ତପା ଠାୟାଦ୍‌କରେ, ବୁରୁରେ କାଉରିତାନ୍ ଆଡ଼ଃ ଦିରିତେ କଟେୟଃତାନାଏ ତାଇକେନା ।

୬ ସାଙ୍ଗିନ୍‌ଏତେ ଯିଶୁକେ ନେଲ୍‌ତାଇଲଃ ନିର୍ଦ୍ଦାରମ୍‌କେଦ୍‌ତେ ଆୟାଃ ଆୟାରରେ ଅମ୍‌ତାଃ ଇକ୍‌ଡ଼ୁୟାୟାଏ । ୭ ଆଡ଼ଃ କାଉରିତାନ୍‌ଲଃ କାଜିକେଦାଏ, “ଏ, ସାଲାଇ଼ଡ଼ତାର୍ ପାରମେଶ୍ୱାରୀଆଃ ହନ୍ ଯିଶୁ, ଆଇୟାଃଲଃ ଆମାଃ ଚିକାନ୍ କାମି ମେନାଃ ? ପାରମେଶ୍ୱାରୀଆଃ ନୁଡୁମ୍‌ତେ କଏମେ ତାନାଇଙ୍ଗ୍, ଆଲମ୍ ସାସାଡ଼ିଆଁ ।” ୮ ଚିୟାଃତି “ଏ, ସଡ଼ରା ଆମ୍, ନେ ହଡ଼ଏତେ ଅଡ଼ଙ୍ଗ୍‌ଅଃମେ” ମେନ୍ତେ ଯିଶୁ କାଜିକାଇ ତାଇକେନାଏ ।

୯ ଏନ୍ତେ ଯିଶୁ ଇନିଃକେ କୁଲିକିୟା, “ଆମାଃ ନୁଡୁମ୍ ଚିକନାଃ ? ଆଇୟାଃ ନୁଡୁମ୍ ଫାଉଦ୍, ଆଲେ ପୁରାଃଗି ମେନାଲେୟା” ମେନ୍ତେ କାଜିରୁହାଡ଼କିୟା । ୧୦ ଆଡ଼ଃ ଇନିଃ ଯିଶୁକେ, ନେ ଦିଶୁମ୍‌ଏତେ ଆଲମ୍‌ଗି ହାର୍ ଅଡ଼ଙ୍ଗ୍‌ଲେୟା, ମେନ୍ତେ ପୁରାଃଗି ବିନ୍ତିତାନ୍‌ଲଃ କାଜିଗହାରକିୟାଏ ।

୧୧ ବୁରୁଗେନା ଜାପାଃରେ ସୁକୁରିକଆଃ ମାରାଙ୍ଗ୍ ଗୋର୍ ଆଡ଼ିଙ୍ଗ୍‌ତାନ୍‌କ ତାଇକେନା । ୧୨ ଆଡ଼ଃ, ବଙ୍ଗାକ ବିନ୍ତିକେଦ୍‌ତେ କାଜିକିୟାଃକ, “ଆଲେକେ ଏନ୍ ସୁକୁରିକରେ ବଲଃ ନାଗେନ୍ତେ କୁଲ୍‌ତାଲେମେ ।” ୧୩ ଯିଶୁ ଇନ୍କୁକେ ସେନ୍‌ଇତିକେଦକଥା, ଆଡ଼ଃ ଏନ୍ ସଡ଼ରା ଆମ୍‌କ ଏନ୍ ହଡ଼ଏତେ ଅଡ଼ଙ୍ଗ୍‌କେଦ୍‌ତେ ସୁକୁରିକରେକ ବଲୟାନା, ଆଡ଼ଃ ଏନ୍ତାଃରେ ଦୁଇ ହାଜାର୍ ଲେକା ସୁକୁରିକ ଆଡ଼ିଙ୍ଗ୍ ତାଇକେନା, ଇନ୍କୁ ଦରେୟାରେକ ନିର୍ ଭୁଷ୍‌ମାୟାନା ଆଡ଼ଃ ତୁବିଃଗ୍ ଗଏଃୟାନାକ ।

୧୪ ସୁକୁରି ଗୁପିତାନ୍‌କ ନିର୍‌ୟାନାକ ଆଡ଼ଃ ସାହାର୍ ଆଡ଼ଃ ଟଲାକରେ ନେ କାଜିକ ଉଦୁବ୍‌କେଦାଃ, ଏନ୍ତେ ଚିକ୍‌ନାଃ ଚିକାୟାନା ମେନ୍ତେ ହଡ଼କ ନେଲ୍ ନାଗେନ୍ତେ ଅଡ଼ଙ୍ଗ୍‌ୟାନାକ । ୧୫ ଆଡ଼ଃ ଇନ୍କୁ ଯିଶୁତାଃ ତେବାଃୟାନ୍ତି ବଙ୍ଗା

* ୪:୩୭ ୪:୩୭ ଆଲ୍‌ପୁଙ୍ଗ୍ † ୪:୩୯ ୪:୩୯ ଆମ୍‌ଆ

ଏସେରକାନ୍ ହତକେ ଇନିୟାଃ କାଟାସୁବାରେ ବୁଗିନ୍‌ମନ୍‌ତେ ଦୁବାକାନ୍, ଆତଃ ଲିଜାଃ ତୁସିଙ୍‌ଆଁକାନ୍ ନେଲ୍‌କିଃତେ ବରକେଦାଃକ । ୧୬ ନେ ସବେନ୍ ନେଲାକାଦ୍ ହତକ, ବଜା ଏସେରକାନ୍ ଏନ୍ ହତ ଚିଲ୍‌କା ବୁଗିୟାନାଏ ଆତଃ ସୁକୁରିକ ଚିଲ୍‌କାୟାନା ଏନା ସବେନ୍ ହତକକେ ଉଦୁବାଦକଆକ ।

୧୭ ଏନ୍ତେ ଇନ୍‌କୁ ଯୀଶୁକେ, ଆଲେୟାଃ ସିମ୍‌ନାଏତେ, ଅତଙ୍‌ଅଃମେ ମେନ୍ତେକ ବିକ୍ତିକିୟା ।

୧୮ ଏନ୍ତେ ଯୀଶୁ ଲାଉକାରେ ରାକାଦ୍‌ତାନ୍ ଇମ୍‌ତା, ବଜା ଏସେରଏତେ ବୁଗିକାନ୍ ହତ, ଯୀଶୁକେ “ଆମାଃଲଃ ତାଇନ୍ ଚିକାଆଇଙ୍‌ମେ” ମେନ୍ତେ ବିକ୍ତିକିୟାଏ ।

୧୯ ମେନ୍‌ଦ ଯୀଶୁ “କାହାଗି, ଆମାଃ ଅଡ଼ାଃତେ ରୁହାଡ଼ମେଁ ଆତଃ ଗମ୍‌କେ ଆମାଃ ନାଗେନ୍ତେ ଚିନାଃ ରିକାକେଦାଃଏ, ଆତଃ ଚିଲ୍‌କା ଆମ୍‌କେ ଦାୟାକାଦ୍‌ମେୟା ଏନ୍ ସବେନାଃ ଆମାଃ ଅଡ଼ାଃରେନ୍‌କକେ ଉଦୁବାକମେ” ମେନ୍ତେ କାଜିକିୟା ।

୨୦ ଏନ୍ତେ ଏନ୍ ହତ ରୁହାଡ଼ୟାନାଏ ଆତଃ ଆୟାଃ ନାଗେନ୍ତେ ଯୀଶୁ ଚିନାଃ ରିକାକେଦାଃଏ ଏନା ସବେନ୍ ଦେକାପଲ୍‌ଲୀ*ରେ ଉଦୁବ୍ ଏଟେଦ୍‌କେଦାଏ, ଆତଃ ଏନା ଆୟୁମ୍‌ତାନ୍‌କ ଆକ୍‌ଦାୟାୟାନା ।

ଗଏଃକାନ୍ ହନ୍‌କୁଡ଼ି ଆତଃ ଦୁକୁତାନ୍ କୁଡ଼ି
(ମାଥୂଝ ୯:୧୮-୨୬; ଲୁକ ୮:୪୦-୫୬)

୨୧ ଯୀଶୁ ଲାଉକାରେ ଦରେୟାରାଃ ହାନ୍ ପାରମ୍‌ଏତେ ନେ ପାରମ୍‌ତେ ରୁହାଡ଼ୟାନ୍‌ଚି, ଏନ୍ତାଃରେ ଗାଦେଲ୍ ହତକ ହୁଣ୍ଡିୟାନା, ଆତଃ ଯୀଶୁ ଦରେୟା ଗେନାରେ ତାଇକେନାଏ । ୨୨ ଏନ୍ତେ ଯାଇରସ ନୁତୁମ୍ ମିଆଁଦ୍ ସାମାଜ୍‌ଅଡ଼ାଃରେନ୍ ଆଗୁଆଇ ହତ ହିଜୁଃୟାନାଏ, ଆତଃ ଯୀଶୁକେ ନେଲ୍‌କେଦ୍‌ତେ ଆୟାଃ କାଟାସୁବାରେ ଉୟୁଃୟାନା, ୨୩ ପୁରାଃଗି ବିକ୍ତିତାନ୍‌ଲଃ କାଜିକେଦା, “ହନ୍‌କୁଡ଼ି ଦୁକୁତେ ଗଜଃ ଲେକାକାନାଏ, ଇନିଃ ଚିଲ୍‌କା ବାଞ୍ଚାଅଃଆଏ, ଏନାମେନ୍ତେ ହିଜୁଃମେ, ଆତଃ ଇନିୟାଃ ଚେତାନ୍‌ରେ ତିଃଇ ଦହେମେ ।”

୨୪ ଏନ୍ତେ ଯୀଶୁ ଇନିଃଲଃ ସେନଃୟାନାଏ ଆତଃ ଗାଦେଲ୍ ହତକ ଉପୁଦୁର୍‌ଠେପ୍‌ସାକେଦ୍‌ତେ ଜୁରୁବିହୁର୍ ତାନ୍‌ଲଃ ଦୟା ଦୟାକ ଅତଙ୍‌କିୟା ।

୨୫ ଆତଃ ଏନ୍ତାଃରେ ବାରା ବାରାଷ୍‌ଏତେ “ମାୟୋମ୍‌ଲିଙ୍‌ଜି” ଦୁକୁରେ ଦୁକୁତାନ୍ ମିଆଁଦ୍ କୁଡ଼ି ତାଇକେନାଏ । ୨୬ ଇନିଃ ପୁରାଃ ବାଇଦ୍‌କତାଃରେ ରାନୁଆକାନ୍ ତାଇକେନାଏ, ଆତଃ ଆୟାଃ ସବେନ୍ ତାଇକେନ୍‌ତେୟାଃ ଇନ୍‌କୁଆଃରେ ଚାବାକେଦାଏ, ଏନ୍‌ରେୟ କାଏ ବୁଗିୟାନା, ମେନ୍‌ଦ, ଦୁକୁତାୟାଃ ଆତଃଗି ସାର୍‌ସାଅୟାନା† । ୨୭ ଇନିଃ ଯୀଶୁଆଃ ବିଷାଏ ଆୟୁମ୍‌କେଦ୍‌ଚି ଗାଦେଲ୍ ହତକଆଃ ଆଲାରେ ଇନିୟାଃ ଦୟାହରା ଏତେ ଲିଜାଃରାଃ ଆର୍‌ରା ଜୁଟିଦ୍ ନାଙ୍ଗ୍ ହିଜୁଃୟାନା, ୨୮ ଚିୟାଃଚି ଇନିଃ ଆୟାଃ ମନ୍‌ରେ “ଇନିୟାଃ ଲିଜାଃ ଏସ୍‌କାର୍ ଜୁଟିଦ୍‌ତାରେଦ୍ ଆଇଙ୍‌ ବୁଗିକଆଇଙ୍‌” ମେନ୍ତେ ଉଡ଼ୁତାନ୍ ତାଇକେନାଏ ।

୨୯ ଏନ୍ତେ ଇନିଃ ଯୀଶୁଆଃ ଲିଜାଃ ଆର୍‌ରାକେ ଜୁଟିଦ୍‌କେଦାଏ ଆତଃ, ଇମ୍‌ତାଙ୍‌ଗି ଇନିଃ ମାୟୋମ୍‌ ଲିଙ୍‌ଜି ଦୁକୁଏତେ ବୁଗିୟାନାଏ । ଆତଃ ଦୁକୁଏତେ ବୁଗିୟାନାଇଙ୍‌ ମେନ୍ତେ ଆୟାଃ ହତ୍‌ମରେ ଆର୍‌କାରକେଦା । ୩୦ ଇମ୍‌ତାଙ୍‌ଗି ଯୀଶୁ, “ଆଇଙ୍‌ଏତେ ପେଡ଼େଃ ଅତଙ୍‌ୟାନା” ମେନ୍ତେ ଜୀଉରେ ସାରିଆର୍‌କାରକେଦାଏ, ଆତଃ ଗାଦେଲ୍ ହତକକେ ହେଡାରୁହାଡ଼କେଦ୍‌ତେ, “ଅକଏ, ଆଇଁୟାଃ ଲିଜାଃ ଜୁଟିଦ୍‌କେଦାଏ ?” ମେନ୍ତେ କୁଲିକେଦ୍‌କଆ ।

୩୧ ଆତଃ ଚେଲା ତାୟାଃକ ଯୀଶୁକେ କାଜିକିୟାଃକ, “ଗାଦେଲ୍ ହତକ ଆମାଃ ଚେତାନ୍‌ରେ ଉୟୁଗଃତାନାକ, ଏନାଦ୍ ନେଲ୍‌କତାନାମ୍, ଆତଃ ‘ଅକଏ ଜୁଟିଦ୍‌କିଦିୟାଏ,’ ମେନ୍ତେ ଚିନାଃମ୍ କୁଲିତାନା ?”

୩୨ ମେନ୍‌ଦ ଜୁଟିଦ୍‌କେଦ୍‌ନିଃକେ ଯୀଶୁ ନେଲ୍‌ନାମି ନାଗେନ୍ତେ ହେଡାବାଡାକେଦାଏ । ୩୩ ଏନ୍ କୁଡ଼ି ଆଇଁୟାଃ ଚିକ୍‌ନାଃ ଚିକାୟାନା ନେଆଁ ଆର୍‌କାରକେଦ୍‌ତେ, ବରତେ ଏକ୍‌ଲାଅଃତାନ୍‌ଲଃ ହିଜୁଃୟାନାଏ ଆତଃ ଇକ୍‌ଡୁମ୍ ତାନ୍‌ଲଃ ସବେନାଃ ସାର୍‌ତିଗି ଯୀଶୁକେ ଉଦୁବ୍‌କିୟା । ୩୪ ଯୀଶୁ କାଜିକିୟାଏ, “ଏ ମାଇ, ବିଶ୍ୱାସ୍ ତାମାଃ ବୁଗିୟାକାଦ୍‌ମେଁୟାଏ, ଜୁ ସୁକୁ ଜୀଉତେ ସେନଃମେ, ଆତଃ ଆମାଃ ଦୁକୁଏତେ ବୁଗିୟାକାନ୍ ତାଇନଃମେ ।”

୩୫ ଯୀଶୁ ଏନା କାଜିତାନ୍ ଇମ୍‌ତାଗି, ସାମାଜ୍ ଅଡ଼ାଃ ଚାଲାଅନିୟାଃ ଅଡ଼ାଃଏତେ କାଜି ଆଉଝାକାଦ୍ ହତ ଯାଇରସକେ କାଜିକିୟାଏ, “ହନ୍‌ମେକୁଡ଼ି ଗଏଃୟାନାଏ, ଗୁରୁକେ ଆତଃ ଆଲ୍‌ମେ ଦୁକୁଇୟା ।”

୩୬ ଯୀଶୁ ଏନକାଜି ଆୟୁମ୍‌କେଦ୍‌ତେ କା ଆୟୁମ୍‌ତାନ୍ ଲେକା ସାମାଜ୍‌ଅଡ଼ାଃରେନ୍ ଆଗୁଆଇକେ କାଜିକିୟା, “ଆଲମ୍ ବରଏୟା, ବିଶ୍ୱାସ୍‌ରେଗି ତାଇନଃମେ ।” ୩୭ ଆତଃ ଯୀଶୁ, ପାଡ଼ରାସ୍, ଯାକୁବ୍, ଆତଃ ଯୋହାନ୍, ଯାକୁବ୍‌ଆଃ ହାଗାତେକେ ବାଗିକେଦ୍‌ତେ ଆତଃ ଜେତାଏକକେ କାଏ ସେନ୍ ଇଚିକେଦ୍‌କଆ । ୩୮ ଯାଇରସଆଃ ଅଡ଼ାଃତେ ସେଟେର୍‌ୟାନ୍‌ଚି, ଯୀଶୁ ଗାଦେଲ୍ ହତକ ହାଲାଗୁଲାତାନ୍‌ଲଃ, ରାଆଃତାନ୍ ଆତଃ ଏୟମ୍‌ତାନ୍ ନେଲ୍‌କେଦ୍‌କଆଏ । ୩୯ ଇନିଃ ଅଡ଼ାଃରେ ବଲ୍‌ୟାନାଏ, ଆତଃ ଇନ୍‌କୁକେ କାଜିୟାଦ୍‌କଆ, “ଚିନାଃ ମେନ୍ତେପେ ହାଲାଗୁଲାଏତାନା ଆତଃପେ ରାଆଃଏତାନା ? ଏନ୍ ହନ୍‌ଦ୍ କାଏ ଗଜାକାନା ମେନ୍‌ଦ୍ ଦୁଡ଼ୁତାନାଏ ।”

୪୦ ଏନ୍ତେ ଇନ୍‌କୁ ଇନିଃକେ ଲାୟାକିୟାଃକ । ମେନ୍‌ଦ୍ ଯୀଶୁ ସବେନ୍ ହତକକେ ଏନ୍ତାଃଏତେ ଅତଙ୍‌କେଦ୍‌କଚି, କୁଡ଼ିହନ୍‌ରାଃ ଏଙ୍‌ଆପୁକିନ୍ ଆତଃ ଆୟାଃଲଃ ତାଇକାନ୍ ଚେଲାକଲଃ, କୁଡ଼ିହନ୍ ଗିଡିଜାକାନ୍‌ତାଃ ସେନ୍ ବଲ୍‌ୟାନାକ

* ୫:୨୦ ୫:୨୦ ଗ୍ରୀକ୍ ଜାଗାର୍‌ତେ ନେଆଁରାଃ ମୁଣ୍ଡି “ଦାଗ୍‌ତୁ ସାହାର୍” † ୫:୨୬ ୫:୨୬ ବାଢ଼ାଅୟାନା

। ୪୧ ଆତ୍ମ ଇନିୟା ଡିଃଇ ସାବକେଦ୍‌ତେ “ଗାଲିଆକୁମ୍” ମେନ୍‌କିୟାଏ, ନେ କାଜିରେୟାଃ ମୁଣ୍ଡି ନେଆଁ ତାନାଃ, “ଏ ମାଲ ବିରିଦ୍‌ମେ ।”

୪୨ ଇମତାଗି ଏନ୍ କୁଡ଼ିହନ୍ ବିରିଦ୍‌ୟାନାଏ ଆତ୍ମ ସେସେନ୍ ବାଡ଼ାକେଦାଏ, ଚିୟାଃଟି ଇନିଃଦ ବାରା ବାରାଷ୍ଟରେନ୍ ତାଇକେନାଏ । ନେଆଁ ନେଲ୍‌କେଦ୍‌ତେ ସବେନ୍‌କ ପୁରାଃଟି ଆକ୍‌ଦାନ୍‌ଆୟାନାକ । ୪୩ ମେନ୍‌ଦ ଯୀଶୁ “ନେ କାଜି ଜେତାଏତାଃରେ ଆଲ୍‌ପେ ଉଦୁବେୟା,” ମେନ୍ତେ କାଜିୟାଦ୍‌କଆଏ, ଆତ୍ମ “କୁଡ଼ିହନ୍‌କେ ଜେଡ୍‌ନାଃ ଜଜମ୍ ନାଜ୍ ଏମାଲପେ” ମେତାଦ୍‌କଆଏ ।



ୟୀଶୁକେ ନାଜ୍‌ରେଡ୍‌ରେ କାକ ବିଶ୍ୱାସକିୟା
(ମାଥୁଉ ୧୩:୫୩-୫୮; ଲୁକ ୪:୧୬-୩୦)

୧ ଯୀଶୁ ଏନ୍ତାଃଏତେ ଅତଙ୍ଗୟାନା । ଆତ୍ମ ଚେଲାକଲଃ ଆୟାଃ ସାହାରତେ ହିନ୍ଦୁଃୟାନାଏ । ୨ ରୁଡ୍‌ନୁ ହୁଲାଜ୍ ସାମାଜ୍ ଅଡ଼ାଃରେ ଇନିଃ ଇଡୁ ଏଟେଦ୍‌କେଦାଏ । ଏନ୍ତାଃରେନ୍ ପୁରାଃ ହଡକ ଇନିୟାଃ କାଜି ଆୟୁମ୍‌କେଦ୍‌ତେ ଆକ୍‌ଦାନ୍‌ଆୟାନାକ, ଆତ୍ମକ ମେନ୍‌କେଦାଃ, “ଇନିଃ ନେ ସବେନ୍‌କାଜି ଅକ୍‌ତାଃଏତେ ନାମାକାଦା ? ଇନିଃ ଅକ୍‌ତାଃଏତେ ନେ ସେଣ୍ଡାଁ ଆତ୍ମ ପେଡ୍‌ୟାନ୍ କାମିକରେୟାଃ ପେଡ୍‌ୟା ନାମାକାଦାଏ ? ନିଃ ଚିଲ୍‌କା ନେ ଲେକା ପେଡ୍‌ୟାନ୍ କାମିକ କାମିତାନାଏ ? ୩ ଚିୟାଃ ନିଃ ଏନ୍ ବାଡ଼ାଇ ନାହାଁଲିଃ ? ଚିୟାଃ ନିଃ ମାରିୟାମ୍‌ଆଃ ହନ୍ତେକଡ଼ା ନାହାଁଲିଃ ? ଆତ୍ମ ଯାକୁବ୍, ଯୋସି, ଶିମୋନ୍ ଆତ୍ମ ଯିହୁଦା ନେ ସବେନ୍‌କ ଆୟାଃ ହାଗାକ କାଟି ତାନ୍‌କ ? ଆତ୍ମ ଇନିୟାଃ ମିଶିକ ଆବୁଲଃଟି ବାଜ୍‌କଆ ?” ଆତ୍ମ, ଇନ୍‌କୁ ଯୀଶୁକେ କାକ ବିଶ୍ୱାସକିୟା ।

୪ *ୟୀଶୁ ଇନ୍‌କୁକେ ମେତାଦ୍‌କଆ, “ନାବୀ ଆୟାଃ ଦିଶୁମ୍ ଆତ୍ମ ଆୟାଃ କୁଟୁମ୍, ଆତ୍ମ ଆୟାଃ ଅଡ଼ାଃରେନ୍‌କକେ ବାଗିକେଦ୍‌ତେ ସବେନ୍‌ତାଃରେ ମାଲନଃଆଏ ।”

୫ ଯୀଶୁ ଚିମିନ୍ ଦୁକୁତାନ୍‌କକେ ଡିଃଇତେ ଜୁରିଦ୍‌କେଦ୍‌ତେ ବୁଗିକେଦ୍‌କଆଏ, ଏନା ବାଗିକେଦ୍‌ତେ ଆତ୍ମ ଏନ୍ତାଃରେ ଇନିଃ ଜେତାନ୍ ଆକ୍‌ଦାନ୍‌ଆ କାମିକ କାଏ ରିକା ଦାଡ଼ିକେଦାଃ । ୬ ଆତ୍ମ ଯୀଶୁ ଇନ୍‌କୁଆଃ କା ବିଶ୍ୱାସ୍‌ତେୟାଃ ନେଲ୍‌କେଦ୍‌ତେ ଆକ୍‌ଦାନ୍‌ଆୟାନା । ଏନ୍ତେ ଯୀଶୁ ହପର୍‌ଜାପାଃ ହାଡୁ ହାଡୁ ସେନ୍‌କେଦ୍‌ତେ ଇଡୁତାନାଏ ତାଇକେନା ।

ୟୀଶୁ ଗେଲ୍‌ବାର୍ ଚେଲାକକେ କୁଲ୍‌କତାନାଏ
(ମାଥୁଉ ୧୦:୫-୧୫; ଲୁକ ୯:୧-୬)

୭ ଏନ୍ତେ ଗେଲ୍‌ବାର୍ ଚେଲାକକେ କେଡ଼ାକେଦ୍‌ତେ, ବାବାର୍‌ହଡ୍‌ଲେକା କୁଲ୍‌କେଦ୍‌କଆଏ । ଆତ୍ମ ସଡ୍‌ରା ଆମ୍ବା ହାର୍‌ଅଡ଼ଜ୍ ନାଗେନ୍ତେ ଇନ୍‌କୁକେ ଆକ୍‌ତେୟାର୍ ଏମାଦ୍‌କଆଏ । ୮ ଆତ୍ମ ଯୀଶୁ ଚିଗାଁଲ୍‌କେଦ୍‌କଆଏ, “ହରାସେନ୍ ନାଗେନ୍ତେ ସଟା ବାଗିକେଦ୍‌ତେ ଆତ୍ମ ଜେଡ୍‌ନାଃ ଆଲ୍‌ପେ ଇଦିୟା, ହଲ୍‌ଜ୍ ଚି ଆଇଲା, ମାୟାଜ୍‌ରେ ଟାକା ପାଏସା ହ୍ କାହାଗି । ୯ କାଟାରେ ଖାର୍‌ପା ତୁସିଜ୍‌ୟେନ୍‌ପେ ମେନ୍‌ଦ ବାରିଆ ତୁସିଜ୍ ଲିଜାଃ ଆଲ୍‌ପେ ସାବେୟା । ୧୦ ଆତ୍ମ ଇନିଃ ମେତାଦ୍‌କଆଏ, ଜେତା ଅଡ଼ାଃରେ ଦାରମ୍‌ପେରେ, ଏନ୍ ସାହାର୍‌ଏତେ ଆଉରିପେ ଅତଙ୍ଗଅଃ ଜାକେଦ୍ ଏନ୍ ଅଡ଼ାଃରେଗି ତାଇନ୍‌କାନ୍‌ପେ । ୧୧ **ଜାହାନ୍ ଠାୟାଦ୍‌ରେନ୍‌କ କାକ ସୁକୁଆପେରେ, ଆତ୍ମ ଆପେୟାଃ କାଜି କାକ ଆୟୁମ୍‌ରେଦ୍, ଏନ୍ତାଃଏତେ ସେନଃତାନ୍‌ଲଃ, ଆପେୟାଃ କାଟା ତାଲ୍‌କାରେୟାଃ ଧୁଡ଼ି ଇନ୍‌କୁଆଃ ବିରୁଧ୍‌ରେଆଃ ଗାଝା ନାଗେନ୍ତେ କଟା ବାଗିତାପେ ।”

୧୨ ଇନ୍‌କୁ ସେନଃୟାନାକ ଆତ୍ମ ହଡକକେ ହେୟାଡିଜ୍ ଲାଗାଡିୟାଃ ମେନ୍ତେ ଉଦୁବ୍‌କେଦାକ । ୧୩ *ଇନ୍‌କୁ ପୁରାଃ ବଙ୍ଗାକକେ ହଡକତାଃଏତେ ହାର୍‌ଅଡ଼ଜ୍ କେଦ୍‌କଆକ ଆତ୍ମ ପୁରାଃ ଦୁକୁହାସୁତାନ୍ ହଡକକେ ସୁନ୍‌ମ୍ ଗସଃକେଦ୍‌ତେ ବୁଗିକେଦ୍‌କଆକ ।

ଯୋହାନ୍ ତୁବାକ୍‌ରାଃ ଗନଏଃ
(ମାଥୁଉ ୧୪:୧-୧୨; ଲୁକ ୯:୭-୯)

୧୪ *ୟୀଶୁଆଃ ନୁଡୁମ୍ ସବେନ୍‌ସାଃରେ ନିଡିରୁୟାନ୍ତେ*, ହେରୋଦ୍‌ ରାଜା ଇନିୟାଃ ବିଷାଏ ଆୟୁମ୍‌କେଦା । ଚିମିନ୍ ହଡକ କାଜିତାଇକେନାକ, “ବାପ୍ତିସ୍ତା ଏମଃନିଃ ଯୋହାନ୍ ଗଜାକାନ୍‌ଏତେ ଜୀଉବିରିଦାକାନାଏ, ଏନା ମେନ୍ତେଗି ଆକ୍‌ଦାନ୍‌ଆ କାମିକ ଇନିୟାଃ ହରାତେ ହବାଅଃତାନା ।”

୧୫ ମେନ୍‌ଦ ଏଟାଃକ କାଜିକେଦାଃକ, “ଇନିଃ ଏଲିୟ ଡାନିଃ, ଆତ୍ମ ଚିମିନ୍ ହଡକ କାଜିକେଦାଃକ, ଇନିଃ ସିଦାରେନ୍ ନାବାକଏତେ ମିଆଁଦ୍ ନାବୀ ତାନିଃ ।”

୧୬ ମେନ୍‌ଦ ହେରୋଦ୍ ନେଆଁକ ଆୟୁମ୍‌କେଦ୍‌ତେ ମେନ୍‌କେଦାଏ, “ଆଇଜ୍ ବହଃ ଖାଣ୍ଡାଅକାନ୍ ଯୋହାନ୍ ଗଜାକାନ୍ କଏତେ ଜୀଉବିରିଦ୍‌ୟାନାଏ ।” ୧୭ *ନେ ହେରୋଦ୍‌ଗି ଯୋହାନ୍‌କେ ସାସାବ୍‌ରାଃ ହୁକୁମ୍ ଏମାକାଦ୍ ତାଇକେନାଏ,

* ୬:୪ ୬:୪ ଯୋହାନ୍ ୪:୪୪. * ୬:୧୧ ୬:୧୧ ପ୍ରେରିଡ୍ ୧୩:୫୧. * ୬:୧୧ ୬:୧୧ ଲୁକ ୧୦:୪-୧୧. * ୬:୧୩ ୬:୧୩ ଯାକୁବ ୫:୧୪. * ୬:୧୪ ୬:୧୪ ମାଥୁଉ ୧୭:୧୪; ମାର୍କ ୮:୨୮; ଲୁକ ୯:୧୯. * ୬:୧୪ ୬:୧୪ ବିଶ୍ୱାସ୍‌ଡ଼ † ୬:୧୪ ୬:୧୪ ଗାଲିଲ୍‌ରେନ୍ ହାକିମ୍ * ୬:୧୭ ୬:୧୭ ଲୁକ ୩:୧୯,୨୦.

ଆତ୍ମ ଇନିଷ୍ଟକେ ତଲ୍ଲକିଷତେ ଜେହେଲ୍ଲକିୟାଏ, ହେରୋଦ୍ ନେଆଁ ରିକାକେଦାଏ, ଚିୟାଃଚି ହେରୋଦ୍ ଆୟାଃ ହାଗାତେ ଫିଲିପ୍ପାଃ କୁଡ଼ିତେ ହେରୋଦିୟାଃକେ ମାଣ୍ଡାଅକାଇ ତାଇକେନା । ୧୮ ଚିୟାଃଚି “ହାଗାମାଃ କୁଡ଼ିକେ ଦହତେୟାଃ ଆଇନ୍ ଲେକାତେ ଆମାଃ ନାଙ୍ଗ୍ କା ଠାଉକାଃ” ମେନ୍ତେ ଯୋହାନ୍ ହେରୋଦ୍ କେ କାଜିକାଇ ତାଇକେନା ।

୧୯ ଏନାତେ, ହେରୋଦିୟାଃ ଇନିଷ୍ଟକେ ଖୁସ୍ତେ ଗଗଏଃ ସାନାଙ୍ଗ୍ ତାଇକେନାଏ, ମେନ୍ଦ୍ ହେରୋଦିଆ କାଏ ଦାଡ଼ିତାଇକେନା । ୨୦ ଚିୟାଃଚି, ହେରୋଦ୍ ଯୋହାନ୍ କେ ମିଆଁଦ୍ ଧାର୍ମାନ୍ ଆତ୍ମ ପାବିତାର୍ ହଡ୍ ତାନିଃ ମେନ୍ତେ ସାରିକେଦ୍ତେ ବରଆଇତାନ୍ ତାଇକେନାଏ ଆତ୍ମ ଇନିଷ୍ଟକେ ଜେହେଲ୍ଲରେ ଜାହିଦ୍ ଚି ମାଣ୍ଡାଅକାଇ ତାଇକେନାଏ । ଆତ୍ମ ଇନିୟାଃ କାଜିକ ଆୟୁମ୍ କେଦ୍ତେ ପୁରାଃଚି ଦାନ୍ଦରାଅଃ ତାଇକେନ୍ରେୟ ଇନିୟାଃ କାଜିକ ରାସ୍ କାତେ ଆୟୁମ୍ ତାଇକେନା ।

୨୧ ତୁଣ୍ଡୁର ହେରୋଦିଆ ନାଗେନ୍ତେ ନେଡା ସେଟେର୍ୟାନା, ହେରୋଦ୍ ଆୟାଃ ଜାନାମ୍ ହୁଲାଙ୍ଗ୍ କେ ମାନାଅ ନାଗେନ୍ତେ, ଆୟାଃ ମାପ୍ପରାଙ୍ଗ୍ ଦାର୍ଦ୍ଦାର୍ ହଡ୍ କ, ପାଲ୍ଲଟାନ୍ କଆଃ ସାର୍ଦ୍ଦାର୍ କ, ଆତ୍ମ ଗାଲିଲ୍ରେନ୍ ମାପ୍ପରାଙ୍ଗ୍ ହଡ୍ କଆଃ ନାଗେନ୍ତେ ନୁବାରରେୟାଃ ମାରାଙ୍ଗ୍ ଜଜମାଃ ବାଇକେଦାଏ । ୨୨ ହେରୋଦିୟାଃରାଃ ହନ୍ତେକୁଡ଼ି ଜମେଅଡ଼ାଃରେ ବଲକେଦ୍ତେ ସୁସୁନ୍ କେଦାଏ, ଆତ୍ମ ହେରୋଦ୍ତାଃ ହିଜୁଆକାନ୍ ସବେନ୍ ନେଆଁତା ହଡ୍ କକେ ରାସ୍ କା କେଦ୍ କଆଏ । ଏନ୍ତେ ରାଜା ହେରୋଦ୍ ହନ୍ତେକୁଡ଼ିକେ କାଜିକିୟାଏ “ଆମ୍ ସୁକୁଃତେଆଃ ଜେଡ୍ ନାଃମ୍ ଆସିଙ୍ଗ୍ରେହ୍, ଏନାଇଙ୍ଗ୍ ଏମାମେୟାଁ ।” ୨୩ “ଜାହାନାଃଚି ଆସିଙ୍ଗ୍ରେ, ରାଇଜ୍ ରାଃ ତାହାଚିଙ୍ଗ୍ ମେନେରେୟାଃ ଆଇଙ୍ଗ୍ ଏମାମେୟାଁ” ମେନ୍ତେ ରାଜା ଇନିଷ୍ଟାଃରେ କିରିୟାକେଦାଏ ।

୨୪ ଆତ୍ମ ଏନ୍ କୁଡ଼ିହନ୍ ଅତଙ୍ଗ୍ ଯାନ୍ତେ, ଚିକାନାଃଇଙ୍ଗ୍ ଆସିୟା ମେନ୍ତେ ଏଙ୍ଗାତେକେ କୁଲିକିୟାଏ ? ଆୟାଃ ଏଙ୍ଗାତେ କାଜିରୁହାଡ଼କିୟା “ବାପ୍ପିସ୍ତା ଏମାଃନିଃ ଯୋହାନ୍ ଆଃ ବହଃ ।”

୨୫ ଏନ୍ କୁଡ଼ିହନ୍ ଜାଲ୍ଲୁଦିଗି ହିଜୁଃ ରୁହାଡ଼କେଦ୍ତେ ରାଜାକେ କାଜିକିୟାଏ, “ନାହାଁଃଚି ନେତାଃରେ, ବାପ୍ପିସ୍ତା ଏମାଃନିଃ ଯୋହାନ୍ ରାଃ ବହଃ ମିଆଁଦ୍ ଆଡ଼ିରେ ଏମାଙ୍ଗ୍ ମେ ।”

୨୬ ଏନ୍ କାଜି ହରାତେ ରାଜା ପୁରାଃଚି ହୁଡ଼ିଙ୍ଗ୍ ଜାଉୟାନା, ମେନ୍ଦ୍ ନେଆଁତାକାନ୍ କଆଃ ସାମ୍ନାଙ୍ଗ୍ରେ କିରିୟାକାଦ୍ ହରାତେ ଇନିଃ ଆୟାଃ ଆନାସିକେ ବାନଃ ମେନ୍ତେ ମାନା କାଏ ଦାଡ଼ିକେନା । ୨୭ ଏନା ମେନ୍ତେ ରାଜା ଇମ୍ତାଗି ମିଆଁଦ୍ ସିପାଇକେ, ଯୋହାନ୍ ଆଃ ବହଃ ଆଡ଼ିରେ ଆଉ ନାଗେନ୍ତେ କୁଲିକିୟାଏ, ଇନିଷ୍ଟ ସେନଃୟାନ୍ତେ, ଜେହେଲ୍ଲରେ ଯୋହାନ୍ ରାଃ ବହଃକେ ମାଆଃକେଦାଏ, ୨୮ ଏନ୍ତେ ଇନିୟାଃ ବହଃ ମିଆଁଦ୍ ଆଡ଼ିରେକ ଆଉକେଦା ଆତ୍ମ ହନ୍ତେକୁଡ଼ିକେକ ଏମ୍ କିୟା, ଏନ୍ତେ କୁଡ଼ିହନ୍ ଏଙ୍ଗାତେକେ ଏନା ଏମ୍ କିୟାଏ । ୨୯ ଯୋହାନ୍ ଆଃ ତେଲାକ ଏନା ଆୟୁମ୍ କେଦ୍ତେକ ହିଜୁଃୟାନା ଆତ୍ମ ଆୟାଃ ହଡ଼ମ୍ କେ ଇଦିକେଦ୍ତେ ତପାଗାଡ଼ାରେକ ତପାକେଦା ।

ୟାଶୁ ଗାଦେଲ୍ ହଡ଼କକେ ଜମେୟାଁଃ ଏମାକତାନାଏ
(ମାଥୱ ୧୪:୧୩-୨୧; ଲୁକ ୯:୧୦-୧୭; ଯୋହାନ୍ ୬:୧-୧୪)

୩୦ ପ୍ରେରିଡ଼କ ଯାଶୁତାଃରେକ ହୁଣ୍ଡିୟାନା, ଆତ୍ମ ଆକ କାମିକାଦ୍ ସବେନାଃ, ହଡ଼କକେ ଇତୁତେଆଃକ ଇନିଷ୍ଟକେ ଉଦୁବ୍ କିୟାକ । ୩୧ ଏନ୍ତେ ପୁରାଃ ହଡ଼କ ହିଜୁଃ ସେନଃତାନ୍ କ ତାଇକେନା, ଆତ୍ମ କୁଲାକାନ୍ ତେଲାକ ଜଜମ୍ ନାଗେନ୍ତେ ସାମାଏ କାକ ନାମ୍ କେଦାଃ, ଏନାମେନ୍ତେ ଯାଶୁ ମେତାଦ୍ କଆଏ, “ଦଲା ଜାହାନ୍ ସିଃସଏଃ ଠାୟାଦ୍ ତେତୁଆଃ, ଅକ୍ତାଃରେ ଆବୁ ହୁଡ଼ିଙ୍ଗ୍ ଲେକା ରୁଡ଼ୁରୁ ଦାଡ଼ିୟାଃ ।” ୩୨ ଏନ୍ତେ ଇନ୍ କୁ ଲାଉକାରେ ଦେଏଃୟାନ୍ତେ ମିଆଁଦ୍ ସିଃସଏଃ ଠାୟାଦ୍ ତେ ସେନଃୟାନାକ ।

୩୩ ମେନ୍ଦ୍, ହଡ଼କ ଇନ୍ କୁକେ ସେନଃତାନ୍ କ ନେଲ୍ କେଦ୍ କଆ ଆତ୍ମ ଇନ୍ କୁକେ ନେଲ୍ ଉରୁମ୍ କେଦ୍ କଆକ, ଆତ୍ମ ସବେନ୍ ସାହାର୍ କଏତେ ହଡ଼କ ସେସେନ୍ ତେଗି ଏନ୍ ଠାୟାଦ୍ ତେ ସିଦାରେଗି ତେବାର୍ ଯାନାକ । ୩୪ ଯାଶୁ ଲାଉକାଏତେ ଆଡ଼ୁଗୁୟାନ୍ ଚି ଗାଦେଲ୍ ହଡ଼କକେ ନେଲ୍ କେଦ୍ ତେ ଜାଉରେ ବିଲ୍ କାଆୟାନାଏ, ଚିୟାଃଚି ଇନ୍ କୁଦ୍ ଗୁପିନିଃ ବାଙ୍ଗାଲ ମିଣ୍ଡିକ ଲେକାକ ତାଇକେନା, ଏନ୍ତାଃରେ ଇନିଃ ଇନ୍ କୁକେ ଇତୁ ଏଟେଦ୍ କେଦ୍ ଆଏ । ୩୫ ଆତ୍ମ ସିଙ୍ଗି ହାସୁରତାନ୍ରେ, ତେଲାକ ଯାଶୁତାଃ ସେନ୍ କେଦ୍ ତେକ କାଜିକିୟା, “ନେ ଠାୟାଦ୍ ସିଃସଏଃଚିୟା, ଆତ୍ମ ସିଙ୍ଗିଆଃ ସେନଃୟାନା । ୩୬ ଏନାମେନ୍ତେ ଜାପାଃ ହାତୁ ଆତ୍ମ ଟଲାକତେ ସେନ୍ କେଦ୍ ତେ ଜଜମାଃକ କିରିଙ୍ଗ୍ ଜମେକା ମେନ୍ତେ ଏନ୍ ହଡ଼କକେ ବିଦାତାକମେଁ ।”

୩୭ ଯାଶୁ କାଜିରୁହାଡ଼ାଦ୍ କଆଏ, “ଆପେଗି ଇନ୍ କୁକେ ଜାହାନାଃ ଜମେୟାଁଃ ଏମାକପେ,” ଇନ୍ କୁଦ୍ ଇନିଷ୍ଟକେ କାଜିକିୟାକ, “ଆଲେଗି ଚି ୨୦୦ ରୁପାରାଃ ସିକାଃତେ ହଲଙ୍ଗ୍ କିରିଙ୍ଗ୍ କେଦ୍ ତେ ଜମେୟାଁଃଲେ ଏମାକଆ ?”

୩୮ ଏନ୍ତେ ଯାଶୁ ଇନ୍ କୁକେ କୁଲିକେଦ୍ କଆଏ, “ଆପେତାଃରେ ଚିମିନ୍ ହଲଙ୍ଗ୍ ମେନାଃ ? ତୁ, ନେଲାଉଲେପେ,” ଇନ୍ କୁଦ୍ ନାମ୍ କେଦ୍ ଚି ଇନିଷ୍ଟକେକ ଉଦୁବ୍ କିୟା, “ମଣେୟାଁ ହଲଙ୍ଗ୍ ଆତ୍ମ ବାରିଆ ହାକୁ ।”

୩୯ ଏନ୍ତେ ଯାଶୁ ତେଲାକକେ “ହାରିୟାର୍ ତାସାଦ୍ରେ ସବେନ୍ ହଡ଼କକେ ପାନ୍ତିପାନ୍ତି ଦୁବ୍ କୁପେ” ମେନ୍ତେ ଆରୁକେଦ୍ କଆ । ୪୦ ଆତ୍ମ ହଡ଼କ ମିଆଁଦ୍ ପାନ୍ତିରେ ଶାଅ ଶାଅ ଆତ୍ମ ମିଆଁଦ୍ ପାନ୍ତିରେ ପାଚାଗ୍ ପାଚାଗ୍ ଲେକାକ ଦୁବ୍ ଯାନା । ୪୧ ଆତ୍ମ,

☆ ୭:୩୪ ୭:୩୪ ମାଥୱ ୯:୩୭. † ୭:୩୪ ୭:୩୪ ଦାୟାତେ ପେରେୟାନାଏ § ୭:୩୭ 6:37 ମୁସିଙ୍ଗ୍ ରାଃ ନାଲା

ୟାଶୁ ଏନ୍ ମଣେୟା ହଲଙ୍ଗ୍ ଆଡ଼ଃ ବାରିଆ ହାକୁ ସାବ୍‌କେଦ୍‌ତେ ସିର୍ମାସାଃ ସାଙ୍ଗିଲ୍‌ରାକାବ୍‌ତାନ୍‌ଲଃ ଆଶିଷ୍‌କେଦାଏ ଆଡ଼ଃ ହଲଙ୍ଗ୍ କେତାଃକେଦ୍‌ତେ ଚେଲକକେ ଏମାଦ୍‌କଆଏ ଆଡ଼ଃ ହାକୁକେହ୍ ଇନ୍‌କୁ ହାଟିଙ୍ଗ୍‌କେଦାଃକ । ୪୨ ସବେନ୍‌କ ଜମ୍‌କେଦ୍‌ତେ ବି'ୟାନାକ । ୪୩ ଏନ୍ତେ ଚେଲକ ଜମ୍ ସାରେଜାକାନ୍ ହଲଙ୍ଗ୍ ଆଡ଼ଃ ହାକୁ ବାରା ଚୁଙ୍ଗିକ ହାଲଙ୍ଗ୍ ପେରେଃକେଦାଃକ । ୪୪ ଜମ୍‌କେନ୍‌କଦ, ପାଞ୍ଚ ହାଜାର୍ କଡ଼ାକ ତାଇକେନାକ ।

ୟାଶୁ ଦାଆଃ ଚେତାନ୍‌ରେ ସେସେନ୍‌ତାନାଏ
(ମାଥୁଉ ୧୪:୨୨-୩୩; ଯୋହାନ୍ ୬:୧୫-୨୧)

୪୫ ଇମ୍‌ତାଗି ଯାଶୁ ଚେଲକକେ ଲାଉକାରେ ଦୁବ୍‌କେଦ୍‌ତେ ଦରେୟା ହାନ୍ ପାରମ୍ ବେଥ୍‌ସାଇଦାତେ କୁଲ୍ ଆୟାର୍‌କେଦ୍‌କଆ । ଇମ୍‌ତାଲଃ ଇନିଃ ଗାଦେଲ୍ ହଡ଼କକେ ବିଦାକେଦ୍‌କଆ । ୪୬ ଇନିଃ ଗାଦେଲ୍ ହଡ଼କକେ ବିଦାକେଦ୍‌ତେ, ବିନ୍ତି ନାଗେନ୍ତେ ବୁରୁତେ ରାକାବ୍‌ୟାନା ।

୪୭ ଆଡ଼ଃ ସିଙ୍ଗିହାସୁତାନ୍‌ରେ ଲାଉକା ଆଲା ଦରେୟାରେ ତାଇକେନା, ଇମ୍‌ତାଦ ଯାଶୁ ଏସ୍‌କାର୍‌ଗି ଅତେରେ ତାଇକେନାଏ । ୪୮ ସାମ୍‌ନାଙ୍ଗ୍‌ରାଃ ମାରାଙ୍ଗ୍‌ହୟ୍‌ତେ ଚେଲକ ଦୁକୁତେ ଲାଉକାକେ ଇଦିତାନ୍ ନେଲ୍‌କେଦ୍‌ତେ, ଇନିଃ ସେତାଃ ନିଦାରେୟାଃ ଉପୁନ୍ ଘାଡ଼ି ଇମ୍‌ତାକରେ ଯାଶୁ ଦରେୟାରେ ସେସେନ୍‌କେଦ୍‌ତେ ଇନ୍‌କୁତାଃତେ ହିଜୁଃକେଦ୍‌ତେ ସେନ୍‌ପାରମ୍‌କତାନାଏ ତାଇକେନା । ୪୯ ମେନ୍‌ଦ ଇନ୍‌କୁ ଦରେୟା ଚେତାନ୍‌ରେ ଇନିଃକେ ସେସେନ୍‌ତାନ୍‌କ ନେଲ୍‌କିଃତେ ବରକେଦାକ ଆଡ଼ଃ “ବଙ୍ଗା ତାନିଃ” ମେନ୍ତେକ କାଉରିକେଦା । ୫୦ ସବେନ୍‌କ ଇନିଃକେ ନେଲ୍‌କିଃତେ ବରତେକ ଆର୍‌ଆରାଅୟାନା ।

ଇମ୍‌ତାଗି ଯାଶୁ ଇନ୍‌କୁକେ ମେତାଦ୍‌କଆ, “ଜୀଉରେ କେଟେଜେପେ, ଆଇଙ୍ଗ୍ ତାନିଙ୍ଗ୍ ଆଲ୍‌ପେ ବରଏୟା ।” ୫୧ ଏନ୍ତେ ଇନ୍‌କୁଲଃ ଲାଉକାରେ ଦେଏଃୟାନ୍‌ଗି ହୟ୍ ସାଲ୍‌ସାନ୍ତ୍‌ୟାନା, ଚେଲକଦ ପୁରାଃଗି ଆକ୍‌ଦାନ୍‌ଆୟାନାକ, ୫୨ ଇନ୍‌କୁ ପାଞ୍ଚ ହାଜାର୍ ହଡ଼କକେ ଜମେୟାଃ ହାଟିଙ୍ଗ୍ କାଜିରାଃ ହରାତେ କାକ ସେଣ୍‌ୟାନା, ଚିୟାଃଟି ଆକଆଃ ମନ୍ କେଟେଦ୍ ତାଇକେନା ।

ୟାଶୁ ଗିନେସରେଡ଼ରେ ଦୁକୁହାସୁତାନ୍‌କକେ ବୁଗିକତାନାଏ
(ମାଥୁଉ ୧୪:୩୪-୩୬)

୫୩ ଯାଶୁ ଆଡ଼ଃ ଆୟାଃ ଚେଲକ ଦରେୟା ପାରମ୍‌କେଦ୍‌ଗି ଗିନେସରେଡ଼ ନୁଡୁମ୍ ପାର୍‌ଗାନ୍‌ତେକ ସେଟେର୍‌ୟାନା, ଆଡ଼ଃ ଲାଉକାକେ ତଲ୍‌କେଦାକ । ୫୪ ଇନ୍‌କୁ ଲାଉକାଏତେ ଆଡ଼ଗୁୟାନ୍ ତରସା, ଏନ୍ତାଃରେନ୍ ହଡ଼କ ଯାଶୁକେ ନେଲ୍‌ଉରୁମ୍‌କିୟାକ । ୫୫ ହଡ଼କ ନେତେହେନ୍ତେକ ନିର୍‌ବାଡ଼ାକେଦା ଆଡ଼ଃ ଇନିଃ ଏନ୍ତାଃରିୟା ମେନ୍ତେ ଇନ୍‌କୁ ସାରିକେଦ୍‌ଗି ଦୁକୁହାସୁତାନ୍‌କକେ ପାର୍‌କମ୍‌କରେ ଇନିଃତାଃତେକ ଗଅଃ ଆଡ଼କେଦ୍‌କଆ । ୫୬ ଆଡ଼ଃ ଯାଶୁ ସବେନ୍ ହାଡୁ, ଟଲା, ସାହାର୍‌ତେ ବଲଃତାଇକେନ୍‌ଲଃଗି, ହଡ଼କ ଦୁକୁହାସୁତାନ୍‌କକେ ପିର୍ ଠାୟାଦ୍‌ତେକ ଆଡ଼କେଦ୍‌କଆ, ଆଡ଼ଃ ଲିଜାଃରେୟାଃ ଆର୍‌ରାକେ ଜୁଟିଦ୍‌ତାକାକ ମେନ୍ତେ ଇନିଃକେକ ବିନ୍ତି ତାଇକେନା, ଆଡ଼ଃ ଜୁଟିଦ୍‌କେଦ୍ ସବେନ୍‌କ ବୁଗିୟାନା ।



ହାଡ଼ାମ୍‌ହଡ଼କଆଃ ଇନିତୁ
(ମାଥୁଉ ୧୫:୧-୯)

୧ ଚିମିନ୍ ଫାରୁଶୀକ ଆଡ଼ଃ ଯୀରୁଶାଲେମ୍‌ଏତେ ହିଜୁଃଲେନ୍ ଚିମିନ୍ ଆଇନ୍ ଇତୁକ ଯାଶୁତାଃରେକ ହୁଣ୍ଡିୟାନା । ୨ ଆଡ଼ଃ ଇନ୍‌କୁ ଯାଶୁଆଃ ଚିମିନ୍ ଚେଲକକେ ଯିହୁଦୀକଆଃ ରିଡିରିଝାଜ୍ ଲେକାତେ ସଡ଼ରାକେଦ୍‌ତେ କା ଆବୁଙ୍ଗ୍ ଡିଃଇତେ ଜମ୍‌ତାନ୍‌କ ନେଲ୍‌କେଦ୍‌କଆ ।

୩ ଚିୟାଃଟି ଫାରୁଶୀକ ଆଡ଼ଃ ସବେନ୍ ଯିହୁଦୀକ ପ୍ରାଚିନ୍ ହଡ଼କଆଃ ରିଡିରିଝାଜ୍ ଲେକା ଡିଃଇ ବୁଗିଲେକାତେ କା ଆବୁଙ୍ଗ୍ ଜାକେଦ୍ କାକ ଜଜମାଃ । ୪ ଆଡ଼ଃ ପିର୍‌ଏତେ ରୁହାଡ଼କେଦ୍‌ତେ ଦାଆଃତେ ଆଉରି ଆବୁଙ୍ଗ୍ ଜାକେଦ୍ କାକ ଜଜମାଃ । ଆଡ଼ଃ ନେ'ଲେକାନ୍ ରିଡିରିଝାଜ୍ ମାନାଡିଙ୍ଗ୍ ତାଇକେନାକ, ତାଝାକ, ଚାଟୁକ, ପାର୍‌କମ୍‌କ*, ଆଡ଼ଃ ତାମ୍‌ାତେ ବାଇୟାକାନ୍ ବାର୍ତାନ୍‌କକେ ଦାଆଃତେ ଆବୁଙ୍ଗ୍ ଗାସାର୍ ତାଇକେନାକ ।

୫ ଏନାମେନ୍ତେ ଫାରୁଶୀକ ଆଡ଼ଃ ଆଇନ୍ ଇତୁକ ଯାଶୁକେ କୁଲିକିୟାକ, “ଚିନାଃମେନ୍ତେ ଆମାଃ ଚେଲକ ଡିଃଇ ବେଗାର୍ ଆବୁଙ୍ଗ୍‌କେଦ୍‌ତେ ସଡ଼ରାଗି ଜଜମ୍‌କ ଦୁବଃଃ ଆଡ଼ଃ ଆବୁଆଃ ପ୍ରାଚିନ୍‌କଆଃ ରିଡିରିଝାଜ୍‌କ କାକ ମାନାଡିଙ୍ଗ୍‌ତାନା ?”

୬ ଯାଶୁ କାଜିରୁହାଡ଼କେଦ୍‌କଆଏ, “ଆପେ ବେଦାହଡ଼କ ତାନ୍‌ପେ, ଯିଶାୟ ଆପେୟାଃ ବିଷାଏରେ ସାର୍‌ଡିଗି ଆୟାର୍‌କାଜି କାଜିକାଦା, ନେଆଁଦ ଅଲ୍‌କାନା,

“ପାର୍‌ମେଶ୍ୱାର୍ କାଜିକେଦାଏ, ‘ନେ ହଡ଼କ ମଚାତେକ ମାଇନିଙ୍ଗ୍‌ତାନା, ମେନ୍‌ଦ ଆକଆଃ ମନ୍ ଆଇଙ୍ଗ୍‌ତାଃଏତେ ସାଙ୍ଗିନ୍‌ରେଆ ।

୭ ଆଇଙ୍ଗ୍‌କେ ସାମାଗିକ ସେଝାଇଙ୍ଗ୍‌ୟା;

* ୭:୪ 7:4 ଚିମିନ୍ ମାରି ଅନଲ୍‌କରେ ପାର୍‌କମ୍‌ କା ଅଲ୍‌କାନା

ଆଡ଼ଃ ଇନ୍ଦ୍ରକୁଦ ନେୟାଁ ଧାରାମ୍ରେୟାଃ କାଜି ତାନାଃ ମେନ୍ତେ ହଡ଼କଆଃ ଆନାଚୁକ ଇଚୁକତାନା ।’

୮ “ଆପେ ପାର୍ମେଶ୍ଵାରରାଃ ଆନ୍ତୁକ ଦୟା କୁଣ୍ଡାମ୍ରେୟାଃ ହଡ଼କଆଃ ରିତିରିଖାଜ୍ଞ ମାନାତିଜ୍ଞ ତାନାପେ ।”

୯ ଯୀଶୁ ଆଡ଼ଃଗି କାଜିୟାଦକଆଏ, “ପାର୍ମେଶ୍ଵାରରାଃ ଆନ୍ତୁକେ କା ମାନାତିଜ୍ଞକେଦ୍ରେ ଆପେୟାଃ ରିତିରିଖାଜ୍ଞକେ ମାନାତିଜ୍ଞ ନାଗେନ୍ତେ ଆପେ ଆପେୟାଃ ହରାପେ ନାମାକାଦାଃ । ୧୦ ମୁଣା ଆନ୍ତୁରେ କାଜିୟାକାଦାଏ, ‘ଏଜ୍ଞା ଆପୁ କିନ୍ଦ୍ରେ ମାନାତିଜ୍ଞକିନ୍ଦ୍ରେ’ ଆଡ଼ଃ ‘ଜେତାଏ ଏଜ୍ଞାଦେକେ ଚାଏ ଆପୁଦେକେ ସାର୍ପାଅ ରେଦ ଇନିଃ ଗଜଃକାଏ ।’ ୧୧ ମେନ୍ଦ୍ ଆପେ କାଜିତାନାପେ, ଜେତାଏ ଆୟାଃ ଆପୁ ଚାଏ ଏଜ୍ଞାକେ କାଜିୟାକିନାଏ, ଆୟାଃତାଃଏତେ ଅକ୍ନାଃ ନାଗେନ୍ତେ ଆମାଃ ବୁଗିନାଃ ନାମେତେୟାଃ ‘କୁର୍ବାନା’ କାନା, ନେଆଁରାଃ ମୁଣ୍ଡିଦ ନେୟାଁ ପାର୍ମେଶ୍ଵାର ନାଗେନ୍ତେ ଦାନ୍ ଏମାକାନା, ୧୨ ଏନ୍ତେଦ୍ ଆପେ ତାୟମ୍ରେତେ ଇନିଃକେ ଆୟାଃ ଏଜ୍ଞା ଚାହେ ଆୟାଃ ଆପୁଆଃ ନାଜ୍ଞ ବୁଗିନାଃ ରିକା ନାଗେନ୍ତେ ଆଡ଼ଃ ଜେଦ୍ନାଃ କାପେ ରିକାଟିକାଇତାନା । ୧୩ ଆଡ଼ଃ ନେ ଲେକାତେ ଆପେୟାଃ ରିତିରିଖାଜ୍ଞତେ ପାର୍ମେଶ୍ଵାରରାଃ କାଜିପେ ଫାଦାଆତମେତାନା† । ଆଡ଼ଃ ନେ ଲେକାନ୍ କାମିକ ପୁରାଃପେ କାମିତାନା ।”

ହଡ଼କେ ଅକ୍ନାଃ ସତ୍ତରାଇୟାଏ
(ମାଥୂଜ ୧୫:୧୦-୨୦)

୧୪ ଏନ୍ତେ ଯୀଶୁ ଗାଦେଲ୍ ହଡ଼କକେ କେଡ଼ାକେଦକଆଏ ଆଡ଼ଃ ମେତାଦକଆଏ, “ଆୟୁମେପେ ଆଡ଼ଃ ଆଟ୍‌କାର୍ ଉରୁମେପେ । ୧୫ ହଡ଼ରେ ବାହାରିଏତେ ବଲଃତେୟାଃ ଜେଦ୍ନାଃ ଇନିଃକେ କାଏ ସତ୍ତରା ଦାଡ଼ିୟାଇଆ, ମେନ୍ଦ୍ ଇନିଃତେ ଅକ୍ନାଃ ଅଡ଼ଞ୍‌ଅଃଆ ଏନା ଆଇଃକ୍‌କେ ସତ୍ତରାଇଆଏ ।” ୧୬ ଆୟୁମ୍ ନାଗେନ୍ତେ ଲୁଚୁର୍ ମେନାଃନିଃ ଆୟୁମ୍‌ଜମେକାଏ ।‡

୧୭ ଆଡ଼ଃ ଇନିଃ ଗାଦେଲ୍ ହଡ଼କସାଃଏତେ ଫାର୍‌କାକେଦ୍ରେ ଅଡ଼ଃରେ ବଲୟାନ୍ତି, ଚେଲାତାୟାଃକ ଏନ୍ ଜନ୍‌କା କାଜିରାଃ ମୁଣ୍ଡିକ କୁଲିକିୟାଃ । ୧୮ ଇନିଃ କାଜିରୁହାଡ଼ାଦକଆଏ, “ଚିୟାଃ ଆପେୟାଃ ଡ଼ଗ୍‌ଗିୟାପେ ? ବାହାରିଏତେ ହଡ଼ରେ ବଲଃତେୟାଃ ଇନିଃକେ କାଏ ସତ୍ତରା ଦାଡ଼ିୟାଇଆ । ୧୯ ଚିୟାଃତି ଏନା ମନ୍‌ରେ କାହାଗି, ମେନ୍ଦ୍ ଲାହିଦ୍‌ରେ ବଲଃଆ, ଆଡ଼ଃ ହଡ଼ମ୍‌ଏତେ ଅଡ଼ଞ୍‌ ଏଣ୍ଡାଗଆଃ, ନେୟାଁ ଚିୟାଃ କାପେ ଆଟ୍‌କାରେତାନା ।” ନେ କାଜିରେ, ସବେନ୍ ଜଜମାଃ ଫାର୍‌ଚିଗିୟା ମେନ୍ତେ ଯୀଶୁ ଉଦୁବକେଦାଏ ।

୨୦ ଆଡ଼ଃଗି ଇନିଃ ମେତାଦକଆଏ, “ଅକ୍ନାଃ ହଡ଼ରାଃ ବିଚାର୍‌ଏତେ ଅଡ଼ଞ୍‌ଅଃଆ, ଏନା ହଡ଼କେ ସତ୍ତରାଇୟାଏ । ୨୧ ଚିୟାଃତି ଭିତାର୍‌ଏତେଗି, ହଡ଼କଆଃ ମନ୍‌ଏତେ ଏଡ଼କାନ୍ ଉଡ଼଼ୁ ଅଡ଼ଞ୍‌ଅଃତାନା, ଆପାଜିର୍ କାମି, କୁମ୍‌ଡୁ ହଡ଼ଗ୍‌ଏଃ, ୨୨ ଆପାଜିର୍, ଲାଲାର୍, ଏଡ଼କାନାଃ, ବେଦା, ନିଲାଜ୍, ହିସ୍‌ଜା, ନିୟା, ଫୁଟାନ୍ ଆଡ଼ଃ ବାଲୁସେଣାଁ । ୨୩ ନେ ସବେନ୍ ଏଡ଼କାନ୍ କାଜି ମନ୍‌ଏତେ ଅଡ଼ଞ୍‌ଅଃତାନା ଆଡ଼ଃ ହଡ଼କେ ସତ୍ତରାଇଆଏ ।”

ୟୀଶୁ ମିଆଁଦ୍ ସାଆଁସାର୍ କୁଡ଼ିହନ୍‌କେ ବୁଗି ତାନାଏ
(ମାଥୂଜ ୧୫:୨୧-୨୮)

୨୪ ଏନ୍ତେ ଯୀଶୁ ଏନ୍ତାଃକେ ବାଗିକେଦ୍ରେ ସୋର୍ ଦିଶୁମ୍‌ରାଃ ଜାପାଃ ହାତୁତେ ସେନଃୟାନାଏ । ଇନିଃ ମିଆଁଦ୍ ଅଡ଼ଃରେ ବଲୟାନାଏ ଆଡ଼ଃ ଜେତାଏ ଏନ୍ ଅଡ଼ଃରେ ମେନାଇୟା ଏନା ଆଲକାକ ସାରିକା ମେନ୍ତେ ଇନିଃ ସାନାଜ୍‌କେଦାଏ, ମେନ୍ଦ୍ ଇନିଃ କାଏ ଉକୁ ଦାଡ଼ିୟାନା । ୨୫ ମେନ୍ଦ୍ ଇମ୍‌ତାଗି ମିଆଁଦ୍ କୁଡ଼ି, ଯୀଶୁ ହିଜୁଃକାନାଏ ମେନ୍ତେ ଆୟୁମ୍‌କେଦ୍ରେ ହିଜୁଃୟାନାଏ ଆଡ଼ଃ ଯୀଶୁଆଃ କାଟାସୁବାରେ ଉୟୁଃୟାନାଏ, ଚିୟାଃତି ସତ୍ତରା ଆମ୍‌ାଦ ଇନିୟାଃ ହନ୍ତେକୁଡ଼ିକେ ଏସେରାକାଇ ତାଇକେନାଏ । ୨୬ ଇନିଃ ସିରିୟା ଦିଶୁମ୍‌ରାଃ ଫୋନେସିୟାରେନ୍ ମିଆଁଦ୍ ସାଆଁସାର୍ କୁଡ଼ି ତାଇକେନାଏ, ଇନିଃ ହନ୍ତେକୁଡ଼ିଏତେ ବଜାକେ ହାର୍‌ଅଡ଼ଞ୍‌ତାଇମେ ମେନ୍ତେ ଯୀଶୁକେ ବିକ୍ତିକିୟାଏ ।

୨୭ ମେନ୍ଦ୍ ଯୀଶୁ ମେତାଇୟାଏ, “ସିଦାତେ ହନ୍‌କକେ ଜମ୍ ରିକାକମେ, ଚିୟାଃତି ହନ୍‌କଆଃ ଜମେୟାଃ ରେଃକ୍‌କେଦ୍ରେ ସେତାକଆଃ ଆୟାର୍‌ରେ ହୁଦ୍‌ମାତେୟାଃ କା ବୁଗିନାଃ ।”

୨୮ ଏନ୍ତେ ଏନ୍ କୁଡ଼ି କାଜିକିୟାଏ, “ହେଗି ପ୍ରାଭୁ, ମେନ୍ଦ୍ ମେଜ୍ ଲାତାର୍‌ରେ ସେତାକହଗି ହନ୍‌କଆଃ ହଲଜ୍‌କେଚାଃକ ଜଜମାଃ ।”

୨୯ ଏନ୍ତେ ଯୀଶୁ ଇନିଃକେ କାଜିକିୟାଏ, “ନେ କାଜିରେୟାଃ ନାଗେନ୍ତେ ଜୁ, ଅଡ଼ଃତେ ରୁହାଡ଼୍‌ମେଁ, ହନ୍‌ମେଁ କୁଡ଼ିତାଃଏତେ ବଜା ଅଡ଼ଞ୍‌ୟାନା ।”

୩୦ ଏନ୍ କୁଡ଼ି ଅଡ଼ଃତେ ରୁହାଡ଼୍‌ୟାନ୍ତେ ହନ୍ତେକୁଡ଼ିତାୟାଃକେ ପାର୍‌କମ୍‌ରେ ଗିତିଜାକାନ୍ ନେଲ୍‌କିୟାଏ, ଆଡ଼ଃ ବଜା ଇନିଃତାଃଏତେ ଅଡ଼ଞ୍‌ଆଁକାନ୍ ନାମ୍‌କିୟାଃ ।

କାଆୟୁମ୍‌ଦାଡ଼ି ଆଡ଼ଃ କା ବାଖାଁଣ୍‌ଦାଡ଼ି ହଡ଼କେ ଯୀଶୁ ବୁଗି ତାନାଏ

୩୧ ଆଡ଼ଃଗି ଯୀଶୁ ସୋର୍ ଦିଶୁମ୍‌ଏତେ ଅଡ଼ଞ୍‌ୟାନତି, ସିଦୋନ୍ ଦିଶୁମ୍‌ରାଃ ଆଲା ହରା, ଗାଲିଲ୍ ଦରେୟା, ଆଡ଼ଃ ଦେକାପଲ୍ଲୀ ସିମ୍‌ନାସାଃତେ ସେନଃୟାନାଏ । ୩୨ ଚିମିନ୍ ହଡ଼କ ମିଆଁଦ୍ କା ଆୟୁମ୍‌ ଦାଡ଼ିତାନ୍ ହଡ଼ ଆଡ଼ଃ କା ବାଖାଁଣ୍‌ ଦାଡ଼ିତାନ୍ ହଡ଼କେ ଯୀଶୁତାଃତେ ଆଉକିୟାଃକ, ଆଡ଼ଃ ଆମାଃ ତିଃଇ ଇନିଃରେ ଦହେମେ ମେନ୍ତେକ ବିକ୍ତିକିୟା ।

† ୭:୧୩ ୭:୧୩ ସାମାଉତାରେତାନା ‡ ୭:୧୬ 7:16 ନେ ବାଚାନ୍ ଚିମିନ୍ ମାରି ଅନଲ୍‌ରେ ବାନଃଆ

୩୩ ଆତ୍ମା ଯୀଶୁ ଇନିଷକେ ଗାଦେଲ୍ ହଡ଼କ ଆଲାଏତେ ଗେନାତେ ଏସକାର୍ତ୍ତି ଇଦିକିୟାଏ, ଆତ୍ମା ଆୟାଃ ସାର୍ସାର୍ ଇନିୟାଃ ଲୁଡୁରରେ ଦହକେଦାଏ, ଆତ୍ମା ବେଏକକେଦତେ ଇନିୟାଃ ଆଲାଙ୍ଗକେ ଜୁଟିଦକେଦାଏ । ୩୪ ଆତ୍ମା ସିର୍ମାସାଃତେ ସାଙ୍ଗିଲକେଦତେ, ମାରାଙ୍ଗସାହେଦ୍ଲଃ ମେନ୍କେଦାଏ “ଏଫ୍ଫାଆଃ” ନେଆଁରାଃ ମୁଣ୍ଡିଦ “ନିଜଃମେଁ” ।

୩୫ ଇମ୍ପାଗି ଇନିୟାଃ ଲୁଡୁରଦ ନିଜ୍ଝାନା ଆତ୍ମା ଆଲାଙ୍ଗରେୟାଃ ତନଲ୍ ରାଡ଼ାୟାନା, ଆତ୍ମା ଇନିଃ ବୁଗିଲେକାତେ ବାଗାଁଣ୍ ଦାଡ଼ିକେଦାଏ । ୩୬ ଏନ୍ତେ ଯୀଶୁ ଜେତାଏକକେ ନେ କାଜି କା ଉଦୁବ୍ ନାଗେନ୍ତେ ଇନକୁକେ କାଜିକେଦକଆଏ, ମେନ୍ଦ ଇନିଃ ହଡ଼କକେ ପୁରାଃଗି କାଜିକେଦକରେହ ଇନକୁ ଆତ୍ମା ପୁରାଃତେକ ଉଦୁବ୍ ବାଡ଼ାକେଦା । ୩୭ ଆତ୍ମା ଏନା ଆୟୁମକେଦ୍ ହଡ଼କ ପୁରାଃଗିକ ଆକଦାନ୍ଦାୟାନା, ଆତ୍ମା କାଜିକେଦାଃକ, “ଇନିଃଦ ସବେନାଃ ବୁଗିଲେକାତେ କାମିୟାକାଦାଏ, କା ଆୟୁମଦାଡ଼ିତାନ୍କକେ ଇନିଃ ଆୟୁମ୍ ରିକାକେଦକଆଏ, ଆତ୍ମା କା ବାଗାଁଣ୍ ଦାଡ଼ିତାନ୍କକେ ବାଗାଁଣ୍ ନାଗେନ୍ତେ ପେଡ଼େଃ ଏମାକୁତାନାଏ ।”

୮

ୟୀଶୁ ଉପୁନ୍ ହାଜାର୍ ହଡ଼କକେ ଜମେୟାଃ ଏମାକତାନାଏ
(ମାଥୁର ୧୫:୩୨-୩୯)

୧ ଏନ୍ ଦିପିଲିରେ ଆତ୍ମା ଗାଦେଲ୍ ହଡ଼କ ହୁଣ୍ଡିୟାନା, ଆତ୍ମା ଜଜମାଃକ ବାନଃ ହରାତେ, ଯୀଶୁ ଚେଲାକକେ ଆୟାଃତାଃତେ ହାକାଅକେଦତେ କାଜିୟାଦକଆଏ, ୨ “ନେ ଗାଦେଲ୍ ହଡ଼କ ନାଗେନ୍ତେ ଆଇୟାଃ ଜୀଉ ବିଲକାଅଃତାନା, ଚିୟାଃଗି ଆପି ମାହାଏତେ ଆଇୟାଃଲଃ ମେନାକଆ, ଆତ୍ମା ନାହାଁଃ ଇନକୁତାଃରେ ଜମେୟାଃ ଜେତନାଃ ବାନଃଆ । ୩ ଇନକୁକେ ସାମାଲ୍ ହିଦ୍ ଅଡ଼ାଃତେଇଙ୍ଗ୍ କୁଲ୍ତାକୁରେ ହରାକରେ ଲାଗାଡ଼ାତାରଃଆକ*, ଚିୟାଃଗି ଇନକୁଏତେ ଚିମିନ୍କ ସାଙ୍ଗିନ୍କଏତେ ହିଜୁଆକାନାକ ।”

୪ ଇନିୟାଃ ଚେଲାକ କାଜିରୁହାଡ଼କିୟା, “ଅକଏ ନେ ସିଃସଏଃ ଠାୟାଦ୍ରେ ନିମିନାଙ୍ଗ୍ ଗାଦେଲ୍ ହଡ଼କ ନାଗେନ୍ତେ ବିୟାଃଗି ଜମେୟାଃ ଏମଦାଡ଼ିୟାଏ ?”

୫ ଯୀଶୁ କୁଲିକେଦକଆଏ, “ଆପେତାଃରେ ଚିମିନାଙ୍ଗ୍ ହଲଙ୍ଗ୍ ମେନା ?”

ଇନକୁ କାଜିରୁହାଡ଼କିୟା, “ସାଡ଼ୁ ହଲଙ୍ଗ୍ ।”

୬ ଇନିଃ ସବେନ୍ ହଡ଼କକେ ଅତେରେ ଦୁବ୍ପେ ମେତାଦକଆଏ । ଏନ୍ତେ ଏନ୍ ସାଡ଼ୁ ହଲଙ୍ଗ୍ ଇଦିକେଦତେ ପାର୍ମେଶ୍ଵାର୍ କେ ଧାନାବାଦ୍ ଏମକିୟାଏ, ଆତ୍ମା ଏନା କେଚାଃକେଦତେ ହଡ଼କକେ ହାଟିଙ୍ଗ୍ ଆଁକ ନାଗେନ୍ତେ ଚେଲାତାୟାଃକକେ ଏମାଦକଆଏ, ଆତ୍ମା ଇନକୁକେ ହାଟିଙ୍ଗ୍ ଆଁଦକଆଏ । ୭ ଇନକୁତାଃରେ ହୁଡ଼ିଙ୍ଗ୍ ଲେକା ହୁଡ଼ିଙ୍ଗ୍ ହାକୁ ତାଇକେନାକ, ଏନ୍ ହାକୁ ନାଗେନ୍ତେ ପାର୍ମେଶ୍ଵାର୍ କେ ଧାନାବାଦ୍ ଏମକିୟାଏ, ଆତ୍ମା ଏନାକେ ହାଟିଙ୍ଗ୍ ନାଗେନ୍ତେ ଚେଲାକକେ କାଜିକେଦକଆଏ । ୮ ଏନା ଜମକେଦତେ ସବେନ୍କ ବିୟାନାକ, ଆତ୍ମା ସାରେଜାକାନ୍ କେଚାଃତେୟାଃକ ସାଡ଼ୁ ଚୁଙ୍ଗି ହାଲାଙ୍ଗ୍ କେଦାଃକ । ୯ ଏନ୍ତାଃରେ ଉପୁନ୍ ହାଜାର୍ ଲେକା ହଡ଼କ ତାଇକେନା । ୧୦ ଆତ୍ମା ଇନିଃ ଇନକୁକେ ବିଦାକେଦକଚି, ଇମ୍ପାଗି ଯୀଶୁ ଆୟାଃ ଚେଲାକଲଃ ଲାଡ଼କାରେ ଦେଏଃୟାନାଏ, ଆତ୍ମା ଦାଲ୍ ମାନୁଆ ସିମ୍ନାତେ ସେନଃୟାନା ।

ଫାରୁଶୀକ ମିଆଁଦ୍ ପେଡ଼େଃରାଃ କାମି ଯୀଶୁତାଃଏତେକ ନେଲ୍ ସାନାଙ୍ଗ୍ ତାନା
(ମାଥୁର ୧୨:୩୮-୪୨; ୧୬:୧-୪)

୧୧ *ଆତ୍ମା ଫାରୁଶୀକ ହିଜୁଃକେଦତେ ଯୀଶୁଲଃ ଏପ୍ପରାଙ୍ଗ୍ ଜାଗାର୍ ତାନଲଃ, ଇନିଃକେ ବିଡ଼ାଅ ନାଗେନ୍ତେ ଇନିଃ ସିର୍ମାଏତେ ହିଜୁଆକାନାଏ, ନେଆଁ ଉଦୁବ୍ ନାଗେନ୍ତେ ସିର୍ମାଏତେ ମିଆଁଦ୍ ଚିହ୍ନାକ ଆସିକିୟା । ୧୨ *ୟୀଶୁ ଜୀଉରେ ମାରାଙ୍ଗ୍ ସାହେଦ୍ କେଦତେ କାଜିୟାଦକଆଏ, “ଚିନାଃମେନ୍ତେ ନେ ପାରିୟାରେନ୍ ହଡ଼କ ପେଡ଼େଃରାଃ କାମିକ ରିକା ନାଗେନ୍ତେ କୁଲିତାନା ? ଆଇଙ୍ଗ୍ ସାର୍ତ୍ତିଗିଙ୍ଗ୍ କାଜିୟାପେତାନା, ନେ ପାରିୟାରେନ୍ ହଡ଼କଆଃ ନାଗେନ୍ତେ ମିଆଁଦ୍ ଚିହ୍ନାକ କା ଏମଃଆ ।”

୧୩ ଇନିଃ ଇନକୁକେ ବାଗିକେଦତେ, ଲାଡ଼କାରେ ଦେଏଃରୁହାଡ଼ୟାନାଏ ଆତ୍ମା ଦରେୟା ହାନ୍ସାଃ ପାରମ୍ପାୟାନାଏ ।

ହେରୋଦ୍ ଆତ୍ମା ଫାରୁଶୀକଆଃ ରାନୁ
(ମାଥୁର ୧୬:୫-୧୨)

୧୪ ଯୀଶୁଆଃ ଚେଲାକ ହଲଙ୍ଗ୍ ଇଦି ନାଙ୍ଗ୍ ବିଡ଼ିଙ୍ଗ୍ କେଦା ଆତ୍ମା ଲାଡ଼କାରେ ମିଆଁଦ୍ ଚିହ୍ନାକ ଆକତାଃରେ ତାଇକେନା, ୧୫ *ୟୀଶୁ କେଚେୟାନ୍ ଚିହ୍ନାକ କାଜିୟାଦକଆଏ, “ନେଲେପେ, ଫାରୁଶୀକଆଃ ଆତ୍ମା ହେରୋଦ୍ ଆଃ ହସଡ଼ ଇନିଡୁ, ଅକଆଃଗି ରାନୁ† ଲେକାଃ ଏନାଏତେ ଚିର୍ଗାଲକାନ୍ ତାଇନ୍ପେ ।”

* ୮:୩୮ ୮:୩୮ ଆକଅକଆଃକ ✱ ୮:୧୧ ୮:୧୧ ମାଥୁର ୧୨:୩୮; ଲୁକ ୧୧:୧୭. ✱ ୮:୧୨ ୮:୧୨ ମାଥୁର ୧୨:୩୯; ଲୁକ ୧୧:୨୯. ✱ ୮:୧୫ ୮:୧୫ ଲୁକ ୧୨:୧. † ୮:୧୫ ୮:୧୫ ପାପ୍ / ରାନୁ ହଲଙ୍ଗ୍ କେ ମିଆଁଆଃଏ

୧୭ ଇନ୍କୁଦ ଆକ ଆକରେକ ମେନ୍‌କେଦା, “ଆବୁତାଃରେ ହଲଙ୍ଗକ ବାନଆଃ ଏନାମେନ୍ତେ ଇନିଃ ଆବୁକେ କାଜିୟାବୁତାନାଏ ।”

୧୮ ଯୀଶୁ ଇନ୍କୁଆଃ ଜୀଉରାଃ କାଜି ସାରିକେଦ୍‌ତେ ମେତାଦକଆଏ, “ଆପେତାଃରେ ହଲଙ୍ଗ ବାନଃ ମେନ୍ତେ ଚିକାନାଙ୍ଗ ଆପେଗି ଉଡ଼ୁତାନା ? ନାହାଁଃ ଜାକେଦ୍ କାପେଟି ସାରିକାଦା ଆଡ଼ଃ ଆବ୍‌କାର୍‌ଉରୁମାକାଦା ? ଆପେୟାଃ ମନ୍ ନାହାଁଃ ଜାକେଦ୍‌ଟି କେଟେଦ୍‌ଗିୟା ? ୧୮ *ମେଦ୍ ମେନାଃତେହ୍ କା ଚିପେ ନେଲେତାନା ? ଆଡ଼ଃ ଲୁତୁର୍ ମେନାଃତେହ୍ କା ଚିପେ ଆୟୁମେତାନା ? ଆଡ଼ଃ କା ଚିପେ ପାହାମେତାନା ? ୧୯ ମଣେୟାଁ ହଲଙ୍ଗକେ କେଟାଃକେଦ୍‌ତେ ପାଞ୍ଚ ହାଜାର୍ ହଡ଼କକେ ହାଟିଙ୍ଗ୍‌ଆଦ୍‌କଆ, ଜମ୍ ସାରେଜକେଟାଃ ଚିମିନ୍ ଟୁଙ୍ଗିପେ ହାଲାଙ୍ଗକେଦାଃ ?”

ଚେଲାକ କାଜିକିୟାଃ, “ବାରା ଟୁଙ୍ଗି ।”

୨୦ ଆଡ଼ଃ ଆଇଙ୍ଗ୍ “ଉପୁନ୍ ହାଜାର୍ ହଡ଼କ ନାଗେନ୍ତେ ସାଡ଼ୁ ହଲଙ୍ଗ କେଟାଃକେଦ୍ ଇମ୍‌ତାଙ୍ଗ୍, ସାରେଜାକାନ୍ କେଟାଃତେୟାଃ ଚିମିନ୍ ଟୁଙ୍ଗିପେ ହାଲାଙ୍ଗକେଦାଃ ?”

ଇନ୍କୁଦ କାଜିକିୟାଃ “ସାଡ଼ ଟୁଙ୍ଗିଲେ ହାଲାଙ୍ଗକେଦା ।”

୨୧ ଯୀଶୁ ମେତାଦକଆଏ, “ନାହାଁଃ ଜାକେଦ୍ ଚି କାପେ ଆବ୍‌କାର୍ ଉରୁମେତାନା ?”

ୟୀଶୁ ବେଥସାଇଦାରେନ୍ ମିଆଁଦ୍ କାଏ ନେଲ୍ ଦାଡ଼ିତାନ୍ ହଡ଼କେ ବୁଗି ତାନା

୨୨ ଏନ୍ତେ ଇନ୍କୁ ବେଥସାଇଦା ତେବାଃୟାନାକ, ଆଡ଼ଃ ହଡ଼କ ମିଆଁଦ୍ କାଏ ନେଲ୍ ଦାଡ଼ିତାନ୍ ହଡ଼କେ ଯୀଶୁତାଃତେକ ଆଉକିୟା ଆଡ଼ଃ ଇନିଃକେ ଜୁଟିଦ୍‌କେଦ୍‌ତେ ବୁଗିମେ ମେନ୍ତେକ ବିକ୍ରିକିୟା । ୨୩ ଯୀଶୁ, ଏନ୍ କା ନେଲ୍ ଦାଡ଼ିତାନ୍ ହଡ଼ରାଃ ଡିଃଇ ସାବ୍‌କେଦ୍‌ତେ ହାଡ଼ୁଏତେ ଅଡ଼ଙ୍ଗକିୟା । ଇନିୟାଃ ମେଦ୍‌ରେ ବେଏକ୍‌କିୟାଏ ଆଡ଼ଃ ଆୟାଃ ଡିଃଇ ଇନିଃକେ ଦହକେଦ୍‌ତେ କୁଲିକିୟାଏ, “ଚିୟାଃ ଆମ୍ ଜେଡ଼ନାଃମ୍ ନେଲେତାନା ?”

୨୪ ଏନ୍ ହଡ଼ଦ୍ ଆରିଦ୍‌କେଦାଏ ଆଡ଼ଃ କାଜିକେଦାଏ, “ଆଇଙ୍ଗ୍ ହଡ଼କକେ ସେନ୍‌ବାଡ଼ାତାନ୍ ଦାରୁଲେକାଇଙ୍ଗ୍ ନେଲ୍‌କତାନା ।”

୨୫ ଯୀଶୁ ଆଡ଼ଃମିସା ଇନିୟାଃ ମେଦ୍‌କେ ଜୁଟିଦ୍‌କେଦାଏ, ଏନ୍ତେ ଇନିଃ ନେଲ୍ ଦାଡ଼ିକେନାଏ, ଇନିଃ ବୁଗିୟାନାଏ ଆଡ଼ଃ ସବେନାଃ ଫାର୍‌ଚିଗି ନେଲ୍‌କେଦାଏ । ୨୬ ଯୀଶୁ ଇନିଃକେ ଅଡ଼ାଃତେ କୁଲ୍ ରୁହାଡ଼ିତାନ୍‌ଲଃ କାଜିକିୟାଏ, “ନେ ହାଡ଼ୁତେ ଆଲମ୍ ସେନାଃ ।”

ପାଡ଼ରାସ୍‌ଆଃ ବିଶ୍ୱାସ୍

(ମାଥୁଉ ୧୭:୧୩-୨୦; ଲୁକ ୯:୧୮-୨୧)

୨୭ ଏନ୍ତେ ଯୀଶୁ ଆୟାଃ ଚେଲାକଲଃ କାଇସରିୟା ଫିଲିପି ଦିଶୁମ୍‌ରାଃ ହାଡ଼ୁକ ସେନଃତାନ୍ ଇମ୍‌ତା ଚେଲାକକେ କୁଲିକେଦ୍‌କଆ, “ଆଇଙ୍ଗ୍ ଅକଏ ତାନିଙ୍ଗ୍ ମେନ୍ତେ ହଡ଼କ କାଜିତାନା ?”

୨୮ *ଇନ୍କୁ କାଜିରୁହାଡ଼କିୟାକ, “ଚିମିନ୍‌କ ବାପ୍ତିସ୍ତା ଏମଃନିଃ ଯୋହାନ୍, ଚିମିନ୍‌କ ଏଲିୟ ମେନ୍‌ଦ୍ ଚିମିନ୍‌କ ନାବୀକଏତେ ମିହୁଡ଼୍ ତାନିଃ ମେନ୍ତେକ କାଜିତାନା ।”

୨୯ *ୟୀଶୁ ଇନ୍କୁକେ କୁଲିକେଦ୍‌କଆ, “ଆଇଙ୍ଗ୍ ଅକଏ ତାନିଙ୍ଗ୍ ମେନ୍ତେପେ କାଜିତାନା ?” ପାଡ଼ରାସ୍ କାଜିରୁହାଡ଼କିୟାଏ, “ଆମ୍‌ଗି ଖ୍ରୀଷ୍ଟ୍, ତାନ୍‌ମେ ।”

୩୦ ଏନ୍ତେ ଯୀଶୁ ଇନ୍କୁକେ ହୁକୁମ୍‌କେଦ୍‌କଆ, “ଆଇଙ୍ଗ୍ ଅକଏ ତାନିଙ୍ଗ୍ ନେ କାଜି ଜେତାଏତାଃରେ ଆଲ୍‌ପେ ଉଦୁବେୟାଃ ।”

ୟୀଶୁ ଆୟାଃ ଦୁକୁସାହାଡ଼ିଙ୍ଗ୍ ଆଡ଼ଃ ଗନଏଃରାଃ କାଜି ଉଦୁବେତାନାଏ

(ମାଥୁଉ ୧୭:୨୧-୨୮; ଲୁକ ୯:୨୨-୨୬)

୩୧ ଏନ୍ତେ ଯୀଶୁ ଆୟାଃ ଚେଲାକକେ ଇଡ଼ୁ ଏଟେଦ୍‌କେଦ୍‌ଆଏ, “ଆଇଙ୍ଗ୍ ମାନଂହାନ୍ ତାନାଇଙ୍ଗ୍, ଆଇଙ୍ଗ୍‌କେ ପୁରାଃ ଦୁକୁ ସାହାଡ଼ିଙ୍ଗ୍ ଲାଗାଡ଼ିୟାଃ, ଆଡ଼ଃ ପ୍ରାଚିନ୍‌କ, ମୁଲ୍ ଯାଜାକ୍‌କ ଆଡ଼ଃ ଆଇନ୍ ଇଡ଼ୁକ ଆଇଙ୍ଗ୍‌କେ ହିଲାଙ୍ଗ୍‌ଇୟା ଆଡ଼ଃ ଗଜିୟା, ଆଡ଼ଃ ଆଇଙ୍ଗ୍ ଆପି ମାହାଁ ତାୟମ୍‌ତେ ଜୀଉ ବିରିଦାଇଙ୍ଗ୍ ।” ୩୨ ଆଡ଼ଃ ଇନିଃ ନେ ବିଷାଏ ଫାର୍‌ଚିଆନ୍‌ଗି ଇନ୍କୁକେ ଉଦୁବାଦ୍‌କଆ । ଏନ୍ତେ ପାଡ଼ରାସ୍ ଯୀଶୁକେ ଗେନାତେ ଇଦିକିଃତେ ଏଗେର୍‌ଏଟେଦ୍‌କିୟାଏ‡ । ୩୩ ମେନ୍‌ଦ୍ ଯୀଶୁ ହେତାରୁହାଡ଼କେଦ୍‌ତେ ଆୟାଃ ଚେଲାକସାଃ ଆରିଦ୍‌କେଦ୍‌ତେ, ପାଡ଼ରାସ୍‌କେ ଏଗେର୍‌କିୟା, “ଏ ସାଏତାନ୍ ଆଇୟାଃତାଃଏତେ ଆତମେନ୍‌ମେ ଆମ୍‌ଦ୍ ପାର୍‌ମେଶ୍ୱାର୍‌ଆଃ ଲେକା କାହା ମେନ୍‌ଦ୍ ହଡ଼କଆଃ ଲେକାମ୍ ଉଡ଼ୁତାନା ।”

୩୪ *ଏନ୍ତେ, ଗାଦେଲ୍ ହଡ଼କକେ ଆଡ଼ଃ ଚେଲାକକେ, ଯୀଶୁ କେଡ଼ାକେଦ୍‌କଆଏ ଆଡ଼ଃ ମେତାଦକଆଏ, “ଜେତାଏ ହଡ଼ ଆଇଙ୍ଗ୍‌କେ ଅଡ଼ଙ୍ଗ୍ ସାନାଙ୍ଗ୍‌ରେଦ୍ ଇନିଃ ଆଇଃକ୍ ଆପାନ୍‌କେ ହିଲାଙ୍ଗ୍‌ଇକାଏଡ଼ି, ଆଡ଼ଃ ଆୟାଃ କୁଶ୍* ଗଅଃକେଦ୍‌ତେ ଅଡ଼ଙ୍ଗ୍‌ଇଙ୍ଗ୍‌କାଏ । ୩୫ *ଚିୟାଃଚି ଆୟାଃ ଜୀଉ ବାଞ୍ଛାଅ ସାନାଙ୍ଗ୍‌ତାନ୍‌ନିଃ ଏନାଏ ଆଦେୟା, ମେନ୍‌ଦ୍ ଆଇଙ୍ଗ୍ ମେନ୍ତେ ଆଡ଼ଃ

* ୮:୧୮ ୮:୧୮ ମାର୍କ ୪:୧୭. * ୮:୨୮ ୮:୨୮ ମାର୍କ ୭:୧୪,୧୫; ଲୁକ ୯:୭,୮. * ୮:୨୯ ୮:୨୯ ଯୋହାନ୍ ୭:୬୮,୬୯. ‡ ୮:୩୨ ୮:୩୨ ଆନୁଜୋଗ୍‌କିୟାଏ
* ୮:୩୪ ୮:୩୪ ମାଥୁଉ ୧୦:୩୮; ଲୁକ ୧୪:୨୭. § ୮:୩୪ ୮:୩୪ ଆଇଃକ୍ ଆପାନ୍‌କେ ହିଲାଙ୍ଗ୍‌ଇକାଏ ଆପଣାକୁ ଅସ୍ୱୀକାର୍ କରୁ * ୮:୩୪ ୮:୩୪ ଯୀଶୁନାଙ୍ଗ୍ ଦୁକୁସାହାଡ଼ିଙ୍ଗ୍, ଆଡ଼ଃ ଗଜଃନାଙ୍ଗ୍ ସେକାଡ଼ାକାନ୍‌ଲଃ * ୮:୩୫ ୮:୩୫ ମାଥୁଉ ୧୦:୩୯; ଲୁକ ୧୭:୩୩; ଯୋହାନ୍ ୧୨:୨୫.

ସୁକୁକାଜି ମେନ୍ତେ ଆୟାଃ ଜୀଉ ଆଦେନିଃ, ଏନାଏ ବାସ୍ତାଏୟା । ୩୬ ଜେତାଏ ହଡ଼ ଗଟା ଅତେଦିଶୁମ୍ ନାମକେଦ୍ରେୟ ଆୟାଃ ଜୀଉକେ ଆଦେରେଦ୍ ଜନିୟାଃ ଚିକାନ୍ ଫାଏଦା ହବାଅଆଃ ? ୩୭ ତାଏ ଜେତାଏ ହଡ଼ ଆୟାଃ ଜୀଉ ନାମରୁହାଡ଼େ ନାଗେନ୍ତେ ଚିନାଃଏ ଏମ୍ ଦାଡ଼ିୟା ? ୩୮ ନେ ପାରିୟାରେନ୍ ଆପାଙ୍ଗିର୍ ଆଡ଼ଃ ପାପିହଡ଼କଆଃ ଆଲାରେ ଆଇଙ୍ଗ୍ ଆଡ଼ଃ ଆଇଁୟାଃ କାଜି ବିଷାଏରେ ଅକଏ ଗିହୁଗଃଆଏ, ଆଇଙ୍ଗ୍ ମାନୱାହନ୍ ତାନିଙ୍ଗ୍, ଆଇଙ୍ଗ୍ ପାବିତାର୍ ଦୁଢ଼କଲଃ ଆପୁଇଁୟାଃ ମାନାରାଙ୍ଗ୍ରେ ହିଜୁଃରୁହାଡ଼୍ ଦିପିଲିରେ ଆଇଙ୍ଗ୍‌ହଗି ଏନ୍ ବିଷାଏରେ ଗିହୁଗଃଆଇଙ୍ଗ୍ ।”



୯ ଆଡ଼ଃ ଯୀଶୁ ମେତାଦକଆଏ, “ସାର୍‌ତିଗି କାଜିୟାପେ ତାନାଇଙ୍ଗ୍, ପାର୍‌ମେଶ୍ୱାର୍‌ଆଃ ରାଇଙ୍ଗ୍ ପେଡ଼େଃଲଃ ହିଜୁଃତାନ୍ ଆଉରି ନେଲେ ଜାକେଦ୍, ନେତାଃରେ ତିଙ୍ଗୁଆକାନ୍ କଏତେ ଚିମିନ୍‌କ ଗନଏଃ କାକ ଚାଖାଅୟା ।”

ୟୀଶୁଆଃ ରୁପ୍ ବାଦଲିଆଃ
(ମାଥୂଉ ୧୭:୧-୧୩; ଲୁକ ୯:୨୮-୩୭)

୨ *ତୁରୁଇ *ମାଃ ତାୟମତେ ଯୀଶୁ ପାଡ଼ରାସ୍, ଯାକୁଦ୍ ଆଡ଼ଃ ଯୋହାନ୍‌କେ ମିଆଁଦ୍ ସାଲାଙ୍ଗି ବୁରୁ ଚେତାନ୍ ଇଦିକେଦକଆଏ ଆଡ଼ଃ ଇନ୍‌କୁ ଏନ୍ତାଃରେ ଏସ୍‌କାରଗି ତାଇକେନାକ, ଆଡ଼ଃ ଇନ୍‌କୁଆଃ ନେପେଲ୍‌ରେ ଯୀଶୁଆଃ ରୁପ୍ ବାଦଲିଆୟାନା† । ୩ ନେ ଅତେଦିଶୁମ୍‌ରେନ୍ ଜେତାଏ ଧୋବି କାଏ ପୁଣ୍ଡି ଦାଡ଼ିଲେକା, ଲିଜାଃକ ତାୟାଃଦ୍ ଝାକ୍ ମାକ୍ ପୁଣ୍ଡିୟାନା । ୪ ଏନ୍ତେ ମୁଶା ଆଡ଼ଃ ଏଲିୟକେ, ଯୀଶୁଲଃ ଜାଗାର୍‌ତାନ୍ ନେଲ୍‌କେଦକିନାକ । ୫ ପାଡ଼ରାସ୍‌ଦ୍ ଯୀଶୁକେ ମେତାଇୟାଏ, “ହେ ଗୁରୁ, ଆବୁ ନାଙ୍ଗ୍ ନେତାଃରେଗି ତାଇନଃ ପୁରାଃ ବୁଗିନାଃ, ଆପିୟା କୁମ୍‌ବୁ ବାଇୟାଃ, ମିଆଁଦ୍ ଆମାଃ ନାଗେନ୍ତେ, ମିଆଁଦ୍ ମୁଶା ନାଗେନ୍ତେ ଆଡ଼ଃ ମିଆଁଦ୍ ଏଲିୟ ନାଗେନ୍ତେ ।” ୬ ପାଡ଼ରାସ୍ ଚିକ୍‌ନାଃଏ କାଜିରୁହାଡ଼େୟା ଏନା କାଏ ଉଡ଼ଃ ଦାଡ଼ିକେଦା, ଚିୟାଃଚି ଇନ୍‌କୁଦ୍ ପୁରାଃଗି ବରକେଦାକ ।

୭ *ଏନ୍ତେ ମିଆଁଦ୍ ଚିମିଲ୍ ହିଜୁଃକେଦ୍‌ତେ ଇନ୍‌କୁକେ ଉମ୍‌ଲୁ କେଦକଆଏ, ଆଡ଼ଃ ଏନ୍ ଚିମିଲ୍‌ଏତେ ମିଆଁଦ୍ କାଜି ଆୟୁମ୍‌ୟାନା “ନିଃଗି ଆଇଁୟାଃ ଦୁଲାଡ଼୍ ହନ୍‌ତାନିଃ, ଅକଏକେଚି ଆଇଙ୍ଗ୍ ଦୁଲାଡ଼ାଃଇଙ୍ଗ୍, ନିୟାଃ କାଜି ଆୟୁମେପେ ।” ୮ ଇନ୍‌କୁ ଇମ୍‌ତାଗି ଆରିଦ୍ ବିୟୁରକେଦାକ, ଆଡ଼ଃ ଆକଲଃ ଯୀଶୁକେ ବାଗିକେଦ୍‌ତେ ଜେତାଏକେ କାକ ନେଲ୍‌କିୟାଃ ।

୯ ବୁରୁଏତେକ ଆଡ଼ଗୁନ୍‌ତାନ୍‌ରେ ଯୀଶୁ ଇନ୍‌କୁକେ ଚେତାଅକେଦକଆ, “ଆପେ ନେଲାକାଦ୍‌ତେଆଃ, ମାନୱାହନ୍ ଗଜାକାନ୍‌କଏତେ ଆଉରି ଜୀଉବିରିଦେନ୍ ଜାକେଦ୍, ଜେତାଏକେ ଆଲ୍‌ପେ ଉଦୁବାକଆ ।”

୧୦ ଇନ୍‌କୁଦ୍ ଇନିୟାଃ କାଜିକ ଆୟୁମ୍‌କେଦ୍‌ତେ “ଗଏଃକାନ୍ କଏତେ ଜୀଉବିରିଦେନ୍ କାଜିରାଃ ମୁଣ୍ଡି ଚିକ୍‌ନାଃ ତାନାଃ ?” ମେନ୍ତେ ଆକ ଆକରେକ କୁଲିୟାଃତାନ୍ ତାଇକେନା । ୧୧ *ଆଡ଼ଃ ଇନ୍‌କୁ ଯୀଶୁକେ କୁଲିକିୟାଃକ, “ଚିନାଃ ମେନ୍ତେ ଆଇନ୍ ଇଡୁକ ଏଲିୟକେ ସିଦାତେ ହିଜୁଃଲାଗାଡ଼ିୟାଃ ମେନ୍ତେକ କାଜିୟାଃ ?”

୧୨ ଇନିଃ କାଜିରୁହାଡ଼ାଦକଆଏ, “ନେଆଁ ସାର୍‌ତିଗି ତାନାଃ, ଏଲିୟ ଆୟୁରତେ ହିଜୁଃଗିୟାଏ, ଆଡ଼ଃ ସବେନାଃ ଆଡ଼ଃମିସା ବାଇରୁହାଡ଼େୟାଏ । ମାନୱାହନ୍‌କେ ପୁରାଃ ଦୁକୁସାହାଡ଼ିଙ୍ଗ୍ ଲାଗାଡ଼ିଙ୍ଗ୍‌ୟାଃ ଆଡ଼ଃ ହିଲାଙ୍ଗ୍‌ଇଆକ, ନେୟାଁ ଚିନାଃ ମେନ୍ତେତାମ୍ ଆୟାଃ ବିଷାଏରେ ଅଲକାନା ? ୧୩ ଆଇଙ୍ଗ୍‌ଦଇଙ୍ଗ୍ କାଜିପେତାନା, ଏଲିୟ ହିଜୁଃୟାନାଏ, ଆଡ଼ଃ ପାବିତାର୍ ଅନଲ୍‌କ ଇନିୟାଃ ବିଷାଏରେ ଅଲକାଦ୍ ଲେକା, ହଡ଼କ ଆକଆଃ ସାନାଙ୍ଗ୍ ଲେକା ଇନିଃକେ ଚିକାକିୟାଃକ ।”

ୟୀଶୁ ମିଆଁଦ୍ ବଙ୍ଗା ଏସେରାକାଇ ସିଚିଆକେ ବୁଗି ତାନା
(ମାଥୂଉ ୧୭:୧୪-୨୧; ଲୁକ ୯:୩୭-୪୩)

୧୪ ଆଡ଼ଃ ଇନ୍‌କୁ ଏଟାଃ ଚେଲାକତାଃକ ରୁହାଡ଼ିୟାନ୍‌ଚି, ଗାଦେଲ୍ ହଡ଼କ ଇନ୍‌କୁଆଃ ବିୟୁରତେ ହୁଣ୍ଡିଆକାନ୍ ଆଡ଼ଃ ଆଇନ୍ ଇଡୁକଲଃ କାପାଜିତାନ୍‌କ ନେଲ୍‌କେଦକଆ । ୧୫ ଯୀଶୁକେ ନେଲ୍‌ତାଇଲଃଗି ହଡ଼କ ଆକ୍‌ଦାନ୍‌ଆୟାନା ଆଡ଼ଃ ନିର୍ ଦାରମ୍‌କେଦ୍‌ତେକ ଜହାର୍‌କିୟାଃ । ୧୬ ଯୀଶୁ, ଆୟାଃ ଚେଲାକକେ କୁଲିକେଦକଆଏ, “ଆଇନ୍ ଇଡୁକଲଃ ଚିନାଃପେ କାପାଜିତାନା ?”

୧୭ ଗାଦେଲ୍ ହଡ଼କଏତେ ମିଆଁଦ୍‌ନିଃ ମେତାଇୟାଏ, “ଏ ଇଡୁନିଃ, ହନିଙ୍ଗ୍‌କଡ଼ାକେ ଆମାଃତାଃ ଆଉକିୟାଈଙ୍ଗ୍, ଚିୟାଃଚି ଇନିଃରେ ମିଆଁଦ୍ ବଙ୍ଗା ବଲକାନାଏ ମେନ୍ତେ ଇନିଃ କାଏ ବାଖାଁଣ୍ ଦାଡ଼ିତାନା । ୧୮ ଜେତାଏ ଠାୟାଦ୍‌ରେ ସାବ୍‌କିଦ୍‌ତେ ଇନିଃକେ ଆଖାଃବାଚିୟାଏ, ଆଡ଼ଃ ଇନିୟାଃ ମତା ପୁଡୁରିଦଃଆ, ଇନିଃ ତାଟାଏ ତାଟାଏଃରିଦେୟା ଆଡ଼ଃ ଗଜାକାନ୍ ଲେକାଏ ରିକାଅଃଆ । ଆଇଙ୍ଗ୍ ଆମାଃ ଚେଲାକକେ ଅଡ଼ଙ୍ଗ୍‌ହାର୍‌ତାଇପେ ମେନ୍‌କେଦକଆଇଙ୍ଗ୍, ମେନ୍‌ଦ୍ ଇନ୍‌କୁ କାକ ଦାଡ଼ିକେନା ।”

୧୯ ଯୀଶୁ ମେତାଦକଆଏ, “ଏ କା ବିଶ୍ୱାସ୍‌ତାନ୍ ହଡ଼କ, ଚିମିନ୍ ଜାକେଦ୍ ଆପେଲଃ ତାଇନାଇଙ୍ଗ୍ ? ଚିମିନ୍ ଜାକେଦ୍ ଆଇଙ୍ଗ୍ ସାହାଡ଼ିଙ୍ଗ୍‌ପେଆ ? ମାର୍ ଏନ୍ ସିଚିଆକେ ଆଇଙ୍ଗ୍‌ତାଃତେ ଆଉଝିପେ ।” ୨୦ ଏନ୍ତେ ଇନ୍‌କୁ ସିଚିଆକେ ଆୟାଃତାଃକ ଆଉକିୟା । ଏଡ଼କାନ୍ ଆମ୍‌ଦ୍ ଯୀଶୁକେ ନେଲ୍‌ତାଇଚି ଇମ୍‌ତାଙ୍ଗି ଏନ୍ ହନ୍‌କେ ଆଇଁଠାଅକିୟାଏ ଆଡ଼ଃ ହନ୍ ଅତେରେ

☆ ୯:୨ ୯:୨ ୨ ପାଡ଼ରାସ୍ ୧:୧୭,୧୮. * ୯:୨ ୯:୨ ଛ † ୯:୨ ୯:୨ ଆୟାଃ ରୁପ୍ / ମେଦ୍‌ପୁହାଡ଼୍ ଆଡ଼ଃ ଲିଜାଃ ପୁଣ୍ଡି ଝାକ୍ ମାକ୍‌ୟାନା ☆ ୯:୨ ୯:୨ ମାଥୂଉ ୩:୧୭; ମାର୍କ ୧:୧୧; ଲୁକ ୩:୨୨. ☆ ୯:୧୧ ୯:୧୧ ମାଥୂଉ ୧୧:୧୪.

ଉତ୍ତରରେ ଉପାସନା ଆଡ଼େ ଉଦ୍ଧୃତ ହୋଇଥିବା ଯୁଦ୍ଧ ସମୟରେ ଘଟିଥିବା ତାହାକୁ କେହି ନେଇନାହାନ୍ତି । ୨୧ ଯୀଶୁ ଏହି ଉଦ୍ଧୃତ ଆପଣଙ୍କୁ କୁଳିକିୟାଏ, “ତମ ନାମରେ କି କି କରାଯାଇପାରେ ?”

ଆପଣଙ୍କୁ କାହିଁକି କୁଳିକିୟାଏ, “ମିତ୍ର ସିଦ୍ଧି ଆଣିବେ” । ୨୨ “ଗଢ଼ି ନାଗେନ୍ଦ୍ର ଏତକ ଆମ୍ଭେ ଉଦ୍ଧୃତ ପୁରାଣିକ ଦାୟିତ୍ୱରେ ଆଡ଼େ ଉଦ୍ଧୃତ କୁଳିକିୟାଏ ତାହାକୁ କେହି ନେଇନାହାନ୍ତି । ଏହାମାନଙ୍କୁ କେତେକ ଉଦ୍ଧୃତ ରିକାଦାଢ଼ିରେ ଦାୟିତ୍ୱରେ ଆମ୍ଭେ ଦେଖାଲେମ୍ ।”

୨୩ ଯୀଶୁ “ହେ” ମୋତାମାନଙ୍କୁ, କାହିଁକି ଦାଏ, “ତମାନଙ୍କୁ ରିକାଦାଢ଼ିରେ ମୋତାମାନଙ୍କୁ, ବିଶ୍ୱାସୀମାନଙ୍କୁ ନାଗେନ୍ଦ୍ର ସବେନା ରିକାଦାଢ଼ିୟା ।”

୨୪ ଏହି ଉଦ୍ଧୃତ ଏହି ଉଦ୍ଧୃତ ଆପଣଙ୍କୁ ରାଧାକାମ୍ୟ କାହିଁକି ଦାଏ, “ଆଜ୍ଞା ବିଶ୍ୱାସୀ ତାମାନଙ୍କୁ, ଆଜ୍ଞା କା ବିଶ୍ୱାସୀରେ ଦେଖାଲେମ୍ ।”

୨୫ ହତକକେ କୁରୁ ହୁଣ୍ଡିତାନ୍ ଯୀଶୁ ନେଲକେଦକତି, ସତରା ଆମ୍ଭଙ୍କୁ ମାରାଜ୍ଞମକିୟାଏ ଆଡ଼େ ମୋତାମାନଙ୍କୁ, “ଏ ଭାଷଣ ଆଡ଼େ କା ବାଗାଣ୍ ଦାଢ଼ିତାନ୍ ଆମ୍ଭ, ଆଜ୍ଞା ହୁକୁମ୍ ଏମାମ୍ଭାତାମାନଙ୍କୁ, ନିଶ୍ଚିତେ ଅତ୍ୟନ୍ତରେ, ଆଡ଼େ ନିଶ୍ଚିତେ ଚିତ୍ତାଧି ଆଲମ୍ ବଳ ରୁହାଡ଼ା ।”

୨୬ ଏତକ ଆମ୍ଭେ କାହିଁକି ଦାଏ ଏହି ଉଦ୍ଧୃତ ସିଦ୍ଧିକିୟା ଆଡ଼େ ଅତ୍ୟନ୍ତ ବାଗିତାମାନଙ୍କୁ । ସିଦ୍ଧି କତାଦ ଗଜାକାନ୍ନିଶ ଲେକାଏ ରିକାୟାନ୍; ହତକ ମୋତାମାନଙ୍କୁ, “ଗଣ୍ୟମାନଙ୍କୁ ।” ୨୭ ମୋତା ଯୀଶୁ ତିଷ୍ଠି ସାଦକିତେ ବିରଦକିୟାଏ, ଆଡ଼େ ଉଦ୍ଧୃତ ଚିତ୍ତକେତେଦୟାନ୍ ।

୨୮ ଏତେ ଯୀଶୁ ଅତ୍ୟନ୍ତ ସେନାୟାନ୍, ଆଡ଼େ ଏକାକୀରେ ତେଲକତାୟା ଉଦ୍ଧୃତ କୁଳିକିୟାକ, “ଆଲେଦ ତମାନଙ୍କୁ ଏହି ଦେଖାକେ କାଲେ ଅତ୍ୟନ୍ତ ଦାଢ଼ିକେନା ?”

୨୯ ଯୀଶୁ ମୋତାମାନଙ୍କୁ “ନେ ଲେକାନ୍ ଏତକ ଆମ୍ଭଙ୍କୁ ବିକ୍ରିତେ ଏକାକୀ ଅତ୍ୟନ୍ତ ଦାଢ଼ିୟା, ଆଡ଼େ କେତେକାତେଦ କାହାଣି ।”

ଯୀଶୁ ଆୟାଶ ଗଣ୍ୟ କାହିଁ ଆଡ଼େ ଉଦ୍ଧୃତାନ୍
(ମାଥୁରା ୧୭:୨୨-୨୩; ଲୁକ ୯:୪୩-୪୫)

୩୦ ଯୀଶୁ ଆଡ଼େ ତେଲକତାୟା ଏତାଏତେ ସେନାୟାନ୍ ଗାଲିଲ ଦିଶୁମ୍ ଆଲା ଆଲାତେକ ସେନାୟାନ୍ । କେତାଏ ଏହା ଆଲକାକ ସାରିନାମେକା ମୋତେ ଉଦ୍ଧୃତ ସାମାଜ୍ୟତାକେନାଏ, ୩୧ ତିଷ୍ଠି ଉଦ୍ଧୃତ ଆୟାଶ ତେଲକକେ ଉଦ୍ଧୃତ ତାହାକୁ କେହି ନେଇନାହାନ୍ତି । ଉଦ୍ଧୃତ କାହିଁକି ଦାଏ, “ଆଜ୍ଞା ମାନାହନ୍ ତାମାନଙ୍କୁ, ଆଜ୍ଞା ହତକ ଆଡ଼େ ତିଷ୍ଠିରେ ଏମ୍ଭାଗଣ୍ୟାକ, ଆଡ଼େ ହତକ ଆଜ୍ଞାକେ ଗଜାକ, ଗଣ୍ୟତାୟା ଆପିମା ତାୟାମ୍ଭେ ଆଜ୍ଞା ଜୀବ ବିରଦାକେ ।”

୩୨ ମୋତା ଉଦ୍ଧୃତ ନେ କାହିଁ କାକ ଆକାର ଉଦ୍ଧୃତ ଦାଢ଼ିକେନା, ଆଡ଼େ ଉଦ୍ଧୃତ ଉଦ୍ଧୃତ କୁଳି ନାଗେନ୍ଦ୍ର ବରକେଦାକ ।

ଅକ୍ଷୟ ମାରାଜ୍ଞ ?
(ମାଥୁରା ୧୮:୧-୫; ଲୁକ ୯:୪୬-୪୮)

୩୩ ଯୀଶୁ ଆଡ଼େ ଆୟାଶ ତେଲକ କପରନାହୁମ୍ ତେବାରକେଦତି ଅତ୍ୟନ୍ତ ବଳୟାନ୍, ଆଡ଼େ ଉଦ୍ଧୃତ ତେଲକକେ କୁଳିକେଦକିୟାଏ, “ହରାରେ ତିଷ୍ଠିତେ ଜାଗାତାନ୍ ତାହାକୁ କେହି ନେଇନାହାନ୍ତି ?”

୩୪ ☆ମୋତା ଉଦ୍ଧୃତ ହାପାୟାକ, ତିଷ୍ଠି ଉଦ୍ଧୃତ ଅକ୍ଷୟ ମାରାଜ୍ଞ ମୋତେ ହରାରେ କାପାଜିତାନ୍ ତାହାକୁ କେହି ନେଇନାହାନ୍ତି । ୩୫ ☆ଯୀଶୁ ଦୁର୍ଭାଗ୍ୟ ବାରାଧାନ୍ନକେ ହାକାଅକେଦକିୟାଏ ଆଡ଼େ ମୋତାମାନଙ୍କୁ, “ଅକ୍ଷୟ ହତ ସବେନକଏତେ ମାରାଜ୍ଞେନ୍ ସାମାଜ୍ୟରେ, ସବେନକଏତେ ଲାତାରେନକାଏ ଆଡ଼େ ସବେନକ ଆଡ଼େ ଦାସିନ୍ କାଏ ।” ୩୬ ଏତେ ମିଆଁଦ ହୁଡ଼ି ହତ ହାକାଅକିଷତେ ଉଦ୍ଧୃତ ଆଲାରେ ଚିତ୍ତକିୟାଏ ଆଡ଼େ କୟାକିଷତେ ମୋତାମାନଙ୍କୁ, ୩୭ ☆ନେ ଲେକାନ୍ ମିଆଁଦ ହୁଡ଼ି ହତ ଅକ୍ଷୟ ହତ “ଆଜ୍ଞା ନୁତୁମ୍ଭେ ସୁକୁଆୟାଏ ଉଦ୍ଧୃତ ଆଜ୍ଞାକେ ସୁକୁଆୟାଏ, ଆଡ଼େ ଅକ୍ଷୟ ହତ ଆଜ୍ଞାକେ ସୁକୁଆୟାଏ, ଉଦ୍ଧୃତ ଆଜ୍ଞାକେ ଏକାକୀ କା ମୋତା ଆଜ୍ଞାକେ କୁଳିକିୟା ଆଜ୍ଞା ଆବାକେୟା ସୁକୁଆୟାଏ ।”

ଆପଣଙ୍କୁ ଦାରମ୍ ରୁହାଡ଼ୁତାନ୍ନିଶଦ ଆପଣଙ୍କୁ
(ଲୁକ ୯:୪୯-୫୦)

୩୮ ଯୋହାନ୍ ଯୀଶୁକେ କାହିଁକି ଦାଏ, “ହେ ଗମ୍ଭେ, ମିଆଁଦ ହତ ଆମା ନୁତୁମ୍ଭେ ବକାକେ ଅତ୍ୟନ୍ତତାନ୍ଲେ ନେଲକିୟା ଆଡ଼େ ଉଦ୍ଧୃତ ଆପଣଙ୍କୁ ଜାମାରେନ୍ କାଏ ତାହାକୁ କେହି ନେଇନାହାନ୍ତି, ଏହାମାନଙ୍କୁ ଉଦ୍ଧୃତ ମାନାକିୟାଲେ ।”

☆ ୯:୩୪ ୯:୩୫ ଲୁକ ୨୨:୨୪. ☆ ୯:୩୫ ୯:୩୬ ମାଥୁରା ୨୦:୨୨,୨୩; ୨୩:୧୧; ମାର୍କ ୧୦:୪୩,୪୫; ଲୁକ ୨୨:୨୨. ☆ ୯:୩୬ ୯:୩୭ ମାଥୁରା ୧୦:୪୦; ଲୁକ ୧୦:୧୭; ଯୋହାନ୍ ୧୩:୨୦.

୩୯ “ୟାଶୁ ମେତାଦକଥାଏ, ଆଲପେ ମାନାଇୟା, ଆଇଁୟାଃ ନୁତୁମ୍ତେ ଆକଦାନ୍ତା କାମି କାମିତାନ୍ ଜେତାଏନିଃ ଆଇଁୟାଃ ନୁତୁମ୍ତେ ଏଡକାନ୍ କାଜି କାମି କାଏ ଦାଡିୟା । ୪୦ *ତିୟାଃତି ଅକଏ ଆବୁକେ ଦାରମ୍ବୁତାନାଏ, ଇନିଃଦ ଆବୁଲଃରିୟା । ୪୧ *ଆଇଙ୍ଗ୍ ଆପେକେ ସାର୍ତିଗିଇଙ୍ଗ୍ କାଜିୟାପେତାନା, ଆପେ ଖ୍ରୀଷ୍ଟୁଆଃ ତାନ୍ପେ ମେନ୍ତେ ଅକ ହଡ୍ ଆପେକେ ମିଦ୍ ଗିଲାସ୍ ରେହାଡ୍ ଦାଆଃ ନୁଁଏ ନାଗେନ୍ତେ ଏମାପେରେଦ, ଏନ୍ ହଡ୍ ଆୟାଃ ନାଲା ନାମେଗିୟାଏ ।

ଆଲପେ ତହଦଃଆ ମେନ୍ତେ ଯାଶୁ ଇଡୁକତାନାଏ
(ମାଥୁଉ ୧୮:୨-୯; ଲୁକ ୧୭:୧-୨)

୪୨ “ଆତଃଗି ଯାଶୁ କାଜିକେଦାଃଏ, ଜେତାଏ ଆଇଁୟାଃରେ ବିଶ୍ୱାସ୍ତାନ୍ ନେ ହୁପ୍ତିଙ୍ଗ୍କଏତେ ମିଆଁଦ୍ନିଃକେ ଆୟାଃ ବିଶ୍ୱାସ୍ରେ ତହଦ୍ରିକାଇରେଦ ଇନିୟାଃ ହଟଃରେ ଜାନ୍ତାଦିରି ହାକାକେଦ୍ତେ ଇନିଃକେ ଇକିର୍ ଦରେୟାରେ ହୁଦ୍ମାତେୟାଃ ଇନିଃ ନାଗେନ୍ତେ ବୁଗିଅଃତେଆଃ । ୪୩ *ଆତଃ ଆମାଃ ତିଃଇ ବିଶ୍ୱାସ୍ରେ ତହଦ୍ ରିକାମ୍ତାନ୍ରେଦ, ଏନାକେ ଛପାଏଣ୍ଡାଏମେ । ବାରିଆଃ ତିଃଇ ତାଇକେଦ୍ତେ ନାରାକ୍ତେ, ଚିଉଲାଅ କା ଇଣ୍ ଜଃ ସେଙ୍ଗେଲ୍ତେ ସେନଃଏତେଦ ଚୁଣ୍ଡାୟାନ୍ତେ ଜୀଦାନ୍ରେ ବଲଃ ଆମାଃ ନାଗେନ୍ତେ ବୁଗିନାଃ । ୪୪ ନାରାକ୍ରେ ଇନ୍କୁକେ ଜମ୍ତାନ୍ ତିନ୍ତୁ କାକ ଗଜଃଆ ଆତଃ ସେଙ୍ଗେଲ୍ କା ଇଣ୍ ଜଃଆ ୪୫ ଆତଃ ଆମାଃ କାଟା ତହଦ୍ ରିକାମ୍ତାନ୍ ରେଦ, ଏନାକେ ଛପା ଏଣ୍ଡାତାମ୍ । ବାରିଆ କାଟାତେ, ସେଙ୍ଗେଲ୍ ନାରାକ୍ରେମ୍ ହୁରାଙ୍ଗ୍ ହାଁଶବଃଏତେଦ, ଲାଙ୍ଗ୍ଡାକାନ୍ ଜୀଦାନ୍ରେ ବଲଃତେୟାଃ ଆମ୍ ନାଗେନ୍ତେ ବୁଗିନାଃ । ୪୬ ନାରାକ୍ରେ ଇନ୍କୁଆଃ ତିନ୍ତୁ କାଏ ଗଜଃଆ ଆତଃ ସେଙ୍ଗେଲ୍ କା ଇଣ୍ ଜଃଆ । ୪୭ *ଆତଃ ଆମାଃ ମିଆଁଦ୍ ମେଦ୍ ପାପ୍ଇଟିମେରେଦ, ଏନାକେ ଅଡଙ୍ଗ୍କେଦ୍ତେ ହୁଦ୍ମାଏଣ୍ଡାଏମେ । ଆମାଃ ବାରିଆ ମେଦ୍ ତାଇକେଦ୍ତେ ସେଙ୍ଗେଲ୍ ନାରାକ୍ରେ ହୁଦ୍ମାଅଃଏତେ ମିଆଁଦ୍ ମେଦ୍ ତାଇକେଦ୍ତେ ପାର୍ମେଶ୍ୱାର୍ଆଃ ରାଇଜ୍ରେ ବଲଃ ଆମାଃ ନାଗେନ୍ତେ ବୁଗିନାଃ । ୪୮ ଏନ୍ତାଃରେଦ ଇନ୍କୁକେ ଜମ୍ତାନ୍ ତିନ୍ତୁକ କାକ ଗଜଃଆ ଆତଃ ଏନ୍ତାଃରେଦ ସେଙ୍ଗେଲ୍ ଚିଉଲାଅ କା ଇଣ୍ ଜଃଆ ।

୪୯ “ଦାଣ୍ ବୁଲୁଙ୍ଗ୍ତେ ଫାର୍ତିଅଃ ଲେକା ସବେନ୍ ହଡକହ ସେଙ୍ଗେଲ୍ତେକ ଫାର୍ତିଅଃଆ ।

୫୦ * “ବୁଲୁଙ୍ଗ୍ ବୁଗିନାଃ, ମେନ୍ଦ୍ ଏନା ସାବାଗଃରେଦ, ଏନା ଚିଲ୍କାତେ ଆତଃମିସା ସିବିଲ୍ଲୁହାଡ଼ଃଆ ? ଆପେରେ ଦୁପୁଲାଡ଼ରାଃ ବୁଲୁଙ୍ଗ୍ ତାଇନଃକା, ଆତଃ ଆପେ ମିହୁଡ୍ ଆତଃମିହୁଡ୍ଲଃ ସୁକୁରେ ତାଇନ୍ପେ ।”

୧୦

କଡ଼ାକୁଡ଼ିବାଗିରେୟାଃ କାଜି
(ମାଥୁଉ ୧୯:୧-୧୨; ଲୁକ ୧୨:୧୮)

୧ ଏନ୍ତେ ଯାଶୁ କପର୍ନାହୁମ୍ତେ ଅଡଙ୍ଗ୍ମାନ୍ତେ ଯାଦାନ୍ନାହିଁ ପାରମ୍ବକେଦ୍ତେ ଯିହୁଦା ପାର୍ଗାନ୍ତେ ସେଟେର୍ୟାନାଏ । ଏନ୍ତେ ଗାଦେଲ୍ ହଡକ ଇନିଃତାଃ ଆତଃଗିକ ହୁଣ୍ଡିୟାନା ଆତଃ ଇନିଃ ସିଦାଲେକା ଇନ୍କୁକେ ଇଡୁକେଦ୍କଥାଏ ।

୨ ଚିମିନ୍ ଫାରୁଶୀକ ଇନିଃତାଃ ହିଜୁଃକେଦ୍ତେ ବିଡ଼ାଅ ନାଗେନ୍ତେକ କୁଲିକିୟା, “ମିଆଁଦ୍ କଡ଼ା ଆୟାଃ କୁଡ଼ିତେକେ ବାଗିତେଆଃ ଆଇନ୍ଲେକାତେ ଠାଉକାଗିୟାଃ ତି ?”

୩ ଯାଶୁ କୁଲିରୁହାଡ଼କେଦ୍କଥାଏ, “ମୁଣା ଆଇନ୍ରେ ଚିକନାଃଏ ଆବୁକାଦ୍ପେୟା ?”

୪ *ଇନ୍କୁ କାଜିକିୟାଃ, “ବାଗିରେଆଃ ଅନଲ୍ତିଠା ଏମ୍ବକେଦ୍ତେ ଜେତାଏ କୁଡ଼ି ତାୟାଃକେ ବାଗି ନାଗେନ୍ତେ ମୁଣା କାଜିୟାକାଦାଏ ।”

୫ ଯାଶୁ କାଜିରୁହାଡ଼ାଦ୍କଥାଏ, “ଆପେୟାଃ କେଟେଦ୍ମନ୍ ନାଗେନ୍ତେ ମୁଣା ନେ ଆନ୍ରୁ ଅଲାଦ୍ପେଥାଏ । ୬ ମେନ୍ଦ୍ ପୁଥ୍ରେ ଅଲାକାନ୍ ଲେକା, ‘ଅଡେଦିଶ୍ୱମ୍ବରାଃ ବାଇୟାଃ ମୁନ୍ରେ ପାର୍ମେଶ୍ୱାର୍ ମାନଞ୍ଜା କିନ୍କେ କଡ଼ା ଆତଃ କୁଡ଼ି ବାଇକାଦ୍କିନାଏ ।’ ୭ ଏନାମେନ୍ତେ କଡ଼ା ଆୟାଃ ଏଙ୍ଗା ଆତଃ ଆପୁକିନ୍କେ ବାଗିକିନାଏ, ଆତଃ ଆୟାଃ କୁଡ଼ିତାୟାଃଲଃ ମିଦଃଆଏ, ୮ ଆତଃ ଇନ୍କିନ୍ ମିଆଁଦଃଆକିନ୍ ।’ ଏନାମେନ୍ତେ ଇନ୍କିନ୍ ବାରିଆ ହଡ଼ମ୍ ନାହାଁଲାଃକିନ୍, ମେନ୍ଦ୍ ମିଆଁଦ୍ ହଡ଼ମ୍ତାନ୍କିନ୍ । ୯ ଏନା ନାଗେନ୍ତେ ପାର୍ମେଶ୍ୱାର୍ ମିଦ୍ରେ ତଲାକାଦ୍ତେୟାଃ ହଡ୍ ଆଲକାଏ ବିନ୍ଗାଏକା ।”

୧୦ ଅଡ଼ାଃତେ ସେନଃୟାନ୍ତେ, ଏନ୍ତାଃରେ ଆୟାଃ ଚେଲାକ ଯାଶୁକେ ଏନ୍କାଜି ଆତଃଗିକ କୁଲିକିୟାଃ । ୧୧ *ୟାଶୁଦ୍ ମେତାଦକଥାଏ, “ଜେତାଏ ଆୟାଃ କୁଡ଼ିତେକେ ବାଗିକେଦ୍ତେ ଏଟାଃ କୁଡ଼ି ଆଶ୍ୱଦିୟାଃନିଃଦ୍ ଆୟାଃ କୁଡ଼ିତେୟାଃ ବିରୁଧ୍ରେ ଆପାଙ୍ଗିର୍ କାମି କାମିୟା । ୧୨ ଏନ୍ ଲେକାତେ କୁଡ଼ି ଆୟାଃ କଡ଼ାତେକେ ବାଗିକେଦ୍ତେ ଏଟାଃ କଡ଼ାକେ ଆଶ୍ୱଦିନ୍ରେଦ ଇନିଃ ଆୟାଃ କଡ଼ାତେୟାଃ ବିରୁଧ୍ରେ ଆପାଙ୍ଗିର୍ କାମି କାମିୟାଏ ।”

* ୯:୪୦ ୯:୪୦ ମାଥୁଉ ୧୨:୩୦; ଲୁକ ୧୧:୨୩. * ୯:୪୧ ୯:୪୧ ମାଥୁଉ ୧୦:୪୨. * ୯:୪୩ ୯:୪୩ ମାଥୁଉ ୫:୩୦. † ୯:୪୪ ୯:୪୪ ନେ ବାଗାନ୍ ଚିମିନ୍ ମାରି ଅନଲ୍କରେ ବାନଃଆ § ୯:୪୬ ୯:୪୬ ନେ ବାଗାନ୍ ଚିମିନ୍ ମାରି ଅନଲ୍କରେ ବାନଃଆ * ୯:୪୭ ୯:୪୭ ମାଥୁଉ ୫:୨୯. * ୯:୫୦ ୯:୫୦ ମାଥୁଉ ୫:୧୩; ଲୁକ ୧୪:୩୫,୩୫. * ୧୦:୪ ୧୦:୪ ମାଥୁଉ ୫:୩୧. * ୧୦:୧୧ ୧୦:୧୧ ମାଥୁଉ ୫:୩୨; ୧ କରିନ୍ତୁୟ ୭:୧୦,୧୧.

ୟୀଶୁ ସିଟିଆ ହନକକେ ଆଣିଷକତାନାଏ
(ମାଥୂଉ ୧୯:୧୩-୧୫; ଲୁକ ୧୮:୧୫-୧୭)

^{୧୩} ହୁପ୍ତିଙ୍ଗ୍ ହନକକେ, ତିଃଇ ଦହକେଦ୍‌ତେ ଆଣିଷକକାଏ ମେନ୍ତେ, ହଡ଼କ ଯୀଶୁତାଃତେକ ଆଉକେଦ୍‌କଆ, ମେନ୍‌ଦ୍‌ ଚେଲାଇ ଆଉକତାନକକେ ମାରାଙ୍ଗ୍‌ମଚା କେଦ୍‌କଆକ । ^{୧୪} ଏନା ନେଲକେଦ୍‌ତେ ଯୀଶୁ ଖୁସ୍‌ୟାନାଏ ଆତଃ ଚେଲାଇକେ ମେତାଦ୍‌କଆଏ, “ହୁପ୍ତିଙ୍ଗ୍ ହନକକେ ଆଇଙ୍ଗ୍‌ତାଃତେ ହିନ୍ତୁଃରିକାକପେ, ଆତଃ ଆଲ୍‌ପେ ମାନାକଆ, ନିକୁଲେକାନ୍ କଆଃଗିଦ୍‌ ପାର୍‌ମେଶ୍ୱାର୍‌ଆଃ ରାଇଜ୍‌ ତାନାଃ । ^{୧୫} ✽ସାର୍‌ତିଗିଙ୍ଗ୍ କାଜିୟାପେତାନା ଜେତାଏ ହଡ଼ ପାର୍‌ମେଶ୍ୱାର୍‌ଆଃ ରାଇଜ୍‌, ମିଆଁଦ୍‌ ହୁଡ଼ିଙ୍ଗ୍‌ହନ୍ ଲେକା କାଏ ତେଲାଏରେଦ୍‌, ଏନାରେ ଚିଉଲାଇହିଗି କାଏ ବଲଦାଡ଼ିୟାଃ ।” ^{୧୬} ଏନ୍ତେ ଇନିଃ ହନକକେ ହାମ୍‌ଦୁକେଦ୍‌କଆଏ, ଆତଃ ଇନ୍‌କୁଆଃ ଚେତାନରେ ତିଃଇ ଦହକେଦ୍‌ତେ ଆଣିଷକେଦ୍‌କଆଏ ।

କିସାଁଣ୍ ଧାଙ୍ଗ୍‌ଡ଼ା
(ମାଥୂଉ ୧୯:୧୭-୩୦; ଲୁକ ୧୮:୧୮-୩୦)

^{୧୭} ଆତଃଗି ଯୀଶୁ ସେନଃନାଙ୍ଗ୍ ଅତଙ୍ଗ୍‌ତାନ୍ ଇମତା ମିଆଁଦ୍‌ ହଡ଼ ଇନିୟାଃ ଆୟାର୍‌ରେ ନିର୍‌ହିନ୍ତୁଃୟାନ୍‌ତି ଇକୁଡ଼୍‌ୟାୟାନାଏ ଆତଃ କୁଲିକିୟାଏ, “ଏ ବୁଗିନ୍ ଇତୁନିଃ, ଜାନାଅ ଜୀଦାନ୍ ନାମେ ନାଗେନ୍ତେ ଚିନାଃଇଙ୍ଗ୍ ଚିକାୟା ?”

^{୧୮} ଯୀଶୁ ମେତାଇୟାଏ, “ଆମ୍ ଚିନାଃମେନ୍ତେ ଆଇଙ୍ଗ୍‌କେ ବୁଗିନ୍ ମେନ୍ତେମ୍ କାଜିଇଙ୍ଗ୍‌ତାନା ? ମିଆଁଦ୍‌ନିଃ ଏସ୍‌କାର୍ ବୁଗିନାଏଃ ଇନିଃ ପାର୍‌ମେଶ୍ୱାର୍ ତାନିଃ ଆତଃ ଜେତାଏକାହା । ^{୧୯} ଆମ୍ ଆନ୍‌ରୁମ୍ ସାରିତାନା, ଆଲମ୍ ଗଗଏୟାଃ, ଆଲମ୍ ଆପାଙ୍ଗିରାଃ, ଆଲମ୍ କୁମ୍‌ତୁଲୁୟା, ହସଡ଼ଗାଝା ଆଲମାଃ, ଆଲମ୍ ବେଦାଃ, ଏଙ୍ଗା ଆପୁ କିନ୍‌କେ ମାନାତିଙ୍ଗ୍‌କିନ୍‌ମେ ।”

^{୨୦} ଇନିଃଦ୍ ମେନ୍‌ରୁହାଡ଼ାଇୟାଏ, “ହେ ଗୁରୁ, ନେ ସବେନ୍ ଆନ୍‌ତୁ ମିଦ୍‌ସିଟିଆଏତେଇଙ୍ଗ୍ ମାନାତିଙ୍ଗ୍ ଆଉକାଦା ।”

^{୨୧} ଯୀଶୁ ଇନିଃକେ ନେଲ୍‌ବାଇକିଃତେ ଦୁଲାଇଡ଼କିୟାଏ ଆତଃ ମେତାଇୟାଏ, “ଆତଃ ମିଆଁଦ୍ କାଜି ଆମ୍‌କେ ରିକାଲାଗାତିଙ୍ଗ୍‌ୟାଃ, ଜୁ, ଆମାଃ ସବେନାଃ ଆଖ୍‌ରିଙ୍ଗ୍‌ତାମେ, ଆତଃ ଏନ୍ ଟାକା ରେଙ୍ଗେଃକକେ ହାଟିଙ୍ଗ୍‌ଆଁକମ୍, ସିର୍ମା ଦିଶ୍‌ମରେ ଖୁଜ୍‌ମ୍ ନାମେଆଁ, ଆତଃ ରୁହାଡ଼କେଦ୍‌ତେ ଅତଙ୍ଗ୍‌ଇଙ୍ଗ୍‌ମେ ।” ^{୨୨} ଏନା ଆୟୁମ୍‌କେଦ୍‌ତେ ଏନ୍ ହଡ଼ ହୁଡ଼ିଙ୍ଗ୍‌ଜାଉୟାନାଏ, ଆତଃ ଗସ ମେଦ୍‌ମୁହାଡ଼ାଏ ସେନଃୟାନା । ଚିୟାଃତି ଇନିଃଦ୍ ପୁରାଃଗି କିସାଁଣ୍ ତାଇକେନାଏ ।

^{୨୩} ଯୀଶୁ ଚେଲାଇକେ ହେତାବିୟୁରକେଦ୍‌କଆଏ ଆତଃ ମେତାଦ୍‌କଆଏ, “ଅକନ୍ ହଡ଼କଆଃ ଟାକା ପାଏସା ମେନାଃ, ଏନ୍ କିସାଁଣ୍ ହଡ଼କନାଙ୍ଗ୍ ପାର୍‌ମେଶ୍ୱାର୍‌ଆଃ ରାଇଜ୍‌ରେ ବଲଃ ପୁରାଃଗି ହାମ୍‌ଲାଃ ।”

^{୨୪} ଏନ୍ କାଜିକ ଆୟୁମ୍‌କେଦ୍‌ତେ ଚେଲାଇ ଆକ୍‌ଦାନ୍‌ଆୟାନା, ମେନ୍‌ଦ୍‌ ଯୀଶୁ ଆତଃଗି କାଜିୟାଦ୍‌କଆଏ, “ଏ ହନକ, ପାର୍‌ମେଶ୍ୱାରାଃ ରାଇଜ୍‌ରେ ବଲଃ ପୁରାଃଗି ହାମ୍‌ଲାଃ । ^{୨୫} ପାର୍‌ମେଶ୍ୱାର୍‌ଆଃ ରାଇଜ୍‌ରେ କିସାଁଣ୍ ହଡ଼ ବଲ ଦାଡ଼ିଏତେ, ସୁଇଜ୍‌ଣ୍‌ୟାରେ ଉର୍ ପାରମଃତେଆଃ ରାଝାଲାଃ ।”

^{୨୬} ନେଆଁ ଆୟୁମ୍‌କେଦ୍‌ତେ ଚେଲାଇ ଆତଃଗି ଆକ୍‌ଦାନ୍‌ଆୟାନା ଆତଃ ଆକ ଆକରେ କୁଲିବାଡ଼ାକେଦାଃକ, “ତାବ୍‌ଦ୍ ଅକଏ ଜୀଉବାଞ୍ଚାଅ ନାମ୍ ଦାଡ଼ିୟାଏ ?”

^{୨୭} ଯୀଶୁ ଇନ୍‌କୁସାଃତେ ଆରିଦ୍‌କେଦ୍‌ତେ ମେତାଦ୍‌କଆଏ, “ହଡ଼କ ନାଗେନ୍ତେ ଏନା କା ଦାଡ଼ିୟାଃ କାମି ତାନାଃ, ମେନ୍‌ଦ୍‌ ପାର୍‌ମେଶ୍ୱାର୍ ନାଗେନ୍ତେ ଦାଡ଼ିଅଃଆ । ଚିୟାଃତି ପାର୍‌ମେଶ୍ୱାର୍‌ତେ ହବାଦାଡ଼ିୟାଃଆ ।”

^{୨୮} ଏନ୍ତେ ପାଡ଼ରାସ୍ କାଜିକେଦା, “ନେଲେମେ, ଆଲେଦ୍ ସବେନାଃ ବାଗିକେଦ୍‌ତେ ଆମ୍‌କେଲେ ଅତଙ୍ଗ୍‌କେଦ୍‌ମେୟାଁ ।”

^{୨୯} ଯୀଶୁ କାଜିରୁହାଡ଼ାଦ୍‌କଆଏ, “ସାର୍‌ତିଗି କାଜିୟାପେ ତାନାଇଙ୍ଗ୍, ଜେତାଏ ହଡ଼ ଆଇଙ୍ଗ୍ ମେନ୍ତେ ଚାଏ ସୁକୁକାଜିମେନ୍ତେ, ଅଡ଼ାଃଦୁଆର୍, ଚାଏ ହାଗା ଚାଏ ମିଶି, ଚାଏ ଏଙ୍ଗା ଚାଏ ଆପୁ, ଚାଏ ହନ୍‌ଗାଁଣା, ଚାଏ ପିଡ଼ିହାସା ବାଗିତାରେଦ୍, ^{୩୦} ଇନିଃ ନେ ପାରିୟାରେ, ସାଅଗୁଣା ଆଦ୍‌କା ଅଡ଼ାଃଦୁଆର୍‌କ, ହାଗା ମିଶିକ, ଏଙ୍ଗାକ, ହନକ ଆତଃ ଅତେହାସାକ ନାମେୟାଏ, ଆତଃ ଏନାଲଃ ଦୁକୁସାସ୍ତି ହ୍, ଆତଃ ତାୟମ୍ ଦିପିଲିରେ ଜାନାଅ ଜାନାଅରେୟାଃ ଜୀଦାନ୍ ନାମେୟାଏ । ^{୩୧} ✽ମେନ୍‌ଦ୍ ପୁରାଃ ହଡ଼କ ସିଦାକାନ୍‌କ ତାୟମଃଆ, ଆତଃ ତାୟମାକାନ୍‌କ ସିଦାଅଃଆ ।”

ୟୀଶୁ ଆତଃମିସା ଆୟାଃ ଗନଏଃ କାଜି ଉଦୁବେତାନାଏ
(ମାଥୂଉ ୨୦:୧୭-୧୯; ଲୁକ ୧୮:୩୧-୩୪)

^{୩୨} ଯୀଶୁ ଆତଃ ଆୟାଃ ଚେଲାଇ ନାହାଁଃଦ୍ ଯୀରୁଶାଲେମ୍‌ତେ ସେନଃତାନ୍ ହରାକ ସାବ୍‌କେଦା । ଯୀଶୁ ଆୟାଃ ଚେଲାଇଆଃ ଆୟୁର୍ ଆୟୁର୍‌ରେ ସେନଃ ତାଇକେନା, ଚେଲାଇ ଆକ୍‌ଚାକାଅକାନ୍ ତାଇକେନାକ ଆତଃ ତାୟମ୍‌ରେ ସେନ୍‌ତାନ୍ ଏଟାଃ ହଡ଼କହିଗି ବର ତାଇକେନାକ । ଯୀଶୁ ଆତଃଗି ଗେଲ୍‌ବାର୍ ଚେଲାଇକେ ହରାଏତେ ହାକାଅ ଆତମ୍‌କେଦ୍‌କଆ, ଆତଃ ଆଇଃକରେ ଟଗଃ କାଜିକ ଇନ୍‌କୁକେ ଉଦୁବ୍ ଏଚେଦ୍‌କେଦ୍‌କଆ । ^{୩୩} ଆତଃ ମେତାଦ୍‌କଆଏ, “ଆବୁ ଯୀରୁଶାଲେମ୍‌ତେବୁ ସେନଃତାନା, ଆତଃ ଏନ୍‌ଃରେ ଆଇଙ୍ଗ୍‌କେ ମାନଝାହନ୍‌କେ ମୁଲ୍ ଯାଜାକ୍‌କଆଃ ଆତଃ ଆଇନ୍ ଇଡୁକଆଃ ତିଃଇରେ ଏମ୍‌ଏଣ୍ଡାଗିଆଁକ । ଇନ୍‌କୁ ଆଇଙ୍ଗ୍‌କେ ଗନଏଃ ସାଜାଇ ଏମ୍‌କେଦ୍‌ତେ ସାଅଁସାର୍ ହଡ଼କଆଃ

✽ ୧୦:୧୫ ୧୦:୧୫ ମାଥୂଉ ୧୮:୩୧ ✽ ୧୦:୩୧ ୧୦:୩୧ ମାଥୂଉ ୨୦:୧୭; ଲୁକ ୧୩:୩୦.

ତିଷ୍ଠଇରେକ ଜିମାଈୟାଃ । ୩୪ ଇନ୍କୁ ଆଇଙ୍ଗକେ ଲାନ୍ଦାୟାଃକ, ବେଜିୟାଃକ, ଚାବୁକରେକ ହାଣ୍ଡାୟାଃ, ଆତଃକ ଗଜିୟାଃ
ମେନ୍ଦ ଆପିମାରେ ଆଇଙ୍ଗ ଜୀଉ ବିରିଦାଇଙ୍ଗ ।”

ଯାକୁବ୍ ଆତଃ ଯୋହାନ୍‌ରାଃ ଆନାସି
(ମାଥୁଉ ୨୦:୨୦-୨୮)

୩୫ ଜେବଦାୟାଃ ହନ୍‌କିନ୍ ଯାକୁବ୍ ଆତଃ ଯୋହାନ୍, ଯୀଶୁତାଃକିନ୍ ହିଜୁଃୟାନ୍, ଆତଃକିନ୍ କାଜିକିୟା, “ହେ ଗୁରୁ
ଜେତାନ୍‌କାଜି ଆଲିଙ୍ଗ ଆସିମେତେୟାଃ ଆଲିଙ୍ଗ ନାଙ୍ଗ୍ ରିକାଏମେ ।”

୩୬ ଯୀଶୁ ଇନ୍‌କିନ୍‌କେ କୁଲିକେଦ୍‌କିନାଏ, “ଚିନାଃବେନ୍ ଆସିତାନା, ଚିନାଃଇଙ୍ଗ୍ ରିକାୟା ?”

୩୭ ଇନ୍‌କିନ୍ କାଜିକିୟା, “ଆମାଃ ରାଇଜ୍ ମାନାରାଙ୍ଗ୍‌ରାଃ ରାଜଗାଦିରେ ଆଲିଙ୍ଗ୍‌ଏତେ ମିହୁଡ୍ ଆମାଃ ଜମ୍‌ତିସାଃରେ,
ଆତଃ ଏଟାଃନିଃ ଆମାଃ ଲେଙ୍ଗାତିସାଃରେ ଦୁବ୍‌କାଏ ମେନ୍ତେ କାଜିତାମ୍, ନେୟାଲିଙ୍ଗ୍ ସାନାଙ୍ଗ୍‌ତାନା ।”

୩୮ ✧ ଯୀଶୁଦ ମେତାଦ୍‌କିନାଏ, “ଚିନାଃବେନ୍ ଆସିତାନା ଏନା କାବେନ୍ ଆଟ୍‌କାର୍ ଉରୁମେତାନା । ଚିୟାଃ ଆଇଙ୍ଗ୍ ଅକନ୍
ଦୁକୁସାହାତିଙ୍ଗ୍‌ରାଃ କାଟୋରାରେ ନୁଁଇଙ୍ଗ୍, ଏନା ନୁଁବେନ୍ ଦାଡିୟା ? ଚାଏ ଆଇଙ୍ଗ୍ ଅକନ୍ ଗନ୍‌ଏଃରାଃ ବାପ୍ରିସ୍ତାତେଇଙ୍ଗ୍
ବାପ୍ରିସ୍ତାଅଃଆ, ଏନାରେ ଚିନାଃ ଆବେନଃବେନ୍ ବାପ୍ରିସ୍ତା ଦାଡିୟାଆ ?”

୩୯ “ଦାଡିୟାଈଙ୍ଗ୍,” ମେତାଇଜାକିନ୍, ଯୀଶୁ ମେତାଦ୍‌କିନାଏ, “ଆଇଙ୍ଗ୍ ନୁଁଏ କାଟୋରାରେଦବେନ୍ ନୁଁଇୟାଃ ଆତଃ
ଆଇଙ୍ଗ୍ ବାପ୍ରିସ୍ତାଅଃ ବାପ୍ରିସ୍ତାତେବେନ୍ ବାପ୍ରିସ୍ତାଅଃଆ । ୪୦ ମେନ୍ଦ ଆଇୟାଃ ଜମ୍‌ତିସାଃରେ ଚାଏ ଲେଙ୍ଗାତିସାଃରେ
ଅକଏ ଦୁବାଃଏ ନେଆଁ କାଜିତେୟାଃଦ ଆଇୟାଃ ତିଷ୍ଠଇରେ ବାନଆଃ । ଅକଏୟାଃ ନାଗେନ୍ତେ ଏନା ପାର୍‌ମେଶ୍ୱାର୍
ବାଇୟାକାଦାଃଏ ଇନ୍‌କୁକେ ଇନିଃ ଏନା ଏମାକଆଏ ।”

୪୧ ଏନା ଆୟୁମ୍‌କେଦ୍‌ତେ, ଏଟାଃ ଗେଲ୍ ଚେଲାକ ଯାକୁବ୍ ଆତଃ ଯୋହାନ୍‌କେ ଖୁସ୍‌ୟାନ୍‌କା । ୪୨ ✧ ଯୀଶୁ
ଇନ୍‌କୁକେ ଆୟାଃତାଃତେ ହାକାଅ କେଦ୍‌କଆଏ ଆତଃ ମେତାଦ୍‌କଆଏ, “ସାଅଁସାର୍‌କଆଃ ଗୁସିୟାକ ନୁତୁମଃତାନ୍‌କ
ଇନ୍‌କୁରେକ ରାଇଜ୍‌ତାନା ଆତଃ ଇନ୍‌କୁ ଆଲାରେ ମାପ୍‌ରାଙ୍ଗ୍‌କାନ୍‌କ ଆକଆଃ ଆକ୍‌ତେୟାର୍‌କ* ଇନ୍‌କୁକେ ଆଟ୍‌କାର୍
ରିକାତିକାକତାନା, ନେଆଁପେ ସାରିଆଃ । ୪୩ ✧ ଆପେରେଦ ଆଲକା ଏନ୍‌କାଅଃକା । ଆପେ ଆଲାରେ ଜେତାଏ
ମାରାଙ୍ଗ୍‌ୟେନ୍ ସାନାଙ୍ଗ୍‌ରେଦ ଇନିଃ ଆପେୟାଃ ସୁସାର୍‌ନିଃ ବାଇୟେନ୍‌କାଏ । ୪୪ ଆତଃ ଆପେୟାଃ ଆଲାରେ ଜେତାଏ
ସିଦାଉତାରଃ ସାନାଙ୍ଗ୍‌ତାନ୍‌ନିଃ ସବେନ୍‌କଆଃ ଦାସି ବାଇୟେନ୍‌କା । ୪୫ ଆଇଙ୍ଗ୍ ମାନଃହନ୍, ସୁସାର୍‌ନାମେ ନାଗେନ୍ତେଦ
କା, ମେନ୍ଦ ସୁସାର୍ ନାଗେନ୍ତେ ଆତଃ ଆଇୟାଃ ଜୀଉ ପୁରାଃ ହଡ୍‌କଆଃ ଦାଣ୍ଡେଁ ଗନଙ୍ଗ୍ ଏମ୍‌ପୁରା ନାଗେନ୍ତେଇଙ୍ଗ୍
ହିଜୁଃକାନା ।”

ୟୀଶୁ ମେଦ୍ କାଏ ନେଲ୍ ଦାଡିତାନ୍ ବାଟ୍ ମାୟକେ ବୁଗି'ତାନା
(ମାଥୁଉ ୨୦:୨୯-୩୪; ଲୁକ ୧୮:୩୫-୪୩)

୪୬ ଯୀଶୁ ଆୟାଃ ଚେଲାକଲଃ ଯିରିହୋତେକ ସେଚେର୍‌ୟାନ୍, ଆତଃ ଇନ୍‌କୁ ଗାଦେଲ୍ ହଡ୍‌କଲଃ ଏନ୍ ସାହାର୍‌ଏତେ
ଅତଙ୍ଗ୍‌ଅଃତାନ୍ ଇମ୍‌ତା ତିମାୟୁଆଃ ହନ୍ କା ନେଲ୍‌ଦାଡିତାନ୍ ବାଟ୍ ମାୟ ହରାଗେନାରେ ଦୁବ୍‌କେଦ୍‌ତେ କର୍‌ଏ ଆସିତାନାଏ
ତାଇକେନା । ୪୭ ଇନିଃ ନାଜରେଡ୍‌ରେନ୍ ଯୀଶୁ ତାନିଃ ମେନ୍ତେ ଆୟୁମ୍‌ତାଦ୍‌ତି, “ହେ ଦାଉଦ୍‌ଆଃ ହନ୍ ଯୀଶୁ
ଦାୟାଈଙ୍ଗ୍‌ମେ” ମେନ୍ତେ କାଉରିତାନ୍‌ଲଃ ହାକାଅ ଏଚେଦ୍‌କିୟା ।

୪୮ ଗାଦେଲ୍ ହଡ୍‌କ ଇନିଃକେ ହାପାଅଃକାଏ ମେନ୍ତେକ ମାରାଙ୍ଗ୍‌ମଚାକିୟାଃ । ମେନ୍ଦ ଇନିଃ ଆତଃଗି ପୁରାଃ “ହେ
ଦାଉଦ୍‌ଆଃ ହନ୍ ଦାୟାଈଙ୍ଗ୍‌ମେ” ମେନ୍ତେ କାଉରିକେଦାଏ ।

୪୯ ଯୀଶୁ ତିଙ୍ଗ୍‌ୟାନ୍‌ଏ ଆତଃ, “କେଡାଆଉଇପେ” ମେନ୍‌କେଦାଏ । ଇନ୍‌କୁ ଏନ୍ କା ନେଲ୍‌ଦାଡିତାନ୍ ହଡ୍‌କେ
କେଡାକିୟାଃକ ଆତଃ କାଜିକିୟାକ, “ଆଲମ୍ ବରଏୟା, ମାର୍ ବିରିଦ୍‌ମେ ! ଇନିଃ କେଡାମେତାନାଏ ।”

୫୦ ଇନିଃଦ ଆୟାଃ ଲିଜାଃ ହୁଦ୍‌ମା ଏଣ୍ଡାଃକେଦ୍‌ତେ ବିରିଦ୍ ଧାଦ୍‌ୟାନ୍‌ଏ ଆତଃ ଯୀଶୁତାଃତେ ହିଜୁଃୟାନ୍‌ଏ ।

୫୧ ଯୀଶୁ ଇନିଃକେ କୁଲିକିୟାଏ, “ଆଇଙ୍ଗ୍ ଆମାଃ ନାଙ୍ଗ୍ ଚିନାଃଇଙ୍ଗ୍ ଚିକାୟା ମେନ୍ତେମ୍ ସାନାଙ୍ଗ୍‌ତାନା” ଏନ୍ କା
ନେଲ୍‌ଦାଡିତାନ୍ ହଡ୍ ମେତାଇୟାଏ, “ହେ ଗୁରୁ ନେନେଲାଇଙ୍ଗ୍ ସାନାଙ୍ଗ୍‌ତାନା ।”

୫୨ ଯୀଶୁ ଇନିଃକେ ମେତାଇୟାଏ, “ଜୁ ସେନଃମେ, ଆମାଃ ବିଶ୍ୱାସ୍ ଆମ୍‌କେ ବୁଗିକେଦ୍‌ମେୟାଏ ।” ଇମ୍‌ତାଙ୍ଗ୍‌ଗି ଇନିଃ
ନେଲ୍ ଦାଡିକେଦାଏ ଆତଃ ଯୀଶୁକେ ହରାହରାତେ ଅତଙ୍ଗ୍‌କିୟା ।



ୟୀଶୁ ଯୀରୁଶାଲେମ୍‌ତେ ବଲତାନା
(ମାଥୁଉ ୨୧:୧-୧୧; ଲୁକ ୧୯:୨୮-୪୦; ଯୋହାନ୍ ୧୨:୧୨-୧୯)

☆ ୧୦:୩୮ ୧୦:୩୮ ଲୁକ ୧୨:୫୦. ☆ ୧୦:୪୨ ୧୦:୪୨ ଲୁକ ୨୨:୨୫, ୨୬. * ୧୦:୪୨ ୧୦:୪୨ ଆଧିକାର୍ ☆ ୧୦:୪୩ ୧୦:୪୩ ମାଥୁଉ ୨୩:୧୧; ମାର୍ଚ୍ଚ
୯:୩୫; ଲୁକ ୨୨:୨୬.

^୧ ଯୀଶୁ ଆଡ଼ ଚେଲକ ଯୀରୁଶାଲେମ୍ ନାଡ଼େୟାନ୍ତେ, ଜାଇତୁନ୍ ବୁରୁଜାପାଃ ବେଦ୍‌ଫାରି ଆଡ଼ ବେଧ୍‌ନିଆ ନାଡ଼େୟାନ୍ତେକ ସେଟ୍‌ରୟାନା, ଇମ୍ତା ଯୀଶୁ ଆୟାଃ ଚେଲକଏତେ ବାରହଡ଼କିନ୍‌କେ ଆୟାର୍‌ତେ କୁଲକେଦ୍‌କିନାଏ ।
^୨ ଆଡ଼ ମେତାଦ୍‌କିନାଏ, “ସାମ୍‌ନାଙ୍ଗ୍‌ରେଆଃ ହାତୁତେ ସେନଃବେନ୍, ଏନ୍ ହାତୁ ତେବାଃ ଇମ୍ତାଙ୍ଗ୍‌ରି ନାହାଁଃ ଜାକେଦ୍ ଜେତାଏ ଇନିଃରେ କା ଦେଜାକାନ୍ ମିଆଁଦ୍ ଗାଧାହନ୍ ତଲକାନ୍‌ବେନ୍ ନାମିଆଁ, ଇନିଃକେ ରାଡ଼ାଇବେନ୍ ଆଡ଼ ନେତାଃ ଆଡ଼ଝିବେନ୍ ।^୩ ଜେତାଏ ହଡ଼ ଇନିଃକେ ଚିନାଃ ମେନ୍ତେବେନ୍ ରାଡ଼ାଇତାନା ମେନ୍ତେ କୁଲିବେନ୍‌ରେଦ୍, କାଜିୟାଇବେନ୍, ନିଃତାଃରେ ପ୍ରାଭୁଆଃ କାମିମେନାଃ, ଆଡ଼ ହୁଡ଼ିଙ୍ଗ୍‌ତାୟମ୍‌ତେ କୁଲରୁହାଡ଼ତାଇୟା ।”

^୪ ଇନକିନ୍ ସେନଃୟାନାକିନ୍ ଆଡ଼ ରାତା ଦୁଆରତାଃ ବାହାରିରେ ମିଆଁଦ୍ ଗାଧାହନ୍ ତଲକାନ୍‌କିନ୍ ନାମ୍‌କିୟାଃ । ଇନିଃକେକିନ୍ ରାଡ଼ାଇ ଇମ୍ତା, ^୫ ଏନ୍ତାଃରେ ତିଙ୍ଗୁଆକାନ୍ ହଡ଼କ କୁଲିକେଦ୍‌କିନା, “ଗାଧାହନ୍‌କେ ଚିନାଃ ମେନ୍ତେବେନ୍ ରାଡ଼ାଇତାନା ?”

^୬ ଇନକିନ୍‌ଦ ଯୀଶୁ କାଜିୟାଦ୍‌କିନ୍ ଲେକାକିନ୍ କାଜିରୁହାଡ଼ାଦ୍‌କଆ, ଏନ୍ତେ ଇନକୁ ଇନକିନ୍‌କେ ରାଡ଼ା ରିକାଦ୍‌କିନାକ ।^୭ ଗାଧାହନ୍‌କେ ଇନକିନ୍ ଯୀଶୁତାଃକିନ୍ ଆଡ଼କିୟା, ଆଡ଼ ଗାଧା ଚେତାନ୍‌ରେ ଆକିନାଃ ଲିଜାଃକିନ୍ ଆଚେଦ୍‌କେଦା, ଆଡ଼ ଯୀଶୁ ଇନିଃରେ ଦୁବ୍‌ୟାନାଏ ।^୮ ପୁରାଃ ହଡ଼କ ଯୀଶୁକେ ମାଇନି ନାଗେନ୍ତେ ଆକିଆଃ ଲିଜାଃ ହରାହରାକ ବିଲ୍‌ଇଦି ତାଇକେନା; ଏଟାଃକଦ୍, ପିଡ଼ିକଏତେ ହୁଡ଼ିଙ୍ଗ୍ ଛାଡ଼ା ମାଆଃ ଆଡ଼କେଦ୍‌ତେ, ହରାହରାକ ଆଚେଦ୍‌ଇଦି ତାଇକେନା ।^୯ ଯୀଶୁଆଃ ଆୟୁର୍ ତାୟମ୍‌ରେ ସେନଃତାନ୍ ଗାଦେଲ୍ ହଡ଼କ କାଉରିକେଦାଃ, “ ‘ହୋଶାନ୍ନା’ ପାର୍‌ମେଶ୍‌ବାର୍‌ଆଃ ମାନାରାଙ୍ଗ୍ ହବାଅଃକା, ପ୍ରାଭୁଆଃ ନୁତୁମ୍‌ତେ ହିଜୁଃନିଃ ଧାଇନ୍ ହବାଅଃକାଏ ।^{୧୦} ଆବୁଆଃ ପୁରୁଶାଆପୁ ଦାଉଦ୍‌ଆଃ ହିଜୁଃତାନ୍ ରାଇଜ୍ ଧାଇନ୍ ହବାଅଃକା, ସାଲାଙ୍ଗିଉତାର୍ ଠାୟାଦ୍‌ରେ ପାର୍‌ମେଶ୍‌ବାର୍‌ଆଃ ହୋଶାନ୍ନା ହବାଅଃକା” ମେନ୍ତେକ କାଉରିକେଦାଃ ।

^{୧୧} ଯୀଶୁ ଯୀରୁଶାଲେମ୍‌ତେ ତେବାଃୟାନ୍ତି ମାନ୍ଦିର୍ ଅଡ଼ାଃରେ ବଲୟାନାଏ ଆଡ଼ ଇନିଃ ସବେନାଃ ନେଲ୍ ବାଡ଼ାକେଦ୍‌ତି ସିଙ୍ଗିହାସୁରତାନ୍ ଇମ୍ତା ବାରାଝାନ୍ ଚେଲକଲଃ ବେଧ୍‌ନିଆତେ ସେନଃୟାନାଏ ।

**ୟୀଶୁ ଲିଆଦାରୁକେ ସାର୍‌ପାଅକେଦା
(ମାଥୁ ୨୧:୧୮-୧୯)**

^{୧୨} ଏଟାଃ ହୁଲାଙ୍ଗ୍ ଯୀଶୁ ଆୟାଃ ଚେଲକଲଃ ବେଧ୍‌ନିଆଏତେ ରୁହାଡ଼ ଇମ୍ତା, ଯୀଶୁକେ ରେଙ୍ଗେଃକିୟା ।
^{୧୩} ସାଙ୍ଗିନ୍‌ରେ ଇନିଃ ସାକାମାକାନ୍ ମିଆଁଦ୍ ଲିଆଦାରୁକେ ନେଲ୍‌କେଦ୍‌ତେ, ଏନ୍‌ରେ ଜ'କଇଙ୍ଗ୍ ନାମେଜାଃ ମେନ୍ତେ ଏନ୍ତାଃତେ ସେନଃୟାନା । ମେନ୍‌ଦ୍ ତେବାଃୟାନ୍ତି ଏନାରେ ସାକାମ୍ ବିଡ଼ାଙ୍ଗ୍ ନାମ୍‌କେଦାଏ ଆଡ଼ାଃ ଜ କାଏ ନାମ୍‌କେଦାଃ, ଚିୟାଃତି ଇମ୍ତା ଲିଆ ଜ'ସାହା କା ତାଇକେନା ।^{୧୪} ଏନ୍ତେ, “ଆମାଃ ଜ ଆଡ଼ାଃ ଜେତାଏ ହଡ଼ ଚିଉଲାଅ ଆଲକାଏ ଜମେକା” ମେନ୍ତେ ଲିଆ ଦାରୁକେ କାଜିକେଦା ।

ଆଡ଼ ଚେଲକତାୟାଃ ଏନ୍ କାଜିକ ଆୟୁମ୍‌କେଦା ।

**ୟୀଶୁ ଯୀରୁଶାଲେମ୍ ମାନ୍ଦିର୍ ଅଡ଼ାଃତେ ବଲତାନାଏ
(ମାଥୁ ୨୧:୧୨-୧୭; ଲୁକ ୧୯:୪୫-୪୮; ଯୋହାନ୍ ୭:୧୩-୨୨)**

^{୧୫} ଯୀରୁଶାଲେମ୍‌ତେ ତେବାଃୟାନ୍ତି, ଯୀଶୁ ମାନ୍ଦିର୍ ଅଡ଼ାଃତେ ବଲୟାନାଏ, ଆଡ଼ ଏନ୍ତାଃରେ ଦାଣ୍ଡେନାଙ୍ଗ୍ ଜାଁତୁକକେ କିରିଙ୍ଗ୍ ଆଖିରିଙ୍ଗ୍ ତାନ୍‌କକେ ହାର୍‌ଅଡ଼ଙ୍ଗ୍ ଏଚେଦ୍‌କେଦ୍‌ଆଏ । ପାଏସା ଭାଞ୍ଜାଅତାନ୍‌କଆଃ ମେଜ୍‌କ ଆଡ଼ ଦୁଦୁମୁଲ୍ ଆଖିରିଙ୍ଗ୍ ତାନ୍‌କଆଃ ଦୁବ୍‌ତେୟାଃକ ଉଦୁରବାଟିକେଦାଏ ।^{୧୬} ଆଡ଼ ମାନ୍ଦିର୍ ଅଡ଼ାଃରାଃ ବାହାରି ରାତା ଆଲା ଆଲାତେ କିରିଙ୍ଗ୍ ଆଖିରିଙ୍ଗ୍‌ତେଆଃକ ସାବ୍‌କେଦ୍‌ତେ ଜେତାଏକେୟ କାଏ ସେନ୍ ପାରମ୍ ଇତିକେଦ୍‌କଆ ।^{୧୭} ଏନ୍ତେ ଇନକୁକେ ଇତୁତାନ୍‌ଲଃ ମେତାଦ୍‌କଆଏ, ନେଆଁ ଅଲକାନା,

“ଆଇଁୟାଃ ଅଡ଼ାଃ ଦିଶ୍‌ମ୍‌ରାଃ ସବେନ୍ ଜାତିକ ନାଗେନ୍ତେ ବିକ୍ତିଅଡ଼ାଃ ନୁତୁମ୍‌ଆ
 ମେନ୍‌ଦ୍ ଆପେ ନେଆଁକେ କୁମ୍‌ତୁକୁଆଃ ତାଇନଃ ଠାୟାଦ୍‌ପେ ବାଇୟାକାଦା ।”

^{୧୮} ମୁଲ୍ ଯାଜାକ୍‌କ ଆଡ଼ ଆଇନ୍ ଇତୁକ, ଏନା ସବେନ୍ ଆୟୁମ୍‌କେଦ୍‌ତେ, ଯୀଶୁକେ ଚିଲକାକ ଗଜିୟା ମେନ୍ତେ ହରାକ ଦାଣ୍ଡାବାଡ଼ାକେଦାଃ । ସବେନ୍ ହଡ଼କଦ୍ ଯୀଶୁଆଃ ଇନିଃତୁରେ ଆକ୍‌ଦାନ୍‌ଆୟାନା ମେନ୍ତେ ଇନକୁ ଇନିଃକେ ବରଆଇତାନ୍‌କ ତାଇକେନା ।

^{୧୯} ସିଙ୍ଗିହାସୁରୟାନ୍ତି ଯୀଶୁ ଆୟାଃ ଚେଲକଲଃ ଅଡ଼ଙ୍ଗ୍‌କେଦ୍‌ତେ ସାହାରଏତେ ସେନଃୟାନାଏ ।

**ଲିଆଦାରୁଏତେ ଇନିତୁ
(ମାଥୁ ୨୧:୨୦-୨୨)**

^{୨୦} ଏଟାଃ ହୁଲାଙ୍ଗ୍ ସେତାଃ ଇଦାନ୍‌ତେ ହରାରେ ସେନଃ ଇମ୍ତା ଇନକୁ ଲିଆଦାରୁକେକ ନେଲ୍‌କେଦା । ଏନା ବୁଟାଏତେ ରୁଟି ଜାକେଦ୍ ରହଡ଼ ଗଜାକାନ୍ ତାଇକେନା ।^{୨୧} ପାତ୍ରରାସ୍ ସିଦାହୁଲାଙ୍ଗ୍‌ରାଃ କାଜି ପାହାମ୍‌କେଦ୍‌ତେ ମେତାଇୟାଏ “ନେଲେମେ, ହେ ଗୁରୁ, ଆମ୍ ସାର୍‌ପାଅଲେଦ୍ ଲିଆଦାରୁ ରହଡ଼କାନା ।”

୨୨ ଯୀଶୁ ଚେଲାକଙ୍କେ କାଜିରୁହାଡ଼ାଦକଆଏ, “ପାର୍ମେଶ୍ୱାରରେ ବିଶ୍ୱାସ ଦହେପେ ।” ୨୩ ✠ସାର୍ତ୍ତିଗି କାଜିୟାପେ ତାନାକଙ୍ଗ, “ଜେତାଏ ହଡ଼ ନେ ବୁରୁକେ, ମାର୍ ବିରିଦ୍ମେ ଆତଃ ଦରେୟାରେ ଉୟୁଗଠେ ମେନ୍ତେ କାଜିରେ, ଆତଃ ମନ୍ରେ କାଏ ଆଡ଼ାଃଉଡ଼ୁରେ ଆତଃ ଇନିଃ ଆସିତେୟାଃ ସାର୍ତ୍ତିଗି ହବାଅଆଃ ମେନ୍ତେ ବିଶ୍ୱାସେରେଦ, ଇନିଃ ସାନାକ୍ତାନଲେକା ହବାଅଆଃ । ୨୪ ଏନାମେନ୍ତେ କାଜିୟାପେ ତାନାକଙ୍ଗ, ବିକ୍ତି ଇମ୍ତା ଜେଡ଼ନାଃପେ ଆସିଆ, ଏନ୍ ସବେନାଃ ନାମାକାଦାଃଲେ ମେନ୍ତେପେ ବିଶ୍ୱାସେରେଦ, ଆସିତେୟାଃ ସବେନାଃପେ ନାମେୟା । ୨୫ ✠ଆତଃ ବିକ୍ତି ନାଗେନ୍ତେପେ ତିଙ୍ଗୁନ୍ରେ ଜେତା ହଡ଼ଆଃ ବିରୁଧ୍ରେ ଜେଡ଼ନାଃ ଆପେୟାଃ ଗୁଣ୍ଠାଁ ମେନାଃରେଦ, ଇନିଃକେ ଏନା ଛାମାକପେ, ଏନାରେ ଆପେୟାଃ ସିର୍ମାରେନ୍ ଆପୁଆପେକେୟାଃ ଛାମାପେୟା । ୨୬ ମେନ୍ଦ ଆପେ କାପେ ଛାମାକରେଦ, ଆପେୟାଃ ସିର୍ମାରେନ୍ ଆପୁହ୍ ଆପେୟାଃ ପାପ୍ କାଏ ଛାମାଏଆ* ।”

ୟୀଶୁଆଃ ପେଡ଼େଃକେ କୁଲିକେଦାଃକ
(ମାଥୁଉ ୨୧:୨୩-୨୭; ଲୁକ ୨୦:୧-୮)

୨୭ ଯୀଶୁ ଆତଃ ଚେଲାକ ଆତଃଗି ଯୀରୁଶାଲେମ୍ତେ ହିଜୁଃୟାନାକ । ମାନ୍ଦିରଅଡ଼ାଃରେ ଯୀଶୁ ସେନ୍ଦବାଡ଼ାତାନ୍ ଦିପିଲିରେ, ମୁଲ୍ ଯାଜାକକ, ଆଇନ୍ ଇତୁକ ଆତଃ ପ୍ରାଚିନ୍ଦକ ଇନିଃତାଃତେକ ହିଜୁଃୟାନା ।

୨୮ ଆତଃ, ଇନ୍କୁ କୁଲିକିୟାଃକ, “ଆମ୍ ଅକ ଆକ୍ତେୟାର୍ତେ ନେଆଁକମ୍ ରିକାତାନା ? ନେ କାମିକ ରିକାନାଗେନ୍ତେ ଅକଏ ନେ ଆକ୍ତେୟାର୍ ଏମାକାଦ୍ମେଆ ?”

୨୯ ଯୀଶୁ ଇନ୍କୁକେ କାଜିରୁହାଡ଼ାଦକଆଏ, “ଆଇଙ୍ଗ୍ହ୍ ମିଆଁଦ୍ କାଜିଙ୍ଗ୍ କୁଲିପେୟା, ଏନା ଉଦୁବାଇଙ୍ଗ୍ପେ, ଏନ୍ତେ ଆଇଙ୍ଗ୍ହ୍ ଅକ ପେଡ଼େଃକେ ନେଆଁକଇଙ୍ଗ୍ ରିକାତାନା, ଏନାକଇଙ୍ଗ୍ ଉଦୁବାପେୟା । ୩୦ ଯୋହାନ୍ଆଃ ବାପ୍ତିସ୍ତା ସିର୍ମାରେନ୍ ପାର୍ମେଶ୍ୱାର୍ତାଃପେତେ ତି ମାନଝାତାଃପେତେ ତାଇକେନା ? ନେଆଁ, ମାର୍ କାଜିୟାକଙ୍ଗପେ ।”

୩୧ ଇନ୍କୁ ଆକ ଆକରେକ କାପ୍ଜିୟାନା, “ଆରୁ ନେ କାଜିରେ ତିନାଃରୁ କାଜିରୁହାଡ଼ିୟା ? ‘ସିର୍ମାରେନ୍ ପାର୍ମେଶ୍ୱାର୍ତାଃପେତେ’ ମେନେରେଦ, ଇନିଃ ‘ତିକାନାକ୍ ଯୋହାନ୍ରେ କାପେ ବିଶ୍ୱାସ୍କେଦା’ ମେତାରୁଆଏ ?”

୩୨ ମେନ୍ଦ ମାନଝାକତାଃପେତେ ମେନ୍ତେ କାଜିନାକ୍ ବରକେଦାଃକ ତିୟାଃତି, ଇନ୍କୁ ହଡ଼କକେ ବର ତାଇକେନାକ, ତିୟାଃତି ସବେନ୍ ହଡ଼କ ଯୋହାନ୍ ଆୟାର୍କାଜିନିଃ† ତାନିଃ ମେନ୍ତେ ମାନାତିଙ୍ଗ୍ ତାଇକେନାକ । ୩୩ ଏନାମେନ୍ତେ ଇନ୍କୁ ଯୀଶୁକେ କାଜିରୁହାଡ଼ିକିୟାଃକ, “ଆଲେ କାଲେ ସାରିଆଃ ।”

ୟୀଶୁ ମେତାଦକଆଏ, “ଆଇଙ୍ଗ୍ହ୍ ଅକ ପେଡ଼େଃକେ ଏନାକଇଙ୍ଗ୍ ରିକାତାନା, କାକଇଙ୍ଗ୍ ଉଦୁବାପେୟା ।”



ଦାଖବାକ୍ତିରେ କାର୍ କାମିତାନ୍ ହଡ଼କଆଃ ଜନ୍କା କାଜି
(ମାଥୁଉ ୨୧:୩୩-୪୬; ଲୁକ ୨୦:୯-୧୯)

୧ ଏନ୍ତେ ଯୀଶୁ ଜନ୍କା କାଜିତେ ଇନ୍କୁକେ ଜାଗାର୍ ଏଟେଦ୍ମେଦ୍ମେଆଏ, “ମିଆଁଦ୍ ହଡ଼ ମିଆଁଦ୍ ଦାଖବାକ୍ତି ବାଇକେଦାଏ, ଆତଃ କେସେଦ୍ବିୟୁରକେଦାଏ, ଘାନା ନାଗେନ୍ତେ ଗାତା ଉରକେଦାଏ, ଆତଃ ହରମେନ୍ତେ ହରଠାୟାଦ୍* ବାଇକେଦାଏ, ଏନ୍ତେ ଇନିଃ ଏନ୍ ଦାଖବାକ୍ତି କାର୍ କାମିତାନ୍ ହଡ଼କକେ ଏମ୍କେଦ୍ତେ ସାଙ୍ଗିନ୍ ଦିଶୁମ୍ତେ ସେନଃୟାନାଏ । ୨ ଜ ଗଦଃ ସାହା ତେବାଃୟାନ୍ତି, ଦାଖବାକ୍ତିରେୟାଃ ଜ ନାମେ ନାଗେନ୍ତେ ଇନିଃ ମିଆଁଦ୍ ଦାସିକେ ଏନ୍ କାର୍ କାମିତାନ୍ ହଡ଼କତାଃତେ କୁଲ୍କିୟାଏ । ୩ କାର୍ କାମି ହଡ଼କଦ ଏନ୍ ଦାସିକେ ସାବ୍କିତେକ ଦାଲ୍କିୟାଃ, ଆତଃ ସାମାତିଃକକ କୁଲ୍ରୁହାଡ଼ିକିୟା । ୪ ଏନ୍ତେ ଇନିଃ ଏଟାଃ ଦାସିକେ ଇନ୍କୁତାଃ କୁଲ୍କିୟାଏ, ଇନିଃକେଦ କାର୍କାମି ହଡ଼କ ବହଃରେ ଦାଲିତାନ୍ଲଃ ହିଲାଙ୍ଗ୍କେଦ୍ତେ କୁଲ୍ରୁହାଡ଼ିକିୟାକ । ୫ ଏନ୍ତେ ଇନିଃ ଆତଃମିଆଁଦ୍ ଦାସିକେ କୁଲ୍କିୟାଏ, ଆତଃ ଇନିଃକେହ୍ ଗଏଃକିୟାକ । ଇନିଃ ପୁରାଃ ଏଟାଃ ଦାସିକେ କୁଲ୍କେଦ୍ମେଦ୍ମେଆଏ, ତିମିନ୍କକେ ଦାଲ୍କେଦ୍ମେଦ୍ମେଆକ, ଆତଃ ତିମିନ୍କକେ ଗଏଃକେଦ୍ମେଦ୍ମେଆକ । ୬ ନାହାଁଃ ମିଆଁଦ୍ଗି କୁଲ୍ଃନିଃ ସାରେଜାକାନାଏ, ଇନିଃଦ୍ ଆୟାଃ ଦୁଲାଡ଼୍ ହନ୍କଡ଼ା ତାନିଃ । ନାହାଁଃ ଇନ୍କୁ ହନିଙ୍ଗ୍କଡ଼ାକେ ମାଇନିୟାକ, ମେନ୍କେଦ୍ତେ ଚୁଣ୍ଡୁରେ ଇନିଃ ଆୟାଃ ଏନ୍ ହନ୍କେ ଇନ୍କୁତାଃତେ କୁଲ୍କିୟାଏ । ୭ କାର୍କାମି ହଡ଼କ ମେପେନ୍ୟାନା, ‘ନିଃଗି ଏନ୍ ଗମ୍କେୟାଃ ହନ୍ତାନିଃ, ମାର୍ବୁ ଗଜିୟା ଆତଃ ଇନିୟାଃ ହାନାଟିଙ୍ଗ୍ ଆବୁଆଃ ହବାଅଆଃ ।’ ୮ ଏନାମେନ୍ତେ ଇନ୍କୁ ଇନିଃକେ ସାବ୍କିତେ ଗଏଃକିୟାକ, ଆତଃ ଇନିୟାଃ ଦାଖବାକ୍ତିଏତେ ହୁରାଙ୍ଗ୍ ଅଡ଼ଙ୍ଗ୍କିୟାଃକ ।

୯ “ଦାଖବାକ୍ତି ଗମ୍କେ ତାବ୍ଦ ତିନାଃଆଏ ତିକାୟା ?” ମେନ୍ତେ ଯୀଶୁ କୁଲିକେଦ୍ମେଦ୍ମେଆଏ । “ଇନିଃଦ୍ ହିଜୁଃକେଦ୍ତେ ଏନ୍ କାର୍ କାମିହଡ଼କକେ ଗଏଃକଆଏ, ଆତଃ ଦାଖଡ଼ିତାୟାଃକେ ଏଟାଃ କାର୍ କାମିହଡ଼କକେ ଏମାକଆଏ । ୧୦ ତିୟାଃ ଆପେ ଧାରାମ୍ପୁୟୁରେ ନେ କାଜି କାପେ ପାଢ଼ାଅକାଦାଃ ?

✠ ୧୧:୨୩ ୧୧:୨୩ ମାଥୁଉ ୧୭:୨୦; ୧ କରିନ୍ଥ୍ରିୟ ୧୩:୨. ✨ ୧୧:୨୫ ୧୧:୨୫ ମାଥୁଉ ୭:୧୪, ୧୫. * ୧୧:୨୭ ୧୧:୨୭ ନେ ବାଚାନ୍ ତିମିନ୍ ମାରି ଅନଲ୍କରେ ବାନ୍ଆଃ † ୧୧:୩୨ ୧୧:୩୨ ଆୟାର୍କାଜିନିଃ ନାବୀ * ୧୨:୧ ୧୨:୧ ହରଠାୟାଦ୍ ମାଚେନ୍

“ବାବାଇକ ଅକନ୍ ଦିରିକେ ଆତମ୍ ଏଣ୍ଡାଲେଦାକ ଏନାଦ କଚାରାଃ ମୁଲ୍‌ଦିରି ହବାୟାନା ।

୧୧ ନେ କାମିଦ ପ୍ରାଭୁଗି ରିକାକେଦାଏ

ଆତଃ ଏନାଦ ଆବୁଆଃ ନେନେଲ୍‌ରେ ଆକ୍‌ଦାନ୍‌ଆରିୟା ।”

୧୨ ଯିହୁଦୀ ନେତାକଆଃ ବିରୁଧ୍‌ରେ ନେ ଜନ୍‌କା କାଜି କାଜିକେଦାଏ ଏନା ଆଟ୍‌କାର୍‌କେଦ୍‌ତେ ଇନିଃକେ ସାସାଦ୍ ସାନାଙ୍ଗ୍‌ତାନ୍‌କ ତାଇକେନା, ମେନ୍‌ଦ ଇନ୍‌କୁ ଗାଦେଲ୍ ହଡ଼କକେ ବରକେଦ୍‌ତେ ଇନିଃକେ ବାଗିକେଦ୍‌ତେକ ନିର୍‌ୟାନା ।

**କାର୍ ଏମାଃରେୟାଃ ଇନିତୁ
(ମାଥୁଉ ୨୨:୧୫-୨୨; ଲୁକ ୨୦:୨୦-୨୨)**

୧୩ ଆତଃ ଯୀଶୁଆଃ କାଜି ହରାତେ ସାବି ନାଗେନ୍ତେ ଇନ୍‌କୁ ଫାରୁଶୀକଏତେ ଆତଃ ହେରୋଦ୍‌ରାଃ ଚିମିନ୍ ହଡ଼କକେ ଇନିଃତାଃତେକ କୁଲିକେଦ୍‌କଆ । ୧୪ ଇନ୍‌କୁ ଆୟାଃତାଃ ହିନ୍ଦୁୟାନ୍‌ତିକ କାଜିକିୟା, “ହେ ଗୁରୁ, ଆମ୍‌ଦ ସାର୍‌ତିନିଃ ତାନ୍‌ମେ ଆତଃ ଜେତାଏକେ କାମ୍ ବରଆଃ ମେନ୍ତେ ଆଲେ ସାରିତାନାଲେ, ଆମ୍‌ଦ ହଡ଼ରାଃ ମେଦ୍‌ମୁହାଁଡ୍ କାମ୍ ନେଲ୍‌ୟା, ମେନ୍‌ଦ ସାର୍‌ତିଗି ପାର୍‌ମେଶ୍‌ବାରାଃ ହରା ଇତୁଆଃମେ, ମାର୍ କାଜିୟାଲେମେ, ଆଇନ୍ ଲେକାତେ ଆଲେକେ କାଇସାର୍‌କେ କାର୍ ଏମାଃ ଲାଗାତିୟାଃ ଚି କାହା ?”

୧୫ ମେନ୍‌ଦ ଯୀଶୁ ଇନ୍‌କୁଆଃ ବେଦା ଆଟ୍‌କାର୍‌କେଦ୍‌ତେ ମେତାଦ୍‌କଆ, “ଚିନାଃ ମେନ୍ତେପେ ବିଡ଼ାଅଇଙ୍ଗ୍ ତାନା ? ମୁସିଙ୍ଗ୍‌ରାଃ ନାଲା ସିକା ଆଉଝାଇଙ୍ଗ୍‌ପେ, ଏନା ନେଲେଆଇଙ୍ଗ୍ ।”

୧୬ ଇନ୍‌କୁ ମିଆଁଦ୍ ସିକା ଆୟାଃତାଃକ ଆଉକେଦା, ଏନ୍ତେ ଇନିଃ ଇନ୍‌କୁକେ କୁଲିକେଦ୍‌କଆ, “ନେ ମୁରୁଡ୍ ଆତଃ ନୁତୁମ୍ ଅକଏୟାଃ ତାନାଃ ?”

ଇନ୍‌କୁ “କାଇସାର୍‌ରାଃକ” କାଜିକିୟା ।

୧୭ ଯୀଶୁ କାଜିରୁହାଡ଼ାଦ୍‌କଆଏ, “ଏନ୍‌ରେଦ୍ ଅକ୍‌ନାଃ କାଇସାର୍‌ରାଃ ତାନାଃ ଏନା କାଇସାର୍‌କେଗି ଏମାଇପେ, ଆତଃ ଅକ୍‌ନାଃ ପାର୍‌ମେଶ୍‌ବାରାଃ ତାନାଃ ଏନା ପାର୍‌ମେଶ୍‌ବାର୍‌କେଗି ଏମାଇପେ ।”

ଆତଃ ଯୀଶୁଆଃ ନେ କାଜିରେ ଇନ୍‌କୁ ହାଏକାଟ୍‌ୟାନାକ ।

**ୟୀଶୁ ହଡ଼କଆଃ ଜୀଉ ବିନିରିଦ୍‌ରେୟାଃ କାପ୍‌ଜିରେ ସାଦୁକିକକେ ହାପାକତାନାଏ
(ମାଥୁଉ ୨୨:୨୩-୩୩; ଲୁକ ୨୦:୨୭-୪୦)**

୧୮ ଜୀଉବିନିରିଦ୍‌ରେ କା ବିଶ୍ୱାସେତାନ୍ ସାଦୁକିକଏତେ ଚିମିନ୍ ହଡ଼କ ଯୀଶୁତାଃତେ ହିନ୍ଦୁକେଦ୍‌ତେ ଇନିଃକେ କୁଲିକିୟାଃକ : ୧୯ “ହେ ଗୁରୁ, ମୁଶା ଆଲେ ନାଗେନ୍ତେ ଅଲ୍‌କାଦାଏ, ଜେତାଏ ହଡ଼ଆଃ ଦାଦାତେ ବେଗାର୍ ହନ୍‌ଗାଁଣାକ ହବାଅଃ ସିଦାରେ ଗଏଃକେନଃ ରେଦ୍, ଆୟାଃ ହାଗାତେ ଇନିୟାଃ କୁଡ଼ିକେ ଆଣ୍‌ଦିୟାକାଏ, ଆତଃ ଦାଦାତେ ନାଙ୍ଗ୍ ହନ୍‌ଗାଁଣା ଜାନାମ୍‌କକାଏ । ୨୦ ମିଦ୍ ଦିପିଲିରେ ସାଡ୍ ହାଗିୟା ତାଇନ୍‌କେନାକ ମାରାଙ୍ଗ୍‌ନିଃ ଆଣ୍‌ଦିକେଦ୍‌ତେ ବେଗାର୍ ହନ୍‌ଗାଁଣାତେ ଗଏଃୟାନାଏ । ୨୧ ଏଟାଃନିଃ ଏନ୍ ରାଣ୍ଡିକେ ଆଣ୍‌ଦିୟାନାଏ ଆତଃ ଇନିଃହ ହନ୍‌ଗାଁଣା ହବାଅଃ ସିଦାରେ ଗଏଃୟାନା, ଆପିୟାନିଃହଗି ଏନ୍‌କାୟାନାଏ । ୨୨ ଏନ୍‌କାତେ ସାଡ୍ ହାଗିୟାକ ବେଗାର୍ ହନ୍‌ଗାଁଣାତେକ ଗଏଃୟାନା, ସବେନ୍‌କ ତାୟମ୍‌ତେ ଏନ୍ କୁଡ଼ିୟାଗି ଗଏଃୟାନାଏ । ୨୩ ତାବ୍‌ଦ୍ ଜୀଉବିନିରିଦ୍‌ରେ, ସବେନ୍‌କ ଜୀଉବିନିରିଦ୍‌ ଦିପିଲିରେ, ଏନ୍ କୁଡ଼ି ଇନ୍‌କୁଏତେ ଅକଏୟାଃ କୁଡ଼ି ହବାଅଆଃଏ ? ଚିୟାଃଚି ସାଡ୍ ହାଗିୟା ସବେନ୍‌କଦ୍ ଇନିଃକେ ଆଣ୍‌ଦିକାନ୍ ତାଇକେନାକ ।”

୨୪ ଯୀଶୁ ଇନ୍‌କୁକେ ମେତାଦ୍‌କଆ, “ଆପେ ଧାରାମ୍‌ପୁଥ୍ ଆତଃ ପାର୍‌ମେଶ୍‌ବାରାଃ ପେଡ଼େଃକ କାପେସାରି ହରାତେ ଆଦାକାନାପେ । ୨୫ ଗଏଃକେଦ୍‌ତେ ଜୀଉ ବିନିରିଦ୍ ତାୟମ୍‌ତେ ହଡ଼କ କାକ ଆଣ୍‌ଦିନାଃ ଆତଃ କାକ ଆଣ୍‌ଦି ଏମାଃଆ, ଇନ୍‌କୁ ସିମ୍‌ରେନ୍ ଦୁଁଡ଼କ ଲେକାକ ତାଇନାଃ । ୨୬ ଆତଃ ଗଏଃକାନ୍‌କଆଃ ଜୀଉବିନିରିଦ୍‌ରାଃ କାଜିପେ କୁଲିଙ୍ଗ୍‌ତାନା, ମୁଶା ଅଲ୍‌କାନ୍ ପୁଥ୍‌ରେ ଅଲ୍‌କାନା, ଜୁଲ୍‌ତାନ୍ ତୁପାଦ୍‌ରାଃ କାଜି କାପେଚି ପାଢ଼ାଅକାନା ? ନେ ସବେନ୍‌କ ଗଜାକାନ୍‌ରେୟାଗି, ଚିଲ୍‌କା ପାର୍‌ମେଶ୍‌ବାର୍ ମୁଶାକେ କାଜିକିୟାଏ, ଆଇଙ୍ଗ୍ ଆବ୍ରାହାମ୍‌ଆଃ ପାର୍‌ମେଶ୍‌ବାର୍, ଇସାକ୍‌ଆଃ ପାର୍‌ମେଶ୍‌ବାର୍, ଆତଃ ଯାକ୍‌ବ୍‌ଆଃ ପାର୍‌ମେଶ୍‌ବାର୍ ତାନିଙ୍ଗ୍ । ୨୭ ପାର୍‌ମେଶ୍‌ବାର୍‌ଦ୍ ଗଜାକାନ୍‌କଆଃ ପାର୍‌ମେଶ୍‌ବାର୍ ନାହାଁଲିଃ ମେନ୍‌ଦ୍ ଜାନିଦ୍ ହଡ଼କଆଃ ପାର୍‌ମେଶ୍‌ବାର୍ ତାନିଃ । ଆପେ ପୁରାଃଗିପେ ଆଦାକାନା ।”

**ସବେନାଃଏତେ ମାରାଙ୍ଗ୍ ଆନ୍‌ତୁ
(ମାଥୁଉ ୨୨:୩୪-୪୦; ଲୁକ ୧୦:୨୫-୨୮)**

୨୮ ମିଆଁଦ୍ ଆଇନ୍ ଇତୁନିଃ ଇନ୍‌କୁକେ କାପାଜିତାନ୍ ଆୟୁମ୍‌କେଦ୍‌କଆଏ । ଯୀଶୁ ଏନ୍ ସାଦୁକିକକେ ଚିଲ୍‌କା ରୁଗିଲେକାତେ କାଜିରୁହାଡ଼ାଦ୍‌କଆଏ ଏନା ଆଟ୍‌କାର୍ ଉରୁମ୍‌କେଦ୍‌ଚି, ଇନିଃ କୁଲିକିୟାଏ, “ସବେନ୍ ଆନ୍‌ତୁକଏତେ, ମାରାଙ୍ଗ୍ ଆନ୍‌ତୁ ଅକଆଃ ତାନାଃ ?”

☆ ୧୨:୧୮ ୧୨:୧୮ ପ୍ରେରିଡ୍ ୨୩:୮.

୨୯ ଯୀଶୁ କାଜିରୁହାଡ଼କିୟାଏ, “ସବେନାଃଏତେ ମାରାଙ୍ଗ୍ ଆନ୍‌ରୁଦ୍ ନେଆଁତାନାଃ, ହେ ଇସ୍ରାଏଲ୍, ଆୟୁମେମେ, ପ୍ରାଭୁ ଆବୁଆଃ ପାର୍‌ମେଶ୍ୱାର୍, ଏସ୍କାର୍‌ଗି ପ୍ରାଭୁତାନିଃ । ୩୦ ପ୍ରାଭୁ ଆମାଃ ପାର୍‌ମେଶ୍ୱାର୍‌କେ ଆମାଃ ସବେନ୍ ମନ୍‌ତେ, ଆତଃ ଆମାଃ ସବେନ୍ ଜୀଉତେ, ଆତଃ ଆମାଃ ସବେନ୍ ସେଣ୍‌ତେ, ଆତଃ ଆମାଃ ସବେନ୍ ପେଡେଃତେ ଦୁଲ୍‌ଡ଼ିମେ । ୩୧ ଏଟାଃ ଆନ୍‌ରୁଦ୍ ନେଆଁତାନାଃ, ଆମାଃ ହପର୍‌ଜାପାଃରେନିଃକେ ଆମ୍‌ଲେକା ଦୁଲ୍‌ଡ଼ିମେ । ନେ ବାରିଆଃ ଆନ୍‌ରୁଏତେ, ମାରାଙ୍ଗ୍ ଆତଃ ଜେତାଏ ଆନ୍‌ରୁ ବାନଆଃ ।”

୩୨ ଆଇନ୍ ଇଡୁକ ଯୀଶୁକେ କାଜିକିୟାଃ, “ଠାଉକାଗିମ୍ କାଜିତାନା, ଏ ଇଡୁନିଃ, ଆମାଃ କାଜି ସାର୍‌ତିଗିଆଃ, ଆମାଃ କାଜି ଲେକାତେ ପାର୍‌ମେଶ୍ୱାର୍ ମିଆଁଦ୍‌ଗିଆଏଃ, ଆତଃ ଇନିଃକେ ବାଗିକେଦ୍‌ତେ ଏଟାଃ ଜେତାଏ ପାର୍‌ମେଶ୍ୱାର୍ ବାଙ୍ଗାଲଆଃ । ୩୩ ଆତଃ ହଡ଼କେ, ଆୟାଃ ସବେନ୍ ମନ୍‌ତେ, ଆତଃ ଆୟାଃ ସବେନ୍ ସେଣ୍‌ତେ, ଆତଃ ଆୟାଃ ସବେନ୍ ପେଡେଃତେ ଇନିଃକେ ଦୁଲ୍‌ଡ଼ି ଲାଗାଡ଼ିୟାଃ ଆତଃ ଆୟାଃ ହପର୍‌ଜାପାଃନିଃକେହ ଆୟାଃ ଲେକା ଦୁଲ୍‌ଡ଼ି ଲାଗାଡ଼ିୟାଃ । ନେ ବାରିଆ ଆନ୍‌ରୁ ମାନାତିଙ୍ଗ୍‌ତେଆଃଦ୍ ଉରୁବଃ ଦାଣ୍‌ଟେ ଚାଏ ସବେନ୍ ଏଟାଃ ଦାଣ୍‌ଟେରାକାଦ୍‌ଏତେ ମାରାଙ୍ଗ୍ କାମିତାନାଃ ।”

୩୪ ✧ ଇନିଃ ସେଣ୍‌ଟିନ୍ ଲେକାତେ କାଜିକେଦାଏ, ଏନା ନେଲ୍‌କେଦ୍‌ତେ ଯୀଶୁ ଇନିଃକେ ମେତାଇୟାଏ, “ଆମ୍‌ଦ୍ ପାର୍‌ମେଶ୍ୱାର୍‌ଆଃ ରାଇଜ୍‌ଏତେ ସାଜିନ୍‌ରେ ବାଙ୍ଗ୍‌ମେଆଁଃ ।” ଆତଃ ଏନ୍‌ତାୟମ୍‌ତେ ଜେତାଏ ଇନିଃକେ ଜେଡ୍‌ନାଃ କୁଲିନାଙ୍ଗ୍ କାକ ସାହ୍‌ସକେଦା ।

ଖ୍ରୀଷ୍ଟ ଦାଉଦାଃ ହନ୍ତେକଡ଼ା
(ମାଥୁଉ ୨୨:୪୧-୪୬; ଲୁକ ୨୦:୪୧-୪୪)

୩୫ ମାନ୍‌ଦିର୍ ଅଡ଼ାଃରେ ଇଡୁତାନ୍ ଇମ୍‌ତା ଯୀଶୁ କୁଲିକେଦ୍‌କଆଏ, “ଖ୍ରୀଷ୍ଟ ଦାଉଦ୍‌ଆଃ ହନ୍ ତାନିଃ ମେନ୍ତେ ଆଇନ୍ ଇଡୁକ ଚିଲ୍‌କାତେକ କାଜିୟାଃ ? ୩୬ ଦାଉଦ୍ ଆଇଃକ୍‌ଗି ପାବିତାର୍ ଆମ୍‌ରାଃ ଉସ୍କୁର୍‌ତେ କାଜିକେଦାଏ, “ପ୍ରାଭୁ ଆଇଁୟାଃ ପ୍ରାଭୁକେ ମେତାଇୟାଏ; ଆମାଃ ବାଇରିକେ ଆମାଃ କାଟାସୁବାରେ କା ଆଉ ଜାକେଦ୍ ଆଇଁୟାଃ ଜମ୍‌ଡ଼ିସାଃରେ ଦୁବାକାନ୍‌ମେ ।”

୩୭ ଦାଉଦ୍ ଆଇଃକ୍‌ଗି ଖ୍ରୀଷ୍ଟକେ ପ୍ରାଭୁ ମେତାଇତାନ୍‌ରେଦ୍, ପାର୍‌ମେଶ୍ୱାର୍‌ଆଃ ସାଲାକାନ୍ ବଞ୍ଚାଅନିଃ ଖ୍ରୀଷ୍ଟ ଚିଲ୍‌କାତେ ଦାଉଦ୍‌ଆଃ ହନ୍ତେକଡ଼ା ତାନିଃ ? ଗାଦେଲ୍ ହଡ଼କ ଯୀଶୁଆଃ କାଜି ସୁକୁତେକ ଆୟୁମ୍ ତାଇକେନା ।

ୟୀଶୁ ଆଇନ୍ ଇଡୁକଆଃ ଗୁହ୍‌ଣାଏ ଉଦୁବେତାନା
(ମାଥୁଉ ୨୩:୧-୩୬; ଲୁକ ୨୦:୪୫-୪୭)

୩୮ ଯୀଶୁ ଇନ୍‌କୁକେ ଇଡୁତାନ୍‌ଲଃ ମେତାଦ୍‌କଆଏ, “ଆଇନ୍ ଇଡୁକତାଃଏତେ ଚିର୍‌ଗାଲାକାନ୍‌ପେ । ଇନ୍‌କୁ ଜିଲିଙ୍ଗ୍ ଲିଜାଃ ତୁସିଙ୍ଗ୍‌କେଦ୍‌ତେ ସେନ୍‌ବାଡ଼ା, ଆତଃ ପିର୍ ପିଡ଼ିକରେ ଜହାର୍‌ତେଲା, ୩୯ ଆତଃ ଇନ୍‌କୁକେ ସାମାଜ୍ ଅଡ଼ାଃକରେ ଆୟାଃରେ ଦୁବ୍‌ନାଙ୍ଗ୍, ଆତଃ ମାରାଙ୍ଗ୍ ଜମ୍‌ନୁଁକରେ ସିଦା ଠାୟାଦ୍‌ରେ ଦୁବ୍‌ନାଙ୍ଗ୍ ସୁକୁକଆ । ୪୦ ଇନ୍‌କୁ ରାଣ୍ଡିକୁଡ଼ିକଆଃ ଅଡ଼ାଃକ ଉଦେତାନା ଆତଃ ବେଦାତେ ଜିଲିଙ୍ଗ୍ ଜିଲିଙ୍ଗ୍‌ଗିକ ବିଡ଼ିୟା । ଏନ୍‌ଲେକାନ୍ ହଡ଼କଦ୍ ଆଦ୍‌କା ସାଜାଇକ ନାମେୟା ।”

ରାଣ୍ଡିକୁଡ଼ିଆଃ ଏମଃ
(ଲୁକ ୨୧:୧-୪)

୪୧ ଯୀଶୁ ମାନ୍‌ଦିର୍ ଖାଜନା ବାକାସ୍ ନାଡେଃରେ ଦୁବାକାନ୍ ତାଇକେନ୍ ଇମ୍‌ତା ହଡ଼କକେ ଏନାରେ ପାଏସା ସାଜୁତାନ୍ ନେଲ୍‌କେଦ୍‌କଆଏ । ପୁରାଃ କିସାଁଣ୍ ହଡ଼କ ପୁରାଃଗି ପାଏସା ଉୟୁଃକେଦାଃକ । ୪୨ ଏନ୍ତେ ମିଆଁଦ୍ ରେଙ୍ଗେଃ ରାବାଙ୍ଗ୍ ରାଣ୍ଡିକୁଡ଼ି ହିଜୁଃକେଦ୍‌ତେ ମିଦ୍‌ଦୋକ୍‌ଡ଼ା† ଗନଙ୍ଗ୍‌ରାଃ ବାରିଆଃ ହୁପ୍‌ଡ଼ିଙ୍ଗ୍ ତାମ୍‌ସା ସିକା ଉୟୁଃକେଦାଏ । ୪୩ ଯୀଶୁ ଆୟାଃ ତେଲାକକେ ହାକାଅକେଦ୍‌ତେ ମେତାଦ୍‌କଆଏ, “ସାର୍‌ତିଗିଙ୍ଗ୍ କାଜିୟାପେତାନା, ଖାଜନା ବାକାସ୍‌ରେ ଏମ୍‌କେଦ୍ ସବେନ୍ ହଡ଼କ ଏତେ, ନେ ଗାରିବ୍ ରାଣ୍ଡିକୁଡ଼ି ଥୁମ୍‌ସା ଏମାକାଦାଃଏ । ୪୪ ଏଟାଃ ହଡ଼କ ଆକଆଃ ଆଦ୍‌କା ମେନାଃତେୟାଃଏତେ କାଚିଃଲେକାକ ଏମ୍‌କେଦାଃ; ମେନ୍‌ଦ୍ ନିଃ ରେଙ୍ଗେଃ ରାବାଙ୍ଗ୍ ତାଇନ୍‌ରେୟ ଆୟାଃ ଜୀଉ ବାଞ୍ଚାଅ ନାଗେନ୍ତେ ଆୟାଃତାଃରେ ତାଇକେନ୍‌ତେୟାଃ ସବେନାଃଏ ଏମ୍‌କେଦା ।”

୧୩

ମାନ୍‌ଦିର୍ ହାଦୁଡ଼ାଃରେୟାଃ ଆୟାଃକାଜି
(ମାଥୁଉ ୨୪:୧-୨; ଲୁକ ୨୧:୫-୬)

✧ ୧୨:୩୪ ୧୨:୩୫ ଲୁକ ୧୦:୨୫-୨୮. † ୧୨:୪୨ ୧୨:୪୨ ମିଦ୍‌ଦୋକ୍‌ଡ଼ା ଆଧିଲି

୧ ଆତ୍ମ ସ୍ୱାମୀ ମାନ୍ଦିର ଅତୀତରେ ସେନାତାନ୍ ଦିପିଲିରେ ଆୟା ଚେଲାକଏତେ ମିହୁଡ଼ କାଜିକିୟାଏ, “ଏ ଇତୁନିଃ, ନେ ମାପରାଙ୍ଗ ଅତୀତରେ ନେଲେମେ, ଚିଲକାନ୍ ମାପରାଙ୍ଗ ଦିରିକ ଆତ୍ମ ଚିଲକାନ୍ ସୁଗାଡ଼ାନ୍ ଦିରିକ ମେନାଃ ।”

୨ ସ୍ୱାମୀ ଇନିଃକେ କାଜିରୁହାଡ଼କିୟା, “ନେ ମାପରାଙ୍ଗ ଅତୀତ ଚିମ୍ ନେଲେତାନା ? ଦିରି ଚେତାନ୍ ଦିରି ଚିରିୟାକାନ୍ କା ତାଇନା, ସବେନାଃ ହାଡ଼ୁଅ* ।”

ସ୍ୱାମୀ ଚୁଣ୍ଡ ଦିପିଲିରାଃ ଦୁକୁ ବିଷାଏରେ କାଜିକେଦାଏ
(ମାଥୁର ୨୪:୩-୧୪; ଲୁକ ୨୧:୭-୧୯)

୩ ମାନ୍ଦିର ସାମ୍ନାଙ୍ଗରେଆଃ ଜାଇତୁନ୍ ବୁରୁ ଚେତାନ୍ରେ ସ୍ୱାମୀ ଦୁବାକାନାଏ ତାଇକେନ୍ ଦିପିଲିରେ, ପାଡ଼ରାସ୍, ଯାକୁର୍, ଯୋହାନ୍ ଆତ୍ମ ଆନ୍ଦିୟ ଇନିଃତାଃ ଏସକାରରେ ହିଜୁଃକେଦତେକ କୁଲିକିୟା, ୪ “ନେଆଁକ ଚିତଲା ହବାଅଆଃ ? ଆତ୍ମ ନେ କାଜି ପୁରାଅଃଲେକାରେ ଅକନ୍ ଚିହ୍ନା ଉଦୁବଃଆ ଏନା ଉଦୁବାଲେମେ ।”

୫ “ସ୍ୱାମୀ ଇନିଃକେ କାଜିୟାଦକଆଏ, ଚିର୍ଗାଲାକାନ୍ଦେ, ଜେତାଏ ଆଲକାକ ବେଦାପେକା । ୬ ପୁରାଃ ହଡ଼କଦ ଆଇୟାଃ ନୁଡ଼ୁମତେକ ହିଜୁଃଆ ଆତ୍ମ ‘ଆଇଙ୍ଗ ଶ୍ରୀଷ୍ଟ ତାନିଙ୍ଗ’ ମେନ୍ତେକ କାଜିୟା ଆତ୍ମ ପୁରାଃ ହଡ଼କକେ ବେଦାକଆକ । ୭ ଆପେ ମାପାଃତୁପୁଇଙ୍ଗ ଆତ୍ମ ମାପାଃତୁପୁଇଙ୍ଗରାଃ କାଜିପେ ଆୟୁମେରେଦ ବରତେ ଆଲପେ ଆକ୍ବାକାଅଆଃ, ନେଆଁ ସବେନାଃଦ ହବାଅଃଗି ଲାଗାଡ଼ିୟାଃ, ମେନ୍ଦ ଏନ୍ ଦିପିଲିହ ଚୁଣ୍ଡ ନୁହାଁଲାଃ । ୮ ଚିୟାଃତି ଦିଶୁମ୍ ବିରୁଧରେ ଦିଶୁମ୍ ଆତ୍ମ ରାଇଜ୍ ବିରୁଧରେ ରାଇଜ୍ ଲାଡ଼ାଇ ହବାଅଆଃ, ସବେନ୍ ଠାୟାଦରେ ଅତେ ଏକଲାଅଆ ଆତ୍ମ ରିଙ୍ଗାଅଆ । ମେନ୍ଦ ନେ ସବେନାଃ ହନ୍ ଜାନାମାଃ ଇମ୍ତାରାଃ ଦୁକୁରେୟାଃ ଏନେଚେଦ୍ ଲେକାନାଃ ତାନାଃ ।

୯ *ଆପେକେ ଚିର୍ଗାଲାକାନ୍ ତାଇନଃ ଲାଗାଡ଼ିୟାଃ, ଇନିଃକଦ ପାଞ୍ଚେଟକରେକ ଏମ୍‌ଏଣ୍ଡାଃପେୟା ଆତ୍ମ ସାମାଜ୍ ଅତୀତରେ ଦାଲ୍‌ପେୟାକ । ଆପେ ଆଇୟାଃ ଚେଲାକ ତାନ୍ଦେ ମେନ୍ତେ, ସୁକୁକାଜି ଉଦୁବେ ନାଗେନ୍ତେ ଆପେକେ ହାକିମ୍ ଆତ୍ମ ରାଜାକତାଃ ତିଙ୍ଗୁ ହବାଅଆଃ । ୧୦ ଆତ୍ମ ଚୁଣ୍ଡ ଦିପିଲି ସେଚେର୍ ସିଦାରେ ସୁକୁକାଜି ସବେନ୍ ଜାଡ଼ିରାଃ ହଡ଼କତାଃରେ ଉଦୁବଗି ଉଦୁବଃଆ । ୧୧ ଚିମ୍ତାଙ୍ଗ ଆପେକେ ସାବକେଦତେ ଇନିଃକ କାଚାଇରିତେ ଇଦିପେୟାକ, ଇମ୍ତା ଚିନାଃରୁ କାଜିୟା ମେନ୍ତେ ସିଦାରେ ଆଲପେ ଉଡ଼ୁଇୟା ଏନ୍ ଦିପିଲି ହିଜୁଃଆ ଇମ୍ତା ଆପେକେ ଅକଆଃ କାଜି ନାଗେନ୍ତେ ଏମ୍‌ଏଣ୍ଡା ଏନାପେ କାଜିୟା । ଚିୟାଃତି ଏନ୍ତାଃରେ ଅକ କାଜିପେ କାଜିୟା ଏନାଦ ଆପେତେଗି କା, ମେନ୍ଦ ପାବିତାର୍ ଆମ୍‌ରାଃ ପେଡ଼େଃ ହରାତେପେ କାଜିୟା । ୧୨ ହାଗା ଆୟାଃ ହାଗାତେକେ ଆତ୍ମ ଆପୁ ଆୟାଃ ହନ୍‌କେ ଗଜି ନାଗେନ୍ତେ ଏମ୍‌ଏଣ୍ଡାକଆଃଏ, ଆତ୍ମ ହନ୍‌କ ଆକଆଃ ଏଙ୍ଗାଆପୁକଆଃ ବିରୁଧରେକ ବିରିଦାଃ ଆତ୍ମ ଇନିଃକେ ଗଏଃ ଇଚିକଆକ । ୧୩ ଚିୟାଃତି ଆପେ ଆଇୟାଃ ଚେଲାକ ତାନ୍ଦେ ସବେନ୍ ହଡ଼କ ଆପେକେ ହିଲାଙ୍ଗପେୟାକ, ମେନ୍ଦ ଜେତାଏ ଚୁଣ୍ଡ ଜାକେଦ୍ ସାହାଡ଼ିଙ୍ଗତାନିଃ ତିଙ୍ଗୁ କେଚେୟାକାନ୍ ତାଇନ୍‌ରେଦ ବାଞ୍ଚାଅଆଏ ।

ସ୍ୱାମୀ ଏନ୍ ଅଡ଼େଜଃ ପୁରାଃ ସଡ଼ରା ବିଷାଏରେ ଉଦୁବେତାନା
(ମାଥୁର ୨୪:୧୫-୨୮; ଲୁକ ୨୧:୨୦-୨୪)

୧୪ “ଆପେ ଚିମ୍ତା, ‘ଏନ୍ ଅଡ଼େଜଃ ସଡ଼ରାକାନ୍‌ନିଃ’ ଅକ୍ତାଃରେଚି ଇନିଃକା କା ତାଇନଃ ଲାଗାଡ଼ିଙ୍ଗ ଠାୟାଦରେ ତିଙ୍ଗୁଆକାନ୍‌ଦେ ନେଲିୟା ।” ପାଡ଼ାଅନିଃ ନେଆଁରାଃ ମୁଣ୍ଡି ଆଟ୍‌କାର୍‌ତୁରୁମେକାଏ, ଇମ୍ତା ଯିହୁଦା ପାର୍‌ଗାନ୍‌ରେ ତାଇନଃତାନ୍‌କ ବୁରୁତେକ ନିର୍ତ୍ତେବାଃକା । ୧୫ *ଅକ ହଡ଼ ଆୟାଃ ଅତୀତ ସାଡ଼ମିରେ ମେନାଈୟାଃ ଇନିଃ ଆୟାଃ ଜେଡ଼ନାଃ ଇଦିମେନ୍ତେ ଆଡ଼ଗୁକେଦତେ ଅତୀତେ ଆଲକାଏ ବଲଃକା । ୧୬ ପିଡ଼ି ଲୟଙ୍ଗରେ ତାଇନ୍‌ନିଃ, ଇନିଃ ଆୟାଃ ଲିଜାଃ ଇଦିମେନ୍ତେ ଅତୀତେ ଆଲକାଏ ରୁହାଡ଼କା । ୧୭ ମେନ୍ଦ ଏନ୍ ଦିପିଲିରେନ୍ ବାଜି ଆକାନ୍ କୁଡ଼ିକଆଃ ଆତ୍ମ ତଆ ନୁନୁଆକତାନ୍ ଏଙ୍ଗାକଆଃ ନାଗେନ୍ତେ ଚିମିନ୍ ବରଞ୍ଜାନ୍‌ଗି ଦୁକୁ ହବାଅଆଃ । ୧୮ ରାବାଙ୍ଗସାହା ନେଆଁ ଆଲକା ହବାଅଃକା ମେନ୍ତେ ପାର୍‌ମେଶ୍ୱାର୍‌ତାଃରେ ବିକ୍ତିପେ, ୧୯ ଚିୟାଃତି ଏନ୍ ମାହାଁକରାଃ ଦୁକୁଦ ପାର୍‌ମେଶ୍ୱାର୍ ବାଇୟାକାଦରେଆଃ ଏନେଚେଦ୍‌ଏତେ ନାହାଁଃ ଜାକେଦ୍ ଚିତଲାଅ କା ହବାକାନା ଆତ୍ମ ଚିତଲାଅ କା ହବାଅଆଃ । ୨୦ ମେନ୍ଦ ପ୍ରାଭୁ ଏନ୍ ହୁଲାଙ୍ଗକକେ କାଏ କାମ୍‌ତିକାରେଦ ଜେତାଏ କାକ ବାଞ୍ଚାଅଃତେୟାଃ, ମେନ୍ଦ ଆୟାଃ ସାଲାକାନ୍ ହଡ଼କଆଃ ନାଗେନ୍ତେ ଏନ୍ ହୁଲାଙ୍ଗକକେ କାମ୍‌ତିୟାକାଦା ।

୨୧ “ଏନ୍ ଦିପିଲିରେ ଜେତାଏ ଆପେକେ, ‘ନେଲିପେ, ଶ୍ରୀଷ୍ଟ ନେତାଃରିୟା’ ତାଏ ‘ହାନ୍ତାଃରିୟା,’ ମେତାପେରେଦ ଇନିଃକେ ଆଲପେ ବିଶ୍ୱାସୀଆ । ୨୨ ଚିୟାଃତି ହସଡ଼ ଶ୍ରୀଷ୍ଟ ଆତ୍ମ ହସଡ଼ ନାବୀକ ବିରିଦାଃ ଆତ୍ମ ଇନିଃକ ମାପରାଙ୍ଗ ଚିହ୍ନା ଆତ୍ମ ଆକ୍‌ଦାୟା କାମିକ ରିକାଉଦୁବେଆ, ଆତ୍ମ ହବାଦାଡ଼ିୟାଃରେଦ ପାର୍‌ମେଶ୍ୱାର୍‌ଆଃ ସାଲାକାନ୍‌କକେହ୍ ବେଦାକଆକ । ୨୩ ଏନାମେନ୍ତେ ଚିର୍ଗାଲାକାନ୍‌ଦେ, ଆଇଙ୍ଗ ଆପେକେ ନେତା ହିଜୁଃ ସିଦାରେଇଙ୍ଗ ଉଦୁବାଦ୍‌ପେୟା ।

ସ୍ୱାମୀ ଆୟାଃ ହିଜୁଃରୁହାଡ଼ କାଜି ଉଦୁବ୍‌କେଦାଃଏ
(ମାଥୁର ୨୪:୨୯-୩୧; ଲୁକ ୨୧:୨୫-୨୮)

* ୧୩:୨ ୧୩:୨ ଥାଁସଃ ☆ ୧୩:୯ ୧୩:୯ ମାଥୁର ୧୦:୧୭-୨୦; ଲୁକ ୧୨:୧୧,୧୨. ☆ ୧୩:୧୩ ୧୩:୧୩ ମାଥୁର ୧୦:୨୨. ☆ ୧୩:୧୫ ୧୩:୧୫ ଲୁକ ୧୭:୩୧.
☆ ୧୩:୧୯ ୧୩:୧୯ ଉଦୁବ୍‌ କାଜି ୭:୧୪.

୨୪ ✨ ଏନ୍ ଦିପିଲିରେୟାଃ ଦୁକୁ ତାୟମତେ, ସିଙ୍ଗି ନୁବାଗଥା, ଆତଃ ଚାଣ୍ଡୁ ଆୟାଃ ମାର୍ସାଲ୍ କାଏ ଏମେୟା,
 ୨୫ ✨ ଇପିଲକ ସିର୍ମାଏତେକ ଉୟୁଗଥା, ଆତଃ ସିର୍ମାରେୟାଃ ପେଡ଼େୟାନ୍ତେୟାଃକ ଏକ୍ଲାଅଥା । ୨୬ ✨ ଏନ୍ତେ
 ଆଇଙ୍ଗ୍ ମାନୱାହନ୍ ତାନିଙ୍ଗ୍ ହଡକ ପୁରାଃ ପେଡ଼େତେ ଆତଃ ମାନାରାଙ୍ଗଲଃ ରିମିଲ୍ରେ ହିଜୁଃତାନକ ନେଲିଙ୍ଗ୍ୟାଃ
 । ୨୭ ପାରମେଶ୍ୱାର୍ଥାଃ ସାଲ୍ଲାନନ୍ ହଡକକେ ଅତେଦିଶ୍ୱମ୍ବରାଃ ନେ ଚୁଣ୍ଡୁଏତେ ସିର୍ମାରେୟାଃ ହାନ୍ ଚୁଣ୍ଡୁ ଜ୍ଞାକେଦ୍ ହୁଣ୍ଡିକ
 ନାଗେନ୍ତେ ଇନିଃ ଆୟାଃ ଦୁଡକକେ ଅତେଦିଶ୍ୱମ୍ବରାଃ ଚାରିୟସାଃତେ କୁଲ୍କଥାଏ ।

ଲଥା ଦାରୁରାଃ ଜନ୍କା କାଜି
 (ମାଥୂଉ ୨୪:୩୨-୩୫; ଲୁକ ୨୧:୨୯-୩୩)

୨୮ “ନାହାଁଃ ଲଥାଦାରୁରେଥାଃ ଜନ୍କା କାଜିତେ ଇତୁନ୍ଦେ, ଏନାରେୟାଃ କତ ସାଗେନଃତାନ୍ ଆତଃ ସାକାମ୍
 ସୁଡ଼ାଅଃତାନ୍ ଇମତା ଜେଟ୍ସିଙ୍ଗି ନାଡ଼େଃଗିଆ ମେନ୍ତେପେ ସାରିୟା । ୨୯ ଏନ୍ଲେକାଗି, ନେଆଁ ସବେନାଃ ହବାଅଃତାନ୍ଦେ
 ନେଲେ ଇମତା, ଆଇଁୟାଃ ହିଜୁଃନେତା ନାଡ଼େଃରେଗିଆଃ, ହେଗି ଏନା ଦୁଆରତାଃରେୟାଃ ମେନ୍ତେ ସାରିୟେ ।
 ୩୦ ସାର୍ତିଗିଙ୍ଗ୍ କାଜିୟାପେତାନା ନେ ସବେନାଃ ଆଉରି ହବାଅଃ ଜାକେଦ୍ ନେ ଦିପିଲିରେନ୍ ହଡକ କାକ ଚୁଣ୍ଡୁଆ ।
 ୩୧ ସିର୍ମା ଆତଃ ଅତେ ଚୁଣ୍ଡୁତାରଃଥା, ମେନ୍ଦ୍ ଆଇଁୟାଃ କାଜିକ କା ଚୁଣ୍ଡୁଆ ।

ୟାଶୁଆଃ ହିଜୁଃ ଦିପିଲି ଜେତାଏ କାଏ ସାରିଆଃ
 (ମାଥୂଉ ୨୪:୩୬-୪୪)

୩୨ ✨ ଏନ୍ ହୁଲାଙ୍ଗ୍ ଚାଏ ଏନ୍ ଦିପିଲି ଜେତାଏ କାକ ସାରିଆଃ, ସିର୍ମାରେନ୍ ଦୁଡକହ କା, ଆଇଙ୍ଗ୍ ପାରମେଶ୍ୱାର୍ଥାଃ
 ଦୁଲ୍ଲାଡ୍ ହନ୍ ହ କା, ମେନ୍ଦ୍ ଆଇଁୟାଃ ଆପୁ ଏସ୍କାର୍ଗି ସାରିଆଃଏ । ୩୩ ଚିର୍ଗାଲ୍ଲାନନ୍ତାଇନ୍ଦେ, ଏୟନାକାନ୍
 ନେଲ୍ଲହରାଏପେ, ଚିୟାଃଟି ଏନ୍ ନେତା ଚିମ୍ତା ତେବାଗାଃ ଏନା ଆପେଦ କାପେ ସାରିୟା । ୩୪ ✨ ଏନା ସାଜିନ୍
 ଦିଶ୍ୱମ୍ବତେ ସେନଃତାନ୍ ମିଆଁଦ୍ ହଡଲେକା । ଇନିଃ ଆୟାଃ ଅଡ଼ାଃ ବାଗିକେଦ୍ତେ ଆୟାଃ ଦାସିକକେ ଆକ୍ତେୟାର୍
 ଏମାଦକଥାଏ, ଆତଃ ମିଆଁଦ୍ନିଃକେ ଆୟାଃ କାମି ଏମାଦକଥାଏ, ଆତଃ ହରନିଃକେ ଏୟନାକାନ୍ମେ ମେନ୍ତେ ଆରୁକାଦା
 । ୩୫ ଏନାମେନ୍ତେ ଏୟନାକାନ୍ତାଇନ୍ଦେ, ଚିୟାଃଟି ଆପେଦ ଆପେୟାଃ ଅଡ଼ାଃ ଗମ୍ବକେଆଃ ହିଜୁଃ ଦିପିଲି କାପେ
 ସାରିୟା, ଆୟୁବ୍ତାନ୍ରେ, ଚାହେ ଆଲାନିଦାରେ, ଚାହେ ସିମ୍ବକରାଃରେ, ଚାଏ ସେତାଃ ଇଦାନ୍ତେ । ୩୬ ଆଡକାଗି ଇନିଃ
 ତେବାଃକଃରେ ଦୁଡ଼ମ୍ବାକାନ୍ ଆଲକାଏ ନାମପେକା । ୩୭ ଆଇଙ୍ଗ୍ ଆପେକେ କାଜିୟାପେତାନ୍ କାଜି ସବେନ୍କକେଇଙ୍ଗ୍
 କାଜିୟାକତାନା, ଏୟନାକାନ୍ ତାଇନ୍ଦେ ।”

୧୪

ୟାଶୁକେ ଗଜି ନାଗେନ୍ତେ ରଜୋଟ
 (ମାଥୂଉ ୨୭:୧-୫; ଲୁକ ୨୨:୧-୨; ଯୋହାନ୍ ୧୧:୪୫-୫୩)

୧ ପାସ୍କା ପାରାବ୍ ଆତଃ ସାବାଃ ହଲ୍ଲରାଃ ପାରାବ୍ ଏତେ ବାର୍ସିଙ୍ଗ୍ ସିଦା, ମୁଲ୍ ଯାଜାକ୍ ଆତଃ ଆଇନ୍ ଇତୁକ
 ଅକ ସେଣାଁତେ ଯାଶୁକେକ ସାବିଆ ଆତଃକ ଗଜିୟା ମେନ୍ତେ ହରାକ ଦାଣାଁତାନ୍ ତାଇକେନା । ୨ “ପାରାବ୍ ହୁଲାଙ୍ଗ୍ଦ
 କାବୁଆଃ, କା’ରେଦ୍ ହଡକ ହାଲ୍ଲଗୁଲ୍ଲାୟାକ” ମେନ୍ଦ୍କେଦା ।

ବେଥ୍ନିଆରେ ମିଆଁଦ୍ କୁଡି ଯାଶୁଆଃ ବହଃରେ ସୁନ୍ଦୁମ୍ ଗସଗିତାନାଏ
 (ମାଥୂଉ ୨୭:୬-୧୩; ଯୋହାନ୍ ୧୨:୧-୮)

୩ ✨ ଯାଶୁ ବେଥ୍ନିଆ ହାତୁରେ, ଶିମୋନ୍ ନାଗେଘାଥ୍ନିଆଃ ଅଡ଼ାଃରେ ତାଇକେନାଏ । ଜଜମ୍ ନାଙ୍ଗ୍ ଦୁବାକାନ୍
 ଦିପିଲିରେ, ମିଆଁଦ୍ କୁଡି ପୁରାଃ ଫାର୍ଟି ଗନଙ୍ଗ୍ଆଁନ୍ ଜଟାମାଂସି ବୁଗିନ୍ ସହାନ୍ ସୁନ୍ଦୁମ୍ତେ ପେରେଜାକାନ୍ ପୁଣ୍ଡିଦିରିରାଃ
 ଚୁକାଃ ସାବ୍କେଦ୍ତେ ବଲ୍ଲୟାନାଏ । ଇନିଃ ଏନ୍ ଚୁକାଃରାଃ ଠିପି ଅଡ଼େଃକ୍କେଦ୍ତେ ଏନ୍ ସୁନ୍ଦୁମ୍ ଯାଶୁଆଃ ବହଃରେ
 ଦୁଲ୍ଲକେଦାଏ । ୪ ମେନ୍ଦ୍ ଏନ୍ତାଃରେ ତାଇକେନ୍ ଚିମିନ୍ ହଡକ ଏସେଦ୍ୟାନ୍ତେ ମେପେନ୍ୟାନାକ, “ଚିନାଃମେନ୍ତେ
 ନେ ବୁଗିନ୍ ସହାନ୍ ସୁନ୍ଦୁମ୍ ସାମାରେ ଦୁଲ୍ଲ୍ଏଣ୍ଡାଗଃତାନା ? ୫ ନେ ବୁଗିନ୍ ସହାନ୍ ସୁନ୍ଦୁମ୍କେଦ୍ ମିଆଁଦ୍ ହଡରାଃ
 ମିଦ୍ବାରାଷ୍ କାମିକାଦ୍ ନାଲ୍ଲା ସିକାଏତେ ଆଦକା ଗନଙ୍ଗ୍ରେ ଆଖ୍ରିଙ୍ଗ୍ ଦାଡ଼ିକାନ୍ତେୟାଃ ଆତଃ ରେଙ୍ଗେଃ ରାବାଙ୍ଗ୍କକେ
 ଏମାକାନ୍ତେୟାଃ ।” ଆତଃ ଇନ୍କୁ ଏନ୍ କୁଡିକେକ କୁରୁମ୍ ତୁରୁମ୍କିୟାଃ ।

୬ ମେନ୍ଦ୍ ଯାଶୁ ଇନ୍କୁକେ ମେତାଦ୍କଥାଏ, “ଇନିଃକେ ତାଇନ୍ ଚିକାକପେ । ଚିନାଃ, ମେନ୍ତେପେ ଦୁକୁଇଚିତାନା ?
 ଆଇଙ୍ଗ୍ ନାଗେନ୍ତେ ଇନିଃ ବୁଗିନ୍ କାମି ରିକାକାଦାଏ । ୭ ରେଙ୍ଗେଃ ରାବାଙ୍ଗ୍କଦ୍ ଜାନାଅ ଆପେଲଃକ ତାଇନା, ଆତଃ
 ଆପେୟାଃ ସାନାଙ୍ଗ୍ ଲେକା ଜା’ଇମତାଗି ଇନ୍କୁକେ ଦେଙ୍ଗାପେ ଦାଡ଼ିୟାକଥା, ମେନ୍ଦ୍ ଆଇଙ୍ଗ୍ ଆପେଲଃ ସବେନ୍
 ଇମତା କାଇଙ୍ଗ୍ ତାଇନାଃ । ୮ ନିଃ ଚିମିନାଙ୍ଗ୍ ଦାଡ଼ିୟାନାଏ ଇମିନାଙ୍ଗ୍ ରିକାକେଦାଏ, ଆଇଙ୍ଗ୍ ହାସାଗାଡ଼ାଅଃ ମେନ୍ତେ

✨ **୧୩:୨୪** ୧୩:୨୪ ଉନ୍ନୁଦ୍ କାଜି ୬:୧୨. ✨ **୧୩:୨୫** ୧୩:୨୫ ଉନ୍ନୁଦ୍ କାଜି ୬:୧୩. ✨ **୧୩:୨୬** ୧୩:୨୬ ଉନ୍ନୁଦ୍ କାଜି ୧:୭. ✨ **୧୩:୩୨** ୧୩:୩୨
 ମାଥୂଉ ୨୪:୩୬. ✨ **୧୩:୩୫** ୧୩:୩୫ ଲୁକ ୧୨:୩୬-୩୮. ✨ **୧୪:୩** ୧୪:୩ ଲୁକ ୭:୩୭,୩୮.

ସିଦ୍ଧାରେ ଆଇଁୟାଃ ହତ୍ତମରେ ନେ ସୁନ୍ନୁମ୍‌କେ ଦୁଲ୍‌କେଦାଏ । ୯ ସାର୍‌ତିଗିଙ୍ଗ୍ କାଜିୟାପେତାନା, ଅତେଦିଶୁମ୍‌ରେୟାଃ ଜାହାତାଃରେଗି ସୁକୁକାଜି ଉଦୁବଃତାନ୍ ଇମ୍‌ତା ଏନ୍ କୁଡ଼ି କାମିକାଦ୍‌ତେୟାଃ ପାହାମେ ନାଗେନ୍ତେ ଉଦୁବଃଆ ।”

ଇଷ୍ଟାରିୟତ୍ ଯିହୁଦା ଯୀଶୁକେ ସାବ୍‌ରିକାଇ ନାଗେନ୍ତେ ଟାକା ନାମେତାନାଏ
(ମାଥୁର ୨୭:୧୪-୧୬; ଲୁକ ୨୨:୩-୬)

୧୦ ଏନ୍ତେ ଇଷ୍ଟାରିୟତ୍ ଯିହୁଦା, ଗେଲ୍‌ବାର୍ ଚେଲାଇଏତେ ମିଆଁଦ୍‌ନିଃ, ଯୀଶୁକେ ସାବ୍‌ରିକାଇ ମେନ୍ତେ ମୁଲ୍ ଯାଜାକକକେ ସେନନାମ୍ କେଦକଆଏ । ୧୧ ଇନ୍‌କୁଦ୍ ନେଆଁ ଆୟୁମ୍‌କେଦ୍‌ତେକ ରାସ୍‌କାୟାନା, ଆତଃ ଟାକାଲେ ଏମାମେୟା ମେନ୍ତେ ଇନିଃକେକ ବାନାର୍‌ସା ଏମ୍‌କିୟାକ । ଏନାମେନ୍ତେ ଯିହୁଦା ଇନ୍‌କୁଆଃ ତିଃଇରେ ଯୀଶୁକେ ସାବ୍‌ରିକାଇ ନାଗେନ୍ତେ ସୁଯୋଗ୍ ଦାଣ୍ଡିତାନାଏ ତାଇକେନା ।

ପାସକା ପାରାବ୍‌ରେୟାଃ ସାର୍‌ଜାମା ସେକାଡେନ୍
(ମାଥୁର ୨୭:୧୭-୨୮; ଲୁକ ୨୨:୭-୧୪, ୨୧-୨୩; ଯୋହାନ୍ ୧୩:୨୧-୩୦)

୧୨ ସାବାଃ ହଲଙ୍ଗ୍ ପାରାବ୍‌ରେୟାଃ ସିଦା ହୁଲାଇରେ, ପାସକା ପାରାବ୍‌ରେ ମିଶ୍ଟିହନ୍ ଦାଣ୍ଡିଆଃ ତାଇକେନ୍ ହୁଲାଇ ଚେଲାଇ ଯୀଶୁକେକ କାଜିକିୟା, “ଆଲେ ଅକ୍‌ତାଃଲେ ସେନା ଆତଃ ଆମାଃ ନାଗେନ୍ତେ ପାସକା ପାରାବ୍‌ରେ ଜମେଆଃଲେ ବାଇୟା ମେନ୍ତେ ସାନାଙ୍ଗ୍‌ତାନାମ୍ ?”

୧୩ ଏନ୍ତେ ଯୀଶୁ ବାର୍‌ହତ୍ ଚେଲାଇନ୍‌କେ କୁଲ୍‌ତାନଲଃ ମେତାଦ୍‌କିନାଏ, “ନାଗାର୍‌ତେ ସେନଃବେନ୍ ଆତଃ, ମିଆଁଦ୍ ହତ୍ ଦାଆଃତାରୁ ତେଙ୍ଗ୍‌କେଦ୍‌ତେ ଦାରମ୍‌ବେନାଏ, ଇନିଃକେ ଅତଙ୍ଗ୍‌ଇଁବେନ୍ । ୧୪ ଆତଃ ଇନିଃ ବଲଃ ଅତାଃରେନ୍ ଗମ୍‌କେ କେ ମେତାଇବେନ୍, ଇତୁନିଃ କୁଲିତାନାଏ, ଆଇଁୟାଃ ଚେଲାଇଲଃ ପାସକା ପାରାବ୍‌ରେ ଜମେ ନାଗେନ୍ତେ ବାଖ୍‌ରା ଅକ୍‌ତାଃରେୟା ? ୧୫ ଏନ୍ତେ ଇନିଃ ଚେତାନ୍ ଅତାଃରେ ମିଆଁଦ୍ ବାଇସେକାଡାକାନ୍ ମାରାଙ୍ଗ୍ ବାଖ୍‌ରା ଉଦୁବାବେନାଏ, ଏନାରେଗି ଆରୁ ନାଗେନ୍ତେ ଜମେନାଙ୍ଗ୍ ବାଇୟେବେନ୍ ।”

୧୬ ଚେଲାଇନ୍ ନାଗାର୍‌ତେକିନ୍ ସେନଃୟାନା, ଆତଃ ଯୀଶୁ କାଜିୟାଦ୍‌କିନ୍ ଲେକାଗି ସବେନାଃକିନ୍ ନାମ୍‌କେଦାଃ ଆତଃ ପାସକା ପାରାବ୍‌ରେୟାଃ ଜମେୟାଃକିନ୍ ବାଇକେଦାଃ ।

୧୭ ଆୟୁବ୍‌ୟାନ୍‌ତି ଯୀଶୁ ଗେଲ୍‌ବାର୍ ଚେଲାଇଲଃ ତେବଃୟାନାଏ । ୧୮ ଇନ୍‌କୁ ଜମ୍ ଦୁବାକାନ୍ ଦିପିଲିରେ, ଯୀଶୁ ମେତାଦ୍‌କଆଏ, “ସାର୍‌ତିଗିଙ୍ଗ୍ କାଜିୟାପେତାନା, ଆପେକଏତେ ମିଆଁଦ୍‌ନିଃ ଆଇଙ୍ଗ୍‌ଲଃ ଜମ୍‌ତାନ୍‌ନିଃଗି ବାଇରିକଆଃ ତିଃଇରେ ସାବ୍‌ରିକାଇଙ୍ଗ୍‌ୟାଏ ।”

୧୯ ଚେଲାଇଦ୍ ହୁଡିଙ୍ଗ୍‌ଜାଉୟାନାକ, ଆତଃ ମିହୁଡ୍ ମିହୁଡ୍‌ତେ କାଜିକିୟାକ, “ଇନିଃ ଆଇଙ୍ଗ୍ ତାନିଙ୍ଗ୍‌ତି ?”

୨୦ ଯୀଶୁ ମେତାଦ୍‌କଆଏ, “ବାରାଝାନ୍ କଏତେ ମିଆଁଦ୍‌ନିଃ, ଆଇଁୟାଃଲଃ ମିଆଁଦ୍ କାଟୋରାରେ ଆୟାଃ ତିଃଇ ସୁଉଃକାଦ୍‌ନିଃଗି ସାବ୍‌ରିକାଙ୍ଗ୍‌ଆଏ । ୨୧ ପାବିତାର୍ ଅନଲ୍‌କରେ ଅଲାଇକାନ୍ ଲେକା, ଆଇଙ୍ଗ୍ ମାନଝାହନ୍ ତାନିଙ୍ଗ୍, ଆଇଙ୍ଗ୍‌କେ ଗଜଃଲାଇଗାତିୟାଃ । ମେନ୍‌ଦ୍ ଆଇଙ୍ଗ୍ ମାନଝାହନ୍ ତାନିଙ୍ଗ୍, ଆଇଙ୍ଗ୍‌କେ ବାଇରିକଆଃ ତିଃଇରେ ସାବ୍‌ରିକାନିଃ ହାୟ୍ ହାୟ୍ ଚିମିନ୍ ଦୁକୁନାମେୟାଏ । ଏନ୍ ହତ୍ କାଏ ଜାନାମ୍‌କାନ୍‌ରେଦ୍ ଇନିଃ ନାଗେନ୍ତେ ବୁଗିନ୍ ହବାକାନ୍‌ତେୟାଃ ।”

ପ୍ରାତୁ ଭୋଜ
(ମାଥୁର ୨୭:୨୭-୩୦; ଲୁକ ୨୨:୧୪-୨୦; ୧ କରିନ୍ଥିୟ ୧୧:୨୩-୨୫)

୨୨ ଇନ୍‌କୁ ଜମ୍‌ତାନ୍ ଦିପିଲିରେ, ଯୀଶୁ ମିଆଁଦ୍ ହଲଙ୍ଗ୍‌କେ ସାବ୍‌କେଦ୍‌ତେ ଧାନ୍ୟାବାଦ୍ ଏମ୍‌କେଦାଏ ଆତଃ କେତାଃକେଦ୍‌ତେ ଚେଲାଇକେ ଏମ୍‌କେଦ୍‌ତେ ମେତାଦ୍‌କଆଏ, “ନେ ମାର୍ ତେଲାଇଏପେ, ନେଆଁ ଆଇଁୟାଃ ହତ୍‌ତ୍ ତାନାଃ ।”

୨୩ ଏନ୍ତେ ଇନିଃ କାଟୋରା ଇଦିକେଦ୍‌ତେ ବିକ୍ରିକେଦାଏ ଆତଃ ଏମାଦ୍‌କଆଏ, ଆତଃ ଇନ୍‌କୁ ଏନାଏତେକ ନୁଁକେଦାଃ । ୨୪ ଆତଃ ଯୀଶୁ ମେତାଦ୍‌କଆଏ, “ନେଆଁ ଆଇଁୟାଃ ମାୟୋମ୍ ତାନାଃ, ମାନଝାଃ ପାପ୍ ଛାମା ନାଗେନ୍ତେ ଆଇଙ୍ଗ୍ ଆଇଁୟାଃ ଅକ ମାୟୋମ୍‌କେ ଲିଙ୍ଗି ନାଗେନ୍ତେ ସେନ୍‌ତାନାଇଙ୍ଗ୍, ଏନା ପାର୍‌ମେଶ୍‌ବାର୍‌ଆଃ ରାଜିନାମାକେ ମୋହ୍‌ରକାଦା ।” ୨୫ ଆଇଙ୍ଗ୍ ସାର୍‌ତିଗିଙ୍ଗ୍ କାଜିୟାପେତାନା, “ପାର୍‌ମେଶ୍‌ବାର୍‌ଆଃ ରାଇଜ୍‌ରେ ନାଝା ଦାଖ୍‌ରାସି ଆଉରିଙ୍ଗ୍ ନୁଁଇ ଜାକେଦ୍, ଦାଖ୍‌ଜ୍‌ରାଃ ରାସି ଆତଃ ଚିତ୍‌ଲାଅ କାଇଙ୍ଗ୍ ନୁଁଇଆ ।”

୨୬ ଏନ୍ତେ ଇନ୍‌କୁ ମାଲାନାନ୍ ଦୁରାଙ୍ଗ୍ ଦୁରାଙ୍ଗ୍‌କେଦ୍‌ତେ ଜାଇତୁନ୍ ବୁରୁତେକ ସେନଃୟାନା ।

ଆଇଙ୍ଗ୍‌କେ କାଇଙ୍ଗ୍ ସାରିଆଃମେନ୍ତେ ପାଡ୍‌ରାସକେ ଯୀଶୁ ସିଦାରେ କାଜିୟାଇତାନା
(ମାଥୁର ୨୭:୩୧-୩୫; ଲୁକ ୨୨:୩୧-୩୫; ଯୋହାନ୍ ୧୩:୩୬-୩୮)

୨୭ ଯୀଶୁ ଇନ୍‌କୁକେ ମେତାଦ୍‌କଆଏ, “ଆପେ ସବେନ୍‌କ ନେ ନିଦାରେ ଆଇଙ୍ଗ୍‌କେ ବାଗିକେଦ୍‌ତେ ନିର୍କଆଃପେ, ନେଆଁଦ୍ ଧାରାମ୍‌ପୁଅରେ ଅଲାଇକାନା, ‘ପାର୍‌ମେଶ୍‌ବାର୍ ଗୁପିନିଃକେ ଦାଲିୟାଏ ଆତଃ ଗୋର୍‌ରେନ୍ ମିଶ୍ଟିକ ଛିତିବିତିୟଃଆ ।’ ୨୮ *ମେନ୍‌ଦ୍ ଆଇଙ୍ଗ୍ ଜାଉବିରିଦ୍‌କେଦ୍‌ତେ ଗାଲିଲ୍‌ତେ ଆପେଏତେ ଆୟାର୍‌ରେଇଙ୍ଗ୍ ସେନା ।”

☆ ୧୪:୨୮ ୧୪:୨୮ ମାଥୁର ୨୮:୧୭.

୨୯ ପାତ୍ରରାସ୍ କାଜିରୁହାଡ଼କିୟାଏ “ଏଗାଃକ ବାଗିତାମ୍ରେହ୍, ଆଇଙ୍ଗ୍ କାଇଙ୍ଗ୍ ବାଗିମେଆ ।”

୩୦ ଯୀଶୁଦ ପାତ୍ରରାସ୍କେ ମେତାଇୟାଏ, “ସାର୍ତ୍ତିଗିଙ୍ଗ୍ କାଜିୟାମ୍ତାନା, ତିସିଙ୍ଗ୍, ନେ ନିଦାରେ ସାଣ୍ଡିସିମ୍ ବାଋସା ରାଆଃଏ ସିଦାରେ ଆଇଙ୍ଗ୍କେ କାଇଙ୍ଗ୍ ସାରିୟା ମେନ୍ତେ ଆପିସାମ୍ କାଜିୟା ।”

୩୧ ପାତ୍ରରାସ୍ ଆତଃଗି ପୁରାଃତେ କାଜିକିୟାଏ, “ଆମ୍ଲଃ ଗଜଃ ଲାଗାତିଙ୍ଗ୍ରେଅ ଆଇଙ୍ଗ୍ ଆମ୍ଲକେ କାଇଙ୍ଗ୍ ସାରିଆଃ ମେନ୍ତେ କାଇଙ୍ଗ୍ଗି କାଜିୟା ।” ଆତଃ ଏନ୍ଲେକା ସବେନ୍ ଏଗାଃ ଚେଲାଇହଗି କାଜିକେଦାଃକ ।

ଗେଅସିମାନି ବାଖଡ଼ିରେ ଯୀଶୁ ବିକ୍ରିତାନାଏ
(ମାଥୁଉ ୨୬:୩୬-୪୬; ଲୁକ ୨୨:୩୯-୪୬)

୩୨ ଗେଅସିମାନି ନୁତୁମ୍ ଠାୟାଦ୍ତେକ ତେବାଃକେଦ୍ତି, ଯୀଶୁ ଆୟାଃ ଚେଲାଇକେ ମେତାଦ୍‌କଆଏ, “ଆଇଙ୍ଗ୍ ବିକ୍ତି ଜାକେଦ୍ ନେତାଃରେ ଦୁବାକାନ୍‌ଦେ ।” ୩୩ ଇନିଃ ପାତ୍ରରାସ୍, ଯାକୁଦ୍, ଆତଃ ଯୋହାନ୍‌କେ ଆୟାଃଲଃ ଇଦିକେଦ୍‌କଆଏ । ଆତଃ ଇନିଃ ପୁରାଃଗି ଦୁକୁତେ ଆକୁଲ୍‌ବାକୁଲ୍‌ୟାନା । ୩୪ ଆତଃ ଇନିଃ ଇନ୍‌କୁକେ କାଜିୟାଦ୍‌କଆଏ, “ଜୀଉତାଇୟାଃ ଗଜଃଲେକା ଦୁକୁଃତାନା, ନେତାଃରେଗି ତାଇନ୍‌କାନ୍‌ଦେ ଆତଃ ଆଇଁୟାଃଲଃ ଏୟନାକାନ୍ ତାଇନ୍‌ଦେ ।”

୩୫ ଯୀଶୁ କାଗିଃ ସାଙ୍ଗିନ୍ ସେନ୍‌କେଦ୍‌ତେ ଅତେରେ ଇକ୍‌ଡ଼ୁୟାନ୍‌ଲଃ ଅମ୍ବାଃୟାନାଏ ଆତଃ ବିକ୍ତିକେଦାଏ, “ହବାଦାଡ଼ିୟଃରେଦ୍ ନେ ଦୁକୁ ଦିପିଲି ଆଇଙ୍ଗ୍‌ତାଃଏତେ ପାରମଃକା ।” ୩୬ ଇନିଃ ବିକ୍ତିରେ ମେନ୍‌କେଦା, “ହେ ଆବା, ହେ ଆପୁ, ଆମାଃତେ ସବେନାଃ ହବାଦାଡ଼ିଅଃଆ । ନେ ଦୁକୁ କାଗୋରାକେ ଆଇଙ୍ଗ୍‌ଏତେ ଆତମ୍‌ତାମ୍; ଇମିନ୍‌ରେଅ ଆଇଁୟାଃ ସାନାଙ୍ଗ୍‌ଲେକାଦ୍ କାହାଗି, ମେନ୍‌ଦ୍ ଆମାଃ ସାନାଙ୍ଗ୍ ଲେକାଗି ହବାଅଃକା ।”

୩୭ ଏନ୍ତେ ଇନିଃ ଆୟାଃ ଚେଲାଇକତାଃ ରୁହାଡ଼ିୟାନ୍‌ତି ଇନ୍‌କୁକେ ଦୁଡ଼ୁକାକାନ୍ ନାମ୍‌କେଦ୍‌କଆଏ । ଇନିଃ ପାତ୍ରରାସ୍‌କେ କାଜିକିୟାଏ, “ଏ ଶିମୋନ୍, ଦୁଡ଼ୁ ତାନାମ୍ ତି ? ମିଦ୍ ଘାଣ୍ଟାଅତି ଏୟନାକାନ୍ କାମ୍‌ତାଇନ୍ ଦାଡ଼ିୟାନା ?” ୩୮ ଆତଃ ଇନିଃ କାଜିକେଦ୍‌କଆଏ, “ବିଡ଼ାଅରେ ଆଲ୍‌ଦେ ଉୟୁଗଃକା ମେନ୍ତେ ଏୟନାକାନ୍ ତାଇନ୍‌ଦେ ଆତଃ ବିକ୍ତିଦେ । ଆମ୍ବାଦ୍ ସାନାଙ୍ଗ୍‌ତାନାଏ, ମେନ୍‌ଦ୍ ହଡ଼୍ ନାରାଦୁରାଗିଆଃ ।”

୩୯ ଇନିଃ ଆତଃଗି ସେନଃୟାନାଏ, ଆତଃ ସିଦାଲେକାଗି ବିକ୍ତିକେଦାଏ । ୪୦ ଏନ୍ତେ ଇନିଃ ହିଜୁଃରୁହାଡ଼ିଲେନାଏ ଆତଃ ଚେଲାଇକେ ଆତଃମିସା ଦୁଡ଼ୁକାକାନାଏ ନାମ୍‌କେଦ୍‌କଆ, ତିୟାଃତି ଇନ୍‌କୁ ଦୁଡ଼ୁକ୍ତେ ମେଦ୍‌ତାକଆଃ ଆରିଦ୍ କାକ ଦାଡ଼ିତାନ୍‌ତାଇକେନା । ଇନିଃକେ ତିନାଃରୁ କାଜିରୁହାଡ଼ିକିୟା ମେନ୍ତେ ଇନ୍‌କୁ କାକ ସାରିକେଦା ।

୪୧ ଆତଃ ଇନିଃ ଆପିସା ରୁହାଡ଼ିୟାନ୍‌ତି, ଇନ୍‌କୁକେ କାଜିୟାଦ୍‌କଆଏ, “ନାହାଃ ଜାକେଦ୍‌ତିଦେ ଦୁଡ଼ୁକ୍ତାନା ଆତଃ ରୁଡ଼ୁନ୍‌ତାନା ? ଇମ୍‌ନାଙ୍ଗ୍‌ଗି ! ନେତା ତେବାଃୟାନା, ନେଲେଦେ, ଆଇଙ୍ଗ୍ ମାନଃହନ୍ ପାପିକଆଃ ତିଃଇରେ ସାବ୍‌ରିକାଅଃତାନାଇଙ୍ଗ୍ । ୪୨ ବିରିଦ୍‌ଦେ, ଦଲାବୁ ସେନଆଃ ! ନେଲିଦେ, ଆଇଙ୍ଗ୍‌କେ ସାବ୍‌ରିକାଇଙ୍ଗ୍‌ନିଃ ସେଟେରାକାନାଏ ।”

ୟୀଶୁକେକ ସାବିତାନା
(ମାଥୁଉ ୨୬:୪୭-୫୬; ଲୁକ ୨୨:୪୭-୫୩; ଯୋହାନ୍ ୧୮:୩-୧୨)

୪୩ ଯୀଶୁ ଜାଗାର୍‌ତାନ୍ ତାଇକେନ୍ ଇମ୍‌ତାଗି ଯିହୁଦା, ବାରାଝାନ୍‌କଏତେ ମିଆଁଦ୍‌ନିଃ ତେବାଃୟାନାଏ । ଇନିଃଲଃ ମୁଲ୍ ଯାଜାକ୍‌କ, ଆଇନ୍ ଇଡୁକ ଆତଃ ପ୍ରାଚିନ୍‌କ ସାଃଏତେ କୁଲାକାନ୍ ଗାଦେଲ୍ ହଡ଼କ ତାରାଉଡ଼ିକ ଆତଃ ଉଙ୍ଗାଟ୍‌କ ସାବ୍‌କେଦ୍‌ତେ ହିଜୁଃୟାନାକ । ୪୪ ଯୀଶୁକେ ସାବ୍‌ରିକାନିଃ ଏନ୍ ଗାଦେଲ୍ ହଡ଼କକେ ମିଆଁଦ୍ ଚିହ୍ନାଁ ଏମାକାଦ୍‌କ ତାଇକେନାଏ, “ଆଇଙ୍ଗ୍ ଅକ୍‌ନିଃକେ ଚଅଃ'ଇଙ୍ଗ୍, ଇନିଃଗି ଯୀଶୁ ତାନିଃ । ଇନିଃକେ ସାବିଦେ ଆତଃ ଚିର୍ଗାଲ୍‌ତେ ଇଦିଦେ” ମେନ୍ତେ ସିଦାରେ କାଜିକାଦ୍‌କ ତାଇକେନାଏ ।

୪୫ ଯିହୁଦା ତେବାଃୟାନ୍‌ତି, “ହେ ଗୁରୁ” ମେତାଇତାନ୍‌ଲଃ ଇନିଃକେ ଚଅଃ'କିୟାଏ । ୪୬ ଆତଃ ଇନ୍‌କୁ ଯୀଶୁକେ ସାବ୍‌କେଦ୍‌ତେ ତଲ୍‌କିୟାଃକ । ୪୭ ଜାପାଃରେ ତିଙ୍ଗୁଆକାନ୍‌ଏତେ ମିଆଁଦ୍‌ନିଃ ତାରାଉଡ଼ି ଅତଙ୍ଗ୍‌କେଦାଏ ଆତଃ ମାରାଙ୍ଗ୍ ଯାଜାକ୍‌ରାଃ ଦାସିକେ ମାଆଃକିୟାଏ ଆତଃ ଇନିୟାଃ ମିଆଁଦ୍ ଲୁଡୁର୍ ହାଦ୍‌ତାଦାଏ । ୪୮ ଏନ୍ତେ ଯୀଶୁ ପୁରାଃ ହଡ଼କକେ କାଜିୟାଦ୍‌କଆଏ, “ତିୟାଃ, ମିଆଁଦ୍ କୁମୁଡ଼ୁଲେକା ସାବିଙ୍ଗ୍ ନାଗେନ୍ତେ ତାରାଉଡ଼ିକ ଆତଃ ଉଙ୍ଗାଟ୍‌କ ସାବ୍‌କେଦ୍‌ତେ ହିଜୁଃକାନାଦେ ? ୪୯ ସବେନ୍ ହୁଲାଙ୍ଗ୍ ଆଇଙ୍ଗ୍ ମାନ୍‌ଦିର୍ ଅଡ଼ାଃରେ ଇଡୁତାନ୍‌ଲଃ ଆପେଲଃ ତାଇକେନାଇଙ୍ଗ୍ ଆତଃ ଆପେ କାପେ ସାବ୍‌କେଦିୟାଃ । ମେନ୍‌ଦ୍ ଧାରାମ୍‌ପୁଅରେ ଅଲାଇକାନ୍‌ତେୟାଃ ପୁରାଅଃକା ମେନ୍ତେ ନେ ସବେନାଃ ହବାଅଃତାନା ।”

୫୦ ଏନ୍ତେଦ୍ ଆୟାଃ ସବେନ୍ ଚେଲାଇ ଇନିଃକେ ନିର୍‌ବାଗିକିୟାଃକ ।

୫୧ ମିଆଁଦ୍ ଧାଙ୍ଗ୍‌ଡ଼ା ଇନିଃକେ ଅତଙ୍ଗ୍‌କିୟା, ଇନିଃ ସାମା ହଡ଼୍‌ମରେ ନିରାଲ୍ ଲିଜାଃ* ଉୟୁକାନ୍ ତାଇକେନାଏ, ଚିମ୍‌ତା ସିପାଇକ ଧାଙ୍ଗ୍‌ଡ଼ାକେ ସାବ୍ ନାଗେନ୍ତେକ ହିଜୁଃୟାନା, ୫୨ ଇନିଃ ଆୟାଃ ନିରାଲ୍ ଲିଜାଃ ବାଗିକେଦ୍‌ତେ, ଇନିଃ ସାମାହଡ଼୍‌ମ ନିର୍‌ୟାନାଏ ।

* ୧୪:୪୯ ୧୪:୪୯ ଲୁକ ୧୯:୪୭; ୨୧:୩୭. * ୧୪:୫୧ ୧୪:୫୧ ପୁଣ୍ଡିଲିଜାଃ, ପାତ୍ରଲାଗାଦାବ୍

ୟୀଶୁ ମାରାଙ୍ଗ ଯାଜାକକଥାଃ ପାଞ୍ଚେଟ୍ରେ
(ମାଥୁଓ ୨୭:୫୭-୬୮; ଲୁକ ୨୨:୫୪-୫୫, ୬୩-୬୧; ଯୋହାନ୍ ୧୮:୧୩-୧୪, ୧୯-୨୪)

୫୩ ଏନ୍ତେ ଇନ୍କୁ ଯୀଶୁକେ ମାରାଙ୍ଗ ଯାଜାକକତାଃ ଇଦିକିୟାଃକ । ଏନ୍ତାଃରେ ମୁଲ୍ ଯାଜାକକ, ପ୍ରାଚିନ୍ଦ ଆତଃ ଆଇନ୍ ଇତୁକ ହୁଣ୍ଡିୟାନା । ୫୪ ପାଡ଼ରାସ୍ ସାଙ୍ଗିନ୍ଏତେ ମାରାଙ୍ଗ ଯାଜାକଥାଃ ଅଡ଼ାଃରାଚା ଜାକେଦ୍ ଅତଙ୍ଗ ଇଦିକିୟାଏ । ଏନ୍ତାଃରେ ଇନିଃ ହରହଡ଼କଲଃ ଦୁବ୍‌କେଦ୍‌ତେ ସେଙ୍ଗେଲ୍ ଜୁରୁବ୍‌ତାନ୍ ତାଇକେନାଏ । ୫୫ ମୁଲ୍ ଯାଜାକକ ଆତଃ ପାଞ୍ଚେଟ୍ରେରେନ୍ ସବେନ୍ଦକ ଯୀଶୁକେ ଗଜି ନାଗେନ୍ତେ ଗାଞ୍ଜାକ ଦାଣ୍ଡାବାଡ଼ା ତାଇକେନା, ମେନ୍ଦ ଏନା କାକ ନାମ୍ ଦାଡ଼ିକେଦା । ୫୬ ପୁରାଃ ହଡ଼କ ଇନିୟାଃ ବିରୁଧ୍‌ରେ ହସଡ଼ ଗାଞ୍ଜାକ ଏମ୍‌କେଦାଃ, ମେନ୍ଦ ଇନ୍‌କୁଆଃ ଗାଞ୍ଜାକ ମିଦ୍‌ଲେକା କା ତାଇକେନା ।

୫୭ ଏନ୍ତେ ଚିମିନ୍ ହଡ଼କ ତିଙ୍ଗୁୟାନାକ, ଆତଃ ଯୀଶୁଆଃ ବିରୁଧ୍‌ରେ ନେ ହସଡ଼ ଗାଞ୍ଜାକ ଏମ୍‌କେଦାଃ : ୫୮ ☆“ହଡ଼କଥାଃ ତିଃଇତେ ବାଇୟାକାନ୍, ନେ ମାନ୍ଦିରକେ ହାଦୁଡ଼େଆଇଙ୍ଗ, ଆତଃ ଆପିମାରେ, ହଡ଼କଥାଃ ତିଃଇତେ କା ବାଇୟାକାନ୍ ମାନ୍ଦିରକେ ତିଙ୍ଗୁୟାଈଙ୍ଗ ମେନ୍ତେ ନିଃକେ କାଜିତାନ୍‌ଲେ ଆୟୁମ୍‌କିୟା ।” ୫୯ ମେନ୍ଦ ଇନ୍‌କୁଆଃ ନେ କାଜିକରାଃ ଗାଞ୍ଜାକ କା ମିଦ୍‌ୟାନା ।

୬୦ ଏନ୍ତେ ମାରାଙ୍ଗ ଯାଜାକ, ସବେନ୍ଦକଥାଃ ସାମ୍‌ନାଙ୍ଗ୍‌ରେ ତିଙ୍ଗୁକେଦ୍‌ତେ ଯୀଶୁକେ କୁଲିକିୟାଏ, “ନେ ହଡ଼କ ଆମାଃ ବିରୁଧ୍‌ରେ ଗାଞ୍ଜାକ ଏମ୍‌କେଦାଃ, ଚିୟାଃ ଆମ୍ ଜେଡ଼ନାଃ କାମ୍‌କାଜି ରୁହାଡ଼େତାନା ?”

୬୧ ମେନ୍ଦ ଯୀଶୁ ହାପାକାନ୍ ତାଇକେନାଏ ଆତଃ ଜେଡ଼ନାଃ କାଏ କାଜିରୁହାଡ଼କେଦା । ଆତଃଗି ମାରାଙ୍ଗ ଯାଜାକ ଇନିଃକେ କୁଲିକିୟାଏ, “ଆମ୍‌ଗି ଚି ଖ୍ରୀଷ୍ଟ, ପାର୍‌ମେଶ୍ୱାରରାଃ ହନ୍ ତାନ୍‌ମେ, ଅକଏୟାଃଚି ସବେନ୍ ମାଇନାନ୍ ତାନାଃ ?”

୬୨ ଯୀଶୁ ମେତାଇୟାଏ, “ଆଇଙ୍ଗ୍‌ଗି ତାନିଙ୍ଗ । ଆଇଙ୍ଗ୍ ମାନଞ୍ଜାହନ୍ ସବେନ୍ ପେଡ଼େୟାନ୍‌ନିୟାଃ ଜମ୍‌ତିସାଃରେ ଦୁବାକାନ୍ ଆତଃ ସିମ୍‌ରାଃ ରିମିଲ୍‌ରେ ଆଡ଼ଗୁନ୍‌ତାନ୍‌ପେ ନେଲିଙ୍ଗ୍‌ୟା ।”

୬୩ ଏନ୍ତେ ମାରାଙ୍ଗ ଯାଜାକ, ଆୟାଃ ଲିଜାଃ ଚାଗାଡ଼କେଦାଏ । “ଆବୁକେ ଆତଃ ଚିକାନ୍ ଗାଞ୍ଜା ଲାଗାତିୟାଃ ?” ମେନ୍ତେ ଇନିଃ କୁଲିକେଦକଥାଏ । ୬୪ “ଆପେଦ ପାର୍‌ମେଶ୍ୱାର୍‌ଆଃ ନିନ୍‌କାଜିପେ ଆୟୁମ୍‌କେଦା । ତିନାଃପେ ବିଚାରେତାନା ?”

ସବେନ୍ଦକ ଇନିୟାଃ ବିରୁଧ୍‌ରେ କାଜିକେଦାଃକ ଚି ଇନିଃକେ ଗନଏଃ ସାଜାଇ ଏମାଃ ଲାଗାତିଙ୍ଗ୍‌ୟାଃ ।

୬୫ ଏନ୍ତେ ଚିମିୟାଙ୍ଗକ ଯୀଶୁକେ ବେଏକ୍‌କିୟାଃକ, ଆତଃ ଇନିୟାଃ ମେଦ୍ ହାବୁବ୍‌କେଦ୍‌ତେ ଦାଲିତାନ୍‌ଲଃ କାଜିକିୟାଃକ, “ଆମ୍ ପରେ ନାବୀ ତାନ୍‌ମେ, ମାର୍ କାଜିଲେମେ, ଅକଏ ଦାଲ୍‌ମେତାନାଏ ।” ଆତଃ ହରହଡ଼କ ଇନିଃକେ ସାବ୍‌କେଦ୍‌ତେ ଆପ୍‌ଡ଼ିକିୟାଃକ ।

ପାଡ଼ରାସ୍ ଯୀଶୁକେ କାଇଙ୍ଗ୍ ସାରିଆଃ ମେନ୍ତେ କାଜିତାନାଏ
(ମାଥୁଓ ୨୭:୨୯-୩୫; ଲୁକ ୨୨:୫୬-୬୨; ଯୋହାନ୍ ୧୮:୧୫-୧୮, ୨୫-୨୭)

୬୬ ଚିମ୍‌ତା ପାଡ଼ରାସ୍ ଲାଡ଼ାର୍ ଅଡ଼ାଃରାଚାରେ ତାଇକେନ୍‌ରେ, ମାରାଙ୍ଗ ଯାଜାକରାଃ ମିଆଁଦ୍ କାମ୍‌ଡ଼ିକୁଡ଼ିଂ ହିଜୁଃୟାନାଏ । ୬୭ ଆତଃ ପାଡ଼ରାସ୍‌କେ ଜୁରୁବ୍‌ତାନ୍ ନେଲ୍‌କିୟାଏ, ଇନିଃକେ ଆରିଦ୍‌ବାଇକେଦ୍‌ତେ ମେତାଇୟାଏ, “ଆମ୍‌ଅଗି ନାଜ୍‌ରେଡ଼ରେନ୍, ଯୀଶୁଲଃ ତାଇକେନାମ୍ ।”

୬୮ ମେନ୍ଦ ଇନିଃ କାହାଗି ମେନ୍‌କେଦ୍‌ତେ, କାଜିରୁହାଡ଼କେଦାଏ, “ଆଇଙ୍ଗ୍ ଇନିଃକେ କାଇଙ୍ଗ୍ ସାରିୟା । ଆମ୍ ଚିନାଃମ୍ କାଜିତାନା ଆଇଙ୍ଗ୍ କାଇଙ୍ଗ୍ ମୁଣ୍ଡିଅଃତାନାଃ ।” ଏନ୍ତେ ଇନିଃ ବଲଃଦୁଆର୍‌ତେ ସେନଃୟାନାଏ, ଇମ୍‌ତାଗି ସାଣ୍ଡିସିମ୍ ରାଆଃକେଦାଏ# ।

୬୯ ଆତଃମିସା କାମ୍‌ଡ଼ିକୁଡ଼ି ଇନିଃକେ ନେଲ୍‌କିଃତେ, ଜାପାଃକରେ ତିଙ୍ଗୁଆକାନ୍ ହଡ଼କକେ ମେତାଦ୍‌କଥାଏ, “ନିଃଇହ ଇନ୍‌କୁଏତେ ମିଆଁଦ୍‌ନିଃ ତାନିଃ ।” ୭୦ ମେନ୍ଦ ପାଡ଼ରାସ୍ ଆତଃଗି “କାହାଗି” ମେନ୍‌କେଦାଏ ।

ଘାଡ଼ିକାଦ୍ ତାୟମ୍‌ତେ ଏନ୍ତାଃରେ ତିଙ୍ଗୁଆକାନ୍‌କ ପାଡ଼ରାସ୍‌କେକ କାଜିକିୟା, “ସାର୍‌ତିଗି, ଆମ୍ ଇନ୍‌କୁଏତେ ମିଆଁଦ୍‌ନିଃ ତାନ୍‌ମେ, ଚିୟାଃଚି ଆମ୍‌ଅଗି ଗାଲିଲ୍‌ରେନ୍ ତାନ୍‌ମେ ।”

୭୧ ଏନ୍ତେ ପାଡ଼ରାସ୍ କିରିୟା ଜମ୍‌କେଦ୍‌ତେ କାଜିକେଦାଏ, “ଆପେ କାଜିତାନ୍ ନେ ହଡ଼କେ ଆଇଙ୍ଗ୍ କାଇଙ୍ଗ୍ ସାରିଆଃ ।”

୭୨ ଏନ୍ତେ ଇମ୍‌ତାଙ୍ଗିଗି ସାଣ୍ଡିସିମ୍ ବାବ୍‌ସାଏ ରାଆଃକେଦାଃ, ଆତଃ “ସାଣ୍ଡିସିମ୍ ବାବ୍‌ସା ଆଉରି ରାଆଃ ସିଦାରେ ଆପିସା ଆଇଙ୍ଗ୍‌କେ କାଇଙ୍ଗ୍ ସାରିଆ ମେନ୍ତେ କାଜିୟାମ୍,” ଏନା ଯୀଶୁ କାଜିଲେଦ୍‌କାଜି ପାଡ଼ରାସ୍ ପାହାମ୍‌କେଦାଏ । ଆତଃ ଇନିଃ କୁସୁଦ୍ କୁସୁଦ୍‌ତାନ୍ ରାଆଃକେଦାଏ ।

୧୫

ପିଲାତୁସରାଃ ସାମ୍‌ନାଙ୍ଗ୍‌ରେ ଯୀଶୁ
(ମାଥୁଓ ୨୭:୧-୨, ୧୧-୧୪; ଲୁକ ୨୩:୧-୫; ଯୋହାନ୍ ୧୮:୨୮-୩୮)

☆ ୧୪:୫୮ ୧୪:୫୮ ଯୋହାନ୍ ୨:୧୯. † ୧୪:୬୬ ୧୪:୬୬ ଦାସିକୁଡ଼ି ‡ ୧୪:୬୮ 14:68 ଚିମିନ୍ ମାରି ଅନଲ୍‌କରେ, ଇମ୍‌ତାଗି ସାଣ୍ଡିସିମ୍ ରାଆଃକେଦାଏ, ମେନ୍ତେୟାଃ ବାନଃଆ

୧ ଆଇଫ୍‌ୟାନ୍‌ଲିଠି ମୁଲ୍ ଯାଜାକକ, ପ୍ରାଚିନ୍‌କଲିଠି, ଆଇନ୍ ଇତୁକଲିଠି ଆତଃ ପାଞ୍ଚେଟ୍‌ରେନ୍ ସବେନ୍‌କଲିଠିକ ରଜୋଟକେଦା । ଇନ୍‌କୁ ଯୀଶୁକେ ତଲକେଦତେକ ଇଦିକିୟା, ଆତଃ ପିଲାତୁସ୍‌ରାଃ ତିଃଇରେ ଏମ୍‌କିୟାକ । ୨ ପିଲାତୁସ୍ ଇନିଠିକେ, “ଆମ୍‌ଗିଟି ଯିହୁଦୀକଆଃ ରାଜା ତାନମେ ?” ମେନ୍ତେ କୁଲିକିୟାଏ ।

ୟୀଶୁ ମେନ୍‌ରୁହାଡ଼ାଇୟାଏ, “ହଁ, ଆମ୍‌ଗିଟି କାଜିତାନା ।”

୩ ମୁଲ୍ ଯାଜାକକ ଯୀଶୁକେ ପୁରାଃ କାଜିତେକ ଚିଟାକିୟା । ୪ ଏନାମେନ୍ତେ ପିଲାତୁସ୍ ଆତଃଗି ଇନିଠିକେ କୁଲିକିୟାଏ, “ଚିୟାଃ ଆମ୍ ଜେଡ୍‌ନାଃ କାମ୍ କାଜିରୁହାଡ଼ାକଆ ? ନେଲ୍‌କୁମ୍, ଇନ୍‌କୁ ଆମ୍‌କେ ଚିମିନ୍ ପୁରାଃ କାଜିତେକ ଚିଟାମେତାନା ।”

୫ ମେନ୍‌ଦ ଯୀଶୁ ଜେଡ୍‌ନାଃହ କାଏ କାଜିରୁହାଡ଼କିୟା, ଏନାମେନ୍ତେ ପିଲାତୁସ୍ ଆକ୍‌ଦାୟାୟାନା ।

ୟୀଶୁକେ ଗଏଃନାଙ୍ଗ ବିଚାର

(ମାଥୁଉ ୨୭:୧୫-୨୬; ଲୁକ ୨୩:୧୩-୨୫; ଯୋହାନ୍ ୧୮:୩୯-୧୯:୧୭)

୬ ପିଲାତୁସ୍‌ରାଃ ରିଡିଲେକାତେ, ସବେନ୍ ପାସକା ପାରାବ୍ ଦିପିଲିରେ ହଡକ ମିଆଁଦ୍ ଜେହେଲ୍‌କାନ୍‌ନିଠିକେ ଆସି ତାଇକେନାକ, ଇନିଠିକେ ପିଲାତୁସ୍ ଇନ୍‌କୁନାଙ୍ଗ ଆଡ଼ାଗାକତାନ୍ ତାଇକେନାଏ । ୭ ଦିଶୁମ୍‌ରେ ହାଲାଗୁଲା ହବାୟାନ୍ ଦିପିଲିରେ, ହଡଗଏଃ ହରାତେ ଜେହେଲ୍‌କାନ୍‌କଏତେ, ବାରବ୍‌ବା ନୁତୁମ୍ ମିଆଁଦ୍ ହଡହ୍ ତାଇକେନାଏ । ୮ ଗାଦେଲ୍ ହଡକ ପିଲାତୁସ୍‌ତାଃ ହିଜୁଃୟାନ୍ତେ, ଆମ୍ ଜାନାଅ ରିକାତାନ୍ ଲେକା ଆଲେୟାଃ ନାଙ୍ଗ ରିକାଗାଲେମ୍, ମେନ୍ତେକ ଆସିଏଟେଦକିୟା । ୯ ପିଲାତୁସ୍ ଇନ୍‌କୁକେ ମେତାଦକଆଏ, “ଚିନାଃ ଆଇଙ୍ଗ୍ ଆପେୟାଃ ନାଗେନ୍ତେ ଯିହୁଦୀକଆଃ ରାଜାକେଇଙ୍ଗ୍ ଆଡ଼ାଃତାଇୟା ମେନ୍ତେପେ ସାନାଙ୍ଗତାନା ?” ୧୦ ଚିୟାଃଚି ମାରାଙ୍ଗ୍ ଯାଜାକକ ହିସ୍‌କାତେ ଯୀଶୁକେ ଆଇଠକ୍‌ତାଃରେ ଜିମାକାଇ ତାଇକେନାକ, ଏନା ଇନିଠି ଆଟ୍‌କାରକେଦାଏ ।

୧୧ ମୁଲ୍ ଯାଜାକକ, ଯୀଶୁକେ ବାନଃ ମେନ୍‌ଦ ବାରବ୍‌ବାକେ ରାଡ଼ା ନାଗେନ୍ତେ ପିଲାତୁସ୍‌କେ ଆସିପେ ମେନ୍ତେ ଗାଦେଲ୍ ହଡକକେ ଉସ୍‌କୁରକେଦକଆକ । ୧୨ ପିଲାତୁସ୍ ଆତଃଗି ହୁଣ୍ଡିଆକାନ୍‌କକେ କୁଲିକେଦକଆଏ, “ଆପେ ଯିହୁଦୀକଆଃ ରାଜା ମେତାଇନିଠିକେ ଚିନାଃଇଙ୍ଗ୍ ଚିକାଇୟା ମେନ୍ତେପେ ସାନାଙ୍ଗତାନା ?”

୧୩ ଇନ୍‌କୁଦ ଆତଃଗିକ କାଉରିକେଦାଃ, “ଇନିଠିକେ କୁଶ୍‌ରେ କିଲାଇମେ ।” ୧୪ ମେନ୍‌ଦ, “ଇନିଠି ଚିନାଃ ଗୁହ୍‌କାଦାଏ ?” ମେନ୍ତେ ପିଲାତୁସ୍ ଇନ୍‌କୁକେ କୁଲିକେଦକଆଏ ।

ଇନ୍‌କୁଦ ଆତଃଗି କାଉରିକେଦତେ କାଜିକିୟା, “କୁଶ୍‌ରେ କିଲାଇମେ ।”

୧୫ ପିଲାତୁସ୍ ହଡକକେ ସୁକୁ ସାନାଙ୍ଗତାନତେ ବାରବ୍‌ବାକେ ଇନ୍‌କୁଆଃ ନାଗେନ୍ତେ ରାଡ଼ାକିୟାଏ । ଏନ୍ତେ ଇନିଠି ଯୀଶୁକେ ହାଣ୍ଡିଆ ରିକାକିଠିକେ କୁଶ୍‌ରେ ରାକାବଃକାଏ ମେନ୍ତେ ଇନିଠିକେ ଜିମାକିୟାଏ ।

ୟୀଶୁକେ ସିପାଇକ ଲାୟାଜତାନା

(ମାଥୁଉ ୨୭:୨୭-୩୧; ଯୋହାନ୍ ୧୯:୨-୩)

୧୬ ସିପାଇକ ପିଲାତୁସ୍‌ରାଃ ଅଡ଼ାଃରାଚା ଭିତାରେତେ ଯୀଶୁକେକ ଇଦିକିୟା, ଆତଃ ଗଟା ପାଲ୍‌ଟାନ୍‌କକେ ହୁଣ୍ଡିକେଦକଆକ ୧୭ ଇନ୍‌କୁ ଇନିଠିକେ ମିଆଁଦ୍ ବାଇଗିନିଆ ଲିଜାଃକ ତୁସିଙ୍ଗ୍‌କିୟାଃ ଆତଃ ଜାନୁମ୍ ମୁକୁଟ୍ ଗାଲାଙ୍ଗ୍‌କେଦତେ ଇନିୟାଃ ବହଃରେକ ଚୁପୁରିକିୟା । ୧୮ ଏନ୍ତେ ଇନ୍‌କୁ ଇନିଠିକେ କାଜି ଏଟେଦକିୟାଃକ, “ହେ, ଯିହୁଦୀକଆଃ ରାଜା, ଜାନାଅ ଜାନାଅ ନାଙ୍ଗ୍ ତାଇନିଠିକେ ।” ୧୯ ଇନ୍‌କୁ ଇନିଠିକେ ସଟାତେ ବହଃରେକ ଦାଲ୍‌କିୟା, ବେଏକ୍‌କିୟା ଆତଃ ଇକ୍‌ତୁମ୍‌କେଦତେକ ଜହାରିକିୟା । ୨୦ ଇନ୍‌କୁ ଇନିଠିକେ ଲାୟାକିତେ ଏନ୍ ବାଇଗିନିଆ ଲିଜାଃକେକ ହଲେଠକକେଦା ଆତଃ ଆୟାଃ ଲିଜାଃକେକ ତୁସିଙ୍ଗ୍‌କିୟା । ଏନ୍ତେ ଇନ୍‌କୁ ଇନିଠିକେ କୁଶ୍‌ରେ କିଲାଇ ନାଗେନ୍ତେ ବାହାରିତେକ ଇଦିକିୟା ।

ୟୀଶୁଆଃ କୁଶ୍‌ରାକାବଃ

(ମାଥୁଉ ୨୭:୩୨-୪୪; ଲୁକ ୨୩:୨୬-୪୩; ଯୋହାନ୍ ୧୯:୧୭-୨୭)

୨୧ *କୁରିନିରେନ୍ ଶିମୋନ୍ ନୁତୁମ୍ ମିଆଁଦ୍ ହଡ, ଆଲେକ୍‌ଜାଣ୍ଡାର୍ ଆତଃ ରୁପୁସ୍‌ରାଃ ଆପୁତେ, ହାତୁଏତେ ହିଜୁଃତାନ୍‌ଲିଠି ଏନ୍ ହରାରେ ପାରମଃତାନ୍ ତାଇକେନାଏ, ଆତଃ ପାଲ୍‌ଟାନ୍‌କ ଇନିଠିକେକ ଯୀଶୁଆଃ କୁଶ୍‌କେ ଜାବାରଜାସ୍ତି ଗଅଃ ରିକାକିୟାଃକ । ୨୨ ଇନ୍‌କୁ ଯୀଶୁକେ ଗାଲ୍‌ଗାଆ ନୁତୁମ୍ ମିଆଁଦ୍ ଠାୟାଦତେକ ଇଦିକିୟା, ଗାଲ୍‌ଗାଆରାଃ ମୁଣ୍ଡିଦ୍, “ବହଃଜାଙ୍ଗ୍‌ରୁ” । ୨୩ ଏନ୍ତାଃରେ ଇନ୍‌କୁ ଇନିଠିକେ ମେହେର୍‌ତେଆଃ ମେସାକାନ୍ ଦାଖ୍‌ରାସି ନୁଁଇ ନାଗେନ୍ତେକ ଏମାଇୟା, ମେନ୍‌ଦ ଯୀଶୁ ଏନା କାଏ ନୁଁକେଦାଃ । ୨୪ ଏନ୍ତେ ଇନ୍‌କୁ ଇନିଠିକେ କୁଶ୍‌ରେକ ରାକାବ୍‌କିଆ, ଆତଃ ଇନିୟାଃ ଲିଜାଃକ, ଅକଏ ଅକନାଃରୁ ନାମେଆଁ ଏନା ଚିଠା* ଉୟୁଃକେଦତେ ନେଲ୍‌କେଦାଃକ, ଏନ୍ତେ ଆକ ଆକରେଗି ହାଟିଙ୍ଗ୍‌ୟାନାକ । ୨୫ ସେତାଃରାଃ ନାଅବାଜେ† ଇନ୍‌କୁ ଇନିଠିକେ କୁଶ୍‌ରେକ କିଲାକିୟାଃ ୨୬ ଇନିୟାଃ ବିରୁଧ୍‌ରେ ଅଲ୍‌କାନ୍ ଚିଠାରେ, “ଯିହୁଦୀକଆଃ ରାଜା” ମେନ୍ତେ ଅଲ୍‌କାନ୍ ତାଇକେନା । ୨୭ ଇନ୍‌କୁ ବାରିଆ କୁମ୍‌ତୁକ୍‌କିନ୍‌କେ ଇନିଠିଲିଠି କୁଶ୍‌ରେକ

* ୧୫:୨୧ ୧୫:୨୧ ରୋମି ୧୭:୧୩. * ୧୫:୨୪ ୧୫:୨୪ ପାଞ୍ଜିଖାଡ଼ି † ୧୫:୨୫ ୧୫:୨୫ ନାଅବାଜେ ଅରେୟାବାଜେ

କିଲାଇକେଦକିନା, ମିଆଁଦ୍‌ନିଃକେ ଜମ୍‌ଡିସାଃରେ, ଏଟାଃନିଃକେ ଲେଙ୍ଗାଡିସାଃରେ । ୨୮ ଏନ୍‌ଲେକାଡେ, ପାବିତାର ଅନଲକରେ, “ଏଡକାନ୍‌କଲଃ ଲେକାୟାନାଏ, ମେନ୍ତେ ଧାରାମ୍‌ପୁଥ୍‌ରେ ଅଲକାନ୍ କାଜି ପୁରାୟାନା ।”‡

୨୯ ଏନ୍ ହରାରେ ସେନ୍‌ପାରମଃତାନ୍ ହଡକ, ଆକଆଃ ବହଃ ହିଲାଇକେଦଡେ ଇନିଃକେ ନିନ୍ଦାତାନ୍‌ଲଃ କାଜିକିୟାଃକ, “ବାଃରେ ମାନ୍‌ିର୍ ହାଦୁଡ୍‌ନିଃ ଆଡଃ ଆପିମାରେ ବାଇରୁହାଡ୍‌ନିଃ, ୩୦ ମାର୍ କୁଶ୍‌ଏଡେ ଆଡ୍‌ଗୁନ୍‌ମେ ଆଡଃ ବାସ୍ତାଅଏନ୍‌ମେ ।”

୩୧ ଏନ୍‌ଲେକାଗି ମୁଲ୍ ଯାଜାକ୍‌କ ଆଡଃ ଆଇନ୍ ଇଡୁକ, ଯୀଶୁକେ ଆକ ଆକରେକ ହିଲାଇକିଆ ଆଡଃ ମେପେନ୍‌ୟାନା “ଏଟାଃକେଦ ଇନିଃ ବାସ୍ତାଅକେଦକଆଏ, ମେନ୍‌ଦ ଇନିଃ ଆଇଃକ୍‌ଗି ବାସ୍ତାଝେନ୍ କାଏ ଦାଡିତାନ୍ । ୩୨ ଆମ୍ ସାର୍‌ତିଗି ଶ୍ରୀଷ୍ଟ, ଇସ୍ରାଏଲ୍‌ରାଃ ରାଜାତାନ୍‌ମେ ରେଦ, କୁଶ୍‌ଏଡେ ନାହାଁଃ ଆଡ୍‌ଗୁନ୍‌କାଏ, ଆଡଃ ଏନା ନେଲ୍‌କେଦଡେତୁ ବିଶ୍ୱାସୀତେଆଃ ।” ଆଡଃ ଇନିଃଲଃ କୁଶ୍‌ରେ କିଲାଇକାନ୍‌କିନ୍ ଇନିଃକେକିନ୍ ହିଲାଇକିୟା ।

ୟୀଶୁଆଃ ଗନଏଃ

(ମାଥୁଃ ୨୭:୪୫-୫୬; ଲୁକ ୨୩:୪୪-୪୯; ଯୋହାନ୍ ୧୯:୨୮-୩୦)

୩୩ ତିକିନ୍‌ସିଙ୍ଗିକରେ ତିନ୍‌ପାଣ୍ଟା ଜାକେଦ୍ ଗଟା ଦିଶୁମ୍ ନୁବାଃୟାନା । ୩୪ ଆଡଃ ତିନ୍‌ବାଜେ ଯୀଶୁ ପୁରାଃଗି କାଉରିକେଦଡେ କାଜିକେଦାଏ, “ଏଲୋଇ ଏଲୋଇ ଲାମା ସାବାକ୍‌ଆନି ?” ଏନାରାଃ ମୁଣ୍ଡିଦ, “ଏ ଆଇୟାଃ ପାର୍‌ମେଶ୍ୱାର୍, ଏ ଆଇୟାଃ ପାର୍‌ମେଶ୍ୱାର୍, ତିନାଃମେନ୍ତେ ଆଇଙ୍ଗ୍‌କେ ବାଗିକିଦିୟାମ୍ ?”

୩୫ ଏନ୍ ଜାପାଃରେ ତିଙ୍ଗୁଆକାନ୍‌କଏଡେ ତିମିନ୍ ହଡକ ନେଆଁ ଆୟୁମକେଦଡେ କାଜିକେଦା, “ଆୟୁମେପେ, ଇନିଃ ଏଲିୟାକେ ହାକାଅତାନା ।” ୩୬ ଇନ୍‌କୁଏଡେ ମିଆଁଦ୍‌ନିଃ ନିର୍‌କେଦଡେ ସ୍ତଞ୍ଜକେ ମେହେର୍ ରାସିରେ ତୁପୁକେଦାଏ ଆଡଃ ଏନାକେ ମିଆଁଦ୍ ସଗାରେ ଗୁଡୁକେଦଡେ ଯୀଶୁକେ ନୁଁଇ ନାଗେନ୍ତେ ଏମ୍‌କିୟାଏ, ଆଡଃ ମେନ୍‌କେଦାଏ, “ରାହା କୁଶ୍‌ଏଡେ ଇନିଃକେ ଆଡ୍‌ଗୁ ନାଗେନ୍ତେ ଏଲିୟା ହିଜୁଃତାନାଏ ତି କାହା ନେଆଁବୁ ନେଲେଆ ।”

୩୭ ଯୀଶୁ ପୁରାଃଗି କାଉରିକେଦାଏ ଆଡଃ ଜୀଉତାୟାଃ ଅଡଙ୍ଗ୍‌ୟାନା ।

୩୮ ମାନ୍‌ିର୍ ଅଡଃରେ ହାକାକାନ୍ ହାନାଟିଙ୍ଗ୍ ଦାନାଙ୍ଗ୍‌ଲିଜାଃ ତେତାନ୍‌ଏଡେ ଲାତାର୍ ଜାକେଦ୍ ଆଲାରେ ବାର୍ ହିସା ଚାଗାଡ୍‌ୟାନା । ୩୯ କୁଶ୍‌ରାଃ ସାମ୍‌ନାଙ୍ଗ୍‌ରେ ତିଙ୍ଗୁଆକାନ୍ ସିପାଇକଆଃ ଗମ୍‌କେର୍ ଯୀଶୁ ତିଲ୍‌କାଏ ଗଏଃୟାନା, ଏନା ନେଲ୍‌କେଦଡେ ମେନ୍‌କେଦାଏ, “ସାର୍‌ତିଗି ନେ ହଡ ପାର୍‌ମେଶ୍ୱାର୍‌ଆଃ ହନ୍‌ଗି ତାଇକେନାଏ ।”

୪୦ ଏଆଡଃ ଏନ୍ତାଃରେ ତିମିନ୍ କୁଡିକ ସାଙ୍ଗିନ୍‌ଏଡେ ନେଲ୍‌ତାନ୍‌କ ତାଇକେନା । ଇନ୍‌କୁଆଃ ଆଲାରେ ମାରିୟାମ୍ ମାଗ୍‌ଦାଲିନି, ହୁଡିଙ୍ଗ୍ ଯାକୁବ୍ ଆଡଃ ଯୋସିରାଃ ଏଙ୍ଗାଡେ ମାରିୟାମ୍, ଆଡଃ ସାଲୋମିଡେକ ତାଇକେନା । ୪୧ ଇନ୍‌କୁ, ଯୀଶୁ ଗାଲିଲ୍‌ରେ ତାଇକେନ୍ ଇମ୍‌ତା ଅଡଙ୍ଗ୍‌ଇତାନ୍ ଆଡଃ ସୁସାରିତାନ୍‌କ ତାଇକେନା । ଇନିଃଲଃ ଯୀରୁଶାଲେମ୍‌ଡେ ହିଜୁଃକାନ୍ ପୁରାଃ ଏଟାଃ କୁଡିକହ ଏନ୍ତାଃରେ ତାଇକେନାକ ।

ୟୀଶୁକେକ ତପାଇତାନା

(ମାଥୁଃ ୨୭:୫୭-୬୧; ଲୁକ ୨୩:୫୦-୫୬; ଯୋହାନ୍ ୧୯:୩୮-୪୨)

୪୨ ଏନ୍‌ହୁଲାଙ୍ଗ୍‌ଦ ସାପ୍‌ଡାଅନ୍ ହୁଲାଙ୍ଗ୍ ତାଇକେନା, ଏନା ରୁଡ୍‌ନୁ ହୁଲାଙ୍ଗ୍‌ରାଃ ସିଦାହୁଲାଙ୍ଗ୍ ତାଇକେନା, ଆଡଃ ଆୟୁବ୍‌ୟାନ୍‌ତି, ୪୩ ହାରାମାଥୁୟା ସାହାରରେନ୍ ଯୋଷେଫ୍, ଇନିଃଦ ଯିହୁଦୀକଆଃ ମାରାଙ୍ଗ୍ ପାଞ୍ଚେର୍‌ରେନ୍ ମିଆଁଦ୍ ମାଇନାନ୍ ହଡ ତାଇକେନାଏ, ଇନିଃହ ପାର୍‌ମେଶ୍ୱାର୍‌ଆଃ ରାଇଜ୍ ନେଲ୍ ହରାତାନ୍ ତାଇକେନାଏ, ଏନାମେନ୍ତେ ଇନିଃ ଜେତାଏକେ କାଏ ବରକେଦଡେ ପିଲାତୁସ୍‌ତାଃଡେ ବଲୟାନାଏ ଆଡଃ ଯୀଶୁଆଃ ଗଏଃ ହଡ୍‌ମ୍ ଆସିକିୟାଏ । ୪୪ ଯୀଶୁଆଃ ଜୀଉତୁଶ୍‌ୟାନା ମେନ୍ତେ ଆୟୁମକେଦଡେ ପିଲାତୁସ୍ ଆକ୍‌ଦାୟାୟାନା । ଇନିଃ ସିପାଇକଆଃ ଗମ୍‌କେ କେ କେଡାକେଦଡେ, ତିୟାଃ ଇନିଃ ଗଏଃୟାନାଏ ମେନ୍ତେ ଇନିଃକେ କୁଲିକିୟାଏ । ୪୫ ପିଲାତୁସ୍ ସିପାଇକଆଃ ଗମ୍‌କେୟାଃ କାଜିଡେ ଏନା ଆଟ୍‌କାର୍‌କେଦଡେ, ଇନିଃ ଯୀଶୁଆଃ ଗଏଃହଡ୍‌ମ୍ ଯୋଷେଫ୍‌କେ ଏମ୍‌କିୟାଏ । ୪୬ ଯୋଷେଫ୍ ନିରାଲ୍ ଲିଜାଃ କିରିଙ୍ଗ୍‌କେଦଡେ ଯୀଶୁକେ କୁଶ୍‌ଏଡେ ଆଡ୍‌ଗୁକିଆଏ ଆଡଃ ଏନ୍ ଫାର୍‌ତି ନିରାଲ୍ ଲିଜାଃରେ ପଟ୍‌ମ୍‌କିୟାଏ, ଆଡଃ ସେରେଙ୍ଗ୍‌ରେ* ଉରାକାନ୍ ତପାଗାଡାରେ ଗିଡିଃକିୟାଏ । ଏନ୍ତେ ଏନ୍ ଦୁଆର୍‌କେ ମିଆଁଦ୍ ମାରାଙ୍ଗ୍ ଦିରିଡେ ବାଟିକେସେଦଡାଦାଏ । ୪୭ ମାଗ୍‌ଦାଲିନି ମାରିୟାମ୍ ଆଡଃ ଯୋସିଆଃ ଏଙ୍ଗାଡେ ମାରିୟାମ୍ ଇନିଃକେ ଅକ୍‌ତାଃରେ ତପାକିୟାକ ଏନାକିନ୍ ନେଲ୍‌କେଦା ।



ୟୀଶୁଆଃ ଜୀଉବିନିରିଦ୍

(ମାଥୁଃ ୨୮:୧-୮; ଲୁକ ୨୪:୧-୧୨; ଯୋହାନ୍ ୨୦:୧-୧୦)

‡ ୧୫:୨୮ ୧୫:୨୮ ତିମିନ୍ ମାରି ଅନଲକରେ ନେ ବାଚାନ୍ ବାନ୍‌ଃଆ * ୧୫:୨୯ ୧୫:୨୯ ମାର୍କ ୧୪:୫୮; ଯୋହାନ୍ ୨:୧୯. § ୧୫:୩୯ ୧୫:୩୯ ମିଦ୍‌ଶାଆ ସିପାଇକଆଃ ମାରାଙ୍ଗ୍ * ୧୫:୪୦ ୧୫:୪୦ ଲୁକ ୮:୨,୩. * ୧୫:୪୬ ୧୫:୪୬ ଦିରିଡେ ପେରେଜାକାନ୍ ବୁରୁ

^୧ ରୁଡ଼ନୁ ହୁଲାଙ୍ଗ ସେନସୟାନ୍ତରି ମାଗ୍‌ଦାଲିନି ମାରିୟାମ୍, ଯାକୁବରାଃ ଏଙ୍ଗାଡେ ମାରିୟାମ୍, ଆଡଃ ସାଲୋମି ସେନକେଦ୍‌ଡେ ଯୀଶୁଆଃ ଗଏଃ ହଡ଼ମରେ ଗସଗେ ନାଗେନ୍ତେ ବୁଗିନ୍ ସହାନ୍ ସୁନ୍‌ମଡେୟାଃ କିରିଙ୍ଗକେଦାଃ । ^୨ ଏତଆର୍ ହୁଲାଙ୍ଗ ସେତାଃ ଇଦାନ୍‌ରେ ସିଙ୍ଗି ତୁରଃଲଃଗି ଇନ୍‌କୁ ତପାଗାଡ଼ା ଠାୟାଦ୍‌ଡେ ସେନସତାନ୍ ତାଇକେନାକ, ^୩ ଆଡଃ ଇନ୍‌କୁ ଆକ ଆକରେ ମେପେନ୍‌ୟାନାକ, “ତପାଗାଡ଼ା ଦୁଆରରେୟାଃ ପୁରାଃ ମାରାଙ୍ଗ ଦିରିକେ ଅକଏ ବାଟିଆତମାବୁଆଏ ?” ^୪ ମେନ୍‌ଦ ଇନ୍‌କୁ ଏନ୍ ଦିରିକେ ଆତମ୍‌ବାଟିକାନ୍ ନେଲ୍‌କେଦାକ, ଏନାଦ ପୁରାଃ ମାରାଙ୍ଗ ଦିରି ତାଇକେନା । ^୫ ତପାଗାଡ଼ାରେକ ବଲୟାନ୍‌ତି, ପୁଣ୍ଡି ଲିଜାଃ ତୁସିଙ୍ଗ୍‌ଆଁକାନ୍ ମିଆଁଦ୍ ସେପେଡେଦ୍‌କେ ଜମ୍‌ସାଃରେ ଦୁବାକାନ୍‌କ ନେଲ୍‌କିୟାଃ, ଆଡଃକ ଆକ୍‌ବାକାଅୟାନା ।

^୬ ଇନିଃଦ ମେତାଦକଆଏ, “ଆଲ୍‌ପେ ବରଏୟା, କୁଣ୍ଡରେ କିଲାଗଏଃୟାନ୍ ନାଜରେଡ଼ରେନ୍ ଯୀଶୁକେପେ ଦାଣ୍ଡାତାନା, ଇନିଃ ଜୀଉବିରିଦ୍‌ୟାନାଏ, ଇନିଃ ନେତାଃରେ ବାଙ୍ଗାୟା । ନେଲେପେ, ନେ ଠାୟାଦ୍‌ରେଗି ଇନିଃକେକ ବାଟିଆକାଇ ତାଇକେନା । ^୭ *ମେନ୍‌ଦ ଜୁ ରୁହାଡ଼୍‌ପେ, ଆୟାଃ ଚେଲାକକେ ଆଡଃ ପାଡ଼ରାସ୍‌କେ ଉଦୁବାକପେ, ଆପେଏଡେ ଆୟାଃରେ ଇନିଃ ଗାଲିଲ୍‌ଡେ ସେନସତାନା, ଇନିଃ କାଜିୟାଦ୍‌ପେ ଲେକା ଏନ୍ତାଃରେ ଇନିଃକେପେ ନେଲିୟା ।”

† ଆଡଃ ଇନ୍‌କୁ ଅତଙ୍ଗୟାନ୍‌ତି ବରତାନ୍ ଆଡଃ ଏକଲ୍‌ଅଃତାନ୍‌ଲଃ ତପାଗାଡ଼ାତାଃଏଡେକ ନିର୍‌ୟାନା । ଇନ୍‌କୁକେଦ ବରଭେଦାଅ ହରାଡେ ଜେତାଏକେ ଜେଡ଼ନାଃ କାକ କାଜିୟାଦକଆ ।

ୟୀଶୁ ବାରହଡ଼ ଚେଲାକିନ୍‌ତାଃରେ ଉଦୁବେନ୍‌ୟାନାଏ
(ଲୁକ ୨୪:୧୩-୩୫; ମାଥୁଉ ୨୮:୯-୧୦; ଲୁକ ୨୪:୧୦-୧୧; ଯୋହାନ୍ ୨୦:୧୧-୧୮)

^୧ ଯୀଶୁ ହାପ୍ରାରାଃ ପାହିଲାହୁଲାଙ୍ଗ ସେତାଃଈଦାନ୍‌ରେ ଜୀଉବିରିଦ୍‌କେଦ୍‌ଡେ, ଇନିଃ ସିଦାଡେ ମାଗ୍‌ଦାଲିନି ମାରିୟାମ୍‌ତାଃରେ ଉଦୁବେନ୍‌ୟାନା, ଇନିଃତାଃଏଡେ ସାଡ଼ୁ ବଙ୍ଗାକକେ ଅତଙ୍ଗକାକ ତାଇନା । ^{୧୦} ଇନିଃ ସେନ୍‌ୟାନ୍ତେ ଯୀଶୁଲଃ ତାଇକେନକକେ ଉଦୁବାଦକଆଏ । ଇନ୍‌କୁଦ ରାଆଃତାନ୍ ଆଡଃ ଏୟମ୍‌ତାନ୍‌କ* ତାଇକେନା । ^{୧୧} ଇନିଃ ଇନ୍‌କୁକେ ଯୀଶୁ ଜୀଉବିରିଦାକାନାଏ ଆଡଃ ଆୟାଃତାଃ ଉଦୁବେନ୍‌ୟାନାଏ ନେଆଁ କାଜିକେଦକଆଏ, ମେନ୍‌ଦ ଇନ୍‌କୁ ଇନିଃକେ କାକ ବିଶ୍ୱାସକିୟାଃ ।

^{୧୨} ଏନ୍ ତାୟମ୍‌ଡେ, ଇନ୍‌କୁଏଡେ ବାରହଡ଼, ହାଡୁଡେକିନ୍ ରୁହାଡ଼୍‌ତାନ୍ ଦିପିଲିରେ, ଯୀଶୁ, ଏଟାଃ ମେଦ୍‌ମୁହାଁଡ଼୍‌ୟାନ୍ତେ ଇନ୍‌କିନ୍‌ତାଃ ହରାରେ ଉଦୁବେନ୍‌ୟାନାଏ । ^{୧୩} ଇନ୍‌କିନ୍ ରୁହାଡ଼୍‌କେଦ୍‌ଡେ ଏଟାଃ ଚେଲାକକେ ଏନା ଉଦୁବାଦକଆକିନ୍, ମେନ୍‌ଦ ଇନ୍‌କୁ ଇନ୍‌କିନାଃ କାଜିୟାଃ କାକ ବିଶ୍ୱାସକେଦାଃ ।

ୟୀଶୁ ଏଗାରାଝାନ୍‌କତାଃ ଉଦୁବେନ୍‌ତାନାଏ
(ମାଥୁଉ ୨୮:୧୭-୨୦; ଲୁକ ୨୪:୩୬-୪୯; ଯୋହାନ୍ ୨୦:୧୯-୨୩; ପ୍ରେରିଡ଼ ୧:୭-୮)

^{୧୪} ତାୟମ୍‌ଡେ ଯୀଶୁ ଏଗାରାଝାନ୍ ଚେଲାକତାଃରେ ଜମ୍‌କ ଦୁବାକାନ୍ ଦିପିଲିରେ ଉଦୁବେନ୍‌ୟାନାଏ ଆଡଃ ଅକନ୍‌କ ଇନିଃକେ ଜୀଉବିରିଦାକାନ୍ ନେଲ୍‌କାଇ ତାଇକେନାକ, ଇନ୍‌କୁଆଃ କାଜିକକେ କାକ ବିଶ୍ୱାସକେଦା ଆଡଃ ଇନ୍‌କୁଆଃ କେଟେଦ୍‌ମନ୍ ନାଗେନ୍ତେ ଇନିଃ ଇନ୍‌କୁକେ ମାରାଙ୍ଗମଚାକେଦକଆଏ । ^{୧୫} *ଇନିଃ ଇନ୍‌କୁକେ ମେତାଦକଆଏ, “ଜୁ ଗଟା ଅଡେଦିଶୁମଡେପେ ଆଡଃ ସବେନ୍ ହଡ଼କକେ ନେ ସୁକୁକାଜି ଉଦୁବାକପେ । ^{୧୬} ବିଶ୍ୱାସେନିଃ ଆଡଃ ବାପ୍ତିସ୍ତାଅନିଃ ବାସ୍ତାଅଆଏ, ମେନ୍‌ଦ କା ବିଶ୍ୱାସେନିଃ ବିଚାରକେଦ୍‌ଡେ ପାରମେଶ୍ୱାର୍‌ତାଃଏଡେ ସାଜାଇ ନାମେୟାଏ । ^{୧୭} ବିଶ୍ୱାସ୍‌ତାନ୍‌କକେଦ ପେଡେଃକରାଃ କାମି ନାଗେନ୍ତେ ପେଡେଃ ଏମଃଆ; ଇନ୍‌କୁ ଆଇଁୟାଃ ନୁଡୁମ୍‌ଡେ ବଙ୍ଗାକ ହାଡ଼ଅତଙ୍ଗକଆ, ଇନ୍‌କୁ ନାଝା ଜାଗାର୍‌କ ବାଣ୍ଠାଣେଆ । ^{୧୮} ଇନ୍‌କୁ ବିଙ୍ଗକକେ ହାଲାଙ୍ଗକରେ ଚାଏ ମାହୁଁରାକ ନୁଁଏରେଅଃ ଜେତାକାକ ରିକାଅଆଃ, ଇନ୍‌କୁ ଦୁକୁହାସୁତାନ୍‌କଆଃ ଚେତାନ୍‌ରେ ଆକଆଃ ତିଃଇକ ଦହଲେରେ, ଇନ୍‌କୁ ବୁଗିଅଆକ ।”

ୟୀଶୁ ସିର୍ମାଡେ ସେନସତାନାଏ
(ଲୁକ ୨୪:୫୦-୫୩; ପ୍ରେରିଡ଼ ୧:୯-୧୧)

^{୧୯} *ୟୀଶୁ ପ୍ରାଭୁ ନେଆଁ କାଜିକେଦକଟି, ସିର୍ମା ଦିଶୁମ୍‌ଡେ ଇଦିୟାନା ଆଡଃ ଇନିଃ ପାରମେଶ୍ୱାର୍‌ଆଃ ଜମ୍‌ତିସାଃରେ ଦୁବ୍‌ୟାନାଏ । ^{୨୦} ଏନ୍ତେ ଚେଲାକ ସେନସୟାନ୍ତେ ସବେନ୍‌ତାଃରେ ପାରଚାରକେଦାଃକ, ଆଡଃ ପ୍ରାଭୁ ଇନ୍‌କୁଲଃ କାମିକେଦାଏ ଆଡଃ ଆୟାଃ ଉଦୁବଃତାନ୍ କାଜିକେ ଚିହ୍ନାଁଡେ ସାର୍‌ତି ତାନାଃ ମେନ୍ତେ ପକ୍‌ତାକେଦାଏ ଆଡଃ ଗାଝା ଏମ୍‌କେଦାଏ ।†

☆ ୧୭:୭ ୧୭:୭ ମାଥୁଉ ୨୭:୩୨; ମାର୍କ ୧୪:୨୮. * ୧୭:୧୦ ୧୭:୧୦ କୁସୁଦ୍ କୁସୁଦ୍ ରାଆଃ ☆ ୧୭:୧୫ ୧୭:୧୫ ପ୍ରେରିଡ଼ ୧:୮. ☆ ୧୭:୧୯ ୧୭:୧୯ ପ୍ରେରିଡ଼ ୧:୯-୧୧. † ୧୭:୨୦ ୧୭:୨୦ ଚିନିନ୍ ମାରି ଅନଲ୍‌କରେ ୯-୨୦ ପାଦ୍ ବାନଃଆ

ଲୁକ ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର ଲୁକ ଅଲ୍ଲାକାଦ୍ ଯୀଶୁ ଖ୍ରୀଷ୍ଟଆଃ ସୁକୁକାଜି ପୁଥିରେୟାଃ ପାରିଚାଏ

ନେ ସୁକୁକାଜିରେ ପ୍ରାଭୁ ଯୀଶୁକେ, ଇସ୍ରାଏଲ୍ ଆତଃ ସବେନ୍ ହଡକଆଃ ଜୀଉ ବାସ୍ତାଅ ଆତଃ ନାରାଦୁରାକଆଃ ଆୟାରରେ ସୁକୁକାଜି ଉଦୁବ୍ ନାଗେନ୍ତେ ଇନିଃ ପାର୍ମେଶ୍ୱାରଆଃ ଆମ୍ବଲଃ ହିଜୁଃୟାନାଏ ମେନ୍ତେ ଲୁକ ଅଲ୍ଲାକାଦାଏ । ଏନାମେନ୍ତେ ନେ ସୁକୁକାଜିରେ ହଡକଆଃ ନାଗେନ୍ତେ ଜୀଉରାଡ଼େଃରେୟାଃ କାଜି ପେରେଜାକାନା । ନେ ପୁଥିରେ ଆତଃମିଆଁଦ୍ ମାରାଜ୍ ଇନିତୁ ମେନାଃ, ଏନା ହବାଅଃତାନା ରାସ୍କା । ଯୀଶୁଆଃ ହିନିଜୁଃ ଆତଃ ଯୀଶୁ ଖ୍ରୀଷ୍ଟ ସିର୍ମାତେ ସେନଃତାନ୍ ଇମ୍ତାରେୟାଃ କାଜି ନେ ସୁକୁକାଜିରେ ଉଦୁବାକାନା । ନେ ସବେନ୍ ବିଷାଏ ହଡକଆଃ ନାଗେନ୍ତେ ମିଆଁଦ୍ ରାସ୍କାନ୍ରେୟାଃ କାଜିତାନା ।

ନେ ସୁକୁକାଜିରେ ଆତଃ ଚିମିନ୍ ବିଷାଏକ ଅଲ୍ଲାକାନା, ସିର୍ମା ଦୁଡକଆଃ ଦୁରାଜ୍, ସିଟିଆ ଯୀଶୁକେ ମିଶ୍ଟିଗୁପିକ ସେନ୍କେଦ୍ତେ ନେଲ୍ଲିକିୟାକ, ମାନ୍ଦିର୍ ଅଡ଼ାଃରେ ପାଣ୍ଡିଡକଲଃ ସିଟିଆ ଯୀଶୁଆଃ ଜାଗାର୍, ବୁଗିନ୍ ଶମିରୋନିଆଃ କାଜି ଆତଃ କା ମାନାତିଜ୍ ହନ୍ଆଃ ଜନ୍କା, ନେ ସବେନାଃ ଏଟାଃ ସୁକୁକାଜିରେ କା ଅଲ୍ଲାକାନା ।

ଲୁକ ଆତଃମିଆଁଦ୍ ପୁଥି ଅଲ୍ଲାକାଦାଏ, ଏନା ହବାଅଃତାନା “ପ୍ରେରିଡକଆଃ କାମି” । ଏନ୍ ପୁଥିରେ ଖ୍ରୀଷ୍ଟିୟାନ୍ ହଡକ ଚିଲ୍କା ପାସ୍ତାୟାନାକ ଏନ୍ ସବେନ୍ ବିଷାଏକ ଅଲ୍ଲାକାନା । ବିକ୍ତି, ପାବିତାର୍ ଆମ୍ବା, ଯୀଶୁ ଖ୍ରୀଷ୍ଟଆଃ ସୁକୁକାଜି ଉଦୁବ୍ ଦିପିଲିରେ କୁଡିକ ଚିଲ୍କା ଯୀଶୁଆଃ ଆତଃ ଚେଲାକଆଃ ସେଝା ରିକାକେଦାକ, ଏନ୍ ସବେନାଃ ନେତାଃରେ ଲୁକ ଆବୁକେ ଉଦୁବାକାଦ୍ବୁଆ ।

ପୁଥି ଭିତରରେ ତାଲକାନ୍ କାଜି

- ୧. ଏନେଟେଦ୍ ବାଚାନ୍ । ୧:୧-୪
- ୨. ବାପ୍ତିସ୍ମା ଏମଃନିଃ ଯୋହାନ୍, ଯୀଶୁଆଃ ଜାନାମ୍ ଆତଃ ସିଟିଆ ଦିପିଲି । ୧:୫-୨:୫୨
- ୩. ବାପ୍ତିସ୍ମା ଏମଃନିଃ ଯୋହାନ୍ଆଃ ପାର୍ଚାର୍ । ୩:୧-୨୦
- ୪. ଯୀଶୁଆଃ ବାପ୍ତିସ୍ମା ଆତଃ ସାଏତାନ୍ରାଃ ବିନିଡ଼ାଅ । ୩:୨୧-୪:୧୩
- ୫. ଗାଲିଲ୍ରେ ଯୀଶୁଆଃ ପାର୍ଚାର୍ ଆତଃ ସେଝାକାମି । ୪:୧୪-୯:୫୦
- ୬. ଗାଲିଲ୍ହେତେ ଯୀରୁଶାଲେମ୍ତେ ସେନଃ । ୯:୫୧-୧୯:୨୭
- ୭. ଯୀରୁଶାଲେମ୍ ହେପାଦ୍ରେୟାଃ ହାଡୁକରେ ଚୁଣ୍ଟ ହାପ୍ତା ଇମ୍ତା ଯୀଶୁଆଃ କାମି । ୧୯:୨୮-୨୩:୫୨
- ୮. ପ୍ରାଭୁ ଯୀଶୁଆଃ ଜୀଉବିନିରିଦ୍, ଚେଲାକତାଃରେ ଉଦୁବେନ୍ ଆତଃ ସିର୍ମାତେ ସେନଃ । ୨୪:୧-୫୩

ପାରିଚାଏ

୧ ହେ ଦୁଲାଡ୍ ଅଧିଫିଲ୍,

ପୁରାଃ ହଡକ ଆଲେ ଆଲାରେ ହବାକାନ୍ ଯୀଶୁ ଖ୍ରୀଷ୍ଟଆଃ ଜାନାମ୍, ଗନଏଃ ଆତଃ ଜୀଉବିନିରିଦ୍ରେୟାଃ ପକ୍ତାନ୍କାଜିକ ଅଲ୍ ନାଜ୍ ସାନାଜ୍କାଦାକ । ୨ ଅକନ୍କଚି ନେ ହବାକାନ୍ ବିଷାଏକେ ଏନେଟେଦ୍ଏତେ ନେଲାକାଦାଃକ ଆତଃ ହଡକତାଃରେ ନେୟାଁ ଉଦୁବ୍କେଦାଃକ, ଏନ୍ ହଡକତାଃଏତେ ଅକନ୍ ବିଷାଏଲେ ଇତୁଆକାନା ଏନ୍କାଜି ଇନ୍କୁ ଅଲ୍ଲାକାଦାଃକ । ୩ ଏ ମାଲନାନ୍ ଅଧିଫିଲ୍ସ, ଏନାନାଗେନ୍ତେ ଆଇଜ୍ ନେ ସବେନ୍ କାଜି ମୁଲ୍ଏତେ ବୁଗିଲେକା କୁଲିନାମ୍ ବାଡ଼ାକେଦ୍ତେ ସାରିକାଦାଇଜ୍, ଏନାମେନ୍ତେ ଆମାଃ ନାଗେନ୍ତେ ମିଆଁଦ୍ ପୁଥି ଲେକା ତାରାଗେନାଏତେ ସବେନ୍ କାଜି ଅନଲ୍ ସାନାଜ୍କେଦାଆଇଜ୍, ୪ ଜେ'ଲେକା ଆମ୍ ଅକନ୍ ସବେନ୍ କାଜିକମ୍ ଇତୁଆକାନା ଏନ୍ ସବେନ୍ କାଜିକରେୟାଃ ପକ୍ତାମ୍ ନାମ୍ଦାଡ଼ିୟାଃ ।

ବାପ୍ତିସ୍ମା ଏମଃନିଃ ଯୋହାନ୍ଆଃ ଜାନାମ୍ ଉଦୁବଃତାନା

* ଯିହୁଦା* ଦିଶ୍ଟୁମ୍ରେନ୍ ରାଜା ହେରୋଦ୍ଆଃ ଦିପିଲିରେ ଅବିୟଆଃ ଯାଜାକ୍ ଝୁଣ୍ଟରେନ୍ ଜାଖ୍ରିୟା ନୁତୁମ୍ ମିଆଁଦ୍ ଯାଜାକ୍ ତାଇକେନାଏ । ଇନିୟାଃ ଘାବ୍ନି ଏଲିଶାବେଥ୍, ଇନିଃ ହାରୁନ୍ଆଃ କିଲିରେନ୍ ତାଇକେନାଏ । ୨ ଏନ୍ ବାରାନ୍କିନ୍ ପାର୍ମେଶ୍ୱାରଆଃ ସାମ୍ନାଜ୍ରେ ଧାର୍ମାନ୍ ଆତଃ ପ୍ରାଭୁଆଃ ସବେନ୍ ଆନ୍ତୁ ଆତଃ ରିତିରିଝାଜ୍ ବେଗାର୍ ଚିଟାତେ ବୁଗିଲେକା ମାନାତିଜ୍ ତାଇକେନାକିନ୍ । ୩ ମେନ୍ଦ ଇନ୍କିନାଃ ହନ୍ଗାଁଶା କାକ ତାଇକେନା, ଚିୟାଃଚି ଏଲିଶାବେଥ୍ଦ ଚଶିର୍† ତାଇକେନାଏ, ଆତଃ ବାରାନ୍କିନ୍ ହାଡ଼ାମ୍ ବୁଢ଼ାଆକାନ୍କିନ୍ ତାଇକେନା ।

* ୧:୫ 1:5 ପାଲେଷ୍ଟାଇନ୍ରେୟାଃ ଗଟା ଦିଶ୍ଟୁମ୍କେ କାଜିୟାଃକ † ୧:୭ ୧:୭ ଚଶିର୍ ବାଁଝେନ୍

୮ ଜାଖ୍ରିୟା, ଆୟାଃ ଝୁଣ୍ଡରେୟାଃ ପାଲି ଲେକାତେ ମାହିର୍ ଅଡ଼ାଃରେ ପାର୍ମେଶ୍ଵାର୍ଆଃ ସାମ୍ନାଙ୍ଗ୍ରେ ଯାଜାକ୍ କାମି କାମିତାନ୍ ଇମ୍ତା, ୯ ଯାଜାକ୍‌ଆଃ କାମିରେୟାଃ ରିତିଲେକାତେ ପାଞ୍ଜିଖାଡ଼ିଲଃ ଇନିଃକେ ପାର୍ମେଶ୍ଵାର୍ଆଃ ମାହିର୍ ଅଡ଼ାଃରେ ବଲକେଦ୍‌ତେ ବୁଗିନ୍‌ସଞ୍ଜାନ୍‌ତେୟାଃ ଧୁଆନ୍ ଉରୁବ୍ ଲାଗାତିଙ୍ଗ୍‌ୟାନା । ୧୦ ଆଡ଼ଃ ବୁଗିନ୍‌ସଞ୍ଜାନ୍‌ତେୟାଃ ଧୁଆନ୍ ଉରୁବ୍ ଦିପିଲିରେ ସବେନ୍ ହଡ଼କ ମାହିର୍ ଅଡ଼ାଃରାତାରେ ବିନ୍ତିତାନ୍‌କ ତାଇକେନା ।

୧୧ ଇମ୍ତାଙ୍ଗ୍ ଜାଖ୍ରିୟାରାଃ ଆୟାର୍‌ରେ ପାର୍ମେଶ୍ଵାର୍ଆଃ ଦୁଁଡ଼ ଉଦୁବେନ୍‌ୟାନାଏ ଆଡ଼ଃ ଧୁଆନ୍ ଉରୁବ୍ ବେଦିରେୟାଃ ଜମ୍‌ସାଃରେ ତିଙ୍ଗ୍‌ୟାନାଏ । ୧୨ ଜାଖ୍ରିୟା ଇନିଃକେ ନେଲ୍‌କେଦ୍‌ତେ ଆକଦାନ୍‌ଆୟାନା ଆଡ଼ଃ ବରକେଦାଏ । ୧୩ ମେନ୍‌ଦ ଦୁଁଡ଼ କାଜିକିୟାଏ, “ଏ ଜାଖ୍ରିୟା ! ଆଲ୍‌ମେ ବରୟାଃ, ଆମାଃ ବିନ୍ତିଦ ପାର୍ମେଶ୍ଵାର୍‌ତାଃ ଆୟୁମ୍‌ୟାନା । ଆମାଃ ଘାର୍‌ନ୍ ଏଲିଶାବେଥ୍ ଆମାଃ ନାଗେନ୍ତେ ମିଆଁଦ୍ କଡ଼ାହନ୍‌ଆଏ ଜାନାମ୍‌ୟା, ଆଡ଼ଃ ଇନିଃକେ ଯୋହାନ୍ ମେନ୍ତେପେ ନୁଡୁମ୍‌ୟା । ୧୪ ଆମ୍ ପୁରାଃଗି ସୁକୁ ରାସକାଞ୍ଜାମ୍ ଆଡ଼ଃ ଆୟାଃ ଜାନାମ୍‌ରେ ପୁରାଃ ହଡ଼କ ରାସକାଞ୍ଜାଃକ । ୧୫ ଇନିଃଦ ପାର୍ମେଶ୍ଵାର୍‌ଆଃ ନେପେଲ୍‌ରେ ମାରାଙ୍ଗ୍‌ଅଃଆଏ, ଇନିଃ ଦାଖ୍‌ରାସି ଚାଏ ବୁଲଃଡେୟାଃ ଚିଉଲାହ୍ କାଏ ନୁଁଏୟା ଆଡ଼ଃ ଇନିଃ ଏଙ୍ଗାତେୟାଃ ଲାହିଦ୍‌ତେଗି ପାବିତାର୍ ଆମ୍‌ତେ ପେରେଜଃଆଏ, ୧୬ ଆଡ଼ଃ ଇନିଃ ଇସ୍ରାଏଲ୍ ହଡ଼କଆଃଏତେ ପୁରାଃ ହଡ଼କକେ ପାର୍ମେଶ୍ଵାର୍ ଆକଆଃ ପ୍ରାଭୁସାଃଡେ ରୁହାଡ଼୍ ହିଜୁଃନାଙ୍ଗ୍ ଦେଙ୍ଗାକଞ୍ଜାଏ । ୧୭ ଆଡ଼ଃ ଆପୁକଆଃ ମନ୍ ହନ୍‌କସାଃ ଆଡ଼ଃ କା ମାନାତିଙ୍ଗ୍ ତାନକକେ ଧାର୍‌ମାନ୍‌କଆଃ ସେଣ୍‌ସାଃ ରୁହାଡ଼୍‌କଆଏ ଆଡ଼ଃ ପ୍ରାଭୁନାଙ୍ଗ୍ ମିଆଁଦ୍ ବାଇସେକାଡ଼ାକାନ୍ ହଡ଼କେ ବାଇନାଗେନ୍ତେ ଇନିଃ ଏଲିୟାଆଃ ଆମ୍ ଆଡ଼ଃ ପେଡ଼େଃଡେ ଇନିୟାଃ ସାମ୍‌ନାଙ୍ଗ୍‌ରେ ସେନେୟାଏ ।”

୧୮ ନେ କାଜି ଆୟୁମ୍ କେଦ୍‌ତେ, ଜାଖ୍ରିୟା ଦୁଁଡ଼କେ କାଜିକିୟାଏ, “ଆମ୍ ଅକନାଃ କାଜିତାନାମ୍, ଏନା ସାର୍‌ତି କାଜି ମେନ୍ତେ ଚିଲ୍‌କାଲ୍‌ସ୍ ସାରିୟାଃ ? ଆଇଙ୍ଗ୍‌ଦ ହାଡ଼ାମ୍ ଯାନାଇଙ୍ଗ୍ ଆଡ଼ଃ ଆଇଁୟାଃ ଘାର୍‌ନିୟାଗି ବୁଡି ଯାନାଏ ।”

୧୯ ସିର୍ମାରେନ୍ ଦାସି କାଜିରୁହାଡ଼୍‌କିୟାଏ, “ଆଇଙ୍ଗ୍ ଗାବ୍ରିଏଲ୍ ଦୁଁଡ଼ ତାନିଙ୍ଗ୍, ପାର୍ମେଶ୍ଵାର୍‌ଆଃ ସାମ୍‌ନାଙ୍ଗ୍‌ରେ ତିଙ୍ଗ୍‌ନ୍‌ନିଃ ତାନିଙ୍ଗ୍ ଆଡ଼ଃ ଆମ୍‌କେ ନେ ସୁକୁକାଜି ଉଦୁବ୍ ନାଗେନ୍ତେ ପାର୍ମେଶ୍ଵାର୍ ଆଇଙ୍ଗ୍‌କେ କୁଲାକାଲ୍‌ଙ୍ଗ୍‌ୟାଏ । ୨୦ ନାହାଁଃ ଆୟୁମେମ୍, ନେ ସବେନ୍ ସାର୍‌ତି କାଜି କା ପୁରାଃଆଃ ଜାକେଦ୍ ଆମ୍ ବାଖାଁଣ୍ କାମ୍ ଦାଡ଼ିୟାଃ ଚିୟାଃଚି ଆଇଁୟାଃ କାଜିରେ ଆମ୍ କାମ୍ ପାଡ଼ିୟାର୍‌ଃ କେଦାଃ, ଏନାଦ୍ ଠିକ୍ ନେତାରେନ୍ ପୁରାଃଆଃ ।”

୨୧ ଇମ୍ତାଙ୍ଗ୍ ହଡ଼କ ଜାଖ୍ରିୟାକେ ନେଲ୍‌ହରାଇତାନ୍‌କ ତାଇକେନା ଆଡ଼ଃ ଇନିଃ ମାହିର୍ ଅଡ଼ାଃଏତେ ଜାଲ୍‌ଦି କାଏ ଅଡ଼ଙ୍ଗ୍‌ଆଡ଼ାନ୍ ନେଲ୍‌କେଦ୍‌ତେ ଇନ୍‌କୁ ଆକଦାନ୍‌ଆଃ ତାଇକେନାକ । ୨୨ ଚିମ୍‌ତାଙ୍ଗ୍ ଜାଖ୍ରିୟା ଅଡ଼ଙ୍ଗ୍‌ୟାନା, ଇନିଃ ଇନ୍‌କୁକେ ଜେଡ଼ନାଃ କାଜି କାଏ ଦାଡ଼ିକେନା । ଏନାତେ ଇନ୍‌କୁ ଆବ୍‌କାର୍ କେଦାଃକ ଯେ ଇନିଃ ମାହିର୍ ଭିତାର୍‌ରେ ଜେତାଏୟାଃ ଦାର୍‌ଶାନ୍‌ନାଏ ନେଲ୍‌କାଦା, ଚିୟାଃଚି ଇନିଃ ଇନ୍‌କୁକେ ତିଃଇତେ ଉଦୁବ୍‌କତାନ୍ ତାଇକେନାଏ ଆଡ଼ଃ କାଏ ବାଖାଁଣ୍ ଦାଡ଼ିକେଦା ।

୨୩ ଜାଖ୍ରିୟାରାଃ ସେଞ୍ଜା ପାଲିରେୟାଃ ସାମାଏ ପୁରାୟାନ୍‌ଚି ଇନିଃ ଅଡ଼ାଃଡେ ରୁହାଡ଼୍‌ୟାନାଏ । ୨୪ ନେଆଁ ତାୟମ୍‌ତେ ଜାଖ୍ରିୟାରାଃ ଘାର୍‌ନ୍ ଏଲିଶାବେଥ୍ ହାମ୍‌ଲ୍ ରୋଞ୍ଜାୟାନାଏ । ଆଡ଼ଃ ଇନିଃ ପାଞ୍ଚ୍ ମାହିଁନା ଜାକେଦ୍ ଜେତାଏକେ ଜେଡ଼ନାଃ କାଏ କାଜିକେଦ୍‌କଆ । ୨୫ ଏନ୍ତେ ଏଲିଶାବେଥ୍ କାଜିକେଦାଏ, “ନେଲେପେ, ଚୁଣ୍ଡୁରେ ପାର୍ମେଶ୍ଵାର୍ ଆଇଙ୍ଗ୍ ନାଙ୍ଗ୍ ନେଆଁ ରିକାକାଦାଏ । ହଡ଼କଆଃ ଆଲାରେ ଆଇଁୟାଃ ଗିହୁଃ ଆତମେ ନାଗେନ୍ତେ ପ୍ରାଭୁ ଆଇଙ୍ଗ୍‌କେ ଦେଙ୍ଗାକେଦିୟାଁ !”

ୟାଶୁଆଃ ଜାନାମ୍ ଉଦୁବଃତାନା

୨୬ ଏଲିଶାବେଥ୍‌ଆଃ ହାମ୍‌ଲ୍‌ରୋଞ୍ଜାଃ ଛ ମାହିଁନା ତାୟମ୍‌ତେ ପାର୍ମେଶ୍ଵାର୍ ଗାବ୍ରିଏଲ୍ ନୁଡୁମ୍ ମିଆଁଦ୍ ସିର୍ମାରେନ୍ ଦୁଁଡ଼କେ ଗାଲିଲ୍‌ରେୟାଃ ନାଜ୍‌ରେଡ୍ ନାଗାର୍‌ତେ ମିଆଁଦ୍ ତିଶ୍ଟାକୁଡ଼ିତାଃଡେ କୁଲ୍‌କିୟାଏ, ୨୭ ଏନ୍ ତିଶ୍ଟାକୁଡ଼ିଦ ଦାଡ଼ଦ୍‌ଆଃ କିଲିରେନ୍ ଯୋଷେଫ୍ ନୁଡୁମ୍ ମିଆଁଦ୍ ହଡ଼ନାଙ୍ଗ୍ ଆସିଆକାନାଏ ତାଇକେନା, ଇନିୟାଃ ନୁଡୁମ୍ ମାରିୟାମ୍ ତାଇକେନା । ୨୮ ସିର୍ମାରେନ୍ ଦୁଁଡ଼ ଇନିୟାଃ ଅଡ଼ାଃଡେ ବଲକେଦ୍‌ତେ କାଜିକିୟାଏ, “ଏ ଲିବୁଇୟାକାନ୍‌ନିଃ, ଆମ୍‌କେ ଜହାର୍ ! ପ୍ରାଭୁ ଆମ୍‌କେ ପୁରାଃଗି ଲିବୁଇୟା କାଦ୍‌ମେଁୟାଏ ଆଡ଼ଃ ଇନିଃ ଆମାଃଲଃ ମେନାଇୟାଃ !”

୨୯ ମେନ୍‌ଦ ମାରିୟାମ୍ ଇନିୟାଃ କାଜିତେ ପୁରାଃଗି ଆକଦାନ୍‌ଆୟାନା, ଆଡ଼ଃ ନେୟାଁ ଚିଲ୍‌କାନ୍ ଜହାର୍ ତାନାଃ ମେନ୍ତେ ଆୟାଃ ମନ୍‌ରେ ଉଡ଼ୁତାନାଏ ତାଇକେନା । ୩୦ ଏନାତେ ସିର୍ମାରେନ୍ ଦୁଁଡ଼ ଇନିଃକେ କାଜିକିୟାଏ, “ଏ ମାରିୟାମ୍, ଆଲମ୍ ବରଏୟା, ଚିୟାଃଚି ଆମ୍ ପାର୍ମେଶ୍ଵାର୍‌ଆଃ ଆୟାର୍‌ରେ ସାୟାଦ୍ ନାମାକାଦାମ୍ । ୩୧ ଆଡ଼ଃ ନେଲେମେ, ଆମ୍ ହାମ୍‌ଲ୍ ରୋଞ୍ଜାଅଃଆମ୍ ଆଡ଼ଃ ମିଆଁଦ୍ କଡ଼ାହନ୍‌ନାମ୍ ଜାନାମ୍‌ୟା ଆଡ଼ଃ ଇନିଃକେ ଯାଶୁ ନୁଡୁମ୍‌ୟାମ୍ । ୩୨ ଇନିଃ ମାରାଙ୍ଗ୍‌ଅଃଆଏ ଆଡ଼ଃ ହଡ଼କ ଇନିଃକେ ମାରାଙ୍ଗ୍ ଉତାର୍‌ନିୟାଃ ହନ୍ ମେନ୍ତେକ କାଜିୟାଃ ଆଡ଼ଃ ପ୍ରାଭୁ ପାର୍ମେଶ୍ଵାର୍ ଇନିଃକେ ଇନିୟାଃ ଆପୁତେ ଦାଡ଼ଦ୍ ରାଜାରାଃ ରାଜ୍‌ଗାଦି ଏମାଇୟା । ୩୩ ଆଡ଼ଃ ଇନିଃ ଜାନାଅଜାକେଦ୍ ଯାକୁବ୍‌ଆଃ କିଲିରେନ୍‌କଆଃ ରାଜା ତାଇନାଏ, ଇନିୟାଃ ରାଇଜ୍ ଚିଉଲାଅ କା ଚୁଣ୍ଡୁଆ !”

‡ ୧:୨୦ ୧:୨୦ ପାଡ଼ିୟାର୍ ବିଶ୍ଵାସ୍ § ୧:୨୦ ୧:୨୦ ନେତାରେ ଦିପିଲିରେ ☆ ୧:୨୭ ୧:୨୭ ମାଥ୍‌ଉ ୧:୧୮. ✨ ୧:୩୧ ୧:୩୧ ମାଥ୍‌ଉ ୧:୨୧.

୩୪ ମାରିୟାମ୍ ସିମ୍ପାରେନ୍ ଦୁଁଡକେ କୁଲିକିୟାଏ, “ନେଆଁ ଚିଲ୍‌କାତେ ହବାଅଆଃ ? ଆଇଙ୍ଗ୍‌ଦ ଜେତାନ୍ କଡାକେ କାଇଙ୍ଗ୍ ସାରିୟାକାଇଜାଃ ।”

୩୫ ସିମ୍ପାରେନ୍ ଦୁଁଡ ମାରିୟାମ୍‌କେ କାଜିରୁହାଡ଼କିୟାଏ, “ପାବିତାର୍ ଆମ୍ ଆମ୍‌ରେ ଆଡ଼ଗୁନାଏ ଆଡଃ ମାରାଙ୍ଗ୍ ଉତାର୍‌ନିୟାଃ ପେଡ଼େଃ ଆମ୍‌କେ ଉମ୍‌ଲୁ* ମେୟାଏ । ଏନାନାଗେନ୍ତେ ଜାନାମଃତାନ୍ ହନ୍ ପାବିତାର୍ ହବାଅଆଏ ଆଡଃ ପାର୍‌ମେଶ୍ୱାର୍‌ଆଃ ହନ୍ ମେନ୍ତେ ନୁଡୁମଃଆଏ । ୩୬ ଆଡଃ ନେଲେମେ, ଆମାଃ ମିଶିମ୍ ଏଲିଶାବେଥ୍ ବୁଡିୟଃତାନ୍ ନେତାରେ ମିଆଁଦ୍ କଡାହନ୍ ଜାନାମ୍‌ୟାଏ, ଆଡଃ ଇନିଃଦ ଟଣିଟ୍† ମେନ୍ତେ କାଜିୟଃତାନ୍ ତାଇକେନାଏ, ନାହାଁଃ ଇନିୟାଃ ହଡ଼ମଃତେୟାଃ ଛ ମାହିଁନା ହବାଅଆତାନା । ୩୭ ଚିୟାଃତି ପାର୍‌ମେଶ୍ୱାର୍‌ଆଃ ଆୟାର୍‌ରେଦ ଜାହାନ୍ କାଜି କା ହାମ୍‌ଲିଆଃ ।”

୩୮ ଏନ୍ତେ ମାରିୟାମ୍ କାଜିକିୟାଏ, “ନେଲେମେ, ଆଇଙ୍ଗ୍ ପାର୍‌ମେଶ୍ୱାର୍‌ଆଃ ଦାସି ତାନିଙ୍ଗ୍ ଆମାଃ କାଜିଲେକାଗି ଆଇଙ୍ଗ୍‌ରେ ହବାଅଆକା,” ଏନ୍ତେଦ ଦୁଁଡ ଇନିଃତାଃଏତେ ସେନଃୟାନାଏ ।

ଏଲିଶାବେଥ୍‌ଲଃ ମାରିୟାମାଃ ନେପେଲ୍

୩୯ ଏନ୍ତେ ମାରିୟାମ୍ ଏନ୍ ନେତାରେ ବିରିଦ୍‌ୟାନ୍‌ଲଃ ବୁରୁଦିଶୁମ୍ ଯିହୁଦା ରାଇଙ୍‌ରେୟାଃ ମିଆଁଦ୍ ସାହାର୍‌ତେ ଜାଲ୍‌ଦିଗି ସେନଃ ଦାବ୍‌ୟାନା । ୪୦ ଇନିଃ ଜାଖ୍‌ରିୟାରାଃ ଅଡ଼ାଃତେ ବଲ୍‌ୟାନ୍‌ଚି ଏଲିଶାବେଥ୍‌କେ ଧାନାବାଦ୍ ଏମକିୟାଏ । ୪୧ ଆଡଃ ଏଲିଶାବେଥ୍ ମାରିୟାମ୍‌ଆଃ ଜହାର୍ ଆୟୁମ୍‌କେଦ୍‌ଚି ଏଲିଶାବେଥ୍‌ଆଃ ଲାହିଦ୍‌ରେନ୍ ହନ୍ ଏନେଃକ୍‌କେଦାଏ ଆଡଃ ଏଲିଶାବେଥ୍ ପାବିତାର୍ ଆମ୍‌ତେ ପେରେୟାନାଏ । ୪୨ ଇନିଃ କାଉରିତାନ୍‌ଲଃ କାଜିକେଦାଏ, “ଆମ୍ କୁଡିକଆଃ ଆଲାର୍‌ମେନ୍ ଧାଇନ୍‌ଗିୟାଃ ଆଡଃ ଆମ୍ ଜାନାମ୍‌ ହନ୍ ଧାଇନ୍‌ଗିୟାଏ ! ୪୩ ମେନ୍‌ଦ ଆଇଁୟାଃ ପ୍ରାଭୁଆଃ ଏଙ୍ଗାତେ ଆଇଙ୍ଗ୍‌ତାଃତେ ହିଜୁଆକାନାଏ, ଏନା ଆଇଙ୍ଗ୍ ନାଙ୍ଗ୍ ଚିଲ୍‌କାତେ ହବାକାନା ? ୪୪ ଚିୟାଃତି, ନେଲେମେ, ଆମାଃ ଜହାର୍ ଆୟୁମ୍‌କେଦ୍‌ଚି ଆଇଁୟାଃ ଲାହିଦ୍‌ରେନ୍ ହନ୍‌ଦ ରାସ୍‌କାତେ ଏନେଃକ୍‌କେଦାଏ । ୪୫ ଅକଏ ବିଶ୍ୱାସ୍‌କେଦାଏ ଇନିଃ ଧାଇନ୍‌ଗିୟାଏ, ଚିୟାଃତି ପାର୍‌ମେଶ୍ୱାର୍‌ତାଃଏତେ ଇନିଃକେ କାଜିୟାକାନ୍ କାଜିଦ୍ ହବାଅଆଃଗିଆ !”

ମାରିୟାମ୍‌ଆଃ ମାନାରାଙ୍ଗ୍ ଦୁରାଙ୍ଗ୍

୪୬ ଆଡଃ ମାରିୟାମ୍ କାଜିକେଦାଏ,
“ଆଇଁୟାଃ ମନ୍‌ସୁରୁଦ୍ ପ୍ରାଭୁକେ ମାରାଙ୍ଗ୍‌ଇତାନା;
୪୭ ଆଡଃ ଆଇଁୟାଃ ଜୀଉ ବାଞ୍ଚାଅନିଃ ପାର୍‌ମେଶ୍ୱାର୍‌ତାଃରେ ରାସ୍‌କାଅଆତାନାଏ,
୪୮ ଚିୟାଃତି ଇନିଃ ଆୟାଃ ଦାସିଆଃ ନାରାଦୁରାକେ ନେଲାଇଦାଏ !
ଆଡଃ ନେଲେମେ, ନାହାଁଃଏତେ ସବେନ୍ ପାରିୟାରେନ୍ ହଡ଼କ ଆଇଙ୍ଗ୍‌କେ ସୁକୁତାନ୍‌ଗିୟାମେ ମେନ୍ତେକ ମେତାଇୟାଁ,
୪୯ ଚିୟାଃତି ପେଡ଼େୟାନ୍ ପାର୍‌ମେଶ୍ୱାର୍ ଆଇଁୟାଃନାଙ୍ଗ୍ ମାପ୍‌ରାଙ୍ଗ୍ କାମିକ କାମିୟାକାଦାଏ ।
ଇନିୟାଃ ନୁଡୁମ୍ ପାବିତାର୍‌ଗିୟାଃ;
୫୦ ଆଡଃ ଇନିଃକେ ବରତାନ୍‌କଆଃନାଙ୍ଗ୍ ଇନିୟାଃ ଦାୟା
ଇନ୍‌କୁଆଃ ପିଡି ପିଡି ଜାକେଦ୍ ଜାନାଅଗି ତାଇନାଃ ।
୫୧ ଇନିଃ ଆୟାଃ ସୁପୁତାଃରେୟାଃ ପେଡ଼େଃ ଉଦୁବାକାଦାଏ ।
ଇନିଃ ମାରାଙ୍ଗ୍‌ୟେନ୍ ତାନ୍‌କକେ ଆକଆଃ ମନ୍‌ରେୟାଃ ଉଡ଼ୁଏତେ ଛିତିବିତିୟା କାଦ୍‌କଆଏ ।
୫୨ ଇନିଃ ଆକ୍‌ତେୟାର୍ ନାମାକାଦ୍ ପେଡ଼େୟାନ୍ ରାଜାକକେ ରାଜଗାଦିଏତେ ଆଡ଼ଗୁଆ କାଦ୍‌କଆଏ,
ଆଡଃ ନାରାଦୁରାକକେ ଚେତାନ୍‌ତେ ରାକାବା କାଦ୍‌କଆଏ ।
୫୩ ଇନିଃ ରେଙ୍ଗେଜାକାନ୍‌କକେ ବୁଗିନ୍ ବିଷାଏତେ ବିୟାକାଦ୍‌କଆଏ,
ମେନ୍‌ଦ କିସାଁଶ୍ ହଡ଼କକେ ସାମା ତିଃଇଗି କୁଲ୍‌ରୁହାଡ଼୍ କାଦ୍‌କଆଏ ।
୫୪ ଆବୁଆଃ ପୁରଖାହାଡ଼ାମ୍‌କକେ କାଜିୟାକାଦ୍‌କ ତାଇକେନ୍ ଲେକା,
ଇନିଃ ଆୟାଃ ଦାସି ଆବ୍ରାହାମ୍ ଆଡଃ ଇସ୍ରାଏଲ୍ ହଡ଼କକେ ଦାୟା କାଦ୍‌କଆ ।
୫୫ ଇନିଃ ଜାନାଅ ଜାନାଅ ନାଗେନ୍ତେ ଆବ୍ରାହାମ୍ ଆଡଃ ଆୟାଃ ସବେନ୍ କିଲିକକେ ଲିନିବୁଇ ଉଦୁଦ୍ ନାଗେନ୍ତେ କାଏ
ରିଡିଙ୍ଗ୍‌କାଦା ।”

୫୬ ମାରିୟାମ୍ ଆପି ମାହିଁନା ଜାକେଦ୍ ଏଲିଶାବେଥ୍‌ଆଃ ଅଡ଼ାଃରେ ତାଇନ୍‌ୟାନାଏ, ତାୟମ୍‌ତେ ଆୟାଃ ଅଡ଼ାଃତେ ରୁହାଡ଼୍‌ୟାନାଏ ।

ବାପ୍ତିସ୍ମା ଏମଃନିଃ ଯୋହାନ୍‌ଆଃ ଜାନାମ୍

୫୭ ଏଲିଶାବେଥ୍‌ଆଃ ହନ୍‌ଜାନାମ୍ ଦିପିଲି ସେଟେର୍‌ୟାନା, ଆଡଃ ଇନିଃ ମିଆଁଦ୍ କଡାହନ୍ ଜାନାମ୍‌କିୟାଏ । ୫୮ ଆଡଃ ପାର୍‌ମେଶ୍ୱାର୍ ଯେ ଏଲିଶାବେଥ୍‌କେ ପୁରାଃଗି ଲିବୁଇୟାକାଇୟାଏ ମେନ୍ତେ ଆୟୁମ୍‌କେଦ୍‌ତେ ଆୟାଃ ହପର୍‌ଜାପାଃରେନ୍ ହଡ଼କ ଆଡଃ ପାରିବାର୍‌ରେନ୍‌କ ଆୟାଃଲଃକ ରାସ୍‌କାୟାନା ।

* ୧:୩୫ ୧:୩୫ ଉମ୍‌ଲୁ ଆବ୍‌ରାଅ † ୧:୩୬ ୧:୩୬

୫୯ ହନ୍ ଜାନାମ୍‌ରେୟାଃ ଇରାଲିୟା ମାହାଁରେ ଇନ୍‌କୁ ବାଲେଃହନ୍‌କେ ଖାତ୍‌ନାଅ ନାଗେନ୍ତେକ ହିଜୁଃୟାନା, ଆତଃ ଆୟାଃ ଆପୁତେୟାଃ ନୁତୁମ୍‌ଲେକା ଆଇଃକ୍‌କେ ଜାଖ୍‌ରିୟା ମେନ୍ତେ ନୁତୁମ୍‌ ତାନ୍‌କ ସାନାଙ୍ଗ୍ ତାଇକେନା, ୬୦ ମେନ୍‌ଦ ଇନିୟାଃ ଏଙ୍ଗାତେ କାଜିକେଦାଏ, “ବାନଃଟି ଇନିଃକେ ଯୋହାନ୍ ନୁତୁମ୍‌ଃଆ ।”

୬୧ ଇନ୍‌କୁ ଏଲିଶାବେଥ୍‌କେ କାଜିକିୟାଃକ, “ଆପେୟାଃ କିଲିରେନ୍ ହାଗା ହନ୍‌କରେ ଜେତାଏୟାଃ ନୁତୁମ୍ ନେ ଲେକା ବାନଃଆ !” ୬୨ ଏନ୍ତେ ଏନ୍ ସିଟିଆକେ ଚିକାନ୍ ନୁତୁମ୍ ନୁତୁମ୍‌ଃଆ ମେନ୍ତେ ଆୟାଃ ଆପୁତେ ସାନାଙ୍ଗ୍‌ତାନାଏ, ଏନା ସାରିନାଙ୍ଗ୍ ଆପୁତେକେ ତିଃଇତେକ କୁଲିକିୟାଃ ।

୬୩ ନେୟାଁ ଆୟୁମ୍‌କେଦ୍‌ତେ ଆପୁତେ ମିଆଁଦ୍ ତାକ୍‌ତାଃ ଆସିକେଦ୍‌ତି, “ବାଲେଃହନ୍‌ଆଃ ନୁତୁମ୍ ଯୋହାନ୍ ତାନାଃ” ମେନ୍ତେ ଅଲ୍‌କେଦାଏ, ଏନାତେ ସବେନ୍‌କ ଆକ୍‌ଦାନ୍‌ଆୟାନାକ । ୬୪ ଆତଃ ଇମ୍‌ତାଗି ଇନିୟାଃ ମତା ଆତଃ ଆଲାଙ୍ଗ୍ ରାଡାୟାନା ଆତଃ ଇନିଃ ଆତଃମିସା ବାଖାଁଣ୍ ଏଟେଦ୍‌କେଦ୍‌ତେ ପାର୍‌ମେଶ୍‌ବରକେ ଧାନ୍ୟାବାଦ୍ ଏମ୍‌କିୟାଏ । ୬୫ ଏନାତେ ଇନ୍‌କୁଆଃ ସବେନ୍ ହପ୍‌ରଜାପାଃରେନ୍‌କ ବରକେଦାଃକ, ଆତଃ ସବେନ୍ କାଜି ଯିହୁଦା ଦିଶୁମ୍‌ରେୟାଃ ଗଟା ବୁରୁ ଦିଶୁମ୍‌ରେ ଉମିନ୍‌ୟାନା । ୬୬ ନେ କାଜି ଆୟୁମାକାଦ୍ ସବେନ୍ ହଡକ୍‌କ ଆକ୍‌ଦାନ୍‌ଆୟାନଲଃ ଆକଆଃ ଆପନାଃ ମନ୍‌ରେ କୁଲିକେଦାଃକ, “ନିଃ ଚିଲ୍‌କାନ୍ ହନ୍‌ନାଏ ହବାଅଆଃ ?” ଚିୟାଃଟି ପାର୍‌ମେଶ୍‌ବରଆଃ ତିଃଇ ଇନିଃଲଃ ତାଇକେନା ।

ଜାଖ୍‌ରିୟାଃ ଆୟାର୍‌କାଜି

୬୭ ଆତଃ ଯୋହାନ୍‌ଆଃ ଆପୁତେ ଜାଖ୍‌ରିୟା ପାବିତାର୍ ଆମ୍‌ତେ ପେରେୟାନ୍ତେ, ନେ ଆୟାର୍‌କାଜିୟାଏ ଉଦୁବ୍‌କେଦାଃ :

୬୮ “ଇସ୍ରାଏଲ୍‌ଆଃ ପ୍ରାଭୁ ପାର୍‌ମେଶ୍‌ବରଆଃ ସାହାରାଅ ହବାଅଃକା !

ଚିୟାଃଟି ଇନିଃଦ ଆୟାଃ ହଡକ୍‌କେ ଦେଙ୍ଗାମାଙ୍ଗ୍ ମେନ୍ତେ ହିଜୁଆକାନାଏ ଆତଃ ଇନ୍‌କୁକେ ରାଡା କାଦ୍‌କଆଏ ।

୬୯ ଇନିଃ ଆବୁଆଃନାଙ୍ଗ୍ ମେନ୍ତେ ଆୟାଃ ଦାସି ଦାଉଦ୍‌ଆଃ କିଲିଏତେ ମିଆଁଦ୍ ପେଡେୟାନ୍ ଜୀଉବାଞ୍ଚାଅନିଃକେ ଏମାକାଦ୍‌ବୁଆଏ ।

୭୦ ନାଙ୍ଗ୍ ପାରିୟାଏତେଟି ତାଇନଃତାନ୍ ତାଇକେନ୍ ଆୟାଃ ପାବିତାର୍ ନାବାକଆଃ ମତାତେ ପାର୍‌ମେଶ୍‌ବର ନେୟାଁଏ ଉଦୁବ୍‌ଲେଦା ।

୭୧ ଏନ୍‌ଲେକାଗି ଆବୁଆଃ ବାଇରିକଏତେ ଆତଃ ସବେନ୍ ଖୁସ୍‌ଆବୁତାନ୍‌କଆଃ ତିଃଇଏତେ ଜୀଉବାଞ୍ଚାଅ ଏମାକାଦ୍‌ବୁଆଏ ।

୭୨ ଆବୁଆଃ ପୁରଖାହାଡାମକକେ ଦାୟାକଆ ଆତଃ ଆୟାଃ ପାବିତାର୍ ରାଜିନାମାରାଃ କାଜିକେ ପାହାମେ ନାଗେନ୍ତେ,

୭୩ ଇନିଃ ଆବୁଆଃ ଆପୁ ଆବ୍ରାହାମ୍‌ଲଃ କିରିୟାକାଦ୍ ତାଇକେନାଏ ।

୭୪ ଆବୁକେ ଆବୁଆଃ ବାଇରିକଆଃ ତିଃଇଏତେ ବାଞ୍ଚାଅବୁଆଏ,
ଆତଃ କା ବରତାନ୍‌ଲଃ ଇନିୟାଃ ସେଖାନାଙ୍ଗ୍,

୭୫ ପାବିତାର୍ ଆତଃ ଧାର୍‌ମାନ୍ ଲେକାତେ ଇନିୟାଃ ସାମ୍‌ନାଙ୍ଗ୍‌ରେ
ଆବୁ ଜାଉଜରଙ୍ଗ୍‌ରୁ ତାଇନାଃ ।

୭୬ ଆତଃ ଏ ହନ୍, ଆମ୍ ମାରାଙ୍ଗ୍ ଉତାର୍‌ନିଃ ପାର୍‌ମେଶ୍‌ବରଆଃ ନାବା ନୁତୁମ୍‌ଃଆମ୍
ଆମ୍‌ଦ ପ୍ରାଭୁଆଃ ଆୟାର୍‌ରେ

ଇନିୟାଃ ହରା ବାବାଇତେମ୍ ସେନାଃ ।

୭୭ ଇନିୟାଃ ହଡକ୍‌କେ ଆମ୍

ଆକଆଃ ପାପ୍ ଛାମାରେୟାଃ ହରାତେ ଜୀଉବାଞ୍ଚାଅରାଃ ସେଣାଁମ୍ ଉଦୁବାକଆ ।

୭୮ ଚିୟାଃଟି ପାର୍‌ମେଶ୍‌ବରଆଃ ମାରାଙ୍ଗ୍ ଲିବୁଇତେ

ତୁରୋଃତାନ୍ ସିଜି ସିମାଏତେ ଆବୁତାଃରେ ଉଦୁବଃଆ ।

୭୯ ଏନା ନୁବାଃରେୟାଃ ଆତଃ ଗନ୍‌ଏଃରେୟାଃ ଉମ୍‌ଲୁରେ ଦୁବାକାନ୍‌କକେ ମାର୍‌ସାଲ୍‌କଆଏ,
ଆତଃ ଜୀଉ ସୁକୁରେୟାଃ ହରାରେ ସେନ୍‌ନାଙ୍ଗ୍ ଆୟାର୍ ଇଦିକଆଏ ।”

୮୦ ନେ ଲେକାଗି ଏନ୍ ସିଟିଆ ହନ୍ ମାଡି ମାଡିତେ ହାରା ଇଦିୟାନ୍‌ଲଃ ଆମ୍‌ରେ ପେଡେଃ ଇଦିୟାନାଏ, ଆତଃ ଇସ୍ରାଏଲ୍‌ତାଃ ଆଉରି ଉଦୁବଃ ଜାକେଦ୍ ବିର୍‌ରେ ତାଇକେନାଏ ।

୨

**ୟାଶୁଆଃ ଜାନାମ୍
(ମାଥୂଉ ୧:୧୮-୨୫)**

୧ ଏନ୍ ହୁଲାଙ୍ଗ୍‌କରେ ଗଟା ରୋମ୍ ଦିଶୁମ୍‌ରେନ୍‌କଆଃ ନୁତୁମ୍ ଅଲ୍‌ଲଃକା ମେନ୍ତେ ଲାଟ୍‌ସାହେବ୍ କାଇସାର୍ ଆଗସ୍ତସ୍ ହୁକୁମ୍ ଜାରିକେଦାଏ । ୨ କୁରିଣିୟ ନୁତୁମ୍ ସିରିୟାରେନ୍ ଲାଟ୍‌ସାହେବ୍ ତାଇକେନ୍ ଦିପିଲିରେ ନେଆଁ ପାହିଲା ନୁତୁମ୍

‡ ୧:୨୩ ୧:୨୩ ତାକ୍‌ତା ସିଲେଟ୍ ଲେକ୍‌ନା § ୧:୨୦ ୧:୨୦ ସୁରୁଏତେ

ଅନଲ୍ ତାଙ୍କକେନା । ୩ ଏନା ନାଗେନ୍ତେ ସବେନ୍ଦକ ଆକଆଃ ନୁତୁମ୍ ଅଲ୍ରିକାନାଙ୍ ଆକଆଃ ଆକଆଃ ନାଗାର୍ତେକ ସେନଃୟାନା ।

୪ ଆତଃ ଯୋଷେଫ୍ ହରି ନୁତୁମ୍ ଅଲ୍ରିକା ନାଗେନ୍ତେ ମାରିୟାମ୍ଲଃ ଗାଲିଲ୍ରେୟାଃ ନାଜ୍ରେତ୍ ନାଗାର୍ତେକ ଯିହୁଦା ଦିଶ୍ମୁମ୍ରେୟାଃ ବେଥ୍ଲେହେମ୍ ନୁତୁମ୍ ଦାଉଦ୍ ଆଃ ନାଗାର୍ତେକିନ୍ ସେନ୍କେନା, ଚିୟାଃଟି ଯୋଷେଫ୍ ଦାଉଦ୍ ଆଃ କିଲି ଆତଃ ଅଡ଼ାଃରେନ୍ନିଃ ତାଙ୍କକେନାଏ । ୫ ଯୋଷେଫ୍ ନାଙ୍ ଆସିଆକାନ୍ କୁଡ଼ିଲଃ ନୁତୁମ୍ ଅଲ୍ରିକାତେ ହିଜୁଃୟାନା, ଇମ୍ତା ଇନିଃ ହାମ୍ବାଲ୍ରେୟାଃ *କାନାଏ ତାଙ୍କକେନା । ଏନ୍ କୁଡ଼ିରାଃ ନୁତୁମ୍ ମାରିୟାମ୍ ତାଙ୍କକେନା । ୬ ଇନ୍କିନ୍ ବାଏତୁଲ୍ଲାମ୍ ରେନ୍କିନ୍ ତାଙ୍କକେନା ଇମ୍ତାଙ୍ ମାରିୟାମ୍ ଆଃ ରାଝାଲଃରେୟାଃ† ନେତା ସେଟେରୁୟାନା । ୭ ଆତଃ ଇନିଃ ଆୟାଃ ମୁଡ଼କୁଲ୍‡ ହନ୍ ଜାନାମ୍ କିୟାଏ, ଆତଃ ଇନିଃକେ ଲିଜାଃତେ ପୋଟ୍ମକିଃତେ ତାତାକାରେୟାଏ ବାଟିକିୟାଃ, ଚିୟାଃଟି ଇନ୍କିନାଃ ନାଗେନ୍ତେଦ ତେରା ଅଡ଼ାଃରେ ଠାୟାଦ୍ ହ କା ତାଙ୍କକେନା ।

ମିଶ୍ରିଗୁପିମାହାରାକ ଯୀଶୁଆଃ ଜାନାମ୍ ଉନୁଦୁବ୍ କଃ ଆୟୁମ୍ଲଃ

୮ ଆତଃ ଏନ୍ ହାତୁ ଜାପାଃରେୟାଃ ପିଡ଼ିରେ ମିଶ୍ରିଗୁପିମାହାରାକ ତାଙ୍କକେନା, ଇନ୍କୁ ନିଦାରେ ଆକଆଃ ମିଶ୍ରିକକେ ହରତାନ୍ କ ତାଙ୍କକେନା । ୯ ଆତଃ ପ୍ରାଭୁଆଃ ମିଆଁଦ୍ ଦୁଡ଼ ଇନ୍କୁତାଃରେ ତିଜୁୟାନାଏ ଆତଃ ପ୍ରାଭୁଆଃ ମାନାରାଙ୍ ରାଃ ମାର୍ସାଲ୍ ଇନ୍କୁତାଃରେ ଜୁଲ୍ ବିୟୁରୁୟାନା ଆତଃ ଇନ୍କୁ ପୁରାଃଟିକ ବରକେଦାଃ । ୧୦ ମେନ୍ଦ୍ ଦୁଡ଼ ଇନ୍କୁକେ କାଜିକେଦ୍ କଆଏ, “ଆଲ୍ପେ ବରୟାଃ ! ନେଲେପେ, ଆଇଙ୍ ଆପେକେ ପୁରାଃ ରାସ୍ କାରେୟାଃ ସୁକୁକାଜିଙ୍ ଉଦୁବାପେତାନା, ଏନା ସବେନ୍ ହଡ଼କଆଃ ନାଗେନ୍ତେ ତାଙ୍କନାଃ । ୧୧ ଚିୟାଃଟି ତିସିଙ୍ ଦାଉଦ୍ ଆଃ ନାଗାର୍ତେ ଆପେୟାଃ ନାଗେନ୍ତେ ମିଆଁଦ୍ ବାଞ୍ଚାଅନିଃ ଜାନାମା କାନାଏ, ଇନିଃ ଶ୍ରୀଷ୍ଟ୍ ପ୍ରାଭୁ ତାନିଃ ! ୧୨ ଆତଃ ଆପେୟାଃ ନାଗେନ୍ତେ ନେଆଁ ଚିଙ୍ଗାଁ ତାନାଃ, ଆପେ ମିଆଁଦ୍ ବାଲେଃ ହନ୍କେ ଲିଜାଃତେ ପୋଟ୍ମକାନ୍ ଆତଃ ତାତାକାରେ ବାଟିୟାକାନ୍ପେ ନାମିୟା ।”

୧୩ ଇମ୍ତାଗି ଏନ୍ ଦୁଡ଼ଲଃ ସିମ୍ପାରେନ୍ ଫାଉଦ୍ କ ହୁଣ୍ଡିୟାନାକ ଆତଃ ଇନ୍କୁ ପାର୍ମେଶ୍ଵାର୍ କେ ମାରାଙ୍ ଇତାନ୍ଲଃ କାଜିକେଦାଃକ :

୧୪ “ସାଲ୍ଲାଙ୍ ଉତାର୍ ସିମ୍ପାରେ ପାର୍ମେଶ୍ଵାର୍ ଆଃ ମାନାରାଙ୍, ଆତଃ ଅତେରେ ଆୟାଃ ସୁକୁଆକତାନ୍ ହଡ଼କରେ ସୁକୁ ହବାଅଃକା !”

୧୫ ଦୁଡ଼ ଇନ୍କୁତାଃଏତେ ସିମ୍ପାତେକ ସେନଃୟାନି, ମିଶ୍ରିଗୁପିମାହାରାକ ଆକ ଆକରେ ମେନ୍କେଦାଃକ, “ଦଲ୍ଲାବୁ ବେଥ୍ଲେହେମ୍ ତେବୁଆ ଆତଃ ପ୍ରାଭୁ ଉଦୁବାକାଦ୍ ବୁଆଏ ଏନ୍ ହବାକାନ୍ କାଜିବୁ ନେଲେୟାଃ ।”

୧୬ ଆତଃ ଇନ୍କୁ ଜାଲ୍ ଦିଗି ସେନ୍ତେବାରୟାନ୍ତେ ମାରିୟାମ୍, ଯୋଷେଫ୍ ଆତଃ ତାତାକାରେ ବାଟିୟାକାନ୍ ବାଲେଃ ହନ୍କେକ ନେଲ୍ ନାମ୍ କିୟାଃ । ୧୭ ଇନ୍କୁ ଇନିଃକେ ନେଲ୍ କିଃତେ ହନ୍ ଆଃ ବିଷାଏରେ ଦୁଡ଼ କାଜିଲେଦ୍ କାଜିକ ଉଦୁବ୍ ବାଡ଼ାକେଦାଃ । ୧୮ ମିଶ୍ରିଗୁପିମାହାରାକ ଉଦୁବ୍ କେଦ୍ କାଜିତେ ସବେନ୍ ଆୟୁମ୍ କେଦ୍ ହଡ଼କ ଆକଦାନ୍ଦାୟାନାକ । ୧୯ ମେନ୍ଦ୍ ମାରିୟାମ୍ ନେ ସବେନ୍ କାଜି ଆୟାଃ ମନ୍ରେ ଦହକେଦାଏ ଆତଃ ପୁରାଃ ଉଡ଼ୁତାନାଏ ତାଙ୍କକେନା । ୨୦ ଆତଃ ମିଶ୍ରିଗୁପିମାହାରାକକେ ଉଦୁବ୍ ଲେନ୍ଲେକା, ଏନ୍ ସବେନାଃ ଆୟୁମ୍ କେଦ୍ ତେ ଆତଃ ନେଲ୍ କେଦ୍ ତେ ପାର୍ମେଶ୍ଵାର୍ ଆଃ ମାନାରାଙ୍ ଦୁରାଙ୍ ଇତାନ୍ଲଃ ଇନ୍କୁ ରୁହାଡ଼ୟାନାକ ।

ୟୀଶୁକେ ଯୀରୁଶାଲେମ୍ ମାନ୍ଦିରତେକ ଇଦିକିୟାଃ

୨୧ ଏନ୍ ସିଟିଆକେ ଇରାଲିୟା ମାହାଁ ହବାୟାନ୍ଲଃ ଖାଡ଼ନାଅକିୟାକ, ଆତଃ ଇନିଃକେ ଯୀଶୁ ମେନ୍ତେକ ନୁତୁମ୍ କିୟାଃ, ନେ ନୁତୁମ୍ ଇନିୟାଃ ହାମ୍ବାଲ୍ରେୟାଃ ହବାଅଃ ସିଦାରେ ଦୁଡ଼ ଆଃ ହରାତେ ନୁତୁମାକାନ୍ ତାଙ୍କକେନା । ୨୨ ମୁଶାରାଃ ଆନ୍ତୁଲେକା ଇନ୍କୁଆଃ ଫାର୍ତ୍ରେୟାଃ ନେତା ତେବାରୟାନ୍ରେ, ପ୍ରାଭୁଆଃ ସାମ୍ନାଙ୍ରେ ରାକାବି ନାଗେନ୍ତେ ଯୋଷେଫ୍ ଆତଃ ମାରିୟାମ୍ ଇନିଃକେ ଯୀରୁଶାଲେମ୍ ମାନ୍ଦିରତେକିନ୍ ଇଦିକିୟାଃ । ୨୩ ପ୍ରାଭୁଆଃ ଆନ୍ତୁରେ ଅଲ୍ଲାନା, “ସବେନ୍ ମୁଡ଼କୁଲ୍ କଡ଼ାହନ୍ କ ପ୍ରାଭୁଆଃ ନାଗେନ୍ତେକ ପାବିତାରଃକା,” ୨୪ ଆତଃ ଇନ୍କିନ୍ ପ୍ରାଭୁଆଃ ଆନ୍ତୁରେୟାଃ କାଜିଲେକା, ବାରିୟା ପୁତାମ୍ ଚାଏ ବାରିୟା ଦୁଦୁମ୍ଲ୍ ହନ୍କିନ୍କେ ଦାଣ୍ଟି ରାକାବ୍ ତେକିନ୍ ସେନଃୟାନା ।

ଶିମିୟନ୍ ଆତଃ ହାନ୍ନା ଯୀଶୁକେକିନ୍ ନେଲ୍ କିୟା

୨୫ ନେଲେପେ, ଯୀରୁଶାଲେମ୍ରେ ଶିମିୟନ୍ ନୁତୁମ୍ ମିଆଁଦ୍ ହଡ଼ ତାଙ୍କକେନାଏ, ଇନିଃ ଧାର୍ମାନ୍ ଆତଃ ମାନାତିଙ୍ ନିଃ ତାଙ୍କକେନାଏ । ଇନିଃ ଇସ୍ରାଏଲ୍ ହଡ଼କଆଃ ଜୀଉରାଡ଼େଃ ଏମ୍ ନିଃକେ ନେଲ୍ ହରା ତାଙ୍କକେନାଏ, ଆତଃ ଇନିଃରେ ପାବିତାର୍ ଆମ୍ ତାଙ୍କନଃତାନାଏ ତାଙ୍କକେନା । ୨୬ ଆତଃ ଆମ୍ ପ୍ରାଭୁଆଃ ଶ୍ରୀଷ୍ଟ୍ କେ ଆଉରି ନେଲିୟାକେଦ୍ ଆମାଃ ଗନ୍ ଏଃ କା ହବାଅଆଃ ମେନ୍ତେ ପାବିତାର୍ ଆମ୍ ଇନିଃକେ ଉଦୁବାକା ତାଙ୍କକେନା । ୨୭ ଆତଃ ଶିମିୟନ୍ ପାବିତାର୍ ଆମ୍ ତେ ମାନ୍ଦିର୍ ଅଡ଼ାଃତେ ହିଜୁଃୟାନାଏ । ଆତଃ ଆନ୍ତୁରେୟାଃ କାଜିଲେକାତେ କାମିନାଙ୍ ଯୀଶୁଆଃ ଏଙ୍ଗା ଆପୁକିନ୍ ଇନିଃକେ

* ୨:୫ ୨:୫ ହାମ୍ବାଲ୍ରେୟାଃ ହଡ଼ମ୍ ଆଁ † ୨:୬ ୨:୬ ରାଝାଲଃରେୟାଃ ବୁଗିୟାରେୟାଃ ‡ ୨:୭ ୨:୭ ପାହିଲ୍ ☆ ୨:୨୧ ୨:୨୧ ଲୁକ ୧:୩୧.

ସାବ୍‌କେଦ୍‌ତେ ମାନ୍ଦିରତେକିନ୍ ବଲୟାନା, ୨୮ ଇମ୍‌ତାଜ୍ ଶିମିୟନ୍, ହନ୍‌କେ ଖାକିୟାଅକିୟାଏ ଆତଃ ପାର୍‌ମେଶ୍ୱାରକେ ଧାନ୍‌ଧାବାଦ୍ ଏମ୍‌ତାନଲଃ କାଜିକେଦାଏ :

୨୯ “ହେ ଗମ୍‌କେ, ନାହାଁଃଦ ଆମ୍ ଆମାଃ କାଜିଲେକା, ଦାସିତାମାଃକେ ସୁକୁତେମ୍ ବିଦାଈତାନା ।

୩୦ ତିୟାଃତି ଆଇଜ୍‌ଦ ଆଇୟାଃ ମେଦ୍‌ତେ ଆମାଃ ପାରିତ୍ରାଣକେ ନେଲକାଦାଈଜ୍, ୩୧ ଅକଆଃତି ସବେନ୍ ହଡକଆଃ ଆୟାରରେ ସେକାଡାକାଦାମ୍ :

୩୨ ଆତଃ ଏଟାଃ ଜାତିରେନ୍‌କଆଃ ନାଜ୍ ମାସ୍ତାଲରାଃ ଦିମି ଆତଃ ଆମାଃ ଇସ୍ରାଏଲ୍ ହଡକଆଃ ନାଗେନ୍ତେ ମାଜନାନ୍ ଆଉଝେୟାଏ ।”

୩୩ ସିତିଆ ହନ୍‌ଆଃ ଏଜ୍‌ଆପୁକିନ୍ ଆୟାଃ ବିଷାଏରେ କାଜିୟାଃତେୟାଃ ଆୟୁମ୍‌କେଦ୍‌ତେ ଆକ୍‌ଦାନ୍‌ଆୟାନାକିନ୍ । ୩୪ ଶିମିୟନ୍ ଇନ୍‌କୁକେ ଆଶିଷ୍ କେଦକଆଏ, ଆତଃ ଇନିୟାଃ ଏଜ୍‌ଆତେ ମାରିୟାମ୍‌କେ କାଜିକିୟାଏ, “ନେଲେମେ, ନେ ହନ୍ ପୁରାଃ ଇସ୍ରାଏଲ୍‌କଆଃ ଉୟୁଗଃ ଆତଃ ବିରିଦଃ ନାଗେନ୍ତେ ପାର୍‌ମେଶ୍ୱାରଆଃ ମିଆଁଦ୍ ସାଲାକାନ୍ ଚିହ୍ନାଁ ହବାଅଃଆଏ, ମେନ୍‌ଦ ପୁରାଃ ହଡକ ଇନିୟାଃ ବିରୁଧ୍‌ରେ ବାଖାଁଣେୟାକ । ୩୫ ଆତଃ ଏନାତେ ପୁରାଃ ମନ୍‌ରେୟାଃ ଉଡ଼ୁ ଉଦୁବଃଆ । ଆତଃ ଏନ୍ ବିଷାଏନାଜ୍ ଆପେୟାଃ ମନ୍‌ସୁରୁଦ୍‌ରେ ତାରାଉଡି ଗୁତୁ ପାରମଃଆ ।”

୩୬ ଆସେର କିଲିରେନ୍ ପିନ୍‌ଏଲ୍‌ଆଃ ହନ୍ତେକ୍‌ଡି ହାନ୍ନା ନୁତୁମ୍ ମିଆଁଦ୍ କୁଡିନାବୀ ତାଇକେନାଏ । ଇନିଃ ଡିଶ୍ଟାଏତେ ସାଡ୍ ବାରାଷ୍ ଆୟାଃ କଡାତେଲଃ ତାଇକେନ୍‌ତେ ବୁଡି ଲୁକୁଦ୍ ଲୁକୁଦା କାନାଏ ତାଇକେନା । ଆତଃ ଇନିଃ ଚାର୍‌ହିସି ଚାର୍‌ବାରାଷ୍ ରେନ୍ ରାଣ୍ଡିକୁଡି ତାଇକେନାଏ । ୩୭ ଆତଃ ଇନିଃ ତିଉଲାହ ମାନ୍ଦିର୍ ଅଡ଼ାଏତେ କାଏ ଅଡ଼ଜ୍‌ଆଃତାନ୍ ତାଇକେନା, ମେନ୍‌ଦ କାଟାବ୍‌ତାନଲଃ ଆତଃ ବିଡିତାନଲଃ ନିଦାସିଜ୍ ପାର୍‌ମେଶ୍ୱାରକେ ମାଜନାନ୍ ତାଇକେନା । ୩୮ ଇନିଃ ଇମ୍‌ତାଜ୍‌ଗି ସିତିଆ ହନ୍ ଆତଃ ଆୟାଃ ଏଜ୍‌ଆପୁକିନ୍‌ତାଃ ନାଡେଃୟାନ୍‌ଲଃ ପାର୍‌ମେଶ୍ୱାରକେ ଧାନ୍‌ଧାବାଦ୍‌କିୟାଏ ଆତଃ ଅକନ୍‌କ ଯାରୁଶାଲେମ୍‌ରାଃ ମୁକ୍ତି ନେଲ୍‌ହରାତାନ୍ ସବେନ୍‌କକେ ଇନିଃ ଯୀଶୁଆଃ ବିଷାଏରେ କାଜିୟାଦକଆଏ ।

ଯୋଷେଫ୍ ଆତଃ ମାରିୟାମ୍ ତିକିନାଃ ଅଡ଼ାଃ ରୁହାଡ୍

୩୯ ✨ଯୋଷେଫ୍ ଆତଃ ମାରିୟାମ୍ ପାର୍‌ମେଶ୍ୱାରଆଃ ଆନ୍‌ତୁଲେକା ସବେନାଃ ଚାବାକେଦ୍‌ତି ଗାଲିଲ୍ ଦିଶୁମ୍‌ରେୟାଃ ଆକିନାଃ ନାଗାର୍ ନାଜ୍‌ରେଡ୍‌ତେକିନ୍ ରୁହାଡ୍‌ୟାନା । ୪୦ ଆତଃ ସିତିଆ ହନ୍ ମାଡି ମାଡିତେ ହାରା ଇଦିୟାନ୍‌ଲଃ ପେଡେଃ ଆତଃ ସେଣାଁତେ ପେରେଃଇଦିୟାନାଏ, ଆତଃ ପାର୍‌ମେଶ୍ୱାରଆଃ ସାୟାଦ୍‌ୱି ଇନିଃଲଃ ତାଇକେନା ।

ବାରା ବାରାଷ୍‌ରେନ୍ ଯୀଶୁ ମାନ୍ଦିର୍‌ଅଡ଼ାଃରେ ଗୁରୁକଲଃ ଜାଗାରକେଦାଏ

୪୧ ଯୀଶୁଆଃ ଏଜ୍‌ଆପୁକିନ୍ ସବେନ୍ ବାରାଷ୍ ପାସକା ପାରାବ୍‌ରେ ଯୀରୁଶାଲେମ୍‌ତେ ସେନଃ ତାନ୍‌କିନ୍ ତାଇକେନା । ୪୨ ଯୀଶୁକେ ବାରା ବାରାଷ୍ ହବାଅଃତାନ୍ ତାଇକେନ୍ ଇମ୍‌ତା, ଇନ୍‌କୁ ରିଡିଲେକା ପାରାବ୍ ମାନାଡିଜ୍ ନାଜ୍‌କ ସେନ୍‌କେନା । ୪୩ ଆତଃ ପାରାବ୍ ମାନାଡିଜ୍ ଚାବାକେଦ୍‌ତି, ଅଡ଼ାଃତେ ସେନ୍ ରୁହାଡ୍‌ତାନ୍ ଇମ୍‌ତା ହନ୍ ଯୀଶୁ ଯୀରୁଶାଲେମ୍‌ରେ ତାଇନ୍‌ୟାନାଏ, ଏନା ଆୟାଃ ଏଜ୍‌ଆପୁକିନ୍ କାକିନ୍ ସାରିତାନ୍ ତାଇକେନା । ୪୪ ମେନ୍‌ଦ ଇନିଃ ଗାତିକଲଃ ମେନାଇୟାଃ ମେନ୍ତେକିନ୍ ପାହାମ୍‌କେଦ୍‌ତେ, ସିଜ୍‌ସାରୁଦ୍‌ରେୟାଃ ହରା ସେନଃୟାନାକିନ୍, ଏନ୍ତେ ଆକିନାଃ କୁପୁଲ୍‌କ ଆତଃ ଗାତିକଆଃ ଆଲାରେକିନ୍ ଦାଣାଁଏଚେଦ୍‌କିୟାଃ । ୪୫ ଇନିଃକେ କାକିନ୍ ନାମ୍‌କିଃତେ ଦାଣାଁତାନ୍‌ଲଃ ଯୀରୁଶାଲେମ୍‌ତେକିନ୍ ରୁହାଡ୍‌ୟାନା । ୪୬ ଆପି ମାଃ ତାୟମ୍‌ତେ ଇନ୍‌କିନ୍ ଯୀଶୁକେ ମାନ୍ଦିର୍‌ଅଡ଼ାଃରେକିନ୍ ନାମ୍‌କିୟାଃ, ଧାରାମ୍‌ଗୁରୁକ ଆଲାରେ ଦୁବ୍‌କେଦ୍‌ତେ ଇନ୍‌କୁଆଃ କାଜି ଆୟୁମ୍‌ତାଇକେନାଏ ଆତଃ ଇନ୍‌କୁକେ କୁଲିକତାନ୍ ତାଇକେନାଏ । ୪୭ ଇନିୟାଃ ବାଖାଁଣ୍ ଆୟୁମ୍‌ତାନ୍ ସବେନ୍ ହଡକ ଇନିୟାଃ ସେଣାଁ ଆତଃ କାଜିରୁହାଡ୍‌ରେ ଆକ୍‌ଦାନ୍‌ଆୟାନାକ । ୪୮ ଇନିୟାଃ ଏଜ୍‌ଆପୁ ଇନିଃକେ ନେଲ୍‌କିଃତେ ଆକ୍‌ଦାନ୍‌ଆୟାନାକିନ୍, ଆତଃ ଏଜ୍‌ଆତେ ଇନିଃକେ କୁଲିକିୟାଏ, “ଏ ହନ୍, ଆମ୍ ଚିକାନାଜ୍‌ତେ ନେକାକେଦ୍‌ଲିୟାମ୍ ? ନେଲେମେ, ଆପୁମ୍ ଆତଃ ଆଇଜ୍ ଦୁକୁତାନ୍‌ଲଃ ଦାଣାଁବାଡାମେଁ ତାନାଲିଜ୍ ତାଇକେନା ।”

୪୯ ଯୀଶୁ ଇନ୍‌କିନ୍‌କେ କାଜିକେଦ୍‌କିନାଏ, “ତିନାଃମେନ୍ତେବେନ୍ ଦାଣାଁବାଡାଈଜ୍ ତାଇକେନା ? ତିୟାଃ ଆଇଜ୍‌କେ ଆପୁଇୟାଃ ଅଡ଼ାଃରେ ତାଇନଃ ଲାଗାଡିଜ୍‌ୟାଃ ଏନାତି କାବେନ୍ ସାରିତାନ୍ ତାଇକେନା ?” ୫୦ ମେନ୍‌ଦ ଇନିଃ ଇନ୍‌କିନ୍‌କେ କାଜିୟାଦକିନ୍ କାଜିକେ ଇନ୍‌କିନ୍ କାକିନ୍ ଆବ୍‌କାର୍‌ଉରୁମ୍‌କେଦାଃ ।

୫୧ ଏନ୍ତେ ଯୀଶୁ ଇନ୍‌କିନ୍‌ଲଃ ନାଜ୍‌ରେଡ୍‌ତେ ସେନଃୟାନାଏ, ଆତଃ ଇନିକିନାଃ କାଜିକ ମାନାଡିଜ୍‌ତାନ୍‌ଲଃ ତାଇୟାନାଏ । ମେନ୍‌ଦ ଇନିୟାଃ ଏଜ୍‌ଆତେ ଏନ୍ ସବେନ୍ କାଜି ଆୟାଃ ମନ୍‌ରେୟାଏ ଦହକେଦା । ୫୨ ଆତଃ ଯୀଶୁ ସେଣାଁତେ, ହଡ୍‌ମତେ ଆତଃ ପାର୍‌ମେଶ୍ୱାର୍ ଆତଃ ହଡକଆଃ ସାୟାଦ୍‌ରେ ହାରା ଇଦିୟାନାଏ ।

☆ ୨:୩୯ ୨:୩୯ ମାଥ୍‌ଉ ୨:୨୩. § ୨:୪୦ ୨:୪୦ ସାୟାଦ୍ ଆନ୍ତୁଗ୍ରାହା

୩

ବାପ୍ତିସ୍ମା ଏମଃନିଃ ଯୋହାନ୍‌ଆଃ ପ୍ରାଚାର୍

(ମାଥୂଉ ୩:୧-୧୨; ମାର୍କ ୧:୧-୮; ଯୋହାନ୍ ୧:୧୯-୨୮)

^୧ ଡିବିରିୟା କାଇସାର୍‌ଆଃ ରାଇଜ୍‌ତାନ୍ ପାନ୍‌ରା ବାରାଷ୍ ଡାଇକେନ୍ ଇମ୍‌ତା ପକ୍ତିୟସ୍ ପିଲାରୁସ୍ ଯିହୁଦାରେନ୍ ଲାଟ୍‌ସାହେବ୍ ଡାଇକେନାଏ, ଆଡଃ ହେରୋଦ୍ ଗାଲିଲ୍‌ରେନ୍ ମିଦ୍‌ହାନାଟିଙ୍ଗ୍ ରାଜା, ହାଗାତେ ଫିଲିପ୍ ଇଡୁରିୟା ଆଡଃ ଡ୍ରାଖୋନିଡିଆରେନ୍ ମିଦ୍‌ହାନାଟିଙ୍ଗ୍ ରାଜା, ଆଡଃ ଲୁସାନିଆଁ ଅବିଲିନିରେନ୍ ମିଦ୍‌ହାନାଟିଙ୍ଗ୍ ରାଜା ଡାଇକେନାଏ । ^୨ ହାନାନ୍ ଆଡଃ କାୟଫା ନୁତୁମ୍ ମାରାଙ୍ଗ୍ ଯାଜାକ୍ ଡାଇକେନ୍‌ପାରିୟାରେ ପାର୍‌ମେଶ୍‌ବାର୍‌ଆଃ କାଜି ଜାଖ୍‌ରିୟାରାଃ ହନ୍ ବାପ୍ତିସ୍ମା ଏମଃନିଃ ଯୋହାନ୍‌ତାଃତେ ବିର୍‌ରେ ସେଟେରୁୟାନା । ^୩ ଏନାତେ ଇନିଃ ଯାଦ୍‌ାନ୍ ଗାଡ଼ା ଯାପାଃରେୟାଃ ସବେନ୍‌ସାଃତେ ସେନ୍‌କେଦ୍‌ତେ “ପାପ୍ ଛାମା ନାମେନାଗେନ୍ତେ ମନ୍‌ରୁହାଡ଼୍‌ରେୟାଃ ବାପ୍ତିସ୍ମା” ଉଦୁବ୍‌ବାଡ଼ା ତାନାଏ ଡାଇକେନା ।

^୪ ଜେ'ଲେକା ନେଆଁଦ୍ ଯିଶାୟ ନାବୀୟାଃ କାଜିରେୟାଃ ପୁଅରେ ଅଲ୍‌କାନା,

“ଜେତାଏ ବିର୍‌ରେ କାଉରିତାନ୍‌ନିୟାଃ ସାଡ଼ି ଆୟୁମଃତାନା,

ପ୍ରାଭୁଆଃ ହରା ବାଇୟେପେ,

ଇନିୟାଃ ହରା ସିଧାଏପେ

^୫ ସବେନ୍ ଗାଡ଼ା ପେରେଜଃଆଃ, ସବେନ୍ ବୁରୁ ଆଡଃ ଗୁରୁ ଲାତାରଆଃ ।

ବେଙ୍କଆକାନ୍ ହରାକ ସିଧାଅଃଆ

ଆଡଃ ଗାଡ଼ା ଡିପା ହରାକ ସବେନ୍ ସାମ୍‌ବାଇୟାଃ ।

^୬ ଆଡଃ ସବେନ୍ ହଡ଼କ ପାର୍‌ମେଶ୍‌ବାର୍‌ଆଃ ପାରିଭ୍ରାଣ୍‌କ ନେଲେୟାଃ ।”

^୭ *ଯୋହାନ୍‌ତାଃତେ ବାପ୍ତିସ୍ମା ଇଦିନାଗେନ୍ତେ ହିଜୁଆକାନ୍ ପୁରାଃ ଫାରୁଣୀ ଆଡଃ ସାଦୁକି ହଡ଼କକେ କାଜିୟାଦ୍‌କଆଏ, “ଏ ବିଙ୍ଗ୍‌କଆଃ ହନ୍‌କ !” ହିଜୁତାନ୍ ମାରାଙ୍ଗ୍ ଏନେସେଦ୍‌ଏତେ* ନିର୍ ନାଗେନ୍ତେ “ଅକଏ ଆପେକେ ଚେତାଞ୍ଜାଦ୍‌ପେୟାଏ ?” ^୮ *ଆପେ ସାର୍‌ଡିଗି ପାପ୍‌ଏତେ ହେୟାଡିଙ୍ଗ୍‌କାଦ୍‌ରେଦ୍ ଆପେୟାଃ ବୁଗିନ୍ କାମିତେ ଉଦୁବେନ୍‌ପେ । ଆଡଃ ଆବ୍ରାହାମ୍ ଆଲେୟାଃ ଆପୁ ତାନିଃ ମେନ୍ତେ ଆପେ ଡିଡିକେଦ୍‌ତେ କାଜିତାନ୍‌ଲଃ ନେ ସାଜାଇଏତେ ବାଞ୍ଚାଞ୍ଜାଲେ ମେନ୍ତେ ଆଲ୍‌ପେ ଉଡ଼ୁୟା । ଚିୟାଃତି ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍ ପାର୍‌ମେଶ୍‌ବାର୍‌ଦ୍ ନେ ଦିରିକଏତେ ଆବ୍ରାହାମ୍ ନାଗେନ୍ତେ ହନ୍‌କଏ ବାଇଦାଡ଼ିୟା ! ^୯ *ଆଡଃ ନାହାଁଃ ଦାରୁରେୟାଃ ବୁଟାରେ ହାକେ ମାଣ୍ଡାଞ୍ଜା କାନା; ଅକନ୍ ଦାରୁ ବୁଗିନ୍ ଜ କା ଜଅଃଆ ଏନାକେ ମାଗଃଆ ଆଡଃ ସେଙ୍ଗେଲ୍‌ରେ ହୁରାଙ୍ଗ୍‌ଅଃଆ ।”

^{୧୦} ଏନ୍ତେ ଗାଦେଲ୍ ହଡ଼କ ଇନିଃକେ କୁଲିକିୟାଃକ, “ତାଦ୍‌ ଆଲେ ଚିନାଃଲେ ଚିକାୟା ?”

^{୧୧} ଯୋହାନ୍ ଇନ୍‌କୁକେ କାଜିରୁହାଡ଼ାଦ୍‌କଆଏ, “ଅକଏତାଃରେ ବାରିଆ ତୁସିଙ୍ଗ୍ ଲିଜାଃ ମେନାଃ, ଇନିଃ ଅକଏତାଃରେ ବାନଆଃ ଇନିଃକେ ମିଦ୍ ହାଟିଙ୍ଗ୍ ଏମାଇକାଏ, ଆଡଃ ଅକଏତାଃରେ ଜମେୟା ମେନାଃ, ଇନିଃହ ଏନ୍‌କାଗି ହାଟିଙ୍ଗ୍‌ୟେକାଏ ।”

^{୧୨} *ଆଡଃ ମାଲ୍‌ହାରମ୍‌କହ ବାପ୍ତିସ୍ମା ଇଦିନାଙ୍ଗ୍‌କ ହିଜୁଃୟାନା ଆଡଃ ଯୋହାନ୍‌କେକ କୁଲିକିୟାଃ, “ହେ ଗୁରୁ ଆଲେ ଚିନାଃଲେ ଚିକାଏୟା ?”

^{୧୩} ଏନ୍ତେ ଇନିଃ ଇନ୍‌କୁକେ କାଜିକେଦ୍‌କଆଏ, “ଆପେକେ ଚିମିୟାଙ୍ଗ୍ ଇଦିନାଙ୍ଗ୍ କାଜିୟାକାନା, ଏନାଏତେ ଆଦ୍‌କା ଆଲ୍‌ପେ ହାରୋମେୟା ।”

^{୧୪} ଆଡଃ ପାଲ୍‌ଟାନ୍‌କ ଯୋହାନ୍‌କେକ କୁଲିକିୟାଃ, “ଆଲେ ଚିନାଃଲେ ଚିକାୟା ?” ଇନ୍‌କୁକେ କାଜିକେଦ୍‌କଆଏ, “ପେଡ଼େଃତେ ଚାଏ ବେଦାତେ ଆଡଃ ହାଉକାଅକେଦ୍‌ତେ ଜେତାଏୟାଃ ଖୁଜ୍ ଆଲ୍‌ପେ ଇଦିୟା ଆଡଃ ଆପେୟାଃ ନାଲାରେ ସୁକୁଆକାନ୍‌ପେ ।”

^{୧୫} ସବେନ୍ ହଡ଼କ ବାଞ୍ଚାଅନିଃକେ ନେଲ୍‌ହରାତାନ୍‌କ ଡାଇକେନ୍ ହରାତେ, ଯୋହାନ୍‌କେ ଖ୍ରୀଷ୍ଟ୍ ତାନିଃ ମେନ୍ତେ ଆକଆଃ ମନ୍‌ରେ ପାହାମ୍ ଡାଇକେନାକ । ^{୧୬} ଏନାମେନ୍ତେ ଯୋହାନ୍ ଇନ୍‌କୁକେ କାଜିକେଦ୍‌କଆଏ, “ଆଇଙ୍ଗ୍‌ଦ ଦାଆଃତେ ବାପ୍ତିସ୍ମାପେ ତାନାଇଙ୍ଗ୍ ମେନ୍‌ଦ୍ ଆଇଙ୍ଗ୍‌ଏତେ ପେଡ଼େୟାନ୍‌ନିଃ ହିଜୁଃତାନାଏ, ଇନିୟାଃ ଖାର୍‌ପାରେୟାଃ ତନଲ୍ ରାଡ଼ାଏ ଲେକାନିଃହ ଆଇଙ୍ଗ୍ ନାହାଁଲିଙ୍ଗ୍ । ଇନିଃ ଆପେକେ ପାବିତାର୍ ଆମ୍ ଆଡଃ ସେଙ୍ଗେଲ୍‌ତେ ବାପ୍ତିସ୍ମାପେୟା । ^{୧୭} ଆୟାଃ ଡିଃଇରେ ହାଟାଆଃ ମେନାଃ, ଏନାତେ କଲମ୍‌ରେୟାଃ ଗହମ୍ ଆଡଃ ବାବା ଗୁମ୍ ସାଫାକେଦ୍‌ତେ ଆୟାଃ ଭାଣ୍ଡାର୍ ଅଡ଼ାଃରେ ମାଣ୍ଡାୟା ଆଡଃ ପେଟେଃକେ କା ଇଣ୍‌ଜଃ ସେଙ୍ଗେଲ୍‌ରେ ଅଣ୍ଡୁର୍‌ଏଣ୍ଡାଗେୟା ।”

^{୧୮} ନେ ଲେକା ଆଡଃଗି ପୁରାଃ ଏଟାଃ ଇନିତୁ କାଜିକତେ ଯୋହାନ୍ ହଡ଼କକେ ସୁକୁକାଜି ଉଦୁବାକତାନ୍ ଡାଇକେନା । ଆଡଃ ମନ୍‌ରୁହାଡ଼୍ ନାଗେନ୍ତେ ଇନ୍‌କୁକେ ଆରୁକେଦ୍‌କଆ । ^{୧୯} *ମେନ୍‌ଦ୍ ମିଦ୍ ହାନାଟିଙ୍ଗ୍‌ରେନ୍ ରାଜା ହେରୋଦ୍ ଆୟାଃ

* ୩:୭ ୩:୭ ମାଥୂଉ ୧୨:୩୪; ୨୩:୩୩. * ୩:୭ ୩:୭ ଏନେସେଦ୍‌ଏତେଖ୍‌ସ୍‌ଏତେ * ୩:୮ ୩:୮ ଯୋହାନ୍ ୮:୩୩. * ୩:୯ ୩:୯ ମାଥୂଉ ୭:୧୯. * ୩:୧୨ ୩:୧୨ ଲୁକ ୭:୨୯. * ୩:୧୯ ୩:୧୯ ମାଥୂଉ ୧୪:୩,୪; ମାର୍କ ୭:୧୭,୧୮.

ହାଗାତେୟାଃ କୁଡ଼ି ହେରୋଦିୟାଲଃ ଆଣ୍ଡିୟାନ୍ ନାଗେନ୍ତେ ଆତଃ ହେରୋଦ୍ କାମିକେଦ୍ ସବେନ୍ ଏଡ଼କାନାଃ ନାଗେନ୍ତେ ଯୋହାନ୍ ହେରୋଦ୍ କେ ମାରାଙ୍ଗ୍ ମଚାକିୟାଏ । ୨୦ ଏନା ନାଗେନ୍ତେ ହେରୋଦ୍ ଯୋହାନ୍ କେ ଜେହେଲ୍ କିୟାଏ ଆତଃ ନେ ଲେକାତେ ଇନିଃ ଆୟାଃ ଏଡ଼କାନାଃକେ ଆଦ୍ କାକେଦା ।

ଯୋହାନ୍ ଯୀଶୁକେ ବାପ୍ତିସ୍ମାକିୟାଏ
(ମାଥୁଉ ୩:୧୩-୧୭; ମାର୍କ ୧:୯-୧୧; ଯୋହାନ୍ ୯:୨୩-୩୫)

୨୧ ସବେନ୍ ହଡ଼କ ବାପ୍ତିସ୍ମାୟାନ୍ତେ ଯୀଶୁ ହରି ବାପ୍ତିସ୍ମାୟାନାଏ । ଆତଃ ଇନିଃ ବିକ୍ରିତାନ୍ ଇମ୍ବତାଙ୍ଗ୍ ସିର୍ମା ନିଜ୍ୟାନା, ୨୨ *ଆତଃ ପାବିତାର୍ ଆମ୍ବା ଦୁଦୁମ୍ବୁଲ୍ଲେକା ନେଲଃ ହଡ଼ମ୍, ଯୀଶୁଆଃ ଚେତାନ୍ରେ ଆଡ଼ଗୁୟାନା ଆତଃ “ଆମ୍ ଆଇୟାଃ ଦୁଲାଡ଼୍ ହନ୍, ଆଇଙ୍ଗ୍ ଆମ୍ କେ ପୁରାଃ ସୁକୁଆମ୍ ତାନାଇଙ୍ଗ୍” ମେନ୍ତେ ସିର୍ମାଏତେ ଆୟୁମ୍ୟାନା ।

ୟୀଶୁଆଃ କିଲିରେନ୍ କ
(ମାଥୁଉ ୧:୧-୧୭)

୨୩ ଯୀଶୁ ଆୟାଃ ସେଝାଏଟେଦ୍ କେଦ୍ ଇମ୍ବତାଙ୍ଗ୍ ତିରିଶ୍ ବାରାଷରେନ୍ ଲେକାଏ ତାଇକେନା ଆତଃ ଇନିଃ ହଡ଼କଆଃ ସାରିଲେକାତେ ଯୋଷେଫ୍ ଆଃ ହନ୍, ଆତଃ ଯୋଷେଫ୍ ଏଲିଆଃ ହନ୍, ୨୪ ଏଲି ମାଡ଼ଆଡ଼ତାଃ ହନ୍, ମାଡ଼ଆଡ଼ ଲେବୀଆଃ ହନ୍, ଲେବୀ ମଲ୍ଲୁଆଃ ହନ୍, ମଲ୍ଲୁ ଯାନ୍ୟୁଆଃ ହନ୍, ଯନ୍ୟୁ ଯୋଷେଫ୍ ଆଃ ହନ୍, ୨୫ ଯୋଷେଫ୍ ମାଡ଼ିଥ୍ୟାରାଃ ହନ୍, ମାଡ଼ିଥ୍ୟା ଆମୋସ୍ ଆଃ ହନ୍, ଆମୋସ୍ ନାହୁମ୍ ଆଃ ହନ୍, ନାହୁମ୍ ଏସ୍ଲିଆଃ ହନ୍, ଏସ୍ଲି ନଗୟାଃ ହନ୍, ୨୬ ନଗୟା ମହଥ୍ୟାଃ ହନ୍, ମହଥ୍ୟା ମଡ଼ିଥ୍ୟାରାଃ ହନ୍, ମଡ଼ିଥ୍ୟା ଶିମୟୀଆଃ ହନ୍, ଶିମୟୀ ଯୋସେଫାୟାଃ ହନ୍, ଯୋସେଫା ଯୋଦାୟାଃ ହନ୍, ୨୭ ଯୋଦା ଯୋହାନ୍ ଆଃ ହନ୍, ଯୋହାନ୍ ରେଷାଆଃ ହନ୍, ରେଷା ଜିରୁବାବେଲ୍ ଆଃ ହନ୍, ଜିରୁବାବେଲ୍ ଶଲ୍ଟିୟେଲ୍ ଆଃ ହନ୍, ଶଲ୍ଟିୟେଲ୍ ନେରୀଆଃ ହନ୍, ୨୮ ନେରୀ ମଲ୍ଲୁଆଃ ହନ୍, ମଲ୍ଲୁ ଅଦୀଆଃ ହନ୍, ଅଦୀ କୋସାମ୍ ଆଃ ହନ୍, କୋସାମ୍ ଏଲ୍ ମାଦାନ୍ ଆଃ ହନ୍, ଏଲ୍ ମାଦାନ୍ ଏରଥାଃ ହନ୍, ଏର ଯିହୋଶିୟରାଃ ହନ୍, ୨୯ ଯିହୋଶିୟ ଏଲିୟାଜାର୍ ଆଃ ହନ୍, ଏଲିୟାଜାର୍ ଯୋରିମ୍ ଆଃ ହନ୍, ଯୋରିମ୍ ମାଡ଼ଆଡ଼ତାଃ ହନ୍, ମାଡ଼ଆଡ଼ ଲେବୀୟାଃ ହନ୍, ୩୦ ଲେବୀ ଶିମୋନ୍ ଆଃ ହନ୍, ଶିମୋନ୍ ଯିହୁଦାଃ ହନ୍, ଯିହୁଦା ଯୋଷେଫ୍ ଆଃ ହନ୍, ଯୋଷେଫ୍ ଯୋନାମ୍ ଆଃ ହନ୍, ଯୋନାମ୍ ଏଲିୟାକିମ୍ ଆଃ ହନ୍, ୩୧ ଏଲିୟାକିମ୍ ମଲାହ୍ ଆଃ ହନ୍, ମଲାହ୍ ମନ୍ନାୟାଃ ହନ୍, ମନ୍ନା ମଡ଼ିଥ୍ୟାୟାଃ ହନ୍, ମଡ଼ିଥ୍ୟା ନାଥାନ୍ ଆଃ ହନ୍, ନାଥାନ୍ ଦାଉଦ୍ ଆଃ ହନ୍, ୩୨ ଦାଉଦ୍ ଯିଶିଆଃ ହନ୍, ଯିଶି ଓବେଦ୍ ଆଃ ହନ୍, ଓବେଦ୍ ବୋୟାଜ୍ ଆଃ ହନ୍, ବୋୟାଜ୍ ଶାଲ୍ ମନ୍ ଆଃ ହନ୍, ଶାଲ୍ ମନ୍ ନହଶୋନ୍ ଆଃ ହନ୍, ୩୩ ନହଶୋନ୍ ଅମ୍ନୀନାଦ୍ ଆଃ ହନ୍, ଅମ୍ନୀନାଦ୍ ଅଦ୍ଦିନ୍ ଆଃ ହନ୍, ଅଦ୍ଦିନ୍ ଅର୍ଣ୍ଣୀଆଃ ହନ୍, ଅର୍ଣ୍ଣୀ ହେସୋନ୍ ଆଃ ହନ୍, ହେସୋନ୍ ପେରସ୍ ଆଃ ହନ୍, ପେରସ୍ ଯିହୁଦାଃ ହନ୍, ୩୪ ଯିହୁଦା ଯାକୁବ୍ ଆଃ ହନ୍, ଯାକୁବ୍ ଇସାକ୍ ଆଃ ହନ୍, ଇସାକ୍ ଆବ୍ରାହାମ୍ ଆଃ ହନ୍, ଆବ୍ରାହାମ୍ ଥେରହ୍ ଆଃ ହନ୍, ଥେରହ୍ ନାହୋର୍ ଆଃ ହନ୍, ୩୫ ନାହୋର୍ ସରୁଗ୍ ଆଃ ହନ୍, ସରୁଗ୍ ରଗୁଆଃ ହନ୍, ରଗୁ ଫେଲ୍ ଗ୍ ଆଃ ହନ୍, ଫେଲ୍ ଗ୍ ଏବର୍ ଆଃ ହନ୍, ଏବର୍ ଶେଲ୍ ହ୍ ଆଃ ହନ୍, ୩୬ ଶେଲ୍ ହ୍ କେନାନ୍ ଆଃ ହନ୍, କେନାନ୍ ଅର୍ଫ୍ ଷାଦ୍ ଆଃ ହନ୍, ଅର୍ଫ୍ ଷାଦ୍ ଶେମ୍ ଆଃ ହନ୍, ଶେମ୍ ନୁହ୍ ଆଃ ହନ୍, ନୁହ୍ ଲାମାକ୍ ଆଃ ହନ୍, ୩୭ ଲାମାକ୍ ମଥୁଶେଲ୍ ହ୍ ଆଃ ହନ୍, ମଥୁଶେଲ୍ ହ୍ ହନୋକ୍ ଆଃ ହନ୍, ହନୋକ୍ ଯେରଦ୍ ଆଃ ହନ୍, ଯେରଦ୍ ମହଲ୍ ଲେଲ୍ ଆଃ ହନ୍, ମହଲ୍ ଲେଲ୍ କେନନ୍ ଆଃ ହନ୍, ୩୮ କେନନ୍ ଏନୋଶ୍ ଆଃ ହନ୍, ଏନୋଶ୍ ଶେଥ୍ ଆଃ ହନ୍, ଶେଥ୍ ଆଦାମ୍ ଆଃ ହନ୍, ଆଦାମ୍ ପାର୍ ମେଶ୍ ଗ୍ ଆଃ ହନ୍ ।

୪

ୟୀଶୁକେ ସାଏତାନ୍ ଆଃ ବିଡ଼ାଅ
(ମାଥୁଉ ୪:୧-୧୧; ମାର୍କ ୧:୧୨-୧୩)

୧ ଯୀଶୁ ପାବିତାର୍ ଆମ୍ବାତେ ପେରେଃୟାନ୍ ଯାଦାନ୍ ଗାଡ଼ାଏତେ ରୁହାଡ଼ୟାନାଏ ଆତଃ ଆମ୍ବା ଇନିଃକେ ବିର୍ତ୍ତେ ଇଦିକିୟା । ୨ ଏନ୍ତାଃରେ ବାର୍ ହିସି ନିଦାସିଙ୍ଗି ଜାକେଦ୍ ସାଏତାନ୍ ଇନିଃକେ ବିଡ଼ାଅକିୟା । ଏନ୍ ହୁଲାଙ୍ଗ୍ କରେ ଇନିଃ ଜେଡ଼ନାଃ କାଏ ଜମ୍ କେନା, ଆତଃ ଏନ୍ ନେତା ଚୁଣ୍ଡୟାନ୍ରେ ରେଙ୍ଗେଜ୍ କିୟା ।

୩ ସାଏତାନ୍ ଯୀଶୁକେ କାଜିକିୟାଏ, “ଆମ୍ ପାର୍ ମେଶ୍ ଗ୍ ଆଃ ହନ୍ ତାନ୍ ମେରେଦ୍ ନେ ଦିରିକକେ ହଲ୍ ଗ୍ ବାଇୟାକା ମେନ୍ତେ ଆଚୁତାମ୍ ।”

୪ ଯୀଶୁ କାଜିରୁହାଡ଼କିୟାଏ, “ନେଆଁ ଧାରାମ୍ ପୁଅରେ ଅଲାକାନା, ‘ହଡ଼ ହଲ୍ ଗ୍ ତେ ଏସ୍ କାର୍ କାଏ ଜାହିଦ୍ ଥା ।’”

୫ ସାଏତାନ୍ ଇନିଃକେ ମିଆଁଦ୍ ସାଲାଙ୍ଗି ଠାୟାଦ୍ ତେ ଇଦିକିୟାଏ ଆତଃ ଘାଡ଼ିକାଦ୍ରେଗି ଅତେଦିଶୁମ୍ରେୟାଃ ସବେନ୍ ରାଇଜ୍ ଉଦୁବ୍ କିୟାଏ । ୬ ଆତଃ ସାଏତାନ୍ ଯୀଶୁକେ କାଜିକିୟାଏ, “ଆଇଙ୍ଗ୍ ନେ ସବେନାଃରେୟାଃ ଆକ୍ ତେୟାର୍ ଆତଃ ସୁଗାଡ଼ାନ୍ ତେୟାଃ ଆମ୍ କେ ଏମାମେୟାଈଙ୍ଗ୍ ଚିୟାଃତି ନେୟାଁ ସବେନ୍ ଆଇୟାଃ ତିଃଇରେ ଏମାକାନା, ଆତଃ ଆଇଙ୍ଗ୍ ଆଇୟାଃ ସାନାଙ୍ଗ୍ ଲେକା ନେ ସବେନାଈଙ୍ଗ୍ ଏମ୍ ଦାଡ଼ିୟା । ୭ ଏନାମେନ୍ତେ ଆଇଙ୍ଗ୍ କେ ଇକ୍ ତ୍ତୁକେଦ୍ ତେ ଜହାରିଙ୍ଗ୍ରେଦମ୍ ନେୟାଁ ସବେନ୍ ଆମାଃଗି ହବାଅଆଃ ।”

* ୩:୨୨ ୩:୨୨ ମାଥୁଉ ୩:୧୭; ମାର୍କ ୧:୧୧; ଲୁକ ୯:୩୫.

୮ ଯୀଶୁ ଇନିଷକେ କାଜିକିୟାଏ, “ଆତମେନ୍ମେ ସାଏତାନ୍, ଚିୟାଠି ନେଆଁ ଧାରାମ୍ପୁଥିରେ ଅଲ୍ଲାନା, ‘ପ୍ରାଭୁ ଆମାଃ ପାର୍ମେଶ୍ଵାରକେ ଜହାରିମେ ଆତଃ ଇନିଷକେ ଏସ୍କାର୍ ସୁସାରିମେ ।’ ”

୯ ଏନ୍ତେ ସାଏତାନ୍ ଯୀରୁଶାଲେମ୍ତେ ଇଦିକିଷତେ ମାନ୍ଦିର୍ ଅଡ଼ାଃରେୟାଃ ରୁଟିରେ ତିକୁକିୟା, ଆତଃ କାଜିକିୟାଏ, “ଆମ୍ ପାର୍ମେଶ୍ଵାରଆଃ ହନ୍ ତାନ୍ମେରେଦ ନେତାଃଏତେ ଲାତାର୍ତେତେ ତେଗାଅତାମେ । ୧୦ ଚିୟାଠି ଧାରାମ୍ପୁଥିରେ ନେୟାଁ ଅଲ୍ଲାନା, ‘ଆମକେ ତେଲ୍ଲାମେ ନାଗେନ୍ତେ ପାର୍ମେଶ୍ଵାର୍ ଆୟାଃ ଦୁଁଡକକେ ଆରୁକଆ ।’ ୧୧ ଆତଃଗି ଧାରାମ୍ପୁଥିରେ ଅଲ୍ଲାନା, ‘ଆମାଃ କାଟା ଦିରିରେ ଆଲକା ଠଗଃକା ମେନ୍ତେ ଇନ୍କୁ ଆକଆଃ ତିଃଇତେକ ତେଲ୍ଲାମେୟାଁ ।’ ”

୧୨ ମେନ୍ଦ ଯୀଶୁ କାଜିରୁହାଡକିୟାଏ, “ଧାରାମ୍ପୁଥିରେ ନେଆଁହଗି ଅଲ୍ଲାନା, ‘ପ୍ରାଭୁ ଆମାଃ ପାର୍ମେଶ୍ଵାରକେ ଆଲମ୍ ବିଡ଼ାଅଇୟା ।’ ”

୧୩ ସାଏତାନ୍ ସବେନ୍ ବିନିଡ଼ାଅ ଚାବାକେଦାଏ ଆତଃ ଘାତାଅ କା ନାମ୍ ଜାକେଦ୍ ଯୀଶୁକେ ବାଗିକେଦ୍ତେ ନିର୍ୟାନା ।

ୟୀଶୁ ଗାଲିଲ୍ରେ ଇଡୁକତାନାଏ

(ମାଥୂଉ ୪:୧୨-୧୭; ମାର୍କ ୧:୧୪-୧୫)

୧୪ ଏନ୍ତେ ଯୀଶୁ ପାବିତାର୍ ଆମ୍ତାତେ ପେଡ଼େଃ ନାମ୍ତାନ୍ଲଃ ଗାଲିଲ୍ ସାହାର୍ତେତେ ରୁହାଡ଼ୟାନାଏ, ଆତଃ ଇନିୟାଃ ନୁଡୁମ୍ ଗାଲିଲ୍ରେୟାଃ ହପରଜାପାଃ ସବେନ୍ସାଃ ନିତିର୍ୟାନା । ୧୫ ଇନିଃ ଇନ୍କୁଆଃ ସାମାଜ୍ ଅଡ଼ାଃକରେ ଇଡୁକେଦ୍କଆଏ ଆତଃ ସବେନ୍କ ଇନିଷକେ ମାରାଙ୍ଗକିୟାଃକ ।

ୟୀଶୁକେ ନାଜରେଡ଼ରେ କାକ ବିଶ୍ଵାସକିୟା

(ମାଥୂଉ ୧୩:୫୩-୫୮; ମାର୍କ ୬:୧-୬)

୧୬ ଏନ୍ ତାୟମ୍ତେ ଇନିଃ ନାଜରେଡ଼ତେୟାଏ ହିଜୁଃୟାନା, ଏନ୍ତାଃରେ ଇନିଃ ଆସୁଲ୍ ହାରାକାନ୍ ତାଇନାଏ, ଆତଃ ଆୟାଃ ରିତି ଲେକାତେ ରୁଡ଼ନ୍ ହୁଲ୍ଲାଇଁ ସାମାଜ୍ ଅଡ଼ାଃରେ ବଲ୍ଲୟାନ୍ତେ, ଧାରାମ୍ପୁଥି ପାଢ଼ାଅ ନାଗେନ୍ତେ ବିରିଦ୍ୟାନାଏ । ୧୭ ଆତଃ ଇନ୍କୁ ଯିଶାୟ ନାବୀୟାଃ ପୁଥି ଇନିଷକେକ ଏମ୍କିୟାଃ, ଇନିଃ ଏନା ରାଡ଼ାକେଦ୍ତେ ନେଆଁ ଅଲ୍ଲାନାନ୍ତେୟାଃ ନାମ୍କେଦାଏ :

୧୮ “ପାର୍ମେଶ୍ଵାର୍ଆଃ ଆମ୍ ଆଇଙ୍ଗ୍ରେ ମେନାଇୟାଃ,

ଚିୟାଠି ନାରାଦୁରା ହଡକତାଃରେ ସୁକୁକାଜି ଉଦୁବ୍ ନାଗେନ୍ତେ ଇନିଃ ଆଇଙ୍ଗ୍ରେ ଆଭିଷେକ୍କାଦିୟାଁ ।

ତଲ୍ଲାନାନ୍କ ରାଡ଼ାଅଃରେୟାଃ କାଜି ଉଦୁବ୍ ନାଗେନ୍ତେ,

କାଣାକାନ୍କ ନେନେଲ୍ ଦାଡ଼ିରେୟାଃ କାଜି ଉଦୁବ୍ ନାଗେନ୍ତେ,

ଦୁକୁତେ ତେନାକାନ୍କଆଃ ଦୁକୁ ସାଙ୍ଗିନେ ନାଗେନ୍ତେ,

୧୯ ପାର୍ମେଶ୍ଵାର୍ଆଃ ଲିବୁୟାନ୍ ବାରାଷ୍ରେୟାଃ କାଜି ଉଦୁବ୍ ନାଗେନ୍ତେ

ଆଇଙ୍ଗ୍ରେ କୁଲ୍ଲାକାଦିୟାଃଏ ।”

୨୦ ଏନ୍ତେ ଯୀଶୁ ପୁଥିକୁଡାକେଦ୍ତେ ଦାସକେ ଏମ୍ରୁହାଡକିୟାଏ ଆତଃ ଦୁବ୍ୟାନାଏ । ସାମାଜ୍ ଅଡ଼ାଃରେନ୍ ସବେନ୍କ ଇନିଷକେ ଆରିଦାକାଇକ ତାଇକେନା । ୨୧ ଯୀଶୁ ଇନ୍କୁକେ କାଜିକେଦ୍କଆଏ, “ଆଇଙ୍ଗ୍ ପାଢ଼ାଅକେଦ୍ ଧାରାମ୍ପୁଥିରେୟାଃ ନେ କାଜି ତିସିଙ୍ଗ୍ ଆପେୟାଃ ସାମ୍ନାଙ୍ଗ୍ରେ ପୁରାୟାନା ।”

୨୨ ଆତଃ ସବେନ୍କ ଯୀଶୁଆଃ ବିଷାଏରେ ଗାଞ୍ଜା ଏମ୍ ଏଟେଦ୍କେଦାକ, ଆତଃ ଇନିୟାଃ ମତାଏତେ ଅତଙ୍ଗ୍ଅଃତାନ୍ ସାୟାଦ୍ରାଃ କାଜିତେକ ଆକ୍ଦାନ୍ଦାୟାନା । ଆତଃ ଇନ୍କୁ କାଜିକେଦାଃକ, “ଚିୟାଃ ନିଃ ଯୋଷେଫ୍ଆଃ ହନ୍ ନାହାଁଲିଃ ?”

୨୩ ଇନିଃ ଇନ୍କୁକେ କାଜିକେଦ୍କଆଏ, “ଆପେ ଆଇଙ୍ଗ୍ରେ ସାର୍ତିଗି ଏନ୍ ମାରି ଜନ୍କାପେ କାଜିୟାଇଙ୍ଗ୍ୟାଁ, ‘ଏ ବାଇଦ୍ ଆମ୍ ଆମ୍ଗି ରୁଗିନିଃମେଁ’ ଆତଃଗିପେ କାଜିୟା, ‘ଆମ୍ କପରନାହୁମ୍ ସାହାର୍ରେମ୍ କାମିକେଦ୍ ସବେନାଃଲେ ଆୟୁମାକାଦାଃ, ଏନା ନେ ଆମାଃ ଦିଶୁମ୍ରେୟା କାମିମେଁ ।’ ” ୨୪ *ଆତଃ ଯୀଶୁ ଇନ୍କୁକେ ମେତାଦ୍କଆ, “ଆଇଙ୍ଗ୍ ଆପେକେ ସାର୍ତିଗିଙ୍ଗ୍ କାଜିୟାପେତାନା, ‘ଜେତାଏ ନାବା ଆୟାଃ ନାଗାର୍ରେ କାଏ ମାନାଡିଙ୍ଗ୍ଆଃଆ ।’

୨୫ “ଆଇଙ୍ଗ୍ ଆପେକେ ସାର୍ତି କାଜିୟାପେ ତାନାଇଙ୍ଗ୍, ନାବା ଏଲିୟାଃ ଦିପିଲିରେ ଆପି ବାରାଷ୍ ତୁରିୟା ମାହିଁନା ଜାକେଦ୍ ସିମ୍ବାଏତେ ଦାଆଃ କାଏ ଗାମାକେଦାଃ, ଏନାତେ ଗଟା ଦିଶୁମ୍ରେ ରିଙ୍ଗାକାନ୍ ତାଇକେନ୍ରେ ଇସ୍ରାଏଲ୍ ଦିଶୁମ୍ରେ ପୁରାଃଗି ରାଣ୍ଡିକୁଡିକ ତାଇକେନା । ୨୬ ମେନ୍ଦ ସିଦୋନ୍ ଦିଶୁମ୍ରେୟାଃ ସାରିଫାଡ୍ ହାତୁରେନ୍ ମିଆଁଦ୍ ରାଣ୍ଡିକୁଡିତାଃ ଏଲିୟା କୁଲ୍ୟାନାଏ । ୨୭ ଆତଃଗି ଏଲିଶାୟ ନାବୀୟାଃ ଦିପିଲିରେ ଇସ୍ରାଏଲ୍ରେ ପୁରାଃ ନାଗେଦାଅଞ୍ଜାକାନ୍କ ତାଇକେନା ମେନ୍ଦ ଇନ୍କୁଏତେ ସୁରିୟା ଦିଶୁମ୍ରେନ୍ ନାମାନ୍ ଏସ୍କାର୍ ଫାର୍ତିୟାନାଏ ।”

୨୮ ନେ କାଜି ଆୟୁମ୍କେଦ୍ତେ ସାମାଜ୍ ଅଡ଼ାଃରେନ୍ ସବେନ୍କ ଖ୍ଵତେକ ପେରେୟାନା । ୨୯ ଆତଃ ଇନ୍କୁ ବିରିଦ୍ୟାନ୍ତେ ଇନିଷକେ ସାହାର୍ଏତେକ ଅତଙ୍ଗ୍କିୟା ଆକଆଃ ସାହାର୍ ରୁରୁ ତେତାନ୍ରେ ତାଇକେନା । ଆତଃ ଇନ୍କୁ

* ୪:୨୪ ୪:୨୪ ଯୋହାନ୍ ୪:୪୪.

ଇନିଷକେ ଇଲିଙ୍ଗ ଉୟୁଗି ନାଗେନ୍ତେ ବୁରୁ ଚେତାନରେୟାଃ ଖାଇଣ୍ଡେକ ଇଦିକିୟା । ୩୦ ମେନ୍ଦ ଇନିଃ ଇନ୍କୁଆଃ ଆଲା ଆଲାଏତେ ଅତଙ୍ଗୟାନ୍ଲଃ ସେନଃୟାନାଏ ।

ୟାଶୁ ବଙ୍ଗା ଏସେରାକାଇ ହଡକେ ବୁଗିକିୟାଏ

(ମାର୍କ ୧:୨୧-୨୮)

୩୧ ଯାଶୁ ଗାଲିଲ୍ଲରେୟାଃ କପର୍ନାହୁମ୍ ସାହାରତେ ହିଜୁଃକେଦତେ ରୁଡନୁ ହୁଲାଙ୍ଗ୍ରେ ଇନିଃ ହଡକକେ ଇତୁ ଏଚେଦକେଦଥାଏ । ୩୨ ଇନିୟାଃ ଇନିତୁରେ ହଡକ ଆକଦାନ୍ଦାୟାନାକ, ଚିୟାଃଚି ଇନିଃ ଆକତେୟାର ନାମାକାଦନିଃଲେକା ଇତୁକତାନାଏ ତାଇକେନା । ୩୩ ସାମାଜ୍ ଅଡ଼ାଃରେ ମିଆଁଦ୍ ସଡରା ଆମ୍ବାତେ ଏସେରାକାନ୍ ହଡ ତାଇକେନାଏ । ଇନିଃ ପୁରାଃ କାଉରିତାନଲଃ କାଜିକେଦାଏ, ୩୪ “ହାଏରେ, ହେ ନାଜରେଡରେନ୍ ଯାଶୁ ଆଲେଲଃ ଆମାଃ ଚିକାନ୍ କାମି ? ଆମ୍ ଚିନାଃ ଆଲେକେ ଜିୟନ୍ ନାଗେନ୍ତେମ୍ ହିଜୁଆକାନା ? ଆମ୍ ପାର୍ମେଶ୍ଵାର୍ଆଃ ପାବିତାର୍ନିଃ ତାନ୍ମେ, ଏନା ଆଇଙ୍ଗ୍ ସାରିତାନାଇଙ୍ଗ୍ ।”

୩୫ ଯାଶୁ ଇନିଃକେ ମାରାଙ୍ଗ୍ମଚାକେଦତେ କାଜିକିୟାଏ, “ହାପାଅଃମେଁ, ଆତଃ ଇନିଃତାଃଏତେ ଅତଙ୍ଗଅଃମେ ।” ଏନ୍ତେ ଏନ୍ ସଡରା ଆମ୍ବା ଇନିଃକେ ସବେନ୍ଦକଆଃ ଆଲାରେ ଆଞ୍ଜାକିଦ୍ତି ଇନିୟାଃ ନକ୍ସାନ୍ କା ରିକାତାନ୍ଲଃ ଅତଙ୍ଗୟାନା ।

୩୬ ହଡକ ଆକଦାନ୍ଦାୟାନ୍ଲଃକ କୁପୁଲିୟାନା, “ନେଆଁ ଚିଲ୍ଲକାନ୍ ଇନିତୁ ? ଇନିଃଦ ଆକତେୟାର୍ତେ ଆତଃ ପେଡେଃଲଃ ସଡରା ଆମ୍ବାକକେ ଅତଙ୍ଗଅଃ ନାଙ୍ ଆତୁକତାନାଏ ଆତଃ ଇନ୍କୁ ଇନିୟାଃ କାଜିକ ମାନାତିଙ୍ଗ୍ତାନା ।” ୩୭ ଏନ୍ତେଦ ଯାଶୁଆଃ କାଜି କଚାକୁନି ସବେନ୍ସାଃରେ ନିତିର୍ୟାନା ।

ୟାଶୁ ପୁରାଃ ହଡକକେ ବୁଗିକତାନାଏ

(ମାଥୱ ୮:୧୪-୧୭; ମାର୍କ ୧:୨୯-୩୪)

୩୮ ଯାଶୁ ସାମାଜ୍ ଅଡ଼ାଃଏତେ ଶିମୋନ୍ଆଃ ଅଡ଼ାଃତେ ସେନଃୟାନାଏ । ପାଡରାସ୍ଆଃ ହାନାର୍ତେ ବରଞ୍ଜାନ୍ଗି ଉରିୟୁ ତାଇକେନା, ଆତଃ ଇନିୟାଃ ବୁଗିୟାଃ ନାଗେନ୍ତେ ଯାଶୁକେ ବିକ୍ରିକିୟାଃକ । ୩୯ ଏନ୍ତେ ଯାଶୁ ଇନିୟାଃ ହେପାଦ୍ରେ ତିଙ୍ଗୁୟାନ୍ଲଃ ଉରିୟୁକେ ମାରାଙ୍ଗ୍ମଚାକେଦାଏ ଆତଃ ଇନିଃ ଉରିୟୁଏତେ ବୁଗିୟାନା । ଆତଃ ଇମ୍ତାଙ୍ଗ୍ଗି ଇନିଃ ବିରିଦକେଦତେ ଇନ୍କୁକେ ସୁସାର୍ ଏଚେଦକେଦକଥା ।

୪୦ ସିଙ୍ଗିହାସୁରଃ ତାନ୍ରେ ହଡକତାଃରେ ତାଇକେନ୍ ଦୁକୁହାସୁତାନ୍ ସବେନ୍ ହଡକକେ ଯାଶୁତାଃତେକ ଆଉକେଦକଥା, ଇନିଃ ମିପିଆଦ୍ ହଡକଆଃରେ ତିଃଇ ଦହକେଦତେ ବୁଗିକେଦକଥାଏ । ୪୧ ଆତଃଗି, ପୁରାଃ ହଡକତାଃଏତେ ବଙ୍ଗାକ ଅତଙ୍ଗୟାନ୍ଲଃକ କାଉରିକେଦାଃ, “ଆମ୍ ପାର୍ମେଶ୍ଵାର୍ଆଃ ହନ୍ ତାନ୍ମେ ।” ମେନ୍ଦ ଯାଶୁ ଇନ୍କୁକେ ହାପାଅଃ ନାଗେନ୍ତେ ମାରାଙ୍ଗ୍ମଚା କେଦକଥା, ଆତଃ ଇନିଃ ବଙ୍ଗାକକେ କାଏ କାଜି ଇତିକେଦକଥା, ଚିୟାଃଚି ଏନ୍ ବଙ୍ଗାକ ଇନିଃ ଶ୍ରୀଷ୍ଟ୍ ତାନିଃ ମେନ୍ତେକ ସାରିତାଇକେନା ।

ସାମାଜ୍ ଅଡ଼ାଃରେ ଯାଶୁଆଃ ଇନିତୁ

(ମାର୍କ ୧:୩୫-୩୯)

୪୨ ଆଙ୍ଗୟାନ୍ଗି, ଯାଶୁ ସାହାର୍ଏତେ ଅତଙ୍ଗୟାନା ଆତଃ ମିଆଁଦ୍ ସିଃସଏଃ ଠାୟାଦ୍ତେ ସେନଃୟାନାଏ । ଗାଦେଲ୍ ହଡକ ଇନିଃକେ ଦାଣାଁ ନାମ୍କେଦତେ ଆୟାଃତାଃକ ହିଜୁଃୟାନା, ଆତଃ ଇନିଃ ଆକତାଃଏତେ ଆଲକାଏ ସେନଃକା ମେନ୍ତେ କେସେଦିତାନ୍କ ତାଇକେନା । ୪୩ ମେନ୍ଦ ଇନିଃ କାଜିୟାଦକଥାଏ, “ଏଗାଃ ନାଗାର୍ରେୟ ପାର୍ମେଶ୍ଵାର୍ଆଃ ରାଇଜ୍ରେୟାଃ ସୁକୁକାଜି ଆଇଙ୍ଗ୍କେ ଉଦୁଦ୍ ଲାଗାତିଙ୍ଗ୍ୟାଃ, ଚିୟାଃଚି ଏନା ନାଗେନ୍ତେ ପାର୍ମେଶ୍ଵାର୍ ଆଇଙ୍ଗ୍କେ କୁଲାକାଇଙ୍ଗ୍ୟାଁ ।”

୪୪ ଆତଃ ଇନିଃ ଯିହୁଦା ଦିଶୁମ୍ରେୟାଃ ସାମାଜ୍ ଅଡ଼ାଃକରେ ଇତୁକତାନାଏ ତାଇକେନା ।

୫

ୟାଶୁ ପାହିଲା ଚେଲାକକେ କେଡାକେଦକଥାଏ

(ମାଥୱ ୪:୧୮-୨୨; ମାର୍କ ୧:୧୬-୨୦)

୧ ଯିହୁଦା ଯାଶୁ ଗିନେସରେଡ୍ ଦରେୟା ନାଡେଃରେ ତିଙ୍ଗୁଆକାନ୍ ତାଇକେନାଏ, ଆତଃ ଗାଦେଲ୍ ହଡକ ପାର୍ମେଶ୍ଵାର୍ଆଃ କାଜି ଆୟୁମ୍ ନାଗେନ୍ତେ ଇନିଃକେ ଜୁରୁବିୟୁରାକାଇକ ତାଇକେନା, ୨ ଇନିଃ ବାରିଆ ଲାଉକା ଦରେୟା ଗେନାରେ ଦହଆକାନାଏ ନେଲ୍କେଦାଃ, ହାକୁସାଦ୍ ହଡକ ଏନ୍ ଲାଉକାଏତେ ଆଡ୍ଗୁକେଦତେ ଜାଲୋମ୍କ ଚାପିତାଇକେନା । ୩ ଯାଶୁ ଏନାଏତେ ମିଆଁଦ୍ ଲାଉକାରେ ରାକାଦ୍ୟାନାଏ, ଏନାଦ ଶିମୋନ୍ଆଃ ତାଇକେନା ଆତଃ ଯାଶୁ

୪:୩୨ ୪:୩୨ ମାଥୱ ୭:୨୮,୨୯. ୫:୧ ୫:୧ ମାଥୱ ୧୩:୧,୨; ମାର୍କ ୩:୯,୧୦; ୪:୧.

ଇନିଷକେ ଦରେୟା ଗେନାଏତେ ହୁଡିଙ୍ଗ୍ ସାଙ୍ଗିନ୍ତେ ଇଦିମେ ମେନ୍ତେ ବିନ୍ତିକିୟାଏ । ଏନ୍ତେ ଇନିଷ ଲାଉକାରେ ଦୁବ୍‌ୟାନ୍ତି ଗାଦେଲ୍ ହଡକକେ ଇଡୁକେଦକଆଏ ।

୪ ଇନିଷ କାଜିତାବାକେଦତି ଶିମୋନ୍‌କେ କାଜିକିୟାଏ, “ଲାଉକା ତାମାଃକେ ଇକିରତେ ଇଦିମେ ଆତଃ ହାକୁସାବ୍ ନାଗେନ୍ତେ ଜାଲୋମ୍ ତାମାଃ ହୁଦ୍‌ମାଏମେ ।”

୫ ଫେନ୍‌ଦ ଶିମୋନ୍ କାଜିକିୟାଏ, “ହେ ଗୁରୁ, ଆଲେ ମିଦ୍‌ନିଦାଲେ କାମିକେଦା ଆତଃ ମିଆଁଦ୍‌ହ ହାକୁ କାଲେ ସାବ୍‌କେଦକଆ । ମେନ୍‌ଦ ଆମାଃ କାଜିତେ ଜାଲୋମ୍ ହୁଦ୍‌ମାୟାଈଙ୍ଗ୍ ।” ୬ ଇନ୍‌କୁ ଜାଲୋମ୍ ହୁଦ୍‌ମାକେଦତି ପୁରାଃ ହାକୁକ ଜାଲୋମ୍‌କେଦକଆ, ଆତଃ ଇନ୍‌କୁଆଃ ଜାଲୋମ୍‌କ ଚାଗାଡ଼ଃତାନ୍ ତାଇକେନା । ୭ ଇମ୍‌ତାଙ୍ଗ୍ ଇନ୍‌କୁ ଦେଙ୍ଗାମାଙ୍ଗ୍ ମେନ୍ତେ ଆକଆଃ ଗାତିକକେ ହାକାଅ କେଦକଆକ । ଆତଃ ଗାତିକ ହିଜୁଃକେଦତେ ବାରିଆ ଲାଉକାରେ ନିମିନ୍ ହାକୁ ପେରେଃକେଦକଆକ ଯେ ଲାଉକା ତାକଆଃ ତୁବିଜଃତାନ୍‌ଲେକା ହବାଅଃ ତାଇକେନା । ୮ ଏନା ନେଲ୍‌କେଦତେ ଶିମୋନ୍ ପାଡ଼ରାସ୍ ଯୀଶୁଆଃ କାଟା ସୁବାରେ ଉୟୁଃୟାନାଏ ଆତଃ କାଜିକେଦାଏ, “ହେ ପ୍ରାଭୁ ଆଇଁୟାଃତାଃଏତେ ସାଙ୍ଗିନିଷମେ, ଆଇଙ୍ଗ୍‌ଦ ପାପି ହଡ ତାନିଙ୍ଗ୍ ।”

୯ ଶିମୋନ୍ ପାଡ଼ରାସ୍ ଆତଃ ଆୟାଃ ଗାତିକ ମିସାତରା ନିମିନ୍ ହାକୁ ନେଲ୍‌କେଦତେ ଆକ୍‌ଦାନ୍‌ଆୟାନାକ । ୧୦ ଆତଃ ଜେବଦୀୟାଃ ହନ୍ ଯାକୁବ୍ ଆତଃ ଯୋହାନ୍ ଶିମୋନ୍‌ଲଃ ମିସାତେ କାମି ତାଇକେନାକିନ୍ ଆତଃ ଏନ୍ ବାରାନ୍‌କିନ୍‌ହ ଆକ୍‌ଦାନ୍‌ଆ ଯାନାକିନ୍ । ଆତଃ ଯୀଶୁ ଶିମୋନ୍‌କେ କାଜିକିୟାଏ, “ଆଲମ୍ ବରଏୟା, ନାହାଁଃଏତେ ଆମ୍ ହଡକକେ ପାର୍‌ମେଶ୍‌ବାର୍‌ତାଃତେ ଆଉକଆମ୍ ।”

୧୧ ଏନ୍ତେ ଇନ୍‌କୁ ଲାଉକାକକେ ଦରେୟା ଗେନାତେ ତେବାଃକେଦତି ସବେନାଃ ବାଗିକେଦତେ ଯୀଶୁକେକ ଅତଙ୍ଗକିୟା ।

**ୟୀଶୁ ମିଆଁଦ୍ ନାଗେଘାଞ୍ଜାକାନ୍ ହଡକେ ବୁଗିକିୟାଏ
(ମାଥ୍‌ଉ ୮:୧-୪; ମାର୍କ ୧:୪୦-୪୫)**

୧୨ ଯୀଶୁ ମିଆଁଦ୍ ସାହାରରେ ତାଇକେନ୍ ଇମ୍‌ତା ଏନ୍ତାଃରେ ନାଗେଘାଅତେ ପେରେଜାକାନ୍ ମିଆଁଦ୍ ହଡ ତାଇକେନାଏ । ଇନିଷ ଯୀଶୁକେ ନେଲ୍‌ଲଃଗି ଇକ୍‌ଡ଼ମ୍‌କେଦତେ ବିନ୍ତିତାନ୍‌ଲଃ କାଜିକିୟାଏ, “ହେ ପ୍ରାଭୁ, ଆମ୍ ସାନାଙ୍ଗ୍‌ରେଦ ଆଇଙ୍ଗ୍‌କେ ବୁଗିନିୟାର ଦାଡ଼ିୟାମ୍ ।”

୧୩ ଏନ୍ତେ ଯୀଶୁ ଆୟାଃ ତିଃଇ ଜିଲିଙ୍ଗ୍‌କେଦତେ ଜୁଟିଦକିୟାଏ ଆତଃ କାଜିକିୟାଏ, “ଆଇଙ୍ଗ୍ ସାନାଙ୍ଗ୍‌ତାନିଙ୍ଗ୍ ଆମ୍ ବୁଗିନିୟାରଃମେ ।” ଆତଃ କାଜିତାନ୍ ତରସାଗି ଇନିୟାଃ ନାଗେଘାଅ ଫାର୍‌ତିୟାନା । ୧୪ ଏନ୍ତେ ଯୀଶୁ ହୁକୁମ୍‌କିୟାଏ, “ଜେତାଏକେ ନେ କାଜି ଆଲମ୍ ଉଦୁବ୍‌କଆଃ, ମେନ୍‌ଦ, ଜୁ, ଯାଜାକ୍‌ତାଃରେ ଉଦୁବେନ୍‌ମେ ଆତଃ ଇନ୍‌କୁଆଃ ଗାଞ୍ଜାନାଙ୍ଗ୍ ମୁଶାନାବୀ ଆଡୁକାଦ୍ ଲେକାତେ ଆମାଃ ଫାର୍‌ତିରେୟାଃ ଦାଣେଁ ରାକାବେମେଁ ।”

୧୫ ଆତଃ ଯୀଶୁଆଃ ବିଷାଏରେୟାଃ କାଜି ପୁରାଃଗି ନିତିରୁୟାନା, ଏନ୍ତେ ଇନିୟାଃ ଇଡୁଆନ୍ କାଜିକ ଆୟୁମ୍ ନାଗେନ୍ତେ ଆତଃ ଆକଆଃ ଦୁକୁଏତେ ବୁଗିୟାଃ ନାଗେନ୍ତେ ପୁରାଃ ଗାଦେଲ୍ ହଡକ ଇନିଷତାଃରେକ ହୁଣ୍ଡିୟାନା । ୧୬ ମେନ୍‌ଦ ଯୀଶୁ ସିଃସଏଃ ଠାୟାଦ୍‌ତେ ସେନଃୟାନ୍ତେ ବିନ୍ତିକେଦାଏ ।

**ୟୀଶୁ ମିଆଁଦ୍ ବାଡକାନ୍‌ନିଷକେ ବୁଗି ତାନାଏ
(ମାଥ୍‌ଉ ୯:୧-୮; ମାର୍କ ୨:୧-୧୨)**

୧୭ ମୁସିଙ୍ଗ୍‌ହୁଲାଙ୍ଗ୍ ଯୀଶୁ ଇଡୁତାନାଏ ତାଇକେନା, ଏନ୍ତାଃରେ ଫାରୁଗି ଆତଃ ଆଇନ୍ ଇଡୁକ ଦୁବାକାନ୍‌କ ତାଇକେନା, ଇନ୍‌କୁ ଗାଲିଲ୍‌ରେୟାଃ ସବେନ୍ ହାଡୁ ଆତଃ ଯିହୁଦା ଦିଶୁମ୍‌ରେୟାଃ ସବେନ୍ ହାଡୁ ଆତଃ ଯୀରୁଶାଲେମ୍‌ଏତେ ହିଜୁଃକାନ୍‌କ ତାଇକେନା । ଆତଃ ଦୁକୁତାନ୍‌କକେ ବୁଗିନ୍ ନାଗେନ୍ତେ ପ୍ରାଭୁଆଃ ପେଡ଼େଃ ଯୀଶୁଲଃ ତାଇକେନା । ୧୮ ହଡକ ମିଆଁଦ୍ ବାଡକାନ୍‌ନିଷକେ ପାର୍‌କମ୍‌ରେ ବାଟିୟାକାନ୍‌ଗି ଗଅଃ ଆଉକିୟାକ ଆତଃ ଇନିଷକେ ଭିତାର୍‌ତେ ଇଦିକେଦତେ ଯୀଶୁଆଃ ସାମ୍‌ନାଙ୍ଗ୍‌ରେ ଦହନାଙ୍ଗ୍ ସାନାଙ୍ଗ୍‌ତାନ୍‌କ ତାଇକେନା । ୧୯ ଗାଦେଲ୍ ହଡକ ତାଇକେନ୍ ହରାତେ ଇନ୍‌କୁ ଇନିଷକେ ଭିତାର୍‌ତେ ଆଉ ନାଙ୍ଗ୍ ହରା କାକ ନାମ୍‌କେଦା । ଏନାତେ ଇନ୍‌କୁ ସାଡ଼ମି ଚେତାନ୍‌ତେ ପାର୍‌କମ୍‌ଲଃଗି ଇନିଷକେ ତେଙ୍ଗଃ ରାକାବ୍‌କିୟାଃକ ଆତଃ ସାଡ଼ମି ଖାପ୍‌ରା ଆତମକେଦତେ ଯୀଶୁଆଃ ସାମ୍‌ନାଙ୍ଗ୍‌ରେ ତୁଙ୍ଗା ଆଡ଼ଗୁକିୟାଃକ । ୨୦ ଯୀଶୁ ଏନ୍ ହଡକଆଃ ବିଶ୍ୱାସ୍ ନେଲ୍‌କେଦତେ କାଜିକିୟାଏ, “ଏ ଗାତି, ଆମାଃ ପାପ୍‌କ ଛାମାୟାନା ।”

୨୧ ଆଇନ୍ ଇଡୁକ ଆତଃ ଫାରୁଗିକ ଆକ ଆକରେ ଉଡ଼ଃକେଦାଃକ, “ପାର୍‌ମେଶ୍‌ବାର୍‌କେ ନିନ୍‌ଇତାନ୍ ନେ ହଡ ଅକଏ ତାନିଃ ? ପାର୍‌ମେଶ୍‌ବାର୍‌କେ ବାଗିକେଦତେ ଆତଃ ଅକଏ ପାପ୍‌ଛାମା ଦାଡ଼ିୟାଏ ?”

୨୨ ମେନ୍‌ଦ ଯୀଶୁ ଇନ୍‌କୁଆଃ ଉଡ଼ଃ ଆଡ଼କାର୍‌କେଦତେ ମେତାଦକଆଏ, “ଆପେ ଆପେୟାଃ ମନ୍‌ରେ ତିନାଃପେ ଉଡ଼ଃତାନା ? ୨୩ ଅକ୍‌ନାଃ ରାଞ୍ଜାଲାଃ ? ‘ପାପ୍ ତାମାଃକ ଛାମାୟାନା’ ମେନ୍ତେ କାଜିତେୟାଃ ରାଞ୍ଜାଲାଃ ତି ‘ବିରିଦ୍‌ମେ ଆତଃ ସେନେମେ’ ମେନ୍ତେ କାଜିତେୟାଃ ? ୨୪ ମେନ୍‌ଦ ମାନଞ୍ଜାହନ୍‌ଆଃ ନେ ଅତେଦିଶୁମ୍‌ରେ ପାପ୍ ଛାମାରେୟାଃ

☆ ୫:୫ ୫:୫ ଯୋହାନ୍ ୨୧:୩. ☆ ୫:୭ ୫:୭ ଯୋହାନ୍ ୨୧:୭.

ଆକଡେୟାର ମେନାଃ” ଏନା ଆପେ ସାରିକାମେନ୍ତେ, ଇନିଃ ଏନ୍ ବାଡକାନ୍ନିଃକେ କାଜିକିୟାଏ, “ମାର୍ ବିରିଦ୍ମେ ଆଡ଼ଃ ପାର୍କମତାମାଃ ଗଅଃକେଦ୍ତେ ଆମାଃ ଅଡ଼ଃତେ ସେନଃମେ ।”

୨୫ ଇମ୍ତାଙ୍ଗି ଇନିଃ ଇନ୍କୁଆଃ ସାମ୍ନାଙ୍ଗ୍ରେ ବିରିଦ୍ମାନାଏ, ଆଡ଼ଃ ଆୟାଃ ଗିତିକାକାନ୍ ପାର୍କମକେ ତେଙ୍ଗଃକେଦ୍ତେ ପାର୍ମେଶ୍ଵାର୍ଆଃ ମାନାରାଙ୍ଗ୍ ଦୁରାଙ୍ଗ୍ତାନଲ୍ଲଃ ଅଡ଼ଃତେ ସେନଃୟାନାଏ । ୨୬ ଏନ୍ତାରେ ତାକାନ୍ ସବେନକ ଆକ୍ଦାନ୍ଦାୟାନକ ଆଡ଼ଃ ପାର୍ମେଶ୍ଵାର୍କେ ମାରାଙ୍ଗ୍କିୟାକ, “ଆରୁ ତିସିଙ୍ଗ୍ ହାଏକାଟ୍ କାମିବୁ ନେଲ୍କେଦା” ମେନ୍ତେ ବରତାନ୍ଲ୍ଲଃକ କାଜିକେଦା ।

ୟୀଶୁ ଲେବୀକେ କେଡ଼ାଇତାନା
(ମାଥ୍ୱଜ ୯:୯-୧୩; ମାର୍କ ୨:୧୩-୧୭)

୨୬ ଏନ୍ ତାୟମ୍ତେ ଯୀଶୁ ଅତଙ୍ଗ୍ୟାନା, ଆଡ଼ଃ ଲେବୀ ନୁତୁମ୍ ମିଆଁଦ୍ ମାଲ୍ହାରମ୍ନିଃକେ ମାଲ୍ହାରମ୍ ଠାୟାଦ୍ରେ ଦୁବାକାନାଏ ନେଲ୍କିୟା । ଯୀଶୁ ଇନିଃକେ ମେଡ଼ାଇଜାଏ, “ଦେଲା ଅତଙ୍ଗ୍ଇଙ୍ଗ୍ମେ ।” ୨୮ ଆଡ଼ଃ ଲେବୀ ସବେନଃ ବାଗିକେଦ୍ତେ ବିରିଦ୍ମାନାଏ ଆଡ଼ଃ ଇନିଃକେ ଅତଙ୍ଗ୍କିୟା ।

୨୯ ଏନ୍ତେ ଲେବୀ ଆୟାଃ ଅଡ଼ଃରେ ଯୀଶୁ ନାଗେନ୍ତେ ମିଆଁଦ୍ ମାରାଙ୍ଗ୍ ଜମେୟାଃ ବାକ୍କେଦାଏ, ଆଡ଼ଃ ପୁରାଃ ମାଲ୍ହାରମ୍ ଆଡ଼ଃ ଏଟାଃ ହଡକ ଇନ୍କୁଲ୍ଲଃକ ଜମ୍ତାଇକେନା । ୩୦ ଖମେନ୍ଦ୍ ଫାରୁଶୀ ଆଡ଼ଃ ଆଇନ୍ ଇତୁକ କୁରୁରାଅଃତାନଲ୍ଲଃ ଆୟାଃ ତେଲ୍ଲକକେ ମେଡ଼ାଦ୍କଆକ, “ଆପେ ମାଲ୍ହାରମ୍ଲଃ ଆଡ଼ଃ ପାପିକଲ୍ଲଃ ଚିକା ନାଗେନ୍ତେ ଜମ୍, ନୁଁ ତାନାପେ ?”

୩୧ ଯୀଶୁ ଇନ୍କୁକେ କାଜିକେଦ୍କଆଏ, “କା ହାସୁତାନ୍କଆଃ ନାଗେନ୍ତେ ବାଇଦ୍ କା ଲାଗାତିଙ୍ଗ୍ୟାଃ ମେନ୍ଦ୍ ହାସୁତାନ୍କଆଃ ନାଗେନ୍ତେ ବାଇଦ୍ ଲାଗାତିଙ୍ଗ୍ୟାଃ । ୩୨ ଆଇଙ୍ଗ୍ ଧାର୍ମାନ୍ ହଡକକେ କେଡ଼ା ନାଗେନ୍ତେ କାଇଙ୍ଗ୍ ହିଜୁଆକାନା, ମେନ୍ଦ୍ ପାପି ହଡକଆଃ ମନ୍ରୁହାଡ଼ଃ ନାଗେନ୍ତେ ହିଜୁଆକାନାଇଙ୍ଗ୍ ।”

ରେଙ୍ଗେଃ କାଟାବ୍ରେୟାଃ କୁନୁଲି
(ମାଥ୍ୱଜ ୯:୧୪-୧୭; ମାର୍କ ୨:୧୮-୨୨)

୩୩ ଚିମିନ୍ ହଡକ ଯୀଶୁକେ କାଜିକିୟାଃକ, “ଯୋହାନ୍ଆଃ ତେଲ୍ଲକ ମଣ୍ଡେୟା କାଟାବ୍ ଆଡ଼ଃ ବିକ୍ରିୟାଃକ, ଏନ୍ଲେକା ଫାରୁଶୀକଆଃ ତେଲ୍ଲକହ ରିକାଃକ, ମେନ୍ଦ୍ ଆମାଃ ତେଲ୍ଲକ ସବେନ୍ ଇମ୍ତାଙ୍ଗ୍ ଜମ୍ ନୁଁ ତାନାକ ।”

୩୪ ଯୀଶୁ ମେଡ଼ାଦ୍କଆଏ, “ଚିୟାଃ ଆଶ୍ଦିଅଡ଼ଃରେ ଦୁଲ୍ଲକଡ଼ା ବାଲ୍ଲକଲ୍ଲଃ ତାଇନଃ ଜାକେଦ୍ ଆପେ ଚିୟାଃ ଇନ୍କୁକେ କାଟାବ୍ରିକା ଦାଡ଼ିୟାକଆପେ ? କାହାଗି ! ୩୫ ମେନ୍ଦ୍ ନେଡ଼ା ହିଜୁଆ ଚିମ୍ତାଙ୍ଗ୍ ଇନ୍କୁଡ଼ାଏତେ ଦୁଲ୍ଲକଡ଼ା ବିନ୍ଗାଅଃଆଏ, ଇମ୍ତାଙ୍ଗ୍ ଇନ୍କୁ କାଟାବ୍ ରିକାଏୟାକ ।”

୩୬ ଇନିଃ ଇନ୍କୁକେ ନେ ଜନ୍କା କାଜି କାଜିୟାଦ୍କଆଏ, “ଜେତାଏ ନାଞ୍ଜା ଲିଜାଃରେୟାଃ କେଟାଃ ମାରି ଲିଜାଃରେ ଜଡ଼ାଇକେଦ୍ତେ କାକ ତୁନାୟା । ଆଡ଼ଃ ଏନ୍କାଲେରେଦ୍ ନାଞ୍ଜା ଲିଜାଃଏ ଚାଗାଡ଼େୟା ଆଡ଼ଃ ନାଞ୍ଜା ଲିଜାଃରେୟାଃ କେଟାଃ ମାରିଲିଜାଃରେ କା ମେସାଅଃଆ । ୩୭ ଆଡ଼ଃ ଜେତାଏ ନାଞ୍ଜା ଦାଖ୍ରେସିକେ ମାରି ଉହୁର୍ତୁମ୍ପାରେ ଜେତାଏ କାକ ଦୁଲ୍ଲପେରେଜେୟା । ଚିୟାଃଚି ନାଞ୍ଜା ଦାଖ୍ରେସି ମାରି ଉହୁର୍ତୁମ୍ପାରେୟାଃ ଆଇଲ୍ଲକେ ଚାଗାଡ଼ତାଃଏ ଆଡ଼ଃ ଦାଖ୍ରେସି ଲିଙ୍ଗ୍ ଏଣ୍ଡାଗଃଆ ଆଡ଼ଃ ଉହୁର୍ରେୟାଃ ଆଇଲ୍ଲା ଜିୟନଃଆ । ୩୮ ମେନ୍ଦ୍ ନାଞ୍ଜା ଦାଖ୍ରେସିକେ ନାଞ୍ଜା ଉହୁର୍ତୁମ୍ପାରେୟାଃ ଆଇଲ୍ଲାରେ ପେରେଃ ଲାଗାତିଙ୍ଗ୍ୟାଃ । ୩୯ ଆଡ଼ଃ ଜେତାଏ ହଡ ମାରି ଦାଖ୍ରେସି ନୁଁକେଦ୍ ତାୟମ୍ତେ ନାଞ୍ଜା କାଏ ସାନାଙ୍ଗ୍ଆଃ, ଚିୟାଃଚି ଇନିଃଦ୍ ‘ମାରିତେୟାଃକେ ବୁଗିନ୍ତେୟାଃ ତାନାଃ’ ମେନେୟାଏ ।”



ୟୀଶୁ ରୁଡ଼ନୁ ହୁଲ୍ଲାଙ୍ଗ୍ରେନ୍ ଗମ୍କେତାନିଃ
(ମାଥ୍ୱଜ ୧୨:୧-୮; ମାର୍କ ୨:୨୩-୨୮)

୧ ରୁଡ଼ନୁ ହୁଲ୍ଲାଙ୍ଗ୍ରେ ଯୀଶୁ ହେରାକାନ୍ ପିଡ଼ି ଆଲାଆଲାତେ ସେନଃତାନ୍ ତାଇକେନାଏ, ଆଡ଼ଃ ଆୟାଃ ତେଲ୍ଲକ ଗେଲେ ଜ'କେ ହଦ୍କେଦ୍ତେ ତିଃଇଲ୍ଲଃ ଇଡକିଦ୍କେଦ୍ତେ ଜମ୍ତାନ୍କ ତାଇକେନା । ୨ ମେନ୍ଦ୍ ଚିମିନ୍ ଫାରୁଶୀକ କୁଲିକିୟାଃକ, “ରୁଡ଼ନୁ ହୁଲ୍ଲାଙ୍ଗ୍ରେ କା ଲାଗାତିଙ୍ଗ୍ କାମି ଚିନାଃମେନ୍ତେକ ରିକାତାନା ?”

୩ ଯୀଶୁ ଇନ୍କୁକେ କାଜିରୁହାଡ଼ାଦ୍କଆଏ, “ଦାଉଦ୍ ଆଡ଼ଃ ଆୟାଃ ଗାତିକ ରେଙ୍ଗେଃୟାନ୍ ଇମ୍ତା ଚିନାଃଏ କାମିକେଦାଃ ଏନା କାପେଚି ପାଡ଼ାଞ୍ଜାକାଦାଃ ? ୪ ଇନିଃ ପାର୍ମେଶ୍ଵାର୍ଆଃ ଅଡ଼ଃତେ ବଲ୍ଲୟାନା, ଆଡ଼ଃ ପାର୍ମେଶ୍ଵାର୍ଆଃ ନୁତୁମ୍ରେ ଏମାକାନ୍ ହଲ୍ଲଙ୍ଗ୍, ଅକ୍ନାଃକେଚି ଆଇନ୍ ଲେକାତେ ଯାଜାକ୍ ଏସକାର୍ ଜମ୍ ଦାଡ଼ିୟାଏ ମେନଃତାନା, ଏନାକେ ଆଡ଼କେଦ୍ତେ ଜମ୍କେଦାଏ ଆଡ଼ଃ ଆୟାଃଲ୍ଲଃ ତାଇକାନ୍କକେୟ ଏମାଦ୍କଆଏ ।”

୫ ଏନ୍ତେ ଯୀଶୁ ମେଡ଼ାଦ୍କଆଏ, “ମାନଞ୍ଜାହନ୍ ରୁଡ଼ନୁ ହୁଲ୍ଲାଙ୍ଗ୍ରେନ୍ ଗମ୍କେ ତାନିଃ ।”

☆ ୫:୩୦ ୫:୩୦ ଲୁକ ୧୫:୧,୨.

ୟୀଶୁ ମିଆଁଦ୍ ରହଡ଼ାକାନ୍ ତିଃଇ ନିଃକେ ବୁଗି ତାନା
(ମାଥୁଉ ୧୨:୯-୧୪; ମାର୍କ ୩:୧-୬)

^୭ ଆତଃ ଏଗଃ ରୁଡ଼ନ୍ ହୁଲାଙ୍ଗ୍ରେ ଇନିଃ ସାମାଜ୍ ଅଡ଼ାଃରେ ବଲୟାନ୍ତେ ଇତୁକେଦକଆଏ, ଆତଃ ଏନ୍ତାଃରେ ତିଃଇ ରହଡ଼ାକାନ୍ ମିଆଁଦ୍ ହଡ଼ ତାଇକେନାଏ । ^୮ ଆତଃ ୟୀଶୁ ରୁଡ଼ନ୍ ହୁଲାଙ୍ଗ୍ରେ ଇନିଃକେ ବୁଗିୟାଏ ଚି କା ଏନା ନେଲ୍ ନାଗେନ୍ତେ ଫାରୁଣୀକ ଆତଃ ଆଇନ୍ ଇତୁକ ଇନିଃକେ ଘାତାଇତାନକ ତାଇକେନା ଚିୟାଃଚି ଇନ୍କୁ ୟୀଶୁକେ ଚିଟାଇ ନାଗେନ୍ତେ ହରାକ ଦାଣାଁ ତାଇକେନା । ^୯ ମେନ୍ଦ୍ ୟୀଶୁ ଇନ୍କୁଆଃ ଉଡ଼ୁ ସାରିକେଦ୍ତେ, ଏନ୍ ତିଃଇ ରହଡ଼ାକାନ୍ ହଡ଼କେ କାଜିକିୟାଏ, “ମାର୍ ବିରିଦ୍ମେ ଆତଃ ସବେନ୍କଆଃ ସାମ୍ନାଙ୍ଗ୍ରେ ତିଙ୍ଗ୍ମେ, ଆତଃ ଇନିଃ ବିରିଦ୍ୟାନ୍ତି ଏନ୍ତାଃରେ ତିଙ୍ଗ୍ମୟାନାଏ ।” ^{୧୦} ଏନ୍ତେ ୟୀଶୁ ଇନ୍କୁକେ କାଜିୟାଦକଆଏ, “ଆଇଙ୍ଗ୍ ଆପେକେ କୁଲିପେତାନାଇଙ୍ଗ୍, ଆବୁଆଃ ଆଇନ୍ଲେକାତେ ରୁଡ଼ନ୍ ହୁଲାଙ୍ଗ୍ରେ ଅକନ୍ କାମି ରିକା ଲାଗାତିଙ୍ଗ୍ୟାଃ ? ମିହୁଡ଼ଆଃ ନାଗେନ୍ତେ ବୁଗିନ୍ କାମିତେୟାଃ ବୁଗିନାଃ ଚି ଏଡ଼କାନ୍ କାମିତେୟାଃ ବୁଗିନାଃ ? ଜୀଉ ବାଞ୍ଚାଅତେୟାଃ ଚି ଜୀଉ ଜିୟନେତେୟାଃ ?” ^{୧୧} ଇନିଃ ସବେନ୍କକେ ନେଲ୍ବିୟୁର୍ କେଦକଚି ଏନ୍ ହଡ଼କେ କାଜିକିୟାଏ, “ତିଃଇତାମାଃ ଜିଲିଙ୍ଗ୍ୟେମେ ।” ଏନ୍ତେ ଇନିଃ ତିଃଇତାୟାଃ ଜିଲିଙ୍ଗ୍କେଦାଏ ଆତଃ ତିଃଇତାୟାଃ ପୁରାଗି ବୁଗିରୁହାଡ଼ୟାନା ।

^{୧୧} ମେନ୍ଦ୍ ଇନ୍କୁ ଏନେସେଦ୍*ତେ ବାଲୁୟାନାକ, ଆତଃ ୟୀଶୁକେ ଚିନାଃବୁ ଚିକାଇୟା ମେନ୍ତେ ଆକଥାଲାରେ କାପାଜିୟାନାକ ।

ୟୀଶୁ ଆୟାଃ ଗେଲ୍ବାର୍ ତେଲାଇକେ ସାଲାକତାନାଏ
(ମାଥୁଉ ୧୦:୧-୪; ମାର୍କ ୩:୧୩-୧୯)

^{୧୨} ଏନ୍ ହୁଲାଙ୍ଗ୍ରେ ୟୀଶୁ ବିନ୍ତି ନାଗେନ୍ତେ ମିଆଁଦ୍ ବୁରୁତେ ଅଡ଼ଙ୍ଗ୍ୟାନା, ଆତଃ ମିଦ୍ନିଦା ପାର୍ମେଶ୍ୱାର୍ତାଃରେ ବିନ୍ତିକେଦାଏ । ^{୧୩} ଆଙ୍ଗ୍ୟାନ୍ତି ଇନିଃ ଆୟାଃ ତେଲାଇକେ ଆୟାଃତାଃତେ କେଡ଼ାକେଦକଆଏ ଆତଃ ଇନ୍କୁଏତେ ଗେଲ୍ବାର୍ ହଡ଼କକେ ସାଲାକେଦକଆଏ, ଆତଃ ଇନ୍କୁକେ ପ୍ରେରିଡ଼ ମେନ୍ତେ ନୁଡୁମ୍କେଦକଆଏ । ^{୧୪} ଇନ୍କୁଆଃ ନୁଡୁମ୍ ଶିମୋନ୍, ଇନିଃକେ ପାଡ଼ରାସ୍ ମେନ୍ତେ ନୁଡୁମ୍କିୟାଏ, ଶିମୋନ୍ଆଃ ହାଗାତେ ଆଦ୍ରିୟାସ୍, ଯାକୁବ୍, ଯୋହାନ୍, ଫିଲିପ୍, ବାର୍ଥୋଲମି, ^{୧୫} ମାଥୁଉ, ଥୋମା, ଆଲ୍ଫିୟନାଃ ହନ୍ତେକଡ଼ା ଯାକୁବ୍, ଶିମୋନ୍, ଅକଏଚି ଇସ୍ରାଏଲ୍ ହଡ଼କଆଃ ତନଲ୍ହେତେ ରାଡ଼ା ନାଗେନ୍ତେ ସାନାଙ୍ଗ୍ ତାଇକେନାଏ, ^{୧୬} ଯାକୁବ୍ଆଃ ହନ୍ତେକଡ଼ା ଯିହୁଦା, ଆତଃ ଇଷ୍ଟାରିୟଡ଼ ଯିହୁଦା, ତାୟମ୍ତେ ନେ ଯିହୁଦା ୟୀଶୁକେ ବାଇରିକତାଃରେ ଜିମାକିୟାଏ ।

ବୁରୁରେ ୟୀଶୁଆଃ ଇନିତୁ
(ମାଥୁଉ ୪:୨୩-୨୫)

^{୧୭} ୟୀଶୁ ଆୟାଃ ତେଲାଇକଲଃ ବୁରୁଏତେ ଲାତାର୍ତେ ଆଡ଼ଗୁୟାନାକ । ଆତଃ ଇନିଃ ତିଙ୍ଗ୍କାନ୍ ସାମ୍ ଠାୟାଦ୍ତାଃରେ ଆୟାଃ ପୁରାଃ ଗାଦେଲ୍ ତେଲାଇକ ତାଇକେନା ଆତଃ ଏନ୍ତାଃରେ ଗଟା ଯିହୁଦା ଦିଶୁମ୍ରେନ୍, ଯୀରୁଶାଲେମ୍ରେନ୍, ଦରେୟାଗେନା ସୋର୍ରେନ୍ ଆତଃ ସିଦୋନ୍ରେନ୍ ପୁରାଃ ହଡ଼କ ତାଇକେନା । ^{୧୮} ଇନ୍କୁ ୟୀଶୁଆଃ ଇନିତୁ ଆୟୁମ୍ ଆତଃ ଆକଆଃ ଦୁକୁଏତେ ବୁଗିୟାଃ ନାଗେନ୍ତେ ହିଜୁଃକାନ୍କ ତାଇକେନା । ଆତଃ ସତ୍ତରା ଆମ୍ବାକଏତେ ଦୁକୁଆକାନ୍କ ବୁଗିୟାନା ^{୧୯} ଆତଃ ସବେନ୍କ ଇନିଃକେ ଜୁଚିଦିନାଙ୍ଗ୍କ ସାନାଙ୍ଗ୍ ତାଇକେନା, ଚିୟାଃଚି ଇନିଃତାଃଏତେ ପେଡ଼େଃ ଅଡ଼ଙ୍ଗ୍ଅଡ଼ାନ୍ ତାଇକେନା ଆତଃ ଇନ୍କୁ ବୁଗିଅଡ଼ାନ୍କ ତାଇକେନା ।

ଆଶିଷ୍ ଆତଃ ଦୁକୁ
(ମାଥୁଉ ୫:୧-୧୨)

^{୨୦} ୟୀଶୁ ଆୟାଃ ତେଲାଇକସାଃ ନେଲ୍କେଦ୍ତେ କାଜିକେଦକଆଏ,
“ରେଙ୍ଗେଃତାନ୍କ ସୁକୁତାନ୍ଚିୟାଃ;

ଚିୟାଃଚି ସିର୍ମା ରାଇଜ୍ ଇନ୍କୁଆଃଗି ତାନାଃ ।

^{୨୧} ନାହାଁଃ ଆପେ ରେଙ୍ଗେଃତାନ୍କ, ସୁକୁତାନ୍ ଗିୟାଃପେ,

ପାର୍ମେଶ୍ୱାର୍ ଆପେକେ ବିୟାଃଗି ଏମାପେୟା !

ନାଆଃ ଆପେ ରାଆଃଏ ତାନ୍କ, ସୁକୁତାନ୍ ଗିୟାଃପେ,

ଚିୟାଃଚି ଆପେଦ୍ ଲାନ୍ଦାଏୟାପେ ।

^{୨୨} *ମାନଞ୍ଜାହନ୍ଆଃ ନାଗେନ୍ତେ ହଡ଼କ ଆପେକେ ହିଲାଙ୍ଗ୍ପେରେ, ଆପେକେ ଆତମ୍ପେରେ, ଆପେକେ ନିନ୍ଦାପେରେ ଆତଃ ଆପେୟାଃ ନୁଡୁମ୍ ଏଡ଼କାନ୍ ନୁଡୁମ୍ଲେକାକ ଇଦିଲେରେ ଆପେ ସୁକୁତାନ୍ ଗିୟାଃପେ । ^{୨୩} *ଏନ୍ ହୁଲାଙ୍ଗ୍ ରାସ୍କାଅଃପେ ଆତଃ ରାସ୍କାତେ ସୁସୁନ୍ନେପେ, ଚିୟାଃଚି ନେଲେପେ, ଆପେୟାଃ ନାଙ୍ଗ୍ ପୁରାଗି ଜ ସିର୍ମାରେୟା । ଇନ୍କୁଆଃ ପୁରୁଖାହାଡ଼ାମ୍କ ନାବୀକକେ ସିଗିଦ୍କେଦକଆକ ।

* ୭:୧୧ 6:11 ଖୁସ୍ ✧ ୭:୨୨ ୭:୨୨ ୧ ପାଡ଼ରାସ୍ ୪:୧୪ ✧ ୭:୨୩ ୭:୨୩ ପ୍ରେରିଡ଼ ୭:୫୨.

୨୪ “ମେନ୍ଦ ଆପେ କିସାଁଣ୍ ହଡକଆଃ ହାୟ ହାୟ ଆପେ ଦୁକୁପେ ନାମେୟା,
ଚିୟାଃଚି ଆପେଦ ଆପେୟାଃ ଜୀଦାନରେ ଜୀଉରାଡ଼େଃପେ ନାମ୍‌ଚାବାକାଦାଃ ।

୨୫ ଆପେ ନାହାଁଃ ବିୟାକାନକଆଃ ହାୟ ହାୟ,
ଆପେଦପେ ରେଙ୍ଗେଜଆଃ ।
ଆପେ ନାହାଁଃ ଲାନ୍ଦାତାନକଆଃ ହାୟ ହାୟ,

ଚିୟାଃଚି ଆପେଦପେ ଏୟମ୍‌ୟାଁ ଆଡ଼େପେ ରାଆୟା ।

୨୬ “ସବେନ୍ ହଡକ ଆପେକେ ବୁଗିନ୍‌କ ମେତାପେରେ, ଆପେୟାଃ ହାୟ ହାୟ, ଇନ୍‌କୁଆଃ ପୁରଖାହାଡ଼ାମ୍‌କ ହସଡ଼ଃ
ନାବାକକେ ଏନ୍‌କାକେଦ୍‌କଆକ ।

**ବାଇରିକକେ ଦୁଲାଡ଼କପେ
(ମାଥୁଉ ୫:୩୮-୪୮; ୭:୧୨)**

୨୭ “ମେନ୍ଦ ଆଇଙ୍ଗ ଆପେ ଆୟୁମ୍‌ତାନକକେ କାଜିୟାପେ ତାନାଇଙ୍ଗ, ଆପେୟାଃ ବାଇରିକକେ ଦୁଲାଡ଼କପେ,
ଅକନ୍‌କ ଆପେକେ ଖୁସ୍‌ସାଅପେୟାକ ଇନ୍‌କୁଆଃ ବୁଗିନ୍ ରିକାଏପେ । ୨୮ ଜେତାଏ ଆପେକେ ସାର୍‌ପାଅପେକ,
ଆଶିଷ୍‌କପେ, ଆପେକେ ହିଲାଙ୍ଗ୍‌ପେକ, ବିକ୍ତିପେ । ୨୯ ଜେତାଏ ଆପେକେ ମିଆଁଦ୍ ଜଆରେ ଆପଡ଼ିପେରେଦ, ଏଟାଃ
ଜଞ୍ଜାହଗି ବିୟୁରାଇପେ । ଜେତାଏ ଆପେୟାଃ ଚାଦାର୍ ଲିଜାଃ ଇଦିରେଦ, ଇନିଃକେ ଆପେୟାଃ ହଡ଼଼ମରେ ତୁସିଙ୍ଗ୍ ଲିଜାଃ
ହଗି ଇଦିନାଙ୍ଗ୍ ଆଲପେ ମାନାଇୟାଃ । ୩୦ ଜେତାଏ ଆପେକେ ଆସିପେରେଦ ଇନିଃକେ ଏମାଇପେ, ଆଡ଼େ ଆପେୟାଃ
ମେନାଃଡେୟାଃ ରେଃକଇଦିପେରେଦ, ଇନିଃକେ ଆଲପେ ଆସିରୁହାଡ଼ିୟାଃ । ୩୧ ✠ହଡ଼କ ଆଲେନାଙ୍ଗ୍ ରିକାଏକାକ
ମେନ୍ତେପେ ସାନାଙ୍ଗ୍‌ତାନ ଲେକା, ଆପେୟାଃ ଇନ୍‌କୁ ନାଗେନ୍ତେ ଏନ୍‌ଲେକା ରିକାଏପେ ।

୩୨ “ଆପେକେ ଅକନ୍‌କ ଦୁଲାଡ଼ପେତାନାକ ଇନ୍‌କୁକେ ଏସକାର୍ ଦୁଲାଡ଼ରେକରେ, ଆପେ ଚିକା ନାଙ୍ଗ୍ ଆଶିଷ୍‌ପେ
ନାମେୟା ? ପାପି ହଡ଼କହ ଆକକେ ଦୁଲାଡ଼ତାନ ହଡ଼କକେ ଦୁଲାଡ଼କଆକ । ୩୩ ଆଡ଼େ ଅକନ୍‌କ ଆପେୟାଃ ବୁଗିନାଃ
କାମିତାନାକ, ଇନ୍‌କୁଆଃ ଏସକାର୍ ଆପେ ବୁଗିନ୍ କାମିପେ ରିକାଏ ରେଦ, ଆପେ ଚିକାନ୍ ଆଶିଷ୍‌ପେ ନାମେୟା ? ପାପି
ହଡ଼କହଗି ଏନ୍‌ଲେକା କାମିୟାଃକ । ୩୪ ଆଡ଼େ ଅକନ୍ କତାଃଏତେ ଆପେୟାଃ ନାମାଃ ରୁହାଡ଼ରେୟାଃ ଆସ୍ତା ତାଇନାଃ,
ଇନ୍‌କୁକେ ଏସକାର୍ ରିଶା଼ି ଏମ୍‌ଲେକରେ ଆପେ ଚିକାନ୍ ଆଶିଷ୍‌ପେ ନାମେୟା ? ଏମାକାଦ୍‌ତେୟାଃ ଇମିୟାଙ୍ଗ୍‌ଗିବୁ
ନାମ୍‌ରୁହାଡ଼େୟାଃ ମେନ୍ତେ ପାପି ହଡ଼କହଗି ପାପିକକେ ରିଶା଼ିକ ଏମାକଆଃ । ୩୫ ମେନ୍ଦ ଆପେୟାଃ ବାଇରିକକେ
ଦୁଲାଡ଼କପେ, ବୁଗିନ୍ କାମି ରିକାଏପେ ଆଡ଼େ ନାମ୍‌ରୁହାଡ଼ରେୟାଃ ଆସ୍ତାବାଗିକେଦ୍‌ତେ ରିଶା଼ି ଏମାକପେ ଏନ୍ତେ ଆପେ
ପୁରାଃ ଜ'ପେ ନାମେୟା, ଆପେ ମାରାଙ୍ଗ୍ ଉତାର୍‌ନିୟାଃ ହନ୍‌କପେ ବାୟୁଆ, ଚିୟାଃଚି ଇନିଃଦ କା ଜହାର୍‌କ ଆଡ଼େ
ଏଡ଼କାନ୍‌କକେ ଲିବୁଇୟାକତାନାଏ । ୩୬ ଆପେୟାଃ ସିମ୍‌ରେନ୍ ଆପୁ ଲିବୁଇତାନ୍ ଲେକା, ଆପେୟାଃ ଲିବୁଆକପେ ।

**ଏଟାଃକକେ ଆଲ୍‌ପେ ବିଚାର୍‌କଆ
(ମାଥୁଉ ୭:୧-୫)**

୩୭ “ଏଟାଃକକେ ଆଲ୍‌ପେ ବିଚାର୍‌କଆ, ଏନାରେ ପାର୍‌ମେଶ୍ୱାର୍ ଆପେକେ କାଏ ବିଚାର୍‌ପେୟା, ଆଲ୍‌ପେ ଚିଟାକଆ,
ଏନ୍ତେ ଆପେ କାପେ ଚିଟାଃଞ୍ଜା । ଛାମାକପେ, ଏନ୍ତେ ଆପେକେ ଛାମାଞ୍ଜାଃ । ୩୮ ଏମେପେ, ଏନ୍ତେ ଆପେକେ ଏମାଆ,
ପାର୍‌ମେଶ୍ୱାର୍ ଆପେକେ, ତାମ୍‌ରେ ଅତାପେରେଃକେଦ୍‌ତେ, ଆଡ଼େ ଉଛୁଲାଅଃଗି ପୁରାଃ ସଙ୍ଗ୍‌କେଦ୍‌ତେ ଆପେୟାଃ
କୟଙ୍ଗ୍‌ରେକ ଦୁଲାପେୟା ଚିୟାଃଚି ଆପେ ସଙ୍ଗେ ତାମ୍‌ରେଗି ଆପେ ନାଗେନ୍ତେ ସୋଙ୍ଗ୍‌ଆ ।”

୩୯ ✠ଆଡ଼େ ଯାଶୁ ଇନ୍‌କୁକେ ନେ ଜନ୍‌କା କାଜି କାଜିୟାଦ୍‌କଆଏ, “ଚିୟାଃ ମେଦ୍ କା ନେଲ୍ ଦାଡ଼ିନିଃ, ଆଡ଼େ ମିଆଁଦ୍
ମେଦ୍ କା ନେଲ୍ ଦାଡ଼ିନିଃକେ ହରା ଉଦୁବ୍ ଦାଡ଼ିୟାଃଏ ? ଇନିଃ ଏନ୍‌କା ରିକାଏରେଦ, ଚିୟାଃ ବାରାନ୍‌କିନ୍ ଗାଡ଼ାରେକିନ୍
ଉୟୁଗାଆ ? ୪୦ ✠ଗୁରୁଏତେ ତେଲା କାଏ ମାରାଙ୍ଗ୍‌ଆଃ, ମେନ୍ଦ ଜେତାଏ ପୁରା ଇଡ଼ୁକେଦ୍‌ରେ ଆୟାଃ ଗୁରୁ ଲେକାଅଆଏ
।

୪୧ “ଆମ୍ ଆମାଃ ମେଦ୍‌ରେଆଃ ରୁବାଃ କା ନେଲ୍‌କେଦ୍‌ତେ ହାଗାମାଃ ମେଦ୍‌ରେଆଃ ହୁଡ଼ିଙ୍ଗ୍ ରୁବାଃ ଚିକା ନାଗେନ୍ତେମ୍
ନେଲେତାନା ? ୪୨ ଆମାଃ ମେଦ୍‌ରେ ରୁବାଃ ତାଇନ୍‌କେଦ୍‌ତେ, ‘ହାଗାମାଃ ମେଦ୍‌ରେଆଃ ରୁବାଃକେ ଅଡ଼ଙ୍ଗ୍‌ତାମାକଙ୍ଗ୍’
ମେନ୍ତେ ଚିଲ୍‌କାତେ କାଜି ଦାଡ଼ିୟାମ୍ ? ଏ ବେଦାହଡ଼, ସିଦାତେ ଆମାଃ ମେଦ୍‌ରେଆଃ ରୁବାଃ ଅଡ଼ଙ୍ଗ୍‌ୟେମେ, ଏନ୍ତେ
ହାଗାମାଃ ମେଦ୍‌ରାଃ ରୁବାଃ ଅଡ଼ଙ୍ଗ୍ ନାଗେନ୍ତେ ବୁଗିଲେକାମ୍ ନେଲ୍‌ଦାଡ଼ିୟା ।

**ମିଆଁଦ୍ ଦାରୁ ଆଡ଼େ ଏନାରେୟାଃ ଜ
(ମାଥୁଉ ୭:୧୭-୨୦; ୧୨:୩୩-୩୫)**

୪୩ “ବୁଗିନ୍ ଦାରୁରେଦ ଏଡ଼କାନ୍ ଜ କା ଜଅଃ'ଆଃ, ଆଡ଼େ ଏଡ଼କାନ୍ ଦାରୁରେଦ ବୁଗିନ୍ ଜ କା ଜଅଃ'ଆଃ । ୪୪ ✠ମିମିଆଦ୍
ଦାରୁଦ୍ ଆୟାଃ ଜ'ତେଗି ନେଲ୍‌ଉରୁମାଆ । ଜାନୁମ୍ ଦାରୁଏତେଦ୍ ହଡ଼କ ଲଆ ଜ କାକ ଗଦେୟା ଆଡ଼େ ଜାନୁମ୍

† ୭:୨୫ ୭:୨୫ ଶୋକ୍‌ଏୟା ‡ ୭:୨୬ ୭:୨୬ ଭଣ୍ଡୁ ✠ ୭:୩୧ ୭:୩୧ ମାଥୁଉ ୭:୧୨. § ୭:୩୪ ୭:୩୪ ଉଧାର୍ ☆ ୭:୩୯ ୭:୩୯ ମାଥୁଉ ୧୫:୧୪.
☆ ୭:୪୦ ୭:୪୦ ମାଥୁଉ ୧୦:୨୪,୨୫; ଯୋହାନ୍ ୧୩:୧୭; ୧୫:୨୦. ✠ ୭:୪୪ ୭:୪୪ ମାଥୁଉ ୧୨:୩୩.

ରୂପାଦ୍ୱୟତେଦ ଦାଖ୍ ଜ କାକ ଗଦେୟା । ୪୫ *ବୁଗିନ୍ ହଡ଼ ଆୟାଃ ମନ୍ସୁରୁଦ୍ ଲେକାନ୍ ବୁଗିନ୍ ଭାଣ୍ଡାଅଡ଼ାଃଏତେ ବୁଗିନାଃ ତେୟାଃ ଅତଙ୍ଗ୍‌ୟେଆଏ ଆତଃ ଏଡ଼କାନ୍ ହଡ଼ ଆୟାଃ ଏଡ଼କାନ୍ ଭାଣ୍ଡାଅଡ଼ାଃଏତେ ଏଡ଼କାନ୍‌ତେୟାଃ ଅତଙ୍ଗ୍‌ୟେଆଏ । ଚିଆଃଚି ଆୟାଃ ମନ୍ସୁରୁଦ୍‌ରେ ପେରେଜାକାନ୍‌ତେୟାଃ ମତାଏ କାଜିୟା ।

**ବାର ରାକାମ୍ ଅଡ଼ାଃରେୟାଃ ବାବାଇନିଃ
(ମାଥୁଉ ୭:୨୪-୨୭)**

୪୬ “ଆପେ ଚିନାଃମେନ୍ତେ ଆଇଙ୍ଗ୍‌କେ, ‘ହେ ପ୍ରାଭୁ, ହେ ପ୍ରାଭୁପେ,’ ମେତାଇଙ୍ଗ୍‌ତାନା ଆତଃ ଆଇଁୟାଃ କାଜି ଆପେ କାପେ ମାନାତିଙ୍ଗ୍‌ତାନା ? ୪୭ ଜେତାଏ ଆଇଁୟାଃତାଃ ହିଜୁଃନିଃ ଆତଃ ଆଇଁୟାଃ କାଜି ଆୟୁମ୍‌କେଦ୍‌ତେ ମାନାତିଙ୍ଗ୍‌ନିଃ, ଇନିଃ ଅକଏ ଲେକାଃଏ ଏନା ଆପେକେଇଙ୍ଗ୍ ଉଦୁବାପେୟା । ୪୮ ଇନିଃ ନେ’ଲେକାନ୍ ଅଡ଼ାଃ ବାଇତାନ୍ ହଡ଼ ଲେକାଃଏ, ଇନିଃ ଉରକେଦ୍‌ତେ ନିହିଁ ଗାଡ଼ା କେଦାଏ ଆତଃ ଦିରି ଚେତାନ୍‌ରେ ବାଇକେଦାଏ, ଆତଃ ଟୁଡା ହିଜୁଃଲେନ୍‌ରେ ଏନ୍ ଅଡ଼ାଃରେ ଦାଆଃ ଟଗଃତାନ୍ ତାଇକେନା ମେନ୍‌ଦ ଏନାକେ କାଏ ହାଦୁଡ଼୍ ଦାଡ଼ିକେଦା, ଚିୟାଃଚି ଏନାଦ ଚାଟେନ୍ ଦିରି ଚେତାନ୍‌ରେ ବାଇୟାକାନ୍ ତାଇକେନା । ୪୯ ମେନ୍‌ଦ ଆଇଁୟାଃ କାଜି ଆୟୁମ୍‌କେଦ୍‌ତେ କା ମାନାତିଙ୍ଗ୍‌ନିଃ ଅତେରେ ବେଗାର୍ ନିହିଁ ଗାଡ଼ାତେ ବାଇୟାକାନ୍ ଅଡ଼ାଃ ଲେକାନ୍‌ନିଃ ତାନିଃ, ଏନ୍ ଅଡ଼ାଃରେ ଟୁଡା ଦାଆଃ ପୁରାଃଚି ଧାକ୍‌କାକେଦ୍ ଇମ୍‌ତା ଏନା ହାଦୁଡ଼୍‌ୟାନା ଆତଃ ଏନାରାଃ ଜିୟନଃ ପୁରାଃ ବରଝାନ୍‌ଗି ହବାୟାନା ।”



**ୟୀଶୁ ମିଦ୍‌ଶାଅ ସିପାଇକଆଃ ଗମ୍‌କେୟାଃ ଦାସିକେ ବୁଗିକିୟାଏ
(ମାଥୁଉ ୮:୫-୧୩)**

୧ ଯୀଶୁ ହଡ଼କକେ ଆୟାଃ ସବେନ୍ କାଜି କାଜିଚାବାକେଦ୍‌ଚି କପରନାହୁମ୍ ସାହାର୍‌ତେ ବଲୟାନାଏ । ୨ ଏନ୍ତାଃରେ ମିଦ୍‌ଶାଅ ସିପାଇକଆଃ ମିଆଁଦ୍ ରୋମି ଗମ୍‌କେୟାଃ ଦାସି ବେମାର୍‌ତେ ଗଜଃଲେକାଏ ତାଇକେନା, ଇନିଃକେ ଇନିୟାଃ ଗମ୍‌କେ ପୁରାଃଚି ଦୁଲ୍‌ଡ଼ିତାନାଏ ତାଇକେନା । ୩ ମିଦ୍‌ଶାଅ ସିପାଇକଆଃ ଗମ୍‌କେ ଯୀଶୁଆଃ ବିଷାଏରେ ଆୟୁମ୍‌କେଦ୍‌ଚି, ଆମ୍ ହିଜୁଃକେଦ୍‌ତେ ଆଇଁୟାଃ ଦାସିକେ ବୁଗିମେ ମେନ୍ତେ ଯିହୁଦୀକଆଃ ପ୍ରାଚିନକକେ ଯୀଶୁତାଃ ଗୋହାର୍ ନାଗେନ୍ତେ କୁଲ୍‌କେଦ୍‌କଆଏ । ୪ ଇନ୍‌କୁ ଯୀଶୁତାଃ ସେଟେର୍‌ୟାନ୍‌ଚି ଇନିଃକେ ପୁରାଃଚି ବିନ୍ତିତାନ୍‌ଲଃ କାଜିକିୟାଏ, “ଇନିଃ ଆମାଃ ଦେଙ୍ଗା ନାମେ ଲେକାଗିୟାଏ । ୫ ଚିୟାଃଚି ଇନିଃଏ ଆବୁ ଜାତିରେନ୍‌କକେ ଦୁଲ୍‌ଡ଼ିକତାନାଏ ଆତଃ ଆଇଃକ୍‌ଗି ଆବୁନାଙ୍ଗ୍ ସାମାଜ୍ ଅଡ଼ାଃ ବାଇୟାକାଦାଏ ।”

୬ ଏନାତେ ଯୀଶୁ ଇନ୍‌କୁଲଃ ସେନଃୟାନାଏ । ଆତଃ ଯୀଶୁ ଇନିୟାଃ ଅଡ଼ାଃ ନାଡ଼େଃତେ ହିଜୁଃ ସେଟେର୍‌ତାନ୍ ଇମ୍‌ତା ଇନିଃ ଆୟାଃ ଗାତିକକେ ଯୀଶୁତାଃତେ କାଜି କୁଲ୍‌କେଦ୍‌କଆଏ, “ହେ ଗମ୍‌କେ ଆଲମ୍ ଦୁକୁନାଃ, ଚିୟାଃଚି ଆମ୍ ଆଇଁୟାଃ ଅଡ଼ାଃରେମ୍ ବଲଆ ଏନ୍ ଲେକାନ୍‌ନିଃଦ୍ ନାହିଁଲିଙ୍ଗ୍ । ୭ ଏନା ନାଗେନ୍ତେ ଆଇଙ୍ଗ୍ ଆମାଃତାଃତେ ସେନଃନାଙ୍ଗ୍ କାଇଙ୍ଗ୍ ସାନାଙ୍ଗ୍‌କେଦାଃ । ମେନ୍‌ଦ୍ ଆମ୍ ମିସାଗି କାଜିତାମ୍, ଆଇଁୟାଃ ଦାସି ବୁଗିକଆଃଏ । ୮ ଚିୟାଃଚି ଆଇଙ୍ଗ୍‌ହିଁ ଏଟାଃକଆଃ ଆକ୍‌ତେୟାର୍‌ରେ ମେନାଇୟାଃ, ସିପାଇକ ଆଇଁୟାଃ ଆକ୍‌ତେୟାର୍‌ରେ ମେନାକଆଃ । ଆଇଙ୍ଗ୍ ମିହୁଡ଼୍‌କେ ସେନଃମେ ମେତାଇରେଦ୍ ଇନିଃ ସେନଃଆଏ ଆତଃ ଏଟାଃନିଃକେ ହିଜୁଃମେ ମେତାଇରେ ଇନିଃ ହିଜୁଃଆଏ । ଆଇଁୟାଃ ଦାସିକେ ନେୟାଁ କାମିମେ ମେତାଇରେ ଇନିଃ କାମିୟାଏ ।”

୯ ଯୀଶୁ ନେୟାଁ ଆୟୁମ୍‌କେଦ୍‌ତେ ଆକ୍‌ଦାନ୍‌ଆୟାନା, ଆତଃ ହେତାରୁହାଡ଼କେଦ୍‌ତେ ଆୟାଃ ତାୟମ୍‌ରେ ଅତଙ୍ଗ୍‌ଇଁ ତାନ୍‌କକେ କାଜିୟାଦ୍‌କଆଏ, “ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ଇସ୍ରାଏଲ୍‌ରେୟ ନେ ଲେକାନ୍ ମାରାଙ୍ଗ୍ ବିଶ୍ୱାସ୍ କାଇଙ୍ଗ୍ ନାମାକାଦାଃ ।”

୧୦ ଏନ୍ତେ ଯୀଶୁଆଃ ଜାପାଃତେ କୁଲ୍‌ଲେନ୍‌କ ଅଡ଼ାଃତେ ରୁହାଡ଼୍‌ୟାନ୍ତେ ଏନ୍ ଦାସିକେ ବୁଗିୟାକାନ୍‌କ ନାମ୍‌କିୟାଃ ।

ୟୀଶୁ ରାଣ୍ଡିକୁଡ଼ିଆଃ ହନ୍‌କେ ଜୀହିଦ୍ ରୁହାଡ଼ିତାନାଏ

୧୧ ଏଟାଃ ହୁଲ୍‌ଙ୍ଗ୍‌ରେ ଯୀଶୁ ନାଇନ୍ ନୁଡୁମ୍ ମିଆଁଦ୍ ସାହାର୍‌ତେ ସେନଃୟାନାଏ, ଆତଃ ଇନିଃଲଃ ଆୟାଃ ଚେଲାକ୍ ଆତଃ ଗାଦେଲ୍ ହଡ଼କ ଇନିୟାଃଲଃ ସେନ୍‌ତାନ୍‌କ ତାଇକେନା । ୧୨ ଆତଃ ସାହାର୍ ଦୁଆରତେ ତେବାଃୟାନ୍‌ଚି, ହଡ଼କ ମିଆଁଦ୍ ମାଁଡା ଗଅଃ ଅତଙ୍ଗ୍‌ଏତାନ୍‌କ ତାଇକେନା । ଇନିଃ ଆୟାଃ ରାଣ୍ଡିକୁଡ଼ି ଏଙ୍ଗାତେୟାଃ ମିଆଁଦ୍‌ଗି ହନ୍‌କଡ଼ା ତାଇକେନାଏ । ଆତଃ ସାହାର୍‌ରେନ୍ ଗାଦେଲ୍ ହଡ଼କ ଇନିଃଲଃ ତାଇକେନାକ । ୧୩ ଏନ୍ ରାଣ୍ଡିକୁଡ଼ିକେ ନେଲ୍‌କେଦ୍‌ତେ ପ୍ରାଭୁ ଇନିଃକେ ଦାୟାଇତାନ୍‌ଲଃ କାଜିକିୟାଏ, “ଆଲ୍‌ମେ ରାଆଃୟା ।” ୧୪ ଏନ୍ତେ ଯୀଶୁ ସେନ୍ ନାଡ଼େଃକେଦ୍‌ତେ ପାର୍‌କମାଏ ଜୁଟିଦ୍‌କେଦା ଆତଃ ଗଅଃକାଦ୍ ହଡ଼କ ତିଙ୍ଗ୍‌ୟାନାକ । ଯୀଶୁ ଗଜାକାନ୍ ହଡ଼କେ କାଜିକିୟାଏ, “ଏ ସେପ୍‌ଡେଦ୍, ମାର୍ ବିରିଦ୍‌ମେ ମେତାମତାନାଇଙ୍ଗ୍ !” ୧୫ ଏନ୍ ଗଜାକାନ୍‌ନିଃ ବିରିଦ୍‌ୟାନ୍‌ଲଃ ଦୁଦ୍‌ୟାନାଏ, ଆତଃ ବାଗାଁଣ୍ ଏଟେଦ୍‌କେଦାଏ, ଯୀଶୁ ଇନିଃକେ ଇନିୟାଃ ଏଙ୍ଗାତେତାଃରେ ଜିମାକିୟାଏ ।

☆ ୭:୪୫ ୭:୪୫ ମାଥୁଉ ୧୭:୩୪.

୧୭ ନେୟାଁ ନେଲକେଦ୍‌ତେ ସବେନ୍‌କ ବରକେଦାଃକ ଆତଃ ପାର୍‌ମେଶ୍‌ବରକେ ମାନାରାଙ୍ଗ୍ ତାନଲଃ କାଜିକେଦାଃକ, “ଆବୁ ଆଲ୍‌ମାରେ ମିଆଁଦ୍ ମାରାଙ୍ଗ୍ ନାବୀ ହିଜୁଆକାନାଏ । ପାର୍‌ମେଶ୍‌ବର ଆୟାଃ ହଡ଼କକେ ବାସ୍ତାଅ ନାଙ୍ଗ୍ ହିଜୁଆକାନାଏ ।”

୧୭ ଆତଃ ଯୀଶୁଆଃ ନେ ବାନାର୍ ଗଟା ଯିହୁଦାରେ ଆତଃ ଗଟା ହପରଜାପାଃ ଦିଶୁମ୍‌ରେ ନିତିର୍‌ୟାନା ।

ବାପ୍ତିସ୍ମା ଏମଃନିଃ ଯୋହାନ୍‌ଆଃ କୁଲି ଆତଃ ଯୀଶୁଆଃ କାଜିରୁହାଡ଼୍ (ମାଥୂଉ ୧୧:୨-୧୯)

୧୮ ଯୋହାନ୍‌ଆଃ ଚେଲାକ ନେ ସବେନ୍ କାଜିକ ଯୋହାନ୍‌କେ ଉଦୁବକିୟାଃକ । ୧୯ ଯୋହାନ୍ ଆୟାଃ ଚେଲାକଏତେ ବାରହଡ଼କିନ୍‌କେ କେଡାକେଦକିନାଏ, ଆତଃ ପ୍ରାଭୁତାଃତେ ନେଆଁ କୁଲିନାଙ୍ଗ୍ କୁଲକେଦକିନାଏ “ଏନ୍ ହିଜୁଃନିଃ ଆମ୍‌ଗି ତାନ୍‌ମେ ଚି ଏଟାଃନିଃଲେ ନେଲହରାଇୟା ?”

୨୦ ଆତଃ ଇନ୍‌କିନ୍ ଯୀଶୁତାଃ ହିଜୁଃୟାନ୍ତେ କାଜିକେଦାଃକିନ୍ ବାପ୍ତିସ୍ମା ଏମଃନିଃ ଯୋହାନ୍ ଆଲିଙ୍ଗକେ ଆମାଃତାଃତେ ନେୟାଁ କୁଲି ନାଗେନ୍ତେ କୁଲକାଦଲିଙ୍ଗ୍‌ଆଏ, “ଏନ୍ ହିଜୁଃନିଃ ଆମ୍‌ଗି ତାନ୍‌ମେ ଚି ଏଟାଃନିଃଲେ ନେଲହରାଇୟା ।”

୨୧ ଏନ୍ ଦିପିଲିରେଗି ଯୀଶୁ ପୁରାଃ ହାସୁତାନ୍ ଦୁକୁତାନ୍ ଆତଃ ଏଡ଼କାନ୍ ଆମ୍‌ା ଏସେରକାଦ୍ ହଡ଼କକେ ବୁଗିକେଦକିଆଏ, ଆତଃ ପୁରାଃ କା ନେଲଦାଡ଼ିତାନ୍‌କକେ ନେଲରିକାକେଦକିଆଏ । ୨୨ ଯୀଶୁ ଯୋହାନ୍‌ଆଃ ଚେଲାକିନ୍‌କେ କାଜିକେଦକିନାଏ, “ଆବେନ୍ ରୁହାଡ଼କେଦ୍‌ତେ ଅକନାଃବେନ୍ ନେଲକାଦା ଆତଃ ଆୟୁମାକାଦା ଏନାକ ଯୋହାନ୍‌କେ ଉଦୁବାଇବେନ୍, କାଣିକାନ୍‌କ ନେଲେତାନା, କାଟା ଲେଙ୍ଗ୍‌ଡାକାନ୍‌କ ସେସେନ୍‌ତାନା, ନାଗେଦାଅକାନ୍‌କ ଫାର୍‌ତିଅଃତାନା, ଭାଏରାକାନ୍‌କ ଆୟୁମେତାନା, ଗଜାକାନ୍‌କ ଜୀଉବିରିଦ୍ ରୁହାଡ଼ତାନା, ଆତଃ ରେଙ୍ଗେଃ ହଡ଼କତାଃରେ ସୁକୁକାଜି ଉଦୁବଃତାନା । ୨୩ ଆଇୟାଃ ବିଷାଏରେ ଅକନ୍‌କଆଃ ଜେତାନ୍ ଆଡ଼ାଃଉଡ଼ୁ ବାନଃଆ, ଇନ୍‌କୁ ସୁକୁତାନ୍‌ଗିୟା ।”

୨୪ ଯୋହାନ୍‌ଆଃ ଚେଲାକିନ୍ ସେନଃୟାନ୍‌ଚି ଯୀଶୁ ଯୋହାନ୍‌ଆଃ ବିଷାଏରେ ହଡ଼କକେ କାଜି ଏଟେଦକେଦ୍‌ଆଏ, “ଆପେ ଚିକନାଃ ନେନେଲ୍‌ତେ ବିର୍‌ତେପେ ସେନ୍‌କେନା ? ଚିନାଃ ହୟତେ ଏକ୍‌ଲାଅଃତାନ୍ ବିର୍‌ନି ତାସାଦକେ ? ୨୫ ଏନା କା'ରେଦ ଚିକନାଃ ନେନେଲ୍‌ତେପେ ଅଡ଼ଙ୍ଗ୍‌ୟାନା । ଚିନାଃ ଗନଙ୍ଗ୍‌ଆଁନ୍ ଲିଜାଃ ତୁସିଙ୍ଗ୍‌ଆଁକାନ୍ ହଡ଼କେ ? ନେଲେପେ, ଗନଙ୍ଗ୍‌ଆଁନ୍ ଲିଜାଃ ତୁସିଙ୍ଗ୍‌ଆଁକାନ୍ ଆତଃ ସୁକୁତେ ତାଇନଃତାନ୍ ହଡ଼କ ରାଜାକଆଃ ଅଡ଼ାଃକରେକ ତାଇନାଃ । ୨୬ କାଜିଙ୍ଗ୍‌ପେ, ଏନା କାହାରେଦ, ଚିକନାଃ ନେନେଲ୍‌ତେପେ ଅଡ଼ଙ୍ଗ୍‌ଲେନା ? ଚିନାଃ ମିଆଁଦ୍ ନାବୀକେ ? ଆଇଙ୍ଗ୍ ଆପେକେ ସାର୍‌ତିଗି ମେତାପେ ତାନାଇଙ୍ଗ୍, ନାବୀଏତେ ମାରାଙ୍ଗ୍‌ନିଃକେପେ ନେଲିୟା । ୨୭ ଯୋହାନ୍‌ଆଃ ନାଗେନ୍ତେ ଧାରାମପୁଅରେ ନେଆଁ ଅଲ୍‌କାନା, ‘ପାର୍‌ମେଶ୍‌ବର କାଜିକେଦାଏ, ନେଲେମେ, ଆଲେ ଆମାଃଏତେ ସିଦାରେ ଆଲେୟାଃ ଦୁଡ଼କେଲେ କୁଲିତାନା ଇନିଃ ଆମାଃ ନାଗେନ୍ତେ ପାହିଲାରେ ହରା ବାଇୟାଏ ।’ ୨୮ ଆଇଙ୍ଗ୍ ଆପେକେ ସାର୍‌ତିଗିଙ୍ଗ୍ କାଜିୟାପେତାନା, ‘କୁଡ଼ିକଏତେ ଜାନାମାକାନ୍ ସବେନ୍‌କଆଃ ଭିତାର୍‌ରେ ଯୋହାନ୍‌ଏତେ ମାରାଙ୍ଗ୍ ଜେତାଏ ବାଙ୍ଗାଲୟା, ହଲେହ୍ ପାର୍‌ମେଶ୍‌ବରଆଃ ରାଇଜ୍‌ରେନ୍ ହୁଡ଼ିଙ୍ଗ୍‌ନିଃ ଯୋହାନ୍‌ଏତେ ମାରାଙ୍ଗ୍‌ଆଏ ।’ ”

୨୯ *ୟୀଶୁଆଃ ଇନିତୁ ଆୟୁମତାନ୍ ସବେନ୍ ହଡ଼କ, ନେ'ଲେକାଚି ମାଲ୍‌ହାରମକହ, ସାରିକେଦାଃକ ଯେ, ପାର୍‌ମେଶ୍‌ବରଆଃ ହରା ସାର୍‌ତିଗିଆଃ, ଚିୟାଃଚି ଇନ୍‌କୁକେ ସିଦାରେ ଯୋହାନ୍ ବାପ୍ତିସ୍ମା ଏମାକାଦକ ତାଇକେନାଏ । ୩୦ ମେନ୍‌ଦ ଫାରୁଶୀକ ଆତଃ ଆଇନ୍ ଇଡୁକ ପାର୍‌ମେଶ୍‌ବରଆଃ ସାନାଙ୍ଗ୍ ଆକ ନାଗେନ୍ତେକ ହିଲାଇକେଦାଃ ଆତଃ ଯୋହାନ୍‌ତାଃଏତେ କାକ ବାପ୍ତିସ୍ମାୟାନା ।

୩୧ ଯୀଶୁ ଆତଃଗି କାଜିକେଦାଏ, “ନେ ଦିପିଲିରେନ୍ ହଡ଼କକେ ଅକଏଲଃ ଆଇଙ୍ଗ୍ ଜକାକଆ ? ଆତଃ ଇନ୍‌କୁ ଅକଏ ଲେକାଃକ ? ୩୨ ଇନ୍‌କୁଦ ପିର୍‌ରେ ଦୁବାକାନ୍ ଆତଃ ଆକ ଆକରେ ହାକାଅଃତାନ୍ ହନ୍‌କ ଲେକାଃକ, ଆଲେ ଆପେ ନାଗେନ୍ତେ ମୁର୍‌ଲିଲେ ସାଡ଼ିକେଦା, ମେନ୍‌ଦ ଆପେ କାପେ ସୁସୁନ୍‌କେଦାଃ, ଆଲେ ଦୁକୁତାନ୍ ଦୁରାଙ୍ଗ୍‌ଲେ ଦୁରାଙ୍ଗ୍‌କେଦାଃ ମେନ୍‌ଦ ଆପେ କାପେ ରାଆଃକେଦାଃ । ଇନ୍‌କୁ ଏନ୍‌ଲେକାନ୍‌କ ତାନ୍‌କ । ୩୩ ବାପ୍ତିସ୍ମା ଏମଃନିଃ ଯୋହାନ୍ ହଲଙ୍ଗ୍ କାଏ ଜମ୍‌କେଦାଃ ଆତଃ ଦାଖ୍‌ରାସି କାଏ ନୁଁ କେଦାଃ, ଆତଃ ଆପେ ‘ଇନିଃକେ ବଙ୍ଗା ଏସେରକିୟାଏ’ ମେନ୍ତେପେ କାଜିକେଦା । ୩୪ ମାନଃହନ୍ ହିଜୁଃକେଦ୍‌ତେ ଜମ୍ ନୁଁ କେଦାଏ, ଆତଃ ଆପେ ‘ଇନିଃକେ ଦାର୍‌ଧା’* ଆତଃ ଦାଖ୍‌ରାସି ନୁଁ ହଡ଼ ତାନିଃ, ମାଲ୍‌ହାରମକଆଃ ଆତଃ ପାପିକଆଃ ଗାତି ତାନିଃ ମେତାଇତାନାପେ । ୩୫ ମେନ୍‌ଦ ପାର୍‌ମେଶ୍‌ବରଆଃ ସେଣାଁ, ଆୟାଃ ସବେନ୍ ହନ୍‌କଆଃ ହରାତେ ସାର୍‌ତି ତାନାଃ ମେନ୍ତେ ଉଦୁବୟାନା ।”

ଫାରୁଶୀ ଶିମୋନ୍‌ଆଃ ଅଡ଼ାଃରେ ଯୀଶୁ

୩୬ ଫାରୁଶୀକଏତେ ମିଆଁଦ୍ ହଡ଼ ଆଇୟାଃଲଃ ଜମେମେ ମେନ୍ତେ ଯୀଶୁକେ ବିକ୍ତିକିୟାଏ, ଏନାତେ ଯୀଶୁ ଫାରୁଶୀଆଃ ଅଡ଼ାଃରେ ବଲୟାନ୍ତେ ଜଜମାଏ ଦୁବୟାନା । ୩୭ *ଆତଃ ନେଲେପେ, ଏନ୍ ନାଗାର୍‌ରେନ୍ ମିଆଁଦ୍ ପାପିକୁଡ଼ି, ଯୀଶୁ ଫାରୁଶୀଆଃ ଅଡ଼ାଃରେ ଜମେ ନାଗେନ୍ତେ ଦୁବାକାନାଏ ମେନ୍ତେ ସାରିକେଦ୍‌ତେ ଇନିଃ ମିଆଁଦ୍ ପୁଣ୍ଡିଦିରିରାଃ ରୁକାଃ

☆ ୭:୨୯ ୭:୨୯ ମାଥୂଉ ୨୧:୩୨; ଲୁକ ୩:୧୨. * ୭:୩୪ ୭:୩୪ ପେଟୁ ☆ ୭:୩୭ ୭:୩୭ ମାଥୂଉ ୨୭:୭; ମାର୍କ ୧୪:୩; ଯୋହାନ୍ ୧୨:୩.

ବୁଗିନ୍ ସହାନ୍ ସୁନ୍ନୁମ୍ ଆଉକେଦାଃଏ । ୩୮ ଆତଃ ଯୀଶୁଆଃ କାଟା ସୁବାରେ ଦୁବକେଦ୍‌ତେ ରାଆଃ ତାନ୍‌ଲଃ ଆୟାଃ ମେଦ୍‌ଦାଃତେ ଇନିୟାଃ କାଟାକେ ଲୁମ୍‌କେଦାଏ ଆତଃ ଆୟାଃ ବହଃରେୟାଃ ଉବ୍‌ତେ ଜଦ୍‌କେଦ୍‌ଲଃ ଇନିୟାଃ କାଟା ଚଅଃ କେଦ୍‌ତେ କାଟାରେ ବୁଗିନ୍ ସହାନ୍ ସୁନ୍ନୁମ୍‌ତେ ଗସଃକିୟା । ୩୯ ନେୟାଁ ନେଲ୍‌କେଦ୍‌ତେ ଯୀଶୁକେ କେଡାକାଇ ଫାରୁଶୀ ଆୟାଃ ମନ୍‌ରେ କାଜିକେଦାଏ, “ନିଃ ନାବୀ ତାନିଃରେଦ, ନେ ଜୁଚିଦିତାନ୍ କୁଡ଼ି ଅକଏ ଆତଃ ଚିଲ୍‌କାନ୍‌ନିଃ ତାନିଃ ଏନା ସାରିଦାଡ଼ିତେୟାଃଏ, ଚିୟାଃଚି ଇନିଃଦ ପାପିନିଃତାନିଃ ।”

୪୦ ଯୀଶୁ ଶିମୋନ୍‌କେ କାଜିକିୟାଏ, “ଏ ଶିମୋନ୍ ଆମ୍‌କେ ହୁଡ଼ିଙ୍ଗ୍‌ଲେକା କାଜିସାନାଙ୍ଗ୍ ତାନାଇଙ୍ଗ୍ ।”
ଇନିଃ କାଜିକିୟାଏ, “ହେ ଗୁରୁ ମାର୍ କାଜିଙ୍ଗ୍‌ମେଁ ।”

୪୧ “ଜେତାଏ ସାହୁକାର୍ ହଡ଼ଆଃ ବାର୍‌ହଡ଼୍ ରିଶୀ ସାବ୍‌ତାନ୍‌କିନ୍ ତାଇକେନା । ମିହୁଡ଼୍ ମଣେୟାଁ ହୁଲାଙ୍ଗ୍‌ରାଃ ନାଲା ସିକା ଆତଃ ଏଟାଃନିଃ ବାର୍‌ହିସି ଗେଲେୟା ହୁଲାଙ୍ଗ୍‌ରାଃ ନାଲା ସିକା । ୪୨ ହାଲ୍ ରୁହାଡ଼୍‌ଲାଈ ଇନ୍‌କିନ୍‌ତାଃ ଜେଡ଼ନାଃ କା ତାଇକେନ୍‌ରେ ଇନିଃ ବାରାନ୍‌କିନାଃ ରିଶୀ ବାଗିତାଦାଏ । ଇନ୍‌କିନ୍‌ଏତେ ଅକଏ ଇନିଃକେ ପୁରାଃ ଦୁଲାଡ଼ିୟାଏ ?”

୪୩ ଶିମୋନ୍ କାଜିରୁହାଡ଼୍‌କିୟାଏ, “ଆଇଁୟାଃ ବିଚାର୍‌ତେ ପୁରାଃରିଶୀ ବାଗିକିଃ ନିଃ ।”

ୟୀଶୁ ଶିମୋନ୍‌କେ କାଜିକିୟାଏ, “ଆମ୍ ବୁଗିନାଃମ୍ କାଜିକାଦାଃ ।” ୪୪ ଆତଃ ଯୀଶୁ ଏନ୍ କୁଡ଼ିସାଃ ହେଡାରୁହାଡ଼୍‌କେଦ୍‌ତେ ଶିମୋନ୍‌କେ କାଜିକିୟାଏ, “ଚିନାଃ ଆମ୍ ନେ କୁଡ଼ିକେମ୍ ନେଲିତାନା ? ଆଇଙ୍ଗ୍ ଆମାଃ ଅଡ଼ାଃତେଇଙ୍ଗ୍ ହିଜୁଃୟାନା, ଆମ୍ କାଟା ଆବୁଙ୍ଗ୍‌ନାଙ୍ଗ୍ ଦାଆଃ କାଟିଃହ କାମ୍ ଏମାଦିୟାଁ, ମେନ୍‌ଦ ନେ କୁଡ଼ି ମେଦ୍‌ଦାଃତେ ଆଇଁୟାଃ କାଟା ଲୁମ୍‌କେଦାଏ ଆତଃ ଆୟାଃ ବହଃରେୟାଃ ଉବ୍‌ତେ ଜଦ୍‌କେଦାଏ । ୪୫ ଆମ୍ ଆଇଙ୍ଗ୍‌କେ ମିସାହ କାମ୍ ଚଅଃକିୟାଃ, ମେନ୍‌ଦ ଆଇଙ୍ଗ୍ ବଲ୍‌ୟାନ୍ ଇମ୍‌ତାଏତେ ନିଃ କାଟାତାଇୟାଃକେ ଚଅଃକାତେ ତାନାଏ । ୪୬ ଆମ୍ ଆଇଁୟାଃ ବହଃରେ ସୁନ୍ନୁମ୍ କାମ୍ ଗସଃକେଦାଃ ମେନ୍‌ଦ ନିଃ କାଟାତାଇୟାଃରେ ସହାନ୍ ସୁନ୍ନୁମ୍ ଗସଃକେଦାଏ । ୪୭ ଏନାନାଗେନ୍ତେ କାଜିୟାମେ ତାନାଇଙ୍ଗ୍, ନିଃ ପୁରାଃ ଦୁଲାଡ଼୍‌କେନାଏ ମେନ୍ତେ ଇନିୟାଃ ପୁରାଃ ପାପ୍ ଛାମାକାନା । ମେନ୍‌ଦ ହୁଡ଼ିଙ୍ଗ୍‌ଲେକା ଛାମାଅଃନିଃ ହୁଡ଼ିଙ୍ଗ୍‌ଲେକା ଦୁଲାଡ଼ାଃଏ ।”

୪୮ ଏନ୍ତେ ଯୀଶୁ ଏନ୍ କୁଡ଼ିକେ କାଜିକିୟାଏ, “ଆମାଃ ପାପ୍ ସବେନ୍ ଛାମାୟାନା ।”

୪୯ ଆତଃ ଇନିଃଲଃ ଜମ୍‌ତେ ଦୁବାକାନ୍ ହଡ଼କ ଆକ ଆକରେଗି କାଜି ଏଟେଦ୍‌କେଦାକ, “ଇଦୁ ନିଃ ଅକଏ ତାନିଃ ଯେ ପାପ୍‌କହଗି ଛାମାଏତାନା ?”

୫୦ ଯୀଶୁ ଏନ୍ କୁଡ଼ିକେ କାଜିକିୟାଏ “ଆମାଃ ବିଶ୍ୱାସ୍ ଆମ୍‌କେ ବାସ୍ତାଅ କାଦ୍‌ମେୟାଁଏ ଜୀଉ ସୁକୁତେ ସେନଃମେ ।”

୮

ୟୀଶୁ ଗେଲ୍‌ବାର୍ ଚେଲାକଲଃ ପାର୍‌ମେଶ୍ୱାର୍‌ଆଃ ରାଇଜ୍‌ରେୟାଃ ସୁକୁକାଜି ଉଦୁବ୍‌ତାନାଏ

୧ ଏନ୍ ତାୟମ୍‌ତେ, ଯୀଶୁ ସାହାର୍ ସାହାର୍ ଆତଃ ହାଡୁ ହାଡୁ ପାର୍‌ମେଶ୍ୱାର୍‌ଆଃ ରାଇଜ୍‌ରେୟାଃ ସୁକୁକାଜି ଉଦୁବ୍‌ତାନ୍‌ଲଃ ହନର୍‌ବାଡ଼ା ତାଇକେନାଏ ଆତଃ ଗେଲ୍‌ବାର୍ ଚେଲାକ ଆୟାଃଲଃ ତାଇକେନାକ, ୨ ଆତଃ ଏଡ଼କାନ୍ ଆମ୍‌କାଏତେ ଆତଃ ହାସୁଇତେ ବୁଗିଆକାନ୍ ଚିମିନ୍ କୁଡ଼ିକ ଯୀଶୁଲଃ ତାଇକେନାକ, ଇନ୍‌କୁଇତେ ମାରିୟାମ୍, ଅକଏକେଚି ମାଗ୍‌ଦାଲିନି ମେତାଇ ତାଇକେନାକ, ଇନିଃଏତେଦ ସାଡ଼ୁ ବଙ୍ଗାକକେ ହାର୍‌ଅଡ଼ଙ୍ଗ୍‌କାଦ୍ ତାଇକେନା; ୩ ହେରୋଦ୍‌ଆଃ ଭାଣ୍ଡାରି ଖୁଜାରାଃ କୁଡ଼ିତେ ଯୋହାନ୍ନା, ଶୁସାନା ଆତଃ ପୁରାଃ ଏଟାଃ କୁଡ଼ିକ ଆକଆଃ ମେନାଃତେୟାଃତେ ଯୀଶୁକେ ଆତଃ ଆୟାଃ ଚେଲାକକେ ସୁସାରିତାଇକେନାକ ।

ହିତାହେର୍‌ନିଆଃ ଜନ୍‌କା କାଜି (ମାଥୁଉ ୧୩:୧-୯; ମାର୍କ ୪:୧-୯)

୪ ଗାଦେଲ୍ ହଡ଼କ ହୁଣ୍ଡିୟାକାନ୍ ଆତଃ ସାହାର୍ ସାହାର୍‌ଏତେ ହଡ଼କ ଯୀଶୁତାଃକ ହିଜୁଃତାନ୍ ତାଇକେନ୍‌ରେ, ଯୀଶୁ ନେ ଜନ୍‌କା କାଜି କାଜିୟାଦ୍‌କଆଏ । ୫ ମିଆଁଦ୍ ହିତାହେର୍‌ନିଃ ହିତାହେର୍‌ନାଙ୍ଗ୍ ଅଡ଼ଙ୍ଗ୍‌ୟାନା । ଇନିଃ ହେର୍‌ହେର୍‌ତାନ୍‌ଲଃ ଚିମିନ୍ ହିତା ହରା ଗେନାରେ ଉୟୁଃୟାନା ଆତଃ ତିକାୟାନା, ଆତଃ ସିମ୍‌ରେନ୍ ଚେଟ୍‌କି ଏନାକେ ହାଲାଙ୍ଗ୍ ଜମ୍‌କେଦା । ୬ ଆତଃ ଚିମିନ୍ ହିତା ଦିରି ଅତେରେ ଉୟୁଃୟାନା, ଏନା ଗାଜା ଅମନ୍‌ୟାନା, ମେନ୍‌ଦ ହାଲି କା ତାଇକେନ୍‌ତେ ରହଡ଼୍‌ୟାନା । ୭ ଚିମିନ୍ ହିତା ଜାନୁମ୍ ଆଲାରେ ଉୟୁଃୟାନା ଆତଃ ଏନାକେ ଜାନୁମ୍ ହାରାତ୍‌ପାକେଦାଏ । ୮ ଆତଃ ଚିମିନ୍ ହିତା ବୁଗିନ୍ ଅତେରେ ଉୟୁଃୟାନା, ଏନା ଅମନ୍ ହାରାୟାନ୍ତେ ହେରାକାନ୍‌ଏତେ ସାଅଗୁନା ଆଦ୍‌କା ଜ'ୟାନା । ନେ କାଜି କାଜିକେଦ୍‌ଚି ଇନିଃ କାଉରିକେଦାଏ, “ଆୟୁମ୍ ନାଗେନ୍ତେ ଲୁଡୁର୍ ମେନାଃନିଃ ଆୟୁମେକାଏ ।”

ୟୀଶୁ ଚିକାନାଙ୍ଗ୍ ଜନ୍‌କା କାଜି କାଜିକେଦାଏ (ମାଥୁଉ ୧୩:୧୦-୧୭; ମାର୍କ ୪:୧୦-୧୨)

୮:୨ ମାଥୁଉ ୨୭:୫୫,୫୬; ମାର୍କ ୧୫:୪୦,୪୧; ଲୁକ ୨୩:୪୯.

୯ ଏନ୍ତେ ଇନିୟାଃ ତେଲକ ନେ ଜନକା କାଜିରେୟାଃ ମୁଣ୍ଡି ତିନାଃତାନାଃ ମେନ୍ତେକ କୁଲିକିୟାଃ । ୧୦ ଇନିଃ କାଜିୟାଦକଥାଏ, “ପାର୍ମେଶ୍ଵାର୍ଆଃ ରାଇଜ୍ରେୟାଃ ମୁଣ୍ଡି ସାରିରେୟାଃ ପେଡ଼େଃ ଆପେଦପେ ନାମାକାଦାଃ ମେନ୍ଦ ଏଠାଃକକେ ଜନକା କାଜିତେ ସବେନାଃ ଉଦୁବଃତାନା । ଇନକୁ ନେଲଦକ ନେଲେୟାଃ, ମେନ୍ଦ କାକ ନେଲ୍ ଉରୁମେୟାଃ, ଇନକୁ ଆୟୁମଦକ ଆୟୁମେୟାଃ, ମେନ୍ଦ କାକ ଆଟ୍‌କାର୍ ଉରୁମେୟାଃ ।

ୟାଶୁ ହିତାହେର୍ନିଆଃ ଜନକାକାଜିରେୟାଃ ମୁଣ୍ଡି ଉଦୁବେତାନାଏ
(ମାଥୁଉ ୧୩:୧୮-୨୩; ମାର୍କ ୪:୧୩-୨୦)

୧୧ “ନେ ଜନକା କାଜିରେୟାଃ ମୁଣ୍ଡି ନେଆଁତାନାଃ, ହିତା ହବାଅଃତାନା ପାର୍ମେଶ୍ଵାର୍ଆଃ କାଜି । ୧୨ ଆତଃ ହରା ଗେନାରେ ଉୟୁଗାକାନ୍ ହିତା ଇନକୁତାନକ, ଅକନକତି ଆୟୁମାଃକ, ଏନ୍ତେ ସାଏତାନ୍ ହିଜୁଃଆଏ ଆତଃ ଇନକୁ ବିଶ୍ଵାସକେଦତେ ଆଲକାକ ବାସ୍ତାଅଃକା ମେନ୍ତେ ଇନକୁଆଃ ମନ୍‌ଏତେ କାଜି ରେଃକ୍ ଇଦିୟାଏ । ୧୩ ଦିରି ଅତେରେ ଉୟୁଗାକାନ୍ ହିତା ଇନକୁତାନକ, ଅକନକତି କାଜି ଆୟୁମତରସା ରାସକାତେ ତେଲାଇକ, ମେନ୍ଦ ରେହେଦ୍ କା ତାଇନ୍ ହରାତେ ଇନକୁ ହୁତିଙ୍ଗ୍ ସାମାଏ ଜାକେଦକ ବିଶ୍ଵାସେୟାଃ, ମେନ୍ଦ ବିଡ଼ାଅ ନେତାରେକ ବାରିୟା । ୧୪ ଆତଃ ଜାନୁମ୍ ଆଲାଇରେ ଉୟୁଗାକାନ୍ ହିତା ଇନକୁତାନକ, ଅକନକତି ଇନକୁ କାଜି ଆୟୁମାଃକ, ମେନ୍ଦ ଜୀଉରେୟାଃ ଉଡ଼ୁଡ଼େ, ପୁରାଃ ମେନାଃତେୟାଃତେ, ଆତଃ ଜାନିଦ୍ରେୟାଃ ସୁକୁ ରାସକାତେକ ତପା ଇଦିୟାଆ ଆତଃ ଜାଙ୍ଗ୍‌ୟାନ୍ ଜ କାକ ଜ'ଅଃଆ । ୧୫ ମେନ୍ଦ ବୁଗିନ୍ ଅତେରେ ଉୟୁଗାକାନ୍ ହିତା ଇନକୁତାନକ, ଅକନକତି ବୁଗିନ୍ ଆତଃ ଫାର୍‌ତି ମନ୍‌ରେ ବାଚାନ୍‌କେ ଆୟୁମକେଦତେକ ତେଲାଇଦହୟା ଆତଃ ସାହାତିଙ୍ଗ୍‌ତାନଲଃକ ଜ'ଅଃଆ ।

ଦିମିରେୟାଃ ଜନକା କାଜି
(ମାର୍କ ୪:୨୧-୨୫)

୧୬ * “ଜେତାଏ ହଡ଼ ଦିମି ଜୁଲ୍‌କେଦ୍‌ତେ ତାଝାତେ କାଏ ହାରୁବେୟା, ତାଏ ପାର୍‌କମ୍ ଲାତାର୍‌ରେ କାଏ ଦହୟାଃ, ମେନ୍ଦ ବଲତାନ୍ ହଡ଼କ ମାର୍‌ସାଲ୍‌କ ନେଲେକା ମେନ୍ତେ ଦିକାରେ* ଦହୟାଃ ।

୧୭ * “ଚିୟାଃତି ସବେନ୍ ଉକୁଆକାନ୍‌ତେୟାଃ ଉଦୁବଃଆ ଆତଃ ସବେନ୍ ଦାନାଙ୍ଗ୍‌ଆଁକାନ୍‌ତେୟାଃ ସାରିଅଃଆ ତାଏ ମାସ୍‌ଲ୍‌ତେ ଆଉଅଃଆ ।

୧୮ * “ଏନାମେନ୍ତେ, ଚିଲ୍‌କାପେ ଆୟୁମେୟାଃ ଏନା ଚିର୍ଗାଲ୍‌କାନ୍‌ପେ, ଚିୟାଃତି ଅକଏତାଃ ମେନାଃ ଇନିଃକେ ଦ ଆତଃଗି ଏମଃଆ, ଆତଃ ଜେତାଏତାଃରେ ବାନଃଆ, ଇନିଃତାଃଏତେ ଅକ୍‌ନାଃ ମେନାଃ ଏନାହଗି ଇଦିୟାଆ ।”

ୟାଶୁଆଃ ଏଙ୍ଗା ଆତଃ ହାଗାକ
(ମାଥୁଉ ୧୨:୪୨-୫୦; ମାର୍କ ୩:୩୧-୩୫)

୧୯ ଯାଶୁଆଃ ଏଙ୍ଗାତେ ଆତଃ ହାଗାତେ ତେକ ଇନିଃତାଃ ହିଜୁଃୟାନାକ ମେନ୍ଦ ଗାଦେଲ୍ ହଡ଼କ ନାଗେନ୍ତେ ଇନିଃତାଃ କାକ ସେଚେର୍ ଦାଡ଼ିୟାନା । ୨୦ ଜେତାଏ ମିହୁଡ଼୍ ଯାଶୁକେ ଉଦୁବକିୟାଏ, “ଆମାଃ ଏଙ୍ଗାମ୍ ଆତଃ ହାଗାମ୍‌ତେକ ବାହାରିରେ ତିଙ୍ଗ୍‌କେଦ୍‌ତେ ଆମଲଃ ନେପେଲ୍ ନାଙ୍ଗ୍‌କ ସାନାଙ୍ଗ୍‌ତାନା ।” ୨୧ ଇନିଃ ମେନ୍‌ରୁହାଡ଼ାଦକଥାଏ, “ପାର୍ମେଶ୍ଵାର୍ଆଃ କାଜି ଆୟୁମ୍ ଆତଃ ମାନାତିଙ୍ଗ୍ ତାନକଗି ଆଇୟାଃ ଏଙ୍ଗା ଆତଃ ହାଗାକ ତାନକ ।”

ୟାଶୁ ଦୁଦୁଗାର୍‌ହୟାକେ ହାପା ଉତାରକେଦାଃ
(ମାଥୁଉ ୮:୨୩-୨୬; ମାର୍କ ୪:୩୫-୪୧)

୨୨ ମୁସିଙ୍ଗ୍ ଯାଶୁ ଆତଃ ଆୟାଃ ତେଲକ ଲାଉକାରେକ ଦେଏଃୟାନା ଆତଃ “ଦଲ୍‌ାକୁ ଦରେୟା ହାନ୍ ପାରମ୍‌ତେବୁଆ” ମେତାଦକଥାଏ । ଆତଃ ଇନକୁ ଲାଉକା ରାଡ଼ାକେଦାଃକ ୨୩ ଇନକୁ ସେନଃତାନ୍ ଇମ୍‌ତା ଯାଶୁଦ ଦୁଡ଼ୁୟାନାଏ । ଇମ୍‌ତାଙ୍ଗ୍ ଦରେୟାରେ ଦୁଦୁଗାର୍‌ହୟା ବିରିଦ୍‌ୟାନା, ଏନ୍ତେ ଲାଉକାରେ ଦାଆଃ ପେରେଜଃତାନ୍ ତାଇକେନା, ଆତଃ ଇନକୁଦ ତୁବିଜଃଲେକାକ ତାଇକେନା । ୨୪ ତେଲକ ଇନିଃତାଃତେ ହିଜୁଃୟାନ୍‌ତେକ ବିରିଦ୍‌କିୟା, “ହେ ଗୁରୁ, ହେ ଗୁରୁ, ଆଲେ ତୁବିଃଗ୍ ଗଜଃତାନାଲେ” ମେନ୍ତେକ କାଜିକିୟାଃ । ଏନ୍ତେ ଇନିଃ ବିରିଦ୍‌ୟାନ୍ତେ ହୟ ଆତଃ ଆଲ୍‌ପୁଙ୍ଗ୍‌କେ† ମାରାଙ୍ଗ୍‌ମଚାକେଦାଃ, ଇମ୍‌ତାଙ୍ଗ୍‌ଗି ସବେନାଃ ହାପାଉତାର୍‌ୟାନା ଆତଃ ସିଃସଏଃୟାନା । ୨୫ ଏନ୍ତେ ଯାଶୁ ତେଲକକେ ମେତାଦକଥାଏ, “ଅକ୍‌ତାଃରେୟା ଆପେୟାଃ ବିଶ୍ଵାସ୍ ?” ମେନ୍ଦ ଇନକୁ ବରତାନ୍‌ଲଃ ମେପେନ୍‌ୟାନାକ, “ନିଃ ଅକଏ ତାନିଃ, ହୟ ଆତଃ ଦରେୟାରେୟାଃ ଦାଆଃକହ ନିୟାଃ କାଜି ମାନାତିଙ୍ଗ୍ ତାନାକ ।”

ୟାଶୁ ମିଆଁଦ୍ ବଙ୍ଗା ଏସେରାକାନ୍‌ନିଃକେ ବୁଗିଃତାନା
(ମାଥୁଉ ୮:୨୮-୩୪; ମାର୍କ ୫:୧-୨୦)

୨୬ ଯାଶୁ ଆତଃ ତେଲକାୟାଃକ ଗେରାସିମିକଆଃ ପାର୍‌ଗାନ୍‌ତେ ସେଚେର୍‌ୟାନାକ, ଏନା ଗାଲିଲ୍ ଦରେୟାରାଃ ହାନ୍ ପାରମ୍‌ରେୟା । ୨୭ ଯାଶୁ ତଙ୍ଗାଏତେ ଦରେୟା ଗେନାରେ ଆଡ଼ୁଗୁତରସା, ଏନ୍ ନାଗାର୍‌ରେନ୍ ମିହୁଡ଼୍ ଏଡ଼କାନ୍ ଆମ୍‌ଏତେ

* ୮:୧୭ ୮:୧୭ ମାଥୁଉ ୫:୧୫; ଲୁକ ୧୧:୩୩. * ୮:୧୭ ୮:୧୭ ଦିମି ମାଶୁଅ ଠାୟାଦ୍ * ୮:୧୭ ୮:୧୭ ମାଥୁଉ ୧୦:୨୬; ଲୁକ ୧୨:୨. * ୮:୧୮ ୮:୧୮ ମାଥୁଉ ୨୫:୨୯; ଲୁକ ୧୯:୨୭. † ୮:୨୫ ୮:୨୫ ଆଲ୍‌ପୁଙ୍ଗ୍

ପେରେଜାକାନ୍ ହଡ଼ ଯୀଶୁଲକ୍ଷ ନାପାମ୍‌ୟାନାକିନ୍, ଇନିଃ ପୁରାଃ ମାହାଁଏତେ ଲିଜାଃ କାଏ ତୁସିଙ୍ଗ୍‌ଆଁତାନ୍ ତାଇକେନା ଚାଏ ଅଡ଼ାଃରେ କା ତାଇକ୍‌କେଦ୍‌ତେ ହଡ଼ ତପା ଠାୟାଦ୍‌ରେ ତାୟୁଃତାଇକେନାଏ । ୨୮ ଇନିଃ ଯୀଶୁକେ ନେଲ୍‌ତାନ୍‌ତି ଆୟାଃ କାଟାସୁବାରେ ଉୟୁଃକେଦ୍‌ତେ କାଉରିତାନଲକ୍ଷ କାଜିକେଦାଏ, “ହେ ଯୀଶୁ ସାଲାଙ୍ଗିଉତାଡ଼ ପାର୍‌ମେଶ୍ୱାର୍‌ଆଃ ହନ୍, ଆଇଙ୍ଗ୍‌ଲକ୍ଷ ଆମାଃ ଚିକାନ୍ କାମି ମେନାଃ? ଆଇଙ୍ଗ୍‌ଆମ୍‌କେ ଜହାର୍ ମେଁ ତାନାଇଙ୍ଗ୍‌ଆଲମ୍ ଦୁକୁଇୟାଃ!” ୨୯ ଇନିଃ ଏନା କାଜିକେଦାଏ ଚିୟାଃଚି ଯୀଶୁ ଏନ୍ ସଡ଼ରା ଆମ୍‌କେ ନେ ହଡ଼ଏତେ ଅତଙ୍ଗ୍‌ଅଃମେ ମେନ୍ତେ ଆଚୁକାଇତାଇନାଏ । ଏଡ଼କାନ୍ ଆମ୍‌ ହଡ଼କେ ପୁରାଃ ମାହାଁଏତେ ସାବାକାଉତାଇନାଏ । ଆଡ଼ଃ ହଡ଼କ ଇନିଃକେ ସିକ୍‌ଡ଼ିଲକ୍ଷ ଆଡ଼ଃ ବେଡ଼ିରେ ତଲ୍‌କିଃତେ ହରଇତାନ୍‌କ ତାଇକେନା, ମେନ୍‌ଦ ଇନିଃ ତନଲ୍‌କେ ଟଟାଃଏତାନ୍ ଆଡ଼ଃ ଏଡ଼କାନ୍ ଆମ୍‌ ଇନିଃକେ ବିର୍‌ତେ ହାର୍‌ଇଦିତାନାଏ ତାଇକେନା ।

୩୦ ଯୀଶୁ ଇନିଃକେ କୁଲିକିୟାଏ “ଆମାଃ ନୁତୁମ୍ ଚିକ୍‌ନାଃ?” ଇନିଃ କାଜିରୁହାଡ଼କିୟାଏ, “ଆଇଁୟାଃ ନୁତୁମ୍ ଫାଉଦ୍,” ‡ ଚିୟାଃଚି ଇନିଃରେ ପୁରାଃଗି ବଙ୍ଗାକ ତାଇକେନା । ୩୧ ଆଡ଼ଃ ଇନ୍‌କୁ ଯୀଶୁକେ “ଆଲେକେ ହୁଆଙ୍ଗ୍‌ଗାଡ଼ାଃତେ ଆଲମ୍ କୁଲ୍‌ଲେ” ମେନ୍ତେ ପୁରାଃଗିକ ବିକ୍ତିକିୟାଃ ।

୩୨ ବୁରୁଗେନା ଜାପାଃରେ ସୁକୁରିକଆଃ ମାରାଙ୍ଗ୍ ଗୋଟ୍ ଆଡ଼ିଙ୍ଗ୍‌ତାଇକେନାକ । ଏଡ଼କାନ୍ ଆମ୍‌କ ଯୀଶୁକେ, ଆଲେକେ ଏନ୍ ସୁକୁରିକରେ ବଲକ୍ଷ ନାଗେନ୍ତେ କୁଲ୍‌ତାଲେମେ ମେନ୍ତେକ ବିକ୍ତିକିୟାଃ, ଆଡ଼ଃ ଇନିଃ ଇନ୍‌କୁକେ ବଲ୍‌ରିକାକେଦ୍‌କଆଏ । ୩୩ ଏଡ଼କାନ୍ ଆମ୍‌କ ଏନ୍ ହଡ଼ଏତେ ଅତଙ୍ଗ୍‌ୟାନ୍‌ତେ ସୁକୁରିକରେକ ବଲ୍‌ୟାନା ଆଡ଼ଃ ସୁକୁରିକଆଃ ଗୋଟ୍ ଦରେୟାରେକ ନିର୍‌ବଲ୍‌ୟାନା ଆଡ଼ଃ ତୁବିଃଗ୍ ଗଏଃୟାନାକ । ୩୪ ସୁକୁରି ଗୁପିତାନ୍‌କ ନେଆଁ ନେଲ୍‌କେଦ୍‌ତେ ନିର୍‌ୟାନାକ ଆଡ଼ଃ ସାହାର୍ ଜାପାଃରାଃ ଟଲ୍‌କରେ ନେ କାଜିକ ଉଦୁବ୍ ବାଡ଼ାକେଦାଃ, ୩୫ ଆଡ଼ଃ ହଡ଼କ ହବାଲେନ୍‌ତେୟାଃ ନେଲ୍‌ନାଗେନ୍ତେ ଅତଙ୍ଗ୍‌ୟାନାକ ଆଡ଼ଃ ଯୀଶୁତାଃକ ହିଜୁଃୟାନ୍ତେ ଏଡ଼କାନ୍ ଆମ୍‌କଆଃ ଫାଉଦ୍‌ତେ ଏସେରାକାନ୍ ହଡ଼କେ ଯୀଶୁଆଃ କାଟାସୁବାରେ ଦୁବାକାନ୍, ଲିଜାଃ ତୁସିଙ୍ଗ୍‌ଆଁକାନ୍ ନେଲ୍‌କିଃତେ ବରକେଦାଃକ । ୩୬ ନେ ସବେନାଃ ନେଲ୍‌କାଦ୍ ହଡ଼କ ବଙ୍ଗା ଏସେରକାନ୍ ଏନ୍ ହଡ଼ ଚିଲ୍‌କା ବୁଗିୟାନାଏ, ଏନା ସବେନ୍ ହଡ଼କକେ ଉଦୁବାଦ୍‌କଆକ । ୩୭ ଏନ୍ତେ ଗେରାସିମି ହପ୍‌ରଜାପାଃରେନ୍ ସବେନ୍ ହଡ଼କ ଆଲେୟାଃ ସାମ୍‌ନାଙ୍ଗ୍‌ଏତେ ସେନଃମେ ମେନ୍ତେ ଯୀଶୁକେକ ବିକ୍ତିକିୟା, ଚିୟାଃଚି ଇନ୍‌କୁ ବରତାଇକେନାକ । ଆଡ଼ଃ ଯୀଶୁ ଲାଉକାରେ ଦେଏଃୟାନ୍ତେ ରୁହାଡ଼୍‌ୟାନାଏ । ୩୮ ଏଡ଼କାନ୍ ଆମ୍‌ଏତେ ବୁଗିୟାକାନ୍ ହଡ଼ ଯୀଶୁକେ କାଜିକିୟାଏ, “ଆମାଃଲକ୍ଷ ତାଇନ୍ ଚିକାଆଇଙ୍ଗ୍‌ମେ” ମେନ୍ତେ ବିକ୍ତିକିୟାଏ,

ମେନ୍‌ଦ ଯୀଶୁ ଆଇକ୍‌କେ ବିଦା ଏମ୍‌ତାନ୍‌ଲକ୍ଷ କାଜିକିୟାଏ, ୩୯ “ଆମ୍ ଆମାଃ ଅଡ଼ାଃତେ ରୁହାଡ଼୍‌ମେଁ ଆଡ଼ଃ ପାର୍‌ମେଶ୍ୱାର୍ ଆମାଃ ନାଗେନ୍ତେ ଚିକ୍‌ନାଃ ରିକାକାଦାୟ, ଚିଲ୍‌କା ଆମ୍‌କେ ଦାୟାକାଦ୍‌ମେୟା ଏନା ସବେନ୍‌କକେ ଉଦୁବାକମେ ।”

ଏନ୍ତେଦ ଏନ୍ ହଡ଼ ରୁହାଡ଼୍‌ୟାନାଏ, ଆଡ଼ଃ ଯୀଶୁ ଆୟାଃ ନାଗେନ୍ତେ ନେ'ଲେକାନ୍ ମାରାଙ୍ଗ୍ କାମି କାମିୟାଦିୟାଏ ମେନ୍ତେ ସବେନ୍ ନାଗାର୍‌ରେ ଉଦୁବ୍‌କେଦାଏ ।

ୟୀଶୁ ମିଆଁଦ୍ ଡିଶ୍ୱାକୁଡ଼ିକେ ଜୀହୁଦ୍ ରୁହାଡ଼ିତାନା ଆଡ଼ଃ ମିଆଁଦ୍ କୁଡ଼ିକେ ବୁଗିଃତାନାଏ
(ମାଥୂର୍ ୯:୧୮-୨୬; ମାର୍କ ୫:୨୧-୪୩)

୪୦ ଯୀଶୁ ଦରେୟା ହାନପାରମ୍‌ତେ ରୁହାଡ଼୍‌ୟାନ୍ ଇମ୍‌ତା ଗାଦେଲ୍ ହଡ଼କ ଇନିଃକେ ଦାରମ୍‌କିୟାଃକ, ଚିୟାଃଚି ସବେନ୍‌କଦ ଇନିଃକେ ନେଲ୍‌ହରାଉତାନ୍‌କ ତାଇକେନା । ୪୧ ଆଡ଼ଃ ନେଲେପେ, ଯାଇରସ ନୁତୁମ୍ ସାମାଜ୍ ଅଡ଼ାଃରେନ୍ ଆଗୁଆଇ ହିଜୁଃୟାନାଏ, ଆଡ଼ଃ ଯୀଶୁଆଃ କାଟା ସୁବାରେ ଉୟୁଃକେଦ୍‌ତେ ଆଇଁୟାଃ ଅଡ଼ାଃତେ ହିଜୁଃମେ ମେନ୍ତେ ବିକ୍ତିକିୟାଏ, ୪୨ ଚିୟାଃଚି ଆୟାଃ ବାରା ବାରାଷ୍‌ରେନ୍ ମିଆଁଦ୍‌ଗି ହନ୍‌କୁଡ଼ି ତାଇକେନାଏ, ଇନିଃ ଦୁକୁତେ ଗଜଃଲେକା କାନାଏ ତାଇକେନା । ମେନ୍‌ଦ ଯୀଶୁ ସେସେନ୍‌ତାନ୍ ଦିପିଲିରେ ଗାଦେଲ୍ ହଡ଼କ ଇପ୍‌ଲିଙ୍ଗ୍‌ଅଃ ତାଇକେନାକ । ୪୩ ଇମ୍‌ତା ବାରା ବାରାଷ୍‌ଏତେ ମାୟୋମ୍‌ଲିଙ୍ଗ୍ ଦୁକୁରେ ଦୁକୁତାନ୍ ମିଆଁଦ୍ କୁଡ଼ି ତାଇକେନାଏ, ମେନ୍‌ଦ ଇନିଃ ଆୟାଃ ସବେନ୍ ତାଇକେନ୍‌ତେୟାଃ ବାଇଦ୍‌କତାଃରେ ଚାବାକେଦ୍‌ରେୟା* ଇନିଃକେ ଜେତାଏ ହ କାକ ବୁଗି ଦାଡ଼ି ତାଇକେନା । ୪୪ ଇନିଃ ଦୟାହରା ଯୀଶୁତାଃ ସେନ୍‌କେଦ୍‌ତେ ଲିଜାଃରାଃ ଆଡ଼୍‌ରା ଜୁଟିଦ୍‌କେଦାଏ, ଆଡ଼ଃ ଇମ୍‌ତାଙ୍ଗ୍‌ଗି ମାୟୋମ୍ ଲିଙ୍ଗ୍ ଦୁକୁଏତେ ବୁଗିୟାନାଏ । ୪୫ ଏନ୍ତେ ଯୀଶୁ ମେତାଦ୍‌କଆଏ, “ଅକଏ ଆଇଙ୍ଗ୍‌କେ ଜୁଟିଦ୍‌କିଦିୟାଏ?”

ସବେନ୍‌କ କା ମାନାଡ଼ିଙ୍ଗ୍ ତାନ୍‌ତେ, ପାଡ଼୍‌ରାସ୍ କାଜିକିୟାଏ “ହେ ଗମ୍‌କେ, ଗାଦେଲ୍ ହଡ଼କ ଇପ୍‌ଲିଙ୍ଗ୍‌କେଦ୍‌ତେ ଆମାଃ ଚେତାନ୍‌ରେ ଉୟୁଃଗଃତାନାକ ।”

୪୬ ଯୀଶୁ କାଜିକେଦ୍‌କଆଏ, “ଅକଏ ମିହୁଡ୍ ଆଇଙ୍ଗ୍‌କେ ଜୁଟିଦ୍ କେଦିଙ୍ଗ୍‌ଆଏ, ଚିୟାଃଚି ଆଇଙ୍ଗ୍‌ତାଃଏତେ ପେଡ଼ଃ ଅତଙ୍ଗ୍‌ୟାନା ମେନ୍ତେ ସାରିଉରୁମ୍ କେଦାଆଇଙ୍ଗ୍ ।” ୪୭ ଆଡ଼ଃ ଏନ୍‌କୁଡ଼ି କାଏ ଉକୁଦାଡ଼ିୟାନା ମେନ୍ତେ ଆଡ଼୍‌କାଡ଼୍‌କେଦ୍‌ତେ ଇନିଃ ବରତେ ଏକ୍‌ଲ୍‌ଅଃତାନ୍‌ଲକ୍ଷ ହିଜୁଃୟାନାଏ ଆଡ଼ଃ ଯୀଶୁଆଃ ସାମ୍‌ନାଙ୍ଗ୍‌ରେ ଇକ୍‌ଡ଼୍‌କେଦ୍‌ତେ ସବେନ୍‌କଆଃ

‡ ୮:୩୦ ୮:୩୦ ବାହିନି § ୮:୩୧ 8:31 ବଙ୍ଗାକଆଃ ଚୁଶ୍ଟି ଯାକାଇ ଜାକେଦ୍ ନେ ହୁଆଙ୍ଗ୍‌ଗାଡ଼ାରେ ତଲ୍‌କେଦ୍‌ତେ ତାଇନାଃକ * ୮:୪୩ ୮:୪୩ ଚିମିନ୍ ମାରିଅନଲ୍‌ରେ ନେ ପଦ ବାନଆଃ

ଆୟାତ୍ରେ, ଚିନାଃମେନ୍ତେଇଙ୍କ ଜୁଟିଦକେଦମେୟା ଆତଃ ଇମ୍ତାଗି ଚିଲକାଇଙ୍କ ବୁଗିୟାନା ମେନ୍ତେ ଉଦୁବକିୟାଏ ।
୪୮ ଏନ୍ତେ ଯୀଶୁ କାଜିକିୟାଏ, “ଏ ମାଲ, ବିଶ୍ୱାସ୍ ତାମାଃ ବୁଗିୟାକାଦମେୟାଏ, ଜୁ ସୁକୁ ଜୀତତେ ସେନଃମେ ।”

୪୯ ଯୀଶୁ ଏନା କାଜିତାନ୍ ଇମ୍ତାଗି, ସାମାଜ୍ ଅଡ଼ାଃ ଚାଲାଅନିୟାଃ ଅଡ଼ାଃଏତେ କାଜି ଆଡ଼ାକାଦ୍ ହଡ଼ ଯାଇରସକେ କାଜିକିୟାଏ, “ହନ୍ମେକୁଡ଼ି ଗଏଃୟାନାଏ, ଗୁରୁକେ ଆତଃ ଆଲ୍ମେ ଦୁକୁଇୟା ।”

୫୦ ଯୀଶୁ ନେ କାଜି ଆୟୁମ୍‌କେଦତେ ଯାଇରସକେ କାଜିକିୟାଏ, “ଆଲ୍ମ୍ ବରଏୟା, ବିଶ୍ୱାସ୍‌ରେଗି ତାଇନଃମେ, ଆତଃ ଇନିଃ ବାସ୍ତାଅଃଆଏ ।”

୫୧ ଏନ୍ତେ ଯୀଶୁ ଯାଇରସରାଃ ଅଡ଼ାଃତେ ହିଜୁଃୟାନ୍‌ଚି, ପାଡ଼ରାସ୍, ଯାକୁବ୍, ଆତଃ ଆୟାଃ ହାଗାତେ ଯୋହାନ୍ ଆତଃ କୁଡ଼ିହନ୍‌ଆଃ ଏଙ୍ଗା ଆପୁକିନ୍‌କେ ବାଗିକେଦତେ ଜେତାଏକକେ କାଏ ବଲ୍‌ରିକାକେଦକଆ । ୫୨ ମେନ୍‌ଦ୍ ଏନ୍ କୁଡ଼ିହନ୍ ନାଗେନ୍ତେ ସବେନ୍‌କ ରାଆଃତାନ୍ ଆତଃ କୁଡ଼ାମ୍‌କରେ ତିଃଇ ଆପ୍‌ଡ଼ିଅଃତାଇକେନାକ । ଏନ୍ତେ ଯୀଶୁ କାଜିକେଦକଆଏ, ଆଲ୍ମ୍‌ପେ ରାଆଃଏୟା ଇନିଃ କାଏ ଗଜାକାନା ମେନ୍‌ଦ୍ ଦୁଡ଼ମୁତାନାଏ ।

୫୩ ଇନ୍‌କୁ ଯୀଶୁକେ ଲାନ୍‌କାକିୟାଃକ ଚିୟାଃଚି ଏନ୍ କୁଡ଼ିହନ୍ ଗଜାକାନାଏ ମେନ୍ତେ ଇନ୍‌କୁ ସାରିତାଇକେନାକ । ୫୪ ଯୀଶୁ ଏନ୍ କୁଡ଼ିହନ୍‌ଆଃ ତିଃଇ ସାବ୍‌କେଦତେ କାଜିକିୟାଏ, “ଏ ମାଲ୍ ବିରିଦମେ ।” ୫୫ ଏନ୍ କୁଡ଼ିହନ୍‌ଆଃ ଜୀତ ଇମ୍ତାଗି ରୁହାଡ଼ୟାନା, ଇନିଃ ବିରିଦୟାନାଏ ଆତଃ ଇନିଃକେ ଜାହାନାଃ ଜମେୟାଃ ଏମାଲ୍‌ପେ ମେନ୍ତେ ଯୀଶୁ କାଜିକିୟାଦକଆଏ । ୫୬ କୁଡ଼ିହନ୍‌ଆଃ ଏଙ୍ଗା ଆପୁ ଆକ୍‌ଦାନ୍‌ଆୟାନାକିନ୍ ମେନ୍‌ଦ୍ ନେ କାଜି ଜେତାଏତାଃରେ ଆଲ୍ମ୍‌ପେ ଉଦୁବେୟା ମେନ୍ତେ ଯୀଶୁ କାଜିକେଦକଆଏ ।



ୟୀଶୁ ଆୟାଃ ଗେଲ୍‌ବାର୍ ଚେଲ୍‌କକେ କୁଲ୍‌କତାନାଏ
(ମାଥୁଉ ୧୦:୫-୧୫; ମାର୍କ ୬:୭-୧୩)

୧ ଏନ୍ତେ ଯୀଶୁ ଗେଲ୍‌ବାର୍ ଚେଲ୍‌କକେ କେଡ଼ାହୁଣ୍ଡିକେଦକଆଏ, ସବେନ୍ ବଙ୍ଗାକକେ ହାରଅଡ଼ଙ୍ଗନାଙ୍ଗ, ଆତଃ ଦୁକୁ ଗେରାଙ୍ଗ୍ ଏତେ ବୁଗିକନାଙ୍ଗ୍ ମେନ୍ତେ ପେଡ଼େଃ ଆତଃ ଆକ୍‌ତେୟାର୍ ଏମାଦକଆଏ, ୨ ଆତଃ ଇନିଃ ଇନ୍‌କୁକେ ପାର୍‌ମେଶ୍ୱାର୍‌ଆଃ ରାଇଜ୍‌ରେୟାଃ କାଜି ଉଦୁବଃ ନାଗେନ୍ତେ, ଦୁକୁହାସୁତାନ୍‌କକେ ବୁଗିକ ନାଗେନ୍ତେ କୁଲ୍‌କେଦକଆଏ । ୩ ଇନିଃ ଇନ୍‌କୁକେ କାଜିକିୟାଦକଆଏ, “ଆପେୟାଃ ହରାସେନ୍ ନାଗେନ୍ତେ ସଗା ଚାଏ ଆଇଲା, ହଲ୍‌ଙ୍ଗ୍ ଚାଏ ଚାକାପାଏସା, ଚାଏ ବାରିଆ ତୁସିଙ୍ଗ୍ ଲିଜାଃ ହ୍ ଆଲ୍‌ପେ ଇଦିୟା । ୪ ଜେତା ଅଡ଼ାଃରେ ଦାରମ୍‌ପେରେ, ଏନ୍ ଜାପାଃଏତେ ଆଉରି ଅଡ଼ଙ୍ଗ୍‌ଆଃ ଜାକେଦ୍ ଏନ୍ ଅଡ଼ାଃରେଗି ତାଇନଃମେ । ୫ ଜେତାଏ ଆପେକେ କାକ ଦାରମ୍‌ପେରେଦ୍ ଏନ୍ ହାତୁଏତେ ଅଡ଼ଙ୍ଗ୍ ଇମ୍ତାଙ୍ଗ୍ ଆପେୟାଃ କାଟା ତାଲ୍‌କାରେୟାଃ ଧୁଡ଼ି ଗାଞ୍ଜା ନାଗେନ୍ତେ କଟା ବାଗିତାପେ ।”

୬ ଏନାରେ ଇନ୍‌କୁ ଅଡ଼ଙ୍ଗ୍‌ୟାନ୍‌ତେ ସବେନ୍‌ସାଃ ସୁକୁକାଜି ଉଦୁବ୍‌ତାନ୍‌ଲଃ ଆତଃ ହଡ଼କକେ ବୁଗିକ ତାନ୍‌ଲଃ ହାତୁ ହାତୁକ ହନ୍‌ରବାଡ଼ାକେଦା ।

ହେରୋଦ୍‌ଆଃ ଆକ୍‌ଚାକାଅ
(ମାଥୁଉ ୧୪:୧-୧୨; ମାର୍କ ୬:୧୪-୨୯)

୭ ଆତଃ ଗାଲିଲ୍‌ରେନ୍ ରାଜା ହେରୋଦ୍ ଯୀଶୁଆଃ କାମିକାଦ୍ ସବେନାଃ ଆୟୁମ୍‌କେଦତେ ଆକ୍‌ଚାକାଅୟାନାଏ, ଚିୟାଃଚି ବାପ୍ତିସ୍ତା ଏମାଃନିଃ ଯୋହାନ୍ ଗଜାକାନ୍‌ଏତେ ଜୀଉବିରିଦାକାନାଏ ମେନ୍ତେ ଚିମିନ୍ ହଡ଼କ ମେନ୍‌କେଦାଃକ । ୮ ଆତଃ ଚିମିନ୍ ହଡ଼କ ଏଲିୟ ଉଦୁବାକାନାଏ, ଆତଃ ଏଗାଃକ ସିଦାରେନ୍ ନାବାକଏତେ ମିଆଁଦ୍‌ନିଃ ଜୀଉବିରିଦାକାନାଏ ମେନ୍‌କେଦାଃକ । ୯ ମେନ୍‌ଦ୍ ହେରୋଦ୍ କାଜିକେଦାଏ, ବାନଃଗି ଯୋହାନ୍‌ଆଃ ବହଃ ଆଇଙ୍ଗ୍ ମାଆଃ ରିକାକାଦା ମେନ୍‌ଦ୍ ଆଇଙ୍ଗ୍ ଇନିୟାଃ ନାଗେନ୍ତେ ନେ ଲେକା କାଜିଇଙ୍ଗ୍ ଆୟୁମ୍‌ତାନା ନେ ହଡ଼ ଅକଏ ତାନିଃ ମେନ୍‌କେଦାଏ, ଆତଃ ଇନିଃ ନେଲ୍‌ସାନାଙ୍ଗ୍ ତାଇକେନାଏ ।

ୟୀଶୁ ମଣେୟାଁ ହାଜାର୍ ହଡ଼କକେ ଜମେୟାଃ ଏମାକତାନାଏ
(ମାଥୁଉ ୧୪:୧୩-୨୧; ମାର୍କ ୬:୩୦-୪୪; ଯୋହାନ୍ ୬:୧-୧୪)

୧୦ ଏନ୍ତେ ପ୍ରେରିଡ଼କ ହିଜୁଃରୁହାଡ଼ୟାନା, ଆତଃ ଆକ୍ କାମିକାଦ୍ ସବେନାଃ ଯୀଶୁକେକ ଉଦୁବକିୟା । ଆତଃ ଇନ୍‌କୁକେ ଏସ୍‌କାରରେ ଇଦିକେଦକତେ ବେଥ୍‌ସାଇଦା ନୁତୁମ୍ ମିଆଁଦ୍ ସାହାର୍‌ତେୟାଏ ସେନଃୟାନା । ୧୧ ମେନ୍‌ଦ୍ ଗାଦେଲ୍ ହଡ଼କ ନେଆଁ ସାରିକେଦତେ ଅଡ଼ଙ୍ଗ୍‌କିୟାକ, ଇନିଃ ଇନ୍‌କୁକେ ଦାରମ୍‌କେଦକଆଏ ଆତଃ ପାର୍‌ମେଶ୍ୱାର୍‌ଆଃ ରାଇଜ୍‌ରେୟାଃ କାଜି ଉଦୁବାଦକଆଏ ଆତଃ ବୁଗିୟାଃଲ୍‌ଗାତିଙ୍ଗ୍‌ତାନ୍ ତାଇକେନ୍‌କକେ ବୁଗିକେଦକଆଏ ।

☆ ୯:୫ ୯:୫ ପ୍ରେରିଡ଼ ୧୩:୫୧. ☆ ୯:୫ ୯:୫ ଲୁକ ୧୦:୪-୧୧. ☆ ୯:୭ ୯:୭ ମାଥୁଉ ୧୭:୧୪; ମାର୍କ ୮:୨୮; ଲୁକ ୯:୧୯.

୧୨ ଆତ୍ମ ସିଦ୍ଧି ହାସ୍ତରତାନ୍ତରେ ଗେଲବାର୍ ତେଲକ ହିନ୍ଦୁଃୟାନ୍ତେ କାଜିକିୟାକ, “ଏନ୍ ଗାଦେଲ୍ ହତ୍ତକକେ କୁଲ୍‌ରୁହାତ୍ତକମ୍, ଜେ'ଲେକାଟି ଇନ୍‌କୁ ଚାରିୟାଃରେୟାଃ ହାତୁ ଟଲା ସେନ୍‌କେଦ୍‌ତେ ଜମେୟାଃ ଆତ୍ମ ତାଇନଃ ଠାୟାଦକ ନାମ୍ ଦାଡ଼ିୟା । ଚିୟାଃଟି ଆବୁଦ ସିଃସଏଃ ଠାୟାଦରେବୁଆ ।”

୧୩ ମେନ୍‌ଦ ଯୀଶୁ ଇନ୍‌କୁକେ ମେତାଦକଆଏ, “ଆପେଗି ଇନ୍‌କୁକେ ଜମେୟାଃ ଏମାକପେ ।”

ଆତ୍ମ ଇନ୍‌କୁ କାଜିରୁହାତ୍ତକିୟାକ, “ଆଲେ ସେନ୍‌କେଦ୍‌ତେ ନେ ସବେନ୍ ହତ୍ତକ ନାଗେନ୍ତେ ଜମେୟାଃ କାଲେ କିରିଙ୍‌ୟେରେଦ, ଆଲେତାଃରେ ମଣେୟାଁ ହଲଙ୍ ଆତ୍ମ ବାରିଆ ହାକୁ ଏସକାର୍ ମେନାକଆ ।” ୧୪ ଇନ୍‌କୁ ପାଞ୍ଚ ହାଜାର୍ ଲେକା କଡ଼ାକ ତାଇକେନା ।

ମେନ୍‌ଦ ଯୀଶୁ ଆୟାଃ ତେଲକକେ ମେତାଦକଆଏ, “ପାଚାଗ୍ ପାଚାଗ୍ ଝାନ୍‌ଲେକା ପାନ୍ତି ପାନ୍ତି ଦୁବ୍‌କପେ ।”

୧୫ ଏନ୍ତେ ଇନ୍‌କୁ ଏନ୍‌ଲେକାଟି ସବେନ୍‌କକେ ଦୁବ୍‌କେଦକଆକ । ୧୬ ଇନିଃ ଏନ୍ ମଣେୟାଁ ହଲଙ୍ ଆତ୍ମ ବାରିଆ ହାକୁ ସାବ୍‌କେଦ୍‌ତେ ସିର୍ନାସାଃ ସାଜିଲ୍‌ରାକାଦ୍‌ତାନ୍‌ଲଃ ଆଶିଷ୍‌କେଦ୍‌ତେ କେଚାଃକେଦାଏ, ଆତ୍ମ ଗାଦେଲ୍ ହତ୍ତକତାଃରେ ହାଟିଙ୍ ନାଗେନ୍ତେ ତେଲକକେ ଏମାଦକଆଏ । ୧୭ ସବେନ୍‌କ ଜମ୍‌କେଦ୍‌ତେ ବି'ୟାନାକ ଆତ୍ମ ସାରେୟାକାନ୍ କେଚାଃ ବାରା ଟୁକ୍‌କି ହାଲାଙ୍‌କେଦାଃ ।

ପାତ୍ରରାସ୍‌ଆଃ ବିଶ୍ୱାସ୍
(ମାଥୁଉ ୧୭:୧୩-୧୯; ମାର୍କ ୮:୨୭-୨୯)

୧୮ ମିସା ଯୀଶୁ ଏସକାର୍‌ରେ ବିକ୍ରିତାନ୍ ତାଇକେନ୍ ଇମ୍‌ତା ତେଲକ ଇନିଃଲଃକ ତାଇକେନା ଆତ୍ମ ଇନିଃ ତେଲକକେ କୁଲିକେଦକଆ, “ଆଇଙ୍ ଅକଏ ତାନିଙ୍ ମେନ୍ତେ ହତ୍ତକ କାଜିତାନା ?”

୧୯ ✧ଏନ୍ତେଦ ଇନ୍‌କୁ କାଜିକିୟାଃକ, “ଚିମିନ୍‌କ ବାପ୍ତିସ୍ମା ଏମାଃନିଃ ଯୋହାନ୍, ଚିମିନ୍‌କ ଏଲିୟ, ଚିମିନ୍‌କ ସିଦାରେନ୍ ନାବାକଏତେ ମିହୁଡ୍ ଜୀଉ ବିରିଦାକାନାଏ ମେନ୍ତେକ କାଜିତାନା ।”

୨୦ ✧ୟୀଶୁ ଇନ୍‌କୁକେ କୁଲିକେଦକଆ, “ଆଇଙ୍ ଅକଏ ତାନିଙ୍ ମେନ୍ତେପେ କାଜିତାନା ?”

ପାତ୍ରରାସ୍ କାଜିରୁହାତ୍ତକିୟାଏ, “ଆମ୍ ପାର୍‌ମେଶ୍ୱାର୍‌ଆଃ ଶ୍ରୀଷ୍ଟ୍ ତାନ୍‌ମେ ।”

ଆୟାଃ ମନେ ବାରିରେଆଃ ଆତ୍ମ ଆୟାଃ କୁଶ୍ ଗଅଃରେୟାଃ ଇନିତୁ
(ମାଥୁଉ ୧୭:୨୦-୨୮; ମାର୍କ ୮:୩୦-୯:୧)

୨୧ ଏନ୍ତେ ଯୀଶୁ ନେ କାଜି ଜେତାଏକେ ଆଲ୍‌ପେ ଉଦୁବାକଆ ମେନ୍ତେ ହୁକୁମ୍‌କେଦକଆ । ୨୨ ଆତ୍ମ ଇନିଃ ଇନ୍‌କୁକେ ମେତାଦକଆଏ, “ଆଇଙ୍ ମାନଝାହନ୍ ତାନାଇଙ୍, ଆଇଙ୍‌କେ ପୁରାଃ ଦୁକୁ ସାହାତିଙ୍ ଲାଗାତିୟାଃ, ଆତ୍ମ ପ୍ରାଚିନ୍‌କ, ମୁଲ୍ ଯାଜାକ୍‌କ ଆତ୍ମ ଆଇନ୍ ଇତୁକ ଆଇଙ୍‌କେ ହିଲାଙ୍‌ଇୟା ଆତ୍ମ ଗଜିୟା, ଆତ୍ମ ଆଇଙ୍ ଆପି ମାହାଁ ତାୟମ୍‌ତେ ଜୀଉ ବିରିଦାଇଙ୍ ।”

୨୩ ✧ୟୀଶୁ ସବେନ୍‌କକେ କାଜିକେଦକଆଏ, ଜେତାଏ ହତ୍ତ ଆଇଙ୍‌କେ ଅତଙ୍ ସାନାଙ୍‌ରେଦ ଇନିଃ ଆୟାଃ ମନେ ବାରିତାକାଏ ଆତ୍ମ ସବେନ୍ ହୁଲାଙ୍ ଆୟାଃ କୁଶ୍ ଗଅଃକେଦ୍‌ତେ ଅତଙ୍‌ଇଙ୍‌କାଏ । ୨୪ ✧ଜେତାଏ ଆୟାଃ ଜୀଉ ବାଞ୍ଚାଅ ସାନାଙ୍‌ରେଦ, ଏନାଏ ଆଦେୟା, ମେନ୍‌ଦ ଆୟାଃ ଜୀଉ ଆଇଁୟାଃ ନାଗେନ୍ତେ ଆଦେନିଃ ଏନାଏ ବାଞ୍ଚାଅୟାଃ । ୨୫ ଜେତାଏ ହତ୍ତ ଗଟା ଅତେଦିଶୁମ୍ ନାମ୍‌କେଦ୍‌ରେୟ ଆୟାଃ ଜୀଉକେ ଜିୟନେରେଦ ଇନିୟାଃ ଚିକାନ୍ ଫାଏଦା ହବାଅଆଃ ? ୨୬ ଜେତାଏ ଆଇଙ୍‌କେ ଆତ୍ମ ଆଇଁୟାଃ କାଜିକେ ଗିହୁଃରେଦ ଆଇଙ୍ ମାନଝାହନ୍ ତାନିଙ୍, ଆଇଙ୍ ପାବିତାର୍ ଦୁଡ୍‌କଲଃ ଆପୁଇଁୟାଃ ମାନାରାଙ୍‌ରେ ହିନ୍ଦୁଃରୁହାତ୍ ଦିପିଲିରେ ଆଇଙ୍‌ହଗି ଏନ୍ ବିଷାଏରେ ଗିହୁଃଗଅଆଇଙ୍ । ସିର୍ନାରେନ୍ ଦାସିକଆଃ ମାନାରାଙ୍‌ରେ ହିନ୍ଦୁଃ ଇମ୍‌ତା ଇନିଃହଗି ଇନିୟାଃ ବିଷାଏରେ ଗିହୁଃଗଅଆଏ । ୨୭ ଆଇଙ୍ ସାର୍‌ତିଗିଙ୍ କାଜିୟାପେତାନା, “ନେତାଃରେ ତିଙ୍‌ଆକାନ୍‌କଏତେ ଚିମିନ୍‌କ ପାର୍‌ମେଶ୍ୱାର୍‌ଆଃ ରାଇଙ୍ ଆଉରିକ ନେଲେଜାକେଦ୍ ଗନଏଃ କାକ ଗାଖାଏୟାଃ ।”

ୟୀଶୁଆଃ ରୁପ୍‌ବାଦଲିୟଃ
(ମାଥୁଉ ୧୭:୧-୮; ମାର୍କ ୯:୨-୮)

୨୮ ଆତ୍ମ ନେ କାଜିରେୟାଃ ଇରାଲିୟା ମାହାଁ ତାୟମ୍‌ତେ ଯୀଶୁ ପାତ୍ରରାସ୍, ଯୋହାନ୍ ଆତ୍ମ ଯାକୁବ୍ ତେକକେ ଆୟାଃଲଃ ଇଦିକେଦ୍‌ତେ ବିକ୍ରିନାଙ୍ ରୁରୁତେ ରାକାବ୍‌ୟାନାଏ । ୨୯ ଇନିଃ ବିକ୍ରିତାନ୍ ଇମ୍‌ତା ଇନିୟାଃ ମେଦ୍‌ମୁହାଁଡ୍ ବାଦାଲାଅୟାନା ଆତ୍ମ ଇନିୟାଃ ଲିଜାଃ ପୁରାଃଗି ମାସ୍‌ଲଲେକା ପୁଣ୍ଡିୟାନା । ୩୦ ଆତ୍ମ ଇମ୍‌ତାଗି ବାର୍‌ହତ୍‌କିନ୍ ତାଇକେନା, ଇନ୍‌କିନ୍ ହବାଅଃତାନାକିନ୍ ମୁଗା ଆତ୍ମ ଏଲିୟ, ୩୧ ଇନ୍‌କିନ୍ ସିର୍ନାରେନ୍ ମାନାରାଙ୍‌ରେକିନ୍ ଉଦୁବେନ୍‌ୟାନା, ଆତ୍ମ ଯୀଶୁଲଃ ଯୀରୁଶାଲେମ୍‌ରେ ଆୟାଃ ଗନଏଃରେୟାଃ କାଜି ବାଖାଁଣେତାନ୍‌କିନ୍ ତାଇକେନା । ୩୨ ପାତ୍ରରାସ୍ ଆତ୍ମ ଇନିୟାଃ ଗାତିକିନ୍ ଦୁଡ୍‌ମୁତେ ପୁରାଃ ପେରେଜାକାନ୍ ତାଇକେନାକିନ୍, ମେନ୍‌ଦ ଇନ୍‌କିନ୍ ପୁରା

✧ ୯:୧୯ ୯:୧୯ ମାଥୁଉ ୧୪:୧,୨; ମାର୍କ ୬:୧୪,୧୫; ଲୁକ ୯:୭,୮. ✧ ୯:୨୦ ୯:୨୦ ଯୋହାନ୍ ୬:୬୮,୬୯. ✧ ୯:୨୩ ୯:୨୩ ମାଥୁଉ ୧୦:୩୮; ଲୁକ ୧୪:୨୭.
✧ ୯:୨୪ ୯:୨୪ ମାଥୁଉ ୧୦:୩୯; ଲୁକ ୧୭:୩୩; ଯୋହାନ୍ ୧୨:୨୫.

ଆଦାୟାନ୍ତେ, ଇନିୟାଃ ମାନାରାଙ୍ଗ ଆତଃ ଇନିଃଲଃ ଡିଙ୍ଗୁଆକାନ୍ ବାରହଡ଼କିନ୍ଦକେ ନେଲକେଦକିନାକ । ୩୩ ଇନ୍ଦକିନ୍ ଯୀଶୁତାଃଏତେ ସେନଃତାନ୍ରେ ପାଡ଼ରାସ୍, “ହେ ପ୍ରାଭୁ ଆବୁଆଃ ନେତାଃ ତାଇନଃତେୟାଃ ବୁଗିନାଃ, ଆଲେ ଆପିୟା କୁମ୍ପାଲେ ବାଇୟାଃ, ଆମାଃ ନାଗେନ୍ତେ ମିଆଁଦ୍, ମୁଣା ନାଗେନ୍ତେ ମିଆଁଦ୍ ଆତଃ ଏଲିୟ ନାଗେନ୍ତେ ମିଆଁଦ୍” ମେନ୍ତେ ଯୀଶୁକେକ କାଜିକିୟାଃ । ଇନିଃ ଦ ଆୟାଃ କାଜିତାନ୍ତେୟାଃ କାଏ ସାରିତାନ୍ ତାଇକେନା ।

୩୪ ଇନିଃ ନେୟାଁ କାଜିତାନ୍ ଇମତାଗି ରିମିଲ୍ ହିଜୁଃକେଦତେ ଇନ୍ଦକୁକେ ଉମ୍ମଲକେଦକଆ, ଆତଃ ଏନ୍ ରିମିଲ୍ରେ ବଲତାନ୍ ଇମତା ଇନ୍ଦକୁ ବରକେଦାଃକ । ୩୫ ☆“ନିଃ ଆଇୟାଃ ସାଲ୍ଲାକାନ୍ ଦୁଲ୍ଲାଡ଼୍ ହନ୍ ତାନିଃ, ଇନିୟାଃ କାଜି ଆୟୁମେପେ” ମେନ୍ତେ ମିଆଁଦ୍ କାଜି ରିମିଲ୍ଏତେ ଆୟୁମୟାନା ।

୩୬ ନେ କାଜି କାଜିୟାନ୍ରେ, ଇନ୍ଦକୁ ଯୀଶୁକେ ଏସକାର୍ଗି ନାମ୍କିୟାଃକ । ଆତଃ ଚେଲ୍ଲାକ ହାପାୟାନାକ, ନେଲକାଦ୍ କାଜି ଏନ୍ ଦିପିଲିରେ ଜେତାଏକେ କାକ ଉଦୁବକେଦକଆ ।

ୟୀଶୁ ବଙ୍ଗା ଏସେରାକାଇ ହନ୍କେ ବୁଗି ତାନାଏ

(ମାଥୁଉ ୧୭:୧୪-୧୮; ମାର୍କ ୯:୧୪-୨୭)

୩୭ ଏଟାଃ ହୁଲ୍ଲାଙ୍ଗ ଯୀଶୁ ଆତଃ ଆୟାଃ ଆପିୟା ଚେଲ୍ଲାକ ବୁରୁଏତେ ଆଡ଼ଗୁୟାନ୍ ଇମତା ପୁରାଃ ଗାଦେଲ୍ ହଡ଼କ ଯୀଶୁକେ ସେନ୍ଦାରମ୍କିୟାକ । ୩୮ ଆତଃ ନେଲେପେ, ଗାଦେଲ୍ ହଡ଼କଏତେ ମିହୁଡ଼୍ କାଉରିକେଦାଏ, “ହେ ଗୁରୁ ଆଇଙ୍ଗ୍ ବିକ୍ରିମେତାନାଇଙ୍ଗ୍, ହନିଙ୍ଗ୍ଡାକେ ହେତାଇମେ, ଇନିଃଦ ଆଇୟାଃ ମିଆଁଦ୍ଗି ହନ୍କଡ଼ା ତାନିଃ” ମେନ୍ଦକିୟାଏ । ୩୯ ଆତଃ ନେଲିମେ, ମିଆଁଦ୍ ବଙ୍ଗା ଇନିଃକେ ସାଦ୍କିଃରେ ଇନିଃ ଆବ୍କାଗି କାଉରିୟାଏ; ଆତଃ ମତାଏତେ ପୁଡ଼ରିଦକ ଅତଙ୍ଗଅଃଆ, ବଙ୍ଗା ଇନିଃତାଃଏତେ ଚିମିନ୍ ତାର୍ସାର୍ତେ ଅତଙ୍ଗଅଃଆଏ । ଆତଃ ଇନିଃଦ ଇନିଃକେ ଜିୟନିତାନାଏ ।

୪୦ ଆଇଙ୍ଗ୍ ଚେଲ୍ଲାକକେ ବିକ୍ରିକେଦକଆଇଙ୍ଗ୍, “ମାର୍ ବଙ୍ଗାକେ ଅତଙ୍ଗଇଁପେ, ମେନ୍ଦ ଇନ୍ଦକୁ କାକ ଦାଡ଼ିକେଦାଃ ।” ୪୧ ଆତଃ ଯୀଶୁ ମେନ୍ଦକେଦାଏ, “ଏ କା ବିଶ୍ୱାସ୍ ଆତଃ କେଟେଦ୍ ମନ୍ରେନ୍ ହଡ଼କ, ଚିମିନ୍ ମାହାଁ ଜାକେଦ୍ ଆପେଲଃ ତାଇନାଇଙ୍ଗ୍ ଆତଃ ସାହାଡ଼ିକ୍ପେୟା ?” ଆତଃ ଏନ୍ ହଡ଼କେ କାଜିକିୟାଏ, “ମାର୍ ଆମାଃ ହନ୍କେ ଆଇଙ୍ଗ୍ତାଃତେ ଆଉଝିମେଁ ।”

୪୨ ଆତଃ କଡ଼ାହନ୍ ହିଜୁଃତାନ୍ ଇମତା ବଙ୍ଗା ଇନିଃକେ ଆଞ୍ଜକିୟାଏ, ମେନ୍ଦ ଯୀଶୁ ଏନ୍ ସଡ଼ରା ଆମ୍ବାକେ ମାରାଙ୍ଗମତାକେଦତେ ଇନିଃକେ ବୁଗିକିୟାଏ ଆତଃ ଆପୁତେକେ ଏମ୍ବୁହାଡ଼ାଇୟାଏ ।

ୟୀଶୁ ଆତଃମିସା ଆୟାଃ ଗନଏଃ କାଜି କାଜିକେଦାଏ

(ମାଥୁଉ ୧୭:୨୨-୨୩; ମାର୍କ ୯:୩୦-୩୨)

୪୩ ଏନ୍ତେଦ ସବେନ୍ଦକ ପାର୍ମେଶ୍ୱାର୍ଆଃ ମାନାରାଙ୍ଗ୍ତେ ଆକ୍ଦାନ୍ଦାୟାନାକ । ଆତଃ ଯୀଶୁ କାମିକେଦ୍ ସବେନ୍ଦ କାମିତେୟ ହଡ଼କ ଆକ୍ଦାନ୍ଦାୟତାନ୍ ତାଇକେନ୍ରେ, ଇନିଃ ଆୟାଃ ଚେଲ୍ଲାକକେ ମେତାଦକଆଏ, ୪୪ “ନେ ସବେନ୍ଦ କାଜି ଆପେୟାଃ ଲୁଡୁର୍ରେ ଦହଏପେ, ଆଇଙ୍ଗ୍ ମାନଞ୍ଜାହନ୍ ତାନିଙ୍ଗ୍, ଆଇଙ୍ଗ୍ ହଡ଼କଆଃ ତିଃଇରେ ଏମ୍ବୁଗିଆଇଙ୍ଗ୍ ।” ୪୫ ମେନ୍ଦ ଚେଲ୍ଲାକ ନେ କାଜି କାକ ଆବ୍କାର୍ ଉରୁମ୍ ଦାଡ଼ିକେଦା ଆତଃ ଇନ୍ଦକୁ ଏନା ଆଲକାକ ଆବ୍କାରେକା ମେନ୍ତେ ଚେଲ୍ଲାନାଇଙ୍ଗ୍ ଉକ୍ତୁଆକାନ୍ ତାଇକେନା ଆତଃ ଇନ୍ଦକୁ ନେ କାଜି ଇନିଃକେ କୁଲି ନାଗେନ୍ତେ ବରତାନ୍ଦକ ତାଇକେନା ।

ଅକଏ ମାରାଙ୍ଗ୍

(ମାଥୁଉ ୧୮:୧-୫; ମାର୍କ ୯:୩୩-୩୭)

୪୬ ☆ଆତଃ ଆବୁକଏତେ ଅକଏ ମାରାଙ୍ଗ୍ ମେନ୍ତେ ଚେଲ୍ଲାକ ଆକ ଆକରେକ ଉଡ଼ଃତାନ୍ ତାଇକେନା । ୪୭ ମେନ୍ଦ ଯୀଶୁ ଇନ୍ଦକୁଆଃ ମନ୍ରେୟାଃ ଉଡ଼ଃ ସାରିକେଦତେ, ମିଆଁଦ୍ ହୁଡ଼ିଙ୍ଗ୍ ହନ୍କେ ଆଉକିୟାଏ ଆତଃ ଆୟାଃ ହେପାଦ୍ରେ ଡିଙ୍ଗୁକିୟାଏ । ୪୮ ☆ଏନ୍ତେ ଇନିଃ ମେତାଦକଆଏ, “ଜେତାଏ ନେ ହୁଡ଼ିଙ୍ଗ୍ ହନ୍କେ ଆଇୟାଃ ନୁଡୁମ୍ତେ ଦାରମିରେଦ୍ ଆଇଙ୍ଗ୍କେ ଦାରମିଆଁ; ଆତଃ ଜେତାଏ ଆଇଙ୍ଗ୍କେ ଦାରମିଁରେଦ୍ ଆଇଙ୍ଗ୍କେ କୁନୁଲ୍ନିଃକେହ୍ ଦାରମିଆଏ । ଚିୟାଃତି ଆପେ ସବେନ୍ଦକଏତେ ଅକଏ ହୁଡ଼ିଙ୍ଗ୍ଉତାରଃଆଏ ଇନିଃଗି ମାରାଙ୍ଗ୍ ।”

ଆବୁଆଃ ବିରୁଧ୍ରେ ବାଙ୍ଗାଇନିଃଦ୍ ଆବୁସାଃରିୟା

(ମାର୍କ ୯:୩୮-୪୦)

୪୯ ଆତଃ ଯୋହାନ୍ ଇନିଃକେ କାଜିରୁହାଡ଼କିୟାଏ, “ମିଆଁଦ୍ ହଡ଼ ଆମାଃ ନୁଡୁମ୍ତେ ବଙ୍ଗାକକେ ଅତଙ୍ଗକତାନ୍ଲେ ନେଲକିୟା ଆତଃ ଆଲେ ଇନିଃକେ ମାନାକିୟାଃଲେ, ଚିୟାଃତି ଇନିଃ ଆବୁଏତେ ମିହୁଡ଼୍ କାଏ ତାଇକେନା ।”

୫୦ ମେନ୍ଦ ଯୀଶୁ କାଜିକିୟାଏ, “ଆଲ୍ପେ ମାନାଇୟା, ଆବୁଆଃ ବିରୁଧ୍ରେ ବାଙ୍ଗାଇନିଃଦ୍ ଆବୁସାଃରିୟା ।”

ଶିମିରୋନିରେନ୍ଦକ ଯୀଶୁକେ କାକ ଦାରମ୍କିୟାଃ

☆ ୯:୩୫ ୯:୩୫ ମାଥୁଉ ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨. ☆ ୯:୩୫ ୯:୩୫ ୨ ପାଡ଼ରାସ୍ ୧:୧୭,୧୮. ☆ ୯:୪୬ ୯:୪୬ ଲୁକ ୨୨:୨୪. ☆ ୯:୪୮ ୯:୪୮ ମାଥୁଉ ୧୦:୪୦; ଲୁକ ୧୦:୧୭; ଯୋହାନ୍ ୧୩:୨୦.

୫୧ ଯୀଶୁଆଃ ସିର୍ମା ରାକାବ୍ରେୟାଃ ଦିପିଲି ନାଡ଼େଃୟଃତାନ୍ରେ ଇନିଃ ଯୀରୁଶାଲେମ୍ତେ ସେନଃ ନାଗେନ୍ତେ ଏସ୍କାର୍ଗି ମନ୍ତାୟାଃ କେଟେଦକେଦାଏ । ୫୨ ଆଡ଼ଃ ଇନିଃ ହଡ଼କକେ କୁଲ୍ ଆୟାରକେଦକଆଏ, ଇନ୍କୁ ସେନଃୟାନ୍ତେ ଇନିଃନାଙ୍ଗ୍ ବାଇସାତି* ନାଗେନ୍ତେ ଶମିରୋନିରେନକଆଃ ମିଆଁଦ୍ ହାତୁରେକ ବଲୟାନା । ୫୩ ମେନ୍ଦ୍ ଏନ୍ତାଃରେନ୍ ହଡ଼କ ଇନିଃକେ କାକ ଦାରମ୍କିୟା ଚିୟାଃଚି ଇନିଃ ଯୀରୁଶାଲେମ୍ସାଃତେ ସେନଃତାନା ମେନ୍ତେ ସାରିୟଃ ତାଇକେନାଏ । ୫୪ ନେଆଁ ନେଲ୍କେଦେ ଇନିୟାଃ ଚେଲା ଯାକୁବ୍ ଆଡ଼ଃ ଯୋହାନ୍ ବାରାନ୍କିନ୍ କାଜିକିୟାଃ, “ହେ ପ୍ରାଭୁ, ଆମ୍ ସାନାଙ୍ଗ୍ରେଦ ଏଲିୟକେ ଆତୁକେଦଲେକା† ସିର୍ମାଏତେ ସେଙ୍ଗେଲ୍ ଉୟୁଗଃକା ଆଡ଼ଃ ଇନ୍କୁ ଜିୟନଃକାକ ।”

୫୫ ମେନ୍ଦ୍ ଯୀଶୁ ଇନ୍କିନ୍କେ ହେତାରୁହାଡ଼କେଦେତେ ଏଗେରକେଦକିନାଏ, ଆବେନ୍ ଚିଲ୍କାନ୍ ଆମ୍ବାରେନ୍ ତାନବେନ୍, ନେଆଁ କାବେନ୍ ସାରିତାନା । ହଡ଼କଆଃ ଜୀଉ ଜିୟନ୍ ନାଗେନ୍ତେଦ କାହା ମେନ୍ଦ୍ ଜୀଉ ବାଞ୍ଚାଅ ନାଗେନ୍ତେ ମାନଞ୍ଚାହନ୍ ହିଲୁଃକାନାଏ । ୫୬ ଆଡ଼ଃ ଇନ୍କୁ ଏଗାଃ ହାତୁତେକ ସେନଃୟାନା ।

ପ୍ରାଭୁଆଃ ଚେଲାବାଇୟଃରେୟାଃ କାଜି (ମାଥୁ ୮:୧୯-୨୨)

୫୭ ଇନ୍କୁ ହରାରେ ସେନ୍ତାନ୍ ତାଇକେନ୍ ଇମ୍ତା ମିଆଁଦ୍ ହଡ଼, ଯୀଶୁକେ କାଜିକିୟାଏ, “ଆମ୍ କତେମ୍ ସେନା ଏନ୍ତେଇଙ୍ଗ୍ ଅତଙ୍ଗ୍ମେୟାଁ ।”

୫୮ ଯୀଶୁ ଇନିଃକେ କାଜିକିୟାଏ, “ତୁୟୁକଆଃଦ ଲାତା ମେନାଃ, ଆଡ଼ଃ ସିର୍ମା ଲାତାରରେନ୍ ଚେଟେକିଆଃ ଅକା ମେନାଃ ମେନ୍ଦ୍ ମାନଞ୍ଚାହନ୍ଆଃ ବହଃ ଦହନାଙ୍ଗ୍ ଠାୟାଦ୍ ବାନଆଃ ।”

୫୯ ଆଡ଼ଃ ଇନିଃ ଏଗାଃନିଃକେ କାଜିକିୟାଏ, “ମାର୍ ଅତଙ୍ଗ୍ଇଙ୍ଗ୍ମେ ।”

ମେନ୍ଦ୍ ଇନିଃ କାଜିକିୟାଏ, “ହେ ପ୍ରାଭୁ, ସିଦାତେ ଆପୁଇଙ୍ଗ୍କେ ତପାଇ ନାଗେନ୍ତେ ସେନ୍ଇଚିଙ୍ଗ୍ମେ ।”

୬୦ ମେନ୍ଦ୍ ଯୀଶୁ ଇନିଃକେ କାଜିକିୟାଏ, “ଗଏଃକାନ୍କ ଆକଆଃ ଗଏଃକାନ୍କକେ ତପାକକାକ, ମେନ୍ଦ୍ ଆମ୍ ସେନ୍କେଦେତେ ପାର୍ମେଶ୍ୱାର୍ଆଃ ରାଇଜ୍ରେୟାଃ କାଜି ଉଦୁବେମେ ।”

୬୧ ଆଡ଼ଃ ମିହୁଡ଼ କାଜିକିୟାଏ, “ହେ ପ୍ରାଭୁ, ଆଇଙ୍ଗ୍ ଅତଙ୍ଗ୍ମେୟାଁଇଙ୍ଗ୍ ମେନ୍ଦ୍ ସିଦାତେ ଆଇୟାଃ ଅଡ଼ାଃରେନକତାଃ ସେନ୍କେଦେତେ ବିଦା ଇଦିନାଙ୍ଗ୍ କାଜି ଇଚିଙ୍ଗ୍ମେ ।”

୬୨ ଯୀଶୁ କାଜିକିୟାଏ, “ଆୟାଃ ଡିଃଇକେ ନାଏଁହାଲ୍ରେ ଦହକେଦେତେ ତାୟମ୍ସାଃ ହେତାଏନିଃ ପାର୍ମେଶ୍ୱାର୍ଆଃ ରାଇଜ୍ରେ କାମିଲେକାନିଃ କାଏ ହବାଅଆଃ ।”

୧୦

ୟୀଶୁ ଆପିହିସି ଗେଲ୍ବାର୍ ଚେଲାକକେ କୁଲ୍କତାନାଏ

୧ ନେଆଁତାୟମ୍ତେ ପ୍ରାଭୁ ୭୨* ଏଗାଃ ଚେଲାକକେ ସାଲାକେଦେତେ, ଆଇଃକ୍ ସେନଃ ସାନାଙ୍ଗ୍ତାନ୍ ସବେନ୍ ହାତୁ, ଟଲାତେ ବାବାରହଡ଼ କୁଲ୍ ଆୟାରକେଦକଆଏ । ୨ *ଇନିଃ ଇନ୍କୁକେ କାଜିୟାଦକଆଏ, “ଇରୋଃ ପୁରାଃଗିୟାଃ ମେନ୍ଦ୍ କାମିନାଲାକ ହୁଡ଼ିଙ୍ଗ୍ଆଁକ, ଏନା ନାଗେନ୍ତେ ଆପେ, ଆମ୍ ଆମାଃ ଇରୋଃତେ କାମି ନାଲାକ କୁଲ୍କମ୍ ମେନ୍ତେ ଇରୋଃ ଗମ୍କେତାଃରେ ବିଡ଼ିପେ । ୩ *ମାର୍ ସେନଃପେ, ଆଇଙ୍ଗ୍ ଆପେକେ ମିଶ୍ଟିହନ୍କ ଲେକା ହୁଶ୍ୱାର୍କ ଆଲାରେଇଙ୍ଗ୍ କୁଲ୍ପେତାନା । ୪ ଆପେ ପାଏସାମୁନା, ଆଇଲାଃ, ଖାର୍ପା ଆଲ୍ପେ ଇଦିୟା ଆଡ଼ଃ ହରାରେ ଜେତାଏକେୟ ଆଲ୍ପେ ଜିହାର୍କଆ । ୫ ଆଡ଼ଃ ଜେତା ଅଡ଼ାଃରେ ଦାରମ୍ପେରେ ‘ନେ ଅଡ଼ାଃରେନକଆଃରେ ସୁକୁ ହବାଅକା’ ମେନେପେ । ୬ ସୁକୁ ନାମେଲେକାନ୍ ହଡ଼ ଏନ୍ତାଃରେ ତାଇନ୍ରେଦ ଆପେୟାଃ ସୁକୁ ଇନିଃରେ ତାଇନାଃ, କା’ରେଦ ଏନା ଆପେତାଃତେ ରୁହାଡ଼ାଃ । ୭ *ଏନ୍ ଅଡ଼ାଃରେ ତାଇନଃପେ, ଇନ୍କୁ ଏମାପେତେୟାଃ ଜମ୍ ନୁଁଏପେ, କାମିନିଃଦ ଆୟାଃ ନାଲା ନାମେଗିୟାଏ । ଆଡ଼ଃ ଅଡ଼ାଃ ଅଡ଼ାଃ ଆଲ୍ପେ ହନରାଃ । ୮ ଜେତାଏ ହାତୁରେପେ ବଲରେଦ ଆଡ଼ଃ ହଡ଼କ ଦାରମ୍ପେରେଦ, ଇନ୍କୁଆଃ ଏମେତେୟାଃ ଜମେପେ । ୯ ଏନ୍ତାଃରେନ୍ ହାସୁତାନ୍କକେ ବୁଗିକପେ, ଆଡ଼ଃ ‘ପାର୍ମେଶ୍ୱାର୍ଆଃ ରାଇଜ୍ ଆପେତାଃ ନାଡ଼େୟାକାନା’ ମେତାକପେ । ୧୦ *ମେନ୍ଦ୍ ଆପେ ଜେତାଏ ହାତୁରେପେ ବଲରେଦ ଆଡ଼ଃ ହଡ଼କ କାକ ଦାରମ୍ପେରେଦ, ଏନାରେୟାଃ ହରାଏତେ ଅତଙ୍ଗ୍କେଦେତେ କାଜିପେ, ୧୧ *ଆଲେୟାଃ କାଟା ତାଲ୍କାରେୟାଃ ଧୁଡ଼ି ଆପେୟାଃ ହାତୁରାଃ ଆୟାରରେଲେ କଟା ଏଣ୍ଡାଏଃତାନା, ଏନ୍ରେୟା ପାର୍ମେଶ୍ୱାର୍ଆଃ ରାଇଜ୍ ଆପେତାଃ ନାଡ଼େୟାକାନା ଏନା ସାରିପେ । ୧୨ *ଆଇଙ୍ଗ୍ କାଜିୟାପେ ତାନାଇଙ୍ଗ୍, ଏନ୍ ହୁଲାଙ୍ଗ୍ରେ ଏନ୍ ହାତୁରେୟାଃ ଦୁକୁଏତେ ସୋଦମ୍ରାଃ ଦୁକୁ ସାହାତିଙ୍ଗ୍ରେୟାଁ ଲେକାଞ୍ଚାଃ ।

* ୯:୫୨ ୯:୫୨ ଆୟୋଜାନ୍ † ୯:୫୪ ୯:୫୪ ଏଲିୟକେ ଆତୁକେଦଲେକା, ନେଆଁ ଚିମିନ୍ ମାରିଅନଲ୍ରେ ବାନଆଃ ‡ ୯:୫୫ ୯:୫୫ ନେ ପଦ ଚିମିନ୍ ମାରିଅନଲ୍ରେ ବାନଆଃ * ୧୦:୧ 10:1 ଚିମିନ୍ ମାରି ଅନଲ୍ରେ ୭୦ ହଡ଼ ଅଲ୍ଲାନା ☆ ୧୦:୨ ୧୦:୨ ମାଥୁ ୯:୩୭,୩୮. ☆ ୧୦:୩ ୧୦:୩ ମାଥୁ ୧୦:୧୭. ☆ ୧୦:୭ ୧୦:୭ e କରିନ୍ତିୟ ୯:୧୪; e ଡିମ୍ ୫:୧୮. ☆ ୧୦:୧୦ ୧୦:୧୦ ପ୍ରେରିଡ଼ ୧୩:୫୧. ☆ ୧୦:୧୧ ୧୦:୧୧ ମାଥୁ ୧୦:୭-୧୪; ମାର୍କ ୬:୮-୧୧; ଲୁକ ୯:୩-୫. ☆ ୧୦:୧୨ ୧୦:୧୨ ମାଥୁ ୧୧:୨୪; ମାଥୁ ୧୦:୧୫.

**କା ବିଶ୍ୱାସତାନ୍ ନାଗାରକକେ ଯୀଶୁଆଃ ଚେତ୍ତନା
(ମାଥୂଉ ୧୧:୨୦-୨୪)**

୧୩ “ଏ କରାଜିନ୍, ଆମାଃ ହାୟ ହାୟ, ଏ ବେଅସାଇଦା, ଆମାଃ ହାୟ ହାୟ, ଆବେନ୍ରେ ହବାୟାନ୍ ଆକ୍ଦାନ୍ଦାଅ କାମିକ ସୋର୍ ଆତଃ ସିଦୋନ୍ରେ ହବାକାନ୍ରେଦ, ଇଦୁ ଇନ୍କୁ ଚିଉଲ୍ଲାରେ ବସ୍ତା ତୁସିଙ୍ଗକେଦ୍ତେ ଆତଃ ତରେକ୍ ଚେତାନ୍ରେ ଦୁବକେଦ୍ତେ ମନ୍ରୁହାଡ୍ କାତେତେୟାଃକ । ୧୪ ମେନ୍ଦ ବିଚାର ହୁଲାଇଁରେ ଆବେନାଃଏତେ ସୋର୍ ଆତଃ ସିଦୋନ୍ରେୟାଃ ଦୁକୁ ସାହାତିଙ୍ଗେୟ୍ ଲେକାଃଃ । ୧୫ ଆତଃ ଆମ୍, ଏ କପର୍ନାହୁମ୍, ଚିୟାଃ ଆମ୍ ସିମା କାକେଦେମ୍ ରାକାବଆଃ ? ବାନଃଗି ଆମ୍ ପାତାଲ୍ ଜାକେଦେମ୍ ଏଶ୍ୱାଗଆଃ ।”

୧୬ ✨ୟୀଶୁ ଆୟାଃ ଚେଲାଇକେ ମେତାଦକଆଏ, “ଆପେୟାଃ କାଜି ଆୟୁମ୍ନିଃ ଆଇଁୟାଃ ଆୟୁମେୟାଏ, ଆତଃ ଆପେକେ କା ସୁକୁନିଃ ଆଇଙ୍ଗକେହ୍ କାଏ ସୁକୁଃଃଈଆଃ ମେନ୍ଦ ଆଇଙ୍ଗକେ କାଏ ସୁକୁନିଃ ଆଇଙ୍ଗକେ କୁଲ୍ନିଃକେ ହ୍ କାଏ ସୁକୁଃଈୟା ।”

ବାସ୍ତୋରଝାନ୍ ଚେଲାଇକଆଃ ହିନ୍ତୁଃହାଡ୍

୧୭ ଏନ୍ ୭୨ ଝାନ୍ ଚେଲାଇ ରାସ୍କାତାନ୍ଲଃକ ରୁହାଡ୍ୟାନ୍ନା ଆତଃ “ହେ ପ୍ରାଭୁ, ଆମାଃ ନୁତୁମ୍ତେ ବଙ୍ଗାକହ୍ ଆଲେକେ ମାନାତିଙ୍ଗଲେତାନାକ” ମେନ୍କିୟାଏ ।

୧୮ ଇନିଃ ମେତାଦକଆଏ, “ଆଇଙ୍ଗ ସାଏତାନ୍କେ ହିଚିର୍ ଲେକା ସିମାଏତେ ଉୟୁଗଃତାନ୍ତେୟାଃ ନେଲ୍କିୟାଇଙ୍ଗ । ୧୯ ନେଲେପେ, ଆଇଙ୍ଗ ବିଙ୍ଗକଆଃ ଆତଃ ମାର୍ମାରକଆଃ ଚେତାନ୍ରେ ସେସେନ୍ରେୟାଃ ଆତଃ ବାଇରିୟାଃ ଗଟା ପେଡେଃରେ ଆକ୍ତେୟାରାଇଙ୍ଗ ଏମାଦ୍ପେୟା । ଆପେୟାଃ ଜେତ୍ତନାଃ କା ହାନିୟାଆ । ୨୦ ଏନ୍ରେୟା ଏଡକାନ୍ ଆମ୍ କ ଆଲେକେ ମାନାତିଙ୍ଗତାନାକ ମେନ୍ତେ ଆଲ୍ପେ ରାସ୍କାଃଃ, ମେନ୍ଦ ଆପେୟାଃ ନୁତୁମ୍ ସିମାରେ ଅଲାଇକାନା ନେୟାତେ ରାସ୍କାଆଃପେ” ମେନ୍ତେ କାଜିୟାଦକଆଏ ।

**ୟୀଶୁ ରାସ୍କାୟାନାଏ
(ମାଥୂଉ ୧୧:୨୫-୨୭; ୧୩:୧୬-୧୭)**

୨୧ ଏନ୍ ଦିପିଲିରେ ଯୀଶୁ ପାବିତାର୍ ଆମ୍ରେ ପୁରାଃ ରାସ୍କାୟାନ୍ଲଃ କାଜିକେଦାଏ, “ହେ ଆବା, ସିମା ଆତଃ ଅତେରେନ୍ ପ୍ରାଭୁ, ଆମ୍ ନେ କାଜିକ ସେଣ୍ଡାନ୍କ ଆତଃ ଇତୁଆନ୍କତାଃଏତେମ୍ ଦାନାଙ୍ଗ୍ଆକାଦାଃ, ଆତଃ ବାଲେଃ ହନ୍କତାଃରେମ୍ ଉଦୁବାକାଦାଃ ମେନ୍ତେଇଙ୍ଗ ଧାନ୍ୟାବାଦ୍ମେତାନା । ହେଗି ହେ ଆବା, ନେୟାଗିଦ ଆମାଃ ବୁଗିନ୍ ସାନାଙ୍ଗ୍ ।

୨୨ ✨“ଆପୁଇଙ୍ଗ ସବେନାଃ ଏମାକାଦିୟାଏ, ଆପୁକେ ବାଗିକେଦ୍ତେ ହନ୍ ଅକଏ ତାନିଃ ନେୟା ଜେତାଏ କାକ ସାରିୟାଃ, ଆତଃ ହନ୍କେ ବାଗିକେଦ୍ତେ ଆପୁ ଅକଏ ତାନିଃ ନେୟା ଜେତାଏ କାକ ସାରିୟାଃ । ମେନ୍ଦ ଅକନ୍କକେ ଏନା ସାରି ନାଗେନ୍ତେ ହନ୍ ଆଇଃକଗି ସାଲାଇଆଏ, ଇନ୍କୁ ଏସ୍କାର୍ ପାର୍ମେଶ୍ୱାର୍ଆଃ ବିଷାଏରେ ସାରିୟାଃକ ।”

୨୩ ଏନ୍ତେ ଇନିଃ ଆୟାଃ ଚେଲାଇକେ ହେତାରୁହାଡ୍କେଦ୍ତେ ଏସ୍କାର୍ରେୟାଏ କାଜିୟାଦକଆ, “ଆପେ ସବେନ୍ ନେ ସବେନାଃ ନେଲ୍ତାନ୍ତେୟାଃ ଚିମିନ୍ ସୁକୁତାନ୍ରିୟାଃପେ । ୨୪ ଆଇଙ୍ଗଦ ସାର୍ତିଗିଙ୍ଗ କାଜିୟାପେତାନା, ଆପେ ନେଲ୍ତାନ୍ତେୟାଃ ପୁରାଃ ନାବୀକ ଆତଃ ରାଜାକ ନେନେଲ୍ ସାନାଙ୍ଗ୍କେଦକଆ ମେନ୍ଦ କାକ ନେଲ୍କେଦା ଆତଃ ଆପେ ଆୟୁମ୍କେଦ୍ତେୟାଃ ଇନ୍କୁକେ ଆୟୁମ୍ ସାନାଙ୍ଗ୍କେଦକଆ ମେନ୍ଦ କାକ ଆୟୁମ୍କେଦା ।”

**ବୁଗିନ୍ ଶମିରୋନ୍ରେନ୍ନିଃୟାଃ ଜନ୍କା କାଜି
(ମାଥୂଉ ୨୨:୩୫-୪୦; ମାର୍କ ୧୨:୨୮-୩୪)**

୨୫ ✨ଆତଃ ନେଲେପେ ମିଆଁଦ୍ ଆଇନ୍ ଇତୁନିଃ ବିରିଦ୍ୟାନ୍ତେ ଯୀଶୁକେ ବିଡାଅ ନାଗେନ୍ତେ କୁଲିକିୟାଏ, “ଏ ବୁଗିନ୍ ଇତୁନିଃ, ଜାନାଅ ଜୀଦାନ୍ ନାମେ ନାଗେନ୍ତେ ଚିନାଃଇଙ୍ଗ ଚିକାୟା ?”

୨୬ ଯୀଶୁ କାଜିକିୟାଏ, “ଆନ୍ତୁରେ ଚିକ୍ନାଃ ଅଲାଇକାନା ? ଆମ୍ ଚିଲ୍କାମ୍ ପାଡାଅ ତାନା ?”

୨୭ ଆତଃ ଇନିଃ ମେନ୍ରୁହାଡାଈୟାଏ, “ପ୍ରାଭୁ ଆମାଃ ପାର୍ମେଶ୍ୱାର୍କେ ଆମାଃ ସବେନ୍ ମନ୍ସୁରୁଦ୍ତେ ଆତଃ ଆମାଃ ସବେନ୍ ଜୀଉତେ ଆତଃ ଆମାଃ ସବେନ୍ ପେଡେଃତେ ଆତଃ ଆମାଃ ସବେନ୍ ସେଣ୍ଡାତେ ଦୁଲ୍ଲାଡିମେ, ଆତଃ ଆମାଃ ହପର୍ ଜାପାଃରେନ୍ନିଃକେ ଆମାଃ ଲେକାଗି ଦୁଲ୍ଲାଡିମେ ।”

୨୮ ଏନ୍ତେ ଯୀଶୁ କାଜିରୁହାଡ୍କିୟାଏ, “ବୁଗିନାମ୍ କାଜିକାଦା, ଆମ୍ ନେକାଏରେଦମ୍ ଜୀହିଦଃଆ ।”

୨୯ ମେନ୍ଦ ଆଇନ୍ଇତୁନିଃ ଆଇଃକଗି ଧାର୍ମାନ୍ ଉଦୁବେନ୍ ସାନାଙ୍ଗ୍କିଃତେ ଯୀଶୁକେ କୁଲିକିୟାଏ “ଆଇଁୟାଃ ହପର୍ଜାପାଃରେନ୍ନିଃ ଅକଏ ତାନିଃ ?”

✨ ୧୦:୧୭ ୧୦:୧୭ ମାଥୂଉ ୧୦:୪୦; ମାର୍କ ୯:୩୭; ଲୁକ ୯:୪୮; ଯୋହାନ୍ ୧୩:୨୦. † ୧୦:୧୭ 10:17 ଚିମିନ୍ ମାରି ଅନଲ୍ରେ ୭୦ ହଡ୍ ଅଲାଇକାନା ✨ ୧୦:୨୨ ୧୦:୨୨ ଯୋହାନ୍ ୩:୩୫; ଯୋହାନ୍ ୧୦:୧୫. ✨ ୧୦:୨୫ ୧୦:୨୫ ମାଥୂଉ ୨୨:୩୫-୪୦; ମାର୍କ ୧୨:୨୮-୩୪.

୩୦ ଯୀଶୁ କାଜିରୁହାଡ଼କିୟାଏ, “ମିଆଁଦ୍ ହଡ଼ ଯୀରୁଶାଲେମ୍‌ଏତେ ଯିରିହୋତେ ସେନଃତାନାଏ ତାଇକେନା ଆଡ଼ଃ କୁମ୍‌ତୁକୁଆଃ ତିଃଇରେ ଉୟୁଃୟାନାଏ, ଇନ୍‌କୁ ଇନିୟାଃ ଲିଜାଃ ରେକ୍‌କିୟାଃକ ଆଡ଼ଃ ଦାଲ୍‌କିଃତେ ଗଏଃଲେକାକ ବାଗିତୁକାଇଜାଃ । ୩୧ ତାୟମ୍‌ତେ ମିଆଁଦ୍ ଯାଜାକ୍ ଏନ୍ ହରାତେଗି ସେନ୍‌ତାନାଏ ତାଇକେନା ଆଡ଼ଃ ଇନିଃକେ ନେଲ୍‌କିଃତେ ଏଟାଃ ହରାରେ ପାରମ୍‌ୟାନାଏ । ୩୨ ନେ ଲେକାଗି ମିଆଁଦ୍ ଲେବୀହ, ଏନ୍ ଠାୟାଦ୍‌ରେ ସେଟେର୍‌ୟାନ୍‌ତି ଇନିଃକେ ନେଲ୍‌କିଃତେ ପାରମ୍‌ୟାନାଏ । ୩୩ ମେନ୍‌ଦ ମିଆଁଦ୍ ଶମିରୋନିରେନ୍ ହଡ଼ ସେନ୍‌ତାନଲ୍‌ଃ ଇନିଃ ତାଇକେନ୍ ଠାୟାଦ୍‌ରେ ସେଟେର୍‌ୟାନାଏ ଆଡ଼ଃ ଇନିଃକେ ନେଲ୍‌କିଃତେ ବିଲ୍‌କାଅୟାନାଏ । ୩୪ ସେନ୍ ନାଡ଼େଃକେଦ୍‌ତେ ଇନିୟାଃ ଘାଅକରେ ସୁନ୍‌ମ୍ ଆଡ଼ଃ ଦାଖ୍‌ରାସି ଦୁଲ୍‌କେଦାଏ, ଏନାକେ ତଲ୍‌କେଦାଏ ଆଡ଼ଃ ଇନିଃକେ ଆୟାଃ ଗାଧାତେତାନ୍‌ରେ ଲାଦିକିଃତେ ତେରା ଅଡ଼ାଃତେ ଇଦିକିୟାଏ ଆଡ଼ଃ ଇନିଃକେ ଯାତାନକିୟାଏ । ୩୫ ଏଟାଃ ହୁଲାଙ୍ଗ୍ ଇନିଃ ବାର୍‌ସିଙ୍ଗ୍‌ରାଃ ନାଲା ସିକା ଅଡ଼ଙ୍ଗ୍‌କେଦ୍‌ତେ ତେରା ଗମ୍‌କେ କେ ଏମ୍‌କିୟାଏ ଆଡ଼ଃ ନିଃକେ ଯାତାନିଃମେଁ ଆଡ଼ଃ ନିମ୍‌ନାଙ୍ଗ୍‌ଏତେ ଆଦ୍‌କାମ୍ ଖାର୍‌ଗାଏରେଦ୍ ଆଇଙ୍ଗ୍ ରୁହାଡ଼୍ ଇମ୍‌ତା ପେରେଜାମେଁୟାଇଙ୍ଗ୍” ମେନ୍‌କିୟାଏ ।

୩୬ “ନେ ଆପିୟା ହଡ଼କଏତେ ଅକଏ କୁମ୍‌ତୁକୁଆଃ ତିଃଇରେ ଉୟୁଗାକାନ୍ ହଡ଼ରାଃ ହପର୍‌ଜାପାଃରେନ୍‌ନିଃ ତାନିଃ ମେନ୍‌ତେପେ ଉଡ଼ଃତାନା ?”

୩୭ ଏନ୍ ଆଇନ୍ ଇତୁନିଃ ଇନିଃକେ କାଜିରୁହାଡ଼କିୟାଏ “ଅକଏ ଲିବୁଇକେନ୍‌ନିଃ ।” ଏନ୍ତେ ଯୀଶୁ ଆଇନ୍ ଇତୁନିଃକେ କାଜିକିୟାଏ, “ଜୁ ଆମ୍‌ହ ନେ ଲେକାଗି ରିକାଏମେଁ ।”

ୟୀଶୁ ମାର୍ଥା ଆଡ଼ଃ ମାରିୟାମ୍‌ଆଃ ଅଡ଼ାଃତେ ସେନ୍‌କେନାଏ

୩୮ ✨ୟୀଶୁ ଆୟାଃ ଚେଲାକଲଃ ସେନଃତାନ୍ ଇମ୍‌ତା ମିଆଁଦ୍ ହାତୁତେ ବଲ୍‌ୟାନାଏ, ଆଡ଼ଃ ମାର୍ଥା ନୁତୁମ୍ ମିଆଁଦ୍ କୁଡ଼ି ଆୟାଃ ଅଡ଼ାଃରେ ଇନିଃକେ କୁପୁଲ୍‌କିୟାଏ । ୩୯ ଆଡ଼ଃ ମାରିୟାମ୍ ନୁତୁମ୍ ଇନିୟାଃ ମିଆଁଦ୍ ମିଶି ତାଇକେନାଏ, ଇନିଃ ପ୍ରାଭୁ ଯୀଶୁଆଃ କାଟା ସୁବାରେ ଦୁବୟାନ୍ତେ ଇନିୟାଃ କାଜି ଆୟୁମ୍‌ତାନାଏ ତାଇକେନା । ୪୦ ମେନ୍‌ଦ ମାର୍ଥା ପୁରାଃ ସୁସାର୍‌ରେ ବିତ୍‌ଲାଅକାନାଏ ତାଇକେନା ଆଡ଼ଃ ଇନିଃ ହେପାଦ୍‌ତେ ହିଜୁଃକେଦ୍‌ତେ କାଜିକିୟା, “ହେ ପ୍ରାଭୁ, ମିଶିଙ୍ଗ୍‌ତାଇୟାଃ ଆଇଙ୍ଗ୍‌କେ ଏସକାର୍ ସୁସାର୍ ଇଚିଙ୍ଗ୍‌ତାନାଏ, ତିୟାଃ ଏନା ଆମ୍‌କାମ୍ ଉଡ଼ଃତାନା ? ମାର୍ ମିଶିମ୍‌କେ ଦେଙ୍ଗାଇମେଁ” ମେନ୍ତେ ଇନିଃକେ ଆତୁଇମେଁ ।

୪୧ ମେନ୍‌ଦ ପ୍ରାଭୁ ଯୀଶୁ କାଜିରୁହାଡ଼କିୟାଏ, ଏ ମାର୍ଥା, ଏ ମାର୍ଥା, ଆମ୍ ପୁରାଃ କାଜି ନାଗେନ୍ତେମ୍ ଉଡ଼ଃତାନା ଆଡ଼ଃ ବିତ୍‌ଲାଅକାନା ମେନ୍‌ଦ ମିଆଁଦ୍ କାଜି ଲାଗାତିଙ୍ଗ୍‌ୟାଃ । ୪୨ ମାରିୟାମ୍‌ଦ୍ ଏନ୍ ବୁଗିନ୍ ହାନାଟିଙ୍ଗ୍‌କେ ସାଲାକାଦାଏ, ଏନା ଇନିଃତାଃଏତେ କା ରେଜଃଆ ।



**ବିକ୍ରିରେ ଯୀଶୁଆଃ ଇନିତୁ
(ମାଥୂଉ ୬:୯-୧୩; ୭:୭-୧୧)**

୧ ଯୀଶୁ ମିଆଁଦ୍ ଠାୟାଦ୍‌ରେ ବିକ୍ରିତାନାଏ ତାଇକେନା, ଆଡ଼ଃ ଟୁଣ୍ଡୁକେଦ୍ ଇମ୍‌ତା ଇନିୟାଃ ଚେଲାକଏତେ ମିହୁଡ଼୍ କାଜିକିୟାଏ, “ହେ ପ୍ରାଭୁ, ବାପ୍ତିସ୍ତା ଏମଃନିଃ ଯୋହାନ୍ ଆୟାଃ ଚେଲାକକେ ବିକ୍ରି ଇତୁକେଦ୍‌କଲେକା ଆମ୍‌ହ ଆଲେକେ ବିକ୍ରି ଇତୁଲେମ୍ ।”

୨ ଯୀଶୁ କାଜିୟାଦ୍‌କଆଏ, “ଆପେ ବିକ୍ରି ଇମ୍‌ତା ନେ ଲେକା ବିକ୍ରିପେ,”
 “ହେ ଆଲେୟାଃ ସିର୍ମାରେନ୍ ଆବା,
 ଆମାଃ ନୁତୁମ୍ ପାବିତାରଃକା,
 ଆମାଃ ରାଇଜ୍ ହିଜୁଃକା, ଆମାଃ ମନେ ଚିଲ୍‌କା ସିର୍ମାରେ, ଏନ୍‌ଲେକା ଅତେଦିଶୁମ୍‌ରେୟ ହବାଅଃକା ।
 ୩ ଆଲେୟାଃ ତିସିଙ୍ଗ୍‌ରେୟାଃ ଜମେୟାଃ ଏମାଲେମେ ।
 ୪ ଆଲେୟାଃ ପାପ୍‌କ ଛାମାଏମେଁ,
 ତିୟାଃଟି ଜେ'ଲେକା ଆଲେୟା ଆଲେୟାଃ ସବେନ୍ ପାପ୍‌କେନ୍‌କଲେ ଛାମାକଆ
 ଆଡ଼ଃ ବିଡ଼ାଅରେ ଆଲମ୍ ଆଉଲେୟା, ମେନ୍‌ଦ ଏଡ଼କାନ୍‌ନିଃଏତେ ବାଞ୍ଛାଅଲେମ୍ ।”

୫ ଏନ୍ତେ ଯୀଶୁ ଆୟାଃ ଚେଲାକକେ କାଜିୟାଦ୍‌କଆ, “ଇଦୁ ଆପେକଏତେ ଜେତାଏୟାଃ ମିଆଁଦ୍ ଗାତି ମେନାଇୟା, ଆଡ଼ଃ ଇନିଃ ଇନିଃତାଃତେ ଆଲାନ୍‌ଦା ସେନ୍‌କେଦ୍‌ତେ ମେତାଇୟାଏ, ଏ ଗାତି ଆପିୟା ହଲଙ୍ଗ୍ ଉଧାର୍ ଏମାଇଙ୍ଗ୍‌ମେ, ୬ ଆଇଁୟାଃ ମିଆଁଦ୍ ଗାତିଦ୍ ହରାସେନ୍‌ତାନଲ୍‌ଃ ଆଇଙ୍ଗ୍‌ତାଃତେ ହିଜୁଃକାନାଏ ଆଡ଼ଃ ଇନିଃକେ ଜମ୍ ଏମଃ ନାଗେନ୍ତେ ଆଇଙ୍ଗ୍‌ତାଃରେ ଜେଡ଼ନାଃ ବାନଆଃ ।” ୭ ଆଡ଼ଃ ଇନିଃ କାଜିରୁହାଡ଼େୟାଏ, “ଆଲମ୍ ଦୁକୁଇୟାଃ ନାହାଃଦ୍ ଦୁଆର୍ ହାଣ୍ଡେଦାକାନା ଆଡ଼ଃ ହନ୍‌କତାୟାଃ ଆଇଙ୍ଗ୍‌ଲଃକ ଗିତିଜାକାନା । ଆଇଙ୍ଗ୍ ବିରିଦ୍‌କେଦ୍‌ତେ ଜେଡ଼ନାଃ କାଇଙ୍ଗ୍ ଏମ୍‌ଦାଡ଼ିୟା ।” ୮ ଆଇଙ୍ଗ୍ କାଜିୟାପେ ତାନାଇଙ୍ଗ୍, ଇନିଃ ଆୟାଃ ଗାତିତାନିଃ ରେୟ ବିରିଦ୍‌କେଦ୍‌ତେ କାଏ ଏମାଇୟା,

✨ ୧୦:୩୮ ୧୦:୩୮ ଯୋହାନ୍ ୧୧:୧.

ଇମିନରେୟ, ଆୟାଃ ଗାଡ଼ି ଘାଡ଼ି ଘାଡ଼ି ଆସିତାନ୍ ହରାତେ ଇନିଃ ବିରିଦ୍‌ୟାନ୍‌ଲଃ ଆୟାଃ ଗାଡ଼ିରାଃ ଲାଗାଡ଼ିଙ୍ଗ୍ ଲେକାଏ ଏମାଲୟା ।

୯ “ଆଡ଼ଃ ଆଇଙ୍ଗ୍ କାଜିୟାପେତାନା, ଆସିପେ ଏନାରେଦ ଆପେକେ ଏମଃଆ, ଦାଣ୍ଟାଏପେ ଏନ୍‌ରେଦପେ ନାମେୟା, ଦୁଆର୍ ଠକ୍ ଠକାଏପେ ଏନ୍‌ରେଦ ଆପେ ନାଗେନ୍ତେ ନିଜଆଃ । ୧୦ ଚିୟାଃତି ଜେତାଏ ଆସିତାନ୍‌ନିଃଦ ତେଲାଇମାଃ, ଆଡ଼ଃ ଦାଣ୍ଟାଏନିଃଦ ନାମେୟାଏ, ଆଡ଼ଃ ଠକ୍ ଠକାଏନିଃ ନାଗେନ୍ତେ ନିଜଆଃ । ୧୧ ଆପେକଏତେ ଅକନ୍ ଆପୁ ନେ'ଲେକା ମେନାଲୟା, ଆୟାଃ ହନ୍ ହାକୁ ଆସିରେଦ, ଚିନାଃ ଇନିଃକେ ବିଙ୍ଗ୍ ଏମାଲୟାଏ ? ୧୨ ଚାଏ ଇନିଃ ଜାରମ୍ ଆସିରେ ଚିୟାଃ ମାର୍‌ମାର୍ ଏମାଲୟାଏ ? ୧୩ ଏନ୍ତେ ଆପେ ଏଡ଼କାନ୍‌କ ତାଇନ୍‌ରେୟ, ଆପେୟାଃ ହନ୍‌କକେ ବୁଗିନାଃ ଏମଃପେ ସାରିୟା, ତାବ୍‌ଦ ଆପେୟାଃ ସିର୍ମାରେନ୍ ଆପୁ ଅକନ୍‌କଚି ଆଇଃକକେ ଆସି ତାନାକ, ଇନ୍‌କୁକେ ଏନାଏତେ ଆଦକା ପାବିତାର୍ ଆମ୍ବା କାଏଚି ଏମାକଆ !”

ୟାଶୁ ଆଡ଼ଃ ବାଲ୍‌ଜେବୁଲ୍
(ମାଥୁଉ ୧୨:୨୨-୩୦; ମାର୍କ ୩:୨୦-୨୭)

୧୪ ଯାଶୁ ମିଆଁଦ୍ କା ବାଣ୍ଟାଣ୍ ଦାଡ଼ିତାନ୍ ବଙ୍ଗାକେ ଅଡ଼ଙ୍ଗ୍‌ୟାନ୍‌ତାଏ ତାଇକେନା । ବଙ୍ଗା ଅଡ଼ଙ୍ଗ୍‌ୟାନ୍‌ଚି ଏନ୍ କା ବାଣ୍ଟାଣ୍‌ଦାଡ଼ି ହଡ଼ ବାଣ୍ଟାଣ୍‌କେଦାଏ, ଆଡ଼ଃ ଗାଦେଲ୍ ହଡ଼କ ଆକଦାନ୍‌ଆୟାନାକ । ୧୫ ଖମେନ୍‌ଦ ଇନ୍‌କୁଏତେ ଚିମିନ୍‌କ କାଜିକେଦା, “ୟାଶୁ ବଙ୍ଗାକଆଃ ଗମ୍‌କେ ବାଲ୍‌ଜେବୁଲ୍‌ଆଃ ହରାତେ ବଙ୍ଗାକକେ ହାର୍ ଅଡ଼ଙ୍ଗ୍‌କତାନା ।”

୧୬ ଖଏଗାଃକ ଯାଶୁକେ ବିଡ଼ାଅ ନାଗେନ୍ତେ, ପାର୍‌ମେଶ୍‌ବାର୍ ଯେ ଆୟାଃ ସାଃ ରିୟାଃ ନେୟା ଉଦ୍‌ବେନାଙ୍ଗ୍ ସିର୍ମାରେୟାଃ ମିଆଁଦ୍ ଚିଙ୍ଗାକ ଆସିକିୟାଃ । ୧୭ ଯାଶୁ ଇନ୍‌କୁଆଃ ମନ୍‌ରେୟାଃ ଉଡ଼ୁ ଆଟ୍‌କାର୍‌କେଦ୍‌ତେ ଇନ୍‌କୁକେ ମେତାଦ୍‌କଆ, “ଜେତା ରାଇଜ୍ ଆଇଃକକେତେଗି ବିନ୍‌ଗାଅକେଦ୍‌ତେ ଆକ ଆକଆଲ୍‌ରେ ଲାପ୍‌ଡ଼ାଇରେଦ ଏନ୍ ରାଇଜ୍ କା ତିଙ୍ଗୁନାଃ । ୧୮ ଆଡ଼ଃ ସାଏତାନ୍, ସାଏତାନ୍‌ଗି ହିଗାଡ଼୍‌କେଦ୍‌ତେ ବିନ୍‌ଗାଅରେଦ, ଏନ୍ ରାଇଜ୍ ଚିଲ୍‌କାତେ ତିଙ୍ଗୁନାଃ ? ଆଇଙ୍ଗ୍ ନେଆଁ କାଜିୟାପେ ତାନାଲ୍‌ଙ୍ଗ୍ ଚିୟାଃତି ଆପେଦ ଇନିଃ ବାଲ୍‌ଜେବୁଲ୍‌ରାଃ ହରାତେ ବଙ୍ଗାକକେ ଅଡ଼ଙ୍ଗ୍‌କତାନାଏ ମେନ୍ତେପେ ମେନେତାନା । ୧୯ ଆଡ଼ଃ ଆଇଙ୍ଗ୍ ବାଲ୍‌ଜେବୁଲ୍‌ଆଃ ପେଡ଼େଃତେ ବଙ୍ଗାକଇଙ୍ଗ୍ ହାର୍‌ଅଡ଼ଙ୍ଗ୍‌କ ତାନ୍‌ରେଦ, ଆପେୟାଃ ହଡ଼କ ଅକଏୟାଃ ହରାତେକ ହାର୍ ଅଡ଼ଙ୍ଗ୍‌କତାନା ? ଏନା ନାଗେନ୍ତେ ଇନ୍‌କୁଗି ଆପେୟାଃ ବିଚାର୍‌ନିଃକ ହବାଅଆଃ । ୨୦ ମେନ୍‌ଦ ଆଇଙ୍ଗ୍ ପାର୍‌ମେଶ୍‌ବାର୍‌ଆଃ ପେଡ଼େଃତେ ବଙ୍ଗାକଇଙ୍ଗ୍ ହାର୍‌ଅଡ଼ଙ୍ଗ୍‌କ ତାନ୍‌ରେଦ ଏନାତେ ଆଟ୍‌କାରଃତାନା ପାର୍‌ମେଶ୍‌ବାର୍‌ଆଃ ରାଇଜ୍ ଆପେତାଃତେ ତେବାଃକାନା ।

୨୧ “ପେଡ଼େୟାନ୍‌ହଡ଼ ସବେନ୍ ହାଁତେୟାର୍ ସାବ୍‌କେଦ୍‌ତେ ଆୟାଃ ଅଡ଼ାଃରାତାକେ ହରଏରେଦ ଆୟାଃ ମେନାଃତେୟାଃ ବୁଗିଲେକାତେ ତାଇନଃଆ । ୨୨ ମେନ୍‌ଦ ଚିମ୍‌ତା ଆୟାଃଏତେ ଆଦକା ପେଡ଼େୟାନ୍ ହଡ଼ ଇନିଃଲଃ ଲାଡ଼ାଇକେଦ୍‌ତେ ହାରାଅରେ, ଅକ ହାଁତେୟାର୍ ତେତାନ୍‌ରେ ଆଇଃକ୍ ଭାର୍‌ସାକାଦ୍ ତାଇକେନାଏ, ଏନା ସବେନାଃଏ ରେଜିଆ ଆଡ଼ଃ ରେଜାକାଦ୍‌ତେୟାଃ ହାଟିଙ୍ଗ୍‌ୟେଆଏ ।

୨୩ “ଜେତାଏ ଆଇଁୟାଃଲଃ ବାଙ୍ଗାଇନିଃ, ଆଇଁୟାଃ ବିରୁଧ୍‌ରେ ମେନାଲୟା ଆଡ଼ଃ ଜେତାଏ ଆଇଁୟାଃଲଃ କାଏ ହୁଣ୍ଡିନିଃ ଛିତିବିତିୟାଆଏ ।

ଏଡ଼କାନ୍ ଆମ୍ବାରାଃ ହିଜୁଃରୁହାଡ଼୍
(ମାଥୁଉ ୧୨:୪୩-୪୫)

୨୪ “ସଡ଼ରା ଆମ୍ବା ମିହଡ଼୍‌ତାଃଏତେ ଅଡ଼ଙ୍ଗ୍‌ୟାନ୍‌ରେ, ରହଡ଼୍ ଠାୟାଦ୍‌କରେ ହନ୍‌ରବାଡ଼ାକେଦ୍‌ତେ ରୁଡ଼ନ୍ ନାଗେନ୍ତେ ଦାଣ୍ଟାୟାଏ ଆଡ଼ଃ କାଏ ନାମ୍‌ତାରେ, ଇନିଃ କାଜିୟାଏ, ‘ଆଇଙ୍ଗ୍ ଅକନ୍ ଅଡ଼ାଃଏତେ ଅଡ଼ଙ୍ଗ୍‌କାନ୍ ତାଇକେନାଲ୍‌ଙ୍ଗ୍, ଏନ୍ ଅଡ଼ାଃତେଗି ସେନ୍‌ରୁହାଡ଼ାଇଙ୍ଗ୍,’ ଆଡ଼ଃ ଇନିଃ ଏନ୍ ଅଡ଼ାଃକେ ସାମାଅଡ଼ାଃ, ସାଫାକାନ୍ ଆଡ଼ଃ ସୁଗାଡ଼ାନ୍‌ଗି ନେଲେୟା । ୨୫ ଆଡ଼ଃ ହିଜୁଃରୁହାଡ଼୍‌କେଦ୍‌ତେ ଏନା ଜଅଃସାଫାକାନ୍ ଆଡ଼ଃ ସିଙ୍ଗାରାକାନାଏ ନାମେୟା । ୨୬ ଏନ୍ତେ ଇନିଃ ସେନ୍‌କେଦ୍‌ତେ ଆୟାଃତାଃଏତେ ଆଦକା ଏଡ଼କାନ୍ ସାଡ଼ୁ ଆମ୍ବାକକେ ମିଦ୍‌ତେ ଆଉକଆ, ଆଡ଼ଃ ଇନ୍‌କୁ ଏନାରେକ ବଲ୍‌ଆ ଆଡ଼ଃକ ତାଇନଃଆ । ଆଡ଼ଃ ଏନ୍ ହଡ଼ରାଃ ଦାସା ପାହିଲାଏତେ ଚୁଣ୍ଡୁ ଦୁାସା ପୁରାଃଗି ଏଡ଼କାନ୍ ହବାଅଆଃ ।”

ସାର୍‌ଚି ରାସକା

୨୭ ଯାଶୁ ନେଆଁ କାଜିତାନ୍ ଇମ୍‌ତା ଗାଦେଲ୍‌ହଡ଼କରେନ୍ ମିଆଁଦ୍ କୁଡ଼ି କାଉରିତାନ୍‌ଲଃ କାଜିକେଦାଏ, “ଆମ୍‌କେ ଜାନାମାକାମ୍ ଆଡ଼ଃ ତଥା ଆନୁକାମ୍ ଏଙ୍ଗା ଚିମିନ୍ ସୁକୁତାନ୍‌ଗିୟାଃଏ !”

୨୮ ମେନ୍‌ଦ ଯାଶୁ ମେନ୍‌ରୁହାଡ଼ାଇୟାଏ, “ପାର୍‌ମେଶ୍‌ବାର୍‌ଆଃ କାଜି ଆୟୁମ୍‌ତାନ୍ ଆଡ଼ଃ ମାନାଡ଼ିଙ୍ଗ୍‌ତାନ୍‌କହଗି ଚିମିନ୍ ସୁକୁତାନ୍‌ଗିଆଃକ !”

ପେଡ଼େୟାନ୍‌କାମି ନାଗେନ୍ତେ ହାଟି ଦାବି
(ମାଥୁଉ ୧୨:୩୮-୪୨)

☆ ୧୧:୧୫ ୧୧:୧୫ ମାଥୁଉ ୯:୩୪; ୧୦:୨୫. ☆ ୧୧:୧୬ ୧୧:୧୬ ମାଥୁଉ ୧୨:୩୮; ୧୨:୧; ମାର୍କ ୮:୧୧. ☆ ୧୧:୨୩ ୧୧:୨୩ ମାର୍କ ୯:୪୦.

୨୯ ✨ଗାଦେଲ୍ ହଡ଼କ ଯୀଶୁତାଃରେ ହୁଣ୍ଡିନ୍ ତାଇକେନ୍ରେ ଇନିଃ କାଜିଏଟେଦକେଦାଏ, ନେ ପାରିୟାରେନ୍ ହଡ଼କ ଚିନିନ୍ ଏଡ଼କାନିୟାଃକ, ଇନ୍କୁ ଚିହ୍ନାକ ନାମତାନା ମେନ୍ଦ ଯୁନୁସ୍ ନାବାୟାଃ ଚିହ୍ନା ବାରିକେଦତେ ଇନ୍କୁନାଜ୍ ଜେତାନ୍ ଚିହ୍ନା କା ଉଦୁବଃଆ । ୩୦ ନିନିବିରେନକ ନାଗେନ୍ତେ ଯୁନୁସ୍ଦ ଚିହ୍ନାଏ ତାଇକେନାଏ, ଏନଲେକାଗି ମାନଝାହନ୍ ନେ ପାରିୟାରେନ୍ ହଡ଼କ ନାଗେନ୍ତେ ଏନକାଅଃଆଏ । ୩୧ ଦାୟିଣ୍ ଦିଶୁମ୍ରେନ୍ ରାନୀ ନେ ଦିପିଲିରେନ୍ ହଡ଼କଲଃ ବିଚାରହୁଲାଙ୍ଗରେ ବିରିଦାଃଏ ଆଡ଼ଃ ଇନ୍କୁକେ ଚିଟାକଆ, ଚିୟାଃତି ଇନିଃ ସୁଲିମାନ୍ଆଃ ସେଣ୍ଡାନ୍ କାଜି ଆୟୁମ୍ ନାଗେନ୍ତେ ଆୟାଃ ଅତେଦିଶୁମ୍ରେୟାଃ ଚୁଣ୍ଡୁସ୍ତେ ହିଜୁଃକାନ୍ ତାଇକେନା ଆଡ଼ଃ ନେଲିପେ ରାଜା ସୁଲିମାନ୍ଏତେ ମାରାଙ୍ଗନିଃ ନେତାଃରିୟା । ୩୨ ନିନିବିରେ ଯୁନୁସ୍ ନାବା ପ୍ରାଚାରକେଦ୍ ଇମ୍ତା ପାତିୟାରକେଦ୍ ହଡ଼କ ତିଙ୍ଗୁକେଦ୍ତେ ନେ ଦିପିଲିରେନ୍ ହଡ଼କଲଃ ପାର୍ମେଶ୍ୱାର୍ ବିଚାର୍ ହୁଲାଙ୍ଗରେ ଇନ୍କୁକେକ ଚିଟାକଆ, ଚିୟାଃତି ଇନ୍କୁ ଯୁନୁସ୍ ପାର୍ଚାରକେଦ୍ ଇମ୍ତା ମନ୍ରୁହାଡ଼କେଦାକ, ଆଡ଼ଃ ନାହାଁଃ ଆଇଙ୍ଗ୍ କାଜିପେତାନାଇଙ୍ଗ୍, ଯୁନୁସ୍ଏତେ ମାରାଙ୍ଗନିଃ ନେତାଃରେ ମେନାଇୟା ।

**ହଡ଼ମ୍ରେୟାଃ ଦିମି
(ମାଥୁଉ ୫:୧୫; ୭:୨୨-୨୩)**

୩୩ ✨“ଜେତାଏ ହଡ଼ ଦିମି ଜୁଲ୍ଲକେଦ୍ତେ ଦାନାଙ୍ଗ୍ରେ ଚାଏ ତାଝାଲାତାରରେ କାଏ ମାଣ୍ଡାଅୟା ମେନ୍ଦ ବଲତାନ୍କ ମାର୍ସାଲ୍ଲକ ନେଲେକା ମେନ୍ତେ ଦିକାରେ ଦହୟା । ୩୪ ଆପେୟାଃ ମେଦ୍ଦ ହଡ଼ମ୍ରେୟାଃ ଦିମି ତାନାଃ, ଆପେୟାଃ ମେଦ୍ ନିରାଲ୍ ମେନାଃରେଦ ଗଟା ହଡ଼ମ୍ତାପେୟାଃ ମାର୍ସାଲ୍ଲଆ, ମେନ୍ଦ ଏନା ଏଡ଼କାନିନଃରେ ଗଟା ହଡ଼ମ୍ ତାପେୟାଃ ନୁବାଗଃଆ । ୩୫ ଏନାମେନ୍ତେ ଆମ୍ରେୟାଃ ମାର୍ସାଲ୍ ଆଲକା ନୁବାଗଃକା ମେନ୍ତେ ଚିଗାଲାକାନ୍ମେ । ୩୬ ଆମାଃ ଗଟା ହଡ଼ମ୍ ମାର୍ସାଲାକାନ୍ରେଦ ଆଡ଼ଃ ଏନାରେୟାଃ ଜେତାଏ ହାନାଟିଙ୍ଗ୍ କା ନୁବାଃରେଦ ଦିମି ଏନାରେୟାଃ ଜୁନୁଲ୍ତେ ମାର୍ସାଲ୍ମେତାନ୍ ଲେକାଗି ଏନା ଗଟା ମାର୍ସାଲ୍ଲଆ ।”

**ୟୀଶୁ ଫାରୁଶୀ ଆଡ଼ଃ ଆଇନ୍ଇତୁକକେ ଚେତାଅକତାନାଏ
(ମାଥୁଉ ୨୩:୧-୩୬; ମାର୍କ ୧୨:୩୮-୪୦)**

୩୭ ଯୀଶୁ କାଜିଚାବାକେଦ୍ତି, ମିଆଁଦ୍ ଫାରୁଶୀ ଆମ୍ ଆଇଁୟାଃ ଅଡ଼ାଃରେ ଜମ୍ଆଉକେମ୍ ମେନ୍ତେ ବିକ୍ତିକିୟା; ଆଡ଼ଃ ଇନିଃ ବଲୟାନ୍ଲଃ ଜମ୍ ନାଜ୍ ଦୁବ୍ୟାନାଏ । ୩୮ ମେନ୍ଦ ଇନିଃ କାଟା ତିଃଇ କାଏ ଆବୁଙ୍ଗ୍କେଦ୍ତେ ଜମ୍ତାନ୍ ନେଲ୍କେଦ୍ତେ ଏନ୍ ଫାରୁଶୀ ହାଏକାଟ୍ୟାନାଏ । ୩୯ ଏନ୍ତେ ପ୍ରାଭୁ ଇନିଃକେ କାଜିକିୟାଏ, “ହେଗି, ଆପେ ଫାରୁଶୀକ ତୁବ୍ଦି ଆଡ଼ଃ ଆଡ଼ିରାଃ ବାହାରିକପେ ଗାସାର୍ ଆବୁଙ୍ଗ୍ ତାନା, ମେନ୍ଦ ଆପେୟାଃ ମନ୍ ଏଡ଼କାନାଃତେ ପେରେଜାକାନା । ୪୦ ଏ ଡ଼ଣ୍ଡକ, ବାହାରି ବାବାଇନି ଚିୟାଃ ଇନିଃ ଭିତାରୁହ କାଏ ବାଇୟାକାଦାଃ ? ୪୧ ମେନ୍ଦ ଆପେ ଲଡ଼କେଦ୍ତେ ଅକ୍ନାଃ କାମିକାଦାପେ ଏନା ଗାରିବ୍କକେ ଏମାକପେ ଏନାରେ ଆପେ ସାର୍ତିଗି ସବେନାଃତେପେ ଫାର୍ତିଅଃଆ ।

୪୨ “ଏ ଫାରୁଶୀକ ଆପେୟାଃ ସାଜାଇ ପୁରାଃ ବରଝାନ୍ଗି ହବାଅଆଃ, ଆପେ ପୁଦ୍ନା, ଆଡ଼ଃ କିଲିମିଲି* ଆଡ଼ାଃସାକାମ୍ରେୟାଃ ଗେଲ୍ ହାନାଟିଙ୍ଗ୍ପେ ଏମତାନା ମେନ୍ଦ ନ୍ୟାୟ ବିଚାର୍ ଆଡ଼ଃ ପାର୍ମେଶ୍ୱାର୍ଆଃ ଦୁଲାଡ଼ପେ ହେଡ଼ାଏତାନା । ଏନଲେକା ରିକା କା ଲାଗାତିଙ୍ଗ୍ୟାଃ, ମେନ୍ଦ ଏନ୍ ସବେନାଃକେ ମାନାଡିଙ୍ଗ୍ ତାନ୍ଲଃ ନ୍ୟାୟ ବିଚାର୍ ଆଡ଼ଃ ପାର୍ମେଶ୍ୱାର୍ଆଃ ଦୁଲାଡ଼କେ ଆଲପେ ହେଡ଼ାଏୟା ।

୪୩ “ଆପେ ଫାରୁଶୀକ ହାୟ ହାୟ, ଚିୟାଃତି ଆପେ ସାମାଜ୍ ଅଡ଼ାଃରାଃ ଆୟାରରେ ଦୁବ୍ନାଜ୍ ଆଡ଼ଃ ପିଟ୍ ପିଡ଼ିକରେ ଜହାର୍ତେଲା ନାଜ୍ପେ ସୁକୁଃଆ । ୪୪ ଆପେୟାଃ ସାଜାଇ ପୁରାଃ ବରଝାନ୍ଗି ହବାଅଆଃ, ଚିୟାଃତି ଆପେ ଉକୁଆକାନ୍ ତପାଗାଡ଼ାଲେକାଃପେ, କା ସାରିତାନ୍ଲଃ ଏନା ଚେତାନ୍ରେ ହଡ଼କ ସେନେୟା ।”

୪୫ ଏନ୍ତେ ଆଇନ୍ ଇତୁକଏତେ ମିଆଁଦ୍ନିଃ କାଜିରୁହାଡ଼କିୟାଏ, “ହେ ଗୁରୁ ନେ କାଜିତେ ଆଲେକେ ଆମ୍ ହିନିସ୍ତାଲେତାନାମ୍ ।”

୪୬ ଯୀଶୁ କାଜିକିୟାଏ, “ଏ ଆଇନ୍ ଇତୁକ ଆପେୟା ହାୟ ହାୟ, ଚିୟାଃତି ଆପେ ପୁରାଃହାମ୍ବାଲ୍ ବାହାରମ୍ ହଡ଼କକେ ଲାଦିକାଦକଆପେ, ମେନ୍ଦ ଆପେ ଏନ୍ ବାହାରମ୍ ଆପେୟାଃ ମିଆଁଦ୍ ସାର୍ସାର୍ତେହ୍ ଜୁଟିଦ୍କେଦ୍ତେ କାପେ ଦେଙ୍ଗାତାନା । ୪୭ ଆପେୟାଃ ସାଜାଇ ପୁରାଃ ବରଝାନ୍ଗି ହବାଅଆଃ, ଆପେ ନାବାକଆଃ ନାଜ୍ ବୁଗିନ୍ ତପାଗାଡ଼ାପେ ବାଇୟାକାଦା । ଏନ୍ ନାବାକକେ ଆପେୟାଃ ହାଡ଼ାମ୍ହଡ଼କ ଗଜାକାଦକଆକ । ୪୮ ନାହାଁଃ ଆପେ ଆପେୟାଃ ହାଡ଼ାମ୍ହଡ଼କଆଃ କାମିରେୟାଃ ଗାଝାପେ ପେରେଜେତାନା; ଆଡ଼ଃ ଏନାତେପେ ସୁକୁଃତାନା, ଇନ୍କୁଦ ନାବାକକେ ଗଏଃକେଦକଆକ ଆଡ଼ଃ ଆପେ ଇନ୍କୁଆଃ ତପାଗାଡ଼ାପେ ବାଇକେଦାଃ । ୪୯ ଏନାମେନ୍ତେ ପାର୍ମେଶ୍ୱାର୍ ଆୟାଃ ସେଣ୍ଡାତେ କାଜିୟାକାଦାଏ, ଆଇଙ୍ଗ୍ ଆପେତାଃତେ ନାବାକ ଆଡ଼ଃ ପ୍ରେରିଡ଼କକେ କୁଲ୍କୁଆଇଙ୍ଗ୍, ଇନ୍କୁଏତେ ଚିନିକକେ ଗଏଃକଆକ ଆଡ଼ଃ ଏଗାଃକକେ ସାତାଅକଆକ । ୫୦ ଏନାମେନ୍ତେ ଅତେଦିଶୁମ୍ରେୟାଃ ମୁନୁଏତେ ସବେନ୍ ନାବାକଆଃ ଲିଙ୍ଗିୟାନ୍ ମାୟୋମ୍ରେୟାଃ ଲେକା ନେ ପାରିୟାରେନ୍ଏତେ ଇଦିୟାଆ, ୫୧ ହେଗି, ହାବିଲ୍ଆଃ

✨ ୧୧:୨୯ ୧୧:୨୯ ମାଥୁଉ ୧୭:୫; ମାର୍କ ୮:୧୨. ✨ ୧୧:୩୩ ୧୧:୩୩ ମାଥୁଉ ୫:୧୫; ମାର୍କ ୪:୨୧; ଲୁକ ୮:୧୭. * ୧୧:୪୨ ୧୧:୪୨ ସବେନ୍ କିସିମରାଃ ଆଡ଼ଃ † ୧୧:୪୨ 11:42 ଅବହେଲା

ମାୟୋମ୍‌ସତେ ବେଦି ଆଡ଼଼ ଆନ୍ଦିର୍ରେୟା଼ ପାବିତାର୍ ଠାୟାଦ୍ ଆଲ୍ଲାରେ ଗଏ଼ୟାନ୍ ଜିଖ୍ରିୟା ମାୟୋମ୍ ଜାକେଦ୍, ସାର୍ତିରିଙ୍ଗ୍ କାଜିୟାପେତାନା, ଏନାରେୟା଼ ଲେକା ନେ ପାରିୟାରେନ୍‌କଏତେ ଇଦିୟା଼ ।

୫୨ “ଏ ହସଡ୍ ଆଇନ୍ ଇଡୁକ, ଆପେୟା଼ ସାଜାଇ ପୁରା଼ ବର଼୍ଝାନ୍‌ଗି ହବାଅଆ଼, ଚିୟା଼ଟି ଆପେ ସେଣ୍ଟାରେୟା଼ ରାଜି଼ପେ ଇଦିକେଦା଼ ଆଡ଼଼ ଆପେୟା଼ କାପେ ବଲଆକାନା ଚି ବଲତାନ୍‌କକେ ହ କେସେଦାକାଦ୍‌କଆପେ ।”

୫୩ ଆଡ଼଼ ଇନି଼ ଏନ୍ତା଼ଏତେ ଅଡ଼ଙ୍ଗୟାନ୍ ଇମ୍‌ତା, ଆଇନ୍ ଇଡୁକ ଆଡ଼଼ ଫାରୁଶୀକ ପୁରା଼ଗି ବିରୁଧ୍‌କିୟା଼କ ଆଡ଼଼ ପୁରା଼ କାଜିକ ଇନି଼କେ କୁଲିଗରଙ୍ଗ୍‌କିୟା଼ । ୫୪ ଆଡ଼଼ ଇନ୍‌କୁ ଇନିୟା଼ ମଚାରେୟା଼ ଜେତାନ୍ ତୁଲକାଜିତେ ସାବିନାଙ୍ଗ୍ ଲଡ଼ଇତାନ୍‌କ ତାଇକେନା ।

୧୨

ହସଡ୍ ହଡ୍ କତା଼ଏତେ ଚିଗାଲକାନ୍‌ପେ (ମାଥୁଉ ୧୦:୨୭-୨୭)

୧ ଏନ୍ତେ ପୁରା଼ ହାଜାର୍ ଗାଦେଲ୍ ହଡ୍‌କ ହୁଣ୍ଡିୟାନ୍, ଆଡ଼଼ ଆକ ଆକଗି ଇପଲିଙ୍ଗ୍‌ଅ଼ତାନ୍‌କ ତାଇକେନା, ଇମ୍‌ତାଙ୍ଗ୍ ଯାଶୁ ଆୟା଼ ତେଲକକେ ପାହିଲା କାଜିୟାଦ୍‌କଆଏ, ଫାରୁଶୀକଆ଼ ସାବା଼ ହଲଙ୍ଗ୍ ଲେକାନ୍ ହସଡ୍ ବିଷାଏହେତେ ଚିଗାଲକାନ୍ ତାଇନ୍‌ପେ । ୨ ଏସବେନ୍ ଉକୁଆକାନ୍‌ତେୟା଼ ନେଲଆ଼ ଆଡ଼଼ ସବେନ୍ ଦାନାଙ୍ଗ୍‌ଆଁକାନ୍ ତେୟା଼ସଦ୍ ସାରିୟା଼ । ୩ ଆପେ ନୁବା଼ରେ କାଜିକାଦ୍‌ତେୟା଼ ମାର୍ସାଲ୍‌ରେ ଆୟୁମ଼ଆ ଆଡ଼଼ ଆପେ ଭିତାର୍ ବାଖ୍‌ରାରେ ଉକୁକେଦ୍‌ତେ କାଜିକାଦ୍‌ତେୟା଼, ସାଡ଼୍‌ମି ତେତାନ୍‌ଏତେ ଉଦୁବ଼ଆ ।

ଅକଏକେ ବର ଲାଗାଡ଼ିଙ୍ଗ୍‌ୟା଼ (ମାଥୁଉ ୧୦:୨୮-୩୧)

୪ “ଏ ଆଇଁୟା଼ ଗାଡ଼ିକ, ଆଇଙ୍ଗ୍ କାଜିୟାପେ ତାନାଇଙ୍ଗ୍, ହଡ଼୍‌ମ ଗଗଏ଼କକେ, ଆଡ଼଼ ତାୟମ୍‌ତେ ଜେଡ଼ନା଼ କା ରିକା ଦାଡ଼ିକକେ ଆଲ୍‌ପେ ବରଆକଆ । ୫ ମେନ୍‌ଦ୍ ଆପେ ବରଆଇ ଲାଗାଡ଼ିଙ୍ଗ୍‌ନି଼କେ ଆଇଙ୍ଗ୍ ଉଦୁବାପେୟା, ଗଏ଼କି ତାୟମ୍‌ତେ ନାରାକ୍‌ରେ ହୁରାଙ୍ଗ୍‌ଏଣ୍ଡାରେୟା଼ ପେଡ଼େ଼ଡ଼ତାଇନ୍‌ନି଼ ପାର୍‌ମେଶ୍ୱାର୍‌କେ ବରଆଇପେ; ହାଁ, ଆଇଙ୍ଗ୍ ଆପେକେ ସାର୍ତିରିଙ୍ଗ୍ କାଜିୟାପେତାନା, ଇନି଼କେଗି ବରଆଇପେ ।

୬ “ଚିୟା଼ ମଣେୟାଁ ଗେର଼଼ଞ୍ଜାକ ବାରିଆ ସିକାତେ* କାକ ଆଖ୍‌ରିଙ୍ଗ୍‌ୟା଼ ? ଆଡ଼଼ ଏନ୍‌ରେୟା ପାର୍‌ମେଶ୍ୱାର୍ ଇନ୍‌କୁଏତେ ମିଆଁଦିନି଼କେହଁ କାଏ ରିଡ଼ିଙ୍ଗ୍‌ଇତାନା । ୭ ହେଗି, ଆପେୟା଼ ବହ଼ରା଼ ସବେନ୍ ଉଦ୍‌ହ ଲେକାକାନା । ଆଲ୍‌ପେ ବରଏୟା, ଆପେ ପୁରା଼ ଗେର଼଼ଞ୍ଜାକଏତେ ପୁରା଼ଗି ଗନଙ୍ଗ୍‌ଆଁସପେ ।

ଶ୍ରୀଷ୍ଟକେ ସାରିନି଼ ଆଡ଼଼ କା ସାରିନି଼ (ମାଥୁଉ ୧୦:୩୨-୩୩; ୧୨:୩୨; ୧୦:୧୯-୨୦)

୮ “ଆଇଙ୍ଗ୍ କାଜିୟାପେ ତାନାଇଙ୍ଗ୍, ହଡ଼୍‌କଆ଼ ଆୟାର୍‌ରେ ଜେତାଏ ଆଇଙ୍ଗ୍‌କେ ସାରିୟା଼ଇଙ୍ଗ୍ ମେନ୍ତେ କାଜିରେଦ୍ ମାନ଼ଞ୍ଜାହନ୍ ପାର୍‌ମେଶ୍ୱାର୍‌ଆ଼ ଦୁଡ଼୍‌କଆ଼ ଆୟାର୍‌ରେ ଇନି଼କେ ସାରିୟା଼ଇଙ୍ଗ୍ ମେନ୍ତେ କାଜିୟା । ୯ ମେନ୍‌ଦ୍ ହଡ଼୍‌କଆ଼ ଆୟାର୍‌ରେ ଆଇଙ୍ଗ୍‌କେ କାଇଙ୍ଗ୍ ସାରିୟା଼ ମେନ୍ତେ କାଜିନି଼କେ ମାନ଼ଞ୍ଜାହନ୍‌ହ ପାର୍‌ମେଶ୍ୱାର୍‌ଆ଼ ଦୁଡ଼୍‌କଆ଼ ଆୟାର୍‌ରେ ଇନି଼କେ କାଇଙ୍ଗ୍ ସାରିୟା଼ ମେନ୍ତେ କାଜିୟା ।

୧୦ “ଆଡ଼଼ ମାନ଼ଞ୍ଜାହନ୍‌ଆ଼ ବିରୁଧ୍‌ରେ ଜେତାଏ କାଜିରେଦ୍ ଇନି଼କେ ଛାମା ଏମ଼ଆ, ମେନ୍‌ଦ୍ ପାବିତାର୍ ଆମ୍‌ରା଼ ବିରୁଧ୍‌ରେ ନିନ୍ଦା କାଜିକ କାଜିନି଼କେ ଛାମା କା ଏମ଼ଆ ।

୧୧ “ଆଡ଼଼ ଇନ୍‌କୁ ଆପେକେ ସାମାଜ୍ ଅଡ଼ା଼ତେ, ଲାବ୍‌ସାହାବ୍‌କତା଼ ଆଡ଼଼ ଆକ୍‌ତେୟାର୍ ନାମାକାଦ୍ ହାକିମ୍‌କଆ଼ ସାମନାଙ୍ଗ୍‌ତେକ ଆଡ଼ପେରେ, ଆପେ ଚିଲକା ଆଡ଼଼ ଚିକନା଼ପେ କାଜିରୁହାଡ଼େୟା ଆଡ଼଼ ଚିକନା଼ପେ କାଜିୟା଼ ମେନ୍ତେ ଆଲ୍‌ପେ ପାହାମେୟା । ୧୨ ପାବିତାର୍ ଆମ୍‌ ଆପେକେ କାଜି ଲାଗାଡ଼ିଙ୍ଗ୍‌ତେୟା଼ ଏନ୍ ଦିପିଲିରେଗି ଇଡୁପେୟା ।”

ଡ଼ଣ୍ଡ କିସାଁଣ୍ଡ ହଡ଼୍‌ଆ଼ ଜନ୍‌କା କାଜି

୧୩ ଗାଦେଲ୍ ହଡ଼୍‌କଏତେ ଜେତାଏ ହଡ଼୍ କାଜିକିୟାଏ, “ହେ ଗୁରୁ, ଆଇଁୟା଼ ହାଗାଇଙ୍ଗ୍‌କେ ଆପୁଏତେ ନାମାକାଦ୍ ଖୁଜ୍‌କେ ଆଇଁୟା଼ଲ଼ ହାଡ଼ିଙ୍ଗ୍‌ୟେମେ ମେନ୍ତେ କାଜିୟାଇମେ ।”

୧୪ ଯାଶୁ କାଜିରୁହାଡ଼ିକିୟାଏ, “ଏ ଗାଡ଼ି, ଆବେନା଼ ବିଚାର୍‌ନି଼ ଚାଏ ହାଡ଼ିଙ୍ଗ୍‌ଏନି଼ ମେନ୍ତେ ଅକଏ ଆଇଙ୍ଗ୍‌କେ ସାଲାକାଦିଙ୍ଗ୍‌ଆଏ ?” ୧୫ ଆଡ଼଼ ଇନି଼ କାଜିୟାଦ୍‌କଆଏ, “ନେଲେପେ, ସବେନ୍ ହାୟାହେତେ ଆତମାକାନ୍‌ପେ; ଜେତାଏୟା଼ ମେନା଼ତେୟା଼ ପୁରା଼ଗିରେୟା ଏନାରେ ଇନିୟା଼ ଜୀଦାନ୍ ବାନଆ଼ ।”

‡ ୧୧:୫୨ ୧୧:୫୨ କୁଚି ☆ ୧୨:୧ ୧୨:୧ ମାଥୁଉ ୧୨:୭; ମାର୍କ ୮:୧୫. ☆ ୧୨:୨ ୧୨:୨ ମାର୍କ ୪:୨୨; ଲୁକ ୮:୧୭. * ୧୨:୨ ୧୨:୨ ସବେନା଼ଏତେ ସାସ୍ତା ଗନଙ୍ଗ୍ ☆ ୧୨:୧୦ ୧୨:୧୦ ମାଥୁଉ ୧୨:୩୨; ମାର୍କ ୩:୨୯. ☆ ୧୨:୧୧ ୧୨:୧୧ ମାଥୁଉ ୧୦:୧୯,୨୦; ମାର୍କ ୧୩:୧୧; ଲୁକ ୨୧:୧୪,୧୫.

୧୭ ଆତ୍ମା ଇନିଃ ଇନକୁକେ ମିଆଁଦ୍ ଜନ୍କା କାଜି ଉଦୁବାଦକଆଏ, “ଜେତାଏ ମିଆଁଦ୍ କିସାଁଣ୍ ହଡ଼ଆଃ ଲୟଙ୍ଗ୍ରେ ପୁରାଃ ଜ ଯାନା । ୧୭ ଇନିଃ ମନ୍ରେ ଉଡ଼ୁକେଦାଏ, ଚିନାଃଇଙ୍ଗ୍ ଚିକାୟା ? ଆଇଁୟାଃ ଜ ଦହଡେ ଠାୟାଦ୍ ବାନଆଃ । ୧୮ ଏନ୍ତେ ଇନିଃ ମେନ୍କେଦାଏ, ଆଇଙ୍ଗ୍ ନେକାୟା, ଆଇଁୟାଃ ଭାଣ୍ଡାର ଅଡ଼ାଃ ଉଡ଼ୁକେଦଡେ ଆଦକା ମାପ୍ରାଙ୍ଗ୍ଇଙ୍ଗ୍ ବାଇୟାଃ, ଆତ୍ମା ଏନ୍ତାଃରେ ଆଇଁୟାଃ ସବେନ୍ ଜ ଆତ୍ମା ବୁଗିନ୍ତେୟାଃକଇଙ୍ଗ୍ ଦହୟା । ୧୯ ଆତ୍ମା ଆଇଙ୍ଗ୍ ଜୀଉତାଇୟାଃକେଇଙ୍ଗ୍ କାଜିୟା, ଏ ଜୀଉ, ଆମାଃତାଃରେ ପୁରାଃ ସିମା ନାଗେନ୍ତେ ପୁରାଃ ବୁଗିନ୍ତେୟାଃ ଦହଆକାନା, ରୁଡ଼ୁମେ, ଜମ୍ ନୁଁଏମେ ଆତ୍ମା ସୁକୁଡେ ତାଇନଃମେ । ୨୦ ମେନ୍ଦ୍ ପାରମେଶ୍ଵାର୍ ଇନିଃକେ କାଜିକିୟାଏ, ଆମ୍ ତଣ୍ଟ, ନେ ନିଦାରେ ଆମାଃ ଜୀଉ ଆମାଃତାଃଏଡେ ଇଦିୟାଆ, ତାବ୍ଦ୍ ଆମ୍ ଆମାଃ ନାଙ୍ଗ୍ ସବେନ୍ ହୁଣ୍ଡିଆକାଦଡେୟାଃ ଅକଏୟାଃ ହବାଅଞ୍ଜା ।”

୨୧ ଅକଏ ଆୟାଃ ନାଗେନ୍ତେ ଖୁଜ୍ ହୁଣ୍ଡିନିଃ ମେନ୍ଦ୍ ପାରମେଶ୍ଵାର୍ ନାଙ୍ଗ୍ କାଏ କିସାଁଣାଃ, ଇନିଃନାଙ୍ଗ୍ ନେ ଲେକାଗି ହବାଅଞ୍ଜା ।

ପାରମେଶ୍ଵାର୍ତାଃରେ ଆସ୍ରାଏପେ
(ମାଥୁଉ ୬:୨୫-୩୪)

୨୨ ଆତ୍ମା ଯୀଶୁ ଆୟାଃ ଚେଲକକେ କାଜିୟାଦକଆଏ, “ଏନାମେନ୍ତେ ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ଜୀନିଦ୍ ତାଇନଃ ନାଗେନ୍ତେ ଚିକ୍ନାଃରୁ ଜମାଃ ଆତ୍ମା ଚିକ୍ନାଃରୁ ନୁଁଏୟା, ଚାଏ ହଡ଼ମ୍ରେ ଚିକ୍ନାଃରୁ ତୁସିଙ୍ଗ୍ୟେନା ମେନ୍ତେ ଆପେୟାଃ ଜୀଉରେ ଆଲ୍ପେ ଉଡ଼ୁୟା । ୨୩ ଜମେୟାଃଏଡେ ଜୀଉ ଆତ୍ମା ଲିଜାଃଏଡେ ହଡ଼ମ୍ ମାରାଙ୍ଗ୍ଆଃ । ୨୪ କାଉଞ୍ଜା ଚେଟ୍ଟେକକେ ନେଲ୍କପେ, ଇନକୁ କାକ ହେରେୟା ଆତ୍ମା କାକ ଇରେୟା, ଆତ୍ମା ଇନକୁଆଃ ଭାଣ୍ଡାର ଅଡ଼ାଃ ଚାଏ ଗୋଦାମ୍ ଅଡ଼ାଃ ବାନଃରେୟା, ପାରମେଶ୍ଵାର୍ ଇନକୁକେ ଆସୁଲ୍କତାନାଏ । ଆପେ ଚେଟ୍ଟେକଏଡେ ଚିମିନ୍ ଆଦକାଗିପେ ମାରାଙ୍ଗ୍ଆଃ ! ୨୫ ଆପେକଏଡେ ଅକଏ ଉଡ଼ୁକେଦଡେ ଆୟାଃ ଜୀଉକେ ମିଦ୍ ଘାଡ଼ି ପସାଦାଡ଼ିୟାଏ । ୨୬ ଏନ୍ତେ ଆପେ ହୁଡ଼ିଙ୍ଗ୍ଉଡ଼ାଡ଼େୟାଃକେହ କାପେ କାମିଦାଡ଼ିରେଦ ଚିକ୍ନାଃ ମେନ୍ତେ ବାକିକାଜି ନାଗେନ୍ତେପେ ପାହାମ୍ତାନା । ୨୭ ବାହାକକେ ନେଲେପେ, ଇନକୁ କାକ କାମିୟାଃ ଚି କାକ ତୁକୁଇତାନା,† ହଲେହ୍ ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ସୁଲିମାନ୍ହ୍ ଆୟାଃ ସବେନ୍ ସୁଗାଡ଼ନ୍ତେୟାଃଏଡେ ନେ ମିଆଁଦ୍ ଲେକା କାଏ ସିଙ୍ଗାଚାକନ୍ ତାଇକେନା । ୨୮ ଏନ୍ତେ ପାରମେଶ୍ଵାର୍ ତିସିଙ୍ଗ୍ ମେନାଃ ଆତ୍ମା ଗାପା ରୁଲ୍ଲାରେ ହାଁଶବଃତାନ୍ ଅତେରାଃ ତାସାଦକେ ନେ ଲେକାଏ ସିଙ୍ଗାରେରେଦ, ଏ ହୁଡ଼ିଙ୍ଗ୍ ବିଶ୍ଵାସ୍ତାନ୍କ, ଚିୟାଃ ଇନିଃ ନେଆଁଏଡେ ଆଦକା ଆପେକେ କାଏ ତୁସିଙ୍ଗ୍ପେୟା ?

୨୯ “ଆତ୍ମା ଚିକ୍ନାଃରୁ ଜମେୟାଁ ଆତ୍ମା ଚିକ୍ନାଃରୁ ନୁଁଏୟା ମେନ୍ତେ ମନ୍ରେ ଆଲ୍ପେ ନାମ୍ବାଡ଼ାୟା ଆତ୍ମା ଆଲ୍ପେ ଉଡ଼ୁଗେୟା । ୩୦ ନେ ଅତେଦିଶ୍ଵମ୍ରେନ୍ ସାଅଁସାର୍ ହଡ଼କ ନେ ସବେନାଃ ଦାଣାଁବାଡ଼ାଃକ, ଆତ୍ମା ନେ ସବେନାଃ ଆପେୟାଃ ଲାଗାଡ଼ିଙ୍ଗ୍ୟାଃ, ଏନା ଆପେୟାଃ ସିମାରେନ୍ ଆପୁ ସାରିୟାଏ । ୩୧ ମେନ୍ଦ୍ ପାରମେଶ୍ଵାର୍ଆଃ ରାଇଜ୍ ଦାଣାଁଏପେ ଆତ୍ମା ନେ ସବେନାଃହ ଆପେକେ ଏମଃଆ ।

ସିମାରେ ଖୁଜ୍
(ମାଥୁଉ ୬:୧୯-୨୧)

୩୨ “ଏ ହୁଡ଼ିଙ୍ଗ୍ ଗୋଟ୍ କ ଆଲ୍ପେ ବରଏୟା ଆପେୟାଃ ଆପୁଦ୍ ଆପେକେ ଆୟାଃ ରାଇଜ୍ ଏମଃନାଙ୍ଗ୍ ସୁକୁଆକାନାଏ । ୩୩ ଆପେୟାଃ ମେନାଃତେୟାଃ ଆଖିରିଙ୍ଗ୍ କେଦଡେ କଏକକେ ଏମାକପେ, କା ମାଲ୍ଲାଆଃ ପାଏସାମୁନା ଆପେନାଙ୍ଗ୍ ବାଇୟେପେ, କା ଖାରାପଃ ଖୁଜ୍ ସିମାରେ ଦହଏପେ, ଏନ୍ତାଃରେ କୁମ୍ବୁଜ୍ କୁାଏ ତେବାଃଏୟା ଆତ୍ମା ନିଦିର୍ କାଏ ଜମେୟାଁ । ୩୪ ଚିୟାଃଚି ଆପେୟାଃ ଖୁଜ୍ ତାଇନଃତାଃରେଗି ଆପେୟାଃ ମନ୍ ତାଇନାଃ ।

ଚିର୍ଗାଲକାନ୍ ଦାସିକ

୩୫ ☆“ଆପେୟାଃ ମାୟାଙ୍ଗ୍ ପାଟେକେଦଡେ କାମିନାଙ୍ଗ୍ ସେକାଡ଼ାକାନ୍ପେ ଆତ୍ମା ଆପେୟାଃ ଦିମି ଜୁଲକାନ୍ ତାଇୟାଃକା । ୩୬ ☆ଆତ୍ମା ଏନ୍ ହଡ଼କଲେକାଅଃପେ, ଇନକୁ ଆରୁଆଃ ଗମ୍କେ ଆଶଦିଏଡେ ଚିଉଲ୍ଲାଏ ରୁହାଡ଼ାଃ ଆତ୍ମା ଇନିଃ ହିଜୁଃକେଦଡେ ଠକ୍ ଠକାଏରେଦ ଇନିଃ ନାଗେନ୍ତେ ଇମ୍ତା ଦୁଆର୍ବୁ ନିଜେୟା ମେନ୍ତେକ ନେଲ୍ହରାଇତାନା । ୩୭ ଅକନ୍ ଦାସିକକେ ଆକଆଃ ଗମ୍କେ ଏୟନାକାନ୍ ଆତ୍ମା ସେକାଡ଼ାକାନ୍ ହିଜୁଃନାମ୍କରେ ଏନ୍ ଦାସିକ ଚିମିନ୍ ସୁକୁତାନ୍ଗିୟାକ, ଆଇଙ୍ଗ୍ ସାରତିଗି କାଜିୟାପେ ତାନାଇଙ୍ଗ୍, ଇନିଃ ମାୟାଙ୍ଗ୍ ପାଟେକେଦଡେ ଇନକୁଲଃ ଜଜମ୍ ନାଗେନ୍ତେ ଦୁବ୍କଆଏ ଆତ୍ମା ହିଜୁଃକେଦଡେ ଇନକୁକେ ସୁସାରକଆଏ । ୩୮ ଆତ୍ମା ଇନିଃ ଆଲାନିଦା ଚାଏ ସିମ୍କରାଃ ହିଜୁଃକେଦଡେ ଇନକୁକେ ନେ ଲେକାଏ ନାମ୍କରେଦ ଏନ୍ ଦାସିକ ଚିମିନ୍ ସୁକୁତାନ୍ଗିୟାକ । ୩୯ ☆ମେନ୍ଦ୍ ନେଆଁ ଆଟ୍କାରେପେ, ଅଡ଼ାଃରେନ୍ ଗମ୍କେ କୁମ୍ବୁଜ୍ ହିଜୁଃ ଦିପିଲି ସାରିକାଇରେଦ ଇନିଃକେ ଆୟାଃ ଅଡ଼ାଃରାଃ ସିହି କାଏ

† ୧୨:୨୭ ୧୨:୨୭ ତୁକୁଇତାନା ଚିପାଅ/ସିଲେଇ ☆ ୧୨:୩୫ ୧୨:୩୫ ମାଥୁଉ ୨୫:୧-୧୩. ☆ ୧୨:୩୬ ୧୨:୩୬ ମାର୍କ ୧୩:୩୪-୩୬. ☆ ୧୨:୩୯ ୧୨:୩୯ ମାଥୁଉ ୨୪:୪୩,୪୪.

ଉତୁଡ଼ିକା ଇତିକାଲତେୟାଃ । ୪୦ ଏନା ନାଗେନ୍ତେ ଆପେୟ ସାପ୍ତାଥକାନ୍ ତାଇନ୍ଦେ, ଚିୟାଠି ଆପେ କାପେ ଉଡ଼ୁତାନ୍ ଦିପିଲିରେଗି ମାନଝାହନ୍ ହିଜୁଃଆଏ ।”

ପାତିୟାର ଆତଃ କା ପାତିୟାର ଦାସିକ
(ମାଥୁଉ ୨୪:୪୫-୫୧)

୪୧ ଏନ୍ତେ ପାଡ଼ରାସ୍ କୁଲିକିୟାଏ, “ହେ ପ୍ରାଭୁ ଚିୟାଃ ଆମ୍ ଆଲେକେ ଚି ସବେନ୍କକେ ନେ ଜନ୍କା କାଜି କାଜିୟାଲେତାନାମ୍ ?”

୪୨ ଆତଃ ପ୍ରାଭୁ କାଜିରୁହାଡ଼କେଦାଏ, “ଏନ୍ତେ ଗୁସିୟା ଆୟାଃ ଅଡ଼ାଃରେନ୍କକେ ବୁଗିନ୍ ନେଡ଼ାରେ ଜମେୟାଃ ଏମାକ ନାଗେନ୍ତେ ଅକଏକେ ଇନିଃ ସାଲକିଆଏ, ଏନ୍ଲେକାନ୍ ପାତିୟାରରଃ ଆତଃ ସେଣାନ୍ ଭାଣ୍ଡାରି ଅକଏ ତାନିଃ ? ୪୩ ଆୟାଃ ଗୁସିୟା ନେଲେକା କାମିତାନ୍ ଦାସିକେ ହିଜୁଃ ନାମିରେ ଇନିଃ ସୁକୁତାନ୍ଗିୟାଏ । ୪୪ ସାର୍ତିଗିକ୍ କାଜିୟାପେତାନା, ଇନିଃ ଏନ୍ ଦାସିକେ ଆୟାଃ ସବେନ୍ ମେନାଃତେୟାଃରେନ୍ ଗୁସିୟା ଦହଇୟାଏ । ୪୫ ମେନ୍ଦ ଏନ୍ ଦାସି, ଆଇୟାଃ ଗୁସିୟାରଃ ହିଜୁଃତେୟାଃ ବିଲ୍ୟାଃତାନାଃ ମେନ୍ତେ ମନ୍ତାୟାଃରେ କାଜିକେଦତେ ଦାସିକ ଆତଃ କାମ୍ଡ଼ିକକେ ଦାଦାଲ୍, ଆତଃ ଜଜମ୍ ନୁଁ ଆତଃ ବୁଲଃ ଏଟେଦରେଦ, ୪୬ ଏନ୍ ଦାସିଆଃ ଗମ୍କେ ଇନିଃ କାଏ ଉଡ଼ୁ ହୁଲାଙ୍ଗ୍ରେ ଆତଃ କାଏ ସାରି ଦିପିଲିରେ ହିଜୁଃଆଏ ଆତଃ ଇନିଃକେ ପୁରାଃ ଦୁକୁ ଏମାକତାନ୍ଲଃ ଟୁକ୍ଡ଼ା ଟୁକ୍ଡ଼ା ମାଆଃଇୟାଏ, ଏନ୍ତେ କା ବିଶ୍ୱାସ୍ତାନ୍କଲଃ ହାନାଟିକ୍ଆଏ ଏମାକୟା ।

୪୭ “ଆୟାଃ ଗମ୍କେୟାଃ ମନ୍ ସାରିକେଦତେ କାଏ ସେକାଡ଼ାକାନ୍ ଆତଃ ଇନିୟାଃ ମନେଲେକା କା କାମିକେଦ୍ ଦାସି ପୁରାଃଗିୟାଏ ଦାଲଃଆ । ୪୮ ମେନ୍ଦ କା ସାରିକେଦତେ ଦାଲଃଲେକା କାମିକେଦ୍ନିଃ ହୁଡ଼ିକ୍ଲେକାଏ ଦାଲଃଆ । ଆତଃ ପୁରାଃ ନାମାକାଦକଏତେ ପୁରାଃ ଆସିୟାଃଆ; ଆତଃ ହଡ଼କ ପୁରାଃଗିକ ଏମାକାକାନ୍ନିଃଏତେ ପୁରାଃଗିକ ଆସିୟା ।

ୟାଗୁଆଃ ନାଗେନ୍ତେ ବିନ୍ଗାଅ
(ମାଥୁଉ ୧୦:୩୪-୩୬)

୪୯ “ଆଇକ୍ ଅତେରେ ସେକେଲ୍ ଜୁଲ୍ନାକ୍ ହିଜୁଆକାନାକ୍, ଆତଃ ଆଇକ୍ ସାନାକ୍ତାନାକ୍, ଜାଲ୍ଦିଗି ସେକେଲ୍ ଜୁଲଃକା । ୫୦ *ମେନ୍ଦ ମିଆଁଦ୍ ବାପ୍ତିସ୍ତାଏତେ ଆଇକ୍କେ ବାପ୍ତିସ୍ତାଅଃ ଲାଗାତିକ୍ୟାଃ, ଆତଃ ଏନା ଆଉରିଚାବଃଆ ଜାକେଦ୍ ଦୁକୁତେ ପୁରାଃଗିକ୍ ବିଡ଼ଲାଅକାନା । ୫୧ ଚିୟାଃ ଆଇକ୍ ଅତେଦିଶ୍ୱମ୍ରେ ଜୀଉସୁକୁ ଏମ୍ତେ ହିଜୁଆକାନାକ୍ ମେନ୍ତେପେ ଆଟକାରିକ୍ତାନା ? ବାନଃଗି, ମେନ୍ଦ ବିନ୍ଗାଅ ନାଗେନ୍ତେକ୍ ହିଜୁଃକାନା । ୫୨ ନାହାଃଏତେଦ ମିଆଁଦ୍ ପାରିବାରରେନ୍ ପାଞ୍ଚାନ୍ ହଡ଼କ ବିନ୍ଗାଅଆଃକ, ତିନ୍ଧାନ୍ ବାରହଡ଼କିନାଃ ବିରୁଧ୍ରେ ଆତଃ ବାରହଡ଼ ତିନ୍ଧାନ୍କଆଃ ବିରୁଧ୍ରେ । ୫୩ ହନ୍କଡ଼ା ବିରୁଧ୍ରେ ଆପୁ, ଆତଃ ଆପୁ ବିରୁଧ୍ରେ ହନ୍କଡ଼ା, ହନ୍କଡ଼ି ବିରୁଧ୍ରେ ଏଙ୍ଗା, ଆତଃ ଏଙ୍ଗା ବିରୁଧ୍ରେ ହନ୍କଡ଼ି, କିମିନ୍ ବିରୁଧ୍ରେ ହାନାରେତେ ଆତଃ ହାନାରେତେୟାଃ ବିରୁଧ୍ରେ କିମିନ୍ତେ, ବିନ୍ଗାଅଆଃକ ।”

ଏନ୍ ଦିପିଲିରେୟାଃ ଚିହ୍ନାଁ
(ମାଥୁଉ ୧୨:୨-୩)

୫୪ ଇନିଃ ଗାଦେଲ୍ ହଡ଼କକେ କାଜିୟାଦ୍କଆଏ, ଆପେ ସିକ୍ସାସୁରଃସାଃଏତେ ରିମିଲ୍ ରାକାବ୍ତାନ୍ଦେ ନେଲେତାନ୍ ଇମ୍ତା ଦାଆଃ ଗାମାୟାଏ ପେ ମେନେତାନା ଆତଃ ନେକାଅଃ ତାନ୍ଗିୟାଃ । ୫୫ ଆତଃ ଦାକ୍ଷିଣ୍ ହୟ ହୟତାନ୍ ନେଲ୍କେଦତେ ସିଡ଼ୁକ୍ୟେଆଏ ପେ ମେନେତାନା ଆତଃ ନେକାଅଃ ତାନ୍ଗିୟାଃ । ୫୬ ଏ ବେଦାହଡ଼କ, ଆପେ ଅତେ ଆତଃ ସିମ୍ପାରେୟାଃ ଚିହ୍ନାଁପେ ଆଟକାରୁରୁମ୍ ଦାଡ଼ିୟାଃ ମେନ୍ଦ ନେ ଦିପିଲିରେୟାଃ ଚିହ୍ନାଁ ଚିଲ୍କା କାପେ ନେଲ୍ଡରୁମେତାନା ?

ବାଇରିଲଃ ମେସାନାଃବୁ
(ମାଥୁଉ ୫:୨୫-୨୬)

୫୭ ଚିନାଃମେନ୍ତେ ଠାଉକାନ୍ ଲେକାଗି ନେଲଃତେୟାଃ ଆପେଗି କାପେ ବିଚାରେତାନା ? ୫୮ ଆମାଃ ବାଇରିଲଃଦ ହାକିମ୍ତାମ୍ ସେନଃତାନ୍ରେ ଇନିଃଏତେ ଅଡ଼କ୍ଆଃ ନାକ୍ ହରାରେଗି ଉଡ଼ୁକ୍ମେ, କା'ରେଦ ଇନିଃ ବିଚାରିନିଃତଃତେ ଆଇକ୍କଦିମ୍ପେୟାଏ, ଆତଃ ବିଚାରିନିଃ ସିପାଇକଆଃ ତିଃଇରେ ଜିମାମ୍ପେୟା ଆତଃ ସିପାଇଦ୍ କେହେଲ୍ମେୟାଏ । ୫୯ ଆଇକ୍ କାଜିୟାମ୍ ତାନାକ୍, ତାମ୍ପା ସିକା କାଉଡ଼ି କାଉଡ଼ି ଆଉରି ହାଲ୍ତାବାଏ ଜାକେଦ୍ ଏନ୍ତାଃଏତେ କାମ୍ ଅଡ଼କ୍ ଦାଡ଼ିୟା ।

୧୩

ମନ୍ରୁହାଡ଼ ଲାଗାତିକ୍ୟାଃ

☆ ୧୨:୫୦ ୧୨:୫୦ ମାର୍କ ୧୦:୩୮.

୧ ଏନ୍ ଦିପିଲିରେ ଚିମ୍ବୁନାଙ୍ଗ ହଡ଼କ ହିଜୁଆକାନ୍ ତାଇକେନାକ, ଇନ୍କୁ ଏନ୍ ଗାଲିଲ୍ରେନ୍କଆଃ କାଜି ଯୀଶୁକେ କାଜିକିୟାକ, ପିଲାତୁସ୍*ଦ ଚିଲ୍କା ପାର୍ମେଶ୍ଵାର୍ତାଃରେ ବିଶ୍ଵାସ୍ ତାନ୍କଆଃ ମାୟୋମ୍ ଦାଣ୍ଟୋରାକାଦ୍ ଜାଁତୁକଆଃ ମାୟୋମ୍ଲଃ ମେସାକେଦାଏ । ୨ ଆତଃ ଯୀଶୁ ଇନ୍କୁକେ କାଜିକେଦକଆଏ, “ଚିୟାଃ ନେ ଗାଲିଲ୍ରେନ୍କ ସବେନ୍ ଗାଲିଲ୍ରେନ୍ କଆଃଏତେ ଆଦକା ପାପିକ ତାଇକେନ୍ ନାଗେନ୍ତେ ନେ ଦୁକୁକ ସାହାତିଙ୍ଗକେଦାଃ, ନେଆଁପେ ଆଟ୍‌କାରେ ତାନାତି ? ୩ ବାନଃଗି ମେତାପେତାନାଇଙ୍ଗ, ମେନ୍ଦ ଆପେ ପାପ୍‌ହେତେ କାପେ ମନ୍‌ରୁହାଡ଼† ରେଦ ଆପେ ସବେନ୍କ ନେ ଲେକାଗି ଜିୟନଃଆପେ । ୪ ଆତଃ ଶିଲୋହରେ ଦାର୍‌ଖାନ୍ ଅଡ଼ାଃ ଏନ୍ ଆଠ୍‌ରା ଝାନ୍ ହଡ଼କରେ ଉୟୁଃୟାନା ଆତଃ ଇନ୍କୁକେ ଗଏଃକେଦକଆଏ, ଇନ୍କୁଆଃ ବିଷାଏରେ ଚିନାଃପେ ଉଡ଼ୁତାନା ? ଚିୟାଃ ଇନ୍କୁ ସବେନ୍ ଯୀରୁଶାଲେମ୍ରେନ୍କଏତେ ଆଦକା ପାପିକ ତାଇକେନା ମେନ୍ତେପିପେ ଆଟ୍‌କାରେ ତାନା ? ୫ ବାନଃଗି ମେତାପେ ତାନାଇଙ୍ଗ, ମେନ୍ଦ ଆପେ ପାପ୍‌ହେତେ କାପେ ମନ୍‌ରୁହାଡ଼ରେଦ ଆପେ ସବେନ୍କ ନେ ଲେକାଗି ଜିୟନଃଆପେ ।”

କା ଜଅଃତାନ୍ ଲଆ ଦାରୁରାଃ ଜନ୍କା କାଜି

୬ ଏନ୍ତେ ଯୀଶୁ ନେ ଜନ୍କା କାଜି କାଜିକେଦାଏ, “ଜେତାଏ ମିଆଁଦ୍‌ହଡ଼ ଆୟାଃ ଦାଖ୍‌ବାକ୍‌ଡ଼ିରେ ମିଆଁଦ୍ ଲଆଦାରୁ ରୟାକାଦ୍ ତାଇକେନାଏ, ଆତଃ ଇନିଃ ଏନାରେ ଜ ନାମେନାଗେନ୍ତେ ହିଜୁଃୟାନାଏ, ମେନ୍ଦ ମିଆଁଦ୍ ହ ଜ କାଏ ନାମକେଦାଃ । ୭ ଏନାମେନ୍ତେ ଇନିଃ ମାଲିହଡ଼କେ କାଜିକିୟାଏ, ‘ନେଲେମେ ଆପି ସିର୍ମାଏତେ ନେ ଲଆଦାରୁରେ ଜ ନାମେନାଗେନ୍ତେ ହିଜୁଃତାନାଇଙ୍ଗ ମେନ୍ଦ କାଇଙ୍ଗ ନାମେତାନା, ଏନା ମାଏଃମେ, ଚିକାନାଙ୍ଗ୍ ଅତେ ଏସେରେତାନାଏ ?’ ୮ ମେନ୍ଦ ମାଲିହଡ଼ କାଜିକେଦାଏ, ‘ହେ ଗମ୍‌କେ, ଏନାକେ ନେ ସିର୍ମାହଗି ତାଇରିକାଏମେଁ, ଆଇଙ୍ଗ୍ ଏନାକେ ଉର୍‌ବିହୁର୍‌କେଦ୍‌ତେ ସାରାହାସା ପେରେଜେୟାଇଙ୍ଗ୍ । ୯ ଇଦୁ ହିଜୁଃସିର୍ମା ନେଆଁରେ ଜ ନାମ୍ ସାକାଅଆଃ, କା’ରେଦ ତାୟମ୍‌ତେ ଏନାକେ ମାଆଃଇଚିମେ ।”

ୟୀଶୁ ରୁଡ଼ନ୍ ହୁଲାଙ୍ଗ୍‌ରେ ମିଆଁଦ୍ କୁଡ଼ିକ୍‌କେ ବୁଗିନ୍‌କିୟାଏ

୧୦ ଯୀଶୁ ରୁଡ଼ନ୍ ହୁଲାଙ୍ଗ୍‌ରେ ମିଆଁଦ୍ ଯିହୁଦୀକଆଃ ସାମାଜ୍ ଅଡ଼ାଃରେ ଇତୁକତାନ୍ ତାଇକେନାଏ । ୧୧ ଆତଃ ନେଲେପେ ଏନ୍ତାଃରେ ଆଠ୍‌ରା ବାରାଷ୍‌ଏତେ ମିଆଁଦ୍ କୁଡ଼ିକେ ଏଡ଼କାନ୍ ଆମ୍ବା ଏସେରାକାଇତେ ନାରାଦୁରାଇତାନ୍ ତାଇକେନାଏ, ଇନିଃ ଉଙ୍ଗ୍‌ଦ୍‌କେଦ୍‌ତେ ତାଇକେନାଏ, ଜେତାଲେକାତେ ସିଧାତିଙ୍ଗୁଃ କାଏ ଦାଡ଼ିତାନ୍ ତାଇକେନା । ୧୨ ଯୀଶୁ ଇନିଃକେ ନେଲ୍‌କିୟାଏ ଆତଃ ନାଡ଼େଃତେ ହାକାଅତାନ୍‌ଲଃ କାଜିକିୟାଏ, “ଏ କୁଡ଼ି, ଆମାଃ ନାରାଦୁରା ଦୁକୁଏତେ ବୁଗିକାନାମ୍ ।” ୧୩ ଆତଃ ଯୀଶୁ ଇନିଃରେ ତିଃଇ ଦହକେଦାଏ ଆତଃ ଇନିଃ ଇମ୍‌ତାଙ୍ଗ୍‌ଗି ବୁଗିନ୍‌ୟାନାଏ, ଆତଃ ପାର୍ମେଶ୍ଵାର୍‌କେ ମାରାଙ୍ଗ୍‌କିୟାଏ ।

୧୪ ଯୀଶୁ ରୁଡ଼ନ୍ ହୁଲାଙ୍ଗ୍‌ରେ ବୁଗିକିୟାଏ ନେଆଁତେ ସାମାଜ୍‌ଅଡ଼ାଃରେନ୍ ଆଗୁଆଇ ଖ୍ଵୟାୟାଏ, ଆତଃ ହଡ଼କକେ କାଜିକେଦକଆଏ, “ଛ’ମାହାଁ ମେନାଃ ଏନାରେ କାମି ଲାଗାତିଙ୍ଗ୍‌ୟାଃ, ଏନ୍ ହୁଲାଙ୍ଗ୍‌କରେ ବୁଗିନିଃ ନାଗେନ୍ତେ ହିଜୁଃପେ, ରୁଡ଼ନ୍ ହୁଲାଙ୍ଗ୍‌ରେଦ କାହା ।”

୧୫ ମେନ୍ଦ ପ୍ରାତୁ ଯୀଶୁ ଇନିଃକେ କାଜିରୁହାଡ଼କିୟା, “ଆପେ ସବେନ୍ ବେଦାହଡ଼କ, ଚିୟାଃ ଆପେ ସବେନ୍କ ରୁଡ଼ନ୍ ହୁଲାଙ୍ଗ୍‌ରେ ଆପେୟାଃ ଉରିଃକ୍ ଚି ଗାଧାକକେ ଗଣାଏତେ ରାଡ଼ାକେଦ୍‌ତେ ଦାଆଃ ନୁଁ ତେ କାପେ ଇଦିକତାନା ? ୧୬ ଆତଃ ନେ କୁଡ଼ିହନ୍ଦ ଆବ୍ରାହାମ୍‌ଆଃ କୁଡ଼ିହନ୍ଦ ତାନିଃ, ନେଲିପେ ଇନିଃ ସାଏତାନ୍‌ରାଃ ତନଲ୍‌ରେ ଆଠ୍‌ରା ବାରାଷ୍ ତଲାକାକତାଇନାଏ, ଚିୟାଃ ଇନିଃକେ ରୁଡ଼ନ୍ ହୁଲାଙ୍ଗ୍‌ରେ ଏନାଏତେ ରାଡ଼ାଇତେୟାଃ କା ଲାଗାତିଙ୍ଗ୍ ତାଇକେନା ?” ୧୭ ଯୀଶୁ ନେଆଁ କାଜିକେଦ୍ ଇମ୍‌ତା, ଇନିୟାଃ ସବେନ୍ ମୁଦାଇକ ଗିହୁଃୟାନାକ ମେନ୍ଦ ହଡ଼କ ଯୀଶୁଆଃ ଆକ୍‌ଦାୟାଅକାମି ନେଲ୍‌କେଦ୍‌ତେ ରାସ୍‌କାୟାନାକ ।

ମାନିଜାଙ୍ଗ୍‌ରାଃ ଜନ୍କା କାଜି

(ମାଥ୍‌ଉ ୧୩:୩୧-୩୨; ମାର୍କ ୪:୩୦-୩୨)

୧୮ ଏନ୍ତେ ଯୀଶୁ କୁଲିକେଦାଏ, “ପାର୍ମେଶ୍ଵାର୍‌ଆଃ ରାଇଜ୍ ଚିନାଃ ଲେକା ? ଆଇଙ୍ଗ୍ ଏନାକେ ଚିନାଃତେଗିଇଙ୍ଗ୍ ଜକାଏୟା ? ୧୯ ଏନା ମିଆଁଦ୍ ମାନିଜାଙ୍ଗ୍‌ଲେକା, ଏନା ମିଆଁଦ୍ ହଡ଼ ଇଦିକେଦ୍‌ତେ ଆୟାଃ ବାଖ୍‌ଡ଼ିରେ ହେର୍‌କେଦାଏ, ଏନା ହାରାୟାନା ଆତଃ ମାରାଙ୍ଗ୍ ଦାରୁୟାନା, ସିର୍ମାରେନ୍ ଚେଣ୍ଟେକ୍ ଏନାରାଃ କଡକରେକ ଅକାକେଦା ।”

ରାନୁରାଃ ଜନ୍କା କାଜି

(ମାଥ୍‌ଉ ୧୩:୩୩)

୨୦ ଆତଃଗି ଯୀଶୁ ମେତାଦକଆଏ, “ଆଇଙ୍ଗ୍ ପାର୍ମେଶ୍ଵାର୍‌ଆଃ ରାଇଜ୍ ଚିନାଃତେଗିଇଙ୍ଗ୍ ଜକାଏୟା ? ୨୧ ଏନା ରାନୁ ଲେକାଃ, ଏନା ଜେତା କୁଡ଼ି ଏନା ଆଉକେଦ୍‌ତେ ତିନ୍ କେଜି ମାଇଦାରେ ଏନା ଆଉରି ରାନୁଚାବାଅଃ ଜାକେଦ୍ ସିପୁଦ୍‌କେଦାଏ ।”

* ୧୩:୧ ୧୩:୧ ପିଲାତୁସ୍_1ଷ୍ ୨୬-୩୬ ସାନ୍ତେ ଯୀହୁଦାରେନ୍ ରୋମି ଶାସାକ † ୧୩:୩ ୧୩:୩ ମନ୍‌ରୁହାଡ଼୍‌ହେୟାଡ଼ିଙ୍ଗ୍

ରେସେଦ୍ ଦୁଆରତେ ବଲଃନାଗେନ୍ତେ ଇନିତୁ
(ମାଥୂଉ ୭:୧୩-୧୪, ୨୧-୨୩)

୨୨ ଯିଶୁ ଇତୁକତାନଲଃ ସାହାର୍ ସାହାର୍ ଆତଃ ହାତୁ ହାତୁ ପାରମ୍ପୟାନ୍ତେ ଯିରୁଶାଲେମ୍ପାଃ ସେନଃତାନାଏ ତାଇକେନା । ୨୩ ଜେତାଏମିହୁଡ୍ କୁଲିକିୟାଏ, “ହେ ପ୍ରାଭୁ ଚିୟାଃ ବାସ୍ତାଅଃ ହଡକ କାଟିଃଲେକାଃକ ?” ଯିଶୁ କାଜିୟାଦକଆଏ, ୨୪ “ରେସେଦ୍ ଦୁଆରତେ ବଲଃନାଗେନ୍ତେ ଚିହୁଲାନପେ,‡ ଚିୟାଃଟି ଆଇଙ୍ଗ୍ କାଜିୟାପେତାନା, ଏନାରେ ବଲନାଙ୍ଗ୍ ପୁରାଃ ହଡକ ସାନାଙ୍ଗ୍ଆଃ ମେନ୍ଦ କାକ ଦାଡିୟାଃ । ୨୫ ଆତଃ ଗୁସିୟାଁ ବିରିଦିୟାନ୍ତେ ଦୁଆର ହାଣ୍ଡେଦତାରେ, ତାୟମ୍ପତେ ଆପେ ରାଚାରେପେ ତିଙ୍ଗୁନାଃ ଆତଃ ଦୁଆରରେପେ ଠକ୍ଠକାଏୟା ଆତଃ ‘ହେ ପ୍ରାଭୁ ନିଜାଲେମ୍’ ମେନେୟା, ମେନ୍ଦ ଇନିଃ ମେତାପେୟାଏ, ‘ଆପେ କତାଃରେନ୍ଦକ ତାନ୍ପେ ଆଇଙ୍ଗ୍ ଆପେକେ କାଇଙ୍ଗ୍ ସାରିୟାଃ ।’ ୨୬ ଏନ୍ତେ ଆପେ ମେନେୟା, ଆଲେ ଆମାଃଲଃ ଜମ୍ ଆତଃ ନୁଁ ତାଇନାଲେ ଆତଃ ଆମ୍ ଆଲେୟାଃ ହରାକରେ ଇତୁକେଦ୍ଲେୟାମ୍ । ୨୭ ମେନ୍ଦ ଇନିଃ ମେନେୟାଏ, ‘ଆପେ ଅକଏ ଆତଃ କତାଃରେନ୍ଦକ ତାନ୍ପେ ଏନା କାଇଙ୍ଗ୍ ସାରିୟାଃ, ଏ ଏଡକାନ କାମିକେନ୍ଦକ, ଆପେ ସବେନ୍ ଆଇଙ୍ଗ୍ତାଃଏତେ ଆତମଃପେ । ୨୮ *ଆପେ ଚିମ୍ତା ଆଗ୍ରାହାମ୍, ଇସାକ୍, ଯାକୁବ୍ ଆତଃ ସବେନ୍ ନାବୀକକେ ପାର୍ମେଶ୍ୱାର୍ଆଃ ରାଇଜ୍ରେ ଦୁବାକାନ୍ ଆତଃ ଆପେକେ ବାହାରିରେ ଅତଙ୍ଗ୍ଆକାନ୍ ତେୟାଃପେ ନେଲେୟା । ଇମ୍ତା ଏନ୍ତାଃରେ ରାନାଆଃ ଆତଃ ତାଟା ହାବ୍ ରିଡିଦଃଆ, ୨୯ ହଡକ ପୁରାବ୍ ଆତଃ ପାଶ୍ଟିମ୍, ଉତ୍ତାର୍ ଆତଃ ଦାକ୍ଷିଣ୍ଡ୍ୟାଃଏତେ ହିଜୁଃକେଦ୍ତେ ପାର୍ମେଶ୍ୱାର୍ଆଃ ରାଇଜ୍ରେ ଜଜମ୍ ନାଙ୍ଗ୍ ଦୁବାଃ । ୩୦ *ଆତଃ ନେଲେପେ, ସାର୍ଡିଗି, ତାୟମ୍ପରେନ୍ଦକ ଆୟାରଃଆ ଆତଃ ଆୟାର୍ରେନ୍ଦକ ତାୟମଃଆ ।’ ”

ଯିରୁଶାଲେମ୍ ନାଗେନ୍ତେ ଯିଶୁଆଃ ଦୁଲାଡ୍
(ମାଥୂଉ ୨୩:୩୭-୩୯)

୩୧ ଏନ୍ ଦିପିଲିରେଗି ଚିମିନ୍ ଫାରୁଶୀକ ହିଜୁଃୟାନ୍ତେ ଯିଶୁକେ କାଜିକିୟାଃକ, “ନେତାଃଏତେ ଅତଙ୍ଗ୍କେଦ୍ତେ ସେନଃମେ, ହେରୋଦ୍ ଆମ୍କେ ଗଗଏଃ ସାନାଙ୍ଗ୍ତାନାଏ ।”

୩୨ ଯିଶୁ କାଜିୟାଦକଆଏ, “ଜୁ ନେଆଁ ଏନ୍ ତୁୟୁକେ କାଜିୟାଇପେ, ‘ଆଇଙ୍ଗ୍ ତିସିଙ୍ଗ୍ ଆତଃ ଗାପା ବଙ୍ଗାକଇଙ୍ଗ୍ ଅତଙ୍ଗ୍କଆ ଆତଃ ଦୁକୁଆକାନକଇଙ୍ଗ୍ ବୁଗିକଆ ଆତଃ ଆପି ମାହାଁରେଇଙ୍ଗ୍ ସେକାଡ଼ଃଆର୍ ।’ ୩୩ ଏନ୍ରେୟା ତିସିଙ୍ଗ୍ ଆତଃ ଗାପା ଆତଃ ମେୟାଙ୍ଗ୍ ଆଇଙ୍ଗ୍କେ ହନର୍ ଲାଗାଡିଙ୍ଗ୍ୟାଃ, ସାର୍ଡିଗି ଜେତାଏ ନାବୀ ଯିରୁଶାଲେମ୍ ଏତେ ଏଟାଃ ଜାଗାରେ ଗଜଃ କା ଲାଗାଡିଙ୍ଗ୍ୟାଃ ।

୩୪ “ହେ ଯିରୁଶାଲେମ୍, ହେ ଯିରୁଶାଲେମ୍ ଆମ୍ ନାବୀକକେମ୍ ଗଏଃକେଦକଆ ଆତଃ ଆମ୍ତାଃତେ କୁଲୀକାନକକେ ଚିଦ୍ଗିଗଏଃ କେଦକଆମ୍, ଏଙ୍ଗାସିମ୍ ଆୟାଃ ହନକକେ ଆପ୍ରେବ୍ ଲାତାର୍ରେ ଆବ୍ରୁମ୍ ତପାକତାନଲେକା ଚିମିନ୍ସା ଆଇଙ୍ଗ୍ ଆମାଃ ହନକକେ ହୁଣ୍ଡିସାନାଙ୍ଗ୍କେଦାଇଙ୍ଗ୍, ମେନ୍ଦ ଆପେ କାପେ ସାନାଙ୍ଗ୍କେଦାଃ । ୩୫ ନେଲେପେ, ଆପେୟାଃ ମାନ୍ଦିର୍ ଆପେତାଃରେ ହାଦୁଡନାଙ୍ଗ୍ ବାଗିୟଃତାନା । ଚିୟାଃଟି ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ‘ପ୍ରାଭୁଆଃ ନୁତୁମ୍ତେ ହିଜୁଃତାନିଃକେ ପାର୍ମେଶ୍ୱାର୍ ଆଶିଷ୍ ଏମାକକାଏ ମେନ୍ତେ ଆପେ ଆଉରି କାଜି ଜାକେଦ୍ ନାହାଁଃଏତେ ଆତଃ ଆଇଙ୍ଗ୍କେ କାପେ ନେଲିୟାଃ ।’ ”

୧୪

ୟିଶୁ ମିଆଁଦ୍ କାଟା ତିଃଇ ମିଃତାନ୍ ହଡକେ ବୁଗି ତାନାଏ

୧ ମୁସିଙ୍ଗ୍ ରୁଡନ୍ ହୁଲୀଙ୍ଗ୍ରେ ଯିଶୁ ଫାରୁଶୀକଆଃ ମିଆଁଦ୍ ଆଗୁଆଇରାଃ ଅଡ଼ାଃରେ ହଲଙ୍ଗ୍ ଜଜମ୍ନାଙ୍ଗ୍ ସେନଃୟାନାଏ ଆତଃ ଇନିଃକେ ଲଡକତାନକ ତାଇକେନା । ୨ ନେଲେପେ, ମିଆଁଦ୍ କାଟା ତିଃଇ ମିଃତାନ୍ ହଡ ଇନିୟାଃ ଆୟାର୍ତେ ହିଜୁଃୟାନାଏ । ୩ ଯିଶୁ “ରୁଡନ୍ ହୁଲୀଙ୍ଗ୍ରେ ବୁଗି ଲାଗାଡିଙ୍ଗ୍ୟାଃ ଚି କା” ମେନ୍ତେ ଆଇନ୍ ଇତୁକ ଆତଃ ଫାରୁଶୀକକେ କୁଲିକେଦକଆଏ । ମେନ୍ଦ ଇନ୍କୁ ହାପାୟାନାକ ।

୪ ଆତଃ ଯିଶୁ ଏନ୍ ହଡକେ ସାବତାନଲଃ ବୁଗିକିୟାଏ ଆତଃ କୁଲିକିୟାଏ । ୫ *ଏନ୍ତେ ଯିଶୁ ଇନ୍କୁକେ କାଜିରୁହାଡାଦକଆ, “ଆପେକଏତେ ଜେତାଏରାଃ ହନକଡା* ତାଏ ଉରିଃକ୍ କୁଆଁରେ ଉୟୁଃକରେ ଚିୟାଃ ଇନିଃ ଇମ୍ତାଙ୍ଗି ରୁଡନ୍ ହୁଲୀଙ୍ଗ୍ରେ କାଏ ଅତଙ୍ଗ୍ଇୟା ?”

୬ ଆତଃ ଇନ୍କୁ ନେ ସବେନ୍ କାଜିନାଙ୍ଗ୍ ଇନିଃକେ କାକ କାଜିରୁହାଡ୍ ଦାଡିୟାନା ।

କୁପୁଲକ ଆତଃ କୁପୁଲିନିୟାଃ ଜନ୍କା କାଜି

୭ ଯିଶୁ କେଡାକାନ୍ ହଡକକେ ଚେତାନ୍ଠାୟାଦ୍ ସାଲାତାନ୍ ନେଲ୍କେଦ୍ତେ, ନେ ଜନ୍କା କାଜି ଇନ୍କୁକେ କାଜିକେଦକଆ, ୮ “ଜେତାଏ ହଡ ଆଣ୍ଡି ଜମେୟାଃରେ କେଡାମେରେଦ ଚେତାନ୍ ଠାୟାଦ୍ରେ ଆଲ୍ମେ ଦୁବାଃ,

‡ ୧୩:୨୪ ୧୩:୨୪ ଚିହୁଲାନପେ ଚେଷ୍ଟାଏପେ ✨ ୧୩:୨୮ ୧୩:୨୮ ମାଥୂଉ ୮:୧୧,୧୨. ✨ ୧୩:୩୦ ୧୩:୩୦ ମାଥୂଉ ୧୯:୩୦; ୨୦:୧୭; ମାର୍କ ୧୦:୩୧.
§ ୧୩:୩୨ ୧୩:୩୨ ସେକାଡ଼ଃଆ ଆଇଁୟାଃ କାମି ଚାବାଅଃଆ ✨ ୧୪:୫ ୧୪:୫ ମାଥୂଉ ୧୨:୧୧. * ୧୪:୫ ୧୪:୫ ହନକଡାଚିମିନ୍ ଅନଲ୍କରେ ଗାଧା ଅଲ୍ଲକାନା

ଇଦୁ ଇନିଃ ଆମାଃଏତେ ଆଦକା ମାଇନାନ୍ ହଡକେ କେଡାକାଇୟାଏ । ୯ ଆମ୍ ଆଡ଼ଃ ଇନିଃକେ କେଡାକେଦ୍‌ମେନିଃ ହିଜୁଃଲେନ୍‌ଡେ, ‘ମାର୍ ନେ ଠାୟାଦ୍‌ରେ ନେ ହଡକେ ଦୁବ୍‌ଇତିମେ’ ମେଡାମେୟାଏ, ଏନ୍ତେ ଆମ୍ ଗିହୁଃୟାନ୍ତେ ସବେନ୍‌ଏତେ ଲାଡାର୍ ଠାୟାଦ୍‌ରେମ୍ ଦୁବାଃ । ୧୦ ମେନ୍‌ଦ୍ ଆମ୍ କେଡାଅଃରେ କେଡାକାଦ୍‌ମେନିଃ ହିଜୁଃକେଦ୍‌ଡେ, ‘ଏ ଗାତି ଚେଡାନ୍‌ରେ ଦୁବ୍‌ମେ’ ମେଡାମେୟାଏ ମେନ୍ତେ ସବେନାଃଏତେ ଲାଡାର୍ ଠାୟାଦ୍‌ରେ ସେନ୍‌କେଦ୍‌ଡେ ଦୁବ୍‌ମେ, ଏନ୍ତେ ଆମାଃଲଃ ଜଜମ୍ ଦୁବାକାନ୍‌କଆଃ ଆୟାଦ୍‌ରେମ୍ ମାଇନଃଆ । ୧୧ *ଜେତାଏ ମାରାଜ୍‌ୟେନ୍‌ନିଃଦ ହୁଡିଜ୍‌ୟିଃଆଏ ଆଡ଼ଃ ଜେତାଏ ହୁଡିଜ୍‌ୟିଃନିଃଦ ମାରାଜ୍‌ଆଃଏ ।”

୧୨ ଏନ୍ତେ ଯୀଶୁ କେଡାକେନ୍‌ନିଃକେ କାଜିକିୟାଏ, “ଆମ୍ ସିଜିରେୟା ଚାଏ ଆୟୁବ୍‌ରେୟାଃ ଜମେୟାଃ ବାଇରେଦ୍, ଆମାଃ ଗାଡିକକେ ଚି ହାଗାକକେ ଚି କୁପୁଲ୍‌କକେ ଚି ହପର୍‌ଜାପାଃରେନ୍ କିସାଣ୍‌କକେ ଆଲମ୍ କେଡାକଆ, କା'ରେଦ୍ ଇନ୍‌କୁ କେଡାରୁହାଡ୍‌ମେୟାକ ଆଡ଼ଃ ନେଆଗି ଆମାଃ ଜ ନାମଃଆ । ୧୩ ମେନ୍‌ଦ୍ ଆମ୍ ମାରାଜ୍ ଜମେୟାଃମ୍ ବାଇରେଦ୍, ରେଜେଃକକେ, ଟୁଣ୍ଡାକକେ, କେପାକକେ ଆଡ଼ଃ କାଣ୍‌କାନ୍‌କକେ କେଡାକମେ, ୧୪ ଆଡ଼ଃ ଆମ୍ ଧାଇନଃଆମ୍, ଇନ୍‌କୁଦ କାକ ଏମ୍‌ରୁହାଡ୍ ଦାଡିୟାମେୟା ମେନ୍‌ଦ୍ ଧାର୍‌ମାନ୍‌କଆଃ ଜୀଉବିନିରିଦ୍‌ରେ ଜ ନାମେୟାମ୍ ।”

ମାରାଜ୍ ଜମେୟାଃରେୟାଃ ଜନ୍‌କା କାଜି
(ମାଥୁଉ ୨୨:୧-୧୦)

୧୫ ଯୀଶୁଲଃ ଦୁବାକାନ୍‌କଏତେ ମିଆଁଦ୍ ହଡ ନେ କାଜି ଆୟୁମ୍‌କେଦା, ଇନିଃ ଯୀଶୁକେ କାଜିକିୟାଏ, “ପାର୍‌ମେଶ୍‌ୱାର୍‌ଆଃ ରାଇଜ୍‌ରେ ଜମେନିଃ ସୁକୁଡାନ୍‌ଗିୟାଏ ।”

୧୬ ଯୀଶୁ ଇନିଃକେ କାଜିକିୟାଏ, “ମିଆଁଦ୍ ହଡ ମାରାଜ୍ ଜମେୟାଃ ବାଇକେଦାଏ ଆଡ଼ଃ ପୁରାଃଗି ହଡକକେ କେଡାକେଦ୍‌କଆଏ । ୧୭ ଜଜମ୍ ନେଡାରେ ଇନିଃ, ମାର୍ ହିଜୁଃପେ, ସବେନାଃ ସେକାଡାକାନା ମେଡାକୁମ୍ ମେନ୍ତେ ଆୟାଃ ଦାସିକେ କେଡାକାନ୍‌କତାଃ କୁଲ୍‌କିୟାଏ । ୧୮ ମେନ୍‌ଦ୍ କେଡାକାନ୍‌କ ମିଆଁଦ୍ ମନ୍‌ୟାନ୍ତେ ଛାମା ଆସିକ ଏଟେଦ୍‌କେଦା । ସିଦାନିଃ, ‘ଅଡେଇଜ୍ କିରିଜ୍‌ଆଃକାଦା ଆଡ଼ଃ ସେନ୍‌କେଦ୍‌ଡେ ଏନାକେ ନେନେଲ୍ ଲାଗାଡିଜ୍‌ୟିଃ, ଆଇଜ୍ ନାଜ୍ ଛାମା ଆସିମେ’ ମେନ୍ତେ ବିକ୍ତିମେଡାନାଇଜ୍ ମେନ୍‌କିୟାଏ । ୧୯ ଆଡ଼ଃ ଏଗାଃନିଃ, ପାଞ୍ଚ୍ ଆଡ଼ନା ଉରିଃକକଇଜ୍ କିରିଜ୍‌କାଦ୍‌କଆ ଆଡ଼ଃ ଇନ୍‌କୁକେ ଆର୍‌କାର୍‌ଉରୁମ୍ ନାଗେନ୍ତେ ସେନଃଡାନାଇଜ୍ ଆଇଜ୍‌ନାଜ୍ ଛାମା ଆସିମେ ମେନ୍ତେ ବିକ୍ତିମେ’ ଡାନାଇଜ୍ ମେନ୍‌କିୟାଏ । ୨୦ ଏଗାଃନିଃ, ‘ଆଇଜ୍ ଆଣ୍‌ଦିୟାକାନାଇଜ୍, ଏନାନାଗେନ୍ତେ କାଇଜ୍ ସେନ୍‌ଦାଡିୟାଃ’ ମେନ୍‌କିୟାଏ ।

୨୧ “ଏନ୍ ଦାସି ହିଜୁଃକେଦ୍‌ଡେ ଗମ୍‌କେ ଡାୟାଃକେ ନେ ସବେନ୍ ଉଦୁବ୍‌କିୟାଏ । ଏନ୍ତେ ଅଡ଼ଃ ଗମ୍‌କେ ଖ୍‌ସ୍‌କେଦ୍‌ଡେ ‘ହାଡୁରେୟାଃ ଚାକାର୍ ଆଡ଼ଃ ରେସେଦ୍ ହରାକଡେ ସେନଃମେ ଆଡ଼ଃ ରେଜେଃଡାନକକେ ଆଡ଼ଃ ଟୁଣ୍ଡାକାନ୍‌କକେ ଆଡ଼ଃ କେପାକକେ ଆଡ଼ଃ କାଣ୍‌କାନ୍‌କକେ ନେଡାଃ ଆଉକୁମ୍’ ମେନ୍ତେ ଏନ୍ ଦାସିକେ କାଜିକିୟାଏ । ୨୨ ଆଡ଼ଃ ଏନ୍ ଦାସି କାଜିକିୟାଏ, ‘ହେ ଗମ୍‌କେ, ଆମ୍ ଆରୁଆକାଦ୍‌ଲେକା ବାଇୟାନା ମେନ୍‌ଦ୍ ନାହାଁଃହଁ ଠାୟାଦ୍ ମେନାଃ ।’ ୨୩ ଏନ୍ତେ ଅଡ଼ଃ ଗୁସିୟା ଆୟାଃ ଦାସିକେ କାଜିକିୟାଏ, ‘ଜୁ ସେନଃମେ, ଆଡ଼ଃ ନାଗାର୍‌ରେୟାଃ ହରା ଗେନାକଏତେ, କଚାକଏତେ ହଡକକେ କେଡା ଆଉକମେ, ଆଡ଼ଃ ଆଇୟାଃ ଅଡ଼ଃକେ ହଡଡେ ପେରେଜ୍‌କମେ । ୨୪ ଆଇଜ୍‌ଦଇଜ୍ କାଜିୟାପେଡାନା, ଏନ୍ କେଡାକାନ୍‌କଏତେ ଜେତାଏ ଆଇୟାଃ ଜମେୟାଃ କାକ ଚାଖାଅୟାଃ ।”

ୟୀଶୁଆଃ ଚେଲା ହବାଅଃରେୟାଃ ଗନଜ୍
(ମାଥୁଉ ୧୦:୩୭-୩୮)

୨୫ ମିସା ପୁରାଃ ଗାଦେଲ୍ ହଡକ ଯୀଶୁଲଃ ସେନଃଡାନ୍‌କ ଡାଇକେନା, ଆଡ଼ଃ ଇନିଃ ହେଡାରୁହାଡ୍‌କେଦ୍‌ଡେ କାଜିୟାଦ୍‌କଆଏ, ୨୬ *ଜେତାଏ ହଡ ଆଇଜ୍‌ତାଃଡେ ହିଜୁଃରେଦ୍ ଆୟାଃ ଆପୁ ଆଡ଼ଃ ଏଜା, କୁଡି ଆଡ଼ଃ ହନ୍‌କ, ହାଗାକ ଆଡ଼ଃ ମିଶିକ, ହେଗି ଆୟାଃ ଜୀଉକେହ ଆଇଜ୍‌ଏତେ ଆଦକା ଦୁଲାଡ୍‌ରେଦ୍ ଇନିଃ ଆଇୟାଃ ଚେଲା କାଏ ହବାଦାଡିୟାଃ । ୨୭ *ଆଡ଼ଃ ଜେତାଏ ଆୟାଃ କୁଣ୍ ଗଅଃକେଦ୍‌ଡେ ଆଇଜ୍‌କେ କାଏ ଅଡ଼ଃଇଜ୍‌ରେଦ୍, ଇନିଃ ଆଇୟାଃ ଚେଲା କାଏ ହବାଦାଡିୟାଃ ।

୨୮ “ଆପେକଏତେ ଗୁଣ୍ଡାଚ୍‌ ବାବାଇ ସାନାଇନିଃ ଚି ସିଦାରେ ଦୁବ୍‌କେଦ୍‌ଡେ ଏନାକେ ବାଇଟୁଣ୍ଡୁ ନାଗେନ୍ତେ ଇଦୁ ଆଇୟାଃତାଃରେ ଲାଗାଡିଜ୍ ପାଏସା ମେନାଃ ଚି କା ମେନ୍ତେ କାଏ ଲେକାୟା ? ୨୯ କା'ରେଦ୍ ଇନିଃ ନିହଁ ଗାଡାକେ ପାଗାଅକେଦ୍‌ଡେ ଟୁଣ୍ଡୁକାଏ ଦାଡିରେଦ୍ ସବେନ୍ ନେନେଲ୍ ହଡକ ଇନିଃକେ ଲାୟାୟାକ । ୩୦ ନେ ହଡ ବାବାଇ ଏଟେଦ୍‌କେଦାଏ ମେନ୍‌ଦ୍ ଟୁଣ୍ଡୁ କାଏ ଦାଡିକେନା ମେନ୍ତେକ ମେନେୟା ।

୩୧ “ଆଡ଼ଃ ଜେତା ରାଜା ଗେଲ୍ ହାଜାର୍ ପାଲ୍‌ଟାନ୍‌କକେ ସାବ୍‌କେଦ୍‌ଡେ ଅକଏୟାଃଚି କୋଡିଏ ହାଜାର୍ ପାଲ୍‌ଟାନ୍ ମେନାକଆଃ ଏନ୍ ରାଜାଲଃ ମାପାଃଡୁପୁଇଜ୍‌ ନାଗେନ୍ତେ ଅଡ଼ଃଅଃ ସିଦାରେ ଏନ୍ ରାଜାଏତେ ପୁରାଃ କେଚେଦ୍ ମେନାଇୟାଃଚି କାହା ମେନ୍ତେ ଇନିଃ ଚିନାଃ ଦୁବ୍‌କେଦ୍‌ଡେ କାଏଚି ଉଡ଼ଃଇୟା ? ୩୨ କାଏ ଦାଡିରେଦ୍, ଏଗାଃ

* ୧୪:୧୧ ୧୪:୧୧ ମାଥୁଉ ୨୩:୧୨; ଲୁକ ୧୮:୧୪. * ୧୪:୨୬ ୧୪:୨୬ ମାଥୁଉ ୧୦:୩୭. * ୧୪:୨୭ ୧୪:୨୭ ମାଥୁଉ ୧୦:୩୮; ୧୨:୨୪; ମାର୍ଚ୍ଚ ୮:୩୪; ଲୁକ ୯:୨୩. † ୧୪:୨୮ ୧୪:୨୮ ଗୁଣ୍ଡାଚ୍ ଗଡ୍ / ଗଡ୍. ‡ ୧୪:୩୧ ୧୪:୩୧ ମାପାଃଡୁପୁଇଜ୍ ଲାଡାକ

ରାଜା ସାଙ୍ଗିନ୍ରେ ତାଙ୍କନ୍ ଇମ୍ତାରି ଇନିଃ କାଜିଇଦିନିଃକେ କୁଲ୍‌କେଦ୍‌ତେ ସୁକୁଜୀଉରେ ତାଙ୍କନଃ ନାଙ୍ ବିକ୍ରିୟାଏ । ୩୩ ନେ ଲେକାତେ ଆପେକଏତେ ଜେତାଏ ଆକଆଃ ସବେନ୍ ମେନାଃତେୟାଃ କାକ ବାରିରେଦ ଆଇୟାଃ ଚେଲା କାକ ହବାଦାଡ଼ିୟାଆ ।”

ସାବାଃ ବୁଲୁଙ୍ଗ୍
(ମାଥୂଉ ୫:୧୩; ମାର୍କ ୯:୫୦)

୩୪ “ବୁଲୁଙ୍ଗ୍ ବୁଗିନାଃ, ମେନ୍‌ଦ ବୁଲୁଙ୍ଗ୍ ସାବାଗଃରେଦ ଏନା ଚିଲ୍‌କାତେ ଆତଃମିସା ସିବିଲ୍‌ରୁହାଡ଼ଃଆ । ୩୪ ଏନା ଅତେନାଙ୍ ଚାଏ ସାରାଗାତା ନାଗେନ୍ତେୟ କାମିରେ କା ହିଜୁଃଆ; ହଡ଼କ ଏନାକେ ଏଣ୍ଡାୟାକ । ଆୟୁମ୍ ନାଗେନ୍ତେ ଲୁତୁର୍ ମେନାଃନିଃ ଆୟୁମେକାଏ ।”

୧୫

ଆଦାକାନ୍ ମିଣ୍ଡି ଆତଃ ଆଦାକାନ୍ ସିକିରେୟାଃ ଜନ୍‌କା କାଜି
(ମାଥୂଉ ୧୮:୧୨-୧୪)

୧ *ମୁସିଙ୍ଗ୍ ହୁଲ୍‌ଲ୍‌କ୍ ସବେନ୍ ମାଲ୍‌ହାରମ୍‌କ ଆତଃ ପାପି ହଡ଼କ ଯୀଶୁଆଃ କାଜି ଆୟୁମ୍ ନାଗେନ୍ତେ ଇନିଃତାଃତେ ହିଜୁଃତାନ୍‌କ ତାଙ୍କେନା । ୨ ମେନ୍‌ଦ ଫାରୁଶୀକ ଆତଃ ଆଇନ୍ ଇଡୁକ କୁରୁମ୍‌ତୁରୁମ୍‌ୟାନ୍‌ଲଃ* ମେନ୍‌କେଦାଃକ, “ନିଃ ପାପିକକେ ସୁକୁଆକୁତାନ୍‌ଏ ଆତଃ ଆକଆଃଲଃ ଜମେତାନ୍‌ଏ ।” ୩ ଏନ୍ତେ ଯୀଶୁ ଇନ୍‌କୁକେ ନେ ଜନ୍‌କା କାଜି ଉଦୁବାଦ୍‌କଆଏ ।

୪ “ଆପେକଏତେ ଜେତାଏୟାଃ ମଣେଁହିସି† ମିଣ୍ଡିକ ତାଙ୍କନ୍‌ରେଦ ଆତଃ ଇନ୍‌କୁଏତେ ମିଆଁଦ୍ ଆଦଃରେଦ ଚିୟାଃ ଇନିଃ ଏନ୍ ଉପୁନ୍‌ହିସି ଗେଲ୍‌ଅରେୟା‡ ମିଣ୍ଡିକକେ ବିର୍‌ରେ କାଏ ବାରିକଆ ଆତଃ ଏନ୍ ଆଦାକାନ୍‌ନିଃକେ ଆଉରିନାମି ଜାକେଦ୍ କାଏତି ଦାଣ୍‌ବାଡ଼ାୟା ? ୫ ଆତଃ ଇନିଃକେ ନାମ୍‌ତାଈରେଦ ରାସ୍‌କାତାନ୍‌ଲଃ ଆୟାଃ ତାରାନ୍‌ରେୟାଏ ଗଅଃଆଉ଼଼ୟା, ୬ ଆତଃ ଅଡ଼ାଃତେ ହିଜୁଃକେଦ୍‌ତେ ଆୟାଃ ଗାଡ଼ିକକେ ଆତଃ ହପ୍‌ରଜାପାଃରେନ୍‌କକେ କେଡ଼ାହୁଣ୍ଡିକେଦ୍‌ତେ ‘ଆଇୟାଃଲଃ ରାସ୍‌କାନ୍‌ପେ, ଆଇୟାଃ ଆଦାକାନ୍ ମିଣ୍ଡିକେଇଙ୍ଗ୍ ନାମ୍‌ରୁହାଡ଼କିୟା’ ମେତାକଆଏ । ୭ ଆଇଙ୍ଗ୍ କାଜିୟାପେ ତାନାଇଙ୍ଗ୍, ନେ ଲେକାଗି ମନ୍‌ରୁହାଡ଼କା ଲାଗାଡ଼ିଙ୍ଗ୍ ଉପୁନ୍‌ହିସି ଗେଲ୍‌ଅରେୟା ଧାର୍‌ମାନ୍‌କଏତେ ଆଦ୍‌କା ମିଆଁଦ୍ ମନ୍‌ରୁହାଡ଼ତାନ୍ ପାପି ନାଗେନ୍ତେ ସିର୍‌ମାରେନ୍‌କ ରାସ୍‌କାଅଆଃକ ।

ଆଦାକାନ୍ ସିକା

୮ “ଚାଏ ଜେତାଏ କୁଡ଼ିରାଃ ଗେଲ୍‌ସି ସିକା* ମେନାଃରେଦ ଆତଃ ମିଆଁଦ୍ ଆଦଃରେଦ, ଚିୟାଃ ଇନିଃ କାଏ ଦିମିୟା ଆତଃ ଅଡ଼ାଃକେ କାଏ ଜଗେୟା ଆତଃ ଆଉରି ନାମେଜାକେଦ୍ ତିହୁଲ୍‌ତେ† କାଏତି ଦାଣ୍‌ବାଡ଼ାୟା ? ୯ ଆତଃ ଏନା ନାମ୍‌କେଦ୍‌ରେ ଆୟାଃ ଗାଡ଼ିକକେ ଆତଃ ହପ୍‌ରଜାପାଃରେନ୍‌କକେ କେଡ଼ାହୁଣ୍ଡିକେଦ୍‌ତେ, ଆଇୟାଃଲଃ ରାସ୍‌କାନ୍‌ପେ, ଆଇୟାଃ ଆଦାକାନ୍ ସିକାଇଙ୍ଗ୍ ନାମ୍‌ରୁହାଡ଼କାଦା ମେତାକଆଏ । ୧୦ ଆଇଙ୍ଗ୍ କାଜିୟାପେ ତାନାଇଙ୍ଗ୍, ନେ ଲେକାଗି ମିଆଁଦ୍ ମନ୍‌ରୁହାଡ଼ତାନ୍ ପାପି ନାଗେନ୍ତେ ପାର୍‌ମେଶ୍ୱାର୍‌ଆଃ ଦୁଁଡ଼କ ରାସ୍‌କାଅଆଃକ ।”

ଆଦ୍‌ଲେନ୍ ହନ୍‌ଆଃ ଜନ୍‌କା କାଜି

୧୧ ଏନ୍ତେ ଯୀଶୁ ଆତଃଗି କାଜିକେଦାଏ, “ଜେତାଏ ହଡ଼ଆଃ ବାର୍‌ହଡ଼ କଡ଼ାହନ୍‌କିନ୍ ତାଙ୍କେନା । ୧୨ ଇନ୍‌କିନ୍‌ଏତେ ଲିଟା‡ ହନ୍ କାଜିକିୟାଏ, ‘ହେ ଆବା, ମେନାଃତେୟାଃଏତେ ଆଇୟାଃ ହାଟିଙ୍ଗ୍ ଏମାଇଙ୍ଗ୍‌ମେ ।’ ଏନ୍ତେ ଏନ୍ ହଡ଼ ଆୟାଃ ମେନାଃତେୟାଃ ହାଟିଙ୍ଗ୍‌ଆଁଦ୍‌କିନାଏ । ୧୩ ଚିମିନ୍ ମାଃ ତାୟମ୍‌ତେ ଲିଟା ହନ୍ ଏନ୍ ସବେନାଃ ହୁଣ୍ଡିକେଦ୍‌ତେ ସାଙ୍ଗିନ୍ ଦିଶୁମ୍‌ତେ ସେନଃୟାନ୍‌ଏ ଆତଃ ଏନ୍ତାଃରେ ଏଡ଼କାନ୍ କାମିକରେ ତାଙ୍କେନା ଏନ୍ତେ ଆୟାଃ ସବେନାଃତେୟାଃ ଛିତିବିତିକେଦାଏ । ୧୪ ଇନିଃ ସବେନାଃ ଚାବାକେଦ୍‌ତି, ଏନ୍ ଦିଶୁମ୍‌ରେ ପୁରାଃ ରିଙ୍ଗାୟାନ୍‌ଆତଃ ଇନିଃ ରେଙ୍ଗେଃୟାନ୍‌ଏ । ୧୫ ଏନ୍ତେ ଇନିଃ ସେନଃୟାନ୍ତେ ଏନ୍ ଦିଶୁମ୍‌ରେନ୍ ମିଆଁଦ୍ ହଡ଼ତାଃରେ ଦାସିତାଙ୍କେନାଏ, ଏନ୍ ହଡ଼ ଆୟାଃ ପିଡ଼ିରେ ସୁକୁରି ଗୁପିତେ ଇନିଃକେ କୁଲ୍‌କିୟାଏ । ୧୬ ଆତଃ ଇନିଃ ସୁକୁରି ଜମ୍‌ତେୟାଃ ଆୟାଃ ଲାହିଦ୍ ବିଏ ସାନାଙ୍‌ତାନ୍ ତାଙ୍କେନାଏ ଆତଃ ଜେତାଏ ଇନିଃକେ କାକ ଏମାଇତାନ୍ ତାଙ୍କେନା । ୧୭ ଏନ୍ତେ ଇନିଃ ପାହାମ୍ ରୁହାଡ଼କେଦ୍‌ତେ କାଜିକେଦାଏ, ପୁରାଃଗି ସାରେଜ୍‌ଉତାରଃ ଲେକା ଜମେୟାଃ ଆପୁଇୟାଃ ଚିମିନ୍ ନାଲ୍‌କାତାଃରେ ମେନାଃ ଆତଃ ଆଇଙ୍ଗ୍ ନେତାଃରେ ରେଙ୍ଗେଃତେ ଗଜଃତାନାଇଙ୍ଗ୍ । ୧୮ ଆଇଙ୍ଗ୍ ବିରିଦ୍‌କେଦ୍‌ତେ ଆପୁଇଙ୍ଗ୍‌ତାଃ ସେନଃଆଇଙ୍ଗ୍ ଆତଃ କାଜିୟାଇଙ୍ଗ୍, ହେ ଆବା, ଆଇଙ୍ଗ୍ ସିର୍‌ମାରେନ୍ ପାର୍‌ମେଶ୍ୱାର୍‌ଆଃ ଆତଃ ଆମାଃ ଆୟାର୍‌ରେ ପାପ୍‌କାଦାଃଇଙ୍ଗ୍ । ୧୯ ଆଇଙ୍ଗ୍ ଆମାଃ ହନ୍ କାଜିୟାଃଲେକାନିଃ ନାହ୍‌ଲାଇଙ୍ଗ୍, ଆମ୍ ଆମାଃ ନାଲ୍‌ କାମିତାନ୍ ଦାସିକ ଲେକା ଦହିଙ୍ଗ୍‌ମେ । ୨୦ ଏନ୍ତେ ଇନିଃ ବିରିଦ୍‌ୟାନ୍ତେ ଆପୁତେତାଃ ସେନଃୟାନ୍‌ଏ । ମେନ୍‌ଦ ଇନିଃ ସାଙ୍ଗିନ୍‌ରେଗି ତାଙ୍କେନ୍ ଇମ୍‌ତା

☆ ୧୫:୧ ୧୫:୧ ଲୁକ ୫:୨୯, ୩୦. * ୧୫:୨ ୧୫:୨ କୁରୁମ୍‌ତୁରୁମ୍‌ୟାନ୍‌ଲଃଅଭିଯୋଗ୍ / କୁର୍‌ବୁରାଅ † ୧୫:୪ ୧୫:୪ ମିଦ୍‌ଗାଅ ‡ ୧୫:୪ ୧୫:୪ ଅନାଲ୍‌ସ୍
§ ୧୫:୮ ୧୫:୮ ଦାଗ୍ * ୧୫:୮ ୧୫:୮ ମିହୁଡ଼ ହଡ଼ରାଃ ମୁସିଙ୍ଗ୍‌ରାଃ ମାଜ୍‌ରି ଗନଙ୍ଗ୍ † ୧୫:୮ ୧୫:୮ ଚିହୁଲ୍‌ତେ ଯାତାନ୍‌ତେ ‡ ୧୫:୧୨ ୧୫:୧୨ ଲିଟା ହୁଡ଼ିଙ୍ଗ୍

ଆପୁତେ ଇନିଃକେ ନେଲ୍‌କିଃତେ ଲିବୁଆଇକିୟାଏ, ଆତଃ ନିର୍ ଦାରମ୍‌କିୟାଏ, ଆତଃ ହାଁବୁଦ୍‌କିଃତେ ଚଅଃକିୟାଏ । ୨୧ ହନ୍ ଇନିଃକେ କାଜିକିୟାଏ, ‘ହେ ଆବା, ଆଇଙ୍ଗ୍ ସିର୍ମାରେନ୍ ପାରୁମେଶ୍ୱାର୍‌ଆଃ ଆତଃ ଆମାଃ ଆୟାରରେଇଙ୍ଗ୍ ପାପ୍‌କାଦାଃ, ଆଇଙ୍ଗ୍ ଆୟାରତେ ଆମାଃ ହନ୍ କାଜିୟଃଲେକାନିଃ ନାହାଁଲିଙ୍ଗ୍ ।’ ୨୨ ମେନ୍‌ଦ ଆପୁ ଆୟାଃ ଦାସିକକେ କାଜିୟାଦ୍‌କଆଏ, ‘ବୋଦେଗି ! ସବେନାଃଏତେ ବୁଗିନ୍ ଲିଜାଃ ଅତଙ୍ଗ୍‌ୟେଁପେ ଆତଃ ଇନିଃକେ ତୁସିଙ୍ଗ୍‌ଇପେ ଆତଃ ଇନିୟାଃ ତିଃଇରାଃ ସାର୍‌ସାରରେ ମୁଦାମ୍ ଆତଃ କାଗାରେ ଜୁତା ଚାଏ ଖାର୍‌ପା ତୁସିଙ୍ଗ୍‌ଇପେ । ୨୩ ଆତଃ କିରିକାନ୍ ବାଛାଃ ଆଉକେଦ୍‌ତେ ଗଜିପେ, ଆବୁ ଜମ୍‌କେଦ୍‌ତେବୁ ରାସ୍‌କାଅଃଆ । ୨୪ ନେ ହନିଙ୍ଗ୍‌କଡ଼ାଦ ଗଜାକାନ୍ ତାଇକେନାଏ ଆତଃ ଜାହୁଦ୍‌ରୁହାଡ଼ାକାନାଏ, ଇନିଃ ଆଦାକାନ୍ ତାଇକେନାଏ ଆତଃ ନାମ୍‌ରୁହାଡ଼ାକାନାଏ, ଆତଃ ଇନ୍‌କୁ ରାସ୍‌କାଅଃ ଏଟେଦ୍‌କେଦାକି ।’

୨୫ “ଆତଃ ଇନିୟାଃ ମାରାଙ୍ଗ୍ ହନ୍ ପିଡ଼ିରେ ତାଇକେନାଏ, ହିଜୁଃତାନଲଃ ଅଡ଼ାଃତାଃ ସେଟେର୍‌ୟାନ୍‌ତେ ଦୁରାଙ୍ଗ୍‌ତାନ୍, ସୁସୁନ୍‌ତାନ୍‌କଆଃ ସାଡ଼ି ଆୟୁମ୍‌କେଦା । ୨୬ ଏନ୍ତେ ଇନିଃ ଦାସିକଏତେ ମିଆଁଦ୍‌ନିଃକେ ଆୟାଃତାଃତେ କେଡ଼ାକେଦ୍‌ତେ ‘ନେଆଁ ଚିନାଃ ହବାଅଃତାନାଃ’ ମେନ୍ତେ କୁଲିକିୟାଏ । ୨୭ ‘ହାଗାମ୍ ତାମାଃ ହିଜୁଆକାନାଏ’ ମେନ୍‌କିୟାଏ, ‘ଆତଃ ଇନିଃ ବୁଗିନ୍ ବୁଗିନାଏ ନାମ୍‌ରୁହାଡ଼ାକାନା ମେନ୍ତେ ଆପୁମ୍ ମିଆଁଦ୍ କିରିୟାକାନ୍ ବାଛା ଗଜାକାଇୟାଏ ।’

୨୮ “ମେନ୍‌ଦ ମାରାଙ୍ଗ୍ ହନ୍ତେକଡ଼ା ଖ୍ୱୟାନ୍‌ଆଏ ଆତଃ ଅଡ଼ାଃତେ କାଏ ବଲ ସାନାଙ୍ଗ୍‌କେଦା, ଏନାତେ ଆପୁତେ ଅତଙ୍ଗ୍‌କେଦ୍‌ତେ ଇନିଃକେ ବିକ୍ରିକିୟାଏ । ୨୯ ମେନ୍‌ଦ ଇନିଃ ଆପୁତେକେ କାଜିରୁହାଡ଼କିୟାଏ, ‘ନେଲେମେ, ନିମିନ୍ ବାରାଷ୍ ହବାୟାନା ଆଇଙ୍ଗ୍ ଆମାଃ ଦାସି ଲେକାଇଙ୍ଗ୍ କାମିତାନା ଆତଃ ଆମାଃ ଜେତାନ୍ ଆନ୍‌ରୁ ଚିଉଲାହଗି କାଇଙ୍ଗ୍ ଚଟାଃକେଦା ଆତଃ ଆମ୍ ଆଇଁୟାଃ ଗାତିକଲଃ ରାସ୍‌କାଃଆ ନାଗେନ୍ତେ ଚିଉଲାହ ମିଆଁଦ୍ ମେରମ୍ ହନ୍‌ହଁ କାମ୍ ଏମାକାଦିଇୟାଃ । ୩୦ ମେନ୍‌ଦ ଆମାଃ ନେ ହନ୍ ବେଶ୍ୱାକଲଃ ଆମାଃ ସବେନ୍ ମେନାଃତେୟାଃ ଜମ୍‌ଚାବାକେଦାଏ, ଆତଃ ନାହାଁଃ ଅଡ଼ାଃତେ ହିଜୁଃକାନ୍ ଇମ୍‌ତା ଆମ୍ ଇନିୟାଃ ନାଗେନ୍ତେ ମିଆଁଦ୍ କିରିକାନ୍ ବାଛା ଗଏଃକିୟାମ୍ ।’ ୩୧ ମେନ୍‌ଦ ଆପୁତେ କାଜିକିୟାଏ, ‘ହେ ହନ୍, ଆମ୍ ଜାନାଅ ଆଇଙ୍ଗ୍‌ଲଃ ତାଇନଃତାନାମ୍ ଆତଃ ଆଇଁୟାଃ ସବେନାଃ ଆମାଃଗି ତାନାଃ । ୩୨ ମେନ୍‌ଦ ରାସ୍‌କାଅଃ ଆତଃ ସୁକୁଅଃଲଗାତିଙ୍ଗ୍ ତାଇକେନା ଚିୟାଃଚି ନେ ହାଗାମ୍‌ଦ ଗଜାକାନାଏ ତାଇକେନା ଆତଃ ଜାହୁଦ୍‌ରୁହାଡ଼ାକାନାଏ; ଇନିଃ ଆଦାକାନାଏ ତାଇକେନା ଆତଃ ନାମ୍‌ରୁହାଡ଼ାକାନାଏ ।’”

୧୭

ଲଗତାନ୍ ଭାଣ୍ଡାରି

୧ ଯୀଶୁ ଆୟାଃ ଚେଲାକକେ କାଜିୟାଦ୍‌କଆଏ, “ମିଆଁଦ୍ କିସାଁଣ୍ ହଡ଼ଆଃ ଭାଣ୍ଡାରି ତାଇକେନାଏ, ଇନିଃ ମେନାଃତେୟାଃକ ଛିତିବିତି ତାନାଏ ମେନ୍ତେ କିସାଁଣାଃ ଆୟାରରେ ଭାଣ୍ଡାରିକ ଚିଟାକିୟାଃକ । ୨ ଏନ୍ତେ କିସାଁଣ୍ ଇନିଃକେ ହାକାଅତାନ୍‌ଲଃ କାଜିକିୟାଏ, ‘ଆମାଃ ବିଷାଏରେ ଚିନାଃଇଙ୍ଗ୍ ଆୟୁମ୍‌ତାନା ? ଆମାଃ ଭାଣ୍ଡାରି କାମିରାଃ ହିସାଦ୍ ଏମାଇଙ୍ଗ୍‌ମେ, ଆମ୍ ଆୟାରତେ ଭାଣ୍ଡାରି କାମ୍ ତାଇନ୍‌ଦାଡ଼ିୟାଃ । ୩ ଏନ୍ ଭାଣ୍ଡାରି ଚିନାଃଇଙ୍ଗ୍ ଚିକାୟା ମେନ୍ତେ ଆୟାଃ ମନ୍‌ରେୟାଏ ଉଡୁଃକେଦାଃ, ଗମ୍‌କେତାଇଙ୍ଗ୍‌ଦ ଭାଣ୍ଡାରି କାମି ରେଜିଙ୍ଗ୍‌ତାନାଏ । ଉର୍‌କେଦ୍‌ତେ କାମିଲେକା ଆଇଁୟାଃ ପେଡ଼େଃ ବାନଃଆ, ଆତଃ କଏଁତେଇଙ୍ଗ୍ ଗିହୁଃତାନା । ୪ ଭାଣ୍ଡାରିକାମିଏତେଇଙ୍ଗ୍ ଅତଙ୍ଗ୍‌ଏନ୍‌ରେଦ୍ ହଡ଼କ ଆକଆଃ ଅଡ଼ାଃରେକ ଦହିଙ୍ଗା ମେନ୍ତେ ଚିନାଃଇଙ୍ଗ୍ ଚିକାୟା ଏନାଇଙ୍ଗ୍ ସାରିୟାଃ ।’

୫ “ଏନ୍ତେ ଇନିଃ ଆୟାଃ ଗମ୍‌କେୟାଃ ରିଶାସାବାକାଦ୍‌କଏତେ ମିମିଆଦ୍‌କକେ କେଡ଼ାକେଦ୍‌କଆଏ । ସିଦାନିଃକେ କୁଲିକିୟାଏ, ‘ଆମ୍ ଆଇଁୟାଃ ଗମ୍‌କେୟାଃ ଚିମିନାଙ୍ଗ୍ ରିଶାମ୍ ଇଦିକାଦା ?’ ୬ ଇନିଃ କାଜିକିୟାଏ ‘ମଣେଁହିସି ଚିନ୍ ସୁନ୍‌ମ୍ ।’ ଏନ୍ତେ ଇନିଃ, ‘ମାର୍ ଆମାଃ ବହି ଆଉଝେମେ ଆତଃ ଦୁବ୍‌ଧାବ୍‌କେଦ୍‌ତେ ବାର୍‌ହିସି ଗେଲେୟା ଅଲେମେ’ ମେନ୍‌କିୟାଏ । ୭ ଏନ୍ତେ ଏଟାଃନିଃକେ କାଜିକିୟାଏ, ‘ଆମ୍ ଚିମିନାଙ୍ଗ୍ ରିଶାମ୍ ଇଦିକାଦା ?’ ‘ମିଦ୍ ହାଜାର୍ ବାସ୍ତା ଗହମ୍’ ମେନ୍‌ରୁହାଡ଼କିୟାଏ । ଇନିଃ କାଜିକିୟାଏ, ‘ଆମାଃ ବହି ଆଉଝେମେ ଆତଃ ଇରାଲିୟା* ଗାଅ ବାସ୍ତା ଅଲ୍‌ତାମେ ।’

୮ “ଏନ୍ତେ ଇନିଃ ସେଣାଁତେୟାଏ କାମିୟାକାଦା ମେନ୍ତେ ଇନିୟାଃ ଗମ୍‌କେ ଏନ୍ କା ଧାର୍‌ମାନ୍ ଭାଣ୍ଡାରିକେ ସାହାରାଅକିୟାଏ । ନେ ପାରିୟାରେନ୍ ହଡ଼କଦ୍ ଆକଆଃ ଦିପିଲିରେନ୍ ହଡ଼କଆଃ ନାଗେନ୍ତେ ମାର୍‌ସାଲ୍‌ରେନ୍ ହନ୍‌କଆଃଏତେ ଆଦ୍‌କାକ ସେଣାଁନାଃ ।”

୯ ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ଆପେ ସାଂସାରରେୟାଃ କା ଧାର୍‌ମାନ୍ ଖୁଜ୍‌ତେ† ଗାତିକ ବାଇକପେ, ଏନ୍ତେ ଏନା ରୁଣ୍ଡୁଅଃ ଇମ୍‌ତାଙ୍ଗ୍ ଇନ୍‌କୁ ଜାନାଅ ଜାନାଅ ତାଇନଃ ଠାୟାଦ୍‌ରେକ ଦହପେୟା । ୧୦ ସବେନାଃଏତେ ହୁଡ଼ିଙ୍ଗ୍‌ଆଁରେ ପାତିୟାରରଃ ଲେକାନ୍‌ନିଃ ପୁରାଃ ବିଷାଏରେହଗି ପାତିୟାରରଃ ଲେକାନ୍‌ନିଃ ତାନିଃ ଆତଃ ସବେନାଃଏତେ ହୁଡ଼ିଙ୍ଗ୍‌ଆଁରେ କା ପାତିୟାରରଃ ଲେକାନ୍‌ନିଃ ପୁରାଃ ବିଷାଏରେହଗି କା ପାତିୟାରରଃ ଲେକାନ୍‌ନିଃ ତାନିଃ । ୧୧ ଏନାମେନ୍ତେ ଆପେ ସାଂସାରରେୟାଃ ଖୁଜ୍‌ରେ କା ପାତିୟାରରଃ ଲେକାପେ ତାଇନଃରେଦ୍, ସାର୍‌ତିତେୟାଃ ଅକଏ

§ ୧୫:୨୩ ୧୫:୨୩ ବାଛା ଦାମୁର୍ * ୧୭:୭ ୧୭:୭ ଆଠ † ୧୭:୯ ୧୭:୯ ଖୁଜ୍‌ତେ ଧାନ୍ / ଖୁଜ୍‌

ଏମାପେୟାଏ ? ୧୨ ଆତଃ ଆପେ ଏଟାଃନିୟାଃ ବିଷାଏରେ ପାତିୟାର୍‌ରଃ ଲେକା କାପେ ତାଇନ୍‌ରେଦ ଆପେକେ ଅକଏ ଆପେୟାଃତେୟାଃକେ ଏମାପେୟାଏ ।

୧୩ ✨“ଜେତାଏ ବାରିଆ ଗମକେକିନାଃ ଦାସି କାଏ ହବାଦାଡ଼ିୟାଆ, ଚିୟାଃଚି ଇନିଃ ମିହୁଡ଼କେ ହିଲାଙ୍ଗିୟାଏ ଆତଃ ଏଟାଃ ମିହୁଡ଼କେ ଦୁଲାଡ଼ିୟାଏ, ଚାଏ ମିଆଁଦିନିଃଲଃ ମେସାନାଏ ଆତଃ ଏଟାଃନିଃଲଃ କାଏ ମେସାନା । ଆପେ ପାର୍‌ମେଶ୍‌ବାର୍ ଆତଃ ଖୁଜ ବାରାନାଃରେ କାପେ ଦାସିଦାଡ଼ିନା ।”

ଆନ୍‌ଚୁରେୟାଃ ପେଡ଼େଃ

(ମାଥୁଉ ୧୧:୧୨-୧୩; ୫:୩୧-୩୨; ମାର୍କ ୧୦:୧୧-୧୨)

୧୪ ଟାକା ପାଏସାରାଃ ହାୟାତାନ୍ ଫାରୁଣୀକ ନେ ସବେନ୍ କାଜି ଆୟୁମକେଦ୍‌ତେ, ଇନିଃକେକ ହିଲାଙ୍ଗିୟା । ୧୫ ଇନିଃ ଇନ୍‌କୁକେ କାଜିୟାଦକଆଏ, “ଆପେଦ ହଡ଼କଆଃ ଆୟାର୍‌ରେ ଧାର୍‌ମାନ୍‌ପେ ଉଦୁବଃତାନା, ମେନ୍‌ଦ ପାର୍‌ମେଶ୍‌ବାର୍ ଆପେୟାଃ ମନ୍ ସାରିୟାଏ । ହଡ଼କଆଃ ଆଲାରେ ମାରାଙ୍ଗିଅଃଦ ପାର୍‌ମେଶ୍‌ବାର୍‌ଆଃ ସାନ୍‌ମାଙ୍ଗିରେ ହିଲାଙ୍ଗିଅଃଲେକା ।

୧୬ ✨“ମୁଶାରାଃ ଆନ୍‌ଚୁ ଆତଃ ନାବୀକ ବାପ୍ତିସ୍ତା ଏମାଃନିଃ ଯୋହାନ୍ ଜାକେଦକ ତାଇକେନା, ଇମ୍‌ତାଙ୍ଗିଏତେ ପାର୍‌ମେଶ୍‌ବାର୍‌ଆଃ ସିମା ରାଇଜ୍‌ରେୟାଃ ସୁକ୍ଳକାଜି ଉଦୁବଃତାନା ଆତଃ ସବେନ୍‌କ ପେଡ଼େଃଲଃ ଏନାରେ ବଲଃତାନାକ । ୧୭ ✨ସିମା ଆତଃ ଅତେ ଜିୟନିଃଆ ମେନ୍‌ଦ ମୁଶା ନାବୀଆଃ ଆନ୍‌ଚୁରେୟାଃ ମିଆଁଦ୍ ଅନଲ୍ ହଗି କା ଜିୟନିଃଆ ।

୧୮ ✨“ଜେତାଏ ହଡ଼ ଆୟାଃ କୁଡ଼ିକେ ବାଗିକେଦ୍‌ତେ ଏଟାଃନିଃଲଃ ଆଣ୍ଡିନ୍‌ରେଦ ଇନିଃ ଆପାଙ୍ଗିର୍‌ନିଃ ତାନିଃ ଆତଃ କଡ଼ାତେ ବାଗିୟାକାନ୍ କୁଡ଼ିକେ ଜେତାଏ ଆଣ୍ଡିୟାଃରେଦ ଇନିଃ ଆପାଙ୍ଗିର୍‌ନିଃ ତାନିଃ ।

କିସାଁଣ୍ ହଡ଼ ଆତଃ ଲାଜାର୍

୧୯ “ମିଆଁଦ୍ କିସାଁଣ୍ ହଡ଼ ତାଇକେନାଏ, ଇନିଃ ବାଇଗିନିଆ ଲିଜାଃ ଆତଃ ବୁଗିନ୍ ସୁଗାଡ଼୍ ଲିଜାଃ ତୁସିଙ୍ଗିଅଃତାନ୍ ଆତଃ ସବେନ୍ ହୁଲାଙ୍ଗି ପୁରାଃ ରାସ୍‌ବାସ୍‌ରେୟାଏ ତାଇକେନା । ୨୦ ମେନ୍‌ଦ ଲାଜାର୍ ନୁଡୁମ୍ ମିଆଁଦ୍ କସିହଡ଼ ଘାଅତେ ପେରେଜାକାନ୍ ତାଇକେନାଏ, ଇନିଃକେ କିସାଁଣ୍ ହଡ଼ରାଃ ଅଡ଼ାଃ ବଲଦୁଆର୍‌ତାଃରେ ବାଗିଡୁକାକାନାଏ ତାଇକେନା । ୨୧ ନେ କିସାଁଣ୍ ହଡ଼ଆଃ ମେଜ୍‌ଏତେ ଉୟୁଗଃତାନ୍ କେଟାଃତେୟାଃଲଃ ଆୟାଃ ଲାହିଦ୍ ବିଏ ସାନାଙ୍ଗିତାନାଏ ତାଇକେନା, ସେତାକହ ହିଜୁଃଲେକ୍ତେ ଇନିଃୟାଃ ଘାଅ ଜାଲ୍‌ଇତାନ୍‌କ ତାଇକେନା ।

୨୨ “ଏକ୍ତେ ନେକା ହବାୟାନା, ନେ ରେଙ୍ଗେଃ ହଡ଼ ଗଏଃୟାନାଏ ଆତଃ ଦୁଡ଼କ ଆବ୍ରାହାମ୍‌ଆଃ କୟଙ୍ଗିରେକ ତେବାଃକିୟା, ଆତଃ ଏନ୍ କିସାଁଣ୍ ହଡ଼ହଗି ଗଏଃୟାନାଏ ଆତଃ ତପାକିୟାଃକ । ୨୩ ଇନିଃ ପାତାଲ୍‌ରେ ଦୁକୁସାହାଡ଼ିଙ୍ଗିତାନ୍ ଇମ୍‌ତା ଆରିଦରାକାବକେଦାଏ ଆତଃ ସାଙ୍ଗିନ୍‌ରେ ଆବ୍ରାହାମ୍‌ ଆତଃ ଆୟାଃ କୟଙ୍ଗିରେ ଲାଜାର୍‌କେ ନେଲ୍‌କିୟାଏ । ୨୪ ଏକ୍ତେ ଇନିଃ ହାକାଅକିଃତେ କାଜିକିୟାଏ, ‘ହେ ଆବା, ଆବ୍ରାହାମ୍ ଲିବୁଆଇଙ୍ଗିମେଁ ଆତଃ ଲାଜାର୍‌କେ କୁଲ୍‌ତାଇମ୍ ଇନିଃ ଆୟାଃ ସାର୍‌ସାର୍‌ରାଃ ରୁଚି ଦାଆଃରେ ତୁପୁକେଦ୍‌ତେ ଆଲାଙ୍ଗିତାଇୟାଃକେ ତୁଡ଼କେନେକାଏଽ, ଆଇଙ୍ଗିଦ ନେ ସେଙ୍ଗେଲ୍‌ରେ କାଲ୍‌ପାଅଃତାନାଇଙ୍ଗି ।’ ୨୫ ମେନ୍‌ଦ ଆବ୍ରାହାମ୍ କାଜିକିୟାଏ, ‘ଏ ହନ୍, ନେଆଁ ଉଡ଼ୁଃଲମେ, ଆମଦ ଜାନିଦ୍ ତାଇକେନ୍ ଇମ୍‌ତା ଆମାଃ ବୁଗିନାଃମ୍ ନାମ୍‌ଟାବାକେଦାଃ ଆତଃ ଏନ୍ ଲେକାଗି ଲାଜାର୍ ପୁରାଃ ଦୁକୁ ନାମକେଦାଏ, ମେନ୍‌ଦ ନାହାଁଃ ଇନିଃ ନେତାଃରେ ଜୀଉରାଡ଼େଃ ନାମେତାନାଏ ଆତଃ ଆମ୍ କାଲ୍‌ପାଅଃତାନାମେ । ୨୬ ଆତଃ ନେଆଁଏତେ ଆଦକା ମାରାଙ୍ଗି ହୁଞ୍ଜାଙ୍ଗି ଆଲେ ଆତଃ ଆପେ ଆଲାରେ ମେନାଃ, ନେତାଃଏତେ ହାନ୍‌ପାରମ୍ ଆପେତାଃ ଜେତାଏ କାକ ସେନ୍‌ଦାଡ଼ିୟା ଆତଃ ହାନ୍‌ପାରମ୍‌ରେନ୍‌କ ନେ ପାରମ୍ ଆଲେତାଃ କାକ ହିଜୁଃଦାଡ଼ିୟା ।’ ୨୭ ଇନିଃ କାଜିକିୟାଏ, ‘ତାବ୍‌ଦ ହେ ଆବା, ଲାଜାର୍‌କେ ଆପୁଇଁୟାଃ ଅଡ଼ାଃତେ କୁଲ୍‌ତାଇମ୍, ମେକ୍ତେଇଙ୍ଗି ବିକ୍ତିମେ ତାନା । ୨୮ ଚିୟାଃଚି ଆଇଁୟାଃଦ ମଣେୟାଁ ହାଗାଇଙ୍ଗିକ ମେନାକଆ, ଇନିଃ ଇନ୍‌କୁତାଃ ପାର୍‌ଟାରେକାଏ, ଆତଃ ଚେତାଅକକାଏ, କା’ରେଦ ଇନ୍‌କୁହଗି ନେ ଦୁକୁ ଠାୟାଦ୍‌ତେକ ସେଚେରାଃ ।’

୨୯ “ଆବ୍ରାହାମ୍ କାଜିକିୟାଏ, ‘ମୁଶା ଆତଃ ନାବୀକଆଃ ପୁଅଁ ଇନ୍‌କୁତାଃରେୟାଃ; ଆମାଃ ହାଗାକ ଇନ୍‌କୁଆଃ କାଜିକି ଆୟୁମେକା ।’ ୩୦ ଇନିଃ କାଜିକିୟାଏ, ‘ହେ ଆବା ଆବ୍ରାହାମ୍, ବାନଃଗି ! ମେନ୍‌ଦ ଗଜାକାନ୍‌କଏତେ ଜେତାଏ ଇନ୍‌କୁତାଃତେ ସେନଃରେଦ ଇନ୍‌କୁ ହେୟାଡ଼ିଙ୍ଗେଆକ ଆତଃ ପାପ୍‌ହେତେ ମନ୍‌ରୁହାଡ଼େୟାକ ।’ ୩୧ ମେନ୍‌ଦ ଇନିଃ କାଜିକିୟାଏ, ‘ଇନ୍‌କୁ ମୁଶା ଆତଃ ନାବୀକଆଃ କାଜି କାକ ମାନାଡ଼ିଙ୍ଗିରେଦ, ଗଜାକାନ୍‌କଏତେ ଜେତାଏ ଜୀଉବିରିଦଃରେୟା କାକ ମାନାଡ଼ିୟାଃ ।’ ”



ପାପ

(ମାଥୁଉ ୧୮:୨-୭, ୨୧-୨୨; ମାର୍କ ୯:୪୨)

✨ ୧୭:୧୩ ୧୭:୧୩ ମାଥୁଉ ୭:୨୪. ✨ ୧୭:୧୭ ୧୭:୧୭ ମାଥୁଉ ୧୧:୧୨, ୧୩. ✨ ୧୭:୧୭ ୧୭:୧୭ ମାଥୁଉ ୫:୧୮. ✨ ୧୭:୧୮ ୧୭:୧୮ ମାଥୁଉ ୫:୩୨; ୧ କରିନ୍ଥ୍‌ୟ ୭:୧୦, ୧୧. ‡ ୧୭:୨୩ 16:23 ଗନ୍‌ଏଃରାଃ ଦିଶୁମ୍ § ୧୭:୨୪ ୧୭:୨୪ ତୁଡ଼କେନେକାଏ ଆଶ୍ୱାଏକାଏ

୧ ଯୀଶୁ ଆୟାଃ ଚେଲାକକେ କାଜିୟାଦକଆଏ, “ଅକ ବିନିଡ଼ାଅ ହରାତେ ହଡ଼ ପାପ୍ରେ ଉୟୁଗଥା, ଏନ୍ ସବେନାଃ ଜାରୁଡ଼ଗି ହିଜୁଥା, ମେନ୍ଦ ଅକଏୟାଃ ହାରାତେ ନେୟାଁ ହବାଅଥା, ଇନିୟାଃ ଚୁଣ୍ଡୁଦାସା ଚିମିନ୍ ବରଖାନ୍ତି ହବାଅଥା । ୯ ଜେତାଏ ନେ ହୁଡ଼ିକ୍‌ଏତେ ମିଆଁଦନିଃକେ ପାପ୍ରେ ଉୟୁଃ ରିକାକଏତେଦ, ଇନିଃ ଆଇଃଗି ହଟଃରେ ଜାନ୍ତାଦିରି ହାକାକେଦତେ ଦରେୟାରେ ହୁଦମାଅଃତେୟାଃ ଆୟାଃ ନାଗେନ୍ତେ ବୁଗିନ୍ ହବାଅଃତେୟାଃ । ୩ ଏନାତେ ଆପେ ଚିଗାଲକାନ୍‌ପେ, ହାଗାମ୍ ତାମାଃ ପାପ୍‌ଏରେଦ ଇନିଃକେ ଏଗେରକେଦତେ ଚେତାଇମେଁ, ଆଡ଼ଃ ଇନିଃ ହେୟାଡ଼ିକ୍‌ରେଦଃ ଛାମାଲମେଁ । ୪ ଇନିଃ ସିଙ୍ଗିସାଟୁବ୍‌ରେ ସାଡ଼ଧାଅଁ ଆମାଃ ବିରୁଧ୍‌ରେ ପାପ୍‌ପେରେଦ, ଆଡ଼ଃ ସିଙ୍ଗିସାଟୁବ୍‌ରେ ସାଡ଼ଧାଅଁ ଆମାଃତାଃତେ ରୁହାଡ଼ୟାନ୍ତେ ଆଇକ୍ ହେୟାଡ଼ିକ୍‌ତାନାଲକ୍ ମେନ୍‌ରେଦ ଇନିଃକେ ଛାମାଲ ଲାଗାଡ଼ିକ୍‌ୟାଃ ।”

ବିଶ୍ୱାସ

୫ ଆଡ଼ଃ ପ୍ରେରିଡ଼କ କାଜିକିୟା, “ହେ ପ୍ରାଭୁ ଆଲେୟାଃ ବିଶ୍ୱାସ୍ ଆଦକଏମେ ।” ୬ ପ୍ରାଭୁ ଯୀଶୁ କାଜିରୁହାଡ଼କେଦା, “ଆପେୟାଃ ବିଶ୍ୱାସ୍ ମିଆଁଦ୍ ମାନିଜାକ୍‌ଲେକା ମେନାଃରେଦ, ଆମ୍ ତୁଦଃମେଁ ଆଡ଼ଃ ଦରେୟାରେ ରୟଃମେ ମେନ୍ତେ ନେ ହୁଡ଼ଦାରୁକେ କାଜିରେ, ଏନା ଆପେୟାଃ ଆନ୍‌ରୁକେ ମାନାଡ଼ିୟାଃଏ ।

ମିଆଁଦ୍ ଦାସିଆଃ କାମି

୭ “ଆପେକଏତେ ଜେତାଏୟାଃ ମିଆଁଦ୍ ସିହୁଃ ଚାଏ ଗୁପି ଦାସି ମେନାଲରେଦ, ଇନିଃ ପିଡ଼ିଏତେ ହିଜୁଃଲଃଗି, ଅକଏ ମାର୍ ଜଜମ୍ ଦୁବ୍‌ମେଁ ମେତାଇୟାଏ ? ୮ ମେନ୍ଦ ଇନିଃ ‘ଆଇଁୟାଃ ଜମେୟାଃ ବାଇୟେମେଁ, ଆଡ଼ଃ ପାଚେକେଦତେ ଆଇକ୍ ଆଡ଼ରିକ୍ ଜମେ ନୁଁଏ ଜାକେଦ୍ ସୁସାରିକ୍‌ମେ ଆଡ଼ଃ ଏନ୍ ତାୟମ୍‌ତେ ଆମ୍ ଜମନ୍‌ଏମେ’ ମେତାଇୟାଏ । ୯ ଚିୟାଃ ଇନିଃ ଏନ୍ ଦାସିକେ ଆରୁକାନ୍ କାମିକ କାମିକେଦାଏ ମେନ୍ତେ ଧାନ୍ୟାବାଦ୍ ଏମାଃଏ ? ୧୦ ନେ’ଲେକାତେ ଆପେୟ ସବେନ୍ ଆରୁଆକାନ୍ କାମିକ ଚାବାକେଦତେ, ଆରୁ ପାତିୟାରିରଃ ଲେକାନ୍ ଦାସିକ ନାହାଁଲାବୁ, ଆରୁଆଃ ଲାଗାଡ଼ିକ୍ କାମିକବୁ କାମିକେଦାଃ ମେନ୍ତେ କାଜିପେ ।”

ୟୀଶୁ ଗେଲ୍ ନାଗେଘାଅତାନ୍‌କକେ ବୁଗିକତାନାଏ

୧୧ ଯୀଶୁ ଯୀରୁଶାଲେମ୍‌ତେ ସେନଃତାନ୍ ଇମ୍‌ତା, ଶମିରୋନ୍ ଆଡ଼ଃ ଗାଲିଲ୍ ଦିଶୁମ୍ ଆଲା ଆଲାତେ ସେନଃତାନାଏ ତାଇକେନା । ୧୨ ଇନିଃ ମିଆଁଦ୍ ହାଡ଼ୁତେ ବଲତାନ୍ ଇମ୍‌ତା ଗେଲ୍ ନାଗେଘାଅତାନ୍ ହଡ଼କ ସାଜିନ୍‌ରେକ ଡିକ୍‌ୟାନ୍ତେ ଇନିଃକେ ଦାରମ୍‌କିୟାଃକ । ୧୩ ଆଡ଼ଃ ଇନକୁ “ହେ ଯୀଶୁ ଦାୟାଲେମେଁ” ମେନ୍ତେକ କାଡ଼ରିକେଦାଃ ।

୧୪ ଇନିଃ ଇନକୁକେ ନେଲ୍‌କେଦତେ ମେତାଦକଆଏ, “ସେନଃପେ ଆଡ଼ଃ ଯାଜାକ୍‌କତାଃ ଉଦୁବେନ୍‌ପେ ।” ଆଡ଼ଃ ଇନକୁ ସେନଃତାନ୍‌ଲଃକ ଫାର୍‌ଚିୟାନା । ୧୫ ଇନକୁଏତେ ମିଆଁଦ୍‌ନିଃ ଆଇକ୍ ବୁଗିକାନାଲକ୍ ମେନ୍ତେ ନେଲ୍‌ୟାନ୍‌ଚି କାଡ଼ରିକେଦତେ ପାର୍‌ମେଶ୍ୱାର୍‌ଆଃ ମାନାରାକ୍‌ତାନ୍‌ଲଃ ହିଜୁଃରୁହାଡ଼ୟାନା । ୧୬ ଆଡ଼ଃ ଯୀଶୁଆଃ କାଟାସୁବାରେ ଅମ୍‌ଗାଃକେଦତେ ଇନିଃକେ ଧାନ୍ୟାବାଦ୍ ଏମ୍‌କିୟାଏ, ଆଡ଼ଃ ଇନିଃଦ ଶମିରୋନିରେନ୍ ତାଇକେନାଏ । ୧୭ ଯୀଶୁ କୁଲିକେଦକଆଏ, “ଚିୟାଃ ସବେନ୍ ଗେଲ୍ ହଡ଼କ କାକଚି ଫାର୍‌ଚିୟାନା ? ଏଟାଃ ନାଅଝାନ୍‌କ କତାଃରେକଆଃ ? ୧୮ ଚିୟାଃ ନେ ଏଟାଃ ଦିଶୁମ୍‌ରେନ୍ ନିଃକେ ବାଗିକିଃତେ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମ୍ ନାଗେନ୍ତେ ଆଡ଼ଃ ଜେତାଏ କାକ ରୁହାଡ଼ୟାନା ?” ୧୯ ଏନ୍ତେ ଯୀଶୁ ଇନିଃକେ କାଜିକିୟାଏ, “ମାର୍ ବିରିଦ୍‌ମେ ଆଡ଼ଃ ସେନଃମେ ବିଶ୍ୱାସ୍‌ତାମାଃ ବୁଗିକାଦ୍‌ମେୟାଏ ।”

ପାର୍‌ମେଶ୍ୱାର୍‌ଆଃ ରାଇକ୍ ହିଜୁଃତାନା (ମାଥ୍‌ଉ ୨୪:୨୩-୨୮, ୩୭-୪୧)

୨୦ ମିସା, ଚିମ୍‌ନାକ୍ ଫାରୁଶୀକ ପାର୍‌ମେଶ୍ୱାର୍‌ଆଃ ରାଇକ୍ ଚିଉଲା ହିଜୁଃଥା ମେନ୍ତେ କୁଲିକିୟାଃକ, ଯୀଶୁ ମେନ୍‌ରୁହାଡ଼ାଦକଆଏ, “ପାର୍‌ମେଶ୍ୱାର୍‌ଆଃ ରାଇକ୍ ଆପେୟାଃ ନେନେଲ୍‌ରେ କା ହିଜୁଃଥା, ୨୧ ଆଡ଼ଃ ହଡ଼କ ନେଲେପେ ନେତାଃରେୟା, ଚାଏ ନେଲେପେ ଏନ୍ତାଃରେୟା, ମେନ୍ତେ କାକ କାଜିୟା, ଚିୟାଃଚି ପାର୍‌ମେଶ୍ୱାର୍‌ଆଃ ରାଇକ୍ ଆପେ ଆଲାରେଗିୟା ।”

୨୨ ଏନ୍ତେ ଯୀଶୁ ଆୟାଃ ଚେଲାକକେ କାଜିୟାଦକଆଏ, “ଏନ୍ ନେଡା ହିଜୁଃତାନା, ଆପେକେ ମାନଝାହନ୍‌ଆଃ ମିପିୟାଦ୍ ହୁଲାକ୍‌ଏତେ ମିଆଁଦ୍ ହୁଲାକ୍ ନେନେଲ୍ ସାନାକ୍‌ପେୟା, ମେନ୍ଦ କାପେ ନେଲେୟା । ୨୩ ହଡ଼କ କାଜିୟାପେୟାକ, ‘ଇନିଃ ନେତାଃରିୟା, ଚାଏ ହେନ୍ତାଃରିୟା,’ ମେନ୍ଦ ଆଲ୍‌ପେ ସେନାଃ । ୨୪ ଜୁଲ୍‌ତାନ୍‌ହିଚିବ୍‌ ସିମାଲାତାର୍ ନେ’ସାଃଏତେ ଏଟାଃସାଃ ଜାକେଦ୍ ସିମାକେ ମାସ୍‌ଲେୟାଏ, ଏନ୍ ଲେକାଗି ମାନଝାହନ୍‌ଆଃ ହିନିଜୁଃ ହବାଅଥା । ୨୫ ମେନ୍ଦ ସିଦାତେ ଇନିଃକେ ପୁରାଃଗି ଦୁକୁ ସାହାଡ଼ିକ୍ ଲାଗାଡ଼ିକ୍‌ୟାଃ ଆଡ଼ଃ ନେ ଦିପିଲିରେନ୍ ହଡ଼କ ଇନିଃକେକ ହିଲାକ୍‌କ୍‌ଆ । ୨୬ ଆଡ଼ଃ ନୁହୁଁରାଃ ପାରିୟାରେ ଜେ’ଲେକା ହବାୟାନା, ମାନଝାହନ୍‌ଆଃ ହୁଲାକ୍‌ରେହଗି ଏନ୍‌ଲେକା ହବାଅଥା । ୨୭ ନୁହୁଁ

☆ ୧୭:୩ ୧୭:୩ ମାଥ୍‌ଉ ୧୮:୧୫.

ଲାଉକାରେ ଦେଏୟମାନ ହୁଲାଙ୍ଗ ଜାକେଦ୍ ଇନ୍‌କୁ ଜମ୍ ନୁଁତାନ୍ ଆଣ୍‌ଦି ଆଡ଼ଃ ଆଣ୍‌ଦିଏମଃତାନ୍‌କ ତାଇକେନା, ଇମ୍‌ତାଗି ରୁଡ଼ା ହିଜୁୟାନ୍‌କେ ସବେନ୍‌କକେ ଜିୟନ୍‌କେଦ୍‌କଆଏ । ୨୮ ଲୁଟ୍‌ଆଃ ହୁଲାଙ୍ଗ୍‌ରେହ ଏନ୍‌କାୟାନା, ଇନ୍‌କୁ ଜମ୍ ନୁଁତାନ୍, କିରିଙ୍ଗ୍ ଆଖ୍‌ରିଙ୍ଗ୍‌ତାନ୍, ରଏତାନ୍ ଆଡ଼ଃ ଅଡ଼ଃ ବାଇତାନ୍‌କ ତାଇକେନା । ୨୯ ମେନ୍‌ଦ୍ ଲୁଟ୍‌ ସୋଦମ୍ ଏଡେ ଅଡ଼ଙ୍ଗ୍‌ୟାନ୍ ଇମ୍‌ତା ସିମ୍‌ଏଡେ ସେଙ୍ଗେଲ୍ ଆଡ଼ଃ ଗାନ୍‌କା ଗାମାକେଦାଏ ଆଡ଼ଃ ଏନ୍ ସବେନ୍‌କକେ ଜିୟନ୍ କେଦ୍‌କଆଏ । ୩୦ ଏନ୍ ଲେକାଗି ମାନ‌ଝାହନ୍‌ଆଃ ଉଦୁବଃ ହୁଲାଙ୍ଗ୍‌ରେ ହବାଅଆଃ ।

୩୧ ☆ “ଏନ୍ ହୁଲାଙ୍ଗ୍‌ରେ ଜେତାଏ ସାଡ଼୍‌ମିରେ ତାଇନଃରେଦ୍ ଆଡ଼ଃ ଇନିୟାଃ ମେନାଃଡେୟାଃକ ଅଡ଼ଃରେ ତାଇନ୍‌ରେଦ୍, ଏନା ଇଦିନାଗେନ୍‌କେ ଆଲକାଏ ଆଡ଼୍‌ଗୁନ୍‌କା, ଆଡ଼ଃ ଏନ୍‌ଲେକାଗି ପିଡ଼ିଲୟଙ୍ଗ୍‌ରେ ତାଇନ୍‌ନିଃ ଦୟାଡେ ଆଲକାଏ ରୁହାଡ଼କା । ୩୨ ଲୁଟ୍ କୁଡ଼ିଡେକେ ପାହାମିପେ । ୩୩ ☆ ଜେତାଏ ଆୟାଃ ଜୀଉ ବାଞ୍ଚାଅ ନାଙ୍ଗ୍ ସାନାଙ୍ଗ୍‌ରେଦ୍ ଏନା ଆଦେୟାଏ, ଆଡ଼ଃ ଜେତାଏ ଏନା ଆଦେରେଦ୍ ଏନାଏ ବାଞ୍ଚାଅୟା । ୩୪ ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ଏନ୍ ନିଦାରେ ବାର୍‌ହଡ୍ ମିଆଁଦ୍ ପାର୍‌କମ୍‌ରେକିନ୍ ଗିଡ଼ିକାନ୍‌ରେଦ୍ ମିହୁଡ଼କେ ଇଦିୟାଆ ଆଡ଼ଃ ମିହୁଡ଼କେ ବାଗିଅଆ । ୩୫ ବାରିଆ କୁଡ଼ିକିନ୍ ମିଦ୍‌ଡେ ଜନ୍ତାଦିରିରେକିନ୍ ରିଦ୍‌କାଡେରେଦ୍ ମିଆଁଦ୍‌ନିଃକେ ଇଦିୟାଆ ଆଡ଼ଃ ଏଟାଃନିଃକେ ବାଗିଅଆ । ୩୬ ବାର୍‌ହଡ୍ ଅଡେରେକିନ୍ ତାଇନ୍‌ରେଦ୍ ମିଆଁଦ୍‌ନିଃକେ ଇଦିୟାଆ ଆଡ଼ଃ ଏଟାଃନିଃକେ ବାଗିଅଆ ।”*

୩୭ ଇନ୍‌କୁ କୁଲିକିୟାଃକ, “ହେ ପ୍ରାଭୁ କଡ଼ାଃରେ ନେ ସବେନାଃ ହବାଅଆଃ ?” ଆଡ଼ଃ ଇନିଃ “ଅକ୍‌ଡ଼ାଃରେ ମାଁଡ଼ା ମେନାଃ, ଏନ୍‌ଡ଼ାଃରେ ଗିଦିକ ହୁଣ୍ଡିୟାଆଃ” ମେନ୍‌ରୁହାଡ଼ାଦ୍‌କଆଏ ।

୧୮

ରାଣ୍ଡିକୁଡ଼ି ଆଡ଼ଃ ବିଚାର୍‌ନିୟାଃ ଜନ୍‌କା କାଜି

୧ ଜାନାଅ ବିକ୍ତି ଆଡ଼ଃ ଭାର୍‌ସା କା ହୁଡ଼ିଙ୍ଗ୍ ଲାଗାଡ଼ିଙ୍ଗ୍‌ୟାଃ ମେନ୍‌କେ ଯାଶୁ ଆୟାଃ ଚେଲକକେ ମିଆଁଦ୍ ଜନ୍‌କା କାଜି ଉଦୁବାଦ୍‌କଆଏ । ୨ “ଜେତାଏ ସାହାର୍‌ରେ ମିଆଁଦ୍ ବିଚାର୍‌ନିଃ ତାଇକେନାଏ, ଇନିଃ ପାର୍‌ମେଶ୍‌ବାର୍‌କେ କାଏ ବରଆଇ ତାଇକେନା ଚି ହଡ଼କକେ କାଏ ମାନାଡ଼ିଙ୍ଗ୍‌କ ତାଇକେନା । ୩ ଆଡ଼ଃ ଏନ୍ ସାହାର୍‌ରେ ମିଆଁଦ୍ ରାଣ୍ଡିକୁଡ଼ି ତାଇକେନାଏ, ଇନିଃ ଏନ୍ ବିଚାର୍‌ନିଃତାଃ ମଣେଁସା ହିଜୁୟାନ୍‌କେ, ‘ଆଇଁୟାଃ ବାଇରିକତାଃ ଏଡେ ଆଇଙ୍ଗ୍‌କେ ନ୍ୟାୟ ଏମାଇଙ୍ଗ୍‌ମେ’ ମେନ୍‌କେ ବିକ୍ତିକିୟାଏ । ୪ ଇନିଃ ଚିମିନ୍‌ଦିନ୍ କାଏ ମାନାଡ଼ିଙ୍ଗ୍‌କେଦାଃ, ମେନ୍‌ଦ୍ ତାୟମ୍‌ଡେ, ଆଇଙ୍ଗ୍ ଦ ‘ପାର୍‌ମେଶ୍‌ବାର୍‌କେ କାଇଙ୍ଗ୍ ବରଆଇତାନା ଚି ହଡ଼କକେ କାଇଙ୍ଗ୍ ମାନାଡ଼ିଙ୍ଗ୍‌କତାନା’ ୫ ଏନ୍‌ରେୟ ନେ ରାଣ୍ଡିକୁଡ଼ି ବିଡ଼ଲାଇଙ୍ଗ୍ ତାନାଏ, ଏନାଡେ ଆଇଙ୍ଗ୍ ଇନିୟାଃ ଚେତାନ୍‌ରେ ହବାକାନ୍ କା ଲାଗାଡ଼ିଙ୍ଗ୍ କାମି ନାଙ୍ଗ୍ ନ୍ୟାୟ ରିକାଏୟାଇଙ୍ଗ୍ ଆଡ଼ଃ ଆଇଙ୍ଗ୍ ଇନିୟାଃ ଗହରାଅ ଆୟୁମେଆଇଙ୍ଗ୍, କା'ରେଦ୍ ଇନିଃ ଜାନାଅ ଜାନାଅ ହିଜୁୟାନ୍‌କେଦ୍‌ଡେ ହାଏରାନିଆଁ ମେନ୍‌କେ ଆୟାଃ ମନ୍‌ରେ କାଜିକେଦାଏ ।”

୬ ଆଡ଼ଃ ପ୍ରାଭୁ କାଜିକେଦାଏ, “ଏନ୍ ଏଡ଼କାନ୍ ବିଚାର୍‌ନିଃ ଚିକ୍‌ନାଃ କାଜିକେଦାଏ ଏନା ଆୟୁମେପେ । ୭ ଆଡ଼ଃ ପାର୍‌ମେଶ୍‌ବାର୍ ନିଦାସିଙ୍ଗି ହାକାଅଇତାନ୍ ଆୟାଃ ସାଲକାନ୍‌କଆଃ ନାଙ୍ଗ୍ ଥୁମ୍‌ସାମାଏ ସାହାଡ଼ିଙ୍ଗ୍‌ରେହ ଚିୟାଃ ନ୍ୟାୟ କାଏ ରୁହାଡ଼ାକଆ ? ୮ ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ଇନିଃ ଇନ୍‌କୁରେ ହବାକାନ୍ ଏଡ଼କାନ୍ କାଜିକ ସାଜିନେ ନାଙ୍ଗ୍ ଜାଲ୍‌ଦିଗି ନ୍ୟାୟ ଏମ୍‌ରୁହାଡ଼ାକଆଏ । ଏନ୍‌ରେୟ, ମାନ‌ଝାହନ୍ ହିଜୁୟାନ୍‌କତା, ଚିୟାଃ ଅଡେରେ ବିଶ୍ୱାସ୍ ନାମେୟାଏ ?”

ଫାରୁଶୀ ଆଡ଼ଃ ମାଲ୍‌ହାର୍‌ମିନିୟାଃ ଜନ୍‌କା କାଜି

୯ ଆରୁ ଧାର୍‌ମାନ୍‌ଗିୟାଃରୁ ମେନ୍‌କେ ଆକରେ ଭାର୍‌ସାଏତାନ୍ ଆଡ଼ଃ ଏଟାଃକକେ ହିଲାଙ୍ଗ୍‌କତାନ୍, ଚିମିନ୍ ହଡ଼କ ନାଗେନ୍‌କେ ଯାଶୁ ନେ ଜନ୍‌କା କାଜି କାଜିୟାଦ୍‌କଆଏ । ୧୦ “ବାର୍‌ହଡ୍ ମାନ୍‌ଦିର୍ ଅଡ଼ଃଡେ ବିକ୍ତିଡେକିନ୍ ସେନଃୟାନା, ମିଆଁଦ୍‌ନିଃ ଫାରୁଶୀ ଆଡ଼ଃ ଏଟାଃନିଃ ମାଲ୍‌ହାର୍‌ମିନିଃ ।

୧୧ “ଫାରୁଶୀ ଆଡ଼ମ୍‌ରେ ଡିଙ୍ଗ୍‌ୟାନ୍‌କେ ବିକ୍ତିକେଦାଏ, ‘ହେ ପାର୍‌ମେଶ୍‌ବାର୍, ଆଇଙ୍ଗ୍ ଏଟାଃ ହଡ଼କଲେକା ନାହାଁଲାଇଙ୍ଗ୍, ଇନ୍‌କୁଦ୍ ରେଃକିନିଃକ, ଏଡ଼କାନ୍‌କାମିକ, ଆପାଙ୍ଗିର୍‌କ ତାନ୍‌କୁ ଆଡ଼ଃ ନେ ମାଲ୍‌ହାର୍‌ମିନିଃ ଲେକାହ ନାହାଁଲାଇଙ୍ଗ୍ । ୧୨ ଆଇଙ୍ଗ୍ ହାପ୍ରାରେ ବାର୍‌ସାଇଙ୍ଗ୍ କାଟାଦ୍‌ତାନା ଆଡ଼ଃ ଗଟା କାମିୟାକାଦ୍‌ରେୟାଃ ଗେଲ୍‌ହିସା* ହାନାଡ଼ିଙ୍ଗ୍ ଏମ୍‌ତାନାଇଙ୍ଗ୍ ।”

୧୩ “ଆଡ଼ଃ ମାଲ୍‌ହାର୍‌ମିନିଃ ସାଜିନ୍‌ରେ ଡିଙ୍ଗ୍‌ୟାନ୍‌କେ ସିମ୍‌ସାଃଡେ ସାଜିଲ୍ ନାଙ୍ଗ୍ କାଏ ସାହାଁସକେଦା ମେନ୍‌ଦ୍ ଆୟାଃ କୁଡ଼ାମ୍‌† ଆପ୍‌ଡ଼ିତାନ୍‌ଲଃ କାଜିକେଦାଏ, ‘ହେ ପାର୍‌ମେଶ୍‌ବାର୍ ଆଇଙ୍ଗ୍ ପାପି ତାନିଙ୍ଗ୍ ଲିରୁଆଇଙ୍ଗ୍‌ମେଁ ।’ ” ୧୪ ☆ ଏନ୍‌କେ ଯାଶୁ କାଜିକେଦାଏ, “ଆଇଙ୍ଗ୍ କାଜିୟାପେ ତାନାଇଙ୍ଗ୍, ମାଲ୍‌ହାର୍‌ମିନିଃ ଫାରୁଶୀଏଡେ ଆଦ୍‌କା ଧାର୍‌ମାନ୍ ମେନ୍‌କେ ଲେକାୟାନା ଆଡ଼ଃ ଅଡ଼ଃଡେ ସେନଃୟାନା । ଜେତାଏ ମାରାଙ୍ଗ୍‌ୟେନ୍‌ନିଃଦ୍ ହୁଡ଼ିଙ୍ଗ୍‌ୟାଆଏ ଆଡ଼ଃ ଜେତାଏ ହୁଡ଼ିଙ୍ଗ୍‌ୟାନ୍‌ନିଃଦ୍ ମାରାଙ୍ଗ୍‌ଆଃଏ ।”

☆ ୧୭:୩୧ ୧୭:୩୧ ମାଥୁର ୨୪:୧୭,୧୮; ମାର୍କ ୧୩:୧୫,୧୬. ☆ ୧୭:୩୩ ୧୭:୩୩ ମାଥୁର ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୪; ଯୋହାନ୍ ୧୨:୨୫.
 * ୧୭:୩୬ 17:36 ଚିମିନ୍ ମାରି ଅନଲ୍‌ରେ ନେ ପଦ ବାନଃଆ. * ୧୮:୧୨ ୧୮:୧୨ ଗେଲ୍‌ରେୟାଃ ମିଦ୍‌ଭାଗ୍ † ୧୮:୧୩ ୧୮:୧୩ ଛାଡ଼ି ☆ ୧୮:୧୪ ୧୮:୧୪ ମାଥୁର ୨୩:୧୨; ଲୁକ ୧୪:୧୧.

ୟୀଶୁ ସିଟିଆ ହନକକେ ଆଗିଷ୍ଟକତାନାଏ

(ମାଥୂଉ ୧୯:୧୩-୧୫; ମାର୍କ ୧୦:୧୩-୧୬)

୧୫ ଆଡ଼଼ ଯୀଶୁ ସିଟିଆ ହନକକେ ଜୁଟିଦକକାଏ ମେନ୍ତେ ହଡ଼କ ଇନକୁକେ ଇନିଃତାଃ ଆଉକେଦକଆକ, ମେନ୍ଦ ଚେଲକ ନେଆଁ ନେଲକେଦତେକ ମାରାଜ୍ଞମଚାକେଦକଆ । ୧୬ ମେନ୍ଦ ଯୀଶୁ ଇନକୁକେ ଆୟାଃତାଃ ହାକାଅକେଦତେ କାଜିୟାଦକଆଏ, “ହୁପଡ଼ିଙ୍ଗ ହନକକେ ଆଇଙ୍ଗତାଃ ହିଜୁଃରିକାକପେ ଆଡ଼଼ ଇନକୁକେ ଆଲପେ ରୁହାଡ଼କଆ, ପାରମେଶ୍ଵାରଆଃ ରାଇଜ୍ଞଦ ନେଲେକାନକଆଃଗିଆଃ । ୧୭ ଆଇଙ୍ଗ ସାରତିଗିଙ୍ଗ କାଜିୟାପେତାନା, ଜେତାଏ ପାରମେଶ୍ଵାରଆଃ ରାଇଜ୍ଞକେ, ହୁଡ଼ିଙ୍ଗହନ୍ ଲେକା କାଏ ତେଲାଏରେଦ ଇନିଃ ଜେତାଲେକାତେ ଏନାରେ କାଏ ବଲଆ ।”

ମିଆଁଦ କିସାଁଣ୍ ହାକିମ୍

(ମାଥୂଉ ୧୯:୧୬-୩୦; ମାର୍କ ୧୦:୧୭-୩୧)

୧୮ ଆଡ଼଼ ମିଆଁଦ ହାକିମ୍ ଯୀଶୁକେ କୁଲିକିୟାଏ, “ଏ ବୁଗିନ୍ ଇତୁନିଃ, ଜାନାଅ ଜୀଦାନ୍ ନାମେ ନାଗେନ୍ତେ ଚିନାଃଇଙ୍ଗ ଚିକାୟା ?”

୧୯ ଯୀଶୁ କୁଲିକିୟାଏ, “ଆମ୍ ଚିନାଃମେନ୍ତେ ଆଇଙ୍ଗକେ ବୁଗିନ୍ ମେନ୍ତେମ୍ କାଜିଇଙ୍ଗତାନା ? ମିଆଁଦନିଃ ଏସକାର୍ ବୁଗିନାଏଃ ଇନିଃ ପାରମେଶ୍ଵାର ତାନିଃ ଆଡ଼଼ ଜେତାଏକାହା । ୨୦ ଆମ୍ ଆନୁଚୁମ୍ ସାରିତାନା, ‘ଆଲମ୍ ଆପାଙ୍ଗିରରାଃ, ଆଲମ୍ ଗଗଏୟାଃ, ଆଲମ୍ କୁମ୍ପୁଡୁଲୁୟା, ହସଡ଼ଗାଃ ଆଲମାଃ, ଏଙ୍ଗା ଆପୁ କିନକେ ମାନାତିଙ୍ଗକିନମେ ।’”

୨୧ ଇନିଃ କାଜିରୁହାଡ଼କିୟାଏ, “ନେ ସବେନ୍ ଆନୁଚୁ ମିଦ୍-ସିଟିଆଏତେଇଙ୍ଗ ମାନାତିଙ୍ଗ ଆଉକାଦା ।”

୨୨ ଯୀଶୁ ନେଆଁ ଆୟୁମକେଦତେ ଇନିଃକେ କାଜିକିୟାଏ, “ନାହାଁଃହଁ ମିଆଁଦ କାଜିତେମ୍ ଜାଞ୍ଜିଆକାନାଃ, ଜୁ ଆମ୍ ଆମାଃ ସବେନାଃ ଆଖିରଙ୍ଗକେଦତେ ଏନା ରେଙ୍ଗେଃତାନକକେ ଏମାକମେ, ଏନ୍ତେ ସିମାରେ ଖୁଜ୍ ମ୍ ନାମେୟା ଆଡ଼଼ ହିଜୁଃକେଦତେ ଅତଙ୍ଗଇଙ୍ଗମେ ।” ୨୩ ମେନ୍ଦ ନେ କାଜି ଆୟୁମକେଦତେ ଇନିଃଦ ପୁରାଃଗି ହୁଡ଼ିଙ୍ଗଜୀଉୟାନାଏ, ଚିୟାଃଚି ଇନିଃଦ ପୁରାଃଗି କିସାଁଣ୍ ତାଇକେନାଏ ।

୨୪ ଯୀଶୁ ଇନିଃକେ ପୁରାଃ ହୁଡ଼ିଙ୍ଗଜୀଉକାନ୍ ନେଲକିଃତେ କାଜିକେଦାଏ, “ଅକନ୍ ହଡ଼କଆଃ ଟାକା ପାଏସା ମେନାଃ, ଏନ୍ କିସାଁଣ୍ ହଡ଼କନାଙ୍ଗ ପାରମେଶ୍ଵାରଆଃ ରାଇଜ୍ଞରେ ବଲଃ ପୁରାଃଗି ହାମ୍ପାଲାଃ । ୨୫ କିସାଁଣ୍ ହଡ଼ ପାରମେଶ୍ଵାରଆଃ ରାଇଜ୍ଞରେ ବଲଏତେ ସୁଲ ଉଣ୍ଡୁତେ ଉର୍ ପାରମଃତେୟାଃ ରାଞ୍ଜାଲାଃ ମେତାଦକଆଏ ।”

୨୬ ଆଡ଼଼ ନେଆଁ ଆୟୁମକେଦତେ ମେନ୍ଦକେଦାଃ, “ତାବ୍ଦ ଅକଏ ଜୀଉବାଞ୍ଚାଅ ନାମ୍ ଦାଡ଼ିୟାଏ ।”

୨୭ ମେନ୍ଦ ଯୀଶୁ କାଜିକିୟାଏ, “ହଡ଼କତେ କା ହବାଦାଡ଼ିୟଃ କାଜି ପାରମେଶ୍ଵାରତେ ହବାଦାଡ଼ିୟଆଃ ।”

୨୮ ପାଡ଼ରାସ୍ କାଜିକିୟାଏ, “ନେଲେମେ, ଆଲେଦ ସବେନାଃ ବାଗିକେଦତେ ଆମ୍ କେଲେ ଅତଙ୍ଗକେଦମେୟାଁ ।”

୨୯ ଆଡ଼଼ ଯୀଶୁ ଇନକୁକେ କାଜିୟାଦକଆଏ, “ସାରତିଗିଙ୍ଗ କାଜିୟାପେତାନା ପାରମେଶ୍ଵାରଆଃ ରାଇଜ୍ଞ ନାଗେନ୍ତେ ଆପନାଃ ଅଡ଼ାଃ ଚାଏ କୁଡ଼ି ଚାଏ ହାଗା ଚାଏ ଏଙ୍ଗା ଆପୁକ ଚାଏ ହନକକେ ବାଗିକାଦ୍ ସବେନ୍ ହଡ଼କ, ୩୦ ନେ ସାମାଏରେଗି ଏନାଏତେ ଆଦକାକ ନାମେୟା ଆଡ଼଼ ହିଜୁଃ ଦିପିଲିରେ ଜାନାଅ ଜାନାଅରେୟାଃ ଜୀଦାନ୍କ ନାମେୟା ।”

ୟୀଶୁ ଆୟାଃ ଗନଏଃରେୟାଃ କାଜି ଉଦୁବେତାନାଏ

(ମାଥୂଉ ୨୦:୧୭-୧୯; ମାର୍କ ୧୦:୩୨-୩୪)

୩୧ ଯୀଶୁ ଗେଲବାର୍ ଚେଲକକେ ଗେନାତେ ଇଦିକେଦତେ କାଜିୟାଦକଆଏ, “ନେଲେପେ ଆବୁ ଯୀରୁଶାଲେମ୍ ତେବୁ ସେନଃତାନା ଆଡ଼଼ ମାନଞ୍ଜାହନ୍ ଆଃ ବିଷାଏରେ ନାବୀକ ଅଲକାଦ୍ ସବେନାଃ ପୁରାଅଆଃ । ୩୨ ଇନିଃ ସାଅସାର୍ ହଡ଼କଆଃ ଡ଼ିଃଇରେ ଏମଃଆଏ । ଇନକୁ ଇନିଃକେକ ଲାନ୍ଦାୟା, ହିଲାଙ୍ଗଇୟା, ଆଡ଼଼କ ବେଜିୟା । ୩୩ ହାଁଣ୍ ସାଇୟା ଆଡ଼଼କ ଗଜିୟା, ଇନିଃ ଆପି ମାହାଁରେ ଜୀଉବିରିଦାଏ ।”

୩୪ ମେନ୍ଦ ଇନକୁ ନେ କାଜିକ ଜେତନାଃ କାକ ମୁଣ୍ଡିକେଦାଃ, ନେ କାଜି ଇନକୁଆଃ ଆୟାର୍ରେ ଉକୁଆକାନ୍ ତାଇକେନା, ଆଡ଼଼ ଇନକୁ କାଜିୟାକାନ୍ତେୟାଃ କାକ ଆଚ୍ଚାକାଚ୍ଚକେଦାଃ ।

ୟୀଶୁ ମିଆଁଦ କାଣାଁକାନ୍ନିଃକେ ବୁଗିକିୟାଏ

(ମାଥୂଉ ୨୦:୨୦-୩୪; ମାର୍କ ୧୦:୪୬-୫୨)

୩୫ ଯୀଶୁ ଯିରିହୋ ସାହାର୍ରେତେ ସେଟେଟାନ୍ ତାଇକେନ୍ରେ ମିଆଁଦ କାଣାଁକାନ୍ ହଡ଼ ହରାଗେନାରେ ଦୁବ୍ କେଦତେ କସଁ ତାନାଏ ତାଇକେନା । ୩୬ ଆଡ଼଼ ପୁରାଃ ହଡ଼କ ସେନ୍ପାରମଃତାନ୍ ଆୟୁମକେଦକଚି, “ନେଆଁ ଚିକ୍ନାଃ ହବାଃତାନାଃ” ମେନ୍ତେ କୁଲିକେଦକଆଏ ।

୩୭ “ନାଜ୍ରେତ୍ରେନ୍ ଯୀଶୁ ପାରମଃତାନାଏ” ମେନ୍ତେକ ଉଦୁବ୍ କିୟା ।

୩୮ ଏନ୍ତେ ଇନିଃ “ହେ ଯୀଶୁ, ହେ ଦାଉଦ୍ ଆଃ ହନ୍ ଲିବୁଆଇଙ୍ଗମେଁ” ମେନ୍ତେ କାଉରିକେଦାଏ ।

‡ ୧୮:୨୨ ୧୮:୨୨ ଆମାଃରେ ଘାଟି ମେନାଃ

୩୯ ଆୟାତରାକାନ୍ଦକ ହାପାନମେ ମେନ୍ତେକ ମାରାଙ୍ଗମଚାକିୟାଃ, ମେନ୍ଦ ଇନିଃ, “ହେ ଦାଉଦ୍‌ଆଃ ହନ୍ ଦାୟାଲଙ୍ଗମେ” ମେନ୍ତେ ଆତଃଗି ହାକାଅକିୟାଏ ।

୪୦ ଯୀଶୁ ତିଙ୍ଗୁୟାନ୍ତେ ଇନିଃକେ ଆଇଙ୍ଗତାଃ ଆଉଝିପେ ମେନ୍ତେ ଆରୁକେଦକଆ ଆତଃ ନାଡ଼େଃୟାନ୍ତି କୁଲିକିୟାଏ, ୪୧ “ଆମ୍ ତିନାଃମ୍ ଆସିତାନା, ଆଇଙ୍ଗ ଆମାଃ ନାଙ୍ଗ ତିନାଃଇଙ୍ଗ ଚିକାୟା ମେନ୍ତେମ୍ ସାନାଙ୍ଗତାନା” ମେନ୍ତେ କୁଲିକିୟାଏ । ଇନିଃ କାଜିକିୟାଏ, “ହେ ପ୍ରାଭୁ, ମେଦ୍‌ତାଇଙ୍ଗ ଆତଃମିସା ନେଲ୍ ଦାଡ଼ିକା ।”

୪୨ ଯୀଶୁ କାଜିକିୟାଏ, “ତାଦ୍‌ଦ ମେଦ୍‌ତାମ୍ ନାମ୍‌ଜମେମେ; ଆମାଃ ବିଶ୍ୱାସ୍ ଆମ୍‌କେ ବୁଗିକେଦ୍‌ମେୟାଏ ।”

୪୩ ଆତଃ ଇମ୍‌ତାଙ୍ଗି ଇନିଃ ନେଲ୍ ଦାଡ଼ିକେଦାଏ, ଆତଃ ଯୀଶୁକେ ଅତଙ୍ଗଇଁତାନ୍‌ଲଃ ପାର୍‌ମେଶ୍ୱାର୍‌କେ ମାରାଙ୍ଗକିୟାଏ ଆତଃ ସବେନ୍ ହଡ଼କ ନେଆଁ ନେଲ୍‌କେଦ୍‌ତେ ପାର୍‌ମେଶ୍ୱାର୍‌କେ ମାନାରାଙ୍ଗକିୟାଃକ ।

୧୯

ୟୀଶୁ ଆତଃ ମାଲ୍‌ହାରମ୍‌ନିଃ ଜଖ୍‌ୟ

୧ ଆତଃ ଯୀଶୁ ଯିରିହୋ ନୁତୁମ୍ ହାତୁରେ ବଲୟାନ୍‌ଲଃ ଥାଲା ଥାଲାତେ ସେନଃତାନାଏ ତାଇକେନା । ୨ ଆତଃ ନେଲେପେ ଜଖ୍‌ୟ ନୁତୁମ୍ ମିଆଁଦ୍ ହଡ଼ ତାଇକେନାଏ, ଇନିଃ ମାଲ୍‌ହାରମ୍‌କଆଃ ଗମ୍‌କେ ଆତଃ କିସାଁଶ୍ ହଡ଼ ତାଇକେନାଏ । ୩ ଇନିଃ ଯୀଶୁକେ ଚିଲ୍‌କାନ୍ ହଡ଼ ତାନିଃ ମେନ୍ତେ ନେଲ୍‌ସାନାଙ୍ଗ ତାଇକେନାଏ, ଚିୟାଃତି ଇନିଃ ବୁଟିୟା ହଡ଼ ତାଇକେନାଏ ଆତଃ ଗାଦେଲ୍ ହଡ଼କରାଃତେ କାଏ ନେଲ୍ ଦାଡ଼ିକିୟା । ୪ ଏନାତେ ଇନିଃ ଯୀଶୁ ପାରମ୍ ହରାରେ ନିର୍ ଆୟାର୍‌କେଦ୍‌ତେ ଯୀଶୁକେ ନେଲ୍ ନାଗେନ୍ତେ ମିଆଁଦ୍ ଲଆଦାରୁରେ ଦେଏଃୟାନାଏ । ୫ ଏନ୍ ଠାୟାଦ୍ ସେଟେର୍‌ୟାନ୍‌ତେ ଯୀଶୁ ସାଜିଲ୍ ରାକାଦ୍‌କେଦ୍‌ତେ ଇନିଃକେ ନେଲ୍‌କିୟାଏ ଆତଃ କାଜିକିୟାଏ, “ଜଖ୍‌ୟ ମାର୍ ଆଡ଼୍‌ଗୁଃମେ, ତିସିଙ୍ଗ୍‌ଦ୍ ଆମାଃ ଅଡ଼ାଃରେ ଆଇଙ୍ଗକେ ତାଇନ୍ ଲାଗାତିଙ୍ଗ୍‌ୟାଃ ।”

୬ ଆତଃ ଜଖ୍‌ୟ ଆଡ଼୍‌ଗୁ ଧାବ୍‌ୟାନ୍ତେ ରାସ୍‌କାତେ ଯୀଶୁକେ ଦାରମ୍‌କିୟାଏ । ୭ ମେନ୍ଦ ନେଆଁ ନେଲ୍‌କେଦ୍‌ତେ ସବେନ୍‌କ କୁରୁମ୍‌ତୁରୁମ୍‌ୟାନାକ ଆତଃ ମେନ୍‌କେଦାଃକ, “ଇନିଃ ପାପିହଡ଼ଆଃ ଅଡ଼ାଃରେ ପେଡ଼ାଅଃତାନାଏ ।”

୮ ମେନ୍ଦ ଜଖ୍‌ୟ ତିଙ୍ଗୁୟାନ୍ତେ ପ୍ରାଭୁକେ କାଜିକିୟାଏ, “ନେଲେମେ ହେ ପ୍ରାଭୁ, ଆଇଙ୍ଗତାଃରେ ମେନାଃତେୟାଃହେତେ ଆଧା, ରେଙ୍ଗେଃତାନ୍‌କକେଇଙ୍ଗ୍ ଏମାକଆ, ଆତଃ ବେଦାତେ ଜେତାଏତାଃଏତେ ଜେଡ଼ନାଃ ଆଉକାଇରେଦ୍ ଚାର୍‌ଗୁନା ଏମ୍‌ରୁହାଡ଼େୟାଇଙ୍ଗ୍ ।”

୯ ଯୀଶୁ ଇନିଃକେ କାଜିକିୟାଏ, “ତିସିଙ୍ଗ୍ ନେ ଅଡ଼ାଃରେ ଜୀଉବାଞ୍ଚାଅ ତେବାଃକାନା, ଚିୟାଃତି ନେ ହଡ଼, ହାଁଦ୍ ଆବ୍ରାହାମ୍‌ଆଃ ହନ୍ ତାନିଃ । ୧୦ ଚିୟାଃତି ମାନଞ୍ଜାହନ୍‌ଦ୍ ଆଦାକାନ୍‌କକେ ନାନାମ୍ ଆତଃ ବାଞ୍ଚାଅ ନାଗେନ୍ତେ ହିଜୁଆକାନାଏ ।”

ଗେଲ୍‌ଠୁ ସୋନା ସିକାରେୟାଃ ଜନ୍‌କା କାଜି

(ମାଥୁଞ୍ ୨୫:୧୪-୩୦)

୧୧ ହଡ଼କ ନେଆଁ ଆୟୁମ୍‌ତାନ୍ ତାଇକେନ୍‌ଇମ୍‌ତା, ଇନିଃ ମିଆଁଦ୍ ଜନ୍‌କା କାଜି କାଜିଏଟେଦ୍‌କେଦାଃଏ, ଚିୟାଃତି ଇନିଃଦ୍ ଯୀରୁଶାଲେମ୍ ନାଡ଼େଃରେ ତାଇକେନାଏ ଆତଃ ଇନ୍‌କୁ ପାର୍‌ମେଶ୍ୱାର୍‌ଆଃ ରାଇଙ୍ଗ୍ ବଦେଗି ଉଦୁବଃଆ ମେନ୍ତେ ଆଟ୍‌କାରେତାନ୍ ତାଇକେନାକ । ୧୨ ଇନିଃ କାଜିକେଦାଏ, “ମାରାଙ୍ଗ୍ ଜାତିରେନ୍ ମିଆଁଦ୍ ହଡ଼ ରାଇଙ୍ଗ୍ ଚାଲାଅରେୟାଃ ଇନିତୁ ନାମ୍ ନାଙ୍ଗ୍ ସାଜିନ୍ ଦିଶ୍ୱମ୍‌ତେ ସେନଃୟନା ଆତଃ ଇନିଃ ଏନ୍ତାଃଏତେ ଠାଉକା ନେତାରେ ହିଜୁଃରୁହାଡ଼୍ ନାଙ୍ଗ୍ ଉହାଟ୍‌କାଦ୍ ତାଇକେନାଏ । ୧୩ ଏନାମେନ୍ତେ ଇନିଃ ଆୟାଃ ଦାସିକଏତେ ଗେଲ୍‌ଝାନ୍‌କକେ ହାକାଅକେଦ୍‌ତେ ମିମିଆଦ୍ ହଡ଼କକେ ଗେଲ୍‌ଠୁ ସୋନା ସିକା ଏମାଦ୍‌କଆଏ । ‘ଆଉରିଙ୍ଗ୍ ହିଜୁଃରୁହାଡ଼୍ ଜାକେଦ୍ କିରିଙ୍ଗ୍ ଆଖ୍‌ରିଙ୍ଗ୍‌ଏପେ’ ମେତାଦ୍‌କଆଏ । ୧୪ ମେନ୍ଦ୍ ଆୟାଃ ଦିଶ୍ୱମ୍‌ରେନ୍‌କ ଇନିଃକେ ଖ୍ୱୟଆଇତାନ୍‌କ ତାଇକେନା, ଆତଃ ‘ଏନ୍‌ହଡ଼ ଆଲେୟାଃ ରାଇଙ୍ଗ୍‌ରେ ରାଜା ହବାଅଃକାଏ ନେଆଁ ଆଲେ କାଲେ ସାନାଙ୍ଗତାନା’ ମେନ୍ତେ କାଜିସେଟେର୍‌ନିଃକେ କାଜିସେଟେର୍‌ତେ ଇନିୟାଃତାଃକ କୁଲିକିୟାଃ ।

୧୫ “ଏନ୍‌ରେହ ଇନିଃ ରାଇଙ୍ଗ୍‌ନାମ୍‌କେଦାଏ, ଆତଃ ହିଜୁଃରୁହାଡ଼୍‌ୟାନାଏ । ଏନ୍ତେ ସୋନା ସିକା ନାମାକାଦ୍ ଦାସିକଏତେ ମିଆଁଦ୍‌ନିଃ ଚିମିନାଙ୍ଗ୍ କିରିଙ୍ଗ୍ ଆଖ୍‌ରିଙ୍ଗ୍ କେଦ୍‌ତେ ପସାକାଦାଃକ ଏନା ସାରିନାଗେନ୍ତେ ଆଇଙ୍ଗତାଃ ହାକାଅକପେ ମେନ୍ତେ ଆରୁକେଦକଆ । ୧୬ ସିଦାନିଃ ହିଜୁଃୟାନ୍ତେ କାଜିକିୟାଏ, ‘ହେ ଗମ୍‌କେ, ଆମ୍ ଏମାକାଦ୍ ସୋନା ସିକାଏତେ ଆଇଙ୍ଗ୍ ଗେଲ୍‌ଠୁ ସୋନା ସିକା ଆଦକା ପସାକାଦାଇଙ୍ଗ୍ ।’ ୧୭ ଇନିୟାଃ ଗମ୍‌କେ କାଜିକିୟାଏ, ‘ସାବାସ୍, ଆଇଁୟାଃ ବୁଗିନ୍ ଦାସି ! ଆମ୍ ବୁଗିନ୍ ଆତଃ ପାତିୟାର୍‌ରଃ ଲେକାନ୍ ଦାସି ତାନ୍‌ମେ । ଆମ୍ ହୁଡ଼ିଙ୍ଗ୍‌ତେୟାଃରେ ପାତିୟାର୍‌ରଃ ଲେକାମ୍ କାମିକାଦ୍ ହରାତେ, ଆମ୍ ଗେଲ୍ ନାଗାର୍‌ରେନ୍ ଆକ୍‌ତେୟାର୍‌ନିଃ ହବାଅଃଆମେ ।’ ୧୮ ଏଗାଃ ଦାସି ହିଜୁଃୟାନ୍ତେ କାଜିକିୟାଏ, ‘ହେ ପ୍ରାଭୁ, ଆମ୍ ଏମାକାଦ୍ ସୋନା ସିକାଏତେ ମଣେୟାଁ ସୋନା ସିକା ଆଦକା ପସାୟାନା ।’ ୧୯ ଇନିୟାଃ ଗୁସିୟାଁ ଇନିଃକେ କାଜିକିୟାଏ, ‘ଆମ୍‌ଦ ମଣେୟାଁ ନାଗାର୍‌ରେନ୍ ଗମ୍‌କେୟାଃମେ ।’

☆ ୧୯:୧୦ ୧୯:୧୦ ମାଥୁଞ୍ ୧୮:୧୧.

୨୦ “ଏନ୍ତେ ଆତ୍ମାଟି ଏଗାଠ ଦାସି ହିଜୁଃୟାନ୍ତେ କାଜିକିୟାଏ, ‘ହେ ପ୍ରାଭୁ ନେଲେମେ ଆମ୍ ଏମାକାଦ୍ ସୋନା ସିକାକେ ତାରାଲିଜାଠରେଇଙ୍ଗ୍ ଦହପଟମାକାଦାଃ । ୨୧ ଆମ୍ କେଟେଦ୍ ମନ୍ରେନ୍ ହଡ୍ ତାନ୍ମେ ମେନ୍ତେ ଆଇଙ୍ଗ୍ ବରଆମେ ତାଇକେନାଇଙ୍ଗ୍, ଆମ୍ କାମ୍ ଦହଡେୟାଃ ଇଦିୟାଃମେ ଆତ୍ମା କାମ୍ ହେର୍ଡେୟାଃ ଇର୍ଇଦିୟାଃମେ ।’ ୨୨ ଇନିୟାଃ ପ୍ରାଭୁ କାଜିରୁହାଡ୍କିୟାଏ, ‘ଏ ଏଡକାନ୍ ଦାସି, ଆମାଃ କାଜିଡେଗିଙ୍ଗ୍ ବିଚାରମେୟାଃ । ଆଇଙ୍ଗ୍ କେଟେଦ୍ ମନ୍ରେନ୍ ହଡ୍ ତାନିଙ୍ଗ୍, ଆଇଙ୍ଗ୍ କାଇଙ୍ଗ୍ ଦହ ଏନାଇଙ୍ଗ୍ ଇଦିୟା ଆତ୍ମା କାଇଙ୍ଗ୍ ହେର୍ ଏନାଇଙ୍ଗ୍ ଇର୍ଇଦିୟାଃ, ଏନା ସାରିତାନାମ୍ ତାଇକେନା । ୨୩ ଚିନାଃମେନ୍ତେ ଆମ୍ ଆଇୟାଃ ଟାକାକେ ବେଙ୍କରେ କାମ୍ ଦହକେଦା ? ଆଇଙ୍ଗ୍ ହିଜୁଃୟାନ୍ତେକେଦ୍ତେ ସବେନ୍ ମୁଲ୍’କାନ୍ତାରଲଃ ଟାକା ନାମ୍‌ରୁହାଡ୍ କେଦ୍ତେୟାଃଇଙ୍ଗ୍ ।’

୨୪ “ଏନ୍ତେ ଇନିଃ ତିଙ୍ଗ୍‌ଜାପାଃକାନ୍ ହଡକକେ କାଜିୟାଦ୍‌କଆଏ, ଏନ୍ ସୋନା ସିକା ଇନିଃତାଃଏତେ ରେଃଜିପେ ଆତ୍ମା ଗେଲ୍ ସୋନା ସିକା ନାମାକାଦ୍ ହଡକେ ଏମାଇପେ । ୨୫ ମେନ୍ଦ୍ ଇନ୍‌କୁ କାଜିକିୟା ‘ହେ ପ୍ରାଭୁ, ଗେଲ୍ ସୋନା ସିକା ଇନିଃତାଃରେୟା । ୨୬ ଇନିଃ ମେନ୍‌ରୁହାଡାଦ୍‌କଆଏ, ଆଇଙ୍ଗ୍ କାଜିୟାପେ ତାନାଇଙ୍ଗ୍, ସବେନ୍ ମେନାଃନିଃକକେ ଏମଃଆ, ମେନ୍ଦ୍ ଜେତାଏତାଃରେ ବାନଃଆ, ଇନିଃତାଃଏତେ ଅକ୍‌ନାଃ ମେନାଃ ଏନାହଗି ଇଦିୟାଃଆ । ୨୭ ଇମେନ୍ଦ୍ ଆଲେରେ ଇନିଃ ରାଇଜେକାଏ ଏନା କା ସାନାଙ୍ଗ୍‌ତାନ୍ ତାଇକେନ୍ ଆଇୟାଃ ବାଇରିକକେ ନେତାଃ ଆଉକୁପେ ଆତ୍ମା ଆଇୟାଃ ସାମ୍‌ନାଙ୍ଗ୍‌ରେ ମାଃଆକପେ ।’”

ୟାଶୁ ଯୀରୁଶାଲେମ୍‌ତେ ବଲତାନାଏ
(ମାଥ୍‌ଉ ୨୧:୧-୧୧; ମାର୍କ ୧୧:୧-୧୧; ଯୋହାନ୍ ୧୨:୧୨-୧୯)

୨୮ ଯୀଶୁ ନେଆଁ କାଜିକେଦ୍‌ଟି, ଯୀରୁଶାଲେମ୍‌ତେ ସେନଃ ନାଗେନ୍ତେ ଆୟାଃ ଚେଲାକତାଃଏତେ ଆୟାର୍‌ୟାନାଏ । ୨୯ ଆତ୍ମା ଜାଇତୁନ୍* ନୁତୁମ୍ ବୁରୁ ହେପାଦ୍‌ରେ ତାଇନ୍‌ତାନ୍ ବେଡ୍‌ପାଗି ଆତ୍ମା ବେଅ୍‌ନିଆ ହାତୁତାଃ ସେଟେର୍‌ୟାନ୍‌ଟି ଇନିଃ ଆୟାଃ ବାର୍‌ହଡ୍ ଚେଲାକିନ୍‌କେ ନେଆଁଏ କାଜିକେଦ୍‌କିନା, ୩୦ “ଆବେନାଃ ଆୟାର୍‌ରେୟାଃ ହାତୁତେ ସେନଃବେନ୍, ଆତ୍ମା ଏନାରେ ବଲଇମ୍‌ତାଗି ଆବେନ୍ ତଲାକାନ୍ ଗାଧାହନ୍‌କେବେନ୍ ନାମିଆଁ, ଇନିଃରେ ଜେତାଏ ହଡ୍ ତିଉଲାହ କାଏ ଦୁବାକାନା, ଇନିଃକେ ରାଡା ଆଉଝିବେନ୍ । ୩୧ ଜେତାଏ ଚିନାଃମେନ୍ତେ ଇନିଃକେବେନ୍ ରାଡାଇତାନା ମେନ୍ତେ କୁଲିବେନ୍‌ରେଦ୍, ଇନିଃକେ ମେତାଇବେନ୍, ନିଃତାଃରେ ପ୍ରାଭୁଆଃ କାମିମେନାଃ ।”

୩୨ ଏନ୍ କୁଲାକାନ୍‌କିନ୍ ସେନଃୟାନ୍ତେ ଯୀଶୁ କାଜିୟାଦ୍‌କିନ୍ ଲେକା ନାମ୍‌କିୟାଃକିନ୍ । ୩୩ ମେନ୍ଦ୍ ଇନ୍‌କିନ୍ ଗାଧାହନ୍‌କେ ରାଡାଇତାନ୍‌ଇମ୍‌ତା ଇନିଃ ଗମ୍‌କେକ “ଚିକାନାଗେନ୍ତେ ରାଡାଇତାନାବେନ୍ ମେନ୍ତେ କୁଲିକେଦ୍‌କିନାକ ?”

୩୪ ଇନ୍‌କିନ୍, “ନିଃତାଃରେ ପ୍ରାଭୁଆଃ କାମିମେନାଃ” ମେନ୍ତେ କାଜିୟାଦ୍‌କଆକିନ୍ ।

୩୫ ଇନ୍‌କିନ୍ ଗାଧାହନ୍‌କେ ଯୀଶୁତାଃତେ ଆଉକିୟାକିନ୍, ଆତ୍ମା ଗାଧା ଚେତାନ୍‌ରେ ଆକିନାଃ ଲିଜାଃକିନ୍ ଆଟେଦ୍‌କେଦା ଆତ୍ମା ଯୀଶୁକେ ଦୁବ୍‌କିୟାକିନ୍ । ୩୬ ଆତ୍ମା ଇନିଃ ସେନଃତାନ୍‌ରେ ହଡକ ଆକଆଃ ଲିଜାଃ ହରାରେକ ଆଟେଦ୍‌କେଦା ।

୩୭ ଆତ୍ମା ଯୀଶୁ ଯୀରୁଶାଲେମ୍ ନାଡେଃତେ ସେଟେର୍‌ତାନ୍ ଇମ୍‌ତା ଏନ୍ତାଃରେୟାଃ ଜାଇତୁନ୍ ବୁରୁତେ ସେନଃ ହରାତାଃତେ ସେଟେର୍‌ୟାନ୍‌ଟି ଆୟାଃ ଚେଲାକଆଃ ଗଗାଗହଣାଁ ରାସ୍‌କାୟାନାକ ଆତ୍ମା ନେଲାକାଦ୍ ତାଇକେନ୍ ସବେନ୍ ଆକଦାଦାଅ କାମି ନାଗେନ୍ତେ କାଉରିତାନ୍‌ଲଃ ପାର୍‌ମେଶ୍‌ୱାର୍‌କେ ମାନାରାଙ୍ଗ୍‌କିୟାଃକ । ୩୮ ଆତ୍ମା କାଜିକେଦାକ, “ପ୍ରାଭୁଆଃ ନୁତୁମ୍‌ତେ ହିଜୁଃୟାନ୍ ରାଜାକେ ପାର୍‌ମେଶ୍‌ୱାର୍ ଆଗିଷ୍ ଏମାଇକାଏ, ସିମା ଦିଶ୍‌ମ୍‌ରେ ଜୀଉସ୍‌କୁ ଆତ୍ମା ସାଲାଙ୍ଗିଉତାର ପାର୍‌ମେଶ୍‌ୱାର୍‌ଆଃ ମାନାରାଙ୍ଗ୍ ହବାଅଃକା ।” ୩୯ ଗାଦେଲ୍‌ହଡକଏତେ ଚିମିନ୍ ଫାରୁଶାକ କାଜିକେଦାଃକ, ହେ ଗୁରୁ ଆମାଃ ଚେଲାକକେ ହାପାଅଃନାଙ୍ଗ୍ ମାରାଙ୍ଗ୍‌ମତାକମ୍ ।

୪୦ ଇନିଃ କାଜିରୁହାଡାଦ୍‌କଆଏ, ଆଇଙ୍ଗ୍ କାଜିୟାପେ ତାନାଇଙ୍ଗ୍, “ନିକୁ ହାପାନ୍‌ରେଦ୍ ଦିରିକ ହାକାଅବିରିଦାଃ ।”

ୟାଶୁ ଯୀରୁଶାଲେମ୍ ନାଗେନ୍ତେ ରାଆଃକେଦାଏ

୪୧ ଯୀଶୁ ଯୀରୁଶାଲେମ୍ ସାହାର୍‌ତେ ନାଡେଃୟାନ୍‌ଟି ସାହାର୍‌କେ ନେଲ୍‌କେଦାଏ ଆତ୍ମା ଏନାନାଗେନ୍ତେ ରାଆଃକେଦାଏ, ୪୨ ଆତ୍ମା କାଜିକେଦାଏ, “ଆମ୍‌ଗି ତିସିଙ୍ଗ୍ ସୁକୁରାଃ ବିଷାଏକ ସାରିକାଦ୍‌ତେୟାଃମ୍, ମେନ୍ଦ୍ ନାହାଁଃ ଏନା ମେଦ୍‌ତାମ୍‌ଏତେ ଉକୁଆକାନା । ୪୩ ଏନ୍ ହୁଲାଙ୍ଗ୍ ଆମ୍‌ତାଃ ହିଜୁଃୟା, ଏନ୍‌ରେ ଆମାଃ ବାଇରିକ ଡିପାୟାକ ଆତ୍ମା ଆମ୍‌କେ ବିହୁର୍‌ମେୟାକ ଆତ୍ମା ସବେନ୍‌ସାଃଏତେ କେସେଦ୍‌ବିହୁର୍‌ମେୟାକ । ୪୪ ଆମ୍ ଆତ୍ମା ଆମାଃ ହନ୍‌କକେ ହାସାରେକ ମିଦ୍‌ପେୟା । ଆମାଃ ଚେତାନ୍‌ରେ ଦିରି ଚେତାନ୍ ଦିରି ତିରିୟାକାନ୍ କା ତାଇନା, ତିୟାଃଟି ଆମ୍‌ଦ ପାର୍‌ମେଶ୍‌ୱାର୍ ହିଜୁଆକାନ୍ ଦିପିଲିକେ କାମ୍ ନେଲ୍‌ଉର୍‌ମ୍‌କେଦାଃ ।”

ୟାଶୁ ମାହିର୍ ଅତ୍ମାତେ ବଲତାନାଏ
(ମାଥ୍‌ଉ ୨୧:୧୨-୧୭; ମାର୍କ ୧୧:୧୫-୧୯; ଯୋହାନ୍ ୨:୧୩-୨୨)

☆ ୧୯:୨୭ ୧୯:୨୭ ମାଥ୍‌ଉ ୧୩:୧୨; ମାର୍କ ୪:୨୫; ଲୁକ ୮:୧୮. ☆ ୧୯:୨୭ ୧୯:୨୭ ମାଥ୍‌ଉ ୨୫:୧୪-୩୦. * ୧୯:୨୯ ୧୯:୨୯ ଜାଇତୁନ୍

୪୫ ଏନ୍ତେ ମାନ୍ଦିର୍ ଅଡ଼ାରେ ବଲୟାନତେ ଇନିଃ ସବେନ୍ କିରିଙ୍ଗ୍ ଆଖ୍ରିଙ୍ଗ୍ତାନକକେ ହାର୍ଅଡ଼ଙ୍ଗ୍ ଏଟେଦକେଦୁଆଏ । ୪୬ ଇନିଃ ଇନକୁକେ କାଜିୟାଦକଆଏ, “ପାର୍ମେଶ୍ୱାର୍ କାଜିକେଦାଏ ଯେ ଧାରାମ୍ପୁଥିରେ ନେଆଁ ଅଲ୍ଲାନା, ‘ଆଇୟାଃ ଅଡ଼ା ବିନ୍ତିଅଡ଼ା ତାନାଃ’ ମେନ୍ଦ ଆପେ ନେଆଁକେ କୁମ୍ପୁକୁଆଃ ତାଇନଃ ଠାୟାଦପେ ବାଇୟାକାଦା ।”

୪୭ ଯୀଶୁ ସବେନ୍ ହୁଲ୍ଲାଙ୍ଗ୍ ମାନ୍ଦିର୍ ଅଡ଼ାରେ ଇଡୁକତାନାଏ ତାଇକେନାଏ, ମେନ୍ଦ ମୁଲ୍ ଯାଜାକକ, ଆଇନ୍ ଇଡୁକ ଆଡ଼ ହଡ଼କଆଃ ମୁଖୁଆକ ଇନିଃକେ ଗଗଏଃ ସାନାଙ୍ଗ୍ତାନକ ତାଇକେନା । ୪୮ ମେନ୍ଦ ଚିକ୍ନାଃରୁ ଚିକାୟା ନେଆଁ କାକ ନାମ୍ଦାଡ଼ିକେଦାଃ, ଚିୟାଃତି ସବେନ୍ ହଡ଼କଦ ଇନିୟାଃ କାଜି ଆୟୁମ୍ ନାଗେନ୍ତେ ଜୁରୁଆକାନକ ତାଇକେନା ।

୨୦

ୟୀଶୁଆଃ ଆକ୍ତେୟାର୍ ବିଷାଏରେ କୁନୁଲି

(ମାଥୁଉ ୨୧:୨୩-୨୭; ମାର୍କ ୧୧:୨୭-୩୩)

୧ ଏନ୍ ହୁଲ୍ଲାଙ୍ଗ୍‌କଏତେ ମୁସିଙ୍ଗ୍ ଯୀଶୁ ମାନ୍ଦିର୍ ଅଡ଼ାରେ ହଡ଼କକେ ଇଡୁକତାନ ଆଡ଼ ସୁକୁକାଜି ଉଦୁବାକତାନ ତାଇକେନରେ ମାରାଙ୍ଗ୍ ଯାଜାକକ ଆଡ଼ ଆଇନ୍ ଇଡୁକ ପ୍ରାଚିନକଲଃ ଇନିଃତାଃତେ ହିଜୁଃଲେନ୍ତେ, ୨ ଇନିଃକେକ କୁଲିକିୟାଃ, “ଆମ୍ ଅକ ଆକ୍ତେୟାର୍‌ତେ ନେଆଁକମ୍ ରିକାତାନା ? ନେ କାମିକ ରିକାନାଗେନ୍ତେ ଅକଏ ନେ ଆକ୍ତେୟାର୍ ଏମାକାଦମେଆ ?” ୩ ଇନିଃ ଇନକୁକେ କାଜିରୁହାଡ଼ାଦକଆଏ, “ଆଇଙ୍ଗ୍‌ହ୍ ମିଆଁଦ୍ କାଜିଙ୍ଗ୍ କୁଲିପେୟା, ଆଡ଼ ଆପେ କାଜିରୁହାଡ଼ିଙ୍ଗ୍‌ପେ, ୪ ବାପ୍ତିସ୍ତା ଏମଃନିଃ ଯୋହାନ୍‌ଆଃ ବାପ୍ତିସ୍ତା ସିର୍ମାରେନ୍ ପାର୍ମେଶ୍ୱାର୍‌ତାଃଏତେ ଚି ମାନଃତାଃଏତେ ତାଇକେନା ?”

୫ ଏନ୍ତେ ଇନକୁ ଆକ ଆକରେକ ଉଡ଼ୁକେଦା, “ଆରୁ, ‘ସିର୍ମାରେନ୍ ପାର୍ମେଶ୍ୱାର୍‌ତାଃଏତେ’ ମେନେରେଦ ଇନିଃ ‘ଚିକାନାଙ୍ଗ୍ ଯୋହାନ୍‌ରେ କାପେ ବିଶ୍ୱାସକେଦା’ ମେତାରୁଆଏ ? ୬ ମେନ୍ଦ ହଡ଼କ ସାଃଏତେ ମେନେରେଦ ସବେନ୍ ହଡ଼କ ଆରୁକେ ଚିଦ୍‌ଗିରୁଆକ, ଚିୟାଃତି ବାପ୍ତିସ୍ତା ଏମଃନିଃ ଯୋହାନ୍ ନାବୀ ତାନିଃ ମେନ୍ତେ ଇନକୁ ପୁରାଃଗି ଭାର୍‌ସାକାଦାକ ।”

୭ ଏନ୍ତେ ଇନକୁ କାଜିରୁହାଡ଼କିୟାକ, “ଏନା କତାଃଏତେ ତାଇକେନା ଏନା କାଲେ ସାରିତାନା ।”

୮ ଏନ୍ତେ ଯୀଶୁ ଇନକୁକେ ମେତାଦକଆଏ, “ଆଇଙ୍ଗ୍‌ହ୍ ଅକ ପେଡେଃତେ ଏନାକଇଙ୍ଗ୍ ରିକାତାନା, କାଇଙ୍ଗ୍ ଉଦୁବାପେୟା ।”

ଦାଖ୍‌ବାକ୍ତିରାଃ କାର୍‌କାମିହଡ଼କଆଃ ଜନକା କାଜି

(ମାଥୁଉ ୨୧:୩୩-୪୬; ମାର୍କ ୧୨:୧-୧୨)

୯ ଯୀଶୁ ହଡ଼କକେ ନେ ଜନକା କାଜି ଏଟେଦକେଦୁଆଏ, “ମିଆଁଦ୍ ହଡ଼ ଦାଖ୍‌ବାକ୍ତି ବାଇକେଦାଏ, କାର୍‌କାମିହଡ଼କକେ କାର୍ ଏମକେଦ୍‌ତେ ପୁରାଃ ସାମାଏ ଜାକେଦ୍ ଏଟାଃ ଦିଶୁମ୍‌ତେ ସେନଃୟାନାଏ । ୧୦ ଇରୋଃଅ ଦିପିଲିରେ ଇନିଃ ଦାଖ୍‌ବାକ୍ତିରେୟାଃ ଜ ଏମାଇଙ୍ଗ୍‌ପେ ମେନ୍ତେ ମିଆଁଦ୍ ଦାସିକେ କାର୍ କାମିହଡ଼କତାଃତେ କୁଲିକିୟାଏ, ମେନ୍ଦ କାର୍‌କାମିହଡ଼କ ଇନିଃକେ ଦାଲ୍‌କିୟାଃକ ଆଡ଼ ସାମାତିଃଇଗି କୁଲ୍‌ରୁହାଡ଼କିୟାଃକ । ୧୧ ଇନିଃ ଏଟାଃ ଦାସିକେ କୁଲିକିୟାଏ, ଇନକୁ ଇନିଃକେହ ଦାଲ୍‌କିୟାଃକ ଆଡ଼ ହିଲ୍ଲାଙ୍ଗ୍‌କିଦ୍‌ତେ ସାମାତିଃଇଗି କୁଲ୍‌ରୁହାଡ଼କିୟାଃକ । ୧୨ ଇନିଃ ଆଡ଼ଗି ଆପିୟାନିଃକେହ କୁଲିକିୟାଏ, ଆଡ଼ ଇନକୁ ଇନିଃକେ ଘାଅକିଃତେକ ଅଡ଼ଙ୍ଗ୍‌ଏଣ୍ଡାଃକିୟାଃ । ୧୩ ଏନ୍ତେ ଦାଖ୍‌ବାକ୍ତିରାଃ ଗମ୍‌କେ ମେନ୍‌କେଦାଏ, ‘ଚିନାଃଇଙ୍ଗ୍ ଚିକାୟା ? ଆଇୟାଃ ଦୁଲ୍ଲାଡ୍ ହନିଙ୍ଗ୍‌କଡ଼ାକେ କୁଲିୟାଈଙ୍ଗ୍, ଇଦୁ ଇନକୁ ଇନିଃକେ ମାଇନିୟାକ ।’ ୧୪ ମେନ୍ଦ କାର୍‌କାମିହଡ଼କ ଇନିଃକେ ନେଲ୍‌କିଦ୍‌ଚି ମେପେନ୍‌ୟାନାକ, ‘ନିଃଗି ଗୁସିୟାଈରାଃ ହନ୍ ତାନିଃ ଦଲ୍ଲାରୁ ଗଜିୟା, ତାଦ୍‌ଦ ନିୟାଃ ହାନାଟିଙ୍ଗ୍ ଆରୁଆଃଗି ହବାଅଆଃ ।’ ୧୫ ଆଡ଼ ଇନକୁ ଇନିଃକେ ଦାଖ୍‌ବାକ୍ତିଏତେ ଅଡ଼ଙ୍ଗ୍‌ଏଣ୍ଡାଃକିୟାଃକ ଆଡ଼ ଗଏଃକିୟାଃକ ।

“ୟୀଶୁ କୁଲିକେଦକଆ, ‘ନାହାଁଃଦ ଦାଖ୍‌ବାକ୍ତି ଗମ୍‌କେ ଇନକୁକେ ଚିକ୍ନାଃଏ ଚିକାକଆ ? ୧୬ ଇନିଃ ହିଜୁଃକେଦ୍‌ତେ ଏନ୍ କାର୍‌କାମିହଡ଼କକେ ଗଏଃକଆଏ ଆଡ଼ ଦାଖ୍‌ବାକ୍ତି ଏଟାଃକକେ ଏମାକଆଏ ।’” ହଡ଼କ ନେଆଁ ଆୟୁମ୍‌କେଦ୍‌ତେ ମେନ୍‌କେଦାଃକ, “ଆଲକାଏ ଏନ୍‌କାଅଃକା ।”

୧୭ ଯୀଶୁ ଇନକୁସାଃ ନେଲ୍‌କେଦ୍‌ତେ କୁଲିକେଦକଆଏ, “ତାଦ୍‌ଦ ଧାରାମ୍ପୁଥିରେୟାଃ ନେ କାଜିରାଃ ମୁଣ୍ଡି ଚିକ୍ନାଃ ତାନାଃ ?”

“ଅଡ଼ା ବାବାଇକ ଅକ ଦିରିକେକ ଆତମ୍ ଏଣ୍ଡାଃକେଦା,

ଏନ୍ ଦିରି ଅଡ଼ାଃରାଃ କଚାଦିରି ବାଇୟାକାନା ।”

୧୮ ଏନ୍ ଦିରିରେ ଉୟୁଗଃନିଃ ଗୁଣ୍ଡାଅଃଆଏ ଆଡ଼ ଏନା ଜେତାଏରେ ଉୟୁଗଃରେଦ ଇନିଃକେ ରିଦିୟାଏ ।”

ମାଲ୍‌ଏମ୍ ବିଷାଏରେୟାଃ କୁନୁଲି

(ମାଥୁଉ ୨୨:୧୫-୨୨; ମାର୍କ ୧୨:୧୩-୧୭)

☆ ୧୯:୪୭ ୧୯:୪୭ ଲୁକ ୨୧:୩୭.

୧୯ ମାରାଜ୍ ଯାଜାକ ଆତଃ ଆଇନ୍ ଇତୁକ ଇନିଃ ନେ ଜନ୍କା କାଜି ଆବୁକେ କାଜିୟାଦ୍‌ବୁଆଏ ନେଆଁ ସାରିକେଦ୍‌ତେ ଏନ୍ ଦିପିଲିରେଗି ଇନିଃକେ ସାସାବ୍ ସାନାଜ୍ ତାଇକେନାକ, ମେନ୍‌ଦ ଇନ୍‌କୁ ଗାଦେଲ୍ ହଡ଼କକେ ବରକେଦ୍‌କଆକ । ୨୦ ଏନାତେ ଇନ୍‌କୁ ଯୀଶୁଆଃ କାଜିରେ ଭୁଲ୍ ସାବିନାଜ୍ ଚିମିନ୍ ହଡ଼କ ଆପାନକେ ଧାର୍‌ମାନ୍ ମେନ୍ତେ ଉଦୁବେନ୍‌ତାନକକେ କୁଲ୍‌କେଦ୍‌କଆକ, ଜେ'ଲେକାଟି ଇନ୍‌କୁ ଇନିଃକେ ସାବ୍‌କେଦ୍‌ତେ ରୋମ୍‌ରେୟାଃ ପେଡ଼େଃ ଆତଃ ଆକ୍‌ତେୟାର୍ ନାମାକାଦ୍ ଲାଟ୍‌ସାହେବ୍‌ତାଃରେକ ଜିମାଦାଡ଼ିୟା । ୨୧ ଏନାତେ ଇନ୍‌କୁ କୁଲିକିୟାଃକ, “ହେ ଗୁରୁ, ଆମ୍ ରୁଗିଲେକାତେମ୍ କାଜିତାନା ଆତଃ ଇତୁତାନା ଆତଃ ହଡ଼କଆଃ ମେଦ୍‌ମୁହାଁଡ୍ କାମ୍ ନେନେଲାଃ, ମେନ୍‌ଦ ପାର୍‌ମେଶ୍‌ବାର୍‌ରାଃ ହରା ସାର୍‌ତିତେମ୍ ଇତୁତାନା, ଏନାଲେ ସାରିତାନା । ୨୨ କାଜିୟାଲେମ୍, ଚିୟାଃ ଆଲେ କାଇସାର୍‌କେ କାର୍ ଏମାଲ ଲାଗାଡ଼ିକ୍‌ୟାଃ ଚି କା ?”

୨୩ ମେନ୍‌ଦ ଯୀଶୁ ଇନ୍‌କୁଆଃ ବେଦା ଆଟ୍‌କାର୍‌କେଦ୍‌ତେ ମେତାଦ୍‌କଆଏ, ୨୪ “ମୁସିଙ୍ଗ୍‌ରାଃ ନାଲା ସିକା ଆଉଝାକ୍‌କେ, ନେଆଁ ଅକ୍‌ଏୟାଃ ମୁରୁଡ୍ ଆତଃ ଅନଲ୍ ତାନାଃ ?” ଇନ୍‌କୁ କାଜିରୁହାଡ଼କିୟାକ, “କାଇସାର୍‌ଆଃ ।”

୨୫ ଯୀଶୁ ଇନ୍‌କୁକେ ମେତାଦ୍‌କଆଏ, “ତାବ୍‌ଦ କାଇସାର୍‌ଆଃ କାଇସାର୍‌କେ ଏମାଲପେ, ଆତଃ ପାର୍‌ମେଶ୍‌ବାର୍‌ଆଃ ପାର୍‌ମେଶ୍‌ବାର୍‌କେ ଏମାଲପେ ।”

୨୬ ଇନ୍‌କୁ ହଡ଼କଆଃ ଆୟାର୍‌ରେ ଯୀଶୁଆଃ କାଜିରେ କାକ ସାବ୍ ଦାଡ଼ିକିୟାଃ, ଆତଃ ଇନିୟାଃ କାଜିରୁହାଡ଼ତେ ଆକ୍‌ଦାନ୍‌ଆୟାନ୍‌ଲଃ ହାପାୟାନ୍‌କାକ ।

ଜୀଉବିନିରିଦ୍‌ରେୟାଃ କୁନୁଲି
(ମାଥୁଉ ୨୨:୨୩-୩୩; ମାର୍କ ୧୨:୧୮-୨୭)

୨୭ ☆ସାଦୁକିକ୍‌ଏତେ ଚିମିନ୍‌ହଡ଼କ ଯୀଶୁତାଃତେକ ହିଜୁଃୟାନା, ଇନ୍‌କୁଦ ଜୀଉବିନିରିଦ୍ ବାନଃଆମେନ୍ତେକ କାଜିୟା, ଆତଃ ଇନ୍‌କୁ ଇନିଃକେ କୁଲିକିୟାଃକ, ୨୮ “ହେ ଗୁରୁ, ଜେତାଏ ହଡ଼ଆଃ ହନ୍‌ଗାଁଣା ବାନ୍‌କୁୟାନ୍ତେ ଆୟାଃ କୁଡ଼ିତେକେ ଗଏଃବାଗିରେ ହାଗାତେ ଇନିୟାଃ କୁଡ଼ିତେକେ ଆଣ୍‌ଦିୟାଃକ ଆତଃ ହାଗାତେୟାଃ ନୁଡୁମ୍‌ତେ ହନ୍ ପସାକକାଏ, ନେଆଁଦ୍ ମୁଶା ଆଲେ ନାଗେନ୍ତେ ଅଲ୍‌କାଦାଏ ମେନ୍‌କେଦାକ । ୨୯ ନେଲେମେ ସାଡ୍ ହାରିୟା ତାଇକେନାକ, ଆତଃ ମାରାଜ୍‌ନିଃ ଆଣ୍‌ଦିକେଦ୍‌ତେ ବେଗାର୍ ହନ୍‌ଗାଁଣାତେ ଗଏଃୟାନାଏ । ୩୦ ଆତଃ ବାରିୟାନିଃ ଇନିଃକେ ଆଣ୍‌ଦିୟାନାଏ ଆତଃ ଇନିଃହ ବେଗାର୍ ହନ୍‌ଗାଁଣାତେ ଗଏଃୟାନାଏ । ୩୧ ଏନ୍ତେ ଆପିୟାନିଃ ଇନିଃକେ ଆଣ୍‌ଦିୟାନାଏ ଆତଃ ନେ ଲେକାଟି ସାଡ୍ ହାରିୟାକ୍‌ହ ବେଗାର୍ ହନ୍‌ଗାଁଣାତେ ଗଏଃୟାନାକ । ୩୨ ତାୟମ୍‌ତେ, କୁଡ଼ିୟାଗି ଗଏଃୟାନାଏ । ୩୩ ନାହାଁଃଦ୍ ଜୀଉବିନିରିଦ୍ ଇମ୍‌ତା ଇନିଃ ଅକ୍‌ଏୟାଃ କୁଡ଼ି ହବାଅଆଃଏ ? ଏନ୍ ସାଡ଼ିୟା ହାରିୟାକ୍‌ଦ ଇନିଃକେ ଆଣ୍‌ଦିୟାକାନ୍ ତାଇକେନାକ ।”

୩୪ ଯୀଶୁ ମେନ୍‌ରୁହାଡ଼ାଦ୍‌କଆଏ, “ନେ ଦିପିଲିରେନ୍ ହନ୍‌କ ଆଣ୍‌ଦିୟାତାନା ଆତଃକ ଆଣ୍‌ଦିକତାନା । ୩୫ ମେନ୍‌ଦ ହିଜୁଃତାନ୍ ପାରିୟାରେ ଜୀହୁଦ୍‌ଃ ହଡ଼କ ଆତଃ ଗଜାକାନ୍‌କଏତେ ଜୀଉବିନିରିଦ୍‌ଲେକାନ୍ ହଡ଼କ କାକ ଆଣ୍‌ଦିୟାଆ ଆତଃ କାକ ଆଣ୍‌ଦିନାଃ । ୩୬ ଆତଃ ଇନ୍‌କୁ ଆତଃମିସା କାକ ଗଏଃଦାଡ଼ିୟାଆ, ଚିୟାଃଚି ଇନ୍‌କୁଦ ସିମାରେନ୍ ଦାସିକଲେକା, ଆତଃ ଜୀଉବିନିରିଦ୍‌ରେନ୍ ହନ୍‌କ ହବାୟାନ୍ତେ ଇନ୍‌କୁ ପାର୍‌ମେଶ୍‌ବାର୍‌ଆଃ ହନ୍ ତାନ୍‌କୁ । ୩୭ ମେନ୍‌ଦ ଗଜାକାନ୍‌କ ଜୀଉବିନିରିଦ୍ କାଜି ମୁଶାହ୍ ରୁପାଦ୍‌ରେୟାଃ କାଜିତେ ଉଦୁବାକାଦାଏ, ଏନ୍‌ରେ ଇନିଃ ପ୍ରାଭୁକେ କାଜିକିୟାଏ, ‘ଆମ୍ ଆବ୍ରାହାମ୍‌ଆଃ ପାର୍‌ମେଶ୍‌ବାର୍, ଆତଃ ଇସାକ୍‌ଆଃ ପାର୍‌ମେଶ୍‌ବାର୍, ଆତଃ ଯାକୂବ୍‌ଆଃ ପାର୍‌ମେଶ୍‌ବାର୍ ତାନ୍‌ମେ ।’ ୩୮ ନେଲେମେ ପାର୍‌ମେଶ୍‌ବାର୍ ଗଜାକାନ୍‌କଆଃଦ ନାହାଁଲିଃ, ମେନ୍‌ଦ ଜୀହୁଦ୍‌ତାନ୍‌କଆଃ ପାର୍‌ମେଶ୍‌ବାର୍ ତାନିଃ, ଇନିଃ ନାଗେନ୍ତେଦ୍ ସବେନ୍‌କ ଜୀହୁଦ୍‌ତାନାକ ।”

୩୯ ଆଇନ୍ ଇତୁକ୍‌ଏତେ ଚିମିନ୍‌କ କାଜିରୁହାଡ଼କିୟାକ, “ହେ ଗୁରୁ ଆମ୍ ରୁଗିନାମ୍ କାଜିୟାକାଦାଃ ।” ୪୦ ଆତଃ ଜେତାଏ ଇନିଃକେ ଜେଡ୍‌ନାଃ କୁଲିନାଜ୍ କାକ ସାହାସ୍‌କେଦା ।

ଖ୍ରୀଷ୍ଟ୍ ଅକ୍‌ଏୟାଃ ହନ୍ ତାନିଃ
(ମାଥୁଉ ୨୨:୪୧-୪୬; ମାର୍କ ୧୨:୩୫-୩୭)

୪୧ ଏନ୍ତେ ଯୀଶୁ ଇନ୍‌କୁକେ କାଜିୟାଦ୍‌କଆଏ, “ହଡ଼କ ଖ୍ରୀଷ୍ଟ୍ ଦାଉଦ୍‌ଆଃ ହନ୍ ତାନିଃ ମେନ୍ତେ ଚିନାଃମେନ୍ତେକ କାଜିତାନା ?” ୪୨ ନେଆଁ ଦାଉଦ୍ ଆଇଃକ୍‌ଗି ଦୁରାଜ୍ ପୁଅରେ କାଜିତାନାଏ,

“ପ୍ରାଭୁ ଆଇଁୟାଃ ପ୍ରାଭୁକେ କାଜିୟାକତାନାଏ,
ଆଇଁୟାଃ ଜମ୍‌ତିଃ ସାଃରେ ଦୁବାକାନ୍‌ମେଁ,
୪୩ ଆଇଜ୍ ଆମାଃ ବାଇରିକକେ ପୁରା ଆଉରିଜ୍ ହାରାଅକ ଜାକେଦ୍ ।”

୪୪ “ଦାଉଦ୍‌ଃ ଇନିଃକେ ‘ପ୍ରାଭୁ’ ମେତାକତାନାଏ, ଏନ୍ତେ ଖ୍ରୀଷ୍ଟ୍ ଚିଲ୍‌କାତେ ଇନିୟାଃ ହନ୍ ତାନିଃ ?”

ୟୀଶୁ ଆଇନ୍‌ଇତୁକକେ ଚିଟାକତାନାଏ
(ମାଥୁଉ ୨୩:୧-୩୬; ମାର୍କ ୧୨:୩୮-୪୦)

☆ ୨୦:୨୭ ୨୦:୨୭ ପ୍ରେରିଡ୍ ୨୩:୮.

୪୫ ସବେନ ହତକ ଆୟୁମତାନ ତାଇକେନରେ, ଯୀଶୁ ଆୟାଃ ଚେଲାଇକେ କାଜିୟାଦକଆଏ, ୪୬ “ଆଇନ ଇତୁକତାଃଏତେ ଚିର୍ଗାଲାନାନ୍ଦେ, ଇନକୁ ଜିଲିଙ୍ଗ୍ ଲିଜାଃ ତୁସିଙ୍ଗ୍କେଦତେ ସେନବାଡ଼ା, ଆତଃ ପିଟ୍ ପିଡ଼ିକରେ ଜହାର୍ତେଲା ଆତଃ ସାମାଜ୍ ଅଡ଼ାଃକରେ ଆୟାର୍ରେ ଦୁବନାଙ୍ଗ୍ ଆତଃ ମାରାଙ୍ଗ୍ ଜମନ୍ନୁକରେ ସିଦା ଠାୟାଦରେ ଦୁବନାଙ୍ଗ୍ ସୁକୁକଆ । ୪୭ ଇନକୁ ରାଣ୍ଡିକୁଡ଼ିକଆଃ ଅଡ଼ାଃକ ଉଦେତାନା ଆତଃ ବେଦାତେ ଜିଲିଙ୍ଗ୍ ଜିଲିଙ୍ଗ୍ଗିକ ବିକ୍ରିୟା । ଏନଲେକାନ ହତକଦ ଆଦକା ସାଜାଇକ ନାମେୟା ।”

୨୧

ମିଆଁଦ ରାଣ୍ଡିକୁଡ଼ିଆଃ ଏମଃ

(ମାର୍କ ୧୨:୪୧-୪୫)

୧ ଯୀଶୁ ଆରିଦ୍ ରାକାବ୍କେଦତେ କିସାଁଣ୍ ହତକ ଆକଆଃ ଦାନ ଏମଃ ଖାଜ୍ନା ବାକାସ୍ରେ ସାଜୁତାନ ନେଲ୍କେଦକଆଏ । ୨ ଇନିଃ ମିଆଁଦ୍ ରେଙ୍ଗେଃ ରାବାଙ୍ଗ୍ ରାଣ୍ଡିକୁଡ଼ି ବାରିଆ ହୁପ୍ଡିଙ୍ଗ୍ ତାମ୍ବା ସିକା ସାଜୁତେୟାଃ ନେଲ୍କିୟାଏ । ୩ ଯୀଶୁ ମେତାଦକଆଏ, “ସାର୍ଡିଗିଙ୍ଗ୍ କାଜିୟାପେତାନା, ନେ ରେଙ୍ଗେଃ ରାଣ୍ଡିକୁଡ଼ି ସବେନକଏତେ ଅମ୍ବା ଏମାକାଦାଃଏ । ୪ ଏନ ସବେନକଦ ପାର୍ମେଶ୍ୱାର୍ ନାଙ୍ଗ୍ ଦାନ ବାକାସ୍ରେ ଆକଆଃ ଆଦକା ମେନାଃତେୟାଃଏତେ କାଟିଃଲେକା ସାଜୁଆକାଦାଃକ ମେନ୍ଦ ନିଃ ଆୟାଃ ଜୀତ ବାସ୍ତାଆ ନାଗେନ୍ତେ ଅକ୍ନାଃ ତାଇକେନା, ଏନା ସବେନାଃଏ ସାଜୁଆକାଦାଏ ।”

ମାନ୍ଦିର୍ ହାତୁଡ଼ଃରେୟାଃ ବିଷାଏରେ ଯୀଶୁ କାଜିକେଦାଏ

(ମାଥୁ ୨୪:୧-୨; ମାର୍କ ୧୩:୧-୨)

୫ ଯୀଶୁଆଃ ଚିମିନ୍ ଚେଲାଇ ମାନ୍ଦିର୍ ଅଡ଼ାଃ ସୁଗାଡ୍ ଦିରିତେ ଆତଃ ପାର୍ମେଶ୍ୱାର୍ତାଃ ଦାନ ରାକାବାକାନ୍ ତେୟାଃତେ ସିଙ୍ଗାରାକାନା ମେନ୍ତେ କାଜିକେଦାଃକ, ମେନ୍ଦ ଯୀଶୁ ମେତାଦକଆଏ, ୬ “ଏନ୍ ଦିପିଲି ହିଜୁଃଆ, ଏନାରେ ଆପେ ନେଲେତାନ ସବେନାଃ ହାତୁଡ଼ଃଆ, ଦିରି ଚେତାନ ଦିରି ତିରିୟାକାନ କା ତାଇନା ।”

ଦୁକୁ ଆତଃ ସିଗିଦ୍

(ମାଥୁ ୨୪:୩-୧୪; ମାର୍କ ୧୩:୩-୧୩)

୭ ଯୀଶୁଆଃ ଚେଲାଇ କୁଲିକିୟାଃକ, “ହେ ଗୁରୁ, ନେଆଁଦ୍ ଚିତ୍ତଲା ହବାଅଃଆ ? ଆତଃ ନେ ସବେନାଃ ହବାଅଃରେୟା ଚିକାନ୍ ଚିଙ୍ଗାଁ ଉଦୁବଃଆ ?” ୮ ଇନିଃ କାଜିକେଦାଏ, “ଚିର୍ଗାଲାନାନ୍ଦେ, ଆଲ୍ପେ ବେଦାଅଆଃ, ପୁରାଃ ହତକଦ ଆଇଙ୍ଗ୍ ଇନିଃଗି ତାନିଙ୍ଗ୍ ଆତଃ ସାମାଏ ନାଡ଼େଃକାନା ମେନ୍ତେ ଆଇଁୟାଃ ନୁଡୁମ୍ତେକ ହିଜୁଃଆ, ଇନକୁକେ ଆଲ୍ପେ ଅତଙ୍ଗକଆ । ୯ ଆପେ ମାପାଃତୁପୁଇଙ୍ଗ୍ ଆତଃ ହାଲଗୁଲାରେୟାଃ କାଜି ଆୟୁମେରେ ଆଲ୍ପେ ଆକ୍ବାକାଅଆଃ, ନେ କାଜିକଦ ସିଦାରେ ହବାଅଃଗି ଲାଗାତିୟାଃ, ମେନ୍ଦ ଚୁଣ୍ଡୁ କ୍ନା ହିଜୁଃଧାବାଃ ।”

୧୦ ଏନ୍ତେ ଯୀଶୁ ଆତଃଗି ଇନକୁକେ କାଜିୟାଦକଆଏ, “ହତକଦ ହତକଆଃ ବିରୁଧ୍ରେ ଆତଃ ରାଇଜ୍ ରାଇଜ୍ରେୟାଃ ବିରୁଧ୍ରେକ ବିରିଦାଃ । ୧୧ ମିଦ୍ତାଃରେ ଅତେ ପୁରାଃ ଏକ୍ଲାଇଆଆ, ରିଙ୍ଗା ଆତଃ ଦୁକୁ, ଆତଃ ବରଆନ୍ତେୟାଃକ ଆତଃ ସିମ୍ପାଏତେ ମାପରାଙ୍ଗ୍ ଚିଙ୍ଗାଁକ ଉଦୁବଃଆ । ୧୨ ମେନ୍ଦ ଏନ୍ ସବେନାଃ ସିଦାରେ, ହତକ ଆଇଁୟାଃ ନୁଡୁମ୍ ନାଗେନ୍ତେକ ସାବ୍ପେୟା ଆତଃକ ସିଗିଦ୍ପେୟା । ଇନକୁ ସାମାଜ୍ ଅଡ଼ାଃକରେକ ଜିମାପେୟା ଆତଃକ ଜେହେଲ୍ପେୟା, ଆତଃ ରାଜାକଆଃ ଆତଃ ହାକିମ୍କଆଃ ଆୟାର୍ରେକ ଇଦିପେୟା । ୧୩ ମେନ୍ଦ ନେଆଁ ଆପେୟାଃ ନାଗେନ୍ତେ ଗାଞ୍ଜାଇ ହବାଅଆଃ । ୧୪ ମେନ୍ଦ ଚିନାଃ କାଜିରୁହାଡ଼େୟାଲେ ମେନ୍ତେ ସିଦାରେ କା ଉଡ଼ଃକେଦତେ ଆପେୟାଃ ମନ୍ରେ ଉହାଟେପେ । ୧୫ ଚିୟାଃଟି ଆଇଙ୍ଗ୍ ଆପେକେ ନେଲେକାନ ବାଚାନ୍ରେୟାଃ ପେଡ଼େଃ ଆତଃ ସେଣାଁ ଏମାପେୟାଇଙ୍ଗ୍ ଯେ, ଆପେୟାଃ କାଜିକେ ଆପେୟାଃ ବାଇରିକ ହସଡ୍ କାଜିତାନାଃ ମେନ୍ତେ କାକ କାଜିରୁହାଡ୍ ଦାଡ଼ିୟା । ୧୬ ଆପେୟାଃ ଏଙ୍ଗା ଆପୁକ ଆତଃ ହାଗାକ ଆତଃ କୁଟୁମ୍କୁପୁଲ୍କ ଆତଃ ଗାଡିକ ସାବ୍ଇଚିପେୟା ଆତଃ ଆପେକଏତେ ଚିମିନ୍କକେ ଗଏଃଇଚିକଆକ । ୧୭ ଆଇଁୟାଃ ନୁଡୁମ୍ ନାଙ୍ଗ୍ ସବେନ ହତକ ଆପେକେ ଖୁସ୍ଆପେୟାକ । ୧୮ ମେନ୍ଦ ଆପେୟାଃ ବହଃଏତେ ମିଆଁଦ୍ ଉବ୍ହ କା ଜିୟନଃଆ । ୧୯ ଆପେ ସାହାଡିଙ୍ଗ୍ ତାନଲଃ ଆପେୟାଃ ଜୀଉପେ ନାମେୟା ।

ଯୀରୁଶାଲେମ୍ରେୟାଃ ଜିୟନଃ ବିଷାଏରେ ଯୀଶୁ କାଜିତାନାଏ

(ମାଥୁ ୨୪:୧୫-୨୧; ମାର୍କ ୧୩:୧୪-୧୯)

୨୦ “ଯୀରୁଶାଲେମ୍ ଫାଉଦ୍ତେ କେସେଦ୍ବିୟୁରାକାନ ନେଲେ ଇମତା, ଏନାଦ୍ ଉଡୁଡ଼ଧାବଆଃ ମେନ୍ତେ ସାରିପେ । ୨୧ ଇମତା ଯିହୁଦା ପାର୍ଗାନ୍ରେ ତାଇନଃତାନକ୍ ଗୁରୁତେକ ନିର୍ତେବାଃକା, ଯୀରୁଶାଲେମ୍ ଆଲାରେ ତାଇନତାନକ୍ ଅତଙ୍ଗାଃକାକ ଆତଃ ହାତୁକରେ ତାଇନତାନକ୍ ସାହାର୍ତେ ଆଲକାକ ବଲଃକା । ୨୨ ଚିୟାଃଟି ସବେନ ଆଲାକାନ୍ତେୟାଃ ପୁରାଆଃ ନାଗେନ୍ତେ ନେ ହୁଲାଙ୍ଗକଦ ସାଜାଇଆରେୟାଃ ହୁଲାଙ୍ଗ୍ ତାନାଃ । ୨୩ ମେନ୍ଦ ଏନ୍

✧ ୨୧:୧୪ ୨୧:୧୪ ଲୁକ ୧୨:୧୧,୧୨.

ଦିପିଲିରେନ୍ ବାଜି ଆକାନ୍ କୁଡ଼ିକଆଃ ଆଡ଼ଃ ତଆ ନୁନୁଆକତାନ୍ ଏଙ୍ଗାକଆଃ ନାଗେନ୍ତେ ଚିମିନ୍ ବରଞ୍ଚାନ୍‌ଗି ଦୁକୁ ହବାଅଆଃ । ଚିୟାଃଚି ଅତେଦିଶୁମ୍‌ରେଦ ମାରାଙ୍ଗ ଦୁକୁ ଆଡ଼ଃ ନେ ହଡ଼କରେ ଏନେସେଦ୍* ଠଗଃଆ । ୨୪ ଇନ୍‌କୁ ତାରାଉଡ଼ିତେ ମାଗଆଃକ ଆଡ଼ଃ ସବେନ୍ ଦିଶୁମ୍‌ରେନ୍‌କତାଃତେକ ତଲ୍‌ଇଦିୟାଆଃ ଆଡ଼ଃ ଏଟାଃ ଜାତିରେନ୍‌କଆଃ ଦିପିଲି ଆଉରି ପୁରାଅଃଜାକେଦ୍ ଯୀରୁଶାଲେମ୍‌କେ ଏଟାଃ ଜାତିରେନ୍‌କ ଏନେୟା ।

ମାନଞ୍ଜାହନ୍‌ଆଃ ହିଜୁଃରୁହାଡ଼ରେୟାଃ ଆୟାରକାଜି

(ମାଥୂଉ ୨୪:୨୯-୩୧; ମାର୍କ ୧୩:୨୪-୨୭)

୨୫ ☆“ସିଙ୍ଗି, ଚାଣ୍ଡୁ ଆଡ଼ଃ ଇପିଲ୍‌କରେ ଚିହ୍ନାକ ଉଦୁବଃଆ । ଦରେୟା ଆଡ଼ଃ ଆଲ୍‌ପୁଙ୍ଗ୍‌ରେୟାଃ ସାଡ଼ିରେ, ଅତେରେ ଜାତିରେନ୍‌କ ଦୁକୁତେକ ଆକ୍‌ବାକାଅଆଃ । ୨୬ ଅତେଦିଶୁମ୍‌ତେ ହିଜୁଃତାନ୍ ସାଙ୍ଗାଟ୍‌କେ ନେଲ୍‌ହରାତାନ୍‌ଲଃ ହଡ଼କ ବରତେ ଗଜଃ ଲେକାକ ହବାଅଆଃ, ଚିୟାଃଚି ସିମ୍‌ରେୟାଃ ପେଡ଼େଃୟାନ୍‌ଡେୟାଃକ ଏକ୍‌ଲାଅଆଃ । ୨୭ ☆ଏନ୍ ସାମାଏରେ ହଡ଼କ ମାନଞ୍ଜାହନ୍‌କେ ପେଡ଼େଃ ଆଡ଼ଃ ପୁରାଃ ମାନାରାଙ୍ଗ୍‌ଲଃ ରିମିଲ୍‌ରେ ହିଜୁଃତାନ୍‌କ ନେଲିୟା । ୨୮ ଚିମ୍‌ତାଙ୍ଗ୍ ନେଆଁକ ଏଟେଜଃରେ ତିଙ୍ଗୁନ୍‌ପେ ଆଡ଼ଃ ସାଙ୍ଗିଲେପେ, ଚିୟାଃଚି ଆପେୟାଃ ମୁକ୍ତିଦ ନାଡ଼େୟାଃତାନା ।”

ଲଆଦାରୁଏତେ ଇନିତୁ

(ମାଥୂଉ ୨୪:୩୨-୩୫; ମାର୍କ ୧୩:୨୮-୩୧)

୨୯ ଆଡ଼ଃ ଯୀଶୁ ଇନ୍‌କୁକେ ନେ ଜନ୍‌କା କାଜି କାଜିୟାଦ୍‌କଆଏ, “ଲଆଦାରୁ ଆଡ଼ଃ ସବେନ୍ ଦାରୁ ଆଡ଼ଃ ଏଟାଃ ଦାରୁକଏତେ ଇତୁନ୍‌ପେ । ୩୦ ଏନା ସୁଡ଼ାଅଃତାନ୍ ନେଲ୍‌କେଦ୍‌ତେ ଜେଟ୍‌ସିଙ୍ଗି ନାହାଁଃଦ ନାଡ଼େୟାକାନା ମେନ୍ତେପେ ସାରିୟାଃ । ୩୧ ଏନ୍‌ଲେକାଗି, ନେଆଁ ସବେନାଃ ହବାଅଆଡ଼ାନ୍‌ପେ ନେଲେ ଇମ୍‌ତା ପାର୍‌ମେଶ୍‌ବାରାଃ ରାଇଜ୍ ନାଡ଼େୟାକାନା ମେନ୍ତେ ସାରିପେ ।”

୩୨ ସାର୍‌ତିଗିଙ୍ଗି କାଜିୟାପେତାନା, “ନେ ସବେନାଃ ଆଉରି ହବାଅଆ ଜାକେଦ୍ ନେ ଦିପିଲିରେନ୍ ହଡ଼କ କାକ ଚୁଣ୍ଡୁଆ । ୩୩ ସିମ୍‌ଆ ଆଡ଼ଃ ଅତେ ଚୁଣ୍ଡୁତାରଃଆ, ମେନ୍‌ଦ ଆଇଁୟାଃ କାଜିକ କା ଚୁଣ୍ଡୁଆ ।

ଚିର୍ଗାଲକାନ୍‌ପେ

୩୪ “ଚିର୍ଗାଲକାନ୍‌ପେ, କା'ରେଦ ନୁଁରେୟାଃ ବୁନୁଲ୍‌ତେ ଆଡ଼ଃ ନେ ଜୀଦାନ୍‌ରେୟାଃ ଉଡ଼ୁକେଦ୍‌ତେ ଆପେୟାଃ ମନ୍ ହାମ୍‌ଲଆଃ ଆଡ଼ଃ ଏନ୍ ହୁଲାଙ୍ଗ୍ ଆପେରେ ଆଟ୍‌କାତେ ଫାସ୍‌ରିଲେକା ହିଜୁଃଆ । ୩୫ ଏନାଦ୍ ଏନ୍ ଫାସ୍‌ରି ଲେକାଗି ସବେନ୍ ଅତେରେନ୍‌କଆଃରେ ହିଜୁଃଆ । ୩୬ ଆପେ ନେ ସବେନ୍ ହିଜୁଃଡେୟାଃକଏତେ ବାଞ୍ଛାଅ ଆଡ଼ଃ ମାନଞ୍ଜାହନ୍‌ଆଃ ଆୟାରକେ ତିଙ୍ଗୁଃଦାଡ଼ିକାଲେ ମେନ୍ତେ ସବେନ୍ ଦିପିଲିରେ ଏୟନାକାନ୍‌ପେ ଆଡ଼ଃ ବିକ୍ତିପେ ।”

୩୭ ☆ସବେନ୍ ହୁଲାଙ୍ଗ୍ ଯୀଶୁ ମାନ୍‌ିର୍ ଅଡ଼ାଃରେ ଇତୁକତାନ୍ ଆଡ଼ଃ ସିଙ୍ଗିହାସୁର୍‌ୟାନ୍ତେ ଜାଇତୁନ୍ ବୁରୁରେ ତାଇନ୍‌ତାନାଏ ତାଇକେନା । ୩୮ ଆଡ଼ଃ ସେତାଃୟାନ୍‌ରେଦ୍ ସବେନ୍ ହଡ଼କ ଇନିୟାଃ କାଜି ଆୟୁମ୍ ନାଗେନ୍ତେ ମାନ୍‌ିର୍ ଅଡ଼ାଃତେ ଇନିଃତାଃକ ହିଜୁଃତାନ୍ ତାଇକେନା ।

୨୨

ୟୀଶୁଆଃ ବିରୁଧ୍‌ରେ ରଜୋଟ

(ମାଥୂଉ ୨୨:୧-୫; ମାର୍କ ୧୪:୧-୨; ଯୋହାନ୍ ୧୧:୪୫-୫୩)

୧ ପାସ୍‌କା ପାରାବ୍ ନୁତୁମଃତାନ୍ ସାବାଃ ହଲ୍‌ଙ୍‌ରେୟାଃ ପାରାବ୍ ନାଡ଼େୟାକାନା, ୨ ଆଡ଼ଃ ମାରାଙ୍ଗ୍ ଯାଜାକ୍‌କ ଆଡ଼ଃ ଆଇନ୍ ଇତୁକ ଆବୁ ଯୀଶୁକେ ଚିଲ୍‌କାରୁ ଗଜିୟା ମେନ୍ତେ ହରାକ ଦାଣ୍ଡାବାଡ଼ା ତାଇକେନା, ଇନ୍‌କୁଦ୍ ହଡ଼କକେ ବରଆକତାନ୍ ତାଇକେନାକ ।

ଇଷ୍ଟାରିୟଡ଼ ଯିହୁଦା ଯୀଶୁକେ ସାବ୍‌ରିକାଇ ନାଗେନ୍ତେ ରାଜିୟାନା

(ମାଥୂଉ ୨୨:୧୪-୧୬; ମାର୍କ ୧୪:୧୦-୧୧)

୩ ଏନ୍ତେ ଗେଲ୍‌ବାର୍ ତେଲ୍‌କଏତେ, ଇଷ୍ଟାରିୟଡ଼ ଯିହୁଦା ନୁତୁମଃତାନ୍ ମିଆଁଦ୍‌ନିୟାଃରେ ସାଏତାନ୍ ବଲ୍‌ୟାନାଏ । ୪ ଆଡ଼ଃ ଇନିଃ ସେନଃୟାନ୍ତେ ଆଇଙ୍ଗ୍ ଯୀଶୁକେ ଚିଲ୍‌କା ଆପେୟାଃ ତିଃଇରେ ଜିମାଲ୍‌ୟା ମେନ୍ତେ ମାରାଙ୍ଗ୍ ଯାଜାକ୍‌କ ଆଡ଼ଃ ସିପାଇକଆଃ ଗମକେକଲଃ ବାଗାଁଣ୍‌କେଦାଏ । ୫ ଇନ୍‌କୁ ଟାକାଲେ ଏମାମେୟା ମେନ୍ତେ ରାସ୍‌କାତାନ୍‌ଲଃକ ହୁଣ୍ଡିୟାନା । ୬ ଆଡ଼ଃ ଇନିଃ ରାଜିୟାନାଏ ଆଡ଼ଃ କା ହାଲାଗୁଲାଏତାନ୍‌ଲଃ ଇନ୍‌କୁଆଃ ତିଃଇରେ ଯୀଶୁକେ ସାବ୍‌ରିକାଇ ନାଗେନ୍ତେ ସୁଯୋଗ୍ ଦାଣ୍ଡାତାନାଏ ତାଇକେନା ।

* ୨୧:୨୩ ୨୧:୨୩ ଖ୍‌ସ୍ ☆ ୨୧:୨୫ ୨୧:୨୫ ଉନୁଦୁବ୍ କାଜି ୬:୧୨,୧୩. ☆ ୨୧:୨୭ ୨୧:୨୭ ଉନୁଦୁବ୍ କାଜି ୧:୭. † ୨୧:୩୦ ୨୧:୩୦ ପାଆଁଲାଃଆ ☆ ୨୧:୩୭ ୨୧:୩୭ ଲୁକ ୧୯:୪୭.

ୟୀଶୁ ପାସ୍କା ପାରାବ୍ରେୟାଃ ଜମେୟାଃ ନାଗେନ୍ତେ ସେକାଡ଼୍‌ୟାନାଏ
(ମାଥୂଉ ୨୬:୧୭-୨୫; ମାର୍କ ୧୪:୧୨-୧୯; ଯୋହାନ୍ ୧୩:୨୧-୩୦)

୭ ସାବାଃ ହଲଙ୍ଗ୍‌ରେୟାଃ ପାରାବ୍ ଦିପିଲିରେ, ପାସ୍କା ପାରାବ୍ ନାଗେନ୍ତେ ମିଣ୍ଡିହନ୍‌ଆଃ ଦାଣ୍ଟେ ମାୟୋମ୍ ଲାଗାଡିଙ୍ଗ୍ ତାଇକେନା । ୮ ୟୀଶୁ, ପାଡ଼ରାସ୍ ଆଡ଼ଃ ଯୋହାନ୍‌କେ “ପାସ୍କା ପାରାବ୍ ନାଙ୍ଗ୍ ଜମେୟାଃ ବାବାଇ ନାଗେନ୍ତେ” କୁଲ୍‌କେଦକିନା ।

୯ ଏନ୍ତେ ଇନ୍‌କିନ୍ ଇନିଃକେ କୁଲିକିୟାକିନ୍, “ଆଲିଙ୍ଗ୍ ଅକ ଠାୟାଦ୍‌ରେ ବାଇୟାଲିଙ୍ଗ୍ ମେନ୍ତେମ୍ ସାନାଙ୍ଗ୍‌ତାନା ?”

୧୦ ୟୀଶୁ ମେତାଦକିନାଏ, “ନାଗାରରେ ବଲଃ ଇମ୍‌ତା ଦାଆଃଗାରୁ ତେଙ୍ଗ୍‌କାଦ୍ ମିଆଁଦ୍ ହଡ଼କେ ନାମ୍‌ୟାବେନ୍, ଇନିଃ ବଲଃ ଅଡ଼ାଃତେ ଅତଙ୍ଗ୍‌କେବେନ୍, ୧୧ ଆଡ଼ଃ ଅଡ଼ାଃରେନ୍ ଗମ୍‌କେ କେ କାଜିୟାଇବେନ୍, ‘ଗୁରୁ କୁଲିତାନାଏ, ବାଖିରା ଅକଡ଼ାଃରେୟା ? ଏନ୍ତାଃଦ୍ ଆଇଁୟାଃ ତେଲକଲଃ ପାସ୍କା ପାରାବ୍‌ରେୟାଃ ଜମେୟାଃ ଜମେୟାଈଙ୍ଗ୍ ।’ ୧୨ ଇନିଃ ବାଇସେକାଡ଼ାକାନ୍ ମାରାଙ୍ଗ୍ ବାଖିରା ଉଦୁବାବେନାଏ, ଏନ୍ତାଃରେ ବାଇୟେବେନ୍ ।”

୧୩ ଇନ୍‌କିନ୍ ସେନଃୟାନ୍ତେ ୟୀଶୁ ଉଦୁବାଦକିନ୍‌ଲେକା ନାମ୍‌କେଦାଃକିନ୍, ଆଡ଼ଃ ପାସ୍କା ପାରାବ୍ ନାଙ୍ଗ୍ ଜମେୟାଈକିନ୍ ବାଇକେଦାଃ ।

ପ୍ରାଭୁ ଭୋଜ
(ମାଥୂଉ ୨୬:୨୬-୩୦; ମାର୍କ ୧୪:୨୨-୨୬; ୧ କରିନ୍ଥ୍‌ୟ ୧୧:୨୩-୨୫)

୧୪ ଆଡ଼ଃ ଏନ୍ ଦିପିଲି ସେଟେରୟାନ୍ତି ୟୀଶୁ ଆୟାଃ ପ୍ରେରିଡ଼କଲଃ ଜଜମ୍ ନାଗେନ୍ତେ ଦୁବ୍‌ୟାନାଏ । ୧୫ ଆଡ଼ଃ ଇନିଃ ଇନ୍‌କୁକେ କାଜିୟାଦକିନାଏ, “ଆଇଙ୍ଗ୍ ଦୁକୁ ସାହାଡିଙ୍ଗ୍‌ୟେଁ ସିଦାରେ ନେ ପାସ୍କା ପାରାବ୍‌ରେୟାଃ ଜମେୟାଈ ଆପେଲଃ ଜଜମାଈଙ୍ଗ୍ ସାନାଙ୍ଗ୍‌ତାନା । ୧୬ ଆଇଙ୍ଗ୍‌ଦ୍ ପାର୍‌ମେଶ୍‌ୟାର୍‌ଆଃ ରାଇଜ୍‌ରେ ଏନାରାଃ ସବେନ୍ ମୁଣ୍ଡି ଆଉରି ଉଦୁବଃ ଜାକେଦ୍ ଆଡ଼ଃ ଚିଉଲାହ୍ କାଇଙ୍ଗ୍ ଜମାଃ ମେତାପେତାନାଈଙ୍ଗ୍ ।”

୧୭ ଆଡ଼ଃ କାଟୋରା ଆଉକେଦ୍‌ତେ, ଇନିଃ ଧାନାବାଦ୍ ଏମ୍‌ତାନ୍‌ଲଃ ମେତାଦକିନାଏ, “ଆପେୟାଃ ଆଲାରେ ନେଆଁ ହାଟିଙ୍ଗ୍‌ୟେଁପେ ।” ୧୮ ଆଇଙ୍ଗ୍‌ଦ୍ କାଜିୟାପେ ତାନାଈଙ୍ଗ୍, “ପାର୍‌ମେଶ୍‌ୟାର୍‌ଆଃ ରାଇଜ୍ ଆଉରି ହିଜୁଃଜାକେଦ୍ ଆଇଙ୍ଗ୍ ଦାଖିରାସି ଆଡ଼ଃ ଚିଉଲାଅ କାଇଙ୍ଗ୍ ନୁଁଇଆ ।”

୧୯ ଆଡ଼ଃ ଇନିଃ ହଲଙ୍ଗ୍ ସାବ୍‌କେଦ୍‌ତେ, ପାର୍‌ମେଶ୍‌ୟାର୍‌କେ ଧାନାବାଦ୍ ଏମ୍‌କିୟାଏ ଆଡ଼ଃ ଏନାକେ କେଟାଃକେଦ୍‌ତେ ଇନ୍‌କୁକେ ଏମ୍‌ତାନ୍‌ଲଃ କାଜିୟାଦକିନାଏ, “ନେଆଁ ଆଇଁୟାଃ ହଡ଼ମ୍‌ତାନାଃ, ଆପେ ନାଗେନ୍ତେ ଏମଃତାନା, ଆଇଙ୍ଗ୍‌କେ ପାହାମିଙ୍ଗ୍ ନାଗେନ୍ତେ ନେଆଁ ରିକାଏପେ ।” ୨୦ ଏନ୍‌ଲେକାଗି, ଇନିଃ ଆୟୁବ୍‌ଜମେୟାଈ ତାୟମ୍‌ତେ କାଟୋରା ସାବ୍‌କେଦ୍‌ତେ ମେତାଦକିନାଏ, “ନେ କାଟୋରା ଆଇଁୟାଃ ମାୟୋମ୍‌ତେ ଆପେୟାଈ ନାଙ୍ଗ୍ ଲିଙ୍ଗିୟଃତାନ୍ ପାର୍‌ମେଶ୍‌ୟାର୍‌ଆଃ ରାଜିନାମାରାଃ ନାଞ୍ଜାନିୟାମ୍ ତାନାଃ ।

୨୧ “ମେନ୍‌ଦ୍ ନେଲେପେ ଆଇଙ୍ଗ୍‌କେ ସାବ୍‌ଇଚିନିୟାଃ ତିଃଇ ଆଇଁୟାଈଲଃ ମେଜ୍‌ରେୟା । ୨୨ ମାନଞ୍ଜାହନ୍ ଆୟାଈ ନାଗେନ୍ତେ ଦହାକାନ୍ ଲେକାଏ ସେନଃତାନା, ମେନ୍‌ଦ୍ ବାଇରିକିଆଈ ତିଃଇରେ ଇନିଃକେ ସାବ୍‌ରିକାନିଃ ହାୟ୍ ହାୟ୍ ଚିମିନ୍ ଦୁକୁନାମେୟାଏ ।”

୨୩ ଆଡ଼ଃ ଇନ୍‌କୁ ଆରୁଏତେ ନେ କାମି କାମିନିଃ ଅକଏ ତାନିଃ ମେନ୍ତେ ଆକ ଆକରେକ କୁଲିବାଡ଼ାକେଦାଃ ।

ଆରୁଏତେ ଅକଏ ମାରାଙ୍ଗ୍ ମେନ୍ତେ ତେଲକ ଏପ୍‌ରାଙ୍ଗ୍‌ତାନା
(ମାଥୂଉ ୨୦:୨୫-୨୮; ମାର୍କ ୧୦:୪୨-୪୪)

୨୪ ✠ତେଲକ ଆରୁଏତେ ଅକଏ ମାରାଙ୍ଗ୍‌ନିଃ ଆବ୍‌କାରଃଆଏ ମେନ୍ତେକ ଏପ୍‌ରାଙ୍ଗ୍‌ୟାନା । ୨୫ ୟୀଶୁ ଇନ୍‌କୁକେ କାଜିୟାଦକିନାଏ, “ଏଟାଃ ଜାଡିରେନ୍‌କିଆଈ ରାଜାକ ଇନ୍‌କୁରେକ ରାଇଜେତାନା, ଆଡ଼ଃ ଇନ୍‌କୁଆଈରେ ଆକ୍‌ତେୟାର୍ ତାନ୍‌କକେ ଗାଡିକ କାଜିୟାତାନା । ୨୬ ✠ମେନ୍‌ଦ୍ ଆପେ ଆଲ୍‌ପେ ନେକାଅଆଈ, ଆପେୟାଈ ଆଲାରେ ମାରାଙ୍ଗ୍‌ନିଈ ହୁଡିଙ୍ଗ୍‌ନିଈଲେକା, ଆଡ଼ଃ ଆଗୁଆଇନିଈ ସୁସାର୍‌ନିଈ ଲେକା ତାଇନଈକାଏ । ୨୭ ✠ଅକଏ ମାରାଙ୍ଗ୍‌ଆଏ, ଜଜମ୍‌ରେ ଦୁବାକାନ୍‌ନିଈ ଚି ଦାସି ? ଚିୟାଈ ଜଜମ୍‌ରେ ଦୁବାକାନ୍‌ନିଈ କାଏ ମାରାଙ୍ଗ୍‌ଆଁ ? ମେନ୍‌ଦ୍ ଆଇଙ୍ଗ୍ ଆପେୟାଈ ଆଲାରେ ମିଆଁଦ୍ ଦାସିଲେକାଈଙ୍ଗ୍ ।

୨୮ “ଆଇଁୟାଈ ବିନିଡ଼ାଅକରେ ଆଇଙ୍ଗ୍‌ଲଈ ତାଇକାନ୍‌କ ଆପେଗି ତାନ୍‌ପେ । ୨୯ ଆଡ଼ଃ ଆପୁଇଙ୍ଗ୍ ଆଇଙ୍ଗ୍‌କେ ରାଇଜ୍ ରିକାଏରେୟାଈ ଆକ୍‌ତେୟାର୍ ଏମାକାଦିଙ୍ଗ୍ ଲେକା ଆଇଙ୍ଗ୍‌ହ୍ ଆପେକେ ଆକ୍‌ତେୟାର୍ ଏମାପେତାନାଈଙ୍ଗ୍, ୩୦ ✠ଜେ’ଲେକାଚି, ଆପେ ଆଇଁୟାଈ ରାଇଜ୍‌ରେ ଆଇଁୟାଈ ମେଜ୍‌ରେପେ ଜମ୍‌ନୁଁଏୟା ଆଡ଼ଃ ରାଜ୍‌ଗାଦିରେ ଦୁବ୍‌କେଦ୍‌ତେ ଈସ୍ରାଏଲ୍‌ରେନ୍ ବାରା କିଲିକିଆଈପେ ବିଚାରେୟା ।

✠ ୨୨:୨୪ ୨୨:୨୪ ମାଥୂଉ ୧୮:୧; ମାର୍କ ୯:୩୪; ଲୁକ ୯:୪୬. ✠ ୨୨:୨୬ ୨୨:୨୬ ମାଥୂଉ ୨୩:୧୧; ମାର୍କ ୯:୩୫. ✠ ୨୨:୨୭ ୨୨:୨୭ ମାଥୂଉ ୨୦:୨୫-୨୬; ମାର୍କ ୧୦:୪୨-୪୪. ✠ ୨୨:୨୭ ୨୨:୨୭ ଯୋହାନ୍ ୧୩:୧୨-୧୫. ✠ ୨୨:୩୦ ୨୨:୩୦ ମାଥୂଉ ୧୯:୨୮.

ପାତ୍ରରାସ୍ ଯୀଶୁକେ କାଇଙ୍ଗ୍ ସାରିଆ ମେନ୍ତେ କାଜିତେୟାଃକେ ଯୀଶୁ ଆୟାରକାଜି* କାଜିତାନା
(ମାଥୂ ୨୨:୩୧-୩୫; ମାର୍କ ୧୪:୨୭-୩୧; ଯୋହାନ୍ ୧୩:୩୬-୩୮)

୩୧ “ଏ ଶିମୋନ୍, ଏ ଶିମୋନ୍, ନେଲେମ୍ ଚାଷି ଗହମ୍‌କେ ହାଟାଃରେ କେଲାଅକେଦ୍‌ତେ ପେଟେଃକେ ଆତମେଲେକା, ଆପେକେ ବିଡ଼ାଅ ମେନ୍ତେ ସାଏତାନ୍‌ହଗି ବୁଗିନ୍ ହଡ଼କତାଃଏତେ ଏଡ଼କାନ୍ ହଡ଼କକେ ଆଲ୍‌ଗାଅରେୟାଃ ଆନ୍‌ବୁଇ ନାମାକାଦା । ୩୨ ମେନ୍‌ଦ ଆମାଃ ବିଶ୍ୱାସ୍ ଆଲକା ଚାବାଃଅ ମେନ୍ତେ ଆଇଙ୍ଗ୍ ଆମାଃ ନାଗେନ୍ତେଇଙ୍ଗ୍ ବିକ୍ରିୟାକାଦାଃ, ଆତଃ ଆମ୍ ରୁହାଡ଼ରେଦ୍ ଆମାଃ ହାଗାକକେ ପକ୍‌ତାକମେ ।”

୩୩ ମେନ୍‌ଦ ପାତ୍ରରାସ୍ କାଜିକିୟାଏ, “ହେ ପ୍ରାଭୁ ଆମ୍‌ଲଃ ଜେହେଲ୍‌ତେ ସେନ୍ ଆତଃ ଗଜଃ ନାଗେନ୍ତେ ସାପ୍‌ତାଅକାନାଇଙ୍ଗ୍ ।”

୩୪ ଯୀଶୁ ମେତାଇଜାଏ, “ଏ ପାତ୍ରରାସ୍, ତିସିଙ୍ଗି ସାଣ୍ଡିସିମ୍ ରାଆଃ ସିଦାରେ ଆପିସା ଇନିଃକେ କାଇଙ୍ଗ୍ ସାରିୟାଃ ମେନ୍ତେମ୍ ମେନେୟା, ନେଆଁଇଙ୍ଗ୍ ମେତାମତାନା ।”

ପାଏସାମୁନା, ଆଇଲା, ଆତଃ ତାରାଉଡ଼ି

୩୫ *ଏନ୍ତେ ଯୀଶୁ ଆୟାଃ ଚେଲାକକେ କୁଲିକେଦ୍‌କଆଏ, “ଆଇଙ୍ଗ୍ ଆପେକେ ବେଗାର୍ ପାଏସାମୁନା, ଆଇଲା, ଆତଃ ଖାର୍‌ପାତେଇଙ୍ଗ୍ କୁଲକେଦ୍‌ପେରେ, ଚିୟାଃ ଜେଡ଼ନାଃତେପେ ଜାଞ୍ଜିୟାନା† ?” “ଜେଡ଼ନାଃତେ କାହା” ମେନ୍ତେକ କାଜିରୁହାଡ଼କିୟା ।

୩୬ ଯୀଶୁ ଇନ୍‌କୁକେ ମେତାଦ୍‌କଆଏ, “ମେନ୍‌ଦ ନାହାଁଃ ପାଏସାମୁନା ତାଇନଃନିଃ ଏନା ଇଦିକାଏ, ଆତଃ ଆଇଲାହ୍, ଆତଃ ଅକଏତାଃରେ ତାରାଉଡ଼ି ବାନଆଃ ଇନିଃ ଆୟାଃ ଲିଜାଃ ଆଖରିଙ୍ଗ୍‌କେଦ୍‌ତେ ମିଆଁଦ୍ କିରିଙ୍ଗ୍‌ୟେକାଏ । ୩୭ ନେଆଁ ଧାରାମ୍‌ପୁଅରେ ଅଲାକାନା, ‘ଇନିଃ କା ଧାର୍‌ମାନ୍ ହଡ଼କଲଃ ଲେକାୟାନାଏ,’ ଆତଃ ଆଇଙ୍ଗ୍ ମେତାପେ ତାନାଇଙ୍ଗ୍, ନେଆଁ ଆଇଁୟାଃରେ ହବାଅଃଗିୟା । ହେଗି, ଧାରାମ୍‌ପୁଅରେ ଆଇଁୟାଃ ବିଷାଏରେ ଅଲାକାନ୍‌ତେୟାଃଦ୍ ସାର୍‌ଡ଼ିଗି ହବାଅଃଗିୟା ।”

୩୮ ଚେଲାକ କାଜିକିୟାଃକ, “ହେ ପ୍ରାଭୁ, ନେଲେମେ ବାରିଆ ତାରାଉଡ଼ି ନେତାଃରେୟା ।” ଇନିଃ ମେତାଦ୍‌କଆଏ, “ଇମ୍‌ନାଙ୍ଗ୍‌ରେ ହବାକଆଃ ।”

ଜାଲ୍‌ପାଇ ବୁରୁରେ ଯୀଶୁଆଃ ବିକ୍ତି

(ମାଥୂ ୨୨:୩୬-୪୨; ମାର୍କ ୧୪:୩୨-୪୨)

୩୯ ଯୀଶୁ ସାହାର୍‌ହେତେ ଅତଙ୍ଗ୍‌ୟାନ୍‌ଲଃ ସବେନ୍ ହୁଲାଙ୍ଗ୍ ସେନଃତାନ୍‌ଲେକା ଜାଇତୁନ୍ ବୁରୁତେ ସେନଃୟାନା, ଆତଃ ଇନିୟାଃ ଚେଲାକହ ଅତଙ୍ଗ୍‌କିୟାକ । ୪୦ ଏନ୍ ଠାୟାଦ୍‌ରେ ସେଟେର୍‌ୟାନ୍‌ଡ଼ି ମେତାଦ୍‌କଆଏ, “ବିଡ଼ାଅରେ ଆଲ୍‌ପେ ଉୟୁଗଃକା ମେନ୍ତେ ବିକ୍ତିପେ ।”

୪୧ ଯୀଶୁ ମିଆଁଦ୍ ଦିରିହୁଦ୍‌ମାଃ ଇମ୍‌ନାଙ୍ଗ୍ ସାଜିନ୍ ଇନ୍‌କୁଏତେ ଆତମ୍‌ୟାନାଏ, ଆତଃ ଇକ୍‌ଡ଼ମ୍‌କେଦ୍‌ତେ ବିକ୍ତିକେଦାଏ । ୪୨ “ହେ ଆବା, ଆମ୍ ସାନାଙ୍ଗ୍‌ରେଦ୍ ନେ କାଟୋରା ଆଇଙ୍ଗ୍‌ଏତେ ଆତମେଁମେ, ଏନ୍‌ରେୟ ଆଇୟାଃ ସାନାଙ୍ଗ୍‌ଲେକାଦ୍ କାହା ମେନ୍‌ଦ ଆମାଃ ସାନାଙ୍ଗ୍‌ଲେକା ହବାଅଃକା ।” ୪୩ ସିର୍‌ମାସାଏତେ ମିଆଁଦ୍ ସିର୍‌ମାରେନ୍ ଦାସି ଇନିଃକେ ପେଡ଼େଜି ନାଗେନ୍ତେ ଇନିଃତାଃତେ ହିଜୁଃୟାନା । ୪୪ ଆତଃ ଯୀଶୁ ପୁରାଃ ଦୁକୁୟାନ୍ତେ ପୁରାଃଗି ବିକ୍ତିଗରୋଙ୍ଗ୍‌କେଦାଃଏ ଆତଃ ଇନିୟାଃ ବାଲ୍‌ବାଲ୍‌ଦାଆଃ ଅତେରେ ଜରତାନ୍ ସାକିଦ୍ ମାୟୋମ୍‌ଲେକାୟାନା ।‡

୪୫ ଇନିଃ ବିକ୍ତିକେଦ୍‌ତେ ବିରିଦ୍‌ୟାନାଏ ଆତଃ ଆୟାଃ ଚେଲାକତାଃ ରୁହାଡ଼ୟାନ୍‌ଡ଼ି, ଇନ୍‌କୁକେ ଦୁଡ଼ମ୍‌କାନ୍ ନାମକେଦ୍‌କଆଏ, ଆତଃ ହୁଡ଼ିଙ୍ଗ୍‌ଜାଉୟାନାଏ । ୪୬ ଇନିଃ କୁଲିକେଦ୍‌କଆଏ, “ଚିନାଃମେନ୍ତେପେ ଦୁଡ଼ମ୍‌ତାନା ? ମାର୍ ବିରିଦ୍‌ପେ ଆତଃ ବିଡ଼ାଅରେ ଆଲ୍‌ପେ ଉୟୁଗଃକା ମେନ୍ତେ ବିକ୍ତିପେ ।”

ୟୀଶୁଆଃ ସାବ୍‌ଇଦିୟାଃ

(ମାଥୂ ୨୨:୪୨-୫୨; ମାର୍କ ୧୪:୪୩-୪୯; ଯୋହାନ୍ ୧୮:୨-୧୧)

୪୭ ଯୀଶୁ ନେଆଁ କାଜିତାନ୍ ତାଇକେନ୍ ଇମ୍‌ତାଗି ନେଲେପେ ଗାଦେଲହଡ଼କ ହିଜୁଃୟାନା, ଆତଃ ଗେଲ୍‌ବାର୍ ଚେଲାକଏତେ ଯିହୁଦା ନୁତୁମ୍ ମିଆଁଦ୍ ଚେଲା ଇନ୍‌କୁକେ ଆୟାର୍‌ତେ ଆଉକେଦ୍‌କଆ ଆତଃ ଯୀଶୁକେ ଚଅଃ'ଇ ନାଗେନ୍ତେ ଇନିଃତାଃତେ ନାଡ଼େଃୟାନା, ୪୮ ମେନ୍‌ଦ ଯୀଶୁ ମେତାଇଜାଏ, “ଏ ଯିହୁଦା, ଚିୟାଃ ଆମ୍ ମାନଝାହନ୍‌କେ ଚଅଃ'ଇତାନ୍‌ଲମ୍ ସାବ୍‌ଇଚିତାନା ?”

୪୯ ଯୀଶୁଲଃ ତାଇକେନ୍‌କ ହବାଅଃତେୟାଃ ନେଲ୍‌କେଦ୍‌ତେ କାଜିକିୟାକ, “ହେ ପ୍ରାଭୁ ଚିୟାଃ ଆଲେ ତାରାଉଡ଼ିତେଲେ ମାଆଃକଆ ? ୫୦ ଆତଃ ଇନ୍‌କୁଏତେ ମିଆଁଦ୍‌ନିଃ ମାରାଙ୍ଗ୍ ଯାଜାକଆଃ ଦାସିରାଃ ଜମ୍ ଲୁଡ଼ୁରକେ ମାଆଃଖାଣ୍ଡାଅକେଦାଏ ।” ୫୧ ମେନ୍‌ଦ ଯୀଶୁ କାଜିରୁହାଡ଼କେଦାଏ, “ନେଆଁଦ୍ କାହା” ଆତଃ ଏନ୍ ଦାସିଆଃ ଲୁଡ଼ୁର୍ ଜୁଟିଦ୍‌କେଦ୍‌ତେ ଇନିଃକେ ବୁଗିକିୟାଏ । ୫୨ ଏନ୍ତେ ଯୀଶୁ ଆୟାଃତାଃ ହିଜୁଆକାନ୍ ମାରାଙ୍ଗ୍ ଯାଜାକକ, ମାଦିର୍ ହରକଆଃ ଗୁସିୟାକ, ଆତଃ

* ୨୨:୩୦ ୨୨:୩୧ ହବାଃଆ ସିଦାରେ କାଜିତେୟାଃ † ୨୨:୩୫ ୨୨:୩୫ ମାଥୂ ୧୦:୯,୧୦; ମାର୍କ ୭:୮,୯; ଲୁକ ୯:୩; ୧୦:୪. ‡ ୨୨:୪୫ ୨୨:୩୫ ଘାଟିୟାନା † ୨୨:୪୫ 22:44 ଚିନିନ୍ ମାରି ଅନଲ୍‌କରେ ୪୩-୪୪ ପଦ ବାନଃଆ

ପ୍ରାଚିନକଳେ କାଜିୟାଦକଥାଏ, “ଚିୟାଃ ଆପେ କୁମ୍ଭଦୁସ୍ତାବଲେକା ତାରାଉଡ଼ି ଆତଃ ଭଙ୍ଗାଟ୍ଟକ ସାବକେଦ୍ଦେପେ ହିଜୁଆକାନା ? ^{୫୩} ସବେନ୍ ହୁଲାଙ୍ଗ୍ ଆଇଙ୍ଗ୍ ମାଦିରରେ ଆପେଲଃ ତାଇକେନଇମ୍ତା ଆପେ ଆଇଙ୍ଗ୍ରେ ତିଃଇ କାପେ ଜିଲିଙ୍ଗ୍‌କେଦାଃ । ମେନ୍ଦ୍ ନେଆଁ ଆପେୟାଃ ସାମାଏ ତାନାଃ ଆତଃ ନୁବାଃରେୟାଃ ରାଇଜ୍‌ତାନାଃ ।”

ପାତ୍ରରାସ୍ ଆଇଙ୍ଗ୍ ଯୀଶୁକେ କାଇଙ୍ଗ୍ ସାରିୟାଃ ମେନ୍ତେ କାଜିତାନାଏ

(ମାଥୁଉ ୨୨:୫୭-୫୮, ୬୯-୭୫; ମାର୍କ ୧୪:୫୩-୫୪, ୬୭-୭୨; ଯୋହାନ୍ ୧୮:୧୨-୧୮, ୨୫-୨୭)

^{୫୪} ଇନ୍‌କୁ ଯୀଶୁକେ ସାବ୍‌ଇଦିକିଃତେ ମାରାଙ୍ଗ୍ ଯାଜାକ୍‌କଥାଃ ଅତଃତେକ ଇଦିକିୟାଃ, ଆତଃ ପାତ୍ରରାସ୍ ସାଜିନ୍‌ରେ ତାଇକେଦ୍‌ତେ ଦୟା ଦୟା ଇନିଃକେ ଅତଙ୍ଗ୍‌କିୟା । ^{୫୫} ମେନ୍ଦ୍ ଇନ୍‌କୁ ଅତଃରାଚାରେ ସେଙ୍ଗେଲ୍‌ତିଙ୍ଗ୍‌କେଦ୍‌ତେ ସବେନ୍‌କ ଦୁବ୍‌ୟାନା, ଆତଃ ପାତ୍ରରାସ୍‌ହ ଇନ୍‌କୁଲଃ ଦୁବ୍‌ୟାନାଏ । ^{୫୬} ମିଆଁଦ୍ କାମ୍‌ଡିଃ ଇନିଃକେ ସେଙ୍ଗେଲ୍‌ଜାପାଃରେ ଦୁବାକାନ୍ ନେଲ୍‌କିଃତେ ନେଲ୍‌ବାଇକିୟାଏ ଆତଃ ମେନ୍‌କେଦାଏ, “ନିଃ ହଗି ଯୀଶୁଲଃ ତାଇକେନାଏ ।” ^{୫୭} ମେନ୍ଦ୍ ଇନିଃ ଦଦାଦ୍‌ତାନଲଃ କାଜିକିୟାଏ, “ଏ କୁଡ଼ି ଆଇଙ୍ଗ୍‌ଦ୍ ଇନିଃକେ କାଇଙ୍ଗ୍ ସାରିୟାଃ ।”

^{୫୮} ଆତଃଘାଡ଼ିକାଦ୍ ତାୟମ୍‌ତେ ଏଟାଃ ହଡ୍ ଇନିଃକେ ନେଲ୍‌କିଦ୍‌ତେ ମେତାଇଜାଏ, “ଆମ୍‌ହ ଇନ୍‌କୁଏତେ ମିଆଁଦ୍‌ନିଃ ତାନ୍‌ମେ ।” ମେନ୍ଦ୍ ପାତ୍ରରାସ୍ କାଜିକିୟାଏ, “ଏ ହଡ୍ ଆଇଙ୍ଗ୍‌ଦ୍ ନାହାଁଲିଙ୍ଗ୍ ।”

^{୫୯} ମିଦ୍‌ଘାଣ୍ଟାଲେକା ତାୟମ୍‌ତେ ଆତଃ ଏଟାଃନିଃ କାଜିକେଦାଏ, “ସାର୍‌ତିଗି ନିଃହ ଇନିଃଲଃ ତାଇକେନାଏ, ନିଃଦ ଗାଲିଲ୍‌ରେନ୍ ନିଃ ତାନିଃ ।” ^{୬୦} ମେନ୍ଦ୍ ପାତ୍ରରାସ୍ କାଜିରୁହାଡ଼କିୟାଏ, “ଏ ହଡ୍, ଆମ୍ କାଜିତାନ୍‌ତେୟାଃ କାଇଙ୍ଗ୍ ସାରିୟାଃ ।” ପାତ୍ରରାସ୍ ନେଆଁ କାଜିତାନ୍ ଇମ୍‌ତାଗି ସାଣ୍ଡିସିମ୍ ରାଆଃକେଦାଏ । ^{୬୧} ଏନ୍ତେ ପ୍ରାଭୁ ହେତାରୁହାଡ଼କେଦ୍‌ତେ ପାତ୍ରରାସ୍‌କେ ଆରିଦ୍‌କିୟାଏ, ଏନ୍ତେ ପାତ୍ରରାସ୍ ସାଣ୍ଡିସିମ୍ ରାଆଃ ସିଦାରେ ଆପିସା ଆଇଙ୍ଗ୍ ଇନିଃକେ କାଇଙ୍ଗ୍ ସାରିୟାଃ ମେନେୟାମ୍ ମେନ୍ତେ ପ୍ରାଭୁ କାଜିକାନ୍ କାଜିକେ ପାହାମ୍‌କେଦାଏ । ^{୬୨} ଆତଃ ପାତ୍ରରାସ୍ ଅତଙ୍ଗ୍‌ୟାନ୍‌ତେ କୁସୁଦ୍ କୁସୁଦ୍ ରାଆଃକେଦାଏ ।

ୟୀଶୁକେ ଲାନ୍‌କିୟାଃକ ଆତଃ ଦାଲ୍‌କିୟାଃକ

(ମାଥୁଉ ୨୨:୬୭-୬୮; ମାର୍କ ୧୪:୬୫)

^{୬୩} ଯୀଶୁକେ ସାବାକାଇ ହଡ୍‌କ ଲାନ୍‌କିୟାଃକ ଦାଲ୍‌କିୟାଃକ । ^{୬୪} ଇନିୟାଃ ମେଦ୍ ତଲ୍‌ଜାପିଦ୍‌କିଃତେ କୁଲିକିୟାଃକ, “ଆମ୍ ପରେ ନାବୀ ତାନ୍‌ମେ, ମାର୍ ଉଦୁବାଲେମ୍, ଅକଏ ଆପ୍‌ଡିକେଦ୍‌ମେୟାଏ ।” ^{୬୫} ଆତଃ ଏଟାଃ ଏଟାଃ ପୁରାଃ ହିଲାଙ୍ଗ୍‌କାଜି ଇନିୟାଃ ବିରୁଧ୍‌ରେକ କାଜିକେଦା ।

ୟୀଶୁକେ ମାରାଙ୍ଗ୍ ଯାଜାକ୍‌କଥାଃ ପାଞ୍ଚେଟ୍‌ତେକ ଆଉକିୟା

(ମାଥୁଉ ୨୨:୫୯-୬୬; ମାର୍କ ୧୪:୫୫-୬୫; ଯୋହାନ୍ ୧୮:୧୯-୨୪)

^{୬୬} ଆଙ୍ଗ୍‌ୟାନ୍‌ଲଃଗି ହଡ୍‌କଥାଃ ପ୍ରାଚିନକ ଆତଃ ମାରାଙ୍ଗ୍ ଯାଜାକ୍‌କ, ଆଇନ୍ ଇତୁକ ହୁଣ୍ଡିୟାନା ଆତଃ ଯୀଶୁକେ ଆକଥାଃ ପାଞ୍ଚେଟ୍‌ତେ ଇଦିକିୟାଃକ । ^{୬୭} “ଆମ୍ ଖ୍ରୀଷ୍ଟ୍ ତାନ୍‌ମେରେଦ୍ ମାର୍ କାଜିୟାଲେମ୍” ମେନ୍ତେ କାଜିକିୟାକ, ଯୀଶୁ ମେନ୍‌ରୁହାଡ଼ାଦ୍‌କଥାଏ, “ଆଇଙ୍ଗ୍ ଆପେକେ କାଜିୟାପେରେହ୍ ଆପେ କାପେ ବିଶ୍ୱାସେୟା, ^{୬୮} ଆତଃ ଆଇଙ୍ଗ୍ ଜେଡ୍‌ନାଃଇଙ୍ଗ୍ କୁଲିପେରେୟ ଆପେ କାପେ କାଜିରୁହାଡ଼ାଇୟାଃ ।” ^{୬୯} ମେନ୍ଦ୍ ନାହାଁଃଏତେ ମାନ୍‌ଖାହନ୍ ସବେନ୍ ପେଡ୍‌ୟାନ୍ ପାର୍‌ମେଶ୍ୱାର୍‌ଆଃ ଜମ୍‌ତିସାଃରେ ଦୁବାକାନ୍ ନେଲଃଆଏ ।”

^{୭୦} ଆତଃ ସବେନ୍‌କ କୁଲିକିୟାଃକ, “ତାବ୍‌ଦ, ଚିୟାଃ ଆମ୍ ପାର୍‌ମେଶ୍ୱାର୍‌ଆଃ ହନ୍ ତାନ୍‌ମେ ?” ଇନିଃ ମେତାଦ୍‌କଥାଏ, “ଆମ୍ ଇନିଃଗି ତାନ୍‌ମେ ମେନ୍ତେ ଆପେରିପେ କାଜିତାନା ।”

^{୭୧} ଏନ୍ତେ ଇନ୍‌କୁ ମେନ୍‌କେଦାଃ, “ନାହାଁଃଦ୍ ଆବୁଆଃ ଆତଃ ଚିକାନ୍ ଗାଞ୍ଜା ଲାଗାଡ଼ିଙ୍ଗ୍‌ୟାଃ ? ଆବୁଦ ଇନିୟାଃ ମତାଏତେଗି ଆୟୁମ୍‌କେଦାଃବୁ ।”

୨୩

ୟୀଶୁକେ ପିଲାତୁସ୍‌ତାଃତେକ ଆଉକିୟା

(ମାଥୁଉ ୨୨:୧, ୧୧-୧୪; ମାର୍କ ୧୫:୧-୫; ଯୋହାନ୍ ୧୮:୨୮-୩୮)

^୧ ସବେନ୍ ପାଞ୍ଚେଟ୍‌ରେନ୍‌କ ବିରିଦ୍‌ୟାନ୍ତେ ଯୀଶୁକେ ପିଲାତୁସ୍‌ତାଃତେକ ଇଦିକିୟାଃ । ^୨ ଆତଃ ଇନ୍‌କୁ ଇନିଃକେ ଚିଟାଈତାନ୍‌ଲଃ କାଜିକେଦାକ, “ନେ ହଡ୍, କାଇସାର୍‌କେ କାର୍ ଆଲପେ ଏମାଇ ମେନ୍ତେ ହଡ୍‌କକେ ଉସ୍‌କୁର୍କ ତାନ୍ ଆତଃ ଆପାନ୍‌କେ ଖ୍ରୀଷ୍ଟ୍, ରାଜା ମେନ୍ତେ କାଜିନ୍‌ତାନ୍‌ଲେ ଆୟୁମ୍‌କାଇଜା ।”

^୩ ଏନ୍ତେ ପିଲାତୁସ୍ ଯୀଶୁକେ କୁଲିକିୟାଏ, “ଆମ୍ ଚିନାଃ ଯିହୁଦୀକଥାଃ ରାଜାତାନ୍‌ମେ ?” ଯୀଶୁ କାଜିରୁହାଡ଼କିୟାଏ “ଆମ୍‌ଗିମ୍ କାଜିତାନା ।”

☆ ୨୨:୫୩ ୨୨:୫୩ ଲୁକ ୧୯:୪୭; ୨୧:୩୭. § ୨୨:୫୭ ୨୨:୫୭ ଦାସିକୁଡ଼ି

୪ ଏଣେ ପିଲାତୁସ୍ ମୂଲ୍ ଯାଜାକକକେ ଆତଃ ଗାଦେଲ୍ ହଡ଼କକେ କାଜିୟାଦକଆଏ, “ନେ ହଡ଼ରେ ଜେତାନ୍ ଗୁହ୍ନାଁ କାଇଜ୍ ନାମେତାନା ।”

୫ ମେନ୍ଦ ଇନ୍କୁ ଆତଃପୁରାଃଗି କାଜିକେଦାଃକ, “ଇନିଃ ଗାଲିଲ୍ଏତେ ନେତାଃ ଜାକେଦ୍ ଗଟା ଯିହୁଦାରେନ୍କକେ ଇତୁକତାନଲଃ ଉସ୍କୁରକତାନା ।”

ପିଲାତୁସ୍ ଯୀଶୁକେ ହେରୋଦ୍ତାଃତେ କୁଲକିୟାଏ

୬ ପିଲାତୁସ୍ ଗାଲିଲ୍ ନୁତୁମ୍ ଆୟୁମ୍କେଦ୍ତି କୁଲକେଦକଆଏ, “ତିୟାଃ ନେ ହଡ଼ ଗାଲିଲ୍ରେନ୍ ତାନିଃଟି ?” ୭ ଯୀଶୁ ହେରୋଦ୍ଆଃ ରାଇଜ୍ରେନ୍ ତାନିଃ ନେଆଁ ଆଟ୍ଟକାଟ୍ଟକେଦ୍ତି ପିଲାତୁସ୍ ଇନିଃକେ ହେରୋଦ୍ତାଃତେ କୁଲକିୟାଏ । ଇନିଃଦ ଏନ୍ହୁଲାଙ୍ଗ୍ରେ ଯୀରୁଗାଲେମ୍ରେ ତାଇକେନାଏ । ୮ ଆତଃ ହେରୋଦ୍ ଯୀଶୁକେ ନେଲ୍କିଃତେ ପୁରାଃଗି ରାସକାୟାନାଏ, ଇନିଃଦ ଯୀଶୁଆଃ କାଜିକାମି ବିଷାଏରେ ଆୟୁମାକାଦ୍ ତାଇକେନାଏ, ଏନାନାଗେନ୍ତେ ଇନିଃ ଯୀଶୁକେ ନେନେଲ୍ ସାନାଙ୍ଗ୍ତାନାଏ ତାଇକେନା, ଆତଃ ଆଇଙ୍ଗ୍ ଇନିୟାଃ ଜେତାନ୍ ମାରାଙ୍ଗ୍ ପେଡ୍ଡେୟାନ୍ କାମି ନେଲେଆଇଙ୍ଗ୍ ମେନ୍ତେ ଆସ୍ତାଏତାନା ତାଇକେନା । ୯ ଏନାନାଗେନ୍ତେ ହେରୋଦ୍ ଇନିଃକେ ପୁରାଃ କାଜିକ କୁଲକିୟାଏ, ମେନ୍ଦ ଯୀଶୁ ଜେଡ୍ନାଃ କାଏ କାଜିରୁହାଡ଼କିୟା । ୧୦ ମାରାଙ୍ଗ୍ ଯାଜାକକ ଆତଃ ଆଇନ୍ ଇତୁକ ତିଙ୍ଗ୍ୟାନ୍ତେ ପୁରାଃଗି ଇନିଃକେ ଚିଟାକିୟାଃକ । ୧୧ ଏଣେ ହେରୋଦ୍ ଆତଃ ଆୟାଃ ସିପାଇକଲଃ ଇନିଃକେ ହିନିସ୍ତାକିଃତେ ଲାନ୍ଦାକିୟାଃକ ଆତଃ ରାଙ୍ଗ୍ ଲିଜାଃ ତୁସିଙ୍ଗ୍କିଃତେ ପିଲାତୁସ୍ତାଃତେକ କୁଲ୍ତୁହାଡ଼କିୟାଃ । ୧୨ ଏନ୍ ହୁଲାଙ୍ଗ୍ଗି ପିଲାତୁସ୍ ଆତଃ ହେରୋଦ୍ ବାରାନ୍କିନ୍ ଗାତିୟାନାକିନ୍, ସିଦାଦ ଇନ୍କିନ୍ ବାଇରିକିନ୍ ତାଇକେନା ।

ୟୀଶୁଆଃ ଗନଏଃ ସାର୍ଡିଗି ତାନାଃ

(ମାଥୁଉ ୨୭:୧୫-୨୬; ମାର୍କ ୧୫:୬-୧୫; ଯୋହାନ୍ ୧୮:୩୯-୧୯:୧୭)

୧୩ ପିଲାତୁସ୍, ମାରାଙ୍ଗ୍ ଯାଜାକକକେ, ହାକିମ୍କକେ ଆତଃ ହଡ଼କକେ କେଡ଼ାହୁଣ୍ଡିକେଦକଆଏ, ୧୪ ଆତଃ କାଜିୟାଦକଆଏ, “ନିଃ ହଡ଼କକେ ବାଗ୍ଡାଅନିଃ ତାନିଃ ମେନ୍ତେ ଆପେ ଆଇଁୟାଃତାଃପେ ଆଉକିୟା । ଆତଃ ନେଲେପେ ଆପେୟାଃ ଆୟାରେଗି କୁଲକିୟାଇଙ୍ଗ୍, ମେନ୍ଦ ଆପେ ଚିଟାଇତାନ୍ ଜେତାନ୍ ଗୁହ୍ନାଁ ନିଃରେ କାଇଜ୍ ନାମକେଦାଃ । ୧୫ ଆତଃ ହେରୋଦ୍ହ କାଏ ନାମାକାଦାଃ, ଏନାତେ ଇନିଃ ନିଃକେ ଆବୁତାଃତେ କୁଲ୍ତୁହାଡ଼କିୟାଃ, ନେଲେପେ ଗଜିଲେକାନ୍ ଜେତାନ୍କାମି ନିଃ କାଏ କାମିୟାକାଦାଃ । ୧୬ ଏନାମେନ୍ତେ ଆଇଙ୍ଗ୍ ହାଁଶ୍ଵାକିଃତେ ଆଡ଼ାଃଇୟା ।” ୧୭ ଏନ୍ ପାରାଦ୍ରେ ହଡ଼କ ନାଗେନ୍ତେ ମିଆଁଦ୍ ହଡ଼କେ ଆଡ଼ାଃଇ ଲାଗାତିଙ୍ଗ୍ ତାଇକେନା ।*

୧୮ ଆତଃ ସବେନ୍ଦକ ମିଦ୍ୟାନ୍ତେ କାଉରିକେଦାଃକ, “ନେ ହଡ଼କେ ଗଜିମେଁ ଆତଃ ବାରଦ୍ବାକେ ଆଲେ ନାଗେନ୍ତେ ଆଡ଼ାଃଇମେ ।” ୧୯ ହାତୁରେ ହବାଲେନ୍ ହାଲାଗୁଲା ଆତଃ ହଡ଼ ଗଏଃକେନ୍ ନାଗେନ୍ତେ ବାରଦ୍ବା ଜେହେଲାକାନାଏ ତାଇକେନା ।

୨୦ ପିଲାତୁସ୍ ଯୀଶୁକେ ଆଡ଼ାଃଇ ନାଗେନ୍ତେ ସାନାଙ୍ଗ୍କିୟା ଏନାମେନ୍ତେ ଆତଃଗି ହଡ଼କକେ କାଜିୟାଦକଆଏ ।

୨୧ ମେନ୍ଦ ଇନ୍କୁ କାଉରିକେଦାଃକ, “କୁଶ୍ରେ କିଲାଇମେ, କୁଶ୍ରେ କିଲାଇମେ ।”

୨୨ ଏଣେ ପିଲାତ୍ ଆପିସାତେ କାଜିୟାଦକଆଏ, “ଚିକା ନାଗେନ୍ତେ, ନେ ହଡ଼ ଚିକାନ୍ ଏଡ଼କାନ୍ କାମିୟାକାଦାଏ ? ଆଇଙ୍ଗ୍ ଗଜିଲେକାନ୍ ଜେତାନ୍ ଗୁହ୍ନାଁ ଇନିଃରେ କାଇଜ୍ ନାମାକାଦା, ଏନାମେନ୍ତେ ଇନିଃକେ ହାଁଶ୍ଵାକିଃତେଇଙ୍ଗ୍ ବାଗିୟା ।”

୨୩ ମେନ୍ଦ ଇନ୍କୁ ପୁରାଃଗି କାଉରିତାନଲଃ ଯୀଶୁକେ କୁଶ୍ରେ ରାକାବିମେଁ ମେନ୍ତେ ଆସିତାନ୍କ ତାଇକେନା, ଆତଃ ଇନ୍କୁଆଃ କାଉରିରେୟାଃ ଜିନିତାଏ ହବାୟାନା । ୨୪ ଏଣେ ପିଲାତୁସ୍, ଇନ୍କୁ ଆସିତାନ୍ ଲେକା ରିକାଏପେ ମେନ୍ତେ ଆତୁକେଦାଏ ।

ୟୀଶୁକେ ଗଲ୍ଗାଥାତେକ ଇଦିତାନା

୨୫ ଇନିଃ ଇନ୍କୁ ଆସିତାନ୍ ହଡ଼କେ, ଅକଏଚି ହାଲାଗୁଲା ଆତଃ ହଡ଼ ଗଏଃକେନ୍ନାଙ୍ଗ୍ ଜେହେଲାକାନ୍ ତାଇକେନାଏ ଇନିଃକେ ଇନ୍କୁ ନାଗେନ୍ତେ ଆଡ଼ାଃକିୟା, ମେନ୍ଦ ଯୀଶୁକେ ଇନ୍କୁଆଃ ସାନାଙ୍ଗ୍ ଲେକା ଜିମାକିୟାଏ ।

ୟୀଶୁକେ କୁଶ୍ରେ କିଲାକିୟାଃକ

(ମାଥୁଉ ୨୭:୩୨-୪୪; ମାର୍କ ୧୫:୨୧-୩୨; ଯୋହାନ୍ ୧୯:୧୭-୨୭)

୨୬ ଆତଃ ଇନ୍କୁ ଇନିଃକେ ଇଦିତାନ୍ ତାଇକେନ୍ରେ ହାତୁଏତେ ହିଜୁଃତାନ୍ ଶିମୋନ୍ ନୁତୁମ୍ କୁରିନିରେନ୍ ହଡ଼କେ ସାଦ୍ବକିୟାଃକ ଆତଃ ଯୀଶୁଆଃ ତାୟମ୍ ତାୟମ୍ତେ କୁଶ୍ ଇଦି ନାଗେନ୍ତେ ଇନିଃକେ ଗଅଃଚିକାକିୟାଃକ ।

୨୭ ପୁରାଃ ହଡ଼କ ଇନିଃକେ ଅତଙ୍ଗ୍କିୟାକ ଇନ୍କୁ ଆଲାରେ ଇନିଃ ନାଙ୍ଗ୍ କୁଡ଼ାମ୍ ଆପ୍ତି ଆତଃ ରାଆଃତାନ୍ କୁଡ଼ିକହ ତାଇକେନାକ । ୨୮ ମେନ୍ଦ ଯୀଶୁ ଇନ୍କୁସାଃ ହେତାରୁହାଡ଼କେଦ୍ତେ ଇନ୍କୁକେ କାଜିୟାଦକଆଏ, “ହେ ଯୀରୁଗାଲେମ୍ରେନ୍ କୁଡ଼ିହନ୍ଦକ, ଆଇଁୟାଃ ନାଙ୍ଗ୍ ଆଲ୍ପେ ରାଆଃୟା, ମେନ୍ଦ ଆପେୟାଃ ଆତଃ ଆପେୟାଃ ହନ୍ଦକ

* ୨୩:୧୭ ୨୩:୧୭ ନେ ପଦ ଚିନିନ୍ ମାରି ଅନଲ୍କରେ ବାନଆଃ

ନାହିଁ ରାଆଁସଂପେ । ୨୯ ନେଲେପେ ଏନ୍ ହୁଲାଙ୍ଗ ହିଜୁଆ ଏନାରେ ହଡକ ମେନେଆଁ, ‘କା ହାମ୍ପାଲଃ ଦାଡିତାନ୍ କୁଡି ଆତଃ ଚିତଲାହ କା ହାମ୍ପାଲାନନ୍ ଲାହିଦ୍ ଆତଃ ଚିତଲାହ ତଥା କା ନୁନୁଆକ ସୁକୁତାନ୍ରିଆଃ ।’ ୩୦ ଏନ୍ତେ ଇନ୍କୁ କାଜିୟା, ‘ଏ ବୁରୁକ ଆଲେରେ ଉୟୁଗଃପେ ଆତଃ ଏ ଚୁଙ୍ଗୁରିକ ଆଲେକେ ଦାନାଙ୍ଗଲେପେ ।’ ୩୧ ଇନ୍କୁ ହାରିୟାର୍ ଦାରୁକେ ନେଲେକାଇରେଦ ରହଡ଼ାକାନ୍ ଦାରୁରାଃ ଚିନାଃ ହବାଅଆଃ ?”

୩୨ ଇନ୍କୁ ଇନିଃଲଃ ଗଏଃନାଗେନ୍ତେ ଏଡକାନାଃ କାମିକେନ୍ ଆତଃଗି ବାରହଡକିନ୍କେ ହ ଇଦିକେଦକିନାକ । ୩୩ ଇନ୍କୁ “ବହଃଜାଙ୍ଗ” ନୁତୁମଃତାନ୍ ଠାୟାଦ୍ତେ ସେଟେରୟାନ୍ତି ଏନ୍ତାଃରେ ଇନିଃକେ ଆତଃ ଏନ୍ ଏଡକାନ୍ କାମିକେନ୍କିନ୍ଏତେ ମିଆଁଦକେ ଇନିୟାଃ ଜମସାଃ ଆତଃ ଏଗାଃନିଃକେ ଲେଙ୍ଗାସାଃରେ କୁଗ୍ରେକ କିଲାକେଦକିନା । ୩୪ ଏନ୍ତେ ଯୀଶୁ ମେନ୍କେଦାଏ, “ହେ ଆବା ଇନ୍କୁକେ ଛାମାକମେଁ, ଚିୟାଃଚି ଇନ୍କୁ ଚିନାଃ କାମିତାନାକ ଏନା କାକ ସାରିତାନା ।”† ଆତଃ ଚିଠା ଉୟୁଃକେଦ୍ତେ ଇନିୟାଃ ଲିଜାଃକେ ହାଟିଙ୍ଗକେଦାଃକ । ୩୫ ହଡକ ଚିଙ୍ଗୁୟାନ୍ତେ ନେଲ୍ତାନ୍କ ତାଇକେନା, ଆତଃ ହାକିମ୍କହ ଇନିଃକେ ଲାନ୍ଦାକିଃତେ ମେନ୍କେଦାଃକ, “ଇନିଃଦ ଏଗାଃକକେ ବାଞ୍ଚାଅକେଦକଆଏ, ଇନିଃ ପାର୍ମେଶ୍ଵାର୍ଆଃ ସାଲାନାନ୍ ଶ୍ରୀଷ୍ଟ ତାଇନିଃରେଦ ଆପାନ୍କେ ବାଞ୍ଚାଅନ୍କା ।”

୩୬ ସିପାଇକହ ହିଜୁଃଲେନ୍ତେ ଇନିଃକେ ଲାନ୍ଦାକିୟାଃ ଆତଃ ମେହେର୍ ରାସିକ ଆନୁକିୟାଃ, ୩୭ ଆତଃ କାଜିକିୟାକ, “ଆମ୍ ଯିହୁଦୀକଆଃ ରାଜା ତାନ୍ମେରେଦ ଆପାନ୍କେ ବାଞ୍ଚାଅଏନ୍ମେ ।”

୩୮ ଆତଃ “ନିଃ ଯିହୁଦୀକଆଃ ରାଜାତାନିଃ” ମେନ୍ତେ ମିଆଁଦ୍ ଅନଲ୍ ଇନିୟାଃ ଚେତାନ୍ରେ ଅଲାନାନ୍ ତାଇକେନା ।

୩୯ ଏନ୍ତେ ହାକାକାନ୍ ଏଡକାନ୍ କାମିକିନ୍ଏତେ ମିଆଁଦ୍ନିଃ ଯୀଶୁକେ ହିଲାଙ୍ଗକିଃତେ କାଜିକିୟାଏ, “ଆମ୍ ଶ୍ରୀଷ୍ଟ ତାନ୍ମେରେଦ, ଆପାନ୍କେ ଆତଃ ଆଲିଙ୍ଗକେ ବାଞ୍ଚାଅଲିଙ୍ଗମେଁ ।”

୪୦ ମେନ୍ଦ ଏଗାଃନିଃ ଇନିଃକେ ମାରାଙ୍ଗମଚାକିଦ୍ତେ କାଜିରୁହାଡକିୟାଏ, “ଆମ୍ହଦ ନେ ଲେକା ସାଜାଇ ନାମେତାନାମ୍, ପାର୍ମେଶ୍ଵାର୍କେ କାଟିମ୍ ବରଇତାନା ? ୪୧ ଆଲାଙ୍ଗ୍ଦ ଲାଗାଡିଙ୍ଗଲେକା ସାଜାଇଅଃତାନାଲାଙ୍ଗ୍, ଆଲାଙ୍ଗ୍ କାମିକାଦ୍ରେୟାଃ ନାଲାଲାଙ୍ଗ୍ ନାମେତାନା, ମେନ୍ଦ ନିଃ ଜେତାନ୍ ଏଡକାନାଃ କାଏ କାମିୟାକାଦା ।” ୪୨ ଏନ୍ତେ ଇନିଃ କାଜିକିୟାଏ, “ହେ ଯୀଶୁ ଆମାଃ ରାଇଜ୍ରେମ୍ ତେବଃଇମ୍ତା ଆଇଙ୍ଗକେ ପାହାମିଙ୍ଗମେଁ ।”

୪୩ ଯୀଶୁ କାଜିରୁହାଡକିୟାଏ, “ସାର୍ଡିଗି କାଜିୟାମ୍ ତାନାଲ୍, ତିସିଙ୍ଗ୍ ଆମ୍ ଆଇୟାଃଲଃ ପାରାଦେସ୍ରେମ୍ ତାଇନାଃ ।”

ୟୀଶୁଆଃ ଗନଏଃ

(ମାଥୁଉ ୨୨:୪୫-୫୭; ମାର୍କ ୧୫:୩୩-୪୧; ଯୋହାନ୍ ୧୯:୨୮-୩୦)

୪୪ ଇମ୍ତା ତିକିନ୍ସିଙ୍ଗ୍ ହବାକାନ୍ ତାଇକେନା, ଆତଃ ତାର୍ସିଙ୍ଗ୍ ତିନ୍ଦାଣ୍ଟା ଜାକେଦ୍ ଗଟା ଦିଶୁମ୍ ନୁବଃୟାନା । ୪୫ ସିଙ୍ଗ୍ ହ ନୁବଃୟାନାଏ, ଆତଃ ମାନ୍ଦିର୍ ଅଡ଼ଃରାଃ ହାନାଟିଙ୍ଗ୍ ଦାନାଙ୍ଗଲିଜାଃ ଆଲା ଆଲାତେ ଚେତାଃୟାନା । ୪୬ ଯୀଶୁ ପୁରାଃ କାଉରିକେଦ୍ତେ ମେନ୍କେଦାଏ, “ହେ ଆବା, ଆଇୟାଃ ଆମ୍ ଆମାଃଡିଃଇରେଇଙ୍ଗ୍ ଜିମାଏତାନା ।” ନେଆଁ କାଜିକେଦ୍ତେ ଜୀଉତାୟାଃ ଅତଙ୍ଗୟାନା ।

୪୭ ଏନ୍ତେ ମିଦ୍ଶାଅ ସିପାଇକଆଃ ଗମ୍କେ ନେଆଁ ନେଲ୍କେଦ୍ତେ ପାର୍ମେଶ୍ଵାର୍କେ ମାନାରାଙ୍ଗକେଦ୍ତେ କାଜିକେଦାଏ, “ସାର୍ଡିଗି ନିଃ ଧାର୍ମାନ୍ ହଡ ତାଇକେନାଏ ।”

୪୮ ଆତଃ ନେଆଁ ନେନେଲ୍ନାଗେନ୍ତେ ହୁଣ୍ଡିୟାକାନ୍ ସବେନ୍ ହଡକ ହବାୟାନ୍ତେୟାଃ ନେଲ୍କେଦ୍ତେ, ଦୁକୁତେ ଆକଆଃ କୁଡାମ୍ ଆପ୍ଡିତାନ୍ଲଃ ରୁହାଡୟାନାକ । ୪୯ ମେନ୍ଦ ଯୀଶୁଆଃ ସବେନ୍ ନେପେଲ୍ଉପ୍ଚୁରୁଙ୍ଗକ ଆତଃ ଗାଲିଲ୍ଏତେ ଅତଙ୍ଗଆଉକାଇ କୁଡିକ ସାଙ୍ଗିନ୍ରେ ତିଙ୍ଗୁକେଦ୍ତେ ନେଆଁ ନେଲ୍ତାନ୍କ ତାଇକେନା ।

ୟୀଶୁକେ ତପାଇତାନାକ

(ମାଥୁଉ ୨୨:୫୭-୬୧; ମାର୍କ ୧୫:୪୨-୪୬; ଯୋହାନ୍ ୧୯:୩୮-୪୨)

୫୦ ନେଲେପେ ଯିହୁଦୀକଆଃ ହାରାମାଥୁୟା ସାହାରରେ ଯୋଷେଫ୍ ନୁତୁମ୍ ମିଆଁଦ୍ ହଡ, ଇନିଃ ପାଞ୍ଚେଟ୍ରେନ୍ ମିହୁଡ୍ ବୁଗିନ୍ ଆତଃ ଧାର୍ମାନ୍ ହଡ ତାଇକେନାଏ । ୫୧ ଯିହୁଦୀକଆଃ ନାଗାରରେନ୍ ହାରାମାଥୁୟା ଇନ୍କୁଆଃ ଉଡ଼ୁ ଆତଃ କାମିରେ କାଏ ମେସାକାନ୍ ତାଇକେନା । ଆତଃ ଇନିଃ ପାର୍ମେଶ୍ଵାର୍ଆଃ ରାଇଜ୍ ନେଲ୍ହରାତାନାଏ ତାଇକେନା । ୫୨ ଇନିଃ ପିଲାତୁସ୍ତଃ ସେନଃୟାନ୍ତେ ଯୀଶୁଆଃ ଗଏଃ ହଡମ୍କେ ଆସିକିୟାଏ । ୫୩ ଏନ୍ତେ ଇନିଃ ଏନାକେ ଆଡ଼ଗୁକେଦ୍ତେ, ଫାର୍ଚି ନିରାଲ୍ ଲିଜାଃଲଃ ପଟମ୍କେଦାଏ ଆତଃ ଦିରିଏତେ ଉର୍ଲେଦ୍ ତପାଗାଡାରେ ଦହକେଦାଏ, ଏନାରେଦ ଚିତଲାହ ଜେତାଏକେ କାକ ତପାକାକ ତାଇକେନା । ୫୪ ଏନ୍ ହୁଲାଙ୍ଗ୍ଦ ସାପ୍ଡାଅନ୍ ହୁଲାଙ୍ଗ୍ ତାଇକେନା, ଆତଃ ରୁଡ଼ୁ ହୁଲାଙ୍ଗ୍ ନାଡେୟାକାନ୍ ତାଇକେନା ।

☆ ୨୩:୩୦ ୨୩:୩୦ ଉନୁଦୁବ୍ କାଜି ୭:୧୭. † ୨୩:୩୪ 23:34 ନେ ପଦ ଚିମିନ୍ ମାରି ଅନଲ୍କରେ ବାନଆଃ ☆ ୨୩:୪୯ ୨୩:୪୯ ଲୁକ ୮:୨,୩.

୫୫ ଗାଲିଲ୍‌ଏରେ ଯୀଶୁଲକ୍ଷଣ ହିନ୍ଦୁଆକାନ୍ କୁଡ଼ିକହ ଅତଙ୍ଗକିୟାକ, ତପାଠାୟାଦ୍ ଆତଃ ଇନିୟାଃ ହତ୍ତଫ ଚିଲ୍‌କାତେ ଦହାକାନା ଏନାକ ନେଲ୍‌କେଦାଃ । ୫୬ ଏନ୍ତେ ଇନ୍‌କୁ ରୁହାଡ଼ୟାନ୍ତେ ବୁଗିନ୍ ସହାନ୍ ସୁନ୍‌ମ୍‌କ ବାଲକେଦା । ଆତଃ ଆନ୍‌ରୁଲେକା ରୁଡ଼ନ୍ ହୁଲ୍‌ଲ୍‌ରେକ ରୁଡ଼ୟାନା ।

୨୪

ୟୀଶୁଆଃ ଜୀଉବିନିରିଦ୍

(ମାଥୂଉ ୨୮:୧-୧୦; ମାର୍କ ୧୬:୧-୮; ଯୋହାନ୍ ୨୦:୧-୧୦)

୧ ହାପ୍ତାରେୟାଃ ପାହିଲା ହୁଲ୍‌ଲ୍‌ ସେତାଃ ଇଦାନ୍ ନୁବାଃ ତାଇକେନ୍ ଇମ୍‌ତା, ଏନ୍ କୁଡ଼ିକ ଆକଆଃ ବାଲୟାକାଦ୍ ବୁଗିନ୍ ସହାନ୍‌ତେୟାଃ ଆଉକେଦ୍‌ତେ ତପାଗାଡ଼ା ଠାୟାଦ୍‌ତାଃକ ସେନଃୟାନା । ୨ ଆତଃ ଇନ୍‌କୁ ତପାଠାୟାଦ୍‌ରାଃ ଦୁଆର୍‌ଏତେ ପୁରାଃ ମାରାଲ୍‌ ଦିରିକେ ବାଟି ଆତମାକାନ୍‌କ ନେଲ୍‌କେଦାଃ । ୩ ମେନ୍‌ଦ ଇନ୍‌କୁ ବଲୟାନ୍ତେ ପ୍ରାଭୁ ଯୀଶୁଆଃ ହତ୍ତଫ କାକ ନାମ୍‌କେଦାଃ । ୪ ଆତଃ ଇନ୍‌କୁ ନେଆଁତେ ଆକ୍‌ଦାନ୍‌ଆୟାନାକ, ନେଲେପେ ଝାକ୍‌ମାକ୍ ଲିଜାଃ ତୁସିଙ୍‌ଆଁକାନ୍ ବାରହତ୍ ଇନ୍‌କୁଆଃ ଜାପାଃରେକିନ୍ ତିଙ୍‌ୟାନା । ୫ ଇନ୍‌କୁ ବରତେ ଅତେସାଃ ତିରୁବାକାଦ୍ ତାଇକେନ୍ ଇମ୍‌ତା ଇନ୍‌କିନ୍ କାଜିୟାଦ୍‌କଆକିନ୍, “ଆପେ ଜୀଉଦ୍‌ତାନ୍‌କକେ ଗଜାକାନ୍‌କଆଃ ଆଲାରେ ଚିନାଃମେନ୍ତେପେ ଦାଣ୍ଠାଇତାନା ? ୬ ଇନିଃ ନେତାଃରେ ବାଙ୍ଗାଲୟା, ଇନିଃଦ ଜୀଉବିନିଦାକାନାଏ ! ଗାଲିଲ୍‌ରେ ତାଇକାନ୍ ଇମ୍‌ତା ଇନିଃ ଚିକ୍‌ନାଃ ମେତାକାପେ ତାଇନାଏ, ଏନା ପାହାମେପେ । ୭ ମାନଝାହନ୍ ପାପିକଆଃ ତିଃଇରେ ସାବ୍‌ଇଚିୟାଃଆଏ, ଆତଃ କୁଣ୍‌ରେ ଗଜଃଆଏ ଆତଃ ଆପି ମାହାଁରେ ଜୀଉବିନିଦ୍ ଲାଗାତିଙ୍‌ୟାଃ ।”

୮ ଏନ୍ତେ ଇନ୍‌କୁ ଇନିୟାଃ କାଜିକ ପାହାମ୍‌କେଦାଃ । ୯ ତପାଗାଡ଼ାଏତେ ରୁହାଡ଼କେଦ୍‌ତେ, ଇନ୍‌କୁ ନେ ସବେନ୍‌କାଜି ଏଗାରାଝାନ୍ ଚେଲାକକେ ଆତଃ ସବେନ୍ ଏଟାଃ ହତ୍ତକକେ ଉଦୁବାଦ୍‌କଆକ । ୧୦ ମାଗଦାଲିନି ମାରିୟାମ୍, ଯୋହାନ୍ନା, ଯାକୁବ୍ ଏଙ୍ଗାତେ ମାରିୟାମ୍, ଆତଃ ଏଟାଃକ ନେ କାଜି ପ୍ରେରିଡ଼କକେ ଉଦୁବାଦ୍‌କଆକ । ୧୧ ମେନ୍‌ଦ ଇନ୍‌କୁ ଇନ୍‌କୁଆଃ କାଜିକେ କାକ ବିଶ୍ୱାସକେଦାଃ, ତିୟାଃଚି ଇନ୍‌କୁଆଃ କାଜି ଆକକେ ସାମାକାଜିଲେକା ଆବ୍‌କାର୍‌କେଦ୍‌କଆ । ୧୨ ପାଡ଼ରାସ୍, ବିରିଦ୍‌ୟାନ୍ତେ ତପାଗାଡ଼ାତେ ନିରକେଦାଏ, ଆତଃ ଇନିଃ ଉଜ୍‌ଦ୍‌କେଦ୍‌ତେ ପାଡ଼ଲା ଲିଜାଃ ଏସ୍‌କାର୍ ଦହାକାନ୍‌ତେୟାଃ ନେଲ୍‌କେଦାଏ, ଆତଃ ହବାକାନ୍‌ତେୟାଃ ନେଲ୍‌କେଦ୍‌ତେ ଆୟାଃ ମନ୍‌ରେ ଆକ୍‌ଦାନ୍‌ଆ ତାନ୍‌ଲଃ ଅଡ଼ାଃତେ ସେନଃୟାନାଏ ।*

ୟୀଶୁ ଇମ୍ନାୟୁସ୍‌ତେ ସେନଃତାନ୍ ବାରିଆ ଚେଲାକିନ୍‌ତାଃ ନେଲ୍‌ଇଚିୟାଃତାନାଏ

(ମାର୍କ ୧୬:୧୨-୧୩)

୧୩ ନେଲେପେ ଏନ୍‌ହୁଲ୍‌ଲ୍‌ଗି ଇନ୍‌କୁଏତେ ବାରହତ୍ ଇମ୍ନାୟୁସ୍ ନୁଡ଼ମ୍ ହାତୁତେ ସେନଃତାନ୍‌କିନ୍ ତାଇକେନା, ଏନ୍ ହାତୁ ଯୀରୁଶାଲେମ୍‌ଏତେ ସାଡ଼ମାଲ୍‌ଲ୍ ଲେକା ସାଜିନ୍ ତାଇକେନା । ୧୪ ଇନ୍‌କିନ୍ ନେ ହବାକାନ୍ ସବେନ୍ କାଜିକ ବାଷ୍ଠାଣେତାନ୍‌କିନ୍ ତାଇକେନା । ୧୫ ଚିମ୍‌ତାଙ୍ଗ ଇନ୍‌କିନ୍ ବାଷ୍ଠାଣତାନ୍ ଆତଃ କୁପୁଲିତାନ୍‌ଲଃ ସେନଃତାଇକେନାକିନ୍ ଯୀଶୁ ଆଇଃକ୍‌ହଗି ନାଡ଼େଃୟାନ୍ତେ ଇନ୍‌କିନ୍‌ଲଃ ଗାତିୟାନାଏ । ୧୬ ମେନ୍‌ଦ ଇନ୍‌କିନାଃ ମେଦ୍ ଦାନାଙ୍ଗାକାନ୍‌ତାଇକେନା, ଏନାନାଗେନ୍ତେ ଇନ୍‌କିନ୍ ଇନିଃକେ କାକିନ୍ ନେଲ୍‌ଉରୁମ୍‌କିୟାଃ । ୧୭ ଇନିଃ ଇନ୍‌କିନ୍‌କେ କୁଲିକେଦ୍‌କିନାଏ, “ଆବେନ୍ ସେନଃତାନ୍‌ଲଃ ଚିକାନ୍ କାଜିବେନ୍ କୁପୁଲିତାନା ଆତଃ ହୁଡ଼ିଙ୍‌ଜୀଉକାନା ? ୧୮ ଏନ୍ତେ ଇନ୍‌କିନ୍‌ଏତେ କ୍ଲେୟା ନୁଡ଼ମ୍‌ନିଃ, କାଜିରୁହାଡ଼କିୟାଏ, ଆମ୍ ଚିନାଃ ଯୀରୁଶାଲେମ୍‌ରେ ତେରାଏତାନ୍‌ରେହ ତିସିଙ୍ଗ୍ ନେ ହବାକାନ୍ କାଜିକ ଆମ୍ ଏସ୍‌କାର୍‌ଗି କାମ୍ ସାରିୟାଃ ?”

୧୯ ଯୀଶୁ କୁଲିକେଦ୍‌କିନାଏ, “ଚିଲ୍‌କାନ୍ କାଜି ?”

“ନାଜ୍‌ରେଡ଼ରେନ୍ ଯୀଶୁଆଃ ବିଷାଏ,” ମେନ୍ତେକିନ୍‌କାଜିକିୟାଃ । “ଇନିଃ ନାବୀ ତାଇକେନାଏ, ପାର୍‌ମେଶ୍ୱାର୍ ଆତଃ ହତ୍ତକଆଃ ଆୟାରରେ କାମି ଆତଃ କାଜିରେ ପେଡ଼େୟାନ୍ ହତ୍ତ ତାଇକେନାଏ । ୨୦ ଆଲେୟାଃ ମାରାଲ୍ ଯାଜାକ୍‌କ ଆତଃ ହାକିମ୍‌କ ଇନିଃକେ ଗନଏଃ ସାଜାଲ୍ ଏମ୍ ନାଗେନ୍ତେକ ଏମ୍‌ଏଣ୍ଡାଃକିୟାଃ ଆତଃ କୁଣ୍‌ରେକ କିଲାଗଏଃକିୟାଃ । ୨୧ ମେନ୍‌ଦ ଆଲେ ଇନିଃ ଇସ୍ରାଏଲ୍‌ରେନ୍‌କକେ ମୁଲ୍ଲି ଏମାକଆ ମେନ୍ତେ ଆସ୍ରାଏତାନ୍‌ଲେ ତାଇକେନା । ନେ ସବେନାଃ ହବାକାନ୍‌ତେୟାଃ ତିସିଙ୍ଗ୍‌ଲଃ ଆପି ମାହାଁ ହବାଅଃତାନା । ୨୨ ଆତଃଗି ଆଲେୟାଃ ଗାତିରେନ୍ ଚିମିନାଙ୍ଗ୍ କୁଡ଼ିକ, ଆକ୍‌ଚାକାଆଁ କାଦ୍‌ଲେୟାକ, ଇନ୍‌କୁ ଇଦାନ୍‌ରେ ତପାଗାଡ଼ାତାଃକ ସେନ୍‌କେନା, ୨୩ ମେନ୍‌ଦ ଇନ୍‌କୁ ଇନିୟାଃ ଗଏଃହତ୍ତଫ କାକ ନାମ୍‌କେଦାଃ । ଇନ୍‌କୁ ରୁହାଡ଼କେଦ୍‌ତେ କାଜିୟାଦ୍‌ଲେୟାକ, ଆଲେ ଦୁଁଡ଼କେ ନେଲାଦ୍‌କିନାଲେ, ଇନ୍‌କିନ୍ ଯୀଶୁ ଜୀହୁଦ୍‌ଗିୟାଏ ମେତାଦ୍‌ଲେୟାକିନ୍ । ୨୪ ଏନ୍ତେ ଆଲେୟାଃ ଗାତିକଏତେ ଚିମିନାଙ୍ଗ୍‌କ ତପାଗାଡ଼ାତାଃକ ସେନଃୟାନା ଆତଃ କୁଡ଼ିକଆଃ କାଜିଲେକାକ ନାମ୍‌କେଦାଃ, ମେନ୍‌ଦ ଯୀଶୁକେ କାକ ନେଲ୍‌କିୟାଃ ।”

☆ ୨୪:୬ ୨୪:୬ ମାଥୂଉ ୧୬:୨୧; ୧୭:୨୨,୨୩; ୨୦:୧୮,୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩. * ୨୪:୧୨ 24:12 ନେ ପଦ ଚିମିନ୍ ମାରି ଅନଲ୍‌କରେ ବାନଃଆ † ୨୪:୨୨ ୨୪:୨୨ ଚାକିଡ଼

୨୫ ଯୀଶୁ ମୋତାଦକିନାଏ, “ଏ ଡଣ୍ଡକିନ୍ ଆଡ଼ ନାବାକଆଃ ସବେନ୍ କାଜି ବିଶ୍ୱାସନାଙ୍ଗ୍ ମନ୍‌କେଟେୟାକାନ୍ ହଡ଼କିନ୍ ! ୨୬ ଚିୟାଃ ଖ୍ରୀଷ୍ଟ୍ ନେ ଦୁକୁ ସାହାତିଙ୍ଗ୍ ଆଡ଼ ଆୟାଃ ମାନାରାଙ୍ଗ୍‌ରେ ବଲ କା ଲାଗାତିଙ୍ଗ୍‌ତାନ୍ ତାଇକେନା ?” ୨୭ ମୁଣା ଆଡ଼ ସବେନ୍ ନାବାକଏତେ ଏଟେଦକେଦତେ ଗଟା ଧାରାମ୍‌ପୁଥିରେ ଆୟାଃ ବିଷାଏରେ ଅଲ୍ଲକାନ୍ କାଜିକରେୟାଃ ମୁଣ୍ଡି ଉଦୁବାଦକିନାଏ ।

୨୮ ଏନ୍ତେ ଇନ୍‌କୁ ଆକସେନଃତାନ୍ ତାଇକେନ୍ ହାତୁଡେ ସେଟେରୟାନ୍‌ତି ଯୀଶୁ ଆୟାରତେ ସେନଃତାନ୍ ଲେକାଏ ଉଦୁବେନ୍‌ୟାନା । ୨୯ ମେନ୍‌ଦ ଇନ୍‌କିନ୍ “ଦେଲା ଆଲିଙ୍ଗ୍‌ଲଃ ତାଇନଃମେଫ୍, ଆୟୁବଃତାନା ଆଡ଼ ସିଙ୍ଗ୍‌ହାସୁରଃତାନା” ମେନ୍ତେ କାଜିକିୟାଃକିନ୍, ଆଡ଼ ଇନିଃ ଇନ୍‌କିନ୍‌ଲଃ ତାଇନଃ ନାଗେନ୍ତେ ବଲୟାନାଏ । ୩୦ ଇନିଃ ଇନ୍‌କିନ୍‌ଲଃ ଜମ୍‌ଦୁବୟାନ୍‌ତି ହଲଙ୍ଗ୍‌କେ ସାବକେଦତେ, ଆଣିଷ୍ଟ୍ ଏମକେଦାଏ, ଆଡ଼ ଏନା କେଟାଃକେଦତେ ଏମାଦକିନାଏ । ୩୧ ଏନ୍ତେ ଇନ୍‌କିନାଃ ମେଦ ରାଡ଼ାୟାନା ଆଡ଼ ଇନ୍‌କିନ୍ ଯୀଶୁକେ ନେଲ୍‌ଉରୁମ୍‌କିୟାକିନ୍, ଆଡ଼ ଇନିଃ ଇନ୍‌କିନ୍‌ତାଃଏତେ ଦାନାଙ୍ଗ୍‌ୟାନାଏ । ୩୨ ଆଡ଼ ଇନ୍‌କିନ୍ ଆକିନ୍‌ଆକିନ୍‌ରେ କୁଲିୟାନାକିନ୍, “ଚିୟାଃ ଇନିଃ ହରାରେ ଆଲ୍ଲଙ୍ଗ୍‌ଲଃ ବାଖାଣତାନ୍ ଆଡ଼ ଧାରାମ୍‌ପୁଥିରେୟାଃ ମୁଣ୍ଡି ଉଦୁବାଲ୍ଲଙ୍ଗ୍ ତାଇକେନ୍ ଇମ୍‌ତା, ଆଲ୍ଲଙ୍ଗ୍‌ଆଃ ମନ୍ ରାସକାତେ କା'ତି ଜୁଲଃତାନ୍ ତାଇକେନା ?”

୩୩ ଆଡ଼ ଇମ୍‌ତାଗି ଇନ୍‌କିନ୍ ବିରିଦୟାନ୍ତେ ଯୀରୁଶାଲେମ୍‌ତେକିନ୍ ରୁହାଡ଼ୟାନା ଆଡ଼ ଏଗାରାଝାନ୍ ତେଲାକ ଆଡ଼ ଇନ୍‌କୁଆଃ ଗାତିକ ହୁଣ୍ଡିୟାକାନ୍‌କିନ୍ ନାମ୍‌କେଦକଆ । ୩୪ “ସାର୍‌ତିଗି ପ୍ରାଭୁ ଜୀଉବିରିଦାକାନାଏ ଆଡ଼ ଶିମୋନ୍‌ତାଃ ନେଲ୍‌ଉଚିୟାନାଏ” ମେନ୍ତେ ଇନ୍‌କୁକେ କାଜିୟାଦକଆକିନ୍ ।

୩୫ ଏନ୍ତେ ଇନ୍‌କିନ୍ ହରାରେ ହବାଲେନ୍‌ତେୟାଃ ଆଡ଼ ଚିଲ୍‌କାତେ ହଲଙ୍ଗ୍ କେଟାଃତାନ୍‌ରେ ଆଲିଙ୍ଗ୍ ଇନିଃକେ ନେଲ୍‌ଉରୁମ୍‌କିୟାଃ ଏନା ଇନ୍‌କୁକେ ଉଦୁବାଦକଆକିନ୍ ।

ୟୀଶୁ ଚେଲାକତାଃରେ ଉଦୁବଃତାନା

(ମାଥୁଉ ୨୮:୧୭-୨୦; ମାର୍କ ୧୬:୧୪-୧୮; ଯୋହାନ୍ ୨୦:୧୯-୨୩; ପ୍ରେରିଡ଼ ୧:୭-୮)

୩୬ ଇନ୍‌କିନ୍ ନେ କାଜି କାଜିତାନ୍ ତାଇକେନ୍ ଇମ୍‌ତା, ପ୍ରାଭୁ ଯୀଶୁ ଆଇଃକଗି ଇନ୍‌କୁଆଃ ଆଲ୍ଲରେ ତିଙ୍ଗ୍‌ୟାନାଏ, ଆଡ଼ ମୋତାଦକଆଏ, “ଆପେରେ ଜୀଉସୁକୁ ହବାଅଃକା ।” ୩୭ ମେନ୍‌ଦ ଇନ୍‌କୁ ଆକ୍‌ଦାନ୍‌ଆୟାନ୍‌ଲଃ, ବରକେଦତେ ଆବୁ ବଙ୍ଗାବୁ ନେଲ୍‌କିୟାଃ ମେନ୍ତେ ଆଟ୍‌କାରକେଦାଃ । ୩୮ ଇନିଃ କାଜିୟାଦକଆଏ, “ଚିନାଃମେନ୍ତେପେ ବରତାନା, ଆଡ଼ ଆପେୟାଃ ମନ୍‌ରେ ଆଡ଼ାଃଉଡ଼ୁ ଚିନାଃମେନ୍ତେ ଅମନଃତାନା ? ୩୯ ଆଇଁୟାଃ ତିଃଇ ଆଡ଼ କାଟା ନେଲେପେ, ଆଇଙ୍ଗି ତାନିଙ୍ଗ୍ ! ଜୁଟିଦିଙ୍ଗ୍‌ପେ ଆଡ଼ ନେଲ୍‌ବାଇଙ୍ଗ୍‌ପେ, ଆଇଙ୍ଗ୍‌ରେପେ ନେଲେତାନ୍‌ଲେକାନ୍ ଜାଙ୍ଗ୍ ଜିଲ୍ଲୁ ବଙ୍ଗାରେଦ ବାନଆଃ ।”

୪୦ ଇନିଃ ନେଆଁ କାଜିକେଦ୍‌ତି ଇନ୍‌କୁକେ ଆୟାଃ ତିଃଇ ଆଡ଼ କାଟା ଉଦୁବାଦକଆଏ । ୪୧ ଆଡ଼ ଇନ୍‌କୁ ରାସକାତେ କାକ ପାତିୟାରତାନ୍ ଆଡ଼ ଆକ୍‌ଦାନ୍‌ଆକାନ୍ ତାଇକେନ୍‌ରେ, “ଚିୟାଃ ଆପେତାଃ ହୁଡ଼ିଙ୍ଗ୍‌ଲେକା ଜମେୟାଃ ମେନାଃଟି ?” ମେନ୍ତେ ଇନିଃ କୁଲିକେଦକଆଏ । ୪୨ ଏନ୍ତେ ଇନ୍‌କୁ ଇନିଃକେ ଆନ୍‌ଗାକାନ୍ ହାକୁ ହୁଡ଼ିଙ୍ଗ୍‌ଲେକାକ ଏମ୍‌କିୟାଃ । ୪୩ ଆଡ଼ ଇନିଃ ଏନା ତେଲାକେଦତେ ଇନ୍‌କୁଆଃ ସାମ୍‌ନାଙ୍ଗ୍‌ରେ ଜମକେଦାଏ ।

୪୪ ଏନ୍ତେ ଇନିଃ ମୋତାଦକଆଏ, ମୁଣାରାଃ ଆନ୍‌ତୁ ପୁଥିରେ ଆଡ଼ ନାବାକଆଃ ଆଡ଼ ଦୁରାଙ୍ଗ୍ ପୁଥିରେ ଆଇଁୟାଃ ବିଷାଏରେ ସବେନ୍ ଅଲ୍ଲକାନ୍‌ତେୟାଃ ପୁରାଅଃ ଲାଗାତିଙ୍ଗ୍‌ୟାଃ, ଏନ୍‌କାଜି ଆପେଲଃ ତାଇକେନ୍ ଇମ୍‌ତାଙ୍ଗ୍ କାଜିକାଦପେୟାଈଙ୍ଗ୍ ।

୪୫ ଏନ୍ତେ ଇନିଃ ଧାରାମ୍‌ପୁଥି ଆଟ୍‌କାରୁରୁମେଫ୍ ନାଗେନ୍ତେ ଇନ୍‌କୁଆଃ ମନ୍‌କେ ସେଣାକେଦାଏ । ୪୬ ଇନିଃ ଇନ୍‌କୁକେ କାଜିୟାଦକଆଏ, “ନେଆଁ ଅଲ୍ଲକାନା, ଖ୍ରୀଷ୍ଟ୍ ଦୁକୁସାହାତିଙ୍ଗ୍ ଆଡ଼ ଆପି ମାହାଁରେ ଗଜାକାନ୍‌କଏତେ ଜୀଉବିରିଦ୍ ଲାଗାତିଙ୍ଗ୍‌ୟାଃ, ୪୭ ଆଡ଼ ଯୀରୁଶାଲେମ୍‌ଏତେ ଏଟେଦକେଦତେ ସବେନ୍ ଦିଶୁମ୍‌ରେନ୍ ସବେନ୍ ହଡ଼କକେ ଇନିୟାଃ ନୁଡୁମ୍‌ତେ ହେୟାତିଙ୍ଗ୍‌ରେୟାଃ ଆଡ଼ ପାପ୍ ଛାମାରେୟାଃ କାଜି ଉଦୁବ୍ ଲାଗାତିଙ୍ଗ୍‌ୟାଃ । ୪୮ ଆଡ଼ ଆପେ ନେ କାଜିରେୟାଃ ଗାଝାଈକ ତାନ୍‌ପେ । ୪୯ ନେଲେପେ ଆଇଙ୍ଗ୍ ଆପୁଇଁୟାଃ ବାନାର୍‌ସା* କାଜି ଆପେତାଃତେ କୁଲେୟା; ମେନ୍‌ଦ ଚେତାନ୍ ପେଡ଼େଃ ଆଉରିପେ ନାମେଜାକେଦ୍ ଯୀରୁଶାଲେମ୍ ସାହାରରେ ତାଇନ୍‌ପେ ।”

ୟୀଶୁ ସିର୍ମାତେ ରାକାବ୍‌ୟାନାଏ

(ମାର୍କ ୧୬:୧୯-୨୦; ପ୍ରେରିଡ଼ ୧:୯-୧୧)

୫୦ *ୟୀଶୁ ଇନ୍‌କୁକେ ବେଅନ୍‌ଆ ସାମ୍‌ନାଙ୍ଗ୍‌ତେ ଅତଙ୍ଗ୍ ଇଦିକେଦକଆଏ ଆଡ଼ ଆୟାଃ ତିଃଇ ରିମ୍‌କେଦତେ ଇନ୍‌କୁକେ ଆଣିଷ୍ଟକେଦକଆଏ । ୫୧ ଆଡ଼ ଇନିଃ ଇନ୍‌କୁକେ ଆଣିଷ୍ଟକତାନ୍‌ଲଃ ଇନ୍‌କୁଏତେ ବିନ୍‌ଗାଅୟାନାଏ† ଆଡ଼

‡ ୨୪:୩୭ 24:36 ଚିମିନ୍ ମାରି ଅନଲ୍‌କରେ, “ଆଡ଼ ମୋତାଦକଆଏ, ଆପେରେ ଜୀଉସୁକୁହବାଅଃକା” ମେନ୍ତେ କା ଅଲ୍ଲକାନା § ୨୪:୪୦ 24:40 ନେ ପଦ ଚିମିନ୍ ମାରି ଅନଲ୍‌କରେ ବାନଃଆ * ୨୪:୪୯ ୨୪:୪୯ ପ୍ରେରିଡ଼ ୧:୪. * ୨୪:୪୯ ୨୪:୪୯ ବାଖାଣ୍‌ସମାକାଦ୍ / ବାଏଦା † ୨୪:୫୦ ୨୪:୫୦ ପ୍ରେରିଡ଼ ୧:୯-୧୧. † ୨୪:୫୧ ୨୪:୫୧ ଫାଟ୍‌କାୟାନାଏ

ସିନା ଦିଶୁମ୍ଭେ ଇଦିୟାନା । ^{୫୨} ଏନ୍ତେ ଇନ୍କୁ ଇନିଃକେ ଜହାରକିଃତେ ପୁରାଃ ରାସ୍‌କାତାନ୍‌ଲଃ ଯୀରୁଶାଲେମ୍‌ତେକ ରୁହାଡ଼ୟାନା । ^{୫୩} ଆଡ଼ଃ ପାର୍‌ମେଶ୍‌ବରକେ ଧାନ୍ୟାବାଦ୍ ଏମ୍‌ତାନ୍‌ଲଃ ଜାନାଅ ମାନ୍‌ଦିଅଡ଼ାଃରେକ ତାଇକେନା ।

ଯୋହାନ୍ ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର ଯୋହାନ୍ ଅଲ୍ଲାକାଦ୍ ଯୀଶୁ ଖ୍ରୀଷ୍ଟଆଃ ସୁକୁକାଜି ପାରିଚା୍ୟ

ଯୀଶୁ ଖ୍ରୀଷ୍ଟଆଃ ଜୀଞ୍ଜାନକେ ଉଦୁବେତାନ୍ ନାଞ୍ଜା ନିୟାମ୍ବରାଃ ଚାରୁ ପୁଅକଏତେ ଯୋହାନ୍ ଅଲ୍ଲାକାଦ୍ ସୁକୁକାଜି ହବାଅଃତାନା ମିଆଁଦ୍ । ଏନ୍ ସବେନାଃକକେ “ସୁକୁକାଜି” କାଜିୟଃତାନା, ଏନାରାଃ ମୁଣ୍ଡିଦ୍ “ବୁଗିନ୍ କାଜି” ତାନାଃ । ଏନ୍ସବେନାଃକେ ଯୀଶୁଆଃ ଗନଏଃ ତାୟମ୍ତେ ମାଥୁଉ, ମାର୍କ, ଲୁକ, ଆତଃ ଯୋହାନ୍ ତିକୁ ଅଲ୍ଲାକାଦାଃକ । ଯୋହାନ୍ ଅଲ୍ଲାକାଦ୍ ସୁକୁକାଜି ଯୀଶୁତାୟମ୍ ୯୦ କରେ ପ୍ରେରିତ୍ ଯୋହାନ୍ ଅଲ୍ଲାକାଦାଏ । ନେ ସୁକୁକାଜିକେ ଯୋହାନ୍ ଅଲ୍ଲାକାଦାଃଏ ମେନ୍ତେ ନେ ସୁକୁକାଜିରେ କା ଅଲ୍ଲାକାନା ମେନ୍ଦ୍ ନେ ସୁକୁକାଜିରାଃ ଅନଲ୍ ତାରିକା ଆତଃ ଯୋହାନ୍ ଅଲ୍ଲାକାଦ୍ ଚିଠା, ୧ ଯୋହାନ୍, ୨ ଯୋହାନ୍ ଆତଃ ୩ ଯୋହାନ୍ ସବେନାଃ ମିଦ୍ଲେକାଗି ମେନାଃ । ଚିମିନ୍ ମାରି ଅନଲ୍କ ବିଶ୍ୱାସେତାନାକ ଯେ ନେ ସୁକୁକାଜି ଏଫିସୁସ୍ଏତେ ଅଲ୍ଲାକାନା ଚିୟାଃଚି ନେ ନେତାକରେ ଯୋହାନ୍ ଏଫିସୁସ୍ରେ ତାଇନଃ ତାଇକେନାଏ ।

ଯୋହାନ୍ ଫାର୍ଟିକେଦ୍ତେ କାଜିୟାଃଏ, “ଯୀଶୁଗି ଖ୍ରୀଷ୍ଟ, ଜୀନିଦ୍ ପାର୍ମେଶ୍ୱାର୍ଆଃ ହନ୍,” ଯୋହାନ୍ ୨୦:୩୧ ନେଆଁ ପାତିୟାର୍ ନାଗେନ୍ତେ ହଡକକେ ଦେଙ୍ଗାତେୟାଃଗି, ନେ ସୁକୁକାଜିରାଃ ବିଶେଷ୍ ଭକେଶ୍ ତାନାଃ । ନେଆଁ ପାତିୟାରେ ହରାତେ, ସବେନ୍କ ଜେଲେକା ଜୀଞ୍ଜାନକ ନାମଦାଡିୟାଃ । ନେ ସୁକୁକାଜିକେ ଯିହୁଦୀକ ଆତଃ ସାଆଁସାରକଆଃ ନାଲ୍ ଅଲ୍ଲାକାନ୍ ତାଇକେନା । ଯୋହାନ୍ ନେ ସୁକୁକାଜିରେ ଯୀଶୁଆଃ ଜନ୍କା କାଜି ଏତେ ଇନିୟାଃ ପେଡେୟାନ୍କାମିକ ବିଷାଏରେ ପୁରାଃ ଅଲ୍ଲାକାଦାଃଏ । ଯୀଶୁଆଃ ବାପ୍ତିସ୍ମା, ବିର୍ରେ ଯୀଶୁଆଃ ବିଡାଅ, ଆତଃ ଚିମିନ୍ ବିଶେଷ୍ ଘାଟ୍ଟା ବିଷାଏରେ ଯୋହାନ୍ ନେ ସୁକୁକାଜିରେ ଜେଡନାଃ କାଏ ଅଲ୍ଲାକାଦାଃ । ନେ ସୁକୁକାଜି ବାକି ସବେନ୍ ଆପିୟା ସୁକୁକାଜିକ ଏତେ ଏଟାଃଗିଆଃ ।

ପୁଅ ଭିତାରେ ତାଇକାନ୍ କାଜି

- ୧. ସୁକୁକାଜିରାଃ ଏନେଟେଦ୍ । ୧:୧-୧୮
- ୨. ଯୀଶୁଆଃ ଚିମିୟାଙ୍ ପେଡେୟାନ୍କାମିକ । ୧:୧୯-୧୨:୫୦
- ୩. ଯୀଶୁଆଃ ଜୀଞ୍ଜାନ୍, ଗନଏଃ ଆତଃ ଜୀଉବିନିରିଦ୍ । ୧୩:୧-୨୦:୩୧
- ୪. ଯୀଶୁଆଃ ଜୀଉବିନିରିଦ୍ ତାୟମ୍ତେ ଉଦୁବେନ୍ । ୨୧:୧-୨୫

ଜୀଦାନ୍ ବାତାନ୍

୧ ଏନେଟେଦ୍ରେ କାଜି ତାଇକେନା, ଆତଃ କାଜି ପାର୍ମେଶ୍ୱାର୍ଲଃ ତାଇକେନା, ଆତଃ କାଜି ପାର୍ମେଶ୍ୱାର୍ ତାଇକେନାଏ । ୨ ଇନିଃ ଏନେଟେଦ୍ରେ ପାର୍ମେଶ୍ୱାର୍ଲଃ ତାଇକେନାଏ । ୩ ପାର୍ମେଶ୍ୱାର୍ ସବେନାଃ ଇନିଃତେ ବାଇୟାକାଦା, ଆତଃ ବାଇୟାକାନ୍ ତେୟାଃଏତେ ଜେଡନାଃ ଇନିଃକେ ବାଗିକେଦ୍ତେ କା ବାଇୟାକାନା, ୪ ଇନିଃରେ ଜୀଦାନ୍ ତାଇକେନା ଆତଃ ଏନ୍ ଜୀଦାନ୍ ହଡକଆଃ ମାର୍ସାଲ୍ ତାଇକେନା । ୫ ମାର୍ସାଲ୍ ନୁବାଃରେ ଜୁଲଃତାନା, ମେନ୍ଦ୍ ନୁବାଃ ଏନାକେ କାଏ ଆଟ୍ଟକାର୍ତ୍ତୁମ୍କେଦାଃ ।

୬ ପାର୍ମେଶ୍ୱାର୍ତେ ଜୁଲ୍ଲକାନ୍ ମିଆଁଦ୍ କାଜିଏମ୍ନିଃ ତାଇକେନାଏ, ଇନିୟାଃ ନୁଡୁମ୍ ଯୋହାନ୍ ତାଇକେନା । ୭ ଇନିଃ ଏନ୍ ମାସ୍ତାଲ୍ରେୟାଃ ଗାଞ୍ଜା ଉଦୁବ୍ ନାଗେନ୍ତେ ହିଜୁଃୟାନାଏ, ଜେଲେକାଚି ଇନିୟାଃ ହରାତେ ସବେନ୍ ହଡକ ବିଶ୍ୱାସେଆ । ୮ ଇନିଃ ଆଇଃକ୍ଚି ଏନ୍ ମାସ୍ତାଲ୍ କାଏ ତାଇକେନା; ମେନ୍ଦ୍ ଏନ୍ ମାସ୍ତାଲ୍ରେୟାଃ ଗାଞ୍ଜା ଏମ୍ ନାଗେନ୍ତେ ହିଜୁଃୟାନାଏ । ୯ ଏନା ସାର୍ତି ମାର୍ସାଲ୍ ତାଇକେନା, ହେଗି ସବେନ୍ ହଡକକେ ମାସ୍ତାଲ୍କତାନ୍ ମାର୍ସାଲ୍ ଅତେଦିଶୁମ୍ରେ ହିଜୁଃତାଇକେନା ।

୧୦ ଇନିଃ ଅତେଦିଶୁମ୍ରେ ତାଇକେନାଏ, ଆତଃ ଅତେଦିଶୁମ୍ ଇନିଃତେ ବାଇୟାନା, ଏନ୍ରେୟ ଅତେଦିଶୁମ୍ରେନ୍କ ଇନିଃକେ କାକ ସାରିକିୟା । ୧୧ ଇନିଃ ଆୟାଃ ଦିଶୁମ୍ତେ ହିଜୁଃୟାନାଏ ମେନ୍ଦ୍ ଆୟାଃ ହଡକ ଇନିଃକେ କାକ ଦାରମ୍କିୟାଃ । ୧୨ ମେନ୍ଦ୍ ଆଇଃକ୍କେ ଦାରମିତାନ୍କକେ, ଆତଃ ଆୟାଃ ନୁଡୁମ୍ରେ ବିଶ୍ୱାସେତାନ୍ ସବେନ୍ ହଡକକେ ଇନିଃ ପାର୍ମେଶ୍ୱାର୍ଆଃ ହନ୍ ହବାଅଃରେୟାଃ ଆକ୍ତେୟାର୍ ଏମାଦ୍କଆଏ । ୧୩ ଇନ୍କୁ ମାୟୋମ୍ତେଦ୍ କାହା, ହଡ୍ମରେୟାଃ ମନେତେଦ୍ କାହା ଆତଃ ହଡ୍ମଆଃ ମନେତେଦ୍ କାହା ମେନ୍ଦ୍ ପାର୍ମେଶ୍ୱାର୍ ଆଇଃକ୍ଚି ଆକଆଃ ଆପୁ ।

୧୪ ଆତଃ ଏନ୍ କାଜି ହଡ୍ମ ସାବ୍କେଦା, ପୁରାଃ ଦାୟା ଆତଃ ସାର୍ତିତେ ପେରେଜାକାନ୍, ଆବୁଆଃ ଆଲ୍ଲାରେ ତେରାକେଦାଏ ଆତଃ ଆବୁ ଇନିୟାଃ ମାନାରାଙ୍ଗ୍ ନେଲ୍କେଦା ଏନା ଆପୁଆଃ ମିଆଁଦ୍ଗି ହନ୍ଆଃ ମାନାରାଙ୍ଗ୍ ତାଇକେନା ।

☆ ୧:୬ ୧:୬ ମାଥୁଉ ୩:୧; ମାର୍କ ୧:୪; ଲୁକ ୩:୧,୨.

୧୫ ଆଡ଼ଃ ଯୋହାନ୍ ଇନିୟାଃ ଗାଞ୍ଜା ଏମ୍ତାନ୍ଲଃ, କାଉରିକେଦ୍ତେ କାଜିକେଦାଏ, “ଆଇଙ୍ଗ୍ ଅକଏୟାଃ କାଜି କାଜିତାକକେନାଇଙ୍ଗ୍ ଇନିଃ ନିଃଗିତାନିଃ, ‘ଆଇଁୟାଃ ତାୟମ୍ତେ ହିଜୁଃଗିଆଏ, ମେନ୍ଦ୍ ଇନିଃ ମାରାଙ୍ଗ୍ଆଏ, ଚିୟାଃଚି ଇନିଃଦ୍ ଆଇଁୟାଃ ଜାନାମ୍ ସିଦାରେ ତାଇକେନାଏ ।’ ”

୧୬ ଇନିୟାଃ ପେରେଜାକାନ୍ ଦାୟାଏତେ ଆବୁ ସବେନ୍କକେ ଆଶିଷାକାଦ୍ବୁଆଏ, ହେଗି, ଆଶିଷ୍ ଚେତାନ୍ ଆଶିଷ୍ ଏମାକାଦ୍ବୁଆଏ । ୧୭ ପାର୍ମେଶ୍ୱାର୍ ମୁଣାରାଃ ହରାତେ ଆନ୍ତୁ ଏମକେଦାଏ, ମେନ୍ଦ୍ ଦାୟା ଆଡ଼ଃ ସାନାରୁତି ଯୀଶୁ ଖ୍ରୀଷ୍ଟୁଆଃ ହରାତେ ହବାୟାନା । ୧୮ ପାର୍ମେଶ୍ୱାର୍କେ ଜେତାଏ ଚିଉଲ୍ଲାହ୍ କାକ ନେଲ୍, ମେନ୍ଦ୍ ଇନିୟାଃ ମିଆଁଦ୍ଗି ହନ୍, ଆପୁଆଃ କୟଙ୍ଗ୍ରେ ଦୁବାକାନ୍ନିଃ ଇନିଃକେ ଉଦୁବ୍କିୟା ।

ବାପ୍ତିସ୍ମା ଏମଃନିଃ ଯୋହାନ୍ଆଃ ଗାଞ୍ଜାଇ
(ମାଥୁଃ ୩:୧-୧୨; ମାର୍କ ୧:୧-୮; ଲୁକ ୩:୧-୧୮)

୧୯ ଯାରୁଗାଲେମ୍ରେନ୍ ଯିହୁଦୀ ହାକିମ୍ କିମିନ୍ ଯାଜାକକେ ଆଡ଼ଃ ଲେବୀକକେ ଯୋହାନ୍ତାଃତେ “ଆମ୍ ଅକଏ ତାନ୍ମେ” ମେନ୍ତେ କୁଲି ନାଗେନ୍ତେକ କୁଲ୍କେଦ୍କଆ । ଇମ୍ତା ଇନିଃ ନେ ଗାଞ୍ଜା ଏମକେଦାଏ ।

୨୦ ଯୋହାନ୍ କାଏ ଦଦାଦ୍ତାନ୍ଲଃ ଉଦୁବ୍କେଦାଏ, “ଆଇଙ୍ଗ୍ ମାସି ନାହାଁଲିଙ୍ଗ୍ ।”

୨୧ ଏନ୍ତେ ଇନ୍ଦ୍ କୁ ଯୋହାନ୍କେକ କୁଲିକିୟା, “ତାବ୍ଦ୍ ଆମ୍ ଅକଏ ତାନ୍ମେ ?” “ଚିୟାଃ ଆମ୍ ଏଲିୟ ତାନ୍ମେ ?”

ଇନିଃ ମେନ୍କେଦାଏ, “କାହାଗି, ଆଇଙ୍ଗ୍ ନାହାଁଲିଙ୍ଗ୍ ।”

“ଚିୟାଃ ଆମ୍ ଏନ୍ ନାବୀ ତାନ୍ମେ ?”

ଇନିଃ ମେନ୍ତୁହାଡ଼ାଦ୍କଆଏ, “କାହାଗି ।”

୨୨ ଏନ୍ତେ ଇନ୍ଦ୍ କୁ କାଜିକିୟାକ, “ତାବ୍ଦ୍ ଆମ୍ ଅକଏ ତାନ୍ମେ ଆଲେକେ ଉଦୁବାଲେମ୍, ଚିୟାଃଚି ଆଲେକେ ଅକନ୍ଦ୍ କୁଲ୍ଲାକାଦ୍ଲେୟାକ, ଇନ୍ଦ୍ କୁକେ କାଜିରୁହାଡ଼୍ ଲାଗାତିଙ୍ଗ୍ୟାଃ, ଆମ୍ ଆପାନ୍କେ ଅକଏ ତାନ୍ମେ ମେନ୍ତେମ୍ କାଜିନ୍ତାନା ?”

୨୩ ଯୋହାନ୍ କାଜିରୁହାଡ଼ାଦ୍କଆଏ, ଯିଶାୟ ନାବୀ କାଜିଲେଦ୍ କାଜିଲେକା :

“ଆଇଙ୍ଗ୍ ବିର୍ରେ କାଉରିତାନ୍ନିୟାଃ ସାଡ଼ି ତାନିଙ୍ଗ୍ :

ପ୍ରାତୁଆଃ ହରା ସିଧାଏପେ ।”

୨୪ ଆଡ଼ଃ ଏନ୍ କୁଲ୍ଲେନ୍ଦ୍ ଫାରୁଶୀକଏତେକ ତାଇକେନା । ୨୫ ଇନ୍ଦ୍ କୁ ଯୋହାନ୍କେକ କୁଲିକିୟା, “ଆମ୍ଦ୍ ମାସି ନାହାଁଲାଃମେ, ଏଲିୟ ହିଁ ନାହାଁଲାଃମେ ଆଡ଼ଃ ଏନ୍ ନାବୀହ୍ ନାହାଁଲାଃମେ, ମେନ୍ଦ୍ ଚିନାଃ ମେନ୍ତେମ୍ ବାପ୍ତିସ୍ମାକତାନା ?”

୨୬ ଯୋହାନ୍ କାଜିୟାଦ୍କଆଏ, “ଆଇଙ୍ଗ୍ଦ୍ ଦାଆଃତେ ବାପ୍ତିସ୍ମାପେ ତାନାଇଙ୍ଗ୍, ମେନ୍ଦ୍ ଆପେୟାଃ ଆଲାରେ ମିଆଁଦ୍ ହଡ଼୍ ତିଙ୍ଗୁଆକାନାଏ ଇନିଃକେ ଆପେ କାପେ ସାରିୟା । ୨୭ ଆଇଁୟାଃ ତାୟମ୍ତେ ହିଜୁଃନିଃ ଇନିଃଗି ତାନିଃ, ଇନିୟାଃ ଖାର୍ପାରେୟାଃ ତନଲ୍ ରାଡ଼ାଏ ଲେକାନ୍ନିଃ ନାହାଁଲିଙ୍ଗ୍” ମେନ୍ତେ କାଜିରୁହାଡ଼ାଦ୍କଆଏ ।

୨୮ ନେ କାଜିକ ଯାଦାନ୍ ଗାଡ଼ା ହାନ୍ ପାରମ୍ରେୟାଃ ବେଅନ୍ନିଆରେ ହବାୟାନା ଏନ୍ତାଃରେ ଯୋହାନ୍ ବାପ୍ତିସ୍ମା ଏମାକତାନ୍ ତାଇକେନାଏ ।

ପାର୍ମେଶ୍ୱାର୍ଆଃ ମିଶ୍ଟିହନ୍

୨୯ ଏଗାଃ ହୁଲାଇଁ ଯୋହାନ୍ ଯୀଶୁକେ ଆୟାଃତାଃତେ ହିଜୁଃତାନ୍ ନେଲ୍କିୟାଏ, ଆଡ଼ଃ ମେନ୍କେଦାଏ, “ନେଲିପେ ପାର୍ମେଶ୍ୱାର୍ଆଃ ମିଶ୍ଟିହନ୍, ଇନିଃ ଅତେଦିଶୁମ୍ରେୟାଃ ପାପ୍କେ ଗଅଃ ଇଦିୟାଏ ! ୩୦ ଆଇଁୟାଃ ତାୟମ୍ତେ ମିହୁଡ଼୍ ହିଜୁଃଆଏ ଇନିଃ ଆଇଁୟାଃତାଃଏତେ ପୁରାଃ ମାରାଙ୍ଗ୍ ମେନ୍ତେଇଙ୍ଗ୍ କାଜିଲେଦ୍ ହଡ଼୍ ନିଃଗି ତାନିଃ, ଇନିଃଦ୍ ଆଇଁୟାଃ ଜାନାମ୍ଏତେ ସିଦାରେ ତାଇକେନା । ୩୧ ଆଡ଼ଃ ଆଇଙ୍ଗ୍ ଇନିଃକେ କାଇଙ୍ଗ୍ ସାରିଉରୁମିତାନ୍ ତାଇକେନା, ମେନ୍ଦ୍ ଇନିଃ ଇସ୍ରାଏଲ୍ ହଡ଼କତାଃରେ ଉଦୁବଃକାଏ ମେନ୍ତେ ଆଇଙ୍ଗ୍ ଦାଆଃତେ ବାପ୍ତିସ୍ମାକ ନାଙ୍ଗ୍ ହିଜୁଃକାନାଇଙ୍ଗ୍ ।”

୩୨ ଆଡ଼ଃ ଯୋହାନ୍ ଗାଞ୍ଜା ଏମ୍ତାନ୍ଲଃ କାଜିକେଦାଏ, “ଆଇଙ୍ଗ୍ ଆମ୍ାକେ ଦୁଦୁମୁଲ୍ ଲେକା ସିର୍ମାଏତେ ଆଡ଼ଗୁତାନ୍ ଆଡ଼ଃ ଇନିଃରେ ତାଇନିଃତାନ୍ ନେଲ୍କିୟାଇଙ୍ଗ୍ । ୩୩ ଆଇଙ୍ଗ୍ହିଁ ଇନିଃକେ କାଇଙ୍ଗ୍ ନେଲ୍ଉରୁମି ତାଇକେନା ମେନ୍ଦ୍ ଆଇଙ୍ଗ୍କେ ଦାଆଃତେ ବାପ୍ତିସ୍ମା ଏମ୍ ନାଙ୍ଗ୍ କୁଲ୍କାଦିଙ୍ଗ୍ନିଃ, ଆଇଙ୍ଗ୍କେ କାଜିକିୟା, ‘ଆମ୍ ଆମ୍ାକେ ମିଆଁଦ୍ ହଡ଼ରେ ଆଡ଼ଗୁତାନ୍ ଆଡ଼ଃ ଇନିଃରେ ତାଇନିଃତାନ୍ ନେଲିୟାମ୍, ଇନିଃଗି ପାବିତାର୍ ଆମ୍ାକେ ବାପ୍ତିସ୍ମା ଏମାକତାନ୍ନିଃ ତାନିଃ ।’

୩୪ ଆଡ଼ଃ ଆଇଙ୍ଗ୍ ନେଲ୍କେଦାଃଇଙ୍ଗ୍, ଆଡ଼ଃ ନିଃଗି ପାର୍ମେଶ୍ୱାର୍ଆଃ ହନ୍ ମେନ୍ତେ ଗାଞ୍ଜାଇଙ୍ଗ୍ ଏମେତାନା ।”

ୟୀଶୁଆଃ ପାହିଲା ଚେଲାକ

୩୫ ଏଗାଃ ହୁଲାଇଁ ଯୋହାନ୍ ଆୟାଃ ଚେଲାକଏତେ ବାର୍ହଡ଼କିନ୍ଲଃ ଏନ୍ତାଃରେ ଆଡ଼ଃଗି ତିଙ୍ଗୁଆକାନ୍ ତାଇକେନାଏ । ୩୬ ଇନିଃ ଯୀଶୁକେ ସେନ୍ପାରମଃତାନ୍ ନେଲ୍କେଦ୍ତେ କାଜିକେଦାଏ, “ନେଲିପେ, ନିଃ ପାର୍ମେଶ୍ୱାର୍ଆଃ ମିଶ୍ଟିହନ୍ ।”

୩୭ ଆତଃ ଏନ୍ ବାରାନ୍ ଚେଲାକିନ୍ ଇନିଃ ନେଆଁ କାଜିତାନ୍ ଆୟୁମ୍ବେଦ୍ ଯୀଶୁକେ ଅତଙ୍ଗକିୟାକିନ୍ ୩୮ ଯୀଶୁ ହେତାରୁହାଡ଼କେଦ୍, ଇନକିନ୍ ଅତଙ୍ଗକିୟାନ୍ ନେଲ୍ବେଦକିନାଏ ଆତଃ ମେତାଦକିନାଏ, “ଚିକ୍ନାଃବେନ୍ ନାମ୍ତାନା ?” ଆତଃ ଇନକିନ୍ ମେନ୍ରୁହାଡ଼ାଇୟାକିନ୍, “ଏ ରାବି”* କତାଃରେମ୍ ତାଇନ୍ତାନା ?

୩୯ ମାର୍ “ହିଜୁଃକେଦ୍ତେ ନେଲେବେନ୍” ମେତାଦକିନାଏ । ଏନାମେନ୍ତେ ଇନକିନ୍ ସେନଃୟାନ୍ତେ ଇନିଃ ତାଇନ୍ତାନ୍ ଠାୟାଦକିନ୍ ନେଲ୍ବେଦାଃ, ଇମ୍ତାଙ୍ଗଦ୍ ଚେତାନ୍ ସିଙ୍ଗିରାଃ ଉପୁନ୍ ଘାଡ଼ି ହବାକାନ୍ ତାଇକେନା, ଆତଃ ଏନ୍ ହୁଲାଙ୍ଗ୍ ଇନିଃଲଃକିନ୍ ତାଇନ୍ୟାନା,

୪୦ ଯୋହାନ୍ଆଃ କାଜି ଆୟୁମ୍ବେଦ୍ତେ ଯୀଶୁକେ ଅତଙ୍ଗକାକ୍ ଏନ୍ ବାରିଆ ଚେଲାକିନ୍ଏତେ ମିଆଁଦ୍ନିଃ ଶିମୋନ୍ ପାଡ଼ରାସ୍ଆଃ ହାଗାତେ ଆହିୟାସ୍ ତାଇକେନାଏ । ୪୧ ଆହିୟାସ୍ ଆୟାଃ ହାଗାତେ ଶିମୋନ୍କେ ନାମ୍ବେଦ୍ତେ କାଜିକିୟା, “ଆଲିଙ୍ଗ୍ ମାସିଂକେ ନାମାକାଇଜାଲିଙ୍ଗ୍ ।” ୪୨ ଆତଃ ଇନିଃ ଶିମୋନ୍କେ ଯୀଶୁତାଃତେ ଆଉକିୟା, ଯୀଶୁ ଇନିଃକେ ନେଲ୍ବେଦ୍ତେ କାଜିକିୟା, “ଆମ୍ ଯୋହାନ୍ଆଃ ହନ୍ ଶିମୋନ୍ ତାନ୍ମେ, ଆମ୍ କେଫା, ଏନାରେୟାଃ ମୁଣ୍ଡି ‘ପାଡ଼ରାସ୍’ ମେନ୍ତେମ୍ ନୁତୁମଃଆ ।”

ଯୀଶୁ ଫିଲିପ୍ ଆତଃ ନିଅ୍ନିୟେଲ୍ବେ କେଡ଼ାକିନ୍ ତାନାଏ

୪୩ ଏତାଃ ହୁଲାଙ୍ଗ୍ ଯୀଶୁକେ ଗାଲିଲ୍ବେତେ ସେନଃ ସାନାଙ୍ଗକିୟା । ଇନିଃ ଫିଲିପ୍ବେ ନାମ୍ବିଃତେ ମେତାଇୟାଏ, “ଅତଙ୍ଗକାକ୍ମେ ।” ୪୪ ଆହିୟାସ୍ ଆତଃ ପାଡ଼ରାସ୍ଲେକା ଫିଲିପ୍ ହରି ବେଥସାଇଦା ସାହାରରେନ୍ ତାଇକେନାଏ । ୪୫ ଫିଲିପ୍ ନିଅ୍ନିୟେଲ୍ବେ ନାମ୍ବିଃତେ ମେତାଇୟାଏ, “ମୁଣା ଅଲ୍ଲାକାଦ୍ ଆନ୍ତୁ ପୁଅରେ ଆତଃ ନାବକହ ଅଲ୍ଲାକାଦ୍ ହଡ଼କେ ଆଲେ ନାମାକାଇୟାଃ ଇନିଃ ଯୋଷେଫ୍ ହନ୍ ନାଜ୍ରେଡ଼ରେନ୍ ଯୀଶୁ ତାନିଃ ।”

୪୬ ନିଅ୍ନିୟେଲ୍ କୁଲିକିୟାଏ, “ଚିୟାଃ ନାଜ୍ରେଡ଼ଏତେ ଜେଡ଼ନାଃ ବୁଗିନ୍ ଅତଙ୍ଗଦାଡ଼ିଅଃଆ ?”

ଫିଲିପ୍ ମେନ୍ରୁହାଡ଼ାଇୟା, “ମାର୍ ହିଜୁଃକେଦ୍ତେ ନେଲେମେ ।”

୪୭ ଯୀଶୁ, ନିଅ୍ନିୟେଲ୍ବେ ଆୟାଃତାଃ ହିଜୁଃତାନ୍ ନେଲ୍ବେଦ୍ତେ କାଜିକେଦାଏ, “ନେଲିପେ, ନିଃ ସାର୍ତିଗି ଇସ୍ରାଏଲ୍ରେନ୍ ତାନିଃ, ଇନିଃରେ ଜେତାଏ ବେଦା ବାନଆଃ ।”

୪୮ ନିଅ୍ନିୟେଲ୍ ଇନିଃକେ କୁଲିକିୟା, “ଆମ୍ ଆଇଙ୍ଗ୍କେ ଚିଲ୍କାତେମ୍ ସାରିକେଦିୟା ?”

ଯୀଶୁ କାଜିରୁହାଡ଼କିୟାଏ, “ଫିଲିପ୍ ଆମ୍ବେ କେଡ଼ାକେଦ୍ମେ ସିଦାରେ ଆମ୍ ଲଆଦାରୁ ବୁଟାରେମ୍ ତାଇକେନା, ଇମ୍ତା ଆଇଙ୍ଗ୍ ନେଲ୍ବେଦ୍ମେୟା ।”

୪୯ ଏନ୍ତେ ନିଅ୍ନିୟେଲ୍ କାଜିକେଦାଃଏ, “ଏ ରାବି, ଆମ୍ ପାର୍ମେଶ୍ୱାର୍ଆଃ ହନ୍ ତାନ୍ମେ; ଆମ୍ ଇସ୍ରାଏଲ୍ରେନ୍ ରାଜା ତାନ୍ମେ ।”

୫୦ ଯୀଶୁ କାଜିକିୟାଏ, “ଚିୟାଃ ଆଇଙ୍ଗ୍ ଆମ୍ବେ ଲଆଦାରୁ ବୁଟାରେଇଙ୍ଗ୍ ନେଲ୍ଲେଦ୍ମେୟା ମେନ୍ତେ କାଜିୟାଦ୍ମାକ୍, ଏନାମେନ୍ତେମ୍ ବିଶ୍ୱାସେତାନା ? ଆମ୍ ଏନାଏତେହ୍ ମାପ୍ରାଙ୍ଗ୍ ବିଷାଏତେୟାଃକେ ନେଲେୟାମ୍ ।” ୫୧ ଇନିଃ ଆତଃଗି ଇନ୍କୁକେ କାଜିୟାଦ୍କଆ, “ଆଇଙ୍ଗ୍ ସାର୍ତିଗି କାଜିୟାପେ ତାନାଇଙ୍ଗ୍ ଆପେ ସିମ୍ବା ନିଜାକାନ୍ ଆତଃ ପାର୍ମେଶ୍ୱାର୍ଆଃ ଦୁଡ଼କ ମାନଝାହନ୍ ଚେତାନ୍ରେ ରାକାବ୍ତାନ୍ ଆତଃ ଆଡ଼ଗୁନ୍ତାନ୍ପେ ନେଲ୍କଆ ।”

୨

କାନାହାତୁରେ ଆଣ୍ଡି

୧ ଆପି ମାହାଁ ହୁଲାଙ୍ଗ୍ରେ ଗାଲିଲ୍ରେୟାଃ କାନା ହାତୁରେ ଆଣ୍ଡି ହବାଅଃ ତାଇକେନା, ଆତଃ ଯୀଶୁଆଃ ଏଙ୍ଗାତେ ଏନ୍ତାଃରେ ତାଇକେନାଏ । ୨ ଯୀଶୁ ଆତଃ ଆୟାଃ ଚେଲାକକେ ହରି ଏନ୍ ଆଣ୍ଡି ଅଡ଼ାଃତେ କେଡ଼ାକାନ୍ ତାଇକେନାକ । ୩ ଚିମ୍ତା ଦାଖ୍ରାସି ଚାବାୟାନା, ଯୀଶୁଆଃ ଏଙ୍ଗାତେ ଇନିଃକେ କାଜିକିୟା, “ଇନ୍କୁତାଃରେ ଦାଖ୍ରାସି ବାନଆଃ ।”

୪ ଯୀଶୁ ମେନ୍ରୁହାଡ଼ାଇୟାଏ, “ଆଇଙ୍ଗ୍ଲଃ ଆମାଃ ଚିକାନ୍ ନାତା ? ଆଇଁୟାଃ ନେତା ଆଉରି ସେଟେରାଃ ।”

୫ ମେନ୍ଦ୍ ଯୀଶୁଆଃ ଏଙ୍ଗାତେ ଦାସିକକେ କାଜିୟାଦ୍କଆଏ, “ଇନିଃ ଆପେକେ କାଜିପେ ଲେକା କାମିପେ ।”

୬ ଆତଃ ଯିହୁଦୀକଆଃ ଫାର୍ତିଅଃନାଙ୍ଗ୍ ଏନ୍ତାଃରେ ଦିରିତେ ବାଇୟାକାନ୍ ତୁରିୟା ପୁମା ଦହାକାନ୍ ତାଇକେନା, ମିଆଁଦ୍ରେ ମିଦ୍ହିସି* ଚାଏ ଡିରିଗ୍ ଗ୍ୟାଲେନ୍† ଦାଆଃ ସାବେତାନ୍ ତାଇକେନା । ୭ ଯୀଶୁ ଦାସିକକେ କାଜିୟାଦ୍କଆଏ, “ନେ ପୁମାକରେ ଦାଆଃ ପେରେଃତାପେ” ଆତଃ ଇନ୍କୁ ପୁମାରେ ଦାଆଃ ଦୁଲ୍ ପେରେଃକେଦା । ୮ ଏନ୍ତେ ଇନିଃ ଇନ୍କୁକେ କାଜିୟାଦ୍କଆଏ, “ନାହାଁଃଦ୍ ଏନ୍ ଦାଆଃଏତେ କାଟିଃ ଅତଙ୍ଗ୍ମେପେ ଆତଃ ମାରାଙ୍ଗ୍ଜନମାଃରେନ୍ ଗମ୍ବେତାଃ ଇଦିପେ ।” ଏନ୍ତେ ଇନ୍କୁ ଏନ୍ ଦାଆଃକେ ଇଦିକେଦାଃକ, ୯ ଆତଃ ମାରାଙ୍ଗ୍ଜନମାଃରେନ୍ ଗମ୍ବେ ଏନ୍ ଦାଖ୍ରାସି ବାୟାକାନ୍ ଦାଆଃକେ ଚାଖାଅକେଦାଃ ଆତଃ ଏନା ଅକ୍ତାଃଏତେ ହିଜୁଆକାନା ଏନା କାଏ ସାରିକେଦା, ମେନ୍ଦ୍ ଏନ୍ ଦାଆଃ ଅତଙ୍ଗକେନ୍ ଦାସିକ ସାରିତାଇକେନାକ । ଏନ୍ତେ ଇନିଃ ଦୁଲ୍ଲାକଡ଼ାକେ ଗେନାତେ ହାକାଅକିୟାଏ, ୧୦ ଆତଃ କାଜିକିୟାଏ,

* ୧:୩୮ ୧:୩୮ ଏ ରାବି ହେ ଗୁରୁ † ୧:୪୧ ୧:୪୧ ଏବ୍ରାରେ ମାସି ଆତଃ ଗ୍ରୀକ୍ରେ ଖ୍ରୀଷ୍ଟ * ୨:୭ ୨:୭ ମିଦ୍ହିସି କୁଡ଼େ † ୨:୭ ୨:୭ ଗ୍ୟାଲେନ୍ ଆପିହିସି ପାଦ୍ମା ଏତେ ମିଦ୍ଗାଅ ପାଦ୍ମା ଲିଟର୍ କାକେଦ୍

“ସବେନ୍ ହଡକ ସିଦାତେ ବୁଗିନ୍ ଦାଖରାସି ଏମାକଆ ଆତଃ ହଡକ ନୁଁ ଆସ୍‌ଦିୟାନ୍‌ରେ ସାବାଃତେଆଃକ ଏମାକଆ, ମେନ୍‌ଦ ଆମ୍ ବୁଗିନ୍ ଦାଖରାସି ନାହାଁଃ ଜାକେଦ୍ ଦହାକାଦାମ୍ ।”

୧୧ ନେ'ଲେକା ଯୀଶୁ ଗାଲିଲରେୟାଃ କାନା ହାତୁରେ ଆୟାଃ ପାହିଲା ପେଡେୟାନ୍ କାମି ଏଟେଦ୍‌କେଦାଏ ନେ'ଲେକା ଇନିଃ ଆୟାଃ ମାନାରାଜ୍ ଉଦୁବ୍‌କେଦାଏ ଆତଃ ଇନିୟାଃ ତେଲାକ ଇନିଃରେକ ବିଶ୍ୱାସକେଦାଃ ।

୧୨ ଏନ୍ ତାୟମତେ ଯୀଶୁ ଆତଃ ଇନିୟାଃ ଏଙ୍ଗାତେ, ହାଗାତେ, ଆତଃ ତେଲାକ କପର୍ନାହୁମ୍ ସାହାର୍ତେ ସେନଃୟାନା ଆତଃ ଏନ୍ତାଃରେ ଚିମିନ୍ ମାହାଲେକା ତାଇନ୍‌ୟାନାକ ।

ୟୀଶୁ ଯୀରୁଶାଲେମ୍ ମାନ୍ଦିର୍ ଅଡ଼ାଃତେ ସେନଃୟାନାଏ

(ମାଥୱ ୨୧:୧୨, ୧୩; ମାର୍କ ୧୧:୧୫-୧୭; ଲୁକ ୧୯:୪୫, ୪୬)

୧୩ ଆତଃ ଯିହୁଦୀକଆଃ ପାସକା ପାରାବ୍ ନାଡେୟାକାନ୍ ତାଇକେନା, ଆତଃ ଯୀଶୁ ଯୀରୁଶାଲେମ୍‌ତେ ସେନଃୟାନାଏ । ୧୪ ଇନିଃ ମାନ୍ଦିର୍ ଅଡ଼ାଃରେ ଉରିଃକକ, ମିଣ୍ଡିକ, ଦୁଦୁମୁଲକକେ କିରିଙ୍ଗ୍ ଆଖିରିଙ୍ଗ୍‌ତାନ୍‌କକେ ଆତଃ ଦୁବାକାନ୍ ପାଏସା ଭାଞ୍ଜାଅତାନ୍‌କକେ ନାମକେଦ୍‌କଆଏ । ୧୫ ଏନ୍ତେ ଇନିଃ ବାଏହାର୍ ରେୟାଃ ହାଁଶ୍ୱା ବାଇକେଦ୍‌ତେ ସବେନ୍ ମିଣ୍ଡି ଆତଃ ଉରିଃକକକେ ମାନ୍ଦିର୍ ଅଡ଼ାଃଏତେ ଅଡ଼ଙ୍ଗକେଦ୍‌କଆଏ ଆତଃ ପାଏସା ଭାଞ୍ଜାଅତାନ୍‌କଆଃ ଗାଣ୍ଡୁକେ ଉଦୁରବାଟିକେଦାଏ ଆତଃ ପାଏସାକ ଛିଡିବିଡିକେଦାଏ । ୧୬ ଆତଃ ଦୁଦୁମୁଲ୍ ଆଖିରିଙ୍ଗ୍‌କକେ କାଜିୟାଦ୍‌କଆଏ, “ନିକୁକେ ନେତାଃଏତେ ଇଦିକପେ । ଆପୁଲ୍‌ୟାଃ ଅଡ଼ାଃ କିରିଙ୍ଗ୍ ଆଖିରିଙ୍ଗ୍ ଅଡ଼ାଃ ଆଲ୍‌ପେ ବାଇୟାଃ ।” ୧୭ ନେଆଁ ନେଲ୍‌କେଦ୍‌ତେ ଧାରାମ୍‌ପୁଥିରେ ଅଲ୍‌କାନ୍‌ତେୟାଃ ଇନିୟାଃ ତେଲାକ ପାହାମ୍‌କେଦାକ, “ଆମାଃ ଅଡ଼ାଃ ନାଗେନ୍ତେ ଆଇୟାଃ ଚିହୁଲ୍‌ତେୟାଃ ଇଶିଁ ଜଃଆ ।”

୧୮ ଏନ୍ତେ ଯିହୁଦୀକଆଃ ହାକିମ୍‌କ ଯୀଶୁତାଃ ହିଜୁଃରୁହାଡ଼କେଦ୍‌ତେ ନେଆଁ କୁଲିକିୟାଃକ, “ଆମ୍ ନେ ସବେନାଃ କାମି ନାଗେନ୍ତେ ଆକ୍‌ତେୟାର୍ ନାମାକାଦାମ୍ ମେନ୍ତେ ଆଲେ ଚିଲ୍‌କାଲେ ସାରିୟା ? ଆତଃ ଚିକାନ୍ ଚିହ୍ନାତେ ଆଲେକେମ୍ ଉଦୁବାଲେତାନା ।” ୧୯ ଯୀଶୁ କାଜିରୁହାଡ଼ାଦ୍‌କଆଏ, “ନେ ମାନ୍ଦିର୍ ଅଡ଼ାଃକେ ହାଦୁଡ଼ ତାପେ ଆତଃ ଆଇଙ୍ଗ୍ ଏନାକେ ଆପି ମାହାଁରେ ବାଇରୁହାଡ଼େୟାଇଙ୍ଗ୍ ।”

୨୦ ଆତଃ ଯିହୁଦୀକ କାଜିକିୟାଃକ, “ନେ ମାନ୍ଦିର୍‌କେ ବାଇକେସେଦ୍‌ନାଙ୍ ଛୟାଲିଶ୍ ସିର୍ମା ଲାଗାଅୟାନା, ଚିୟାଃ ଆମ୍ ଆପି ମାହାଁରେ ଆତଃମିସା ବାଇରୁହାଡ଼େୟାମ୍ ?”

୨୧ ମେନ୍‌ଦ ଯୀଶୁ ଆୟାଃ ହଡ଼ମରେୟାଃ ମାନ୍ଦିର୍ ଅଡ଼ାଃରାଃ କାଜି କାଜିତାନାଏ ତାଇକେନା । ୨୨ ଏନ୍ତେ ଇନିଃ ଗଜାକାନ୍‌କ ଏତେ ଜୀଉବିଦିୟାନ୍ତେ ଇନିୟାଃ ତେଲାକ ଇନିଃ ନେ କାଜିଏ କାଜିଲେଦା ନେଆଁକ ପାହାମ୍‌କେଦାଃ । ଏନ୍ତେ ଧାରାମ୍‌ପୁଥିରେ ଆତଃ ଯୀଶୁ କାଜିକେଦ୍ କାଜିରେକ ବିଶ୍ୱାସକେଦା ।

ୟୀଶୁ ହଡ଼ଆଃ ମନ୍‌କେ ସାରିୟାଏ

୨୩ ଆତଃ ଯୀଶୁ ପାସକା ପାରାବ୍ ଦିପିଲିରେ ଯୀରୁଶାଲେମ୍‌ରେ ତାଇକେନ୍ ଇମ୍‌ତା ପୁରାଃ ହଡ଼କ ଇନିଃ କାମି ତାଇକେନ୍ ଚିହ୍ନାକ ନେଲ୍‌କେଦ୍‌ତେ ଇନିଃତାଃରେକ ବିଶ୍ୱାସକେଦା । ୨୪ ମେନ୍‌ଦ ଯୀଶୁ ଇନ୍‌କୁକେ କାଏ ବିଶ୍ୱାସକେଦ୍‌କଆ, ଚିୟାଃଚି ଇନିଃ ହଡ଼କଆଃ ମନ୍‌କେ ସାରିତାଇକେନାଏ । ୨୫ ମାନଞ୍ଜା ନାଗେନ୍ତେ ଜେତାଏ ଗାଞ୍ଜାକ ଇନିୟାଃ ଲାଗାତିଙ୍ଗ୍ କା ତାଇକେନା, ଚିୟାଃଚି ମାନଞ୍ଜାରାଃ ମନ୍‌ସୁରୁଦ୍‌ରେ ଚିକ୍‌ନାଃ ମେନାଃ ଏନାଦ ଇନିଃ ଆଇଃକ୍‌ଗି ସାରିତାନାଏ ତାଇକେନା ।

୩

ୟୀଶୁ ଆତଃ ନିକଦାମ୍

୧ ଫୀରୁଶୀକଏତେ ନିକଦାମ୍ ନୁତୁମ୍ ମିଆଁଦ୍ ହଡ଼ ତାଇକେନାଏ, ଇନିଃ ଯିହୁଦୀକଆଃ ମିଆଁଦ୍ ଆଗୁଆଇ ତାଇକେନାଏ । ୨ ଇନିଃ ମିଆଁଦ୍ ନିଦା ଯୀଶୁତାଃ ହିଜୁଃକେଦ୍‌ତେ କାଜିକିୟା, “ହେ ଗୁରୁ, ଆମ୍ ପାର୍‌ମେଶ୍ୱାର୍‌ସାଃଏତେ ଇତୁନିଃ ହିଜୁଆକାନାମ୍ ଏନାଦଲେ ସାରିୟାଃ, ପାର୍‌ମେଶ୍ୱାର୍ ଜେତାଏଲଃ କା ତାଇନ୍‌ରେଦ ଇନିଃ ଆମ୍ କାମିକାଦ୍ ଚିହ୍ନାକ କାଏ କାମିଦାଡ଼ିୟାଃ ।”

୩ ଯୀଶୁ କାଜିରୁହାଡ଼କିୟା, “ଆଇଙ୍ଗ୍ ସାର୍‌ତିଗିଙ୍ଗ୍ କାଜିୟାମେତାନା, ଜେତାଏ କାଏ ଜାନାମ୍‌ରୁହାଡ଼*ରେଦ ପାର୍‌ମେଶ୍ୱାର୍‌ଆଃ ରାଇଜ୍ କାଏ ନେଲ୍‌ଦାଡ଼ିୟା ।”

୪ ନିକଦାମ୍ କୁଲିକିୟାଏ, “ହଡ଼ ହାଡ଼ାମ୍‌ୟାନ୍ତେ ଚିଲ୍‌କାତେ ଜାନାମ୍‌ରୁହାଡ଼ ଦାଡ଼ିୟାଃ ?” “ଇନିଃ ଚିୟାଃ ଆତଃମିସା ଏଙ୍ଗାତେୟାଃ ଲାହିଦ୍‌ରେ ବଲକେଦ୍‌ତେ ଜାନାମ୍ ଦାଡ଼ିୟାଃ ।”

୫ ଯୀଶୁ କାଜିରୁହାଡ଼କିୟାଏ, “ସାର୍‌ତିଗିଙ୍ଗ୍ କାଜିୟାମେତାନା, ଦାଆଃ ଆତଃ ଆମ୍‌ତେ କାକ ଜାନାମ୍‌ରୁହାଡ଼ରେଦ ପାର୍‌ମେଶ୍ୱାର୍‌ଆଃ ରାଇଜ୍‌ରେ ଜେତାଏ କାକ ବଲଦାଡ଼ିୟାଃ । ୬ ହଡ଼ମଏତେ ଜାନାମାକାନ୍‌ତେୟାଃ ହଡ଼ମଗି ତାନାଃ ଆତଃ ଆମ୍‌ଏତେ ଜାନାମାକାନ୍‌ତେୟାଃ ଆମ୍‌ଗି ତାନାଃ । ୭ ଜାନାମ୍‌ରୁହାଡ଼ ଲାଗାତିଙ୍ଗ୍‌ୟାଃ ମେନ୍ତେଇଙ୍ଗ୍ କାଜିୟାଦ୍‌ମେଆ,

☆ ୨:୧୨ ୨:୧୨ ମାଥୱ ୪:୧୩. ☆ ୨:୧୯ ୨:୧୯ ମାଥୱ ୨୭:୨୧; ୨୭:୪୦; ମାର୍କ ୧୪:୫୮; ୧୫:୨୯. * ୩:୩ ୩:୩ ପାର୍‌ମେଶ୍ୱାର୍‌ତାଃଏତେ ଜାନାମ୍

ଏନାତେ ଆଲମ୍ ହାଏକାଟଃଆ । ୮ ହୟ ଆୟାଃ ସାନାଙ୍ଗ୍ ଲେକାତେ ହୟତାନା ଆତଃ ଏନାରେୟାଃ ଲାବ୍ଜା ଆୟୁମଃତାନା, ମେନ୍ଦ ଏନା ଅକସାଃ ଏତେ ହିଜୁଃତାନା ଆତଃ ଅକ୍ତାଃତେ ସେନଃତାନା ଏନା କା ସାରିୟଃଆ । ଆମ୍ବାଏତେ ସବେନ୍ ଜାନାମାକାନ୍କ ନେ'ଲେକାଗିଆଃକ । ୯ ନିକଦୀମ୍ ଇନିଃକେ କୁଲିକିୟାଏ, “ନେଆଁ ଚିଲ୍କାତେ ହବାଦାଡ଼ିଃଃ ?”

୧୦ ଯୀଶୁ କାଜିକିୟାଏ, “ଚିୟାଃ ଆମ୍ ଇସ୍ରାଏଲ୍ରେନକଆଃ ଗୁରୁ ତାନମେ ଆତଃ ନେଆଁ କାମ୍ ସାରିୟା ?”
୧୧ ସାର୍ଡିଗିଙ୍ଗ୍ କାଜିୟାମେତାନା, “ଆଲେ ସାରିୟାକାଦ୍ କାଜିଲେ କାଜିତାନା ଆତଃ ନେଲକାନ୍ରେୟା ଗାଞ୍ଜାଲେ ଏମେତାନା ଆତଃ ଆପେ ଆଲେୟାଃ ଗାଞ୍ଜା କାପେ ମାନାଡିଙ୍ଗ୍ତାନା । ୧୨ ଆଇଙ୍ଗ୍ ନେ ଅତେରେୟାଃ କାଜିଙ୍ଗ୍ କାଜିୟାଦ୍ପେରେ କାପେ ପାଡିୟାରେତାନା, ଏନ୍ତେ ଆଇଙ୍ଗ୍ ସିର୍ମାରେୟାଃ କାଜିଙ୍ଗ୍ କାଜିୟାପେରେ ଚିଲ୍କାତେପେ ପାଡିୟାରେଆ । ୧୩ ଅକନ୍ ମାନଞ୍ଜାହନ୍ ସିର୍ମାଏତେ ଆଡ଼ଗୁଆକାନାଏ, ଇନିଃକେ ବାଗିକିଃତେ ଆତଃ ଜେତାଏ ହଡ଼ ଚିଉଲାହ ସିର୍ମାତେ କାଏ ରାକାବାକାନା ।”

୧୪ ଆତଃ ମୁଣା ବିରରେ ପିତାଲ୍ ବିଙ୍ଗ୍କେ ଖୁଁଟାରେ ରାକାବି ଲେକା ମାନଞ୍ଜାହନ୍କେହଗି ରାକାବଃ ଲାଗାଡିଙ୍ଗ୍ୟାଃ ।
୧୫ ଇନିଃକେ ବିଶ୍ୱାସ୍ତାନକଦ ଜାନାଅ ଜାନାଅରେୟାଃ ଜୀଦାନ୍କ ନାମେୟା ।

୧୬ ମେନ୍ଦ ପାରମେଶ୍ୱାର୍ ଅତେଦିଶୁମ୍କେ ପୁରାଃଗି ଦୁଲାଡ଼କେଦାଏ ଆତଃ ଆୟାଃ ମିଆଁଦ୍ଗି ଦୁଲାଡ଼ହନ୍କେ ଏମ୍କିୟାଏ, ଇନିଃକେ ବିଶ୍ୱାସ୍ତାନକଦ କାକ ଜିୟନଃଆ ମେନ୍ଦ ଜାନାଅରେୟାଃ ଜୀଦାନ୍କ ନାମେୟା ।
୧୭ ପାରମେଶ୍ୱାର୍ ଆୟାଃ ହନ୍କେ ଅତେଦିଶୁମ୍ରାଃ ବିଚାର ନାଗେନ୍ତେଦ କାହା, ମେନ୍ଦ ଅତେଦିଶୁମ୍କେ ଇନିଃକେ ବାସ୍ତାଅ ନାଗେନ୍ତେ କୁଲିକିୟାଏ ।

୧୮ ଜେତାଏ ହନ୍ରେ ବିଶ୍ୱାସ୍ତାନନିଃ କାଏ ସାଜାଇୟାଃ ମେନ୍ଦ କା ବିଶ୍ୱାସ୍ତାନନିଃ ସାଜାଇୟାକାନାଏ, ଚିୟାଃଚି ଇନିଃକେ ପାରମେଶ୍ୱାର୍ଆଃ ମିଆଁଦ୍ଗି ହନ୍ଆଃ ନୁଡୁମ୍ରେ କାଏ ବିଶ୍ୱାସ୍କାଦା । ୧୯ ଆତଃ ଏନ୍ ବିଚାର ନେଆଁଗି ତାନାଃ, ମାର୍ସାଲ୍ ଅତେଦିଶୁମ୍ରେ ହିଜୁଆକାନା, ମେନ୍ଦ ହଡ଼କ ମାର୍ସାଲ୍ ଏତେ ନୁବାଃକେ ଆଦକାକ ଦୁଲାଡ଼କେଦାଃ ଚିୟାଃଚି ଇନକୁଆଃ କାମିକଦ ଏଡକାନାଃ ତାନାଃ । ୨୦ ଏଡକାନ୍ କାମିତାନକଦ ମାର୍ସାଲ୍କେ କାକ ଦୁଲାଡ଼ାଃ, ଆତଃ ମାର୍ସାଲ୍ତାଃତେ କାକ ହିଜୁଃଆ, ଚିୟାଃଚି ଇନକୁଆଃ ଏଡକାନ୍ କାମି ମାର୍ସାଲ୍ରେ ଉଦୁବଃକା ମେନ୍ତେ ଇନକୁ କାକ ସାନାଙ୍ଗ୍ଆଃ । ୨୧ ମେନ୍ଦ ଜେତାଏ ସାର୍ଡି କାମି କାମିୟାଏ, ଇନିଃ କାମିକାଦ୍ତେୟାଃକ ଜେ'ଲେକା ପାରମେଶ୍ୱାର୍ଆଃ ସାନାଙ୍ଗ୍ଲେକା କାମିକେଦାଏ ମେନ୍ତେ ଉଦୁବଃକା, ଏନାମେନ୍ତେ ଇନିଃ ମାର୍ସାଲ୍ତାଃଏ ହିଜୁଃଆ ।

ୟୀଶୁ ଆତଃ ଯୋହାନ୍

୨୨ ନେଆଁ ତାୟମ୍ତେ, ଯୀଶୁ ଆତଃ ଆୟାଃ ଚେଲକ ଯିହୁଦା ଦିଶୁମ୍ତେକ ସେନଃୟାନା ଆତଃ ଇନିଃ ଇନକୁଲଃ ଏନ୍ତାଃରେ ତାଇନ୍ୟାନ୍ତେ ବାପ୍ତିସ୍ମାକତାନ୍ ତାଇକେନାଏ । ୨୩ ଆତଃ ଯୋହାନ୍ହଁ ସାଲିମ୍ ଜାପାଃ ଏନନ୍ରେ ବାପ୍ତିସ୍ମାକତାନ୍ ତାଇକେନାଏ, ଚିୟାଃଚି ଏନ୍ତାଃରେଦ ପୁରାଃଗି ଦାଆଃ ତାଇକେନା, ଆତଃ ହଡ଼କ ବାପ୍ତିସ୍ମାଆଃ ନାଗେନ୍ତେ ହିଜୁଃତାଇକେନାକ । ୨୪ *ଯୋହାନ୍ଦ ଇମ୍ତାଙ୍ଗ୍ ଜାକେଦ୍ କାଏ ଜେହେଲକାନ୍ ତାଇକେନା ।

୨୫ ଏନ୍ତେ ଯୋହାନ୍ଆଃ ଚିମିନ୍ ଚେଲକ ଆତଃ ମିଆଁଦ୍ ଯିହୁଦୀ, ଫାର୍ଡିଅଃରେୟା ବିଷାଏରେ କୁପୁଲିୟାନାକ ।
୨୬ ଇନକୁ ଯୋହାନ୍ତାଃତେ ହିଜୁଃୟାନ୍ତେ କାଜିକିୟା, “ହେ ଗୁରୁ” ଯାଦାନ୍ ହାନ୍ ପାରମ୍ ଆମାଃଲଃ ତାଇକେନ୍ନିଃ, ଇନିୟାଃ ନାଗେନ୍ତେ ଆମ୍ ଗାଞ୍ଜା ଏମ୍କେଦାଃ, ନେଲିମେ ଇନିଃ ବାପ୍ତିସ୍ମାକତାନାଏ, ଆତଃ ସବେନ୍କ ଇନିଃତାଃ ସେନଃତାନାକ ।

୨୭ ଯୋହାନ୍ କାଜିରୁହାଡ଼ାଦକଆଏ, “ସିର୍ମାସାଃଏତେ କା ଏମଃରେଦ ହଡ଼ ଜେଡନାଃ କାଏ ନାମ୍ଦାଡ଼ିୟାଃ ।
୨୮ *ଆଇଙ୍ଗ୍ଦ ମାସି ନାହାଁଲିଙ୍ଗ୍ ମେନ୍ଦ ଇନିୟାଃ ଆୟାର୍ରେ କୁଲକାନାଇଙ୍ଗ୍ ମେନ୍କେଦାଃଏ, ଏନାରେୟାଃ ଗାଞ୍ଜା ଆପେଗି ତାନ୍ପେ । ୨୯ ଜେତାଏ ଆଣ୍ଡିୟନିଃ ଦ ଦୁଲ୍ଲାକଡ଼ାରାଃ ତାନିଃ, ମେନ୍ଦ ଦୁଲ୍ଲାତାଃ ଡିଙ୍ଗ୍କେଦ୍ତେ ଇନିୟାଃ କାଜି ଆୟୁମ୍ତାନ୍ ଗାଡି ଦୁଲ୍ଲାରାଃ କାଜିତେ ପୁରାଃଗି ରାସ୍କାଅଆ । ଏନାତେ ଆଇୟାଃ ନେ ରାସ୍କାଦ ନାମ୍ବାବାୟାନା । ୩୦ ଇନିଃକେ ମାରାଙ୍ଗ୍ ହବା ଲାଗାଡିଙ୍ଗ୍ୟାଃ ମେନ୍ଦ ଆଇଙ୍ଗ୍କେ ହୁଡିଙ୍ଗ୍ଆଃ ଲାଗାଡିଙ୍ଗ୍ୟାଃ ।”

ସିର୍ମା ଏତେ ହିଜୁଃନିଃ

୩୧ ଚେତାନ୍ଏତେ ହିଜୁଃନିଃ ସବେନ୍କଏତେ ମାରାଙ୍ଗ୍ଆଁଏଃ । ଅତେସାଃଏତେ ହିଜୁଃନିଃ ଅତେରେନ୍ନିଃ ତାନିଃ ଆତଃ ଅତେସାଃଏତେ କାଜିୟାଏ ମେନ୍ଦ ସିର୍ମାସାଃଏତେ ହିଜୁଃନିଃ ସବେନ୍କଏତେ ମାରାଙ୍ଗ୍ଆଁଏଃ । ୩୨ ଇନିଃ ନେଲକାଦ୍ ଆତଃ ଆୟୁମାକାଦ୍ ତେୟାଃରାଃ ଗାଞ୍ଜା ପେରେଃକେଦା ମେନ୍ଦ ଇନିୟାଃ ଗାଞ୍ଜା ଜେତାଏ କାକ ମାନାଡିଙ୍ଗ୍କେଦା । ୩୩ ମେନ୍ଦ ଇନିୟାଃ ଗାଞ୍ଜା ଅକଏ ମାନାଡିଙ୍ଗ୍ନିଃ, ପାରମେଶ୍ୱାର୍ ସାର୍ଡିଗିୟାଏ ମେନ୍ତେ ଏନ୍ କାଜିରେ ମୋହ୍ଡକାଦାଏ† । ୩୪ ପାରମେଶ୍ୱାର୍ତାଃଏତେ କୁଲକାନ୍ନିଃକେ ପାରମେଶ୍ୱାର୍ଆଃ କାଜି କାଜିୟାଏ, ଚିୟାଃଚି ପାରମେଶ୍ୱାର୍ଦ ଇନିଃକେ

* ୩:୨୪ ୩:୨୪ ମାଥ୍ ୧୪:୩; ମାର୍କ ୬:୧୭; ଲୁକ ୩:୧୯,୨୦. † ୩:୨୮ ୩:୨୮ ଯୋହାନ୍ ୧:୨୦. ‡ ୩:୩୩ ୩:୩୩ ମୋହ୍ଡକାଦାଏ ପକ୍ତାସାବୁଡ଼

ଆୟାଃ ଆମ୍ବା ପୁରାଃଶି ଏମିୟା । ୩୫ ✨ଆପୁଦ ଆୟାଃ ହନ୍କେ ଦୁଲ୍ଲାଡ଼ାଃଏ ଆଡ଼ଃ ସବେନାଃ ଇନିୟାଃ ତିଃଇରେ ଏମ୍ଭଡ଼ାକାଦାଏ । ୩୬ ହନ୍ରେ ବିଶ୍ୱାସତାନିୟାଃ ଜାନାଅଜୀଦାନ୍ ମେନାଃ, ମେନ୍ଦ ହନ୍କେ କାଏ ଦାରମ୍ତାନିଃ ଜୀଦାନ୍ କାଏ ନେଲେୟା, ଚିୟାଃତି ପାର୍ମେଶ୍ୱାର୍ଆଃ ଏନେସେଦ୍ଃ ଇନିଃରେ ତାଇନ୍ତାନା ।

୪

ୟାଶୁ ଆଡ଼ଃ ଶମିରୋନ୍ରେନ୍ କୁଡ଼ି

୧ ଫାରୁଶୀକ, ଯାଶୁ ଯୋହାନ୍ ଏଡେ ଆଦକା ଚେଲ୍ଲାକେଦ୍ଡେ ବାପ୍ତିସ୍ମାକତାନାଏ ମେଡ୍ରେକ ଆୟୁମ୍କେଦା ନେଆଁ ଯାଶୁ ଆଡ଼କାରକେଦାଏ । ୨ ଯାଶୁ ଆୟାଃଡେଗି କାଏ ବାପ୍ତିସ୍ମାକ ତାଇକେନା ମେନ୍ଦ ଇନିୟାଃ ଚେଲ୍ଲାକ ବାପ୍ତିସ୍ମା ଏମାକତାନ୍ ତାଇକେନାକ । ୩ ନେ ସବେନାଃ ଆଡ଼କାରକେଦ୍ଡି ଇନିଃ ଯିହୁଦା ଦିଶୁମ୍ ବାଗିକେଦାଏ ଆଡ଼ଃ ଗାଲିଲ୍ଡେ ସେନ୍ରୁହାଡ଼ୟାନ୍ୟା । ୪ ଆଡ଼ଃ ଇନିଃକେ ଶମିରୋନ୍ ଦିଶୁମ୍ ଆଲା ଆଲାଡେ ସେନଃ ଲାଗାତିଙ୍ଗ୍ ତାଇକେନା ।

୫ ଏଡେ ଯାଶୁ ଶମିରୋନ୍ରେଆଃ ଶିଖର୍ ନୁଡୁମ୍ ମିଆଁଦ୍ ହାଡୁଡେ ସେଚେରୟାନ୍ୟା, ଏନା ଯାକୁବ୍ ଆୟାଃ ହନ୍ ଯୋଷେଦ୍ଡେ ଏମାକାଇ ଅଡେ ଜାପାଃରେ ତାଇକେନା । ୬ ଏନ୍ତାଃରେ ଯାକୁବ୍ଆଃ କୁଆଁ ତାଇକେନା, ଆଡ଼ଃ ଯାଶୁ ହରା ସେସେନ୍ଡେ ଲାଗାୟାଡ୍ରେ, କୁଆଁତାଃରେ ଦୁବ୍ୟାନ୍ୟା । ଇମ୍ତାଦ୍ ତିକିନ୍ସିଙ୍ଗ୍ ତାଇକେନା ।

୭ ଏଡେ ମିଆଁଦ୍ ଶମିରୋନ୍ରେନ୍ କୁଡ଼ି ଦାଆଃ ବୁରାଃଡେ ହିଜୁଃୟାନ୍ୟା, ଆଡ଼ଃ ଯାଶୁ ଇନିଃକେ କାଜିକିୟାଏ, “ନୁଁଏ ଦାଆଃ ଏମାକଙ୍ଗ୍ମେ ।” ୮ ଇମ୍ତାଙ୍ଗ୍ ଇନିୟାଃ ଚେଲ୍ଲାକଦ୍ ଜମେୟାଃ କିରିଙ୍ଗ୍ଡେ ସାହାର୍ଡେ ସେନାକାନ୍ ତାଇକେନାକ ।

୯ ଏନ୍ କୁଡ଼ି ଯାଶୁକେ କାଜିକିୟାଏ, “ଆମ୍ ଯିହୁଦା ତାନ୍ମେ ଆଡ଼ଃ ଆଇଙ୍ଗ୍ ଶମିରୋନ୍ରେନ୍ ତାନିଙ୍ଗ୍, ଆମ୍ ଚିଲ୍ଲକାଡେ ନୁଁଏ ଦାଆଃ ଆସି ଦାଡ଼ିତାନାମ୍ ?” ଚିୟାଃତି ଯାହୁଦିକଦ୍ ଶମିରୋନ୍ କଲଃ କାକ ମେସାଆଃ ତାଇକେନା ।

୧୦ ଯାଶୁ କାଜିରୁହାଡ଼କିୟାଏ, “ଆମ୍ ପାର୍ମେଶ୍ୱାର୍ଆଃ ଏନେମ୍ଡେୟାଃ ଆଡ଼ଃ ଦାଆଃ ଆସିନିଃ ଅକଏ ତାନିଃ, ଏନାମ୍ ସାରିରେଦ୍, ଆମ୍ ଇନିଃକେ ଆସିଡେୟାଃ ଆଡ଼ଃ ଇନିଃ ଆମ୍କେ ଜୀନିଦ୍ ଦାଆଃ ଏମାମ୍ଡେୟାଃଏ ।”

୧୧ ଏନ୍ କୁଡ଼ି କାଜିକିୟାଏ, “ଗମ୍କେ, ଆମାଃତାଃରେ ବୁରାଃଡେଆଃଦ୍ ବାନଆଃ ଆଡ଼ଃ କୁଆଁଦ୍ ଇକିରା*, ଏନ୍ ଜୀନିଦ୍ ଦାଆଃ କତାଃଏଡେମ୍ ନାମେୟା ? ୧୨ ଚିୟାଃ ଆମ୍ ଆଲେୟାଃ ଆପୁ ଯାକୁବ୍ ଏଡେ ମାରାଙ୍ଗ୍ଆମ୍ ? ଇନିଃ ନେ କୁଆଁ ଏମାଦ୍ଲେୟାଏ ଆଡ଼ଃ ଏନାଏଡେ ଆଇଃକ୍ହରି ନୁଁକେଦାଏଃ, ଏନ୍ଲେକା ଇନିୟାଃ ହନ୍ହପନ୍କ ଆଡ଼ଃ ଇନିୟାଃ ଉରିଃକ୍, ମେରମ୍କହ୍ ନୁଁକେଦାଃକ ।”

୧୩ ଯାଶୁ ଇନିଃକେ କାଜିରୁହାଡ଼କିୟାଏ, “ନେ ଦାଆଃ ନୁଁଏନିଃକେ ଡେଡାଙ୍ଗ୍ ରୁହାଡ଼ିଆ, ୧୪ ମେନ୍ଦ୍ ଆଇଙ୍ଗ୍ ଏମାକ ଦାଆଃ ନୁଁଏ ହଡ୍ ଚିଉଲ୍ଲାହ୍ କାଏ ଡେଡାଙ୍ଗ୍ଆଃ ଆଡ଼ଃ ଆଇଙ୍ଗ୍ ଏମାକ ଦାଆଃ ଇନିଃରେ ଜାନାଅ ଜୀଦାନ୍ ଜାକେଦ୍ ଲିଙ୍ଗିୟାଆଃ ଦାଆଃରେୟାଃ କୁଆଁଦାଆଃ ବାଇୟାଆଃ ।”

୧୫ ଏନ୍ କୁଡ଼ି କାଜିକିୟାଏ, “ ‘ହେ ଗମ୍କେ, ଆଇଙ୍ଗ୍କେ ଏନ୍ ଦାଆଃ ଏମାକଙ୍ଗ୍ମେ, ଜେଲ୍ଲେକାତି ଆଇଙ୍ଗ୍ ଆଲକାଇଙ୍ଗ୍ ଡେଡାଙ୍ଗ୍କାଃ, ଆଡ଼ଃ ଦାଆଃ ବୁରାଃନାଙ୍ଗ୍ ନେତାଃଡେ ଆଲକାଇଙ୍ଗ୍ ହିଜୁଃକା ।”

୧୬ ଯାଶୁ ଇନିଃକେ ମେନ୍କିୟାଏ, “ଜୁ ଆମାଃ କଡ଼ାକେ କେଡାଲମେ,” ଆଡ଼ଃ “ନେତାଃ ହିଜୁଃବେନ୍ ।”

୧୭ ଏନ୍ କୁଡ଼ି ମେନ୍ରୁହାଡ଼ାଇୟାଏ, “ଆଇଁୟାଃ କଡ଼ା ବାଙ୍ଗାଲୟାଃ ।” ଯାଶୁ ମେନ୍ରୁହାଡ଼ାଇୟାଏ, “ଆଇଁୟାଃ କଡ଼ା ବାଙ୍ଗାଲୟାଃ ମେଡ୍ରେ ବୁଗିନାମ୍ କାଜିକେଦା, ୧୮ ଆମଦ୍ ମଶେୟାଁତାଃ ଅଡ଼ାଃୟାନ୍ୟାମ୍ ଆଡ଼ଃ ଆମାଃଲଃ ନାହାଁଃ ତାଇନ୍ତାନିଃ ଆମାଃ କଡ଼ା ନାହାଁଲିଃ, ନେଆଁ ଆମ୍ ସାର୍ଡିଗି କାଜିୟାକାଦାମ୍ ।”

୧୯ ଏନ୍ କୁଡ଼ି ମେନ୍କିୟାଏ, “ହେ ଗମ୍କେ, ଆମ୍ ନାବୀ ତାନ୍ମେ, ନେଆଁ ଆଇଙ୍ଗ୍ ନେଲ୍ଦାଡ଼ିତାନା ।

୨୦ “ଆଲେୟାଃ ହାଡ଼ାମ୍ ହଡକ୍ ନେ ବୁରୁରେ ପାର୍ମେଶ୍ୱାର୍ଆଃକ ସେଝା କେଦାଃ ମେନ୍ଦ୍ ଆପେ ଯିହୁଦୀକ ମେନେତାନା, ଅକନ୍ ଜାଗାରେ ପାର୍ମେଶ୍ୱାର୍ଆଃ ସେଝା ଲାଗାତିଙ୍ଗ୍ୟାଃ ଏନା ଯାରୁଶାଲେମ୍ରେ ମେନାଃ ।”

୨୧ ଯାଶୁ ଇନିଃକେ କାଜିକିୟାଏ, “ଏ କୁଡ଼ି କାଜିତାଇୟାଃ ପାଡିୟାରେମେଁ, ଏନ୍ ଦିପିଲି ହିଜୁଃଆ ଅକ ଦିପିଲିରେ ଆପେ ନେ ବୁରୁରେ ଚି ଯାରୁଶାଲେମ୍ରେହ୍ ଆପୁଆଃ କାପେ ସେଝା ରିକାଗିଆ । ୨୨ ଆପେ ଶମିରୋନ୍ରେନ୍କ କା ସାରିନିଃକେପେ ସେଝାକତାନା; ଆଲେ ଯିହୁଦୀକ ସାରିତାନିଃକେ ସେଝାକତାନାଲେ, ଚିୟାଃତି ଜୀଉବାସ୍ତାଅନିଃ ଯାହୁଦିକଏଡେ ହିଜୁଃତାନା । ୨୩ ମେନ୍ଦ୍ ଦିପିଲି ହିଜୁଃଆ ଆଡ଼ଃ ନାହାଁଃ ସେଚେରାକାନା, ଏନାରେ ସାର୍ଡି ସେଝାକିନିଃକ ଆମ୍ ଆଡ଼ଃ ସାନାର୍ଡିଡେ ଆପୁକେକ ସେଝାକୟା, ଆପୁଦ୍ ନେ ଲେକାନ୍ ସେଝାକତାନ୍କକେ ନାମ୍ତାନା । ୨୪ ପାର୍ମେଶ୍ୱାର୍ ଆମ୍ ତାନିଃ ଆଡ଼ଃ ଇନିଃକେ ସେଝାକତାନ୍କ ଆମ୍ବାରା ପେଡେଃଡେ ଏସକାର୍ ଆଡ଼ଃ ସାନାର୍ଡିଡେ ସେଝାକ ଲାଗାତିଙ୍ଗ୍ୟାଃ ।”

୨୫ ଏନ୍ କୁଡ଼ି ଇନିଃକେ ମେତାଇୟାଏ, “ଖ୍ରୀଷ୍ଟ୍ ନୁଡୁମ୍ତାନ୍ ମାସି ହିଜୁଆଃଏ, ଏନାକଙ୍ଗ୍ ସାରିତାନା, ଇନିଃ ହିଜୁଃକେଦ୍ଡେ ସବେନାଃଏ ଉଦୁବାଲେୟା ।”

✨ ୩:୩୫ ୩:୩୫ ମାଥ୍ ୧୧:୨୭; ଲୁକ ୧୦:୨୨. † ୩:୩୬ 3:36 ଖ୍ଯ * ୪:୧୧ ୪:୧୧ ଇକିରା ଗାଢ଼ଗିଆଃ

୨୬ ଯୀଶୁ ମୋତାଉୟାଏ, “ଆଇଙ୍ଗ୍ ଇନିଃ ତାନିଙ୍ଗ୍, ଅକଏଚି ଆମାଃଲଃ ଜାଗାର୍ତାନାଏ ।”

୨୭ ଆତଃ ଏନ୍ ଦିପିଲିରେ ଇନିୟାଃ ଚେଲକ ହିଜୁଃୟାନା ଆତଃ ଇନିଃ ମିଆଁଦ୍ କୁଡିଲଃ ଜାଗାର୍ତାନ ନେଲକେଦ୍ତେ ହାଏକାଟ୍‌ୟାନାକ । ଏନ୍‌ରେହ୍ ଜେତାଏ ଆମ୍ ଚିକ୍‌ନାଃମ୍ ସାନାଙ୍ଗ୍‌ତାନା ଚାଏ ନିଃଲଃ ଚିନାଃ ମେନ୍ତେମ୍ ଜାଗାର୍ତାନା ମେନ୍ତେ ଜେତାଏ କାକ କୁଲିକିୟା ।

୨୮ ଏନ୍ତେ ଏନ୍ କୁଡି ଆୟାଃ ଚାଟୁ ବାଗିଡୁକାକେଦ୍ତେ, ହାତୁତେ ସେନଃୟାନାଏ ଆତଃ ଏନ୍ତାଃରେ ହଡକକେ କାଜିୟାଦକଆଏ, ୨୯ “ଏଲ୍ଲା ମିଆଁଦ୍ ହଡ ନେଲିପେ, ଇନିଃ ଆଇଙ୍ଗ୍ କାମିକାଦ୍ ସବେନାଃ ଆଇଙ୍ଗ୍‌କେ ଉଦୁବାଦିଇୟା, ଇଦୁ ଇନିଃ ମାସି ତାନିଃ ଚି କାହା ?” ୩୦ ଇନ୍‌କୁ ସାହାର୍‌ଏତେ ଅତଙ୍ଗ୍‌ୟାନ୍‌ତେ ଇନିଃତାଃତେକ ହିଜୁଃୟାନା ।

୩୧ ଏନ୍ତେ ଇନିୟାଃ ଚେଲକ ବିକ୍ତିକେଦ୍ତେ କାଜିକିୟାଃକ, “ହେ ଗୁରୁ, ଜେଡ୍‌ନାଃ କାଟିକାନ୍ ଜମେମେ ।”

୩୨ ମେନ୍‌ଦ୍ ଯୀଶୁ ଇନ୍‌କୁକେ କାଜିୟାଦକଆଏ, “ଆପେ ଅକ ଜଜମ୍ ବିଷାଏରେ କାପେ ସାରିଆଃ, ଏନ୍ ଜମେୟାଃ ଆଇୟାଃତାଃରେୟା ।”

୩୩ ଏନ୍ତେ ଚେଲକ ଆକ ଆକରେ ମେପେନ୍‌ୟାନାକ, “ଜେତାଏ ମିହୁଡ୍ ଇନିଃକେ ଜମେୟାଃ ଆଉଝାକାଉୟାଏ ?”

୩୪ ଯୀଶୁ ଇନ୍‌କୁକେ କାଜିକେଦକଆଏ, “ଆଇଙ୍ଗ୍‌କେ କୁଲ୍ଲାକାନ୍‌ନିୟାଃ ମନେଲେକା ସେସେନ୍ ଆତଃ ଇନିଃ ଆଇଙ୍ଗ୍‌କେ ଏମାକାଉଙ୍ଗ୍ କାମି ଚାବାଏତେୟାଃ ଆଇୟାଃ ଜମେୟାଃ ତାନାଃ । ୩୫ ଚିୟାଃ ଆପେ ଚାର୍ ମାହିଁନା ତାୟମ୍‌ତେ ଇରୋଃ ତେବାଗାଃ ମେନ୍ତେ କାପେ କାଜିତାନା ? ହେରାକାନ୍ ପିଡିକେ ଆରିଦ୍‌ରାକାବେପେ ଏନା ଇରୋଃ ନାଗେନ୍ତେ ବିଲି ଚାବାକାନା ନେଆଁ ଆଇଙ୍ଗ୍ କାଜିୟାପେତାନା । ୩୬ ନାହାଁଃ ଜାକେଦ୍ ଇରୋଃନିଃ ନାଲ୍ଲା ନାମ୍‌ତାନାଏ, ଆତଃ ଜାନାଅ ଜୀଦାନ୍ ନାଗେନ୍ତେ ଜ'ଆଏ ହୁଣ୍ଡିତାନା, ଜେ'ଲେକା ଏନାତେ ହେରଃନିଃ ଆତଃ ଇରୋଃନିଃ ବାରାନ୍‌କିନ୍ ମିଦ୍‌ତେକିନ୍ ରାସକାଅଃଆ । ୩୭ ମିଆଁଦ୍ ହଡ୍ ହେରେତାନାଏ ଆତଃ ଏଗାଃନିଃ ଇରେତାନାଏ, ନେ କାଜିଦ୍ ସାଡ୍‌ଚିଗିଆଃ । ୩୮ ଆପେ କାପେ କାମିୟାକାଦ୍‌ତେୟାଃ ଇରେ ନାଗେନ୍ତେଇଙ୍ଗ୍ କୁଲ୍‌କେଦ୍‌ପେୟା । ଏଗାଃକ କାମିୟାକାଦାଃ ଆତଃ ଆପେ ଇନ୍‌କୁଆଃ କାମିରେ ଆଦାଏପେ ନାମାକାଦା ।”

୩୯ ଆତଃ ଏନ୍ ସାହାର୍‌ରେନ୍ ଶମିରୋନିକଏତେ ପୁରାଃ ହଡକ ଯୀଶୁରେକ ବିଶ୍ୱାସକେଦାଃ, ଚିୟାଃଚି ଏନ୍ କୁଡିଦ୍ “ଇନିଃ ଆଇଙ୍ଗ୍ କାମିକାଦ୍ ସବେନାଃ ଆଇଙ୍ଗ୍‌କେ ଉଦୁବାଦିଇୟା” ମେନ୍ତେ ଗାଝା ଏମ୍‌କେଦାଏ । ୪୦ ଏନାମେନ୍ତେ ଶମିରୋନିରେନ୍ ଇନିଃତାଃ ହିଜୁଃଲେନ୍ତେ ଆମ୍ ଆଲେଲଃ ତାଇନ୍‌ମେ ମେନ୍ତେକ ବିକ୍ତିକିୟାଃ ଆତଃ ଇନିଃ ଏନ୍ତାଃରେ ବାର୍‌ସିଙ୍ଗ୍ ତାଇନ୍‌ୟାନାଏ ।

୪୧ ଆତଃ ଇନିୟାଃ କାଜି ନାଗେନ୍ତେ ଆଦକା ହଡକ ବିଶ୍ୱାସକେଦାଃ । ୪୨ ଆତଃ ଇନ୍‌କୁ ଏନ୍ କୁଡିକେ କାଜିକିୟାଃକ, “ନାହାଁଃଦ୍ ଆମାଃ କାଜି ନାଗେନ୍ତେ କାଲେ ବିଶ୍ୱାସତାନା, ଚିୟାଃଚି ଆଲେଦ୍ ନାହାଁଃ ଆୟୁମାକାଦାଲେ ଆତଃ ନିଃ ସାଡ୍‌ଚିଗି ଅତେଦିଶୁମ୍‌ରାଃ ଜୀଉବାଞ୍ଚାଅନିଃ ତାନିଃ ନେଆଁଲେ ସାରିତାନା ।”

ୟୀଶୁ ମିଆଁଦ୍ ଗମକେୟାଃ କଡ଼ାହନ୍‌କେ ବୁଗିକିୟାଏ

୪୩ ଆତଃ ବାର୍‌ସିଙ୍ଗ୍ ତାୟମ୍‌ତେ ଯୀଶୁ ଏନ୍ତାଃଏତେ ଅତଙ୍ଗ୍‌ୟାନ୍‌ତେ ଗାଲିଲ୍‌ତେ ସେନଃୟାନାଏ । ୪୪ ☆ୟୀଶୁ ଆୟାଃତେଗି ଗାଝା ଏମ୍‌କେଦାଏ, “ନାବୀ ଆୟାଃ ଦିଶୁମ୍‌ରେ କାଏ ମାଇନଃଆ ।” ୪୫ ☆ଇନିଃ ଗାଲିଲ୍‌ତେ ତେବାଃୟାନ୍‌ଚି, ଗାଲିଲ୍‌ରେନ୍‌କ ଇନିଃକେ ଦାରମ୍‌କିୟାଃ । ଇନ୍‌କୁଦ୍ ଯୀରୁଶାଲେମ୍‌ରେଆଃ ପାରାବ୍ ଦିପିଲିରେ ଇନିଃ କାମିକେଦ୍ ସବେନାଃ ନେଲକାଦକ ତାଇକେନା, ଚିୟାଃଚି ଇନ୍‌କୁହ୍ ପାରାବ୍‌ତେକ ସେନ୍‌କେନା ।

୪୬ ☆ୟୀଶୁ ଆତଃଚି ଗାଲିଲ୍‌ରେୟାଃ କାନା ହାତୁରେ ତେବାଃୟାନା, ଏନ୍ତାଃରେଦ୍ ଇନିଃ ଦାଆଃକେ ଦାଖ୍‌ରାସି ବାଇୟାକାଦ୍ ତାଇକେନାଏ । ଆତଃ ଏନ୍ତାଃରେ ମିଆଁଦ୍ ଗମକେ+ ତାଇକେନାଏ, ଇନିୟାଃ ହନ୍ କପର୍‌ନାହୁମ୍ ସାହାର୍‌ରେ ଦୁକୁତାନ୍ ତାଇକେନାଏ । ୪୭ ଆତଃ ଯୀଶୁ ଯିହୁଦା ଏତେ ଗାଲିଲ୍‌ତେ ହିଜୁଆକାନାଏ ମେନ୍ତେ ଇନିଃ ଆୟୁମ୍‌କେଦ୍‌ଚି ଇନିଃତାଃତେ ସେନଃୟାନାଏ, ଆତଃ ଆମ୍ ହିଜୁଃକେଦ୍‌ତେ ଆଇୟାଃ ହନ୍‌କେ ବୁଗିମେ ମେନ୍ତେ ବିକ୍ତିକିୟାଏ, ଚିୟାଃଚି ଇନିଃଦ୍ ଗଜଃଲେକାନ୍ ତାଇକେନାଏ । ୪୮ ଯୀଶୁ ଇନିଃକେ କାଜିକିୟାଏ, “ଆପେ ଚିହ୍ନାଁ ଆତଃ ଆକ୍‌ଦାନ୍‌ଆ କାମି କାପେ ନେଲେରେଦ୍ କାପେ ବିଶ୍ୱାସେଆ ।”

୪୯ ଏନ୍ ଗମକେ ମୋତାଉୟାଏ, “ହେ ଗୁରୁ, ଆଇୟାଃ ହନ୍ ଗଜଃ ସିଦାରେ ହିଜୁଃମେ ।”

୫୦ ଯୀଶୁ ଇନିଃକେ ମେନ୍‌ରୁହାଡ଼ାଉୟାଏ, “ଜୁ, ସେନଃମେ, ଆମାଃ ହନ୍ ଜୀହୁଦଃଆଏ ।”

ଏନ୍ ହଡ୍ ଯୀଶୁ କାଜିକାଉ କାଜିରେ ବିଶ୍ୱାସକେଦ୍‌ତେ ସେନଃୟାନାଏ । ୫୧ ଆତଃ ଇନିଃ ସେନଃତାନ୍ ତାଇକେନ୍‌ରେ ଇନିୟାଃ ଦାସିକ ଇନିଃକେ ସେନ୍‌ଦାରମ୍‌କିୟାଃକ ଆତଃ “ହନ୍‌ତାମାଃ ଜୀହୁଦ୍‌ୟାନାଏ” ମେନ୍ତେକ ଉଦୁବ୍‌କିୟା ।

୫୨ ଏନ୍ତେ ଇନିଃ ଅକ ଦିପିଲିରେ ବୁଗି ଏଟେଦ୍‌ୟାନାଏ ମେନ୍ତେ ଇନ୍‌କୁକେ କୁଲିକେଦକଆଏ । ଆତଃ ଇନ୍‌କୁ ହଲ୍ଲା ହୁଡିଙ୍ଗ୍ ସିଙ୍ଗି ମିଦ୍ ଘାଣ୍ଟାରେ ଇନିୟାଃ ଉରିୟୁ ବାଗିକିୟାଏ ମେନ୍ତେ ଇନ୍‌କୁ କାଜିକିୟାଃକ । ୫୩ ଆତଃ ହନ୍‌ତାମାଃ ଜୀହୁଦଃଆଏ ମେନ୍ତେ ଯୀଶୁ କାଜିୟାଉ ଦିପିଲିରେଗି ନେକାୟାନା ଏନା ଆପୁତେ ଆଟ୍‌କାର୍‌କେଦାଏ, ଏନ୍ତେ ଇନିଃ ଆତଃ

☆ ୪:୪୪ ୪:୪୪ ମାଥୁଉ ୧୩:୫୭; ମାର୍କ ୭:୪; ଲୁକ ୪:୨୪. ☆ ୪:୪୫ ୪:୪୫ ଯୋହାନ୍ ୨:୨୩. ☆ ୪:୪୬ ୪:୪୬ ଯୋହାନ୍ ୨:୧-୧୧. † ୪:୪୭ ୪:୪୭ ଗମକେ ମାରାଙ୍ଗ୍ ହଡ୍

ଇନିୟାଃ ଅଡ଼ାଃରେନକ ଯୀଶୁରେକ ବିଶ୍ୱାସକେଦାଃ । ୫୪ ଯୀଶୁ ଯିହୁଦାଏତେ ଗାଲିଲ୍ରେ ହିଜୁଃୟାନ୍ତେ ନେଆଁ ବାର୍ସାତେ ପେଡ଼େୟାନ୍ କାମି କାମିକେଦାଏ ।

୫

ୟୀଶୁ ବାନ୍ଦାତାଃରେ ମିଆଁଦ୍ ହାସୁତାନ୍ନିଃକେ ବୁଗିକିୟାଏ

୯ ନେଆଁ ତାୟମ୍ତେ, ଯୀଶୁ ଯୀରୁଶାଲେମ୍ତେ ସେନଃୟାନ୍ୟ, ଚିୟାଃଚି ଯିହୁଦୀକଆଃ ପାରାବ୍ ତାଇକେନା । ୧୦ ଯୀରୁଶାଲେମ୍ତେ ମିଶ୍ତ୍ର ଦୁଆର୍ ଜାପାଃରେ ମିଆଁଦ୍ ବାନ୍ଦା ମେନାଃ, ଏବ୍ରୀ କାଜିତେ ଏନାଦ୍ ବେଥେସ୍ଦା ନୁତୁମଃତାନା । ଏନ୍ ବାନ୍ଦାରେ ମଣେୟାଁ ପିଣ୍ଡୁଗି ତାଇକେନା । ୧୧ ଏନ୍ତାଃରେ ପୁରାଃ ଦୁକୁତାନ୍କ, କାଣାଁକ, ଛୁଟାକ ଆତଃ ରହଡ଼ାକାନ୍କ ବାଟିଆକାନ୍ କେପା ତାଇକେନାକ । ଇନ୍କୁଦ ଦାଆଃ ହେଲତେଆଃ ନେଲ୍ହରାତାଇକେନାକ । ୧୨ ଚିୟାଃଚି ମିସା ମିସାଦ୍ ମିଆଁଦ୍ ଦୁଡ୍ ବାନ୍ଦାରେ ଆଡ଼ଗୁକେଦ୍ତେ ଦାଆଃ ହେଲତାଇକେନାଏ ଆତଃ ଦାଆଃ ହେଲୟାନ୍ ତାୟମ୍ତେ, ଅକଏ ସିଦାତେ ଏନାରେ ଆଡ଼ଗୁୟାନ୍ନିଃ ଇନିୟାଃ ସବେନ୍ ଦୁକୁଏତେ ବୁଗିଅଃତାନ୍ ତାଇକେନାଏ । ୧୩ ଏନ୍ତାଃରେ ମିଆଁଦ୍ ହଡ୍ ତାଇକେନାଏ, ଇନିଃ ହିସିଗେଲ୍* ଇରାଲିୟା† ବାରାଷ୍ଏତେ ହାସୁତାନ୍ୟ ତାଇକେନା । ୧୪ ଯୀଶୁ ଇନିଃକେ ବାଟିଆକାନ୍ ନେଲ୍କିୟାଏ ଆତଃ ଏନ୍ଲେକା ପୁରାଃ ମାହାଁ ହେତେ ମେନାୟା ଏନା ଆବ୍କାର୍କେଦ୍ତେ, “ଚିୟାଃ ଆମ୍ ବୁଗିଅଃ ସାନାଜ୍ତାନାମ୍” ମେନ୍ତେ କୁଲିକିୟାଏ ।

୧୫ ଏନ୍ ହାସୁତାନ୍ନିଃ କାଜିରୁହାଡ଼କିୟାଏ, “ଗମ୍କେ, ଦାଆଃ ହେଲଃତାନ୍ ଇମ୍ତା ବାନ୍ଦାରେ ଆଡ଼ଗୁଇଜ୍ନିଃ ଜେତାଏ ବାଜ୍କୁଆ ଆତଃ ଆଇଜ୍ ସେଟେର୍ ସିଦାରେ ଏଗାଃନିଃ ଆଡ଼ଗୁ ଆୟାରେନ୍ତାନାଏ ।”

୧୬ ଯୀଶୁ ଇନିଃକେ ମେତାଇୟାଏ, “ବିରିଦ୍ମେ, ପାର୍କମ୍ତାମାଃ ଗଅଃକେଦ୍ତେ ସେନଃମେ ।” ୧୭ ଆତଃ ଇମ୍ତାଗି ଏନ୍ ହଡ୍ ବୁଗିୟାନ୍ୟ ଆତଃ ଆୟାଃ ପାର୍କମ୍ ଗଅଃକେଦ୍ତେ ସେନଃୟାନ୍ୟ । ଏନା ରୁଡ୍ନୁ ହୁଲାଜ୍ ତାଇକେନା, ୧୮ ଏନାମେନ୍ତେ ଯିହୁଦୀକ ବୁଗିଆକାନ୍ ହଡ୍କେ କାଜିକିୟାଃକ, “ତିସିଜ୍ ରୁଡ୍ନୁ ହୁଲାଜ୍ ତାନାଃ, ପାର୍କମ୍ ଗଅଃ ଆମ୍କେ କା ଲାଗାତିଜ୍ୟାଃ ।”

୧୯ ମେନ୍ଦ୍ ଇନିଃ କାଜିରୁହାଡ଼ାଦ୍କଆଏ, “ଆଇଜ୍କେ ବୁଗିକେଦ୍ନିଃ ପାର୍କମ୍ ଗଅଃକେଦ୍ତେ ସେନଃମେ ମେତାଦିୟାଏ ।”

୨୦ ଏନ୍ତେ ଇନ୍କୁ ଇନିଃକେ କୁଲିକିୟାଃକ, “ପାର୍କମ୍ତାମାଃ ଗଅଃକେଦ୍ତେ ସେନଃମେ ମେତାଦ୍ମେ ହଡ୍ ଅକଏ ତାନିଃ ?”

୨୧ ମେନ୍ଦ୍ ଏନ୍ ବୁଗିଆକାନ୍ ହଡ୍ ଯୀଶୁ ଅକଏ ତାନିଃ ନେଆଁ କାଏ ସାରିତାନ୍ ତାଇକେନା, ଏନ୍ତାଃରେ ଗାଦେଲ୍ ହଡ୍କେ ତାଇକେନ୍ ହରାତେ ଯୀଶୁଦ୍ ଦାନାଜ୍କେଦ୍ତେ ସେନଃୟାନ୍ୟ ।

୨୨ ନେଆଁ ତାୟମ୍ତେ ଯୀଶୁ, ବୁଗିଆକାନ୍ ହଡ୍କେ ମାନ୍ଦିର୍ ଅଡ଼ାଃରେ ନାମ୍କିୟାଏ ଆତଃ ମେତାଇୟାଏ, “ନେଲେମେ ଆମ୍ ବୁଗିଆକାନାମ୍, ଆତଃ ଆଲମ୍ ପାପ୍ପେଆ କା'ରେଦ୍ ନେଆଁଏତେ ଆଦ୍କା ଏଡ୍କାନ୍ ଦୁକୁରେ ଉୟୁଗଃଆମ୍ ।”

୨୩ ଏନ୍ ହଡ୍ ସେନଃୟାନ୍ତେ, ଆଇଜ୍କେ ବୁଗିକେଦ୍ ହଡ୍ ଯୀଶୁ ତାନିଃ ମେନ୍ତେ ଯିହୁଦୀକଆଃ ହାକିମ୍କେ ଉଦୁବାଦ୍କଆଏ । ୨୪ ଏନ୍ତେ ଯୀଶୁ ନେ କାମିକେ ରୁଡ୍ନୁ ହୁଲାଜ୍ରେ କାମିକେଦ୍ ମେନ୍ତେ ଯିହୁଦୀକ ଇନିଃକେ ସାସାତିକିୟାଃକ । ୨୫ ମେନ୍ଦ୍ ଯୀଶୁ ଇନ୍କୁକେ କାଜିରୁହାଡ଼ାଦ୍କଆଏ, “ଆପୁଇଜ୍ ତାଇୟାଃ ଜାନାଅ କାମିତାନାଏ ଆତଃ ଏନ୍ଲେକା ଆଇଜ୍ ହଗି କାମିତାନାଇଜ୍ ।”

୨୬ ଏନ୍ତେ ଯିହୁଦୀକ ଯୀଶୁକେ ପୁରାଃଚି ଗଗଏଃ ସାନାଜ୍କେଦାକ, ଚିୟାଃଚି ଯୀଶୁ ରୁଡ୍ନୁ ହୁଲାଜ୍କେ କାଏ ମାନାତିଜ୍କେଦାଃ, ଆତଃ ନେଆଁ ନାଗେନ୍ତେ ଏସକାର୍ କାହା, ମେନ୍ଦ୍ ପାର୍ମେଶ୍ୱାର୍କେ ଇନିଃ ଆୟାଃ ଆପୁ ମେନ୍କେଦାଏ ଆତଃ ଆପାନ୍କେ ପାର୍ମେଶ୍ୱାର୍ଲଃ ଜକା କେଦାଏ ।

ୟୀଶୁ ଯୀହୁଦିକତାଃରେ ପାର୍ମେଶ୍ୱାର୍ଆଃ ହନ୍ ମେନ୍ତେ ଉଦୁବଃତାନା

୨୭ ଏନ୍ତେ ଯୀଶୁ କାଜିରୁହାଡ଼ାଦ୍କଆଏ, “ସାର୍ଡିଗି କାଜିୟାପେ ତାନାଇଜ୍, ହନ୍ ଆୟାଃତେ ଜେଡ୍ନାଃ କାଏ କାମିଦାଡିୟାଃ, ଆପୁକେ କାମିକେଦ୍ତେୟାଃ ନେଲ୍କିଃତେ ଏନା ଏସକାର୍ ଇନିଃ କାମିୟାଏ, ଆପୁ କାମିକାଦ୍ ସବେନ୍ କାମିକ ହନ୍ହ ଏନାଲେକାଗି କାମିକାଦାଃଏ । ୨୮ ଚିୟାଃଚି ଆପୁଦ୍ ହନ୍କେ ଦୁଲାଡିତାନାଏ ଆତଃ ଇନିଃ ଆୟାଃ କାମିକାଦ୍ ସବେନାଃ ଉଦୁବାଇତାନାଏ ଆତଃ ଆପେ ଚିଲ୍କା ହାଏକାଟ'ଆଃ ଏନାମେନ୍ତେ ନେଆଁଏତେ ଆତଃ ମାରାଜ୍ କାମି ଉଦୁବାଇୟା । ୨୯ ଆପୁ ଜେ'ଲେକା ଗଜାକାନ୍କକେ ଜୀଉବିରିଦ୍କେଦ୍ତେ ଜୀଦାନ୍ ଏମାଃଏ ଏନ୍ଲେକା ହନ୍ହଗି ଆୟାଃ ସାନାଜ୍ତାନ୍କକେ ଜୀଦାନ୍ ଏମାଃଏ । ୩୦ ଆତଃ ଆପୁଦ୍ ଆଇଃକ୍ଗି ଜେତାଏକେ କାଏ ବିଚାର୍କଆ ମେନ୍ଦ୍ ଗଟାବିଚାର୍ ନାଗେନ୍ତେ ଇନିଃ ଆୟାଃ ହନ୍କେ ଏମ୍କିୟାଏ । ୩୧ ନେଆଁମେନ୍ତେ ସବେନ୍କ ଆପୁକେ ମାଇନିତାନ୍ଲେକା ହନ୍କେହ ମାଇନିଆକ । ହନ୍କେ କାଏ ମାଇନିନିଃ କୁଲାକାଇ ଆପୁକେ ହଗି କାଏ ମାଇନିଆଃ ।

* ୫:୫ ୫:୫ ଚିରିଗ୍ † ୫:୫ ୫:୫ ଆପ୍

୨୪ “ସାର୍ତ୍ତିଗି କାଜିୟାପେ ତାନାଇଙ୍ଗ୍, ଆଇଁୟାଃ କାଜି ଆୟୁମ୍ତାନ ଆତଃ ଆଇଁୟାଃ କୁଲ୍ନିଃରେ ବିଶ୍ୱାସ୍ତାନ ହଡ଼ ଜାନାଅ ଜୀଦାନ୍ ନାମାକାଦାଃଏ ଆତଃ ଇନିଃ କାଏ ବିଚାର୍ଆଃ; ମେନ୍ଦ୍ ଇନିଃ ଗନଏଃ ଏତେ ଜୀଦାନ୍ରେ ପାରମ୍ ସେଟେରକାନାଏ । ୨୫ ସାର୍ତ୍ତିଗି କାଜିୟାପେ ତାନାଇଙ୍ଗ୍ ଏନ୍ ଦିପିଲି ହିଜୁଃଆ, ନାହାଁଃ ହଗି ହିଜୁଆକାନା, ଏନାରେ ଗଜାକାନ୍କ ପାରମେଶ୍ୱାର୍ଆଃ ହନ୍ଆଃ ସାଡ଼ିକ ଆୟୁମେୟା ଆତଃ ଆୟୁମେକ ଜୀହିଦଃଆ । ୨୬ ଆପୁଦ ଆୟାଃତେଗି ଜୀହିଦଃତାନ୍ ଲେକା, ହନ୍କେ ହଗି ଆୟାଃତେଗି ଜୀହିଦଃରେୟାଃ ପେଡ଼େଃ ଏମ୍କିୟାଏ । ୨୭ ଆତଃ ଇନିଃ ମାନଝାହନ୍ ତାନିଃ ମେନ୍ତେ ଇନିଃକେ ବିଚାରରେୟା ପେଡ଼େଃ ଏମାକାଇୟାଏ । ୨୮ ନେଆଁତେ ଆଲ୍ପେ ହାଏକାଟଆଃ, ଏନ୍ ଦିପିଲିଦ୍ ହିଜୁଃଆ ଏନାରେ ସବେନ୍ ତପାକାନ୍କ ଇନିୟାଃ ସାଡ଼ିକ ଆୟୁମେୟା ୨୯ ଆତଃ ଇନ୍କୁ ତପାକାନ୍ଏତେ ଅତଙ୍ଗ୍ଆଁକ, ବୁଗିନ୍ଆଃ କାମିକାଦକ ଜୀଦାନ୍ ନାମେ ନାଗେନ୍ତେ ଆତଃ ଏଡ଼କାନାଃ କାମିକାଦକ ବିଚାରରେୟାଃ ସାଜାଇ ନାମେ ନାଗେନ୍ତେ ଇନ୍କୁଆଃ ଜୀଉବିନିରିଦ୍ ହବାଅଃଆ ।

ୟାଶୁଆଃ ଗାଞ୍ଜା

୩୦ “ଆଇଙ୍ଗ୍ ଆଇଁୟାଃ ପେଡ଼େଃତେ ଜେଡ଼ନାଃ କାଇଙ୍ଗ୍ କାମିଦାଡ଼ିୟାଃ, ଆଇଙ୍ଗ୍କେ ପାରମେଶ୍ୱାର୍ କାଜିତାନ୍ ଲେକାଗିଇଙ୍ଗ୍ ବିଚାରେତାନା ଆତଃ ଆଇଁୟାଃ ବିଚାର୍ ସାର୍ତ୍ତିଗିଆଃ, ଚିୟାଃଚି ଆଇଙ୍ଗ୍ଦ ଆଇଁୟାଃ ମନେଲେକା କାହା ମେନ୍ଦ୍ କୁଲାକାନ୍ନିୟାଃ ମନେଲେକା ସେସେନ୍ ନାଗେନ୍ତେ ସାନାଙ୍ଗ୍ତାନା । ୩୧ ଆଇଙ୍ଗ୍ ଆଇଁୟାଃ ଗାଞ୍ଜା କାଜିରେଦ୍ ଆଇଁୟାଃ ଗାଞ୍ଜା କା ସାର୍ତ୍ତିଝାଃ । ୩୨ ଆଇଁୟାଃ ଗାଞ୍ଜା ପେରେଝନିଃ ଏଗାଃ ତାନିଃ ଆତଃ ଆଇଁୟାଃ ନାଗେନ୍ତେ ଇନିଃ ଏମେତାନ୍ ଗାଞ୍ଜା ସାର୍ତ୍ତିଗିଆଃ ନେଆଁଇଙ୍ଗ୍ ଇଡୁଆନ୍ତାନା । ୩୩ ☆ଆପେ ଯୋହାନ୍ତାଃତେ ହଡ଼କକେ କୁଲ୍କେଦକଆ ଆତଃ ଇନିଃ ସାନାଡ଼ିରେଆ ଗାଞ୍ଜା ଏମ୍କେଦାଃଏ । ୩୪ ଆଇଙ୍ଗ୍କେ ହଡ଼ସାଃଏତେ ଗାଞ୍ଜା କା ଲାଗାଡ଼ିଙ୍ଗ୍ୟାଃ, ମେନ୍ଦ୍ ଆପେୟାଃ ବାଞ୍ଜାଅଃ ନାଗେନ୍ତେଦ୍ ନେ ସବେନାଃ କାଜିତାନାଇଙ୍ଗ୍ । ୩୫ ଯୋହାନ୍ ଜୁଲଃତାନ୍ ଆତଃ ମାୟାଲେତାନ୍ ଦିମି ତାଇକେନାଏ, ଆତଃ ଆପେକେ ଇନିୟାଃ ମାର୍ସାଲ୍ରେ ପାଡ଼ିକାଦ୍ ରାସ୍କା ସାନାଙ୍ଗ୍ ଲେଦ୍ପେୟା । ୩୬ ମେନ୍ଦ୍ ଯୋହାନ୍ଆଃ ଗାଞ୍ଜାଏତେ ମାରାଙ୍ଗ୍ ଗାଞ୍ଜା ଆଇଁୟାଃତାଃରେୟା, ଚିଆଃଚି ଆପୁଇଙ୍ଗ୍ ଏମାକାଦ୍ କାମିକକେ ଚାବାଏ ନାଗେନ୍ତେ ଏମାକାଦିୟାଏ, ଆଇଙ୍ଗ୍ ଅକନ୍ କାମିକ ରିକାତାନାଇଙ୍ଗ୍ ଏନ୍ସବେନାଃ ଆପୁଇଙ୍ଗ୍ ଆଇଙ୍ଗ୍କେ କୁଲାକାଦିୟାଃଏ ଏନାରେୟାଃ ଗାଞ୍ଜା ଏମେତାନା । ୩୭ ☆ଆତଃ ଆଇଙ୍ଗ୍କେ କୁଲାକାଦ୍ ଆପୁ ଆଇଁୟାଃ ନାଗେନ୍ତେ ଗାଞ୍ଜା ଏମେତାନାଏ, ଆପେ ଇନିୟାଃ ସାଡ଼ି ଚିତଲାହଗି କାପେ ଆୟୁମାକାଦାଃ ଆତଃ ଇନିୟାଃ ମେଦ୍ମୁହାଁଡ଼୍ କାପେ ନେଲାକାଦାଃ । ୩୮ ଆତଃ ଇନିୟାଃ କାଜି ଆପେରେ କା ତାଇନ୍ତାନା, ଚିୟାଃଚି ଆପେଦ୍ ଇନିଃ କୁଲାକାଇନିଃରେ କାପେ ବିଶ୍ୱାସ୍ତାନା । ୩୯ ଆପେ ଧାରାମ୍ପୁଅରେ ଦାଣ୍ଟାଏ ତାନାପେ, ଚିୟାଃଚି ଆପେଦ୍ ଏନାରେ ଜାନାଅ ଜୀଦାନ୍ବୁ ନାମେୟା ମେନ୍ତେପେ ଆଟ୍କାରେତାନା । ଆତଃ ଏନାଗି ଆଇଁୟାଃ ଗାଞ୍ଜା ଏମେତାନା । ୪୦ ମେନ୍ଦ୍ ଜୀଦାନ୍ ନାମ୍ ନାଗେନ୍ତେ ଆପେକେ ଆଇଁୟାଃତାଃତେ ହିଜୁଃ କା ସାନାଙ୍ଗ୍କେଦ୍ପେୟା ।

୪୧ “ଆଇଙ୍ଗ୍ ହଡ଼କତାଃ ଏତେ ମାଇନ୍ କାଇଙ୍ଗ୍ ନାମେତାନା, ୪୨ ମେନ୍ଦ୍ ଆପେ ଚିଲ୍କାନ୍ ହଡ଼ ତାନ୍ପେ ଆଇଙ୍ଗ୍ ଆପେକେ ସାରିତାନାଇଙ୍ଗ୍, ଚିୟାଃଚି ଆପେୟାଃ ମନ୍ରେ ପାରମେଶ୍ୱାର୍ଆଃ ଦୁଲାଡ଼୍ ବାନଆଃ । ୪୩ ଆଇଙ୍ଗ୍ ଆପୁଆଃ ନୁଡୁମ୍ତେଗି ହିଜୁଆକାନାଇଙ୍ଗ୍ ଆତଃ ଆପେ କାପେ ଦାରମ୍ତାନା, ଏଗାଃନିଃ ଆୟାଃ ନୁଡୁମ୍ତେଗି ହିଜୁଃରେଦ୍ ଇନିଃକେ ଆପେ ଦାରମିୟା । ୪୪ ଆପେ ମିଆଁଦ୍ନିଃ ଏଗାଃନିଃଏତେ ମାଇନ୍ପେ ନାମ୍ତାନା ଆତଃ ଏନ୍ ମିଆଁଦ୍ଗି ପାରମେଶ୍ୱାର୍ଏତେ ହିଜୁଃତାନ୍ ମାଇନ୍ କାପେ ଦାଣ୍ଟାଏତାନା, ଏନ୍ତେଦ୍ ଚିଲ୍କାତେପେ ବିଶ୍ୱାସ୍ଦାଡ଼ିୟାଃ ? ୪୫ ଆଇଙ୍ଗ୍ ଆପୁଆଃ ଆୟାଃରେ ଚିଟାପେୟା ଏନ୍ଲେକା ଆଲ୍ପେ ଆଟ୍କାରେୟା, ଆପେ ଅକନ୍ ମୁଶାରେ ଆସ୍ରାଏତାନାପେ ଇନିଃଗି ଆପେୟାଃ ଚିଟାନିଃ ତାନିଃ । ୪୬ ଆପେ ମୁଶାରେପେ ବିଶ୍ୱାସ୍ପେରେଦ୍ ଆଇଙ୍ଗ୍ରେ ହଗି ବିଶ୍ୱାସ୍ପେତେଆଃ, ଚିୟାଃଚି ଇନିଃଦ୍ ଆଇଁୟାଃ ବିଷାଏରେ ଅଲ୍କେଦାଏ । ୪୭ ମେନ୍ଦ୍ ଆପେ ମୁଶାରାଃ ଅନଲ୍ରେ କାପେ ବିଶ୍ୱାସ୍ପେରେଦ୍, ଚିଲ୍କାକେଦ୍ତେ ଆଇଁୟାଃ କାଜିରେପେ ବିଶ୍ୱାସ୍ପେଆ ?”



**ୟାଶୁ ପାଞ୍ଚ ହାଜାର୍ ହଡ଼କକେ ଜମେୟାଃ ଏମାଦକଆଏ
(ମାଥୁଝ ୧୪:୧୩-୨୧; ମାର୍କ ୬:୩୦-୪୪; ଲୁକ ୯:୧୦-୧୭)**

୧ ଏନା ତାୟମ୍ତେ ଯାଶୁ ଗାଲିଲ୍ ଚାଏ ଡିବିରିୟା ଦରେୟା ହାନ୍ ପାରମ୍ତେ ସେନଃୟାନାଏ । ୨ ଆତଃ ପୁରାଃ ଗାଦେଲ୍ ହଡ଼କ ଇନିଃକେ ଅତଙ୍ଗ୍କିୟାଃକ, ଚିୟାଃଚି ଇନ୍କୁଦ୍ ହାସୁତାନ୍ କରେ ଇନିଃ କାମିକେଦ୍ ଚିଙ୍ଗାକ ନେଲ୍କେଦାଃ । ୩ ଆତଃ ଯାଶୁ ବୁରୁ ଚେତାନ୍ରେ ଦେଏଃୟାନ୍ତେ ଏନ୍ତାଃରେ ଆୟାଃ ଚେଲାକଲଃ ଦୁବ୍ୟାନାଏ । ୪ ଆତଃ ଯିହୁଦୀକଆଃ ପାସ୍କା ପାରାଦ୍ ନାଡ଼େଝଜାକାନ୍ ତାଇକେନା । ୫ ଆତଃ ଯାଶୁ ଆରିଦ୍କେଦ୍ତେ, ପୁରାଃ ଗାଦେଲ୍ ହଡ଼କ ଆୟାଃତାଃତେ ହିଜୁଃତାନ୍ ନେଲ୍କେଦକଆଏ, ଆତଃ ଇନିଃ ଫିଲିପ୍କେ କାଜିକିୟାଏ, “ନିକୁଆଃ ଜମେ ନାଗେନ୍ତେ ପୁରାଃ ହଲ୍ଙ୍ଗ୍ କତାଃଏତେବୁ

☆ ୫:୩୩ ୫:୩୩ ଯୋହାନ୍ ୧:୧୯-୨୭; ୩:୨୭-୩୦. ☆ ୫:୩୭ ୫:୩୭ ମାଥୁଝ ୩:୧୭; ମାର୍କ ୧:୧୧; ଲୁକ ୩:୨୨.

କିରିଙ୍ଗିୟେଆ ?” ୬୭ ମେନ୍ଦ ଇନିଃ ଫିଲିପ୍‌କେ ଆଟ୍‌କାରି ନାଗେନ୍ତେ ନେଆଁ କାଜିକିୟାଏ, ଇନିଃଦ ଚିକ୍‌ନାଃଇଙ୍ଗ୍ ଚିକାୟା ଏନା ଆଇଃକ୍‌ଗି ସାରିତାନାଏ ତାଇକେନା ।

୬୮ ଫିଲିପ୍ ଇନିଃକେ କାଜିରୁହାଡ଼କିୟାଏ, “ମିଆଁଦ୍‌ନିଃ ହୁଡ଼ିଙ୍ଗ୍‌ଲେକାଏ ଜମେରେୟାଗି, ହଲଙ୍ଗ୍ ପୁରାଅଃନାଙ୍ଗ୍ ୨୦୦ ରୁପାରାଃ ସିକାତେ ହଲଙ୍ଗ୍ କିରିଙ୍ଗ୍ ଲାଗାତିଙ୍ଗ୍‌ୟାଃ ।”

୬୯ ଏନ୍ତେ ଚେଲାକଏତେ ମିଆଁଦ୍‌ନିଃ ଶିମୋନ୍ ପାଡ଼ରାସ୍‌ରାଃ ହାଗାତେ ଆହିୟ ଇନିଃକେ ମେନ୍‌କିୟାଏ, ୯୦ “ନେତାଃରେ ମିଆଁଦ୍ ସେପେଡ଼େଦ୍ ମେନାଇୟା, ଇନିଃତାଃରେ ମଣେୟାଁ ଗହମ୍‌ରାଃ ହଲଙ୍ଗ୍ ଆତଃ ବାରିଆ ହାକୁ ମେନାଃ, ମେନ୍‌ଦ ନେଆଁ ନିମିନାଙ୍ଗ୍ ହଡ଼କ ନାଗେନ୍ତେ କା ହବାଅଆଃ ।”

୯୧ ଯୀଶୁ ଚେଲାକକେ କାଜିୟାଦ୍‌କଆଏ, “ହଡ଼କକେ ଦୁବ୍‌କପେ,” ଏନ୍ତାଃରେ ପୁରାଃ ତାସାଦ୍ ତାଇକେନା, ଆତଃ ସବେନ୍ ହଡ଼କ ଦୁବ୍‌ୟାନାକ, ଇନ୍‌କୁଦ୍ ପାଞ୍ଚ ହାଜାର୍ କଡ଼ାକ ତାଇକେନା । ୯୨ ଯୀଶୁ ହଲଙ୍ଗ୍‌କେ ସାଦ୍‌କେଦାଏ ଆତଃ ବିକ୍ରିକେଦ୍‌ତେ ଦୁବାକାନକକେ ହାଟିଙ୍ଗ୍‌ଆଁଦ୍‌କଆଏ, ଏନ୍‌ଲେକାଗି ହାକୁକେହ ଇନ୍‌କୁକେ ଏମାଦ୍‌କଆଏ, ଆତଃ ଇନ୍‌କୁ ଆକଆଃ ସାନାଙ୍ଗ୍ ଲେକା ଜମ୍‌କେଦାଃକ । ୯୩ ଆତଃ ଇନ୍‌କୁ ବି'ୟାନାକ, ଏନ୍ତେ ଇନିଃ ଆୟାଃ ଚେଲାକକେ କାଜିୟାଦ୍‌କଆଏ, “ସାରେଜାକାନ୍ କେଚାଃକ ହୁଣ୍ଡିପେ, ଜେଡ଼ନାଃ ଆଲକା ନକ୍‌ସାନଃକା ।” ୯୪ ଏନ୍ତେ ଇନ୍‌କୁ ଏନ୍ କେଚାଃ ହଲଙ୍ଗ୍ ହୁଣ୍ଡିକେଦାଃକ ଆତଃ ହଡ଼କ ଏନ୍ ମଣେୟାଁ ଗହମ୍ ହଲଙ୍ଗ୍‌ରେୟାଃ କେଚାଃଏତେ ବିକ୍ରିକେଦ୍‌ତେ, ସାରେଜାକାନ୍ କେଚାଃଏତେ ବାରା ବୁଞ୍ଜିକ ପେରେଃକେଦାଃ ।

୯୫ ଏନ୍ତାଃରେ ତାଇକେନ୍ ହଡ଼କ ଯୀଶୁ କାମିକେଦ୍ ନେ ଚିହ୍ନାଁ ନେଲ୍‌କେଦ୍‌ତେ ମେନ୍‌କେଦାଃ, “ସାର୍‌ତିଗି ଅତେଦିଶୁମ୍‌ରେ ହିଜୁଃତାନ୍ ନାବୀ ନିଃ ତାନିଃ ।” ୯୬ ଇନ୍‌କୁ ହିଜୁଆଃକ ଆତଃ ସାଦ୍‌କେଦ୍‌ତେ ରାଜାଇୟାକ ନେଆଁ ଆଟ୍‌କାର୍‌କେଦ୍‌ତେ, ଯୀଶୁ ଆଇଃକ୍ ଏସକାର୍‌ଗି ବୁରୁତେ ଅଡ଼ଙ୍ଗ୍‌ୟାନା ।

ୟୀଶୁ ଦାଆଃରେ ସେସେନ୍‌ତାନାଏ
(ମାଥୁଉ ୧୪:୨୨-୩୩; ମାର୍କ ୬:୪୫-୫୨)

୯୭ ଏନ୍ ହୁଲାଙ୍ଗ୍ ଆୟୁବ୍‌ୟାନତି ଯୀଶୁଆଃ ଚେଲାକ ଦରେୟା ଗେନାତେକ ଆଡ଼ଗୁୟାନା । ୯୮ ଆତଃ ଇନ୍‌କୁ ଲାଉକାରେ ଦେଏଃୟାନ୍ତେ ଦରେୟା ହାନ୍ ପାରମ୍ କପର୍‌ନାହୁମ୍‌ସାଃତେକ ସେନଃତାନ୍ ତାଇକେନା । ଇମ୍‌ତାଲଃ ନୁବାଗାକାନ୍ ତାଇକେନା ଆତଃ ଯୀଶୁ ଇନ୍‌କୁତାଃ କାଏ ହିଜୁଃକାନ୍ ତାଇକେନାଏ । ୯୯ ଏନ୍ତେ ମାରାଙ୍ଗ୍ ହୟ ହୟକେଦ୍‌ତେ ଦରେୟା ଆଲ୍‌ପୁଙ୍ଗ୍‌ତେ ଏକ୍‌ଲାଅଃତାଇକେନା । ୧୦୦ ଇନ୍‌କୁ ପାଞ୍ଚ ଚାହେ ଛ କିଲୋମିଟର୍ ଲାଉକା ଇଦିକେଦ୍‌ତି, ଯୀଶୁକେ ଦରେୟାରେ ସେସେନ୍‌ତାନ୍ ଆତଃ ଲାଉକା ନାଡ଼େଃତେ ହିଜୁଃତାନ୍ ନେଲ୍‌କେଦ୍‌ତେ ବରକେଦାକ । ୧୦୧ ମେନ୍‌ଦ ଯୀଶୁ ଇନ୍‌କୁକେ କାଜିୟାଦ୍‌କଆଏ, “ଆଇଙ୍ଗ୍ ତାନିଙ୍ଗ୍ ଆଲ୍‌ପେ ବରଏୟା ।” ୧୦୨ ଏନ୍ତେ ଇନ୍‌କୁ ଇନିଃକେ ଲାଉକାରେ ରାକାବ୍‌ନାଙ୍ଗ୍ ସୁକୁୟାନାକ ଆତଃ ଇମ୍‌ତାଗି ଇନ୍‌କୁ ସେନଃତାନ୍ ଠାୟାଦ୍‌ତେ ଲାଉକା ସେଟେର୍‌ୟାନା ।

ୟୀଶୁକେ ହଡ଼କ ଦାଣ୍ଡାକତାନାକ /

୧୦୩ ଏଚାଃ ହୁଲାଙ୍ଗ୍ ଦରେୟା ହାନ୍ ପାରମ୍‌ରେ ତିଙ୍ଗୁଆକାନ୍ ହଡ଼କ ନେଆଁ ନେଲ୍ କେଦାକ, ଏନ୍ତାଃରେ ମିଆଁଦ୍ ଲାଉକା ବାଗିକେଦ୍‌ତେ ଆତଃ ଏଚାଃ ଲାଉକା କା ତାଇକେନା ଆତଃ ଯୀଶୁ ଆୟାଃ ଚେଲାକଲଃ ଲାଉକାରେ କାଏ ବଲ୍‌ୟାନା ମେନ୍‌ଦ ଇନିଃୟାଃ ଚେଲାକ ଏସକାର୍ ସେନଃୟାନା । ୧୦୪ ମେନ୍‌ଦ ପ୍ରାଭୁ ଧାନ୍ୟାବାଦ୍ ଏମ୍‌କେଦ୍‌ତି ଇନ୍‌କୁ ହଲଙ୍ଗ୍ ଜମ୍‌କେଦ୍ ଠାୟାଦ୍ ନାଡ଼େଃ ତିବିରିୟାଏତେ ଆତଃଚିମିନ୍ ଲାଉକା ହିଜୁଃୟାନା । ୧୦୫ ଏନ୍ତେ ଗାଦେଲ୍ ହଡ଼କ ଯୀଶୁ ନେତାଃରେ ବାଙ୍ଗାଇୟାଃ ଆତଃ ଇନିଃୟାଃ ଚେଲାକହ ବାଙ୍ଗ୍‌କଆ ନେଆଁ ନେଲ୍‌କେଦ୍‌ତେ, ଆକଗି ଲାଉକାରେ ଦେଏଃୟାନ୍ତେ ଯୀଶୁକେ ଦାଣ୍ଡାକତାନ୍‌ଲଃ କପର୍‌ନାହୁମ୍‌ତେକ ସେନଃୟାନା ।

ୟୀଶୁ ଜୀଦାନ୍ ହଲଙ୍ଗ୍ ତାନିଃ

୧୦୬ ହଡ଼କ ଯୀଶୁକେ ଦରେୟା ହାନ୍ ପାରମ୍‌ରେ ନାମ୍‌କିଃତେ କୁଲିକିୟାକ, “ହେ ଗୁରୁ, ଆମ୍ ନେତେ ଚିମ୍‌ତାମ୍ ହିଜୁଃୟାନା ?”

୧୦୭ ଯୀଶୁ ଇନ୍‌କୁକେ କାଜିରୁହାଡ଼ାଦ୍‌କଆଏ, “ସାର୍‌ତିଗି କାଜିୟାପେ ତାନାଇଙ୍ଗ୍, ଆପେ ଚିହ୍ନାଁ ନେଲ୍‌କେଦ୍‌ତେ କା ମେନ୍‌ଦ ହଲଙ୍ଗ୍‌ପେ ଜମ୍‌କେଦାଃ ଆତଃପେ ବିଇୟାନା ଏନାମେନ୍ତେପେ ଦାଣ୍ଡାକ୍‌ତାନା । ୧୦୮ ଜିୟନଃ ଜମେୟାଃ ନାଗେନ୍ତେ ଆଲ୍‌ପେ କାମିୟା ମେନ୍‌ଦ ଜାନାଅ ଜୀଦାନ୍ ଜାକେଦ୍ ତାଇନଃ ଜମେୟାଃ ନାଗେନ୍ତେ କାମିପେ, ଏନା ମାନଃହନ୍ ଏମାପେୟାଏ । ଚିୟାଃଚି ପାର୍‌ମେଶ୍ୱାର୍ ଆପୁଦ୍, ଇନିଃତାଃରେ ଆୟାଃ ମୋହର୍ ଏମାକାଦାଃଏ ।”

୧୦୯ ଇନ୍‌କୁ ମେନ୍‌ରୁହାଡ଼ାୟା, “ପାର୍‌ମେଶ୍ୱାର୍ ଆଲେତେ ସାନାଙ୍ଗ୍‌ତାନ୍ କାମି କାମିନାଗେନ୍ତେ ଚିନାଃଲେ ଚିକାୟା ?”

୧୧୦ ଯୀଶୁ କାଜିରୁହାଡ଼ାଦ୍‌କଆଏ, “ପାର୍‌ମେଶ୍ୱାର୍‌ଆଃ କୁଲକାନ୍‌ନିଃରେ ବିଶ୍ୱାସେପେ, ନେଆଁ ପାର୍‌ମେଶ୍ୱାର୍‌ଆଃ କାମି ତାନାଃ ।”

୩୦ ଏନ୍ତେ ଇନ୍ଦ୍ରକୁ କୁଲିକିୟାକ, “ଆମାଃତାଃରେ ଆଲେ ବିଶ୍ୱାସେ ନାଗେନ୍ତେ, ଅକ ଚିହ୍ନାନ୍ ଉଦୁବେତାନା ? ଆମାଃ ଚିକାନ୍ କାମିତେଲେ ବିଶ୍ୱାସ୍ ଦାଡ଼ିୟାଃ ? ୩୧ ଆଲେୟାଃ ହାଡ଼ାମ୍ ହଡ଼କ ବିରରେ ମାନ୍ନାକ ଜମ୍ବକେଦାଃ, ଧାରାମ୍ପୁଥୁରେ ନେଆଁ ଅଲାକାନା, ‘ଇନିଃ ଜମ୍ ନାଗେନ୍ତେ ସିର୍ମାଏତେ ହଲଙ୍ଗ୍ ଇନ୍ଦ୍ରକୁକେ ଏମାଦକଥାଏ ।’ ”

୩୨ ଏନ୍ତେ ଯୀଶୁ ମେତାଦକଥାଏ, “ସାର୍ତ୍ତିଗି କାଜିୟାଦେ ତାନାଇଙ୍ଗ୍, ମୁଗା ଆପେକେ ହଲଙ୍ଗ୍ ଏମାଦପେତେୟାଃ, ସିର୍ମାଏତେ ହିଜୁଆକାନ୍ ହଲଙ୍ଗ୍ କା ତାଇକେନା, ମେନ୍ଦ ଆପୁଇଙ୍ଗ୍ ସିର୍ମାଏତେ ସାର୍ତ୍ତି ହଲଙ୍ଗ୍ ଏମାପେତାନାଏ । ୩୩ ସିର୍ମାଏତେ ଆଡ଼ଗୁୟାନ୍ ଆତଃ ଅତେଦିଶୁମ୍ବକେ ଜୀଦାନ୍ ଏମେତାନ୍ ହଲଙ୍ଗ୍ ଦ, ପାରମେଶ୍ୱାର୍ଥାଃ ହଲଙ୍ଗ୍ ତାନାଃ ।”

୩୪ ଇନ୍ଦ୍ରକୁ ଯୀଶୁକେକ କାଜିକିୟା, “ହେ ପ୍ରାଭୁ, ଏନ୍ ହଲଙ୍ଗ୍ ଆଲେକେ ସବେନ୍ଦମ୍ତା ଏମାଲେମ୍ ।”

୩୫ ଯୀଶୁ ଇନ୍ଦ୍ରକୁକେ କାଜିୟାଦକଥାଏ, “ଜୀଦାନ୍ ହଲଙ୍ଗ୍ ଆଇଙ୍ଗ୍ଗି ତାନିଙ୍ଗ୍ ଆଇଁୟାଃତାଃ ହିଜୁଃନିଃ ଚିଉଲାହ କାଏ ରେଙ୍ଗେଜଥାଃ ଆତଃ ଆଇଙ୍ଗ୍ରେ ବିଶ୍ୱାସେନିଃ ଚିଉଲାହ କାଏ ତେତାଙ୍ଗ୍ଥାଃ । ୩୬ ମେନ୍ଦ ଆପେ ଆଇଙ୍ଗ୍କେ ନେଲ୍କେଦିଙ୍ଗ୍ ରେୟ କାପେ ବିଶ୍ୱାସ୍ତାନା ମେନ୍ତେଇଙ୍ଗ୍ କାଜିୟାଦେ ତାନା । ୩୭ ଆପୁ ଏମାକାଇଙ୍ଗ୍ ସବେନ୍ଦ ଆଇଁୟାଃତାଃତେକ ହିଜୁଃଥା, ଆତଃ ଆଇଁୟାଃତାଃ ହିଜୁଃନିଃକେ ଜେତାଲେକାତେ କାଇଙ୍ଗ୍ ଅତଙ୍ଗ୍ଇୟା । ୩୮ ଚିୟାଃଚି ଆଇଙ୍ଗ୍ ଦ ଆଇଁୟାଃ ମନେଲେକା କାମି ନାଗେନ୍ତେ କାହା ମେନ୍ଦ କୁଲିକିୟାଃ ସାନାଙ୍ଗ୍କେ ପୁରାଏ ନାଗେନ୍ତେ ସିର୍ମାଏତେ ଆଡ଼ଗୁଆ କାନାଇଙ୍ଗ୍ । ୩୯ ଆତଃ ଅକନକେକେ ଇନିଃ ଆଇଙ୍ଗ୍କେ ଏମାକାଦିଙ୍ଗ୍ୟା ଇନ୍ଦ୍ରକୁଏତେ ମିହୁଡ଼କେହିଁ କା ଆଦକେଦତେ ଚୁଣ୍ଟ ହୁଲାଇଙ୍ଗ୍ରେ ଏନ୍ ସବେନ୍ଦକେକେ ଜୀଉବିରିଦକଆଇଙ୍ଗ୍, ନେଆଁଗି ଇନିୟାଃ ଇଛାସାନାଙ୍ଗ୍ ତାନାଃ । ୪୦ ଚିଆଃଚି ହଡ଼କ ହନ୍ଦକେ ନେଲ୍କେଦତେ ଇନିଃତାଃରେକ ବିଶ୍ୱାସେଥା, ଆତଃ ଇନ୍ଦ୍ରକୁ ଜେଲେକା ଜାନାଥ ଜୀଦାନ୍କ ନାମେଥା, ନେଆଁଗି ଆପୁଇଁୟାଃ ଇଛାସାନାଙ୍ଗ୍ ତାନାଃ । ଆତଃ ଆଇଙ୍ଗ୍ ଇନ୍ଦ୍ରକୁକେ ଚୁଣ୍ଟ ହୁଲାଇଙ୍ଗ୍ରେ ଜୀଉବିରିଦକଆଇଙ୍ଗ୍ ।”

୪୧ ଯିହୁଦୀକ ଯୀଶୁଆଃ ବିଷାଏରେ ନଗମ୍ତଗମ୍ତାନ୍କ ତାଇକେନା, ଚିୟାଃଚି ଇନିଃଦ “ଆଇଙ୍ଗ୍ ସିର୍ମାଏତେ ଆଡ଼ଗୁଆକାନ୍ ହଲଙ୍ଗ୍ ତାନିଙ୍ଗ୍” ମେନ୍ଦକେଦାଏ । ୪୨ ଏନ୍ତେ ଇନ୍ଦ୍ରକୁ କାଜିକେଦା, “ଚିୟାଃ ନିଃ ଯୋଷେପ୍ ହନ୍ତେକଡ଼ା ଯୀଶୁ ନାହାଲିଃ ? ଆରୁ ଇନିୟାଃ ଏଙ୍ଗା ଆପୁକିନ୍ଦକେ ସାରିୟାଃରୁ, ଇନିଃ ସିର୍ମାହେତେ ଆଡ଼ଗୁଆକାନାଇଙ୍ଗ୍ ମେନ୍ତେ ନାହିଁଃ ଚିନାଃମେନ୍ତେ କାଜିତାନାଏ ?” ୪୩ ଯୀଶୁ ଇନ୍ଦ୍ରକୁକେ କାଜିରୁହାଡ଼ାଦକଥାଏ, “ଆପେ ଆପେରେ ଆଲ୍ପେ ନଗମ୍ତଗମ୍ତାଃ । ୪୪ ଆଇଙ୍ଗ୍କେ କୁଲାଇକାନ୍ ଆପୁ କାଏ ଆଇଙ୍ଗ୍ରେଦ ଜେତାଏ ଆଇଁୟାଃତାଃ କାଏ ହିଜୁଃଦାଡ଼ିୟାଃ ଆତଃ ଆଇଙ୍ଗ୍ ଇନିଃକେ ତାୟମ୍ ହୁଲାଇଙ୍ଗ୍ରେ ଜୀଉ ବିରିଦିୟା । ୪୫ ନାବୀକଥାଃ ଧାରାମ୍ପୁଥୁରେ ଅଲାକାନା, ‘ପାରମେଶ୍ୱାର୍ତାଃଏତେ ଏସ୍କାର୍ ସବେନ୍ଦ ଇତୁନାଃକ ।’ ଆଇଁୟାଃ ଆପୁତାଃଏତେ ଆୟୁମାକାଦ୍ ଆତଃ ଇତୁଆକାଦ୍ ସବେନ୍ ହଡ଼କ, ଆଇଁୟାଃତାଃତେକ ହିଜୁଃଥା । ୪୬ ଜେତାଏ ଆପୁକେ କାଏ ନେଲ୍କାକାଇୟାଃ, ମେନ୍ଦ ପାରମେଶ୍ୱାର୍ତାଃଏତେ ହିଜୁଆକାନ୍ନିଃ ଏସ୍କାର୍ ଆପୁକେ ନେଲ୍କାକାଇୟାଏ । ୪୭ ସାର୍ତ୍ତିଗି କାଜିୟାଦେ ତାନାଇଙ୍ଗ୍, ବିଶ୍ୱାସେନିଃ ଜାନାଥ ଜୀଦାନ୍ ନାମେୟାଏ । ୪୮ ଜୀଦାନ୍ ହଲଙ୍ଗ୍ ଆଇଙ୍ଗ୍ଗି ତାନିଙ୍ଗ୍ । ୪୯ ଆପେୟାଃ ହାଡ଼ାମ୍ ହଡ଼କ ବିରରେ ଏନ୍ ମାନ୍ନାକ ଜମ୍ବକେଦା, ଏନ୍ରେହ ଗଏଃୟାନାକ । ୫୦ ମେନ୍ଦ ସିର୍ମାଏତେ ଆଡ଼ଗୁଆକାନ୍ ହଲଙ୍ଗ୍ ନେଆଁ ତାନାଃ, ଏନା ଜମେନିଃ କାଏ ଗଜଥା । ୫୧ ସିର୍ମାଏତେ ଆଡ଼ଗୁଆକାନ୍ ଜୀଦାନ୍ ହଲଙ୍ଗ୍ ଆଇଙ୍ଗ୍ ତାନିଙ୍ଗ୍, ନେ ହଲଙ୍ଗ୍ ଜେତାଏ ଜମେରେଦ ଜାନାଥ ଜାନାଥ ଜାକେଦ୍ ଜାହିଦଥାଏ । ହେଗି ଆଇଙ୍ଗ୍ ଏମେ ହଲଙ୍ଗ୍ ଆଇଁୟାଃ ମାସ୍ ତାନାଃ, ଏନା ଅତେଦିଶୁମ୍ବକେ ବାଞ୍ଛାଥ ନାଗେନ୍ତେ ଏମେୟାଇଙ୍ଗ୍ ।”

୫୨ ଏନା ନାଗେନ୍ତେ ଯିହୁଦୀକ ଆକ ଆକରେକ ଏପେଗେରୟାନ୍ତେ ମେନ୍ଦକେଦାଃ, “ଇନିଃ ଚିଲ୍କାତେ ଆୟାଃ ମାସ୍ ଜମେନାଙ୍ଗ୍ ଆରୁକେ ଏମ୍ ଦାଡ଼ିରୁୟାଏ ?” ୫୩ ଏନ୍ତେ ଯୀଶୁ ଇନ୍ଦ୍ରକୁକେ କାଜିୟାଦକଥାଏ, “ସାର୍ତ୍ତିଗି କାଜିୟାଦେ ତାନାଇଙ୍ଗ୍, ଆପେ ମାନଞ୍ଜାହନ୍ଥାଃ ମାସ୍ କାପେ ଜମେରେଦ ଆତଃ ଇନିୟାଃ ମାୟୋମ୍ କାପେ ନୁଁଏରେଦ ଆପେରେ ଜୀଦାନ୍ ବାନଥାଃ । ୫୪ ଆଇଁୟାଃ ମାସ୍ ଜମେନିଃ ଆତଃ ଆଇଁୟାଃ ମାୟୋମ୍ ନୁଁଏନିଃ ଜାନାଥ ଜୀଦାନ୍ ନାମେୟାଏ ଆତଃ ଆଇଙ୍ଗ୍ ତାୟମ୍ ହୁଲାଇଙ୍ଗ୍ରେ ଇନିଃକେ ଜୀଉ ବିରିଦିୟାଇଙ୍ଗ୍ । ୫୫ ଆଇଁୟାଃ ମାସ୍ ସାର୍ତ୍ତି ଜମେୟାଃ ତାନାଃ ଆତଃ ଆଇଁୟାଃ ମାୟୋମ୍ ସାର୍ତ୍ତି ନୁଁଏୟାଃ ତାନାଃ । ୫୬ ଆଇଁୟାଃ ମାସ୍ ଜମେନିଃ ଆତଃ ଆଇଁୟାଃ ମାୟୋମ୍ ନୁଁଏନିଃ ଆଇଙ୍ଗ୍ରେ ତାଇନ୍ତାନାଏ ଆତଃ ଆଇଙ୍ଗ୍ ଇନିଃରେଇଙ୍ଗ୍ ତାଇନ୍ତାନା । ୫୭ ଜାନିଦ୍ ଆପୁ ଆଇଙ୍ଗ୍କେ କୁଲ୍କେଦିୟାଏ ଆତଃ ଆଇଙ୍ଗ୍ ଆପୁଆଃ ହରାତେ ଜୀହୁଦତାନ୍ଲେକା ଆଇଙ୍ଗ୍କେ ଜମ୍ନିଃ ଆଇଁୟାଃ ହରାତେ ଜୀହିଦଥାଏ । ୫୮ ସିର୍ମାଏତେ ଆଡ଼ଗୁଆକାନ୍ ହଲଙ୍ଗ୍ ନେଆଁ ତାନାଃ, ହାଡ଼ାମ୍ ହଡ଼କ ଜମ୍ବକେଦ୍ ଆତଃକ ଗଏଃୟାନା ଲେକାଦ କାହା, ମେନ୍ଦ ନେ ହଲଙ୍ଗ୍ ଜମେନିଃ ଜାନାଥ ଜାନାଥ ଜାକେଦ୍ ଜାହିଦଥାଏ ।”

୫୯ କପର୍ନାହୁମ୍ ହାତୁରେୟାଃ ସାମାଜ୍ ଅଡ଼ାଃରେ ଇତୁକତାନ୍ଲଃ ଇନିଃ ନେ କାଜି କାଜିୟାଦକଥାଏ ।

ଜାନାଥ ଜୀଦାନ୍ରାଃ ବାଚାନ୍

୨୦ ଏନ୍ତେ ଯୀଶୁଆଃ ଚେଲାକଏତେ ପୁରାଃକ ନେଆଁ ଆୟୁମ୍‌କେଦ୍‌ତେ ମେନ୍‌କେଦାଃ, “ନେ କାଜି କେଟେଦ୍‌ଗିୟା, ନେଆଁ ଅକଏ ଆୟୁମ୍‌ଦାଡ଼ିୟାଏ ।”

୨୧ ମେନ୍‌ଦ ଯୀଶୁକେ ଜେତାଏ କାକ କାଜିରେହ୍, ଚେଲା ତାୟାଃକ ନେ କାଜି ନାଗେନ୍ତେ ନଗମତଗମ୍‌ୟାନାକ ନେଆଁ ଆୟାଃ ଜୀଉରେ ସାରିକେଦ୍‌ତେ ମେତାଦ୍‌କଆଏ, “ତିୟାଃ ଆପେ ନେଆଁ ନାଗେନ୍ତେ ଆଡ଼ାଃଉଡ଼ୁଗଃ ତାନାପେ ? ୨୨ ଏନ୍ତେ ଆପେ ମାନଝାହନ୍‌କେ ସିଦା ତାଇକେନ୍ ଠାୟାଦ୍‌ତେ ରାକାବ୍‌ତାନ୍‌ପେ ନେଲିରେଦ୍ ଚିନାଃ ଚିକାଝାଃ ? ୨୩ ପାର୍‌ମେଶ୍‌ବରାଃ ଆମ୍ ଡାଦାନ୍ ଏମଃନିଃ ତାନିଃ, ହଡ଼ରାଃ ପେଡ଼େଃ ଜେଡ଼ନାଃ କାମି କାଏ ଦାଡ଼ିୟା । ପାର୍‌ମେଶ୍‌ବରାଃ ଜୀଦାନ୍ ଏମଃ ଆମ୍‌କେ ଆପେ ଜେ'ଲେକା ଆଟ୍‌କାର୍‌ଉରୁମ୍ ଦାଡ଼ିୟାପେ ଏନାମେନ୍ତେ ଆଇଙ୍ ନେ ସବେନାଃ କାଜିକେଦାଇଙ୍ । ୨୪ ଏନ୍‌ରେୟ ଆପେକଏତେ ଚିମିନ୍‌କ କାକ ବିଶ୍ୱାସ୍‌ତାନା,” ତିୟାଃଚି ଯୀଶୁଦ୍ ଏନ୍ କା ବିଶ୍ୱାସ୍‌ତାନ୍ ଚିମିନ୍‌କକେ ଆଡ଼ଃ ବାଇରିକଆଃ ଡିଃଇରେ ସାବ୍‌ରିକାଇ ହଡ଼କେୟାଗି ମୁନ୍‌ଏତେ ସାରିତାନାଏ ତାଇକେନା । ୨୫ ଇନିଃ ଆଡ଼ଃଚି ମେତାଦ୍‌କଆଏ, “ଏନାମେନ୍ତେ ଆପୁଇଁୟାଃ ସାଃଏତେ ଲିବୁଇ କା ହିଜୁଃରେଦ୍, ଜେତାଏ ଆଇଁୟାଃତାଃ କାକ ହିଜୁଃଦାଡ଼ିୟାଃ ?”

୨୬ ନେଆଁ ନାଗେନ୍ତେ ଇନିୟାଃ ଚେଲାକଏତେ ପୁରାଃକ ରୁହାଡ଼ୟାନା ଆଡ଼ଃ ଇନିଃକେ କାକ ଅତଙ୍ଗକିୟା । ୨୭ ଏନ୍ତେ ଯୀଶୁ ଆୟାଃ ଗେଲ୍‌ବାର୍ ଚେଲାକକେ କାଜିୟାଦ୍‌କଆଏ, ତିୟାଃ ଆପେକେୟ ଆଇଙ୍‌କେ ବାଗିକେଦ୍‌ତେ ସେନଃ ସାନାଙ୍‌ପେ ତାନା ? ୨୮ ଶିମୋନ୍ ପାଡ଼ରାଏ ଯୀଶୁକେ ମେନ୍‌ରୁହାଡ଼ାଇୟାଏ, “ହେ ଗମ୍‌କେ, ଆଲେ ଅକଏତାଃତେଲେ ସେନାଃ ? ଜାନାଅ ଜୀଦାନ୍‌ରେୟାଃ କାଜିଦ୍ ଆମାଃତାଃରେୟା, ୨୯ ଆମ୍ ଜୀନିଦ୍ ପାର୍‌ମେଶ୍‌ବରାଃ ପାବିତାର୍ ହନ୍ ଯୀଶୁ ତାନ୍‌ମେ ମେନ୍ତେଲେ ବିଶ୍ୱାସ୍‌କାଦାଃ ଆଡ଼ଃ ସାରିକାଦାଲେ ।”

୩୦ ଯୀଶୁ ଇନ୍‌କୁକେ କାଜିରୁହାଡ଼ାଦ୍‌କଆଏ, “ତିୟାଃ ଆଇଙ୍ ଆପେ ଗେଲ୍‌ବାର୍ ଚେଲାକକେ କାଇଙ୍ ସାଲାକାଦ୍‌ପେଆଚି ? ଆଡ଼ଃ ଆପେକଏତେ ମିଆଁଦ୍‌ନିଃ ସାଏତାନ୍ ତାନିଃ ।” ୩୧ ଇନିଃ ଶିମୋନ୍ ହନ୍ତେକଡ଼ା ଇଷ୍ଟାରିୟଡ଼୍ ଯିହୁଦାରାଃ କାଜି କାଜିକେଦାଏ, ନିଃଦ ଗେଲ୍‌ବାର୍ ଚେଲାକଏତେ ମିଆଁଦ୍‌ନିଃ ଆଡ଼ଃ ଇନିୟାଃ ସାବ୍‌ଇଚିନିଃ ତାଇକେନାଏ ।



ୟୀଶୁ ଆଡ଼ଃ ଆୟାଃ ହାଗାକ

୧ ଏନ୍ ତାୟମ୍‌ତେ ଯୀଶୁ ଗାଲିଲ୍‌ରେ ହନ୍‌ର ବାଡ଼ାକେଦାଏ; ତିୟାଃଚି ଯିହୁଦୀକଆଃ ହାକିମ୍‌କ ଇନିଃକେ ଗଗଏଃ ସାନାଙ୍ ତାଇକେନାକ ଏନାମେନ୍ତେ ଇନିଃକେ ଯିହୁଦାତେ କା ସେନ୍ ସାନାଙ୍‌କିୟାଃ । ୨ ଯିହୁଦୀକଆଃ ଜାମ୍‌ଡ଼ା *ପାରାବ୍‌ରେୟାଃ ନେଡା ନାଡ଼େଃୟାନ୍‌ଚି, ୩ ଯୀଶୁଆଃ ହାଗାକ ଇନିଃକେ କାଜିକିୟାଃକ, “ଆମ୍ ନେତାଃଏତେ ଅତଙ୍ଗକେଦ୍‌ତେ ଯିହୁଦାତେ ସେନଃମେ, ଏନ୍ତାଃରେ ଆମାଃ ଚେଲାକ ଆମ୍ କାମିତାନ୍ ପେଡ଼େୟାନ୍ କାମିକ ନେଲେକା । ୪ ତିୟାଃଚି ଜେତାଏ ଆଇଃକ୍‌ଚି ଉଦୁବେନ୍ ସାନାଙ୍‌ରେଦ୍ ଦାନାଙ୍‌ରେ ଜେଡ଼ନାଃ କାଏ କାମିୟା, ନେୟାମ୍ କାମିତାନ୍‌ରେଦ୍ ଅତେଦିଶୁମ୍‌ରେନ୍‌କତାଃରେ ଉଦୁବେନ୍‌ମେ ।” ୫ ତିୟାଃଚି ଇନିୟାଃ ହାଗାକହ୍ ଇନିଃତାଃରେ କାକ ବିଶ୍ୱାସ୍ ତାଇକେନା । ୬ ଏନାମେନ୍ତେ ଯୀଶୁ କାଜିକେଦ୍‌କଆଏ, “ନାହାଁଃ ଜାକେଦ୍ ଆଇଁୟାଃ ଠାଉକାନ୍ ନେଡା ଆଉରି ସେଟେରାଃ, ମେନ୍‌ଦ ଆପେୟାଃନାଙ୍ ଠାଉକାନ୍ ନେଡା ଜାନାଅଗି ନେଡାକାନା । ୭ ସାଂସାର୍ ଆପେକେ କାଏ ହିଲାଙ୍‌ପେୟା, ମେନ୍‌ଦ ଏନା ଆଇଙ୍‌କେ ହିଲାଙ୍‌ଇଙ୍‌ତାନା, ତିୟାଃଚି ଆଇଙ୍‌ଦ୍ ଏନାରେୟାଃ କାମି ଏଡ଼କାନ୍‌ଗିୟାଃ ମେନ୍ତେ ଗାଝାଇଙ୍ ଏମ୍‌ଆଉତାନା । ୮ ଆପେ ପାରାବ୍‌ତେ ସେନଃପେ, ଆଇଙ୍ ପାରାବ୍‌ତେ କାଇଙ୍ ସେନ୍‌ତାନା, ତିୟାଃଚି ଆଇଁୟାଃ ନେଡାଦ୍ ନାହାଁଃ ଜାକେଦ୍ ଆଉରି ହିଜୁଃଆ ।” ୯ ଆଡ଼ଃ ଇନିଃ ନେ ସବେନ୍ କାଜି କାଜିକେଦ୍‌ଚି ଗାଲିଲ୍‌ରେ ତାଇନ୍‌ୟାନାଏ ।

ଜାମ୍‌ଡ଼ା ପାରାବ୍‌ରେ ଯୀଶୁ

୧୦ ଯୀଶୁଆଃ ହାଗାକ ପାରାବ୍‌ତେ ସେନଃୟାନ୍‌ଚି, ଯୀଶୁହ୍ ନେପେଲ୍‌ରେଦ୍ କା ମେନ୍‌ଦ ଉକ୍ତ ଉକ୍ତ ଲେକାତେ ସେନଃୟାନାଏ । ୧୧ ଏନ୍ତେ ଯିହୁଦୀକଆଃ ହାକିମ୍‌କ ଇନିଃକେ ପାରାବ୍‌ରେ ଦାଣ୍ଠାକତାନ୍‌କ ତାଇକେନା ଆଡ଼ଃକ ମେନ୍‌କେଦାଃ, “ଇନିଃ କତାଃରିୟା ।”

୧୨ ଏନ୍ତେ ଗାଦେଲ୍ ହଡ଼କ ଆକ ଆକରେ ଯୀଶୁଆଃ ବିଷାଏରେ ପୁରାଃ ହାୟମ୍ ହାୟମେଠାନ୍‌କ ତାଇକେନା । ଆଡ଼ଃ ଚିମିନ୍‌କ କାଜିକେଦା, “ଇନିଃ ବୁଗିନ୍ ହଡ଼ ତାନିଃ,” ଆଡ଼ଃ ଚିମିନ୍‌କ କାଜିକେଦା, “କାହାଗି ଇନିଃ ହଡ଼କକେ ବେଦାକୁତାନାଏ ।” ୧୩ ଏନ୍‌ରେୟ ଯିହୁଦୀକଆଃ ହାକିମ୍‌କଆଃ ବରତେ ଜେତାଏ ଇନିୟାଃ ବିଷାଏରେ ନେପେଲ୍‌ରେ କାକ କାଜିକେଦା ।

୧୪ ପାରାବ୍‌ରେୟାଃ ଆଲାମାଲା ସେନଃୟାନ୍‌ଚି ଯୀଶୁ ମାୟିର୍ ଅଡ଼ାଃତେ ସେନ୍‌କେଦ୍‌ତେ ଇଡୁଏଟେଦ୍ କେଦ୍‌କଆଏ । ୧୫ ଯିହୁଦୀକଆଃ ହାକିମ୍‌କ ହାୟକାଟ୍‌ୟାନ୍ତେ ମେନ୍‌କେଦାଃକ, “ନିଃ ବେଗାର୍ ପାଡ଼ାଅକେଦ୍‌ତେ ଚିଲ୍‌କା ନେ ଲେକା ଇଡୁକତାନାଏ ?”

☆ ୭:୨୮ ୭:୨୮ ମାଥ୍‌ଉ ୧୭:୧୭; ମାର୍କ ୮:୨୯; ଲୁକ ୯:୨୦. * ୭:୨ ୭:୨ ଜାମ୍‌ଡ଼ା କୁମ୍ । † ୭:୧୨ ୭:୧୨ ହାୟମ୍ ହାୟମେ ନଗମ୍ ତଗମ୍ / କୁରୁମ୍ ତୁରୁମ୍

୧୭ ଏନାତେ ଯୀଶୁ କାଜିରୁହାଡ଼କେଦକଆଏ, “ଆଇଁୟାଃ ଇନିତୁ ଆଇଁୟାଃ ନାହାଁଲାଃ ମେନ୍ଦ ଆଇଙ୍ଗକେ କୁଲାକାଇଙ୍ଗ ପାର୍ମେଶ୍ୱାରତାଃଏତେ ହିଜୁଆକାନା । ୧୭ ଜେତାଏ ପାର୍ମେଶ୍ୱାରଆଃ ମନେଲେକା ରିକା ସାନାଙ୍ଗରେଦ, ଇନିଃ ଆଇଁୟାଃ ଇନିତୁ ପାର୍ମେଶ୍ୱାର ସାଃଏତେ ଚାଏ ଆଇଁୟାଃ ପେଡ଼େଃଡିଙ୍ଗ କାଜିତାନା ଏନା ସାରିୟାଏ । ୧୮ ଜେତାଏ ଆୟାଃତେ କାଜିନିଃ ଆୟାଃ ମାନାରାଙ୍ଗ ନାମ୍ବାଡ଼ାଏଃ, ମେନ୍ଦ ଜେତାଏ ଆଇଃକକେ କୁଲ୍ଲିୟାଃ ମାନାରାଙ୍ଗ ନାମ୍ବାଡ଼ାଏନିଃ ସାର୍ତିଗିୟାଏ; ଆଡ଼ଃ ଇନିଃତାଃରେ ଏଡ଼କାନଆଃ ବାନଆଃ । ୧୯ ଚିୟାଃ ମୁଣା ଆପେକେ ଆନ୍ତୁ କାଏ ଏମାକାଦପେୟା ? ଏନ୍ରେୟ ଆପେକଏତେ ଜେତାଏୟ ଆନ୍ତୁ କାକ ମାନାଡିଙ୍ଗତାନା, ଆପେ ଚିକାନାଙ୍ଗ ଆଇଙ୍ଗକେ ଗଗଏଃ ସାନାଙ୍ଗତାନାପେ ?”

୨୦ ଗାଦେଲ୍ ହଡ଼କ କାଜିରୁହାଡ଼କିୟାକ, “ଆମ୍ବକେ ବଙ୍ଗା ଏସେରାକାଦମେୟାଏ, ଅକଏ ଆମ୍ବକେ ଗଗଏଃ ସାନାଙ୍ଗତାନାଏ ?”

୨୧ ଯୀଶୁ ଇନ୍ଦକୁକେ କାଜିରୁହାଡ଼ାଦକଆଏ, “ଆଇଙ୍ଗ ମିଆଁଦ ପେଡ଼େୟାନ୍ କାମିଙ୍ଗ କାମିୟାକାଦ ନାଗେନ୍ତେ ଆପେ ସବେନ୍ଦକ ହାଏକାଟଃତାନା । ୨୨ ନେୟାମେନ୍ତେ ମୁଣା ଆପେୟାଃ ହନ୍ଦକେ ଖାଡ଼ନାଅରେୟାଃ ଆନ୍ତୁ ଏମାକାଦପେୟାଏ, ଏନାଦ ମୁଣାଏତେ କାହା ମେନ୍ଦ ହାଡ଼ାମ୍ ହଡ଼କଆଃ ସାଃଏତେଗି, ଆଡ଼ଃ ଆପେ ରୁଡ଼ୁ ହୁଲାଙ୍ଗରେ କଡ଼ାହନ୍ଦକକେ ଖାଡ଼ନାଅକତାନାପେ । ୨୩ ମୁଣା ଅଲ୍ଲାନାନ୍ ଆନ୍ତୁ ଆଲ୍ଲକା ଟଗାଗଃକା ମେନ୍ତେ ରୁଡ଼ୁ ହୁଲାଙ୍ଗରେ ମିଆଁଦ କଡ଼ାହନ୍ଦରାଃ ଖାଡ଼ନାଅଃରେଦ, ଆଇଙ୍ଗ ରୁଡ଼ୁ ହୁଲାଙ୍ଗରେ ମିଆଁଦ ହଡ଼କେ ପୁରାଗି ବୁଗିକାଇ ହରାତେ, ଆପେ ଚିନାଃ ଆଇଙ୍ଗକେପେ ଏସେଦାଇଙ୍ଗ ତାନା ? ୨୪ ମେଦ୍ମୁହାଡ଼ ନେଲ୍କେଦ୍ତେ ଆଲ୍ପେ ବିଚାରଆଃ, ମେନ୍ଦ ସାର୍ତି ଲେକାତେ ବିଚାର ରିକାଏପେ ।”

ୟୀଶୁ ମାସି ତାନିଃ ଚି ?

୨୫ ଯୀରୁଶାଲେମ୍ରେନ୍ ହଡ଼କଏତେ ଚିମିନ୍ଦକ କାଜିକେଦା, “ଚିୟାଃ ଯିହୁଦୀକଆଃ ହାକିମ୍ବକ ଗଏଃ ନାଙ୍ଗକ ସାନାଙ୍ଗତାନ୍ ହଡ଼ ନିଃ ନାହାଲିଃ ଚି ? ୨୬ ନେଲିପେ, ନିଃ ନେତାଃରିୟା, ନେପେଲ୍ରେ ଜାଗାର୍ତାନାଏ ଆଡ଼ଃ ଇନ୍ଦକୁ ଜେଡ଼ନାଃ କାକ କାଜିୟାଇତାନା, ଚିୟାଃ ଆଗୁଆଇକ ଇନିଃକେ ମାସି ତାନିଃ ମେନ୍ତେ ସାର୍ତିଗିକ ଆଟ୍ଟକାରକେଦାଃ ଚି ? ୨୭ ଇନିଃ ଅକ୍ତାଃରେନ୍ ତାନିଃ ନେୟାବୁ ସାରିତାନା, ମେନ୍ଦ ମାସି ହିଜୁଃରେ ଇନିଃ କତାଃରେନ୍ ତାନିଃ ଏନା ଜେତାଏ କାକ ସାରିଆଃ ।”

୨୮ ଏନ୍ତେ ଯୀଶୁ ମାନ୍ଦିର ଅଡ଼ାଃରେ ଇତୁକତାନଲ୍ଲଃ କାଉରିତାନଲ୍ଲଃ କାଜିକେଦାଏ, “ଚିୟାଃ ଆପେ ଆଇଙ୍ଗକେ ସାରିତାନାପେ ଆଡ଼ଃ ଆଇଙ୍ଗ ଅକ୍ତାଃରେନ୍ ତାନିଙ୍ଗ ଏନାପେ ସାରିତାନାଚି ? ଆଇଙ୍ଗ ଆଇଁୟାଃତେଗି କାଇଙ୍ଗ ହିଜୁଆକାନା ମେନ୍ଦ ଆଇଁୟାଃ କୁଲ୍ଲିନିଃ ସାର୍ତିଗିୟାଏ, ଆପେ ଇନିଃକେ କାପେ ସାରିତାନା, ୨୯ ମେନ୍ଦ ଆଇଙ୍ଗ ଇନିଃକେ ସାରିତାନାଇଙ୍ଗ ଚିୟାଃଚି ଆଇଙ୍ଗ ଇନିଃତାଃଏତେ ହିଜୁଆକାନାଇଙ୍ଗ ଆଡ଼ଃ ଇନିଃ ଆଇଙ୍ଗକେ କୁଲାକାଦିୟାଏ ।”

୩୦ ଏନ୍ତେ ଇନ୍ଦକୁ ଇନିଃକେ ସାସାବ୍ ସାନାଙ୍ଗକିୟାଃକ, ଏନ୍ରେୟ ଜେତାଏ ଇନିଃରେ ତିଃଇ କାକ ଜିଲିଙ୍ଗକେଦାଃ, ଚିୟାଃଚି ଇନିୟାଃ ନେତାଦ ଇମ୍ତାଜାକେଦ୍ କା ସେଟେରାକାନ୍ ତାଇକେନା । ୩୧ ମେନ୍ଦ ଗାଦେଲ୍ ହଡ଼କଏତେ ପୁରାଃ ହଡ଼କ ଇନିଃରେକ ବିଶ୍ୱାସ୍ କେଦାଃ ଆଡ଼ଃକ କାଜିକେଦା, “ଚିୟାଃ ମାସି ହିଜୁଃରେ ନିଃ କାମିୟାକାଦ୍ ପେଡ଼େଃରାଃ କାମିଏତେ ଆଦକା କାମିକଚି କାମିୟା ?”

ଫାରୁଶୀକ ଯୀଶୁକେ ସାବିନାଗେନ୍ତେ ଦାରଝାନକକେ କୁଲ୍ଲକତାନାକ

୩୨ ଫାରୁଶୀକ ହଡ଼କକେ ଯୀଶୁଆଃ ବିଷାଏରେ ନେୟା ହାୟମ୍ ହାୟମ୍ତାନକ ଆୟୁମ୍ବକେଦକଆ, ଏନ୍ତେ ଫାରୁଶୀକ ଆଡ଼ଃ ମୁଲ୍ ଯାଜାକକ ଇନିଃକେ ସାସାବ୍ନାଙ୍ଗ ଦାରଝାନକକେ କୁଲ୍ଲକେଦକଆକ । ୩୩ ଯୀଶୁ କାଜିୟାଦକଆଏ, “ଆଇଙ୍ଗ ହୁଡିଙ୍ଗ ଦିପିଲି ଜାକେଦ୍ ଆପେଲ୍ଲଃ ତାଇନିଃକ୍, ଏନ୍ତେ ଆଇଙ୍ଗକେ କୁଲାକାଦ୍ନିଃତାଃତେ ସେନଃଆଇଙ୍ଗ । ୩୪ ଆପେ ଆଇଙ୍ଗକେ ଦାଣ୍ଡାଈଙ୍ଗରେୟ କାପେ ନାମିୟା ଆଡ଼ଃ ଆଇଙ୍ଗ ତାଇନିଃତାଃ ଆପେ କାପେ ସେନ୍ଦାଡ଼ିୟାଃ ।”

୩୫ ଏନ୍ତେ ଯିହୁଦୀକଆଃ ହାକିମ୍ବକ ଆକ ଆକରେକ ଜାଗାର୍ତକେଦାଃ, “ନିଃ କତାଃତେ ସେନଃନାଙ୍ଗ ସାନାଙ୍ଗ ତାନାଏ ଯେ ଆବୁ ଇନିଃକେ କାରୁ ନାମିୟା ? ଚିୟାଃ ଇନିଃ ଗ୍ରୀକ୍ ହଡ଼କଆଃ ଆଲାରେ ନେତେ ହେନ୍ତେୟାକାନ୍ ଆବୁଆଃ ହଡ଼କତାଃ ସେନଃଆଏ ଆଡ଼ଃ ଗ୍ରୀକ୍ ହଡ଼କକେ ଇତୁକଆଏ ? ୩୬ ଆପେ ଆଇଙ୍ଗକେ ଦାଣ୍ଡାଈଙ୍ଗରେୟ କାପେ ନାମିୟା ଆଡ଼ଃ ଆଇଙ୍ଗ ତାଇନିଃତାଃ କାପେ ସେନ୍ଦାଡ଼ିୟା ମେନ୍ତେ ଇନିଃ କାଜିକେଦ୍ କାଜି ଚିକ୍ନାଃତାନା ?”

ଲିଙ୍ଗିୟାତାନ୍ ଜୀଦାନ୍ ଏମାଃ ଦାଆଃ

୩୭ ଚୁଶ୍ଟୁ ହୁଲାଙ୍ଗ, ଚାଏ ପାରାବ୍ରେୟାଃ ମାରାଙ୍ଗ ହୁଲାଙ୍ଗରେ ଯୀଶୁ ତିଙ୍ଗୁୟାନ୍ତେ କାଉରିକେଦ୍ତେ କାଜିକେଦାଏ, “ଜେତାଏ ତେତାଙ୍ଗରେଦ ଆଇଁୟାଃତାଃତେ ହିଜୁକାଏ, ଆଡ଼ଃ ୩୮ ଜେତାଏ ଆଇଙ୍ଗରେ ବିଶ୍ୱାସ୍ତାନିଃ ନୁଁଏକାଏ, ଧାରାମ୍ପୁଥିରେ କାଜିକାନ୍ଲେକା, ‘ବିଶ୍ୱାସ୍ତାନିୟାଃ ଜୀଉଏତେ ଜୀଦାନ୍ ଦାଆଃରେୟାଃ ଗାଡ଼ାକ ଲିଙ୍ଗିକାତେୟାଆ ।’ ” ୩୯ ଇନିଃକେ ବିଶ୍ୱାସୀତାନ୍କ, ତାୟମ୍ତେ ଅକନ୍ ଆମ୍ବାକେକ ନାମିୟା, ଇନ୍ଦକୁଆଃ ବିଷାଏରେ ଇନିଃ ନେ କାଜି

☆ ୭:୨୩ ୭:୨୩ ଯୋହାନ୍ ୫:୯.

କାଜିକେଦାଏ, ଚିୟାଃଟି ଇମ୍ତା ଜାକେଦ୍ ଯାଶୁଆଃ ମାନାରାଙ୍ଗ୍ କା ହବାକାନ୍ ତାଇକେନ୍ ହରାତେ ପାବିତାର୍ ଆମ୍ବାଦ କାଏ ଏମାକାନ୍ ତାଇକେନା ।

ହଡ଼କଆଃ ଆଲାରେ ବିନ୍‌ଗାଅ‡

୪୦ ପୁରାଃ ହଡ଼କଏତେ ଚିମିନ୍‌କ ନେ କାଜି ଆୟୁମ୍‌କେଦ୍‌ତେ ମେନ୍‌କେଦାଃକ, “ନିଃ ସାର୍‌ତିଗି ନାବୀ ତାନିଃ !”

୪୧ ଏଟାଃକ ମେନ୍‌କେଦାଃ, “ଇନିଃ ମାସି ତାନିଃ !” ମେନ୍‌ଦ ଚିମିନ୍‌କ ମେନ୍‌କେଦାଃ, “ମାସି ଗାଲିଲ୍‌ଏତେ କାଏ ହିଜୁଆ ? ୪୨ ମାସି ଦାଉଦ୍‌ଆଃ କିଲିଏତେ ଆତଃ ଦାଉଦ୍ ତାଇକେନ୍ ବେଅଲେହେମ୍ ସାହାର୍‌ଏତେ ହିଜୁଆଏଃ ମେନ୍‌ତେ ଧାରାମ୍‌ପୁଅରେ କା'ଚି କାଜିକାନା ?” ୪୩ ଏନାତେ ଗାଦେଲ୍ ହଡ଼କ ଇନିୟାଃ ନାଗେନ୍‌ତେକ ବିପିଙ୍ଗାଅୟାନା । ୪୪ ଆତଃ ଇନ୍‌କୁଏତେ ଚିମିନ୍‌କ ଯାଶୁ ସାବଃକାଏ ମେନ୍‌ତେ ସାନାଙ୍ଗ୍‌ତାନ୍‌କ ତାଇକେନା ମେନ୍‌ଦ ଜେତାଏ ଇନିଃରେ ଡିଃଇ କାକ ଜିଲିଙ୍ଗ୍‌କେଦାଃ ।

କା ବିଶ୍ୱାସତାନ୍ ଯିହୁଦୀ ହାକିମ୍‌କ

୪୫ ଦାରଝାନ୍‌କ ରୁହାଡ଼ୟାନ୍‌ଚି, ମୁଲ୍ ଯାଜାକ୍‌କ ଆତଃ ଫାରୁଶୀକ ଇନ୍‌କୁକେ କୁଲିକେଦ୍‌କଆକ, “ଚିନାଃ ମେନ୍‌ତେ ଇନିଃକେ କାପେ ଆଉକିୟା ?”

୪୬ ଦାରଝାନ୍‌କ ମେତାଦ୍‌କଆକ, “ନେ ହଡ଼ କାଜିତାନ୍‌ଲେକା ଜେତାଏ ହଡ଼ ଚିତଲାହ୍ କାଏ କାଜିୟାକାଦାଃ ।”

୪୭ ଏନ୍ତେ ଫାରୁଶୀକ ଇନ୍‌କୁକେ କାଜିରୁହାଡ଼ାଦ୍‌କଆକ, “ଆପେକେୟଗିଚି ଇନିଃ ବେଦାକାଦ୍‌ପେୟାଏ ? ୪୮ ହାକିମ୍‌କଏତେ ଚାଏ ଫାରୁଶୀକଏତେ ଚିୟାଃ ଜେତାଏ ଇନିଃରେ ବିଶ୍ୱାସକାଦାକ ? ଏନା ସାରିକାଦାପେଚି ? ୪୯ କାହା ! ମେନ୍‌ଦ ମୁଶାରାଃ ଆନ୍‌ରୁ କାକ ସାରିତାନ୍ ନାଗେନ୍‌ତେ ନେ ଗାଦେଲ୍ ହଡ଼କ ସାର୍‌ପାଝାକାନାକ ।”

୫୦ ✠ନିକଦାମ୍, ଅକଏଚି ସିଦାରେ ଯାଶୁତାଃରେ ସେନ୍‌କାନ୍ ତାଇକେନାଏ ଆତଃ ଇନିଃ ଇନ୍‌କୁଏତେ ମିହୁଡ଼୍ ତାଇକେନାଏ, ଇନିଃ କୁଲିକେଦ୍‌କଆଏ, ୫୧ “ମିଆଁଦ୍ ହଡ଼ତାଃଏତେ ଆଉରି ଆୟୁମ୍ ଜାକେଦ୍ ଆତଃ ଇନିୟାଃ ଚାଇଲ୍ ଚାଲାନ୍ ଆଉରି ସାରି ଜାକେଦ୍ ଆରୁଆଃ ଆନ୍‌ରୁ ଚିୟାଃ ଇନିୟାଃ ବିଚାରେୟାଏ ?”

୫୨ ଇନ୍‌କୁ ଇନିଃକେ କାଜିରୁହାଡ଼କିୟାଃକ, “ଆମ୍‌ହଗିଚି ଗାଲିଲ୍‌ରେନ୍ ହଡ଼ ତାନ୍‌ମେ ? ନେଲ୍ ନାମେମେ, ଗାଲିଲ୍‌ଏତେ ଜେତାଏ ନାବୀ କାଏ ଅଡ଼ଙ୍ଗ୍‌ଅଃଆ ?” ୫୩ ଏନ୍ତେ ସବେନ୍‌କ ଆକଆଃ ଆକଆଃ ଅଡ଼ାଃତେକ ସେନଃୟାନା ।



ଆପାଙ୍ଗିର୍ କାମିରେ ସାବାକାନ୍ କୁଡ଼ି

୯ ମେନ୍‌ଦ ଯାଶୁ ଜାଇତୁନ୍ ବୁରୁତେ ସେନଃୟାନାଏ । ୧୦ ଏଟାଃ ହୁଲାଙ୍ଗ୍ ଆଙ୍ଗ୍‌ୟାନ୍‌ଚି ଯାଶୁ ମାନ୍‌ିରତେ ରୁହାଡ଼ୟାନାଏ ଆତଃ ସବେନ୍ ହଡ଼କ ଇନିଃତାଃରେ ହୁଣ୍ଡିୟାନାକ ଆତଃ ଇନିଃ ଦୁବକେଦ୍‌ତେ ଇନ୍‌କୁକେ ଇତୁକେଦ୍‌କଆଏ । ୧୧ ଆଇନ୍ ଇତୁକ ଆତଃ ଫାରୁଶୀକ ଆପାଙ୍ଗିର୍ କାମିରେ ସାବକାନ୍ କୁଡ଼ିକେ ଆଉକେଦ୍‌ତେ ସବେନ୍‌କଆଃ ଆଲାରେକ ଡିଙ୍ଗୁକିୟା ଆତଃ ଯାଶୁକେ କାଜିକିୟାଃକ, ୧୨ “ହେ ଗୁରୁ, ନେ କୁଡ଼ି ଆପାଙ୍ଗିର୍ କାମି କାମିତାନ୍ ଇମ୍ତାଗି ସାବ୍‌ୟାନାଏ । ୧୩ ଆଲେୟାଃ ଆନ୍‌ରୁରେ ମୁଶା ନେ ଲେକାନ୍ କୁଡ଼ିକେ ଦିରି ଚିଦ୍‌ଗି ଗଏଃକପେ ମେନ୍‌ତେ ଆଲେକେ ଆରୁଆକାଦ୍‌ଲେୟାଏ, ନାହାଁଃ ଆମ୍ ଚିନାଃ ମେନେତାନାମ୍ ?” ୧୪ ଯାଶୁକେ ଚିଟାଈରାଃ ହରାନାମ୍ ନାଗେନ୍‌ତେ ବିଡ଼ାଅ ତାନ୍‌ଲଃ ଇନ୍‌କୁ ନେୟାଁ କୁଲିକିୟାଃକ । ମେନ୍‌ଦ ଯାଶୁ ତିରୁବ୍‌ୟାନ୍‌ଲଃ ସାର୍‌ସାର୍‌ତେ ଅତେରେ ଅଲ୍‌କେଦା ।

୧୫ ଏନ୍ତେ ଇନ୍‌କୁ କୁଲିତାନ୍ ଇମ୍ତାଗି ଇନିଃ ବିରିଦ୍‌କେଦ୍‌ତେ ମେତାଦ୍‌କଆଏ, “ଆପେୟାଃ ଆଲାରେ କା ପାପ୍‌କାଦ୍‌ନିଃ ସିଦାତେ ଇନିଃକେ ଦିରି ଚିଦ୍‌ଗିକାଏ ।” ୧୬ ଏନ୍ତେ ଆତଃଗି ଇନିଃ ତିରୁବ୍ ରୁହାଡ଼କେଦ୍‌ତେ ଅତେରେ ସାର୍‌ସାର୍‌ତେ ଅଲ୍‌କେଦାଏ । ୧୭ ଇନ୍‌କୁ ନେୟାଁ ଆୟୁମ୍‌କେଦ୍‌ତେ ସବେନ୍‌କ ମାପ୍‌ରାଙ୍ଗ୍‌ଏତେ ହୁପ୍‌ଡ଼ିଙ୍ଗ୍ ଜାକେଦ୍ ମିମିଆଦ୍‌ତେକ ଅଡ଼ଙ୍ଗ୍‌ୟାନା, ଯାଶୁ ଏସ୍‌କାର୍‌ଗି ତାଇନ୍‌ୟାନାଏ ଆତଃ ଏନ୍ କୁଡ଼ି ଆଲାରେ ଡିଙ୍ଗୁଆକାନାଏ ତାଇକେନା । ୧୮ ଏନ୍ତେ ଯାଶୁ ଡିଙ୍ଗୁୟାନ୍‌ତେ ଇନିଃକେ କାଜିକିୟାଏ, “ଏ କୁଡ଼ି ଆମ୍‌କେ ଚିଟାତାନ୍‌କ କତାଃରେକଆଃ ? ଚିୟାଃ ଜେତାଏ ଆମ୍‌କେ କାକ ସାଜାଈକେଦ୍‌ମେଆଚି ?”

୧୯ ଇନିଃ କାଜିକିୟାଏ, “ହେ ଗମ୍‌କେ, ଜେତାଏ ଦ କାହା,” ଏନ୍ତେ ଯାଶୁ ମେତାଈୟାଏ, “ଆଇଙ୍ଗ୍ ହିଁ ଆମ୍‌କେ କାଈଙ୍ଗ୍ ସାଜାଈମେତାନା, ଜୁ ସେନଃମେ ଆତଃ ଆୟାର୍‌ତେ ଆଲମ୍ ପାପ୍ କାମିୟା ।”*

ୟାଶୁ ଅତେଦିଶ୍ୱମ୍‌ରେନ୍ ମାସ୍‌ଲା ତାନିଃ

୧୨ ✠ୟାଶୁ ଆତଃମିସା ଫାରୁଶୀକକେ ଇତୁତାନ୍‌ଲଃ କାଜିକେଦ୍‌କଆଏ, “ଆଇଙ୍ଗ୍ ଅତେଦିଶ୍ୱମ୍‌ରେନ୍ ମାସ୍‌ଲା ତାନିଙ୍ଗ୍, ଆଇଙ୍ଗ୍‌କେ ଅଡ଼ଙ୍ଗ୍‌ନିଃ ଜୀଦାନ୍‌ରେୟାଃ ମାସ୍‌ଲା ନାମେୟାଏ । ଆତଃ ନୁବାଃରେ କାଏ ସେନେୟା ।”

‡ ୭:୩୯ ୭:୪୦ ଆପାନ୍ ଆପାନ୍‌ନଃ ✠ ୭:୫୦ ୭:୫୦ ଯୋହାନ୍ ୩:୧,୨. * ୮:୧୧ ୮:୧୧ ୧ପଦ ତାଃଏତେ ୧୧ ପଦ ଜାକେଦ୍ ଚିମିନ୍ ମାରି ଅନଲ୍‌ରେ ବାନଃଆ ✠ ୮:୧୨ ୮:୧୨ ମାଅଉ ୫:୧୫; ଯୋହାନ୍ ୯:୫.

୧୩ ଏବଂ ଫାରୁଶୀକ ଇନିଷକେ କାଜିକିୟାଃକ, “ଆମ୍ ଆମାଃ ନାଗେନ୍ତେ ଗାଞ୍ଜାଇ ଏମେତାନାମ୍, ଆମାଃ ଗାଞ୍ଜା ସାର୍ତି ନାହାଁଲାଃ ।”

୧୪ ଯୀଶୁ କାଜିରୁହାଡ଼ାଦକଆଏ, “କାହାଗି, ଆଇଙ୍ଗ୍ ଆଇଁୟାଃ ନାଗେନ୍ତେ ଗାଞ୍ଜାଇଙ୍ଗ୍ ଏମେତାନରେଅ ଆଇଁୟାଃ ଗାଞ୍ଜା ସାର୍ତିଗିୟା । ଆଇଙ୍ଗ୍ଦ କତାଃଏତେଇଙ୍ଗ୍ ହିଜୁଆକାନା ଆତଃ କତାଃତେଇଙ୍ଗ୍ ସେନଃତାନା ନେୟାଁଇଙ୍ଗ୍ ସାରିତାନା ମେନ୍ଦ ଆଇଙ୍ଗ୍ କତାଃଏତେଇଙ୍ଗ୍ ହିଜୁଃକାନା ଆତଃ କତାଃତେଇଙ୍ଗ୍ ସେନାଃ, ଏନା ଆପେ କାପେ ସାରିୟାଃ । ୧୫ ଆପେ ହଡ଼କଲେକାପେ ବିଚାରେତାନା, ଆଇଙ୍ଗ୍ ଜେତାଏକେ କାଇଙ୍ଗ୍ ବିଚାରକତାନା । ୧୬ ମେନ୍ଦ ଆଇଙ୍ଗ୍ ବିଚାରେରେଦ ଆଇଁୟାଃ ବିଚାର ସାର୍ତିଗିୟାଃ, ଚିୟାଃଚି ଆଇଙ୍ଗ୍ଦ କାଇଙ୍ଗ୍ ଏସକାରାଃ, ମେନ୍ଦ ଆଇଙ୍ଗ୍କେ କୁଲ୍ଲାଇଙ୍ଗ୍ ଆପୁଲଃ ମେନାଇୟାଁ । ୧୭ ଆତଃ ବାରହଡ଼କିନାଃ ଗାଞ୍ଜା ମିଦଃରେ, ଇନିକିନାଃ କାଜିତେୟାଃ ସାର୍ତିଗିୟା ନେୟାଁ ଆପେୟାଃ ଆନୁ ପୁଅରେ ଅଲ୍ଲକାନା । ୧୮ ଆଇଙ୍ଗ୍ ଆଇଁୟାଃ ନାଗେନ୍ତେ ଗାଞ୍ଜାଇଙ୍ଗ୍ ଏମେତାନା ଆତଃ ଆଇଙ୍ଗ୍କେ କୁଲ୍ଲକାନ ଆପୁ ଆଇଁୟାଃନାଙ୍ଗ୍ ଗାଞ୍ଜା ଏମେତାନାଏ ।”

୧୯ ଏବଂ ଇନକୁ କୁଲିକିୟାଃକ, “ଆପୁମତାମାଃ କତାଃରିୟାଃ ?” ଯୀଶୁ କାଜିରୁହାଡ଼ାଦକଆଏ, “ଆପେ ଆଇଙ୍ଗ୍କେ ଆତଃ ଆପୁଇଙ୍ଗ୍କେ କାପେ ସାରିୟାଃ । ଆଇଙ୍ଗ୍କେ ଆପେ ସାରିରେଦ ଆପୁଇଙ୍ଗ୍କେହ ସାରିତେୟାଃପେ ।”

୨୦ ନେ କାଜି ଯୀଶୁ ମାହିର୍ ଅଡ଼ାଃରେୟାଃ ଭାଣ୍ଡାର୍ ଅଡ଼ାଃ ଜାପାଃରେ ଇଡୁକତାନ୍ ଇମତା କାଜିକେଦାଏ, ଆତଃ ଜେତାଏ ଇନିଷକେ କାକ ସାବ୍କିୟାଃ ଚିୟାଃଚି ଇନିୟାଃ ନେଡା ଇମତାଙ୍ଗ୍ ଜାକେଦ୍ କା ତେବାଃକାନ୍ ତାଇକେନା ।

ଯୀଶୁ ଆୟାଃ ସେନଃ ବିଷାଏରେ ଆୟାରକାଜି କାଜିକେଦା

୨୧ ଆତଃମିସା ଯୀଶୁ ଇନକୁକେ କାଜିକେଦକଆଏ, “ଆଇଙ୍ଗ୍ ସେନଃତାନାଇଙ୍ଗ୍ ଆତଃ ଆପେ ଆଇଙ୍ଗ୍କେ ଦାଣାଁଇୟାଁପେ ମେନ୍ଦ ଆପେୟାଃ ପାପ୍ରେପେ ଗଜଃଆ । ଆଇଙ୍ଗ୍ ସେନଃତାଃତେ କାପେ ସେନ୍ଦାଡ଼ିୟା ।”

୨୨ ଯିହୁଦୀକଆଃ ହାକିମ୍ କ ଆକ ଆକରେକ ମେନ୍ଦକେଦାଃ, “ଚିୟାଃ ଇନିଃ ଆଇଃକ୍ଚି ଗଜଃଇଙ୍ଗ୍ ମେନ୍ତେ କାଜିତାନାଏଚି, ଏନାନାଗେନ୍ତେ ଆଇଙ୍ଗ୍ ସେନଃତାଃତେ କାପେ ସେନ୍ଦାଡ଼ିୟା ମେନ୍ତେ କାଜିତାନାଏ ?”

୨୩ ଏବଂ ଯୀଶୁ ଇନକୁକେ ମେତାଦକଆଏ, “ଆପେ ନେ ଅତେଦିଶୁମ୍ରେ ଜାନାମ୍କାନାପେ, ମେନ୍ଦ ଆଇଙ୍ଗ୍ ସିମାତେ ହିଜୁଆକାନାଇଙ୍ଗ୍ । ଆପେ ନେ ଅତେଦିଶୁମ୍ରେନକ ତାନପେ, ଆଇଙ୍ଗ୍ ନେ ଅତେଦିଶୁମ୍ରେନ୍ ନାହାଁଲାଇଙ୍ଗ୍ । ୨୪ ଏନାମେନ୍ତେ ଆଇଙ୍ଗ୍ ମେତାପେ ତାନାଇଙ୍ଗ୍, ଆପେ ଆପେୟାଃ ପାପ୍ରେ ଗଜଃଆପେ, ଚିୟାଃଚି ଆଇଙ୍ଗ୍, ଆଇଙ୍ଗ୍ଚି ଇନିଃ ତାନିଙ୍ଗ୍ ଏନା କାପେ ବିଶ୍ୱାସେରେଦ ଆପେୟାଃ ପାପ୍ରେଗି ଗଜଃଆପେ ।”

୨୫ ଏବଂ ଇନକୁ ଇନିଷକେ କୁଲିକିୟାଃକ, “ଆମ୍ ଅକଏ ତାନମେ ?” ଯୀଶୁ ଇନକୁକେ କାଜିୟାଦକଆଏ, “ମୁନ୍ଦୁଏତେଗି କାଜିୟାକାଦପେୟାଈଙ୍ଗ୍ ଇନିଃ ଆଇଙ୍ଗ୍ଚି ତାନିଙ୍ଗ୍ । ୨୬ ଆପେୟାଃ ବିଷାଏରେ କାଜି ଆତଃ ବିଚାର୍ ନାଗେନ୍ତେ ଆଇଁୟାଃତାଃରେ ପୁରାଃଗି କାଜି ମେନାଃ । ମେନ୍ଦ ଆଇଙ୍ଗ୍କେ କୁଲ୍ଲିନିଃ ସାର୍ତିଗିୟାଏ, ଆତଃ ଆଇଙ୍ଗ୍ ଇନିଃତାଃଏତେ ଆୟୁମ୍କାଦତେୟାଃ ସବେନାଃ ଅତେଦିଶୁମ୍ରେ ଉଦୁବେତାନାଇଙ୍ଗ୍ ।”

୨୬ ଯୀଶୁ ଆପୁଆଃ ବିଷାଏରେ ଇନକୁକେ କାଜିୟାକତାନ୍ ତାଇକେନାଏ, ଏନା ଇନକୁ କାକ ଆଟ୍କାରକେଦାଃ ।

୨୭ ଏବଂ ଯୀଶୁ କାଜିୟାଦକଆଏ, “ଆପେ ଚିମତା ମାନଞ୍ଜାହନ୍କେ ଚେତାନତେପେ ରାକାବିୟା, ଇମତା ଆଇଙ୍ଗ୍, ଆଇଙ୍ଗ୍ଚି ଇନିଃ ତାନିଙ୍ଗ୍ ମେନ୍ତେପେ ସାରିୟାଃ ଆତଃ ଆଇଙ୍ଗ୍ଏତେ ଜେଡନାଃ କାଇଙ୍ଗ୍ କାମି, ମେନ୍ଦ ଆପୁ ଇଡୁଆକାଇଙ୍ଗ୍ଲେକା ନେ କାଜିକଇଙ୍ଗ୍ କାଜିକାଦା ମେନ୍ତେପେ ଆଟ୍କାର୍ତୁରୁମେୟାଁ । ୨୯ ଆତଃ ଆଇଙ୍ଗ୍କେ କୁଲ୍ଲିନିଃ ଆଇଙ୍ଗ୍ଲଃରିୟା, ଇନିଃ ଆଇଙ୍ଗ୍କେ ଏସକାର୍ଚି କାଏ ବାଗିୟାକାଦିୟାଁ, ଚିୟାଃଚି ଆଇଙ୍ଗ୍ ଜାନାଅଗି ଇନିଷକେ ସୁକୁଆଇଲେକା କାମିରିକାଇଃକ୍ ।”

୩୦ ଯୀଶୁ ନେୟାଁ କାଜିତାନ୍ ତାଇକେନ୍ରେ ପୁରାଃ ହଡ଼କ ଇନିଃତାଃରେକ ବିଶ୍ୱାସକେଦା ।

ସାନାର୍ତି ଆପେକେ ଆଡ଼ାଃପେୟାଏ

୩୧ ଏବଂ ଯୀଶୁତାଃରେ ଅକନ୍ ଯିହୁଦୀକ ବିଶ୍ୱାସତାନ୍କ ତାଇକେନା, ଇନିଃ ଇନକୁକେ କାଜିୟାଦକଆଏ, “ଆପେ ଆଇଁୟାଃ ଇନିଡୁ ମାନାତିଙ୍ଗ୍ରେଦ ସାର୍ତିଗି ଆଇଁୟାଃ ତେଲ୍ଲକ ତାନପେ । ୩୨ ଆତଃ ଆପେ ସାର୍ତିକେ ଆଟ୍କାରେୟା, ଆତଃ ଏନ୍ ସାର୍ତିଗି ଆପେକେ ଆଡ଼ାଃପେୟାଏ ।”

୩୩ ଇନକୁ ଇନିଷକେ କାଜିରୁହାଡ଼କିୟାକ, “ଆଲେଦ ଆବ୍ରାହାମ୍ଆଃ କିଲିରେନ୍କ ତାନଲେ ଆତଃ ଚିଉଲ୍ଲାହଗି ଜେତାଏକଆଃ ଦାସି କାଲେ ତାଇକେନା ଚିନାଃମେନ୍ତେ ଆପେ ରାଡ଼ାଅଆଃପେ ମେନ୍ତେମ୍ କାଜିତାନା ? ନେୟାଁରାଃ ମୁଣ୍ଡି ଚିନାଃ ତାନାଃ ?”

୩୪ ଯୀଶୁ କାଜିରୁହାଡ଼ାଦକଆଏ, “ସାର୍ତିଗି କାଜିୟାପେ ତାନାଇଙ୍ଗ୍ ପାପ୍କାମିତାନ୍ ସବେନକ ପାପ୍ରେୟାଃ ଦାସିତାନ୍କୁ । ୩୫ ଦାସି ଜାନାଅ ଜାନାଅ ଅଡ଼ାଃରେ କାଏ ତାଇନାଃ ମେନ୍ଦ ହନ୍ ଜାନାଅ ଜାନାଅ ତାଇନାଃଏ । ୩୬ ଏନାମେନ୍ତେ ହନ୍ ରାଡ଼ାପେରେଦ, ଆପେ ସାର୍ତିଗିପେ ରାଡ଼ାଅଆ । ୩୭ ଆପେ ଆବ୍ରାହାମ୍ଆଃ କିଲିରେନ୍କ ତାନପେ

☆ ୮:୧୩ ୮:୧୩ ଯୋହାନ୍ ୫:୩୧. ☆ ୮:୩୩ ୮:୩୩ ମାଥୁର ୩:୯; ଲୁକ ୩:୮.

ନେୟାଁ ଆଇଙ୍ଗ୍ ସାରିତାନାଇଙ୍ଗ୍ ମେନ୍ଦ୍ ଆଇଁୟାଃ ଇନିତୁ କାପେ ତେଲ୍ୟତାନା ଏନାମେନ୍ତେ ଆପେ ଆଇଙ୍ଗ୍ କେ ଗଗଏଃ ସାନାଙ୍ଗ୍ ତାନାପେ । ୩୮ ଆଇଙ୍ଗ୍ ଆପୁଇଙ୍ଗ୍ ତାଃରେ ନେଲକାଦ୍ ତେୟାଃ କାଜିତାନାଇଙ୍ଗ୍ ମେନ୍ଦ୍ ଆପେ ଆପେୟାଃ ଆପୁ କାଜିକାଦ୍ ଲେକା କାମିୟାଃପେ ।”

୩୯ ଇନ୍ କୁ ଇନିଃକେ କାଜିରୁହାଡ଼କିୟାକ, “ଆବ୍ରାହାମ୍ ଆଲେୟାଃ ଆପୁ ତାନିଃ ।” ଯୀଶୁ ଇନ୍ କୁ କେ କାଜିୟାଦ୍ କଥାଏ, “ଆପେ ସାର୍ତିଗି ଆବ୍ରାହାମ୍ ଆଃ ହନ୍ ତାନ୍ ପେରେଦ୍ ଆବ୍ରାହାମ୍ ଆଃ କାମି ଲେକା କାମି ତେୟାଃପେ । ୪୦ ଆଇଙ୍ଗ୍ ପାର୍ମେଶ୍ୱାର୍ ତାଃଏତେ ଆୟୁମ୍ କେଦ୍ ସାର୍ତିକାଜି ବାରିକେଦ୍ ତେ ଏଟାଃ ତେୟାଃ କାଇଙ୍ଗ୍ ଉଦୁବାପେ ତାନା ହଲେହ୍ ଆଇଙ୍ଗ୍ କେ ନାହାଁଃ ଗଗଏଃ ସାନାଙ୍ଗ୍ ତାନାପେ, ଆବ୍ରାହାମ୍ ଏନ୍ ଲେକା କାମି କାଏ କାମି କାଦାଃ । ୪୧ ଆପେ ସବେନ୍ ଆପେୟାଃ ଆପୁଆଃ କାମିକ ରିକାତାନାପେ ।” ଇନ୍ କୁ ଯୀଶୁ କେ କାଜିକିୟାଃକ, “ଆଲେ ଆପାଙ୍ଗିର୍ କାମିରେନ୍ ହନ୍ କ ନାହାଁଲାଲେ । ଆଲେୟାଃଦ୍ ମିଆଁଦ୍ ଗି ଆପୁ ଇନିଃଦ୍ ପାର୍ମେଶ୍ୱାର୍ ତାନିଃ ।”

୪୨ ଯୀଶୁ ଇନ୍ କୁ କେ କାଜିୟାଦ୍ କଥାଏ, “ପାର୍ମେଶ୍ୱାର୍ ଆପେୟାଃ ଆପୁ ତାନିଃରେଦ୍ ଆପେ ଆଇଙ୍ଗ୍ କେ ଦୁଲାଡ଼ିଙ୍ଗ୍ ତେୟାଃପେ ଚିୟାଃଟି ଆଇଙ୍ଗ୍ ପାର୍ମେଶ୍ୱାର୍ ତାଃଏତେ ହିଜୁଃକାନାଇଙ୍ଗ୍ ଆତଃ ନାହାଁଃ ନେତାଃରିୟାଁ । ଆଇଙ୍ଗ୍ ଆଇଁୟାଃ ପେଡେଃତେ କାଇଙ୍ଗ୍ ହିଜୁଆକାନା ମେନ୍ଦ୍ ଆପୁ ଆଇଙ୍ଗ୍ କେ କୁଲକାଦିୟାଁଏ । ୪୩ ଆପେ ଆଇଁୟାଃ କାଜି ଚିନାଃ ମେନ୍ତେ କାପେ ଆଟ୍ କାର୍ତ୍ତରୁମେତାନା ? ଚିୟାଃଟି ଆପେଦ୍ ଆଇଁୟାଃ ଇନିତୁ ଆୟୁମ୍ ନାଙ୍ଗ୍ କାପେ ସାହାଡ଼ିଙ୍ଗ୍ ଦାଡ଼ିତାନା । ୪୪ ଆପେ ଆପେୟାଃ ଆପୁ ସାଏତାନରାଃ ହନ୍ କ ତାନ୍ ପେ ଆତଃ ଆପେୟାଃ ଆପୁଆଃ ସାନାଙ୍ଗ୍ ଲେକା କାମି ସାନାଙ୍ଗ୍ ତାନାପେ । ଇନିଃ ମୁନ୍ଦ୍ ଏତେ ହଡ଼ ଗଗଏଃନିଃ ତାଇକେନାଏ ଆତଃ ସାର୍ତିରେ କାଏ ତିଙ୍ଗ୍ କେଟେଦ୍ ଯାନା, ଚିୟାଃଟି ଇନିଃରେଦ୍ ସାର୍ତି ବାନଆ । ଇନିଃ ହସଡ଼ କାଜି କାଜିତାନ୍ ଇମ୍ତା ଆୟାଃତେଗି କାଜିୟାଏ ଚିୟାଃଟି ଇନିଃଦ୍ ହସଡ଼ନିଃ ଆତଃ ହସଡ଼ରେନ୍ ଆପୁ ତାନିଃ । ୪୫ ମେନ୍ଦ୍ ଆଇଙ୍ଗ୍ ସାର୍ତିଗି କାଜିତାନାଇଙ୍ଗ୍ ମେନ୍ତେ ଆଇଁୟାଃ କାଜି କାପେ ପାଡିୟାରେତାନା । ୪୬ ଆଇଁୟାଃତାଃରେ ପାପ୍ ମେନାଃ ମେନ୍ତେ ଆପେକଏତେ ଅକଏ ଚିଟାଙ୍ଗ୍ ଯାଁଏ ? ଆଇଙ୍ଗ୍ ସାର୍ତି କାଜି କାଜିରେଦ୍ ଚିନାଃ ମେନ୍ତେ ଆଇଁୟାଃ କାଜିକେ କାପେ ପାଡିୟାରେତାନା ? ୪୭ ଜେତାଏ ପାର୍ମେଶ୍ୱାର୍ ତାଃଏତେ ହିଜୁଃକାନାଏ ଇନିଃ ପାର୍ମେଶ୍ୱାର୍ ଆଃ କାଜି ଆୟୁମେୟାଏ । ଆପେ ପାର୍ମେଶ୍ୱାର୍ ତାଃଏତେ କାପେ ହିଜୁଃକାନା ଏନାମେନ୍ତେ ଇନିୟାଃ କାଜି କାପେ ଆୟୁମେତାନା ।”

ଯୀଶୁ ଆତଃ ଆବ୍ରାହାମ୍

୪୮ ଯିହୁଦୀକ ଯୀଶୁ କେ କୁଲକିୟାଃକ, “ଆମ୍ ଶମିରୋନିରେନ୍ ତାନମେ ଆତଃ ଆମ୍ କେ ବଙ୍ଗା ଏସେରାକାଦ୍ ମେୟାଁଏ, ନେୟାଁ ଚିନାଃ ଆଲେ ଠାଉକା କାଲେ କାଜିତାନା ?” ୪୯ ଯୀଶୁ କାଜିରୁହାଡ଼ାଦ୍ କଥାଏ, “ବାନଃଗି ଆଇଙ୍ଗ୍ କେ ବଙ୍ଗା କାଏ ଏସେରାକାଦିୟାଁ ମେନ୍ଦ୍ ଆଇଙ୍ଗ୍ ଆପୁଇଙ୍ଗ୍ କେ ମାଇନିତାନାଇଙ୍ଗ୍ ଆତଃ ଆପେ ଆଇଙ୍ଗ୍ କେ କାପେ ମାଇନିଙ୍ଗ୍ ତାନା । ୫୦ ଆଇଙ୍ଗ୍ ଆଇଙ୍ଗ୍ ଗି ଆଇଁୟାଃ ମାନାରାଙ୍ଗ୍ କାଇଙ୍ଗ୍ ଦାଶାଁତାନା ମେନ୍ଦ୍ ମିଆଁଦ୍ ନିଃ ମେନାଇୟା ଇନିଃ ଦାଶାଁଏଃ ଆତଃ ବିଚାର୍ ରିକାଏଃ । ୫୧ ଆଇଙ୍ଗ୍ ସାର୍ତିଗି କାଜିୟାପେ ତାନାଇଙ୍ଗ୍, ଆଇଁୟାଃ କାଜି ମାନାତିଙ୍ଗ୍ ନିଃ ଚିତ୍ତଲାଅ କାଏ ଗଜଃଆ ।”

୫୨ ଯିହୁଦୀକ ଯୀଶୁ କେ କାଜିକିୟାଃକ, “ନାହାଁଃ ଆଲେ ସାରିକେଦାଃଲେ, ଆମ୍ କେ ବଙ୍ଗା ଏସେରାକାଦ୍ ମେୟାଏ, ଆବ୍ରାହାମ୍ ଆତଃ ନାବୀକ ଗଏଃୟାନା ଆତଃ ଆଇଁୟାଃ କାଜି ମାନାତିଙ୍ଗ୍ ନିଃ ଗଗଏଃ ଚିତ୍ତଲାଅ କାଏ ନେଲେୟା ମେନ୍ତେ କାଜିତାନାମ୍ । ୫୩ ଚିୟାଃ ଆମ୍ ଆଲେୟାଃ ଗଏଃକାନ୍ ଆପୁ ଆବ୍ରାହାମ୍ ଏତେ ମାରାଙ୍ଗ୍ ଆମ୍ ? ନାବୀକହଗି ଗଏଃୟାନାକ, ଆମ୍ ଆମ୍ ଗି ଅକଏ ମେନ୍ତେ ଉଡ଼ଷୁତାନା ?”

୫୪ ଯୀଶୁ ଇନ୍ କୁ କେ କାଜିରୁହାଡ଼ାଦ୍ କଥାଏ, “ଆଇଙ୍ଗ୍ ଆଇଁୟାଃଗି ମାନାରାଙ୍ଗ୍ ଲେରେଦ୍ ଆଇଁୟାଃ ମାନାରାଙ୍ଗ୍ ଜେଡନାଃ ବାନଆଃ । ଅକନ୍ ଆପୁଇଙ୍ଗ୍ କେ ଆପେ ଆଲେୟାଃ ପାର୍ମେଶ୍ୱାର୍ ମେତାଇତାନାପେ, ଇନିଃ ଆଇଁୟାଃ ମାନାରାଙ୍ଗ୍ ରିକାଏତାନା । ୫୫ ଏନ୍ରେୟ ଆପେ ଇନିଃକେ କାପେ ସାରିତାନା, ମେନ୍ଦ୍ ଆଇଙ୍ଗ୍ ଇନିଃକେ ସାରିୟାଃଇଙ୍ଗ୍, ଆତଃ ଆଇଙ୍ଗ୍ ଇନିଃକେ କାଇଙ୍ଗ୍ ସାରିୟାଃ ମେନ୍ତେ କାଜିରେଦ୍ ଆଇଙ୍ଗ୍ ହଗି ଆପେଲେକାଇଙ୍ଗ୍ ହସଡ଼ତେୟାଃ, ମେନ୍ଦ୍ ଆଇଙ୍ଗ୍ ଇନିଃକେ ସାରିୟାଃଇଙ୍ଗ୍ ଆତଃ ଇନିୟାଃ କାଜି ମାନାତିଙ୍ଗ୍ ତାନାଇଙ୍ଗ୍ । ୫୬ ଆପେୟାଃ ଆପୁ ଆବ୍ରାହାମ୍ ଆଇଁୟାଃ ହିଜୁଃ ହୁଲାଙ୍ଗ୍ କେ ନେନେଲ୍ ନାଗେନ୍ତେ ରାସ୍ କାଅଃତାନାଏ ତାଇକେନା ଆତଃ ଏନା ନେଲ୍ କେଦ୍ ତେ ରାସ୍ କାୟାନାଏ ।”

୫୭ ଏନ୍ତେ ଯିହୁଦୀକ ଇନିଃକେ କାଜିକିୟାଃକ, “ଆମ୍ କେଦ୍ ନାହାଁଃ ଜାକେଦ୍ ପାଚାଗ୍ ବାରାଷ୍ କା ହବାକାନା, ଚିୟାଃ ଆମ୍ ଆବ୍ରାହାମ୍ କେ ନେଲକାଇୟାମ୍ ?”

୫୮ ଯୀଶୁ ଇନ୍ କୁ କେ କାଜିକେଦ୍ କଥାଏ, “ଆଇଙ୍ଗ୍ ସାର୍ତିଗି କାଜିୟାପେ ତାନାଇଙ୍ଗ୍, ଆବ୍ରାହାମ୍ ଆଃ ଜାନାମ୍ ସିଦାଏତେ ଆଇଙ୍ଗ୍ ମେନାଇୟାଁ ।”

୫୯ ଏନ୍ତେ ଇନ୍ କୁ ଇନିଃକେ ଚିଦ୍ ଗି ନାଗେନ୍ତେ ଦିରିକ ସାବ୍ କେଦା, ମେନ୍ଦ୍ ଯୀଶୁ ଉକୁ କେଦ୍ ତେ ମାନ୍ଦିର୍ ଅଡ଼ାଏତେ ଅଡ଼ଙ୍ଗ୍ ଯାନା ।



ୟୀଶୁ ମିଆଁଦ୍ ଜାନାମ୍ କାଣ୍ଟାକେ ବୁଗି ତାନାଏ

୧୧ ୟୀଶୁ ସେନଃତାନ୍ ତାଇକେନ୍ ଇମ୍ତା ଜାନାମ୍‌ଏତେ କାଣ୍ଟାକାନ୍ ମିଆଁଦ୍ ହଡ଼କେ ନେଲ୍‌କିୟାଏ । ୧୨ ଆତଃ ଇନିୟାଃ ଚେଲାକ ଇନିଃକେ କୁଲିକିୟାଃକ, “ହେ ଗୁରୁ, ଅକଏୟାଃ ପାପ୍ ଖାତିର୍ ନିଃ କାଣ୍ଟାକେଦ୍‌ତେ ଜାନାମ୍‌ୟାନାଏ ? ଚିୟାଃ ଆୟାଃ ପାପ୍‌ତେଗିଟି ଆୟାଃ ଏଙ୍ଗା ଆପୁକିନାଃ ?”

୧୩ ୟୀଶୁ କାଜିରୁହାଡ଼ାଦକଆଏ, “ଇନିୟାଃ କାଣ୍ଟାକାନ୍‌ତେୟାଃ ଆୟାଃ ଚାଏ ଆୟାଃ ଏଙ୍ଗା ଆପୁକିନାଃ ପାପ୍ ନାଗେନ୍ତେଦ୍ କାହାଗି ମେନ୍‌ଦ୍ ନିଃତାଃରେ ପାର୍‌ମେଶ୍ୱାର୍‌ଆଃ କାମି ଉଦୁବଃକା ମେନ୍ତେ ଇନିଃ କାଣ୍ଟାକେଦ୍‌ତେ ଜାନାମ୍ କାନାଏ । ୧୪ ସିଙ୍ଗି ତାଇନ୍ ତାଇନ୍‌ଗି ଆଇଙ୍ଗକେ କୁଲିକିୟାଃ କାମି ଆବୁକେ କାମି ଲାଗାତିୟାଃ, ଅକ ଘାଡ଼ିରେ ଜେତାଏ କାକ କାମି ଦାଡ଼ିୟାଃ ଏନ୍‌ଲେକାନ୍ ନିଦା ହିଜୁଃତାନା । ୧୫ ଆଇଙ୍ଗ ଅତେଦିଶୁମ୍‌ରେ ତାଇନ୍ ଜାକେଦ୍ ଅତେଦିଶୁମ୍‌ରେନ୍ ମାର୍‌ସାଲ୍ ତାନିଙ୍ଗ ।”

୧୬ ନେୟାଁ କାଜିକେଦ୍‌ତେ ୟୀଶୁ ଅତେରେ ବେଏକ୍‌କେଦାଏ ଆତଃ ଏନ୍ ବେଏକ୍‌ହାସାକେ ଲସଦ୍‌କେଦ୍‌ତେ ଏନ୍ ହଡ଼ରାଃ ମେଦ୍‌ରେ ଗସଃକେଦାଏ, ଆତଃ ଇନିଃକେ ମେତାଇୟାଏ, ୧୭ “ଜୁ ସେନଃମେ ଆତଃ ‘ଶିଲୋହ’* ନୁଡୁମ୍ ବାନ୍ଦାରେ ଆବୁଙ୍ଗ୍‌ଅଃମେ ।” ଇନିଃ ସେନଃୟାନ୍ତେ ଆବୁଙ୍ଗ୍‌ୟାନାଏ ଆତଃ ନେନେଲ୍‌ତାନ୍‌ଲଃ ଅଡ଼ାଃତେ ହିଜୁଃୟାନାଏ ।

୧୮ ଏନାତେ ହପ୍‌ରଜାପାଃରେନ୍‌କ ଆତଃ ଅକନ୍‌କ ଇନିଃକେ ସିଦା କର୍‌ତାନ୍ ନେଲାକାଇକ, କାଜିକେଦାଃକ “ଦୁବ୍‌କେଦ୍‌ତେ କର୍‌ତାନ୍ ତାଇକେନ୍‌ନିଃ ଚିୟାଃ ନିଃଗି ନାହାଲିଃ ?”

୧୯ ଚିମିନ୍‌କ କାଜିକେଦା, “ନିଃଗି ତାନିଃ” ଆତଃ ଏଗାଃକ କାଜିକେଦା, “ବାନଃ ନିଃ ଇନିଃଲେକାନିଃ ତାନିଃ ।”

ଏନାତେ ଇନିଃ ଆଇଃକଗି କାଜିକେଦାଏ, “ଆଇଙ୍ଗ ଇନିଃଗି ତାନିଙ୍ଗ ।”

୨୦ ଏନ୍ତେ ଇନ୍‌କୁ ଇନିଃକେ କୁଲିକିୟାଃକ, “ଚିଲ୍‌କାତେ ନାହାଁଃ ଆମ୍ ନେଲ୍‌ଦାଡ଼ିତାନାମ୍ ?”

୨୧ ଇନିଃ କାଜିରୁହାଡ଼ାଦକଆଏ, “ଏନ୍ ୟୀଶୁ ନୁଡୁମ୍ ହଡ଼ ବେଏକ୍‌ହାସାକେ ଲସଦ୍‌କେଦ୍‌ତେ ଆଇଁୟାଃ ମେଦ୍‌ରେ ଗସଃକେଦାଏ ଆତଃ ଶିଲୋହରେୟାଃ ବାନ୍ଦାତେ ସେନ୍‌କେଦ୍‌ତେ ଆବୁଙ୍ଗ୍‌ଅଃମେ ମେତାଦିୟାଏ । ଏନ୍ତେ ଆଇଙ୍ଗ୍ ସେନ୍‌କେଦ୍‌ତେ ଆବୁଙ୍ଗ୍‌ୟାନ୍ ତରସା ନେଲ୍ ଦାଡ଼ିକେଦାଇଙ୍ଗ ।”

୨୨ ଇନ୍‌କୁ ଇନିଃକେ କୁଲିକିୟାଃକ, “ଇନିଃ କତାଃରିୟା ?”

ଇନିଃ ମେତାଦକଆଏ, “ଆଇଙ୍ଗ କାଇଙ୍ଗ ସାରିୟାଃ ।”

ଫାରୁଶୀକ ବୁଗିୟାଃ ବିଷାଏରେ ଦାଣ୍ଟାବାଡ଼ାକେଦାକ

୨୩ ଏନ୍ତେ ଜାନାମ୍‌ଏତେ କାଣ୍ଟାତାଇକେନ୍ ହଡ଼କେ ଇନ୍‌କୁ ଫାରୁଶୀକତାଃତେ ଇଦିକିୟାଃକ । ୨୪ ୟୀଶୁ ଅକନ୍ ହୁଲାଙ୍ଗ୍ ହାସା ଲସଦ୍‌କେଦ୍‌ତେ କାଣ୍ଟା ହଡ଼ରାଃ ମେଦ୍ ବୁଗିକାଇତାଇକେନାଏ, ଏନା ରୁଡ଼ୁ ହୁଲାଙ୍ଗ୍ ତାଇକେନା । ୨୫ ଏନାମେନ୍ତେ ଇନିଃ ଚିଲ୍‌କାତେ ନେଲ୍ ଦାଡ଼ିକେନାଏ, ଏନା ଫାରୁଶୀକ ଇନିଃକେ ଆତଃମିସା କୁଲିକିୟାଃକ । ଏନ୍ତେ ଇନିଃ ଇନ୍‌କୁକେ କାଜିୟାଦକଆଏ, “ଇନିଃ ଆଇଁୟାଃ ମେଦ୍‌ରେ ଲସଦ୍ ହାସାକେ ଗସଃକେଦାଏ ଆତଃ ଆଇଙ୍ଗ୍ ଆବୁଙ୍ଗ୍‌ୟାନାଇଙ୍ଗ୍ ଏନ୍ତେ ନାହାଁଃ ନେଲ୍ ଦାଡ଼ିତାନାଇଙ୍ଗ ।”

୨୬ ଏନ୍ତେ ଫାରୁଶୀକଏତେ ଚିମିନ୍‌କ କାଜିକେଦା, “ନେୟାଁ କାମିକାଦ୍ ହଡ଼ ପାର୍‌ମେଶ୍ୱାର୍‌ସାଃଏତେ ନାହାଁଲିଃ, ଚିୟାଃଟି ଇନିଃଦ୍ ରୁଡ଼ୁ ହୁଲାଙ୍ଗ୍‌କେ କାଏ ମାନାତିଙ୍ଗ୍‌ତାନା ।”

ଆତଃ ଏଗାଃକ କାଜିକେଦା, “ପାପିହଡ଼ ଚିଲ୍‌କାତେ ନେ ଲେକାନ୍ ପେଡ଼େୟାନ୍ କାମିକ କାମିଦାଡ଼ିୟାଏ ?” ଏନ୍ତେ ଆକଆଃ ଆଲାରେ ବିପିଙ୍ଗାଅୟାନାକ ।

୨୭ ଏନାମେନ୍ତେ ଫାରୁଶୀକ ଏନ୍ ହଡ଼କେ ଆତଃମିସା କୁଲିକିୟାଃକ, “ଆମାଃ ମେଦ୍ ବୁଗିକେଦ୍‌ମେୟାଏ ଇନିୟାଃ ବିଷାଏରେ ଆମ୍ ଚିନାଃମ୍ ମେନେତାନା ?”

ଇନିଃ ମେତାଦକଆଏ, “ଇନିଃ ମିଆଁଦ୍ ନାବୀ ତାନିଃ ।”

୨୮ ଇନିଃ କାଣ୍ଟା ତାଇକେନାଏ ଆତଃ ନାହାଁଃ ନେଲ୍ ଦାଡ଼ିକେଦାଏ, ଏନ୍ ମେଦ୍ ବୁଗିୟାକାନ୍ ହଡ଼ଆଃ ଏଙ୍ଗା ଆପୁକିନ୍‌କେ ଆଉରି କୁଲିକିନ୍ ଜାକେଦ୍ ଯିହୁଦୀକଆଃ ହାକିମ୍‌କ କାକ ପାତିୟାର୍‌କେଦାଃ । ୨୯ ଆତଃ ଇନ୍‌କୁ ଇନ୍‌କିନ୍‌କେ କୁଲିକେଦ୍‌କିନାକ, “ମେଦ୍ କାଣ୍ଟାକେଦ୍‌ତେ ଜାନାମାକାନ୍ ହନ୍ ତାବେନାଃ ନିଃଗି ତାନିଃଟି ? ଚିଲ୍‌କାତେ ନାହାଁଃ ଇନିଃ ନେଲ୍ ଦାଡ଼ିତାନାଏ ?”

୩୦ ଇନିୟାଃ ଏଙ୍ଗାଆପୁକିନ୍ ମେତାଦକଆକିନ୍, “ଇନିଃ ଆଲିଙ୍ଗ୍‌ୟାଃ ହନ୍ ତାନିଃ ଆତଃ ମେଦ୍ କାଣ୍ଟାକେଦ୍‌ତେ ଜାନାମ୍‌କାନ୍ ତାଇକେନାଏ ନେୟାଁଲିଙ୍ଗ୍ ସାରିକାଦା, ୩୧ ମେନ୍‌ଦ୍ ଇନିଃ ଚିଲ୍‌କାତେ ନାହାଁଃ ନେଲ୍ ଦାଡ଼ିତାନାଏ ଏନା କାଲିଙ୍ଗ୍ ସାରିୟାଃ, ଚାଏ ଅକଏ ଇନିୟାଃ ମେଦ୍ ବୁଗିକିୟାଏ ଏନାହ କାଲିଙ୍ଗ୍ ସାରିୟାଃ । ଇନିଃକେ କୁଲିପେ, ଇନିଃଦ୍ ସେୟାନାନ୍‌ଗିୟାଏ, ଆୟାଃ କାଜି ଆଇଃକଗି କାଜିୟାଏ ।” ୩୨ ଇନିୟାଃ ଏଙ୍ଗାଆପୁକିନ୍ ଯିହୁଦୀକଆଃ ହାକିମ୍‌କଆଃ ବରତେ ନେ ସବେନାଃକିନ୍ କାଜିକେଦା, ଚିୟାଃଟି ଜେତାଏ ୟୀଶୁକେ ମାସି ତାନିଃ ମେନ୍ତେ ମାନାତିଙ୍ଗ୍‌ରେଦ୍ ଇନିଃ

* ୯:୫ ୯:୫ ମାଥୁର ୫:୧୪; ଯୋହାନ୍ ୮:୧୨. * ୯:୭ ୯:୭ ଶିଲୋହକୁଲକାନ୍‌ନିଃ

ସାମାଜ୍ୟତାଃଏତେ ଆତମଃଆଏ ମେନ୍ତେ ଯିହୁଦୀକ ଆକ ଆକରେକ ରୋଜୋଟକାଦ୍ ତାଇକେନାକ । ୨୩ ଏନାମେନ୍ତେ ଇନିୟାଃ ଏକ୍ଷାଆପୁକିନ୍ କାଜିୟାଦକଆକିନ୍, “ଇନିଃ ସେୟାନାନ୍ରିୟାଏ; ଇନିଃକେ କୁଲିପେ ।”

୨୪ ଏନ୍ତେ ଇନ୍କୁ ଏନ୍ ମେଦ୍ କାଣ୍ଟାକାନ୍ ହଡକେ ଆତଃମିସା କେଡାକେଦ୍ତେ କାଜିକିୟାଃକ, ପାର୍ମେଶ୍ୱାର୍ଆଃ ଆୟାରରେ କିରିୟାକେଦ୍ତେ ସାର୍ତି କାଜିମେ, “ଆଲେ ସାରିତାନାଲେ ଅକ ହଡ୍ ଆମ୍ବେ ନେନେଲ୍ ନାଜ୍ ପେଡେଃ ଏମାକାଦ୍ମେୟାଏ, ଇନିଃ ପାପିତାନିଃ ।”

୨୫ ଏନ୍ତେ ଇନିଃ କାଜିରୁହାଡାଦକଆଏ, “ଇନିଃ ପାପିହଡ୍ ତାନିଃ ଚାଏ ନାହାଁଲିଃ ଏନା କାଇଜ୍ ସାରିୟାଃ ? ମିଆଁଦ୍ କାଜି ସାରିତାନାଲଜ୍, ଆଇଜ୍ କାଣ୍ଟା ତାଇକେନାଲଜ୍, ଆତଃ ନାହାଁଃ ନେଲ୍ ଦାଡିତାନାଲଜ୍ ।”

୨୬ ଏନ୍ତେ ଇନ୍କୁ ଇନିଃକେ ଆତଃଗି କୁଲିକିୟାଃକ, “ଇନିଃ ଚିକ୍ନାଃ ଚିକାକେଦ୍ମେୟାଏ ? ଆତଃ ଚିଲ୍କାତେ କାଣ୍ଟାକାନ୍ ମେଦ୍ତାମାଃ ବୁଗିକେଦ୍ମେୟାଏ ?”

୨୭ ଇନିଃ ଇନ୍କୁକେ ମେତାଦକଆଏ, “ଆଇଜ୍ ସିଦାରେ ଆପେକେ କାଜିୟାଦ୍ପେୟାଲଜ୍, ଆତଃ ଆପେ କାପେ ଆୟୁମକେଦାଃ, ଚିନାଃ ମେନ୍ତେ ଆତଃଗି ଆୟୁମ୍ ସାନାଜ୍ତାନାପେ ? ଚିୟାଃ ଆପେୟଚି ଇନିୟାଃ ତେଲା ବାଇୟାଃ ସାନାଜ୍ତାନାପେ ?”

୨୮ ଏନ୍ତେ ଇନ୍କୁ ଇନିଃକେ ସାର୍ପାଅକେଦ୍ତେ କାଜିକିୟାଃକ, “ଆମ୍ ଇନିୟାଃ ତେଲା ତାନ୍ମେ ମେନ୍ଦ୍ ଆଲେ ମୁଶାରାଃ ତେଲାକ ତାନ୍ଲେ । ୨୯ ମୁଶାଲଃ ପାର୍ମେଶ୍ୱାର୍ ଜାଗାର୍ତାନ୍ ତାଇକେନାଏ ନେୟାଲେ ସାରିତାନା ମେନ୍ଦ୍ ନିଃ କତାଃଏତେ ହିଜୁଃକାନାଏ, ଏନା କାଲେ ସାରିୟାଃ ।”

୩୦ ଏନ୍ ହଡ୍ ଇନ୍କୁକେ କାଜିରୁହାଡାଦକଆଏ, “ଇନିଃ କତାଃଏତେ ହିଜୁଃକାନାଏ ଏନା କାପେ ସାରିୟାଃ ଆତଃ ଇନିଃ ଆଇୟାଃ ମେଦ୍ ବୁଗିକେଦିୟାଏ, ନେୟାଦ୍ ଆକ୍ଦାନ୍ତା କାଜିତାନାଃ । ୩୧ ପାର୍ମେଶ୍ୱାର୍ ପାପିକଆଃ ବିକ୍ତି କାଏ ଆୟୁମାଃ, ନେୟାବୁ ସାରିତାନା, ମେନ୍ଦ୍ ଜେତାଏ ପାର୍ମେଶ୍ୱାର୍କେ ସୁସାରିରେଦ୍ ଆତଃ ଆୟାଃ ମନେଲେକାତେ ସେସେନ୍ରେଦ୍ ଇନିୟାଃ ବିକ୍ତି ଆୟୁମେୟାଏ । ୩୨ ଅତେଦିଶୁମ୍ରେୟାଃ ମୁନ୍ଦ୍ ଏତେ ଜେତାଏ ହଡ୍ ଜାନାମ୍କାଣ୍ଟାକେ ବୁଗିତେୟାଃ, ଚିଉଲ୍ଲାହ୍ କା ଆୟୁମ୍କାନା । ୩୩ ନେ ହଡ୍ ପାର୍ମେଶ୍ୱାର୍ତାଃଏତେ କାଏ ହିଜୁଃକାନ୍ରେଦ୍ ଚିଉଲ୍ଲାହ୍ ଜେଡ୍ନାଃ କାଏ କାମି ଚିକାଦାଡିତେୟାଃ ।”

୩୪ ଇନ୍କୁ ଇନିଃକେ କାଜିରୁହାଡକିୟାଃକ, “ଆମ୍ ପାପ୍ରେ ଜାନାମ୍କେଦ୍ତେ ପାପ୍ରେ ମେନାମେଆ ଆତଃ ଆମ୍ଚି ଆଲେକେ ଇଡ୍ ସାନାଜ୍ତାନାମ୍ ?” ଏନ୍ତେ ଇନ୍କୁ ଇନିଃକେ ସାମାଜ୍ୟତାଃଏତେ ବାହାରି ଅତଜ୍ଜକିୟାଃକ ।

ଆମିକ୍ ଜାଞ୍ଜାନ୍ରେ କାଣ୍ଟାକାନ୍ନିଃ

୩୫ ଇନ୍କୁ ଇନିଃକେ ସାମାଜ୍ୟତାଃଏତେ ବାହାରି ଅତଜ୍ଜକିୟାଃକ, ନେୟା ଯାଶୁ ଆୟୁମ୍କେଦ୍ତେ ଇନିଃକେ ନେଲ୍ନାମ୍ତାଇଲଃ କୁଲିକିୟାଏ, “ଚିୟାଃ ଆମ୍ ମାନଞ୍ଜାହନ୍ତାଃରେ ବିଶ୍ୱାସେତାନାମ୍ ?”

୩୬ ଇନିଃ କାଜିରୁହାଡକିୟାଏ, “ହେ ପ୍ରାଭୁ, ଇନିଃ ଅକଏ ତାନିଃ କାଜିମେ, ଆଇଜ୍ଦ୍ ଇନିଃରେ ବିଶ୍ୱାସେଆଇଜ୍ ।”

୩୭ ଯାଶୁ ଇନିଃକେ କାଜିକିୟାଏ, “ଆମ୍ ଇନିଃକେ ନେଲାକାଇୟାମ୍, ଆତଃ ଇନିଃ ଆମାଃଲଃ ଜାଗାର୍ତାନ୍ନିଃଗି ତାନିଃ ।”

୩୮ ଏନ୍ତେ ଇନିଃ “ହେ ପ୍ରାଭୁ, ଆଇଜ୍ ବିଶ୍ୱାସ୍ ତାନାଲଜ୍” ମେତାଇୟାଏ ଆତଃ ଇନିଃକେ ଅମ୍ପାଃକେଦ୍ତେ ଜହାରିକିୟାଏ ।

୩୯ ଯାଶୁ ମେତାଇୟାଏ, “ହଡକଆଃ ବିଚାର୍ ନାଗେନ୍ତେ ଆଇଜ୍ ଅତେଦିଶୁମ୍ତେ ହିଜୁଆକାନାଲଜ୍ ।” କା ନେଲ୍ତାନ୍ କ ନେଲେୟାକ ଆତଃ ନେନେଲ୍ତାନ୍ କ କାଣ୍ଟାଞ୍ଜାଃ । ୪୦ ଇନିଃଲଃ ତାଇକେନ୍ ପାରୁଶୀକ ନେୟା ଆୟୁମ୍କେଦ୍ତେ ମେନ୍ଦ୍କେଦାଃକ, “ଚିୟାଃ ଆଲେୟଚି କାଣ୍ଟାକାନାଲେ ?” ୪୧ ଯାଶୁ ଇନ୍କୁକେ କାଜିୟାଦକଆଏ, “ଆପେ କାଣ୍ଟାକାନ୍ରେଦ୍ ଆପେୟାଃ ପାପ୍ କା ତାଇନ୍ତେୟାଃ, ମେନ୍ଦ୍ ଆଲେ ନେଲେତାନାଲେ, ନେୟା ନାହାଁଃ କାଜିତାନାପେ ଏନାମେନ୍ତେ, ଆପେୟାଃ ପାପ୍ ତାଇନିଃତାନା ।”



ମିଶ୍ଟିଗୁପିନିୟାଃ ଜନ୍କା କାଜି

୧ ଯାଶୁ କାଜିକେଦାଏ, “ଆଇଜ୍ ସାର୍ତିଗି କାଜିୟାପେ ତାନାଲଜ୍, ଜେତାଏ ଦୁଆର୍ହରା ମିଶ୍ଟିଅଡାଃରେ କା ବଲଃନିଃ ମେନ୍ଦ୍ ଏଟାଃସାଃଏତେ ରାକାବ୍କେଦ୍ତେ ବଲଃନିଃ, କୁମ୍ବୁ ଆତଃ ରେରେଃକ୍ନିଃ ତାନିଃ । ୨ ଦୁଆର୍ହରା ବଲଃନିଃ ମିଶ୍ଟିକଆଃ ଗୁପିନିଃ ତାନିଃ । ୩ ଇନିୟାଃ ନାଗେନ୍ତେ ଦୁଆର୍ ହରନିଃ ଦୁଆର୍ ନିଜେୟାଏ ଆତଃ ଇନିଃ ଆୟାଃ ମିଶ୍ଟିକକେ ନୁଡୁମ୍ ସାବ୍କେଦ୍ତେ ହାକାଅକରେ ମିଶ୍ଟିକ ଇନିୟାଃ କାଜିକ ଆୟୁମାଃ ଆତଃ ଇନିଃ ବାହାରି ଅତଜ୍ଜକିୟାଏ । ୪ ଆତଃ ଆୟାଃ ସବେନ୍ ମିଶ୍ଟିକକେ ବାହାରି ଅତଜ୍ଜକେଦ୍ତେ ଇନ୍କୁଆଃ ଆୟାର୍ ଆୟାର୍ରେ ସେସେନାଏ ଆତଃ ମିଶ୍ଟିକ ସବେନ୍ ଆୟାଃ ଦୟା ଦୟାତେକ୍ ଅତଜ୍ଜକିୟା ଚିୟାଃଚି ଇନ୍କୁଦ୍ ଇନିୟାଃ ଲାବ୍ଜାକ ସାରିୟାଃ । ୫ ମେନ୍ଦ୍ ଇନ୍କୁ ଏଟାଃନିଃକେ ଚିଉଲ୍ଲାହ୍ କାକ ଅତଜ୍ଜକିୟା ମେନ୍ଦ୍ ଇନିଃତାଃଏତେ ସାଜିନ୍ତେକ ନିରାଃ, ଚିୟାଃଚି ଇନ୍କୁଦ୍ ଇନିୟାଃ ଲାବ୍ଜା କାକ ସାରିୟା ।”

୭ ଯୀଶୁ ନେ ଜନ୍ମକା କାଜି କାଜିୟାଦକଆଏ, ମେନ୍ଦ ଇନ୍କୁ ଇନିୟାଃ କାଜିକେଦକାଜି ଚିନାଃତାନାଃ ଏନା କାକ ମୁଣ୍ଡିୟାନା ।

ବୁଗିନ୍ ମିଣ୍ଡିଗୁପିନିଃ ଯୀଶୁ

୭ ଏନ୍ତେ ଯୀଶୁ ଆତଃମିସା କାଜିୟାଦକଆଏ, “ସାର୍ତ୍ତଗି କାଜିୟାପେ ତାନାଇଙ୍ଗ୍, ମିଣ୍ଡିକଆଃ ଦୁଆର୍ ଆଇଙ୍ଗ୍ ତାନିଙ୍ଗ୍ । ଠ ଆଇଁୟାଃଏତେ ସିଦାରେ ହିନ୍ଦୁଆକାନ୍ ସବେନ୍ଦ କୁମ୍ବୁଡୁ ଆତଃ ରେରେଃକକ ତାନ୍କୁ ମେନ୍ଦ ମିଣ୍ଡିକ ଇନ୍କୁଆଃ କାଜି କାକ ଆୟୁମକେଦା । ୯ ଦୁଆର୍ ଆଇଙ୍ଗ୍ ତାନିଙ୍ଗ୍, ଜେତାଏ ଆଇଁୟାଃ ହରାତେ ବଲରେଦ ଇନିଃ ବାଞ୍ଚାଅଃଆଏ, ଇନିଃ ଭିତାର୍ତ୍ତେ ଅତଙ୍ଗ୍ ବଲଃରେ ତାରା ନାମେଗିୟାଏ । ୧୦ କୁମ୍ବୁଡୁ କୁମ୍ବୁଡୁ ଗଗଏଃ ଆତଃ ଜିୟନ୍ ନାଗେନ୍ତେ ଏସକାର୍ ହିନ୍ଦୁଆଏ, ମେନ୍ଦ ଇନ୍କୁ ଜୀଦାନକ ନାମେକା, ଆଦକାଗି ନାମେକା ମେନ୍ତେଇଙ୍ଗ୍ ହିନ୍ଦୁଆକାନା ।

୧୧ “ଆଇଙ୍ଗ୍ ଏନ୍ ବୁଗିନ୍ ଗୁପିନିଃ ତାନିଙ୍ଗ୍, ବୁଗିନ୍ ଗୁପିନିଃ ମିଣ୍ଡିକ ନାଗେନ୍ତେ ଆୟାଃ ଜୀଉ ଏମେୟାଏ । ୧୨ ଅକଏ ଗୁପିନିଃ ନାହାଲିଃ, ଇନିଃଦ ନାଲାନାମ୍ନିଃ ତାନିଃ ଆତଃ ମିଣ୍ଡିକ ଆୟାଃ ନାହାଲିଃକ ଏନାମେନ୍ତେ ଇନିଃ ହୁଣ୍ଡାର୍ ହିନ୍ଦୁତାନ୍ ନେଲକେଦେତେ ମିଣ୍ଡିକକେ ନିର୍ ବାଗିତାକୁଆଏ ଆତଃ ହୁଣ୍ଡାର୍ ମିଣ୍ଡିକକେ ରେଃକକେଦେତେ ଛିତିବିତି ତାକଆଏ । ୧୩ ଏନ୍ ହଡ ନିର୍ ବାଗିତାକୁଆଏ, ଚିୟାଃଚି ଇନିଃ ନାଲାନାମ୍ନିଃ ତାନିଃ ଆତଃ ମିଣ୍ଡିକ ନାଗେନ୍ତେ କାଏ ଉଡ଼ୁୟା । ୧୪ ଆଇଙ୍ଗ୍ ବୁଗିନ୍ ଗୁପିନିଃ ତାନିଙ୍ଗ୍, ଜେଲେକା ଆପୁଇଙ୍ଗ୍ ଆଇଙ୍ଗ୍କେ ସାରିୟାଏ ଆତଃ ଆଇଙ୍ଗ୍ ଆପୁଇଙ୍ଗ୍କେ ସାରିୟାଇଙ୍ଗ୍, ୧୫ ଏନ୍ଲେକାଗି ଆଇଙ୍ଗ୍ ଆଇଁୟାଃ ମିଣ୍ଡିକକେ ସାରିୟାଇଙ୍ଗ୍ ଆତଃ ଆଇଁୟାଃ ମିଣ୍ଡିକ ଆଇଙ୍ଗ୍କେ ସାରିୟାଃକ । ଆଇଙ୍ଗ୍ ମିଣ୍ଡିକ ନାଗେନ୍ତେ ଆଇଁୟାଃ ଜୀଉ ଏମ୍ ନାଗେନ୍ତେ ସେକାଡାକାନାଇଙ୍ଗ୍ । ୧୬ ଆଇଁୟାଃ ଆତଃଗି ଏଟାଃ ମିଣ୍ଡିକ ମେନାକୁଆ, ଇନ୍କୁ ନେ ମିଣ୍ଡିଅତାଃରେନ୍ ନାହାଲିଃକ । ଇନ୍କୁକେହଗି ଆଇଙ୍ଗ୍କେ ଆଉ ଲାଗାତିୟାଃ ଆତଃ ଇନ୍କୁ ଆଇଁୟାଃ ଲାବ୍ଜାକ ଆୟୁମେୟା ଏନ୍ତେ ମିଆଁଦ୍ ଗୋର୍ ଆତଃ ମିଆଁଦ୍ ଗୁପିନିଃ ତାଇନାଃଏ ।

୧୭ “ଆଇଙ୍ଗ୍ ଆଇଁୟାଃ ଜୀଉକେ ଏମକେଦ୍ ହରାତେ ଆପୁ ଆଇଙ୍ଗ୍କେ ଦୁଲାଡ଼ିଙ୍ଗ୍ ତାନାଏ, ଆତଃ ଆଇଙ୍ଗ୍ ଆଇଁୟାଃ ଜୀଉକେ ଆତଃମିସା ନାମରୁହାତେ ନାଗେନ୍ତେ ଏମେତାନିଙ୍ଗ୍ । ୧୮ ଜେତାଏ ଆଇଁୟାଃ ଜୀଉକେ ଆଇଙ୍ଗ୍ତାଃଏତେ କାକ ଇଦିୟା ମେନ୍ଦ ଆଇଙ୍ଗ୍ ଆଇଙ୍ଗ୍ତେଗି ଏନାକେ ଏମାଃଇଙ୍ଗ୍ । ଏନାକେ ଏମ୍ ଆତଃ ଇଦି ରୁହାଡ଼ରେୟାଃ ଆକ୍ତେୟାର୍ ଆଇଁୟାଃ ମେନାଃ । ନେ ଆନ୍ରୁ ଆଇଙ୍ଗ୍ ଆପୁଇଙ୍ଗ୍ତାଃଏତେ ନାମକାଦାଇଙ୍ଗ୍ ।”

୧୯ ଆତଃଗି ନେ କାଜି ନାଗେନ୍ତେ ଯିହୁଦୀକ ବିପିଙ୍ଗାଅ*ୟାନାକ । ୨୦ ଇନ୍କୁଏତେ ପୁରାଃକ କାଜିକେଦା, “ଇନିଃକେ ବଙ୍ଗା ଏସେରକିୟାଏ, ଆତଃ ଇନିଃ ବାଲୁଅଃତାନାଏ, ଇନିୟାଃ କାଜି ଚିନାଃ ମେନ୍ତେପେ ଆୟୁମେତାନା ?”

୨୧ ମେନ୍ଦ ଏଟାଃକ କାଜିକେଦା, “ବାନଃଗି ବଙ୍ଗା ଏସେରକାଇ ହଡ ନେ ଲେକା କାଏ କାଜିୟା, ଚିୟାଃ ବଙ୍ଗା ମେଦ୍ କାଣାକାନ୍ନିଃକେ ବୁଗି ଦାଡ଼ିୟାଏ ?”

ୟୀଶୁକେ କାକ ଦାରମ୍ବକିୟା

୨୨ ଏନ୍ତେ ଯୀରୁଗାଲେମ୍ ମାନ୍ଦିର୍ଅତାଃକେ ପାର୍ମେଶ୍ୱାର୍ତାଃରେ ଜିମାଅଃରେୟାଃ ପାରାବ୍ ସେଟେରୁୟାନା ଆତଃ ଏନା ରାବାଙ୍ଗ୍ ସାହା ତାଇକେନା । ୨୩ ଆତଃ ଯୀଶୁ ମାନ୍ଦିର୍ ଅତାଃରେ ସୁଲିମାନ୍ ନୁତୁମ୍ ପିଣ୍ଡିଗିରେ ହନରତାନ୍ ତାଇକେନାଏ । ୨୪ ଏନ୍ତେ ଯିହୁଦୀକ ଇନିଃକେ ହୁଣ୍ଡି ବିୟୁରକିଃତେ କାଜିକିୟାଃକ, “ଆମ୍ ଆଲେକେ ଚିମିନ୍ ଜାକେଦ୍ ଆଲେୟାଃ ମନ୍ରେ ଆତାଃଉଡ଼ୁରେମ୍ ଦହଲେୟା ? ଆମ୍ ମାସି ତାନ୍ମେରେଦ ଆଲେକେ କାଜିୟାଲେମେ ।”

୨୫ ଯୀଶୁ ଇନ୍କୁକେ କାଜିରୁହାଡ଼ାଦକଆଏ, “ଆଇଙ୍ଗ୍ ଆପେକେ ସିଦାରେ କାଜିୟାଦପେୟାଇଙ୍ଗ୍, ମେନ୍ଦ ଆପେ କାପେ ପାଡ଼ିୟାରେତାନା । ଆପୁଇଙ୍ଗ୍ ନୁତୁମ୍ତେ ପେଡେୟାନ୍ କାମିକ ଆଇଙ୍ଗ୍ କାମିକାଦ୍ କାମି ଆଇଁୟାଃ ଗାଞ୍ଜା ଏମେତାନାଏ । ୨୬ ମେନ୍ଦ ଆପେ ଆଇଁୟାଃ ମିଣ୍ଡିକ ନାହାଲିଃପେ ମେନ୍ତେ କାପେ ପାଡ଼ିୟାରେତାନା । ୨୭ ଆଇଁୟାଃ ମିଣ୍ଡିକ ଆଇଁୟାଃ ଲାବ୍ଜାକ ଆୟୁମାଃ ଆତଃ ଆଇଙ୍ଗ୍ ଇନ୍କୁକେଇଙ୍ଗ୍ ସାରିୟାଃ, ଏନ୍ତେ ଇନ୍କୁ ଦୟା ଦୟାତେକ ଅତଙ୍ଗ୍ଇୟା । ୨୮ ଆତଃ ଆଇଙ୍ଗ୍ ଇନ୍କୁକେ ଜାନାଅ ଜାନାଅରେୟାଃ ଜୀଦାନ୍ ଏମାଃଇଙ୍ଗ୍, ଆତଃ ଇନ୍କୁ ଚିଉଲାହ କାକ ଜିୟନିଃଆ; ଆଇଁୟାଃ ତିଃଇଏତେ ଇନ୍କୁକେ ଜେତାଏ କାକ ରେଃକକଦି ଦାଡ଼ିୟାଃ । ୨୯ ଆପୁଇଙ୍ଗ୍ ଅକ୍ନାଃ ଏମାକାଦିୟାଏ ଏନା ସବେନାଃଏତେ ମାରାଙ୍ଗ୍ଆଃ ଆତଃ ଇନ୍କୁକେ ଆପୁଆଃ ତିଃଇଏତେ ଜେତାଏ କାକ ରେଃକକଦି ଦାଡ଼ିୟା । ୩୦ ଆଇଙ୍ଗ୍ ଆତଃ ଆପୁଇଙ୍ଗ୍ ମିଆଁଦ୍ଗି ତାନ୍ଲିଙ୍ଗ୍ ।”

୩୧ ନେ କାଜି ଆୟୁମକେଦେତେ, ଯିହୁଦୀକ ଇନିଃକେ ଚିଦ୍ଗି ନାଗେନ୍ତେ ଆତଃମିସା ଦିରିକ ହାଲାଙ୍ଗ୍କେଦାଃ । ୩୨ ମେନ୍ଦ ଯୀଶୁ ଇନ୍କୁକେ କାଜିୟାଦକଆଏ, “ଆଇଙ୍ଗ୍ ଆପୁତାଃଏତେ ପୁରାଃ ବୁଗିନ୍ କାମିକ ଆପେକେଇଙ୍ଗ୍ ଉଦୁବାଦପେୟା, ଏନାଏତେ ଅକ କାମି ନାଗେନ୍ତେ ଚିଦ୍ଗିଙ୍ଗ୍ତାନାପେ ?”

୩୩ ଯିହୁଦୀକ ଇନିଃକେ କାଜିରୁହାଡ଼କିୟାଃକ, “ଆଲେ ଆମ୍କେ ବୁଗିନ୍ କାମି ନାଗେନ୍ତେ ଦିରି କାଲେ ଚିଦ୍ଗିମ୍ତାନା ମେନ୍ଦ ପାର୍ମେଶ୍ୱାର୍କେ ନିନ୍ଦାଇତାନ୍ ନାଗେନ୍ତେ ଆତଃ ଆମ୍ ହଡ ତାନ୍ମେରେୟ ପାର୍ମେଶ୍ୱାର୍ ମେନ୍ତେ କାଜିନ୍ତାନାମ୍ ଏନାମେନ୍ତେ ଦିରି ଚିଦ୍ଗିମେତାନାଲେ ।”

* ୧୦:୧୪ ୧୦:୧୪ ମାଥୁର ୧୧:୨୭; ଲୁକ ୧୦:୨୨. * ୧୦:୧୯ ୧୦:୧୯ କାଜି କା ମେସାଅଃତେୟାଃ

୩୪ ଯୀଶୁ ଇନ୍ଦ୍ରକୁ କାଜିରୁହାଡ଼ାଦକଆଏ, “ଆପେୟାଃ ଆନ୍ତୁ ପୁଥୁରେ ପାର୍ମେଶ୍ଵାର୍ ମେନ୍‌କେଦାଏ, ‘ଆପେ ପାର୍ମେଶ୍ଵାର୍‌କ ତାନ୍‌ପେ ।’ ୩୫ ଆଲେ ସାରିଆଃଲେ ପାର୍ମେଶ୍ଵାର୍‌ଆଃ ବାଚାନ୍ ଜାନାଅ ସାର୍‌ତିଗିଆ, ପାର୍ମେଶ୍ଵାର୍‌ଆଃ କାଜି ଉଦୁବ୍‌ଲେନ୍‌କକେ ପାର୍ମେଶ୍ଵାର୍‌କ ତାନ୍‌ପେ ମେତାକତାନ୍‌ରେଦ ଆଡ଼ଃ ଧାରାମ୍‌ପୁଥୁରେୟାଃ କାଜି କା ଆତମ୍‌ଦାଡ଼ିୟାଆ । ୩୬ ଆପୁ ପାର୍ମେଶ୍ଵାର୍ ଆଇଙ୍ଗ୍‌କେ ସାଲ୍‌କେଦ୍‌ତେ ପାବିତାର୍ କାମି ନାଙ୍ଗ୍ ଜିମାଲ୍‌କ୍‌ତାନ୍‌ଲଃ ନେ ଅତେଦିଶ୍ଵମ୍‌ତେ କୁଲ୍‌କାଦିୟା । ଆଇଙ୍ଗ୍‌ଦ ପାର୍ମେଶ୍ଵାର୍‌ଆଃ ହନ୍ ତାନିଙ୍ଗ୍ ମେନ୍ତେ କାଜିକେଦାଃଇଙ୍ଗ୍, ଏନାତେତି ଆପେ ଆମ୍ ପାର୍ମେଶ୍ଵାର୍‌କେମ୍ ନିନ୍ଦାକତାନା ମେନ୍ତେପେ କାଜିୟାଲ୍‌କ୍‌ତାନା ? ୩୭ ଆପୁଆଃ କାମିକ କାଇଙ୍ଗ୍ କାମିତାନ୍‌ରେଦ ଆଲ୍‌ପେ ପାଡ଼ିୟାରିଙ୍ଗ୍ । ୩୮ ମେନ୍‌ଦ ଆଇଙ୍ଗ୍ ଇନିୟାଃ ମନେଲେକା କାମିତାନ୍‌ରେଦ ଆଇଙ୍ଗ୍‌କେ କାପେ ପାଡ଼ିୟାରିରେହି ଆଇଁୟାଃ ପେଡେୟାନ୍‌କାମିକେ ବିଶ୍ଵାସେପେ, ଏନ୍ତେ ଆପୁ ଆଇଁୟାଃରିୟା ଆଡ଼ଃ ଆଇଙ୍ଗ୍ ଆପୁରିୟା ନେଆଁ ଆପେ ଇତୁଆଃ ଆଡ଼ଃ ଆଟ୍‌କାର୍‌ଉରୁମେଆ ।”

୩୯ ଏନ୍ତେ ଆଡ଼ଃମିସା ଯିହୁଦୀକ ଯୀଶୁକେ ସାସାବ୍‌ନାଗେନ୍ତେ ସାନାଙ୍ଗ୍‌କେଦାଃକ, ମେନ୍‌ଦ ଇନ୍ଦ୍ରକୁଆଃ ତିଃଇଏତେ ଅଡ଼ଙ୍ଗ୍‌ୟାନା ।

୪୦ ଏନ୍ତେ ଯୀଶୁ ଆଡ଼ଃଗି ଯାଦାନ୍ ହାନ୍‌ପାର୍‌ମ୍ ଯୋହାନ୍ ସିଦା ବାପ୍ତିସ୍ମା ଏମାକତାନ୍ ତାଇକେନ୍ ଠାୟାଦ୍‌ତେ ସେନଃୟାନାଏ ଆଡ଼ଃ ଏନ୍ତାଃରେ ତାଇନ୍‌ୟାନାଏ । ୪୧ ଆଡ଼ଃ ପୁରାଃ ହଡ଼କ ଇନିଃତାଃତେକ ହିନ୍ତୁଃୟାନା ଆଡ଼ଃ ଯୋହାନ୍‌ଦ ଜେତାନ୍ ପେଡେୟାନ୍ କାମି କାଏ କାମିକେଦାଃ, ମେନ୍‌ଦ ଯୋହାନ୍ ଇନିୟାଃ ବିଷାଏରେ କାଜିକାଦ୍ ସବେନାଃ ସାର୍‌ତିଗି ତାନାଃ । ୪୨ ଆଡ଼ଃ ଏନ୍ତାଃରେ ପୁରାଃ ହଡ଼କ ଇନିଃରେକ ପାଡ଼ିୟାରିକେଦାଃ ।

୧୧

ଲାଜାର୍‌ରାଃ ଗନଏଃ

୧ ଏବେଅନିଆରେନ୍ ମିଆଁଦ୍ ଲାଜାର୍ ନୁତୁମ୍ ହଡ଼ ଉରିୟୁତେ ଦୁକୁତାନ୍ ତାଇକେନାଏ । ମାରିୟାମ୍ ଆଡ଼ଃ ଆୟାଃ ମିଗି ମାର୍ଥା ବାରାନ୍‌କିନ୍ ଏନ୍ ସାହାର୍‌ରେ ତାଇନ୍ ତାଇନାକିନ୍ । ୨ ଅକନ୍ କୁଡ଼ିତି ପ୍ରାଭୁଆଃ କାଟାରେ ବୁଗିନ୍ ସହାନ୍ ସୁନୁମ୍ ଗସକିୟାଏ, ଆଡ଼ଃ ଇନିୟାଃ କାଟାକେ ଆୟାଃ ଉଦ୍‌ତେ ଜଦ୍‌କେଦାଏ, ଇନିଃ ଏନ୍ ମାରିୟାମ୍ ତାନିଃ ଆଡ଼ଃ ଆୟାଃ ହାଗାତେ ଲାଜାର୍ ଉରିୟୁତାନାଏ ତାଇକେନାଏ । ୩ ଏନ୍ତେ ଏନ୍ ମିଗିକିନ୍ ଯୀଶୁତାଃତେ କାଜିକୁଲ୍‌କେଦାଃକିନ୍, “ହେ ପ୍ରାଭୁ ନେଲେମେ ଆମ୍ ଦୁଲ୍‌କାଡ଼ିତାନ୍‌ନିଃ ଉରିୟୁତାନାଏ ।”

୪ ଯୀଶୁ ନେୟାଁ ଆୟୁମ୍‌କେଦ୍‌ତେ କାଜିକେଦାଃଏ, “ନେ ଦୁକୁ ଲାଜାର୍‌ଆଃ ଗନଏଃ ନାଗେନ୍ତେଦ କାହା, ମେନ୍‌ଦ ପାର୍ମେଶ୍ଵାର୍‌ଆଃ ମାଇନାନ୍ ନାଗେନ୍ତେ ଆଡ଼ଃ ଏନାତେ ପାର୍ମେଶ୍ଵାର୍‌ଆଃ ହନ୍ ମାଇନାନ୍‌ନଃକାଏ ମେନ୍ତେ ଏନା ହବାକାନା ।”

୫ ଯୀଶୁଦ୍ ମାର୍ଥା ଆଡ଼ଃ ଇନିୟାଃ ମିଗିତେ ମାରିୟାମ୍‌କେ ଆଡ଼ଃ ଲାଜାର୍‌କେ ଦୁଲ୍‌କାଡ଼ିକତାନ୍ ତାଇକେନାଏ । ୬ ଲାଜାର୍ ଉରିୟୁତେ ଦୁକୁତାନାଏ ତାଇକେନା ନେୟାଁ ଆୟୁମ୍‌କେଦ୍ ରେହିଁ ଯୀଶୁ ତାଇକେନ୍ ଠାୟାଦ୍‌ତାଃରେ ଆଡ଼ଃ ବାର୍‌ସିଙ୍ଗ୍ ତାଇନ୍‌ୟାନାଏ । ୭ ଏନ୍ତେ ଯୀଶୁ ଆୟାଃ ଚେଲ୍‌କକେ କାଜିୟାଦକଆଏ, “ଦଲା ଯିହୁଦା ନାଗାର୍‌ତେବୁ ସେନ୍‌ରୁହାଡ଼ା ।”

୮ ଚେଲ୍‌କ ଯୀଶୁକେ କାଜିକିୟାଃକ, “ହେ ଗୁରୁ, ତିମିନ୍ ମାହାଁ ସିଦାରେ ଆମ୍‌କେ ଯିହୁଦୀକ ଦିରି ତିଦ୍‌ଗିନାଙ୍ଗ୍‌କ ସାନାଙ୍ଗ୍ ତାଇକେନା, ହଲେହିଁ ଆମ୍‌କେ ଏନ୍ତାଃତେ ଆଡ଼ଃଗି ସେନଃ ସାନାଙ୍ଗ୍‌ମେଁ ତାନା ?”

୯ ଯୀଶୁ କାଜିରୁହାଡ଼ାଦକଆଏ, “ସିଙ୍ଗିସାରୁବ୍‌ରେ ବାରା ଘାଣ୍ଟା ବାନଆଃତି ? ଜେତାଏ ସିଙ୍ଗିମାୟାଲ୍‌ରେ ସେସେନ୍‌ରେଦ କାଏ ତହଦଃଆ, ତିୟାଃତି ଇନିଃ ନେ ଅତେଦିଶ୍ଵମ୍‌ରାଃ ମାୟାଲ୍‌କେ ନେଲ୍‌ଏଃ । ୧୦ ମେନ୍‌ଦ ଜେତାଏ ନିଦାରେ ସେସେନ୍‌ରେଦ ଇନିଃ ତହଦଃଆଏ, ତିୟାଃତି ଇନିୟାଃ ମାର୍ସାଲ୍ ବାନଆଃ ।” ୧୧ ନେୟାଁ କାଜିକେଦ୍ ତାୟମ୍‌ତେ ଯୀଶୁ ଆୟାଃ ଚେଲ୍‌କକେ ଆଡ଼ଃଗି ମେତାଦକଆଏ, “ଆବୁଆଃ ଗାତି ଲାଜାର୍ ଦୁଡ଼ମ୍‌କାନାଏ, ମେନ୍‌ଦ ଆଇଙ୍ଗ୍ ଇନିଃକେ ଏୟନ୍‌ନାଙ୍ଗ୍ ସେନ୍‌ତାନାଲ୍‌କ୍ ।”

୧୨ ଚେଲ୍‌କ ଯୀଶୁକେ କାଜିକିୟାଃକ, “ହେ ପ୍ରାଭୁ, ଇନିଃ ଦୁଡ଼ମ୍‌କାନ୍‌ରେଦ ବୁଗିୟାଆଏ ।”

୧୩ ଯୀଶୁ ଆୟାଃ ଗନଏଃ ବିଷାଏରେ କାଜିକେଦାଏ, ମେନ୍‌ଦ ଚେଲ୍‌କ ସାର୍‌ତିଗି ଦୁଡ଼ମ୍‌ତାନାଏ ମେନ୍ତେକ ଆଟ୍‌କାର୍‌କେଦାଃ । ୧୪ ଏନାତେ ଯୀଶୁ ଇନ୍ଦ୍ରକୁକେ “ଲାଜାର୍ ଗଏଃୟାନାଏ ମେତାଦକଆଏ । ୧୫ ଆଡ଼ଃ ଆପେୟାଃ ନାଗେନ୍ତେ ଆଇଙ୍ଗ୍ ଏନ୍ତାଃରେ କା ତାଇନ୍‌କେଦ୍‌ତେ ରାସ୍‌କାଆଃ ତାନାଲ୍‌କ୍, ଜେ'ଲେକା ଆପେ ପାଡ଼ିୟାରେୟାପେ, ମେନ୍‌ଦ ଦଲା ଇନିଃକେ ନେଲ୍‌ତେବୁ ସେନା ।”

୧୬ ଏନ୍ତେ ଦିଦୁମ୍ କାଜିୟାଃତାନ୍ ଥୋମା ଆୟାଃ ଗାତିକକେ କାଜିୟାଦକଆଏ, “ଦଲାବୁ ସବେନ୍‌କ ଗୁରୁଲଃ ସେନାବୁ ଆଡ଼ଃ ଆବୁହଗି ଇନିଃଲଃବୁ ଗଜଃଆ ।”

ଯୀଶୁଗି ଜୀଉବିନିରିଦ୍ ଆଡ଼ଃ ଜୀଦାନ୍ ତାନିଃ

☆ ୧୦:୪୦ ୧୦:୪୦ ଯୋହାନ୍ ୧:୨୮. ☆ ୧୧:୧ ୧୧:୧ ଲୁକ ୧୦:୩୮,୩୯. ☆ ୧୧:୨ ୧୧:୨ ଯୋହାନ୍ ୧୨:୩.

୧୭ ଏଣୁ ଯୀଶୁ ସେଟେରକେଦ୍ଦତେ, “ଲାଜାରକେ ତପାଗାଡ଼ାରେ ତପାତେୟାଃ ଚାର୍ଦିନ୍ ହବାଃଅତାନା” ମେଣ୍ଡେ ଆୟୁମ୍ବକେଦାଃଏ । ୧୮ ବେଥ୍‌ନିଆ ଯୀରୁଶାଲେମ୍‌ଏତେ ତିନ୍ କିଲୋମିଟର୍‌ଏତେହ କାମ୍‌ତିସାଜିନ୍‌ରେ ତାଇକେନା । ୧୯ ଆତଃ ପୁରାଃ ଯିହୁଦୀକ ମାର୍ଥା ଆତଃ ମାରିୟାମ୍‌ଆଃ ହାଗା ଲାଜାର ବିଷାଏରେ ଇନ୍‌କିନ୍‌କେ ଜୀଉରାଡ଼େଃ* ଏମଃ ନାଗେଣ୍ଡେକ ହିଜୁଃକାନ୍ ତାଇକେନା ।

୨୦ ଏଣୁ ମାର୍ଥା ଯୀଶୁ ହିଜୁଃତାନାଏ ମେଣ୍ଡେ ଆୟୁମ୍‌କେଦ୍‌ତି ଇନିଃକେ ସେନ୍‌ଦାରମ୍‌କିୟାଏ, ମେନ୍‌ଦ ମାରିୟାମ୍‌ ଅଡ଼ାଃରେଗି ଦୁବାକାନାଏ ତାଇକେନା । ୨୧ ଆତଃ ମାର୍ଥା ଯୀଶୁକେ କାଜିକିୟାଏ, “ହେ ପ୍ରାଭୁ, ଆମ୍ ନେତାଃରେମ୍ ତାଇକାନ୍‌ରେଦ ଆଇଁୟାଃ ହାଗାଇଜ୍ କାଏ ଗଜାକାଣ୍ଡେୟାଃ । ୨୨ ମେନ୍‌ଦ ଆମ୍ ନାହାଁଃ ହ୍ ପାର୍‌ମେଶ୍‌ୱାରକେ ଆସିତେୟାଃ ସବେନାଃ ଏମାମେୟାଏ, ଏନା ଆଇଜ୍ ସାରିତାନାଇଜ୍ ।”

୨୩ ଯୀଶୁ ମାର୍ଥାକେ କାଜିକିୟାଏ, “ହାଗାମ୍ ତାମାଃ ଜୀଉ ନାମ୍‌କେଦ୍‌ତେ ଆତଃଗି ବିରିଦାଃଏ ।”

୨୪ ମାର୍ଥା ଇନିଃକେ କାଜିକିୟାଏ, “ଇନିଃ ଟୁଣ୍ଡୁ ଦିପିଲିରେ ଜୀଉବିନିରିଦ୍‌ରେୟାଃ ନେତାରେ ଜୀଉବିରିଦାଃଏ, ଏନା ଆଇଜ୍ ସାରିତାନାଇଜ୍ ।”

୨୫ ଯୀଶୁ ଇନିଃକେ କାଜିକିୟାଏ, “ଜୀଉବିନିରିଦ୍ ଆତଃ ଜୀଦାନ୍ ଆଇଜ୍‌ଗି ତାନିଜ୍, ଜେତାଏ ଆଇଁୟାଃରେ ବିଶ୍ୱାସେତାନିଃ ଗଜଃରେୟା ଜୀଉଦଃଆଏ । ୨୬ ଆତଃ ଜେତାଏ ଜୀହୁଦଃତାନିଃ ଆତଃ ଆଇଁୟାଃରେ ବିଶ୍ୱାସେତାନିଃ ଚିଉଲାଅ କାଏ ଗଜଃଆ, ନେଆଁ ଚିନାଃ ବିଶ୍ୱାସେତାନାମ୍ ?”

୨୭ ଇନିଃ ଯୀଶୁକେ କାଜିକିୟାଏ, “ହେ ପ୍ରାଭୁ, ଅତେଦିଶ୍ୱମ୍‌ତେ ଅକଏୟାଃ ହିଜୁଃରାଃ ତାଇନ୍‌କେନା, ଇନିଃ ଆମ୍‌ଗି ପାର୍‌ମେଶ୍‌ୱାରଆଃ ହନ୍ ମାସି ତାନ୍‌ମେଁ ନେୟା ଆଇଜ୍ ବିଶ୍ୱାସେତାନା ।”

ୟୀଶୁ ରାଆଃକେଦାଏ

୨୮ ନେୟା କାଜିକେଦ୍‌ତି, ମାର୍ଥା ଆୟାଃ ମିଶିତେ ମାରିୟାମ୍‌କେ ଉକ୍ତକେଦ୍‌ତେ କେଡ଼ାକିୟାଏ, ଆତଃ ମେତାଇୟାଏ, “ଗୁରୁ ହିଜୁଃୟାନାଏ ଆତଃ ଆମ୍‌କେ କେଡ଼ାମତାନାଏ ।” ୨୯ ଇନିଃ ନେୟା ଆୟୁମ୍‌କେଦ୍‌ତି, ବିରିଦ୍ ଧାବ୍‌ୟାନାଏ ଆତଃ ଯୀଶୁତାଃତେ ସେନଃୟାନାଏ । ୩୦ ଯୀଶୁ ଇମ୍‌ତା ଜାକେଦ୍ ହାତୁତେ କାଏ ତେବାଃକାନ୍ ତାଇକେନା, ମେନ୍‌ଦ ମାର୍ଥା ଦାରମ୍ ଠାୟାଦ୍‌ତାଃରେଗି ଇନିଃ ତାଇକେନାଏ । ୩୧ ଏଣୁ ଜୀଉରାଡ଼େଃ ନାଜ୍ ଅକନ୍ ଯିହୁଦୀକ ଅଡ଼ାଃରେ ମାରିୟାମ୍‌ଲଃ ତାଇକେନାକ, ଇନ୍‌କୁ ମାରିୟାମ୍‌କେ ଇମ୍‌ତାଗି ବିରିଦ୍‌କେଦ୍‌ତେ ବାହାରି ଅଡ଼ଜ୍‌ତାନ୍ ନେଲ୍‌କିଃତେ ଇନିଃ ରାଆଃ ନାଗେଣ୍ଡେ ତପାଗାଡ଼ାତେ ସେନଃତାନାଏ ମେଣ୍ଡେ ଆର୍‌କାର୍‌ତାନଲଃ ଇନିୟାଃ ଦୟା ଦୟାକ ଅଡ଼ଜ୍‌କିୟା ।

୩୨ ଏଣୁ ମାରିୟାମ୍ ଯୀଶୁ ତାଇକେନ୍‌ତାଃ ତେବାଃୟାନ୍‌ତି, ଇନିଃ ଯୀଶୁକେ ନେଲ୍‌ତାଇଲଃଗି ଇନିୟାଃ କାଟା ସୁବାରେ ଉୟୁଃୟାନାଏ ଆତଃ କାଜିକିୟାଏ, “ହେ ପ୍ରାଭୁ, ଆମ୍ ନେତାଃରେମ୍ ତାଇକାନ୍‌ରେଦ ହାଗାଇଜ୍ ତାଇୟାଃ କାଏ ଗଜାକାନ୍‌ତେୟାଃ ।”

୩୩ ଯୀଶୁ ଇନିଃ ରାଆଃତାନ୍ ଆତଃ ଇନିଃଲଃ ହିଜୁଃକାନ୍ ଯିହୁଦୀକକେହ ରାଆଃତାନ୍ ନେଲ୍‌କେଦ୍‌ତେ, ପୁରାଃ ଦୁକୁତେ ଆମ୍‌ରେ ବିଲକାଅୟାନାଏ । ୩୪ ଆତଃ କୁଲିକେଦ୍‌କଆଏ, “ଅକ୍‌ତାଃରେଦେ ତପାକିୟା ?”

ଇନ୍‌କୁ କାଜିହୁହାଡ଼କିୟାଃକ, “ହେ ପ୍ରାଭୁ, ଏଲା ହିଜୁଃକେଦ୍‌ତେ ନେଲିମେ ।”

୩୫ ଯୀଶୁ ରାଆଃକେଦାଏ । ୩୬ ଏଣୁ ଯିହୁଦୀକ କାଜିକେଦାଃକ, “ନେଲିମେ, ଯୀଶୁ ଲାଜାରକେ ଚିମିନ୍ ଦୁଲାଡ଼ି ତାଇକେନାଏ ।”

୩୭ ମେନ୍‌ଦ ଇନ୍‌କୁଏତେ ଚିମିନ୍‌କ କାଜିକେଦା, “ଇନିଃ ଏନ୍ କାଣାଁକାନ୍ ହଡ଼କେ କାଏ ନେଲ୍‌ରିକାକିୟାତି ? ଚିନାଃ ଇନିଃ ଲାଜାରରାଃ ଗନଏଃ କାଏ ରକାଅଦାଡ଼ିତେୟାଃ ?”

ୟୀଶୁ ଲାଜାରକେ ଗନଏଃତେ ଜୀଉବିରିଦ୍‌କିୟାଏ

୩୮ ଏଣୁ ଯୀଶୁ ଆତଃମିସା ଆୟାଃ ମନ୍‌ରେ ପୁରାଃ ଖ୍ୱକେଦ୍‌ତେ ତପା ଠାୟାଦ୍‌ତେ ସେନଃୟାନାଏ, ଏନା ମିଆଁଦ୍ ଲାପାଜା ତାଇକେନା, ଆତଃ ଏନାରେୟାଃ ଦୁଆର୍‌ତାଃ ମିଆଁଦ୍ ଦିରି ତାଇକେନା । ୩୯ ଯୀଶୁ “ଦିରିକେ ବାଟିଆତମେଦେ” ମେଣ୍ଡେ ଆରୁକେଦ୍‌କଆ । ଏଣୁ ଗଜାକାନ୍‌ନିୟାଃ ମିଶିତେ ମାର୍ଥା କାଜିକିୟାଏ, “ହେ ପ୍ରାଭୁ, ନାହାଁଃଦ ଇନିଃ ସହାନ୍‌କାତେୟାଃଆଏ, ଚିୟାଃତି ଇନିଃ ଗଜାକାନ୍‌ତେୟାଃ ଚାର୍ଦିନ୍ ହବାଅଃତାନା ।”

୪୦ ଯୀଶୁ ମାର୍ଥାକେ କାଜିକିୟାଏ, “ଆମ୍ ବିଶ୍ୱାସେରେଦ ପାର୍‌ମେଶ୍‌ୱାରଆଃ ମାନାରାଜ୍ ନେଲେୟାମ୍, ଚିୟାଃ ନେୟା କାଇଜ୍ କାଜିକାମ୍‌ତାଇନା ?” ୪୧ ଏଣୁ ଇନ୍‌କୁ ଦିରିକେ ବାଟି ଆତମ୍‌କେଦାଃକ । ଆତଃ ଯୀଶୁ ସାଜିଲ୍ ରାକାବ୍‌କେଦ୍‌ତେ କାଜିକେଦାଃଏ, “ହେ ଆବା, ଆମ୍ ଆଇଁୟାଃ ବିକ୍ତି ଆୟୁମ୍‌କେଦାମ୍ ମେଣ୍ଡେ ଧାନ୍‌ଧାବାଦ୍ ଏମାମ୍ ତାନାଇଜ୍ । ୪୨ ଆମ୍ ଆଇଁୟାଃ ବିକ୍ତି ସବେନ୍‌ଇମ୍‌ତା ଆୟୁମାଃମ୍, ଏନା ଆଇଜ୍ ସାରିୟାଇଜ୍, ମେନ୍‌ଦ ନେ ଚାରିୟସାଃରେ ତିଜ୍‌ଆକାନ୍ ଗାଦେଲ୍ ହଡ଼କ ଆମ୍ ଆଇଜ୍‌କେ କୁଲାକାଦିୟାମ୍ ମେଣ୍ଡେ ବିଶ୍ୱାସେ ନାଗେଣ୍ଡେ ଆଇଜ୍ ନେୟା କାଜିକେଦାଇଜ୍ ।”

୪୩ ଇନିଃ ନେୟା କାଜିକେଦ୍‌ତି, କାଉରିକେଦ୍‌ତେ ହାକାଅକିୟାଏ, “ଏ ଲାଜାର୍, ଅଡ଼ଜ୍‌ଅଃମେ ।” ୪୪ ଏଣୁ ଇନିଃ

* ୧୧:୧୯ ୧୧:୧୯ ସାବୁନା

ଅତଙ୍ଗମାନା, ଆୟାଃ ତିଃଇ କାଟା ଲିଜାଃତେ ତଲକାନ୍ ତାଇକେନା ଆତଃ ଇନିୟାଃ ମେଦ୍ମୁହାଁଡ୍ ଗାମ୍ଭାତେ ତଲ୍ ବିୟୁରାକାନ୍ ତାଇକେନା । ଯୀଶୁ ଇନ୍କୁକେ ମେତାଦ୍‌କଆଏ, “ଇନିଃକେ ତଲକାନ୍‌ତେୟାଃ ରାଡ଼ାଇପେ ଆତଃ ସେନ୍‌ଇତିଃପେ ।”

ୟୀଶୁଆଃ ବିରୁଧ୍‌ରେ ରୋଜୋଟ

(ମାଥୂଜ ୨୭:୧-୫; ମାର୍କ ୧୪:୧-୨; ଲୁକ ୨୨:୧-୨)

୪୫ ମାରିୟାମ୍‌ତାଃ ହିଜୁଃଲେନ୍ ପୁରାଃ ଯିହୁଦୀକ ଯୀଶୁ କାମିକେଦ୍‌ତେୟାଃ ନେଲ୍‌କେଦ୍‌ତେ ଇନିଃରେକ ବିଶ୍ୱାସ୍‌କେଦାଃ । ୪୬ ମେନ୍‌ଦ ଇନ୍‌କୁଏତେ ଚିମିନ୍‌କ ଫାରୁଶୀକତାଃ ସେନ୍‌କେଦ୍‌ତେ ଯୀଶୁ କାମିକେଦ୍‌ତେୟାଃ ଉଦୁବାଦ୍‌କଆକ । ୪୭ ଏନାମେନ୍ତେ ମୁଲ୍ ଯାଜାକ୍‌କ ଆତଃ ଫାରୁଶୀକ ମାରାଙ୍ଗ ପାଞ୍ଚେଟ୍‌କେଦ୍‌ତେ କାଜିକେଦାଃକ, “ଆବୁ ଚିନାଃବୁ ଚିକାତାନା ? ନେଲିପେ, ଏନ୍ ହଡ୍‌ଦ ପୁରାଃ ପେଡେୟାନ୍ କାମିକ କାମିତାନାଏ । ୪୮ ଆବୁ ଇନିଃକେ ନେ ଲେକାଗିବୁ ବାଗିତାଇରେଦ ସବେନ୍ ହଡ୍‌କ ଇନିଃରେକ ବିଶ୍ୱାସେୟା, ଆତଃ ରୋମିରେନ୍‌କ ହିଜୁଃକେଦ୍‌ତେ ଆବୁଆଃ ମାହିର୍ ଆତଃ ଦିଶୁମ୍ ବାର୍‌ନାଃକେକ ରେଃକ ଇଦିୟା ।”

୪୯ ଏନ୍ତେ ଇନ୍‌କୁଏତେ ମିଆଁଦ୍ କାୟଫା ନୁତୁମ୍ ହଡ୍, ଏନ୍ ବାରାଷ୍‌ରେନ୍ ସାଲାକାନ୍ ମାରାଙ୍ଗ ଯାଜାକ୍ ଇନ୍‌କୁକେ କାଜିୟାଦ୍‌କଆଏ, “ଆପେ ସବେନ୍ ଚିମିନ୍ ତଣ୍ଡକ ତାନପେ, ୫୦ ହଡ୍‌କ ନାଗେନ୍ତେ ମିହୁଡ୍‌ଗି ଗଜଃକାଏ ଆତଃ ଗଟା ଜାତି ଆଲକାକ ଜିୟନଃକା ଏନା ଆପେୟାଃ ନାଗେନ୍ତେ ପୁରାଃଗି ବୁଗିନାଃ ମେନ୍ତେ କାପେ ଆଟ୍‌କାରେତାନା ।” ୫୧ କାୟଫା ନେ କାଜିଦ୍ ଆଇଃକ୍‌ତେଗି କାଏ କାଜି, ମେନ୍‌ଦ ଏନ୍ ବାରାଷ୍‌ରେନ୍ ମାରାଙ୍ଗ ଯାଜାକ୍ ତାଇନ୍‌ହରାତେ, ଯୀଶୁ ଏନ୍ ଜାତିକ ନାଗେନ୍ତେ ଗଜଃଆଏ ମେନ୍ତେ ଇନିଃ ନେ ଆୟାର୍‌କାଜିକ କାଜିକେଦାଃଏ । ୫୨ ଆତଃ ଏନ୍ ଜାତିକ ନାଗେନ୍ତେ ଏସ୍‌କାର୍ କାହା ମେନ୍‌ଦ ପାର୍‌ମେଶ୍ୱାର୍‌ଆଃ ନେତେ ହେନ୍ତେୟାକାନ୍ ହଡ୍‌କକେ ମିଦ୍‌ରେ ହୁଣ୍ଡିକ ନାଗେନ୍ତେ କାଜିକେଦାଃଏ ।

୫୩ ଏନ୍‌ହୁଲ୍‌କାଙ୍ଗ୍‌ତାଃଏତେ ଯୀଶୁକେ ଗଜି ନାଗେନ୍ତେ ଯିହୁଦୀକ ଆକରେକ ରୋଜୋଟ୍‌କେଦାଃ । ୫୪ ଏନାମେନ୍ତେ ଯୀଶୁ ଯିହୁଦୀକଆଃ ନେପେଲ୍‌ରେ ଆତଃ କାଏ ହନର୍‌କେଦାଃ, ମେନ୍‌ଦ ଏନ୍ତାଃ ବାଗିକେଦ୍‌ତେ ବିର୍‌ରେୟାଃ ନାଡେଃ ଦିଶୁମ୍ ଇଫ୍ରାଇମ୍ ନୁତୁମ୍ ମିଆଁଦ୍ ସାହାର୍‌ତେ ସେନଃୟାନାଏ, ଆତଃ ଆୟାଃ ଚେଲକଲଃ ଏନ୍ତାଃରେ ତାଇନ୍‌ୟାନାଏ ।

୫୫ ଯିହୁଦୀକଆଃ ପାସକା ପାରାବ୍ ନାଡେୟାକାନ୍ ତାଇକେନା, ପାରାବ୍ ସିଦାରେ ପୁରାଃ ହଡ୍‌କ ଆକଆଃ ଫାର୍‌ଚିୟାଃ ନାଗେନ୍ତେ ଦିଶୁମ୍‌କଏତେ ଯୀରୁଶାଲେମ୍‌ତେକ ସେନଃୟାନା । ୫୬ ଏନ୍ତେ ଇନ୍‌କୁ ଯୀଶୁକେ ଦାଣ୍ଠାବାଡାତାନାଲଃ ମାହିର୍ ଅଡ଼ାଃରେ ତିଙ୍ଗୁଆକାନ୍ ଇମତା ଆକ ଆକଗିକ କୁପୁଲିୟାନା, “ଆପେ ଚିନାଃପେ ଉଡ୍‌ଷୁତାନା ? ଚିୟାଃ ଇନିଃ ପାରାବ୍‌ରେ କାଏ ହିଜୁଃଆ ?” ୫୭ ମୁଲ୍ ଯାଜାକ୍‌କ ଆତଃ ଫାରୁଶୀକ ଯୀଶୁକେ ସାବି ନାଗେନ୍ତେ ଇନିଃ କଡ଼ାଃରିୟା, ଏନା ଜେତାଏ ସାରିରେଦ ଉଦୁବାଲେପେ ମେନ୍ତେ ଆଟୁକାଦ୍ ତାଇକେନାକ ।

୧୨

ମାରିୟାମ୍ ଯୀଶୁକେ ବୁଗିନ୍ ସହାନ୍ ସୁନୁମ୍ ଗସଗିତାନାଏ

(ମାଥୂଜ ୨୭:୬-୧୩; ମାର୍କ ୧୪:୩-୯)

୧ ଯୀଶୁ ପାସକା ପାରାବ୍‌ରେୟାଃ ଛ ଦିନ୍ ସିଦାରେ ବେଥ୍‌ନିଆତେ ସେନଃୟାନାଏ, ଏନ୍ତାଃରେ ଯୀଶୁ ଗନଏଃ ଏତେ ଜୀଉବିରିଦାକାଇ ଲାଜାର୍‌ରାଃ ଅଡ଼ାଃ ତାଇକେନା । ୨ ଇନ୍‌କୁ ଏନ୍ତାଃରେ ଇନିୟାଃ ନାଗେନ୍ତେ ଆୟୁର୍‌ ଜମେୟାକ୍ ବାଇକେଦାଃ ଆତଃ ମାର୍ଥା ସୁସାର୍‌ରେୟାଃ ବାହାରମ୍ ଇଦିକାଦ୍ ତାଇକେନାଏ, ଏନ୍ତେ ଯୀଶୁଲଃ ଦୁବାକାନ୍‌କ ଆଲାରେ ଲାଜାର୍‌ହଗି ତାଇକେନାଏ । ୩ ଏନ୍ତେ ମାରିୟାମ୍ ଆଧା ଲିଟର୍ ପୁରାଃ ଫାର୍‌ଚି ଗନଙ୍ଗ୍‌ଆଁନ୍ ଜଟାମାଂସି ବୁଗିନ୍ ସହାନ୍ ସୁନୁମ୍ ଆଉକେଦ୍‌ତେ ଯୀଶୁଆଃ କାଟାରେ ଦୁଲ୍‌କେଦାଏ ଆତଃ ଇନିୟାଃ କାଟା ଆୟାଃ ଉବ୍‌ତେ ଜଦ୍‌କେଦାଏ ଆତଃ ସୁନୁମ୍‌ରେୟାଃ ବୁଗିନ୍ ସହାନ୍‌ତେ ଅଡ଼ାଃ ପେରେୟାନା । ୪ ଯୀଶୁଆଃ ଚେଲକଏତେ ଇଷ୍ଟାରିୟଡ୍ ଯିହୁଦା ନୁତୁମ୍ ମିଆଁଦ୍ ଚେଲା ତାଇକେନାଏ, ଅକଏଟି ଯୀଶୁକେ ବାଇରିକଆଃ ତିଃଇରେ ଜିମାଇ ନାଗେନ୍ତେ ସାନାଙ୍ଗ୍ ତାଇକେନ୍‌ନିଃ କାଜିକେଦାଏ, ୫ “ନେ ବୁଗିନ୍ ସହାନ୍ ସୁନୁମ୍‌କେ ୩୦୦ ହୁଲ୍‌କାଙ୍ଗ୍‌ରାଃ ନାଲା ସିକାରେ ଆଖ୍‌ରିଙ୍ଗ୍‌କେଦ୍‌ତେ ଏନ୍ ପାଏସା ଚିନାଃମେନ୍ତେ ରେଙ୍ଗେଃକକେ କା ଏମ୍‌ୟାନା ?” ୬ ରେଙ୍ଗେଃକକଆଃ ନାଗେନ୍ତେ ଉଡ୍‌ଷୁତାଇକେନାଏ ମେନ୍ତେ ଇନିଃ ନେଆଁ କାଏ କାଜିକେଦା ମେନ୍‌ଦ ଇନିଃ କୁମ୍‌ଡୁ ତୁଆକେନାଏ ଆତଃ ଇନିଃତାଃରେ ଟାକା ଆଇଲାଃ ତାଇକେନ୍ ହରାତେ ଏନାରେ ସାଜୁତେୟାଃ ଇନିଃ କୁମ୍‌ଡୁ ଛୁଦି ତାଇକେନାଏ ।

୭ ମେନ୍‌ଦ ଯୀଶୁ କାଜିକେଦାଃଏ, “ଇନିଃକେ ବାଗିତାଇପେ ଚିୟାଃଚି ଆଇୟାଃ ତପାଅଃ ହୁଲ୍‌କାଙ୍ଗ୍ ନାଗେନ୍ତେ ଇନିଃ ଏନାକେ ଦହଏକାଏ । ୮ ରେଙ୍ଗେଃକକଦ୍ ସବେନ୍‌ଇମ୍‌ତା ଆପେଲଃ ତାଇନାଃକ ମେନ୍‌ଦ ଆଇଙ୍ଗ୍ ଆପେଲଃ ସବେନ୍‌ଇମ୍‌ତା କାଇଙ୍ଗ୍ ତାଇନାଃ ।”

ଲାଜାର୍‌ଆଃ ବିରୁଧ୍‌ରେ ରୋଜୋଟ

☆ ୧୨:୩ ୧୨:୩ ଲୁକ ୭:୩୭,୩୮.

୯ ଯିହୁଦୀକଣ୍ଠେ ଗାଦେଲ୍ ହଡ଼କ ଯୀଶୁ ବେଅନିଆରେ ମେନାଇୟା ମେନ୍ତେ ସାରିକେଦାଃକ ଆତଃ ଯୀଶୁଆଃ ନାଗେନ୍ତେ ଏସ୍କାର୍ କାହା ମେନ୍ଦ ଯୀଶୁ ଗଏଃକାନକଣ୍ଠେ ଜୀଉବିରିଦାକାଇ ଲାଜାରକେ ନେଲି ନାଗେନ୍ତେକ ହିଜୁଃୟାନା । ୧୦ ଏନ୍ତେ ଲାଜାରକେହରି ଗଜି ନାଗେନ୍ତେ ମୁଲ୍ ଯାଜାକକ ରୋଜୋଟକେଦାଃ । ୧୧ ଚିୟାଃଟି ଇନିୟାଃ ନାଗେନ୍ତେ ଯିହୁଦୀକଣ୍ଠେ ପୁରାଃ ହଡ଼କ ଇନ୍କୁକେ ମାନାତାଇକେନାକ ଆତଃ ଯୀଶୁରେକ ବିଶ୍ୱାସକେଦାଃ ।

ୟୀଶୁ ରାଜାଲେକା ଯୀରୁଶାଲେମ୍ତେ ବଲୟାନାଏ
(ମାଥୂଉ ୨୧:୧-୧୧; ମାର୍କ ୧୧:୧-୧୧; ଲୁକ ୧୯:୨୮-୪୦)

୧୨ ଏଟାଃ ହୁଲାଙ୍ଗ୍ ପାସ୍କା ପାରାବ୍ତେ ହିଜୁଃକାନ ଗାଦେଲ୍ ହଡ଼କ ଯୀଶୁ ଯୀରୁଶାଲେମ୍ତେ ହିଜୁଃତାନାଏ ମେନ୍ତେ ଆୟୁମ୍ବେଦ୍, ୧୩ ଇନ୍କୁ କିତା ଭାଉଡ଼ା ସାବ୍ବକେଦ୍ତେ ଇନିଃକେ ଦାରମି ନାଗେନ୍ତେକ ଅତଙ୍ଗ୍ୟାନା ଆତଃ କାଉରିତାନିଃ କାଜିକେଦାଃକ “ହୋଗାନ୍ନା, ପାରମେଶ୍ୱାର୍ଆଃ ନୁତୁମ୍ତେ ହିଜୁଃତାନିୟାଃ ଧାଇନ୍ ହବାଅଃକା, ଇସ୍ରାଏଲ୍ରେନ୍ ରାଜାରାଃ ଧାଇନ୍ ହବାଅଃକା ।”

୧୪ ଧାରାମ୍ପୁଅରାଃ ଅନଲ୍ ଲେକାତେ, ଯୀଶୁ ଗାଧାହନ୍ ନାମ୍ବିଃତେ ଇନିଃରେ ଦେଏଃୟାନାଏ,

୧୫ “ସିୟୋନ୍ରେନ୍ ହନ୍କୁଡ଼ି, ଆଲମ୍ ବରଏୟା,

ନେଲିମେ ଆମାଃ ରାଜା

ଗାଧାହନ୍ରେ ଦୁବ୍ବକେଦ୍ତେ ହିଜୁଃତାନା ।”

୧୬ ଇନିୟାଃ ଚେଲାକ ନେ କାଜିକେ ଇମ୍ତା କାକ ଆଟ୍ଟକାର୍ ଉରୁମ୍ବେଦାଃ ମେନ୍ଦ ଯୀଶୁଆଃ ମାଇନାନ୍ ତାୟମ୍ତେ ନେ ସବେନାଃ ଇନିୟାଃ ବିଷାଏରେ ଧାରାମ୍ପୁଅରେ ଅଲ୍ଲକାନ୍ ତାଇକେନା ଆତଃ ଇନିଃକେ ଇନ୍କୁ ନେ ସବେନାଃକ ରିକାକାଦ୍ ତାଇକେନା ଏନା ଇନ୍କୁ ପାହାମ୍ବେଦାଃକ ।

୧୭ ଆତଃ ଯୀଶୁ ଲାଜାରକେ ତପା ଗାତାଏତେ ହାକାଅକିୟାଏ ଆତଃ ଗଏଃକାନକଣ୍ଠେ ଜୀଉବିରିଦକିୟାଏ ଇମ୍ତା ଇନିଃଲଃ ତାଇକେନ୍ ଗାଦେଲ୍ ହଡ଼କ ଗାଝାକ ଏମ୍ତାଇକେନା । ୧୮ ଚିମ୍ତାଙ୍ଗ୍ ଇନ୍କୁ ଯୀଶୁ ନେ ପେଡେୟାନ୍ କାମି କାମିକାଦାଃଏ ମେନ୍ତେ ଆୟୁମ୍ବେଦାଃ ଇମ୍ତାଙ୍ଗ୍ ଏନ୍ ଗାଦେଲ୍ହଡ଼କ ଇନିଃଲଃ ନେପେଲ୍ ନାଗେନ୍ତେ ଅତଙ୍ଗ୍ୟାନାକ । ୧୯ ଏନ୍ତେ ଫାରୁଶୀକ ଆକ ଆକରେକ କାଜିକେଦା, “ନେଲେତାନାପେଦ, ଆବୁତେ ଜେଡ୍ନାଃ କା ବାଇୟାଆ ନେଆଁ ଆଟ୍ଟକାରେପେ, ନେଲ୍କପେ, ଅତେଦିଶ୍ୱମ୍ରେନ୍ ସବେନ୍କ ଇନିଃକେ ଅତଙ୍ଗ୍କିୟାଃକ ।”

ୟୁନାନୀରେନ୍କ ଯୀଶୁକେକ ଦାଣ୍ଡାତାନା

୨୦ ପାରାବ୍ରେ ସେଝା ନାଗେନ୍ତେ ହିଜୁଆକାନକଣ୍ଠେ ଚିମିନ୍ ହଡ଼କ ଗ୍ରୀକ୍ରେନ୍କ ତାଇକେନା । ୨୧ ଇନ୍କୁ ଗାଲିଲ୍ରେୟାଃ ବେଅସାଇଦାରେନ୍ ଫିଲିପ୍ତାଃ ହିଜୁଃକେଦ୍ତେ କୁଲିକିୟାଃକ, “ହେ ଗମ୍ବେ, ଆଲେ ଯୀଶୁକେ ନେନେଲ୍ ସାନାଙ୍ଗ୍ତାନାଲେ ।”

୨୨ ଫିଲିପ୍ ଆନ୍ଦ୍ରିୟାସ୍ତାଃ ସେନ୍କେଦ୍ତେ କାଜିକିୟାଏ, “ଏନ୍ତେ ଆନ୍ଦ୍ରିୟାସ୍ ଆତଃ ଫିଲିପ୍ ଯୀଶୁକେକିନ୍ କାଜିକିୟାଃ ।” ୨୩ ଯୀଶୁ ଇନ୍କିନ୍କେ ମେତାଦ୍କିନାଏ, “ମାନଝାହନ୍ଆଃ ମାଇନାନ୍ରେୟାଃ ନେତା ସେଟେରାକାନା । ୨୪ ଆଇଙ୍ଗ୍ ସାର୍ଡିଗି କାଜିୟାପେ ତାନାଇଙ୍ଗ୍, ଗହମ୍ଜାଙ୍ଗ୍ ଅତେରେ ଉୟୁଃକେଦ୍ତେ କା ଗଜଃରେଦ ଏନା ଏସ୍କାର୍ଗି ତାଇନାଃ, ମେନ୍ଦ ଏନା ଗଜଃରେଦ ପୁରାଃ ଜ ଜଅଃଆ । ୨୫ ଜେତାଏ ଆୟାଃ ଜୀଉକେ ଦୁଲାଡେୟାଏ ଇନିଃ ଏନାକେ ଆଦେୟାଏ ଆତଃ ଜେତାଏ ଆୟାଃ ଜୀଉକେ ନେ ଅତେଦିଶ୍ୱମ୍ରେ ହିଲାଙ୍ଗ୍ୟେଆ, ଇନିଃ ଏନାକେ ଜାନାଅ ଜୀଦାନ୍ ନାଗେନ୍ତେ ବାଞ୍ଛାଅୟା । ୨୬ ଜେତାଏ ଆଇଙ୍ଗ୍କେ ସୁସାରିଙ୍ଗ୍ରେଦ ଇନିଃ ଆଇଙ୍ଗ୍କେ ଅତଙ୍ଗ୍ଇଙ୍ଗ୍କାଏ, ଆତଃ ଆଇଙ୍ଗ୍ ତାଇନଃତାଃରେ ଆଇଙ୍ଗ୍କେ ସୁସାରିନିଃହ ତାଇନାଃଏ, ଆତଃ ଜେତାଏ ଆଇଙ୍ଗ୍କେ ସୁସାରିଙ୍ଗ୍ରେଦ ଆପୁଇଙ୍ଗ୍ ଇନିଃକେ ମାଇନିୟାଏ ।

ୟୀଶୁ ଆୟାଃ ଗନଏଃ ବିଷାଏରେ କାଜିକେଦାଃଏ

୨୭ “ନାହ୍ୱାଃଦ ଆଇଁୟାଃ ମନ୍ ଆକ୍ବାକାଅକାନା, ଚିନାଃ ଆତଃଇଙ୍ଗ୍ କାଜିୟା ? ହେ ଆବା, ନେ ନେତାଏତେ ଆଇଙ୍ଗ୍କେ ବାଞ୍ଛାଅଇଙ୍ଗ୍ମେ ମେନ୍ତେଇଙ୍ଗ୍ କାଜିୟାଟି ? ମେନ୍ଦ ଆଇଙ୍ଗ୍ ନେୟାଁ ନାଗେନ୍ତେଗିଇଙ୍ଗ୍ ହିଜୁଃକାନା, ଜେଲେକାଟି ଆଇଙ୍ଗ୍ ନେ ଦୁକୁରାଃ ନେତାରେଇଙ୍ଗ୍ ସାହାଡିଙ୍ଗ୍ ଦାଡ଼ିୟାଃ । ୨୮ ହେ ଆବା ଆମାଃ ନୁତୁମ୍ ମାନାରାଙ୍ଗ୍ଅଃକା,” ମେନ୍କେଦ୍ତି ସିର୍ମାଏତେ ନେ କାଜି ଆୟୁମ୍ବେଦା, “ଆଇଙ୍ଗ୍ ଏନା ମାଇନାନ୍କାଦାଇଙ୍ଗ୍ ଆତଃ ଏନାକେ ଆତଃଗିଇଙ୍ଗ୍ ମାଇନାନ୍ନେୟାଁ ।”

୨୯ ଏନ୍ତାଃରେ ତିଙ୍ଗୁଆକାନ୍ ଗାଦେଲ୍ ହଡ଼କ ଏନା ଆୟୁମ୍ବେଦ୍ତେ ରିମିଲ୍ ସାଡ଼ିଲେନା ମେନ୍ତେକ କାଜିକେଦା । ଏଟାଃକ ମେନ୍କେଦାଃ, “ଦୁଁଡ୍ ଇନିଃଲଃ ଜାଗାରକେନାଏ ।”

୩୦ ଯୀଶୁ କାଜିରୁହାଡ଼କେଦ୍କଆଏ, “ନେ କାଜି ଆଇଁୟାଃ ନାଗେନ୍ତେଦ କାହା, ମେନ୍ଦ ଆପେ ନାଗେନ୍ତେ ତାନାଃ ।” ୩୧ ନାହ୍ୱାଃଦ ନେ ଅତେଦିଶ୍ୱମ୍ରେୟାଃ ବିଚାର୍ ସେଟେରାକାନା, ନାହ୍ୱାଃ ନେ ଅତେଦିଶ୍ୱମ୍ରେନ୍ ଗମ୍ବେ ବାହାରି

☆ ୧୨:୨୫ ୧୨:୨୫ ମାଥୂଉ ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୪; ୧୭:୩୩.

ହୁରାଙ୍ଗୁଆଁଆଁ । ୩୨ ଆତ୍ମ ଆଇଙ୍ଗୁ ଅତେଦିଶୁମ୍ବତେ ଚେତାନୁତେ ରାକାବଃରେଦ, ସବେନକକେ ଆଇଙ୍ଗୁତାଃତେଇଙ୍ଗୁ ଆଇଙ୍ଗୁ ଇଦିକଆ । ୩୩ ଇନିଃ ଚିଲ୍ଲକା ଗନଏଃରେ ଦୁକୁନାମେୟାଏ, ଏନା ନେ କାଜି ହରାତେ ଉଦୁବକେଦା ।

୩୪ ସବେନ ହଡକ କାଜିରୁହାଡକିୟାକ, “ମାସି ଜାନାଅ ଜାନାଅଗି ତାଇନାଃଏ ମେନ୍ତେ ଆଲେୟାଃ ଆନୁରେ ଆୟୁମାକାଦାଃଲେ, ଏନ୍ତେ ଆମ୍ ଚିଲ୍ଲକାତେ ମାନଝାହନ୍ ଚେତାନୁତେ ରାକାବଃଗିୟାଏ ମେନ୍ତେ କାଜିତାନା ? ନେ ମାନଝାହନ୍ ଅକଏ ତାନିଃ ?”

୩୫ ଏନ୍ତେ ଯୀଶୁ କାଜିୟାଦକଆଏ, “ଆତ୍ମ ହୁଡିଙ୍ଗୁ ନେତାଗି ମାୟାଲ୍ ଆପେଲଃ ତାଇନାଃ, ନୁବାଃ ଆପେକେ କାଏ ଏସେରପେ ନାଗେନ୍ତେ ମାୟାଲ୍ ଆପେଲଃ ତାଇନଃ ଇମ୍ତାଗି ମାୟାଲ୍ରେ ସେସେନେପେ ଆତ୍ମ ନୁବାଃରେ ସେସେନିଃ କତାଃତେ ସେନଃତାନାଏ ଏନା କାଏ ସାରିୟାଃ । ୩୬ ଆପେ ମାୟାଲ୍ରେନ୍ ହଡ ବାଇୟଃ ନାଗେନ୍ତେ ମାୟାଲ୍ ଆପେଲଃ ତାଇନଃ ଇମ୍ତାଗି ମାୟାଲ୍ରେ ବିଶ୍ୱାସେପେ ।” ଯୀଶୁ ନେ ସବେନାଃ କାଜିକେଦ୍ରି ସେନଃୟାନାଏ ଆତ୍ମ ଇନୁକୃତାଃଏତେ ଉକୁୟାନା ।

କା ବିଶ୍ୱାସତାନ୍ ହଡକ

୩୭ ଯୀଶୁ ଇନୁକୃତାଃ ଆୟାବରେ ପେଡେୟାନ୍ କାମିକ କାମିକେଦ୍ରେୟ ଇନୁ ଇନିଃତାଃରେ କାକ ବିଶ୍ୱାସକେଦାଃ ।

୩୮ ନେ ଲେକାତେ ଯିଶାୟ ନାବୀୟାଃ କାଜି ପୁରାୟାନା,

“ହେ ପ୍ରାଭୁ, ଆଲେୟାଃ କାଜିରେ ଅକଏ ବିଶ୍ୱାସକାଦା ?
ଆତ୍ମ ପ୍ରାଭୁଆଃ ପେଡେଃ ଅକଏତାଃରେ ଉଦୁବାକାନା ?”

୩୯ ଆତ୍ମ ଏନାତେ ଇନୁ କାକ ବିଶ୍ୱାସ ଦାଡିକେନା, ଚିୟାଃଚି ଯିଶାୟ ଆତ୍ମଗି କାଜିକାଦାଏ :

୪୦ “ପାରମେଶ୍ୱାର ଇନୁକୃତାଃ ମେଦକେ କାଣି କାଦାଃଏ
ଆତ୍ମ ମନ୍ ତାକଆଃକେ କେଟେଦ୍ କାଦାଃଏ
ଏନାମେନ୍ତେ ଇନୁକୃତାଃ ମେଦକେ କାକ ନେଲ୍ଦାଡିୟାଃ
ଆତ୍ମ ଆକଆଃ ମନ୍ତେ କାକ ଆବ୍କାର୍ ଦାଡିୟାଃ
ଆତ୍ମ ଇନୁ ଆଇଁୟାଃରେ ମନ୍ କାକ ରୁହାଡ୍ ଦାଡିୟାଃ
ଆତ୍ମ ଆଲେ ଇନୁକେ କାଲେ ବୁଗିକଆ ।”

୪୧ ଯିଶାୟ ଇନିୟାଃ ମାନାରାଙ୍ଗୁ ନେଲ୍କେଦ୍ତେ ଆତ୍ମ ଇନିଃକେ ଉଦୁବକେଦ୍ତେ ଏନାକେ କାଜିକେଦାଏ ।

୪୨ ଏନରେୟ ଯିହୁଦୀକଆଃ ହାକିମ୍ବଏତେ ପୁରାଃ ହଡକ ଇନିଃରେକ ବିଶ୍ୱାସକେଦାଃ, ମେନ୍ଦ୍ ଫାରୁଶୀକଆଃ ନାଗେନ୍ତେ ଆତ୍ମ ସାମାଜ୍ଆତ୍ମଏତେ ଆତ୍ମଃରେୟାଃ ବରତେ ଇନୁ କାକ ଉଦୁବେନ୍ୟାନା । ୪୩ ଚିୟାଃଚି ଇନୁଦ୍ ପାରମେଶ୍ୱାରଆଃ ମାଇନାନ୍ଏତେ ଆଦକା ହଡକଆଃ ମାଇନାନ୍କେକ ଦୁଲ୍ଲାଡ୍କେଦାଃ ।

ୟୀଶୁଆଃ କାନାଜିତେ ବିଚାର ହବାଅଆଃ

୪୪ ଯୀଶୁ କାଉରିତାନୁଲଃ କାଜିକେଦାଏ, “ଜେତାଏ ଆଇଙ୍ଗୁରେ ବିଶ୍ୱାସେତାନିଃ ଆଇଁୟାଃରେ ଏସ୍କାର୍ କାହା ମେନ୍ଦ୍ ଆଇଙ୍ଗୁକେ କୁଲ୍ଲକାଇଙ୍ଗୁନିଃରେୟ ବିଶ୍ୱାସାଃଏ । ୪୫ ଆତ୍ମ ଜେତାଏ ଆଇଙ୍ଗୁକେ ନେଲ୍ଲକାଦିଙ୍ଗୁୟାଏ, ଇନିଃ ଆଇଙ୍ଗୁକେ କୁଲ୍ଲକାଇଙ୍ଗୁନିଃକେୟ ନେଲ୍ଲକାଇଜାଏ । ୪୬ ଆଇଁୟାଃରେ ବିଶ୍ୱାସେନିଃ ନୁବାଃରେ ଆଲକାଏ ତାଇନଃକା ମେନ୍ତେ ଆଇଙ୍ଗୁ ମାୟାଲ୍ ଲେକା ଅତେଦିଶୁମ୍ବତେଇଙ୍ଗୁ ହିଜୁଃକାନା । ୪୭ ଜେତାଏନିଃ ଆଇଁୟାଃ କାଜି ଆୟୁମ୍ବକେଦ୍ତେ କାଏ ବିଶ୍ୱାସେରେଦ ଆଇଙ୍ଗୁ ଇନିୟାଃ କାଇଙ୍ଗୁ ବିଚାରେୟାଃ, ଚିୟାଃଚି ଆଇଙ୍ଗୁ ଅତେଦିଶୁମ୍ବରାଃ ବିଚାର୍ ନାଗେନ୍ତେଦ କାହା ମେନ୍ଦ୍ ଅତେଦିଶୁମ୍ବକେ ବାଞ୍ଛାଅ ନାଗେନ୍ତେ ହିଜୁଃକାନାଇଙ୍ଗୁ । ୪୮ ଜେତାଏ ଆଇଙ୍ଗୁକେ ହିଲ୍ଲଙ୍ଗୁନିଃ ଆତ୍ମ ଆଇଁୟାଃ କାଜି କା ମାନାଡିଙ୍ଗୁନିୟାଃ ବିଚାର୍ନିଃ ମେନାଲୟାଃ, ଆଇଙ୍ଗୁ କାଜିୟାକାଦ୍ କାଜିଗି ଟୁଣ୍ଡୁଲ୍ଲାଙ୍ଗୁରେ ଇନିୟାଃ ବିଚାରେୟାଏ । ୪୯ ନେଆଁ ସାର୍ଡିଗିଆ, ଚିୟାଃଚି ଆଇଙ୍ଗୁଦ୍ ଆଇଁୟାଃ ପେଡେଃତେ କାଇଙ୍ଗୁ କାଜିୟାକାଦାଃ ମେନ୍ଦ୍ ଆଇଙ୍ଗୁ ଚିନାଃଇଙ୍ଗୁ କାଜିୟା ଆତ୍ମ ଚିନାଃଇଙ୍ଗୁ ଜାଗାରେୟା ଏନା ଆଇଙ୍ଗୁକେ କୁଲ୍ଲକାଇଙ୍ଗୁ ଆପୁ ଆଇଙ୍ଗୁକେ ଆତୁକାଦିୟାଏ । ୫୦ ଆତ୍ମ ଇନିୟାଃ ଆନୁଦ୍ ଜାନାଅ ଜୀଦାନ୍ ତାନାଃ ଏନା ଆଇଙ୍ଗୁ ସାରିୟାଃ, ଚିୟାଃଚି ଆଇଙ୍ଗୁ ଅକନ୍ କାଜିକ କାଜିୟାଇଙ୍ଗୁ ଏନା ଆପୁଇଙ୍ଗୁ ଆତୁକାଦ୍ ଲେକାଇଙ୍ଗୁ କାଜିୟାଃ ।”

୧୩

ୟୀଶୁ ଚେଲକଆଃ କାଟା ଆବୁଙ୍ଗୁୟେତାନା

୧ ପାସକା ପାରାବ୍ରେୟାଃ ସିଦାରେ ଯୀଶୁ ନେ ଅତେଦିଶୁମ୍ବତେ ଆପୁତାଃତେ ସେନଃରେୟା ନେତା ସେଟେର୍କାନା ମେନ୍ତେ ସାରିକେଦ୍ରି ଇନିଃ ଅତେଦିଶୁମ୍ବରେନ୍ ଆୟାଃ ହଡକକେ ଦୁଲ୍ଲାଡ୍କେଦ୍କଆଏ ଆତ୍ମ ଇନୁକୃକେ ଇନିୟାଃ ପୁରାଃ ଦୁଲ୍ଲାଡ୍ ଉଦୁବାଦକଆଏ ।

୨ ଯୀଶୁ ଆତ୍ମ ଆୟାଃ ଚେଲକ ଆୟୁବ୍ ଜମେୟାଃରେ ତାଇକେନାକ, ଇମ୍ତା ସାଏତାନ୍ ଶିମୋନରାଃ ହନ୍ତେକଡା ଇଷ୍ଟାରିୟଡ୍ ଯିହୁଦାରାଃ ମନ୍ରେ ଯୀଶୁକେ ବାଇରିକଆଃ ଡିଃଇରେ ଜିମାଇ ନାଗେନ୍ତେ ମନ୍ଦାଲ ଚାବାକାଦ୍ ତାଇକେନାଏ

୧୩ ଇମତା ଆପୁ ସବେନ୍ ଆକ୍ତେୟାର୍ ଆଇଁୟାଃ ତିଃଇରେ ଏମାକାଦାଃଏ ଆତଃ ଆଇଙ୍ଗ୍ ପାର୍ମେଶ୍ୱାର୍ତାଃଏତେ ହିଜୁଃକାନାଇଙ୍ଗ୍ ଆତଃ ପାର୍ମେଶ୍ୱାର୍ତାଃତେ ସେନ୍‌ରୁହାଡ଼ାଇଙ୍ଗ୍ ମେନ୍ତେ ଯୌଶୁ ସାରି ତାଇକେନାଏ । ୪ ଇନିଃ ଜଜମ୍ ଠାୟାଦ୍‌ଏତେ ବିରିଦ୍‌ୟାନାଏ ଆତଃ ଆୟାଃ ତୁସିଙ୍ଗ୍‌କାନ୍ ବାହାରି ଲିଜାଃ ଦହକେଦ୍‌ତେ ଆୟାଃ ମାୟାଙ୍ଗ୍‌ରେ ମିଆଁଦ୍ ଗାମ୍‌ଛା ପାଟେୟାନାଏ । ୫ ଏନ୍ତେ ବାସାନ୍‌ରେ ଦାଆଃ ଦୁଲ୍‌କେଦ୍‌ତେ ଚେଲାଇଆଃ କାଟା ଆବୁଙ୍ଗ୍ ଏଟେଦ୍‌କେଦାଏ, ଆତଃ ମାୟାଙ୍ଗ୍‌ରେ ପାଟେୟାକାନ୍ ଗାମ୍‌ଛାତେ ଜଦ୍‌କେଦାଏ । ୬ ଏନ୍ତେ ଇନିଃ ଶିମୋନ୍ ପାଡ଼ରାସ୍‌ତାଃତେ ହିଜୁଃୟାନାଏ, ଆତଃ ଅକ୍‌ଏଟି କାଜିକିୟାଏ, “ହେ ପ୍ରାଭୁ, ଆମ୍‌ଟି ଆଇଁୟାଃ କାଟା ଆବୁଙ୍ଗ୍‌ଇଁୟାମ୍ ?”

୭ ଯୌଶୁ ଇନିଃକେ କାଜିରୁହାଡ଼କିୟାଏ, “ଆଇଙ୍ଗ୍ ରିକାତାନ୍‌ତେୟାଃ ନାହାଁଃ କାମ୍ ସାରିୟାଃ, ମେନ୍‌ଦ ଏନା ତାୟମ୍‌ତେମ୍ ଆଟ୍‌କାରେୟା ।”

୮ ପାଡ଼ରାସ୍ ଇନିଃକେ କାଜିକିୟାଏ, “ଆମ୍ ଚିତ୍‌ଲାଇଆ ଆଇଁୟାଃ କାଟା ଆଲମ୍ ଆବୁଙ୍ଗ୍‌ଇଁୟା” ଯୌଶୁ ଇନିଃକେ କାଜିରୁହାଡ଼କିୟାଏ, “ଆଇଙ୍ଗ୍ କାଇଙ୍ଗ୍ ଆବୁଙ୍ଗ୍‌ମେରେଦ୍ ଆମ୍ ଆଇଁୟାଃ ଚେଲା କାମ୍ ହବାଦାଡ଼ିୟାଆ ।”

୯ ଏନ୍ତେ ଶିମୋନ୍ ପାଡ଼ରାସ୍ କାଜିକିୟାଏ, “ହେ ପ୍ରାଭୁ, ଆଇଁୟାଃ କାଟା ଏସ୍‌କାର୍ କାହା, ମେନ୍‌ଦ୍ ଆଇଁୟାଃ ତିଃଇ ଆତଃ ବହଃକେହରି ଆବୁଙ୍ଗ୍‌ଇଙ୍ଗ୍‌ମେ ।”

୧୦ ଯୌଶୁ ଇନିଃକେ କାଜିକିୟାଏ, “ଉମେନ୍‌କାନ୍‌ନିଃକେ କାଟା ଏସ୍‌କାର୍ ଆବୁଙ୍ଗ୍ ଲାଗାତିୟାଃ; ଇନିୟାଃ ଗଟା ହଡ଼ମ୍‌ଦ ଫାଟ୍‌ରିୟାକାନା ଆତଃ ମିହୁଡ଼କେ ବାଗିକେଦ୍‌ତେ ଆପେ ସବେନ୍‌କ ଫାଟ୍‌ରିୟାକାନାପେ ।” ୧୧ ଚିୟାଃଟି ଇନିଃ ଆୟାଃ ସାବ୍‌ରିକାଈନିଃକେ ସାରିକାଇ ତାଇନାଏ ଏନାମେନ୍ତେ ଇନିଃ କାଜିକେଦାଃଏ, “ମିହୁଡ଼କେ ବାଗିକେଦ୍‌ତେ ଆପେ ସବେନ୍‌କ ଫାଟ୍‌ରିୟାକାନାପେ ।”

୧୨ ଯୌଶୁ ଇନିଃକେ କାଟା ଆବୁଙ୍ଗ୍‌କେଦ୍‌ଟି ଆୟାଃ ଲିଜାଃ ତୁସିଙ୍ଗ୍‌ୟାନାଏ ଆତଃ ଆୟାଃ ଜଜମ୍ ଠାୟାଦ୍‌ରେ ଦୁବ୍‌ରୁହାଡ଼ୟାନାଏ, ଏନ୍ତେ ଇନିଃକେ କୁଲିକେଦ୍‌କଆଏ, “ଆଇଙ୍ଗ୍ ଆପେ ନାଗେନ୍ତେ ରିକାକାଦ୍‌ତେୟାଃ ଆଟ୍‌କାରେତାନାପେଟି ?” ୧୩ “ଆପେ ଆଇଙ୍ଗ୍‌କେ ହେ ଗୁରୁ ଆତଃ ହେ ପ୍ରାଭୁ, ମେନ୍ତେପେ କାଜିୟାଈଙ୍ଗ୍‌ତାନା ଏନା ବୁଗିନ୍‌ଗିପେ କାଜିତାନା ଚିୟାଃଟି ଆଇଙ୍ଗ୍ ଇନିଃଗି ତାନିଙ୍ଗ୍ । ୧୪ ଆଇଙ୍ଗ୍ ଆପେୟାଃ ପ୍ରାଭୁ ଆତଃ ଗୁରୁ ତାନିଙ୍ଗ୍ ହଲେହ୍ ଆପେୟାଃ କାଟା ଆବୁଙ୍ଗ୍‌କେଦାଃଇଙ୍ଗ୍, ଏନ୍‌ଲେକା ଆପେୟାଃ ମିଆଁଦ୍‌ନିଃ ଏଟାଃନିୟାଃ କାଟା ଆବୁଙ୍ଗ୍ ଲାଗାତିଙ୍ଗ୍‌ୟାଃ । ୧୫ ଆଇଙ୍ଗ୍ ଆପେୟାଃ ନାଗେନ୍ତେ କାମିକାଦ୍‌ଲେକା ଆପେୟାଃ ରିକାଏପେ, ଏନାମେନ୍ତେ ଆଇଙ୍ଗ୍ ଆପେକେ ମିଆଁଦ୍ ନାମୁନା ଉଦୁବାକାଦ୍‌ପେୟାଈଙ୍ଗ୍ । ୧୬ ଆଇଙ୍ଗ୍ ଆପେକେ ସାର୍‌ତିଗି କାଜିୟାପେ ତାନାଈଙ୍ଗ୍, ଦାସି ଆୟାଃ ଗମ୍‌କେଏତେ କାଏ ମାରାଙ୍ଗ୍‌ଆଃ, ଆତଃ କାଜିଏମ୍‌ନିଃ ଆୟାଃ କୁଲିନିଃତାଃଏତେ କାଏ ମାରାଙ୍ଗ୍‌ଆଃ । ୧୭ ନାହାଁଃଦ୍ ଆପେ ନେ ସାର୍‌ତିକେ ସାରିୟାଃକାଦାଃପେ, ଏନାକେ ରିକାଏରେଦ୍ ଆପେ ସୁକୁତାନ୍‌ଗିୟାଃପେ ।

୧୮ “ଆଇଙ୍ଗ୍ ଆପେ ସବେନ୍‌କଆଃ ବିଷାଏରେ କାଇଙ୍ଗ୍ କାଜିତାନା, ଆଇଙ୍ଗ୍ ସାଲାଇକାଦ୍ ହଡ଼କକେ ସାରିକାଦ୍‌କଆଇଙ୍ଗ୍, ମେନ୍‌ଦ୍ ଧାରାମ୍‌ପୁଥୁରେୟାଃ କାଜି ପୁରାଆଃ ନାଗେନ୍ତେ ନେ ଲେକା ହବାଅଃତାନା ‘ଆଇଁୟାଃଲଃ ହଲଙ୍ଗ୍ ହାଟିଙ୍ଗ୍ ଜମ୍‌ନିଃ ଆଇଁୟାଃ ବିରୁଧ୍‌ରେ ବିରିଦ୍‌ୟାନାଏ ।’ ୧୯ ନେୟାଁ ହବାଅଃରେ ଆପେ ଆଇଙ୍ଗ୍‌କେ ‘ଆଇଙ୍ଗ୍ ଆଇଙ୍ଗ୍‌ଗି ତାନିଙ୍ଗ୍’ ମେନ୍ତେପେ ବିଶ୍ୱାସେ ନାଗେନ୍ତେ ଆଇଙ୍ଗ୍ ଏନା ହବାଅଃ ସିଦାରେ ଆପେକେ ନାହାଁଃତେଗି ଉଦୁବାପେତାନାଈଙ୍ଗ୍ । ୨୦ ଆଇଙ୍ଗ୍ ଆପେକେ ସାର୍‌ତିଗି କାଜିୟାପେ ତାନାଈଙ୍ଗ୍, ଜେତାଏ ଆଇଙ୍ଗ୍ କୁଲାଇନିଃକେ ସୁକୁଆଇନିଃ ଆଇଙ୍ଗ୍‌କେ ସୁକୁଆଇଙ୍ଗ୍‌ୟାଏ, ଆତଃ ଆଇଙ୍ଗ୍‌କେ ସୁକୁଆଇଙ୍ଗ୍‌ନିଃ ଆଇଙ୍ଗ୍‌କେ କୁଲିନିଃକେ ସୁକୁଆଇୟାଏ ।”

ସାବ୍‌ରିକାଈନିଆଃ ବିଷାଏରେ ଯୌଶୁଆଃ ଆୟାଃକାଜି (ମାଥୁଠ ୨୭:୨୦-୨୫; ମାର୍କ ୧୪:୧୭-୨୧; ଲୁକ ୨୨:୨୧-୨୩)

୨୧ ଯୌଶୁ ନେ ସବେନ୍ କାଜି କାଜିକେଦ୍‌ଟି ଆମ୍‌ରେ ଆକ୍‌ବାକାଅୟାନାଏ ଆତଃ ଗାଞ୍ଜା ଏମ୍‌ତାନ୍‌ଲଃ କାଜିକେଦାଃଏ, “ସାର୍‌ତିଗିଙ୍ଗ୍ କାଜିୟାପେତାନା, ଆପେକଏତେ ମିଆଁଦ୍‌ନିଃ ଆଇଙ୍ଗ୍‌କେ ବାଇରିକଆଃ ତିଃଇରେ ସାବ୍‌ରିକାଈଙ୍ଗ୍‌ୟାଏ ।”

୨୨ ଯୌଶୁ ଅକ୍‌ଏକେ କାଜିତାନାଏ ମେନ୍ତେ ଚେଲାଇ ଆଡ଼ାଃତଡ଼ୁ ତାନ୍‌ଲଃ ଆକ ଆକରେକ ଆପ୍‌ରିଦ୍‌ୟାନା । ୨୩ ଆୟାଃ ଚେଲାଇଏତେ ମିଆଁଦ୍ ଚେଲା ଅକ୍‌ଏକେଟି ଯୌଶୁ ଦୁଲ୍‌ାଡ଼ିତାନ୍ ତାଇକେନାଏ, ଏନ୍ ଚେଲା ଯୌଶୁଆଃ ଗେନାରେ ଦୁବ୍‌କାନ୍ ତାଇକେନାଏ । ୨୪ ଏନ୍ତେ ଶିମୋନ୍ ପାଡ଼ରାସ୍ ଇନିଃକେ ତୁଣ୍ଡୁକେଦ୍‌ତେ କାଜିକିୟାଏ, “ଇନିଃ ଅକ୍‌ଏକେ କାଜିତାନା ଏନା କୁଲି'ମେଁ ।”

୨୫ ଇନିଃ ଦୁବ୍‌କେଦ୍‌ତେ ଯୌଶୁଆଃ କୁଡ଼ାମ୍‌ରେ ଟେଣ୍ଡେରୟାନାଏ ଆତଃ କୁଲିକିୟାଏ, “ହେ ପ୍ରାଭୁ ଇନିଃ ଅକ୍‌ଏ ତାନିଃ ?”

୨୬ ଯୌଶୁ କାଜିରୁହାଡ଼କିୟାଏ, “ଆଇଙ୍ଗ୍ ହଲଙ୍ଗ୍‌ରାଃ କେଟାଃ ତୁପୁକେଦ୍‌ତେ ଅକ୍‌ଏକେ ଏମିୟାଈଙ୍ଗ୍ ଏନ୍ ହଡ଼ ଇନିଃଗି ତାନିଃ ।” ଏନ୍ତେ ଇନିଃ ଏନ୍ ହଲଙ୍ଗ୍‌ରାଃ କେଟାଃକେ ତୁପୁକେଦ୍‌ତେ ଶିମୋନ୍ ଇଷ୍ଟାରିୟାଡ଼ରାଃ ହନ୍ତେକଡ଼ା ଯିହୁଦାକେ ଏମ୍‌କିୟାଏ । ୨୭ ଏନ୍ତେ ଇନିଃ ହଲଙ୍ଗ୍ କେଟାଃ ଇଦିକେଦ୍‌ଟି ଇମ୍‌ତାଗି ସାଏତାନ୍ ଇନିଃକେ ଏସେରକିୟାଏ । ଏନ୍ତେ

☆ ୧୩:୧୨ ୧୩:୧୨ ଲୁକ ୨୨:୨୭. ☆ ୧୩:୧୭ ୧୩:୧୭ ମାଥୁଠ ୧୦:୨୪; ଲୁକ ୭:୪୦; ଯୋହାନ୍ ୧୫:୨୦. ☆ ୧୩:୨୦ ୧୩:୨୦ ମାଥୁଠ ୧୦:୪୦; ମାର୍କ ୯:୩୭; ଲୁକ ୯:୪୮; ୧୦:୧୭.

ୟାଶୁ ଇନିଃକେ କାଜିକିୟାଏ, “ଆମାଃ କାମିତେୟାଃ କାମି ଧାବେମେ ।” ୨୮ ମେନ୍ଦ ଇନିଃ ତିନାଃ ମେନ୍ତେ ଇନିଃକେ ନେ କାଜି କାଜିକିୟାଏ, ଏନା ଦୁବାକାନ୍‌କଏତେ ଜେତାଏ କାକ ସାରିକେଦାଃ । ୨୯ ଯିହୁଦାତାଃ ଟାକା ଆଇଲାଃ ତାଇକେନା, ଏନାମେନ୍ତେ ଚେଲାକଏତେ ଚିମିନ୍‌କ ଉଡ଼ୁକେଦାଃଟି ପାରାବ୍ ନାଜ୍ ଲାଗାଡିକ୍‌ତେୟାଃକ କିରିକ୍ ନାଗେନ୍ତେ ଆଡ଼ଃ ରେକେଃକକେ ହୁଡିକ୍ ଲେକା ଏମାକ ନାଗେନ୍ତେ ଯାଶୁ ଇନିଃକେ କାଜିକିୟାଏ ।

୩୦ ଏନ୍ତେ ଯିହୁଦା ହଲକ୍ କେଟାଃ ତେଲାକେଦ୍‌ଚି ଇମ୍‌ତାଗି ଅଡ଼କ୍‌ଧାବ୍‌ୟାନାଏ, ଆଡ଼ଃ ଇମ୍‌ତା ନୁବାଃକାନ୍ ତାଇକେନା ।

ନାଝା ଆନ୍‌ରୁ

୩୧ ଯିହୁଦା ଅଡ଼କ୍‌ୟାନ୍ ତାୟମ୍‌ତେ ଯାଶୁ କାଜିକେଦାଃଏ, “ନାହାଁଃଦ ମାନଝାହନ୍‌ରାଃ ମାଇନାନ୍ ଉଦୁବ୍‌ୟାନା ଆଡ଼ଃ ପାର୍‌ମେଶ୍‌ବାରାଃ ମାଇନାନ୍ ଇନିୟାଃ ହରାତେ ଉଦୁବ୍‌ୟାନା । ୩୨ ଆଡ଼ଃ ପାର୍‌ମେଶ୍‌ବାରାଃ ମାଇନାନ୍ ଇନିୟାଃ ହରାତେ ଉଦୁବ୍‌ୟାନ୍‌ରେଦ, ପାର୍‌ମେଶ୍‌ବାରାଃ ମାନଝାହନ୍‌କେ ଆୟାଃତାଃରେ ମାଇନାନ୍‌ନିୟା ଆଡ଼ଃ ଇମ୍‌ତାଗି ଇନିଃକେ ମାଇନାନ୍‌ନିୟା । ୩୩ ✽ୟାଶୁ କାଜିକେଦାଏ, ‘ଏ ହନ୍‌କ, ଆଇକ୍ ଆପେଲଃ ଆଡ଼ଃ ଘାଡ଼ିକାଦ୍‌ଚି ତାଇନାକ୍‌କ୍, ଆପେ ଆଇକ୍‌କେ ଦାଣାଁକ୍‌ୟାପେ, ଆଡ଼ଃ ଆଇକ୍ ଯିହୁଦୀ ହାକିମ୍‌କେ କାଜିୟାକାଦ୍‌କଲେକା ନାହାଁଃ ଆପେକେଇକ୍ କାଜିୟାପେତାନା, ଆଇକ୍ ସେନଃତାଃତେ କାପେ ସେନ୍‌ଦାଡ଼ିୟା ।’ ୩୪ ✽ଆପେ ଦୁପୁଲାଡ଼ରେ ତାଇନ୍‌ପେ, ନେ ନାଝା ଆନ୍‌ରୁ ଆଇକ୍ ଆପେକେ ଏମାପେତାନାକ୍‌କ୍, ଆଇକ୍ ଆପେକେ ଦୁଲାଡ଼କାଦ୍‌ପେଲେକା ଆପେୟ ଦୁପୁଲାଡ଼ରେ ତାଇନ୍ ଲାଗାଡିକ୍‌ୟାଃ । ୩୫ ଆପେ ଦୁଲାଡ଼ରେପେ ତାଇନ୍‌ରେଦ ଆଇୟାଃ ଚେଲାକ ତାନ୍‌ପେ ମେନ୍ତେ ସବେନ୍ ହଡ଼କ ସାରିୟାଃ ।”

ପାଡ଼ରାସ୍ ଯାଶୁକେ କାଇକ୍ ସାରିୟା ମେନ୍ତେ କାଜିରାଃ ଆୟାବ୍‌କାଜି

(ମାଥୂଜ ୨୭:୩୧-୩୫; ମାର୍କ ୧୪:୨୭-୩୧; ଲୁକ ୨୨:୩୧-୩୪)

୩୬ ଶିମୋନ୍ ପାଡ଼ରାସ୍ ଯାଶୁକେ କୁଲିକିୟାଏ, “ହେ ପ୍ରାଭୁ ଆମ୍ କତାଃତେମ୍ ସେନଃତାନା ?” ଯାଶୁ କାଜିକିୟାଏ, “ଆଇକ୍ ସେନଃତାନ୍‌ତାଃ ନାହାଁଃ ଆମ୍ କାମ୍ ଅଡ଼କ୍‌ଦାଡ଼ିୟାଃ ମେନ୍ଦ ତାୟମ୍‌ତେମ୍ ଅଡ଼କ୍‌କ୍‌ୟା ।” ୩୭ ପାଡ଼ରାସ୍ ଇନିଃକେ କୁଲିକିୟାଏ, “ହେ ପ୍ରାଭୁ ଆଇକ୍ ନାହାଁଃ ଚିକାନାକ୍ ଆମ୍‌କେ ଅଡ଼କ୍ କାଇକ୍ ଦାଡ଼ିମେୟା ? ଆଇକ୍ ଆମାଃ ନାଗେନ୍ତେ ଆଇୟାଃ ଜୀଉ ଏମ୍‌ନାକ୍ ସେକାଡ଼ାକାନାକ୍‌କ୍ ।” ୩୮ ଯାଶୁ କାଜିରୁହାଡ଼କିୟାଏ, “ଚିୟାଃ ଆମ୍ ସାର୍‌ଡିଗି ଆଇୟାଃ ନାକ୍ ଜୀଉ ଏମ୍‌ନାକ୍ ସେକାଡ଼ାକାନାମ୍ ? ଆଇକ୍ ଆମ୍‌କେ ସାର୍‌ଡିଗି କାଜିୟାମ୍‌ତାନାକ୍‌କ୍, ସାଣ୍ଡିସିମ୍ ଆଉରି ରାଆଃ ସିଦାରେ ଆଇକ୍ ଇନିଃକେ କାଇକ୍ ସାରିୟାଃ ମେନ୍ତେ ଆପିସା ଆମ୍ କାଜିୟା ।”

୧୪

ଆପୁତାଃତେ ସେଟେର୍ ହରା ଯାଶୁ ତାନିଃ

୧ ଯାଶୁ କାଜିକେଦାଏ, “ଆପେୟାଃ ମନ୍ ଆଲକା ଆକ୍‌ବାକାଅଃକା, ଆପେ ପାର୍‌ମେଶ୍‌ବାରରେ ବିଶ୍ୱାସେପେ ଆଡ଼ଃ ଆଇକ୍‌ରେୟ ବିଶ୍ୱାସେପେ । ୨ ଆଇୟାଃ ଆପୁକ୍‌ୟାଃ ଅଡ଼ାଃରେ ପୁରାଃ ତାଇନଃତେ ଠାୟାଦ୍ ମେନାଃ, ଆଡ଼ଃ କା'ତାଇନ୍‌କାରେଦ ଆଇକ୍ ଆପେନାକ୍ ଠାୟାଦ୍ ବାଇବାଇତେ ସେନ୍‌ତାନାକ୍‌କ୍ ମେନ୍ତେ କାଜିୟାପେତେୟାଃକ୍ । ୩ ଆଡ଼ଃ ଆଇକ୍ ସେନ୍‌କେଦ୍‌ତେ ଆପେନାକ୍ ଠାୟାଦ୍ ବାଇସେକାଡ଼ଲେରେ ଆଡ଼ଃମିସା ହିଜୁଃଆଇକ୍ ଆଡ଼ଃ ଆଇକ୍ ତାଇନଃତାଃରେ ଆପେୟ ତାଇନଃ ନାଗେନ୍ତେ ଆଇକ୍‌ତାଃତେ ଆପେକେ ଇଦିପେୟାକ୍‌କ୍ । ୪ ଆଇକ୍ ଅକ୍‌ତାଃତେ ସେନଃତାନାକ୍‌କ୍ ଏନ୍ ଠାୟାଦ୍‌ରାଃ ହରା ଆପେ ସାରିୟାଃପେ ।”

୫ ଥୋମା ଇନିଃକେ କାଜିକିୟାଏ, “ହେ ପ୍ରାଭୁ, ଆମ୍ କତାଃତେମ୍ ସେନଃତାନା ଏନା ଆଲେ କାଲେ ସାରିୟା, ଏନ୍ତେ ଚିଲ୍‌କାତେ ହରାଲେ ସାରି ଦାଡ଼ିୟା ?”

୬ ଯାଶୁ ଇନିଃକେ କାଜିକିୟାଏ, “ଆଇକ୍‌ଗି ତାନିକ୍ ହରା, ସାର୍‌ଡି ଆଡ଼ଃ ଜୀଦାନ୍, ଆଇକ୍‌କେ ବାଗିକେଦ୍‌ତେ ଜେତାଏ ଆପୁତାଃ କାକ ସେଟେର୍ ଦାଡ଼ିୟା ।” ୭ ଇନିଃ ମେତାଦ୍‌କଆଏ, “ଆପେ ଆଇକ୍‌କେ ସାର୍‌ଡିଗି ସାରିକାକ୍‌ରେଦ ଆପୁକ୍‌କେହ ସାରିକାକ୍‌ତେୟାଃପେ, ନାହାଁଃଏତେ ଆପେ ଇନିଃକେପେ ସାରିତାନା ଆଡ଼ଃ ଇନିଃକେପେ ନେଲାକାକ୍‌କାଃ ।”

୮ ଫିଲିପ୍ ଯାଶୁକେ କାଜିକିୟାଏ, “ହେ ପ୍ରାଭୁ, ଆଲେକେ ଆପୁକେ ଉଦୁବାଲେମେ, ଇମ୍‌ନାକ୍‌ଗି ଆଲେୟାଃ ସାନାକ୍‌ ତାନାଃ ।”

୯ ଯାଶୁ କାଜିରୁହାଡ଼କିୟାଏ, “ଏ ଫିଲିପ୍, ନିମିନ୍ ମାହାଁଏତେ ଆଇକ୍ ଆପେଲଃ ମେନାକ୍‌ୟାଃ ଚିୟାଃ ଆମ୍ ଆଇକ୍‌କେ କାମ୍ ସାରିକାଦ୍‌ୟାଃ, ଜେତାଏ ଆଇକ୍‌କେ ନେଲାକାଦିକ୍‌ନିଃ ଆପୁକେ ନେଲାକାକ୍‌କାଏ, ଆଲେକେ ଆପୁକେ ଉଦୁବାଲେମେ ମେନ୍ତେ ଚିଲ୍‌କାତେମ୍ କାଜିତାନା ?” ୧୦ ଆଇକ୍ ଆପୁତାଃରେ ମେନାକ୍‌ୟାଃ ଆଡ଼ଃ ଆପୁ ଆଇକ୍‌ରିୟା, ଚିୟାଃ ନେଆଁ ଆମ୍ କାମ୍ ପାଡ଼ିୟାରେତାନା, ଆଇକ୍ ଆପେକେ କାଜିୟାପେତାନ୍ କାଜିକ ଆଇକ୍‌ତାଃଏତେ କାଇକ୍ କାଜିୟାଃ ମେନ୍ଦ ଆପୁ ଆଇକ୍‌ରେ ତାଇନ୍‌କେଦ୍‌ତେ ଆୟାଃ କାମିକ କାମିତାନାଏ । ୧୧ ଆଇକ୍ ଆପୁତାଃରେ

✽ ୧୩:୩୩ ୧୩:୩୩ ଯୋହାନ୍ ୭:୩୪. ✽ ୧୩:୩୪ ୧୩:୩୪ ଯୋହାନ୍ ୧୫:୧୨, ୧୭; ୧ ଯୋହାନ୍ ୩:୨୩; ୨ ଯୋହାନ୍ ୧:୫.

ମେନାଇୟାଃ ଆତଃ ଆପୁ ଆଇଙ୍ଗ୍ରିୟାଃ ଏନା ବିଶ୍ୱାସେପେ, ଏନା କା'ରେଦ, ଆଇଙ୍ଗ୍ କାମିକାଦ୍ କାମିକ ନାଗେନ୍ତେ ପାତିୟାରିଙ୍ଗ୍ପେ ।^{୧୨} ଆଇଙ୍ଗ୍ ସାର୍ତିଗି କାଜିୟାପେ ତାନାଇଙ୍ଗ୍, ଆଇଙ୍ଗ୍ରେ ବିଶ୍ୱାସେତାନକ, ଆଇଙ୍ଗ୍ କାମିକାଦ୍ କାମିକ କାମିୟା ଆତଃ ଏନାଏତେ ଆଦକା ମାପୁରାଙ୍ଗ୍ କାମିକ କାମିୟା, ଚିୟାଃଟି ଆଇଙ୍ଗ୍ଦ ଆପୁତାଃତେ ସେନଃତାନାଇଙ୍ଗ୍ ।^{୧୩} ଆତଃ ଆଇୟାଃ ନୁତୁମ୍ତେ ସବେନାଃ ଆସିତେୟାଃ ଆଇଙ୍ଗ୍ ଆପେନାଙ୍ଗ୍ କାମିୟାଇଙ୍ଗ୍, ଏନାତେ ଆପୁଆଃ ମାଇନାନ୍ ହନ୍ଆଃ ହରାତେ ଉଦୁବଃଆ ।^{୧୪} ଆପେ ଆଇୟାଃ ନୁତୁମ୍ତେ ଜେଡ୍ନାଃପେ ଆସିରେଦ ଏନାଇଙ୍ଗ୍ ରିକାୟା ।

ପାବିତାର୍ ଆମ୍ବାରାଃ କାଜିଏମଃ

^{୧୫} ଆପେ ଆଇଙ୍ଗ୍କେ ଦୁଲାଡ଼ିଙ୍ଗ୍ରେଦ ଆଇୟାଃ ଆନୁପେ ମାନାଡ଼ିଙ୍ଗ୍ୟାଃ ।^{୧୬} ଆଇଙ୍ଗ୍ ଆପୁକେଇଙ୍ଗ୍ ବିକ୍ରିୟା ଆତଃ ଇନିଃ ଆପେଲଃ ଜାନାଅ ଜାନାଅ ତାଇନଃ ନାଗେନ୍ତେ ଏଟାଃ ଜୀଉରାଡ଼େଃ ଏମଃନିଃକେ ଏମାପେୟାଏ ।^{୧୭} ଇନିଃ ସାର୍ତି ଆମ୍ବା ତାନିଃ, ଆତଃ ପାର୍ମେଶ୍ୱାରାଃ ସାର୍ତି ବିଷାଏକେ ଉଦୁବେୟାଏ । ଅତେଦିଶୁମ୍ ଇନିଃକେ କାଏ ସାରିୟାଃ, ଚିୟାଃଟି ଅତେଦିଶୁମ୍ ଇନିଃକେ କାଏ ନେଲ୍ ଦାଡ଼ିୟାଃ ଚାଏ କାଏ ନାମ୍ ଦାଡ଼ିୟାଃ । ମେନ୍ଦ୍ ଆପେ ଇନିଃକେ ସାରିୟାଃପେ ଚିୟାଃଟି ଇନିଃ ଆପେଲଃ ମେନାଇୟା ଆତଃ ଆପେରେ ତାଇନଃଆଏ ।

^{୧୮} “ଆଇଙ୍ଗ୍ ସେନଃୟାନ୍ ତାୟମ୍ତେ, ଆଇଙ୍ଗ୍ ଆପେକେ ତୁଆରଲେକା କାଇଙ୍ଗ୍ ବାଗିପେୟା, ଆଇଙ୍ଗ୍ ଆପେତାଃତେ ରୁହାଡ଼୍ ହିଜୁଃଆଇଙ୍ଗ୍ ।^{୧୯} ଆତଃ କାଟିଃ ଘାଡ଼ିକାଦ୍ରେ ଅତେଦିଶୁମ୍ ଆଇଙ୍ଗ୍କେ କାଏ ନେଲିୟାଃ, ମେନ୍ଦ୍ ଆପେ ଆଇଙ୍ଗ୍କେ ନେଲିୟାଃପେ, ଚିୟାଃଟି ଆଇଙ୍ଗ୍ଦ ଜୀହିଦ୍ ମେନାଇୟାଃ ଆତଃ ଆପେୟା ଜୀହିଦ୍ଗି ତାଇନାଃପେ ।^{୨୦} ଆଇଙ୍ଗ୍ ଆପୁଲଃ ମେନାଇୟାଃ ଆତଃ ଆଇଙ୍ଗ୍ ଆପେରେ ମେନାଇଙ୍ଗ୍ ଲେକା ଆପେ ଆଇୟାଃରେ ମେନାପେୟା ଏନା ଏନ୍ ହୁଲାଙ୍ଗ୍ ହିଜୁଃରେପେ ସାରିୟାଃ ।

^{୨୧} “ଜେତାଏ ଆଇୟାଃ ଆନୁ ନାମ୍କେଦ୍ତେ ମାନାଡ଼ିଙ୍ଗ୍ନିଃ ଆଇଙ୍ଗ୍କେ ଦୁଲାଡ଼ାଃଏ, ଆତଃ ଆଇଙ୍ଗ୍କେ ଦୁଲାଡ଼ିଙ୍ଗ୍ନିଃକେ ଆପୁଇଙ୍ଗ୍ ଦୁଲାଡ଼ିୟାଏ ଆତଃ ଆଇଙ୍ଗ୍ହି ଇନିଃକେ ଦୁଲାଡ଼ିୟାଇଙ୍ଗ୍ ଆତଃ ଇନିଃତାଃରେ ଉଦୁବେନାଇଙ୍ଗ୍ ।”

^{୨୨} ଇଷ୍ଟାରିୟଡ଼୍ ଯିହୁଦା କାହା, ଏଟାଃ ଯିହୁଦା ଯୀଶୁକେ କାଜିକିୟାଏ, “ହେ ପ୍ରାଭୁ, ନେଆଁ ଚିଲ୍କା ହବାଅଆଃ ? ଚିନାଃମେନ୍ତେ ଆମ୍ ଅତେଦିଶୁମ୍ରେ କା ଉଦୁବେନକେଦ୍ତେ ଆଲେତାଃରେ ଉଦୁବେନ୍ ସାନାଙ୍ଗ୍ତାନାମ୍ ?”

^{୨୩} ଯୀଶୁ ଇନିଃକେ କାଜିରୁହାଡ଼କିୟାଏ, “ଜେତାଏ ଆଇଙ୍ଗ୍କେ ଦୁଲାଡ଼ିଙ୍ଗ୍ରେଦ ଇନିଃ ଆଇୟାଃ କାଜି ମାନାଡ଼ିୟାଏ ଆତଃ ଆପୁଇଙ୍ଗ୍ ଇନିଃକେ ଦୁଲାଡ଼ିୟାଏ ଆତଃ ଆପୁଇଙ୍ଗ୍ ଆତଃ ଆଇଙ୍ଗ୍ ହିଜୁଃକେଦ୍ତେ ଇନିଃଲଃ ତାଇନାଃଲିଙ୍ଗ୍ ।

^{୨୪} ଆଇଙ୍ଗ୍କେ କାଏ ଦୁଲାଡ଼ିଙ୍ଗ୍ନିଃ ଆଇୟାଃ କାଜି କାଏ ମାନାଡ଼ିୟାଃ ଆତଃ ଆପେ ଆୟୁମ୍ତାନ୍ କାଜି ଆଇୟାଃ ନାହାଁଲାଃ, ମେନ୍ଦ୍ ଆଇଙ୍ଗ୍କେ କୁଲାକାଇଙ୍ଗ୍ନିଃ ଆପୁଇୟାଃ ତାନାଃ ।

^{୨୫} “ଆଇଙ୍ଗ୍ ଆପେଲଃ ତାଇକେନ୍ ଇମ୍ତା ନେ କାଜିକ କାଜିୟାପେ ତାନାଇଙ୍ଗ୍ ।^{୨୬} ମେନ୍ଦ୍ ଏନ୍ ଜୀଉରାଡ଼େଃ ଏମଃ ପାବିତାର୍ ଆମ୍ବାକେ ଆପୁ ଆଇୟାଃ ନୁତୁମ୍ତେ କୁଲିୟାଏ ଇନିଃ ଆପେକେ ସବେନାଃ ଇତୁପେୟାଏ ଆତଃ ଆପେକେ କାଜିକାଦ୍ପେତେୟାଃ, ପାହାମ୍ ରିକାପେୟାଏ ।

^{୨୭} “ଆଇଙ୍ଗ୍ ଆପେକେ ଜୀଉସୁକୁ ବାଗିୟାପେତାନାଇଙ୍ଗ୍, ଆଇୟାଃ ଜୀଉସୁକୁ ଏମାପେତାନାଇଙ୍ଗ୍, ଅତେଦିଶୁମ୍ ଏମ୍ଲେକା କାଇଙ୍ଗ୍ ଏମାପେତାନା, ଆପେୟାଃ ମନ୍ ଆଲକାଏ ଆକ୍ବାକାଅଃକା ଆତଃ ଆଲକାଏ ବରଏକା ।

^{୨୮} “ଆଇଙ୍ଗ୍ ସେନଃତାନାଇଙ୍ଗ୍ ଆତଃ ଆପେତାଃତେଇଙ୍ଗ୍ ହିଜୁଃରୁହାଡ଼ାଃ’ ମେନ୍ତେ ଆପେକେ କାଜିକାଦ୍ପେତେୟାଃ ଆୟୁମ୍କାଦାଃପେ । ଆପେ ଆଇଙ୍ଗ୍କେ ଦୁଲାଡ଼ିଙ୍ଗ୍ତେୟାଃପେ ରେଦ ଆଇଙ୍ଗ୍ ଆପୁତାଃତେଇଙ୍ଗ୍ ସେନଃତାନା ମେନ୍ତେ ରାସକାଅଃତେୟାଃପେ, ଚିୟାଃଟି ଆପୁଦ୍ ଆଇଙ୍ଗ୍ଏତେ ମାରାଙ୍ଗ୍ଆଃଏ ।^{୨୯} ଏନା ହବାଃଅ ଦିପିଲିରେ ଆପେ ଜେ'ଲେକା ବିଶ୍ୱାସେ ନାଗେନ୍ତେ ଏନା ଆଉରି ହବାଃଅ ସିଦାରେ ଆପେକେ କାଜିୟାପେ ତାନାଇଙ୍ଗ୍ ।^{୩୦} ଆଇଙ୍ଗ୍ ଆପେଲଃ ପୁରାଃ କାଇଙ୍ଗ୍ ଜାଗାରେୟା, ନେ ଅତେଦିଶୁମ୍ରେନ୍ ଗମକେ ହିଜୁଃତାନାଏ ଆତଃ ଆଇଙ୍ଗ୍ରେ ଇନିୟାଃ ଜେତାନ୍ ପେଡ଼େଃ ବାନଆଃ ।^{୩୧} ମେନ୍ଦ୍ ଆପୁ ଆରୁକାଦ୍ ଲେକାଇଙ୍ଗ୍ କାମିୟାଃ, ଏନାତେ ଆଇଙ୍ଗ୍ ଆପୁକେଇଙ୍ଗ୍ ଦୁଲାଡ଼ାଃ ମେନ୍ତେ ଅତେଦିଶୁମ୍ ଆଟ୍ଟକାରେକାଏ ।

“ବିରିଦ୍ପେ, ଦଲା ନେତାଃଏତେବୁ ସେନଃଆ ।

୧୫

ୟୀଶୁ ସାର୍ତି ଦାଖ୍ନାଡ଼ି ତାନିଃ

^୧ “ଆଇଙ୍ଗ୍ ସାର୍ତି ଦାଖ୍ନାଡ଼ି ତାନିଙ୍ଗ୍ ଆତଃ ଆପୁଇଙ୍ଗ୍ କିଷାନ୍ ତାନିଃ ।^୨ ଆଇଙ୍ଗ୍ତାଃରେ ତାଇନଃ ଜେତାନ୍ କତ କା ଜଅଃତେୟାଃକେ ମାଆଃ ଆତମେୟାଏ ଆତଃ ଜଅଃତାନ୍ କତ ଆଦକା ଜଅଃକା ମେନ୍ତେ ଏନାକେ ମାଆଃକେଦ୍ତେ ସାପା ଫାଟ୍ଟିୟାଏ ।^୩ ଆପେଦ୍ ଆଇଙ୍ଗ୍ କାଜିୟାଦ୍ କାଜିରେୟାଃ ହରାତେପେ ଫାଟ୍ଟି ଚାବାକାନା ।^୪ ଆଇଙ୍ଗ୍ରେ ତାଇନ୍ପେ ଆତଃ ଆଇଙ୍ଗ୍ ଆପେରେ ତାଇନାଃଇଙ୍ଗ୍, କତ ଦାଖ୍ନାଡ଼ିରେ କା ତାଇନ୍ରେଦ୍ ଆଇଃକ୍ତେଗି କା ଜଅଃ ଦାଡ଼ିୟାଃଆ, ଏନ୍ ଲେକାତେ ଆପେୟା ଆଇୟାଃରେ କାପେ ତାଇନ୍ରେଦ୍ କାପେ ଜଅଃ ଦାଡ଼ିୟାଃଆ ।

୫ “ଆଇଙ୍ଗ ଦାଖନାଡ଼ି ତାନିଙ୍ଗ, ଆପେ କତକ ତାନପେ, ଆଇଙ୍ଗରେ ତାଇନତାନକ ଆତଃ ଆଇଙ୍ଗ ଇନକୁରେ ତାଇନତାନ ହତକ ପୁରାଃ ଜଆଃକ । ଚିୟାଃଚି ଆଇଙ୍ଗ ବେଗାର୍ଦ୍ଦ ଆପେ ଜେଡ଼ନାଃ କାପେ କାମି ଦାଡ଼ିୟାଃ ।^୬ ଜେତାଏ ଆଇଙ୍ଗରେ କାଏ ତାଇନରେଦ ଇନିଃ ମାଆଃକାନ୍ କତଲେକାଏ ଏଣ୍ଡାଗଃଆ, ଆତଃ ରହଡ଼ଃଆଏ; ଏନ୍ଲେକାନ୍ କତକେ ହତକ ହୁଣ୍ଡିକେଦ୍ଦେ ସେଙ୍ଗେଲ୍ରେକ ହୁଦ୍ମାୟା ଆତଃ ଏନା ଲଆଃ ।^୭ ଆପେ ଆଇଙ୍ଗରେ ତାଇନରେ ଆତଃ ଆଇଙ୍ଗାଃ କାଜି ଆପେରେ ତାଇନରେଦ ଆପେ ଜେଡ଼ନାଃ ସାନାଙ୍ଗଡେୟାଃ ଆସିପେ ଆତଃ ଆପେୟାଃ ନାଗେନ୍ତେ ଏନା ହବାଅଆଃ ।
 ୮ ଆପେ ପୁରାଃ ଜ ଜଅଃ'ରେ ଆଇଙ୍ଗାଃ ଆପୁଇଙ୍ଗ ମାଲନାନଃଆଏ ଆତଃ ଆପେ ଆଇଙ୍ଗାଃ ବୁଗିନ୍ ତେଲାପେ ବାଇୟାଃ ।^୯ ଆପୁ ଆଇଙ୍ଗକେ ଦୁଲାଡ଼କାଦିଙ୍ଗ ଲେକା ଆଇଙ୍ଗ ଆପେକେ ଦୁଲାଡ଼କାଦ୍ପେୟାଇଙ୍ଗ, ଆଇଙ୍ଗାଃ ଦୁଲାଡ଼ରେ ତାଇନକାନ୍ପେ ।^{୧୦} ଆଇଙ୍ଗ ଆପୁଇଙ୍ଗାଃ ଆନୁ ମାନାଡ଼ିଙ୍ଗକେଦ୍ଦେ ଆୟାଃ ଦୁଲାଡ଼ରେ ତାଇକାନ୍ ଲେକାଗି ଆପେୟାଗି ଆଇଙ୍ଗାଃ ଆନୁପେ ମାନାଡ଼ିଙ୍ଗରେ ଆଇଙ୍ଗାଃ ଦୁଲାଡ଼ରେପେ ତାଇନାଃ ।

୧୧ “ଆଇଙ୍ଗାଃ ରାସ୍ତା ଆପେରେ ତାଇନକା ଆତଃ ଆପେୟାଃ ରାସ୍ତା ପୁରାଅଃ ନାଗେନ୍ତେ ଆଇଙ୍ଗ ଆପେକେ ନେଆଁ କାଜିୟାଦ୍ପେୟାଇଙ୍ଗ ।^{୧୨} ଆଇଙ୍ଗ ଆପେକେ ଦୁଲାଡ଼କାଦ୍ପେ ଲେକା ଆପେୟା ଦୁପୁଲାଡ଼ପେ, ନେଆଁ ଆଇଙ୍ଗାଃ ଆନୁ ତାନାଃ ।^{୧୩} ଜେତାଏ ଆୟାଃ ଗାଡ଼ିକଆଃ ନାଗେନ୍ତେ ଆୟାଃ ଜୀଉ ଏମଃନିୟାଃଏଡେ ମାରାଙ୍ଗ ଦୁଲାଡ଼ ଜେଡ଼ନାଃ ବାନଆଃ ।
 ୧୪ ଆଇଙ୍ଗ ଆପେକେ ଏମାକାଦ୍ ଆନୁକେପେ ମାନାଡ଼ିଙ୍ଗରେଦ ଆପେ ଆଇଙ୍ଗାଃ ଗାଡ଼ିକ ତାନପେ ।^{୧୫} ଆଇଙ୍ଗ ଆପେକେ ଆତଃ ଦାସି ମେନ୍ତେ କାଇଙ୍ଗ କାଜିପେତାନା, ଚିୟାଃଚି ଗମ୍ବକେ ଚିନାଃ କାମିତାନଡେୟାଃ, ଦାସି କାଏ ସାରିୟାଃ ମେନ୍ଦ୍ ଆଇଙ୍ଗ ଆପେକେ ଗାଡ଼ି ମେନ୍ତେ କାଜିପେତାନାଇଙ୍ଗ ଚିୟାଃଚି ଆଇଙ୍ଗାଃ ଆପୁଇଙ୍ଗାଃଏଡେ ଆୟୁମ୍ବକାଦ୍ ସବେନାଃ ଆପେକେ ଉଦୁବାକାଦ୍ପେୟାଇଙ୍ଗ ।^{୧୬} ଆପେ ଆଇଙ୍ଗକେ କାପେ ସାଲାକାଦିୟାଃ ମେନ୍ଦ୍ ଆଇଙ୍ଗ ଆପେକେ ସାଲାକାଦ୍ପେୟାଇଙ୍ଗ । ଆପେ ଜେ'ଲେକା ପୁରାଃଗି ଜ ଦାଡ଼ିୟାଃଆପେ ଆତଃ ଏନ୍ ଜ ଜାନାଅଗି ତାଇନଃକା ମେନ୍ତେଇଙ୍ଗ ସାଲାକାଦ୍ପେୟା । ଏନାଡେ ଆପେ ଆଇଙ୍ଗାଃ ନୁଡୁମ୍ବଡେ ଆପୁକେ ଜେଡ଼ନାଃ ଆସିଡେୟାଃ ଆପେକେ ଏମାପେୟାଏ ।
 ୧୭ ଆଇଙ୍ଗ ଆପେକେ ଦୁଲାଡ଼ପେତାନ୍ ଲେକାଗି ଆପେ ଆପେଗି ଦୁପୁଲାଡ଼ପେ, ନେଆଁ ଆଇଙ୍ଗାଃ ଆନୁ ତାନାଃ ।

ଅଡେଦିଶୁମ୍ ଆପେକେ ହିଲାଙ୍ଗପେୟା

୧୮ “ଅଡେଦିଶୁମ୍ ଆପେକେ ହିଲାଙ୍ଗପେରେଦ, ଆପେକେ ହିଲାଙ୍ଗ ସିଦାରେ ଆଇଙ୍ଗକେ ହିଲାଙ୍ଗକାଦିୟାଏ ଏନା ସାରିପେ ।^{୧୯} ଆପେ ନେ ଅଡେଦିଶୁମ୍ରେନ୍ ତାଇକାନ୍ରେଦ ଅଡେଦିଶୁମ୍ ଆପେକେ ଆଇଃକ ଲେକାଗି ଦୁଲାଡ଼କାପେଡେୟାଃଏ । ମେନ୍ଦ୍ ଆଇଙ୍ଗ ଆପେକେ ଅଡେଦିଶୁମ୍ଏଡେ ସାଲାକାଦ୍ପେୟାଇଙ୍ଗ, ଆତଃ ଆପେ ଅଡେଦିଶୁମ୍ରେନ୍ ନାହାଁଲାପେ ଏନାଡେ ଆପେକେ ଅଡେଦିଶୁମ୍ ହିଲାଙ୍ଗପେତାନାଏ ।^{୨୦} ଦାସି ଆୟାଃ ଗମ୍ବକଏଡେ କାଏ ମାରାଙ୍ଗଆଃ ମେନ୍ତେ କାଜିୟାଦ୍ପେ କାଜି ପାହାମେପେ । ଇନକୁ ଆଇଙ୍ଗକେ ସିଗିଦ୍କାଦିଙ୍ଗ ରେଦକ ଆପେକେୟାଗି ସିଗିଦ୍ପେୟାକ, ଇନକୁ ଆଇଙ୍ଗାଃ କାଜି ମାନାଡ଼ିଙ୍ଗଲେରେ ଆପେୟାଃ କାଜିକେୟାକ ମାନାଡ଼ିଙ୍ଗାଃ ।^{୨୧} ମେନ୍ଦ୍ ଇନକୁ ଆଇଙ୍ଗାଃ ନୁଡୁମ୍ ନାଗେନ୍ତେ ନେ ସବେନାଃ ଆପେକେୟା ରିକାପେୟାକ, ଚିୟାଃଚି ଇନକୁ ଆଇଙ୍ଗକେ କୁଲ୍ନିଃକେ କାକ ସାରିୟା ?^{୨୨} ଆଇଙ୍ଗ ହିଜୁଃକେଦ୍ଦେ ଇନକୁକେ କାଇଙ୍ଗ କାଜିକାକରେଦ ଇନକୁଆଃ ପାପ୍ କା ହବାଅଃଡେୟାଃ, ମେନ୍ଦ୍ ନାହାଁଃ ଆକଆଃ ପାପ୍ ନାଗେନ୍ତେ ଇନକୁ ଜେଡ଼ନାଃ କାକ ବାହାନା ଦାଡ଼ିୟାଃ ।^{୨୩} ଆଇଙ୍ଗକେ ହିଲାଙ୍ଗନିଃ ଆଇଙ୍ଗାଃ ଆପୁକେହଗି ହିଲାଙ୍ଗାଃଆଃଏ ।^{୨୪} ଜେତାଏ କାକ କାମିୟାକାଦ୍ କାମି ଆଇଙ୍ଗ ଇନକୁଆଃ ଆଲାରେ କାଇଙ୍ଗ କାମିକେଦ୍ରେଦ ଇନକୁଆଃ ପାପ୍ କା ହବାଅଃଡେୟାଃ, ମେନ୍ଦ୍ ଆଇଙ୍ଗ କାମିକାଦ୍ଡେୟାଃ ନାହାଁଃ ଇନକୁ ନେଲ୍କାଦାଃକ ଆତଃ ଆଇଙ୍ଗ ଆତଃ ଆପୁଇଙ୍ଗ ବାରାନ୍କିନ୍କେ ହିଲାଙ୍ଗକାଦ୍ଲିୟାକ ।^{୨୫} ମେନ୍ଦ୍ ଇନକୁ ଆଇଙ୍ଗକେ ସାମାଗିକ ହିଲାଙ୍ଗକିଦିୟାଃ । ଇନକୁଆଃ ଆନୁରେ ନେ କାଜି ଅଲାନାଡେୟାଃ ପୁରାଅଃ ନାଗେନ୍ତେ ନେ'ଲେକା ହବାଅଃଡାନାଃ ।

୨୬ “ଆପୁତାଃଏଡେ ଆପେତାଃ ଆଇଙ୍ଗ କୁଲି ଜୀଉରାଡ଼େଃ ଏମଃନିଃକେ ଚାଏ ଆପୁତାଃଏଡେ ହିଜୁଃତାନ୍ ସାନାର୍ଡିରେନ୍ ଆମ୍ବା ହିଜୁଃରେ ଆଇଙ୍ଗାଃ ବିଷାଏରେ ଗାଞ୍ଜା ଏମେୟାଏ ।^{୨୭} ଆତଃ ଆପେୟା ଆଇଙ୍ଗାଃ ବିଷାଏରେ ଗାଞ୍ଜାପେ ଏମେୟା, ଚିୟାଃଚି ଆପେଦ ମୁନ୍ଦ୍ଏଡେ ଆଇଙ୍ଗାଃଲଃ ତାଇକେନାପେ ।



ୟାଶୁ ଆୟାଃ ତେଲକକେ ଜୀଉ ରାଡ଼େଃକତାନାଏ

୧ “ଆପେ ଜେ'ଲେକା ବିଶ୍ୱାସ୍ତକେ ଆଲ୍ପେ ଆଦେକା ଏନାମେନ୍ତେ ଆଇଙ୍ଗ ନେ ସବେନ୍ କାଜିଇଙ୍ଗ ଉଦୁବାଦ୍ପେୟା ।^୨ ଇନକୁ ଆପେକେ ସାମାଜ୍ଅତାଃଏଡେ ଆତମ୍ପେୟାକ, ଏନ୍ଦିପିଲି ହିଜୁଃଆ, ଚିମ୍ତାଙ୍ଗ ଜେତାଏନିଃ ଆପେକେ ଗଏଃପେୟାଏ, ଇମ୍ତାଙ୍ଗ ଇନିଃ ପାର୍ମେଶ୍ୱାର୍ଆଃ ସେଞ୍ଜାତାନାଇଙ୍ଗ ମେନ୍ତେ ଆବ୍କାରେୟାଏ ।^୩ ଆତଃ ଇନକୁ ଆପେକେ ନେକାପେୟାକ ଚିୟାଃଚି ଇନକୁ ଆପୁ ଆତଃ ଆଇଙ୍ଗକେ କାକ ସାରିୟାଃ ।^୪ ମେନ୍ଦ୍ ଏନ୍ ଦିପିଲି ସେଟେର୍ରେ

☆ ୧୫:୧୨ ୧୫:୧୨ ଯୋହାନ୍ ୧୩:୩୪; ୧୫:୧୭; ୧ ଯୋହାନ୍ ୩:୨୩; ୨ ଯୋହାନ୍ ୧:୫. ☆ ୧୫:୨୦ ୧୫:୨୦ ମାଥ୍ ୧୦:୨୪; ଲୁକ ୬:୪୦; ଯୋହାନ୍ ୧୩:୧୭.

ଆଇଙ୍ଗ୍ ଆପେକେ ନେ କାଜି କାଜିକାପେ ତାଇକେନାଇଙ୍ଗ୍, ଏନା ପାହାମେ ନାଗେନ୍ତେ ଆଇଙ୍ଗ୍ ନେ ସବେନ୍ କାଜି ଆପେକେ କାଜିୟାଦ୍‌ପେୟାଇଙ୍ଗ୍ ।

“ଆଇଙ୍ଗ୍ ଆପେଲିଃ ତାଇକେନ୍ ଇମ୍‌ତା ମୁନ୍‌ଏତେ ନେ ସବେନ୍ କାଜି କାଇଙ୍ଗ୍ କାଜି ।

ପାବିତାର ଆମ୍ବାରାଃ କାମି

୫ “ମେନ୍‌ଦ ନାହାଁଃ ଆଇଙ୍ଗ୍‌କେ କୁଲିନିଃତାଃତେ ସେନଃତାନାଇଙ୍ଗ୍, ହଲେହିଁ ଅକ୍‌ତାଃତେମ୍ ସେନଃତାନା ମେନ୍ତେ ଆପେକଏତେ ଜେତାଏ କାପେ କୁଲିଙ୍ଗ୍‌ତାନା । ୬ ଆତଃ ନାହାଁଃ ଆଇଙ୍ଗ୍ ଆପେକେ ନେ ସବେନ୍ କାଜି କାଜିୟାପେତାନ୍ ହରାତେ ଆପେ ଆପେୟାଃ ମନ୍‌ସୁରୁଦ୍‌ରେ ପୁରାଃଗିପେ ହୁଡିଙ୍ଗ୍‌ଜୀଉକାନା । ୭ ମେନ୍‌ଦ ଆଇଙ୍ଗ୍ ଆପେକେ ସାର୍‌ତି କାଜିୟାପେ ତାନାଇଙ୍ଗ୍, ଆଇଙ୍ଗ୍ ସେନଃତେୟାଃ ଆପେୟାଃ ନାଙ୍ଗ୍ ପୁରାଃ ବୁଗିଅଆଃ, ଚିୟାଃତି ଆଇଙ୍ଗ୍ କାଇଙ୍ଗ୍ ସେନ୍‌ରେଦ ଜୀଉରାଡ଼େଃ ଏମଃନିଃ କାଏ ହିଜୁଃଆ, ମେନ୍‌ଦ ଆଇଙ୍ଗ୍ ସେନ୍‌ରେଦ ଇନିଃକେ ଆପେତାଃତେଇଙ୍ଗ୍ କୁଲିୟା । ୮ ଆତଃ ଇନିଃ ହିଜୁଃରେ ଅତେଦିଶୁମ୍‌ରେନ୍ ହଡ଼କଆଃ ପାପ୍‌ରେୟାଃ ଏଡ଼କାନ୍ ବିଷାଏ, ଧାର୍‌ମାନ୍ ବିଷାଏ ଆତଃ ପାର୍‌ମେଶ୍‌ବାର୍‌ଆଃ ବିଚାର୍ ବିଷାଏରେ ଉଦୁବେୟାଏ । ୯ ପାପ୍ ବିଷାଏରେ ଇନ୍‌କୁ କାକ ଠାଉକା, ଚିୟାଃତି ଇନ୍‌କୁ କାକ ବିଶ୍ୱାସେତାନା ୧୦ ଧାର୍‌ମାନ୍ ବିଷାଏରେ ଇନ୍‌କୁ କାକ ଠାଉକା, ଚିୟାଃତି ଆଇଙ୍ଗ୍‌ଦ ଆପୁତାଃତେ ସେନଃତାନାଇଙ୍ଗ୍, ଆପେ ଆତଃ କାପେ ନେଲିୟାଁଃ । ୧୧ ବିଚାର୍ ବିଷାଏରେ ଇନ୍‌କୁ କାକ ଠାଉକା, ଚିୟାଃତି ନେ ଅତେଦିଶୁମ୍‌ରେନ୍ ଗମ୍‌କେଦ ବିଚାର୍ ଚାବାକାନାଏ ।

୧୨ “ଆଇଙ୍ଗ୍‌ତାଃରେ ଆପେକେ ଆତଃ ପୁରାଃଗି କାଜି ଉଦୁବାପେ ନାଙ୍ଗ୍ ମେନାଃ ମେନ୍‌ଦ ନାହାଁଃ ଆପେ ଏନାକେ କାପେ ସାହାତିଙ୍ଗ୍ ଦାଡ଼ିୟାଃ । ୧୩ ମେନ୍‌ଦ ଇନିଃ, ଏନ୍ ସାର୍‌ତିରେନ୍ ଆମ୍ବା ହିଜୁଃରେ, ଇନିଃ ପାର୍‌ମେଶ୍‌ବାର୍‌ଆଃ ହରା ଉଦୁବ୍‌କେଦ୍‌ତେ ଆପେକେ ସବେନ୍ ସାର୍‌ତିରେ ଆୟାର୍ ଇଦିପେୟାଏ । ଚିୟାଃତି ଇନିଃଦ ଆୟାଃ ପେଡ଼େଃତେ କାଏ କାଜିୟା ମେନ୍‌ଦ ଆଇଙ୍ଗ୍ ଆୟାମ୍‌ତେୟାଃଗି କାଜିୟାଏ, ଆତଃ ହିଜୁଃ ବିଷାଏକ ଉଦୁବାପେୟାଏ । ୧୪ ଇନିଃ ଆଇଙ୍ଗ୍‌କେ ମାଇନାନ୍ ଏମାଇଙ୍ଗ୍‌ୟାଏ, ଚିୟାଃତି ଇନିଃଦ ଆଇଙ୍ଗ୍ କାଜିତେୟାଃ ଇଦିୟାଏ ଆତଃ ଆପେକେ ଉଦୁବାପେୟାଏ । ୧୫ ଆପୁଇଁୟାଃ ସବେନାଃତେୟାଃ ଆଇଁୟାଃ ତାନାଃ ମେନ୍ତେ ଆଇଙ୍ଗ୍ କାଜିକେଦାଇଙ୍ଗ୍, ପାବିତାର୍ ଆମ୍ବା ଆଇଙ୍ଗ୍ ଏମ୍‌ତେୟାଃ ଇଦିୟାଏ ଆତଃ ଆପେକେ ଉଦୁବାପେୟାଏ ।

ଦୁକୁ ଆତଃ ରାସକା

୧୬ “ଆପେ ଆତଃ କାଟିଃ ଘାଡ଼ିକାଦ୍‌ରେ କାପେ ନେଲିୟାଁଃ, ଏନ୍ତେ ଆତଃ କାଟିଃ ଘାଡ଼ିକାଦ୍‌ରେପେ ନେଲିୟାଁଃ ।”

୧୭ ଏନ୍ତେ ଯୀଶୁଆଃ ଚେଲକଏତେ ଚିମିନ୍‌କ ଆକ ଆକରେକ କୁପୁଲିୟାନା, “କାଟିଃ ଘାଡ଼ିକାଦ୍‌ରେ କାପେ ନେଲିୟାଁଃ ଆତଃ କାଟିଃ ଘାଡ଼ିକାଦ୍‌ରେପେ ନେଲିୟାଁଃ ଆତଃ ‘ଆଇଙ୍ଗ୍ ଆପୁତାଃତେଇଙ୍ଗ୍ ସେନଃତାନା’ ମେନ୍ତେ ଇନିଃ କାଜିତାନ୍‌ତେୟାଃ ଚିନାଃ ତାନାଃ ? ୧୮ ଏନ୍ତେ ଇନ୍‌କୁ କାଜିକେଦାଃକ, ‘କାଟିଃ ଘାଡ଼ିକାଦ୍’ ମେନ୍ତେ କାଜିରାଃ ମୁଣ୍ଡି ଚିନାଃ ତାନାଃ ? ଇନିଃ ଚିନାଃଏ କାଜି ତାନାଃ ଏନା ଆଲେ କାଲେ ସାରିତାନା ।”

୧୯ ଚେଲକ ଇନିଃକେ କୁଲିନାଇଙ୍ଗ୍ ସାନାଙ୍ଗ୍‌ତାନାକ ମେନ୍ତେ ଆର୍‌କାର୍‌କେଦ୍‌ଚି ଯୀଶୁ ଇନ୍‌କୁକେ ମେତାଦ୍‌କଆଏ, “ଆତଃ କାଟିଃ ଘାଡ଼ିକାଦ୍‌ରେ କାପେ ନେଲିୟାଁଃ ଆତଃ କାଟିଃ ଘାଡ଼ିକାଦ୍‌ରେପେ ନେଲିୟାଁଃ, ମେନ୍ତେଇଙ୍ଗ୍ କାଜିୟାଦ୍‌ପେୟା ଏନା ନାଗେନ୍ତେ ଆପେ ଆପେରେଗି କୁପୁଲିୟାତାନାପେ ? ୨୦ ଆଇଙ୍ଗ୍ ସାର୍‌ତିଗି କାଜିୟାପେ ତାନାଇଙ୍ଗ୍, ଅତେଦିଶୁମ୍ ରାସକାଆଃ ଇମ୍‌ତା ଆପେ ରାଆଃଏୟା ଆତଃ ଏୟମ୍‌ୟା, ଆପେ ଦୁକୁଃଆପେ ମେନ୍‌ଦ ଆପେୟାଃ ଦୁକୁ ରାସକାରେ ବାଇୟାଆଃ । ୨୧ ମିଆଁଦ୍ ଆଶଦି କୁଡ଼ିରାଃ ହନ୍ ଜାନାମ୍ ଦିପିଲି ସେଟେର୍‌ୟାନ୍‌ରେ ଦୁକୁ ନାମେୟାଏ, ମେନ୍‌ଦ ଇନିଃ ହନ୍ ଜାନାମ୍ ତାୟମ୍‌ତେ ଅତେଦିଶୁମ୍‌ରେ ମିଆଁଦ୍ ହନ୍ ଜାନାମ୍‌ୟାନାଏ ମେନ୍ତେ ଆୟାଃ ଦୁକୁକେ ଆତଃ କାଏ ପାହାମାଃ । ୨୨ ଏନ୍‌ଲେକାଗି ନାହାଁଃଦ ଆପେ ଦୁକୁଃତାନାପେ, ମେନ୍‌ଦ ଆଇଙ୍ଗ୍ ଆପେକେ ଆତଃମିସା ନେଲ୍‌ପେୟାଇଙ୍ଗ୍ ଆତଃ ଆପେୟାଃ ମନ୍ ରାସକାତେ ପେରେଜଃଆ ଆତଃ ଏନ୍ ରାସକା ଆପେତାଃଏତେ ଜେତାଏ କାକ ଇଦିଦାଡ଼ିୟାଃ ।

୨୩ “ଏନ୍ ହୁଲାଇଙ୍ଗ୍ ଆପେ ଆଇଙ୍ଗ୍‌କେ ଜେଡ଼ନାଃ କାପେ କୁଲିୟାଁଃ, ଆଇଙ୍ଗ୍ ଆପେକେ ସାର୍‌ତିଗି କାଜିୟାପେ ତାନାଇଙ୍ଗ୍, ଆପେ ଆଇଁୟାଃ ନୁଡୁମ୍‌ତେ ଆପୁଇଙ୍ଗ୍‌କେ ଜେଡ଼ନାଃପେ ଆସିରେଦ ଇନିଃ ଏନାକେ ଏମାପେୟାଏ । ୨୪ ନାହାଁଃ ଜାକେଦ୍ ଆପେ ଆଇଁୟାଃ ନୁଡୁମ୍‌ତେ ଜେଡ଼ନାଃ କାପେ ଆସିକାଦାଃ, ଆସିପେ ଆତଃ ଆପେୟାଃ ରାସକା ପେରେଜଃ ନାଗେନ୍ତେ ଆପେ ଏନାପେ ନାମେୟା ।

ଅତେଦିଶୁମ୍‌କେ ଜିତାଅ

୨୫ “ଆଇଙ୍ଗ୍ ଆପେକେ ଜନ୍‌କା କାଜିତେ ନେ ସବେନ୍ କାଜିକ କାଜିକାଦ୍‌ପେୟାଇଙ୍ଗ୍ । ମେନ୍‌ଦ ଏନ୍ ଦିପିଲି ହିଜୁଃଆ, ଇମ୍‌ତା ଆଇଙ୍ଗ୍ ଜନ୍‌କା କାଜିତେ କାଇଙ୍ଗ୍ ଉଦୁବାପେୟା, ମେନ୍‌ଦ ଆପୁଇଁୟାଃ ବିଷାଏ ଆପେକେ ଉଦୁବ୍‌ଉତାର୍‌ପେୟା । ୨୬ ଏନ୍ ହୁଲାଇଙ୍ଗ୍ ଆପେ ଆଇଁୟାଃ ନୁଡୁମ୍‌ତେପେ ଆସିୟା; ଆତଃ ଆଇଙ୍ଗ୍ ଆପେୟାଃନାଙ୍ଗ୍ ଆପୁତାଃ ବିକ୍ରିୟାଇଙ୍ଗ୍ ଏନା କାଇଙ୍ଗ୍ କାଜିପେତାନା । ୨୭ ଆପୁ ଆଇଃକ୍‌ଗି ଆପେକେ ଦୁଲୀଡ଼ାଃଏ, ଚିୟାଃତି ଆପେ ଆଇଙ୍ଗ୍‌କେ ଦୁଲୀଡ଼କାଦିୟାଃପେ

ଆତ୍ମ ଆଇଁ ଆପୁତାଏତେ ହିନ୍ଦୁକାନାଇଁ ଏନା ବିଶ୍ୱାସକାଦାସପେ । ୨୮ ଆଇଁ ଆପୁତାଏତେ ଅତେଦିଶୁମ୍ତେ ହିନ୍ଦୁଆକାନାଇଁ ଆତ୍ମ ନାହାଁ ଆଇଁ ଅତେଦିଶୁମ୍ ବାଗିକେଦ୍ତେ ଆପୁତାଏତେ ସେନଶତାନାଇଁ ।”

୨୯ ଯୀଶୁଆତ୍ମ ତେଲକ କାଜିକିୟାଶକ, “ନେଲେମେ, ନାହାଁସଦ ଆମ୍ ଜନ୍କା କାଜିତେଦ କାହା ମେନ୍ଦ ଫାରିଗି କାଜିତାନାମ୍ । ୩୦ ନାହାଁ ଆଲେ ଆଟ୍ କାରକାଦା, ଆମ୍ ସବେନାଶମ୍ ସାରିୟାଶ ଆତ୍ମ ଜେତାଏ ଆମ୍ କେ ଜେତ୍ନାଶ କୁଲି କା ଲାଗାତିୟାଶ । ଏନାତେ ଆମ୍ ପାରମେଶ୍ୱାରତାଏତେମ୍ ହିନ୍ଦୁଆକାନା ଏନାଲେ ବିଶ୍ୱାସେତାନା ।”

୩୧ ଯୀଶୁ ଇନ୍ଦୁକେ କାଜିକେଦ୍ କାଏ, “ତିୟାଶ ନାହାଁସପେ ବିଶ୍ୱାସେତାନା ?” ୩୨ ନେଲେପେ, ଏନ୍ ଦିପିଲି ହିନ୍ଦୁଶତାନା, ହେଗି ଏନା ସେଟେରୟାନା, ଚିମ୍ତାଜ୍ ଆପେ ଛିତିବିତିକେଦ୍ତେ ଜେତେକ ଆପେୟାଶ ଆପାନ୍ ଅତ୍ମାଶତେପେ ସେନଶଆ, ଆତ୍ମ ଆଇଁକେ ଏସ୍ କାରଗି ବାଗିତାଇଁକ୍ରେୟ ଆଇଁକ୍ କାଇଁକ୍ ଏସ୍ କାରଶଆଶ, ଚିୟାଶି ଆପୁ ଆଇଁୟାଶଲଶ ମେନାଇୟା । ୩୩ ଆପେ ସବେନ୍ ଆଇଁୟାଶରେ ଜୀଉସୁକୁ ନାମେ ନାଗେନ୍ତେ ନେଆଁ ଆଇଁକ୍ କାଜିୟାଦ୍ପେୟା । ଅତେଦିଶୁମ୍ରେ ସାସାତିପେ ନାମେୟା ମେନ୍ଦ ଆଲପେ ବରଏୟା, ଆଇଁକ୍ ଅତେଦିଶୁମ୍ କେ ଜିତାଞ୍ଜାକାଦାଇଁ ।



ୟୀଶୁ ଆୟାଶ ତେଲକ ନାଗେନ୍ତେ ବିନ୍ଦି

୧ ଯୀଶୁ ନେଆଁ କାଜିକେଦ୍ ସିର୍ମାସାଶ ସାଜିଲ୍ ରାକାବ୍ କେଦ୍ତେ କାଜିକେଦାଶଏ, ହେ ଆବା ନେତା ସେଟେରାକାନା, ହନ୍ ଆମ୍ କେ ମାଇନାନ୍ ମେ ନାଗେନ୍ତେ ହନ୍ତାମାଶକେ ମାଇନିମେ । ୨ ଆମ୍ ଇନିଶକେ ସବେନ୍ ହତ୍ତକଆଶରେ ଆକ୍ତେୟାଶରେ ନାଜ୍ ଏମାକାଇୟାମ୍, ଜେ'ଲେକା ଆମ୍ ଇନିଶକେ ଏମାକାଇ ସବେନ୍ ହତ୍ତକକେ ଜାନାଅ ଜାନାଅରେୟାଶ ଜୀଦାନ୍ ଏମ୍ ଦାଡିୟାଶଏ । ୩ ଆତ୍ମ ମିଆଁଦ୍ଗି ସାର୍ତି ପାରମେଶ୍ୱାର୍ ଆମ୍ ତାନ୍ ମେ, ଆମ୍ କେ ଆତ୍ମ ଆମ୍ କୁଲକାଇ ଯୀଶୁ ଖ୍ରୀଷ୍ଟକେ ସାରିତେୟାଶି ଜାନାଅ ଜାନାଅରେୟାଶ ଜୀଦାନ୍ ତାନାଶ । ୪ ଆମ୍ ଆଇଁକ୍ କେ ଅକନ୍ କାମି ଏମାକାଇଁ ତାଇନାମ୍ ଏନ୍ କାମି ଆଇଁକ୍ ଚୁଶୁକେଦ୍ତେ ଅତେଦିଶୁମ୍ରେ ଆମ୍ କେ ମାଇନାନ୍ କାଦ୍ ମେୟାଇଁକ୍ । ୫ ନାହାଁଶ, ହେ ଆବା, ଅତେଦିଶୁମ୍ ବାଇୟାନ୍ ସିଦାରେ ଆମାଶଲଶ ତାଇକେନ୍ ଇମ୍ତା ଆଇଁୟାଶ ଅକନ୍ ମାନାରାଇଁ ତାଇକେନା ଏନ୍ ମାନାରାଇଁତେ ଆଇଁକ୍ କେ ଆମାଶଲଶ ମାନାରାଇଁ ରିକାଇଁକ୍ ମେ ।

୬ “ଅତେଦିଶୁମ୍ରେନକଏତେ ଆମ୍ ଆଇଁକ୍ କେ ଏମାକାଦିଜ୍ ହତ୍ତକକେ, ଆମାଶ ନୁତୁମ୍ ଉଦୁବାକାଦକଆଇଁକ୍, ଇନ୍ଦୁ ଆମାଶକ ତାଇକେନା ଆତ୍ମ ଆମ୍ ଇନ୍ଦୁକେ ଏମାକାଦିୟାମ୍ ଆତ୍ମ ଇନ୍ଦୁ ଆମାଶ କାଜିକ ମାନାତିକ୍ କାଦାଶ । ୭ ଆମ୍ ଆଇଁକ୍ କେ ଅକ୍ନାଶକ ଏମାକାଦିୟାମ୍ ଏନ୍ ସବେନାଶ ଆମାଶ ସାଶଏତେଗି ହିନ୍ଦୁଆକାନା, ଏନା ଇନ୍ଦୁ ନାହାଁଶକ ଆଟ୍ କାରକାଦାଶ । ୮ ଚିୟାଶି ଆମ୍ ଏମାକାଦିଜ୍ କାଜିକ ଇନ୍ଦୁକେ ଏମାକାଦକଆଇଁକ୍ ଆତ୍ମ ଇନ୍ଦୁ ଏନାକ ତେଲକାଦାଶ; ଆଇଁକ୍ ଆମାଶ ସାଶଏତେ ହିନ୍ଦୁଆକାନାଇଁ ଏନା ସାର୍ତିଗିକ ଆଟ୍ କାରକାଦାଶ, ଆତ୍ମ ଆମ୍ ଆଇଁକ୍ କେ କୁଲକାଦିୟାମ୍ ଏନା ବିଶ୍ୱାସକାଦାଶକ ।

୯ “ଆଇଁକ୍ ଇନ୍ଦୁ ନାଗେନ୍ତେ ବିନ୍ଦିତାନାଇଁକ୍, ଅତେଦିଶୁମ୍ ନାଗେନ୍ତେ କାହା ମେନ୍ଦ ଆମ୍ ଏମାକାଦିଜ୍ ହତ୍ତକଆଶ ନାଗେନ୍ତେ ବିନ୍ଦିତାନାଇଁକ୍, ଚିୟାଶି ଇନ୍ଦୁଦ ଅାମାଶଗି ତାନ୍ କୁ । ୧୦ ଆତ୍ମ ଆଇଁୟାଶ ସବେନାଶ ଆମାଶ ତାନାଶ, ଆତ୍ମ ଆମାଶ ସବେନାଶ ଆଇଁୟାଶ ତାନାଶ, ଆତ୍ମ ଆଇଁକ୍ ଇନ୍ଦୁଆଶ ହରାତେ ମାଇନାନ୍ କାନାଇଁକ୍ । ୧୧ ଆତ୍ମ ନାହାଁଶ ଆଇଁକ୍ ନେ ଅତେଦିଶୁମ୍ରେ କାଇଁକ୍ ତାଇନାଶ, ମେନ୍ଦ ଇନ୍ଦୁ ଅତେଦିଶୁମ୍ରେକ ତାଇନାଶ, ଆତ୍ମ ଆଇଁକ୍ ଆମାଶତାଶତେ ହିନ୍ଦୁଶତାନାଇଁକ୍ । ଏ ପାବିତାର୍ ଆବା ! ଆମ୍ ଆଇଁକ୍ କେ ଏମାକାଦିଜ୍ ନୁତୁମ୍ରେ ପେଡେଶତେ ବାଞ୍ଚାଅକମେ, ଆମ୍ ଏମାକାଦିଜ୍ ନୁତୁମ୍ରେ, ଆମ୍ ଆତ୍ମ ଆଇଁକ୍ ଜେ'ଲେକା ମିଦ୍ତାନ୍ ଲାଇଁକ୍, ଏନ୍ ଲେକା ଇନ୍ଦୁ ମିଦ୍ତାକାକ । ୧୨ ଆଇଁକ୍ ଇନ୍ଦୁଲଶ ତାଇକେନ୍ ଇମ୍ତା ଆମ୍ ଏମାକାଦ୍ ଆମାଶ ନୁତୁମ୍ରେ ଆଇଁକ୍ ଇନ୍ଦୁକେ ବାଞ୍ଚାଅକେଦ୍ତେ ବୁଗିଲେକା ଯାତାନ୍ କାଦକଆଇଁକ୍, ଆତ୍ମ ଧାରାମ୍ ପୁଅରାଶ ଅନଲ୍ ଜେ'ଲେକା ସାର୍ତିୟାଶ, ଏନାମେନ୍ତେ ଏନ୍ ଜିୟନଶ ହନ୍ କେ ବାଗିକେଦ୍ତେ ଇନ୍ଦୁଏତେ ଜେତାଏ କାକ ଜିୟନାକାନା । ୧୩ ମେନ୍ଦ ଆଇଁକ୍ ନାହାଁଶ ଆମାଶତାଶତେଇଁକ୍ ହିନ୍ଦୁଶତାନା ଆତ୍ମ ଇନ୍ଦୁଆଶ ମନ୍ରେ ଆଇଁୟାଶ ରାସ୍ କା ପେରେଜଶ ନାଗେନ୍ତେ ଅତେଦିଶୁମ୍ରେ ତାଇକେଦ୍ତେଗି ଆଇଁକ୍ ନେ ସବେନାଶ କାଜିତାନାଇଁକ୍ । ୧୪ ଆଇଁକ୍ ଇନ୍ଦୁକେ ଆମାଶ କାଜି ଏମାକାଦକଆଇଁକ୍, ଆତ୍ମ ଅତେଦିଶୁମ୍ ଇନ୍ଦୁକେ ହିଲାଇଁକାଦକଆଏ, ଚିୟାଶି ଆଇଁକ୍ ଜେ'ଲେକା ନେ ଅତେଦିଶୁମ୍ରେନ୍ ନାହାଁଲାଇଁକ୍ ଏନ୍ ଲେକା ଇନ୍ଦୁ ନେ ଅତେଦିଶୁମ୍ରେନ୍ ନାହାଁଲାଇଁକ୍ । ୧୫ ଆମ୍ ଇନ୍ଦୁକେ ଅତେଦିଶୁମ୍ରେ ଏତେ ଇଦିକ୍ ମେ ମେନ୍ତେ କାଇଁକ୍ ବିନ୍ଦିମେତାନା, ମେନ୍ଦ ଆମ୍ ଇନ୍ଦୁକେ ଏତ୍ କାନ୍ ଏତେ ବାଞ୍ଚାଅକମେ ମେନ୍ତେ ବିନ୍ଦିମେତାନାଇଁକ୍ । ୧୬ ଆଇଁକ୍ ଜେ'ଲେକା ଅତେଦିଶୁମ୍ରେନ୍ ନାହାଁଲାଇଁକ୍ ଏନ୍ ଲେକା ଇନ୍ଦୁ ଅତେଦିଶୁମ୍ରେନ୍ ନାହାଁଲାଇଁକ୍ । ୧୭ ସାନାର୍ତିତେ ଇନ୍ଦୁକେ ପାବିତାର୍ କାମି ନାଜ୍ ଜିମାକମେ; ଆମାଶ କାଜିଦ୍ ସାର୍ତି ତାନାଶ । ୧୮ ଆମ୍ ଆଇଁକ୍ କେ ଜେ'ଲେକା ଅତେଦିଶୁମ୍ରେମ୍ କୁଲକାଦିୟା, ଏନ୍ ଲେକା ଆଇଁକ୍ ଇନ୍ଦୁକେ ଅତେଦିଶୁମ୍ରେ କୁଲକାଦକଆଇଁକ୍ । ୧୯ ଆତ୍ମ ଇନ୍ଦୁ ହିଁ ସାନାର୍ତିରେକ ପାବିତାର୍ କା ମେନ୍ତେ ଆଇଁକ୍ ଇନ୍ଦୁ ନାଗେନ୍ତେ ପାବିତାର୍ କାମି ନାଜ୍ ଜିମାନ୍ ତାନାଇଁକ୍ ।

☆ ୧୭:୧୭ ୧୭:୧୭ ଯୋହାନ୍ ୧୩:୧୮.

୨୦ “ଆଇଙ୍ଗ ଇନ୍‌କୁଆଃ ନାଗେନ୍ତେ ଏସକାର୍ କାହା ମେନ୍‌ଦ ଇନ୍‌କୁଆଃ କାଜିରେୟାଃ ହରାତେ ଆଇଙ୍ଗରେ ବିଶ୍ୱାସେତାନ୍ ସବେନ୍‌କଆଃ ନାଗେନ୍ତେ ବିକ୍ରିତାନାଇଙ୍ଗ । ୨୧ ହେ ଆବା ! ଇନ୍‌କୁ ଜେତେକ ଜେଲେକା ମିଦଃକାକ ମେନ୍ତେ ଇନ୍‌କୁଆଃ ନାଙ୍ଗ ବିକ୍ରିମେତାନାଇଙ୍ଗ, ଆଇଙ୍ଗ ଆମାଃରେ ଆତଃ ଆମ୍ ଆଇଙ୍ଗାଃରେ ମେନାମେ ଲେକା, ଇନ୍‌କୁହ ସବେନ୍‌କ ଆବୁରେ ତାଇନଃକାକ, ଜେଲେକାଟି ଆମ୍ ଆଇଙ୍ଗକେ କୁଲାଇଦିୟାମ୍ ଏନା ଅତେଦିଶୁମ୍‌ରେନ୍‌କ ବିଶ୍ୱାସେୟା । ୨୨ ଆମ୍ ଆଇଙ୍ଗକେ ଏମାକାଦିଙ୍ଗ ମାନାରାଙ୍ଗ ଇନ୍‌କୁକେ ଏମାକାଦକଆଇଙ୍ଗ, ଆମ୍ ଆତଃ ଆଇଙ୍ଗ ମିଦକାନ୍ ଲେକା ଇନ୍‌କୁହ ମିଦଃକାକ । ୨୩ ଆଇଙ୍ଗ ଇନ୍‌କୁରେ ଆତଃ ଆମ୍ ଆଇଙ୍ଗାଃରେ ମେନାମେୟା, ଏନାତେ ଇନ୍‌କୁ ମିଦ୍ ଉତାରଃକା ଆତଃ ଆମ୍ ଆଇଙ୍ଗକେ କୁଲାଇଦିୟାମ୍ ଆତଃ ଦୁଲାଇଦିୟାମ୍ ଲେକା ଇନ୍‌କୁକେହ ଦୁଲାଇଦିୟାମ୍ ମେନ୍ତେ ଅତେଦିଶୁମ୍‌ରେନ୍‌କ ଆଟକାରେକା ।

୨୪ “ହେ ଆବା, ଆମ୍ ଆଇଙ୍ଗକେ ଏମାକାଦିଙ୍ଗ ହତକ ଆଇଙ୍ଗ ତାଇନଃତାଃରେକ ତାଇନଃକା, ଏନାତେ ଇନ୍‌କୁ ଆମ୍ ଆଇଙ୍ଗକେ ଏମାକାଦିଙ୍ଗ ମାନାରାଙ୍ଗକ ନେଲେକା ମେନ୍ତେ ସାନାଙ୍ଗତାନାଇଙ୍ଗ, ଚିୟାଃଟି ଆମ୍‌ଦ ଅତେଦିଶୁମ୍ ବାଇୟେ ସିଦାରେ ଆଇଙ୍ଗକେ ଦୁଲାଇଦିୟାମ୍ । ୨୫ ଏ ଧାରମାନ୍ ଆବା, ଅତେଦିଶୁମ୍ ଆମ୍‌କେ କାଏ ସାରିୟାକାଦମେୟା ମେନ୍‌ଦ ଆଇଙ୍ଗ ସାରିୟାକାଦମେୟାଇଙ୍ଗ ଆତଃ ଆମ୍ ଆଇଙ୍ଗକେ କୁଲାଇଦିୟାମ୍ ଏନା ନିକୁ ସାରିୟାକାଦାଃକ । ୨୬ ଆମ୍ ଆଇଙ୍ଗକେ ଅକନ୍ ଦୁଲାଇଦିୟାମ୍ ଦୁଲାଇଦିୟାମ୍ ଏନ୍ ଦୁଲାଇଦିୟାମ୍ ଇନ୍‌କୁରେ ତାଇନଃକା, ଆତଃ ଆଇଙ୍ଗ ଇନ୍‌କୁରେ ତାଇନଃକା ଇନ୍‌କୁକେ ଆମାଃ ନୁତୁମ୍ ଉଦବାକାଦକଆଇଙ୍ଗ ଆତଃ ଉଦୁବାକୁଆଇଙ୍ଗ ।”

୧୮

ୟାଶୁକେ ସାବକିୟାଃକ

(ମାଥୁଉ ୨୬:୪୭-୫୨; ମାର୍କ ୧୪:୪୩-୫୦; ଲୁକ ୨୨:୪୭-୫୩)

୧ ଯାଶୁ ନେ ବିକ୍ରି ଚାବାକେଦଟି, ଆୟାଃ ଚେଲାଇଲଃ କିଦରୋନ୍ ଲର୍* ହାନ୍ ପାରମ୍‌ତେ ସେନଃୟାନାକ, ଏନ୍ତାଃରେ ମିଆଁଦ୍ ବାଗାନ୍ ତାଇକେନା, ଏନାରେ ଇନିଃ ଆତଃ ଆୟାଃ ଚେଲାଇ ବଲୟାନାକ । ୨ ଯାଶୁକେ ସାବକିନିଃ ଯିହୁଦା, ଏନ୍ ଠାୟାଦକେ ସାରିକାଦ୍ ତାଇକେନାଏ, ଚିୟାଃଟି ଯାଶୁ ଆୟାଃ ଚେଲାଇଲଃ ପୁରାଃ ଦିପିଲି ଏନ୍ ଠାୟାଦକେ ସେନାକାନ୍ ତାଇକେନାଏ । ୩ ଏନ୍ତେ ଯିହୁଦା, ପାଲଟାନ୍‌କ, ମୁଲ୍ ଯାଜାକ୍‌କ ଆତଃ ଫାରୁଶୀକ ସାଃଏତେ ଦାରଞ୍ଜାନ୍‌କକେ ଆତକେଦତେ ଦିମି ଆତଃ ହାଁତେୟାର୍ ସାବକେଦତେ ଏନ୍ତାଃତେକ ହିଜୁଃୟାନା । ୪ ଏନାତେ ଯାଶୁ ଆୟାଃରେ ହିଜୁଃତାନ୍ ହବାଅଃତେୟାଃ ସବେନାଃ ସାରିକେଦତେ ଅତଙ୍ଗୟାନା ଆତଃ ଆପେ ଅକଏକେ ଦାଣ୍ଡାତାନାପେ ମେତାଦକଆଏ ।

୫ “ନାଜ୍‌ରେଡ୍‌ରେନ୍ ଯାଶୁକେ” ମେନ୍ତେକ କାଜିରୁହାଡ୍‌କିୟା ।

ୟାଶୁ ମେତାଦକଆଏ, “ଆଇଙ୍ଗ ତାନିଙ୍ଗ ।”

ଆତଃ ଯାଶୁକେ ସାବକିନିଃ ଯିହୁଦା ଇନ୍‌କୁଲଃ ତିଙ୍ଗୁଆକାନ୍ ତାଇକେନାଏ । ୬ ଯାଶୁ ଚିମ୍‌ତାଙ୍ଗ ଇନ୍‌କୁକେ “ଆଇଙ୍ଗ ତାନିଙ୍ଗ” ମେତାଦକଆଏ, ଇମ୍‌ତା ଇନ୍‌କୁ ଇମ୍‌ତାଗି ଦୟା ରୁହାଡ୍‌କେଦତେ ଅତେରେକ ଉୟୁଃୟାନା । ୭ ଏନ୍ତେ ଇନିଃ ଇନ୍‌କୁକେ ଆତଃମିସା କୁଲିକେଦକଆଏ, “ଆପେ ଅକଏକେ ଦାଣ୍ଡାତାନାପେ ?”

ଇନ୍‌କୁ କାଜିରୁହାଡ୍‌କିୟା, “ନାଜ୍‌ରେଡ୍‌ରେନ୍ ଯାଶୁକେ ।”

୮ ଯାଶୁ କାଜିରୁହାଡ୍‌କିୟା, “ୟାଶୁ ଆଇଙ୍ଗାଟି ତାନିଙ୍ଗ ମେନ୍ତେ ସିଦାରେ କାଜିୟାଦ୍‌ପେୟାଇଙ୍ଗ । ଆପେ ଆଇଙ୍ଗକେ ଦାଣ୍ଡାତାନ୍‌ରେଦ୍ ନିକୁକେ ସେନ୍‌ରିକାକପେ ।” ୯ “ଆବା, ଆମ୍ ଆଇଙ୍ଗକେ ଏମାକାଦିଙ୍ଗ ହତକଏତେ ମିହୁଡ୍‌କେହଁ କାଇଙ୍ଗ ଆଦାକାଇୟାଃ ।” ଇନିଃ ନେ କାଜି କାଜିକେଦାଃଏ, ଜେଲେକାଟି ଇନିୟାଃ ନେ କାଜି ପୁରାଞ୍ଜାଃ ।

୧୦ ଶିମୋନ୍ ପାଡ୍‌ରାସ୍‌ତାଃରେ ତାରାଉଡ୍‌କି ତାଇକେନା, ଏନାକେ ଅତଙ୍ଗକେଦତେ ଇନିଃ ମାରାଙ୍ଗ ଯାଜାକ୍‌ଆଃ ଦାସିକେ ମାଆଃକିୟାଏ ଆତଃ ଜମ୍‌ସାଃରାଃ ଲୁଡ୍‌ରକେ ମାଆଃଶାଣ୍ଡାଅକେଦାଏ, ଏନ୍ ଦାସିଆଃ ନୁତୁମ୍ ମାଲ୍‌ଖ ତାଇକେନା । ୧୧ ଏନ୍ତେ ଯାଶୁ ପାଡ୍‌ରାସ୍‌କେ କାଜିକିୟାଏ, “ଆମାଃ ତାରାଉଡ୍‌କେ ଖାପ୍‌ରେ ଦହଏମେ, ଆପୁ ଏମାକାଇଙ୍ଗ କାଟୋରାରେ ଚିୟାଃ ଆଇଙ୍ଗ କାଇଙ୍ଗ ନୁଇୟା ?”

ୟାଶୁ ହାନାନ୍‌ରାଃ ସାମ୍‌ନାଙ୍ଗରେ

୧୨ ଏନ୍ତେ ପାଲଟାନ୍‌କ, ପାଲଟାନ୍‌ରେନ୍ ଗମ୍‌କେ ଆତଃ ଯିହୁଦୀକଆଃ ଦାରଞ୍ଜାନ୍‌କ ଯାଶୁକେ ସାବକିକେଦତେ ତଲ୍‌କିୟାଃକ । ୧୩ ଆତଃ ଇନ୍‌କୁ ଇନିଃକେ ସିଦାତେ କାୟଫାରାଃ ହୟାଁରତେ ହାନାନ୍‌ତାଃତେକ ଇଦିକିୟାଃ, ଇନିଃଦ୍ ଏନ୍ ସିମାରେନ୍ ମାରାଙ୍ଗ ଯାଜାକ୍ ତାଇକେନାଏ । ୧୪ ଏସବେନ୍ ହତକ ନାଗେନ୍ତେ ମିଆଁଦ୍ ହତ ଗଜଃରେଦ୍ ବୁଗିୟାଆଃ ମେନ୍ତେ ଯିହୁଦୀ ହାକିମ୍‌କେ କାଜିକାଦକ ତାଇକେନାଏ, ଇନିଃ ଏନ୍ କାୟଫା ତାନିଃ ।

ପାଡ୍‌ରାସ୍ ଯାଶୁକେ କାଇଙ୍ଗ ସାରିୟା ମେନ୍ତେ କାଜିତାନାଏ
(ମାଥୁଉ ୨୬:୨୯-୩୦; ମାର୍କ ୧୪:୨୬-୨୮; ଲୁକ ୨୨:୫୫-୫୬)

* ୧୮:୧ ୧୮:୧ ଲର୍ ମାରାଙ୍ଗ ଦଲ୍‌ଖା ✪ ୧୮:୧୧ ୧୮:୧୧ ମାଥୁଉ ୨୬:୩୯; ମାର୍କ ୧୪:୩୭; ଲୁକ ୨୨:୪୭. ✪ ୧୮:୧୪ ୧୮:୧୪ ଯୋହାନ୍ ୧୧:୪୯, ୫୦.

୧୫ ଶିମୋନ୍ ପାତ୍ରରାସ୍ ଆଡ଼ଃ ଏଟାଃ ମିହୁଡ଼୍ ଚେଲା ଯୀଶୁକେ ଅଡ଼ଙ୍ଗ୍ ଇଦିକିୟାଏ, ଏନ୍ ଏଟାଃ ଚେଲା ମାରାଙ୍ଗ୍ ଯାଜାକ୍ ଆଃ ନେପେଲ୍ ଉପୁରୁମ୍ ହଡ଼୍ ତାଇକେନାଏ, ଏନାମେନ୍ତେ ଇନିଃ ମାରାଙ୍ଗ୍ ଯାଜାକ୍ ଆଃ ଅଡ଼ାଃରାତାତେ ଯୀଶୁଲଃ ବଲୟାନାଏ । ୧୬ ମେନ୍ଦ୍ ପାତ୍ରରାସ୍ ରାତା ଦୁଆର୍ତାଃରେ ତିଙ୍ଗୁଆକାନ୍ ତାଇକେନାଏ, ଏନ୍ତେ ମାରାଙ୍ଗ୍ ଯାଜାକ୍ ଲଃ ନେପେଲ୍ ଉରୁମାକାନ୍ ଏଟାଃ ଚେଲା ଅଡ଼ଙ୍ଗ୍ କେଦ୍ତେ ଦୁଆର୍ ହରତାନ୍ କୁଡ଼ିକେ କାଜିକିୟାଏ, ଆଡ଼ଃ ପାତ୍ରରାସ୍ କେ ଅଡ଼ାଃ ଭିତାର୍ତେ ଇଦିକିୟାଏ । ୧୭ ଏନ୍ତେ ଦୁଆର୍ ହରତାନ୍ ଏନ୍ କାମ୍ଡି କୁଡ଼ି ପାତ୍ରରାସ୍ କେ କାଜିକିୟାଏ, “ଚିୟାଃ ଆମ୍ ହ୍ ଡେ ହଡ଼୍ ଆଃ ଚେଲାକଏତେ ମିଆଁଦ୍ ନିଃ ନାହାଁଲାମ୍ ?”

ଇନିଃ ମେତାଇଜାଏ, “ଆଇଙ୍ଗ୍ ନାହାଁଲିଙ୍ଗ୍ ।”

୧୮ ରାବାଙ୍ଗ୍ ତାନ୍ ତାଇକେନ୍ ଇମ୍ତା ଦାସିକ୍ ଆଡ଼ଃ ଦାରଖାନକ୍ ସେଙ୍ଗେଲ୍ ତିଙ୍ଗୁକେଦ୍ତେ ତିଙ୍ଗୁଆକାନ୍ ଲଃ ଜୁରୁବ୍ ତାଇକେନାକ୍ । ପାତ୍ରରାସ୍ ଇନ୍ କୁଲଃ ତିଙ୍ଗୁକେଦ୍ତେ ଜୁରୁବ୍ ତାଇକେନାଏ ।

ମାରାଙ୍ଗ୍ ଯାଜାକ୍ ଯୀଶୁକେ କୁଲିକିୟାକ୍

(ମାଥୁ ୨୬:୫୯-୬୬; ମାର୍କ ୧୪:୫୫-୬୪; ଲୁକ ୨୨:୬୬-୭୧)

୧୯ ଏନ୍ତେ ମାରାଙ୍ଗ୍ ଯାଜାକ୍ ଯୀଶୁକେ ଆୟାଃ ଚେଲାକ୍ ବିଷାଏରେ ଆଡ଼ଃ ଆୟାଃ ଇନିତୁ ବିଷାଏରେ କୁଲିକିୟାଏ । ୨୦ ଯୀଶୁ ଇନିଃକେ କାଜିକିୟାଏ, “ଆଇଙ୍ଗ୍ ଅଡେଦିଶ୍ଟିମ୍ରେ ସବେନ୍ ଇମ୍ତା ସବେନ୍ କଡ଼ାଃରେ କାଜିୟାକାଦାଈଙ୍ଗ୍, ଯିହୁଦୀକ୍ ହୁଣ୍ଡିନ୍ତାନ୍ ସବେନ୍ କଡ଼ାଃରେ, ସାମାଜ୍ ଅଡ଼ାଃକରେ ଆଡ଼ଃ ମାନ୍ଦିର୍ ଅଡ଼ାଃରେ ଆଇଙ୍ଗ୍ ଇଡୁକେଦ୍ କଥା ଆଡ଼ଃ ଦାନାଙ୍ଗ୍ରେ ଜେଡ଼ନାଃ କାଈଙ୍ଗ୍ କାଜିକାଦାଃ । ୨୧ ଚିନାଃମେନ୍ତେ ଆମ୍ ଆଇଙ୍ଗ୍ କେ କୁଲିତାନାମ୍ ? ଆଇଙ୍ଗ୍ ଇନ୍ କୁକେ ଚିନାଃ କାଜିୟାକାଦ୍ କଥାଈଙ୍ଗ୍ ଏନା ଆୟୁମ୍ କେନ୍ କେ କୁଲିକମ୍, ନେଲେମେ, ଆଇଙ୍ଗ୍ କାଜିକାଦ୍ ତେୟାଃ ଇନ୍ କୁ ସାରିୟାଃକ ।”

୨୨ ଯୀଶୁ ନେଆଁ କାଜିକେଦ୍ ଇମ୍ତା ନାଡ଼େଃରେ ତିଙ୍ଗୁଆକାନ୍ ମିଆଁଦ୍ ଦାରଖାନ୍ ଇନିଃକେ ଆପ୍ଡିକେଦ୍ତେ କାଜିକିୟାଏ, “ଆମାଃ ନାମିୟାଙ୍ଗ୍ ସାହାଁସ୍, ଚିୟାଃ ଆମ୍ ମାରାଙ୍ଗ୍ ଯାଜାକ୍ କେ ନେ ଲେକା କାଜିରୁହାଡ଼ାଈତାନାମ୍ ?”

୨୩ ଯୀଶୁ ଇନିଃକେ କାଜିରୁହାଡ଼ିକିୟାଏ, “ଆଇଙ୍ଗ୍ ଏଡ଼କାନାଃ କାଜିକାଦ୍ରେଦ୍ ନେଡ଼ାଃରେ ଜେଡେକଥାଃ ସାମ୍ନାଙ୍ଗ୍ରେ ସାବୁଦ୍ ଉଦୁବେମେ, ମେନ୍ଦ୍ ଆଇଙ୍ଗ୍ ବୁଗିନ୍ କାଜି କାଜିକାଦ୍ରେଦ୍ ଚିନାଃମେନ୍ତେ ମ୍ ଆପ୍ଡିଙ୍ଗ୍ ତାନାମ୍ ?”

୨୪ ଏନ୍ତେ ହାନାନ୍ ଇନିଃକେ ତଲକାନ୍ ତେଗି ମାରାଙ୍ଗ୍ ଯାଜାକ୍ କାୟଫାତାଃରେ କୁଲିକିୟାଏ ।

ପାତ୍ରରାସ୍ ଆଡ଼ଃମିସା କାଈଙ୍ଗ୍ ସାରିୟା ମେନ୍ତେ କାଜିକେଦାଏ

(ମାଥୁ ୨୬:୭୧-୭୫; ମାର୍କ ୧୪:୬୯-୭୨; ଲୁକ ୨୨:୫୮-୬୨)

୨୫ ଶିମୋନ୍ ପାତ୍ରରାସ୍ ତିଙ୍ଗୁକେଦ୍ତେ ସେଙ୍ଗେଲ୍ ଜୁରୁବ୍ ତାନ୍ ତାଇକେନାଏ, ଏନ୍ତେ ଇନ୍ କୁ ଇନିଃକେ କୁଲିକିୟାକ୍, “ଚିୟାଃ ଆମ୍ ହ୍ ଇନିୟାଃ ଚେଲାକଏତେ ମିହୁଡ଼୍ ନାହାଁଲାମେ ?”

ଇନିଃ ଦଦାଦ୍ ଯାନ୍ତେ କାଜିକେଦାଃଏ, “ଆଇଙ୍ଗ୍ ନାହାଁଲିଙ୍ଗ୍ ।”

୨୬ ମାରାଙ୍ଗ୍ ଯାଜାକ୍ ଆଃ ଦାସିକଏତେ ମିହୁଡ଼୍, ଅକଏକେତି ପାତ୍ରରାସ୍ ଲୁଡୁର୍ ମାଃ ଖାଣ୍ଡାଅକାଇ ତାଇକେନାଏ, ଇନିୟାଃ ମିହୁଡ଼୍ କୁପୁଲ୍ କାଜିକେଦାଃଏ, “ଆଇଙ୍ଗ୍ ଚିନାଃ ଆମ୍ କେ ଇନିଃଲଃ ବାଖ୍ଡିରେ କାଈଙ୍ଗ୍ ନେଲାକାମ୍ ତାଇକେନା ?”

୨୭ ଏନ୍ତେ ପାତ୍ରରାସ୍ ଆଡ଼ଃଗି ଦଦାଦ୍ ଯାନ୍ତେ କାଜିକେଦାଏ, “ଆଇଙ୍ଗ୍ ନାହାଁଲିଙ୍ଗ୍” ଇମ୍ତାଗି ସାଣ୍ଡିସିମ୍ ରାଆଃକେଦାଏ ।

ଯୀଶୁକେ ପିଲାତୁସ୍ ଆଃ ସାମ୍ନାଙ୍ଗ୍ରେକ୍ ଆଡ଼କିୟା

(ମାଥୁ ୨୬:୧, ୨, ୧୧-୧୪; ମାର୍କ ୧୪:୧-୫; ଲୁକ ୨୩:୧-୫)

୨୮ ସେଡ଼ାଃ ଇଦାନ୍ରେ ଇନ୍ କୁ ଯୀଶୁକେ କାୟଫାତାଃଏତେ ଲାଟ୍ ସାହେବ୍ ଆଃ ଅଡ଼ାଃ ଭିତାର୍ତେକ୍ ଇଦିକିୟା । ଜେ'ଲେକା କା ସଡ଼ରାକେଦ୍ତେ ପାସ୍ କା ପାରାବ୍ରେ ଜମେୟାଃ ଜମ୍ ଦାଡ଼ିୟାଏ, ଏନାମେନ୍ତେ ଯିହୁଦୀ ହାକିମ୍ କ ଲାଟ୍ ସାହେବ୍ ଆଃ ଅଡ଼ାଃରେ କାକ୍ ବଲୟାନା । ୨୯ ଏନ୍ତେ ପିଲାତୁସ୍ ଇନ୍ କୁଡ଼ାଃରେ ଅଡ଼ଙ୍ଗ୍ କେଦ୍ତେ କୁଲିକେଦ୍ କଥାଏ, “ଆପେ ନେ ହଡ଼୍ କେ ଚିନାଃମେନ୍ତେ ଚିଟାଈତାନାପେ ?”

୩୦ ଇନ୍ କୁ କାଜିରୁହାଡ଼ିକିୟାକ୍, “ନେ ହଡ଼୍ ଏଡ଼କାନ୍ କାମି କାଏ କାମିକାଦ୍ରେଦ୍ ଆମାଃ ତିଃଇରେ କାଲେ ଏମିତେୟାଃ ।”

୩୧ ଏନ୍ତେ ପିଲାତୁସ୍ ଇନ୍ କୁକେ କାଜିୟାଦ୍ କଥାଏ, “ଆପେ ଇନିଃକେ ଇଦିକେଦ୍ତେ, ଆପେୟାଃ ଆନ୍ତୁ ଲେକାତେ ଇନିୟାଃ ବିଚାରେପେ ।”

ଯିହୁଦୀକ୍ ଇନିଃକେ କାଜିକିୟାକ୍, “ଜେତାଏକେ ଗଜି ନାଗେନ୍ତେ ଆଲେତାଃରେ ଆକ୍ତେୟାର୍ ବାନଃଆ ।”

୩୨ ଯୀଶୁକେ ଚିଲକାନ୍ ଗନ୍ ଏଃରେ ଗଜଃ ଲାଗାଡ଼ିଙ୍ଗ୍ ଯାଃ ଏନ୍ ବିଷାଏରେ ଇନିଃ କାଜିଲେଦ୍ କାଜି ପୁରାଆଃ ନାଗେନ୍ତେ ଇନ୍ କୁ ନେକା କାଜିକେଦାଃକ ।

☆ ୧୮:୩୨ ୧୮:୩୨ ଯୋହାନ୍ ୩:୧୪; ୧୨:୩୨.

୩୩ ପିଲାତୁସ୍ ଆୟାଃ ମାହାଲ୍‌ତେ ବଲ ରୁହାଡ଼କେଦ୍‌ତେ ଯୀଶୁକେ କେଡ଼ାକିୟାଏ ଆଡ଼ଃ କୁଲିକିୟାଏ, “ଆମ୍ ଯିହୁଦୀକଆଃ ରାଜା ତାନ୍‌ମେଟି ?”

୩୪ ଯୀଶୁ କାଜିରୁହାଡ଼କିୟାଏ, “ତିୟାଃ ଆମ୍ ନେ କାଜି ଆମ୍‌ତେଗି କାଜିତାନାମ୍ ତି ଏଟାଃ ଆଇଁୟାଃ ବିଷାଏରେ ଆମ୍‌କେ ନେୟାକ ଉଦ୍‌ବାକାଦ୍‌ମେୟା ?”

୩୫ ପିଲାତୁସ୍ କାଜିରୁହାଡ଼କେଦାଃଏ, “ଆଇଙ୍ଗ୍ ଯିହୁଦୀ ତାନିଙ୍ଗ୍‌ଟି ? ଆମାଃ ଜାତିରେନ୍‌କ ଆଡ଼ଃ ମୁଲ୍ ଯାଜାକ୍‌କ ଆମ୍‌କେ ଆଇଁୟାଃ ତିଃଇରେକ ଏମାକାଦିୟା । ଆମ୍ ତିନାଃମ୍ ତିକାକାଦାଃ ?”

୩୬ ଯୀଶୁ କାଜିକିୟାଏ, “ଆଇଁୟାଃ ରାଇଜ୍ ନେ ଅତେଦିଶୁମ୍ ଲେକା ନାହାଁଲାଃ, ଆଇଁୟାଃ ରାଇଜ୍ ନେ ଅତେଦିଶୁମ୍ ଲେକା ତାଇନ୍‌ତେୟାଃରେଦ୍ ଆଇଙ୍ଗ୍ ଯିହୁଦୀ ହାକିମ୍‌କଆଃ ତିଃଇରେ କାଇଙ୍ଗ୍ ଏମାଃନାଙ୍ଗ୍ ଆଇଁୟାଃ ଦାସିକ ମାପାଃତୁପୁଇଙ୍ଗ୍‌ତେୟାଃକ, ମେନ୍‌ଦ୍ ଆଇଁୟାଃ ରାଇଜ୍ ଏନ୍‌ଲେକ୍‌ନାଃ ନାହାଁଲାଃ ।”

୩୭ ଏନ୍ତେ ପିଲାତୁସ୍ ଇନିଃକେ କୁଲିକିୟାଏ, “ତିୟାଃ ଆମ୍ ମିଆଁଦ୍ ରାଜା ତାନ୍‌ମେଟି ?”

ୟୀଶୁ କାଜିରୁହାଡ଼କିୟାଏ, “ଆଇଙ୍ଗ୍ ରାଜା ତାନିଙ୍ଗ୍ ମେନ୍ତେ, ଆମ୍‌ଗି କାଜିତାନାମ୍ । ସାର୍‌ତିରେୟାଃ ଗାଞ୍ଜା କାଜି ନାଗେନ୍ତେ ଆଇଙ୍ଗ୍ ଜାନାମାକାନା ଆଡ଼ଃ ଅତେଦିଶୁମ୍‌ତେ ହିଜୁଆକାନାଇଙ୍ଗ୍, ଜେତାଏ ସାର୍‌ତିରେନ୍ ହନ୍ ତାନିଃ ଇନିଃ ଆଇଁୟାଃ କାଜି ଆୟୁମାଃଏ ।”

୩୮ ପିଲାତୁସ୍ ଯୀଶୁକେ କୁଲିକିୟାଏ, “ସାର୍‌ତି ତିନାଃତାନାଃ ?” ଏନ୍ତେ ନେଆଁ କାଜିକେଦ୍‌ଟି ଇନିଃ ଆଡ଼ଃଗି ଯିହୁଦୀକତାଃତେ ହିଜୁଃ ରୁହାଡ଼ୟାନାଏ, ଆଡ଼ଃ ଇନ୍‌କୁକେ କାଜିକେଦ୍‌କଆଏ, “ସାଜାଇ ଏମାନାଙ୍ଗ୍ ଆଇଙ୍ଗ୍ ଇନିଃରେ ଜେତାନ୍ ଗୁହ୍ନାଁ କାଇଙ୍ଗ୍ ନାମେତାନା । ୩୯ ମେନ୍‌ଦ୍ ଆଇଙ୍ଗ୍ ପାସ୍‌କା ପାରାବ୍‌ରେ ଆପେନାଙ୍ଗ୍ ମିଆଁଦ୍ ହଡ଼କେ ଆଡ଼ଃତେୟାଃ ଆପେୟାଃ ରିତିରେ ମେନାଃ, ଏନାମେନ୍ତେ ଆପେୟାଃ ନାଗେନ୍ତେ ଯିହୁଦୀକଆଃ ରାଜାକେଇଙ୍ଗ୍ ଆଡ଼ଃତାଇୟା, ମେନ୍ତେପେ ସାନାଙ୍ଗ୍‌ତାନା ତି ?”

ୟୀଶୁକେ ଗନଏଃ ସାଜାଇ ଏମ୍‌ୟାନା
(ମାଥୁଉ ୨୭:୧୫-୩୧; ମାର୍କ ୧୫:୨-୨୦; ଲୁକ ୨୩:୧୩-୨୫)

୪୦ ଏନ୍ତେ ସବେନ୍‌କ କାଉରିକେଦ୍‌ତେ କାଜିକେଦାଃକ, “ବାନଃଗି, ନିଃକେଦ୍ କାହା, ମେନ୍‌ଦ୍ ବାରବ୍‌ବାକେ ଏମାଲେମ୍ ।” ଏନ୍ ବାରବ୍‌ବା ମିଆଁଦ୍ ରେରେଃକ୍‌ନିଃ ତାଇକେନାଏ ।

୧୯

୧ ଏନ୍ତେ ପିଲାତୁସ୍ ଯୀଶୁକେ ଇଦିକିଃତେ ହାଁଶ୍‌ସା ରିକାକିୟାଏ । ୨ ଆଡ଼ଃ ପାଲ୍‌ଗାନ୍‌କ ଜାନୁମ୍ କତରାଃ ତୁପୁରି ଗାଲାଙ୍ଗ୍‌କେଦ୍‌ତେ ବହଃରେ ତୁପୁରିକିୟାକ ଆଡ଼ଃ ଇନିଃକେ ବାଇଗିନିଆ ରାଙ୍ଗ୍‌ରାଃ ଲିଜାଃ ତୁସିଙ୍ଗ୍‌କିୟାକ । ୩ ଆଡ଼ଃ ଇନ୍‌କୁ ଯୀଶୁଆଃ ନାଡ଼େଃତେ ସେନ୍‌କେଦ୍‌ତେ କାଜିକିୟାକ, “ଏ ଯିହୁଦୀକଆଃ ରାଜା ଜହାର୍ !” ଆଡ଼ଃ ଇନ୍‌କୁ ଇନିଃକେ ଆପଡ଼ିକିୟାକ ।

୪ ପିଲାତୁସ୍ ଆଡ଼ଃମିସା ଅତଙ୍ଗ୍‌କେଦ୍‌ତେ ହଡ଼କକେ କାଜିୟାଦ୍‌କଆଏ, “ନେଲେପେ, ଇନିଃକେ ସାଜାଇ ନାଗେନ୍ତେ ଆଇଙ୍ଗ୍ ଇନିୟାଃରେ ଜେତାନ୍ ଗୁହ୍ନାଁ କାଇଙ୍ଗ୍ ନାମ୍‌କେଦା, ନେଆଁ ଆପେ ସାରିପେ ମେନ୍ତେ ଆଇଙ୍ଗ୍ ଇନିଃକେ ଆପେତାଃତେଇଙ୍ଗ୍ ଅତଙ୍ଗ୍‌ଆଡ଼଼ିତାନା ।” ୫ ଏନ୍ତେ ଯୀଶୁ ଜାନୁମ୍ ମୁକୁର୍ ଆଡ଼ଃ ବାଇଗିନିଆ ଲିଜାଃ ତୁସିଙ୍ଗ୍‌କେଦ୍‌ତେ ଅତଙ୍ଗ୍‌ୟାନା । ପିଲାତୁସ୍ ଇନ୍‌କୁକେ କାଜିୟାଦ୍‌କଆଏ, “ନେଲିପେ ! ନିଃ ନେ ହଡ଼ ।”

୬ ଏନ୍ତେ ମୁଲ୍ ଯାଜାକ୍‌କ ଆଡ଼ଃ ମାନ୍‌ଦିର୍ ଦାରଞ୍ଜାନ୍‌କ ଇନିଃକେ ନେଲ୍‌କେଦ୍‌ତେ “କୁଶ୍‌ରେ କିଲାଇମେ ! କୁଶ୍‌ରେ କିଲାଇମେ !” ମେନ୍ତେକ କାଉରିକେଦା । ପିଲାତୁସ୍ ଇନ୍‌କୁକେ କାଜିୟାଦ୍‌କଆଏ, “ଆପେଗି ଇନିଃକେ ଇଦିପେ ଆଡ଼ଃ କୁଶ୍‌ରେ କିଲାଇପେ, ଆଇଙ୍ଗ୍‌ଦ୍ ଇନିଃକେ ସାଜାଇ ନାଗେନ୍ତେ ଜେତାନ୍ ଗୁହ୍ନାଁ କାଇଙ୍ଗ୍ ନାମ୍‌କେଦା ।”

୭ ଯିହୁଦୀକ ପିଲାତୁସ୍‌କେ କାଜିରୁହାଡ଼କିୟାକ, “ଆଲେତାଃରେ ଆନ୍‌ରୁ ମେନା ଆଡ଼ଃ ଏନ୍ ଆନ୍‌ରୁ ଲେକାତେ ଇନିୟାଃ ଗଜଃ ଲାଗାତିଙ୍ଗ୍‌ୟାଃ, ତିୟାଃଟି ଇନିଃଦ୍ ଆଇଃକ୍‌ଗି ପାର୍‌ମେଶ୍‌ୱାର୍‌ଆଃ ହନ୍ ତାନିଃ” ମେନ୍ତେ କାଜିକାଦାଏ ।

୮ ନେ କାଜି ଆୟୁମ୍‌କେଦ୍‌ତେ, ପିଲାତୁସ୍ ପୁରାଃଗି ବରକେଦାଏ । ୯ ଆଡ଼ଃ ପିଲାତୁସ୍ ମାହାଲ୍‌ତେ ବଲ ରୁହାଡ଼ୟାନାଏ ଏନ୍ତେ ଯୀଶୁକେ କୁଲିକିୟାଏ, “ଆମ୍ ଅକ୍‌ତାଃଏତେମ୍ ହିଜୁଃକାନା ?”

ମେନ୍‌ଦ୍ ଯୀଶୁ ଇନିଃକେ କାଏ କାଜିରୁହାଡ଼କିୟା । ୧୦ ଏନ୍ତେ ପିଲାତୁସ୍ ଇନିଃକେ କାଜିକିୟାଏ, “ତିନାଃମେନ୍ତେ କାମ୍ କାଜିୟାଇଙ୍ଗ୍‌ତାନା ? ଆମ୍‌କେ ରାଡ଼ାରେୟାଃ ଆଡ଼ଃ କୁଶ୍‌ରେ କିଲାରେୟାଃ ଆକ୍‌ତେୟାର୍ ଆଇଙ୍ଗ୍‌ତାଃରେ ମେନାଃ, ତିୟାଃ ନେଆଁ ଆମ୍ କାମ୍ ସାରିତାନା ?”

୧୧ ଯୀଶୁ କାଜିରୁହାଡ଼କିୟାଏ, “ଆମ୍‌କେ ପାର୍‌ମେଶ୍‌ୱାର୍‌ତାଃଏତେ ଆକ୍‌ତେୟାର୍ କା ନାମ୍‌କାନ୍‌ରେ, ଆଇଁୟାଃ ବିରୁଧ୍‌ରେ ଆମାଃ ଜେତାନ୍ ଆକ୍‌ତେୟାର୍ କା ତାଇନ୍‌ତେୟାଃ । ଏନାତେ ଆଇଙ୍ଗ୍‌କେ ଅକଏ ଆମାଃ ତିଃଇରେ ଜିମାକାଦିୟାଏ ଇନିୟାଃ ପାପ୍ ପୁରାଃ ଏଡ଼କାନ୍‌ଗିୟାଃ ।”

୧୨ ପିଲାତୁସ୍ ନେୟା ଆୟୁମ୍‌କେଦ୍‌ଟି, ଯୀଶୁକେ ରାଡ଼ାଇ ନାଗେନ୍ତେ ସାନାଙ୍‌କେଦାଃଏ, ମେନ୍‌ଦ ଯିହୁଦୀ ହଡ଼କ କାଉରିତାନ୍‌ଲଃ କାଜିକେଦାଃକ, “ଆମ୍ ନେ ହଡ଼କେ ରାଡ଼ାଇରେଦ, ଆମ୍ କାଇସାର୍‌ଆଃ ଗାତି ନାହାଁଲାଃମେ, ଅକଏ ଆଇଃକ୍‌କେଗି ରାଜା ମେନ୍ତେ କାଜିୟାଏ, ଇନିଃ କାଇସାର୍‌ଆଃ ବିରୁଧ୍‌ରେ କାଜିୟାଏ ।”

୧୩ ଏନ୍ତେ ପିଲାତୁସ୍ ନେ କାଜିକ ଆୟୁମ୍‌କେଦ୍‌ଟି, ଯୀଶୁକେ ଅଡ଼ଙ୍‌କିୟାଏ ଆଡ଼ଃ “ଚାଟେନ୍‌ଲାପାଙ୍‌ଗା” ଅକ୍‌ନାଃଟି ଏବ୍ରୀ ଜାଗାର୍‌ତେ “ଗାଦ୍‌ବାଆ” ନୁତୁମ୍‌ଃତାନା, ଏନ୍ ବିଚାର୍ ଠାୟାଦ୍‌ତାଃରେ ବିଚାର୍ ନାଙ୍ ଦୁଦ୍‌ୟାନାଏ । ୧୪ ପାସକା ପାରାଦ୍ ସାପଡ଼ାଅନ୍ ହୁଲାଙ୍‌ରେୟାଃ ତିକିନ୍‌ସିଙ୍‌ଗି ସିଦାରେ ଇନିଃ ଯିହୁଦୀକକେ କାଜିୟାଦ୍‌କଆଏ, “ନେଲିପେ ନିଃ ଆପେୟାଃ ରାଜା !”

୧୫ ଇନ୍‌କୁ କାଉରିକେଦାଃକ, “ଇନିଃକେ ଗଜିମ୍‌ଫେଁ ! ଗଜିମ୍‌ଫେଁ ! କୁଶ୍‌ରେ କିଲାଇମେ ।”
ପିଲାତୁସ୍ ଇନ୍‌କୁକେ କୁଲିକେଦ୍‌କଆଏ, “ଆପେୟାଃ ରାଜାକେ କୁଶ୍‌ରେଇଙ୍‌ଗି କିଲାଇୟା ମେନ୍ତେପେ ସାନାଙ୍‌ତାନାଟି ?”

ମୁଲ୍ ଯାଜାକ୍‌କ କାଜିରୁହାଡ଼କିୟାଃକ, “କାଇସାର୍ ଏସ୍‌କାର୍ ଆଲେୟାଃ ରାଜା ତାନିଃ ଆଡ଼ଃ ଜେତାଏ ରାଜା ନାହାଲିଃ ।”

୧୬ ଏନ୍ତେ ଯୀଶୁ କୁଶ୍‌ରେ କିଲାଅଃକାଏ ମେନ୍ତେ ପିଲାତୁସ୍ ଇନିଃକେ ଇନ୍‌କୁଆଃ ସାନାଙ୍ ଲେକାତେ ଏମାଦ୍‌କଆଏ । ଏନ୍ତେ ଇନ୍‌କୁ ଯୀଶୁକେ ସାବ୍‌କେଦ୍‌ତେ ଇଦିକିୟାକ ।

ୟୀଶୁକେ କୁଶ୍‌ରେ କିଲାକିୟାଃ

(ମାଥୁ ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୬-୪୩)

୧୭ ଯୀଶୁ ଆୟାଃ କୁଶ୍‌କେ ଗଅଃକେଦ୍‌ତେ “ବହଃଜାଙ୍ ନୁତୁମ୍ ଠାୟାଦ୍” ଅକ୍‌ନାଃଟି ଏବ୍ରୀ ଜାଗାର୍‌ତେ “ଗାଲ୍‌ଗାଆ” ମେନ୍ତେ କାଜିୟାଃତାନା, ଏନ୍ତାଃତେ ହିଜୁଃୟାନାଏ । ୧୮ ଏନ୍ତାଃରେ ଇନ୍‌କୁ ଇନିଃକେ ଆଡ଼ଃ ଇନିଃଲଃ ବାହ୍‌ହଡ଼କିନ୍‌କେ କୁଶ୍‌ରେ କିଲାକେଦ୍‌କିନାକ, ମିଆଁଦ୍‌ନିଃକେ ଆୟାଃ ଜମ୍ ସାଃରେ ଆଡ଼ଃ ମିଆଁଦ୍‌ନିଃକେ ଲେଙ୍‌ଗା ସାଃରେ ଆଡ଼ଃ ଯୀଶୁକେ ଆଲାରେ କିଲାକିୟାକ । ୧୯ ଆଡ଼ଃ ପିଲାତୁସ୍ ମିଆଁଦ୍ ଅନଲ୍‌ଟିଠା ଅଲ୍‌କେଦ୍‌ତେ କୁଶ୍‌ରେ ଲାଟ୍‌କାଅକେଦାଃଏ, ଆଡ଼ଃ ଏନାରେ “ନାଜ୍‌ରେଡ଼ରେନ୍ ଯୀଶୁ ଯିହୁଦୀକଆଃ ରାଜା” ମେନ୍ତେ ଅଲ୍‌କାନ୍ ତାଇକେନା । ୨୦ ଯୀଶୁ କୁଶ୍‌ରେ କିଲାୟାନ୍ ଠାୟାଦ୍ ହାତୁ ନାଡ଼େଃରେ ତାଇକେନ୍ ନାଗେନ୍ତେ ଏନ୍ ଅନଲ୍‌ଟିଠାକେ ପୁରାଃ ଯିହୁଦୀକ ପାଢ଼ାଅକେଦାଃ ଆଡ଼ଃ ଏନା ଏବ୍ରୀ, ଲାଟିନ୍, ଆଡ଼ଃ ଗ୍ରୀକ୍ ଜାଗାର୍‌ରେ ଅଲ୍‌କାନ୍ ତାଇକେନା । ୨୧ ଏନ୍ତେ ଯିହୁଦୀକଆଃ ମୁଲ୍ ଯାଜାକ୍‌କ ପିଲାତୁସ୍‌କେ କାଜିକିୟାଃକ, “ଯିହୁଦୀକଆଃ ରାଜା ମେନ୍ତେ ଆଲମ୍ ଅଲେୟା ମେନ୍‌ଦ ‘ଆଇଙ୍ ଯିହୁଦୀକଆଃ ରାଜା ତାନିଙ୍’ ମେନ୍ତେ କାଜିକେଦ୍‌ତେୟାଃ ଅଲେମେ ।”

୨୨ ପିଲାତୁସ୍ କାଜିରୁହାଡ଼ାଦ୍‌କଆଏ, “ଆଇଙ୍ ଅଲ୍‌କାଦ୍‌ତେୟାଃ ଅଲ୍‌କାଦାଇଙ୍ ।”

୨୩ ଯୀଶୁକେ କୁଶ୍‌ରେ କିଲାକେଦ୍‌ତେ, ସିପାଇକ ଇନିୟାଃ ତୁସିଙ୍ ଲିଜାଃ ଆଉକେଦ୍‌ତେ ଚାର୍‌ତାଃରେ ହାଟିଙ୍‌କେଦାଃକ, ମିଆଁଦ୍ ସିପାଇ ନାଗେନ୍ତେ ମିଆଁଦ୍ ହାଟିଙ୍ ଆଡ଼ଃ ପାଟେଲିଜାଃକେଅକ ଆଉକେଦାଃ, ଏନା କା ତୁନାକାନ୍ ତାଇକେନା ମେନ୍‌ଦ ଚେତାନ୍‌ଏତେ ଲାଡ଼ାର୍ ଜାକେଦ୍ ତିଃଇଲଃ ରଅଃକାନ୍ ତାଇକେନା । ୨୪ ଏନାମେନ୍ତେ ଇନ୍‌କୁ ଆକ ଆକରେକ କାଜିକେଦା, “ନେଆଁକେ କାରୁ ଚାଗାଡ଼େୟା ମେନ୍‌ଦ ନେଆଁ ଅକଏୟାଃ ହବାଅଆଃ ଏନାମେନ୍ତେ ଚିଠାକୁ ସାଲାୟା ।” ଧାରାମ୍‌ପୁଅ୍‌ରେୟାଃ କାଜି ସାର୍‌ତିଅଃ ନାଗେନ୍ତେ ନେ ସବେନ୍ ହବାୟାନା, “ଇନ୍‌କୁ ଆଇଁୟାଃ ଲିଜାଃକ ହାଟିଙ୍‌ୟାନା ଆଡ଼ଃ ଆଇଁୟାଃ ପାଟେଲିଜାଃ ନାଙ୍ ଚିଠାକ ସାଲାକେଦା ।” ଏନାତେ ସିପାଇକ ନେ'ଲେକାକ ରିକାକେଦା ।

୨୫ ଯୀଶୁଆଃ ଏଙ୍‌ଗାତେ ମାରିୟାମ୍ ଆଡ଼ଃ ଏଙ୍‌ଗାତେୟାଃ ମିଶିତେ, କ୍ଲୋପାରାଃ କୁଡ଼ିତେ ମାରିୟାମ୍ ଆଡ଼ଃ ମାଗ୍‌ଦାଲିନି ମାରିୟାମ୍ ଯୀଶୁଆଃ କୁଶ୍ ଜାପାଃରେକ ତିଙ୍‌ଗୁଆକାନ୍ ତାଇକେନା । ୨୬ ଯୀଶୁ ଆୟାଃ ଏଙ୍‌ଗାତେକେ ଆଡ଼ଃ ଆଇଃକ୍ ଦୁଲାଡ଼ିତାନ୍ ଚେଲାକେ, ଜାପାଃରେ ତିଙ୍‌ଗୁଆକାନ୍ ନେଲ୍‌କେଦ୍‌କିନାଏ, ଏଙ୍‌ଗାତେକେ କାଜିକିୟାଏ, “ନେଲିମେ ହନ୍‌ତାମାଃକେ ।”

୨୭ ଏନ୍ତେ ଯୀଶୁ ଏନ୍ ଚେଲାକେ କାଜିକିୟାଏ, “ନେଲିମେ, ଇନିଃ ଆମାଃ ଏଙ୍‌ଗା” ଆଡ଼ଃ ଇମ୍‌ତାଙ୍‌ଏତେ ଏନ୍ ଚେଲା ଇନିଃକେ ଆୟାଃ ଅଡ଼ାଃତେ ଇଦିକିୟାଏ ।

ୟୀଶୁଆଃ ଗନଏଃ

(ମାଥୁ ୨୭:୪୫-୫୬; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ସବେନାଃ ନାହାଁଃ ପୁରାଚାବାକାନା ମେନ୍ତେ ଯୀଶୁ ସାରିକେଦ୍‌ଟି, ଧାରାମ୍‌ପୁଅ୍‌ରେୟାଃ କାଜି ପୁରାଅଃ ନାଗେନ୍ତେ ଇନିଃ କାଜିକେଦାଃଏ, “ଆଇଙ୍‌କେ ତେତାଙ୍‌ଗିତାନା ।”

୨୯ ଏନ୍ତାଃରେ ମେହେର୍ ରାସିତେ ପେରେଜାକାନ୍ ମିଆଁଦ୍ ଚାରୁ ଦହାକାନ୍ ତାଇକେନା । ଏନ୍ତେ ଇନ୍‌କୁ ସ୍ତଞ୍‌କେ ମେହେର୍ ରାସିରେ ତୁପୁକେଦାଃକ, ଆଡ଼ଃ ଏନାକେ ଏସୋଦ୍ ଡାଙ୍‌ରେ ଗୁଡୁକେଦ୍‌ତେ ଇନିୟାଃ ମତା ହେପାଦ୍‌ତେ ନୁଁଏ ନାଗେନ୍ତେ ଏମ୍‌କିୟାକ । ୩୦ ଏନ୍ତେ ଯୀଶୁ ମେହେର୍ ରାସି ନୁଁକେଦ୍‌ତେ, କାଜିକେଦାଃଏ, “ନେଆଁ ପୁରାୟାନା” ଏନ୍ତେ ଆୟାଃ ବହଃ ତିରୁଦ୍‌କେଦ୍‌ତେ ଜୀଉ ଚୁଣ୍ଡୁକଦା ।

ୟୀଶୁକେ କୁଡ଼ାମ୍ରେ ସବଞ୍ଚିୟାକ

୩୧ ଏନ୍ ହୁଲାଙ୍ଗ୍ ସାପ୍ତାଅନ୍ ହୁଲାଙ୍ଗ୍ ତାଇକେନା, ଆତଃ ଏଟାଃ ହୁଲାଙ୍ଗ୍ ମାରାଙ୍ଗ୍ ରୁଡ଼ନ୍ ହୁଲାଙ୍ଗ୍ ତାଇକେନ୍ ନାଗେନ୍ତେ ଯିହୁଦୀ ହାକିମ୍ କ ଗଏଃ ହଡ଼ମ୍ରେ କୁଶ୍ରେ ରୁଡ଼ନ୍ ହୁଲାଙ୍ଗ୍ ଜାକେଦ୍ ତାଇନଃକା ମେନ୍ତେ କାକ ସାନାଙ୍ଗ୍ ତାଇକେନା । ଏନାତେ ଇନ୍କୁ କିଲାକାନ୍ କ ଜାଲ୍ଦି ଗଜଃକାକ ମେନ୍ତେ ଇନ୍କୁଆଃ କାଟା ଠଏଜଃକା ଆତଃ ଇନ୍କୁକେ କୁଶ୍ଏତେ ଆଡ଼ଗୁଃକାକ ମେନ୍ତେ ପିଲାତୁସ୍ତକେକ ବିକ୍ତିକିୟାଃ । ୩୨ ଏନ୍ତେ ସିପାଇକ ହିଜୁଃକେଦ୍ତେ ଯୀଶୁଲଃ କିଲାକାନ୍ ବାରାନ୍କିନାଃ କାଟାକେ ଠଏଜ୍ଜେଦାଃକ । ୩୩ ମେନ୍ଦ୍ ଇନ୍କୁ ଯୀଶୁତାଃ ହିଜୁଃୟାନ୍ତେ, ଇନିଃକେ ଗଜାକାନ୍ କ ନେଲ୍କିୟାଃ, ଏନାତେ ଇନ୍କୁ ଇନିୟାଃ କାଟାକେ କାକ ଠଏଜ୍ଜେଦାଃ । ୩୪ ମେନ୍ଦ୍ ସିପାଇକଏତେ ମିଆଁଦ୍ନିଃ ବାଞ୍ଚାତେ ଇନିୟାଃ କୁଡ଼ାମ୍ରେ ସବଞ୍ଚିୟାଏ, ଆତଃ ଇମ୍ତାଗି ମାୟୋମ୍ ଆତଃ ଦାଆଃ ଅତଙ୍ଗ୍ୟାନା । ୩୫ ଆତଃ ନେଆଁ ନେଲ୍କାଦ୍ନିଃ ଗାଞ୍ଜା ଏମାକାଦାଏ, ଜେ'ଲେକାଟି ଆପେୟଗି ବିଶ୍ୱାସେୟାପେ । ଆତଃ ଇନିୟାଃ ଗାଞ୍ଜା ସାର୍ତିଗିୟା, ଆତଃ ଇନିଃ ସାର୍ତି କାଜିତାନାଏ ଏନା ଆଇଃକ୍ରି ସାରିୟାଏ । ୩୬ “ଇନିୟାଃ ଜେତାନ୍ ଜାଙ୍ଗ୍ କା ଠଏଜଆଃ” ନେ କାଜିଦ୍ ଧାରାମ୍ପୁଥ୍ରେ ପୁରାଅଃ ନାଗେନ୍ତେ ନେ ସବେନାଃ ହବାୟାନା । ୩୭ ✠ଧାରାମ୍ପୁଥ୍ରେ ଆତଃମିଆଁଦ୍ କାଜି ଅଲ୍ଲାକାନା, “ଇନ୍କୁ ଅକଏକେ କିଲାକିୟାଃକ,” ହଡ଼କ ଇନିଃକେ ନେଲିୟାକ ।

ୟୀଶୁଆଃ ତପାଅଃ

(ମାଥ୍ୱ ୨୭:୫୭-୬୧; ମାର୍କ ୧୫:୪୨-୪୬; ଲୁକ ୨୩:୫୦-୫୬)

୩୮ ଏନ୍ ତାୟମ୍ତେ ହାରାମାଥ୍ୱୟା ସାହାରରେନ୍ ଯୋଷେଫ୍, ଯୀଶୁଆଃ ହଡ଼ମ୍ ଇଦି ନାଗେନ୍ତେ ପିଲାତୁସ୍ତକେ ବିକ୍ତିକିୟାଏ, ଇନିଃ ଯୀଶୁଆଃ ମିଆଁଦ୍ ଚେଲା ତାଇକେନାଏ, ମେନ୍ଦ୍ ଯିହୁଦୀକଆଃ ବରତେ କାଏ ଉଦୁବେନ୍ୟାନା, ଆତଃ ପିଲାତୁସ୍ ଆତୁକେଦ୍ତି ଯୀଶୁଆଃ ହଡ଼ମ୍ ଇଦିକେଦ୍ତେ ସେନଃୟାନାଏ । ୩୯ ✠ଏନ୍ ନିକଦୀମ୍ ସିଦାରେ ନିଦା ଇମ୍ତା ଯୀଶୁତାଃତେ ହିଜୁଃୟାନାଏ, ଇନିଃ ଯୋଷେଫ୍ଲଃ ହିଜୁଃୟାନାଏ । ଆତଃ ଇନିଃ ତିରିଶ୍ କେଜି ବୁଗିନ୍ ସହାନ୍ସୁନ୍ମ୍ ଆତଃ ମେସାକାନ୍ ଗାନ୍ରାସ୍ ଆଉକେଦାଏ । ୪୦ ଏନ୍ତେ ଇନ୍କିନ୍ ଯୀଶୁଆଃ ହଡ଼ମ୍କେକିନ୍ ଆଉକେଦାଃ ଏନ୍ତେ ଯିହୁଦୀକଆଃ ତପାରେୟାଃ ରିତିଲେକାତେ ଏନାକେ ବୁଗିନ୍ ସହାନ୍ ସୁନ୍ମ୍ ଆତଃ ଫାର୍ତି ନିରାଲ୍ ଲିଜାଃରେ ପଟମ୍କେଦାଃକିନ୍ । ୪୧ ଆତଃ ଯୀଶୁ କୁଶ୍ରେ କିଲାୟାନ୍ ଠାୟାଦ୍ତାଃରେ ମିଆଁଦ୍ ବାଗାନ୍ ତାଇକେନା, ଆତଃ ବାଗାନ୍ରେ ମିଆଁଦ୍ ନାଞ୍ଜା ତପା ଠାୟାଦ୍ ତାଇକେନା, ଏନାରେ ଜେତାଏ ଚିଉଲାହ କାକ ତପାକାଦ୍କ ତାଇକେନା । ୪୨ ଯିହୁଦୀକଆଃ ସାପ୍ତାଅନ୍ ହୁଲାଙ୍ଗ୍ ନାଗେନ୍ତେ ଇନ୍କିନ୍ ଯୀଶୁକେ ଏନ୍ତାଃରେଗି ଦହକିୟାକିନ୍, ଚିୟାଃତି ଏନ୍ ତପା ଠାୟାଦ୍ ନାଡ଼େଃରେ ତାଇକେନା ।

୨୦

ତପାଗାଡ଼ା ବିଡ଼ାଙ୍ଗ୍

(ମାଥ୍ୱ ୨୮:୧-୮; ମାର୍କ ୧୬:୧-୮; ଲୁକ ୨୪:୧-୧୨)

୧ ହାପ୍ତାରେୟାଃ ପାହିଲା ହୁଲାଙ୍ଗ୍ ସେତାଃ ଇଦାନ୍ ନୁବାଃ ତାଇକେନ୍ ଇମ୍ତା ମାଗ୍ଦାଲିନି ମାରିୟାମ୍ ତପାଗାଡ଼ା ଠାୟାଦ୍ତେ ହିଜୁଃକେଦ୍ତେ ପୁରାଃ ମାରାଙ୍ଗ୍ ଦିରିକେ ତପାଗାଡ଼ା ଠାୟାଦ୍ଏତେ ଆତମ୍କାନ୍ ନେଲ୍କେଦାଃଏ । ୨ ଏନ୍ତେ ଇନିଃ ନିରକେଦ୍ତେ ଶିମୋନ୍ ପାଡ଼ରାସ୍ ଆତଃ ଯୀଶୁ ଦୁଲାଡ଼ିତାନ୍ ଏନ୍ ଏଟାଃ ଚେଲାତାଃତେ ତେବାଃୟାନା ଆତଃ ମେତାଦ୍କିନାଏ, “ଇନ୍କୁ ପ୍ରାତୁକେ ତପାଗାଡ଼ାଏତେ ଇଦିକିୟାକ ଆତଃ କତାଃରେକ ଦହକିୟା ଏନା କାଲେ ସାରିତାନା ।”

୩ ଏନ୍ତେ ପାଡ଼ରାସ୍ ଆତଃ ଏନ୍ ଏଟାଃ ଚେଲା ଅତଙ୍ଗ୍ୟାନ୍ତେ ତପାଠାୟାଦ୍ତେ ସେନଃୟାନାକିନ୍ । ୪ ଆତଃ ଏନ୍ ବାରାନ୍କିନ୍ ମିଦ୍ତେକିନ୍ ନିରକେଦାଃ ମେନ୍ଦ୍ ଏଟାଃ ଚେଲା ପାଡ଼ରାସ୍ତକେ ନିରବାଗିକେଦ୍ତେ ସିଦାରେ ତପାଠାୟାଦ୍ତେ ସେଚେରୟାନାଏ । ୫ ଆତଃ ଇନିଃ ଉଙ୍ଗୁଦ୍କେଦ୍ତେ ପାଡ଼ଲା ଲିଜାଃ ଏସ୍କାର୍ ଦହକାନ୍ତେୟାଃ ନେଲ୍କେଦାଏ ମେନ୍ଦ୍ କାଏ ବଲୟାନା । ୬ ଏନ୍ତେ ଶିମୋନ୍ ପାଡ଼ରାସ୍ ଇନିୟାଃ ତାୟମ୍ତେ ସେଚେରୟାନାଏ ଆତଃ ତପାଠାୟାଦ୍ରେ ବଲକେଦ୍ତେ ଏନ୍ ପାଡ଼ଲା ଲିଜାଃ ଉୟୁଗାକାନ୍ ନେଲ୍କେଦାଏ । ୭ ଆତଃ ଯୀଶୁଆଃ ବହଃରେ ତଲ୍ବିହୁରାକାନ୍ ଲିଜାଃ ଏନ୍ ପାଡ଼ଲା ଲିଜାଃଲଃ କା ତାଇକେନା ମେନ୍ଦ୍ ଏଟାଃରେ ପୋଟମାକାନ୍ ତାଇକେନା । ୮ ଏନ୍ତେ ସିଦାରେ ତପାଠାୟାଦ୍ତାଃ ସେଚେରୟାନ୍ ଏନ୍ ଏଟାଃ ଚେଲାହ ବଲୟାନାଏ, ଆତଃ ଇନିଃ ନେଲ୍କେଦ୍ତେ ବିଶ୍ୱାସକେଦାଃଏ । ୯ ଇନିଃକେ ଗଏଃକାନ୍ଏତେ ଜୀଉବିରିଦଃ ଲାଗାଡ଼ିଙ୍ଗ୍ୟାଃ, ଧାରାମ୍ପୁଥ୍ରେ ଅଲ୍ଲାକାନ୍ ନେ କାଜିକେ, ଇନ୍କୁ ଇମ୍ତାଜାକେଦ୍ କାକ ଆଟ୍କାର୍ଡରୁମ୍ ତାଇକେନା । ୧୦ ଏନ୍ତେ ଏନ୍ ବାରାନ୍ ଚେଲାକିନ୍ ଆକିନାଃ ଅଡ଼ାଃତେ ରୁହାଡ଼ୟାନାକିନ୍ ।

ୟୀଶୁ ମାଗ୍ଦଲାରେନ୍ ମାରିୟାମ୍ତାଃରେ ଉଦୁବେନ୍ୟାନାଏ

(ମାଥ୍ୱ ୨୮:୯-୧୦; ମାର୍କ ୧୬:୯-୧୧)

✠ ୧୯:୩୭ ୧୯:୩୭ ଉନ୍ନୁଦୁବ୍ କାଜି ୧:୭. ✠ ୧୯:୩୯ ୧୯:୩୯ ଯୋହାନ୍ ୩:୧,୨.

୧୧ ଫେନ୍ଦ ଫାରିୟାମ୍ ରାଆଃତାନଲଃ ତପାଠାୟାଦ୍ତାଃରେ ତିଜୁଆକାନାଏ ତାଇକେନା । ତିମ୍ତାଙ୍ଗ୍ ରାଆଃତାନଲଃ ତପାଠାୟାଦ୍ ଭିତାର୍ତେ ଉଜୁଦକେଦ୍ତେ ନେଲ୍କେଦାଃଏ, ୧୨ ଇମ୍ତା ପୁଣ୍ଡି ଲିଜାଃ ତୁସିଙ୍ଗ୍ଆକାନ୍ ବାରିଆ ଦୁଡ୍ଡକିନ୍ ଯୀଶୁଆଃ ହଡ୍ଡ଼ ଦହକାନ୍ ଠାୟାଦ୍ରେ ଦୁବାକାନ୍ ନେଲ୍କେଦକିନାଏ, ମିଆଁଦ୍ନିଃ ବହଃସାଃରେ ଆଡଃ ମିଆଁଦ୍ନିଃ କାଟାସାଃରେ । ୧୩ ଆଡଃ ଇନ୍କିନ୍ କୁଲିକିୟାଃକିନ୍, “ଏ ମାଈ, ତିନାଃ ମେନ୍ତେମ୍ ରାଆଃ ତାନା ?” ଇନିଃ ଇନ୍କିନ୍କେ କାଜିୟାଦକିନାଏ, “ଇନ୍କୁ ଆଇଁୟାଃ ପ୍ରାଭୁକେ ଇଦିକିୟାଃକ ଆଡଃ ଇନିଃକେ ଅକ୍ତାଃରେ ଦହକିୟାଃକ ଏନା କାଇଙ୍ଗ୍ ସାରିତାନା ।”

୧୪ ଏନ୍ତେ ନେଆଁ କାଜିକେଦ୍ତି ଇନିଃ ଦୟାସାଃରେ ହେତାକେଦାଏ ଆଡଃ ଯୀଶୁକେ ତିଜୁଆକାନ୍ ନେଲ୍କିୟାଏ, ଫେନ୍ଦ ଇନିଃ ଯୀଶୁ ତାନିଃ ମେନ୍ତେ କାଏ ସାରିକେଦାଃ । ୧୫ ଯୀଶୁ ଇନିଃକେ କାଜିକିୟାଏ, “ଏ ମାଈ, ଆମ୍ ତିନାଃ ମେନ୍ତେ ରାଆଃତାନାମ୍ ? ଆଡଃ ଅକ୍ତାକେ ଦାଣ୍ଟାବାଡ଼ା ତାନାମ୍ ?” ଏନ୍ କୁଡ୍ଡି ଯୀଶୁକେ ବାଖଡ୍ଡିରେନ୍ ମାଲିହଡ୍ଡ ତାନିଃ ମେନ୍ତେ ଆବ୍ କାରକେଦ୍ତେ, କାଜିକିୟାଏ, “ହେ ଗମ୍କେ, ଆମ୍ ଇନିଃକେ ଇଦିକାଇରେଦ ଇନିଃକେ ଅକ୍ତାଃରେମ୍ ଦହକିୟା ଏନା ଉଦୁବାଇଙ୍ଗ୍ମେ ଆଡଃ ଆଇଙ୍ଗ୍ ଇନିଃକେ ଇଦିକିୟାଇଙ୍ଗ୍ ।” ୧୬ ଯୀଶୁ ଇନିଃକେ କାଜିକିୟାଏ, “ଏ ମାରିୟାମ୍,” ଇନିଃ ହେତାରୁହାଡ୍ଡକେଦ୍ତେ ଏବ୍ରୀ ଜାଗାର୍ତେ କାଜିକିୟାଏ, “ରାବ୍ବୁନି” ନେୟାଃରାଃ ମୁଣ୍ଡି “ହେ ଗୁରୁ” । ୧୭ ଯୀଶୁ ଇନିଃକେ କାଜିକିୟାଏ, “ଆଇଙ୍ଗ୍କେ ଆଲମ୍ ସାବାକାଇଙ୍ଗ୍, ତିୟାଃତି ଆଇଙ୍ଗ୍ଦ ନାହାଁଃ ଜାକେଦ୍ ଆପୁଇଙ୍ଗ୍ତାଃତେ ଆଉରି ସେନ୍ରୁହାଡ଼ାଇଙ୍ଗ୍ । ଫେନ୍ଦ ହାଗାଈଙ୍ଗ୍ତେକତାଃ ସେନ୍କେଦ୍ତେ କାଜିୟାକମ୍, ‘ଆଇଙ୍ଗ୍ ଆଇଁୟାଃ ଆପୁ ଆଡଃ ଇନ୍କୁଆଃ ଆପୁ, ଆଇଁୟାଃ ପାର୍ମେଶ୍ୱାର୍ ଆଡଃ ଇନ୍କୁଆଃ ପାର୍ମେଶ୍ୱାର୍ ତାଃତେଇଙ୍ଗ୍ ସେନ୍ରୁହାଡ଼ତାନା ।’” ୧୮ ଆଡଃ ମାଗ୍ଦାଲିନି ମାରିୟାମ୍ ସେନ୍କେଦ୍ତେ ଚେଲାକକେ ମେତାଦକଆଏ, “ଆଇଙ୍ଗ୍ ପ୍ରାଭୁକେ ନେଲାକାଇୟାଈଙ୍ଗ୍, ଆଡଃ ଇନିଃ ନେ କାଜିକି ଆଇଙ୍ଗ୍କେ କାଜିକାଦିୟାଏ ।”

ୟୀଶୁ ଆୟାଃ ଚେଲାକତାଃରେ ଉଦୁବେନ୍ୟାନା

(ମାଥୁଃ ୨୮:୧୭-୨୦; ମାର୍କ ୧୬:୧୪-୧୮; ଲୁକ ୨୪:୩୭-୪୯)

୧୯ ହାପ୍ରାରେୟାଃ ପାହିଲା ହୁଲାଙ୍ଗ୍ ଆୟୁବଃତାନ୍ ଇମ୍ତା ଯିହୁଦୀକଆଃ ବରତେ ଚେଲାକ ହୁଣ୍ଡିୟାନାକ ଆଡଃ ମିଆଁଦ୍ ଅଡ଼ାଃରେ ଦୁଆର୍ ହାଣ୍ଡେଦକେଦ୍ତେ ତାଇକେନାକ, ଇମ୍ତା ଯୀଶୁ ହିଜୁଃକେଦ୍ତେ ଆକଆଃ ଆଲାରେ ତିଜୁୟାନାଏ ଆଡଃ ମେତାଦକଆଏ, “ଆପେରେ ଜୀଉସୁକୁ ହବାଅଃକା ।” ୨୦ ଇନିଃ ନେଆଁ କାଜିକେଦ୍ତି ଇନ୍କୁକେ ଆୟାଃ ତିଃଇକେ ଆଡଃ ଆୟାଃ ସାଡ୍ଡେଜାଙ୍ଗ୍କେ ଉଦୁବାଦକଆଏ । ଏନ୍ତେ ଚେଲାକ ପ୍ରାଭୁକେ ନେଲ୍କେଦ୍ତେ ପୁରାଃଗି ରାସ୍କାୟାନାକ । ୨୧ ଯୀଶୁ ଆଡଃଗି କାଜିୟାଦକଆଏ, “ଆପେରେ ଜୀଉସୁକୁ ତାଇନ୍କା, ଆପୁଇଙ୍ଗ୍ କୁଲାକାଇଙ୍ଗ୍ ଲେକା ଆଇଙ୍ଗ୍ହ୍ ଆପେକେ କୁଲ୍ପେତାନାଇଙ୍ଗ୍ ।” ୨୨ ଇନିଃ ନେଆଁ କାଜିକେଦ୍ତି ଇନ୍କୁଆଃ ଚେତାନ୍ରେ ଅମ୍କେଦାଃଏ, ଆଡଃ “ନେ ପାବିତାର୍ ଆମ୍ବାକେ ତେଲାଇପେ ମେତାଦକଆଏ । ୨୩ *ଆପେ ହଡ୍ଡକଆଃ ପାପ୍ ଛାମାକରେଦ ଇନ୍କୁଆଃ ପାପ୍ ଛାମାଃଃ, ଆପେ କାପେ ଛାମାକରେଦ ଇନ୍କୁଆଃ ପାପ୍ କା ଛାମାଃଃ ।”

ୟୀଶୁ ଆଡଃ ଥୋମା

୨୪ ଦିଦୁମ୍ କାଜିୟାଃତାନ୍ ଥୋମା ଗେଲ୍ବାର୍ ଚେଲାକଏତେ ମିହୁଡ୍ ତାଇକେନାଏ । ଇନିଃ ଯୀଶୁ ହିଜୁଃଲେନ୍ ଇମ୍ତା ଚେଲାକଲଃ କାଏ ତାଇକେନା । ୨୫ ଏନ୍ତେ ଏଟାଃ ଚେଲାକ ଇନିଃକେ କାଜିକିୟାଃକ, “ଆଲେ ପ୍ରାଭୁକେ, ନେଲାକାଇୟାଈଲେ ।” ଫେନ୍ଦ ଇନିଃ ଇନ୍କୁକେ କାଜିୟାଦକଆଏ, “ଇନିୟାଃ ତିଃଇରେ କିଲାରେୟାଃ ତିହ୍ନାଁ କାଇଙ୍ଗ୍ ନେନେଲ୍ ଜାକେଦ୍ ଆଡଃ ଆଇଁୟାଃ ସାର୍ସାର୍ତେ କିଲାରେୟାଃ ତିହ୍ନାଁକେ କାଇଙ୍ଗ୍ ଜୁଟିଦେ ଜାକେଦ୍ ଆଡଃ ତିଃଇତେ ଇନିୟାଃ ସାଡ୍ଡେଜାଙ୍ଗ୍ରେ କାଇଙ୍ଗ୍ ଜୁଟିଦେ ଜାକେଦ୍ କାଇଙ୍ଗ୍ ବିଶ୍ୱାସେୟା ।” ୨୬ ମିଦ୍ ହାପ୍ରା ତାୟମ୍ତେ ଇନିୟାଃ ଚେଲାକ ଆଡଃଗି ଅଡ଼ାଃରେକ ତାଇକେନା ଆଡଃ ଥୋମା ଇନ୍କୁଲଃ ତାଇକେନାଏ, ଦୁଆର୍ ହାଣ୍ଡେଦାକାନ୍ ତାଇକେନ୍ରେୟ ଯୀଶୁ ହିଜୁଃୟାନାଏ ଆଡଃ ଆଲାରେ ତିଜୁକେଦ୍ତେ କାଜିୟାଦକଆଏ, “ଆପେରେ ଜୀଉସୁକୁ ତାଇନ୍କା ।” ୨୭ ଏନ୍ତେ ଇନିଃ ଥୋମାକେ କାଜିକିୟାଏ, “ଆମାଃ ସାର୍ସାର୍ଲଃ ଜୁଟିଦେମ୍ ଆଡଃ ଆଇଁୟାଃ ତିଃଇ ନେଲେମେ, ଆଡଃ ତିଃଇତାମାଃ ଜିଲ୍ଲିଙ୍ଗ୍ମେମେ ଆଡଃ ସାଡ୍ଡେଜାଙ୍ଗ୍ତାଃରେ ଜୁଟିଜେମ୍, କା ବିଶ୍ୱାସେନିଃଦ କାହା ମେନ୍ଦ୍ ବିଶ୍ୱାସେନିଃ ହବାଅଃମେ ।”

୨୮ ଥୋମା କାଜିରୁହାଡ୍ଡକିୟାଏ, “ଆଇଁୟାଃ ପ୍ରାଭୁ ଆଡଃ ଆଇଁୟାଃ ପାର୍ମେଶ୍ୱାର୍ ।”

୨୯ ଯୀଶୁ କାଜିକିୟାଏ, “ଏ ଥୋମା, ଆମ୍ ଆଇଙ୍ଗ୍କେ ନେଲ୍କେଦ୍ତେମ୍ ବିଶ୍ୱାସୀଙ୍ଗ୍ତାନା, ମେନ୍ଦ୍ କା ନେଲ୍କେଦ୍ତେ ବିଶ୍ୱାସ୍ତାନକ ସୁକୁତାନ୍ଗିୟାଃ ।”

ନେ ପୁଥ୍ରେଃ ଅନଲ୍କାଜି

୩୦ ଯୀଶୁ ଚେଲାକଆଃ ସାମ୍ନାଙ୍ଗ୍ରେ ନେ'ଲେକା ପୁରାଃ ଏଟାଃ ପେଡ୍ଡେୟାନ୍ କାମିକ କାମିକେଦାଃଏ । ଏନା ସବେନ୍ ନେ ପୁଥ୍ରେ କା ଅଲ୍ଲାନା । ୩୧ ଫେନ୍ଦ ଯୀଶୁ ପାର୍ମେଶ୍ୱାର୍ଆଃ ହନ୍ ମାସି ତାନିଃ, ନେୟାପେ ବିଶ୍ୱାସେକା ଆଡଃ ନେଆଁ ବିଶ୍ୱାସକେଦ୍ତେ ଇନିୟାଃ ନୁଡ୍ଡମ୍ତେ ଆପେ ଜୀଦାନ୍ପେ ନାମେକା ମେନ୍ତେ ନେଆଁରେ ଅଲ୍ଲାନା ।

* ୨୦:୨୩ ୨୦:୨୩ ମାଥୁଃ ୧୭:୧୯; ୧୮:୧୮.



ୟୀଶୁ ସାତ୍ତ୍ଵାନ୍ ଚେଲାକତାଃରେ ଉଦୁବେନ୍ଦନାଏ

୧ ଏନ୍ ତାୟମ୍ତେ ଯୀଶୁ ଆତଃମିସା ତିବିରିୟା ଦରେୟା ଗେନାରେ ଆୟାଃ ଚେଲାକତାଃରେ ଉଦୁବେନ୍ଦୟାନାଏ । ନେୟାଁ ନେ ଲେକା ହବାଲେନା : ୨ ଶିମୋନ୍ ପାତ୍ରରାସ୍ ଆତଃ ଦିଦୁମ୍ କାଜିୟାତାନ୍ ଥୋମା ଆତଃ ଗାଲିଲ୍ରେୟାଃ କାନା ହାତୁରେନ୍ ନିଅନିୟେଲ୍ ଆତଃ ଜେବଦୀୟାଃ ବାରାନ୍ ହନ୍କିନ୍ ଆତଃ ଇନିୟାଃ ଚେଲାକଏତେ ଆତଃ ବାତ୍ତ୍ଵାନ୍ ମିଦ୍ତାଃରେକ ତାଇକେନା । ୩ *ଆତଃ ଶିମୋନ୍ ପାତ୍ରରାସ୍ ଇନ୍କୁକେ ମେତାଦକଥାଏ, “ଆଇଙ୍ଗ୍ ହାକୁ ସାବ୍ନାଙ୍ଗ୍ ସେନଃତାନାଇଙ୍ଗ୍ ।” ଇନ୍କୁ ଇନିଃକେ କାଜିକିୟାଃକ, “ଆଲେୟ ଆମାଃଲଃ ସେନାଲେ,” ଇନ୍କୁ ଅତଙ୍ଗ୍ୟାନ୍ତେ ଲାଉକାରେକ ଦେଏଃୟାନା, ମେନ୍ଦ ଏନ୍ ନିଦାରେ ଜାଲୋମ୍ତେ ହାକୁ କାକ ସାବ୍ ଦାଡ଼ିୟାନା । ୪ ଆତଃ ଆଙ୍ଗ୍ୟାନ୍ତି ଯୀଶୁ ଦରେୟା ଗେନାରେ ତିଙ୍ଗ୍ୟାନାଏ, ହଲେହ୍ ଚେଲାକ ନିଃ ଯୀଶୁ ତାନିଃ ମେନ୍ତେ କାକ ସାରିତାନ୍ ତାଇକେନା । ୫ ଏନ୍ତେ ଯୀଶୁ ଇନ୍କୁକେ କାଜିୟାଦକଥାଏ, “ହେ ଦୁଲାଡ୍ ହନ୍କ ଚିୟାଃ ଆପେତାଃରେ ହାକୁ ମେନାକଥା ?” ଇନ୍କୁ “କାହା” ମେନ୍ତେ କାଜିରୁହାଡ଼କିୟାକ ।

୬ *ୟୀଶୁ ଇନ୍କୁକେ କାଜିୟାଦକଥା, “ଲାଉକାରାଃ ଜମ୍ପାଃତେ ଜାଲୋମ୍ତେ ହୁଦ୍ମାଏପେ, ଏନାରେ ଆପେ ହାକୁ ନାମକିଆପେ ।” ଏନ୍ତେ ଇନ୍କୁ ଜାଲୋମ୍ତେ ହୁଦ୍ମାକେଦ୍ତେ ପୁରାଃ ହାକୁକ ନାମକେଦକଥା, ମେନ୍ଦ ପୁରାଃ ପେଡ଼େଃତେ ଆଇଙ୍ଗ୍କେଦ୍ରେୟ କାକ ଆଇଙ୍ଗ୍ ଦାଡ଼ିୟାନା ।

୭ ଏନ୍ତେ ଯୀଶୁ ଅକନ୍ ଚେଲାକେ ଦୁଲାଡ଼ିତାନ୍ ତାଇକେନାଏ, ଇନିଃ ପାତ୍ରରାସ୍କେ କାଜିକିୟାଏ, “ନିଃଦ ପ୍ରାଭୁ ତାନିଃ ।” ନିଃଦ ପ୍ରାଭୁ ତାନିଃ ନେଆଁ ଆୟୁମ୍ତେଦ୍ତେ ଶିମୋନ୍ ପାତ୍ରରାସ୍, ସାମା ହଡ଼ମ୍ ତାଇକେନ୍ଦ୍ରେୟାତେ ମାୟାଙ୍ଗ୍ରେ ଲିଜାଃ ପାଟେୟାନ୍ତି ଦରେୟାରେ ତେଗାଅକେଦାଏ । ୮ ମେନ୍ଦ ଏଟାଃ ଚେଲାକ ହାକୁତେ ପେରେଜାକାନ୍ ଜାଲୋମ୍ ଆଇଙ୍ଗ୍କେଦ୍ତେ ହୁଡ଼ିଙ୍ଗ୍ ଲାଉକାତେକ ହିଜୁଃୟାନା, ଚିୟାଃତି ଇନ୍କୁଦ୍ ଦରେୟା ଗେନାଏତେ ପୁରାଃ ସାଜିନ୍ରେଦ କାହା, ମେନ୍ଦ ଦୁଇଶହାଡ଼ ଲେକା ସାଜିନ୍ରେ ତାଇକେନାକ । ୯ ଆତଃ ଇନ୍କୁ ଦରେୟା ଖାଙ୍ଗ୍ରେ ଆଡ଼ଗୁକେଦ୍ତେ ଆଙ୍ଗ୍ରାସେଙ୍ଗ୍ରେ ହାକୁ ରାପାଃକାନ୍ ଆତଃ ହଲଙ୍ଗ୍ ମାଣ୍ଡାଃକାନ୍ ନେଲ୍କେଦାଃକ । ୧୦ ଆତଃ ଯୀଶୁ ଇନ୍କୁକେ କାଜିୟାଦକଥାଏ, “ନାହାଁଃ ଆପେ ସାବାକାଦ୍ ହାକୁକଏତେ କାଟିଃଲେକା ଆଉକୁପେ ।”

୧୧ ଶିମୋନ୍ ପାତ୍ରରାସ୍ ସେନଃୟାନ୍ତେ ୧୫୩ ଠୁ ମାପ୍ପରାଙ୍ଗ୍ ହାକୁତେ ପେରେଜାକାନ୍ ଜାଲୋମ୍ତେ ଦରେୟା ଖାଙ୍ଗ୍ରେ ଆଇଙ୍ଗ୍ ଆଉକେଦାଃଏ । ନିମିନ୍ ହାକୁକ ତାଇକେନ୍ଦ୍ରେୟ ଜାଲୋମ୍ କା ଟଟାଃୟାନା । ୧୨ ଯୀଶୁ କାଜିୟାଦକଥାଏ, “ହିଜୁଃପେ ଆତଃ ଜମେପେ ।” ମେନ୍ଦ “ଆମ୍ ଅକଏ ତାନ୍ମେ ?” ମେନ୍ତେ ଇନିଃକେ କୁଲି ନାଗେନ୍ତେ ଚେଲାକଏତେ, ଜେତାଏ କାକ ପେଡ଼େଃକେଦାଃ, ଚିୟାଃତି ଇନ୍କୁଦ୍ ନିଃ ପ୍ରାଭୁ ତାନିଃ ମେନ୍ତେ ସାରିତାନ୍ ତାଇକେନାକ । ୧୩ ଏନ୍ତେ ଯୀଶୁ ହିଜୁଃୟାନାଏ ଆତଃ ହଲଙ୍ଗ୍ ଆଉକେଦ୍ତେ ଇନ୍କୁକେ ଏମାଦକଥାଏ, ଆତଃ ଏନ୍ ଲେକା ହାକୁ ହଗି ଏମାଦକଥାଏ ।

୧୪ ନେୟାଁଲଃ ଆପିସା, ଯୀଶୁ ଗଏଃକାନ୍କଏତେ ଜୀଉବିରିଦ୍କେଦ୍ତେ ଆୟାଃ ଚେଲାକତାଃରେ ଉଦୁବ୍ଦୟାନାଏ ।

ୟୀଶୁ ଆତଃ ପାତ୍ରରାସ୍

୧୫ ଏନ୍ତେ ଇନ୍କୁ ଜମ୍ତେଦ୍ ତାୟମ୍ତେ ଯୀଶୁ ଶିମୋନ୍ ପାତ୍ରରାସ୍କେ କୁଲିକିୟାଏ, “ଏ ଯୋହାନ୍ଆଃ ହନ୍ ଶିମୋନ୍, ଚିୟାଃ ଆମ୍ ନିକୁଏତେ ଆଦକାମ୍ ଦୁଲାଡ଼ିଙ୍ଗ୍ତାନା ?” ଇନିଃ କାଜିକିୟାଏ, “ହେଗି ପ୍ରାଭୁ ଆଇଙ୍ଗ୍ ଦୁଲାଡ଼ିଙ୍ଗ୍ ତାନାଇଙ୍ଗ୍, ଏନା ଆମ୍ ସାରିତାନାମ୍,” ଯୀଶୁ ଇନିଃକେ ମେତାଲୟାଏ, “ଆଇଁୟାଃ ମିଣ୍ଡି ହନ୍କକେ ଗୁପିକମେ ।” ୧୬ ଯୀଶୁ ବାତ୍ତ୍ଵାତେ ଇନିଃକେ କୁଲିକିୟାଏ, “ଏ ଯୋହାନ୍ଆଃ ହନ୍ ଶିମୋନ୍, ଚିୟାଃ ଆମ୍ ଆଇଙ୍ଗ୍କେ ଦୁଲାଡ଼ିଙ୍ଗ୍ତାନାମ୍ ?” ଇନିଃ କାଜିକିୟାଏ, “ହେଗି ପ୍ରାଭୁ ଆଇଙ୍ଗ୍ ଦୁଲାଡ଼ିଙ୍ଗ୍ ତାନାଇଙ୍ଗ୍, ଏନା ଆମ୍ ସାରିତାନାମ୍ ।” ଯୀଶୁ ମେତାଲୟାଏ, “ଆଇଁୟାଃ ମିଣ୍ଡିକକେ ଗୁପିକମେ ।” ୧୭ ଯୀଶୁ ଆପିସାତେ ଇନିଃକେ କୁଲିକିୟାଏ, “ଏ ଯୋହାନ୍ଆଃ ହନ୍ ଶିମୋନ୍, ଚିୟାଃ ଆମ୍ ଆଇଙ୍ଗ୍କେ ଦୁଲାଡ଼ିଙ୍ଗ୍ତାନାମ୍ ?” ଯୀଶୁ ଆପିସାତେ ଚିୟାଃ ଆମ୍ ଦୁଲାଡ଼ିଙ୍ଗ୍ତାନାମ୍ ? ମେନ୍ତେ କୁଲିକିୟାଏ, ନେଆଁତେ ପାତ୍ରରାସ୍ ହୁଡ଼ିଙ୍ଗ୍ଜୀଉୟାନାଏ । ଏନାତେ ପାତ୍ରରାସ୍ ମେତାଲୟାଏ, “ହେ ପ୍ରାଭୁ ଆଇଙ୍ଗ୍ ଆମ୍କେଗି ଦୁଲାଡ଼ିଙ୍ଗ୍ ତାନାଇଙ୍ଗ୍ ଏନା ସବେନାଃ ଆମ୍ ସାରିତାନାମ୍ ।” ଯୀଶୁ କାଜିକିୟାଏ, “ମିଣ୍ଡି ତାଇୟାଃକକେ ଗୁପିକମେ ।”

୧୮ ଆଇଙ୍ଗ୍ ସାବ୍ତିଗି କାଜିୟାମେ ତାନାଇଙ୍ଗ୍, “ଆମ୍ ସେପେଡ଼େଦ୍ ତାଇକେନ୍ଦ୍ରେୟ ଆମ୍ ସେକାଡ଼କେଦ୍ତେ ଆମାଃ ସାନାଙ୍ଗ୍ଲେକା ଜାହାତାଃଗି ସେନଃତାନ୍ ତାଇକେନାମ୍ ମେନ୍ଦ୍ ହାଡ଼ାମ୍ ଇମ୍ତା ଆମାଃ ତିଃଇ ଜିଲିଙ୍ଗ୍ୟେଆମ୍ ଆତଃ ଏଟାଃନିଃ ଆମାଃ ମାୟାଙ୍ଗ୍ ତଲେୟାଏ ଆତଃ ଆମ୍ କାମ୍ ସାନାଙ୍ଗ୍ତାଃତେ ଇଡିମେୟାଏ ।” ୧୯ ପାତ୍ରରାସ୍ ଚିଲ୍କା ଆୟାଃ ଗନଏଃ ହରାତେ ପାମ୍ପେଶ୍ଵାକେ ମାନାରାଙ୍ଗ୍ ରିକାଇୟାଏ, ଏନାରେୟାଃ ଇସାରା ଏମ୍କେଦ୍ତେ ଯୀଶୁ ଏନା କାଜିକେଦାଏ । ଏନ୍ତେ ଇନିଃ “ଅତଙ୍ଗ୍ଇଙ୍ଗ୍ମେ” ମେନ୍ତେ ପାତ୍ରରାସ୍କେ କାଜିକିୟା ।

ୟୀଶୁ ଆତଃ ଏଟାଃ ଚେଲାକ

☆ ୨୧:୩ ୨୧:୩ ଲୁକ ୫:୫. ☆ ୨୧:୬ ୨୧:୬ ଲୁକ ୫:୬.

୨୦ ☆ ପାତ୍ରରାସ୍ ହେତାରୁହାଡ଼କେଦ୍ତେ, ଏଟାଃ ଚେଲାକେ ଦୟାହରା ହିଜୁଃତାନ୍ ନେଲ୍‌କିୟାଏ, ଅକଏକେଟି ଯୀଶୁ ଦୁଲାଡ଼ିତାନ୍ ତାଇକେନାଏ, ଇନିଃ ଆୟୁବ୍ ଜମେୟାଃରେ ଯୀଶୁଆଃ କୁଡ଼ାମ୍ରେ ଟେଣ୍ଡେରକେଦ୍ତେ କୁଲିକାଇତାଇନାଏ, “ହେ ପ୍ରାଭୁ, ଆମ୍‌କେ ବାଇରିକଆଃ ତିଃଇରେ ସାବ୍‌ରିକାନିଃ ଅକଏ ତାନିଃ ?” ୨୧ ପାତ୍ରରାସ୍ ଇନିଃକେ ନେଲ୍‌କେଦ୍ତେ ଯୀଶୁକେ କୁଲିକିୟାଏ, “ହେ ପ୍ରାଭୁ, ନିୟାଃ ବିଷାଏରେ ତିନାଃ ମେନେତାନାମ୍ ?”

୨୨ ଯୀଶୁ ଇନିଃକେ କାଜିରୁହାଡ଼କିୟାଏ, “ଆଇୟାଃ ହିଜୁଃ ଜାକେଦ୍ ଇନିଃ ତାଇନକାଏ ମେନ୍ତେ ଆଇଙ୍ଗ୍ ସାନାଙ୍ଗ୍‌ତାନ୍‌ରେଦ୍ ଆମାଃ ତିନାଃ ସେନଃତାନା ? ଆମ୍ ଆଇଙ୍ଗ୍‌କେ ଅତଙ୍ଗ୍‌ଇଙ୍ଗ୍‌ମେ ।”

୨୩ ଏନାତେ ନେ ଚେଲା କାଏ ଗଜଃଆ ମେନ୍ତେ ହାଗାକତାଃରେ କାଜି ନିତିର୍‌ୟାନା*, ମେନ୍ଦ୍ ଇନିଃ କାଏ ଗଜଃଆ ମେନ୍ତେ ଯୀଶୁ କାଏ କାଜିକାଦ୍‌ତାଇନା, ଇନିଃ ଆଇଙ୍ଗ୍ ହିଜୁଃ ଜାକେଦ୍ ତାଇନଃକାଏ ନେଆଁ ଆଇଙ୍ଗ୍ ସାନାଙ୍ଗ୍‌ରେଦ୍ ଆମାଃ ତିନାଃ ଚିକାଅଃଆ ? ମେନ୍ତେ କାଜିକାଦ୍‌ତାଇନାଏ ।

୨୪ ନେ କାଜିକରାଃ ଗାଞ୍ଜା ଏମେତାନ୍ ଆତଃ ନେ କାଜିକ ଅଲାକାଦ୍ ଚେଲା ନିଃଗି ତାନିଃ ଆତଃ ନିୟାଃ କାଜିତେୟାଃ ସାର୍‌ତିରିୟାଃ ନେୟାବୁ ସାରିତାନା ।

ସୁକୁ କାଜିରେୟାଃ ତୁଣ୍ଡୁ

୨୫ ଯୀଶୁ କାମିକାଦ୍ କାଜିକାମିକ ପୁରାଃଗିୟା, ଏନା ମିମିଆଦ୍‌ତେ ଅଲେରେଦ୍ ଅକଏସାରି ଏନ୍ ଅନଲ୍ ପୁଥିକ ଅତେଦିଶୁମ୍ରେ ଦହ ନାଗେନ୍ତେ ଠାୟାଦ୍ କା ହବାଅଃତେୟାଃ ନେଆଁ ଆଇଙ୍ଗ୍ ଆଟ୍‌କାରେତାନା ।

☆ ୨୧:୨୦ ୨୧:୨୦ ଯୋହାନ୍ ୧୩:୨୫.

* ୨୧:୨୩ ୨୧:୨୩ ଫାଇଲାଥୟାନା

ପ୍ରେରିତମାନଙ୍କ କାର୍ଯ୍ୟର ବିବରଣୀ ପ୍ରେରିତକଥାଃ କାମି ପାରିଚ୍ୟ

ପ୍ରେରିତ ପୁଅ ଲୁକ୍‌ଆଃ ହରାତେ ଅଲ୍ଲାକାନା, ଅକଏତି ଲୁକ୍ ଅଲ୍ଲାକାନ ସୁକୁକାଜିକେହଗି ଅଲ୍ଲାକାଦାଏ । ଇନିଃ ମିହୁଡ୍ ବାଇଦ୍ ତାଇକେନାଏ ଆତଃ ବେଗାର୍ ଭୁଲ୍‌ତେ ଅନଲ୍‌ରେ ପୁରାଃଗି ଚିହୁଲ୍‌ନିଃ ତାନିଃ । ଇନିଃ ଲୁକ୍ ସୁକୁକାଜି ଆତଃ ପ୍ରେରିତ୍, ନେ ବାରାନ୍ ପୁଅରେ ଦୁଲାଡ୍ ଥୁୟଫିଲ୍‌ସକେ ଉଦୁବିତାନା । ଇନିଃ ମିହୁଡ୍ ଗ୍ରୀକ୍ ହଡ୍ ତାଇକେନାଏ । ଇନିୟାଃ ପୁଅକ ଗ୍ରୀକ୍ ଆତଃ ଯିହୁଦୀ ହଡ୍‌କ ନାଗେନ୍ତେ ଅଲ୍ଲାକାନ ତାଇକେନା ପ୍ରେରିତ୍ ୧:୧ ।

ହବାସାକାଅଆଃ ପ୍ରେରିତ୍ ପୁଅ ଯୀଶୁ ଖ୍ରୀଷ୍ଟୁଆଃ ଜାନାମ୍ ତାୟମ୍‌ତେ ୬୦-୬୪ କରେ ଅଲ୍ଲାକାନ ତାଇକେନା, ଚିୟାଃତି ପାଉଲୁସ୍‌ଆଃ ଜେହେଲ୍ ତନଲ୍‌ଏତେ ରାଡ଼ାଃଅ ସିଦାରେ ପ୍ରେରିତ୍ ପୁଅରାଃ ଅନଲ୍ ତାବାକାନ ତାଇକେନା । ଲୁକ୍‌ହଗି ପ୍ରେରିତ୍ ପାଉଲୁସ୍‌ଲଃ ହରାସେନ୍ ତାଇକେନାଏ, ଏନାତେ ନେ ପୁଅ ଆନ୍ତିୟୋଖ୍‌ଏତେ ଅଲ୍ଲାକାନଗିୟାଃ ମେନ୍ତେ ଚିମିନ୍ ହଡ୍‌କ କାଜିୟାଃ । ପ୍ରେରିତ୍ ପୁଅ ହବାଅଃତାନା କାଲିସିୟାରାଃ ଏନେଟେଦ୍ । ପ୍ରେରିତ୍ ପୁଅ, ଲୁକ୍ ଅଲ୍ଲାକାନ ସୁକୁକାଜିଏତେଗି ଅଲ୍‌ଆଉକାନା ମେନ୍ତେ କାଜିଲେରେୟ ଠାଉକାଗିୟା, ଚିଆଃତି ସୁକୁକାଜିରେ ଲୁକ୍ ପ୍ରାଭୁ ଯୀଶୁଆଃ କାମିକେ ଉଦୁବ୍‌କେଦ୍ ତାୟମ୍‌ତେ, ନେ ପୁଅରେ ପ୍ରାଭୁଆଃ ଏନ୍ କାମିକେଗି ଯୀଶୁଆଃ ସିମ୍‌ରାକାଦ୍ ତାୟମ୍‌ତେ ଚେଲ୍‌କ ପାବିତାର୍ ଆମ୍‌ଲଃ ପେରେଃୟାନାକ ଆତଃ ଚିଲ୍‌କା ଯୀରୁଶାଲେମ୍‌ଏତେ, ଯିହୁଦୀ, ଶିମିରୋନ୍, ଆତଃ ଏନାଏତେ ବାହାରି ଦିଶ୍‌ମ୍‌କରେ ସୁକୁକାଜି ନିତିରୟାନା, ଏନା ନେ ପୁଅରେ ଅଲ୍ଲାକାନା ପ୍ରେରିତ୍ ୧:୮ ।

ଇନିଃ ଥୁୟଫିଲ୍‌ସକେ ଆତଃ ବିଶ୍ୱାସରେ ହାରା ଇଦିୟଃତାନ ଖ୍ରୀଷ୍ଟିୟାନ୍ ହାଗାକକେ ଚିହୁଲଃ ନାଗେନ୍ତେ ଉସ୍‌କୁରକତାନା । ଯୀଶୁ ଖ୍ରୀଷ୍ଟୁଆଃ ଜୀଦାନ୍ ବିଷାଏରେ ଆତଃ ପାସରାଅ ଇଦିୟଃତାନ ଖ୍ରୀଷ୍ଟ ବିଶ୍ୱାସୀକଆଃ ଜୀଦାନ୍ ବିଷାଏରେ କାଜିକାଦା । ପ୍ରେରିତ୍ ଚିଗାଉରେ ଏନେଟେଦ୍‌ରେନ୍ କାଲିସିୟାକ ଖ୍ରୀଷ୍ଟତାଃରେ ଚିଲ୍‌କା ବିଶ୍ୱାସ୍ ତାଇକେନାକ, ଏନାରେୟାଃ ନାମ୍‌ନା ଆବୁକେ ଉଦୁବେତାନା । ପ୍ରେରିତ୍‌କଆଃ ନାମ୍‌ନା ହରାତେ ଆବୁ ଆଟ୍‌କାର୍ ଦାଡ଼ିୟାଃତୁ ଯେ, ଚିଲ୍‌କା ପାବିତାର୍ ଆମ୍‌ତାଃରେ ଆସ୍ତାକେଦ୍‌ତେ ଏଗାଃକତାଃରେ ସୁକୁକାଜି ନିତିର୍ ଦାଡ଼ିୟାଃଆ ।

ପୁଅ ଭିତରରେ ଅଲ୍ଲାକାନ କାଜି

- ୧. ପାବିତାର୍ ଆମ୍‌ରାଃ ହିନିଜୁଃ ଆତଃ କାଲିସିୟାରାଃ ପସାଇଦିୟଃ । ୧:୧-୮:୧
- ୨. କାଲିସିୟାରାଃ ସିଗିଦ୍ ଆତଃ ସୁକୁକାଜିରାଃ ପସାଇଦିୟଃ । ୮:୨-୧୨:୨୩
- ୩. ପାଉଲୁସ୍‌ଆଃ ପାହିଲା ସେଝାକାମିରେ ହରାସେନ୍ । ୧୨:୨୪-୧୪:୨୮
- ୪. ଯୀରୁଶାଲେମ୍‌ରେ ମାରାଜ୍ ପାଞ୍ଚେଟ୍ । ୧୫:୧-୩୫
- ୫. ପାଉଲୁସ୍‌ଆଃ ବାର୍‌ସାତେ ସେଝାକାମି ନାଜ୍ ହରାସେନ୍ । ୧୫:୩୬-୧୮:୨୨
- ୬. ପାଉଲୁସ୍‌ଆଃ ଆପିସାତେ ସେଝାକାମି ନାଜ୍ ହରାସେନ୍ । ୧୮:୨୩-୨୦:୩୮
- ୭. ଯୀରୁଶାଲେମ୍‌ରେ ପାଉଲୁସ୍‌ଆଃ ତନଲ୍ । ୨୧:୧-୨୬:୧-୩୨
- ୮. ପାଉଲୁସ୍‌ଆଃ ରୋମ୍‌ତେ ହରାସେନ୍ । ୨୭:୧-୨୮:୧-୩୧

ପାବିତାର୍ ଆମ୍‌କେ ଏମଃରାଃ ବାନାର୍‌ସା

୧ *ହେ ଦୁଲାଡ୍ ଥୁୟଫିଲ୍‌ସ,

ଆଇଜ୍ ଆଇୟାଃ ପାହିଲା ଚିଗାଉ ଲୁକ୍ ପୁଅରେ ଯୀଶୁ କାମିକାଦ୍ ଆତଃ ଇଡୁକାଦ୍ ସବେନାଃ ଆୟାଃ କାମିରାଃ ଏନେଟେଦ୍‌ତାଃଏତେ ^୨ ସିମ୍‌ଦିଶ୍‌ମ୍‌ତେ ଇଦିୟଃ ହୁଲାଜ୍ ଜାକେଦ୍ ହବାକାନ୍‌ତେୟାଃ ଅଲ୍ଲାକାଦାଇଜ୍ । ସିମ୍‌ଦିଶ୍‌ମ୍‌ତେ ଇଦିୟଃ ସିଦାରେ ଯୀଶୁ ଆୟାଃ ସାଲ୍‌କାନ ପ୍ରେରିତ୍‌କକେ ପାବିତାର୍ ଆମ୍‌ରାଃ ପେଡ଼େଃତେ ଇଡୁକାଦ୍‌କ ତାଇକେନା । ^୩ ଯୀଶୁ ଆୟାଃ ଗନଏଃ ତାୟମ୍‌ତେ ପୁରାଃ ସାବୁଡ଼ରାଃ କାଜି ଏମ୍‌କେଦ୍‌ତେ ଇନ୍କୁତାଃରେ ଆଇଃକ୍‌ଗି ଜୀନିଦ୍ ମେନ୍ତେ ଉଦୁବ୍‌ୟାନା, ଆତଃ ବାର୍‌ହିସି ମାହାଁ ଇନ୍କୁତାଃରେ ମିସା ମିସା ଉଦୁବ୍‌ୟାନିଚି ପାର୍‌ମେଶ୍ୱାର୍‌ଆଃ ରାଇଜ୍‌ରେୟାଃ କାଜିକଏ ଉଦୁବାଦ୍‌କଆ । ^୪ *ଆତଃ ଯୀଶୁ ଇନ୍କୁଲଃ ଜମ୍‌ତାନ୍ ତାଇକେନ୍ ଇମ୍‌ତା, ଇନ୍କୁକେ ନେଆଁ ଆବୁକାଦ୍‌କ ତାଇକେନାଏ, ଆପେ ଯୀରୁଶାଲେମ୍ ଆଲ୍‌ପେ ବାଗିୟା, ମେନ୍‌ଦ ଆପୁଇୟାଃ ବାନାର୍‌ସା କାଜି ଆୟୁମାକାଦ୍‌ତେୟାଃକେ ନେଲ୍‌ହରାଏପେ । ^୫ *ଚିୟାଃତି ଯୋହାନ୍‌ଦ ଦାଆଃତେ ବାପ୍ତିସ୍ମା ଏମାଦ୍‌କଆଏ, ମେନ୍‌ଦ ଆପେ ହୁଡ଼ିଜ୍ ମାହାଁ ତାୟମ୍‌ତେ ପାବିତାର୍ ଆମ୍‌ତେ ବାପ୍ତିସ୍ମାଃତେ ।

* ୧:୧ ୧:୧ ଲୁକ୍ ୧:୧-୪. * ୧:୪ ୧:୪ ଲୁକ୍ ୨୪:୪୯. * ୧:୫ ୧:୫ ମାଥୁ ୩:୧୧; ମାର୍କ ୧:୮; ଲୁକ୍ ୩:୧୬; ଯୋହାନ୍ ୧:୩୩.

ୟୀଶୁ ସିର୍ମାତେ ଇଦିୟାନାଏ

(ମାର୍କ ୧୭:୧୯-୨୦; ଲୁକ ୨୪:୫୦-୫୩)

୭ ମୁସିଙ୍ଗ ହୁଲାଙ୍ଗ ପ୍ରେରିତ୍ ହୁଣ୍ଡିକେଦ୍ତେ ଯୀଶୁକେ କୁଲିକିୟାକ, “ହେ ପ୍ରାଭୁ, ଚିୟାଃ ଆମ୍ ନେ ଦିପିଲିରେଗି ଇସ୍ରାଏଲ୍‌କତାଃରେ ଆତଃଗି ରାଇଜ୍ ଏମେତାନାମ୍ ?”

୯ ଯୀଶୁ ଇନ୍‌କୁକେ ମେତାଦ୍‌କଆ, “ଆପୁ ଆୟାଃ ଆପ୍‌ନାଃ ପେଡେଃତେ ଦହାକାଦ୍ ନେତା ଚାଏ ଦିପିଲିକେ ସାରି ନାଗେନ୍ତେ ଆପେୟାଃ ନାଙ୍ଗ ନାହାଁଲାଃ । ୮ *ମେନ୍‌ଦ ପାବିତାର୍ ଆମ୍ ଆପେତାଃ ହିଜୁଃରେ, ଆପେ ପେଡେଃତେ ନାମେୟା ଆତଃ ଯୀରୁଶାଲେମ୍‌ରେ, ଗଟା ଯିହୁଦା, ଶମିରୋନ୍ ଆତଃ ଅତେରାଃ ଚୁଣ୍ଡୁଜାକେଦ୍ ଆଇୟାଃ ଗାଞ୍ଜାପେ ହବାଅଆଃ ।” ୯ *ଇନିଃ ନେଆଁ କାଜିକେଦ୍‌ଚି, ଇନ୍‌କୁ ଇନିଃକେ ନେଲିତାନ୍‌ଲଃ ଇନିଃ ସିର୍ମାତେ ଇଦିୟାନା, ଆତଃ ମିଆଁଦ୍ ରିମିଲ୍ ଇନିଃକେ ଇନ୍‌କୁତାଃଏତେ ଦାନାଙ୍ଗିକିୟା ।

୧୦ ଯୀଶୁ ସିର୍ମାତେ ଇଦିୟାତାନ୍ ତାଇକେନ୍‌ରେ ଇନ୍‌କୁ ସିର୍ମାସାଃ ସାଙ୍ଗିଲାକାଦ୍ ତାଇକେନ୍ ଇମ୍‌ତା, ବାହ୍‌ହଡ୍ ଇମ୍‌ତାଗି ପୁଣ୍ଡି ଲିଜାଃ ତୁସିଙ୍ଗକେଦ୍ତେ ଇନ୍‌କୁତାଃରେକିନ୍ ତିଙ୍ଗୁୟାନା । ୧୧ ଆତଃ କାଜିକେଦାକିନ୍, “ଏ ଗାଲିଲ୍‌ରେନ୍ ହଡ୍‌କ, ଚିନାଃମେନ୍ତେ ସିର୍ମାସାଃ ସାଙ୍ଗିଲ୍‌କେଦ୍ତେ ତିଙ୍ଗୁଆକାନାପେ ? ନେ ଯୀଶୁଗି ଆପେତାଃଏତେ ସିର୍ମାତେ ଇଦିୟାନା । ମେନ୍‌ଦ ଆପେ ଇନିଃକେ ସିର୍ମାତେ ସେନଃତାନ୍ ନେଲ୍‌କିଃ ଲେକାଗି ହିଜୁଃରୁହାଡାଏ ।”

ଯିହୁଦାରାଃ ବାଦ୍‌ଲାରେ ମାଥୁଆସ୍‌ଆଃ ସାଲାଅଃ

(ମାଥୁ ୨୭:୩-୧୦)

୧୨ ଏନ୍ତେ ପ୍ରେରିତ୍‌କ ଜାଇତୁନ୍ ନୁତୁମ୍ ବୁରୁଏତେ ଯୀରୁଶାଲେମ୍‌ତେକ ସେନଃରୁହାଡ୍‌ୟାନା, ଏନା ନାଗାର୍‌ତାଃଏତେ ମିଦ୍ କିଲୋମିଟର୍ ଲେକା ସାଙ୍ଗିନ୍‌ରେ ତାଇକେନା । ୧୩ *ଇନ୍‌କୁ ଯୀରୁଶାଲେମ୍ ନାଗାର୍‌ତେ ବଲୟାନାକ ଆତଃ ଆକ ତାଇନଃ ତାଇକେନ୍ ଚେତାନ୍ କୁଠାତେ ସେନଃୟାନାକ । ଏନ୍ ପ୍ରେରିତ୍‌କଆଃ ନୁତୁମ୍ ପାଡ୍‌ରାସ୍, ଯୋହାନ୍, ଯାକୁବ୍, ଆନ୍ଦ୍ରିୟ, ଫିଲିପ୍, ଥୋମା, ବାଥୋଲମି, ମାଥୁ, ଆଲ୍‌ଫିୟନାଃ ହନ୍ ଯାକୁବ୍, ଚିହ୍ଲୁନିଃ ଶିମୋନ୍ ଆତଃ ଯାକୁବ୍‌ଆଃ ହନ୍ ଯିହୁଦା ତାଇକେନା । ୧୪ ଇନ୍‌କୁ ସବେନ୍‌କ ମିଦ୍‌ତାଃରେ ହୁଣ୍ଡିକେଦ୍ତେ ବିନ୍ତିତାନ୍‌କ ତାଇକେନା ଆତଃ ଇନ୍‌କୁଲଃ କୁଡିକ, ଯୀଶୁଆଃ ଏଙ୍ଗାତେ ମାରିୟାମ୍ ଆତଃ ଆୟାଃ ହାଗାକ ହୁଣ୍ଡିୟାତାନ୍‌କ ତାଇକେନା ।

୧୫ ଚିମିନ୍ ମାହାଁ ତାୟମ୍‌ତେ ଲାଗ୍‌ଭାଗ୍ ତୁରିୟାହିସି* ବିଶ୍ୱାସୀ ହାଗାକଆଃ ସାମିଲାନ୍ ଆଲାରେ ପାଡ୍‌ରାସ୍ ତିଙ୍ଗୁକେଦ୍ତେ କାଜିକେଦା, ୧୬ “ହେ ଦୁଲାଡ୍ ହାଗା ମିଶିକ, ଅକନ୍ ଇଷ୍ଟାରିୟଡ୍ ଯିହୁଦା ଯୀଶୁକେ ସାବ୍‌ରିକାଇ ନାଗେନ୍ତେ ବାଇରିକକେ ଆୟାର୍‌ଆଉକାକ ତାଇକେନା, ଇନିୟାଃ ବିଷାଏରେ ଦାଉଦ୍ ପାବିତାର୍ ଆମ୍‌ତେ ପେରେଃକେଦ୍ତେ କାଜିକାଦ୍‌ତେୟାଃ, ଧାରାମ୍‌ପୁଅ୍‌ରେୟାଃ କାଜି ପୁରାଅଃ ଲାଗାତିଙ୍ଗ୍ ତାଇକେନା । ୧୭ ଚିଆଃଟି ଇଷ୍ଟାରିୟଡ୍ ଯିହୁଦା ଆବୁଆଃ ଝୁଣ୍ଡ୍‌ରେନ୍ ମିହୁଡ୍ ତାଇକେନାଏ ଆତଃ ଆବୁଆଃ ସେଞ୍ଜାକାମି ନାଗେନ୍ତେ ଇନିଃ ସାଲାକାନ୍ ତାଇକେନାଏ ।”

୧୮ *ଇଷ୍ଟାରିୟଡ୍ ଯିହୁଦାରାଃ ଏଡ୍‌କାନ୍ କାମିରାଃ ନାଲାତେ ମିଆଁଦ୍ ପିଡି କିରିଙ୍ଗ୍‌ୟାକାନ୍ ତାଇକେନା ଆତଃ ଇନିଃ ଏନ୍ ପିଡିରେ ତାବେରତେ ଉୟାୟାନା ଆତଃ ଆୟାଃ ଲାହିଦ୍ ଫାଡାଃୟାନ୍‌ତେ ଏନ୍ ଭିତାର୍‌ରେୟାଃ ସବେନ୍ ପଟାକ ଅତଙ୍ଗ୍‌ୟାନା । ୧୯ ଆତଃ ଯୀରୁଶାଲେମ୍‌ରେ ତାଇନ୍‌ତାନ୍ ସବେନ୍ ହଡ୍‌କ ନେଆଁ ସାରିକେଦ୍ତେ, ଆକଆଃ ନାଗାର୍‌ତେ ଏନ୍ ପିଡିରାଃ ନୁତୁମ୍ ହକଲ୍‌ଦମା ମେନ୍ତେକ ନୁତୁମ୍‌କେଦା, ଏନାରାଃ ମୁଣ୍ଡିଦ୍ “ମାୟୋମ୍‌ରାଃ ପିଡି” ତାନାଃ ।

୨୦ ଚିୟାଃଟି ଦୁରାଙ୍ଗ୍‌ପୁଅ୍‌ରେ ଅଲାକାନା,
ଇନିୟାଃ ଅଡାଃ ସିଃସଏଃଗି ହବାଅଃକା;
ଏନାରେ ଜେତାଏ ଆଲକାକ ତାଇନଃକା ।
ନେଆଁହଗି ଅଲାକାନା,
ଇନିୟାଃ କାମି ଏଗାଃନିଃ ନାମେକାଏ ।

୨୧ *ଏନାମେନ୍ତେ ପ୍ରାଭୁ ଯୀଶୁଆଃ ଜୀଉବିନିରିଦ୍‌ରାଃ ଗାଞ୍ଜା ହବାଅଃ ନାଗେନ୍ତେ ଆତଃମିହୁଡ୍ ଆବୁଲଃ ମେସାଅଃ ଲାଗାତିଙ୍ଗ୍‌ୟାଃ । ୨୨ ଯୀଶୁ ଯୋହାନ୍‌ତାଃଏତେ ବାପ୍ତିସ୍ତା ହବାୟାନ୍ ହୁଲାଙ୍ଗ୍‌ତାଃଏତେ ଯୀଶୁ ସିର୍ମାତେ ଇଦିୟା ହୁଲାଙ୍ଗ୍ ଜାକେଦ୍ ସବେନ୍ ଦିପିଲିରେ ପ୍ରାଭୁ ଯୀଶୁ ଆବୁଲଃ ହିଜୁଃ ସେନଃ ତାଇକେନ୍ ଇମ୍‌ତା, ଅକନ୍ ହଡ୍‌କ ଆବୁଆଃ ଝୁଣ୍ଡ୍‌ରେ ତାଇକେନାକ, ଇନ୍‌କୁଏତେ ମିହୁଡ୍‌କେ ଆବୁଲଃ ଇନିୟାଃ ଜୀଉବିନିରିଦ୍‌ରେୟାଃ ଗାଞ୍ଜା ଏମ୍ ଲାଗାତିଙ୍ଗ୍‌ୟାଃ ।”

୨୩ ଏନାତେ ଇନ୍‌କୁ ମାଥୁଆସ୍ ଆତଃ ଯୋଷେଫ୍, ଅକଏକେଚି ବାର୍ଗାସ୍ ମେନ୍ତେ କାଜିୟାଃକ ଆତଃ ଜୁସ୍‌ସ୍ ମେନ୍ତେହିଁ କାଜିୟାଃକ, ନେ ବାହ୍‌ହଡ୍‌କିନ୍‌କେ ସାଲାକେଦ୍‌କିନାକ । ୨୪ ଏନ୍ତେ ଇନ୍‌କୁ ବିନ୍ତିତାନ୍‌ଲଃ କାଜିକେଦାକ, “ହେ ପ୍ରାଭୁ, ଆମ୍ ସବେନ୍‌କଆଃ ମନ୍‌ସୁରୁଦ୍‌ରେୟାଃ ଉଡ୍‌ଠୁ ସାରିୟାଃମେ । ନେ ବାହ୍‌ହଡ୍‌କିନ୍‌ଏତେ ଆମାଃ ହରାତେ ସାଲାକାନ୍‌ନିଃ ଅକ୍‌ନିଃ ତାନିଃ ଏନା ଆଲେକେ ଉଦୁବାଲେମେ । ୨୫ ଏନ୍ ହଡ୍ ଇଷ୍ଟାରିୟଡ୍ ଯିହୁଦାରାଃ ଠାୟାଦ୍‌ରେ ପ୍ରେରିତ୍ କାମି କାମିୟା ।”

* ୧:୮ ୧:୮ ମାଥୁ ୨୮:୧୯; ମାର୍କ ୧୭:୧୫; ଲୁକ ୨୪:୪୭,୪୮. * ୧:୯ ୧:୯ ମାର୍କ ୧୭:୧୯; ଲୁକ ୨୪:୫୦,୫୧. * ୧:୧୩ ୧:୧୩ ମାଥୁ ୧୦:୨-୪; ମାର୍କ ୩:୧୭-୧୯; ଲୁକ ୬:୧୪-୧୬. * ୧:୧୫ ୧:୧୫ ମିଦ୍‌ଶାଅ କୁଡିଏ * ୧:୧୮ ୧:୧୮ ମାଥୁ ୨୭:୩-୮. * ୧:୨୧ ୧:୨୧ ମାଥୁ ୩:୧୭; ମାର୍କ ୧:୯; ଲୁକ ୩:୨୧; ମାର୍କ ୧୭:୧୯; ଲୁକ ୨୪:୫୧.

୨୬ ଏନ୍ତେ ଇନ୍କୁ ଚିଟ୍ପଟ୍ ସାଲାକେଦାକ ଆତଃ ମାଥୁଆସ୍ଆଃ ନୁତୁମ୍ରେ ଅତଙ୍ଘ୍ୟାନା । ଏନ୍ତେ ଇନିଃ ଗେଲ୍ମିଆଁଦ୍† ପ୍ରେରିତ୍‌କଲଃ ମେସାୟାନାଏ ।

୨

ପାବିତାର ଆମ୍ବାରାଃ ହିନିଜୁଃ

୯ ପେଣ୍ଡିକଷ୍ଟ* ପାରାବ୍ ତେବାଃୟାନ୍ତି, ସବେନ୍ ବିଶ୍ୱାସୀକ ମିଦ୍ତାଃରେ ହୁଣ୍ଡିଆକାନ୍ତକ ତାଇକେନା । ୯ ଇମ୍ତାଙ୍ଗ୍ ଦୁଦ୍‌ଗାର୍ ହୟ ହୟତାନ୍‌ଲେକା ସିର୍ମାଏତେ ସାଡ଼ି ଆୟୁମ୍‌ୟାନା ଆତଃ ଇନ୍କୁ ଦୁବାକାନ୍ ତାଇକେନ୍ ଗଟା ଅଡ଼ାଃରେ ପେରେଃୟାନା । ୧୧ ଏନ୍ତେ ଇନ୍କୁ ସେଙ୍ଗେଲ୍ ଲେକାନ୍ ଆଲ୍‌ଲ୍‌କ୍ ବିପିଙ୍ଗାଅଃତାନ୍ ନେଲ୍‌କେଦାକ ଆତଃ ଏନା ଏନ୍ତାଃରେ ତାଇକେନ୍ ମିମିଆଦ୍ ହଡ଼ରେ ଆଡ଼ଗୁୟାନା । ୪ ଇନ୍କୁ ସବେନ୍‌କ ପାବିତାର୍ ଆମ୍ବାତେକ ପେରେଃୟାନା ଆତଃ ପାବିତାର୍ ଆମ୍ବା ଇନ୍କୁକେ ଦେଙ୍ଗାକେଦ୍‌କ ଲେକାଗି ଏଟାଃ ଏଟାଃ ଜାଗାର୍‌ତେ କାଜି ଏଟେଦ୍‌କେଦାକ ।

୫ ଅତେଦିଶ୍ୱମ୍‌ରେୟାଃ ଏଟାଃ ଏଟାଃ ଦିଶ୍ୱମ୍‌ଏତେ ହିଜୁଆକାନ୍ ଯିହୁଦୀ ଧାରାମାନ୍ ହଡ଼କ ଇମ୍ତା ଯାରୁଶାଲେମ୍‌ରେକ ତାଇକେନା । ୬ ଇନ୍କୁ ନେ ଲାବ୍‌ଜା ଆୟୁମ୍‌କେଦ୍‌ତି, ଗାଦେଲ୍ ହଡ଼କ ହିଜୁଃ ହୁଣ୍ଡିୟାନା ଆତଃ ସବେନ୍‌କ ଆକଆଃ ଆକଆଃ ଜାଗାର୍‌ତେ ଖ୍ରୀଷ୍ଟ୍ ବିଶ୍ୱାସୀକକେ କାଜିତାନ୍ ଆୟୁମ୍‌କେଦ୍‌ତେ ଆକ୍‌ଚାକାଅୟାନାକ । ୭ ଆତଃ ଇନ୍କୁ ସବେନ୍‌କ ଆକଦାନ୍‌ଆୟାନା ଆତଃ ହାଏକାଟ୍‌ୟାନ୍ତେ କୁପୁଲିୟାନାକ, “ନେଲେପେ, ଚିୟାଃ ନେ ସବେନ୍ କାଜିତାନ୍ ହଡ଼କ ଗାଲିଲ୍‌ରେନ୍ ନାହାଁଲାକ ? ” ତାବ୍‌ଦ୍ ଆବୁ ସବେନ୍‌କ ଚିଲ୍‌କାତେ ଇନ୍କୁକେ ଆବୁଆଃ ଆପ୍‌ନାଃ ଜାଗାର୍‌ତେ କାଜିତାନ୍‌ବୁ ଆୟୁମ୍‌କତାନା ? ୯ ଆବୁ ପାଥ୍‌ୟା, ମାଦିୟା, ଏଲାମିୟା, ମେସପଟାମିଆ, ଯିହୁଦା, କାପାଦକିଆ, ପନ୍ତ, ଆତଃ ରୋମ୍ ଏସିଆରେନ୍‌କ, ୧୦ ଫୁରିଆ, ପାମିଲିଆ, ମିସାର୍, କୁରିନି ନାଡ଼େଃରେଆଃ ଲିବିୟାରେନ୍‌କ ଆତଃ ରୋମିଏତେ ହିଜୁଃକାନ୍ ୧୧ ଯିହୁଦୀ ଆତଃ ଯିହୁଦୀ ଧାରାମରେ ମେସାକାନ୍ ସାଅଁସାର୍ ହଡ଼କ, ଚିମିନ୍ କ୍ରିଡ଼ରେନ୍ ଆତଃ ଆରାବ୍‌ରେନ୍ ହଡ଼କ ତାନ୍‌ବୁ, ଏନ୍‌ରେୟ ଆବୁ ଆବୁଆଃ ଜାଗାର୍‌ତେ ଇନ୍କୁକେ ପାର୍‌ମେଶ୍ୱାର୍‌ଆଃ ମାପ୍‌ରାଙ୍ଗ୍ କାମିରାଃ କାଜିକ କାଜିତାନ୍‌ବୁ ଆୟୁମ୍‌କତାନା ।” ୧୨ ଆତଃ ଇନ୍କୁ ସବେନ୍‌କ ଆକଦାନ୍‌ଆ ଆତଃ ଆଡ଼ାଃଉଡ଼ୁୟାନ୍‌ଲଃ ଆକ ଆକଗି କୁପୁଲିୟାନାକ, “ନେଆଁରାଃ ମୁଣ୍ଡି ଚିନାଃ ତାନାଃ ?”

୧୩ ମେନ୍‌ଦ୍ ଏଟାଃ ହଡ଼କ ବିଶ୍ୱାସୀକକେ ଲାନ୍ଦା ଏସେଦ୍‌ତାନ୍‌ଲଃ କାଜିକେଦ୍‌କଆକ, “ଇନ୍କୁ ନାଃ ଦାଖ୍‌ରାସି ପୁରାଃଗି ନୁଁକେଦ୍‌ତେ ବୁଲ୍‌କାନାକ ।”

ପାତ୍ରରାସ୍‌ଆଃ କାନାଜି

୧୪ ଏନ୍ତେ ପାତ୍ରରାସ୍ ଗେଲ୍‌ମିଆଁଦ୍† ଚେଲ୍‌କଲଃ ତିଙ୍ଗୁୟାନାଏ ଆତଃ କାଉରିକେଦ୍‌ତେ ଉଦୁବ୍ ଏଟେଦ୍‌କେଦାଏ, “ଏ ଯିହୁଦୀ ହାଗାକ, ଆତଃ ଯାରୁଶାଲେମ୍‌ରେ ତାଇନତାନ୍ ସବେନ୍ ହଡ଼କ, ଆଇଙ୍ଗ୍ କାଜିତାନ୍‌ତେୟାଃ ବୁଗିଲେକା ଆୟୁମ୍‌କେଦେ ଆତଃ ଆଇଙ୍ଗ୍ ନେ ବିଷାଏରେ କାଜିପେତାନାଇଙ୍ଗ୍ । ୧୫ ଆପେ ନେ ହଡ଼କକେ ବୁଲଃତାନାକ ମେନ୍ତେପେ ବିଚାରେତାନା, ମେନ୍‌ଦ୍ କାହାଗି, ନାହାଁଃଦ୍ ସେତାଃରାଃ ଅରେୟାଃ‡ ସାଡ଼ିକାନା । ୧୬ ମେନ୍‌ଦ୍ ଯୋଏଲ୍ ନାବୀ କାଜିକାଦ୍ କାଜି ନେଆଁ ତାନାଃ :

୧୭ “ପାର୍‌ମେଶ୍ୱାର୍ କାଜିତାନାଏ, ‘ତାୟମ୍ ହୁଲ୍‌ଲ୍‌କରେ ଆଇଙ୍ଗ୍ ନେ ସବେନାଃ ରିକାଏୟାଇଙ୍ଗ୍,

ଆଇଙ୍ଗ୍ ସବେନ୍ ହଡ଼କ ଚେତାନ୍‌ରେ ଆଇଁୟାଃ ଆମ୍ବାକେଇଙ୍ଗ୍ ଦୁଲିୟା

ଆତଃ ଆପେୟାଃ କଡ଼ାହନ୍ କୁଡ଼ିହନ୍‌କ ଆୟାର୍‌କାଜିକ କାଜିୟା,

ଆତଃ ଆପେୟାଃ ସେପେଡ଼େଦ୍‌କ ଦାର୍‌ଶାନ୍‌କ ନେଲେୟା,

ଆତଃ ଆପେୟାଃ ପ୍ରାବିନ୍‌କ କୁମୁୟାଁ ।

୧୮ ହେଗି, ଏନ୍ ହୁଲ୍‌ଲ୍‌କରେ ଆଇଁୟାଃ ଦାସିକ ଆତଃ କାମ୍‌ଡ଼ିକରେହଗି,

ଆଇଁୟାଃ ଆମ୍ବାକେଇଙ୍ଗ୍ ଦୁଲିୟା,

ଆତଃ ଇନ୍କୁ ଆଇଁୟାଃ ଆୟାର୍‌କାଜିକ ଉଦୁବେୟା ।

୧୯ ଆଇଙ୍ଗ୍ ଚେତାନ୍ ସିର୍ମାରେ ପେଡ଼େୟାନ୍ କାମିକ

ଆତଃ ଅତେଦିଶ୍ୱମ୍‌ରେ ଆକଦାନ୍‌ଆ ଚିହ୍ନାକଇଙ୍ଗ୍ ରିକାୟା ।

ଅତେଦିଶ୍ୱମ୍ ମାୟୋମ୍, ସେଙ୍ଗେଲ୍ ଆତଃ ପୁରାଃ ସୁକୁଲ୍‌ତେ ପେରେଜଃଆ;

୨୦ ପ୍ରାଭୁଆଃ ମାରାଙ୍ଗ୍ ଆତଃ ମାନାରାଙ୍ଗ୍ ହୁଲ୍‌ଲ୍‌କ୍ ହିଜୁଃ ସିଦାରେ

ସିଙ୍ଗି କୁଲ୍‌କୁଲ୍ ନୁବାଗଃଆ,

ଆତଃ ଚାଣ୍ଡୁ ମାୟୋମ୍ ଲେକା ହବାଅଃଆ ।

୨୧ ଆତଃ ଏନ୍ ଦିପିଲିକରେ ଜେତାଏ ପ୍ରାଭୁଆଃ ନୁତୁମ୍‌ତେ ବିକ୍ରିୟାଏ, ଇନିଃ ଜାଉ ବାଞ୍ଛାଅ ନାମେୟାଏ ।”

† ୧:୨୭ ୧:୨୭ ଏଗାରାଝାନ୍ * ୨:୧ ୨:୧ ପାସକା ପାରାବ୍‌ରେୟାଃ ଏନେଟେଦ୍ ହୁଲ୍‌ଲ୍‌କ୍‌ତାଃଏତେ ପାଗାଶ୍ ଦିନ୍ ହବାଅଃ ହୁଲ୍‌ଲ୍‌କ୍‌କେ ପେଣ୍ଡିକଷ୍ଟ୍ କାଜିୟାଃକ
† ୨:୧୪ ୨:୧୪ ଏଗାରାଝାନ୍ ‡ ୨:୧୫ ୨:୧୫ ନାଅ

୨୨ “ହେ ଇସ୍ରାଏଲରେନ୍ ହାଗାକ, ନେ କାଜି ଆୟୁମେପେ, ପୁରାଃ ପେଡ଼େୟାନ୍ କାମିକ, ଆକ୍‌ଦାନ୍‌ଆ କାମିକ ଆଡ଼ଃ ଚିହ୍ନିକ ନାଗେନ୍ତେ ନାଜ୍‌ରେଡ଼ରେନ୍ ଯୀଶୁ ପାର୍‌ମେଶ୍ୱାର୍‌ଆଃ କୁଲାକାନ୍‌ନିଃ ତାନିଃ ମେନ୍ତେ ଆପେୟାଃ ସାମ୍‌ନାଙ୍ଗ୍‌ରେ ପକଡ଼ା ସାରୁଦ୍ ହବାକାନା । ଏନାକ ପାର୍‌ମେଶ୍ୱାର୍‌ ଆପେୟାଃ ଆଲାରେ ଇନିୟାଃ ହରାତେ ରିକାକାଦାଏ ଏନାପେ ସାରିତାନା । ୨୩*ପାର୍‌ମେଶ୍ୱାର୍‌ ଆୟାଃ ସାନାଙ୍ଗ୍ ଲେକାତେ ଯୀଶୁକେ ଆପେୟାଃ ତିଃଇରେ ଜିମାଇ ନାଗେନ୍ତେ ପାହିଲାରେ ମନ୍ ବାଇୟାକାଦ୍ ତାଇକେନାଏ ଆଡ଼ଃ ଆପେ ଇନିଃକେ କା ଧାର୍‌ମାନ୍ ହଡ଼କଆଃ ହରାତେ କୁଶ୍‌ରେପେ କିଲାକିୟା । ୨୪*ମେନ୍‌ଦ ପାର୍‌ମେଶ୍ୱାର୍‌ ଇନିଃକେ ଗନଏଃରାଃ ତନଲ୍ ରାଡ଼ାକେଦ୍‌ତେ ଜୀଉବିରିଦ୍‌କିୟାଏ, ଚିୟାଃଚି ଗନଏଃ ଇନିଃକେ ଦହ କାଏ ଦାଡ଼ିକିୟା । ୨୫ ଦାଉଦ୍ ଇନିୟାଃ ବିଷାଏରେ କାଜିକାଦାଏ,

“ଆଇଙ୍ଗ୍ ପ୍ରାଭୁକେ ସବେନ୍ ଇମ୍‌ତା ଆଇଁୟାଃ ଆୟାର୍‌ରେ ନେଲି ତାଇକେନାଇଙ୍ଗ୍,
ଆଇଙ୍ଗ୍ ଆଲକାଇଙ୍ଗ୍ ଏକ୍‌ଲାଅଃକା ମେନ୍ତେ ଇନିଃ ଆଇଁୟାଃଲଃ ମେନାଇୟା ।

୨୬ ଏନା ନାଗେନ୍ତେ ଆଇଁୟାଃ ମନ୍‌ସୁରୁଦ୍ ରାସ୍‌କାତେ ପେରେଜାକାନା,
ଆଡ଼ଃ ଆଲାଙ୍ଗ୍‌ତାଇୟାଃ ଲାନ୍‌ ରାସ୍‌କାତେ ପେରେଃୟାନା ।

ଆଡ଼ଃ ଆଇଁୟାଃ ଗନଏଃ ହଡ଼ମ୍
ଆସ୍ରାଏତାନ୍‌ଲଃ ଜୀହିଦ୍‌ଃଆ,

୨୭ ଚିୟାଃଚି ଆମ୍ ଆଇଁୟାଃ ଜୀଉକେ ଗନଏଃଗାଡ଼ାରେ କାମ୍ ବାଗିୟା,
ଆଡ଼ଃ ଆମାଃ ପାବିତାର୍ ଦାସିକେ ତପାଗାଡ଼ାରେ ଜିୟନଃ ନାଗେନ୍ତେ କାମ୍ ବାଗିୟା ।

୨୮ ଆମ୍ ଆଇଙ୍ଗ୍‌କେ ଜୀଦାନ୍‌ରାଃ ହରା ଉଦୁବାକାଦିୟାମ୍,
ଆଡ଼ଃ ଆମାଃ ହେପାଦ୍‌ରେ ଆଇଙ୍ଗ୍‌କେ ରାସ୍‌କାତେମ୍ ପେରେଜିୟା ।’

୨୯ “ହେ ଇସ୍ରାଏଲରେନ୍ ହାଗା ମିଶିକ, ଆଇଙ୍ଗ୍ ଆପେକେ ଆରୁଆଃ ପୁର୍‌ଖାହାଡ଼ାମ୍‌କଆଃ ରାଜା ଦାଉଦ୍‌ଆଃ ବିଷାଏରେ ସାପାସାପା କାଜି ଦାଡ଼ିୟାଇଙ୍ଗ୍ । ଇନିଃ ଗଏଃକେଦ୍‌ତେ ତପାୟାନାଏ ଆଡ଼ଃ ଇନିୟାଃ ତପାଠାୟାଦ୍ ତିସିଙ୍ଗ୍ ଜାକେଦ୍ ଆରୁଆଃ ଆଲାରେମେନାଃ । ୩୦ ଇନିଃଦ ନାବୀ ତାଇକେନାଏ ଆଡ଼ଃ ପାର୍‌ମେଶ୍ୱାର୍‌ ଇନିଃକେ ବାନାର୍‌ସା ଏମାକାଇ ତାଇକେନାଏ, ଏନା ଇନିଃ ସାରିକାଦ୍ ତାଇକେନାଏ । ଦାଉଦାଃ କିଲିକଏତେ ମିହୁଡ୍ ରାଜ୍‌ଗାଦିରେ ଦୁବାଏ ମେନ୍ତେ ପାର୍‌ମେଶ୍ୱାର୍‌ ବାନାର୍‌ସା ଏମାକାଦ୍ ତାଇକେନାଏ । ୩୧ ପାର୍‌ମେଶ୍ୱାର୍‌ ହିଜୁଃ ଦିପିଲିରେ ଅକ୍‌ନାଃ ରିକା ନାଗେନ୍ତେ ସେନଃତାନା, ଏନା ଦାଉଦ୍ ସାରିକେଦ୍‌ତେ, ମାସିଆଃ ଜୀଉବିରିଦ୍‌ ବିଷାଏରେ କାଜିକାଦାଏ,

“ଇନିଃକେ ଗନଏଃଗାଡ଼ା କାଏ ବାଗିକିୟା,
ଆଡ଼ଃ ଆୟାଃ ହଡ଼ମ୍ ତପାଗାଡ଼ାରେ କା ଜିୟନ୍‌ୟାନା ।’

୩୨ ପାର୍‌ମେଶ୍ୱାର୍‌ ନେ ଯୀଶୁକେଚି ଜୀଉବିରିଦ୍‌କିୟାଏ ଆଡ଼ଃ ଆରୁ ସବେନ୍‌କ ଏନାରାଃ ଗାଞ୍ଜାକତାନ୍‌ରୁ । ୩୩ ଯୀଶୁ ଆୟାଃ ଆପୁ ପାର୍‌ମେଶ୍ୱାର୍‌ଆଃ ଜମ୍‌ତିସାଃତେ ବିରିଦ୍‌କାନା ଆଡ଼ଃ ଆପୁଆଃ ବାନାର୍‌ସା ଲେକାତେ ପାବିତାର୍ ଆମ୍ ନାମ୍‌କେଦାଏ, ଆଡ଼ଃ ନାହାଃ ଆପେ ନେଲେତାନ୍‌ତେୟାଃ ଆଡ଼ଃ ଆୟୁମେତାନ୍‌ତେୟାଃ ଇନିୟାଃ ବାର୍‌ଦାନ୍ ତାନାଃ । ଏନା ଇନିଃ ଆରୁଆଃ ରେତାନ୍‌ରେ ଦୁଲାକାଦାଏ । ୩୪ ଚିୟାଃଚି ଦାଉଦ୍‌ଦ ସିର୍ମାତେ କାଏ ରାକାବ୍ ମେନ୍‌ଦ ଇନିଃ ଆଇଃକ୍‌ଚି କାଜିକେଦାଏ,

‘ପ୍ରାଭୁ ଆଇଁୟାଃ ପ୍ରାଭୁକେ କାଜିକିୟାଏ,

୩୫ ଆଇଙ୍ଗ୍ ଆମାଃ ବାଇରିକକେ ପୁରା ଆଉରିଙ୍ଗ୍ ହାରାଅକ ଜାକେଦ୍
ଆମ୍ ଆଇଁୟାଃ ଜମ୍‌ତିସାଃରେ ଦୁବାକାନ୍‌ମେ ।’

୩୬ “ଆପେ କୁଶ୍‌ରେ କିଲାକାଇ ଯୀଶୁକେ, ପାର୍‌ମେଶ୍ୱାର୍‌, ପ୍ରାଭୁ ଆଡ଼ଃ ମାସି ମେନ୍ତେ ନୁଡୁମ୍‌କିୟାଏ, ନେଆଁ ଇସ୍ରାଏଲରେନ୍ ସବେନ୍ ହଡ଼କ ସାର୍‌ତିଗିକ ଆଟ୍‌କାରେକା ।”

୩୭ ନେ କାଜି ଆୟୁମ୍‌କେଦ୍‌ତେ ହଡ଼କଆଃ ମନ୍‌ସୁରୁଦ୍ ରଅଃୟାନା ଆଡ଼ଃ ଇନ୍‌କୁ ପାଡ଼ରାସ୍ ଆଡ଼ଃ ଏଗାଃ ପ୍ରେରିତ୍‌କକେ କାଜିୟାଦ୍‌କଆକ, “ହେ ହାଗାକ, ଆଲେ ଚିନାଃଲେ ଚିକାୟା ?”

୩୮ ଏନ୍ତେ ପାଡ଼ରାସ୍ ଇନ୍‌କୁକେ କାଜିରୁହାଡ଼ାଦ୍‌କଆଏ, “ଆପେ ପାପ୍ ଏତେ ମନ୍‌ରୁହାଡ଼େପେ ଆଡ଼ଃ ଯୀଶୁ ଖ୍ରୀଷ୍ଟ୍‌ଆଃ ନୁଡୁମ୍‌ତେ ବାପ୍ତିସ୍ମାଅଃପେ, ଏନ୍ତେ ଆପେୟାଃ ପାପକ ଛାମାଅଃଆ ଆଡ଼ଃ ପାର୍‌ମେଶ୍ୱାର୍‌ଆଃ ବାର୍‌ଦାନ୍, ପାବିତାର୍ ଆମ୍‌କେପେ ନାମିୟା । ୩୯ ଚିୟାଃଚି ପାର୍‌ମେଶ୍ୱାର୍‌ଆଃ ନେ ବାନାର୍‌ସା କାଜିଦ୍ ଆପେୟାଃ ଆଡ଼ଃ ଆପେୟାଃ ହନ୍‌କଆଃ ନାଗେନ୍ତେ, ଆଡ଼ଃ ଆରୁଆଃ ପ୍ରାଭୁ ପାର୍‌ମେଶ୍ୱାର୍‌ ଆଇଃକ୍‌ଚି କେଡ଼ାକାଦ୍ ସାଜିନ୍‌ରେନ୍ ସବେନ୍ ହଡ଼କ ନାଗେନ୍ତେ ତାନାଃ ।”

୪୦ ପାଡ଼ରାସ୍ ଆଡ଼ଃଚି ପୁରାଃ କାଜିକ କାଜିକେଦ୍‌ତେ ଇନ୍‌କୁକେ କାଜିଗରଙ୍ଗ୍‌କେଦ୍‌ତେ କାଜିକେଦ୍‌କଆ, “ନେ ପାରିୟାରେନ୍ ଏଡ଼କାନ୍ ହଡ଼କ ନାଗେନ୍ତେ ହିଜୁଃତାନ୍ ସାଜାଇଏତେ ପ୍ରାଭୁ ଆପେକେ ବାଞ୍ଛାଅପେକା ।” ୪୧ ଏନ୍ତେ ଇନ୍‌କୁଏତେ ଚିମିନ୍ ହଡ଼କ ଇନିୟାଃ କାଜି ସୁକୁତେ ତେଲାକେଦ୍‌ଲଃ ବିଶ୍ୱାସ୍‌କେଦାକ ଆଡ଼ଃ ବାପ୍ତିସ୍ମାୟାନାକ । ଏନ୍

☆ ୨:୨୩ ୨:୨୩ ମାଥ୍‌ଉ ୨୭:୩୫; ମାର୍କ ୧୫:୨୪; ଲୁକ ୨୩:୩୩; ଯୋହାନ୍ ୧୯:୧୮. ☆ ୨:୨୪ ୨:୨୪ ମାଥ୍‌ଉ ୨୮:୫,୬; ମାର୍କ ୧୭:୬; ଲୁକ ୨୪:୫.

ହୁଲାଙ୍ଗ ଆପି ହାଜାର ଲେକା ହତକ କାଲିସିୟାରେକ ମେସାୟାନା । ୪୭ ଆତଃ ଇନ୍କୁ ଏନ୍ ପ୍ରେରିତ୍‌କଆଃ ଇନିତୁରେ, ମେନେସାରେ, ହଲଙ୍ଗ କେତାଃରେ ଆତଃ ବିକ୍ତିରେ ତାଇନ୍‌ତାନ୍‌କ ତାଇକେନା ।

ବିଶ୍ୱାସୀକଆଃ ସବେନ୍ ହୁଲାଙ୍ଗ୍‌ରେୟାଃ ଜୀଦାନ୍

୪୩ ପ୍ରେରିତ୍‌କ ପୁରାଃ ପେଡେୟାନ୍‌କାମି, ଆକ୍‌ଦାନ୍‌ଅ କାମିକ, ଆତଃ ଚିହ୍ନାଁ କାମିକେଦ୍ ହରାତେ ସବେନ୍ ହତକ ଆକଆଃ ଜୀଉରେ ହାଏକାଟ୍‌ତେ ପେରେୟାନ୍‌କାକ । ୪୪ *ସବେନ୍ ବିଶ୍ୱାସୀକ ମିଦ୍‌ତାଃରେ ହୁଣ୍ଡିୟାନ୍‌ଲଃ ଆକତାଃରେ ତାଇକେନ୍ ସବେନ୍ ମେନାଃତେୟାଃ ମିଦ୍‌ତାଃରେ ହୁଣ୍ଡିକେଦାକ । ୪୫ ଆତଃ ଇନ୍କୁ ଆକଆଃ ସବେନ୍ ଲୟଙ୍ଗ୍‌କ ଆଖିରିଙ୍ଗ୍‌କେଦ୍‌ତେ ଟାକା ପାଏସାକେ ମିମିଆଦ୍‌ନିଃକେ ଲାଗାତିଙ୍ଗ୍ ଲେକା ସବେନ୍‌କ ହାପ୍‌ଟିଙ୍ଗ୍‌ୟାନା । ୪୬ ଇନ୍କୁ ମାନ୍‌ଦିଅତାଃରେ ସବେନ୍‌ହୁଲାଙ୍ଗ୍ ମିଦ୍‌ତାଃରେ ହୁଣ୍ଡିକେଦ୍‌ତେ ଆକଆଃ ଅତାଃକରେ ହଲଙ୍ଗ୍ କେତାଃତାନ୍‌ଲଃ ରାସ୍‌କାତେ ଆତଃ ଲେବେଃ ମନ୍‌ସୁରୁଦ୍‌ତେ ଜମ୍‌ତାନ୍ ତାଇକେନାକ । ୪୭ ଆତଃ ଇନ୍କୁ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍ ତାଇକେନାକ ଆତଃ ସବେନ୍ ହତକ ଇନ୍କୁକେ ସୁକୁଆକ ତାଇକେନାକ । ଆତଃ ପ୍ରାଭୁ ସବେନ୍ ହୁଲାଙ୍ଗ୍ ପାରିତ୍ରାଣ୍ ନାମେତାନ୍ ହତକକେ କାଲିସିୟାରେ ମେସାକୁତାନ୍ ତାଇକେନାଏ ।

୩

ମିଆଁଦ୍ କାଟା କୁଚୁଙ୍ଗ୍‌କାନ୍ କର୍ଷିନିଃ ବୁଗିୟାନାଏ

୯ ମୁସିଙ୍ଗ୍ ପାଡ଼ରାସ୍ ଆତଃ ଯୋହାନ୍ ବିକ୍ତି ଦିପିଲିରେ ତାର୍‌ସିଙ୍ଗ୍ ଆପିଦାଡ଼ି ଇମ୍‌ତାକ ମାନ୍‌ଦିରେକିନ୍ ସେନଃ ତାଇକେନା । ୧୧ ଏନ୍ତାଃରେ ଜାନାମ୍‌ଏତେ କାଟା କୁଚୁଙ୍ଗ୍‌କାନ୍ ମିଆଁଦ୍ ହଡ଼, ମାନ୍‌ଦି ଅତାଃତେ ବଲତାନ୍ ପୁରାଃ ହତକତାଃଏତେ କର୍ଷିନାମେ ନାଗେନ୍ତେ ସବେନ୍ ହୁଲାଙ୍ଗ୍ ମାନ୍‌ଦି ଅତାଃରାଃ ସୁଗାଡାନ୍ ନୁତୁମାକାନ୍ ଦୁଆରତାଃତେ ଗଅଃ ଇଦିୟାତାନ୍ ତାଇକେନାଏ । ୧୨ ଇନିଃ ପାଡ଼ରାସ୍ ଆତଃ ଯୋହାନ୍‌କେ ମାନ୍‌ଦିରେ ବଲତାନ୍ ନେଲ୍‌କେଦ୍‌ତେ ଇନ୍‌କିନ୍‌କେ କର୍ଷି ଆସିକେଦ୍‌କିନାଏ । ୧୩ ପାଡ଼ରାସ୍ ଆତଃ ଯୋହାନ୍ ଇନିଃକେ ମିଦ୍‌ନାଜେର୍‌ରେ ନେଲ୍‌କିଃତେ, ପାଡ଼ରାସ୍ କାଜିକିୟାଏ, “ଆଲିଙ୍ଗ୍‌ସାଃତେ ନେଲେମେ ।” ୧୪ ଇନିଃ ଇନ୍‌କିନ୍‌ତାଃଏତେ ଜେଡ଼ନାଃ ନାମେ ନାଗେନ୍ତେ ଆସ୍ତାଏତାନ୍‌ଲଃ ଇନ୍‌କିନ୍‌ସାଃତେ ନେଲ୍‌କେଦା ।

୧୫ ମେନ୍‌ଦ ପାଡ଼ରାସ୍ କାଜିକିୟାଏ, “ରୁପା ଚାଏ ସୋନା ଆଇଙ୍ଗ୍‌ତାଃରେ ବାନଆଃ, ମେନ୍‌ଦ ଆଇଙ୍ଗ୍‌ତାଃରେ ମେନାଃତେୟାଃଇଙ୍ଗ୍ ଏମାମେତାନା, ନାଜ୍‌ରେଡ଼ରେନ୍ ଯୀଶୁ ଖ୍ରୀଷ୍ଟ୍‌ଆଃ ନୁତୁମ୍‌ତେ ଆରୁମେତାନାଇଙ୍ଗ୍ ବିରିଦ୍‌ମେ ଆତଃ ସେନେମେ ।” ୧୬ ଏନ୍ତେ ଇନିଃ ଇନିୟାଃ ଜମ୍ ଡିଃଇ ସାବ୍‌କେଦ୍‌ତେ ବିରିଦ୍‌କିୟା ଆତଃ ଇମ୍‌ତାଗି ଇନିୟାଃ କାଟା ଆତଃ କାଟାମ୍‌କ୍‌ଶୀକରେ ପେଡେଃ ନାମ୍‌କେଦାଏ । ୧୭ ଆତଃ ଇନିଃ ନିର୍‌ବିରିଦ୍‌ୟାନାଏ ଆତଃ ସେନ୍ ଏଟେଦ୍‌କେଦାଏ । ଏନ୍ତେ ଇନିଃ ସେସେନ୍‌ତାନ୍‌ଲଃ, ଡେଗାଅତାନ୍‌ଲଃ ଆତଃ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍‌ତାନ୍‌ଲଃ ଇନ୍‌କିନ୍‌ଲଃ ମାନ୍‌ଦିରେ ବଲୟାନାଏ । ୧୮ ଏନ୍ତାଃରେନ୍ ସବେନ୍ ହତକ ଇନିଃକେ ସେନ୍‌ବାଡାତାନ୍ ଆତଃ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍‌ତାନ୍‌କ ନେଲ୍‌କିୟା, ୧୯ ଆତଃ ମାନ୍‌ଦି ଅତାଃରାଃ ସୁଗାଡାନ୍ ଦୁଆରତାଃରେ ଦୁବ୍‌କେଦ୍‌ତେ କର୍ଷି ଆସିତାଇକେନାଏ, ଇନିଃ ନିଃଗି ତାନିଃ ମେନ୍ତେ ନେଲ୍‌ଡୁମ୍‌କିୟାକ ଆତଃ ଇନିଃରେ ହବାକାନ୍‌ତେୟାଃ ସବେନ୍ ସାରିକେଦ୍‌ତେ ଇନ୍‌କୁ ପୁରାଃ ହାଏକାଟ୍ ଆତଃ ଆକ୍‌ଦାନ୍‌ୟାନାକ ।

ମାନ୍‌ଦି ଅତାଃରେ ପାଡ଼ରାସ୍‌ଆଃ ବାଚାନ୍‌ଡୁବ୍

୨୦ ସୁଲିମାନ୍ ନୁତୁମ୍ ପିଣ୍ଡିଗିତାଃରେ ଏନ୍ ବୁଗିକାନ୍ ହଡ଼କେ ପାଡ଼ରାସ୍ ଆତଃ ଯୋହାନ୍‌ଲଃ ନେଲ୍‌କେଦ୍‌ତେ ସବେନ୍ ହତକ ହାଏକାଟ୍‌ୟାନ୍ତେ ଇନ୍‌କିନ୍‌ତାଃକ ନିର୍‌ଆଉକେଦା । ୨୧ ପାଡ଼ରାସ୍ ହଡ଼କକେ ନେଲ୍‌କେଦ୍‌ତେ କାଜିୟାଦ୍‌କଆଏ, “ହେ ଇସ୍ରାଏଲ୍‌ରେନ୍ ହଡ଼କ, ଆପେ ନେ ହଡ଼ ନାଗେନ୍ତେ ତିନାଃମେନ୍ତେପେ ହାଏକାଟ୍‌ତାନା, ଆତଃ ଆଲିଙ୍ଗ୍‌କେପେ ନେଲ୍‌ତାନା ? ଆଲିଙ୍ଗ୍ ଆଲିଙ୍ଗ୍‌ୟାଃ ପେଡେଃତେ ଚାଏ ଧାର୍‌ମାନ୍‌ତେ ଇନିଃକେ ସେସେନ୍ ନାଗେନ୍ତେ ପେଡେଃଲିଙ୍ଗ୍ ଏମାକାଇୟା ମେନ୍ତେପେ ଉଡ଼ୁତାନାଟି ? ୨୨ ଆବ୍ରାହାମ୍, ଇସାକ୍, ଆତଃ ଯାକୁବ୍‌ଆଃ ପାର୍‌ମେଶ୍ୱାର୍, ଆବୁଆଃ ପୁରଖାହାଡାମ୍‌କଆଃ ପାର୍‌ମେଶ୍ୱାର୍ ଆୟାଃ ଦାସି ଯୀଶୁକେ ମାଇନାନ୍‌କିୟା । ମେନ୍‌ଦ ଆପେ ଏନ୍ ଯୀଶୁକେ ଆକ୍‌ତେୟାର୍‌କଆଃ ଡିଃଇରେ ଜିମାକିୟାପେ ଆତଃ ପିଲାତୁସ୍ ଇନିଃକେ ରାଡାଈ ନାଗେନ୍ତେ ଉହାଟ୍‌କେଦ୍‌ରେୟ, ଆପେ ଇନିଃକେ କାପେ ସୁକୁୟାନା । ୨୩ *ଇନିଃ ପାବିତାର୍ ଆତଃ ଧାର୍‌ମାନ୍ ହଡ଼ ତାଇକେନାଏ, ମେନ୍‌ଦ ଆପେ ଇନିଃକେ କାପେ ସୁକୁୟାନା ଆତଃ ଆୟାଃ ବାଦ୍‌ଲାରେ ହଡ଼ ଗଗଏନିଃକେ ରାଡାଈ ନାଗେନ୍ତେ ପିଲାତୁସ୍‌କେ ଆସିକିୟାପେ । ୨୪ ଆପେ ଜୀଦାନ୍ ହରାତେ ସୁତୁଃଇଦିନିଃକେ ଗଏନିଃକିୟାପେ, ମେନ୍‌ଦ ପାର୍‌ମେଶ୍ୱାର୍ ଇନିଃକେ ଗଜାକାନ୍‌କଏତେ ଜୀଉବିରିଦ୍‌କିୟା ଆତଃ ଆଲେ ଏନାରାଃ ଗାଞ୍ଜାକ ତାନ୍‌ଲେ । ୨୫ ଆପେ ନେଲାକାଇ ଆତଃ ସାରିକାଇ ନେ କାଟା କୁଚୁଙ୍ଗ୍ ହଡ଼ ଯୀଶୁଆଃ ନୁତୁମ୍‌ରେ ବିଶ୍ୱାସ୍‌କେଦ୍ ନାଗେନ୍ତେ ପେଡେଃନାମ୍‌କେଦାଏ । ଆତଃ ଯୀଶୁରେ ବିଶ୍ୱାସ୍‌କେଦ୍ ନାଗେନ୍ତେ ବୁଗିୟାନାଏ, ନେଆଁ ଆପେ ସବେନାଃ ନେଲ୍ ଦାଡ଼ିତାନାପେ ।

* ୨:୪୪ ୨:୪୪ ପ୍ରେରିତ୍ ୪:୩୨-୩୫. * ୩:୧୪ ୩:୧୪ ମାଥ୍‌ଉ ୨୭:୧୫-୨୩; ମାର୍କ ୧୫:୨-୧୪; ଲୁକ ୨୩:୧୩-୨୩; ଯୋହାନ୍ ୧୯:୧୨-୧୫.

ଏଟେଦକେଦା । ୧୬ ଇନ୍କୁ କୁପଲିୟାନାକ, “ଆବୁ ନେ ହଡକିନ୍କେ ଚିନାଃବୁ ଚିକାକିନା ? ଇନ୍କିନ୍ ସାରତିଗି ମିଆଁଦ୍ ଆକ୍ଦାନ୍ଦାଅ କାମିକିନ୍ କାମିକାଦା ଏନା ଯାରୁଗାଲେମ୍ରେନ୍ ସବେନ୍କ ସାରିତାନା ଆଡ଼ ଏନା ଆବୁ ବାନଃ ମେନ୍ତେ କାବୁ କାଜି ଦାଡ଼ିୟା । ୧୭ ମେନ୍ଦ ନେ କାଜି ହଡକତାଃରେ ଆଲକା ପାସ୍ତାଅଃକା, ଏନା ନାଗେନ୍ତେ ଯୀଶୁଆଃ ନୁଡୁମ୍ତେ ଜେତା ହଡକକେ ଆଲବେନ୍ କାଜିକଆ ମେନ୍ତେ ଇନ୍କିନ୍କେବୁ ଚେତାଅକିନା ।”

୧୮ ଏନ୍ତେ ଇନ୍କୁ ପାଡ଼ରାସ୍ ଆଡ଼ ଯୋହାନ୍କେ ଆଡ଼ଃମିସା କେଡ଼ାକେଦକିନାକ ଆଡ଼ ଯୀଶୁଆଃ ନୁଡୁମ୍ତେ ଜେଡ଼ନାଃ ଆଲବେନ୍ କାଜିୟାଃ ଚାଏ ଆଲବେନ୍ ଇଡୁକଆ ମେନ୍ତେକ ଆବୁକେଦକିନାକ । ୧୯ ମେନ୍ଦ ପାଡ଼ରାସ୍ ଆଡ଼ ଯୋହାନ୍ ଇନ୍କୁକେ କାଜିରୁହାଡ଼ାଦକଆକିନ୍, “ଆଲିଙ୍ଫ ପାର୍ମେଶ୍ଵାରକେ ମାନାତିଙ୍ଫତେୟାଃ ଚାଏ ଆପେୟାଃ କାଜି ମାନାତିଙ୍ଫତେୟାଃ ଅକ୍ନାଃ ପାର୍ମେଶ୍ଵାରଆଃ ଆୟାରରେ ଠାଉକାନଗିୟା ଏନା ଆପେ ଆପେଗି ବିଚାରେପେ । ୨୦ ଚିୟାଃଟି ଆଲିଙ୍ଫ ନେଲକାଦ୍ତେୟାଃ ଆଡ଼ ଆୟୁମାକାଦ୍ତେୟାଃ କା ଉଦୁବ୍କେଦ୍ତେ କାଲିଙ୍ଫ ତାଇନ୍ଦାଡ଼ିୟା ।” ୨୧ ଏନ୍ତେ ପାଞ୍ଚେଟ୍ରେନ୍ ହଡକ ଇନ୍କିନ୍କେ ସାଜାଇ ଏମ୍ କା ହବାସାକାଅଆଃ, ଆଡ଼ ପୁରାଃ ଚେତାଅତାନ୍ଲଃ ଇନ୍କିନ୍କେ ବାଗିକେଦକିନାକ, ଚିୟାଃଟି ହଡକ ଏନ୍ ହବାକାନ୍ତେୟାଃ ନେଲକେଦ୍ତେ ପାର୍ମେଶ୍ଵାରଆଃ ମାନାରାଙ୍ଫ ତାଇକେନାକ । ୨୨ ଆକ୍ଦାନ୍ଦାଅ ଲେକାତେ ବୁଗିଆକାନ୍ ଏନ୍ ହଡଆଃ ବାର୍ହିସି ବାରାଷ୍‌ଏତେ ଆଦକା ହବାଅଃତାଇକେନା ।

ଜୀଉରେକେଟେଦ୍ ନାମେ ନାଗେନ୍ତେ ବିଶ୍ଵାସୀକଆଃ ବିକ୍ତି

୨୩ ପାଡ଼ରାସ୍ ଆଡ଼ ଯୋହାନ୍ ରାଡ଼ାୟାନ୍ତି, ଇନ୍କିନ୍ ଆକିନାଃ ଆପ୍ନାଃ ହଡକତାଃରେ ରୁହାଡ଼କେଦ୍ତେ ମୁଲ୍ ଯାଜାକ୍ ଆଡ଼ ପ୍ରାଚିନ୍ଦକ କାଜିକେଦ୍ତେୟାଃ ସବେନାଃ ଇନ୍କୁକେ ଉଦୁବାଦକଆକିନ୍ । ୨୪ ବିଶ୍ଵାସୀକ ସବେନ୍ କାଜି ଆୟୁମ୍କେଦ୍ଚି ମିଦ୍ ମନ୍ତେ ପାର୍ମେଶ୍ଵାରତାଃରେ ବିକ୍ତିକେଦାକ; “ହେ ଗମ୍କେ, ଆମ୍ ସିମା, ଅତେ, ଦରେୟା ଆଡ଼ ଏନାରେୟାଃ ସବେନାଃ ବାବାଇନିଃ ତାନ୍ମେ ! ୨୫ ଆମ୍ ଆମାଃ ଦାସି, ଆଲେୟାଃ ଆପୁ ଦାଉଦ୍‌ଆଃ ମଚାତେ ପାବିତାର୍ ଆମ୍ତେ ନେ କାଜି କାଜିକାଦାମ୍,

“ ‘ନେ ସାଅଁସାର୍ ହଡକ ଚିନାଃମେନ୍ତେ ଖୁସ୍‌ୟାନାକ;
ଆଡ଼ ହଡକ ଚିନାଃମେନ୍ତେ ସାମାକାଜିକ ରୋଜୋଟତାନା ?

୨୬ ପ୍ରାଡୁଆଃ ବିରୁଧ୍ରେ ଆଡ଼ ଆୟାଃ ସାଲାକାନ୍ ମାସିଆଃ ବିରୁଧ୍ରେ
ଅତେଦିଶ୍ଵମ୍ରେନ୍ ରାଜାକ ସେକାଡ଼ୟାନା
ଆଡ଼ ହାକିମ୍କ ମିଦ୍ତାଃରେକ ହୁଣ୍ଡିୟାନା ।’

୨୭ ☆ଚିୟାଃଟି ସାର୍ତି କାଜିଲେରେ ହେରୋଦ୍ ଆଡ଼ ପକ୍ତିୟସ୍ ପିଲାଡୁସ୍ ନେ ନାଗାର୍ରେ ସାଅଁସାର୍‌କଲଃ ଆଡ଼ ଇସାଏଲ୍ ହଡକଲଃ ମେସାକେଦ୍ତେ ଆମାଃ ପାବିତାର୍ ଦାସି ଯୀଶୁ, ଅକ୍‌ଏକେଚି ଆମ୍ ମାସି ମେନ୍ତେମ୍ ଆଭିଷେକ୍‌କିୟା, ଇନିୟାଃ ବିରୁଧ୍ରେ ରୋଜୋଟକେଦାକ । ୨୮ ଆମାଃ ପେଡ଼େଃ ଆଡ଼ ମନେଲେକାତେ ସବେନାଃ ହବାଅଃକା ମେନ୍ତେ ସିଦାରେ ଉହାଟ୍‌କାନ୍ ତାଇକେନା, ଏନାକେ ରିକାଏ ନାଗେନ୍ତେ ଇନ୍କୁ ହୁଣ୍ଡିୟାନାକ । ୨୯ ଆଡ଼ ନାହାଁଃଦ୍, ହେ ପ୍ରାଡୁ, ଇନ୍କୁ ଆଲେକେ ବଡ଼ଙ୍ଗଲେତାନାକ ଏନା ନେଲେମେ ଆଡ଼ ଆମାଃ ଦାସିକେ ପୁରାଃ ପେଡ଼େୟାନ୍ତେ ଆମାଃ କାଜି କାଜି ନାଗେନ୍ତେ ଜୀଉରେକେଟେଦ୍ ଏମାଲେମେ । ୩୦ ଆଡ଼ ବୁଗିକ ନାଗେନ୍ତେ ଆମାଃ ତିଃଇ ଜିଲିଙ୍ଫୟେମେ ଆଡ଼ ଆମାଃ ପାବିତାର୍ ଦାସି ଯୀଶୁଆଃ ନୁଡୁମ୍ତେ ଚିଙ୍ଫାଁ ଆଡ଼ ଆକ୍ଦାନ୍ଦାଅ କାମିକ ରିକା ନାଗେନ୍ତେ ପେଡ଼େଃ ଏମାଲେମେ ।”

୩୧ ଇନ୍କୁ ବିକ୍ତି ବୁଣ୍ଡୁକେଦ୍ଚି ଆକ ହୁଣ୍ଡିକାନ୍ ଠାୟାଦ୍ତାଃରେ ଅତେ ଏକ୍‌ଲାଅୟାନା ଆଡ଼ ସବେନ୍କ ପାବିତାର୍ ଆମ୍ତେକ ପେରେୟାନା ଆଡ଼ ପାର୍ମେଶ୍ଵାରଆଃ କାଜି ପୁରାଃ ଜୀଉରେ କେଟେଦକେଦ୍ତେ ଉଦୁବ୍ ଏଟେଦକେଦା ।

ବିଶ୍ଵାସୀକ ଆକଆଃ ମେନାଃତେୟାଃକ ହାପ୍‌ଟିଙ୍ଫୟାନା

୩୨ ☆ବିଶ୍ଵାସୀକ ମିଦ୍ ମନ୍ ଆଡ଼ ମିଦ୍ ମନ୍‌ସୁରୁଦ୍‌ୟାନାକ । ଆଡ଼ ଜେତାଏ ଆପ୍ନାଃ ମେନାଃତେୟାଃକେ ଆପ୍ନାଃ ତାନାଃ ମେନ୍ତେ କାକ କାଜି ତାଇକେନା, ମେନ୍ଦ ସବେନ୍କ ଆକଆଃ ମେନାଃତେୟାଃକେ ମିଦ୍‌ସାମାନ୍‌ଗିକ ହାପ୍‌ଟିଙ୍ଫୟାଃ ତାଇକେନା । ୩୩ ପ୍ରେରିତ୍‌କ ପୁରାଃ ପେଡ଼େଃତେ ପ୍ରାଡୁ ଯୀଶୁଆଃ ଜୀଉବିନିରିଦ୍‌ରାଃ ବିଷାଏରେ ଗାଞ୍ଜାକ ଏମ୍‌କେଦା ଆଡ଼ ପାର୍ମେଶ୍ଵାର ଇନ୍କୁକେ ପୁରାଃ ଆଶିଷ୍ ଏମ୍‌କେଦକଆଏ । ୩୪ ଏନାତେ ଇନ୍କୁଆଃ ଜେଡ଼ନାଃ କା ହାଟିଅଃ ତାଇକେନା, ଚିୟାଃଟି ଅକନ୍‌କଆଃ ପିଡ଼ି ଆଡ଼ ଅଡ଼ାଃ ତାଇକେନା, ଇନ୍କୁ ଏନାକ ଆଖ୍‌ରିଙ୍ଫକେଦ୍ତେ ଏନାରାଃ ଗନଙ୍ଫ ଟାକା ପାଏସା ଆଉକେଦ୍ତେ ୩୫ ପ୍ରେରିତ୍‌କକେ ଏମାକ ତାଇକେନାକ ଆଡ଼ ଏନ୍ ପାଏସାକେ ଆକଆଃ ଲାଗାତିୟାଃ ଲେକାକ ହାପ୍‌ଟିଙ୍ଫୟାଃ ତାଇକେନା ।

୩୬ ଆଡ଼ ସାଇପ୍ରସ୍ ନୁଡୁମ୍ ଠାୟାଦ୍‌ରେ ଜାନାମାକାନ୍ ଲେବୀ କିଲିରେନ୍ ଯୋଷେପ୍, ଅକ୍‌ଏକେଚି ପ୍ରେରିତ୍‌କ ବର୍ଣ୍ଣବାସ୍, ଏନାରାଃ ମୁଣ୍ଡିଦ୍ “ଜୀଉରାଡ଼େଃରାଃ ହନ୍” ମେନ୍ତେକ ନୁଡୁମ୍‌କିୟା । ୩୭ ଇନିୟାଃ ମିଆଁଦ୍ ପିଡ଼ି ତାଇକେନା, ଏନାକେ ଇନିଃ ଆଖ୍‌ରିଙ୍ଫକେଦ୍ତେ ଏନାରାଃ ଟାକା ପାଏସା ପ୍ରେରିତ୍‌କକେ ଏମାଦକଆ ।

☆ ୪:୨୭ ୪:୨୭ ଲୁକ ୨୩:୭-୧୧; ମାଥ୍‌ଉ ୨୭:୧,୨; ମାର୍କ ୧୫:୧; ଲୁକ ୨୩:୧; ଯୋହାନ୍ ୧୮:୨୮,୨୯. ☆ ୪:୩୭ ୪:୩୭ ପ୍ରେରିତ୍ ୨:୪୪,୪୫.



ହନାନିୟ ଆତ୍ମ ସଫିରା

^୧ ହନାନିୟ ନୁତୁମ୍ ମିଆଁଦ୍ ହଡ଼ ଆୟାଃ କୁଡ଼ିତେ ସଫିରାଲଃ ହୁଡ଼ିଙ୍ଗଲେକା ଅତେ ଆଖିରିଙ୍ଗକେଦାକିନ୍ । ^୨ ମେନ୍ଦ ହନାନିୟ ଆୟାଃ କୁଡ଼ିତେଲଃ ସାଲ୍ଲହାକେଦ୍ତେ, ଇନିଃ କାଟିଃଲେକା ଟାକା ପାଏସା ଆୟାଃ ନାଗେନ୍ତେ ଉକ୍ତୁ ଦହକେଦା ଆତ୍ମ ବାକିତେୟାଃ ଇଦିକେଦ୍ତେ ପ୍ରେରିତ୍‌କଆଃ କାଟା ଲାତାରରେ ଦହକେଦା । ^୩ ପାଡ଼ରାସ୍ ଇନିଃକେ କାଜିକିୟାଏ, “ଏ ହନାନିୟ, ପାବିତାର୍ ଆମ୍ବାରାଃ ଆୟାରରେ ହସଡ଼ କାଜି ନାଗେନ୍ତେ ଆତ୍ମ ଅତେରାଃ ଗନଙ୍ଗଏତେ କାଟିଃଲେକା ଉକ୍ତୁ ନାଗେନ୍ତେ ସାଏତାନ୍ ତିନାଃମେନ୍ତେ ଆମାଃ ମନ୍‌ସୁରୁଦ୍‌କେ ଆକ୍ତେୟାରକେଦା ? ^୪ ଆଖିରିଙ୍ଗକେଦ୍ ସିଦାରେ ଏନା ଚିୟାଃ ଆମାଃ କା ତାଇକେନା ? ଆତ୍ମ ଆଖିରିଙ୍ଗକେଦ୍ ତାୟମତେ ଏନ୍ ଟାକା ପାଏସା ତିନାଃ ଆମାଃ ଆକ୍ତେୟାରରେ କା ତାଇକେନା ? ତାବ୍ଦ ତିନାଃମେନ୍ତେ ଆମ୍ ନେ'ଲେକା ଆମାଃ ମନ୍‌ସୁରୁଦ୍‌ରେମ୍ ଉଡ଼ୁକେଦା ? ଆମ୍ ହଡ଼କକେଦ୍ କା ମେନ୍ଦ ପାର୍ମେଶ୍ୱାରଆଃ ଆୟାରରେ ବେଦାକାଜିମ୍ କାଜିକାଦା ।” ^୫ ନେ କାଜିକ ଆୟୁମ୍‌କେଦ୍‌ତି ହନାନିୟ ଅତେରେ ଉୟୁଃକେଦ୍‌ତେ ଗଏଃୟାନା, ଆତ୍ମ ନେ ବିଷାଏରେ ଆୟୁମ୍‌କେଦ୍ ସବେନ୍‌କ ପୁରାଃଗିକ ବରକେଦା । ^୬ ସେପେଡେଦ୍‌କ ହିଜୁଃକେଦ୍‌ତେ ଇନିଃକେ ଲିଜାଃତେ ପଟମ୍‌କିୟାକ ଆତ୍ମ ଗଅଃ ଅତଙ୍ଗକିତେ ତପାକିୟାକ ।

^୭ ଆପି ଘାଡ଼ିଲେକା ତାୟମତେ ଇନିୟାଃ କୁଡ଼ି ଅକ୍ନାଃ ହବାକାନ୍‌ତେୟାଃ କା ସାରିକେଦ୍‌ତେ ହିଜୁଃୟାନା ଆତ୍ମ ବଲୟାନାଏ । ^୮ ପାଡ଼ରାସ୍ ଇନିଃକେ କୁଲିକିୟାଏ, “ଆବେନ୍ ନେ ପିଡ଼ିକେ ନିମ୍ନାଙ୍ଗ୍‌ତେଗିବେନ୍ ଆଖିରିଙ୍ଗକେଦାତି ?”

ଇନିଃ କାଜିରୁହାଡ଼କେଦାଏ, “ହେଗି, ନିମିନାଙ୍ଗ୍‌ତେଗି ।”

^୯ ଏନ୍ତେ ପାଡ଼ରାସ୍ ଇନିଃକେ କାଜିକିୟାଏ, “ପ୍ରାଭୁଆଃ ଆମ୍‌କେ ବିଡ଼ାଅ ନାଗେନ୍ତେ ଆବେନ୍ ବାରାନ୍‌କିନ୍ ତିନାଃ ମେନ୍ତେବେନ୍ ଉଡ଼ୁକେଦା ? ନେଲ୍‌କୁମ୍, ଆମାଃ କଡ଼ାକେ ତପାକେନ୍‌କ ଦୁଆରତାଃରେ ମେନାକଆ ଆତ୍ମ ଇନ୍‌କୁ ଆମ୍‌କେ ହଗି ଗଅଃ ଅତଙ୍ଗ୍‌ମେୟାକ ।” ^{୧୦} କାଜିକେଦ୍ ଇମ୍‌ତାଗି ଇନିଃ ଇନିୟାଃ କାଟା ଲାତାରରେ ଉୟୁଃୟାନା ଆତ୍ମ ଗଏଃୟାନାଏ । ଏନ୍ତେ ସେପେଡେଦ୍‌କ ବଲୟାନ୍‌ତି ଇନିଃକେ ଗଏଃକାନ୍‌କ ନେଲ୍‌କିୟା ଆତ୍ମ ଇନ୍‌କୁ ଇନିଃକେ ଗଅଃ ଅତଙ୍ଗକିତେ କଡ଼ାତେୟାଃ ଜାପାଃରେକ ତପାକିୟା । ^{୧୧} ଗଟା କାଲିସିୟା ଆତ୍ମ ନେ କାଜି ଆୟୁମ୍‌କେଦ୍ ସବେନ୍‌କ ପୁରାଃଗିକ ବରକେଦା ।

ଆକଟାକାଅ ଆତ୍ମ ଆକ୍‌ଦାନ୍‌ଅ କାମି

^{୧୨} ପ୍ରେରିତ୍‌କ ପୁରାଃଗି ଆକଟାକାଅ କାମି ଆତ୍ମ ଆକ୍‌ଦାନ୍‌ଅ କାମିକ ହଡ଼କଆଃ ଆଲାରେକ କାମିକେଦା ଆତ୍ମ ସବେନ୍ ବିଶ୍ୱାସୀକ ସୁଲିମାନ୍‌ଆଃ ପିଣ୍ଡିଗିତାଃରେ ହୁଣ୍ଡିୟଃ ତାଇକେନାକ । ^{୧୩} ଇନ୍‌କୁଆଃ ବିଷାଏରେ ହଡ଼କ ବୁଗିନାଃ ଜାଗାରତାନ୍ ତାଇକେନ୍‌ରେୟ ଏଟାଃ ଝୁଣ୍ଡିରେନ୍ ହଡ଼କ ଇନ୍‌କୁଲଃ ମେସାଅଃ ନାଗେନ୍ତେ ଜେତାଏ କାକ ସାହାସେ ତାଇକେନା । ^{୧୪} ମେନ୍ଦ ଗାଦେଲ୍ କଡ଼ା ଆତ୍ମ କୁଡ଼ିକ ପ୍ରାଭୁତାଃରେ ବିଶ୍ୱାସକେଦ୍‌ତେ ତିମିନ୍ ତିମିନ୍ ହଡ଼କ ଏନ୍ ଝୁଣ୍ଡିରେ ମେସାଅଃ ତାଇକେନାକ । ^{୧୫} ପ୍ରେରିତ୍‌କଆଃ କାମି ବୁଗିଲେକା ହବାଅଃ ତାଇକେନା, ପାଡ଼ରାସ୍ ହିଜୁଃ ତାଇକେନ୍ ଇମ୍‌ତା ହରାରେ ଆୟାଃ ଉମ୍‌ଲ୍ ଦୁକୁତାନ୍ ହଡ଼କଆଃରେ ଉୟୁଃଗକା ମେନ୍ତେ ହଡ଼କ ଦୁକୁତାନ୍‌କକେ ପାର୍‌କମ୍ ଆତ୍ମ ଜାଟିକରେ ଗଅଃ ଆଉକେଦ୍‌ତେ ହରାଗେନାରେ ଦହକ ତାଇକେନାକ । ^{୧୬} ଆତ୍ମ ଯୀରୁଗାଲେମ୍‌ରେୟାଃ ଚାରିୟସାଃରେନ୍ ନାଗାରକଏତେ ଗାଦେଲ୍ ହଡ଼କ ଦୁକୁତାନ୍ ଆତ୍ମ ସଡ଼ରା ଆମ୍‌ତେ ଏସେରାକାନ୍ ହଡ଼କକେ ପ୍ରେରିତ୍‌କତାଃ ଆଉକତାଇକେନାକ ଆତ୍ମ ଇନ୍‌କୁ ସବେନ୍ ବୁଗିୟଃ ତାଇକେନାକ ।

ପ୍ରେରିତ୍‌କକେ ସାସାତି

^{୧୭} ଏନ୍ତେ ମାରାଙ୍ଗ୍ ଯାଜାକ୍ ଆତ୍ମ ଆୟାଃ ସବେନ୍ ଦେଙ୍ଗାତାନ୍‌କ, ଅକନ୍‌କଟି ସାଦୁକି ଝୁଣ୍ଡିରେନ୍ ତାଇକେନାକ, ଇନ୍‌କୁ ପ୍ରେରିତ୍‌କଆଃ ଚେତାନ୍‌ରେ ପୁରାଃଗି ହିସ୍‌ଙ୍ଗାତେ ପେରେୟାନାକ । ^{୧୮} ଇନ୍‌କୁ ପ୍ରେରିତ୍‌କକେ ସାବ୍‌କେଦ୍‌ତେ ଆନାରେକ ଦହକେଦ୍‌କଆ । ^{୧୯} ମେନ୍ଦ ପ୍ରାଭୁଆଃ ଦୁଡ୍ ଏନ୍ ନିଦାଗି ଆନାରାଃ ଦୁଆରକେ ନିକ୍‌କେଦା, ଆତ୍ମ ପ୍ରେରିତ୍‌କକେ ଅତଙ୍ଗକେଦ୍‌ତେ ମେତାଦ୍‌କଆ, ^{୨୦} “ଜୁ, ସେନଃପେ, ଆତ୍ମ ମାନ୍‌ଦିର୍ ଅଡ଼ାଃରେ ତିଙ୍ଗୁକେଦ୍‌ତେ ନେ ନାଞ୍ଜା ଜୀଦାନ୍ ବିଷାଏରେ କାଜିୟାକପେ ।” ^{୨୧} ପ୍ରେରିତ୍‌କ ଏନ୍ ଦୁଡ୍‌ଆଃ କାଜି ମାନାଡ଼ିଙ୍ଗକେଦ୍‌ତେ ସେତାଃ ଇଦାନ୍‌ରେ ମାନ୍‌ଦିର୍ ଅଡ଼ାଃତେ ବଲକେଦ୍‌ତେ ହଡ଼କକେ ଇତୁ ଏଟେଦ୍‌କେଦ୍‌କଆକ । ମାରାଙ୍ଗ୍ ଯାଜାକ୍ ଆତ୍ମ ଇନିୟାଃ ଦେଙ୍ଗାତାନ୍‌କ ହିଜୁଃକେଦ୍‌ତେ, ମାରାଙ୍ଗ୍ ପାଞ୍ଚେଟ୍ ଆତ୍ମ ଇସ୍ରାଏଲ୍ ହନ୍‌କଆଃ ସବେନ୍ ପ୍ରାଚୀନ୍‌କକେ କେଡ଼ା ହୁଣ୍ଡିକେଦ୍‌କଆକ ଆତ୍ମ ପ୍ରେରିତ୍‌କକେ ଆଉକ ନାଗେନ୍ତେ ହଡ଼କକେ ଜେହେଲ୍‌ତେ କୁଲ୍‌କେଦ୍‌କଆକ । ^{୨୨} ମେନ୍ଦ ସିପାଇକ ଆନାତେ ସେଟେରୟାନ୍‌ତି ପ୍ରେରିତ୍‌କକେ ଏନ୍ତାଃରେ କାକ ନାମ୍‌କେଦ୍‌କଆ, ଏନ୍ତେ ଇନ୍‌କୁ ମାରାଙ୍ଗ୍ ପାଞ୍ଚେଟ୍‌ତେ ହିଜୁଃରୁହାଡ଼କେଦ୍‌ତେ ଉଦୁବାଦ୍‌କଆକ, ^{୨୩} “ଆଲେ ଜେହେଲ୍‌ତେ ସେଟେରୟାନ୍‌ତି ଦୁଆର୍ ବୁଗିଲେକା ହାଣ୍ଡେଦାକାନ୍ ଆତ୍ମ ଦାରଖାନ୍‌କ ଦୁଆର୍ ହେପାଦ୍‌ରେ ହରତାନ୍‌ଲେ ନେଲ୍‌କେଦ୍‌କଆ, ମେନ୍ଦ ଦୁଆର୍ ନିକ୍‌କେଦ୍‌ତେ ଭିତାରରେ ଜେତାଏକେ କାଲେ ନାମ୍‌କେଦ୍‌କଆ ।” ^{୨୪} ମାନ୍‌ଦିର୍ ଅଡ଼ାଃ ହରକଆଃ ଗମ୍‌କେ ଆତ୍ମ ମୁଲ୍ ଯାଜାକ୍ ବାରାନ୍‌କିନ୍ ନେ କାଜିକ ଆୟୁମ୍‌କେଦ୍‌ତେ ପ୍ରେରିତ୍‌କଆଃ ଚିକ୍‌ନାଃ ହବାୟାନା ମେନ୍ତେ ଆକଟାକାଅୟାନାକିନ୍ । ^{୨୫} ଇମ୍‌ତା ମିଆଁଦ୍ ହଡ଼ ହିଜୁଃକେଦ୍‌ତେ ଇନ୍‌କୁକେ ଉଦୁବାଦ୍‌କଆଏ, “ଆୟୁମ୍‌ମେପେ, ଆପେ ଆନାରେ ଦହକାଦ୍‌କ

ତାଙ୍କେନ୍ ହତକ, ମାନ୍ଦିର୍ ଅଡ଼ାରେ ତିଙ୍କୁକେଦ୍ତେ ହତକକେ ଇତୁକତାନାକ ।” ୨୭ ଏନ୍ତେ ଦାରଖାନ୍‌କଆଃ ଗମ୍‌କେ, ଦାରଖାନ୍‌କଲଃ ସେନ୍‌କେଦ୍ତେ ପ୍ରେରିତ୍‌କକେ ଆଡ଼ଃମିସା ଆଡ଼କେଦ୍‌କଆକ । ମେନ୍‌ଦ ଇନ୍‌କୁକେ ଜାବାରଜାସ୍ତିତେ କାକ ଆଡ଼କେଦ୍‌କଆ, ଚିୟାଃଚି ହତକ ଦିରିତେକ ଚିଦ୍‌ଗିରୁଆ ମେନ୍ତେ ଇନ୍‌କୁ ହତକକେ ବର ତାଙ୍କେନାକ ।

୨୮ ଇନ୍‌କୁ ପ୍ରେରିତ୍‌କକେ ଆଡ଼କେଦ୍ତେ ମାରାଙ୍ଗ୍ ପାଞ୍ଚେଟ୍‌ରେ ତିଙ୍କୁକେଦ୍‌କଆ, ଆଡ଼ଃ ମାରାଙ୍ଗ୍ ଯାଜାକ୍ ଇନ୍‌କୁକେ କୁଲିକେଦ୍‌କଆ, ୨୮ *ଆଲେ ଆପେକେ ନେ ହତରାଃ ନୁତୁମ୍‌ତେ ଆଲ୍‌ପେ ଇତୁକଆ ମେନ୍ତେ ପୁରାଃଗିଲେ ଆରୁକାଦ୍‌ପେ ତାଙ୍କେନା, ମେନ୍‌ଦ ନେଲେପେ ଆପେ ଚିନାଃ ଚିକାକାଦାପେ, ଆପେ ଆପେୟାଃ ଇନିତୁରେ ଯୀରୁଶାଲେମ୍‌ରାଃ ଚାରିୟସାଃରେ ନିଡିରକାଦାପେ ଆଡ଼ଃ ଏନ୍ ହତରାଃ ମାୟୋମ୍ ନାଗେନ୍ତେ ଆପେ ଆଲେକେ ଚିଟା ନାଗେନ୍ତେପେ ସାନାଙ୍ଗ୍‌ତାନା ।”

୨୯ ପାଡ଼ରାସ୍ ଆଡ଼ଃ ଏଟାଃ ପ୍ରେରିତ୍‌କ କାଜିରୁହାଡ଼କେଦା, “ଆଲେ ପାରମେଶ୍ୱାର୍‌କେ ମାନାତିଙ୍ଗ୍ ଲାଗାତିୟା, ହତକକେ କାହାଗି । ୩୦ ଆପେ ଯୀଶୁକେ କ୍ଳେଟ୍‌ରେ କିଲାରାଃକିଃ ତାୟମ୍‌ତେ ଆରୁଆଃ ପୁରୁଶାହାଡ଼ାମ୍‌କଆଃ ପାରମେଶ୍ୱାର୍, ଯୀଶୁକେ ଗନ-ଏଃହେତେ ଜୀଉବିରିଦ୍‌କିୟାଏ । ୩୧ ଇସ୍ରାଏଲ୍‌ରେନ୍ ହତକକେ ହେୟାତିଙ୍ଗ୍‌କେଦ୍ତେ ପାପ୍ ଛାମା ନାମେ ନାଗେନ୍ତେ ପାରମେଶ୍ୱାର୍ ଇନିଃକେ ଆଗୁଆଇ ଆଡ଼ଃ ବାଞ୍ଚାଅନିଃ ଲେକା ଆୟାଃ ଜମ୍‌ତିସାଃରେ ଦହକିୟାଏ । ୩୨ ଆଲେ ନେ ସବେନ୍ କାଜିକରାଃ ଗାଞ୍ଜାକ ତାନ୍‌ଲେ ଆଡ଼ଃ ପାରମେଶ୍ୱାର୍, ଆୟାଃ ମାନାତିଙ୍ଗ୍‌ତାନ୍ ହତକକେ ଏମାକାଦ୍‌କ ପାବିତାର୍ ଆମ୍‌ହାଗି ନେଆଁରାଃ ଗାଞ୍ଜାତାନିଃ ।”

୩୩ ମାରାଙ୍ଗ୍ ପାଞ୍ଚେଟ୍‌ରେନ୍ ହତକ ନେ କାଜି ଆୟୁମ୍‌କେଦ୍‌ଚି ପୁରାଃଗି ଖ୍ୱୟାନ୍‌ନାକ ଆଡ଼ଃ ପ୍ରେରିତ୍‌କକେ ଗଗ-ଏଃ ନାଙ୍ଗ୍‌କ ସାନାଙ୍ଗ୍‌କେଦା । ୩୪ ମେନ୍‌ଦ ଗମ୍‌ଲିଏଲ୍ ନୁତୁମ୍ ମିଆଁଦ୍ ଫାରୁଶୀ, ଇନିଃ ଆଇନ୍ ଇତୁନିଃ ଆଡ଼ଃ ସବେନ୍ ହତକତାଃଏତେ ମାଇନ୍ ନାମେତାନ୍ ହତ୍ ତାଙ୍କେନାଏ । ଇନିଃ ପାଞ୍ଚେଟ୍‌ରେ ତିଙ୍କୁକେଦ୍ତେ ପ୍ରେରିତ୍‌କକେ କାଟିଃ ଘାଡ଼ିକାଦ୍ ବାହାରିତେ ଅଡ଼ଙ୍ଗ୍‌କପେ ମେନ୍ତେ ଆରୁକେଦ୍‌କଆ । ୩୫ ଏନ୍ତେ ଇନିଃ ଇନ୍‌କୁକେ କାଜିକେଦ୍‌କଆଏ, “ହେ ଇସ୍ରାଏଲ୍‌ରେନ୍ ହତକ, ଆପେ ନେ ହତକକେ ଚିକନାଃ ରିକାନାଙ୍ଗ୍ ସେନ୍‌ତାନାପେ ଏନ୍ ବିଷାଏରେ ଚିର୍ଗାଲାନାପେ । ୩୬ ଚିୟାଃଚି ଚିମିନ୍ ମାହାଁ ସିଦାରେ ଥୁଡ଼ା ନୁତୁମ୍ ମିଆଁଦ୍ ହତ୍ ବିରିଦ୍‌ୟାନାଏ ଆଡ଼ଃ ଆଇଙ୍ଗ୍ ମାରାଙ୍ଗ୍ ହତ୍ ତାନିଙ୍ଗ୍ ମେନ୍ତେ କାଜିକେଦା, ଏନ୍ତେ ଇନିଃଲଃ ଉପୁନ୍‌ଗାଅ ଲେକା ହତକ ମେସାୟାନା । ମେନ୍‌ଦ ଇନିଃ ଗ-ଏଃୟାନ୍ତେ, ଇନିଃକେ ଅଡ଼ଙ୍ଗ୍‌ଇତାନ୍ ସବେନ୍‌କ ଛିତିବିତିୟାନାକ ଆଡ଼ଃ ଆୟାଃ ଝୁଣ୍ଡ୍ ଜିୟନ୍‌ୟାନା । ୩୭ ଇନିୟାଃ ତାୟମ୍‌ତେ, ଗାଲିଲ୍‌ରେନ୍ ଯିହୁଦା ନୁତୁମ୍ ମିଆଁଦ୍ ହତ୍, ନୁତୁମ୍ ଆଲ୍ ଦିପିଲିରେ ବିରିଦ୍‌ୟାନାଏ ଆଡ଼ଃ ପୁରାଃ ହତକ ଇନିଃକେ ଅଡ଼ଙ୍ଗ୍‌କିୟାକ ମେନ୍‌ଦ ଇନିଃକେହିଁ ଗ-ଏଃକିୟାକ, ଏନ୍ତେ ଇନିଃକେ ଅଡ଼ଙ୍ଗ୍‌ଇତାନ୍ ସବେନ୍‌କ ଛିତିବିତିୟାନାକ । ୩୮ ଆଡ଼ଃ ନାଆଃଦଇଙ୍ଗ୍ କାଜିୟାପେତାନା, ନେ ହତକକେ ଜେଡ୍‌ନାଃ କା ରିକାକେଦ୍ତେ ବାଗିତାକୁପେ ଆଡ଼ଃ ଇନ୍‌କୁକେ ସେନ୍ ଇଚିକୁପେ ଚିୟାଃଚି ଇନ୍‌କୁଆଃ କାମି ଚାଏ ଉକେଶ୍ ହତକଆଃ ସାଃଏତେ ତାନାଃରେଦ୍ ଏନା ଜିୟନିଃଆ । ୩୯ ମେନ୍‌ଦ ଏନା ପାରମେଶ୍ୱାର୍ ସାଃଏତେ ହବାଅଡ଼ାନ୍‌ରେଦ୍, ଆପେ ଇନ୍‌କୁକେ କାପେ ହାରାଅ ଦାଡ଼ିୟା, କା'ରେଦ୍ ଆପେ ପାରମେଶ୍ୱାର୍‌ଲଃ ଲାଡ଼ାଇତାନ୍ ଲେକାପେ ଆଟ୍‌କାରଃଆ ।”

ଏନ୍ତେ ମାରାଙ୍ଗ୍ ପାଞ୍ଚେଟ୍‌ରେନ୍ ହତକ ଗମ୍‌ଲିଏଲ୍‌ଆଃ ଆନାରୁକ ଆୟୁମ୍‌କେଦା । ୪୦ ଇନ୍‌କୁ ପ୍ରେରିତ୍‌କକେ ହାକାଅକେଦ୍ତେ କୋରତାତେ ହାଁଶ୍ୱାକୁତାନ୍‌ଲଃ ଯୀଶୁଆଃ ନୁତୁମ୍‌ତେ ଆଲ୍‌ପେ କାଜିୟା ମେନ୍ତେ ଆରୁକେଦ୍‌କଆକ ଆଡ଼ଃ ଇନ୍‌କୁକେ ବାଗିକେଦ୍‌କଆକ । ୪୧ ଏନ୍ତେ ପାରମେଶ୍ୱାରାଃ ନେପେଲ୍‌ରେ ଇନ୍‌କୁ ଯୀଶୁଆଃ ନୁତୁମ୍ ନାଗେନ୍ତେ ହିଲାଙ୍ଗ୍‌ଅଃଲେକାକ ଆଟ୍‌କାର୍‌ୟାନା ମେନ୍ତେ ରାସ୍‌କାଅଡ଼ାନ୍‌ଲଃ ମାରାଙ୍ଗ୍ ପାଞ୍ଚେଟ୍‌ଏତେ ସେନିଃୟାନାକ । ୪୨ ଆଡ଼ଃ ଇନ୍‌କୁ ସବେନ୍ ହୁଲାଙ୍ଗ୍ ମାନ୍ଦିର୍ ଅଡ଼ାରେ ଆଡ଼ଃ ହତକଆଃ ଅଡ଼ାରେ ଯୀଶୁ, ମାସି ତାନିଃ ମେନ୍ତେ ଇତୁତାନ୍‌ଲଃ ନେ ସୁକୁକାଜି ଉଦୁବ୍ ନାଙ୍ଗ୍ କାକ ବାଗିକେଦା ।



ଏୟା*ଝାନ୍ ଦେଙ୍ଗାତାନ୍‌କ

୧ ଚିମିନ୍ ମାହାଁ ତାୟମ୍‌ତେ ଚେଲାକ ପୁରାଃ ପସାଅଡ଼ାତାଙ୍କେନ୍‌ରେ ଗ୍ରୀକ୍ ଜାଗାର୍‌ତାନ୍ ଯିହୁଦୀକ, ଏବ୍ରୀ ଜାଗାର୍‌ତାନ୍ ଯୀହୁଦିକଲଃ ଏପ୍‌ରାଙ୍ଗ୍‌ୟାନାକ, ଚିୟାଃଚି ଇନ୍‌କୁ ସବେନ୍ ହୁଲାଙ୍ଗ୍‌ରାଃ ଲାଗାତିଙ୍ଗ୍‌ତେୟାଃ ହାଟିଙ୍ଗ୍‌ରେ ରାଣ୍ଡିକୁଡ଼ିକକେ ସୁସାର୍ ନାଗେନ୍ତେ କାକ ଧ୍ୟାନ୍‌କେଦ୍‌କଆ । ୨ ଏନାମେନ୍ତେ ଗେଲ୍‌ବାର୍ ପ୍ରେରିତ୍‌କ ଆକଆଃ ଝୁଣ୍ଡ୍‌ରେନ୍ ସବେନ୍ ବିଶ୍ୱାସୀକକେ କେଡ଼ା ହୁଣ୍ଡିକେଦ୍ତେ ମେତାଦ୍‌କଆକ, “ଆଲେ ପାରମେଶ୍ୱାର୍‌ଆଃ ବାଚାନ୍ ଉଦୁବ୍ ବାଗିକେଦ୍ତେ, ଇନ୍‌କୁଆଃ ସୁସାର୍‌ରେ ତାଙ୍କନାଲେ, ନେଆଁଦ୍ କା ବୁଗିନାଃ । ୩ ଏନାମେନ୍ତେ ହେ ହାଗା ମିଶିକ, ନେ କାମିରାଃ ବାହାରମ୍ ଏମାକ ନାଗେନ୍ତେ ଆପେୟାଃ ଆଲାଏତେ ପାବିତାର୍ ଆମ୍‌ ଆଡ଼ଃ ସେଣାଁତେ ପେରେଜାକାନ୍ ଏୟାଝାନ୍ ମାଇନାନ୍ ହତକକେ ସାଲାକୁପେ । ୪ ଏନ୍ତେ ଆଲେ ବିକ୍ତି ଆଡ଼ଃ ସେଞ୍ଜାକାମିରେ ପୁରା ସାମାଏଲେ ବିତାଅୟା ।”

* ୫:୨୮ ୫:୨୮ ମାଥୁର ୨୭:୨୫. * ୬: ୬:୧ ସାଡ଼

୫ ପ୍ରେରିତ୍‌କଥାଃ ନେ କାଜିରେ ସବେନ୍‌କ ସୁକୁୟାନାକ ଆତଃ ଇନ୍‌କୁ ବିଶ୍ୱାସ୍ ଆତଃ ପାବିତାର୍ ଆମ୍ବାତେ ପେରେଜାକାନ୍ ସ୍ତ୍ରୀଫାନ୍ ନୁତୁମ୍ ମିଆଁଦ୍ ହଡ୍, ଆତଃ ଫିଲିପ୍, ପ୍ରଖର୍, ନିକନାର୍, ତିମୋନ୍, ପାମିନା, ଆନ୍ତ୍ରୟୋଖ୍‌ରେନ୍ ସାଅଁସାର୍ ହଡ୍ ନିକଲାସ୍ ଅକଏଚି ତାୟମ୍‌ତେ ଯିହୁଦୀ ଧାରାମ୍‌ରେ ମେସାୟାନା, ନେ ସବେନ୍‌କକେ ସାଲ୍‌କେଦକଥାକ । ୬ ଇନ୍‌କୁକେ ପ୍ରେରିତ୍‌କଥାଃ ସାମ୍‌ନାଙ୍ଗ୍‌ରେକ ତିଜ୍ଜୁକେଦକଥା ଆତଃ ଇନ୍‌କୁଆଃ ଚେତାନ୍‌ରେ ତିଃଇ ଦହକେଦ୍‌ତେ ବିକ୍ରିକେଦାକ । ୭ ନେ ଲେକାତେ ପାର୍‌ମେଶ୍ୱାର୍‌ଆଃ ବାଚାନ୍ ପାସରାଅଇଦିୟାନା ଆତଃ ଯୀରୁଶାଲେମ୍‌ରେ ଜାଲ୍‌ଦିଗି ଚେଲାକଥାଃ ଲେକାରେ ପୁରାଃ ଆଦକାଇଦିୟାନା ଆତଃ ଯାଜାକ୍ କଏତେ ପୁରାଃ ହଡ୍‌କ, ଏନ୍ ବିଶ୍ୱାସ୍‌କ ମାନାତିଙ୍ଗ୍‌କେଦା ।

ସ୍ତ୍ରୀଫାନ୍ ସାନାବ୍‌ୟାନାଏ

୮ ପାର୍‌ମେଶ୍ୱାର୍‌ତାଃଏତେ ପୁରାଃ ଆଶିଷ୍ ନାମ୍‌କେଦ୍‌ତେ ସ୍ତ୍ରୀଫାନ୍ ପେଡ଼େଃତେ ପେରେଃୟାନାଏ ଆତଃ ହଡ୍‌କଥାଃ ଆଲ୍‌ାରେ ପୁରାଃ ପେଡ଼େୟାନ୍ କାମି ଆତଃ ଆକଦାନ୍‌ଆ କାମିକ ରିକାତାଇକେନାଏ । ୯ ମେନ୍‌ଦ କୁରିନି ଆତଃ ଆଲେକ୍‌ଜାଣ୍ଡ୍ରୀଆ ନାଗାର୍‌ରେ ଦାସିୟେତେ ରାଡାକାନ୍ ଯୀହୁଦିକକେ ଇଦିକେଦ୍‌ତେ ବାଇୟାକାନ୍ ସାମାଜ୍ ଅଡ଼ାଃରେନ୍ ଚିମିନ୍ ହଡ୍‌କ ସ୍ତ୍ରୀଫାନ୍‌ଆଃ ବିରୁଧ୍‌ରେ କାଜିକେଦାକ । ଇନ୍‌କୁ ଆତଃ କିଲିକିଆରେନ୍, ଆତଃ ଏସିଆରେନ୍ ଚିମିନ୍ ଯିହୁଦୀକ ବିରିଦ୍‌କେଦ୍‌ତେ ସ୍ତ୍ରୀଫାନ୍‌ଲଃ ଏପେରାଙ୍ଗ୍ ଏଚେଦକେଦାକ । ୧୦ ମେନ୍‌ଦ ପାବିତାର୍ ଆମ୍ବା ସ୍ତ୍ରୀଫାନ୍‌କେ ଏମାକାଇ ସେଣ୍ଟାତେ କାଜିକତାନ୍ ତାଇକେନାଏ, ଏନାମେନ୍ତେ ଇନ୍‌କୁ ଇନିୟାଃ ବିରୁଧ୍‌ରେ ଜେଡ଼ନାଃ କାକ କାଜି ଦାଡ଼ିୟାନା । ୧୧ ଏନ୍ତେ “ଆଲେ ସ୍ତ୍ରୀଫାନ୍‌କେ ମୁଣା ଆତଃ ପାର୍‌ମେଶ୍ୱାର୍‌ଆଃ ବିରୁଧ୍‌ରେ ନିନ୍‌ା କାଜିତାନ୍‌ଲେ ଆୟୁମ୍‌କିୟା” ନେଆଁ କାଜିପେ ମେନ୍ତେ ଇନ୍‌କୁ ଚିମିନ୍ ହଡ୍‌କକେ ଟାକା ପାଏସା ଏମ୍‌କେଦ୍‌ତେ ଉସ୍‌କୁରକେଦକଥାକ । ୧୨ ନେଲେକାତେ ଇନ୍‌କୁ ହଡ୍‌କକେ, ପ୍ରାଚିନକକେ, ଆତଃ ଆଇନ୍ ଇଡୁକକେ ଉସ୍‌କୁରକେଦ୍‌ତେ ଇନିଃକେ ସାବ୍‌କିୟାକ ଆତଃ ପାଞ୍ଚେଟ୍‌ତେକ ଇଦିକିୟା । ୧୩ ଏନ୍ତେ ଇନ୍‌କୁ ଇନିୟାଃ ବିରୁଧ୍‌ରେ ଚିମିନ୍ ହସଡ୍ ଗାଞ୍ଜାକକେ ତିଜ୍ଜୁକେଦକଥାକ, ଅକନ୍‌କଚି, “ନେ ହଡ୍ ସବେନ୍ ଇମ୍‌ତା ଆବୁଆଃ ପାବିତାର୍ ମାନ୍‌ିର୍ ଆତଃ ମୁଣାରାଃ ଆନ୍‌ରୁ ବିରୁଧ୍‌ରେ ହିଲ୍‌ାଙ୍ଗ୍‌କାଜି କାଜି ନାଗେନ୍ତେ କାଏ ବାଗିତାନା” ମେନ୍ତେ କାଜିକେଦାକ । ୧୪ ଚିୟାଃଚି ଆଲେ, ନାଜ୍‌ରେଡ଼ରେନ୍ ଯୀଶୁକେ ନେ ମାନ୍‌ିର୍ ଅଡ଼ାଃକେ ଜିୟନେଆ ଆତଃ ମୁଣା ଏମାକାଦ୍‌ରୁ ରିତିରିଖାଜ୍‌କେ ବାଦ୍‌ଲାଅୟାଏ ମେନ୍ତେ ନେ ହଡ୍‌କେ କାଜିତାନ୍‌ଲେ ଆୟୁମ୍‌କିୟା । ୧୫ ଇମ୍‌ତା ପାଞ୍ଚେଟ୍‌ରେ ଦୁବାକାନ୍ ସବେନ୍ ହଡ୍‌କ ଇନିଃକେ ମିଦ୍‌ଜିଟ୍‌ରେ ନେଲ୍‌କିୟାକ ଆତଃ ଇନିୟାଃ ମେଦ୍‌ମୁହାଁଡ୍, ଦୁଁଡ୍‌ଆଃ ମେଦ୍‌ମୁହାଁଡ୍, ଲେକାକ ନେଲ୍‌କେଦା ।



ସ୍ତ୍ରୀଫାନ୍‌ଆଃ କାଜି

୧ ଏନ୍ତେ ମାରାଙ୍ଗ୍ ଯାଜାକ୍ ସ୍ତ୍ରୀଫାନ୍‌କେ କୁଲିକିୟାଏ, “ଚିୟାଃ ନେ କାଜିକ ସାର୍‌ତି କାଜିତାନାଃଚି ?”
 ୨ ସ୍ତ୍ରୀଫାନ୍ କାଜିରୁହାଡ୍‌କିୟାଏ, “ହେ ହାଗାକ ଆତଃ ଆପୁକ ଆୟୁମ୍‌ମେପେ ! ଆବୁଆଃ ପୁରଖା ଆପୁ ଆବ୍ରାହାମ୍ ହାରାନ୍ ସାହାର୍‌ରେ ତାଇନଃ ସିଦାରେ, ମାନାରାଙ୍ଗ୍‌ରେନ୍ ପାର୍‌ମେଶ୍ୱାର୍ ମେସପଟାମିଆରେ ଇନିଃକେ ଦାର୍‌ଗାନ୍ ଏମ୍‌କିୟାଏ, ୩ ଆତଃ ଇନିଃକେ କାଜିକିୟାଏ, ‘ଆମାଃ ଅଡ଼ାଃରେନ୍‌କକେ ଆତଃ ଦିଶୁମ୍‌କେ ବାଗିକେଦ୍‌ତେ ଆଇଙ୍ଗ୍ ଉଦୁବାମେ ଦିଶୁମ୍‌ତେ ସେନଃମେ ।’ ୪ ଏନ୍ତେ ଇନିଃ ଆୟାଃ ଦିଶୁମ୍ କଲ୍‌ଦିୟାଏତେ ଅଡ଼ଙ୍ଗ୍‌କେଦ୍‌ତେ ହାରାନ୍ ଦିଶୁମ୍‌ରେ ତାଇନଃ ନାଗେନ୍ତେ ସେନଃୟାନା, ଆତଃ ଆବ୍ରାହାମ୍‌ଆଃ ଆପୁତେ ଗଏଃୟାନ୍‌ଚି ନାହାଁଃ ଆପେ ଅକନ୍ ଦିଶୁମ୍‌ରେ ତାଇନଃତାନାପେ, ଏନ୍ ଦିଶୁମ୍‌ତେ ପାର୍‌ମେଶ୍ୱାର୍ ଇନିଃକେ ଆଉକିୟାଏ । ୫ ଇମ୍‌ତା ପାର୍‌ମେଶ୍ୱାର୍ ଆବ୍ରାହାମ୍‌କେ ଏନ୍ ଦିଶୁମ୍‌ରେ ଜେତାନ୍ ହାନାଟିଙ୍ଗ୍ କାଏ ଏମ୍‌କିୟା, ଅତେରାଃ ମିଦ୍‌ତାଣ୍ଡାଙ୍ଗ୍‌ହଁ କାଏ ଏମ୍‌କିୟା, ମେନ୍‌ଦ ଇନିୟାଃ ହନ୍‌ଗାଁଣା କାକ ତାଇକେନ୍‌ରେୟ ପାର୍‌ମେଶ୍ୱାର୍ ଇନିଃକେ ଆତଃ ଆୟାଃ ହିଜୁଃତାନ୍ ପିଡ଼ିରେନ୍‌କକେ ଏନ୍ ଦିଶୁମ୍‌କେ ଆକ୍‌ତେୟାର୍‌ରେ ନାଙ୍ଗ୍ ଏମାପେୟାଇଙ୍ଗ୍ ମେନ୍ତେ ବାନାର୍‌ସା ଏମାକାଦ୍ ତାଇକେନାଏ । ୬ ପାର୍‌ମେଶ୍ୱାର୍ ନେଲେକାଏ କାଜିକାଇ ତାଇକେନା, ‘ଆମାଃ ହନ୍‌ଗାଁଣାକ ଦାସିୟାଆ ଆତଃ ଏଟାଃ ଦିଶୁମ୍‌ରେକ ତାଇନା ଏନ୍ତେ ଉପୁନ୍* ଶାଅ ସିର୍ମା ପୁରାଃଗିକ ସିଗିଦଃଆ । ୭ ମେନ୍‌ଦ ଇନ୍‌କୁ ଅକ ହଡ୍‌କଥାଃ ସେଞ୍ଜା ରିକାକଥାକ, ଆଇଙ୍ଗ୍ ଏନ୍ ହଡ୍‌କଥାଃ ବିଚାର୍ ରିକାଏୟାଇଙ୍ଗ୍, ଏନ୍‌ତାୟମ୍‌ତେ ଆପେୟାଃ କିଲିକ ଏନ୍ ଦିଶୁମ୍‌ଏତେକ ଅଡ଼ଙ୍ଗ୍‌ଆଁ ଆତଃ ନେ ଠାୟାଦ୍‌ରେ ଆଇଁୟାଃ ସେଞ୍ଜା ରିକାଏୟାକ ।’ ମେନ୍ତେ ପାର୍‌ମେଶ୍ୱାର୍ କାଜିକେଦାଏ । ୮ ଏନ୍ତେ ପାର୍‌ମେଶ୍ୱାର୍, ଆବ୍ରାହାମ୍‌ଲଃ ମିଆଁଦ୍ ରାଜିନାମାରେୟାଃ ଚିହ୍ନାଁ ଲେକା ଖାଡ଼ନାଅରେୟାଃ ଆନ୍‌ରୁ ତଲ୍‌କେଦା । ଏନାତେ ଆବ୍ରାହାମ୍, ଆୟାଃ ହନ୍ ଇସାକ୍‌ଆଃ ଜାନାମରେୟାଃ ମିଦ୍ ହାପ୍ରା ତାୟମ୍‌ତେ ଆବ୍ରାହାମ୍ ଇନିଃକେ ଖାଡ଼ନାଅକିୟାଏ, ଇସାକ୍ ଆୟାଃ ହନ୍ ଯାକୁବ୍‌କେ ଆତଃ ଯାକୁବ୍ ଆୟାଃ ଗେଲ୍‌ବାର୍† ହନ୍‌କକେ ଖାଡ଼ନାଅକେଦକଥା, ଅକନ୍‌କଚି ଆବୁଆଃ ପୁରଖା ହାଡ଼ାମ୍‌କତାନ୍‌କ ।
 ୯ “ଯାକୁବ୍‌ଆଃ ହନ୍‌କ ଆକଥାଃ ହାଗା ଯୋଷେଫ୍‌କେ ହିସ୍‌ଙ୍ଗାକିୟାକ ଆତଃ ଇନିଃକେ ମିସାର୍ ଦିଶୁମ୍‌ତେ ଦାସିୟା ନାଗେନ୍ତେ ଆଖ୍‌ରିଙ୍ଗ୍‌କିୟାକ । ମେନ୍‌ଦ ପାର୍‌ମେଶ୍ୱାର୍ ଇନିଃକେ ତାଇକେନା, ୧୦ ଆତଃ ସବେନ୍ ଦୁକୁ ହାସ୍‌ଏତେ ଇନିଃକେ ସୁଡ଼ଃ ଆଉକିୟାଏ । ଚିମ୍‌ତା ଯୋଷେଫ୍ ମିସାର୍ ଦିଶୁମ୍‌ରେନ୍ ଫାରୋ ରାଜାରାଃ ହେପାଦ୍‌ତେ ହିଜୁଃୟାନା, ଇମ୍‌ତା

* ୭:୭ ୭:୭ ଚାଇର୍ † ୭:୮ ୭:୮ ବାରା

ପାର୍ମେଶ୍ଵର ଇନିଷକେ ସୁକୁଆନ୍ ଚାଇଲ୍ ଚାଲାନ୍ ଆତଃ ସେଣ୍ଟା ଏମ୍‌କିୟାଏ, ଆତଃ ରାଜା, ଯୋଷେଫ୍‌କେ ମିସାର୍ ଦିଶ୍ଵମ୍‌ରେୟାଃ ଚାଲାନିଃ ଆତଃ ସବେନ୍ ଅଡ଼ାଃରେନ୍ ହାକିମ୍ ଲେକାଏ ବାଇକିୟା ।^{୧୧} ଏନ୍ତେ ଗଟା ମିସାର୍ ଆତଃ କିନାନ୍ ଦିଶ୍ଵମ୍‌ରେ ରିଙ୍ଗାୟାନ୍‌ତେ ହଡ଼କ ପୁରାଃ ଦୁକୁ ସାହାତିଙ୍ଗ୍‌କେଦାକ । ଆବୁଆଃ ପୁରୁଖା ହାଡ଼ାମକ ଜେତାନ୍ ଜମେୟାଃ କାକ ନାମ୍ ଦାଡ଼ିକେଦା ।^{୧୨} ମେନ୍‌ଦ ଯାକୁବ୍ ମିସାର୍‌ରେ ଜମେୟାଃ ନାମଃତାନା ମେନ୍ତେ ଆୟୁମ୍‌କେଦ୍‌ତେ, ଆୟାଃ ହନ୍‌କ, ଅକନକଚି ଆବୁଆଃ ପୁରୁଖାହାଡ଼ାମ୍ ହଡ଼କ ତାନକ, ଇନ୍‌କୁକେ ପାହିଲାତେ ମିସାର୍ ଦିଶ୍ଵମ୍‌ତେ କୁଲ୍‌କେଦକଆ ।^{୧୩} ମିସାର୍‌ତେ ଇନ୍‌କୁ ବାର୍‌ସାତେ ସେନ୍‌କେନାକ ଇମ୍‌ତା ଯୋଷେଫ୍‌ ଆୟାଃ ହାଗାକତାଃରେ ନେପେଲ୍ ଉପୁରୁମ୍‌ୟାନା ଆତଃ ମିସାର୍‌ରେନ୍ ରାଜା ଫାରୋ ଯୋଷେଫ୍‌ଆଃ ଅଡ଼ାଃରେନ୍‌କଆଃ ବିଷାଏରେ ସାରିୟାନା ।^{୧୪} ଏନ୍ତେ ଯୋଷେଫ୍‌ ଆୟାଃ ଆପୁ ଯାକୁବ୍ ଆତଃ ଆୟାଃ ଅଡ଼ାଃରେନ୍ ସବେନ୍‌କକେ ମିସାର୍‌ତେ କେଡ଼ାକେଦକଆ, ଇନ୍‌କୁ ଆପିହିସିଃ ଗେଲ୍‌ମଣେୟାଃ ହଡ଼କ ତାଇକେନା ।^{୧୫} ଏନ୍ତେ ଯାକୁବ୍ ମିସାର୍‌ତେ ସେନଃୟାନା, ଏନ୍ତାଃରେ ଆଇଃକ୍ ଆତଃ ଆୟାଃ ହନ୍‌କ ଗଏଃୟାନା ।^{୧୬} ଇନ୍‌କୁଆଃ ଗଏଃ ହଡ଼ମକେ ଶିଖ୍‌ମ୍‌ତେକ ଇଦିକେଦା ଆତଃ ଆବ୍ରାହାମ୍, ହାମର୍ ହଡ଼କତାଃଏତେ କିରିଙ୍ଗ୍‌କାଦ୍ ତପାଗାଡ଼ାରେ ଇନ୍‌କୁକେ ତପାକେଦକଆ ।

^{୧୭} “ପାର୍ମେଶ୍ଵର ଆବ୍ରାହାମ୍‌କେ ଅକନ୍ ବାନାର୍‌ସା ଏମାକାଇ ତାଇକେନାଏ, ଏନା ପୁରାଅଃରେୟାଃ ଦିପିଲି ନାଡ଼େଃୟାନ୍‌ଚି ଆବୁଆଃ ହଡ଼କ ମିସାର୍ ଦିଶ୍ଵମ୍‌ରେ ପୁରାଃଗିକ ପସାୟାନା ।^{୧୮} ଟୁଣ୍ଡୁରେ ଯୋଷେଫ୍‌ ବିଷାଏରେ କାଏ ସାରିତାନ୍ ମିଆଁଦ୍ ରାଜା ମିସାର୍ ଦିଶ୍ଵମ୍‌ରେ ରାଇକ୍‌କେଦା ।^{୧୯} ଇନିଃ ଆବୁଆଃ ପୁରୁଖା ହାଡ଼ାମକକେ ପୁରାଃଗି ସାସାତିକେଦ୍‌ତେ ସିଗିଦ୍‌କେଦକଆ ଆତଃ ଇନ୍‌କୁଆଃ ବାଲେଃହନ୍‌କ ଆଲକାକ ଜୀହୁଦଃକା ମେନ୍ତେ ଇନ୍‌କୁକେ ଏଣ୍ଡାଃରିକାକେଦକଆ ।^{୨୦} ଏନ୍ ଦିପିଲିରେ ମୁଣା ଜାନାମ୍‌ୟାନାଏ, ଇନିଃ ପାର୍ମେଶ୍ଵର ନେପେଲ୍‌ରେ ପୁରାଃ ସୁଗାଡ଼ାନ୍‌ଚି ତାଇକେନା । ଇନିଃ ଆପି ମାହିନା ଆପୁତେୟାଃ ଅଡ଼ାଃରେ ଆସୁଲ୍‌ୟାନା,^{୨୧} ଆତଃ ଏନ୍ ହନ୍‌କେ ଅଡ଼ାଃଏତେ ବାହାରିରେକ ଦହକିୟା ଇମ୍‌ତା, ଫାରୋରାଃ ହନ୍ତେକୁଡ଼ି ଇନିଃକେ ନାମ୍‌କେଦ୍‌ତେ ଆୟାଃ ହନ୍ ଲେକାଏ ଆସୁଲ୍‌କିୟା ।^{୨୨} ଆତଃ ମୁଣା ମିସାର୍‌ରେନ୍ ସବେନ୍ ହଡ଼କଆଃ ସେଣ୍ଟାତେ ଇଡୁୟାନା ଆତଃ ଆୟାଃ କାଜି କାମିରେ ପୁରାଃଗି ମାରାଙ୍ଗ୍ ହଡ଼ ହବାୟାନାଏ ।

^{୨୩} “ମୁଣା ବାର୍‌ହିସି* ବାରାଷ୍‌ରେନ୍ ହବାୟାନାଏ, ଇମ୍‌ତା ଇନିଃ ଆୟାଃ ଇସ୍ରାଏଲ୍‌ରେନ୍ ହାଗାକକେ ମିସାର୍‌ରେନ୍ ହଡ଼କ ଚିଲ୍‌କାକ ନେଲ୍‌କତାନା, ଏନା ସାରିନାମ୍ ନାଗେନ୍ତେ ମନ୍‌ସୁରୁଦ୍‌ରେ ଉହାଟ୍‌କେଦା ।^{୨୪} ଇନିଃ ଇନ୍‌କୁଏତେ ମିହୁଡ଼ିନିଃକେ ଅନ୍ୟାୟ ରିକାଇତାନ୍ ନେଲ୍‌କିଃତେ ଦେଙ୍ଗାଲ୍ ନାଙ୍ଗ୍ ମିସାର୍‌ରେନ୍ ହଡ଼କେ ବାଦ୍‌ଲା ଇଦିତାନ୍‌ଲଃ ଇନିଃକେ ଗଏଃକିୟା ।^{୨୫} ଆୟାଃ ହରାତେ ଆୟାଃ ହଡ଼କକେ ବାଞ୍ଛାଅକ ନାଗେନ୍ତେ ପାର୍ମେଶ୍ଵର ଆଇଃକ୍‌କେ ବେଭାରିତାନା, ଏନା ଇନ୍‌କୁ ଆଟ୍‌କାର୍ ଉରୁମେକାକ ମେନ୍ତେ ଇନିଃ ଉଡ଼ୁକେଦାଏ, ମେନ୍‌ଦ ଇନ୍‌କୁ ଏନା କାକ ଆଟ୍‌କାର୍ ଉରୁମ୍‌କେଦା ।^{୨୬} ଇନିଃ ଏଟାଃ ହୁଲାଙ୍ଗ୍ ବାର୍‌ହଡ଼ ଇସ୍ରାଏଲ୍ ହଡ଼କିନକେ ଲାପ୍‌ଡ଼ାଇତାନ୍ ନେଲ୍‌କେଦକିନାଏ, ଆତଃ ଏନ୍ ବାରାନ୍‌କିନ୍ ମେସାଅଃକାକିନ୍ ମେନ୍ତେ ସାନାଙ୍ଗ୍‌ତାନ୍‌ଲଃ କାଜିକେଦକିନାଏ, ‘ଆୟୁମେବେନ୍, ଆବେନ୍ ବାରାନ୍‌କିନ୍ ହାଗାତାନ୍‌ବେନ୍ ଚିନାଃମେନ୍ତେବେନ୍ ଲାପ୍‌ଡ଼ାଇତାନା ?’^{୨୭} ମେନ୍‌ଦ ଅକନ୍ ହଡ଼ ଏଟାଃ ମିହୁଡ଼କେ ଅନ୍ୟାୟ ରିକାଇ ତାଇକେନାଏ, ଇନିଃ ମୁଣାକେ ଇଲିଙ୍ଗ୍‌କେଦ୍‌ତେ କୁଲିକିୟା, ‘ଆଲିଙ୍ଗ୍‌ୟାଃ ହାକିମ୍ ଆତଃ ବିଚାର୍‌ନିଃ ହବାଅଃ ନାଙ୍ଗ୍ ଅକଏ ଆମ୍‌କେ ସାଲାକାଦ୍‌ମେୟା ?’^{୨୮} ‘ହଲା ଏନ୍ ମିସାର୍‌ରେନ୍ ହଡ଼କେମ୍ ଗଏଃକିଃ ଲେକା ଆମ୍ ଚିନାଃ ଆଇଙ୍ଗ୍‌କେ ଗଗଏଃ ସାନାଙ୍ଗ୍‌ତାନାମ୍ ?’^{୨୯} ମୁଣା ଏନ୍ କାଜି ଆୟୁମ୍‌କେଦ୍‌ତେ, ମିସାର୍ ଦିଶ୍ଵମ୍‌ଏତେ ନିରୁୟାନା ଆତଃ ମିଦିୟନ୍ ଦିଶ୍ଵମ୍‌ରେ ତାଇନ୍‌ୟାନା । ଏନ୍ତାଃରେ ଆୟାଃ ବାରିଆ ହନ୍‌କିନ୍ ଜାନାମ୍‌ୟାନା ।

^{୩୦} “ବାର୍‌ହିସି ବାରାଷ୍ ପୁରାୟାନ୍ ତାୟମ୍‌ତେ, ସିନାଇ ବୁରୁ ହେପାଦ୍‌ରେୟାଃ ବିର୍‌ରେ ପାର୍ମେଶ୍ଵର ଆଃ ମିଆଁଦ୍ ଦୁଡ଼୍ ଚୁପାଦ୍‌ରାଃ ସେଙ୍ଗେଲ୍ ଜୁନୁଲ୍‌ରେ ମୁଣାତାଃରେ ଉଦୁବେନ୍‌ୟାନା ।^{୩୧} ମୁଣା ଏନା ନେଲ୍‌କେଦ୍‌ତେ ପୁରାଃଗି ହାଏକାଟ୍‌ୟାନା ଆତଃ ଇନିଃ ବୁଗିଲେକା ନେଲେ ନାଗେନ୍ତେ ଚୁପାଦ୍ ନାଡ଼େଃତେ ସେନଃୟାନା । ମେନ୍‌ଦ ଇନିଃ ପ୍ରାଭୁଆଃ ଲାବ୍‌ଜା ଆୟୁମ୍‌କେଦାଏ,^{୩୨} ‘ଆଇଙ୍ଗ୍ ଆପେୟାଃ ପୁରୁଖା ହାଡ଼ାମ୍ ଆବ୍ରାହାମ୍, ଇସାକ୍, ଆତଃ ଯାକୁବ୍‌ଆଃ ପାର୍ମେଶ୍ଵର ତାନିଙ୍ଗ୍ ।’ ମୁଣା ବରତେ ଏକ୍‌ଲାଅୟାନା ଆତଃ ନେଲ୍ ନାଗେନ୍ତେ କାଏ ସାହାସ୍‌କେଦା ।^{୩୩} ପ୍ରାଭୁ ଇନିଃକେ କାଜିକିୟା, ‘ଖାବୁପାତାମାଃ ହଲେଜେମେ, ଚିୟାଃଚି ଆମ୍ ତିଙ୍ଗୁଆକାନ୍ ଠାୟାଦ୍ ପାବିତାର୍ ଅତେ ତାନାଃ ।^{୩୪} ଆଇଙ୍ଗ୍ ମିସାର୍‌ରେ ଆଇୟାଃ ହଡ଼କଆଃ ସାସାତିକଇଙ୍ଗ୍ ନେଲାକାଦା । ଇନ୍‌କୁଆଃ ରାଆଃ ଗେରାଙ୍ଗ୍‌କଇଙ୍ଗ୍ ଆୟୁମ୍‌କାଦା ଆତଃ ଇନ୍‌କୁକେ ତନଲ୍‌ଦାସିଏତେ ରାଡ଼ାକ ନାଗେନ୍ତେଇଙ୍ଗ୍ ଆଡ଼ଗୁଆକାନା । ନାହିଃ ହିଜୁଃମେ, ଆଇଙ୍ଗ୍ ଆମ୍‌କେ ମିସାର୍‌ତେଇଙ୍ଗ୍ କୁଲ୍‌ମେୟା ।’

^{୩୫} “ ‘ଅକଏ ଆମ୍‌କେ ଆଲେୟାଃ ହାକିମ୍ ଆତଃ ବିଚାର୍‌ନିଃ ହବାଅଃ ନାଙ୍ଗ୍ ସାଲାକାଦ୍‌ମାଏ ?’ ମେନ୍ତେକ କୁଲିକାଇ ଏନ୍ ମୁଣାଗି ଇସ୍ରାଏଲ୍ ହଡ଼କତାଃଏତେ ହିଲାଙ୍ଗ୍‌କାନ୍ ତାଇକେନା । ଇନିଃକେ ପାର୍ମେଶ୍ଵର ଚୁପାଦ୍‌ରାଃ ସେଙ୍ଗେଲ୍ ଜୁନୁଲ୍‌ତେ ଉଦୁବାକାନ୍ ଦୁଡ଼୍‌ଆଃ ଦେଙ୍ଗାତେ ହଡ଼କଆଃ ହାକିମ୍ ଆତଃ ଇନ୍‌କୁକେ ତନଲ୍‌ଏତେ ରାଡ଼ାକ ନାଗେନ୍ତେ କୁଲ୍‌କିୟା ।^{୩୬} ଇନିଃ ମିସାର୍‌ରେ ଆତଃ ସୁଫ୍ ଦରେୟାରେ ପୁରାଃ ଆକ୍‌ଦାନ୍‌ଆ କାମିକ କାମିକେଦ୍‌ତେ ହଡ଼କକେ ମିସାର୍

‡ ୭:୧୪ ୭:୧୪ ଷାଠିଏ § ୭:୧୪ ୭:୧୪ ପାନ୍‌ରା * ୭:୨୩ ୭:୨୩ ଚାଲିଙ୍ଗ୍ † ୭:୩୭ ୭:୩୭ ଆରାଃ ଦରେୟା

ଦିଶୁମ୍ବଦେ ଅତଃକେଦକଥା, ଆତଃ ବାରହିସି ବାରାଷ୍ ଜାକେଦ୍ ବିରରେ ସୁତୁଃ ଆଉକେଦକଥା । ୩୭ ମୁଣା ଆଇଃକ୍ତି ଇସ୍ରାଏଲ୍ରେନ୍ ହଡକକେ କାଜିୟାଦକଥା, ‘ପାର୍ମେଶ୍ଵାର୍ ଆଇଃକ୍ତି କୁଲ୍ମାକାଦିକ୍ ଲେକାଗି, ଆପେତାଃତେ ମିଆଁଦ୍ ନାବୀକେ କୁଲିୟା, ଇନିଃ ଆପେୟାଃ ହଡକଏତେ ମିହୁଡ୍ ହବାଅଃଆଏ ।’ ୩୮ ଏନ୍ ମୁଣାଗି ବିରରେ ହୁଣ୍ଡିୟାକାନ୍ ଇସ୍ରାଏଲ୍ ହଡକଲଃ ତାଇକେନାଏ । ଇନିଃ ସିନାଇ ବୁରୁରେ ଆବୁଆଃ ପୁରୁଖା ହାଡ଼ାମ୍ବଲଃ ଆତଃ ଇନ୍କୁଲଃ ଜାଗାର୍ତାନ୍ ଦୁଡ୍ଲଃ ତାଇକେନାଏ ଆତଃ ଆବୁତାଃରେ ଉଦୁବେ ନାଗେନ୍ତେ ଇନିଃ ପାର୍ମେଶ୍ଵାର୍ତାଃଏତେ ଜାନିଦ୍ ବାଚାନ୍ ତେଲାଇକେଦାଏ ।

୩୯ “ମେନ୍ଦ୍ ଆବୁଆଃ ପୁରୁଖା ହାଡ଼ାମ୍ବଲ ଇନିଃକେ କାକ ମାନାତିକ୍ତକେନା, ଇନ୍କୁ ଇନିଃକେ ଉଦୁର୍ ଗେନାକେଦ୍ତେ ମିସାର୍ତେ ରୁହାଡ୍ ନାଗେନ୍ତେକ ମନ୍ସୁରୁଦ୍ରେ ଉଡ୍ଡୁକେଦା । ୪୦ ଏନାମେନ୍ତେ ଇନ୍କୁ ହାରୁନ୍କେକ କାଜିକିୟା, ‘ନାହାଃ ଆଲେକେ ସୁତୁଃ ଇଦି ନାଗେନ୍ତେ ଚିମିନ୍ ମାହାପୁରୁକକେ ବାଇକମ୍ । ଆଲେକେ ମିସାର୍ ଦିଶୁମ୍ବଦେ ଅତଃ ଆଉକାଦ୍ଲେ ଏନ୍ ମୁଣାଦ୍ ଚିନାଃ ଚିକାୟାନାଏ ଏନା କାଲେ ସାରିୟା ।’ ୪୧ ଏନ୍ତେ ଏନ୍ ଦିପିଲିରେ ଇନ୍କୁ ମିଆଁଦ୍ ଦାମୁରହନ୍ରାଃ ମୁରୁଡ୍ ବାଇକିୟାକ ଆତଃ ଏନ୍ ଦାମୁରହନ୍ ନାଗେନ୍ତେ ଦାଣ୍ଡେ ରାକାବ୍କେଦାକ । ଏନ୍ତେ ଆକଗି ବାଇୟାକାଦ୍ ଏନ୍ ମୁରୁଡ୍ରାଃ ମାଇନଃ ନାଗେନ୍ତେ ମିଆଁଦ୍ ଭୋଜି ଜମ୍ବକେଦାକ । ୪୨ ଏନାତେ ପାର୍ମେଶ୍ଵାର୍ ଇନ୍କୁତାଃଏତେ ସାଜିନ୍ୟାନା ଆତଃ ଇନ୍କୁକେ ସିମ୍ବାରେନ୍ ଇପିଲ୍କକେ ସେଝା ନାଗେନ୍ତେ ବାଗିକେଦକଥା । ନେ’ଲେକା ନାବୀକିଆଃ ପୁଅରେ ଅଲ୍ଲାନା,

“ହେ ଇସ୍ରାଏଲ୍ରେନ୍ ହଡକ,
ଆପେ ବାରହିସି ବାରାଷ୍ ଜାକେଦ୍ ବିରରେ ଆଇଁୟାଃ ନାଗେନ୍ତେ
ଜାଡୁକଆଃ ଦାଣ୍ଡେ କାପେ ରାକାବ୍ ।

୪୩ ମେନ୍ଦ୍ ସେଝା ନାଗେନ୍ତେ ଆପେ ଅକନ୍ ମୁରୁଡ୍କେ ବାଇକିୟାପେ,
ଆତଃ ଏନ୍ ମାଲେଖ୍ ମାହାପୁରୁଆଃ କୁମ୍ପା
ଆତଃ ଇପିଲ୍ ମାହାପୁରୁ, ରମ୍ପାରାଃ ମୁରୁଡ୍କେପେ ଗଅଃକେଦା ।

ଏନାମେନ୍ତେ ଆଇଃକ୍ ବାବିଲୋନ୍ରେୟାଃ ହାନ୍ ପାରମ୍ବେଇକ୍ ତଲ୍ କୁଲ୍ପେୟା ।’

୪୪ “ବିରରେ ଆବୁଆଃ ହାଡ଼ାମ୍ ହଡକଲଃ ପାର୍ମେଶ୍ଵାର୍ତାଃ ତାଇନଃ କୁମ୍ପା ତାଇକେନା । ପାର୍ମେଶ୍ଵାର୍, ମୁଣାକେ ବାଇ ନାଗେନ୍ତେ ଆବୁକାଇ ତାଇକେନ୍ ଲେକାଗି ବାଇୟାକାଦ୍ ତାଇକେନାଏ ଆତଃ ମୁଣାକେ ଉଦୁବାକାଇ ନାମୁନା ଲେକାଗି ବାଇୟାକାନ୍ ତାଇକେନା । ୪୫ ତାୟମ୍ ଦିପିଲିକରେ ଆବୁଆଃ ପୁରୁଖା ହାଡ଼ାମ୍ବଲ ଆକଆଃ ଆପୁକତାଃଏତେ ନାମାକାଦ୍, ଏନ୍ କୁମ୍ପାକେ ଯିହୋଶୁୟଲଃ ଗଅଃକେଦ୍ତେ ସେନ୍ ଆୟାର୍ୟାନାକ ଆତଃ ପାର୍ମେଶ୍ଵାର୍ତେ ହାରାଅକାନ୍ ଏଟାଃ ହଡକଆଃ ଦିଶୁମ୍ବକେ ଆକ୍ତେୟାକେଦା । ଆତଃ ଏନ୍ କୁମ୍ପା ଦାଉଦ୍ଆଃ ପାରିୟା ଜାକେଦ୍ ତାଇକେନା । ୪୬ ଦାଉଦ୍, ପାର୍ମେଶ୍ଵାର୍ତାଃ ନେପେଲ୍ରେ ସୁକୁଆନ୍ଗି ନେଲଃୟାନା, ଏନ୍ତେ ଇନିଃ ଯାକୁବ୍ତାଃ ପାର୍ମେଶ୍ଵାର୍ ନାଗେନ୍ତେ ମିଆଁଦ୍ ତାଇନଃ ଠାୟାଦ୍ ବାଇ ଇଚିଇକ୍ତେ ମେନ୍ତେ କୁଲିକିୟା । ୪୭ ମେନ୍ଦ୍ ସୁଲିମାନ୍ ଇନିୟାଃ ନାଗେନ୍ତେ ମିଆଁଦ୍ ଅତଃ ବାଇକେଦାଏ ।

୪୮ “ମେନ୍ଦ୍ ହଡ ବାଇୟାକାଦ୍ ଅତଃରେ ସାଲାଇଁ ଉତାର୍ ପାର୍ମେଶ୍ଵାର୍ କାଏ ତାଇନା । ନାବୀ ନେ ଲେକାଏ କାଜିକାଦା,

୪୯ “ପ୍ରାଭୁ କାଜିତାନାଏ, ସିମ୍ବା ଆଇଁୟାଃ ରାଜଗାଦି ତାନାଃ,
ଆତଃ ଅତେ ଆଇଁୟାଃ କାଟାରେୟାଃ ଗାଣ୍ଡୁ ତାନାଃ ।

ଆପେ ଆଇଁୟାଃ ନାଗେନ୍ତେ ଚିଲ୍କାନ୍ ଅତଃପେ ବାଇୟା ?
ଆଇଁୟାଃ ରୁଡ୍ ନାଗେନ୍ତେ ଠାୟାଦ୍ କତାଃରେୟା ?

୫୦ ନେ ସବେନାଃ ଚିନାଃ ଆଇଃକ୍ତି କାଇକ୍ ବାଇୟାକାଦା ?’

୫୧ “ସ୍ତ୍ରୀମ୍ ଆତଃଗି କାଜିକେଦା, ଆପେ ଚିମିନ୍ଗି କା ମାନାତିକ୍ତାନ୍ ହଡକ ତାନ୍ପେ ! ଆପେୟାଃ ମନ୍ସୁରୁଦ୍କ ପୁରାଃଗି ସଡ୍ରାଗିୟା ଆତଃ ପାର୍ମେଶ୍ଵାର୍ତାଃ ବାଚାନ୍ ନାକ୍ ଆପେ ପୁରାଃଗି କା ଆୟୁମ୍ ହଡକ ତାନ୍ପେ ! ଆପେ ଆପେୟାଃ ପୁରୁଖା ହାଡ଼ାମ୍ବଲ ଲେକାଃପେ, ଆପେୟାଃ ସବେନ୍ ଇମତା ପାବିତାର୍ ଆମ୍ପାରାଃ ବିରୁଧ୍ରେ କାଜିତାନାପେ ।

୫୨ ଆପେୟାଃ ପୁରୁଖା ହାଡ଼ାମ୍ବଲଆଃ ହରାତେ କା ସାସାତିକାନ୍ ଜେତା ନାବୀ ମେନାକଆ ଚି ? ଧାର୍ମାନ୍ ଦାସିଆଃ ହିନ୍ଦୁଃ ବିଷାଏରେ, ସିଦାରେ ଉଦୁବାକାଦ୍ ପାର୍ମେଶ୍ଵାର୍ତାଃ କାଜିକୁଲ୍କକେ ଆପେୟାଃ ପୁରୁଖା ହାଡ଼ାମ୍ବଲ ଗଏଃକେଦକଥାକ । ଆତଃ ନାହାଃ ଆପେ ଇନିଃକେ ବାଇରିକଆଃ ଡିଃଇରେ ଜିମାକେଦ୍ତେ ଗଏଃକିୟାପେ । ୫୩ ଆପେ ଦୁଡ୍କଆଃ ହରାତେ ଏମାକାନ୍ ପାର୍ମେଶ୍ଵାର୍ତାଃ ଆନ୍ତୁପେ ନାମାକାଦା, ଏନ୍ରେୟା ଆପେ ଏନାକେ କାପେ ମାନାତିକ୍ତକେଦା ।”

ଦିରି ଚିଦ୍ଗିତେ ସ୍ତ୍ରୀମ୍ଆଃ ଗନଏଃ

୫୪ ମାରାକ୍ ପାଞ୍ଚେରେନ୍ ହଡକ ସ୍ତ୍ରୀମ୍ଆଃ ନେ କାଜିକ ଆୟୁମ୍କେଦ୍ତେ ପୁରାଃଗିକ ଖୁସ୍ୟାନା ଆତଃ ଆୟାଃ ନାଗେନ୍ତେ ଖୁସ୍ତେ ତାଗା ହାବ୍କେଦାକ । ୫୫ ମେନ୍ଦ୍ ସ୍ତ୍ରୀମ୍ ପାବିତାର୍ ଆମ୍ପାତେ ପେରେୟାନ୍ଲଃ

‡ ୭:୪୭ 7:46 ଚିମିନ୍ ମାରି ଅନଲ୍ରେ “ଯାକୁବ୍ତାଃ ପାର୍ମେଶ୍ଵାର୍” କେ ଇସ୍ରାଏଲ୍ରେନ୍ ହଡକ ମେନ୍ତେ ଅଲ୍ଲାନା

ସିର୍ମାତେ ଆରିଦରାକାବକେଦା ଏନ୍ତେ ପାର୍ମେଶ୍ୱାର୍ଥାଃ ମାନାରାଜ୍ ଆତଃ ଯୀଶୁକେ ପାର୍ମେଶ୍ୱାର୍ଥାଃ ଜମ୍ତିସାଃରେ ତିକ୍ଷୁଆକାନାଏ ନେଲକିୟା । ୫୬ ଆତଃ ଇନିଃ କାଜିକେଦାଏ, “ନେଲେପେ, ଆଇଜ୍ ସିର୍ମା ନିଜାକାନ୍ ଆତଃ ମାନଃହନକେ ପାର୍ମେଶ୍ୱାର୍ଥାଃ ଜମ୍ତିସାଃରେ ତିକ୍ଷୁଆକାନ୍ ନେଲିତାନାଇଜ୍ ।”

୫୭ ମାରାଜ୍ ପାଞ୍ଚେଟ୍ରେନ୍ ହଡକ ପୁରାଃ କାଉରିତାନଲଃ ନେ କାଜି କା ଆୟୁମେ ନାଗେନ୍ତେ ଆକଥାଃ ଲୁଡୁରରେ ତିଃଇ ଦହକେଦାକ । ଏନ୍ତେ ଇନ୍କୁ ସବେନକ ମିଦୟାନ୍ତେ ଆୟାଃ ହେପାଦ୍ତେ ନିରକେଦାକ, ୫୮ ଆତଃ ଇନ୍କୁ ସାହାରହେତେ ବାହାରି ଆଇଜକେଦ୍ତେ ଆୟାଃ ତେତାନରେ ଦିରି ଚିଦ୍ଗିକିୟାକ । ହସଡ ଗାଞ୍ଜା ଏମ୍ ହଡକ ଶାଉଲ୍ ନୁଡୁମ୍ ମିଆଁଦ୍ ସେପେଡେଦ୍ଥାଃ ଜିମାରେ ଇନ୍କୁଆଃ ଲିଜାଃକ ବାଗିକେଦା । ୫୯ ଇନ୍କୁ ସ୍ତ୍ରୀମାନଥାଃ ତେତାନରେ ଦିରି ଚିଦ୍ଗିକେଦ୍ ଇମ୍ତା ଇନିଃ ପ୍ରାଭୁକେ ବିକ୍ତିକେଦ୍ତେ କାଜିକିୟା, “ହେ ପ୍ରାଭୁ ଯୀଶୁ, ଆଇୟାଃ ଆମ୍ବାକେ ତେଲାଏମେ ।” ୬୦ ଇନିଃ ଇକ୍ତମୁକେଦ୍ତେ ପୁରାଃ କାଉରିତାନଲଃ କାଜିକେଦା, “ହେ ପ୍ରାଭୁ, ଇନ୍କୁଆଃ ବିରୁଧରେ ନେ ପାପ୍ ଆଲମ୍ ପାହେମେୟା ।” ନେୟା କାଜିକେଦ୍ତେ ଜୀଉତାୟାଃ ତୁଣ୍ଡୁକେଦା । ସ୍ତ୍ରୀମାନଥାଃ ଗଗଏଃରେ ଶାଉଲ୍ ମିଦ୍ମନ୍ୟାନାଏ ।

୮

ଶାଉଲ୍ କାଲିସିୟାକେ ସାସାତିକେଦା

୯ ଶାଉଲ୍ ସ୍ତ୍ରୀମାନଥାଃ ଗଗଏଃରେ ମିଦ୍ମନ୍ୟାନାଏ । ଏନ୍ ହୁଲାଜ୍ତାଃଏତେ ଯୀରୁଶାଲେମ୍ରେୟାଃ କାଲିସିୟାକରେ ପୁରାଃଗି ସାସାତିକ ଏନେଟେଦ୍ୟାନା । ପ୍ରେରିତ୍ତକେ ବାଗିକେଦ୍ତେ ଏଟାଃ ସବେନ୍ ବିଶ୍ୱାସୀକ ଯିହୁଦା ଆତଃ ଶମିରୋନ୍ ପାର୍ଗାନ୍ରେ ଛିତିବିତିୟାନାକ । ୧୦ ତିମିନ୍ ଧାର୍ମାନ୍ ହଡକ ପୁରାଃ କାଉରିକେଦ୍ତେ ଏୟମ୍ତାନଲଃ ସ୍ତ୍ରୀମାନଥାଃ ଗଏଃ ହଡ୍ମକେ ତପାକେଦାକ ।

୧୧ *ମେନ୍ଦ ଶାଉଲ୍ କାଲିସିୟାକେ ଜିୟନେ ନାଗେନ୍ତେ ସାନାଜ୍କେଦା, ଇନିଃ ଅଡ଼ାଃ ଅଡ଼ାଃ ବଲକେଦ୍ତେ ଶ୍ରୀଷ୍ଟ୍ ବିଶ୍ୱାସୀ ସବେନ୍ କଡ଼ା କୁଡିକକେ ଆଇଜ୍ ଆଉକେଦ୍ତେ ଜେହେଲ୍ରେ ଦହକେଦ୍କଥା ।

ଶମିରୋନ୍ରେ ସୁକ୍ତକାଜି ଉନ୍ନୁଦୁବ୍

୧୨ ଛିତିବିତିୟାକାନ୍ ବିଶ୍ୱାସୀକ ଚାରିୟସାଃ ସେନକେଦ୍ତେ ସୁକ୍ତକାଜି ଉଦୁବ୍କେଦାକ । ୧୩ ଫିଲିପ୍ ଶମିରୋନ୍ରେୟାଃ ମାରାଜ୍ ନାଗାର୍ତେ ସେନକେଦ୍ତେ, ଏନ୍ତାଃରେନ୍ ହଡକକେ ମାସିଆଃ ସୁକ୍ତକାଜି ଉଦୁବ୍କେଦ୍କଥା । ୧୪ ଫିଲିପ୍ଥାଃ କାଜି ଆୟୁମ୍କେଦ୍ତେ ଆତଃ ଆୟାଃ ଆକ୍ଦାନ୍ଦାଅ କାମିକ ନେଲକେଦ୍ତେ ଗାଦେଲ୍ ହଡକ ଆୟାଃ କାଜିରେ ମିଦ୍ମନ୍ତେକ ଆୟୁମ୍କେଦା । ୧୫ ପୁରାଃ ହଡକତାଃଏତେ ସଡ଼ରା ଆମ୍ବାକ କାଉରିତାନଲଃ ଅଡ଼ଜ୍ୟାନାକ, ପୁରାଃ ବାଡକାନ୍ ହଡକ ଆତଃ କାଟା କୁଡ଼କାନ୍ ହଡକ ବୁଗିୟାନା । ୧୬ ଏନାତେ ଏନ୍ ନାଗାର୍ରେ ପୁରାଃଗି ରାସକା ହବାୟାନା ।

୧୭ ଏନ୍ତାଃରେ ଶିମୋନ୍ ନୁଡୁମ୍ ମିଆଁଦ୍ ହଡ ତାଇକେନାଏ, ଇନିଃ ଆୟାଃ ଦେଅଁଶା କାମିକେଦ୍ତେ ସିଦାଏତେଗି ଶମିରୋନ୍ରେନ୍ ହଡକକେ ଆକ୍ଦାନ୍ଦାଅକାଦ୍କ ତାଇକେନାଏ । ଇନିଃ ଆଇଃକକେଗି ମିଆଁଦ୍ ମାରାଜ୍ ହଡ ମେନ୍ତେ ଉଦୁବେନ୍ ତାଇକେନା, ୧୮ ଆତଃ ଏନ୍ ନାଗାର୍ରେନ୍ ସବେନକ ଆତଃ ସାମାଜ୍ରେନ୍ ସବେନ୍ ହୁପ୍ତିଜ୍ ମାପ୍ରାଜ୍କ, ପାର୍ମେଶ୍ୱାର୍ଥାଃ ଅକନ୍ ପେଡେଃକେ ମାରାଜ୍ ମେନ୍ତେ କାଜିୟଃତାନା, ଏନା ଇନିଃଗି ତାନିଃ ମେନ୍ତେକ ମାନାତିଜ୍ ତାଇକେନା । ୧୯ ଏନ୍ ଦେଅଁଶାରାଃ ପେଡେଃ ହରାତେ ପୁରାଃ ମାହ୍ଣାଏତେ ଇନିଃ ଶମିରୋନ୍ରେନ୍ ହଡକକେ ଆକ୍ଦାନ୍ଦାଅକାକ ତାଇକେନା । ୨୦ ମେନ୍ଦ ଫିଲିପ୍ତାଃଏତେ ପାର୍ମେଶ୍ୱାର୍ଥାଃ ରାଇଜ୍ ଆତଃ ଯୀଶୁ ଶ୍ରୀଷ୍ଟ୍ଥାଃ ନୁଡୁମ୍ରେ ସୁକ୍ତକାଜି ଆୟୁମ୍କେଦ୍ ହରାତେ ହଡକଥାଃ ବିଶ୍ୱାସ୍ ହବାୟାନା ଆତଃ ଏନ୍ ପାର୍ଗାନ୍ରେନ୍ କଡ଼ା କୁଡି ସବେନକ ବାପ୍ତିସ୍ମା ଇଦିକେଦାକ । ୨୧ ଶିମୋନ୍ ହଗି ଏନ୍ କାଜିରେ ବିଶ୍ୱାସ୍କେଦା । ଫିଲିପ୍ କାମିକାଦ୍ ଆକ୍ଦାନ୍ଦାଅ କାମି ଆତଃ ହାଏକାଟ୍ କାମିକ ନେଲକେଦ୍ତେ, ଇନିଃ ବାପ୍ତିସ୍ମା ଇଦିକେଦ୍ତେ ଫିଲିପ୍ଲଃ ମିସାତେ ତାଇନ୍ୟାନା ।

୨୨ ଶମିରୋନ୍ରେନ୍ ହଡକ ପାର୍ମେଶ୍ୱାର୍ଥାଃ କାଜିକ ତେଲାକାଦା ମେନ୍ତେ ଯୀରୁଶାଲେମ୍ରେନ୍ ପ୍ରେରିତ୍ତକ ଆୟୁମ୍କେଦ୍ତେ, ପାଡ଼ରାସ୍ ଆତଃ ଯୋହାନ୍କେ ଇନ୍କୁତାଃତେକ କୁଲ୍କେଦ୍କିନା । ୨୩ ଇନ୍କିନ୍ ଏନ୍ତାଃତେ ସେଟେର୍ୟାନ୍ ତାୟମ୍ତେ ଶମିରୋନ୍ରେନ୍ ବିଶ୍ୱାସୀକ ପାବିତାର୍ ଆମ୍ବା ନାମେକାକ ମେନ୍ତେକିନ୍ ବିକ୍ତିକେଦା । ୨୪ ଚିୟାଃତି ଇମ୍ତାଜ୍ ଜାକେଦ୍ ଇନ୍କୁଆଃଏତେ ଜେତାଏୟାଃ ତେତାନରେ ପାବିତାର୍ ଆମ୍ବା କାଏ ଆଡ଼ଗୁକାନ୍ ତାଇକେନା । ଇନ୍କୁ ପ୍ରାଭୁ ଯୀଶୁଆଃ ନୁଡୁମ୍ତେ ଏସ୍କାର୍ ବାପ୍ତିସ୍ମା ଇଦିକାଦ୍ ତାଇକେନାକ । ୨୫ ଏନ୍ତେ ପାଡ଼ରାସ୍ ଆତଃ ଯୋହାନ୍ ଇନ୍କୁଆଃ ତେତାନରେ ତିଃଇ ଦହକେଦ୍ତେ ଇନ୍କୁ ପାବିତାର୍ ଆମ୍ବାକେ ନାମକିୟାକ ।

୨୬ ପାଡ଼ରାସ୍ ଆତଃ ଯୋହାନ୍, ନେ ବାରାନ୍ ପ୍ରେରିତ୍ତକିନ୍ ବିଶ୍ୱାସୀକଥାଃ ତେତାନରେ ତିଃଇ ଦହକେଦ୍ତେ ଇନ୍କୁକେ ପାବିତାର୍ ଆମ୍ବାକିନ୍ ଏମାକତାନା, ନେୟା ନେଲକେଦ୍ତେ ଶିମୋନ୍ ଇନ୍କିନ୍କେ ଟାକା ପାଏସା ଏମ୍ତାନଲଃ ମେତାଦ୍କିନାଏ, ୨୭ “ଆଇଜ୍ ଏଟାଃକଥାଃ ତେତାନରେ ତିଃଇ ଦହଲେରେ, ଇନ୍କୁ ଜେଲେକା ପାବିତାର୍ ଆମ୍ବା ନାମ୍ ଦାଡିୟାକ, ଏନାମେନ୍ତେ ନେ ପେଡେଃ ଆଇଜ୍କେହ୍ ଏମାଇଜ୍ବେନ୍ ।”

* ୮:୩ ୮:୩ ପ୍ରେରିତ୍ ୨୨:୪,୫; ୨୨:୯-୧୧.

୨୦ ମେନ୍ଦ ପାଦରାସ୍ ଇନିଷକେ କାଜିକିୟା, “ଆମାଃ ଟାକା ପାଏସା ଆମାଃଲଃ ଜିୟନଃକା, ଚିୟାଃଚି ଆମ୍ ଟାକା ପାଏସାତେ ପାର୍ମେଶ୍ଵାର୍ଆଃ ବାରଦାନ୍ କିରିଙ୍ ନାଗେନ୍ତେମ୍ ଉଡ଼ୁତାନା । ୨୧ ଆଲେୟାଃ କାମିରେ ଆମାଃ ଜେତାନ୍ ହିସା ବାନଆଃ, ଚିୟାଃଚି ପାର୍ମେଶ୍ଵାର୍ଆଃ ନେପେଲ୍ରେ ଆମାଃ ମନ୍ସୁରୁଦ୍ କା ଠାଉକା । ୨୨ ଏନାମେନ୍ତେ ଆମାଃ ନେ ଏଡ଼କାନ୍ ଉଡ଼ୁ ନାଗେନ୍ତେ ହେୟାଡ଼ିଙ୍ଗ୍ମେ, ନେ’ଲେକା ମନ୍ସୁରୁଦ୍ରେ ଉଡ଼ୁକେଦ୍ ନାଗେନ୍ତେ ପ୍ରାଭୁତାଃରେ ବିକ୍ତିମେ, ଇନିଃ ଆମ୍‌କେ ଛାମାମେୟା । ୨୩ ଚିୟାଃଚି ଆଇଙ୍ଗ୍ ଆମ୍‌କେ ନେଲ୍ମେ ତାନାଇଙ୍ଗ୍, ଆମାଃ ମନ୍ସୁରୁଦ୍ ହିସ୍‌କାତେ ପେରେଜାକାନା, ଆମ୍‌ଦ ପାପ୍ ତନଲ୍‌ତେମ୍ ତଲ୍ଲାକାନା ।”

୨୪ ପାଦରାସ୍ ଆତଃ ଯୋହାନ୍‌କେ ଶିମୋନ୍ ମେତାଦ୍‌କିନାଏ, “ଆବେନ୍ କାଜିକାଦ୍‌ତେୟାଃ ଆଇଙ୍ଗ୍‌ରେ ଆଲକା ହବାଅଃକା, ଏନାମେନ୍ତେ ଦାୟାକେଦ୍‌ତେ ଆଇଁୟାଃ ନାଙ୍ଗ୍ ପ୍ରାଭୁତାଃରେ ବିକ୍ତିବେନ୍ ।”

୨୫ ପାଦରାସ୍ ଆତଃ ଯୋହାନ୍ ଗାଞ୍ଜା ଏମ୍‌କେଦ୍ ଆତଃ ପ୍ରାଭୁଆଃ କାଜି ଉଦୁବ୍‌କେଦ୍ ତାୟମ୍‌ତେ, ଇନ୍‌କିନ୍ ଯାରୁଶାଲେମ୍‌ତେକିନ୍ ରୁହାଡ଼୍‌ୟାନା । ରୁହାଡ଼୍ ହରାରେ ଇନ୍‌କିନ୍ ଶମିରୋନି ହଡ଼କ ତାୟୁତାନ୍ ପୁରାଃ ହାତୁକରେ ସୁକୁକାଜିକିନ୍ ଉଦୁବ୍‌କେଦା ।

ଫିଲିପ୍ ଆତଃ ଇଥ୍‌ଓପିଆରେନ୍ ଚାକୁରା

୨୬ ପ୍ରାଭୁଆଃ ମିଆଁଦ୍ ଦୁଡ଼୍ ଫିଲିପ୍‌କେ କାଜିକିୟା, “ସେକାଡ଼ାକାନ୍‌ମେ, ଆତଃ ଯାରୁଶାଲେମ୍‌ଏତେ ଗାଜା ନାଗାର୍‌ତେ ସେନଃତାନ୍ ଜମ୍‌ସାଃ ହରାତେ ସେନଃମେ ।” ନାହାଁଃ ଏନ୍ ହରା ବାନଆଃ, ଏନା ବିର୍ ଲେକା ମେନାଃ । ୨୭ ଫିଲିପ୍ ସେକାଡ଼କେଦ୍‌ତେ ସେନଃୟାନା । ଇମ୍‌ତା ଇଥ୍‌ଓପିଆ ଦିଶ୍ଵମ୍‌ରେନ୍ କାଣ୍ଡାକି ନୁତୁମ୍ ରାନୀଆଃ ଆକ୍‌ତେୟାରେ ତାଇନ୍‌ତାନ୍ ସବେନ୍ ରାଇଙ୍‌ରେନ୍ ଖୁଜ୍ କରାଃ ଭାଣ୍ଡାରି ତାଇକେନ୍ ମିଆଁଦ୍ ଚାକୁରା, ପାର୍ମେଶ୍ଵାର୍‌କେ ସେଞ୍ଜା ନାଗେନ୍ତେ ଯାରୁଶାଲେମ୍‌ତେ ସେନାକାନ୍ ତାଇକେନା । ୨୮ ଇନିଃ ଆୟାଃ ସାଦମ୍ ଗାଡ଼ିରେ ଦୁବ୍‌କେଦ୍‌ତେ ଅଡ଼ାଃତେ ରୁହାଡ଼୍ ତାଇକେନ୍ ଇମ୍‌ତା ଯିଶାୟ ନାବୀଆଃ ପୁଥ୍ କାଉରିତାନ୍‌ଲଃ ପାଡ଼ାଅତାନାଏ ତାଇକେନା । ୨୯ ପାବିତାର୍ ଆମ୍ ଫିଲିପ୍‌କେ କାଜିକିୟା, “ଏନ୍ ସାଦମ୍ ଗାଡ଼ି ହେପାଦ୍‌ତେ ସେନଃମେ ଆତଃ ଆୟାଃ ନାଡ଼େଃରେ ତାଇନ୍‌ମେ ।” ୩୦ ଫିଲିପ୍ ନିର୍ ନିର୍ ସେନ୍‌କେଦ୍‌ତେ ଏନ୍ କାମିହଡ଼କେ ଯିଶାୟ ନାବୀଆଃ ପୁଥ୍ କାଉରିତାନ୍‌ଲଃ ପାଡ଼ାଅତେୟାଃ ଆୟୁମ୍‌କିୟାଏ । ଇନିଃ ଏନ୍ ଚାକୁରାକେ କୁଲିକିୟା, “ଆମ୍ ପାଡ଼ାଅତାନ୍‌ତେୟାଃ ସାରିଉରୁମ୍ ଦାଡ଼ିତାନାମ୍ ଚି ?”

୩୧ ଚାକୁରା କାଜିରୁହାଡ଼କିୟାଏ, “ଜେତାଏ ଆଇଙ୍ଗ୍‌କେ କାକ ଉଦୁବାଇଙ୍ଗ୍‌ରେଦ୍ ଚିଲ୍‌କାତେଇଙ୍ଗ୍ ସାରିଉରୁମ୍ ଦାଡ଼ିୟା ?” ଏନ୍ତେ ଇନିଃ ଫିଲିପ୍‌କେ ଆୟାଃଲଃ ସାଦମ୍ ଗାଡ଼ିରେ ଦୁବ୍ ନାଗେନ୍ତେ ବିକ୍ତିକିୟା । ୩୨ ଇନିଃ ପାଡ଼ାଅ ତାଇକେନ୍ ଧାରାମ୍‌ପୁଥ୍‌ରେୟାଃ ହିସା ନେୟା ତାଇକେନା,

“ଇନିଃ, ମାଆଃଇ ନାଗେନ୍ତେ ଇଦିୟଃତାନ୍ ମିଶ୍ଵିହନ୍ ଲେକାଃଏ,
ଉବ୍ କାଜିଚିନିୟାଃ ହେପାଦ୍‌ରେ ମିଶ୍ଵିହନ୍ କାଏ କାଉରି ଲେକା
ଇନିଃ ଜେଡ଼ନାଃ କାଏ କାଜିକେଦା ।

୩୩ ଇନିଃକେ ଲାୟାକିୟାକ ଆତଃ ନ୍ୟାୟ ବିଚାର୍ କା ନାମ୍‌ୟାନା ।
ଇନିୟାଃ କିଲିକଆଃ ବିଷାଏରେ ଜେତାଏ କାକ କାଜି ଦାଡ଼ିୟା,
ଚିୟାଃଚି ଅତେଦିଶ୍ଵମ୍‌ରେ ଆୟାଃ ଜୀଦାନ୍ ଚୁଣ୍ଡୁକାନା ।”

୩୪ ଚାକୁରା ଫିଲିପ୍‌କେ କୁଲିକିୟା, “ନାବୀ ଅକ୍‌ଏୟାଃ ବିଷାଏରେ କାଜିତାନା, ଆୟାଃ ବିଷାଏରେଚି ଚି ଏଟାଃନିୟାଃ ବିଷାଏରେ, ଏନା ଆଇଙ୍ଗ୍‌କେ ଦାୟାକେଦ୍‌ତେ କାଜିଙ୍ଗ୍‌ମେ ?” ୩୫ ଏନ୍ତେ ଫିଲିପ୍ ଧାରାମ୍‌ପୁଥ୍‌ରେୟାଃ ନେ ହିସାଏତେ ଏଟେଦ୍‌କେଦ୍‌ତେ ଯୀଶୁଆଃ ବିଷାଏରେ ଅଲ୍ଲାକାନ୍ ସବେନ୍ ସୁକୁକାଜି ଇନିଃକେ ଉଦୁବ୍‌କିୟା । ୩୬ ଇନ୍‌କୁ ହରାରେ ସେନଃତାନ୍ ତାଇକେନ୍ ଇମ୍‌ତା ମିଦ୍‌ତାଃରେ ଦାଆଃ ହୁଣ୍ଡିୟାକାନ୍ ଠାୟାଦ୍‌ତାଃରେକ ସେଟେରୟାନା, ଏନ୍ତେ ଚାକୁରା ଇନିଃକେ କାଜିକିୟା, “ନେତାଃରେ ଦାଆଃ ମେନାଃ, ଆଇଙ୍ଗ୍‌କେ ବାପ୍ତିସ୍ମା ଇଦି ନାଗେନ୍ତେ ଚିନାଃ ଜେତାନ୍ ରୋକ୍‌ଟକ୍ ମେନାଃ ଚି ?” ୩୭ ଫିଲିପ୍ କାଜିକିୟାଏ, “ଆମ୍ ସବେନ୍ ମନ୍ସୁରୁଦ୍‌ତେମ୍ ବିଶ୍ଵାସ୍‌ତାନ୍‌ରେଦ୍ ବାପ୍ତିସ୍ମା ଇଦି ଦାଡ଼ିୟାମ୍ ।” ଏନ୍ତେ ଇନିଃ କାଜିରୁହାଡ଼କିୟାଏ, “ୟୀଶୁ ଖ୍ରୀଷ୍ଟ୍ ପାର୍ମେଶ୍ଵାର୍‌ଆଃ ହନ୍ ତାନିଃ ଏନା ଆଇଙ୍ଗ୍ ବିଶ୍ଵାସ୍‌ତାନାଇଙ୍ଗ୍ ।”*

୩୮ ଚାକୁରା, ସାଦମ୍ ଗାଡ଼ି ଚାଲାଅତାନ୍ ହଡ଼କେ ସାଦମ୍ ଗାଡ଼ିକେ ତିକ୍ତୁଇମେ ମେନ୍ତେ ଆଚୁକିୟା । ଫିଲିପ୍ ଆତଃ ଚାକୁରା ଦାଆଃ ଭିତାର୍‌ତେକିନ୍ ବଲ୍‌ୟାନା ଆତଃ ଫିଲିପ୍ ଇନିଃକେ ବାପ୍ତିସ୍ମା ଏମ୍‌କିୟାଏ । ୩୯ ଇନ୍‌କିନ୍ ଦାଆଃଏତେ ଅତଙ୍ଗ୍‌ୟାନ୍ ତାୟମ୍‌ତେ, ପ୍ରାଭୁଆଃ ଆମ୍ ଫିଲିପ୍‌କେ ଇଦିକିୟା । ଚାକୁରା ଇନିଃକେ ଆତଃ କାଏ ନେଲ୍ ଦାଡ଼ିକିୟା, ମେନ୍ଦ ରାସ୍‌କାତେ ପେରେୟାନ୍‌ଲଃ ଆୟାଃ ହରାରେ ସେନଃୟାନା । ୪୦ ଆତଃ କାଚିଃ ଘାଡ଼ିକାଦ୍ ତାୟମ୍‌ତେ ଫିଲିପ୍ ଆଇଃକ୍ ଆପାନ୍‌କେଚି ଆସ୍‌ଦଦ୍ ନୁତୁମ୍ ସାହାର୍‌ରେ ନାମ୍‌ୟାନା ଆତଃ ଇନିଃ ଏନ୍ତାଃଏତେ କାଇସରିୟା ସାହାର୍‌ତେ ସେନଃ ହରାରେୟାଃ ସବେନ୍ ନାଗାର୍‌କରେ ସୁକୁକାଜି ଉଦୁବ୍‌ତାନ୍‌ଲଃ କାଇସରିୟାତେ ତେବାଃୟାନା ।

* ୮:୩୭ 8:37 ନେ ପଦ ଚିମିନ୍ ମାରି ଅନଲ୍‌କରେ ବାନଃଆ



ଶାଉଲ୍‌ଆଃ ମନ୍‌ରୁହାଡ଼୍
(ପ୍ରେରିତ୍ ୨୨:୬-୧୬; ୨୬:୧୨-୧୮)

^୧ ଏନ୍ ଦିପିଲିକରେ ଶାଉଲ୍, ପ୍ରାଭୁଆଃ ଚେଲାକକେ ଗଏଃକଆଇଙ୍ଗ୍ ମେନ୍ତେ ବଡ଼ଙ୍ଗକ ତାଇକେନାଏ । ଏନ୍ତେ ଇନିଃ ମାରାଙ୍ଗ୍ ଯାଜାକ୍‌ତାଃତେ ସେନଃୟାନା, ^୨ ଆତଃ ଦମାସ୍‌କସ୍‌ରେୟାଃ ସାମାଜ୍ ଅଡ଼ାଃକରେ ପ୍ରାଭୁକେ ଅତଙ୍ଗ୍‌ତାନକକେ ନାମ୍‌କେଦ୍‌ତେ ତଲ୍‌କତାନଲଃ ଯୀରୁଶାଲେମ୍‌ତେ ସାବ୍‌ଆଉକ ନାଗେନ୍ତେ ଏନ୍ ମାରାଙ୍ଗ୍ ଯାଜାକ୍‌ତାଃଏତେ ଆନାରୁ ଆଉକେଦା ।

^୩ ଶାଉଲ୍ ଦମାସ୍‌କସ୍ ନାଗାର୍‌ରେୟାଃ ହେପାଦ୍‌ତେ ହିଜୁଃ ସେଟେରଃତାନ ଇମ୍‌ତା, ଆଡ଼କାତେ ସିର୍ମାଏତେ ମିଆଁଦ୍ ମାର୍ସାଲ୍ ଆୟାଃ ଚାରିୟାଃରେ ଜୁଲ୍ ବିୟୁରୟାନା । ^୪ ଇନିଃ ଅତେରେ ଉୟୁଃୟାନା ଆତଃ ମିଆଁଦ୍ ଲାବ୍‌ଜା ଆଇଃକକେ କାଜିତାନ ଆୟୁମ୍‌କେଦାଏ, “ହେ ଶାଉଲ୍, ହେ ଶାଉଲ୍, ତିନାଃମେନ୍ତେ ଆମ୍ ଆଇଙ୍ଗ୍‌କେମ୍ ସିଗିଦିଇଙ୍ଗ୍‌ତାନା ?”

^୫ ଇନିଃ କାଜିକେଦାଏ, “ହେ ପ୍ରାଭୁ, ଆମ୍ ଅକଏ ତାନମେ ?” ଆତଃଗି ଏନ୍ ଲାବ୍‌ଜା ଆୟୁମ୍‌ୟାନା, “ଆମ୍ ଅକଏକେମ୍ ସିଗିଦିତାନା, ଆଇଙ୍ଗ୍ ଏନ୍ ଯୀଶୁ ତାନିଙ୍ଗ୍ ।” ^୬ ମେନ୍‌ଦ୍ ବିରିଦ୍‌ମେ, ଆତଃ ନାଗାର୍‌ତେ ସେନଃମେ, ଚିକ୍‌ନାଃ କାମି ରିକା ଲାଗାତିଙ୍ଗ୍‌ୟାଃ, ଏନା ଏନ୍ତାଃରେ ଆମ୍‌କେ କାଜିୟଃଆ ।”

^୭ ଶାଉଲ୍‌ଲଃ ଗାତିରେ ହରାସେନ୍ ତାଇକେନ୍ ହଡ଼କ ଆକ୍‌ତାକାଅକେଦ୍‌ତେ ତିଙ୍ଗ୍‌ୟାନାକ, ଇନ୍‌କୁ ଏନ୍ ଲାବ୍‌ଜା ଆୟୁମ୍‌କେଦାକ ମେନ୍‌ଦ୍ ଜେତାଏକେ କାକ ନେଲ୍ ଦାଡ଼ିକେନା । ^୮ ଶାଉଲ୍ ଅତେହେତେ ବିରିଦ୍‌ୟାନା ଆତଃ ନେଲ୍‌କେଦାଏ ମେନ୍‌ଦ୍ ଜେତ୍‌ନାଃ କାଏ ନେଲ୍ ଦାଡ଼ିକେନା । ଏନାତେ ଇନ୍‌କୁ ଆୟାଃ ତିଃଇ ସାବ୍‌କେଦ୍‌ତେ ଦମାସ୍‌କସ୍ ଜାକେଦ୍ ସୁତୁଃ ଇଦିକିୟାକ । ^୯ ଆପି ମାହାଁ ଜାକେଦ୍ ଇନିଃ କାଏ ନେଲ୍ ଦାଡ଼ିତାଇକେନା ଆତଃ ଏନ୍ ଦିପିଲିରେ କାଏ ଜମ୍ ନୁଁକେଦା ।

^{୧୦} ଦମାସ୍‌କସ୍‌ରେ ହନାନିୟ ନୁତୁମ୍ ମିଆଁଦ୍ ଚେଲା ତାଇକେନାଏ । ଇନିଃ ମିଆଁଦ୍ ଦାର୍‌ଶାନ୍ ନାମ୍‌କେଦାଏ, ପ୍ରାଭୁ ଇନିଃକେ କାଜିକିୟା, “ହନାନିୟ !” ଇନିଃ କାଜିରୁହାଡ଼କିୟାଏ, “ହେ ପ୍ରାଭୁ କାଜିମେ ।”

^{୧୧} ପ୍ରାଭୁ ଇନିଃକେ କାଜିକିୟା, “ମାର୍ ସେକାଡ଼ଃମେ ଆତଃ ସିଧା ହରା ସେନ୍‌କେଦ୍‌ତେ ଯିହୁଦାରାଃ ଅଡ଼ାଃତେ ସେନଃମେ । ଏନ୍ତାଃରେ ତାଷ୍‌ସ୍ ନାଗାର୍‌ତାଃଏତେ ହିଜୁଃକାନ୍ ଶାଉଲ୍ ନୁତୁମ୍ ମିଆଁଦ୍ ହଡ଼କେ ଦାଣ୍ଡିକମେ, ତିଆଃତି ଇନିଃ ବିକ୍ତିତାନାଏ, ^{୧୨} ଆତଃ ହନାନିୟ ନୁତୁମ୍ ମିଆଁଦ୍ ହଡ଼ ହିଜୁଃକେଦ୍‌ତେ ଆୟାଃ ଚେତାନ୍‌ରେ ତିଃଇ ଦହଲେରେ ଇନିଃ ଆତଃମିସା ନେଲ୍ ଦାଡ଼ିୟାଏ ମେନ୍ତେ ଦାର୍‌ଶାନ୍ ନାମାକାଦ୍ ତାଇକେନାଏ ।”

^{୧୩} ହନାନିୟ କାଜିରୁହାଡ଼କିୟାଏ, “ହେ ପ୍ରାଭୁ, ନେ ହଡ଼ ଯୀରୁଶାଲେମ୍‌ରେନ୍ ଆମାଃ ପାବିତାର୍ ହଡ଼କକେ ପୁରାଃ ବରଝାନ୍ ଦୁକୁକଏ ଏମାକାଦ୍‌କଆ, ଏନା ଆଇଙ୍ଗ୍ ପୁରାଃ ହଡ଼କତାଃଏତେଇଙ୍ଗ୍ ଆୟୁମାକାଦା । ^{୧୪} ଆତଃ ଇନିଃ ମୁଲ୍ ଯାଜାକ୍‌କତାଃଏତେ ଆକ୍‌ତେୟାର୍ ନାମ୍‌କେଦ୍‌ତେ ଦମାସ୍‌କସ୍‌ରେ ଆମ୍‌କେ ବିକ୍ତିତାନ ହଡ଼କକେ ସାବ୍‌କେଦ୍‌ତେ ତଲ୍‌ଇଦି ନାଙ୍ଗ୍ ହିଜୁଃକାନାଏ ।”

^{୧୫} ମେନ୍‌ଦ୍ ପ୍ରାଭୁ ଇନିଃକେ କାଜିକିୟା, “ଜୁ ସେନଃମେ, ସାଅଁସାର୍ ହଡ଼କକେ, ରାଜା ଆତଃ ଇସ୍ରାଏଲ୍‌ରେନ୍ ହଡ଼କକେ ଆଇଁୟାଃ ନୁତୁମ୍ ଉଦୁବେ ନାଗେନ୍ତେ ଆତଃ ଆଇଙ୍ଗ୍‌କେ ସେଝା ନାଗେନ୍ତେ ଆଇଙ୍ଗ୍ ଇନିଃକେଇଙ୍ଗ୍ ସାଲାକାଇଜା ।

^{୧୬} ଆଇଁୟାଃ ନୁତୁମ୍ ନାଗେନ୍ତେ ଇନିଃକେ ଅକ ଦୁକୁକ ସାହାତିଙ୍ଗ୍ ଲାଗାତିଙ୍ଗ୍‌ୟାଃ, ଏନା ଆଇଙ୍ଗ୍‌ଗି ଇନିଃକେଇଙ୍ଗ୍ ଉଦୁବାଇୟା ।” ^{୧୭} ଏନ୍ତେ ହନାନିୟ ସେନଃୟାନାଏ ଆତଃ ଶାଉଲ୍ ତାଇକେନ୍ ଅଡ଼ାଃତେ ବଲ୍‌ୟାନଲଃ ଇନିୟାଃ ଚେତାନ୍‌ରେ ତିଃଇ ଦହକେଦ୍‌ତେ କାଜିକିୟା, “ହାଗା ଶାଉଲ୍, ଆମ୍ ନେତାଃତେ ହିଜୁଃ ହରାରେ, ଅକ ପ୍ରାଭୁ ଯୀଶୁ ଆମ୍‌କେ ଦାର୍‌ଶାନ୍ ଏମାକାମ୍ ତାଇକେନାଏ, ଇନିଃ ଆଇଙ୍ଗ୍‌କେ କୁଲାକାଦିୟା, ଜେ'ଲେକାତି ଆମ୍ ଆତଃମିସା ନେଲ୍ ଦାଡ଼ିୟାମ୍ ଆତଃ ପାବିତାର୍ ଆମ୍‌ରେ ପେରେଜଃଆମ୍ ।” ^{୧୮} ଇମ୍‌ତାଗି ଶାଉଲ୍‌ଆଃ ମେଦ୍‌ହେତେ, ହାକୁଆଃ କାତି ଲେକା ତିନାଃ ଉୟୁଃୟାନା ଆତଃ ଇନିଃ ଆତଃମିସା ନେଲ୍ ଦାଡ଼ିକେଦାଏ । ଇନିଃ ତିଙ୍ଗ୍‌ୟାନାଏ ଆତଃ ବାପ୍ରିସ୍ତା ଇଦିକେଦାଏ । ^{୧୯} ଆତଃ ତାୟମ୍‌ତେ ଜମ୍‌କେଦ୍‌ତେ ପେଡ଼େଃ ନାମ୍‌ରୁହାଡ଼କେଦାଏ । ଶାଉଲ୍ ଚେଲାକଲଃ ଦମାସ୍‌କସ୍‌ରେ ଚିମିନ୍ ଦିନ୍ ତାଇନ୍‌ୟାନାଏ ।

ଦମାସ୍‌କସ୍‌ରେ ଶାଉଲ୍‌ଆଃ ପ୍ରାଚାର୍

^{୨୦} ଆତଃ ଇନିଃ ଇମ୍‌ତାଗି ସାମାଜ୍ ଅଡ଼ାଃକରେ, ଯୀଶୁ ପାର୍‌ମେଶ୍‌ବାର୍‌ଆଃ ହନ୍‌ତାନିଃ ମେନ୍ତେ ପ୍ରାଚାର୍ ଏଟେଦ୍‌କେଦା ।

^{୨୧} ଆୟାଃ କାଜି ଆୟୁମ୍‌କେଦ୍‌ତେ ସବେନକ ହାଏକାର୍‌ୟାନଲଃ କୁପ୍‌ଲିୟାନାକ, “ଯୀରୁଶାଲେମ୍‌ରେ ଯୀଶୁ ନୁତୁମ୍ ହଡ଼ରାଃ ସେଝାତାନ ହଡ଼କକେ ଅକ ହଡ଼ ଗଏଃକ ତାଇକେନାଏ, ଇନିଃ ତିନାଃ ନେ ହଡ଼ ନାହାଁଲିଃ ? ଯୀଶୁ ନୁତୁମ୍‌ରେ ସେଝାତାନ ହଡ଼କକେ ତଲ୍‌କେଦ୍‌ତେ ମୁଲ୍ ଯାଜାକ୍‌କତାଃତେ ଇଦି ନାଗେନ୍ତେ ଇନିଃ ତିନାଃ ନେତାଃତେ କାଏ ହିଜୁଃକାନ୍ ତାଇକେନା ?”

^{୨୨} ମେନ୍‌ଦ୍ ଶାଉଲ୍‌ଆଃ ପ୍ରାଚାର୍ ପୁରାଃ ପେଡ଼େୟାନି ହବାୟାନା, ଆତଃ ଯୀଶୁଗି ମାସିତାନିଃ ମେନ୍ତେ ଇନିୟାଃ ସାରୁଡ଼୍ ପୁରାଃଗି ପକ୍‌ତାୟାନା ଯେ, ଦମାସ୍‌କସ୍‌ରେନ୍ ଯିହୁଦା ହଡ଼କ ନେ ବିଷାଏରେ ଇନିଃକେ କାକ କାଜିରୁହାଡ଼୍ ଦାଡ଼ିୟାନା ।

୨୩ ଚିନ୍ତା ଦିନ ସେନଃସ୍ତାନ ତାୟମତେ, ଯିହୁଦୀ ହତକ ମିଦ୍‌ତାଃରେ ହୁଣ୍ଡିକେଦ୍‌ତେ ଶାଉଲ୍‌କେ ଗଏଃ ନାଗେନ୍ତେକ ରୋଜୋଟକେଦା, ୨୪ ମେନ୍‌ଦ ଇନ୍‌କୁଆଃ ରୋଜୋଟ ଶାଉଲ୍‌ ସାରିକେଦାଏ । ଇନିଃକେ ଗଏଃ ନାଗେନ୍ତେ ଇନ୍‌କୁ ନିଦା ସିଙ୍ଗି ନାଗାର୍‌ରେୟାଃ ଦୁଆରକରେକ ହରକେଦା । ୨୫ ମେନ୍‌ଦ ଶାଉଲ୍‌ଆଃ ଚେଲ୍‌କ ନୁବାଃ ଇମ୍‌ତା ଶାଉଲ୍‌କେ ମିଆଁଦ୍ ଚୁକ୍‌ରେ ଦହକେଦ୍‌ତେ ପାତ୍‌ରି ହାନ୍‌ପାରମ୍‌ରେକ ଆଡ୍‌ଗୁକିୟା ।

ଯୀରୁଶାଲେମ୍‌ରେ ଶାଉଲ୍‌

୨୬ ଶାଉଲ୍‌ ଯୀରୁଶାଲେମ୍‌ତେ ସେନ୍‌କେଦ୍‌ତେ ଚେଲ୍‌କଲଃ ମେସାନ୍ ନାଗେନ୍ତେ ସାନାଙ୍‌କେଦା । ମେନ୍‌ଦ ଇନିଃ ମିଆଁଦ୍ ଚେଲ୍‌ ତାନିଃ ମେନ୍ତେ କାକଗି ବିଶ୍ୱାସକେଦା ଆଡ଼ଃ ସବେନ୍‌କ ଇନିଃକେ ବରଆଇ ତାଇକେନାକ । ୨୭ ଏନ୍ତେ ବର୍ଣ୍ଣବାସ୍ ଇନିଃକେ ପ୍ରେରିତ୍ ଚେଲ୍‌କତାଃତେ ଇଦିକେଦ୍‌ତେ ଦମାସକସ୍ ହରାରେ ଶାଉଲ୍‌ ଚିଲ୍‌କା ପ୍ରାଭୁଆଃ ଦାର୍‌ଗାନ୍ ନାମାକାଦ୍ ତାଇକେନାଏ ଆଡ଼ଃ ପ୍ରାଭୁ ଚିଲ୍‌କା ଇନିଃକେ କାଜିକିୟା, ଏନ୍ ସବେନାଃ ଇନ୍‌କୁକେ ଉଦୁବାଦକଆ । ଦମାସକସ୍‌ରେ ଯୀଶୁଆଃ ନୁତୁମ୍‌ତେ ଶାଉଲ୍‌ ଚିଲ୍‌କା ବେଗାର୍‌ ବରତେ ପ୍ରାଚାରକେଦା, ଏନ୍ ସବେନାଃ ଇନ୍‌କୁକେ ବୁଗିଲେକାଏ ଉଦୁବାଦକଆ । ୨୮ ଏନ୍ତେ ଶାଉଲ୍‌ ପ୍ରେରିତ୍ ଚେଲ୍‌କଲଃ ତାଇନ୍‌ୟାନାଏ ଆଡ଼ଃ ଯୀରୁଶାଲେମ୍‌ରେୟାଃ ଚାରିୟସାଃ ସେନ୍‌କେଦ୍‌ତେ ବେଗାର୍‌ ବରତେ ପ୍ରାଭୁଆଃ ନୁତୁମ୍‌ତେ ପ୍ରାଚାରକେଦାକ । ୨୯ ଇନିଃ ଗ୍ରୀକ୍ ଜାଗାର୍‌ତେ ବାଖାଣ୍‌ତାନ୍ ଯିହୁଦୀ ହତକଲଃ ବାଖାଣ୍‌ ତାଇକେନାଏ ଆଡ଼ଃ କାପ୍‌ଜିତାଇକେନାଏ, ମେନ୍‌ଦ ଇନ୍‌କୁ ଇନିଃକେ ଗଏଃ ନାଗେନ୍ତେକ ରୋଜୋଟ ତାଇକେନା । ୩୦ ଖ୍ରୀଷ୍ଟ୍‌ରେ ହାଗାକ ନେ କାଜି ସାରିକେଦ୍‌ତେ, ଶାଉଲ୍‌କେ କାଇସରିୟା ନାଗାର୍‌ତେକ ଇଦିକିୟା ଆଡ଼ଃ ଏନ୍ତାଃଏତେ ତାଷ୍‌ ସ୍‌ ସାହାର୍‌ତେକ କୁଲ୍‌କିୟା ।

୩୧ ନେ'ଲେକାତେ ଗଟା ଯିହୁଦୀ ପାର୍‌ଗାନ୍, ଗାଲିଲ୍‌ ଆଡ଼ଃ ଶମିରୋନ୍‌ରେୟାଃ କାଲିସିୟାକରେନ୍ ଖ୍ରୀଷ୍ଟ୍ ବିଶ୍ୱାସୀକ ସୁକୁଜାଉରେ ତାଇକେନାକ ଆଡ଼ଃ ପାବିତାର୍‌ ଆମ୍‌ରେୟାଃ ଦେଙ୍ଗାତେ ପେଡ଼େଃ ନାମ୍‌ତାନ୍‌ଲଃ ପସାଇଦିୟାଃ ତାଇକେନାକ ଆଡ଼ଃ ପ୍ରାଭୁକେ ବରଭାକ୍ତିତାନ୍‌ଲଃ ଜୀଦାନ୍ ବିତାଅ ତାଇକେନାକ ।

ଲୁଦା ଆଡ଼ଃ ଯୋପ୍‌ପାରେ ପାତ୍‌ରାସ୍

୩୨ ପାତ୍‌ରାସ୍ ସବେନ୍‌ତାଃ ହରାସେନ୍‌ତାନ୍‌ଲଃ ଲୁଦା ସାହାର୍‌ରେ ତାଇନଃତାନ୍ ପାର୍‌ମେଶ୍ୱାର୍‌ଆଃ ପାବିତାର୍‌ ହତକତାଃତେ ନେପେଲ୍ ନାଗେନ୍ତେ ସେନଃସ୍ତାନା । ୩୩ ଏନ୍ତାଃରେ ପାତ୍‌ରାସ୍ ଏନିୟ ନୁତୁମ୍ ମିଆଁଦ୍ ହତକେ ନାମ୍‌କିୟା । ଇନିଃ ବାଡ୍‌କାନ୍ ହରାତେ ଇରାଲିୟା* ବାରାଷ୍ ଜାକେଦ୍ ପାର୍‌କମ୍‌ହେତେ ବିରିଦ୍ କାଏ ଦାଡ୍‌ତାଇକେନା । ୩୪ ପାତ୍‌ରାସ୍ ଇନିଃକେ କାଜିକିୟା, “ଏନିୟ, ଯୀଶୁ ଖ୍ରୀଷ୍ଟ୍ ଆମ୍‌କେ ବୁଗିକାଦ୍‌ମେଆ । ବିରିଦ୍‌ମେ ଆଡ଼ଃ ପାର୍‌କମ୍‌ତାମାଃ ବିଲ୍‌କାଦ୍‌ତେୟାଃ ଉଠାଏମେ ।” ଇମ୍‌ତାଗି ଏନିୟ ବିରିଦ୍‌ୟାନାଏ । ୩୫ ଲୁଦା ଆଡ଼ଃ ଶାମୋନ୍‌ରେ ତାଇନଃତାନ୍ ସବେନ୍ ହତକ ଇନିଃକେ ନେଲ୍‌କେଦ୍‌ତେ ପ୍ରାଭୁରେ ବିଶ୍ୱାସକେଦାକ ।

ପାତ୍‌ରାସ୍ ଦର୍‌କାସକେ ଜୀଉବିରିଦ୍‌କିୟା

୩୬ ଯୋପ୍‌ପା ସାହାର୍‌ରେ ଟାବିଆ ନୁତୁମ୍ ମିଆଁଦ୍ ଖ୍ରୀଷ୍ଟ୍ ବିଶ୍ୱାସୀ କୁଡ୍‌ ତାଇକେନାଏ । ଇନିୟାଃ ଗ୍ରୀକ୍ ନୁତୁମ୍ ଦର୍‌କାସ୍, ନେଆଁରାଃ ମୁଣ୍ଡି ହବାଅଃତାନା “ମିଆଁଦ୍ ମିରିକ୍ ।” ଇନିଃ ଆୟାଃ ସବେନ୍ ନେତାରେ ବୁଗିନ୍ କାମି କାମିତାଇକେନା ଆଡ଼ଃ ଗାରିଦ୍ ହତକକେ ଦେଙ୍ଗାକତାନ୍ ତାଇକେନା । ୩୭ ଏନ୍ ନେତାରେ ଇନିଃ ବେମାର୍‌କେଦ୍‌ତେ ଗଏଃୟାନା । ହତକ ଇନିୟାଃ ହତ୍‌ମକେ ନିୟାଁରକେଦାକ ଆଡ଼ଃ ମାହାଲା ଅଡ଼ାଃରେୟାଃ ଚେତାନ୍ କୁଠାରେକ ଦହକେଦା । ୩୮ ଯୋପ୍‌ପା ସାହାର୍ ଲୁଦା ସାହାର୍‌ତାଃଏତେ ଥୁମ୍‌ ସାଙ୍ଗିନ୍‌ରେ କା ତାଇକେନା । ପାତ୍‌ରାସ୍ ଲୁଦା ସାହାର୍‌ରେ ମେନାଇୟା ମେନ୍ତେ ଯୋପ୍‌ପାରେନ୍ ଖ୍ରୀଷ୍ଟ୍ ବିଶ୍ୱାସୀକ ଆୟୁମ୍‌କେଦ୍‌ରି, ଇନ୍‌କୁ ବାର୍‌ହତ୍‌କିନ୍‌କେ ଆୟାଃ ହେପାଦ୍ କୁଲ୍‌କେଦ୍‌ତେ ନେ'ଲେକା କାଜିଗହାର୍‌କେଦାକ, “ଦାୟାକେଦ୍‌ତେ ଆଲେତାଃତେ ଜାଲ୍‌ଦି ହିଜୁଃମେ ।” ୩୯ ପାତ୍‌ରାସ୍ ସେକାଡ୍‌କେଦ୍‌ତେ ଇନ୍‌କୁଲଃ ସେନଃସ୍ତାନାଏ । ଏନ୍ତାଃତେ ସେଚେର୍‌ୟାନ୍‌ଚି ଇମ୍‌ତାଗି ହତକ ମାହାଲା ଅଡ଼ାଃରେୟାଃ ଚେତାନ୍ କୁଠାତେ ଇନିଃକେକ ଇଦିକିୟା । ଏନ୍ତାଃରେ ରାଣ୍ଡିକୁଡ୍‌କି ଇନିଃକେ ଜୁରୁବିୟୁରକେଦ୍‌ତେ ରାଆଃତାନ୍‌ଲଃ ଦର୍‌କାସ୍ ଜାନିଦ୍ ତାଇକେନ୍ ଇମ୍‌ତା ସିଲ୍‌କାଦ୍ ତୁସିଙ୍ଗ୍ ଲିଜାଃ ଆଡ଼ଃ ଲିଜାଃକ ଇନିଃକେକ ଉଦୁବ୍‌କିୟା । ୪୦ ପାତ୍‌ରାସ୍ ସବେନ୍‌କକେ ଏନ୍ କୁଠାଏତେ ଅଡ଼ଙ୍‌କେଦକଆ ଆଡ଼ଃ ଇକ୍‌ଡ୍‌କେଦ୍‌ତେ ବିକ୍ରିକେଦା, ଏନ୍ତେ ଇନିଃ ଦର୍‌କାସ୍‌ଆଃ ଗଏଃ ହତ୍‌ମସାଃତେ ହେଡାରୁହାଡ୍‌କେଦ୍‌ତେ କାଜିକେଦା, “ଟାବିଆ, ବିରିଦ୍‌ମେ ।” ଦର୍‌କାସ୍ ନେଲ୍‌କେଦାଏ ଆଡ଼ଃ ପାତ୍‌ରାସ୍‌କେ ନେଲ୍‌କେଦ୍‌ତେ ଦୁବ୍‌ୟାନା । ୪୧ ପାତ୍‌ରାସ୍ ଇନିୟାଃ ତିଃଇକେ ସାବ୍‌କେଦ୍‌ତେ ବିରିଦ୍‌କିୟା । ଏନ୍ତେ ଇନିଃ ହୁଣ୍ଡିୟାକାନ୍ ପାବିତାର୍‌ ହତକକେ ଆଡ଼ଃ ରାଣ୍ଡିକୁଡ୍‌କିକେ ହାକାଅକେଦ୍‌ତେ ଦର୍‌କାସ୍‌କେ ଇନ୍‌କୁଆଃ ତିଃଇରେ ଜୀହୁଦଗି ଜିମାକିୟା । ୪୨ ନେ କାଜି ଗଟା ଯୋପ୍‌ପା ସାହାର୍‌ରେୟାଃ ଚାରିୟସାଃରେ ଆୟୁମ୍‌ୟାନା ଆଡ଼ଃ ପୁରାଃ ହତକ ପ୍ରାଭୁକେକ ବିଶ୍ୱାସକିୟା । ୪୩ ପାତ୍‌ରାସ୍ ପୁରାଃ ଦିନ୍ ଜାକେଦ୍ ଯୋପ୍‌ପାରେ ଶିମୋନ୍ ନୁତୁମ୍ ମିଆଁଦ୍ ମୁଚିଆଃ ଅଡ଼ାଃରେ ତାଇନ୍‌ୟାନା ।

☆ ୯:୨୩ ୯:୨୩ ୨ କରିକ୍ତିୟ ୧୧:୩୨, ୩୩. * ୯:୩୩ ୯:୩୩ ଆଠ

୧୦

ପାତ୍ରରାସ୍ ଆତ୍ମ କର୍ଣ୍ଣଲିୟ

^୧ କାଇସରିୟା ନାଗାରରେ କର୍ଣ୍ଣଲିୟ ନୁତୁମ୍ ମିଆଁଦ୍ ହତ୍ ତାଇକେନାଏ, ଇନିଃ “ଇଟାଲିରେନ୍ ପାଲଟାନ୍” ନୁତୁମ୍ ଫାତାନ୍ ରୋମାନ୍ ପାଲଟାନ୍ କଥାଃ ମିଦ୍ ଶାଅ ସିପାଇକଥାଃ ଆଗୁଆଇ ତାଇକେନାଏ । ^୨ ଇନିଃ ଧାର୍ମାନ୍ ହତ୍ ତାଇକେନାଏ । ଇନିଃ ଆତ୍ମ ଆୟାଃ ଅତ୍ମରେନ୍ ସବେନ୍ କ ପାର୍ମେଶ୍ଵାରେକେ ବର ତାଇକେନା । ଇନିଃ ଗାରିବ୍ ଯିହୁଦୀ ହତ୍ କକେ ଦେଙ୍ଗାକତାନ୍ ତାଇକେନା ଆତ୍ମ ପାର୍ମେଶ୍ଵାରେକେ ସବେନ୍ ଇମ୍ତାଏ ବିକ୍ରିତାନ୍ ତାଇକେନା । ^୩ ମୁସିଙ୍ଗ୍ ତାରିସିଙ୍ଗ୍ ଆପି ଘାଡ଼ି ହବାଅଃତାଇକେନ୍ ଇମ୍ତାକରେ ଇନିଃ ମିଆଁଦ୍ ଦାର୍ଶାନ୍ରେ ପୁରା ନେଲ୍ କେଦା ଯେ, ପାର୍ମେଶ୍ଵାଆଃ ମିଆଁଦ୍ ଦୁଁଦ୍ ହିଜୁକେଦ୍ ତେ ଇନିଃକେ ହାକାଅକିୟା, “ଏ କର୍ଣ୍ଣଲିୟ ।”

^୪ ଇନିଃ ବରତେ ଦୁଁଦ୍ ସାଃତେ ନେଲ୍ କେଦା ଆତ୍ମ କାଜିକିୟାଏ, “ହେ ଗମ୍ କେ, ତିନାଃମ୍ କାଜିତାନା ?” ଦୁଁଦ୍ କାଜିରୁହାଡ଼କିୟାଏ, “ପାର୍ମେଶ୍ଵା ଆମାଃ ବିକ୍ରି ଆତ୍ମ ଦାନ୍ ଏମାଃରେ ସୁକ୍ଷ୍ମାକାନା ଆତ୍ମ ଇନିଃ ଆମ୍ କେ କାଜିରୁହାଡ଼ ନାଗେନ୍ତେ ସେକାଡ଼ାକାନା । ^୫ ନାହାଃ ଶିମୋନ୍ ପାତ୍ରରାସ୍ ନୁତୁମ୍ ମିଆଁଦ୍ ହତ୍ କେ କେଡ଼ାଆଇ ନାଗେନ୍ତେ ହତ୍ କକେ ଯୋପ୍ ପାତେ କୁଲ୍ କମେ । ^୬ ପାତ୍ରରାସ୍ ଦରେୟା ଗେନାରେ ତାଇକେନା ଶିମୋନ୍ ନୁତୁମ୍ ମିଆଁଦ୍ ମୁଟିଆଃ ଅତ୍ମରେ ପେଡ଼ାହତ୍ ଲେକାଏ ତାଇକେନା ।” ^୭ ନେଆଁ କାଜିକେଦ୍ ତେ ଦୁଁଦ୍ ସେନଃୟାନାଏ । ଏନ୍ତେ କର୍ଣ୍ଣଲିୟ ଆୟାଃ ଅତ୍ମରେନ୍ ବାର୍ହତ୍ ଦାସିକିନ୍ କେ ଆତ୍ମ ମିଆଁଦ୍ ସିପାଇ, ଅକଏତି ଧାର୍ମାନ୍ ହତ୍ ତାଇକେନାଏ, ଇନିଃକେ କେଡ଼ାଆଇକିୟା । ^୮ ଇନିଃ ଇନ୍ କୁକେ ସବେନାଃ ଉଦ୍ ବକେଦ୍ ତେ ଯୋପ୍ ପାତେ କୁଲ୍ କେଦ୍ କଥା ।

^୯ ଏଗାଃ ହୁଲାଙ୍ଗ୍ ଇନ୍ କୁ ଯୋପ୍ ପା ସାହାରେ ସେଟେରଃତାନ୍ ଇମ୍ତା ପାତ୍ରରାସ୍ ମାହାଲା ଅତ୍ମରେୟାଃ ଚେତାନ୍ କୁଠାତେ ବିକ୍ରି ନାଙ୍ଗ୍ ସେନ୍ କେନାଏ । ଇମ୍ତାକ ତିକିନ୍ ସିଙ୍ଗି ହବାଅଃ ତାଇକେନା । ^{୧୦} ପାତ୍ରରାସ୍ କେ ପୁରାଃତା ରେଙ୍ଗେଃକିଃ ହରାତେ ଜେଡ଼ନାଃ ଜମ୍ ନାଙ୍ଗ୍ ସାନାଙ୍ଗ୍ କିୟା । ଜମେୟାଃ ସେକାଡ଼ତାଇକେନ୍ ଇମ୍ତା ଇନିଃ ମିଆଁଦ୍ ଦାର୍ଶାନ୍ ନାମ୍ କେଦାଏ । ^{୧୧} ଇନିଃ ସିମା ନିଜାକାନ୍ ଆତ୍ମ ଏନାଏତେ ମିଆଁଦ୍ ମାରାଙ୍ଗ୍ ଚାଦାର୍ ଲେକା ଉପୁନିୟା* କଟାରେ ତୁଙ୍ଗାକେଦ୍ ତେ ଅତେ ଚେତାନ୍ ତେ ଆଡ଼ଗୁଃତାନାଏ ନେଲ୍ କେଦା । ^{୧୨} ଏନାରେ ତିମିନ୍ ରାକାମରେନ୍ ଜାତୁ, ଅତେରେ ରେଙ୍ଗାଅଃତାନ୍ ଜାତୁ ଆତ୍ମ ବିରରେନ୍ ଅଡ଼େକ ତାଇକେନା । ^{୧୩} ଆତ୍ମ ଇନିଃ ମିଆଁଦ୍ ଲାବ୍ ଜା ଆୟୁମ୍ କେଦାଏ, “ଏ ପାତ୍ରରାସ୍, ବିରିଦ୍ ମେ ଆତ୍ମ ଗଏଃକେଦ୍ ତେ ଜମ୍ କୁମ୍ ।”

^{୧୪} ମେନ୍ଦ୍ ପାତ୍ରରାସ୍ କାଜିକେଦାଏ, “କାହାଗି, ପ୍ରାଭୁ, ଆଇଙ୍ଗ୍ ଚିତ୍ତଲାଅଗି କା ଫାର୍ତିୟାକାନ୍ ଚାଏ ସତ୍ତରାକାନ୍ ଜମେୟାଃ କାଇଙ୍ଗ୍ ଜମାକାଦା ।”

^{୧୫} ଇନିଃ ଆତ୍ମମିଆ ଏନ୍ ଲାବ୍ ଜା ଆୟୁମ୍ କେଦାଏ, “ପାର୍ମେଶ୍ଵା ଅକ୍ ନାଃକେ ଫାର୍ତିକାଦା, ଆମ୍ ଏନାକେ କା ଫାର୍ତି ମେନ୍ତେ ଆଲମ୍ କାଜିୟା ।” ^{୧୬} ନେଲ୍ କେ ଆପିସାତେ ହବାୟାନ୍ ତାୟମ୍ ତେ, ଚାଦାର୍ ଇମ୍ତାଗି ସିମାତେ ରାକାବ୍ ଯାନା ।

^{୧୭} ପାତ୍ରରାସ୍ ଆୟାଃ ଦାର୍ଶାନ୍ରେୟାଃ ମୁଣ୍ଡି ଉଡ଼ୁକେଦ୍ ତେ ଆକ୍ ଦାୟାଅଃତାନ୍ ଇମ୍ତା, କର୍ଣ୍ଣଲିୟ ଅକନ୍ ହତ୍ କକେ କୁଲାକାଦକ ତାଇକେନା, ଇନ୍ କୁ ଶିମୋନ୍ ଆଃ ଅତ୍ମ ନେଲ୍ ଉରମ୍ କେଦ୍ ତେ ଆୟାଃ ଅତ୍ମରାଚାରେୟାଃ ବଲ୍ ଦୁଆର୍ତ୍ତାଃରେ ତିଙ୍ଗାକାନ୍ ତାଇକେନା । ^{୧୮} ଇନ୍ କୁ ହାକାଅକେଦ୍ ତେ କୁଲିକେଦାକ, “ଶିମୋନ୍ ପାତ୍ରରାସ୍ ନୁତୁମ୍ ମିଆଁଦ୍ ପେଡ଼ାହତ୍ ନେତାଃରେ ମେନାଇୟାତି ?”

^{୧୯} ପାତ୍ରରାସ୍ ଇମ୍ତାଜାକେଦ୍ ଏନ୍ ଦାର୍ଶାନ୍ରେୟାଃ ମୁଣ୍ଡି ଆବ୍ କାର୍ତ୍ତୁମେ ନାଗେନ୍ତେ ସାନାଙ୍ଗ୍ ତାଇକେନା, ଇମ୍ତା ଆମ୍ କାଜିକିୟାଏ, “ଆୟୁମ୍ ଲେମ୍, ଆମ୍ କେ ଆପିହତ୍ ଦାଣାମେତାନାକ । ^{୨୦} ଏନାତେ ମାର୍ ସେକାଡ଼କେଦ୍ ତେ ଲାତାର୍ ତେ ଆଡ଼ଗୁନ୍ ମେ ଆତ୍ମ ଇନ୍ କୁଲଃ ସେନ୍ ନାଗେନ୍ତେ ଆଲମ୍ ହିବ୍ କିଚାଃଆ, ଚିଆଃତି ଆଇଙ୍ଗ୍ ଇନ୍ କୁକେ କୁଲାକାଦକ ଆଇଙ୍ଗ୍ ।” ^{୨୧} ଏନ୍ତେ ପାତ୍ରରାସ୍ ଲାତାର୍ ତେ ଆଡ଼ଗୁକେଦ୍ ତେ ଇନ୍ କୁକେ କାଜିକେଦ୍ କଥା, “ଆପେ ଅକଏକେ ଦାଣାତାନାପେ ଇନିଃ ଆଇଙ୍ଗ୍ ତାନିଙ୍ଗ୍, ଆପେ ତିନାଃ ମେନ୍ତେପେ ହିଜୁକାନା ?”

^{୨୨} ଇନ୍ କୁ କାଜିରୁହାଡ଼କିୟାକ, “ମିଦ୍ ଶାଅ ସିପାଇକଥାଃ ଆଗୁଆଇ କର୍ଣ୍ଣଲିୟ ଆଲେକେ କୁଲାକାଦ୍ ଲେୟା । ଇନିଃ ମିହୁଡ଼୍ ଧାର୍ମାନ୍ ହତ୍ ତାନିଃ । ଇନିଃ ପାର୍ମେଶ୍ଵାରେକେ ବରଝାଇ ତାଇକେନା ଆତ୍ମ ସବେନ୍ ଯିହୁଦୀ ହତ୍ କ ଇନିଃକେ ମାଇନାଃକ । ପାର୍ମେଶ୍ଵାଆଃ ମିଆଁଦ୍ ପାବିତାର୍ ଦୁଁଦ୍ କର୍ଣ୍ଣଲିୟକେ ଦାର୍ଶାନ୍ ଏମ୍ କେଦ୍ ତେ ଆମ୍ କେ ଆୟାଃ ଅତ୍ମରେ କେଡ଼ାକିମେ ମେନ୍ତେ କାଜିକାଦା, ଜେଲେକାଚି ଇନିଃ ଆମାଃତାଃଏତେ ଇତୁ ଦାଡ଼ିୟାଆ ।” ^{୨୩} ପାତ୍ରରାସ୍ ଇନ୍ କୁକେ ଅତ୍ମରେ କେଡ଼ାକିମେଦ୍ କଥା ଆତ୍ମ ଏନ୍ ନିଦା ଆୟାଃଲଃ ତାଇନ୍ ନାଗେନ୍ତେ ବିକ୍ରିକେଦ୍ କଥା । ଏଗାଃ ହୁଲାଙ୍ଗ୍ ଇନିଃ ସେକାଡ଼କେଦ୍ ତେ ଇନ୍ କୁଲଃ ସେନଃୟାନାଏ । ଯୋପ୍ ପାରେନ୍ ତିମିନ୍ ବିଶ୍ଵାସୀକହଗି ଇନ୍ କୁଲଃ ମିସାତେକ ସେନଃୟାନା । ^{୨୪} ଏନ୍ ହୁଲାଙ୍ଗ୍ରେୟାଃ ଏଗାଃ ହୁଲାଙ୍ଗ୍ରେ ଇନ୍ କୁ କାଇସରିୟା ସାହାରେକେ ସେଟେରଃୟାନା । ଏତ୍ମାରେ କର୍ଣ୍ଣଲିୟ ଆୟାଃ ହତ୍ ପେଡ଼ାକକେ ଆତ୍ମ ଆୟାଃ ଗାତିକକେ ହାକାଅକେଦ୍ ତେ ଇନ୍ କୁକେ ତାଜିତାନ୍ କ ତାଇକେନା

* ୧୦:୧୧ ୧୦:୧୧ ଗାଇର୍

। ୨୫ ପାତ୍ରରାସ୍ ଭିତାରେ ବଳତାନ୍ ତାଲକେନ୍ ଇମ୍ତା କର୍ଣ୍ଣଲିୟ ଇନିଃକେ ଦାରମିତାନ୍ଲଃ ଆୟାଃ କାଟା ସୁବାରେ ଉୟୁଃକେଦ୍ତେ ଜହାରକିୟା । ୨୬ ଫେନ୍ଦ୍ ପାତ୍ରରାସ୍ ଇନିଃକେ ବିରିଦ୍କେଦ୍ତେ କାଜିକିୟା, “ମାର୍ ତିଜ୍ଜୁନ୍ଫେ, ଆଇଙ୍ଗ୍ ହିଁ ମିହୁଡ୍ ହଡ୍ ତାନିଙ୍ ।” ୨୭ ପାତ୍ରରାସ୍ କର୍ଣ୍ଣଲିୟଲଃ ଜାଗାର୍ତାନ୍ଲଃଗି ଅଡ଼ାଃତେ ବଲୟାନା । ଏନ୍ତାଃରେ ପୁରାଃ ହଡ୍କକେ ନେଲ୍କେଦ୍ତେ, ୨୮ ଇନିଃ ଇନ୍କୁକେ କାଜିକେଦ୍କଆ, “ଆପେ ସବେନ୍କ ସାରିତାନାପେ, ମିଆଁଦ୍ ଯିହୁଦୀ ହଡ୍ ଆୟାଃ ଧାରାମ୍ ବିଶ୍ୱାସ୍ ଲେକାତେ ସାଅଁସାର୍ ହଡ୍କଲଃ କାଏ ଦୁବ୍ତିଜ୍ଜୁନା । ଫେନ୍ଦ୍ ପାର୍ମେଶ୍ୱାର୍ ଆଇଙ୍ଗ୍କେ ଉଦୁବ୍କାଦିୟାଁ, ଜେତାଏକେ କା ଫାର୍ତି ତାଏ ସତ୍ତରା ମେନ୍ତେ ଆଲମ୍ କାଜିକଆ । ୨୯ ଏନାମେନ୍ତେ ଆମ୍ ତିମ୍ତା ଆଇଙ୍ଗ୍କେ କେଡାଆଉ ନାଙ୍ଗ୍ କାଜିକେଦାମ୍, ଆଇଙ୍ଗ୍ ଜେଦ୍ନାଃ କା କାଜିକେଦ୍ତେଇଙ୍ଗ୍ ହିଜ୍ଜୁଃୟାନା । ଆଇଙ୍ଗ୍ ସାରି ନାଗେନ୍ତେଇଙ୍ଗ୍ ସାନାଙ୍ଗ୍ତାନା, ଆମ୍ ତିନାଃମେନ୍ତେମ୍ କେଡାଆଉକାଦିୟାଁ ?”

୩୦ କର୍ଣ୍ଣଲିୟ କାଜିକିୟାଏ, “ଉପୁନ୍ଫାହାଁରେ ଠିକ୍ ନେ ନେଡାରେ ତାର୍ସିଙ୍ଗ୍ ଆପି ପାଡ଼ିକରେ ଆଇଙ୍ଗ୍ ଆଇଁୟାଃ ଅଡ଼ାଃରେ ବିନ୍ତି ତାଲକେନାଇଙ୍ଗ୍ । ଇମ୍ତାଙ୍ଗ୍ ଝାକ୍ମାକ୍ ଲିଜାଃ ତୁସିଙ୍ଗ୍ୟାକାନ୍ ମିଆଁଦ୍ ହଡ୍ ଆଇଁୟାଃ ସାମ୍ନାଙ୍ଗ୍ରେ ତିଜ୍ଜୁୟାନା ଆଡ଼ କାଜିକିୟାଏ, ୩୧ ଏ କର୍ଣ୍ଣଲିୟ, ପାର୍ମେଶ୍ୱାର୍ ଆମାଃ ବିନ୍ତି ଆୟୁମାକାଦା ଆଡ଼ ଗାରିବ୍ ହଡ୍କକେ ଦାନ୍ ଏମ୍ରେୟାଃ କାମିତେ ସୁକୁଆକାନା । ୩୨ ଶିମୋନ୍ ପାତ୍ରରାସ୍ ନୁତୁମ୍ ମିଆଁଦ୍ ହଡ୍କେ ଆଉ ନାଗେନ୍ତେ ଯୋପ୍ପା ସାହାର୍ତେ ଜେତାଏ ମିହୁଡ୍କେ କୁଲିପେ । ଇନିଃ ଦରେୟା ଗେନାରେ ତାଲନ୍ତାନ୍ ମୁଚି ଶିମୋନ୍ଆଃ ଅଡ଼ାଃରେ ପେଡ଼ାହଡ୍ ଲେକା ମେନାଇୟା । ୩୩ ଏନ୍ତେ ଆଇଙ୍ଗ୍ ଇମ୍ତାଗି ଆମକେ କେଡାଆଉ ନାଙ୍ଗ୍ ହଡ୍କଇଙ୍ଗ୍ କୁଲ୍କେଦ୍କଆ ଆଡ଼ ଆମ୍ ଲିବୁଇତାନ୍ଲଃ ହିଜ୍ଜୁଃୟାନାମ୍ । ପ୍ରାଭୁ ଆମ୍କେ ଅକ୍ନାଃ କାଜି ନାଗେନ୍ତେ ଆତୁକାଦ୍ମା, ଏନା ଆୟୁମ୍ ନାଗେନ୍ତେ ଆଲେ ନାହାଁଃ ସବେନ୍କ ନେଡାଃରେଲେ ହୁଣ୍ଡିୟାକାନା ଆଡ଼ ସାରିତାନାଲେ ପାର୍ମେଶ୍ୱାର୍ ଆଲେଲଃ ମେନାଇୟା ।”

କର୍ଣ୍ଣଲିୟରାଃ ଅଡ଼ାଃରେ ପାତ୍ରରାସ୍ଆଃ ପ୍ରାଗାର୍

୩୪ ପାତ୍ରରାସ୍ ଇତୁ ଏଟେଦ୍ତାନଲଃ କାଜିକେଦାଏ, “ନାହାଁଃ ଆଇଙ୍ଗ୍ ଆଟ୍କାର୍ ଉରୁମ୍କେଦାଇଙ୍ଗ୍ ଯେ ସାର୍ତିଗି ପାର୍ମେଶ୍ୱାର୍ ସବେନ୍କକେ ମିଦ୍ଜକାଗି ନେଲାଃଏ । ୩୫ ଜେତାଏ ପାର୍ମେଶ୍ୱାର୍କେ ବରଝାଇୟା ଆଡ଼ ଅକ୍ନାଃ ବୁଗିନାଃ ଏନା ରିକାଃଏ, ଇନିଃକେ ପାର୍ମେଶ୍ୱାର୍ ସୁକୁଃଆଏ । ଏନ୍ ହଡ୍ ଜେତା ଜାତିରେନ୍ ତାଲନଃରେୟ ବାୟୁଃଆ । ୩୬ ପାର୍ମେଶ୍ୱାର୍ ଇସ୍ରାଏଲ୍ ହଡ୍କତାଃତେ ଅକ୍ କାନାଜି କୁଲାକାଦ୍ ତାଲକେନାଏ, ଏନାଗି ଯୀଶୁ ଖ୍ରୀଷ୍ଟଆଃ ହରାତେ ଉଦୁବକାନ୍ ଜୀଉସୁକୁରାଃ ସୁକୁକାଜି ତାନାଃ ଆଡ଼ ନେ ଯୀଶୁଗି ସବେନ୍କଆଃ ପ୍ରାଭୁ ତାନିଃ, ଏନାଦପେ ସାରିତାନା । ୩୭ ଯୋହାନ୍ ମନ୍ରୁହାଡ୍ରେୟାଃ ଆଡ଼ ଦାଆଃରେ ବାପ୍ତିସ୍ମା ଇଦିରେୟାଃ କାନାଜି ଉଦୁବ୍କେଦ୍ ତାୟମ୍ତେ, ଗାଲିଲ୍ତାଃଏତେ ଏଟେକେଦ୍ତେ ଗଟା ଯିହୁଦୀ ଦିଶ୍ମ୍ରେ ସୁକୁକାଜି ଉଦୁବ୍ୟାନା, ଏନାଦପେ ସାରିତାନା । ୩୮ ଆପେ ନାଜ୍ରେଡ୍ରେନ୍ ଯୀଶୁଆଃ ବିଷାଏରେ ଆଡ଼ ପାର୍ମେଶ୍ୱାର୍ ତିଲ୍କା ଯୀଶୁଆଃ ତେତାନ୍ରେ ପାବିତାର୍ ଆମ୍ ଆଡ଼ ପେଡ଼େଃତେ ଆଭିଷେକ୍କିୟାଏ, ଏନାଦପେ ସାରିତାନା । ଯୀଶୁ ସବେନ୍ସାଃତେ ସେନ୍କେଦ୍ତେ ବୁଗିନାଃ କାମିକେଦାଏ ଆଡ଼ ସାଏତାନ୍ତେ ଏସେରକାନ୍ ହଡ୍କକେ ବୁଗିକେଦ୍କଆ, ତିଆଃତି ପାର୍ମେଶ୍ୱାର୍ ଇନିଃଲଃ ତାଲକେନାଏ । ୩୯ ଯିହୁଦୀ ଦିଶ୍ମ୍ରେ ଆଡ଼ ଯୀରୁଶାଲେମ୍ ଦିଶ୍ମ୍ରେ ଇନିଃ ଅକ୍ କାମିକାଏ କାମିକେଦା, ଏନ୍ ସବେନାଃରେୟାଃ ଆଲେ ଗାଝାତାନ୍ଲେ । ଏନ୍ତେ ଯୀଶୁକେ ଇନ୍କୁ କୁଶ୍ରେ କିଲାକେଦ୍ତେ ଗଏଃକିୟାକ୍ । ୪୦ ଫେନ୍ଦ୍ ପାର୍ମେଶ୍ୱାର୍ ଇନିଃକେ ଆପିମାହାଁ ତାୟମ୍ତେ ଗନ୍ଏଃହେତେ ଜୀଉବିରିଦ୍କିୟା ଆଡ଼ ହଡ୍କତାଃରେ ଉଦୁବେନ୍ଇତିକିୟା । ୪୧ ଇନିଃ ସବେନ୍କତାଃରେଦ୍ କାଏ ଉଦୁବେନ୍ୟାନା, ଫେନ୍ଦ୍ ପାର୍ମେଶ୍ୱାର୍ ଅକ୍ ହଡ୍କକେ ଆୟାଃ ଗାଝା ଏମ୍ନାଙ୍ଗ୍ ସିଦାରେ ସାଲାକାଦ୍କ ତାଲକେନା, ଇନ୍କୁତାଃରେ ଏସ୍କାର୍ ଉଦୁବେନ୍ୟାନାଏ । ପାର୍ମେଶ୍ୱାର୍ ଇନିଃକେ ଗନ୍ଏଃହେତେ ଜୀଉବିରିଦ୍ୟାନ୍ ତାୟମ୍ତେ ଆଲେ ଇନିଃଲଃ ଜମ୍ ନୁଁକେଦାଲେ । ୪୨ ହଡ୍କତାଃରେ ସୁକୁକାଜି ଉଦୁବ୍ ନାଗେନ୍ତେ ଆଡ଼ ପାର୍ମେଶ୍ୱାର୍ ଇନିଃକେ ଜାନିଦ୍ ଆଡ଼ ଗନ୍ଏଃ ହଡ୍କଆଃ ବିତାର୍ ନାଗେନ୍ତେ ସାଲାକିୟା, ନେ କାଜିରେୟାଃ ଗାଝା ଏମ୍ ନାଗେନ୍ତେ ଇନିଃ ଆଲେକେ ଆତୁକାଦ୍ଲେୟା । ୪୩ ସବେନ୍ ନାବୀକ୍ ଇନିୟାଃ ବିଷାଏରେ ଗାଝା ଏମ୍କେଦାକ୍, ଅକନ୍ ହଡ୍କ ଇନିଃତାଃରେକ ବିଶ୍ୱାସେୟା, ଇନ୍କୁ ଇନିୟାଃ ନୁତୁମ୍ରେୟାଃ ପେଡ଼େଃତେ ପାପ୍ ଛାମାକ୍ ନାମେୟା ।”

ସାଅଁସାର୍ ବିଶ୍ୱାସୀ ହଡ୍କ ପାବିତାର୍ ଆମ୍କେକ ନାମ୍ ତାନା

୪୪ ପାତ୍ରରାସ୍ ନେ କାଜି କାଜିତାନ୍ ଇମ୍ତା, ଇନିୟାଃ କାଜି ଆୟୁମ୍ତାନ୍ ସବେନ୍ ହଡ୍କଆଃ ତେତାନ୍ରେ ପାବିତାର୍ ଆମ୍ ଆଡ଼ଗୁୟାନାଏ । ୪୫ ପାର୍ମେଶ୍ୱାର୍ ସାଅଁସାର୍ ବିଶ୍ୱାସୀ ହଡ୍କକେୟଗି ପାବିତାର୍ ଆମ୍ରେୟାଃ ବାର୍ଦାନ୍ ଏମାକତାନାଏ, ଏନା ନେଲ୍କେଦ୍ତେ ପାତ୍ରରାସ୍ଲଃ ହିଜ୍ଜୁଃକାନ୍ ଯୋପ୍ପା ସାହାର୍ରେନ୍ ଯିହୁଦୀ ବିଶ୍ୱାସୀକ୍ ହାଏକାଟ୍ୟାନାକ୍ । ୪୬ ତିଆଃତି ଯିହୁଦୀ ବିଶ୍ୱାସୀକ୍ ଇନ୍କୁକେ ପାର୍ମେଶ୍ୱାର୍ଆଃ ମାନାରାଙ୍ଗ୍ ରିକାତାନ୍ ଆଡ଼ ଏଟାଃ ଏଟାଃ ଜାଗାର୍ତେ କାଜିତାନ୍ ଆୟୁମ୍କେଦ୍କଆ । ଏନ୍ତେ ପାତ୍ରରାସ୍ କାଜିକେଦ୍କଆଏ, ୪୭ “ଆବୁ ଲେକାଗି ନେ ହଡ୍କହ ପାବିତାର୍ ଆମ୍କେ ନାମ୍କିୟା । ଦାଆଃରେ ବାପ୍ତିସ୍ମା ଇଦି ନାଗେନ୍ତେ ଇନ୍କୁକେ ତିନାଃ ଜେତାଏ ହକା ଦାଡ଼ିୟାଃକ ?” ୪୮ ଏନ୍ତେ ଇନିଃ ଇନ୍କୁକେ ଯୀଶୁ ଖ୍ରୀଷ୍ଟଆଃ ନୁତୁମ୍ତେ ଦାଆଃରେ ବାପ୍ତିସ୍ମା ଇଦି ନାଗେନ୍ତେ ଆତୁକେଦ୍କଆ । ଏନ୍ତେ ଇନ୍କୁ ଇନିଃକେ ଆଡ଼ ତିମିନ୍ ଦିନ୍ ଇନ୍କୁଲଃ ତାଲନ୍ ନାଗେନ୍ତେ କାଜିକିୟାକ୍ ।

୧୧

ଯୀରୁଶାଲେମ୍ କାଲିସିୟାରେ ପାଡ଼ରାସ୍‌ଆଃ ଉନ୍ନୁଦୁବ୍

୧ ସାଅଁସାର୍ ହଡ଼କହଗି ପାର୍‌ମେଶ୍‌ଆଃ ବାଚାନ୍ ତେଲାକେଦାକ ମେନ୍ତେ ପ୍ରେରିତ୍‌କ ଆତଃ ଯିହୁଦାରେନ୍ ଏଟାଃ ବିଶ୍ୱାସୀକ ଆୟୁମକେଦାକ । ୨ ପାଡ଼ରାସ୍ ଚିମ୍ତା ଯୀରୁଶାଲେମ୍‌ତେ ସେନଃୟାନା, ଇମ୍ତା ଖାଡ଼ନାଅକାନ୍ ହଡ଼କ ଇନିୟାଃ ବିରୁଧ୍‌ରେ କାଜିକିୟାକ, ୩ “ଆପେ କା ଖାଡ଼ନାଅକାନ୍ ସାଅଁସାର୍‌କଆଃ ଅଡ଼ାଃରେ ପେଡ଼ାହଡ଼ ଲେକାପେ ତାଇକେନା ଆତଃ ଇନ୍‌କୁଲଃ ଜମ୍ ନୁଁକେଦାପେ ।” ୪ ଏନାତେ ପାଡ଼ରାସ୍ ଏନେଚେଦ୍‌ତାଃଏତେ ଅକ୍‌ନାଃ ହବାକାନ୍ ତାଇକେନା, ଏନା ସବେନାଃଏ ଉଦୁବାଦକଆ,

୫ “ଆଇଙ୍ଗ୍ ଯୋପପା ସାହାର୍‌ରେ ବିନ୍ତି ତାଇକେନାଇଙ୍ଗ୍ ଇମ୍ତା ମିଆଁଦ୍ ଦାର୍‌ଶାନ୍ ନାମକେଦାଇଙ୍ଗ୍ । ମିଆଁଦ୍ ମାରାଙ୍ଗ୍ ଚାଦାର୍‌ରେୟାଃ ଉପୁନ୍ କଚାରେ ସାବକେଦ୍‌ତେ ସିମ୍‌ଏତେ ତୁଙ୍ଗାଆଡ଼ଗୁଃ ତାଇକେନା ଆତଃ ଆଇଁୟାଃ ଆୟାର୍‌ରେ ଆଚ୍‌କାଅୟାନ୍ ଲେକାଇଙ୍ଗ୍ ନେଲ୍‌କେଦା । ୬ ଆଇଙ୍ଗ୍ ଏନାରେୟାଃ ଭିତାର୍‌ସାଃରେ ବୁଗିଲେକାଇଙ୍ଗ୍ ନେଲ୍‌କେଦ୍ ଇମ୍ତା, ଏନାରେ ଉପୁନିୟା କାଟାକାନ୍ ଜାଁତୁକ, ଅଡ଼ାଃରେ ଆସୁଲ୍ ଜାଁତୁକ ଆତଃ ବିରରେନ୍ ଜାଁତୁକ, ଅତେରେ ରେଙ୍ଗାଅଃତାନ୍ ଜାଁତୁକ ଆତଃ ବିରରେନ୍ ଅଡ଼େକକେଇଙ୍ଗ୍ ନେଲ୍‌କେଦକଆ । ଆବୁଆଃ ଆଇନ୍ ଲେକାତେ କାରୁ ଜଜମ୍ ଜାଁତୁକହଗି ତାଇକେନାକ । ୭ ଏନ୍ତେ ଆଇଙ୍ଗ୍, ଆଇଙ୍ଗ୍‌କେ କାଜିୟାଈଙ୍ଗ୍‌ତାନ୍ ଲାବ୍‌ଜା ଆୟୁମକେଦାଇଙ୍ଗ୍, ‘ପାଡ଼ରାସ୍, ବିରିଦ୍‌ମେ, ଆତଃ ଗଏଃକେଦ୍‌ତେ ଜମ୍‌କମ୍ ।’ ୮ ମେନ୍‌ଦ ଆଇଙ୍ଗ୍ କାଜିରୁହାଡ଼କେଦାଇଙ୍ଗ୍, ‘କାହାଗି ପ୍ରାଭୁ, ଆଇଙ୍ଗ୍ କାଇଙ୍ଗ୍ ଜମ୍ ଦାଡ଼ିୟା । ନାହାଁଃ ଜାକେଦ୍ ଜେତା ସଡ଼ରାତେୟାଃ ଚାଏ କା ଫାର୍‌ଚିତେୟାଃ କାଇଙ୍ଗ୍ ଜମାକାଦା ।’ ୯ ସିମ୍‌ଏତେ ଆତଃମିସା ନେ ଲାବ୍‌ଜା ଆୟୁମୟାନା, ‘ପାର୍‌ମେଶ୍‌ଆ଼ ଅକ୍‌ନାଃକେ ଫାର୍‌ଚିକାନା ମେନ୍ତେ କାଜିକାଦ୍‌ତେୟାଃକେ କା ଫାର୍‌ଚିକାନା ମେନ୍ତେ ଆଲମ୍ କାଜିୟା ।’ ୧୦ ନେ’ଲେକା ଆପିସାତେ ହବାୟାନା, ଆତଃ ଚୁଣ୍ଡୁରେ ଏନ୍ ସବେନ୍ ବିଷାଏକେ ସିମ୍‌ଏତେ ଇଦି ରୁହାଡ଼ୟାନା । ୧୧ ଏନ୍ ନେତାରେଗି, କାଇସରିୟାଏତେ ଆଇଙ୍ଗ୍‌ତାଃତେ କୁଲାକାନ୍ ଆପିହଡ଼କ ଆଇଙ୍ଗ୍ ତାଇନଃ ଅଡ଼ାଃତାଃତେକ ସେଚେର୍‌ୟାନା । ୧୨ ପାବିତାର୍ ଆମ୍ବା ଆଇଙ୍ଗ୍‌କେ ବେଗାର୍ ହିଚ୍‌କିତାଅକେଦ୍‌ତେ ଜୁ ସେନଃମେ ମେନ୍ତେ କାଜିକିୟା । ଯୋପପାରେନ୍ ନେ ତୁରିୟା* ବିଶ୍ୱାସୀ ହାଗାକ ଆଇଙ୍ଗ୍‌ଲଃ କାଇସରିୟାତେକ ସେନ୍‌କେନା ଆତଃ ଆଲେ ସବେନ୍‌କ କର୍ଣ୍ଣୁଲିୟାଆଃ ଅଡ଼ାଃରେଲେ ସେଚେର୍‌ୟାନା । ୧୩ ଇନିଃ ଚିଲ୍‌କା ଆୟାଃ ଅଡ଼ାଃରେ ମିଆଁଦ୍ ଦୁଁଡ଼କେ ତିଙ୍ଗୁକାନ୍ ନେଲାକାଇ ତାଇକେନାଏ, ଏନ୍ ବିଷାଏରେ ଆଲେକେ ଉଦୁବାଦଲେୟା । ଦୁଁଡ଼ ଇନିଃକେ କାଜିକାଇ ତାଇକେନା, ‘ଯୋପପାତେ ଶିମୋନ୍ ପାଡ଼ରାସ୍ ନୁଡୁମ୍ ମିଆଁଦ୍ ହଡ଼କେ ଆଉ ନାଗେନ୍ତେ ହଡ଼ କୁଲ୍‌କମ୍ ।’ ୧୪ ଇନିଃ ହିଜୁଃକେଦ୍‌ତେ ଆମ୍‌କେ ଜୀଉବାଞ୍ଚାଅରେୟାଃ କାଜି କାଜିମେୟାଁ, ଏନା ହରାତେ ଆମ୍ ଆତଃ ଆମାଃ ଅଡ଼ାଃରେନ୍ ସବେନ୍‌କ ଜୀଉବାଞ୍ଚାଅପେ ନାମେୟା ।’ ୧୫ ଆତଃ ଆଇଙ୍ଗ୍ କାଜି ଏଚେଦ୍‌କେଦ୍ ଇମ୍ତା, ପାବିତାର୍ ଆମ୍ବା ଏନେଚେଦ୍‌ରେ ଆବୁଆଃ ଚେତାନ୍‌ରେ ଆଡ଼ଗୁୟାନ୍ ଲେକାଗି ଇନ୍‌କୁଆଃ ଚେତାନ୍‌ରେୟ ଆଡ଼ଗୁୟାନା । ୧୬ ଏନ୍ତେ ଆଇଙ୍ଗ୍ ପ୍ରାଭୁ କାଜିକାଦ୍ କାଜିଇଙ୍ଗ୍ ପାହାମ୍‌କେଦା, ‘ଯୋହାନ୍‌ଦ ଦାଆଃତେ ବାପ୍ତିସ୍ମା ଏମାଦ୍‌କଆଏ, ମେନ୍‌ଦ ଆପେ ପାବିତାର୍ ଆମ୍ବାତେ ବାପ୍ତିସ୍ମାଃଃପେ ।’ ୧୭ ପ୍ରାଭୁ ଯୀଶୁ ଖ୍ରୀଷ୍ଟତାଃରେ ବିଶ୍ୱାସ୍‌କେଦ୍ ହରାତେ ପାର୍‌ମେଶ୍‌ଆ଼ ଆବୁକେ ପାବିତାର୍ ଆମ୍ବାରାଃ ବାର୍‌ଦାନ୍ ଏମାକାଦ୍‌ବୁ ଲେକାଗି ସାଅଁସାର୍ ବିଶ୍ୱାସୀକକେହଗି ଏନ୍‌ଲେକାନ୍ ବାର୍‌ଦାନ୍ ଏମାକାଦ୍‌କଆଏ, ଆଇଙ୍ଗ୍ ଅକଏ ତାନିଙ୍ଗ୍ ଯେ ପାର୍‌ମେଶ୍‌ଆ଼ ନେ କାମିକେଇଙ୍ଗ୍ ହକାଦାଡ଼ିୟା ।’ ୧୮ ଇନ୍‌କୁ ନେଆଁ ଆୟୁମକେଦ୍‌ତେ ହାପାୟାନାକ ଆତଃ ପାର୍‌ମେଶ୍‌ଆ଼ ମାନାରାଙ୍ଗ୍‌ତାନ୍‌ଲଃ କାଜିକେଦାକ, “ଏନାରେଦ୍ ପାର୍‌ମେଶ୍‌ଆ଼ ସାଅଁସାର୍ ହଡ଼କକେୟଗି ହେୟାଡ଼ିଙ୍ଗ୍ ନାଗେନ୍ତେ ଆତଃ ଜୀଦାନ୍ ବାଞ୍ଚାଅଃ ନାଗେନ୍ତେ ସୁଯୋଗ୍ ଏମାକାଦ୍‌କଆଏ ।”

ଆନ୍ତିୟୋଖ୍‌ରେୟାଃ କାଲିସିୟା

୧୯ ଏହିଫାନ୍‌କେ ଗଏଃକିଃ ତାୟମ୍‌ତେ ବିଶ୍ୱାସୀ ହଡ଼କ ସାସାତି ନାମକେଦ୍ ହରାତେ ଛିତିବିତିୟାନାକ, ଇନ୍‌କୁଏତେ ଚିମିନ୍ ହଡ଼କ ଯିହୁଦୀ ହଡ଼କତାଃରେ ଏସ୍‌କାର୍ ପ୍ରାଚାର୍‌ତାନ୍‌ଲଃ ଫିନିସିୟା, ସାଇପ୍ରସ୍ ଆତଃ ଆନ୍ତିୟୋଖ୍ ଜାକେଦ୍‌କ ସେନଃୟାନା । ୨୦ ମେନ୍‌ଦ ସାଇପ୍ରସ୍ ଟାପୁ ଆତଃ କୁରିନି ନାଗାର୍‌ରେନ୍ ଏଟାଃ ଚିମିନ୍ ବିଶ୍ୱାସୀ ହଡ଼କ ଆନ୍ତିୟୋଖ୍‌ତେ ସେନ୍‌କେଦ୍‌ତେ ସାଅଁସାର୍ ହଡ଼କତାଃରେୟଗି ଗ୍ରୀକ୍ ଜାଗାର୍‌ତେ ପ୍ରାଭୁ ଯୀଶୁଆଃ ସୁକୁକାଜିକ ଉଦୁବ୍‌କେଦା । ୨୧ ପ୍ରାଭୁଆଃ ପେଡ଼େଃ ଇନ୍‌କୁଲଃ ତାଇକେନା ଆତଃ ପୁରାଃ ହଡ଼କ ବିଶ୍ୱାସ୍‌କେଦ୍‌ତେ ପ୍ରାଭୁସାଃତେ ମନ୍‌ରୁହାଡ଼କେଦାକ ।

୨୨ ନେ କାନାଜି ଯୀରୁଶାଲେମ୍ କାଲିସିୟାତେ ସେଚେର୍‌ୟାନ୍ ଇମ୍ତା, ଇନ୍‌କୁ ବର୍ଣ୍ଣବାସ୍‌କେ ଆନ୍ତିୟୋଖ୍‌ତେ କୁଲ୍‌କିୟାକ । ୨୩ ଇନିଃ ଏନ୍ତାଃତେ ସେଚେର୍‌କେଦ୍‌ତେ ପାର୍‌ମେଶ୍‌ଆ଼ ଏନ୍ ହଡ଼କକେ ଚିଲ୍‌କାଏ ଆଶିଷ୍‌କାଦ୍‌କଆ, ଏନା ନେଲ୍‌କେଦ୍‌ତେ ଇନିଃ ରାସ୍‌କାୟାନାଏ ଆତଃ ସବେନ୍ ମନ୍‌ସୁରୁଦ୍‌ତେ ପ୍ରାଭୁଆଃ ନାଙ୍ଗ୍ ପାତିୟାର୍‌ରଃ ଲେକା ତାଇନଃ ନାଗେନ୍ତେ ଇନ୍‌କୁକେ ଜୀଉରେ ରାସ୍‌କାକେଦ୍‌କଆ । ୨୪ ବର୍ଣ୍ଣବାସ୍ ପାବିତାର୍ ଆମ୍ବାତେ ଆତଃ ବିଶ୍ୱାସ୍‌ତେ ପେରେଜାକାନ୍ ମିଆଁଦ୍ ପୁରାଃ ବୁଗିନ୍ ହଡ଼ ତାଇକେନାଏ । ନେ’ଲେକାତେ ପୁରାଃ ହଡ଼କ ପ୍ରାଭୁରେ ମନ୍‌ରୁହାଡ଼କେଦାକ ।

* ୧୧:୧୨ ୧୧:୧୨ ଛାଙ୍ଗାନ୍ ☆ ୧୧:୧୭ ୧୧:୧୭ ପ୍ରେରିତ୍ ୧:୫. ☆ ୧୧:୧୯ ୧୧:୧୯ ପ୍ରେରିତ୍ ୮:୧-୪.

୨୫ ଏନ୍ତେ ବର୍ଣ୍ଣବାସ୍, ଶାଉଲକେ ନାନାମତେ ତାଷ୍ଟି ସତେ ସେନଃୟାନା । ୨୬ ଏନ୍ତାଃରେ ଇନିଃକେ ନାମକେଦ୍ତେ ଆନ୍ତିୟୋଖ୍ତେ ଇଦିକିୟା । ଆତଃ ମିଦ୍ ବାରାଷ୍ ଜାକେଦ୍ ବାରାନ୍କିନ୍ ଏନ୍ତାଃକରାଃ କାଲିସିୟାରେନ୍ ବିଶ୍ୱାସୀକଲଃ ମେସାକେଦ୍ତେ ପୁରାଃ ହଡକକେ ଇଡୁକେଦକଆକ । ନେ ଆନ୍ତିୟୋଖ୍ତେରେନ୍ ବିଶ୍ୱାସୀକକେ ହଡକ ପାହିଲାତେ ଖ୍ରୀଷ୍ଟିୟାନ୍ ମେନ୍ତେକ ନୁତୁମକେଦକଆ । ୨୭ ଏନ୍ ଦିପିଲିକରେ ଚିମିନ୍ ନାବୀକ ଯାରୁଗାଲେମ୍ତେତେ ଆନ୍ତିୟୋଖ୍ତେକ ହିଜୁଃୟାନା । ୨୮ *ଇନକୁଏତେ ଆଗାବ ନୁତୁମ୍ ମିଆଁଦ୍ ହଡ ଆମ୍ବାରୋୟାଃ ପେଡେଃତେ ପେରେଃୟାନ୍ଲଃ ଗଟା ଅତେଦିଶୁମ୍ରେ ମିଆଁଦ୍ ବରଝାନ୍ ରିଙ୍ଗା ହବାଅଃଆ ମେନ୍ତେ କାଜିଆୟାକାଦ୍ ତାଇକେନା । ଏନା କ୍ଲାଉଦିଆ ରୋମ୍ରେନ୍ ମାରାଙ୍ଗ୍ ହାକିମ୍ ତାଇକେନ୍ ପାରିୟାରେ ହବାୟାନା । ୨୯ ତେଲାକ ଯିହୁଦାରେ ତାଇନ୍ତାନ୍ ବିଶ୍ୱାସୀ ହାଗାକତାଃତେ ଇନକୁଆଃ ଲାଗାଡିଙ୍ଗ୍ ଲେକା ଦେଙ୍ଗା କୁଲେ ନାଗେନ୍ତେ ଉହାଟ୍କେଦାକ । ୩୦ ଇନକୁ ଟାକା ପାଏସା ହାରମ୍କେଦ୍ତେ ବର୍ଣ୍ଣବାସ୍ ଆତଃ ଶାଉଲଆଃ ତିଃଇରେ କାଲିସିୟାରେନ୍ ପ୍ରାତିନକତାଃତେ କୁଲ୍କେଦାକ ।

୧୨

ପୁରାଃଗି ସାସାତି

୧ ଏନ୍ ଦିପିଲିରେ ହେରୋଦ୍ ରାଜା କାଲିସିୟାରେନ୍ ଚିମିନ୍ ହଡକକେ ସାସାତି ଏଟେଦ୍କେଦକଆଏ । ୨ ଇନିଃ ଯୋହାନ୍ଆଃ ହାଗାତେ ଯାକୁବକେ ତାରାଉଡିତେ ଗଏଃକିୟା । ୩ ଯିହୁଦୀ ହଡକ ନେ କାମି ନେଲ୍କେଦ୍ତେ ରାସକାଅଃତାନାକ ଏନା ଇନିଃ ଆଟ୍କାରକେଦ୍ତେ, ପାଡ୍ରାସକେୟାଗି ତଲ୍କିୟାଏ । ନେଆଁ ସାବାଃ ହଲଙ୍ଗ୍ରେୟାଃ ପାରାବ୍ ଇମ୍ତା ହବାୟାନା । ୪ ଏନ୍ତେ ହେରୋଦ୍ ରାଜା ପାଡ୍ରାସକେ ତଲ୍କେଦ୍ତେ ଜେହେଲ୍ରେ ଦହକିୟାଏ । ଇନିଃକେ ହର ନାଗେନ୍ତେ ଉପୁନିୟା ଝୁଣ୍ଡରେନ୍ ପାଲ୍ଗାନ୍କଏତେ ମିପିହୁଡ୍ ଉପୁନିୟା ଝାନ୍ ସିପାଇକ ହରକିୟାକ । ପାସକା ପାରାବ୍ ତାୟମ୍ତେ ସବେନ୍ ହଡକଆଃ ଆଲାରେ ଇନିଃକେ ବିଚାରି ନାଗେନ୍ତେ ହେରୋଦ୍ ରାଜା ଉହାଟ୍କେଦାଏ । ୫ ପାଡ୍ରାସ୍ ଜେହେଲ୍ରେ ତାଇକେନ୍ ଇମ୍ତା କାଲିସିୟାରେନ୍ ହଡକ ମିଦ୍ମନ୍ତେ ଇନିୟାଃ ନାଗେନ୍ତେ ପାର୍ମେଶ୍ୱାର୍ତାଃରେକ ବିକ୍ରିତାଇକେନା ।

ଜେହେଲ୍ଏତେ ପାଡ୍ରାସ୍ଆଃ ରାଡ଼ାଃଅ

୬ ହେରୋଦ୍ ରାଜା ଅକ ହୁଲାଙ୍ଗ୍ ପାଡ୍ରାସକେ ହଡକଆଃ ସାମ୍ନାଙ୍ଗ୍ତେ ଆଉ ନାଗେନ୍ତେ ଉହାଟ୍କାଦ୍ ତାଇକେନାଏ, ଏନ୍ ହୁଲାଙ୍ଗ୍ରେୟାଃ ସିଦା ନୁବାଃରେ ପାଡ୍ରାସ୍ ବାରହଡ୍ ହରତାନ୍କିନାଃ ଆଲାରେ ଦୁଡ୍ମୁକାନ୍ ତାଇକେନା । ଇନିଃ ବାରିୟା ସିକ୍ତିତେ ତଲ୍କାକାନ୍ ତାଇକେନା ଆତଃ ଜେହେଲ୍ରେୟାଃ ଦୁଆର୍ ଯାପାଃରେ ହରତାନ୍ ହଡକ ହରତାଇକେନା । ୭ ଇମ୍ତାଗି ପ୍ରାଭୁଆଃ ମିଆଁଦ୍ ଦୁଡ୍ ହିଜୁଃକେଦ୍ତେ ତିଙ୍ଗ୍ୟାନା ଆତଃ ଅଡ଼ାଃରେୟାଃ କୁଠା ମାର୍ସାଲ୍ତେ ପେରେଃୟାନା । ଦୁଡ୍, ପାଡ୍ରାସ୍ଆଃ ତାରାନ୍କେ ଏକ୍ଲାଅକେଦ୍ତେ ଇନିଃକେ ଦୁଡ୍ମୁଏତେ ବିରିଦ୍କିଃଲଃ କାଜିକିୟାଏ, “ଜାଲ୍ଦି ବିରିଦ୍ମେ!” ଇମ୍ତାଙ୍ଗି ପାଡ୍ରାସ୍ଆଃ ତିଃଇରେ ତଲ୍କାକାନ୍ ସିକ୍ତି ରାଡ଼ାୟାନା । ୮ ଏନ୍ତେ ଦୁଡ୍ କାଜିକିୟାଏ, “ମାୟାଙ୍ଗ୍ରେ ଲିଜାଃ ପାଟେନ୍ମେ, ଆତଃ ଖାର୍ପାତାମାଃ ତୁସିୟେନ୍ମେ ।” ପାଡ୍ରାସ୍ ଏନ୍ଲେକାଗି ରିକାକେଦ୍ ତାୟମ୍ତେ ଦୁଡ୍ କାଜିକିୟାଏ, “ହଡ୍ମରେ ଚାଦାର୍ ଉୟୁକେଦ୍ତେ ଆଇଙ୍ଗ୍କେ ଅତଙ୍ଗ୍ଇମ୍ ।” ୯ ଦୁଡ୍ ରିକାତାଇକେନ୍ତେୟାଃ ସାର୍ଡିତାନାଃ ତି ନାହାଁଲାଃ ଏନା ପାଡ୍ରାସ୍ କାଏ ସାରି ଦାଡିକେଦା । ଇନିଃ କୁମ୍ ନେଲ୍ତାନାଇଙ୍ଗ୍ ମେନ୍ତେ ଉଡ୍ଡୁକେଦା । ଏନ୍ରେୟ ପାଡ୍ରାସ୍ ଜେହେଲ୍ହେତେ ଅତଙ୍ଗ୍କେଦ୍ତେ ଦୁଡ୍କେ ଅତଙ୍ଗ୍କିୟା । ୧୦ ଇନକିନ୍ ହରତାନ୍କଆଃ ମିଆଁଦ୍ ଆତଃ ବାରିୟା ଠାୟାଦ୍ ପାରମକେଦ୍ତେ ଚୁଣ୍ଡୁରେ ସାହାର୍ତେ ବଲ ହରାରେ ତାଇକାନ୍ ମେଡେଦ୍ରେୟାଃ ଦୁଆର୍ତାଃତେକିନ୍ ସେଟେର୍ୟାନା । ଇମ୍ତା ଇନକିନାଃ ନାଗେନ୍ତେ ଦୁଆର୍ ଆପାନ୍ତେଗି ନିଜ୍ୟାନା ଆତଃ ଇନକିନ୍ ଅତଙ୍ଗ୍କେଦ୍ତେ ସେନଃୟାନାକିନ୍ । ଇନକିନ୍ ହରାରେ ସେନ୍ତାନ୍ ଇମ୍ତାଗି ଦୁଡ୍ ପାଡ୍ରାସକେ ବାଗିକେଦ୍ତେ ସେନଃୟାନା ।

୧୧ ଏନ୍ତେ ପାଡ୍ରାସ୍ ଆଇଃକ୍ରେ ହବାୟାନ୍ତେୟାଃ ସାରି ଦାଡିକେଦ୍ତେ କାଜିକେଦା, “ନେଆଁ ସାର୍ଡିତାନାଃ ମେନ୍ତେ ଆଇଙ୍ଗ୍ ନାହାଁଃ ସାରି ଦାଡିତାନାଇଙ୍ଗ୍ ଯେ, ହେରୋଦ୍ତାଃଏତେ ଆତଃ ଯିହୁଦୀ ହଡକ ଅକ୍ନାଃ ହବାଅଃଆ ମେନ୍ତେ ଆସ୍ରାକାଦ୍ ତାଇକେନାକ, ପ୍ରାଭୁ ଏନାଏତେ ଆଇଙ୍ଗ୍କେ ବାଞ୍ଚାଅ ନାଗେନ୍ତେ ଦୁଡ୍କେ କୁଲାକାଇ ତାଇକେନା ।”

୧୨ ପାର୍ମେଶ୍ୱାର୍ ବାଞ୍ଚାଅକାଦିୟାଏ ମେନ୍ତେ ପାଡ୍ରାସ୍ ଆଟ୍କାରକେଦାଏ, ଆତଃ ଇନିଃ ଯୋହାନ୍ଆଃ ଏଙ୍ଗାତେ ମାରିୟାମ୍ଆଃ ଅଡ଼ାଃତେ ସେନଃୟାନା । ଯୋହାନ୍ଆଃ ଏଟାଃ ନୁତୁମ୍ ହବାଅଃତାନା ମାର୍କ । ଏନ୍ତାଃରେ ପୁରାଃ ହଡକ ହୁଣ୍ଡିକେଦ୍ତେ ବିକ୍ତି ତାଇକେନାକ । ୧୩ ପାଡ୍ରାସ୍ ଅଡ଼ାଃରେୟାଃ ବାହାରି ଦୁଆର୍ରେ ଠକ୍ ଠକ୍କାଅକେଦା ଆତଃ ରୋଦା ନୁତୁମ୍ ମିଆଁଦ୍ କାମ୍ଡି କୁଡି ଅଡ଼ାଃ ବଲଦୁଆର୍ ନିଜ୍ ନାଗେନ୍ତେ ହିଜୁଃୟାନା । ୧୪ ପାଡ୍ରାସ୍ଆଃ ଲାବ୍ଜା ଆୟୁମ୍ ଉରୁମକେଦ୍ତେ ଇନିଃ ପୁରାଃଗି ରାସକାୟାନା ଯେ, ବଲଦୁଆର୍ କା ନିଜ୍କେଦ୍ତେ ପାଡ୍ରାସ୍ ବାହାରିରେ ତିଙ୍ଗ୍ଆକାନା ମେନ୍ତେ ଉଦ୍ବକେଦା । ୧୫ ଇନକୁ ଇନିଃକେ କାଜିକିୟାକ, “ଆମ୍ ବାଲୁଅଃତାନାମ୍ ।” ମେନ୍ଦ୍ ଇନିଃ “ନେଆଁ ସାର୍ଡି

* ୧୧:୨୮ ୧୧:୨୮ ପ୍ରେରିତ୍ ୨୧:୧୦.

ତାନାଃ” ମେନ୍ତେ ପୁରାଃତେ କାଜିକେଦା । ଏନ୍ତେ ଇନ୍କୁ କାଜିରୁହାଡ଼କେଦାକ, “ଇନିଃ ଆୟାଃ ଦୁଁଡ଼ ତାଇନ୍ସାକାଅଃଆଏ ।”

^{୧୭} ପାଡ଼ରାସ୍ ଦୁଆରକେ ଠକ୍ ଠକ୍‌କାଅକାତେ ତାଇକେନାଏ । ଚୁଣ୍ଡୁର ଇନ୍କୁ ଦୁଆର୍ ନିଜକେଦ୍‌ତେ ଇନିଃକେ ନେଲ୍‌କିୟାକ ଆତଃ ହାଏକାଟ୍‌ୟାନାକ । ^{୧୮} ଇନିଃ ହାପାକାନପେ ମେନ୍ତେ ତିଃଇତେ କାଜିୟାଦ୍‌କଆ ଆତଃ ପ୍ରାଭୁ ଇନିଃକେ ଚିଲ୍‌କା ଜେହେଲ୍‌ହେତେ ଅଡ଼ଙ୍ଗ୍ ଆଡ଼କିୟା, ଏନ୍ ବିଷାଏ ଇନ୍କୁଆଃ ଆୟାରରେ କାଜିକେଦା । ଏନ୍ତେ ଇନିଃ ନେ ସବେନ୍ କାଜି “ଯାକୁର୍ ଆତଃ ଏଟାଃ ସବେନ୍ ବିଶ୍ୱାସୀ ହାଗାକକେ” ଉଦୁଦ୍ ନାଗେନ୍ତେ ଆରୁକେଦ୍‌କଆ ଆତଃ ଇନିଃ ଏନ୍ତାଃଏତେ ଏଟାଃତେ ସେନଃୟାନା ।

^{୧୯} ଏଟାଃ ହୁଲାଙ୍ଗ୍ ଆଙ୍ଗ୍‌ୟାନତି ପାଡ଼ରାସ୍ କତେ ସେନଃୟାନା ମେନ୍ତେ ହରତାନ୍ ହଡ଼କ ପୁରାଃଗି ଆକ୍‌ବାକାଅୟାନାକ । ଚିଆଃଚି ପାଡ଼ରାସ୍‌ଲଃ ଚିକ୍‌ନାଃ ହବାୟାନା ଏନା ଇନ୍କୁ କାକ ସାରିକାଦ୍ ତାଇକେନା । ^{୨୦} ହେରୋଦ୍ ଇନିଃକେ ଦାଣ୍ଡାଆଡ଼ ନାଗେନ୍ତେ ଆରୁକେଦ୍‌କଆ ମେନ୍ଦ୍ ଇନ୍କୁ ଇନିଃକେ କାକ ନାମକିୟା । ଚୁଣ୍ଡୁର ହରତାନ୍ ହଡ଼କକେ କୁଲିକତାନ୍‌ଲଃ ଇନ୍କୁକେ ଗଏଃକ ନାଗେନ୍ତେ ଆନାରୁ ଏମାଦ୍‌କଆ । ଏନ୍ ତାୟମ୍‌ତେ ହେରୋଦ୍ ଯିହୁଦା ପାର୍‌ଗାନ୍ ବାଗିକେଦ୍‌ତେ କାଇସରିୟାରେ ସେନକେଦ୍‌ତେ ତାଇନ୍‌ୟାନା ।

ହେରୋଦ୍ ରାଜାରାଃ ଗନଏଃ

^{୨୦} ହେରୋଦ୍ ରାଜା ସୋର୍ ଆତଃ ସିଦୋନ୍ ନାଗାରରେନ୍ ହଡ଼କକେ ପୁରାଃଗି ଖ୍ୱସ୍‌କାନ୍ ତାଇକେନା, ଏନାତେ ଇନ୍କୁଏତେ ମିଦ୍ ଝୁଣ୍ଡୁ ଇନିଃଲଃ ନେପେଲ୍ ନାଗେନ୍ତେ ଇନିଃତାଃତେକ ସେନଃୟାନା । ସିଦାତେ ଇନ୍କୁ ବାପାଇୟଃ ନାଗେନ୍ତେ ଦେଙ୍ଗା ନାଙ୍ଗ୍ ରାଜ୍‌ମାହାଲ୍‌କେ ନେଲ୍‌ହରତାନ୍ ଗୁଣ୍ଡୁସ୍‌ଲଃ ଜାଗାରକେଦାକ । ଏନ୍ତେ ଇନ୍କୁ ହେରୋଦ୍‌ତାଃ ସେନକେଦ୍‌ତେ ବାପାଇୟଃ ନାଗେନ୍ତେକ ବିକ୍ରିକିୟା, ଚିୟାଃଚି ହେରୋଦ୍ ରାଜାରାଃ ଦିଶ୍ୱମ୍‌ହେତେ ଇନ୍କୁଆଃ ଦିଶ୍ୱମ୍‌ତେ ଜମେୟା କୁଲଃ ତାଇକେନା ।

^{୨୧} ହେରୋଦ୍ ଟାହାରାଝାକାନ୍ ହୁଲାଙ୍ଗ୍‌ରେ ରାଜା ତୁସିଙ୍ଗ୍‌ଅଁଃ ଲିଜାଃ ତୁସିଙ୍ଗ୍‌ୟାନାଏ ଆତଃ ଆୟାଃ ରାଜ୍‌ଗାଦିରେ ଦୁବ୍‌କେଦ୍‌ତେ ହଡ଼କକେ ଜାଗାରକେଦ୍‌କଆ । ^{୨୨} ଏନା ଆୟୁମ୍‌କେଦ୍‌ତେ ଇନ୍କୁ କାଉରିକେଦ୍‌ତେ କାଜିକେଦାକ, “ନେଆଁ ଜେତା ହଡ଼ରାଃ ଜାଗାର ନାହାଁଲଃ ମେନ୍ଦ୍ ମିଆଁଦ୍ କା ସାରିକାନ୍ ପାର୍‌ମେଶ୍ୱାର୍‌ଆଃ ଜାଗାରତାନାଃ ।” ^{୨୩} ଇମ୍‌ତାଙ୍ଗି ପ୍ରାଭୁଆଃ ମିଆଁଦ୍ ଦୁଁଡ଼ ଇନିଃକେ ଦାଲ୍‌କିଆ, ଚିଆଃଚି ଇନିଃ ପାର୍‌ମେଶ୍ୱାର୍‌କେ କାଏ ମାଇନ୍‌କିଆ, ଆତଃ ଇନିଃକେ ତିଜୁକ ଜମ୍‌କିଃ ହରାତେ ଗଏଃୟାନା ।

^{୨୪} ମେନ୍ଦ୍ ପାର୍‌ମେଶ୍ୱାର୍‌ଆଃ ବାଚାନ୍ ପୁରାଃତେ ନିତିରୟାନା ଆତଃ ହାରାଇଦିୟାନା । ^{୨୫} ବର୍ଣ୍ଣବାସ୍ ଆତଃ ଶାଉଲ୍ ଆକିନାଃ ସେଝାକାମି ଚାବାକେଦ୍‌ତେ ଯୋହାନ୍ ଏଟାଃ ନୁତୁମ୍ ମାର୍କ୍ ମେନ୍ତେହ କାଜିୟାଃକ, ଇନିଃକେ ଇଦିକେଦ୍‌ତେ ଯାରୁଗାଲେମ୍‌ଏତେକ ରୁହାଡ଼ୟାନା ।

୧୩

ବର୍ଣ୍ଣବାସ୍ ଆତଃ ଶାଉଲ୍ ସାଲାୟାନ୍‌ଲଃ ସେଝାକାମି ନାଗେନ୍ତେ କୁଲ୍‌ୟାନାକିନ୍

^୧ ଆକ୍ରିୟୋଖ୍ କାଲିସିୟାରେ ଚିମିନ୍ ନାବୀକ ଆତଃ ଇଡୁହଡ଼କ ତାଇକେନା, ଇନ୍କୁଏତେ ବର୍ଣ୍ଣବାସ୍, ନିଗର୍ ହଡ଼ ମେନ୍ତେ କାଜିୟଃ ତାଇକେନ୍ ଶିମୋନ୍, କୁରିନିରେନ୍ ଲୁସିୟସ୍, ଲାଟ୍‌ସାହେବ୍ ହେରୋଦ୍‌ଆଃ ଅଡ଼ାଃରେ ଆସୁଲ୍‌ହାରାକାନ୍‌ନିଃ ମନହେମ୍, ଆତଃ ଶାଉଲ୍ । ^୨ ଇନ୍କୁ ପ୍ରାଭୁକେ ସେଝାତାନ୍ ଆତଃ କାଟାବ୍‌ତାନ୍ ତାଇକେନ୍ ଇମ୍‌ତା ପାବିତାର୍ ଆମ୍ବା ଇନ୍କୁକେ କାଜିୟାଦ୍‌କଆ, “ଆଇଙ୍ଗ୍ ଅକ କାମି ନାଗେନ୍ତେ ବର୍ଣ୍ଣବାସ୍ ଆତଃ ଶାଉଲ୍‌କେ ସାଲାକାଦ୍‌କିନାଇଙ୍ଗ୍, ଏନାମେନ୍ତେ ଇନ୍‌କିନ୍‌କେ ଆଇଁୟାଃ ନାଙ୍ଗ୍ ଗେନା ଆତମ୍‌କିନ୍‌ପେ ।”

^୩ ଏନ୍ତେ ଇନ୍କୁ କାଟାବ୍‌କେଦ୍‌ତେ ଏନ୍ ବାରାନ୍‌କିନାଃ ଚେତାନ୍‌ରେ ତିଃଇ ଦହତାନ୍‌ଲଃ ବିକ୍ରିକେଦାକ ଆତଃ ଇନ୍‌କିନ୍‌କେ ସେଝାକାମି ନାଗେନ୍ତେକ କୁଲ୍‌କେଦ୍‌କିନା ।

ସାଇପ୍ରସ୍‌ରେ ସେଝାକାମି

^୪ ନେ'ଲେକାତେ ବର୍ଣ୍ଣବାସ୍ ଆତଃ ଶାଉଲ୍ ପାବିତାର୍ ଆମ୍ବାତେ କୁଲ୍‌ୟାନାକିନ୍ ଆତଃ ସେଲ୍‌୍ୟକିଆତେକିନ୍ ସେନଃୟାନା ଆତଃ ଏନ୍ତାଃଏତେ ଦାଆଃ ଜାହାଜ୍‌ରେ ଦୁବ୍‌କେଦ୍‌ତେ ସାଇପ୍ରସ୍ ଟାପୁଡେକିନ୍ ସେନଃୟାନା । ^୫ ଇନ୍‌କିନ୍ ସଲାମି ସାହାରତେ ସେଟେ'ରକେଦ୍‌ତେ ଯିହୁଦୀକଆ ସାମାଜ୍ ଅଡ଼ାଃକରେ ପାର୍‌ମେଶ୍ୱାର୍‌ଆଃ ବାଚାନ୍ ଉଦୁବ୍‌କେଦାକିନ୍ । ଯୋହାନ୍ ମାର୍କ୍ ଇନ୍‌କିନ୍‌ଲଃ ତାଇକେଦ୍‌ତେ ଦେଙ୍ଗାକିନ୍ ତାଇକେନା ।

^୬ ଇନ୍‌କୁ ସାଇପ୍ରସ୍ ଟାପୁ ପାରମ୍‌କେଦ୍‌ତେ ପାଫ୍‌ସ୍ ସାହାରତେ ସେନଃୟାନାକ । ଏନ୍ତାଃରେ ଇନ୍କୁ ବାର୍‌ୟାଶୁ ନୁତୁମ୍ ମିଆଁଦ୍ ଯିହୁଦୀ ଦେଅଁଣା ହଡ଼ଲଃ ନାପାମ୍‌ୟାନାକ । ଇନିଃ ଆପାନ୍‌କେ ନାବୀ ମେନ୍ତେ କାଜିନ୍ ତାଇକେନା । ^୭ ସଗ୍‌ୟସ୍ ପାଉଲ୍‌ସ୍ ମେନ୍ତେ ଇନିୟାଃ ମିଆଁଦ୍ ଗାତି ତାଇକେନାଏ, ଇନିଃ ଏନ୍ ଟାପୁରେନ୍ ଲାଟ୍‌ସାହେବ୍ ତାଇକେନାଏ । ସଗ୍‌ୟସ୍ ପାଉଲ୍‌ସ୍ ମିହୁଡ୍ ସେଣାନ୍ ହଡ଼ ତାଇକେନାଏ । ଇନିଃ ପାର୍‌ମେଶ୍ୱାର୍‌ଆଃ ବାଚାନ୍ ଆୟୁମ୍ ନାଙ୍ଗ୍ ସାନାଙ୍ଗ୍‌କେଦ୍ ହରାତେ ବର୍ଣ୍ଣବାସ୍ ଆତଃ ଶାଉଲ୍‌କେ ଆୟାଃତାଃ କେଡାକେଦ୍‌କିନାଏ । ^୮ ମେନ୍ଦ୍ ଦେଅଁଣାହଡ଼ରାଃ ଗ୍ରୀକ୍ ନୁତୁମ୍

ଏଲିମାସ୍, ଏନ୍ ଲାଟ୍‌ସାହେବ୍ ଆଲକାଏ ବିଶ୍ୱାସେକା ମେନ୍ତେ ଇନିଃ ଇନ୍‌କୁକେ କାଜିକଟଙ୍ଗ୍ କେଦକଆ । ୯ ମେନ୍‌ଦ ଶାଉଲ୍, ଅକଏକେଟି ପାଉଲୁସ୍ ମେନ୍ତେହ କାଜିୟାଃକ, ଇନିଃ ପାବିତାର୍ ଆମ୍‌ତେ ପେରେଃୟାନ୍‌ଲଃ ଦେଅଁଶାହଡ଼କେ ମିଦ୍‌ଜିଟ୍‌ଗି ନେଲ୍‌କିୟାଏ, ଆତଃ କାଜିକିୟାଏ, ୧୦ “ଏ ସାଏତାନଆଃ ହନ୍, ଆମ୍ ସବେନ୍ ବୁଗିନ୍ ବିଷାଏରେୟାଃ ବାଇରିତାନମେ । ଆମ୍ ସବେନ୍ ଲେକାନ୍ ଏଡ଼କାନ୍ ବେଦାତେ ପେରେଜାକାନାମ୍ ଆତଃ ସବେନ୍ ଇମ୍‌ତା ପ୍ରାଭୁଆଃ ସାନାରୁତି ହରାକେ ହସଡ଼ ମେନ୍ତେ କାଜି ନାଙ୍ଗ୍ ଚେଷ୍ଟାଏ ତାନାମ୍ । ୧୧ ନାହାଁଃଗି ପ୍ରାଭୁ ଆମ୍‌କେ ସାଜାଇ ଏମାମେୟାଏ, ଆମାଃ ମେଦ୍ କାଣାଁଅଃଆ ଆତଃ ଚିମିନ୍ ନେତା ଜାକେଦ୍ ସିଙ୍ଗିରେ ଜେଡ଼ନାଃ କାମ୍ ନେଲ୍ ଦାଡ଼ିୟା ।” ଇମ୍‌ତାଜି ଏଲିମାସ୍ ଆୟାଃ ମେଦ୍‌ରେ ନୁବାଃ ଦାଲ୍‌ବ୍‌ୟାନ୍ ଲେକାଏ ଆଟ୍‌କାର୍‌କେଦା ଆତଃ ଜେତାଏ ମିହୁଡ଼୍ ଆୟାଃ ତିଃଇ ସାବ୍‌କେଦ୍‌ତେ ସୁଡ଼ଃଇଦିକାକ ମେନ୍ତେ ଦାଣାଁକେଦକଆ । ୧୨ ନେଆଁ ନେଲ୍‌କେଦ୍‌ତେ ଲାଟ୍‌ସାହେବ୍ ବିଶ୍ୱାସ୍‌କେଦାଏ, ଚିଆଃଟି ଇନିଃ ପ୍ରାଭୁଆଃ ଇନିତୁ ଆୟୁମ୍‌କେଦ୍‌ତେ ପୁରାଃଗି ଆକ୍‌ଟାକଆଃ ତାଇକେନା ।

ପିସିଦିଆରେୟାଃ ଆନ୍ତିୟୋଖ୍‌ରେ ସେଝାକାମି

୧୩ ପାଉଲୁସ୍ ଆତଃ ଆୟାଃଲଃ ମିସାତେ ହରାସେନ୍‌ତାନକ ପାଫ୍‌ସ୍‌ତାଃଏତେ ଦାଆଃ ଜାହାଜ୍‌ତେ ପାମିଲିଆ ନାଗାର୍‌ରେୟାଃ ପେର୍‌ଗା ସାହାର୍‌ତେକ ହିଜୁଃୟାନା, ଏନ୍ତାଃରେ ଯୋହାନ୍ ମାର୍କ ଇନ୍‌କୁକେ ବାଗିକେଦ୍‌ତେ ଯାରୁଶାଲେମ୍‌ତେ ସେନଃରୁହାଡ଼ୟାନା । ୧୪ ଇନ୍‌କୁ ପେର୍‌ଗାଏତେ ସେନ୍‌କେଦ୍‌ତେ ପିସିଦିଆରେୟାଃ ଆନ୍ତିୟୋଖ୍‌ତେକ ସେଟେର୍‌ୟାନା ଆତଃ ରୁଡ଼ନ୍ ହୁଲାଙ୍ଗ୍‌ରେ ସାମାଜ୍ ଅଡ଼ାଃରେ ବଲକେଦ୍‌ତେକ ଦୁବ୍‌ୟାନା । ୧୫ ମୁଗା ନାବାଆଃ ଆନ୍‌ତୁ ଆତଃ ନାବାକଆଃ ଅନଲ୍ ପାଡ଼ାଅକେଦ୍ ତାୟମ୍‌ତେ, ସାମାଜ୍‌ଅଡ଼ାଃରେନ୍ ଆଗୁଆଇକ ନେଆଁ କାଜିକୁଲ୍‌କେଦାକ, “ହାଗା ମିଶିକ, ହଡ଼କ ନାଗେନ୍ତେ ଜୀଉରେ ରାସ୍‌କାଆଃ ଲେକାନ୍ କାଜି ମେନାଃରେଦ୍, କାଜିପେ ମେନ୍ତେଲେ ସାନାଙ୍ଗ୍‌ତାନା ।”

୧୬ ପାଉଲୁସ୍ ତିଙ୍ଗୁକେଦ୍‌ତେ, ହଡ଼କକେ ତିଃଇ ହିଲାଅତାନଲଃ କାଜିୟାଦ୍‌କଆ, “ନେତାଃରେ ମେନାପେ ସବେନ୍ ଇସ୍ରାଏଲ୍ ଆତଃ ପାର୍‌ମେଶ୍ୱାର୍‌କେ ବରଝାଇତାନ୍ ସାଅଁସାର୍ ହଡ଼କ, ଆଇଁୟାଃ କାଜି ଆୟୁମେପେ, ୧୭ ନେ ଇସ୍ରାଏଲ୍ ହଡ଼କଆଃ ପାର୍‌ମେଶ୍ୱାର୍ ଆବୁଆଃ ପୁରଃଶା ହଡ଼କକେ ସାଲାକେଦକଆ ଆତଃ ମିସାର୍ ଦିଶୁମ୍‌ରେ ଇନ୍‌କୁ ଏଟାଃ ଦିଶୁମ୍‌ରେନ୍ ହଡ଼କ ଲେକାକ ତାଇନଃ ତାଇକେନା, ଇମ୍‌ତା ଇନ୍‌କୁ ପୁରାଃ ଗାଦେଲ୍ ହଡ଼କ ହବାୟାନା । ପାର୍‌ମେଶ୍ୱାର୍ ଆୟାଃ ପୁରାଃ ପେଡେଃତେ ଇନ୍‌କୁକେ ମିସାର୍ ଦିଶୁମ୍‌ହେତେ ଅଡ଼ଙ୍ଗ୍ ଆଉକେଦକଆ, ୧୮ ଆତଃ ଇନ୍‌କୁ ଇନିୟାଃ କାଜି କାକ ମାନାତିଙ୍ଗ୍ ତାଇକେନ୍‌ରେୟାଗି, ଇନିଃ ବାର୍‌ହିସି ବାରାଷ୍ ଜାକେଦ୍ ବିରରେ ଇନ୍‌କୁକେ ଆସୁଲ୍‌କେଦକଆ । ୧୯ ଇନିଃ କିନାନ୍ ଦିଶୁମ୍‌ରେ ଏୟା* କିଲିକଆଃ ଦିଶୁମ୍ ଜିୟନ୍‌କେଦ୍‌ତେ ଆୟାଃ ସାଲାକାନ୍ ହଡ଼କକେ ଏନ୍ ଦିଶୁମାଏ ଏମାଦକଆ ।

୨୦ “ନେ ସବେନାଃ ୪୫୦ ବାରାଷ୍‌ରେ ହବାୟାନା । ନେ ସବେନାଃରେୟାଃ ତାୟମ୍‌ତେ ନାବା ଶାମୁଏଲ୍ ଜାକେଦ୍ ପାର୍‌ମେଶ୍ୱାର୍ ଇନ୍‌କୁ ନାଙ୍ଗ୍ ବିତାର୍ ହଡ଼କକେ ସାଲାକେଦକଆ । ୨୧ ଆତଃ ଇନ୍‌କୁ ମିଆଁଦ୍ ରାଜା ଆସିକେନାକ, ଇମ୍‌ତା ପାର୍‌ମେଶ୍ୱାର୍ ଇନ୍‌କୁଆଃ ଚେତାନ୍‌ରେ ୪୦ ବାରାଷ୍ ଜାକେଦ୍ ରାଇଜେ ନାଗେନ୍ତେ ବେଞ୍ଜାମିନ୍ କିଲିରେନ୍ କୀଶ୍‌ଆଃ ହନ୍ ଶାଉଲ୍‌କେ ଏମ୍‌କିୟା । ୨୨ ଏନ୍ତେ ପାର୍‌ମେଶ୍ୱାର୍ ଇନିଃକେ ରାଜ୍‌ଗାଦିହେତେ ଆତମ୍‌କେଦ୍‌ତେ, ଦାଉଦ୍‌କେ ଇନ୍‌କୁଆଃ ରାଜାଏ ବାଇକିୟା । ପାର୍‌ମେଶ୍ୱାର୍ ଦାଉଦ୍‌ଆଃ ବିଷାଏରେ ଗାଝା ଏମକେଦ୍‌ତେ କାଜିକେଦା, “ଆଇଙ୍ଗ୍ ଚିଲ୍‌କା ହଡ଼କକେ ଦୁଲାଡ଼କଆଇଙ୍ଗ୍, ଯିଶିରାଃ ହନ୍ ଦାଉଦ୍ ଏନ୍‌ଲେକାନ୍‌ନିଃ ମିହୁଡ଼୍‌ତାନିଃ । ଇନିଃ ଆଇଁୟାଃ ମନ୍‌ସୁରୁଦ୍‌ରେୟାଃ ଇଛାସାନାଙ୍ଗ୍ ଲେକା ସବେନାଃଏ କାମିୟା ।” ୨୩ ନେ ଦାଉଦାଃ କିଲିରେନ୍ ଯୀଶୁକେ ପାର୍‌ମେଶ୍ୱାର୍ ଆୟାଃ ବାନାର୍‌ସା ଲେକାତେ ଇସ୍ରାଏଲ୍ ହଡ଼କଆଃ ଜୀଉବାଞ୍ଛାଅନିଃ ବାଇକିୟାଏ । ୨୪ *ୟୀଶୁ ଆୟାଃ କାମି ଏନେଟେଦ୍ ସିଦାରେ ଯୋହାନ୍ ଇସ୍ରାଏଲ୍‌ରେନ୍ ସବେନ୍ ହଡ଼କତାଃରେ ଉଦୁବ୍‌କେଦ୍‌ତେ କାଜିକେଦାଏ, “ଇନ୍‌କୁକେ ପାପ୍‌ହେତେ ହେୟାତିଙ୍ଗ୍‌ତାନଲଃ ଦାଆଃରେ ବାପ୍ତିସ୍ମା ଇଦି ଲାଗାତିଙ୍ଗ୍‌ୟାଃ ।” ୨୫ *ଆତଃ ଯୋହାନ୍ ଆୟାଃ ସେଝାକାମି ଚୁଣ୍ଡୁତାନ୍ ଇମ୍‌ତା ହଡ଼କକେ କୁଲିକେଦକଆ, “ଆଇଁୟାଃ ବିଷାଏରେ ଆପେ ଚିନାଃପେ ଉଡ଼ଃତାନା ? ଆପେ ଅକଏକେପେ ନେଲ୍‌ହରାତାନା, ଇନିଃ ଆଇଙ୍ଗ୍ ନାହାଁଲିଙ୍ଗ୍ । ମେନ୍‌ଦ୍ ଆୟୁମେପେ, ଆଇଁୟାଃ ତାୟମ୍‌ତେ ଅକଏ ହିଜୁଃତାନାଏ, ଇନିୟାଃ ଖାର୍‌ପାରେୟାଃ ତନଲ୍ ରାଡ଼ାଏ ଲେକାନ୍‌ନିଃ ନାହାଁଲିଙ୍ଗ୍ ।”

୨୬ “ହେ ଇସ୍ରାଏଲ୍ ହାଗାକ, ଆବାହାମ୍‌ଆଃ କିଲିରେନ୍ ହନ୍‌କ ଆତଃ ପାର୍‌ମେଶ୍ୱାର୍‌କେ ବରଝାଇତାନ୍ ସବେନ୍ ସାଅଁସାର୍ ହଡ଼କ, ଆବୁକେଗି ନେ ଜୀଉବାଞ୍ଛାଅରେୟାଃ କାନାଜି ଏମାକାନା । ୨୭ ମେନ୍‌ଦ୍ ଇନିଃ ଜୀଉବାଞ୍ଛାଅନିଃ ତାନିଃ ମେନ୍ତେ ଯାରୁଶାଲେମ୍‌ରେ ତାଇନ୍‌ତାନ୍ ହଡ଼କ ଆତଃ ଇନ୍‌କୁଆଃ ଆଗୁଆଇକ କାକ ସାରିକାଦ୍ ତାଇକେନା । ଇନ୍‌କୁ ସବେନ୍ ରୁଡ଼ନ୍ ହୁଲାଙ୍ଗ୍‌ରେ ପାଡ଼ାଆଃ ତାଇକେନ୍ ନାବାକଆଃ କାଜି କାକ ଆଟ୍‌କାର୍‌ଉରୁମେ ତାଇକେନା । ଏନ୍‌ରେୟା ଇନ୍‌କୁ ଯୀଶୁକେ ଚିଟାକେଦ୍‌ତେ ନାବାକଆଃ କାଜିକେ ପୁରାକେଦାକ । ୨୮ *ଇନ୍‌କୁ ଗନଏଃ ସାଜାଇ ଏମ୍‌ରେୟାଃ ଜେତାନ୍ ଗୁଣ୍ଠା କାକ ନାମ୍‌କେଦ୍‌ରେୟା, ଇନିଃକେ ଗନଏଃ ସାଜାଇ ଏମ୍ ନାଗେନ୍ତେ ପିଲାତୁସ୍‌କେ କାଜିକିୟାକ । ୨୯ *ଇନିୟାଃ ବିଷାଏରେ

* ୧୩:୧୯ ୧୩:୧୯ ସାଡ଼ ☆ ୧୩:୨୪ ୧୩:୨୪ ମାର୍କ ୧:୪; ଲୁକ ୩:୩. ☆ ୧୩:୨୫ ୧୩:୨୫ ଯୋହାନ୍ ୧:୨୦; ମାଥୁର ୩:୧୧; ମାର୍କ ୧:୭; ଲୁକ ୩:୧୭; ଯୋହାନ୍ ୧:୨୭. ☆ ୧୩:୨୮ ୧୩:୨୮ ମାଥୁର ୨୭:୨୨,୨୩; ମାର୍କ ୧୫:୧୩,୧୪; ଲୁକ ୨୩:୨୧-୨୩; ଯୋହାନ୍ ୧୯:୧୫. ☆ ୧୩:୨୯ ୧୩:୨୯ ମାଥୁର ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୨; ଯୋହାନ୍ ୧୯:୩୮-୪୨.

ଧାରାମ୍ପୁଅରେ ଅଲ୍ଲାନାନ୍ ଲେକାଗି ସବେନ୍ କାମି ରିକାକେଦ୍ ତାୟମ୍ତେ ଇନ୍କୁ ଇନିଃକେ କୁଣ୍ଡାଏତେ ଆଡ଼ଗୁକିୟାକ ଆତଃ ତପାଗାଡ଼ାରେ ଦହକିୟାକ । ୩୦ ମେନ୍ଦ୍ ପାର୍ମେଶ୍ୱାର୍ ଇନିଃକେ ଗନଏଃହେତେ ଜୀଉବିରିଦ୍ କିୟା, ୩୧ *ଆତଃ ପୁରାଃ ମାହାଁ ଜାକେଦ୍ ଇନିଃକେ ଗାଲିଲ୍ଏତେ ଯୀରୁଶାଲେମ୍ତେ ହିଜୁଃ ସେନଃତାନ୍ ହଡ଼କତାଃରେ ଉଦୁବେନ୍ୟାନା । ଇନ୍କୁ ନାହାଁଃ ଇସ୍ରାଏଲ୍ ହଡ଼କତାଃରେ ଇନିୟାଃ ଗାଞ୍ଜାକ ତାନ୍କ । ୩୨ ଆତଃ ଆଲିଙ୍ଗ୍ ଆପେକେ ଏନ୍ ସୁକୁକାଜି ଉଦୁବ୍ ନାଗେନ୍ତେ ନେତାଃରେ ମେନାଲିୟାଁ, ଅକନାଃଟି ପାର୍ମେଶ୍ୱାର୍ ଆରୁଆଃ ପୁରୁଖା ହାଡ଼ାମହଡ଼କକେ ବାନାର୍ଯ୍ୟା ଏମାକାଦ୍ କ ତାଇକେନାଏ, ୩୩ ପାର୍ମେଶ୍ୱାର୍ ଯୀଶୁକେ ଜୀଉବିରିଦ୍ କିଃ ହରାତେ ଆରୁ ନାଗେନ୍ତେ ନାହାଁଃ ପୁରାକାଦାଏ ଆତଃ ଆରୁ ଇନ୍କୁଆଃ କିଲିରେନ୍ଦ୍ ହବାକାନାରୁ । ଦାଉଦ୍ ଆଃ ଦୁରାଙ୍ଗ୍ ପୁଅ ୨ ଆଧ୍ୟାଏରେ ନେ'ଲେକା ଅଲ୍ଲାନାନ୍,

“ ‘ଆମ୍ ଆଇୟାଃ ହନ୍, ତିସିଙ୍ଗ୍ ଆଇଙ୍ଗ୍ ଆମାଃ ଆପୁ ହବାୟାନାଇଙ୍ଗ୍ ।’

୩୪ ଆତଃ ତପାଗାଡ଼ାରେ ଆଲକାଏ ଜିୟନଃକା ମେନ୍ତେ ଇନିଃକେ ଗନଏଃହେତେ ଜୀଉବିରିଦି ନାଗେନ୍ତେ ପାର୍ମେଶ୍ୱାର୍ ନେ'ଲେକାଏ କାଜିକାଦ୍ ତାଇକେନା, ‘ଦାଉଦ୍ କେ ଏମାକାଇ ବାନାର୍ଯ୍ୟା ଲେକାଗି

ଆଇଙ୍ଗ୍ ଆମ୍ କେ ପାବିତାର୍ ଆତଃ ସାର୍ତିଗିଇଙ୍ଗ୍ ଆଗିଷ୍ମେୟାଁ ।’

୩୫ ଦୁରାଙ୍ଗ୍ ପୁଅରେୟାଃ ଏଗାଃତାଃରେ ଅଲ୍ଲାନାନ୍,

‘ଆମ୍ ଆମାଃ ପାବିତାର୍ ଦାସିକେ ତପାଗାଡ଼ାରେ ଜିୟନଃ ନାଗେନ୍ତେ କାମ୍ ବାଗିଇତିୟା ।’ ”

୩୬ ଦାଉଦ୍ ଆୟାଃ ଜାନିଦ୍ ଦିପିଲିରେ ପାର୍ମେଶ୍ୱାର୍ ଆଃ ଇଛାସାନାଙ୍ଗ୍ ଲେକାଗି, ସୁସାର୍ କେଦ୍ତେ ଜୀଉତାୟାଃ ରୁଣ୍ଡୁକେଦା ଆତଃ ପୁରୁଖା ହାଡ଼ାମ୍ କଲଃ ତପାୟାନାଏ । ଆୟାଃ ଗନଏଃ ହଡ଼ମ୍ ତପାଗାଡ଼ାରେୟାଃ ହାସାରେ ମେସାୟାନା । ୩୭ ମେନ୍ଦ୍ ପାର୍ମେଶ୍ୱାର୍ ଅକଏକେ ଗନଏଃହେତେ ଜୀଉବିରିଦ୍ କିୟାଏ, ଇନିଃ ହାସାରେ କାଏ ମେସାକାନା ।

୩୮ ଏନାମେନ୍ତେ, ହେ ଇସ୍ରାଏଲ୍ରେନ୍ ହାଗାକ, ଆପେ ସବେନ୍ କେ ନେଆଁ ସାରି ଲାଗାଡ଼ିଙ୍ଗ୍ୟାଃ ଯେ, ଯୀଶୁଆଃ ହରାତେ ଏସ୍କାର୍ ଆପେତାଃରେ ପାପ୍ ଛାମାରେୟାଃ କାନାଜି ଉଦୁବ୍ କାନା । ଆତଃ ମୁଶା ନାବାଆଃ ଆନ୍ତୁ ହରାତେ ପାପ୍ ହେତେ କା ରାଡ଼ା ଦାଡ଼ିକାନ୍ ସବେନ୍ ହଡ଼କ, ୩୯ ଏନ୍ ଯୀଶୁତାଃରେ ବିଶ୍ୱାସ୍ କେଦ୍ ହରାତେ ଜୀଉବାଞ୍ଚାଅକ ନାମେୟା, ନେଆଁ ଆପେକେ ସାରି ଲାଗାଡ଼ିଙ୍ଗ୍ୟାଃ । ୪୦ ଏନାମେନ୍ତେ ଚିର୍ଗାଲ୍ କାନ୍ଦେ, ନାବାକ କାଜିକାଦ୍ ତେୟାଃ ଆପେରେ ଆଲକା ହବାଅଃକା,

୪୧ “ ‘ଆଇଙ୍ଗ୍ କେ ଲାନ୍ଦାଇଙ୍ଗ୍ ତାନ୍ ହଡ଼କ, ଆପେ ଆକ୍ ଦାନ୍ଦାଅକେଦ୍ତେ ଜିୟନଃପେ, ଚିଆଃଟି ତିସିଙ୍ଗ୍ ଆଇଙ୍ଗ୍ କାମିତାନ୍ ତେୟାଃ,

ଜେତାଏ ଆପେକେ ଉଦୁବାପେରେୟା ଆପେ କାପେ ବିଶ୍ୱାସେୟା ।’ ”

୪୨ ପାଉଲୁସ୍ ଆତଃ ବର୍ଣ୍ଣବାସ୍ ସାମାଜ୍ ଅଡ଼ାଃ ବାଗିକେଦ୍ତେ ସେନଃ ତାଇକେନାକିନ୍ ଇମ୍ତା, ହଡ଼କ ଏଗାଃ ରୁଡ଼ନ୍ ହୁଲାଇଙ୍ଗ୍ରେ ହିଜୁଃ ରୁହାଡ଼କେଦ୍ତେ ନେ ସବେନ୍ ବିଷାଏରେ ଆତଃଟି ପୁରାଃତେ କାଜି ନାଙ୍ଗ୍ ଇନ୍ କିନ୍ କେ ବିକ୍ରିକେଦ୍ କିନାକ । ୪୩ ହଡ଼କ ପାଞ୍ଚେର୍ ବାଗିକେଦ୍ତେ ସେନଃୟାନ୍ ତାୟମ୍ତେ, ପୁରାଃ ଯିହୁଦୀ ଆତଃ ସାଅଁସାର୍ ହେତେ ଯିହୁଦୀ ଧାରାମ୍ତେ ବାଦ୍ ଲାଅକାନ୍ ହଡ଼କ, ପାଉଲୁସ୍ ଆତଃ ବର୍ଣ୍ଣବାସ୍ କେ ଅତଙ୍ଗ୍ କେଦ୍ କିନାକ । ପ୍ରେରିତ୍ ଇନ୍କୁଲଃ ଜାଗାର୍ କେଦାକ ଆତଃ ପାର୍ମେଶ୍ୱାର୍ ଆଃ ସାୟାଦ୍ତେ ଜୀଦାନ୍ ବିତାଅ ନାଗେନ୍ତେ ଉସ୍କୁରକେଦ୍ କିଆକ ।

୪୪ ଏଗାଃ ରୁଡ଼ନ୍ ହୁଲାଇଙ୍ଗ୍ରେ, ସାହାର୍ରେନ୍ ଲାଗ୍ ଭାଗ୍ ସବେନ୍ ହଡ଼କ ପ୍ରାଭୁଆଃ ବାଚାନ୍ ଆୟୁମ୍ ନାଗେନ୍ତେକ ହିଜୁଃୟାନା । ୪୫ ଯିହୁଦୀ ହଡ଼କ ଗାଦେଲ୍ ହଡ଼କକେ ନେଲ୍ କେଦ୍ତେ ହିସ୍ କାତେ ପେରେୟାନାକ ଆତଃ ପାଉଲୁସ୍ ଆଃ କାଜିରେ କାଜିକେଦ୍ କେଦ୍ତେ ଇନିଃକେ ଲାନ୍ଦାକିୟାକ । ୪୬ ମେନ୍ଦ୍ ପାଉଲୁସ୍ ଆତଃ ବର୍ଣ୍ଣବାସ୍ ଆତଃଟି ବେଗାର୍ ବରତେ କାଜିକେଦାକିନ୍, “ଆପେତାଃରେ ପାହିଲାତେ ପାର୍ମେଶ୍ୱାର୍ ଆଃ ବାଚାନ୍ କାଜିୟାଃ ଲାଗାଡ଼ିଙ୍ଗ୍ ତାଇକେନା । ମେନ୍ଦ୍ ଆପେ ଜାନାଅ ଜୀଦାନ୍ ନାମେକାଲେ ମେନ୍ତେ କାପେ ବିଚାର୍ କେଦ୍ ହରାତେ, ଆଲିଙ୍ଗ୍ ଆପେକେ ବାଗିକେଦ୍ତେ ସାଅଁସାର୍ ହଡ଼କତାଃତେଲିଙ୍ଗ୍ ସେନା । ୪୭ ଚିଆଃଟି ପ୍ରାଭୁ ଆଲିଙ୍ଗ୍ କେ ନେ ଲେକାଏ ଆରୁକାଦ୍ ଲିୟାଁ,

“ ‘ଆଇଙ୍ଗ୍ ଆମ୍ କେ ସାଅଁସାର୍ ହଡ଼କଆଃ ନାଗେନ୍ତେ ମାର୍ଯ୍ୟାଲ୍ ଲେକାଇଙ୍ଗ୍ ବାଇୟାକାଦ୍ ମା, ଜେ'ଲେକାଟି ସବେନ୍ ଅତେଦିଶ୍ୱମ୍ରେ ଜୀଉବାଞ୍ଚାଅ ନାମାଆ ।’ ”

୪୮ ସାଅଁସାର୍ ହଡ଼କ ନେଆଁ ଆୟୁମ୍ କେଦ୍ତେ ରାସ୍କାୟାନାକ ଆତଃ ପ୍ରାଭୁଆଃ କାନାଜି ନାଗେନ୍ତେ ମାନାରାଙ୍ଗ୍ କେଦାକ । ଅକ ହଡ଼କ ଜାନାଅ ଜୀଦାନ୍ ନାମେ ନାଗେନ୍ତେ ସାଲ୍ଲାୟାନାକ, ଇନ୍କୁ ଏନ୍ କାନାଜିରେ ବିଶ୍ୱାସ୍ କେଦାକ ଆତଃ ବିଶ୍ୱାସୀ ହବାୟାନାକ । ୪୯ ପ୍ରାଭୁଆଃ ବାଚାନ୍ ଏନ୍ ପାର୍ଗାନ୍ରେୟାଃ ସବେନ୍ ସାଃରେ ନିତିର୍ୟାନା । ୫୦ ମେନ୍ଦ୍ ନାଗାର୍ରେନ୍ ଆଗୁଆଇ ହଡ଼କକେ ଆତଃ ସାମାଜ୍ରେ ମାଇନ୍ ନାମେତାନ୍ ସାଅଁସାର୍ କୁଡ଼ିକ, ଅକନ୍ କଟି ପାର୍ମେଶ୍ୱାର୍ କେ ବରଭାକ୍ତିତାନାକ, ଇନ୍କୁକେ ଯିହୁଦୀ ହଡ଼କ ଉସ୍କୁରକେଦ୍ତେ ପାଉଲୁସ୍ ଆତଃ ବର୍ଣ୍ଣବାସ୍ କିନାଃ ବିରୁଧ୍ରେ ସାସାତି ଏଟେଦ୍ କେଦାକ ଆତଃ ଇନ୍ କିନ୍ କେ ଏନ୍ ପାର୍ଗାନ୍ତାଃଏତେ ଅତଙ୍ଗ୍ କେଦ୍ କିନାକ । ୫୧ *ପ୍ରେରିତ୍ କିନ୍

* ୧୩:୩୧ ୧୩:୩୧ ପ୍ରେରିତ୍ ୧:୩. ☆ ୧୩:୫୧ ୧୩:୫୧ ମାୟୁଇ ୧୦:୧୪; ମାର୍କ ୬:୧୧; ଲୁକ ୯:୫; ୧୦:୧୧.

ଆକିନାଃ କାଟାରେୟାଃ ଧୃତି ଇନ୍କୁଆଃ ବିରୁଧରେ କଟାବାଗିକେଦ୍ରେ ଇକନିୟାତେକିନ୍ ସେନଃୟାନା । ୫୨ ଆତଃ ଆନ୍ତିୟୋଖ୍ରେନ୍ ବିଶ୍ୱାସୀକ ପାବିତାର୍ ଆମ୍ନା ଆତଃ ରାସ୍କାତେ ପେରେୟାନାକ ।

୧୪

ଇକନିୟାରେ ସେଞ୍ଜାକାମି

୯ ଇକନିୟାରେ ଏନ୍ଲେକାଗି ହବାୟାନା, ପାଉଲୁସ୍ ଆତଃ ବର୍ଣ୍ଣବାସ୍ ସାମାଜ୍ ଅତ୍ତାଃତେ ସେନ୍କେନାକିନ୍ ଆତଃ ନେ'ଲେକା କାଜିକେଦାକିନ୍ ଯେ, ପୁରାଃ ଯିହୁଦୀ ହଡକ ଆତଃ ସାର୍ଥସାର୍ ହଡକ ଶ୍ରୀଷ୍ଟତାଃରେ ବିଶ୍ୱାସକେଦାକ । ୧୦ ମେନ୍ଦ କା ବିଶ୍ୱାସତାନ୍ ଯିହୁଦୀକ ସାର୍ଥସାର୍ ହଡକଆଃ ମନ୍କେ ଉସ୍କୁରକେଦ୍ରେ ବିଶ୍ୱାସୀକଆଃ ବିରୁଧରେ ଖ୍ୱରିକାକେଦ୍ରେଆକ । ୧୧ ଏନ୍ରେୟ ପ୍ରେରିତ୍କିନ୍ ବେଗାର୍ ବରତେ ପ୍ରାଭୁଆଃ ବିଷାଏ ଏନ୍ତାଃରେ ଉଦ୍ଭୁବକେଦାକିନ୍ ଆତଃ ପୁରାଃ ଦିନ୍ ତାଇନ୍ୟାନାକିନ୍ । ଇନ୍କିନ୍ ଆକ୍ତାନ୍ୟା କାମିକ ଆତଃ ଆକ୍ତାକାଅ କାମିକ ରିକାକେଦ୍ ହରାତେ ପାର୍ମେଶ୍ୱାର୍ଆଃ ସାୟାଦ୍ରେ ନାମାକାନ୍ ପେଡ୍ରେ ବିଷାଏରେ କାଜିକେଦ୍ କାନାଜିକ ସାର୍ତ୍ତି ତାନାଃ ମେନ୍ତେ ସାରୁଦ୍କିନ୍ ଏମ୍କେଦା । ୧୨ ନାଗାରରେନ୍ ହଡକ ବାହାରେନ୍ ବିନ୍ଗାଆୟାନାକ, ଇନ୍କୁଏତେ ଚିମିନ୍ ହଡକ ଯିହୁଦୀ ହଡକସାଃତେ ଆତଃ ଚିମିନ୍ ହଡକ ପ୍ରେରିତ୍କିନାଃ ସାଃତେ ହବାୟାନାକ ।

୧୩ ଏନ୍ତେ ଚିମିନ୍ ସାର୍ଥସାର୍ ହଡକ ଆତଃ ଯିହୁଦୀ ହଡକ ଆକଆଃ ଆଗୁଆଇକଲଃ ମିଦ୍ତାଃରେ ହୁଣ୍ଡିକେଦ୍ରେ ହାଲାଗୁଲାତାନ୍ଲଃ ପ୍ରେରିତ୍କିନ୍କେ ଦିରିଲଃ ଚିଦ୍ଗିକେଦ୍ରେ ଗଏଃ ନାଗେନ୍ତେ ଉହାଟ୍କେଦାକ । ୧୪ ପ୍ରେରିତ୍କିନ୍ ଏନ୍ ବିଷାଏରେ ସାରିକେଦ୍ରେ ଲୁକାୟନିଆ ଜିଲ୍ଲାରେୟାଃ ଲୁସ୍ତ୍ରା ଆତଃ ଦର୍ବା ସାହାରରେୟାଃ ଚାରିୟସାଃରେ ତାଇକାନ୍ ପାର୍ଗାନ୍ଦ୍ରେକିନ୍ ସେନଃୟାନା । ୧୫ ଆତଃ ଏନ୍ତାଃରେ ସୁକୁକାଜିକିନ୍ ଉଦ୍ଭୁବକେଦା ।

ଲୁସ୍ତ୍ରା ଆତଃ ଦର୍ବାରେ ପାଉଲୁସ୍ଆଃ ସେଞ୍ଜାକାମି

୧୬ ଲୁସ୍ତ୍ରାରେ ମିଆଁଦ୍ ଜାନାମ୍ହେତେ କାଟା କୁଚୁଙ୍ଗକାନ୍ ହଡ ତାଇକେନାଏ । ଇନିଃ ଚିତ୍ତଲ୍ୟାଅ କାଏ ସେନ୍ ଦାଡିତାଇକେନା । ୧୭ ଇନିଃ ଏନ୍ତାଃରେ ଦୁବକେଦ୍ରେ ପାଉଲୁସ୍ଆଃ କାଜି ଆୟୁମ୍ ତାଇକେନା । ପାଉଲୁସ୍ ଇନିଃକେ ମିଦ୍ ନାଜେରରେ ନେଲ୍କେଦ୍ରେ, ବୁଗିୟାଃ ନାଗେନ୍ତେ ଇନିୟାଃ ମନ୍ରେ ବିଶ୍ୱାସ ହବାକାନା ମେନ୍ତେ ଆଟ୍କାରକେଦା, ୧୮ ଆତଃ କାଉରିତାନ୍ଲଃ କାଜିକେଦାଏ, “କାଟାରେ ପେଡ୍ରେ ଏମ୍କେଦ୍ରେ ତିଜୁନ୍ମେ !” ଏନ୍ ହଡ୍ରେ ତେଗାଅତାନ୍ଲଃ ଚାରିୟସାଃ ସେନ୍ ଏଟେଦ୍ରେକେଦାଏ । ୧୯ ଏନ୍ତାଃରେ ତାଇକାନ୍ ଗାଦେଲ୍ ହଡକ ପାଉଲୁସ୍ଆଃ ନେ କାମି ନେଲ୍କେଦ୍ରେ, ଆକଆଃ ଲୁକାୟନିଆ ଜାଗାର୍ରେ କାଉରିତାନ୍ଲଃ କାଜି ଏଟେଦ୍ରେକେଦାକ, “ମାହାପୁରୁକ ହଡ୍ରେ ଲେକା ହବାକେଦ୍ରେ ଆବୁତାଃତେ ହିଜୁଃକାନାକ ।” ୨୦ ଇନ୍କୁ ବର୍ଣ୍ଣବାସ୍କେ ଜିଅସ୍ ଆତଃ ପାଉଲୁସ୍ ମୁଲ୍ କାଜିନିଃ ହବାକାନ୍ ହରାତେ ଇନିଃକେ ହେର୍ମିସ୍ ମେନ୍ତେ ନୁଡୁମ୍କିୟା । ୨୧ ନାଗାରରେୟାଃ ବାହାରିରେ ତାଇକାନ୍ ଜିଅସ୍ ମାହିରରେନ୍ ଯାଜାକ୍, ଦୁଆର୍ ଜାପାଃତେ ଚିମିନ୍ ସାଣିକକେ ଆତଃ ଗାଲାଙ୍ଗକାନ୍ ବାହା ଆଉକେଦାଏ, ଚିଆଃଚି ଇନିଃ ଆତଃ ଏନ୍ତାଃରେ ହୁଣ୍ଡିୟାକାନ୍ ଗାଦେଲ୍ ହଡକ ପ୍ରେରିତ୍କିନାଃ ନାଗେନ୍ତେ ଦାଣ୍ଟି ରାକାବ୍ ନାଙ୍ଗ୍ ସାନାଙ୍ଗ୍ ତାଇକେନାକ ।

୨୨ ଇନ୍କୁ ଅକ କାମି ନାଗେନ୍ତେକ କୁଲ୍ଲକାନ୍ ତାଇକେନା, ଏନା ଆୟୁମ୍କେଦ୍ରେ ପ୍ରେରିତ୍କିନ୍ ଚାଏ ବର୍ଣ୍ଣବାସ୍ ଆତଃ ପାଉଲୁସ୍ ପୁରାଃଗି ଦୁକୁୟାନାକିନ୍ ଆତଃ ଆକିନାଃ ଲିଜାଃ ଚେଟାଃକେଦ୍ରେ ଗାଦେଲ୍ ହଡକଆଃ ଆଲାତେ ନିରକେଦାକିନ୍ ଆତଃ କାଉରିକେଦ୍ରେ କାଜିକେଦାକିନ୍, ୨୩ “ଆପେ ଚିନାଃମେନ୍ତେ ନେଆଁ ରିକାତାନାପେ ? ଆଲିଙ୍ଗ୍ ହ ଆପେ ଲେକାଗି ହଡ୍ରେ ତାନ୍ଲିଙ୍ଗ୍ । ଆପେ ଜେ'ଲେକାଚି ନେ ସବେନ୍ ସାମା ସାମାରେନ୍ ମାହାପୁରୁକକେ ବାଗିକେଦ୍ରେ ଜାନିଦ୍ ପାର୍ମେଶ୍ୱାର୍, ଅକଏଚି ସିର୍ମା, ଅତେ, ଦରେୟା ଆତଃ ଏନାରେ ତାଇନ୍ତାନ୍ ସବେନାଃକେ ବାଇୟାକାଦ୍ନିଃ ସାଃତେ ରୁହାଡ୍ରେପେ । ଏନାମେନ୍ତେ ଆଲିଙ୍ଗ୍ ଆପେତାଃରେ ସୁକୁକାଜି ଉଦ୍ଭୁବ୍ ନାଗେନ୍ତେ ହିଜୁଃକାନାଲିଙ୍ଗ୍ । ୨୪ ପାର୍ମେଶ୍ୱାର୍ ସିଦା ପାରିୟାରେନ୍ ସବେନ୍ ହଡକକେ ଆକଆଃ ଇହାସାନାଙ୍ଗ୍ ଲେକାଏ ସେସେନ୍ଇଚିକାକ ତାଇକେନା । ୨୫ ମେନ୍ଦ ଆୟାଃ ବୁଗିନ୍ କାମି ହରାତେ ସବେନ୍ ଇମ୍ତା ମେନାଇୟା ମେନ୍ତେ ସାରୁଦ୍ ଏମାକାଦାଏ । ଇନିଃ ସିର୍ମାଏତେ ଗାମାଦାଆଃ ଆତଃ ଠାଉକାନ୍ ନେତାରେ ଆତ୍ତାଃ ସାକାମ୍ ଜ'କଏ ଏମାଃ, ଇନିଃ, ଜମେୟା ଆତଃ ଆପେୟାଃ ମନ୍ସୁରୁଦ୍ରେ ରାସ୍କାତେ ପେରେଜାକାଦା ।” ୨୬ ପ୍ରେରିତ୍କିନ୍ ନେ'ଲେକା ପୁରାଃଗି ଚିମିନ୍ କାଜିକ କାଜିକେଦ୍ରେ ଏନ୍ ଗାଦେଲ୍ ହଡକକେ ଦାଣ୍ଟି ରାକାବ୍ହେତେ ହକାକେଦ୍ରେଆକିନ୍ ।

୨୭ ମେନ୍ଦ ଚିମିନ୍ ଯିହୁଦୀକ ପିସିଦିଆରେୟାଃ ଆନ୍ତିୟୋଖ୍ ଆତଃ ଇକନିୟାହେତେ ହିଜୁଃକାନ୍ ତାଇକେନାକ, ଇନ୍କୁ ଗାଦେଲ୍ ହଡକକେ ଉସ୍କୁରକେଦ୍ରେ ପାଉଲୁସ୍କେ ଦିରିତେ ଚିଦ୍ଗିକିୟାକ ଆତଃ ଇନିଃ ଗଏଃୟାନାଏ ମେନ୍ତେ ଉଡ୍ଡୁକେଦ୍ରେ ସାହାରରେୟାଃ ବାହାରିତେ ଅର୍ ଇଦିକିୟାକ । ୨୮ ମେନ୍ଦ ବିଶ୍ୱାସୀକ ହିଜୁଃକେଦ୍ରେ ଆୟାଃ ଚାରିୟସାଃରେ ହୁଣ୍ଡି ବିୟୁରକିୟାକ ଏନ୍ତେ ଇନିଃ ତିଜୁକେଦ୍ରେ ସାହାରତେ ରୁହାଡ୍ରେୟାନା । ଏମାଃ ହୁଲ୍ଲଙ୍ଗ୍ ଇନିଃ ଆତଃ ବର୍ଣ୍ଣବାସ୍ ଦର୍ବାତେକିନ୍ ସେନଃୟାନା ।

ପାଉଲୁସ୍ ଆତଃ ବର୍ଣ୍ଣବାସ୍ ସିରିୟାଃ ଆନ୍ତିୟୋଖ୍ରେତେ ରୁହାଡ୍ରେୟାନାକିନ୍

୨୧ ପାଉଲୁସ୍ ଆତ୍ମ ବର୍ଣ୍ଣିବାସ୍ ଦର୍ବୀରେ ସୁକୁକାଜି ଉଦ୍ଭବକେଦ୍‌ତେ ପୁରାଃ ଚେଲକାକିନ୍ ବାଇକେଦକଆ । ଏନ୍ତେ ଇନ୍‌କିନ୍ ଲୁସ୍‌ତ୍ରା, ଇକନିୟା ଆତ୍ମ ପିସିଦିଆରାଃ ଆନ୍ତିୟୋଖ୍‌ତେକିନ୍ ରୁହାଡ଼ୟାନା । ୨୨ ଆତ୍ମ ଇନ୍‌କିନ୍ ଏନ୍ତାଃରେନ୍ ବିଶ୍ୱାସୀକକେ ଆକଆଃ ସାର୍ତି ବିଶ୍ୱାସରେ କେଟେୟଃ ନାଗେନ୍ତେ ଆତ୍ମ ଜୀଉରେ ରାସକାଆଃ ନାଗେନ୍ତେ ଇନ୍‌କୁକେ ଇତ୍ତୁକେଦ୍‌ତେ କାଜିକେଦକଆକିନ୍, “ପାର୍‌ମେଶ୍ୱାର୍‌ଆଃ ରାଇଜ୍‌ରେ ବଲ ନାଗେନ୍ତେ ଆବୁକେ ପୁରାଃ ଦୁକୁ ସାହାତିକ୍‌କେଦ୍‌ତେ ସେନ୍ ଲାଗାତିକ୍‌ୟାଃ ।” ୨୩ ଇନ୍‌କିନ୍ ସବେନ୍ କାଲିସିୟାରେ ପ୍ରାଚିନ୍‌କକେ ସାଲାଇକେଦକଆକିନ୍ ଆତ୍ମ କାଟାଦ୍‌ତାନିଃ ବିକ୍ତିକେଦାକିନ୍, ଏନ୍ତେ ଇନ୍‌କିନ୍ ଅକ ପ୍ରାଭୁତାଃରେ ବିଶ୍ୱାସକାଦାକିନ୍, ଇନିଃତାଃରେ ଇନ୍‌କୁକେ ଜିମାକେଦକଆକିନ୍ ।

୨୪ ତାୟମ୍‌ତେ ଇନ୍‌କିନ୍ ପିସିଦିଆ ପାର୍‌ଗାନ୍ ହରାତେ ସେନ୍‌କେଦ୍‌ତେ ପାମ୍‌ଲିଆ ଜିଲ୍ଲାତେକିନ୍ ହିଜୁଃୟାନା । ୨୫ ଏନ୍ତାଃରେୟାଃ ପେରଗା ସାହାରରେ ବାଚାନ୍ ଉଦ୍ଭବକେଦ୍‌ତେ ଆଭାଲିଆ ସାହାରତେକିନ୍ ସେନଃୟାନା, ୨୬ ଆତ୍ମ ଏନ୍ତାଃଏତେ ଇନ୍‌କିନ୍ ଦାଆଃ ଜାହାଜ୍‌ତେ ଆନ୍ତିୟୋଖ୍‌ତେ ସେନଃ ରୁହାଡ଼ୟାନାକିନ୍, ନେ ଆନ୍ତିୟୋଖ୍‌ରେ ନାହାଃ ହବାକାନ୍ କାମି ନାଗେନ୍ତେ ପାର୍‌ମେଶ୍ୱାର୍‌ଆଃ ସାୟାଦ୍ ହରାତେ ଇନ୍‌କିନ୍ ଜିମାକାନ୍ ତାଇକେନାକିନ୍ ।

୨୭ ଇନ୍‌କିନ୍ ଆନ୍ତିୟୋଖ୍‌ରେ ସେଟେରକେଦ୍‌ତେ କାଲିସିୟାରେନ୍ ହଡକକେ ହୁଣ୍ଡିକେଦକଆକିନ୍ । ପାର୍‌ମେଶ୍ୱାର୍ ଇନ୍‌କିନାଃ ନାଗେନ୍ତେ ରିକାକାଦ୍ ତାଇକେନତେୟାଃ ଆତ୍ମ ସାଅଁସାର୍ ହଡକଆଃ ବିଶ୍ୱାସ୍ ନାଗେନ୍ତେ ଚିଲ୍‌କା ହରାକଏ ଉଦ୍ଭବକାଦ୍ ତାଇକେନା, ଏନ୍ ସବେନାଃ ଇନ୍‌କୁକେକିନ୍ ଉଦ୍ଭବାଦକଆ । ୨୮ ଏନ୍ତେ ଇନ୍‌କିନ୍ ଆନ୍ତିୟୋଖ୍‌ରେ ବିଶ୍ୱାସୀକଲଃ ପୁରାଃ ଦିନ୍‌କିନ୍ ତାଇନ୍‌ୟାନା ।

୧୫

ଯୀରୁଶାଲେମ୍‌ରେ ଖ୍ରୀଷ୍ଟ ବିଶ୍ୱାସୀକଆଃ ସାଭା

୧ ଯିହୁଦାଏତେ ଚିମିନ୍ ହଡକ ଆନ୍ତିୟୋଖ୍‌ତେ ହିଜୁଃକେଦ୍‌ତେ, ମୁଶା ନାବାଆଃ ଆନ୍‌ରୁ ଲେକାତେ ଇନ୍‌କୁ କାକ ଖାଡ଼ନାଆଃରେନ୍ ଜୀଉବାସ୍ତାଅ କାକ ନାମେୟା ମେନ୍ତେ ବିଶ୍ୱାସୀକକେ ଇତ୍ତୁକେଦକଆକ । ୨ ନେ ବିଷାଏରେ ଇନ୍‌କୁଲଃ ପାଉଲୁସ୍ ଆତ୍ମ ବର୍ଣ୍ଣିବାସ୍‌ଆଃ ପୁରାଃଗି କାପ୍‌ଜି ହବାୟାନା, ଏନାତେ ପାଉଲୁସ୍, ବର୍ଣ୍ଣିବାସ୍ ଆତ୍ମ ଆନ୍ତିୟୋଖ୍‌ରେନ୍ ଚିମିନ୍ ହଡକ ଯୀରୁଶାଲେମ୍‌ତେ ସେନ୍‌କେଦ୍‌ତେ ପ୍ରେରିତ୍ ଆତ୍ମ କାଲିସିୟାରେନ୍ ପ୍ରାଚିନ୍‌କଲଃ ନେ ବିଷାଏରେ କାଜିଅତ୍ତକ୍‌ଆଃକା ମେନ୍ତେକ ଉହାଟ୍‌କେଦା ।

୩ କାଲିସିୟାରେନ୍ ହଡକ ଇନ୍‌କିନାଃ ହରାସେନ୍ ନାଗେନ୍ତେକ ଦେକ୍‌କାକେଦକିନା, ଆତ୍ମ ଇନ୍‌କିନ୍ ଫିନିସିୟା ଆତ୍ମ ଶମିରୋନ୍ ହରାତେ ସେନଃ ଇମ୍‌ତା, ସାଅଁସାର୍ ହଡକ ଚିଲ୍‌କା ହେୟାତିକ୍‌କେଦ୍‌ତେ ପାର୍‌ମେଶ୍ୱାର୍‌ସାଃତେକ ରୁହାଡ଼କାନା, ଏନ୍ ବିଷାଏରେକିନ୍ ଉଦ୍ଭବକେଦକଆ; ନେ କାନାଜି ଆୟୁମ୍‌କେଦ୍‌ତେ ବିଶ୍ୱାସୀକ ପୁରାଃଗିକ ରାସକାୟାନା । ୪ ଇନ୍‌କିନ୍ ଯୀରୁଶାଲେମ୍‌ତେ ସେଟେରୟାନ୍‌ଚି, କାଲିସିୟାରେନ୍ ହଡକ, ପ୍ରେରିତ୍‌କ ଆତ୍ମ ପ୍ରାଚିନ୍‌କ ଇନ୍‌କିନ୍‌କେକ ଦାରମ୍‌କେଦକିନା । ପାର୍‌ମେଶ୍ୱାର୍ ଆକିନାଃଲଃ ତାଇକେଦ୍‌ତେ କାମିକାଦ୍ ସବେନ୍ କାମିକ ଇନ୍‌କିନ୍ ଇନ୍‌କୁକେ ଉଦ୍ଭବକେଦକଆକିନ୍ । ୫ ମେନ୍‌ଦ ଫୀରୁଶୀ ଝୁଣ୍ଡରେନ୍ ଚିମିନ୍ ବିଶ୍ୱାସୀ ହଡକ ତିକ୍‌କେଦ୍‌ତେ କାଜିକେଦାକ, “ସାଅଁସାର୍ ହଡକଆଃ ଖାଡ଼ନାଅ ହବାଆଃଗି ଲାଗାତିୟାଃ ଆତ୍ମ ମୁଶା ନାବାଆଃ ଆନ୍‌ରୁକେ ମାନାତିକ୍ ନାକ୍ ଇନ୍‌କୁକେ କାଜି ଲାଗାତିୟାଃ ।”

୬ ନେ ବିଷାଏରେ ଜାଗାର୍ ନାଗେନ୍ତେ ପ୍ରେରିତ୍‌କ ଆତ୍ମ ପ୍ରାଚିନ୍‌କ ମିଦ୍‌ତାଃରେ ହୁଣ୍ଡିୟାନାକ । ୭ *ପୁରାଃଗି କାପ୍‌ଜିୟାନ୍ ତାୟମ୍‌ତେ ପାଡ଼ରାସ୍ ତିକ୍‌କେଦ୍‌ତେ କାଜିକେଦା, “ହେ ହାଗା ମିଶିକ, ଆଇକ୍ ସାଅଁସାର୍ ହଡକତାଃରେ ସୁକୁକାଜି ଉଦ୍ଭବକାକ୍ ଆତ୍ମ ଇନ୍‌କୁ ଏନାରେକ ବିଶ୍ୱାସେକା ମେନ୍ତେ ପାର୍‌ମେଶ୍ୱାର୍ ଆଇକ୍‌କେ ଆପେକଏତେ ପୁରାଃ ମାହାଁ ସିଦାରେ ସାଲାଇକାଦିୟା, ଏନାଦପେ ସାରିତାନା । ୮ *ଆତ୍ମ ସବେନ୍‌କଆଃ ମନ୍‌ସୁରୁଦ୍‌ରେୟାଃ ଉଡ଼ୁ ସାରି ଦାଡ଼ିତାନ୍ ପାର୍‌ମେଶ୍ୱାର୍, ଆବୁକେ ଜେ'ଲେକା ପାବିତାର୍ ଆମ୍‌ ଏମାକାଦ୍‌ରୁଆଏ, ଏନ୍‌ଲେକାଗି ସାଅଁସାର୍ ହଡକକେହ ଏମ୍‌କେଦ୍‌ତେ ଇନ୍‌କୁସାଃଏତେ ଗାଝାଏ ଏମାକାଦା । ୯ ଇନ୍‌କୁଆଃ ଆତ୍ମ ଆବୁଆଃ ଆଲାଇରେ ଜେତାନ୍ ଫୀରାକ୍ କାଏ ଦହକାଦା । ଇନ୍‌କୁଆଃ ବିଶ୍ୱାସ୍ ହରାତେ ଇନିଃ ଇନ୍‌କୁଆଃ ମନ୍‌ସୁରୁଦ୍‌କଏ ଫୀରତିକାଦା । ୧୦ ତାବ୍‌ଦ ଯିହୁଦୀକଆଃ ରିତିରିଖାଜ୍ ଆତ୍ମ ଆନ୍‌ରୁ, ଅକ୍‌ନାଃଚି ହାମ୍‌ଲ ବାହାରମ୍ ଲେକାନାଃତାନାଃ, ଏନାକେ ଆବୁଆଃ ପୁରୁଖା ହାଡ଼ାମ୍‌କ ଆତ୍ମ ଆବୁ କାବୁ ଗଅଃ ଦାଡ଼ିକେନା, ଏନ୍ ଆଡ଼ନାକେ ନାହାଃ ଆପେ ବିଶ୍ୱାସୀକଆଃ ତାରାନ୍‌ରେ ଲାଦିକେଦ୍‌ତେ ଚିନାଃମେନ୍ତେ ପାର୍‌ମେଶ୍ୱାର୍‌କେ ବିଡ଼ାଅ ନାଗେନ୍ତେପେ ସାନାକ୍‌ତାନା ? ୧୧ କାହାଗି, ଏନା କା ବୁଗିନାଃ । ଇନ୍‌କୁ ଜେ'ଲେକା ବିଶ୍ୱାସ୍‌କେଦ୍‌ତେ ଜୀଉବାସ୍ତାଅକ ନାମାକାଦା, ଏନ୍ ଲେକାଗି ଆବୁହ ବିଶ୍ୱାସ୍‌କେଦ୍‌ତେ ପ୍ରାଭୁ ଯୀଶୁଆଃ ସାୟାଦ୍‌ତେ ଜୀଉବାସ୍ତାଅକୁ ନାମାକାଦା ।”

୧୨ ପାଉଲୁସ୍ ଆତ୍ମ ବର୍ଣ୍ଣିବାସ୍‌ଆଃ ହରାତେ ସାଅଁସାର୍ ହଡକଆଃ ଆଲାଇରେ ପାର୍‌ମେଶ୍ୱାର୍ ଅକ ଆକ୍‌ଦାନ୍‌ଆ କାମିକ ଆତ୍ମ ଆକ୍‌ଚାକାଅ କାମିକ କାମିକାଦ୍ ତାଇକେନାଏ । ଏନାକ ଇନ୍‌କିନ୍‌ତାଃଏତେ ଆୟୁମ୍‌କେଦ୍‌ତେ ଝୁଣ୍ଡରେନ୍ ସବେନ୍‌କ

* ୧୫:୨ ୧୫:୭ ପ୍ରେରିତ୍ ୧୦:୧-୪୩. * ୧୫:୮ ୧୫:୮ ପ୍ରେରିତ୍ ୧୦:୪୪; ୨:୪.

ହାପାୟାନାକ । ୧୩ ଇନ୍ଦକିନ୍ କାଜି ଚାବାକେଦ୍ତି, ଯାକୁବ୍ କାଜିକେଦାଏ, “ହେ ହାଗା ମିଶିକ, ଆଇଁୟାଃ କାଜି ଆୟୁମେପେ ! ୧୪ ପାର୍ମେଶ୍ୱାର୍ ଚିଲକା ଆୟାଃ ଲିନିରୁଇ ସାଅଁସାର୍ ହଡକଏତେ ଚିମିନ୍କକେ ଆୟାଃ ନୁତୁମ୍ ନାଗେନ୍ତେ ସାଲାକାଦକଆ, ଏନ୍ କାଜିକେ ଶିମୋନ୍ ଉଦୁବ୍କେଦାଏ । ୧୫ ନାବୀକଆଃ କାଜି ନେ କାଜିଲଃ ପୁରା ମେସାଅଃତାନା । ଧାରାମ୍ପୁଥୁରେ ଅଲ୍ଲାନା;

୧୬ “ପ୍ରାଭୁ କାଜିୟାଃଏ, ନେ ତାୟମ୍ତେ ଆଇଙ୍ଗ୍ ହିଜୁଃ ରୁହାଡାଈଙ୍ଗ୍
ଆତଃ ଦାଉଦ୍ଆଃ ତାଇନଃ ଠାୟାଦ୍କେ ଆତଃମିସା ବାଇରୁହାଡେୟାଈଙ୍ଗ୍ ।

ଆଇଙ୍ଗ୍ ଏନ୍ ଜିୟନ୍କାନ୍ତେୟାଃକେ ଆତଃମିସା ବାଇରୁହାଡେୟାଈଙ୍ଗ୍
ଆତଃ ଏନାକେ କେଟେଦ୍ ରୁହାଡେୟାଈଙ୍ଗ୍ ।

୧୭ ଆତଃ ସବେନ୍ ମାନଝା ହଡକ ଆଇଙ୍ଗ୍ତାଃତେକ ହିଜୁଃଆ,
ଆଇଙ୍ଗ୍ ଅକ ସାଅଁସାର୍ ହଡକକେ ଆଇଁୟାଃ ହବାଅଃ ନାଗେନ୍ତେଇଙ୍ଗ୍ କେଡାକାଦକଆ, ଇନ୍କୁ ସବେନ୍କ
ଆଇଁୟାଃତାନକ ମେନ୍ତେ ପ୍ରାଭୁ କାଜିୟାଏ ।

୧୮ ନେ କାଜିକେ ପ୍ରାଭୁ, ନାଙ୍କ ପାରିୟାଏତେ କାଜିକାଦ୍ ତାଇକେନା ।’

୧୯ “ଯାକୁବ୍ ଆତଃଗି କାଜିକେଦା, ଆଇଁୟାଃ ବିଚାର୍ ନେଆଁତାନାଃ, ଅକ ସାଅଁସାର୍ ହଡକ ପାର୍ମେଶ୍ୱାର୍ସାଃତେ
ରୁହାଡତାନାକ, ଇନ୍କୁକେ ଆବୁ କାବୁ ହାଏରାନକଆ । ୨୦ ମେନ୍ଦ ଇନ୍କୁ ମୁରୁଡକତାଃରେ ଦାନ୍ ରାକାବାକାନ୍
ସଡରା ଜମେୟାଁ ଆଲକାକ ଜମେକା, ଜେତା କଡା ଚାଏ କୁଡିଲଃ ହଡମରେୟାଃ ଏଡକାନ୍ କାମି ଆଲକାକ ରିକାଏକା,
ହଟଃ ଲିମ୍ପୁକେଦ୍ତେ ଗଜାକାନ୍ ଜାଁତୁରାଃ ମାସ୍ ଚାଏ ମାୟୋମ୍ ଆଲକାକ ଜମେକା ମେନ୍ତେ ନେ ସବେନ୍ ବିଷାଏରେ
କାଜିକତାନ୍ଲଃ ଇନ୍କୁତାଃତେ ମିଆଁଦ୍ ଚିଟାଉରୁ ଅଲେୟା । ୨୧ ଚିୟାଃଚି ପୁରାଃ ସିଦାଏତେଗି ସବେନ୍ ରୁଡନ୍ ହୁଲାଇଁରେ
ସାମାଜ୍ ଅଡ଼ାଃକରେ ମୁଶା ନାବୀଆଃ ଆନ୍ତୁ ପାଡ଼ାଅଃତାନା, ଆତଃ ସବେନ୍ ସାହାର୍ରେ ଇନିୟାଃ କାଜି ଉଦୁବଃତାନା ।”

ସାଅଁସାର୍ ବିଶ୍ୱାସୀ ହଡକତାଃତେ ଚିଟାଉ

୨୨ ଏନ୍ତେ ପ୍ରେରିତ୍ ଆତଃ କାଲିସିୟାରେନ୍ ପ୍ରାଚିନ୍କ, ଆତଃ କାଲିସିୟାରେନ୍ ସବେନ୍କ, ଝୁଣ୍ଡରେନ୍ ଚିମିନ୍ ହଡକକେ
ସାଲାକେଦ୍ତେ, ପାଉଲୁସ୍ ଆତଃ ବର୍ଣ୍ଣବାସଲଃ ଇନ୍କୁକେ ଆନ୍ତିୟୋଖ୍ତେ କୁଲ୍ ନାଗେନ୍ତେକ ଉହାଟ୍କେଦା । ବାର୍ଣବାସ୍
ନୁତୁମ୍ତେ ସାରିୟାତାନ୍ ଯିହୁଦା ଆତଃ ସିଲ୍ଲାସ୍, ନେ ବାରାନ୍କିନ୍କେ ଇନ୍କୁ ସାଲାକେଦକିନାକ ଆତଃ ଇନ୍କିନ୍
ବିଶ୍ୱାସୀକଆଃ ଆଲରେ ପୁରାଃଗି ମାଇନଃତାନ୍କିନ୍ ତାଇକେନା । ୨୩ ଆତଃ ବିଶ୍ୱାସୀକ ନେ ଚିଟାଉକେ ଇନ୍କିନାଃ
ଡିଃଇରେ କୁଲ୍କେଦାକ । “ଆନ୍ତିୟୋଖ୍, ସିରିୟା ଆତଃ କିଲିକିଆ ପାର୍ଗାନ୍ରେନ୍ ସାଅଁସାର୍ ହଡକଏତେ ହିଜୁଃକାନ୍
ହାଗାକକେ ପ୍ରେରିତ୍ ଆତଃ କାଲିସିୟାରେନ୍ ପ୍ରାଚିନ୍କ ଜହାର୍ ମେନ୍ତେକ କାଜିକୁଲ୍କାଦା । ୨୪ ଆଲେ ଆୟୁମେତାନାଲେ
ୟେ, ଆଲେୟାଃ ଝୁଣ୍ଡହେତେ ଚିମିନ୍ ହଡକ ଆପେତାଃତେ ସେନ୍କେଦ୍ତେ ଆପେୟାଃ ମନରେ ଦୁକୁଃଲେକାନ୍ କାଜିକ
କାଜିକାଦା । ମେନ୍ଦ ଏନ୍ ବିଷାଏରେ ଆଲେ ଇନ୍କୁକେ କାଜି ନାଙ୍ଗ୍ ଜେଡନାଃ କାଲେ ଆଚୁକାକ ତାଇକେନା । ୨୫ ଆତଃ
ଆଲେ ସବେନ୍କ ମିଦ୍ ମନ୍ୟାନ୍ଲଃ ଚିମିନ୍ ଝାନ୍ କାଜିକୁଲ୍କକେ ସାଲାକେଦ୍ତେ ଆପେତାଃତେ କୁଲ୍ ନାଗେନ୍ତେଲେ
ଉହାଟ୍କାଦା । ଇନ୍କୁ ଆବୁଆଃ ଦୁଲ୍ଲାଡ୍ ହାଗା ବର୍ଣ୍ଣବାସ୍ ଆତଃ ପାଉଲୁସ୍ଲଃ ସେନାଃକ । ୨୬ ଇନ୍କିନ୍ ଆକିନାଃ
ଜୀଦାନ୍କେ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ନୁତୁମ୍ ନାଙ୍ଗ୍ ସାକାଟ୍ରେ ଉୟାଃକାଦାକିନ୍ । ୨୭ ଆଲେ ଯିହୁଦା ଆତଃ ସିଲ୍ଲାସ୍କେ
ଆପେତାଃତେ କୁଲ୍କିନ୍ତାନାଲେ । ଆଲେ ଅକନାଃ ଅଲ୍ଲାନାଦାଲେ ଏନାକେଗି ଇନ୍କିନ୍ ଆପେକେ ଉଦୁବାପେୟାକିନ୍
। ୨୮ ଚିମିନାଙ୍ଗ୍ ଲାଗାତିଙ୍ଗ୍ ଆଇନ୍କ ବାଗିକେଦ୍ତେ ଆପେ ଚେତାନ୍ରେ ଜେତାନ୍ ବାହାରମ୍ କା ଏମ୍ ନାଗେନ୍ତେ ଆଲେ
ପାବିତାର୍ ଆମ୍ବାତାଃଏତେ ଆନାଚୁଲେ ନାମାକାଦା । ୨୯ ଆପେ ମୁରୁଡକଆଃ ଆୟାର୍ରେ ଦାନ୍ ରାକାବାକାନ୍ ଜଜମାଃ
ଆଲପେ ଜମେୟାଁ, ମାୟୋମ୍ ଆଲପେ ନୁଁଇଆ, ହଟଃ ଲିମ୍ପୁକେଦ୍ତେ ଗଜାକାଇ ଜେତା ଜାଁତୁରାଃ ମାସ୍ ଆଲପେ
ଜମେୟାଁ ଆତଃ ଜେତା କଡା ଚାଏ କୁଡିଲଃ ହଡମରେୟାଃ ଏଡକାନ୍ କାମିକଏତେ ସାଜିନାକାନ୍ ତାଇନ୍ପେ । ଆପେ
ନେ ସବେନ୍ କାମିକ କାପେ କାମିରେଦ୍ ଆପେୟାଃ ବୁଗିନାଃ ହବାଅଃଆ । ଆଲେୟାଃ ଜହାର୍ ତେଲ୍ଲାଏପେ ।”

୩୦ ଅକ କାଜିକୁଲ୍କିନ୍କେ କୁଲ୍ଲାନାନ୍ ତାଇକେନା, ଇନ୍କିନ୍ ଆନ୍ତିୟୋଖ୍ତେ ସେନ୍କେଦ୍ତେ ବିଶ୍ୱାସୀକଆଃ ସବେନ୍
ଝୁଣ୍ଡକକେ ହୁଣ୍ଡିକେଦ୍ତେ ନେ ଚିଟାଉକେ ଏମାଦକଆକିନ୍ । ୩୧ ଏନ୍ତାଃରେନ୍ ବିଶ୍ୱାସୀକ ଜୀଉରେ ରାସକାନ୍ କାଜି
ଚିଟାଉରେ ପାଡ଼ାଅକେଦ୍ତେ ରାସକାତେ ପେରେୟାନାକ । ୩୨ ଯିହୁଦା ଆତଃ ସିଲ୍ଲାସ୍ ଆକିନ୍ଗି ନାବୀ ତାଇକେନାକିନ୍
ଆତଃ ଇନ୍କିନ୍ ଆନ୍ତିୟୋଖ୍ରେନ୍ ବିଶ୍ୱାସୀକକେ ପୁରାଃ ନେତା ଜାକେଦ୍ ଜାଗାର୍ତାନଲଃ ଇନ୍କୁକେ ଜୀଉରେ ରାସକାନ୍
କାଜିକ ଏମ୍କେଦ୍ତେ ଇନ୍କୁଆଃ ବିଶ୍ୱାସ୍କେ କେଟେଦ୍କେଦାକିନ୍ । ୩୩ ଏନ୍ତାଃରେ ଚିମିନ୍ ମାହାଁ ତାଇନ୍ୟାନ୍ ତାୟମ୍ତେ
ଅକ ହଡକ ଇନ୍କିନ୍କେ କୁଲ୍ଲାନାଦକିନ୍ ତାଇକେନାକ, ଇନ୍କୁତାଃ ସେନ୍ରୁହାଡ୍ ନାଗେନ୍ତେ ବିଶ୍ୱାସୀକ ଇନ୍କିନ୍କେ
ସୁକୁଜୀଉତେ କୁଲ୍କେଦକିନାକ । ୩୪ ମେନ୍ଦ ସିଲ୍ଲାସ୍ ଏନ୍ତାଃରେ ତାଇନଃ ନାଗେନ୍ତେ ବୁଗିନାଃ ଆଟ୍ଟକାଟ୍ଟକେଦାଏ ।*

୩୫ ପାଉଲୁସ୍ ଆତଃ ବର୍ଣ୍ଣବାସ୍ ଆନ୍ତିୟୋଖ୍ରେ ଚିମିନ୍ ଦିନ୍ ତାଇନ୍ୟାନାକିନ୍ ଆତଃ ଏଟାଃ ପୁରାଃ ହଡକଲଃ
ମେସାକେଦ୍ତେ ପ୍ରାଭୁଆଃ ବାଚାନ୍ ଉଦୁବ୍କେଦକଆକ ଆତଃ ଇତୁକେଦକଆକ ।

* ୧୫:୩୪ 15:34 ନେ ପଦ ଚିମିନ୍ ମାରି ଅନଲ୍କରେ ବାନଃଆ

ପାଉଲୁସ୍ ଆଡ଼ଃ ବର୍ଣ୍ଣବାସ୍ ଆଃ ବିନ୍‌ଗାଅ

୩୭ ଚିମିନ୍ ଦିନ୍ ତାୟମ୍‌ତେ ପାଉଲୁସ୍, ବର୍ଣ୍ଣବାସ୍‌କେ କାଜିକିୟା, “ଦଲା, ରୁହାଡ଼ାଃଲାଙ୍ଗ୍ ଆଡ଼ଃ ସବେନ୍ ସାହାରରେନ୍ ଅକ ହାଗାକକେ ପ୍ରାଭୁଆଃ ବାଚାନ୍ ଉଦୁବକାକ ତାଇକେନାଲାଙ୍ଗ୍, ଇନ୍‌କୁଲଃ ନେପେଲ୍‌କେଦ୍‌ତେ, ଇନ୍‌କୁ ଚିଲ୍‌କା ମେନାକଆ ଏନାଲାଙ୍ଗ୍ ନେଲାଉକଆ ।” ୩୭ ବର୍ଣ୍ଣବାସ୍, ଯୋହାନ୍ ନୁତୁମ୍‌ରେ ସାରିୟଃତାନ୍ ମାର୍କକେ ଆକିନାଃଲଃ ଇଦି ନାଗେନ୍ତେ ସାନାଙ୍ଗ୍‌କାଦ୍ ତାଇକେନା, ୩୮ ଖମେନ୍‌ଦ ପାଉଲୁସ୍ ମାର୍କକେ ଇଦି ନାଗେନ୍ତେ କାଏ ସାନାଙ୍ଗ୍‌କେଦା, ଚିଆଃତି ଇନିଃ ସିଦାରେୟାଃ ହରାସେନ୍‌ରେ କାମି ଚୁଣ୍ଟୁ ଜାକେଦ୍ ଆକଲଃ କା ତାଇକେଦ୍‌ତେ ଇନ୍‌କୁକେ ପାମିଲିଆରେ ବାଗିକେଦ୍‌ତେ ରୁହାଡ଼ୟାନା । ୩୯ ନେ ବିଷାଏରେ ପୁରାଃଗି କାପ୍‌ଜି ହବାୟାନା ଆଡ଼ଃ ଇନ୍‌କିନାଃ ବିନ୍‌ଗାଅ ହବାୟାନା । ବର୍ଣ୍ଣବାସ୍ ମାର୍କକେ ଇଦିକେଦ୍‌ତେ ସାଇପ୍‌ସ୍‌ତେ ଦାଆଃ ଜାହାଜ୍‌ରେ ଦୁବ୍‌କେଦ୍‌ତେକିନ୍ ସେନଃୟାନା । ୪୦ ମେନ୍‌ଦ ପାଉଲୁସ୍, ସିଲାସ୍‌କେ ସାଲାକିୟା ଆଡ଼ଃ ବିଶ୍ୱାସୀ ହାଗାକଆଃ ହରାତେ ପ୍ରାଭୁଆଃ ସାୟାଦ୍‌ରେ ଜିମାୟାନ୍‌ଲଃ ବିଦା ଇଦିକେଦାଏ । ୪୧ ଇନିଃ ସିରିୟା ଆଡ଼ଃ କିଲିକିଆ ପାର୍‌ଗାନ୍ ହରାତେ ସେନଃୟାନା ଆଡ଼ଃ କାଲିସିୟାରେନ୍ ହଡ଼କକେ ବିଶ୍ୱାସ୍‌ରେ କେଟେଦ୍ ଇଦିକେଦକଆ ।



ପାଉଲୁସ୍ ଆଡ଼ଃ ସିଲାସ୍‌ଲଃ ତାମଥୁଆଃ ହରାସେନ୍

୧ ପାଉଲୁସ୍ ଦର୍ବୀ ଆଡ଼ଃ ଲୁସ୍‌ତ୍ରାତେ ସେନଃୟାନା, ଏନ୍ତାଃରେ ତାମଥୁ ନୁତୁମ୍ ମିଆଁଦ୍ ଖ୍ରୀଷ୍ଟିୟାନ୍ ହଡ଼ ତାଇନଃତାନ୍ ତାଇକେନାଏ । ଇନିୟାଃ ଏଙ୍ଗାତେ ମିଆଁଦ୍ ଖ୍ରୀଷ୍ଟ ବିଶ୍ୱାସୀ ଯିହୁଦୀ ତାଇକେନାଏ, ମେନ୍‌ଦ ଆପୁତେ ଗ୍ରୀକ୍ ହଡ଼ ତାଇକେନାଏ । ୨ ଲୁସ୍‌ତ୍ରା ଆଡ଼ଃ ଇକନିୟାରେନ୍ ସବେନ୍ ବିଶ୍ୱାସୀକ ତାମଥୁଆଃ ବିଷାଏରେ ପୁରାଃ ବୁଗିନାଃକ କାଜି ତାଇକେନା । ୩ ପାଉଲୁସ୍, ତାମଥୁକେ ଆୟାଃଲଃ ଇଦି ନାଗେନ୍ତେ ସାନାଙ୍ଗ୍‌କେଦା, ଏନାତେ ଇନିଃ ତାମଥୁକେ ଖାଦ୍‌ନାଅକିୟାଏ । ଚିଆଃତି ଏନ୍ତାଃରେ ତାଇନଃତାନ୍ ସବେନ୍ ଯିହୁଦୀ ହଡ଼କ ତାମଥୁଆଃ ଆପୁତେକେ ଗ୍ରୀକ୍ ହଡ଼ ତାନିଃ ମେନ୍ତେକ ସାରିକାଦ୍ ତାଇକେନା । ୪ ଇନ୍‌କୁ ସାହାର ହରାକରେ ସେନଃ ତାଇକେନ୍ ଇମ୍‌ତା, ବିଶ୍ୱାସୀକକେ ଯୀରୁଶାଲେମ୍‌ରେନ୍ ପ୍ରେରିତ୍ ଆଡ଼ଃ ପ୍ରାଚିନ୍‌କ ଠାହାରାଅକାଦ୍ ସବେନ୍ ଆନ୍‌ଚୁକେ ମାନାତିଙ୍ଗ୍ ନାଗେନ୍ତେକ କାଜିକେଦକଆ । ୫ ନେ'ଲେକାତେ କାଲିସିୟାକ ବିଶ୍ୱାସ୍‌ରେ ପୁରାଃଗିକ କେଟେଦ୍‌ୟାନା ଆଡ଼ଃ ସବେନ୍ ହୁଲାଙ୍ଗ୍ ପସାଇଦିୟଃତାନ୍‌କ ତାଇକେନା ।

ତ୍ରୋୟାସ୍‌ରେ ପାଉଲୁସ୍‌ଆଃ ଦାର୍‌ଗାନ୍

୬ ଇନ୍‌କୁକେ ପାବିତାର୍ ଆମ୍‌ ସସିଆ ପାର୍‌ଗାନ୍‌ରେ ବାଚାନ୍ ଉଦୁବ୍ ନାଗେନ୍ତେ କାଏ ଆଚୁକେଦକ ହରାତେ ଇନ୍‌କୁ ଫୁଗିଆ ଆଡ଼ଃ ଗାଲାତିୟ ପାର୍‌ଗାନ୍‌ତେକ ସେନଃୟାନା । ୭ ଇନ୍‌କୁ ମୁସିୟା ପାର୍‌ଗାନ୍‌ରେୟାଃ ସିମ୍‌ନାତେ ସେଟେର୍‌ୟାନ୍‌ଲଃ ବେଥ୍‌ନିଆ ପାର୍‌ଗାନ୍‌ତେ ସେନଃ ନାଙ୍ଗ୍ ଅତଙ୍ଗ୍‌ଆଃ ଇମ୍‌ତା ଯୀଶୁଆଃ ଆମ୍‌ ଇନ୍‌କୁକେ କାଏ ଆଚୁକେଦକଆ । ୮ ଏନାତେ ଇନ୍‌କୁ ମୁସିୟା ହରାତେ ସେନଃୟାନ୍‌ଲଃ ତ୍ରୋୟାସ୍‌ତେକ ସେନଃୟାନା । ୯ ଏନ୍ ନିଦାରେ ପାଉଲୁସ୍ ମିଆଁଦ୍ ଦାର୍‌ଗାନ୍ ନେଲ୍‌କେଦାଏ ଯେ, ମାକିଦନିଆରେନ୍ ମିଆଁଦ୍ ହଡ଼ ତିଙ୍ଗୁକେଦ୍‌ତେ ବିକ୍ରିତାନଲଃ କାଜିତାନାଏ, “ମାକିଦନିଆତେ ହିଜୁଃକେଦ୍‌ତେ ଆଲେକେ ଦେଙ୍ଗାଲେପେ !” ୧୦ ପାଉଲୁସ୍ ନେ ଦାର୍‌ଗାନ୍ ନେଲ୍‌କେଦ୍‌ତି ଆଲେ ମାକିଦନିଆତେ ସେନଃ ନାଗେନ୍ତେଲେ ସେକାଡ଼ୟାନା, ଚିଆଃତି ଆଲେ ସାର୍‌ତିଗି ସାରିକାଦ୍ ତାଇକେନାଲେ, ପାର୍‌ମେଶ୍ୱାର୍ ଏନ୍ତାଃରେନ୍ ହଡ଼କଆଃ ଆଲାରେ ସୁକୁକାଜି ଉଦୁବ୍ ନାଗେନ୍ତେ ଆଲେକେ କେଡ଼ାକାଦ୍‌ଲେୟା ।

ଫିଲିପିରେ ଲୁଦିୟାଃରାଃ ମନ୍‌ରୁହାଡ଼୍

୧୧ ଆଲେ ତ୍ରୋୟାସ୍‌ତାଃଏତେ ଦାଆଃ ଜାହାଜ୍‌ରେ ଦୁବ୍‌କେଦ୍‌ତେ ସାମଥ୍ରାକି ଟାପୁତେଲେ ସେନଃୟାନା, ଆଡ଼ଃ ଏଟାଃହୁଲାଙ୍ଗ୍ ନିୟାପଲି ସାହାରତେଲେ ସେଟେର୍‌ୟାନ୍‌ନା । ୧୨ ଏନ୍ତାଃଏତେ ଆଲେ ମାକିଦନିଆ ଜିଲ୍ଲାରେୟାଃ ମାରାଙ୍ଗ୍ ନାଗାର୍ ଫିଲିପିତେଲେ ସେନଃୟାନା । ଏନ୍ ନାଗାର୍‌ରେ ରୋମ୍‌ରେନ୍ ହଡ଼କହଗି ତାଇନଃତାନ୍ ତାଇକେନାକ । ଆଲେ ଏନ୍ତାଃରେ ଚିମିନ୍‌ଦିନ୍ ଲେକାଲେ ତାଇକେନା । ୧୩ ରୁଡ଼ନୁ ହୁଲାଙ୍ଗ୍‌ରେ ଆଲେ ନାଗାର୍‌ହେତେ ଅତଙ୍ଗ୍‌ୟାନ୍‌ଲଃ ନାହିଁ ଗେନାତେଲେ ସେନଃୟାନା । ଏନ୍ତାଃରେ ଯିହୁଦୀ ହଡ଼କ ହୁଣ୍ଡିକେଦ୍‌ତେ ବିକ୍ରି ତାଇକେନ୍ ମିଆଁଦ୍ ଠାୟାଦ୍ ତାଇନାଃ ମେନ୍ତେଲେ ଉଡ଼ୁକାଦ୍ ତାଇକେନା । ଆଲେ ଲାତାର୍‌ରେ ଦୁବ୍‌କେଦ୍‌ତେ ଏନ୍ତାଃରେ ହୁଣ୍ଡିୟାକାନ୍ କୁଡ଼ିକଲଃ ଜାଗାର୍‌କେଦାଲେ । ୧୪ ଇନ୍‌କୁଆଃ ଆଲାରେ ଥୁୟତିରା ନାଗାର୍‌ରେନ୍ ଲୁଦିୟା ନୁତୁମ୍ ମିଆଁଦ୍ କୁଡ଼ି ତାଇକେନା । ଇନିଃ ବାଇଗିନିଆ ଲିଜାଃ ଆଖ୍‌ରିଙ୍ଗ୍‌ନିଃ ତାଇକେନାଏ । ଇନିଃ ପାର୍‌ମେଶ୍ୱାର୍‌କେ ବରଭାକ୍ତି ତାଇକେନା ଆଡ଼ଃ ପାଉଲୁସ୍ କାଜିତାଇକେନ୍‌ତେୟାଃ ମନ୍‌ଧ୍ୟାନ୍ ଆୟୁମ୍‌କେଦ୍‌ତେ ମନ୍‌ସୁରୁଦ୍‌ରେ ତେଲାଏ ନାଗେନ୍ତେ ପ୍ରାଭୁ ଇନିଃକେ ସୁୟୋଗ୍ ଏମ୍‌କିୟାଏ । ୧୫ ଇନିଃ ଆଡ଼ଃ ଆୟାଃ ଅଡ଼ାଃରେନ୍ ସବେନ୍‌କ ବାପ୍ତିସ୍ମା ଇଦିକେଦ୍ ତାୟମ୍‌ତେ ଆଲେକେ କେଡ଼ାକେଦ୍‌ତେ କାଜିକେଦ୍‌ଲେୟାକ, “ଆପେ ଆଇଙ୍ଗ୍‌କେ ପ୍ରାଭୁତାଃରେ ପାତିୟାର୍‌ରଃ ଲେକା ମେନାଇୟା ମେନ୍ତେପେ ବିଚାର୍‌ତାନ୍

☆ ୧୫:୩୮ ୧୫:୩୮ ପ୍ରେରିତ୍ ୧୩:୧୩.

ରେଦ, ଦେଲା ଆଇଁୟା ଅଡ଼ାରେ ତାଇନ୍ଦେ ।” ଇନିଃ ନେ'ଲେକା କାଜିକେଦ୍‌ତେ ଆୟା ଅଡ଼ାରେ ତାଇନ୍ ନାଗେନ୍ତେ ଆଲେକେ ଉସ୍କୁରକେଦ୍‌ଲେୟା ।

ଫିଲିପିରେୟା ଜେହେଲ୍‌ରେ ପାଉଲୁସ୍ ଆଡ଼ ସିଲାସ୍

୧୭ ମୁସିଙ୍ଗ୍ ଆଲେ ବିନ୍ତି ଠାୟାଦ୍‌ତେ ସେନଃ ତାଇକେନ୍ ଇମ୍‌ତା ମିଆଁଦ୍ କାମଡ଼ି କୁଡ଼ିଲଃ ନାପାମୟାନାଲେ । ଇନିୟାରେ ତାଇକାନ୍ ଏଡ଼କାନ୍ ଆମ୍ବା ହରାତେ ଇନିଃ ଆୟାକାଜିକଏ କାଜି ଦାଡ଼ିତାଇକେନା । ଇନିଃ ହଡ଼କଆଃ ଚିନାଃ ହବାଅଆ ଏନାକ ସିଦାରେ କାଜି ଦାଡ଼ି ତାଇକେନା । ଇନିଃ ଆୟାଃ ଗୁସିୟାକଆଃ ନାଙ୍ଗ୍ ପୁରାଃ ଟାକା ପାଏସାଏ କାମି ତାଇକେନା । ୧୭ ଇନିଃ ପାଉଲୁସ୍ ଆଡ଼ ଆଲେୟାଃ ଦୟା ଦୟା ହିଜୁଃକେଦ୍‌ତେ କାଉରିତାନ୍‌ଲଃ କାଜିକେଦାଏ, “ନେ ହଡ଼କ ସାଲାଙ୍ଗି ଉତାର୍ ପାର୍‌ମେଶ୍‌ଆଃ ଦାସିକ ତାନ୍‌କ । ଆପେ ଚିଲ୍‌କାତେ ଜୀଉବାସ୍ତାଅପେ ନାମେୟା, ଏନାକ କାଜିତାନା ।” ୧୮ ଏନ୍ କୁଡ଼ି ପୁରାଃ ମାହାଁ ଜାକେଦ୍ ନେ'ଲେକାଏ ରିକାକେଦା । ଏନ୍ତେ ପାଉଲୁସ୍ ଖୁସ୍‌ୟାନ୍‌ଲଃ ଦୟା ହେତାକେଦ୍‌ତେ ଏଡ଼କାନ୍ ଆମ୍ବାକେ କେଟେଦ୍‌କେଦ୍‌ତେ କାଜିକିୟା, “ୟାଶୁ ଖ୍ରୀଷ୍ଟ୍‌ଆଃ ନୁତୁମ୍‌ତେଇଙ୍ଗ୍ ଆତୁମେତାନା, ଇନିଃତାଃଏତେ ଅଡ଼ଙ୍ଗ୍‌ଅମେ !” ଇମ୍‌ତାଗି ଏଡ଼କାନ୍ ଆମ୍ବା ଇନିଃତାଃଏତେ ଅଡ଼ଙ୍ଗ୍‌ୟାନା ।

୧୯ ଚିମ୍‌ତା ଇନିୟାଃ ଗୁସିୟାକ ଆକଆଃ ଟାକା କାମିରେୟାଃ ଆସ୍ତାକ ଆଦ୍‌କେଦା ମେନ୍ତେ ଆଟ୍‌କାରକେଦ୍‌ତି, ପାଉଲୁସ୍ ଆଡ଼ ସିଲାସ୍‌କେ ସାଦ୍‌କେଦ୍‌ତେ ବାଜାର୍ ପିଡ଼ି ଆଲାତେ ଆକ୍‌ତେୟାର୍ ନାମାକାଦ୍ ହଡ଼କତାଃତେ ଅର୍ ଇଦିକେଦ୍‌କିନାକ । ୨୦ ଇନ୍‌କୁ ଇନକିନ୍‌କେ ରୋମି ହାକିମ୍‌କତାଃତେ ଆଉକେଦ୍‌କିନାକ ଆଡ଼ କାଜିକେଦାକ, “ନେ ହଡ଼କିନ୍ ଯିହୁଦୀ ତାନ୍‌କିନ୍, ଆଡ଼ ଆଲେୟାଃ ନାଗାର୍‌ରେ ହାଲାଗୁଲାଏ ତାନାକିନ୍ । ୨୧ ଇନକିନ୍ ଆରୁଆଃ ଆନ୍‌ରୁ ବିରୁଧ୍ ରିତିରିଖାଜ୍ ଇଡୁକତାନାକିନ୍ । ଆରୁ ରୋମିରେନ୍ ହଡ଼କ ତାନ୍‌ରୁ, ଏନାତେ ନେ ସବେନ୍ କା ଲାଗାଡ଼ିଙ୍ଗ୍ ରିତିରିଖାଜ୍ କାରୁ ମାନାଡ଼ିଙ୍ଗ୍ ଦାଡ଼ିୟା ।”

୨୨ ଆଡ଼ ଗାଦେଲ୍ ହଡ଼କହଗି ପାଉଲୁସ୍ ଆଡ଼ ସିଲାସ୍‌ଆଃ ବିରୁଧ୍‌ରେ ମେସାୟାନାକ । ଏନ୍ତେ ପାଉଲୁସ୍ ଆଡ଼ ସିଲାସ୍‌ଆଃ ଲିଜାଃ ଚେଟାଃକେଦ୍‌ତେ ଇନକିନ୍‌କେ ସଟାତେ ହାଁଶ୍‌ସା ନାଗେନ୍ତେ ରୋମି ହାକିମ୍‌କ ଇନ୍‌କୁକେ ଆତୁକେଦ୍‌କଆକ । ୨୩ ଇନ୍‌କୁ ଇନକିନ୍‌କେ ପୁରାଃଗି ଦାଲ୍‌କେଦ୍‌ତେ ଜେହେଲ୍‌ରେ ଦହକେଦ୍‌କିନାକ ଆଡ଼ ତାଲାକେଦ୍‌ତେ ହର ନାଙ୍ଗ୍ ଆତୁକେଦ୍‌କଆକ । ୨୪ ନେ ଆନାରୁ ନାମ୍‌କେଦ୍‌ତେ ଜେହେଲ୍ ହରନିଃ ଇନକିନ୍‌କେ ମିଆଁଦ୍ ଉତାର୍ କୁଠାତେ ଇଦିକେଦ୍‌ତେ ହାମ୍‌ଲ୍ ସାହାନ୍‌ରେୟାଃ ଅର୍‌ଗଡ଼ରେ ଇନକିନାଃ କାଟାକେ ତଲ୍‌କେଦ୍‌କିନାଏ ।

୨୫ ଆଲାନିଦାରେ ପାଉଲୁସ୍ ଆଡ଼ ସିଲାସ୍ ପାର୍‌ମେଶ୍‌ଆଃ ନୁତୁମ୍‌ତେ ବିନ୍ତି ଆଡ଼ ମାନାରାଙ୍ଗ୍‌ରାଃ ଦୁରାଙ୍ଗ୍ ତାଇକେନାକିନ୍ ଆଡ଼ ଏଟାଃ ଜେହେଲାକାନ୍ ହଡ଼କ ଏନା ଆୟୁମ୍ ତାଇକେନାକ । ୨୬ ଇମ୍‌ତାଗି ପୁରାଃତେ ଅଡ଼େ ଦିଲ୍‌କାଅୟାନା ଆଡ଼ ଜେହେଲ୍ ଅଡ଼ାଃରାଃ ନିହିଁ ଗାଡ଼ା ଏକ୍‌ଲାଅୟାନା । ଇମ୍‌ତାଗି ସବେନ୍ ଦୁଆର୍କ ନିଜ୍‌ୟାନା ଆଡ଼ ଜେହେଲାକାନ୍ ସବେନ୍ ହଡ଼କଆଃ ସିକଡ଼ିକ ରାଡ଼ାୟାନା । ୨୭ ଜେହେଲ୍ ହରନିଃ ଦୁଡ଼ମ୍‌ଏତେ ବିରିଦ୍‌ୟାନାଏ ଆଡ଼ ଜେହେଲ୍‌ରେୟାଃ ଦୁଆର୍କ ସବେନ୍ ନିଜାକାନ୍ ନେଲ୍‌କେଦ୍‌ତେ ଉଡ଼ୁକେଦାଏ ଯେ, ଜେହେଲାକାନ୍ ସବେନ୍ ହଡ଼କ ନିର୍‌ୟାନାକ । ଏନାତେ ଇନିଃ ଆୟାଃ ତାରାଡ଼ି ଅଡ଼ଙ୍ଗ୍‌କେଦ୍‌ତେ ଆଇଃକ୍‌ଗି ଗଜେନ୍ ନାଗେନ୍ତେ ସାନାଙ୍ଗ୍‌କେଦା । ୨୮ ମେନ୍‌ଦ ପାଉଲୁସ୍ ପୁରାଃ କାଉରିକେଦ୍‌ତେ କାଜିକିୟା, “ଆମ୍ ଆପାନ୍‌କେ ଜେଡ଼ନାଃ ଆଲମ୍ ନକ୍‌ସାନେନ୍ ଚିଆଃତି ଆଲେ ସବେନ୍‌କ ନେତାଃରେ ମେନାଲେୟା ।”

୨୯ ଜେହେଲ୍ ହରନିଃ ଦିମି ଆଉ ନାଗେନ୍ତେ କାଜିକେଦ୍‌କଆ ଆଡ଼ ଉତାର୍‌ତେ ନିର୍‌ବଲ୍‌ୟାନା ଏନ୍ତେ ବରତେ ଏକ୍‌ଲାଅଡ଼ାନ୍‌ଲଃ ପାଉଲୁସ୍ ଆଡ଼ ସିଲାସ୍‌ଆଃ କାଟା ଲାତାର୍‌ରେ ଉୟୁଃୟାନା । ୩୦ ଏନ୍ତେ ଇନକିନ୍‌କେ ବାହାରିତେ ଅଡ଼ଙ୍ଗ୍‌କେଦ୍‌ତେ କୁଲିକେଦ୍‌କିନା, “ମାଇନାନ୍‌କିନ୍, ଜୀଉବାସ୍ତା ନାମେ ନାଗେନ୍ତେ ଆଇଙ୍ଗ୍‌କେ ଚିନାଃ ରିକା ଲାଗାଡ଼ିଙ୍ଗ୍‌ୟାଃ ?”

୩୧ ଇନକିନ୍ କାଜିକିୟାକିନ୍, “ପ୍ରାଭୁ ଯାଶୁରେ ବିଶ୍ୱାସେରେଦ, ଆମ୍ ଆଡ଼ ଆମାଃ ଅଡ଼ାରେନ୍ ଜୀଉବାସ୍ତାଅପେ ନାମେୟା ।” ୩୨ ଏନ୍ତେ ଇନକିନ୍ ଇନିଃକେ ଆଡ଼ ଆୟାଃ ଅଡ଼ାରେନ୍ ସବେନ୍ ହଡ଼କକେ ପ୍ରାଭୁଆଃ ବାତାନ୍ ଉଦ୍‌ବ୍‌କେଦ୍‌କଆକିନ୍ । ୩୩ ନିଦାରେୟାଃ ଏନ୍ ଦିପିଲିରେଗି ଜେହେଲ୍ ହରନିଃ ଇନକିନ୍‌କେ ଇଦିକେଦ୍‌ତେ, ଆକିନାଃ ଘାଅକ ଚାପି ଆରୁଙ୍ଗ୍‌କେଦାଏ, ଆଡ଼ ଇନିୟାଃ ଅଡ଼ାରେନ୍ ସବେନ୍ ହଡ଼କ ଇମ୍‌ତାଗି ବାପ୍ତିସ୍ମାୟାନାକ । ୩୪ ଏନ୍ତେ ଇନିଃ ପାଉଲୁସ୍ ଆଡ଼ ସିଲାସ୍‌କେ ଆୟାଃ ଅଡ଼ାରେ ଇଦିକେଦ୍‌ତେ ଜମେ ନାଗେନ୍ତେ ଏମାଦ୍‌କିନା । ପାର୍‌ମେଶ୍‌ଆଃତାଃରେ ବିଶ୍ୱାସ୍‌କେଦ୍ ହରାତେ ଇନିଃ ଆଡ଼ ଆୟାଃ ଅଡ଼ାରେନ୍ ସବେନ୍ ହଡ଼କ ରାସ୍‌କାତେ ପେରେୟାନାକ ।

୩୫ ଏଟାଃ ହୁଲାଙ୍ଗ୍ ଆଙ୍ଗ୍‌ୟାନ୍‌ତି ରୋମିରେନ୍ ହାକିମ୍‌କ ସିପାଇକତାଃରେ, “ଏନ୍ ହଡ଼କିନ୍‌କେ ଆଡ଼ାଡ଼ାକିନ୍‌ପେ” ମେନ୍ତେକ କାଜିକୁଲ୍‌କେଦା ।

୩୬ ଏନ୍ତେ ଜେହେଲ୍ ହରନିଃ ପାଉଲୁସ୍‌କେ କାଜିକିୟା, “ହାକିମ୍‌କ ଆମ୍‌କେ ଆଡ଼ ସିଲାସ୍‌କେ ଜେହେଲ୍‌ହେତେ ରାଡ଼ାଅକାକିନ୍ ମେନ୍ତେ ହୁକୁମ୍ ଏମାକାନା । ନାହାଁ ଆବେନ୍ ଜୀଉସୁକୁତେ ସେନ୍ ଦାଡ଼ିୟାଃବେନ୍ ।”

୩୭ ମେନ୍‌ଦ ପାଉଲୁସ୍ ସିପାଇକକେ କାଜିୟାଦ୍‌କଆ, “ଜେତାନ୍ ଗୁହ୍ନାଁ କାଲିଙ୍ଗ୍ କାମିକାଦ୍‌ରେୟ ଇନ୍‌କୁ ଆଲିଙ୍ଗ୍‌କେ ଦାଲ୍‌କାଦ୍‌ଲିୟାକ । ଆଲିଙ୍ଗ୍ ରୋମିରେନ୍ ହଡ଼କିନ୍ ତାନ୍‌ଲିଙ୍ଗ୍, ମେନ୍‌ଦ ଇନ୍‌କୁ ଆଲିଙ୍ଗ୍‌କେ ଜେହେଲ୍‌କେଦ୍‌ଲିୟାକ ।”

ନାହାଁଃ ଇନ୍ଦ୍ରୁ ଜେତାଏ ଆଲକାକ ସାରିଲେକା ଆଲିଙ୍ଗକେ କୁଲ୍ନାଙ୍ଗ ସାନାଙ୍ଗତାନାକ । ଆଲିଙ୍ଗ ନେ'ଲେକା ହବାଅଃକା ମେନ୍ତେ କାଲିଙ୍ଗ ସାନାଙ୍ଗତାନା । ରୋମିରେନ୍ ହାକିମ୍‌କ ଆକଗି ନେତାଃତେ ହିନ୍ଦୁଃକେଦ୍‌ତେ ଆଲିଙ୍ଗକେ ଜେହେଲ୍‌ହେତେ ରାଡାଲିଙ୍ଗକାକ ।”

୩୮ ସିପାଇକ ନେ କାଜି ରୋମିରେନ୍ ହାକିମ୍‌କେ ଉଦୁବାଦ୍‌କଆକ । ପାଉଲୁସ୍ ଆତଃ ସିଲାସ୍ ରୋମିରେନ୍ ତାନ୍‌କିନ୍ ମେନ୍ତେ ଆୟୁମ୍‌କେଦ୍‌ତେ ଇନ୍ଦ୍ରୁ ବରକେଦାକ । ୩୯ ଏନ୍ତେ ଇନ୍ଦ୍ରୁ ସେନ୍‌କେଦ୍‌ତେ ଇନ୍ଦ୍ରୁତାଃତେ ଜହାର୍ ବିକ୍ରିକେଦ୍‌ତେ ଇନ୍ଦ୍ରୁକେ ଜେହେଲ୍‌ହେତେ ରାଡାକେଦ୍‌କିନାକ ଆତଃ ନାଗାର୍ ବାଗିକେଦ୍‌ତେ ସେନ୍‌ସେନ୍ ମେନ୍ତେ କାଜିକେଦ୍‌କିନା । ୪୦ ପାଉଲୁସ୍ ଆତଃ ସିଲାସ୍ ଜେହେଲ୍ ବାଗିକେଦ୍‌ତେ ଲୁଦିୟାରାଃ ଅଡାଃତେ ସେନ୍‌ସେନ୍‌ନାକିନ୍ । ଏନ୍ତାଃରେ ଇନ୍ଦ୍ରୁକିନ୍ ବିଶ୍ୱାସୀକଲଃ ନେପେଲ୍‌ୟାନାକିନ୍ ଆତଃ ଇନ୍ଦ୍ରୁକେ ଜୀଉରେ ରାସ୍‌କାରେୟାଃ କାଜି ଏମ୍‌କେଦ୍‌ତେ ସେନ୍‌ସେନ୍‌ନାକିନ୍ ।



ଥେସ୍‌ଲନିକାରେ ସେଝାକାମି

୧ ପାଉଲୁସ୍ ଆତଃ ସିଲାସ୍ ଆମ୍‌ପିଲି ଆତଃ ଆପଲୋନିଆ ସାହାର୍ ହରାତେ ହରାସେନ୍‌ତାନ୍‌ଲଃ ଥେସ୍‌ଲନିକା ନାଗାର୍‌ତେକିନ୍ ସେଟେରୟାନା । ଏନ୍ତାଃରେ ଯିହୁଦୀକଆଃ ମିଆଁଦ୍ ସାମାଜ୍ ଅଡାଃ ତାଇକେନା । ୨ ପାଉଲୁସ୍ ଆୟାଃ ରିଡିରିଝାଜ୍ ଲେକାତେ ସାମାଜ୍ ଅଡାଃତେ ସେନ୍‌ସେନ୍‌ନା । ଏନ୍ତାଃରେ ଇନ୍ଦ୍ରୁ ଆପି ହାପ୍ତା ରୁଡୁନ୍ ହୁଲାଙ୍ଗ୍ ଜାକେଦ୍ ସାମାଜ୍ ଅଡାଃ ସେନ୍‌କେଦ୍‌ତେ ହଡକକେ ଧାରାମ୍‌ପୁଥ୍‌ରେୟାଃ କାଜି ଜାଗାର୍‌କେଦ୍‌କଆ, ୩ ଆତଃ ଧାରାମ୍‌ପୁଥ୍‌ରେ ଅଲକାନ୍‌ତେୟାଃ ଉଦୁବେତାନ୍‌ଲଃ ସାରୁଦ୍ ଏମ୍‌କେଦାଏ ଯେ, ମାସିଆଃ ଦୁକୁ ଆତଃ ଗନ୍‌ଏଃହେତେ ଜୀଉ ବିନିରିଦ୍ ହବାଅଃ ଲାଗାଡିଙ୍ଗ୍ ତାଇକେନା । ପାଉଲୁସ୍ କାଜିକେଦାଏ, “ଆଇଙ୍ଗ୍ ଅକ ଯୀଶୁଆଃ ବିଷାଏରେ ଉଦୁବ୍‌କାଦାଇଙ୍ଗ୍, ଇନ୍ଦ୍ରୁ ଏନ୍ ମାସିଗି ତାନିଃ ।” ୪ ଇନ୍ଦ୍ରୁଏତେ ଚିମିନ୍ ହଡକ ପାଉଲୁସ୍ କାଜିରେ ସାଲ୍‌ହାୟାନାକ ଏନ୍ତେ ପାଉଲୁସ୍ ଆତଃ ସିଲାସ୍‌ଲଃ ମେସାୟାନାକ, ଏନ୍‌ଲେକାଗି ପୁରାଃ ଆଗୁଆଇ କୁଡିକ ଆତଃ ପାର୍‌ମେଶ୍ୱାର୍‌କେ ବରଭାକ୍ତିତାନ୍ ଗ୍ରୀକ୍ ହଡକଆଃ ମିଆଁଦ୍ ମାରାଙ୍ଗ୍ ଝୁଣ୍ଡ ଇନ୍ଦ୍ରୁକିନ୍‌ଲଃ ମେସାୟାନାକ ।

୫ ମେନ୍‌ଦ ଯିହୁଦୀ ହଡକ ହିସ୍‌ଲ୍‌ୟାନାକ ଆତଃ ଚିମିନ୍ ଝାନ୍ ଏଡକାନ୍ ହଡକକେ ହୁଣ୍ଡିକେଦ୍‌ତେ ପୁରା ସାହାର୍‌ରେ ହାଲାଗୁଲାକେଦାକ । ଇନ୍ଦ୍ରୁ ପାଉଲୁସ୍ ଆତଃ ସିଲାସ୍‌କେ ଦାଣ୍ଡିକେଦ୍‌ତେ ହଡକତାଃତେ ଆଉକିନ୍ ନାଗେନ୍ତେ ଜେସନ୍ ନୁଡୁମ୍ ମିଆଁଦ୍ ହଡରାଃ ଅଡାଃତେକ ନିରକେଦା । ଚିଆଃଚି ଇନ୍ଦ୍ରୁଗି ପାଉଲୁସ୍ ଆତଃ ସିଲାସ୍‌କେ ଆୟାଃ ଅଡାଃରେ ତାଇନଃ ନାଗେନ୍ତେ କେଡାକାଦ୍‌କିନ୍ ତାଇକେନା । ୬ ମେନ୍‌ଦ ଇନ୍ଦ୍ରୁ ଏନ୍ତାଃରେ ପାଉଲୁସ୍ ଆତଃ ସିଲାସ୍‌କେ କା ନାମ୍‌କେଦ୍ ହରାତେ, ଜେସନ୍ ଆତଃ ଏଗାଃ ଚିମିନ୍ ବିଶ୍ୱାସୀ ହାଗାକକେ ନାଗାର୍‌ରେନ୍ ହାକିମ୍‌କତାଃତେ ଆଇଜ୍ ଇଦିକେଦ୍‌ତେ କାଉରିତାନ୍‌ଲଃ କାଜିକେଦାକ, “ନେ ହଡକ ଅତେଦିଶ୍ୱମ୍‌ରେୟାଃ ଚାରିୟାଃରେ ହାଲାଗୁଲାଏ ତାନାକ, ନାହାଁଃ ଇନ୍ଦ୍ରୁ ଆରୁଆଃ ନାଗାର୍‌ତେକ ହିନ୍ଦୁଃକାନା, ୭ ଆତଃ ଇନ୍ଦ୍ରୁକିନ୍‌କେ ଜେସନ୍ ଆୟାଃ ଅଡାଃରେ ଦହକାଦ୍‌କିନା । ଯୀଶୁ ନୁଡୁମ୍‌ରେ ଆତଃମିଆଁଦ୍ ରାଜା ମେନାଲୟା ମେନ୍ତେ କାଜିତାନ୍‌ଲଃ ଇନ୍ଦ୍ରୁକିନ୍ କାଇସାର୍‌ଆଃ ଆନ୍‌ଚୁ ଚଟାଃଏ ତାନାକିନ୍ ।” ୮ ଇନ୍ଦ୍ରୁଆଃ ନେ କାଜିକ ଆୟୁମ୍‌କେଦ୍‌ତେ ଗାଦେଲ୍ ହଡକ ଆତଃ ହାକିମ୍‌କ ପୁରାଃଗି ହାଲାଗୁଲାକେଦାକ । ୯ ହାକିମ୍‌କ ଜେସନ୍ ଆତଃ ବିଶ୍ୱାସୀକତାଃଏତେ ଜାମାନାଡ୍ ଇଦିକେଦ୍‌ତେ ଇନ୍ଦ୍ରୁକିନ୍‌କେ ଆଡାଃକେଦ୍‌କିନାକ ।

ବେରିଆ ସାହାର୍‌ରେ ସେଝାକାମି

୧୦ ନୁବାଃୟାନ୍‌ଚି ବିଶ୍ୱାସୀ ହାଗାକ ପାଉଲୁସ୍ ଆତଃ ସିଲାସ୍‌କେ ବେରିଆତେକ କୁଲ୍‌କେଦ୍‌କିନା । ଇନ୍ଦ୍ରୁକିନ୍ ଏନ୍ତାଃତେ ସେଟେରକେଦ୍‌ତେ ଯିହୁଦୀକଆଃ ସାମାଜ୍ ଅଡାଃତେକିନ୍ ସେନ୍‌ସେନ୍‌ନା । ୧୧ ଥେସ୍‌ଲନିକାରେନ୍ ହଡକତାଃଏତେ ବେରିଆରେନ୍ ହଡକ ପୁରାଃଗି ନାଝା ଉଡ଼ୁ ଆତଃ ଇନ୍ଦ୍ରୁକେ ଆୟୁମ୍ ନାଙ୍ଗ୍ ଇଛାସାନାଙ୍ଗ୍‌ତାନ୍ ହଡକ ତାଇକେନା । ଇନ୍ଦ୍ରୁ ଯୀଶୁଆଃ କାଜି ଆୟୁମ୍ ନାଗେନ୍ତେ ପୁରାଃ ସାନାଙ୍ଗ୍‌କେଦାକ ଆତଃ ପାଉଲୁସ୍ ଉଦୁବ୍ ତାଇକେନ୍‌ତେୟାଃରାଃ ସାନାର୍‌ତି ସାରି ନାଗେନ୍ତେ ସବେନ୍ ହୁଲାଙ୍ଗ୍ ଧାରାମ୍‌ପୁଥ୍ ପାଡାଅ ତାଇକେନାକ । ୧୨ ଇନ୍ଦ୍ରୁଏତେ ପୁରାଃ ହଡକ ବିଶ୍ୱାସକେଦା । ଆତଃ ସାମାଜ୍‌କରେ ନୁଡୁମ୍‌ତାନ୍ ମାପ୍‌ରାଙ୍ଗ୍ ପୁରାଃ ଗ୍ରୀକ୍ କୁଡିକ ଆତଃ କଡାକ ବିଶ୍ୱାସୀକଲଃ ମେସାୟାନାକ । ୧୩ ମେନ୍‌ଦ ପାଉଲୁସ୍ ବେରିଆରେହ ପାର୍‌ମେଶ୍ୱାର୍‌ଆଃ ବାଚାନ୍ ଉଦୁବେତାନାଏ ମେନ୍ତେ ଥେସ୍‌ଲନିକାରେନ୍ ଯିହୁଦୀ ହଡକ ଆୟୁମ୍‌କେଦା, ଇମ୍‌ତା ଇନ୍ଦ୍ରୁ ବେରିଆତେ ହିନ୍ଦୁଃକେଦ୍‌ତେ ହାଲାଗୁଲାଏ ନାଗେନ୍ତେ ହଡକକେ ଉସ୍‌କ୍‌ରକେଦ୍‌କଆକ । ୧୪ ଇମ୍‌ତାଗି ବିଶ୍ୱାସୀ ହାଗାକ ପାଉଲୁସ୍‌କେ ଦରେୟା ଗେନାତେକ କୁଲ୍‌କିୟା, ମେନ୍‌ଦ ସିଲାସ୍ ଆତଃ ତାମଥ୍ ନେ ବାରାନ୍‌କିନ୍ ବେରିଆରେ ତାଇନ୍‌ୟାନାକିନ୍ । ୧୫ ପାଉଲୁସ୍‌କେ ତେବାଡୁକାଇତାନ୍ ହଡକ ଆୟାଃଲଃ ଏଥେନ୍‌ସ୍ ଜାକେଦ୍‌କ ସେନ୍‌ସେନ୍‌ନା । ଏନ୍ତାଃଏତେ ଇନ୍ଦ୍ରୁ ବେରିଆତେ ହିନ୍ଦୁଃ ରୁହାଡକେଦ୍‌ତେ ସିଲାସ୍ ଆତଃ ତାମଥ୍‌କେ କାଜିକେଦ୍‌କିନାକ, “ଆବେନ୍ ଜାଲ୍‌ଦିଗି ସେନ୍‌କେଦ୍‌ତେ ପାଉଲୁସ୍‌ଲଃ ମେସାଅଃବେନ୍” ମେନ୍ତେ ପାଉଲୁସ୍ କାଜିକାଦାଏ । ନେ ଆନାରୁ ନାମ୍‌କେଦ୍‌ଚି ଇନ୍ଦ୍ରୁକିନ୍ ସେନ୍‌ସେନ୍‌ନାକିନ୍ ।

ଏଥେନ୍‌ସ୍‌ରେ ପାଉଲୁସ୍‌ଆଃ କାମି

୧୭ ପାଉଲୁସ୍ ଏଥେନ୍ସରେ ସିଲାସ୍ ଆତଃ ତୀମଥୁଆଃ ନେଲ୍‌ହରାତାନ୍ ତାଇକେନ୍ ଇମ୍ତା, ଏନ୍ ନାଗାର୍ ମୁରୁଡ୍ ସେଞ୍ଜାରେ ପେରେଜାକାନ୍ ନେଲ୍‌କେଦ୍‌ତେ ପୁରାଃଗି ମନ୍‌ଦୁକୁୟାନା । ୧୭ ଏନାତେ ଇନିଃ ସାମାଜ୍ ଅଡ଼ାଃରେ ଯିହୁଦୀ ହଡ଼କଲଃ, ପାର୍‌ମେଶ୍‌ବରକେ ବରଭାକ୍ତିତାନ୍ ସାଆଁସାଡ୍ ହଡ଼କଲଃ, ଆତଃ ସାହାରରେୟାଃ ଆଲା ହରାକରେ ହିଜୁଃ ସେନଃତାନ୍ ହଡ଼କଲଃ ଏନ୍ ବିଷାଏରେ ଜାଗାରକେଦା । ୧୮ ଏନ୍ତେ ଚିମିନ୍ ଇପିକୁରିୟାନ୍ ଆତଃ ସ୍ତୋୟିକ୍ ଇଡୁ ହଡ଼କଲଃ ପାଉଲୁସ୍‌ଆଃ କାପ୍‌ଜି ହବାୟାନା । ଇନ୍‌କୁଏତେ ଚିମିନ୍ ହଡ଼କ କାଜିକେଦା, “ନିଃ ମିଆଁଦ୍ ବେଗାର୍ ଚିହ୍ନାଁର ହଡ଼, ଚିନାଃକ କାଜି ନାଜ୍ ସାନାଜ୍‌ତାନାଏ ?” ଏଟାଃକ କାଜିକେଦା, “ଏଟାଃ କା ସାରିକାନ୍ ବଜ୍ଞାକଆଃ ବିଷାଏରେ ଇନିଃ ଉଦୁବ୍‌ତାନ୍ ଲେକାଏ ଆଟ୍‌କାରଃତାନା ।” ଇନ୍‌କୁ ନେ'ଲେକା କାଜିକେଦାକ ଚିଆଃଚି ଇନିଃ ଯୀଶୁ ଆତଃ ଆୟାଃ ଜୀଉବିନିରିଦ୍ ବିଷାଏରେୟାଃ ସୁକୁକାଜିକେ ଉଦୁବ୍‌ତାଇକେନା । ୧୯ ଏନାମେନ୍ତେ ଇନ୍‌କୁ ପାଉଲୁସ୍‌କେ ସାବ୍‌ଇଦିକିୟାକ ଆତଃ ଏରିୟପାଗସ୍ ନୁତୁମ୍ ନାଗାରରେୟାଃ ପାଞ୍ଚେଟ୍‌ତେ ଆଉକେଦ୍‌ତେ କାଜିକିୟା, “ଆବେନ୍ ଅକ ନାଞ୍ଜା ଇନିଡୁ ବିଷାଏରେ କାଜିତାନାବେନ୍, ଏନ୍ ବିଷାଏରେ ଆଲେ ସାରି ନାଗେନ୍ତେଲେ ସାନାଜ୍‌ତାନା । ୨୦ ଆବେନ୍ କାଜିତାନ୍ ଚିମିନ୍ କାଜିକ ଆଲେକେ ଆକ୍‌ଚାକାଅଲେ ତାନା । ଆଲେ ଏନାରେୟାଃ ମୁଣ୍ଡି ସାରି ନାଗେନ୍ତେଲେ ସାନାଜ୍‌ତାନା ।” ୨୧ ଏଥେନ୍ସରେନ୍ ହଡ଼କ ଆତଃ ଏନ୍ତାଃରେ ତାଇନ୍‌ତାନ୍ ଏଟାଃ ଦିଶ୍‌ମ୍‌ରେନ୍ ହଡ଼କ ନାଞ୍ଜା ବିଷାଏ ଆୟୁମ୍ ନାଗେନ୍ତେ ଆତଃ କାଜି ନାଗେନ୍ତେ ପୁରାଃ ବୁଗିନ୍ ଆଟ୍‌କାରକ ତାଇକେନା । ନେଆଁରେ ଇନ୍‌କୁ ପୁରାଃ ନେତା ବିତାଅ ତାଇକେନାକ ।

୨୨ ପାଉଲୁସ୍ ନାଗାରରେୟାଃ ଏରିୟପାଗସ୍ ନୁତୁମ୍ ପାଞ୍ଚେଟ୍ ଆୟାଃରେ ତିଜୁୟାନା ଆତଃ କାଜିକେଦାଏ, “ଏଥେନ୍ସରେନ୍ ମାଇନାନ୍‌କ, ଆପେ ପୁରାଃଗି ଧାର୍‌ମାନ୍ ହଡ଼କ ଲେକାପେ ଆଟ୍‌କାରଃତାନା, ଏନାଜ୍‌କେ ନେଲ୍‌ପେ ତାନା । ୨୩ ଚିୟାଃଚି ଆଇଜ୍ ଆପେୟାଃ ନାଗାରରେ ହରାସେନ୍ ତାଇକେନ୍ ଇମ୍ତା, ମିଆଁଦ୍ ଦାଣ୍ଡେଁ ରାକାବ୍ ଠାୟାଦ୍ ନେଲ୍‌କେଦାଇଜ୍, ଏନାରେୟାଃ ବେଦି ଚେତାନ୍‌ରେ ‘ମିଆଁଦ୍ କା ସାରି ପାର୍‌ମେଶ୍‌ବରଆଃ ବିଷାଏରେ’ ଅଲ୍‌କାନ୍ ତାଇକେନା । ଆପେ ବେଗାର୍ ସାରିକେଦ୍‌ତେ ଅକ୍‌ନିଃକେ ସେଞ୍ଜାତାନାପେ, ନାହାଁଃ ଆୟାଃ କାଜି ଆପେତାଃରେଇଜ୍ ଉଦୁବ୍‌ତାନା । ୨୪ ଧାର୍‌ମେଶ୍‌ବର ଅତେଦିଶ୍‌ମ୍ ଆତଃ ଏନାରେ ତାଇକାନ୍ ସବେନ୍ ବିଷାଏ ବାଇକେଦାଏ । ଇନିଃ ସିମା ଆତଃ ଅତେରେନ୍ ପ୍ରାଭୁ ତାନିଃ । ହଡ଼କ ବାଇକାଦ୍ ମାନ୍‌ଦିଅଡ଼ାଃକରେ ଇନିଃ କାଏ ତାଇନାଃ । ୨୫ ଆବୁ ଆୟାଃ ନାଗେନ୍ତେ କାମିକେଦ୍‌ତେ ଆଇଃକକେ ଏମ୍ ଦାଡ଼ିୟାବୁ ଏନ୍‌ଲେକା ଜେଡ୍‌ନାଃ କାଏ ସାନାଜ୍‌ଆଃ, ଚିୟାଃଚି ଇନିଃ ସବେନ୍‌କକେ ଜୀଦାନ୍, ସାହେଦ୍ ଆତଃ ଆବୁଆଃ ସବେନ୍ ଲାଗାତିଜ୍‌ତେୟାଃ ଏମାଃଏ । ୨୬ ମିଆଁଦ୍ ମାନଞ୍ଜାତାଃଏତେ ଇନିଃ ସବେନ୍ ହଡ଼କକେ ବାଇୟାକାଦ୍‌କଆ ଆତଃ ଆୟାଃ ଆନାବୁ ଲେକାତେ ଇନ୍‌କୁ ଅତେରେୟାଃ ସବେନ୍‌ତାଃରେ ମେନାକଆ । ଅକ ନେତାରେ, ଅକଏ ଅକ ଠାୟାଦ୍‌ରେ ତାଇନା, ଏନା ମୁନ୍‌ଏତେ ପାର୍‌ମେଶ୍‌ବର ଠାହାରାଅକାଦାଏ । ୨୭ ସବେନ୍ ହଡ଼କ ଜେ'ଲେକା ଆଇଃକକେ ଦାଣ୍ଡାମାମ୍ ଦାଡ଼ିୟାଃକ, ଏନା ଆୟାଃ ଉଦେଶ୍ ତାଇକେନା । ଏନ୍‌ରେୟ ପାର୍‌ମେଶ୍‌ବର ଆବୁତାଃଏତେ ଜେତାଏୟାଃ ସାଜିନ୍‌ରେ ବାଜାଇୟା । ୨୮ ଏନ୍ ବିଷାଏରେ ଜେତାଏ ମିହୁଡ୍ କାଜିକାଦାଏ, “ଆୟାଃତାଃରେଗି ଆବୁଆଃ ଜୀଦାନ୍‌ରେୟାଃ ଜୀହୁଦଃ, ଆସୁଲଃ, ଆତଃ କାମି ଉଦାମ୍ ମେନାଃ ।”

ଆପେୟାଃ ଦୁରାଜ୍ ଅନଲ୍‌କଏତେ ଚିମିନ୍ ହଡ଼କ କାଜିକାଦା,
 “ଆବୁ ଆୟାଃ ହନ୍‌କ ତାନ୍‌ବୁ ।

୨୯ ଆବୁ ପାର୍‌ମେଶ୍‌ବରଆଃ ହନ୍‌କ ହବାକାନ୍ ହରାତେ, ଆବୁ ପାର୍‌ମେଶ୍‌ବରଆଃ ଲେକାନ୍ ସଭାବ୍‌କେ ସୋନା, ରୁପା ଚାଏ ଦିରିତେ ବାଇୟାକାନ୍ ମୁରୁଡ୍‌ଲଃ କାବୁ ଜକା ଦାଡ଼ିୟା । ୩୦ ହଡ଼କ ପାର୍‌ମେଶ୍‌ବରକେ କାକ ସାରିକାଇ ନେତାରେ ଇନିଃ କାଏ ଚିଟାକାକ ତାଇକେନା, ମେନ୍‌ଦ ନାହାଁଃ ଇନିଃ ସବେନ୍ ହଡ଼କକେ ଆକଆଃ ପାପ୍ ହରାଏତେ ମନ୍‌ରୁହାଡ୍ ନାଗେନ୍ତେ ଆବୁକତାନା । ୩୧ ଚିୟାଃଚି ଇନିଃ ମୁସିଜ୍ ହୁଲାଜ୍‌କେ ଠାହାରାଅକାଦା । ଏନ୍ ହୁଲାଜ୍‌ରେ ଇନିଃ ଆୟାଃ ସାଲାକାନ୍ ହଡ଼କଆଃ ହରାତେ ଗଟା ଅତେଦିଶ୍‌ମ୍‌ରେନ୍ ହଡ଼କକେ ନ୍ୟାୟ ବିଚାରକଆ । ଏନ୍ ହଡ଼କେ ଗନଏଃହେତେ ଜୀଉବିନିରିଦ୍‌କାଇ ହରାତେ ଇନିଃ ନେ କାଜିରେୟାଃ ସାନାବ୍‌ତିକେ ସବେନ୍‌କକେ ଉଦୁବ୍‌କାଦ୍‌କଆ ।”

୩୨ ପାଉଲୁସ୍‌ତାଃଏତେ ଗନଏଃରେୟାଃ ଜୀଉବିନିରିଦ୍ ବିଷାଏରେ ଆୟୁମ୍‌କେଦ୍‌ତେ ଇନ୍‌କୁଏତେ ଚିମିନ୍ ହଡ଼କ ଇନିଃକେକ ଲାନ୍‌କିୟା, ମେନ୍‌ଦ ଏଟାଃକ କାଜିକେଦାକ, “ଆବେନ୍‌ତାଃଏତେ ନେ ବିଷାଏରେ ଆତଃମିସା ଆୟୁମ୍ ନାଗେନ୍ତେଲେ ସାନାଜ୍‌ତାନା ।” ୩୩ ନେଆଁ କାଜିକେଦ୍‌ତେ ପାଉଲୁସ୍ ପାଞ୍ଚେଟ୍‌ଏତେ ସେନଃୟାନାଏ । ୩୪ ଦିୟନ୍‌ସିୟ ନୁତୁମ୍ ପାଞ୍ଚେଟ୍‌ରେନ୍ ମିଆଁଦ୍ ହଡ଼, ଦାମାରୀ ନୁତୁମ୍ ମିଆଁଦ୍ କୁଡ଼ି ଆତଃ ଚିମିନ୍ ହଡ଼କ ବିଶ୍ୱାସକେଦାକ ଆତଃ ଆୟାଃଲଃ ମେସାୟାନାକ ।

୧୮

କରିନ୍ଥୀ ନାଗାରରେ ପାଉଲୁସ୍‌ଆଃ କାମି

୧ ନେଆଁ ତାୟମ୍‌ତେ ପାଉଲୁସ୍ ଏଥେନ୍ସ ନାଗାର୍ ବାରିକେଦ୍‌ତେ କରିନ୍ଥୀ ନାଗାର୍‌ତେ ସେନଃୟାନା । ୨ ଏନ୍ତାଃରେ ଇନିଃ ପନ୍ତସ୍ ପାର୍‌ଗାନ୍‌ରେ ଜାନାମାକାନ୍ ଆକ୍‌ଲି ନୁତୁମ୍ ମିଆଁଦ୍ ଯିହୁଦୀ ହଡ଼କେ ନାମକିୟା । ରୋମିରେନ୍ ହାକିମ୍ କ୍ଲାଉଦିଆ ସବେନ୍ ଯିହୁଦୀକକେ ରୋମ୍ ନାଗାର୍ ବାଗି ନାଗେନ୍ତେ ଆବୁକାଦ୍‌କ ତାଇକେନ୍ ହରାତେ ଇନିଃ ଚିମିନ୍ ମାହାଁ

☆ ୧୭:୨୪ ୧୭:୨୪ ପ୍ରେରିତ୍ ୭:୪୮.

ତାୟମ୍‌ତେ ଆୟାଃ କୁଡ଼ି ପ୍ରିସ୍‌କିଲାଲଃ ଇଟାଲି ନାଗାରହେତେ ହିନ୍ଦୁଆକାନ୍ ତାଇକେନା । ପାଉଲୁସ୍ ଇନ୍‌କୁକେ ନେନେଲ୍ ନାଗେନ୍ତେ ସେନଃୟାନା, ^୩ ଆତଃ ଇନ୍‌କୁଲଃ ତାଇକେଦ୍‌ତେ ଏନ୍ତାଃରେ କାମିକେଦା, ଚିଆଃତି ଇନିଃହତି ଇନ୍‌କୁ ଲେକା କୁମ୍ବା ବାବାଇରେ କାମିକେଦ୍‌ତେ ଜାହୁଦଃ ତାଇକେନା । ^୪ ଯିହୁଦୀ ଆତଃ ଗ୍ରୀକ୍ ହଡକଆଃ ମନ୍‌ରେ ବିଶ୍ୱାସ୍ ହବାଅଃ ନାଗେନ୍ତେ ସବେନ୍ ରୁଡନ୍ ହୁଲାଙ୍‌ରେ ଇନିଃ ସାମାଜ୍ ଅଡ଼ାଃକରେ ଜାଗାର୍‌ତାନ୍ ତାଇକେନା ।

^୫ ସିଲାସ୍ ଆତଃ ତାମଥ୍ ମାକିଦନିଆଏତେକିନ୍ ରୁହାଡ଼ୟାନ୍ ତାୟମ୍‌ତେ ପାଉଲୁସ୍ ଯିହୁଦୀ ହଡକତାଃରେ ଯୀଶୁଆଃ ସୁକୁକାଜି ଉଦୁବ୍‌ରେ ପୁରା ସାମାଏ ଏମ୍‌କେଦାଏ, ଆତଃ ଯୀଶୁଗି ମାସି ତାନିଃ ମେନ୍ତେ ଗାଞ୍ଜା ଏମ୍‌କେଦା । ^୬ ମେନ୍‌ଦ ଇନ୍‌କୁ ଆୟାଃ କାଜିକଟଙ୍ ଚିକାକେଦ୍‌ତେ ଆୟାଃ ବିଷାଏରେ ନିନ୍ଦାକାଜିକ କାଜିକେଦା । ଏନାତେ ଇନିଃ ଆୟାଃ ଲିଜାଃରେୟାଃ ଧୁଡ଼ି କଟାକେଦ୍‌ତେ ଇନ୍‌କୁକେ କାଜିକେଦକଆ, “ଆପେ ଜିୟନଃରେଦ୍ ଏନାରେୟାଃ ଦାୟୀ ଆପେୟାଃଗି ତାନାଃ, ଆଇୟାଃ ନାହାଁଲାଃ । ନାହାଁଃ ଆଇଙ୍ ସାଆଁସାର୍ ହଡକତାଃତେଇଙ୍ ସେନଃଆ ।” ^୭ ଏନାତେ ଇନିଃ ଇନ୍‌କୁକେ ବାଗିକେଦ୍‌ତେ ପାରମେଶ୍ୱାରକେ ବରଭାକ୍ତିତାନ୍ ତିତସ୍ ଜୁସ୍ତସ୍ ନୁଡୁମ୍ ମିଆଁଦ୍ ସାଆଁସାର୍ ହଡକଆଃ ଅଡ଼ାଃରେ ତାଇନଃ ନାଗେନ୍ତେ ସେନଃୟାନା । ଜୁସ୍ତସ୍‌ଆଃ ଅଡ଼ାଃ ସାମାଜ୍ ଅଡ଼ାଃ ନାଡ଼େଃରେ ତାଇକେନା । ^୮ ସାମାଜ୍‌ଅଡ଼ାଃରେନ୍ ଆଗୁଆଇ କ୍ରୀଷ୍ଟସ୍ ଆତଃ ଆୟାଃ ଅଡ଼ାଃରେନ୍ ସବେନ୍ ହଡକ ପ୍ରାଭୁତାଃରେ ବିଶ୍ୱାସ୍‌କେଦାକ୍ ଆତଃ କରିନ୍ତ୍ରେନ୍ ଆତଃଗି ପୁରାଃ ହଡକ ପାଉଲୁସ୍‌ଆଃ ଇନିଡୁ ଆୟୁମ୍‌କେଦ୍‌ତେ ବିଶ୍ୱାସ୍‌କେଦାକ୍ ଆତଃ ବାପ୍ତିସ୍ମା ଇଦିକେଦାକ୍ ।

^୯ ମିଆଁଦ୍ ନିଦାରେ ପାଉଲୁସ୍ ଦାର୍‌ଶାନ୍ ନାମକେଦାଏ, ଦାର୍‌ଶାନ୍‌ରେ ପ୍ରାଭୁ ଇନିଃକେ କାଜିକିୟା, “ଆଲମ୍ ବରଏୟା, ବାଚାନ୍ ଉଦୁବ୍‌କାତେମ୍, ଏନାକେ ଆଲମ୍ ବାଗିୟା, ^{୧୦} ଚିଆଃତି ଆଇଙ୍ ଆମାଃଲଃ ମେନାଇୟାଃ । ଜେତାଏ ଆମାଃ କାକ ନକ୍‌ସାନ୍ ଦାଡ଼ିୟା, ଚିଆଃତି ନେ ନାଗାର୍‌ରେ ଆଇୟାଃ ପୁରାଃ ହଡକ ମେନାକଆ ।” ^{୧୧} ଏନାତେ ପାଉଲୁସ୍ ଏନ୍ତାଃରେ ପାରମେଶ୍ୱାର୍‌ଆଃ ବାଚାନ୍ ଇଡୁକେଦ୍‌ତେ ମିଦ୍ ବାରାଷ୍ ଡୁରିୟା ମାହିଁ ନା ତାଇନ୍‌ୟାନାଏ ।

^{୧୨} ଗାଲିୟୋ ଆଖାୟା ପାର୍‌ଗାନ୍‌ରେନ୍ ରୋମାନ୍ ଲାଟ୍‌ସାହେବ୍ ତାଇକେନ୍ ଇମ୍‌ତା, ଯିହୁଦୀକ ମିଦ୍‌ତାଃରେ ହୁଣ୍ଡିକେଦ୍‌ତେ ପାଉଲୁସ୍‌କେ ସାବ୍‌କେଦ୍‌ତେ କାଚାଈରିତେକ ଇଦିକିୟା । ^{୧୩} ଇନ୍‌କୁ କାଜିକେଦାକ୍, “ନେ ହଡ ଆନ୍‌ଡୁ ବିରୁଧ୍‌ରେ ପାରମେଶ୍ୱାରକେ ବରଭାକ୍ତି ନାଙ୍ ହଡକକେ ଉସ୍‌କୁରକତାନା ।”

^{୧୪} ପାଉଲୁସ୍ କାଜିରୁହାଡ଼୍ ନାଙ୍ ସାନାଙ୍ ତାଇକେନ୍ ଇମ୍‌ତା, ଗାଲିୟୋ ଯିହୁଦୀ ହଡକକେ କାଜିକେଦକଆ, “ନେଆଁରେ ଜେତାନ୍ ଗୁହ୍ନାଁ ଚାଏ ଏଡକାନ୍ କାମି କାମିକାଦ୍‌ରେଦ୍, ଏ ଯିହୁଦୀ ହଡକ, ଆଇଙ୍ ଧୂରାଜ୍‌ରେ ଆପେୟାଃ କାଜି ଆୟୁମ୍‌ତେୟାଃ ଆଇୟାଃ ନାଙ୍ ବୁଗିନାଃ ହବାଅଃଆ । ^{୧୫} ମେନ୍‌ଦ ନେ କାପ୍‌ଜି ଆପେୟାଃ ଆପ୍‌ନାଃ କାଜି, ନୁଡୁମ୍ ଆତଃ ଆନ୍‌ଡୁ ବିଷାଏରେୟାଃ ଏସକାର୍ ତାନାଃ, ଏନାତେ ଆପେ ଆପେଗି ବିଚାର୍‌ରେପେ, ଆଇଙ୍ ନେ'ଲେକାନ୍ ବିଷାଏ କାଇଙ୍ ବିଚାରାଃ ।” ^{୧୬} ନେଆଁ କାଜିକେଦ୍‌ତେ ଇନିଃ ଇନ୍‌କୁକେ କାଚାଈରିହେତେ ହାର୍‌ଅଡକ୍‌କେଦକଆ । ^{୧୭} ଇନ୍‌କୁ ସାମାଜ୍‌ଅଡ଼ାଃରେନ୍ ଆଗୁଆଇ ସସ୍ତେନସ୍‌କେ ସାବ୍‌କେଦ୍‌ତେ କାଚାଈରି ଆୟାର୍‌ରେକ ଦାଲ୍‌କିୟା । ମେନ୍‌ଦ ଗାଲିୟୋ ଏନ୍ ବିଷାଏରେ ଜେଡନାଃ କାଏ ଉଡ଼ଃକେଦା ।

ସିରିୟା ଆନ୍ତିୟୋଖ୍‌ତେ ରୁହାଡ଼୍

^{୧୮} ମେନ୍‌ଦ ପାଉଲୁସ୍ କରିନ୍ତ୍ରେନ୍ ବିଶ୍ୱାସୀ ହାଗା ମିଶିକଲଃ ପୁରାଃ ମାହାଁ ଜାକେଦ୍ ତାଇକେନାଏ । ଏନ୍ତେ ଇନ୍‌କୁ କେକେ_ୟାଏତେ ଦାଆଃ ଜାହାଜ୍‌ରେ ସେନଃ ସିଦାରେ ଆୟାଃ କିରିୟାକାଦ୍ ଲେକାଗି ଇନିଃ ଆୟାଃ ବହଃରେୟାଃ ଉବ୍ ଠାଟୁୟାନାଏ । ^{୧୯} ଏନ୍ତେ ବିଶ୍ୱାସୀକକେ ବାଗିକେଦ୍‌ତେ ପ୍ରିସ୍‌କିଲା ଆତଃ ଆକ୍‌ଲାଲଃ ସିରିୟା ପାର୍‌ଗାନ୍‌ତେ ଦାଆଃ ଜାହାଜ୍‌ରେକ ସେନଃୟାନା । ^{୨୦} ଇନ୍‌କୁ ଏଫିସୁସ୍‌ତେ ତେବାଃୟାନ୍ ତାୟମ୍‌ତେ ପାଉଲୁସ୍, ପ୍ରିସ୍‌କିଲା ଆତଃ ଆକ୍‌ଲାକେ ବିଦାକେଦ୍‌ତେ, ଇନିଃ ଏନ୍ତାଃରେ ସାମାଜ୍ ଅଡ଼ାଃତେ ସେନ୍‌କେଦ୍‌ତେ ଯିହୁଦୀ ହଡକଲଃ ଜାଗାର୍‌କେଦା । ^{୨୧} ହଡକ ଇନିଃକେ ଆତଃଗି ପୁରାଃ ମାହାଁ ତାଇନ୍ ନାଗେନ୍ତେକ କାଜିକିୟା, ମେନ୍‌ଦ ଇନିଃ କାଏ ମାନାତିଙ୍‌ୟାନା । ^{୨୨} ବିଦାଅଡତାନ୍ ଇମ୍‌ତା ଇନିଃ ଇନ୍‌କୁକେ କାଜିକେଦକଆ, “ପାରମେଶ୍ୱାର୍‌ଆଃ ଇଛାସାନାଙ୍ ତାଇନଃରେଦ୍, ଆଇଙ୍ ଆପେତାଃତେଇଙ୍ ହିନ୍ଦୁଃ ରୁହାଡ଼ା ।” ଏନ୍ତେ ଇନିଃ ଏଫିସୁସ୍‌ତାଃଏତେ ଦାଆଃ ଜାହାଜ୍‌ରେ ସେନଃୟାନା ।

^{୨୩} ଇନିଃ କାଈସିରିୟାତେ ସେଟେରକେଦ୍‌ତେ ଏନ୍ତାଃଏତେ ଯୀରୁଶାଲେମ୍‌ତେ ସେନଃୟାନା ଆତଃ କାଲିସିୟାରେନ୍ ହଡକକେ ଜହାରକେଦ୍‌ତେ ଆନ୍ତିୟୋଖ୍‌ତେ ସେନଃୟାନା । ^{୨୪} ଏନ୍ତାଃରେ ଇନିଃ ଚିମିନ୍‌ଦିନ୍ ତାଇକେଦ୍‌ତେ ଗାଲାତିୟ ଆତଃ ଫୁଗିଆଃ ପାର୍‌ଗାନ୍ ହରାତେ ସେନଃୟାନା ଆତଃ ହରାରେ ବିଶ୍ୱାସୀକକେ ଆକଆଃ ବିଶ୍ୱାସ୍‌ରେ ପେଡ଼େୟାଃ ନାଗେନ୍ତେ ସବେନ୍‌କକେ ଉସ୍‌କୁରକେଦକଆ ।

ଏଫିସୁସ୍ ଆତଃ କରିନ୍ତ୍ରେରେ ଆପୋଲୋ

^{୨୫} ଏନ୍ ଦିପିଲିରେ ଆଲେକ୍‌ଜାଣ୍ଡ୍ରିଆ ନାଗାର୍‌ରେ ଜାନାମାକାନ୍ ଆପୋଲୋ ନୁଡୁମ୍ ମିଆଁଦ୍ ଯିହୁଦୀ ଏଫିସୁସ୍‌ତେ ହିନ୍ଦୁଃୟାନା । ଇନିଃ ମିଆଁଦ୍ ପୁରାଃ ବୁଗିନ୍ କାଜି ଦାଡ଼ିନିଃ ଆତଃ ଧାରାମ୍‌ପୁଥ୍‌ରେ ଆୟାଃ ପୁରାଃ ସେଣାଁତାଇକେନା । ^{୨୬} ଇନିଃ ପ୍ରାଭୁଆଃ ହରା ବିଷାଏରେ ଇଡୁଆକାନାଏ ତାଇକେନା ଆତଃ ପୁରାଃ ଆମ୍‌ରେ ଚିହ୍ନକ୍‌ତେ ଯୀଶୁଆଃ ବିଷାଏରେ

* ୧୮:୧୮ 18:18 ଯିହୁଦୀ ହଡକଆଃ ବହଃରେୟାଃ ଉବ୍ ଠାଟୁନ୍‌ତେୟାଃ, କିରିୟାକାଦ୍‌ତେୟାଃ ମାନାତିଙ୍‌ରାଃ ଚିହ୍ନାଁ ତାନାଃ

ସାର୍ତ୍ତରେ ଇତ୍ତୁ ତାଜକେନା । ମେନ୍ଦ ଇନିଃ ଯୋହାନ୍‌ଆଃ ବାପ୍ତିସ୍ତା ବିଷାଏରେ ଏସକାର୍ ସାରିକାଦ୍ ତାଜକେନାଏ । ୨୬ ସାମାଜ୍ ଅଡ଼ାଃକରେ ଇନିଃ ବେଗାର୍ ବରତେ ଇତ୍ତୁ ଏଟେଃକେଦକଥା । ଆୟାଃ ଇନିତ୍ତୁ ଆୟୁମକେଦ୍‌ତେ ପ୍ରିସ୍‌କିଲା ଆଡ଼ଃ ଆକ୍‌ଲା ଇନିଃକେ ଆକିନାଃ ଅଡ଼ାଃକେ ଇଦିକିୟାକିନ୍ ଆଡ଼ଃ ଏନ୍ତାଃରେ ଇନିଃକେ ପାର୍‌ମେଶ୍‌ବାର୍‌ଆଃ ହରା ବିଷାଏରେ ପୁରାଃ ଠାଉକା ଲେକାତେ ଉଦୁବ୍‌କିୟାକିନ୍ । ୨୭ ଏନ୍ତେ ଆପୋଲୋ ଆଖାୟା ପାର୍‌ଗାନ୍‌ତେ ସେନଃ ସାନାଜ୍ ତାଜକେନ୍ ହରାତେ, ଏଫିସୁସ୍‌ରେନ୍ ବିଶ୍ୱାସୀକ ଇନିଃକେ ଦେଜାକିୟାକ ଆଡ଼ଃ ଇନିଃକେ ସୁକୁତେ ଦାରମ୍ ନାଗେନ୍ତେ କାଜିତାନଲଃ ଆଖାୟାରେନ୍ ବିଶ୍ୱାସୀକକେ ଚିଟାଉ ଅଲାଇଦକଥାକ । ଇନିଃ ଏନ୍ତାଃକେ ସେଟେରକେଦ୍‌ତେ ପାର୍‌ମେଶ୍‌ବାର୍‌ଆଃ ସାୟାଦ୍‌ତେ ବିଶ୍ୱାସୀ ହବାକାନ୍ ହଡକକେ ପୁରାଃଗି ଦେଜାକେଦକଥା । ୨୮ ଯୀଶୁ ମାସି ତାନିଃ ମେନ୍ତେ, ଆୟାଃ କେଟେୟାନ୍ କାପ୍‌ଜି ହରାତେ ଧାରାମ୍‌ପୁଥ୍‌ଏତେ ସାରୁଦେତାନଲଃ ଉଦୁବ୍‌ତାନ୍ ଇମ୍‌ତା ଇନିଃ ଯିହୁଦୀକକେ ହାରାଅକେଦକଥା ।

୧୯

ଏଫିସୁସ୍‌ରେ ପାଉଲୁସ୍

୧ ଆପୋଲୋ କରିନ୍ଥରେ ତାଜକେନ୍ ଇମ୍‌ତା, ପାଉଲୁସ୍ ସିଜିଫୁରଃସାଃ ପାର୍‌ଗାନ୍‌କରେ ହରାସେନ୍‌ତାନଲଃ ଏଫିସୁସ୍‌ତେ ସେଟେରୟାନା । ଏନ୍ତାଃରେ ଇନିଃ ଚିମିନ୍ ଚେଲାଇଲଃ ନାପାମୟାନା ୨ ଆଡ଼ଃ କୁଲିକେଦକଥା, “ଆପେ ବିଶ୍ୱାସୀ ହବାୟାନ୍ ଇମ୍‌ତା ଚିନାଃ ପାବିତାର୍ ଆମ୍‌କେପେ ନାମକିୟା ?” ଇନ୍‌କୁ କାଜିରୁହାଡ଼କିୟାକ, “ପାବିତାର୍ ଆମ୍‌ ମେନ୍ତେ ଜେତାଏ ମେନାଇୟା, ନେ କାଜିୟ ଆଲେ କାଲେ ଆୟୁମକାଦା ।”

୩ ପାଉଲୁସ୍ କୁଲିକେଦକଥାଏ, “ତାବ୍‌ଦ, ଆପେ ଅକ ଲେକାନ୍ ବାପ୍ତିସ୍ତା ଇଦିକାଦାପେ ?” ଇନ୍‌କୁ କାଜିରୁହାଡ଼କିୟାକ, “ଯୋହାନ୍‌ଆଃ ବାପ୍ତିସ୍ତାରେ ।”

୪ ପାଉଲୁସ୍ କାଜିକେଦକଥାଏ, “ଅକ ହଡକ ପାପ୍‌ହେତେ ହେୟାତିଜ୍ ତାଜକେନାକ, ଯୋହାନ୍‌ଆଃ ବାପ୍ତିସ୍ତା ଇନ୍‌କୁ ନାଗେନ୍ତେ ଲାଗାତିଜ୍ ତାଜକେନା । ମେନ୍ଦ ଆୟାଃ ତାୟମ୍‌ତେ ଅକଏ ହିଜୁଃରାଃ ତାଜକେନା, ଇନିଃତାଃରେ ତାଏ ଯୀଶୁତାଃରେ ବିଶ୍ୱାସ୍ ରିକା ଲାଗାତିୟାଃ ମେନ୍ତେ ଯୋହାନ୍ ଇସ୍ରାଏଲ୍ ହଡକକେ କାଜିକାକ ତାଜକେନା ।”

୫ ନେଆଁ ଆୟୁମକେଦ୍‌ତେ ଇନ୍‌କୁ ପ୍ରାଭୁ ଯୀଶୁଆଃ ନୁତୁମ୍‌ତେକ ବାପ୍ତିସ୍ତାୟାନା । ୬ ପାଉଲୁସ୍ ଇନ୍‌କୁଆଃ ଚେତାନ୍‌ରେ ତିଃଇ ଦହକେଦାଏ ଆଡ଼ଃ ପାବିତାର୍ ଆମ୍‌ ଇନ୍‌କୁ ଚେତାନ୍‌ରେ ଆଡ଼ଗୁୟାନା । ଇନ୍‌କୁ ରାକାମ୍ ରାକାମ୍ ଜାଗାର୍‌ତେ କାଜିକେଦାକ ଆଡ଼ଃ ପାର୍‌ମେଶ୍‌ବାର୍‌ଆଃ କାନାଜିକ ଉଦୁବ୍‌କେଦା । ୭ ଇନ୍‌କୁ ସବେନ୍ ଗେଲ୍‌ବାର୍ ହାଗାକ ତାଜକେନା ।

୮ ପାଉଲୁସ୍ ଆପି ଚାଣ୍ଡୁ* ଜାକେଦ୍ ସାମାଜ୍ ଅଡ଼ାଃକରେ ବେଗାର୍ ବରତେ ହଡକଲଃ ଜାଗାର୍‌ତାନଲଃ ପାର୍‌ମେଶ୍‌ବାର୍‌ଆଃ ରାଇଜ୍ ବିଷାଏରେ ଇନ୍‌କୁଆଃ ମନ୍‌କରେ ବିଶ୍ୱାସ୍ ଉପ୍‌କାଅ ସାନାଜ୍‌କେଦାଏ । ୯ ମେନ୍ଦ ଇନ୍‌କୁଏତେ ଚିମିନ୍ ହଡକ କେଟେଦ୍ ମନ୍‌ରେନ୍ ତାଜକେନାକ, ଇନ୍‌କୁ କାକ ବିଶ୍ୱାସ୍‌କେଦା । ଇନ୍‌କୁ ଝୁଣ୍ଡରେନ୍ ସବେନ୍‌କଥାଃ ସାମନାଜ୍‌ରେ ପ୍ରାଭୁଆଃ ହରା ବିଷାଏରେ ଏଡକାନ୍ କାଜିକ କାଜିକେଦା । ଏନାତେ ପାଉଲୁସ୍ ଇନ୍‌କୁକେ ବାଗିକେଦକଥା ଆଡ଼ଃ ବିଶ୍ୱାସୀକକେ ଇଦିକେଦ୍‌ତେ ସବେନ୍ ହୁଲାଜ୍ ତିରାନସ୍ ନୁତୁମ୍ ଇତ୍ତୁନ୍ ଅଡ଼ାଃତାଃରେ ଜାଗାର୍‌ତାନ୍ ତାଜକେନା । ୧୦ ବାର୍ ସିମା ଜାକେଦ୍ ନେଆଁ ହବାୟାନା । ଏସିଆ ପାର୍‌ଗାନ୍‌ରେ ତାଜକେନାନ୍ ପୁରାଃ ଯିହୁଦୀ ଆଡ଼ଃ ସାଅଁସାର୍ ହଡକ ପ୍ରାଭୁଆଃ ବାଚାନ୍ ଆୟୁମକେଦାକ ।

ସ୍ଲୋବାରାଃ ହନ୍‌କ

୧୧ ପାର୍‌ମେଶ୍‌ବାର୍ ପାଉଲୁସ୍‌ଆଃ ହରାତେ ମାପ୍‌ରାଜ୍ ଆକ୍‌ଦାୟା କାମିକଏ ରିକାକେଦା । ୧୨ ନେ'ଲେକାଚି ପାଉଲୁସ୍ ସାବାକାଦ୍ ରୁମାଲ୍ ଆଡ଼ଃ ଲିଜାଃକ ବେମାର୍ ହଡକତାଃକେ ଇଦିୟାଃରେ ଇନ୍‌କୁ ବୁଗିୟାଃ ତାଜକେନାକ ଆଡ଼ଃ ଇନ୍‌କୁଆଃ ହଡକଏତେ ଏଡକାନ୍ ଆମ୍‌କ ଅଡ଼ଃକେ ତାଜକେନା । ୧୩ ଚିମିନ୍ ହନର୍‌ବାଡ଼ାତାନ୍ ଯିହୁଦୀ ହଡକହଗି ପ୍ରାଭୁ ଯୀଶୁଆଃ ନୁତୁମ୍ ସାବ୍‌କେଦ୍‌ତେ ବଜା ହାରଅଡ଼ଃ ନାଜ୍ ସାନାଜ୍‌କେଦାକ । ଇନ୍‌କୁ ଏଡକାନ୍ ଆମ୍‌କକେ କାଜିକ ତାଜକେନାକ, “ପାଉଲୁସ୍ ଉଦୁବ୍‌ତାନ୍ ଯୀଶୁଆଃ ନୁତୁମ୍‌ତେ ଆଇଜ୍ ଆମ୍‌କେ ଆରୁମେତାନା ।” ୧୪ ସ୍ଲୋବା ନୁତୁମ୍ ମିଆଁଦ୍ ଯିହୁଦୀ ମାରାଜ୍ ଯାଜାକ୍‌ଆଃ ଏୟା କଡ଼ା ହନ୍‌କ ଏନ୍‌ଲେକାକ କାମିତାଜକେନା ।

୧୫ ମେନ୍ଦ ଏଡକାନ୍ ଆମ୍‌ ଇନ୍‌କୁକେ କାଜିକେଦକଥା, “ଆଇଜ୍ ଯୀଶୁକେଇଜ୍ ସାରିୟା ଆଡ଼ଃ ପାଉଲୁସ୍‌ଆଃ ବିଷାଏରେଇଜ୍ ସାରିୟା, ମେନ୍ଦ ଆପେ ଅକଏ ତାନ୍‌ପେ ?”

୧୬ ଏଡକାନ୍ ଆମ୍‌ତେ ଏସେରେକାନ୍ ହଡ, ଇନ୍‌କୁକେ ପୁରାଃ ପେଡ଼େଃଲଃ ସାବ୍‌କେଟେଦ୍‌କେଦ୍‌ତେ ଆପୁଇଃତାନ୍ ଇମ୍‌ତା ଇନ୍‌କୁଆଃ ଲିଜାଃକ ଚାଗାଡ଼ୟାନା ଆଡ଼ଃ ଇନ୍‌କୁଆଃ ହଡକମକରେ ଘାଅବାଡ଼ାକେଦ୍‌ତେ ଇନିୟାଃ ଅଡ଼ାଃଏତେ ନିରୟାନାକ । ୧୭ ଏଫିସୁସ୍‌ରେ ତାଜକେନାନ୍ ସବେନ୍ ଯିହୁଦୀ ଆଡ଼ଃ ସାଅଁସାର୍ ହଡକ ନେ ବିଷାଏ ଆୟୁମକେଦ୍‌ତେ ବରତେ ପେରେୟାନାକ ଆଡ଼ଃ ଏନ୍ତାଃରେ ପ୍ରାଭୁ ଯୀଶୁଆଃ ନୁତୁମ୍ ଆଡ଼ଃଗି ପୁରାଃକେ ମାଇନ୍‌ୟାନା । ୧୮ ବିଶ୍ୱାସୀକଏତେ ପୁରାଃ ହଡକ ହିଜୁଃକେଦ୍‌ତେ ଆକଥାଃ ଏଡକାନ୍ କାମିକ ରିକାକାଦ୍‌ତେୟାଃ ହଡକଥାଃ ସାମନାଜ୍‌ରେକ ମାନାତିଜ୍‌ୟାନା

☆ ୧୯:୪ ୧୯:୪ ମାଥୁ ୩:୧୧; ମାର୍କ ୧:୪,୭,୮; ଲୁକ ୩:୪,୧୭; ଯୋହାନ୍ ୧:୨୨,୨୭. * ୧୯:୮ ୧୯:୮ ମାହୁଁନା

ଆତ୍ମକ ଉଦ୍‌ବେଗ । ୧୯ ଦେଉଁଣାକାମି ରିକାତାନ୍‌କଏତେ ପୁରାଃ ହୃଦକ ଆକଥାଃ ପୁଥୁକ ଆଉ ହୁଣ୍ଡିକେଦ୍‌ତେ ହୃଦକଥାଃ ସାମ୍‌ନାଙ୍ଗ୍‌ରେକ ଅଣ୍ଡୁରକେଦା । ଇନ୍‌କୁଆଃ ପୁଥୁକରାଃ ଗନ୍‌ଙ୍ଗ୍ ଲେକାକେଦ୍‌ରେ ବାଋହିସି ଗେଲ୍ ହାଜାର୍ ରୁପା ସିକା ହବାୟାନା । ୨୦ ନେ'ଲେକାତେ ପ୍ରାଭୁଆଃ ବାଗାନ୍ ପୁରାଃଗି ନିଡିରୟାନା ଆତ୍ମ ପୁରାଃତେ ପେଡ଼େଃଇଦିୟାନା ।

ଏଫିସୁସ୍‌ରେ ହିସିଙ୍ଗା

୨୧ ନେଆଁ ସବେନ୍ ହବାୟାନ୍ ତାୟମତେ ପାଉଲୁସ୍ ମାକିଦନିଆ ଆତ୍ମ ଆଖାୟା ହରାତେ ଯାରୁଶାଲେମତେ ସେନଃ ନାଙ୍ଗ୍ ମନ୍‌ରେ ଉହାଋକେଦା । ଇନିଃ କାଜିକେଦାଏ, “ଏନ୍ତାଃତେ ସେନ୍ ତାୟମତେ ଆଇଙ୍ଗ୍ ଜାରୁଡ଼୍‌ଗି ରୋମ୍‌ତେହଗି ସେନାଇଙ୍ଗ୍ ।” ୨୨ ଏନାତେ ଇନିଃ ଆଇଃକ୍‌କେ ଦେଙ୍ଗାଇତାନ୍ ବାରାନ୍‌କିନ୍ ତାମଥ୍ ଆତ୍ମ ଏରାଷ୍ଟ୍‌କେ ମାକିଦନିଆତେ କୁଲ୍‌କେଦ୍‌କିନା, ମେନ୍‌ଦ ଆଇଃକ୍‌ଗି ଏସିଆ ଦିଶୁମ୍‌ରେ ଆତ୍ମଟିମିନ୍ ମାହାଁ ତାଇନ୍‌ୟାନାଏ ।

୨୩ ଏନ୍ ଦିପିଲିରେ ପ୍ରାଭୁଆଃ ହରା ବିଷାଏ ନାଗେନ୍ତେ ଏଫିସୁସ୍‌ରେ ପୁରାଃ ବରଝାନ୍‌ଗି ହାଲାଗୁଲା ହବାୟାନା । ୨୪ ଦିମିତ୍ରିୟ ନୁତୁମ୍ ମିଆଁଦ୍ ସୁନାରିହୃଦ ଆର୍ଜେମୀ ମାହାପୁରୁଆଃ ରୁପାରାଃ ମାହିର୍ ବାଇତାଇକେନାଏ, ନେ କାମିରେ କାମିତାଇକେନ୍ ହୃଦକ ପୁରାଃଗି ଟାକା ପାଏସାକ ନାମେ ତାଇକେନା । ୨୫ ଏନାମେନ୍ତେ ଇନିଃ କାମିତାନ୍ ସବେନ୍ ହୃଦକକେ ଆତ୍ମ ଏନ୍ ଲେକାନ୍ କାମିତାନ୍ ଏଟାଃସାଃରେନ୍ ହୃଦକକେ ହାକାଅକେଦ୍‌ତେ କାଜିକେଦ୍‌କଥା, “ମାଲାନାକ୍, ନେ କାମିରେ ଆବୁ ସବେନ୍‌କ ପୁରାଃଗି ଟାକା ପାଏସାବୁ କାମିତାନା ଏନାଦପେ ସାରିତାନା । ୨୬ ନାହାଁଃ ନେ ହୃଦ ପାଉଲୁସ୍ ଚିନାଃଏ ଚିକାଏତାନା, ଏନା ଆପେ ନେଲ୍ ଦାଡ଼ିତାନାପେ ଆତ୍ମ ଆୟୁମ୍ ଦାଡ଼ିତାନାପେ । ଇନିଃ କାଜିତାନାଏ, ହୃଦଆଃ ଡିଃଇତେ ବାଇକାନ୍ ମାହାପୁରୁକ ମାହାପୁରୁ ନାହାଁଲାକ, ଆତ୍ମ ଇନିଃ ନେତାଃରେ ଏଫିସୁସ୍ ଆତ୍ମ ପୁରା ଏସିଆ ପାର୍‌ଗାନ୍‌ରେ ପୁରାଃ ହୃଦକକେ ନେ ବିଷାଏରେ କାଜିକତାନା । ୨୭ ଏନାତେ ଆବୁଆଃ କାମାନି ଜିୟନ୍‌କେନଃଆ, ଇମ୍‌ନାଙ୍ଗ୍ ଏସକାର୍ କାହାଗି, ମେନ୍‌ଦ ଅକ ମାହାପୁରୁ ଆର୍ଜେମୀକେ ଗଟା ଏସିଆରେ ଆତ୍ମ ପୁରା ଅତେଦିଶୁମ୍‌ରେନ୍ ହୃଦକ ବରଭାକ୍ତିତାନା, ଏନ୍ ପୁରାଃମାରାଙ୍ଗ୍ ଆର୍ଜେମୀ ମାହାପୁରୁଆଃ ମାନାରାଙ୍ଗ୍ କା ତାଇନା ଆତ୍ମ ମାହିର୍ ଜିୟନଃଆ, ଏନାରେୟାଃ ବରମେନାଃ ।”

୨୮ ଗାଦେଲ୍ ହୃଦକ ନେଆଁ ଆୟୁମ୍‌କେଦ୍‌ତେ ଖୁସ୍‌ତେକ ପେରେଃୟାନା ଆତ୍ମ କାଉରିକେଦ୍‌ତେ କାଜିକେଦାକ, “ଏଫିସୁସ୍‌ରେନ୍‌କଥାଃ ଆର୍ଜେମୀ ମାହାପୁରୁଆଃ ମାରାଙ୍ଗ୍ ହବାଅଃକା ।” ୨୯ ନେ ହାଲାଗୁଲା ଗଟା ନାଗାର୍‌ରେ ନିଡିରୟାନା । ଆତ୍ମ ଗାଦେଲ୍ ହୃଦକ ପାଉଲୁସ୍‌ଲଃ ହରାସେନ୍‌ତାନ୍ ମାକିଦନିଆରେନ୍ ଗାୟସ୍ ଆତ୍ମ ଆରିସ୍‌ଆର୍ଗ୍‌କେ ସାବ୍‌କେଦ୍‌ତେ ଇନ୍‌କୁ ମାରାଙ୍ଗ୍ ଆଖ୍‌ଡାତେକ ଆଇଜ୍ ଇଦିକେଦ୍‌କିନା । ୩୦ ପାଉଲୁସ୍ ଆଇଃକ୍‌ଗି ଗାଦେଲ୍ ହୃଦକ ଆୟାଋତେ ସେନ୍ ନାଙ୍ଗ୍ ସାନାଙ୍ଗ୍‌କେଦାଏ, ମେନ୍‌ଦ ବିଶ୍ୱାସୀକ କାକ ସେନ୍ ଇଚିକିୟା । ୩୧ ଚିମିନ୍‌ଝାନ୍ ଏସିଆରେ ଆକ୍‌ତେୟାର୍ ନାମାକାଦ୍ ପାଉଲୁସ୍‌ଆଃ ଗାଡିକ ନେଆଁ ଆୟୁମ୍‌କେଦ୍‌ତେ ପାଉଲୁସ୍‌କେ ମାରାଙ୍ଗ୍ ଆଖ୍‌ଡାତେ ଆଲକାଏ ସେନ୍‌କା ମେନ୍ତେ ମିହୁଡ଼ାଃରେ କାଜିଗହାର୍ କାଜିକୁଲ୍‌କେଦାକ । ୩୨ ନେ ଘାଡ଼ି ଭିତାର୍‌ରେ ଗଟା ପାଞ୍ଚେଟ୍‌ରେନ୍ ହୃଦକ ଖୁସ୍‌ତେ ପେରେଃୟାନାକ । ହୃଦକ ଏଟାଃ ଏଟାଃ ଝୁଣ୍ଡିରେ ରାକାମ୍ ରାକାମ୍‌କ କାଉରିତାନ୍ ତାଇକେନା, ଚିଆଃତି ଇନ୍‌କୁଏତେ ଚିମିନ୍ ହୃଦକ ଏନ୍ତାଃରେ ଚିନାଃନାଙ୍ଗ୍‌କ ହୁଣ୍ଡିକାନା ଏନାହ କାକ ସାରିକାଦ୍ ତାଇକେନା । ୩୩ ହୃଦକଏତେ ଚିମିନ୍ ହୃଦକ କାଜିକେଦାକ ଯେ, ଆଲେକ୍‌ଜାଣ୍ଡ୍ରାନ୍ ନେଆଁ ନାଗେନ୍ତେ ଦାୟା ତାନିଃ, ଚିଆଃତି ଯିହୁଦୀ ହୃଦକ ଇନିଃକେ ଆୟାଋରେ ଡିଙ୍ଗୁକାଇ ତାଇକେନାକ । ଏନ୍ତେ ଆଲେକ୍‌ଜାଣ୍ଡ୍ରାନ୍ ଡିଃଇ ଉଠାଅକେଦ୍‌ତେ ହୃଦକକେ ହାପାଅଃପେ ମେନ୍ତେ ଠାରାଅକେଦ୍‌କଥା ଆତ୍ମ ବିଶ୍ୱାସୀକଆଃସାଃଏତେ କାଜିତାନ୍‌ଲଃ ଇନିଃ ବୁଝାଅକ ନାଙ୍ଗ୍ ଚେଷ୍ଟାକେଦାଏ । ୩୪ ମେନ୍‌ଦ ଇନିଃ ମିଆଁଦ୍ ଯିହୁଦୀ ତାନିଃ, ମେନ୍ତେ ସାରିକେଦ୍‌ତେ ଇନ୍‌କୁ ସବେନ୍‌କ ମିସାତେ କାଉରିତାନ୍‌ଲଃ କାଜିକେଦାକ, “ଏଫିସୁସ୍‌ରେନ୍ ଆର୍ଜେମୀ ମାହାପୁରୁଆଃ ମାରାଙ୍ଗ୍‌ଆଃକା ।” ନେ'ଲେକା ବାଋ ଘାଡ଼ି ଜାକେଦ୍‌କ କାଉରିକେଦା ।

୩୫ ଚୁଣ୍ଡିରେ ସାହାର୍‌ରେନ୍ ମୁନ୍‌ସି ହୃଦକକେ ହାପାଅଃ ନାଗେନ୍ତେ କାଜିକେଦ୍‌କଥା, “ଏଫିସୁସ୍‌ରେନ୍ ହାଗାକ, ସବେନ୍‌କ ସାରିତାନା ଯେ, ଏଫିସୁସ୍ ନାଗାର୍‌ରେନ୍ ଆର୍ଜେମୀ ମାହାପୁରୁଆଃ ମାହିର୍ ଆତ୍ମ ସିର୍ମାଏତେ ଆଡ଼ଗୁକାନ୍ ପାବିତାର୍ ମୁରୁଡ଼ରାଃ ବାଞ୍ଚାଅ ହବାଆଡ଼ତାନା । ୩୬ ଜେତାଏ ନେଆଁକେ କାହା ମେନ୍ତେ କାକ କାଜି ଦାଡ଼ିୟା । ଏନାତେ ଆପେ ସବେନ୍‌କ ହାପାଅଃପେ ଆତ୍ମ କା ଲାଗାଡିଙ୍ଗ୍ ଲେକା ଜେତାନ୍ କାମି ଆଲପେ କାମିୟା । ୩୭ ନେ ହୃଦକିନ୍ ମାହିର୍‌ହେତେ ଜେଡ଼ନାଃ କାକିନ୍ କୁମ୍‌ଡୁକ୍‌ଦା, ଚାଏ ଆବୁଆଃ ମାହାପୁରୁ ବିଷାଏରେ ଜେତାନ୍ ଏଡ଼କାନାଃ କାକିନ୍ କାଜିକାଦା, ଏନ୍‌ରେୟ ଆପେ ନେ ହୃଦକିନ୍‌କେ ନେତାଃତେପେ ଆଉକାଦ୍‌କିନା । ୩୮ ଦିମିତ୍ରିୟ ଆତ୍ମ ଇନିୟାଃ କାମି ହୃଦକଥାଃ ବିରୁଧ୍‌ରେ ଜେତାନ୍ କାଜି ମେନାଃରେଦ୍, ଏନା ବିଚାରେ ନାଗେନ୍ତେ ଆବୁଆଃ ଆକ୍‌ତେୟାର୍ ନାମାକାଦ୍ ହୃଦକ ମେନାକଥା ଆତ୍ମ କାଚାକ୍‌ରି ମେନାଃ, ଏନ୍ତାଃରେ ଏନ୍ ବିରୁଧ୍‌କାନ୍ କାଜିକ ଉଦ୍‌ବଃଆ । ୩୯ ମେନ୍‌ଦ ନେଆଁଏତେ ଆତ୍ମ ଆଦ୍‌କାପେ ସାନାଙ୍ଗ୍‌ତାନ୍‌ରେଦ୍, ଆପନାଃ ଦିଶୁମ୍‌ରେନ୍ ହୃଦକଥାଃ ଆଇନ୍ ମାନାଡିୟ୍‌ଃ ପାଞ୍ଚେଟ୍‌ରେ ଏନା ବିଚାରଃକା । ୪୦ ଚିଆଃତି ଡିସିଙ୍ଗ୍ ଅକ୍‌ନାଃ ହବାକାନା, ଏନା ବରଝାନ୍‌ଗିଆ ଏନା ହିସିଙ୍ଗାତେ ନେଆଁ ହବାକାନା ମେନ୍ତେ ଆଲେୟାଃ ବିରୁଧ୍‌ରେ କାଜିୟଃତାନା । ଆଲେ ନେ ସବେନ୍ ହାଲାଗୁଲାରେୟାଃ ଜେତାନ୍ ବୁଗିନ୍ କାଜି କାଲେ କାଜି ଦାଡ଼ିୟା ।” ୪୧ ନେ ସବେନ୍ କାଜି କାଜିକେଦ୍‌ତେ ଇନିଃ ଗାଦେଲ୍ ହୃଦକକେ ହାପାକେଦ୍‌କଥାଏ ଆତ୍ମ ପାଞ୍ଚେଟ୍‌ରେନ୍ ହୃଦକକେ ବିଦାକେଦ୍‌କଥା ।

୨୦

ମାକିଦନିଆତେ ଆତଃ ଆଖାୟାତେ

^୧ ହାଲୀଗୁଲା ଚାବାୟାନ୍ ତାୟମତେ, ପାଉଲୁସ୍ ବିଶ୍ୱାସୀକକେ ହୁଣ୍ଡିକେଦତେ ଜୀଉରେ ରାସ୍‌କାଅଃ ଲେକାନ୍ କାଜି ଉଦୁବାଦକଆଏ । ଇନ୍‌କୁତାଃଏତେ ବିଦା ଇଦିକେଦତେ ଇନିଃ ମାକିଦନିଆତେ ସେନଃୟାନା । ^୨ ଇନିଃ ଏନ୍ ସବେନ୍ ପାର୍‌ଗାନ୍ ହରାତେ ସେନଃୟାନା ଆତଃ ବିଶ୍ୱାସୀ ହଡକକେ ଜୀଉରେ ରାସ୍‌କାଅଃରାଃ କାଜି କାଜିକେଦକଆ । ଏନ୍ତେ ଇନିଃ ଗ୍ରୀସ୍ ଦିଶ୍‌ମତେ ହିନ୍‌ଡଃୟାନା, ^୩ ଏନ୍ତାଃରେ ଆପି ମାହିଁନା ତାଇନ୍‌ୟାନାଏ । ଇନିଃ ସିରିୟାତେ ସେନଃ ନାଗେନ୍ତେ ସେକାଡେନ୍ ତାଇକେନ୍ ଇମ୍‌ତା ଯିହୁଦୀ ହଡକ ଇନିକେ ଗଏଃ ନାଗେନ୍ତେକ ରୋଜୋଟତାନା ମେନ୍ତେ ଆୟୁମ୍‌କେଦତେ ଇନିଃ ମାକିଦନିଆ ହରାତେ ରୁହାଡ୍ ନାଗେନ୍ତେ ଉହାଟ୍‌କେଦା । ^୪ ବେରିଆ ନାଗାର୍‌ରେ ତାଇନ୍‌ତାନ୍ ପୁରସ୍‌ଆଃ ହନ୍ ସୋପାତ୍, ଥେସ୍‌ଲନିକାରେନ୍ ଆରିସ୍‌ଆର୍ଗ ଆତଃ ସେକ୍‌ୟ, ଦର୍ବୀରେନ୍ ଗାୟସ୍, ଏସିଆ ପାର୍‌ଗାନ୍‌ରେନ୍ ତୁଖ୍‌କ୍, ତ୍ରୁଫିମ୍ ଆତଃ ତୀମଥ୍ ଇନିଃଲଃ ସେନଃୟାନାକ । ^୫ ନେ ଏୟାଝାନ୍ ହଡକ ସିଦାରେ ସେନ୍‌କେଦତେ ଡ୍ରୋୟାସ୍‌ରେ ଆଲେକେ ତାଜିକାଲେ ତାଇକେନାକ । ^୬ ସାବାଃ ହଲଜ୍ ପାରାବ୍ ତାୟମତେ ଆଲେ ଫିଲିପି ସାହାର୍‌ଏତେ ଦାଆଃ ଜାହାଜ୍‌ରେ ସେନଃକେଦତେ ମଣ୍ଟୋମାହିଁ ତାୟମତେ ଡ୍ରୋୟାସ୍‌ରେ ଏନ୍ ଏୟାଝାନ୍ ହଡକଲଃ ମେସାୟାନାଲେ ଆତଃ ଏନ୍ତାଃରେ ମିଦ୍ ହାପ୍ତା ତାଇନ୍‌ୟାନାଲେ ।

ଡ୍ରୋୟାସ୍‌ତେ ପାଉଲୁସ୍‌ଆଃ ଟୁଣ୍ଡୁ ଚୁସନଃ

^୭ ହାପ୍ତାରେୟାଃ ସିଦା ହୁଲଜ୍* ସିଜିହାସ୍‌ରେ ଆଲେ ମେନେସାରାଃ ହଲଜ୍ କେଟାଃ ମିଦ୍‌ତାଃରେ ହୁଣ୍ଡିକେଦତେ ମାନାତିଜ୍‌କେଦାଲେ । ପାଉଲୁସ୍ ହଡକକେ ଆଲାନିଦା ଜାକେଦ୍ ଜାଗାର୍‌କେଦକଆଏ, ଚିଆଃଟି ଏଗାଃ ହୁଲଜ୍ ଇନିଃ ଏନ୍ ଠାୟାଦ୍ ବାଗିକେଦତେ ସେନଃରାଃ ତାଇକେନା । ^୮ ଆଲେ ଅକ ଚେତାନ୍ କୁଠାରେ ହୁଣ୍ଡିକାନ୍ ତାଇକେନାଲେ, ଏନ୍ତାଃରେ ପୁରାଃ ଦିମିକ ଜୁଲଃତାଇକେନା । ^୯ ଏନ୍ତାଃରେ ଇଉଟିକସ୍ ନୁଡୁମ୍ ମିଆଁଦ୍ ସେପେଡେଦ୍ ଖୁଡ୍‌କି ଚେତାନ୍‌ରେ ଦୁବାକାନ୍ ତାଇକେନା ଆତଃ ପାଉଲୁସ୍ ଜାଗାର୍ ତାଇକେନ୍ ଇମ୍‌ତା ଇନିଃକେ ଦୁଡ୍‌ମିତାଇକେନା । ଏନ୍ତେ ଇନିଃ ପୁରା ଦୁଡ୍‌ମିୟାନାଏ ଆତଃ ଆପି ମାହାଲା ଚେତାନ୍‌ହେତେ ଲାତାର୍‌ରେ ଉୟୁଃୟାନା । ଇନ୍‌କୁ ଇନିଃକେ ବିରିଦ୍‌କିୟାକ ଇମ୍‌ତା ଇନିୟାଃ ଜୀଉ ଟୁଣ୍ଡୁକାନ୍ ତାଇକେନା । ^{୧୦} ମେନ୍‌ଦ ପାଉଲୁସ୍ ଲାତାର୍‌ରେ ଆଡ୍‌ଗୁକେଦତେ ଇନିଃକେ ହାମ୍‌ଦୁକିୟାଏ ଆତଃ କାଜିକେଦାଏ, “ଆଲପେ ଆଡ଼ାଃଉଡ୍‌ଗୁଃଆ, ଇନିଃ ଜୀନିଦ୍‌ଗି ମେନାଲୟା ।” ^{୧୧} ଏନ୍ତେ ଇନିଃ ଚେତାନ୍‌ତେ ରାକାବ୍ ରୁହାଡ୍‌ୟାନାଏ ଆତଃ ହଲଜ୍ କେଟାଃକେଦତେ ଜମ୍‌କେଦାଏ, ଏନ୍ତେ ସିଜିତୁରଃ ଜାକେଦ୍ ଇନ୍‌କୁଲଃ ପୁରାଃଗି ଜାଗାର୍‌କେଦା ଆତଃ ଏନ୍ତାଃଏତେ ସେନଃୟାନା । ^{୧୨} ହଡକ ସେପେଡେଦ୍‌କେ ଜୀନିଦ୍ ନେଲ୍‌କେଦତେ ଆୟାଃ ଅଡ଼ାଃତେକ ଇଦିକିୟା ଆତଃ ପୁରାଃଗି ଜୀଉରାଡ୍‌ତେକ ନାମ୍‌କେଦା ।

ଡ୍ରୋୟାସ୍‌ଏତେ ମିଲିତସ୍‌ତେ ସେନଃ

^{୧୩} ଆଲେ ସିଦାରେ ଦାଆଃ ଜାହାଜ୍‌ରେ ଦେଏଃକେଦତେ ଆସେସ୍ ନାଗାର୍‌ତେଲେ ସେନଃୟାନା । ଏନ୍ତାଃଏତେ ଆଲେ ପାଉଲୁସ୍‌କେ ଦାଆଃ ଜାହାଜ୍‌ରେ ଇଦି ନାଗେନ୍ତେଲେ ଉହାଟ୍‌କାଦ୍ ତାଇକେନା, ଚିଆଃଟି ଇନିଃ ଅତେ ହରାରେ ସେନ୍‌କେଦତେ ଏନ୍ ଠାୟାଦ୍‌ତେ ସେଚେରା ମେନ୍ତେ କାଜିକାଦ୍ ତାଇକେନା । ^{୧୪} ଇନିଃ ଚିମ୍‌ତା ଆଲେଲଃ ଆସେସ୍‌ରେ ନାପାମ୍‌ୟାନା, ଆଲେ ଇନିଃକେ ଦାଆଃ ଜାହାଜ୍‌ରେ ଇଦିକେଦତେ ମିତିଲିନ୍ ନାଗାର୍‌ତେଲେ ସେନଃୟାନା । ^{୧୫} ଏନ୍ତାଃଏତେ ଆତଃଗି ସେନଃକେଦତେ ଏଗାଃ ହୁଲଜ୍ ଖୁଅସ୍ ଟାପୁତାଃଲେ ସେଚେରୟାନା । ଆତଃମୁସିଜ୍ ତାୟମତେ ଆଲେ ସାମସ୍ ଟାପୁତେ ସେଚେରକେଦତେ, ଏଗାଃ ହୁଲଜ୍ ମିଲିତସ୍ ନାଗାର୍‌ତେଲେ ସେଚେରୟାନା । ^{୧୬} ଏସିଆ ପାର୍‌ଗାନ୍‌ରେ ଆତଃ ଆଦକା ନେଡା କା ଇଦିକେଦତେ ଏଫିସୁସ୍ ଗେନା ଗେନାତେ ଦାଆଃ ଜାହାଜ୍‌କେ ଇଦି ନାଗେନ୍ତେ ପାଉଲୁସ୍ ଉହାଟ୍‌କେଦାଏ । ଆତଃ ହବାସାକାଅଃରେଦ, ପେଣ୍ଟିକସ୍ ହୁଲଜ୍‌ରେ ଯୀରୁଗାଲେମ୍‌ତେ ଜାଲ୍‌ଦି ସେଚେର ନାଜ୍ ଇନିଃ ଉହାଟ୍‌କାଦ୍ ତାଇକେନାଏ ।

ଏଫିସୁସ୍ କାଲିସିୟାରେନ୍ ପ୍ରାଟିନ୍‌କକେ ପାଉଲୁସ୍‌ଆଃ ବିଦା ଜାଗାର୍

^{୧୭} ପାଉଲୁସ୍ ମିଲିତସ୍‌ତାଃଏତେ ଏଫିସୁସ୍ କାଲିସିୟାରେନ୍ ପ୍ରାଟିନ୍‌କକେ ଆୟାଃଲଃ ନେପେଲ୍ ନାଗେନ୍ତେ କାଜିକୁଲ୍‌କେଦା । ^{୧୮} ଇନ୍‌କୁ ପାଉଲୁସ୍‌ତାଃ ତେବାଃୟାନ୍‌ଟି ଇନିଃ କାଜିକେଦାଏ, “ଏସିଆ ପାର୍‌ଗାନ୍ ସେଚେରୟାନ୍ ପାହିଲା ହୁଲଜ୍‌ତାଃଏତେ ଆଇଜ୍ ଚିଲ୍‌କା ଆପେଲଃ ଆଦକା ନେଡା ବିତାଅକାଦାଇଜ୍, ଏନା ଆପେ ସାରିକାଦାପେ । ^{୧୯} ଯିହୁଦୀ ହଡକ ଆଇଜ୍‌କେ ଗଗଏଃ ନାଗେନ୍ତେକ ରୋଜୋଟ ତାଇକେନ୍ ହରାତେ ଆଇଜ୍ ପୁରାଃ ଦୁକୁହାସ୍ ସାହାତିଜ୍‌କେଦାଇଜ୍, ଏନ୍‌ରେୟ ଆଇଜ୍ ପ୍ରାଭୁଆଃ ଦାସି ଲେକା ଲେବେଃ ମନ୍‌ତେ ଆତଃ ପୁରାଃ ରାଆଃତାନ୍‌ଲଃ ଆଇୟାଃ କାମି କାମିକାଦାଇଜ୍ । ^{୨୦} ଆପେ ସାରିତାନାପେ, ଆଇଜ୍ ହଡକତାଃରେ ଉଦୁବ୍‌ତାନ୍ ଇମ୍‌ତା ଆତଃ ଆପେୟାଃ ଅଡ଼ାଃରେ ଇଡୁତାନ୍ ଇମ୍‌ତା ଆପେୟାଃ ବୁଗିନାଃ ହବାଅଃ ଲେକା ଜେତାନ୍ ବିଷାଏ ଉଦୁବ୍ ନାଗେନ୍ତେ କାଇଜ୍ ହିଦ୍‌କିରାଅକାଦା । ^{୨୧} ଯିହୁଦୀ ଆତଃ ସାଅଁସାର୍ ସବେନ୍‌କକେ ଆଇଜ୍ ପୁରାଃଗି ଚିଗାଲାନ୍ କାଜିକଇଜ୍ କାଜିକାଦ୍‌ପେ

* ୨୦:୭ 20:7 ଏତଅର୍ ହୁଲଜ୍

ତାଙ୍କେନା, ଜେ'ଲେକା ଇନ୍‌କୁ ଆକଆଃ ପାପ୍‌କ ହେୟାତିଙ୍‌କେଦ୍‌ତେ ପାର୍‌ମେଶ୍‌ବାର୍‌ସାଃତେକ ହିନ୍‌ଜୁଃରୁହାଡ଼ା ଆତଃ ପ୍ରାଭୁ ଯୀଶୁତାଃରେ ବିଶ୍ୱାସ୍ ରିକାଏୟାକ । ୨୨ ନାହାଁଃଦ ପାବିତାର୍ ଆମ୍‌ରାଃ ଆନାରୁ ମାନାତିଙ୍‌କେଦ୍‌ତେ ଆଇଙ୍‌ ଯୀରୁଶାଲେମ୍‌ତେଇଙ୍‌ ସେନଃତାନା, ଏନ୍ତାଃରେ ଆଇଁୟାଃ ଚିକ୍‌ନାଃ ହବାଅଃଆ ଏନା କାଇଙ୍‌ ସାରିୟା । ୨୩ ପାବିତାର୍ ଆମ୍‌ ଆଇଙ୍‌କେ ଚେତାଅକାଦିୟାଁ ଚି, ସବେନ୍ ନାଗାର୍‌ରେ ଆଇଙ୍‌ ଜେହେଲ୍‌ରେ ସାଜାଇ ଆତଃ ଦୁକୁଇଙ୍‌ ନାମେୟା । ୨୪ *ମେନ୍‌ଦ ଆଇଙ୍‌ ଆଇଁୟାଃ ଆପନାଃ ଜୀଦାନ୍‌କେ ଜେଡ୍‌ନାଃ ଲେକା କା ଆଟ୍‌କାର୍‌କେଦ୍‌ତେ, ପାର୍‌ମେଶ୍‌ବାର୍‌ଆଃ ସାୟାଦ୍ ବିଷାଏରେ ପ୍ରାଭୁ ଯୀଶୁ ଆଇଙ୍‌କେ ଅକ ସୁକୁକାଜି ଉଦୁବ୍ ନାଗେନ୍ତେ ଏମାକାଦିଙ୍‌ ସେଝାକାମିକେ ଜେ'ଲେକା ପୁରା ଦାଡ଼ିୟାଇଙ୍‌, ନିମିନାଙ୍‌ ଏସ୍‌କାର୍ ଆଇଁୟାଃ ଇଛାସାନାଙ୍‌ ତାନାଃ ।

୨୫ “ପାର୍‌ମେଶ୍‌ବାର୍‌ଆଃ ରାଇଜ୍ ବିଷାଏରେ ଉଦୁବ୍ ନାଗେନ୍ତେ ଆଇଙ୍‌ ଆପେ ସବେନ୍‌କତାଃତେଇଙ୍‌ ସେନାକାନା । ନାହାଁଃ ଆଇଙ୍‌ ସାରିତାନାଇଙ୍‌ ଯେ, ଆପେକଏତେ ଜେତାଏ ଆଇଙ୍‌କେ ଆତଃମିସା କାପେ ନେଲିୟାଁ । ୨୬ ଏନାମେନ୍ତେ ତିସିଙ୍‌ ଆଇଙ୍‌ ଆପେତାଃରେ ଗାଝା ଏମ୍‌ତାନାଇଙ୍‌ ଯେ, ଆପେକଏତେ ଜେତାଏ ଜିୟନଃରେଦ୍ ଏନାରେୟାଃ ଦାୟୀ ଆଇଙ୍‌ ନାହାଁଲିଙ୍‌ । ୨୭ ଚିଆଃଚି ପାର୍‌ମେଶ୍‌ବାର୍‌ଆଃ ଗଟା ଉଦେଶ୍ ଆପେତାଃରେ ଉଦୁବ୍ ନାଗେନ୍ତେ ଆଇଙ୍‌ କାଇଙ୍‌ ହିଚ୍‌କିଚାଅକାଦା । ୨୮ ଏନାମେନ୍ତେ ଆପେ ଆଗୁଆଇ ଲେକା ଆପାନକେ ଆତଃ ପାବିତାର୍ ଆମ୍‌ ଏମାକାଦ୍‌ପେ ବିଶ୍ୱାସୀ ଗୋଟ୍ କକେ ଯାଡ୍‌ନାଅକପେ । ମିଶ୍ରିଗୁପିନିଃ ଲେକା ପାର୍‌ମେଶ୍‌ବାର୍‌ଆଃ କାଲିସିୟାକେ ଯାଡ୍‌ନାଏପେ । ଅକ କାଲିସିୟାକେଚି ଇନିଃ ଆୟାଃ ହନ୍‌ଆଃ ମାୟୋମ୍ ହରାତେ ଆପନାଃ ବାଇୟାକାଦାଏ । ୨୯ ଆଇଙ୍‌ ସାରିତାନାଇଙ୍‌, ଆଇଙ୍‌ ସେନଃ ତାୟମ୍‌ତେ ଆପେ ଆଲାତେ ହସଡ୍ ଇଡୁକ ହିନ୍‌ଜୁଃଆ ଆତଃ ବିଶ୍ୱାସୀକକେ ହସଡ୍ ଇନିଡୁକ ଇଡୁକଆ । ଇନ୍‌କୁ ମିଶ୍ରିଗୋଟ୍‌କେ ନକ୍‌ସାନ୍‌କତାନ୍ ବରଝାନ୍ ହୁଣ୍ଡାର୍‌କ ଲେକାନକ ତାନ୍‌କ । ୩୦ ନେତା ସେଟେରା, ଚିମ୍‌ତା ଆପେୟାଃ ଆପନାଃ ଝୁଣ୍ଡରେନ୍ ଚିମିନ୍ ହଡକ ବିଶ୍ୱାସୀକକେ ହସଡ୍ କାଜି କାଜିକେଦ୍‌ତେ ଏଟାଃ ହରାତେକ ଇଦିକଆ । ୩୧ ଏନାମେନ୍ତେ ଏୟନାକାନ୍ ତାଇନ୍‌ପେ, ଆଇଙ୍‌ ନିଦା ସିଙ୍‌ ମେଦ୍ ଦାଆଃ ଜରକେଦ୍‌ତେ ଆପି ସିମାଁ ଜାକେଦ୍ ଆପେ ସବେନ୍‌କକେଇଙ୍‌ ଇଡୁକାଦ୍‌ପେୟା, ନେୟାଁ ପାହାମେପେ ।

୩୨ “ନାହାଁଃ ଆଇଙ୍‌ ଆପେକେ ପାର୍‌ମେଶ୍‌ବାର୍‌ଆଃ ଡିଃଇରେ ଆତଃ ଆୟାଃ ସାୟାଦ୍‌ରାଃ କାନାଜିରେଇଙ୍‌ ଜିମାପେତାନା, ଏନା ଆପେକେ ବାଇକେଟେଦ୍‌ପେ ନାଗେନ୍ତେ ଆତଃ ପାର୍‌ମେଶ୍‌ବାର୍‌ଆଃ ପାବିତାର୍‌କାନ୍ ହଡକ ନାଗେନ୍ତେ ହବାଅଃ ସବେନ୍ ଆଶିଷ୍, ଆପେକେ ଏମ୍ ଦାଡ଼ି ଲେକାନାଃ ତାନାଃ । ୩୩ ଆଇଙ୍‌ ଜେତାଏୟାଃ ରୁପା, ସୋନା ଚାଏ ଲିଜାଃ ନାମେ ନାଗେନ୍ତେ କାଇଙ୍‌ ସାନାଙ୍‌କେଦା । ୩୪ ଆପେ ସାରିତାନାପେ, ଆଇଙ୍‌ ଆଇଁୟାଃ ନେ ବାରାନ୍ ଡିଃଇତେ କେଟେଦ୍ କାମି କାମିକେଦ୍‌ତେ ଆପନାଃ ଆତଃ ଆଇଁୟାଃଲଃ ମିସାତେ କାମିତାନ୍‌କଆଃ ଲାଗାତିଙ୍‌କେୟାଃ ପୁରାକାଦାଇଙ୍‌ । ୩୫ ‘ନାମେତାଃଏତେ ଦାନ୍ ଏମ୍‌ରେ ପୁରାଃ ରାସ୍‌କାମେନାଃ,’ ପ୍ରାଭୁ ଯୀଶୁ ଆଇଃକ୍‌ଗି କାଜିକାଦ୍ ନେ କାଜିକେ ପାହାମ୍‌କେଦ୍‌ତେ, ନେ'ଲେକା କେଟେଦ୍ କାମି କାମିକେଦ୍‌ତେ ନାରାଦୁରା ହଡକକେ ଦେଙ୍‌ ଲାଗାତିଙ୍‌କେୟାଃ, ନେ ବିଷାଏରେ ଆଇଙ୍‌ ସବେନ୍ ଇମ୍‌ତା ଆପେକେ ନାମୁନାଇଙ୍‌ ଉଦୁବ୍‌କାଦା ।”

୩୬ ପାଉଲୁସ୍ ନେଆଁ କାଜି ଚାବାକେଦ୍‌ତେ, ଇନିଃ ଇନ୍‌କୁଲଃ ଇକ୍‌ଡ୍‌ମୁକେଦ୍‌ତେ ବିକ୍ରିକେଦା । ୩୭ ସବେନ୍‌କ ରାଆଃକେଦ୍‌ତେ ଇନିଃକେ ହାମ୍‌ଦୁକିୟାକ ଆତଃ ପାବିତାର୍ ଚଅଃକେଦ୍‌ତେ ବିଦାକିୟାକ । ୩୮ ଇନ୍‌କୁ ଆଇଃକ୍‌କେ ଆତଃମିସା କାକ ନେଲ୍ ଦାଡ଼ିୟା ମେନ୍ତେ ଇନିଃ କାଜିକେଦ୍ ହରାତେ ଇନ୍‌କୁ ପୁରାଃଗିକ ହୁଡିଙ୍‌ ଜୀଉୟାନା । ଇନ୍‌କୁ ଇନିଃଲଃ ଦାଆଃ ଜାହାଜ୍ ନାଡେଃତେକ ସେନଃୟାନା ।

୨୧

ପାଉଲୁସ୍‌ଆଃ ଯୀରୁଶାଲେମ୍‌ତେ ସେନଃ

୧ ଇନ୍‌କୁକେ ବିଦାକେଦ୍‌ତେ ଆଲେ ଏନ୍ତାଃଏତେଲେ ସେନଃୟାନା । ଆତଃ ଦାଆଃ ହରା ପାରମ୍‌କେଦ୍‌ତେ ଆଲେ କୋସ୍ ଟାପୁତେଲେ ସେଟେରୁୟାନା । ଏନାରେୟାଃ ଏଟାଃ ହୁଲାଙ୍‌ ରୋଡ୍‌ସ୍ ଟାପୁ ହରାତେ ପାଡ୍‌ରା ନାଗାର୍‌ତେଲେ ସେଟେରୁୟାନା । ୨ ଏନ୍ତାଃଏତେ ଫିନିସିୟା ପାର୍‌ଗାନ୍‌ତେ ସେନଃତାନ୍ ମିଆଁଦ୍ ଦାଆଃ ଜାହାଜ୍‌ରେ ଦୁବ୍‌କେଦ୍‌ତେଲେ ସେନଃୟାନା । ୩ ଏନ୍ତେ ସାଇପ୍ରସ୍ ଟାପୁ ନେଲ୍‌ତାନ୍ ମିଆଁଦ୍ ଠାୟାଦ୍‌ତାଃଲେ ସେଟେରୁୟାନା । ଏନ୍ତାଃଏତେ ଏନାରେୟାଃ ଜମ୍‌ସାଃ ହରାତେ ଆଲେ ସିରିୟା ପାର୍‌ଗାନ୍‌ତେଲେ ସେନଃୟାନା । ଆଲେ ସୋର୍ ନାଗାର୍‌ରେ ଦାଆଃ ଜାହାଜ୍‌ଏତେଲେ ଆଡ୍‌ଗୁୟାନା, ଚିଆଃଚି ନେ ଦାଆଃ ଜାହାଜ୍‌ଏତେ ସାମାନ୍‌କ ଆଡ୍‌ଗୁରାଃ ତାଇକେନା । ୪ ଏନ୍ତାଃରେ ଆଲେ ଚିମିନ୍ ବିଶ୍ୱାସୀକକେ ନାମ୍‌କେଦ୍‌ତେ ଇନ୍‌କୁଲଃ ମିଦ୍ ହାପ୍‌ଲେ ତାଇନ୍‌ୟାନା । ପାବିତାର୍ ଆମ୍‌ରାଃ ଆନାରୁ ନାମ୍‌କେଦ୍‌ତେ ଇନ୍‌କୁ ପାଉଲୁସ୍‌କେ ଯୀରୁଶାଲେମ୍‌ତେ ଆଲମ୍ ସେନା ମେନ୍ତେକ କାଜିକିୟା । ୫ ମେନ୍‌ଦ ଇନ୍‌କୁଲଃ ମିଦ୍ ହାପ୍‌ ତାଇନ୍‌ୟାନ୍ ତାୟମ୍‌ତେ, ଆଲେ ଇନ୍‌କୁକେ ବାଗିକେଦ୍‌ତେ ଆଲେୟାଃ ହରାରେଲେ ସେନଃୟାନା । ଆଲେକେ ବିଦା ଏମ୍ ନାଗେନ୍ତେ ଇନ୍‌କୁ ସବେନ୍‌କ ଆକଆଃ କୁଡି ଆତଃ ହନ୍‌କଲଃ ନାଗାର୍ ବାହାରି ଦରେୟା ଗେନା ଜାକେଦ୍‌କ ହିନ୍‌ଜୁଃୟାନା

☆ ୨୦:୨୪ ୨୦:୨୪ ୨ ତିମଥ୍ ୪:୭.

। ଏନ୍ତାଠରେ ଆଲେ ସବେନ୍ଦକ ଇକଡ଼ମୁକେଦତେ ବିକ୍ରିକେଦାଲେ । ୭ ଏନ୍ତେ ଆଲେ ଇନ୍କୁକେ ବିଦାକେଦତେ, ଦାଆଃ ଜାହାନ୍ନରେ ଦୁବ୍‌ୟାନାଲେ ଆତଃ ଇନ୍କୁ ଅଡ଼ାଃତେକ ରୁହାଡ଼ୟାନା ।

୭ ସୋର୍ ନାଗାରହେତେ ଆଲେ ପତଲ୍‌ମାଲ୍ ସାହାରତେଲେ ସେଟେର୍‌ୟାନା, ଏନ୍ତାଠରେ ବିଶ୍ୱାସୀକକେ ଜହାରକେଦତେ ଇନ୍କୁଲଃ ମୁସିଙ୍ଗଲେ ତାଇନ୍‌ୟାନା । ୮ ଏଟାଃ ହୁଲାଙ୍ଗ୍ ଆଲେ ଏନ୍ ଠାୟାଦ୍ ବାଗିକେଦତେ କାଇସରିୟା ନାଗାରତେଲେ ସେଟେର୍‌ୟାନା । ଏନ୍ତାଠରେ ଆଲେ ସୁକୁକାଜି ଉଦୁବ୍‌ତାନ୍ ଫିଲିପ୍‌ଆଃ ଅଡ଼ାଃରେଲେ ତାଇନ୍‌ୟାନା, ଯାରୁଶାଲେମ୍‌ରେ ଦେଙ୍ଗା ନାଗେନ୍ତେ ସାଲାକାନ୍ ଏୟାଝାନ୍‌କଏତେ ଫିଲିପ୍ ମିହୁଡ୍ ତାଇକେନାଏ । ୯ ଇନିୟାଃ ଉପୁନିୟାଝାନ୍ କା ଆଣ୍ଡିକାନ୍ କୁଡ଼ିହନ୍ ପାର୍‌ମେଶ୍ୱାର୍‌ଆଃ କାନାଜିକ ଉଦୁବ୍ ତାଇକେନା । ୧୦ ଏଆଲେ ଏନ୍ତାଠରେ ପୁରାଃ ମାହାଁ ତାଇନ୍‌ୟାନା ତାୟମ୍‌ତେ, ଯିହୁଦାଏତେ ଆଗାବ ନୁଡୁମ୍ ମିଆଁଦ୍ ନାବୀ ଏନ୍ତାଠରେ ସେଟେର୍‌ୟାନା । ୧୧ ଇନିୟାଃ ଆଲେତାଃ ହିନ୍ଦୁକେଦତେ, ପାଉଲୁସ୍‌ଆଃ କାସନା ଇଦିକେଦାଏ, ଆତଃ ଆଇଃକ୍‌ଗି ଆୟାଃ ତିଃଇ ଆତଃ କାଟା ତଲ୍‌କେଦତେ କାଜିକେଦା, “ପାବିତାର୍ ଆମ୍ ଆଇଙ୍ଗ୍‌କେ ଉଦୁବ୍‌କାଦିୟାଁ ଯେ, ନେ କାସନା ଅକଏୟାଃ ତାନାଃ, ଇନିୟାଃକେ ଯାରୁଶାଲେମ୍‌ରେ ଯିହୁଦୀ ହଡ଼କ ନେ'ଲେକାଗି ତଲ୍‌କେଦତେ ସାଅଁସାର୍ ହଡ଼କଆଃ ତିଃଇରେକ ଜିମାଲୟା ।”

୧୨ ନେଆଁ ଆୟୁମ୍‌କେଦତେ ଆଲେ ଆତଃ ଏନ୍ ଠାୟାଦ୍‌ରେ ତାଇକେନ୍ ଏଟାଃ ହଡ଼କ ପାଉଲୁସ୍‌କେ ଯାରୁଶାଲେମ୍‌ତେ ଆଲମ୍ ସେନା ମେନ୍ତେଲେ ବିକ୍ରିକିୟା । ୧୩ ମେନ୍‌ଦ ପାଉଲୁସ୍ କାଜିରୁହାଡ଼କେଦକଆଏ, “ଆପେ ନେଆଁ ତିନାଃପେ ତିକାଏତାନା ? ତିନାଃମେନ୍ତେ ନେ ଲେକା ରାଆଃକେଦତେ ଆଇଁୟାଃ ମନ୍‌ସୁରୁଦକେ ହୁଡ଼ିଙ୍ଗ୍ ଜୀଉ ତାନାପେ ? ଯାରୁଶାଲେମ୍‌ରେ ଏସକାର୍ ତଲେନ୍ ନାଗେନ୍ତେ କାହା, ମେନ୍‌ଦ ପ୍ରାଭୁ ଯାଶୁଆଃ ନୁଡୁମ୍ ନାଗେନ୍ତେ ଗନ୍‌ଏଃ ହବାଅଃରେୟ ଆଇଙ୍ଗ୍ ସେକାଡ଼କାନାଇଙ୍ଗ୍ ।”

୧୪ ଇନିୟାଃ ଆଲେୟାଃ କାଜି କାଏ ମାନାତିଙ୍ଗ୍‌କେଦ୍ ହରାତେ ଆଲେ ହାପାୟାନାଲେ ଆତଃ “ପ୍ରାଭୁଆଃ ମନେଲେକା ହବାଅଃକା” ମେନ୍ତେ କାଜିକେଦାଲେ ।

୧୫ ଏନ୍ତାଠରେ ତିମିନ୍ ମାହାଁ ତାଇନ୍‌କେଦତେ ଆଲେ ଆଲେୟାଃ ଜିନିଷକ ସାଜ୍‌ଡାଅକେଦତେ ଯାରୁଶାଲେମ୍‌ତେଲେ ସେନଃୟାନା । ୧୬ କାଇସରିୟାରେ ତିମିନାଙ୍ଗ୍ ତେଲକ ଆତଃ ସାଇପ୍ରସ୍‌ରେନ୍ ମନାସନ୍ ନୁଡୁମ୍ ମିଆଁଦ୍ ବିଶ୍ୱାସୀହଗି ଆଲେଲଃ ମିସାତେ ସେନଃୟାନା । ଆତଃ ମନାସନ୍ ଆଲେକେ ଆୟାଃ ଅଡ଼ାଃରେ ତାଇନଃ ନାଙ୍ଗ୍ ଇଦିକେଦଲେୟାଏ ।

ଯାକୁବ୍‌ଲଃ ପାଉଲୁସ୍‌ଆଃ ନେପେଲ୍

୧୭ ଆଲେ ଯାରୁଶାଲେମ୍‌ରେ ସେଟେର୍‌ୟାନ୍ ଇମ୍‌ତା ଏନ୍ତାଠରେନ୍ ବିଶ୍ୱାସୀ ହଡ଼କ ଆଲେକେ ରାସକାତେକ ଦାରମ୍‌କେଦଲେୟା । ୧୮ ଏଟାଃ ହୁଲାଙ୍ଗ୍ ପାଉଲୁସ୍ ଆଲେଲଃ ଯାକୁବ୍‌କେ ନେନେଲ୍ ନାଗେନ୍ତେ ସେନଃୟାନା, ଏନ୍ତାଠରେ କାଲିସିୟାରେନ୍ ସବେନ୍ ପ୍ରାଚିନ୍‌କ ତାଇକେନା । ୧୯ ପାଉଲୁସ୍ ଇନ୍କୁକେ ଜହାରକେଦକଆ ଆତଃ ଆୟାଃ କାମି ହରାତେ ପାର୍‌ମେଶ୍ୱାର୍ ସାଅଁସାର୍ ହଡ଼କ ଆଲାରେ ଅକ କାମିକଏ କାମିକେଦା, ଏନା ସବେନାଃଏ ଉଦୁବାଦକଆ । ୨୦ ଆୟାଃ କାଜି ଆୟୁମ୍‌କେଦ୍ ତାୟମ୍‌ତେ ଇନ୍କୁ ସବେନ୍‌କ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍‌କ ରିକାକେଦା । ଏନ୍ତେ ଇନ୍କୁ କାଜିକେଦାକ, “ହାଗା ପାଉଲୁସ୍, ଆମ୍ ନେଲ୍ ଦାଡ଼ିତାନାମ୍, ତିଲ୍‌କା ହାଜାର୍ ହାଜାର୍ ଯିହୁଦୀ ହଡ଼କ ପ୍ରାଭୁ ଯାଶୁତାଃରେ ବିଶ୍ୱାସ୍‌ତାନାକ ଆତଃ ଇନ୍କୁ ସବେନ୍‌କ ଆନ୍‌ରୁ ମାନାତିଙ୍ଗ୍‌ରେ ତିହୁଲ୍‌କେଦତେ ମେନାକଆ । ୨୧ ଇନ୍କୁ କାଜି ଆୟୁମ୍‌କାଦାକ ଯେ, ଆମ୍ ସାଅଁସାର୍ ହଡ଼କଆଃ ଦିଶୁମ୍‌ରେ ତାଇନ୍‌ତାନ୍ ଯିହୁଦୀ ହଡ଼କକେ ମୁଶା ନାବୀଆଃ ଆନ୍‌ରୁ ବାଗି ନାଗେନ୍ତେ, ଇନ୍କୁଆଃ ହନ୍‌କକେ କା ଖାଡ଼ନାଅ ନାଗେନ୍ତେ ଆତଃ ଯିହୁଦୀ ରିତିରିଝାଜ୍ କା ମାନାତିଙ୍ଗ୍ ନାଗେନ୍ତେମ୍ ଇଡୁକତାନା । ୨୨ ଆମ୍ ନେତାଃତେମ୍ ସେଟେରାକାନା ମେନ୍ତେ ଇନ୍କୁ ସାର୍‌ତିରିକ ଆୟୁମେୟା । ତାବ୍‌ଦ ତିନାଃରୁ ତିକାଏୟା ? ୨୩ ଏନାମେନ୍ତେ ଆଲେ ସାନାଙ୍ଗ୍‌ତାନାଲେ, ଆମ୍ ମିଆଁଦ୍ କାମି କାମିମେ, ନେତାଃରେ ମେନାକ ଉପୁନ୍* ହଡ଼କ ମିଆଁଦ୍ କିରିୟାକାଦାକ । ୨୪ ଇନ୍କୁଲଃ ସେନଃମେ ଆତଃ ଫାର୍‌ତିଅଃରେୟାଃ ରିତିରିଝାଜ୍ ମାନାତିଙ୍ଗ୍ ନାଗେନ୍ତେ ଇନ୍କୁଲଃ ମେସାକେଦତେ ଦାଣ୍ଡୋରାକାବଃ ନାଙ୍ଗ୍ ଖାର୍‌ତାଃତେୟାଃ ଏମେମେ, ଏନ୍ତେ ଇନ୍କୁ ଆକଆଃ ଆପ୍‌ନାଃ ବହଃରାଃ ଉବ୍ ଟାଠୁନାଃକ । ଏନାତେ ଆମାଃ ବିଷାଏରେ କାଜିକାନ୍ ଜେତାନ୍ କାଜି ସାର୍‌ତି ନାହାଁଲାଃ, ମେନ୍‌ଦ ଆମ୍ ମୁଶା ନାବୀଆଃ ଆନ୍‌ରୁ ଲେକାମ୍ ସେସେନ୍‌ତାନା, ମେନ୍ତେ ସବେନ୍‌କ ଆର୍‌କାରେୟା । ୨୫ ଏମେନ୍‌ଦ ଅକ ସାଅଁସାର୍ ହଡ଼କ ବିଶ୍ୱାସୀକାନାକ, ଇନ୍କୁତାଃତେ ଆଲେ ମିଆଁଦ୍ ତିଟାଉଲେ ଅଲ୍ କୁଲ୍‌କାଦା, ଏନାରେ ଆଲେ ଆରୁକାଦାଲେ, ଇନ୍କୁ ମୁରୁଡ଼କତାଃରେ ଦାନ୍ ରାକାବାକାନ୍ ଜମେୟାଃ ଆଲକାକ ଜମେକା, ମାୟୋମ୍ ଆଲକାକ ନୁଁଏକା, ହଟାଃ ଲିମ୍‌ଦୁକେଦତେ ଗଜାକାଇ ଜାଁତୁରାଃ ମାସ୍ ଆଲକାକ ଜମେକା ଆତଃ ଇନ୍କୁ କଡ଼ା ଚାଏ କୁଡ଼ିଲଃ ହଡ଼ମରାଃ ଏଡ଼କାନ୍ ସାମ୍‌କ୍‌କ ଆଲକାକ କାମିକା ।”

୨୬ ଏନ୍ତେ ଏଟାଃ ହୁଲାଙ୍ଗ୍ ପାଉଲୁସ୍ ଏନ୍ ଉପୁନ୍ ହଡ଼କଲଃ ଫାର୍‌ତିନ୍‌ରେୟାଃ ରିତିରିଝାଜ୍ ରିକା ନାଗେନ୍ତେ ମାନାତିଙ୍ଗ୍‌ୟାନା । ଏନ୍ତେ ଇନିୟାଃ ମାନ୍‌ରତେ ସେନ୍‌କେଦତେ ଫାର୍‌ତିନ୍‌ରେୟାଃ କାମି ତିଉଲା ରୁଶୁଆ ଆତଃ ତିମ୍‌ତା ଦାଣ୍ଡୋରାକାବ୍ ହବାଅଃଆ, ଏନା ଉଦୁବ୍‌କିୟାକ ।

☆ ୨୧:୮ ୨୧:୮ ପ୍ରେରିତ୍ ୭:୫; ୮:୫. ☆ ୨୧:୧୦ ୨୧:୧୦ ପ୍ରେରିତ୍ ୧୧:୨୮. * ୨୧:୨୩ ୨୧:୨୩ ଚାଇର୍ ଝାନ୍ ☆ ୨୧:୨୫ ୨୧:୨୫ ପ୍ରେରିତ୍ ୧୫:୨୯.

ପାଉଲୁସ୍ ମାନ୍ଦିର୍ ଅଡ଼ାରେ ସାନାବ୍‌ୟାନ

୨୭ ଫାର୍‌ଗାନ୍‌ରେୟାଃ ଏୟାମାହ ଚୁଣ୍ଡୁତାନ୍ ଦିପିଲିରେ ଏସିଆ ପାର୍‌ଗାନ୍‌ରେନ୍ ଚିମିନ୍ ଯିହୁଦୀ ହଡ଼କ ପାଉଲୁସ୍‌କେ ମାନ୍ଦିର୍ ଅଡ଼ାରେକ ନେଲ୍‌କିୟା । ଇନ୍‌କୁ ଏନ୍ତାରେ, ଏନ୍ତାରେନ୍ ଗଟା ଗାଦେଲ୍ ହଡ଼କକେ ଉସ୍‌କୁର୍‌କେଦ୍‌ତେ ପାଉଲୁସ୍‌କେ ସାବ୍‌କିୟାକ । ୨୮ ଇନ୍‌କୁ କାଉରିକେଦ୍‌ତେ କାଜିକେଦାକ, “ହେ ଇସ୍ରାଏଲ୍‌ରେନ୍ ହଡ଼କ, ଆଲେକେ ଦେଙ୍ଗାଲେପେ ! ନେ ହଡ଼ ଚାରିୟସାଃ ସେନ୍‌କେଦ୍‌ତେ ଇସ୍ରାଏଲ୍‌ରେନ୍ ହଡ଼କଆଃ ବିରୁଧ୍‌ରେ, ମୁଶା ନାବୀଆଃ ଆନ୍‌ରୁ ଆଡ଼ଃ ନେ ମାନ୍ଦିର୍ ଅଡ଼ାଃ ବିରୁଧ୍‌ରେ ଇତୁତାନା । ଆଡ଼ଃ ନାହାଁଃ ଇନିଃ ଚିମିନ୍ ସାଅସାର୍ ହଡ଼କକେ ମାନ୍ଦିର୍ ଅଡ଼ାଃ ଭିତାର୍‌ତେ ଆଉକେଦ୍‌ତେ ନେ ପାବିତାର୍ ଠାୟାଦ୍‌କେ ସଡ଼ରାଏ ତାନା ।” ୨୯ ଇନ୍‌କୁ ନାଗାର୍‌ରେ ଏଫିସୁସ୍‌ରେନ୍ ତୁଫିମ୍‌କେ ପାଉଲୁସ୍‌ଲଃ ନେଲ୍‌କାକ ତାଇକେନାକ, ଏନାତେ ପାଉଲୁସ୍ ତୁଫିମ୍‌କେ ମାନ୍ଦିର୍ ଅଡ଼ାଃତେ ଇଦିତାନା ମେନ୍ତେ ଇନ୍‌କୁ ଉଡ଼ୁକେଦାକ ।

୩୦ ଗଟା ନାଗାର୍‌ରେ ହାଲାଗୁଲା ନିତିର୍‌ୟାନା, ଆଡ଼ଃ ହଡ଼କ ପାଉଲୁସ୍‌କେ ମାନ୍ଦିର୍ ଅଡ଼ାଃଏତେ ବାହାରିତେକ ଅର୍ ଅଡ଼ଙ୍‌କିୟା । ମାନ୍ଦିର୍ ଅଡ଼ାଃରେୟାଃ ଦୁଆର୍‌କ ହାଣ୍ଡେଦ୍‌କେଦା । ୩୧ ଇନ୍‌କୁ ଇନିଃକେ ଗଟାଏଃ ନାଗେନ୍ତେକ ଚେଷ୍ଟା ତାଇକେନ୍ ଇମ୍‌ତା ଗଟା ଯୀରୁଶାଲେମ୍‌ରେ ହାଲାଗୁଲାତେ ପେରେଃକାନା ମେନ୍ତେ ରୋମାନ୍‌ରେନ୍ ହାଜାର୍ ସିପାଇକଆଃ ଆଗୁଆଇନିଃତାଃତେ କାନାଜି ସେଟେର୍‌ୟାନା । ୩୨ ଇମ୍‌ତାଗି ହାଜାର୍ ସିପାଇକଆଃ ଆଗୁଆଇନିଃ ସିପାଇକକେ ଆଡ଼ଃ ମିଦ୍‌ଶାଅ ସିପାଇକଆଃ ଆଗୁଆଇକକେ ଇଦିକେଦ୍‌ତେ ଏନ୍ତାତେ ସେଟେର୍‌ୟାନା । ହଡ଼କ ଇନିଃକେ ଇନ୍‌କୁଲଃ ନେଲ୍‌କେଦ୍‌ତେ ପାଉଲୁସ୍‌କେ କା ଦାଲ୍‌କେଦ୍‌ତେ ବାଗିକିୟାକ । ୩୩ ହାଜାର୍ ସିପାଇକଆଃ ଆଗୁଆଇନିଃ ପାଉଲୁସ୍‌କେ ବାରିୟା ସିକ୍‌ଡିତେ ତଲି ନାଗେନ୍ତେ ଆରୁକେଦ୍‌କଆ । ଏନ୍ତେ ଇନିଃ କୁଲିକେଦ୍‌କଆଏ, “ନେ ହଡ଼ ଅକଏ ତାନିଃ ଆଡ଼ଃ ଇନିଃ ଚିନାଃ ଚିକା କାଦାଏ ?” ୩୪ ଗାଦେଲ୍ ହଡ଼କଏତେ ଚିମିନ୍ ହଡ଼କ ରାକାମ୍ ରାକାମ୍ କାଜିକେଦ୍‌ତେ କାଉରିକେଦାକ । ନେ'ଲେକା କାଉରିକେଦାକ ଚି, ହାଜାର୍ ସିପାଇକଆଃ ଆଗୁଆଇନିଃ ହାଲାଗୁଲା ଚିନାଃମେନ୍ତେ ହବାଅଡ଼ାନା ଏନା କାଏ ସାରିଦାଡ଼ିୟାନା । ଏନାତେ ଇନିଃ ପାଉଲୁସ୍‌କେ ସିପାଇକଆଃ ଗାଡ଼୍ ଭିତାର୍‌ତେ ଇଦି ନାଗେନ୍ତେ ସିପାଇକକେ ଆରୁକେଦ୍‌କଆ । ୩୫ ଇନ୍‌କୁ ପାଉଲୁସ୍‌କେ ଇଦିକେଦ୍‌ତେ ଗାଡ଼୍‌ରେୟାଃ ପାଉର୍‌ତାଃ ସେଟେର୍‌ତାନ୍‌ରେ ଗାଦେଲ୍ ହଡ଼କଆଃ ଖୁସ୍ ନେଲ୍‌କେଦ୍‌ତେ ସିପାଇକ ପାଉଲୁସ୍‌କେ ଗଅଃକେଦ୍‌ତେ ଇଦିକିୟାକ । ୩୬ ସବେନ୍ ହଡ଼କ ଆୟାଃ ଦୟା ଦୟା ଅଡ଼ଙ୍‌ ଆଉକେଦ୍‌ତେ “ଇନିଃକେ ଗଜିପେ” ମେନ୍ତେ କାଉରିତାନ୍‌ଲଃ କାଜିକେଦାକ ।

ପାଉଲୁସ୍ ଆଇଃକ୍‌ଗି ଆୟାଃ ବାଞ୍ଛାଅ ନାଙ୍ କାଜିକେଦାଏ

୩୭ ସିପାଇକ ପାଉଲୁସ୍‌କେ ଗାଡ଼୍ ଭିତାର୍‌ତେ ଇଦି ଇମ୍‌ତା ପାଉଲୁସ୍ ହାଜାର୍ ସିପାଇକଆଃ ଆଗୁଆଇନିଃକେ କାଜିକିୟା, “ଆଇଙ୍ ଆବେନ୍‌କେ ଜେଡ୍‌ନାଃ କାଜି ଦାଡ଼ିୟାଈଙ୍‌ଗି ?” ଇନିଃ କୁଲିକିୟାଏ, “ଆମ୍ ଗ୍ରୀକ୍ ଜାଗାର୍‌ତେ କାଜିତାନାମ୍, ଗ୍ରୀକ୍ ହଡ଼ ତାନମେଟି ? ୩୮ ଏନ୍‌ରେଦ ଚିମିନ୍ ମାହାଁ ସିଦାରେ ମିସାର୍‌ରେନ୍ ଅକ ହଡ଼ ହାଲାଗୁଲାକେଦ୍‌ତେ ଉପୁନ୍ ହାଜାର୍ ବରଞ୍ଜାନ୍ ଗଟାଏଃ ହଡ଼କକେ ଇଦିକେଦ୍‌ତେ ବିର୍‌ରେ ସେଟେର୍‌ୟାନା, ଆମ୍ ଚିନାଃ ଏନ୍ ହଡ଼ ନାହାଁଲାମେ ?”

୩୯ ପାଉଲୁସ୍ କାଜିରୁହାଡ଼କିୟାଏ, “ଆଇଙ୍ କିଲିକିଆ ପାର୍‌ଗାନ୍‌ରେୟାଃ ତାଷ୍ ସ୍ ସାହାର୍‌ରେ ଜାନାମାକାନ୍ ଯିହୁଦୀ ହଡ଼ ତାନିଙ୍ । ଦାୟାକେଦ୍‌ତେ ନେ ହଡ଼କତାଃରେ ଜାଗାର୍ ଇଚିଙ୍‌ମେ ।”

୪୦ ଇନିଃ ପାଉଲୁସ୍‌କେ କାଜି ଇଚିକିୟାଏ, ଏନ୍ତେ ପାଉଲୁସ୍ ଅଡ଼ାଃପାଉର୍ ଚେତାନ୍‌ରେ ତିଙ୍ଗୁକେଦ୍‌ତେ ହଡ଼କକେ ହାପାଅଃ ନାଗେନ୍ତେ ତିଃଇ ରିମ୍‌କେଦ୍‌ତେ ଇସାରାକେଦ୍‌କଆ । ଇନ୍‌କୁ ହାପାୟାନ୍ ତାୟମ୍‌ତେ ପାଉଲୁସ୍ ଏବ୍ରୀ ଜାଗାର୍‌ତେ କାଜିକେଦା,

୨୨

୧ “ଦୁଲାଡ଼୍ ହାଗାକ ଆଡ଼ଃ ଆପୁକ, ଆଇଙ୍ ଆପେୟାଃ ସାମ୍‌ନାଙ୍‌ରେ ଆପ୍‌ନାଃ ନାଗେନ୍ତେ କାଜିତାନ୍‌ତେୟାଃ ଆୟୁମେପେ,” ୨ ଇନିଃ ଇନ୍‌କୁଲଃ ଏବ୍ରୀତେ ଜାଗାର୍‌ତାନ୍ ଆୟୁମ୍‌କେଦ୍‌ତେ ଇନ୍‌କୁ ଆଡ଼ଃଗି ହାପାୟାନାକ ଆଡ଼ଃ ପାଉଲୁସ୍ ଆଡ଼ଃଗି କାଜିକେଦିକେଦା,

୩ “ଆଇଙ୍ ମିହୁଡ଼୍ ଯିହୁଦୀ ତାନିଙ୍, କିଲିକିଆ ପାର୍‌ଗାନ୍‌ରେୟାଃ ତାଷ୍ ସ୍ ସାହାର୍‌ରେଇଙ୍ ଜାନାମ୍ କାନା, ମେନ୍‌ଦ୍ ଆଇଙ୍ ଯୀରୁଶାଲେମ୍‌ରେଇଙ୍ ଆସୁଲ୍ ହାରାକାନା ଆଡ଼ଃ ଗମଲିଏଲ୍‌ତାଃଏତେ ଇନିତୁଇଙ୍ ନାମାକାଦା । ଆଇଙ୍ ଆବୁଆଃ ପୁର୍‌ଶା ହାଡ଼ାମ୍‌କଆଃ ଆନ୍‌ରୁ ବୁଗିଲେକାଈଙ୍ ଇତୁକାନା ଆଡ଼ଃ ଆପେୟାଃ ଲେକା ପାର୍‌ମେଶ୍‌ବାର୍‌ଆଃ ନାଗେନ୍ତେ ଚିହୁଲାନ୍‌ଗି ତାଇକେନାଈଙ୍ । ୪ “ଆଇଙ୍ ପ୍ରାଭୁଆଃ ହରାକେ ଅଡ଼ଙ୍‌ତାନ୍ ହଡ଼କକେ ସାସାତିକେଦ୍‌ତେ ଗଏଃକ ତାଇକେନାଈଙ୍ । କଡ଼ା କୁଡ଼ି ସବେନ୍‌କକେ ତଲ୍‌କେଦ୍‌ତେ ଜେହେଲ୍‌ରେ ଜିମାକ ତାଇକେନାଈଙ୍ । ୫ ଆଇଁୟାଃ ନେ କାଜି ସାର୍‌ତି ତାନାଃ, ମାରାଙ୍ ଯାଜାକ୍ ଆଡ଼ଃ ପାଞ୍ଚେଟ୍‌ରେନ୍ ସବେନ୍‌କ ନେଆଁରେୟାଃ ଗାଞ୍ଜାତାନ୍‌କ । ନେ ହଡ଼କକେ ତଲ୍‌କେଦ୍‌ତେ ଆଡ଼ଃ ସିକ୍‌ଡିରେ ତଲ୍‌କେଦ୍‌ତେ ସାଜାଇ ଏମାକ ନାଗେନ୍ତେ ଯୀରୁଶାଲେମ୍‌ତେ ଇଦିକ ନାଙ୍

☆ ୨୧:୨୯ ୨୧:୨୯ ପ୍ରେରିତ୍ ୨୦:୪. ☆ ୨୨:୩ ୨୨:୩ ପ୍ରେରିତ୍ ୫:୩୪-୩୯. ☆ ୨୨:୪ ୨୨:୪ ପ୍ରେରିତ୍ ୮:୩; ୨୨:୯-୧୧.

ଆଇଜ୍ ମାରାଜ୍ ଯାଜାକତାଃଏତେ ଅନଲ୍ ଚିଟାଉ ଇଦିକେଦ୍ତେ, ଦମାସ୍କସ୍ ନାଗାର୍ରେ ତାଇନ୍ତାନ୍ ଯିହୁଦୀ ହାଗାକତାଃତେଇଜ୍ ସେନଃୟାନା ।

**ପାଉଲୁସ୍ ଆୟାଃ ମନ୍ରୁହାଡ଼ ବିଷାଏରେ ଉଦୁବକେଦା
(ପ୍ରେରିତ୍ ୯:୧-୧୯; ୨୭:୧୨-୧୮)**

୭ “ଆଇଜ୍ ସେନଃତାନ୍ ତାଇକେନ୍ ଇମ୍ତା ଦମାସ୍କସ୍ ନାଗାର୍ରେ ତେବାଗଃ ତାଇକେନ୍ରେ ସିର୍ମାଏତେ ମିଆଁଦ୍ ହିଚିର୍ଲେକା ମାର୍ସାଲ୍ ଆର୍କାଗି ଆଇୟାଃ ଚାରିୟାଃରେ ମାର୍ସାଲ୍ୟାନା । ୭ ଆତଃ ଆଇଜ୍ ଅତେରେଇଜ୍ ଉୟାୟାନା ଏନ୍ତେ ଆଇଜ୍ ନାଗେନ୍ତେ ନେ ଲାବ୍ଜାଇଜ୍ ଆୟୁମ୍କେଦା, ‘ହେ ଶାଉଲ୍, ହେ ଶାଉଲ୍, ଚିନାଃମେନ୍ତେ ଆମ୍ ଆଇଜ୍କେମ୍ ସିଗିଦିଇଜ୍ତାନା ?’ ୮ ଆଇଜ୍ କୁଲିକିୟାଇଜ୍, ‘ପ୍ରାଭୁ, ଆମ୍ ଅକଏ ତାନ୍ମେ ?’ ଇନିଃ ଆଇଜ୍କେ କାଜିରୁହାଡ଼କିୟା, ‘ଆମ୍ ଅକଏକେମ୍ ସାସାତିତାନା, ଆଇଜ୍ ଏନ୍ ନାଜ୍ରେଡ଼ରେନ୍ ଯୀଶୁ ତାନିଜ୍ ।’ ୯ ଆଇୟାଃଲଃ ତାଇକେନ୍ ହଡ଼କ ଏନ୍ ମାର୍ସାଲ୍କ ନେଲ୍କେଦା, ମେନ୍ଦ୍ ଆଇଜ୍ଲଃ ଜାଗାର୍ତାନ୍ ହଡ଼ଆଃ ଲାବ୍ଜା କାକ ଆୟୁମ୍ ଦାଡ଼ିୟାନା । ୧୦ ଆଇଜ୍ କୁଲିକିୟାଇଜ୍, ‘ପ୍ରାଭୁ, ଆଇଜ୍ ଚିନାଃ ଚିକାଏୟାଇଜ୍ ?’ ପ୍ରାଭୁ ଆଇଜ୍କେ କାଜିକେଦିୟା, ‘ବିରିଦ୍ମେ, ଆତଃ ଦମାସ୍କସ୍ତେ ସେନଃମେ, ପାର୍ମେଶ୍ୱାର୍ ଆମାଃ ନାଗେନ୍ତେ ଅକ କାମି ଦହକାଦା, ଏନା ଏନ୍ତାଃରେ ଆମ୍କେ ଉଦୁବାମେୟା ।’ ୧୧ ଏନ୍ ମାର୍ସାଲ୍ରେୟାଃ ପୁରାଃ ମାର୍ସାଲ୍ତେ ଆଇୟାଃ ମେଦ୍ତାଇୟାଃ ବିଗଡ଼ାୟାନା ଆତଃ କାଇଜ୍ ନେଲ୍ଦାଡ଼ିୟାନା । ଏନାମେନ୍ତେ ଆଇୟାଃଲଃ ମିସାତେ ସେନ୍ତାଇକେନ୍ ହଡ଼କ ଆଇୟାଃ ତିଃଇ ସାବ୍କେଦ୍ତେ ଆଇଜ୍କେ ଦମାସ୍କସ୍ତେକ ସୁଡ଼ଃଇଦିକିୟା ।

୧୨ “ଏନ୍ ନାଗାର୍ରେ ହନାନିୟ୍ ନୁଡୁମ୍ ମିଆଁଦ୍ ଧାର୍ମାନ୍ ହଡ଼ ତାଇକେନାଏ । ଇନିଃ ଆବୁଆଃ ଆନ୍ତୁ ମାନାତିଜ୍ନିଃ ତାଇକେନାଏ ଆତଃ ଏନ୍ତାଃରେ ତାଇନ୍ତାନ୍ ଯିହୁଦୀ ହଡ଼ ସବେନ୍କ ଇନିଃକେ ପୁରାଃଗିକ ମାଇନି ତାଇକେନା । ୧୩ ଇନିଃ ଆଇୟାଃତାଃତେ ହିଜୁଃକେଦ୍ତେ ନାଡ଼େରେ ତିଜୁୟାନା ଆତଃ କାଜିକେଦାଏ, ‘ହାଗା ଶାଉଲ୍, ଆମ୍ ଆତଃମିସାମ୍ ନେଲ୍ଦାଡ଼ିୟା ।’ ଏନ୍ ନେତାରେଗି ଆଇଜ୍ ଆତଃମିସା ନେଲ୍ ଦାଡ଼ିକେଦ୍ତେ, ଇନିଃକେଇଜ୍ ନେଲ୍କିୟା । ୧୪ ଇନିଃ କାଜିକେଦାଏ, ‘ଆବୁଆଃ ପୁରଃ ହାଡ଼ାମ୍କଆଃ ପାର୍ମେଶ୍ୱାର୍ ଆମ୍କେ ଆୟାଃ ଇଛାସାନାଜ୍ ସାରି ନାଗେନ୍ତେ, ଆୟାଃ ଧାର୍ମାନ୍ ଦାସିକେ ନେଲି ନାଗେନ୍ତେ ଆତଃ ଆୟାଃ କାଜି ଆୟୁମ୍କେଦ୍ତେ ଆୟାଃ ଆପ୍ନାଃ ଲାବ୍ଜାତେ ଜାଗାର୍ ନାଗେନ୍ତେ ସାଲ୍ଲାଦ୍ମେୟା । ୧୫ ଚିଆଃଚି ଆମ୍ ଅକ୍ନାଃ ନେଲ୍ଲକାଦାମ୍ ଆତଃ ଆୟୁମ୍କାଦାମ୍, ଏନା ସବେନ୍କତାଃରେ ଉଦୁବେ ନାଗେନ୍ତେ ଆମ୍ ଆୟାଃ ଗାଞ୍ଜାମ୍ ହବାଅଥା । ୧୬ ଆତଃ ନାହାଃ, ଚିନାଃମେନ୍ତେମ୍ ବିଲ୍ଲାମେତାନା ? ବିରିଦ୍ମେ, ବାପ୍ରିସ୍ତା ଇଦିମେ ଆତଃ ଆୟାଃ ନୁଡୁମ୍ରେ ବିକ୍ତିକେଦ୍ତେ ଆମାଃ ସବେନ୍ ପାପ୍କ ଫାର୍ଚିୟାଆ ।’

ସାଅଁସାର୍ ହଡ଼କତାଃରେ ପ୍ରାଚାର୍ ରିକା ନାଗେନ୍ତେ ପାଉଲୁସ୍କେ କେନେଡ଼ା

୧୭ “ଆଇଜ୍ ଯୀରୁଗାଲେମ୍ ରୁହାଡ଼କେଦ୍ତେ ଏନ୍ତାଃରେୟାଃ ମାନ୍ଦିର୍ ଅଡ଼ାଃରେ ବିକ୍ତିତାଇକେନ୍ ଇମ୍ତା, ଦାର୍ଗାନ୍ ନେଲ୍କେଦାଇଜ୍, ୧୮ ଏନ୍ ଦାର୍ଗାନ୍ରେ ପ୍ରାଭୁକେ ନେଲ୍କିୟାଇଜ୍ । ଇନିଃ ଆଇଜ୍କେ କାଜିକେଦିୟା, ‘ଜାଲ୍ଦି ଯୀରୁଗାଲେମ୍ ବାଗିମେ, ଚିଆଃଚି ନେତାଃରେନ୍ ହଡ଼କ ଆଇୟାଃ ବିଷାଏରେ ଏମାକାଦ୍ ଗାଞ୍ଜା କାକ ଆୟୁମ୍ମେୟା ।’ ୧୯ ଆଇଜ୍ କାଜିରୁହାଡ଼କେଦାଇଜ୍, ‘ପ୍ରାଭୁ ଆଇଜ୍ ସାମାଜ୍ ଅଡ଼ାଃକରେ ସେନ୍କେଦ୍ତେ ଆମାଃତାଃରେ ବିଶ୍ୱାସ୍ତାନ୍ ହଡ଼କକେ ଚିଲ୍ଲକାଇଜ୍ ତଲ୍ଲକତାଇକେନା ଆତଃ ଦାଲ୍ଲକ ତାଇକେନା, ଏନା ଇନ୍କୁ ବୁଗିଲେକାକ ସାରିକାଦା, ୨୦ ଆତଃ ଆମାଃ ବିଷାଏରେ ସ୍ତ୍ରୀମାନ୍ ଗାଞ୍ଜା ଏମ୍ତାଇକେନ୍ ଇମ୍ତା ଇନିଃକେ ଦିରିତେ ଚିଦ୍ଗି ଗଏଃକିୟାକ, ଆଇଜ୍ ଏନ୍ତାଃରେଇଜ୍ ତାଇକେନା, ଆତଃ ଇନିୟାଃ ଗନ୍ଏଃରେଇଜ୍ ସାଲ୍ଲହାକାନ୍ ତାଇକେନା ଆତଃ ଇନିଃକେ ଗଏଃତାନ୍ ହଡ଼କଆଃ ଲିଜାଃକଇଜ୍ ହରତାଇକେନା ।’ ୨୧ ପ୍ରାଭୁ ଆଇଜ୍କେ କାଜିକେଦିୟା, ‘ଜୁ, ଆଇଜ୍ ଆମ୍କେ ପୁରାଃ ସାଜିନ୍ ସାଅଁସାର୍ ହଡ଼କତାଃତେଇଜ୍ କୁଲ୍ମେୟା ।’ ”

୨୨ ହଡ଼କ ପାଉଲୁସ୍ ନେ କାଜି କାଜିତାନ୍ ଜାକେଦ୍ ଆୟୁମ୍ ତାଇକେନାକ, ମେନ୍ଦ୍ ଏନ୍ ତାୟମ୍ତେ ଇନ୍କୁ ପୁରାଃ କାଉରିକେଦ୍ତେ କାଜି ଏଟେଃକେଦାକ, “ଇନିଃକେ ଅତେଦିଶ୍ୱମ୍ଏତେ ବାହାରି ଅତଜ୍ଜାୟେ, ଇନିଃକେ ଗଜିପେ, ଇନିୟାଃ ଜାନିଦ୍ ତାଇନଃରେୟାଃ ଜେତାନ୍ ଆକ୍ତେୟାର୍ ବାନଃଆ ।” ୨୩ ଇନ୍କୁ କାଉରିତାନ୍ଲଃ ଆକଆଃ ଲିଜାଃ ହିର୍କେଦାକ ଆତଃ ଚେତାନ୍ତେ ଧୁଡ଼ି ହିର୍କିକେଦାକ । ୨୪ ପାଉଲୁସ୍କେ ଗାଡ଼ ଭିତାର୍ରେ ଇଦି ନାଗେନ୍ତେ ରୋମ୍ରେନ୍ ହାଜାର୍ ସିପାଇକଆଃ ଆଗୁଆଇନିଃ ସିପାଇକକେ ଆରୁକେଦ୍କଆ ଆତଃ ଯିହୁଦୀ ହଡ଼କ ଚିନାଃମେନ୍ତେ ଆୟାଃ ବିରୁଧ୍ରେ ନେଲ୍କା କାଉରିତାନାକ, ଏନା ସାରି ନାଗେନ୍ତେ ଇନିଃକେ କର୍ତ୍ତାତେ ହାଁଶ୍ୱାଇ ନାଜ୍ ଆରୁକେଦ୍କଆଏ । ୨୫ ମେନ୍ଦ୍ ଇନିଃକେ ତନଲ୍ ଇମ୍ତା ପାଉଲୁସ୍ ଏନ୍ତାଃରେ ତାଇକାନ୍ ମିଦ୍ଶାଅ ସିପାଇକଆଃ ଆଗୁଆଇନିଃକେ କାଜିକିୟା, “ଜେତା ଗୁହ୍ଲୀରେ ନାହାଃ ଜାକେଦ୍ କା ଚିଟାକାନ୍ ରୋମିରେନ୍ ହଡ଼କେ ହାଁଶ୍ୱାତେୟାଃ ଚିନାଃ ଆଇନ୍ ଲେକାତେ ବୁଗିନାଃ ତାନାଃ ?”

☆ ୨୨:୨୦ ୨୨:୨୦ ପ୍ରେରିତ୍ ୭:୫୮.

୨୬ ନେଆଁ ଆୟୁମକେଦ୍‌ତେ ମିଦ୍‌ଶାଅ ସିପାଇକଆଃ ଆଗୁଆଇନିଃ ସେନ୍‌କେଦ୍‌ତେ ହାଜାର୍ ସିପାଇକଆଃ ଆଗୁଆଇନିଃକେ କାଜିକିୟା, “ଆବେନ୍ ଚିନାଃବେନ୍ ଚିକାଏତାନା ? ଏନ୍ ହଡ଼ ରୋମିରେନ୍ ତାନିଃ ।”

୨୭ ଏନ୍ତେ ହାଜାର୍ ସିପାଇକଆଃ ଆଗୁଆଇନିଃ ପାଉଲୁସ୍‌ତାଃତେ ସେନ୍‌କେଦ୍‌ତେ କୁଲିକିୟା, “ଆମ୍ ଚିନାଃ ମିଆଁଦ୍ ରୋମିରେନ୍ ତାନିଃ ?” ପାଉଲୁସ୍ କାଜିରୁହାଡ଼କିୟାଏ, “ହାଁ, ଆଇଙ୍ଗ୍ ତାନିଙ୍ଗ୍ ।”

୨୮ ହାଜାର୍ ସିପାଇକଆଃ ଆଗୁଆଇନିଃ କାଜିକେଦାଏ, “ପୁରାଃ ଗନଙ୍ଗ୍ ଏମ୍‌କେଦ୍‌ତେ ଆଇଙ୍ଗ୍ ମିଆଁଦ୍ ରୋମିରେନ୍ ହଡ଼ ହବାକାନାଇଙ୍ଗ୍ ।” ମେନ୍‌ଦ ପାଉଲୁସ୍ କାଜିରୁହାଡ଼କିୟାଏ, “ମେନ୍‌ଦ ଆଇଙ୍ଗ୍ ଜାନାମ୍‌ହେତେଗି ରୋମିରେନ୍ ତାନିଙ୍ଗ୍ ।”

୨୯ ଇମ୍‌ତାଗି ଅକ ହଡ଼କ ପାଉଲୁସ୍‌କେ କୁଲି ନାଗେନ୍ତେକ ସେନ୍‌ତାଇକେନା, ଇନ୍‌କୁ ତାୟମ୍‌ତେକ ରୁହାଡ଼ୟାନା ଆତଃ ପାଉଲୁସ୍ ରୋମିରେନ୍ ତାନିଃ ମେନ୍ତେ ସାରିକେଦ୍‌ତେ ଆତଃ ଇନିଃ ସିକିଡ଼ିତେ ପାଉଲୁସ୍‌କେ ତଲ୍ ନାଙ୍ଗ୍ ଆରୁକାଦାଏ, ନେଆଁ ସାରିକେଦ୍‌ତେ, ଇନିଃ ପୁରାଃଗି ବରକେଦା ।

ଯିହୁଦୀକଆଃ ମାରାଙ୍ଗ୍ ପାଞ୍ଚେଟ୍ ଆୟାରରେ ପାଉଲୁସ୍

୩୦ ଯିହୁଦୀ ହଡ଼କ ପାଉଲୁସ୍‌କେ ଚିନାଃମେନ୍ତେକ ଚିଟାଇତାନା, ଏନା ସାରି ନାଗେନ୍ତେ ହାଜାର୍ ସିପାଇକଆଃ ଆଗୁଆଇନିଃ ଏଟାଃ ହୁଲାଙ୍ଗ୍ ପାଉଲୁସ୍‌ଆଃ ସିକିଡ଼ି ତନଲ୍‌ତେୟାଃକ ରାଡ଼ାକେଦ୍‌ତେ ମାରାଙ୍ଗ୍ ପାଞ୍ଚେଟ୍ ହବାଅଃ ନାଗେନ୍ତେ ମୁଲ୍ ଯାଜାକକକେ ଆରୁକେଦକଆ । ଏନ୍ତେ ଇନିଃ ପାଉଲୁସ୍‌କେ ଇଦିକେଦ୍‌ତେ ଇନ୍‌କୁଆଃ ଆୟାରରେ ତିଙ୍ଗୁକିୟା ।

୨୩

୧ ପାଉଲୁସ୍ ମାରାଙ୍ଗ୍ ପାଞ୍ଚେଟ୍‌ସାଃତେ ମିଦ୍‌ନାଜେରରେ ନେଲ୍‌କେଦ୍‌ତେ କାଜିକେଦା, “ହେ ଇସ୍ରାଏଲ୍‌ରେନ୍ ହାଗାକ, ତିସିଙ୍ଗ୍ ଜାକେଦ୍ ଆଇଙ୍ଗ୍ ଆଇଁୟାଃ ଜୀଦାନରେ ପାର୍‌ମେଶ୍‌ବାର୍‌କେ ପୁରାଃ ମାଇନ୍‌ତାନ୍‌ଲଃ ଜୀଦାନ୍ ବିତାଅକାଦାଇଙ୍ଗ୍, ଏନ୍ ବିଷାଏରେ ଆଇଁୟାଃ ବିବେକ୍ ପୁରା ରୁଗିନ୍‌ଗିୟା ।” ୨ ନେ କାଜି ଆୟୁମକେଦ୍‌ତେ ମାରାଙ୍ଗ୍ ଯାଜାକ୍ ହନାନିୟ, ପାଉଲୁସ୍‌ଆଃ ଜଆରେ ଚାଟ୍‌କାନ୍ ନାଗେନ୍ତେ ପାଉଲୁସ୍‌ଆଃ ନାଡ଼େଃରେ ତିଙ୍ଗୁଆକାନ୍ ହଡ଼କକେ ଆରୁକେଦକଆ ।

୩ *ପାଉଲୁସ୍ ଇନିଃକେ କାଜିକିୟା, “ଏ ପୁଣ୍ଡିଆକାନ୍ ଭିଡ୍*, ପାର୍‌ମେଶ୍‌ବାର୍ ସାର୍‌ତିଗି ଆମ୍‌କେ ଦାଲ୍‌ମେୟାଁ । ଆନ୍‌ରୁ ଲେକାତେ ଆଇଁୟାଃ ବିଚାର୍ ନାଗେନ୍ତେ ଆମ୍ ଏନ୍ତାଃରେ ଦୁବାକାନାମ୍, ଏନ୍‌ରେୟ ଆଇଙ୍ଗ୍‌କେ ଦାଲ୍ ନାଙ୍ଗ୍ ଆରୁକେଦ୍‌ତେ ଆମ୍ ଆନ୍‌ରୁମ୍ ଟଟାଃତାନା ।”

୪ ପାଉଲୁସ୍‌ଆଃ ନାଡ଼େଃରେ ତାଇକାନ୍ ହଡ଼କ ଇନିଃକେ କାଜିକିୟାକ, “ଆମ୍ ପାର୍‌ମେଶ୍‌ବାର୍‌ଆଃ ମାରାଙ୍ଗ୍ ଯାଜାକକେମ୍ ଲାୟାଜତାନା ।”

୫ ପାଉଲୁସ୍ କାଜିରୁହାଡ଼କେଦକଆଏ, “ହେ ଇସ୍ରାଏଲ୍‌ରେନ୍ ହାଗାକ, ଇନିଃ ମାରାଙ୍ଗ୍ ଯାଜାକ୍ ତାନିଃ ମେନ୍ତେ ଆଇଙ୍ଗ୍ କାଜିକ୍ ସାରିକାଦ୍ ତାଇକେନା । ଧାରାମ୍‌ପୁଅରେ ଅଲ୍‌କାନା, ଆପେ ଆପେୟାଃ ହଡ଼କଆଃ ହାକିମ୍‌ଆଃ ବିଷାଏରେ ଏଡ଼କାନାଃ ଆଲପେ କାଜିୟା ।”

୬ *ଯିହୁଦୀ ହଡ଼କଆଃ ଝୁଣ୍ଡରେ ଚିମିନ୍ ଫାରୁଶୀ ଆତଃ ଚିମିନ୍ ସାଦୁକି ହଡ଼କ ମେନାକତେୟାଃ ନେଲ୍‌କେଦ୍‌ତେ ପାଉଲୁସ୍ ମାରାଙ୍ଗ୍ ପାଞ୍ଚେଟ୍‌ରେ କାଉରିକେଦ୍‌ତେ କାଜିକେଦା, “ହେ ଇସ୍ରାଏଲ୍‌ରେନ୍ ହାଗାକ, ଆଇଙ୍ଗ୍ ଫାରୁଶୀ ତାନିଙ୍ଗ୍ ଆତଃ ଫାରୁଶୀ କିଲିରେଇଙ୍ଗ୍ ଜାନାମ୍ କାନା । ଆତଃ ଗଜାକାନ୍‌କଆଃ ଜୀଉବିନିରିଦ୍ ମେନାଃ ମେନ୍ତେ ଭାର୍‌ସାକାଦ୍ ହରାତେ ନେତାଃରେ ଆଇଁୟାଃ ବିଚାର୍ ହବାଅଃତାନା ।”

୭ ନେ କାଜି କାଜିକେଦ୍‌ଚି ଇମ୍‌ତାଗି, ଫାରୁଶୀକଆଃ ଆତଃ ସାଦୁକିକଆଃ ଆଲାରେ କାପଜି ଏଟେଦ୍‌ୟାନା, ଏନ୍ତେ ଇନ୍‌କୁଆଃ ଝୁଣ୍ଡ ବିପିଙ୍ଗାଅୟାନା । ୮ *ଚିଆଃଚି ସାଦୁକିକ ଗଜାକାନ୍‌କଆଃ ଜୀଉବିନିରିଦ୍ ବାନଃଆ ଆତଃ ଦୁଁଡ଼କ, ଆତଃ ଆମ୍ ବାଙ୍ଗକଆ ମେନ୍ତେକ କାଜିୟାଃ, ମେନ୍‌ଦ ଫାରୁଶୀକ ନେ ଆପିୟାତେୟାଃରେକ ବିଶ୍ୱାସାଃ । ୯ ଇନ୍‌କୁଆଃ ଆଲାରେ ପୁରାଃଗି କାପଜି ହବାୟାନା ଆତଃ ଫାରୁଶୀକଆଃ ଝୁଣ୍ଡରେନ୍ ଚିମିନ୍ ଆଇନ୍ ଇଡୁକ ତିଙ୍ଗୁୟାନ୍‌ଲଃ କେଟେୟାନ୍‌ଗି କାଜିକଟଙ୍ଗ୍‌କେଦ୍‌ତେ କାଜିକେଦାକ, “ଆଲେ ନେ ହଡ଼ତାଃରେ ଜେତାନ୍ ଗୁଣ୍ଡାଁ କାଲେ ନାମେତାନା, ହବାସାକାଅଆଃ ଜାରୁଡ଼ଗି ଇନିଃଲଃ ମିଆଁଦ୍ ଆମ୍ ବାଏ ଦୁଁଡ଼ କାଜିକାତେୟାଃଏ ।”

୧୦ କାପଜି ନିମିନାଙ୍ଗ୍ ବରଞ୍ଜାନ୍ ଲେକା ହବାୟାନା ଯେ, ଗାଦେଲ୍ ହଡ଼କ ପାଉଲୁସ୍‌କେ ଚୁକ୍‌ଡା ଚୁକ୍‌ଡା ତାଇୟାକ ମେନ୍ତେ ହାଜାର୍ ସିପାଇକଆଃ ଆଗୁଆଇ ବରକେଦାଏ । ଏନାତେ ଇନିଃ ହାଲାଗୁଲାତାନ୍ ହଡ଼କଆଃ ଆଲାଏତେ ପାଉଲୁସ୍‌କେ ଇଦି ଆତମ୍‌କିୟା ଆତଃ ଇନିଃକେ ଗାଡ଼ ଭିତାରତେ ଇଦିପେ ମେନ୍ତେ ସିପାଇକକେ ଆରୁକେଦକଆ । ୧୧ ପ୍ରାଭୁ ଏନ୍ ନିଦାରେଗି ପାଉଲୁସ୍‌ତାଃରେ ତିଙ୍ଗୁକେଦ୍‌ତେ କାଜିକେଦା, “ଆଲମ୍ ବରଏୟା, ଆମ୍ ନେତାଃ ଯାରୁଶାଲେମ୍‌ରେ ଆଇଁୟାଃ ନାଗେନ୍ତେ ଗାଞ୍ଜାମ୍ ଏମାକାଦା । ରୋମ୍‌ରେୟଗି ଆମ୍‌କେ ନେଲ୍‌କାଗି ଗାଞ୍ଜା ଏମ୍ ଲାଗାତିୟାଁ ।”

ପାଉଲୁସ୍‌କେ ଗଗଏଃ ନାଗେନ୍ତେ ରୋଜୋଟ୍

☆ ୨୩:୩ ୨୩:୩ ମାଥୁର ୨୩:୨୭,୨୮. * ୨୩:୩ ୨୩:୩ କାଥୁ ☆ ୨୩:୭ ୨୩:୭ ପ୍ରେରିତ୍ ୨୨:୫; ଡିଲିପିୟ ୩:୫. ☆ ୨୩:୮ ୨୩:୮ ମାଥୁର ୨୨:୨୩; ମାର୍କ ୧୨:୧୮; ଲୁକ ୨୦:୨୭.

୧୭ ଏଗାଃ ହୁଲାଙ୍ଗ ସେତାଃରେ ଚିମିନ୍ ଯିହୁଦୀ ହଡକ ହୁଣ୍ଡିକେଦ୍ତେକ ରୋଜୋଟକେଦା । ପାଉଲୁସକେ ଆଉରି ଗଜି ଜାକେଦ୍ ଇନ୍କୁ ଜମ୍ ନୁଁ କାକଆଃ ମେନ୍ତେକ କିରିୟାକେଦା । ୧୩ ବାର୍ହିସିହେତେ ଆଦକା ହଡକ ନେ'ଲେକା ରୋଜୋଟକାଦ୍ ତାଇକେନାକ । ୧୪ ଇନ୍କୁ ସେନ୍କେଦ୍ତେ ମୁଲ୍ ଯାଜାକ୍ ଆଡଃ ପ୍ରାତିନକକେ କାଜିକେଦକଆକ, “ପାଉଲୁସକେ ଆଉରି ଗଜି ଜାକେଦ୍ ଜେଡନାଃ କାଲେ ଜମେୟାଁ ମେନ୍ତେ ଆଲେ କିରିୟାକାଦାଲେ । ୧୫ ଏନାତେ ଆପେ ବେଦାତାନଲଃ ଇନିୟାଃ ବିଷାଏରେ ପୁରାଃ ଠାଉକାଲେକା ସାରି ସାନାଙ୍ଗତାନାଲେ ମେନ୍ତେ ଇନିଃକେ ଆପେତାଃତେ ଆଉ ନାଗେନ୍ତେ ନାହାଁଃ ମାରାଙ୍ଗ୍ ପାଞ୍ଚେଟ୍ଲଃ ହାଜାର୍ ସିପାଇକଆଃ ଆଗୁଆଇତାଃତେ କାଜି କୁଲେପେ । ମେନ୍ଦ୍ ଇନିଃ ଆପେତାଃତେ ହିଜୁଃ ସିଦାରେ ଆଲେ ଇନିଃକେ ହରାରେ ଗଜି ନାଗେନ୍ତେ ସେକାଡ଼ାକାନି ତାଇନାଲେ ।”

୧୬ ମେନ୍ଦ୍ ପାଉଲୁସଆଃ ମିଶିତେୟାଃ ହନ୍ ଇନ୍କୁଆଃ ରୋଜୋଟ କାଜି ଆୟୁମକେଦ୍ତେ ଗାଡ଼୍ ଭିତାର୍ ସେନ୍କେଦ୍ତେ ପାଉଲୁସକେ ଉଦୁବକିୟା । ୧୭ ଏନ୍ତେ ପାଉଲୁସ୍ ମିଦ୍‌ଶାଅ ସିପାଇକଆଃ ଆଗୁଆଇକଏତେ ମିହୁଡ଼କେ କେଡ଼ାକେଦ୍ତେ କାଜିକିୟା, “ନେ ସେପେଡେଦ୍ତେକେ ହାଜାର୍ ସିପାଇକଆଃ ମାରାଙ୍ଗନିଃତାଃତେ ଇଦିମେ, ଚିଆଃଚି ଇନିଃ ଚିନାଃ ମିଆଁଦ୍ କାଜି ସାନାଙ୍ଗତାନାଏ ।” ୧୮ ମିଦ୍‌ଶାଅ ସିପାଇକଆଃ ଆଗୁଆଇ ଇନିଃକେ ହାଜାର୍ ସିପାଇକଆଃ ଆଗୁଆଇତାଃତେ ଇଦିକେଦ୍ତେ କାଜିକିୟା, “ତଲାକାନ୍ ପାଉଲୁସ୍ ଆଇଙ୍ଗକେ କେଡ଼ାକେଦ୍ତେ ନେ ସେପେଡେଦ୍ତେକେ ଆବେନ୍ତାଃତେ ଆଉ ନାଗେନ୍ତେ କାଜିକେଦିୟାଁ, ଚିଆଃଚି ଇନିଃ ଆବେନ୍କେ ଚିନାଃ ମିଆଁଦ୍ କାଜି ସାନାଙ୍ଗତାନାଏ ।”

୧୯ ହାଜାର୍ ସିପାଇକଆଃ ଆଗୁଆଇ ଇନିୟାଃ ତିଃଇ ସାବ୍‌କେଦ୍ତେ ଗେନାତେ ଇଦିକିୟାଏ ଆଡଃ କୁଲିକିୟାଏ, “ଆଇଙ୍ଗକେ ଚିନାଃ କାଜିରାଃ ମେନାଃ, କାଜିମେ ?”

୨୦ ଏନ୍ତେ ଇନିଃ କାଜିକେଦାଏ, “ଯିହୁଦୀ ଆକ୍ତେୟାର୍ ହଡକ ରୋଜୋଟକାଦାକ ଯେ, ପାଉଲୁସଆଃ ବିଷାଏରେ ପୁରାଃ ଠାଉକାଲେକା ସାରି ନାଗେନ୍ତେ ସାନାଙ୍ଗତାନାକ ମେନ୍ତେ ବେଦାକେଦ୍ତେ, ପାଉଲୁସକେ ଗାପା ମାରାଙ୍ଗ୍ ପାଞ୍ଚେଟ୍ତେ ଇଦି ନାଗେନ୍ତେ ଆବେନ୍କେକ କାଜିବେନା । ୨୧ ମେନ୍ଦ୍ ଆବେନ୍ ଇନ୍କୁଆଃ କାଜି ଆଲବେନ୍ ଆୟୁମେୟା, ଚିଆଃଚି ବାର୍ହିସିହେତେ ଆଦକା ହଡକ ଇନିଃକେ ଆଉରି ଗଜି ଜାକେଦ୍ କାଲେ ଜମେୟାଁ ମେନ୍ତେ କିରିୟାକାଦାକ ଆଡଃ ଉକୁକେଦ୍ତେ ଇନିୟାଃ ନେଲ୍‌ହରାତାନାକ । ନାହାଁଃ ଇନ୍କୁ ଆବେନାଃ କାଜି ଆୟୁମ୍ ନାଙ୍ଗକ ତାଙ୍ଗିତାନା ।”

୨୨ ହାଜାର୍ ସିପାଇକଆଃ ଆଗୁଆଇ “ଆମ୍ ଆଇଙ୍ଗକେ ନେ କାଜିମ୍ ଉଦୁବକାଦିୟାଁ ଏନା ଜେତାଏକେ ଆଲମ୍ କାଜିକଆ ।” ମେନ୍ତେ କାଜିକେଦ୍ତେ ଇନିଃକେ କୁଲ୍‌କିୟା ।

ପାଉଲୁସ୍ କାଇସାର୍‌ତାଃତେ କୁଲ୍‌ୟାନା

୨୩ ଏନ୍ତେ ହାଜାର୍ ସିପାଇକଆଃ ଆଗୁଆଇ ଆୟାଃ ମିଦ୍‌ଶାଅ ସିପାଇକଆଃ ଆଗୁଆଇ, ବାର୍ହିଡ଼କିନ୍‌କେ କେଡ଼ାକେଦ୍ତେ କାଜିକେଦକିନା, “ତିସିଙ୍ଗନିଦା ନାଅ ଘାଡ଼ିକରେ କାଇସରିୟା ସାହାର୍‌ତେ ସେନଃ ନାଙ୍ଗ୍ ଗେଲ୍‌ହିସି ସିପାଇକଲଃ ସାଦମ୍‌ରେ ସେନ୍‌ତାନ୍ ଆପିହିସି ଗେଲ୍ ସିପାଇକକେ ଆଡଃ ଗେଲ୍‌ହିସି† ବାଞ୍ଛା ସାବାକାଦ୍ ସିପାଇକକେ ସେକାଡ଼କବେନ୍ । ୨୪ ଆବେନ୍ ପାଉଲୁସ୍ ନାଗେନ୍ତେ ସାଦମ୍ ଜଗାଡ଼କବେନ୍ ଜେ'ଲେକା ଇନ୍କୁ ପାଉଲୁସକେ ସାଦମ୍‌ରେ ଦୁବ୍‌କେଦ୍ତେ ଲାଟ୍‌ସାହେବ୍ ଫେଲିକ୍‌ସ୍‌ତାଃତେ ବୁଗିଲେକାକ ଇଦିସେଟେର୍ ଦାଡ଼ିୟା ।” ୨୫ ଏନ୍ତେ ହାଜାର୍ ସିପାଇକଆଃ ଆଗୁଆଇ ନେ'ଲେକା ମିଆଁଦ୍ ଚିଟାଉ ଅଲ୍‌କେଦାଏ ।

୨୬ “ପୁରାଃ ମାଇନାନ୍ ଲାଟ୍‌ସାହେବ୍ ଫେଲିକ୍‌ସ୍‌କେ କ୍ଲାଉଦିଆ ଲୁସିୟସ୍‌ଆଃ ଜହାର୍ । ୨୭ ଯିହୁଦୀ ହଡକ ନେ ହଡକେ ସାବ୍‌କେଦ୍ତେ ଗଗଏଃ ନାଙ୍ଗକ ସାନାଙ୍ଗ୍ ତାଇକେନା । ଇନିଃ ମିଆଁଦ୍ ରୋମିରେନ୍ ହଡ ତାନିଃ ମେନ୍ତେ ସାରିକେଦ୍ତେ ଆଇଙ୍ଗ୍ ଆଇୟାଃ ସିପାଇକଲଃ ସେନ୍‌କେଦ୍ତେ ଇନିଃକେଇଙ୍ଗ୍ ବାଟାଅକିୟା । ୨୮ ଇନ୍କୁଆଃ ବିରୁଧ୍‌ରେ ଇନିଃ ଚିନାଃ ଗୁଣ୍ଡାକାଦାଏ, ଏନା ସାରି ନାଗେନ୍ତେ ଆଇଙ୍ଗ୍ ଇନିଃକେ ଇନ୍କୁଆଃ ମାରାଙ୍ଗ୍ ପାଞ୍ଚେଟ୍ତେଇଙ୍ଗ୍ ଇଦିକିୟା । ୨୯ ମେନ୍ଦ୍ ଇନିଃ ଗନଏଃ ଚାଏ ଜେହେଲ୍‌ରେ ସାଜାଇ ନାମେ ଲେକା ଜେତାନ୍ କାମି କାଏ କାମିକାଦା ମେନ୍ତେ ଆଇଙ୍ଗ୍ ସାରିକେଦାଇଙ୍ଗ୍ । ଆଡଃ ଆୟାଃ ବିରୁଧ୍‌ରେ ହବାକାନ୍ ଗୁଣ୍ଡା କାଜି ଆକଆଃ ଆନ୍‌ରୁ ବିରୁଧ୍ ବିଷାଏରେ ହବାକାନା । ୩୦ ଆଡଃ ଇନିୟାଃ ବିରୁଧ୍‌ରେ ମିଆଁଦ୍ ରୋଜୋଟ ହବାକାନା ମେନ୍ତେ ସାରିକେଦ୍ତେ ଆଇଙ୍ଗ୍ ଇମ୍‌ତାଗି ଇନିଃକେ ଆବେନ୍‌ତାଃତେ କୁଲ୍ ନାଗେନ୍ତେଇଙ୍ଗ୍ ଉହାଟ୍‌କେଦା । ଆୟାଃ ବିରୁଧ୍‌ରେୟାଃ ଗୁଣ୍ଡାକକେ ଆବେନାଃ ଆୟାର୍‌ରେ ଦହ ନାଗେନ୍ତେ ଆଇଙ୍ଗ୍ ଆୟାଃ ବିରୁଧ୍‌ରେ କାଜିତାନ୍ ହଡକକେଇଙ୍ଗ୍ କାଜିକାଦକଆ ।”

୩୧ ସିପାଇକ ଇନିଃ ଆରୁକାଦ୍ ଲେକାଗି ପାଉଲୁସକେ ଏନ୍ ନିଦାରେଗି ଆନ୍ତିପାତ୍ରି ନାଗାର୍‌ତେକ ଇଦିକିୟା । ୩୨ ଏଗାଃ ହୁଲାଙ୍ଗ ସେସେନ୍‌ତେ ସେନ୍‌ତାନ୍ ସିପାଇକ ଆଡଃ ସାଦମ୍‌ରେ ଦୁବ୍‌କେଦ୍ତେ ସେନ୍‌ତାନ୍ ସିପାଇକ ଇନିଃଲଃ ସେନ୍ ନାଗେନ୍ତେ ଗାଡ଼୍‌ତେକ ରୁହାଡ଼୍‌ୟାନା । ୩୩ ଇନ୍କୁ ପାଉଲୁସକେ କାଇସରିୟାତେକ ଇଦିକିୟା, ଆଡଃ ଏନ୍ତାଃରେ ଇନ୍କୁ ହାଜାର୍ ସିପାଇକଆଃ ଆଗୁଆଇଆଃ ଅନଲ୍ ଚିଟାଉଲଃ ପାଉଲୁସକେୟ ଲାଟ୍‌ସାହେବ୍‌ଆଃ ତିଃଇରେକ ଜିମାକିୟା । ୩୪ ଲାଟ୍‌ସାହେବ୍ ଏନ୍ ଅନଲ୍ ଚିଟାଉ ପାଡ଼ାଅକେଦ୍ତେ ପାଉଲୁସକେ ଅକ ପାର୍‌ଗାନ୍‌ହେତେ ହିଜୁଃକାନାମ୍ ମେନ୍ତେ କୁଲିକିୟା । ପାଉଲୁସ୍ କିଲିକିଆ ପାର୍‌ଗାନ୍‌ରେନ୍ ତାନିଃ ମେନ୍ତେ ସାରିକେଦ୍ତେ, ୩୫ ଇନିଃ କାଜିକିୟାଏ, “ଆମ୍‌କେ

† ୨୩:୨୩ ୨୩:୨୩ ଦୁଇଗାଅ

ଚିଟାମେତାନ୍ ହତକ ସେଟେରୟାନ୍ ତାୟମ୍ତେ ଆଇଙ୍ଗ୍ ଆମାଃ ବିଷାଏରେଇଙ୍ଗ୍ ଆୟୁମେୟା ।” ଏନ୍ତେ ପାଉଲୁସ୍‌କେ ହେରୋଦ୍ ରାଜାରାଃ ମାହାଲ୍‌ଲଃ ତାଇକାନ୍ ମିଆଁଦ୍ କୁଠାରେ ଦହ ନାଗେନ୍ତେ ଆରୁକେଦକଆ ।

୨୪

ପାଉଲୁସ୍‌ଆଃ ବିରୁଧ୍‌ରେ ଚିଟାକାଜି

୧୯ ମଣେଁ ମାହାଁ ତାୟମ୍ତେ ମାରାଙ୍ଗ୍ ଯାଜାକ୍ ହନାନିୟ, ଚିମିନ୍ ଯିହୁଦୀ ପ୍ରାଚିନ୍‌କକେ ଆତଃ ତର୍ଭୁଲ୍‌ସ୍ ନୁତୁମ୍ ମିଆଁଦ୍ ଓକିଲ୍‌ଲଃ କାଇସରିୟାତେକ ସେନଃୟାନା । ଇନ୍‌କୁ ଲାଟ୍‌ସାହେବ୍ ଫେଲିକ୍‌ସ୍‌ଆଃ ଆୟାର୍‌ରେ ପାଉଲୁସ୍‌ଆଃ ବିରୁଧ୍‌ରେ ଚିଟାନ୍‌କାଜିକ ଉଦୁବକେଦା । ୨୦ ଏନ୍ତେ ପାଉଲୁସ୍‌କେ ଏନ୍ତାଃତେକ ଆଉକିୟା ଆତଃ ତର୍ଭୁଲ୍‌ସ୍ ମିମିଆଦ୍‌ତେ ଇନିୟାଃ ଚିଟାନ୍‌କାଜିକ ଉଦୁବକେଦା, “ଏ ପୁରାଃ ମାଇନାନିଃ, ଆବେନାଃ ସେଣ୍‌ନ୍ ଆଗୁଆଇ ହରାତେ ଆଲେ ପୁରାଃ ଦିପିଲି ଜାକେଦ୍ ସୁକୁଜୀଉତେଲେ ତାଇନ୍‌ତାନା, ଆତଃ ଆଲେୟାଃ ଦିଶୁମ୍‌ରେୟାଃ ବୁଗିନାଃ ନାଗେନ୍ତେ ପୁରାଃ ବୁଗିନ୍ କାମିକ କାମିକାନା । ୨୧ ସବେନ୍ ଠାୟାଦ୍‌ତାଃରେ ଆତଃ ସବେନ୍ ଦିପିଲିରେ ଆଲେ ନେଆଁକେଲେ ଦାରମେତାନା, ଆତଃ ଆବେନାଃ ଧାନାବାଦଲେ ପାହାମେତାନା । ୨୨ ଆଇଙ୍ଗ୍ ଆବେନାଃ ଆଦକା ନେତା ଇଦି ନାଗେନ୍ତେ କାଇଙ୍ଗ୍ ସାନାଙ୍ଗ୍‌ତାନା, ଏନାତେ ଆବେନ୍ ଦାୟାକେଦ୍‌ତେ ଆଇଁୟାଃ କାଟିଃଲେକା କାଜି ଆୟୁମେବେନ୍ ମେନ୍ତେଇଙ୍ଗ୍ ବିକ୍ରିତାନା । ୨୩ ନେ ହତ୍‌ଦ ପୁରାଃ ବରଝାନ୍ ହାଲାଗୁଲା ରିକାଏ ଲେକାନିଃ ତାନିଃ ମେନ୍ତେଲେ ଆଟ୍‌କାରିତାନା, ଇନିଃ ଅତେଦିଶୁମ୍‌ରେୟାଃ ସବେନ୍‌ସାଃ ସେନ୍‌କେଦ୍‌ତେ ଯିହୁଦୀ ଆଲାର୍‌ରେ ହାଲାଗୁଲାଏ ତାନା ଆତଃ ଇନିଃ ନାଜ୍‌ରେଡ୍ ଝୁଣ୍ଡ୍‌ରେନ୍ ମିଆଁଦ୍ ଆଗୁଆଇ ତାନିଃ । ୨୪ ଇନିଃ ମାହିର୍ ଅତାଃକେ ସତ୍‌ରାଏ ନାଙ୍ଗ୍ ଚେଷ୍ଟା ତାଇକେନ୍ ଇମ୍‌ତା ଆଲେ ଇନିଃକେଲେ ସାବ୍‌କିୟା । ୨୫ ମେନ୍‌ଦ ହାଜାର୍ ସିପାଇକଆଃ ଆଗୁଆଇ ଲୁସିୟସ୍ ହିଜୁଃକେଦ୍‌ତେ ପାଉଲୁସ୍‌କେ ପୁରାଃ ପେଡେଃଲଃ ଆଲେତାଃଏତେ ଇଦିକିୟା । ୨୬ ଆଲେ ଇନିୟାଃ ବିରୁଧ୍‌ରେ ଅକନ୍ ଚିଟାନ୍‌କାଜିକ କାଜିକାଦାଲେ, ଏନା ଆବେନ୍‌ଗି ନେ ହତ୍‌କେ କୁଲିକେଦ୍‌ତେ ସାରି ଦାଡ଼ିୟାଃବେନ୍ ।” ୨୭ ଯିହୁଦୀ ହତ୍‌କହଗି ନେ ଚିଟାନ୍‌କାଜିରେ ମେସାକେଦ୍‌ତେ ନେ ସବେନ୍ କାଜିକ ସାର୍‌ଡିତାନାଃ ମେନ୍ତେକ କାଜିକେଦା ।

ଫେଲିକ୍‌ସ୍‌ଆଃ ଆୟାର୍‌ରେ ପାଉଲୁସ୍

୨୮ ଲାଟ୍‌ସାହେବ୍ ପାଉଲୁସ୍‌କେ କାଜି ନାଗେନ୍ତେ ଇସାରାକିୟା, ଆତଃ ପାଉଲୁସ୍ କାଜିକେଦାଏ, “ଆଇଙ୍ଗ୍ ସାରି ତାନାଇଙ୍ଗ୍, ପୁରାଃ ବାରାଷ୍‌ହେତେ ଆବେନ୍ ନେ ଯିହୁଦୀ ହତ୍‌କଆଃ ବିଚାର୍‌ନିଃ ହବାକାନାବେନ୍, ଏନାତେ ଆବେନାଃ ଆୟାର୍‌ରେ ଆଇଙ୍ଗ୍ ଆପ୍‌ନାଃ ବାଞ୍ଚାଅଃକାଜି କାଜି ନାଗେନ୍ତେଇଙ୍ଗ୍ ରାସକା କାନା । ୨୯ ଆବେନ୍ ଆବେନ୍‌ଗି ସାରି ଦାଡ଼ିୟାଃବେନ୍ ଯେ, ଗେଲ୍‌ବାର୍ ହୁଲାଙ୍ଗ୍‌ଏତେ ଆଦକା କା ହବାଅଃଆ ଆଇଙ୍ଗ୍ ଯାରୁଶାଲେମ୍‌ତେ ସେଝା ନାଗେନ୍ତେଇଙ୍ଗ୍ ସେନାକାନ୍ ତାଇକେନା । ୩୦ ଯିହୁଦୀ ହତ୍‌କ ଆଇଙ୍ଗ୍‌କେ ମାହିର୍ ଅତାଃରେ ଜେତାଏଲଃ କାପ୍‌ଜିତାନ୍ କାକ ନେଲାକାଦିୟାଁ ଚାଏ ସାମାଜ୍ ଅତାଃରେ ଚାଏ ନାଗାର୍‌ରେୟାଃ ଏଟାଃ ଜେତାନ୍ ଠାୟାଦ୍‌ରେ ହତ୍‌କକେ ଏଡ୍‌କାନ୍ କାମିରେ ଉସ୍‌କୁର୍ ନାଙ୍ଗ୍ କାକ ନେଲାକାଦିୟାଁ । ୩୧ ଏନାତେ ଆଇଁୟାଃ ବିରୁଧ୍‌ରେ ନାହାଁଃ ଆଉଝାକାନ୍ ଚିଟାନ୍‌କାଜିକ ନାଗେନ୍ତେ ଇନ୍‌କୁ କାକ ଉଦୁବ୍ ଦାଡ଼ିୟା । ୩୨ ଆଇଙ୍ଗ୍ ଆବେନ୍‌ତାଃରେ ମାନାତିଙ୍ଗ୍ ତାନାଇଙ୍ଗ୍ ଯେ ଅକ ହରାକେ ଇନ୍‌କୁ ହସତ୍ ମେନ୍ତେକ କାଜିତାନା, ଏନ୍ ହରାକେ ଅତଙ୍ଗ୍‌କେଦ୍‌ତେ ଆଇଙ୍ଗ୍ ଆରୁଆଃ ପୁର୍‌ଶା ହାଡାମ୍‌କଆଃ ପାର୍‌ମେଶ୍‌ବାର୍‌କେଇଙ୍ଗ୍ ସେଝାତାନା । ମେନ୍‌ଦ ଆଇଙ୍ଗ୍‌ହଗି ମୁଶା ନାବୀଆଃ ଆନ୍‌ରୁ ଆତଃ ନାବୀକଆଃ ପୁଥ୍‌ରେ ଅଲାନାନ୍ ସବେନ୍ ବିଷାଏ ବିଶ୍ୱାସ୍‌ତାନାଇଙ୍ଗ୍ । ୩୩ ନେ ହତ୍‌କଆଃ ଲେକାଗି ପାର୍‌ମେଶ୍‌ବାର୍‌ତାଃରେ ଆଇଁୟାଃ ମିଆଁଦ୍ ଆସ୍ତା ମେନାଃ ଚି, ଧାର୍‌ମାନ୍ ଆତଃ ଏଡ୍‌କାନ୍ ସବେନ୍ ହତ୍‌କଆଃ ଗନଏଃହେତେ ଜାଉବିନିରିଦ୍ ମେନାଃ । ୩୪ ଏନାତେ ପାର୍‌ମେଶ୍‌ବାର୍ ଆତଃ ହତ୍‌କଆଃ ସାମ୍‌ନାଙ୍ଗ୍‌ରେ ନିରାଲ୍ ବିବେକ୍ ଲେକାତେ ଚାଇଲ୍ ଚାଲାନ୍ ରିକା ନାଙ୍ଗ୍ ଆଇଙ୍ଗ୍ ସବେନ୍ ଇମ୍‌ତାଇଙ୍ଗ୍ ସାନାଙ୍ଗ୍‌ତାନା ।

୩୫ ✠“ପୁରାଃ ସିମାହେତେ ଯାରୁଶାଲେମ୍‌ତାଃଏତେ ସାଜିନ୍‌ରେ ତାଇକେନ୍ ତାୟମ୍‌ତେ, ଆଇଁୟାଃ ଆପ୍‌ନାଃ ହତ୍‌କ ନାଗେନ୍ତେ ଚିମିନ୍ ଟାକା ପାଏସା ଇଦି ନାଗେନ୍ତେ ଆତଃ ଦାଣେଁ ରାକାବେ ନାଗେନ୍ତେ ଆଇଙ୍ଗ୍ ଏନ୍ତାଃତେଇଙ୍ଗ୍ ସେନାକାନ୍ ତାଇକେନା । ୩୬ ଆଇଙ୍ଗ୍ ଫାର୍‌ତିନ୍‌ରେୟାଃ ରିଡିରିଝାଜ୍ ଚୁଣ୍ଡ୍ ତାଇକେନ୍ ଇମ୍‌ତା ଇନ୍‌କୁ ଆଇଙ୍ଗ୍‌କେ ମାହିର୍ ଅତାଃରେକ ନେଲ୍‌କେଦିୟାଁ । ଇମ୍‌ତା ଆଇଙ୍ଗ୍‌ଲଃ ଗାଦେଲ୍ ହତ୍‌କ କାକ ତାଇକେନା ଚାଏ ହାଲାଗୁଲା କା ହବାଅଃ ତାଇକେନା । ୩୭ ମେନ୍‌ଦ ଏସିଆ ପାର୍‌ଗାନ୍‌ରେନ୍ ଚିମିନ୍ ଯିହୁଦୀ ହତ୍‌କ ଏନ୍ତାଃରେକ ତାଇକେନା, ଇନ୍‌କୁଆଃ ଜେଡ୍‌ନାଃ କାଜିରାଃ ତାଇକାନ୍‌ତେୟାଃ ରେଦ, ଇନ୍‌କୁ ଆକଗି ଆବେନାଃ ହେପାଦ୍‌ତେ ହିଜୁଃକେଦ୍‌ତେ ଆଇଁୟାଃ ବିରୁଧ୍‌ରେ ଚିଟାନ୍‌କାଜି କାଜି ଦାଡ଼ିକାତେତେୟାଃକ । ୩୮ ଆତଃଗି ଆଇଙ୍ଗ୍ ମାରାଙ୍ଗ୍ ପାଞ୍ଚେଟ୍ ଆୟାର୍‌ରେ ତିଙ୍ଗ୍‌କାନ୍ ତାଇକେନାଇଙ୍ଗ୍ ଇମ୍‌ତା, ଆଇଙ୍ଗ୍ ଅକ ଏଡ୍‌କାନ୍ କାମିରେୟାଃ ଗୁଞ୍ଝାରେଇଙ୍ଗ୍ ଚିଟାକାନା, ଏନା ନେତାଃରେ ଅକ ହତ୍‌କ ମେନାକଆ, ଇନ୍‌କୁ କାଜିକାକ । ୩୯ ✠ଆଇଙ୍ଗ୍ ଇନ୍‌କୁଆଃ ଆୟାର୍‌ରେ ତିଙ୍ଗ୍‌କେଦ୍‌ତେ ମିଆଁଦ୍ କାଜି ଏସକାର୍ କାଜିକାଦ୍

* ୨୪:୨ 24:7 ନେ ପଦ ଚିମିନ୍ ମାରି ଅନଲ୍‌କରେ ବାନଃଆ ✠ ୨୪:୧୭ ୨୪:୧୭ ପ୍ରେରିତ୍ ୨୧:୧୭-୨୮. ✠ ୨୪:୨୧ ୨୪:୨୧ ପ୍ରେରିତ୍ ୨୩:୭.

ତାଙ୍କକେନାକ୍, ଏନା ହବାଅଃତାନା, ‘ଗନଏଃ ହଡକଆଃ ଜୀଉବିନିରିଦ୍ ମେନାଃ ମେନ୍ତେ ଆକ୍ ବିଶ୍ୱାସ୍ତାନ ହରାତେ ତିସିକ୍ ବିଚାରଃତାନାକ୍ ।’ ”

୨୭ ଫେଲିକ୍ସ ନେ ହରା ବିଷାଏରେ ବୁଗିଲେକାତେ ସାରିକାଦ୍ ହରାତେ ଆଡଃଗି କା ଆୟୁମକେଦ୍ତେ କାଜିକେଦା, “ହାଜାର୍ ସିପାକ୍‌ଆଃ ଆଗୁଆକ୍ ଲୁସିୟସ୍ ସେଟେରାଏ ଇମ୍ତା, ଆକ୍ ଆମାଃ ବିଷାଏରେୟାଃ କାଜିକ୍ ଉହାଟେୟା ।” ୨୮ ଇନିଃ ପାଉଲୁସ୍‌କେ ଜେହେଲ୍‌ରେ ଦହ ନାକ୍ ମିଦ୍‌ଗାଅ ସିପାକ୍‌ଆଃ ଆଗୁଆକ୍‌କେ ଆରୁକିୟା, ମେନ୍ଦ୍ ପାଉଲୁସ୍‌କେ ସିକିଡିତେ କା ତଲକେଦ୍ତେ ପୁରା ରାଡ଼ାଗି ତାକ୍‌ନକା ଆଡଃ ଆୟାଃ ଗାତିକ ନେପେଲ୍ ନାକ୍ ହିଜୁଃରେ ଚାଏ ଆୟାଃ ଲାଗାତିକ୍‌ତେୟାଃକ ଜଗାଅରେ, ଏମ୍‌କିକମ୍ ।

ଫେଲିକ୍ସ ଆଡଃ ଦୁସିଲା ଆୟାଃରେ ପାଉଲୁସ୍

୨୪ ଚିମିନ୍ ହୁଲାକ୍‌ରାଃ ତାୟମ୍‌ତେ ଫେଲିକ୍ସ ଆୟାଃ ଯିହୁଦୀ କୁଡି ଦୁସିଲାଲଃ ହିଜୁଃୟାନାଏ, ଇନିଃ ପାଉଲୁସ୍‌କେ କେଡାକେଦ୍ତେ ଯୀଶୁ ଖ୍ରୀଷ୍ଟତାଃରେ ବିଶ୍ୱାସ୍ ନାକ୍ ଆୟାଃ କାଜି ଆୟୁମକେଦା । ୨୫ ମେନ୍ଦ୍ ଚିମ୍ତା ପାଉଲୁସ୍ ଧାର୍ମାନ୍ ବିଷାଏ, ଆପନାଃ ମନ୍‌କେ ଆବର୍‌ରେ ଦହ ଆଡଃ ହିଜୁଃତାନ୍ ବିଚାର୍ ହୁଲାକ୍ ବିଷାଏରେ ଜାଗାର୍ ତାକ୍‌କେନାଏ, ଫେଲିକ୍ସ ବରୟାନାଏ ଆଡଃ କାଜିକେଦାଏ, “ଆମ୍ ନାହାଁଃ ସେନଃ ଦାଡିୟାମ୍ । ସୁଯୋଗ୍ ନାମେରେ, ଆଡଃମିସା ଆମକେକ୍‌କେ କେଡାମେୟା ।” ୨୬ ଏନ୍ ନେତାରେ ଇନିଃ ପାଉଲୁସ୍‌ତାଃଏତେ ଟାକା ପାଏସା ନାମେୟାକ୍ ମେନ୍ତେ ଆସ୍ରାକାଦ୍ ତାକ୍‌କେନା, ଏନାମେନ୍ତେ ଇନିଃ ସବେନ୍ ଇମ୍ତା ଇନିଃକେ କେଡା ଆଉକେଦ୍ତେ ଜାଗାର୍‌ତାନ୍ ତାକ୍‌କେନା ।

୨୭ ନେଲେକା ବାର୍ ସିମା ହବାୟାନ୍ ତାୟମ୍‌ତେ ପୋକ୍ ଯସ୍ ଫେଷ୍ଟସ୍, ଫେଲିକ୍ସ‌ଆଃ ଠାୟାଦ୍‌ରେ ଲାଟ୍‌ସାହେବ୍ ଲେକାଏ ସାଲାୟାନା । ଫେଲିକ୍ସ, ଯିହୁଦୀ ହଡକ ସୁକୁଆକ୍‌କାକ ମେନ୍ତେ ସାନାକ୍‌କେଦ୍ତେ ପାଉଲୁସ୍‌କେ କା ରାଡାକେଦ୍ତେ ଜେହେଲ୍‌ରେ ବାଗିକିୟା ।

୨୫

କାକ୍‌ସାର୍‌ଆଃ ଆୟାଃରେ ପାଉଲୁସ୍‌ଆଃ ବିକ୍ତି

୧ ଫେଷ୍ଟସ୍ ଏନ୍ ପାରଗାନ୍‌ତେ ସେଟେରୟାନ୍‌ରାଃ ଆପି ମାହାଁ ତାୟମ୍‌ତେ କାକ୍‌ସରିୟାହେତେ ଯୀରୁଶାଲେମ୍‌ତେ ସେନଃୟାନା । ୨ ଏନ୍ତାଃରେ ମୁଲ୍ ଯାଜାକ୍ ଆଡଃ ଯିହୁଦୀ ଆଗୁଆକ୍‌କ ଆଡଃମିସା ପାଉଲୁସ୍‌ଆଃ ବିରୁଧ୍‌ରେ ଚିଗାନ୍‌କାଜିକ ଫେଷ୍ଟସ୍‌ଆଃ ଆୟାଃରେ ବିକ୍ତିକେଦାକ । ୩ ପାଉଲୁସ୍‌କେ ଯୀରୁଶାଲେମ୍‌ତେ ଆଉ ନାକ୍ ଆରୁକମ୍ ମେନ୍ତେ ଇନକୁ ଫେଷ୍ଟସ୍‌କେ କାଜିଗହାର୍‌କିୟାକ, ଚିଆଃତି ଇନକୁ ପାଉଲୁସ୍‌କେ ହରାରେ ଗଗଏଃ ନାକ୍ ରୋଜୋଟ୍‌କେଦ୍ତେ ଉହାଟ୍‌କାଦ୍ ତାକ୍‌କେନାକ । ୪ ଫେଷ୍ଟସ୍ କାଜିକେଦାଏ, “ପାଉଲୁସ୍‌କେ କାକ୍‌ସରିୟାରେୟାଃ ଜେହେଲ୍‌ରେ ଦହକାନା ଆଡଃ ଆକ୍ ଏନ୍ତାଃତେ ଜାଲ୍‌ଦିଗିକ୍‌କ୍ ସେନ୍‌ରୁହାଡା । ୫ ଇନିଃ ଜେଡନାଃ ଗୁହ୍ନାକାଦ୍‌ରେଦ, ଆପେୟାଃ ଆଗୁଆକ୍‌କ ଆକ୍‌ୟାଃଲଃ କାକ୍‌ସରିୟାତେ ସେନ୍‌କାକ ଆଡଃ ଇନକୁ ଇନିଃ କା ଠାଉକାନ୍‌କାମି କାମିକାଦ୍‌ତେୟାଃ ଉଦୁବେକାକ ।”

୬ ଫେଷ୍ଟସ୍ ଇନକୁଆଃଲଃ ଇରାଲିୟା* ଚାଏ ଗେଲେୟା ମାହାଁଏତେ ଆଦ୍‌କା କା ତାକ୍‌କେଦ୍ତେ କାକ୍‌ସରିୟାତେ ରୁହାଡ୍‌ୟାନା । ଏଟାଃ ହୁଲାକ୍ ଇନିଃ ବିଚାର୍‌ରେୟାଃ କାଚାକ୍‌ରିରେ ଦୁବ୍‌କେଦ୍ତେ ପାଉଲୁସ୍‌କେ ଆଉ ନାଗେନ୍ତେ ହୁକୁମକେଦା । ୭ ପାଉଲୁସ୍ ହିଜୁଃୟାନ୍‌ଚି ଯୀରୁଶାଲେମ୍‌ରେନ୍ ଯିହୁଦୀ ହଡକ ଆୟାଃ ଚାରିୟାଃରେ ଜୁରୁହୁଣ୍ଡିକେଦ୍ତେ ତିକ୍‌ୟାନାକ ଆଡଃ ଆୟାଃ ବିରୁଧ୍‌ରେ ପୁରାଃଗିକ କାଜିକେଦା । ମେନ୍ଦ୍ ଇନକୁ ଏନ୍ କାଜିକେଦ୍‌ତେୟାଃରାଃ ସାରୁଦ୍ କାକ ଏମ୍ ଦାଡିକେଦା । ୮ ମେନ୍ଦ୍ ପାଉଲୁସ୍ ଆପନାଃ ବାଚାଅଃ ରିକା ନାକ୍ କାଜିକେଦାଏ, “ଯିହୁଦୀ ହଡକ‌ଆଃ ଆନ୍‌ରୁ ବିରୁଧ୍‌ରେ ଚାଏ ମାହିର୍ ଅଡ଼ାଃ ବିରୁଧ୍‌ରେ ଚାଏ କାକ୍‌ସାର୍‌ଆଃ ବିରୁଧ୍‌ରେ ଜେଡନାଃ କାକ୍ ଗୁହ୍ନାକାଦା ।”

୯ ମେନ୍ଦ୍ ଫେଷ୍ଟସ୍ ଯିହୁଦୀ ହଡକ ସୁକୁଃକାକ ମେନ୍ତେ ପାଉଲୁସ୍‌କେ କୁଲିକିୟା, “ଯୀରୁଶାଲେମ୍‌ତେ ସେନ୍ ନାକ୍ ଆଡଃ ଏନ୍ତାଃରେ ଆକ୍‌ୟାଃ ହେପାଦ୍‌ରେ ନେ ସବେନ୍ ଗୁହ୍ନା କାଜିକ ବିଚାର୍ ନାଗେନ୍ତେ ଆମ୍ ଚିନାଃ ସାନାକ୍‌ତାନାମ୍ ?”

୧୦ ପାଉଲୁସ୍ କାଜିକେଦାଏ, “ଆକ୍ କାକ୍‌ସାର୍‌ଆଃ ବିଚାର୍ ଠାୟାଦ୍ କାଚାକ୍‌ରିରେ ତିକ୍‌ୟାକାନାକ୍ । ନେତାଃରେଗି ଆକ୍‌ୟାଃ ବିଚାର୍ ହବାଅଃ ଲାଗାତିକ୍‌ୟାଃ । ଆବେନ୍ ଆବେନ୍‌ଗି ବୁଗିଲେକା ସାରିତାନାବେନ୍, ଆକ୍ ଯିହୁଦୀ ହଡକ‌ଆଃ ବିରୁଧ୍‌ରେ ଜେଡନାଃ କାକ୍ ଅନୟାୟ । ୧୧ ଆକ୍ ଆନ୍‌ରୁ ଟଟାଃକେଦ୍ତେ ଗଜେନ୍ ଲେକା ଜେତା ଅନୟାୟ କାମିକ୍‌କାମିକାଦ୍‌ରେଦ, ଏନାଏତେ ବାଞ୍ଚାଅଃ ନାଗେନ୍ତେ କାକ୍‌କ୍ ସାନାକ୍‌ତାନା । ମେନ୍ଦ୍ ଇନକୁ ଆକ୍‌ୟାଃ ବିରୁଧ୍‌ରେ ଆଉଝାକାଦ୍ ଚିଟାଅଃକାଜିକରେ ଜେତାନ୍ ସାନାକ୍‌ଚି ବାନଃରେଦ, ଜେତାଏ ଆକ୍‌କେ ଇନକୁଆଃ ତିଃଲରେ ଜିମା କାଏ ଦାଡିୟା । ଆକ୍‌ୟାଃ କାକ୍‌ସାର୍‌ତାଃରେ ବିଚାର୍ ହବାଅଃକା ମେନ୍ତେକ୍‌କାଜିଗହାର୍‌ତାନାଃ ।” ୧୨ ଏନ୍ତେ ଫେଷ୍ଟସ୍, ମାରାକ୍ ପାଞ୍ଚେଟ୍‌ରେନ୍ ପାଞ୍ଚକଲଃ ଜାଗାର୍ ଚାବାକେଦ୍ତେ କାଜିରୁହାଡ୍‌କେଦା, “ଆମ୍ କାକ୍‌ସାର୍‌ତାଃରେ କାଜିଗହାର୍‌କାଦାମ୍, ଏନାମେନ୍ତେ ଆମ୍ କାକ୍‌ସାର୍‌ତାଃତେମ୍ ସେନା ।”

ଆଗ୍ରିପା ଆଡଃ ବର୍‌ନିସ୍‌ଆଃ ଆୟାଃରେ ପାଉଲୁସ୍

* ୨୫:୨ ୨୫:୭ ଆଠ୍

୧୩ ଚିମିନ୍ ମାହାଁ ସେନଃୟାନ୍ ତାୟମ୍ତେ ରାଜା ଆଗ୍ରିପା ଆତଃ ବର୍ନିସ୍, ଫେଷ୍ଟସ୍ତକେ ଦାରମି ନାଗେନ୍ତେ କାଇସରିୟା ପାର୍ଗାନ୍ତେକ ହିଜୁଃୟାନା । ୧୪ ଏନ୍ତାଃରେ ଇନ୍କୁ ଚିମିନ୍ ମାହାଁ ତାଇନ୍କେଦ୍ତେ ରାଜା ଫେଷ୍ଟସ୍ତକେ ପାଉଲୁସ୍ଆଃ ବିଷାଏରେ କାଜିକିୟାକ, “ଫେଲିକ୍ସ୍ ଜେହେଲାକାଇ ମିଆଁଦ୍ ହଡ୍ ନେତାଃରେ ମିନାଇୟା । ୧୫ ଆତଃ ଆଇଙ୍ଗ୍ ଯାରୁଗାଲେମ୍ତେ ସେନାକାନ୍ ତାଇକେନାଇଙ୍ଗ୍ ଇମ୍ତା, ଯିହୁଦୀ ମୁଲ୍ ଯାଜାକ୍ ଆତଃ ପ୍ରାଚିନ୍ଦକ ଇନିୟାଃ ବିରୁଧ୍ରେ ଚିମିନ୍ ଚିଟାନ୍କାଜିକ ଆଉକେଦା ଆତଃ ଇନ୍କୁ ଆଇଙ୍ଗ୍କେ ଇନିଃକେ ସାଜାଇ ନାଗେନ୍ତେ କାଜିକେଦିୟା । ୧୬ ମେନ୍ଦ୍ ଆଇଙ୍ଗ୍ ଇନ୍କୁକେ କାଜିକେଦ୍ଦକଆଇଙ୍ଗ୍ ଚି, ମିଆଁଦ୍ ଚିଟାକାନ୍ ହଡ୍କେ ବିଚାରେୟାଃ କାଚାଇରିରେ ଆଇଃକ୍କେ ଚିଟାକାଇ ହଡ୍କଆଃ ସାମ୍ନାଙ୍ଗ୍ରେ ଆପାନ୍କେ ବାଚାଞ୍ଜେନ୍କାଜି କାଜି ନାଗେନ୍ତେ ସୁଯୋଗ୍ ଏମ୍ ସିଦାରେ ଇନିଃକେ ସାଜାଇ ଏମ୍ ନାଙ୍ଗ୍ ଜିମା ରିକାରେୟାଃ ରୋମିରେନ୍ ହଡ୍କଆଃ ଆଇନ୍ ନାହାଁଲାଃ । ୧୭ ଇନ୍କୁ ନେତାଃତେ ହିଜୁଃୟାନ୍ ତାୟମ୍ତେ ଆଇଙ୍ଗ୍ ବେଗାର୍ ବିଲାମ୍କେଦ୍ତେ ଏନାରେୟାଃ ଏଟାଃ ହୁଲାଙ୍ଗ୍ କାଚାଇରିରେ ଦୁର୍ୟାନାଇଙ୍ଗ୍ ଆତଃ ପାଉଲୁସ୍ତକେ ଭିତାରେତେ ଆଉ ନାଙ୍ଗ୍ ଆରୁକେଦ୍ଦକଆଇଙ୍ଗ୍ । ୧୮ ଆଇଃକ୍କେ ଚିଟାଇତାନ୍ ହଡ୍କ ଆୟାଃ ବିରୁଧ୍ରେ କାଜି ନାଗେନ୍ତେ ଡିଙ୍ଗ୍ୟାନା, ମେନ୍ଦ୍ ଆଇଙ୍ଗ୍ ମନେକାଦ୍ ତାଇକେନ୍ ଲେକା ଚିଟାଆଃରାଃ କାଜି ଆଉୟାକ ମେନ୍ତେଇଙ୍ଗ୍ ଉଡ୍ଡୁକାଦ୍ ତାଇକେନା, ମେନ୍ଦ୍ ଇନ୍କୁ ଏନ୍ ଲେକା କାକ ଦାଡିକେନା । ୧୯ ଇନ୍କୁ ସବେନ୍ଦ୍ ଆକଆଃ ଧାରାମ୍ ବିଷାଏରେ ଆତଃ ଯୀଶୁ ନୁତୁମ୍ ମିଆଁଦ୍ ହଡ୍, ଗଜାକାନ୍ଦ୍ଏତେ ଜୀଉବିରିଦାକାନାଏ ମେନ୍ତେ ପାଉଲୁସ୍ କାଜିତାନ୍ ବିଷାଏରେ ଜାଗାର୍ତାନାକ । ୨୦ ଆଇଙ୍ଗ୍ ନେ ସବେନ୍ ବିଷାଏରେ ଆତଃଗି ବୁଗିଲେକା ସାରିନାମ୍ ନାଗେନ୍ତେ ଚିନାଃ ରିକା ଲାଗାଡିୟା, ଏନା କାଇଙ୍ଗ୍ ଉହାଟ୍ ଦାଡିୟାନ୍ ହରାତେ, ନେ ଚିଟାନ୍କାଜିରେ ବିଚାରଃ ନାଙ୍ଗ୍ ପାଉଲୁସ୍ତକେ ଯାରୁଗାଲେମ୍ତେମ୍ ସେନାଚି ମେନ୍ତେଇଙ୍ଗ୍ କୁଲିକିୟା । ୨୧ ମେନ୍ଦ୍ ପାଉଲୁସ୍, ଆଇଃକ୍ଗି ରୋମିରେନ୍ ହାକିମ୍ ଆଇଙ୍ଗ୍କେ ବିଚାରିଙ୍ଗ୍କା ମେନ୍ତେ କାଜିଗରଙ୍ଗ୍କେଦା, ଏନାତେ ଆଇଙ୍ଗ୍ ଇନିଃକେ କାଇସାର୍ତାଃତେ ଆଉରି କୁଲି ଜାକେଦ୍ ଜେହେଲ୍ରେ ଦହକେଦ୍ତେ ଦାର୍ଝାନ୍କକେ ହର ନାଙ୍ଗ୍ ଆରୁକାଦ୍ଦକଆଇଙ୍ଗ୍ ।”

୨୨ ଆଗ୍ରିପା ଫେଷ୍ଟସ୍ତକେ କାଜିକିୟା, “ଆଇଙ୍ଗ୍ଗି ନେ ହଡ୍ରାଃ କାଜି ଆୟୁମ୍ ନାଗେନ୍ତେଇଙ୍ଗ୍ ସାନାଙ୍ଗ୍ତାନା ।” ଫେଷ୍ଟସ୍ କାଜିରୁହାଡ୍କିୟାଏ, “ଗାପା ଆବେନ୍ ଇନିୟାଃ କାଜିବେନ୍ ଆୟୁମେୟା ।”

୨୩ ଏନାରେୟାଃ ଏଟାଃ ହୁଲାଙ୍ଗ୍ ଆଗ୍ରିପା ଆତଃ ବର୍ନିସ୍ ପୁରାଃ ମାରାଙ୍ଗ୍ ପାଞ୍ଚେଟ୍ତେକ ହିଜୁଃୟାନା ଆତଃ ହାଜାର୍ ସିପାଇକଆଃ ଆଗୁଆଇକ ଆତଃ ନାଗାର୍ରେନ୍ ମାପୁରାଙ୍ଗ୍ ହଡ୍କଲଃ କାଚାଇରିରେ ବଲୟାନାକ । ଫେଷ୍ଟସ୍ଆଃ ହୁକୁମ୍ତେ ପାଉଲୁସ୍ତକେ ଭିତାରେତେକ ଆଉକିୟା । ୨୪ ଫେଷ୍ଟସ୍ କାଜିକେଦାଏ, “ରାଜା ଆଗ୍ରିପା ଆତଃ ନେତାଃରେ ମେନାକ ସବେନ୍ ମାଇନାନ୍ ହଡ୍କ, ଆପେ ନେଲିତାନ୍ ନେ ହଡ୍ଆଃ ବିରୁଧ୍ରେ ନେତାଃରେନ୍ ହଡ୍କ ଆତଃ ଯାରୁଗାଲେମ୍ରେ ତାଇନ୍ଦାନ୍ ଯିହୁଦୀ ହଡ୍କ ଆଇଙ୍ଗ୍ତାଃତେ ଇନିୟାଃ ଗୁଣ୍ଡାକାଜିକ ଆଉଝାକାଦା । ଇନିଃ ଜାନିଦ୍ ଆଲକାଏ ତାଇନଃକା ମେନ୍ତେ ଇନ୍କୁ ସବେନ୍ଦ୍ କାଉରିୟାକାଦାକ । ୨୫ ମେନ୍ଦ୍ ଇନିଃ ଗନ୍ଏଃ ସାଜାଇ ନାମେଲେକା ଜେତାନ୍ କାମି କାଇଙ୍ଗ୍ ନାମ୍କେଦା । ଇନିଃ ଆଇଃକ୍ଗି ରୋମିରେନ୍ ହାକିମ୍କେ କାଜିଗହାଡ୍କାଇ ହରାତେ, ଆଇଙ୍ଗ୍ ଇନିଃକେ ରୋମ୍ତେ କୁଲ୍ ନାଙ୍ଗ୍ ଉହାଟ୍କାଦାଇଙ୍ଗ୍ । ୨୬ ମେନ୍ଦ୍ ଇନିୟାଃ ବିଷାଏରେ ହାକିମ୍ତାଃତେ ଅଲ୍ ନାଙ୍ଗ୍ ଜେଡ୍ନାଃ କାଇଙ୍ଗ୍ ନାମେତାନା । ଏନାତେ ଆଇଙ୍ଗ୍ ଇନିଃକେ ଆପେତାଃତେ, ବିଶେଷ୍ଟକେଦ୍ତେ ରାଜା ଆଗ୍ରିପା, ଆବେନାଃ ଆୟାର୍ତେଇଙ୍ଗ୍ ଆଉକିୟା, ଜେ'ଲେକାଚି ଇନିୟାଃ ବିଷାଏ ବୁଗିଲେକା କୁଲିକେଦ୍ତେ ଆଇଙ୍ଗ୍ ରୋମିରେନ୍ ହାକିମ୍ତାଃତେ ଜେଡ୍ନାଃଇଙ୍ଗ୍ ଅଲ୍ ଦାଡିୟା । ୨୭ ଚିଆଃଚି ମିଆଁଦ୍ ଜେହେଲାକାନ୍ନିୟାଃ ବିରୁଧ୍ରେ ତାଇକାନ୍ ଚିଟାନ୍କାଜିକ ବୁଗିଲେକା କା ଉଦୁବ୍କେଦ୍ତେ ଇନିଃକେ ହାକିମ୍ତାଃତେ କୁଲ୍ତେୟାଃ କା ଠାଉକା ଲେକାଇଙ୍ଗ୍ ଆଡ୍କାରେତାନା ।”

୨୨

ଆଗ୍ରିପା ଆୟାର୍ରେ ପାଉଲୁସ୍

୧ ଆଗ୍ରିପା ପାଉଲୁସ୍ତକେ କାଜିକିୟା, “ଆମ୍ ନାହାଁଃ ଆମାଃ ସାଃଏତେ ଜେଡ୍ନାଃ କାଜି ଦାଡିୟାଃମ୍ ।” ପାଉଲୁସ୍ ତିଃଇ ଜିଲିଙ୍ଗ୍କେଦ୍ତେ ଆୟାଃ ଆପ୍ନାଃସାଃଏତେ ବାଞ୍ଚାଆଃ ନାଙ୍ଗ୍ କାଜିକେଦାଏ,

୨ “ହେ ରାଜା ଆଗ୍ରିପା, ଯିହୁଦୀ ହଡ୍କ ଆଇଙ୍ଗ୍କେ ଚିଟାଙ୍ଗ୍ତାନ୍ ସବେନ୍ କାଜିକ ନାଗେନ୍ତେ ଆଇଙ୍ଗ୍ ତିସିଙ୍ଗ୍ ଆବେନାଃ ଆୟାର୍ରେ ଆପ୍ନାଃସାଃଏତେ ବାଞ୍ଚାଆଃ ନାଙ୍ଗ୍ କାଜିରେୟାଃ ସୁଯୋଗ୍ ଏମାକାନ୍ ହରାତେ ପୁରାଃଗିଇଙ୍ଗ୍ ସୁକୁକାନା । ୩ ଚିଆଃଚି ଯିହୁଦୀ ହଡ୍କଆଃ ଚିଡିଃଝାଜ୍ ଆତଃ ଇନ୍କୁଆଃ ଏପରାଙ୍ଗ୍ କାଜିକ ଆବେନ୍ ବୁଗିଲେକାବେନ୍ ସାରିକାଦା । ଏନାତେ ବିଡ୍ଡିବେନ୍ ତାନାଇଙ୍ଗ୍, ଆବେନ୍ ଧୂରାଜ୍ତେ ଆଇଁୟାଃ କାଜି ଆୟୁମେବେନ୍ ।

୪ “ମିଦ୍ ସିଚିଆଏତେ ଆଇଁୟାଃ ଜୀଦାନ୍ରେୟାଃ ଚାଇଲ୍ ଚାଲାନ୍ ବିଷାଏରେ ସବେନ୍ ଯିହୁଦୀ ହଡ୍କ ସାରିକାଦାକ । ସିଦାତେ ଆଇଁୟାଃ ଆପ୍ନାଃ ଦିଶୁମ୍ରେ ଏନ୍ତେ ଯାରୁଗାଲେମ୍ରେ ଆଇଙ୍ଗ୍ ଚିଲ୍କା ଜୀଦାନ୍ ବିତାଅକାଦାଇଙ୍ଗ୍, ଏନାହ ଇନ୍କୁ ସାରିକାଦାକ । *ଆଇଙ୍ଗ୍ ସିଦାଏତେଗି ଫାରୁଗୀ ନୁତୁମ୍ ଆଲେୟାଃ ଧାରାମ୍ରେୟାଃ ସବେନାଃଏତେ କେଟେୟାନ୍

☆ ୨୨:୫ ୨୬:୫ ପ୍ରେରିତ୍ ୨୩:୨; ଫିଲିପିୟ ୩:୫.

ଝୁଣ୍ଡରେନ ହଡ଼ ତାଇକେନାଇଙ୍ଗ୍, ଏନା ଇନ୍କୁ ସାରିତାନାକ ଆଡ଼ଃ ସାନାଇଁ ତାନରେଦ, ଇନ୍କୁ ନେ ବିଷାଏରେ ଗାଞ୍ଜା ଏମ୍ ଦାଡ଼ିୟାଃକ । ^୬ ପାର୍ମେଶ୍ଵାର୍ ଆଲେୟାଃ ପୁରୁଖା ହାଡ଼ାମ୍‌କେ ଅକ ବାନାର୍‌ସା ଏମାକାକ ତାଇକେନାଏ, ଏନାରେ ଆଇଁୟାଃ ଆସ୍ତା ମେନାଃ ହରାତେ ତିସିଙ୍ଗ୍ ଆଇଙ୍ଗ୍ ନେତାଃରେ ବିଚାର୍ ହବାଅଃ ନାଙ୍ଗ୍ ତିଙ୍ଗୁକାନାଇଙ୍ଗ୍ । ^୭ ଆଲେୟାଃ ହଡ଼କଆଃ ଗେଲ୍‌ବାର୍ କିଲିକ ନିଦା ସିଙ୍ଗି ପାର୍ମେଶ୍ଵାର୍‌ଆଃ ସେଞ୍ଜାକେଦ୍‌ତେ ଏନ୍ ମିଆଁଦ୍ ବିଷାଏଗି ନାମେ ନାଗେନ୍ତେକ ଆସ୍ତାକାଦା । ହେ ମାଇନାନ୍ ରାଜା ଆଗ୍ରିପା, ଆଇଁୟାଃ ଏନ୍ ଆସ୍ତା ହରାତେ ଯିହୁଦୀ ହଡ଼କ ଆଇଙ୍ଗ୍‌କେକ ଚିଟାଇଙ୍ଗ୍‌ତାନା । ^୮ ପାର୍ମେଶ୍ଵାର୍ ଗଜାକାନ୍‌କେ ଜୀଉବିରିଦ୍‌କଆ, ନେ କାଜି ଚିନାଃମେନ୍ତେ ଆପେୟାଃ ବିଚାର୍‌ରେ କା ପାଡ଼ିୟାର୍‌ରଃ ଲେକାପେ ଆଟ୍‌କାରେତାନା ?

^୯ “ନାଜରେଡ଼ରେନ୍ ଯୀଶୁଆଃ ନୁଡୁମ୍ ବିରୁଧ୍‌ରେ ଆଇଁୟାଃ ପୁରାଃଗି କାମି ରିକା ଲାଗାତିଙ୍ଗ୍‌ୟାଃ ମେନ୍ତେଇଙ୍ଗ୍ ଉଡ଼ଃକାଦ୍ ତାଇକେନା । ^{୧୦} ଯୀରୁଶାଲେମ୍‌ରେ ଆଇଙ୍ଗ୍ ଏନ୍‌ଲେକାଗିଇଙ୍ଗ୍ ରିକାକେଦା । ମୁଲ୍ ଯାଜାକ୍‌ତାଃଏତେ ଆକ୍‌ତେୟାର୍ ଅନଲ୍ ଆଡ଼କେଦ୍‌ତେ ପାର୍ମେଶ୍ଵାର୍‌ଆଃ ପୁରାଃ ପାବିତାର୍ ହଡ଼କକେ ଜେହେଲ୍‌ରେ ଦହକେଦ୍‌କଆଇଙ୍ଗ୍ ଆଡ଼ଃ ଇନ୍କୁକେ ଗନଏଃ ସାଜାଇ ଏମଃ ଇମ୍‌ତା ଆଇଙ୍ଗ୍ ଇନ୍କୁଆଃ ବିରୁଧ୍‌ରେ ତାଇକେନାଇଙ୍ଗ୍ । ^{୧୧} ପୁରାଃସାଃ ସାମାଜ୍ ଅଡ଼ାଃକରେ ଆଇଙ୍ଗ୍ ଇନ୍କୁକେ ସାଜାଇ ଏମାକାଦ୍‌କଆଇଙ୍ଗ୍ ଆଡ଼ଃ ଇନ୍କୁ ଯୀଶୁକେ ନିଦାକେଦ୍‌ତେ ବିଶ୍ଵାସ୍‌କାଦ୍‌ତେୟାଃକେ ବାଗିପେ ମେନ୍ତେଇଙ୍ଗ୍ କାଜିକତାଇକେନା । ଆଇଙ୍ଗ୍ ଇନ୍କୁଆଃ ନାଗେନ୍ତେ ନିମିନାଙ୍ଗ୍ ଖୁସ୍‌କାନ୍ ତାଇକେନାଇଙ୍ଗ୍ ଯେ, ଇନ୍କୁକେ ସାସାତି ରିକା ନାଗେନ୍ତେ ଏଟାଃଦିଶୁମ୍‌ରାଃ ନାଗାର୍‌କତେହଗି ସେନାକାନ୍ ତାଇକେନାଇଙ୍ଗ୍ ।

ପାଉଲୁସ୍ ଆୟାଃ ମନ୍‌ରୁହାଡ଼୍ ବିଷାଏରେ କାଜିକେଦା
(ପ୍ରେରିତ୍ ୯:୧-୧୯; ୨୭:୭-୧୭)

^{୧୨} “ନେ ଉଦ୍‌ଘେଶ୍‌ରେ ମୁଲ୍ ଯାଜାକ୍‌ତାଃଏତେ ଆକ୍‌ତେୟାର୍ ଅନଲ୍ ଆଡ଼ଃ ଆନାରୁ ଆଡ଼କେଦ୍‌ତେ ଆଇଙ୍ଗ୍ ଦମାସ୍‌କସ୍‌ତେ ସେନାକାନ୍ ତାଇକେନାଇଙ୍ଗ୍ । ^{୧୩} ହେ ମାଇନାନ୍ ରାଜା ଆଗ୍ରିପା, ମୁସିଙ୍ଗ୍ ତିକିନ୍‌ସିଙ୍ଗି ଇମ୍‌ତା ସେନ୍ ହରାରେ ଆଇଙ୍ଗ୍ ସିଙ୍ଗିଏତେ ଆଦ୍‌କା ମାର୍‌ସାଲ୍ ନେଲ୍‌କେଦାଇଙ୍ଗ୍, ସିମ୍‌ହେତେ ଏନ୍ ମାର୍‌ସାଲ୍ ହିଜୁଃକେଦ୍‌ତେ ଆଇଁୟାଃ ଆଡ଼ଃ ଆଇଁୟାଃଲଃ ସେନ୍‌ତାନ୍‌କଆଃ ଚାରିୟାଃରେ ମାର୍‌ସାଲ୍‌ୟାନା । ^{୧୪} ଆଲେ ସବେନ୍‌କ ଅତେରେଲେ ଉୟୁଃୟାନା ଆଡ଼ଃ ଏଡ୍ରୀ ଜାଗାର୍‌ତେ ଆଇଙ୍ଗ୍ ନାଗେନ୍ତେ ନେ ଲାଦ୍‌ଜା ଆୟୁମ୍‌କେଦାଇଙ୍ଗ୍, ‘ହେ ଶାଉଲ୍, ହେ ଶାଉଲ୍, ଚିନାଃମେନ୍ତେ ଆମ୍ ଆଇଙ୍ଗ୍‌କେମ୍ ସିଗିଦିଇଙ୍ଗ୍‌ତାନା ? ସିହୁଃତାନ୍ ନାଏଁହାଲ୍ ଚୁଟିରେ ତାୟୁଃତାନ୍ ପାହାଲ୍‌ରେ ଫାଦାତାନ୍ ଉରିଃକ୍ ଲେକା ଆମ୍ ଆମ୍‌ଗି ଫାଦାଅଃଆ ।’ ^{୧୫} ଆଇଙ୍ଗ୍ କୁଲିକେଦାଇଙ୍ଗ୍, ‘ପ୍ରାଭୁ ଆବେନ୍ ଅକଏତାନ୍‌ବେନ୍ ?’ ପ୍ରାଭୁ କାଜିରୁହାଡ଼୍‌କେଦିୟାଏ, ‘ଆଇଙ୍ଗ୍ ଏନ୍ ଯୀଶୁ ତାନିଙ୍ଗ୍, ଅକଏକେଚି ଆମ୍ ସାସାତିତାନାମ୍ ।’ ^{୧୬} ମେନ୍‌ଦ ବିରିଦ୍‌କେଦ୍‌ତେ ତିଙ୍ଗୁନ୍‌ମେ, ଆମ୍‌କେ ଆଇଁୟାଃ ଦାସି ଲେକା ସାଲାମେ ନାଗେନ୍ତେ ଆଇଙ୍ଗ୍ ଆମ୍‌ତାଃରେଇଙ୍ଗ୍ ଉଦୁବେନ୍‌ୟାନା । ତିସିଙ୍ଗ୍ ଆଇଁୟାଃ ବିଷାଏରେ ନେଲାକାଦ୍‌ତେୟାଃ ଆଡ଼ଃ ହିଜୁଃ ଦିପିଲିରେ ଆଇଙ୍ଗ୍ ଆମ୍‌କେ ଉଦୁବାମେତେୟାଃ, ଏନ୍ ସବେନାଃରାଃ ଗାଞ୍ଜା ଆମ୍ ଏଟାଃକକେମ୍ କାଜିୟାକଆ । ^{୧୭} ଆଇଙ୍ଗ୍ ଆମ୍‌କେ ଅକ ଯିହୁଦୀ ଆଡ଼ଃ ସାଅଁସାର୍ ହଡ଼କତାଃତେ କୁଲ୍‌ମେୟାଈଙ୍ଗ୍, ଇନ୍କୁତାଃଏତେ ଆଇଙ୍ଗ୍ ଆମ୍‌କେ ବାସ୍ତାଅମେୟାଈଙ୍ଗ୍ । ^{୧୮} ଆମ୍ ଇନ୍କୁକେ ସାର୍‌ତିତେୟାଃ ଆଟ୍‌କାରେ ନାଙ୍ଗ୍ ଆଡ଼ଃ ହସଡ଼ତେୟାଈକେ କା ବିଶ୍ଵାସେ ନାଙ୍ଗ୍ ଦେଙ୍ଗାକଆମ୍, ଇନ୍କୁକେ ନୁବାଃହେତେ ମାର୍‌ସାଲ୍‌ତେ ଆଡ଼ଃ ସାଏତାନ୍‌ଆଃ ଆକ୍‌ତେୟାର୍‌ହେତେ ପାର୍ମେଶ୍ଵାର୍‌ସାଃତେ ରୁହାଡ଼୍‌କଆମେ, ଜେ’ଲେକାଚି ଆଇଙ୍ଗ୍‌ତାଃରେ ବିଶ୍ଵାସେ ହରାତେ ଇନ୍କୁଆଃ ପାପ୍‌କ ଛାମାଅଃଆ ଆଡ଼ଃ ପାର୍ମେଶ୍ଵାର୍‌ଆଃ ପାବିତାର୍‌କାନ୍ ହଡ଼କ ଆଲାରେ ଇନ୍କୁ ଠାୟାଦ୍‌କ ନାମେୟା ।’

ପାଉଲୁସ୍ ଆୟାଃ କାମିରାଃ କାଜି ଉଦୁବେତାନା

^{୧୯} “ଏନାମେନ୍ତେ ହେ ରାଜା ଆଗ୍ରିପା, ଆଇଙ୍ଗ୍ ସିମ୍‌ହେତେ ଅକ ଦାର୍‌ଶାନ୍ ନାମାକାଦାଇଙ୍ଗ୍ ଏନାକେଇଙ୍ଗ୍ ମାନାତିଙ୍ଗ୍‌କାଦା । ^{୨୦} ଆଇଙ୍ଗ୍ ସିଦାତେ ଦମାସ୍‌କସ୍, ଯୀରୁଶାଲେମ୍ ଆଡ଼ଃ ଏନାରେୟାଃ ତାୟମ୍‌ତେ ସବେନ୍ ଯିହୁଦା ପାର୍‌ଗାନ୍‌ରେ ଆଡ଼ଃ ସାଅଁସାର୍ ହଡ଼କଆଃ ଆଲାରେଇଙ୍ଗ୍ ଉଦୁବ୍‌କେଦା, ଜେ’ଲେକାଚି ଇନ୍କୁ ପାପ୍ ନାଗେନ୍ତେ ହେୟାତିଙ୍ଗ୍‌ତାନ୍‌ଲଃ ପାର୍ମେଶ୍ଵାର୍‌ସାଃତେକ ରୁହାଡ଼ାଃ ଆଡ଼ଃ ଇନ୍କୁ ହେୟାତିଙ୍ଗ୍‌କାଦାକ ମେନ୍ତେ ଏନାକେ କାମିରେକ ଉଦୁବେୟା । ^{୨୧} ନେଆଁ ନାଗେନ୍ତେ ଆଇଙ୍ଗ୍ ମାନ୍‌ଦିର୍ ଅଡ଼ାଃରେ ତାଇକେନ୍ ଇମ୍‌ତା ଯିହୁଦୀ ହଡ଼କ ଆଇଙ୍ଗ୍‌କେ ସାବ୍‌କେଦ୍‌ତେ ଗଗଏଃ ନାଗେନ୍ତେକ ସେକାଡ଼ାକାନ୍ ତାଇକେନା । ^{୨୨} ମେନ୍‌ଦ ପାର୍ମେଶ୍ଵାର୍ ତିସିଙ୍ଗ୍ ଜାକେଦ୍ ଆଇଙ୍ଗ୍‌କେ ଦେଙ୍ଗାକାଦିୟା ଆଡ଼ଃ ଏନାମେନ୍ତେ ଆଇଙ୍ଗ୍ ତିସିଙ୍ଗ୍ ହୁଡିଙ୍ଗ୍ ମାରାଙ୍ଗ୍ ସବେନ୍‌କତାଃରେ ଗାଞ୍ଜା ଏମ୍ ନାଗେନ୍ତେଇଙ୍ଗ୍ ତିଙ୍ଗୁଆକାନା । ନାବାକ ଆଡ଼ଃ ମୁଶା, ଅକ୍‌ନାଃ ହବାଅଃଆ ମେନ୍ତେକ କାଜିକାଦ୍ ତାଇକେନା, ଆଇଙ୍ଗ୍ ଏନ୍ କାଜିକେଗିଇଙ୍ଗ୍ କାଜିତାନା । ^{୨୩} ମାସିକେ ଦୁକୁ ସାହାତିଙ୍ଗ୍ ଲାଗାତିଙ୍ଗ୍‌ୟାଈ ଆଡ଼ଃ ଗଜାକାନ୍‌କଆଃଏତେ ସିଦାତେ ଜୀଉବିରିଦ୍‌ୟାନ୍‌ଲଃ ଯିହୁଦୀ ଆଡ଼ଃ ସାଅଁସାର୍ ହଡ଼କଆଃ ଆୟାର୍‌ରେ ପାରିତ୍ରାଶ୍‌ରେୟାଈ ମାର୍‌ସାଲ୍ ଉଦୁବେୟାଏ ।”

☆ ୨୭:୯ ୨୭:୯ ପ୍ରେରିତ୍ ୮:୩; ୨୨:୪,୫. ☆ ୨୭:୨୦ ୨୭:୨୦ ପ୍ରେରିତ୍ ୯:୨୦,୨୮,୨୯. ☆ ୨୭:୨୩ ୨୭:୨୩ ୧ କରିନ୍ଥ୍‌ୟ ୧୫:୨୦.

୨୪ ନେ'ଲେକା ପାଉଲୁସ୍ ଆୟାଃ ଆପ୍‌ନାୟାଃଏତେ କାଜିତାଇକେନ୍ ଇମ୍‌ତା, ଫେଷ୍ଟସ୍ କାଉରିକେଦ୍‌ତେ କାଜିକେଦା, "ପାଉଲୁସ୍, ଆମ୍ ବାଲୁଅଃ ତାନାମେ ! ଆମାଃ ମାରାଜ୍ ଇନିତୁ ଆମ୍‌କେ ବାଉଡ଼ାକାଦ୍‌ମେୟା !"

୨୫ ପାଉଲୁସ୍ କାଜିରୁହାଡ଼କେଦାଏ, "ଏ ମାଇନାନ୍ ଫେଷ୍ଟସ୍, ଆଇଜ୍ କାଇଜ୍ ବାଏହାକାନା, ଆଇଜ୍ କାଜିତାନତେୟାଃ ସାର୍‌ତିତାନାଃ ଆତଃ ଲାଗାତିଜ୍‌ରାଃ କାଜିଇଜ୍ କାଜିକାଦା । ୨୬ ରାଜା ଆଗ୍ରିପା, ଆବେନ୍ ନେ ସବେନ୍ ବିଷାଏରେ ସାରିକାଦ୍ ହରାତେ ଆଇଜ୍ ଆବେନାଃ ଆୟାର୍‌ରେ ନେ କାଜି କାଜି ନାଗେନ୍ତେଇଜ୍ ସାହାସେତାନା, ଆଇଜ୍ ସାର୍‌ତିଗିଇଜ୍ ସାରିତାନା ଯେ, ନେ ସବେନ୍ ବିଷାଏରେ ଆବେନ୍ ସାରିତାନାବେନ୍, ତିଆଃତି ନେଆଁ କା ସାରି ଠାୟାଦ୍‌ରେ ଉକ୍ତକେଦ୍‌ତେ କା ହବାକାନା । ୨୭ ହେ ରାଜା ଆଗ୍ରିପା, ଚିୟାଃ ଆବେନ୍ ନାବୀକକେ ବିଶ୍ୱାସ୍‌ସାଃବେନ୍ ? ଆଇଜ୍ ସାରିତାନାଇଜ୍ ଆବେନ୍ ବିଶ୍ୱାସ୍‌ସାଃବେନ୍ !"

୨୮ ଆଗ୍ରିପା ପାଉଲୁସ୍‌କେ କାଜିକିୟା, "ନେ ହୁଡ଼ିଜ୍ ଘାଡ଼ିରେଗି ଆମ୍ ଚିନାଃ ଆଇଜ୍‌କେ ଖ୍ରୀଷ୍ଟିୟାନ୍ ରିକା ଦାଡ଼ିୟାମ୍ ମେନ୍ତେମ୍ ଉଡ଼ୁତାନା ?"

୨୯ ପାଉଲୁସ୍ କାଜିରୁହାଡ଼କିୟାଏ, "କାଟିଃଘାଡ଼ି ହବାଅଃ ଚାଏ ପୁରାଃଘାଡ଼ି, ପାର୍‌ମେଶ୍ୱାର୍‌ତାଃରେ ଆଇୟାଃ ନିମିନାଜ୍ ବିକ୍ରିତାନାଃ, ଆବେନ୍ ଆତଃ ତିସିଜ୍ ଆଇୟାଃ କାଜି ଆୟୁମ୍‌କାଦ୍ ସବେନ୍‌କ ଆଇୟାଃ ଲେକା ହବାଅଃପେ, ମେନ୍‌ଦ ନେ'ଲେକା ସିକିଡ଼ିରେ ତଲଃପେ ମେନ୍ତେ ଆଇଜ୍ କାଇଜ୍ କାଜିତାନା ।"

୩୦ ଏନ୍ତେ ରାଜା, ଲାଟ୍‌ସାହେର୍, ବର୍‌ନିସ୍ ଆତଃ ଏଗାଃ ସବେନ୍‌କ ବିରିଦ୍‌ୟାନା, ୩୧ ଆତଃ ସେନଃ ତାଇକେନ୍ ଇମ୍‌ତା ମିହୁଡ଼୍ ଆତଃମିହୁଡ଼୍‌କେ କାଜିୟାନାକ, "ନେ ହଡ଼ ନେ'ଲେକାନ୍ ଜେତାନ୍ କାମି କାଏ କାମିକାଦା, ଅକ୍‌ନାଃ ହରାତେତି ଇନିଃ ଗନଏଃ ଚାଏ ଜେହେଲ୍‌ରେ ସାଜାଇ ନାମେୟାଏ ।" ୩୨ ଆତଃ ଆଗ୍ରିପା ଫେଷ୍ଟସ୍‌କେ କାଜିକିୟା, "ନେ ହଡ଼ କାଇସାର୍‌ତାଃରେ ବିଚାରଃ ନାଗେନ୍ତେ କାଏ କାଜିଗରଜ୍‌କେଦ୍‌ରେଦ୍, ଆବୁ ଇନିଃକେ ଜେହେଲ୍‌ହେତେ ରାଡ଼ା ଦାଡ଼ିକାଇତେୟାଃରୁ ।"

୨୭

ରୋମ୍‌ତେ ପାଉଲୁସ୍‌ଆଃ ଦାଆଃ ଜାହାଜ୍‌ରେ ସେନଃ

୧ ଆଲେ ଦାଆଃ ଜାହାଜ୍‌ରେ ଇଟାଲି ଦିଶୁମ୍‌ତେ ସେନାଲେ ମେନ୍ତେ ଉହାଟ୍‌କେଦ୍ ହରାତେ ପାଉଲୁସ୍ ଆତଃ ଏଗାଃ ଚିମିନ୍ ଜେହେଲ୍‌କାନ୍‌କ "ମିଦ୍‌ଶାଅ ସିପାଇକଆଃ ଆଗୁଆଇ ଝୁଣ୍ଡ୍" ନୁଡୁମ୍, ମିଆଁଦ୍ ରୋମିରେନ୍ ସିପାଇକଆଃ ଆଗୁଆଇ ଜୁଲିୟସ୍‌ଆଃ ତିଃଇରେ ଜିମାୟାନା । ୨ ଆଲେ ଏସିଆ ପାର୍‌ଗାନ୍‌ରେୟାଃ ଦରେୟା ଗେନାରେ ଅକ୍‌ତାଃରେଚି ଦାଆଃ ଜାହାଜ୍ ହିଜୁଃ ସେନଃ ଚାପୁକତେ ସେନଃ ନାଜ୍ ସେକାଡ଼ାକାନ୍ ଆଦ୍ରାମିତିୟରାଃ ମିଆଁଦ୍ ଜାହାଜ୍‌ରେ ସେନଃୟାନାଲେ । ଆରିସ୍ତାର୍‌ଗ୍ ନୁଡୁମ୍ ଥେସଲନିକା ନାଗାରରେନ୍ ମିହୁଡ଼୍ ମାକିଦନିଆରେନ୍ ହଡ଼ ଆଲେଲଃ ତାଇକେନାଏ । ୩ ଏନାରେୟାଃ ଏଗାଃହୁଲାଇଜ୍ ଆଲେ ସିଦୋନ୍ ନାଗାର୍‌ତେଲେ ସେଟେର୍‌ୟାନା । ଜୁଲିୟସ୍ ପାଉଲୁସ୍‌କେ ଦାୟାକିୟା ଆତଃ ଇନିଃକେ ଆୟାଃ ଗାତିକଲଃ ନେପେଲ୍‌କେଦ୍‌ତେ, ଆୟାଃ ଲାଗାତିଜ୍‌ତେୟାଃ ସବେନାଃ ଆଉଖେ ନାଜ୍ ଆରୁକିୟାଏ । ୪ ଆଲେ ଏନ୍ତାଃଏତେ ସେନଃ ତାଇକେନ୍ ଇମ୍‌ତା ସାମ୍‌ନାଜ୍‌ସାଃଏତେ ହୟକେଦ୍ ହରାତେ ସାଇପ୍ରସ୍ ଚାପୁରେୟାଃ ଗେନା ଗେନାତେଲେ ସେନଃୟାନା । ୫ କିଲିକିଆ ଆତଃ ପାମିଲିଆ ପାର୍‌ଗାନ୍ ପାରମ୍‌କେଦ୍‌ତେ ଲୁକିଆ ପାର୍‌ଗାନ୍‌ରେୟାଃ ମୁରା ନାଗାର୍‌ତେଲେ ହିଜୁଃୟାନା । ୬ ଏନ୍ତାଃରେ ମିଦ୍‌ଶାଅ ସିପାଇକଆଃ ଆଗୁଆଇ ଆଲେକ୍‌ଜାଣ୍ଡ୍ରିଆରେୟାଃ ମିଆଁଦ୍ ଦାଆଃ ଜାହାଜ୍ ଇଟାଲିତେ ସେନଃ ନାଜ୍ ସେକାଡ଼ଃତାନ୍‌ତେୟାଃ ନେଲ୍‌କେଦ୍‌ତେ ଆଲେକେ ଏନାରେ ଦୁବ୍‌କେଦ୍‌ଲେୟା ।

୭ ଆଲେ ପୁରାଃମାହାଁ ଜାକେଦ୍ ମାଡ଼ି ମାଡ଼ିତେ ସେନଃତାନ୍‌ଲଃ ତାର୍‌ସାର୍ କ୍ରିଦ୍ ସାହାର୍ ନାଡ଼େଃତେଲେ ସେଟେର୍‌ୟାନା । ସାମ୍‌ନାଜ୍‌ସାଃଏତେ ହୟ ହିଜୁଃତାନ୍ ହରାତେ ଆଲେ ଏନ୍‌ସାଃତେ ଆୟାର୍‌ତେ କାଲେ ସେନ୍ ଦାଡ଼ିୟାନା, ଏନାତେ କ୍ରିଡ଼ ଚାପୁରେୟାଃ ଦାକ୍ଷିଣ୍‌ସାଃ ଗେନାରେୟାଃ ପାର୍‌ଗାନ୍ ହରାତେ ସେନଃକେଦ୍‌ତେ ସାଲ୍‌ମୋନି ପାର୍‌ଗାନ୍‌କେଲେ ପାରମ୍‌କେଦା । ୮ ଆଲେ ଦରେୟା ଗେନାତେ ତାର୍‌ସାର୍ ସେନ୍‌କେଦ୍‌ତେ "ସୁଗାଡ଼ାନ୍ ଚାପୁ" ନୁଡୁମ୍‌ତାନ୍ ମିୟାଦ୍ ଠାୟାଦ୍‌ତାଃଲେ ସେଟେର୍‌ୟାନା । ଏନା ଲାସିଆ ସାହାର୍ ଜାପାଃରେ ତାଇକେନା ।

୯ ଆଲେ ଏନ୍ତାଃରେ ପୁରାଃମାହାଁ ତାଇକେନାଲେ । ଯିହୁଦୀ ହଡ଼କଆଃ କାଟାବ୍ ପାରାବ୍* ଚୁଣ୍ଡ୍‌କାନ୍ ହରାତେ, ଏନ୍ ଦିପିଲିରେ ଦାଆଃ ଜାହାଜ୍‌ରେ ସେନ୍ ନାଜ୍ ବରଝାନ୍‌ଗି ହବାୟାନା । ଏନାତେ ପାଉଲୁସ୍ ଇନ୍‌କୁକେ ନେ'ଲେକାଏ କାଜିୟାଦ୍‌କଆ, ୧୦ "ହେ ହାଗାକ, ଆଇଜ୍ ସାରି ଦାଡ଼ିତାନାଇଜ୍ ଯେ, ଆବୁ ନେତାଃଏତେ ଆତଃଗି ଦାଆଃ ଜାହାଜ୍‌ରେ ସେନଃ ଏଟେଜେରେଦ୍ ବରଝାନ୍‌ଗି ହବାଅଃଆ । ନେଆଁ ହରାତେ ଦାଆଃ ଜାହାଜ୍ ଆତଃ ଏନାରେ ଲାଦିଆକାନ୍ ସାମାନ୍‌କ ଏସ୍‌କାର୍ ନକ୍‌ସାନଃଆ ମେନ୍ତେଦ୍ କାହା ମେନ୍‌ଦ୍ ସେନ୍ ହରାତାନ୍ ହଡ଼କଆଃ ଜୀଦାନ୍‌ହଗି ଜିୟନଃଆ ।" ୧୧ ମେନ୍‌ଦ୍ ମିଦ୍‌ଶାଅ ସିପାଇକଆଃ ଆଗୁଆଇ ପାଉଲୁସ୍‌ଆଃ କାଜିକେ କା ଆୟୁମ୍‌କେଦ୍‌ତେ, ଦାଆଃ ଜାହାଜ୍ ଚାଲାଅନିୟାଃ ଆତଃ ଗମ୍‌କେୟାଃ କାଜି ଆୟୁମ୍‌କେଦାଏ । ୧୨ ରାବାଜ୍ ସାହା ବିତାଅ ନାଗେନ୍ତେ ଏନ୍ ଦାଆଃ ଜାହାଜ୍ ତିଜୁ ଠାୟାଦ୍ ବେଶ୍ କା ତାଇକେନା । ଏନାତେ ଫୈନିକ୍‌ସ୍ ଠାୟାଦ୍‌ତେ ସେଟେର୍‌କେଦ୍‌ତେ ଏନ୍ତାଃରେ ରାବାଜ୍ ସାହା ବିତାଅ ନାଗେନ୍ତେ

* ୨୭:୯ 27:9 ନେଆଁ ସେସ୍‌ପ୍‌ମ୍‌ର ମାହ୍ ନାରାଃ ଚୁଣ୍ଡ୍‌ରୁ ଚାଏ ଅକ୍ଟୋବର୍ ମାହ୍ ନାରାଃ ଏନେଟେର୍‌ରେ ମାନାତିଜ୍ ତାଇକେନାକ

ଏନ୍ତାସତେ ଦାଆଃ ଜାହାଜ୍ରେ ସେନଃ ନାଜ୍ ପୁରାଃ ହଡକ କାଜିକେଦାକ । ଫୈନିକ୍ସ୍ ଦାକ୍ଷିଣ୍ ପାଶ୍ଚିମ୍ ଆତଃ ଉତ୍ତାର୍ ପାଶ୍ଚିମ୍ପାଃତେ ସାମ୍ନାଜ୍କାଦ୍ କ୍ରିତ୍ରେ ମିଆଁଦ୍ ଦାଆଃ ଜାହାଜ୍ ତିଜ୍ଠୁ ଠାୟାଦ୍ ତାଇକେନା ।

ଦରେୟାରେ ଦୁଦୁଗାର୍ ହୟ

୧୩ ଦାକ୍ଷିଣ୍ପାଃତେ ସୁଆଏତେ† ହୟ ହିଜୁଃୟାନା ଇମତା, ଦାଆଃ ଜାହାଜ୍ରେ ସେନଃତାନ୍ ହଡକ ଆକଆଃ ଉହାଟ୍କାଦ୍ ଠାୟାଦ୍ତେ ସେନ୍ ଦାଡ଼ିୟାକ ମେନ୍ତେ ଉଡ଼ୁକେଦାକ, ଆତଃ ଇନ୍କୁ ଦାଆଃ ଜାହାଜ୍ରେ ତିଜ୍ଠୁକାଦ୍ ହାମ୍ପାଲ୍ ମେଡ଼େଦ୍ତେ ଉଠାଏକେଦ୍ତେ ଚିମିନ୍ ସାଜିନ୍ ସେନ୍ ହବାସାକାଅଃ ଲେକା କ୍ରିତ୍ ଦରେୟା ଗେନା ଗେନାତେକ ସେନଃୟାନା । ୧୪ ମେନ୍ଦ ଇମତାଜି ଟାପୁସାଃଏତେ ଉତ୍ତାର୍ ପୁରାବ୍ ହୟ ଦୁଦୁଗାର୍ଗି ହିଜୁଃୟାନା, ୧୫ ଆତଃ ଦାଆଃ ଜାହାଜ୍ରେ ଠକରାୟାନା । ଏନ୍ତେ ଦାଆଃ ଜାହାଜ୍ରେ ହୟସାଃତେ ସାମ୍ନାଜ୍କେଦ୍ତେ କା ସେନ୍ ଦାଡ଼ିୟାନ୍ ହରାତେ ଆଲେ କାଲେ ଚେଷ୍ଟାକେଦା ଆତଃ ହୟଲଃଗି ଦାଆଃ ଜାହାଜ୍ରେ ଆତୁ ନାଜ୍ ବାଗିତାଦାଲେ । ୧୬ ମିଆଁଦ୍ ହୁଡ଼ିଜ୍ ଟାପୁ କ୍ଲାଉଦ୍ରେୟାଃ ଦାକ୍ଷିଣ୍ପାଃ ହରାତେ ସେନଃ ତାଇକେନ୍ ଇମତା କାଟିଃଲେକା ଏନ୍ ହୟଏତେ ବାଞ୍ଚାଅ ନାମ୍କେଦାଲେ । ଏନ୍ତାସରେ ଜା'ଲେକାତେ ଦାଆଃ ଜାହାଜ୍ରେୟାଃ ଲାଉକାକେ ବୁଗିଲେକା ଦହ ଦାଡ଼ିକେନାଲେ । ୧୭ ଲାଉକା ଚାଲାଅ ହଡକ ଲାଉକାକେ ଦାଆଃ ଜାହାଜ୍ ଚେତାନ୍ତେ ଆଇଜ୍ ରାକାବ୍କେଦାକ ଆତଃ ମୋଟା ବାଏହାର୍ଲଃ କେଟେଦ୍ତେଦ୍ତେ ଦାଆଃ ଜାହାଜ୍ରେ ତଲକେଦାକ । ଦାଆଃ ଜାହାଜ୍ ଦରେୟା ଖାଜ୍ଣି ଲିବିଆରେୟାଃ ସୁର୍ ନୁଡୁମ୍ ହୁଣ୍ଡିଆକାନ୍ ଗିତିଲ୍ତେ ସେନଃକେନଃଆ ମେନ୍ତେ ବରତାନ୍ଲଃ ଦାଆଃ ଜାହାଜ୍ ଚାଲାଅତାନ୍ ହଡକ ପାଲ୍କେ ଆଡ଼ଗୁକେଦ୍ତେ ଦାଆଃ ଜାହାଜ୍ ହୟଲଃଗି ଆତୁ ନାଗେନ୍ତେ ବାଗିତାଦାକ । ୧୮ ଦୁଦୁଗାର୍ ହୟ ହୟତାନ୍ ହରାତେ ଏନାରେୟାଃ ଏଟାଃ ହୁଲାଜ୍ ଇନ୍କୁ ଦାଆଃ ଜାହାଜ୍ରେ ଲାଦିଆକାନ୍ ଜିନିଷ୍ଟକ ଦାଆଃରେ ହୁରାଜ୍କେଦାକ, ୧୯ ଆତଃ ଆପି ମାହାଁରେ ଦାଆଃ ଜାହାଜ୍ରେୟାଃ ଜିନିଷ୍ଟକ ହୁରାଜ୍କେଦା । ୨୦ ପୁରାଃ ଦିନ୍ ଜାକେଦ୍ ଆଲେ ସିଜି ଚାଏ ଇପିଲ୍କକେ କାଲେ ନେଲ୍ ଦାଡ଼ିକେନା ଆତଃ ପୁରାଃ ଜୋର୍ଗି ହୟକାତେ ତାଇକେନା, ଆତଃ ଟୁଣ୍ଡୁରେ ଆଲେ ବାଞ୍ଚାଅ ନାମ୍ରେୟାଃ ସବେନ୍ ଆସ୍ତା ବାଗିକାଦ୍ ତାଇକେନାଲେ ।

୨୧ ସବେନ୍ଦ ଚିମିନ୍ନେତା ବେଗାର୍ ଜମ୍ତେ ତାଇନ୍ୟାନ୍ ତାୟମ୍ତେ ପାଉଲୁସ୍ ସେନଃତାନ୍ ହଡକଆଃ ଆଲାରେ ତିଜ୍ଠୁକେଦ୍ତେ କାଜିକେଦା, “ହେ ହାଗାକ, ଆପେ କ୍ରିତ୍ରେ ଆଇଁୟାଃ କାଜି ଆୟୁମ୍କେଦ୍ତେ ଦାଆଃ ଜାହାଜ୍ରେ କା ହିଜୁଃକାନ୍ରେ, ଆବୁଆଃ ନେ'ଲେକା ନକ୍ସାନ୍ ଆତଃ ଜିୟନ୍ କା ହବାକାନ୍ତେୟାଃ । ୨୨ ମେନ୍ଦ ନାହାଁ ଆଇଜ୍ ଆପେକେ ବିକ୍ରିପେତାନାଇଜ୍, ଆପେ ଆଲପେ ବରଏୟା, ଆପେକଏତେ ଜେତାଏୟାଃହ ଜାଉ କା ନକ୍ସାନଃଆ, ଦାଆଃ ଜାହାଜ୍ ଏସ୍କାର୍ ନକ୍ସାନଃଆ । ୨୩ ଚିଆଃଚି ଆଇଜ୍ ଅକ ପାର୍ମେଶ୍ଵାର୍କେ ସେଞ୍ଝା ରିକାଃଇଜ୍, ସେନଃୟାନ୍ ନିଦାରେ ଆୟାଃ ମିଆଁଦ୍ ଦୁଡ୍ ଆଇଜ୍ତାଃତେ ହିଜୁଃକେଦ୍ତେ କାଜିକେଦିୟା, ୨୪ ଏ ପାଉଲୁସ୍ ଆଲମ୍ ବରଏୟା, ଆମ୍କେ ଜାରୁଡ଼ି କାଇସାର୍ଆଃ ଆୟାର୍ରେ ତିଜ୍ଠୁନ୍ ଲାଗାତିଜ୍ୟାଁ । ଆମାଃଲଃ ପାର୍ମେଶ୍ଵାର୍ଆଃ ସାୟାଦ୍ ଏମାକାନ୍ ହରାତେ, ଇନିଃ ଆମାଃଲଃ ସେନ୍ତାନ୍ ସବେନ୍କଆଃ ଜାଦାନ୍କେ ବାଞ୍ଚାଅକାଦା । ୨୫ ଏନାମେନ୍ତେ, ହେ ହାଗାକ ଆଲପେ ବରଏୟା, ଚିଆଃଚି ଆଇଜ୍ ପାର୍ମେଶ୍ଵାର୍ତାଃରେ ବିଶ୍ଵାସ୍ତାନାଇଜ୍, ଆଇଜ୍କେ ଅକ୍ନାଃ କାଜିକାନା ଏନ୍ଲେକାଗି ହବାଅଆଃ । ୨୬ ମେନ୍ଦ ଆବୁ ଆୟାର୍ରେ ସେନ୍କେଦ୍ତେ ମିଆଁଦ୍ ଟାପୁରେବୁ ଠଗଃଆ ।”

୨୭ ନେଆଁ ଗେଲ୍ଡପୁନ୍‡ ନିଦା ତାଇନ୍କେନା, ଆତଃ ଆଲେ ଆଦିଆ ଦରେୟାରେ ଦୁଦୁଗାର୍ ହୟ ହରାତେ ନେତେହେନ୍ତେ ସେନଃତାନ୍ଲଃ ଲାଗ୍ତାଗ୍ ଆଲାନ୍ଦାରେ ଦାଆଃ ଜାହାଜ୍ ଚାଲାଅ ହଡକ ଆଟ୍କାର୍ ଉରୁମ୍କେଦାକ ଯେ, ଆବୁ ଦରେୟା ଖାଜ୍ଣିତେ ନାଡ଼େଜଃତାନାବୁ । ୨୮ ଏନ୍ତେ ଇନ୍କୁ ବାଏହାର୍ରେ ହାମ୍ପାଲ୍ତେୟାଃ ତଲକେଦ୍ତେ ଦାଆଃରେ ତୁବିଃଗକେଦ୍ ହରାତେ ବାର୍ହିସି ମିଟର୍ ଗାତା ମେନାଃ ମେନ୍ତେକ ସାରିକେଦା । ଆତଃକାଟିଃ ସାଜିନ୍ ସେନ୍କେଦ୍ତେ ନେଲ୍କେଦାକ ଯେ, ଦାଆଃରାଃ ଗାତା ହିସିଗେଲ୍ ମିଟର୍ ତାଇନ୍କେନା । ୨୯ ଦାଆଃ ଜାହାଜ୍ ଜେତା ସେରେଜ୍ରେ ଠଗଃଆଃ ମେନ୍ତେ ବରତାନ୍ଲଃ ଇନ୍କୁ ତାୟମ୍ପାଃଏତେ ଉପୁନିୟା ହାମ୍ପାଲ୍ ମେଡ଼େଦ୍ ଉୟୁଃକେଦାକ ଆତଃ ସିଜିତୁରଃ ନାଜ୍ ବିକ୍ରିକେଦାକ । ୩୦ ଏନ୍ତେ ଦାଆଃ ଜାହାଜ୍ ଚାଲାଅ ହଡକ ଏନାଏତେ ଆଡ଼ଗୁକେଦ୍ତେ ସେନଃ ନାଗେନ୍ତେ ଚେଷ୍ଟାକେଦାକ, ଆତଃ ଦାଆଃ ଜାହାଜ୍ରେୟାଃ ସାମ୍ନାଜ୍ପାଃଏତେ ଆତଃଚିମିନ୍ ହାମ୍ପାଲ୍ ମେଡ଼େଦ୍ତେକ ଉୟୁଃରେୟାଃ ବାହାନାତାନ୍ଲଃ ଇନ୍କୁ ଦାଆଃ ଜାହାଜ୍ରେ ତାଇକେନ୍ ଲାଉକାକେ ଲାତାର୍ତେକ ଲାଲିଜ୍କେଦା । ୩୧ ମେନ୍ଦ ପାଉଲୁସ୍ ମିଦ୍ଶାଅ ସିପାଇକଆଃ ଆଗୁଆଇକେ ଆତଃ ସିପାଇକକେ କାଜିକେଦ୍ତେ, “ଦାଆଃ ଜାହାଜ୍ ଚାଲାଅ ହଡକ କାକ ତାଇନଃରେଦ୍, ଆପେୟାଃ ବାଞ୍ଚାଅରେୟାଃ ଆସ୍ତା କା ତାଇନଃଆ ।” ୩୨ ଏନାତେ ସିପାଇକ ଲାଉକାରେୟାଃ ବାଏହାର୍କେ ହାଦ୍କେଦ୍ତେ ଦାଆଃରେ ଆତୁ ନାଗେନ୍ତେକ ଆଡ଼ାଃତାଦା ।

୩୩ ସିଜିତୁରଃ ସିଦାରେ ପାଉଲୁସ୍ ସବେନ୍କକେ ଜମେ ନାଗେନ୍ତେ କାଜିକେଦ୍ତେଆ । ଇନିଃ କାଜିକେଦ୍ତେଆଏ, “ଗେଲ୍ଡପୁନ୍ ମାହାଁ ହବାୟାନ୍ଗିୟା ଆପେ ଜେଡନାଃ କାପେ ଜମ୍କାଦା । ୩୪ ଆଇଜ୍ ବିକ୍ରିପେ ତାନାଇଜ୍, ନାହାଁ କାଟିଃଲେକା ଜମେପେ, ଜାନିଦ୍ ତାଇନଃ ନାଗେନ୍ତେ ନେଆଁ ଜାରୁଡ଼୍ ଲାଗାତିଜ୍ୟାଁ । ଆଲପେ ବରଏୟା, ଆପେୟାଃ ବହଃଏତେ ମିଆଁଦ୍ ଉବ୍ହ କା ଜିୟନଃଆ ।” ୩୫ ଇନିଃ ନେଆଁ କାଜିକେଦ୍ତେ, ପାଉଲୁସ୍ ପାର୍ମେଶ୍ଵାର୍କେ

† ୨୭:୧୩ ୨୭:୧୩ ମାଡ଼ି ମାଡ଼ିତେ ‡ ୨୭:୨୭ ୨୭:୨୭ ଚାଉଦା

ଧାନ୍ୟବାଦ ଏମ୍ବକେଦ୍ରେ ହଲ୍ଲଙ୍କ କେଟାଠକେଦ୍ରେ ଜମ୍ବକେଦାକ । ୩୬ ନେଆଁରେ ଇନ୍କୁ ସବେନ୍କ ଜୀଉରେ କେଟେଦ୍ ନାମ୍ବକେଦ୍ରେ ଜମ୍ବକେଦାକ । ୩୭ ଇମ୍ବତା ଆଲେ ଦାଆଃ ଜାହାଜ୍ରେ ୨୭୭ ଝାନ୍ ହଡ଼କ ତାଇକେନାଲେ । ୩୮ ସବେନ୍କ ବିୟଃଗି ଜମ୍ବକେଦ୍ ତାୟମ୍ବତେ ଦାଆଃ ଜାହାଜ୍ରେ ଉସାସେ ନାଗେନ୍ତେ ଏନାରେ ତାଇକେନ୍ ସବେନ୍ ଗହମ୍ ଦରେୟାରେକ ହୁରାଜ୍ବକେଦା ।

ଦାଆଃ ଜାହାଜ୍ରେ ନକ୍ସାନଃ

୩୯ ଏଟାଃ ହୁଲ୍ଲଙ୍କ ଆଜ୍ବୟାନ୍ତି, ଦାଆଃ ଜାହାଜ୍ ଚାଲ୍ଲାଅ ହଡ଼କ ଦରେୟାରାଃ ଅକ ଖାଜ୍ବରେ ସେଟେରାକାନାକ ଏନା କାକ ସାରି ଦାଡ଼ିକେନା । ମେନ୍ଦ୍ ଇନ୍କୁ ଗିତିଲ୍ଖାଜ୍ବରେ ମିଆଁଦ୍ ଗାତା ନେଲ୍ବକେଦ୍ରେ ଜେତାଲେକାତେ ଏନ୍ତାଃରେ ଦାଆଃ ଜାହାଜ୍ ଡିଙ୍ଗୁଇ ନାଗେନ୍ତେକ ଉହାଟ୍ବକେଦାକ । ୪୦ ଏନାତେ ଇନ୍କୁ ହାମ୍ବାଲ୍ ମେଡ୍ରେଦ୍ରେୟାଃ ବାଏହାର୍ ହାଦ୍ବକେଦ୍ରେ ଏନ୍ ସବେନାଃକେ ଦରେୟା ଲାତାରରେ ତପାଆଃ ନାଗେନ୍ତେ ବାଗିତାଦାକ । ଏନ୍ତେ ପାତ୍ଝାବ୍ରେୟାଃ ବାଏହାର୍ବକ ରାଡ଼ାକେଦ୍ରେ ଆୟାରରେ ତଲ୍ଲକାଦ୍ ପାଲ୍ବକେ ଉଠାଅକେଦ୍ ହରାତେ ଦାଆଃ ଜାହାଜ୍ ହୟଲ୍ଲଃ ଖାଜ୍ବ ଗେନାତେ ସେନଃୟାନା । ୪୧ ମେନ୍ଦ୍ ଦାଆଃ ଜାହାଜ୍ ହୁଣ୍ଡିଗିତିଲ୍ବରେ ଠକ୍ବରାଅକେଦ୍ରେ ଦାଆଃ ଜାହାଜ୍ରେୟାଃ ସାମ୍ବନାଜ୍ବରେୟାଃ ହିସା ଲାତାରରେ ତପାୟାନା ଆଡ଼ଃ ଆଲ୍ବୁଜ୍ବତେ ଜୋର୍ରେ ଠକ୍ବରାୟାନ୍ ହରାତେ ଦାଆଃ ଜାହାଜ୍ରେୟାଃ ତାୟମ୍ବସାଃ ଟୁକ୍ଡା ଟୁକ୍ଡାୟାନା ।

୪୨ ଜେହେଲ୍ଲକାନ୍ ହଡ଼କ ଦରେୟା ଖାଜ୍ବରେ ପାହୁଁରାଅ ପାହୁଁରାଅ ସେନଃଆକ ମେନ୍ତେ ଇନ୍କୁକେ ଗଗଏଃ ନାଗେନ୍ତେ ସିପାଲକ ଉହାଟ୍ବକେଦାକ । ୪୩ ମେନ୍ଦ୍ ମିଦ୍ଗାଅ ସିପାଲକଆଃ ଆଗୁଆଇ ପାଉଲ୍ବସକେ ବାଞ୍ଚାଅ ନାଗେନ୍ତେ ସାନାଜ୍ବତାଇକେନା, ଏନାତେ ଇନିଃ ସିପାଲକକେ ଗଗଏଃ ନାଜ୍ କାଏ ଆଟୁକେଦ୍ବକଆ । ପାହୁଁରାଅ ଦାଡ଼ିତାନ୍ ସବେନ୍କକେ ଦାଆଃରେ ଡେଗାଅକେଦ୍ରେ ଦରେୟା ଖାଜ୍ବରେ ସେନଃ ନାଜ୍ ଆଟୁକେଦ୍ବକଆଏ । ୪୪ ଆଡ଼ଃ ସାରେଜାକାନ୍ଦକ ଦାରୁପାଟାକରେ ଆଡ଼ଃ ଦାଆଃ ଜାହାଜ୍ରେୟାଃ ଟହେଜାକାନ୍ ଏଟାଃ ଆଡ଼ଃତାନ୍ ଜିନିଷକରେ ସାବ୍ବକେଦ୍ରେ ଆଡ଼ଃ ନାଗେନ୍ତେ ଏଟାଃକକେ କାଜିକେଦ୍ବକଆ । ନେଲେକାତେ ଆଲେ ସବେନ୍କ ବୁଗିଲେକା ଦରେୟା ଖାଜ୍ବରେ ସେଟେରାୟାନାଲେ ।

୨୮

ମାଲ୍ବଟା ଟାପୁରେ ପାଉଲ୍ବସ

୧ ଆଲେ ବାଞ୍ଚାଅ ନାମ୍ବକେଦ୍ରେ ଖାଜ୍ବରେ ସେନକେନାଲେ ଆଡ଼ଃ ନେଲ୍ବକେଦାଲେ ଯେ, ଆଲେ ମାଲ୍ବଟା ଟାପୁରେ ସେଟେରକାନାଲେ । ୨ ଏନ୍ତାଃରେ ତାଇନ୍ଦତାନ୍ ଏଟାଃ ଦିଶ୍ବମରେନ୍ ହଡ଼କ ଆଲେକେ ଦୁପୁଲ୍ଲାଡ଼୍ବରାଃ ଦାୟା ଏମାଦ୍ଲେୟାକ । ଇମ୍ବତା ଦାଆଃ ଗାମାକେଦ୍ରେ ରାବାଜ୍ବତାଇକେନା, ଏନାତେ ଇନ୍କୁ ଆଲେକେ ସେଜେଲ୍ ଜୁଲ୍ବକେଦ୍ରେ ଦାରମ୍ବକେଦ୍ଲେୟାକ । ୩ ପାଉଲ୍ବସ ମିଦ୍ ବିଡ଼ା ସାହାନ୍ ଆଉକେଦ୍ରେ ସେଜେଲ୍ରେ ଉରୁବ୍ ତାଇକେନ୍ ଇମ୍ବତା, ଏନାରେ ମିଆଁଦ୍ ବିଜ୍ ଅଡ଼କ୍ବୟାନାଏ ଆଡ଼ଃ ଏଲ୍ଲାଜ୍ବହେତେ ବାଞ୍ଚାଅ ନାମେ ନାଜ୍ ପାଉଲ୍ବସଆଃ ଡିଃଇରେ ହାବ୍ବକେଦ୍ରେ ତାଇନ୍ଦୟାନା । ୪ ଏନ୍ତାଃରେ ତାଇକାନ୍ ଏଟାଃ ଦିଶ୍ବମରେନ୍ ହଡ଼କ ପାଉଲ୍ବସଆଃ ଡିଃଇରେ ଡୁଙ୍ଗାକାନ୍ ବିଜ୍ବକେ ନେଲ୍ବକେଦ୍ରେ ମିହୁଡ୍ ଆଡ଼ଃମିହୁଡ୍ବକେ କାଜିୟାନାକ, “ଇନିଃ ଜାରୁଡ୍ ମିଆଁଦ୍ ହଡ଼ ଗଗଏଃନିଃ ତାନିଃ, ଇନିଃ ଦରେୟାଏତେ ବାଞ୍ଚାଅ ନାମ୍ବକେଦ୍ରେୟା ଆୟାଃ କିସ୍ବାଡ଼୍ କାଏ ଜୀହୁଦ୍ଇଚିକିୟା ।” ୫ ମେନ୍ଦ୍ ପାଉଲ୍ବସଆଃ ଜେତାନ୍ ନକ୍ସାନ୍ କା ହବାକେଦ୍ରେ ବିଜ୍ବକେ ସେଜେଲ୍ରେ ହୁରାଜ୍ବକିୟା । ୬ ପାଉଲ୍ବସ ମୈକଆଃଏ ଚାଏ ଗଏଃକେଦ୍ରେ ଉୟୁଃକଆଃଏ ମେନ୍ତେ ଇନ୍କୁ ଉଡ଼୍ବକେଦ୍ରେ ଚିମିନ୍ଦାଡ଼ି ତାଜିକେଦାକ । ମେନ୍ଦ୍ ପୁରାଃପାଡ଼ି ତାଜିକେଦ୍ ତାୟମ୍ବତେ ଇନ୍କୁ ନେଲ୍ବକେଦାକ ଯେ, ପାଉଲ୍ବସଆଃ ଜେଡ଼ନାଃ ନକ୍ସାନ୍ କା ହବାଆଡ଼ନା, ଏନ୍ତେ ଇନ୍କୁ ଆକଆଃ ଉଡ଼୍ବ ବାଦ୍ଲାଅକେଦ୍ରେ କାଜିକେଦାକ, “ଇନିଃ ମିଆଁଦ୍ ମାହାପୁରୁ ତାନିଃ ।”

୭ ଏନ୍ ଟାପୁରେଗି ପୁଲ୍ଲିୟସ୍ ନୁଡୁମ୍ ମିଆଁଦ୍ ହଡ଼ରାଃ ଅଡ଼ାଃ ଆଡ଼ଃ ଅତେ ତାଇନ୍ଦକେନା । ଇନିଃ ଆଲେକେ ଦାରମ୍ବକେଦ୍ଲେୟା ଆଡ଼ଃ ଆପିମାହା ଜାକେଦ୍ ଆୟାଃ ଅଡ଼ାଃରେ ପେଡ଼ାକେଦ୍ଲେୟା । ୮ ପୁଲ୍ଲିୟସ୍ରାଃ ଆପୁତେ ଉରୁଇ ଆଡ଼ଃ ଦାଆଃ ଲେକା ବାହାଡ଼ତାନ୍ ହରାତେ ପାର୍ବକମ୍ରେ ବାଗିୟାକାନ୍ ତାଇକେନା । ପାଉଲ୍ବସ ଆୟାଃ କୁଠାତେ ସେନ୍ୟାନା, ଏନ୍ତେ ଆୟାଃ ଚେତାନ୍ରେ ଡିଃଇ ଦହକେଦ୍ରେ ବିକ୍ତିକେଦା ଆଡ଼ଃ ବୁଗିକିୟାଏ । ୯ ନେଆଁ ହବାୟାନ୍ ତାୟମ୍ବତେ ଟାପୁରେନ୍ ଏଟାଃ ସବେନ୍ ଦୁକୁତାନ୍ଦକ ପାଉଲ୍ବସଆଃ ନାଡ଼େଃତେ ହିଜୁଃକେଦ୍ରେ ବୁଗିୟାନାକ । ୧୦ ଇନ୍କୁ ଆଲେକେ ପୁରାଃଗି ଦାନ୍ଦକ ଏମ୍ବକେଦ୍ରେ ମାଲ୍ବକେଦ୍ଲେୟାକ । ଆଡ଼ଃ ଆଲେ ଏନ୍ତାଃଏତେ ଦାଆଃ ଜାହାଜ୍ରେ ସେନଃ ଇମ୍ବତା ଆଲେୟାଃ ହରାସେନ୍ ନାଗେନ୍ତେ ଲାଗାଡିଜ୍ବତେୟାଃ ସବେନାଃ ଇନ୍କୁ ଆଉକେଦ୍ରେ ଦାଆଃ ଜାହାଜ୍ରେ ଦହକେଦ୍ରେ ସେନଃୟାନାକ ।

ମାଲ୍ବଟାଏତେ ରୋମ୍

୧୧ ଆଲେକ୍ବଜାଣ୍ଡିଆଡ଼ାଏତେ ହିଜାକାନ୍ “ଜାଆଁଲା ମାହାପୁରୁ” ନୁଡୁମ୍ବତାନ୍ ଦାଆଃ ଜାହାଜ୍ ମାଲ୍ବଟା ଟାପୁରେ ରାବାଜ୍ସାହା ବିତାଅକାଦ୍ ତାଇକେନାଏ । ଏନ୍ ଟାପୁରେ ଆପି ମାହୁଁନା ତାଇନ୍ଦୟାନ୍ ତାୟମ୍ବତେ, ଆଲେ

ଏନ୍ ଦାଆଃ ଜାହାଜ୍ରେଗି ଆଡ଼ଃମିସା ସେନଃୟାନାଲେ । ୧୨ ଆଡ଼ଃ ସିରାକୁସ୍ ନାଗାର୍ରେ ସେଟେରକେଦ୍ତେ, ଏନ୍ତାଃରେ ଆପିମାହ୍ନା ତାଇକେନାଲେ । ୧୩ ଏନ୍ତାଃଏତେ ସେନଃକେଦ୍ତେ ରିଜିୟମ୍ ନାଗାର୍ରେତେଲେ ସେଟେରକେଦ୍ତେ । ଏନାରେୟାଃ ଏଟାଃ ହୁଲାଙ୍ଗ୍ ଦାକ୍ଷିଣ୍ ହୟ୍ ହୟ୍କେଦାଏ, ଆଡ଼ଃ ବାର୍ସିଙ୍ଗ୍ ତାୟମ୍ତେ ପୁତିଅଲି ସାହାର୍ରେତେ ସେଟେରକେଦ୍ତେ । ୧୪ ଏନ୍ତାଃରେ ଆଲେ ଚିମିନ୍ ଝାନ୍ ଖ୍ରୀଷ୍ଟ୍ରେ ବିଶ୍ୱାସ୍ତାନ୍ ହାଗା ମିଗିକଲଃ ନାପାମ୍ୟାନାଲେ । ଇନ୍କୁଲଃ ମିଦ୍ ହାପ୍ତା ତାଇନଃ ନାଗେନ୍ତେ ଇନ୍କୁ ଆଲେକେ ବିକ୍ରିକେଦ୍ଲେୟାକ । ନେ'ଲେକାତେ ଆଲେ ରୋମ୍ତେ ସେଟେରକେଦ୍ତେ । ୧୫ ଆଲେୟାଃ ବିଷାଏରେ ଆୟୁମ୍କେଦ୍ତେ ରୋମ୍ରେନ୍ ବିଶ୍ୱାସୀକ ଆଲେକେ ଦାରମ୍ ନାଗେନ୍ତେ ଏନ୍ ଠାୟାଦ୍ତାଃଏତେଗି ଆପିୟସ୍ଆଃ ପିଟ୍ ଆଡ଼ଃ ଆପିୟା ରୁଡ୍ଡୁ ଅଡ଼ଃ ନୁଡ୍ଡୁମ୍ ନାଗାର୍କଏତେ ହିଜୁଃୟାନାକ । ଇନ୍କୁକେ ନେଲ୍କେଦ୍ତେ ପାଉଲୁସ୍ ପାର୍ମେଶ୍ୱାର୍କେ ଧାନ୍ୟାବାଦ୍ ଏମ୍କିୟାଏ ଆଡ଼ଃ ପୁରାଃଗି ରାସ୍କାୟାନା ।

ରୋମ୍ରେ ପାଉଲୁସ୍

୧୬ ଆଲେ ରୋମ୍ତେ ସେଟେରକେଦ୍ତେ, ପାଉଲୁସ୍କେ ହର ନାଗେନ୍ତେ ମିଆଁଦ୍ ସିପାଇଲଃ ଇନିଃ ଆୟାଃ ଇଛାସାନାଙ୍ଗ୍ଲେକା ଜେ'ଲେକାନ୍ ଠାୟାଦ୍ରେ ତାଇନ୍ ଦାଡ୍ଡିୟାଏ ମେନ୍ତେ ଆତୁଇନାମ୍କେଦା ।

୧୭ ଆପିମାହ୍ନା ତାୟମ୍ତେ ପାଉଲୁସ୍ ଏନ୍ତାଃରେନ୍ ଯିହୁଦୀ ଆଗୁଆଇକକେ ମିଆଁଦ୍ ପାଞ୍ଚେଟ୍ରେ ମେସାଅଃ ନାଗେନ୍ତେ କେଡାକେଦ୍କଆ । ଇନ୍କୁ ହୁଣ୍ଡିୟାନ୍ ହରାତେ ପାଉଲୁସ୍ ଇନ୍କୁକେ କାଜିକେଦ୍କଆ, “ଇସ୍ରାଏଲ୍ ହାଗାକ, ଆଇଙ୍ଗ୍ ଆବୁଆଃ ହଡକଆଃ ବିରୁଧ୍ରେ ଚାଏ ଆବୁଆଃ ପୁରଖା ହଡାମ୍କତାଃଏତେ ଆବୁ ନାମାକାଦ୍ ରିଡିରିଝାଜ୍ ବିରୁଧ୍ରେ ଜେଡ୍ନାଃ କାଇଙ୍ଗ୍ କାମିକାଦ୍ରେୟ, ଆଇଙ୍ଗ୍ ଯାରୁଶାଲେମ୍ରେ ଜେହେଲ୍କେଦ୍ତେ ରୋମ୍ରେନ୍ ହଡକଆଃ ଡିଃଇରେ ଜିମାକାନାଇଙ୍ଗ୍ । ୧୮ ଆଇଙ୍ଗ୍କେ କୁଲିକେଦ୍ ତାୟମ୍ତେ ଗନ୍ଏଃ ସାଜାଇ ନାମେ ଲେକା ଆଇଙ୍ଗ୍ ଜେତାନ୍ ଗୁହ୍ନାଁ କାଇଙ୍ଗ୍ କାମିକାଦା ମେନ୍ତେ ସାରିକେଦ୍ତେ ରୋମ୍ରେନ୍ ହଡକ ଆଇଙ୍ଗ୍କେ ରାଡାନାଙ୍ଗ୍ ସାନାଙ୍ଗ୍କେଦାକ । ୧୯ ଫେନ୍ଦ୍ ଯିହୁଦୀକ ନେଆଁରେୟାଃ ବିରୁଧ୍ରେ କାଜିକେଦ୍ ହରାତେ ଆଇୟାଃ ଆପ୍ନାଃ ହଡକଆଃ ବିରୁଧ୍ରେ ଆଇୟାଃ ଜେତାନ୍ ଚିଟାକାଜି କା ତାଇକେନ୍ରେୟ, ଆଇଙ୍ଗ୍ କାଇସାର୍କେ କାଜିଗରଙ୍ଗ୍ ରିକା ପାଡାୟାନା । ୨୦ ଏନାମେନ୍ତେ ଆଇଙ୍ଗ୍ ନେ ବିଷାଏରେ ଜାଗାର୍ ନାଗେନ୍ତେ ଆପେକେ କେଡାକାଦ୍ପେୟାଙ୍ଗ୍ । ଚିଆଃଚି ଅକଏୟାଃ ଚେତାନ୍ରେ ଇସ୍ରାଏଲ୍ ହଡକ ଆସ୍ରାକାଦାକ, ଇନିଃ ନାଗେନ୍ତେ ଡିସିଙ୍ଗ୍ ଆଇଙ୍ଗ୍ ସିକ୍ଡିରେଇଙ୍ଗ୍ ତଲାଇନା ।”

୨୧ ଇନ୍କୁ ଇନିଃକେ କାଜିକିୟାକ, “ଆଲେ ଯିହୁଦାଏତେ ଆମାଃ ବିଷାଏରେ ଜେତାନ୍ ଅନଲ୍ ଚିଟାଉ କାଲେ ନାମ୍କାଦା, ଚାଏ ଆଲେୟାଃ ହଡକ ଏନ୍ତାଃଏତେ ଆମାଃ ବିଷାଏରେ ଜେତାନ୍ ଏଡକାନ୍ କାଜି କାକ ଆଉଝାକାଦା ଚାଏ କାକ କାଜିକାଦା । ୨୨ ମେନ୍ଦ୍ ଆଲେ ଆମାଃ ଉଡ୍ଡୁ ଚିନାଃ ତାନାଃ ଏନା ଆମାଃତାଃଏତେ ଆୟୁମ୍ ସାନାଙ୍ଗ୍ତାନାଲେ । ଚିଆଃଚି ସବେନ୍ସାଃରେନ୍ ହଡକକେ ନେ ଝୁଣ୍ଡୁ ବିରୁଧ୍ରେ ଜାଗାର୍ତାନାକ ମେନ୍ତେ ଆଲେ ସାରିତାନାଲେ ।”

୨୩ ଇନ୍କୁ ମିଆଁଦ୍ ହୁଲାଙ୍ଗ୍ ଠାହାରାଅକେଦାକ ଆଡ଼ଃ ଇନ୍କୁଏତେ ଚିମିନ୍ ହଡକ ଏନ୍ ଠାହାରାଅକାନ୍ ହୁଲାଙ୍ଗ୍ରେ ପାଉଲୁସ୍ ତାଇନ୍ତାନ୍ ଠାୟାଦ୍ତେକ ସେନଃୟାନା । ସେତାଃଏତେ ନୁବାଃ ଜାକେଦ୍ ପାଉଲୁସ୍ ଇନ୍କୁକେ ପାର୍ମେଶ୍ୱାର୍ଆଃ ରାଇଜ୍ ବିଷାଏରେ କାଜିକେଦ୍କଆ ଆଡ଼ଃ ମୁଗା ନାବୀଆଃ ଆନ୍ରୁ ଆଡ଼ଃ ନାବୀକଆଃ ଅନଲ୍ହେତେ ଯାଶୁଆଃ ବିଷାଏରେ ଇନ୍କୁକେ କାଜିକେଦ୍ତେ ବିଶ୍ୱାସେକାକ ମେନ୍ତେ ଚେଷ୍ଟାକେଦା । ୨୪ ଇନ୍କୁଏତେ ଚିମିନ୍ ଝାନ୍ ହଡକ ଇନିୟାଃ କାଜିରେ ବିଶ୍ୱାସ୍କେଦାକ ଆଡ଼ଃ ଚିମିନ୍ ଝାନ୍ ହଡକ କାକ ବିଶ୍ୱାସ୍କେଦା । ୨୫ ଆଡ଼ଃ ଇନ୍କୁ ଆକ ଆକରେ ମିଦ୍ମନ୍ କା ହବାୟାନ୍ ହରାତେ କାପ୍ଜି ହବାୟାନା, ଆଡ଼ଃ ଇନ୍କୁ ସେନଃ ସିଦାରେ ପାଉଲୁସ୍ ନେ ମିଆଁଦ୍ କାଜି କାଜିକେଦ୍କଆ, “ପାବିତାର୍ ଆମ୍ ଆପେୟାଃ ପୁରଖା ହାଡାମ୍କକେ ନାବୀ ଯିଶାୟାଃ ହରାତେ ବୁଗିଲେକାଏ କାଜିକାଦ୍ ତାଇକେନା, ୨୬ ଇନିଃ କାଜିକାଦାଏ,

“ନେ ହଡକକେ ସେନ୍କେଦ୍ତେ କାଜିକମେ,
ଆପେ ଆୟୁମ୍ଦପେ ଆୟୁମ୍ପେୟା ମେନ୍ଦ୍ କାପେ ଆଟ୍କାର୍ ଉରୁମେୟା,
ଆଡ଼ଃ ନେଲ୍ଦପେ ନେଲ୍ୟା ମେନ୍ଦ୍ କାପେ ନେଲ୍ ଦାଡ୍ଡିୟା,

୨୭ ଚିଆଃଚି ନେ ହଡକଆଃ ମନ୍ କେଟେଦ୍ୟାକାନା,
ଆଡ଼ଃ ଇନ୍କୁ ଆକଆଃ ଲୁଡ୍ଡୁର୍
ଆଡ଼ଃ ମେଦ୍ ଜାପିଦାକାଦାକ,

ଏନ୍କା କା ହବାକାନ୍ରେ ଇନ୍କୁ ନେଲ୍ ଦାଡ୍ଡିକାତେୟାଃକ
ଆଡ଼ଃ ଆୟୁମ୍ ଦାଡ୍ଡିକାତେୟାଃକ ।
ଇନ୍କୁ ଆକଆଃ ମନ୍ସୁରୁଦ୍ରେ ଆଟ୍କାର୍ ଉରୁମେତେୟାଃକ,
ଆଡ଼ଃ ପାର୍ମେଶ୍ୱାର୍ସାଃତେ ରୁହାଡ଼ଃତେୟାଃକ
ଆଡ଼ଃ ଆଇଙ୍ଗ୍ ଇନ୍କୁକେ ବୁଗିକାକତେୟାଃକଇଙ୍ଗ୍ ।”

☆ ୨୮:୧୯ ୨୮:୧୯ ପ୍ରେରିତ୍ ୨୫:୧୧.

୨୮ ଆଡ଼ ପାଉଲୁସ୍ ନେ'ଲେକା କାଜିରୁଣ୍ଡୁକେଦାଏ, “ଆପେ ସାରିପେ, ପାରିତ୍ରାଣ୍ ନାମେ ନାଗେନ୍ତେ ପାର୍ମେଶ୍ୱାର୍ଆଃ ସୁକୁକାଜି ସାଅଁସାର୍ ହଡ଼କତାଃତେ କୁଲ୍ଲାନା । ଇନ୍କୁ ଏନା ଆୟୁମେୟାକ ।” ୨୯ ଆଡ଼ ଇନିଃ ନେ ସବେନାଃ କାଜିକେଦ୍ତି ଯିହୁଦୀକ ଆକ ଆକରେ କାପ୍ତିତାନ୍ଲଃ ସେନଃୟାନାକ ।*

୩୦ ପାଉଲୁସ୍ ରାଜ୍ମାହାଲ୍ରେ ମିଆଁଦ୍ ଅଡ଼ାଃ ଭାଡ଼ା ଇଦିକେଦ୍ତେ ଦୁଇ ବାରାଷ୍ ତାଇକେନାଏ, ଆଡ଼ ଆଇଃକ୍କେ ନେନେଲ୍ ନାଙ୍ ଝିନ୍ଦୁଃତାନ୍ ସବେନ୍କକେ ଇନିଃ ଏନ୍ତାଃରେ ଦାରମ୍କ ତାଇକେନା । ୩୧ ଇନିଃ ପାର୍ମେଶ୍ୱାର୍ଆଃ ରାଇଜ୍ ବିଷାଏରେ ଆଡ଼ ପ୍ରାଭୁ ଯୀଶୁ ଖ୍ରୀଷ୍ଟ୍ଆଃ ବିଷାଏରେ ପୁରା ସାହାସ୍କେଦ୍ତେ ଇତୁକେଦ୍କଆ ଆଡ଼ ଇନିଃକେ ହକା ନାଙ୍ ଜେତାଏ କାକ ଚେଷ୍ଟାକେଦା ।

* ୨୮:୨୯ 28:29 ନେ ପଦ ତିନିନ୍ ମାରି ଅନଲ୍କରେ ବାନଃଆ

ରୋମିୟମାନଙ୍କ ନିକଟକୁ ପାଉଲଙ୍କ ପତ୍ର ରୋମିରେନ୍ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଚିଟାଉ ପାରିତାଏ

ରୋମି ଚିଟାଉ ପ୍ରେରିତ୍ ପାଉଲୁସ୍‌ଆଃ ହରାତେ ହବାସାକାଅଆଃ ଖ୍ରୀଷ୍ଟ୍ ତାୟମ୍ ୫୪ ଏତେ ୫୮ କରେ ଅଲ୍ଲାନା । ପାଉଲୁସ୍ ରୋମ୍‌ତେ ସେନଃ ସିଦାରେ ଯିହୁଦୀ ଆତଃ ସାଅଁସାର୍ ବିଶ୍ୱାସୀକକେ ଚିହ୍ନଃ ନାଗେନ୍ତେ ନେ ଚିଟାଉ ଅଲ୍ଲାନାଦ୍ ତାଇକେନାଏ । ସବେନ୍ କିଲିକ ଖ୍ରୀଷ୍ଟ୍‌କେ ଚିଲ୍ଲକା ବିଶ୍ୱାସୀୟାକ ଆତଃ ମାଇନ୍ ରିକାଇୟାକ, ଏନା ନାଗେନ୍ତେ ଇନିଃ କରନ୍ତି ସାହାରରେ ତାଇନ୍ ଇମ୍‌ତା ରୋମ୍‌ରେନ୍ ଖ୍ରୀଷ୍ଟ୍ ବିଶ୍ୱାସୀ ହାଗା ମିଶିକକେ ନେ ଚିଟାଉ ଅଲ୍ଲାନାଦ୍‌କଆଏ ।

ସବେନ୍‌କତାଃରେ ଆତଃ ସବେନ୍ ଖ୍ରୀଷ୍ଟ୍ ବିଶ୍ୱାସୀକ ନାଗେନ୍ତେ ରୋମି ପୁଅ ମିଆଁଦ୍ ବୁଗିନ୍ ଚିଟାଉ ତାନାଃ । ଚିୟାଃଚି ଖ୍ରୀଷ୍ଟ୍ ଆବୁକେ ଚିଲ୍ଲକା ପାପରାଃ ତନଲ୍‌ହେତେ ରାଡ଼ାବୁଆଏ, ଏନ୍ କାଜିକେ ବୁଗି ଲେକାତେ ସୁକୁକାଜିରେ ଉଦୁବାକାନା । ଚିଟାଉରାଃ ଆଧ୍ୟାୟ ୧:୧୭ ପାଦ୍ ହବାଅଃତାନା ତାଲା ଚାଡ଼ି । ଅକ କାଜିଚି ଅଲ୍ଲଃତାନା, ଆଇଙ୍ଗ୍ ସୁକୁକାଜି ନାଗେନ୍ତେ କାଇଙ୍ଗ୍ ଗିହୁଗଃଆ, ଚିୟାଃଚି ନେଆଁ ବିଶ୍ୱାସେତାନ୍ ସବେନ୍‌କତାଃ ନାଗେନ୍ତେ ପେଡ଼େଃ ତାନାଃ । ସିଦାତେଦ୍ ଯିହୁଦୀକଆଃ ନାଗେନ୍ତେ ଏନ୍ ତାୟମ୍‌ତେ ସାଅଁସାର୍ ହଡ଼କଆଃ ନାଗେନ୍ତେ ତାନାଃ ।

ପାହିଲା ହିସାରେ ୧-୧୨ପୁରାଃଗି ଆମ୍‌କ୍ କାଜିକ ଅଲ୍ଲାନା । ଏଟାଃ ହିସାରେ ୧୩-୧୫ ଖ୍ରୀଷ୍ଟ୍‌କେ ଜୀଦାନ୍‌ରେ ସବେନ୍ ହୁଲାଙ୍ଗ୍ ମାନାତିଙ୍ଗ୍ କାଜିକ ଅଲ୍ଲାନା ।

ପୁଅ ଭିତାରେ ତାଇକାନ୍ କାଜି

- ୧. ପାଉଲୁସ୍ ଆୟାଃ ଆପ୍‌ନାଃ ବିଷାଏରେ ଆତଃ ଅକଏତାଃତେ ନେ ଚିଟାଉ ଅଲ୍ଲେତାନାଏ ଏନାରେୟାଃ ପାରିତାଏ । ୧:୧-୧୫
- ୨. ମାନଖାରାଃ ରାଇଜ୍ ଆତଃ ଯୀଶୁ ଖ୍ରୀଷ୍ଟ୍‌ଆଃ ସୁକୁକାଜି । ୧:୧୬-୧୧:୩୭
- ୩. ସବେନ୍ ହୁଲାଙ୍ଗ୍ ଖ୍ରୀଷ୍ଟ୍‌ଲଃ ଜୀଦାନ୍ ବିତାଅ ବିଷାଏରେ କାଜି । ୧୨:୧-୧୫:୧୩
- ୪. ରୋମ୍‌ରେନ୍ ବିଶ୍ୱାସୀ ହାଗାକକେ ଜହାର୍ କାଜିତାନ୍‌ଲଃ ନେ ଚିଟାଉ ଅଲ୍ ବୁଣ୍ଡୁ ତାନାଏ । ୧୬

ପାଉଲୁସ୍‌ଆଃ ଜହାର୍

୧ ପାଉଲୁସ୍, ଖ୍ରୀଷ୍ଟ୍ ଯୀଶୁଆଃ ଦାସି ଆତଃ ସାଲାକେଦ୍‌ତେ କୁଲାକାନ୍‌ନିଃ ଆତଃ ସୁକୁକାଜି ଉଦୁବ୍ ନାଗେନ୍ତେ ପାର୍‌ମେଶ୍ୱାର୍‌ତେ କେଡ଼ାକାନ୍‌ନିଃ ତାନିଃ । ୨ ପାବିତାର୍ ଧାରାମ୍‌ପୁଅରେ ଅଲ୍ଲାନାନ୍ ଲେକା ଏନ୍ ସୁକୁକାଜି ବିଷାଏରେ ପାର୍‌ମେଶ୍ୱାର୍ ସିଦାରେ ଆୟାଃ ନାବୀକଆଃ ହରାତେ ବାନାର୍‌ସା ଏମାକାଦ୍ ତାଇକେନାଏ । ୩ ଏନା ହବାଅଃତାନା, ପାର୍‌ମେଶ୍ୱାର୍‌ଆଃ ହନ୍, ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍ ହଡ଼ମ୍ ଲେକାତେ ଦାଉଦ୍‌ଆଃ କିଲିଏତେ ଜାନାମ୍‌ୟାନା । ୪ ମେନ୍‌ଦ୍ ଧାର୍‌ମାନ୍‌ରେନ୍ ପାବିତାର୍ ଆମ୍‌ ବିଷାଏରେ ଗଜାକାନ୍‌କଏତେ ଜୀଉବିରିଦ୍‌ୟାନ୍ ହରାତେ ଇନିଃ ପାର୍‌ମେଶ୍ୱାର୍‌ଆଃ ହନ୍ ମେନ୍ତେ ପୁରାଃ ପେଡ଼େଃଲଃ ଉଦୁବ୍‌ୟାନା । ଇନିଃ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍ ତାନିଃ । ୫ ଖ୍ରୀଷ୍ଟ୍‌ଆଃ ନାଗେନ୍ତେ ପାର୍‌ମେଶ୍ୱାର୍ ଆଇଙ୍ଗ୍‌କେ ପ୍ରେରିତ୍ ଲେକା ସାଲାକେଦ୍‌ତେ ସବେନ୍ ହଡ଼କତାଃରେ ଉଦୁବ୍ ନାଗେନ୍ତେ ସାୟାଦ୍ ଏମାକାଦିୟାଏ, ଜେ'ଲେକାଚି ଇନ୍‌କୁ ଖ୍ରୀଷ୍ଟ୍ ଯୀଶୁତାଃରେ ବିଶ୍ୱାସକେଦ୍‌ତେ ଆୟାଃତାଃରେ ମାନାତିଙ୍ଗ୍‌କ ହବାଅଃଆ । ୬ ଆପେ ରୋମ୍‌ରେ ତାଇନ୍‌ତାନ୍ ହଡ଼କ ତାନପେ, ଆପେକେୟଗି ଯୀଶୁ ଖ୍ରୀଷ୍ଟ୍‌ଆଃ ହବାଅଃ ନାଗେନ୍ତେ ପାର୍‌ମେଶ୍ୱାର୍ କେଡ଼ାକାଦ୍‌ପେୟାଏ । ୭ ପାର୍‌ମେଶ୍ୱାର୍ ଦୁଲାଡ଼ତାନ୍ ରୋମ୍‌ରେନ୍ ହଡ଼କକେ ଆତଃ ଆୟାଃ ଆପ୍‌ନାଃ ପାବିତାର୍ ହଡ଼ ହବାଅଃ ନାଗେନ୍ତେ କେଡ଼ାକାଦ୍‌କକେ, ଆଇଙ୍ଗ୍ ନେ ଚିଟାଉ ଅଲ୍ଲେତାନାଇଙ୍ଗ୍ । ଆବୁଆଃ ଆପୁ ପାର୍‌ମେଶ୍ୱାର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

ଧାନ୍ୟାବାଦରାଃ ବିକ୍ତି

୮ ଆପେୟାଃ ବିଶ୍ୱାସ୍ ବିଷାଏରେ ଗଟା ଅତେଦିଶୁମ୍‌ରେ ଉଦୁବଃତାନା, ଏନାମେନ୍ତେ ପାହିଲାରେ ଆଇଙ୍ଗ୍ ଆପେ ସବେନ୍‌କ ନାଙ୍ଗ୍ ଯୀଶୁ ଖ୍ରୀଷ୍ଟ୍‌ଆଃ ନୁଡୁମ୍‌ତେ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମାକାତାନାଇଙ୍ଗ୍ । ୯ ଆଇଙ୍ଗ୍ ଅକ ପାର୍‌ମେଶ୍ୱାର୍‌କେ ଆଇୟାଃ ମନ୍‌ସୁରୁଦ୍‌ଲଃ ସେଝା ତାନାଇଙ୍ଗ୍ ଆତଃ ଅକ ପାର୍‌ମେଶ୍ୱାର୍‌ଆଃ ହନ୍ ବିଷାଏରେ ସୁକୁକାଜିଇଙ୍ଗ୍ ଉଦୁବତାନା, ଏନ୍ ପାର୍‌ମେଶ୍ୱାର୍ ଆଇୟାଃ ଗାଝା ତାନିଃ । ୧୦ ସବେନ୍ ଇମ୍‌ତା ବିକ୍ତି ତାଇୟାଃରେ ଆପେକେଇଙ୍ଗ୍ ପାହାମ୍‌ପେତାନାଃ ଆତଃ ଆପେତାଃତେ ହିଜୁଃ ନାଗେନ୍ତେ ଆଇଙ୍ଗ୍‌କେ ନେଡା ନାମଃକା ମେନ୍ତେ ପାର୍‌ମେଶ୍ୱାର୍‌ତାଃରେଇଙ୍ଗ୍ ବିକ୍ତିତାନା । ୧୧ ଆପେତାଃତେ ସେଟେରକେଦ୍‌ତେ ଆଇଙ୍ଗ୍ ନାମାକାଦ୍ ଆମ୍‌ରେୟାଃ ଦାନ୍ ବିଷାଏରେ ଆପେକେ ଉଦୁବାପେ ହରାତେ ଆପେୟାଃ ବିଶ୍ୱାସକେ କେଟେଜେୟାଇଙ୍ଗ୍ ମେନ୍ତେ ଆଇୟାଃ ପୁରାଃଗି ସାନାଙ୍ଗ୍‌ତାନାଃ । ୧୨ ନେ ହରାତେ ଆବୁ ମିହୁଡ୍‌ଆତଃମିହୁଡ୍‌ରାଃ ବିଶ୍ୱାସକେ କେଟେଦ୍ ରିକା ଦାଡ଼ିୟାଃବୁ ।

୧୩ ✨ହେ ହାଗା ମିଶିକ, ଆଇଙ୍ଗ ଆପେତାଃତେ ହିଜୁଃ ନାଗେନ୍ତେ ପୁରାଃଗିଇଙ୍ଗ୍ ମନେକେଦା, ମେନ୍ଦ ପୁରାଃ କାଜିକଟଙ୍ଗ୍ ହରାତେ ନାହିଁଃ ଜାକେଦ୍ ଆଇଙ୍ଗ୍ ଆପେତାଃତେ କାଇଙ୍ଗ୍ ସେଟେର୍ ଦାଡ଼ିକାନା । ଏଟାଃ ପାର୍ଗାନରେନ୍ ଗ୍ରୀକ୍ ହଡ଼କଆଃ ଆଲାରେ ଆଇଙ୍ଗ୍ ବାଚାନ୍ ଉଦୁବୁକେଦ୍ତେ ଜୀଉବାଞ୍ଚାଅକ ନାମ୍କେଦ୍ ଲେକା ଆପେୟାଃ ପାର୍ଗାନରେୟ ଜୀଉବାଞ୍ଚାଅକ ନାମେକା ମେନ୍ତେ ଆଇୟାଃ ପୁରାଃ ସାନାଙ୍ଗ୍ । ୧୪ ଚିୟାଃଟି ଗ୍ରୀକ୍ ଦିଶୁମ୍ରେନ୍ ହଡ଼ ଚାଏ ଏଟାଃ ଦିଶୁମ୍ରେନ୍ ହଡ଼, ସେଣ୍ଟାନ୍କ ଚାଏ କା ସେଣ୍ଟାନ୍କ, ନେ ସବେନ୍ ହଡ଼କଆଃ ନାଗେନ୍ତେ ଆଇଙ୍ଗ୍ ରିଶୀକାନା । ୧୫ ଏନା ନାଗେନ୍ତେ, ଆଇଙ୍ଗ୍ ଆପେକେ ଆତଃ ରୋମ୍ରେ ତାଇନ୍ତାନ୍ ହଡ଼କକେୟଗି ସୁକୁକାଜି ଉଦୁବ୍ ନାଗେନ୍ତେଇଙ୍ଗ୍ ତେତାଙ୍ଗ୍ତାନା ।

ସୁକୁକାଜିରାଃ ପେଡ଼େଃ

୧୬ ✨ଏନ୍ ସୁକୁକାଜି ଚେତାନ୍ରେ ଆଇୟାଃ ପୁରାଃଟି ଆସ୍ତା ମେନାଃ । ନେଆଁଦ୍ ସିଦାତେ ଯିହୁଦୀକ ନାଙ୍ଗ୍ ଏନ୍ ତାୟମ୍ତେ ଗ୍ରୀକ୍ ବିଶ୍ୱାସୀକଆଃ ଜୀଉବାଞ୍ଚାଅ ନାଗେନ୍ତେ ପାର୍ମେଶ୍ୱାର୍ଆଃ ପୁରାଃ ପେଡ଼େଃ ମେନାଃ । ୧୭ ହଡ଼କ ପାର୍ମେଶ୍ୱାର୍ତାଃରେ ଚିଲ୍କା ଧାର୍ମାନ୍ ହବା ଦାଡ଼ିୟାଆକ ଏନା ସୁକୁକାଜିରେ ଉଦୁବାକାନା, ମୁନ୍ଦୁଏତେ ଚୁଣ୍ଡ ଜୁକେଦ୍ ଜୀଉବାଞ୍ଚାଅ ନାମେରେୟାଃ ମିଆଁଦ୍ଗି ହରା ମେନାଃ, ଏନାଦ୍ ବିଶ୍ୱାସ୍ ତାନାଃ । ଧାରାମ୍ପୁଥ୍ରେ ଅଲୀକାନା, “ଧାର୍ମାନ୍ ହଡ଼ ବିଶ୍ୱାସ୍ ହରାତେ ବାଞ୍ଚାଅଃଆ ।”

ପାପ୍ ନାଗେନ୍ତେ ପାର୍ମେଶ୍ୱାର୍ଆଃ ଖ୍ୱସ୍

୧୮ ଅକନ୍ ଏଡ଼କାନ୍ ହଡ଼କ ଆକଆଃ ସବେନ୍ ପାପ୍ ଆତଃ ଏଡ଼କାନ୍ କାମି ହରାତେ ସାନାର୍ଡିକେକ କେସେଦେତାନା, ଇନ୍କୁଆଃ ବିରୁଧ୍ରେ ସିର୍ମାଏତେ ପାର୍ମେଶ୍ୱାର୍ଆଃ ଖ୍ୱସ୍ ହବାଅଃତାନା । ୧୯ ପାର୍ମେଶ୍ୱାର୍ଆଃ ବିଷାଏରେୟାଃ ସାରି କାଜିତେୟାଃକେ ଇନ୍କୁ ସାରିତାନାକ ଏନା ପାର୍ମେଶ୍ୱାର୍ ଆଇଃକ୍ଗି ଇନ୍କୁତାଃରେ ଉଦୁବାକାଦକଆ । ୨୦ ପାର୍ମେଶ୍ୱାର୍ ଅତେଦିଶୁମ୍କେ ବାଇକେଦ୍ ଦିପିଲିଏତେଗି, କା ନେଲଃତାନ୍ କାଜିତାୟାଃକ, ଆୟାଃ ଜାନାଅ ଜାନାଅରେୟାଃ ପେଡ଼େଃ ଆତଃ ଆୟାଃ ଆକ୍ଦାନ୍ଦାଅ ସଭାବ୍ ଫାର୍ତା ଫାର୍ତିଗି ନେଲଃତାନା, ଆୟାଃ ବାଇୟାକାନ୍ ବିଷାଏକରେ ଏନା ଆଟ୍କାର୍ଡୁରଫା ତାନା, ଏନାତେ ହଡ଼କ କାଲେ ସାରିୟାଃ ମେନ୍ତେ କାକ କାଜି ଦାଡ଼ିୟା । ୨୧ ✨ଇନ୍କୁ ପାର୍ମେଶ୍ୱାର୍କେ ସାରିକାଈଃରେୟଗି ଇନିଃକେ କାକ ମାଇନ୍କିୟା ଚାଏ ଜେତାନ୍ ବିଷାଏ ନାଗେନ୍ତେ ଧାନଧାବାଦ୍ କାକ ଏମ୍କିୟା । ମେନ୍ଦ୍ ଇନ୍କୁଆଃ ଉଡ଼ୁକ୍ ସାମାକାଜି ତାନାଃ ଆତଃ ଇନ୍କୁଆଃ ତଣ୍ଡ ମନ୍ଦ୍ ଏଡ଼କାନ୍ ଉଡ଼ୁତେ ନୁବାଗାକାନା । ୨୨ ଇନ୍କୁ ଆପାନ୍କେ ସେଣ୍ଟାନ୍ ମେନ୍ତେକ କାଜିନ୍ତାନା ମେନ୍ଦ୍ ଇନ୍କୁ ସାର୍ଡିଗି ଡ଼ଣ୍ଡିଗିୟାକ । ୨୩ କା ଜିୟନଃ ପାର୍ମେଶ୍ୱାର୍କେ କା ସେଞ୍ଜାକେଦ୍ତେ, ଇନ୍କୁ ଜିୟନଃ ମାନଞ୍ଜାକଆଃ, ଚେଣ୍ଟେକଆଃ ଆତଃ ଜାଁତୁକଆଃ ଚାଏ ଅତେରେ ରେଙ୍ଗାଅଃତାନ୍କଆଃ ମୁରୁଡ଼କକେ ପୁଜାକତାନାକ ।

୨୪ ଏନାମେନ୍ତେ ପାର୍ମେଶ୍ୱାର୍ ଇନ୍କୁକେ ବାଗିକାଦକଆ ଆତଃ ଇନ୍କୁ ଆକଆଃ ଆପ୍ନାଃ ମନ୍ସୁରୁଦ୍ରେୟାଃ ଏଡ଼କାନ୍ ସାନାଙ୍ଗ୍ଲେକାତେ ମିହୁଡ଼୍ ଆତଃମିହୁଡ଼୍ଲଃ ହଡ଼ମ୍ରେୟାଃ ଗିହୁଗଃ ଲେକାନ୍ କାମିକ କାମିତାନା । ୨୫ ଇନ୍କୁ ପାର୍ମେଶ୍ୱାର୍ଆଃ ସାନାର୍ଡି ବାଦ୍ଲୀରେ ହସଡ଼ କାଜିକରେକ ଆସ୍ତାକେଦା । ବାବାଇନିଃ ପାର୍ମେଶ୍ୱାର୍କେ ଆତଃ ଜାନାଅ ସାହାରାଅ ନାମେତାନ୍ନିଃକେ ବାଗିକେଦ୍ତେ ବାଇୟାକାନ୍ ତେୟାଃକକେ ପୁଜାକେଦାକ । ଆମେନ୍ ।

୨୬ ଇନ୍କୁ ଗିହୁଗାନ୍ ଏଡ଼କାନ୍ କାମିକରେକ ପେରେଜାକାନ୍ ହରାତେ ପାର୍ମେଶ୍ୱାର୍ ଇନ୍କୁକେ ବାଗିକେଦ୍କଆ, ଇନ୍କୁଆଃ କୁଡ଼ିକ ଆକଆଃ ଆପ୍ନାଃ କଡ଼ାକଲଃ ହଡ଼ମ୍ରେୟାଃ କାମି ବାଗିକେଦ୍ତେ କୁଡ଼ି କୁଡ଼ିକଲଃ ହଡ଼ମ୍ରେୟାଃ କାମିକ କାମିତାନା । ୨୭ ଏନ୍ଲେକାଗି କଡ଼ାକହଗି ଆକଆଃ ଆପ୍ନାଃ କୁଡ଼ିକଲଃ ହଡ଼ମ୍ରେୟାଃ କାମି ବାଗିକେଦ୍ତେ କଡ଼ା କଡ଼ାକଲଃ ହଡ଼ମ୍ରେୟାଃ କାମିକ କାମିତାନା । କଡ଼ାକ ଆକ ଆକଗି ଗିହୁଗାନ୍ କାମିକ କାମିତାନା, ଆତଃ ଏଡ଼କାନ୍ କାମି ହରାତେ ଆକ ଆକଗି ଆକଆଃ ନାଙ୍ଗ୍ ସାଜାକ ଆଉଞ୍ଜେତାନା ।

୨୮ ନେ ହଡ଼କ ପାର୍ମେଶ୍ୱାର୍ଆଃ ବିଷାଏରେୟାଃ ସାର୍ଡି ସେଣ୍ଟାକେ ବୁଗିଲେକାତେ ସାରି ନାଗେନ୍ତେ କାକ ସାନାଙ୍ଗ୍କେଦା, ଏନାମେନ୍ତେ ପାର୍ମେଶ୍ୱାର୍ ଇନ୍କୁକେ ଆୟାଃ କା ଲାଗାଡିଙ୍ଗ୍ କାମି ରିକାନାଗେନ୍ତେ ଏଡ଼କାନ୍ କାମିରେ ଜିମାକେଦ୍କଆ । ୨୯ ଇନ୍କୁଦ୍ ସବେନ୍ ଲେକାନ୍ ଏଡ଼କାନାଃତେ ପେରେଜାକାନ୍କ, ଏଡ଼କାନ୍ କାମିକ, ହାଏୟାଃଅତାନ୍କ, ଏଟାଃକଆଃ ନକ୍ସାନ୍ତାନ୍କ, ଆତଃ ହାଁକାର୍ତେ ପେରେଜାକାନ୍କ, ହଡ଼ ଗଗଏଃକ, ଲାପାଡ଼ାଇକ, ବେଦାକ, ଆତଃ ହିସ୍ଜାତେ ପେରେଜାକାନ୍କ ତାନ୍କ । ଇନ୍କୁ ଏଟାଃନିୟାଃ ରୁପ୍ପରା କାଜିକ କାଜିୟାଃ, ୩୦ ମିହୁଡ଼୍ ଆତଃମିହୁଡ଼୍ଆଃ ଏଡ଼କାନ୍ କାଜିକ ଜାଗାରାଃ, ଇନ୍କୁ ପାର୍ମେଶ୍ୱାର୍କେ ହିଲାଙ୍ଗ୍ ହଡ଼କ ତାନ୍କ, ଏଟାଃକକେ ଲାୟାଃକ, ଆକ ଆକଗି ମାରାଙ୍ଗ୍ଝେନ୍କ, ଆତଃ ମାରାଙ୍ଗ୍ ଆଟ୍କାରେନ୍ ତାନ୍କ, ଆତଃଟି ଏଡ଼କାନ୍ କାମିକ କାମିନାଙ୍ଗ୍ ଉଡ଼ୁତାନ୍କ, ଆକଆଃ ଏଙ୍ଗା ଆପୁକକେ କାକ ମାନାଡିଙ୍ଗ୍ ତାନ୍କ, ୩୧ ବିବେକ୍ ବାନଃକ, ଆକଆଃ କାଜି କାଜିକାଦ୍ତେୟାଃକେ କା ପୁରାଏକ, ଆତଃ ଏଟାଃକ ନାଗେନ୍ତେ କାଟିଃଲେକାହିଁ ଦାୟା ଦୁଲ୍ଲାଡ଼୍ ଆତଃ ଲିନିବୁଇ ବାନଃକ ତାନ୍କ । ୩୨ ଇନ୍କୁ ସାରିତାନାକ,

☆ ୧:୧୩ ୧:୧୩ ପ୍ରେରିଡ଼୍ ୧୯:୨୧. ☆ ୧:୧୬ ୧:୧୬ ମାର୍କ୍ ୮:୩୮. ☆ ୧:୨୧ ୧:୨୧ ଏଫିସିୟ ୪:୧୭,୧୮.

ପାର୍ମେଶ୍ଵରୀଆଃ ଆନୁ ଲେକାତେ ନେ ଲେକାନ୍ ହଡକ ଗନଏଃରାଃ ସାଜାଲ ନାମେଗିୟାଃକ । ନେଆଁ ସାରିକାଦ୍ରେୟ ଇନ୍କୁ ଏନଲେକା ଏଡକାନ୍ କାମିକ କାମିତାନା ଆତଃ ଏନଲେକା କାମିତାନ୍ ହଡକକେୟଗି ଉସ୍କୁରକତାନାକ ।

୨

ପାର୍ମେଶ୍ଵରୀଆଃ ନ୍ୟାୟ ବିଚାର

୧ *ଏ ହାଗା ଚାଏ ମିଶି, ଆମ୍ ତିନାଃ ଏଟାଃକଆଃ ବିଚାରତାନାମେ ? ଆମ୍ ଜେତାଏ ହଡ ତାନମେରେୟ, ନେଆଁ ରିକା ନାଗେନ୍ତେ ଆମ୍ ନାଜ୍ କା ବୁଗିନାଃ । ଏଟାଃକକେ ଚିଟାକେଦ୍ରେ ଆମ୍ଗି ଏନ୍ କାମିମ୍ କାମିତାନରେଦ, ଆମ୍ ଆମ୍ଗି ସାଜାଲୟେନ୍ ତାନାମେ । ୨ ଆବୁ ସାରିତାନାବୁ, ପାର୍ମେଶ୍ଵର ନେଲେକା କାମିତାନ୍ ହଡକକେ ସାର୍ତିଗି ବିଚାରକଆ । ୩ ହେ ହାଗା ମିଶିକ, ଅକ ଏଡକାନ୍ କାମି ନାଗେନ୍ତେ ଆପେ ଏଟାଃକକେପେ ଚିଟାକ ତାନା, ଏନା ଆପେଗିପେ କାମିତାନରେଦ, ଚିୟାଃ ଆପେ ପାର୍ମେଶ୍ଵରୀଆଃ ବିଚାରହେତେ ବାଚାଅଃଝାଲେ ମେନ୍ତେପେ ଉଡ଼ୁତାନା ? ୪ ହବାସାକାଅଆଃ, ଆପେ ପାର୍ମେଶ୍ଵରୀଆଃ ମାରାଜ୍ ଦାୟା, ଧୁରାଜ୍ ଆତଃ ସାହାତିଜ୍ ଜୀଝାନକେପେ ହିଲାଜ୍ତାନା । ଆପେ ସାର୍ତିଗିପେ ସାରିତାନା ଯେ, ଆପେୟାଃ ମନ୍ରେ ହେୟାତିଜ୍ ଆଉଝେ ନାଗେନ୍ତେ ପାର୍ମେଶ୍ଵର ଦାୟାକାଦ୍ରେୟ । ୫ ମେନ୍ଦ ଆପେ କେଟେଦମନ୍କ ଆତଃ କା ବାଦଲୀଆଃ ମନ୍ସୁରୁଦକ ତାନପେ । ଏନାତେ ଚୁଣ୍ଡ ହୁଲାଜ୍ରେୟାଃ ନ୍ୟାୟ ବିଚାର ଇମ୍ତା ଆପେ ପାର୍ମେଶ୍ଵରୀଆଃ ଖୁସାକାନ୍ ହବାକେଦ୍ରେ ପୁରାଃଗି ସାଜାଲପେ ନାମେୟାଁ । ୬ ଚିୟାଃଗି ପାର୍ମେଶ୍ଵର ସବେନକକେ ଆକଆଃ କାମିଲେକାତେ ନାଲାଏ ଏମାକଆ । ୭ ଅକ ହଡକ ମାନାରାଜ୍, ମାଇନାନ୍ ଆତଃ କା ଚୁଣ୍ଡୁ ଜୀଦାନ୍ ନାମେରେୟାଃ ଆସ୍ତାରେ ଧୁରାଜ୍ ସାବକେଦ୍ରେ ବୁଗିନ୍ କାମିକ କାମିୟା, ଇନ୍କୁକେ ପାର୍ମେଶ୍ଵର ଜାନାଅ ଜୀଦାନ୍ ଏମାକଆଏ । ୮ ମେନ୍ଦ ଅକନ୍ ହଡକ ଆପାନାଃ ନାଗେନ୍ତେ ଏସ୍କାର୍ ଉଡ଼ୁଗାଃକ, ସାନାର୍ତିରାଃ ହରାକେ ବାଗିକେଦ୍ରେ ଏଡକାନ୍ ହରାକ ଅତଜ୍ଆଃ, ଇନ୍କୁଆଃ ଚେତାନରେ ପାର୍ମେଶ୍ଵରୀଆଃ ଖୁସ ପୁରାଃଗି ଆତଃ ବରଝାନଗି ହବାଅଃଆ । ୯ ଅକନ୍ ଏଡକାନ୍ କାମି କାମିତାନାକ ଇନ୍କୁଆଃ ଜୀଉରେ ଦୁକୁ ଆତଃ ସାସାତିରେୟାଃ ଦିପିଲି ହିଜୁଃତାନା । ସିଦାତେଦ ଯିହୁଦୀକଆଃ ନାଗେନ୍ତେ ଏନ୍ ତାୟମ୍ତେ ଗ୍ରୀକ୍ ହଡକଆଃ ନାଗେନ୍ତେ ହବାଅଃଆ । ୧୦ ମେନ୍ଦ ଅକନ୍ ବୁଗିନ୍ କାମିକ କାମିତାନା, ଇନ୍କୁକେ ପାର୍ମେଶ୍ଵର ମାନାରାଜ୍, ମାଇନାନ୍, ଆତଃ ଜୀଉସୁକୁ ଏମାକଆଏ । ସିଦାତେ ଯିହୁଦୀ ହଡକକେ ଏନ୍ତାୟମ୍ତେ ଗ୍ରୀକ୍ ହଡକକେ, ୧୧ ଚିୟାଃଗି ପାର୍ମେଶ୍ଵର ସବେନକକେ ମିଦଲେକାଗି ବିଚାରକଆ ।

୧୨ ଗ୍ରୀକ୍* ହଡକ ମୁଣା ନାବୀ ଅଲକାଦ୍ ଆନୁ ଚାକ ନାମାକାଦା । ଇନ୍କୁ ବେଗାର୍ ଆନୁତୁତେ ପାପକେଦାକ, ଏନାତେ ଇନ୍କୁ ବେଗାର୍ ଆନୁତୁତେ ଜିୟନଃଆକ । ମେନ୍ଦ ଯିହୁଦୀକ ଆନୁ ସାରିକେଦ୍ରେ ପାପକେଦାକ, ଏନାତେ ଏନ୍ ଆନୁ ହରାତେଗି ବିଚାରଃଆକ । ୧୩ ଚିୟାଃଗି ଆନୁ ଆୟୁମକେଦ୍ରେ ଏସ୍କାର୍ ହଡକ ପାର୍ମେଶ୍ଵରୀଆଃ ସାମ୍ନାଜ୍ରେ ଧାର୍ମାନ୍ କାକ ହବା ଦାଡ଼ିୟାଃଆ, ମେନ୍ଦ ଆନୁ ମାନାତିଜ୍କେଦ୍ରେହଗି ଧାର୍ମାନ୍ ହବା ଦାଡ଼ିୟାଃଆକ । ୧୪ ଗ୍ରୀକ୍ ହଡକଆଃ ଆନୁ ବାନଃଆ, ମେନ୍ଦ ଇନ୍କୁ ଆନୁ ହୁକୁମାକାଦ୍ ଲେକାକ ମାନାତିଜ୍ତାନରେଦ ଏନାଗି ଇନ୍କୁଆଃ ଆନୁ ଲେକନାଃ ତାନାଃ । ୧୫ ଇନ୍କୁଆଃ ଚାଇଲ୍ ଚାଇଲ୍ ହରାତେ ଉଦୁବଃତାନା, ଆନୁରେୟାଃ ନିୟାମ୍କ ଇନ୍କୁଆଃ ମନ୍ସୁରୁଦ୍ରେ ଅଲକେଦ୍ରେ ମେନାଃ । ନେ କାଜିରେୟାଃ ସାନାର୍ତି ଇନ୍କୁଆଃ ବିବେକ୍ତେହଗି ଉଦୁବାକାନା, ବୁଗିନ୍ ଉଡ଼ୁତାନ୍ ଇମ୍ତା ବିବେକ୍ ଇନ୍କୁକେ ଦେଙ୍ଗାକଆ, ଆତଃ ଏଡକାନ୍ ଉଡ଼ୁ ଇମ୍ତା ଚିଟାକଆ । ୧୬ ଅକନ୍ ହୁଲାଜ୍ ପାର୍ମେଶ୍ଵର ଯୀଶୁ ଖ୍ରୀଷ୍ଟୁଆଃ ହରାତେ ସବେନ୍ ହଡକଆଃ ଉକୁଆକାନ୍ କାଜିକଏ ବିଚାରେୟା, ଏନ୍ ହୁଲାଜ୍ ଆଇଜ୍ ଉଦୁବେତାନ୍ ସୁକୁକାଜି ଲେକାତେ ନେ ସବେନାଃ ହବାଅଃଆ ।

ଯିହୁଦୀକ ଆତଃ ଆନୁ

୧୭ ଆପେ ତିନାଃ କାଜିତାନାପେ ? ଆପେ ଆପାନ୍କେ ଯିହୁଦୀ ମେନ୍ତେପେ କାଜିନ୍ତାନା, ମୁଣା ଏମାକାଦ୍ ଆନୁ ଚେତାନରେ ଭାର୍ସାକେଦ୍ରେ ଆତଃ ପାର୍ମେଶ୍ଵରଲଃ ଆପେୟାଃ ନାତା ମେନାଃ ମେନ୍ତେ ଆପାନ୍କେ ମାରାଜ୍ ମେନ୍ତେପେ ଉଡ଼ୁତାନା, ୧୮ ମୁଣା ନାବୀରାଃ ଆନୁଏତେ ଆପେ ଇତୁକାନାପେ ଆତଃ ପାର୍ମେଶ୍ଵରୀଆଃ ଇଛାସାନାଜ୍କେ ସାରିକେଦ୍ରେ ବୁଗିନାଃ ଆତଃ ଏଡକାନାଃରେୟାଃ ସେଣାକେପେ ଆବ୍କାର୍ଉରୁମ୍ କାଦା, ୧୯ ସାର୍ତିଗିପେ ସାରିତାନା, ଆପେ କା ନେଲ୍ ଦାଡ଼ିନିୟାଃ ହରା ଉଦୁବ୍କ ତାନପେ, ନୁବାଃରେ ତାଇନ୍ତାନ୍ ହଡକ ନାଗେନ୍ତେ ମାର୍ସାଲ୍କ ତାନପେ, ୨୦ ତଣ୍ଡ ହଡକକେ ଇତୁ ହଡକ ତାନପେ, କା ସେଣାନ୍କଆଃ ଇନିତୁକ ତାନପେ । ଆପେୟାଃ ବିଶ୍ଵାସ୍, ଆନୁଏତେ ଆପେ ପୁରା ସାନାର୍ତି ଆତଃ ସେଣାପେ ନାମାକାଦା । ୨୧ ଆପେ ଏଟାଃକକେ ଇତୁକତାନାପେ ମେନ୍ଦ ଆପେ ଆପେଗି ଚିୟାଃ ମେନ୍ତେ କାପେ ଇତୁନ୍ତାନା ? “ଆଲ୍ପେ କୁମ୍ବୁଆଃ” ମେନ୍ତେ ଇତୁକେଦ୍ରେ ଆପେଗିପେ କୁମ୍ବୁ ତୁନାତି ? ୨୨ “ଆପାଜ୍ କାମି ଆଲ୍ପେ ରିକାଏୟା” ମେନ୍ତେ କାଜିକେଦ୍ରେ, ଚିୟାଃ ଆପେଗି ଆପାଜ୍ କାମିପେ ରିକାତାନା ? ଆପେ ମୁରୁଡକକେ ହିଲାଜ୍କେଦ୍ରେ ଚିୟାଃ ମାନ୍ଦିରେୟାଃ ଜିନିଷକକେପେ ରେଃକ୍ତାନା ? ୨୩ ଆପେ ପାର୍ମେଶ୍ଵରୀଆଃ ଆନୁ ନାମାକାଦାଲେ ମେନ୍ତେ ଆପାନ୍କେ ମାରାଜ୍ ମେନ୍ତେପେ କାଜିନ୍ତାନା, ମେନ୍ଦ ଆୟାଃ ଆନୁକେ ଟଟାଃକେଦ୍ରେ

* ୨:୧ ୨:୧ ମାଥୁଉ ୨:୧; ଲୁକ ୬:୩୭. * ୨:୧୨ ୨:୧୨ ଅକନ୍କ ଯିହୁଦୀ ହଡକ ନାହାଁଲକ

ଚିୟାଃ ପାର୍ମେଶ୍ଵାରକେପେ ନିନ୍ଦାଇ ତାନା ? ୨୪ ଧାରାମ୍ ପୁଅରେ ଅଲ୍ଲାନା, “ଆପେୟାଃ ନାଗେନ୍ତେ ଗ୍ରୀକ୍ ହଡ଼କ ପାର୍ମେଶ୍ଵାରଆଃ ଏଡ଼କାନାଃକ କାଜିତାନା ।”

୨୫ ଆନୁରୁକେପେ ମାନାତିକ୍ ତାନୁରେଦ, ଆପେୟାଃ ଖାଡ଼ନାଅରାଃ ଗନକ୍ ମେନାଃ, ମେନ୍ଦ ଆନୁରୁକେ କାପେ ମାନାତିକ୍ ତାନୁରେଦ ଆପେ କା ଖାଡ଼ନାଅକାନ୍ ହଡ଼କଲଃ ମିଦ୍ରିୟାପେ । ୨୬ କା ଖାଡ଼ନାଅକାନ୍ ମିଆଁଦ୍ ଗ୍ରୀକ୍ ହଡ଼ଆଃ ଆନୁରୁରେୟାଃ ରିଡ଼ିରିଞ୍ଜାକକେ ମାନାତିକ୍ ତାନୁରେଦ, ପାର୍ମେଶ୍ଵାର୍ ଇନିଃକେ ଖାଡ଼ନାଅକାନ୍ ହଡ଼ ଲେକା କାଏ ଚି ମାଇନିୟା ? ୨୭ ଏନାମେନ୍ତେ ହଡ଼ମରେ କା ଖାଡ଼ନାଅକାନ୍ରେୟ ଆନୁରୁ ମାନାତିକ୍ ତାନୁ ଗ୍ରୀକ୍ ହଡ଼କ ଯିହୁଦୀ ହଡ଼କକେ ବିଚାରକଆକ, ଚିୟାଃଚି ଇନ୍କୁ ହଡ଼ମ ଲେକାତେ ଖାଡ଼ନାଅକାନ୍ରେୟ ଏନ୍ ଅନଲ୍ ଆନୁରୁକେ କାକ ମାନାତିକ୍ ତାନା । ୨୮ ବାହାରି ହଡ଼ମ ଲେକାତେ ଏସକାର୍ ଖାଡ଼ନାଅକାନ୍ନିଃ ଯିହୁଦୀ ମେନ୍ତେ କାଜିୟାତାନା ମେନ୍ଦ ସାର୍ତି ଯିହୁଦୀ ନାହାଁଲିଃ । ୨୯ ସାର୍ତି ଯିହୁଦୀ ତାନିଃରେଦ, ଇନିଃ ମନ୍ ଭିତାର୍ଏତେଗି ଯିହୁଦୀ ତାନିଃ । ସାର୍ତି ଖାଡ଼ନାଅ ମନ୍ସୁରୁଦରେଗି ହବାଅଃଆ, ଏନା ପାର୍ମେଶ୍ଵାର୍ ଆମ୍ ଗତେ ହବାଅଃଆ, ଅନଲ୍ତେଦ କାହାଗି । ଅକନ୍ ହଡ଼ ମନ୍ସୁରୁଦରେ ଆମ୍ ଗତେ ଖାଡ଼ନାଅକାନା, ଇନିଃ ପାର୍ମେଶ୍ଵାର୍ତାଃଏତେ ସାହାରାଅ ନାମେୟାଏ, ହଡ଼କତାଃଏତେଦ କାହାଗି ।

୩

୧ ତାବ୍ଦ ଗ୍ରୀକ୍ ହଡ଼କତାଃଏତେ ଯିହୁଦୀ ହଡ଼କଆଃ ପୁରାଃ ସୁବିଧା ଚିନାଃ ତାନାଃ ? ତାଏ ଖାଡ଼ନାଅକାନ୍ରେୟାଃ ଚିକାନ୍ ସୁବିଧା ମେନାଃ ? ୨ ହେଗି, ଯିହୁଦୀ ହଡ଼କତାଃରେ ପୁରାଃ ବିଶେଷ୍ ବିଷାଏକ ମେନାଃ । ସବେନାଃଏତେ ବିଶେଷ୍ କାଜି ହବାଅଃତାନା, ପାର୍ମେଶ୍ଵାର୍ ଆୟାଃ ବିଷାଏରେ କାଜିରାଃ ବାହାରମ୍ ଯିହୁଦୀକକେ ପାହିଲାତେ ଏମାକାଦକଆ । ୩ ମେନ୍ଦ ଚିମିନ୍ ହଡ଼କ କା ପାତିୟାର୍ରେୟ ଲେକାନ୍କ ତାନକ, ଏନାତେ ଚିନାଃ ପାର୍ମେଶ୍ଵାର୍ କା ପାତିୟାର୍ରେୟ ଲେକାନ୍ନିଃ ହବାଅଃଆଏ ? ୪ କାହାଗି, ଏନ୍କାଦ ଆଲ ହବାଅଃକା । ସବେନ୍ ହଡ଼କ ହସଡ଼ ହବାଅଃରେୟ ପାର୍ମେଶ୍ଵାର୍ ସାର୍ତି ତାନିଃ । ଧାରାମ୍ ପୁଅରେ ଅଲ୍ଲାନା,

“ଆମାଃ କାଜି ହରାତେ ଆମ୍ ଧାର୍ମାନ୍ ମେନ୍ତେମ୍ ସାରିୟାଃଆ,

ଆମ୍ ବିଚାରତାନୁ ଇମ୍ତା ଜିନିତାଅ ନାମେୟାମ୍ ।”

୫ ନେତାଃରେ ମିଆଁଦ୍ କୁନୁଲି ହବାସାକାଅଆଃ, ଆରୁ ଏଡ଼କାନ୍ କାମି ରିକାଃରୁ ଇମ୍ତା ଆଟ୍କାରଃଆ ଯେ ପାର୍ମେଶ୍ଵାର୍ ଆମି ବୁଗିନାଃତାନାଃ, ଏନାତେ ପାର୍ମେଶ୍ଵାର୍ ଆରୁକେ ସାଜାଇ ଏମାବୁତାନ୍ ଇମ୍ତା ଇନିଃ ଗୁହ୍ନାଁ କାମି ରିକାଏତାନା ମେନ୍ତେ କାଜି ଦାଡ଼ିୟାରୁଚି ? ଆଇକ୍ ହଡ଼ ଲେକା କାଜିତାନାଇକ୍ । ୬ କାହାଗି ଏନ୍କା ଆଲକା ହବାଅଃକା, ପାର୍ମେଶ୍ଵାର୍ ନ୍ୟାୟ ଏମ୍ନିଃ ନାହାଁଲିଃ ରେଦ ଇନିଃ ଚିଲ୍କାତେ ଅତେଦିଶୁମ୍ରେୟ ବିଚାର୍ ରିକା ଦାଡ଼ିୟାଏ ?

୭ ମେନ୍ଦ ଆଇୟାଃ କା ସାନାର୍ତି ହରାତେ ପାର୍ମେଶ୍ଵାର୍ ଆଃ ସାନାର୍ତିତେୟାଃ ପୁରାଃତେ ପୁରାଗି ଉଦୁବଃଆ ଆତଃ ଇନିୟାଃ ମାନାରାକ୍ ହବାଅଃରେଦ, ଆଇକ୍ ପାପି ମେନ୍ତେ ଚିନାଃ ନାକ୍ ସାଜାଇ ନାମେୟାଇକ୍ ? ୮ ଆବୁ ଚିନାଃମେନ୍ତେ କାରୁ କାଜିୟାତାମ୍, “ଦଲ୍ଲାରୁ ଏଡ଼କାନ୍ କାମିକରୁ ରିକାୟା, ଏନାତେ ବୁଗିନ୍ଆଃ ହିଜୁଃଆ ?” ଆଇକ୍ ଠାଡ଼କାଗି ନେ କାଜିକ କାଜିକେଦ୍ ହରାତେ, ପୁରାଃ ହଡ଼କ ଆଇକ୍ କେ ଲାନ୍ଦାକେଦିୟାକ ଆତଃ ଚିଟାକେଦିୟାକ । ନେଆଁ ନାଗେନ୍ତେ ଇନ୍କୁ ସାଜାଇକ ନାମେଗିୟା ।

ଜେତାଏୟ ଧାର୍ମାନ୍ ହଡ଼ ବାଙ୍କଆ

୯ ତାବ୍ଦ, ଆବୁ ଯିହୁଦୀ ହଡ଼କ ଗ୍ରୀକ୍ ହଡ଼କତାଃଏତେ ଚିନାଃ ପୁରାଃ ବୁଗିନାଃରୁ ? କାହାଗି, ଯିହୁଦୀ ହଡ଼ ଆତଃ ଗ୍ରୀକ୍ ହଡ଼ ସବେନ୍କ ମିଦ୍ରିୟାକ ମେନ୍ତେ ଆଇକ୍ ସିଦାରେଗିଇକ୍ କାଜି ଚାବାକାଦା, ଇନ୍କୁ ସବେନ୍କ ଆକଆଃ ଆପ୍ନାଃ ପାପ୍ରେୟାଃ ଆକ୍ତେୟାର୍ରେ ମେନାକଆ । ୧୦ ଧାରାମ୍ ପୁଅରେ ଅଲ୍ଲାନା,

“ଧାର୍ମାନ୍ ହଡ଼ ଜେତାଏ ବାଙ୍କଆ, ମିହୁଡ଼ହ୍ ବାଙ୍କଆ,

୧୧ ମିହୁଡ଼ହ୍ ସେଣାନ୍ ହଡ଼ ବାଙ୍କଆ,

ତାଏ ପାର୍ମେଶ୍ଵାର୍ କେ ସାର୍ତିତେ ଦାଣାଁଇନିଃ ଜେତାଏ ବାଙ୍କଆ ।

୧୨ ଇନ୍କୁ ସବେନ୍କ ପାର୍ମେଶ୍ଵାର୍ତାଃଏତେ ସାଜିନାକାନାକ,

ସବେନ୍କ ହରା ଆଦାକାଦାକ,

ଜେତାଏ ମିହୁଡ଼ହ୍ ବୁଗିନ୍ କାମି କାକ ରିକାତାନା ।

୧୩ ଇନ୍କୁଆଃ ମଚାରାଃ କାନାଜି ଉରାକାନ୍ ତପାଗାଡ଼ା ଲେକାନାଃ ତାନାଃ,

ଆଲାକ୍ ହେତେ ଏଡ଼କାନ୍ ବେଦା ଲିଙ୍ଗିୟାତାନା,

ଆତଃ ଇନ୍କୁଆଃ ମଚାଏତେ ଅତକ୍ତାନ୍ କାଜି, ବରଞ୍ଜାନ୍ ବିକ୍ରେୟା ବିଷ୍ ଲେକାନାଃ ତାନାଃ,

୧୪ ଇନ୍କୁଆଃ ଜାଗାର୍ ମେହେର୍ତେ ଆତଃ ସାର୍ପାଅତେ ପେରେଜାକାନା ।

୧୫ ଇନ୍କୁ ଏଟାଃକକେ ନକ୍ସାନ୍ ଆତଃ ଗଗଏଃ ନାଗେନ୍ତେ ସେକାଡ଼ାକାନ୍ତିକ ତାଇନାଃ ।

୧୬ ଇନ୍କୁ ଜିୟନେ ନାଗେନ୍ତେ ଆତଃ ସାସାତି ନାଗେନ୍ତେ ସବେନ୍ସାଃତେ ସେନାଃକ ।

୧୭ ଇନ୍‌କୁ ଜୀଉସୁକୁରାଃ ହରାକେ କାକ ସାରିୟା ।

୧୮ ତାଏ ପାର୍‌ମେଶ୍ୱାରକେ ବରଭାକ୍ତି ଲାଗାତିଙ୍ଗିୟାଃ, ଏନା ଇନ୍‌କୁ କାକ ଇତୁକାନା ।”

୧୯ ନାହାଁଃ ଆରୁ ସାରିତାନାରୁ, ଅକନ୍‌କ ଆନ୍‌ରୁରେ ମେନାକଆ, ଇନ୍‌କୁକେ ଏନାରେୟାଃ ସବେନ୍ ଆନ୍‌ରୁ ମାନାତିଙ୍ଗି ଲାଗାତିଙ୍ଗିୟାଃ । ପାର୍‌ମେଶ୍ୱାର ସବେନ୍ ଅତେଦିଶ୍ୱମ୍‌ରାଃ ବିଚାର ରିକାଏ ଇମତା, ଆନ୍‌ରୁକେ କା ମାନାତିଙ୍ଗିତାନ୍ ହଡକ ଜେଡନାଃ ଉଦୁବକେଦତେ, ଆପାନ୍‌କେ ବେଗାର୍ ଚିଟାନିଃ ତାନିଙ୍ଗି ମେନ୍ତେ କାକ କାଜି ଦାଡିୟା । ୨୦ ଖମେନ୍‌ଦ ଆନ୍‌ରୁରେୟାଃ କାଜିକାମି ରିକାକେଦତେ ଜେତାଏ ମାନଖା ପାର୍‌ମେଶ୍ୱାରଆଃ ନେପେଲ୍‌ରେ ଧାର୍‌ମାନ୍ ମେନ୍ତେ କାଏ କାଜିୟାଃଆ । ଆନ୍‌ରୁ ଆରୁଆଃ ପାପ୍ ବିଷାଏରେ ଏସକାର୍ ଆରୁକେ ଚେଡଗାରୁଆ ।

ବିଶ୍ୱାସରେ ଧାର୍‌ମାନ୍ ହବାଅଃ

୨୧ ମେନ୍‌ଦ ନାହାଁଃ ମୁଣାରାଃ ଆନ୍‌ରୁ ବାଗିକେଦତେ ପାର୍‌ମେଶ୍ୱାରଆଃ ଧାର୍‌ମାନ୍‌ତେୟାଃ ଉଦୁବାକାନା । ନେ ବିଷାଏରେ ମୁଣାରାଃ ଆନ୍‌ରୁ ଆତଃ ନାବୀକହଗି ଗାଞ୍ଜା ଏମାକାଦାକ । ୨୨ ଧୟାଶୁ ଶ୍ରୀଷ୍ଟତାଃରେ ଏସକାର୍ ବିଶ୍ୱାସ ହରାତେ ହଡକ ପାର୍‌ମେଶ୍ୱାରଆଃ ଆୟାରରେ ଧାର୍‌ମାନ୍‌କ ହବାଅଃଆ । ପାର୍‌ମେଶ୍ୱାର ସବେନ୍‌କକେ ମିଦଲେକାଗି ନେଲାଃଏ, ଶ୍ରୀଷ୍ଟତାଃରେ ବିଶ୍ୱାସତାନ୍ ସବେନ୍ ହଡକକେ ନେ ସୁଯୋଗ୍ ଏମାଃଏ । ୨୩ ସବେନ୍‌କ ପାପ୍‌କାଦାକ ଆତଃ ପାର୍‌ମେଶ୍ୱାରଆଃ ମାନାରାଙ୍ଗି ନାମେହେତେ ସାଜିନ୍‌ରେ ମେନାକଆ । ୨୪ ମେନ୍‌ଦ ଶ୍ରୀଷ୍ଟ ଧୟାଶୁଆଃ ହରାତେ ବେଗାର୍ ଗନଙ୍ଗରେ ପାର୍‌ମେଶ୍ୱାର ଅକନ୍ ସାୟାଦ୍ ଏମାକାଦାଏ, ଏନାକେ ଅକନ୍ ହଡକ ତେଲାଏୟାକ, ଇନ୍‌କୁ ଶ୍ରୀଷ୍ଟ ଧୟାଶୁଆଃ ହରାତେ ପାପ୍‌ହେତେ ରାଡାକେଦତେ ପାର୍‌ମେଶ୍ୱାରଆଃ ନେପେଲ୍‌ରେ ଧାର୍‌ମାନ୍‌କ ହବାଅଃଆ । ୨୫ ପାର୍‌ମେଶ୍ୱାର ଧୟାଶୁକେ ଏମକିୟାଏ, ଇନିୟାଃ ଦାଣ୍ଠେ ଗନ୍‌ଏଃ ତାଏ ମାୟୋମ୍ ହରାତେ ଆୟାଃତାଃରେ ବିଶ୍ୱାସତାନ୍ ହଡକଆଃ ପାପ୍ ଛାମାରାଃ ହରାଏ ବାଇକେଦା । ପାର୍‌ମେଶ୍ୱାର ଆୟାଃ ଧାର୍‌ମାନ୍‌କେ ଉଦୁବ୍ ନାଗେନ୍ତେ ନେଆଁଏ ରିକାକେଦା । ପାର୍‌ମେଶ୍ୱାର ଧୂରାଜ ସାବକେଦତେ ହଡକ ସିଦାରେ କାମିକାଦ୍ ପାପକଏ ବାଗିକେଦା । ୨୬ ମେନ୍‌ଦ ନାହାଁଃ ଇନିଃ ଆୟାଃ ଧାର୍‌ମାନ୍‌କେ ଉଦୁବେ ନାଗେନ୍ତେ ପାପ୍ ଛାମାରେୟାଃ ହରାଏ ଉଦୁବକେଦା । ନେ ହରାତେ ପାର୍‌ମେଶ୍ୱାର ଉଦୁବକେଦାଏ ଯେ, ଇନିଃ ଆଇଃକଗି ଧାର୍‌ମାନ୍‌ନିଃ ତାନିଃ ଆତଃ ଅକନ୍‌କ ଧୟାଶୁତାଃରେ ବିଶ୍ୱାସ ରିକାଏୟାକ, ଏନ୍ ସବେନ୍‌କକେ ଧାର୍‌ମାନ୍ ମେନ୍ତେ କାଜିକଆ ।

୨୭ ତାବ୍‌ଦ, ଆରୁ ଅକ ବିଷାଏରେ ଆପାନ୍‌କେ ମାରାଙ୍ଗିୟେନ୍ ମେନ୍ତେକୁ କାଜିନାଃ ? କାହାଗି, ଏନ୍‌ଲେକାନ୍ ବିଷାଏ ଜେଡନାଃ ବାନଃଆ । ଆପାନ୍‌କେ ମାରାଙ୍ଗିୟେନ୍ ମେନ୍ତେ କାଜିନ୍‌ତେୟାଃ ଆରୁଆଃ ଚିନାଃ ତାଇନ୍‌ସାକାଅଃଆ ? ଚିନାଃ ଆନ୍‌ରୁକେ ପୁରା ମାନାତିଙ୍ଗିକାଦାରୁ ମେନ୍ତେ ? କାହାଗି, ଆରୁଆଃ ବିଶ୍ୱାସ ଏସକାର୍ ତାନାଃ, ଅକନାଃଟି ଆରୁ ଆପାନ୍‌କେ ମାରାଙ୍ଗିୟେନ୍ ମେନ୍ତେକୁ କାଜିନ୍ ତାନା । ୨୮ ନେଆଁତେ ଆରୁ ସାର୍‌ତିଗି ଆଟକାର୍ ଉରୁମେତାନାରୁ ଯେ, ମିହୁଡ୍ ଆୟାଃ ବିଶ୍ୱାସ ହରାତେ ଏସକାର୍ ପାର୍‌ମେଶ୍ୱାରଆଃ ନେପେଲ୍‌ରେ ଧାର୍‌ମାନ୍ ହବାଅଃଆଏ, ମେନ୍‌ଦ ଆନ୍‌ରୁକେ ମାନାତିଙ୍ଗି ହରାତେ କାହାଗି । ୨୯ ପାର୍‌ମେଶ୍ୱାର ଯିହୁଦୀକଆଃ ଏସକାର୍ ପାର୍‌ମେଶ୍ୱାର ନାହାଁଲିଃ ? ଇନିଃ ଗ୍ରୀକ୍ ହଡକଆଃ ପାର୍‌ମେଶ୍ୱାର୍‌ହଁ ତାନିଃ । ସାର୍‌ତିଗି ଇନିଃ ସବେନ୍‌କଆଃ ପାର୍‌ମେଶ୍ୱାର ତାନିଃ । ୩୦ ଧପାର୍‌ମେଶ୍ୱାର ମିହୁଡ୍‌ଗି ତାନିଃ । ଖାଡନାଅ ଆତଃ କା ଖାଡନାଅ ହଡକ ଆକଆଃ ବିଶ୍ୱାସ ହରାତେ ଇନିଃ ଇନ୍‌କୁକେ ଧାର୍‌ମାନ୍ ମେନ୍ତେ କାଜିକଆ । ୩୧ ନେଆଁରାଃ ମୁଣ୍ଡି ଚିନାଃ, ଆରୁ ବିଶ୍ୱାସ ହରାତେ ଆନ୍‌ରୁକେ ଜିୟନଃ ନାଗେନ୍ତେକୁ ସାନାଙ୍ଗିତାନା ? କାହାଗି, ଏନ୍‌କାଦ କା ହବାଅଃଆ । ବିଶ୍ୱାସ ହରାତେ ଆରୁ ଆନ୍‌ରୁରେୟାଃ ନିହଁ ଗାଡା କେଟେଦକାଦାରୁ ।

୪

ଆବ୍ରାହାମଆଃ ନାମୁନା

୧ ତାବ୍‌ଦ, ହଡକ୍‌ମ ଲେକାତେ ଆରୁଆଃ ପୁରଖା ଆପୁ ଆବ୍ରାହାମଆଃ ବିଷାଏରେ ଚିନାଃକୁ କାଜି ଦାଡିୟା ? ୨ ଆବ୍ରାହାମ୍ ଆୟାଃ କାମି ହରାତେ ପାର୍‌ମେଶ୍ୱାରଆଃ ନେପେଲ୍‌ରେ ଧାର୍‌ମାନ୍ ହବାକାନ୍‌ତେୟାଃଏ ରେଦ, ଆପାନ୍‌କେ ମାରାଙ୍ଗି ମେନ୍ତେ କାଜିନ୍‌ତେୟାଃ, ମେନ୍‌ଦ ପାର୍‌ମେଶ୍ୱାରଆଃ ନେପେଲ୍‌ରେ ଏନ୍‌କା କା ହବାକାନ୍ ତାଇକେନା । ୩ ଧଧାରାମ୍‌ପୁଅ ଲେକାତେ, “ଆବ୍ରାହାମ୍ ପାର୍‌ମେଶ୍ୱାରତାଃରେ ବିଶ୍ୱାସକେଦା ଆତଃ ଏନ୍ ବିଶ୍ୱାସ ହରାତେ ପାର୍‌ମେଶ୍ୱାର ଇନିଃକେ ଧାର୍‌ମାନ୍ ମେନ୍ତେ କାଜିକିୟା ।” ୪ ଜେତାଏ କାମିନିଃ ନାଲା ନାମେଗିୟାଏ । ଏନାକେ ଦାନ୍ ଲେକା କାଏ ନାମେୟାଁ । ୫ ମେନ୍‌ଦ ଜେତାଏ ଆପାନାଃ କାମିରେ ଆସ୍ତା କା ଦହକେଦତେ, ପାର୍‌ମେଶ୍ୱାରତାଃରେ ବିଶ୍ୱାସେଆ, ଆୟାଃ ବିଶ୍ୱାସ ହରାତେ ଚିଟାକାନ୍‌ନିୟାଃ ଗୁଣ୍ଟାକେ ରାଡା ଦାଡିତାନ୍ ପାର୍‌ମେଶ୍ୱାର ଇନିଃକେ ଧାର୍‌ମାନ୍ ମେନ୍ତେ କାଜିୟା । ୬ ଜେତା ହଡରାଃ କାଜିକାମିକେ କା ନେଲ୍‌କେଦତେ ପାର୍‌ମେଶ୍ୱାର ଇନିଃକେ ଧାର୍‌ମାନ୍ ଲେକାଏ ତେଲା ଦାରମିୟାଁ, ଇନିୟାଃ ସାହାରାଅ ରିକାତାନ୍‌ଲଃ ଦାଉଦ୍ କାଜିକେଦାଏ :

୭ “ଜେତାଏୟାଃ ଏଡକାନ୍ କାମି ଛାମାକାନା ଇନିଃ ରାସକାଗିୟାଏ,

☆ ୩:୨୦ ୩:୨୦ ଗାଲାତିୟ ୨:୧୭. ☆ ୩:୨୨ ୩:୨୨ ଗାଲାତିୟ ୨:୧୭. ☆ ୩:୩୦ ୩:୩୦ ଗାଲାତିୟ ୩:୨୦. ☆ ୪:୩ ୪:୩ ଗାଲାତିୟ ୩:୭.

ଜେତାଏ ପାପଛାମା ନାମାକାଦାଏ ଇନିଃ ଧାଇନ୍‌ଗିୟାଏ ।

୮ ଜେତାଏୟାଃ ପାପକ ପ୍ରାଭୁ କାଏ ଲେକାଏୟା ଇନିଃ ରାସକାଗିୟାଏ ।”

୯ ନେତାଃରେ ଦାଉଦ୍ ଅକନ୍‌କକେ ରାସକା କାନ୍‌କ ମେନ୍ତେ କାଜିତାନା, ଇନ୍‌କୁ ତିନାଃ ଖାଡ୍‌ନାଅକାନ୍ ହଡକ ଏସକାର୍ ତାଇକେନାକ ? କାହାଗି, କା ଖାଡ୍‌ନାଅକାନ୍ ହଡକଆଃହଗି ରାସକା ହବା ଦାଡ୍‌ୟାଆ । ଆରୁ କାଜିତାନାରୁ, ଆବ୍ରାହାମ୍ ବିଶ୍ୱାସ୍ ହରାତେ ଧାର୍‌ମାନ୍ ହବାକାନାଏ, ୧୦ ନେଆଁ ଅକ ଦିପିଲିରେ ହବାକାନ୍ ତାଇକେନା ? ଆବ୍ରାହାମ୍‌ଆଃ ଖାଡ୍‌ନାଅ ହବାୟାନ୍ ସିଦାରେତି ତାୟମ୍‌ତେ ? ନେଆଁଦ୍ ସିଦାରେ ହବାକାନ୍ ତାଇକେନା, ତାୟମ୍‌ତେ କାହାଗି । ୧୧ ଆବ୍ରାହାମ୍‌ଆଃ ଖାଡ୍‌ନାଅ ହବାୟାନ୍ ସିଦାରେ ପାର୍‌ମେଶ୍ୱାର୍ ଇନିଃକେ ଆୟାଃ ବିଶ୍ୱାସ୍ ହରାତେ ଧାର୍‌ମାନ୍ ମେନ୍ତେ କାଜିକିୟା । ନେଆଁ ଉଦୁବେ ନାଗେନ୍ତେ ମିଆଁଦ୍ ଚିହ୍ନାଁ ଲେକାତେ ଆବ୍ରାହାମ୍ ଖାଡ୍‌ନାଅୟାନାଏ । ଏନାତେ ଅକନ୍‌କ କା ଖାଡ୍‌ନାଅ କାନ୍‌ରେୟ୍ ପାର୍‌ମେଶ୍ୱାର୍‌କେ ବିଶ୍ୱାସ୍‌କିଃ ହରାତେ ଧାର୍‌ମାନ୍ ମେନ୍ତେକ କାଜିୟାତାନା ଆତଃ ଆମ୍‌କି ଲେକାତେ ଆବ୍ରାହାମ୍ ଇନ୍‌କୁଆଃ ଆପୁ ତାନିଃ । ୧୨ ଆପୁ ଆବ୍ରାହାମ୍ ଖାଡ୍‌ନାଅରାଃ ସିଦାରେ ଅକ ବିଶ୍ୱାସ୍‌ରେୟାଃ ପାରିତାଏ ଏମାକାଦ୍ ତାଇକେନାଏ, ଏନ୍‌ଲେକାଗି କା ଖାଡ୍‌ନାଅକାନ୍ ହଡକହଗି ବିଶ୍ୱାସ୍‌ରେୟାଃ ଜୀଦାନ୍‌ରେକ ତାଇନଃରେଦ୍, ଆବ୍ରାହାମ୍ ଇନ୍‌କୁଆଃ ହଗି ଆପୁ ତାନିଃ ।

ବିଶ୍ୱାସୀକକେ ପାର୍‌ମେଶ୍ୱାର୍‌ଆଃ ବାନାର୍‌ସା

୧୩ *ଆବ୍ରାହାମ୍ ଆନ୍‌ରୁ ମାନାତିଙ୍ଗ୍ କେଦ୍‌ତେଦ୍ କାହାଗି, ମେନ୍‌ଦ୍ ଆୟାଃ ବିଶ୍ୱାସ୍ ନାଗେନ୍ତେ ଏସକାର୍ ପାର୍‌ମେଶ୍ୱାର୍‌ଆଃ ହରାତେ ଧାର୍‌ମାନ୍ ମେନ୍ତେ ହବାୟାନା ଆତଃ ଏନାମେନ୍ତେ ଆୟାଃ କିଲିକ ଅତେଦିଶୁମ୍‌ରାଃ ଆକ୍‌ତେୟାର୍‌ତାନ୍‌କ ହବାଅଃଆ ମେନ୍ତେ ପାର୍‌ମେଶ୍ୱାର୍ ବାନାର୍‌ସାଏ ଏମାକାଦ୍ ତାଇକେନା । ୧୪ *ଆନ୍‌ରୁ ମାନାତିଙ୍ଗ୍‌ତାନ୍‌କ ଏସକାର୍ ପାର୍‌ମେଶ୍ୱାର୍ ଏମାକାଦ୍ ବାନାର୍‌ସାକ ନାମେରେଦ୍, ବିଶ୍ୱାସ୍ ଜେଡ୍‌ନାଃ ନାହାଁଲାଃ ଆତଃ ପାର୍‌ମେଶ୍ୱାର୍‌ଆଃ ବାନାର୍‌ସା ସାମା ତାନାଃ । ୧୫ ଆନ୍‌ରୁ କା ମାନାତିଙ୍ଗ୍ ହରାତେ ପାର୍‌ମେଶ୍ୱାର୍‌ଆଃ ଖ୍ୱସ୍ ହବାଅଃଆ, ମେନ୍‌ଦ୍ ଆନ୍‌ରୁ ବାନଃତାଃରେ, ଆନ୍‌ରୁକେ କା ମାନାତିଙ୍ଗ୍ କାଜି ବାନଃଆ ।

୧୬ *ଏନାମେନ୍ତେ ପାର୍‌ମେଶ୍ୱାର୍‌ଆଃ ବାନାର୍‌ସା ବିଶ୍ୱାସ୍ ତେତାନ୍‌ରେ ଠାହାରାଅକାନା । ପାର୍‌ମେଶ୍ୱାର୍ ଆୟାଃ ସାୟାଦ୍‌ତେ ନେ ବାନାର୍‌ସାକେ ଆବ୍ରାହାମ୍‌ଆଃ କିଲିକକେ ଏମାକାଦ୍‌କଆ, ଅକନ୍‌କ ଆନ୍‌ରୁକେକ ମାନାତିଙ୍ଗ୍ ତାନା, ଇନ୍‌କୁ ନାଗେନ୍ତେ ଏସକାର୍ ବାନାର୍‌ସା ନାହାଁଲାଃ, ମେନ୍‌ଦ୍ ଆବ୍ରାହାମ୍ ଲେକା ବିଶ୍ୱାସ୍‌ତାନ୍ ସବେନ୍‌କ ନାଗେନ୍ତେ ଏନା ତାନାଃ । ତିୟାଃତି ଆବ୍ରାହାମ୍ ଇନ୍‌କୁଆଃ ଆମ୍‌କି ଆପୁ ତାନିଃ । ୧୭ ଧାରାମ୍ ପୁଥ୍‌ରେ ଅଲ୍‌କାନା, “ଆଲେ ଆମ୍‌କେ ପୁରାଃ କିଲିରେନ୍ ଆପୁଲେ ବାଇୟାକାଦ୍‌ମେୟାଁ ।” ପାର୍‌ମେଶ୍ୱାର୍‌ଆଃ ନେପେଲ୍‌ରେ ନେ ବାନାର୍‌ସା ବୁଗିନାଃ ତାଇକେନା, ତିୟାଃତି ଅକ ପାର୍‌ମେଶ୍ୱାର୍‌କେ ଆବ୍ରାହାମ୍ ବିଶ୍ୱାସ୍ ତାଇକେନାଏ, ଏନ୍ ପାର୍‌ମେଶ୍ୱାର୍‌ଗି ଗଜାକାନ୍ ହଡକକେ ଜୀଉବିରିଦ୍‌କଆ ଆତଃ ଅକ୍‌ନାଃ ବାନଃତେୟାଃ ଆୟାଃ ଆନାରୁତେ ସବେନାଃ ହବାସାକାଅଆଃ । ୧୮ ଆସ୍ରାଏ ଲେକାନାଃ ଜେଡ୍‌ନାଃ କା ତାଇକେନ୍‌ରେୟାଗି, ଆବ୍ରାହାମ୍ ଆସ୍ରା ଦହକେଦ୍‌ତେ ବିଶ୍ୱାସ୍‌କାଦ୍ ତାଇକେନାଏ । ଏନାମେନ୍ତେ ଇନିଃ ପୁରାଃ ଜାତିରେନ୍ ଆପୁ ହବାୟାନାଏ, ତିୟାଃତି ଧାରାମ୍‌ପୁଥ୍ ଲେକାତେ ଇନିଃକେ ବାନାର୍‌ସା ନାମାକାନ୍ ତାଇକେନା, “ଆମାଃ କିଲିକ ସିମ୍‌ରେନ୍ ପୁରାଃଗି ଇପିଲ୍‌କ ଲେକାକ ହବାଅଃଆ ।” ୧୯ ଇମ୍‌ତା ଆବ୍ରାହାମ୍‌କେ ମଣେୟାଁ ହିସି ବାରାଷ୍ ହବାଅଃ ତାଇକେନା, ମେନ୍‌ଦ୍ ଆୟାଃ ହଡ୍‌ମ୍ ବିଷାଏରେ ଉଡ୍‌ଷ୍ଟକେଦା, ଅକ୍‌ନାଃଗି ଗଜଃ ଲେକା ହବାଅଃ ତାଇକେନା ଚାଏ ଆୟାଃ କୁଡ୍‌ତେ ସାରାଃ ହନ୍‌ଗାଁଣା ହବାଅଃରେୟାଃ ନେତା ପାରମଃତାନା ମେନ୍ତେ ସାରିକେଦ୍‌ରେୟ୍, ଆୟାଃ ବିଶ୍ୱାସ୍ କା ନାରାଦୁରାୟାନା । ୨୦ ଆବ୍ରାହାମ୍ ଆୟାଃ ବିଶ୍ୱାସ୍‌କେ କାଏ ବାଗିକେଦା, ଚାଏ ପାର୍‌ମେଶ୍ୱାର୍‌ଆଃ ବାନାର୍‌ସାରେ କାଏ ଆଡ଼ାଃଉଡ୍‌ଷ୍ଟୟାନା । ଆୟାଃ ବିଶ୍ୱାସ୍ ଆଇଃକ୍‌କେ ପୁରାଃଗି ପେଡ୍‌ଃତେ ପେରେଃକିୟା ଆତଃ ଇନିଃ ପାର୍‌ମେଶ୍ୱାର୍‌କେ ମାରାଙ୍ଗ୍‌କିୟା । ୨୧ ପାର୍‌ମେଶ୍ୱାର୍ ଅକ ବାନାର୍‌ସା ଏମାକାଇ ତାଇକେନାଏ, ଏନା ଇନିଃ ରିକାଏଗିୟାଏ ମେନ୍ତେ ଆୟାଃ ପୁରା ବିଶ୍ୱାସ୍ ତାଇକେନା । ୨୨ ଏନାମେନ୍ତେ ଆବ୍ରାହାମ୍ ଆୟାଃ ବିଶ୍ୱାସ୍ ହରାତେ “ପାର୍‌ମେଶ୍ୱାର୍‌ତେ ଧାର୍‌ମାନ୍ ମେନ୍ତେ କାଜିୟାନା ।” ୨୩ “ଧାର୍‌ମାନ୍ ଲେକାଏ ହବାୟାନା” ମେନ୍ତେ କାଜିତେୟାଃ, ଧାରାମ୍‌ପୁଥ୍‌ରେ ଆବ୍ରାହାମ୍ ନାଗେନ୍ତେ ଏସକାର୍ ଲାଗାତିଙ୍ଗ୍‌ୟାଃ ମେନ୍ତେଦ୍ କାହାଗି । ୨୪ ଆବ୍ରାହାମ୍ ପାର୍‌ମେଶ୍ୱାର୍‌ତାଃରେ ବିଶ୍ୱାସ୍‌କେଦ୍ ହରାତେ ଧାର୍‌ମାନ୍ ଲେକାରୁ ହବାଅଃଆ । ପାର୍‌ମେଶ୍ୱାର୍ ପ୍ରାଭୁ ଯିଶୁକେ ଗନ୍‌ଏଃହେତେ ଜୀଉବିରିଦ୍‌କିୟାଏ । ୨୫ ଏନ୍ ପ୍ରାଭୁ ଯିଶୁଗି ଆବ୍ରାହାମ୍ ପାପଛାମା ନାଗେନ୍ତେ ଗନ୍‌ଏଃରେ ଜିମାୟାନା ଆତଃ ପାର୍‌ମେଶ୍ୱାର୍‌ତାଃରେ ଆବ୍ରାହାମ୍ ବାଇରୁ ନାଗେନ୍ତେ ଯିଶୁ ଗନ୍‌ଏଃହେତେ ଜୀଉବିରିଦ୍‌ୟାନାଏ ।



ପାର୍‌ମେଶ୍ୱାର୍‌ଲଃ ବୁଗିନ୍ ନାତା

* ୪:୧୩ ୪:୧୩ ଗାଲାତିୟ ୩:୨୯. * ୪:୧୪ ୪:୧୪ ଗାଲାତିୟ ୩:୧୮. * ୪:୧୭ ୪:୧୭ ଗାଲାତିୟ ୩:୭.

^୧ ନାହିଁଠି ଆବୁ ବିଶ୍ୱାସ ହରାତେ ପାର୍ମେଶ୍ୱାରୀଆ ନେପେଲ୍ରେ ଧାର୍ମାନ୍ ଲେକାରୁ ହବାକାନା ଆତଃ ପ୍ରାଭୁ ଯୀଶୁ ଖ୍ରୀଷ୍ଟିଆ ହରାତେ ଆବୁ ପାର୍ମେଶ୍ୱାରୀଲକ୍ଷ ଜୀଉସୁକ୍ତରେ ମେନାରୁଆ । ^୨ ଏନ୍ ଯୀଶୁତାଃରେ ଆବୁଆ ବିଶ୍ୱାସ ମେନାଃ ହରାତେ ନାହିଁଠି ଆବୁଆ ଜୀଦାନରେ ପାର୍ମେଶ୍ୱାରୀଆ ସାୟାଦ୍ ଆତଃ ପାର୍ମେଶ୍ୱାରୀଆ ମାନାରାଜ୍ରେ ହିସା ନାମେରେୟା ଆସ୍ତା ମେନାଃ ହରାତେ ଆବୁ ପୁରାଃଗି ରାସ୍ତାଆ ତାନାରୁ । ^୩ ଏନା ଏସ୍କାର୍ କାହାଗି, ସବେନ୍ ଲେକାନ୍ ଦୁକୁ ସାସାତିରେୟାଗି ଆବୁ ରାସ୍ତାଆ ତାନାରୁ, ଚିୟାଃତି କା ଆକ୍ତାକାଅ କେଦ୍ତେ ସାସାତିକେ ସାହାତିକ୍ଲେରେ ମନ୍ରେ ଧିରାଜ୍ ହିଜୁଃଆ ଏନାରୁ ସାରିତାନା । ^୪ ନେ ଧିରାଜ୍ହେତେ ଆବୁଆ ଚାଇଲ୍ ଚାଇଲ୍ କେଟେୟା ଆତଃ କେଟେଦ୍ ଚାଇଲ୍ ଚାଇଲ୍ହେତେ ଭାର୍ସା ନାମଃଆ । ^୫ ନେ ଆସ୍ତା ଆବୁକେ କାଏ ହୁଡିକ୍ଜୀଉରୁଆ, ଚିୟାଃତି ପାର୍ମେଶ୍ୱାର୍ ଆବୁକେ ପାବିତାର୍ ଆମ୍ବା ଏମକେଦ୍ତେ ଆବୁଆ ମନ୍ସୁରୁଦ୍ରେ ଆୟାଃ ଦୁଲାଡ୍ ପେରେଃକାଦାଏ ।

^୬ ଆବୁ ଦେକ୍ମା କା ନାମେଲେକା ତାଇକେନ୍ ଇମ୍ତା, ପାର୍ମେଶ୍ୱାରୀଆ ଠାହାରାଅକାଦ୍ ଦିପିଲିରେ, ଖ୍ରୀଷ୍ଟ ଏଡକାନ୍ ହଡକଆ ନାଗେନ୍ତେ ଗଏଃୟାନା । ^୭ ଧାର୍ମାନ୍ ହଡ ନାଗେନ୍ତେ ଏଟାଃ ଜେତା ହଡ ଜୀଉ ଏମ୍ତେୟାଃ କାକ ନେଲଃଆ । ହବାସାକାଅଆ ରୁଗିନ୍ ହଡ ନାଗେନ୍ତେ ଜେତାଏ ଜୀଉ ଏମ୍ ନାଜ୍ ସେକାଡ୍ ଦାଡିୟଃଆଏ । ^୮ ମେନ୍ଦ ଆବୁ ପାପି ତାଇକେନ୍ ଇମ୍ତାଗି ଖ୍ରୀଷ୍ଟ ଆବୁ ନାଗେନ୍ତେ ଆୟାଃ ଜୀଉ ଏମ୍କେଦାଏ, ନେଆଁ ହରାତେ ପାର୍ମେଶ୍ୱାର୍ ଆବୁକେ ଚିମିନ୍ ଦୁଲାଡ୍ତାନାଏ ଏନାଏ ଉଦୁବ୍କେଦା । ^୯ ଖ୍ରୀଷ୍ଟରାଃ ମାୟୋମ୍ ହରାତେ ପାର୍ମେଶ୍ୱାର୍ ଆବୁକେ ଧାର୍ମାନ୍ ମେନ୍ତେ କାଜିରୁତାନା । ତାବ୍ଦ ପାର୍ମେଶ୍ୱାରୀଆ ଖ୍ୱଏଏତେ ଖ୍ରୀଷ୍ଟ ଆବୁକେ ସାର୍ତିଗି ବାଞ୍ଛାଅବୁଆ । ^{୧୦} ଆବୁଦ୍ ପାର୍ମେଶ୍ୱାରୀଆ ବାଇରି ତାଇକେନ୍ ଇମ୍ତାଗି ଆୟାଃ ହନ୍ ଆବୁଆ ନାଗେନ୍ତେ ଜୀଉ ଏମ୍କେଦା, ଏନା ହରାତେ ପାର୍ମେଶ୍ୱାରୀଲକ୍ଷ ଆବୁଆ ମେନେସା ହବାୟାନା । ପାର୍ମେଶ୍ୱାରୀଲକ୍ଷ ମେସାୟାନ୍ ତାୟମ୍ତେ ନାହିଁଠି ଖ୍ରୀଷ୍ଟିଆ ଜୀଦାନ୍ ହରାତେ ଆବୁ ଜୀଉ ବାଞ୍ଛାଏ ନାମେ ନାଜ୍ ଚିମିନ୍ ଆଦକା ସୁୟୋଗ୍ କାରୁ ନାମେୟା ? ^{୧୧} ମେନ୍ଦ ଏମ୍ନାଜ୍ ଏସ୍କାର୍ ନାହିଁଲାଃ, ପ୍ରାଭୁ ଯୀଶୁ ଖ୍ରୀଷ୍ଟିଆ ହରାତେ ପାର୍ମେଶ୍ୱାର୍ ଅକ କାମିକଏ ରିକାକାଦା, ଏନାମେନ୍ତେ ଆବୁଆ ମନ୍ସୁରୁଦ୍ ରାସ୍ତାକେ ପେରେଜାକାନା । ଏନ୍ ଯୀଶୁ ଆବୁକେ ପାର୍ମେଶ୍ୱାରୀଲକ୍ଷ ଆତଃମିସାଏ ମେସାକାଦ୍ବୁଆ ।

ଆଦାମ୍ ଆତଃ ଖ୍ରୀଷ୍ଟି

^{୧୨} ଆଦାମ୍ ପାପ୍କେଦ୍ ହରାତେ ଅତେଦିଶୁମ୍ରେ ପାପ୍ ବଲୟାନା ଆତଃ ଆଦାମ୍ଆ ପାପ୍ ହରାତେ ଗନଏଃ ହିଜୁଃୟାନା । ସବେନ୍କ ପାପ୍କେଦ୍ ହରାତେ ଗନଏଃ ସବେନ୍ ହଡକକେ ହବାଅଃଆ । ^{୧୩} ଆନ୍ରୁ ଉଦୁବଃ ସିଦାରେ ଅତେଦିଶୁମ୍ରେ ପାପ୍ ତାଇକେନା, ମେନ୍ଦ ଆନ୍ରୁ କା ତାଇକେନ୍ ଇମ୍ତା ପାପ୍ କା ଲେକାଃଆ ତାଇକେନା । ^{୧୪} ଆଦାମ୍ତାଃଏତେ ମୁଣା ନାବାଆ ଦିପିଲି ଜାକେଦ୍ ଜେତାଏ ଆଦାମ୍ ଲେକା ପାର୍ମେଶ୍ୱାରୀଆ ହୁକୁମ୍ କା ମାନାତିକ୍କେଦ୍ତେ ପାପ୍ କାମି କାକ ରିକାକାଦ୍ରେୟ, ସବେନ୍କଆରେ ଗନଏଃ ହିଜୁଃୟାନା । ଅକଏୟାଃ ହିଜୁଃରାଃ ତାଇକେନା, ଇନିଃ ଆଦାମ୍ଲକ୍ ମିଦ୍ଲେକାଗି । ^{୧୫} ମେନ୍ଦ ନେ ବାରାନ୍କିନ୍ ମିଦ୍ଲେକାଗି ବାଜ୍କିନା । ଆଦାମ୍ଆ ପାପ୍ ଆତଃ ପାର୍ମେଶ୍ୱାରୀଆ ବେଗାର୍ ଗନଜ୍ ଦାନ୍ ମିଦ୍ଲେକାଗି ନାହିଁଲାଃ । ମିଆଁଦ୍ ହଡଆ ପାପ୍ ନାଗେନ୍ତେ ପୁରାଃ ହଡକ ଗଏଃୟାନା ଏନା ସାର୍ତି ତାନାଃ । ମେନ୍ଦ ପାର୍ମେଶ୍ୱାରୀଆ ମାରାଜ୍ ସାୟାଦ୍ତେ, ଆତଃମିଆଁଦ୍ ହଡ, ପ୍ରାଭୁ ଯୀଶୁ ଖ୍ରୀଷ୍ଟିଆ ସାୟାଦ୍ ହରାତେ ପୁରାଃ ହଡକଆ ନାଜ୍ ଅକ ଦାନ୍ ଏମାକାନା, ଏନା ପୁରାଃଗି ପେଡେୟାନ୍ଗିୟା । ^{୧୬} ମିଆଁଦ୍ ହଡରାଃ ପାପ୍ ହରାତେ ହଡ ବିଚାରରେ ହିଜୁଃୟାନା ଆତଃ ଗୁହ୍ନା ମେନ୍ତେ ଉଦୁବୟାନା, ମେନ୍ଦ ହଡକଆ ପୁରାଃ ପାପ୍ ହରାତେ ଆତଃ ଛାମା ନାମେଲେକା କା ତାଇକେନ୍ରେୟ, ପାର୍ମେଶ୍ୱାରୀଆ ଏନ୍ ଦାନ୍ ହରାତେ, ନାହିଁଠି ହଡ ଧାର୍ମାନ୍ନିଃ ମେନ୍ତେ ଉଦୁବ୍ ଦାଡିୟଃଆ । ^{୧୭} ମିଆଁଦ୍ ହଡରାଃ ପାପ୍ ହରାତେ ଗନଏଃ ସବେନ୍ ହଡକତାଃରେ ରାଇଜ୍କେଦା, ମେନ୍ଦ ମିଆଁଦ୍ ହଡ ଅକଏଟି ଯୀଶୁ ଖ୍ରୀଷ୍ଟ ଅକଆ ରିକାକାଦାଏ, ଏନା ଚିମିନ୍ ମାରାଜ୍ ତାନାଃ । ଅକ ହଡକ ପାର୍ମେଶ୍ୱାରୀଆ ପୁରାଃ ସାୟାଦ୍ତେ ବେଗାର୍ ଗନଜ୍ରେ ପାର୍ମେଶ୍ୱାରୀତାଃରେ ଧାର୍ମାନ୍ ମେନ୍ତେକ କାଜିୟଃଆ, ଇନ୍କୁ ଜୀଦାନ୍କ ନାମେୟା ଆତଃ ଏନ୍ ହଡକ ଖ୍ରୀଷ୍ଟି ହରାତେ ଜିନିତାଅ ଜୀଦାନ୍କ ବିତାଅୟା ।

^{୧୮} ମିଆଁଦ୍ ହଡରାଃ ପାପ୍ ହରାତେ ସବେନ୍ ହଡକ ସାଜାଇକ ନାମ୍କେଦା, ଏନ୍ଲେକାଗି ମିଆଁଦ୍ ହଡରାଃ ଧାର୍ମାନ୍ ହରାତେ ସବେନ୍ ହଡକ ନାଜ୍ ରାଡାନ୍ ଆତଃ ନାଞ୍ଜା ଜୀଦାନ୍ ଆଉଞ୍ଜାକାଦାଏ । ^{୧୯} ମିହୁଡ୍ କାଜି କା ମାନାତିକ୍ ହରାତେ ସବେନ୍ ହଡକ ପାପିକ ହବାୟାନା, ଏନ୍ଲେକାଗି ମିହୁଡ୍ କାଜି ମାନାତିକ୍ ହରାତେ ସବେନ୍କ ପାର୍ମେଶ୍ୱାରୀଆ ଆୟାର୍ରେ ଧାର୍ମାନ୍କ ହବାଅଃଆ ।

^{୨୦} ଆନ୍ରୁ ଉଦୁବୟାନ୍ ହରାତେ ଏଡକାନ୍ କାଜିକାମିକ ଆବ୍କାର୍ଉରୁମ୍ୟାନା, ମେନ୍ଦ ପାପ୍ରେୟାଃ କାଜିକ ପସାଅତାନ୍ଲକ୍ ପାର୍ମେଶ୍ୱାରୀଆ ସାୟାଦ୍ ପୁରାଃତେ ପସାଇଦିୟାନା । ^{୨୧} ପାପ୍ ଜେଲେକା ଗନଏଃ ହରାତେ ରାଇଜେ ତାଇକେନା, ଏନ୍ଲେକାଗି ପାର୍ମେଶ୍ୱାରୀଆ ସାୟାଦ୍ ପ୍ରାଭୁ ଯୀଶୁ ଖ୍ରୀଷ୍ଟିଆ ଦେକ୍ମାତେ ଆବୁ ସବେନ୍କକେ ଧାର୍ମାନ୍ ମେନ୍ତେ କାଜିକେଦ୍ତେ ଜାନାଅ ଜାନାଅରେୟାଃ ଜୀଦାନ୍ତେ ସୁତୁଃଇଦିୟାଃ ।



ପାପ୍ ନାଗେନ୍ତେ ଗନଏଃ ଆତଃ ଖ୍ରୀଷ୍ଟିଲକ୍ ମେସାନ୍ ହରାତେ ଜୀନିଦ୍

^୧ ତାବଦ୍ ତିନାଃରୁ କାଜିୟା ? ପାର୍ମେଶ୍ୱରୀଆଃ ସାୟାଦ୍ ଆତଃଗି ହବାଅଃକା ମେନ୍ତେ ଆବୁ ତିନାଃ ପାପ୍ରେ ଜୀଦାନୁ ବିତାଅୟା ? ^୨ କାହାଗି ଏନ୍କାଦ୍ ଆଲକା ହବାଅଃକା, ପାପ୍ ନାଗେନ୍ତେ ଆବୁ ଗଜାକାନା, ଏନାରେ ଆତଃ ଚିଲକାତେ ଜୀଦାନୁ ବିତାଅୟା ? ^୩ ନେଆଁ ତିନାଃ ଆପେ କାପେ ସାରିତାନା, ବାପ୍ତିସ୍ମା ହରାତେ ଖ୍ରୀଷ୍ଟ୍ ଯୀଶୁଲଃ ମେସାକେଦ୍ତେ ଆବୁ ଇନିୟାଃ ଗନଏଃରେ ମେସାକାନାରୁ । ^୪ ଏନାମେନ୍ତେ ବାପ୍ତିସ୍ମା ହରାତେ ଆବୁ ସବେନ୍ଦ୍ ଯୀଶୁ ଖ୍ରୀଷ୍ଟ୍ ଆଃ ଗନଏଃରେ ହିସାଦାର୍ ହବାକେଦ୍ତେ ଆୟାଃଲଃ ତପାକାନାରୁ । ଇନିଃ ଜେ'ଲେକା ଆପୁଆଃ ମାନାରାଙ୍ଗ୍ରେୟାଃ ପେଡ଼େଃତେ ଜୀଉବିରିଦ୍‌ୟାନା, ଆବୁହଗି ଇନିୟାଃ ହରାତେ ନାଝା ଜୀଦାନୁ ନାମ୍‌କେଦ୍ତେବୁ ବାଞ୍ଚାଅଃଆ ।

^୫ ଚିୟାଃତି ଆବୁ ଆୟାଃ ଗନଏଃରେ ମେସାକେଦ୍ତେ ଇନିଃଲଃ ମିଦ୍‌କାନାରୁ, ଏନ୍‌ଲେକାଗି ଆବୁ ଇନିୟାଃ ଜୀଉବିରିଦ୍‌ରେ ହଗି ଆୟାଃଲଃ ମିଦ୍‌ୟାନ୍ତେ ନାଝା ଜୀଦାନୁ ନାମେୟାଁ । ^୬ ଆବୁ ସାରିତାନାରୁ, ଖ୍ରୀଷ୍ଟ୍‌ଲଃ କୁଶ୍ ଚେତାନରେ ଆବୁଆଃ ମାରି ଜୀଦାନୁ ଗଜାକାନା । ଏନାତେ ଆବୁଆଃ ପାପ୍ରେୟାଃ ସଭାଦ୍ ଜିୟନ୍‌କାନା ଆତଃ ଆବୁ ପାପ୍ରେୟାଃ ଦାସିହେତେ ରାଡ଼ାକାନାରୁ, ^୭ ଚିୟାଃତି ହଡ଼ ଗଏଃୟାନ୍‌ରେ, ପାପ୍ରେୟାଃ ତନଲ୍‌ହେତେ ରାଡ଼ାକଆଃଏ । ^୮ ଆବୁ ଯୀଶୁ ଖ୍ରୀଷ୍ଟ୍‌ଲଃ ଗଜାକାନୁ ହରାତେ, ଆୟାଃଲଃ ଜୀଦାନୁ ନାମେୟାଁ ମେନ୍ତେ ପାତିୟାରେତାନା । ^୯ ଆବୁ ସାରିତାନାରୁ, ଖ୍ରୀଷ୍ଟ୍ ଗଜାକାନୁକଏତେ ଜୀଉବିରିଦ୍‌କାନୁ ହରାତେ, ଇନିଃ ଆତଃ ଚିଉଲ୍‌ହ କାଏ ଗଜଃଆ । ଆୟାଃ ଚେତାନରେ ଗନଏଃରାଃ ଆକ୍‌ତେୟାର୍ ଆତଃ ବାନଃଆ । ^{୧୦} ଇନିଃ ଅକ ଗନଏଃରେ ଗଏଃୟାନା, ଏନା ହରାତେ ପାପ୍ରେୟାଃ ପେଡ଼େଃହେତେ ମିସାତେଗି ରାଡ଼ାୟାନା । ଇନିଃ ନାହାଁଃ ଅକ ଜୀଦାନୁ ବିତାଅତାନାଏ, ଏନାଦ୍ ପାର୍ମେଶ୍ୱରୀଲଃ ମେନେସାରେୟାଃ ଜୀଦାନୁ ତାନାଃ । ^{୧୧} ଏନ୍‌ଲେକାଗି ଆପେୟ ପାପ୍‌ହେତେ ଗଜାକାନାଲେ ମେନ୍ତେ ଆବ୍‌କାରେପେ । ଆପେ ସବେନ୍ଦ୍ ନାହାଁଃଦ୍ ଯୀଶୁ ଖ୍ରୀଷ୍ଟ୍‌ଆଃ ହରାତେ ଜୀଦାନୁରେ ପାର୍ମେଶ୍ୱରୀଲଃ ମେସାକାନାପେ ।

^{୧୨} ଏନାମେନ୍ତେ ଆପେୟାଃ ଗଜଃ ହଡ଼ମରେ ପାପ୍ ଆତଃ ଆଲକାଏ ରାଜ୍‌ଜେକା, ଆପେ ହଡ଼ମରେୟାଃ ଏଡ଼କାନୁ ସାନାଙ୍ଗ୍ରେ ଆତଃ ଆଲପେ ତାଇନା । ^{୧୩} ଆପେ ଆପ୍‌ନାଃ ହଡ଼ମରାଃ ଜେତାନୁ ହିସାକେ କା ଧାର୍‌ମାନ୍‌ରେୟାଃ ହାଁତେୟାର୍ ଲେକା ପାପ୍‌ତାଃରେ ଆଲପେ ଜିମାନାଃ, ମେନ୍ଦ୍ ଗନଏଃହେତେ ଜୀଉବିରିଦ୍‌କାନୁ ଲେକା ଆପ୍‌ନାଃ ପାର୍ମେଶ୍ୱରୀଆଃ ଆୟାର୍‌ରେ ଜିମାନୁପେ, ଆତଃ ଆପ୍‌ନାଃ ହଡ଼ମରାଃ ହିସାକେ ଧାର୍‌ମାନ୍‌ରେୟାଃ ହାଁତେୟାର୍ ଲେକା ପାର୍ମେଶ୍ୱରୀଆଃ ଆୟାର୍‌ରେ ଜିମାନୁପେ । ^{୧୪} ପାପ୍ ଆପେ ଚେତାନରେ ଆଲକାଏ ରାଜ୍‌ଜେକା, ଚିୟାଃତି ଆପେ ଆତଃ ଆନ୍‌ରୁରେୟାଃ ଆକ୍‌ତେୟାର୍‌ରେ କାପେ ତଲ୍‌କାନା, ମେନ୍ଦ୍ ପାର୍ମେଶ୍ୱରୀଆଃ ସାୟାଦ୍‌ତେ ନାହାଁଃ ଜୀନିଦ୍ ମେନାପେୟାଁ ।

ଧାର୍‌ମାନ୍‌ରେନ୍ ଦାସି

^{୧୫} ତାବଦ୍, ଆବୁ ଆନ୍‌ରୁରେୟାଃ ଆକ୍‌ତେୟାର୍‌ରେ କା ତାଇନ୍‌କେଦ୍ତେ ପାର୍ମେଶ୍ୱରୀଆଃ ସାୟାଦ୍ ନାମାକାଦାବୁ ମେନ୍ତେ ତିନାଃ ପାପ୍‌ରେବୁ ତାଇନାଃ ? କାହାଗି ଏନ୍‌କାଦ୍ ଆଲକା ହବାଅଃକା । ^{୧୬} ଆପେ ତିନାଃ କାପେ ସାରିତାନା ? ଆପେ ଆପାନୁକେ ଦାସି ଲେକା ଜିମାନାଃପେ ଇମ୍‌ତା, ଆପେ ସାର୍‌ତିଗି ଏନ୍ ହଡ଼ରାଃ ଦାସି ତାନୁପେ, ଅକନ୍ ହଡ଼କେ ଆପେ ମାନାତିଙ୍ଗ୍ ରିକାଜ୍‌ୟାପେ ଇନିଃ ହବାଅଃତାନାଏ ଆପେୟାଃ ଗୁସିୟାଁ । ଆପେ ପାପ୍ରେୟାଃ ଦାସି ହବାଅଃରେଦ୍, ଏନାରେୟାଃ ନାଲା ଗନଏଃ ତାନାଃ, ଚାଏ ଆପେ ପାର୍ମେଶ୍ୱରୀକେ ମାନାତିଙ୍ଗ୍‌ରେଦ୍ ଏନାରେୟାଃ ନାଲା ହବାଅଃତାନା ପାର୍ମେଶ୍ୱରୀଲଃ ଧାର୍‌ମାନ୍ ମେନ୍ତେପେ କାଜିୟାଃଆ । ^{୧୭} ମୁସିଙ୍ଗ୍ ଆପେ ପାପ୍ରେୟାଃ ଦାସିପେ ତାଇକେନା, ମେନ୍ଦ୍ ପାର୍ମେଶ୍ୱରୀଆଃ ଧାନାବାଦ୍ ହବାଅଃକା, ନାହାଁଃ ଆପେ ସୁକ୍‌କାଜିହେତେ ଇଡୁଆକାନୁ ସାନାର୍‌ତିକେ ମନ୍‌ସୁରୁଦ୍‌ତେ ମାନାତିଙ୍ଗ୍ ତାନାପେ । ^{୧୮} ଆପେ ପାପ୍ରେୟାଃ ତନଲ୍‌ହେତେ ରାଡ଼ାକେଦ୍‌ତେ ଧାର୍‌ମାନ୍‌ରେୟାଃ ଦାସିପେ ହବାକାନା । ^{୧୯} ଆପେୟାଃ କା ପେଡ଼େୟାନ୍ ହରାତେ ନେ ସବେନ୍ କାଜିକ ଆଇଙ୍ଗ୍ ଆପେକେ ହଡ଼ ଜାଗାର୍‌ତାନୁ କାଜିତେଇଙ୍ଗ୍ କାଜିପେତାନା, ମୁସିଙ୍ଗ୍ ଆପେ ଆପେୟାଃ ହଡ଼ମରେୟାଃ ହିସାକେ ସଡ଼ରା କାମି ନାଙ୍ଗ୍ ଆତଃ ଏଡ଼କାନୁ କାମି ନାଙ୍ଗ୍ ଦାସି ଲେକା ଜିମାକାଦ୍ ତାଇକେନାପେ । ଏନ୍‌ଲେକାଗି ନାହାଁଃ ପାବିତାର୍ ହବାଅଃ ନାଙ୍ଗ୍ ଆତଃ ହଡ଼ମରେୟାଃ ସବେନ୍ ହିସାକେ ଧାର୍‌ମାନ୍‌ରେୟାଃ ଦାସି ଲେକା ହବାଅଃ ନାଙ୍ଗ୍ ଆପାନୁକେ ପୁରା ଜିମାନୁପେ ।

^{୨୦} ଆପେ ପାପ୍ରେୟାଃ ଦାସି ତାଇକେନ୍ ଇମ୍‌ତା, ଧାର୍‌ମାନ୍‌ତାଃଏତେ ରାଡ଼ାକାନୁ ତାଇକେନାପେ । ^{୨୧} ନାହାଁଃ ଆପେକେ ଅକ କାମିକ ରିକା ନାଗେନ୍ତେ ଗିହୁଃ ଆବ୍‌କାର୍‌ପେ ତାନା, ଏନ୍ କାମିକ ସିଦା ଆପେ ରିକା ତାଇକେନାପେ । ଏନାରେ ତିନାଃପେ ନାମାକାଦା ? ଏନ୍ ସବେନ୍ କାମିରେୟାଃ ନାଲା ହବାଅଃତାନା ଗନଏଃ । ^{୨୨} ମେନ୍ଦ୍ ନାହାଁଃ ଆପେ ପାପ୍ ତନଲ୍‌ହେତେ ରାଡ଼ାୟାନ୍‌ଲଃ ପାର୍ମେଶ୍ୱରୀଆଃ ଦାସିପେ ହବାକାନା, ଆତଃ ପାବିତାର୍‌କାନାପେ । ଏନାରେୟାଃ ଲାଜ୍ ହବାଅଃତାନା, ପାର୍ମେଶ୍ୱରୀତାଃରେ ଜୀଉକେ ପୁରା ଜିମାନୁ ଆତଃ ଏନାରେୟାଃ ନାଲା ହବାଅଃତାନା ଜାନାଅ ଜାନାଅରେୟାଃ ଜୀଦାନୁ । ^{୨୩} ପାପ୍ରେୟାଃ ନାଲା ହବାଅଃତାନା ଗନଏଃ, ମେନ୍ଦ୍ ପାର୍ମେଶ୍ୱରୀଆଃ ବେଗାର୍ ଗନଙ୍ଗ୍ ଦାନୁ ହବାଅଃତାନା, ପ୍ରାଜ୍ ଯୀଶୁ ଖ୍ରୀଷ୍ଟ୍‌ଲଃ ମେସାନ୍ ହରାତେ ଜାନାଅ ଜାନାଅରେୟାଃ ଜୀଦାନୁ ।



ଆଗ୍‌ଦିରେୟାଃ ଜନ୍‌କା

* ୭:୪ ୭:୪ କଲସିୟ ୨:୧୨.

୧ ହେ ହାଗା ମିଶିକ, ନାହାଁଝଦ ଆଇଙ୍ଗ ଅକଆଃ କାଜିନାଙ୍ଗ ସେନ୍ତାନାଇଙ୍ଗ, ଏନାଦ ଆପେ ଆଟ୍‌କାର୍‌ଉରୁମ୍ ଦାଡ଼ିୟାପେ, ଚିୟାଃଚି ଆପେଦ ଆନ୍‌ରୁ ଚିନାଃ ତାନାଃ ଏନାପେ ସାରିକାଦା । ହଡ଼ଦ ଆୟାଃ ଜାନିଦ୍‌ରେ ତାଇନଃ ଇମ୍‌ତା ଏସ୍‌କାର୍ ଆନ୍‌ରୁରାଃ ତନଲ୍‌ରେ ତାଇନା । ୨ ଆଣ୍‌ଦିକାନ୍ କୁଡ଼ି ଆୟାଃ କଡ଼ା ଜାନିଦ୍‌ ତାଇନ୍ ଜାକେଦ୍ କଡ଼ାତେଲଃ ମୁଣାରାଃ ଆନ୍‌ରୁରେୟାଃ ତନଲ୍‌ରେ ତାଇନା । ମେନ୍‌ଦ କଡ଼ାତେୟାଃ ଗନଏଃ ହବାଅଃରେ, ଇନିୟାଃ କୁଡ଼ି ନେ ମୁଣାରାଃ ଆନ୍‌ରୁ ତନଲ୍‌ହେତେ ରାଡ଼ାକେନଃଆ । ୩ କଡ଼ାତେ ଜାନିଦ୍‌ ତାଇନ୍ ଇମ୍‌ତା, କୁଡ଼ିତେ ଏଟାଃ କଡ଼ାଲଃ ଆଣ୍‌ଦିୟାଃରେଦ, ଇନିଃ ଆପାଙ୍ଗିର୍ କୁଡ଼ି ମେନ୍ତେ କାଜିୟାଃଆ, ମେନ୍‌ଦ କଡ଼ାତେୟାଃ ଗନଏଃ ହବାଅଃରେ, କୁଡ଼ିତେ ମୁଣା ଏମାକାଦ୍ ଆନ୍‌ରୁରେୟାଃ ତନଲ୍‌ହେତେ ରାଡ଼ାକଆଃଏ, ଏନ୍ତେ ଏଟାଃ କଡ଼ାଲଃ ଆଣ୍‌ଦିୟାଃରେଦ, ଇନିଃ ଆପାଙ୍ଗିର୍ କୁଡ଼ି ମେନ୍ତେ କାଏ କାଜିୟାଃଆ । ୪ ହେ ହାଗା ମିଶିକ, ଆପେୟ ଏନ୍‌ଲେକାଗି ମୁଣାରାଃ ଆନ୍‌ରୁରେ ଗଜାକାନାପେ । ଆପେ ବାପ୍ତିସ୍ମା ହରାତେ ଖ୍ରୀଷ୍ଟ୍‌ଆଃ ହଡ଼ମଲଃ ଗଏଃକେଦ୍‌ତେ ଆୟାଃ ଜୀଉବିନିରିଦ୍‌ରେୟା ହିସା ହବାକାନାପେ ଆଡ଼ଃ ନାହାଁଝ ଆପେ ପାର୍‌ମେଶ୍ଵାର୍‌ଆଃ ସେଝାରେ ବେଭାର୍ ଦାଡ଼ିୟାଆପେ । ୫ ଚିମିନ୍ ମାହାଁ ଜାକେଦ୍ ଆବୁ ଆବୁଆଃ ହଡ଼ମରେୟାଃ ଇଛାସାନାଙ୍ଗ୍ ଲେକାରୁ ତାଇକେନା । ଆନ୍‌ରୁରେ ମାନାକାଦ୍ ଆବୁଆଃ ପାପ୍ ଆବୁଆଃ ହରାତେ ଆନ୍‌ରୁ ପାପ୍‌ରେୟାଃ କାମିକଏ ରିକାଇଚିବୁ ତାଇକେନା ଆଡ଼ଃ ନେ କାମି ଆବୁଆଃ ଆମ୍‌କ୍‌ରେୟାଃ ଗନଏଃ ରିକା ତାଇକେନାଏ । ୬ ସିଦାରେୟାଃ ଆନ୍‌ରୁ ଆବୁକେ ଆୟାଃ ତନଲ୍‌ରେ ତଲ୍‌କାଦ୍‌ବୁ ତାଇକେନା, ମେନ୍‌ଦ ନାହାଁଝ ଆବୁଆଃ ମାରି ସଭାବ୍ ଗଏଃୟାନା ଆଡ଼ଃ ଆବୁ ଆନ୍‌ରୁରେୟାଃ ତନଲ୍‌ହେତେ ରାଡ଼ା ଚାବାକାନାବୁ । ଏନାତେ ଆବୁ ନାହାଁଝ ସିଦାଲେକା ଅନଲ୍ ଆନ୍‌ରୁରେୟାଃ ସେଝା କାରୁ ରିକାତାନା, ମେନ୍‌ଦ ପାବିତାର୍ ଆମ୍‌ ଉଦୁବ୍‌ତାନ୍ ନାଝା ହରାରେବୁ ସେସେନ୍‌ତାନା ।

ଆନ୍‌ରୁ ଆଡ଼ଃ ପାପ୍

୭ ତାବ୍‌ଦ ଚିନାଃରୁ କାଜିୟା, ଆନ୍‌ରୁଗି ପାପ୍‌ତାନାଃ ? କାହାଗି, ଏନାଦ ନାହାଁଲ୍‌ଆଃ । ମେନ୍‌ଦ ପାପ୍ ଚିନାଃ ତାନାଃ ଏନା ଆନ୍‌ରୁ ଆଇଙ୍ଗ୍‌କେ ଉଦୁବ୍‌କାଦିୟା, “ଏଟାଃନିୟାଃ ଜିନିଷ୍‌କେ ଆଲ୍‌ପେ ହାୟାଃଆଃଆ,” ନେ ଆନାରୁ ଆନ୍‌ରୁରେ କା ଏମାକାନ୍‌ରେ, ହାୟା ଚିନାଃ ତାନାଃ, ଏନା ଆଇଙ୍ଗ୍ କାଇଙ୍ଗ୍ ସାରିତେୟାଃ । ୮ ମେନ୍‌ଦ ଏନ୍ ଆନାରୁ ହରାତେ ଆଇଁୟାଃ ମନ୍‌ରେ ଚିମିନ୍ ରାକାମ୍‌ରେୟାଃ ପାପ୍‌କ ରିକାନାଙ୍ଗ୍ ଉପ୍‌ଜାଅୟାନା । ମେନ୍‌ଦ ଆନ୍‌ରୁ ବାଗିକେଦ୍‌ତେ ପାପ୍‌ରାଃ ଜେତାନ୍ ପେଡ଼େଃ ବାନଃଆ । ୯ ମିସା ଆଇଙ୍ଗ୍ ଆନ୍‌ରୁକେ କା ସାରିକେଦ୍‌ତେ ଜାନିଦ୍‌ ତାଇକେନାଲ୍‌, ମେନ୍‌ଦ ଆନ୍‌ରୁ ହିଜୁଃୟାନ୍‌ଚି ପାପ୍ ବଲ୍‌ୟାନା ଆଡ଼ଃ ଆଇଁୟାଃ ଗନଏଃ ହବାୟାନା । ୧୦ ଅକ ଆନ୍‌ରୁ ଜୀଦାନ୍ ଏମେ ନାଗେନ୍ତେ ତାଇକେନା, ଏନା ଆଇଁୟାଃ ଆମ୍‌କ୍ ଗନଏଃ ଆଉକେଦାଏ । ୧୧ ଆନ୍‌ରୁରେୟାଃ ସୁଯୋଗ୍ ଇଦିକେଦ୍‌ତେ ପାପ୍ ଆଇଙ୍ଗ୍‌କେ ବେଦାକେଦିୟା ଆଡ଼ଃ ଗଏଃକେଦିୟାଏ ।

୧୨ ଆନ୍‌ରୁ ପାବିତାର୍‌ଗିଆ, ଏନାରେୟାଃ ସବେନ୍ ଆନ୍‌ରୁ ପାବିତାର୍‌ଗିଆ, ଠାଉକାନ୍‌ଗିୟା ଆଡ଼ଃ ବୁଗିନ୍‌ଗିୟା । ୧୩ ତାବ୍‌ଦ ଅକ୍‌ନାଃ ବୁଗିନ୍ ତାନାଃ, ଏନା ନାଗେନ୍ତେ ଚିନାଃ ଆଇଁୟାଃ ଗନଏଃ ହବାଅଃଆ ? କାହାଗି, ଏନ୍‌କାଦ୍ ଚିଉଲ୍‌ଆ ଅକା ହବାଅଃଆ ? ଏନା ପାପ୍‌ଗି ରିକା କାଦାଏ । ବୁଗିନ୍ ଆନ୍‌ରୁ ମାନାତିଙ୍ଗ୍‌କେଦ୍ ହରାତେ ପାପ୍ ଆଇଁୟାଃ ଗନଏଃ ଆଉକେଦାଏ । ଏନାତେ ପାପ୍‌ରାଃ ସାର୍‌ତି ସଭାବ୍ ଉଦୁବ୍‌ୟାନା, ଆଡ଼ଃ ଆନ୍‌ରୁ ହରାତେ ପାପ୍ ପୁରାଃ ବରଝାନ୍‌ତେୟାଃ ତାନାଃ ମେନ୍ତେ ଉଦୁବ୍‌ୟାନା ।

ଆବୁଆଃ ମନ୍‌ରେ ଆଡ଼ଃଉଡ଼ୁ

୧୪ ଆବୁ ସାରିତାନାବୁ, ଆନ୍‌ରୁ ଆମ୍‌କ୍ ତାନାଃ, ମେନ୍‌ଦ ଆଇଙ୍ଗ୍ ଆମ୍‌କ୍ ହଡ଼ ନାହାଁଲ୍‌ଙ୍ଗ୍ । ଆଇଙ୍ଗ୍ ପାପ୍‌ତାଃରେ ଦାସି ଲେକାଲ୍‌ଙ୍ଗ୍ ଆଖିରିଙ୍ଗ୍‌କାନା । ୧୫ ଆଇଙ୍ଗ୍ ଚିନାଃ ରିକାତାନ୍‌ତେୟାଃ କାଇଙ୍ଗ୍ ଆଟ୍‌କାର୍‌ଉରୁମେ ତାନା । ଆଇଙ୍ଗ୍ ଅକ୍‌ନାଃ କାମି ସାନାଙ୍ଗ୍‌ତାନ୍‌ତେୟାଃ କାଇଙ୍ଗ୍ କାମିତାନା ମେନ୍‌ଦ ଅକ୍‌ନାଃ ହିଲ୍‌ଙ୍ଗ୍‌ତାନ୍‌ତେୟାଃ କାମିତାନା । ୧୬ ଅକଆଃ ରିକାତାନା, ଏନା ଆଇଁୟାଃ ଇଛା ସାନାଙ୍ଗ୍ ବିରୁଧ୍‌ରେ ରିକା ତାନାଲ୍‌ଙ୍ଗ୍, ଏନାମେନ୍ତେ ଆନ୍‌ରୁ ବୁଗିନାଃ ମେନ୍ତେ ଆଟ୍‌କାରେତାନା । ୧୭ ଏନାତେ ଏନ୍ କାମି ଆଇଙ୍ଗ୍ କାଇଙ୍ଗ୍ ରିକାତାନା ମେନ୍‌ଦ ଆଇଁୟାଃ ମନ୍ ଉଡ଼ାରେ ତାଇନ୍‌ତାନ୍ ପାପ୍ ଏନାକେ ରିକାତାନା । ୧୮ ଆଇଙ୍ଗ୍ ସାରିତାନାଲ୍‌ଙ୍ଗ୍, ଆଇଁୟାଃ ହଡ଼ମରେ ଜେତାନ୍ ବୁଗିନାଃ ବାନଃଆ, ଚିଆଃଚି ବୁଗିନ୍ କାମି ରିକା ନାଗେନ୍ତେ ଆଇଁୟାଃ ଇଛାସାନାଙ୍ଗ୍ ତାଇନ୍‌ରେୟା ଏନା କାଇଙ୍ଗ୍ କାମି ଦାଡ଼ିତାନା । ୧୯ ଏନାମେନ୍ତେ ଅକ ବୁଗିନ୍ କାମି ରିକା ନାଗେନ୍ତେ ଆଇଁୟାଃ ଇଛାସାନାଙ୍ଗ୍ ମେନାଃ, ଏନା କା କାମିକେଦ୍‌ତେ, ଆଇଁୟାଃ ଇଛାସାନାଙ୍ଗ୍ ବିରୁଧ୍‌ରେୟାଃ ଏଡ଼କାନ୍ କାମିକଗିଲ୍‌ଙ୍ଗ୍ ରିକାତାନା । ୨୦ ଆଇଁୟାଃ ଇଛାସାନାଙ୍ଗ୍ ବିରୁଧ୍‌ରେ ଅକ କାମିକଲ୍‌ଙ୍ଗ୍ ରିକାତାନା, ସାର୍‌ତିଗି ଏନ୍ କାମିକଦ୍ ଆଇଙ୍ଗ୍ କାଇଙ୍ଗ୍ କାମିତାନା, ଆଇଙ୍ଗ୍‌ରେ ତାଇନ୍‌କାନ୍ ପାପ୍ ନେ କାମିକଏ ରିକାତାନା ।

୨୧ ଏନ୍ ଲେକାଗି ଆଇଙ୍ଗ୍ ନେ ଆନ୍‌ରୁରେ ନାମାକାଦାଲ୍‌ଙ୍ଗ୍, ଆଇଙ୍ଗ୍ ବୁଗିନାଃ କାମିନାଙ୍ଗ୍ ସାନାଙ୍ଗ୍‌ତାନ୍ ଇମ୍‌ତା, ଏଡ଼କାନ୍ କାମି ଏସ୍‌କାର୍ କାମିୟାଃଲ୍‌ଙ୍ଗ୍ । ୨୨ ପାର୍‌ମେଶ୍ଵାର୍‌ଆଃ ଆନ୍‌ରୁ ମାନାତିଙ୍ଗ୍ ନାଗେନ୍ତେ ଆଇଁୟାଃ ସାନାଙ୍ଗ୍, ୨୩ ମେନ୍‌ଦ ଆଇଁୟାଃ ମନ୍‌ରେ ନେ ଇଛାସାନାଙ୍ଗ୍ ବିରୁଧ୍‌ରେ ଆଇଁୟାଃ ହଡ଼ମକେ ଆକ୍‌ତେୟାଃରେତାନ୍ ଆନ୍‌ରୁ ସବେନ୍ ଇମ୍‌ତା ଲାପାଡ଼ାଲ୍‌ତାନାଏ । ଆଇଁୟାଃ ହଡ଼ମରେ କାମିୟାଃତାନ୍ ଏନ୍ ପାପ୍ କାମିକ ଆଇଙ୍ଗ୍‌କେ ତଲ୍‌କେଦ୍‌ତେ ଦହକାଦିୟା । ୨୪ ହାଏ, ଆଇଙ୍ଗ୍ ଚିମିନ୍ କା ସୁକୁତାନ୍ ହଡ଼ତାନିଙ୍ଗ୍, ଗନଏଃ ଗାଡ଼ାତେ ଇଦିତାନ୍ ନେ ହଡ଼ମରେୟାଃ

✠ ୭:୧୫ ୭:୧୫ ଗାଲାଡ଼ିୟ ୫:୧୭.

କାମିଏତେ ଆଇଙ୍ଗକେ ଅକଏ ବାଞ୍ଛାଅୟାଏ ? ୨୫ ପାର୍ମେଶ୍ଵାରଆଃ ଧାନ୍ୟାବାଦ୍ ହବାଅଃକା, ପ୍ରାଭୁ ଯୀଶୁ ଖ୍ରୀଷ୍ଟଆଃ ହରାତେ ନେ ସବେନାଃ ହବାକାନା । ଏନାତେ, ନେଆଁ ହବାଅଃତାନା ଆଇୟାଃ ଦାସା । ଆଇଙ୍ଗ ପାର୍ମେଶ୍ଵାରଆଃ ଆନ୍ତରୁକେ ଏସ୍କାର୍ ଆଇୟାଃ ମନ୍ରେ ମାନାତିଙ୍ଗ ଦାଡ଼ିୟାଇଙ୍ଗ । ମେନ୍ଦ ଆଇୟାଃ ମାନଞ୍ଜା ସଭାବ୍ ଆଇଙ୍ଗକେ ପାପ୍ରେୟାଃ ଦାସି ହବାଅଃ ନାଗେନ୍ତେ ଆରୁଇଙ୍ଗତାନା ।

┌

ଆମ୍ବ୍ରେୟାଃ ଜୀଦାନ୍

୯ ନାହାଁଃ ଅକନ୍କ ଖ୍ରୀଷ୍ଟ ଯୀଶୁଲଃ ମେସାକେଦ୍ତେ ଜୀଦାନ୍ ବିତାଅଆଃକ, ଇନ୍କୁ ଆତଃ ସାଜାଇ କାକ ନାମେୟା । ୧୦ ପାବିତାର୍ ଆମ୍ବ୍ ଅକ ଆନ୍ତରୁ ହରାତେ ଆବୁକେ ଖ୍ରୀଷ୍ଟ ଯୀଶୁଲଃ ମେସାକେଦ୍ତେ ଅକ ଜୀଦାନ୍ ଏମାକାଦ୍ବୁଆଏ, ଏନା ହରାତେ ଆବୁ ପାପ୍ ଆତଃ ଗନ୍ଏଃରେୟାଃ ଆନ୍ତରୁହେତେ ରାଡ଼ାକାନାବୁ । ୧୧ ମାନଞ୍ଜାରାଃ ସଭାବ୍ରେ ପେଡ଼େଃ ବାନଃ ହରାତେ ମୁଣା ନାବୀ ଏମାକାଦ୍ ଆନ୍ତରୁକେ ମାନାତିଙ୍ଗ କାଏ ଦାଡ଼ିକେନା, ଏନାକେ ପାର୍ମେଶ୍ଵାର୍ ରିକାକେଦାଏ । ମାନଞ୍ଜା ଜୀଦାନ୍ରେ ପାପ୍କେ ଜିୟନେ ନାଗେନ୍ତେ ଇନିଃ ଆୟାଃ ହନ୍କେ ପାପି ମାନଞ୍ଜା ଲେକାଏ କୁଲକିୟା ଆତଃ ଖ୍ରୀଷ୍ଟ ଯୀଶୁ ପାପ୍ରେୟାଃ ପେଡ଼େଃକେ ଜିୟନ୍କେଦା । ୧୨ ଏନାମେନ୍ତେ ନାହାଁଃ ଆବୁ ମାନଞ୍ଜା ସଭାବ୍ରେୟାଃ ଆକ୍ତେୟାର୍ରେ କା ତାଇନ୍କେଦ୍ତେ ପାବିତାର୍ ଆମ୍ବ୍ରେୟାଃ ହରାତେବୁ ସେସେନ୍ତାନା ଆତଃ ନେଆଁ ହରାତେ ଆବୁ ଆନ୍ତରୁରେୟାଃ ଧାର୍ମାନ୍ ହାଟିବୁ ପୁରାକାଦା । ୧୩ ଅକନ୍ ହଡ଼କ ମାନଞ୍ଜା ସଭାବ୍ ଲେକା ଜୀଦାନ୍କ ବିତାଅଆଃ, ଇନ୍କୁଆଃ ମନ୍ ଉଡ଼ୁକ, ଏନ୍ ସଭାବ୍ ଲେକାଟି କାମିଇଟିକଆ । ମେନ୍ଦ ଅକନ୍ ହଡ଼କ ପାବିତାର୍ ଆମ୍ବ୍ରେୟାଃ କାଜି ଲେକା କାମିୟାଃକ, ଇନ୍କୁଆଃ ମନ୍ରାଃ ଉଡ଼ୁ ପାବିତାର୍ ଆମ୍ବ୍ରେୟାଃ ସାନାଙ୍ଗ ଲେକା ତାଇନାଃ । ୧୪ ଚିୟାଃଟି ମନ୍, ମାନଞ୍ଜା ସଭାବ୍ରେୟାଃ ଆକ୍ତେୟାର୍ରେ ତାଇନଃରେଦ, ଏନାରେୟାଃ ନାଲା ଗନ୍ଏଃ ନାମଃଆ, ଆତଃ ପାବିତାର୍ ଆମ୍ବ୍ରେୟାଃ ଆକ୍ତେୟାର୍ରେ ତାଇନଃରେଦ ଏନାରେୟାଃ ନାଲା ଜୀଦାନ୍ ଆତଃ ଜୀଉସୁକୁ ନାମଃଆ । ୧୫ ଆତଃ ମନ୍, ମାନଞ୍ଜା ସଭାବ୍ରେୟାଃ ଆକ୍ତେୟାର୍ରେ ତାଇନଃ ହରାତେ ହଡ଼ ପାର୍ମେଶ୍ଵାର୍ଆଃ ବାଇରି ହବାଅଃଆଏ, ଚିୟାଃଟି ଇନିଃ ପାର୍ମେଶ୍ଵାର୍ଆଃ ଆନ୍ତରୁ କାଏ ମାନାତିୟାଃ ଆତଃ ଇନିଃ ଏନାକେ କାଏ ମାନାତିଙ୍ଗ ଦାଡ଼ିୟା । ୧୬ ଅକନ୍ ହଡ଼କ ମାନଞ୍ଜା ସଭାବ୍ ଲେକାତେ କାମିୟାଃକ, ଇନ୍କୁ ପାର୍ମେଶ୍ଵାର୍କେ କାକ ସୁକୁଇଟି ଦାଡ଼ିୟା ।

୧୭ ପାର୍ମେଶ୍ଵାର୍ଆଃ ପାବିତାର୍ ଆମ୍ବ୍ ସାର୍ତିଗି ଆପେରେ ମେନାଇରେଦ, ଆପେ ମାନଞ୍ଜା ସଭାବ୍ ଲେକାତେ ଜୀଦାନ୍ କାପେ ବିତାଅ ତାନା, ମେନ୍ଦ ଜୀଦାନ୍ରେ ପାବିତାର୍ ଆମ୍ବ୍ରେୟାଃ ଆନାରୁପେ ମାନାତିଙ୍ଗ ତାନା । ଖ୍ରୀଷ୍ଟଆଃ ଆମ୍ବ୍ ଜେତାଏତାଃରେ ବାଙ୍ଗାଲୟା, ଇନିଃ ଚିଉଲାଅ ଆୟାଃ ହଡ଼ କାଏ ହବା ଦାଡ଼ିୟଃଆ । ୧୮ ମେନ୍ଦ ଖ୍ରୀଷ୍ଟ ଆପେରେ ମେନାଇରେଦ, ଆପେୟାଃ ହଡ଼ମ ପାପ୍ ନାଗେନ୍ତେ ଜିୟନଃତେ ସେନଃତାନ୍ରେୟ, ପାବିତାର୍ ଆମ୍ବ୍ ଆପେକେ ଜୀଦାନ୍ ଏମାପେୟାଏ, ଚିୟାଃଟି ଆପେ ପାର୍ମେଶ୍ଵାର୍ଆଃ ଆୟାର୍ରେ ଧାର୍ମାନ୍ ଲେକାପେ ହବାକାନା । ୧୯ ଯୀଶୁକେ ଗନ୍ଏଃହେତେ ଜୀଉ ବିରିଦାକାଇ ପାର୍ମେଶ୍ଵାର୍ଆଃ ଆମ୍ବ୍ ଆପେରେ ମେନାଃରେଦ, ଗନ୍ଏଃକଏତେ ଖ୍ରୀଷ୍ଟ ଯୀଶୁକେ ଜୀଉବିରିଦକାଇ ପାର୍ମେଶ୍ଵାର୍, ଆପେତାଃରେ ତାଇନଃତାନ୍ ଆୟାଃ ଆପ୍ନାଃ ଆମ୍ବ୍ ହରାତେ ଆପେୟାଃ ଗଜଃ ହଡ଼ମକେହଗି ଜୀଦାନ୍ ଏମେୟାଏ ।

୨୦ ଏନାତେ, ହେ ହାଗା ମିଶିକ, ଆବୁ ରିଶୀକାନାବୁ, ମେନ୍ଦ ଆବୁଆଃ କାମି ହବାଅଃତାନା, ମାନଞ୍ଜା ସଭାବ୍ ଲେକାତେ ଜୀଦାନ୍ କାବୁ ବିତାଅୟା । ୨୧ ଚିୟାଃଟି ଆପେ ମାନଞ୍ଜା ସଭାବ୍ ଲେକାତେ ଜୀଦାନ୍ ବିତାଅଲେରେ ଆପେୟାଃ ଗନ୍ଏଃ ହବାଅଃଆ, ମେନ୍ଦ ପାବିତାର୍ ଆମ୍ବ୍ରେୟାଃ ଦେଙ୍ଗାତେ ଆପେୟାଃ ପାପ୍ରେୟାଃ କାମିକ ବାଗିକେଦ୍ତେ ଆତଃ ପାପ୍ କାମି କାପେ ରିକାଏରେଦ ଆପେ ଜୀହୁଦଃଆପେ । ୨୨ ଅକନ୍ ହଡ଼କ ପାର୍ମେଶ୍ଵାର୍ଆଃ ଆମ୍ବ୍ରେୟାଃ ସୁଡ଼ୁଃଇଦିୟଃଆକ, ଇନ୍କୁ ପାର୍ମେଶ୍ଵାର୍ଆଃ ହନ୍କ ତାନ୍କ । ୨୩ ଚିୟାଃଟି ପାର୍ମେଶ୍ଵାର୍ ଏମାକାଦ୍ ଏନ୍ ଆମ୍ବ୍ ଆପେକେ ଦାସିହେତେ ରାଡ଼ାକାଦ୍ପେୟା, ଆପେକେ ଆତଃ ବର କା ଲାଗାତିଙ୍ଗୟାଃ । ମେନ୍ଦ ପାବିତାର୍ ଆମ୍ବ୍ ଆପେକେ ପାର୍ମେଶ୍ଵାର୍ଆଃ ହନ୍ ହବାଅଃ ନାଗେନ୍ତେ ସୁଯୋଗ୍ ଏମାକାଦ୍ପେୟାଏ । ଆୟାଃ ପେଡ଼େଃ ଆବ୍କାର୍କେଦ୍ତେ ଆବୁ ନାହାଁଃ ପାର୍ମେଶ୍ଵାର୍କେ “ଆବା” ମେନ୍ତେବୁ କାଜି ଦାଡ଼ିତାନା । ୨୪ ପାର୍ମେଶ୍ଵାର୍ଆଃ ଆମ୍ବ୍ ଆଇଃକ୍ଟି ଆବୁଆଃ ମନ୍ସୁରୁଦ୍ଲଃ ମେସାକେଦ୍ତେ ଆବୁକେ ପାର୍ମେଶ୍ଵାର୍ଆଃ ହନ୍ତାନ୍ପେ ମେନ୍ତେ ଉଦୁବେତାନା । ୨୫ ଆବୁ ପାର୍ମେଶ୍ଵାର୍ଆଃ ହନ୍ତାନ୍ତୁ ମେନ୍ତେ, ଆୟାଃ ହଡ଼କଆଃ ନାଗେନ୍ତେ ଦହକାନ୍ ଆଶିଷ୍ରେ ଆବୁ ହିସାବୁ ନାମେୟା । ଆତଃ ଖ୍ରୀଷ୍ଟ ନାଗେନ୍ତେ ପାର୍ମେଶ୍ଵାର୍ ଅକ୍ନାଃ ଦହକାଦାଏ, ଏନାରେୟାଗି ଆବୁ ହିସାବୁ ନାମେୟା । ଆବୁ ଯୀଶୁଆଃ ଦୁକୁରେ ହିସାବୁ ନାମାକାଦ୍ରେଦ, ଆୟାଃ ମାନାରାଙ୍ଗ୍ରେୟାଗି ହିସାବୁ ନାମେୟା ।

ହିନିଜୁଃ ଦିପିଲିରେୟାଃ ମାନାରାଙ୍ଗ୍

☆ ୮:୧୧ ୮:୧୧ ୧ କରିନ୍ଥ୍ରିୟ ୩:୧୭. ☆ ୮:୧୫ ୮:୧୫ ମାର୍କ ୧୪:୩୭; ଗାଲାତିୟ ୪:୭.

୧୮ ଆବୁ ଅକ ମାନାରାଜ୍‌ରେୟାଃ ହିନିଜୁଃ ଦିପିଲିରେ ବଲଆବୁ, ଏନାରେୟାଃ ଜକାରେ ନାହାଁଃରେୟାଃ ଦୁକୁହାସୁ ଜେଡନାଃ ନାହାଁଲାଃ । ଏନ୍ ଦିପିଲିରେ ପାର୍‌ମେଶ୍‌ବାର୍ ଆୟାଃ ହନ୍‌କକେ ଉଦୁବକଆ । ୧୯ ସବେନ୍ ବାଇୟାକାନ୍‌ତେୟାଃକ ପୁରାଃ ଆସ୍‌ବାତାନଲଃ ପାର୍‌ମେଶ୍‌ବାର୍‌ଆଃ ହନ୍‌କଆଃ ଉନ୍‌ଦୁବ୍ ଦିପିଲିକେ ନେଲ୍ ହରାଏତାନା । ୨୦ ଚିୟାଃତି ପାର୍‌ମେଶ୍‌ବାର୍ ବାଇୟାକାଦ୍‌ତେୟାଃ ଆୟାଃ ହରାତେ ସାର୍‌ପାଆୟାନ୍‌ଲଃ ଏନାରେୟାଃ ଉକେଶ୍ ଆଦ୍‌ୟାନା, ଏନ୍‌ରେୟା ଏନାରେୟାଃ ଆସ୍‌ବା ମେନାଃ ୨୧ ଯେ, ମୁସିଙ୍ ଝୁଲାଙ୍ ପାର୍‌ମେଶ୍‌ବାର୍‌ଆଃ ହନ୍‌କଆଃ ମାନାରାଜ୍‌ରେ ହିସା ହବାକେଦ୍‌ତେ, ବାଇୟାକାନ୍‌ତେୟାଃ ଜିୟନଃରେୟାଃ ଦାସିହେତେ ରାଡାଅଃଆ । ୨୨ ଚିଆଃତି ଆବୁ ସାରିତାନାବୁ, ନାହାଁଃ ଜାକେଦ୍ ସବେନ୍ ବାଇୟାକାନ୍‌ତେୟାଃ ହନ୍ ଜାନାମଃ ଇମ୍‌ତାରେୟାଃ ଦୁକୁ ନାମେ ଲେକା ଦୁକୁଃତାନଲଃ ରାଆଃଗେରାଙ୍‌ଆଃ ତାନା । ୨୩ ବାଇୟାକାନ୍‌ତେୟାଃ ଏସ୍‌କାର୍ କାଏ ରାଆଃଗେରାଙ୍ ତାନା, ମେନ୍‌ଦ ଆବୁହଗି ଏନ୍‌ଲେକା ରାଆଃଗେରାଙ୍ ତାନଲଃ ମେନାବୁଆ । ପାର୍‌ମେଶ୍‌ବାର୍‌ଆଃ ପାହିଲା ଦାନ୍ ଲେକା ପାବିତାର୍ ଆମ୍‌କେବୁ ନାମ୍‌କିୟା । ଏନ୍‌ରେୟା ପାର୍‌ମେଶ୍‌ବାର୍‌ଆଃ ହନ୍‌କ ବାଇୟାକାବୁ ଆଡଃ ପୁରା ରାଡାଅଃ ନାମେକାବୁ ମେନ୍ତେ ଆବୁହଗି ତାଙ୍‌ତାନାବୁ । ୨୪ ଚିୟାଃତି ଆସ୍‌ବା ଦହ ହରାତେଗି ଆବୁ ବାଞ୍ଚାଅ ନାମାଃବୁ । ମେନ୍‌ଦ ଅକ୍‌ନାଃ ନେଲଃତାନା, ଏନା ନାଗେନ୍ତେ ଆସ୍‌ବା ଦହଃତେୟାଃ ସାର୍‌ତି ଆସ୍‌ବା ନାହାଁଲାଃ । ଜେତାଏ ଚିନାଃ ନେଲଃତାନ୍ ବିଷାଏ ନାଗେନ୍ତେ ଆସ୍‌ବାଏଆ ? ୨୫ ମେନ୍‌ଦ ଆବୁ କା ନେଲଃତାନ୍ ବିଷାଏ ନାଗେନ୍ତେବୁ ଆସ୍‌ବାଏ ରେଦ୍, ଆବୁକେ ଧିରାଜ୍ ସାବ୍‌କେଦ୍‌ତେ ତାଙ୍‌ତି ଲାଗାତିଙ୍‌ୟାଃ ।

୨୬ ଏନ୍‌ଲେକାଗି ଆବୁ ନାରାଦୁରାଗିୟାବୁ ମେନ୍‌ଦ ପାବିତାର୍ ଆମ୍‌ ଆବୁକେ ଦେଙ୍‌ମାଏଃ । ଚିଲ୍‌କା ବିକ୍ତି ଚିକା ଲାଗାତିଙ୍‌ୟାଃ, ଏନା ଆବୁ କାବୁ ସାରିୟାଃ । ଏନାମେନ୍ତେ ପାବିତାର୍ ଆମ୍‌ ଆବୁଆଃ କା କାଜିୟଃତାନ୍ କାଜିରେ ଆବୁ ନାଗେନ୍ତେ ପାର୍‌ମେଶ୍‌ବାର୍‌ତାଃରେ ବିକ୍ତି ତାନା । ୨୭ ପାର୍‌ମେଶ୍‌ବାର୍‌ଦ୍ ଆବୁଆଃ ମନ୍‌ସୁରୁଦ୍‌କେ ସାରିୟାଏ, ଚିୟାଃତି ଇନିଃଦ୍ ସବେନାଃ ସାରିନିଃ ତାନିଃ ଆଡଃ ପାବିତାର୍ ଆମ୍‌ ପାର୍‌ମେଶ୍‌ବାର୍‌ଆଃ ସାନାଙ୍ ଲେକାତେ ଆୟାଃ ହଡ଼କ ନାଗେନ୍ତେ ବିକ୍ତି ତାନା ।

୨୮ ଆବୁ ସାରିତାନାବୁ ଯେ, ଅକନ୍‌କ ପାର୍‌ମେଶ୍‌ବାର୍‌ଆଃ ଇଛା ସାନାଙ୍‌କେ ପୁରାଏ ନାଗେନ୍ତେକ କେଡ଼ାକାନା ଆଡଃ ପାର୍‌ମେଶ୍‌ବାର୍‌କେ ଦୁଲାଡ଼ାକ, ଇନ୍‌କୁ ନାଗେନ୍ତେ ସବେନାଃ ବୁଗିନ୍‌ଗି ହବାଅଃଆ । ୨୯ ଅକନ୍‌କକେ ପାର୍‌ମେଶ୍‌ବାର୍ ସିଦାରେଗି ସାଲାକାଦ୍‌କଆ, ଇନ୍‌କୁକେ ଆୟାଃ ହନ୍‌ଆଃ ଲେକା ହବାଅଃ ନାଗେନ୍ତେ ସାଲାକାଦ୍‌କଆ, ଏନାତେ ପାର୍‌ମେଶ୍‌ବାର୍‌ଆଃ ହନ୍ ପୁରାଃ ହାଗା ମିଶିକଏତେ ମୁଡ଼କୁଲ୍ ହନ୍ ହବାଅଃଆଏ । ୩୦ ଆଡଃ ଅକନ୍‌କ ନେ'ଲେକା ସାଲାକେଦ୍‌ତେ କେଡ଼ାକାନାକ, ଇନ୍‌କୁ ପାର୍‌ମେଶ୍‌ବାର୍‌ଆଃ ଆୟାର୍‌ରେ ଧାର୍‌ମାନ୍ ଲେକା ହବାକେଦ୍‌ତେ ଇନିଃ ଆୟାଃ ମାନାରାଜ୍‌କେ ଇନ୍‌କୁତାଃରେ ଉଦୁବ୍‌କାଦା ।

ପାର୍‌ମେଶ୍‌ବାର୍‌ଆଃ ଦୁଲାଡ଼୍

୩୧ ଏନାତେ, ନେ ସବେନ୍ ବିଷାଏରେ ଆଡଃ ଚିନାଃବୁ କାଜିୟା ? ପାର୍‌ମେଶ୍‌ବାର୍ ଆବୁଲଃ ମେନାଈରେଦ୍ ଅକଏ ଆବୁଆଃ ବିରୁଧ୍‌ରେ ହବା ଦାଡ଼ିୟଃଆ ? ୩୨ ପାର୍‌ମେଶ୍‌ବାର୍ ଆବୁଆଃ ବିରୁଧ୍‌ରେ କାଏ ହବାଅଃଆ, ଚିୟାଃତି ଇନିଃ ଆୟାଃ ଆପ୍‌ନାଃ ହନ୍‌କେହଗି କା ବାଞ୍ଚାଅକେଦ୍‌ତେ ଆବୁ ନାଗେନ୍ତେ ଦାନ୍ ଏମ୍‌କିୟାଏ । ଏନ୍‌ରେଦ୍, ଇନିଃ ଚିନାଃ ଆବୁକେ ସବେନ୍ ବିଷାଏ କାଏ ଏମାବୁଆ ? ୩୩ ପାର୍‌ମେଶ୍‌ବାର୍‌ଆଃ ସାଲାକାନ୍ ହଡ଼କଆଃ ବିରୁଧ୍‌ରେ ଅକଏ ଚିଟା ଦାଡ଼ିକଆଏ ? ଇନ୍‌କୁକେ ବେଗାର୍ ଗୁହ୍ନାଁ ମେନ୍ତେ ପାର୍‌ମେଶ୍‌ବାର୍ ଆଇଃକ୍‌ଗି କାଜିକାଦା । ୩୪ ତାବ୍‌ଦ୍ ଅକଏ ଇନ୍‌କୁକେ ସାଜାଲ୍ ଏମ୍ ଦାଡ଼ିୟାଏ ? ଯାଶୁ ଖ୍ରୀଷ୍ଟ୍ ଚିଉଲାହ୍ ଏନ୍‌କା କାଏ ରିକାୟା, ଚିୟାଃତି ଇନିଃ ଗନଏଃହେତେ ଜୀଉବିରିଦ୍‌କେଦ୍‌ତେ ପାର୍‌ମେଶ୍‌ବାର୍‌ଆଃ ଜମ୍‌ସାଃରେ ଦୁବାକାନା । ଇନିଃହ ଆବୁ ନାଗେନ୍ତେ ପାର୍‌ମେଶ୍‌ବାର୍‌ତାଃରେ ବିକ୍ତିତାନା । ୩୫ ତାବ୍‌ଦ୍ ଅକଏ ଆବୁକେ ଖ୍ରୀଷ୍ଟ୍‌ଆଃ ଦୁଲାଡ଼୍‌ହେତେ ବିନ୍‌ଗାଅ ଦାଡ଼ିୟା ? ଦୁକୁ, ହାସୁ, ସାସାଡି, ରିଙ୍‌ମା, ନାରାଦୁରା, ବରଞ୍ଜାନ୍‌ରେ, ଆଡଃ ଗନଏଃ ଚିନାଃ ବିନ୍‌ଗାଅ ଦାଡ଼ିୟାଏ ? ୩୬ ଧାରାମ୍‌ପୁଅରେ ଅଲାକାନା,

“ଆପେ ନାଗେନ୍ତେ ଆଲେ ସବେନ୍ ଝୁଲାଙ୍ ଗନଏଃରେୟାଃ ଆୟାର୍‌ରେ ମେନାଲେୟା,

ଆଲେ ମାଆଃ ନାଗେନ୍ତେ ଇଦିୟଃତାନ୍ ମିଶ୍ଟି ଲେକାଲେ ହବାକାନା ।”

୩୭ ଏନ୍‌ରେୟା, ଅକଏ ଆବୁକେ ଦୁଲାଡ଼୍ ତାନାଏ, ଇନିୟାଃ ଦେଙ୍‌ମାତେ ଆବୁ ନେ ସବେନାଃରେ ଜିତାଅ କାନାବୁ । ୩୮ ଆଇଙ୍ଗ୍ ସାର୍‌ତିଗିଙ୍ଗ୍ ସାରିତାନା ଯେ ଆୟାଃ ଦୁଲାଡ଼୍ ହରାତେ ଆବୁ ଚିଉଲାହ୍ କାବୁ ବିନ୍‌ଗାଅଃଆ । ଗନଏଃ ତାଏ ଜୀଦାନ୍, ଦୁଡ଼କ ଚାଏ ସିର୍ମା ରାଇଜ୍‌ରେୟାଃ ଜେତାନ୍ ପେଡ଼େଃ ଚାଏ ଆକ୍‌ତେୟାର୍ ନାମାକାଦ୍‌ତେୟାଃ, ନାହାଁଃ ଚାଏ ହିଜୁଃ ଦିପିଲି, ୩୯ ଅତେ ଚେତାନ୍‌ରେ ଚାଏ ଅତେ ଲାଡାର୍‌ରେ ଜେତାନ୍ ବିଷାଏ ଆଡଃ ସବେନ୍ ବାଇୟାକାନ୍‌ତେୟାଃରେ ନେ ଲେକାନ୍ ଜେତାନ୍ ବିଷାଏ ବାନଃଆ, ଅକ୍‌ନାଃତି ପ୍ରାଭୁ ଯାଶୁ ଖ୍ରୀଷ୍ଟ୍‌ଆଃ ହରାତେ ଉନ୍‌ଦୁବ୍‌କାନ୍ ପାର୍‌ମେଶ୍‌ବାର୍‌ଆଃ ଏନ୍ ଦୁଲାଡ଼୍‌ହେତେ ଆବୁକେ ବିନ୍‌ଗାଅ ଦାଡ଼ିୟା ।



ପାର୍‌ମେଶ୍‌ବାର୍‌ ଆଡଃ ଆୟାଃ ହଡ଼କ

☆ ୮:୨୩ ୮:୨୩ ୨ କରିକ୍ଟିୟ ୫:୨-୪.

୧ ଆଇଁଙ୍କ ସାର୍ତ୍ତିଗିଙ୍କ କାଜିତାନା, ଆଇଁଙ୍କ ଖ୍ରୀଷ୍ଟୀୟ ହବାକାନ୍ ହରାତେ କାଇଁକ୍ ବେଦାତାନା । ଆଇଁୟା ବିବେକ୍ ପାବିତାର୍ ଆମ୍ବାରା ଆକ୍ତେୟାର୍ତେ ଗାଞ୍ଜାଏ ଏମେତାନା । ୨ ଆଇଁୟା ପୁରାଠି ଦୁକୁ ମେନାଠ, ଚିମିନ୍ତି କା ଚୁଣ୍ଡୁ ହାସୁକ୍ ଆଇଁୟା ମନ୍ସୁରୁଦ୍ରେ ମେନାଠ । ୩ ଚିଆଠି ଅକନ୍କ ହତ୍ତମ୍ଲେକାତେ ଆଇଁୟା ଆପ୍ନାଠ ତାନ୍କୁ, ନେ'ଲେକାଚି ଆଇଁୟା ହାଗା ମିଶିକ୍ ନାଗେନ୍ତେ ଆଇଁକ୍ ଖ୍ରୀଷ୍ଟୀୟତାଏତେ ହିଗାଡ୍ରେକେଦ୍ରେ ପାର୍ମେଶ୍ଵାର୍ଆଠ ହରାତେ ସାର୍ପାଆ ନାକ୍ ସାନାକ୍ କେଦାକ୍ । ୪ ଚିୟାଠି ଇନ୍କୁଦ୍ ଇସ୍ତାଏଲ୍ରେନ୍ ହତ୍ତକତାନ୍କ । ପାର୍ମେଶ୍ଵାର୍ ଇନ୍କୁକେ ଆୟା ଆପ୍ନାଠ ହନ୍ ଲେକା ବାକ୍ତେଦ୍ରେ ଇନ୍କୁତାଠରେ ଆପ୍ନାଠ ମାନାରାକ୍ ଉଦୁବ୍କାଦ୍ ତାଇକେନାଏ, ଇନ୍କୁଲ୍ ଆୟା ରାଜିନାମା ତଲ୍ଲକେଦ୍ରେ ଇନ୍କୁକେ ଆନ୍ତୁ ଏମାକାଦ୍ ତାଇକେନାଏ, ଇନ୍କୁ ସାର୍ତ୍ତି ସେଞ୍ଜାଠକ, ଆତ୍ତ ପାର୍ମେଶ୍ଵାର୍ତାଏତେ ବାନାର୍ସାକ୍ ନାମାକାଦା । ୫ ଇନ୍କୁ ଆରୁଆ ପୁରାଠ ନୁତୁମାତାନ୍ ଯିହୁଦୀ ପୁରାଠ ହତ୍ତକଆ କିଲିରେନ୍ ତାନ୍କ ଆତ୍ତ ଖ୍ରୀଷ୍ଟ ଇନ୍କୁଆ କିଲିରେନ୍ତି ତାନିଠ । ସବେନାଠ ରାଇଜେତାନ୍ ପାର୍ମେଶ୍ଵାର୍ଆଠ ସାହାରାଆ ଜାନାଆ ଜାନାଆ ହବାଆକା, ଆମେନ୍ ।

୬ ପାର୍ମେଶ୍ଵାର୍ଆଠ ବାନାର୍ସାକା ପୁରାକାନା ମେନ୍ତେଦ୍ ଆଇଁକ୍ କାଇଁକ୍ କାଜିତାନା, ଚିୟାଠି ସବେନ୍ ଇସ୍ତାଏଲ୍କଦ୍ ପାର୍ମେଶ୍ଵାର୍ଆଠ ହତ୍ତକ ନାହାଁଲକ । ୭ ତାଏ ଆରାହାମ୍ଆଠ କିଲିରେନ୍ ସବେନ୍କ ପାର୍ମେଶ୍ଵାର୍ଆଠ ହନ୍କ ନାହାଁଲକ । ପାର୍ମେଶ୍ଵାର୍ ଆରାହାମ୍କେ କାଜିକାଇ ତାଇକେନା, “ଆମାଠ ଅକନ୍ କିଲିକ୍ ବିଷାଏରେ ଆଇଁକ୍ ବାନାର୍ସାଏ ଏମାକାଦ୍ ତାଇକେନାକ୍, ଇନ୍କୁ ଇସାକ୍ଆଠ ହରାତେ ହିଜୁଆକ ।” ୮ ନେଆଁରାଠ ମୁଣ୍ଡି ହବାଆତାନା, ହତ୍ତ ହନ୍କ ଜାନାମ୍ଏତେ ଏସ୍କାର୍ ପାର୍ମେଶ୍ଵାର୍ଆଠ ହନ୍କ କାକ୍ ହବାଆଆ । ପାର୍ମେଶ୍ଵାର୍ଆଠ ବାନାର୍ସାଠ ଲେକାତେ ଜାନାମାକାନ୍ ହନ୍କ ପାର୍ମେଶ୍ଵାର୍ଆଠ ନେପେଲ୍ରେ ସାର୍ତ୍ତି ହନ୍କ ମେନ୍ତେକ୍ କାଜିୟାଆ । ୯ ଚିୟାଠି ପାର୍ମେଶ୍ଵାର୍ ନେ ବାନାର୍ସାଏ ଏମାକାଦ୍ ତାଇକେନାଏ, “ଠାକାନ୍ ଦିପିଲି ହିଜୁଠରେ ଆଇଁକ୍ ହିଜୁଠହାଡାକ୍ ଇମ୍ତା ସାରା ଏକ୍ମା ହବାକାନ୍ତିଆଠଏ ।”

୧୦ ଇମ୍ନାକ୍ ଏସ୍କାର୍ କାହାଗି, ଆରୁଆ ପୁରାଠ ହତ୍ତ ଇସାକ୍ତାଏତେ ରିବ୍କାରାଠ ବାରିଆ ହନ୍ ହବାକାନ୍ ତାଇକେନାକିନ୍ । ୧୧ ଇନ୍କିନ୍ ଜାନାମ୍ ସିଦାରେ ଆତ୍ତ ଇନ୍କିନ୍ ବୁଗିନ୍ ତାଏ ଏଡ୍କାନ୍ ଜେଡ୍ନାଠ କାକିନ୍ ରିକାକାଦ୍ ତାଇକେନ୍ ସିଦାରେ ପାର୍ମେଶ୍ଵାର୍ ନେଆଁଏ କାଜିକାଦ୍ ତାଇକେନା । ଏନାତେ ଇନ୍କିନାଠ କାମି ହରାତେ ଏସ୍କାର୍ କାହାଗି ମେନ୍ଦ୍ ପାର୍ମେଶ୍ଵାର୍ଆଠ କେନେଡା ହରାତେ ଇନ୍କିନ୍ ସାଲ୍ଲାୟାକିନ୍ । ୧୨ ନେ ବାରାନ୍କିନାଠ ଭିତାର୍ରେ ମିହୁଡ୍ ପାର୍ମେଶ୍ଵାର୍ଆଠ ଉଦ୍ଦେଶ୍ ରିକା ନାଗେନ୍ତେ ସାଲ୍ଲାୟାନା । ରିବ୍କାକେ ପାର୍ମେଶ୍ଵାର୍ କାଜିକିୟାଏ, “ମାରାକ୍ ହନ୍ ହୁଡ୍ ହନ୍ଆଠ ସେଞ୍ଜାନିଠ ହବାଆଆଏ ।” ୧୩ ଧାରାମ୍ପୁଥ୍ କାଜି ଲେକାତେ, “ଆଇଁକ୍ ଯାକୁବ୍କେ ଦୁଲ୍ଲାଡ୍କିୟାକ୍ ମେନ୍ଦ୍ ଏଷୌକେ ହିଲ୍ଲାକିୟାକ୍ ।”

୧୪ ଏନ୍ରେଦ୍ ଚିନାଠ କାଜିୟା, ପାର୍ମେଶ୍ଵାର୍ ଚିନାଠ ନ୍ୟାୟ୍ କାଏ ରିକାଠି ? କାହାଗି, ଏନ୍କାଦ୍ ଆଲକା ହବାଆକା । ୧୫ ଚିୟାଠି ଇନିଠଦ୍ ମୁଣାକେ କାଜିକାଇ ତାଇକେନା, “ଆଇଁୟା ଇଛାସାନାକ୍ଲେକା ଆଇଁକ୍ ଅକ୍ଏକେ ସାଲ୍ଲାଠକ୍ ଇନିଠକେ ସାୟାଦ୍ ଏମାଠକ୍, ଆତ୍ତ ଅକ୍ଏକେ ସାନାକ୍ ଇନିଠକେ ଦାୟା ରିକାଠକ୍ ।” ୧୬ ଏନାମେନ୍ତେ ସବେନ୍ ବିଷାଏ ପାର୍ମେଶ୍ଵାର୍ଆଠ ଲିନିବୁଇ ହରାତେ ପୁରାଆଆ । ମାନାଞ୍ଜାରାଠ ସାନାକ୍ ତାଏ କାମି ଚେତାନ୍ରେ କାହାଗି । ୧୭ ଧାରାମ୍ପୁଥ୍ରେ ଅଲକାନ୍ ଲେକାତେ, ପାର୍ମେଶ୍ଵାର୍ ମିସାର୍ ଦିଶ୍ଟୁମ୍ରେନ୍ ଫାରୋ ରାଜାକେ କାଜିକାଇ ତାଇକେନା, “ଆମାଠ ହରାତେ ଆଇଁୟା ପେଡ୍ଡେଠ ଉଦୁବେ ନାଗେନ୍ତେ ଆତ୍ତ ଗଟା ଅତେଦିଶ୍ଟୁମ୍ରେ ଆଇଁୟା ନୁତୁମ୍ରେ ମାନାରାକ୍ ଉଦୁବେ ନାଗେନ୍ତେ ଆଇଁକ୍ ଆମ୍କେ ରାଜା ବାକ୍ତାକାଦ୍ ମେ'ଆଇଁକ୍ ।” ୧୮ ଏନାମେନ୍ତେ, ପାର୍ମେଶ୍ଵାର୍ ଆୟା ଇଛାସାନାକ୍ ଲେକାତେ ଇନିଠ ଅକ୍ଏକେ ଦାୟାକ୍ଆଏ ଆତ୍ତ ଅକ୍ଏକେ କେଚେଦ୍ ମନ୍ ହବାଆ ନାଗେନ୍ତେ ବାଗିତାକ୍ଆ ।

ପାର୍ମେଶ୍ଵାର୍ଆଠ ଖ୍ଵ ଆତ୍ତ ଲିନିବୁଇ

୧୯ ଆପେକ୍ଏତେ ଜେତାଏ ଆଇଁକ୍ କାଜି ଦାଡ୍ଡିୟାଏ, “ତାବ୍ଦ୍ ପାର୍ମେଶ୍ଵାର୍ ଚିନାଠ ମେନ୍ତେ ଜେତାଏକେ ଚିଟାଇୟା ? ଜେତାଏ ଚିନାଠ ପାର୍ମେଶ୍ଵାର୍ଆଠ ବିରୁଧ୍ରେ ଜେଡ୍ନାଠ ରିକା ଦାଡ୍ଡିୟାଏ ?” ୨୦ ମେନ୍ଦ୍ ହେ ହାଗା ମିଶିକ୍, ପାର୍ମେଶ୍ଵାର୍ଆଠ କାଜିରେ କାଜିକଟ୍ଟିଆମ୍ ଅକ୍ଏ ତାନ୍ମେ ? “ଆଇଁକ୍ ନେଲେକା ଚିନାଠମେନ୍ତେ ବାକ୍ତାକିୟା ?” ମେନ୍ତେ ହାସାରେୟାଠ ଚାଟୁ, କୁମ୍ପାର୍କେ କାଏ କୁଲି ଦାଡ୍ଡିୟା । ୨୧ ହାସାକେ ଆପ୍ନାଠ ସାନାକ୍ ଲେକା ସିପୁଦ୍ରେକେଦ୍ରେ ଚାଟୁ ବାଇ ନାଗେନ୍ତେ କୁମ୍ପାର୍ରେ ପୁରା ଆକ୍ତେୟାର୍ ମେନାଠ । ଏନ୍ ମିଦ୍ ସାମାନ୍ ତିଶ୍ଟୁ ହାସାଏତେ ଇନିଠ ବାର୍ ରାକାମ୍ରେ ଚାଟୁ ବାଇ ଦାଡ୍ଡିୟାଏ, ମିଆଁଦ୍ ବିଶେଷ୍ ହୁଲ୍ଲାକ୍ରେ ଆତ୍ତମିଆଁଦ୍ ସବେନ୍ ହୁଲ୍ଲାକ୍ରେୟାଠ କାମିରେ ବାଉରାଆ ନାଗେନ୍ତେ ବାକ୍ତାକାନା ।

୨୨ ଆତ୍ତ ପାର୍ମେଶ୍ଵାର୍ଏ ଏନ୍ଲେକାଗି ରିକାକାଦା । ଇନିଠ ଆୟା ଖ୍ଵକେ ଆତ୍ତ ପେଡ୍ଡେକେ ଉଦୁବ୍ ସାନାକ୍ ତାଇକେନାଏ । ମେନ୍ଦ୍ ଅକ୍ଏକ୍ ଆୟା ଖ୍ଵଆ ଲେକା ହବାକେଦ୍ରେ ଜିୟନିଠ ଲାଗାତିୟା ତାଇକେନାକ୍, ଇନ୍କୁ ନାଗେନ୍ତେ ପାର୍ମେଶ୍ଵାର୍ ପୁରାଠି ଧିରାକ୍ ସାବ୍କେଦ୍ରେ ସାହାଡିକ୍ କେଦା । ୨୩ ଆତ୍ତ ଇନିଠ ଆୟା ପୁରାଠ ମାନାରାକ୍ ଉଦୁବ୍ ନାଗେନ୍ତେ ଆରୁକେ ବିଶେଷ୍କେଦ୍ରେ ଆୟା ସାୟାଦ୍ରେୟା ଆଶିଷ୍ ନାମେ ନାଗେନ୍ତେ ସିଦାରେଗି

ଆବୁକେ ବାଇୟାକାଦୁଆ । ୨୪ ଇନିଃ ଯିହୁଦୀକଏତେ ଏସକାର୍ କାହାଗି ମେନ୍ଦ ଗ୍ରୀକ୍ ହଡକଏତେ ହଗି ଆବୁକେ କେଡାକାଦୁଆ । ୨୫ ନେ ବିଷାଏରେ ପାରମେଶ୍ୱାର୍ ହୋଗେୟ ପୁଅରେ କାଜିକାଦା,
“ଅକନ୍କ ଆଇୟାଃ ହଡ କାକ ତାଇକେନା,

ଇନ୍କୁକେ ଆଇୟାଃ ହଡ ଲେକା କେଡାକଆଇଙ୍ଗ୍,
ଅକନ୍ ହଡକକେ ଆଇଙ୍ଗ୍ କାଇଙ୍ଗ୍ ଦୁଲାଡକାଦକ ତାଇକେନା,
ଇନ୍କୁକେ ଆଇୟାଃ ଦୁଲାଡକ ମେନ୍ତେଇଙ୍ଗ୍ କେଡାକଆ ।

୨୬ ଆଡଃ ‘ଆପେ ଆଇୟାଃ ହଡ ନାହାଁଲାପେ,’ ମେନ୍ତେ ଅକ ଠାୟାଦ୍ରେ ଇନ୍କୁକେ କାଜିକାନ୍ ତାଇକେନା,
ଏନ୍ତାଃରେ ଇନ୍କୁ ଜାନିଦ୍ ପାରମେଶ୍ୱାର୍ଆଃ ହନ୍କ ମେନ୍ତେ କାଜିୟାଆକ ।”

୨୭ ଆଡଃ ଇସ୍ରାଏଲ୍ ହଡକଆଃ ବିଷାଏରେ ଯିଶାୟ ନାବୀ କାଜିକାଦା, “ଇସ୍ରାଏଲ୍ ହଡକ ଦରେୟାରେନ୍ ଗିତିଲ୍ ଲେକା ତାଇନଃରେୟ, ଇନ୍କୁଏତେ କାଟିଃଲେକା ହଡକ ବାଞ୍ଚାଅକ ନାମେୟା । ୨୮ ତିୟାଃତି ପ୍ରାଭୁ ଜାଲ୍ଦିଗି ଅତେଦିଶୁମ୍ରେ ପୁରା ନ୍ୟାୟ ବିଚାର୍ ରିକାଏୟାଏ ।” ୨୯ ଯିଶାୟ ନାବୀ ସିଦାରେଗି କାଜିକାଦା, “ସବେନାଃଏତେ ପେଡେୟାନ୍ ପ୍ରାଭୁ ଆବୁଆଃ ଚିମିନ୍ କିଲିକକେ କାଏ ବାଞ୍ଚାଅ କାକରେଦ, ଆବୁଆଃ ଦାସା ସୋଦମ୍ ଆଡଃ ଗମ୍ବାରରେନ୍ ହଡକ ଲେକା ହବାକାନ୍ତେୟାଃ ।”

ଇସ୍ରାଏଲ୍ ନାଗେନ୍ତେ ପାଉଲୁସ୍ଆଃ ବିକ୍ତି

୩୦ ଏନାମେନ୍ତେ ସାଅଁସାର୍ ହଡକ ବିଷାଏରେ ନେଆଁ କାଜି ଦାଡିୟାରୁ, ଇନ୍କୁ ଧାର୍ମାନ୍ ହବାଅ ନାଗେନ୍ତେ କାକ ସାନାଙ୍ଗ୍ ତାଇକେନା, ମେନ୍ଦ ଆକଆଃ ବିଶ୍ୱାସ୍ ହରାତେ ଇନ୍କୁ ଧାର୍ମାନ୍ ମେନ୍ତେକ କାଜିୟାତାନା । ୩୧ ମେନ୍ଦ ଇସ୍ରାଏଲ୍ ହଡକ ଯିହୁଦୀକଆଃ ଆନ୍ତୁ ହରାତେ ଧାର୍ମାନ୍ ହବାଅ ନାଙ୍ଗ୍ ସାନାଙ୍ଗ୍କେଦ୍ରେ ହାରାଅକାନାକ । ୩୨ ନେଆଁରାଃ କାଜି ହବାଅତାନା, ଇନ୍କୁ ବିଶ୍ୱାସ୍ ଚେତାନ୍ରେ କା ଆସ୍ରାକେଦ୍ରେ ଆକଆଃ ଆପ୍ନାଃ କାମି ଚେତାନ୍ରେ ଆସ୍ରାଏ ତାଇକେନାକ, ଏନାମେନ୍ତେ ଇନ୍କୁ “ତହଦଃ ଦିରିରେ” ତହଦୟାନାକ । ୩୩ ଧାରାମ୍ପୁଅରେ ଅଲ୍ଲାନାନ୍ ଲେକା,
“ନେଲେପେ, ଆଇଙ୍ଗ୍ ସିୟୋନ୍ରେ ମିଆଁଦ୍ ତହଦଃ ଲେକାନ୍ ଦିରି

ଆଡଃ ମିଆଁଦ୍ ସେରେଙ୍ଗ୍ ବାଇୟାକାଦାଇଙ୍ଗ୍,
ଏନାରେ ଇନ୍କୁକେଇଙ୍ଗ୍ ଉୟାଃଇଚିକଆ ।

ମେନ୍ଦ ଜେତାଏ ଇନିଃତାଃରେ ବିଶ୍ୱାସେନିଃ କାଏ ଗିହୁଗଃଆ ।”

୧୦

୧ ହେ ହାଗା ମିଗିକ, ଆଇୟାଃ ଆପ୍ନାଃ ହଡକ ଜୀଉବାଞ୍ଚାଅ ନାମେକାକ, ମେନ୍ତେ ଆଇୟାଃ ମନ୍ସୁରୁଦ୍ରେ ସାନାଙ୍ଗ୍ତାନାଇଙ୍ଗ୍ ଆଡଃ ଆଇଙ୍ଗ୍ ପାରମେଶ୍ୱାର୍ତାଃରେ ସବେନ୍ ଇମ୍ତାଇଙ୍ଗ୍ ବିକ୍ତିତାନା । ୨ ପାରମେଶ୍ୱାର୍ଆଃ ବିଷାଏରେ ଇନ୍କୁଆଃ ପୁରାଃଗି ଚିହ୍ନଲାନ ମେନାଃ, ଏନା ଆଇଙ୍ଗ୍ ଇନ୍କୁଆଃ ସାଃଏତେ ଗାଞ୍ଜା ଏମ୍ତାନାଇଙ୍ଗ୍, ମେନ୍ଦ ଇନ୍କୁଆଃ ଚିହ୍ନୁତେୟାଃ ସାର୍ତି ସେଣାଁନ୍ ଲେକାତେ ନାହାଁଲାଃ । ୩ ପାରମେଶ୍ୱାର୍ ହଡକକେ ଚିଲ୍କା ଆୟାଃଲଃ ଧାର୍ମାନ୍ ବାଇକଆଏ, ଏନା ଇନ୍କୁ କାକ ସାରିକାଦ୍ ତାଇକେନା ଆଡଃ ଇନ୍କୁ ଧାର୍ମାନ୍ ହବାଅ ନାଗେନ୍ତେ ଆକଆଃ ଆପ୍ନାଃ ଇଛାସାନାଙ୍ଗ୍ ଲେକା ରିକାକେଦାକ, ଏନାତେ ଇନ୍କୁ ଆପାନ୍କେ ପାରମେଶ୍ୱାର୍ତାଃରେ କା ଜିମାକେଦ୍ରେ ପାରମେଶ୍ୱାର୍ଆଃ ଏନ୍ ହରାକେ ବାଗିୟାକାଦାକ । ୪ ଖ୍ରୀଷ୍ଟି ଆନ୍ତୁରେନ୍ ଚୁଣ୍ଟୁ ତାନିଃ, ଏନାତେ ସବେନ୍କ ଇନିଃତାଃରେ ଏସକାର୍ ବିଶ୍ୱାସ୍ଲେରେ ପାରମେଶ୍ୱାର୍ଆଃ ନେପେଲ୍ରେ ଧାର୍ମାନ୍ ମେନ୍ତେକ କାଜିୟାଆ ।

ସବେନ୍କଆଃ ନାଗେନ୍ତେ ଜୀଉବାଞ୍ଚାଅ

୫ ଆନ୍ତୁ ମାନାତିଙ୍ଗ୍ ହରାତେ ପାରମେଶ୍ୱାର୍ଲଃ ଧାର୍ମାନ୍ ହବାଅ ନାଗେନ୍ତେ ମୁଣା ଅଲ୍ଲାନାଦା, “ଅକନ୍କ ପାରମେଶ୍ୱାର୍ଆଃ ଆନ୍ତୁକ ମାନାତିୟାଃ, ଇନ୍କୁ ବାଞ୍ଚାଅଆକ ।” ୬ ମେନ୍ଦ ବିଶ୍ୱାସ୍ ହରାତେ ଧାର୍ମାନ୍ ହବାଅ ବିଷାଏରେ ଧାରାମ୍ପୁଅରେ ଅଲ୍ଲାନା, “ଖ୍ରୀଷ୍ଟକେ ଆଡ଼ଗୁ ନାଗେନ୍ତେ ଅକଏ ସିର୍ମାତେ ରାକାବା ? ମେନ୍ତେ ଆପେ ଆପେୟାଃ ମନ୍ରେ ଆଲ୍ପେ କୁପୁଲିନାଃ ।” ୭ ଚାଏ, “ଖ୍ରୀଷ୍ଟକେ ଗନଏଃହେତେ ବିରିଦ୍ ଆଉ ନାଙ୍ଗ୍ ଅକଏ ହୁଆଙ୍ଗାଡାତେ ସେନା ?” ନେ କାଜିୟାଗି ଆପେ ଆଲ୍ପେ କୁପୁଲିନାଃ । ୮ ତିୟାଃତି ଧାରାମ୍ପୁଅ ଲେକାତେ, “ପାରମେଶ୍ୱାର୍ଆଃ କାଜି ଆପେତାଃରେ, ଆପେୟାଃ ମଚାରେ ଆଡଃ ମନ୍ସୁରୁଦ୍ରେ ମେନାଃ ।” ଏନ୍ ବିଶ୍ୱାସ୍ରେୟାଃ କାଜିଗି ଆଲେ ଉଦୁବେତାନାଲେ । ୯ ଆପେ ଯାଶୁକେ ଆପେୟାଃ ମଚାତେ ପ୍ରାଭୁ ମେନ୍ତେପେ ମାନାତିଙ୍ଗ୍ରେଦ ଆଡଃ ପାରମେଶ୍ୱାର୍ ଇନିଃକେ ଗଜାକାନ୍କଏତେ ଜୀଉବିରିଦକିୟାଏ ମେନ୍ତେ ମନ୍ସୁରୁଦ୍ରେପେ ବିଶ୍ୱାସେ ରେଦ, ଆପେ ଜୀଉ ବାଞ୍ଚାଅପେ ନାମେୟା । ୧୦ ଚିଆଃତି ଆବୁ ମନ୍ସୁରୁଦ୍ରେ ବିଶ୍ୱାସକେଦ୍ ହରାତେ ପାରମେଶ୍ୱାର୍ଆଃ ଆୟାର୍ରେ ଧାର୍ମାନ୍ ମେନ୍ତେବୁ କାଜିନାଃ ଆଡଃ ମଚାତେ ମାନାତିଙ୍ଗ୍କେଦ୍ ହରାତେ ଜୀଉବାଞ୍ଚାଅବୁ ନାମ୍ଦାଡିୟା । ୧୧ ଧାରାମ୍ପୁଅ ଲେକାତେ, “ଜେତାଏ ଇନିଃତାଃରେ ବିଶ୍ୱାସେନିଃ କାଏ ଗିହୁଗଃଆ । ୧୨ ଚିଆଃତି ଯିହୁଦୀ ହଡ ଆଡଃ ଗ୍ରୀକ୍ ହଡକ ପାରମେଶ୍ୱାର୍ଆଃ ଆୟାର୍ରେ ସବେନ୍କ ମିଦ୍ଗିୟାକ । ପାରମେଶ୍ୱାର୍ ଏସକାର୍ ସବେନ୍କଆଃ ପ୍ରାଭୁ ତାନିଃ, ଅକନ୍କ ଆଇଃକତାଃରେ ଦେଙ୍ଗା ବିକ୍ତି

ରିକାଃକ ଇନ୍‌କୁକେ ଇନିଃ ପୁରାଃଗି ଆଶିଷ୍‌କଆ ।” ୧୩ ତିଆଃଚି ଜେତାଏ ପ୍ରାଭୁଆଃ ନୁଡୁମ୍‌ତେ ବିକ୍ରିୟାଏ, ଇନିଃ ଜାଉବାଞ୍ଚାଅ ନାମେୟାଏ ।

୧୪ ମେନ୍‌ଦ ଇନିଃତାଃରେ କା ବିଶ୍ୱାସ୍‌କେଦ୍‌ତେ ଇନ୍‌କୁ ଚିଲ୍‌କାତେ ଇନିଃକେ ବିକ୍ରିୟାକ ? ଆତଃ ଆୟାଃ ବିଷାଏରେ ସୁକୁକାଜି କା ଆୟୁମ୍‌କେଦ୍‌ତେ ଇନ୍‌କୁ ଚିଲ୍‌କାତେ ବିଶ୍ୱାସ୍‌ ଦାଡ଼ିୟାକ ? ଆତଃ ସୁକୁକାଜିକେ ବେଗାଃ ଉଦୁବ୍‌କେଦ୍‌ତେ ଇନ୍‌କୁ ଚିଲ୍‌କାତେକ ଆୟୁମ୍‌କେଦ୍‌ତେ ? ୧୫ ଆତଃ କାଜି ଉଦୁବ୍‌ ନାଗେନ୍ତେ ମିହୁଡ଼କେ କା କୁଲିରେ ଇନିଃ ଚିଲ୍‌କାତେ ପାର୍‌ଚାଃରେୟା ? ନେ ବିଷାଏରେ ଧାରାମ୍‌ପୁଅରେ ଅଲ୍‌କାନା, “ସୁକୁକାଜି ଉଦୁବ୍‌ତାନ୍‌କଆଃ ହିନ୍‌ଜୁଃ ଚିମିନ୍‌ ବୁଗିନ୍‌ଗିୟା ?” ୧୬ ମେନ୍‌ଦ ସବେନ୍‌କ ଏନ୍‌ ସୁକୁକାଜିକେ କାକ ମାନାତିକ୍‌କାଦା । ଏନାମେନ୍ତେ ଯିଶାୟ ନାବୀ ଅଲ୍‌କାଦା, “ପ୍ରାଭୁ, ଆଲେୟାଃ ସୁକୁକାଜି ଆୟୁମ୍‌କେଦ୍‌ତେ ଅକଏ ବିଶ୍ୱାସ୍‌କାଦା ?” ୧୭ ସୁକୁକାଜି ଆୟୁମ୍‌ ହରାତେ ବିଶ୍ୱାସ୍‌ ହିନ୍‌ଜୁଃଆ ଆତଃ ଶ୍ରୀଷ୍‌ଆଃ କାଜି ଉଦୁବ୍‌ତେୟାଃଗି ଏନ୍‌ ସୁକୁକାଜି ତାନାଃ । ୧୮ ମେନ୍‌ଦ ଆଇଙ୍‌ କୁଲି ତାନାଇଙ୍‌, ଇନ୍‌କୁ ଚିନାଃ ଏନ୍‌ କାଜିକେ କାକ ଆୟୁମ୍‌କାଦା ? ସାର୍‌ତିଗି ଆୟୁମ୍‌କାଦାକ, ଚିୟାଃଚି ଧାରାମ୍‌ପୁଅରେ ଅଲ୍‌କାନା, “ଇନ୍‌କୁଆଃ ଲାବ୍‌ଜା ଗଟା ଅତେଦିଶ୍ୱାମ୍‌ ନିଡିରକାନା, ଇନ୍‌କୁଆଃ ନିଡିରଆଃ କାଜିକ ଅତେଦିଶ୍ୱାମ୍‌ରେୟାଃ ଚୁଣ୍ଡୁ ଜାକେଦ୍‌ ଆୟୁମ୍‌କାନା ।” ୧୯ ଆତଃମିସା ଆଇଙ୍‌ କୁଲି ତାନାଇଙ୍‌, ଇସ୍ରାଏଲ୍‌ ହଡ଼କ ଚିନାଃ ଏନାକେ କାକ ଆର୍‌କାର୍‌ଉରୁମ୍‌କେଦା ? ସାର୍‌ତିଗି ଆର୍‌କାର୍‌ଉରୁମ୍‌କେଦାକ, ସିଦାରେଗି ମୁଶାରାଃ ଦିପିଲିରେ ପାର୍‌ମେଶ୍ୱାର୍‌ କାଜିକେଦାଏ, “ଆଇଙ୍‌ ଆଲେୟାଃ ହଡ଼କକେ ହିସ୍‌କାଈଚିକ ନାଗେନ୍ତେ ମିଆଁଦ୍‌ ଡ଼ଣ୍ଡୁ ହଡ଼କେଇଙ୍‌ ବେଭାରିୟା, ଏନ୍‌ଲେକା ମିଆଁଦ୍‌ ଡ଼ଣ୍ଡୁ ହଡ଼ ହରାତେ ଇନ୍‌କୁକେଇଙ୍‌ ଖୁସ୍‌ଇଚିକଆ ।” ୨୦ ଯିଶାୟ ନାବୀ ଆତଃଗି ପେଡେଃତେ କାଜିକାଦା, “ଆଇଙ୍‌କେ କା ଦାଣ୍ଡାତାନ୍‌ ହଡ଼କ, ଆଇଙ୍‌କେ ନାମକେଦିୟାକ, ଅକନ୍‌କ ଆଇଙ୍‌କେ କାକ କୁଲିଙ୍‌ତାଇକେନା, ଆଇଙ୍‌ ଇନ୍‌କୁତାଃରେଇଙ୍‌ ଉଦୁବେନ୍‌ୟାନା ।” ୨୧ ମେନ୍‌ଦ ପାର୍‌ମେଶ୍ୱାର୍‌ ଇସ୍ରାଏଲ୍‌ ହଡ଼କଆଃ ବିଷାଏରେ କାଜିୟାଃଏ, “କାଜି କା ମାନାତିକ୍‌ତାନ୍‌ ହଡ଼କ ନାଗେନ୍ତେ ସବେନ୍‌ ଇମ୍‌ତା ଡିଃଇ ଜିଲିଙ୍‌କେଦ୍‌ତେ ଆଇଙ୍‌ ଦାରମ୍‌କତାନା ।”

୧୧

ଇସ୍ରାଏଲ୍‌ ହଡ଼କଆଃ ଚେତାନ୍‌ରେ ପାର୍‌ମେଶ୍ୱାର୍‌ଆଃ ଲିନିବୁଇ

୧ ଆଇଙ୍‌ ଆତଃଗିଇଙ୍‌ କୁଲି ଦାଡ଼ିୟା, ତାବ୍‌ଦ ଚିନାଃ ପାର୍‌ମେଶ୍ୱାର୍‌ ଆୟାଃ ଆପନାଃ ହଡ଼କକେ ବାଗି କାଦକଆ ? କାହା ଏନ୍‌କାଦ କା ହବାଅଆ । ଆଇଙ୍‌ଗି ମିଆଁଦ୍‌ ଇସ୍ରାଏଲ୍‌ରେନ୍‌ ହଡ଼ ତାନିଙ୍‌, ଆବ୍ରାହାମ୍‌ଆଃ ଆତଃ ବେଞ୍ଜାମିନ୍‌ଆଃ କିଲିରେନ୍‌ ତାନିଙ୍‌ । ୨ ପାର୍‌ମେଶ୍ୱାର୍‌ ମୁନୁହେତେ ସାଲ୍‌କାଦ୍‌ ଆୟାଃ ହଡ଼କକେ ଚିତଲ୍‌ହ କାଏ ବାଗିକାଦକଆ । ଏଲିୟ ଚିଲ୍‌କା ପାର୍‌ମେଶ୍ୱାର୍‌ତାଃରେ ଇସ୍ରାଏଲ୍‌ ହଡ଼କଆଃ ବିରୁଧ୍‌ରେ ତିକ୍‌କେଦ୍‌ତେ କାଜିକେଦା : ଏନା ଆପେ ଧାରାମ୍‌ପୁଅରେ ଅଲ୍‌କାନାତେୟାଃ ସାରିକାଦାପେ, ୩ “ପ୍ରାଭୁ, ଏନ୍‌ ହଡ଼କ ଆମାଃ ନାବୀକକେ ଗଜାକାଦକଆକ, ଆମାଃ ଦାଣ୍ଡା ରାକାବ୍‌ ବେଦିକକେ ଉରଧାସ୍ତକାଦାକ, ଆତଃ ଆଇଙ୍‌ ଏସ୍‌କାର୍‌ ମିହୁଡ଼ଗି ବାଞ୍ଚାଅକାନାଇଙ୍‌, ଇନ୍‌କୁ ଆଇଁୟାଃ ଜାଉ ଇଦି ନାଗେନ୍ତେକ ସାନାଙ୍‌ତାନା ।” ୪ ମେନ୍‌ଦ ପାର୍‌ମେଶ୍ୱାର୍‌ ଏଲିୟକେ ଚିନାଃ କାଜିରୁହାଡ଼କିୟାଏ ? “ଅକନ୍‌ ହଡ଼କ, ହସଡ଼ ବାଲ୍‌ ମାହାପୁରୁକେ କାକ ସେଝା, ଏନ୍‌ଲେକାନ୍‌ ୭,୦୦୦ ହଡ଼କକେ ଆଇଙ୍‌ ଆଇଁୟାଃ ନାଗେନ୍ତେଇଙ୍‌ ଦହକାଦକଆ ।” ୫ ଏନ୍‌ ଲେକାଗି ନାହାଁଃଦ ହବାକାନା, ପାର୍‌ମେଶ୍ୱାର୍‌ ଆୟାଃ ସାୟାଦ୍‌ତେ ଅକ ହଡ଼କକେ ସାଲ୍‌କାଦକ ତାଇକେନା, ଇନ୍‌କୁଏତେ ଚିମିନ୍‌ ହଡ଼କ ସାରେଜାକାନା । ୬ ପାର୍‌ମେଶ୍ୱାର୍‌ ଆୟାଃ ସାୟାଦ୍‌ ହରାତେ ଇନ୍‌କୁକେ ସାଲ୍‌କାଦକଆ । ପାର୍‌ମେଶ୍ୱାର୍‌ ଇନ୍‌କୁଆଃ ବୁଗିନ୍‌ କାମି ନାଗେନ୍ତେ ସାଲ୍‌କାଦକ ତାଇକେନ୍‌ରେଦ, ଇନିୟାଃ ସାୟାଦ୍‌ ସାର୍‌ତି ସାୟାଦ୍‌ କା ହବାଅଃତେୟାଃ ।

୭ ତାବ୍‌ଦ ଚିନାଃ ହବାୟାନା ? ଇସ୍ରାଏଲ୍‌ ହଡ଼କ ଅକ୍‌ନାଃ ଦାଣ୍ଡା ତାଇକେନାକ, ଏନା କାକ ନାମକେଦା । ପାର୍‌ମେଶ୍ୱାର୍‌ ସାଲ୍‌କାଦ୍‌ ତାଇକେନ୍‌ ମିଆଁଦ୍‌ ହୁଡ଼ିଙ୍‌ ଝୁଣ୍ଡୁ ଏସ୍‌କାର୍‌ ଏନାକେ ଦାଣ୍ଡା ନାମକେଦା । ଏଟାଃକ ଜେତାଏ ପାର୍‌ମେଶ୍ୱାର୍‌ଆଃ କେନେଡାରେ ମନ୍‌ କାକ ଏମକେଦା । ୮ ଧାରାମ୍‌ପୁଅରେ ଅଲ୍‌କାନ୍‌ ଲେକା, “ପାର୍‌ମେଶ୍ୱାର୍‌ ତିସିଙ୍‌ ଜାକେଦ୍‌ ଇନ୍‌କୁଆଃ ମନ୍‌ ଆତଃ ମନ୍‌ସୁରୁଦ୍‌କେ କେଟେଦ୍‌ କାଦା, ଏନାତେ ଇନ୍‌କୁ କାକ ନେଲ୍‌ ଦାଡ଼ିତାନା ତାଏ କାକ ଆୟୁମ୍‌ ଦାଡ଼ିତାନ୍‌ ।”

୯ ଇନ୍‌କୁଆଃ ବିଷାଏରେ ଦାଉଦ୍‌ ଆତଃଗି ଅଲ୍‌କାଦା,
“ଇନ୍‌କୁ ରିଜରାଙ୍‌ ରିକାଏ ଇମ୍‌ତା

ଫାସ୍‌ରେ ଉୟୁଗଃକାକ ଆତଃ ସାଜାଇ ନାମେକାକ ।

୧୦ ଇନ୍‌କୁଆଃ ମେଦ୍‌ ଜାପିଦଃକା ଜେ'ଲେକାଚି ଇନ୍‌କୁ ଜେଡ୍‌ନାଃ ଆଲକାକ ନେଲ୍‌ ଦାଡ଼ିକା,
ଆତଃ ସବେନ୍‌ ଇମ୍‌ତା ଦୁକୁହାସୁ ନାମକେଦ୍‌ତେ ଇନ୍‌କୁଆଃ ମାୟାଙ୍‌ ଲିକୁଜଃକା ।”

୧୧ ତାବ୍‌ଦ, ଆଇଙ୍‌ କୁଲି ସାନାଙ୍‌ତାନାଇଙ୍‌, ଯିହୁଦୀ ହଡ଼କ ତହଦ୍‌ୟାନ୍‌ ହରାତେ ଚିନାଃ ଜିୟନ୍‌ୟାନାକ ? କାହାଗି, ଇନ୍‌କୁ ପାପକେଦ୍‌ ହରାତେ, ଇନ୍‌କୁକେ ହିସ୍‌କାଈଚିକ ନାଗେନ୍ତେ ସାଅସାର୍‌ ହଡ଼କକେ ଜାଉ ବାଞ୍ଚାଅରେୟାଃ ଆକ୍‌ତେୟାର୍‌ ନାମୟାନା । ୧୨ ଯିହୁଦୀ ହଡ଼କଆଃ ପାପ, ଅତେଦିଶ୍ୱାମ୍‌ରେନ୍‌ ଏଟାଃ ସବେନ୍‌କ ନାଗେନ୍ତେ ପୁରାଃଗି

☆ ୧୧:୧ ୧୧:୧ ଫିଲିପିୟ ୩:୫.

ଆଶିଷ୍ ଆଉଁସାକାଦାଏ । ଯିହୁଦୀ ହତକଥା ଆମ୍ଭିକ୍ରେୟାଃ ନାରାଦୁରା ହରାତେ ସାଅଁସାର୍ ହତକ ପୁରାଃଗି ଆଶିଷ୍ କ ନାମାକାଦା । ଏନାତେ ସବେନ୍ ଯିହୁଦୀ ହତକ ବାଞ୍ଛାଅ ଦାଡ଼ିୟାଃରେଦ, ଏନ୍ ହରାତେ ଆତଃଟିମିନ୍ ଆଦକା ଆଶିଷ୍ କାକ ନାମେତେୟାଃ ।

ସାଅଁସାର୍ ହତକଥାଃ ଜୀଉବାଞ୍ଛାଅ

୧୩ ସାଅଁସାର୍ ହତକକେ ଆଇଙ୍ଗ୍ କାଜିକତାନାଇଙ୍ଗ୍, ଆପେ ନାଗେନ୍ତେ ଆଇଙ୍ଗ୍ କୁଲ୍ଲାନାନ୍ ତେଲା ଲେକାଇଙ୍ଗ୍ କାମିତାନା, ଏନାମେନ୍ତେ ଆଇଙ୍ଗ୍ ଆପାନ୍କେ ମାରାଙ୍ଗ୍ ମେନ୍ତେଇଙ୍ଗ୍ କାଜିନ୍ତାନା । ୧୪ ନେଆଁ ହରାତେ ଆଇଙ୍ଗ୍ ଆପନାଃ ହତକକେ ଖୁସ୍ତାଚି ରିକା ଦାଡ଼ିରେଦ, ହବାସାକାଅଥାଃ ଇନ୍କୁଏତେ ଚିମିନ୍ ହତକକେ ବାଞ୍ଛାଅ ଦାଡ଼ିୟାଇଙ୍ଗ୍ । ୧୫ ଚିୟାଃଟି ଇନ୍କୁକେ ଗେନା ଆତମାକାନ୍ ହରାତେ ଅତେଦିଶୁମ୍ରେୟାଃ ମେନେସା ହବାୟାନା ଚାଏ ପାର୍ମେଶ୍ୱାର୍ଥାଃ ସବେନ୍ ବାଇରି ହତକଥାଃ ବାଦଲ୍ଲାଅ ହବାୟାନା ଆତଃ ଆୟାଃ ଗାତିକ ହବାକାନା । ଏନାତେ ପାର୍ମେଶ୍ୱାର୍ ସବେନ୍ ଯିହୁଦୀ ହତକକେ ଆତଃଟିସା ତେଲାଦାରମ୍ବକରେଦ, ଏନାରେୟାଃ ନାଲା ଚିନାଃ ହବାଅଥା ? ଏନାଦ ଏଚାଃ ହତକ ନାଗେନ୍ତେ ଗନ୍ଏଃହେତେ ଜୀଦାନ୍ ନାମେ ଲେକା ହବାଅଃ ତାନାଃ । ୧୬ ହଲ୍ଲଙ୍ଗ୍ହେତେ ମିଦକେତାଃ ପାର୍ମେଶ୍ୱାର୍ ନାଙ୍ଗ୍ ପାବିତାର୍କାନରେଦ, ପୁରା ହଲ୍ଲଙ୍ଗ୍ ପାବିତାର୍କାନା ମେନ୍ତେ ଆଟ୍ଟକାର୍ଡରୁମ୍ ଲାଗାଡ଼ିଙ୍ଗ୍ୟାଃ । ମିଆଁଦ୍ ଦାରୁରେୟାଃ ରେହେଦ୍ ପାବିତାର୍କାନରେଦ, ଏନାରେୟାଃ କତକ ହଗି ପାବିତାର୍କାନା ମେନ୍ତେ ଆଟ୍ଟକାର୍ଡରୁମ୍ ଲାଗାଡ଼ିଙ୍ଗ୍ୟାଃ । ୧୭ ବାଖ୍ଡିରେ ଯାତାନ୍ ଇଦିତାନ୍ ମିଆଁଦ୍ ଜାଇତୁନ୍ ଦାରୁରାଃ ଚିମିନ୍ କତକକେ ମାଆଃକେଦ୍ତେ ଏନ୍ତାଃରେ ବିର୍ରେୟାଃ ଜାଲ୍ପାଇ ଦାରୁରାଃ କତକକେ କାଲ୍ମିକାନା । ନାହାଁଃ, ଏନା ଜାଲ୍ପାଇ ଦାରୁରାଃ ବୁଟାରେୟାଃ ହିସା ହବାକାନା । ଏନ୍ଲେକାଗି, ସାଅଁସାର୍ ହତକ ଏନ୍ ବିର୍ ଜାଲ୍ପାଇ ଦାରୁ ଲେକାନକ ତାନ୍କ । ଆପେ ସବେନ୍କ ନାହାଁଃ ଯିହୁଦୀ ହତକଥାଃ କେଟେଦ୍ ଆମ୍ଭିକ୍ ଜୀଦାନ୍ରେୟାଃ ହିସାପେ ହବାକାନା ୧୮ ଏନାମେନ୍ତେ, ଆପେ ମାଆଃକାନ୍ କତକକେ ଆଲପେ ଗେନା ଆତମେୟାଁ । ଆପେ ଚିନାଃ ମେନ୍ତେ ଆପାନ୍କେ ମାରାଙ୍ଗ୍ ମେନ୍ତେପେ କାଜିନ୍ତାନା ? ଆପେଦ କତକ ଏସକାର୍ ତାନ୍ପେ, ଦାରୁରେୟାଃ ରେହେଦ୍କେ ଆପେ କାପେ ଦେଙ୍ଗା ତାନା, ମେନ୍ଦ୍ ରେହେଦ୍ ଆପେକେ ହାରାଇଦିୟାଃରେ ଦେଙ୍ଗାପେ ତାନା ।

୧୯ ଏନାମେନ୍ତେ ଆପେ କାଜିୟାପେ, “ହେଗି, ମେନ୍ଦ୍ ଆଇଙ୍ଗ୍କେ ଠାୟାଦ୍ ଏମ୍ ନାଗେନ୍ତେଗି ଏନ୍ କତକକେ ମାଆଃ ଆତମ୍ବକାନ୍ ତାଇକେନା ।” ୨୦ ଏନା ସାର୍ଡିଗି ତାନାଃ, ଇନ୍କୁ କା ବିଶ୍ୱାସ୍କେଦ୍ ହରାତେ ଆତମ୍ବୟାନାକ । ଆପେ ବିଶ୍ୱାସ୍ ହରାତେ ଏସକାର୍ ଏନ୍ ଠାୟାଦ୍ ଆକ୍ତେୟାର୍ କାଦାପେ । ମେନ୍ଦ୍ ଆପାନ୍କେ ମାରାଙ୍ଗ୍ ମେନ୍ତେ କା କାଜିକେଦ୍ତେ ବରୟେପେ । ୨୧ ପାର୍ମେଶ୍ୱାର୍ କା ବିଶ୍ୱାସ୍ତାନ୍ ଯିହୁଦୀ ହତକକେୟା କାଏ ବାଚାଅକେଦ୍କଥା, ଅକନ୍କଟି ଦାରୁରେନ୍ କତକ ଲେକା ତାନ୍କୁ, ତାବ୍ଦ୍ ଆପେ କା ବିଶ୍ୱାସ୍ତାନ୍କକେ ଚିନାଃ ଇନିଃ ବାଚାଅପେୟାଏ ? ୨୨ ପାର୍ମେଶ୍ୱାର୍ଥାଃ ଚିଲ୍ଲକା ଦାୟାନିଃ ଆତଃ କେଟେଦ୍ନିଃ ତାନିଃ ଏନାବୁ ନେଲେୟା । ଅକନ୍କ ଉୟୁଗାକାନା ଇନ୍କୁ ନାଗେନ୍ତେ ଇନିଃ କେଟେଦ୍ନିଃ ତାନିଃ, ମେନ୍ଦ୍ ଅକନ୍କ ଇନିୟାଃ ଦାୟାରେ ଆସ୍ତାଏତାନ୍ ମେନାକଥା ଇନ୍କୁ ନାଗେନ୍ତେ ଇନିୟାଃ ସାୟାଦ୍ ପୁରାଃଗି ମେନାଃ ଆତଃ ଇନିୟାଃ ଦାୟାକେ ବାଗିରେଦ ଆପେ ହଗି ଇନିଃତାଃଏତେ ବିନ୍ଗାଅକାନାପେ । ୨୩ ମେନ୍ଦ୍ ଯିହୁଦୀ ହତକ ଆକଥାଃ କା ବିଶ୍ୱାସ୍ତାନ୍ତେୟାଃକେ ସାଙ୍ଗିନେ ରେଦକ, ଇନ୍କୁ ଆକଥାଃ ଆପ୍ନାଃ ଠାୟାଦ୍ରେ ଆତଃଟିସାକ ଡିଙ୍ଗୁନାଃ । ନେଆଁ ରିକାନାଗେନ୍ତେ ପାର୍ମେଶ୍ୱାର୍ ପେଡ୍ଡେୟାନ୍ନିଃ ତାନିଃ । ୨୪ ସାଅଁସାର୍ ହତକ ବିର୍ରେୟାଃ ଜାଇତୁନ୍ ଦାରୁରେନ୍ କତକ ଲେକାଃକ । ଏନାକେ ମାଆଃ କେଦ୍ତେ ବାଖ୍ଡିରେ ରୟାକାନ୍ ଜାଲ୍ପାଇ ଦାରୁଲ୍ଲଃ ଜଡ୍ଡେନ୍କେଦ୍ତେ କାଲ୍ମିକାନା । ଯିହୁଦୀ ହତକ ବାଖ୍ଡିରେ ରୟାକାନ୍ ଜାଲ୍ପାଇ ଦାରୁ ଲେକାଃକ । ନେ ଦାରୁରେୟାଃ ମାଆଃକାନ୍ କତକକେ ଆତଃଟିସା ଦାରୁଲ୍ଲଃ ଜଡ୍ଡେନ୍କେଦ୍ତେ କାଲ୍ମି ନାଙ୍ଗ୍ ପାର୍ମେଶ୍ୱାର୍କେ ପୁରାଃ ସାହାଜ୍ଗିଆ ।

ସବେନ୍କ ନାଗେନ୍ତେ ପାର୍ମେଶ୍ୱାର୍ଥାଃ ଲିନିବୁଇ

୨୫ ହେ ହାଗା ମିଶିକ, ଆଇଙ୍ଗ୍ ମିଆଁଦ୍ ଉକୁଆକାନ୍ ସାର୍ଡି କାଜିକେ ଆପେତାଃରେଇଙ୍ଗ୍ ଉଦୁବ୍ତାନା । ଏନା ଆୟୁମ୍ବକେଦ୍ତେ ଆପେ ଆପାନ୍କେ ଆତଃ ସେଣ୍ଡିନ୍ ମେନ୍ତେ କାପେ ଆଟ୍ଟକାରେୟା, ଇସ୍ତାଏଲ୍ ହତକଥାଃ କା ମାନାଡ଼ିଙ୍ଗ୍ତେୟାଃ ଟୁଣ୍ଡୁ ଜାକେଦ୍ କା ତାଇନାଃ । ସାଅଁସାର୍ ହତକ ସବେନ୍କ ପାର୍ମେଶ୍ୱାର୍ତାଃତେ ହିଜୁଃ ଜାକେଦ୍ ଯିହୁଦୀ ହତକ ଏନ୍ଲେକାଗିକ ତାଇନା । ୨୬ ଆତଃ ନେ'ଲେକାତେ ଗଟା ଇସ୍ତାଏଲ୍ରେନ୍ ହତକ ଜୀଉବାଞ୍ଛାଅକ ନାମେୟା, ଚିୟାଃଟି ଧାରାମ୍ପୁଅରେ ନେ'ଲେକା ଅଲ୍ଲାନା,

“ସିୟୋନ୍ଏତେ ଜୀଉବାଞ୍ଛାଅ ଏମନିଃ ହିଜୁଃଆଏ,

ଆତଃ ଇନିଃ ଯାକୁବ୍ଥାଃ କିଲିକତାଃଏତେ ସବେନ୍ ଏଡ୍କାନ୍ତେୟାଃକଏ ସାଙ୍ଗିନେଆ ।

୨୭ ଆଇଙ୍ଗ୍ ଇନ୍କୁଥାଃ ପାପ୍କ ସାଙ୍ଗିନେ

ଇମ୍ତା ଇନ୍କୁଲ୍ଲଃ ନେ ରାଜିନାମାଃ ବାଇୟା ।”

୨୮ ଆପେୟାଃ ବୁଗିନାଃ ନାଗେନ୍ତେ ଯିହୁଦୀ ହତକ ସୁକୁକାଜିକେ ବାଗିକେଦ୍ତେ ପାର୍ମେଶ୍ୱାର୍ଥାଃ ବାଇରିକ ହବାକାନା । ମେନ୍ଦ୍ ପାର୍ମେଶ୍ୱାର୍ଥାଃ ହରାତେ ସାଲ୍ଲାୟାନ୍ଲ୍ଲଃ ଇନ୍କୁଥାଃ ପୁର୍ଖା ହାଡ଼ାମ୍ବକଥାଃ ହରାତେ ଇନ୍କୁ ପାର୍ମେଶ୍ୱାର୍ଥାଃ ଦୁଲ୍ଲାଡ଼୍ ଗାତିକ ହବାକାନା । ୨୯ ଚିଆଃଟି ପାର୍ମେଶ୍ୱାର୍ ଅକନ୍କକେ ସାଲ୍ଲାକାଦ୍କଥା ଆତଃ ଆଶିଷ୍କାଦ୍କଥା, ଇନ୍କୁକେ

ଆୟାଃ ଦାନ ଏମ୍ ନାଗେନ୍ତେ ମନ୍ରେ ଉହାଟ୍‌କାଦ୍‌ତେୟାଃ ଚିଉଲ୍‌ହ କା ବାଦ୍‌ଲାଅଃଆ । ୩୦ ସାଅଁସାର୍ ହଡ଼କ ସିଦା ପାର୍‌ମେଶ୍‌ବରାଆଃ କା ମାନାତିଙ୍ଗ୍ ହଡ଼କ ତାଇକେନା, ମେନ୍ଦ ନାହ୍‌ଠା ଯିହୁଦୀ ହଡ଼କଆଃ କା ମାନାତିଙ୍ଗ୍ ହରାତେ ସାଅଁସାର୍ ହଡ଼କ ପାର୍‌ମେଶ୍‌ବରାଆଃ ଦାୟାକ ନାମାକାଦା । ୩୧ ଚିୟାଃଟି ସାଅଁସାର୍ ହଡ଼କହରି ଦାୟାକ ନାମାକାଦା, ଯିହୁଦୀ ହଡ଼କ ପାର୍‌ମେଶ୍‌ବରାଆଃତେ ସାଙ୍ଗିନ୍‌କାନ୍‌ରେୟ, ମୁସିଙ୍ଗ୍ ହୁଲ୍‌ଲ୍‌ଙ୍ଗ୍ ଇନ୍‌କୁ ରୁହାଡ଼କେଦ୍‌ତେ ଦାୟାକ ନାମେୟା । ୩୨ ପାର୍‌ମେଶ୍‌ବର ସବେନ୍‌କକେ କାଜି କା ମାନାତିଙ୍ଗ୍ ନାଗେନ୍ତେ ବାରିୟାକାଦ୍‌କଆ, ଜେ'ଲେକାଟି ଇନିଃ ସବେନ୍‌କକେ ଦାୟାକଆ ।

ପାର୍‌ମେଶ୍‌ବରାଆଃ ମାନାରାଙ୍ଗ୍

୩୩ ପାର୍‌ମେଶ୍‌ବର ଚିମିନ୍ ପୁରାଃଟି ମାରାଙ୍ଗ୍ ତାନିଃ, ଇନିୟାଃ ବୁଞ୍ଚି ଆତଃ ସେଣ୍‌ରେୟାଃ ଚୁଣ୍ଟୁ କୁନଃଆ । ଅକଏ ଇନିୟାଃ ବିଚାରକେ ଆଟ୍‌କାର୍‌ଉରୁମ୍ ଦାଡ଼ିୟା ? ଅକଏ ଇନିୟାଃ ହରାକେ ଆଟ୍‌କାର୍‌ଉରୁମ୍ ଦାଡ଼ିୟା ? ୩୪ ଧାରାମ୍‌ପୁଅରେ ଅଲ୍‌କାନା,

“ଅକଏ ପାର୍‌ମେଶ୍‌ବରାଆଃ ମନ୍‌କେ ସାରିଦାଡ଼ିୟା ?

ଅକଏ ଇନିଃକେ ଇତୁ ଏମ୍‌ଦାଡ଼ିୟା ?”

୩୫ ଅକଏ ଚିନାଃ ପାର୍‌ମେଶ୍‌ବରକେ ଜେଡ଼ନାଃ ଏମ୍ ଦାଡ଼ିକିୟାଏ ଯେ,

ପାର୍‌ମେଶ୍‌ବରକେ ଏନାରେୟାଃ ବାଦ୍‌ଲାରେ ଏମ୍ ଲାଗାତିଙ୍ଗ୍ ହବାଅଃତାନା ?

୩୬ ☆ସବେନ୍ ବିଷାଏ ପାର୍‌ମେଶ୍‌ବରତେ ବାଇୟାକାନା, ସବେନାଃ ଇନିୟାଃ ହରାତେ ଆତଃ ଇନିଃ ମାନାରାଙ୍ଗ୍ ନାଗେନ୍ତେ ହବାକାନା । ଜାନାଅ ଜାନାଅ ପାର୍‌ମେଶ୍‌ବରାଆଃ ମାନାରାଙ୍ଗ୍ ହବାଅଃକା । ଆମେନ୍ ।

୧୨

ପାର୍‌ମେଶ୍‌ବରକେ ସେଞ୍ଜାରେୟାଃ ଜୀଦାନ୍

୧ ଏନାମେନ୍ତେ, ହେ ହାଗା ମିଶିକ, ଆବୁ ନାଗେନ୍ତେ ପାର୍‌ମେଶ୍‌ବରାଆଃ ପୁରାଃ ଲିନିବୁଞ୍ଚ ହବାକାନ୍ ହରାତେ, ଆଇଙ୍ଗ୍ ଆପେକେଇଙ୍ଗ୍ ବିକ୍ତିପେ ତାନା, ପାର୍‌ମେଶ୍‌ବରାଆଃତେ ଆପେ ଆପ୍‌ନାଃ ହଡ଼କେ ପାବିତାର୍ ଜାନିଦ୍ ଦାଣ୍‌ ଲେକା ରାକାବେପେ । ଇନିୟାଃ ସେଞ୍ଜାରେ ଆପାନ୍‌କେ ଜିମାକେଦ୍‌ତେ ଇନିୟାଃ ସୁକୁଇଚିୟାଃ ଲେକା ହବାଅଃପେ । ଏନାଟି ପାର୍‌ମେଶ୍‌ବରାଆଃ ସାର୍‌ଚି ସେଞ୍ଜା ତାନା । ୨ ନେ ଅତେଦିଶ୍‌ମ୍‌ରେ ଆପେ ନେ ପାରିୟାରେନ୍ ହଡ଼କ ଲେକା ଆଲ୍‌ପେ ହବାଅଃଆ । ପାର୍‌ମେଶ୍‌ବର ଆପେୟାଃ ମନ୍‌କେ ବାଦ୍‌ଲାଅକେଦ୍‌ତେ ପୁରାଟି ଆପେୟାଃ ମନ୍‌ଜିତାର୍‌ରେୟାଃ ଉଡ଼ୁକ ନାଞ୍ଜାଲେକା ହବାଅଃକା । ଏନାରେ, ପାର୍‌ମେଶ୍‌ବରାଆଃ ଇଛାସାନାଙ୍ଗ୍ ଚିନାଃ ତାନାଃ, ଆୟାଃ ଆୟାର୍‌ରେ ଅକ କାଜିକ ବୁଗିନାଃ ତାନାଃ, ଆଇଃକକେ ସୁକୁଆନ୍ ଆତଃ ପକ୍‌ତାଃଅତେୟାଃ ତାନାଃ, ଏନା ଆପେ ଆଟ୍‌କାର୍‌ଉରୁମ୍ ଦାଡ଼ିୟାଃପେ ।

୩ ପାର୍‌ମେଶ୍‌ବର ଆଇଙ୍ଗ୍‌କେ ବିଶେଷ୍ ସାୟାଦ୍ ଏମାକାଦିଙ୍ଗ୍ ହରାତେ ଆପେ ସବେନ୍‌କକେଇଙ୍ଗ୍ କାଜିପେତାନା, ଆପେ ଆପାନାଃ ବିଷାଏରେ ଜେ'ଲେକା ଉଡ଼ୁ ଲାଗାତିଙ୍ଗ୍‌ୟାଃ ଏନାଏତେ ପୁରାଃ ଆଦ୍‌କା ମାରାଙ୍ଗ୍ ଲେକା ଆଲ୍‌ପେ ଆଟ୍‌କାରେନ୍‌କା, ମେନ୍ଦ ପାର୍‌ମେଶ୍‌ବର ଆପେକେ ଏମାକାଦ୍‌ପେ ବିଶ୍ୱାସ୍ ଲେକାଟି ଆପ୍‌ନାଃ ବିଚାର୍ ରିକାଏପେ । ୪ ☆ଆବୁଆଃ ହଡ଼କରେ ପୁରାଃଟି ହିସାକ ମେନାଃ ଆତଃ ସବେନାଃରେୟାଃ କାମିକ ମିଦ୍‌ରାକାମ୍‌ଗି ବାନଃଆ ।

୫ ଏନ୍‌ଲେକାଟି ଆବୁ ପୁରାଃଟି ମେନାବୁଆ, ମେନ୍ଦ ସବେନ୍‌କ ଖ୍ରୀଷ୍ଟଲଃ ମେସାକାନ୍ ହରାତେ, ଆବୁ ମିଆଁଦ୍ ହଡ଼କ ତାନବୁ ଆତଃ ହଡ଼କରେ ସବେନ୍ ହିସା ମେନାଃ ଲେକାଟି ମିହୁଡ଼୍ ଆତଃମିହୁଡ଼୍‌ଲଃ ଜଡେନ୍‌କାନାବୁ । ୬ ☆ଏନାମେନ୍ତେ ଆବୁ ନାଙ୍ଗ୍ ପାର୍‌ମେଶ୍‌ବରାଆଃ ସାୟାଦ୍ ଲେକାତେ ଆୟାଃତାଃଏତେ ନାମାକାଦ୍ ଏଟାଃ ଏଟାଃ ଦାନ୍‌କକେ ଆବୁକେ ବୁଗିଲେକା ବେଭାର୍ ଲାଗାତିଙ୍ଗ୍‌ୟାଃ । ଆବୁ ପାର୍‌ମେଶ୍‌ବରାଆଃ ବାରାନ୍‌କେ ଉଦୁବ୍ ନାଗେନ୍ତେ ବାର୍‌ଦାନ୍‌ବୁ ନାମାକାଦ୍‌ରେଦ୍, ଆବୁଆଃ ପକ୍‌ତା ବିଶ୍ୱାସ୍ ହରାତେ ଏନ୍ କାମିକେ ରିକା ଲାଗାତିଙ୍ଗ୍‌ୟାଃ । ୭ ସେଞ୍ଜା ନାଗେନ୍ତେ ଏନ୍ ବାର୍‌ଦାନ୍‌ବୁ ନାମାକାଦ୍‌ରେଦ୍, ଆବୁକେ ସେଞ୍ଜା ଲାଗାତିଙ୍ଗ୍‌ୟାଃ; ଇନିତୁ ଏମ୍ ନାଗେନ୍ତେ ବାର୍‌ଦାନ୍‌ବୁ ନାମାକାଦ୍‌ରେଦ୍, ଇନିତୁ ଏମ୍ ଲାଗାତିଙ୍ଗ୍‌ୟାଃ; ୮ ଜେତାଏ ଏଟାଃକକେ ଜୀଉରାତେଃ ଏମରେୟାଃ ବାର୍‌ଦାନ୍ ନାମାକାଦ୍‌ରେଦ୍, ଏନା ଇନିଃକେ ରିକା ଲାଗାତିଙ୍ଗ୍‌ୟାଃ; ଦାନ୍ ଏମ୍ ନାଗେନ୍ତେ ବାର୍‌ଦାନ୍ ନାମାକାଦ୍ ହଡ଼ ଲେବେଃ ମନ୍‌ତେ ଦାନ୍ ଏମେକାଏ । ଏଟାଃନିୟାଃ କାମିରେ ଯାତାନ୍ ଇଦିରେୟାଃ ଆକ୍‌ତେୟାର୍ ନାମାକାଦ୍‌ରେଦ୍, ଆଇଃକକେଟି କେଟେଦ୍ କାମି ରିକା ଲାଗାତିଙ୍ଗ୍‌ୟାଃ; ଦାୟା ରିକାତାନ୍ ହଡ଼ ରାସ୍‌କାତେ ଦାୟା ରିକାଏକାଏ ।

୯ ଦୁଲ୍‌ଡ଼୍ ସାର୍‌ଚି ହବାଅଃ ଲାଗାତିଙ୍ଗ୍‌ୟାଃ । ଏଡ଼କାନାଃତେୟାଃକେ ହିଲ୍‌ଙ୍ଗ୍‌ୟେ, ବୁଗିନ୍‌ତେୟାଃକେ ସାବେପେ ।

୧୦ ଖ୍ରୀଷ୍ଟ ବିଶ୍ୱାସୀ ହାଗା ମିଶିକ ଲେକା ମିହୁଡ଼୍ ଆତଃମିହୁଡ଼୍‌କେ ଦୁଲ୍‌ଡ଼ିପେ ଆତଃ ମିହୁଡ଼୍ ଆତଃମିହୁଡ଼୍‌କେ ମାଇନିପେ । ୧୧ କେଟେଦ୍ କାମି କାମିପେ ଆଲ୍‌ପେ ଢିଲ୍‌ଅଃଆ ଆତଃ ମନ୍‌ସୁରୁଦ୍‌ରେ ପୁରାଃ ଭାକ୍ତିତେ ପ୍ରାଭୁକେ ସେଞ୍ଜାକପେ ।

୧୨ ପୁରାଃ ଆସ୍ରାଏତାନ୍‌ଲଃ ରାସ୍‌କାରେ ତାଇନ୍‌ପେ । ଦୁକୁହାସୁ ଇମ୍‌ତା ଧିରାଜ୍ ସାବ୍‌କେଦ୍‌ତେ ତାଇନ୍‌ପେ ଆତଃ ସବେନ୍

☆ ୧୧:୩୬ ୧୧:୩୭ ୧ କରିନ୍ତିୟ ୮:୬. ☆ ୧୨:୪ ୧୨:୪ ୧ କରିନ୍ତିୟ ୧୨:୧୨. ☆ ୧୨:୬ ୧୨:୬ ୧ କରିନ୍ତିୟ ୧୨:୪-୧୧.

ଇମତା ବିକ୍ରିରେ ତାଙ୍କୁ ଦେ । ୧୩ ପାରମେଶ୍ଵରୀୟ ହୃଦୟ ଜାଣିଅଣ୍ଟାନ୍ ଇମତା ହାନାଟିଙ୍ଗ୍ ରିକାଏପେ ଆତଃ ଆପେ ଅତୀତେ ହିନ୍ଦୁତାନ୍ କା ନେଲ୍‌ଡରୁମ୍ ହୃଦୟକେ ପେଡାକନାଙ୍ଗ୍ ସେକାଡାକାନ୍‌ପେ ।

୧୪ ✨ଆପେକେ ଅକନ୍ ହୃଦୟ ସିରିଦ୍‌ପେୟାକ, ଇନ୍‌କୁଆଃ ଆଣିଷ୍ଟ ନାମଃ ନାଗେନ୍ତେ ପାରମେଶ୍ଵରୀୟତାରେ ବିକ୍ରିପେ । ଇନ୍‌କୁକେ ଆଣିଷ୍ଟକପେ, ଆଲ୍‌ପେ ସାର୍‌ପାଅକଆ । ୧୫ ରାସ୍‌କାରେ ତାଙ୍କୁତାନ୍ ହୃଦୟକଲଃ ରାସ୍‌କାଅପେ, ଆତଃ ରାଆଃଏତାନ୍ ହୃଦୟକଲଃ ରାଆଃଏପେ । ୧୬ ଆପେ ସବେନ୍‌କଲଃ ମିଦ୍ ମନ୍‌ଡେଗି ତାଙ୍କୁଦେ, ଆପେ ଆପାନ୍‌କେ ମାରାଙ୍ଗ୍ ମେନ୍ତେ ଆଲ୍‌ପେ କାଜିନ୍, ଆମ୍‌କରେ ଆତଃ ସାଂସାର୍‌ରେୟାଃ ସବେନ୍ ଲେକାନ୍ ନାରାଦୁରାରେ ତାଙ୍କୁତାନ୍ ହୃଦୟକଲଃ ଗାତିରେ ତାଙ୍କୁଦେ । ଆପାନ୍‌କେ ସେଣ୍‌ନ୍ ମେନ୍ତେ ଆଲ୍‌ପେ କାଜିନ୍ ।

୧୭ ଏଡକାନ୍ ବାଦ୍‌ଲରେ ଏଡକାନ୍ କାମି ଆଲ୍‌ପେ ରିକାଏୟା; ସବେନ୍ ହୃଦୟକଆ ଆୟାର୍‌ରେ ଅକ୍‌ନାଃ ବୁଗିନାଃ ତାନାଃ ଏନାଗି ରିକାଏପେ । ୧୮ ଆପେ ସବେନ୍ ହୃଦୟକଲଃ ସୁକୁରେ ତାଙ୍କୁନଃ ନାଗେନ୍ତେ ହବାସାକାଅଃ ଲେକା ସବେନାଃ ରିକାଏପେ । ୧୯ ହେ ଦୁଲ୍‌ଡକ, ଆପେ ଆପେଗି ଜେତାଏୟାଃ ବାଦ୍‌ଲ ଆଲ୍‌ପେ ଇଦିୟା, ମେନ୍‌ଦ ପାରମେଶ୍ଵରୀୟ ଖୁସ୍‌ରେ ସାଜାଇ ହବାଅଃ ନାଗେନ୍ତେ ଇନିଃକେ ବାଗି ତାଙ୍କୁପେ । ଚିୟାଟି ଧାରାମ୍‌ପୁଅରେ ଅଲ୍‌କାନା, “ପ୍ରାଭୁ କାଜିତାନାଏ, ସାଜାଇ ଏମ୍‌ଡେୟାଃ ଆଇୟାଃ କାମିତାନାଃ, ଆଇଙ୍ଗ୍ ଆୟାଃ କାମି ଲେକାଗି ନାଲାଇଙ୍ଗ୍ ଏମାଇୟା ।” ୨୦ ଆତଃଗି “ଆପେୟାଃ ବାଇରି ରେଙ୍ଗେତାନ୍‌ରେଦ ଜନମାଃ ଏମାଇପେ, ଇନିଃ ତେତାଙ୍ଗ୍‌ତାନ୍‌ରେଦ ନୁଏ ନାଙ୍ଗ୍ ଦାଆଃ ଏମାଇପେ; ନେ'ଲେକା ରିକାଇ ରେଦ ଇନିଃ ଗିହୁଗଃଆଏ ।” ୨୧ ଏଡକାନ୍ ହରାତେ ଆଲ୍‌ପେ ହାରାଅଆ, ସବେନ୍ ଏଡକାନ୍ କାଜିକେ ବୁଗିନ୍ କାମିତେ ଜିତାଏପେ ।

୧୩

ରାଇଜ୍ ଚାଲାଅତାନ୍‌କଆଃ କାଜି ମାନାତିଙ୍ଗ୍‌ପେ

୧ ସବେନ୍‌କକେ ରାଇଜ୍ ଚାଲାଅତାନ୍‌କଆଃ କାଜି ମାନାତିଙ୍ଗ୍ ଲାଗାତିଙ୍ଗ୍‌ୟାଃ, ଚିୟାଟି ପାରମେଶ୍ଵରୀୟ ବେଗାର୍ ଆତୁତେ ଜେତାଏ ରାଇଜେ ନାଗେନ୍ତେ ଆକ୍‌ଡେୟାର୍ କାଏ ନାମେୟା, ଆତଃ ଆକ୍‌ଡେୟାର୍ ନାମାକାଦ୍ ହୃଦୟ ପାରମେଶ୍ଵରୀୟ ହରାତେ ନାମାକାଦାକ । ୨ ଏନାମେନ୍ତେ ଜେତାଏ ଆକ୍‌ଡେୟାର୍ ନାମାକାଦ୍ ହୃଦୟକେ କାଏ ମାଇନାଃ, ଇନିଃ ପାରମେଶ୍ଵରୀୟ ଠାହାରାଅକାଦ୍ ଆନ୍‌ରୁକେ କାଏ ମାନାତିଙ୍ଗ୍ ତାନା । ନେ'ଲେକା ରିକାଏତାନ୍ ହୃଦୟ ଆଇଃକ୍‌ଗି ସାଜାଇ ଆଉଝେୟାଏ । ୩ ଅକ ହୃଦୟ ବୁଗିନ୍ କାମି ରିକାଃକ, ଇନ୍‌କୁ ଆକ୍‌ଡେୟାର୍ ନାମାକାଦ୍‌କକେ ଆତଃ ଆକଆଃ ହାକିମ୍‌କକେ ବର କା ଲାଗାତିଙ୍ଗ୍‌ୟାଃ, ମେନ୍‌ଦ ଏଡକାନ୍ କାମିତାନ୍ ହୃଦୟକେ ବର ଲାଗାତିଙ୍ଗ୍‌ୟାଃ । ବେଗାର୍ ବରତେ ତାଙ୍କୁ ସାନାଙ୍ଗ୍‌ତାନ୍ ରେଦପେ ହାକିମ୍‌କଆଃ ଆୟାର୍‌ରେ ବୁଗିନ୍ କାମିକ ରିକାଏପେ । ଏନ୍‌ରେଦ ଇନ୍‌କୁ ଆପେକେ ମାଇନ୍‌ପେୟାକ । ୪ ଚିୟାଟି ଇନ୍‌କୁ ଆପେୟାଃ ବୁଗିନ୍ କାମି ରିକାଏ ନାଗେନ୍ତେ ପାରମେଶ୍ଵରୀୟ ସାଲ୍‌କାନ୍ ଦାସିତାନ୍‌କ । ମେନ୍‌ଦ ଆପେ ଏଡକାନ୍ କାମି ରିକାଏ ରେଦ ଇନ୍‌କୁକେ ବରକୁପେ, ଚିୟାଟି ସାଜାଇ ଏମ୍ ନାଗେନ୍ତେ ଇନ୍‌କୁଆଃ ପେଡେଃ ମେନାଃ । ଏଡକାନ୍ କାମିତାନ୍ ହୃଦୟକେ ସାଜାଇ ଏମ୍ ନାଗେନ୍ତେ ଇନ୍‌କୁ ପାରମେଶ୍ଵରୀୟ ହୁକୁମ୍‌କ ମାନାତିଙ୍ଗ୍‌ୟାଃ । ୫ ଏନାମେନ୍ତେ ଆପେକେ ରାଇଜ୍ ଚାଲାଅତାନ୍‌କଆଃ କାଜି ମାନାତିଙ୍ଗ୍ ଲାଗାତିଙ୍ଗ୍‌ୟାଃ, ପାରମେଶ୍ଵରୀୟ ସାଜାଇ ନାମେରେୟାଃ ବରତେ କାହାଗି, ମେନ୍‌ଦ ଆପ୍‌ନାଃ ବିବେକ୍‌ରେ ନେଆଁ ବୁଗିନାଃ ତାନାଃ ମେନ୍ତେ ସାରିତାନ୍ ହରାତେ ଆପେକେ ରିକା ଲାଗାତିଙ୍ଗ୍‌ୟାଃ ।

୬ ✨ଏନାମେନ୍ତେ ଆପେ କାର୍‌ହ୍ ଏମ୍‌ତାନାପେ, ଚିୟାଟି ରାଇଜ୍ ଚାଲାଅତାନ୍‌କ ଆକଆଃ ପୁରା କାମି କାମିତାନ୍ ଇମତା ପାରମେଶ୍ଵରୀୟ ଦାସିକ ଲେକା କାମିତାନାକ । ୭ ଏନାମେନ୍ତେ ଇନ୍‌କୁଆଃ ଲାଗାତିଙ୍ଗ୍‌ଡେୟାଃକ ଏମାକପେ, ଅକ୍‌ନାଃ କାର୍ ଏମ୍ ଲାଗାତିଙ୍ଗ୍‌ୟାଃ ଏନା ସବେନାଃ ଏମାକପେ, ବର ଲାଗାତିଙ୍ଗ୍‌ରେ ବରକପେ ଆତଃ ସୁସାର୍ ଲାଗାତିଙ୍ଗ୍‌ରେ ସୁସାର୍‌କପେ ।

ମିହୁଡ୍ ଆତଃମିହୁଡ୍‌ଲଃ ଦୁପୁଲ୍‌ଡ

୮ ମିହୁଡ୍ ଆତଃମିହୁଡ୍‌କେ ଦୁଲ୍‌ଡ ବାଗିକେଦ୍‌ଡେ ଆତଃ ଏଟାଃ ଜେତାନ୍ ବିଷାଏରେ ଜେତାଏୟାଃ ଆଲ୍‌ପେ ରିଶାନାଃ । ଜେତାଏ ଏଟାଃନିଃକେ ଦୁଲ୍‌ଡାଃଏ ଇନିଃ ଆନ୍‌ରୁକେ ମାନାତିଙ୍ଗ୍‌କାଦା । ୯ “ଆଲ୍‌ପେ ଆପାଙ୍ଗିରାଃ, ହୃଦୟ ଆଲ୍‌ପେ ଗଗଏୟାଃ, ଆଲ୍‌ପେ କୁମ୍‌ଡୁଆଃ, ଏଟାଃନିଆଃ ଜିନିଷ୍ଟକେ ଆଲ୍‌ପେ ହାୟାଅଆ,” ନେ'ଲେକାନ୍ ସବେନ୍ ଆନ୍‌ରୁ ମିଆଁଦ୍ ଆନ୍‌ରୁରେ ମେସାକାନା, “ଆମାଃ ହପ୍‌ରଜାପାଃରେନିଃକେ ଆପାନାଃ ଲେକା ଦୁଲ୍‌ଡିମେ ।” ୧୦ ଆମ୍ ମିହୁଡ୍‌କେ ଦୁଲ୍‌ଡିତାନ୍ ରେଦ, ଇନିୟାଃ ଏଡକାନାଃ ଚିତ୍‌ଲାଇ ଆଲ୍‌ମ୍ ରିକାଏୟା, ଏନାତେ ଦୁଲ୍‌ଡଡେଗି ସବେନ୍ ଆନ୍‌ରୁ ପୁରାଅଣ୍ଟାନା ।

୧୧ ନାହାଃ ଆପେ ନେ ସବେନାଃକେ ରିକା ଲାଗାତିଙ୍ଗ୍‌ୟାଃ, ଚିୟାଟି ଦୁଡ୍‌ମୁଏତେ ଏୟନଃରାଃ ଦିପିଲି ସେଟେରାକାନା । ଆବୁଆଃ ବିଶ୍ଵାସ୍ ହବାୟାନ୍ ହୁଲ୍‌ଲ୍‌ଡାଃଏତେ ନାହାଃ ଜାଉବାଆଅ ନାମେରେୟାଃ ଦିପିଲି ପୁରାଟି ନାଡେଜାକାନା । ୧୨ ନୁବାଃ ସେନଃୟାନ୍‌ଗିୟା, ମାର୍‌ସାଲ୍ ହିନ୍ଦୁଃ ସେଟେରଃତାନା । ଏଲା, ନୁବାଃରେୟାଃ ଏଡକାନ୍ କାମିକ ବାଗିକେଦ୍‌ଡେ

✨ ୧୨:୧୪ ୧୨:୧୪ ମାଥୁଢ ୫:୪୪; ଲୁକ ୬:୨୮. ✨ ୧୩:୬ ୧୩:୬ ମାଥୁଢ ୨୨:୨୧; ମାର୍କ ୧୨:୧୭; ଲୁକ ୨୦:୨୫.

ମାସ୍କାଲରେ ହବାଅଃତାନ ବୁଗିନ୍ କାମି ରିକା ନାଗେନ୍ତେ ସେକାଡାକାନଗିବୁ ତାଇନାଃ । ୧୩ ଦିଶୁମ୍ରେୟାଃ ରିନ୍ରାଙ୍ଗ୍ ଆତଃ ଇଲିଆରଖ୍ରେ ବୁଲଃତାନ, ହଡ଼ମ୍ରେୟାଃ ଏଡ଼କାନ୍ ସାନାଙ୍ଗ୍ ଚାଏ ଏଡ଼କାନ୍ ଚାଇଲ୍ ଚାଇଲ୍, ଲାପାଡ଼ାଇ ଆତଃ ହିସ୍ତାରେ କା ତାଇନକେଦ୍ତେ ଏଲା, ଆବୁ ବୁଗିନ୍ ଆତଃ ମାର୍ସାଲ୍ରେନ୍ ହଡ଼କ ଲେକା ବୁଗିନ୍ ଚାଇଲ୍ ଚାଇଲ୍ରେବୁ ତାଇନାଃ । ୧୪ ମେନ୍ଦ୍ ପ୍ରାଭୁ ଯୀଶୁ ଖ୍ରୀଷ୍ଟ୍ ଆଃ ଗୁନ୍ ଲେକା ଚାଇଲ୍ ଚାଇଲ୍ ରିକାଏପେ, ପାପ୍ ଆତଃ ହଡ଼ମ୍ରେୟାଃ ଏଡ଼କାନ୍ ସାନାଙ୍ଗ୍ରେ ପୁରାଏ ନାଗେନ୍ତେ ଆଲ୍ପେ ଉଡ଼ୁୟା ।

୧୪

ଏଟାଃନିଃକେ ଆଲ୍ପେ ବିଚାରାଃ

୧ ବିଶ୍ୱାସ୍ରେ ତାଇନତାନ ନାରାଦୁରାକକେ ଦାରମ୍ପକପେ, ମେନ୍ଦ୍ ଇନ୍କୁଆଃ ଆକଆଃ ଆପ୍ନାଃ ବିଶ୍ୱାସ୍ କାଜିରେ ଆଲ୍ପେ କାପ୍ଜିଆଃ । ୨ ଚିମିନ୍ ହଡ଼କ ସବେନାଃ ଜମ୍ରେୟାଃ ହବାଅଃଆ ମେନ୍ତେ ବିଶ୍ୱାସ୍ଆଃକ, ମେନ୍ଦ୍ ବିଶ୍ୱାସ୍ରେ ନାରାଦୁରା ହଡ଼ ଏସ୍କାର୍ ଆଡ଼ାଃସାକାମ୍ ଜଜମାଃଏ । ୩ ସବେନ୍ ଲେକାନ୍ ଜମ୍ରେୟାଃ ଜମ୍ତାନ ହଡ଼କ, ଆଡ଼ାଃସାକାମ୍ ଜମ୍ତାନ ହଡ଼କକେ ଆଲ୍କାକ ଲାନ୍ଦାକକା, ଆତଃ ଆଡ଼ାଃସାକାମ୍ ଜମ୍ତାନ ହଡ଼କ, ସବେନ୍ ଲେକାନ୍ ଜମ୍ରେୟାଃ ଜମ୍ତାନ ହଡ଼କକେ ଆଲ୍କାକ ବିଚାରକକା, ଚିଆଃଚି ପାର୍ମେଶ୍ୱାର୍ ଇନ୍କୁକେହଗି ଗ୍ରାହାଣ୍କାଦକଆ । ୪ ଏଟାଃନିୟାଃ ଦାସିକକେ ବିଚାର୍ ନାଗେନ୍ତେ ଆପେ ଅକଏ ତାନପେ ? ଇନ୍କୁ ବୁଗିନାଃ ରିକାକାଦାକ ଚାଏ ଏଡ଼କାନାଃ ରିକାକାଦାକ ଏନା ଆକଆଃ ଗୁସିୟାଃ ଏସ୍କାର୍ ବିଚାରେୟାଏ । ଇନ୍କୁ ଗ୍ରାହାଣ୍ଆକା ଚିଆଃଚି ପ୍ରାଭୁ ଇନ୍କୁକେ ଗ୍ରାହାଣ୍କାଦକଆ ।

୫ ଚିମିନ୍ ହଡ଼କ ଏଟାଃ ହୁଲାଙ୍ଗ୍ଏତେ ବିଶେଷ୍ ହୁଲାଙ୍ଗ୍ରେ ପୁରାଃଗିକ ମାଇନାଃ, ଆତଃ ଚିମିନ୍ ହଡ଼କ ସବେନ୍ ହୁଲାଙ୍ଗ୍ରେ ସାମାନ୍ଗିକ ମାଇନାଃ । ମେନ୍ଦ୍ ଆବୁ ଆପ୍ନାଃ ବିଶ୍ୱାସ୍ ଲେକାତେ ମନ୍ରେ ଉଡ଼ୁତାନଲଃ ତିଙ୍ଗ୍ରେଦେଗିବୁ ତାଇନାଃ । ୬ ଅକନ୍ ହଡ଼କ ମିଆଁଦ୍ ଦିନ୍କେ ବିଶେଷ୍ ଦିନ୍ ମେନ୍ତେ ଉଡ଼ୁତାନାକ, ଇନ୍କୁ ଏନାକେ ପ୍ରାଭୁଆଃ ମାଇନଃ ନାଗେନ୍ତେ ରିକାଏକାକ, ଆତଃ ଅକନ୍ ହଡ଼କ ସବେନ୍ ଲେକାନ୍ ଜମ୍ରେୟାଃ ଜମ୍ତାନାକ, ଇନ୍କୁ ପାର୍ମେଶ୍ୱାର୍ରେ ଧାନାବାଦ୍ ଏମ୍ତାନଲଃ ଜମ୍ରେକାକ, ଏନା ହରାତେ ପାର୍ମେଶ୍ୱାର୍ ମାଇନଃଆଏ । ଅକନ୍ ହଡ଼କ ସବେନ୍ ଲେକାନ୍ ଜମ୍ରେୟାଃ କାକ ଜମ୍ତାନା, ଇନ୍କୁ ପାର୍ମେଶ୍ୱାର୍ଆଃ ମାଇନଃ ନାଗେନ୍ତେ ରିକାଏକାକ ଆତଃ ପାର୍ମେଶ୍ୱାର୍ରେ ଧାନାବାଦ୍ ଏମାଇକାକ । ୭ ଆବୁକଏତେ ଜେତାଏ ଆପ୍ନାଃ ନାଗେନ୍ତେ କାଏ ବାଞ୍ଚାଅଃଆ ଚାଏ ଆପ୍ନାଃ ନାଗେନ୍ତେ ଏସ୍କାର୍ ଜୀଉ କାଏ ଏମେୟା । ୮ ଆବୁ ବାଞ୍ଚାଅଃତାନ ରେଦ୍ ପ୍ରାଭୁଆଃ ନାଗେନ୍ତେ ବାଞ୍ଚାଅଃତାନା, ଆତଃ ଜୀଉ ଏମ୍ତାନରେଦ୍ ପ୍ରାଭୁଆଃ ନାଗେନ୍ତେ ଜୀଉ ଏମ୍ତାନାବୁ । ଏନାମେନ୍ତେ ଜୀନିଦ୍ ଆତଃ ଗନଏଃରେ ଆବୁ ପ୍ରାଭୁଆଃତାନବୁ । ୯ ଚିୟାଃଚି ଖ୍ରୀଷ୍ଟ୍ ଗଏଃକେଦ୍ତେ ଜୀଉବିରିଦ୍ୟାନ୍ ହରାତେ ଜୀହୁଦଃତାନକଆଃ ଆତଃ ଗଜାକାନ୍କଆଃ ପ୍ରାଭୁ ହବାକାନାଏ । ୧୦ ଶତାଦ୍ ଆପେ ଚିନାଃ ନାଙ୍ଗ୍ ଆଡ଼ାଃସାକାମ୍ ଜମ୍ତାନ ହାଗାକକେ ବିଚାରକତାନାପେ ? ଆତଃ ସବେନ୍ ଲେକାନ୍ ଜମ୍ରେୟାଃ ଜମ୍ତାନ ବିଶ୍ୱାସାକକେ ଚିନାଃମେନ୍ତେପେ ହିଲାଙ୍ଗ୍ତାନା ? ଆବୁ ସବେନକକେ ପାର୍ମେଶ୍ୱାର୍ଆଃ ବିଚାର୍ ଠାୟାଦ୍ରେ ବିଚାର୍ ନାଗେନ୍ତେ ତିଙ୍ଗ୍ ନ୍ ଲାଗାତିଙ୍ଗ୍ୟାଃ । ୧୧ ଚିୟାଃଚି ଧାରାମ୍ପୁଥ୍ରେ ଅଲ୍କାନା,

“ପ୍ରାଭୁ କାଜିତାନାଏ, ଆଇଙ୍ଗ୍ଦ୍ ଜୀନିଦ୍ ପାର୍ମେଶ୍ୱାର୍ ତାନିଙ୍ଗ୍,

ସବେନକ ଆଇଁୟାଃ ଆୟାର୍ରେକ ଇକ୍ତୁମ୍ଆ,
ଆତଃ ଆଇଙ୍ଗ୍ ପାର୍ମେଶ୍ୱାର୍ ତାନିଙ୍ଗ୍ ମେନ୍ତେ ସବେନକ କାଜିୟା ।”

୧୨ ଆବୁ ସବେନକକେ ପାର୍ମେଶ୍ୱାର୍ଆଃ ଆୟାର୍ରେ ଆପ୍ନାଃ ହିସାବ୍ ଏମଃ ଲାଗାତିଙ୍ଗ୍ୟାଃ ।

ଜେତାଏୟାଃ ତହଦଃନିଃ ଆଲ୍ପେ ହବାଅଃଆ

୧୩ ଏନାତେ ମିହୁଡ୍ ଆତଃମିହୁଡ୍ଆଃ ବିଚାର୍ ଆଲ୍ପେ ରିକାଏୟା, ନେ'ଲେକାହଗି ଆଲ୍ପେ ରିକାଏ, ଅକ ହରାତେ ଚି ଏଟାଃମିହୁଡ୍ ହାଗା ତହଦକେଦ୍ତେ ପାପ୍ରେ ଉୟୁଗଃଆ । ୧୪ ଆଇଙ୍ଗ୍ ପ୍ରାଭୁ ଯୀଶୁଲଃ ମେନେସାରେ ତାଇନ୍ ହରାତେ ସାରିତାନାଇଙ୍ଗ୍ ଯେ, ସାର୍ତିଗି ଜେତାନ୍ ଜମ୍ରେୟାଃ ଆପାନ୍ତେଗି କା ସଡ଼ରାଅଃଆ, ମେନ୍ଦ୍ ଜେତାଏ ହଡ଼ ଜେତାନ୍ ଜମ୍ରେୟାଃକେ ସଡ଼ରାକାନା ମେନ୍ତେ ବିଶ୍ୱାସ୍ରେଦେ ଏନ୍ ଜମ୍ରେୟାଃ ଇନିୟାଃ ନାଗେନ୍ତେ ସଡ଼ରାଅଃଆ । ୧୫ ଆପେ ଜେତାନ୍ ଜମ୍ରେୟାଃ ଜମ୍ ହରାତେ ଆପେୟାଃ ହାଗା ଚାଏ ମିଶିଆଃ ମନ୍ରେ ଦୁକୁପେ ଏମାଇତାନରେଦ୍, ଆପେ ଦୁଲାଡ଼୍ତେ କାପେ ସେସେନତାନା । ଅକ ହାଗା ଚାଏ ମିଶି ନାଗେନ୍ତେ ଖ୍ରୀଷ୍ଟ୍ ଜୀଉ ଏମକେଦାଏ, ନେ ଜମ୍ରେୟାଃ ନାଗେନ୍ତେ ଇନିୟାଃ ଜିୟନଃ ଆଲ୍ପେ ରିକାଏୟା । ୧୬ ଆପେ ଅକନାଃକେ ବୁଗିନ୍ ମେନ୍ତେପେ ଆବ୍କାରେତାନା, ଏନ୍ ହରାତେ ଆପେୟାଃ ନୁଡୁମ୍ ଆଲ୍କା ଏଡ଼କାନଃକା । ୧୭ ଚିଆଃଚି ପାର୍ମେଶ୍ୱାର୍ଆଃ ରାଇଙ୍ଗ୍ଦ୍ ବିଶେଷ୍କେଦ୍ତେ ଜଜମ୍ ନୁଁ ନାହାଁଲାଃ, ମେନ୍ଦ୍ ଏନା ପାବିତାର୍ ଆମ୍ବାରାଃ ହରାତେ ଏମାକାନ୍ ଧାର୍ମାନ୍, ଜୀଉସୁକୁ ଆତଃ ରାସକାନ୍ତେୟାଃ ତାନାଃ । ୧୮ ଜେତାଏ ନେ'ଲେକା ଖ୍ରୀଷ୍ଟ୍ଆଃ ସେଝା ରିକାଏ, ଇନିଃ ପାର୍ମେଶ୍ୱାର୍ରେ ସୁକୁଇଟିୟା ଆତଃ ହଡ଼କଆଃ ଆୟାର୍ରେ ମାଇନ୍ ନାମେନିଃ ହବାଅଃଆଏ ।

☆ ୧୪:୧ ୧୪:୧ କଲସିୟ ୨:୧୭. ☆ ୧୪:୧୦ ୧୪:୧୦ ୨ କରିନ୍ଥ୍ରିୟ ୫:୧୦.

୧୯ ଏନାମେନ୍ତେ ହିନ୍ଦୁଃପେ, ଜୀଉସୁକୁ ଏମେତାନ୍ କାମିକକେ ଆବୁ କେଟେଜେ ନାଗେନ୍ତେବୁ କାମିୟା ଆତଃ ମିହୁଡ୍, ଆତଃମିହୁଡ୍‌କେ ଦେଙ୍ଗାତାନ୍ କାମିକବୁ କାମିୟା । ୨୦ ପାର୍‌ମେଶ୍‌ବାର୍ ଅକଆଃ ରିକାକାଦାଏ ଏନାକେ ଜଜମାଃ ହରାତେ ଆଲପେ ଜିୟନେଆ । ସବେନ୍ ଲେକାନ୍ ଜମେୟାଃ ଫାର୍‌ଟିଗିୟା ଆତଃ ଜମ୍ ଦାଡ୍‌ଅଃଆ, ମେନ୍‌ଦ ଜେତାନ୍ ଜମେୟାଃ ହରାତେ ଆପେ ଜେତାଏୟାଃ ନାଙ୍ଗ୍ ତହ୍‌ଦ୍‌ଇଟିୟାଃ ରେଦ୍ ଏନ୍ ଜମେୟାଃ ଆଲପେ ଜମେୟାଃ । ୨୧ ଆପେ ହାକୁ ଚାଏ ମାସ୍ ଜମ୍‌ରେ ଆତଃ ଇଲିଆରୁଶ୍‌ରେ ବୁଲଃ ହରାତେ ଆପେୟାଃ ହାଗା ଚାଏ ମିଶି ବିଶ୍ୱାସ୍‌ରେ ତହ୍‌ଦ୍‌ରେଦ୍, ଏନ୍ ସବେନାଃଏତେ ସାଙ୍ଗିନଃତେୟାଃ ବୁଗିନାଃ ତାନାଃ । ୨୨ ନେ ବିଷାଏରେ ଆପେୟାଃ ଆପ୍‌ନାଃ ବିଶ୍ୱାସ୍ ପାର୍‌ମେଶ୍‌ବାର୍ ଏସ୍‌କାର୍ ସାରିକାଏ । ଅକନ୍ ହଡ୍ ବୁଗିନାଃ ତାନାଃ ମେନ୍ତେ ଆର୍‌କାର୍‌ଉରୁମ୍‌ତାନ୍‌ଲଃ ଜେତାନ୍ କାମି କାମିୟାଏ, ଆତଃ ଏନା ନାଗେନ୍ତେ ତାୟମ୍‌ତେ ଆପାନ୍‌କେ କାଏ ଚିତାନ୍‌ନିଃ ସୁକୁତାନ୍‌ଗିଆଏ । ୨୩ ମେନ୍‌ଦ ଅକ ଜମେୟାଃ ଜମ୍ ନାଙ୍ଗ୍ ବୁଗିନାଃ ଚାଏ କା ବୁଗିନାଃ, ନେ କାଜି ମନ୍‌ରେ ଆଡ଼ାଃଉଡ୍‌ଝୁକେଦ୍‌ତେ ଜମେରେଦ୍, ଇନିଃ ପାର୍‌ମେଶ୍‌ବାର୍‌ଆଃ ଆୟାର୍‌ରେ ସାଜାଲ ନାମେୟାଏ, ଚିଆଃଟି ଏନା ଆୟାଃ ବିଶ୍ୱାସ୍ ଲେକାତେ ନାହାଁଲାଃ । ବିଶ୍ୱାସ୍ ଚେତାନ୍‌ରେ ଅକ୍‌ନାଃ କା ଠାହାରାଅକାନା ଏନା ପାପ୍ ତାନାଃ ।

୧୪

ଏଟାଃନିଃକେ ସୁକୁଇଟିପେ ଆପାନ୍‌କେଦ୍ କାହାଗି

୧ ଆବୁ ଆବୁଆଃ ବିଶ୍ୱାସ୍‌ରେ କେଟେୟାନ୍‌ଗି ମେନାବୁଆ, ଏନାତେ ଆବୁ ବିଶ୍ୱାସ୍‌ରେ ନାରାଦୁରା ମେନାକ ହଡ୍‌କକେ ଦେଙ୍ଗା ଲାଗାତିଙ୍ଗ୍‌ୟାଃ । ଆବୁ ଆପାନ୍‌କେ ଏସ୍‌କାର୍ ସୁକୁରେ ତାଇନଃ କା ଲାଗାତିଙ୍ଗ୍‌ୟାଃ । ୨ ମେନ୍‌ଦ ଆବୁ ଏଟାଃ ହଡ୍‌କଆଃ ବୁଗିନ୍ ନାଗେନ୍ତେ ଆତଃ ଇନ୍‌କୁଆଃ ବିଶ୍ୱାସ୍‌କେ କେଟେଜେ ନାଗେନ୍ତେ ଇନ୍‌କୁକେ ସୁକୁରେ ଦହ ଲାଗାତିଙ୍ଗ୍‌ୟାଃ । ୩ ଖ୍ରୀଷ୍ଟ୍ ଆୟାଃ ଆପ୍‌ନାଃ ସୁକୁ ନାଗେନ୍ତେ ଜେଡ୍‌ନାଃ କାଏ କାମି ତାଇକେନା, ମେନ୍‌ଦ ଧାରାମ୍‌ପୁଅ୍‌ରେ ଅଲ୍‌କାନା, “ଇନ୍‌କୁ ଆମ୍‌କେ ଲାନ୍‌କେଦ୍‌ମେୟାକ୍, ଏନା ଆଇଙ୍ଗ୍ ସାହାତିଙ୍ଗ୍‌ତାନା ।” ୪ ଧାରାମ୍‌ପୁଅ୍‌ରେୟାଃ ସବେନ୍ ଇନିତୁ ଆବୁଆଃ ବୁଗିନାଃ ନାଗେନ୍ତେ ତାନାଃ, ଆସ୍ତାରେ ତିଙ୍ଗ୍‌କେଟେୟାଃ ନାଗେନ୍ତେ ଧାରାମ୍‌ପୁଅ୍ ଆବୁକେ ଧୁରାଜ୍ ଆତଃ ଜୀଉରାଡ୍‌ଝେ ଏମାଃଏ । ୫ ଖ୍ରୀଷ୍ଟ୍ ଯୀଶୁଆଃ ନାମ୍‌ନାରେୟାଃ ଅତଙ୍ଗ୍‌ତାନ୍‌କ ହବାଅଃ ନାଗେନ୍ତେ ଆପେ ସବେନ୍‌କଆଃ ମନ୍ ଆତଃ ଉଡ୍‌ଝୁ, ଏନ୍ ଲେକାଗି ହବାଅଃ ନାଗେନ୍ତେ ଧୁରାଜ୍ ଆତଃ ଜୀଉରାଡ୍‌ଝେ ଏମାବୁତାନ୍ ପାର୍‌ମେଶ୍‌ବାର୍ ଆପେକେ ଦେଙ୍ଗାପେକାଏ । ୬ ଆପେ ସବେନ୍‌କ ମିସାତେ ମିଦ୍ ଲାବ୍‌ଜାଲଃ ଆପୁ ପାର୍‌ମେଶ୍‌ବାର୍ ଆତଃ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ମାନାରାଙ୍ଗ୍ ରିକାଏପେ ।

ଯିହୁଦୀ ହଡ୍‌କ ଆତଃ ସାଅଁସାର୍ ହଡ୍‌କ ନାଗେନ୍ତେ ସୁକୁକାଜି

୭ ଏନାମେନ୍ତେ ଖ୍ରୀଷ୍ଟ୍ ଜେ'ଲେକା ଆପେକେ ଦାରମ୍‌କାଦ୍‌ପେୟା, ପାର୍‌ମେଶ୍‌ବାର୍‌ଆଃ ମାଇନାନ୍ ନାଗେନ୍ତେ ଆପେୟ ଏନ୍ ଲେକାଗି ମିହୁଡ୍ ଆତଃମିହୁଡ୍‌କକେ ଦାରମ୍‌କପେ । ୮ ଚିଆଃଟି ଖ୍ରୀଷ୍ଟ୍‌ଆଃ ସୁସାର୍‌ରେୟାଃ ଜୀଦାନ୍ ଖାଡ୍‌ନାଅକାନ୍ ଯିହୁଦୀ ହଡ୍‌କ ନାଙ୍ଗ୍ ତାଇକେନା । ଇନ୍‌କୁକେ ଇନିଃ ଦେଖାଅକ ନାଙ୍ଗ୍ ସାନାଙ୍ଗ୍ ତାଇକେନାଏ ଯେ ପାର୍‌ମେଶ୍‌ବାର୍ ପାତିୟାର୍‌ରଃ ଲେକାନ୍‌ନିଃ ତାନିଃ । ଯିହୁଦୀ ହଡ୍‌କଆଃ ପୁର୍‌ଖା ହାଡ୍‌ମକକେ ଏମାକାଦ୍‌କ ଆୟାଃ ବାନାର୍‌ସା ସବେନାଃକେ ଖ୍ରୀଷ୍ଟ୍ ମାନାତିୟେଆଏ । ୯ ଆତଃ ସାଅଁସାର୍ ହଡ୍‌କ ପାର୍‌ମେଶ୍‌ବାର୍‌ଆଃ ଲିନିବୁଇ ନାଗେନ୍ତେ ଇନିୟାଃ ମାନାରାଙ୍ଗ୍ ରିକା ଦାଡ୍‌ୟାଃକ । ଧାରାମ୍‌ପୁଅ୍‌ରେ ଅଲ୍‌କାନ୍,

“ଏନାମେନ୍ତେ ଆଇଙ୍ଗ୍ ସାଅଁସାର୍ ହଡ୍‌କଆଃ ଆଲ୍‌ରେ ଆମାଃ ମାନାରାଙ୍ଗ୍ ରିକାୟାଈଙ୍ଗ୍,
 ସବେନ୍ ଇମ୍‌ତା ଆମାଃ ମାନାରାଙ୍ଗ୍ ଦୁରାଙ୍ଗ୍‌ୟେଈଙ୍ଗ୍ ।”

୧୦ ଆତଃଗି ଧାରାମ୍‌ପୁଅ୍‌ରେ ଅଲ୍‌କାନା,
 “ସାଅଁସାର୍ ହଡ୍‌କ ପାର୍‌ମେଶ୍‌ବାର୍‌ଆଃ ହଡ୍‌କଲଃ ରାସ୍‌କାଅଃକାକ ।”

୧୧ ଆତଃଗି,
 “ସବେନ୍ ସାଅଁସାର୍ ହଡ୍‌କ ପ୍ରାଭୁଆଃ ମାନାରାଙ୍ଗ୍ ରିକାଏକାକ ।
 ଆତଃ ସବେନ୍ ହଡ୍‌କ ଇନିୟାଃ ମାନାରାଙ୍ଗ୍ ରିକାଏକାକ ।”

୧୨ ଆତଃଗି, ଯିଶାୟ କାଜିକାଦା,
 “ଯିଶିଆଃ କିଲିରେନ୍ ମିହୁଡ୍ ଉନ୍‌ଦୁବଃଆଏ,
 ଇନିଃ ସାଅଁସାର୍ ହଡ୍‌କକେ ରାଇଜ୍‌କଆ
 ଆତଃ ଇନ୍‌କୁ ଇନିଃତାଃରେକ ଆସ୍ତାଏୟା ।”

୧୩ ପାର୍‌ମେଶ୍‌ବାର୍ ସବେନ୍ ଆସ୍ତାରେନ୍ ଭାଣ୍ଡାର୍ ହବାଅଃକାଏ, ଆପେ ଇନିଃତାଃରେ ବିଶ୍ୱାସ୍‌ତାନ୍ ହରାତେ ସବେନ୍ ରାସ୍‌କା ଆତଃ ଜୀଉସୁକୁରେ ଇନିଃ ଆପେକେ ପେରେଃପେକା, ଜେ'ଲେକାଗି ଆପେ ପାବିତାର୍ ଆମ୍‌ନାରାଃ ପେଡ୍‌ଝେତେ ଆପେୟାଃ ଆସ୍ତା ହାରାଇଦିୟାଆ ।

ସାଅଁସାର୍ ହଡ୍‌କତାଃରେ ପାଉଲୁସ୍‌ଆଃ କାମି

୧୪ ହେ ହାଗା ମିଶିକ, ଆଇଙ୍ଗ ବିଶ୍ୱାସ୍ ତାନାଇଙ୍ଗ ଯେ ଆପେ ସବେନ୍ଦକ ପୁରାଃ ବୁଗିନାଃତେ, ଆତଃ ସବେନ୍ଦ ସେଣ୍ଡିନତେ ପେରେଜାକାନାପେ, ଆତଃ ଆପେ ମିହୁଡ୍ ଆତଃମିହୁଡ୍ କେ ଇତୁ ଦାଡ଼ିୟାଃପେ । ୧୫ ଏନ୍ରେୟ ଆତଃମିସା ପାହାମରୁହାଡ୍ ନାଗେନ୍ତେ ଆଇଙ୍ଗ ଚିମିନ୍ ବିଷାଏକ ନେ ଚିଟାଉରେ ଅଲାଇକାଦ୍ ତାଇକେନାଇଙ୍ଗ, ପାର୍ମେଶ୍ୱାର୍ ଆଃ ସାୟାଦ୍ ହରାତେ ଆଇଙ୍ଗ ଜୀଉରେ କେଟେଦ୍ ନାମ୍ କେଦ୍ ତେ ନେ ସବେନାଃ ଆପେତାଃତେଇଙ୍ଗ ଅଲ୍ କେଦା । ୧୬ ଚିୟାଃତି ସାଅଁସାର୍ ହଡ୍ କ ଜେ'ଲେକା ପାବିତାର୍ ଆମ୍ବାରାଃ ହରାତେ ପାବିତାର୍ କାମି ନାଙ୍ଗ୍ ଜିମାୟାନ୍ଲଃ ପାର୍ମେଶ୍ୱାର୍ ଆଃ ଆୟାର୍ରେ ଦାନ୍ ରାକାବଃରେ ସୁକୁଆନ୍ଗିକ ହବାଅଃଆ, ଏନାମେନ୍ତେ ଆଇଙ୍ଗ ଇନ୍କୁତାଃରେ ଶ୍ରୀଷ୍ଟ୍ ଯୀଶୁଆଃ ଦାସି ଲେକା ହବାକେଦ୍ ପାର୍ମେଶ୍ୱାର୍ ଆଃ ସୁକୁକାଜି ଉଦୁବ୍ରେ, ଆଇଙ୍ଗ ଯାଜାକ୍ କାମି ଲେକାଇଙ୍ଗ୍ କାମିତାନା । ୧୭ ଶ୍ରୀଷ୍ଟ୍ ଯୀଶୁଲଃ ମେସାକେଦ୍ ପାର୍ମେଶ୍ୱାର୍ ଆଃ ନାଗେନ୍ତେ ନେ ସେଝାକାମି ରିକାତାନ୍ ହରାତେ ଆଇଙ୍ଗ୍ ଆପାନ୍ କେ ମାରାଙ୍ଗ୍ ମେନ୍ତେଇଙ୍ଗ୍ କାଜିନ୍ତାନା । ୧୮ ସାଅଁସାର୍ ହଡ୍ କ ପାର୍ମେଶ୍ୱାର୍ ଆଃ କାଜି ଆୟୁମେକାକ ମେନ୍ତେ ଶ୍ରୀଷ୍ଟ୍ ଆଇଁୟାଃ ହରାତେ ଚିନାଃଏ କାମିକାଦା, ଏନା ଏସକାର୍ କାଜି ନାଗେନ୍ତେ ଆଇଙ୍ଗ୍ ଜୀଉରେ କେଟେଦ୍ ନାମାକାଦାଇଙ୍ଗ୍ । ୧୯ ଇନିଃ ବାଚାନ୍ତେ ଆତଃ କାମିତେ ଆକ୍ ଦାନ୍ଦାଅ କାମିରାଃ ପେଡେଃତେ ଆତଃ ଆକ୍ ଚାକାଅତେ, ଆତଃ ପାର୍ମେଶ୍ୱାର୍ ଆଃ ପାବିତାର୍ ଆମ୍ବାରାଃ ପେଡେଃତେ ନେ ସବେନାଃଏ କାମିକାଦା । ଏନାତେ ଆଇଙ୍ଗ୍ ଯୀରୁଶାଲେମ୍ ତାଃଏତେ ଇଲିରିକମ୍ ତେ ହରାସେନ୍ ଇମ୍ତା ହରାରେ ଶ୍ରୀଷ୍ଟ୍ ଆଃ ସୁକୁକାଜି ପୁରାଃଗିଇଙ୍ଗ୍ ଉଦୁବ୍ କାଦା । ୨୦ ଅକ ଠାୟାଦକରେନ୍ ହଡ୍ କ ଶ୍ରୀଷ୍ଟ୍ ଆଃ ସୁକୁକାଜିକେ କାକ ଆୟୁମାକାଦା, ଏନ୍ତାଃରେ ନେ ସୁକୁକାଜିକେ ଉଦୁବ୍ ନାଙ୍ଗ୍ ଆଇଙ୍ଗ୍ ସାନାଙ୍ଗ୍ କେଦାଇଙ୍ଗ୍, ଚିଆଃତି ଏଟାଃ ହଡ୍ କ ଆଃ ହରାତେ ଏନେଟେଦକାନ୍ ନିହଁଗାତାରେ କାମିୟାକାନ୍ କାମିକେ ଆଇଙ୍ଗ୍ ଆତଃମିସା କାମି ନାଙ୍ଗ୍ କାଇଙ୍ଗ୍ ସାନାଙ୍ଗ୍ ତାନା । ୨୧ ଧାରାମପୁଅରେ ନେ'ଲେକା ଅଲାଇକାନା, "ଅକନ୍ ହଡ୍ କକେ ଇନିୟାଃ ବିଷାଏରେ କା କାଜିକାନ୍ ତାଇକେନା, ଇନ୍କୁ ଇନିଃକେକ ନେଲିୟା ଆତଃ ଅକନ୍ ହଡ୍ କ ଇନିୟାଃ ବିଷାଏରେ କାକ ଆୟୁମାକାଦ୍ ତାଇକେନା, ଇନ୍କୁ ଆୟୁମେଆକ ।"*

ରୋମ୍ ନାଗାର୍ରେତେ ସେନଃନାଙ୍ଗ୍ ପାଉଲୁସ୍ ଆଃ ଉହାର୍

୨୨ ✨ଏନାମେନ୍ତେ ଆଇଙ୍ଗ୍ କେ ଆପେତାଃତେ ସେନ୍ ନାଗେନ୍ତେ ପୁରାଃସାଃ କାଜିକଟଙ୍ଗ୍ ନାମାକାଦାଇଙ୍ଗ୍ । ୨୩ ମେନ୍ଦ ନେ ପାର୍ଗାନ୍ କରେ ଆଇଁୟାଃ କାମିକ ପୁରାୟାନା ଆତଃ ଆପେକେ ନେନେଲ୍ ନାଗେନ୍ତେ ପୁରାଃ ବାରାଷ୍ରେୟାଃ ଆସ୍ତା ନାହଁଃଦ ପୁରାଅଃଆ । ୨୪ ଆଇଙ୍ଗ୍ ସ୍ନେନ୍ତେ ସେନଃ ହରାରେ ଆପେଲଃ ନେପେଲ୍ କେଦ୍ ତେଇଙ୍ଗ୍ ହିଜୁଃଆ ମେନ୍ତେଇଙ୍ଗ୍ ଉଡ଼ୁକାଦା । ଆପେତାଃରେ ଘାଡ଼ିକାଦ୍ ତାଇକେଦ୍ ସ୍ନେନ୍ତେ ସେନଃ ନାଙ୍ଗ୍ ଦେଙ୍ଗାଲୟାଃପେ ମେନ୍ତେଇଙ୍ଗ୍ ଆସ୍ତାତାନା । ୨୫ ✨ମେନ୍ଦ ନାହଁଃ ଆଇଙ୍ଗ୍ ପାର୍ମେଶ୍ୱାର୍ ଆଃ ହଡ୍ କ ଆଃ ସୁସାର୍ ନାଗେନ୍ତେ ଯୀରୁଶାଲେମ୍ ତେ ସେନଃ ନାଗେନ୍ତେଇଙ୍ଗ୍ ଅତଙ୍ଗ୍ ଆକାନା । ୨୬ ଚିଆଃତି ଯୀରୁଶାଲେମ୍ ପାର୍ମେଶ୍ୱାର୍ ଆଃ ହଡ୍ କ ଜାଞ୍ଜିଆକାନାକ, ଇନ୍କୁ ଆଃ ନାଙ୍ଗ୍ ଦାନ୍ ଏମ୍ କେଦ୍ ଦେଙ୍ଗାକ ନାଗେନ୍ତେ ମାକିଦନିଆ ଆତଃ ଆଖାୟାରାଃ କାଲିସିୟାରେନ୍ ହଡ୍ କ ଉହାର୍ କାଦାକ । ୨୭ ✨ନେଆଁଦ ଇନ୍କୁ ଆପ୍ନାଃ ଇଛାସାନାଙ୍ଗ୍ ତେ ଉହାର୍ କାଦାକ, ମେନ୍ଦ ଇନ୍କୁ ସାଅଁସାର୍ ହଡ୍ କ ଆଃ ଆୟାର୍ରେ ହଗି ରିଶୀକାନାକ, ଚିଆଃତି ଯିହୁଦୀ ହଡ୍ କ ଆକ ଆଃ ଆପ୍ନାଃ ଆମ୍ବିକ୍ରେୟାଃ ଆଶିଷ୍ରେ ସାଅଁସାର୍ ହଡ୍ କକେ ହିସା ଏମାକାଦକ ହରାତେ, ସାଅଁସାର୍ ହଡ୍ କ ଆପ୍ନାଃ ଟାକା ପାଏସାରେ ହିସା ଏମ୍ କେଦ୍ ଯିହୁଦୀ ହଡ୍ କକେ ଦେଙ୍ଗା ଏମ୍ ଲାଗାତିଙ୍ଗ୍ ଯାଃ । ୨୮ ଯୀରୁଶାଲେମ୍ରେ ଏନ୍ ଦାନ୍ କେ ଏମ୍ କେଦ୍ ଆଇଁୟାଃ କାମି ଚାବାକେଦ୍ ତାୟମ୍ ତେ, ଆଇଙ୍ଗ୍ ସ୍ନେନ୍ତେ ସେନଃନାଙ୍ଗ୍ ଅତଙ୍ଗ୍ ଆଇଙ୍ଗ୍ ଆତଃ ସେନ୍ ହରାରେ ଆପେଲଃ ନେପେଲ୍ କେଦ୍ ତେଇଙ୍ଗ୍ ହିଜୁଃଆ । ୨୯ ଆଇଙ୍ଗ୍ ସାରିକାଦାଇଙ୍ଗ୍, ଆଇଙ୍ଗ୍ ଶ୍ରୀଷ୍ଟ୍ ତାଃଏତେ ପୁରାଃ ଆଶିଷ୍ ଆଉକେଦ୍ ଆପେତାଃତେଇଙ୍ଗ୍ ହିଜୁଃଆ । ୩୦ ହେ ହାଗା ମିଶିକ, ପ୍ରାଭୁ ଯୀଶୁ ଶ୍ରୀଷ୍ଟ୍ ଆଃ ନୁଡୁମ୍ ତେ ଆତଃ ପାବିତାର୍ ଆମ୍ବା ଏମାକାଦ୍ ଦୁଲ୍ଲାଡ୍ ହରାତେ ଆଇଙ୍ଗ୍ ଆପେକେଇଙ୍ଗ୍ ବିକ୍ରିପେ ତାନା, ଆଇଁୟାଃ ନାଗେନ୍ତେ ପାର୍ମେଶ୍ୱାର୍ ତାଃରେ ପୁରାଃ ଇଛାସାନାଙ୍ଗ୍ ତେ ବିକ୍ରିପେ । ୩୧ ଆଇଙ୍ଗ୍ ଯିହୁଦୀ ପାର୍ଗାନ୍ରେ କା ବିଶ୍ୱାସ୍ ତାନ୍ ହଡ୍ କ ତାଃଏତେ ଜେ'ଲେକା ବାଞ୍ଜାଅକେଦ୍ ତାଇନ୍ ଦାଡ଼ିୟାଇଙ୍ଗ୍ ଆତଃ ଯୀରୁଶାଲେମ୍ରେ ତାଇନ୍ତାନ୍ ପାର୍ମେଶ୍ୱାର୍ ଆଃ ହଡ୍ କ ଜେ'ଲେକା ଆଇଁୟାଃ କାମିକେ ସୁକୁଃଆକ ଏନାମେନ୍ତେ ବିକ୍ରିପେ । ୩୨ ପାର୍ମେଶ୍ୱାର୍ ଆଃ ଇଛାସାନାଙ୍ଗ୍ ହବାଅଃରେଦ, ଆଇଙ୍ଗ୍ ଆପେତାଃତେ ରାସ୍ କାତେଇଙ୍ଗ୍ ହିଜୁଃଆ ଆତଃ ଆପେଲଃ ଘାଡ଼ିକାଦ୍ ତାଇକେଦ୍ ରାସ୍ କାଇଙ୍ଗ୍ ନାମେୟା । ୩୩ ଆବୁକେ ଜୀଉସୁକୁ ଏମ୍ ତାନ୍ ପାର୍ମେଶ୍ୱାର୍ ଆପେ ସବେନ୍ କଲଃ ତାଇନଃକାଏ । ଆମେନ୍ ।

୧୭

ପାଉଲୁସ୍ ଆଃ ଜହାର୍ ଚାଏ ଇଶୁସାଏ

୧ କେକ୍ ଯା ନାଗାର୍ରେୟାଃ କାଲିସିୟାରେନ୍ ମିହୁଡ୍ ସୁସାର୍ ତାନ୍ ଆବୁଆଃ ମିଶି ଫେବିକେ ଆପେତାଃତେଇଙ୍ଗ୍ କୁଲିତାନା, ୨ ଇନିଃକେ ପାର୍ମେଶ୍ୱାର୍ ଆଃ ହଡ୍ କ ଲେକା ପ୍ରାଭୁଆଃ ନୁଡୁମ୍ ତେ ଦାରମିପେ । ଇନିୟାଃ ଲାଗାତିଙ୍ଗ୍ ତେୟାଃକ

* ୧୫:୨୧ ୧୫:୨୧ ଯିଶାୟ ୫୩:୧୫ ✨ ୧୫:୨୨ ୧୫:୨୨ ରୋମି ୧:୧୩ ✨ ୧୫:୨୫ ୧୫:୨୫ ୧ କରିନ୍ଥ୍ରିୟ ୧୭:୧-୪. ✨ ୧୫:୨୭ ୧୫:୨୭ ୧ କରିନ୍ଥ୍ରିୟ ୯:୧୧.

ଆପେତାଃଏତେ ଏମ୍ବେଦ୍‌ତେ ଇନିଃକେ ଦେଙ୍ଗାଲପେ । ଇନିଃ ଆଇଙ୍ଗ୍‌କେ ଆତଃ ଏଟାଃ ପୁରାଃ ହଡ଼କକେ ପୁରାଃଗି ଦେଙ୍ଗାକାଦକଆ ।

୩ * ଖ୍ରୀଷ୍ଟ ଯୀଶୁଆଃ ସେଝାରେ ଆଇଁୟାଃଲଃ ଗାତିରେ କାମିତାନ୍ ପ୍ରିସ୍‌କିଲା ଆତଃ ଆକ୍ତିଲାକେ ଆଇଁୟାଃ ଜହାର୍ ଉଦୁବାକିନ୍‌ପେ । ୪ ଇନିକିନ୍ ଆଇଁୟାଃ ଜୀଉ ବାଞ୍ଚାଅ ନାଗେନ୍ତେ ଆକିନାଃ ଜୀଉକେ ଏମ୍ ନାଗେନ୍ତେ ସାନାଙ୍ଗକାଦ ତାଇକେନାକିନ୍ । ଆଇଙ୍ଗ୍ ଏସ୍‌କାର୍ କାହାଗି, ମେନ୍‌ଦ ସବେନ୍ ସାଅଁସାର୍ ହଡ଼କଆଃ କାଲିସିୟାରେନ୍ ହଡ଼କ ଇନିକିନାଃ ଧାନ୍ୟାବାଦ୍ ଏମ୍‌ତାନାକ । ୫ ଇନିକିନାଃ ଅଡ଼ାଃରେ ହୁଣ୍ଡିଅଃତାନ୍ କାଲିସିୟାରେନ୍ ହଡ଼କକେୟଗି ଜହାର୍ ମେନ୍ତେଇଙ୍ଗ୍ କାଜିକତାନା । ଆଇଁୟାଃ ଦୁଲାଡ୍ ଗାତି ଏପାଇନେତୁସ୍‌କେ ଆଇଁୟାଃ ଜହାର୍ ଉଦୁବାଲପେ । ଏସିଆ ପାର୍ଗାନ୍‌ରେ ଇନିଃ ହବାଅଃତାନାଏ ପାହିଲା ଖ୍ରୀଷ୍ଟ ବିଶ୍ୱାସୀ । ୬ ଆପେ ନାଗେନ୍ତେ ପୁରାଃଗି କାମିକାଦ୍ ମାରିୟାମ୍‌କେ ଆଇଁୟାଃ ଜହାର୍ ଉଦୁବାଲପେ । ୭ ଆନ୍ଦ୍ରନିକସ୍ ଆତଃ ଯୁନିୟାକେ ଆଇଁୟାଃ ଜହାର୍ କାଜିୟାକିନ୍‌ପେ । ନେ ବାରାନ୍‌କିନ୍ ଯିହୁଦୀ ତାନ୍‌କିନ୍ ଆତଃ ଆଇଁୟାଃଲଃ ଜେହେଲ୍‌ରେକିନ୍ ତାଇକେନା । ଆଇଁୟାଃଏତେ ସିଦାରେ ଇନିକିନ୍ ଖ୍ରୀଷ୍ଟକେ ବିଶ୍ୱାସକାଲ ତାଇକେନାକିନ୍ ଆତଃ କୁଲାକାନ୍‌କ ଇନିକିନ୍‌କେ ବୁଗିଲେକା ସାରିକାଦକିନାକ ।

୮ ପ୍ରାଭୁତାଃରେ ଆଇଁୟାଃ ଦୁଲାଡ୍ ଗାତି ଆମ୍‌ପ୍ରିୟାତୁସ୍‌କେ ଜହାର୍ ଉଦୁବାଲପେ । ୯ ଖ୍ରୀଷ୍ଟଆଃ ସେଝାରେ ଆଇଁୟାଃଲଃ ମିସାତେ କାମିତାନ୍ ଉର୍ବାନସ୍‌କେ ଆତଃ ଆଇଁୟାଃ ଦୁଲାଡ୍ ଗାତି ସ୍ତ୍ରାଖ୍‌ୟକେ ହଗି ଜହାର୍ ଉଦୁବାକିନ୍‌ପେ । ୧୦ ଖ୍ରୀଷ୍ଟଆଃ ସେଝାରେ ମାଇନ୍ ନାମେନିଃ, ଆପେଲସ୍‌କେ ଆଇଁୟାଃ ଜହାର୍ ଉଦୁବାଲପେ, ଆତଃ ଆରିସ୍ତ୍ରୁଲ୍‌ଆଃ ଅଡ଼ାଃରେନ୍ ସବେନ୍‌କକେ ଆଇଁୟାଃ ଜହାର୍ ଉଦୁବାକପେ । ୧୧ ଆଇଁୟାଃ ଆପ୍‌ନାଃ ହଡ଼କ ଯିହୁଦୀ, ହେରୋଦିୟାରେନ୍ ହଡ଼କ ଆତଃ ନାକ୍ ସଆଃ ଅଡ଼ାଃରେନ୍ ପ୍ରାଭୁଆଃ ବିଶ୍ୱାସୀ ହାଗା ମିଶିକକେହଗି ଆଇଁୟାଃ ଜହାର୍ ଉଦୁବାକପେ ।

୧୨ ପ୍ରାଭୁଆଃ ସେଝାରେ ତାଇନଃତାନ୍ ତ୍ରିଫେନା ଆତଃ ତ୍ରିଫୋସା ଆତଃ ପ୍ରାଭୁଆଃ ନାଗେନ୍ତେ ପୁରାଃଗି କାମିତାନ୍ ଦୁଲାଡ୍ ପର୍ଗସ୍, ନେ ସବେନ୍‌କକେ ଆଇଁୟାଃ ଜହାର୍ ଉଦୁବାକପେ । ୧୩ * ପ୍ରାଭୁଆଃ ସାଲାକାନ୍ ଦାସି ରୁଫସ୍ ଆତଃ ଇନିୟାଃ ଏଙ୍ଗାତେକେ ଆଇଁୟାଃ ଜହାର୍ ଉଦୁବାକିନ୍‌ପେ, ଇନିଃହଗି ଆଇଁୟାଃ ଏଙ୍ଗା ଲେକାଃଏ । ୧୪ ଆସୁଲ୍‌ଡ୍, ଫ୍ଲେଗୋନ୍, ହର୍ମସ୍, ପାତ୍ରବାସ୍, ହାର୍‌ମେସ୍ ଆତଃ ଇନିକ୍‌ଲଃ ତାଇନତାନ୍ ଏଟାଃ ସବେନ୍ ଖ୍ରୀଷ୍ଟିୟାନ୍ ହାଗାକକେ ଆତଃ ମିଶିକକେ ଆଇଁୟାଃ ଜହାର୍ ଉଦୁବାକପେ । ୧୫ ଫିଲ୍‌ଲଗ୍ ଆତଃ ଜୁଲିୟା, ନିରୁସ୍ ଆତଃ ଇନିୟାଃ ମିଶି, ଆତଃ ଅଲୁଫୀ ଆତଃ ଇନିକ୍‌ଲଃ ତାଇନତାନ୍ ସବେନ୍ ପାର୍‌ମେଶ୍ୱାର୍‌ଆଃ ହଡ଼କକେ ଆଇଁୟାଃ ଜହାର୍ ଉଦୁବାକପେ । ୧୬ ଖ୍ରୀଷ୍ଟ ଦୁଲାଡ୍‌ତେ ମିହୁଡ୍ ଆତଃମିହୁଡ୍‌ଲଃ ଜହାରଃପେ । ଖ୍ରୀଷ୍ଟଆଃ ସବେନ୍ କାଲିସିୟା ଆପେକେ ଜହାର୍ ମେନ୍ତେକ କାଜିକୁଲ୍‌କାଦା ।

ପାଉଲୁସ୍‌ଆଃ ଚୁଣ୍ଡ ଇନିତୁ

୧୭ ହେ ହାଗା ମିଶିକ, ଆଇଙ୍ଗ୍ ଆପେକେଇଙ୍ଗ୍ ବିନ୍ତିପେ ତାନା, ଅକ ହଡ଼କ ଆପେୟାଃ ବିଶ୍ୱାସକେ କାଜିକଟଙ୍ଗ୍ ନାଗେନ୍ତେକ ସାନାଙ୍ଗତାନା ଆତଃ ତହଦଃ ଲେକାନ୍ କାମିକ ରିକାଏୟାଃ ଏନ୍ ଲେକାନ୍ ହଡ଼କତାଃଏତେ ଚିର୍ଗାଲାକାନ୍ ତାଇନ୍‌ପେ । ନେ'ଲେକାନ୍ ହଡ଼କ, ଆପେ ଅକ ଇନିତୁପେ ନାମାକାଦା, ଏନାରେୟାଃ ବିରୁଧ୍‌ରେକ ସେନାଃ । ଇନିକ୍‌ତାଃଏତେ ସାଜିନ୍‌ରେ ତାଇନ୍‌ପେ । ୧୮ ଚିୟାଃଗି ନେ ହଡ଼କଦ ଆବୁଆଃ ଖ୍ରୀଷ୍ଟ ପ୍ରାଭୁକେ କାକ ସେଝାଃଆ, ମେନ୍‌ଦ ଇନିକ୍ ଆକଆଃ ଆପ୍‌ନାଃ ସୁକୁ ନାଗେନ୍ତେକ କାମିୟାଃ । ଇନିକ୍ ଲେବେୟାନ୍ କାଜିତେ ଆତଃ ସୁଗାଡାନ୍ କାଜି ଜାଗାର୍‌କେଦ୍‌ତେ ହଡ଼କଆଃ ମନ୍‌କକେ ବେଦାଃକ । ୧୯ ମେନ୍‌ଦ ସୁକୁକାଜି ନାଗେନ୍ତେ ଆପେୟାଃ ପାତିୟାର୍‌ରଃ ଲେକାନ୍ କାଜିକେ ସବେନ୍ ହଡ଼କ ସାରିକାଦାକ, ଏନାମେନ୍ତେ ଆଇଙ୍ଗ୍ ପୁରାଃଗିଇଙ୍ଗ୍ ରାସ୍‌କାଅଃତାନା । ଆଇଙ୍ଗ୍ ସାନାଙ୍ଗତାନାଇଙ୍ଗ୍, ଆପେ ସବେନ୍‌କ ବୁଗିନ୍ କାଜିକରେ ସେଣ୍‌ନାଃପେ ଆତଃ ଏଡ୍‌କାନ୍ କାଜିକଏତେ ସାଜିନଃପେ । ୨୦ ଏନ୍‌ରେଦ, ଜୀଉସୁକୁ ଏମ୍‌ତାନ୍ ପାର୍‌ମେଶ୍ୱାର୍ ଜାଲ୍‌ଦିଗି ସାଏତାନ୍‌କେ ଆପେୟାଃ କାଟା ସୁବାରେ ରେସେଦିୟା । ଆବୁଆଃ ପ୍ରାଭୁ ଯୀଶୁଆଃ ସାୟାଦ୍ ଆପେଲଃ ହବାଅଃକା ।*

୨୧ * ଆଇଁୟାଃଲଃ କାମିତାନ୍ ତୀମଥ୍ ଆତଃ ଆବୁଆଃ ଯିହୁଦୀ ହାଗାକ, ଲୁକିୟ, ଯାସୋନ୍, ଆତଃ ସୋସିପାତ୍ର ଆପେ ସବେନ୍‌କକେ ଜହାର୍ ମେନ୍ତେକ କାଜିକୁଲ୍‌କାଦା ।

୨୨ ଆଇଙ୍ଗ୍ ତର୍ଡ୍‌ୟସ୍, ପାଉଲୁସ୍‌ଆଃ ନାଗେନ୍ତେ ନେ ଚିଗାଉ ଅଲ୍‌କୁଲ୍‌କେଦ୍‌ତେ ପ୍ରାଭୁଆଃ ନୁତୁମ୍‌ରେ ଆପେକେଇଙ୍ଗ୍ ଜହାର୍‌ପେତାନା ।

୨୩ * ଆଇଙ୍ଗ୍‌କେ ସୁସାର୍‌କାଦିଙ୍ଗ୍ ଗାୟସ୍, ଅକଏୟାଃ ଅଡ଼ାଃରେଚି କାଲିସିୟାରେନ୍ ପୁରା ହଡ଼କ ହୁଣ୍ଡିୟଃତାନା ଆତଃ ନେ ସାହାର୍‌ରେନ୍ ଖାଜାନ୍‌ଚି ଏରାଷ୍ଟ୍ ଆତଃ କ୍ୱାର୍‌ତୁସ୍ ନୁତୁମ୍ ହାଗାହଗି ଆପେକେ ଜହାର୍ ମେନ୍ତେ କାଜିକୁଲ୍‌କାଦା । ୨୪ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ସାୟାଦ୍ ଆପେ ସବେନ୍‌କଲଃ ହବାଅଃକା ।†

ବିନ୍ତି ଆତଃ ମାନାରାଙ୍ଗ୍‌ଲଃ ଚିଟାଉରାଃ ଚୁଣ୍ଡ

☆ ୧୭:୩ ୧୭:୩ ପ୍ରେରିଡ୍ ୧୮:୨. ☆ ୧୭:୧୩ ୧୭:୧୩ ମାର୍କ ୧୫:୨୧. * ୧୭:୨୦ 16:20 ନେ ବାଗାନ୍ ଚିମିନ୍ ମାରି ଅନଲ୍‌କରେ ବାନଃଆ ☆ ୧୭:୨୧ ୧୭:୨୧ ପ୍ରେରିଡ୍ ୧୭:୧. ☆ ୧୭:୨୩ ୧୭:୨୩ ପ୍ରେରିଡ୍ ୧୯:୨୯; ୧ କରିନ୍ଥ୍‌ୟ ୧:୧୪; ୨ ତିମଥ୍ ୪:୨୦. † ୧୭:୨୪ 16:24 ନେ ପଦ ଚିମିନ୍ ମାରି ଅନଲ୍‌କରେ ବାନଃଆ

୨୫ ହିନ୍ଦୁଃପେ, ପାର୍ମେଶ୍ୱାରୀୟାଃ ମାନାରାଜ୍‌ବୁ ରିକାୟା, ଆଇଙ୍ଗ୍ ଉଦୁବେତାନ୍ ଯୀଶୁ ଖ୍ରୀଷ୍ଟୀୟାଃ ବିଷାଏରେୟାଃ ସୁକ୍ଷୁକାଜି ଲେକାତେ ଆତଃ ଜାନାଅ ଜାନାଅହେତେ ଉକ୍ତୁଆକାନ୍ ସାନାର୍ତ୍ତି ଲେକାତେ ଆପେ ଆପେୟାଃ ବିଶ୍ୱାସ୍ତରେ ତିକ୍ତୁକେଟେୟାଃ ଲେକା ଇନିଃ ଆପେକେ ବାଇ ଦାଡ଼ିୟାପେୟା । ୨୬ ମେନ୍ଦ ଏନ୍ ଉକ୍ତୁଆକାନ୍ ସାନାର୍ତ୍ତି ସବେନାଃ ନାବୀକଆଃ ଅନଲ୍ ହରାତେ ଉଦୁବାକାନା, ଆତଃ ଏନାଦ ନାହାଃ ଜାନାଅ ଜାନାଅରେନ୍ ପାର୍ମେଶ୍ୱାରୀୟାଃ ହରାତେ ସବେନ୍ ହଡକ୍ ଆଲାରେ ଉଦୁବଃତାନା । ନେଆଁ ହରାତେ ସବେନକ୍ ବିଶ୍ୱାସ୍ତକେଦ୍‌ତେ ପାର୍ମେଶ୍ୱାରୀୟାଃ କାଜି ମାନାତିକ୍ତାନ୍ ହଡକ୍ ହବା ଦାଡ଼ିୟାଃ । ୨୭ ଯୀଶୁ ଖ୍ରୀଷ୍ଟୀୟାଃ ହରାତେ ସବେନ୍ ସେଣାନ୍ ମିଆଁଦ୍‌ଗି ପାର୍ମେଶ୍ୱାରୀୟାଃ ମାଇନାନ୍ ଜାନାଅ ଜାନାଅ ଜାକେଦ୍ ହବାଅଃକା । ଆମେନ୍ ।

କରିଷ୍ଣୀୟମାନଙ୍କ ନିକଟକୁ ପାଉଲଙ୍କ ପ୍ରଥମ ପତ୍ର କରିଷ୍ଣିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ପାହିଲା ଚିଟାଉ ପାରିଚାଏ

କରିଷ୍ଣି କାଲିସିୟାତେ ପ୍ରେରିତ୍ ପାଉଲୁସ୍‌ଆଃ ପାହିଲା ଚିଟାଉ, ନେଆଁ ଖ୍ରୀଷ୍ଟତାୟମ୍ ୫୫ କରେ ଅଲ୍ଲକାନ୍ ତାଇକେନା ୧:୧ । କରିଷ୍ଣି କାଲିସିୟାତେ ପ୍ରେରିତ୍ ପାଉଲୁସ୍ ଅଲ୍ଲକାଦ୍ ବାରିଆ ଚିଟାଉହେତେ, ନେଆଁ ହବାଅଃତାନା ପାହିଲା ଚିଟାଉ । ହବାସାକାଅଃ ତାନା, ଇନିଃ ଏଫିସୁସ୍‌ରେ ତାଇନ୍ ଇମତା ନେ ଚିଟାଉ କରିଷ୍ଣି କାଲିସିୟାକେ ଅଲ୍ଲକାଦ୍ ତାଇକେନା । ମାକିଦନିଆହେତେ କରିଷ୍ଣିତେ ହରାସେନ୍ ନାଜ୍ ମନେକାଦ୍ ତାଇକେନ୍ ସିଦାରେଗି ଅଲ୍ଲକାଦ୍ ତାଇକେନା ୧୭:୫-୯ ।

ପ୍ରେରିତ୍ ପାଉଲୁସ୍ ନେ ଚିଟାଉରେ କାଲିସିୟା ଆଲାରେ ହବାଅଃତାନ୍ ବିନ୍‌ଗାଅ ଆତଃ ହଡ଼ମରେୟାଃ ଏଡ଼କାନ୍ ସାନାଜ୍ କାମିକଲଃ ଏଟାଃ ଏଟାଃ ଏଡ଼କାନ୍ କାମିକ ହବାଅଃତାନ୍ ବିଷାଏରେ କାଲିସିୟାରେନ୍ ହଡ଼କତାଃଏତେ ଆୟୁମକେଦ୍‌ତେ ଇନ୍‌କୁକେ କାଜିରୁହାଡ଼୍ ନାଗେନ୍ତେ ଇନିଃ ଧ୍ୟାନ୍ ଏମ୍‌ତାଇକେନାଏ । କରିଷ୍ଣି ସାହାର୍, ହଡ଼ମରେୟାଃ ଏଡ଼କାନ୍ ସାନାଜ୍ କାମି ବିଷାଏରେ ସାରିୟାକାନ୍ ତାଇକେନା, ଏନାତେ କାଲିସିୟା ନେ ଲେକାନ୍ ଏଡ଼କାନ୍ କାମିରେ ଉୟୁଗଃତାନା, ଏନାରେ ଆକ୍‌ଦାନ୍‌ଆ ହବାଅଃରେୟାଃ ଜେତାନ୍ କାଜି ବାନଃଆ । ପାହିଲା କରିଷ୍ଣିୟ ଦୁଲାଡ଼୍ ବିଷାଏରେ ମିଆଁଦ୍ ପୁରାଃ ମାରାଜ୍ ହିସାତାନାଃ ।

ପୁଅ୍ ଭିତାରେ ତାଇକାନ୍ କାଜି

- ୧. ପାଉଲୁସ୍ କରିଷ୍ଣିରେନ୍‌କକେ ଜହାର୍ ଉଦୁବ୍‌ତାନାଏ ଆତଃ ଇନ୍‌କୁ ନାଗେନ୍ତେ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମାଲ୍‌ତାନାଏ । ୧:୧-୯
- ୨. ପାଉଲୁସ୍ କରିଷ୍ଣି କାଲିସିୟାହେତେ ନାମାକାଦ୍ କାଲିସିୟା ବିନ୍‌ଗାଅ ବିଷାଏରେ ଇନିତୁ ଏମାଃଏ । ୧:୧୦-୪:୨୧
- ୩. ଏଟାଃତେୟାଃ ଇନିଃ ହଡ଼ମରେୟାଃ ଏଡ଼କାନ୍ ସାନାଜ୍ କାମି ଆତଃ ମିହୁଡ଼୍ ଆତଃମିହୁଡ଼୍‌କେ କାଚାଇରିତେ ଇଦି ବିଷାଏରେ ଅଲ୍ଲକାଦା । ୫-୬
- ୪. ଆଣଦି ବିଷାଏ, ମୁରୁଡ଼୍ ନାଗେନ୍ତେ ଦାଣ୍ଠେ ରାକାଦ୍, ମିଦ୍‌ଝୁଣ୍‌ରେ ସେଝା, ପାବିତାର୍‌ରାଃ ବାବ୍‌ଦାନ୍ ଆତଃ ଜୀଉବିନିରିଦ୍ ବିଷାଏରେ ଅଲ୍ଲକାଦା । ୭-୧୫
- ୫. ଚୁଣ୍ଡୁରେ ଇନିଃ ଚିମିନ୍ ଲାଗାତିଜ୍ କାଜିକ ଆତଃ ଆପ୍‌ନାଃ ବିଷାଏରେ ଅଲ୍ଲକେଦ୍‌ତେ ଚୁଣ୍ଡୁକଦା । ୧୬

୧ ପାର୍‌ମେଶ୍ୱାର୍‌ଆଃ ମନେଲେକାତେ ଯୀଶୁ ଖ୍ରୀଷ୍ଟ୍‌ଆଃ କୁଲାକାନ୍‌ନିଃ ଲେକା ସାଲାକାନ୍, ଆଇଜ୍ ପାଉଲୁସ୍ ଆତଃ ଆରୁଆଃ ହାଗା ସସ୍ଥିନା,

୨ *ଆଲେ କରିଷ୍ଣି ନାଗାର୍‌ରେ ତାଇନଃତାନ୍ ପାର୍‌ମେଶ୍ୱାର୍‌ଆଃ କାଲିସିୟାତେ ନେ ଚିଟାଉଲେ ଅଲେତାନା ଅକନ୍‌କ ପାର୍‌ମେଶ୍ୱାର୍‌ଆଃ ପାବିତାର୍ ହଡ଼ ହବାଅଃ ନାଗେନ୍ତେକ ସାଲାକାନା, ଆତଃ ଯୀଶୁ ଖ୍ରୀଷ୍ଟ୍‌ଲଃ ମେସାକାନ୍ ହରାତେ ପାର୍‌ମେଶ୍ୱାର୍‌ଆଃ ହବାକାନାକ, ଆତଃ ସବେନ୍‌ସାଃରେ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌କେକ ସେଝାତାନା ।

୩ ଆରୁଆଃ ଆପୁ ପାର୍‌ମେଶ୍ୱାର୍‌ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ ଇନ୍‌କୁ ସବେନ୍‌କକେ ସାୟାଦ୍ ଆତଃ ଜୀଉସୁକୁ ଏମାକକାଏ ।

ୟୀଶୁ ଖ୍ରୀଷ୍ଟ୍‌ଆଃ ହରାତେ ଆଶିଷ୍

୪ ଚିୟାଃଚି ଆପେ ଯୀଶୁ ଖ୍ରୀଷ୍ଟ୍‌ଲଃ ମେସାକାନ୍ ହରାତେ ଆତଃ ପାର୍‌ମେଶ୍ୱାର୍‌ ଆପେକେ ସାୟାଦ୍ ଏମାକାଦ୍‌ପେ ନାଗେନ୍ତେ, ଆଇଜ୍ ପାର୍‌ମେଶ୍ୱାର୍‌କେ ସବେନ୍ ଇମ୍‌ତା ଧାନ୍ୟାବାଦ୍ ଏମାଲ୍ ତାନାଇଜ୍ । ୫ ଚିୟାଃଚି ଯୀଶୁ ଖ୍ରୀଷ୍ଟ୍‌ଲଃ ମେସାକାନ୍ ହରାତେ ଆପେ ସବେନ୍ ବିଷାଏରେୟାଃ ଇନିତୁରେ ଆତଃ ସେଣ୍ଠାରେ କିର୍‌ସାଣ୍‌କାନାପେ । ୬ ଯୀଶୁ ଖ୍ରୀଷ୍ଟ୍‌ ବିଷାଏରେୟାଃ ଗାଝା କାଜି ଆପେତାଃରେ ପୁରାଃତେ ପକ୍‌ତାକାନା । ୭ ଏନାମେନ୍ତେ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ଉନ୍‌ଦୁବଃ ଇମ୍‌ତାକେ ତାଜିତାନ୍ ଇମ୍‌ତା ଆପେୟାଃ ଜେତାନ୍ ଆମ୍‌କ୍ ବାବ୍‌ଦାନ୍‌ରେ କାପେ ଜାଞ୍ଜିକାନା । ୮ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ହିନିଦୁଃ ହୁଲାଜ୍‌ରେ, ଆପେ ଆଲକାପେ ଚିଟାଅଃଆ, ମେନ୍ତେ ଇନିଃହଗି ଆପେକେ ଚୁଣ୍ଡୁ ଜାକେଦ୍ ଯାଡ଼ନାଅପେୟାଏ । ୯ ପାର୍‌ମେଶ୍ୱାର୍‌ ଆୟାଃ ହନ୍ ପ୍ରାଭୁ ଯୀଶୁ ଖ୍ରୀଷ୍ଟ୍‌ଲଃ ମେନେସାଅଃ ନାଗେନ୍ତେ ଆରୁକେ କେଡ଼ାକାଦ୍‌ରୁଆ, ଇନିଃ ପାତିୟାରଃ ଲେକାନ୍‌ନିଃ ତାନିଃ ।

କାଲିସିୟାରେ ବିନ୍‌ଗାଅ

୧୦ ହେ ହାଗା ମିଶିକ, ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ନୁଡ଼ମ୍‌ତେ ଆଇଜ୍ ଆପେକେଇଜ୍ ବିକ୍ରିପେ ତାନା, ଜାଗାର୍‌ତାନ୍ ଇମ୍‌ତା ମିଦ୍‌ମନ୍‌ତେଗି ଜାଗାରେପେ । ଏନାରେ ଆପେ ଆଲାରେ ଜେତାନ୍ ବିନ୍‌ଗାଅ କା ହବାଅଃଆ, ଆତଃ ମିଦ୍ ମନ୍, ମିଦ୍ ଉଡ଼ଃରେ ପକ୍‌ତାକେଦ୍‌ତେ ମେସାଅଃପେ । ୧୧ ହେ ହାଗା ମିଶିକ, ଆପେ ଆଲାରେ କାପ୍‌ଜି ହବାଅଃତାନା ମେନ୍ତେ

* ୧:୨ ୧:୨ ପ୍ରେରିତ୍ ୧୮:୧.

ଖୁଲିଆଅଠ ଅଡ଼ାରେନ୍ ଚିମିନ୍‌ଝାନ୍ ହଡ଼କ ଆଇଙ୍ଗକେକ ଉଦୁବକାଦିୟା । ୧୨ *ଆଇଁୟାଃ ଉଡ଼ୁରେ, ଆପେକଏତେ ଚିମିନ୍ ହଡ଼କ କାଜିୟାଃ, “ଆଲେ ପାଉଲୁସକେଲେ ଅତଙ୍ଗଈତାନା,” ଆଡ଼ ଚିମିନ୍‌କ କାଜିୟାଃ, “ଆଲେ ଆପୋଲୋକେଲେ ଅତଙ୍ଗଈତାନା,” ଆଡ଼ ଚିମିନ୍‌କ କାଜିୟାଃ, “ଆଲେ ପାଡ଼ରାସକେଲେ ଅତଙ୍ଗଈତାନା,” ଆଡ଼ ଚିମିନ୍‌କ କାଜିୟାଃ, “ଆଲେ ଖ୍ରୀଷ୍ଟକେଲେ ଅତଙ୍ଗଈତାନା ।” ୧୩ ଖ୍ରୀଷ୍ଟ ଚିନାଃ ହିସାକାନାଏ ? ଆପେ ନାଗେନ୍ତେଟି ପାଉଲୁସ କୁଶ୍‌ରେ କିଲକାନ୍ ତାଇକେନା ? ତାଏ ଆପେଟି ପାଉଲୁସ ନୁଡ଼ୁମତେପେ ବାପ୍ତିସ୍ମାକାନ୍ ତାଇକେନା ?

୧୪ *ପାର୍‌ମେଶ୍ୱାର୍‌ଆଃ ଧାନ୍ୟାବାଦ୍ ହବାଅଃକା, ଆଇଙ୍ଗ କ୍ରୀଷ୍ଟସ୍ ଆଡ଼ ଗାୟସକେ ବାଗିକେଦ୍‌ତେ ଆପେଏତେ ଜେତାଏକେ ବାପ୍ତିସ୍ମା କାଇଙ୍ଗ୍ ଏମ୍ । ୧୫ ଏନାତେ ଆପେ ଆଇଁୟାଃ ନୁଡ଼ୁମତେ ବାପ୍ତିସ୍ମାକାନାପେ ମେନ୍ତେ ଜେତାଏ କାକ କାଜି ଦାଡ଼ିୟା । ୧୬ *ହେଗି, ଆଇଙ୍ଗ, ସ୍ତ୍ରୀମାନ୍ ଆଡ଼ ଆୟାଃ ଅଡ଼ାରେନ୍‌କକେ ବାପ୍ତିସ୍ମା ଏମାକାଦକଆଇଙ୍ଗ୍, ଆଡ଼ ଏଟାଃକକେ ବାପ୍ତିସ୍ମା ଏମାକାଦକଆଇଙ୍ଗ୍ ମେନ୍ତେ ଆଇଙ୍ଗ୍ କାଇଙ୍ଗ୍ ପାହାମେତାନା । ୧୭ ଚିୟାଃଟି ବାପ୍ତିସ୍ମା ଏମ୍ ନାଗେନ୍ତେ ଖ୍ରୀଷ୍ଟ ଆଇଙ୍ଗକେ କାଏ କୁଲ୍, ମେନ୍‌ଦ ସୁକୁକାଜି ଉଦୁବ୍ ନାଗେନ୍ତେ କୁଲକାଦିୟା; ଏନାହଗି କୁଶ୍ ଚେତାନରେ ଯୀଶୁ ଖ୍ରୀଷ୍ଟଆଃ ଗନଏଃ ଆଲକା ସାମାଏଶ୍ୱାଗଃକା ମେନ୍ତେ ମାନଝାକଆଃ ସେଣ୍‌ରେୟାଃ କାଜି ଲେକାତେ କା ହବାକାନା ।

ପାର୍‌ମେଶ୍ୱାର୍‌ଆଃ ସେଣ୍‌ ଆଡ଼ ପେଡ଼େଃ ଖ୍ରୀଷ୍ଟ ତାନିଃ

୧୮ ଜିୟନଃତାନ୍ ହଡ଼କ ନାଗେନ୍ତେ କୁଶ୍ ଚେତାନରେ ଖ୍ରୀଷ୍ଟଆଃ ଗନଏଃରାଃ କାଜି ମୁରୁଖ୍ କାଜି ତାନାଃ, ମେନ୍‌ଦ ଜୀଉ ବାଞ୍ଛାଅ ନାମେତାନ୍ ହଡ଼କ, ଆରୁଆଃ ନାଙ୍ଗ୍ ନେଆଁ ପାର୍‌ମେଶ୍ୱାର୍‌ଆଃ ପେଡ଼େଃ ତାନାଃ । ୧୯ ଧାରାମ୍‌ପୁଥ୍‌ରେ ଅଲକାନା, “ଆଇଙ୍ଗ୍ ସେଣ୍‌ନ୍ ହଡ଼କଆଃ ସେଣ୍‌ ଜିୟନେୟାଇଙ୍ଗ୍,

ରୁଦ୍ଧିମାନ୍ ହଡ଼କଆଃ ବୁଦ୍ଧିକେଇଙ୍ଗ୍ ଗେନାଆତମେୟା ।”

୨୦ ନେ ପାରିୟାରେନ୍ ସେଣ୍‌ନ୍ ହଡ଼କ, ବୁଦ୍ଧିମାନ୍ ହଡ଼କ, ତାଏ ଆଇନ୍ ଇଡୁକ କତେରେକଆ ? ପାର୍‌ମେଶ୍ୱାର୍ ନେ ଅତେଦିଶୁମ୍‌ରେୟାଃ ସେଣ୍‌କେ ଡଣ୍ଡ ତାନାଃ ମେନ୍ତେ କାଏଟି ଉଦୁବକାଦା ?

୨୧ ଚିୟାଃଟି ପାର୍‌ମେଶ୍ୱାର୍ ଆୟାଃ ପୁରାଃ ସେଣ୍‌ତେ ଉହାଟ୍‌କାଦ୍ ତାଇକେନା ଚି, ଅତେଦିଶୁମ୍‌ରେନ୍ ହଡ଼କ ଆକଆଃ ସେଣ୍‌ତେ ପାର୍‌ମେଶ୍ୱାର୍‌କେ ଆଲକାକ ସାରି ଦାଡ଼ିକା, ଆରୁ ଉଦୁବତାନ୍ ସୁକୁକାଜିକେ ଡଣ୍ଡ ମେନ୍ତେ କାଜିୟଃତାନା, ଏନ୍ ସୁକୁକାଜିରେ ବିଶ୍ୱାସେତାନ୍ ହଡ଼କକେ ବାଞ୍ଛାଅକ ନାଗେନ୍ତେ ପାର୍‌ମେଶ୍ୱାର୍ ମନେକେଦାଏ । ୨୨ ଯିହୁଦୀ ହଡ଼କ ପେଡ଼େୟାନ୍ ଚିହ୍ନିକ ଦାଣ୍‌, ଆଡ଼ ଗ୍ରୀକ୍ ହଡ଼କ ସେଣ୍‌କ ନାମ୍‌ବାଡ଼ାଃ, ୨୩ ମେନ୍‌ଦ ଆଲେ କୁଶ୍‌ରେ କିଲକାନ୍ ଯୀଶୁ ଖ୍ରୀଷ୍ଟକେଲେ ଉଦୁବତାନା । ନେ କାଜି ଯିହୁଦୀ ହଡ଼କ ନାଗେନ୍ତେ ତହଦଃ ଲେକାନାଃ ତାନାଃ ଆଡ଼ ସାଅଁସାର୍ ହଡ଼କ ନାଗେନ୍ତେ ମୁରୁଖ୍ ଲେକାନାଃ ତାନାଃ, ୨୪ ମେନ୍‌ଦ ଯିହୁଦୀ ହବାଅ ତାଏ ସାଅଁସାର୍, ପାର୍‌ମେଶ୍ୱାର୍ କେଡ଼ାକାଦ୍ ସବେନ୍‌କ ନାଗେନ୍ତେ ଯୀଶୁ ଖ୍ରୀଷ୍ଟ ହବାଅ ତାନାଏ, ପାର୍‌ମେଶ୍ୱାର୍‌ଆଃ ପେଡ଼େଃ ଆଡ଼ ସେଣ୍‌ । ୨୫ ଚିୟାଃଟି ଅକ୍‌ନାଃ ପାର୍‌ମେଶ୍ୱାର୍‌ଆଃ ମୁରୁଖ୍ ବିଷାଏ ମେନ୍ତେ ଉଡ଼ୁଗୁଃ ତାନା, ଏନା ମାନଝା ସେଣ୍‌ଏତେ ପୁରାଃ ସେଣ୍‌ନ୍‌ଗିଆ । ଆଡ଼ ଅକ୍‌ନାଃ ପାର୍‌ମେଶ୍ୱାର୍‌ଆଃ କା ପେଡ଼େୟାନ୍ ବିଷାଏ ମେନ୍ତେ ଉଡ଼ୁଗୁଃ ତାନା, ଏନା ମାନଝାରାଃ ପେଡ଼େଃହେତେ ପୁରାଃଟି ପେଡ଼େୟାନ୍‌ଗିୟା ।

୨୬ ହେ ହାଗା ମିଶିକ, ପାର୍‌ମେଶ୍ୱାର୍ ଆପେକେ କେଡ଼ାକେଦ୍‌ପେ ଇମ୍‌ତା ଆପେ ଚିଲ୍‌କାପେ ତାଇକେନା, ଏନା ପାହାମେପେ । ଅତେଦିଶୁମ୍ ଲେକାତେ ଆପେକଏତେ ଚିମିନ୍ ଝାନ୍ ହଡ଼କ ସେଣ୍‌ନ୍ କାପେ ତାଇକେନା, ପୁରାଃ ପେଡ଼େୟାନ୍ କାପେ ତାଇକେନା, ଆଡ଼ ମାରାଙ୍ଗ୍ ଅଡ଼ାରେନ୍ କାପେ ତାଇକେନା । ୨୭ ପାର୍‌ମେଶ୍ୱାର୍ ସେଣ୍‌ନ୍ ହଡ଼କକେ ଗିହୁଃଈଟିକ ନାଗେନ୍ତେ ଅତେଦିଶୁମ୍ ଲେକାତେ କା ସେଣ୍‌ନ୍ ହଡ଼କକେ ସାଲକେଦ୍‌କଆ ଆଡ଼ ପେଡ଼େୟାନ୍ ହଡ଼କକେ ଗିହୁଃଈଟିକ ନାଗେନ୍ତେ ଅତେଦିଶୁମ୍‌ରେ କା ପେଡ଼େୟାନ୍ ହଡ଼କକେ ସାଲକେଦ୍‌କଆ । ୨୮ ଅତେଦିଶୁମ୍ ଲେକାତେ ଅକ୍‌ନାଃ ଲାଗାତିଙ୍ଗ୍‌ତେୟାଃ ତାନାଃ, ଏନାକେ ଜିୟନେ ନାଗେନ୍ତେ ଅତେଦିଶୁମ୍‌ରେ ହିନିସ୍ତା, ହିଲକ୍‌ୟେ ଆଡ଼ ମୁରୁଖ୍ ବିଷାଏକକେ ପାର୍‌ମେଶ୍ୱାର୍ ସାଲକେଦାଏ । ୨୯ ନେଆଁତେ ସାରିୟଃତାନା, ପାର୍‌ମେଶ୍ୱାର୍‌ଆଃ ଆୟାର୍‌ରେ ଜେତା ହଡ଼ ଆପାନ୍‌କେ ମାରାଙ୍ଗ୍‌ୟେନ୍ କାଏ ଦାଡ଼ିୟା । ୩୦ ମେନ୍‌ଦ ପାର୍‌ମେଶ୍ୱାର୍ ଆପେକେ ଯୀଶୁ ଖ୍ରୀଷ୍ଟଲଃ ମେସାକାଦ୍‌ପେଆଏ ଆଡ଼ ଏନ୍ ଯୀଶୁ ଖ୍ରୀଷ୍ଟକେୟ ଆରୁଆଃ ସେଣ୍‌ ଲେକାଏ ବାଇକିୟା । ଆୟାଃ ହରାତେ ପାର୍‌ମେଶ୍ୱାର୍‌ଲଃ ଆରୁଆଃ ସାର୍‌ତି ନାତା ହବାକାନା, ଆରୁ ପାର୍‌ମେଶ୍ୱାର୍‌ଆଃ ଧାର୍‌ମାନ୍ ଆଡ଼ ପାବିତାର୍ ହଡ଼ ହବାକେଦ୍‌ତେ ମୁଲ୍‌ବୁ ନାମାକାଦା । ୩୧ ଏନାତେ ଧାରାମ୍‌ପୁଥ୍‌ରେ ଅଲକାନା, “ଜେତାଏ ଆପାନ୍‌କେ ମାରାଙ୍ଗ୍‌ୟେନ୍ ରିକା ନାଗେନ୍ତେ ସାନାଙ୍ଗ୍‌ତାନିଃ, ପ୍ରାଭୁ କାମିକାଦ୍ କାମି ନାଗେନ୍ତେ ଏସ୍‌କାର୍ ଇନିଃ ଆପାନ୍‌କେ ମାରାଙ୍ଗ୍‌ୟେନ୍‌କାଏ ।”

୨

କୁଶ୍‌ରେ କିଲକାନ୍ ଯୀଶୁ ଖ୍ରୀଷ୍ଟଆଃ ବିଷାଏରେୟାଃ କାନାଜି

* ୧:୧୨ ୧:୧୨ ପ୍ରେରିଡ୍ ୧୮:୨୪. ☆ ୧:୧୪ ୧:୧୪ ପ୍ରେରିଡ୍ ୧୮:୮; ପ୍ରେରିଡ୍ ୧୯:୨୯; ରୋମି ୧୭:୨୩. ☆ ୧:୧୭ ୧:୧୭ ୧ କବିଚ୍ଛନ୍ଦ ୧୭:୧୫.

୧ ହେ ହାଗା ମିଶିକ, ଆଇଙ୍କ ଆପେତାଃତେ ପାର୍ମେଶ୍ଵରଆଃ ଉକୁଆକାନ୍ ସାର୍ତ୍ତିକାଜି ଉଦୁବ୍ ନାଗେନ୍ତେଇଙ୍କ୍ ସେନାକାନ୍ ତାଇକେନ୍ରେ, ମାପୁରାଙ୍କ୍ କାଜି ଆତଃ ପୁରାଃ ଇତୁକାନ୍ ଲେକା କାଇଙ୍କ୍ ଉଦୁବ୍ । ୨ ଆଇଙ୍କ୍ ଆପେଲଃ ତାଇକେନ୍ ଇମତା, ଯାଶୁ ଶ୍ରୀଷ୍ଟ ଆତଃ ଆୟାଃ କୁଶ୍ରେୟାଃ ଗନଏଃ ବାଗିକେଦ୍ତେ ଏଗାଃ ଜେତାନ୍ ବିଷାଏ ସାରି ନାଗେନ୍ତେ କାଇଙ୍କ୍ ଉଡ଼ୁକେଦା । ୩ ଏନାତେ ଆଇଙ୍କ୍ ଆପେତାଃତେ ହିନ୍ଦୁଃୟାନ୍ ଇମତା, କା ପେଡ଼େୟାନ୍, ଆତଃ ବରତେ ଏକଲୀଅଃତାନ୍ ତାଇକେନାଇଙ୍କ୍ । ୪ ଆଇଁୟାଃ ଇନିତୁ ଆତଃ କାନାଜି, ମାନଝାରାଃ ସେଣାଁ ଲେକାତେ କା ଉଦୁବ୍କାନା, ମେନ୍ଦ୍ ପାର୍ମେଶ୍ଵରଆଃ ଆମ୍ବା ଆତଃ ପେଡ଼େଃରେୟାଃ ସାର୍ତ୍ତି ପ୍ରାମାଣ୍ଡେ ଉଦୁବ୍କାନ୍ ତାଇକେନା । ୫ ଆପେୟାଃ ବିଶ୍ଵାସ୍ ମାନଝାରାଃ ସେଣାଁ ଲେକାତେ କା ହବାକାନା, ମେନ୍ଦ୍ ପାର୍ମେଶ୍ଵରଆଃ ପେଡ଼େଃତେ ହବାକାନା ।

ପାର୍ମେଶ୍ଵରଆଃ ସେଣାଁ

୬ ହଲେହିଁ ଆଇଙ୍କ୍ ପାବିତାର୍ ଆମ୍ବାତେ ପକ୍ତାକାନ୍ ହଡ଼କତାଃରେ ସେଣାଁନ୍ କାଜିଇଙ୍କ୍ ଉଦୁବ୍କାଦା । ମେନ୍ଦ୍ ନେ ସେଣାଁ ନେ ଅତେଦିଶ୍ଵମ୍ରେୟାଃ ସେଣାଁ ନାହିଁଲାଃ, ଚାଏ ନେ ଅତେଦିଶ୍ଵମ୍ରେନ୍ ହାକିମ୍କଆଃ ଜିୟନଃ ସେଣାଁ ନାହିଁଲାଃ । ୭ ଆଇଙ୍କ୍ ପାର୍ମେଶ୍ଵରଆଃ ଉକୁଆକାନ୍ ସେଣାଁକେଇଙ୍କ୍ ଉଦୁବ୍ତାନା, ଅକନ୍ ସେଣାଁତି ମାନଝାତାଃଏତେ ଉକୁଆକାନା, ମେନ୍ଦ୍ ଆରୁଆଃ ମାନାରାଙ୍କ୍ ନାଗେନ୍ତେ ଅତେଦିଶ୍ଵମ୍ ବାଇୟାନ୍ ସିଦାରେ ପାର୍ମେଶ୍ଵର ଏନାକେ ସାଲୀକାଦ୍ ତାଇକେନା । ୮ ନେ ଅତେଦିଶ୍ଵମ୍ରେନ୍ ହାକିମ୍କଏତେ ଜେତା ହଡ଼ ନେ ସେଣାଁକେ କାକ ସାରିୟାକାଦ୍ ତାଇକେନା । ଇନ୍ଦୁ ଏନାକେ ସାରିକାତେତେୟାଃକ ହଲେ, ମାନାରାଙ୍କ୍ରେନ୍ ପ୍ରାଭୁକେ କୁଶ୍ରେ କାକ କିଲୀକାଇତେୟାଃ । ୯ ଜେ'ଲେକାତି, ଧାରାମ୍ପୁଥିରେ ଅଲୀକାନା,

“ଅକ୍ନାଃ ଜେତାଏ ଜେଡ଼ନାଃ କାକ ନେଲ୍ ଚାଏ କାକ ଆୟୁମ୍,
 ଅକ୍ନାଃ ହବାଅଃରେୟାଃ ଜେତାଏ ମନ୍ସୁରୁଦ୍ରେ କାକ ଉଡ଼ୁକାଦ୍ ତାଇକେନା,
 ଆଇଃକ୍କେ ଦୁଲୀଡ଼ତାନ୍ ହଡ଼କ ନାଗେନ୍ତେ ପାର୍ମେଶ୍ଵର ଏନାକେ ସେକାଡ଼ାକାଦା ।”

୧୦ ମେନ୍ଦ୍ ପାର୍ମେଶ୍ଵର ଆୟାଃ ଆମ୍ବା ହରାତେ ଆବୁକେ ନେ ଉକୁଆକାନ୍ ବିଷାଏକେ ଉଦୁବ୍କାଦ୍ବୁଆ । ଏନ୍ ଆମ୍ବାଗି ପାର୍ମେଶ୍ଵରଆଃ ଉକୁଆକାନ୍ ଇକିର୍ ବିଷାଏକ ସବେନାଃ ଦାଣାଏ । ୧୧ ହଡ଼ରାଃ ଆମ୍ବା, ହଡ଼ରାଃ ସବେନ୍ ବିଷାଏରେ ସାରିୟା, ଏନ୍ଲେକାଗି, ପାର୍ମେଶ୍ଵରଆଃ ଆମ୍ବା ଏସ୍କାର୍, ପାର୍ମେଶ୍ଵରଆଃ ସବେନ୍ ବିଷାଏରେ ସାରିୟା । ୧୨ ଆବୁ ଅତେଦିଶ୍ଵମ୍ରେନ୍ ଆମ୍ବାକେ କାବୁ ନାମ୍ । ମେନ୍ଦ୍ ପାର୍ମେଶ୍ଵର ଏମାକାଦ୍ ସବେନ୍ ବିଷାଏ ସାରି ନାଗେନ୍ତେ ପାର୍ମେଶ୍ଵର କୁଲୀକାଇ ଆମ୍ବାକେବୁ ନାମ୍କିୟା ।

୧୩ ଏନାତେ, ଆମ୍ବାରେନ୍ ହଡ଼କତାଃରେ ଆମ୍ବାରାଃ ସାନାର୍ତ୍ତି ଉଦୁବ୍ ଇମତା ଆବୁ ଅତେଦିଶ୍ଵମ୍ରେୟାଃ ସେଣାଁ ଲେକା କାବୁ ଉଦୁବାଃ, ମେନ୍ଦ୍ ପାବିତାର୍ ଆମ୍ବାରାଃ ଇନିତୁ ଲେକାତେ ଏନ୍ ସାନାର୍ତ୍ତିକେବୁ ଉଦୁବାଃ । ୧୪ ଜେତାଏତାଃରେ ପାର୍ମେଶ୍ଵରଆଃ ଆମ୍ବା ବାନଆଃ, ଇନିଃ ପାର୍ମେଶ୍ଵରତାଃତେ ହିନ୍ଦୁଃ ବାର୍ଦ୍ଦାନକେ କାଏ ନାମ୍ ଦାଡ଼ିୟା । ଏନ୍ ଲେକାନ୍ ହଡ଼ ନେ ବାର୍ଦ୍ଦାନକକେ କାଏ ଆର୍କାର୍ଉରୁମ୍ ଦାଡ଼ିୟା । ନେଆଁକ ଇନିଃ ନାଗେନ୍ତେ କା ସାରିତାନ୍ ଲେକାନାଃ ତାନାଃ, ଚିୟାଃତି ଏନ୍ ସବେନାଃକେ ଆମ୍ବିକ୍ ଲେକାତେ ବିଚାରଃଆ । ୧୫ ଜେତାଏତାଃରେ ପାର୍ମେଶ୍ଵରଆଃ ଆମ୍ବା ମେନାଃ, ଇନିଃ ସବେନ୍ ବିଷାଏରେୟାଃ ବୁଗିନାଃଗି ବିଚାରେୟା, ମେନ୍ଦ୍ ଇନିଃକେ ଜେତାଏ କାକ ବିଚାର୍ ଦାଡ଼ିୟା । ୧୬ ଧାରାମ୍ପୁଥିରେ ଅଲୀକାନ୍ ଲେକାଗି,

“ଅକଏ ପ୍ରାଭୁଆଃ ମନ୍ ସାରିୟାଏ ?
 ଅକଏ ଇନିଃକେ ଇତୁ ଦାଡ଼ିୟା ?”
 ମେନ୍ଦ୍ ଆବୁ ଯାଶୁ ଶ୍ରୀଷ୍ଟଆଃ ମନ୍ବୁ ନାମାକାଦା ।

୩

ପାର୍ମେଶ୍ଵରଆଃ ଦାସିକ

୧ ହେ ହାଗା ମିଶିକ, ଆଇଙ୍କ୍ ଆମ୍ବିକ୍ ହଡ଼କକେ କାଜିତାନ୍ ଲେକା ଆପେକେ କାଇଙ୍କ୍ କାଜିଦାଡ଼ି ତାନା, ମେନ୍ଦ୍ ଅତେଦିଶ୍ଵମ୍ରେନ୍ ହଡ଼କକେ ଆତଃ ଶ୍ରୀଷ୍ଟ ବିଶ୍ଵାସ୍ରେନ୍ ହନ୍କକେ କାଜିତାନ୍ ଲେକା ଆପେକେଇଙ୍କ୍ କାଜିପେତାନା । ୨ ଆଇଙ୍କ୍ ଆପେକେ ପାଚାଏ କା ଦାଡ଼ିୟାଃ ଲେକାନ୍ ଜମେୟାଃ କା ଏମ୍କେଦ୍ତେ ତଥା ନୁଁ ନାଗେନ୍ତେଇଙ୍କ୍ ଏମାଦ୍ପେୟା, ମେନ୍ଦ୍ ଆପେ ପାଚାଏ କା ଦାଡ଼ିୟାଃ ଲେକାନ୍ ଜମେୟାଃ ଜମ୍ ନାଗେନ୍ତେ କାପେ ସେକାଡ଼କାନ୍ ତାଇକେନା, ନାହିଁଃହଗି କାପେ ସେକାଡ଼କାନା । ୩ ନାହିଁଃ ଜାକେଦ୍ ଆପେ ଅତେଦିଶ୍ଵମ୍ରେନ୍ ହଡ଼କ ଲେକା ସେସେନ୍ ତାନାପେ । ଆପେ ଥାଲାରେ ହିସ୍ଜା ଆତଃ ଆପେ ଆପେରେ ଏପେଗେର୍ ହବାକାତେୟାଃତାନା, ନେଆଁତେ ଚିନାଃ ଆପେ ଅତେଦିଶ୍ଵମ୍ରେନ୍ ଆତଃ ଅତେଦିଶ୍ଵମ୍ ଲେକାପେ ସେସେନ୍ତାନା ମେନ୍ତେ କାପେ ଉଦୁବେନ୍ତାନା ? ୪ ଆପେକଏତେ ଜେତାଏ, ଆଇଙ୍କ୍ ପାଉଲୁସ୍କେ ଅତଙ୍ଗନିଃ ତାନିଙ୍, ଆତଃ ଏଗାଃନିଃ, ଆଇଙ୍କ୍ ଆପୋଲୋକେ ଅତଙ୍ଗନିଃ ତାନିଙ୍ ମେନ୍ତେ କାଜି ଇମତା ଚିନାଃ ଆପେ ଅତେଦିଶ୍ଵମ୍ରେନ୍ ହଡ଼କ ଲେକା କାପେତି କାମିତାନା ?

☆ ୨:୩ ୨:୩ ପ୍ରେରିଡ଼ ୧୮:୯. ☆ ୩:୨ ୩:୨ ଏବ୍ରୀ ୫:୧୨,୧୩. ☆ ୩:୪ ୩:୪ ୧ କବିଚ୍ଛିନ୍ଦ ୧:୧୨.

୫ ଆପୋଲୋ ଅକଏ ତାନିଃ ? ଆତଃ ପାଉଲୁସ୍ ଅକଏ ତାନିଃ ? ଇନ୍ଦ୍ରକୁ ସବେନ୍ ପାର୍ମେଶ୍ଵାର୍ଆଃ ଦାସିକ ଏସ୍କାର୍ ତାନ୍କ, ଇନ୍ଦ୍ରକୁ ଆପେକେ ବିଶ୍ଵାସୀ ହବାଅଃ ନାଗେନ୍ତେ ଦେଙ୍ଗାପେ ତାନାକ । ପାର୍ମେଶ୍ଵାର୍ ଆରୁକଏତେ ମିହୁଡ୍ ମିହୁଡ୍ତେ ଅକନ୍ କାମି ରିକା ନାଗେନ୍ତେ ଏମାକାଦ୍ରୁଆ, ଏନାବୁ କାମିୟାଃ । ୬ *ଆଇଙ୍ଗ୍ ହିତା ରୟାକାଦାଇଙ୍ଗ୍ ଆତଃ ଆପୋଲୋ ଏନାରେ ଦାଆଃ ଦୁଲ୍ଲକେଦାଏ, ମେନ୍ଦ ପାର୍ମେଶ୍ଵାର୍ ହିତାକେ ହାରାଇଦିକେଦା । ୭ ଜେତାଏ ହିତା ରଞ୍ଜେନିଃ ଚାଏ ଦାଆଃ ଦୁଲ୍ଲେନିଃ ଜେତାନିଃ ନାହାଁଲିଃ, ମେନ୍ଦ ପାର୍ମେଶ୍ଵାର୍, ଅକଏତି ହିତା ହାରାଇଦିନିଃ ମାରାଙ୍ଗ୍ ତାନିଃ । ୮ ହିତା ହେରନିଃ ଆତଃ ଦାଆଃ ଦୁଲ୍ଲନିଃ ବାରାନ୍କିନ୍ ମିଦ୍ଗିୟାକିନ୍ ଚିୟାଃତି ପାର୍ମେଶ୍ଵାର୍ ମିମିଆଦ୍ ହଡକକେ ଆକଆଃ କାମି ଲେକାତେ ନାଲାଏ ଏମାକଆ । ୯ ଚିୟାଃତି ଆବୁ ପାର୍ମେଶ୍ଵାର୍ଲଃ ମିସାତେ କାମିତାନ୍ ହଡକ ତାନ୍ଦ୍ରୁ, ଆପେ ପାର୍ମେଶ୍ଵାର୍ଆଃ ପିଡ୍ଡି ଆତଃ ଅଡ଼ାଃ ତାନ୍ଦେ । ୧୦ ପାର୍ମେଶ୍ଵାର୍ ଆଇଙ୍ଗ୍କେ ଏମାକାଦିଙ୍ଗ୍ ସାୟାଦ୍ ଲେକାତେ ଆଇଙ୍ଗ୍ ମିଆଦ୍ ସେଣାନ୍ ଅଡ଼ାଃ ବାଇନିଃ ଲେକା ନିହଁଗାଡ଼ା ବାଇୟାକାଦାଇଙ୍ଗ୍, ଏଟାଃ ମିହୁଡ୍ ଏନ୍ ତେତାନ୍ରେ ଅଡ଼ାଃ ବାଇତାନାଏ । ମେନ୍ଦ ଆପେକଏତେ ସବେନ୍କ ଅଡ଼ାଃ ଚିଲ୍ଲକାପେ ବାଇତାନା, ଏନ୍ ବିଷାଏରେ ଚିଗାଲ୍ଲାନାନ୍ ତାଇନ୍ ଲାଗାଡିଙ୍ଗ୍ୟାଃ । ୧୧ ଚିୟାଃତି ପାର୍ମେଶ୍ଵାର୍ ବାଇସେକାଡ଼ାକାଦ୍ ନିହଁଗାଡ଼ା ଯୀଶୁ ଖ୍ରୀଷ୍ଟି ତାନିଃ, ଇନିଃକେ ବାଗିକେଦ୍ତେ ଏଟାଃ ଜେତାଏ ନିହଁଗାଡ଼ା କାଏ ବାଇ ଦାଡ୍ଡିୟା । ୧୨ ଚିମିନ୍ ହଡକ ଏନ୍ ନିହଁଗାଡ଼ାରେ ସୋନା, ରୁପା, ଗନଙ୍ଗ୍ଆନ୍ ଦିରିତେ ଅଡ଼ାଃକ ବାଇୟା ଆତଃ ଏଟାଃ ଚିମିନ୍ ହଡକ ସାହାନ୍, ତାସାଦ୍ ଚାଏ ରୁପୁଃ ଏମ୍କେଦ୍ତେ ଅଡ଼ାଃକ ବାଇୟା । ୧୩ ମେନ୍ଦ ମିମିଆଦ୍ ହଡକଆଃ କାମି, ଯୀଶୁ ଖ୍ରୀଷ୍ଟିଆଃ ଆତଃମିସା ହିନିଜୁଃ ହୁଲାଙ୍ଗ୍ରେ ଉଦୁବଃଆ । ଏନ୍ ହୁଲାଙ୍ଗ୍ ମିହୁଡ୍ ମିହୁଡ୍ତରାଃ କାମି ସେଙ୍ଗେଲ୍ତେ ଉଦୁବଃଆ ଆତଃ ଚିଲ୍ଲକାନ୍ କାମିତାନାଃ ଏନା ସେଙ୍ଗେଲ୍ତେ ବିଡ଼ାଅକେଦ୍ତେ ଉଦୁବଃଆ । ୧୪ ଜେତାଏ ନିହଁଗାଡ଼ାରେ ଅଡ଼ାଃ ବାଇକେଦ୍ତେ ସେଙ୍ଗେଲ୍ ବିଡ଼ାଅରେ କାଏ ଜିୟନିଃଆ, ଇନିଃ ନାଲାଏ ନାମେୟା । ୧୫ ଜେତାଏୟାଃ କାମି ଜିୟନିଃରେଦ୍, ଇନିଃ ଏନାକେ ଆଦେୟା, ମେନ୍ଦ ସେଙ୍ଗେଲ୍ ହରାତେ ବାସ୍ତାଅକାନ୍ ହଡ ଲେକା ଇନିଃ ଆଇଃକ୍ଗି ବାସ୍ତାଅ ନାମେୟାଏ ।

୧୬ *ଆପେ ପାର୍ମେଶ୍ଵାର୍ଆଃ ମାହିର୍ ଅଡ଼ାଃ ତାନ୍ଦେ, ଏନା ଆପେ ସାର୍ତିଗିପେ ସାରିତାନା ଆତଃ ପାର୍ମେଶ୍ଵାର୍ଆଃ ଆମ୍ବା ଆପେୟାଃ ମନ୍ସୁରୁଦ୍ରେ ତାଇନାଃ ତାନା । ୧୭ ଜେତାଏ ପାର୍ମେଶ୍ଵାର୍ଆଃ ମାହିର୍କେ ଜିୟନେରେଦ୍, ପାର୍ମେଶ୍ଵାର୍ ଇନିଃକେ ଜିୟନିଆ । ଚିୟାଃତି ପାର୍ମେଶ୍ଵାର୍ଆଃ ମାହିର୍ ପାବିତାର୍ଗିଆ ଆତଃ ଆପେ ଇନିୟାଃ ମାହିର୍ ତାନ୍ଦେ ।

୧୮ ଆପେ, ଆପେଗି ଆଲ୍ପେ ବେଦାନାଃ । ଆପେକଏତେ ଜେତା ହଡ୍ ଆପାନ୍କେ ଅତେଦିଶୁମ୍ ଲେକାତେ ସେଣାନ୍ ମେନ୍ତେ ମନେତାନ୍ରେଦ୍, ଇନିଃ ସାର୍ତି ସେଣାଁ ନାମେ ନାଗେନ୍ତେ ଆପାନ୍କେ କା ସେଣାଁ ଲେକା ହବାଅଃ ଲାଗାଡିଙ୍ଗ୍ୟାଃ । ୧୯ ଚିୟାଃତି ନେ ଅତେଦିଶୁମ୍ରେୟାଃ ସେଣାଁ ପାର୍ମେଶ୍ଵାର୍ଆଃ ଆୟାର୍ରେ ଡଣ୍ଡ ତାନାଃ । ଧାରାମ୍ପୁଥ୍ରେ ଅଲ୍ଲାନା, “ପାର୍ମେଶ୍ଵାର୍ ସେଣାନ୍ ହଡକକେ ଆକଆଃ ଚାତୁରେନ୍ କାମିରେ ସାବ୍କଆ ।” ୨୦ ଆତଃଗି ଧାରାମ୍ପୁଥ୍ରେ ଅଲ୍ଲାନା, “ସେଣାନ୍ ହଡକଆଃ ଉଡ୍ଡୁ ସାମାକାଜି ତାନାଃ, ମେନ୍ତେ ପ୍ରାଭୁ ସାରିୟାଃଏ ।” ୨୧ ଏନାତେ, ମାନଞ୍ଜାରାଃ କାମି ବିଷାଏରେ ଜେତାଏ ଆପାନ୍କେ ଆଲ୍ଲକାଏ ମାରାଙ୍ଗ୍ୟେନ୍କା । ସାର୍ତିଗି ସବେନାଃ ଆପେୟାଃଗି ତାନାଃ: ୨୨ ପାଉଲୁସ୍, ଆପୋଲୋ, ପାଡ୍ରେସ୍, ନେ ଅତେଦିଶୁମ୍, ଜୀଦାନ୍, ଆତଃ ଗନ୍ଏଃ, ନାହାଁଃ ଆତଃ ହିଜୁଃ ଦିପିଲି, ନେ ସବେନାଃ ଆପେୟାଃ ତାନାଃ, ୨୩ ମେନ୍ଦ ଆପେ ଖ୍ରୀଷ୍ଟିଆଃ ତାନ୍ଦେ, ଆତଃ ଖ୍ରୀଷ୍ଟି ପାର୍ମେଶ୍ଵାର୍ଆଃ ତାନିଃ ।

୪

ଖ୍ରୀଷ୍ଟିଆଃ ପ୍ରେରିତ୍ତକ

୧ ଆପେ ଆଲେକେ ଖ୍ରୀଷ୍ଟିଆଃ ଦାସି ଆତଃ ପାର୍ମେଶ୍ଵାର୍ଆଃ ଉକ୍ତୁଆକାନ୍ ସାନାର୍ତିରାଃ ନାମାକାଦ୍ ଭାଣ୍ଡାରି ଲେକା ଉଡ୍ଡୁଲେପେ । ୨ ନେ ଲେକାନ୍ ଭାଣ୍ଡାରିରାଃ ବାହାରମ୍ ନାମାକାଦ୍ ହଡ୍ ଆୟାଃ ଗମ୍କେୟାଃ ନାଗେନ୍ତେ ପାଡିୟାର୍ରେଃ ଲେକାନ୍ନିଃ ହବାଅଃ ଲାଗାଡିଙ୍ଗ୍ୟାଃ । ୩ ନାହାଁଃ, ନେ ବିଷାଏରେ ଆପେୟାଃ ହରାତେ ଚାଏ ଜେତାନ୍ ମାନଞ୍ଜାରେୟାଃ ବିଚାର୍ତେ ବିଚାରଃ ନାଗେନ୍ତେ ଆଇଙ୍ଗ୍ କାଇଙ୍ଗ୍ ଉଡ୍ଡୁତାନା, ଆତଃ ଆଇଙ୍ଗ୍, ଆଇଙ୍ଗ୍ଗି ଆଇଁୟାଃ ବିଚାର୍ କାଇଙ୍ଗ୍ ରିକାଃ । ୪ ଚିୟାଃତି ଆଇଙ୍ଗ୍ ଆଇଁୟାଃ ବିରୁଧ୍ରେ ଜେତାନ୍ କାଜି ମେନାଃ ମେନ୍ତେ କାଇଙ୍ଗ୍ ସାରିତାନା, ଏନ୍ରେୟ ଏନାରେ ଆଇଙ୍ଗ୍ କାଇଙ୍ଗ୍ ଚିଟାକାନା ମେନ୍ତେ କାଇଙ୍ଗ୍ କାଜିତାନା । ମେନ୍ଦ ପ୍ରାଭୁ ଆଇଁୟାଃ ବିଚାର୍ନିଃ ତାନିଃ । ୫ ଏନାତେ ନେତା ତେବାଃ ସିଦାରେ ଆପେ ଜେତାଏକେ ଆଲ୍ପେ ବିଚାର୍କଆ । ପ୍ରାଭୁଆଃ ଚୁଣ୍ଡୁ ବିଚାର୍ ହିଜୁଃ ଦିପିଲି ଜାକେଦ୍ ତାଜିକାତେପେ । ଇନିଃ ନୁବାଃରେ ଉକ୍ତୁଆକାନ୍ତେୟାଃ ମାର୍ସାଲ୍ତେ ଆଉୟା । ହଡକଆଃ ମନ୍ସୁରୁଦ୍ରେ ଉକ୍ତୁଆକାନ୍ତେୟାଃ ସବେନାଃ ଉଦୁବେୟା । ଇମ୍ତା ସବେନ୍କ ପାର୍ମେଶ୍ଵାର୍ତାଏତେ ମାନାରାଙ୍ଗ୍ ନାମେୟା ।

୬ ହେ ହାଗା ମିଗିକ, ଆଇଙ୍ଗ୍ ଆପେୟାଃ ବୁଗିନାଃ ନାଗେନ୍ତେ ନେ ସବେନାଃ ଆପୋଲୋ, ଆତଃ ଆଇଁୟାଃ ବିଷାଏରେଇଙ୍ଗ୍ କାଜିକାଦା । ଆଲିଙ୍ଗ୍ ବାରାନ୍କିନ୍କେ ନାମୁନା ଲେକା ମନେକେଦ୍ତେ ଆପେକେ ଇଡୁନ୍ ଲାଗାଡିଙ୍ଗ୍ୟାଃ,

☆ ୩:୬ ୩:୬ ପ୍ରେରିତ୍ତ ୧୮:୪-୧୧; ପ୍ରେରିତ୍ତ ୧୮:୨୪-୨୮. ☆ ୩:୧୬ ୩:୧୬ ୧ କବିଚ୍ଛିଦ୍ଧ ୬:୧୯; ୨ କବିଚ୍ଛିଦ୍ଧ ୬:୧୭.

ଧାରାମ୍ପୁଅରେ ଅଲୀକାନ୍ତେୟାଃ ଆଲ୍ପେ ପାରମେୟାଂ, ନେଆଁ ଆପେ ଆଲେତାଃଏତେ ଇତୁନ୍ଦେ, ଆତଃ ଆପେକଏତେ ଜେତାଏକେ ଇଦିକେଦ୍ୱତେ ଆପାନ୍ତକେ ଆଲ୍ପେ ମାରାଙ୍ଗ୍‌ୟେନା, ତାଏ ଜେତାଏକେ ଆଲ୍ପେ ହିଲାଙ୍ଗକଥା ।^୭ ଆପେକେ ଅକଏ ଏତାଃନିଃତାଃଏତେ ମାରାଙ୍ଗକାଦ୍‌ପେୟା ? ଆପେୟାଃ ସବେନାଃ ତିନାଃ ପାରମେଶ୍ୱାନ୍ କାଏ ଏମାକାଦ୍‌ପେୟା ? ଏନାରେ ଆପେ ଦାନ୍ କା ନାମାକାଦ୍ ଲେକା ତିନାଃ ମେନ୍ତେ ଆପାନ୍ତକେ ମାରାଙ୍ଗ୍ ମେନ୍ତେପେ କାଜିନ୍‌ତାନା ?

୮ ଆପେୟାଃ ଲାଗାତିଙ୍ଗ୍‌ତେୟାଃ ସବେନାଃ ନାମ୍ ସେକାଡ୍‌କେଦାପେତି ? ଆପେ ତିନାଃ କିସାଂଶ୍ୱୟାନାପେ ? ଆଲେ କାଲେ ରାଜାକାନ୍‌ରେୟ, ଆପେ ତିନାଃ ରାଜା କାନାପେତି ? ସାର୍‌ତିଗି ଆପେ ରାଜା ହବାକାନ୍‌ରେଦ ବୁଗିନାଃ ହବାକାନ୍‌ତେୟାଃ, ତିୟାଃତି ଆଲେୟ ଆପେଲଃ ରାଜଜେତେୟାଃଲେ ।^୯ ଆଇଁୟାଃ ହିତୁରେ, ଆଲେ ଲେକାନ୍ ପ୍ରେରିଡ୍‌କକେ ପାରମେଶ୍ୱାନ୍ ସବେନକଥାଃଏତେ ତାୟମ୍‌ରେ ଦହକାଦକଥା । ଗନ୍‌ଏଃ ସାଜାଇ ନାମାକାଦ୍ ହଡ୍ ଲେକା ଆଲେ ଅତେଦିଶ୍ୱମ୍‌ରେ ହଡ୍‌କଥାଃ, ଆତଃ ଦୁଡ୍‌କଥାଃ ସାମ୍‌ନାଙ୍ଗ୍‌ରେ ଲାୟାକାନ୍‌କ ଲେକାଲେ ହବାକାନା ।^{୧୦} ଆଲେ ଶ୍ରୀଷ୍ଟ ନାଗେନ୍ତେଲେ ତଣ୍ଡକାନା, ମେନ୍‌ଦ୍ ଆପେ ଶ୍ରୀଷ୍ଟରେ ମିଦ୍‌କାନ୍ ହରାତେ ସେଶାଁକାନାପେ, ଆଲେଦଲେ ନାରାଦୁରାକାନା ମେନ୍‌ଦ୍ ଆପେ ପେଡେଃସପେ ନାମାକାଦା, ଆଲେଦଲେ ହିଲାଙ୍ଗକାନା ମେନ୍‌ଦ୍ ଆପେ ମାଜନ୍‌ପେ ନାମାକାଦା ।^{୧୧} ଆଲେ ନାହାଁଃ ଜାକେଦ୍‌ଲେ ରେନ୍ତେଃତାନା, ତେତାଙ୍ଗ୍‌ତାନା, ଚେତାଃ ଲିଜାଃଲେ ତୁସିଙ୍ଗକାନା, ଦାଲଃତାନା ଆତଃ ଅଡ଼ାଃ ବାନଃଆ, ^{୧୨} ଆଲେ କେଟେଦ୍ କାମି କାମିକେଦ୍‌ତେଲେ ଲାଗାତାରଃ ତାନା । ଜେତାଏ ଆଲେକେ ସାର୍‌ପାଅଲେ ତାନ୍‌ରେ, ଆଲେ ଇନ୍‌କୁକେ ଆଶିଷ୍ଟକତାନାଲେ । ସିଗିଦଃତାନ୍‌ରେ ସାହାତିଙ୍ଗ୍ ତାନାଲେ, ^{୧୩} ହିଲାଙ୍ଗ୍‌ଲେ ତାନ୍‌କକେ ଲେବେଃ କାଜିତେଲେ କାଜିରୁହାଡ୍‌କତାନା । ଆଲେ ନାହାଁଃ ଜାକେଦ୍ ଅତେଦିଶ୍ୱମ୍‌ରେ କେଦ୍‌ରା ଆତଃ ହୁମ୍‌ ଲେକାଲେ ହବାକାନା ।

^{୧୪} ଆପେକେ ଗିହୁଃଇତିପେ ନାଗେନ୍ତେ ନେଆଁ ଆଇଙ୍ଗ୍ କାଜଙ୍ଗ୍ ଅଲେତାନା, ମେନ୍‌ଦ୍ ଆଇଁୟାଃ ଦୁଲାଡ୍ ହନ୍‌କ ଲେକାଜଙ୍ଗ୍ ଉଦୁବ୍‌ପେତାନା । ^{୧୫} ଶ୍ରୀଷ୍ଟରେ ଆପେୟାଃ ପୁରାଃଗି ଗେଲ୍ ହାଜାର୍ ଧାରାମ୍ ଗୁରୁକ ମେନାକରେୟ, ଆପେୟାଃ ମିଆଁଦଗି ଆପୁ ମେନାକୟା । ଆଇଙ୍ଗ୍ ଆପେତାଃରେ ସୁକୁକାଜି ଉଦୁବ୍‌କେଦାଜଙ୍ଗ୍ ଆତଃ ଯୀଶୁ ଶ୍ରୀଷ୍ଟକେ ଆପେ ବିଶ୍ୱାସ୍‌କିୟାପେ ଏନାତେ ଆଇଙ୍ଗ୍ ଆପେୟାଃ ଆପୁ ଲେକାଜଙ୍ଗ୍ ହବାୟାନା । ^{୧୬} ଏନାମେନ୍ତେ ଆଇଁୟାଃ ନାମୁନା ଲେକା ସେସେନ୍‌ପେ ମେନ୍ତେଇଙ୍ଗ୍ ବିନ୍ତିପେତାନା । ^{୧୭} ଏନା ନାଗେନ୍ତେ ଆଇଙ୍ଗ୍ ପ୍ରାଭୁରେ ଦୁଲାଡ୍ ଆତଃ ପାତିୟାରଃ ଲେକାନ୍ ହନ୍ ତାମଥୁକେ ଆପେତାଃତେଇଙ୍ଗ୍ କୁଲିତାନା । ଆଇଙ୍ଗ୍ ଯୀଶୁ ଶ୍ରୀଷ୍ଟଲଃ ତାଜକେଦ୍‌ତେ ନାଝା ଜୀଦାନରେ ସେସେନ୍‌ତାନ୍‌ଲଃ ସବେନ୍‌ତାଃରେ, ସବେନ୍ କାଲିସିୟାରେଇଙ୍ଗ୍ ଇତୁକାଦ୍‌କଥା, ଏନା ଇନିଃ ଆପେକେ ପାହାମ୍‌ଇତିପେୟା ।

^{୧୮} ଆଇଙ୍ଗ୍ ଆପେତାଃତେ କାଜଙ୍ଗ୍ ହିଜୁଃଆ ମେନ୍ତେ ଆପେ ଉଡ୍‌ଧୁତାନ୍‌ଲଃ ଆପେକଏତେ ତିମିନ୍ ହଡ୍‌କ ମାରାଙ୍ଗ୍‌ୟେନ୍‌ ତାନା । ^{୧୯} ପ୍ରାଭୁଆଃ ସାନାଙ୍ଗ୍ ହବାଅଃରେଦ, ଆଇଙ୍ଗ୍ ଆପେତାଃତେ ଜାଲ୍‌ଦିଗିଇଙ୍ଗ୍ ହିଜୁଃଆ । ଇମ୍‌ତା ଆଇଙ୍ଗ୍ ନେ ମାରାଙ୍ଗ୍‌ୟେନ୍ ହଡ୍‌କଥାଃ କାଜି କାଜଙ୍ଗ୍ ଆୟୁମାଃ, ମେନ୍‌ଦ୍ ଇନ୍‌କୁଆଃ ପେଡେଃ ତିମିନ୍ ମେନାଃ ଏନା ଆଇଙ୍ଗ୍‌ଗିଇଙ୍ଗ୍ ନେଲେୟା । ^{୨୦} ତିୟାଃତି ପାରମେଶ୍ୱାନ୍‌ଆଃ ରାଜଜଦ୍‌ ଜାଗାର୍ ବିଷାଏ ଏସ୍‌କାର୍ ନାହାଁଲାଃ ମେନ୍‌ଦ୍ ପେଡେଃରେୟାଃ ବିଷାଏ ତାନାଃ । ^{୨୧} ଆପେ ତିନାଃ ସାନାଙ୍ଗ୍‌ତାନାପେ ? ଆଇଙ୍ଗ୍ ଆପେକେ ଚେତାଅପେ ନାଗେନ୍ତେ ସଚା ସାବ୍‌କେଦ୍‌ତେଇଙ୍ଗ୍ ହିଜୁଃଆ ତି, ଦୁଲାଡ୍‌ ଆତଃ ଲେବେଃ ମନ୍‌ତେଇଙ୍ଗ୍ ହିଜୁଃଆ ?

୫

କାଲିସିୟାରେ ଏଡ୍‌କାନ୍ ତାଇଲ୍ ଚାଲାନ୍

^୧ ଆପେ ଆଲାରେ ଅକନ୍ ଆପାଙ୍ଗ୍‌ର୍ କାମି ହବାଅଃତାନା, ଏନ୍‌ଲେକାନ୍ ଆପାଙ୍ଗ୍‌ର୍ କାମି ସାଅଁସାର୍ ହଡ୍‌କ ଆଲାରେୟ କା ହବାଅଃତାନା । ଆଇଙ୍ଗ୍ ଆୟୁମ୍‌କାଦାଜଙ୍ଗ୍, ଆପେଏତେ ମିହୁଡ୍ ଆପୁତେୟାଃ କୁଡିତେକେ ଆୟାଃ କୁଡି ଲେକାଏ ଦହକିୟା । ^୨ ଏନ୍‌ରେହ ଆପେ ଚିଲ୍‌କାତେ ଆପେୟାଃ ବିଷାଏରେ ଆପାନ୍‌କେ ମାରାଙ୍ଗ୍ ମେନ୍ତେପେ କାଜି ଦାଡିତାନ୍ ? ଆପେ ଗିହୁଃକେଦ୍‌ତେ, ଏନ୍ ଲେକା କାମିକାଦ୍ ହଡ୍‌କେ ଆପେୟାଃ ମେନେସାଏତେ ଆତମ୍‌ଏଶ୍ୱା ଲାଗାତିୟା । ^୩ ଆଇଙ୍ଗ୍ ଏନ୍ତାଃରେ କାଜଙ୍ଗ୍ ତାଇକେନ୍‌ରେୟ ଆମ୍‌ାରେ ଆପେତାଃରେଇଙ୍ଗ୍ ତାଇକେନା, ଆତଃ ଆପେତାଃରେ ତାଇନ୍‌ତାନ୍‌ନିଃ ଲେକା ଏନ୍ ଲେକାନ୍ କାମି କାମିକାଦ୍‌ନିଃକେ ଆଇଙ୍ଗ୍ ବିଚାର୍ ଚାବାକିୟା । ^୪ ପ୍ରାଭୁ ଯୀଶୁଆଃ ନୁଡ୍‌ମ୍‌ତେ ଆପେ ମିଦ୍‌ତାଃରେ ହୁଣ୍ଡିକାନ୍ ଇମ୍‌ତା ଆଇଙ୍ଗ୍‌ହ୍ ଏନ୍ତାଃରେ ଆପେଲଃ ଆମ୍‌ାରେଇଙ୍ଗ୍ ତାଇକେନା ଆତଃ ଆବୁଆଃ ଆଲାରେ ପ୍ରାଭୁ ଯୀଶୁଆଃ ପେଡେଃ ତାଇକେନା । ^୫ ଏନ୍ ଲେକାନ୍ ହଡ୍‌କେ ଆୟାଃ ହଡ୍‌ମ୍ ଜିୟନେ ନାଗେନ୍ତେ ସାଏତାନ୍‌ରାଃ ତିଃଇରେ ଜିମାତାଇପେ । ଜେ'ଲେକାଚି ପ୍ରାଭୁଆଃ ହିନିଜୁଃ ହୁଲାଙ୍ଗ୍‌ରେ ଆୟାଃ ଆମ୍‌ା ବାଞ୍ଚାଅ ଦାଡିୟଃଆ ।

^୬ ଏନ୍‌ଲେକା ଆପାନ୍‌କେ ମାରାଙ୍ଗ୍‌ୟେନ୍ ଆପେୟାଃ ନାଗେନ୍ତେ କା ବୁଗିନାଃ । କାଟିଃଲେକା ରାନୁ ଗଟା ମାଏଦାକେ ଜୋଜୟା ଏନା ଆପେ କାପେତି ସାରିତାନା ? ^୭ ଆପେ ଆପେୟାଃ ପାପ୍ ଲେକାନ୍ ମାରି ରାନୁକେ ସାଜିନ୍‌କେଦ୍‌ତେ

☆ ୪:୧୨ ୪:୧୨ ପ୍ରେରିଡ୍ ୧୮:୩. ☆ ୪:୧୭ ୪:୧୭ ୧ କବିତ୍ୱ ୧୧:୧; ଫିଲିପିୟ ୩:୧୭. ☆ ୫:୭ ୫:୭ ଗାଲାତିୟ ୫:୯.

ପୁରା ଫାର୍‌ଚିୟାରେଦ, ଆପେ ରାନ୍ ବାନଃ ନାଞ୍ଜା ମାଏଦା ଲେକାପେ ହବାଅଃଆ । ଆଇଙ୍ଗ୍ ସାରିତାନାଇଙ୍ଗ୍ ନାହାଁଃ ଆପେ ଫାର୍‌ଚିଗି ମେନାପେୟା । ତିୟାଃଚି ଆରୁଆଃ ପାସକା ପାରାବ୍ ସେକାଡ଼ାକାନା ଆତଃ ଶ୍ରୀଷ୍ଟ୍ ଆରୁଆଃ ପାସକା ପାରାବ୍‌ରେୟାଃ ମିଶ୍ଟିହନ୍ ଲେକା ଦାଣ୍ଟି ରାକାବ୍‌ୟାନାଏ । ୮ ଏନାତେ ଏଲା ହିନ୍ଦୁଃପେ, ପାପ୍ ଆତଃ ଏଡକାନ୍ ଲେକାନ୍ ମାରି ରାନ୍‌କେ ବାଗିକେଦ୍‌ତେ ଲେବେଃ ମନ୍‌ତେ ଆତଃ ସାନାର୍‌ତିତେ ରାନ୍ ବାନଃ ହଲଙ୍ଗ୍‌ତେ ନେ ପାରାବ୍‌କେବୁ ମାନାତିୟେୟା ।

୯ ଆପେ ଆପାଙ୍ଗିର୍ ହଡକଆଃ ସାଙ୍ଗାତିରେ ଆଲ୍‌ପେ ମେସାନା ମେନ୍ତେ ଆଇଙ୍ଗ୍ ସିଦା ତିଟାଉରେ ଅଲାକାଦ୍ ତାଇକେନାଇଙ୍ଗ୍ । ୧୦ ଆପେ ନେ ଅତେଦିଶୁମ୍‌ରେନ୍ ଆପାଙ୍ଗିର୍, ଲୋଭୀ, କୁମ୍‌ତୁ ଆତଃ ମୁରୁଡ୍ ପୁଜାତାନ୍ ହଡକଲଃ ଜେତାନ୍ ନାତା ଆଲ୍‌ପେ ଦହୟା ମେନ୍ତେ ଆଇଙ୍ଗ୍ କାଇଙ୍ଗ୍ କାଜିତାନା । ଆପେ ନାତା କାପେ ଦହଲେରେ, ଆପେକେ ନେ ଅତେଦିଶୁମ୍‌ଏତେ ଅତଙ୍ଗ୍ ଲାଗାତିଙ୍ଗ୍‌ୟାଃ । ୧୧ ଆଇଁୟାଃ କାଜିରାଃ ମୁଣ୍ଡି ହବାଅଃତାନା, ଆପେୟାଃ ହାଗା ମେନ୍ତେ ସାରିକାନ୍ ଜେତାଏ ହଡ ଆପାଙ୍ଗିର୍‌ନିଃ, ଲୋଭାନିଃ, ମୁରୁଡ୍ ସେଞ୍ଜାନିଃ, ହିଲାଙ୍ଗ୍‌ନିଃ, ଇଲିଆର୍‌ଖ୍‌ରେ ବୁଲଃନିଃ, ଚାଏ କୁମ୍‌ତୁନିଃ ହବାଅଃରେଦ, ଇନିଃଲଃ ସବେନ୍ ନାତା ବାଗିତାପେ । ଏନ୍‌ଲେକାନ୍ ହଡଲଃ ଦୁବ୍‌କେଦ୍‌ତେ ଆଲ୍‌ପେହ୍ ଜିଜ୍‌ମାଃ ।

୧୨ କାଲିସିୟାଏତେ ବାହାରିରେନ୍ ହଡକଆଃ ବିଚାର୍ ରିକା ନାଗେନ୍ତେ ଆଇଙ୍ଗ୍ ଅକଏ ତାନିଙ୍ଗ୍ ? ମେନ୍‌ଦ ଆରୁଆଃ କାଲିସିୟାରେନ୍ ହଡକଆଃ ବିଚାର୍ ନାଗେନ୍ତେ ଆରୁଆଃ ତିନାଃ ଆକ୍‌ତେୟାର୍ ବାନଃଆ ? ୧୩ ପାର୍‌ମେଶ୍‌ବାର୍ ଇନ୍‌କୁକେ ବିଚାର୍‌କଆ, ଧାରାମ୍‌ପୁଅରେ ଅଲାକାନା, “ଆପେକଏତେ ଏନ୍‌ଲେକାଗି ଏଡକାନ୍ ହଡକକେ ବାହାରି ଅତଙ୍ଗ୍‌କପେ ।”



ଶ୍ରୀଷ୍ଟିୟାନ୍ ହାଗାକଆଃ ନ୍ୟାୟ ବିଚାର୍

୧ ଆପେକଏତେ ଜେତାଏତାଃରେ ଏଟାଃ ଶ୍ରୀଷ୍ଟିୟାନ୍ ହାଗା ବିରୁଧ୍‌ରେ କାଜି ମେନାଃରେଦ, ଇନିଃ ବିଚାର୍ ନାଗେନ୍ତେ ପାର୍‌ମେଶ୍‌ବାର୍‌ଆଃ ହଡକତାଃତେ କା ସେନ୍‌କେଦ୍‌ତେ ସାଅଁସାର୍ ହଡକତାଃତେ ସେନ୍ ନାଗେନ୍ତେ ତିଲ୍‌କାତେ ସାହାସେ ତାନା ? ୨ ପାର୍‌ମେଶ୍‌ବାର୍‌ଆଃ ହଡକ ନେ ଅତେଦିଶୁମ୍‌କେ ବିଚାରେୟାକ ମେନ୍ତେ ତିନାଃ ଆପେ କାପେ ସାରିତାନା ? ଆପେ ନେ ଅତେଦିଶୁମ୍‌କେପେ ବିଚାର୍ ଦାଡିତାନ୍‌ରେଦ, ନେ ହୁପୁଡିଙ୍ଗ୍ କାଜିକ ତିନାଃ କାପେ ବିଚାର୍ ଦାଡିୟା ? ୩ ଆରୁ ଦୁଁଡକକେ ବିଚାର୍‌କଆରୁ, ଏନା ଆପେ କାପେଚି ସାରିତାନା ? ତାବ୍‌ଦ ନେ ସାଂସାର୍‌ରେ ହବାଅଃତାନ୍ ବିଷାଏକ ବିଚାର୍ ନାଗେନ୍ତେ ଆରୁଆଃ ନେ ଜାଦାନ୍‌ରେ ତିମିନ୍ ରାଞ୍ଜାଲ୍ ହବାଅଃଆ ! ୪ କାଲିସିୟାରାଃ ନେପେଲ୍‌ରେ ଅକନ୍‌କଚି ମାଇନ୍ କାକ ନାମେତାନା, ଏନ୍ ହଡକତାଃତେ ଆପେ ନେ ହୁପୁଡିଙ୍ଗ୍ କାଜିକ ବିଚାର୍ ନାଗେନ୍ତେ ତିନାଃମେନ୍ତେପେ ସେନ୍‌ତାନା ? ୫ ଏନା ନାଗେନ୍ତେ, ଆପେୟାଃ ଗିହୁଗଃରାଃ କାଜିତାନାଃ ! ଶ୍ରୀଷ୍ଟିୟାନ୍ ହାଗାକ ଆଲାରେ କା ବାପାଇ ତାନକଆଃ ବିଚାର୍ ରିକାଦାଡି ନାଗେନ୍ତେ କାଲିସିୟାରେ ମିହୁଡ୍ ଲେକାଦ ସେଣ୍‌ନ୍ ହଡ ତାଇନାଏ ! ୬ ମିହୁଡ୍ ହାଗା ଆତଃମିହୁଡ୍ ହାଗାରାଃ ବିରୁଧ୍‌ରେ କାଚାଇରିତେ ସେନ୍‌କେଦ୍‌ତେ, କା ବିଶ୍ୱାସ୍‌ତାନ୍ ହଡକତାଃରେ ବିଚାରେନ୍‌ତାନା ।

୭ ଆପେ ଆଲାରେ ହବାଅଃତାନ୍ କା ବାପାଇ ହରାତେ କାଚାଇରିତେ ନ୍ୟାୟବିଚାର୍ ନାଗେନ୍ତେପେ ସେନ୍‌ତାନା, ଏନା ଆପେ ପୁରା ହାରାଅକାନାପେ ମେନ୍ତେ ଉଦୁବେତାନା । ନ୍ୟାୟବିଚାର୍ ରିକାଏତେଦ ଏଡକାନାଃ ସାହାତିଙ୍ଗ୍‌କେଦ୍‌ତେ ଜିୟନଃତେୟାଃ, ଆପେ ନାଗେନ୍ତେ ବୁଗିନାଃ ହବାଅଃତେୟାଃ । ୮ ନେଆଁ କାମିକେଦ୍ ହରାତେ ଆପେ ଆପେଗି ମିହୁଡ୍ ଆତଃମିହୁଡ୍‌ଆଃ ଏଡକାନ୍ କାମି କାମିତାନାପେ ଆତଃ କୁମ୍‌ତୁତାନାପେ, ଏନ୍‌ଲେକାଗି ଏଟାଃ ବିଶ୍ୱାସୀ ହାଗା ମିଶିକଲଃହ୍ କାମିତାନାପେ । ୯ ଏଡକାନ୍ ହଡକ ପାର୍‌ମେଶ୍‌ବାର୍‌ଆଃ ରାଇଜ୍‌ରେ କାକ ବଲ ଦାଡିୟା ମେନ୍ତେ ତିନାଃ ଆପେ କାପେ ସାରିତାନା ? ଆଲ୍‌ପେ ବେଦାଅଃଆ; କା ଆଣ୍‌ଦିକାନ୍ କଡ଼ା ଆତଃ ଆଣ୍‌ଦି କୁଡିଲଃ ଆପାଙ୍ଗିର୍ କାମିତାନ୍‌କ, ଆଣ୍‌ଦିକାନ୍ କଡ଼ା ଚାଏ କୁଡି ଏଟାଃ ଆଣ୍‌ଦିକାନ୍ କଡ଼ା ଚାଏ କୁଡିଲଃ ଆପାଙ୍ଗିର୍ କାମିତାନ୍‌କ, ମୁରୁଡ୍ ପୁଜାତାନ୍‌କ, କଡ଼ା କୁଡିଲେକା ଚାଇଲ୍ ଚାଇଲ୍‌କ, କଡ଼ାକ ଆକରେଗି ଆପାଙ୍ଗିର୍‌ତାନ୍‌କ, ୧୦ କୁମ୍‌ତୁକୁ, ଟାକା ପାଏସା ହାୟାତାନ୍‌କ, ଇଲିଆର୍‌ଖ୍‌ରେ ବୁଲଃତାନ୍‌କ, ହିଲାଙ୍ଗ୍‌ତାନ୍‌କ, ରେରେଃକ୍‌କ, ନେ ସବେନ୍‌କ ପାର୍‌ମେଶ୍‌ବାର୍‌ଆଃ ରାଇଜ୍‌ରେ କାକ ବଲ ଦାଡିୟା । ୧୧ ଆପେକଏତେ ତିମିନ୍‌କ ଏନ୍‌ଲେକାପେ ତାଇନ୍‌କେନା । ମେନ୍‌ଦ ପ୍ରାଭୁ ଯୀଶୁ ଶ୍ରୀଷ୍ଟ୍‌ଆଃ ନୁଡୁମ୍‌ତେ ଆତଃ ଆରୁଆଃ ପାର୍‌ମେଶ୍‌ବାର୍‌ଆଃ ଆମ୍ବା ହରାତେ ନାହାଁଃ ଆପେ ପାପ୍‌ହେତେ ଫାର୍‌ଚିଆକାନାପେ, ପାବିତାର୍ କାମି ନାଙ୍ଗ୍ ଜିମାକାନାପେ, ଆତଃ ଧାର୍‌ମାନ୍ ହଡ ମେନ୍ତେପେ ଲେକାକାନା ।

ଆପେୟାଃ ହଡକମ୍‌କେ ପାର୍‌ମେଶ୍‌ବାର୍‌ଆଃ ମାନାରାଙ୍ଗ୍ ନାଗେନ୍ତେ ବେଭାରେପେ

୧୨ ☆ଜେତାଏ ମିହୁଡ୍ କାଜିୟାଏ, “ଆଇଙ୍ଗ୍‌କେ ସବେନାଃ ରିକା ନାଗେନ୍ତେ ଆରୁକାନା ।” ସାର୍‌ତି କାଜିତାନାଃ, ମେନ୍‌ଦ ସବେନାଃ ଆପେ ନାଗେନ୍ତେ କା ବୁଗିନାଃ । ଆଇଙ୍ଗ୍‌କେ ସବେନ୍ କାମି ରିକା ନାଗେନ୍ତେ ଆରୁକାନା, ମେନ୍‌ଦ ଆଇଙ୍ଗ୍ ଜେତାଏକେ ଆୟାଃ ଆକ୍‌ତେୟାର୍‌ରେ ଦହ ନାଗେନ୍ତେ ସୁଯୋଗ୍ କାଇଙ୍ଗ୍ ଏମ୍ ଦାଡିୟା । ୧୩ ଜେତାଏ ମିହୁଡ୍ କାଜିୟାଏ, “ଜମେୟାଃ ଲାହିଦ୍ ନାଗେନ୍ତେ, ଆତଃ ଲାହିଦ୍ ଜମେୟାଃ ନାଗେନ୍ତେ ।” ସାର୍‌ତି କାଜିତାନାଃ, ମେନ୍‌ଦ ପାର୍‌ମେଶ୍‌ବାର୍ ବାରାନାଃକେ ଜିୟନେଆଁ । ହଡମ୍ ଆପାଙ୍ଗିର୍ କାମି ନାଗେନ୍ତେ ନାହାଁଲାଃ, ମେନ୍‌ଦ ପ୍ରାଭୁଆଃ ସେଞ୍ଜାରେ ବାଉରାଅଃକା,

☆ ୬:୧୨ ୬:୧୨ ୧ କବିଚ୍ଛିନ୍ଦ ୧୦:୨୩.

ଚିନ୍ତାଚିତ୍ର ପ୍ରାଭୁ ହତଫରାଃ ଲାଗାତିକ୍ଷ୍ମତେୟାଃ ଜଗାଅନିଃ ତାନିଃ ।^{୧୪} ପାର୍ମେଶ୍ଵାର୍ ଆୟାଃ ପେଡ଼େଃତେ ପ୍ରାଭୁ ଯୀଶୁକେ ଗନଂଃହେତେ ଜୀଉବିରିଦକିୟାଏ ଆତଃ ଇନିଃ ଆବୁକେୟ ଆୟାଃ ପେଡ଼େଃତେ ଜୀଉବିରିଦବୁଆ ।

^{୧୫} ଆପେୟାଃ ହତଫ ଯୀଶୁ ଶ୍ରୀଷ୍ଠିଆଃ ହତଫରାଃ ହିସା ଲେକାନାଃ ତାନାଃ ଏନା କାପେଚି ସାରିକାଦା ? ଚିନାଃ ଆଇଙ୍ଗ ଯୀଶୁ ଶ୍ରୀଷ୍ଠିଆଃ ହତଫରାଃ ମିଦ୍ ହିସାକେ ଇଦିକେଦ୍ତେ କା ଆଶ୍ଵଦିକାନ୍ କଡ଼ା ଚାଏ କୁଡ଼ିଲଃ ଆପାଙ୍ଗିରକାନ୍ନିଆଃ ହିସାଇଙ୍ଗ୍ ବାଇୟା ? ଏନ୍କା ଆଲକା ହବାଅଃକା ।^{୧୬} ଚାଏ ଜେତାଏ କା ଆଶ୍ଵଦିକାନ୍ କଡ଼ା ଚାଏ କୁଡ଼ିଲଃ ଆପାଙ୍ଗିରକାନ୍ନିଃଲଃ ମିଦ୍ରେ ମେସାନାଏ, ଇନିଃ ଏନ୍ କା ଆଶ୍ଵଦିକାନ୍ କଡ଼ା ଚାଏ କୁଡ଼ିଲଃ ଆପାଙ୍ଗିରକାନ୍ନିଃଲଃ ମିଆଁଦ୍ ହତଫଃଆଏ, ଚିନାଃ ଏନା କାପେ ସାରିତାନା ? ଚିନ୍ତାଚିତ୍ର ଧାରାମପୁଅରେ ବୁଗିଲେକା ଅଲକାନା, “ଏନ୍ ବାରାନ୍କିନ୍ ମିଆଁଦ୍ ହତଫଃଆକିନ୍ ।”^{୧୭} ମେନ୍ଦ୍ ଜେତାଏ ପ୍ରାଭୁଲଃ ମେସାଅଃଆଏ, ଇନିଃ ପ୍ରାଭୁଆଃ ଆମ୍ବରେ ମିଦଃଆ ।

^{୧୮} ଆପାଙ୍ଗିର କାମିଏତେ ସାଙ୍ଗିନଃପେ । ଏଟାଃ ଜେତାନ୍ ପାପ୍ଏତେ ହତଫରାଃ ହତଫ କା ନକ୍ସାନଃଆ, ମେନ୍ଦ୍ ଆପାଙ୍ଗିର କାମିନିଃ ଆୟାଃ ହତଫ ବିରୁଧ୍ରେ ପାପ୍ ରିକାଏୟା ।^{୧୯} ଆପେୟାଃ ହତଫଦ୍ ପାର୍ମେଶ୍ଵାର୍ତାଃଏତେ ନାମାକାଦ୍ ପାବିତାର୍ ଆମ୍ବରାଃ ମାନ୍ଦିର୍ ତାନାଃ, ଏନା କାପେଚି ସାରିତାନା ? ଆପେ ଆପେଗି ନାହାଁଲାପେ, ମେନ୍ଦ୍ ପାର୍ମେଶ୍ଵାର୍ତାଃ ତାନ୍ପେ ।^{୨୦} ଇନିଃ ଆପେକେ ପୁରାଃ ଗନଙ୍ଗ୍ଆନ୍ତେ କିରିଙ୍ଗକାଦ୍ପେୟା । ଏନାତେ ଆପେ ଆପେୟାଃ ହତଫତେ ପାର୍ମେଶ୍ଵାର୍ତାଃ ମାନାରାଙ୍ଗ୍ ରିକାଏପେ ।



ଆଶ୍ଵଦି ବିଷାଏରେ କୁନୁଲି

^୧ ଆପେ ଆଇଙ୍ଗକେ ଚିଟାଉରେ କୁଲିକାଦିଙ୍ଗ୍ କୁନୁଲି, ନାହାଁଃ ଆଇଙ୍ଗ୍ ଆପେକେଇଙ୍ଗ୍ କାଜିରୁହାଡ଼ପେତାନା । ହତ୍ କା ଆଶ୍ଵଦିନ୍ତେୟାଃ ବୁଗିନାଃ ତାନାଃ ।^୨ ମେନ୍ଦ୍ ଆପାଙ୍ଗିର କାମି ପେରେଜାକାନ୍ ହରାତେ ସବେନ୍ ହତଫରାଃ କୁଡ଼ି ଆତଃ ସବେନ୍ କୁଡ଼ିରାଃ କଡ଼ା ତାଇନଃ ଲାଗାତିକ୍ଷ୍ମୟାଃ ।^୩ କଡ଼ା ଆୟାଃ କୁଡ଼ିରାଃ ଲାଗାତିକ୍ଷ୍ମତେୟାଃ ପୁରାଏକା ଆତଃ କୁଡ଼ି ଆୟାଃ କଡ଼ାରାଃ ଲାଗାତିକ୍ଷ୍ମତେୟାଃ ପୁରାଏକା । ଆତଃ ବାରାନ୍କିନ୍ ଆକିନାଃ ବାରାନ୍କିନାଃ ଲାଗାତିକ୍ଷ୍ମତେୟାଃ ପୁରାଏ ନାଗେନ୍ତେ ଲାଗାତିକ୍ଷ୍ମୟାଃ ।^୪ ଆୟାଃ ଆପ୍ନାଃ ହତଫରେ କୁଡ଼ିରାଃ ଜେତାନ୍ ଆକ୍ତେୟାର୍ ବାନଃଆ, ମେନ୍ଦ୍ କଡ଼ାରାଃ ମେନାଃ । ଏନ୍ଲେକାଗି ଆୟାଃ ଆପ୍ନାଃ ହତଫରେ କଡ଼ାରାଃ ଜେତାନ୍ ଆକ୍ତେୟାର୍ ବାନଃଆ, ମେନ୍ଦ୍ କୁଡ଼ିରାଃ ମେନାଃ ।^୫ ମିହୁଡ଼ ଆତଃମିହୁଡ଼ତାଃଏତେ ଆଲକାଏ ବିନ୍ଗାଅଃକା । ମେନ୍ଦ୍ ବାରାନ୍କିନ୍ ମିଦ୍ତାଃରେ ବିକ୍ତରେ ତାଇନ୍ ନାଗେନ୍ତେ ଘାଡ଼ିକାଦ୍ ନାଙ୍ଗ୍ ବିନ୍ଗାଅ ଦାଡ଼ିୟାକିନ୍ । ଆପାନ୍କେ କାବୁରେ ଦହ ନାଗେନ୍ତେ କାମ୍ବର ତାଇନ୍ ହରାତେ ସାଏତାନ୍ ଇନ୍କିନ୍କେ ବିଡ଼ାଅରେ ଆଲକାଏ ଉୟୁଃକିନ୍କା, ଏନାମେନ୍ତେ ଆତଃମିସା ମିଦ୍ରେ ମେସାନ୍କାକିନ୍ ।

^୬ ଆଇଙ୍ଗ୍ ଆପେକେ ହୁକୁମ୍ ଏମ୍ତାନ୍ ଲେକାଦ୍ କାଇଙ୍ଗ୍ କାଜିତାନା, ମେନ୍ଦ୍ ଆବୁପେତାନ୍ ଲେକାଇଙ୍ଗ୍ କାଜିପେତାନା ।^୭ ଆପେ ସବେନ୍କ ଆଇୟାଃ ଲେକା ହବାଅଃପେ ମେନ୍ତେଇଙ୍ଗ୍ ସାନାଙ୍ଗ୍ତାନା । ମେନ୍ଦ୍ ସବେନ୍କ ଆକଆଃ ଆପ୍ନାଃ ବାର୍ଦାନ୍ ପାର୍ମେଶ୍ଵାର୍ତାଃଏତେ ନାମାକାଦାକ । ସବେନ୍କ ମିଦ୍ ଲେକାଗି ବାର୍ଦାନ୍ କା ନାମ୍ବକେଦ୍ତେ ଏଟାଃ ଏଟାଃ ବାର୍ଦାନ୍କ ନାମାକାଦା ।

^୮ ନାହାଁଃ ଆଇଙ୍ଗ୍ କା ଆଶ୍ଵଦିକାନ୍ ଆତଃ ରାଣ୍ଡିକୁଡ଼ିକକେଇଙ୍ଗ୍ କାଜିତାନା, ଇନ୍କୁ ଆଇୟାଃଲେକା ଏସ୍କାର୍ଗିକ ତାଇନ୍ରେ ବୁଗିନାଃ ହବାଅଃତେୟାଃ ।^୯ ମେନ୍ଦ୍ ଇନ୍କୁ ଆକଗି ଏଡକାନ୍ ସାନାଙ୍ଗ୍ଏତେ କାକ ସାମ୍ବତାଅ ଦାଡ଼ିୟାଃରେଦ, ଆଶ୍ଵଦିୟଃକାକ । ଚିନ୍ତାଚିତ୍ର କା ସାହାଅକେଦ୍ତେ ତାଇନଃଏତେଦ ଆଶ୍ଵଦିୟଃରେ ବୁଗିନାଃ ହବାଅଃଆ ।

^{୧୦} ଆଇଙ୍ଗ୍ ଆଶ୍ଵଦିକାନ୍କକେ ହୁକୁମ୍ ତାନାଇଙ୍ଗ୍, ଅକ୍ନାଃଚି ଆଇୟାଃ ହୁକୁମ୍ ନାହାଁଲାଃ ମେନ୍ଦ୍ ପ୍ରାଭୁଆଃ ତାନାଃ : କୁଡ଼ି ଆୟାଃ କଡ଼ାକେ ଆଲକାଏ ବାଗିକା,^{୧୧} ଇନିଃ କଡ଼ାକେ ବାଗିରେଦ ଏସ୍କାର୍ଗି ତାଇନଃକା ଚାଏ କଡ଼ାତେଲଃ ଆତଃମିସା ମେସାରୁହାଡ଼େନ୍କା । ଆତଃ କଡ଼ାତେ ଆୟାଃ କୁଡ଼ିକେ ବାଗିରେଆଃ ଅନଲ୍ ଆଲକାଏ ଏମାଇକା ।

^{୧୨} ଆଇଙ୍ଗ୍ ଏଟାଃକକେଇଙ୍ଗ୍ କାଜିକତାନା, ନେଆଁ ପ୍ରାଭୁ କାଏ କାଜି, ଆବୁ ଆଲାରେନ୍ ଜେତାଏ ହାଗାତେୟାଃ କୁଡ଼ି ଶ୍ରୀଷ୍ଠି ବିଶ୍ଵାସୀ ନାହାଁଲିଃ ଆତଃ ଏନ୍ କୁଡ଼ି ଆୟାଃ କଡ଼ାତେଲଃ ତାଇନଃ ନାଗେନ୍ତେ ସାନାଙ୍ଗ୍ରେଦ, ଏନ୍ ହାଗା ଇନିଃକେ ବାଗିରେଆଃ ଅନଲ୍ ଆଲକାଏ ଏମାଇକା ।^{୧୩} ଏନ୍ଲେକାଗି ଜେତାଏ କଡ଼ା, ଶ୍ରୀଷ୍ଠି ବିଶ୍ଵାସୀ ନାହାଁଲିଃ ଆତଃ ଶ୍ରୀଷ୍ଠି ବିଶ୍ଵାସୀ କୁଡ଼ିଲଃ ତାଇନଃ ନାଗେନ୍ତେ ସାନାଙ୍ଗ୍ରେଦ, ଏନ୍ କୁଡ଼ି ଇନିଃକେ ବାଗିରେଆଃ ଅନଲ୍ ଆଲକାଏ ଏମାଇକା ।^{୧୪} ଚିନ୍ତାଚିତ୍ର କା ବିଶ୍ଵାସ୍ତାନ୍ କଡ଼ା, ବିଶ୍ଵାସ୍ତାନ୍ କୁଡ଼ିତେଲଃ ମିଦ୍ରେ ମେସାୟାନ୍ ହରାତେ ପାର୍ମେଶ୍ଵାର୍ ଇନ୍କିନ୍କେ ପାବିତାର୍ କାଦ୍କିନା ଆତଃ ଏନ୍ କା ବିଶ୍ଵାସ୍ତାନ୍ କୁଡ଼ି, ବିଶ୍ଵାସ୍ତାନ୍ କଡ଼ାତେଲଃ ମିଦ୍ରେ ମେସାୟାନ୍ ହରାତେ ପାର୍ମେଶ୍ଵାର୍ ଇନ୍କିନ୍କେ ପାବିତାର୍ କାଦ୍କିନା । ଏନ୍କା କା ହବାକାନ୍ରେଦ, ଇନ୍କିନାଃ ହନ୍ଗାଁଣାକ ସଡ଼ରା ଲେକାକ ହବାକାନ୍ତେୟାଃ, ମେନ୍ଦ୍ ନାହାଁଃ ଇନ୍କୁ ପାବିତାର୍କାନାକ ।^{୧୫} କା ବିଶ୍ଵାସ୍ତାନ୍ ହତ୍, ବିଶ୍ଵାସ୍ତାନ୍ନିଃକେ ବାଗିନାଙ୍ଗ୍ ସାନାଙ୍ଗ୍ତାନ୍ରେଦ, ଇନିଃ ବାଗି ଦାଡ଼ିୟାଏ । ନେ ବିଷାଏରେ ଶ୍ରୀଷ୍ଠିୟାନ୍ ହାଗା ମିଗି ଜେତାନ୍ ନିୟାମ୍ରେକାକ

☆ ୭:୧୯ ୭:୧୯ ୧ କବିଚ୍ଛିନ୍ଦ ୩:୧୭; ୨ କବିଚ୍ଛିନ୍ଦ ୭:୧୭. ☆ ୭:୧୦ ୭:୧୦ ମାଥୁର ୫:୩୨; ୧୯:୯; ମାର୍କ ୧୦:୧୧,୧୨; ଲୁକ ୧୭:୧୮.

ତଲାକାନା ଚାଏ ଜେତାଏୟାଃ ଦାସି ନାହାଁଲାକ । ଚିୟାଃଚି ପାର୍ମେଶ୍ଵାର୍ ଆପେକେ ସୁକୁଜୀଉରେ ତାଇନଃ ନାଗେନ୍ତେ କେଡ଼ାକାଦପେୟା । ୧୭ ଶ୍ରୀଷ୍ଟ ବିଶ୍ଵାସୀ କୁଡ଼ି, ଆମ୍ ଆମାଃ କଡ଼ାରାଃ ଜୀଉ ବାଞ୍ଚାଅନିଃ ଲେକାମ୍ ହବାଅଃଆ, ନେଆଁ ଚିଲ୍ଲକାମ୍ ସାରିଦାଡ଼ିୟା ? ଚାଏ ଏ କଡ଼ା, ଆମ୍ ଆମାଃ କୁଡ଼ିରାଃ ଜୀଉ ବାଞ୍ଚାଅନିଃ ଲେକାମ୍ ହବାଅଃଆ, ନେଆଁ ଚିଲ୍ଲକାମ୍ ସାରିଦାଡ଼ିୟା ?

ପାର୍ମେଶ୍ଵାର୍‌ଆଃ କେନେଡ଼ା ଲେକା ଜୀହୁଦଃପେ

୧୭ ପ୍ରାଭୁଆଃ ସାୟାଦ୍‌ତେ ନାମାକାଦ୍ ବାଦ୍‌ଦାନ୍ ଲେକାତେ ଆଡ଼ଃ ପାର୍ମେଶ୍ଵାର୍‌ଆଃ କେନେଡ଼ା ନାମାକାଦ୍ ଲେକାତେ ଜୀହୁଦଃପେ । ନେଆଁ ଆଇଙ୍ଗ୍ ସବେନ୍ କାଲିସିୟାରେଇଙ୍ଗ୍ ଇଡୁକାଦ୍‌କଆ । ୧୮ ଖାଡ଼ନାଅୟାନ୍ ତାୟମ୍‌ତେ ଜେତାଏ ପାର୍ମେଶ୍ଵାର୍‌ଆଃ କେନେଡ଼ା ନାମେରେଦ୍, ଇନିଃ କା ଖାଡ଼ନାଅକାନ୍ ଲେକା ହବାଅଃ ନାଗେନ୍ତେ ଆଲକାଏ ମନେକା, ଆଡ଼ଃ କା ଖାଡ଼ନାଅକାନ୍ ହଡ଼ ପାର୍ମେଶ୍ଵାର୍‌ଆଃ କେନେଡ଼ା ନାମାକାଦ୍‌ରେଦ୍, ଇନିଃ ଖାଡ଼ନାଅଃ ନାଗେନ୍ତେ ଆଲକାଏ ମନେକା । ୧୯ ଜେତାଏ ହଡ଼ ଖାଡ଼ନାଅଃ ଚାଏ କାଏ ଖାଡ଼ନାଅଃ, ଏନାରେ ଜେଡ଼ନାଃ କା ହବାଅଃଆ, ମେନ୍‌ଦ୍ ପାର୍ମେଶ୍ଵାର୍‌ଆଃ ଆନ୍‌ତୁକେ ଏସକାର୍ ମାନାତିଙ୍ଗ୍ ଲାଗାତିୟାଁ । ୨୦ ପାର୍ମେଶ୍ଵାର୍‌ଆଃ କେନେଡ଼ା ନାମକେଦ୍ ଇମ୍‌ତା ଆପେ ଚିଲ୍ଲକା ତାଇନ୍‌କେନାପେ ଏନ୍‌ଲେକାଗି, ଏନାରେ ତାଇନ୍‌ପେ । ୨୧ ପାର୍ମେଶ୍ଵାର୍ କେଡ଼ାକେଦ୍‌ପେ ଇମ୍‌ତା ଚିନାଃ ଆପେ ଦାସିପେ ତାଇକେନା ? ଠାଉକାଗିୟା, ମନ୍‌ରେ ଆଲ୍‌ପେ ଦୁକୁଃଆ, ମେନ୍‌ଦ୍ ଆପେ ତନଲ୍‌ଏତେ ରାଡ଼ାଅଃ ନାଗେନ୍ତେ ବୁଗିନ୍ ନେଡ଼ା ନେଲ୍‌କାତେପେ । ୨୨ ଚିୟାଃଚି ପ୍ରାଭୁଆଃ କେନେଡ଼ା ନାମାକାଦ୍ ଦାସି, ପ୍ରାଭୁଆଃ ରାଡ଼ାକାନ୍ ହଡ଼ତାନିଃ, ଏନ୍‌ଲେକାଗି ଯୀଶୁ ଶ୍ରୀଷ୍ଟିଆଃ କେନେଡ଼ାତେ ରାଡ଼ାକାନ୍ ହଡ଼, ଯୀଶୁ ଶ୍ରୀଷ୍ଟିଆଃ କିରିଙ୍ଗ୍‌ଦାସି ତାନିଃ । ୨୩ ପାର୍ମେଶ୍ଵାର୍ ଆପେକେ ପୁରାଃ ଗନଙ୍ଗ୍‌ତେ କିରିଙ୍ଗ୍‌କାଦ୍‌ପେୟା, ଏନାତେ ହଡ଼କଆଃ ଦାସି ଆଲ୍‌ପେ ହବାଅଃଆ । ୨୪ ହେ ହାଗା ମିଶିକ, ପାର୍ମେଶ୍ଵାର୍ ଆପେକେ କେଡ଼ାକେଦ୍‌ପେ ଇମ୍‌ତା ଆପେ ଅକଲେକାପେ ତାଇନ୍‌କେନା, ଏନ୍‌ଲେକାଗି ଆପେ ପାର୍ମେଶ୍ଵାର୍‌ଲଃ ସାଙ୍ଗାତିରେ ତାଇନ୍‌ପେ ।

କା ଆଣ୍ଡିକାନ୍ ଆଡ଼ଃ ରାଣ୍ଡିକୁଡ଼ିକଆଃ ବିଷାଏରେ କୁନ୍‌ଲି

୨୫ ଆପେ କା ଆଣ୍ଡିକାନ୍ ହଡ଼କ ବିଷାଏରେପେ କୁଲିକାଦା : ନେ ବିଷାଏରେ ଆଇଙ୍ଗ୍ ପ୍ରାଭୁତାଃଏତେ ଜେତାନ୍ ଆନାରୁ କାଇଙ୍ଗ୍ ନାମାକାଦା । ମେନ୍‌ଦ୍ ପ୍ରାଭୁଆଃ ଦାୟାତେ ଆଇଙ୍ଗ୍ ପାତିୟାରଃ ଲେକାନ୍ ହଡ଼ ଲେକା ଆଇଁୟାଃ ବିଚାର୍ ଲେକାତେଇଙ୍ଗ୍ କାଜିତାନା ।

୨୬ ନାହାଁଃରେୟାଃ ଦୁକୁହାସୁ ନେଲ୍‌କେଦ୍‌ତେ, ମିଆଁଦ୍ ହଡ଼ ଚିଲ୍ଲକା ମେନାଇୟା, ଏନ୍‌ଲେକାଗି ତାଇନଃରେ ବୁଗିନାଃ ହବାଅଃତେୟାଃ ମେନ୍ତେଇଙ୍ଗ୍ ଉଡ଼ୁତାନା । ୨୭ ଆପେ ଆଣ୍ଡିକାନ୍‌ରେଦ୍, ନେ ତନଲ୍‌କେ ରାଡ଼ାଏ ନାଗେନ୍ତେ ଆଲ୍‌ପେ ଚେଷ୍ଟାଏୟା । ଆଡ଼ଃ ଆପେ କାପେ ଆଣ୍ଡିକାନ୍‌ରେଦ୍, ଆଣ୍ଡିନ୍ ନାଗେନ୍ତେ ଆଲ୍‌ପେ ଚେଷ୍ଟାଏୟା । ୨୮ ଆପେ ଆଣ୍ଡିକାନ୍‌ରେଦ୍, ପାପ୍ କାମି କାପେ କାମିକାଦା; ଆଡ଼ଃ କା ଆଣ୍ଡିକାନ୍ କୁଡ଼ି ଆଣ୍ଡିନ୍‌ରେଦ୍, ଇନିଃ ପାପ୍ କାମି ଆଲକାଏ ରିକାଏକା । ମେନ୍‌ଦ୍ ଆଣ୍ଡିକାନ୍ ହଡ଼କ ପୁରାଃ ଦୁକୁକ ନାମେୟା, ଆଡ଼ଃ ଆପେ ନେ ଦୁକୁଏତେ ବାଚାଅଃପେ ମେନ୍ତେଇଙ୍ଗ୍ ସାନାଙ୍ଗ୍‌ତାନା ।

୨୯ ମେନ୍‌ଦ୍ ହେ ହାଗା ମିଶିକ, ଆଇଙ୍ଗ୍ ନେ କାଜି, କାଜି ନାଗେନ୍ତେଇଙ୍ଗ୍ ସାନାଙ୍ଗ୍‌ତାନା, ନେଡ଼ା ସେଚେରକାନା । ତିସିଙ୍ଗ୍‌ତାଃଏତେ ଆଣ୍ଡିକାନ୍ ହଡ଼କ କା ଆଣ୍ଡିକାନ୍ ହଡ଼କ ଲେକା ଜୀଞ୍ଜାନ୍ ବିତାଏକାକ, ୩୦ ଆଡ଼ଃ ରାଆଃତାନ୍ ହଡ଼କ କା ରାଆଃତାନ୍ ହଡ଼କ ଲେକା ହବାଅଃକାକ, ଆଡ଼ଃ ଲାୟାତାନ୍ ହଡ଼କ କା ଲାୟାତାନ୍ ହଡ଼କ ଲେକା ହବାଅଃକାକ, କିରିଙ୍ଗ୍‌ତାନ୍ ହଡ଼କ କିରିଙ୍ଗ୍‌କାଦ୍‌ତେୟାଃ ଆକଆଃ ନାହାଁଲାଃ ମେନ୍ତେ ମନେକାକ । ୩୧ ଆଡ଼ଃ ଅକନ୍‌କ ଅତେଦିଶୁମ୍‌ରେୟାଃ ଜିନିଷ୍ଟକକେ ବାଉରାଅ ତାନା, ଇନ୍‌କୁ କା ବାଉରାଅ ତାନ୍‌ଲେକାକ ହବାଅଃକା, ଚିୟାଃଚି ନେ ଅତେଦିଶୁମ୍ ବାଦ୍‌ଲାଅଃ ତାନା ।

୩୨ ମେନ୍‌ଦ୍ ଆପେ ନିର୍ଫିକିର୍ ତାଇନଃପେ, ମେନ୍ତେଇଙ୍ଗ୍ ସାନାଙ୍ଗ୍‌ତାନା । କା ଆଣ୍ଡିକାନ୍ ହଡ଼ ପ୍ରାଭୁଆଃ କାମି ରିକା ନାଗେନ୍ତେ ଆଇଃକ୍‌ଗି ଉଡ଼ୁଇକା, ଚିୟାଃଚି ପ୍ରାଭୁ ସୁକୁଃକାଏ ମେନ୍ତେ ଇନିଃ ଚେଷ୍ଟାଏ ତାନା । ୩୩ ମେନ୍‌ଦ୍ ଆଣ୍ଡିକାନ୍ କଡ଼ା ଆୟାଃ କୁଡ଼ିକେ ସୁକୁଇତି ନାଗେନ୍ତେ ଇନିଃ ଅତେଦିଶୁମ୍‌ରାଃ ବିଷାଏକେ ଉଡ଼ୁୟା, ୩୪ ଆଡ଼ଃ ଆୟାଃ ମନ୍ ବିନ୍‌ଗାଅଃଆ । କା ଆଣ୍ଡିକାନ୍ କୁଡ଼ି ଚାଏ ଡିଶ୍ଵାକୁଡ଼ି, ଆୟାଃ ହଡ଼ମ୍ ଆଡ଼ଃ ଆମ୍ ବାରାନାଃକେ ପାବିତାର୍ ହବାଅଃ ନାଗେନ୍ତେ ପ୍ରାଭୁଆଃ କାମିରେ ମନ୍ ଏମେକାଏ, ମେନ୍‌ଦ୍ ଆଣ୍ଡିକାନ୍ କୁଡ଼ି ଆୟାଃ କଡ଼ାକେ ସୁକୁଇତି ନାଗେନ୍ତେ ଇନିଃ ଅତେଦିଶୁମ୍‌ରାଃ ବିଷାଏକେ ଉଡ଼ୁୟା ।

୩୫ ନେ କାଜି ଆଇଙ୍ଗ୍ ଆପେୟାଃ ବୁଗିନାଃ ନାଗେନ୍ତେଇଙ୍ଗ୍ କାଜିତାନା, ଆପେ ତନଲ୍‌ରେ ତାଇନଃପେ ମେନ୍ତେ ଆଇଙ୍ଗ୍ କାଇଙ୍ଗ୍ କାଜିତାନା, ମେନ୍‌ଦ୍ ଆପେ ବୁଗିଲେକା ଜୀଞ୍ଜାନ୍ ବିତାଏକେଦ୍‌ତେ ମିଦ୍ ମନ୍‌ରେ ପ୍ରାଭୁତାଃରେ ତାଇନଃପେ ମେନ୍ତେଇଙ୍ଗ୍ ସାନାଙ୍ଗ୍‌ତାନା ।

୩୬ ଜେତାଏ କଡ଼ା ଆୟାଃ ନାଗେନ୍ତେ ଆସିକାନ୍ କୁଡ଼ିଆଃ ଜୀଞ୍ଜାନ୍ ସାମାଏ ପାରମ୍‌କାନା ଆଡ଼ଃ ଇନିଃ କା ଲାଗାତିୟାଃ ଲେକାଏ ବେଭାର୍‌ତାନା ମେନ୍ତେ ଆର୍‌କାରେରେଦ୍, ଆୟାଃ ଲାଗାତିଙ୍ଗ୍ ଲେକାତେ ଅକ୍‌ନାଃ ସାନାଙ୍ଗ୍, ଏନାଏ କାମିକା ଆଡ଼ଃ ଇନ୍‌କିନ୍ ଆଣ୍ଡିୟଃକାକିନ୍ । ଏନାରେ ଜେତାନ୍ ପାପ୍ କା ହବାଅଃଆ । ୩୭ ମେନ୍‌ଦ୍ ଜେତା ହଡ଼

ଆୟାଃ ମନସ୍ତୁରୁଦ୍ରେ ଆବରଣି ଦହକେଦ୍ରେ ଆୟାଃ ନାଜ୍ ଆସିଆକାନ୍ କୁଡ଼ିକେ କା ଆଣ୍ଡି ନାଗେନ୍ତେ ମନ୍ରେ ଠାହାରାଅକାଦା ଆଡ଼ ଆୟାଃ ଇଛା ସାନାଜ୍‌କେ ଆବରରେ ଦହକାଦ୍ରେଦ, ଇନିଃ ଏନ୍ ଆସିଆକାନ୍ କୁଡ଼ିକେ କା ଆଣ୍ଡି ନାଗେନ୍ତେ ଉହାଟ୍‌କାଦା, ଏନାରେ ଇନିଃ ବୁଗିନାଃଏ କାମିକାଦା । ୩୮ ଏନାତେ ଜେତାଏ ଏନ୍ ଆସିଆକାନ୍ କୁଡ଼ିକେ ଆଣ୍ଡିନ୍ରେ ବୁଗିନାଃ କାମିୟାଏ । ମେନ୍ଦ୍ ଜେତାଏ କାଏ ଆଣ୍ଡିନାଃ, ଇନିଃ ପୁରାଃ ବୁଗିନାଃଏ କାମିୟା ।

୩୯ କଡ଼ା ଜାନିଦ୍ ତାଇନଃ ଜାକେଦ୍ କୁଡ଼ି ତନଲ୍ରେ ତାଇନଃଆ, କଡ଼ାରାଃ ଗନଏଃ ତାୟମ୍‌ତେ, ଇନିଃ ଆୟାଃ ସାନାଜ୍ ଲେକା ଆଡ଼ଃମିସାଏ ଆଣ୍ଡି ଦାଡ଼ିୟା, ମେନ୍ଦ୍ ଇନିଃ ପ୍ରାଭୁଆଃ ବିଶ୍ୱାସୀକେ ଏସ୍‌କାର୍ ଆଣ୍ଡି ଦାଡ଼ିୟାଏ । ୪୦ ଆଇଁୟାଃ ମନେ ଲେକାତେ, ଇନିଃ କା ଆଣ୍ଡିକେଦ୍ରେ ଏନ୍‌ଲେକାଗି ତାଇନଃରେ ପୁରାଃଗି ସୁକୁରେ ତାଇନା । ନେଆଁ ଆଇଁୟାଃ ମନେତାନା ଆଡ଼ ପାର୍‌ମେଶ୍ୱାର୍‌ଆଃ ପାବିତାର୍ ଆମ୍‌ରାଃହଗି ମନେତାନା ।

୮

ମୁରୁଡ଼କତାଃରେ ଦାଣ୍ଡେଁ ରାକାବାକାନ୍ ଜମେୟାଃ ବିଷାଏରେ କୁନୁଲି

୧ ଆଇଜ୍ ମୁରୁଡ଼କତାଃରେ ଦାଣ୍ଡେଁ ରାକାବାକାନ୍ ଜମେୟାଃ ବିଷାଏରେ ନେଆଁଇଜ୍ କାଜିତାନା, ଆବୁ ସବେନ୍‌କଆଃ ସେଣ୍ଡାଁ ମେନାଃ ମେନ୍ତେ ଆପେ କାଜିତାନ୍‌ତେୟାଃ ଆଲେ ସାରିତାନାଲେ । ଏନ୍‌ଲେକାନ୍ ସେଣ୍ଡାଁନ୍ ହଡ଼କ ହାଁକାରଃଆକ, ମେନ୍ଦ୍ ଦୁଲାଡ଼, ହଡ଼କକେ ବାଇରୁହାଡ଼କଆ । ୨ ଜେତାଏ ଆଇଜ୍ ସାରିୟାଇଜ୍ ମେନ୍ତେ କାଜିନିଃ, ଅକ୍‌ନାଃ ସାରି ଲାଗାଡ଼ିଜ୍‌ୟାଃଏନା କାଏ ସାରିୟା । ୩ ମେନ୍ଦ୍ ଜେତାଏ ପାର୍‌ମେଶ୍ୱାର୍‌କେ ଦୁଲାଡ଼ାଃଏ, ପାର୍‌ମେଶ୍ୱାର୍ ଇନିଃକେ ଏସ୍‌କାର୍ ସାରିୟାଃଏ ।

୪ ଏନାତେ ମୁରୁଡ଼କକେ ଦାଣ୍ଡେଁ ରାକାବାକାନ୍ ଜମେୟାଃ ବିଷାଏରେ ଆଲେ ସାରିତାନାଲେ, ନେ ଅତେଦିଶୁମ୍‌ରେ ମୁରୁଡ଼କ ଜେତାନିଃ ନାହାଁଲାକ । ଆବୁଆଃ ମିଆଁଦ୍‌ଗି ପାର୍‌ମେଶ୍ୱାର୍ ମେନାଇୟା ଇନିଃ ବେଗାର୍ ଜେତାଏ ବାଜ୍‌କଆ । ୫ ସିର୍ମାରେ ହବାଃଅ ଚାଏ ଅତେରେ, ଅକ୍‌ନକ ମାହାପୁରୁ ଆଡ଼ ପ୍ରାଭୁ ମେନ୍ତେକ କାଜିୟଃତାନା, ଇନ୍‌କୁ ପୁରାଃଗି ମେନାକଆ । ୬ ଏନ୍‌ରେୟ ଆବୁଆଃ ମିଆଁଦ୍‌ଗି ପାର୍‌ମେଶ୍ୱାର୍ ମେନାଇୟା । ଇନିଃଗି ଆପୁ ପାର୍‌ମେଶ୍ୱାର୍ ତାନିଃ, ଅକ୍‌ଏତି ସବେନାଃରେୟାଃ ବାବାଇନିଃ ତାନିଃ ଆଡ଼ ଆୟାଃ ନାଗେନ୍ତେ ଆବୁ ଜାନିଦ୍ ମେନାବୁଆ । ଆଡ଼ ଆବୁଆଃ ମିଆଁଦ୍‌ଗି ପ୍ରାଭୁ ଯାଶୁ ଶ୍ରୀଷ୍ଟ ତାନିଃ । ଆୟାଃ ହରାତେ ସବେନାଃ ବାଇୟାକାନା ଆଡ଼ ଆବୁ ଆୟାଃତାଃରେ ଜାହୁଦଃ ତାନାବୁ ।

୭ ମେନ୍ଦ୍ ସବେନ୍‌କ ନେ ସାନାର୍‌ତି କାକ ସାରିୟା । ଚିମିନ୍ ହଡ଼କ ନାହାଁଃ ଜାକେଦ୍ ମୁରୁଡ଼ ମେନାକଆ ମେନ୍ତେକ ଉଡ଼ୁତାନା ଆଡ଼ ଦାନ୍ ରାକାବାକାନ୍ ଜମେୟାଃକେ ମାହାପୁରୁକଆଃ ପାର୍‌ସାଦ୍ ତାନାଃ ମେନ୍ତେକ ଜମେତାନା । ଇନ୍‌କୁଆଃ ବିବେକ୍ ନାରାଦୁରାଗିୟା, ଏନାତେ ଏନ୍ ପାର୍‌ସାଦ୍ ଜମ୍‌କେଦ୍ ହରାତେ ଇନ୍‌କୁ ସଡ଼ରାଆଃ ତାନାକ । ୮ ମେନ୍ଦ୍ ଜମେୟାଃ ହରାତେ ଆବୁଆଃ ନାତା ପାର୍‌ମେଶ୍ୱାର୍‌ଲଃ ଜେତାନ୍ ବାଦ୍‌ଲାଅ କା ହବାଆଃଆ । ଜେତାନ୍ ଜମେୟାଃ ଜମ୍‌କେଦ୍ ହରାତେ ଚାଏ କା ଜମ୍‌କେଦ୍ ହରାତେ ଆବୁଆଃ ଜେଡ଼ନାଃ କା ନକ୍‌ସାନଃଆ ଚାଏ କା ପସାଆଃଆ ।

୯ ମେନ୍ଦ୍ ଚିର୍ଗାଲାନାନ୍ ତାଇନ୍‌ପେ, ଆପେୟାଃ ନେ ଆକ୍‌ତେୟାର୍ ନାଗେନ୍ତେ ନାରାଦୁରା ମନ୍‌ରେନ୍ ହଡ଼କ ବିଶ୍ୱାସ୍‌ରେ ଜେତାଲେକାତେ ଆଲକାକ ତହଦଃକା । ୧୦ ମିହୁଡ଼୍ ବିଶ୍ୱାସ୍‌ରେ ନାରାଦୁରାନିଃ ଆପେ ଲେକାନ୍ ସେଣ୍ଡାଁନ୍ ହଡ଼କକେ ମାନ୍‌ର ଅଡ଼ାଃରେ ଦାନ୍ ରାକାବାକାନ୍ ଜମେୟାଃକେ ଜମ୍‌ତାନ୍ ନେଲ୍‌ତାପେରେ, ଚିନାଃ ଇନିଃ ଏନାକେ ଜମ୍ ନାଗେନ୍ତେ କାଏତି ସାହାସେଆ ? ୧୧ ଏନାତେ ବିଶ୍ୱାସ୍‌ରେ ନାରାଦୁରା ମେନାଇ ଅକ୍‌ନ ହାଗା ନାଗେନ୍ତେ ଯାଶୁ ଶ୍ରୀଷ୍ଟ ଗଏଃୟାନାଏ, ଇନିଃ ଆପେୟାଃ “ସେଣ୍ଡାଁନ୍” ହରାତେ ଜିୟନଃ ତାନାଏ । ୧୨ ନେ ଲେକାତେ ଆପେୟାଃ ହାଗାକଆଃ ବିରୁଧ୍‌ରେ ପାପ୍ କାମିକେଦ୍ରେ ଆପେ ଯାଶୁ ଶ୍ରୀଷ୍ଟିଆଃ ବିରୁଧ୍‌ରେ ପାପ୍ କାମିତାନାପେ ଆଡ଼ ଏନ୍ ହାଗାକଆଃ ନାରାଦୁରା ବିବେକ୍‌କେ ଠକରେତାନାପେ । ୧୩ ଜେତାନ୍ ଜମେୟାଃ ନାଗେନ୍ତେ ହାଗାଇଜ୍ ପାପ୍ ହରାତେ ସେନଃରେଦ୍, ଆଇଜ୍ ଏନ୍ ଜମେୟାଃକେ ଚିତ୍‌ଲାଅ କାଇଜ୍ ଜମେୟା ।

୯

ପ୍ରେରିଡ଼କଆଃ ଚାଇଲ୍ ଚାଲାନରାଃ ନିୟାମ୍

୧ ଆଇଜ୍ ଚିନାଃ ତନଲ୍‌ହେତେ ରାଡ଼ାକାନ୍ ହଡ଼ ନାହାଁଲାଇଜ୍ ? ଆଇଜ୍ ଚିନାଃ ପ୍ରେରିଡ଼ ନାହାଁଲାଇଜ୍ ? ଆବୁଆଃ ପ୍ରାଭୁ ଯାଶୁ ଶ୍ରୀଷ୍ଟକେ ଆଇଜ୍ ଚିନାଃ କାଇଜ୍ ନେଲ୍ ? ଆଇଜ୍ ପ୍ରାଭୁଆଃ ନାଗେନ୍ତେ କାମିକାଦ୍ କାମିରେୟାଃ ଜ, ଆପେ ଚିନାଃ ନାହାଁଲାପେ ? ୨ ଏଗାଃକ ଆଇଜ୍‌କେ ପ୍ରେରିଡ଼ ତାନିଃ ମେନ୍ତେ କାକ କାଜିରେୟ, ଆପେ ଆଇଜ୍‌କେ ପ୍ରେରିଡ଼ ମେନ୍ତେପେ କାଜିଜ୍ ତାନା, ଚିୟାଃଗି ଆପେୟାଃ ଜୀଦାନ୍ ପ୍ରାଭୁଲଃ ମେସାକାନ୍ ହରାତେ ଆପେଗି ଆଇଜ୍ ପ୍ରେରିଡ଼ ତାନିଜ୍ ମେନ୍ତେପେ ଉଦୁବେତାନା ।

୩ ଆଇଜ୍‌କେ କାଜିକଟ୍‌ଜାନ୍ ହଡ଼କକେ, ଆଇଜ୍ ନେ ଲେକାତେଇଜ୍ କାଜିରୁହାଡ଼କଆ । ୪ ଆଇଁୟାଃ କାମିରାଃ ହରାତେ ଜମ୍ ନୁଁ ନାଗେନ୍ତେୟ ଚିନାଃ ଆଇଁୟାଃ ଆକ୍‌ତେୟାର୍ ବାନଃଆ ? ୫ ଏଗାଃ ପ୍ରେରିଡ଼କ, ପାଡ଼ରାସ୍, ଆଡ଼ ପ୍ରାଭୁଆଃ ହାଗାକ ଲେକା ବିଶ୍ୱାସୀ ମିଶିକେ ଆଣ୍ଡିକେଦ୍ରେ ଆୟାଃଲଃ ହରାସେନ୍ ନାଗେନ୍ତେ ଚିନାଃ ଆଇଁୟାଃ ଆକ୍‌ତେୟାର୍

ବାନଃଆ ? ୬ ଜୀନିଦ୍ ତାଇନ୍ ନାଗେନ୍ତେ ଆଇଙ୍ଗକେ ଆତଃ ବର୍ଣ୍ଣବାସ୍ କେ ଏସ୍ କାର୍ କାମି ଲାଗାତିଙ୍ଗ୍ ଯାଃତି ? ୭ ମିଆଁଦ୍ ପାଲ୍ ଟାନ୍ ଆୟାଃ ଖାର୍ଣ୍ଣ ଆଇଃକ୍ରି ଏମେୟାତି ? ଚାଷିହଡ୍ ତିନାଃ ଆୟାଃ ଦାଖ୍ ବାକ୍ ଡିରାଃ ଜ କାଏ ଜମେୟା ? ଚାଏ ମିଣ୍ଡିଗୁପିନିଃ ଆୟାଃ ମିଣ୍ଡିରାଃ ତଥା କାଏ ନୁଁଏୟା ?

୮ ତିନାଃ ଆଇଙ୍ଗ୍ ନେ କାଜିକ ମାନଃଃ ଲେକାଇଙ୍ଗ୍ କାଜିତାନା ? ତିନାଃ ମୁଣା ନାବୀଆଃ ଆନ୍ତୁ ପୁଅରେ ନେଆଁ କା ଅଲ୍ଲାନା ? ୯ ଆବୁଆଃ ମୁଣା ନାବୀଆଃ ଆନ୍ତୁରେ ଅଲ୍ଲାନା, ବାବା ଦାଉଁରିତାନ୍ ଉରିଃକ୍ କେ, ମଚାରେ ଆଲ୍ଲମ୍ ତଲିୟା । ପାର୍ମେଶ୍ୱାର୍ ତିନାଃ ଉରିଃକ୍ ବିଷାଏରେ ଉଡ଼ୁତାନା ? ୧୦ ଜନିଃ ତିନାଃ ଆବୁ ନାଗେନ୍ତେ ନେଆଁ କାଏ କାଜିତାନା ? ହେଗି, ନେଆଁ ଆବୁ ନାଗେନ୍ତେ ଅଲ୍ଲାନା, ଜେତାଏ ସିହୁଃକାମି ରିକାଏନିଃ ଆତଃ ଇରୋଃକାମି ରିକାଏନିଃ ଜ ନାମେରେୟାଃ ଆସ୍ତାରେ କାମିୟା । ୧୧ ଆଲେ ଆପେ ଆଲ୍ଲାରେ ଆମ୍ବରେୟାଃ ହିତା ହେରାକାଦାଲେ, ଏନାତେ ଆଲେ ତିନାଃ ଆପେତାଃଏତେ ଅତେରେୟାଃ ଜ ନାମେ ନାଗେନ୍ତେ କାଲେତି ଆସ୍ତାଏୟା ? ୧୨ ନେଲେକା ଆପେତାଃଏତେ ଆସ୍ତାଏ ନାଗେନ୍ତେ ଏଗାଃକଆଃ ଆକ୍ତେୟାର୍ ମେନାଃରେଦ, ଆବୁଆଃ ଆକ୍ତେୟାର୍ ତିନାଃ ଇନ୍ କୁତାଃଏତେ ଆଦକା ବାନଃଆ ? ଆବୁ ନେ ଆକ୍ତେୟାର୍ କେ କାବୁ ବେଭାର୍ କାଦା ।

ମେନ୍ଦ୍ ଖ୍ରୀଷ୍ଟିଆଃ ସୁକୁକାଜି ଉଦୁବ୍ ନାଙ୍ଗ୍ ହରା ଆଲ୍ଲକା ଛେକାଦଃକା ମେନ୍ତେ ଆଲେ ସବେନାଃଲେ ସାହାତିଙ୍ଗ୍ ତାନା । ୧୩ ମାନ୍ଦିର୍ ଅଡ଼ାଃରେ କାମିତାନ୍ କ, ମାନ୍ଦିର୍ ଅଡ଼ାଃଏତେ ଜମେୟାଃକ ନାମେୟା, ଦାଣ୍ଡେ ରାକାବ୍ ତାନ୍ ହଡ୍, ଦାଣ୍ଡେ ରାକାବ୍ କାନ୍ତେୟାଃ ହିସାକ ନାମେୟା, ଏନା ତିନାଃ ଆପେ କାପେ ସାରିତାନା ? ୧୪ ଏନ୍ ଲେକାଗି, ସୁକୁକାଜି ଉଦୁବ୍ ତାନ୍ ହଡ୍ କ, ସୁକୁକାଜି ଉଦୁବ୍ କେଦ୍ ତେ ଜୀଃନ୍ ବିତାଏକାକ ମେନ୍ତେ ପ୍ରାଭୁ ଆବୁକାଦା ।

୧୫ ମେନ୍ଦ୍ ଆଇଁୟାଃ ଅକନ୍ ଆକ୍ତେୟାର୍ ମେନାଃ ଏନା ଆଇଙ୍ଗ୍ ମିଆଁଦ୍ ହିଁ କାଇଙ୍ଗ୍ ବେଭାର୍ କାଦା, ଚାଏ ଏନ୍ ସବେନାଃ ଆଇଁୟାଃ ନାଗେନ୍ତେ ହବାଅଃକା ମେନ୍ତେ ଆଇଙ୍ଗ୍ ଆପେତାଃତେ କାଇଙ୍ଗ୍ ଅଲେତାନା, ଜେତାଏ ଆଇଁୟାଃ ନେ ମାନାରାଙ୍ଗ୍ କେ ସାମା ଏଣ୍ଡାଗେତେଦ, ଗଜଃତେୟାଃ ଆଇଁୟାଃ ନାଗେନ୍ତେ ବୁଗିନାଃ ହବାଅଃଆ । ୧୬ ସୁକୁକାଜି ଉଦୁବ୍ ତାନାଇଙ୍ଗ୍ ମେନ୍ତେ ଆଇଙ୍ଗ୍ ଆପାନ୍ କେ କାଇଙ୍ଗ୍ ମାରାଙ୍ଗ୍ ଯେନ୍ ତାନା, ନେ ବାହାରମ୍ ମାନାତିଙ୍ଗ୍ ନାଗେନ୍ତେ ଆଇଙ୍ଗ୍ କେ ଆବୁକାନା । ଏନାତେ ସୁକୁକାଜି କାଇଙ୍ଗ୍ ଉଦୁବେରେଦ, ହାଏ, ଆଇଁୟାଃ ପୁରାଃ ଦୁକୁ ହବାଅଃଆ । ୧୭ ଆଇଙ୍ଗ୍ ଏନ୍ ସୁକୁକାଜିକେ ବେଗାର୍ ଆବୁତେ ଆଇଙ୍ଗ୍ ଗିଇଙ୍ଗ୍ କାମିରେଦ, ଆଇଙ୍ଗ୍ ନାଲା ନାମେ ନାଗେନ୍ତେଇଙ୍ଗ୍ ତାଙ୍ଗିକାତେତେୟାଃ, ମେନ୍ଦ୍ ପାର୍ମେଶ୍ୱାର୍ ଆଇଙ୍ଗ୍ କେ ନେ କାମି ରିକାରେୟାଃ ବାହାରମ୍ ଏମାକାଦିଙ୍ଗ୍ ହରାତେ ଆଇଙ୍ଗ୍ କେ ନେ କାମି ରିକା ଲାଗାତିୟା । ୧୮ ଏନାରେ ଆଇଙ୍ଗ୍ ଚିଲ୍ କାତେ ନାଲାଇଙ୍ଗ୍ ନାମେୟା ? ସବେନ୍ କତାଃରେ ବେଗାର୍ ଗନଙ୍ଗ୍ ତେ ସୁକୁକାଜିଇଙ୍ଗ୍ ଉଦୁବ୍ ତାନା, ନେଆଁଗି ଆଇଁୟାଃ ନାଲାତାନାଃ । ଏନାତେ ସୁକୁକାଜି ଉଦୁବ୍ ନାଗେନ୍ତେ ଆଇଙ୍ଗ୍ ଆଇଁୟାଃ ଜେତାନ୍ ଆକ୍ତେୟାର୍ କାଇଙ୍ଗ୍ ବେଭାର୍ କାଦା ।

୧୯ ଆଇଙ୍ଗ୍ ମିହୁଡ୍ ତନଲ୍ ହେତେ ରାଡ଼ାକାନ୍ ହଡ୍ ତାନିଙ୍ଗ୍, ଜେତାଏୟାଃ ଦାସି ନାହାଁଲିଙ୍ଗ୍, ଏନ୍ରେୟା ଖ୍ରୀଷ୍ଟରେ ସବେନ୍ କେ ନାମ୍ କ ନାଗେନ୍ତେ ଆଇଙ୍ଗ୍ ସବେନ୍ କଆଃ କିରିଙ୍ଗ୍ ଦାସିଙ୍ଗ୍ ହବାକାନା । ୨୦ ଆଇଙ୍ଗ୍ ଯିହୁଦୀ ହଡ୍ କକେ ଖ୍ରୀଷ୍ଟରେ ନାମ୍ କ ନାଗେନ୍ତେ ଇନ୍ କୁଲଃ ଯିହୁଦୀକ ଲେକା ଚାଇଲ୍ ଚାଲାନ୍ ରିକାତାନିଙ୍ଗ୍ । ମୁଣା ନାବୀଆଃ ଆନ୍ତୁ ମାନାତିଙ୍ଗ୍ ତାନ୍ କକେ ଖ୍ରୀଷ୍ଟରେ ନାମ୍ କ ନାଗେନ୍ତେ ଆଇଙ୍ଗ୍ ଜେତାନ୍ ଆନ୍ତୁରେୟାଃ ଆକ୍ତେୟାର୍ରେ ବାଙ୍ଗାଇଙ୍ଗ୍ରେୟା ଆନ୍ତୁରେୟାଃ ଆକ୍ତେୟାର୍ରେ ମେନାଈଙ୍ଗ୍ ଲେକା ଚାଇଲ୍ ଚାଲାନ୍ ରିକାତାନିଙ୍ଗ୍ । ୨୧ ଏନ୍ ଲେକାଗି ଆଇଙ୍ଗ୍ ଆନ୍ତୁ ବାନଃ ହଡ୍ କକେ ଖ୍ରୀଷ୍ଟରେ ନାମ୍ କ ନାଗେନ୍ତେ ଆଇଙ୍ଗ୍ ଇନ୍ କୁ ଆଲ୍ଲାରେ କାମିତାନ୍ ଇମ୍ ତା ସାଆଁସାର୍ କ ଲେକା ଜୀଃନ୍ ବିତାଅତାନାଇଙ୍ଗ୍ । ନେଆଁରାଃ ମୁଣ୍ଡି ନାହାଁଲାଃ ଯେ, ଆଇଙ୍ଗ୍ ପାର୍ମେଶ୍ୱାର୍ ଆଃ ନିୟାମ୍ କାଇଙ୍ଗ୍ ମାନାତିଙ୍ଗ୍ ତାନା । ସାର୍ ତିଗି ଆଇଙ୍ଗ୍ ଯାଗୁ ଖ୍ରୀଷ୍ଟିଆଃ ନିୟାମ୍ ରାଃ ଆକ୍ତେୟାର୍ରେ ମେନାଈୟା । ୨୨ ଅକନ୍ ବିଶ୍ୱାସ୍ରେ ନାରାଦୁରା ମେନାକଆ ଇନ୍ କୁକେ ଖ୍ରୀଷ୍ଟରେ ନାମ୍ କ ନାଗେନ୍ତେ ଆଇଙ୍ଗ୍ ହିଁ ଇନ୍ କୁଲେକା ହବାୟାନାଇଙ୍ଗ୍ । ଏନାତେ ଆଇଙ୍ଗ୍ ଇନ୍ କୁକେ ବାଞ୍ଛାଅକ ନାଗେନ୍ତେ ସବେନ୍ କତାଃରେ ହବାସାକାଅଃ ଲେକା ଜୀଃନ୍ ବିତାଅକେଦାଈଙ୍ଗ୍ ।

୨୩ ଆଇଙ୍ଗ୍ ସୁକୁକାଜି ଉଦୁବ୍ କେଦ୍ ତେ ଆଶିଷ୍ଟରାଃ ହିସା ନାମେ ନାଗେନ୍ତେ ନେ ସବେନାଈଙ୍ଗ୍ ରିକାତାନା । ୨୪ ଜିନିତାଅରେୟାଃ ଏନେଃରେ ପୁରାଃ ହଡ୍ କ ମେସାନାଃ ମେନ୍ଦ୍ ମିହୁଡ୍ ଗି ନାଲାଏ ନାମେୟା, ଏନା ତିନାଃ ଆପେ କାପେ ସାରିତାନା ? ଆପେ ନାଲାପେ ନାମେ ଲେକା ନିରେପେ । ୨୫ ଜିନିତାଅରେୟାଃ ଏନେଃ ନାଗେନ୍ତେ ଇଡୁକାନ୍ ହଡ୍ କ ସବେନ୍ ଲେକାନ୍ ଇନିଡୁତେ ସେକାଡ଼ାକାନ୍ ଗିକ ତାଇନାଃ, ଇନ୍ କୁ ଜିୟନଃ ବାହାମାଲା ନାମେ ନାଗେନ୍ତେ କାମିୟାଃ, ମେନ୍ଦ୍ ଆବୁ କା ଜିୟନଃ ନାଲା ନାମେ ନାଗେନ୍ତେ କାମିୟା । ୨୬ ଏନାମେନ୍ତେ ଆଇଙ୍ଗ୍ ନିର୍ ସେଟେରେ ଠାୟାଦ୍ କେ ନେଲ୍ କେଦ୍ ତେ ଏନ୍ ଠାୟାଦ୍ ନିର୍ ସେଟେରେ ନାଗେନ୍ତେ ସିଧାଗିଙ୍ଗ୍ ନିରେତାନା । ମୁକାଲାଡ଼ାଈତାନ୍ ହଡ୍ ଲେକା ଆଇଙ୍ଗ୍ ଆଇଁୟାଃ ମୁକାକେ ସାମା ହୟରେ ମୁକା କାଇଙ୍ଗ୍ ସାନାଙ୍ଗ୍ ତାନା । ୨୭ ଏଗାଃକତାଃରେ ସୁକୁକାଜି ଉଦୁବ୍ କେଦ୍ରେୟା ଆଇଙ୍ଗ୍ ଆଲ୍ଲକାଈଙ୍ଗ୍ ବାଗ୍ ତାଆ ମେନ୍ତେ ଦୁକୁ ସାହାତିଙ୍ଗ୍ କେଦ୍ ତେ ହଡ୍ ଫାକେଇଙ୍ଗ୍ କେଟେଦ୍ କେଦା ଆତଃ ଆଇଁୟାଃ ଆବ୍ରେଇଙ୍ଗ୍ ଦହକାଦା ।

☆ ୯:୯ ୯:୯ ୧ ତିମଥୁ ୫:୧୮. ☆ ୯:୧୧ ୯:୧୧ ରୋମି ୧୫:୨୭. ☆ ୯:୧୪ ୯:୧୪ ମାଥୁଇ ୧୦:୧୦; ଲୁକ ୧୦:୭.

୧୦

ମୁରୁଦ୍ଧକଆଃ ବିରୁଧରେ ଚେତାଅ

^୧ ହେ ହାଗା ମିଶିକ, ମୁଖା ନାବୀକେ ଅତଙ୍ଗକେଦ୍‌ତେ ଆବୁଆଃ ପୁରୁଖା ହାଡ଼ାମକଆଃ ଚିନାଃ ହବାକାନ ତାଇକେନା ଏନା ଆପେ ପାହାମେପେ ମେନ୍ତେଇଙ୍ଗ୍ ସାନାଙ୍ଗତାନା । ଇନ୍‌କୁକେ ଚିମିଲ୍‌ତେ ବାଞ୍ଛାଅକାନ ତାଇକେନାକ ଆତଃ ଆରାଃ ଦରେୟା ଆଲା ଆଲାତେ ବୁଗିଲେକାକ ସେନ୍ ପାରମ୍‌ୟାନା । ^୨ ମୁଖା ନାବୀକେ ଅତଙ୍ଗତାନକ ଲେକା ଇନ୍‌କୁ ସବେନ୍‌କ ଚିମିଲ୍ ଆତଃ ଦରେୟାରେ ବାପ୍ତିସ୍ମାୟାନାକ । ^୩ ଇନ୍‌କୁ ସବେନ୍‌କ ମିଦ୍ ସାମାନ୍ ଆମ୍‌ରେୟାଃ ଜଜମାଃକ ଜମାକାଦା, ^୪ ଆତଃ ଏନ୍ ମିଦ୍ ସାମାନ୍ ଆମ୍‌ରେୟାଃ ଦାଆଃକ ନୁଆକାଦା । ଚିୟାଃଚି ଇନ୍‌କୁଲଃ ସେସେନ୍‌ତାନ୍ ଆମ୍‌ରେୟାଃ ଚାଚେନ୍‌ଏତେ ଇନ୍‌କୁ ଆମ୍‌ରେୟାଃ ଦାଆଃ ନୁଁ ତାଇକେନାକ, ଆତଃ ଏନ୍ ଚାଚେନ୍ ଯାଶୁ ଖ୍ରୀଷ୍ଟି ତାନିଃ । ^୫ ଏନ୍‌ରେୟ ପାରମେଶ୍ୱାର ଇନ୍‌କୁଏତେ ଚିମିନ୍‌କ ନାଗେନ୍ତେ କାଏ ସୁକୁକାନ ତାଇକେନା । ଏନାତେ ଇନ୍‌କୁଆଃ ଗନ୍‌ଏଃ ହଡ଼ମ୍ ବିର୍ରେ ନେତେହାନ୍ତେ ଛିତିବିତିକାନ ତାଇକେନା ।

^୬ ଇନ୍‌କୁ ଲେକା ଏଡ଼କାନ୍ ଉଡ଼ୁ ଆତଃ ଏଡ଼କାନ୍ କାମି କା ରିକା ନାଗେନ୍ତେ ନାହାଁଃ, ନେ ସବେନାଃ ନାମୁନା ଲେକା ହବାକେଦ୍‌ତେ ଆବୁକେ ଚେତାଅରୁ ତାନା, ^୭ ଚାଏ ଇନ୍‌କୁଏତେ ଚିମିନ୍‌କ ମୁରୁଦ୍ଧ ସେଞ୍ଜାତାନକ ହବାୟାନା, ଏନାଲେକା ଆପେ ଆଲ୍‌ପେ ହବାଅଃଆ, ଧାରାମ୍‌ପୁଅରେ ଅଲ୍‌କାନା : “ହଡ଼କ ଜମ୍, ନୁଁ ନାଗେନ୍ତେକ ଦୁବ୍‌ୟାନା, ଏନ୍ତେ ତିଙ୍ଗୁକେଦ୍‌ତେ ସୁସୁନ୍‌ତାନଲଃ ଏଡ଼କାନ୍ ରିଜ୍ ରାଙ୍ଗ୍‌ରେକ ବୁଲ୍‌ୟାନା ।” ^୮ ଇନ୍‌କୁଏତେ ଚିମିନ୍‌କ ଆପାଙ୍ଗିର୍ କାମିକେଦ୍ ହରାତେ ମୁସିଙ୍ଗ୍‌ରେ ମିଦ୍‌ହିସି ଆପି ହାଜାର୍ ହଡ଼କ ଗଏଃୟାନା । ଏନ୍‌ଲେକା ପାପ୍ କାମି ଆବୁ ଆଲକାରୁ କାମିକା । ^୯ ଇନ୍‌କୁଏତେ ଚିମିନ୍‌କ ପ୍ରାଭୁକେ ବିଡ଼ାଅକିଃ ହରାତେ ବିଙ୍ଗ୍ ହାବ୍‌ତେକ ଗଏଃୟାନା । ଏନ୍‌ଲେକା ଆବୁ ଖ୍ରୀଷ୍ଟକେ ଆଲକାରୁ ବିଡ଼ାଅଇକା । ^{୧୦} ଇନ୍‌କୁଏତେ ଚିମିନ୍‌କ ପାରମେଶ୍ୱାର୍‌ଆଃ ବିରୁଧରେ କୁରୁମ୍‌ଡୁରୁମ୍‌ୟାନାକ, ଆତଃ ଜିୟନ୍‌କତାନ୍ ଦୁଡ଼ ଇନ୍‌କୁକେ ଗଏଃକେଦ୍‌କଆ । ଆପେ ଏନ୍‌ଲେକା କାଜି ଆଲ୍‌ପେ ଜାଗାରେୟା ।

^{୧୧} ଇନ୍‌କୁଆଃ ନାଗେନ୍ତେ ନେ ସବେନାଃ ନାମୁନା ଲେକା ହବାୟାନା, ଆତଃ ଆବୁକେ ଚେତାଅ ନାଗେନ୍ତେ ଏନା ସବେନାଃ ଅଲ୍‌କାନା । ଚିୟାଃଚି ଆବୁ ଲାଗ୍‌ଭାଗ୍ ଟୁଣ୍ଡୁ ଡ୍ରିପିଲିରେ ସେଚେରକାନାରୁ ।

^{୧୨} ଏନାତେ ଜେତାଏ ଆପାନ୍‌କେ ତିଙ୍ଗୁ କେଚେଦ୍‌କାନାଲ୍‌ଙ୍ଗ୍ ମେନ୍ତେ ଉଡ଼ୁନିଃ, ଆଲକାଏ ଉୟୁଗଃକା ମେନ୍ତେ ଚିଗାଲ୍‌କାନ ତାଇନ୍‌କାଏ । ^{୧୩} ହଡ଼କକେ ହବାଅଃତାନ୍ ବିନିଡ଼ାଅ ବାଗିକେଦ୍‌ତେ ଆତଃ ଏଗାଃଲେକାନ୍ ବିନିଡ଼ାଅରେ ଆପେ କାପେ ଉୟୁଃକାନା । ମେନ୍‌ଦ ପାରମେଶ୍ୱାର୍ ଆୟାଃ ବାନାର୍‌ସା ଦହ ନାଗେନ୍ତେ ପାଡ଼ିୟାରଃ ଲେକାନ୍‌ନିଃ ତାନିଃ । ଏନାମେନ୍ତେ ଇନିଃ ଆପେକେ କା ସାହାତିଙ୍ଗ୍‌ୟେଁ ଲେକାନ୍ ବିନିଡ଼ାଅରେ କାଏ ଉୟୁଃପେୟା । ଆପେୟାଃ ବିନିଡ଼ାଅ ଇମ୍‌ତା ସାହାତିଙ୍ଗ୍ ନାଗେନ୍ତେ ପାରମେଶ୍ୱାର୍ ଆପେକେ ପେଡ଼େଃ ଏମାପେୟାଏ ଆତଃ ବାଞ୍ଛାଅଃ ନାଗେନ୍ତେ ହରାଏ ଉଦୁବାପେୟା ।

^{୧୪} ଏନାମେନ୍ତେ ହେ ଦୁଲ୍‌ଡ଼କ, ଆପେ ମୁରୁଦ୍ଧ ସେଞ୍ଜା ବାଗିପେ । ^{୧୫} ଆଇଙ୍ଗ୍ ଆପେକେ ସେଣ୍‌ନ୍ ହଡ଼କକେ କାଜିତାନ୍ ଲେକାଲ୍‌ଙ୍ଗ୍ କାଜିପେତାନା, ଆଇଙ୍ଗ୍ ଆପେକେ କାଜିପେତାନ୍‌ତେୟାଃ ଆପେଗି ବିଚାରେପେ । ^{୧୬} ଆବୁ ପ୍ରାଭୁଭୋଜ୍‌ରେ ବାଉରାଅତାନ୍ କାଚୋରା ନାଗେନ୍ତେ ପାରମେଶ୍ୱାର୍‌କେ ଧାନ୍ୟାବାଦ୍ ଏମାଃରୁ । ନେ କାଚୋରାଏତେ ନୁଁ ଇମ୍‌ତା ଆବୁ ଖ୍ରୀଷ୍ଟଆଃ ମାୟୋମ୍‌ରେ ହିସାବୁ ଇଦିତାନା । ଆତଃ ହଲ୍‌ଙ୍ଗ୍ କେଚାଃକେଦ୍‌ତେ ଜମ୍‌କେଦ୍ ହରାତେ ଆବୁ ଖ୍ରୀଷ୍ଟଆଃ ହଡ଼ମ୍‌ରେ ହିସାବୁ ଇଦିତାନା । ^{୧୭} ଚିୟାଃଚି ଆବୁ ପୁରାଃଗି ମେନାଃରୁରେୟା ମିଆଁଦ୍‌ଗି ହଲ୍‌ଙ୍ଗ୍ ମେନାଃ ହରାତେ ଆବୁ ମିଆଁଦ୍ ହଡ଼ମ୍‌ରୁ ହବାଅଃଆ ଚିୟାଃଚି ଆବୁ ସବେନ୍‌କ ଏନ୍ ମିଆଁଦ୍ ହଲ୍‌ଙ୍ଗ୍‌ରେ ହିସାବୁ ଇଦିତାନା ।

^{୧୮} ଇସ୍ରାଏଲ୍ ହଡ଼କଆଃ ବିଷାଏରେ ଉଡ଼ୁଏପେ, ଇନ୍‌କୁଏତେ ଅକନ୍‌କ ଦାଣ୍ଡୋରାକାଦ୍‌କାନ୍ ମାସ୍ ଜମାଃକ ଇନ୍‌କୁ ଚିନାଃ ବେଦିରେୟାଃ ସାଙ୍ଗାତିରେ କାକ ମେସାନାଃ ? ^{୧୯} ମୁରୁଦ୍ଧ ଚାଏ ଏନାରେ ଦାଣ୍ଡୋ ରାକାବାକାନ୍ ଜମେୟାଃରେୟାଃ ଜେତାନ୍ ଗନଙ୍ଗ୍ ମେନାଃ ମେନ୍ତେ ଚିନାଃ ଆଇଙ୍ଗ୍ କାଜିତାନାଲ୍‌ଙ୍ଗ୍ ? ^{୨୦} କାହାଗି, ଆଇଁୟାଃ କାଜିରାଃ ମୁଣ୍ଡି ହବାଅଃତାନା, ମୁରୁଦ୍ଧ ସେଞ୍ଜାତାନକ ଦାଣ୍ଡୋ ରାକାବାକାଦ୍‌ତେୟାଃ ପାରମେଶ୍ୱାର୍‌ଆଃ ନାଗେନ୍ତେଦ କାହା, ମେନ୍‌ଦ ବଙ୍ଗାକଆଃ ନାଗେନ୍ତେ ଦାଣ୍ଡୋ ରାକାବାକାଦା । ବଙ୍ଗାକଲଃ ଆପେୟାଃ ଜେତାନ୍ ମେନେସା ତାଇନିଃକା ମେନ୍ତେ ଆଇଙ୍ଗ୍ କାଇଙ୍ଗ୍ ସାନାଙ୍ଗତାନା । ^{୨୧} ପ୍ରାଭୁ ଆତଃ ବଙ୍ଗା, ନେ ବାରାନ୍‌କିନାଃ କାଚୋରାରେ ମିସାତେ ଆପେ ନୁଁ କାପେ ଦାଡ଼ିୟାଃ । ପ୍ରାଭୁ ଆତଃ ବଙ୍ଗା, ନେ ବାରାନ୍‌କିନ୍‌ଲଃ ମିସାତେ ମିଆଁଦ୍ ଟେବୁଲ୍‌ରେ ଆପେ କାପେ ଜମ୍ ଦାଡ଼ିୟାଃ । ^{୨୨} ଚାଏ ଆବୁ ଚିନାଃ ପ୍ରାଭୁଆଃ ମନ୍‌ରେ ହିସ୍‌କା ବିରିଦ୍‌କା ମେନ୍ତେବୁ ସାନାଙ୍ଗତାନା ? ଆବୁ ଚିନାଃ ପ୍ରାଭୁତାଃଏତେ ପୁରାଃ ପେଡ଼େୟାନ୍‌ଗିୟାବୁ ?

^{୨୩} ଇନ୍‌କୁ, ଆବୁକେ ସବେନାଃ କାମି ନାଗେନ୍ତେ ଆବୁକାନା ମେନ୍ତେକ କାଜିତାନା । ସାର୍‌ତି କାଜିତାନାଃ, ମେନ୍‌ଦ ସବେନାଃ ବୁଗିନାଃ ନାହାଁଲ୍‌ୟାଃ । ଆବୁ ସବେନାଃ କାମି ଦାଡ଼ିୟାଃରୁ, ମେନ୍‌ଦ ସବେନାଃ ଦେଙ୍ଗାବୁ ଲେକାନାଃ ନାହାଁଲ୍‌ୟାଃ । ^{୨୪} ଜେତାଏ ଆପାନାଃ ବୁଗିନାଃ ନାଗେନ୍ତେ ଏସ୍‌କାର୍ କା ନେଲ୍‌କେଦ୍‌ତେ, ସବେନ୍‌କଆଃ ବୁଗିନାଃ ନାଗେନ୍ତେୟା ନେଲ୍ ଲାଗାତିଙ୍ଗ୍‌ୟାଃ ।

☆ ୧୦:୧୭ ୧୦:୧୭ ମାଥୁର ୨୭:୨୭-୨୮; ମାର୍କ ୧୪:୨୨-୨୪; ଲୁକ ୨୨:୧୯,୨୦. ☆ ୧୦:୨୩ ୧୦:୨୩ ୧ କରିଷ୍ଟିୟ ୭:୧୨.

୨୫ ଆପେୟାଃ ବିବେକରେ ଜେତାନ୍ କୁନୁଲି କା ଦହକେଦତେ ପିଟ୍ରେ ଆଖ୍ରିକ୍ଷୟତାନ୍ ମାସକେ ବେଗାଃ ଆଡ଼ାଃଉଡ଼ଃକେଦତେ ଜମ୍ ଦାଡ଼ିୟାପେ । ୨୬ ଚିୟାଃଚି ଧାରମ୍ପୃଥୁରେ ଅଲୀକାନା, “ଅତେ ଆଡ଼ଃ ଏନାରେୟାଃ ସବେନାଃ ପ୍ରାଭୁଆଃ ତାନାଃ ।”

୨୭ କା ବିଶ୍ୱାସତାନ୍ ଜେତା ହତ୍ ଆପେକେ ଜେତ୍ନାଃଚି ଜମ୍ ନାଗେନ୍ତେ ନେଅଁତାପେରେଦ, ଆପେ ଆପେୟାଃ ବିବେକରେ ବେଗାଃ ଆଡ଼ାଃଉଡ଼ଃକେଦତେ ଜମେପେ । ୨୮ ଜେତାଏ ମୁରୁତ୍ତାଃରେ ଦାଣ୍ଠେ ରାକାବାକାନ୍ ପାର୍ସାଦ୍ ତାନାଃ ମେନ୍ତେ କାଜିପେରେ, ଇନିୟାଃ ବୁଗିନାଃ ନାଗେନ୍ତେ ଆଡ଼ଃ ବିବେକ୍ ହରାତେ ଏନା ଆଲ୍ପେ ଜମେୟା । ୨୯ ନେତାଃରେ ଆପେୟାଃ ବିବେକ୍ ନାଗେନ୍ତେ କାଲ୍ପ କାଜି, ମେନ୍ଦ୍ ଏଟାଃନିୟାଃ ବିବେକ୍ ନାଗେନ୍ତେଇଲ୍ କାଜିପେତାନା ।

ହବାସାକାଅଆଃ, ଆପେ ଆଇଲ୍ପକେ କୁଲି ଦାଡ଼ିୟାଃପେ, “ଆଇୟାଃ ରାଡ଼ାକାନ୍ତେୟାଃ ଚିନାଃମେନ୍ତେ ଏଟାଃକଆଃ ବିବେକତେ ବିଚାରଃଆ ? ୩୦ ଆଇଲ୍ ପାର୍ମେଶ୍ୱାଃକେ ଧାନାସାଦ୍ ଏମ୍କେଦତେ ଜମେୟାଃରେ ହିସା ଇଦିରେ, ଆଇଲ୍ପକେ ଅକଏ ଚିନାଃମେନ୍ତେ ନିୟାୟାଏ ?”

୩୧ ଏନାମେନ୍ତେ ଆପେ ଜମେ, ନୁଏ ଚାଏ ଜେତ୍ନାଃଚିପେ କାମି, ଏନା ପାର୍ମେଶ୍ୱାଃଆଃ ମାନାରାଲ୍ ନାଗେନ୍ତେ କାମିପେ । ୩୨ ଏଟାଃ ଦିଶୁମ୍ରେନ୍ ଯିହୁଦୀ, ସାଅସାର୍ ଚାଏ ପାର୍ମେଶ୍ୱାଃଆଃ କାଲିସିୟାକକେ ଆପେ ଆଲ୍ପେ ତହଦ୍ଇଚିକଆ । ୩୩ ଆପେ ଆଇୟାଃ ଚାଇଲ୍ ଚାଲାନ୍ ଲେକା ତାଇନଃପେ । ଆଇଲ୍ ସବେନ୍ ବିଷାଏରେ ସବେନ୍କଆଃ ସୁକୁ ହବାଅଃକା ମେନ୍ତେଇଲ୍ ସାନାଲ୍ତାନା । ଆଇଲ୍ ଆଇୟାଃ ନାଗେନ୍ତେ କା ଉଡ଼ଃକେଦତେ, ଏଟାଃକଆଃ ଜୀଉ ବାଞ୍ଚାଅଃକା ମେନ୍ତେ ସବେନ୍କଆଃ ନାଲ୍ ବୁଗିନାଃଇଲ୍ କାମିକାଦା ।

୧୧

୧ *ଆଇଲ୍ ଯାଶୁ ଶ୍ରୀଷ୍ଟାଃ ନାମୁନା ଅତଲ୍ପକାଦ୍ ଲେକା ଆପେୟ ଆଇୟାଃ ନାମୁନାକେ ଅତଲ୍ପୟେପେ ।

ବିକ୍ରିତାନ୍ ଇମ୍ତା ବହଃ ଗୁଗ୍ଲୁ

୨ ଆଇଲ୍ ଆପେୟାଃ ସାହାରାଅ ତାନାଲ୍ପ, ଚିୟାଃଚି ଆପେ ସବେନ୍ ଇମ୍ତା ଆଇଲ୍ପକେ ପାହାମିଲ୍ତାନାପେ ଆଡ଼ଃ ଆଇଲ୍ ଆପେକେ ଏମାକାଦ୍ ସବେନ୍ ଇନିତୁ ମାନାତିଲ୍ତାନାପେ । ୩ ମେନ୍ଦ୍ ଶ୍ରୀଷ୍ଟ ସବେନ୍ ହତ୍ତକଆଃ ବହଃ ଲେକାନ୍ନିଃ ତାନିଃ, ହତ୍, କୁଡ଼ିରାଃ ବହଃ ଲେକାନ୍ନିଃ ତାନିଃ ଆଡ଼ଃ ପାର୍ମେଶ୍ୱାଃ ଶ୍ରୀଷ୍ଟାଃ ବହଃ ତାନିଃ, ମେନ୍ତେ ଆପେ ଆଡ଼କାର୍ଉରୁମେପେ ମେନ୍ତେ ଆଇଲ୍ ସାନାଲ୍ତାନା । ୪ ଜେତାଏ ହତ୍ ବହଃ ଗୁଗ୍ଲୁକେଦତେ ବିକ୍ରିୟା ଚାଏ ପାର୍ମେଶ୍ୱାଃଆଃ କାନାଜି ଉଦୁବେତାନ୍ରେଦ, ଇନିଃ ଆପ୍ନାଃ ବହଃ ଅକଏଚି ଶ୍ରୀଷ୍ଟ ତାନିଃ, ଇନିଃକେ କାଏ ମାଇନି ତାନା । ୫ ଆଡ଼ଃ ଜେତାଏ କୁଡ଼ି ଆୟାଃ ବହଃକେ ବେଗାଃ ଗୁଗ୍ଲୁକେଦତେ ବିକ୍ରିତାନ୍ରେଦ, ଚାଏ ପାର୍ମେଶ୍ୱାଃଆଃ କାନାଜି ଉଦୁବେତାନ୍ରେଦ, ଇନିଃ ଆପ୍ନାଃ ବହଃ ଅକଏଚି ଆୟାଃ କଡ଼ା ତାନିଃ, ଇନିଃକେ କାଏ ମାଇନି ତାନା । ଏନ୍ଲେକାନ୍ କୁଡ଼ି ଆଡ଼ଃ ବହଃରେ ଉଦ୍ ବାନଃ କୁଡ଼ି, ନେ ବାରାନ୍କିନାଃ ଆଲାରେ ଜେତାନ୍ ଏଟାଃ ବାନଃଆ । ୬ ଜେତା କୁଡ଼ି ଆୟାଃ ବହଃକେ ଗୁଗ୍ଲୁ କାଏ ସାନାଲ୍ରେଦ, ଆୟାଃ ବହଃରେୟାଃ ଉଦ୍ କାଲ୍ପିୟାକାଏ । ମେନ୍ଦ୍ ଉଦ୍ କାଲ୍ପିନ୍ ଚାଏ ଉଦ୍ ଠାନ୍ତେୟାଃ କୁଡ଼ି ନାଗେନ୍ତେ ଗିହୁଗାନ୍ ଲେକାନାଃ ତାନାଃରେଦ, ଇନିଃ ବହଃ ଗୁଗ୍ଲୁକାଏ । ୭ କଡ଼ାକେ ଆୟାଃ ବହଃ ଗୁଗ୍ଲୁନ୍ କା ଲାଗାତିଲ୍ପୟାଃ, ଚିୟାଃଚି ପାର୍ମେଶ୍ୱାଃଆଃ ମୁରୁତ୍ ଆଡ଼ଃ ମାନାରାଲ୍ ଇନିଃତାଃରେ ଚାକ୍ମାକାଅଃ ତାନା, ଆଡ଼ଃ କୁଡ଼ି, କଡ଼ାରାଃ ମାନାରାଲ୍ ଲେକାନ୍ନିଃ ତାନିଃ । ୮ କଡ଼ାଦ୍, କୁଡ଼ିତାଃଏତେ କାଏ ବାଇୟାକାନା, ମେନ୍ଦ୍ କୁଡ଼ି, କଡ଼ାତାଃଏତେ ବାଇୟାକାନା । ୯ କୁଡ଼ି ନାଗେନ୍ତେ କଡ଼ା କାଏ ବାଇୟାକାନା, ମେନ୍ଦ୍ କଡ଼ା ନାଗେନ୍ତେ କୁଡ଼ି ବାଇୟାକାନା । ୧୦ ଏନାମେନ୍ତେ ଦୁଡ଼କଆଃ ହରାତେ କୁଡ଼ି ଆୟାଃ କଡ଼ାରାଃ ଆକ୍ତେୟାର୍ରେ ମେନାଇୟା ମେନ୍ତେ ଉଦୁବେନ୍ ନାଗେନ୍ତେ ଇନିଃ ଆୟାଃ ବହଃକେ ଗୁଗ୍ଲୁ ଲାଗାତିଲ୍ପୟାଃ । ୧୧ ଏନ୍ରେୟ, ପ୍ରାଭୁଆଃ ମେନେସାରେ କଡ଼ା, କୁଡ଼ିତାଃଏତେ କାଏ ରାଡ଼ାକାନା, ଚାଏ କୁଡ଼ି, କଡ଼ାତାଃଏତେ କାଏ ରାଡ଼ାକାନା । ୧୨ ଚିୟାଃଚି କୁଡ଼ି, କଡ଼ାତାଃଏତେ ବାଇୟାକାନା, ଏନ୍ଲେକାଗି କଡ଼ାହରି କୁଡ଼ିତାଃଏତେ ଜାନାମାକାନା । ମେନ୍ଦ୍ ପାର୍ମେଶ୍ୱାଃ ସବେନ୍କଆଃ ବାବାଇନିଃ ତାନିଃ ।

୧୩ ଆପେ ଆପେଗି ବିଚାରେପେ, ବହଃ କା ଗୁଗ୍ଲୁକେଦତେ ପାର୍ମେଶ୍ୱାଃଆଃ ଆୟାର୍ରେ ବିକ୍ରିତେୟାଃ କୁଡ଼ି ନାଗେନ୍ତେ ଚିନାଃ ବୁଗିନାଃ ତାନାଃ ? ୧୪ ଜିଲିଲ୍ ଉଦ୍, କଡ଼ା ନାଗେନ୍ତେ ଗିହୁଗଃତେୟାଃ ତାନାଃ, ମେନ୍ତେ ଚିନାଃ ନେ ସଭାଦ୍ ଆପେକେ କାଏ ଇତୁପେ ତାନା ? ୧୫ ମେନ୍ଦ୍ କୁଡ଼ିକେ ଜିଲିଲ୍ ଉଦ୍ ଦହଲେରେ, ଆୟାଃ ନାଗେନ୍ତେ ସୁଗାଡ଼ାନ୍ ବିଷାଏ ତାନାଃ । ଚିୟାଃଚି ନେ ଜିଲିଲ୍ ଉଦ୍ ଇନିଃକେ ବହଃ ଗୁଗ୍ଲୁଃ ନାଗେନ୍ତେ ଏମାକାନା । ୧୬ ମେନ୍ଦ୍ ଜେତାଏ ନେ ବିଷାଏରେ କାପ୍ଜି ସାନାଲ୍ରେଦ, ଆବୁଆଃ ଆଲାରେ ଚାଏ ପାର୍ମେଶ୍ୱାଃଆଃ କାଲିସିୟାରେ ସେଞ୍ଜାତାନ୍ ଇମ୍ତା ନେ ଲେକାନ୍ ରିତିରିଞ୍ଜାଜ୍ ବାଗିକେଦତେ ଆଡ଼ଃ ଏଟାଃ ରିତିରିଞ୍ଜାଜ୍ ବାନଃଆ, ମେନ୍ତେ ଇନିଃ ସାରିକାଏ ।

ପ୍ରାଭୁଭୋଜ୍
(ମାଥୁଉ ୨୭:୨୭-୨୯; ମାର୍କ ୧୪:୨୨-୨୫; ଲୁକ ୨୨:୧୪-୨୦)

* ୧୧:୧ ୧୧:୧ ୧ କବିଚ୍ଛିନ୍ଦ ୪:୧୭; ଫିଲିପିୟ ୩:୧୭.

୧୭ ଆପେ ସେଞ୍ଜା ନାଗେନ୍ତେ ମିଦତାଃରେ ହୁଣ୍ଡିନ୍ ଇମତା, ନେଆଁ ଆପେୟାଃ ନାଗେନ୍ତେ ବୁଗିନାଃ କା ହବାକେଦତେ ଏଡକନାଃ ହବାଅଃତାନା । ଏନାମେନ୍ତେ ଆଇଙ୍ଗ୍ ଆପେକେ କାଇଙ୍ଗ୍ ସାହାରାଅପେ ତାନା । ୧୮ ସବେନାଃଏତେ ସିଦା, ଆପେ କାଲିସିୟାରେ ଗିର୍ଜା ନାଗେନ୍ତେ ମିଦତାଃରେ ହୁଣ୍ଡିନ୍ ଇମତା ଆପେ ଆଲାରେ ବିପିଙ୍ଗାଅ ହବାଅଃତାନା ମେନ୍ତେଇଙ୍ଗ୍ ଆୟୁମକାଦା, ନେଆଁ ସାର୍ତିଗି ତାନାଃ ମେନ୍ତେଇଙ୍ଗ୍ ବିଶ୍ୱାସ୍ ତାନା । ୧୯ ପାର୍ମେଶ୍ୱାର୍ଆଃ ଆୟାର୍ରେ ଅକଏ ମାଇନ୍ ନାମେନିଃ ତାନିଃ, ଏନା ସାରିୟଃ ନାଗେନ୍ତେ ଆପେ ଆଲାରେ ବିପିଙ୍ଗାଅ ହବାଅଃଗି ଲାଗାତିଙ୍ଗ୍ୟାଃ, ଏନାରେ ଜେତାନ୍ ଆଡ଼ାଃଉଡ଼ୁ ବାନଃଆ । ୨୦ ଚିମତା ଆପେ ମିଦ୍ ଝୁଣ୍ଡ୍ ଲେକା ମିଦତାଃରେ ହୁଣ୍ଡିକେଦତେ ଜମତାନ୍ତେୟାଃ ପ୍ରାଭୁଭୋଜ୍ ମେନ୍ତେପେ ଉଡ଼ୁତାନା, ଏନା ପ୍ରାଭୁଭୋଜ୍ ନାହାଁଲାଃ, ୨୧ ଚିୟାଃଟି ଆପେ ସବେନକ ଆପେୟାଃ ଜଜମାଃ ଜମତାନ୍ ଇମତା, ମିହୁଡ୍ ରେଙ୍ଗେଃଗି ତାଇନଃତାନ୍ ଇମତା ଏଗାଃ ମିହୁଡ୍ ଇଲିଆରୁଟ୍ରେ ବୁଲଃତାନା । ୨୨ ଜମ୍ ନୁଁ ନାଗେନ୍ତେ ଆପେୟାଃ ଅଡ଼ାଃ ଚିନାଃ ବାନଃଆ ? ଚାଏ ଆପେ ଚିନାଃ ପାର୍ମେଶ୍ୱାର୍ଆଃ କାଲିସିୟାକେ ହିଲାଙ୍ଗ୍ୟେଁ ତାନାପେ ? ଆଡ଼ ଅକଏୟାଃ ବାନଃଆ ଏନ୍ ହଡକକେ ଗିହୁଃକ ତାନାପେ ? ଆଇଙ୍ଗ୍ ଆପେକେ ଚିନାଃ ମେତାପେୟାଈଙ୍ଗ୍ ? ଚିନାଃ ଆପେୟାଃ ସାହାରାଅ ରିକାୟାଈଙ୍ଗ୍ ? କାହାଗି, ନେ ବିଷାଏରେ ଆଇଙ୍ଗ୍ ଆପେୟାଃ ସାହାରାଅ କାଇଙ୍ଗ୍ ରିକା ଦାଡ଼ିୟା ।

୨୩ ଚିୟାଃଟି ନେ ବିଷାଏରେ ଆଇଙ୍ଗ୍ ପ୍ରାଭୁତାଃଏତେ ନାମାକାଦ୍ ଇନିତୁ ଆପେକେଇଙ୍ଗ୍ ଉଦୁବାପେ ତାନା । ପ୍ରାଭୁ ଯାଶୁ ବାଇରିକଆଃ ତିଃଇରେ ଜିମାଅଃ ନିଦାରେ ହଲଙ୍ଗ୍ ଇଦିକେଦତେ, ୨୪ ପାର୍ମେଶ୍ୱାର୍କେ ଧାନ୍ୟାବାଦ୍ ଏମ୍କିୟାଏ, ଆଡ଼ ଏନା କେଟାଃକେଦତେ କାଜିକେଦାଏ, “ନେଆଁ ଆପେୟାଃ ନାଗେନ୍ତେ ଆଇଁୟାଃ ହଡ଼୍ ତାନାଃ, ଆଇଙ୍ଗ୍କେ ପାହାମିଙ୍ଗ୍ ନାଗେନ୍ତେ ନେଆଁ ରିକାଏପେ ।” ୨୫ ଏନ୍ଲେକାଗି ଜମକେଦ୍ ତାୟମ୍ତେ, ଇନିଃ କାଟୋରା ଇଦିକେଦାଏ ଆଡ଼ କାଜିକେଦାଏ, “ନେ କାଟୋରା ଆଇଁୟାଃ ମାୟୋମ୍ତେ ବାଇୟାକାନ୍ ପାର୍ମେଶ୍ୱାର୍ଆଃ ନାଞ୍ଜା ରାଜିନାମା ତାନାଃ । ଆପେ ଚିମତାଙ୍ଗ୍ ନେଆଁ ନୁଁୟାପେ ଇମତାଙ୍ଗ୍ ଆଇଙ୍ଗ୍କେ ପାହାମିଙ୍ଗ୍ ନାଗେନ୍ତେ ନେଆଁ ରିକାଏପେ ।”

୨୬ ନେଆଁତେ ଆଟ୍ଟକାରଃ ତାନା, ଆପେ ଚିମିନ୍ଧାଅଁ ନେ ହଲଙ୍ଗ୍ ଜମେୟାପେ ଆଡ଼ ନେ କାଟୋରାଏତେ ନୁଁୟାପେ, ଇମିନ୍ଧାଅଁ ଆପେ ପ୍ରାଭୁଆଃ ହିନିଦୁଃ ସେଟେର୍ ଜାକେଦ୍ ଆୟାଃ ଗନଏଃରାଃ କାଜିପେ ଉଦୁବେୟା । ୨୭ ଏନାତେ ଜେତାଏ ସଡ଼ରାକେଦତେ ପ୍ରାଭୁଆଃ ନେ ହଲଙ୍ଗ୍କେ ଜମେନିଃ ଚାଏ ନେ କାଟୋରାଏତେ ନୁଁଏନିଃ ପ୍ରାଭୁଆଃ ହଡ଼୍ମ ଆଡ଼ ମାୟୋମ୍ରେୟାଃ ବିରୁଧ୍ରେ ପାପ୍କେଦତେ ଚିଟାଅଃଆ । ୨୮ ଏନାତେ ଆପେ ସବେନକ ଆପାନ୍କେ ବିଡ଼ାଅକେଦ୍ ତାୟମ୍ତେ, ନେ ହଲଙ୍ଗ୍କେ ଜମେପେ ଆଡ଼ କାଟୋରାଏତେ ନୁଁଏପେ । ୨୯ ଚିୟାଃଟି ଜେତାଏ ହଡ଼୍ ପ୍ରାଭୁଆଃ ହଡ଼୍ମରାଃ ସାର୍ତି ମୁଣ୍ଡି କା ଆଟ୍ଟକାର୍ ଉରୁମକେଦତେ, ଜମ୍, ନୁଁଏନିଃ ସାର୍ତିଗି ସାଜାଇ ନାମେୟାଏ । ୩୦ ଏନାମେନ୍ତେ ଆପେକଏତେ ଚିମିନ୍ ହଡ଼କ ପୁରାଃଗି ନାରାଦୁରା, ବେମ୍ରିୟା ଆଡ଼ ପୁରାଃ ହଡ଼କ ଗଜାକାନା । ୩୧ ମେନ୍ଦ୍ ଆବୁ ଆପାନ୍କେ ସିଦାରେଗିବୁ ବିଚାର୍ କାନରେଦ୍, ଆବୁ ପାର୍ମେଶ୍ୱାର୍ଆଃ ବିଚାର୍ରେ କାବୁ ବିଚାରଃତେୟାଃ । ୩୨ ଅତେଦିଶୁମ୍ବରାଃ ଝୁଣ୍ଡ୍ ସାଜାଇଏତେ ଆବୁକେ ବାଞ୍ଛାଅବୁ ନାଗେନ୍ତେ ପ୍ରାଭୁ ଆବୁକେ ସାଜାଇ ଏମ୍କେଦତେ ସଡ଼ଃବୁତାନା ।

୩୩ ଏନାତେ ହେ ହାଗା ମିଶିକ, ଆପେ ପ୍ରାଭୁଭୋଜ୍ ନାଗେନ୍ତେ ହୁଣ୍ଡିନ୍ ଇମତା ସବେନକକେ ତାଙ୍ଗିକପେ । ୩୪ ଆପେୟାଃ ହୁଣ୍ଡିନ୍ତେୟାଃ ସାଜାଇ ନାମେ ନାଗେନ୍ତେ ଆଲକା ହବାଅଃକା । ଏନାତେ ଜେତାଏ ରେଙ୍ଗେଜଃ ତାନ୍ରେଦ୍, ଇନିଃ ଅଡ଼ାଃରେ ଜମେକାଏ । ଆଡ଼ ଏଗାଃତେୟାଃକ ଆଇଙ୍ଗ୍ ହିଦୁଃରେ ଉଦୁବାପେୟାଈଙ୍ଗ୍ ।

୧୨

ପାବିତାର୍ ଆମ୍ବାତାଃଏତେ ବାର୍ଦଦାନ୍

୧ ଆଇଁୟାଃ ହାଗା ମିଶିକ ପାବିତାର୍ ଆମ୍ବାତାଃଏତେ ବାର୍ଦଦାନ୍ ବିଷାଏରେ ଆଇଙ୍ଗ୍ ଆପେକେ ସାର୍ତିତେୟାଃ ଉଦୁବ୍ ନାଗେନ୍ତେଇଙ୍ଗ୍ ସାନାଙ୍ଗ୍ତାନା । ୨ ଆପେ ସାଅଁସାର୍କ ତାଇକେନାପେ ଇମତା ଜୀଉ ବାନଃ ମୁରୁଡକକେ ସେଞ୍ଜାକେଦତେ ହରା ଆଦାକାଦ୍ ତାଇକେନାପେ, ଏନାପେ ସାରିତାନା । ୩ ଏନାମେନ୍ତେ ଆପେକେ ସାରି ଲାଗାତିଙ୍ଗ୍ୟାଃ, ପାର୍ମେଶ୍ୱାର୍ଆଃ ଆମ୍ବାତେ ସେସେନ୍ତାନ୍ ହଡ଼ “ୟାଶୁ ସାର୍ପାଅଃକାଏ” ମେନ୍ତେ ଜେତାଏ କାକ କାଜି ଦାଡ଼ିୟା । ଆଡ଼ ପାବିତାର୍ ଆମ୍ବାକେ କା ନାମ୍କେଦତେ “ୟାଶୁ ପ୍ରାଭୁ” ତାନିଃ ମେନ୍ତେ ଜେତାଏ କାକ କାଜି ଦାଡ଼ିୟା ।

୪ ☆ପାବିତାର୍ ଆମ୍ବାରେୟାଃ ବାର୍ଦଦାନ୍ ରାକାମ୍ ରାକାମ୍ ମେନାଃ, ମେନ୍ଦ୍ ଏନ୍ ମିଆଁଦ୍ ପାବିତାର୍ ଆମ୍ବା ଏନ୍ ସବେନାଃ ଏମାଃଏ । ୫ ରାକାମ୍ ରାକାମ୍ ସେଞ୍ଜା ମେନାଃରେୟା ମିଆଁଦ୍ଗି ପ୍ରାଭୁଆଃ ସେଞ୍ଜା ହବାଅଃତାନା । ୬ କାମି ରିକାରେୟାଃ ପେଡ଼େଃ ରାକାମ୍ ରାକାମ୍ ମେନାଃ, ମେନ୍ଦ୍ ମିଆଁଦ୍ଗି ପାର୍ମେଶ୍ୱାର୍ ଏନ୍ ସବେନାଃରେୟାଃ ପେଡ଼େଃ ଏମାଃଏ । ୭ ସବେନକଆଃ ବୁଗିନାଃ ନାଗେନ୍ତେ ମିମିଆଦ୍ ହଡ଼କଆଃ ଆଲାରେ ପାବିତାର୍ ଆମ୍ବାରେୟାଃ ପେଡ଼େଃ ରାକାମ୍ ରାକାମ୍ ଲେକାତେ ଉଦୁବଃଆ । ୮ ଚିୟାଃଟି ମିହୁଡ୍କେ ପାବିତାର୍ ଆମ୍ବାରେୟାଃ ସାୟାଦ୍ତେ ସେଣ୍ଡାନ୍ରାଃ କାଜି ଆଡ଼ ଏଗାଃ ଆଡ଼ମିହୁଡ୍କେ ଏନ୍ ପାବିତାର୍ ଆମ୍ବାରେୟାଃ ଇନିତୁ ଲେକାତେ ବୁଦ୍ରେୟାଃ କାଜି ଏମାଃଏ । ୯ ଏନ୍ ମିଆଁଦ୍ ପାବିତାର୍ ଆମ୍ବାଗି ମିହୁଡ୍କେ ବିଶ୍ୱାସ୍, ଆଡ଼ମିହୁଡ୍କେ ହଡ଼କକେ ବୁଗିକ ନାଗେନ୍ତେ ପେଡ଼େଃ ଏମାଃଏ । ୧୦ ଚିମିନ୍କକେ ଆକ୍ଦାନ୍ଧାଅ କାମି ରିକା ନାଗେନ୍ତେ ପେଡ଼େଃ ଏମାଃଏ, ଚିମିନ୍କକେ ପାର୍ମେଶ୍ୱାର୍ଆଃ ଆୟାର୍କାଜି କାଜି

☆ ୧୨:୪ ୧୨:୪ ରୋମି ୧୨:୭-୮.

ନାଗେନ୍ଦ୍ର ପେଡ଼େ ଏମାଃଏ, ଚିମିନକକେ ପାବିତାର ଆମ୍ଭ ଆତଃ ଏଡକାନ୍ ଆମ୍ଭକକେ ନେଲ୍‌ଉରୁମ୍‌ରେୟାଃ ପେଡ଼େ ଏମାଃଏ, ଚିମିନକକେ ରାକାମ୍ ରାକାମ୍ ନାଞ୍ଜା ଜାଗାର୍‌ତେ ଜାଗାର୍ ନାଞ୍ଜା ପେଡ଼େ ଏମାଃଏ, ଆତଃ ଚିମିନକକେ ଏନ୍ ଜାଗାର୍‌ରେୟାଃ ମୁଣ୍ଡି କାଜି ନାଗେନ୍ଦ୍ର ପେଡ଼େ ଏମାଃଏ । ୧୧ ମେନ୍‌ଦ ନେ ସବେନାଃ ଏନ୍ ମିଆଁଦ୍ ଆମ୍ଭାଗି କାମି ରିକାଃଏ । ଇନିଃ ଆୟାଃ ମନେଲେକା ସବେନ୍ ହଡକକେ ରାକାମ୍ ରାକାମ୍ ବାର୍‌ଦାନ୍ ଏମାକାଦକଥାଏ ।

ମିଆଁଦ୍ ହଡ଼ମ୍ ମେନ୍‌ଦ ପୁରାଃ ହିସା ମେନାଃ

୧୨ *ମିଆଁଦ୍‌ଗି ହଡ଼ମ୍, ଆତଃ ଏନାରେ ପୁରାଃଗି ହିସା ମେନାଃ, ଆତଃ ହଡ଼ମ୍ ରାକାମ୍ ରାକାମ୍ ହିସାରେ ବାଈୟାକାନ୍‌ରେୟା, ମିଆଁଦ୍‌ଗି ହଡ଼ମ୍ ତାନାଃ, ଏନ୍‌ଲେକାଗି ଯାଶୁ ଖ୍ରୀଷ୍ଟ୍ ମିଆଁଦ୍ ହଡ଼ମ୍ ଲେକାନିଃ ତାନିଃ । ୧୩ ଏନ୍‌ଲେକାଗି ଯିହୁଦୀ ହବାଅଃ ଚାଏ ସାଅଁସାର୍, ଦାସି ହବାଅଃ ଚାଏ ରାଡାକାନ୍ ହଡ଼, ଆବୁ ସବେନ୍‌କଦ ମିଆଁଦ୍ ହଡ଼ମ୍ ହବାଅଃ ନାଗେନ୍ଦ୍ର ମିଆଁଦ୍ ଆମ୍ଭାତେରୁ ବାପ୍ତିସ୍ମାକାନା, ଆତଃ ଏନ୍ ମିଆଁଦ୍ ହଡ଼ମ୍‌ରେ ମେସାକାନାରୁ ଆତଃ ମିଆଁଦ୍ ଆମ୍ଭାଏତେ ନୁଁ ନାଗେନ୍ଦ୍ର ସବେନ୍‌କକେ ଏମାକାନା ।

୧୪ ହଡ଼ମ୍ ମିଆଁଦ୍‌ଗି ହିସାରେ କା ବାଈୟାକାନା, ମେନ୍‌ଦ ପୁରାଃ ହିସାରେ ବାଈୟାକାନା । ୧୫ କାଟା, ଆଇଙ୍ଗ୍ ଡିଃଇ ନାହାଁଲାଇଙ୍ଗ୍ ମେନ୍ଦ୍ର କାଜିକେଦ୍ ହରାତେ ଏନା ହଡ଼ମ୍‌ରାଃ ହିସା ନାହାଁଲାଃ, ଏନ୍‌କାଦ କା ହବାଅଃଆ । ନେଆଁରାଃ ମୁଣ୍ଡି ନାହାଁଲାଃ ଜେ, ଏନା ହଡ଼ମ୍‌ରେୟାଃ ହିସାରେ ତାଇନ୍ କା ଦାଡ଼ିୟଃଆ । ୧୬ ଆତଃ ଲୁଡୁର୍, ଆଇଙ୍ଗ୍ ମେଦ୍ ନାହାଁଲାଇଙ୍ଗ୍ ମେନ୍ଦ୍ର କାଜିକେଦ୍ ହରାତେ ଏନା ହଡ଼ମ୍‌ରାଃ ହିସା ନାହାଁଲାଃ, ଏନ୍‌କାଦ କା ହବାଅଃଆ । ନେଆଁରାଃ ମୁଣ୍ଡି ନାହାଁଲାଃ ଯେ, ଏନା ହଡ଼ମ୍‌ରେୟାଃ ହିସାରେ ତାଇନ୍ କା ଦାଡ଼ିୟଃଆ । ୧୭ ଗଟା ହଡ଼ମ୍, ମେଦ୍ ହବାଅଃରେଦ, ଚିଲ୍‌କାତେ ଆୟୁମ୍ ଦାଡ଼ିୟଃଆ ? ଆତଃ ଗଟା ହଡ଼ମ୍, ଲୁଡୁର୍ ହବାଅଃରେଦ ଚିଲ୍‌କାତେ ସୁଙ୍ଗୁଦ୍ ଦାଡ଼ିୟଃଆ ? ୧୮ ପାର୍‌ମେଶ୍ୱାର୍ ହଡ଼ମ୍‌ରାଃ ସବେନ୍ ହିସାକେ ମିଆଁଦ୍ ମିଆଁଦ୍‌ତେ ଆୟାଃ ସାନାଙ୍ଗ୍ ଲେକା ହଡ଼ମ୍‌ରେ ଖାଞ୍ଜାଅକାଦା । ୧୯ ଏନ୍ ସବେନାଃ ମିଆଁଦ୍‌ଗି ହିସା ହବାକାନ୍‌ତେୟାଃ ହଲେ, ଚିଲ୍‌କାତେ ହଡ଼ମ୍ ହବାସାକାଅଆଃ ? ୨୦ ଏନାତେ ହଡ଼ମ୍‌ରେ ପୁରାଃ ହିସା ତାଇନ୍‌ରେୟା, ମିଆଁଦ୍‌ଗି ହଡ଼ମ୍ ତାନାଃ ।

୨୧ ଏନାତେ, “ଆଇଙ୍ଗ୍‌କେ ଆମାଃ ଲାଗାଡିଙ୍ଗ୍ ବାନଃଆ” ମେନ୍ଦ୍ର ମେଦ୍, ଡିଃଇକେ କାଜି କାଏ ଦାଡ଼ିୟା, ଚାଏ ବହଃ, କାଟାକେ “ଆମାଃ ଦାର୍‌କାର୍ ବାନଃଆ” ମେନ୍ଦ୍ର କାଜି କାଏ ଦାଡ଼ିୟା । ୨୨ ମେନ୍‌ଦ ହଡ଼ମ୍‌ରେ ଅକନ୍ ହିସା ନାରାଦୁରା ମେନ୍ଦ୍ର ଆଟ୍‌କାରଃତାନ୍‌ରେଦ, ଆବୁ ଜେଡନାଃ କାବୁ ରିକା ଦାଡ଼ିୟା । ୨୩ ଆତଃ ହଡ଼ମ୍‌ରେୟାଃ ଅକନ୍ ହିସା ପୁରାଃଗି ଲାଗାଡିଙ୍ଗ୍‌ତେୟାଃ ନାହାଁଲାଃ ମେନ୍ଦ୍ର ଆଟ୍‌କାର୍‌ଲେରେ, ଆବୁ ଏନ୍ ହିସାକକେ ଜାତାନ୍ ରିକାଃରୁ । ଆତଃ ହଡ଼ମ୍‌ରେୟାଃ ଦାନାଙ୍ଗ୍‌କାନ୍ ହିସାକେ ପୁରାଃଗି ଜାଡନାଅ ରିକାଃରୁ । ୨୪ ହଡ଼ମ୍‌ରେୟାଃ ସୁଗାଡାନ୍ ହିସା ନାଗେନ୍ଦ୍ର ଇମନାଙ୍ଗ୍ ଆବୁ କାବୁ ଉଡଗୁାଃ । ପାର୍‌ମେଶ୍ୱାର୍ ଆଇଃକ୍‌ଗି ହଡ଼ମ୍‌କେ ନେଲେକା ସାଜାଅକାଦାଏ ଯେ, ଅକନ୍ ହିସାକେ ଜାତାନ୍ ଇଦି ଲାଗାଡିଙ୍ଗ୍‌ୟାଃ, ଏନା ପୁରାଃଗି ମାଇନଃ ଲେକାନାଃତାନାଃ । ୨୫ ଆତଃ ହଡ଼ମ୍‌ରେ ଜେତାନ୍ ବିନ୍‌ଗାଅ କା ହବାଅଃଆ, ମେନ୍‌ଦ ହଡ଼ମ୍‌ରେୟାଃ ମିମିଆଦ୍ ହିସା ମିଆଁଦ୍ ଆତଃମିଆଁଦ୍‌ରାଃ ଦେଙ୍ଗା ରିକାଃଏ । ୨୬ ହଡ଼ମ୍‌ରେୟାଃ ମିଦ୍ ହିସା ହାସୁରେ, ଏଟାଃ ସବେନ୍ ହିସା ଏନ୍ ହାସୁକ ନାମେୟା । ମିଆଁଦ୍ ହିସା ମାନାରାଙ୍ଗ୍ ହବାଅଃରେ, ଏଟାଃ ସବେନ୍ ହିସା ଏନ୍ ରାସକାରେ ରାସକାଞ୍ଜାକ ।

୨୭ ଆପେ ଖ୍ରୀଷ୍ଟ୍‌ଆଃ ହଡ଼ମ୍ ତାନପେ । ଆପେ ସବେନ୍‌କ ଏନ୍ ହଡ଼ମ୍‌ରେନ୍ ମିପିଆଦ୍ ହିସା ତାନପେ । ୨୮ *କାଲିସିୟାରେ ପାର୍‌ମେଶ୍ୱାର୍ ସବେନାଃଏତେ ସିଦାରେ ପ୍ରେରିଡକକେ, ଏନ୍ ତାୟମ୍‌ତେ ଆୟାର୍‌କାଜିକକେ, ଏନ୍ ତାୟମ୍‌ତେ ଇଡୁକକେ, ଏନ୍ଦ୍ର ଆକ୍‌ଦାନ୍‌ଆ କାମିକକେ, ଦୁକୁ ବୁଗିତାନ୍‌କକେ, ଦେଙ୍ଗାତାନ୍‌କକେ, ଆକ୍‌ତେୟାର୍ ନାମାକାଦକକେ, କା ସାରିକାଦ୍ ଏଟାଃ ଜାଗାର୍‌ତେ ଜାଗାର୍ ଦାଡ଼ିତାନ୍ ହଡକକେ ଆତଃ ରାକାମ୍ ରାକାମ୍ ବାର୍‌ଦାନ୍ ନାମାକାଦ୍ ହଡକକେ ସାଲାକେଦକଥା । ୨୯ ଇନ୍‌କୁ ସବେନ୍‌କ ପ୍ରେରିଡ୍, ଆୟାର୍‌କାଜିକ, ଆତଃ ଇଡୁତାନ୍‌କ ନାହାଁଲାକ । ଆକ୍‌ଦାନ୍‌ଆ କାମି ରିକାରେୟାଃ ପେଡ଼େ ସବେନ୍‌କଆଃ ବାନଃଆ । ୩୦ ସବେନ୍‌କ ଦୁକୁ ବୁଗି କାକ ଦାଡ଼ିୟା, କା ସାରିକାଦ୍ ଏଟାଃ ଜାଗାର୍‌ତେ କାକ ଜାଗାର୍ ଦାଡ଼ିୟା, ଆତଃ କାଜିକାନ୍‌ତେୟାଃରାଃ ମୁଣ୍ଡି ଉଦୁବ୍ ନାଗେନ୍ଦ୍ର କାକ ଦାଡ଼ିୟା । ଚିଆଃଗି ସବେନ୍‌କ ଏଟାଃ ଏଟାଃ ବାର୍‌ଦାନ୍ ନାମାକାଦାକ । ୩୧ ଆପେ ସବେନ୍‌କ ବୁଗିନ୍ ବାର୍‌ଦାନ୍ ନାମେ ନାଗେନ୍ଦ୍ର ଚେଷ୍ଟାଏପେ । ଆଇଙ୍ଗ୍ ଆପେକେ ନେଆଁଏତେ ପୁରାଃ ବୁଗିନ୍ ହରାଇଙ୍ଗ୍ ଉଦୁବାପେୟା ।

୧୩

ଦୁଲାଡ୍

୧ ଆଇଙ୍ଗ୍ ହଡକଆଃ ଆତଃ ଦୁଁଡକଆଃ ଜାଗାର୍‌ତେ କାଜି ଦାଡ଼ିୟାଇଙ୍ଗ୍, ମେନ୍‌ଦ ଆଇଁୟାଃ ଦୁଲାଡ୍ କା ତାଇନ୍‌ରେଦ, ଆଇଙ୍ଗ୍ ଠାନ୍ ଠାନ୍ ସାଡ଼ି ଆୟୁମ୍‌ତାନ୍ ଘାଣ୍ଟି ଚାଏ ଡିଃଇତେ ଆପଡ଼ିତାନ୍ ସାଡ଼ି ଆୟୁମ୍‌ତାନ୍ ଲେକାନ୍‌ନିଃ ତାନିଙ୍ଗ୍ । ୨ *ଆତଃ ଆଇଙ୍ଗ୍‌କେ ପାର୍‌ମେଶ୍ୱାର୍‌ଆଃ କାଜି କାଜିନାଙ୍ଗ୍ ପେଡ଼େ ତାଇନ୍ ସାକାଅଃଆ, ସବେନ୍ ବିଷାଏରେ ସେଣାଁ

* ୧୨:୧୨ ୧୨:୧୨ ରୋମି ୧୨:୪,୫. * ୧୨:୨୮ ୧୨:୨୮ ଏଫିସିୟ ୪:୧୧. * ୧୩:୨ ୧୩:୨ ମାଥ୍‌ଉ ୧୭:୨୦; ୨୧:୨୧; ମାର୍କ ୧୧:୨୩.

ତାଇନ୍ ସାକାଅଥଆ, ସବେନ୍ ଉକୁଆକାନ୍ତେୟାଃ ଆବ୍‌କାର୍‌ଉରୁମ୍ ନାଗେନ୍ତେ ପେଡେଃ ତାଇନ୍ ସାକାଅଥଆ, ବିଶ୍ୱାସ୍‌ରାଃ ପେଡେଃରେ ବୁରୁକେ ନେତାଃଏତେ ହାନ୍ତାଃ ଇଦି ନାଗେନ୍ତେ ପେଡେଃ ତାଇନ୍ ସାକାଅଥଆ, ମେନ୍‌ଦ ଆଇଁୟାଃ ଦୁଲାଡ୍, ବାନଃରେଦ, ଆଇଙ୍ଗ୍ ଜେତାନିଃ ନାହାଁଲିଙ୍ଗ୍ । ୩ ଆଇଙ୍ଗ୍, ଆଇଁୟାଃ ସବେନାଃ ଏମ୍ ଦାଡ଼ିୟାଇଙ୍ଗ୍ ଚାଏ ସେଙ୍ଗେଲ୍‌ରେ ଆଇଁୟାଃ ହଡ଼ମ୍‌କେ ଜୁଲିଃ ନାଗେନ୍ତେ ଏମ୍ ଦାଡ଼ିୟାଇଙ୍ଗ୍, ମେନ୍‌ଦ ଆଇଁୟାଃ ମନ୍‌ସୁରୁଦ୍‌ରେ ଦୁଲାଡ୍, ବାନଃରେଦ, ଏନ୍ ସବେନାଃ ଆଇଁୟାଃ ନାଗେନ୍ତେ ବୁଗିନାଃ କା ହବାଅଥଆ ।

୪ ଦୁଲାଡ୍, ହବାଅଥତାନା, ଧିରାଜ୍ ଆତଃ ଲିବୁୟାନ୍ ଜୀଝାନ୍ । ଦୁଲାଡ୍, କାଏ ହିସ୍‌ଙ୍ଗାଃ, କାଏ ହାଁକାରାଃ, ଆତଃ ଆପାନ୍‌କେ ମାରାଙ୍ଗ୍‌ୟେନ୍ କାଏ ସାନାଙ୍ଗ୍‌ଆଃ; ୫ ଦୁଲାଡ୍, କା ଲାଗାଡ଼ିଙ୍ଗ୍ ଲେକା କାଏ ବେଭାରାଃ, ଆୟାଃ ନାଗେନ୍ତେ ଏସ୍‌କାର୍ କାଏ ରିକାଃ, କାଏ ଖ୍‌ସ୍‌ଅଥଆ, ଏଡ଼କାନ୍‌ତେୟାଃ କାଏ ପାହାମାଃ; ୬ ଦୁଲାଡ୍, ଏଡ଼କାନ୍‌ତେୟାଃରେ କାଏ ସୁକୁଃଆ, ମେନ୍‌ଦ ସାନାର୍‌ତିରେ ସୁକୁଃଆ । ୭ ଦୁଲାଡ୍, ସବେନାଃଏ ସାହାଡ଼ିଙ୍ଗ୍‌ୟେଆ, ସବେନାଃଏ ବିଶ୍ୱାସେଆ, ସବେନାଃଏ ଆସ୍ତାଏୟା, ଆତଃ ସବେନ୍ ବିଷାଏରେ ଧିରାଜ୍ ସାବ୍‌କେଦ୍‌ତେ ତାଇନାଃ ।

୮ ଦୁଲାଡ୍, ଜାନାଅ ଜାନାଅଗି ତାଇନଃଆ, ଆୟାର୍‌କାଜି ଉଦୁବ୍‌ତେୟାଃ ଜିୟନଃଆ, ଆକ୍‌ଦାନ୍‌ଦାଅ କାଜିତେୟାଃ ଜିୟନଃଆ, ହଡ଼କଆଃ ସେଣାଁ ମେନାଃରେଦ, ଏନା ଜିୟନଃଆ । ୯ ଚିୟାଃତି ଆବୁକେ ସେଣାଁରାଃ ବାର୍‌ଦାନ୍ ଏମାକାନ୍‌ତେୟାଃ ଆତଃ ପାର୍‌ମେଶ୍ୱାର୍‌ତାଃଏତେ କାନାଜି ଉଦୁବ୍‌ତେୟାଃରେ ସେଣାଁ ପୁରା ନାହାଁଲାଃ, ୧୦ ମେନ୍‌ଦ ସବେନ୍ ବିଷାଏରେୟାଃ ପୁରାଅଥତେୟାଃ ହିଜୁଃରେ, ନେ କାଟିକାନ୍‌ତେୟାଃ ସବେନ୍ ଜିୟନଃଆ ।

୧୧ ଆଇଙ୍ଗ୍ ସିଟିଆ ଲେକାଇଙ୍ଗ୍ ତାଇକେନ୍ ଇମ୍‌ତା, ସିଟିଆ ଲେକାଇଙ୍ଗ୍ ଜାଗାର୍ ତାଇକେନା, ସିଟିଆ ଲେକାଇଙ୍ଗ୍ ପାହାମ୍ ତାଇକେନା, ସିଟିଆ ଲେକାଇଙ୍ଗ୍ ଉଡ଼ୁ ତାଇକେନା, ମେନ୍‌ଦ ସିଟିଆଏତେ ମାରାଙ୍ଗ୍ ହାରାୟାନ୍ତେ ଆତଃ ଆଇଙ୍ଗ୍ ସିଟିଆ ଲେକା କାଇଙ୍ଗ୍ କାଜିତାନା । ୧୨ ନାହାଁଃ ଆବୁ ଅକ୍‌ନାଃ ନେଲ୍‌ତାନ‌ତେୟାଃ, ଆଏନାରେ ନେଲେତାନ୍ ନାକାଲ୍ ଲେକାନାଃ ତାନାଃ । ମେନ୍‌ଦ ମୁସିଙ୍ଗ୍ ନେତା ହିଜୁଃଆ, ଇମ୍‌ତା ଆବୁ ମିହୁଡ୍ ଆତଃମିହୁଡ୍‌କେ ନେପେଲ୍‌ତାନ୍ ଲେକାବୁ ନେପେଲା । ନାହାଁଃ ଆଇଙ୍ଗ୍ ଅକ୍‌ନାଃ ସାରିତାନାଇଙ୍ଗ୍, ଏନା ପୁରା କାଇଙ୍ଗ୍ ସାରିତାନା । ମେନ୍‌ଦ ପାର୍‌ମେଶ୍ୱାର୍ ଆଇଙ୍ଗ୍‌କେ ପୁରା ସାରିକାଦିଙ୍ଗ୍ ଲେକା ହବାଅଥରେ ଆଇଁୟାଃ ସେଣାଁହ୍ ପୁରାଅଥଆ ।

୧୩ ବିଶ୍ୱାସ୍, ଆସ୍ତା, ଆତଃ ଦୁଲାଡ୍, ନେ ଆପିୟା ତାଇନଃଆ । ମେନ୍‌ଦ ନେ ଆପିୟାଏତେ ଦୁଲାଡ୍, ମାରାଙ୍ଗ୍‌ତାନାଃ ।

୧୪

ଆମ୍‌ତାଃଏତେ ବାର୍‌ଦାନ୍ ବିଷାଏରେ ପୁରାଃ କାଜି

୧ ଏନାତେ ଆପେ ଦୁଲାଡ୍ ନାଗେନ୍ତେ ଚିହୁଡେନ୍‌ପେ । ଏଗାଃ ଏଗାଃ ଆମ୍‌ରେୟାଃ ବାର୍‌ଦାନ୍‌କେ ନାମେ ନାଗେନ୍ତେ, ବିଶେଷ୍‌କେଦ୍‌ତେ ପାର୍‌ମେଶ୍ୱାର୍‌ଆଃ କାନାଜି ଉଦୁବ୍ ନାଗେନ୍ତେ, ଆପେୟାଃ ମନ୍‌ସୁରୁଦ୍‌ତେ ରିକା ନାଙ୍ଗ୍ ସାନାଙ୍ଗ୍‌ପେ । ୨ ଚିୟାଃତି ଜେତାଏ କା ସାରି ଜାଗାର୍‌ତେ ଜାଗାର୍‌ତାନିଃ, ହଡ଼ଲଃ କାଏ ଜାଗାରାଃ ମେନ୍‌ଦ ପାର୍‌ମେଶ୍ୱାର୍‌ଲଃ ଜାଗାରାଃଏ, ଏନାତେ ଜେତାଏ କାକ ବୁଝାଅଥଆ । ଏନ୍ ଆମ୍‌ରାଃ ପେଡେଃରେ ଉକୁଆକାନ୍ ସାର୍‌ତି ବିଷାଏକ ଜାଗାର୍‌ତାନା । ୩ ମେନ୍‌ଦ ଜେତାଏ ପାର୍‌ମେଶ୍ୱାର୍‌ଆଃ କାନାଜି କାଜିତାନିଃ ହଡ଼କଆଃ ବିଶ୍ୱାସ୍‌କେ କେଟେଜେ ନାଙ୍ଗ୍ କାଜିୟାଃଏ ଆତଃ ଇନ୍‌କୁକେ ଦେଙ୍ଗା, ରାସ୍‌କା, ଆତଃ ଜୀଉରାଡ଼େଃ ଏମାକଆଏ । ୪ ଜେତାଏ କା ସାରି ଜାଗାର୍‌ତେ ଜାଗାର୍‌ନିଃ, ଆୟାଃ ନାଗେନ୍ତେ ଏସ୍‌କାର୍ କାଜିୟାଃଏ, ମେନ୍‌ଦ ଜେତାଏ ପାର୍‌ମେଶ୍ୱାର୍‌ଆଃ କାନାଜି ଉଦୁବ୍‌ନିଃ, ସବେନ୍ କାଲିସିୟାକେ ଦେଙ୍ଗାଃଏ ।

୫ ଆପେ ସବେନ୍‌କ କା ସାରି ଜାଗାର୍‌ତେ ଜାଗାର୍‌ରେ, ଆଇଙ୍ଗ୍ ରାସ୍‌କାଅଥଇଙ୍ଗ୍, ମେନ୍‌ଦ ଆପେ ସବେନ୍‌କ ପାର୍‌ମେଶ୍ୱାର୍‌ଆଃ କାନାଜି ଉଦୁବେପେ, ମେନ୍ତେ ଆଇଁୟାଃ ପୁରାଃ ସାନାଙ୍ଗ୍ ତାନାଃ । ଜେତାଏ କା ସାରି ଜାଗାର୍‌ତେ ଜାଗାର୍‌ରେନିଃ, କାଲିସିୟାରାଃ ବୁଗିନାଃ ନାଗେନ୍ତେ କା ସାରି ଜାଗାର୍‌ରେୟାଃ ମୁଣ୍ଡି ଉଦୁବେରେଦ ବୁଗିନାଃ ହବାଅଥତେୟାଃ, କା'ରେଦ କା ସାରି ଜାଗାର୍ କାଜିଏତେ ପାର୍‌ମେଶ୍ୱାର୍‌ଆଃ କାନାଜି ଉଦୁବ୍‌ତେୟାଃ ସବେନାଃଏତେ ବୁଗିନାଃ ତାନାଃ । ୬ ହେ ହାଗା ମିଶିକ, ଆଇଙ୍ଗ୍ ଆପେତାଃତେ ହିଜୁଃକେଦ୍‌ତେ ପାର୍‌ମେଶ୍ୱାର୍‌ତାଃଏତେ ଜେତାନ୍ ଉଦୁବ୍‌କାଜି, ସେଣାଁନ୍ କାଜି, ଆୟାର୍‌କାଜି, ଆତଃ ଇନିଡୁ କାଜି କା ଉଦୁବ୍‌କେଦ୍‌ତେ କା ସାରି ଜାଗାର୍‌ତେଇଙ୍ଗ୍ କାଜିୟା, ଆତଃ ଆପେ କାପେ ବୁଝାଅଥରେଦ ଆପେୟାଃ ଚିୟାଃ ବୁଗିନାଃ ହବାଅଥଆ ?

୭ ମୁରୁଲି ଚାଏ ବାନାମ୍ ଲେକାନ୍ ଜୀଉ ବାନଃ ସାଡ଼ିତେୟାଃରେ ବୁଗିନ୍ ଲାବ୍‌ଜା କା ଅଡ଼ଙ୍ଗ୍‌ଅଥରେଦ, ଏନାରେ ଚିନାଃ ସାଡ଼ିତାନା ଏନା ଜେତାଏ କାକ ସାରି ଦାଡ଼ିୟା ? ୮ ବିଲ୍‌ଲ୍ ସାଡ଼ିରେୟାଃ ଲାବ୍‌ଜା ବୁଗିଲେକା କା ଆୟୁମ୍‌ଫରେଦ, ଲାଡ଼ାଲ ନାଗେନ୍ତେ ଅକ୍‌ଏତାମ୍ ଜାଲ୍‌ଦି ସେକାଡ଼୍‌ଦାବେନାଏ ? ୯ ଏନ୍‌ଲେକାଗି, କା ସାରି ଜାଗାର୍‌ତେ କାଜିରେ, ଅକ୍‌ଏ ବୁଝାଅଥଆଏ ? ନେଆଁ ହୟକେ କାଜିତାନ୍‌ଲେକା ହବାଅଥଆ । ୧୦ ଅତେଦିଶ୍ୱମ୍‌ରେ ପୁରାଃଗି ଜାଗାର୍ ମେନାଃ, ମେନ୍‌ଦ ଏନ୍ ସବେନ୍ ଜାଗାର୍‌ରେୟାଃ ମୁଣ୍ଡି ମେନାଃ । ୧୧ ଆଇଁୟାଃଲଃ ଜାଗାର୍‌ତାନ୍ ହଡ଼ରାଃ ଜାଗାର୍ ଆଇଙ୍ଗ୍ କାଇଙ୍ଗ୍ ସାରିରେଦ, ଏନ୍ ହଡ଼ ଆଇଁୟାଃତାଃରେ ଏଗାଃ ଦିଶ୍ୱମ୍‌ରେନ୍ ହଡ଼ ଲେକାନ୍‌ନିଃ ତାନିଃ । ଆଇଙ୍ଗ୍ ହ୍ ଆୟାଃତାଃରେ ଏଗାଃ ଦିଶ୍ୱମ୍‌ରେନ୍ ହଡ଼ ଲେକାଇଙ୍ଗ୍ ହବାଅଥଆ । ୧୨ ଆପେୟ ପାବିତାର୍ ଆମ୍‌ରେୟାଃ ବାର୍‌ଦାନ୍ ନାମେ ନାଗେନ୍ତେ ପୁରାଃଗିପେ ସାନାଙ୍ଗ୍‌ତାନ୍

ହରାତେ, ଅକ୍ନାଃରେ କାଲିସିୟାରାଃ ବୁଗିନାଃ ହବା ଦାଡ଼ିୟଃଆ, ଏନ୍ ସବେନାଃ ପୁରାଃଗି ନାମେ ନାଗେନ୍ତେ ପୁରାଃଗି ଚେଷ୍ଟାଏପେ ।

୧୩ ଜେତାଏ କା ସାରି ଜାଗାର୍ତେ ଜାଗାର୍ତାନରେଦ, ଇନିଃ ଏନ୍ କା ସାରି ଜାଗାର୍ତେ କାଜିକାଦ୍ତେୟାଃରାଃ ମୁଣ୍ଡି ଉଦୁବ୍ ନାଜ୍ ବାବ୍ଦାନ ନାମେ ନାଗେନ୍ତେ ଇନିଃକେ ବିକ୍ତି ଲାଗାଡ଼ିଙ୍ଗ୍ୟାଃ । ୧୪ ଚିୟାଃଚି ଆଇଙ୍ଗ୍ କା ସାରି ଜାଗାର୍ତେଇଙ୍ଗ୍ ବିକ୍ତିରେଦ, ଏନା ଆଇଁୟାଃ ଆମ୍ବା ବିକ୍ତିୟାଏ, ମେନ୍ଦ ଆଇଁୟାଃ ମନ୍ ଜେତନାଃ କାଏ ସାରିୟା । ୧୫ ଏନାରେ ଆଇଙ୍ଗ୍ ଚିନାଃଇଙ୍ଗ୍ ଚିକାୟା ? ଆଇଙ୍ଗ୍ ଆମ୍ବାତେଇଙ୍ଗ୍ ବିକ୍ତିୟା, ଏନାଲଃ ଆଇଁୟାଃ ମନ୍ତେହ୍ ବିକ୍ତିୟା, ଆଇଙ୍ଗ୍ ଆମ୍ବାତେଇଙ୍ଗ୍ ଦୁରାଙ୍ଗେଆ, ଏନାଲଃ ମନ୍ତେହ୍ ଦୁରାଙ୍ଗେଆ । ୧୬ ଆପେ ପାର୍ମେଶ୍ଵାଚ୍ଚକେ ଆମ୍ବାତେ ଏସ୍କାର୍ ଧାନ୍ୟାବାଦ୍ ଏମାଲ ଇମ୍ତା, ଏନ୍ତାଃରେ ତାଇକାନ ହଡ୍ ଆପେୟାଃ କାଜି ବେଗାର୍ ବୁଝାଅତେ ଚିଲ୍କାତେ ଆପେଲଃ ଆମେନ୍ ମେନ୍ତେ କାଜିୟା ? ୧୭ ଆପେ ପୁରାଃ ସାର୍ତ୍ତିତେ ପାର୍ମେଶ୍ଵାଚ୍ଚକେ ଧାନ୍ୟାବାଦ୍ ଏମାକାଲୟା, ଏନା ସାର୍ତ୍ତିତାନାଃ, ମେନ୍ଦ ଏଟାଃ ହଡ୍ ଜେତାଲେକାତେ ଆଗିଷ୍ଟ କାଏ ନାମେୟା ।

୧୮ ଆଇଙ୍ଗ୍ ଆପେ ସବେନ୍ଦକଏତେ ପୁରାଃଗି କା ସାରି ଜାଗାର୍ତେଇଙ୍ଗ୍ ଜାଗାର୍ ଦାଡ଼ିୟା ମେନ୍ତେ ପାର୍ମେଶ୍ଵାଚ୍ଚକେ ଧାନ୍ୟାବାଦ୍ ଏମାଲତାନାଇଙ୍ଗ୍ । ୧୯ ମେନ୍ଦ ଆଇଙ୍ଗ୍ ଏଟାଃକକେହ୍ ଇଡ୍ ଦାଡ଼ିକାଇଙ୍ଗ୍ ମେନ୍ତେ କାଲିସିୟାରେ କା ସାରି ଜାଗାର୍ତେ ହାଜାର୍ ହାଜାର୍ କାଜି କା କାଜିକେଦ୍ତେ, ସବେନ୍ଦକ ସାରିଲେକା ମଣେୟା କାଜି କାଜିତେୟାଃ ପୁରାଃ ବୁଗିନାଃ ମେନ୍ତେଇଙ୍ଗ୍ ଆଟ୍ଟକାର୍ଚ୍ଚକେଦା ।

୨୦ ହେ ହାଗାକ, ଆପେୟାଃ ଉଡ୍ଡୁରେ ସିଟିଆ ଲେକା ଆଲ୍ପେ ହବାଅଃକା, ମେନ୍ଦ ଏଡ୍କାନ ବିଷାଏରେ ସିଟିଆ ଲେକା ହବାଅଃପେ, ଆଡଃ ସେଣ୍ଡାନ୍ରେ ଆପେ ପୁରା ହାରା ସେକାଡ଼ାକାନ ହଡ୍ ଲେକା ହବାଅଃ ଲାଗାଡ଼ିଙ୍ଗ୍ୟାଃ ।

୨୧ ଧାରାମପୁଅରେୟାଃ ଆନୁରେ ନେଆଁ ଅଲ୍ଲାନା,

“ପ୍ରାଭୁ କାଜିତାନାଏ, କା ସାରି ଜାଗାର୍ତେ କାଜିତାନ

ଏଟାଃ ଦିଶ୍ଵମ୍ରେନ୍ଦକଆଃ ମଚାତେ,

ଆଇଙ୍ଗ୍ ଆଇଁୟାଃ ହଡ୍କକେଇଙ୍ଗ୍ କାଜିକରେୟ,

ଇନ୍କୁ ଆଇଁୟାଃ କାଜି କାକ ଆୟୁମେୟା ।”

୨୨ ଏନାତେ କା ସାରି ଜାଗାର୍ତେ ଜାଗାର୍ତେୟାଃ ବିଶ୍ଵାସୀ ହଡ୍କଆଃ ନାଗେନ୍ତେ ଜେତାନ୍ ଚିହ୍ନାଁ ନାହାଁଲାଃ, ମେନ୍ଦ କା ବିଶ୍ଵାସ୍ତାନକଆଃ ନାଗେନ୍ତେ ଏସ୍କାର୍ ଚିହ୍ନାଁ ଲେକାନାଃ ତାନାଃ । ଏଟାଃ ହରା ନେଲେରେ, ପାର୍ମେଶ୍ଵାଚ୍ଚଆଃ କାଜି ଉଦୁବ୍ରେୟାଃ ବାବ୍ଦାନ କା ବିଶ୍ଵାସ୍ତାନକଆଃ ନାଗେନ୍ତେ ନାହାଁଲାଃ, ମେନ୍ଦ ବିଶ୍ଵାସୀକଆଃ ନାଗେନ୍ତେ କା ସାରି ଜାଗାର୍ ଚିହ୍ନାଁ ଲେକାନାଃ ତାନାଃ ।

୨୩ କାଲିସିୟାରେ ହୁଣ୍ଡିକେଦ୍ତେ ସବେନ୍ଦକ କା ସାରି ଜାଗାର୍ତେ ଜାଗାର୍ ଏଟେଦ୍ଲେରେ, ଏନ୍ତାଃତେ ହିଜୁଃକାନ ଦେହାତି ହଡ୍କ ଚାଏ କା ବିଶ୍ଵାସ୍ତାନ ହଡ୍କ, କାଲିସିୟାରେନ୍ ସବେନ୍ ହଡ୍କକେ ବାଏହା ମେନ୍ତେ କାକଚି କାଜିକଆ ? ୨୪ ମେନ୍ଦ ଇନ୍କୁ ପାର୍ମେଶ୍ଵାଚ୍ଚଆଃ କାନାଜିକେ ଉଦୁବ୍ତାନରେଦ, ଆଡଃ ଜେତାଏ ହଡ୍ ଚାଏ କା ବିଶ୍ଵାସ୍ତାନ ହଡ୍ ହିଜୁଃରେଦ, ଇନିଃ ସବେନ୍ଦକଆଃତେ ଚିଟାକାନା ମେନ୍ତେ ଆଟ୍ଟକାରଃଆ ଆଡଃ ସବେନ୍ଦକଆଃତେ ବିଚାରଃଆ ।

୨୫ ଇନିୟାଃ ମନ୍ସୁରୁଦ୍ରେ ଉକୁଆକାନ୍ତେୟାଃ ସବେନାଃ ଉଦୁବଃଆ । ଏନ୍ତେ ଇନିଃ ମେଦ୍ ମୁହାଡ୍ ଲାତାଚ୍ଚକେଦ୍ତେ ଉୟୁଗଃଆ ଆଡଃ ପାର୍ମେଶ୍ଵାଚ୍ଚକେ ଜହାର୍ତାନଲଃ କାଜିୟାଏ, “ସାର୍ତ୍ତିଗି ଆପେୟାଃ ଆଲାରେ ପାର୍ମେଶ୍ଵାଚ୍ଚ ମେନାଇୟା ।”

କାଲିସିୟାରେ ବେଗାର୍ ହାଲାଗୁଲା

୨୬ ହେ ହାଗା ମିଶିକ, ଆଇଙ୍ଗ୍ ଆପେକେ କାଜିରେୟାଃ ମୁଣ୍ଡି ନେୟାତାନାଃ, ସେଞ୍ଜାକାମି ନାଗେନ୍ତେ ହୁଣ୍ଡିନ୍ ଇମ୍ତା ଜେତାଏ ମିହୁଡ୍ ଦୁରାଙ୍ଗେକାଏ, ଆଡଃମିହୁଡ୍ ଇଡ୍ଊଇକାଏ, ଆଡଃମିହୁଡ୍ ପାର୍ମେଶ୍ଵାଚ୍ଚଆଃ ଉଦୁବ୍ ଉଦୁବେକାଏ, ଆଡଃମିହୁଡ୍ କା ସାରି ଜାଗାର୍ତେ କାଜିକା, ଆଡଃମିହୁଡ୍ କା ସାରି ଜାଗାର୍ତେୟାଃ ମୁଣ୍ଡି କାଜିକାଏ, ନେ ସବେନାଃ କାଲିସିୟାରାଃ ଦେଙ୍ଗା ନାଗେନ୍ତେ ହବାଅଃ ଲାଗାଡ଼ିଙ୍ଗ୍ୟାଃ । ୨୭ ଜେତାଏ କା ସାରି ଜାଗାର୍ତେ କାଜିରେଦ, ବାର୍ହଡ୍ ଚାଏ ଏନାଏତେ ଥ୍ମା ହଡ୍ ହବାଅଃରେ, ଆପିହଡ୍, ମିହୁଡ୍ ମିହୁଡ୍ତେ କାଜିକାକ ଏନ୍ତେ ଆଡଃମିହୁଡ୍ ଏନାରେୟାଃ ମୁଣ୍ଡି କାଜିକାଏ । ୨୮ ଏନାରେୟାଃ ମୁଣ୍ଡି କାଜି ହଡ୍ କାକ ତାଇନ୍ରେଦ, ଇନିଃ କାଲିସିୟାରେ ହାପାକାନ୍ତା ତାଇନ୍କାଏ ଆଡଃ ଆଇଃକ୍ଚି ପାର୍ମେଶ୍ଵାଚ୍ଚକେ କାଜିକା । ୨୯ ଆଡଃ ବାର୍ହଡ୍ ଚାଏ ଆପିହଡ୍ ପାର୍ମେଶ୍ଵାଚ୍ଚଆଃ କାଜି ଉଦୁବେକାକ, ଇନ୍କୁ କାଜିତାନ୍ତେୟାଃ ଏଟାଃକ ବିଚାରେକାକ । ୩୦ ମେନ୍ଦ ସେଞ୍ଜାକାମିରେ ଦୁବାକାନ୍ଦକଏତେ ଜେତାଏ ପାର୍ମେଶ୍ଵାଚ୍ଚତାଏତେ ଜେତାନ୍ କାଜି ଆୟୁମ୍ଲେରେ, ସିଦାରେନ୍ ହଡ୍ ଆୟାଃ ଉଦୁବ୍ତାନ କାଜିକେ ହକାଏକା । ୩୧ ସବେନ୍ଦକଆଃ ଇନିଡ୍ ଆଡଃ ଜାଉରେ ରାସ୍କା ନାମ୍ ନାଗେନ୍ତେ ସବେନ୍ଦକ ମିହୁଡ୍ ମିହୁଡ୍ତେ ପାର୍ମେଶ୍ଵାଚ୍ଚଆଃ କାନାଜି ଉଦୁବେପେ । ୩୨ ପାର୍ମେଶ୍ଵାଚ୍ଚଆଃ କାନାଜି ଉଦୁବ୍ରେୟାଃ ବାବ୍ଦାନ ନାମାକାଦ୍ ନାବୀକଆଃ ଆମ୍ବା ନାବୀକଆଃ ଆବରରେ ତାଇନ୍ ଲାଗାଡ଼ିଙ୍ଗ୍ୟାଃ । ୩୩ ଚିୟାଃଚି ପାର୍ମେଶ୍ଵାଚ୍ଚ ହାଲାଗୁଲା କାଏ ସାନାଙ୍ଗ୍ଆଃ, ମେନ୍ଦ ଜୀଉସୁକ୍ତେୟାଃ ସାନାଙ୍ଗ୍ଆଃଏ ।

ପାର୍ମେଶ୍ଵରୀଆ ସବେନ୍ କାଲିସିୟାରେନ୍ ହଡ଼କ ଲେକା, ୩୪ ଆପେୟାଃ କାଲିସିୟାରେୟାଃ ଦୁନୁବକରେ କୁଡ଼ିକ ହାପାକାନଗି ତାଇନ୍ ଲାଗାଡ଼ିୟାୟାଃ । ଇନ୍କୁକେ ଏନ୍ତାଃରେ କାଜି ନାଗେନ୍ତେ କା ଆରୁକାନା । ମେନ୍ଦ ଯିହୁଦୀକଆଃ ଆନ୍ତୁ ଲେକାତେ ଇନ୍କୁ ଆପାନ୍କେ ଆବରକେଦତେ ତାଇନ୍ ଲାଗାଡ଼ିୟାୟାଃ । ୩୫ ଇନ୍କୁ ଜେତନାଃ ସାରି ନାଗେନ୍ତେକ ସାନାଙ୍ଗରେଦ, ଅଡ଼ାଃରେ ଆପନାଃ କଡ଼ାକକେ କୁଲିକକାକ, ଚିୟାଃଚି କାଲିସିୟାରେୟାଃ ଦୁନୁବକରେ କୁଡ଼ିକ ଜାଗାର୍ତେୟାଃ ଚିହୁଃରାଃ କାଜିତାନା ।

୩୬ ପାର୍ମେଶ୍ଵରୀଆ ବାଚାନ୍ ଚିନାଃ ଆପେତାଃଏତେ ହିଜୁଆକାନ୍ ତାଇକେନା ? ଚାଏ ଆପେତାଃଏତେ ଏସକାର୍ ହିଜୁଆକାନ୍ ତାଇକେନା ? ୩୭ ଆପେକଏତେ ଜେତାଏ ମିହୁଡ଼, ଆଇଙ୍ଗ୍ ଆୟାରକାଜିନିଃ ଚାଏ ଆମ୍ବାରେୟାଃ ବାରଦାନ୍ ନାମକାଦନିଃ ତାନିଙ୍ଗ୍ ମେନ୍ତେ କାଜିରେଦ, ଇନିଃ ସାରିକାଏ ଯେ, ନେତାଃରେ ଆଇଙ୍ଗ୍ ଅଲକାଦତେୟାଃ, ପ୍ରାଭୁଆଃ ଆନାରୁତାନାଃ । ୩୮ ମେନ୍ଦ ଇନିଃ ନେ କାଜିକକେ କା ସାରିଲେକା ମେନାଇରେଦ, ଇନିଃ ଆଇଃକ୍ଚି କା ସାରିଲେକାଏ ହବାଅଃଆ ।

୩୯ ଏନାତେ ହେ ହାଗା ମିଶିକ, ପାର୍ମେଶ୍ଵରୀଆ କାନାଜି ଉଦୁବ ନାଗେନ୍ତେ ପୁରାଃଗି ରାସକାଅଃପେ, ଆତଃ କା ସାରି ଜାଗାର୍ତେ କାଜିତାନକକେ ଆଲ୍ପେ ମାନାକଆ । ୪୦ ସବେନ୍ କାଜି ବୁଗିଲେକାତେ ଆତଃ ବେଗାର୍ ହାଲାଗୁଲାତେ କାମି ରିକା ଲାଗାଡ଼ିୟାୟାଃ ।

୧୫

ୟାଶୁ ଖ୍ରୀଷ୍ଟଆଃ ଜୀଉବିନିରିଦ୍

୧ ହେ ହାଗା ମିଶିକ, ଆଇଙ୍ଗ୍ ଆପେତାଃରେ ଉଦୁବକାଦ୍ ସୁକୁକାଜିକେ ନାମାକାଦାପେ ଆତଃ ଏନାରେ ଆପେୟାଃ ବିଶ୍ଵାସ୍ ତିଙ୍ଗ୍କେଟେଦକାନା । ଆଇଙ୍ଗ୍ ଆପେକେ ଏନ୍ ବିଷାଏ ପାହାମ୍ଭାଚି ନାଗେନ୍ତେଇଙ୍ଗ୍ ସାନାଙ୍ଗତାନା । ୨ ଆଇଙ୍ଗ୍ ଆପେତାଃରେ ଉଦୁବକାଦ୍ ବୁଗିନ୍ କାଜିଗି ସୁକୁକାଜି ତାନାଃ । ଆପେ ଏନ୍ ସୁକୁକାଜିରେୟାଃ କାଜିରେ ପୁରାଃ ପକଡ଼ାକେଦତେପେ ବିଶ୍ଵାସେରେଦ, ଜୀଉବାଅଃଆପେ ନାମେୟା । କା'ରେଦ, ଆପେୟାଃ ବିଶ୍ଵାସ୍ ସାମାତାନାଃ ।

୩ ଆଇଙ୍ଗ୍ ନାମାକାଦ୍ ଇନିତୁ ଆପେକେଇଙ୍ଗ୍ ଉଦୁବପେତାନ୍ତେୟାଃ ପୁରାଃ ବୁଗିନାଃ ତାନାଃ । ଏନା ହବାଅଃତାନା, ଧାରାମ୍ପୁଅରେ ଅଲକାନ୍ ଲେକା, ଖ୍ରୀଷ୍ଟ ଆବୁଆଃ ପାପ୍ ନାଗେନ୍ତେ ଗଏଃୟାନା, ୪ *ଧାରାମ୍ପୁଅରେ ଅଲକାନ୍ ଲେକା, ତପାଗାଡ଼ାରେ ତପାୟାନା ଆତଃ ଆପି ମାହାରେ ଜୀଉବିନିରିଦ୍ୟାନା । ୫ *ଇନିଃ ପାତ୍ରାସ୍ ଆତଃ ଆୟାଃ ସବେନ୍ ଗେଲ୍ବାର୍ ତେଲକତାଃରେ ତାୟମ୍ତେ ଉଦୁବେନ୍ୟାନା । ୬ ଏନ୍ତେ ଇନିଃ ଆଇଃକ୍ଚି ଅତଙ୍ଗ୍ଇତାନ୍ ୫୦୦ ହେତେ ଆଦକା ହାଗା ମିଶିକତାଃରେ ମିସାତେ ଉଦୁବେନ୍ୟାନା । ଇନ୍କୁଏତେ ଚିମିନ୍ ହଡ଼କ ଗଏଃୟାନା, ମେନ୍ଦ ଚିମିନ୍ ହଡ଼କ ନାହାଃ ଜାକେଦ୍ ମେନାକଆ । ୭ ଏନ୍ତେ ଇନିଃ ତାୟମ୍ତେ ଯାକୁବ୍ ଆତଃ ସବେନ୍ ପ୍ରେରିଡ଼କତାଃରେ ଉଦୁବେନ୍ୟାନା ।

୮ *ଆଇଙ୍ଗ୍ କା ହୁୟଃ ନେତାରେ ଜାନାମକାନ୍ରେୟ, ଚୁଣ୍ଡୁରେ ଇନିଃ ଆଇୟାଃତାଃରେ ଉଦୁବେନ୍ୟାନା । ୯ *ଆଇଙ୍ଗ୍ ପାର୍ମେଶ୍ଵରୀଆ କାଲିସିୟାକେ ସିଗିଦକାଦ୍ ହରାତେ, ଆଇଙ୍ଗ୍ ପ୍ରେରିଡ଼ ମେନ୍ତେ ନୁତୁମଃ ଲେକାନ୍ନିଃ ନାହାଲିଙ୍ଗ୍ । ୧୦ ମେନ୍ଦ ଆଇଙ୍ଗ୍ ନାହାଃ ପାର୍ମେଶ୍ଵରୀଆ ସାୟାଦ୍ ହରାତେ ପ୍ରେରିଡ଼ ମେନ୍ତେଇଙ୍ଗ୍ ନୁତୁମାକାନା, ଆତଃ ଇନିଃ ଆଇଙ୍ଗ୍କେ ଏମାକାଦିଙ୍ଗ୍ ସାୟାଦ୍ କା ସାମାଏଶ୍ଵାଃକାନା । ମେନ୍ଦ ଆଇଙ୍ଗ୍ ଏଗାଃ ସବେନ୍ ପ୍ରେରିଡ଼କତାଃଏତେ ପୁରାଃଗି କେଟେଦ୍ କାମିଇଙ୍ଗ୍ କାମିକାଦ୍ରେୟ, ଏନା ଆଇୟାଃ ଆପାନାଃ କେଟେଦ୍ କାମି ଏସକାର୍ ନାହାଲିଙ୍ଗ୍, ମେନ୍ଦ ପାର୍ମେଶ୍ଵରୀଆ ସାୟାଦ୍ହୁଁ ଆଇୟାଃଲଃ ମେସାକାନା । ୧୧ ଏନାତେ, ଆଇଙ୍ଗ୍ ହବାଅଃ ଚାଏ ଇନ୍କୁ, ଆଲେ ସବେନ୍କ ଏନ୍ ମିଆଦ୍ଗି କାଜିଲେ ଉଦୁବତାନା ଆତଃ ଆପେ ଏନାରେ ବିଶ୍ଵାସ୍ତାନାପେ ।

ଆବୁଆଃ ଜୀଉବିନିରିଦ୍

୧୨ ଖ୍ରୀଷ୍ଟ ଗନଏଃହେତେ ଜୀଉବିନିରିଦ୍କାନାଏ, ନେଆଁଗି ଆଲେ ଉଦୁବେତାନ୍ କାଜି ତାନାଃ । ଏନ୍ରେୟ ଆପେକଏତେ ଚିମିନ୍ ହଡ଼କ ଗନଏଃହେତେ ଜୀଉବିନିରିଦ୍ତେୟାଃ ବାନଃଆ ମେନ୍ତେ ଚିଲ୍କାପେ କାଜିତାନା ? ୧୩ ଗନଏଃ ହଡ଼କଆଃ ଜୀଉବିନିରିଦ୍ ବାନଃରେଦ, ଖ୍ରୀଷ୍ଟ୍ ଜୀଉ କାଏ ବିରିଦ୍କାନା; ୧୪ ଆତଃ ଖ୍ରୀଷ୍ଟ୍ ଆଃ ଜୀଉବିନିରିଦ୍ କା ହବାକାନ୍ରେଦ, ଆଲେୟାଃ ଉନ୍ନୁଦ୍ ସାମାତାନା ଆତଃ ଆପେୟାଃ ବିଶ୍ଵାସ୍ହୁଁ ସାମାତାନା । ୧୫ ଏନାତେ ଆବୁ ପାର୍ମେଶ୍ଵରୀଆ ବିଷାଏରେ ହସଡ଼ ଗାଞ୍ଜା ଏମ୍ତାନ୍ ଲେକାରୁ ହବାଅଃଆ, ଚିୟାଃଚି ପାର୍ମେଶ୍ଵରୀ ଖ୍ରୀଷ୍ଟ୍କେ ଗନଏଃହେତେ ଜୀଉବିନିରିଦ୍କିୟାଏ ମେନ୍ତେ ଗାଞ୍ଜାକୁ ଏମ୍ତାନା । ଗନଏଃ ହଡ଼କଆଃ ସାର୍ତ୍ତଗି ଜୀଉବିନିରିଦ୍ ବାନଃରେଦ, ଖ୍ରୀଷ୍ଟ୍କେ ପାର୍ମେଶ୍ଵରୀ ଗନଏଃହେତେ କାଏ ବିରିଦ୍ । ୧୬ ଆତଃ ଗନଏଃ ହଡ଼କ କାକ ଜୀଉବିନିରିଦ୍ରେଦ, ଖ୍ରୀଷ୍ଟ୍ କାଏ ଜୀଉବିରିଦ୍ । ୧୭ ଆତଃ ଖ୍ରୀଷ୍ଟ୍ ଗନଏଃହେତେ କାଏ ଜୀଉବିନିରିଦ୍କାନ୍ରେଦ, ଆପେୟାଃ ବିଶ୍ଵାସ୍ ସାମା ତାନାଃ ଆତଃ ଆପେ ନାହାଃ ଜାକେଦ୍ ଆପେୟାଃ ପାପ୍ରେ ମେନାପେୟା । ୧୮ ଏନ୍ରେଦ, ଗଜାକାନ୍ ଖ୍ରୀଷ୍ଟ୍ ବିଶ୍ଵାସୀକହୁଁ ଜିୟନ୍କାନାକ । ୧୯ ଖ୍ରୀଷ୍ଟ୍ରେ ଆବୁଆଃ ଆସ୍ତା ନେ ଜୀଦାନ୍ ନାଗେନ୍ତେ ଏସକାର୍ ତାନାଃରେଦ, ଏଗାଃ ସବେନ୍କତାଃଏତେ ଆବୁଆଃ ଦାସା ପୁରାଃ ନାରାଦୁରା ହବାଅଃଆ ।

☆ ୧୫:୪ ୧୫:୪ ମାଥୁଉ ୧୨:୪୦; ପ୍ରେରିଡ଼ ୨:୨୪-୩୨. ☆ ୧୫:୫ ୧୫:୫ ଲୁକ ୨୪:୩୪; ମାଥୁଉ ୨୮:୧୭,୧୭; ମାର୍କ ୧୬:୧୪; ଲୁକ ୨୪:୩୬; ଯୋହାନ୍ ୨୦:୧୯.
☆ ୧୫:୮ ୧୫:୮ ପ୍ରେରିଡ଼ ୯:୩-୬. ☆ ୧୫:୯ ୧୫:୯ ପ୍ରେରିଡ଼ ୮:୩.

୨୦ ମେନ୍ଦ ସାରତ୍ତିଗି ଶ୍ରୀଷ୍ଟ ଗଜାକାନ୍ ହଡକଆଃ ଜୀଉବିନିରିଦ୍ କେ ସାର୍ତ୍ତି ତାନାଃ ମେନ୍ତେ ଉଦୁବ୍ ନାଙ୍ ଇନିଃଗି ଇନ୍କୁଆଃଏତେ ସିଦାରେ ଜୀଉବିରିଦ୍‌ୟାନାଏ । ୨୧ ଚିୟାଃତି ମିହୁଡ୍ ହରାତେ ଗନଏଃ ଅତେଦିଶୁମ୍ରେ ହିଜୁଃୟାନା । ଏନ୍‌ଲେକାଗି ମିହୁଡ୍ ହରାତେ ଗନଏଃ ହଡକଆଃ ଜୀଉବିନିରିଦ୍ ହିଜୁଆକାନା । ୨୨ ଆଦାମ୍‌ଲଃ ମେସାକାନ୍ ହରାତେ ସବେନ୍ ହଡକଆଃ ଗନଏଃ ମେନାଃ, ଏନ୍‌ଲେକାଗି ଶ୍ରୀଷ୍ଟଲଃ ମେସାକାନ୍ ହରାତେ ସବେନ୍ ହଡକ ଗନଏଃହେତେ ଜୀଉବିରିଦାଃକ । ୨୩ ମେନ୍ଦ ସବେନ୍‌କ ଏନ୍ ମିଆଁଦ୍ ନେତାରେଗି ଜୀଉବିରିଦାଃକ । ସବେନ୍‌କଆଃଏତେ ସିଦାରେ ଶ୍ରୀଷ୍ଟ ଜୀଉବିରିଦ୍‌କାନାଏ, ଏନାତେ ଇନିୟାଃ ଆତଃମିସା ହିନିଜୁଃ ନେତାରେ ଆୟାଃ ହଡକ ସିଦାତେ ଜୀଉବିରିଦାଃକ । ୨୪ ଏନ୍ତେ ଚୁଣ୍ଡ ଦ୍ଵିପିଲି ସେଟେରା । ଶ୍ରୀଷ୍ଟ ସବେନ୍ ଏଡକାନ୍ ଆମ୍, ଅକଏତାଃରେତି ସବେନ୍ ଆକ୍‌ତେୟାର୍, ପେଡେଃ ଆତଃ ପୁରାଃ ପେଡେୟାନ୍‌ତେୟାଃକ ଜିୟନ୍‌କେଦ୍‌ତେ ଆୟାଃ ଆବା ପାର୍‌ମେଶ୍ଵାର୍‌କେ ରାଇଜ୍ ଜିମାଇୟାଏ । ୨୫ ଚିୟାଃତି ପାର୍‌ମେଶ୍ଵାର୍ ସବେନ୍ ବାଇରିକକେ ହାରାଅକେଦ୍‌ତେ ଶ୍ରୀଷ୍ଟଆଃ କାଟା ଲାତାର୍‌ରେ ଦହକ ଜାକେଦ୍ ଶ୍ରୀଷ୍ଟ ରାଇଜେୟାଏ । ୨୬ ଚୁଣ୍ଡ ବାଇରିଆଃ ହାରାଅଗି ଚୁଣ୍ଡଚୁରେ ଗନଏଃ ହବାଅଃଆ । ୨୭ ଚିୟାଃତି ଧାରାମ୍‌ପୁଥ୍ରେ ଅଲ୍ଲାନା, “ପାର୍‌ମେଶ୍ଵାର୍ ସବେନାଃ ଶ୍ରୀଷ୍ଟଆଃ ଆକ୍‌ତେୟାର୍‌ରେ ଦହେୟା ।” ଏନ୍ “ସବେନ୍ ବିଷାଏ” ମେନ୍ତେ ଅଲ୍ଲାନା ଏନାରେ ପାର୍‌ମେଶ୍ଵାର୍ କାଏ ମେସାକାନା, ମେନ୍ଦ ଇନିଃ ସବେନ୍ ବିଷାଏକେ ଶ୍ରୀଷ୍ଟଆଃ ଆକ୍‌ତେୟାର୍‌ରେ ଦହେୟା । ୨୮ ଆତଃ ସବେନାଃ ଶ୍ରୀଷ୍ଟଆଃ ଆକ୍‌ତେୟାର୍‌ରେ ଦହକେଦ୍ ତାୟମ୍‌ତେ, ଶ୍ରୀଷ୍ଟ ଅକଏତି ହନ୍ ତାନିଃ, ଇନିଃ ଆଇଃକ୍‌ଗି ଆବା ପାର୍‌ମେଶ୍ଵାର୍‌ଆଃ ଆକ୍‌ତେୟାର୍‌ରେ ତାଇନା ଆତଃ ସବେନ୍ ବିଷାଏରେୟାଃ ଚେତାନ୍‌ରେ ପାର୍‌ମେଶ୍ଵାର୍‌ଆଃ ରାଇଜ୍ ପୁରାଅଃଆ ।

୨୯ ଗଜାକାନ୍ ହଡକ ନାଗେନ୍ତେ ଅକନ୍‌କ ବାପ୍ତିସ୍ତା ଇଦିତାନାକ, ଇନ୍କୁଆଃ ବିଷାଏରେ ଚିନାଃବୁ କାଜିୟା ? ଚିମିନ୍ ହଡକଆଃ କାଜିଲେକାତେ, ଗଜାକାନ୍ ହଡକଆଃ ଜୀଉବିନିରିଦ୍ ବାନଃରେଦ, ଇନ୍କୁ ନାଗେନ୍ତେ ଏଟାଃ ହଡକ ଚିନାଃମେନ୍ତେ ବାପ୍ତିସ୍ତା ଇଦିତାନାକ ? ୩୦ ଆତଃ ଆବୁ ଚିନାଃମେନ୍ତେ ସବେନ୍ ଇମ୍‌ତା ସାଙ୍ଗାଟ୍‌ରେବୁ ଉୟୁଗଃତାନା ? ୩୧ ହେ ହାଗା ମିଶିକ, ଆବୁଆଃ ଜୀଦାନ୍, ପ୍ରାଭୁ ଯାଶୁ ଶ୍ରୀଷ୍ଟଲଃ ମେସାକାନ୍ ହରାତେ, ଆପେୟାଃ ନାଗେନ୍ତେ ଆଇଙ୍ଗ୍ ବହଃ ରିମ୍‌କେଦ୍‌ତେ କାଜିତାନାଇଙ୍ଗ୍, ଆଇଙ୍ଗ୍ ସବେନ୍ ହୁଲାଇଙ୍ଗ୍ ଗନଏଃ ଗାଡାରେଇଙ୍ଗ୍ ଉୟୁଗଃତାନା । ୩୨ ଆଇଙ୍ଗ୍, ହଡକଆଃ ସାନାଙ୍ ଲେକାତେ ଏସ୍‌କାର୍ ଏଫିସ୍‌ସ୍‌ରେ ବିର୍ ଜାଁତୁକଲଃ ଲାଡାଈକାନ୍‌ରେଦ, ଆଇଙ୍ଗ୍‌ୟା ଚିକାନ୍ ଲାଭ ? ମେନ୍ଦ ଗଜାକାନ୍‌କଆଃ ଜୀଉବିନିରିଦ୍ କା ହବାଅଃରେଦ, କାଜି ଲେକାତେ, “ଏଲା ହିଜୁଃପେ, ଜମ୍ ନୁଁକେଦ୍‌ତେ ଜୀଞ୍ଜାନବୁ ବିତାୟା, ଚିୟାଃତି ହିଜୁଃ ହୁଲାଇଙ୍ଗ୍‌ଦ ଆବୁକେ ଗଜଃ ଲାଗାତିଙ୍ଗ୍‌ୟାଃ ।”

୩୩ ଆପେ ଆଲ୍‌ପେ ବେଦାଅଃଆ । “ଏଡକାନ୍ ସାଙ୍ଗାତି ବୁଗିନ୍ ତାଇଲ୍ ତାଇଲ୍‌କେ ଜିୟନେୟା ।” ୩୪ ଏନାତେ ଆପେ ଲାଗାତିଙ୍ଗ୍‌ଲେକା ଚେତାଅଃପେ, ପାପ୍ କାମି ଆଲ୍‌ପେୟାଃ । ଆପେକଏତେ ଚିମିନ୍ ହଡକ ପାର୍‌ମେଶ୍ଵାର୍‌କେ କାକ ସାରିୟା, ଏନାମେନ୍ତେ ଆଇଙ୍ଗ୍ ଆପେକେ ଗିହୁଃ ଇରିପେ ନାଗେନ୍ତେ ନେ କାଜିଙ୍ଗ୍ କାଜିତାନା ।

ଜୀଉବିନିରିଦ୍ ହଡ଼ମ୍

୩୫ ଜେତାଏ ଆପେକେ କୁଲି ସାକାଅପେୟାକ, “ଗଜାକାନ୍‌କ ଚିଲ୍‌କାତେ ଜୀଉବିରିଦାଃକ ? ଆତଃ ଇନ୍କୁ ଚିଲ୍‌କାନ୍ ହଡ଼ମ୍‌ତେକ ହିଜୁଃଆ ?” ୩୬ ଆପେ ଚିମିନ୍ ଡଣ୍ଡକ ତାନ୍‌ପେ ! ହେରାକାନ୍ ହିତା ଆଉରି ଗଜଃ ଜାକେଦ୍ କା ଅମନଃଆ, ନିମ୍‌ନାଙ୍ଗ୍‌ହୁଁ କାପେ ସାରିୟା ? ୩୭ ଆତଃ ଅକନ୍ ଦାରୁ ହାରାଅଃଆ, ଏନାକେ ଆପେ କାପେ ହେରାକାଦା, ମେନ୍ଦ ଆପେ ହେରାକାଦ୍‌ତେୟାଃ ହବାସାକାଅଆଃ ଗହମ୍‌ଜାଙ୍ଗ୍ ଚାଏ ଏଟାଃ ହିତାଜାଙ୍ଗ୍ ତାନାଃ । ୩୮ ମେନ୍ଦ ପାର୍‌ମେଶ୍ଵାର୍ ଆୟାଃ ମନେଲେକା ଏନାରେୟାଃ ହଡ଼ମ୍‌ଲଃ ହିତାଜାଙ୍ଗ୍ ଏମାଃଏ, ଆତଃ ସବେନ୍ ହିତାଜାଙ୍ଗ୍‌କେ ଏନାଲେକାଗି ହଡ଼ମ୍ ଏମାଃଏ ।

୩୯ ସବେନ୍ ଜୀନିଦ୍‌ତାନ୍‌କଆଃ ହଡ଼ମ୍ ମିଦ୍‌ଲେକା ବାନଃଆ । ହଡ଼ରାଃ ହଡ଼ମ୍ ଏଟାଃ ରାକାମ୍ ମେନାଃ, ଜାଁତୁରାଃ ହଡ଼ମ୍ ଏଟାଃ ରାକାମ୍ ମେନାଃ, ଚେଣ୍‌ରାଃ ହଡ଼ମ୍ ଏଟାଃ ରାକାମ୍ ମେନାଃ ଆତଃ ହାକୁରାଃ ହଡ଼ମ୍ ଏଟାଃ ରାକାମ୍ ମେନାଃ ।

୪୦ ସିର୍ମାଋଃ ହଡ଼ମ୍ ମେନାଃ ଆତଃ ଅତେରାଃ ହଡ଼ମ୍‌ହୁଁ ମେନାଃ, ମେନ୍ଦ ଅତେରେୟାଃ ହଡ଼ମ୍‌ରାଃ ସୁଗାଡାନ୍‌ତାଃଏତେ ସିର୍ମାରେୟାଃ ହଡ଼ମ୍‌ରାଃ ସୁଗାଡାନ୍‌ତେୟାଃ ଏଟାଃ ରାକାମ୍ ମେନାଃ । ୪୧ ସିର୍ମାଋଃ ସୁଗାଡାନ୍ ଏଟାଃ ରାକାମ୍ ମେନାଃ, ଚାଣ୍ଡୁରାଃ ସୁଗାଡାନ୍ ଏଟାଃ ରାକାମ୍ ମେନାଃ, ଆତଃ ଇପିଲ୍‌କଆଃ ସୁଗାଡାନ୍ ଏଟାଃ ରାକାମ୍ ମେନାଃ, ଆତଃଗି ଇପିଲ୍‌କ ଆଲ୍‌ରେୟାଃ ଏଟାଃ ଏଟାଃ ରାକାମ୍‌ରେୟାଃ ସୁଗାଡାନ୍ ମେନାଃ ।

୪୨ ଗଜାକାନ୍ ହଡକଆଃ ଜୀଉବିନିରିଦ୍‌ହ ଏନ୍‌ଲେକାଗି ମେନାଃ । ତପାକାନ୍ ହଡ଼ମ୍ ଜିୟନଃଆ ଆତଃ ଜୀଉ ବିରିଦ୍‌ରେ କା ଜିୟନଃଆ । ୪୩ ତପାଅଃ ଇମ୍‌ତା ସିଡ୍‌ରୁ ଆତଃ ନାରାଦୁରାକେଦ୍‌ତେ ତପାଅଃଆ, ମେନ୍ଦ ଜୀଉବିରିଦ୍‌ରେ ସୁଗାଡାନ୍ ଆତଃ ପେଡେୟାନ୍‌ଗି ହବାଅଃଆ । ୪୪ ତପାଅଃ ଇମ୍‌ତା, ହଡ଼ମ୍‌ତାୟାଃ ଗଜାକାନ୍‌ଗି ତାଇନା, ମେନ୍ଦ ଜୀଉବିରିଦ୍‌ରେ ଆମ୍‌ରେୟାଃ ହଡ଼ମ୍ ହବାଅଃଆ । ସାର୍ତ୍ତି ହଡ଼ମ୍ ମେନାଃରେଦ, ଆମ୍‌ରେୟାଃ ହଡ଼ମ୍‌ହୁଁ ମେନାଃ । ୪୫ ଧାରାମ୍‌ପୁଥ୍ରେ ଅଲ୍ଲାନା, “ସିଦାରେନ୍ ହଡ, ଆଦାମ୍, ଜୀନିଦ୍ ହଡ ହବାୟାନାଏ, ମେନ୍ଦ ଚୁଣ୍ଡଚୁରେନ୍ ଆଦାମ୍ ଜୀଦାନ୍ ଏମାଃ ଆମ୍ ହବାୟାନାଏ । ୪୬ ସିଦାତେ ଆମ୍‌ରେୟାଃ ହଡ଼ମ୍ କା ତାଇକେନା, ମେନ୍ଦ ସିଦା ସାର୍ତ୍ତି ହଡ଼ମ୍ ତାଇକେନା, ଏନ୍ ତାୟମ୍‌ତେ ଆମ୍‌ରେୟାଃ ହଡ଼ମ୍ ହିଜୁଃୟାନା । ୪୭ ପାହିଲା ହଡ ଆଦାମ୍ ତାଇକେନାଏ, ଇନିଃ ଅତେରେୟାଃ ଧୁଡିତେ ବାଇୟାକାନ୍ ତାଇକେନା, ଏନ୍ତେ ଆତଃମିହୁଡ୍‌ଆଦାମ୍ ସିର୍ମାଏତେ ହିଜୁଃୟାନା । ୪୮ ଅତେରେନ୍ ହଡକ, ଏନ୍ ଅତେରେୟାଃ

ଧୂଡ଼ିତେ ବାଇୟାକାନ ହଡ଼ ଲେକାଠକ, ଆଡ଼ଃ ସିର୍ମାରେ ମେନାଠକ ହଡ଼କ, ଏନ୍ ସିର୍ମାଏତେ ହିଜୁଆକାନ ହଡ଼ ଲେକାଠକ ।” ୪୯ ଆରୁ ନାହାଁଃ ଅତେରେୟାଃ ଧୂଡ଼ିତେ ବାଇୟାକାନ ଏନ୍ ହଡ଼ ଲେକା ମେନାବୁଆ, ଏନ୍ଲେକାଗି ମୁସିଙ୍ଗ୍ ହୁଲାଙ୍ଗ୍ ଆରୁ ଏନ୍ ସିର୍ମାଏତେ ହିଜୁଆକାନ ହଡ଼ ଲେକାବୁ ହବାଅଃଆ ।

୫୦ ହେ ହାଗା ମିଶିକ, ଆଇଁୟାଃ କାଜିରେୟାଃ ମୁଣ୍ଡି ହବାଅଃତାନା, ମାୟୋମ୍ମାସ୍ ହଡ଼ମ୍ ସାବ୍କେଦ୍ତେ ଆରୁ ପାର୍ମେଶ୍ୱାର୍ଆଃ ରାଇଜ୍ରେୟାଃ ହିସା କାରୁ ହବାଦାଡ଼ିୟାଆ, ଚାଏ ଜିୟନଃ ହଡ଼ମ୍ କା ଜିୟନଃ ହଡ଼ମ୍କେ କାଏ ଆକ୍ତେୟାର୍ ଦାଡ଼ିୟା ।

୫୧ ✽ଆଇଙ୍ଗ୍ ଆପେକେ ମିଆଁଦ୍ ଉକୁଆକାନ ସାର୍ତି କାଜିଙ୍ଗ୍ କାଜିପେତାନା, ଆରୁ ସବେନ୍ କାରୁ ଗଜଃଆ । ମେନ୍ଦ୍ ଚୁଣ୍ଡି ବିଙ୍ଗୁଲ୍ବାଜା ସାଡ଼ିୟାନ୍ ଇମ୍ତାଲଃଗି ବାଦ୍ଲାଇଃଃରୁ । ୫୨ ନେଆଁ ଇମ୍ତାଗି ମେଦ୍ ରାପିଦଃଲେକା ହବାଅଃଆ । ବିଙ୍ଗୁଲ୍ ବାଜା ସାଡ଼ି ଇମ୍ତା ଗଜାକାନ ବିଶ୍ୱାସୀକ କା ଜିୟନଃ ନାଗେନ୍ତେକ ବିରିଦା, ଆଡ଼ଃ ଆରୁ ସବେନ୍କ ବାଦ୍ଲାଇଃଃରୁ । ୫୩ ଚିୟାଃଚି ନେ ଜିୟନଃ ହଡ଼ମ୍କେ କା ଜିୟନଃ ଲେକାନ ଲିଜାଃ ତୁସିଙ୍ଗ୍ ଲାଗାଡ଼ିଙ୍ଗ୍ୟାଃ, ଆଡ଼ଃ ନେ ଅତେରେୟାଃ ଧୂଡ଼ିରାଃ ଗନଏଃ ହଡ଼ମ୍କେ ଚିଉଲାଇ କା ଗଜଃ ଲେକାନ ଲିଜାଃ ତୁସିଙ୍ଗ୍ ଲାଗାଡ଼ିଙ୍ଗ୍ୟାଃ । ୫୪ ନେ ଗନଏଃ ହଡ଼ମ୍ ଚିଉଲାଇ କା ଗଜଃ ହଡ଼ମ୍ରେ ବାଦ୍ଲାଇଃକେନଃରେଦ୍, ଧାରାମ୍ପୁଥ୍ରେ ଅଲାଇକାନ ନେ କାଜି ସାର୍ତି ହବାଅଃଆ : “ଗନଏଃ ଜିୟନ୍ୟାନା, ଆଡ଼ଃ ଜିନିତାଅ ପୁରାୟାନା !”

୫୫ “ଏ ଗନଏଃ, ଆମାଃ ଜିତାଅ କତାଃରେୟା ? ଏ ଗନଏଃ, ଆମାଃ ଗନଏଃରାଃ ତୁଡ଼ତେୟାଃ କତାଃରେୟା ?”

୫୬ ତୁଡ଼ତେୟାଃରାଃ ପେଡ଼େଃ, ଗନଏଃ ପାପ୍ତାଃଏତେ ନାମାଃଏ, ଆଡ଼ଃ ମୁଣାରାଃ ଆନ୍ତୁତାଃଏତେ ପାପ୍ ପେଡ଼େଃ ନାମାଃଏ । ୫୭ ମେନ୍ଦ୍ ପାର୍ମେଶ୍ୱାର୍ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟାଃ ହରାତେ ଆରୁକେ ଜିତାଅକାଦ୍ବୁଆଏ, ଇନିୟାଃ ଧାନଧାବାଦ୍ ହବାଅଃକା ।

୫୮ ଏନାମେନ୍ତେ ହେ ଦୁଲାଡ଼୍ ହାଗା ମିଶିକ, ତିଙ୍ଗ୍ କେଟେଦ୍କାନପେ ଆଡ଼ଃ ଆବରାକାନ ତାଇନ୍ପେ । ପ୍ରାଭୁଆଃ କାମିରେ ସବେନ୍ ଇମ୍ତା ଚିହୁଲଃପେ । ଚିୟାଃଚି ଆପେ ସାରିତାନାପେ, ପ୍ରାଭୁ ନାଗେନ୍ତେ ଆପେୟାଃ କାମି କା ସାମାଅଃଆ ।

୧୭

ପାର୍ମେଶ୍ୱାର୍ଆଃ ହଡ଼କ ନାଗେନ୍ତେ ଦେଙ୍ଗାରେୟାଃ ଦାନ

୧ ✽ଯିହୁଦାରେନ୍ ପାର୍ମେଶ୍ୱାର୍ଆଃ ହଡ଼କ ନାଗେନ୍ତେ ଦାନ ଏମ୍ରେ ଦେଙ୍ଗା ନାଙ୍ଗ୍ ଆଇଁୟାଃ ସାଲ୍ହା ନେଆଁ ତାନାଃ, ଆଇଙ୍ଗ୍ ଗାଲାଡ଼ିୟ ପାର୍ଗାନରେ ତାଇନ୍ତାନ କାଲିସିୟାକକେ କାମି ନାଙ୍ଗ୍ କାଜିକାଦ୍କ ଲେକା ଆପେୟ ଏନ୍ଲେକାଗି କାମିପେ । ୨ ଆଇଙ୍ଗ୍ ସେନ୍ରେ ଦାନ ହାରମ୍ ନାଗେନ୍ତେ କା ଲାଗାଡ଼ିୟାଆ, ଏନାମେନ୍ତେ ସବେନ୍ ହାପ୍ତାରେୟାଃ ପାହିଲା ହୁଲାଙ୍ଗ୍ରେଗି ଆପେୟାଃ ନାଲାହେତେ କାଚିଃଲେକା ଟାକା ପାଏସା ଆପାନରେ ଦହେପେ । ୩ ଆଡ଼ଃ ଆପେ ଅକନ୍କକେ ବୁଗିନ୍ ହଡ଼ ତାନକ ମେନ୍ତେପେ ଆବ୍କାର୍ଡ଼ରୁମ୍କାଦ୍କଆ, ଇନ୍କୁକେ ଆଇଙ୍ଗ୍ ସେନ୍ରେ ଅନଲ୍ଡିଠା ଏମ୍କେଦ୍ତେ ଆପେୟାଃ ଦାନଲଃ ଯୀରୁଶାଲେମ୍ତେଇଙ୍ଗ୍ କୁଲ୍କଆ । ୪ ଆଇଙ୍ଗ୍କେହ୍ ସେନ୍ ଲାଗାଡ଼ିଙ୍ଗ୍ରେ, ଇନ୍କୁ ଆଇଁୟାଃଲଃକ ସେନ୍ ଦାଡ଼ିୟା ।

ପାଉଲୁସ୍ଆଃ କବିତ୍ୱିତେ ସେନ୍ରେୟାଃ ଉହାବ୍

୫ ✽ଆଇଙ୍ଗ୍ ମାକିଦନିଆତେ ସେନ୍ ତାୟମ୍ତେ ଆପେତାଃତେଇଙ୍ଗ୍ ସେନା, ଚିୟାଃଚି ଆଇଙ୍ଗ୍ ମାକିଦନିଆ ହରାତେଇଙ୍ଗ୍ ସେନ୍ତାନା । ୬ ହବାସାକାଅଆଃ, ରାବାଙ୍ଗ୍ ସାହା ଆଇଙ୍ଗ୍ ଆପେଲଃ ଚିମିନ୍ ମାହାଁ ତାଇନ୍ ସାକାଅଆଇଙ୍ଗ୍, ଆଡ଼ଃ ଆଇଙ୍ଗ୍ ଜାହାଜ୍ଡେଗି ସେନ୍ ନାଗେନ୍ତେ ମନେୟାଇଙ୍ଗ୍, ଇମ୍ତା ଆପେ ଆଇଙ୍ଗ୍କେ ସେନ୍ ନାଗେନ୍ତେ ଦେଙ୍ଗା ଦାଡ଼ିୟାପେ । ୭ ଆଇଙ୍ଗ୍ ସେନ୍ ହରାରେ ଆପେଲଃ କାଚିଃ ଲେକାଗି ନେପେଲ୍ ନାଗେନ୍ତେ କାଇଙ୍ଗ୍ ସାନାଙ୍ଗ୍ତାନା । ପ୍ରାଭୁ ଆରୁଇଙ୍ଗ୍ରେଦ୍, ଆଇଙ୍ଗ୍ ଆପେଲଃ ପୁରାଃ ମାହାଁ ତାଇନାଇଙ୍ଗ୍ ମେନ୍ତେ ଆସ୍ତା କାଦାଇଙ୍ଗ୍ ।

୮ ✽ଆଇଙ୍ଗ୍ ପେଣ୍ଟିକ୍ଷ୍ ପାରାବ୍ ହୁଲାଙ୍ଗ୍ ଜାକେଦ୍ ଏନ୍ତାଃରେଗି ଏଫିସୁସ୍ରେ ତାଇନାଇଙ୍ଗ୍ । ୯ ନେତାଃରେ ଆଇଁୟାଃ ବିରୁଧ୍ରେ ପୁରାଃ ହଡ଼କ ମେନାକରେୟା, ଜ ନାମାଃଲେକା କାମି ନାଗେନ୍ତେ ଆଇଁୟାଃ ନାଙ୍ଗ୍ ଚାକାର୍ ଦୁଆର୍ ନିଜାକାନା ।

୧୦ ✽ତାମଥ୍ ଆପେତାଃତେ ହିଜୁଃରେ ଦାରମିପେ, ଚିୟାଃଚି ଇନିଃହ ଆଇଁୟାଃ ଲେକା ପ୍ରାଭୁଆଃ କାମି କାମିତାନା । ୧୧ ଜେତାଏ ଇନିଃକେ ଆଲ୍ପେ ନେଲ୍ ବାଗିୟା, ମେନ୍ଦ୍ ଇନିଃ ଆଇଁୟାଃତାଃ ହିଜୁଃ ଦାଡ଼ିକାଏ ମେନ୍ତେ ଇନିଃକେ ସୁକୁଜୀଉରେ ସେନ୍ ହରା ନାଗେନ୍ତେ ଦେଙ୍ଗାପେ, ଚିୟାଃଚି ଇନିଃ ବିଶ୍ୱାସୀ ହାଗାକଲଃ ହିଜୁଃରୁହାଡ଼ାଏ ମେନ୍ତେଇଙ୍ଗ୍ ନେଲ୍ ହରାଇତାନା ।

✽ ୧୫:୫୧ ୧୫:୫୧ ୧ ଥେସ୍ଲନିକା ୪:୧୫-୧୭. ✽ ୧୭:୧ ୧୭:୧ ରୋମି ୧୫:୨୫,୨୬. ✽ ୧୭:୫ ୧୭:୫ ପ୍ରେରିଡ଼୍ ୧୯:୨୧. ✽ ୧୭:୮ ୧୭:୮ ପ୍ରେରିଡ଼୍ ୧୯:୮-୧୦. ✽ ୧୭:୧୦ ୧୭:୧୦ ୧ କବିତ୍ୱିୟ ୪:୧୭.

୧୨ ମେନ୍ଦ ଆରୁଆଃ ହାଗା ଆପୋଲୋ ବିଷାଏରେଇଙ୍ଗ କାଜିତାନା, ଆଇଙ୍ଗ ଇନିଃକେ ଏଟାଃ ହାଗାକଲଃ ଆପେତାଃତେ ସେନ୍ ନାଗେନ୍ତେ ପୁରାଃଗିଇଙ୍ଗ ଆରୁକିୟା, ମେନ୍ଦ ନାହାଃ ଇନିଃ ସେନ୍ ନାଗେନ୍ତେ କାଏ ସାନାଙ୍ଗତାନା । ତାୟମ୍ତେ ସେନ୍ ନାଗେନ୍ତେ ନେତା ନାମ୍ଲେରେ ସେନାଏ ।

ରୁଣ୍ଡ କାଜି

୧୩ ଆପେ ଚିର୍ଗାଲକାନ ତାଇନକେଦ୍ତେ ବିଶ୍ୱାସରେ ତିଙ୍ଗୁକେଟେଦ୍, ଜୀଉରେ କେଟେଦ୍ ଆତଃ ପେଡେୟାନ୍ ହବାଅଃପେ । ୧୪ ଆପେୟାଃ ସବେନ୍ କାମି ଦୁଲ୍ଲାଡ୍ରେ କାମିପେ ।

୧୫ *ଆପେ ସ୍ତ୍ରୀମାନ୍ ଆତଃ ଆୟାଃ ଅତାଃରେନକଆଃ ବିଷାଏରେ ସାରିତାନାପେ । ଇନ୍କୁ ଆଖାୟାରାଃ ପାହିଲା ଖ୍ରୀଷ୍ଟ ବିଶ୍ୱାସୀତାନକ ଆତଃ ପାରମେଶ୍ୱାରଆଃ ହତକକେ ସେଝା ନାଗେନ୍ତେ ଇନ୍କୁ ଆକଗି ଜିମାକାନାକ । ହେ ହାଗା ମିଶିକ, ଆଇଙ୍ଗ ଆପେକେ ବିକ୍ରିପେ ତାନାଇଙ୍ଗ, ୧୬ ଆପେ ନେ ଲେକାନ୍ ହତକଆଃ ଆତଃ ନେକାନ୍କଲଃ ସେଝା ଆତଃ କାମି ତାନକକେ ଅତଙ୍ଗକପେ ।

୧୭ ସ୍ତ୍ରୀମାନ୍, ଫର୍ଡୁନାଡ୍, ଆତଃ ଆଖାୟିକୁସ୍, ନେ ସବେନକ ହିନ୍ଦୁଃକାନ୍ ହରାତେ ଆଇଙ୍ଗ ପୁରାଃଗି ରାସକା କାନାଇଙ୍ଗ । ଚିୟାଃଗି ଆପେ ବାଙ୍ଗପେରେୟ ଇନ୍କୁ ଆପେୟାଃ ଠାୟାଦକେକ ପୁରାକାଦା । ୧୮ ଇନ୍କୁ ଆପେକେ ଆତଃ ଆଇଙ୍ଗକେ ପୁରାଃ ଆମ୍ବାତେ ରାସକାତେ ପେରେଃ କାଦିୟାକ । ଏନାତେ ଆପେ ଇନ୍କୁକେ ପୁରାଃ ମାଇନକପେ ।

୧୯ *ଏସିଆ ପାରଗାନ୍ରେନ୍ କାଲିସିୟାକ ଆପେକେ ଜହାର୍ ମେନ୍ତେକ କାଜିକୁଲ୍ଲକାଦା । ଆକ୍ୱିଲା, ପ୍ରିସ୍କିଲା ଆତଃ ଇନ୍କୁଆଃ ଅତାଃରେ ପ୍ରାଭୁକେ ସେଝାତାନ୍ କାଲିସିୟା, ପ୍ରାଭୁଆଃ ନୁଡୁମ୍ତେ ଆପେକେ ପୁରାଃଗି ମନ୍ସୁରୁଦ୍ହେତେ ଜହାର୍ ମେନ୍ତେକ କାଜିକୁଲ୍ଲକାଦା । ୨୦ ନେତାଃରେନ୍ ସବେନ୍ ବିଶ୍ୱାସୀ ହାଗା ମିଶିକ ଜହାର୍କ କାଜିକୁଲ୍ଲକାଦା । ଖ୍ରୀଷ୍ଟ ଦୁଲ୍ଲାଡ୍ରେ ମିହୁଡ୍ ଆତଃମିହୁଡ୍ଲଃ ଜହାରଃପେ ।

୨୧ ଆଇଙ୍ଗ ପାଉଲୁସ୍, ଆଇୟାଃ ତିଃଇତେଗି ନେ ସବେନ୍ ଜହାର୍କାଜି ଅଲ୍ଲାକାଦାଇଙ୍ଗ ।

୨୨ ଜେତାଏ ପ୍ରାଭୁକେ କା ଦୁଲ୍ଲାଡ୍ନିଃ, ସାର୍ପାଅଃକାଏ ।

ମାରାନାଆ, ମେନ୍ଲେରେ, ଆରୁଆଃ ପ୍ରାଭୁ ହିନ୍ଦୁଃଆଏ ।

୨୩ ପ୍ରାଭୁ ଯୀଶୁଆଃ ସାୟାଦ୍ ଆପେଲଃ ହବାଅଃକା ।

୨୪ ଯୀଶୁ ଖ୍ରୀଷ୍ଟରେ ମେସାକାନ୍ ଆପେ ସବେନକଲଃ ଆଇୟାଃ ଦୁଲ୍ଲାଡ୍ ହବାଅଃକା ।

☆ ୧୭:୧୫ ୧୭:୧୫ ୧ କବିତ୍ୱିୟ ୧:୧୭. ☆ ୧୭:୧୯ ୧୭:୧୯ ପ୍ରେରିଡ୍ ୧୮:୨.

କରିଷ୍ଣୀୟମାନଙ୍କ ନିକଟକୁ ପାଉଲଙ୍କ ଦ୍ୱିତୀୟ ପତ୍ର କରିଷ୍ଣିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଏଟାଃ ଚିଟାଉ ପାରିଟାଏ

ହବାସାକାଅଥାଃ, କରିଷ୍ଣିୟ କାଲିସିୟାତେ ପ୍ରେରିତ୍ ପାଉଲୁସ୍‌ଆଃ ନେ ଏଟାଃ ଚିଟାଉ ଯୀଶୁ ଖ୍ରୀଷ୍ଟୁଆଃ ଜାନାମ୍ ତାୟମ୍ ୫୫-୫୬ ସିମ୍ବୀକରେ ଅଲ୍ଲାକାନ୍ ତାଇକେନା ୧:୧ । ଅନଲ୍ ହଡ଼କ ବିଶ୍ୱାସେ ତାନାକ ଯେ, ନେ ଚିଟାଉ ଅନଲ୍ ସିଦାରେ ପ୍ରେରିତ୍ ପାଉଲୁସ୍ କରିଷ୍ଣିୟ କାଲିସିୟାକେ ପୁରାଃ କେଟେୟାନ୍‌ଗି ଚିଟାଉ ଅଲ୍ଲାକାଦ୍ ତାଇକେନାଏ, ଏନା ୨:୩-୪ ରେ ଆବ୍‌କାରଃତାନା, ଏନାରେୟାଃ ଜେତାନ୍ ଅନଲ୍‌ରେୟାଃ ନାକାଲ୍ ଆବୁତାଃରେ ବାନଃଆ ।

ହବାସାକାଅଥାଃ, ପାଉଲୁସ୍ ମାକିଦନିଆରେ ତାଇକେନ୍ ଇମ୍‌ତାଏ ଅଲ୍ଲାକାଦ୍ ତାଇକେନା, ୨:୧୩ । ଏଟାଃ କରିଷ୍ଣିୟ, ଏଟାଃ ନାହାଁଲାଃ, ଏନ୍ ମିଆଁଦ୍‌ଗି ତାନାଃ । କରିଷ୍ଣିରେ ତାଇନଃତାନ୍ କାଲିସିୟା ବିଷାଏରେ ତିତସ୍‌ତାଃଏତେ ବୁଗିନ୍ କାଜି ନାମ୍‌କେଦ୍‌ତେ ପାଉଲୁସ୍ ରାସ୍‌କା କାନାଏ । ନେ ଚିଟାଉରେ, ନାଞ୍ଜା ନିୟାମ୍‌ରେ ଦାନ୍ ଏମ୍ ବିଷାଏରେୟାଃ ଇନିତୁ ନାମାଃବୁ । ନେ ହିସାରେ, ପାଉଲୁସ୍ ଯୀରୁଶାଲେମ୍‌ରେନ୍ ବିଶ୍ୱାସୀକକେ ଦେଙ୍ଗାକ ନାଗେନ୍ତେ ଟାକା ପାଏସା ହାରମ୍ ନାଗେନ୍ତେ ଆବୁକାଦା, ୮-୯ । ନେ ଚିଟାଉରାଃ ଚିମିନ୍ ଅନଲ୍‌ରେ ସାରିୟଃତାନା ଯେ, ଏନ୍ କାଲିସିୟାରେୟାଃ ବାହାରିଏତେ ଚିମିନ୍ ହସଡ଼ ପ୍ରେରିତ୍‌କ, ଆପ୍‌ନାଃ ମାଇନଃ ହବାଅଃ ନାଗେନ୍ତେ ପାଉଲୁସ୍‌ଆଃ ବିରୁଧ୍‌ରେ କାଲିସିୟାରେନ୍ ଚିମିନ୍ ହଡ଼କକେ ବଡ଼ଙ୍ଗକେଦ୍‌ତେ ହିସ୍‌ଙ୍ଗାକଟିକ ତାନାକ । ଇନ୍‌କୁ ପାଉଲୁସ୍‌ଆଃ ଆକ୍‌ତେୟାର୍‌କେ ଆଡ଼ାଃଉଡ଼ଗୁଃ ତାନାକ ଏନାତେ ନେ ଚିଟାଉରେୟାଃ ଟୁଣ୍ଡୁୟାଃରେ ଇନିଃ ମିଆଁଦ୍ ଯୀଶୁ ଖ୍ରୀଷ୍ଟୁଆଃ ଆକ୍‌ତେୟାର୍‌ତେ କୁଲ୍‌କାନ୍‌ନିଃ ତାନିଃ ମେନ୍ତେ ପୁରାଃ ପକ୍‌ତାକେଦ୍‌ତେ ଉଦୁବାକାଦା ।

ପୁଅ୍ ଭିତାରେ ତାଇକାନ୍ କାଜି

- ୧. ପାଉଲୁସ୍‌ଆଃ ଚିଟାଉରେୟାଃ ଏନେଟେଦ୍‌ରେ ଜହାର୍ ମେନ୍ତେ ଅଲ୍ଲାକାଦା । ୧:୧-୭
- ୨. ପାଉଲୁସ୍ ଆୟାଃ ହରାସେନ୍ ସେକାଡେନ୍‌ରେ ବାଦ୍‌ଲାଅ ଆଡ଼ଃ ଇନ୍‌କୁଆଃ ବିଷାଏରେ ନାମାକାଦ୍ କୁନୁଲି ଆଡ଼ଃ ଇନ୍‌କୁଆଃ କୁନୁଲି ବିଷାଏରେ ଇନ୍‌କୁକେ କାଜିରୁହାଡ଼୍ । ୧:୮-୭:୧୬
- ୩. ପାଉଲୁସ୍ ଯୀରୁଶାଲେମ୍‌ରେନ୍ ବିଶ୍ୱାସୀକ ନାଗେନ୍ତେ ଦାନ୍ ହାରମ୍ ବିଷାଏରେ ଆନାବୁ । ୮:୧-୯:୧୫
- ୪. ଟୁଣ୍ଡୁରେ ପାଉଲୁସ୍ ଆୟାଃ ପ୍ରେରିତ୍ କାମିକେ ବାଚାଅକେଦା ଆଡ଼ଃ ଆଡ଼ଃମିସା ହରାସେନ୍ ନାଗେନ୍ତେ ସାପ୍‌ଡ଼ାଅନ୍ ତାନା । ୧୦:୧-୧୩:୧୦

୧ *ଆଇଙ୍ଗ୍ ପାଉଲୁସ୍, ପାର୍‌ମେଶ୍ୱାର୍‌ଆଃ ସାନାଙ୍ଗ୍ ଲେକାତେ ଯୀଶୁ ଖ୍ରୀଷ୍ଟୁଆଃ ମିଆଁଦ୍ କୁଲ୍‌କାନ୍‌ନିଃ ତାନିଙ୍ଗ୍ । ପାଉଲୁସ୍, ଆଡ଼ଃ ଆବୁଆଃ ହାଗା ତାମଥ୍, କରିଷ୍ଣିରେ ତାଇନଃତାନ୍ ପାର୍‌ମେଶ୍ୱାର୍‌ଆଃ କାଲିସିୟାରେନ୍ ହଡ଼କକେ, ଆଡ଼ଃ ଆଖାୟା ପାର୍‌ଗାନ୍‌ରେ ତାଇନଃତାନ୍ ପାର୍‌ମେଶ୍ୱାର୍‌ଆଃ ସବେନ୍ ବିଶ୍ୱାସୀକତାଃତେ ନେ ଚିଟାଉ ଅଲେତାନାଇଙ୍ଗ୍ ।

୨ ଆବୁଆଃ ଆପୁ ପାର୍‌ମେଶ୍ୱାର୍‌ଆଃ ଆଡ଼ଃ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ସାୟାଦ୍ ଆଡ଼ଃ ଜୀଉସୁକୁ ଆପେ ନାଗେନ୍ତେ ହବାଅଃକା ।

ପାର୍‌ମେଶ୍ୱାର୍‌କେ ପାଉଲୁସ୍‌ଆଃ ଧାନ୍ୟାବାଦ୍

୩ ଦଲାରୁ, ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ଆପୁ ପାର୍‌ମେଶ୍ୱାର୍‌କେ ସାହାରାଅବୁ ଏମାଇୟା, ଇନିଃ ଲିନିବୁଇ ଆପୁ ଆଡ଼ଃ ସବେନାଃରେ ଜୀଉରାଡେଃ ଏମ୍‌ତାନ୍ ପାର୍‌ମେଶ୍ୱାର୍ ତାନିଃ । ୪ ଇନିଃଦ୍ ଆବୁଆଃ ସବେନ୍ ଦୁକୁହାସୁ ଇମ୍‌ତା ଜୀଉରାଡେଃ ଏମାବୁତାନାଏ, ଏନାମେନ୍ତେ ଆବୁ ପାର୍‌ମେଶ୍ୱାର୍‌ତାଃଏତେ ନାମାକାଦ୍ ଏନ୍ ଜୀଉରାଡେଃରେୟାଃ ହରାଡେ, ସବେନ୍ ରାକାମ୍‌ରାଃ ଦୁକୁହାସୁତାନ୍ ହଡ଼କକେ ଜୀଉରାଡେଃରୁ ଏମ୍ ଦାଡିୟା । ୫ ଆବୁ ଖ୍ରୀଷ୍ଟୁଆଃ ନାଗେନ୍ତେ ଚିମିନ୍ ଦୁକୁହାସୁରୁ ନାମେୟା, ଇମ୍‌ନାଙ୍ଗ୍ ଖ୍ରୀଷ୍ଟୁଆଃ ହରାଡେ ପାର୍‌ମେଶ୍ୱାର୍‌ତାଃଏତେ ଜୀଉରାଡେଃରୁ ନାମେୟା । ୬ ଆଲେ ଦୁକୁହାସୁତାନ୍‌ରେଦ୍ ଏନା ଆପେୟାଃ ଦେଙ୍ଗା ଆଡ଼ଃ ଜୀଉବାଞ୍ଚାଅ ନାଗେନ୍ତେଲେ ରିକାତାନା । ଆଲେ ଜୀଉରାଡେଃରେଲେ ନାମେରେଦ୍, ଆପେୟ ଏନ୍‌ଲେକାଗି ଦୁକୁହାସୁ ନାମେ ଇମ୍‌ତା ସାହାଡିଙ୍ଗ୍ ଆଡ଼ଃ ପେଡେଃପେ ନାମ୍ ଦାଡିୟା । ୭ ଆପେତାଃରେ ଆଲେୟାଃ ଆସ୍ତା କେଟେଦ୍‌ଗିୟା, ଚିୟାଃଚି ଆପେ ଚିଲ୍‌କା ଦୁକୁହାସୁରେନ୍ ହିସା ହବାକାନାପେ, ଏନ୍‌ଲେକାଗି ଆଲେୟାଃ ଜୀଉରାଡେଃରେନ୍‌ହ ହିସାପେ ହବାଅଃଆ, ଏନାଲେ ସାରିତାନା ।

୮ *ହେ ହାଗା ମିଗିକ, ଏସିଆ ଦିଶ୍ୱମ୍‌ରେ ଆଲେୟାଃ ଚେତାନ୍‌ରେ ହବାକାନ୍ ସାସାଡି କାଜିକ ଆଲେ ଆପେକେ ଉଦୁଦ୍ ନାଗେନ୍ତେଲେ ସାନାଙ୍ଗ୍‌ତାନା, ଚିୟାଃଚି ଏନାଦ୍ ଆଲେୟାଃ ସାହାଡିଙ୍ଗ୍‌ରାଃ ପେଡେଃହେତେ ଆଦ୍‌କା ହାମ୍‌ଲ୍ ଆଡ଼ଃ କା ସାହାଡିଙ୍ଗ୍‌ୟାଃ ଲେକା ତାଇକେନା, ଏନାତେ ଜୀଉବାଞ୍ଚାଅଃରାଃ ଆସ୍ତା ହଗି କା ତାଇକେନା । ୯ ଆଲେକେ ଗନଏଃରାଃ ହୁକୁମ୍ ଏମାକାନା ମେନ୍ତେଲେ ଉଡ଼ଃକାଦ୍ ତାଇକେନା, ମେନ୍‌ଦ୍ ଆଲେ ଆପାନାଃ ଚେତାନ୍‌ରେ କା ଆସ୍ତାକେଦ୍‌ତେ

☆ ୧:୧ ୧:୧ ପ୍ରେରିତ୍ ୧୮:୧. ☆ ୧:୮ ୧:୮ ୧ କରିଷ୍ଣିୟ ୧୫:୩୨.

ଗଏଃକାନକକେ ଜୀଉବିରିଦକାଦ୍ ପାରମେଶ୍ୱାରତାଃରେ ଆସ୍ତା ଦହ ନାଗେନ୍ତେ ନେ ସବେନାଃ ହବାକାନା । ୧୦ ନେ ଲେକାନ ବରଝାନ ଗନଏଃହେତେ ଇନିଃ ଆବୁକେ ବାଞ୍ଚାଅକାଦ୍ବୁଆ ଆତଃ ବାଞ୍ଚାଅକାତେବୁଆଏ । ଇନିଃ ଆତଃଗି ଆବୁକେ ବାଞ୍ଚାଅବୁଆ, ନେ ଆସ୍ତା ଆବୁଆଃ ଇନିଃତାଃରେ ମେନାଃ । ୧୧ ଆତଃଆପେ ସବେନକ ଆଲେ ନାଞ୍ ବିକ୍ତିକେଦ୍ତେ ଦେଙ୍ଗାଲେପେ । ଏନାରେ ଆଲେ ନାଗେନ୍ତେ ପୁରାଃ ବିକ୍ତିୟଃତାନ ବିକ୍ତିରାଃ କାଜିରୁହାଡ୍ ନାମଃଆ ଆତଃ ପାରମେଶ୍ୱାର୍ ଆଲେକେ ବାରଦାନ ଏମାଲେୟାଏ । ଆଲେ ନାଗେନ୍ତେ ପୁରାଃ ହଡକ ପାରମେଶ୍ୱାର୍କେ ଧାନ୍ୟାବାଦକ ଏମାଲେୟା ।

ପାଉଲୁସ୍ଆଃ ଉଡ଼ୁରାଃ ବାଦ୍ଲୀଅ

୧୨ ନେ ଅତେଦିଶ୍ୱମ୍ରେ ଜୀଦାନ ଆତଃ ବିଶେଷକେଦ୍ତେ ଆପେଲଃ ଆଲେୟାଃ ନାତା ପାରମେଶ୍ୱାର୍ ଏମାକାଦ୍ ପାବିତାର୍ ଆତଃ ପାତିୟାର୍ରେନ୍ ହରାତେ ହବାକାନା ମେନ୍ତେ ଆଲେୟାଃ ବିବେକ୍ ଗାଞ୍ଜା ଏମେତାନାଏ । ଏନାମେନ୍ତେ ଆଲେ ଆପାନକେ ମାରାଞ୍ ମେନ୍ତେଲେ କାଜିନ୍ତାନା । ହଡକଆଃ ସେଣ୍ଡନ୍ତେଦ କାହା, ମେନ୍ଦ୍ ପାରମେଶ୍ୱାର୍ଆଃ ସାୟାଦ୍ରାଃ ପେଡ଼େଃତେ ନେଆଁଲେ କାମି ଦାଡ଼ିତାନା । ୧୩ ଅକ୍ନାଃ ଆପେ ପାଦ୍ମାଅକେଦ୍ତେ ଆଟ୍ଟକାର୍ଡରୁମ୍ ଦାଡ଼ିୟାପେ, ଆଲେ ଇମ୍ନାଞ୍ ଏସ୍କାର୍ ଆପେତାଃତେ ଅଲେତାନାଲେ । ଆଇଞ୍ ଆସ୍ତା ତାନିଞ୍, ୧୪ ନାହ୍ଆଃ ଆପେ ଅକ୍ନାଃ କାଟିଃ ଲେକାଗିପେ ଆଟ୍ଟକାର୍ଡରୁମେ ତାନା, ଏନା ଆବୁଆଃ ପ୍ରାଭୁ ଯୀଶୁଆଃ ହିନିଜୁଃ ଦିପିଲିରେ ପୁରାଃଗିପେ ଆଟ୍ଟକାର୍ଡରୁମେୟା । ଏନାରେଦ୍, ଆପେ ଆଲେ ନାଗେନ୍ତେ ଆପାନକେ ମାରାଞ୍ ମେନ୍ତେପେ କାଜିନା ଆତଃ ଆଲେୟା ଆପେ ନାଗେନ୍ତେ ଆପାନକେ ମାରାଞ୍ ମେନ୍ତେଲେ କାଜିନା ।

୧୫ ଆଇଞ୍ ନେ ବିଷାଏରେ ସାର୍ତିଗି ସାରିତାଇକେନ୍ ହରାତେ ସିଦାତେ ଆପେତାଃତେ ସେନ୍ ନାଗେନ୍ତେଇଞ୍ ମନେ ତାଇକେନା । ଏନାତେ ଆପେ ବାର୍ସାତେ ଆଶିଷ୍ପେ ନାମାକାତେତେୟାଃ । ୧୬ ଆଇଞ୍ ମାକିଦନିଆ ସେନ୍ ଇମତା ଆତଃ ଏନ୍ତାଃଏତେ ରୁହାଡ୍ ଇମତା ଆପେତାଃତେ ତିମିନ୍ ମାହ୍ ତାଇନଃ ନାଗେନ୍ତେଇଞ୍ ଉଡ଼ୁକାଦ୍ ତାଇକେନା, ତିୟାଃତି ଯିହୁଦା ରାଇଜ୍ତେ ହରାସେନ୍ ନାଗେନ୍ତେ ଆପେୟାଃ ଦେଙ୍ଗାଲେୟା ସାନାଞ୍ ତାଇକେନା । ୧୭ ଆପେ ତିନାଃପେ ଉଡ଼ୁତାନା ? ଆଇଞ୍ ତିନାଃ କା ସାରିଲେକା କାମିତାଇୟାକ ବାଇୟାକାଦ୍ ତାଇକେନାଇଞ୍ ? ଅକନ୍ଦ୍ ମିସାତେ ହ୍, ହ୍ ଆତଃ କାହା, କାହା ମେନ୍ତେକ କାଜିୟାଃ, ଏନ୍ ହଡକ ଲେକା ତିନାଃ ଆଇଞ୍ ଆପ୍ନାଃ ରୁଗିନାଃ ନାଗେନ୍ତେ ଏସ୍କାର୍ କାମିତାଇୟା ବାଇୟାକାଦାଇଞ୍ ? ୧୮ ସାର୍ତିଗି ପାରମେଶ୍ୱାର୍ ପାତିୟାରଃ ଲେକାନିଃ ତାନିଃ, ଆଇଞ୍ ଆପେକେ କାଜି ଏମ୍ ଇମତା ତିଉଲୀଅ ମନ୍ତାୟାଃକେ କାଇଞ୍ ନେତେହେନ୍ତେ । ୧୯ ପାରମେଶ୍ୱାର୍ଆଃ ହନ୍ ଯୀଶୁ ଖ୍ରୀଷ୍ଟ୍, ଅକଏକେତି ଆଇଞ୍, ସିଲୀସ୍, ଆତଃ ତାମଥ୍ ଆପେତାଃତେ ଉଦ୍ବୁକାଇ ତାଇକେନାଲେ, ଇନିଃ “ହ୍” ଆତଃ “କାହା” ନାହାଲିଃ, ମେନ୍ଦ୍ ଇନିଃ ପାରମେଶ୍ୱାର୍ଆଃ “ହ୍” ତାନିଃ । ୨୦ ପାରମେଶ୍ୱାର୍ଆଃ ସବେନ୍ ବାନାର୍ସା ନାଗେନ୍ତେ ଯୀଶୁ ଖ୍ରୀଷ୍ଟ୍ “ହ୍” ତାନିଃ । ଏନା ନାଗେନ୍ତେ ଯୀଶୁ ଖ୍ରୀଷ୍ଟ୍ଆଃ ହରାତେ ପାରମେଶ୍ୱାର୍ଆଃ ମାନାରାଞ୍ ନାଞ୍ “ଆମେନ୍” କାଜିୟାଃରୁ । ୨୧ ପାରମେଶ୍ୱାର୍ ଆଇଃକ୍ରି ଯୀଶୁ ଖ୍ରୀଷ୍ଟ୍ତାଃତେ ଆପେୟାଃ ଆତଃ ଆଲେୟାଃ ଜୀଦାନକେ ମିଦ୍ରେ ମେସାକେଦ୍ତେ, ଆବୁକେ ଆଭିଷେକ୍ କାଦ୍ବୁଆ । ୨୨ ଇନିଃ ଆବୁକେ ଆପାନକାଦ୍ବୁଆ ଆତଃ ଆବୁଆଃ ମନ୍ସୁରୁଦ୍ରେ ଆୟାଃ ପାବିତାର୍ ଆମାକେ ଠାହାରାଅକିଃ ହରାତେ ଆବୁଆଃ ତେତାନରେ ପାରମେଶ୍ୱାର୍ଆଃ ଆକ୍ତେୟାର୍ରେୟାଃ ଚିହ୍ନା ଆତଃ ହିଜୁଃ ଦିପିଲିରେ ଆବୁ ଅକ୍ନାଃ ନାମେୟାଃରୁ ଏନା ସାର୍ତିଗି ତାନାଃ ।

୨୩ ପାରମେଶ୍ୱାର୍ ଆଇୟାଃ ଗାଞ୍ଜା ତାନିଃ । ଇନିଃ ଆଇୟାଃ ମନ୍ସୁରୁଦ୍ ସାରିୟାଏ । ଆଇଞ୍ ଆପେକେ ଆତଃ ଦୁକୁ କାଇଞ୍ ଏମାପେୟା, ଏନାମେନ୍ତେ ଆଇଞ୍ କବିତ୍ୱିତେ ସେନ୍ ନାଞ୍ କାଇଞ୍ ସାନାଞ୍କେଦା । ୨୪ ଆପେ ଅକନ୍ କାଜି ବିଶ୍ୱାସେୟାପେ, ଏନ୍ ବିଷାଏରେ ଆପେ ତେତାନରେ ଆକ୍ତେୟାର୍ ରିକାଏ ନାଗେନ୍ତେ ଆଲେ କାଲେ ସାନାଞ୍ତାନା, ତିୟାଃତି ଆପେ ବିଶ୍ୱାସରେ ତିଜୁକେଟେଦକାନାପେ । ମେନ୍ଦ୍ ଆପେକେ ସୁକୁଇତିପେ ନାଗେନ୍ତେ ଏସ୍କାର୍ ଆପେଲଃ ମିସାତେ ଆଲେ କାମିତାନାଲେ ।

୨

୧ ଆଇଞ୍ ଆପେତାଃତେ ସେନ୍ତେୟାଃ ଆପେ ନାଗେନ୍ତେ ଦୁକୁରାଃ କାଜିତାନାଃରେଦ୍, ଆଇଞ୍ ଆପେତାଃତେ ଆତଃ ତିଉଲୀଅ କାଇଞ୍ ସେନା ମେନ୍ତେ ମନ୍ରେଇଞ୍ ଉଡ଼ୁକାଦା । ୨ ଆପେକେ ଦୁକୁ ଏମାପେରେ, ଅକଏ ଆଇଞ୍କେ ରାସକା ଏମାଲେୟାଏ ? ଆପେକେ ବାଗିକେଦ୍ତେ ଆତଃ ଏନ୍ଲେକା ଜେତାଏ ବାଞ୍କଆ । ୩ ଏନାମେନ୍ତେ ଆଇଞ୍ ଆପେତାଃତେ ଏନ୍ ଚିଟାଉ ଅଲୀକାଦ୍ ତାଇକେନାଇଞ୍, ଆଇଞ୍ ଏନ୍ତାଃତେ ସେନ୍ରେ, ଅକନ୍ ହଡକଆଃ ନାଗେନ୍ତେ ଆଇୟାଃ ସୁକୁହବାୟାଃତେୟାଃ, ଇନ୍କୁଆଃ ହରାତେ ଆଇଞ୍ ଜେଲେକା ଦୁକୁ ଆଲକାଇଞ୍ ନାମେକା । ସାର୍ତିଗି ଆଇୟାଃ ପୁରାଃ ବିଶ୍ୱାସ୍ ମେନାଃ, ଆଇୟାଃ ରାସକାରେ ଆପେୟାଃ ରାସକା ମେନାଃ । ୪ ପୁରାଃ ଦୁକୁ ଆତଃ ମନ୍ସୁରୁଦ୍ରେୟାଃ ହାସୁତେ ରାଆଃତାନଲଃ ଆଇଞ୍ ଅକ ଚିଠି ଅଲୀକାଦ୍ ତାଇକେନାଇଞ୍, ଏନା ଆପେକେ ଦୁକୁଇତିପେ ନାଗେନ୍ତେ କାଇଞ୍ ଅଲ୍, ମେନ୍ଦ୍ ଆପେକେ ଆଇଞ୍ ତିମିନ୍ ଦୁଲୀଡ୍ପେ ତାନାଇଞ୍, ଏନା ଉଦ୍ବୁ ନାଗେନ୍ତେଇଞ୍ ଅଲୀକାଦ୍ ତାଇକେନା ।

ଏଡକାନ ହଡକକେ ଛାମାକପେ

☆ ୧:୧୭ ୧:୧୭ ପ୍ରେରିଡ୍ ୧୯:୨୧. ☆ ୧:୧୯ ୧:୧୯ ପ୍ରେରିଡ୍ ୧୮:୫.

୫ ଆପେକଷତେ ଜେତାଏ ମିହୁଡ଼କେ ଦୁକୁ ଏମାକାଇରେଦ, ଇନିଃ ଆଇଁୟାଃ ମନ୍ରେ ଏସକାର ଦୁକୁ କାଏ ଏମ, ମେନ୍ଦ ହୁଡ଼ିଲ୍ ଲେକା ଆପେ ସବେନକକେହିଁ ଦୁକୁ ଏମାକାଦପେୟାଏ । ୬ ଆପେକଷତେ ଚିମିନ୍ ହଡ଼କ ଏନ୍ ହଡ଼କେ ସାଜାଇ ଏମକିୟାପେ, ଏନା ଇନିୟାଃ ନାଗେନ୍ତେ ପୁରାଃଗିୟା । ୭ ଇନିଃ ପୁରାଃଗି ଆଲକାଏ ଦୁକୁଃକା, ଏନା ନାଗେନ୍ତେ ନାହାଁଃ ଇନିଃକେ ଛାମା ଆଡ଼ଃ ଜୀଉରାଡ଼େଃ ଆପେକେ ଏମ୍ ଲାଗାଡ଼ିକ୍‌ୟାଃ । ୮ ଆଇକ୍ ଆପେକେଇକ୍ ବିନ୍ତିପେତାନା, ଆପେ ଇନିଃକେ ସାର୍ଡ଼ିଗି ଦୁଲ୍ଲାଡ଼ତାନାପେ ମେନ୍ତେ ଇନିଃକେ ଉଦୁବାଇପେ । ୯ ଆପେ ସବେନ୍ କାଜିକ ମାନାଡ଼ିକ୍ ତାନାପେ ଚି କାହା, ଏନା ସାରି ନାଗେନ୍ତେ ଆଇକ୍ ଏନ୍ ଚିଗାଉ ଅଲକାଦ୍ ତାଇକେନାଇକ୍ । ୧୦ ଆପେ ଜେତାଏକକେପେ ଛାମାକରେଦ, ଆଇକ୍‌ହିଁ ଇନ୍‌କୁକେ ଛାମାକଆଇକ୍ । ଆଇକ୍ ଜେତା କାଜି ନାଗେନ୍ତେଇକ୍ ଛାମାକରେଦ, ଏନା ଖ୍ରୀଷ୍ଟୁଆଃ ସାମ୍‌ନାକ୍‌ରେ ଆପେୟାଃ ହରାତେ ଛାମାଅଃଆ । ୧୧ ସାଏତାନ୍ ଆରୁଆଃ ବିରୁଧରେ ଜେତାନ୍ କାମିରିକା ନାଗେନ୍ତେ ନେତା ଆଲକାଏ ନାମେକା, ଚିୟାଃଚି ଆରୁ ଇନିୟାଃ ସବେନ୍ କାମିତାୟାଃ ସାରିୟାଃବୁ ।

୧୨ *ଆଇକ୍ ଖ୍ରୀଷ୍ଟୁଆଃ ସୁକୁକାଜି ଉଦୁବ୍ ନାଗେନ୍ତେ ତ୍ରୋୟାସ୍‌ତେ ସେଟେରୟାନ୍‌ଲଃ, ନେ କାମି କାମି ନାଗେନ୍ତେ ପ୍ରାଭୁ ହରା ନିଜାକାଦାଏ ମେନ୍ତେ ଆବ୍‌କାରକେଦାଇକ୍ । ୧୩ ମେନ୍ଦ ଆରୁଆଃ ହାଗା ଡିତସକେ ଏନ୍ତାଃରେ କା ନେଲ୍‌କେଦ୍‌ତେ, ଆଇକ୍ ମନ୍ରେ କାଇକ୍ ସୁକୁୟାନା । ଏନାତେ ଏନ୍ତାଃରେନ୍ ହଡ଼କତାଃଏତେ ମାକିଦନିଆତେଇକ୍ ସେନଃୟାନା ।

ଖ୍ରୀଷ୍ଟୁ ହରାତେ ଜିନିତାଅ

୧୪ ପାର୍‌ମେଶ୍ୱାର୍‌ଆଃ ଧାନଧାବାଦ୍ ହବାଅଃକା । ଚିୟାଃଚି ଇନିଃ ଯୀଶୁ ଖ୍ରୀଷ୍ଟୁଲଃ ମେସାକାନ୍ ହରାତେ ସବେନ୍ ଇମ୍‌ତା ଆରୁକେ ଜିନିତାଅ ହରାତେ ସୁଡ଼ଃଇଦିୟାଃ । ଆଡ଼ଃ ବୁଗିନ୍ ସହାନ୍ ଚାରିୟାଃତେ ପାସ୍‌ରାଅଃ ଲେକା ଖ୍ରୀଷ୍ଟୁଆଃ ସେଣାଁ ଏଟାଃକକେ ଏମ୍ ନାଗେନ୍ତେ ପାର୍‌ମେଶ୍ୱାର୍ ଆରୁକେ ବେଭାରୁ ତାନା । ୧୫ ଚିୟାଃଚି ଆରୁ ଖ୍ରୀଷ୍ଟୁ ହରାତେ ପାର୍‌ମେଶ୍ୱାର୍‌ଆଃ ନାଗେନ୍ତେ ଚାଡ଼ାଅକାନ୍ ବୁଗିନ୍ ସହାନ୍ ଲେକାନ୍‌କ ତାନ୍‌ବୁ । ଅକ୍‌ନାଃଚି ଅକନ୍‌କ ଜୀଉବାସ୍ତାଅକ ନାମେତାନା ଆଡ଼ଃ ଅକନ୍‌କ ଜିୟନଃ ହରାରେକ ସେନ୍‌ତାନା, ଇନ୍‌କୁଆଃ ଆଲାରେ ପାସ୍‌ରାଅଃ ତାନା । ୧୬ ଗନ୍‌ଏଃ ହରାତେ ସେନଃତାନ୍ ହଡ଼କତାଃରେ ନେ ବୁଗିନ୍ ସହାନ୍ ଗନ୍‌ଏଃ ଲେକାନାଃ ତାନାଃ, ମେନ୍ଦ ଜୀଉବାସ୍ତାଅ ନାମାକାଦ୍ ହଡ଼କତାଃରେ ନେ ବୁଗିନ୍ ସହାନ୍ ଜୀଦାନ୍ ଏମାଃଏ । ମେନ୍ଦ ନେ କାମି ରିକାଏ ଲେକାନ୍‌ନିଃ ଅକଏ ତାନିଃ ? ୧୭ ପୁରାଃ ହଡ଼କ ଆପାନାଃ ପସାଅଃ ନାଗେନ୍ତେ ପାର୍‌ମେଶ୍ୱାର୍‌ଆଃ ସୁକୁକାଜିକେକ ବେଭାର୍‌ତାନା । ଆଲେ ଇନ୍‌କୁ ଲେକା ନାହାଁଲାଃଲେ । ଆଲେକେ ପାର୍‌ମେଶ୍ୱାର୍ କୁଲକାଦ୍ ହରାତେ ଆଲେ ପାଡ଼ିୟାରଃ ଲେକା ଆୟାଃ କାଜିଲେ ମାନାଡ଼ିକ୍‌ତାନା ଆଡ଼ଃ ପାର୍‌ମେଶ୍ୱାର୍‌ଆଃ ସାମ୍‌ନାକ୍‌ରେ ଖ୍ରୀଷ୍ଟୁଆଃ ଦାସି ଲେକାଲେ କାଜିତାନା ।

୩

ନାଞ୍ଜା ନିୟାମ୍‌ରେନ୍ ଦାସିକ

୧ ଆଲେ ଚିୟାଃ ଆପାନ୍‌କେ ମାରାକ୍‌ୟେନ୍‌ତାନ୍ ଲେକାଲେ ଆବ୍‌କାରଃତାନା ? ଚାଏ, ଏଟାଃକ ଲେକା ଆଲେ ଚିନାଃ ଆପେତାଃତେ ଚାଏ ଆପେତାଃଏତେ ପାରିଚାଏ ଅନଲ୍ ଚିଠିଲେ ଆସିତାନା ? ୨ ଆପେଗି ଆଲେୟାଃ ପାରିଚାଏ ଅନଲ୍ ଚିଠି ତାନ୍‌ପେ, ଆଲେୟାଃ ମନ୍‌ସୁରୁଦ୍‌ରେ ଅଲକାନ୍ ଚିଠି ତାନ୍‌ପେ, ଅକ୍‌ନାଃକେଚି ସବେନ୍ ହଡ଼କ ସାରିତାନା ଆଡ଼ଃ ପାଡ଼ାଅ ଦାଡ଼ିତାନା । ୩ ନେ ପାରିଚାଏ ଚିଠି ଖ୍ରୀଷ୍ଟୁ ଆଇଃକ୍‌ଗି ଅଲକାଦା ଆଡ଼ଃ ଆରୁଆଃ ସୁସାର୍ ହରାତେ ଏନା କୁଲଃତାନା । ନେଆଁ ଚାକାର୍ ଦିରିରେ ସିହାଇତେ କା ଅଲକାନା, ମେନ୍ଦ ଜାନିଦ୍ ପାର୍‌ମେଶ୍ୱାର୍‌ଆଃ ଆମ୍ବା ହରାତେ ମାନଞ୍ଜାରାଃ ମନ୍‌ସୁରୁଦ୍‌ରେ ଅଲକାନା ।

୪ ଖ୍ରୀଷ୍ଟୁଆଃ ହରାତେ ପାର୍‌ମେଶ୍ୱାର୍‌ଆଃ ଚେତାନ୍‌ରେ ଭାର୍‌ସାକେଦ୍‌ତେ ଆଲେ ନେ ସବେନାଃଲେ କାଜିଦାଡ଼ିତାନା । ୫ ଆଲେତାଃରେ ନେ ଲେକା କାଜି ଚାଏ କାମି ଦାଡ଼ିରେୟାଃ ପେଡ଼େଃ ମେନାଃ ମେନ୍ତେ ଆଲେ ଜେତାଲେକାତେ କାଜି କାଲେ ଦାଡ଼ିୟା, ଚିୟାଃଚି ଆଲେକେ କାଜିରେୟାଃ ପେଡ଼େଃ ପାର୍‌ମେଶ୍ୱାର୍‌ତାଃଏତେ ହିଜୁଃଆ । ୬ ନାଞ୍ଜା ରାଜିନାମାକେ ଉଦୁବ୍ ନାଗେନ୍ତେ ପାର୍‌ମେଶ୍ୱାର୍ ଆରୁକେ ସୁସାର୍‌ରେ କାମି ଦାଡ଼ିୟାକ ଲେକାଏ ହବାକାଦ୍‌ବୁଆ । ନେ ନିୟାମ୍ ଅନଲ୍‌ତେୟାଃ ନାହାଁଲାଃ, ମେନ୍ଦ ଆମ୍ବାତେ ବାଇୟାକାନା, ଚିୟାଃଚି ଅନଲ୍ ନିୟାମ୍ ଗନ୍‌ଏଃ ଆଉଞ୍ଜେୟାଏ, ମେନ୍ଦ ଆମ୍ବା ଜୀଦାନ୍ ଏମାଃଏ ।

୭ ମୁଗା ନାବାଆଃ ଆନ୍‌ରୁ ଦିରି ଚେତାନ୍‌ରେ ଖଦାକାନ୍ ତାଇକେନା । ଏନାରେ ପାର୍‌ମେଶ୍ୱାର୍‌ଆଃ ସେଞ୍ଜାକାମିରେ ନେ'ଲେକା ମାନାରାକ୍ ଉଦୁବାକାନ୍ ତାଇକେନା । ଆଡ଼ଃ ଏନ୍ ମାନାରାକ୍‌ରେୟାଃ ମାର୍‌ସାଲ୍‌ରାଃ ରାଁପ୍ ତେଜ୍ କା ତାଇକେନରେୟା, ଇସ୍‌ଏଲ୍ ହଡ଼କ ମାସ୍‌ଲ୍‌ସାଃତେ କାକ ନେଲ୍ ଦାଡ଼ିକେଦା । ଗନ୍‌ଏଃ ଆଉଞ୍ଜେତାନ୍ ଆନ୍‌ରୁ ନେ'ଲେକା ହବାଅଃତାନ୍‌ରେଦ, ୮ ପାବିତାର୍ ଆମ୍ବାରାଃ ସେଞ୍ଜାକାମିକ ଏନାଏତେ ଚିମିନ୍ ପୁରାଃ ଆଦ୍‌କା ମାନାରାକ୍‌ରେ କା ହବାଅଃଆ ? ୯ ସାଜାଇ ନାମଃ ଆନ୍‌ରୁରାଃ ସେଞ୍ଜାକାମିରେ ନିମିନାକ୍ ମାନାରାକ୍ ହବାଅଃତାନ୍‌ରେଦ, ଜୀଉବାସ୍ତାଅ ଏମେତାନ୍ ନିୟାମ୍ ବାଇୟାକାନ୍‌ତେୟାଃରାଃ ସେଞ୍ଜାକାମିରେ ଚିମିନ୍ ପୁରାଃ ଆଦ୍‌କା ମାନାରାକ୍ କା ହବାଅଃଆ ? ୧୦ ଆରୁ କାଜି ଦାଡ଼ିୟାବୁ, ମାସ୍‌ଲ୍‌ରେୟାଃ ମିଆଁଦ୍ ମାନାରାକ୍ ହବାୟାନ୍ ହରାତେ, ସିଦା ଦିପିଲିରେ ତାଇକେନ୍ ମାନାରାକ୍ ନାହାଁଃ ବାନଃଆ ।

☆ ୨:୧୨ ୨:୧୨ ପ୍ରେରିଡ଼ ୨୦:୧.

୧୧ ଚିନ୍ତାଧର ଘାଡ଼ିକାଦଗି ତାଜନଃ ବିଷାଏ ନିମିନାଙ୍ଗ ମାନାରାଙ୍ଗ ହବାଅଃତାନରେଦ, କା ଚୁଣ୍ଡୁ ବିଷାଏ ନେଆଁଏତେ ଚିମିନ୍ ପୁରାଃ ଆଦକାତେ ମାନାରାଙ୍ଗ କା ହବାଅଃଆ ?

୧୨ ଆରୁଆଃ ଏନ୍ ଆସ୍ତା ମେନାଃ ଏନାମେନ୍ତେ ଆରୁ ଜୀଉରେ କେଟେଦକେଦତେ ମେନାରୁଆ । ୧୩ ଆରୁ ମୁଣା ନାବୀ ଲେକା ନାହାଁଲାରୁ । ଏନ୍ ମାସ୍ତାଲରେୟାଃ ରାଠରାଃ ତେଜ୍ କାମତିୟଃତେୟାଃ ଇସ୍ତାଏଲ୍ ହଡକ ଆଲକାକ ନେଲେକା ମେନ୍ତେ ଇନିଃଆୟାଃ ମତା ଦାପାଲକାଦ୍ ତାଜକେନାଏ । ୧୪ ସାର୍ତ୍ତି କାଜିଲେରେ, ଇନ୍କୁଆଃ ଆୟୁମ୍ରେୟାଃ ଆତଃ ମନ୍ରେ ଆଟ୍ଟକାରୁରୁମ୍ରେୟାଃ ପେଡ଼େଃ କା ତାଜକେନା । ନାହାଁଃହଗି ମାରି ରାଜିନାମା ପାଢାଅ ଇମତା ଇନ୍କୁଆଃ ମନ୍କ ଦାପାଲକାନା । ଯୀଶୁ ଖ୍ରୀଷ୍ଟଲଃ ମେସାନ୍ ହରାତେ ଏସକାର୍ ଏନ୍ ଦାପାଲକାନ୍ତେୟାଃ ଆତମଃଆ । ୧୫ ନାହାଁଃହଗି, ଏନ୍ ମୁଣା ନାବୀଆଃ ଆନ୍ତୁକେ ପାଢାଅତାନ୍ ଇମତା ଇନ୍କୁଆଃ ମନ୍ରେ ନାହାଁଃ ଜାକେଦ୍ ଦାପାଲକାନା । ୧୬ ମେନ୍ଦ ଏନ୍ ଦାପାଲକାନ୍ତେୟାଃ ହଗି ଆତମ୍ ଦାଡ଼ିୟଃଆ । ଚିନ୍ତାଧର ଧାରାମ୍ପୁଅରେ ଅଲକାନା, “ପ୍ରାଭୁସାଃତେ ହେତାରୁହାଡ଼ଲେରେ, ଏନ୍ ଦାପାଲକାନ୍ତେୟାଃ ଆତମଃଆ ।” ୧୭ ନାହାଁଃଦ, “ପ୍ରାଭୁ” ଆମ୍ ତାନିଃ । ଆତଃ ପ୍ରାଭୁଆଃ ଆମ୍ ତାଜନ୍ତାଃରେ, ତନଲ୍ ବାନଆଃ । ୧୮ ଆରୁ ସବେନ୍କଆଃ କା ହାରୁବାକାନ୍ ମେଦ୍ମୁହାଁଡ଼ରେ ନାହାଁଃ ପ୍ରାଭୁଆଃ ମାନାରାଙ୍ଗ ଚାମ୍କାଅଃତାନା ଆତଃ ଏନ୍ ମାନାରାଙ୍ଗି ପ୍ରାଭୁତାଃଏତେ ହିଜୁଃତାନା, ଆତଃ ଆରୁ ପୁରାଃଗି ମାସ୍ତାଲଃତାନଲଃ ଆୟାଃ ରୁପ୍ ଲେକାରୁ ବାଦଲ୍ଆଃତାନା । ଚିଆଃଚି ପ୍ରାଭୁଗି ଆମ୍ ତାନିଃ ଆତଃ ଆୟାଃ ହରାତେ ନେ ସବେନାଃ ହବାଅଃତାନା ।

୪

ହାସା ଚାରୁରେ ସିର୍ମାରେୟାଃ ଖୁଜ୍

୧ ପାରମେଶ୍ୱାର୍ ଆୟାଃ ଦାୟାତେ ଆଲେକେ ନେ ସେଞ୍ଜାକାମି ଏମାକାଦଲେ ନାଗେନ୍ତେ ଆଲେ କାଲେ ହୁଡ଼ିଙ୍ଗଜୀଉକାନା । ୨ ଆଲେ ଉକୁଆକାନ୍ ଆତଃ ଚିହୁଗାନ୍ କାଜିକାମିକଲେ ବାଗିକେଦା । ଆଲେ କାଲେ ବେଦାତାନା ଚାଏ ପାରମେଶ୍ୱାର୍ଆଃ ବାଚାନ୍କେ ବାଗିକେଦତେ ଏଟାଃ ଲେକା ମୁଣ୍ଡି କାଲେ କାଜିତାନା । ମେନ୍ଦ ପାରମେଶ୍ୱାର୍ଆଃ ନେପେଲରେ ଆଲେ ସାନାରୁଡ଼ିରେୟାଃ ପୁରା ମାସ୍ତାଲରେଲେ ସେସେନ୍ତାନା, ଆତଃ ହଡକଆଃ ବିବେକ୍ ଆୟାରରେ ଆଲେ ଆପାନ୍କେ ମାଜନ୍ ନାମଃ ନାଗେନ୍ତେଲେ ସାନାଙ୍ଗତାନା । ୩ ଚିନ୍ତାଧର ଆଲେୟାଃ ହରାତେ ଉଦୁବାକାନ୍ ସୁକୁକାଜି ଦାନାଙ୍ଗାକାନ୍ରେଦ, ଏନା ଜିୟନଃତାନ୍ ହଡକ ନାଗେନ୍ତେ ଏସକାର୍ ଦାନାଙ୍ଗାକାନା । ୪ ଇନ୍କୁ କାକ ବିଶ୍ୱାସ୍ ତାନା, ଚିନ୍ତାଧର ଇନ୍କୁଆଃ ମନ୍କେ ନେ ଅତେଦିଶୁମ୍କେ ରାଜଜେତାନ୍ ସାଏତାନ୍ ନୁବାଃକାଦାଏ । ଖ୍ରୀଷ୍ଟ, ଅକଏଚି ପାରମେଶ୍ୱାର୍ଆଃ ମିଦ୍ସାମାନ୍ ରୁପ୍ ତାନିଃ, ଇନିୟାଃ ମାନାରାଙ୍ଗ ବିଷାଏରେ ସୁକୁକାଜିହେତେ ହିଜୁଃତାନ୍ ମାସ୍ତାଲକେ ଇନ୍କୁ ଆଲକାକ ନେଲେକା ମେନ୍ତେ ସାଏତାନ୍ ନୁବାଃକାଦାଏ । ୫ ଚିନ୍ତାଧର ଆଲେ ଆପାନ୍କେଗି କାଲେ ଉଦୁବତାନା, ମେନ୍ଦ ଖ୍ରୀଷ୍ଟି ପ୍ରାଭୁ ତାନିଃ ମେନ୍ତେ ଆତଃ ଯୀଶୁଆଃ ନାଗେନ୍ତେ ଆଲେ ଆପାନ୍କେ ଆପେୟାଃ ଦାସିକତାନ୍ଲେ ମେନ୍ତେଲେ ଉଦୁବତାନା । ୬ ଚିନ୍ତାଧର ଅକନ୍ ପାରମେଶ୍ୱାର୍, “ନୁବାଃଏତେ ମାର୍ସାଲ୍ ହବାଅଃକା” ମେନ୍ତେ କାଜିକାଦ୍ ତାଜକେନାଏ, ଏନ୍ ପାରମେଶ୍ୱାର୍ଗି, ଖ୍ରୀଷ୍ଟଆଃ ମେଦ୍ମୁହାଁଡ଼ରେ ମାସ୍ତାଲଃତାନ୍ ପାରମେଶ୍ୱାର୍ଆଃ ମାନାରାଙ୍ଗ ସେଣ୍ଟାରେୟାଃ ମାର୍ସାଲ୍ ଉଦୁବ ନାଗେନ୍ତେ ଆଲେୟାଃ ମନ୍ସୁରୁଦରେ ମାସ୍ତାଲକେଦା ।

୭ ମେନ୍ଦ ନେ ପୁରାଃ ମାରାଙ୍ଗ୍ ପେଡ଼େଃ ପାରମେଶ୍ୱାର୍ଆଃ ତାନାଃ, ଆଲେୟାଃ ନାହାଁଲାଃ ନେଆଁ ଉଦୁବ ନାଗେନ୍ତେ ଆଲେ ନେ ହାସାରେୟାଃ ଚାରୁ ଲେକାନ୍କ ତାନ୍ଲେ, ଅକନାଃରେଚି ସିର୍ମାରେୟାଃ ଖୁଜ୍ ମେନାଃ । ୮ ଆଲେ ସବେନ୍ ଲେକାନ୍ ଦୁକୁହାସୁଲେ ନାମାକାଦା, ଏନ୍ରେୟ କାଲେ ଉୟୁଗାକାନା । ମିସାମିସା ଆଡ଼ାଃଉଡ଼ୁଃ ତାଜକେନାଲେ, ଏନ୍ରେୟ କାଲେ ହୁଡ଼ିଙ୍ଗଜୀଉକାନା । ୯ ପୁରାଃ ବାଇରିକ ମେନାକଆ, ଏନ୍ରେୟ ଆଲେ ଗାତି ବାଙ୍ଗକ ଲେକା ଚିଉଲାଅ କାଲେ ତାଜକାନା, ଆତଃ ସିଗିଦଃ ତାଜକେନାଲେ, ଏନ୍ରେୟ ଆଲେ କାଲେ ଜିୟନାକାନା । ୧୦ ଯୀଶୁଆଃ ଜୀଦାନ୍ ଜେ'ଲେକା ଆଲେତାଃରେ ଉଦୁବଃଆ, ଏନାମେନ୍ତେ ଆଲେ ସବେନ୍ ଇମତା ଆଲେୟାଃ ହଡ଼ମକରେ ଯୀଶୁଆଃ ଗନଏଃକେଲେ ଗଅଃକାଦା । ୧୧ ଯୀଶୁଆଃ ଜୀଦାନ୍ରେ ଆଲେୟାଃ ଗନଏଃ ହଡ଼ମରେ ନେଲଃକା ମେନ୍ତେ ଆଲେୟାଃ ଜୀନିଦ୍ରେ ଯୀଶୁ ନାଗେନ୍ତେ ବରଞ୍ଜାନ୍ ଗନଏଃରେ ସବେନ୍ ଇମତା ମେନାଲେୟା । ୧୨ ନେ ଲେକାତେ ଆଲେତାଃରେ ଗନଏଃ ଆତଃ ଆପେତାଃରେ ଜୀଦାନ୍ରେୟାଃ କାମି କାମିତାନା ।

୧୩ ଧାରାମ୍ପୁଅରେ ଅଲକାନା, “ଆଇଙ୍ଗ୍ ବିଶ୍ୱାସ୍କାଦାଇଙ୍ଗ୍ ଏନାମେନ୍ତେଇଙ୍ଗ୍ କାଜିକାଦା ।” ଆଲେ ଏନ୍ ବିଶ୍ୱାସ୍ରେୟାଃ ଆମ୍ ନାମାକାଦ୍ ହରାତେ, ଆଲେୟ ବିଶ୍ୱାସ୍କାଦାଲେ ଆତଃ କାଜିତାନାଲେ । ୧୪ ଆଲେ ସାରିତାନାଲେ, ପାରମେଶ୍ୱାର୍ ପ୍ରାଭୁ ଯୀଶୁକେ ଗନଏଃହେତେ ଜୀଉବିରିଦ୍କିୟାଏ, ଏନ୍ ପାରମେଶ୍ୱାର୍ଗି ଯୀଶୁଲଃ ଆଲେକେୟ ଜୀଉବିରିଦ୍ଲେୟାଏ ଆତଃ ଆପେଲଃ ଆଲେକେ ଆୟାଃ ହେପାଦତେ ଇଦିଲେୟା । ୧୫ ଆପେୟାଃ ବୁଗିନାଃ ନାଗେନ୍ତେ ନେ ସବେନାଃ ହବାଅଃତାନା । ପାରମେଶ୍ୱାର୍ଆଃ ସାୟାଦ୍ ଆତଃଗି ପୁରାଃତେ ହଡକତାଃତେ ସେଟେର୍ରେ, ଆତଃଗି ପୁରାଃ ହଡକ ପାରମେଶ୍ୱାର୍ଆଃ ମାନାରାଙ୍ଗ୍ ନାଙ୍ଗ୍ ଧାନପାବାଦରେୟାଃ ବିକ୍ତିକ ବିକ୍ତିୟା ।

ବିଶ୍ୱାସ୍ତେ ଜୀନିଦ୍

୧୭ ଏନାମେନ୍ତେ ଆଲେ ଚିତ୍ତଲୀଅ କାଲେ ହୁଡ଼ିଙ୍ଗଂଜୀଉ କାନା । ଆଲେୟାଃ ନେଲଃତାନ୍ ହଡ଼ଫ ମାଡ଼ି ମାଡ଼ିତେ ଜିୟନଃ ତାନା, ମେନ୍ଦ ଆଲେୟାଃ ମନ୍ସୁରୁଦ୍ରେୟାଃ ଆମ୍ବା ଅକନାଃଚି ପାର୍ମେଶ୍ଵାର୍ତାଃଏତେ ନାମାକାନା ଏନା ମୁସିଙ୍ଗ୍ ମୁସିଙ୍ଗ୍ତେ ନାଞ୍ଜାକଦିୟଃ ତାନା । ୧୭ ଆଡ଼ଃ ନେ କାଚିଃ ଲେକାନ୍ ଦୁକୁ ହାସୁ ଆଲେ ନାଗେନ୍ତେ କା ଜକାଃଅ ଜାନାଅରେୟାଃ ମାନାରାଙ୍ଗ୍ ଆଉଗାଲେ ତାନାଏ । ୧୮ ଚିୟାଃଚି ଆଲେ ନେଲଃତାନ୍ ବିଷାଏକକେ କା ନେଲ୍ଲକେଦ୍ତେ, କା ନେଲଃତାନ୍ ବିଷାଏକକେ ନେଲ୍ତାନାଲେ, ଚିୟାଃଚି ନେଲଃତାନ୍ ବିଷାଏକ ହୁଡ଼ିଙ୍ଗ୍ ଦିପିଲିଗି ତାଇନାଃ, ମେନ୍ଦ କା ନେଲଃତାନ୍ ବିଷାଏକ ଜାନାଅ ଜାନାଅଗି ତାଇନାଃ ।

୫

୧ ମେନ୍ଦ ଆଲେ ସାରିତାନାଲେ, ନେ ଅତେରେ ହଡ଼ଫ ଲେକାନ୍ କୁମ୍ପାରେ ଆବୁ ନାହାଁଃ ତାଇନଃତାନାବୁ, ଏନା ଜିୟନଃରେଦ, ଆବୁକେ ପାର୍ମେଶ୍ଵାର୍ ସିର୍ମାରେ ମିଆଁଦ୍ ଜାନାଅଗି ତାଇନଃ ନାଗେନ୍ତେ ଅଡ଼ାଃ ଏନାବୁଆଏ । ଏନାଦ ହଡ଼ତେ କା ବାଇକାନା, ମେନ୍ଦ ପାର୍ମେଶ୍ଵାର୍ ଆଇଃକ୍ଚି ଏନାକେ ବାଇୟାକାଦା । ୨ ଆଡ଼ଃ ନେ ଅତେରେୟାଃ ଅଡ଼ାଃରେ ତାଇନକେଦ୍ତେ ଆବୁ ଏନ୍ ସିର୍ମାରେୟାଃ ଅଡ଼ାଃ ଲେକାନ୍ ଲିଜାଃ ତୁସିଙ୍ଗ୍ଅଃ ନାଗେନ୍ତେ ଆବୁଆଃ ଇଛାସାନାଙ୍ଗ୍ ମେନାଃ । ୩ ମେନ୍ଦ ଏନ୍ ସିର୍ମାରେୟାଃ ଅଡ଼ାଃ ଲେକାନ୍ ଲିଜାଃ ତୁସିଙ୍ଗ୍ଅରେଦ, ଆବୁ ସାମା ହଡ଼ଫଗି କାବୁ ନେଲଆଃ । ୪ ଆବୁ ନେ ସାଂସାରରେୟାଃ କୁମ୍ପାରେ ତାଇନଃତାନ୍ ଇମତା ଲାଗାଉତାରଃତାନ୍ଲଃ ମନ୍ସୁରୁଦ୍ରେ ରାଆଃ ଗେରାଙ୍ଗ୍ ତାନାବୁ । ଆବୁ ସାଂସାରରେୟାଃ ହଡ଼ଫକେ ବାଗି ନାଗେନ୍ତେ ସାନାଙ୍ଗ୍ ତାନାବୁ ଏନାଦ ନାହାଁଲାଃ, ମେନ୍ଦ ସିର୍ମାରେୟାଃ ଲିଜାଃ ତୁସିଙ୍ଗ୍ ହରାତେ ଆବୁଆଃ ନେ ସାଂସାରରେୟାଃ ହଡ଼ଫ ଜେ'ଲେକା କା ଗଜଃ ଜୀଦାନ୍ରେ ବାଦଲଆଃଆ, ଏନା ଆଲେୟାଃ ସାନାଙ୍ଗ୍ତାନା । ୫ ପାର୍ମେଶ୍ଵାର୍ ଆବୁକେ ନେ'ଲେକା ବାଦଲଆ ନାଗେନ୍ତେ ବାଇସେକାଡ଼ା କାଦ୍ବୁଆ । ଆଡ଼ଃ ଇନିଃ ଆୟାଃ ପାବିତାର୍ ଆମ୍ବାକେ କୁଲ୍ଲକିଃଦ୍ ହରାତେ ଆବୁରେ ତାଇନଃ ନାଙ୍ଗ୍ ଏମ୍କିୟାଏ ।

୬ ଏନାମେନ୍ତେ ଆବୁ ସବେନ୍ ଇମତା ଜୀଉରେ କେଟେଦ୍କେଦ୍ତେ ମେନାବୁଆ, ଆବୁ ସାରି ତାନାବୁ, ଚିମିନ୍ ଦିନ୍ ଜାକେଦ୍ ନେ ହଡ଼ଫରେ ମେନାବୁଆ, ଇମିନ୍ ଦିନ୍ ଜାକେଦ୍ ପ୍ରାଭୁତାଃଏତେ ସାଙ୍ଗିନ୍ରେ ତାଇନକେଦ୍ତେ ଜୀଦାନ୍ବୁ ବିତାଅ ତାନା । ୭ ଆବୁଆଃ ଜୀଦାନ୍ ନେନେଲ୍ତେଦ କା ମେନ୍ଦ ବିଶ୍ଵାସ୍ ତେତାନ୍ରେ ତିଙ୍ଗୁଆକାନା । ୮ ଏନାମେନ୍ତେ ଆବୁ ଜୀଉରେ କେଟେଦ୍କେଦ୍ତେ, ଆଡ଼ଃ ନେ ହଡ଼ଫକେ ବାଗିକେଦ୍ତେ ପ୍ରାଭୁଲଃ ତାଇନଃ ନାଗେନ୍ତେ ଆବୁ ପୁରାଃଗିବୁ ସାନାଙ୍ଗ୍ତାନା । ୯ ଏନାମେନ୍ତେ ଆବୁ ଆପ୍ନାଃ ଅଡ଼ାଃରେ ତାଇନଃ ଚାଏ ଏଟାଃ ଅଡ଼ାଃରେ ତାଇନଃ, ପାର୍ମେଶ୍ଵାର୍କେ ସୁକୁଇଚିତେୟାଃଚି ଆବୁଆଃ ପୁରାଃ ସାନାଙ୍ଗ୍ତାନା । ୧୦ ଚିୟାଃଚି ଆବୁ ସବେନ୍କକେ ଆୟାଃ ହରାତେ ବିଚାର୍ ହବାଅଃ ନାଗେନ୍ତେ ସାର୍ତ୍ତିଗି ଖ୍ରୀଷ୍ଟଆଃ ବିଚାର୍ ଠାୟାଦ୍ରେ ତିଙ୍ଗୁନ୍ ଲାଗାତିୟାଃ । ଇମତା ବୁଗିନାଃ ହବାଃଅ ଚାଏ ଏଡ଼କାନାଃ ହବାଅଃ, ଆବୁ ସବେନ୍ ମିମିଆଦ୍ ହଡ଼କ ସାଂସାରରେୟାଃ ହଡ଼ଫରେ କାମିକାଦ୍ ଲେକାଗି ନାଲାବୁ ନାମେୟା ।

ଖ୍ରୀଷ୍ଟଆଃ ଦେଙ୍ଗାତେ ପାର୍ମେଶ୍ଵାର୍ଲଃ ଗାଡ଼ି

୧୧ ପ୍ରାଭୁକେ ବର ରେୟାଃ ମୁଣ୍ଡି ଚିନାଃ ତାନାଃ, ଏନା ଆଲେ ସାରି କାଦାଲେ ଆଡ଼ଃ ଏନା ରିକା ନାଗେନ୍ତେ ଆଲେ ସବେନ୍କକେ ଆବୁପେତାନାଲେ । ପାର୍ମେଶ୍ଵାର୍ ଆବୁ ସବେନ୍କକେ ବୁଗିଲେକାଏ ସାରିୟା । ଆଇଙ୍ଗ୍ ଆସ୍ତା ତାନାଇଙ୍ଗ୍, ଆପେ ଆଇଙ୍ଗ୍କେ ବୁଗି ଲେକାପେ ସାରିୟା । ୧୨ ଆଲେ ଆଡ଼ଃମିସା ଆପେୟାଃ ଆୟାର୍ରେ ଆଲେଗି ମାଇନ୍ ନାମେ ନାଗେନ୍ତେ କାଲେ ସାନାଙ୍ଗ୍ତାନା, ମେନ୍ଦ ଅକନ୍ କ ମନ୍ ଭିତାର୍ରେୟାଃ ଚାଇଲ୍ ଚାଲାନ୍ କା ନେଲ୍ଲକେଦ୍ତେ ହଡ଼କଆଃ ବାହାରି ରେୟାଃ ନେପେଲ୍ ନେଲ୍ଲକେଦ୍ତେ ଆପାନ୍କେ ମାରାଙ୍ଗ୍ ମେନ୍ତେକ କାଜିନ୍ତାନା, ଇନ୍କୁକେ ଆପେ କାଜିରୁହାଡ଼ ଦାଡ଼ିୟାପେ । ଏନାମେନ୍ତେ ଆଲେୟାଃ ବିଷାଏରେ ଆପେ ଆପାନ୍କେ ମାରାଙ୍ଗ୍ମେନ୍ ଉଡ଼ୁଗେ ନାଗେନ୍ତେ ଆପେକେ ନେଡାଲେ ଏମାପେତାନା । ୧୩ ଚିୟାଃ ଆଲେୟାଃ ମନ୍ ବାଲୁଅଃତାନା ? ତାଦ୍ ପାର୍ମେଶ୍ଵାର୍ ନାଙ୍ଗ୍ ବାଲୁଅଃତାନା । ଚାଏ ଆଲେୟାଃ ମନ୍ ଆବର୍ରେ ମେନାଃରେଦ, ଏନା ଆପେୟାଃ ନାଗେନ୍ତେ ଆବର୍ରେ ମେନାଃ । ୧୪ ଖ୍ରୀଷ୍ଟଆଃ ଦୁଲ୍ଲାଡ଼୍ତେ ଆବୁ ରାଇଜଃ ତାନାବୁ । ଏନାତେ ଆବୁ ନେଆଁ ଉହାଟ୍ତାନାବୁ ଯେ, ମିହୁଡ଼୍ ହଡ଼ ସବେନ୍ ହଡ଼କଆଃ ନାଗେନ୍ତେ ଗଜାକାନା, ଏନାତେ ସବେନ୍ ଏନ୍ ଗନଏଃରେୟାଃ ହିସାବୁ ହବାକାନା । ୧୫ ଇନିଃ ସବେନ୍କ ନାଗେନ୍ତେ ଗଜାକାନ୍ ହରାତେ ଅକନ୍କ ଜାନିଦ୍ ମେନାକଆ, ଇନ୍କୁ ଆଡ଼ଃ ଆପ୍ନାଃ ଆପ୍ନାଃ ନାଗେନ୍ତେ କା ଜୀହୁଦ୍କେଦ୍ତେ, ଅକଏଚି ଆକଆଃ ନାଗେନ୍ତେ ଗଏଃୟାନା ଆଡ଼ଃ ଜୀଉବିରିଦ୍ୟାନା, ଇନିୟାଃ ନାଗେନ୍ତେକ ଜୀହୁଦ୍ଅଆ ।

୧୬ ଏନା ନାଗେନ୍ତେ ଆଲେ ହଡ଼ଫ ଲେକାତେ ବିଚାର୍, ଜେତାଏକେ କାଲେ ବିଚାର୍ ତାନା । ନେଡା ତାଇକେନା ଆଲେ ଖ୍ରୀଷ୍ଟକେ ହଗି ହଡ଼କେ ବିଚାର୍ ତାନ୍ ଲେକାଲେ ବିଚାରି ତାଇକେନା । ମେନ୍ଦ ନାହାଁଃ ଆଲେ ଏନ୍ଲେକା କାଲେ ରିକାତାନା । ୧୭ ଜେତାଏ ହଡ଼ ଖ୍ରୀଷ୍ଟଲଃ ମେସାକାନ୍ରେ, ନାଞ୍ଜା ହଡ଼ ହବାଅଃଆଏ । ମାରିତେୟାଃ ଜିୟନକେଦ୍ତେ ସବେନ୍ ନାଞ୍ଜା ବିଷାଏ ହବାଅଃଆ । ୧୮ ଏନା ସବେନାଃ ପାର୍ମେଶ୍ଵାର୍ଆଃ କାମିତାନା । ସିଦା ଆବୁ ଇନିୟାଃ ବାଇରିବୁ ତାଇକେନା, ନାହାଁଃ ଇନିଃ ଖ୍ରୀଷ୍ଟ ହରାତେ ଆବୁକେ ଆୟାଃଲଃ ମେସାରୁହାଡ଼୍ କାଦ୍ବୁଆ ଆଡ଼ଃ ଆୟାଃଲଃ ଏଟାଃକକେ ମେସାରୁହାଡ଼୍ ନାଗେନ୍ତେ ଇନିଃ ଆବୁକେ ବାହାରମ୍ ଏମାକାଦ୍ବୁଆଏ । ୧୯ ଏନାତେ ଆବୁଆଃ କାନାଜି ହବାଅଃତାନା, ପାର୍ମେଶ୍ଵାର୍,

☆ ୫:୧୦ ୫:୧୦ ରୋମି ୧୪:୧୦.

ଶ୍ରୀଷ୍ଠୀୟ ହରାତେ ଅତେଦିଶୁମ୍ବରେନ୍ ସବେନ୍ ହଡକକେ ଆୟାଃଲଃ ମେସାରୁହାଡ୍ ନାଗେନ୍ତେ ହରା ବାଇୟାକାଦାଏ । ଆୟାଃ ବିରୁଧ୍ରେୟାଃ ସବେନ୍ ପାପକ ଇନିଃ ଆୟାଃ ଗିନ୍ତିରେ କାଏ ଦହକାଦା । ଆତଃ ଏନ୍ ମେସାରୁହାଡ୍ ରେୟାଃ ସୁକୁକାଜି ଉଦୁବ୍ ନାଗେନ୍ତେ ଆବୁକେ ବାହାରମ୍ ଏମାକାଦ୍ବୁଆଏ ।

୨୦ ଏନାତେ, ଆବୁ ଶ୍ରୀଷ୍ଠୀୟାଃଏତେ ନେଆଁ କାଜିତାନାବୁ, ପାରମେଶ୍ୱାର୍ ଆଇଃକ୍ତି ଆବୁଆଃ ହରାତେ ନେ କେନେଡ଼ା ଏମାକାଦାଏ ମେନ୍ତେ ଆବ୍‌କାର୍ ଲାଗାତିକ୍‌ୟାଃ । ଶ୍ରୀଷ୍ଠୀୟାଃତେ ଆଲେ ବିକ୍ତିପେ ତାନାଲେ, ପାରମେଶ୍ୱାର୍‌ଲଃ ମେସାରୁହାଡ୍‌ନ୍‌ପେ, ୨୧ ଚିୟାଃତି ଶ୍ରୀଷ୍ଠ, ବେଗାର୍ ପାପତେ ତାଇକେନ୍‌ରେୟ, ପାରମେଶ୍ୱାର୍ ଇନିଃକେ ଆବୁଆଃ ପାପରେୟାଃ ହିସାଏ ବାଇକିୟା, ଜେ'ଲେକାତି ଆବୁ ଆୟାଃଲଃ ମେସାକେଦ୍‌ତେ ପାରମେଶ୍ୱାର୍‌ଆଃ ଧାର୍‌ମାନ୍‌ରେୟାଃ ହିସାରୁ ହବା ଦାଡ୍‌ୟାଆ ।



୧ ପାରମେଶ୍ୱାର୍‌ଆଃ ନାଗେନ୍ତେ ମିସାତେ କାମିତାନ୍ ହରାତେ ଆଲେ ଆପେକେ ବିକ୍ତିପେତାନାଲେ, ଆପେୟାଃ ଜୀଦାନ୍‌ରେ ପାରମେଶ୍ୱାର୍‌ଆଃ ସାୟାଦ୍‌କେ ଆଲ୍‌ପେ ସାମାଏଶ୍ୱାଃଏୟା । ୨ ଚିୟାଃତି ଇନିଃ କାଜିୟାଃଏ, “ଆପେୟାଃ ନାଗେନ୍ତେ ଦାୟା ଉଦୁବ୍ ନାଜ୍ ଦିପିଲି ହିକ୍ତୁୟାନ୍ ଇମତା ଆଇଜ୍ ଆପେୟାଃ ବିକ୍ତିକ୍ତ୍ ଆୟୁମ୍‌କେଦା, ଜୀଉବାସ୍ତାଅ ହୁଲାକ୍‌ରେ ଆଇଜ୍ ଆପେକେଇଜ୍ ଦେକ୍‌କାକେଦ୍‌ପେୟା ।” ନେଲେପେ ! ନେଆଁ ହବାଅଃତାନା, ପାରମେଶ୍ୱାର୍‌ଆଃ ଦାୟା ତେଲ୍‌ରେୟାଃ ନେତା । ତିସିକ୍ ହବାଅଃତାନା ଜୀଉବାସ୍ତାଅଃରେୟାଃ ଦିପିଲି ।

୩ ଅକନ୍ ସେଞ୍ଜାକାମି ଆବୁ ନାମାକାଦାବୁ, ଏନାକେ ଜେତାଏ ଆଲକାକ ଚିଟାଏ, ମେନ୍ତେ ଆଲେ ଜେତାଏୟାଃ କାମିରେ କାଜିକଟକ୍ ହବାଅଃ ନାଗେନ୍ତେ କାଲେ ସାନାଜ୍‌ତାନା । ୪ ମେନ୍‌ଦ ସବେନ୍ ଲେକାନ୍ ନେତାରେ ଆଲେ ଆପାନ୍‌କେ ପାରମେଶ୍ୱାର୍‌ଆଃ ଦାସି ଲେକାଲେ ଉଦୁବେନ୍‌ତାନା, ଆଲେ ସବେନ୍ ଲେକାନ୍ ଦୁକୁ, ହାସୁ, ସାଜ୍‌ଗ୍‌ରେ ପୁରାଃ ଧୁରାଜ୍‌ରେ ସାହାତିକ୍ କାଦାଲେ । ୫ ଆଲେ ଦାଲ୍‌ୟାନ୍‌ରେ, ଜେହେଲ୍‌ୟାନ୍‌ରେ, ହାଲାଗୁଲାଅଃତାନ୍‌ରେ, କେଟେଦ୍ କାମିରେ, ବେଗାର୍ ଦୁଡ୍‌ମୁତେ, କାଟାବ୍‌ତେ, ୬ ଫାର୍‌ତିନ୍‌ରେ, ସେଣ୍‌ନ୍‌ରେ, ଧୁରାଜ୍‌ତେ, ଦାୟାତେ, ଆଲେୟାଃ ସାର୍‌ତି ଦୁଲାଡ୍‌ତେ, ପାବିତାର୍ ଆମ୍‌ତେ, ୭ ଆଲେୟାଃ ସାର୍‌ତି ସୁକୁକାଜିତେ, ଆତଃ ପାରମେଶ୍ୱାର୍‌ଆଃ ପେଡ୍‌ଃତେ ଆଲେ ଆପାନ୍‌କେ ପାରମେଶ୍ୱାର୍‌ଆଃ ଦାସି ମେନ୍ତେଲେ ଉଦୁବେନ୍‌ତାନା । ବାଇରିକଆଃ ବିରୁଧ୍ରେ ଲାଡ଼ାଇ ନାଗେନ୍ତେ ଧାର୍‌ମାନ୍ ହବାଅଃତାନା ଆଲେୟାଃ ହାଁତେୟାର୍ । ୮ ଆଲେ ମାଇନ୍ ନାମେ ତାଏ ମାଇନ୍ କା ନାମେ, ଲାୟାଅଃତାନ୍ ତାଏ ସାହାରାଅ ନାମେତାନ୍, ଆଲେକେ ହସଡ୍ ମେନ୍ତେ କାଜିଲେ ତାନାକ, ଏନ୍‌ରେୟ ଆଲେ ସାର୍‌ତି କାଜିତାନାଲେ । ୯ ଆଲେ ସବେନ୍‌କଲଃ ନେଲ୍‌ଉରୁମ୍ କାନ୍‌ରେୟ, କାଲେ ନେଲ୍‌ଉରୁମ୍‌କାନ୍ ଲେକା ମେନାଲେୟା, ଜୀନିଦ୍ ମେନାଲେରେୟ, ଗଜାକାନ୍‌କ ଲେକା ମେନାଲେୟା । ଆଲେ ସାଜାଇ ନାମେତାନାଲେ, ମେନ୍‌ଦ କାଲେ ଜିୟନାକାନା । ୧୦ ଆଲେ ହୁଡ୍‌କ୍‌ଜୀଉକାନ୍‌ରେୟ ସବେନ୍ ଇମତା ରାସ୍‌କାଗି ମେନାଲେୟା । ଆଲେ ନାରାଦୁରାଗିଲେ ନେଲଃତାନା, ମେନ୍‌ଦ ପୁରାଃ ହଡକକେଲେ କିସାଁକାଦ୍‌କଆ । ଆଲେୟାଃ ଜେଡ୍‌ନାଃ ବାନଃଲେକା ଆବ୍‌କାରଃ ତାନା, ମେନ୍‌ଦ ସାର୍‌ତିଗି ଆଲେ ସବେନାଃଲେ ଆକ୍‌ତେୟାର୍‌କାଦା ।

୧୧ କବିତ୍ୱରେନ୍ ଦୁଲାଡ୍ ଗାତିକ, ଆଲେ ବେଗାର୍ ବେଦାତେ ସବେନାଃଲେ କାଜିକାଦ୍‌ପେୟା, ଆଲେ ଆପେକେ ପୁରାଃଗିଲେ ଦୁଲାଡ୍‌ପେ ତାନା । ୧୨ ଆପେ ନାଗେନ୍ତେ ଆଲେୟାଃ ଦୁଲାଡ୍ କା ଲାସୁରକାନା, ମେନ୍‌ଦ ଆପେୟାଃ ଦୁଲାଡ୍ ଲାସୁରକାନା । ୧୩ ଆଇୟାଃ ହନ୍‌କକେ କାଜିକତାନ୍ ଲେକା ଆଇଜ୍ ଆପେକେଇଜ୍ କାଜିପେତାନା, ଆଲେ ଆପେକେ ଦୁଲାଡ୍‌ପେ ତାଇକେନ୍ ଲେକାଗି, ଆପେୟ ଆଲେକେ ଦୁଲାଡ୍‌ଲେପେ ।

ସାଅଁସାର୍ ହଡକକଲଃ ଆଲ୍‌ପେ ଜକାନାଃ

୧୪ ଅକନ୍‌କ ଶ୍ରୀଷ୍ଠକେ କାକ ବିଶ୍ୱାସ୍‌ତାନା, ଇନ୍‌କୁଲଃ ମିଦ୍‌ଜକାତେ କାମି ନାଗେନ୍ତେ ଆଲ୍‌ପେ ସାନାଜ୍‌ଆଁଃ । ନେ'ଲେକା ଚିଉଲାଅ କା ହବାଦାଡ୍‌ୟାଆ, ଚିୟାଃତି ଧାର୍‌ମାନ୍ ଆତଃ କା ଧାର୍‌ମାନ୍‌କଲଃ ଚିକାନ୍ ସାଜ୍‌ଗାତି ? ମାର୍‌ସାଲ୍ ଆତଃ ନୁବାଃ ଚିଲ୍‌କାତେ ମିଦ୍‌ରେ ତାଇନା ? ୧୫ ଶ୍ରୀଷ୍ଠ ଆତଃ ସାଏତାନ୍ ଚିଲ୍‌କାତେ ମିଦେନାକିନ୍ ? କା ବିଶ୍ୱାସ୍ ତାନ୍‌ନିଃଲଃ ବିଶ୍ୱାସ୍‌ତାନ୍‌ନିଃ ଚିକାନ୍ ବିଷାଏରେ ମେସା ଦାଡ୍‌ନାଃ ? ୧୬ ସାଅଁସାର୍‌କଆଃ ମୁରୁଡ୍‌କଲଃ ପାରମେଶ୍ୱାର୍‌ଆଃ ମାନ୍‌ଦିର୍ ଚିଲ୍‌କାତେ ମେସାଅଃଆ ? ଆବୁଦ ଜାନିଦ୍ ପାରମେଶ୍ୱାର୍‌ଆଃ ମାନ୍‌ଦିର୍ ତାନ୍‌ବୁ, ଚିୟାଃତି ପାରମେଶ୍ୱାର୍ ଆଇଃକ୍ତି କାଜିକାଦା, “ଆଇଜ୍ ଆଇୟାଃ ହଡକକଲଃ ତାଇନାଇଜ୍ ଆତଃ ଇନ୍‌କୁଆଃ ଆଲାରିଜ୍ ହନର୍ ବାଡ଼ାଏୟା ଆତଃ ଆଇଜ୍ ଇନ୍‌କୁଆଃ ପାରମେଶ୍ୱାର୍ ହବାଅଃଆଇଜ୍ ଆତଃ ଇନ୍‌କୁ ଆଇୟାଃ ଆପ୍‌ନାଃ ହଡକ ହବାଅଃଆକ ।” ୧୭ ଏନାତେ ପ୍ରାଭୁ କାଜିୟାଃଏ, “ଇନ୍‌କୁକେ ବାଗିତାକପେ ଆତଃ ଇନ୍‌କୁତାଃଏତେ ଆତମେନ୍‌ପେ । ସଡ୍‌ରା ବିଷାଏଲଃ ନାତା ଆଲ୍‌ପେ ଦହଏଆ, ଏନାରେ ଆଇଜ୍ ଆପେକେଇଜ୍ ଦାରମ୍‌ପେୟା । ୧୮ ଆଇଜ୍ ଆପେୟାଃ ଆପୁ ଆତଃ ଆପେ ଆଇୟାଃ କଡ଼ାହନ୍‌କ ଆତଃ କୁଡ୍‌ହନ୍‌କ ହବାଅଃଆପେ, ପେଡ୍‌ୟାନ୍ ପ୍ରାଭୁ ନେଆଁଏ କାଜିତାନା ।”

☆ ୬:୫ ୬:୫ ପ୍ରେରିଡ୍ ୧୭:୨୩. ☆ ୬:୧୭ ୬:୧୭ ୧ କବିତ୍ୱ ୩:୧୭; ୬:୧୯.



୧ ହେ ଦୁଲ୍ଲାଡ଼ ହାଗା ମିଶିକ, ନେ ସବେନ୍ ବାନାରସା ଆବୁ ପାରମେଶ୍ୱାର୍ତାଃଏତେ ନାମାକାଦାବୁ । ଏନାତେ ଏଲା ହିନ୍ଦୁଃପେ, ହଡ଼ଫ ଆତଃ ଆମ୍ବାକେ ସଡ଼ରାଏତାନ୍ ସବେନ୍ ବିଷାଏତେ ଆପାନ୍କେ ଫାରିତନ୍ଦେ । ଆତଃ ପାରମେଶ୍ୱାର୍ତାକେ ବରଭାକ୍ତିତାନ୍ଲଃ ପୁରାଗି ପାବିତାର୍ତାକେଦତେ ତାଇନାବୁ ।

ପାଉଲୁସଆଃ ରାସ୍କା

୨ ଆପେୟାଃ ମନ୍ସୁରୁଦ୍ରେ ଆଲେକେ ଠାୟାଦ୍ ଏମାଲେପେ । ଆଲେ ଜେତାଏୟାଃ ଏଡ଼କାନ୍ କାଲେ ରିକା, ଜେତାଏୟାଃ କାଲେ ହାନିକାଦା, ଜେତାଏତାଃଏତେ ଜେଡ଼ନାଃ ନାମେ ନାଗେନ୍ତେ ବେଦାକେଦତେ କାଲେ ଆଉକାଦା । ୩ ଆପେକେ ଚିଟାପେ ନାଗେନ୍ତେ ଆଇଙ୍ଗ୍ ନେ କାଜି କାଇଙ୍ଗ୍ କାଜିତାନା । ଆଇଙ୍ଗ୍ ସିଦାରେଇଙ୍ଗ୍ କାଜିକାଦା, ଆପେ ଆଲେୟାଃ ନିମିନାଙ୍ଗ୍ ଦୁଲ୍ଲାଡ଼କ ତାନ୍ଦେ ଯେ, ଆବୁ ଜୀନିଦ୍ ତାଇନଃ ଚାଏ ଗଜଃ, ଆବୁ ସବେନ୍ ଇମତା ମିଦତାଃରେ ମେନାରୁଆ । ୪ ଆପେତାଃରେ ଆଇଁୟାଃ ପୁରାଃ ବିଶ୍ୱାସମେନା । ଆପେୟାଃ ନାଗେନ୍ତେ ଆଇଙ୍ଗ୍ ଆପାନ୍କେ ମାରାଙ୍ଗ୍ୟେନ୍ତେୟାଃ ହଗି ପୁରାଃଗିଆ । ଦୁକୁହାସୁରେ ଆଇଙ୍ଗ୍ ପୁରାଃଗି ଜୀଉରାଡ଼େଃ ନାମକେଦତେ ରାସ୍କାତେଇଙ୍ଗ୍ ପେରେଜାକାନା ।

୫ *ମାକିଦନିଆତେ ସେଟେରକେଦତେହ୍ ଆଲେୟାଃ ହଡ଼ଫ କା ରୁଡ଼ୟାନା । ହଡ଼କଲଃ ସବେନ୍ତାଃରେ କା ବାପାଇ ଆତଃ ଏପେଗେର୍ ହବାଅଃ ତାଇକେନା, ଏନାତେ ଆଲେୟାଃ ମନ୍ସୁରୁଦ୍ରେ ବର ତାଇକେନା । ୬ ମେନ୍ଦ ହୁଡ଼ିଙ୍ଗ୍ଜୀଉକାନ୍କକେ ଜୀଉରାଡ଼େଃ ଏମାକତାନ୍ ପାରମେଶ୍ୱାର୍ ତିତସ୍କେ ଆଲେତାଃତେ କୁଲକେଦତେ ଜୀଉରାଡ଼େଃ ଏମାକାଦଲେୟାଏ । ୭ ଇନିୟାଃ ହିନିନ୍ଦୁଃ ହରାତେ ଏସ୍କାର୍ କାହା, ମେନ୍ଦ ଇନିଃ ଆପେତାଃତେ ସେନ୍କେଦତେ ଅକନ୍ ଜୀଉରାଡ଼େଃ ନାମାକାଦାଃଏ, ଏନା ହରାତେ ଆଲେ ରାସ୍କାଅଃ ତାନାଲେ । ଆଇଙ୍ଗ୍କେ ନେନେଲ୍ ନାଗେନ୍ତେ ଆପେୟାଃ ଚିମିନ୍ ଇଛାସାନାଙ୍ଗ୍, ଆଇଁୟାଃ ନାଗେନ୍ତେ ଆପେୟାଃ ଚିମିନ୍ ଦୁକୁ, ଆଇଁୟାଃସାଃରେ ଜେଡ଼ନାଃ କାଜି ନାଗେନ୍ତେ ଆପେ ଚିମିନ୍ ଚିହୁଲ୍ଲାନଗି ମେନାପେୟା, ନେ ସବେନ୍ ବିଷାଏ ଇନିଃ ଆଇଙ୍ଗ୍କେ ଉଦୁଦ୍କାଦିୟାଃ । ଏନାତେ ଆଇଙ୍ଗ୍ ପୁରାଃଗିଇଙ୍ଗ୍ ରାସ୍କା କାନା ।

୮ ଆଇଁୟାଃ ଚିଠି ପାଡ଼ାଅକେଦତେ ଆପେ ହୁଡ଼ିଙ୍ଗ୍ଜୀଉକାନ୍ରେୟ, ଏନ୍ ଚିଠି ଅଲାଇଦ୍ ହରାତେ ଆଇଁୟାଃ ମନ୍ରେ ଜେତାନ୍ ଦୁକୁ ବାନଃଆ । ନେ ଚିଠି ଆପେକେ ଘାଡ଼ିକାଦ୍ ନାଙ୍ଗ୍ ହୁଡ଼ିଙ୍ଗ୍ଜୀଉକାଦ୍ପେ ନାଗେନ୍ତେ ଆଇଙ୍ଗ୍ ଦୁକୁକାନ୍ତେୟାଃଇଙ୍ଗ୍ । ୯ ମେନ୍ଦ ଆପେୟାଃ ମନ୍ରେ ଦୁକୁ ଏମାକାଦ୍ପେ ହରାତେ କାହାଗି, ମେନ୍ଦ ନେ ଦୁକୁ ଆପେୟାଃ ଜୀଦାନ୍ରେୟାଃ ସେନ୍ହରା ବାଦ୍ଲାଇକାଦ୍ ହରାତେ ନାହାଃ ଆଇଙ୍ଗ୍ ରାସ୍କାଅଃ ତାନାଇଙ୍ଗ୍ । ପାରମେଶ୍ୱାର୍ଆଃ ମନେ ଲେକାତେ ଆପେ ନେ ଦୁକୁ ସାହାତିଙ୍ଗ୍କାଦାପେ । ଏନାତେ ଆଲେୟାଃ ହରାତେ ଆପେ ଜେତାଲେକାତେ କାପେ ହାନିକାନା । ୧୦ ଚିୟାଃଚି ନେ ଲେକାନ୍ ଦୁକୁ ପାରମେଶ୍ୱାର୍ଆଃ ହରାତେ ବେଭାର୍ତାକେଦତେ ମନ୍ସୁରୁଦ୍ ନେ'ଲେକା ବାଦ୍ଲାଇଅଃରେଦ୍ ଜୀଉବାଞ୍ଚାଅ ନାମଃଆ । ନେଆଁରେ ହୁଡ଼ିଙ୍ଗ୍ଜୀଉଃରେୟାଃ ଜେଡ଼ନାଃ ବାନଃଆ । ମେନ୍ଦ ସାଂସାର୍ରେୟାଃ ଦୁକୁରେ ଏସ୍କାର୍ ଗନଏଃ ହବାଅଃଆ । ୧୧ ନେଲେପେ, ପାରମେଶ୍ୱାର୍ଆଃ ଇଛାସାନାଙ୍ଗ୍ ଲେକାତେ ଆପେ ଅକନ୍ ଦୁକୁପେ ନାମାକାଦା, ଏନା ଆପେତାଃରେ ଚିମିନ୍ ରାସ୍କା, ଚିମିନ୍ ବର, ଚିମିନ୍ ଚିହୁଟ୍, ଆମ୍ବା ସୁଧରାଅ ନାଙ୍ଗ୍ ଚିମିନ୍ ଉଦୁଦ୍, ଏଡ଼କାନ୍ ହଡ଼କକେ ସାଜାଇ ଏମ୍ ନାଙ୍ଗ୍ ଚିମିନ୍ ଚିହୁଲ୍ଲାନ କାଜିକ ହବାକାନା । ନେ ସବେନ୍ ବିଷାଏରେ ଆପେ ବେଗାର୍ ଚିଟାକାନ୍ ଲେକାପେ ଉଦୁବାକାନା ।

୧୨ ଆପେକଏତେ ଜେତାଏ ଏଡ଼କାନ୍ କାମିକାଦାଏ ଚାଏ ଏଡ଼କାନ୍ ସାହାତିଙ୍ଗ୍କାଦାଏ, ଇନିୟାଃ ନାଗେନ୍ତେ ଆଇଙ୍ଗ୍ ଏନ୍ ଚିଠି କାଇଙ୍ଗ୍ ଅଲାଇଦା । ମେନ୍ଦ ପାରମେଶ୍ୱାର୍ଆଃ ନେପେଲ୍ରେ ଆଲେ ନାଙ୍ଗ୍ ଆପେୟାଃ ଭାକ୍ତି ଚିମିନ୍ ଇକିରା ଆତଃ ୧୩ ଏନା ନାଙ୍ଗ୍ ଆଲେ ଚିମିନ୍ ଜୀଉରାଡ଼େଃ ନାମାକାଦାଲେ । ଏନା ଉଦୁଦ୍ ନାଗେନ୍ତେ ଆଇଙ୍ଗ୍ ଏନ୍ ଚିଟାଉ ଅଲାଇଦାଇଙ୍ଗ୍ । ଆଲେ ଜୀଉରାଡ଼େଃ ଏସ୍କାର୍ କାଲେ ନାମାକାଦା, ମେନ୍ଦ ଆପେ ତିତସ୍କେ ସବେନ୍ ଲେକାତେ ଦେଙ୍ଗାତାନ୍ଲଃ ଚିଲ୍ଲକା ରାସ୍କା କାଇଜାପେ, ଏନା ଆଲେକେ ପୁରାଃଗି ରାସ୍କାଲେତାନା । ୧୪ ଆୟାଃ ଆୟାର୍ରେ ଆପେ ନାଗେନ୍ତେ ଆଇଙ୍ଗ୍ ଆପାନ୍କେ ମାରାଙ୍ଗ୍ ମେନ୍ତେଇଙ୍ଗ୍ କାଜିତାନା । ଆତଃ ଆପେ ଆଇଙ୍ଗ୍କେ କାପେ ହୁଡ଼ିଙ୍ଗ୍ଜୀଉକାଦିୟା । ଆଲେ ସବେନ୍ ଇମତା ଆପେତାଃରେ ସାର୍ତ୍ତିଗିଲେ କାଜିକାଦା, ଏନ୍ଲେକାଗି ତିତସ୍ଆଃ ସାମନାଙ୍ଗ୍ରେ ଆଲେ ଆପାନ୍କେ ମାରାଙ୍ଗ୍ ମେନ୍ତେ କାଜିନ୍ତେୟାଃ ସାର୍ତ୍ତି ତାନାଃ । ୧୫ ଚିଲ୍ଲକା ଆପେ ସବେନ୍କ ଇନିୟାଃ କାଜିକ ମାନାତିଙ୍ଗ୍ ନାଙ୍ଗ୍ ସେକାଡ଼କାନ୍ ତାଇକେନାପେ ଆତଃ ବରତାନ୍, ଏକ୍ଲାଇତାନ୍ଲଃ ଇନିଃକେ ଦାରମ୍ଫିୟାପେ, ନେ କାଜିକ ପାହାମ୍କେଦତେ ଆପେ ନାଗେନ୍ତେ ଆୟାଃ ଦୁଲ୍ଲାଡ଼ ଆତଃଗି ହାରାଇଦିୟାତାନା । ୧୬ ଆତଃ ଆଇଙ୍ଗ୍ ସବେନ୍ ବିଷାଏରେ ଆପେତାଃରେ ପୁରାଃଗିଙ୍ଗ୍ ବିଶ୍ୱାସ୍ ଦାଡ଼ିୟା, ଏନାମେନ୍ତେଇଙ୍ଗ୍ ରାସ୍କାଅଃତାନା ।



ଶ୍ରୀଷ୍ଟିୟାନ୍କଆଃ ଏମଃ

☆ ୭:୫ ୭:୫ ୨ କବିଚ୍ଛନ୍ଦ ୭:୧୩.

୧୧ *ହେ ହାଗା ମିଶିକ, ମାକିଦନିଆରେୟାଃ କାଲିସିୟାକରେ ଚିଲକା ପାର୍ମେଶ୍ଵାର୍ଥାଃ ସାୟାଦ୍ ନାମାକାଦାକ, ଏନା ଆପେକେ ଉଦୁବ୍ ନାଗେନ୍ତେ ସାନାଙ୍ଗତାନାଲେ । ୧୨ ଇନ୍କୁ ପୁରାଃ ଦୁକୁତେ ପୁରାଃଗିକ ବିଡ଼ାଅୟାନା । ଇନ୍କୁ ପୁରାଃଗି ନାରାଦୁରାକ ତାଇକେନ୍ରେୟ, ଆକଥାଃ ଏମଃରେ, ଚିମିୟାଙ୍ଗ୍ ଏମ୍ରେୟାଃ କାଜି ଏନାଏତେ ଆଦକା ସୁକୁମନ୍ତେକ ଏମ୍କେଦା । ୧୩ ଆଇଙ୍ଗ୍ ସାର୍ତିଗି ଗାଞ୍ଜା ଏମ୍ତାନାଇଙ୍ଗ୍, ଇନ୍କୁ ଆକଥାଃ ଇଛାସାନାଙ୍ଗ୍ ଲେକାତେ ଚିମିନାଙ୍ଗ୍ ଏମ୍ ଦାଡ଼ିରେୟାଃ ପେଡ଼େଃ ମେନାଃ ଇମ୍ନାଙ୍ଗ୍ ଏମ୍କେଦାକ ଆଡ଼ଃ ଏନାଏତେ ଆଦକାହିଁ ଏମ୍କେଦାକ । ୧୪ ଯିହୁଦାରେ ତାଇକ୍ତାନ ପାର୍ମେଶ୍ଵାର୍ଥାଃ ହଡ଼କକେ ଦେଙ୍ଗାକ ନାଗେନ୍ତେ ଇନ୍କୁକେ ସୁୟୋଗ୍ ନାମଃକା ମେନ୍ତେ ଇନ୍କୁ ଆଲେକେ ବିକ୍ତିକାଦଲେ ତାଇକେନାକ । ୧୫ ଇନ୍କୁତାଃଏତେ ଆଲେ ଇମ୍ନାଙ୍ଗ୍ କାଲେ ଆସ୍ତାକାଦ୍ ତାଇକେନା । ସିଦାତେ ଇନ୍କୁ ଆପାନ୍ ଆପାନ୍କେ ପ୍ରାଭୁତାଃରେକ ଜିମାକାନ୍ ତାଇକେନା ଆଡ଼ଃ ତାୟମ୍ତେ ପାର୍ମେଶ୍ଵାର୍ଥାଃ ଇଛା ଲେକାତେ ଆପାନ୍ ଆପାନ୍କେ ଆଲେୟାଃ ନାଗେନ୍ତେକ ଜିମାୟାନା । ୧୬ ତିତସାଃ ଦେଙ୍ଗାତେ ନେ ସାୟାଦ୍ରାଃ କାମି ଏଟେଦକାନ୍ ତାଇକେନା । ନେ କାମି କାମିଇଦିୟଃକା ଆଡ଼ଃ ନେ ଦୁଲ୍ଲାଡ଼ରେୟାଃ ସେଞ୍ଜାକାମିରେ ତିତସ୍ ଆପେକେ ଦେଙ୍ଗାପେକା ମେନ୍ତେ ଆଲେ ତିତସ୍କେ ବିକ୍ତିକାଇ ତାଇକେନାଲେ । ୧୭ ମେନ୍ଦ୍ ଆପେ ସବେନ୍ ବିଷାଏରେ କିସାଣ୍ଟକାନାପେ, ବିଶ୍ଵାସ୍ରେ, ଜାଗାର୍ରେ ପକ୍ତା, ସେଣ୍ଟାନ୍ରେ, ଦେଙ୍ଗାରେ ଚିହୁଲ୍ଲାନାପେ, ଆଡ଼ଃ ଆଲେ ନାଗେନ୍ତେ ଆପେୟାଃ ଦୁଲ୍ଲାଡ଼୍ ପୁରାଃତେ ଉଦୁବ୍କାଦାପେ । ଏନ୍ତେ ନେ ସାୟାଦ୍ରେୟାଃ ସେଞ୍ଜାକାମିରେୟ ଦାନ୍ ଏମ୍କେଦ୍ତେ ଦୁଲ୍ଲାଡ଼୍ରେୟାଃ ପାରିତାଏ ଏମେପେ, ଏନା ଆଇଁୟାଃ ସାନାଙ୍ଗତାନାଃ ।

୮ ଆଇଙ୍ଗ୍ ଆପେକେ ହୁକୁମ୍ ଏମ୍ତାନ୍ ଲେକା କାଇଙ୍ଗ୍ କାଜିତାନା, ମେନ୍ଦ୍ ସେଞ୍ଜାକାମିରେ ଏଟାଃକଥାଃ ଇଛାସାନାଙ୍ଗ୍ରେୟାଃ ନାମୁନା ଏମ୍କେଦ୍ତେ ଆପେୟାଃ ଦୁଲ୍ଲାଡ଼୍ରେୟାଃ ସାର୍ତିତେୟାଃ ଆଟ୍ଟକାର୍ଡ଼ରୁମ୍ ନାଗେନ୍ତେଇଙ୍ଗ୍ ସାନାଙ୍ଗତାନା । ୧୮ ଆପେ ଆରୁଥାଃ ପ୍ରାଭୁ ଯାଶୁ ଶ୍ରୀଷ୍ଠ୍ ଆଃ ସାୟାଦ୍କେପେ ସାରିତାନା । ଆପେକେ କିସାଣ୍ଟ ବାଇପେ ନାଗେନ୍ତେ, ଇନିଃ କିସାଣ୍ଟ ତାଇକେନ୍ରେୟ, ଆପେୟାଃ ନାଗେନ୍ତେ ଆଇଃକ୍ତି ନାରାଦୁରାୟାନା ।

୧୦ ନେ ବିଷାଏରେ ଆଇଁୟାଃ ବିଚାର୍ ହବାଅଃତାନା, ସେନଃୟାନ୍ ସିମ୍ନା ଆପେ ଅକ୍ନାଃ ଏଟେଦକାଦ୍ ତାଇକେନାପେ, ଏନା ନାହାଃ ଟୁଣ୍ଟୁ ରିକା ନାଗେନ୍ତେ ଆପେକେ ଲାଗାତିଙ୍ଗ୍ୟାଃ । କାମି ରିକାରେ ଏସ୍କାର୍ କାହାଗି, ମେନ୍ଦ୍ ଏନ୍ କାମି ରିକା ନାଗେନ୍ତେ ସାନାଙ୍ଗ୍ତେୟାଃରେ ଆପେ ହବାଅଃତାନାପେ ପାହିଲା । ୧୧ ଏନାତେ କାମି ରିକାକାଦିକାତେପେ ଆଡ଼ଃ ଆପେୟାଃ ନେଡାଲେକା ଏନ୍ କାମିକେ ଚାବାଏପେ । ଉହାଟାନ୍ ତାଇକେନ୍ ଇମ୍ତା ଆପେୟାଃ ଅକନ୍ ଇଛାସାନାଙ୍ଗ୍ ତାଇକେନା, ଏନ୍ ଲେକାଗି କାମି ଚାବାଏ ଜାକେଦ୍ କାମିକାତେପେ । ୧୨ ଏମ୍ ନାଗେନ୍ତେ ଇଛାସାନାଙ୍ଗ୍ ମେନାଃରେଦ୍, ଆପେ ଅକ୍ନାଃ ଏମ୍ ନାଗେନ୍ତେ ଦାଡ଼ିୟାପେ, ଏନାକେ ପାର୍ମେଶ୍ଵାର୍ ତେଲ୍ଲାଏୟାଏ । ଆପେତାଃରେ ମେନାତେୟାଃଏତେ ଆଦକା ଏମେପେ ମେନ୍ତେ ପାର୍ମେଶ୍ଵାର୍ କାଏ ସାନାଙ୍ଗ୍ଥାଃ ।

୧୩ ଆପେୟାଃ ଚେତାନ୍ରେ ବାହାରମ୍ ଲାଦିକେଦ୍ତେ, ଏଟାଃକ ସୁକୁ ନାମେକାକ ମେନ୍ତେ ଆଇଙ୍ଗ୍ କାଇଙ୍ଗ୍ ସାନାଙ୍ଗତାନା । ୧୪ ମେନ୍ଦ୍ ନାହାଃ ଆପେୟାଃ ପୁରାଃଗି ମେନାଃ ହରାତେ, ଜାଞ୍ଜିଆକାନ୍ ହଡ଼କକେ ଆପେକେ ଦେଙ୍ଗା ଲାଗାତିଙ୍ଗ୍ୟାଃ । ନେଡା ସେଟେରା, ଆପେ ଜାଞ୍ଜିଆକାନ୍ ତାଇନଃ ଇମ୍ତା, ଇନ୍କୁତାଃରେ ପୁରାଃଗି ତାଇନଃରେ ଆପେୟାଃ ଲାଗାତିଙ୍ଗ୍ତେୟାଃ ପୁରାଏ ନାଗେନ୍ତେକ ଦେଙ୍ଗାପେୟା । ନେ ଲେକାତେ ଆପେ, ଆପେୟାଃ ଆଲାରେ ମିଦ୍ଜକାଗି ଦେଙ୍ଗା ହବାଅଃଥା । ୧୫ ଧାରାମ୍ପୁଥ୍ରେ ଅଲ୍ଲାନା, “ଜେତାଏ ପୁରାଃଗି ହୁଣ୍ଡିକେଦା, ଇନିୟାଃ କା ବାଚାଅୟାନା, ଆଡ଼ଃ ଜେତାଏ କାଟିଃଗି ହୁଣ୍ଡିକେଦା, ଇନିୟାଃ କା ଜାଞ୍ଜିୟାନା ।”

ତିତସ୍ ଆଡ଼ଃ ଆୟାଃ ଗାତିରେ କାମିତାନ୍କ

୧୬ ପାର୍ମେଶ୍ଵାର୍ଥାଃ ଧାନ୍ୟାବାଦ୍ ହବାଅଃକା, ଚିୟାଃଗି ଆରୁଥାଃ ଲେକା ତିତସ୍ଥାଃ ମନ୍ସୁରୁଦ୍ରେ ହଗି ଆପେକେ ଦେଙ୍ଗା ନାଗେନ୍ତେ ଇଛାସାନାଙ୍ଗ୍ ହବାକାନା । ୧୭ ଇନିଃ ଆଲେୟାଃ ବିକ୍ତିକେ ଏସ୍କାର୍ ଦାରମ୍କେଦାଏ ମେନ୍ତେଦ କାହାଗି, ମେନ୍ଦ୍ ଆପେକେ ଦେଙ୍ଗାପେ ନାଗେନ୍ତେ ନିମିନାଙ୍ଗ୍ ଇଛାସାନାଙ୍ଗ୍ କେଦାଏ ଯେ, ଇନିଃ ଆଇଃକ୍ତି ଆପେତାଃତେ ସେନ୍ ନାଗେନ୍ତେ ମନେକେଦାଏ । ୧୮ ଆଲେ ଆୟାଃଲଃ ଆଡ଼ଃମିଆଁଦ୍ ହାଗାକେଲେ କୁଲିତାନା । ଇନିଃ ସୁକୁକାଜି ଉଦୁବ୍ରେ ସବେନ୍ କାଲିସିୟାରେ ପୁରାଃଗି ମାଇନ୍ ନାମାକାଦାଏ । ୧୯ ଏନା ଏସ୍କାର୍ କାହାଗି, ଇନିଃ ହଗି ଆରୁଥାଃ ସୁନ୍ସାର୍ ହରାତେ ହବାକାନ୍ ନେ ପ୍ରାଭୁଥାଃ ମାନାରାଙ୍ଗ୍ ଆଡ଼ଃ ଆଲେୟାଃ ଜହାର୍ ଉଦୁବ୍ ନାଗେନ୍ତେ ଅକନ୍ ସାୟାଦ୍ରେୟାଃ କାମି ଆଲେ ନାମାକାଦାଲେ, ଏନାରେ ଆଲେଲଃ ହରାସେନ୍ ନାଗେନ୍ତେ କାଲିସିୟା ଇନିଃକେ ସାଲାକାଇଜା ।

୨୦ ଲେବେଃ ମନ୍ତେ ଏମାକାନ୍ ନେ ସୁନ୍ସାର୍ରେୟାଃ ବାର୍ଦାନ୍କେ ଆଲେ ପୁରାଃ ଚିର୍ଗାଲ୍ତେ ବାଉରାଅ ତାନାଲେ, ଜେଲେକାଟି ଜେତାଏ ଆଲେକେ କାକ ଚିଟା ଦାଡ଼ିୟା । ୨୧ ଚିୟାଃଗି ଆଲେ ପ୍ରାଭୁଥାଃ ସାମ୍ନାଙ୍ଗ୍ରେ ଏସ୍କାର୍ କାହାଗି ମେନ୍ଦ୍ ହଡ଼କଥାଃ ସାମ୍ନାଙ୍ଗ୍ରେହ ବୁଗିନାଃଲେ ଉଡ଼୍ଟୁତାନା ।

୨୨ ଏନାତେ ଆଲେ ଇନ୍କୁଲଃ ଆଲେୟାଃ ହାଗାକେଲେ କୁଲିତାନା । ଆଲେ ଇନିଃକେ ପୁରାଃଗି ବିଡ଼ାଅକେଦ୍ତେ ଇନିଃକେ ପାତିୟାର୍ରେ ଲେକାଲେ ନାମ୍କିୟା । ଆପେୟାଃ ଚେତାନ୍ରେ ଆୟାଃ ପୁରାଃ ଆସ୍ତା ତାଇନ୍ ହରାତେ, ଇନିଃ ଆପେକେ ଦେଙ୍ଗାପେ ନାଗେନ୍ତେ ପୁରାଃଗି ମନେକାଦା । ୨୩ ତିତସ୍ଥାଃ ପାରିତାଏ ନେଆଁତାନାଃ, ଇନିଃ ଆଇଁୟାଃ ଗାତିରେ

* ଗ:୧ ଗ:୧ ରୋମି ୧୫:୨୭.

କାମିତାନ୍ନିଃ ତାନିଃ ଆତଃ ଆପେକେ ଦେଈରେ ଆଇଁୟାଃଲଃ ମେସାକାନ୍ନିଃ ତାନିଃ । ଆତଃ ଆଇଁୟାଃଲଃ ସେନ୍ତାନ୍ ଏଠାଃ ବିଶ୍ୱାସୀ ହାଗାକ ହବାଅଃତାନାକ : କାଲିସିୟା ହରାତେ କୁଲ୍ଲକାନ୍ନିଃ ଆତଃ ଶ୍ରୀଷ୍ଟିଆଃ ମାନାରାଜ୍ ଆଉଢ଼େ ଲେକାନ୍ନିଃ ତାନିଃ ।^{୨୪} ଏନାମେନ୍ତେ, ଇନ୍ଦ୍ରକୁକେ ଆପେୟାଃ ଦୁଲ୍ଲାତ୍ ଉଦୁବ୍ବକପେ । ଏନାରେ ସବେନ୍ କାଲିସିୟାକ ନେ ବିଷାଏରେ ଠାଉକା ହବାଅଃଆ ଆତଃ ଆପେ ନାଗେନ୍ତେ ଆଲେ ଆପାନ୍ନକେ ମାରାଜ୍ ମେନ୍ତେ କାଜିନ୍ତାନ୍ତେୟାଃ ସାର୍ତ୍ତି ମେନ୍ତେକ ଆଟ୍ଟକାର୍ ଦାଡ଼ିୟା ।



ଏଠାଃ କାଲିସିୟାରେନ୍ ବିଶ୍ୱାସୀକ ନାଗେନ୍ତେ ଦେଈ

^୧ ଯିହୁଦାରେ ତାଇନ୍ତାନ୍ ପାର୍ମେଶ୍ୱାର୍ ଆଃ ହତ୍ତକତାଃତେ ଦେଈ କୁଲେ ନାଗେନ୍ତେ ଆପେକେ ଜେତ୍ନାଃ ଅଲ୍ଲ ନାଜ୍ କା ଲାଗାତିଜ୍ୟାଃ ।^୨ ଆଇଜ୍ ଆପେୟାଃ ଚିହ୍ନୁଲ୍ଲାନ କାମିକ ସାରିତାନାଇଜ୍, ଆପେ ସବେନ୍ ଇମ୍ତା ଦେଈ ନାଗେନ୍ତେ ସେକାଡ଼ାକାନା ଆତଃ ମାକିଦନିଆରେନ୍ ହତ୍ତକଆଃ ସାମ୍ନାଜ୍ରେ ଆପେୟାଃ ବିଷାଏରେ ଆଇଜ୍ ଆପାନ୍ନକେ ମାରାଜ୍ ମେନ୍ତେକାଜ୍ କାଜିକାଦା । ଆଇଜ୍ କାଜିକାଦ୍ ତାଇକେନାଇଜ୍, “ଆଖାୟାରେନ୍ ହାଗାକ ଦେଈ ନାଗେନ୍ତେ ସେକାଡ଼ାକାନ୍ ମେନାକଆ ।” ଆପେୟାଃ ଚିହ୍ନୁଲ୍ଲାନ କାମିକ ଇନ୍ଦ୍ରକୁକଏତେ ପୁରାଃ ହତ୍ତକକେ ଚେତ୍ତଗାର୍ କାଦ୍ନିଆ ।^୩ ନାହାଃ ଆଇଜ୍ ନେ ହାଗା ମିଶିକକେ ଆପେତାଃତେଇଜ୍ କୁଲ୍ଲକତାନା । ଜେ'ଲେକାଟି ଆପେୟାଃ ବିଷାଏରେ ଆଲେ ଆପାନ୍ନକେ ମାରାଜ୍ୟେନ୍ କାଜିନ୍ତାନ୍ତେୟାଃ ଆଲକା ସାମାଏଶ୍ୱାଗଃକା । ଆଇଁୟାଃ କାଜି ଲେକାତେ ଆପେ ଦେଈ ଏମ୍ ନାଗେନ୍ତେ ସେକାଡ଼ାକାନ୍ ତାଇନ୍ତେ ।^୪ ମାକିଦନିଆରେନ୍ ହତ୍ତକ ଆଇଁୟାଃଲଃ ସେନକେଦ୍ତେ ଆପେକେ କା ସେକାଡ଼ାକାନ୍ ନେଲ୍ପେରେଦ୍, ଆପେୟାଃ ଚେତାନ୍ତେ ଆଲେୟାଃ ପକ୍ତା ଆସ୍ତା ତାଇନ୍ ହରାତେ ଆଲେ ଗିହୁଗଃଆଲେ, ସାର୍ତ୍ତି କାଜିଲେରେ, ଏନା ଆପେ ନାଗେନ୍ତେୟାଃ ଗିହୁଗଃରାଃ କାଜି ହବାଅଃଆ ।^୫ ଆପେ ଦାନ୍ ଏମ୍ ନାଗେନ୍ତେ ସିଦାରେ ବାନାର୍ସା ଏମାକାଦ୍ ତାଇକେନାପେ, ଏନାକେ ହାରମ୍ ନାଗେନ୍ତେ ଆଇଜ୍ ନେ ହାଗା ମିଶିକକେ ସିଦାରେ ଆପେତାଃତେ ସେନ୍ ନାଜ୍, ଆରୁତେୟାଃ ବୁଗିନାଃ ହବାଅଃଆ ମେନ୍ତେକାଜ୍ ଆଟ୍ଟକାର୍କେଦା । ଜେ'ଲେକାଟି ଆଇଜ୍ ଆପେତାଃତେ ସେଚେର୍ ଇମ୍ତାଲଃ ଏନ୍ ଦାନ୍ ଉଖ୍ଟାଅକେଦ୍ତେ ଦହାକାନ୍ନିଃ ତାଇନା । ନେଆଁ ହରାତେ ଆପେକେ ଏମ୍ ଲାଗାତିଜ୍ୟାଃ ଲେକା କା ଏମ୍କେଦ୍ତେ ଆପ୍ନାଃ ସାନାଜ୍ ଲେକା ଏମ୍ତାନାପେ ମେନ୍ତେ ଉଦୁବଃଆ ।

^୬ ପାହାମେପେ, କାଟିଃ ଲେକା ହିତା ହେରେତାନ୍ନିଃ, କାଟିଃ ଲେକାଗି ଇରେୟା, ଆତଃ ପୁରାଃ ହିତା ହେରେତାନ୍ନିଃ ପୁରାଃଗି ଇରେୟା ।^୭ ଏନାତେ, ଅକଏ ଚିଲ୍ଲକା ମନ୍ରେ ଉଡ଼ୁକାଦାଏ, ଇନିଃ ଏନ୍ ଲେକାଟି ଏମେକାଏ ଆତଃ ଇନିଃ ଏମେତାନ୍ତେୟାଃ ହୁଡ଼ିଜ୍ଜାଉତେ ଚାଏ ମାମ୍ପରାଜ୍ତେ ଆଲକାଏ ଏମେକା । ଚିୟାଃତି ପାର୍ମେଶ୍ୱାର୍ଦ୍ ରାସ୍ତାକାତେ ଏମଃନିଃକେ ଦୁଲ୍ଲାତାଃଏ ।^୮ ସବେନ୍ ବିଷାଏ ସବେନ୍ ଇମ୍ତା ପୁରାଃତେ ନାମ୍କେଦ୍ତେ, ଆପେ ଜେ'ଲେକା ସବେନ୍ ବୁଗିନ୍ କାମି ନାଗେନ୍ତେ ପୁରାଃ ଆଦକାଗି ଏମ୍ ଦାଡ଼ିୟାପେ, ଏନାମେନ୍ତେ ପାର୍ମେଶ୍ୱାର୍ ଆପେକେ ସବେନ୍ ଲେକାନ୍ ସାୟାଦ୍ ପୁରାଃଗି ଏମ୍ ଦାଡ଼ିନିଃ ତାନିଃ ।^୯ ଧାରାମ୍ ପୁଥ୍ରେ ଅଲ୍ଲକାନ୍ ଲେକା, “ଇନିଃଦ୍ ରେକ୍ଷେଃକକେ ହାଟିଜ୍ଜାକ ତାନା, ଇନିୟାଃ ଧାର୍ମାନ୍ତେୟାଃ ଜାନାଅ ଜାନାଅଗି ମେନାଃ ।”

^{୧୦} ହିତାହେର୍ ହତ୍ତକକେ ପାର୍ମେଶ୍ୱାର୍ ହେର୍ ନାଗେନ୍ତେ ହିତା ଆତଃ ଜମ୍ ନାଗେନ୍ତେ ହଲ୍ଲଜ୍ ଏମାଃଏ, ଇନିଃ ଆପେୟାଃ ଲାଗାତିଜ୍ ଲେକା ହିତାଏ ଯୋଗାଅପେୟା ଆତଃ ଏନାକେ ହାରାଇଚିୟା, ଆତଃ ଆପେୟାଃ ବୁଗିନ୍ ବିଷାଏରେୟାଃ ଜ ପୁରାଃଗି ପସା ଇଦିୟାଃଆ ।^{୧୧} ଆପେ ଜେ'ଲେକା ଲେବେଃମନ୍ତେ ଦାନ୍ ଏମ୍ ଦାଡ଼ିୟାପେ, ଏନାମେନ୍ତେ ପାର୍ମେଶ୍ୱାର୍ ଆପେକେ ସବେନ୍ ବିଷାଏରେ କିସାଁଶ୍ପେୟା ଆତଃ ଆଲେୟାଃ ହରାତେ ଆପେ କୁଲ୍ଲକାଦ୍ ଦାନ୍ ନାଗେନ୍ତେ ପୁରାଃ ହତ୍ତକ ପାର୍ମେଶ୍ୱାର୍କେ ଧାନ୍ୟାବାଦ୍କ ଏମାଲୟା ।^{୧୨} ଆପେୟାଃ ଏମଃରେୟାଃ ସେଞ୍ଜା ହରାତେ ପାର୍ମେଶ୍ୱାର୍ ଆଃ ହତ୍ତକଆଃ ଜାଞ୍ଜିଅଃତେୟାଃ ସାଜିନଃଆ, ଏନା ଏସ୍କାର୍ କାହାଗି, ମେନ୍ଦ୍ ନେ ଏମଃ ହରାତେ ପୁରାଃ ହତ୍ତକ ପାର୍ମେଶ୍ୱାର୍କେ ଧାନ୍ୟାବାଦ୍କ ଏମାଲୟା ।^{୧୩} ନେ ସେଞ୍ଜାକାମି ହରାତେ ଶ୍ରୀଷ୍ଟିଆଃ ସୁକୁକାଜି ନାଜ୍ ଆପେୟାଃ ପାତିୟାର୍ରେୟାଃ ଆତଃ ସବେନ୍କଲଃ ମେନେସାରେୟାଃ ଲେବେଃମନ୍ ହରାତେ ଇନ୍ଦ୍ରୁ ପାର୍ମେଶ୍ୱାର୍ ଆଃ ମାନାରାଜ୍ ଉଦୁବେୟା ।^{୧୪} ଆତଃ ଆପେୟାଃ ନାଗେନ୍ତେ ପାର୍ମେଶ୍ୱାର୍ ଆଃ ସାୟାଦ୍ ପୁରାଃଗି ହବାଅଃକା ମେନ୍ତେ ଇନ୍ଦ୍ରୁ ପୁରାଃ ଇକ୍ଷାସାନାଜ୍ଲଃ ପାର୍ମେଶ୍ୱାର୍ତାଃରେ ବିକ୍ତିୟାକ ।^{୧୫} ଦଲ୍ଲାରୁ, ପାର୍ମେଶ୍ୱାର୍ ଆଃ ପୁରାଃ ଗନଜ୍ଆନ୍ ଦାନ୍ ନାଗେନ୍ତେ, ଇନିଃକେ ଧାନ୍ୟାବାଦ୍କୁ ଏମାଲୟା ।



କା ଲାଗାତିଜ୍ ଉନ୍ନୁଦୁବ୍ରେ ପାଉଲ୍ଲୁସ୍ ଆଃ କାଜିରୁହାଡ଼୍

^୧ ଆଇଜ୍ ପାଉଲ୍ଲୁସ୍, ଆପେକେ ଆଇଁୟାଃ ଆପାନ୍ସାଃଏତେଇଜ୍ ବିକ୍ତିପେତାନା, ଚିମିନ୍ ହତ୍ତକ କାଜିୟାଃକ, “ଆଇଜ୍ ଆପେତାଃରେ ତାଇକେନ୍ ଇମ୍ତା ପୁରାଃଗି ଲେବେଃମନ୍ ଆତଃ ହୁଡ଼ିଜ୍ମନ୍ ଲେକାନ୍ନିଃ ତାଇକେନାଇଜ୍, ମେନ୍ଦ୍ ଆପେତାଃହେତେ ସାଜିନ୍ତେ ସେନଃୟାନ୍ରେ ପୁରାଃ କେଚେଦ୍ମନ୍ ଲେକାନ୍ନିଃ ତାନିଜ୍ ।” ଶ୍ରୀଷ୍ଟିଆଃ

ଲେବେଃମନ୍ ଆତଃ ଦାୟା ହରାତେ ୨ ଆଇଙ୍ଗ ଆପେକେ ବିକ୍ରିକେଦ୍‌ତେ କାଜିପେତାନାଇଙ୍ଗ, ଆପେଲଃ ନେପେଲ୍ ଇମ୍‌ତା ଆଇଙ୍ଗକେ ଆପେ ଆଲ୍‌ପେ ଖୁସ୍‌ଇଟିଙ୍ଗ, ଚିୟାଃଟି ଆଲେ ସାଂସାରରେୟାଃ ରିତିନିତି ଲେକା ସେସେନ୍‌ତାନାଲେ ମେନ୍ତେ ଅକନ୍ ହଡକ କାଜିତାନାକ, ଇନ୍‌କୁଆଃ ବିରୁଧ୍‌ରେ ପୁରାଃତେ କାଜିନାଙ୍ଗ ଆଇଙ୍ଗ କାଇଙ୍ଗ ବରତାନା । ୩ ଆରୁ ନେ ଅତେଦିଶୁମ୍‌ରେ ତାଇନଃ ତାନାରୁ ଏନା ସାରତିଗି ତାନାଃ, ମେନ୍‌ଦ ଆରୁ ସାଂସାରରେନ୍ ହଡକ ଲାଡ଼ାଇତାନ୍ ଲେକା, କାରୁ ଲାଡ଼ାଇନ୍‌ତାନା । ୪ ମେନ୍‌ଦ ଆରୁ ଲାଡ଼ାଇ ନାଗେନ୍ତେ ନେ ଅତେଦିଶୁମ୍‌ରେୟାଃ ହାଁତେୟାର୍ କାରୁ ବେଭାରୁଆଃ, ମେନ୍‌ଦ ପାର୍‌ମେଶ୍‌ବାରୁଆଃ ପେଡେଃୟାନ୍ ହାଁତେୟାର୍ ବେଭାରୁକେଦ୍‌ତେ ବାଇରିକଆଃ କେଟେୟାନ୍ ହରତାନ୍ ଠାୟାଦ୍‌କେ ଜିୟନ୍‌ତାନାରୁ । ଆରୁ ହସଡ ଜାଗାରୁକକେହ ଜିୟନ୍‌ତାଃରୁ । ୫ ପାର୍‌ମେଶ୍‌ବାରୁଆଃ ସେଣାନ୍ ବିରୁଧ୍‌ରେ ବିରିଦ୍‌ତାନ୍ ସବେନ୍ କାଜିକଟ୍‌କେତେୟାଃକେ ଆଲେ ଆତମ୍‌ତାଃଲେ ଆତଃ ହଡକଆଃ ସବେନ୍ ଉଡ଼ୁ ଆବରରେ ଦହକେଦ୍‌ତେ ଖ୍ରୀଷ୍ଟକେ ମାନାତିଙ୍ଗ ନାଗେନ୍ତେ ବାଇକଆ । ୬ ଆତଃ ଚିମ୍‌ତା ଆପେ ପୁରା ଖ୍ରୀଷ୍ଟଆଃ ମାନାତିଙ୍ଗତାନ୍‌କ ଲେକାପେ ହବାଅଃ ତାୟମ୍‌ତେ, ଆପେ ଆଲାରେ ଜେତାଏ କା ମାନାତିଙ୍ଗତାନ୍‌ନିଃ ଲେକାଏ ନେଲଃରେ, ଆଲେ ଇନିଃକେ ସାଜାଇ ଏମ୍ ନାଗେନ୍ତେ ସେକାଡ଼ାକାନାଲେ ।

୭ ଆପେୟାଃ ଉପୁନ୍‌ସାଃରେ ଚିନାଃ ହବାଅଃତାନା, ଏନା ନେଲେପେ । ଆପେକଏତେ ଜେତାଏ, ଆପାନ୍‌କେ ଖ୍ରୀଷ୍ଟଆଃ ତାନିଙ୍ଗ ମେନ୍ତେ ବିଶ୍ୱାସ୍‌ତାନ୍‌ନିଃ ମେନାଇୟାତି ? ମେନାଇରେଦ, ଇନିଃ ଆତଃମିସାଏ ଉଡ଼ୁଇତା, ଚିୟାଃଟି ଇନିୟାଃ ଲେକା ଆରୁହ ଖ୍ରୀଷ୍ଟକେ ବିଶ୍ୱାସ୍‌ତାନ୍ ହଡକ ତାନ୍‌ରୁ । ୮ ଆପେକେ ଜିୟନ୍‌ପେ ନାଗେନ୍ତେଦ କାହା, ମେନ୍‌ଦ ବାଇଇଦିପେ ନାଗେନ୍ତେ ପ୍ରାଭୁ ଆଲେକେ ଅକ ଆକ୍‌ତେୟାର୍ ଏମାକାଦ୍‌ଲେୟାଏ, ଏନା ନାଗେନ୍ତେ ଆଇଙ୍ଗ ପୁରାଃଗି ଆପାନ୍‌କେ ମାରାଙ୍ଗ ମେନ୍ତେଇଙ୍ଗ କାଜିନ୍‌ରେଦ, ଏନାରେ ଆଇଙ୍ଗ କାଇଙ୍ଗ ଗିହୁଗଃଆ । ୯ ଆଇଁୟାଃ ଚିଠି ହରାତେ ଆପେକେ ବତଙ୍ଗପେ ନାଗେନ୍ତେ ଆଇଙ୍ଗ ସାନାଙ୍ଗତାନା । ୧୦ ଚିମିନ୍ ହଡକ କାଜିୟାଃ, “ପାଉଲୁସ୍‌ଆଃ ଚିଠିକ ପୁରାଃ ହାସ୍‌ଆନ୍‌ଗିଆ ଆତଃ କେଟେୟାନ୍‌ଗିୟା, ମେନ୍‌ଦ ଇନିଃ ଆରୁଲଃ ତାଇକେନ୍ ଇମ୍‌ତା ହଡ଼ମ୍‌ରେ କା ପେଡେୟାନ୍ ଆତଃ ଆୟାଃ କାଜିକ ସାମାଗି ଲେକା ଆର୍‌କାରଃ ତାଇକେନା ।” ୧୧ ଏନ୍ ହଡକକେ ଆର୍‌କାର୍ ଉରୁମ୍ ଲାଗାତିଙ୍ଗୟାଃ ଯେ, ଆଲେ ଅକନାଃ ସାଙ୍ଗିନ୍‌ହେତେ ଚିଠିରେ ଅଲେତାନାଲେ, ଏନା ସାମ୍‌ନାଙ୍ଗରେ ତାଇକେଦ୍‌ତେ କାମି ରିକାତାନ୍ ଲେକାନାଃ ତାନାଃ ।

୧୨ ଚିମିନ୍ ହଡକ ଆପାନ୍‌କେ ମାରାଙ୍ଗ ମେନ୍ତେ କାଜିନ୍‌ତାନ୍‌କଲଃ ମେସାନ୍ ଚାଏ ଇନ୍‌କୁଲଃ ଆଲେ ଆପାନ୍‌କେ ଜକାଃଆ ନାଗେନ୍ତେ ବରତାନାଲେ । ଇନ୍‌କୁ ଚିମିନ୍ ଡ଼ଣ୍ଡକ ତାନ୍‌କ, ଚିୟାଃଟି ଇନ୍‌କୁ ଆକ ଆକଗି ନାପାଅଃଆକ, ଆତଃ ଆକଆଃ ଆପ୍‌ନାଃ ଲେକାତେଗି ବିଚାରଃଆକ । ୧୩ ମେନ୍‌ଦ ଆରୁ ଆପାନ୍‌କେ ମାରାଙ୍ଗ ମେନ୍ତେ କାଜିନ୍‌ତେୟାଃ ସିମ୍‌ନାହେତେ ବାହାରିରେ ବାନଃଆ, ପାର୍‌ମେଶ୍‌ବାରୁ ଆରୁ ନାଗେନ୍ତେ ଅକନ୍ କାମି ବାଇୟାକାଦାଏ, ଏନା ସିମ୍‌ନା ଭିତାରରେଗି ତାଇନା ଆତଃ ଆପେ ଆଲାରେ ମେସାଅଃଆ । ୧୪ ଏନା ନାଗେନ୍ତେ ସିଦାତେ ଆଲେ ଖ୍ରୀଷ୍ଟଆଃ ସୁକୁକାଜି ଆପେତାଃତେ ଇଦି ସେଟେର୍ ଇମ୍‌ତାରେ ସିମ୍‌ନା ଭିତାରରେ ତାଇକେଦ୍‌ତେ କାଲେ କାମି । ୧୫ ପାର୍‌ମେଶ୍‌ବାରୁ ଆରୁଆଃ ନାଗେନ୍ତେ ବାଇୟାକାଦ୍ କାମିରେୟାଃ ସିମ୍‌ନା ବାହାରିରେ ଏଟାଃକ କାମିରେୟାଃ ସୁଯୋଗ୍ ଇଦିକେଦ୍‌ତେ କାମିକାଦାକ, ଏନାରେ ଆରୁ ଆପାନ୍‌କେ ମାରାଙ୍ଗ ମେନ୍ତେ କାରୁ କାଜିନା । ମେନ୍‌ଦ ଆଲେ ଆସ୍ତାକାଦାଲେ ଯେ, ଆପେ ବିଶ୍ୱାସ୍‌ରେ ହାରା ଇଦିୟାଃତାନ୍‌ଲଃ ଆପେ ଆଲାରେ ଆଲେୟାଃ କାମି ଆତଃଗି ପାସ୍‌ରାଅ ଇଦିଅଃଆ । ମେନ୍‌ଦ ନେଆଁ ପାର୍‌ମେଶ୍‌ବାରୁ ଠାହାରାଅକାଦ୍ ସିମ୍‌ନା ଭିତାରରେ ହବାଅଃଆ । ୧୬ ଏନ୍‌ରେଦ, ଏଟାଃନିୟାଃ କାମିରେ ହବାକାନ୍ କାମି ନାଗେନ୍ତେ ଆପାନ୍‌କେ ମାରାଙ୍ଗ ମେନ୍ତେ କା କାଜିକେଦ୍‌ତେ ଆପେୟାଃ ସିମ୍‌ନା ବାହାରିରେୟାଃ ଏଟାଃ ଦିଶୁମ୍‌ରେୟାଗି ଆରୁ ସୁକୁକାଜି ଉଦୁବ୍ ଦାଡ଼ିୟାରୁ ।

୧୭ ମେନ୍‌ଦ ଧାରାମ୍‌ପୁଅରେ ଅଲ୍‌କାନା, “ଜେତାଏ ଆପାନ୍‌କେ ମାରାଙ୍ଗ ମେନ୍ତେ କାଜିନ୍ ସାନାଙ୍ଗନିଃ, ପ୍ରାଭୁ ରିକାକାଦ୍ କାମି ବିଷାଏରେ ଆପାନ୍‌କେ ମାରାଙ୍ଗ ମେନ୍ତେ କାଜିନ୍ ଲାଗାତିଙ୍ଗୟାଃ ।” ୧୮ ଚିୟାଃଟି ଆପ୍‌ନାଃ ସାହାରାଅ ରିକା ହରାତେ, ଇନିଃ ମାଇନ୍ ନାମେନିଃ କାଏ ହବାଅଃଆ, ମେନ୍‌ଦ ଜେତାଏ ପ୍ରାଭୁଆଃ ନେପେଲ୍‌ରେ ବୁଗିନାଃ ହବାଅଃଆ, ଇନିଃ ଏସ୍‌କାର୍ ମାଇନ୍ ନାମେନିଃ ହବାଅଃଆଏ ।

୧୧

ପାଉଲୁସ୍ ଆତଃ ହସଡ ପ୍ରେରିଡ୍

୧ ଆଇଁୟାଃ ସାନାଙ୍ଗ ଯେ, ଜେତା ବିଷାଏରେ କାଟିଃଲେକା ଡ଼ଣ୍ଡ ହବାଅଃରେୟ ଆପେ ଆଇଙ୍ଗକେ ସାହାଡ଼ିଙ୍ଗପେ । ୨ ଆଇଙ୍ଗଦ୍ ପାର୍‌ମେଶ୍‌ବାରୁଆଃ ଚିହ୍ନଲ୍‌ଲାନ୍ ହରାତେ ଆପେ ନାଙ୍ଗ ଚିହ୍ନଲ୍‌ଲାନି ମେନାଇୟାଁ, ଚିୟାଃଟି ଫାର୍‌ଚିୟାକାନ୍ ଡ଼ିଣ୍ଡା କୁଡ଼ି ଲେକା ଖ୍ରୀଷ୍ଟଆଃ ସାମ୍‌ନାଙ୍ଗରେ ଡ଼ିଙ୍ଗଦାଡ଼ିପେ ମେନ୍ତେ ଆଇଙ୍ଗ ମିଆଁଦ୍‌ଗି କଡ଼ାନାଙ୍ଗ ଆପେୟାଃ କାଜିଇଙ୍ଗ ବାଇୟାକାଦା । ୩ ମେନ୍‌ଦ ବିଙ୍ଗ ଆୟାଃ ଚାଡୁର୍ ହସଡ ହରାତେ ହାଞ୍ଜକେ ବେଦାକିଃ ଲେକା, ଆପେୟାଗି ଖ୍ରୀଷ୍ଟକେ ପୁରା ବାଗିୟାପେ ଆତଃ ଫାର୍‌ଚିନ୍ ପାତିୟାରରେନ୍‌ତାଃଏତେ ବିଗ୍‌ଡ଼ାଅଃଆପେ, ମେନ୍ତେ ଆଇଁୟାଃ ବର ମେନାଃ । ୪ ଚିୟାଃଟି ଜେତାଏ ହିନ୍ତୁଃକେଦ୍‌ତେ ଆଲେ ଉଦୁବାକାଇ ଯାଶୁକେ ବାଗିକେଦ୍‌ତେ ଏଟାଃ ଜେତା ଯାଶୁଆଃ କାଜିକ ଉଦୁବେୟା ଚାଏ ଆପେ ନାମାକାଦ୍ ଆମ୍‌କେ ବାଗିକେଦ୍‌ତେ ଏଟାଃ ଜେତା ଆମ୍‌ରାଃ କାଜିକ କାଜିୟା ଚାଏ ଆପେ ତେଲା ଦାରମ୍‌କାଦ୍

ସୁକୁକାଜି ବାଗିକେଦ୍ଦତେ ଏଟାଃ ଜେତା ସୁକୁକାଜିକ ଉଦୁବେୟା ଆତଃ ଆପେ ଏନାକେ ସୁକୁତେପେ ତେଲା ତାନରେଦ, ସାମାରେ ଏନାକେପେ ତେଲା ଦାରମ୍‌କାଦା ।

୫ ଆପେୟାଃ ଏନ୍ ମାପରାଞ୍ ଫ୍ରେଡ଼ିକ୍‌ତାଃଏତେ ଆଇଞ୍ ଜେତାଲେକାତେ ହୁଡ଼ିଞ୍ ମେନ୍ତେ କାଇଞ୍ ଆଟ୍‌କାରେନ୍‌ତାନା । ୬ ହବାସାକାଅଆଃ, ଜାଗାରରେ ଆଇଞ୍ ତଣ୍ଡାରିୟାଞ୍, ମେନ୍‌ଦ ସେଣ୍‌ନରେ ତଣ୍ଡ ନାହାଁଲିଞ୍ । ଆପେକେ ନେ କାଜିକ ଆଲେ ସବେନ୍ ଇମ୍‌ତା ଆତଃ ସବେନ୍ ଲେକାତେ କାଜି ଆଉପେତାନାଲେ ।

୭ ପାରମେଶ୍ଵାରଆଃ ସୁକୁକାଜି ଉଦୁବ୍ ଇମ୍‌ତା ଆଇଞ୍ ଆପେତାଃଏତେ ନେଆଁରାଃ ଗନଞ୍ କାଇଞ୍ ଆସି । ଆଇଞ୍ ଆପେକେ ବିଶେଷ୍ ହଡ଼ ବାଇପେ ନାଗେନ୍ତେ ଆପାନକେଇଞ୍ ହୁଡ଼ିଞ୍‌ୟେନ୍‌ୟାନା । ନେଆଁ ଚିନାଃ ଆଇଁୟାଃ ଗୁଣ୍ଠାଁ ତାନାଃ ? ୮ ଆପେୟାଃ ଆଲାରେ କାମିତାନ୍ ଇମ୍‌ତା ଆଇଞ୍ ଏଟାଃ କାଲିୟାକତାଃଏତେ ଏମଃରେ ଦେଙ୍ଗାଞ୍ ନାମାକାଦା । କାଜିଲେରେ, ଆପେୟାଃ ଦେଙ୍ଗା ନାଗେନ୍ତେ ଆଇଞ୍ ଇନ୍‌କୁକେଇଞ୍ ରେଏଃକାଦକଆ । ୯ ଆପେଲଃ ତାଇକେନ୍ ଇମ୍‌ତା ଆଇଁୟାଃ ଜାଞ୍ଜିଅଃତେୟାଃ ପୁରାଅଃ ନାଗେନ୍ତେ ଆଇଞ୍ ଜେତାଏକେ ଉଡ଼ୁରେ କାଇଞ୍ ଉୟୁଃକାଦକଆ । ଚିୟାଃଚି ମାକିଦନିଆଏତେ ହିଜୁଃକାନ୍ ହାଗା ମିଶିକ ଆଇଁୟାଃ ସବେନ୍ ଜାଞ୍ଜିକାନ୍‌ତେୟାଃ ଏମାଦିୟାକ । ସିଦା ଦିପିଲି ଲେକା ହିଜୁଃ ଦିପିଲିରେୟ ଆଇଞ୍ ଚିଉଲ୍ୟାଅ ଆପେକେ ବାହାରମ୍ କାଇଞ୍ ଲାଦିପେୟା । ୧୦ ଆଇଞ୍‌ରେ ତାଇକାନ୍ ଶ୍ରୀଷ୍ଟିଆଃ ସାନାର୍‌ତି ହରାତେ, ଆଇଞ୍ ବାନାର୍‌ସା ଏମ୍‌କେଦ୍‌ତେ କାଜିତାନାଞ୍ ଯେ, ଆଇଞ୍ ଆପାନକେ ମାରାଞ୍ ମେନ୍ତେ କାଜିନ୍‌ତେୟାଃକେ, ଆଖାୟା ଦିଶ୍ଵମରେୟାଃ ଜେତାନ୍ ପାର୍‌ଗାନ୍‌ରେ ହାପାକେଦ୍‌ତେ ତାଇନ୍ କା ଦାଡ଼ିୟାଆ । ୧୧ ଆଇଞ୍ ଚିନାଃ ମେନ୍ତେ ନେ'ଲେକା କାଜିତାନାଞ୍ ? ଆଇଞ୍ ଚିନାଃ ଆପେକେ କାଇଞ୍ ଦୁଲାଡ଼ପେ ତାନା ? ଆଇଞ୍ ଆପେକେ ଚିମିନ୍ ଦୁଲାଡ଼ପେ ତାନତେୟାଃ, ପାରମେଶ୍ଵାର୍ ସାରିତାନାଏ ।

୧୨ ମେନ୍‌ଦ ନାହାଁଃ ଆଇଞ୍ ଅକ୍‌ନାଃ କାମିତାନ୍‌ତେୟାଃ, କାମି ଇଦିକାତେୟାଃଇ । ଏନାରେଦ, ଆଲେ ଲେକା କାମିତାନାକ ମେନ୍ତେ ଅକ୍‌ନ୍ ଏଟାଃ ବିଶେଷ୍ “ଫ୍ରେଡ଼ିକ୍” ଆପାନକେ ମାରାଞ୍ ମେନ୍ତେକ କାଜିନ୍‌ତାନା, ଇନ୍‌କୁ ଆତଃ ଏନା କାକ ରିକାଦାଡ଼ିୟା । ୧୩ ଏନ୍‌ଲେକାନ୍ ହଡ଼କଦ ହସଡ଼ ଫ୍ରେଡ଼ିକ୍ ତାନ୍‌କ ଆତଃ ବେଦା କାମିତାନ୍ ହଡ଼କତାନ୍‌କ, ଆକଆଃ କାମି ବିଷାଏରେ ବେଦା କାଜି କାଜିୟାଃକ ଆତଃ ଶ୍ରୀଷ୍ଟିଆଃ ଫ୍ରେଡ଼ିକ୍ ଲେକା ନେଲଃ ନାଗେନ୍ତେ ଶ୍ରୀଷ୍ଟିଆଃ ଫ୍ରେଡ଼ିକ୍ ଲେକାକ ବାଇୟେନା । ୧୪ ନେଆଁରେ ଆକ୍‌ଦାନ୍‌ଆ ହବାଅଃରେୟାଃ ଜେତାନ୍ କାଜି ବାନଃଆ, ଚିୟାଃଚି ସାଏତାନ୍‌ହ୍ ଆଇଃକ୍‌ଗି ମାସ୍ତାଲ୍‌ରେନ୍ ଦୁଡ଼ ଲେକା ନେଲଃ ନାଗେନ୍ତେ ମାସ୍ତାଲ୍‌ରେନ୍ ଦୁଡ଼ ଲେକାଏ ବାଇୟେନା । ୧୫ ଏନାତେ ଏନ୍ ଭେସ୍ ବାଦ୍‌ଲ୍ୟା ତାନ୍‌ନିୟାଃ ଦାସିକ, ଧାରମାନ୍ ଦାସିକ ଲେକା ବାଇୟେନ୍‌ରେଦ, ଏନାରେ ଆକ୍‌ଦାନ୍‌ଆ ହବାଅଃରେୟାଃ ଜେତାନ୍ କାଜି ବାନଃଆ, ମେନ୍‌ଦ ଇନ୍‌କୁଆଃ ଚୁଣ୍ଡିଆକଆଃ କାମି ଲେକାଗି ହବାଅଃଆ ।

ଫ୍ରେଡ଼ିକ୍ ଲେକା ପାଉଲ୍‌ସ୍‌ଆଃ ଦୁକୁହାସୁ

୧୬ ଆଇଞ୍ ଆତଃଚିଞ୍ କାଜିତାନା, ଜେତାଏ ଆଇଞ୍‌କେ ତଣ୍ଡ ମେନ୍ତେ ଆଲକାଏ ଆଟ୍‌କାରିଞ୍‌କା, ମେନ୍‌ଦ ଆପେ ଏନ୍‌ଲେକା ଆଟ୍‌କାରିଞ୍ ରେୟ, ଆଇଞ୍‌କେ ତଣ୍ଡ ଲେକା ଦାରମିଞ୍‌ପେ, ଜେ'ଲେକା ଆଇଞ୍ ଆପାନକେ ମାରାଞ୍ ମେନ୍ତେ କାଜି ନାଞ୍ କାଟିଃଲେକା ନେତାଇଞ୍ ନାମେୟା । ୧୭ ସାର୍‌ତିଗି, ନାହାଁଃ ଆଇଞ୍ କାଜିତାନ୍‌ତେୟାଃ, ଏନା ପ୍ରାଭୁଆଃ କାଜି ଲେକାତେ କାଇଞ୍ କାଜିତାନା । ଚିୟାଃଚି ଆଇଞ୍ ଆପାନକେ ମାରାଞ୍ ମେନ୍ତେ କାଜିନ୍ ବିଷାଏରେ ତଣ୍ଡ ଲେକାଞ୍ କାଜିତାନା । ୧୮ ମେନ୍‌ଦ ସାଂସାର୍ ବିଷାଏରେ ପୁରାଃ ହଡ଼କ ଆପାନକେ ମାରାଞ୍ ମେନ୍ତେକ କାଜିନା, ଆଇଞ୍‌ହ୍ ଏନ୍ ଲେକାଗିଞ୍ ରିକା ଦାଡ଼ିୟା । ୧୯ ଆପେଦ ସେଣ୍‌ନ୍ ହବାକାନ୍‌ରେୟ ରାସ୍‌କାତେ ତଣ୍ଡକକେପେ ସାହାଡ଼ିଞ୍‌କ ତାନା । ୨୦ ଜେତା ହଡ଼ ଆପେକେ ଦାସିଲେକାଏ ଦହପେରେ, ଆପେୟାଃ ଖୁଜ୍ କଏ ନକ୍‌ସାନେରେ, ଜେତାଏ ଆପେକେ ଫାନ୍‌ରେ ଉୟୁଃପେରେ, ହିଲାଞ୍‌ପେରେ, ଆତଃ ଆପେୟାଃ ଜଆରେ ଚାଟ୍‌କାନ୍‌ପେରେୟ ଆପେ ଏନାକେ ସାହାଡ଼ିଞ୍‌ୟେପେ । ୨୧ ଆଇଞ୍ ଗିହୁଗଃତାନ୍‌ଲଃ କାଜିତାନାଞ୍ ଯେ, ନେ ସବେନ୍ ବିଷାଏରେ ଆଲେଦ ନାରାଦୁରାଗିୟାଲେ । ମେନ୍‌ଦ ଏଟାଃ ଜାହାନ୍ ବିଷାଏରେ ଜେତାଏ ଆପାନକେ ମାରାଞ୍ ମେନ୍ତେ କାଜି ନାଞ୍ ଜୀଉରେ କେଟେଦ୍‌ଜେ ତାନରେଦ, ଆଇଞ୍ ତଣ୍ଡ ଲେକାଞ୍ କାଜିତାନା, ଆଇଁୟାଃ ହଗି ଏନ୍ ଲେକା ଜୀଉରେ କେଟେଦ୍ ମେନାଃ । ୨୨ ଇନ୍‌କୁ ଚିୟାଃ ଏବ୍ରୀ ତାନ୍‌କ ? ଆଇଞ୍‌ହଗି ଏବ୍ରୀ ହଡ଼ ତାନିଞ୍ । ଇନ୍‌କୁ ଚିନାଃ ଇସ୍ରାଏଲ୍‌ରେନ୍ ତାନ୍‌କ ? ଆଇଞ୍‌ହଗି ଇସ୍ରାଏଲ୍‌ରେନ୍ ତାନିଞ୍ । ଇନ୍‌କୁ ଚିୟାଃ ଆବ୍ରାହାମ୍‌ଆଃ କିଲିରେନ୍‌କ ତାନ୍‌କ ? ଆଇଞ୍‌ହଗି ଆବ୍ରାହାମ୍‌ଆଃ କିଲିରେନ୍ ତାନିଞ୍ । ୨୩ ଇନ୍‌କୁ ଚିୟାଃ ଶ୍ରୀଷ୍ଟିଆଃ ଦାସିକ ତାନ୍‌କ ? ଆଇଞ୍ ବାଏହା ହଡ଼ ଲେକାଞ୍ କାଜି ତାନା, ଆଇଞ୍ ଇନ୍‌କୁତାଃଏତେ ପୁରାଃ ବୁଗିନ୍ ଦାସି ତାନିଞ୍ । ଆଇଞ୍ ଇନ୍‌କୁତାଃଏତେ ଆଦ୍‌କା ପୁରାଃ କେଟେଦ୍‌କାମିଞ୍ କାମିକାଦା, ପୁରାଃତେଇଞ୍ ଜେହେଲାକାନା, ଆତଃ ପୁରାଃଚି ଚାବୁକ୍‌ତେଇଞ୍ ହାଁଶ୍‌ସାକାନା ଆତଃ ଚିମିନ୍‌ସା ଲେକା ଗଜଃ ଲେକାଞ୍ ହବାକାନା । ୨୪ ପାଞ୍ଜ୍ ଧାଅଁ ଯିହୁଦୀକତାଃଏତେ ମିଦ୍‌ହିସି ଗେଲ୍‌ଅରେୟା* ଚାବୁକ୍‌ତେଇଞ୍ ହାଁଶ୍‌ସାୟାନା । ୨୫ ଆପିସା ରୋମ୍‌ରେନ୍‌କତାଃଏତେ ଚାବୁକ୍‌ତେଇଞ୍ ହାଁଶ୍‌ସାୟାନା । ମିସା ଦିରିଲଃ ଚିଦ୍‌ଗିୟାନାଞ୍ ଆତଃ ମିଦ୍ ନିଦାସିଞ୍ ଦାଆଃରେଇଞ୍ ତାଇନ୍‌ୟାନା । ୨୬ ଆଇଁୟାଃ ହରାସେନ୍‌ରେ ଆଇଞ୍ ପୁରାଃସା ଦାଆଃ ଚୁଡାକଏତେ,

☆ ୧୧:୯ ୧୧:୯ ଫିଲିପିୟ ୪:୧୫-୧୮. ☆ ୧୧:୨୩ ୧୧:୨୩ ଫ୍ରେଡ଼ିକ୍ ୧୭:୨୩. * ୧୧:୨୪ ୧୧:୨୪ ଅନାଇସ୍ ☆ ୧୧:୨୫ ୧୧:୨୫ ଫ୍ରେଡ଼ିକ୍ ୧୭:୨୨; ଫ୍ରେଡ଼ିକ୍ ୧୪:୧୯. ☆ ୧୧:୨୬ ୧୧:୨୬ ଫ୍ରେଡ଼ିକ୍ ୯:୨୩; ଫ୍ରେଡ଼ିକ୍ ୧୪:୫.

ରେରେକକତାଃଏତେ, ଯିହୁଦୀକତାଃଏତେ, ସାର୍ଥସାର୍ ହତକତାଃଏତେ, ଜୀଉତାଇକ୍ଵ ଗଜଃ ଲେକା ହବାୟାନା ଆତଃ ସାହାରକରେ, ବିରରେ, ଦରେୟାରେ, ହସତ ଗାତିକତାଃଏତେ ଜୀଉତାଇକ୍ଵ ଗଜଃ ଲେକା ହବାୟାନା । ୨୭ ପୁରାଣି କେଟେଦକାମିକ୍ଵ କାମିକାଦା ଆତଃ ଦୁକ୍ତହାସୁକ୍ତକ୍ଵ ସାହାତିକ୍ଵକାଦା, ବେଗାର ଦୁଡ଼ମୁତେ, ରେକ୍ଵେଃ କାଟାବକେଦତେ ପୁରାଃ ମାହାଁ ତାଇକେନାଇକ୍ଵ, ଲାଗାତିକ୍ଵ ଜମେୟାଃ, ଲିଜାଃ ଆତଃ ତାଇନଃ ନାଇକ୍ଵ ଠାୟାଦ୍ କା ତାଇକେନ୍ ହାରାତେ ପୁରାଃ ଦୁକ୍ତକ୍ଵ ସାହାତିକ୍ଵକାଦା । ୨୮ ନେ ସବେନାଃ ହବାକେଦତେୟ, ସବେନ୍ କାଲିସିୟା ନାଗେନ୍ତେ ଆଇୟାଃ ଉଡ଼ଃ ସବେନ୍ ହୁଲାଇକ୍ଵ ଆଇକ୍ଵକେ ଉଡ଼ଃଏତେ ଅତାକାଦିୟା । ୨୯ ଜେତାଏ ନାରାଦୁରା ହବାଅଃତାନରେ, ଆଇକ୍ଵହ୍ଵ ଇନିଃଲଃ ନାରାଦୁରା ଆଟ୍‌କାରେୟାକ୍ଵ । ଜେତାଏ ପାପକାମି ରିକାଏରେ, ଆଇକ୍ଵ ମନ୍‌ରେ ପୁରାଃଗିକ୍ଵ ନାରାଜଃଆ ।

୩୦ ଆଇକ୍ଵ ଆପାନ୍‌କେ ମାରାକ୍ଵ ମେନ୍ତେ କାଜିନ୍ ହବାଅଃରେ, ଆଇୟାଃ ନେ ସବେନ୍ ନାରାଦୁରା ନାଗେନ୍ତେ ଆଇକ୍ଵ ଆପାନ୍‌କେ ମାରାକ୍ଵ ମେନ୍ତେ କାଜିନ୍ ହବାଅଃଆ । ୩୧ ଆଇକ୍ଵ କାଇକ୍ଵ ବେଦାତାନା, ଏନା ପାରମେଶ୍ଵାର ଆତଃ ଆବୁଆଃ ପ୍ରାଭୁ ଯାଶୁଆଃ ଆପୁ ସାରିତାନାଏ । ଇନିୟାଃ ଜାନାଅ ଜାନାଅଗି ସାହାରାଅ ହବାଅଃକା । ୩୨ ଆଇକ୍ଵ ଦମାସକସରେ ତାଇନତାନ୍ ଇମତା ରାଜା ଆରିସ୍ରାକ୍‌ଆଃ ହାକିମ୍ ଆଇକ୍ଵକେ ତଲ୍‌ଇଦି ନାଗେନ୍ତେ ନାଗାରରେୟାଃ ଚାରିୟାଃରେ ହର ହତକକେ ଦହକାଦକ ତାଇକେନା । ୩୩ ମେନ୍‌ଦ ଆଇକ୍ଵକେ ମାରାକ୍ଵ ଚୁକ୍ଵିରେ ଦହକେଦତେ ନାଗାରରେୟାଃ ପାଟ୍‌ରିରାଃ ଖଡ଼କି ହରା ବାହାରିତେ ତୁଙ୍ଗା ଆଡ଼ଗୁକେଦିୟା, ନେ ଲେକାତେ ଆଇକ୍ଵ ଇନିଃତାଃଏତେକ୍ଵ ନିର୍‌ୟାନା ।

୧୨

ପାଉଲୁସଆଃ ଦାର୍‌ଶାନ୍ ଉନ୍ନୁଦୁବକାଜି

୧ ଜେତାନ୍ ରୁଗିନାଃ କା ହବାଅଃରେୟ, ଆଇକ୍ଵ ଆପାନ୍‌କେ ମାରାକ୍ଵ ମେନ୍ତେ କାଜିନ୍ ଲାଗାତିକ୍ଵୟାଃ । ମେନ୍‌ଦ ପ୍ରାଭୁ ଆଇକ୍ଵକେ ଏମାକାଦିକ୍ଵ ସବେନ୍ ଦାର୍‌ଶାନ୍ ଆତଃ ଉନ୍ନୁଦୁବକାଜିକ ନାହାଃଇକ୍ଵ ଉଦୁବେୟା । ୨ ଆଇକ୍ଵ ଖ୍ରୀଷ୍ଟରେ ଆସ୍ରାଏତାନ୍ ମିଆଁଦ୍ ହତକେକ୍ଵ ସାରିୟାଃ, ଇନିଃଦ ଗେଲ୍‌ଉପୁନ୍ ବାରାଷ୍ଠ ସିଦାରେ ଆପିୟା ସିମା ଦିଶୁମ୍‌ତେ ସେନ୍‌କାନ୍ ତାଇକେନା । ଇନିଃ ଆୟାଃ ଗନଏଃ ହତ୍‌ମତେଗି ସେନ୍‌କେନା ଚି କୁମ୍‌ରେ ନେଲ୍‌କେଦା, ଏନା କାଇକ୍ଵ ସାରିୟା ? ଏନାଦ ପାରମେଶ୍ଵାର ଏସକାର୍ ସାରିୟାଏ । ୩ ଆତଃଗିକ୍ଵ କାଜିତାନା, ଇନିଃକେ ସିମାରେୟାଃ ବାଗାନ୍‌ତେ ଇଦିକାନ୍ ତାଇକେନା । ଇନିଃ ଆୟାଃ ସାଂସାର୍ ହତ୍‌ମତେଗି ସେନ୍‌କେନା ଚି କୁମ୍‌ରେ ନେଲ୍‌କେଦା, ଏନା କାଇକ୍ଵ ସାରିୟା ? ଏନାଦ ପାରମେଶ୍ଵାର ଏସକାର୍ ସାରିୟାଏ । ୪ ଏନ୍ ପାରାଦେସ୍‌ରେ ଇନିଃ ଜାଗାରରେ କା କାଜି ଦାଡ଼ିୟାତାନ୍ ଆତଃ ପୁରାତାଏକେଦତେ କାଜି କା ଦାଡ଼ିୟାତାନ୍ ଜାଗାର୍ ଆୟୁମ୍ ଦାଡ଼ିକେଦାକ୍ଵ । ୫ ନେ ହତ୍ ନାଗେନ୍ତେ ଆଇକ୍ଵ ଆପାନ୍‌କେ ମାରାକ୍ଵ ମେନ୍ତେକ୍ଵ କାଜିନ୍ ତାନା । ମେନ୍‌ଦ ଆଇୟାଃ ନାରାଦୁରାକେ ଉଦୁବେତେୟାଃକେ ବାଗିକେଦତେ ଏଟାଃ ଜେତାନ୍ ବିଷାଏରେ ଆଇକ୍ଵ ଆପାନ୍‌କେ ମାରାକ୍ଵ ମେନ୍ତେ କାଇକ୍ଵ କାଜିନା । ୬ ଆପାନ୍‌କେ ମାରାକ୍ଵ ମେନ୍ତେ କାଜିନ୍ ନାଇକ୍ଵ ଆଇୟାଃ ନାଗେନ୍ତେ ତଣ୍ଡୁ କା ହବାଅଃଆ, ଚିୟାଃତି ଆଇକ୍ଵଦ ସାର୍‌ତି କାଜି କାଜିତାନାଇକ୍ଵ । ମେନ୍‌ଦ ଆଇକ୍ଵ ଆପାନ୍‌କେ ମାରାକ୍ଵ ମେନ୍ତେ କାଜିନ୍ କାଇକ୍ଵ ସାନାକ୍ଵ ତାନା, ହତ୍‌କ ଆଇକ୍ଵକେ ଜେ'ଲେକା କାମି ନାଗେନ୍ତେ ନେଲିୟାକ୍ ଆତଃ ଆଇୟାଃତାଃଏତେ ଜେ'ଲେକା କାଜି ଆୟୁମେୟାକ, ଏନାଏତେ ଆଇକ୍ଵକେ ମାରାକ୍ଵ ମେନ୍ତେ ଆଲ୍‌ପେ ଆଟ୍‌କାରିୟା ।

୭ ମେନ୍‌ଦ ଆଇକ୍ଵ ପାରମେଶ୍ଵାରତାଃଏତେ ଉଦୁବାକାନ୍ ନେ ଲେକାନ୍ ଆକ୍‌ଦାନ୍‌ଆ କାମିକକ୍ଵ ନାମାକାଦରେୟ, ଆଇକ୍ଵ ଆପାନ୍‌କେ ମାରାକ୍ଵ ମେନ୍ତେ ଆଲ୍‌କାଇକ୍ଵ କାଜିନ୍‌କା ମେନ୍ତେ ଆଇୟାଃ ହତ୍‌ମରେ ହାସୁକ୍ଵ ନାଇକ୍ଵ ମିଆଁଦ୍ ଜାନୁମ୍ ଲେକା ଏମାକାନା, ନେଆଁ ଆଇକ୍ଵରେ ସାଏତାନ୍‌ରାଃ କାଜିକୁଲ୍‌ନିଃ ଲେକାଏ କାମିୟା, ଜେ'ଲେକାଚି ଆଇକ୍ଵ ପୁରାଃଗି ଆପାନ୍‌କେ ମାରାକ୍ଵ ମେନ୍ତେ କାଜି କାଇକ୍ଵ ଦାଡ଼ିୟା । ୮ ନେଆଁକେ ସାଜିନେ ନାଗେନ୍ତେ ଆଇକ୍ଵ ଆପିସା ପ୍ରାଭୁତାଃରେକ୍ଵ ବିକ୍ତିକେଦା, ୯ ମେନ୍‌ଦ ଇନିଃ ଆଇକ୍ଵକେ କାଜିକିୟା, “ଆଇୟାଃ ସାୟାଦ୍ ଆପେ ନାଗେନ୍ତେ ପୁରାଃଗିୟା, ଆପେ ନାରାଦୁରାଃଅ ଇମତା ଆଇୟାଃ ପେଡ଼େଃ ପୁରାଃଗିଆ ।” ଏନାତେ ଖ୍ରୀଷ୍ଟଆଃ ପେଡ଼େଃ ଆଇକ୍ଵତାଃରେ ତାଇନଃ ନାଇକ୍ଵ ଆଇକ୍ଵ ଆଇୟାଃ ନାରାଦୁରା ନାଗେନ୍ତେ ପୁରାଃଗି ଆପାନ୍‌କେ ମାରାକ୍ଵ ମେନ୍ତେ କାଜିନାଇକ୍ଵ ଆତଃ ରାସକାଅଃଆଇକ୍ଵ । ୧୦ ଖ୍ରୀଷ୍ଟ ନାଗେନ୍ତେ ଆଇକ୍ଵ ସବେନ୍ ଲେକାନ୍ ନାରାଦୁରା, ହିନିସ୍ରା, ସାସାତି, ଆତଃ ସିଗିଦ୍ ହବାଅଃରେୟ ରାସକାଅଃଆଇକ୍ଵ, ଚିୟାଃତି ଆଇକ୍ଵ ନାରାଦୁରାଃଅ ଇମତା ପେଡ଼େଜଃଆଇକ୍ଵ ।

କବିତ୍ଵିୟରେନ୍ ହତକଆଃ ନାଗେନ୍ତେ ପାଉଲୁସଆଃ ଉଡ଼ଃ

୧୧ ଆଇକ୍ଵ ତଣ୍ଡୁ ଲେକାଇକ୍ଵ କାମିତାନା । ନେଆଁ କାମି ନାଗେନ୍ତେ ଆପେ ଆଇକ୍ଵକେ ଜାବାର୍‌ଜାସ୍ତି କାଦିୟାପେ, ଚିୟାଃତି ଆଇୟାଃ ସାହାରାଅ ରିକା ନାଗେନ୍ତେ ଆପେୟାଃ ଲାଗାତିକ୍ଵ ତାଇକେନା । ଆଇକ୍ଵ ଜେତାନିଃ ନାହାଁଲାଇକ୍ଵରେୟ ଆପେୟାଃ ଏନ୍ ମାପୁରାକ୍ଵ ପ୍ରେରିତକତାଃଏତେ ଜେତାରେୟ ହୁଡ଼ିକ୍ଵ ନାହାଁଲାଇକ୍ଵ । ୧୨ ପୁରାଃ ଆକ୍‌ଦାନ୍‌ଆ ଆତଃ ଆକ୍‌ଚାକାଅ କାମିକ ପୁରାଃ ଧୁରାଜ୍ ସାବକେଦତେ ଆପେ ଆଲ୍‌ରେକ୍ଵ ରିକାକାଦା, ଏନା ସାବୁଦ୍ ଏମେତାନାଏ ଯେ, ଆଇକ୍ଵ ପ୍ରେରିତ୍ ତାନିକ୍ଵ । ୧୩ ମିଆଁଦ୍ ବିଷାଏରେ ଏସକାର୍ ଆଇକ୍ଵ ଏଟାଃ ଏଟାଃ କାଲିସିୟାତାଃଏତେ

☆ ୧୧:୩୨ ୧୧:୩୨ ପ୍ରେରିତ୍ ୯:୨୩-୨୫.

ଆପେଲିଆ ଏଟାଃ ଲେକାଲକ୍ଷ୍ ଶେଭାରକାଦା । ଆଲକ୍ଷ୍ ଆପେୟାଃ ଚେତାନରେ ବାହାରମ୍ ଲେକା କାଲକ୍ଷ୍ ହବାକାନା । ଏନ୍ ଏଡକାନଆଃ ନାଗେନ୍ତେ ଆଲକ୍ଷ୍ କେ ଛାମାଲକ୍ଷ୍ ଯେ ।

୧୪ ଆଲକ୍ଷ୍ ଆପିସାତେ ଆପେତାଃତେ ସେନ୍ ନାଗେନ୍ତେ ସେକାଡେନ୍ ତାନାଲକ୍ଷ୍ । ଆଲକ୍ଷ୍ ଆପେତାଃତେ ଜେତ୍ନାଃ କାଲକ୍ଷ୍ ହାଟି । ଆଲକ୍ଷ୍ ଆପେକେଲକ୍ଷ୍ ସାନାଲକ୍ଷ୍ ତାନା, ଆପେୟାଃ ଟାକା ପାଏସା କାହାଟି । ଚିୟାଃଟି ଏକ୍ଷାଆପୁକଆଃ ନାଗେନ୍ତେ ହନ୍କକେ ଜଗାଅ ନାଲ୍ କା ଲାଗାଡିକ୍ଷ୍ୟାଃ, ମେନ୍ଦ୍ ହନ୍କଆଃ ନାଗେନ୍ତେ ଏକ୍ଷାଆପୁକ ଜଗାଏୟା ।

୧୫ ଆଲକ୍ଷ୍ ଆପେୟାଃ ଜୀଉରେ ଆପେକେ ଦେକ୍ଷାପେ ନାଗେନ୍ତେ ଆଲକ୍ଷ୍ୟାଃ ସବେନାଃ ଏମ୍ କେଦାଲକ୍ଷ୍, ନେ'ଲେକାଟି ଆଲକ୍ଷ୍ ଆପାନକେ ରାସକାତେ ଏମ୍ ନାଗେନ୍ତେଲକ୍ଷ୍ ସେକାଡାକାନା । ଆଲକ୍ଷ୍ ଆପେକେ ନିମିନ୍ ପୁରାଃଗିଲକ୍ଷ୍ ଦୁଲ୍ଲାଡ୍ପେ ତାନା ମେନ୍ତେ ଚିନାଃ ଆପେ ଆଲକ୍ଷ୍ କେ ନିମିନ୍ କାଟିଃଟି ଦୁଲ୍ଲାଡ୍ପିୟାପେ ?

୧୬ ଆଲକ୍ଷ୍ ଆପେୟାଃ ଚେତାନରେ ବାହାରମ୍ ଲାଦିୟାକାନ୍ ଲେକା କାଲକ୍ଷ୍ ହବାକାନା । ନେ କାଜି ସାର୍ଡିତାନାଃ ମେନ୍ତେ ମିଦମନ୍ ହବାଅଥାପେ । ମେନ୍ଦ୍ ଆପେକଏତେ ଜେତାଏ କାଜିୟାଏ, ଆଲକ୍ଷ୍ ଚାଲକ୍ଷ୍ କେ ଆପେକେ ହସଡ୍ କାଜିତାନଲ୍ ଫାଦିରେଲକ୍ଷ୍ ଉୟାଃକାଦପେୟା । ୧୭ ଆପେତାଃତେ ଅକନ୍କକେ କୁଲ୍ଲାକାଦକଆଲକ୍ଷ୍, ଲନ୍ କୁକଏତେ ଜେତାଏୟାଃ ହରାତେ ଆଲକ୍ଷ୍ ଚିନାଃ ଆପେତାଃତେ ଜେତାନ୍ ସୁୟୋଗ୍ ଇଦିକାଦାଲକ୍ଷ୍ । ୧୮ ଆଲକ୍ଷ୍ ତିତସକେ ଆପେତାଃତେ ସେନ୍ ନାଗେନ୍ତେଲକ୍ଷ୍ ବିକ୍ତିକିୟା ଆତଃ ଇନିଃଲ୍ଲଃ ଏଟାଃ ହାଗାକେଲକ୍ଷ୍ କୁଲ୍ଲକିୟା । ତିତସ୍ ଆପେତାଃତେ ସୁୟୋଗ୍ ଇଦିକାଦାଏ ମେନ୍ତେ ଚିୟାଃ ଜେତାଏ କାଜି ଦାଡ୍ପିୟାପେ ? ଇନିଃ ଆତଃ ଆଲକ୍ଷ୍ ଚିନାଃ ମିଦମନ୍ତେ କାଲିକ୍ଷ୍ ସେସେନ୍କାଦା ? ଆଲିକ୍ଷ୍ୟାଃ ଚାଲକ୍ଷ୍ ଚାଲକ୍ଷ୍ ଚିନାଃ ମିଦଲେକାଟି ବାନଃଆ ?

୧୯ ହବାସାକାଅଥାଃ, ଆପେ ନାହାଃ ଜାକେଦ୍ପେ ଉଡ୍ଡୁତାନା ଯେ, ଆଲେ ଆପେୟାଃ ଆୟାରରେ କାଜିକଲେ ବାଲତାନା । ପାର୍ମେଶ୍ୱାର୍ ଆୟାରରେ ଖ୍ରୀଷ୍ଟ ଆଲେକେ କାଜିକାଦ୍ ଲେକା ଆଲେ ଆପେକେ କାଜିପେତାନାଲେ । ହେ ଦୁଲ୍ଲାଡ୍ ଗାଡିକ, ସବେନ୍ ବିଷାଏ ଆପେକେ ଦେକ୍ଷାପେ ନାଗେନ୍ତେଲେ କାମିତାନା । ୨୦ ଚିୟାଃଟି ଆଲକ୍ଷ୍ୟାଃ ବର ହବାଅଥାତାନା, ଆଲକ୍ଷ୍ ଆପେତାଃତେ ସେନ୍ କେଦ୍ପେ ଆପେକେ ନେଲ୍ ନାଗେନ୍ତେ ସାନାଲକ୍ଷ୍ ତାନ ଲେକା ନେଲ୍ କାଲକ୍ଷ୍ ଦାଡ୍ପିୟା ଆତଃ ଆପେ ଆଲକ୍ଷ୍ୟାଃ ଅକନ୍ ରୁପ୍ ନେଲ୍ ନାଗେନ୍ତେ କାପେ ସାନାଲକ୍ଷ୍ ତାନା, ହବାସାକାଅଥାଃ, ଏନା ନେଲ୍ ନାଗେନ୍ତେପେ ନାମେୟା । ଏନ୍ତାଃତେ ସେନ୍ କେଦ୍ପେ ଆଲକ୍ଷ୍ ଚିମିନ୍ ରାକାମ୍ରେୟାଃ ଏପେଗେର୍, ହିସକ୍ଷା, ଖ୍ୱସ୍, ଆପ୍ନାଃ ନାଗେନ୍ତେ ଏସକାର୍ ଉଡ୍ଡୁ, ହିନିସ୍ତା, ରୁପୁରାକାଜି, ଆପାନକେ ମାରାକ୍ ମେନ୍ତେ କାଜିନ୍, ହାଲ୍ଲାଗୁଲ୍ଲା ନେ ସବେନାଃ ନେଲ୍ ନାଗେନ୍ତେଲକ୍ଷ୍ ନାମେୟା । ୨୧ ଆଲକ୍ଷ୍ ଆପେତାଃତେ ଆତଃମିସା ସେନ୍ ସେଟେର୍ ଇମ୍ତା ଅକଏସାରି ପାର୍ମେଶ୍ୱାର୍ ଆଲକ୍ଷ୍ କେ ଆପେୟାଃ ଆୟାରରେ ହୁଡ୍ପିକ୍ଷ୍ୟା, ଅକନ୍ କସିଦାକରେ ପାପ୍ କାମିକାଦାକ, ଆକଆଃ ସଡ୍ପରା କାଜିକାମି, ଆପାଜିର୍ କାମି, ଆତଃ ହଡ୍ପରେୟାଃ ଏଡକାନ୍ ସାନାଲ୍ ନେ ସବେନାଃ ନାଗେନ୍ତେ ଲନ୍ କୁ କାକ ହେୟାଡିକ୍ଷ୍ ତାନା, ନେ ଲେକାନ୍ ହଡକ ନାଗେନ୍ତେ ଆଲକ୍ଷ୍ କେ ଏୟମ୍ ରିକା ଲାଗାଡିକ୍ଷ୍ୟାଃ ।

୧୩

୧ ନେଆଁଲଃ ଆଲକ୍ଷ୍ ଆପେତାଃତେ ଆପିସା ସେନ୍ତାନାଲକ୍ଷ୍ । ଧାରାମପୁଥ୍ ଲେକାତେ, ବାରହଡ୍ ଚାଏ ଆପିହଡ୍ ଆଃ ଗାଞ୍ଜାତେ ସବେନ୍ କାଜି ମାନାଡିକ୍ଷ୍ ହବାଅଥା । ୨ ସିଦାକରେ ପାପ୍ କାଦ୍ ହଡକକେ ଆତଃ ଏଟାଃ ସବେନ୍ କକେ, ଆଲକ୍ଷ୍ ଏନ୍ତାଃତେ ସେନ୍ୟାନ୍ଲଃ ବାର୍ସାତେ କାଜିକାଦକ ତାଲକେନାଲକ୍ଷ୍, ଆତଃ ନାହାଃ ସାଜିନ୍ରେ ତାଲକେଦ୍ପେୟା କାଜିକତାନାଲକ୍ଷ୍, ଆଲକ୍ଷ୍ ନେସକାନ୍ ସେନ୍ରେ, ଜେତାଏ ସାଜାଲଏତେ ବାଞ୍ଚାଅ କାକ ନାମେୟା । ୩ ଖ୍ରୀଷ୍ଟ ଆଲକ୍ଷ୍ୟାଃ ହରାତେ କାଜିତାନା, ଏନ୍ ବିଷାଏରେ ଆପେ ସାନାଲକ୍ଷ୍ ତାନ ସବେନାଃରେୟାଃ ସାରୁଦ୍ପେ ନାମେୟା । ଆପେୟାଃ ନାଗେନ୍ତେ ଇନିଃ ଚିଉଲାଅ କାଏ ନାରାଦୁରାକାନା । ମେନ୍ଦ୍ ଆପେତାଃତେ ଇନିଃ ଆୟାଃ ପେଡେଃରେୟାଃ ପାରିତାଏ ଏମାକାଦାଏ । ୪ ଇନିଃ ନାରାଦୁରାକେଦ୍ପେ କୁଶ୍ରେ ଗଏଃୟାନ୍ରେୟା ପାର୍ମେଶ୍ୱାର୍ ଆଃ ପେଡେଃତେ ଜାନିଦ୍ ମେନାଲୟା । ଆୟାଃଲଃ ମେସାକେଦ୍ପେ ଆଲେ ହଗି ନାରାଦୁରାକାନାଲେ, ମେନ୍ଦ୍ ଆଲେୟାଃ ନାତା ଆପେଲଃ ପାର୍ମେଶ୍ୱାର୍ ଆଃ ପେଡେଃରେୟାଃ ହିସା ହବାକେଦ୍ପେ ଖ୍ରୀଷ୍ଟଲଃ ଆବୁ ଜାନିଦ୍ ହବାଅଥାବୁ ।

୫ ଆପେ ବିଶ୍ୱାସରେ ମେନାପେୟା ଚି କାହା, ଏନ୍ ବିଷାଏରେ ଆପେ ଆପାନକେ ବିଡାଅତାନଲଃ ବିଚାରେନ୍ପେ, ଚାଏ ଯାଶୁ ଖ୍ରୀଷ୍ଟ ଆପେରେ ତାଲକ୍ଷ୍ ତାନାଏ, ଏନା କାପେ ଚି ଆଟ୍ କାରୁଉରୁମ୍ ତାନା ? ନେଆଁ କା ହବାଅଥାନ୍ରେ, ଆପେ ବିନିଡାଅରେ ପୁରାଗି ହାରାଅକାନାପେ । ୬ ମେନ୍ଦ୍ ଆଲକ୍ଷ୍ୟାଃ ଭାରସା ମେନାଃ, ଆଲେ ବିନିଡାଅରେ ଜିତାଅକାନାଲେ, ଏନା ଆପେ ଆଟ୍ କାରୁ ଦାଡ୍ପିୟାପେ । ୭ ମେନ୍ଦ୍ ଆପେ ଜେତାନ୍ ଏଡକାନ୍ କାମିରେ ଆଲପେ ତାଲକ୍ଷ୍ ମେନ୍ତେ ପାର୍ମେଶ୍ୱାର୍ ତାଃତେ ଆଲେ ଆପେ ନାଗେନ୍ତେଲେ ବିକ୍ତିତାନା । ଆଲେ ବିନିଡାଅରେ ଜିତାଅକାନାଲେ ଏନା ଉଦୁବେ ନାଗେନ୍ତେ ମେନ୍ତେଦ କାହା, ମେନ୍ଦ୍ ଆଲେ ବିନିଡାଅରେ ହାରାଅକାନ୍ ଲେକାଲେ ନେଲଃ ରେୟା, ଆପେ ଜେ'ଲେକା ବୁଗିନ୍ କାମିପେ କାମିୟା, ଏନାମେନ୍ତେଲେ ବିକ୍ତିତାନା । ୮ ସାନାର୍ଡିରେୟାଃ ବିରୁଧ୍ରେ କାମି ନାଗେନ୍ତେ ଆଲେୟାଃ ଆକ୍ତେୟାର୍ ବାନଃଆ, ଆଲେ ସାନାର୍ଡିରେୟାଃ ବିଷାଏରେ ଏସକାର୍ କାମି ଦାଡ୍ପିୟାଲେ । ୯ ଆଲେ ନାରାଦୁରା ତାଲକେନ୍ ଇମ୍ତା ଆପେ କେଟେୟାନ୍ଗିପେ ତାଲକେନା, ଏନାମେନ୍ତେ ଆଲେ ରାସକାଅଥା ତାନାଲେ ଆତଃ ଆପେ ପକ୍ତାଃତାପେ ମେନ୍ତେଲେ ବିକ୍ତିତାନା । ୧୦ ଏନାମେନ୍ତେ ସାଜିନ୍ରେ ତାଲକେଦ୍ପେ ଆଲକ୍ଷ୍ ଆପେତାଃତେ ଚିଟାନ୍

ଅଲେତାନାଇଙ୍ଗ, ଚିୟାଃଚି ଆପେତାଃରେ ସେଟେରୟାନ୍ ଇମ୍ତା ପ୍ରାଭୁ ଆଇଙ୍ଗକେ ଏମାକାଦିଙ୍ଗ ଆକ୍ତେୟାର୍‌କେ କେଟେଦ୍ ମନ୍ତେ ରିକା ଆଲକା ଲାଗାତିଙ୍ଗକା । ଚିୟାଃଚି ଆପେକେ ହୁଡିଙ୍ଗ ଜୀଉ ରିକା ନାଗେନ୍ତେଦ୍ କାହା, ମେନ୍ଦ୍ ବାଇ ନାଗେନ୍ତେ ପ୍ରାଭୁ ଆଇଙ୍ଗକେ ଆକ୍ତେୟାର୍ ଏମାକାଦିୟାଏ ।

^{୧୧} ଚୁଣ୍ଡୁରେ ହେ ହାଗା ମିଶିକ, ରାସ୍‌କାଅଃପେ, ପକ୍ତାଃଅପେ, ମିହୁଡ୍ ଆତଃମିହୁଡ୍‌କେ ଜୀଉରେ ରାସ୍‌କା ଏପେମ୍‌ପେ, ମିଦ୍ ମନ୍‌ଅଃପେ, ସୁକୁରେ ତାଇନଃପେ । ଦୁଲାଡ୍ ଆତଃ ଜୀଉସୁକୁଡେ ପେରେଜାକାନ୍ ପାର୍‌ମେଶ୍‌ବାର୍ ଆପେଲଃ ତାଇନକାଏ ।

^{୧୨} ଖୀଷ୍ ଦୁଲାଡ୍‌ଡେ ମିହୁଡ୍ ଆତଃମିହୁଡ୍‌ଲଃ ଜହାରଃପେ । ପାର୍‌ମେଶ୍‌ବାର୍‌ଆଃ ସବେନ୍ ହଡକ ଆପେକେ ଜହାର୍ ମେନ୍ତେକ କାଜିକୁଲ୍‌ତାନା ।

^{୧୩} ପ୍ରାଭୁ ଯୀଶୁ ଖୀଷ୍‌ଆଃ ସାୟାଦ୍, ପାର୍‌ମେଶ୍‌ବାର୍‌ଆଃ ଦୁଲାଡ୍, ଆତଃ ପାବିତାର୍ ଆମ୍‌ରେୟାଃ ସାଙ୍ଗାତି ଆପେ ସବେନକଲଃ ହବାଅଃକା ।

ଗାଳାତୀୟମାନଙ୍କ ନିକଟକୁ ପାଉଲଙ୍କ ପତ୍ର ଗାଳାତିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଚିଟାଉ ପାରିଚାଏ

ଗାଳାତିୟ ଚିଟାଉ ପ୍ରେରିତ୍ ପାଉଲୁସ୍‌ଆଃ ହରାତେ ଅଲ୍ଲାକାନା ୧:୧ । ନେ ଚିଟାଉ ଯାଶୁ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍ ୪୮-୫୭ କରେ ଗାଳାତିୟରେନ୍ ବିଶ୍ୱାସୀକତାଃତେ ଅଲ୍ଲାକାନ୍ ତାଇକେନା । ହବାସାକାଅଆଃ ଗାଳାତିୟରେନ୍ ହତକ ରୋମି ପାର୍ଗାନ୍‌ରେୟାଃ ଗାଳାତିୟରେ ତାଇନଃତାନ୍ ତାଇକେନାକ । ପାଉଲୁସ୍ ନେ ଚିଟାଉକେ ଅଲ୍ଲକେଦ୍ ଇମ୍ତା କତାଃରେ ତାଇକେନା, ଏନା ବାଇବାଲ୍ ପାଣ୍ଡିତ୍ କାକ ସାରି ଦାଡ଼ିକାନା । ମେନ୍ଦ୍ ଚିମିନ୍ ପାଣ୍ଡିତ୍ ଏଫିସିୟ ଚାଏ କରିଛିରେ ଅଲ୍ଲାକାନା ମେନ୍ତେ କାଜିୟାଃକ ।

ପ୍ରେରିତ୍ ପାଉଲୁସ୍ ଗାଳାତିୟ କାଲିସିୟାରେ ତାଇନ୍‌ତାନ୍ ଯିହୁଦୀ ଆତଃ ସାଅଁସାର୍ ହାଗା ମିଶିକତାଃତେ ନେ ଚିଟାଉ ଅଲ୍ଲାକାଦାଏ । ବିଶେଷକେଦ୍‌ତେ ଇନିଃ ହସଡ଼ ଇନିତୁ ଏମ୍‌ତାନ୍‌କକେ କାଜିକଟଙ୍ଗ୍ ନାଗେନ୍ତେ ଅଲ୍ଲାକାଦ୍ ତାଇକେନାଏ । ଏନା ଖ୍ରୀଷ୍ଟ୍ ବିଶ୍ୱାସୀ ହାଗା ମିଶିକକେ ମାରି ନିୟାମ୍‌ରେୟାଃ ଯିହୁଦୀକଆଃ ଆନ୍‌ରୁକେ ମାନାତିଙ୍ଗ୍ ନାଗେନ୍ତେ କାଜିୟାକାନା, ଅକଆଃଚି ଖାତ୍‌ନାଅରେୟାଃ ବିଷାଏ ତାଇକେନା । ଖ୍ରୀଷ୍ଟ୍ ବିଶ୍ୱାସୀ ହାଗା ମିଶିକଆଃ ଝୁଣ୍ଡକଏତେ ଚିମିନ୍ ଝୁଣ୍ଡକ ତାଇକେନା, ଇନ୍‌କୁକେ ଯୁଦାଈଜମ୍, ଯିହୁଦୀ ଧାରାମ୍‌ରେନ୍ ହତକ ମେନ୍ତେ କାଜିୟାଃ ତାଇକେନା । ଇନ୍‌କୁ ସାଅଁସାର୍ ବିଶ୍ୱାସୀକକେ ଖାତ୍‌ନାଅରେୟାଃ ରିଡିରିଝାନ୍ ମାନାତିଙ୍ଗ୍ ନାଗେନ୍ତେ ଆରୁକ ତାଇକେନା । ଇନ୍‌କୁ ପାଉଲୁସ୍‌କେ ପ୍ରେରିତ୍ ହବାକାନ୍ ଆକ୍‌ତେୟାର୍ ବିଷାଏରେ କୁଲି ତାଇକେନାକ ।

ପାଉଲୁସ୍ ଚିମିନ୍ କାଅନି କାଜିକେଦ୍‌ତେ ଆୟାଃ ପ୍ରେରିତ୍ ହବାକାନ୍‌ରେୟାଃ ବିଷାଏରେ ଇନ୍‌କୁକେ କାଜିକଟଙ୍ଗ୍ କାଦକଆ ୧:୧-୨:୧୪ । ଆତଃ ଯାଶୁ ଖ୍ରୀଷ୍ଟ୍‌ରେ ବିଶ୍ୱାସକେଦ୍ ହରାତେ ଜୀଉବାଞ୍ଚାଅ ନାମଃଆ, ନେଆଁ ଉଦୁକେଦ୍‌ତେ ସୁକୁକାଜିକେ ବାଞ୍ଚାଅ ଦାଡ଼ିକାନା ୨:୧୬ । ଅକଆଃଚି ପାର୍‌ମେଶ୍ୱାର୍‌ଆଃ ଦାୟାତେ ହବାଦାଡ଼ିୟାଆ, ମେନ୍ଦ୍ ମାନଝାସାଃତେ କା ହବାଦାଡ଼ିୟାଆ ।

ପୁଅ୍ ଉତ୍ତରରେ ତାଇକାନ୍ କାଜି

- ୧. ପାଉଲୁସ୍‌ଆଃ ଜହାର୍ । ୧:୧-୫
- ୨. ପାଉଲୁସ୍‌ଆଃ ସିଦା ଜୀଝାନ୍, ଆୟାଃ ଇନିତୁ ଏମ୍‌ରେୟାଃ ଆକ୍‌ତେୟାର୍ ଆତଃ ଆନ୍‌ରୁରେୟାଃ କାଜିକାମି । ୧:୬-୨:୨୧
- ୩. ପାର୍‌ମେଶ୍ୱାର୍‌ଆଃ ସାୟାଦ୍‌ତେ ଜୀଉବାଞ୍ଚାଅ ନାମେରେୟାଃ କାଜି । ୩-୪
- ୪. ବୁଗିନ୍ ଖ୍ରୀଷ୍ଟ୍‌ୟାନ୍ ତାଇଲ୍ ଚାଲାନ୍ ନାଗେନ୍ତେ ଆନାରୁ । ୫:୬-୧୦
- ୫. ପାଉଲୁସ୍‌ଆଃ ଚୁଣ୍ଡ ଜହାର୍ ଆତଃ ପାର୍‌ମେଶ୍ୱାର୍‌ଆଃ ହରାତେ ଜୀଝାନ୍ ବାଦ୍‌ଲାଅ । ୬:୧୧-୧୮

ପାଉଲୁସ୍‌ଆଃ ଜହାର୍

୧ ଆଇଙ୍ଗ୍ ପ୍ରେରିତ୍ ପାଉଲୁସ୍ ତାନିଙ୍ଗ୍, ମାନଝାସାଃଏତେ ଚାଏ ମାନଝା ହରାତେ କାଇଙ୍ଗ୍ ହିଜାକାନା, ମେନ୍ଦ୍ ଆପୁ ପାର୍‌ମେଶ୍ୱାର୍‌ତାଃଏତେ ଆତଃ ଇନିଃ ଗଜାକାନ୍‌କଏତେ ଜୀଉବିରିଦାକାଇ, ଏନ୍ ଯାଶୁ ଖ୍ରୀଷ୍ଟ୍‌ଆଃ ହରାତେ କେନେଡ଼ା ନାମାକାଦାଈଙ୍ଗ୍ । ୨ ଆଇଁୟାଃଲଃ ନେତାଃରେ ତାଇନ୍‌ତାନ୍ ସବେନ୍ ବିଶ୍ୱାସୀ ହାଗା ମିଶିକ ଗାଳାତିୟ କାଲିସିୟାରେନ୍ ବିଶ୍ୱାସୀକକେ ଜହାର୍ ମେନ୍ତେକ କାଜିକୁଲେତାନା ।

୩ ଆରୁଆଃ ଆପୁ ପାର୍‌ମେଶ୍ୱାର୍‌ ଆତଃ ପ୍ରାଭୁ ଯାଶୁ ଖ୍ରୀଷ୍ଟ୍ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

୪ ନାହାଁଃରେୟାଃ ନେ ଏଡକାନ୍ ପାରିୟାଏତେ ଆରୁକେ ବାଞ୍ଚାଅବୁ ନାଗେନ୍ତେ ଆରୁଆଃ ଆପୁ ପାର୍‌ମେଶ୍ୱାର୍‌ଆଃ ଇଛାସାନାଙ୍ଗ୍‌କେ ମାନାତିଙ୍ଗ୍‌ତାନ୍‌ଲଃ, ଖ୍ରୀଷ୍ଟ୍ ଆରୁଆଃ ପାପ୍ ନାଗେନ୍ତେ ଆଇଃକ୍‌କେ ଏମ୍‌କିୟା । ୫ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍ ଜାନାଅ ଜାନାଅ ଜାକେଦ୍ ହବାଅଃକା । ଆମେନ୍ ।

ମିଆଁଦ୍‌ଗି ସୁକୁକାଜି

୬ ଖ୍ରୀଷ୍ଟ୍‌ଆଃ ସାୟାଦ୍ ହରାତେ ଇନିଃ ଆପେକେ କେଡ଼ାକାଦ୍‌ପେ ତାଇକେନା, ଇମିନ୍ ଜାଲ୍‌ଦି ଆପେ ଇନିଃକେ ବାଗିକେଦ୍‌ତେ ଏଟାଃ ମିଆଁଦ୍ ସୁକୁକାଜିକେ ବିଶ୍ୱାସେତାନାପେ, ଏନାମେନ୍ତେ ଆଇଙ୍ଗ୍ ପୁରାଃଗିଇଙ୍ଗ୍ ହାଏକାଟଃତାନା । ୭ ସାର୍‌ତି କାଜିଲେରେ, ଏଟାଃ ସୁକୁକାଜି ବାନଃଆ । ମେନ୍ଦ୍ ଆଇଙ୍ଗ୍ କାଜିତାନାଈଙ୍ଗ୍, ଚିଆଃଚି ଚିମିନ୍ ହତକ ଖ୍ରୀଷ୍ଟ୍‌ଆଃ ସୁକୁକାଜିକେ ଏଟାଃ ଲେକାତେ ଉଦୁକେଦ୍‌ତେ ଆପେକେ ଆକ୍‌ଦାନ୍‌ଆ ନାଗେନ୍ତେକ ସାନାଙ୍ଗ୍‌ତାନା । ୮ ମେନ୍ଦ୍ ଆଲେ ଅକ ସୁକୁକାଜି ଆପେତାଃରେ ଉଦୁବାକାଦ୍ ତାଇକେନାଲେ, ଏନାକେ ବାଗିକେଦ୍‌ତେ ଏଟାଃ ଲେକା ମିଆଁଦ୍ ସୁକୁକାଜି ଆଲେ ଚାଏ ସିମାରେନ୍ ଦୁଡ଼ ଉଦୁବେରେଦ, ଇନିଃ ସାର୍‌ପାଅଃକାଏ । ୯ ଆଲେ ସିଦାରେ କାଜିକାଦ୍ ତାଇକେନ୍ ଲେକାଗି,

ନାହାଁଃ ଆତଃମିସା କାଜିତାନାଇଜ୍, ଆପେ ଅକ ସୁକ୍ଳକାଜି ତେଲାଇକାଦାପେ, ଏନାଏତେ ଏଟାଃ ସୁକ୍ଳକାଜି ଜେତାଏ ଉଦୁବେରେଦ, ଇନିଃ ସାର୍ପାଅଃକାଏ ।

୧୦ ନେଆଁ ଆୟୁମକେଦ୍ତେ ଚିନାଃ ଆପେ ଆଟ୍ଟକାରେତାନାପେ ଯେ, ଆଇଜ୍ ହଡ଼କତାଃଏତେ ସୁକ୍ଳଚିୟଃ ନାଜ୍ ସାନାଜ୍ତାନାଇଜ୍ ? କାହାଗି । ଆଇଜ୍ ପାର୍ମେଶ୍ଵାର୍ଆଃ ଏସ୍କାର୍ ସୁକ୍ଳଚିୟଃ ନାଜ୍ ସାନାଜ୍ତାନାଇଜ୍ । ଆଇଜ୍ ଚିନାଃ ସବେନ୍ ହଡ଼କତାଃରେ ସାରିୟଃ ନାଜ୍ ସାନାଜ୍ତାନାଇଜ୍ ? ଆଇଜ୍ ନାହାଁଃ ଜାକେଦ୍ ସବେନ୍ ହଡ଼କ ସାରିଜ୍କାକ ମେନ୍ତେଇଜ୍ ସାନାଜ୍ତାନରେଦ, ଆଇଜ୍ ତିସିଜ୍ ଶ୍ରୀଷ୍ଟିଆଃ ଦାସି କାଇଜ୍ ହବାକାନ୍ତେୟାଃ ।

ପାଉଲୁସ୍ ଚିଲ୍କାତେ ପ୍ରେରିତ୍ ହବାୟାନାଏ

୧୧ ହେ ଦୁଲାଡ୍ ହାଗା ମିଶିକ, ଆଇଜ୍ ଆପେକେଇଜ୍ କାଜିପେତାନା, ଆଇଜ୍ ଅକ ସୁକ୍ଳକାଜିଇଜ୍ ଉଦୁବପେତାନା, ଏନା ମାନୱାତାଃଏତେ କା ଉଦୁବାକାନା । ୧୨ ଆଇଜ୍ ଜେତା ମାନୱାତାଃଏତେ ଏନା କାଇଜ୍ ନାମାକାଦା, ତାଏ ଜେତାଏ ଆଇଜ୍କେ କାକ ଇଡୁକାଦିୟାଁ । ମେନ୍ଦ୍ ଯୀଶୁ ଶ୍ରୀଷ୍ଟି ଆଇଃକ୍ରି ଆଇଜ୍ତାଃରେ ଉଦୁବେନ୍ୟାନା ।

୧୩ *ଯିହୁଦୀ ଧାରାମରେ ପାତିୟାରରଲେକା ତାଇକେନ୍ ଇମତା, ଆଇଜ୍ ଚିଲ୍କା ଜୀଦାନ୍ ବିତାଅ ତାଇକେନାଇଜ୍, ଚିଲ୍କା ବେଗାର୍ ଲିନିବୁଇତେ ପାର୍ମେଶ୍ଵାର୍ଆଃ କାଲିସିୟାରେନ୍ ହଡ଼କକେ ସାସାତିକ ତାଇକେନାଇଜ୍ ଆତଃ କାଲିସିୟାକେ ଜିୟନେ ନାଗେନ୍ତେଇଜ୍ ଚେଷ୍ଟା ତାଇକେନା, ଏନ୍ ସବେନ୍ ବିଷାଏରେ ଆପେକେଇଜ୍ ଉଦୁବାକାଦ୍ପେୟା । ୧୪ *ଆଇଜ୍ ଯିହୁଦୀ ଧାରାମ୍ ମାନାତିଜ୍ରେ ଆଇୟାଃ ବାୟାସ୍ରେନ୍ ଯିହୁଦୀ ହଡ଼କତାଃଏତେ ଆୟାରରେଇଜ୍ ତାଇକେନା ଆତଃ ଆରୁଆଃ ପୁରଖାହାଡ଼ାମ୍ ହଡ଼କଆଃ ରିତିରିଖାଜ୍ ମାନାତିଜ୍ ନାଗେନ୍ତେ ପୁରାଃ ଚିହ୍ନଲାନିଇଜ୍ ତାଇକେନା ।

୧୫ *ମେନ୍ଦ୍ ପାର୍ମେଶ୍ଵାର୍ ଆୟାଃ ସାୟାଦ୍ତେ ଆଇୟାଃ ଜାନାମ୍ ହବାଅଃ ସିଦାରେ ଆଇଜ୍କେ ସାଲାଇକେଦିୟାଁ ଆତଃ ଆୟାଃ ସେଞ୍ଜା ନାଗେନ୍ତେ କେଡାକେଦିୟାଁ । ୧୬ ଆତଃ ସାଅଁସାର୍ ହଡ଼କଆଃ ଆଲାଇରେ ସୁକ୍ଳକାଜି ଉଦୁବ୍ ନାଗେନ୍ତେ ଚିମ୍ତା ପାର୍ମେଶ୍ଵାର୍ ଆୟାଃ ହନ୍କେ ଆଇୟାଃତାଃରେ ଉଦୁବ୍କିୟା, ଇମତା ନେ ବିଷାଏରେ କୁପ୍ଲି ନାଗେନ୍ତେ ଆଇଜ୍ ଏଟାଃକତାଃତେ କାଇଜ୍ ସେନାକାନ୍ ତାଇକେନା । ୧୭ ତାଏ ଆଇୟାଃଏତେ ସିଦାରେ ଅକନ୍କ ପ୍ରେରିତ୍ ତାଇକେନାକ, ଇନ୍କୁଲଃ ହଗି ନେପେଲ୍ ନାଗେନ୍ତେ ଯୀରୁଶାଲେମ୍ତେ କାଇଜ୍ ସେନାକାନ୍ ତାଇକେନା । ମେନ୍ଦ୍ ଆଇଜ୍ ଇମତାଃଗି ଆରବ୍ ଦିଶ୍ମତେଇଜ୍ ସେନଃୟାନା ଆତଃ ତାୟମ୍ତେ ଦମାସ୍କସ୍ତେ ରୁହାଡ଼ୟାନାଇଜ୍ । ୧୮ *ଏନ୍ତେ ଆପି ବାରାଷ୍ଟ ତାୟମ୍ତେ ଆଇଜ୍ ପାଡ଼ରାସ୍ଲଃ ନେପେଲ୍ ନାଜ୍ ଯୀରୁଶାଲେମ୍ତେଇଜ୍ ସେନଃୟାନା ଆତଃ ଇନିଃଲଃ ଗେଲ୍ ମଣେୟାଁ ମାହାଁ ତାଇକେନାଇଜ୍ । ୧୯ ମେନ୍ଦ୍ ପ୍ରାଭୁଆଃ ହାଗା ଯାକୁବ୍କେ ବାଗିକେଦ୍ତେ ଆଇଜ୍ ଏଟାଃ ଜେତା ପ୍ରେରିତ୍ଲଃ କାଇଜ୍ ନେପେଲ୍ ।

୨୦ ଆଇଜ୍ ଅଲ୍ତାନ୍ତେୟାଃ ସାର୍ତି ତାନାଃ । ପାର୍ମେଶ୍ଵାର୍ ସାରିତାନାଏ, ଆଇଜ୍ କାଇଜ୍ ବେଦାତାନା !

୨୧ ଏନ୍ ତାୟମ୍ତେ ଆଇଜ୍ ସିରିୟା ଆତଃ କିଲିକିଆ ପାର୍ଗାନ୍ତେଇଜ୍ ସେନଃୟାନା । ୨୨ ଏନ୍ ଦିପିଲିକରେ ଯିହୁଦୀ ରାଇଜ୍ରେ ତାଇନ୍ତାନ୍ ଶ୍ରୀଷ୍ଟିଆଃ କାଲିସିୟାରେନ୍ ବିଶ୍ଵାସୀ ହାଗା ମିଶିକ ଆଇଜ୍କେ ବେଶ୍କେଦ୍ତେ କାକ ସାରିକାଇଜ୍ ତାଇକେନା । ୨୩ ଆଇୟାଃ ବିଷାଏରେ ଏଟାଃକ ଅକଆଃ କାଜିକାଦ୍ ତାଇକେନାକ, ଇମନାଜ୍ ଏସ୍କାର୍ ଇନ୍କୁ ସାରିୟାକାଦ୍ ତାଇକେନାକ । ଏଟାଃକତାଃଏତେ ଇନ୍କୁ ଆୟୁମାକାଦ୍ ତାଇକେନାକ ଯେ, “ଅକନ୍ ହଡ଼ ଆରୁକେ ସିଦା ସିଗିଦ୍ବୁ ତାଇକେନା ଆତଃ ଆରୁଆଃ ଧାରାମ୍କେ ଜିୟନେ ନାଗେନ୍ତେ ସାନାଜ୍ ତାଇକେନା, ନାହାଁଃଦ୍ ଇନିଃ ଆରୁ ବିଶ୍ଵାସ୍କାଦ୍ କାଜିକେ ପାର୍ଟାର୍ ତାନା !” ୨୪ ଏନାମେନ୍ତେ ଇନ୍କୁ ଆଇୟାଃ ନାଗେନ୍ତେ ପାର୍ମେଶ୍ଵାର୍କେକ ମାନାରାଇଜ୍ ତାଇକେନା ।

୨

ପାଉଲୁସ୍ ଆତଃ ଏଟାଃ ପ୍ରେରିତ୍କ

୧ *ଏନ୍ତେ ଗେଲ୍ ଉପୁନିୟା ବାରାଷ୍ଟ ତାୟମ୍ତେ ଆଇଜ୍ ଆତଃମିସା ବର୍ଣ୍ଣବାସ୍ଲଃ ଯୀରୁଶାଲେମ୍ତେଇଜ୍ ରୁହାଡ଼ୟାନା, ଇମତା ତିତସ୍କେ ହଗି ଆଇୟାଃଲଃ ଗାତିରେଇଜ୍ ଇଦିକାଇ ତାଇକେନା । ୨ ଆଇଜ୍ ଏନ୍ତାଃତେ ସେନ୍କେନାଇଜ୍ ଚିଆଃତି ପାର୍ମେଶ୍ଵାର୍ତାଃଏତେ ଉନ୍ଦୁବ୍ ନାମାକାଦ୍ ତାଇକେନାଇଜ୍ । ସାଅଁସାର୍ ହଡ଼କତାଃରେ ଆଇଜ୍ ଅକ ସୁକ୍ଳକାଜି ଉଦୁବକାଦାଇଜ୍, ଏନା ଯୀରୁଶାଲେମ୍ରେନ୍ ଆଗୁଆଇକକେ ମିଆଁଦ୍ ଅତାଃରେ ଦୁନ୍ବୁ ଇମତା ଇନ୍କୁକେ ରୁଗିଲେକାଇଜ୍ ଉଦୁବକାଦକ ତାଇକେନା । ଆଇୟାଃ ସିଦାକରାଃ କାମି ଆତଃ ନାହାଁଃରେୟାଃ କାମିକ ଜେ'ଲେକା ସାମାଏଣ୍ଡାଗଃଆ ମେନ୍ତେ ଆଇଜ୍ କାଇଜ୍ ସାନାଜ୍ ତାଇକେନା । ୩ ଆଇୟାଃ ଗାତି ତିତସ୍ ମିଆଁଦ୍ ଗ୍ରୀକ୍ ହଡ଼ ତାଇକେନାଏ, ଏନ୍ରେହ ଇନିଃକେ ଖାଡ଼ନାଅ ରିକାଃଅ ଲାଗାତିୟାଃ ମେନ୍ତେ କା କାଜିକାନ୍ ତାଇକେନା । ୪ ମେନ୍ଦ୍ ଚିମିନ୍ ହଡ଼କ ଇନିଃକେ ଖାଡ଼ନାଅ ରିକାଇ ନାଗେନ୍ତେକ ସାନାଜ୍ ତାଇକେନା । ଇନ୍କୁ ବିଶ୍ଵାସୀ ହାଗା ତାନ୍ଲେ ମେନ୍ତେ

* ୧:୧୩ ୧:୧୩ ପ୍ରେରିତ୍ ୮:୩; ୨୨:୪,୫; ୨୨:୯-୧୧. * ୧:୧୪ ୧:୧୪ ପ୍ରେରିତ୍ ୨୨:୩. * ୧:୧୫ ୧:୧୫ ପ୍ରେରିତ୍ ୯:୩-୬; ୨୨:୬-୧୦; ୨୨:୧୩-୧୮. * ୧:୧୮ ୧:୧୮ ପ୍ରେରିତ୍ ୯:୨୨-୩୦. * ୨:୧ ୨:୧ ପ୍ରେରିତ୍ ୧୧:୩୦; ୧୫:୨.

ବେଦାକେଦ୍ଦତେ କୁମ୍ଭତୁକୁ ଲେକା ଝୁଣ୍ଡରେ ମେସାକାନ୍ ତାଇକେନାକ । ଖ୍ରୀଷ୍ଟ ଯୀଶୁଲକ୍ଷ ମେସାୟାନ୍ ହରାତେ ଆବୁ ଅକ କିରିଙ୍ଗ୍‌ୟାକାନ୍ ଦାସିଏତେ ରାଡ଼ାକାନାରୁ, ଏନାକେ ଦାଣ୍ଟା ନାମ୍‌ତେୟାଃ ଇନ୍‌କୁଆଃ ଉଦେଶ୍ ତାଇକେନା । ଆବୁକେ ଆଡ଼ଃମିସା ଆନ୍‌ତୁରେୟାଃ କିରିଙ୍ଗ୍‌ୟାକାନ୍ ଦାସି ହବାଃଥ ନାଗେନ୍ତେ ଇନ୍‌କୁ ସାନାଙ୍ଗ୍ ତାଇକେନାକ । * ମେନ୍‌ଦ ଆପେୟାଃ ନାଗେନ୍ତେ ସୁକୁକାଜିରେୟାଃ ସାନାର୍‌ତି ତାଇନଃକା ମେନ୍ତେ ଆଲେ ଏନ୍ ବେଦାହଡ଼କକେ କାଟିଃଲେକାହିଁ ଠାୟାଦ୍ କାଲେ ଏମାକାକ ତାଇକେନା ।

୨ ମେନ୍‌ଦ ଅକ ହଡ଼କ ଆଗୁଆଇ ମେନ୍ତେ କାଜିୟଃ ତାଇକେନାକ, ଇନ୍‌କୁ ଜେତା ହଡ଼ ତାଇନଃରେୟ, ଏନାରେ ଆଇଁୟାଃ ଜେତାନ୍ କାଜି ବାନଃଆ, ଚିୟାଃତି ହଡ଼ରାଃ ବାହାରି ନେପେଲ୍‌ରେ ପାର୍‌ମେଶ୍‌ବାର୍ ଜେତାଏୟାଃ ବିତାର୍ କାଏ ରିକାଃ, ଏନ୍ ଆଗୁଆଇକ ଆଇଙ୍ଗ୍‌କେ ଜେତାନ୍ ନାଞ୍ଜା କାଜିକ କାକ ଏମାକାଇଙ୍ଗ୍ ତାଇକେନା । ୩ ଏଟାଃ ହରାତେ, ଇନ୍‌କୁ ନେଲ୍‌କେଦାକ ଯେ, ପାର୍‌ମେଶ୍‌ବାର୍ ଜେ'ଲେକା ଯିହୁଦୀ ହଡ଼କତାଃରେ ସୁକୁକାଜି ଉଦୁବ୍‌ରେୟାଃ ବାହାରମ୍ ପାଡ଼ରାସ୍‌କେ ଏମାକାନ୍ ତାଇକେନା, ଏନ୍‌ଲେକାଗି କା ଖାଡ଼ନାଅକାନ୍ ହଡ଼କଆଃ ଆୟାର୍‌ରେ ସୁକୁକାଜି ଉଦୁବ୍‌ରେୟାଃ ବାହାରମ୍ ଆଇଙ୍ଗ୍‌କେ ଏମାକାନା । ୪ ଚିୟାଃତି ପାଡ଼ରାସ୍ ଜେ'ଲେକା ପାର୍‌ମେଶ୍‌ବାର୍‌ଆଃ ପେଡ଼େଃତେ ଯିହୁଦୀ ହଡ଼କ ନାଗେନ୍ତେ ପ୍ରେରିଡ଼ ଲେକାଏ ସାଲାକାନ୍ ତାଇକେନା, ଆଇଙ୍ଗ୍‌ହରି ଏନ୍‌ଲେକାଗି ପାର୍‌ମେଶ୍‌ବାର୍‌ଆଃ ପେଡ଼େଃତେ ସାଅଁସାର୍ ହଡ଼କ ନାଗେନ୍ତେ ପ୍ରେରିଡ଼ ଲେକାଇଙ୍ଗ୍ ସାଲାକାନା । ୫ ଆଗୁଆଇ ଲେକା କାଜିୟଃତାନ୍ ଯାକୁବ୍, ପାଡ଼ରାସ୍ ଆଡ଼ଃ ଯୋହାନ୍ ମାନାଡ଼ିଙ୍ଗ୍‌କେଦାକ ଯେ, ପାର୍‌ମେଶ୍‌ବାର୍ ଆଇଙ୍ଗ୍‌କେ ନେ ସାୟାଦ୍‌ରେୟାଃ ବିଶେଷ୍ କାମି ନାଗେନ୍ତେ ବାହାରମ୍ ଏମାକାଦିୟାଏ । ଏନାମେନ୍ତେ ଇନ୍‌କୁ ଆଇଙ୍ଗ୍‌କେ ଆଡ଼ଃ ବର୍ଣ୍ଣବାସ୍‌କେ ମିସାତେ କାମିତାନ୍ ହଡ଼କିନ୍ ତାନ୍‌କିନ୍ ମେନ୍ତେ କାଜିକେଦାକ । ବର୍ଣ୍ଣବାସ୍ ଆଡ଼ଃ ଆଇଙ୍ଗ୍ ସାଅଁସାର୍ ହଡ଼କଆଃ ଆଲାରେ ଆଡ଼ଃ ଇନ୍‌କୁ ଯିହୁଦୀ ହଡ଼କଆଃ ଆଲାରେ କାମିୟାକ ମେନ୍ତେ ମିଦ୍‌ମନ୍‌ୟାନାଲେ । ୬ ଇନ୍‌କୁ ନିମିନାଙ୍ଗ୍ ଏସ୍‌କାର୍ ବିକ୍ରିକାଦ୍ ତାଇକେନାକ ଯେ, ଆଲେ ଇନ୍‌କୁଆଃ ଝୁଣ୍ଡରେ ତାଇନତାନ୍ ଜାଞ୍ଜିଆଃ ହଡ଼କକେ ପାହାମ୍‌କଆଲେ । ଏନ୍ ବିଷାଏରେଗି ଆଇଁୟାଃ ସାନାଙ୍ଗ୍ ତାଇକେନା ।

ଆନ୍ତିୟୋଖରେ ପାଡ଼ରାସ୍‌କେ ପାଉଲୁସ୍‌ଆଃ କାଜିକଟଙ୍ଗ୍

୭ ମେନ୍‌ଦ ପାଡ଼ରାସ୍ ଆନ୍ତିୟୋଖରେ ହିଜୁଃକାନ୍ ଇମ୍‌ତା ଆଇଙ୍ଗ୍ ହଡ଼କ ଆଲାରେ ଇନିୟାଃ କାଜିକଟଙ୍ଗ୍ ରିକାକାଦ୍ ତାଇକେନାଇଙ୍ଗ୍, ଚିଆଃତି ଇନିଃ ଭୁଲ୍ ରିକାକାଦ୍ ତାଇକେନାଏ । ୧୨ ଯାକୁବ୍‌ଆଃ ହରାତେ କୁଲାକାନ୍ ଚିମିନ୍ ହଡ଼କ ଏନ୍ତାଃତେ ହିଜୁଃ ସିଦାରେ, ପାଡ଼ରାସ୍ ସାଅଁସାର୍ ହଡ଼କଲଃ ଜମ୍‌ତାନ୍ ତାଇକେନାଏ । ମେନ୍‌ଦ ଏନ୍ ହଡ଼କ ହିଜୁଃ ତାୟମ୍‌ତେ, ଇନିଃ କାଏ ଜମ୍‌କେଦା, ଚିଆଃତି ସାଅଁସାର୍ ହଡ଼କକେ ଖାଡ଼ନାଅ ହବାଃଥ ଲାଗାଡ଼ିଙ୍ଗ୍‌ୟାଃ ମେନ୍ତେ ଅକ ହଡ଼କ କାଜିତାଇକେନାକ, ଇନ୍‌କୁକେ ଇନିଃ ବରକ ତାଇକେନାଏ । ୧୩ ଏଟାଃ ଯିହୁଦୀ ହାଗା ମିଶିକ ପାଡ଼ରାସ୍‌ଲଃ ମେସାକେଦ୍‌ତେ ହସଡ଼ କାମିକ କାମିକେଦା ଆଡ଼ଃ ଏନ୍‌ଲେକା ବର୍ଣ୍ଣବାସ୍ ହରି ଇନ୍‌କୁଆଃ ହସଡ଼ରେ ଉୟୁଃୟାନା । ୧୪ ମେନ୍‌ଦ ଚିମ୍‌ତା ଆଇଙ୍ଗ୍ ଇନ୍‌କୁକେ ସୁକୁକାଜିରାଃ ସାନାର୍‌ତି ଲେକାତେ ଜୀଞ୍ଜାନ୍ ବିତାଅତେୟାଃ କାଇଙ୍ଗ୍ ନେଲ୍‌କେଦ୍‌କଆ, ଇମ୍‌ତା ଆଇଙ୍ଗ୍ ପାଡ଼ରାସ୍‌କେ ଇନ୍‌କୁଆଃ ଆୟାର୍‌ରେଇଙ୍ଗ୍ କାଜିକିୟା, “ମେନ୍‌ଦ ଆମ୍ ଯିହୁଦୀ ହଡ଼ ତାଇନକେଦ୍‌ତେ ସାଅଁସାର୍ ହଡ଼କ ଲେକାମ୍ ସେସେନ୍‌ତାନା, ତାଦ୍ ଯିହୁଦୀ ହଡ଼କ ଲେକା ଜୀଞ୍ଜାନ୍ ବିତାଅ ନାଗେନ୍ତେ ଆମ୍ ଚିଲ୍‌କାତେ ସାଅଁସାର୍ ହଡ଼କକେମ୍ ଆତୁକତାନା ?”

ବିଶ୍ୱାସ୍ ହରାତେ ଜୀଉ ବାଞ୍ଛାଅ

୧୫ ସାର୍‌ତିଗି ଆଲେ ଜାନାମ୍‌ଏତେଗି ଯିହୁଦୀ ହଡ଼କତାନ୍‌ଲେ, କାନାଜି ଲେକାତେ, ପାପି ସାଅଁସାର୍ ହଡ଼କ ନାହାଁଲାଃଲେ । ୧୬ ଏନ୍‌ରେୟ, ଆଲେ ସାରିତାନାଲେ ଯେ, ଆନ୍‌ତୁରାଃ କାଜିକ ପୁରାକେଦ୍‌ତେ କାହାଗି, ମେନ୍‌ଦ ଯୀଶୁ ଖ୍ରୀଷ୍ଟତାଃରେ ବିଶ୍ୱାସ୍‌କେଦ୍ ହରାତେ ଏସ୍‌କାର୍ ମିହୁଡ଼ ପାର୍‌ମେଶ୍‌ବାର୍‌ଆଃ ଆୟାର୍‌ରେ ଧାର୍‌ମାନ୍ ହବାଅଃଆଏ । ପାର୍‌ମେଶ୍‌ବାର୍‌ଆଃ ଆୟାର୍‌ରେ ଧାର୍‌ମାନ୍ ହବାଅଃ ନାଗେନ୍ତେ ଆଲେ ଆନ୍‌ତୁ ଚେତାନ୍‌ରେ କା ଆସ୍ତାକେଦ୍‌ତେ ଯୀଶୁ ଖ୍ରୀଷ୍ଟତାଃରେ ବିଶ୍ୱାସ୍ ତାନାଲେ, ଚିୟାଃତି ଆନ୍‌ତୁ ମାନାଡ଼ିଙ୍ଗ୍‌କେଦ୍‌ତେ ଏସ୍‌କାର୍ ଜେତାଏ ପାର୍‌ମେଶ୍‌ବାର୍‌ଆଃ ଆୟାର୍‌ରେ ଧାର୍‌ମାନ୍ କାଏ ହବାଅଃଆ । ୧୭ ମେନ୍‌ଦ ଖ୍ରୀଷ୍ଟଲଃ ମେସାକେଦ୍‌ତେ ପାର୍‌ମେଶ୍‌ବାର୍‌ଆଃ ଆୟାର୍‌ରେ ଧାର୍‌ମାନ୍ ହବାଅଃ ନାଗେନ୍ତେ ସାନାଙ୍ଗ୍‌ତାନ୍ ଇମ୍‌ତା ଆବୁ ହରି ସାଅଁସାର୍ ହଡ଼କ ଲେକା ପାପି ହବାକେଦ୍‌ତେ ମେନାରୁରେଦ୍, ଚିନାଃ ଖ୍ରୀଷ୍ଟ ଏନାରେନ୍ ଜିମାଦାର୍ ତାନିଃ ? କାହାଗି ଏନାଦ ଆଲକା ହବାଅଃକା ? ୧୮ ଚିୟାଃତି ଅକ ଆନ୍‌ତୁରାଃ ତନଲ୍‌କେ ଆଇଙ୍ଗ୍ ଟଟାଃକାଦାଇଙ୍ଗ୍, ଏନାକେ ଆଡ଼ଃମିସା ବାଇରୁହାଡ଼େରେଦ୍ ଆଇଙ୍ଗ୍ ଗୁଣ୍ଟାଁ ହବାଅଃଆଇଙ୍ଗ୍ । ୧୯ ଆଇଙ୍ଗ୍ ଆନ୍‌ତୁ ନାଗେନ୍ତେ କାଇଙ୍ଗ୍ ଜୀହୁଦଃତାନାଃ ଚିଆଃତି ଆନ୍‌ତୁ ଆଇଁୟାଃ ଗନଏଃ ଆଡ଼କେଦାଏ, ମେନ୍‌ଦ ନାହାଁଃ ଆଇଙ୍ଗ୍ ପାର୍‌ମେଶ୍‌ବାର୍ ନାଗେନ୍ତେ ଜୀନିଦ୍ ମେନାଇୟାଁ । ଖ୍ରୀଷ୍ଟଲଃ ଆୟାଃ କୁଗ୍ ଚେତାନ୍‌ରେ ଆଇଙ୍ଗ୍ ହରି ଗଜାକାନାଇଙ୍ଗ୍ । ୨୦ ଏନାମେନ୍ତେ ନାହାଁଃ ଆଇଙ୍ଗ୍ ଜୀନିଦ୍ ନାହାଁଲିଙ୍ଗ୍, ଆଇଁୟାଃତାଃରେ ଖ୍ରୀଷ୍ଟି ଜୀନିଦ୍ ମେନାଇୟା । ଆଇଙ୍ଗ୍ ହାସା ହଡ଼ମରେ ତାଇକେଦ୍‌ତେ ନାହାଁଃ ଅକ ଜୀଞ୍ଜାନ୍ ବିତାଅତାନାଇଙ୍ଗ୍, ଏନାଦ ଆଇଙ୍ଗ୍ ପାର୍‌ମେଶ୍‌ବାର୍‌ଆଃ ହନ୍‌ତାଃରେ ବିଶ୍ୱାସ୍‌କେଦ୍ ହରାତେ ଏସ୍‌କାର୍ ହବାଦାଡ଼ିକାନା, ଅକଏତି ଆଇଙ୍ଗ୍‌କେ ଦୁଲାଡ଼କେଦ୍‌ତେ ଆଇଁୟାଃ ନାଗେନ୍ତେ ଆୟାଃ ଜୀଉକେ

* ୨:୧୭ ୨:୧୭ ରୋମି ୩:୨୦; ରୋମି ୩:୨୨.

ଏମ୍ବେଦାଏ । ୨୧ ଏନାମେନ୍ତେ ପାର୍ମେଶ୍ୱାର୍ ଆଃ ସାୟାଦ୍ କେ ଆଇଙ୍ଗ୍ ସାମାତାନାଃ ମେନ୍ତେ କାଲିଙ୍ଗ୍ କାଜି, ଚିୟାଃଟି ଆନ୍ତୁ ମାନାତିଙ୍ଗ୍ ହରାତେ ଏସ୍କାର୍ ମିହୁଡ୍ ପାର୍ମେଶ୍ୱାର୍ ଆଃ ଆୟାର୍ରେ ଧାର୍ମାନ୍ ହବାଅଃରେଦ୍, ଖ୍ରୀଷ୍ଟ୍ ଆଃ ଗନଏଃ ସାମାତାନାଃ ମେନ୍ତେ କାଜିୟଃଆ ।

୩

ଆନ୍ତୁ ଚାଏ ବିଶ୍ୱାସ

୧ ହେ ଗାଳାତିୟରେନ୍ ଡଣ୍ଡକ ! ଅକଏ ଆପେକେ ମୁହିନି କାଦ୍ପେୟା ? କୁଣ୍ ଚେତାନ୍ରେ ଯୀଶୁ ଖ୍ରୀଷ୍ଟ୍ ଆଃ ଗନଏଃ କାଜି ବୁଗିଲେକା ଆପେତାଃରେ ଉଦୁବାକାନା । ୨ ଆପେ ଆଇଙ୍ଗ୍ କେ ମିଆଁଦ୍ କାଜି କାଜିଙ୍ଗ୍ପେ, ଆନ୍ତୁ ମାନାତିଙ୍ଗ୍ ହରାତେ ଆପେ ପାବିତାର୍ ଆମ୍ବାକେପେ ନାମ୍ବକିୟା ଚି ସୁକୁକାଜି ଆୟୁମ୍ବକେଦ୍ତେ ଏନାରେ ବିଶ୍ୱାସ୍ କେଦ୍ ହରାତେ ? ୩ ଆପେ ଚିନାଃ ନିମିନ୍ ଡଣ୍ଡକାନ୍ପେ ? ପାର୍ମେଶ୍ୱାର୍ ଆଃ ପାବିତାର୍ ଆମ୍ବାରାଃ ପେଡେଃତେ ଆପେ ଅକ ଜୀଦାନ୍ ଏଟେଦ୍ କାଦାପେ, ଏନାକେ ଚିନାଃ ଆପ୍ନାଃ ହାସା ହଡ୍ମରେୟାଃ ପେଡେଃତେ ବୁଣ୍ଡୁ ନୁଙ୍ଗ୍ ସାନାଙ୍ଗ୍ ତାନାପେ ? ୪ ଆପେ ଚିନାଃ ସାମାରେ ନିମିନାଙ୍ଗ୍ ଦୁକୁହାସୁ ସାହାତିଙ୍ଗ୍ କାଦାପେ ? ଏନାଏତେ ଚିନାଃ ଜେଡ୍ନାଃ କାପେ ଇଡୁକାନା ? ୫ ଆପେ ଆନ୍ତୁରେ ଏସ୍କାର୍ ବିଶ୍ୱାସ୍ କାଦ୍ ହରାତେ ଚିନାଃ ପାର୍ମେଶ୍ୱାର୍ ଆପେକେ ଆୟାଃ ଆମ୍ବା ଏମାକାଦ୍ପେୟାଏ ଆଡଃ ଆପେୟାଃ ଆଲ୍ଲାରେ ଆକ୍ ଦାନ୍ଦାଅ କାମିକଏ ରିକାଏତାନା, ଚି ଆପେ ସୁକୁକାଜି ଆୟୁମ୍ବକେଦ୍ତେ ଏନାରେ ବିଶ୍ୱାସ୍ କେଦ୍ ହରାତେ ଇନିଃ ଏନାକ ରିକାଃଏ ?

୬ *ଆବ୍ରାହାମ୍ ଆଃ କାଜିକେ ପାହାମେପେ । ଧାରାମ୍ପୁଥ୍ରେ ଅଲ୍ଲାକାନା, “ଇନିଃ ପାର୍ମେଶ୍ୱାର୍ ତାଃରେ ବିଶ୍ୱାସ୍ କେଦା ଆଡଃ ଆୟାଃ ବିଶ୍ୱାସ୍ ହରାତେ ପାର୍ମେଶ୍ୱାର୍ ଇନିଃକେ ଧାର୍ମାନ୍ ମେନ୍ତେ କାଜିକିୟା ।” ୭ *ବିଶ୍ୱାସ୍ ତାନ୍ ହଡ୍ମକ ଏସ୍କାର୍ ଆବ୍ରାହାମ୍ ଆଃ ହନକ ତାନ୍କ, ଏନା ଆପେକେ ସାରି ଲାଗାତିଙ୍ଗ୍ ଯାଃ । ୮ ସିଦାରେଗି ଧାରାମ୍ପୁଥ୍ରେ ଅଲ୍ଲାକାନା, ବିଶ୍ୱାସ୍ ହରାତେ ପାର୍ମେଶ୍ୱାର୍ ସାଅଁସାର୍ ହଡ୍ମକେ ହଗି ଧାର୍ମାନ୍ ମେନ୍ତେ କାଜିକିଆ, ଆବ୍ରାହାମ୍ ତାଃରେ ନେ କାଜି ପାହିଲା ଉଦୁକାଦ୍ ତାଇକେନା, “ଆମାଃ ହରାତେ ପାର୍ମେଶ୍ୱାର୍ ଅତେଦିଶ୍ୱାମ୍ରେନ୍ ସବେନ୍ ହଡ୍ମକେ ଆଶିଷ୍ କିଆ ।” ୯ ଆବ୍ରାହାମ୍ ବିଶ୍ୱାସ୍ କେଦ୍ତେ ଆଶିଷ୍ ନାମ୍ବକେଦାଏ । ଏନାମେନ୍ତେ ଅକନ୍କ ବିଶ୍ୱାସେୟାକ, ଏନ୍ ସବେନ୍କ ଆୟାଃ ଲେକାଗି ଆଶିଷ୍ କ ନାମେୟା ।

୧୦ ଅକନ୍କ ଆନ୍ତୁ ମାନାତିଙ୍ଗ୍ ଚେତାନ୍ରେ ଆସ୍ତା ଦହୟାକ, ଇନ୍କୁ ସାର୍ପାଅରେୟାଃ ବରତେ ଜୀଦାନ୍ ବିତାଅଆଃକ । ଚିୟାଃଟି ଧାରାମ୍ପୁଥ୍ରେ ଅଲ୍ଲାକାନା “ମୁଣାରାଃ ଆନ୍ତୁ ପୁଥ୍ରେ ଅକ ସବେନାଃ ଅଲ୍ଲାକାନା, ଜେତାଏ ଏନାକେ ପୁରା କାଏ ମାନାତିଙ୍ଗ୍ରେଦ୍ ଇନିଃ ପାର୍ମେଶ୍ୱାର୍ ଆଃ ସାର୍ପାଅଃନିଃ ତାନିଃ ।” ୧୧ ନେ ହରାତେ ସାରିୟଃତାନା, ଆନ୍ତୁ ହରାତେ ଜେତା ହଡ୍ମ ପାର୍ମେଶ୍ୱାର୍ ଆଃ ଆୟାର୍ରେ ଧାର୍ମାନ୍ କାଏ ହବାଅଃଆ, ଚିୟାଃଟି ଧାରାମ୍ପୁଥ୍ରେ ଅଲ୍ଲାକାନା, “ପାର୍ମେଶ୍ୱାର୍ ଆଃ ଆୟାର୍ରେ ଧାର୍ମାନ୍ ହଡ୍ମ ବିଶ୍ୱାସ୍ ହରାତେ ଜୀହିଦଃଆ ।” ୧୨ ମେନ୍ଦ୍ ଆନ୍ତୁଲଃ ବିଶ୍ୱାସ୍ ରାଃ ଜେତାନ୍ ନାତା ବାନଆଃ । ଧାରାମ୍ପୁଥ୍ରେ ଅଲ୍ଲାକାନା, “ଅକ ହଡ୍ମ ସବେନ୍ ଆନ୍ତୁ ମାନାତିଙ୍ଗ୍ ରିକାଃଏ, ଇନିଃ ବାଞ୍ଚାଅଃଆଏ ।”

୧୩ ମେନ୍ଦ୍ ଖ୍ରୀଷ୍ଟ୍ ଆରୁ ନାଗେନ୍ତେ ସାର୍ପାଅ ନାମ୍ବକେଦ୍ତେ ଆନ୍ତୁରେ ଅଲ୍ଲାକାନ୍ ସାର୍ପାଅଏତେ ଆବୁକେ ରାଡାକାଦ୍ ବୁଆ । ଧାରାମ୍ପୁଥ୍ରେ ଅଲ୍ଲାକାନା, “ଜେତାଏ ଦାରୁରେ ହାକା ଗଜଃଆଏ, ଇନିଃ ପାର୍ମେଶ୍ୱାର୍ ଆଃ ହରାତେ ସାର୍ପାଅଃନିଃ ତାନିଃ ।” ୧୪ ପାର୍ମେଶ୍ୱାର୍ ଆବ୍ରାହାମ୍ କେ ଅକ ଆଶିଷ୍ ନାଗେନ୍ତେ ବାନାର୍ସା ଏମାକାଦ୍ ତାଇକେନାଏ, ସାଅଁସାର୍ ହଡ୍ମକ ହଗି ଜେ'ଲେକା ଏନ୍ ଆଶିଷ୍ ନାମ୍ ଦାଡିୟାକ, ଏନାମେନ୍ତେ ଖ୍ରୀଷ୍ଟ୍ ନେ କାମିକେ ପୁରାକେଦା । ଏନାମେନ୍ତେ ବିଶ୍ୱାସ୍ ହରାତେ ଆବୁ ହଗି ପାର୍ମେଶ୍ୱାର୍ କାଜିକାଦ୍ ଲେକା ପାବିତାର୍ ଆମ୍ବାରୁ ନାମ୍ ଦାଡିୟା ।

ଆନ୍ତୁ ଆଡଃ ବାନାର୍ସା

୧୫ ହେ ହାଗା ମିଶିକ, ଆଇଙ୍ଗ୍ ମିଆଁଦ୍ ନାମ୍ବନା ଏମାପେତାନାଇଙ୍ଗ୍, ଚିମତା ବାର୍ ହଡ୍ମ ଜେତାନ୍ ବିଷାଏରେ ମିଆଁଦ୍ ରାଜିନାମା ବାଇୟାଃକିନ୍ ଇମ୍ତା ଏନାକେ ଜେତାଏ କାକ ଟଟାଃଦାଡିୟା ଚାଏ ଏନାରେ ଜେଡ୍ନାଃ କାକ ମେସା ଦାଡିୟା । ୧୬ ଆବ୍ରାହାମ୍ ଆଡଃ ଆୟାଃ କିଲିକତାଃରେ ପାର୍ମେଶ୍ୱାର୍ ଆୟାଃ ବାନାର୍ସା ଏମାକାଦ୍ ତାଇକେନାଏ । ମେନ୍ଦ୍ ନେ ବିଷାଏରେ, “ଆମାଃ କିଲିକ ନାଗେନ୍ତେ,” ମେନ୍ଲେରେ ପୁରାଃ ହଡ୍ମକ ନାଗେନ୍ତେ ମେନ୍ତେ ଧାରାମ୍ପୁଥ୍ରେ କା ଅଲ୍ଲାକାନା । “ଆମାଃ କିଲି ନାଗେନ୍ତେ ଏସ୍କାର୍” ମେନ୍ତେ ଅଲ୍ଲାକାନା । ଏନାତେ ଏନ୍ ଧାରାମ୍ପୁଥ୍ରେ ଅଲ୍ଲାକାନ୍ତେୟାଃ, ମିଆଁଦ୍ ହଡ୍ମ ନାଗେନ୍ତେ ଏସ୍କାର୍, ମେନ୍ଲେରେ ଖ୍ରୀଷ୍ଟ୍ ନାଗେନ୍ତେ ଏସ୍କାର୍ ଅଲ୍ଲାକାନା । ୧୭ ଆଇଁୟାଃ କାଜିରାଃ ମୁଣ୍ଡି ହବାଅଃତାନାଃ, ପାର୍ମେଶ୍ୱାର୍ ଆବ୍ରାହାମ୍ ନାମ୍ବନା ମିଆଁଦ୍ ରାଜିନାମା ବାଇକାଦ୍ ତାଇକେନାଏ, ଆଡଃ ଏନା ବାଞ୍ଚାଅ ନାଗେନ୍ତେ ବାନାର୍ସା ଏମାକାଦ୍ ତାଇକେନାଏ । ଅକ ଆନ୍ତୁ ୪୩୦ ବାରାଷ୍ ତାୟମ୍ତେ ଏମ୍ବୟାନା, ଏନ୍ ଆନ୍ତୁ ଏନ୍ ରାଜିନାମାକେ ଟଟାଃକେଦ୍ତେ ପାର୍ମେଶ୍ୱାର୍ ଏମାକାଦ୍ ବାନାର୍ସାକେ କାଏ ହକା ଦାଡିୟା । ୧୮ *ପାର୍ମେଶ୍ୱାର୍ ଆଃ ବାନାର୍ସା ହରାତେ ଏମାକାନ୍ ଆଶିଷ୍ ନାମ୍ ନାଗେନ୍ତେ ଆନ୍ତୁ ଚେତାନ୍ରେ ଆସ୍ତାଏ ରେଦ୍, ଏନା ଆୟାଃ ଏମାକାଦ୍ ବାନାର୍ସା ହରାତେ

☆ ୩:୨ ୩:୨ ରୋମି ୪:୩. ☆ ୩:୭ ୩:୭ ରୋମି ୪:୧୭. ☆ ୩:୧୮ ୩:୧୮ ରୋମି ୪:୧୪.

ନାମାକାନା ମେନ୍ତେ କା କାଜିୟଃଆ । ଏନାତେ ପାର୍ମେଶ୍ୱାର୍ ଆୟାଃ ବାନାର୍ସା ଲେକାତେ ଏସ୍କାର୍ ଏନ୍ ଆଣିଷ୍ ଆବ୍ରାହାମ୍‌କେ ଏମ୍‌କିୟା ।

^{୯୯} ତାବ୍‌ଦ ଆନ୍‌ରୁ ତିନାଃମେନ୍ତେ ଏମ୍‌ୟାନା ? ହତ୍‌କଆଃ ସବେନ୍ ଏଡ୍‌କାନ୍ କାମିକକେ ଉଦୁବ୍‌ରେୟାଃ ଉଦେଶ୍‌ରେ ଏନା ଏମାକାନ୍ ତାଇକେନା, ଆତଃ ଆବ୍ରାହାମ୍‌ଆଃ ଅକ କିଲିକେ ନେଲ୍‌କେଦ୍‌ତେ ପାର୍ମେଶ୍ୱାର୍ ବାନାର୍ସା ଏମାକାଦ୍ ତାଇକେନାଏ, ଏନ୍ ହତ୍‌ରାଃ ହିନିଜୁଃ ଜାକେଦ୍ ଆନ୍‌ରୁରାଃ ଲାଗାତିଜ୍ ତାଇକେନା । ପାର୍ମେଶ୍ୱାର୍ ଆତଃ ହତ୍‌କଆଃ ଆଲାରେ କାମିତାନ୍ ମିଆଁଦ୍ ହତ୍‌କେ ଦୁଡ୍‌କଆଃ ହରାତେ ଏନ୍ ଆନ୍‌ରୁ ଏମାକାନ୍ ତାଇକେନା । ^{୧୦୦} ମେନ୍‌ଦ ବାନାର୍ସା ଏମାକାନ୍ ଦାନ୍‌ଲଃ ମିହୁଡ୍ ଏସ୍କାର୍ ମେସାକାନ୍ ତାଇକେନାଏ । ଇନିଃ ପାର୍ମେଶ୍ୱାର୍ ତାନିଃ ।

ଆନ୍‌ରୁରେୟାଃ ଉଦେଶ୍

^{୧୦୧} ଆନ୍‌ରୁ ତିନାଃ ପାର୍ମେଶ୍ୱାର୍ ଏମାକାଦ୍ ବାନାର୍ସାକେ ବିରୁଧ୍ ରିକାଃଏ ? କାହାଗି, ଚିତ୍‌ଲାଅ କା ହବାଅଃଆ ! ତିଆଃତି ମାନଃକେ ଜୀଦାନ୍ ଏମେ ଲେକା ମିଆଁଦ୍ ଆନ୍‌ରୁ ବାଇୟାକାନ୍ ରେଦ୍, ଏନାକେ ମାନାତିଜ୍ ହରାତେଗି ମାନଃ ପାର୍ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍‌ନିଃ ମେନ୍ତେ ଉଦୁବ୍‌କାନ୍‌ତେୟାଃ । ^{୧୦୨} ମେନ୍‌ଦ ଧାରାମ୍‌ପୁଅରେ ଅଲାକାନା, ସବେନ୍ ମାନଃକ ପାପ୍‌ରେୟାଃ ଆକ୍‌ତେୟାର୍‌ରେ ମେନାକଆ, ଏନାମେନ୍ତେ ଯୀଶୁ ଖ୍ରୀଷ୍ଟ୍‌ତାଃରେ ବିଶ୍ୱାସ୍‌କାଦ୍ ହରାତେ ବାନାର୍ସା ଏମାକାନ୍ ଆଣିଷ୍ ଖ୍ରୀଷ୍ଟ୍ ବିଶ୍ୱାସୀକକେ ଏମଃଆ ।

^{୧୦୩} ବିଶ୍ୱାସ୍‌ରେୟାଃ ଦିପିଲି ହିଜୁଃ ସିଦାରେ ଆତଃ ଏନା ଉନ୍‌ଦୁବ୍ ହବାଅଃ ଜାକେଦ୍ ଆନ୍‌ରୁ ଆରୁ ସବେନ୍‌କକେ ତଲାକାଦ୍‌ରୁ ତାଇକେନା । ^{୧୦୪} ଖ୍ରୀଷ୍ଟ୍‌ଆଃ ହିନିଜୁଃ ଜାକେଦ୍ ଆନ୍‌ରୁ ଆରୁଆଃ ଇଡୁନିଃ ଲେକା ତାଇକେନା । ମେନ୍‌ଦ ଏନ୍ ତାୟମ୍‌ତେ ବିଶ୍ୱାସ୍ ହରାତେ ଏସ୍କାର୍ ଆରୁ ପାର୍ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍ ଲେକାରୁ ହବାଅଃଆ । ^{୧୦୫} ନାହାଁଃ ବିଶ୍ୱାସ୍‌ରେୟାଃ ଦିପିଲି ସେଟେରକାନା, ଆରୁ ଆନ୍‌ରୁରେୟାଃ ଆକ୍‌ତେୟାର୍‌ରେ ଆତଃ ବାଜ୍‌ବୁଆ ।

^{୧୦୬} ବିଶ୍ୱାସ୍ ହରାତେ ଖ୍ରୀଷ୍ଟ୍ ଯୀଶୁଲଃ ମେସାକେଦ୍‌ତେ ଆପେ ପାର୍ମେଶ୍ୱାର୍‌ରାଃ ହନ୍‌କପେ ହବାକାନା । ^{୧୦୭} ତିଆଃତି ଆପେ ବାପ୍ତିସ୍ମାୟାନ୍ ହରାତେ ଖ୍ରୀଷ୍ଟ୍‌ଲଃ ମିଦ୍‌କାନାପେ ଆତଃ ନାହାଁଃ ଯୀଶୁ ଖ୍ରୀଷ୍ଟ୍‌ଆଃ ଜୀଦାନ୍ ଲେକାନ୍ ଲିଜାଃ ତୁସିଜ୍‌କାନାପେ । ^{୧୦୮} ଏନାମେନ୍ତେ ଯିହୁଦୀ ଆତଃ ସାଅଁସାର୍ ହଡ୍, କିରିଙ୍ଗ୍‌ୟାକାନ୍ ଦାସି ଆତଃ ରାଡ୍‌କାନ୍ ହଡ୍‌କ, କଡ୍‌ଆତଃ କୁଡ୍‌ି ଆଲାରେ ଆତଃ ଜେତାନ୍ ଭେଦ୍‌ଭାବ୍ ବାନଃଆ । ଆପେ ସବେନ୍‌କ ଯୀଶୁ ଖ୍ରୀଷ୍ଟ୍‌ଲଃ ମେସାକେଦ୍‌ତେ ମିଦ୍‌କାନାପେ । ^{୧୦୯} *ଆପେ ଖ୍ରୀଷ୍ଟ୍‌ଆଃ ତାନ୍‌ପେରେଦ୍, ଆପେୟାଗି ଆବ୍ରାହାମ୍‌ଆଃ କିଲିକ ତାନ୍‌ପେ ଆତଃ ପାର୍ମେଶ୍ୱାର୍ ଅକଆଃ ବାନାର୍ସା ଏମାକାଦାଏ, ଏନା ନାମେୟାଃପେ ।

୪

ହନ୍ ଆତଃ ହାନାଟିଜ୍ ନାମେନିଃ

^୧ ମେନ୍‌ଦ ଆଇଜ୍ ଆପେକେଇଜ୍ କାଜିପେତାନା, ହନ୍ ଆପୁଆଃ ସବେନ୍ ହାନାଟିଜ୍ ନାମେନିଃ ତାନିଃ, ମେନ୍‌ଦ ସବେନ୍ ବିଷାଏରେୟାଃ ହାନାଟିଜ୍ ନାମେନିଃ ତାନିଃରେୟାଗି, ଇନିଃ ସିତିଆଗି ମେନାଇ ହରାତେ, କିରିଙ୍ଗ୍‌ୟାକାନ୍ ଦାସି ଲେକାଏ ତାଇନା । ^୨ ସିତିଆ ତାଇକାନ୍ ଦିପିଲିରେ, ଆୟାଃ ଆପୁଆଃ ସାଲାକାନ୍ ନେତା ଜାକେଦ୍ ଇନିଃ ଖାଜାନ୍‌ତିରାଃ ଆକ୍‌ତେୟାର୍‌ରେ ତାଇନାଃ ଆତଃ ସବେନ୍ ବିଷାଏରେ ଇନିଃକେ ଦେଙ୍ଗାଈୟାକ । ^୩ ଏନ୍‌ଲେକାଗି ଆରୁହ୍ ଆମିକ୍ ଲେକାତେ ସେପେଡେଦ୍ ହବାଅଃ ସିଦାରେ, ଅତେଦିଶୁମ୍‌ରେ ଆକ୍‌ତେୟାରେତାନ୍ ପେଡେଃରେୟାଃ ଏନେଟେଦ୍ ବିଷାଏରେୟାଃ କିରିଙ୍ଗ୍‌ୟାକାନ୍ ଦାସି ତାଇକେନାରୁ । ^୪ ମେନ୍‌ଦ ଚୁଣ୍ଡୁରେ ତିମ୍‌ତା ଠାଉକା ନେତା ସେଟେରକାନା ଇମତା ପାର୍ମେଶ୍ୱାର୍ ଆୟାଃ ହନ୍‌କେ କୁଲ୍‌କିୟା, ମିଆଁଦ୍ ତିଶ୍ଟା କୁଡ୍‌ିଆଃ ହରାତେ ଇନିଃ ଜାନାମ୍ ଇଦିକେଦ୍‌ତେ ଯିହୁଦୀକଆଃ ଆନ୍‌ରୁ ଲେକାତେ ଜୀଦାନ୍ ବିତାଅକେଦାଏ । ^୫ *ଜେ ଲେକାଟି ଇନିଃ ଲାଗାତିଜ୍ ଗନଜ୍ ଏମକେଦ୍‌ତେ ଏନ୍ ଆନ୍‌ରୁରେୟାଃ ତନିଲ୍‌ହେତେ ହତ୍‌କକେ ରାଡ୍‌ନାଜ୍ ଆତଃ ଇନ୍‌କୁକେ ପାର୍ମେଶ୍ୱାର୍‌ଆଃ ହନ୍ ହବାଅଃନାଜ୍ ସୁୟୋଗ୍ ଏମ୍‌ରେୟାଃ ଆୟାଃ ଜୀଦାନ୍‌ରେ ଉଦେଶ୍ ତାଇକେନା ।

^୬ ଆପେ ପାର୍ମେଶ୍ୱାର୍‌ଆଃ ହନ୍‌କ ତାନ୍‌ପେ, ଏନା ଉଦୁବେ ନାଗେନ୍ତେ ପାର୍ମେଶ୍ୱାର୍ ଆୟାଃ ହନ୍‌ଆଃ ପାବିତାର୍ ଆମାକେ ଆରୁଆଃ ମନ୍‌ସୁରୁଦ୍‌ତେ କୁଲ୍‌କିୟା, ଏନ୍ ପାବିତାର୍ ଆମା “ଆବା ! ହେ ଆଇୟାଃ ଆବା ।” ମେନ୍ତେ କାଉରିତାନ୍‌ଲଃ କାଜିତାନା । ^୭ ଏନାମେନ୍ତେ ଆପେ କିରିଙ୍ଗ୍‌ୟାକାନ୍ ଦାସି ନାହାଁଲାଃପେ, ହନ୍ ତାନ୍‌ପେ । ଆପେ ଇନିୟାଃ ହନ୍‌କ ହବାୟାନ୍ତେ, ପାର୍ମେଶ୍ୱାର୍ ଆୟାଃ ହନ୍‌କ ନାଗେନ୍ତେ ଅକ ସବେନାଃ ଦହକାଦାଏ, ଏନାକେ ଆପେ ସବେନ୍‌କକେ ଏମାପେୟା ।

ଗାଳାତିୟ ବିଶ୍ୱାସୀକ ନାଗେନ୍ତେ ପାଉଲୁସ୍‌ଆଃ ଉଡ଼ୁ

^୮ ସିଦା ଦିପିଲିରେ ଆପେ ପାର୍ମେଶ୍ୱାର୍‌କେ କାପେ ସାରିକାଇ ତାଇକେନା, ଏନାମେନ୍ତେ ଅକନ୍‌କ ସାର୍‌ତି ପାର୍ମେଶ୍ୱାର୍ ନାହାଁଲାକ, ଏନ୍‌ଲେକାନ୍ ହସଡ୍ ମାହାପୁରୁକଆଃ ଦାସିପେ ତାଇକେନା । ^୯ ମେନ୍‌ଦ ନାହାଁଃ ଆପେ ପାର୍ମେଶ୍ୱାର୍‌କେ ସାରିକାଇଜାଃପେ, ଏନାତେ ଆଇଜ୍ କାଜିୟାଈଜ୍, ନାହାଁଃ ପାର୍ମେଶ୍ୱାର୍ ଆପେକେ ସାରିକାଦ୍‌ପେୟା । ତାବ୍‌ଦ ନେଆଁ

☆ ୩:୨୯ ୩:୨୯ ରୋମି ୪:୧୩. ☆ ୪:୫ ୪:୫ ରୋମି ୮:୧୫-୧୭.

ଚିଲ୍ଲିକା ହବାସାକାଅଥାଃ ଯେ, ଆପେ ଆତଃମିସା ଏନେଚେଦ୍ ବିଷାଏରେୟାଃ କା ପେଡ୍ରେୟାନ୍, ଗର୍ଗରାଗି ନେଲଃତାନ୍ ମାହାପୁରୁକତାଃତେ ରୁହାଡ୍ ନାଗେନ୍ତେ ସାନାଙ୍ଗତାନାପେ ? ଆପେ ଚିନାଃମେନ୍ତେ ଆତଃମିସା ଇନ୍କୁଆଃ କିରିଙ୍ଗ୍ଠାକାନ୍ ଦାସି ହବାଅଃ ନାଗେନ୍ତେସେ ସାନାଙ୍ଗତାନା ? ୧୦ ଆପେ ସବେନ୍ଦକ ବିଶେଷ ବିଶେଷ ହୁଲାଙ୍ଗ୍, ମାହାନ୍, ପାରାଦ୍, ଆତଃ ବାରାଷକକେପେ ମାନାତିଙ୍ଗ୍ତାନା । ୧୧ ଆଇଙ୍ଗ୍ ଆପେୟାଃ ନାଗେନ୍ତେ ଅକଥାଃ କାମିକାଦାଇଙ୍ଗ୍, ଏନା ସାମା ଏଣ୍ଡାଗଃଆ ମେନ୍ତେ ଆଇଁୟାଃ ବର ମେନାଃ ।

୧୨ ହେ ହାଗା ମିଶିକ, ଆଇଙ୍ଗ୍ ଆପେକେଇଙ୍ଗ୍ ବିକ୍ରିପେତାନା, ଆପେ ସବେନ୍ଦକ ଆଇଁୟାଃ ଲେକା ହବାଅଃପେ । ଆଇଙ୍ଗ୍ ଆପେ ଲେକାଇଙ୍ଗ୍ ହବାକାନା ଆତଃ ଆପେ ଆଇଁୟାଃ ନାଙ୍ଗ୍ ଜେତାନ୍ ଏଡ୍‌କାନାଃ କାପେ ରିକାକାଦା । ୧୩ ଆଇଙ୍ଗ୍ ବେମାର୍ ତାଇକେନ୍ ଇମ୍ତା ଆପେତାଃରେ ପାହିଲାତେ ସୁକୁକାଜିଇଙ୍ଗ୍ ଉଦୁବାକାଦ୍ ତାଇକେନା, ଏନା ପାହାମେପେ । ୧୪ ମେନ୍ଦ ଆଇଁୟାଃ ବେମାର୍ ଆପେୟାଃ ନାଗେନ୍ତେ ଖୁସରାଃ କାଜି ହବାକାନ୍ରେୟାଗି, ଆପେ ଆଇଙ୍ଗ୍‌କେ କାପେ ହିଲାଙ୍ଗ୍‌କେଦିୟାଁ ଚାଏ କାପେ ବାଗିକେଦିୟାଁ । ମେନ୍ଦ ଆପେ ଆଇଙ୍ଗ୍‌କେ ପାରମେଶ୍ଵାର୍‌ଆଃ ମିଆଁଦ୍ ଦୁଁଡ୍ ଲେକାପେ ଦାରମ୍‌କେଦିୟାଁ । ଖ୍ରୀଷ୍ଟ ଯୀଶୁକେ ଆପେ ଜେ'ଲେକା ଦାରମ୍ କାଇତେୟାଃପେ, ଏନ୍‌ଲେକାଗି ଆଇଙ୍ଗ୍‌କେୟାଗି ଦାରମ୍‌କାଇଙ୍ଗ୍ ତାଇକେନାପେ । ୧୫ ଇମ୍ତା ଆପେ ଚିମିନ୍ ରାସ୍‌କାକାନ୍ ତାଇକେନାପେ ! ମେନ୍ଦ ନାହାଁଃ ଚିନାଃ ହବାୟାନା ? ଆଇଙ୍ଗ୍ ଆପେୟାଃ ବିଷାଏରେ ଗାଞ୍ଜା ଏମ୍‌ତାନାଇଙ୍ଗ୍ ଚି, ହବାସାକାଅକାନ୍ରେ, ଆପେୟାଃ ସବେନାଃଏତେ ଗନଙ୍ଗ୍‌ଆଁନ୍ ବିଷାଏ ଆସିକାପେରେୟାଗି, ଆପେ ଏମାକାଇଙ୍ଗ୍ ତେୟାଃପେ । ୧୬ ମେନ୍ଦ ନାହାଁଃ ଆଇଙ୍ଗ୍ ଆପେକେ ସାର୍‌ତି କାଜିକାଦ୍ ହରାତେ ଚିନାଃ ଆପେୟାଃ ବାଇରି ହବାଅଃତାନାଇଙ୍ଗ୍ ?

୧୭ ଏନ୍ ଏଟାଃ ହଡକ ଆପେୟାଃ ବୁଗିନାଃ ନାଗେନ୍ତେ ପୁରାଃଗି ଚିହୁଲାନ୍ ଲେକା ଉଦୁବେନ୍‌ତାନାକ । ମେନ୍ଦ ନେଆଁରେ ଇନ୍କୁଆଃ ସାର୍‌ତି ଉଦେଶ୍ଵ ବାନଃଆ । ଇନ୍କୁଆଃ ମିଆଁଦ୍‌ଗି ସାନାଙ୍ଗତାନାଃ ଯେ, ଆପେ ଚିଲ୍ଲିକା ଆଇଁୟାଃତାଃଏତେ ରୁହାଡ୍‌କେଦ୍‌ତେ ଆକରେ ମନ୍ ଏମେୟାଃପେ । ୧୮ ବୁଗିନ୍ ଉଦେଶ୍ଵ ନାଗେନ୍ତେ ଚିହୁଲଃତେୟାଃ ଠାଉକାଗିୟା । ଆଇଙ୍ଗ୍ ଆପେଲଃ ତାଇକାନ୍ ଇମ୍ତା ଏସ୍‌କାର୍ କାହାଗି, ମେନ୍ଦ ସବେନ୍ ଇମ୍ତା ଆପେ ନେ ଠାଉକାନ୍‌ତେୟାଃ ରିକା ଲାଗାତିଙ୍ଗ୍‌ୟାଃ । ୧୯ ଏ ଆଇଁୟାଃ ଦୁଲାଡ୍ ହନ୍‌କ, ଆପେକେ ଖ୍ରୀଷ୍ଟ ଲେକା ବାଇ ନାଗେନ୍ତେ ଆଇଙ୍ଗ୍ ଆତଃମିସା ହନ୍ ଜାନାମଃ ଇମ୍ତାରେୟାଃ ଦୁକୁ ଲେକାଇଙ୍ଗ୍ ଆଡ୍‌କାରେତାନା । ୨୦ ଆଇଙ୍ଗ୍ ନାହାଁଃ ଆପେତାଃରେଇଙ୍ଗ୍ ତାଇକାନ୍ରେ, ଆପେୟାଃ ବିଷାଏରେ ଆଇଙ୍ଗ୍ ଏଟାଃ ଲେକାଇଙ୍ଗ୍ କାଜି ଦାଡ୍‌ତେୟାଃ ମେନ୍ତେ ଆଇଁୟାଃ ସାନାଙ୍ଗ୍ । ଚିୟାଃତି ଆଇଙ୍ଗ୍ ଆପେ ନାଗେନ୍ତେ ପୁରାଃଗିଇଙ୍ଗ୍ ପାହାମ୍‌ତାନା ।

ହାଗାର୍ ଆତଃ ସାରାରାଃ ନାମୁନା

୨୧ ଅକନ୍‌କ ଆନ୍‌ଚୁରେୟାଃ ଆକ୍‌ତେୟାର୍‌ରେ ତାଇନଃ ନାଙ୍ଗ୍ ସାନାଙ୍ଗ୍‌ଆଃକ, ଆଇଙ୍ଗ୍ ଇନ୍‌କୁକେ କୁଲି ନାଗେନ୍ତେଇଙ୍ଗ୍ ସାନାଙ୍ଗ୍‌ତାନା, ଆନ୍‌ଚୁରେ ଚିନାଃ ଅଲ୍‌କାନା, ଏନା କାପେଚି ସାରିକାଦା ? ୨୨ ଧାରାମ୍‌ପୁଥ୍ରେ ଅଲ୍‌କାନା, ଆରୁହାମ୍‌ଆଃ ବାରିୟା ହନ୍ ତାଇକେନାକିନ୍, ମିଆଁଦ୍ କାମ୍‌ଡି କୁଡିରାଃ ହନ୍ ଏନ୍ତେ ଆତଃମିଆଁଦ୍‌ନିଃ ଆୟାଃ କୁଡିତେୟାଃ ହନ୍ । ୨୩ କାମ୍‌ଡି କୁଡିଆଃ ହନ୍, ହଡ୍‌ମଲେକାତେ ଜାନାମ୍‌ୟାନା, ମେନ୍ଦ ଆୟାଃଲଃ ଆଣ୍ଡିକାନ୍ କୁଡିଆଃ ହନ୍, ପାରମେଶ୍ଵାର୍‌ଆଃ ବାନାର୍‌ସା କାଜି ଲେକାତେ ଜାନାମ୍‌ୟାନା । ୨୪ ନେଆଁ ମିଆଁଦ୍ ଜନ୍‌କା ଲେକା କାଜିୟାଆ । ନେ ବାରାନ୍ କୁଡିକିନ୍ ବାରିୟା ରାଜିନାମାକାଦ୍ ଲେକାନ୍‌କିନ୍ ତାନ୍‌କିନ୍ । ମିଆଁଦ୍ ରାଜିନାମା ସିନାଇ ବୁରୁତାଃରେ ହବାକାନ୍ ତାଇକେନା । ନେ ରାଜିନାମା ଉଦେଶ୍ଵରେ ଅକ ହଡକ ଜାନାମଃଆକ, ଇନ୍‌କୁ କିରିଙ୍ଗ୍‌ଠାକାନ୍ ଦାସି ଲେକା ତାନ୍‌କ । ହାଗାର୍ ନେ ରାଜିନାମାରେୟାଃ ଚିହ୍ନାଁ ଲେକାନ୍‌ନିଃ ତାନିଃ । ୨୫ ହାଗାର୍ ମେନ୍‌ଲେରେ ଆରବ୍ ଦିଶ୍ଵମ୍‌ରେ ତାଇନ୍‌ତାନ୍ ସିନାଇ ବୁରୁକେ କାଜିୟାଃକ, ଆତଃ ଏନା ନାହାଁଃରେୟାଃ ଯୀରୁଶାଲେମ୍ ନାଗାର୍ ଲେକା ତାନା । ହାଗାର୍ ଲେକା ଯୀରୁଶାଲେମ୍ ଆତଃ ଆୟାଃ ହଡକ ନାହାଁଃ କିରିଙ୍ଗ୍‌ଠାକାନ୍ ଦାସିରେୟାଃ ତନଲ୍‌ରେକ ତଲ୍‌କାନା । ୨୬ ମେନ୍ଦ ସିର୍ମାରେୟାଃ ଯୀରୁଶାଲେମ୍ ରାଡ୍‌କାନା ଆତଃ ଏନା ଆରୁଆଃ ଏଙ୍ଗା ତାନିଃ । ୨୭ ଚିୟାଃତି ଧାରାମ୍‌ପୁଥ୍ରେ ଅଲ୍‌କାନା, “ହେ ଟଣିଟ୍ କୁଡି, ଆମ୍ ରାସ୍‌କାଅଃମେ, ହନ୍ ଜାନାମ୍ ହବାଅଃ ଇମ୍ତାରେୟାଃ ଦୁକୁ ଚିଉଲ୍‌ଅ କାମ୍ ଆଟ୍‌କାର୍‌କାଦ୍‌ରେହ୍, ପୁରାଃଗି ରାସ୍‌କାତେ କାଉରିମେ । ଚିୟାଃତି କଡାଲଃ ତାଇନ୍‌ତାନ୍ କୁଡିଏତେ ମିଆଁଦ୍ ସାଙ୍ଗିନାକାନ୍ କୁଡିରାଃ ହନ୍‌କ ପୁରାଃଗି ହବାଅଃଆକ ।”

୨୮ ହେ ହାଗା ମିଶିକ, ଆପେ ସବେନ୍‌କ ଇସାକ୍ ଲେକାଗି ନାହାଁଃଦ୍ ପାରମେଶ୍ଵାର୍‌ଆଃ ବାନାର୍‌ସା ଏମାକାନ୍ ହନ୍‌କ ତାନ୍‌ପେ । ୨୯ ମୁସିଙ୍ଗ୍ ହଡ୍‌ମରେୟାଃ ସଭାବ୍ ଲେକାତେ ଜାନାମାକାନ୍ ହନ୍, ପାରମେଶ୍ଵାର୍‌ଆଃ ଆମ୍‌ତେ ଜାନାମାକାନ୍ ହନ୍‌କେ ସାସାତିକିୟାଏ । ଏନ୍‌ଲେକାଗି ନାହାଁଃହ୍ ହବାଅଃତାନା । ୩୦ ମେନ୍ଦ ନେ ବିଷାଏରେ ଧାରାମ୍‌ପୁଥ୍ ଚିନାଃଏ କାଜିତାନା ? ଏନାରେ ଅଲ୍‌କାନା, “କାମ୍‌ଡି କୁଡିକେ ଆତଃ ଇନିୟାଃ ହନ୍‌କେ ସାଙ୍ଗିନ୍‌କିନ୍‌ପେ, ଚିୟାଃତି ଆଣ୍ଡିୟାକାନ୍ କୁଡିରାଃ ହନ୍‌ଲଃ କାମ୍‌ଡି କୁଡିରାଃ ହନ୍ ଆପୁଆଃ ଖୁଜ୍‌ରେ ଜେତାନ୍ ହିସା କାଏ ନାମେୟା ।” ୩୧ ଏନାମେନ୍ତେ ହେ ହାଗା ମିଶିକ, ଆରୁ କାମ୍‌ଡି କୁଡିଆଃ ହନ୍‌କ ନାହାଁଃଲାରୁ, ମେନ୍ଦ ଆଣ୍ଡିୟାକାନ୍ କୁଡିରାଃ ହନ୍‌କ ତାନ୍‌ବୁ ।



ଆପେୟାଃ ତନଲ୍ଲହେତେ ରାଡ଼ାକାନ୍ତେୟାଃକେ ବାସ୍ତାଏପେ

^୧ ଆବୁ ତନଲ୍ଲହେତେ ରାଡ଼ାକାନାବୁ । ଖ୍ରୀଷ୍ଟ ଆବୁକେ ତନଲ୍ଲହେତେ ରାଡ଼ାକାଦ୍‌ବୁଆ । ଏନାମେନ୍ତେ ଆପେ ତନଲ୍ଲହେତେ ରାଡ଼ାକାନ୍ତେୟାଃରେ ସାବକେଟେଦ୍‌କେଦ୍‌ତେ ତାଇନ୍‌ପେ । ଆଡ଼ଃମିସା କିରିଙ୍ଗ୍‌ୟାକାନ୍ ଦାସି ଲେକା ଆଡ଼ନାରେ ତଲଃ ନାଗେନ୍ତେ ଆଲପେ ରୁହାଡ଼ା ।

^୨ ଆଇଙ୍ଗ୍ ପାଉଲ୍‌ସ୍, ଅକଆଃ କାଜିତାନାଇଙ୍ଗ୍ ଏନା ଆୟୁମେପେ, ଆପେ ଖାଡ଼ନାଅ ରିତିରିଖାଜ୍ ମାନାତିଙ୍ଗ୍‌ତାନ୍ ରେଦ୍, ଏନାରେୟାଃ ମୁଣ୍ଡି ହବାଅଃଆ, ଆପେ ନାଗେନ୍ତେ ଖ୍ରୀଷ୍ଟଆଃ ଜେତାନ୍ ଲାଗାତିଙ୍ଗ୍ ବାନଃଆ । ^୩ ଆଇଙ୍ଗ୍ ଖାଡ଼ନାଅ ରିକାଅଃତାନ୍ ମିପିଆଦ୍ ହଡ଼କେ ଆଡ଼ଃମିସା ତେତାଅ ଏମାଲ୍ ତାନାଇଙ୍ଗ୍ ଯେ, ମୁଣା ଏମାକାଦ୍ ଆନ୍‌ତୁକେ ପୁରା ମାନାତିଙ୍ଗ୍ ଲାଗାତିଙ୍ଗ୍‌ୟାଃ । ^୪ ଆପେକଏତେ ଅକନ୍‌କ ଆନ୍‌ତୁ ମାନାତିଙ୍ଗ୍ ହରାତେ ପାର୍‌ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍ ହବାଅଃ ନାଗେନ୍ତେକ ସାନାଙ୍ଗ୍‌ତାନା, ଇନ୍‌କୁ ଆପାନ୍‌କେ ଖ୍ରୀଷ୍ଟତାଃଏତେ ବିନ୍‌ଗାଅକାନାକ, ଇନ୍‌କୁ ପାର୍‌ମେଶ୍ୱାର୍‌ଆଃ ସାୟାଦ୍‌ହେତେ ସାଙ୍ଗିନ୍‌କାନାକ । ^୫ ମେନ୍‌ଦ୍ ଆବୁ ଆସ୍ତାଏତାନାବୁ ଯେ, ପାର୍‌ମେଶ୍ୱାର୍ ଆବୁକେ ଆୟାଃ ନେପେଲ୍‌ରେ ଧାର୍‌ମାନ୍ ମେନ୍ତେ ଠାହାରାଅବୁଆ, ଆବୁଆଃ ବିଶ୍ୱାସ୍‌ରେୟାଃ ଜ ଲେକାତେ ଆବୁଆଃ ମନ୍‌ସୁରୁଦ୍‌ରେ କାମି ରିକାତାନ୍ ପାବିତାର୍ ଆମ୍ବାରାଃ ପେଡ଼େଃ ହରାତେ, ନେ ସବେନାଃ ହବାଅଃଆ ମେନ୍ତେବୁ ନେଲ୍ ହରାତାନା । ^୬ ଚିୟାଃଚି ଯୀଶୁ ଖ୍ରୀଷ୍ଟଲଃ ମେସାକେଦ୍‌ତେ ଜୀଦାନ୍ ବିତାଅରେଦ୍, ଖାଡ଼ନାଅ ଚାଏ କା ଖାଡ଼ନାଅରେୟାଃ ଜେତାନ୍ ଫାରାକ୍ କା ତାଇନାଃ । ମିଆଁଦ୍‌ଗି ଲାଗାତିଙ୍ଗ୍‌ତେୟାଃ ହବାଅଃତାନା, ବିଶ୍ୱାସ୍‌ରେ କେଟେଦ୍ ତାଇନ୍‌କେଦ୍‌ତେ ଦୁଲ୍‌ତ୍‌ରେ କାମିକେ ପୁରା ଦାଡ଼ିୟାଆ ।

^୭ ଆପେଦ୍ ଆମ୍ବିକ୍‌ରେ ବୁଗିଲେକାପେ ସେସେନ୍ ତାଇକେନା, ସାର୍‌ତି ହରାରେ ସେସେନ୍ ଇମ୍‌ତା ଅକଏ ଆପେକେ କାଜିକଟଙ୍ଗ୍ କେଦ୍‌ପେୟା ? 「ଆପେକେ କେଡ଼ାକାଦ୍‌ପେ ପାର୍‌ମେଶ୍ୱାର୍‌ଆଃ ହରାତେ ନେ ଉସ୍‌କୁର୍ କା ହବାକାନା । ^୮ କାଜିରେ ମେନାଃ, “ସିପୁଦାକାନ୍ ମାଏଦାକେ ମିଏ ନାଗେନ୍ତେ କାଟିଃ ଲେକାଗି ରାନ୍ ଲାଗାତିଙ୍ଗ୍‌ୟାଃ ।” ^୯ ଏନା ଜାହାନାଃତେ ହବାଅଃକା, ନାହାଃ ଜାକେଦ୍ ଆପେତାଃରେ ଆଇଁୟାଃ ଆସ୍ତା ମେନାଃ, ଚିଆଃଚି ଆବୁ ସବେନ୍‌କ ପ୍ରାଭୁଲଃ ମେସାକାନାବୁ, ଆଇଁୟାଃ ପୁରାଃ କେଟେଦ୍ ବିଶ୍ୱାସ୍ ମେନାଃ ଯେ, ଆପେ ଜେତାଏ ଆଇଁୟାଃ କାଜିରାଃ ବିରୁଧ୍ କାପେ ରିକାଏୟା । ଆଡ଼ଃ ଅକ ହଡ଼ ଆପେକେ ବିନ୍‌ଗାଅପେ ତାନା, ଇନିଃ ଜେତାଏ ହବାଅଃରେୟାଗି ପାର୍‌ମେଶ୍ୱାର୍ ଇନିଃକେ ସାଜାଇ ଏମାଲୟାଏ ।

^{୧୦} ମେନ୍‌ଦ୍ ହେ ହାଗା ମିଶିକ, ଆଇଙ୍ଗ୍ ତିସିଙ୍ଗ୍ ଜାକେଦ୍ ଖାଡ଼ନାଅ ବିଷାଏରେଇଙ୍ଗ୍ ଉଦୁବେତାନ୍‌ରେଦ୍, ଚିନାଃ ମେନ୍ତେଇଙ୍ଗ୍ ସିଗିଦଃତାନା ? ତାବ୍‌ଦ୍ ଖ୍ରୀଷ୍ଟଆଃ କୁଣ୍ ବିଷାଏରେ ଉଦୁବ୍‌ତେୟାଃ ତହଦଃରାଃ କାଜି ନାହାଁଲାଃ । ^{୧୧} ଆଇଙ୍ଗ୍ ସାନାଙ୍ଗ୍ ତାନାଇଙ୍ଗ୍, ନେ ବିଷାଏରେ ଅକନ୍‌କ ଆପେକେ କାଜିକଟଙ୍ଗ୍‌ପେ ତାନାକ, ଇନ୍‌କୁ ଆଡ଼ଃକାଟିଃ ଆୟାର୍‌ରେୟାକାକ ଆଡ଼ଃ କା ଖାଡ଼ନାଅକେଦ୍‌ତେ ପୁରାଗି କା ପେଡ଼େୟାନ୍ ହବାକାନ୍ ରେଦ୍ ବୁଗିନ୍ ହବାକାନ୍‌ତେୟାଃ ।

^{୧୨} ହେ ହାଗା ମିଶିକ, ଆପେଦ୍ ତନଲ୍ଲହେତେ ରାଡ଼ାଅଃ ନାଗେନ୍ତେ କେଡ଼ାକାନ୍ ତାଇକେନାପେ । ମେନ୍‌ଦ୍ ଚିର୍ଗାଲ୍‌କାନ୍‌ପେ, ଆପେୟାଃ ହଡ଼ମରେୟାଃ ସାନାଙ୍ଗ୍‌କେ ଏସ୍‌କାର୍ ପୁରାଏ ନାଗେନ୍ତେ ଏନ୍ ତନଲ୍ ରାଡ଼ାକାନ୍‌ତେୟାଃକେ ସୁୟୋଗ୍ ଲେକା ଆଲପେ ବେଭାର୍‌ରେୟା । ମେନ୍‌ଦ୍ ଦୁଲ୍‌ତ୍‌ତେ ସେସେନ୍‌କେଦ୍‌ତେ ଆପେ ମିହୁଡ୍ ଆଡ଼ଃମିହୁଡ୍‌ରାଃ ସେଖାଏପେ । ^{୧୩} ଚିୟାଃଚି ମିଆଁଦ୍‌ଗି ଆନ୍‌ତୁରେ ସବେନ୍ ଆନାବୁ ପୁରାଅଃତାନା, “ଆମାଃ ହୋପର୍‌ଜାପାଃନିଃକେ ଆପ୍‌ନାଃ ଲେକା ଦୁଲ୍‌ତ୍‌ମେ ।” ^{୧୪} ମେନ୍‌ଦ୍ ଆପେ ଜାଁତୁକ ଲେକା ଚାଇଲ୍ ଚାଲାନ୍ ତାନ୍‌ଲଃ ମିହୁଡ୍ ଆଡ଼ଃମିହୁଡ୍‌ଆଃ ହାନି ଆଡ଼ଃ ନକ୍‌ସାନ୍ କାମିକ ରିକାଏତାନ୍‌ରେଦ୍, ଚିର୍ଗାଲ୍‌କାନ୍ ତାଇନ୍‌ପେ, କା'ରେଦ୍ ହବାସାକାଅଆଃ ଆପେ ମିହୁଡ୍ ଆଡ଼ଃମିହୁଡ୍‌ଆଃ ପୁରା ଜିୟନ୍ ରିକାଏଆପେ ।

ପାବିତାର୍ ଆମ୍ବା ଆଡ଼ଃ ମାନଖାରାଃ ସଭାବ୍

^{୧୫} ଆଇଙ୍ଗ୍ କାଜିତାନ୍‌ତେୟାଃ ହବାଅଃତାନା, ପାବିତାର୍ ଆମ୍ବା ଆପେୟାଃ ଜୀଦାନ୍‌କେ ଆୟାର୍‌ତେ ଚାଲାଅଇଦିକା । ତାବ୍‌ଦ୍ ଆପେ ହଡ଼ମରେୟାଃ ପାପ୍ ସଭାବ୍‌କେ କାପେ ପୁରାଏୟା । ^{୧୬} ମାନଖାରାଃ ସଭାବ୍ ପାବିତାର୍ ଆମ୍ବାରାଃ ବିରୁଧ୍ ତାନାଃ, ଏନ୍ ଲେକାଗି ପାବିତାର୍ ଆମ୍ବାରେୟାଃ ଇଛା ମାନଖାରାଃ ବିରୁଧ୍ ତାନାଃ । ନେ ବାରାନ୍‌କିନ୍ ମିହୁଡ୍ ଆଡ଼ଃମିହୁଡ୍‌ରାଃ ବାଇରି ତାନ୍‌କିନ୍ । ଏନାତେ ଆପେ ଅକନାଃ ରିକା ନାଗେନ୍ତେ ସାନାଙ୍ଗ୍‌ତାନାପେ, ଏନା କାପେ ରିକା ଦାଡ଼ିୟା । ^{୧୭} ପାବିତାର୍ ଆମ୍ବା ଆପେକେ ସୁଭୁଃ ଇଦିପେ ତାନ୍‌ରେଦ୍, ଆପେ ମୁଣା ଏମାକାଦ୍ ଆନ୍‌ତୁରାଃ ଆକ୍‌ତେୟାର୍‌ରେ ବାଙ୍ଗ୍‌ପେୟା ।

^{୧୮} ମାନଖା ସଭାବ୍‌ରେୟାଃ କାଜିକାମି ସବେନ୍ ହଡ଼କ ସାରିତାନା । ଏନା ହବାଅଃତାନା, ଆପାଙ୍ଗ୍‌ର୍ କାମି, ସଡ଼ରା କାମି, ଏଡ଼କାନ୍ ରିଜ୍‌ରାଙ୍ଗ୍, ^{୧୯} ମୁରୁଡ୍ ସେଖା, ଦେଅଁଣା କାମି, ବାଇରି ଆଡ଼ଃ କାପ୍‌ଜି, ହିସ୍‌ଙ୍ଗା, ଖ୍‌ସ୍, ଆପ୍‌ନାଃ ନାଙ୍ଗ୍ ଏସ୍‌କାର୍ ଉଡ଼ୁ, ଝୁଣ୍‌କକେ ବିନ୍‌ଗାଅ, ^{୨୦} ଆଡ଼ଃ ହିସ୍‌ଙ୍ଗା, ଇଲିଆର୍‌ଖ୍ ନୁଁ, ରିଜ୍‌ରାଙ୍ଗ୍, ଆଡ଼ଃ ଏନ୍‌ଲେକା ଏଟାଃ ଏଟାଃ ଏଡ଼କାନ୍

☆ ୫:୯ ୫:୯୧ କରିନ୍ଥ୍ରିୟ ୫:୭. ☆ ୫:୧୭ ୫:୧୭ ରୋମି ୭:୧୫-୨୩.

କାମିରେ ତାଇନାଃକ । ଆଇଙ୍ଗ୍ ସିଦା ଲେକା ନାହାଁଃ ହରି ଆପେକେଇଙ୍ଗ୍ ଚିର୍ଗାଲ୍ପେ ତାନା । ଅକନ୍କ ନେ'ଲେକା କାମିକ କାମିୟା, ଇନ୍କୁ ପାର୍ମେଶ୍ଵାର୍ ଆଃ ରାଇଙ୍ଗ୍ରେ ଆକ୍ତେୟାର୍ କାକ ନାମେୟା ।

^{୨୨} ମେନ୍ଦ୍ ପାବିତାର୍ ଆମ୍ବ୍ରେୟାଃ ବାନ୍ଦାନ୍ ହବାଅଃତାନା, ଦୁଲ୍ଲାଡ୍, ରାସ୍କା, ଜୀଉସୁକୁ, ସାହାତିଙ୍ଗ୍ ଜୀଞ୍ଜାନ୍, ଦାୟା, ବୁଗିନାଃ, ପାତିୟାର୍ରେଃ ଲେକା, ^{୨୩} ଲେବେଃ ମନ୍, ଆତଃ ଆପାନ୍କେ ଆବ୍ରେରେ ଦହ, ନେ ସବେନାଃରେ ଆନ୍ତୁରାଃ ଜେତାନ୍ ବିରୁଧ୍ ବାନଆଃ । ^{୨୪} ଅକନ୍କ ଯୀଶୁ ଖ୍ରୀଷ୍ଟ୍ ଆଃ ତାନ୍କ, ଇନ୍କୁ ସବେନ୍ ଲାଲାର୍ ଆତଃ ହଡ୍ମରାଃ ଏଡ୍କାନ୍ ସାନାଙ୍ଗ୍ ମାନଞ୍ଜାରାଃ ସଭାବ୍କେ କୁଶ୍ରେ କିଲ୍ଲାକାଦାକ । ^{୨୫} ପାବିତାର୍ ଆମ୍ବ୍ ଆବୁକେ ଜୀଦାନ୍ ଏମାକାଦ୍ବୁଆଏ, ଇନିଃ ଆବୁଆଃ ଜୀଦାନ୍କେ ହରି ସୁତୁଃଇଦିକାଏ । ^{୨୬} ଏନାମେନ୍ତେ ଆବୁ ଆପାନ୍କେ ମାରାଙ୍ଗ୍ ମେନ୍ତେ କାଜିନ୍ ଚାଏ ଏଟାଃକକେ ଖ୍ସ୍ ଚାଏ ଏଟାଃକକେ ହିସ୍ଙ୍ଗା ଆବୁକେ ରିକା କା ଲାଗାତିଙ୍ଗ୍ୟାଃ ।



ମିହୁଡ୍ ଆତଃମିହୁଡ୍ରେଃ ବାହାରମ୍ ଗଗେକାବୁ /

^୧ ହେ ହାଗା ମିଶିକ, ଜେତାଏ ଜେତାନ୍ ଗୁଙ୍ଗା କାମିରେ ସାବଃରେଦ, ଆପେକଏତେ ଅକନ୍କ ଆମ୍ବ୍ରେ ସେସେନ୍ ତାନାକ, ଇନ୍କୁ ଇନିଃକେ ସୁଧ୍ରାଅ ଲାଗାତିଙ୍ଗ୍ୟାଃ, ମେନ୍ଦ୍ ଆପେକେ ନେ କାମି ଲାଗୁଃକେଦ୍ତେ, ଲେବେଃ ମନ୍ତେ ରିକା ଲାଗାତିଙ୍ଗ୍ୟାଃ । ଆତଃ ଚିର୍ଗାଲ୍ଲକାନ୍ଦ୍ପେ, ଅକଏସାରି ଏନ୍ ଲେକା କାମି ରିକା ନାଗେନ୍ତେ ଆପେ ଆପେଗି ବିନିଡାଅରେ ଉୟୁଃ ସାକାଅଃଆପେ । ^୨ ମିହୁଡ୍ ଆତଃମିହୁଡ୍ରେଃ ବାହାରମ୍ ଗଅଃ ନାଗେନ୍ତେ ଦେଙ୍ଗାଅଃପେ, ଏନ୍ଲେକା ରିକା ହରାତେ ଆପେ ସବେନ୍କ ଖ୍ରୀଷ୍ଟ୍ ଆଃ ଆନ୍ତୁକେପେ ମାନାତିୟେଆ । ^୩ ଜେତାଏ ହଡ୍ ବେଗାଡ୍ ସାରିକେଦ୍ତେ ସାରିକାଦିଙ୍ଗ୍ ମେନ୍ତେ କାଜିନିଃ ଆପାନ୍କେଗି ବେଦାନ୍ତାନା । ^୪ ଆପେ ସବେନ୍କ ଆପ୍ନାଃ ଆପ୍ନାଃ ଚାଇଲ୍ ଚାଲାନ୍କେ ବିଚାର୍କେଦ୍ତେ ଆବ୍କାର୍ଉତ୍ତୁମ୍ ଲାଗାତିୟା । ଏନା ବୁଗିନାଃତାନାଃ ରେଦ, ଏନା ନାଗେନ୍ତେ ଆପାନ୍କେ ମାରାଙ୍ଗ୍ ମେନ୍ତେ କାଜିନ୍କାଏ ଆତଃ ଏଟାଃନିୟାଃ କାମିକେ ଆପାନ୍ନାଃ କାମିଲ୍ଲଃ ଜକାକେଦ୍ତେ ଇନିଃ ଆପାନ୍କେ ମାରାଙ୍ଗ୍ ମେନ୍ତେ ଆଲକାଏ କାଜିନ୍କା । ^୫ ଚିଆଃଚି ମିମିଆଦ୍ ହଡ୍କେ ଆପ୍ନାଃ ଆପ୍ନାଃ ବାହାରମ୍ ଗଅଃ ଲାଗାତିଙ୍ଗ୍ୟାଃ ।

^୬ ଖ୍ରୀଷ୍ଟ୍ ଆଃ ସୁକୁକାଜି ଇଡ୍ଡତାନ୍ ଇମ୍ତା ଇଡ୍ଡନିଃକେ ଆପାନ୍ନାଃ ଲାଗାତିଙ୍ଗ୍ ଲେକାନ୍ ସବେନ୍ ବୁଗିନ୍ ବିଷାଏରେ ଇନିଃକେ ହିସା ଏମ୍ ଲାଗାତିଙ୍ଗ୍ୟାଃ ।

^୭ ଆପେ ଆପାନ୍କେ ଆଲପେ ବେଦାନାଃ, ପାର୍ମେଶ୍ଵାର୍ ବେଦାଅଃନିଃ ନାହାଁଲିଃ । ହଡ୍ହନ୍ ଅକଆଃ ହେରେୟାଏ ଏନାଗି ଇରେୟା । ^୮ ଅକ ହଡ୍ ଆପାନ୍ନାଃ ପାପ୍ରେୟାଃ ସଭାବ୍କେ ସୁକୁଇଚି ନାଗେନ୍ତେ ଲୟଙ୍ଗ୍ରେ ହିତାଏ ହେରେୟା, ଇନିଃ ଜିୟନଃରେୟାଃ ହିତାଏ ଇରେୟା । ମେନ୍ଦ୍ ଜେତାଏ ପାବିତାର୍ ଆମ୍ବ୍ରେ ସୁକୁଇଚି ନାଗେନ୍ତେ ଲୟଙ୍ଗ୍ରେ ହିତାଏ ହେରେୟା, ଇନିଃ ଆମ୍ବାତାଏତେ ଜାନାଅ ଜୀଦାନ୍ରେୟାଃ ହିତାଏ ଇରେୟା । ^୯ ଏନାମେନ୍ତେ ବୁଗିନ୍ କାମି ରିକା ନାଗେନ୍ତେ ଆଲକାବୁ ଲାଗାଅଃକା । ଚିୟାଃଚି ଏନାଏତେ କା ଲାଗାନ୍ରେ, ଠାଉକାନ୍ ଦିପିଲିରେ ହିତାବୁ ଇର୍ ଦାଡିୟା । ^{୧୦} ଏନାମେନ୍ତେ ଆବୁ ଚିମ୍ତା ସୁଯୋଗ୍ବୁ ନାମେୟା, ଇମ୍ତା ଆବୁକେ ବୁଗିନ୍ କାମି ରିକା ଲାଗାତିଙ୍ଗ୍ୟାଃ । ବିଶେଷ୍ଟକେଦ୍ତେ ଅକନ୍କ ଆବୁଆଃ ବିଶ୍ଵାସୀ ଅଡାଃରେନ୍ ତାନ୍କ, ଇନ୍କୁଆଃ ବୁଗିନାଃ ରିକା ଲାଗାତିଙ୍ଗ୍ୟାଃ ।

ଚୁଶ୍ଟୁ ଚୁଚେନେତାଅ କାଜି ଆତଃ ଜହାର୍

^{୧୧} ନେଲେପେ, ଆଇଙ୍ଗ୍ ଚିମିନ୍ ମାରାଙ୍ଗ୍ ମାରାଙ୍ଗ୍ ଅନଲ୍ରେ ଆପେତାଃତେଇଙ୍ଗ୍ ଅଲ୍ଲକାଦା । ^{୧୨} ଅକନ୍କ ହଡ୍ମରେୟାଃ ବାହାରି ବିଷାଏରେ ଉଦୁବେନ୍ ତାନାକ ଆତଃ ଆପ୍ନାଃ ମାନାରାଙ୍ଗ୍ ରିକାତାନାକ, ଇନ୍କୁଗି ଆପେକେ ଖାଡ୍ନାଅଃପେ ମେନ୍ତେକ ଆଚୁପେତାନା । ଇନ୍କୁ ଖ୍ରୀଷ୍ଟ୍ ଆଃ କୁଶ୍ ନାଗେନ୍ତେ ସାସାତି କା ନାମେ ଉଦେଶ୍ରେ ଏନ୍ ଲେକା ରିକାତାନାକ । ^{୧୩} ଅକନ୍କ ଖାଡ୍ନାଅ ରିଚିରିଞ୍ଜାକ୍ତେ ମାନାତିଙ୍ଗ୍ତାନାକ, ଇନ୍କୁଗି ମୁଣାରାଃ ଆନ୍ତୁକେ କାକ ମାନାତିଙ୍ଗ୍ତାନା । ଆପେ ଖାଡ୍ନାଅଃପେ ମେନ୍ତେ ଇନ୍କୁ ସାନାଙ୍ଗ୍ତାନାକ । ମେନ୍ଦ୍ ନେ ହଡ୍ମରାଃ ରିଚିରିଞ୍ଜାକ୍ତେ ମାନାତିଙ୍ଗ୍ ନାଗେନ୍ତେ ଆପେକେ ଆଚୁ ଦାଡିପେରେଦ, ଇନ୍କୁ ଆପାନ୍କେ ମାରାଙ୍ଗ୍ ମେନ୍ତେକ କାଜିନ୍କା । ^{୧୪} ମେନ୍ଦ୍ ଆଇଙ୍ଗ୍ ଏସ୍କାର୍ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍ ଆଃ କୁଶ୍ ବିଷାଏରେ ଆପାନ୍କେ ମାରାଙ୍ଗ୍ ମେନ୍ତେଇଙ୍ଗ୍ କାଜିନ୍ତାନା; ଚିୟାଃଚି ଇନିୟାଃ କୁଶ୍ ହରାତେ ଅତେଦିଶ୍ଟୁମ୍ ଆଇଙ୍ଗ୍ ନାଗେନ୍ତେ ଗଜାକାନା ଆତଃ ଆଇଙ୍ଗ୍ ଅତେଦିଶ୍ଟୁମ୍ ନାଗେନ୍ତେଇଙ୍ଗ୍ ଗଜାକାନା । ^{୧୫} ଅକଏ ଖାଡ୍ନାଅକାନ୍ ଚାଏ କା ଖାଡ୍ନାଅକାନ୍, ଏନାରେ ଜେତାନ୍ କାଜି ବାନଃଆ, ମେନ୍ଦ୍ ପାର୍ମେଶ୍ଵାର୍ ହରାତେ ନାଞ୍ଜା ବାଇରୁହାଡଃତେୟାଃ ଏସ୍କାର୍ ବିଶେଷ୍ଟ କାଜିତାନାଃ । ^{୧୬} ଅକନ୍କ ଆପ୍ନାଃ ଜୀଞ୍ଜାନ୍ରେ ନେ ରିଚିରିଞ୍ଜାକ୍ତେ ମାନାତିଙ୍ଗ୍ତାନାକ, ଇନ୍କୁଆଃ ଚେତାନ୍ରେ ଆତଃ ଇସ୍ରାଏଲ୍ ହଡ୍ମଆଃ ଚେତାନ୍ରେ ପାର୍ମେଶ୍ଵାର୍ ଆଃ ଜୀଉସୁକୁ ଆତଃ ସାୟାଦ୍ ହବାଅଃକା ।

^{୧୭} ଚୁଶ୍ଟୁରେ, ଆଇଙ୍ଗ୍ ନିମିନାଙ୍ଗ୍ କାଜି ସାନାଙ୍ଗ୍ତାନାଲ୍, ଜେତାଏ ଆଇଙ୍ଗ୍କେ ଆଲକାଏ ସିଗିଦିଙ୍ଗ୍କା । ଚିୟାଃଚି ଆଇଙ୍ଗ୍ ହଡ୍ମରେ ଅକନ୍ ସାସାତିରାଃ ଘାଅକ ମେନାଃ, ଏନାତେ ସାରିୟତାନା ଯେ, ଆଇଙ୍ଗ୍ ଯୀଶୁଆଃ କିରିଙ୍ଗ୍ୟାକାନ୍ ଦାସି ତାନିଙ୍ଗ୍ ।

^{୧୮} ହେ ହାଗା ମିଶିକ, ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍ ଆଃ ସାୟାଦ୍ ଆପେ ସବେନ୍କଲଃ ଆମ୍ବ୍ରେ ତାଇନକା । ଆମେନ୍ ।

ଏଫିସିୟମାନଙ୍କ ନିକଟକୁ ପାଉଲଙ୍କ ପତ୍ର ଏଫିସିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଚିଟାଉ ପାରିଟାଏ

ଏଫିସୁସ୍ ନାଗାରରେୟାଃ କାଲିସିୟାତାଃତେ ଅଲ୍ଲକାନ୍ ଚିଟାଉ ପାଉଲୁସ୍‌ଆଃ ହରାତେ ଅଲ୍ଲକାନା । ନେଆଁ ଯୀଶୁ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍ ୭୦ କରେ କଲସିୟ କାଲିସିୟାତାଃତେ ଅଲେତାଲକେନ୍ ଦିପିଲିରେଗି ନେ ଚିଟାଉ ଅଲ୍ଲକାନ୍ ତାଲକେନା । ଅନଲ୍‌ନିଃ ଆଇଃକ୍‌ଗି ପ୍ରେରିତ୍ ପାଉଲୁସ୍ ମେନ୍ତେ ପାରିଟାଏ ଏମାଃଏ, ଚ:୧ । କଲସିୟ ପୁଥ୍ରେ ଜହାର୍ ମେନ୍ତେ କାଏ କାଜିକାଦ୍‌ରେୟାଗି ଚିମିନ୍ ବାଉବାଲ୍ ପାଣ୍ଡିତ୍‌କ ଏଫିସୁସ୍ ପୁଥ୍ରେ ପାଉଲୁସ୍ ଅଲ୍ଲକାଦାଏ ମେନ୍ତେକ କାଜିୟାଃ । ନେଆଁ ହରାତେ ହବାସାକାଅଆଃ ସବେନ୍ କାଲିସିୟାକେ ଚିଟାଉ ହାଟିଙ୍ଗ୍‌ରେୟାଃ ଉଦେଶ୍‌ରେ ଅଲ୍‌ସାକାଅଃକା । ପାଉଲୁସ୍ ନେଆଁ ହଗି ଉଦୁବ୍‌କାଦା ଯେ, ନେ ଚିଟାଉ ଅଲ୍‌ଃତାଲକେନ୍ ଇମ୍‌ତା ଆଇଃକ୍ ଜେହେଲ୍‌କାନ୍ ତାଲକେନାଏ, ୩:୧;୪:୧;୬:୨୦ । ପାଉଲୁସ୍, ତୁଖ୍‌କ୍‌କେ ଏଫିସୁସ୍ କାଲିସିୟାତେ କୁଲ୍‌କିୟା ଆତଃ ଆୟାଃ ତିଃଇରେ ନେ ଚିଟାଉକେ ଏମ୍ କୁଲ୍‌କେଦା ୬:୨୧-୨୨ ।

ଏଫିସୁସ୍, ଏସିଆ ପାର୍ଗାନ୍‌ରେୟାଃ ମିଆଁଦ୍ ମାରାଙ୍ଗ୍ ସାହାର୍ ଆତଃ ମାରାଙ୍ଗ୍ ନାଗାର୍ ତାଲକେନା । ଏଫିସୁସ୍‌ରେନ୍ ଗ୍ରୀକ୍ ମାହାପୁରୁ ଆର୍ଡେମାରାଃ ସୁନ୍‌ସାର୍ ଆତଃ ଆୟାଃ ମାନ୍‌ିର୍ ନାଗେନ୍ତେ ପୁରାଃ ନୁତୁମଃତାନା, ପ୍ରେରିତ୍ ୯:୨୩-୩୧ । ଏଫିସୁସ୍ କାଲିସିୟା ଏନେଟେଦ୍‌ରେ ଆମ୍‌ାତେ କେଟେୟାନ୍‌ଗିକ ତାଲକେନା, ମେନ୍‌ଦ ତାୟମ୍‌ତେ ନେ କାଲିସିୟା ଆମ୍‌ାରେ ନାରାଦୁରା ହବାୟାନାକ, ଉନ୍ନୁଦୁବ୍ କାଜି ୨:୧-୭ ।

ପାଉଲୁସ୍ ଆୟାଃ ଅନଲ୍‌ରେୟାଃ ଚିମିନ୍ ହିସାକରେ, ପାର୍‌ମେଶ୍ୱାର୍ ଚିଲ୍‌କା ଆୟାଃ ହଡକକେ ସାଲାକେଦ୍‌କଆ ଆତଃ ଚିଲ୍‌କା ଯୀଶୁଆଃ ହରାତେ ପାପ୍‌ଏତେ ବାଞ୍ଛାଅ ନାମାକାଦାକ, ଏନାଏ ଉଦୁବେତାନା । ପାଉଲୁସ୍ କାଲିସିୟାକେ ହଡ଼ମଲ୍‌ଃ ଜକାକେଦ୍‌ତେ, ଖ୍ରୀଷ୍ଟ୍ ଏନାରେନ୍ ବହଃ ଆତଃ କଚାରେନ୍ ମାରାଙ୍ଗ୍ ଦିରି ତାନିଃ, ଅକ୍‌ନାଃଲ୍‌ଃ ଚି ମେସାକେଦ୍‌ତେ ମିସାତେ ହାରା ଇଦିୟଃତାନା । ପାଉଲୁସ୍‌ଆଃ ଚିଟାଉରେୟାଃ ଆଧା ହିସାରେ ଖ୍ରୀଷ୍ଟିୟାନ୍ ଜୀଞ୍ଜାନ୍ ବିଷାଏରେ ଉଦୁବାକାଦା ।

ପୁଥ୍ ଭିଟାରରେ ତାଲକାନ୍ କାଜି

- ୧. ପାଉଲୁସ୍ କାଲିସିୟାକେ ଜହାର୍ ଆତଃ ପାରିଟାଏ ଏମେତାନାଏ । ୧:୧-୨
- ୨. ଖ୍ରୀଷ୍ଟ୍‌ଲଃ କାଲିସିୟାରାଃ ନାତା । ୧:୩-୩:୨୧
- ୩. ଖ୍ରୀଷ୍ଟିୟାନ୍ ଜୀଞ୍ଜାନ୍ ବିତାଅରେୟାଃ ହରା । ୪:୧-୬:୨୦
- ୪. ପାଉଲୁସ୍‌ଆଃ ତୁଣ୍ଡୁ ଜହାର୍ । ୬:୨୧-୨୪

୧ *ପାଉଲୁସ୍, ପାର୍‌ମେଶ୍ୱାର୍‌ଆଃ ମନେ ଲେକା ଯୀଶୁ ଖ୍ରୀଷ୍ଟ୍‌ଆଃ ମିଆଁଦ୍ କୁଲ୍‌କାନ୍‌ନିଃ ତାନିଃ, ଇନିଃ ଯୀଶୁ ଖ୍ରୀଷ୍ଟ୍‌ରେ ମେସାକାନ୍ ପାତିୟାର୍‌ତେ ଜୀଞ୍ଜାନ୍ ବିତାଅତାନ୍ ଏଫିସୁସ୍‌ରେନ୍ ପାର୍‌ମେଶ୍ୱାର୍‌ଆଃ ହଡକତାଃତେ ନେ ଚିଟାଉ ଅଲ୍‌କାଦାଏ ।

୨ ଆରୁଆଃ ଆପୁ ପାର୍‌ମେଶ୍ୱାର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

ଆମ୍‌ାରେୟାଃ ଆଶିଷ୍

୩ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ଆପୁ ଆତଃ ପାର୍‌ମେଶ୍ୱାର୍‌ଆଃ ସାହାରାଅ ହବାଅଃକା । ଚିୟାଃଟି ଇନିଃ ଆରୁକେ ଖ୍ରୀଷ୍ଟ୍‌ଲଃ ମେସାକାଦ୍‌ରୁଆ ଆତଃ ସିର୍ମା ଦିଶୁମ୍‌ରେୟାଃ ସବେନ୍ ଲେକାନ୍ ଆମ୍‌ାନ୍ ଆଶିଷ୍‌ତେ ଆଶିଷ୍‌କାଦ୍‌ରୁଆ । ୪ ଖ୍ରୀଷ୍ଟ୍‌ତାଃରେ ମେସାକେଦ୍‌ତେ, ଆରୁ ଜେ'ଲେକା ପାର୍‌ମେଶ୍ୱାର୍‌ଆଃ ହବାଅଃଆରୁ, ଏନାମେନ୍ତେ ଅତେଦିଶୁମ୍ ବାଲ୍‌ୟାନ୍ ସିଦାରେ ଇନିଃ ଆରୁକେ ସାଲାକାଦ୍‌ରୁଆ, ନେଆଁ ହରାତେ ଆରୁ ଆୟାଃ ଆୟାର୍‌ରେ ପାବିତାର୍ ଆତଃ ବେଗାର୍ ଦାଗିୟାକାନ୍‌ଗିବୁ ତାଲନ୍ ଦାଡିୟା । ଚିୟାଃଟି ଆୟାଃ ଦୁଲ୍‌ାଡ୍‌ତେ * ଆରୁକେ ଯୀଶୁ ଖ୍ରୀଷ୍ଟ୍‌ଆଃ ହରାତେ ଆୟାଃ ଆସୁଲ୍ ହନ୍‌କବୁ ହବାଅଃକା ମେନ୍ତେ ଇନିଃ ସିଦାରେଗି ଉହାଟ୍‌କାଦ୍ ତାଲକେନା, ନେଆଁଗି ଆୟାଃ ସୁକୁଆନ୍ ଆତଃ ମନେ ତାଲକେନା । ୬ ପାର୍‌ମେଶ୍ୱାର୍‌ଆଃ ପୁରାଃ ସାୟାଦ୍ ହରାତେ ଆତଃ ଆୟାଃ ଦୁଲ୍‌ାଡ୍ ହନ୍‌କେ ବେଗାର୍ ଗନଙ୍‌ତେ ବାର୍‌ଦାନ୍ ଲେକା ଆରୁକେ ଏମାକାବୁ ନାଗେନ୍ତେ, ଆରୁ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍‌ବୁ ରିକାଏୟା । ୭ *ଖ୍ରୀଷ୍ଟ୍‌ଆଃ ମାୟୋମ୍ ହରାତେ ଆରୁ ମୁଲ୍‌ିବୁ ନାମାକାଦା, ଅର୍ଥାତ୍ ଆରୁଆଃ ସବେନ୍ ପାପ୍‌କ ଛାମାକାନା । ପାର୍‌ମେଶ୍ୱାର୍‌ଆଃ ସାୟାଦ୍ ପୁରାଃ ମାରାଙ୍ଗିଆ । ୮ ଏନା ସବେନ୍, ଇନିଃ ଆୟାଃ ସେଣ୍‌ାନ୍‌ତେ ଆତଃ ଆଟ୍‌କାର୍‌ଉରୁମ୍‌ତେ ଆରୁକେ ପୁରାଃଟି ଏମାକାଦ୍‌ରୁଆ । ୯ ପାର୍‌ମେଶ୍ୱାର୍ ସିଦାରେ ଉହାଟ୍‌କାଦ୍ ତାଲକେନ୍‌ତେୟାଃ, ଖ୍ରୀଷ୍ଟ୍‌ଲଃ ପୁରାଏ ନାଗେନ୍ତେ ଅକନ୍ ଉକୁଆକାନ୍‌ତେୟାଃ ତାଲକେନା, ଏନାକେ ଇନିଃ ଆୟାଃ ବୁଗିନ୍ ସୁକୁଆନ୍ ମନେ ଲେକାତେ ଆରୁକେ ଉଦୁବାକାଦ୍‌ରୁଆ । ୧୦ ନେ ଉହାଟ୍

☆ ୧:୧ ୧:୧ ପ୍ରେରିତ୍ ୧୮:୧୯-୨୧; ୧୯:୧. ☆ ୧:୭ ୧:୭ କଲସିୟ ୧:୧୪.

ଲେକାତେ ସିର୍ମା ଆତଃ ଅତେଦିଶ୍ୱମ୍ରେ ସବେନ୍ ବାଇୟାକାନ୍ତେୟାଃ ମିଦଃଆ ଆତଃ ଖ୍ରୀଷ୍ଟ ଏନ୍ ସବେନାଃରେନ୍ ବହଃ ଲେକାଏ ତାଇନା । ନେ ଉହାଟ୍ ପାର୍ମେଶ୍ୱାର୍ ବୁଗିନ୍ ନେତାରେଗି ପୁରାଏୟା ।

^{୧୧} ସବେନାଃ ପାର୍ମେଶ୍ୱାର୍ଆଃ ଉହାଟ୍ ଆତଃ ଇଛାସାନାଙ୍ଗ୍ ଲେକାଗି ହବାଅଃଆ, ମୁନ୍ନୁଏତେ ଉହାଟ୍କାନ୍ ଲେକାଗି ଆୟାଃ ଇଛାସାନାଙ୍ଗ୍ ପୁରାଅଃ ନାଗେନ୍ତେ, ଖ୍ରୀଷ୍ଟ୍ ହରାତେ ଆୟାଃ ଆପାନାଃ ହଡ୍ ହବାଅଃ ନାଗେନ୍ତେ ପାର୍ମେଶ୍ୱାର୍ ଆବୁକେ ସାଲାକାଦ୍ବୁଆ । ^{୧୨} ଦଲାବୁ, ଅକନ୍କ ସିଦାରେଗି ଖ୍ରୀଷ୍ଟ୍ତାଃରେ ଆସ୍ରାକାଦ୍ ତାଇକେନାବୁ, ଏନ୍ ସବେନ୍କ ପାର୍ମେଶ୍ୱାର୍ଆଃ ମାନାରାଙ୍ଗ୍ବୁ ଦୁରାଙ୍ଗେଆ ।

^{୧୩} ଆପେୟଗି ଆପେୟାଃ ଜୀଉବାଞ୍ଚାଅ ଏମେତାନ୍, ନେ ସୁକ୍ତକାଜିରେୟାଃ ସାର୍ତି କାଜିପେ ଆୟୁମ୍କେଦା ଇମ୍ତାଏତେ ପାର୍ମେଶ୍ୱାର୍ଆଃ ହଡ୍ପେ ହବାକାନା । ଆପେ ଖ୍ରୀଷ୍ଟ୍କେ ବିଶ୍ୱାସକାଇ ହରାତେ ପାର୍ମେଶ୍ୱାର୍ ଆୟାଃ ବାନାର୍ସା ଲେକାତେ ପାବିତାର୍ ଆମ୍ନାକେ ଏମ୍କିୟା, ଆତଃ ଆପେୟାଃ ଚେତାନ୍ରେ ଆୟାଃ ମୋହୁକାନ୍ ଚିହ୍ନାଏ ଏମାକାଦ୍ପେୟା । ^{୧୪} ପାର୍ମେଶ୍ୱାର୍ ଆୟାଃ ହଡ୍କକେ ଆକଆଃ ହାନାଟିଙ୍ଗ୍ ନାମେୟା ମେନ୍ତେ ବାନାର୍ସା ଏମାକାଦାଏ, ଏନାରେୟାଃ ଗାଞ୍ଜା ଏମ୍ନିଃ, ଆବୁ ନାମାକାଇ ପାବିତାର୍ ଆମ୍ନା ତାନିଃ । ପାର୍ମେଶ୍ୱାର୍ ଆୟାଃ ହଡ୍କକେ ପୁରାଗି ରାଡ୍ଡାକଆ, ଏନାମେନ୍ତେ ଆୟାଃ ମାନାରାଙ୍ଗ୍ବୁ ଦୁରାଙ୍ଗେଆ ।

ପାଉଲୁସ୍ଆଃ ବିକ୍ରି

^{୧୫} ନେଆଁମେନ୍ତେ ପ୍ରାଭୁ ଯୀଶୁତାଃରେ ଆପେୟାଃ ବିଶ୍ୱାସ୍ ଆତଃ ପାର୍ମେଶ୍ୱାର୍ଆଃ ହଡ୍କତାଃରେ ଆପେୟାଃ ଦୁଲାଡ୍ ମେନାଃ ମେନ୍ତେ ^{୧୬} ଆଇଙ୍ଗ୍ ଆୟୁମ୍କେଦ୍ ଦିପିଲିହେତେ ଆପେୟାଃ ନାଗେନ୍ତେ ପାର୍ମେଶ୍ୱାର୍କେ ଧାନ୍ୟାବାଦ୍ ଏମ୍ ନାଗେନ୍ତେ କାଇଙ୍ଗ୍ ବାଗିତାନା, ଆଇଙ୍ଗ୍ ବିକ୍ରିରେ ଆପେକେଇଙ୍ଗ୍ ପାହାମ୍ପେତାନା । ^{୧୭} ଆତଃ ମାନାରାଙ୍ଗ୍ରେନ୍ ଆପୁ, ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍ଆଃ ପାର୍ମେଶ୍ୱାର୍କେଇଙ୍ଗ୍ ବିକ୍ରିତାନା, ଜେ'ଲେକାଟି ଇନିଃ ଆପେକେ ପାବିତାର୍ ଆମ୍ନାକେ ଏମାପେୟା । ଏନ୍ ପାବିତାର୍ ଆମ୍ନା ଆପେକେ ସେଣାଏ ଏମାପେୟା ଆତଃ ପାର୍ମେଶ୍ୱାର୍କେ ବୁଗିଲେକାପେ ସାରି ନାଗେନ୍ତେ ଇନିଃକେ ଆପେତାଃରେ ଉଦୁବିୟା । ^{୧୮} ଇନିୟାଃ ମାର୍ସାଲ୍ ନେଲ୍ ନାଗେନ୍ତେ ଆପେୟାଃ ମନ୍ସୁରୁଦ୍ରେୟାଃ ମେଦ୍ ରାସ୍କାଅଃକା ମେନ୍ତେଇଙ୍ଗ୍ ବିକ୍ରିତାନା, ଜେ'ଲେକାଟି ଇନିଃ ଆପେକେ ଅକନ୍ ଆସ୍ରା ନାଗେନ୍ତେ କେଡ୍ଡାକାଦ୍ପେୟା, ଆୟାଃ ପାବିତାର୍ ହଡ୍କ ନାଗେନ୍ତେ ଆୟାଃ ବାନାର୍ସା ଚିମିନ୍ ମାନାରାଙ୍ଗ୍ରେୟାଃ ହାନାଟିଙ୍ଗ୍ ତାନାଃ, ^{୧୯} ଆତଃ ଆବୁ ଲେକାନ୍ ବିଶ୍ୱାସକତାଃରେ କାମିୟଃତାନ୍ ଇନିୟାଃ ପେଡେଃ ଚିମିନ୍ ମାରାଙ୍ଗ୍ଗିଆ, ଏନ୍ ପେଡେଃଗି ଆବୁତାଃରେ ପୁରାଃ ପେଡେଃକେ କାମିୟଃତାନା, ଏନା ଆପେ ଆଟ୍କାର୍ ଦାଡ୍ଡିୟାପେ । ^{୨୦} ଏନ୍ ପେଡେଃ ହରାତେଗି ପାର୍ମେଶ୍ୱାର୍ ଖ୍ରୀଷ୍ଟ୍କେ ଗନଏଃହେତେ ଜୀଉବିରିଦ୍କିୟାଏ ଆତଃ ଇନିଃକେ ସିର୍ମାରେ ଆୟାଃ ଜମ୍ସାଃରେ ଦୁବ୍କିୟା । ^{୨୧} ଖ୍ରୀଷ୍ଟ୍ ସିର୍ମାରେନ୍ ସବେନ୍ ରାଇଜ୍ତାନ୍କଏତେ, ଆକ୍ତେୟାର୍ ନାମାକାଦ୍କଏତେ, ପେଡେୟାନ୍କଏତେ, ଆତଃ ଗମ୍କେକଏତେ ଚେତାନ୍ ମୁଦୁମ୍ରେ ଦହକିୟା, ନେ ଅତେଦିଶ୍ୱମ୍ ଆତଃ ହିଜୁଃତାନ୍ ଦିପିଲିରେୟାଃ ସବେନ୍ ଆକ୍ତେୟାର୍ଏତେ ଚେତାନ୍ ଆକ୍ତେୟାର୍ ଇନିୟାଃ ତାନାଃ । ^{୨୨} *ପାର୍ମେଶ୍ୱାର୍ ସବେନାଃକେ ଖ୍ରୀଷ୍ଟ୍ଆଃ କାଟା ଲାତାର୍ରେ ଦହକେଦା ଆତଃ ସବେନ୍ ବିଷାଏରେ ଇନିଃକେ ମାରାଙ୍ଗ୍ଉତାର୍ ପ୍ରାଭୁ ଲେକା କାଲିସିୟାକେ ଏମ୍କିୟା । ^{୨୩} କାଲିସିୟା ଖ୍ରୀଷ୍ଟ୍ଆଃ ହଡ୍ଡମ୍ ତାନାଃ, କାଲିସିୟା ହରାତେ ଖ୍ରୀଷ୍ଟ୍ଆଃ କାମିକ ପୁରାଅଃଆ, ଆତଃ ଖ୍ରୀଷ୍ଟ୍ ସବେନାଃଏ ପୁରାଏଆ ।

୨

ଗନଏଃହେତେ ଜୀଦାନ୍

^୧ *ଆପେୟାଃ କା ମାନାଡିଙ୍ଗ୍ ଆତଃ ପାପ୍ ହରାତେ ସିଦା ଦିପିଲିରେ ଆମ୍ନାରେ ଗଜାକାନ୍ପେ ତାଇକେନା, ^୨ ଇମ୍ତାଙ୍ଗ୍ ଆପେ ଅତେଦିଶ୍ୱମ୍ରେୟାଃ ଏଡ୍କାନ୍ ହରା ଅତଙ୍ଗ୍ତାନ୍ଲଃ, ଅତେ ଆତଃ ସିର୍ମା ଆଲାରେୟାଃ ହୟରେ ରାଇଜ୍ ତାନ୍ନିଃକେପେ ମାନାଡିଙ୍ଗ୍ ତାଇକେନା । ନାହାଁଃ ଏନ୍ ଏଡ୍କାନ୍ ଆମ୍ନା, ପାର୍ମେଶ୍ୱାର୍କେ କା ମାନାଡିଙ୍ଗ୍ତାନ୍ ହଡ୍କଆଃ ଚେତାନ୍ରେ ରାଇଜେତାନା । ^୩ ସାର୍ତି କାଜିଲେରେ, ଆବୁ ସବେନ୍କ ଇନ୍କୁ ଲେକାଗି ଆପ୍ନାଃ ହଡ୍ଡମ୍ରେୟାଃ ଏଡ୍କାନ୍ ସାନାଙ୍ଗ୍ ଆତଃ ମନ୍ରେୟାଃ ଏଡ୍କାନ୍ ଉଡ୍ଡୁ ଲେକାତେବୁ ସେସେନ୍ତାନ୍ ତାଇକେନା, ଏଟାଃକ ଲେକା ଆବୁହ ପାର୍ମେଶ୍ୱାର୍ଆଃ ଖ୍ୱସ୍କାନ୍ ହଡ୍କବୁ ତାଇକେନା ।

^୪ ମେନ୍ଦ୍ ପାର୍ମେଶ୍ୱାର୍ଆଃ ପୁରାଃ ଲିନିବୁଇ ଆତଃ ଆୟାଃ ପୁରାଃ ଦୁଲାଡ୍ ଆବୁନାଙ୍ଗ୍ ନିମିନାଙ୍ଗ୍ ମେନାଃ ଯେ, ^୫ ଆବୁଆଃ ପାପ୍ ହରାତେ ଆମ୍ନାରେ ଗଜାକାନ୍ ତାଇକେନ୍ ଇମ୍ତା, ଇନିଃ ଖ୍ରୀଷ୍ଟ୍ଲଃ ଆବୁକେ ଜୀଦାନାଏ ଏମାଦ୍ବୁଆ । ନେଆଁ ପାର୍ମେଶ୍ୱାର୍ଆଃ ସାୟାଦ୍ ହରାତେଗି ଆପେ ବାଞ୍ଚାଅକାନାପେ । ^୬ ଆବୁ ଯୀଶୁ ଖ୍ରୀଷ୍ଟ୍ଲଃ ମେସାୟାନ୍ ହରାତେ ଇନିଃଲଃ ସିର୍ମାରେ ରାଇଜେ ନାଗେନ୍ତେ ଇନିଃ ଆବୁକେୟଗି ଜୀଉ ବିରିଦାକାଦ୍ବୁଆ । ^୭ ଯୀଶୁ ଖ୍ରୀଷ୍ଟ୍ରେ ଉଦୁବ୍କେଦ୍ ଦୁଲାଡ୍ତେ ଆୟାଃ ସାୟାଦ୍ରେୟାଃ କା ଜକାଃଅ ପୁରାଃ ପେଡେଃ ଆତଃ ଦାୟାକେ ସବେନ୍ ଦିପିଲିରେ ଉଦୁବେ ନାଗେନ୍ତେ ପାର୍ମେଶ୍ୱାର୍ ନେ ଲେକାଏ କାମିକେଦା । ^୮ ଚିୟାଃଟି ପାର୍ମେଶ୍ୱାର୍ଆଃ ସାୟାଦ୍ ଆତଃ ବିଶ୍ୱାସ୍ ହରାତେ ଆପେ ଜୀଉବାଞ୍ଚାଅପେ ନାମାକାଦା । ନେଆଁ ଆପେୟାଃତେଦ୍ କାହାଗି, ମେନ୍ଦ୍ ପାର୍ମେଶ୍ୱାର୍ଆଃ ଦାନ୍ ତାନାଃ । ^୯ ଜେତାଏ

* ୧:୨୨ ୧:୨୨ କଲସିୟ ୧:୧୮. * ୨:୧ ୨:୧ କଲସିୟ ୨:୧୩.

ଆପାନ୍‌କେ ମାରାଙ୍ଗ୍ ମେନ୍ତେ ଆଲକାଏ ଉଡ଼ୁଗେ ମେନ୍ତେ ଆପ୍‌ନାଃ କାମିତେ କା ହବାକାନା । ୧୦ ଆବୁ ଅକ୍‌ନାଃ ହବା ଦାଡ଼ିକାନାରୁ, ଏନା ପାର୍‌ମେଶ୍ୱାର୍‌ଗି ବାଲୟାକାଦ୍‌ରୁଆ, ଅକନ୍‌ ବୁଗିନ୍‌ କାମି ଆବୁ କାମିୟାଁରୁ ମେନ୍ତେ ପାର୍‌ମେଶ୍ୱାର୍‌ ସିଦାରେଗି ଠାହାରାଅକାଦ୍‌ ତାଇକେନା, ଆବୁ ଖ୍ରୀଷ୍ଟ୍‌ ଯୀଶୁଲଃ ମେସାୟାନ୍‌ ହରାତେ ଏନା ହବା ସାକାଅକାନା ।

ଖ୍ରୀଷ୍ଟ୍‌ ହରାତେ ମିଦଃ

୧୧ ଏନାମେନ୍ତେ ଆପେୟାଃ ସିଦା ଦିପିଲି ପାହାମେପେ, ଜାନାମ୍‌ରେ ଆପେ ସାଅଁସାର୍‌ ହଡ଼କ ତାଇକେନାପେ । ଆପାନ୍‌କେ ଖାଡ଼ନାଅକାନ୍‌କ ତାନ୍‌ଲେ ମେନ୍ତେ କାଜିନ୍‌ତାନ୍‌ ଯିହୁଦୀକ, ଆପେକେ କା ଖାଡ଼ନାଅକାନ୍‌କ ମେନ୍ତେ କାଜିତାଇକେନାକ । ନେଆଁ, ହଡ଼କ ଆକଆଃ ହଡ଼ମରେ ତିନାଃ ରିକାଃକ ଏନା ଏସକାର୍‌ କାଜିୟାଃଏ । ୧୨ ଇମତା ଆପେ ଖ୍ରୀଷ୍ଟ୍‌ତାଃଏତେ ସାଜିନ୍‌ରେ ତାଇକେନାପେ । ଆପେ ଇସ୍ରାଏଲ୍‌ ଦିଶ୍ୱମ୍‌ହେତେ ବାହାରିକାନ୍‌ ତାଇକେନାପେ, ଏଟାଃ ଦିଶ୍ୱମ୍‌ରେନ୍‌ ହଡ଼କ ଲେକା ତାଇକେନାପେ ଆତଃ ପାର୍‌ମେଶ୍ୱାର୍‌ଆଃ ସାଲକାନ୍‌ ହଡ଼କ କାପେ ତାଇକେନା । ପାର୍‌ମେଶ୍ୱାର୍‌ ଆୟାଃ ହଡ଼କଆଃ ନାଗେନ୍ତେ ଏମାକାଦ୍‌ ବାନାର୍‌ସା ଚେତାନ୍‌ରେ ଠାହାରାଅକାଦ୍‌ ରାଜିନାମାରେ ଆପେୟାଃ ଜେତାନ୍‌ ହିସା କା ତାଇକେନା । ବେଗାର୍‌ ଆସ୍ରାତେ ଆତଃ ବେଗାର୍‌ ପାର୍‌ମେଶ୍ୱାର୍‌ତେ ଆପେ ନେ ଅତେଦିଶ୍ୱମ୍‌ରେପେ ତାଇନଃତାନ୍‌ ତାଇକେନା । ୧୩ ଖ୍ରୀଷ୍ଟ୍‌ ଯୀଶୁରେ ଆପେ ସାଜିନ୍‌ରେ ତାଇକେନାପେ, ମେନ୍‌ଦ ନାହାଁଃ ଖ୍ରୀଷ୍ଟ୍‌ଆଃ ମାୟୋମ୍‌ତେପେ ନାଡ଼େୟାକାନା । ୧୪ ତିୟାଃତି ଯିହୁଦୀ ଆତଃ ସାଅଁସାର୍‌ ହଡ଼କକେ ମିଦ୍‌କେଦ୍‌ତେ ଖ୍ରୀଷ୍ଟ୍‌ ଆଇଃକ୍‌ଗି ଆବୁ ଆଲ୍‌ମାରେ ଜୀଉସୁକୁଇ ବାଇକେଦା । ଇନ୍‌କୁକେ ବିନ୍‌ଗାଅକେଦ୍‌ତେ ବାଇରି ଲେକା ଦହକାଦ୍‌ ପାଡ଼ିକେ ଇନିଃ ଆୟାଃ ହଡ଼ମ ହରାତେ ହାଦୁଡ଼କେଦା । ୧୫ ଖ୍ରୀଷ୍ଟ୍‌ ଯିହୁଦୀକଆଃ ସବେନ୍‌ ଆଇନ୍‌, ଆନ୍‌ରୁ ଆତଃ ନିୟାମ୍‌କ ଆତମ୍‌କେଦ୍‌ତେ ଯିହୁଦୀ ଆତଃ ସାଅଁସାର୍‌ ହଡ଼କତାଃଏତେ ଆୟାଃଲଃ ମେନେସାରେ ମିଆଁଦ୍‌ ନାଝା ହଡ଼ ବାଇକିୟା, ନେ ଲେକାତେ ଜୀଉସୁକୁଇ ବାଇକେଦା । ୧୬ ଖ୍ରୀଷ୍ଟ୍‌ରେ ଖ୍ରୀଷ୍ଟ୍‌ଆଃ ଗନ୍‌ଏଃ ହରାତେ ଯିହୁଦୀ ଆତଃ ସାଅଁସାର୍‌ ହଡ଼କଆଃ ଆଲ୍‌ମାରେ ତାଇକାନ୍‌ ବାଇରିକେ ଜିୟନ୍‌କେଦା ଆତଃ ମିଦ୍‌ ହଡ଼ମରେ ମେସାକେଦ୍‌କଆ, ଏନ୍ତେ ପାର୍‌ମେଶ୍ୱାର୍‌ତାଃତେ ଆଡୁରୁହାଡ଼କେଦ୍‌କଆ । ୧୭ ଏନାମେନ୍ତେ ଖ୍ରୀଷ୍ଟ୍‌ ହିଜୁଃକାନ୍‌ ତାଇକେନାଏ ଆତଃ ପାର୍‌ମେଶ୍ୱାର୍‌ତାଃଏତେ ସାଜିନ୍‌କାନ୍‌ ସାଅଁସାର୍‌ ହଡ଼କତାଃରେ ଆତଃ ଆୟାଃ ହେପାଦ୍‌ରେନ୍‌ ଯିହୁଦୀ ହଡ଼କତାଃରେ ସୁକୁକାଜି ଉଦୁବ୍‌କେଦା । ୧୮ ଖ୍ରୀଷ୍ଟ୍‌ ହରାତେଗି ଯିହୁଦୀକ, ସାଅଁସାର୍‌ ହଡ଼କ ଆତଃ ଆବୁ ସବେନ୍‌କ ମିଦ୍‌ ଆମ୍‌ରେ ଆପୁଆଃ ହେପାଦ୍‌ତେ ହିଜୁଃ ଦାଡ଼ିକାନାରୁ ।

୧୯ ଏନାତେ ହେ ସାଅଁସାର୍‌ ହଡ଼କ, ଆପେ ଏଟାଃ ଦିଶ୍ୱମ୍‌ରେନ୍‌ ଆତଃ କା ଚିହ୍ନାଁର୍‌ ହଡ଼କ ନାହାଁଃଲାପେ, ନାହାଁଃ ପାର୍‌ମେଶ୍ୱାର୍‌ଆଃ ହଡ଼କଲଃ ଆପେୟାଃ ଆୟାଃ ରାଇଜ୍‌ରେନ୍‌ ଆତଃ ଅଡ଼ାଃରେନ୍‌ ହଡ଼କ ତାନ୍‌ପେ । ୨୦ ଆପେୟାଃ ପ୍ରେରିଡ଼କଆଃ ଆତଃ ନାବୀକଆଃ ହରାତେ ବାଇୟାକାନ୍‌ ନିହଁଗାତାରେ ବାଇୟାକାଦ୍‌ ଅଡ଼ାଃ ଲେକାଃପେ । ଏନ୍‌ ଅଡ଼ାଃରେୟାଃ କଚା ଦିରି ଖ୍ରୀଷ୍ଟ୍‌ ଯୀଶୁଗି ତାନିଃ । ୨୧ ଇନିଃରେ ବାଇକାନ୍‌ ମିପିଆଦ୍‌ ଅଡ଼ାଃ ତିରିକ୍‌କେଦ୍‌ତେ ଜଡ଼ାଇକାନା ଆତଃ ପ୍ରାଭୁ ନାଗେନ୍ତେ ରାକାବାକାନ୍‌ ପାବିତାର୍‌ ମାନ୍‌ରି ଲେକା ହାରାଇଦିୟାଃତାନା । ୨୨ ଆୟାଃଲଃ ମେନେସାରେ ଆପେୟାଃ ଏଟାଃ ସବେନ୍‌କଲଃ ମିସାତେ ଆମ୍‌ ଲେକାନ୍‌ ପାର୍‌ମେଶ୍ୱାର୍‌ଆଃ ତାଇନଃ ଠାୟାଦ୍‌ ନାଗେନ୍ତେ ଆପେ ମିଆଁଦ୍‌ ଅଡ଼ାଃପେ ବାଇୟାଃତାନା ।

୩

ସାଅଁସାର୍‌ ହଡ଼କଆଃ ନାଗେନ୍ତେ ପାଉଲୁସ୍‌ଆଃ କାମି

୧ ନେଆଁ ନାଗେନ୍ତେ ଆପେ ଲେକାନ୍‌ ସାଅଁସାର୍‌ ହଡ଼କ ନାଙ୍ଗ୍‌ ଯୀଶୁ ଖ୍ରୀଷ୍ଟ୍‌ଆଃ ହରାତେ ଜେହେଲକାନ୍‌ ଆଇଙ୍ଗ୍‌ ପାଉଲୁସ୍‌, ପାର୍‌ମେଶ୍ୱାର୍‌ତାଃରେଇଙ୍ଗ୍‌ ବିକ୍ରିତାନା । ୨ ଆପେୟାଃ ବୁଗିନାଃ ନାଗେନ୍ତେ ପାର୍‌ମେଶ୍ୱାର୍‌ ଆୟାଃ ସାୟାଦ୍‌ତେ ଆଇଙ୍ଗ୍‌କେ ନେ କାମି କାମି ନାଗେନ୍ତେ ଏମାକାଦିୟାଁ, ନେଆଁ ସାରୁତିଗି ଆୟୁମ୍‌କାଦାପେ । ୩ ପାର୍‌ମେଶ୍ୱାର୍‌ ଆୟାଃ ଉକୁଆକାନ୍‌ କାଜିକେ ଉଦୁବ୍‌କେଦ୍‌ତେ ଆଇଙ୍ଗ୍‌କେ ଉଦୁବ୍‌କାଦିୟାଁ, ଏନ୍‌ ବିଷାଏରେ ଆଇଙ୍ଗ୍‌ କାଟିଃ ଲେକାଇଙ୍ଗ୍‌ ଅଲ୍‌କାଦା । ୪ ଏନା ପାଡ଼ାଅଲେରେ, ଖ୍ରୀଷ୍ଟ୍‌ଆଃ ଉକୁଆକାନ୍‌ ବିଷାଏରେ ଆଇଙ୍ଗ୍‌ ଆଟ୍‌କାର୍‌ ଉରୁମ୍‌କାଦ୍‌ତେୟାଃ, ଆପେ ଆଟ୍‌କାର୍‌ ଉରୁମ୍‌ ଦାଡ଼ିୟାପେ । ୫ ସିଦା ଦିପିଲିରେ ମାନଝା ହଡ଼କେ ନେ ଉକୁଆକାନ୍‌ କାଜି ବିଷାଏରେ କା କାଜିକାନ୍‌ ତାଇକେନା । ମେନ୍‌ଦ ପାର୍‌ମେଶ୍ୱାର୍‌ ନାହାଁଃ ଆୟାଃ ପାବିତାର୍‌ ପ୍ରେରିଡ଼କ ଆତଃ ନାବୀକକେ ଆମ୍‌ ହରାତେ ନେଆଁଏ ଉଦୁବ୍‌କାଦା । ୬ ଏନ୍‌ ଉକୁଆକାନ୍‌ କାଜି ହବାଃଅତାନା, ସୁକୁକାଜି ହରାତେ ଯିହୁଦୀକଲଃ ସାଅଁସାର୍‌ ହଡ଼କହଗି ପାର୍‌ମେଶ୍ୱାର୍‌ଆଃ ଆଣିଷ୍ଟ୍‌ ନାମେରେୟାଃ ହିସାକ ନାମାକାଦା । ଇନ୍‌କୁ ଏନ୍‌ ମିଆଁଦ୍‌ ହଡ଼ମରେନ୍‌ ହଡ଼କଗି ତାନ୍‌କ ଆତଃ ଯୀଶୁ ଖ୍ରୀଷ୍ଟ୍‌ଆଃ ଦେଙ୍ଗାତେ ପାର୍‌ମେଶ୍ୱାର୍‌ ଏମାକାଦ୍‌ ବାନାର୍‌ସାରେ ହାନାଟିଙ୍ଗ୍‌କ ନାମେୟାଁ ।

୭ ପାର୍‌ମେଶ୍ୱାର୍‌ଆଃ କାମିଦାଡ଼ିୟାଃ ପେଡ଼େଃ ଲେକାତେ ଆଇଙ୍ଗ୍‌କେ ଏମାକାନ୍‌ ଆୟାଃ ସାୟାଦ୍‌ରେୟାଃ ବାର୍‌ଦାନ୍‌ ହରାତେ ଆଇଙ୍ଗ୍‌ ଏନ୍‌ ସୁକୁକାଜି ଉଦୁବ୍‌ରେୟାଃ ମିହୁଡ଼୍‌ ଦାସିଇଙ୍ଗ୍‌ ହବାକାନା । ୮ ଆଇଙ୍ଗ୍‌ ପାର୍‌ମେଶ୍ୱାର୍‌ଆଃ ହଡ଼କ

☆ ୨:୧୫ ୨:୧୫ କଲସିୟ ୨:୧୪. ☆ ୨:୧୬ ୨:୧୬ କଲସିୟ ୧:୨୦. ☆ ୩:୪ ୩:୪ କଲସିୟ ୧:୨୭,୨୭.

ଆଲାରେ ସବେନକତାଃଏତେ ହୁଡ଼ିଙ୍ଗ ତାନିଙ୍ଗ, ଏନ୍ରେୟ, ସାର୍ଥସାର୍ ହଡ଼କତାଃତେ ଶ୍ରୀଷ୍ଟିଆଃ କା ଦାଣ୍ଡାନାମଃ ଶୁଜ୍ ବିଷାଏରେୟାଃ ସୁକୁକାଜି ଉଦୁବ୍ ନାଗେନ୍ତେ ପାର୍ମେଶ୍ଵାର୍ ଆଇଙ୍ଗକେ ସୁଯୋଗ୍ ଏମାକାଦିୟାଏ ।^{୯୮} ପାର୍ମେଶ୍ଵାର୍ ଆଃ ଏନ୍ ଉକୁଆକାନ୍ କାଜିକ ରିଲ୍ଲକା କାମିୟଃଆ ଆତଃ ସବେନ୍ ହଡ଼କତାଃରେ ନେଲ୍ ଦାଡ଼ିୟଃଆ ଏନା କାଜିରେୟାଃ ସୁଯୋଗ୍ ନାମକାଦାଇଙ୍ଗ । ସବେନାଃରେୟାଃ ବାବାଇନିଃ ପାର୍ମେଶ୍ଵାର୍ ଆୟାଃ ଉକୁଆକାନ୍ କାଜିକେ ନାକ୍ ପାରିୟାରେଗି ଦାନାଙ୍ଗକେଦତେ ଦହକାଦ୍ ତାଇକେନା ।^{୯୯} ଜେ'ଲେକାଟି ନେ ଦିପିଲିରେ କାଲିସିୟାରେୟାଃ କାମି ହରାତେ ସିର୍ମାରେ ରାଇଜ୍ତାନକ ଆତଃ ସିର୍ମାରେ ଆକ୍ତେୟାର୍ ନାମାକାଦକ୍, ପାର୍ମେଶ୍ଵାର୍ ଆଃ ଚିମିନ୍ ରାକାମ୍ରେୟାଃ ସେଣ୍ ବିଷାଏରେକ ଆଟ୍ କାର୍ତ୍ତରୁମ୍ ଦାଡ଼ିୟା ।^{୧୦୦} ପାର୍ମେଶ୍ଵାର୍ ଆୟାଃ ଜାନାଅ ଜାନାଅରେୟାଃ ଉଦେଶ୍ ଲେକାତେ ଆରୁଆଃ ପ୍ରାଭୁ ଯୀଶୁ ଶ୍ରୀଷ୍ଟିଆଃ ହରାତେ ନେଆଁଏ ରିକାକାଦା ।^{୧୦୧} ଶ୍ରୀଷ୍ଟିଲଃ ମେସାକାନ୍ ହରାତେ ଆତଃ ଆୟାଃତାଃରେ ବିଶ୍ଵାସ୍ତାନ ହରାତେ ପୁରାଃ ଭାର୍ସାକେଦତେ ପାର୍ମେଶ୍ଵାର୍ ଆଃ ହେପାଦତେ ସେନ୍ ନାକ୍ ଆରୁଆଃ ଜୀଉରେ କେଟେଦ୍ ମେନାଃ ।^{୧୦୨} ଏନାମେନ୍ତେ ଆଇଙ୍ଗ ବିକ୍ରିତାନା, ଆପେ ନାଗେନ୍ତେଇଙ୍ଗ ଦୁକୁଃତାନା ମେନ୍ତେ ଆପେ ଆଲ୍ପେ ନାରାଜଃ, ଚିୟାଃଟି ନେ ସବେନାଃ ଆପେୟାଃ ବୁଗିନାଃ ନାଗେନ୍ତେ ହବାକାନା ।

ଶ୍ରୀଷ୍ଟିଆଃ ଦୁଲାଡ଼

^{୧୪} ନେଆଁମେନ୍ତେ ଆଇଙ୍ଗ ଆପୁ ପାର୍ମେଶ୍ଵାର୍ ଆଃ ସାମ୍ନାଙ୍ଗରେ ଇକ୍ତମୁକେଦତେଇଙ୍ଗ ବିକ୍ରି ତାନା, ^{୧୫} ଅକଏତାଃଏତେଟି ସିର୍ମା ଆତଃ ଅତେଦିଶୁମ୍ରେନ୍ ସବେନ୍ ପାରିବାରକ୍ ଆୟାଃ ସାର୍ତି ନୁଡ଼ମ୍ ନାମାକାଦା । ^{୧୬} ଆଇଙ୍ଗ ପାର୍ମେଶ୍ଵାର୍ କେଇଙ୍ଗ ବିକ୍ରିତାନା, ଜେ'ଲେକାଟି ଆୟାଃ ମାନାରାଙ୍ଗରେୟାଃ ଶୁଜ୍ ଲେକାତେ ଆୟାଃ ଆମ୍ନା ହରାତେ ଆପେୟାଃ ମନ୍ସୁରୁଦ୍ କେ ପୁରାଃ ପେଡ଼େଜେ ନାଗେନ୍ତେ ପେଡ଼େଃ ଏମାପେୟାଏ, ^{୧୭} ଆତଃ ବିଶ୍ଵାସ୍ ହରାତେ ଶ୍ରୀଷ୍ଟି ଆପେୟାଃ ମନ୍ସୁରୁଦ୍ରେ ତାଇନା । ଆପେୟାଃ ନିହଁଗାତା ଦୁଲାଡ଼ରେ କେଟେଜାକାନ୍ ହବାଅଃଆ ।^{୧୮} ଏନାରେ ଶ୍ରୀଷ୍ଟିଆଃ ଦୁଲାଡ଼ ଚିମିନ୍ ଜିଲିଙ୍ଗ ଆତଃ ଚାକାର୍, ଚିମିନ୍ ସାଲାଙ୍ଗି ଆତଃ ଇକିର୍ ତାନାଃ, ଏନା ଆପେ ପାର୍ମେଶ୍ଵାର୍ ଆଃ ହଡ଼କଲଃ ଆଟ୍ କାର୍ତ୍ତରୁମ୍ ଦାଡ଼ିରେୟାଃ ପେଡ଼େଃପେ ନାମ୍ ଦାଡ଼ିୟା ।^{୧୯} ହେଗି, ନେଆଁ ଚିତ୍ତଲାଅ ପୁରା କା ଆଟ୍ କାର୍ ଦାଡ଼ିୟାଃରେୟା, ଆପେ ଶ୍ରୀଷ୍ଟିଆଃ ଦୁଲାଡ଼ପେ ଆଟ୍ କାରେକା ମେନ୍ତେ ଆପେ ପାର୍ମେଶ୍ଵାର୍ ଆଃ ସଭାର୍ରେ ପୁରାଃତେପେ ପେରେଃ ଦାଡ଼ିୟାକା ।

^{୨୦} ପାର୍ମେଶ୍ଵାର୍ ଆରୁଆଃ ଆଲାରେ କାମିୟଃତାନ ଆୟାଃ ପେଡ଼େଃ ହରାତେ ଆରୁଆଃ ଆନାସିଏତେ ଆଦକା ଚାଏ ଆରୁଆଃ ଉଡ଼ସ୍ତଏତେ ଆଦକା ଏମ୍ ଦାଡ଼ିନିଃ ତାନିଃ ।^{୨୧} କାଲିସିୟା ହରାତେ ଆତଃ ଯୀଶୁ ଶ୍ରୀଷ୍ଟିଆଃ ହରାତେ ସବେନ୍ ଇମ୍ତା ଜାନାଅ ଜାନାଅ ଜାକେଦ୍ ଏନ୍ ପାର୍ମେଶ୍ଵାର୍ ଆଃ ମାଇନାନ୍ ହବାଅଃକା ! ଆମେନ୍ ।

୪

ହଡ଼ମ୍ରେ ମିଦେନ୍

^୧ ପ୍ରାଭୁଆଃ ସୁସାର୍ତାନ ହରାତେ ଜେହେଲ୍ଲକାନ୍ ଆଇଙ୍ଗ ପାଉଲୁସ୍ ଆପେକେଇଙ୍ଗ ବିକ୍ରିତାନା, ପାର୍ମେଶ୍ଵାର୍ ଆପେକେ କେଡ଼ାକାଦ୍ପେ ଲେକାଟି ଜୀଞ୍ଜାନ୍ ବିତାଏପେ ।^୨ ସବେନ୍ ଇମ୍ତା ମନ୍ ହୁଡ଼ିଙ୍ଗ୍ରେୟେନ୍, ଲେବେଃ, ଆତଃ ଧୁରାଜ୍ ଜୀଞ୍ଜାନ୍ ହବାଅଃପେ । ମିହୁଡ଼୍ ଆତଃମିହୁଡ଼ଲଃ ସାହାଡ଼ିଙ୍ଗ୍ତାନଲଃ ଦୁଲାଡ଼ରେ ତାଇନପେ ।^୩ ପାବିତାର୍ ଆମ୍ନାରାଃ ଦେଙ୍ଗାତେ ଜୀଉସୁକୁରେ ତାଇନଃ ନାଗେନ୍ତେ ଆପେ ଆଲାରେ ତାଇନାକାନ୍ ମେନେସାରେୟାଃ ତନଲ୍ କେ ଜୀଉଜାତାନ୍ ଦହକାପେ ।^୪ ମିଆଁଦ୍ରି ହଡ଼ମ୍ ଆତଃ ମିଆଁଦ୍ରି ଆମ୍ନା, ଆତଃ ମିଆଁଦ୍ରି ଆସ୍ରାତେ ପାର୍ମେଶ୍ଵାର୍ ଆପେକେ କେଡ଼ାକାଦ୍ପେୟା ।^୫ ମିଆଁଦ୍ରି ପ୍ରାଭୁ, ମିଆଁଦ୍ରି ବିଶ୍ଵାସ୍ ଆତଃ ମିଆଁଦ୍ରି ବାପ୍ତିସ୍ମା ମେନାଃ ।^୬ ସବେନ୍ ମାନଞ୍ଜାକଆଃ ପାର୍ମେଶ୍ଵାର୍ ଆତଃ ଆପୁ ମିଆଁଦ୍ରି ତାନିଃ, ଇନିଃ ସବେନକଆଃ ପ୍ରାଭୁ, ସବେନକଆଃ ଆଲାରେ ଆତଃ ସବେନକଆଃରେ ମେନାଇୟା ।

^୭ ଶ୍ରୀଷ୍ଟି ଏମାକାଦ୍ ବାର୍ଦାନ ଲେକାତେ ଆପୁ ସବେନ୍ ମିମିଆଦ୍ ହଡ଼କକେ ସାୟାଦ୍ରେୟାଃ ବାର୍ଦାନ ନାମାକାନା ।^୮ ଧାରାମ୍ପୁଥ୍ରେ ନେ ବିଷାଏରେ ଅଲ୍ଲାନା, “ଚିମ୍ତା ଇନିଃ ପୁରାଃ ଚେତାନ୍ତେ ସେନଃୟାନା, ଇମ୍ତା ଇନିଃ ପୁରାଃ ଜେହେଲ୍ଲକାନ୍ କେ ଆୟାଃଲଃ ଇଦିକେଦକଆ; ଆତଃ ମାନଞ୍ଜାକକେ ପୁରାଃଗି ବାର୍ଦାନ ଏମାଦକଆଏ ।”^୯ “ଇନିଃ ପୁରାଃ ଚେତାନ୍ତେ ସେନଃୟାନା” ନେଆଁରେୟାଃ ମୁଣ୍ଡି ଚିନାଃ ତାନାଃ ? ନେଆଁରେୟାଃ ମୁଣ୍ଡି ହବାଅଃତାନା, ସିଦାତେ ଇନିଃ ପୁରାଃ ଲାତାର୍ ଠାୟାଦ୍ ଅତେତେ ଆଡ଼ଗୁୟାନା ।^{୧୦} ଏନାତେ ଆଡ଼ଗୁକାନ୍ନିଃ, ପୁରା ଅତେଦିଶୁମ୍ରେ ପୁରାଏ ନାଗେନ୍ତେ ଇନିଃ ସିର୍ମାରେୟାଃ ପୁରାଃ ଚେତାନ୍ତେ ସେନଃୟାନା ।^{୧୧} ଇନିଃଗି ହଡ଼କକେ ବାର୍ଦାନ ଏମାକାଦକଆଏ, ଚିମିନ୍ କକେ ପ୍ରେରିଡ଼, ଚିମିନ୍ କକେ ନାବୀ, ଚିମିନ୍ କକେ ସୁକୁକାଜି ଉଦୁବ୍, ଚିମିନ୍ କକେ ପାର୍ତାର୍ ଆତଃ ଚିମିନ୍ କକେ ଇଡୁରେୟାଃ ବାର୍ଦାନ ଏମାଦକଆଏ ।^{୧୨} ଶ୍ରୀଷ୍ଟିଆଃ ଏନ୍ ହଡ଼ମ୍ ବାଇୟେ ନାଗେନ୍ତେ, ଶ୍ରୀଷ୍ଟିଆଃ ସେଞ୍ଜା କାମି ନାଗେନ୍ତେ ଆତଃ ପାର୍ମେଶ୍ଵାର୍ ଆଃ ହଡ଼କକେ ସେକାଡ଼କ ନାଗେନ୍ତେ ଇନିଃ ନେଆଁଏ କାମିକାଦା ।^{୧୩} ଏନାମେନ୍ତେ ଆପୁ ସବେନକ ଆରୁଆଃ ବିଶ୍ଵାସ୍ରେ ଆତଃ ପାର୍ମେଶ୍ଵାର୍ ଆଃ ହନ୍ ବିଷାଏରେୟାଃ ସେଣ୍ରେବୁ ମିଦଃକା, ଚାଏ ଶ୍ରୀଷ୍ଟିଆଃ ପୁରାକାନ୍

✧ ୪:୨ ୪:୨ କଲସିୟ ୩:୧୨,୧୩.

ହତ୍ଵାଳେକାତେ, ଆବୁ ପକ୍ତାକାନ୍ ହତ୍ଵାଳେକା ହବାଅଃକା । ୧୪ ଆଲ୍‌ପୁଙ୍ଗ୍ ଆତଃ ହୟତେ ଏକ୍‌ଲାଅଃତାନ୍ ଲେକା ଆଲ୍‌କାବୁ ହବାଅଃକା, ଆତଃ ସିଟିଆ ଲେକା ଆବୁ ଆଲ୍‌କାବୁ ନେତେହାନ୍ତେୟଃକା । ଏଟାଃକକେ ଏଟାଃ ହରାତେ ଇଦିତାନ୍ ବେଦା ହତ୍ଵାଳେକା ହସତ୍ଵ ଇନିତୁରେ ଆବୁ ଆଲ୍‌କାବୁ ବେଦାଅଃକା । ୧୫ ମେନ୍ଦ ଦୁଲ୍‌ଲାଡ୍ରେ ସାର୍ତ୍ତି କାଜିତାନ୍ଲଃ ସବେନ୍ କାଜିକରେ ବହଃ ଲେକାନ୍ ଖ୍ରୀଷ୍ଟ ଲେକାବୁ ହବାଅଃକା । ୧୬ ଇନିଃ ସାଃଏତେ ହତ୍ଵାଳେକା ସବେନ୍ ଏଟାଃ ଏଟାଃ ହିସାକ ମିଦ୍ରେ ଜଡେନ୍‌କାନ୍ ଆତଃ ପୁରା ହତ୍ଵାଳେକା ଏଟାଃ ଏଟାଃ ହିସାଏତେ ମିଦ୍ରେ ଜଡେନ୍‌କାନ୍ଲଃ ଏନାକେ ଦେଙ୍ଗାଏତାନ୍ । ଏନାତେ ମିନିଆଦ୍‌କଆଃ ଏଟାଃ ଏଟାଃ କାମି ତାନାଃରେୟ ଦୁଲ୍‌ଲାଡ୍ରେ ପୁରା ହତ୍ଵାଳେକା ଇଦିୟଃତାନ୍ ଆତଃ ଆଇଃକ୍‌ତେଗି ବାଇୟଃତାନ୍ ।

ଖ୍ରୀଷ୍ଟରେ ନାମ୍ନା ଜୀଦାନ୍

୧୭ ଏନାତେ ପ୍ରାଭୁଆଃ ନୁତୁମତେ ଆଇଙ୍ଗ୍ ଚେତାଅପେ ତାନାଇଙ୍ଗ୍, ସାର୍ଥସାର୍ ହତ୍ଵାଳେକା ଜୀଦାନ୍ ଆଲ୍‌ପେ ବିତାଏ, ଇନିକ୍‌ଆଃ ଉଡ୍‌ଠୁକ ଜେତାନ୍ କାମିରାଃ ନାହାଁଲଃ ୧୮ ଆତଃ ଇନିକ୍‌ଆଃ ମନ୍‌କ ନୁବାଃଗିଆ । ପାର୍‌ମେଶ୍ଵାର୍ ଏମାକାଦ୍ ଜୀଦାନ୍ରେ ଇନିକ୍‌ଆଃ ଜେତାନ୍ ହିସା ବାନଃଆ । ଚିୟାଃଚି ଇନିକ୍‌ ପୁରାଗି ସାରିକେଦ୍‌ତେ କା ସାରି ଲେକା ମନ୍‌ପୁରୁଦ୍‌କେ କେଟେଜେତାନ୍ ହତ୍ଵାଳେକାନ୍ । ୧୯ ଇନିକ୍‌ ବେଗାର୍ ଗିହୁଃତେ, ସବେନ୍ ଲେକାନ୍ ସତ୍‌ରା କାମି ଆତଃ ଆପାଙ୍ଗିର୍ କାମି କାମି ନାଗେନ୍ତେ ଆକ ଆକଗିକ ଜିମାକାନ୍ ।

୨୦ ନେ ଲେକାତେ ଆପେ ଖ୍ରୀଷ୍ଟକେ ସାରି ନାଙ୍ଗ୍ କାପେ ଇତୁଆକାନ୍ । ୨୧ ଆପେ ସାର୍ତ୍ତିଗି ଇନିୟଃ ବିଷାଏରେ ଆୟୁମ୍‌କାଦାପେ ଆତଃ ଆଇଃକ୍‌କେ ଅତଙ୍ଗିନିଃ ଲେକା ଯୀଶୁଆଃ ସାର୍ତ୍ତି ବିଷାଏରେୟଃ ଇନିତୁପେ ନାମାକାଦା । ୨୨ ଏନାତେ ଆପେ ଅକନ୍ ମାରି ସଭାବ୍‌ତେ ଜୀଦାନ୍ ବିତାଏ ତାଇକେନାପେ, ଏନାକେ ବାଗିତାପେ, ଚିୟାଃଚି ଏନାରେୟଃ ହସତ୍ଵ କାମି ହରାତେ ଆପେୟଃ ଆମ୍ବା ଜିୟନଃ ତାଇକେନା । ୨୩ ଆପେୟଃ ମନ୍‌ପୁରୁଦ୍‌ ଆତଃ ମନ୍‌କ ପୁରାଗି ନାମ୍ନା ହବାଅଃ ଲାଗାତିଙ୍ଗ୍‌ୟଃ, ୨୪ ଏଆତଃ ପାର୍‌ମେଶ୍ଵାର୍‌ଆଃ ଲେକାଗି ବାଇୟାକାନ୍ ନାମ୍ନା ଆମ୍ବା ନାମେପେ । ଏନା ଆପେୟଃ ସାର୍ତ୍ତି ଜୀଦାନ୍ରେ ପାବିତାର୍ ଆତଃ ଧାର୍‌ମାନ୍ ଉଦୁବଃକା ।

୨୫ ଏନାମେନ୍ତେ ଆତଃ ଆଲ୍‌ପେ ବେଦାଃ । ଖ୍ରୀଷ୍ଟ ବିଶ୍ଵାସୀକ ମିହୁଡ୍ ଆତଃମିହୁଡ୍‌କେ ସାର୍ତ୍ତି କାଜି ଲାଗାତିଙ୍ଗ୍‌ୟଃ, ଚିୟାଃଚି ଆବୁ ସବେନ୍‌କ ଖ୍ରୀଷ୍ଟଆଃ ହତ୍ଵାଳେକା ହିସାକ ତାନ୍‌ବୁ । ୨୬ ଆପେ ଖ୍ଵସ୍‌ଆଃ ତାନ୍‌ରେଦ୍, ପାପ୍ କାମି ଆଲ୍‌ପେ କାମିୟା । ସିଙ୍ଗି ହାସୁର୍ ସିଦାରେ ଆପେୟଃ ଖ୍ଵସ୍‌କ ବାଗିତାପେ । ୨୭ ସାଏତାନ୍‌କେ ଆପେରେ ଠାୟାଦ୍ ଆଲ୍‌ପେ ଏମାଇୟା । ୨୮ କୁମ୍‌ତୁ ଆତଃ ଆଲ୍‌କାଏ କୁମ୍‌ତୁକ୍, ମେନ୍ଦ୍ ଆପାନାଃ ଜୀନିଦ୍ ନାଗେନ୍ତେ ଆତଃ ନାରାଦୁରା ହତ୍ଵାଳେକା ଆକଆଃ ଲାଗାତିଙ୍ଗ୍‌ତେୟଃ ଏମ୍ ଦାଡ୍ ନାଗେନ୍ତେ ବୁଗିନାଃ କାମିକା । ୨୯ ଆପେୟଃ ମଟାଏତେ କା ଲାଗାତିଙ୍ଗ୍ କାଜିକ ଆଲ୍‌କା ଅତଙ୍ଗିଆଃକା, ମେନ୍ଦ୍ ଲାଗାତିଙ୍ଗ୍ ଇମ୍‌ତାକରେ ପୁରାଃ ବୁଗିନ୍ କାଜି ଅତଙ୍ଗିଆଃକା, ଜେ'ଲେକାଟି ଆୟୁମ୍‌ତାନ୍ ହତ୍ଵାଳେକା ନାଗେନ୍ତେ ବୁଗିନାଃ ହବାଅଃଆ । ୩୦ ଆତଃ ପାର୍‌ମେଶ୍ଵାର୍‌ଆଃ ପାବିତାର୍ ଆମ୍ବାକେ ଦୁକୁ ଆଲ୍‌ପେ ଏମାଇୟା, ଚିୟାଃଚି ପାବିତାର୍ ଆମ୍ବାଦ୍ ଆପେୟଃ ଚେତାନ୍‌ରେ ପାର୍‌ମେଶ୍ଵାର୍‌ଆଃ ଆପ୍‌ନାଃ ଆକ୍‌ତେୟାର୍‌ରେୟଃ ଚିଙ୍ଗାଁ ଲେକାନ୍‌ନିଃ ତାନିଃ ଆତଃ ପାର୍‌ମେଶ୍ଵାର୍ ମୁସିଙ୍ଗ୍ ଆପେୟଃ ମୁକ୍ତି କାମି ରିକାୟାଏ, ଏନା ସାର୍ତ୍ତି ତାନାଃ । ୩୧ ସବେନ୍ ଲେକାନ୍ ମେହେର୍ କାଜି, ଆତଃ ଖ୍ଵସ୍, ସାଙ୍ଗିନେପେ । ହିସିଙ୍ଗା କାଜି ଆତଃ ନିୟା କାଜିକ ଆଲ୍‌ପେୟଃ । ଜେତାଏକେ ଆଲ୍‌ପେ ହିଲାଙ୍ଗ୍‌କଆ । ୩୨ ମେନ୍ଦ୍ ମିହୁଡ୍ ଆତଃମିହୁଡ୍‌ଲଃ ଦାୟା ଆତଃ ଲେବେଃ ମନ୍‌ପୁରୁଦ୍ ହବାଅଃପେ ଆତଃ ଖ୍ରୀଷ୍ଟଆଃ ହରାତେ ପାର୍‌ମେଶ୍ଵାର୍ ଆପେକେ ଛାମାକାଦ୍‌ପେ ଲେକାଗି ଆପେ ମିହୁଡ୍ ଆତଃମିହୁଡ୍‌କେ ଛାମାକପେ ।

୫

ମାର୍ସାଲ୍‌ରେ ଜୀନିଦ୍

୧ ଆପେ ପାର୍‌ମେଶ୍ଵାର୍‌ଆଃ ଦୁଲ୍‌ଲାଡ୍ ହନ୍‌କ ତାନ୍‌ପେ, ଏନାତେ ଆପେ ଆୟାଃ ଲେକା ହବାଅଃପେ । ୨ ଖ୍ରୀଷ୍ଟ ଆବୁକେ ଦୁଲ୍‌ଲାଡ୍‌କେଦ୍‌ବୁଆ ଆତଃ ପାର୍‌ମେଶ୍ଵାର୍‌ଆଃ ସୁକୁଆନ୍ ଲେକା ଆବୁଆଃ ନାଗେନ୍ତେ ଆୟାଃ ଜୀଦାନ୍‌କେ ବୁଗିନ୍ ସହାନ୍ ଲେକା ଦାନ୍ ଆତଃ ଦାଣ୍ଟି ରାକାବ୍‌ୟାନ୍, ଆପେୟଃ ଜୀଦାନ୍‌ରେୟ ଏନ୍‌ଲେକାଗି ଦୁଲ୍‌ଲାଡ୍‌ରେ ତାଇନ୍‌ପେ ।

୩ ପାର୍‌ମେଶ୍ଵାର୍‌ଆଃ ହତ୍ଵାଳେକା ହବାୟାନ୍ତେ, ଆପେ ଆଲ୍‌ଲରେ ଆପାଙ୍ଗିର୍ କାମି, ସତ୍‌ରା ଚାଏ ଖୁଜ୍ କରେୟଃ ହାୟା ଆଲ୍‌କା ହବାଅଃକା । ନେଆଁ ସାଧୁ ହତ୍ଵାଳେକା ନାଗେନ୍ତେୟ ରିକା କା ଲାଗାତିଙ୍ଗ୍‌ୟଃ । ୪ ଆତଃ ଆପେୟଃ ଆଲ୍‌ଲରେ ଗିହୁଃ କାଜିକ, ଡଣ୍ଡ କାଜିକ, ଆତଃ ଲାୟା କାଜିକ ଆଲ୍‌କା ହବାଅଃକା । ମେନ୍ଦ୍ ଆପେକେ ପାର୍‌ମେଶ୍ଵାର୍‌ଆଃ ଧାନ୍‌ପାବାଦ୍ ଏମ୍ ଲାଗାତିଙ୍ଗ୍‌ୟଃ । ୫ ନେଆଁ ସାର୍ତ୍ତି ତାନାଃ ମେନ୍ତେ ଆବ୍‌କାର୍‌କାପେ, ଜେତାଏ ଆପାଙ୍ଗିର୍‌ନିଃ, ସତ୍‌ରାନିଃ ଆତଃ ଖୁଜ୍ କରେୟଃ ହାୟାନ୍‌ନିଃ ଚାଏ ମୁରୁଡ୍ ସେଖାନିଃ ଚିତ୍‌ଲ୍ୟାଅ ଖ୍ରୀଷ୍ଟ ଆତଃ ପାର୍‌ମେଶ୍ଵାର୍‌ଆଃ ରାଇକ୍‌ରେୟଃ ଜେତାନ୍ ହାନାଟିଙ୍ଗ୍ କାଏ ନାମେୟାଁ ।

☆ ୪:୧୭ ୪:୧୭ କଲସିୟ ୨:୧୯. ☆ ୪:୨୨ ୪:୨୨ କଲସିୟ ୩:୯. ☆ ୪:୨୪ ୪:୨୪ କଲସିୟ ୩:୧୦. ☆ ୪:୩୨ ୪:୩୨ କଲସିୟ ୩:୧୩.

୭ ଜେତାଏ ଆପେକେ ସାମାଜିକତେ ଆଲକାଏ ବେଦାପେକା, ନେ ସବେନାଃ ନାଗେନ୍ତେ ପାର୍ମେଶ୍ଵାର୍ଆଃ ଆନ୍ତୁକେ କା ମାନାତିଙ୍ଗତାନ୍ ହଡକଆଃ ତେତାନ୍ରେ ପାର୍ମେଶ୍ଵାର୍ଆଃ ଖୁସ୍ ହିନ୍ଦୁଃଆ । ୭ ଏନାତେ ନେ ଲେକାନ୍ ହଡକଲଃ ଜେତାନ୍ ନାତା ଆଲ୍ପେ ଦହଏୟା । ୮ ଚିୟାଃତି ଆପେୟଗି ମୁସିଙ୍ଗ୍ ନୁବାଃରେପେ ତାଇନ୍କେନା । ମେନ୍ଦ ନାହାଁଃ ଆପେ ପ୍ରାଭୁଆଃ ହଡକ ହବାକାନ୍ ହରାତେ ମାର୍ସାଲ୍ରେ ମେନାପେୟା । ଏନାତେ ଆପେ ମାର୍ସାଲ୍ରେନ୍ ହଡକ ଲେକା ସେସେନ୍ପେ । ୯ ଚିୟାଃତି ମାର୍ସାଲ୍ରେଗି ତାଇନଃରେ ସବେନ୍ ଲେକାନ୍ ବୁଗିନାଃ ଧାର୍ମାନ୍ ଆତଃ ସାନାର୍ତ୍ତରେୟାଃ କାମି ହବାଅଃଆ । ୧୦ ପ୍ରାଭୁଆଃ ଚିକ୍ନାଃ ସୁକୁଆନ୍ତେୟାଃ ତାନାଃ, ଏନାକେ ଆଟ୍ଟକାର୍ତ୍ତରୁମ୍ ଲାଗାତିୟାଁ । ୧୧ ସାମାରେୟାଃ କାମି ନୁବାଃରେ କାମିତାନ୍ ହଡକଲଃ ଆଲ୍ପେ ମେସାନା, ମେନ୍ଦ ଇନ୍କୁଆଃ କାଜିକାମିକ ମାର୍ସାଲ୍ରେ ଉଦୁବେପେ । ୧୨ ଇନ୍କୁ ଉକୁକେଦ୍ତେ କାମିତାନ୍ ବିଷାଏକେ କାଜିତେୟାଃ ପୁରାଃ ଗିହୁଃଗିୟା । ୧୩ ମେନ୍ଦ ଚିମ୍ତା ଏନ୍ ସବେନାଃ ମାର୍ସାଲ୍ରେ ଆତଃଆ, ଇମ୍ତା ଏନାରେୟାଃ ସାର୍ତି ସଭାବ୍ ପୁରା ଉଦୁବଃଆ, ୧୪ ଚିୟାଃତି ମାର୍ସାଲ୍ରେ ସବେନାଃ ପୁରା ନେଲଃଆ । ଏନାତେ ନେ'ଲେକା କାଜିକାନା,
 “ଏ ଦୁଡ୍ଡୁତାନନିଃ, ଏୟନଃମେ

ଆତଃ ଗଜାକାନ୍କଏତେ ଜୀଉବିରିଦ୍ମେ !

ଆତଃ ଖ୍ରୀଷ୍ଟ ଆମ୍ବକେ ମାର୍ସାଲ୍ ଏମାମେୟାଏ ।”

୧୫ ଏନାତେ ଆପେ ଚିଲ୍କାପେ ସେସେନା ଏନା ଚିର୍ଗାଲ୍କାନ୍ ତାଇନ୍ପେ । କା ସେଣାନ୍ ଲେକା କା ହବାକେଦ୍ତେ ସେଣାନ୍ ଲେକା ହବାଅଃପେ । ୧୬ ସବେନ୍ ସୁୟୋଗ୍କେ ବୁଗିଲେକା ବେଭାରେପେ, ଚିୟାଃତି ଦିପିଲିକଦ ଏଡକାନ୍ଗିୟା । ୧୭ ଡଣ୍ଡକଆଃ ଲେକା ଆଲ୍ପେ ହବାଅଃଆ, ମେନ୍ଦ ପ୍ରାଭୁଆଃ ଇଛାସାନାଙ୍ଗ୍ ଆଟ୍ଟକାର୍ତ୍ତରେପେ ।

୧୮ ଆପେୟାଃ ଜିୟନ୍ ରିକାଏତାନ୍ ଇଲିଆଟ୍ଟରେ ଆଲ୍ପେ ବୁଲଃଆ, ମେନ୍ଦ ଆମ୍ବାତେ ପେରେଜଃପେ । ୧୯ ଧୁରାଙ୍ଗ୍, ଭାଜାନ୍ ଆତଃ ଆମ୍ବାତେ ଦୁରାଙ୍ଗ୍ତାନଲଃ ମିହୁଡ୍ ଆତଃମିହୁଡ୍ରେ ରାସ୍କାଇପେ । ମନ୍ସୁରୁଦ୍ରେୟାଃ ଦୁରାଙ୍ଗ୍ରେ ପ୍ରାଭୁଆଃ ନୁଡ୍ମତେ ଦୁରାଙ୍ଗ୍ରେୟେ । ୨୦ ସବେନ୍ ଇମ୍ତା ସବେନାଃ ନାଗେନ୍ତେ ପ୍ରାଭୁ ଯୀଶୁ ଖ୍ରୀଷ୍ଟଆଃ ନୁଡ୍ମତେ ଆବା ପାର୍ମେଶ୍ଵାର୍କେ ଧାନ୍ୟାବାଦ୍ ଏମାଲ୍ପେ ।

କଡ଼ା ଆତଃ କୁଡ଼ି

୨୧ ଆପେ ଖ୍ରୀଷ୍ଟକେ ବରଭାକ୍ତିତାନ୍ଲଃ ମିହୁଡ୍ ଆତଃମିହୁଡ୍ତାଃରେ ଜିମାନ୍ପେ । ୨୨ ଧୁଡ୍ଡିକ, ଆପେ ପ୍ରାଭୁତାଃରେ ଜିମାନ୍ତାନ୍ ଲେକାଗି ଆପାନ୍ କଡ଼ାକତାଃରେ ଜିମାନ୍ପେ । ୨୩ କାଲିସିୟା ତେତାନ୍ରେ ଖ୍ରୀଷ୍ଟଆଃ ଆକ୍ତେୟାର୍ ମେନାଃ ଲେକା କୁଡ଼ି ତେତାନ୍ରେ କଡ଼ାରାଃ ଆକ୍ତେୟାର୍ ମେନାଃ, ଆତଃ ଖ୍ରୀଷ୍ଟି ଆୟାଃ ହଡ୍ମ ଲେକାନ୍ କାଲିସିୟାରେୟାଃ ବାସ୍ତାଅନିଃ ତାନିଃ । ୨୪ କାଲିସିୟା ଆଇଃକ୍ଗି ଖ୍ରୀଷ୍ଟତାଃରେ ଜିମାନ୍ତାନ୍ ଲେକାଗି, କୁଡ଼ିକହ ଆକାଗି ଆକଆଃ ଆପାନ୍ କଡ଼ାକତାଃରେ ଜିମାନ୍ ଲାଗାତିଙ୍ଗୟାଁଃ ।

୨୫ ଧୁଡ୍ଡିକ, ଖ୍ରୀଷ୍ଟ କାଲିସିୟାକେ ଦୁଲ୍ଲାଡ୍ଡକେଦ୍ତେ, ଏନା ନାଗେନ୍ତେ ଜୀଉ ଏମ୍ବକେଦାଏ ଏନ୍ ଲେକାଗି ଆପେ ଆପେୟାଃ କୁଡ଼ିକକେ ଦୁଲ୍ଲାଡ୍ଡକେପେ । ୨୬ ଖ୍ରୀଷ୍ଟ କାଲିସିୟାକେ ଆୟାଃ ବାଚାନ୍ ଆତଃ ଦାଆଃତେ ଫାର୍ତିକେଦ୍ତେ ନିୟାର୍କେଦା ଆତଃ ପାର୍ମେଶ୍ଵାର୍ଆଃ ନାଗେନ୍ତେ ପାବିତାର୍ କାମି ନାଙ୍ଗ୍ ଜିମାକେଦାଏ, ୨୭ ଆତଃ କାଲିସିୟାକେ ପାବିତାର୍, ବେଗାର୍ ଚିଟାଃଅ, ବେଗାର୍ ଦାଗିୟଃ ଲେକା ପୁରାଃ ସୁଗାଡ୍ଡାନ୍ଗି ବାଇକେଦ୍ତେ ଆଇଃକ୍ଗି ତେଲ୍ଲାକେଦା । ୨୮ କଡ଼ାକ ଆପାନ୍ ହଡ୍ମ ଲେକାଗି ଆଟ୍ଟକାର୍ତ୍ତକେଦ୍ତେ ଆପ୍ନାଃ କୁଡ଼ିକେ ଦୁଲ୍ଲାଡ୍ ଲାଗାତିଙ୍ଗୟାଁଃ । ଜେତାଏ ଆପ୍ନାଃ କୁଡ଼ିକେ ଦୁଲ୍ଲାଡ୍ନିଃ, ଆପାନ୍କେଗି ଦୁଲ୍ଲାଡ୍ତାଃଏ । ୨୯ ଜେତାଏ ଆପ୍ନାଃ ହଡ୍ମକେ ଚିତ୍ତଲାଅ କାଏ ହିଲ୍ଲାଙ୍ଗ୍ଆଁ । ମେନ୍ଦ ହଡ୍ମରେୟାଃ ଲାଗାତିଙ୍ଗ୍ତେୟାଃକ ଜଗାଅ ପୁରାତାନ୍ଲଃ ଏନାକେ ଜାଡ୍ନାଅଏୟା, ଜେ'ଲେକାଗି ଖ୍ରୀଷ୍ଟ କାଲିସିୟାକେ ଜାଡ୍ନାଅଆ, ୩୦ ଚିୟାଃତି ଆବୁ ସବେନ୍କ ଆୟାଃ ହଡ୍ମରେନ୍ ହିସା ତାନ୍ବୁ । ୩୧ ଧାରାମ୍ପୁଥ୍ରେ କାଜିକାନା, “ନେଆଁ ନାଗେନ୍ତେ ହଡ୍ ଏଙ୍ଗା ଆତଃ ଆପୁକେ ବାଗିକେଦ୍ତେ ଆପ୍ନାଃ କୁଡ଼ିଲଃ ମେସାନାଃଏ ଆତଃ ଏନ୍ ବାରାନ୍କିନ୍ ମିଆଁଦ୍ ହଡ୍ମକିନ୍ ହବାଅଃଆ ।” ୩୨ ନେଆଁରେ ଧାରାମ୍ପୁଥ୍ରେୟାଃ ମିଆଁଦ୍ ଉକୁଆକାନ୍ ସାର୍ତି କାଜି ଉନ୍ଦୁଦ୍ବକାନା : ଏନା ଖ୍ରୀଷ୍ଟ ଆତଃ କାଲିସିୟା ନାଗେନ୍ତେ ଲାଗାତିଙ୍ଗୟାଁଃ ମେନ୍ତେଇଙ୍ଗ୍ ଆଟ୍ଟକାର୍ତ୍ତରେ ତାନା । ୩୩ ମେନ୍ଦ ନେଆଁ ଆପେ ନାଗେନ୍ତେୟାଗି ଲାଗାତିୟାଁ । ମିମିଆଦ୍ କଡ଼ା ଆପ୍ନାଃ କୁଡ଼ିକେ ଆପ୍ନାଃ ଲେକାଗି ଦୁଲ୍ଲାଡ୍ଡିକାଏ ଆତଃ ମିମିଆଦ୍ କୁଡ଼ି ଆପ୍ନାଃ କଡ଼ାକେ ମାଇନ୍ ଲାଗାତିଙ୍ଗୟାଁଃ ।



ହନ୍କ ଆତଃ ଏଙ୍ଗାଆପୁକ

☆ ୫:୧୭ ୫:୧୭ କଲସିୟ ୪:୫. ☆ ୫:୧୯ ୫:୧୯ କଲସିୟ ୩:୧୭,୧୭. ☆ ୫:୨୨ ୫:୨୨ କଲସିୟ ୩:୧୮; ୧ ପାଡ୍‌ରାସ୍ ୩:୧. ☆ ୫:୨୫ ୫:୨୫ କଲସିୟ ୩:୧୯; ୧ ପାଡ୍‌ରାସ୍ ୩:୭.

୧୧ *ଏ ହନକ, ପ୍ରାଭୁଆଃ ନାଗେନ୍ତେ ଆପେୟାଃ ଏକ୍ଷାଆପୁକକେ ମାନାତିଙ୍ଗକପେ, ଚିୟାଃଚି ନେଆଁଗି ଠାଉକାତେୟାଃ ତାନାଃ । ୧୨ “ଆପେୟାଃ ଏକ୍ଷାଆପୁକକେ ମାଇନକପେ” ନେଆଁ ବାନାର୍ଯାରେ ମେସାକାନ୍ ମିଆଁଦ୍ ପାହିଲା ଆନ୍ତୁ ତାନାଃ । ୧୩ “ଜେ'ଲେକାଚି ଆପେୟାଃ ବୁଗିନାଃ ହବାଅଃଆ ଆତଃ ଆପେ ନେ ଅତେରେ ପୁରାଃ ସିର୍ମାପେ ଜୀହୁଦଃଆ ।”

୧୪ *ହେ ଆପୁକ, ଆପେୟାଃ ହନକକେ ଆଲ୍ପେ ଖୁସଇଚିକଆ, ମେନ୍ଦ୍ ଇନ୍କୁକେ ପ୍ରାଭୁଆଃ ଇନିତୁ ଆତଃ ଚେନେତାଅତେ ଜାଡ୍ନାଅକପେ ।

କିରିଙ୍ଗ୍‌ୟାକାନ୍ ଦାସିକ ଆତଃ ଗୁସିୟାକ

୧୫ *ହେ କିରିଙ୍ଗ୍‌ୟାକାନ୍ ଦାସିକ, ଆପେ ଖ୍ରୀଷ୍ଟକେ ମାନାତିଙ୍ଗତାନ୍ ଲେକାଗି, ମନ୍ସୁରୁଦ୍ରେ ବରତେ ଏକ୍ଷାଆତାନଲଃ ଅତେରେନ୍ ମାନଃ ଗୁସିୟାକକେ ମାନାତିଙ୍ଗକପେ । ୧୬ ଗୁସିୟା ଆପେକେ ନେଲ୍ପେତାନ୍ ଇମତା ଆଇଃକକେ ସୁକୁଇଚି ନାଗେନ୍ତେ ଏସକାର୍ କା କାମିକେଦ୍ତେ, ଖ୍ରୀଷ୍ଟଆଃ କିରିଙ୍ଗ୍‌ୟାକାନ୍ ଦାସିଲେକା ଆପେୟାଃ ସବେନ୍ ମନ୍ସୁରୁଦ୍ଲଃ ପାର୍ମେଶ୍ୱାର୍ଆଃ ମନେ ଲେକା କାମିପେ । ୧୭ ଆପେ ହଡକଆଃ ଏସକାର୍ ସୁସାର୍ତାନାଲେ ମେନ୍ତେ କା ଉଡ଼ୁକେଦ୍ତେ, ପ୍ରାଭୁଆଃ ସେଞ୍ଜାତାନାଲେ ମେନ୍ତେ ପୁରାଃ ସୁକୁମନ୍ତେ ଏନା କାମିପେ । ୧୮ ପାହାମାକାପେ, କିରିଙ୍ଗ୍‌ୟାକାନ୍ ଦାସି ତାଏ କା କିରିଙ୍ଗ୍‌ୟାକାନ୍ ଦାସି ସବେନ୍ ମିମିଆଦ୍ ହଡକଆଃ ବୁଗିନ୍ କାମିରେୟାଃ ନାଲା ପ୍ରାଭୁଗି ଏମାକଆ ।

୧୯ *ହେ ଗୁସିୟାକ, ଆପେୟାଃ କିରିଙ୍ଗ୍‌ୟାକାନ୍ ଦାସିକକେୟ ଏନଲେକାଗି ନେଲ୍ପକପେ ଆତଃ ଇନ୍କୁକେ ଆଲ୍ପେ ବତଙ୍ଗକଆ । ପାହାମାକାପେ, ଆପେ ଆତଃ ଆପେୟାଃ କିରିଙ୍ଗ୍‌ୟାକାନ୍ ଦାସିକ ସିର୍ମାରେନ୍ ପ୍ରାଭୁଆଃ ତାନ୍ପେ । ଇନିଃ ସବେନ୍କକେ ମିଦ୍ଗି ବିଚାରକଆ ।

ଆମ୍ବିକ୍ରେୟାଃ ଗଟା ହାଁତେୟାର୍

୨୦ ଟୁଣ୍ଡୁର, ପ୍ରାଭୁଲଃ ମେସାକେଦ୍ତେ ଆୟାଃ ମାରାଙ୍ଗ୍ ପେଡ଼େଃରେ ପୁରାଃଗି ପେଡ଼େଜଃପେ । ୨୧ ପାର୍ମେଶ୍ୱାର୍ ଏମାକାଦ୍ ସବେନ୍ ହାଁତେୟାର୍ ତୁସିୟେନ୍ପେ, ଜେ'ଲେକାଚି ଆପେ ସାଏତାନ୍ରାଃ ଏଡକାନ୍ କାମିରେପେ ତିଙ୍ଗୁ ଦାଡିୟା । ୨୨ ଚିୟାଃଚି ଆବୁ ଅତେରେନ୍ ମାନଃକଆଃ ବିରୁଧ୍ରେ କାବୁ ଲାଡ଼ାଇତାନା ମେନ୍ଦ୍ ସିର୍ମା ଠାୟାଦ୍କରେନ୍ ଏଡକାନ୍ ଆମ୍ବାରେୟାଃ ପେଡ଼େଃ ଆତଃ ନେ ନୁବାଃ ଦିପିଲିରେ ରାଇଜ୍ତାନକଆଃ, ଆକ୍ତେୟାର୍ତାନକଆଃ ବିରୁଧ୍ରେ ଲାଡ଼ାଇତାନାବୁ । ୨୩ ଏନାତେ ନାହାଁଃ ପାର୍ମେଶ୍ୱାର୍ ଏମାକାଦ୍ ହାଁତେୟାର୍ ତୁସିଙ୍ଗ୍‌କେଦ୍ତେ ଏଡକାନ୍ ଦିପିଲିରେ ଆପେ ବାଇଚିକଆଃ ଲାଡ଼ାଇରେ ତିଙ୍ଗୁ ଦାଡିୟାପେ, ଆତଃ ଟୁଣ୍ଡୁ ଜ୍ଞାକେଦ୍ ଲାଡ଼ାଇରେୟ କେଟେଦ୍ରେ ତାଇନ୍ ଦାଡିୟାପେ ।

୨୪ ଏନା ନାଗେନ୍ତେ ଆପେୟାଃ ମାୟାଙ୍ଗ୍ରେ ସାନାର୍ତ୍ତିରେୟାଃ କାସ୍ନାତେ ତଲାକାନ୍ ଆତଃ ଧାରାମ୍ରେୟାଃ ବୁକୁପାଟା ତୁସିଙ୍ଗ୍‌କେଦ୍ତେ ତିଙ୍ଗୁନ୍ପେ, ୨୫ କାଟାରେ ଜୀଉସୁକ୍ରେୟାଃ ସୁକୁକାଜି ଲେକାନ୍ ଖାର୍ପା ତୁସିଙ୍ଗ୍‌କାନ୍ଲଃ ସେକାଡକେଦ୍ତେ ତିଙ୍ଗୁନ୍ପେ । ୨୬ ସବେନ୍ ଇମତା, ବିଶ୍ୱାସକେ ଢାଲ୍ ଲେକା ସାବକେଦ୍ତେ ସେସେନ୍ପେ, ନେଆଁରେୟାଃ ଦେଙ୍ଗାତେ ଏଡକାନ୍ ହରାତେ ହୁରାଙ୍ଗ୍‌ଅଃତାନ୍ ସବେନ୍ ଜୁଲ୍ତାନ୍ ସେଙ୍ଗେଲ୍ରେୟାଃ ସରକକେ ହକା ଦାଡିୟାପେ । ୨୭ ପାରିତ୍ରାଣରେୟାଃ ଟୁପୁରି ଆତଃ ପାବିତାର୍ ଆମ୍ବା ଏମାକାଦ୍ପେ ପାର୍ମେଶ୍ୱାର୍ଆଃ ବାତାନ୍ ଲେକାନ୍ ତାରାଉଡି ନାମଜମପେ । ୨୮ ପାର୍ମେଶ୍ୱାର୍ଆଃ ଦେଙ୍ଗା ଆସିକେଦ୍ତେ ବିକ୍ରି ହରାତେ ନେ ସବେନାଃ ରିକାଏପେ । ସବେନ୍ ଲେକାତେ ପାବିତାର୍ ଆମ୍ବାରେୟାଃ ହରାତେ ବିକ୍ରିପେ । ଚିର୍ଗାଲାକାନ୍ ତାଇନ୍ପେ, ଚିଉଲାଅ ଆଲ୍ପେ ଲାଗାଃଆ, ପାର୍ମେଶ୍ୱାର୍ଆଃ ହଡକ ନାଗେନ୍ତେ ସବେନ୍ ଇମତା ବିକ୍ତିରେ ତାଇନ୍ପେ । ୨୯ ଆଇଁୟାଃ ନାଗେନ୍ତେୟ ବିକ୍ତିପେ, ଜେ'ଲେକାଚି ସୁକୁକାଜିରେୟାଃ ଉକୁଆକାନ୍ କାଜିକେ ବେଗାର୍ ବରତେ ଉଦୁବ୍ ନାଙ୍ଗ୍ ପାର୍ମେଶ୍ୱାର୍ ଆଇଙ୍ଗ୍‌କେ ଦେଙ୍ଗାଇଁୟା । ୩୦ ନାହାଁଃ ଆଇଙ୍ଗ୍ ଜେହେଲ୍ରେ ସିକ୍ତିକାନ୍ ତାଇନ୍ରେୟ, ସୁକୁକାଜି ନାଗେନ୍ତେ ଆଇଙ୍ଗ୍ ମିଆଁଦ୍ କାଜି ଇଦିସେଟେର୍ ହଡ ତାନିଙ୍ଗ୍ । ବିକ୍ତିପେ, ଜେ'ଲେକାଚି ଆଇଙ୍ଗ୍ ବେଗାର୍ ବରତେ ସୁକୁକାଜିଇଙ୍ଗ୍ ଉଦୁବ୍ ଦାଡିୟା ।

ଟୁଣ୍ଡୁ ଜୁହାର୍

୩୧ *ଆଇଁୟାଃ ବିଷାଏରେ ଆପେ ଜେ'ଲେକା ସାରି ଦାଡିୟାପେ, ଏନାମେନ୍ତେ ଆଲେୟାଃ ଦୁଲାଡ୍ ହାଗା ଆତଃ ପ୍ରାଭୁଆଃ କାମିତାନ୍ ପାତିୟାରଃ ଲେକାନ୍ ଦାସି ତୁଖ୍‌କ୍, ଆଇଁୟାଃ ବିଷାଏରେ ଆପେକେ ସବେନ୍ କାଜି କାଜିୟାପେଆ । ୩୨ ଆଲେ ସବେନ୍କ ଚିଲ୍‌କା ମେନାଲେୟା, ଏନ୍ ବିଷାଏରେ ଉଦୁବ୍‌କେଦ୍ତେ ଆପେୟାଃ ଜୀଉରେ ରାସକାପେ ନାଗେନ୍ତେ ଆଇଙ୍ଗ୍ ଇନିଃକେ ଆପେତାଃତେଇଙ୍ଗ୍ କୁଲିତାନା ।

୩୩ ଆବା ପାର୍ମେଶ୍ୱାର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ୍ ବିଶ୍ୱାସୀ ହାଗା ମିଶିକକେ ଜୀଉସୁକ୍, ଦୁଲାଡ୍ ଆତଃ ବିଶ୍ୱାସ୍ ଏମାକାକାଏ । ୩୪ ଅକନ୍‌କ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌କେ କା ଟୁଣ୍ଡୁ ଦୁଲାଡ୍‌ତେ ଦୁଲାଡ୍‌ତାନାକ, ଇନ୍କୁଲଃ ପାର୍ମେଶ୍ୱାର୍ଆଃ ସାୟାଦ୍ ହବାଅଃକା ।

☆ ୨:୧ ୨:୧ କଲସିୟ ୩:୨୦. ☆ ୨:୪ ୨:୪ କଲସିୟ ୩:୨୧. ☆ ୨:୫ ୨:୫ କଲସିୟ ୩:୨୨-୨୫. ☆ ୨:୯ ୨:୯ କଲସିୟ ୪:୧; କଲସିୟ ୩:୨୫. ☆ ୨:୨୧ ୨:୨୧ ପ୍ରେରିଡ୍ ୨୦:୪; ୨ ତିମଥୁ ୪:୧୨. ☆ ୨:୨୧ ୨:୨୧ କଲସିୟ ୪:୨,୮.

ଫିଲିପୀୟମାନଙ୍କ ନିକଟକୁ ପାଉଲଙ୍କ ପତ୍ର ଫିଲିପିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଚିଟାଉ ପାରିଟାଏ

ୟାଶୁ ଖ୍ରୀଷ୍ଟ୍‌ଆଃ ଜାନାମ୍‌ରେୟାଃ ୬୧ ବାରାଷ୍ ତାୟମ୍‌ତେ, ପାଉଲୁସ୍ ଫିଲିପି କାଲିସିୟାରେନ୍ ବିଶ୍ୱାସୀ ହାଗା ମିଶିକତାଃତେ ନେ ଚିଟାଉ ଅଲାକାଦ୍ ତାଇକେନାଏ । ହବାସାକାଅଆଃ ପାଉଲୁସ୍ ରୋମ୍‌ରେ ଜେହେଲାକାନ୍ ତାଇକେନ୍ ଇମ୍‌ତା ନେ ଚିଟାଉ ଅଲାକାଦ୍ ତାଇକେନାଏ ୧:୧୩ ।

ଫିଲିପି ସାହାରରେ ବାଇୟାକାନ୍ କାଲିସିୟାକତାଃତେ ନେ ଚିଟାଉ ଅଲାକାନ୍ ତାଇକେନା । ଆବୁ ପ୍ରେରିତ୍ ପୁଅକରେ ହଗି ଫିଲିପି ଚିଟାଉ ବିଷାଏରେ ଚିମିନ୍ କାଜିକ ସାରିନାମ୍ ତାନାରୁ । ଫିଲିପି ମାକିଦନିଆ ପାର୍ଗାନ୍‌ରେୟାଃ ମାରାଙ୍ଗ୍ ସାହାର୍ ତାଇକେନା । ନେଆଁ ମାକିଦନିଆରେ ହବାକାନ୍ ପାହିଲା କାଲିସିୟା ତାଇକେନା । ପାଉଲୁସ୍ ଆତଃ ସିଲାସ୍ ବାରାନ୍‌କିନ୍ ମେସାକେଦ୍‌ତେ ନେ କାଲିସିୟା ଏଟେଦ୍‌କାଦ୍ ତାଇକେନାକିନ୍ । ଆତଃ ଇନ୍‌କିନ୍ ଏନ୍ତାଃରେ ତାଇକେନ୍ ଇମ୍‌ତା ମିଦ୍ ନିଦା ନାଙ୍ଗ୍ ଜେହେଲ୍‌ରେ ହାଣ୍ଡେଦାକାନ୍ ତାଇକେନାକିନ୍ ପ୍ରେରିତ୍ ୧୭ ।

ହବାସାକାଅଆଃ ପାଉଲୁସ୍‌ଆଃ ନେ ଚିଟାଉ ଅନଲ୍‌ରେ ପୁରାଃଗି ଉଦେଶ୍ ତାଇନ୍‌ସାକାଅଆ । କାଲିସିୟାରେନ୍ ହଡକ ପାଉଲୁସ୍ ଜେହେଲାକାନାଏ ମେନ୍ତେ ଆୟୁମ୍‌କେଦ୍‌ଚି ଦାନ୍ ହାରମ୍‌କେଦ୍‌ତେ, ଆୟାଃତାଃ ଦାନ୍ କୁଲାକାଦ୍ ନାଙ୍ଗ୍ କାଲିସିୟାକେ ଧାନ୍ୟାବାଦ୍ ଏମ୍‌ରାଃ ଉଦେଶ୍‌ରେ ନେ ଚିଟାଉ ଅଲାକାନା ୪:୧୦-୧୯ । ଇନିଃ ଆୟାଃ ଜେହେଲାକାନ୍ ଇମ୍‌ତାରେୟାଃ କାଜିକ ଉଦୁବ୍‌କେଦ୍‌ଲଃ କାଲିସିୟାରେନ୍ ତାମଥୁ ଆତଃ ଏପାପ୍‌ଦିତ୍‌କେ କାମି ନାଙ୍ଗ୍ ସାଲାକାଦ୍‌କିନାଏ, ବିଶ୍ୱାସୀକ ଇନ୍‌କିନ୍‌କେ ଜେ'ଲେକା ମାଇନ୍‌କେଦ୍‌ତେ ଜହାର୍‌କିନାକ ଆତଃ ଆକିନାଃ ଆଗୁଆଇରେ ମାଇନ୍‌କିନାକ ୨:୧୯-୩୦ ।

ପୁଅ୍ ଭିତାରେ ତାଇକାନ୍ କାଜି

- ୧. ପାଉଲୁସ୍ ଫିଲିପି କାଲିସିୟାକେ ଜହାର୍ କାଜିତାନାଏ । ୧:୧-୨
- ୨. ପାଉଲୁସ୍‌ଆଃ ଦୁକୁ ନେତା ଆତଃ ଆୟାଃ ଉଡ଼ୁକ । ୧:୩-୨:୩୦
- ୩. ଖ୍ରୀଷ୍ଟ୍ ଲେକା ଜୀଝାନ୍ ବିତାଅ ନାଗେନ୍ତେ ବିଶ୍ୱାସୀ ହାଗା ମିଶିକକେ ପାଉଲୁସ୍‌ଆଃ ଆନ୍‌ରୁ । ୩:୧-୪:୯
- ୪. ପାଉଲୁସ୍ ଫିଲିପି କାଲିସିୟାକେ ଜହାର୍ ଆତଃ ଧାନ୍ୟାବାଦ୍ ଏମ୍‌ତାନାଏ । ୪:୧୦-୨୩

ଜହାର୍ ଆତଃ ପାଉଲୁସ୍‌ଆଃ ବିନ୍ତି

୧ *ଫିଲିପି ସାହାରରେନ୍ ଯାଶୁ ଖ୍ରୀଷ୍ଟ୍‌ଲଃ ମେସାକାନ୍ ପାର୍‌ମେଶ୍ୱାର୍‌ଆଃ ହଡକକେ, ଆତଃ କାଲିସିୟାରେନ୍ ଆଗୁଆଇକକେ, ଆତଃ ତିକାନ୍‌କକେ ଯାଶୁ ଖ୍ରୀଷ୍ଟ୍‌ଆଃ ଦାସି ପାଉଲୁସ୍ ଆତଃ ତାମଥୁଆଃ ଚିଟାଉ, ୨ ଆବୁଆଃ ଆପୁ ପାର୍‌ମେଶ୍ୱାର୍ ଆତଃ ପ୍ରାଭୁ ଯାଶୁ ଖ୍ରୀଷ୍ଟ୍ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

୩ ଆଇଙ୍ଗ୍ ଆପେକେ ଚିମିନ୍‌ସାଇଙ୍ଗ୍ ପାହାମ୍‌ପେତାନା, ଇମିନ୍‌ସା ଆଇଁୟାଃ ପାର୍‌ମେଶ୍ୱାର୍‌କେଇଙ୍ଗ୍ ଜହାରିତାନା । ୪ ଆତଃ ସବେନ୍ ଦିପିଲିରେ ଆଇଙ୍ଗ୍ ଆପେ ସବେନ୍‌କ ନାଗେନ୍ତେ ସୁକୁଡେଇଙ୍ଗ୍ ବିନ୍ତିତାନା, ୫ ଚିଆଃଚି ଆପେ ଆପେୟାଃ ବିଶ୍ୱାସ୍‌ରେୟାଃ ଏନେଟେଦ୍ ହୁଲାଙ୍ଗ୍‌ତାଃଏତେ ନାହାଁଃ ଜାକେଦ୍ ସୁକୁକାଜିରେୟାଃ କାମିରେ ଆଇଙ୍ଗ୍‌କେପେ ଦେଙ୍ଗାକାଦିୟା । ୬ ଆତଃ ଆଇଙ୍ଗ୍ ପୁରାଃ ପକ୍‌ତାକେଦ୍‌ତେ ବିଶ୍ୱାସ୍ ତାନାଇଙ୍ଗ୍, ଅକନ୍ ପାର୍‌ମେଶ୍ୱାର୍ ଆପେରେ ବୁଗିନ୍ କାମି କାମି ଏଟେଦ୍‌କାଦାଏ, ଯାଶୁ ଖ୍ରୀଷ୍ଟ୍‌ରାଃ ହିଜୁଃଦିପିଲି ହୁଲାଙ୍ଗ୍‌ରେ ନେଆଁ ଚାବାଃଅ ଜାକେଦ୍ ଇନିଃ ଏନାକେ ପୁରାଏୟା । ୭ ଆପେ ସବେନ୍‌କ ସବେନ୍ ଇମ୍‌ତା ଆଇଁୟାଃ ମନ୍‌ସୁରୁଦ୍‌ରେ ମେନାପେୟା, ଏନା ନାଗେନ୍ତେ ଆପେୟାଃ ବିଷାଏରେ ନେ'ଲେକାଇଙ୍ଗ୍ ଉଡ଼ୁକେଦା । ଆଇଙ୍ଗ୍ ତନଲ୍‌ହେତେ ରାଡ଼ାକାନ୍ ଦିପିଲିରେ ଆତଃ ନାହାଁଃ ନେ ଜେହେଲାକାନ୍ ଦିପିଲିରେ, ନେ ବାରାନାଃରେ ସୁକୁକାଜିରେୟାଃ ସାନାର୍‌ତିରେ ତିଙ୍ଗ୍‌କେଟେଦ୍ ଆତଃ ଏଟାଃକକେ ଉଦୁବ୍‌ରେୟାଃ ଅକ ସୁଯୋଗ୍ ପାର୍‌ମେଶ୍ୱାର୍ ଏମାକାଦିୟାଏ, ଏନାରେ ଆପେ ସବେନ୍‌କ ହିସାପେ ନାମାକାଦା । ୮ ଚିଆଃଚି ଯାଶୁ ଖ୍ରୀଷ୍ଟ୍‌ଆଃ ଇକିରାନ୍ ଦୁଲାଡ୍ ହରାତେ ଆଇଙ୍ଗ୍ ଆପେ ସବେନ୍‌କ ନାଗେନ୍ତେ ଚିଲ୍‌କାଇଙ୍ଗ୍ ତେତାଙ୍ଗ୍ ତାନା, ଏନ୍ ବିଷାଏରେ ପାର୍‌ମେଶ୍ୱାର୍ ଆଇଁୟାଃ ଗାଝା ତାନିଃ ।

୯ ଆଇଙ୍ଗ୍ ବିନ୍ତିତାନାଇଙ୍ଗ୍, ଆପେୟାଃ ଦୁଲାଡ୍ ସାର୍‌ତି ସେଣାଁଲଃ ଆତଃ ଆଟ୍‌କାର୍‌ଉରୁମଃଲଃ ମିସାତେ ପୁରାଃଗି ହାରାଇଦିୟଃକା । ୧୦ ଏନାତେ ଆପେ ଅକ୍‌ନାଃ ବୁଗିନାଃ ତାନାଃ ଏନାପେ ଆଟ୍‌କାର୍‌ଉରୁମ୍ ଦାଡ଼ିୟା । ଏନ୍ତେ ଆପେ ଖ୍ରୀଷ୍ଟ୍‌ଆଃ ହିନିଜୁଃ ହୁଲାଙ୍ଗ୍‌ରେ ସବେନ୍ ଲେକାନ୍ ସଡ଼ରାଏତେ ଫାର୍‌ଚି ଆତଃ କା ଚିଟାକାନ୍ ତାଇନାଃପେ । ୧୧ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍ ଆତଃ ସାହାରାଅ ନାଗେନ୍ତେ ଆପେୟାଃ ଜୀଦାନ୍ ଯାଶୁ ଖ୍ରୀଷ୍ଟ୍‌ଆଃ ଏମାକାନ୍ ସବେନ୍ ବୁଗିନ୍ ଗୁନ୍‌ତେ ପେରେଜଃଆ ।

* ୧:୧ ୧:୧ ପ୍ରେରିତ୍ ୧୭:୧୨.

ବାସ୍ତାଅରେୟାଃ ମୁଣ୍ଡିଦ ଖ୍ରୀଷ୍ଟ

୧୭ ହେ ଦୁଲ୍ଲଭ୍ ହାଗା ମିଶିକ, ଆଇଜ୍ ନେଆଁ ସାରିପେ ମେନ୍ତେଇଜ୍ ସାନାଜ୍‌ତାନା, ଅକନ୍ କାଜିକ ଆଇଁୟାଃରେ ହବାକାନା, ଏନା ସୁକୁକାଜିକେ ଆୟାର୍‌ତେ ଇଦି ନାଗେନ୍ତେ ଦେଙ୍ଗାକାଦା । ୧୩ ଏନାତେ, ମାହାଲ୍‌କେ ହରତାନ୍ ନେତାଃରେନ୍ ସବେନ୍‌କ ଆତଃ ଏଟାଃ ସବେନ୍‌କ ସାରିୟାଃକ ଯେ, ଆଇଜ୍ ଖ୍ରୀଷ୍ଟାଃ ଦାସି ହବାକାନ୍ ହରାତେ ନାହାଁଃ ଜେହେଲ୍‌ରାଃ ସିକିଡିତେଇଜ୍ ତଲାକାନା । ୧୪ ମେନ୍‌ଦ ଆଇଜ୍ ଜେହେଲ୍‌ରାଃ ସିକିଡିତେଇଜ୍ ତଲାକାନ୍ ହରାତେ ପୁରାଃ ବିଶ୍ୱାସୀ ହାଗା ମିଶିକଆଃ ବିଶ୍ୱାସ ପ୍ରାଭୁରେ ପୁରାଃଗି ହବାକାନା, ଆତଃ ନେ ହରାତେ ବେଗାର୍ ବରତାନ୍‌ଲଃ ପାର୍‌ମେଶ୍ୱାରଆଃ ବାଚାନ୍ ଉଦୁବ୍ ନାଗେନ୍ତେ ଇନ୍‌କୁଆଃ ଜୀଉରେ କେଟେଦ୍ ହବାକାନା ।

୧୫ ଇନ୍‌କୁଏତେ ଚିମିନ୍ ହଡକ ଖ୍ରୀଷ୍ଟାଃ ବିଷାଏରେ ହିସ୍‌ଜାତାନ୍‌ଲଃ ଆତଃ ଏପେରାଜ୍‌ତାନ୍‌ଲଃ ବାଚାନ୍ ହାଟିଜ୍‌ତାନାକ, ମେନ୍‌ଦ ଚିମିନ୍ ହଡକ ଖ୍ରୀଷ୍ଟ ବିଷାଏରେ ଫାର୍‌ଚି ମନ୍‌ତେ କାମିତାନାକ । ୧୬ ଇନ୍‌କୁ ଦୁଲ୍ଲଭ୍‌ତାନ୍ ହରାତେ ବାଚାନ୍ ଉଦୁବ୍‌ତାନାକ । ପାର୍‌ମେଶ୍ୱାର୍ ଆଇଜ୍‌କେ ସୁକୁକାଜି ବାସ୍ତାଅରାଃ କାମି ଏମାକାଦିୟାଁ, ଏନା ସାରିତାନାକ । ୧୭ ଏଟାଃକ ଫାର୍‌ଚିମନ୍‌ତେ ଖ୍ରୀଷ୍ଟାଃ ବାଚାନ୍ କାକ ଉଦୁବ୍, ମେନ୍‌ଦ ଆପ୍‌ନାଃ ସାନାଜ୍‌କେ ପୁରାଏ ନାଗେନ୍ତେ କାମିକେଦା । ଆଇଜ୍ ଜେହେଲ୍‌ରାଃ ସିକିଡିତେ ତଲାକାନ୍ ତାଇକେନ୍ ଇମ୍‌ତା ଆଇଁୟାଃ ମନ୍‌ରେ ପୁରାଃ ଦୁକୁ ଏମାଇଜ୍ ନାଗେନ୍ତେ ଇନ୍‌କୁ ଏନ୍‌ଲେକା କାମି ରିକାତାନାକ ।

୧୮ ଏନାରେ ଜେତାନ୍ କାଜି ବାନଃଆ । ସାର୍‌ତି ଉଦେଶ୍‌ରେ ହବାଃଥ ଚାଏ ଏଡକାନ୍ ଉଦେଶ୍‌ରେ ହବାଃଥ, ଜେଡନାଃତେ ହବାଃଥ, ଖ୍ରୀଷ୍ଟାଃ ବିଷାଏରେୟାଃ କାଜି ଉଦୁବଃରେ, ଆଇଜ୍ ରାସ୍‌କାଃଥଇଜ୍ ଆତଃ ରାସ୍‌କା କାତେୟଃଇଜ୍, ୧୯ ଚିଆଃଚି ଆଇଜ୍ ସାରିତାନାଇଜ୍ ଆପେୟାଃ ବିକ୍ତି ଆତଃ ଯୀଶୁ ଖ୍ରୀଷ୍ଟାଃ ଆମ୍‌ରେୟାଃ ଦେଙ୍ଗା ହରାତେ ଆଇଜ୍ ତନଲ୍‌ହେତେ ରାଡାକାନାଇଜ୍ । ୨୦ ଜୀଦାନ୍‌ରେ ଚାଏ ଗନଏଃରେ ଆଇଜ୍ ଖ୍ରୀଷ୍ଟାଃ କାମି ଚିତଲ୍ଲାଅ କାଇଜ୍ ବାଗିୟା । ମେନ୍‌ଦ ସବେନ୍ ଇମ୍‌ତା ବିଶେଷ୍‌କେଦ୍‌ତେ ନେ ଏଡକାନ୍ ହୁଲାଜ୍‌କରେ ଜୀଉ କେଟେଦ୍‌ତାନ୍‌ଲଃ ପୁରାଗି ଆଇଜ୍ ଆଇଁୟାଃ ହଡ଼ମ୍‌ରେ ଖ୍ରୀଷ୍ଟକେ ମାଇନାନ୍ ରିକାୟାଇଜ୍, ଏନାଗି ଆଇଁୟାଃ ପୁରାଃ ଆସ୍ତା ଆତଃ ଭାର୍‌ସା ତାନାଃ । ୨୧ ଆଇଁୟାଃ ଜୀନିଦ୍‌ରେ ଖ୍ରୀଷ୍ଟି ସବେନାଃ ତାନିଃ । ଏନାତେ ଆଇଁୟାଃ ନାଜ୍ ଗନଏଃ ପୁରାଃଗି ବୁଗିନାଃ ହବାଅଃଆ । ୨୨ ମେନ୍‌ଦ ଆଇଜ୍ ହାସା ହଡ଼ମ୍‌ରେ ଜୀନିଦ୍ ତାଇକେଦ୍‌ତେ ପୁରାଃଗି ଜ'ନାମଃ ଲେକାଇଜ୍ କାମି ଦାଡିତାନ୍‌ରେଦ, ଜୀଦାନ୍ ଚାଏ ଗନଏଃ ଅକ୍‌ନାଃକେଇଜ୍ ସାଲାଏୟା ଏନା ଆଇଜ୍ କାଇଜ୍ ସାରିଦାଡିତାନା । ୨୩ ନେ ବାରାନ୍ କାଜି ଆଇଜ୍‌କେ ବାରାନ୍‌ସାଃତେ ତାହୁଜିଇଜ୍‌ତାନା । ନେ ଜୀଦାନ୍ ବାରିକେଦ୍‌ତେ ଖ୍ରୀଷ୍ଟଲଃ ତାଇନଃ ନାଗେନ୍ତେ ଆଇଁୟାଃ ପୁରାଃଗି ସାନାଜ୍ ଆତଃ ପୁରାଃଗି ବୁଗିନାଃ ତାନାଃ । ୨୪ ମେନ୍‌ଦ ଆପେ ନାଗେନ୍ତେ ହାସା ହଡ଼ମ୍‌ରେ ଜୀନିଦ୍ ତାଇନଃ ଆଇଜ୍‌କେ ପୁରାଃଗି ଲାଗାଡିଜ୍‌ୟାଃ । ୨୫ ନେଆଁ ଆଇଜ୍ ସାର୍‌ଚିଗିଜ୍ ସାରିତାନା, ଆଇଜ୍ ଆପେ ସବେନ୍‌କଲଃ ତାଇନାଇଜ୍, ଆତଃ ଆପେକେ ବିଶ୍ୱାସ୍‌ରେଇଜ୍ ହାରାଇଦିପେୟା ଆତଃ ଜୀଉରେ ରାସ୍‌କା ନାମେ ନାଗେନ୍ତେଇଜ୍ ଦେଙ୍ଗାପେୟା । ୨୬ ତାବ୍‌ଦ, ଆଇଜ୍ ଆପେଲଃ ଆତଃମିସା ତାଇନ୍‌ରେ, ଆପେ ଜୀଦାନ୍‌ରେ ଖ୍ରୀଷ୍ଟଲଃ ମେନେସାରେ ତାଇନ୍ ହରାତେ ଆଇଁୟାଃ ନାଜ୍ ପୁରାଃଗି ଆପାନ୍‌କେ ମାରାଜ୍ ମେନ୍ତେ କାଜିନ୍ ଦାଡିୟାଃପେ ।

୨୭ ଆଇଜ୍ ଆପେକେ ନେନେଲ୍ ନାଗେନ୍ତେ ସେନ୍ ଦାଡି ଚାଏ କା ଦାଡି, ନାହାଁଃ କାଜି ହବାଅଃତାନା, ଆପେ ଖ୍ରୀଷ୍ଟାଃ ସୁକୁକାଜିରେୟାଃ ଲାଗାଡିଜ୍ ଲେକାଗି ଜୀଦାନ୍ ବିତାଏପେ, ଜେ'ଲେକାଚି ଆଇଜ୍ ଆୟୁମେୟାଇଜ୍ ଯେ ଆପେ ମିଆଁଦ୍ ଆମ୍‌ରେ ତିଜ୍ କେଟେଦ୍‌କାନାପେ ଆତଃ ମିଆଁଦ୍‌ଗି ଭାର୍‌ସାଲଃ ଆପେ ସୁକୁକାଜିରେୟାଃ ବିଶ୍ୱାସ୍ ନାଗେନ୍ତେ ମିସାତେ ଲାଡାଇତାନାପେ । ୨୮ ଆପେୟାଃ ବାଇରିକକେ ଆଲପେ ବରକଆ, ସବେନ୍ ଇମ୍‌ତା ଜୀଉ କେଟେଦ୍‌କେଦ୍‌ତେ ତାଇନ୍‌ପେ । ଏନାରେ, ଇନ୍‌କୁ ସାରି ଦାଡିୟାକ ଯେ, ଇନ୍‌କୁଆଃ ହାରାଅ ସାର୍‌ଚି ତାନାଃ ଆତଃ ଆପେ ଜିତାଅଃଖାପେ, ଚିଆଃଚି ପାର୍‌ମେଶ୍ୱାର୍ ଆପେକେ ଜିନିତାଅ ଏମାପେୟାଏ । ୨୯ ଚିଆଃଚି ଖ୍ରୀଷ୍ଟାଃରେ ବିଶ୍ୱାସ୍‌କେଦ୍ ହରାତେ ଏସ୍‌କାର୍ କାଗି, ମେନ୍‌ଦ ଆୟାଃ ନାଗେନ୍ତେ ଦୁକୁ ସାହାଡିଜ୍‌କେଦ୍ ହରାତେ ଆପେକେ ଖ୍ରୀଷ୍ଟକେ ସେଖା ନାଗେନ୍ତେ ସୁଯୋଗ୍ ଏମାକାନା । ୩୦ ଏନାହାଁଃ ନେ ଲାଡାଇରେ ଆପେ ଆଇଁୟାଃଲଃ ମେସା ଦାଡିୟାଆପେ । ସିଦା ଦିପିଲିରେ ଆପେ ଆଇଜ୍‌କେ ଜେ'ଲେକା ଲାଡାଇତାନ୍ ନେଲକାଦିଜ୍ ତାଇକେନାପେ, ନାହାଁଃ ଜାକେଦ୍ ଆଇଜ୍ ଏନ୍ ଲାଡାଇରେ ମେନାଇୟାଁ ମେନ୍ତେ ଆପେ ଆୟୁମ୍‌କାଦାପେ ।

୨

ଖ୍ରୀଷ୍ଟାଃ ଲେବେୟେନ୍ ଆତଃ ମାରାଜ୍‌ୟେନ୍

୧ ଆପେ ଖ୍ରୀଷ୍ଟାଃ ମେନେସା ହରାତେ ଆପେୟାଃ ଜୀଦାନ୍‌ରେ କେଟେଦ୍‌କାନାପେ, ଆତଃ ଆୟାଃ ଦୁଲ୍ଲଭ୍‌ଆପେକେ ଜୀଉରାଡେଃ ଏମାପେତାନାଏ । ଆପେ ପାବିତାର୍ ଆମ୍‌ଲଃ ମେନେସାରେ ମେନାପେୟା ଆତଃ ଆପେୟାଃ ମିହୁଡ୍ ଆତଃମିହୁଡ୍‌ଲଃ ଲିନିବୁଇ ଆତଃ ଦାୟା ମେନାଃ । ୨ ଏନାତେ ଆଇଜ୍ ଆପେକେ ବିକ୍ତିପେ ତାନାଇଜ୍, ମିଦ୍ ଉଡ଼ସ୍‌ରେ, ମିଦ୍ ଦୁଲ୍ଲଭ୍‌ରେ, ମିଦ୍ ଜୀଉରେ ଆତଃ ମନ୍‌ରେ ତାଇନ୍‌କେଦ୍‌ତେ ଆପେ ଆଇଜ୍‌କେ ପୁରାଃତେ ସୁକୁଇଜ୍‌ପେ । ୩ ଆପ୍‌ନାଃ

☆ ୧:୧୩ ୧:୧୩ ପ୍ରେରିଡ୍ ୨୮:୩୦. ☆ ୧:୩୦ ୧:୩୦ ପ୍ରେରିଡ୍ ୧୭:୧୯-୪୦.

ସାନାଙ୍କ ପୁରାଅଃ ନାଗେନ୍ତେ ଚାଏ ମାରାଙ୍କର୍ଯ୍ୟେନ୍ ନାଗେନ୍ତେ ଜେତାନ୍ କାମି ଆଲପେ କାମିୟା । ମେନ୍ଦ ଏଟାଃକକେ ଆପାନ୍ତାଃଏତେ ମାରାଙ୍କ ନେଲ୍ଲକେଦ୍ଦେ, ମିହୁଡ୍ ଆତଃମିହୁଡ୍ଲଃ ସବେନ୍ ଇମ୍ତା ଲେବେଃ ମନ୍ରେ ତାଇନ୍ଦପେ । ୪ ଆତଃ ମିହୁଡ୍ ହଡ୍ ଆପ୍ପାଃ ନାଗେନ୍ତେ ଏସ୍କାର୍ କା ଉଡ୍ଡୁକେଦ୍ଦେ ଏଟାଃକଆଃ ନାଗେନ୍ତେୟ ଉଡ୍ଡୁଗେକାଏ । ୫ ଯାଶୁ ଶ୍ରୀଷ୍ଟିଆଃ ମନ୍ ଉଡ୍ଡୁ ଲେକାଗି ଆପେୟାଃ ମନ୍ ଉଡ୍ଡୁକ ହବାଅଃକା । ୬ ଇନିଃ ପାର୍ମେଶ୍ଵାର୍ ତାଇନ୍ରେୟ, ପାର୍ମେଶ୍ଵାର୍ଲଃ ମିଦ୍ ଜକାଗି ତାଇନଃ ନାଙ୍କ୍ କାଏ ମନେକେଦା । ୭ ମେନ୍ଦ ଇନିଃ ଆପ୍ପାଃ ଇଛାସାନାଙ୍କ୍ତେ ସବେନାଃ ବାଗିକେଦାଏ, ଆତଃ ଦାସି ଲେକାଏ ବାଇୟାନା ଏନ୍ତେ ମାନଝା ରୁପ୍ପରେ ଜାନାମ୍ୟାନା । ୮ ଇନିଃ ଆଇଃକ୍ରି ଲେବେଃ ମନ୍ତେ ହବାୟାନ୍ଲଃ ଆତଃ ସବେନ୍ ଗନ୍ଏଃରେୟାଃ ହରାରେ ଆୟାଃ କୁଶ୍ଵାରାଃ ଗନ୍ଏଃ ଜାକେଦ୍ କାଜି ମାନାତିୟେନ୍ ଲେକାଏ ହବାୟାନା । ୯ ଏନାମେନ୍ତେ ପାର୍ମେଶ୍ଵାର୍ ଇନିଃକେ ସବେନାଃଏତେ ଚେତାନ୍ ଠାୟାଦ୍ଦେ ଉଠାଅକିୟା, ଆତଃ ଏଟାଃ ସବେନ୍ ନୁଡ୍ଡୁମ୍ଏତେ ଆୟାଃ ନୁଡ୍ଡୁମ୍ ସବେନାଃଏତେ ଚେତାନ୍ରେ ଏମ୍କେଦା । ୧୦ ଏନାତେ ଯାଶୁଆଃ ନୁଡ୍ଡୁମ୍ରେୟାଃ ମାଇନାନ୍ ନାଗେନ୍ତେ ସିର୍ମା, ଅତେ, ଆତଃ ଅତେଦିଶ୍ଵମ୍ରେ ଲାତାର୍ରେ ତାଇନ୍ତାନ୍ ସବେନ୍ କା ଆୟାଃ ଆୟାର୍ରେ ଇକ୍ଡୁୟାନ୍ତେ ଉୟୁଗଃଆକ, ୧୧ ଆତଃ ସବେନ୍ ହଡ୍ କା ଯାଶୁ ଶ୍ରୀଷ୍ଟି ପ୍ରାଭୁ ତାନିଃ ମେନ୍ତେ ଉଦ୍ଦୁତାନ୍ଲଃ ଆବା ପାର୍ମେଶ୍ଵାର୍ଆଃ ମାନାରାଙ୍କ୍ ରିକାୟାକ ।

ଅତେଦିଶ୍ଵମ୍ରେ ମାୟାଲ୍ ଲେକା ଜୁଲଃପେ

୧୨ ତାବ୍ଦ ହେ ଦୁଲାଡ୍ ହାଗା ମିଶିକ, ଆଇଙ୍କ୍ ଆପେଲଃ ତାଇନ୍ତାନ୍ ଦିପିଲିରେ ଆପେ ଜେ'ଲେକା ସବେନ୍ ଇମ୍ତା ମାନାତିଙ୍କ୍ ତାଇକେନାପେ, ନାହାଁଃ ଆଇଙ୍କ୍ ଆପେତାଃଏତେ ସାଜିନ୍ରେ ତାଇନଃତାନ୍ ଦିପିଲିରେୟ ପୁରାଃଗି ବର ଆତଃ ଏକ୍ଲଆଃତାନ୍ଲଃ ଆପେୟାଃ ଜାଉବାଞ୍ଚାଅ ପୁରାଏପେ । ୧୩ ତିଆଃଟି ପାର୍ମେଶ୍ଵାର୍ ଆପେ ଥାଲାରେ କାମିତାନା । ଇନିଃକେ ସୁକ୍କୁଇତି ଲେକା କାମି ନାଗେନ୍ତେ ଇନିଃ ଆପେକେ ଇଛାସାନାଙ୍କ୍ ଏମାଃଏ ଆତଃ ଏନା ରିକାଏ ନାଗେନ୍ତେ ପେଡ୍ଡେହ୍ ଏମାଃଏ ।

୧୪ ବେଗାର୍ କାଜି କେସେଦ୍ଦେ ଆତଃ କାପ୍ପଜିତେ ସବେନ୍ କାମି ରିକାଏପେ । ୧୫ ଏନାରେ, ଆପେ ବେଗାର୍ ତିଟାକାନ୍ ଆତଃ ପାର୍ମେଶ୍ଵାର୍ଆଃ ଫାର୍ଟିଆକାନ୍ ହନ୍କପେ ହବାଅଃଆ । ମେନ୍ଦ ନେ ଅତେଦିଶ୍ଵମ୍ରେ ଜିୟନଃତାନ୍ ଏଡ୍କାନ୍ ହଡ୍କ ଆଲାରେ ତାଇନଃତାନାପେ, ଏନାତେ ଆପେ ଇନ୍କୁକେ ଜୀଦାନ୍ ଏମାଃରେୟାଃ ବାଚାନ୍ ଉଦ୍ଦୁକ ଇମ୍ତା ରିମିଲ୍ଲକେ ମାର୍ସାଲେତାନ୍ ଇପିଲ୍ଲକ ଲେକା ଇନ୍କୁଆଃ ଆୟାର୍ରେ ଜୁଲଃ ଲାଗାତିଙ୍କ୍ୟାଃ । ୧୬ ଏଟାଃକତାଃରେ ଜୀଦାନ୍ ଏମାଃ କାନାଜି ଉଦ୍ଦୁବେ ଇମ୍ତା, ଆପେ ସିର୍ମାକେ ମାର୍ସାଲେତାନ୍ ଇପିଲ୍ଲକ ଲେକା ହବାଅଃ ଲାଗାତିୟା । ଆପେ ନେ'ଲେକା ହବାଅଃରେଦ, ଶ୍ରୀଷ୍ଟି ହୁଲାଙ୍କ୍ରେ ଆପେୟାଃ ବିଷାଏରେ ଆଇଙ୍କ୍ ଆପାନ୍କେ ମାରାଙ୍କ୍ ମେନ୍ତେଇଙ୍କ୍ କାଜିନା, ତିଆଃଟି ନେଆଁଲଃ ଉଦ୍ଦୁବଃଆ ଯେ, ଆଇଁୟାଃ ସବେନ୍ କେଚେଦ୍ କାମି କା ସାମାଏଶ୍ଵାଃ କାନା ।

୧୭ ହବାସାକାଅଆଃ ପାର୍ମେଶ୍ଵାର୍ଆଃ ଉକେଶ୍ରେ ଆପେୟାଃ ବିଶ୍ଵା ଲେକାନ୍ ସେଝାରାଃ ଦାଣେଁରେ ଆଇଁୟାଃ ଜୀଦାନ୍ରେୟାଃ ମାୟୋମ୍କେ ହ୍ ଆଇଙ୍କ୍କେ ଏମାଃ ଲାଗାତିଙ୍କ୍ୟାଃ । ଏନାମେନ୍ତେ ଆଇଙ୍କ୍ ରାସ୍କାଅଃତାନାଇଙ୍କ୍ ଆତଃ ଆଇଁୟାଃ ନେ ରାସ୍କାରେ ଆପେ ମେସାନ୍ପେ ମେନ୍ତେଇଙ୍କ୍ ସାନାଙ୍କ୍ତାନା । ୧୮ ଏନ୍ ଲେକାଗି, ଆପେୟାଃ ରାସ୍କାଅଃପେ ଆତଃ ଆପେୟାଃ ରାସ୍କା ଆଇଁୟାଃଲଃ ହାତିୟେପେ ।

ତାମଥ୍ ଆତଃ ଏପାପ୍ରାଦିଡ୍

୧୯ ପ୍ରାଭୁ ଯାଶୁଆଃ ସାନାଙ୍କ୍ ହବାଅଃରେଦ, ଆପେତାଃତେ ତାମଥ୍କେ ଜାଲ୍ଦିଗିଇଙ୍କ୍ କୁଲିୟା ମେନ୍ତେଇଙ୍କ୍ ଆସ୍ତାଏତାନା । ଏନାତେ ଆପେୟାଃ ବିଷାଏରେ କାଜି ଆୟୁମ୍କେଦ୍ଦେ ରାସ୍କାଅଃଆଇଙ୍କ୍ । ୨୦ ଇନିୟାଃ ମନ୍ରାଃ ଉଡ୍ଡୁକ ଆଇଁୟାଃ ଲେକା ମେନାଃ ଆତଃ ସାର୍ତିଗି ଇନିଃ ଆପେୟାଃ ବିଷାଏରେ ଉଡ୍ଡୁତାନା । ୨୧ ଏଟାଃ ସବେନ୍କ ଯାଶୁ ଶ୍ରୀଷ୍ଟିଆଃ ବିଷାଏରେ କା ଉଡ୍ଡୁକେଦ୍ଦେ ଆକଆଃ ଆପ୍ପାଃ ବିଷାଏରେ ଉଡ୍ଡୁତାନାକ । ୨୨ ଆପେ ସାରିତାନାପେ ଯେ ତାମଥ୍ ଚିଲ୍ଲକାନ୍ ହଡ୍ ତାନିଃ । ହନ୍ ଜେ'ଲେକା ଆପ୍ପାଃ ସୁସାର୍ ରିକାଏ, ଏନ୍ଲେକାଗି ଇନିଃ ଆଇଁୟାଃଲଃ ମିସାତେ ସୁକ୍କୁକାଜି ଉଦ୍ଦୁବ୍ ଇମ୍ତା ଆଇଁୟାଃ ସୁସାର୍ ରିକାକାଦାଏ । ୨୩ ଆଇଁୟାଃ ଚିକ୍ନାଃ ହବାଅଃତେ ସେନଃତାନା, ଏନା ସାରିକେଦ୍ଦି ଆଇଙ୍କ୍ ଇନିଃକେ ଆପେତାଃତେ କୁଲିୟାଇଙ୍କ୍ ମେନ୍ତେଇଙ୍କ୍ ଆସ୍ତାକାଦା । ୨୪ ଆତଃ ଆଇଙ୍କ୍ ପ୍ରାଭୁତାଃରେ ବିଶ୍ଵାସ୍ତାନାଇଙ୍କ୍ ଯେ, ଆଇଙ୍କ୍ ଜାଲ୍ଦିଗି ଆପେତାଃତେଇଙ୍କ୍ ହିଜୁଃ ଦାଡ୍ଡିୟା ।

୨୫ ଆଇଁୟାଃ କାମିରେ, ଆଇଁୟାଃ ଲାଗାତିଙ୍କ୍ତେୟାଃକ ପୁରାଏ ନାଙ୍କ୍ ଆଇଙ୍କ୍କେ ଦେଙ୍ଗାଇଙ୍କ୍ ନାଗେନ୍ତେ ଆପେୟାଃ କୁଲାକାନ୍ ହାଗା ଏପାପ୍ରାଦିଡ୍କେ ଆପେତାଃତେ କୁଲି ନାଙ୍କ୍ ବୁଗିନାଃ ହବାଅଃଆ ମେନ୍ତେଇଙ୍କ୍ ଆଟ୍କାରେତାନା । ୨୬ ଇନିଃ ଆପେ ସବେନ୍କକେ ନେନେଲ୍ ନାଗେନ୍ତେ ପୁରାଃଗି ସାନାଙ୍କ୍ତାନା ଆତଃ ଆପେ, ଇନିଃ କାଏ ସୁକ୍କୁତାନା ମେନ୍ତେ କାଜି ଆୟୁମ୍କେଦ୍ ହରାତେ ଇନିଃ ପୁରାଃଗି ମନ୍ରେ ଦୁକୁୟାନା । ୨୭ ସାର୍ତି କାଜିଲେରେ, ଇନିଃ ବେମାର୍ ତାଇକେଦ୍ଦେ ଗଜଃଲେକାଏ ହବାକାନ୍ ତାଇକେନା । ମେନ୍ଦ ପାର୍ମେଶ୍ଵାର୍ ଇନିଃକେ ଦାୟାକିୟା । ଇନିଃକେ ଏସ୍କାର୍ କାହାଗି, ମେନ୍ଦ ଆଇଁୟାଃ ଚେତାନ୍ରେୟାଗି ଆୟାଃ ଦାୟା ତାଇକେନ୍ ହରାତେ ଆଇଙ୍କ୍କେ ଦୁକୁ ଚେତାନ୍ ଦୁକୁ ସାହାତିଙ୍କ୍ ନାଙ୍କ୍ କାଏ ଏମାଦିୟା । ୨୮ ଆଇଙ୍କ୍ ଇନିଃକେ ଆପେତାଃତେ କୁଲି ନାଙ୍କ୍ ପୁରାଃଗିଇଙ୍କ୍ ସାନାଙ୍କ୍ ତାଇକେନା, ତିଆଃଟି ଆପେ

ଇନିଷ୍ଟେ ଆଡ଼ଃମିସା ନେଲ୍‌କେଦ୍‌ତେ ପୁରାଃଗିପେ ରାସ୍‌କାନା ଆଡ଼ଃ ଆଇଁୟାଃ ଦୁକୁହଗି ଅହରାଅକଆ । ୨୯ ଏନାଡେ ମିଆଁଦ୍ ପ୍ରାଭୁଆଃ ବିଶ୍ୱାସୀ ହାଗା ଲେକା ଆପେ ଇନିଷ୍ଟେ ସୁକୁଡେ ଦାରମିପେ ଆଡ଼ଃ ଆୟାଃ ଲେକାନ୍ ସବେନ୍ ହଡ଼କକେ ମାଇନକପେ । ୩୦ ତିଆଃତି ଆପେ ଆଇଙ୍ଗକେ ଅକ ଦେଙ୍ଗା କାପେ ଏମ୍ ଦାଡ଼ିୟାନା, ଏନା ପୁରାଏ ନାଗେନ୍ତେ ଇନିଷ୍ଟେ ଶ୍ରୀଷ୍ଟିଆଃ କାମିରେ ଆପ୍‌ନାଃ ଜୀଉକେ ସାଙ୍ଗାଟ୍‌ରେ ଉୟୁଃକେଦ୍‌ତେ ଗଜଃଲେକାଏ ହବାକାନ୍ ତାଇକେନା ।

୩

ସାର୍‌ତି ଧାର୍‌ମାନ୍

୯ ଚୁଣ୍ଡୁରେ, ହେ ହାଗା ମିଶିକ, ପ୍ରାଭୁଲଃ ମେସାକାନ୍ ହରାଡେ ଆପେ ରାସ୍‌କାଅଃପେ । ଆଇଙ୍ଗ ସିଦାରେ ଅଲ୍‌କାଦ୍‌ତେୟାଃ, ଆଡ଼ଃମିସା କାଜି ନାଗେନ୍ତେ କାଇଙ୍ଗ୍ ଲାଗାଅଃଆ, ତିଆଃତି ଆପେୟାଃ ରୁଗିନାଃ ନାଗେନ୍ତେ ନେଆଁଏ ଦେଙ୍ଗାପେୟା । ୧ ଏଡକାନ୍ କାମିରେ ମେନାକଆ, ଏନ୍ ସେଡକଆଏଡେ ଆଡ଼ଃ ବାଞ୍ଛାଅଃ ନାଗେନ୍ତେ ଅକନ୍‌କ ଲାଗାତାର୍ ଖାଡ଼ନାଅରେୟାଃ କାଜି କାଜିୟାଃକ, ଏନ୍ କା ବିଶ୍ୱାସ୍‌ତାନ୍ ହଡ଼କ ଲେକା କାମିତାନ୍‌କଆଏଡେ ଚିର୍ଗାଲ୍‌କାନ୍ ତାଇନପେ । ୨ ତିଆଃତି ଆବୁ ଖାଡ଼ନାଅକାନ୍‌କ ତାନ୍‌ବୁ ମେନ୍‌ଦ ଇନକୁ ନାହାଁଲକ । ଆବୁ ପାବିତାର୍ ଆମ୍‌ରାଃ ଦେଙ୍ଗାଡେ ପାର୍‌ମେଶ୍ୱାର୍‌କେ ସେଝାତାନାବୁ ଆଡ଼ଃ ଶ୍ରୀଷ୍ଟି ଯୀଶୁଲଃ ମେସାକେଦ୍‌ତେ ରାସ୍‌କାଅଃ ତାନାବୁ । ହାସା ହଡ଼ମରେୟାଃ ନେପେଲ୍ ରିଡିରିଝାଜ୍‌ରାଃ ଲାଗାତିଙ୍ଗ୍‌ଡେୟାଃରେ ଆବୁଆଃ ଆସ୍ତା ବାନଃଆ । ୪ ସାର୍‌ତିଗି ଏନ୍ ସବେନାଃରେ ଆସ୍ତା ଦହ ନାଗେନ୍ତେ ଆଇଁୟାଃ ନାଙ୍ଗ୍ ରୁଗିନାଃ ହବାଅଃଡେୟାଃ । ଜେତାଏ ହାସା ହଡ଼ମରେୟାଃ ନେପେଲ୍ ରିଡିରିଝାଜ୍‌ରାଃ ଲାଗାତିଙ୍ଗ୍‌ଡେୟାଃରେ ଆସ୍ତାଏ ରେଦ, ଏନ୍‌ଲେକା କାମି ନାଗେନ୍ତେ ଆଇଁୟାଃ ପୁରାଃଗି ଆସ୍ତା ମେନାଃ । ୫ ଆଇଁୟାଃ ଜାନାମରାଃ ଇରିଲ୍‌ମାହାଁରେ* ଆଇଙ୍ଗ୍ ଖାଡ଼ନାଅୟାନାଇଙ୍ଗ୍, ଆଇଙ୍ଗ୍ ଇସ୍ତାଏଲ୍‌ରେନ୍ ବେଞ୍ଜାମିନ୍ କିଲିରେଇଙ୍ଗ୍ ଜାନାମୟାନା, ଆଡ଼ଃ ସାର୍‌ତି ଏବ୍ରୀ ତାନିଙ୍ଗ୍ । ଯିହୁଦୀକଆଃ ଆନ୍‌ରୁ ମାନାତିଙ୍ଗ୍‌ରେ ଆଇଙ୍ଗ୍ ମିୟାଦ୍ ଫାରୁଶୀ ହଡ଼ତାନିଙ୍ଗ୍ । ୬ ଆଡ଼ଃ ଆଇଁୟାଃ ଚିହୁଲ୍‌ଲେନ୍ କାଜି ମେନାଃରେଦ, ଆଇଙ୍ଗ୍ ମିହୁଡ୍ କାଲିସିୟାକେ ସିଗିଦି ହଡ଼ ତାଇକେନାଇଙ୍ଗ୍ । ଆନ୍‌ରୁ ମାନାତିଙ୍ଗ୍‌କେଦ୍ ହରାଡେ ମିହୁଡ୍ ହଡ଼ ଧାର୍‌ମାନ୍ ହବାଦାଡ଼ିୟାଃରେଦ ଆଇଙ୍ଗ୍ ବେଗାର୍ ଚିଟାଅଃନିଃ ତାଇକେନାଇଙ୍ଗ୍ । ୭ ମେନ୍‌ଦ ଅକ ସବେନାଃ ଆଇଙ୍ଗ୍ ରୁଗିନାଃ ମେନ୍ତେ ଆଟ୍‌କାରେ ତାଇକେନାଇଙ୍ଗ୍, ଏନାକେ ନାହାଁଃ ଆଇଙ୍ଗ୍ ଶ୍ରୀଷ୍ଟି ନାଗେନ୍ତେ ସାମାକାଜି ଲେକାଇଙ୍ଗ୍ ଆଟ୍‌କାରେତାନା । ୮ ଏନାକ ଏସ୍‌କାର୍ କାଗି, ଆଇଁୟାଃ ପ୍ରାଭୁ ଯୀଶୁ ଶ୍ରୀଷ୍ଟିକେ ସାରିକିଃ ହରାଡେ ଅକନ୍ ପୁରାଃ ଗନଙ୍ଗ୍‌ଆଁନ୍ ସେଣାଁ ନାମାକାଦାଇଙ୍ଗ୍, ଏନାଲଃ ଜକାଲେରେ ଏଗାଃ ସବେନାଃକେ ଆଇଙ୍ଗ୍ ନାହାଁଃ ସାମାକାଜି ଲେକାଇଙ୍ଗ୍ ଆଟ୍‌କାରେତାନା । ଶ୍ରୀଷ୍ଟିକେ ନାମି ନାଗେନ୍ତେ ଆଇଙ୍ଗ୍ ସବେନାଃକେ ବାଗିକାଦା, ୯ ଆଡ଼ଃ ଇନିଷ୍ଟେ ପୁରାଃଡେଇଙ୍ଗ୍ ମେସାକାନା । ଜେତା ଧାର୍‌ମାନ୍ ଆନ୍‌ରୁ ମାନାତିଙ୍ଗ୍‌କେଦ୍‌ତେ ନାମ୍ ଦାଡ଼ିୟାଆ, ଏନ୍ ଲେକାଦ୍ ଜେତା ଧାର୍‌ମାନ୍ ଆଇଁୟାଃ ବାନଃଆ । ନାହାଁଃଦ୍ ଆଇଁୟାଃ ଅକ ଧାର୍‌ମାନ୍ ମେନାଃ, ଏନା ଶ୍ରୀଷ୍ଟିକେ ବିଶ୍ୱାସ୍‌କେଦ୍ ହରାଡେ ନାମାକାନା, ଏନାଦ୍ ପାର୍‌ମେଶ୍ୱାର୍‌ତାଃଏଡେ ହିଜୁଃଆ ଆଡ଼ଃ ବିଶ୍ୱାସ୍‌ଡେ ହବାଅଃଆ । ୧୦ ନାହାଁଃଦ୍, ନେଆଁଇଙ୍ଗ୍ ସାନାଙ୍ଗ୍‌ତାନା, ଆଇଙ୍ଗ୍ ଶ୍ରୀଷ୍ଟିକେ ସାରିୟାଇଙ୍ଗ୍ ଆଡ଼ଃ ଆୟାଃ ଜୀଉବିନିରିଦ୍‌ରାଃ ପେଡ଼େଃକେଇଙ୍ଗ୍ ଆଟ୍‌କାର୍ ଦାଡ଼ିକା, ଆୟାଃ ଦୁକୁହାସୁକେ ଆଟ୍‌କାର୍‌କେଦ୍‌ତେ ଗନଏଃରେୟ ଆୟାଃ ଲେକାଇଙ୍ଗ୍ ହବାଅଃକା, ୧୧ ଆଡ଼ଃ ଆଇଙ୍ଗ୍ ଆଇଙ୍ଗ୍‌ଡେଗି ଗନଏଃହେଡେ ଜୀଉବିନିରିଦ୍‌ରାଃ ଆସ୍ତାଇଙ୍ଗ୍ ନାମେକା ।

ନିର୍‌ସେଟେରେ ଠାୟାଦ୍‌ତେ ନିରେୟାବୁ

୧୨ ଆଇଙ୍ଗ୍ ଏନ୍ ସବେନାଃ ସିଦାରେଇଙ୍ଗ୍ ନାମ୍ ଚାବାକାଦା ଚାଏ ଆଇଙ୍ଗ୍ ସିଦାରେଇଙ୍ଗ୍ ପକ୍‌ତାଚାବାକାନା, ମେନ୍ତେଦ୍ କାଇଙ୍ଗ୍ କାଜିତାନା । ମେନ୍‌ଦ୍ ଆଇଙ୍ଗ୍ ନାଲା ନାମେ ନାଗେନ୍ତେଇଙ୍ଗ୍ ନିରେତାନା, ଆଡ଼ଃ ଯୀଶୁ ଶ୍ରୀଷ୍ଟି ଆଇଃକ୍‌ଗି ଆଇଙ୍ଗ୍‌କେ ସିଦାରେ ଜିତାଅକାଦିୟାଁ । ୧୩ ହେ ହାଗା ମିଶିକ, ସାର୍‌ତିଗି, ଆଇଙ୍ଗ୍ ନିର୍‌ ସେଟେରେ ଠାୟାଦ୍‌ତେ ନାହାଁଃ ଜାକେଦ୍ ଆଉରିଙ୍ଗ୍ ସେଟେରା । ମେନ୍‌ଦ୍ ଆଇଙ୍ଗ୍ ମିୟାଦ୍ କାମିରେଗି ମେନାଇୟାଁ, ଦୟାସାଃରେ ବାଗିକାଦ୍ ବିଷାଏକେ ରିଡିଙ୍ଗ୍‌କେଦ୍‌ତେ, ଅକ୍‌ନାଃ ଆୟାର୍‌ସାଃରେ ମେନାଃ ଏନାକେ ନାମେ ନାଗେନ୍ତେ ପୁରାଃଗିଇଙ୍ଗ୍ ଚେଷ୍ଟାତାନା । ୧୪ ଏନାଡେ ଯୀଶୁ ଶ୍ରୀଷ୍ଟିଆଃ ଦେଙ୍ଗାଡେ ସିର୍‌ମାରେୟାଃ ଜୀଦାନ୍ ନାମେ ନାଗେନ୍ତେ ପାର୍‌ମେଶ୍ୱାର୍ ଆଇଙ୍ଗ୍‌କେ କେଡାକାଦିୟାଁ, ଏନ୍ ନାଲା ନାମ୍ ନାଗେନ୍ତେ ନିର୍‌ ସେଟେର୍ ଠାୟାଦ୍‌ତେ ନିରେତାନା ।

୧୫ ଆବୁଆଃ ଆଲାରେ ଅକନ୍‌କ ଆମ୍‌ରେ ପକ୍‌ତାକାନାକ, ଇନକୁଆଃ ନେ'ଲେକା ମନରେ ଉଡ଼ୁ ଲାଗାତିଙ୍ଗ୍‌ୟାଃ । ମେନ୍‌ଦ୍ ଜେତାଏୟାଃ ଏଗାଃ ଲେକାଗି ମନ୍‌ରେ ଉଡ଼ୁ ମେନାଃରେଦ, ପାର୍‌ମେଶ୍ୱାର୍ ଆପେକେ ସବେନ୍ କାଜି ରୁଗିଲେକାଏ ଉଦୁବାପେୟା । ୧୬ ମେନ୍‌ଦ୍ ଅକନ୍ ସାନାର୍‌ଡିକେ ଆବୁ ତିସିଙ୍ଗ୍ ଜାକେଦ୍ ମାନାତିଙ୍ଗ୍ ଆଉ ତାନାବୁ, ନାହାଁଃ ଏନ୍ ସାନାର୍‌ଡିରେଗି ଆୟାର୍‌ଡେ ସେନାବୁ ।

୧୭ ହେ ହାଗା ମିଶିକ, ଆଇଙ୍ଗ୍‌କେ ଅଡଙ୍ଗ୍‌ଇଙ୍ଗ୍‌ପେ ଆଡ଼ଃ ଆଲେ ସେସେନ୍‌ତାନ୍ ନାମ୍‌ନା ଲେକା ଅକନ୍‌କ ସେସେନ୍‌ତାନା ଇନକୁକେ ନେଲ୍‌କୁପେ । ୧୮ ସିଦାଏଡେଗି ଆଇଙ୍ଗ୍ ଆପେକେ ନେ କାଜି ଚିମିନ୍‌ସାଇଙ୍ଗ୍ କାଜିକାଦ୍‌ପେୟା,

☆ ୩:୫ ୩:୫ ରୋମି ୧୧:୧; ପ୍ରେରିଡ୍ ୨୩:୨; ୨୬:୫. * ୩:୫ ୩:୫ ଆଟ୍ ଦିନ୍‌ରେ ☆ ୩:୬ ୩:୬ ପ୍ରେରିଡ୍ ୮:୩; ୨୨:୪; ୨୬:୯-୧୧. ☆ ୩:୧୭ ୩:୧୭ ୧ କରିନ୍ଥ୍‌ୟ ୪:୧୬; ୧୧:୧.

ଆତ୍ମ ନାହାଁଣିତା ଯେଉଁ ଦାଆଃ ଲିଙ୍ଗିତାନ୍ତର ଆତ୍ମତ୍ୟାଗ କାଜିତାନା, ପୁରାଃ ହତ୍ତକ ଆକଥାଃ ଆପ୍ତନାଃ ଜୀବନ୍ତରେ ଶ୍ରୀଷ୍ଟିଆଃ କ୍ଳାନ୍ତ ଗନ୍ଧର୍ବରେୟାଃ ବାଜରି ଚାକ୍ଷୁ ଚାଲନ୍ତ ରିକାତାନାକ ।^{୧୯} ନାରାକରେ ଇନ୍ଦ୍ରୁଆଃ ଜୀବନ୍ତ ଜିୟନଃତେ ସେନଃତାନା । ତିଆଃତି ଇନ୍ଦ୍ରୁଆଃ ହତ୍ତଫରାଃ ଇକ୍ଷାସାନାକ୍ଷାନ୍ତି ଆକଥାଃ ମାହାପୁରୁ ତାନିଃ, ଅକ୍ତନାଃ ଗିହୁଗାନ୍ତେୟାଃ ତାନାଃ, ଏନା ନାଗେନ୍ତେ ଇନ୍ଦ୍ରୁ ଆପାନ୍ତକେ ମାରାକ୍ଷ୍ ମେନ୍ତେକ କାଜିନ୍ତାନା । ଅତେରେୟାଃ ବିଷାଏ ନାଗେନ୍ତେ ଏସ୍କାର୍ ଇନ୍ଦ୍ରୁ ଉତ୍ତଗୁଃକ ।^{୨୦} ଏନା ଜାହାନାଃଗି ହବାଅଃକା, ଆରୁ ସିର୍ମା ଦିଶ୍ୱମ୍ରେନ୍ଦକ ତାନ୍ତୁ, ସିର୍ମାଏତେ ଆରୁଆଃ ବାଞ୍ଛାଅନିଃ ପ୍ରାଭୁ ଯାଶୁ ଶ୍ରୀଷ୍ଟିଆଃ ହିନ୍ଦ୍ରୁଃକେ ନେଲ୍ ହରାତାନାବୁ ।^{୨୧} ଅକନ୍ତ ପେଡ଼େଃ ହରାତେ ଇନିଃ ସବେନ୍ତ ବିଷାଏକେ ଆୟାଃ ଆପ୍ତନାଃ ଆବରରେ ଦହ ଦାଡ଼ିୟା । ଏନ୍ତ ପେଡ଼େଃକେ କାମିରେ ଲାଗାଅକେଦ୍ତେ, ଇନିଃ ଆରୁଆଃ ଗନ୍ଧର୍ବ ହବାଅଃ ହତ୍ତଫକେ ଆୟାଃ ମାନାରାକ୍ଷ୍ ହବାଅଃ ହତ୍ତଫ ଲେକାଏ ବାଜୟା ।

୪

ଇନିଦୁଏମଃ ଆତ୍ମ ଇନିଦୁ

^୧ ହେ ଦୁଲ୍ଲାଡ୍ ହାଗା ମିଶିକ, ଆପେକେ ନେନେଲ୍ ନାଗେନ୍ତେ ଆଇଁୟାଃ ପୁରାଃଗି ସାନାକ୍ । ଆପେୟାଃ ନାଗେନ୍ତେ ଆଇଁୟାଃ ତିମିନ୍ତା ରାସ୍କା ଆତ୍ମ ତିମିନ୍ତା ଆପାନ୍ତକେ ମାରାକ୍ଷ୍ ମେନ୍ତେକ କାଜିନ୍ତାନା । ହାଗା ମିଶିକ ଆଇଁୟାଃ ଇନିଦୁ ଲେକାତେ ପ୍ରାଭୁତାଃରେ ତିକ୍ଷୁକେଟେଦ୍ତକେଦ୍ତେ ଜୀବନ୍ତ ବିତାଏପେ ।

^୨ ଇନ୍ଦ୍ରଦିଆ ଆତ୍ମ ସନ୍ତୁଷ୍ଟୀକେ ଆଇଁୟାଃ ବିକ୍ତି, ଇନ୍ଦ୍ରକିନ୍ତ ପାର୍ମେଶ୍ୱାର୍ଆଃ ଆୟାଃରେ ମିଶିଲେକା ମିଦ୍ତୁମନ୍ତକେଦ୍ତେ ତାଇନଃକାକିନ୍ତ ।^୩ ହେ ଆଇଁୟାଃ ପାତିୟାରର ଲେକାନ୍ତ ଗାତିରେ କାମିତାନ୍ତନିଃ । ଆମ୍ବକେୟାଗି ଆଇଁୟାଃ ବିକ୍ତି, ନେ ମିଶିକକେ ଦେକ୍ଷାକମେ, ତିୟାଃତି ନିକ୍ତୁ କ୍ଲେମେଷ୍ ଆତ୍ମ ଆଇଁୟାଃଲଃ ଗାତିରେ କାମିତାନ୍ତକ, ସୁକ୍ତକାଜି ପାର୍ତ୍ତାର୍ କାମିରେ ଆଇଁୟାଃକେ ପୁରାଃଗି ଦେକ୍ଷାକାଦିୟାକ । ନେ ସବେନ୍ତକଥାଃ ନୁତୁମ୍ ପାର୍ମେଶ୍ୱାର୍ଆଃ ଜୀବନ୍ତ ପୁଥ୍ରେ ଅଲ୍ଲାନା ।

^୪ ପ୍ରାଭୁଲଃ ମେସାକାନ୍ତ ହରାତେ ଆପେ ସବେନ୍ତ ଇମ୍ତାକ୍ ରାସ୍କାଅଃପେ । ଆଇଁୟାଃ ଆତ୍ମତ୍ୟାଗ କାଜିପେତାନାକ୍ଷ୍ ରାସ୍କାଅଃପେ ।

^୫ ସବେନ୍ତକଲଃ ଆପେୟାଃ ଲେବେଃମନ୍ତ ହବାଅଃକା । ପ୍ରାଭୁଆଃ ହିନ୍ଦ୍ରୁଃ ଦିପିଲି ନାଡ଼େଃକାନା ।^୬ ଜେତାନ୍ତ ବିଷାଏରେ ଆଲ୍ପେ ଉତ୍ତଗୁଃ, ମେନ୍ତ ଆପେୟାଃ ଲାଗାତିକ୍ଷ୍ତେୟାଃକ ବିକ୍ତିରେ ପାର୍ମେଶ୍ୱାର୍କେ ଆସିପେ । ମନ୍ତସୁନ୍ତଦ୍ତେ ଧାନ୍ୟାବାଦ୍ ଏମ୍ତାନ୍ତଲଃ ଆପେୟାଃ ବିକ୍ତି ପାର୍ମେଶ୍ୱାର୍କେ ଉଦ୍ଭବିପେ ।^୭ ଆତ୍ମ ମାନଃଘରାଃ ଆଟ୍ଟକାର୍ତ୍ତରୁମ୍ଏତେ ଚେତାନ୍ତ, ପାର୍ମେଶ୍ୱାର୍ଆଃ ଜୀବନ୍ତକୁ ଶ୍ରୀଷ୍ଟି ଯାଶୁଆଃ ମେନେସାରେ ଆପେୟାଃ ମନ୍ତସୁନ୍ତଦ୍ତକେ ଆତ୍ମ ମନ୍ତକେ ବାଞ୍ଛାଅୟା ।

^୮ ତୁଣ୍ଡୁର, ହେ ଆଇଁୟାଃ ହାଗା ମିଶିକ, ଅକ୍ତ ସବେନ୍ତ ବିଷାଏକ ବୁଗିନାଃ ଆତ୍ମ ମାଇନଃ ଲେକାନାଃ ତାନାଃ, ଅକଥାଃ ସାର୍ତ୍ତି, ମାଇନାନ୍, ଠାଉକାନ୍, ପୁରାଃ ଫାର୍ତି, ସୁଗାଡାନ୍, ଆତ୍ମ ମାଇନଃତେୟାଃ, ଏନ୍ତ ସବେନାଃ ଆପେୟାଃ ଉତ୍ତଗୁରାଃ ବିଷାଏ ହବାଅଃକା ।^୯ ଆଇଁୟାଃ କାଜି ଆତ୍ମ କାମିତେ ଅକଥାଃ ଇତ୍ତୁକାନାପେ ଆତ୍ମ ନାମାକାଦାପେ, ଏନାକେ କାମିରେ ଉଦ୍ଭବେପେ । ଏନାରେ, ଜୀବନ୍ତକୁ ଏମଃ ପାର୍ମେଶ୍ୱାର୍ ଆପେଲଃ ତାଇନାଏ ।

ବାର୍ତ୍ତାନ୍ ନାଗେନ୍ତେ ଧାନ୍ୟାବାଦ୍

^{୧୦} ପ୍ରାଭୁଲଃ ମେନେସାରେ ତାଇନ୍ତକେଦ୍ତେ ଜୀବନ୍ତ ବିତାଅତାନ୍ତ ଇମ୍ତା ଆପେ ଆଇଁୟାଃ ନାଗେନ୍ତେ ପାହାମ୍ତାନାପେ ଏନାମେନ୍ତେ ଆଇଁୟାଃ ପୁରାଃ ରାସ୍କାଅଃତାନାକ୍ଷ୍ । ସାର୍ତ୍ତି କାଜିଲେରେ, ଆପେ ଆଇଁୟାଃ ବିଷାଏରେ ପାହାମ୍ ଆତ୍ମ ଉତ୍ତଗୁ ତାଇକେନାପେ, ମେନ୍ତ ଏନା ଉଦ୍ଭବେ ନାଗେନ୍ତେ ସୁୟୋଗ୍ କାପେ ନାମେ ତାଇକେନା ।^{୧୧} ଆଇଁୟାଃ ଆପାନ୍ତକେ ଜାଞ୍ଜିଆକାନ୍ତ ଲେକା ଆଟ୍ଟକାର୍ତ୍ତକେଦ୍ତେ କାଇକ୍ କାଜିତାନା, ତିଆଃତି ଆଇଁୟାଃତାଃରେ ଅକଥାଃ ମେନାଃ ଇମ୍ତାକ୍ରେଗି ରାସ୍କାଅଃ ନାକ୍ ଇତ୍ତୁକାନାକ୍ଷ୍ ।^{୧୨} କାଟିକାନ୍ତ ହବାଅଃ ଚାଏ ଥ୍ମା ହବାଅଃ, ଏନାରେ ଚିଲ୍ଲକା ସାମ୍ତନାକ୍ ହବାଅଃ ଲାଗାତିକ୍ଷ୍ତେୟାଃ ଏନାକ୍ଷ୍ ସାରିକାଦା । ଏନାତେ ଜେ'ଲେକାନ୍ତ ଦିପିଲିରେ, ଜେ'ଲେକାନ୍ତ ପାରିସ୍ଥିତିରେ, ରେକ୍ଷେଃତାନ୍ତ ଇମ୍ତା, ବିୟାକାନ୍ତ ଇମ୍ତା, କାଟିକାନ୍ତ ହବାଅଃ ଚାଏ ଥ୍ମା ହବାଅଃ ଆଇଁୟାଃ ସବେନ୍ତ ଇମ୍ତା ରାସ୍କାରେ ମେନାକ୍ଷ୍ ।^{୧୩} ଆଇଁୟାଃକେ ପେଡ଼େଃ ଏମଃନିଃ ଶ୍ରୀଷ୍ଟିଆଃ ଦେକ୍ଷାତେ ଆଇଁୟାଃ ସବେନାଃକ୍ଷ୍ ରିକାଦାଡ଼ିୟା ।

^{୧୪} ଏନ୍ତେୟ ଆଇଁୟାଃ ଦୁକ୍ତାନ୍ତ ଦିପିଲିରେ ଆଇଁୟାଃକେ ଦେକ୍ଷାକେଦ୍ତେ ଆପେ ପୁରାଃ ବୁଗିନ୍ତ କାମିପେ ରିକାକାଦା ।^{୧୫} ହେ ଫିଲିପ୍ପରେନ୍ତ ହାଗା ମିଶିକ, ଆଇଁୟାଃ ସୁକ୍ତକାଜି ପାର୍ତ୍ତାର୍ରେୟାଃ ଏନେଟେଦ୍ ଦିପିଲିରେ, ଆଇଁୟାଃ ମାକିଦନିଆ ବାଗିକେଦାକ୍ଷ୍ ଇମ୍ତା ଆପେୟାଃ କାଲିସିୟା ଏସ୍କାର୍ ଆଇଁୟାଃକେ ଦେକ୍ଷାକେଦିୟା, ଆତ୍ମ ଆପେ ଏସ୍କାର୍ ଆଇଁୟାଃ ଲାଗାତିକ୍ଷ୍ତେୟାଃରାଃ ଏମଃଦେମଃରେ ହିସାପେ ହବାକାନ୍ତ ତାଇକେନା । ଏନା ଆପେ ବୁଗିଲେକାପେ ସାରିକାଦା ।^{୧୬} ଆଇଁୟାଃକେ ଥେସ୍ଲିନିକାରେ ତାଇକେନ୍ତ ଦିପିଲିରେ, ଆପେ ମିସାଏତେ ଆଦ୍ତା ଆଇଁୟାଃ ଲାଗାତିକ୍ଷ୍ତେୟାଃକ କୁଲ୍ଲାକାଦ୍ ତାଇକେନାପେ ।^{୧୭} ମେନ୍ତ ଆପେତାଃଏତେ ଆଇଁୟାଃ ଦାନ୍ତ ଏସ୍କାର୍ ନାମେ ନାଗେନ୍ତେ

☆ ୪:୧୭ ୪:୧୭ ପ୍ରେରିଡ୍ ୧୭:୧. ☆ ୪:୧୭ ୪:୧୭ ୨ କରିକ୍ତିୟ ୧୧:୯.

କାଈଁକ୍ ସାନାଈଁତାନା, ମେନ୍ଦ ଆପେ ଜେ'ଲେକା ପୁରାଃ ଆଦକା ନାଲାପେ ନାମେୟାଁ, ମେନ୍ତେ ଆଇଁୟାଃ ସାନାଈଁ । ^{୧୮} ଆପେତାଃଏତେ ଆଇଁକ୍ ନାମାକାଦ୍ ସବେନ୍ ଦାନ୍ ନାଗେନ୍ତେ ଆଇଁୟାଃ ପୁରାଃଗି ହବାକାନା । ଏନା ଆଇଁୟାଃ ଲାଗାତିକ୍‌ୟାଃଏତେ ଆଦକାଗି ହବାକାନା । ଆପେ ଏପାପ୍ରାଦିତ୍‌ଆଃ ତିଃଇରେ କୁଲାକାଦ୍ ଦାନ୍, ଆଇଁୟାଃ ସବେନ୍ ଲାଗାତିକ୍‌ତେୟାଃକେ ପୁରାକାଦା, ଏନା ପାର୍‌ମେଶ୍‌ବାର୍‌ଆଃ ଉଦେଶ୍‌ରେ ରାକାବାକାନ୍ ବୁଗିନ୍ ସହାନ୍ ଦାଣେଁ ଆଡଃ ଆଇଃକ୍ ତେଲାଏ ଚାଏ ଆଇଃକ୍‌କେ ସୁକୁଆଇ ଦାଣେଁ ଲେକାନାଃ ତାନାଃ । ^{୧୯} ଖ୍ରୀଷ୍ଟ୍‌ଆଃ ହରାତେ ଆଇଁୟାଃ ପାର୍‌ମେଶ୍‌ବାର୍‌ ଆୟାଃ ପୁରାଃ ମାନାରାକ୍‌ତେ ଆପେୟାଃ ସବେନ୍ ଲାଗାତିକ୍‌ତେୟାଃକ ଏମାପେୟାଏ । ^{୨୦} ଜାନାଥ ଜାନାଥ ଆପୁ ପାର୍‌ମେଶ୍‌ବାର୍‌ଆଃ ମାନାରାକ୍‌ ହବାଅଃକା । ଆମେନ୍ ।

ରୁଣ୍ଡୁ ଜହାର

^{୨୧} ଖ୍ରୀଷ୍ଟ୍‌ ଯୀଶୁଆଃ ନୁତୁମ୍‌ତେ ଏନ୍ତାଃରେ ତାଇନଃତାନ୍ ସବେନ୍ ପାର୍‌ମେଶ୍‌ବାର୍‌ଆଃ ହଡ଼କକେ ଆଇଁୟାଃ ଜହାର କାଜିକତାନାକାକ୍ । ଆଇଁୟାଃଲଃ ତାଇନ୍‌ତାନ୍ ନେତାଃରେନ୍ ହାଗା ମିଶିକ ଆପେ ସବେନ୍‌କକେ ଜହାର ମେନ୍ତେକ କାଜିକୁଲ୍‌କାଦା । ^{୨୨} ନେତାଃରେ ତାଇନ୍‌ତାନ୍ ପାର୍‌ମେଶ୍‌ବାର୍‌ଆଃ ହଡ଼କ, ବିଶେଷ୍‌କେଦ୍‌ତେ କାଇସାର୍‌ଆଃ ରାଜମାହାଲ୍‌ରେ ତାଇନ୍‌ତାନ୍ ପାର୍‌ମେଶ୍‌ବାର୍‌ଆଃ ହଡ଼କ ଆପେକେ ଜହାର ମେନ୍ତେକ କାଜିକୁଲ୍‌କାଦା ।

^{୨୩} ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ସାୟାଦ୍ ଆପେ ସବେନ୍‌କଲଃ ଆମ୍‌ରେ ହବାଅଃକା ।

କଲସୀୟମାନଙ୍କ ନିକଟକୁ ପାଉଲଙ୍କ ପତ୍ର କଲସିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଚିତାଉ ପାରିଚାଏ

କଲସିୟ କାଲିସିୟାତେ ଅଲ୍ଲାନାନ୍ ଚିତାଉ ପାଉଲୁସ୍‌ଆଃ ହରାତେ ଅଲ୍ଲାନା, ୧:୧ । ହବାସାକାଅଆଃ ପାଉଲୁସ୍, ଯୀଶୁ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍ ୬୦ କରେ ରୋମ୍‌ରେ ଜେହେଲ୍ଲାନାନ୍ ତାଇକେନ୍ ଇମ୍‌ତା ନେ ଚିତାଉ ଅଲ୍ଲାନାଦାଏ । କଲସିୟ ଚିତାଉଲ୍ଲଃ ଏଫ୍‌ସୁସ୍ ଆତଃ ଫିଲିପି ଚିତାଉକେ ଜେହେଲ୍ଲରେ ଅଲ୍ଲାନାନ୍ ଚିତାଉ ମେନ୍ତେ କାଜିୟାଃକ, ଚିଆଃଚି ପାଉଲୁସ୍ ଜେହେଲ୍ଲାନାନ୍ ତାଇକେନ୍ ଇମ୍‌ତା ନେ ଚିତାଉକେ ଅଲ୍ଲାନାଦ୍ ତାଇକେନା । ଇନିଃ କଲସିୟ ସାହାରରେ ତାଇକାନ୍ କାଲିସିୟାତାଃତେ ନେ ଚିତାଉ ଅଲ୍ଲାନାଦ୍ ତାଇକେନାଏ । ପାଉଲୁସ୍ ନେ କାଲିସିୟାକେ କାଏ ଏଚେଦ୍‌କାଦ୍ ତାଇକେନା, ୨:୧ । ମେନ୍‌ଦ ପୁରାଃ ହଡକ ଏନାରେ ଆୟାଃ ବାହାରମ୍ ଲାଦିକାନ୍ ତାଇକେନ୍ କାଜି ଆଚ୍‌କାର୍‌କାଦାକ । ଏପାପ୍‌ସ୍ ନେ କାଲିସିୟା ବାଇୟାକାଦ୍ ତାଇକେନାଏ, ଏନାତେ ଇନିଃ କଲସିୟରେନ୍ ହଡ ତାଇକେନାଏ ।

ପାଉଲୁସ୍ କଲସିୟ କାଲିସିୟାରେୟାଃ ଚିମିନ୍ ହସଡ ଇନିତୁ ବିଷାଏରେ ଉଡ଼ୁ ତାଇକେନା । ଇନିଃ ନେ ବିଷାଏରେ ଚିତାଉ ଅଲେ ନାଗେନ୍ତେ ପୁରାଃ ଦିପିଲି ବିତାଅକାଦା । ନେଆଁରେ ହବାସାକାଅଆଃ ମିଦ୍ ଝୁଣ୍ଡ ଯିହୁଦୀ ଖ୍ରୀଷ୍ଟିୟାନ୍, ଅକନ୍‌କଚି ଏଟାଃ ଖ୍ରୀଷ୍ଟିୟାନ୍‌କକେ ମାରି ନିୟାମ୍‌ରେୟାଃ ଯିହୁଦୀ ଆନ୍‌ତୁ ଆତଃ ଖାତ୍‌ନାଅରେୟାଃ ରିତିରିଖାଜ୍‌କେ ମାନାତିଙ୍ଗ୍ ନାଗେନ୍ତେ ଜାବାଚ୍‌ଜାସ୍ତି ରିକା ନାଗେନ୍ତେ କାଜିକ ତାଇକେନାକ । ପାଉଲୁସ୍, ନୁତୁମ୍‌ରେନ୍ ଏସ୍‌କାର୍ ଖ୍ରୀଷ୍ଟିୟାନ୍‌କଆଃ ବିଷାଏରେ ଅଲ୍ଲାନାଦା, ମିହୁଡ୍ ଜେତାଏ ତାଇନଃରେୟାଃ ଖ୍ରୀଷ୍ଟ୍ ବେଗାର୍ ପାର୍‌ମେଶ୍ୱାର୍‌ତାଃରେ କାଏ ତେଲ୍ଲାନାଦାରମଃଆ, ୧:୧୫-୨୦ ଆତଃ ମାନଖା ହରାତେ ବାଇୟାକାନ୍ ଇନିତୁ ସାମାତାନାଃ, ୨:୮ ।

ପୁଅ୍ ବିତାରେ ତାଇକାନ୍ କାଜି

- ୧. କଲସିୟ କାଲିସିୟାକେ ପାଉଲୁସ୍‌ଆଃ ଜହାର୍ । ୧:୧-୨
- ୨. ଖ୍ରୀଷ୍ଟ୍‌ଆଃ ମାନାରାଙ୍ଗ୍ ଆତଃ ହସଡ ଇତୁତାନ୍‌କଆଃ ବିରୁଧ୍‌ରେ ପାଉଲୁସ୍‌ଆଃ କାଜିକଟଙ୍ଗ୍ । ୧:୩-୩:୪
- ୩. ବୁଗିନ୍ ଖ୍ରୀଷ୍ଟିୟାନ୍ ଜୀଞ୍ଜାନ୍ ବିତାଏ ନାଗେନ୍ତେ ପାଉଲୁସ୍‌ଆଃ ଆନାତୁ । ୩:୫-୪:୬
- ୪. ପାଉଲୁସ୍ ନେ ଚିତାଉକେ ଏଟାଃ କାଲିସିୟାରେୟାଃ ପାଢାଅ ନାଙ୍ଗ୍ କାଜିକେଦ୍‌ତେ ଜହାର୍‌ତାନ୍‌ଲଃ ଅଲ୍ ଚାବାକାଦାଏ । ୪:୭-୧୮

ଜହାର୍

୧ ପାର୍‌ମେଶ୍ୱାର୍‌ଆଃ ସାନାଙ୍ଗ୍ ଲେକାତେ ଯୀଶୁ ଖ୍ରୀଷ୍ଟ୍‌ଆଃ ମିୟାଦ୍ କୁଲ୍ଲାନାନ୍‌ନିଃ ପାଉଲୁସ୍ ଆତଃ ଆବୁଆଃ ହାଗା ତାମଅ, ୨ କଲସିୟରେ ତାଇନଃତାନ୍ ପାର୍‌ମେଶ୍ୱାର୍‌ଆଃ ପାବିତାର୍ ହଡକକେ ଆତଃ ଖ୍ରୀଷ୍ଟ୍‌ରେ ମେସାକାନ୍ ଆବୁଆଃ ପାତିୟାରରଃ ଲେକାନ୍ ହାଗା ମିଶିକତାଃତେ ଆଲିଙ୍ଗ୍ ନେ ଚିତାଉଲିଙ୍ଗ୍ ଅଲେତାନା । ଆବୁଆଃ ଆପୁ ପାର୍‌ମେଶ୍ୱାର୍ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

ଧାନ୍ୟବାଦରାଃ ବିନ୍ତି

୩ ଆଲେ ଆପେ ନାଗେନ୍ତେ ବିନ୍ତିତାନ୍ ଇମ୍‌ତା ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ଆପୁ ପାର୍‌ମେଶ୍ୱାର୍‌କେ ସବେନ୍ ଇମ୍‌ତା ଧାନ୍ୟବାଦ୍ ଏମାଃଲେ । ୪ ଚିଆଃଚି ଆଲେ ଖ୍ରୀଷ୍ଟ୍ ଯୀଶୁତାଃରେ ଆପେୟାଃ ବିଶ୍ୱାସ୍ ଆତଃ ପାର୍‌ମେଶ୍ୱାର୍‌ଆଃ ହଡକଆଃ ନାଗେନ୍ତେ ଆପେୟାଃ ଦୁଲ୍ଲାଡ୍ ବିଷାଏରେ ଆୟୁମାକାଦାଲେ । ୫ ଚିମ୍‌ତା ସୁକୁକାଜିରେୟାଃ ସାର୍‌ତିକାଜି ଆପେତାଃଏତେ ପାହିଲ୍ଲା ହିଜୁଃୟାନା, ଆପେ ଏନା ହରାତେ ଏମାକାନ୍ ଆସ୍ତାଏରେୟାଃ କାଜି ଆୟୁମାକାଦ୍ ତାଇକେନାପେ । ଆପେ ଅକ୍‌ନାଃ ଆସ୍ତାଏ ତାନାପେ ଏନା ଆପେ ନାଗେନ୍ତେ ସିମ୍‌ରେ ଜାତ୍‌ନାଅକେଦ୍‌ତେ ଦହାକାନା, ଏନ୍ ଆସ୍ତାରେ ଆପେୟାଃ ବିଶ୍ୱାସ୍ ଆତଃ ଦୁଲ୍ଲାଡ୍ ଠାହାରାଅକାନା । ୬ ଏନ୍ ସୁକୁକାଜି ଉଦୁବଃ ହରାତେ ଆପେ ପାହିଲ୍ଲା ପାର୍‌ମେଶ୍ୱାର୍‌ଆଃ ସାୟାଦ୍ ବିଷାଏପେ ଆୟୁମକେଦା ଆତଃ ଏନାରେୟାଃ ସାନାର୍‌ତିକେପେ ସାରିକେଦା, ଏନ୍ ସୁକୁକାଜି ନାହାଁଃ ଗଟା ଅତେଦିଶ୍ୱମ୍‌ରେ ନିତିରିଅଃ ତାନା ଆତଃ ଆଶିଷ୍ ଆଉଝେତାନାଏ । ୭*ଆଲେ ସାଃଏତେ ଖ୍ରୀଷ୍ଟ୍‌ଆଃ ପାତିୟାରରଃ ଲେକାନ୍ ଦାସି ଆତଃ ଆବୁଲଃ ମିସାତେ କାମିତାନ୍ ଆବୁଆଃ ଦୁଲ୍ଲାଡ୍ ଗାତିଦାସି ଏପାପ୍‌ତାଃଏତେ ଆପେ ପାର୍‌ମେଶ୍ୱାର୍‌ଆଃ ନେ ସାୟାଦ୍ ବିଷାଏରେ ଇତୁଆକାନାପେ । ୮ ପାବିତାର୍ ଆମ୍‌ ଆପେକେ ଏମାକାଦ୍‌ପେ ଦୁଲ୍ଲାଡ୍ ବିଷାଏରେ ଇନିଃ ଆବୁକେ କାଜିକାଦ୍‌ବୁଆ ।

୯ ନେଆଁ ନାଗେନ୍ତେ, ଆଲେ ଆପେୟାଃ ବିଷାଏରେ ଆୟୁମକେଦ୍ ଦୁଲ୍ଲାଙ୍ଗ୍‌ତାଃଏତେ ସବେନ୍ ଦୁଲ୍ଲାଙ୍ଗ୍ ଆପେ ନାଗେନ୍ତେଲେ ବିନ୍ତିତାନା । ପାବିତାର୍ ଆମ୍‌ ଏମାକାଦ୍ ସବେନ୍ ସେଣାଁ ଆତଃ ଆଚ୍‌କାର୍‌ଉରୁମ୍ ଦାଡିରେୟାଃ ପେଡେଃ

* ୧:୭ ୧:୭ କଲସିୟ ୪:୧୨; ଫିଲ୍‌ମନ୍ ୧:୨୩.

ହରାତେ ପାର୍ମେଶ୍ଵରୀଆ ଇଛାସାନାଙ୍କରେ ଆପେକେ ବୁଦ୍ଧିତେ ପେରେଃପେକା ମେନ୍ତେ ପାର୍ମେଶ୍ଵରକେଲେ ଆସିତାନା । ୧୦ ଏନାତେ ଆପେ ପ୍ରାଭୁଆଃ ଇଛାସାନାଙ୍କ ଲେକାତେ ଜୀଦାନ୍ ବିତାଅ ଦାଡ଼ିୟାପେ ଆତଃ ଆଇଃକକେ ସୁକୁଆଇ ଲେକା କାମି ରିକା ଦାଡ଼ିୟାପେ । ଆପେ ଜୀଦାନ୍ରେ ସବେନ୍ ଲେକାନ୍ ବୁଗିନ୍ କାମି ରିକା ଦାଡ଼ିୟାପେ ଆତଃ ଆପେ ପାର୍ମେଶ୍ଵରୀଆ ସେଣ୍ଟାରେ ହାରା ଇଦିୟଃଆପେ । ୧୧ ଧିରାନ୍ରେ ଆପେ ଜେ'ଲେକା ସବେନ୍ ବିଷାଏ ସାହାତିଙ୍କ ଦାଡ଼ିୟାପେ, ଏନାମେନ୍ତେ ଆୟାଃ ମାନାରାଙ୍କରେୟାଃ ପେଡ଼େଃତେ ପେଡ଼େୟାନ୍ ହବାଅଃପେ । ୧୨ ଆପୁ ପାର୍ମେଶ୍ଵର ମାର୍ସାଲ୍ ରାଇଜ୍ରେ ଆୟାଃ ପାବିତାର୍ ହଡ଼କ ନାଗେନ୍ତେ ଅକନାଃ ବୁଗିନ୍ତେୟାଃ ଦହକାଦାଏ, ଏନାରେୟାଃ ହିସା ହବାଅଃ ନାଗେନ୍ତେ ଇନିଃ ଆପେକେ ଏନା ନାମେ ଲେକାଏ ବାଇୟାକାଦ୍ପେୟା, ଏନାମେନ୍ତେ ରାସ୍ତାକାତେ ଇନିଃକେ ଧାନ୍ୟାବାଦ୍ ଏମାଲପେ । ୧୩ ଇନିଃ ନୁବାଃରାଃ ପେଡ଼େଃହେତେ ଆବୁକେ ବାଞ୍ଛାଅକାଦ୍ବୁଆ ଆତଃ ବେଗାର୍ ବିପାଦ୍ରେ ଆବୁକେ ଆୟାଃ ଦୁଲାଡ଼ ହନ୍ଆଃ ରାଇଜ୍ରେ ଆଉଞ୍ଜାକାଦ୍ବୁଆ । ୧୪ ଏନ୍ ହନ୍ଆଃ ହରାତେ ଆବୁ ରାଡ଼ାକାନାବୁ, ଚାଏ ଆବୁଆଃ ପାପ୍ ଛାମା ହବାକାନା ।

ଖ୍ରୀଷ୍ଟ ଆତଃ ଇନିୟାଃ କାମି

୧୫ ନେଲଃତାନ୍ ଖ୍ରୀଷ୍ଟ କା ନେଲଃତାନ୍ ପାର୍ମେଶ୍ଵର ଲେକାନ୍ନିଃ ତାନିଃ । ଇନିଃ ସବେନ୍ ବାଇୟାକାନ୍ତେୟାଃରାଃ ମାରାଙ୍କ ଉତାର୍ନିଃ ଆତଃ ମୁଡ଼କୁଲ୍ ହନ୍ ତାନିଃ । ୧୬ ତିଆଃତି ଇନିଃ ହରାତେ ପାର୍ମେଶ୍ଵର ସିର୍ମାରେ ଆତଃ ଅତେରେ, ସବେନ୍ ନେଲଃତାନ୍ ଆତଃ କା ନେଲଃତାନ୍ତେୟାଃ, ରାଜ୍ଗାଦିରେ ଦୁବାକାନ୍କ, ପେଡ଼େଃକ, ରାଇଜେତାନ୍କ, ଆକ୍ତେୟାର୍କାଦ୍କ, ନେ ସବେନାଃ ଆୟାଃ ହରାତେ ଆତଃ ଆୟାଃ ନାଗେନ୍ତେ ବାଇୟାକାନା । ୧୭ ସବେନାଃ ବାଇୟାନ୍ ସିଦାରେ ଖ୍ରୀଷ୍ଟ ତାଇକେନାଏ ଆତଃ ଆୟାଃଲଃ ମେସାୟାନ୍ ହରାତେ ସବେନାଃ ଆପାନାଃ ଆପାନାଃ ଠାୟାଦ୍ରେ ତାଇନ୍ୟାନା । ୧୮ ଇନିଃ ଗନଏଃ ହଡ଼ଏତେ ଜୀଉବିରିଦାକାନ୍ ମୁଡ଼କୁଲ୍ ହନ୍ ତାନିଃ ଆତଃ ଆୟାଃ ସେଞ୍ଜାତାନ୍କଆଃ କାଲିସିୟାରାଃ ମାରାଙ୍କ ଉତାର୍ନିଃ ତାନିଃ, ଇନିଃ ସବେନ୍ ବିଷାଏରେ ପାହିଲା ଠାୟାଦ୍ ନାମେନିଃ ତାନିଃ । ୧୯ ତିଆଃତି ପାର୍ମେଶ୍ଵର ଆୟାଃ ସୁକୁଲେକାତେ ହନ୍ ଆଇଃକଗି ପାର୍ମେଶ୍ଵରୀଆ ପୁରା ସଭାଦ୍ ସାବାକାଦାଏ । ୨୦ ହନ୍ଆଃ ହରାତେ ପାର୍ମେଶ୍ଵର ସବେନ୍ ଅତେଦିଶ୍ଵମ୍ବକେ ଆଉ ରୁହାଡ଼ ନାଗେନ୍ତେ ଉହାଟ୍କେଦା । କୁଶ୍ରେ ଆୟାଃ ହନ୍ଆଃ ଦାଣ୍ଟି ମାୟେମ୍ ହରାତେ ପାର୍ମେଶ୍ଵର ଜୀଉସୁକୁଲ୍ ବାଇକେଦା, ଏନାତେ ଅତେ ଆତଃ ସିର୍ମାରେ ତାଇକାନ୍ ସବେନ୍ ବିଷାଏକେ ଆପାନତାଃତେ ଆଉରୁହାଡ଼କାଦା ।

୨୧ ସିଦାଦ୍, ଆପେ ମନ୍ରେ ଏଡ଼କାନ୍ ଉଡ଼ୁଆତଃ ଏଡ଼କାନ୍ କାମିକ ରିକାତାନ୍ ହରାତେ ଆପେ ପାର୍ମେଶ୍ଵରତାଃଏତେ ସାଜିନ୍ରେ ତାଇକେନାପେ ଆତଃ ଆୟାଃ ବାଇରିକ ତାଇକେନାପେ । ୨୨ ମେନ୍ଦ୍ ନାହ୍ଣାଃ ପାର୍ମେଶ୍ଵର ଆପେକେ ପାବିତାର୍, ଫାର୍ତି, ଆତଃ ବେଗାର୍ ଚିଟାକାନ୍ ଲେକା ଆୟାଃ ହେପାଦ୍ରେ ଆଉପେ ନାଙ୍କ ଆୟାଃ ହନ୍ରାଃ ହଡ଼ମ୍ ଗନଏଃ ହରାତେ ଆପେକେ ଆୟାଃଲଃ ଆତଃମିସାଏ ମେସାକାଦ୍ପେୟା । ୨୩ ଆପେ ଆପେୟାଃ ବିଶ୍ଵାସ୍ରେୟାଃ କେଟେଦ୍ ନିହିଁଗାଡାରେ ତିଙ୍କୁକେଟେଦ୍କେଦ୍ରେ ତାଇକାନ୍ପେ ଆତଃ ସୁକୁକାଜି ଆୟୁମେ ଇମ୍ତା ଅକ ଆସାପେ ନାମାକାଦା, ଏନାଏତେ ଆପେ ନେତେହାନ୍ତେଆଃ ଲେକା ଆଲପେ ହବାଅଃଆ । ଏନ୍ ସୁକୁକାଜି ଅତେଦିଶ୍ଵମ୍ବରେନ୍ ସବେନ୍କତାଃରେ ଉଦୁବଃତାନା ଆତଃ ଆଇଙ୍କ୍, ପାଉଲୁସ୍ ଏନାରେନ୍ ମିଆଁଦ୍ ପାଡ଼ିୟାର୍ରେ ଲେକାନ୍ ଦାସି ହବାୟାନାଇଙ୍କ୍ ।

କାଲିସିୟାରେ ପାଉଲୁସ୍ଆଃ କାମି

୨୪ ନାହ୍ଣାଃଦ୍ ଆପେ ନାଗେନ୍ତେ ଆଇଙ୍କ୍ ଅକ ଦୁକୁ ନାମେତାନାଇଙ୍କ୍, ଏନାମେନ୍ତେଇଙ୍କ୍ ରାସ୍ତାଅଃତାନା । ତିଆଃତି ଆଇୟାଃ ହଡ଼ମ୍ରେୟାଃ ଦୁକୁ ହରାତେ ଆଇଙ୍କ୍ ଖ୍ରୀଷ୍ଟଆଃ ହଡ଼ମ୍ ଲେକାନ୍ କାଲିସିୟା ସାଃଏତେ ଖ୍ରୀଷ୍ଟଆଃ ଦୁକୁହାସୁରେ ସାରେୟାକାନ୍ ତେୟାଃକେ ପୁରାଏ ନାଗେନ୍ତେଇଙ୍କ୍ ଦେଙ୍ଗାଏତାନା । ୨୫ ଆପେୟାଃ ବୁଗିନାଃ ନାଗେନ୍ତେ ନେ କାମି ରିକା ନାଙ୍କ୍ ପାର୍ମେଶ୍ଵରୀଆ ହରାତେ କାଲିସିୟାରାଃ ମିଆଁଦ୍ ସୁସାର୍ତାନ୍ନିଃ ଲେକାଇଙ୍କ୍ ସାଲାକାନା । ନେ ସୁକୁକାଜିକେ ପୁରାଗି ପ୍ରାଚାର୍ ନାଗେନ୍ତେଇଙ୍କ୍ କାମିତାନା । ୨୬ ଏନ୍ ସୁକୁକାଜିକେ ପାର୍ମେଶ୍ଵର ନାଙ୍କ୍ ପାରିୟାହେତେ ସବେନ୍କତାଃଏତେ ଉକୁକେଦ୍ରେ ଦହକାଦ୍ ତାଇକେନା, ମେନ୍ଦ୍ ନାହ୍ଣାଃ ଆୟାଃ ପାବିତାର୍ ହଡ଼କତାଃରେ ଉଦୁବାକାଦା । ୨୭ ତିଆଃତି ଆୟାଃ ହଡ଼କକେ ଏନ୍ ଉକୁଆକାନ୍ତେୟାଃ ଉଦୁବକ ନାଗେନ୍ତେ ପାର୍ମେଶ୍ଵର ଉହାଟ୍କେଦାଏ, ଆୟାଃ ନେ ପୁରାଃ ଗନଙ୍କ୍ଆଁନ୍ ଆତଃ ମାନାରାଙ୍କ୍ତେୟାଃ ସବେନ୍ ହଡ଼କ ନାଗେନ୍ତେ ତାନାଃ । ଏନ୍ ଉକୁଆକାନ୍ତେୟାଃ ହବାଅଃତାନା, ଖ୍ରୀଷ୍ଟ ଆପେରେ ମେନାଇୟା । ନେଆଁରାଃ ମୁଣ୍ଡି ହବାଅଃତାନା, ଆପେ ପାର୍ମେଶ୍ଵରୀଆ ମାନାରାଙ୍କ୍ରେୟାଃ ଆସ୍ତାରେନ୍ ହିସାତାନ୍ପେ । ୨୮ ଏନାମେନ୍ତେ ଆବୁ ସବେନ୍କତାଃରେ ଖ୍ରୀଷ୍ଟଆଃ ବିଷାଏରେ ଉଦୁବେତାନାବୁ । ମିମିୟାଦ୍ ସବେନ୍କକେ ଖ୍ରୀଷ୍ଟଲଃ ମେସାକେଦ୍ରେ ମିଆଁଦ୍ ପକ୍ତା ହଡ଼ ଲେକା ପାର୍ମେଶ୍ଵରୀଆ ଆୟାର୍ରେ ତିଙ୍କୁକ ନାଗେନ୍ତେ ଆବୁଆଃ ସବେନ୍ ଲେକାନ୍ ସେଣ୍ଟାତେ, ସବେନ୍କକେ ଚିର୍ଗାଲ୍ ଆତଃ ଇଡୁକତାନାବୁ । ୨୯ ନେଆଁକେ ପୁରାଏ ନାଗେନ୍ତେ ଆଇଙ୍କ୍ତାଃରେ କାମିକାତେୟାଃତାନ୍ ଖ୍ରୀଷ୍ଟ ଆଇଙ୍କ୍କେ ଏମାକାଦିଙ୍କ୍ ମାରାଙ୍କ୍ ପେଡ଼େଃତେ ଆଇଙ୍କ୍ ପୁରାଃ କେଟେଦ୍ କାମିତେଇଙ୍କ୍ ଲାଗାଉତାର୍କାନା ।

☆ ୧:୧୪ ୧:୧୪ ଏଡ଼ିସିୟ ୧:୭. ☆ ୧:୧୮ ୧:୧୮ ଏଡ଼ିସିୟ ୧:୨୨,୨୩. ☆ ୧:୨୦ ୧:୨୦ ଏଡ଼ିସିୟ ୨:୧୭.

୨

^୧ ଆପେ ନାଗେନ୍ତେ, ଲାଭଦିକିଆରେ ତାଇନତାନ ହତକ ଆତଃ ଆଇଙ୍ଗକେ ବୁଗିଲେକାତେ କା ସାରିୟାକାଦ୍ ସବେନ୍ ହତକ ନାଗେନ୍ତେ ଆଇଙ୍ଗ ଚିମିନ୍ କେଟେଦ୍ କାମିକ କାମିତାନା । ଏନା ଆପେ ସାରିପେ ମେନ୍ତେଇଙ୍ଗ ସାନାଙ୍ଗତାନା । ^୨ ଇନ୍କୁ ସବେନ୍କ ଚିଲକା ଜୀଉରେ ରାସ୍‌କାଅଃଆକ, ମିହୁଡ୍ ଆତଃମିହୁଡ୍‌ଲଃ ଦୁଲାଡ୍‌ରେ ତାଇନାକ ଆତଃ ସାର୍‌ତି ସେଣା ନାମକେଦ୍‌ତେ ଆସ୍‌ସା ଲେକାନ୍ ଖୁଜ୍ ରେୟାଃ ପୁରା ଆକ୍‌ତେୟାର୍‌କ ନାମେକା ମେନ୍ତେଇଙ୍ଗ ସାନାଙ୍ଗତାନା । ନେଆଁ ହରାତେ ଇନ୍କୁ ସବେନ୍କ ସାରିୟାକ ଯେ, ଯାଶୁ ଖ୍ରୀଷ୍ଟି ପାର୍‌ମେଶ୍‌ବାର୍‌ଆଃ ଏନ୍ ଉକୁଆକାନ୍‌ନିଃ ତାନିଃ । ^୩ ଯାଶୁ ଖ୍ରୀଷ୍ଟ ହବାଅଃତାନାଏ ଏନ୍ ଚାଭିକୁଞ୍ଚି, ଅକ୍‌ନାଃତି ପାର୍‌ମେଶ୍‌ବାର୍‌ଆଃ ସେଣା ଆତଃ ବୁଦ୍ଧି ଲେକାନ୍ ସବେନ୍ ଦାନାଙ୍ଗଆକାନ୍ ଖୁଜ୍ ରେୟାଃ ଭାଣ୍ଡାର୍ ନିଜଃଆ ।

^୪ ଜେତାଏ ଆପେକେ ଏଡ୍‌କାନ୍ କାପ୍‌ଜିତେ ଆଲକାଏ ବେଦାପେକା, ଏନାମେନ୍ତେଇଙ୍ଗ କାଜିପେତାନା । ^୫ ଚିଆଃତି ଆଇଙ୍ଗ ହତ୍‌ମଲେକାତେ କାଇଙ୍ଗ୍ ତାଇନଃରେୟ, ଆମ୍‌ଲେକାତେ ଆପେଲଃ ମେନାଇୟା । ଆଇଙ୍ଗ ଆପେୟାଃ ବୁଗିନ୍ ଜୀଦାନ୍ ଆତଃ ଖ୍ରୀଷ୍ଟ ଚେତାନ୍‌ରେ ପୁରାଃ ବିଶ୍ୱାସ୍ ନେଲ୍‌କେଦ୍‌ତେ ରାସ୍‌କାଅଃ ତାନାଇଙ୍ଗ ।

ୟାଶୁ ଖ୍ରୀଷ୍ଟତାଃରେ ପୁରା ତାଇନପେ

^୬ ଆପେ ଖ୍ରୀଷ୍ଟ ଯାଶୁକେ ପ୍ରାଭୁ ମେନ୍ତେପେ ବିଶ୍ୱାସ୍‌କିଃ ହୁଲାଙ୍ଗ୍‌ତାଃଏତେ, ଆୟାଃଲଃ ମେସାକେଦ୍‌ତେ ଜୀଦାନ୍ ବିତାଏପେ । ^୭ ଆପେୟାଃ ନିହ୍ ଗାତା ଆୟାଃ ଚେତାନ୍‌ରେ କେଟେୟାନ୍‌ଗି ବାଇକେଦ୍‌ତେ ଜୀଦାନ୍ ବାଇୟେପେ ଆତଃ ଆପେ ନାମାକାଦ୍ ଇନିତୁ ଲେକାତେ ବିଶ୍ୱାସ୍‌ରେ ପୁରାଃ କେଟେଜଃପେ । ଆପେୟାଃ ମନ୍‌ସୁରୁଦ୍ ଧାନାବାଦ୍‌ତେ ପେରେଜଃକା ।

^୮ ଚିର୍ଗାଲ୍‌କାନ୍‌ପେ, ଜେତାଏ ଆପେକେ ହତ୍‌ରାଃ ହସତ୍ ସାମାକାଜିରେୟାଃ ସେଣାତେ, ଆୟାଃ ଆକ୍‌ତେୟାର୍‌ରେ ଆଲକାଏ ଦହପେକା । ଏନ୍ ସବେନ୍ ସେଣା ଖ୍ରୀଷ୍ଟଆଃ ଇନିତୁହେତେ କା ହିଜୁଃଆ । ମେନ୍‌ଦ ଏନା ହତ୍‌କଆଃ ସାମାଜ୍‌ରେୟାଃ ରିତିରିଖାଜ୍‌ରାଃ ଇନିତୁ ଆତଃ ଅତେଦିଶୁମ୍‌ରେ ରାଇଜ୍‌ତାନ୍ ପେଡେଃରେୟାଃ ଏଡ୍‌କାନ୍ ଏନେଟେଦ୍ ଇନିତୁହେତେ ହିଜୁଃଆ । ^୯ ଚିଆଃତି ଖ୍ରୀଷ୍ଟଆଃ ମାନଝା ରୁପ୍‌ରେ, ପାର୍‌ମେଶ୍‌ବାର୍‌ଆଃ ପୁରା ସଭାବ୍ ତାଇନଃତାନା । ^{୧୦} ଆତଃ ଆୟାଃଲଃ ମେସାୟାନ୍ ହରାତେ ଆପେ ପୁରା ଜୀଦାନ୍‌ପେ ନାମାକାଦା । ଏଟାଃ ସବେନ୍ ପେଡେଃ ଆତଃ ଆକ୍‌ତେୟାର୍‌ ଚେତାନ୍‌ରେ ଖ୍ରୀଷ୍ଟଆଃ ରାଇଜ୍‌ଗି ସାଲାଙ୍ଗି ଉତାର୍ ତାନାଃ ।

^{୧୧} ଖ୍ରୀଷ୍ଟଲଃ ମେସାକାନ୍ ଜୀଦାନ୍‌ଗି ଆପେୟାଃ ଖାଡ୍‌ନାଅ ଲେକାନାଃ ତାନାଃ । ନେ ଖାଡ୍‌ନାଅ ମାନଝା ବାଇତେୟାଃ ନାହାଁଲାଃ, ଏନା ଖ୍ରୀଷ୍ଟ ହରାତେ ହବାକାନା । ଏନା ମାନଝାକେ ପାପ୍‌ତେ ପେରେଜାକାନ୍ ହତ୍‌ମରାଃ ତନଲ୍‌ହେତେ ରାଡ୍‌ଇୟା । ^{୧୨} ଚିଆଃତି ବାପ୍‌ସ୍ତା ଇଦି ହରାତେ ଆପେ ଖ୍ରୀଷ୍ଟଲଃ କାବାର୍‌ରେ ତପାକାନ୍ ତାଇକେନାପେ ଆତଃ ଯାଶୁ ଖ୍ରୀଷ୍ଟକେ ଜୀଉବିରିଦାକାଇ ପାର୍‌ମେଶ୍‌ବାର୍‌ଆଃ କାମିୟାତାନ୍ ପେଡେଃରେ ବିଶ୍ୱାସ୍‌କେଦ୍ ହରାତେ ଖ୍ରୀଷ୍ଟଲଃ ଆପେୟାଃ ଜୀଉ ବିରିଦକାନାପେ । ^{୧୩} ଆପେୟାଃ ପାପ୍ ହରାତେ ଆତଃ ଆପେ ସାଅଁସାର୍ ହତ୍‌କଆଃ ଆନ୍‌ରୁ କା ତାଇକେନ୍ ହରାତେ ମିସା ଆପେ ଆମ୍‌କ୍ ଜୀଦାନ୍‌ରେ ଗଏଃକାନ୍ ତାଇକେନାପେ, ମେନ୍‌ଦ ପାର୍‌ମେଶ୍‌ବାର୍ ନାହାଁଃ ଖ୍ରୀଷ୍ଟଲଃ ଆପେକେ ଜୀଦାନ୍ ଏମାକାଦ୍‌ପେୟାଏ । ପାର୍‌ମେଶ୍‌ବାର୍ ଆରୁଆଃ ସବେନ୍ ପାପ୍‌କଏ ଛାମାକାଦା । ^{୧୪} ଆନ୍‌ରୁକ କା ମାନାତିଙ୍ଗ୍ ହରାତେ ଆରୁଆଃ ବିରୁଧ୍‌ରେ ଅଲକାନ୍ ଅନଲ୍‌ଚିଠାକେ ପାର୍‌ମେଶ୍‌ବାର୍ ସାମାତାନାଃ ମେନ୍ତେ ଉଦୁବ୍‌କେଦା, ଆତଃ ଆରୁକେ ଛାମାକେଦ୍‌ରୁଆ । ଆରୁଆଃ ବିରୁଧ୍‌ରେ ତାଇକାନ୍ ଅନଲ୍‌ଚିଠାକେ ପାର୍‌ମେଶ୍‌ବାର୍ ଇଦିକେଦାଏ ଆତଃ ଜୁଗ୍ ଚେତାନ୍‌ରେ କିଲାକେଦା । ^{୧୫} ଆତଃ ଏନ୍ ଜୁଗ୍ ଚେତାନ୍‌ରେ ଖ୍ରୀଷ୍ଟ ସବେନ୍ ଲେକାନ୍ ଆମ୍‌ରେୟାଃ ପେଡେଃ ଆତଃ ଆକ୍‌ତେୟାର୍‌ହେତେ ଆପାନ୍‌କେ ରାଡ୍‌କେଦ୍‌ତେ ଆତଃ ଇନ୍କୁକେ ତଲ୍‌କେଦ୍‌ତେ ଆଇଃକ୍‌ଗି ଜିତାୟାନା । ପାର୍‌ମେଶ୍‌ବାର୍ ସାଂସାର୍‌ରେନ୍ ହତ୍‌କକେ ଉଦୁବାଦ୍‌କଆ ଯେ, ଇନ୍କୁ କା ପେଡେୟାନ୍‌କ ତାନକ ।

^{୧୬} ଏନାତେ ଜେତାଏ ଆପେକେ ଜମ୍, ନୁ, ପାବିତାର୍ ବିଷାଏରେ, ଆମାସ୍ ପାରାବ୍, ଆତଃ ରୁଡ୍‌ନୁ ହୁଲାଙ୍ଗ୍ ବିଷାଏରେ ଆଲକାଏ ବିଚାର୍‌ପେକା । ^{୧୭} ଏନ୍ ସବେନାଃ ହିଜୁଃ ଦିପିଲିରେ ହବାଅଃତେ ସେନଃତାନ୍ ବିଷାଏରେୟାଃ ଉମ୍‌ଲୁ ଲେକାନାଃ ତାନାଃ । ନେ ସବେନାଃରେୟାଃ ସାର୍‌ତିତେୟାଃ ଖ୍ରୀଷ୍ଟି ତାନିଃ । ^{୧୮} ଚିମିନ୍ ହତ୍‌କ ଆପାନ୍‌କେ ଲେବେଃୟାନ୍ ମେନ୍ତେକ କାଜିନା, ଦୁଡ୍‌କକେ ସେଝା ରିକାଃକ, ଇନ୍କୁ ସବେନ୍ ଇମ୍‌ଡା ଦାର୍‌ଶାନ୍ ନେଲ୍‌କାଦ୍ ବିଷାଏରେ ଜାଗାରାଃକ । ଆପେ ନେ'ଲେକାନ୍ ହତ୍‌କକେ, ଦାର୍‌ଶାନ୍ କାପେ ନେଲ୍‌ତାନା, ଦୁଡ୍‌କକେ କାପେ ସେଝାତାନା, ଏନାମେନ୍ତେ ଆପେ ବୁଗିନ୍ ହତ୍ ନାହାଁଲାପେ ମେନ୍ତେ କାଜିନାଙ୍ଗ୍, ସୁୟୋଗ୍ ଆଲପେ ଏମାକଆ । ଇନ୍କୁ ହତ୍‌କଆଃ ବିଚାର୍‌ରେ ଏସ୍‌କାର୍ ତାଇନ୍ ହରାତେ ଆତଃ ପାର୍‌ମେଶ୍‌ବାର୍‌ଆଃ କାଜି କା ବିଚାର୍‌ତାନ୍ ହରାତେ ସାମାରେ ଆପାନ୍‌କେ ମାରାଙ୍ଗ୍ ମେନ୍ତେକ କାଜିନ୍‌ତାନା । ^{୧୯} ମେନ୍‌ଦ ଇନ୍କୁ ହତ୍‌ମରେୟାଃ ବହଃ ଲେକାନ୍ ଖ୍ରୀଷ୍ଟତାଃଏତେ ବିନ୍‌ଗାଅକାନାକ । ଖ୍ରୀଷ୍ଟଆଃ ଆକ୍‌ତେୟାର୍‌ରେ ଗଟା ହତ୍‌ମରେୟାଃ ଜଡେନ୍ ଆତଃ ସିହିରକ ମିଦ୍‌ରେ ଜଡାଇକାନା ଆତଃ ହତ୍‌ମ ପାର୍‌ମେଶ୍‌ବାର୍‌ଆଃ ମନେ ଲେକାତେ ହାରାଇଦିୟାଆ ।

☆ ୨:୧୨ ୨:୧୨ ରୋମି ୭:୪. ☆ ୨:୧୩ ୨:୧୩ ଏପିସିୟ ୨:୧-୫. ☆ ୨:୧୪ ୨:୧୪ ଏପିସିୟ ୨:୧୫. ☆ ୨:୧୬ ୨:୧୬ ରୋମି ୧୪:୧-୭. ☆ ୨:୧୯ ୨:୧୯ ଏପିସିୟ ୪:୧୭.

ଖ୍ରୀଷ୍ଟଲକ୍ଷ ଗନ-ଏଃ ଆତଃ ଜାନିଦ୍

୨୦ ଆପେ ଖ୍ରୀଷ୍ଟଲକ୍ଷ ଅତେଦିଶୁମ୍ରେୟାଃ ଏନେଟେଦ୍ ଇନିତୁ ନାଜ୍ ଗଜାକାନାପେ ଆତଃ ନେ ଅତେଦିଶୁମ୍ରେ ରାଇଜେତାନ୍ ଏଡକାନ୍ ପେଡେଃହେତେ ରାଡ଼ାକାନାପେ । ତାବ୍ଦ୍ ତିନାଃମେନ୍ତେ ନେ ଅତେଦିଶୁମ୍ରେନ୍ ହଡକ ଲେକା ଜୀଦାନ୍ପେ ବିତାଅତାନା ? ତିନାଃମେନ୍ତେ ନେ ଲେକାନ୍ ନିୟାମ୍ପେ ମାନାତିଜ୍ ତାନା ? ୨୧ ଅକ୍ନାଃତି, “ନେଆଁ ଆଲପେ ସାବେଆ, ଏନା ଆଲପେ ଜମେୟା, ଏନା ଆଲପେ ଜୁଟିଦେ,” ୨୨ ନେ ସବେନାଃ କାଟିଃ ଦିପିଲି ନାଜ୍ ତାନାଃ । ନେଆଁ ବାଉରାଅତାନଲଃଗି ସାମାକାଜି ଲେକା ହବାଅଃଆ । ନେ ସବେନାଃ ହଡତେ ବାଇୟାକାନ୍ ନିୟାମ୍ ଆତଃ ଇନିତୁ ତାନାଃ । ୨୩ ଇନ୍କୁଆଃ ଦୁଡକଆଃ ସେଝା, ହଡକଆଃ ବେଦା ଲେବେଃମନ୍ ଆତଃ ଆକଆଃ ହଡମକେ ଦୁକୁହାସୁ ଏମେତେୟାଃ ତାନାଃ । ନେଲେକାନ୍ ନିୟାମ୍କ ସେଣ୍ଡାନ୍ ଲେକା ଆଟକାରଃ ତାନା, ମେନ୍ଦ୍ ନେ ନିୟାମ୍ ଆପ୍ନାଃ ଇଛାସାନାଜ୍ ଲେକା ସେଝାତାନ୍ତେୟାଃ ତାନାଃ । ନେଆଁ ଇନ୍କୁକେ ଆକଆଃ ପାପ୍ ଉଡ଼ୁ ଆତଃ ଏଡକାନ୍ କାମିହେତେ ସାଜିନ୍ରେ ତାଇନଃ ନାଜ୍ କାଏ ଦେଙ୍ଗାକଆଃ ।

୩

୧ ଆପେ ଖ୍ରୀଷ୍ଟଲକ୍ଷ ଗନ-ଏଃହେତେ ଜୀଉ ବିରିଦାକାନାପେ । ଏନାତେ ସିର୍ମାରେୟାଃ ବିଷାଏକ ନାମେ ନାଗେନ୍ତେ ମନ୍ ଏମେପେ, ତିଆଃତି ଖ୍ରୀଷ୍ଟ ସିର୍ମାରେ ଆୟାଃ ରାଜ୍ଗାଦିରେ ପାରମେଶ୍ୱାରଆଃ ଜମ୍ସାଃରେ ଦୁବାକାନା । ୨ ଅତେଦିଶୁମ୍ରେୟାଃ ବିଷାଏରେ ମନ୍ କା ଏମକେଦ୍ତେ ସିର୍ମାରେୟାଃ ବିଷାଏରେ ମନ୍ ଏମେପେ ଆତଃ ଉଡ଼ୁ ରିକାଏପେ । ୩ ତିଆଃତି ଆପେ ଗଏଃକାନାପେ ଆତଃ ଆପେୟାଃ ଜୀଦାନ୍ ପାରମେଶ୍ୱାରତାଃରେ ଖ୍ରୀଷ୍ଟଲକ୍ଷ ଉକୁଆକାନା । ୪ ଖ୍ରୀଷ୍ଟି ଆପେୟାଃ ସାର୍ତି ଜୀଦାନ୍ ତାନିଃ ଆତଃ ଇନିଃ ଚିମ୍ତାଏ ଉଦୁବେନା ଇମତା ଆପେୟାଃ ଆୟାଃ ମାନାରାଜ୍ରେୟାଃ ହସା ହବାକେଦ୍ତେ ଉଦୁବଃଆପେ ।

ମାରି ଆତଃ ନାଝା ଜୀଦାନ୍

୫ ଏନା ନାଗେନ୍ତେ ଆପେ ନେ ଅତେରେ ଆପାଜିର୍ କାମି, ସଡରା, ଏଡକାନ୍ ସାନାଜ୍, ଗିହୁଗାନ୍ ସାନାଜ୍, ଆତଃ ଖୁଜ୍ କରେୟାଃ ହାୟାକ ବାଗିପେ । ଖୁଜ୍ କରାଃ ହାୟା ହବାଅଃତାନା ମୁରୁଡ୍ ସେଝା । ୬ ତିଆଃତି ନେ ସବେନାଃରେ ତାଇନକେଦ୍ତେ ଅକନ୍କ ପାରମେଶ୍ୱାରକେ କାକ ମାନାତିୟାଃ, ଇନ୍କୁଆଃ ଚେତାନ୍ରେ ପାରମେଶ୍ୱାରଆଃ ଖ୍ସ୍ ହିଜୁଃଆ । ୭ ମିସା ଆପେ ନେଲେକାନ୍ ଏଡକାନ୍ ସାନାଜ୍ରେ ଜୀଦାନ୍ ବିତାଅ ତାଇକେନାପେ ।

୮ ମେନ୍ଦ୍ ନାହାଃ ଆପେକେ ନେଲେକାନ୍ ଖ୍ସ୍, ହିସିଙ୍ଗା, ନିୟା କାଜିକ ବାଗି ଲାଗାତିଜ୍ୟାଃ । ଆପେ ଏଟାଃକକେ ଲାୟାକ ଲେକାନ୍ କାଜିକ, ଆତଃ ଗିହୁଗଃ କାଜିକ ଆଲପେ ଜାଗାରେୟା । ୯ ଆପେ ଆପେରେ ବେଦା କାଜି ଆଲପେ କାଜିୟା, ତିଆଃତି ଆପେ ମାରି ସଭାବ୍ ଚାଏ ଚାଇଲ୍ ଚାଲାନ୍ ବାଗିକାଦାପେ, ୧୦ ଆତଃ ନାଝା ସଭାବ୍ ଚାଏ ଚାଇଲ୍ ଚାଲାନ୍ ସାବାକାଦାପେ । ଆପେୟାଃ ନେ ନାଝା ଜୀଦାନ୍ ହରାତେ ଆପେ ଅତେଦିଶୁମ୍ ବାବାଇନିଃ ଲେକାପେ ହବାକାନା, ଆତଃ ଆପେ ପାରମେଶ୍ୱାରଆଃ ବିଷାଏରେୟାଃ ସାର୍ତି ସେଣ୍ଡାପେ ନାମ୍ଇଦିତାନା । ୧୧ ଏନାତେ ଯିହୁଦୀ ଆତଃ ସାଅଁସାର୍ ହଡକ ଆଲାରେ ଜେତାନ୍ ଭେଦଭାବ୍ ବାନଃଆ, ଖାଡନାଅ ଚାଏ କା ଖାଡନାଅ, ଏଟାଃ ଦିଶୁମ୍ରେନ୍ ଚାଏ ଆପ୍ନାଃ ଦିଶୁମ୍ରେନ୍, ସ୍ଥାୟା ହଡ, କିରିଙ୍ଗାକାନ୍ ଦାସି ଚାଏ ତନଲ୍ ରାଡ଼ାକାନ୍ ଦାସି ସବେନକ ମିଦ୍ ସାମାନ୍ ତାନ୍କ । ମେନ୍ଦ୍ ଖ୍ରୀଷ୍ଟ ସବେନକଆଃରେ ମେନାଇୟା ଆତଃ ଇନିଃ ହବାଅଃତାନାଏ ସବେନକଆଃ ।

୧୨ ଆପେ ପାରମେଶ୍ୱାରଆଃ ହଡକ ତାନ୍ପେ । ଇନିଃ ଆପେକେ ଦୁଲାଡକେଦ୍ତେ ଆୟାଃ ନାଗେନ୍ତେ ସାଲାକାଦ୍ପେୟା । ଏନାତେ ଆପେ ଲିନିବୁଇ, ଦାୟାଲୁ, ଲେବେୟେନ୍, ହୁଡିଙ୍ଗ୍ୟେନ୍ ଆତଃ ଧିରାଜ୍ ସାବେ ଲେକାନ୍ ଲିଜାଃ ତୁସେୟେନ୍ପେ । ୧୩ ମିହୁଡ୍ ଆତଃମିହୁଡକେ ସାହାତିଜ୍କ ତାନ୍ଲେକା ହବାଃଆପେ ଆତଃ ଜେତାଏୟାଃ ଏଟାଃନିଆଃ ବିରୁଧରେ କାଜି ମେନାଃରେଦ୍, ମିହୁଡ୍ ଆତଃମିହୁଡକେ ଛାମାଇପେ । ପ୍ରାଭୁ ଆପେକେ ଛାମାକାଦ୍ପେ ଲେକାଗି, ଆପେ ମିହୁଡ୍ ଆତଃମିହୁଡକେ ଛାମାଇପେ । ୧୪ ଆତଃ ନେ ସବେନ୍ ଚାଇଲ୍ ଚାଲାନ୍ଲଃ ଦୁଲାଡକେ ମେସାଏପେ । ଦୁଲାଡ୍ ସବେନ୍ ବିଷାଏକେ ମିଦ୍ତାଃରେ ମେସାଏତାନ୍ଲଃ ତଲକେଟେଦ୍ତାଃଏ । ୧୫ ଖ୍ରୀଷ୍ଟ ଏମାକାଦ୍ ଜୀଉସୁକୁତେ ଆପେ ଉହାଟକାଦ୍ ତେୟାଃକକେ ଆୟୁର୍ତେ ଇଦି ନାଜ୍ ଦେଙ୍ଗାପେକାଏ, ତିଆଃତି ନେ ଜୀଉସୁକୁ ନାଗେନ୍ତେ ପାରମେଶ୍ୱାର ଆପେକେ ମିଦ୍ତେ ମିଆଁଦ୍ ହଡମ୍ ହବାଅଃ ନାଜ୍ ସାଲାକାଦ୍ପେୟାଏ । ସବେନ୍ ଇମତା ଧାନ୍ୟାବାଦ୍ ହବାଅଃକା । ୧୬ ଖ୍ରୀଷ୍ଟଆଃ ବିଷାଏରେୟାଃ ଇନିତୁ ଆପେୟାଃ ମନ୍ସୁରୁଦ୍ପେ ପୁରାଃତେ ତାଇନକା । ସେଣ୍ଡାନ୍ ଲେକାତେ ମିହୁଡ୍ ଆତଃମିହୁଡକେ ଇଡ୍ ଆତଃ ଆତୁକପେ । ଦୁରାଜ୍ ଗାମୁତାନ୍ଲଃ, ଆତଃ ଆମ୍ପାରେୟାଃ ଦୁରାଜ୍ ଦୁରାଜ୍ତାନ୍ଲଃ ପାରମେଶ୍ୱାରକେ ଆପେୟାଃ ମନ୍ସୁରୁଦ୍ପେ ଧାନ୍ୟାବାଦ୍ ଏମାଇପେ । ୧୭ ଆପେ କାଜିତେ ଚାଏ କାମିତେ ଜେଡନାଃଗି ରିକାତାନ୍ତେୟାଃ ପ୍ରାଭୁ ଯାଶୁଆଃ ନୁଡୁମ୍ତେ ରିକାତାନ୍ଲଃ ଆପୁ ପାରମେଶ୍ୱାରକେ ଧାନ୍ୟାବାଦ୍ ଏମାଇପେ ।

☆ ୩:୯ ୩:୯ ଏଡିସିୟ ୪:୨୨. ☆ ୩:୧୦ ୩:୧୦ ଏଡିସିୟ ୪:୨୪. ☆ ୩:୧୨ ୩:୧୨ ଏଡିସିୟ ୪:୨. ☆ ୩:୧୩ ୩:୧୩ ଏଡିସିୟ ୪:୩୨. ☆ ୩:୧୬ ୩:୧୬ ଏଡିସିୟ ୫:୧୯,୨୦.

ନାମ୍ନା ଜୀବନରେ ଆରୁଆଃ ନାତା

୧୮ *ଏ କୁଡ଼ିକ, ଆପେ ଆପେୟାଃ କଡ଼ାକଡ଼ାରେ ଜିମାନପେ । ପ୍ରାଭୁକେ ଅତଙ୍ଗତାନକ ଲେକା ନେଆଁ ରିକା ଲାଗାଡ଼ିଙ୍ଗୟାଃ ।

୧୯ *ଏ କଡ଼ାକ, ଆପେୟାଃ କୁଡ଼ିକକେ ଦୁଲ୍ଲାଡ଼କପେ । ଇନ୍କୁକେ ଖୁସୁଆଃ ଲେକା ଆଲପେ ବାଇକଆ ।

୨୦ *ଏ ହନ୍କ, ଆପେ ସବେନ୍ ଇମତା ଆପେୟାଃ ଏଙ୍ଗାଆପୁକକେ ମାନାଡ଼ିଙ୍ଗକପେ । ନେଆଁ ଖ୍ରୀଷ୍ଟକେ ଅତଙ୍ଗତାନକକେ ରିକା ଲାଗାଡ଼ିଙ୍ଗୟାଃ, ଚିଆଃଚି ପାର୍ମେଶ୍ୱାର୍ ନେଆଁରେ ସୁକୁଃଆ ।

୨୧ *ଏ ଏଙ୍ଗାଆପୁକ, ଆପେ ହନ୍କକେ ଆଲପେ କାଏରାଅକଆ । କା'ରେଦ ଇନ୍କୁ ହୁଡ଼ିଙ୍ଗ ଜୀଉକଆଃକ ।

୨୨ *ଏ କିରିଙ୍ଗୟାକାନ୍ ଦାସିକ, ସବେନ୍ ବିଷାଏରେ ଅତେରେନ୍ ଆପେୟାଃ ମାନମ୍ନା ଗୁସିୟାକଆଃ କାଜି ଆୟୁମେପେ, ଇନ୍କୁ ଆପେକେ ନେଲପେ ଇମତା ଇନ୍କୁକେ ସୁକୁଇତିକ ନାଗେନ୍ତେ ଏସକାର୍ କାହାଗି, ମେନ୍ଦ ପ୍ରାଭୁଆଃ ନାଗେନ୍ତେ ବରଭାଲିତାନଲ୍ଲ ଆପ୍ନାଃ ମନ୍ସୁରୁଦ୍ରେୟାଃ ସାନାଙ୍ଗ ଲେକାତେ କାମିପେ । ୨୩ ଆପେ କାମିତାନ୍ କାମି, ହଡ଼କଆଃ ନାଗେନ୍ତେ କା କାମିକେଦ୍ତେ ପାର୍ମେଶ୍ୱାର୍ଆଃ ନାଗେନ୍ତେ କାମିତାନାଲେ ମେନ୍ତେ ଉଡ଼ୁଡ଼ାନଲ୍ଲ ଆପେୟାଃ ସବେନ୍ ମନ୍ସୁରୁଦ୍ରେୟାଃ କାମିପେ । ୨୪ ପାହାମେପେ, ପାର୍ମେଶ୍ୱାର୍ ଆୟାଃ ହଡ଼କ ନାଗେନ୍ତେ ଅକ୍ନାଃ ଦହକାଦାଏ, ଏନା ଆପେକେ ନାଲା ଲେକାଏ ଏମାପେୟା । ଚିଆଃଚି ଆପେ ସେଖାତାନ୍, ଖ୍ରୀଷ୍ଟଗି ଆପେୟାଃ ସାର୍ତି ଗୁସିୟା ତାନିଃ । ୨୫ *ଆତଃ ସବେନ୍ ଏଡ଼କାନ୍ କାମିତାନକ ଆକଆଃ ଏଡ଼କାନ୍ କାମି ନାଗେନ୍ତେ ସାଜାଇକ ନାମେୟା, ଚିଆଃଚି ପାର୍ମେଶ୍ୱାର୍ ସବେନ୍ ହଡ଼କକେ ଆକଆଃ କାମି ଲେକା ସାମାନ୍ଗି ବିଚାରକଆ ।

୪

୧ *ଏ ଗୁସିୟାକ, ଆପେୟାଃ ଦାସିକଆଃ ଅକ୍ନାଃ ବୁଗିନାଃ ଆତଃ ଠାଉକାନ୍ଗି ହବାଅଃଆ ଏନ୍ଲେକାଗି ରିକାକପେ । ସିର୍ମାରେ ଆପେୟାଃହଗି ମିଆଁଦ୍ ଗୁସିୟା ମେନାଇୟା ମେନ୍ତେ ପାହାମେପେ ।

ଏଟାଃ ଏଟାଃ ବିଷାଏରେ ଆନାଚୁ

୨ ସବେନ୍ ଇମତା ବିକ୍ତିରେ ଜୀବନ୍ ବିତାଏପେ ଆତଃ ପାର୍ମେଶ୍ୱାର୍କେ ଧାନ୍ୟାବାଦ୍ ଏମ୍କେଦ୍ତେ ବିକ୍ତିରେ ଚିହ୍ନାକାନ୍ ତାଇନ୍ପେ । ୩ ଖ୍ରୀଷ୍ଟଆଃ ବିଷାଏରେ ଉକୁଆକାନ୍ କାଜିକେ ଉଦୁବେ ନାଙ୍ଗ ଦୁଆର୍ ନିଜେକାଏ ମେନ୍ତେ ପାର୍ମେଶ୍ୱାର୍ ଆଲେକେ ବୁଗିନ୍ ସୁଯୋଗ୍ ଏମାଲେକାଏ, ଏନାମେନ୍ତେୟା ଆଲେ ନାଗେନ୍ତେ ବିକ୍ତିପେ । ଚିଆଃଚି ଏନା ନାଗେନ୍ତେ ଆଇଙ୍ଗ ନାହାଁଃ ଜେହେଲ୍ରେ ମେନାଇୟା, ୪ ଆତଃ ବିକ୍ତିପେ, ଆଇଙ୍ଗ ଜେ'ଲେକା ନେ କାଜିକେ ସାର୍ତି ଆତଃ ଆଡ଼କାର୍ଉରୁମ୍ ଦାଡ଼ିୟଃ ଲେକାଇଙ୍ଗ୍ ଉଦୁବ୍ ଦାଡ଼ିୟା ।

୫ *ଆପେୟାଃ ସବେନ୍ ସୁଯୋଗ୍କେ ବୁଗିଲେକା ବେଭାର୍କେଦ୍ତେ କା ବିଶ୍ୱାସ୍ତାନ୍ ହଡ଼କଡ଼ାରେ ସେଣାନ୍ ଲେକାତେ ଚାଇଲ୍ ଚାଇଲ୍ ରିକାଏପେ । ୬ ଆପେୟାଃ ଜାଗାର୍କ ସବେନ୍ ଇମତା ହେଡ଼େମାନ୍ ଆତଃ ସୁକୁଆନ୍ ଲେକା ହବାଅଃକା । ଆତଃ ଚିଲ୍କା ଆପେ ସବେନ୍କକେ ଠାଉକାଗି କାଜିରୁହାଡ଼୍ ଦାଡ଼ିୟାପେ, ଏନା ଆପେକେ ସାରି ଲାଗାଡ଼ିୟା ।

ଚୁଣ୍ଡୁ ଜୁହାର୍

୭ *ଆରୁଆଃ ଦୁଲ୍ଲାଡ଼୍ ହାଗା ତୁଖ୍କ୍, ଅକଏଚି ପ୍ରାଭୁଆଃ କାମିରେ ପାତିୟାର୍ରେ ଲେକାନ୍ ସୁସାର୍ନିଃ ଆତଃ ଆଇଁୟାଃଲ୍ଲ ମିସାତେ କାମିତାନ୍ ଗାଡ଼ିଦାସି ତାନିଃ । ଇନିଃ ଆଇଁୟାଃ ବିଷାଏରେ ଆପେକେ ସବେନାଏ କାଜିୟାପେଆ । ୮ ଆଲେ ଚିଲ୍କା ମେନାଇୟା, ଏନ୍ ସବେନ୍ ବିଷାଏ କାଜିକେଦ୍ତେ ଆପେକେ ଜୀଉରେ ରାସ୍କା ଏମ୍ ନାଙ୍ଗ୍ ଆଇଙ୍ଗ୍ ଇନିଃକେ ଆପେତାଃତେଇଙ୍ଗ୍ କୁଲିତାନା । ୯ *ଆୟାଃଲ୍ଲ ଆପେୟାଃ ଝୁଣ୍ଡ୍ରେନ୍ ଦୁଲ୍ଲାଡ଼୍ ପାତିୟାର୍ରେ ଲେକାନ୍ ହାଗା ଅନିସିମସ୍ ହ୍ ସେନ୍ତାନାଏ । ଇନ୍କିନ୍ ଆପେକେ ନେତାଃରେ ହବାଅଃତାନ୍ ସବେନ୍ କାଜିକ ଉଦୁବାପେୟାକିନ୍ ।

୧୦ *ଆଇଁୟାଃଲ୍ଲ ଜେହେଲ୍କାନ୍ ଆରିସ୍ତାର୍ଗ୍ ଆତଃ ଆୟାଃଲ୍ଲ ବର୍ଣ୍ଣବାସ୍ତାଃ ଆପ୍ନାଃ ହଡ଼ ମାର୍କହଗି ଆପେକେ ଜହାର୍ ମେନ୍ତେ କାଜିକୁଲେ ତାନା । ମାର୍କ ଆପେତାଃତେ ସେନ୍ରେ ଇନିଃକେ ଦାରମିପେ । ନେ କାଜି ଆପେକେ ସିଦାରେଗି ଆରୁକାନା । ୧୧ ଯୁସ୍ତୁ ନୁତୁମତେ ସାରିୟାତାନ୍ ଯିହୋଶୁୟା ହ୍ ଜହାର୍ ମେନ୍ତେ କାଜିକୁଲ୍ ତାନା । ଖ୍ରୀଷ୍ଟକେ ବିଶ୍ୱାସ୍କେଦ୍ତେ ନେ ଆପିହଡ଼୍ ଯିହୁଦୀକ ଏସକାର୍ ପାର୍ମେଶ୍ୱାର୍ଆଃ ରାଇଜ୍ ନାଗେନ୍ତେ ଆଇଁୟାଃଲ୍ଲ ମିସାତେ କାମିକେଦ୍ତେ ଆଇଙ୍ଗ୍କେ ପୁରାଃଗିକ ଦେଙ୍ଗାକାଦିୟା ।

୧୨ *ଏପାପ୍ତା ଆପେକେ ଜହାର୍ ମେନ୍ତେ କାଜିକୁଲ୍ ତାନା । ଇନିଃ ଯୀଶୁ ଖ୍ରୀଷ୍ଟଆଃ ଦାସି ଆତଃ ଆପେୟାଃ ଝୁଣ୍ଡ୍ରେନ୍ ହଡ଼ ତାନିଃ । ଆପେ ପାର୍ମେଶ୍ୱାର୍ଆଃ ଇଛାସାନାଙ୍ଗ୍ରେୟାଃ ପୁରା ମାନାଡ଼ିଙ୍ଗ୍ ତାନକ ହବାକେଦ୍ତେ ପକ୍ତା ଆତଃ

* ୩:୧୮ ୩:୧୮ ଏପିସିୟ ୫:୨୨; ୧ ପାଡ଼ରାସ୍ ୩:୧. * ୩:୧୯ ୩:୧୯ ଏପିସିୟ ୫:୨୫; ୧ ପାଡ଼ରାସ୍ ୩:୭. * ୩:୨୦ ୩:୨୦ ଏପିସିୟ ୬:୧. * ୩:୨୧ ୩:୨୧ ଏପିସିୟ ୬:୪. * ୩:୨୨ ୩:୨୨ ଏପିସିୟ ୬:୫-୮. * ୩:୨୫ ୩:୨୫ ଏପିସିୟ ୬:୯. * ୪:୧ ୪:୧ ଏପିସିୟ ୬:୯. * ୪:୫ ୪:୫ ଏପିସିୟ ୫:୧୭. * ୪:୬ ୪:୬ ପ୍ରେରିଡ଼ ୨୦:୪; ୨ ଡିମଥ୍ ୪:୧୨. * ୪:୭ ୪:୭ ଏପିସିୟ ୬:୨୧,୨୨. * ୪:୯ ୪:୯ ଡିଲ୍ମନ ୧:୧୦-୧୨. * ୪:୧୦ ୪:୧୦ ପ୍ରେରିଡ଼ ୧୯:୨୯; ୨୭:୨; ଡିଲ୍ମନ ୧:୨୪; ପ୍ରେରିଡ଼ ୧୨:୧୨,୨୫; ୧୩:୧୩; ୧୫:୩୭-୩୯. * ୪:୧୨ ୪:୧୨ କଲସିୟ ୧:୭; ଡିଲ୍ମନ ୧:୨୩.

କେଟେୟାନ୍ ବିଶ୍ୱାସୀ ଲୋକା ତିଜ୍ଞକେଟେଦ୍ ଦାଡ଼ିୟାପେ, ଏନାମେନ୍ତେ ଇନିଃ ଆପେ ନାଗେନ୍ତେ ପାରମେଶ୍ୱାର୍ତାଃରେ ସବେନ୍ ଇମ୍ତାଏ ବିନ୍ତିତାନା । ^{୧୩} ଆପେ ନାଗେନ୍ତେ, ଲାଉଦିକିଆ ଆଡ଼ଃ ହିଏରାପଲିରେନ୍ ହଡ଼କଆଃ ନାଗେନ୍ତେ ଇନିଃ ରିକାକାଦ୍ କେଟେଦ୍ କାମି ବିଷାଏରେ ଆଇଙ୍ଗ୍ ଗାଞ୍ଜା ଏମେତାନାଇଙ୍ଗ୍ । ^{୧୪} ଆରୁଆଃ ଦୁଲ୍ଲାଡ୍ ବାଇଦ୍ ଲୁକ୍ ଆଡ଼ଃ ଦିମା ଆପେକେ ଜହାର୍ ମେନ୍ତେ କାଜିକୁଲ୍ ତାନା ।

^{୧୫} ଲାଉଦିକିଆରେନ୍ ଖ୍ରୀଷ୍ଟ୍ ବିଶ୍ୱାସୀ ହାଗାକକେ, ମିଶି ନୁମ୍ଫା ଆଡ଼ଃ ଆୟାଃ ଅଡ଼ଃରେ ହୁଣ୍ଡିୟଃତାନ୍ କାଲିସିୟାରେନ୍ ସବେନକକେ ଆଲେୟାଃ ଜହାର୍ ଉଦୁବାକପେ । ^{୧୬} ଆପେ ନେ ଚିଟାଉ ପାଡ଼ାଅ ଚାବାକେଦ୍ ତାୟମ୍ତେ, ଲାଉଦିକିଆ କାଲିସିୟାରେନ୍ ହଡ଼କକେ ନେ ଚିଟାଉକେ ପାଡ଼ାଅ ନାଗେନ୍ତେ ଏମାକପେ । ଆଡ଼ଃ ଆଇଙ୍ଗ୍ ଲାଉଦିକିଆକେ ଅକ ଚିଟାଉ ଅଲ୍ଲାକାଦାଇଙ୍ଗ୍, ଏନାକେୟାରି ଆପେ ପାଡ଼ାଏପେ । ^{୧୭} ଆଡ଼ଃ ଆଖି ପସ୍ତକେ କାଜିପେ, “ପ୍ରାଭୁଆଃ ସେଞ୍ଜା ନାଗେନ୍ତେ ଆମ୍ବକେ ଅକ ବାହାରମ୍ ଏମାକାନ୍ ତାଇକେନା, ଏନା ରିକାତେଗି ରିକାଏମେ ।”

^{୧୮} ଆଇଙ୍ଗ୍ ପାଉଲୁସ୍ ଆଇୟାଃ ଆପ୍ନାଃ ଅନଲ୍ତେଗି ଜହାର୍ ମେନ୍ତେଇଙ୍ଗ୍ କାଜିକୁଲ୍ ତାନା । ଆଇଙ୍ଗ୍ ଜେହେଲ୍ରେ ସିକିଡ଼ିତେ ତଲ୍ଲାକାନ୍ତେୟାଃକେ ପାହାମାକାପେ । ପାରମେଶ୍ୱାର୍ତାଃ ସାୟାଦ୍ ଆପେ ସବେନକଲଃ ହବାଅଃକା ।

ଆତ୍ମ ଜୀବନିକ ପାରମେଶ୍ଵରକେ ସୁସାରି ନାଗେନ୍ତେ ମନପେ ରୁହାଡ଼କେଦା, ^{୧୦}ଆତ୍ମ ଚିଲକା ପାରମେଶ୍ଵରଆଃ ଖୁସ୍‌ଏତେ ଆରୁକେ ବାଞ୍ଛାଅ ନାଙ୍ଗ, ଗଜାକାନକଏତେ ଜୀଉବିଦାକାନ ଆୟାଃ ହନ୍ ଯୀଶୁଆଃ ସିମାଏତେ ହିନ୍ତୁଃରୁହାଡ଼କେ ନେଲ୍‌ହରା ନାଗେନ୍ତେ ପାରମେଶ୍ଵରତାଃତେପେ ରୁହାଡ଼ୟାନା, ଏନ୍ ସବେନ୍ ବିଷାଏରେ ଏନ୍ତାଃରେନ୍ ହଡ଼କ ଜାଗାର୍ ତାନା ।

୨

ଐଥେସ୍‌ଲନିକାରେ ପାଉଲୁସ୍‌ଆଃ କାମି

^୧ ହେ ହାଗା ମିଶିକ, ଆଲେ ଆପେତାଃତେ ହିନ୍ତୁଃତେୟାଃ କା ସାମାକାନା, ଏନା ଆପେୟପେ ସାରିତାନା । ^୨ ଆଲେ ଐଥେସ୍‌ଲନିକାରେ ଆପେତାଃତେ ହିନ୍ତୁଃ ସିଦାରେଗି ଫିଲିପି ନାଗାର୍‌ରେ ଚିଲକା ଆଲେ ଚେତାନରେ ଦୁକୁ ଆତ୍ମ ସାସାତି ହିନ୍ତୁଃକାନ ତାଇକେନା, ଏନାପେ ସାରିକାଦା । ପୁରାଃ କାଜିକଟଙ୍ଗ୍ ହବାୟାନରେୟ ପାରମେଶ୍ଵରତାଃଏତେ ନାମାକାଦ୍ ସୁକୁକାଜି ଆପେକେ ଉଦୁବ୍ ନାଗେନ୍ତେ ପାରମେଶ୍ଵର ଆଲେକେ ପେଡ଼େଃ ଏମାକାଦ୍‌ଲେ ତାଇକେନାଏ । ^୩ ଆଲେ ଜେତାନ ଭୁଲ୍ ଚାଏ କା ଫାର୍‌ଚି ଲେକାନ ଉଦେଶ୍‌ରେ ଆପେକେ କାଲେ ବିକ୍ରିକାଦ୍‌ପେ ତାଇକେନା, ଚାଏ ଆପେକେ ବେଦାପେ ନାଗେନ୍ତେ କାଲେ ସାନାଙ୍ଗ୍ ତାଇକେନା । ^୪ ମେନ୍‌ଦ ଆଲେ ପାରମେଶ୍ଵରଆଃ ସାନାଙ୍ଗ୍‌ଲେକା ସବେନ୍ ଇମତା କାଜିୟାଃଲେ, ଚିୟାଃଚି ଇନିଃ ସୁକୁକାଜି ଉଦୁବ୍‌ରେୟାଃ ବାହାରମ୍ ଆଲେକେ ଏମାକାଦ୍‌ଲେୟା । ହଡ଼କକେ ସୁକୁକାଜି ନାଗେନ୍ତେଦ କା ମେନ୍‌ଦ ଅକନ୍ ପାରମେଶ୍ଵର ଆରୁଆଃ ମନ୍‌ସୁରୁଦ୍ ବିତାଅକେଦ୍‌ତେ ଆଟ୍‌କାର୍‌ଉରୁମାଃଏ, ଇନିଃକେ ସୁକୁକାଜି ନାଗେନ୍ତେଲେ ସାନାଙ୍ଗ୍‌ତାନା । ^୫ ଆପେ ବୁଗିଲେକାପେ ସାରିତାନା, ଆଲେ ଆପେତାଃତେ ଚିଉଲ୍‌ହ ହସଡ଼ କାଜିକ କାଜିକେଦ୍‌ତେ କାଲେ ହିନ୍ତୁଃକାନ ତାଇକେନା, ଚାଏ ଆଲେ ଖୁଜ୍‌ରାଃ ହାୟାତେ ବେଦା କାଜି କାଲେ କାଜିକାଦ୍ ତାଇକେନା, ଏନାରାଃ ଗାଞ୍ଜା ପାରମେଶ୍ଵର ତାନିଃ । ^୬ ଆଲେ ଜେତାଏତାଃଏତେ ମାଇନ୍ ନାମେ ନାଗେନ୍ତେ କାଲେ ସାନାଙ୍ଗ୍‌କାଦ୍ ତାଇକେନା, ଆପେତାଃଏତେ ଚାଏ ଏଟାଃକତାଃଏତେହ୍ ମାଇନ୍ ନାମେ ନାଗେନ୍ତେ କାଲେ ସାନାଙ୍ଗ୍‌କାଦ୍ ତାଇକେନରେୟ, ^୭ ଆଲେ ଯୀଶୁ ଖ୍ରୀଷ୍ଟ୍‌ଆଃ ପ୍ରେରିଡ଼କ ହବାୟାନ୍ତେ ଆପେତାଃଏତେ ଏନା ହାଟି ଦାଡ଼ିକାଦ୍‌ତେ ତେୟାଃଲେ, ମେନ୍‌ଦ ଏଙ୍ଗା ଆୟାଃ ହନ୍‌କେ ସାକ୍‌ଲାଅ ଦାଡ଼ିଲେକା, ଆଲେ ଆପେତାଃରେ ତାଇକେନ୍ ଇମତା ଆପେକେୟ ଏନ୍‌ଲେକାଗି ଲେବେଃତେ ସାକ୍‌ଲାଅ କାଦ୍‌ପେ ତାଇକେନାଲେ । ^୮ ଆଲେୟାଃ ଦୁଲ୍‌ଡ଼୍ ଆପେ ନାଗେନ୍ତେ ତାଇନ୍ ହରାତେ ଆଲେ ଆପେକେ ପାରମେଶ୍ଵରଆଃ ସୁକୁକାଜି ଏସ୍‌କାର୍ କାହା, ମେନ୍‌ଦ ଆପେ ନାଗେନ୍ତେ ଆଲେୟାଃ ଜୀଦାନକେୟ ଏମ୍ ନାଙ୍ଗ୍ ସେକାଡ଼ାକାନ ତାଇକେନାଲେ, ଚିୟାଃଚି ଆପେ ଆଲେୟାଃ ଦୁଲ୍‌ଡ଼୍‌କେପେ ହବାକାନ ତାଇକେନା । ^୯ ହେ ହାଗା ମିଶିକ, ଆପେଦ ଆଲେୟାଃ ହାମ୍‌ଲା କାମି ଆତ୍ମ ଦୁକୁପେ ପାହାମେତାନା, ଆପେଏତେ ଜେତାଏରେ ବାହାରମ୍ ଆଲକା ଲାଦିୟକା ମେନ୍ତେ ଆଲେ ନିଦା ସିଙ୍ଗି କାମିକେଦ୍‌ତେ ଆପେ ଆଲାରେ ପାରମେଶ୍ଵରଆଃ ସୁକୁକାଜିଲେ ଉଦୁବ୍‌କାଦ୍ ତାଇକେନା ।

^{୧୦} ଆପେ ବିଶ୍ଵାସୀ ତାନପେ, ଆପେ ଆଲାରେ ଆଲେ ଚିଲକା ପାବିତାର୍, ଧାର୍‌ମାନ୍ ଆତ୍ମ କା ଚିଟାଃଅ ଲେକାଲେ କାମି ତାଇକେନା, ଏନାରାଃ ଗାଞ୍ଜା ଆପେଗି ତାନପେ ଆତ୍ମ ପାରମେଶ୍ଵର ହଗି ତାନିଃ । ^{୧୧} ଆପେଦପେ ସାରିତାନା, ଆପୁ ଆୟାଃ ହନ୍‌କଲଃ ଚିକାଏ ଲେକା, ଆଲେ ଆପେ ସବେନ୍‌କଲଃ ଏନ୍‌ଲେକାଗିଲେ ଚିକାକାଦ୍ ତାଇକେନା । ^{୧୨} ଆପେକେ କେଡ଼ାକାଦ୍‌ପେ ଏନ୍ ପାରମେଶ୍ଵରଆଃ ରାଇଜ୍ ଆତ୍ମ ମାନାରାଙ୍ଗ୍‌ରେ ମେସାଃଅ ନାଗେନ୍ତେ ଆପେ ଆଇଃକ୍‌କେ ସୁକୁଆଇ ଲେକାନ ଜୀଦାନ ବିତାଏପେ, ମେନ୍ତେ ଆଲେ ଆପେକେ ବିକ୍ରିତାନଲଃ ଜୀଉରାସ୍‌କା ଆତ୍ମ ଜୀଉରେ କେଟେଦ୍‌ଲେ ଏମାକାଦ୍‌ପେ ତାଇକେନା ।

^{୧୩} ଆତ୍ମ ଆଲେ ଆପେତାଃରେ ପାରମେଶ୍ଵରଆଃ ବାତାନ୍ ହାଟିଙ୍ଗ୍‌କେଦ୍ ଇମତା, ଆପେ ଏନାକେ ହଡ଼କଆଃ କାଜିତାନାଃ ମେନ୍ତେ କା କାଜିକେଦ୍‌ତେ, ପାରମେଶ୍ଵରଆଃ ବାତାନ୍ ଲେକା ଆୟୁମ୍‌ତାନଲଃ ତେଲ୍‌କାଦ୍ ତାଇକେନାପେ । ଆତ୍ମ ଏନା ସାର୍‌ଚିଗି ପାରମେଶ୍ଵରଆଃ ବାତାନ୍ ତାନାଃ, ଆତ୍ମ ଆପେ ଲେକାନ ବିଶ୍ଵାସୀକଆଃ ମନ୍‌ସୁରୁଦ୍‌ରେ କାମିୟତାନା । ଏନାମେନ୍ତେ ଆଲେ ପାରମେଶ୍ଵରକେ ଜାନାଅଗିଲେ ଜହାରିତାନା । ^{୧୪} ଚିୟାଃଚି, ହେ ହାଗା ମିଶିକ, ଯିହୁଦା ଦିଶ୍ଵମ୍‌ରେ ତାଇନ୍‌ତାନ୍ ପାରମେଶ୍ଵରଆଃ କାଲିସିୟାକରେ ଆତ୍ମ ଏନ୍ତାଃରେନ୍ ଖ୍ରୀଷ୍ଟ୍ ବିଶ୍ଵାସୀକରେ ହବାଲେନ୍ ଲେକାଗି ଆପେରେହ୍ ହବାଅଃତାନା । ଇନ୍‌କୁ ଯିହୁଦୀକତାଃଏତେ ସାସାତି ନାମ୍‌କେଦ୍ ଲେକାଗି ଆପେୟ ଆପେୟାଃ ହଡ଼କତାଃଏତେ ସାସାତିପେ ନାମେତାନା । ^{୧୫} ଏନ୍ ଯିହୁଦୀକଦ୍ ପ୍ରାଭୁ ଯୀଶୁକେ ଆତ୍ମ ନାବୀକକେୟ ଗଏଃକେଦ୍‌କଆକ ଆତ୍ମ ଆରୁକେ ସାସାତିକେଦ୍‌ରୁଆକ । ଇନ୍‌କୁ ପାରମେଶ୍ଵରଆଃ କା ସୁକୁଆନ୍‌କ ତାନକ ଆତ୍ମ ସବେନ୍ ହଡ଼କଆଃ ବାଇରିକ ତାନକ । ^{୧୬} ସାଅଁସାର୍ ହଡ଼କଆଃ ଜୀଉବାଞ୍ଛାଅ ନାମେ ନାଗେନ୍ତେ ଅକନ୍ ସୁକୁକାଜି ଉଦୁବଃତାନା, ଏନାକେୟ ଆଲେକେ ଉଦୁବ୍ ନାଗେନ୍ତେ କାଜିକଟଙ୍ଗ୍ ନାଙ୍ଗ୍ ସାନାଙ୍ଗ୍‌ତାନାକ । ଏନ୍‌ଲେକା ଇନ୍‌କୁ ସବେନ୍ ଇମତା ଆକଆଃ ଆକଆଃ ପାପ୍‌ରେ ପେରେକାକାନାକ । ଆତ୍ମ ଟୁଣ୍ଡୁରେ ନାହାଁଃ ପାରମେଶ୍ଵରଆଃ ଖୁସ୍ ଇନ୍‌କୁଆଃ ବିରୁଧ୍‌ରେ ସେଟେରାକାନା ।

ପାଉଲୁସ୍‌ ଆତ୍ମସିଦା ଇନ୍‌କୁତାଃତେ ସେନ୍ ନାଗେନ୍ତେ ସାନାଙ୍ଗ୍‌କେଦା

☆ ୨:୨ ୨:୨ ପ୍ରେରିଡ଼ ୧୭:୧୯-୨୪; ପ୍ରେରିଡ଼ ୧୭:୧-୯. ☆ ୨:୧୪ ୨:୧୪ ପ୍ରେରିଡ଼ ୧୭:୫. ☆ ୨:୧୫ ୨:୧୫ ପ୍ରେରିଡ଼ ୯:୨୩,୨୯; ୧୩:୪୫,୫୦; ୧୪:୨,୫,୧୯; ୧୭:୫,୧୩; ୧୮:୧୨.

୧୭ ହେ ହାଗା ମିଶିକ, ଆଲେ ଆପେତାଃଏତେ ମନ୍‌ରେଦ କା ମେନ୍‌ଦ ହଡ଼ମ୍‌ରେ ହୁଡ଼ିଙ୍ଗ୍ ଦିପିଲି ବିନ୍‌ଗାଅକାନ୍ ନାଗେନ୍ତେ ଆପେକେ ଆତଃମିସା ନେଲ୍ ନାଙ୍ଗ୍ ପୁରାଃଲେ ସାନାଙ୍ଗ୍ ତାଇକେନା । ୧୮ ଏନା ନାଗେନ୍ତେ ଆଲେ ଆପେତାଃତେ ସେନ୍ ନାଗେନ୍ତେଲେ ଉହାଟ୍‌କାଦ୍ ତାଇକେନା, ଆଇଙ୍ଗ୍ ପାଉଲୁସ୍ ମିସା, ବାଟ୍‌ସାଏତେ ଆଦକା ଆପେତାଃତେ ସେନ୍ ନାଙ୍ଗ୍ ମନେକାଦ୍ ତାଇକେନାଇଙ୍ଗ୍, ମେନ୍‌ଦ ସାଏତାନ୍ ଆଲେକେ ଛେକାଦ୍ କେଦ୍‌ଲେୟା । ୧୯ ଚିୟାଃତି ଆରୁଆଃ ପ୍ରାଭୁ ଯୀଶୁଆଃ ହିନିଜୁଃ ଦିପିଲିରେ ଆୟାଃ ସାମ୍‌ନାଙ୍ଗ୍‌ରେ ଏଟାଃକ ଲେକା ଆପେୟ ଆଲେୟାଃ ଆସା, ରାସକା ତାଏ ମାନାରାଙ୍ଗ୍‌ରାଃ ମୁକୁର୍ ଚିନାଃତାନାଃ ? ଚିୟାଃ ଆପେଗି ନାହାଁଲାପେତି ? ୨୦ ଆପେଗିଦ୍ ଆଲେୟାଃ ମାନାରାଙ୍ଗ୍ ଆତଃ ରାସକା ତାନପେ ।

୩

୧୧ ଆଲେ ସାହାତିଙ୍ଗ୍ କାଲେ ଦାଡ଼ିୟାନା, ଏନା ନାଗେନ୍ତେ ଏଥେନ୍‌ସ୍‌ରେ ଏସକାର୍ ତାଇନ୍ ନାଗେନ୍ତେଲେ ଉହାଟ୍‌କେଦା । ୨ ଆପେକେ ପେଡ଼େଃପେ ନାଗେନ୍ତେ ଆତଃ ବିଶ୍ୱାସ୍‌ରେ ତାଇନ୍ ନାଙ୍ଗ୍ ଜୀଉରେ ରାସକା ଏମାପେ ନାଗେନ୍ତେ ଆପେତାଃତେ ଆଲେୟାଃ ହାଗା ତମିଥ୍‌କେଲେ କୁଲିୟା । ଇନିଃ ଖ୍ରୀଷ୍ଟୁଆଃ ସୁକୁକାଜି ଉଦୁବ୍ ନାଙ୍ଗ୍ ପାର୍‌ମେଶ୍ୱାର୍‌ଆଃ ସେଞ୍ଜା କାମିରେ ଆଲେଲଃ ମିସାତେ କାମିନିଃ ତାନିଃ । ୩ ଜେ'ଲେକାଚି ନେ ସବେନ୍ ସାସାତି ହରାତେ ଜେତାଏ ବିଶ୍ୱାସ୍‌ଏତେ ଆଲକାଏ ରୁହାଡ଼କା । ଆରୁ ନେ'ଲେକାଗି ସାସାତି ନାମେନାଙ୍ଗ୍‌ରୁ ଦହାକାନା, ଏନା ପାର୍‌ମେଶ୍ୱାର୍‌ଆଃ ସାନାଙ୍ଗ୍‌ତାନାଃ, ଏନାଦପେ ସାରିତାନା । ୪ ଚିୟାଃତି ଆରୁଆଃ ସାସାତି ହବାଅଆଃ ମେନ୍ତେ ଆଲେ ଆପେଲଃ ତାଇକେନ୍ ଇମ୍‌ତାରେଗି ଆପେକେ ସିଦାରେ କାଜିକାଦ୍‌ପେ ତାଇକେନାଲେ । ଏନା ଏନ୍‌ଲେକାଗି ହବାଅଆଃ, ଏନାପେ ସାରିତାନା । ୫ ହବାସାକାଅଆଃ ସାଏତାନ୍ ଆପେକେ ବିତାଅକାଦ୍‌ପେୟା ଆତଃ ଆଲେୟାଃ କାମିକ ସାମାଏଶ୍ୱାଗଥା, ନେଆଁ ଉଡ଼ୁକେଦ୍‌ତେ ଆଇଙ୍ଗ୍ କାଇଙ୍ଗ୍ ସାହାତିଙ୍ଗ୍ ଦାଡ଼ିୟାନା, ଏନା ନାଗେନ୍ତେ ଆଇଙ୍ଗ୍ ଆପେୟାଃ ବିଶ୍ୱାସ୍ ବିଷାଏରେ ସାରିନାଙ୍ଗ୍ ତମିଥ୍‌କେ ଆପେତାଃତେଇଙ୍ଗ୍ କୁଲକିୟା ।

୬ ମେନ୍‌ଦ ନାହାଁଃ ତମିଥ୍ ଆପେତାଃଏତେ ଆଲେତାଃ ହିଜୁଃକାନାଏ ଆତଃ ଆପେୟାଃ ବିଶ୍ୱାସ୍ ଆତଃ ଦୁଲ୍ଲାଡ଼୍ ବିଷାଏରେ ରାସକାରାଃ ସୁକୁକାଜି ଆଉକାଦା । ଆମ୍ ଆଲେୟାଃ ନାଙ୍ଗ୍ ବୁଗିନ୍‌ତେୟାଃ ଉଡ଼ୁ ଆତଃ ଆଲେ ଆମ୍‌କେ ନେନେଲ୍ ସାନାଙ୍ଗ୍‌ତାନଲେକା ଆମ୍‌ହ ଆଲେକେ ନେନେଲ୍ ସାନାଙ୍ଗ୍‌ତାନାମ୍ ମେନ୍ତେ ଇନିଃ କାଜିକାଦ୍‌ଲେୟାଏ । ୭ ଏନାମେନ୍ତେ ହେ ହାଗା ମିଶିକ, ଆପେୟାଃ ବିଶ୍ୱାସ୍ ନାଙ୍ଗ୍ ଆଲେୟାଃ ସବେନ୍ ଦୁକୁ ଆତଃ ହାସୁ ଇମ୍‌ତା ଆଲେ ଆପେୟାଃ ହରାତେ ଜୀଉରାଡ଼େଃଲେ ନାମାକାଦା । ୮ ନାହାଁଃ ଆପେ ପ୍ରାଭୁରେ ଡିଙ୍ଗ୍‌କେଟେଦ୍ କାନ୍‌ରେଦ୍, ଆରୁ ସାରିତିଗି ଜୀହୁଦଃ ତାନାରୁ । ୯ ନାହାଁଃଦ୍ ଆଲେ ଆପେୟାଃ ହରାତେ ପୁରାଃ ରାସକାଲେ ନାମାକାଦା, ଏନାମେନ୍ତେ, ଏନାରେୟାଃ ବାଦ୍‌ଲ୍‌ରେ ନାହାଁଃ ପାର୍‌ମେଶ୍ୱାର୍‌କେ ଧାନାବାଦ୍‌ଲେ ଏମାଇତାନା । ୧୦ ଆପେକେ ଆତଃମିସା ନେନେଲ୍ ନାଙ୍ଗ୍ ଆତଃ ଆପେୟାଃ ବିଶ୍ୱାସ୍‌ରେ ଜାଞ୍ଜିକାନ୍‌ତେୟାଃ ପୁରାଆଃ ନାଗେନ୍ତେ ନିଦାସିଙ୍ଗ୍ ବିନ୍ତିତାନାଲେ ।

୧୧ ଆପେତାଃତେ ହିଜୁଃ ନାଙ୍ଗ୍ ଆରୁଆଃ ଆପୁ ପାର୍‌ମେଶ୍ୱାର୍ ଆଇଃକ୍‌ଗି ଆତଃ ଆରୁଆଃ ପ୍ରାଭୁ ଯୀଶୁ ଆରୁଆଃ ହରାଏ ବାଇୟେକା । ୧୨ ଆପେୟାଃ ନାଙ୍ଗ୍ ଆଲେୟାଃ ଦୁଲ୍ଲାଡ଼୍ ଜେ'ଲେକା ପୁରାଃଗିଆ, ଏନ୍‌ଲେକାଗି ମିହୁଡ଼୍ ଆତଃମିହୁଡ଼୍ ନାଙ୍ଗ୍ ଆତଃ ସବେନ୍‌କ ନାଙ୍ଗ୍ ପ୍ରାଭୁ ଆପେୟାଃ ଦୁଲ୍ଲାଡ଼୍‌କେ ଆତଃଗି ପୁରାଃତେ ହାରାଇଦିକା । ୧୩ ଏନ୍‌ଲେକାଗି ଇନିଃ ଆପେୟାଃ ମନ୍‌କେ ପେଡ଼େଦ୍‌ପେୟା, ଏନାତେ ଆରୁଆଃ ପ୍ରାଭୁ ଯୀଶୁ ଆୟାଃ ପାବିତାର୍ ହଡ଼କଲଃ ହିଜୁଃ ଇମ୍‌ତା ଆରୁଆଃ ଆପୁ ପାର୍‌ମେଶ୍ୱାର୍‌ଆଃ ଆୟାର୍‌ରେ ଆପେ ପକ୍‌ତାକାନ୍ ଆତଃ ପାବିତାର୍‌ରେ ବେଗାର୍ ଚିଟାକାନ୍ ଲେକାପେ ହବାଅଆ ।

୪

ପାର୍‌ମେଶ୍ୱାର୍‌କେ ସୁକୁଆଇଲେକାନ୍ ଜୀଦାନ୍

୧ ଟୁଣ୍ଡୁରେ, ହେ ହାଗା ମିଶିକ, ପାର୍‌ମେଶ୍ୱାର୍‌କେ ସୁକୁଆଇଲେକା ଚିଲ୍‌କା ଜୀଦାନ୍ ବିତାଅ ଲାଗାତିଙ୍ଗ୍‌ୟାଃ, ଏନା ଆଲେତାଃଏତେ ଇଡୁକାନାପେ, ଏନ୍‌ଲେକାଗି ଆପେୟାଃ ଜୀଦାନ୍ ବିତାଅତାନାପେ । ମେନ୍‌ଦ ଏନାଏତେ ଆଦକା ରିକାନାଙ୍ଗ୍ ଆଲେ ଆପେକେ ପ୍ରାଭୁ ଯୀଶୁଆଃ ନୁଡ଼ମ୍‌ତେ ପୁରାଃଗି ହାରାଇଦିୟାପେ ମେନ୍ତେ ବିନ୍ତି ଆତଃ ଉସକୁର୍‌ପେ ତାନାଲେ । ୨ ଚିୟାଃତି ଆଲେ ପ୍ରାଭୁ ଯୀଶୁଆଃ ଆକ୍‌ତେୟାର୍‌ତେ ଆପେକେ ଏମାକାଦ୍ ଆନାରୁକେ, ଆପେଦ୍ ବୁଗିଲେକାପେ ସାରିଆକାଦା । ୩ ଆପେ ପାବିତାର୍ ହବାଅପେ ଆତଃ ଆପାଙ୍ଗିର୍ କାମିଏତେ ସାଙ୍ଗିନ୍‌ରେ ତାଇନ୍‌ପେ, ନେଆଁ ପାର୍‌ମେଶ୍ୱାର୍‌ଆଃ ସାନାଙ୍ଗ୍‌ତାନାଃ । ୪ ଆପେ ସବେନ୍‌କ ଆପେୟାଃ କୁଡ଼ିକଲଃ ପାବିତାର୍‌ତେ ଆତଃ ମାଇନ୍ ନାମେଲେକା ଚିଲ୍‌କା ତାଇନାପେ, ଏନା ଆପେକେଗି ସାରି ଲାଗାତିଙ୍ଗ୍‌ୟାଃ, ୫ ପାର୍‌ମେଶ୍ୱାର୍‌କେ କା ସାରିତାନ୍ ସାଅଁସାର୍ ହଡ଼କଆଃ ଲେକା ହଡ଼ମ୍‌ରେୟାଃ ଏଡ଼କାନ୍ ସାନାଙ୍ଗ୍‌ଲେକା ଆଲ୍‌ପେ ହବାଅଆ । ୬ ଆତଃ ଜେତାଏ ହଡ଼ ଖ୍ରୀଷ୍ଟିୟାନ୍ ହାଗାକେ ଆଲକାଏ ବେଦାଇକା ଆତଃ ଏଡ଼କାନ୍ ଆଲକାଏ ରିକାଇକା । ଏନ୍‌ଲେକାଗି କାମିତାନ୍‌କେ ପ୍ରାଭୁ ସାଜାଇ ଏମାକଆଏ ମେନ୍ତେ ଆଲେ ଆପେକେ ସିଦାରେଗି କାଜିକେଦ୍‌ତେ ପୁରାଃ କେଟେଦ୍‌ତେ ତେତାଅକାଦ୍‌ପେୟାଲେ ।

☆ ୩:୧ ୩:୧ ପ୍ରେରିଡ଼୍ ୧୭:୧୫. ☆ ୩:୬ ୩:୬ ପ୍ରେରିଡ଼୍ ୧୮:୫.

୭ ପାରମ୍ପୋଶ୍ଵାର୍ ଆବୁକେ ସତ୍‌ରାଲେକା ଜୀଦାନ୍ ବିତାଅ ନାଗେନ୍ତେ କାହା ମେନ୍‌ଦ ପାବିତାର୍ ଜୀଦାନ୍ ବିତାଅ ନାଗେନ୍ତେ କେଡାକାଦ୍‌ରୁଆ । ୮ ଏନା ନାଗେନ୍ତେ ଜେତାଏ ନେ ଇନିତୁକେ କାଏ ତେଲ୍ୟାଏନିଃ, ହଡ଼କେ କାଏ ହିଲାଇଆଃ, ମେନ୍‌ଦ ପାବିତାର୍ ଆମ୍ବାକେ ଏମିତାନ୍ ପାରମ୍ପୋଶ୍ଵାର୍‌କେ ହିଲାଇଆଃତାନା ।

୯ ଖ୍ରୀଷ୍ଟିୟାନ୍ ବିଶ୍ଵାସୀ ଦୁଲ୍ଲାଡ଼୍ ବିଷାଏରେ ଆପେତାଃତେ ଆତଃଗି ଅଲ୍ ନାଜ୍ କା ଲାଗାତିଙ୍ଗ୍‌ୟାଃ, ଚିୟାଃତି ଆପେ ସବେନ୍‌କ ଦୁପ୍ପୁଲ୍ଲାଡ଼୍‌ରେ ତାଇନ୍ ନାଗେନ୍ତେ ପାରମ୍ପୋଶ୍ଵାର୍‌ତାଃଏତେ ଆପେଗିପେ ଇତୁକାନା । ୧୦ ଆତଃ ଆପେୟାଃ ଚାଇଲ୍ ଚାଇଲ୍ ମାକିଦନିଆରେନ୍ ସବେନ୍ ଖ୍ରୀଷ୍ଟିୟାନ୍ ବିଶ୍ଵାସୀକଲଃ ଏନ୍‌ଲେକାଗି ହବାକାନା । ଏନାତେ ହେ ହାଗା ମିଶିକ, ନେଲେକା ଆତଃଗି ପୁରାଃତେ ଚିକାଏପେ ମେନ୍ତେଲେ ବିନ୍ତିପେ ତାନା । ୧୧ ଆପେକେ ପାହିଲ୍‌ରେ ଆବୁକାଦ୍‌ପେ ଲେକା, ସୁକୁଜୀଉତେ ଜୀଦାନ୍ ବିତାଅତାନ୍‌ଲଃ ଆପନାଃ ଆପନାଃ କାମି କାମିପେ ଆତଃ ଆପେୟାଃ ଜୀହୁଦଃ ନାଜ୍ ଜଗାଏପେ । ୧୨ ଏନ୍‌ଲେକା କାମି ହରାତେ ଆପେ କା ବିଶ୍ଵାସ୍‌ତାନ୍ ହଡ଼କତାଃଏତେ ହଗି ମାଇନ୍‌ପେ ନାମେୟା ଆତଃ ଆପେୟାଃ ଜେଡନାଃରେ କା ଜାଞ୍ଜିଅଃଆ ।

ପ୍ରାଭୁଆଃ ହିନିଜୁଃ

୧୩ ହେ ହାଗା ମିଶିକ, ଗଜାକାନ୍ ହଡ଼କଆଃ ସାରତି ବିଷାଏରେ ଆପେ ସାରିପେ ଆତଃ ଆସ୍ରା ବାନଃତାନ୍ ଏଟାଃ ହଡ଼କଲେକା ଆପେ ଆଲ୍‌ପେ ଦୁକୁନାଃ, ଏନା ଆଲେୟାଃ ସାନାଜ୍‌ତାନାଃ । ୧୪ ଚିୟାଃତି ଆବୁ, ଯୀଶୁ ଗଏଃୟାନାଏ ଆତଃ ଜୀଉବିରିଦ୍‌ୟାନାଏ ମେନ୍ତେରୁ ବିଶ୍ଵାସ୍‌ତାନା । ଏନ୍‌ଲେକାଗି ଯୀଶୁରେ ବିଶ୍ଵାସ୍‌କେଦ୍‌ତେ ଗଜାକାନ୍‌କ, ଯୀଶୁ ଆତଃମିସାଏ ହିଜୁଃ ଇମ୍‌ତା ପାରମ୍ପୋଶ୍ଵାର୍ ଇନ୍‌କୁକେ ଯୀଶୁଲଃ ଆଉତରସାକଆ, ଏନାହଗି ଆବୁକେ ବିଶ୍ଵାସ୍ ଲାଗାତିଙ୍ଗ୍‌ୟାଃ ।

୧୫ ଆଲେ ନାହାଁଃ ଆପେକେ ଇତୁପେତାନ୍‌ତେୟାଃ ପ୍ରାଭୁଆଃ ଇନିତୁ ତାନାଃ । ଆବୁ ସବେନ୍‌କଏତେ ଅକନ୍‌କ ପ୍ରାଭୁଆଃ ହିନିଜୁଃ ଜାକେଦ୍ ଜୀହିଦ୍‌ଗିକ ତାଇନା, ଇନ୍‌କୁ ସିଦାରେ ଗଜାକାନ୍ ହଡ଼କତାଃଏତେ ଜେତାଲେକାତେ କାକ ଆୟାରଃଆ । ୧୬ ଚିୟାଃତି ପ୍ରାଭୁଦ୍ ଆଇଃକ୍‌ଗି ଆବୁକେଦ୍‌ତେ ମାରାଜ୍ ଦୁଡ଼କଆଃ ଲାବ୍‌ଜା ଆତଃ ପାରମ୍ପୋଶ୍ଵାର୍‌ଆଃ ବିଜ୍ଞୁଲ୍ ବାଜା ସାଡ଼ିତାନ୍‌ଲଃ ସିମାଏତେ ଆଡ଼ଗୁନାଃ ଆତଃ ଖ୍ରୀଷ୍ଟତାଃରେ ବିଶ୍ଵାସ୍‌କେଦ୍‌ତେ ଗଜାକାନ୍‌କ ସିଦାକ ବିରିଦାଃ । ୧୭ ଏନ୍ତେ ଆବୁ ସବେନ୍‌କଏତେ ଅକନ୍‌କ ଜୀହିଦ୍‌ଗିରୁ ତାଇନା, ପ୍ରାଭୁଲଃ ନେପେଲ୍ ନାଗେନ୍ତେ ଆବୁକେ ଇଦିକେଦ୍‌ତେ ଇନ୍‌କୁଲଃ ମିସାତେ ରିମିଲ୍ ହୟରେ ହୁଣ୍ଡିରୁଆ । ଆତଃ ଆବୁ ପ୍ରାଭୁଲଃ ସବେନ୍ ହୁଲାଇବୁ ତାଇନା । ୧୮ ଏନାମେନ୍ତେ ଆପେ ନେ ସବେନ୍ କାଜିତେଗି ମିହୁଡ଼୍ ଆତଃମିହୁଡ଼୍‌କେ ଜୀଉରାଡ଼େଃ ଏମାଃପେ ।

୫

ପ୍ରାଭୁଆଃ ହିଜୁଃ ଦିପିଲି ନାଗେନ୍ତେ ସେକାଡାକାନ୍ ତାଇନ୍‌ପେ

୧ ମେନ୍‌ଦ ହେ ହାଗା ମିଶିକ, ନେ ସବେନ୍ ବିଷାଏ ଚିଉଲ୍ଲା ହବାଅଃଆ ଆତଃ ଅକ ନେତାରେ ହବାଅଃଆ, ଏନ୍ ବିଷାଏରେ ଆଲେକେ ଆପେତାଃତେ ଜେଡନାଃ ଅଲ୍ କା ଲାଗାତିଙ୍ଗ୍‌ୟାଃ । ୨ ଚିୟାଃତି ନୁବାଃରେ କୁମ୍ପୁଡୁ ହିଜୁଃ ଲେକା ପ୍ରାଭୁ ହିଜୁଃଆଏ, ନେଆଁ ଆପେ ବୁଗିଲେକାପେ ସାରିତାନା । ୩ ଚିମ୍‌ତା ହଡ଼କ ଜୀଉରେ “ସୁକୁ ଆତଃ ଜେତାନ୍ ବର ବାନଆଃ” ମେନେତାନ୍ ଇମ୍‌ତା, ବାଜିଆକାନ୍ କୁଡ଼ିତାଃରେ ସେଟେରାକାନ୍ ଦୁକୁ ଲେକା ଇମ୍‌ତାଗି ଇନ୍‌କୁତାଃରେ ଜିୟନଃ ସେଟେରାଃ ଆତଃ ଇନ୍‌କୁ ଜେତାଲେକାତେ କାକ ବାଞ୍ଚାଅଃଆ । ୪ ମେନ୍‌ଦ ହେ ହାଗା ମିଶିକ, ଆପେ ନୁବାଃରେ ବାଜ୍‌ପେୟା, ଏନାତେ ଏନ୍ ହୁଲାଇବୁ ବେଗାର୍ ସାରିତାନ୍‌ଲଃ ଆପେତାଃତେ କୁମ୍ପୁଡୁ ହିଜୁଃତାନ୍ ଲେକା କା ସେଟେରା । ୫ ଆପେ ସବେନ୍‌କ ମାସ୍‌ଲ୍‌ରେନ୍ ଆତଃ ସିଜ୍‌ରେନ୍ ହଡ଼କ ତାନ୍‌ପେ । ଆବୁ ନିଦା ଚାଏ ନୁବାଃରେନ୍ ହଡ଼କ ନାହାଁଲାରୁ । ୬ ଏନାମେନ୍ତେ ଆବୁ ଏଟାଃକ ଲେକା ଆଲକାରୁ ଦୁଡ଼ମୁକା, ମେନ୍‌ଦ ଏୟନାକାନ୍ ଆତଃ ଚିଗାଲ୍‌କାନ୍‌ରୁ ତାଇନ୍‌କା । ୭ ଚିୟାଃତି ଦୁଡ଼ମୁତାନ୍‌କ ନିଦାରେକ ଦୁଡ଼ମୁଃ, ଆତଃ ଇଲିଆର୍‌ଗ୍‌ରେ ବୁଲଃତାନ୍‌କ ନିଦାରେକ ବୁଲଃଆଃ । ୮ ମେନ୍‌ଦ ଆବୁ ସିଜ୍‌ରେନ୍ ହଡ଼କ ହବାୟାନ୍ତେ, ମେଡେଦରାଃ ତୁସିଙ୍‌ତେୟାଃ କୁଡ଼ାମ୍‌ରେ ତୁସିଙ୍‌କାନ୍ ଲେକା, ବିଶ୍ଵାସ୍ ଆତଃ ଦୁଲ୍ଲାଡ଼୍‌ରେକ ତୁସିଙ୍‌କାନଃଆ । ଆତଃ ବହଃରେ ଚୁପୁରି ତୁସିଙ୍‌କାନ୍ ଲେକା ଜୀଉବାଞ୍ଚାଅରେୟାଃ ଆସ୍ରାବୁ ତୁସିଙ୍‌କାନଃଆ । ଏନ୍ତେ ଆବୁ ଆବରରେବୁ ତାଇନ୍‌କା । ୯ ଚିୟାଃତି ପାରମ୍ପୋଶ୍ଵାର୍ ଆବୁକେ ଖ୍ଵ ନାଗେନ୍ତେଦ କା ମେନ୍‌ଦ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ହରାତେ ଜୀଉବାଞ୍ଚାଅ ନାମେ ନାଗେନ୍ତେ ସାଲ୍‌କାଦ୍‌ରୁଆ । ୧୦ ଆବୁ ନେ ଜୀଦାନ୍‌ରେ ଜୀହିଦ୍‌କାନ୍ ଚାଏ ଗଜାକାନ୍ ତାଇନ୍‌ରେୟ ଇନିଃଲଃ ମିଦରେବୁ ଜୀହିଦଃକା ମେନ୍ତେ ଇନିଃ ଆବୁନାଜ୍ ଗଏଃୟାନାଏ । ୧୧ ଏନା ନାଗେନ୍ତେ ଆପେ ନାହାଁଃ ରିକାତାନ୍ ଲେକା ମିହୁଡ଼୍ ଆତଃମିହୁଡ଼୍‌କେ ଜୀଉରାଡ଼େଃ ଆତଃ ଦେଙ୍ଗାଲପେ ।

ଚୁଣ୍ଡି ଆନାରୁ ଆତଃ ଜହାର୍

୧୨ ମେନ୍‌ଦ ହେ ହାଗା ମିଶିକ, ଆଲେ ଆପେକେ ବିନ୍ତିପେ ତାନାଲେ, ଅକନ୍‌କ ଆପେ ଆଲାରେ କାମିତାନାକ ଆତଃ ପ୍ରାଭୁଆଃ ସେଞ୍ଜାକାମିରେ ଆପେୟାଃ ଆଗୁଆଇ ଲେକା ସାଲ୍‌କେଦ୍‌ତେ ଚେତାଅପେତାନାକ, ଇନ୍‌କୁକେ ମାଇନ୍‌କପେ ।

☆ ୪:୧୫ ୪:୧୫ ୧ କରିନ୍ଥିୟ ୧୫:୫୧,୫୨. ☆ ୫:୨ ୫:୨ ମାଥ୍‌ଉ ୨୪:୪୩; ଲୁକ ୧୨:୩୯; ୨ ପାଡ଼ରାସ୍ ୩:୧୦. ☆ ୫:୮ ୫:୮ ଏପିସିୟ ୭:୧୩-୧୭.

^{୧୩} ଆତ୍ମା ଇନ୍‌କୁଆଃ କାମି ନାଗେନ୍ତେ ଇନ୍‌କୁକେ ପୁରାଃ ଦୁଲ୍ଲାଡ଼ତେ ମାଇନ୍‌କପେ । ଆତ୍ମା ଆପେ ସବେନ୍‌କଲଃ ସୁକୁରେ ତାଇନ୍‌କପେ ।

^{୧୪} ମେନ୍‌ଦ ହେ ହାଗା ମିଶିକ, ଆପେକେ ବିକ୍ରିପେତାନାଲେ, ଆଲ୍‌ସି ହଡ଼କକେ ଚେତାଅକପେ, ବରତାନ୍ ହଡ଼କକେ ଜୀଉରେ କେଟେଦ୍ ଏମାକପେ, ନାରାଦୁରାକକେ ଦେଙ୍ଗାକପେ, ସବେନ୍‌କଲଃ ସାହାଡ଼ିଙ୍ଗ୍ ଜୀଦାନ୍ ବିତାଏପେ ।

^{୧୫} ଜେତାଏ ଏଡ଼କାନାଃରାଃ ବାଦ୍‌ଲୀରେ ଏଡ଼କାନାଃ ଆଲକାଏ ରିକାଏକା, ମେନ୍‌ଦ ଆପେ ସବେନ୍ ଇମ୍‌ତା ମିହୁଡ଼୍ ଆତ୍ମାମିହୁଡ଼୍‌ଆଃ ଆତ୍ମା ସବେନ୍‌କଆଃ ବୁଗିନାଃ ରିକା ନାଙ୍ଗ୍ ସାନାଙ୍ଗ୍‌ପେ ।

^{୧୬} ଜାନାଅଗି ରାସକାଅଃପେ, ^{୧୭} ସବେନ୍ ଇମ୍‌ତା ବିକ୍ରିପେ । ^{୧୮} ସବେନ୍ ଲେକାନ୍ କାଜିକରେ ଧାନ୍ୟାବାଦ୍ ଏମେପେ । ଆପେ ଯୀଶୁ ଖ୍ରୀଷ୍ଟ୍‌ଆଃ ମେନେସାରେ ଜୀଦାନ୍ ବିତାଅକାଦ୍ ହରାତେ, ଆପେ ନାଙ୍ଗ୍ ନେଆଁ ପାର୍‌ମେଶ୍ୱାର୍‌ଆଃ ମନେତାନା ।

^{୧୯} ପାବିତାର୍ ଆମ୍ବାକେ ଦୁକୁ ଆଲ୍‌ପେ ଏମାଲୟା । ^{୨୦} ପ୍ରାଭୁଆଃ କାଜିଏମ୍‌କେ ଆଲ୍‌ପେ ହିଲ୍ଲାଙ୍ଗ୍‌ୟେ । ^{୨୧} ସବେନାଃ ବିଡ଼ାଅକେଦ୍‌ତେ, ବୁଗିନ୍‌ତେୟାଃ ସାବେପେ, ^{୨୨} ଆତ୍ମା ସବେନ୍ ଲେକାନ୍ ଏଡ଼କାନ୍‌ତେୟାଃ ସାଜିନେପେ ।

^{୨୩} ଅକ ପାର୍‌ମେଶ୍ୱାର୍ ଆବୁକେ ଜୀଉସୁକୁ ଏମାଃଏ, ଇନିଃଗି ଆପେକେ ସବେନ୍ ବିଷାଏରେ ପୁରାଃତେ ପାବିତାର୍‌ପେକା, ଆତ୍ମା ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ହିନିଜୁଃ ଇମ୍‌ତା ଆପେୟାଃ ସବେନ୍ ଆମ୍ବା, ଜୀଉ, ଆତ୍ମା ହଡ଼ମ୍‌କେ କା ଚିଟାଃଅ ଲେକା ଦହେପେ । ^{୨୪} ଆପେକେ ହାକାଅନିଃ ସବେନାଃ ରିକାଏ ଗିୟାଏ, ଚିୟାଃଚି ଇନିଃ ପାତିୟାରଃଲେକାନ୍‌ନିଃ ତାନିଃ ।

^{୨୫} ହେ ହାଗା ମିଶିକ, ଆଲେ ନାଗେନ୍ତେ ସବେନ୍‌କ ବିକ୍ରିପେ ।

^{୨୬} ସବେନ୍ ହାଗା ମିଶିକକେ ଖ୍ରୀଷ୍ଟ୍ ଦୁଲ୍ଲାଡ଼ତେ ଜହାର୍‌କପେ ।

^{୨୭} ସବେନ୍ ହାଗା ମିଶିକଆଃ ଆୟାର୍‌ରେ ନେ ଚିଟାଉ ପାଢ଼ାଅଃକା ମେନ୍ତେ ଆଇଙ୍ଗ୍ ପ୍ରାଭୁଆଃ ନୁଡୁମ୍‌ତେ ଆପେକେଇଙ୍ଗ୍ ବିକ୍ରିପେତାନା ।

^{୨୮} ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ସାୟାଦ୍ ଆପେଲଃ ହବାଅଃକା ।

ଥେସ୍‌ଲନିକୀୟମାନଙ୍କ ନିକଟକୁ ପାଉଲଙ୍କ ଦ୍ୱିତୀୟ ପତ୍ର ଥେସ୍‌ଲନିକା ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଏଟାଃ ଚିଟାଉ ପାରିଟାଏ

ପ୍ରେରିତ୍ ପାଉଲୁସ୍, ଥେସ୍‌ଲନିକା କାଲିସିୟାତେ ଆଡ଼ଃମିଆଁଦ୍ ଚିଟାଉ ଅଲ୍ଲାକାଦାଏ, ୧:୧ । ଥେସ୍‌ଲନିକା କାଲିସିୟାରାଃ ପାହିଲା ଚିଟାଉ ଅନଲ୍‌ରେୟାଃ କାଟିଃ ତାୟମ୍‌ତେ ଖ୍ରୀଷ୍ଟ୍ ଜାନାମ୍ ତାୟମ୍ ୫୧ କରେ ନେ ଚିଟାଉକେ ଅଲ୍ଲାକାଦ୍ ତାଇକେନା । ପାଉଲୁସ୍ ଚିମ୍ତା କରନ୍ତି କାଲିସିୟାରେ ତାଇକେନା ଇମ୍ତା ନେ ଚିଟାଉ ଥେସ୍‌ଲନିକା କାଲିସିୟାତେ ଅଲ୍ଲାକାଦ୍ ତାଇକେନା । ଇନିଃ ବାଃସାତେ ମିସ୍‌ନାରି କାମି ହରାସେନ୍‌କେନ୍ ଇମ୍ତା ଥେସ୍‌ଲନିକା କାଲିସିୟାକେ ବାଇୟାକାଦ୍ ତାଇକେନା, ପ୍ରେରିତ୍ ୧୭:୧-୧୦ ।

ଚିମିନ୍ ଯିହୁଦୀ ଆଡ଼ଃ ଚିମିନ୍ ସାଆଁସା଼ ହଡ଼କଆଃ ହରାତେ ନେ କାଲିସିୟା ବାଇୟାକାନ୍ ତାଇକେନା । ଥେସ୍‌ଲନିକା କାଲିସିୟାତାଃତେ ଅଲ୍ଲାକାନ୍ ଚିଟାଉରେ ଖ୍ରୀଷ୍ଟ୍‌ଆଃ ଆଡ଼ଃମିସା ହିନିଜୁଃ ଆଡ଼ଃ ଚୁଣ୍ଟୁ ଦୁପିଲି ବିଷାଏରେ ଅଲ୍ଲାକାନା । ଚିୟାଃଚି ପାଉଲୁସ୍ ଆୟାଃ ବାରାନ୍ ଚିଟାଉରେ ଥେସ୍‌ଲନିକା କାଲିସିୟାତାଃତେ ଅଲ୍ଲାକାଦା । ପାଉଲୁସ୍ ଆଲ୍‌ସି ବିଷାଏରେ ଚେଡ଼ଗା଼ ଏମାଃଏ । ମିମିଆଦ୍ ହଡ଼ ଆପ୍‌ନାଃ ଜମେୟାଃ ନାଗେନ୍ତେ କାମି ଲାଗାତିଙ୍ଗ୍‌ୟାଃ, ୩:୨-୧୦ ।

ପୁଅ୍ ବିତା଼ରେ ତାଇକାନ୍ କାଜି

- ୧. ପାଉଲୁସ୍ ଆୟାଃ ଚିଟାଉରେ ଆୟାଃ ଆପ୍‌ନାଃ ଆଡ଼ଃ ଗାତିରେ କାମିତାନ୍ ହାଗାକଆଃ ପାରିଟାଏ ଏମ୍‌କେଦ୍‌ତେ ଏନେଚେଦ୍ ରିକାକାଦାଏ । ୧:୧-୨
- ୨. ଥେସ୍‌ଲନିକା କାଲିସିୟା ନାଗେନ୍ତେ ପାର୍‌ମେଶ୍ୱା଼କେ ଧାନ୍ୟାବାଦ୍ ଏମାଃଏ ଆଡ଼ଃ ବିନ୍ତି ରିକାଃଏ । ୧:୩-୧୨
- ୩. ଅତେଦିଶୁମ୍‌ରେୟାଃ ଚୁଣ୍ଟୁ ଦୁପିଲି ବିଷାଏରେ କାଜିୟାଃଏ । ୨
- ୪. ଇନିଃ ଆଲ୍‌ସି ବିରୁଧ୍‌ରେ ଆଡ଼ଃ କେଚେଦ୍‌କାମି ରିକା ବିଷାଏରେ କାଜିୟାଃଏ । ୩:୧-୧୫
- ୫. ପାଉଲୁସ୍ ଆଡ଼ଃମିସା କାଲିସିୟାରେନ୍ ହଡ଼କକେ ଜହା଼ କାଜିକେଦ୍‌ତେ ଅଲ୍‌ଚୁଣ୍ଟୁକ୍ୱାଦା । ୩:୧୬-୧୮

^୧ ଆରୁଆଃ ଆପୁ ପାର୍‌ମେଶ୍ୱା଼ ଆଡ଼ଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ରେ ତାଇକାନ୍ ଥେସ୍‌ଲନିକା କାଲିସିୟାରେନ୍ ହଡ଼କତାଃତେ ପାଉଲୁସ୍, ସିଲାସ୍ ଆଡ଼ଃ ତୀମଥୟାଃ ଚିଟାଉ ।

^୨ ଆରୁଆଃ ଆପୁ ପାର୍‌ମେଶ୍ୱା଼ ଆଡ଼ଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ସାଃଏତେ ସାୟାଦ୍ ଆଡ଼ଃ ଜୀଉସୁକୁ ଆପେୟାଃ ହବାଅଃକା ।

ଖ୍ରୀଷ୍ଟ୍‌ଆଃ ହିଜୁଃ ଦିପିଲିରାଃ ବିଚା଼

^୩ ହେ ହାଗା ମିଶିକ, ଆଲେ ଆପେ ନାଙ୍ଗ୍ ସବେନ୍ ଇମ୍ତା ପାର୍‌ମେଶ୍ୱା଼କେ ଧାନ୍ୟାବାଦ୍ ଏମ୍ ଲାଗାତିଙ୍ଗ୍‌ୟାଃ, ଆଡ଼ଃ ଏନା ଠାଉକାଗିୟା, ଚିୟାଃଚି ଆପେୟାଃ ବିଶ୍ୱାସ୍ ଆଡ଼ଃଚି ପସା ଇଦିୟାଃତାନା, ଆଡ଼ଃ ଆପେୟାଃ ଦୁଲ୍ଲାଡ୍ ସବେନ୍‌କଆଃ ନାଙ୍ଗ୍ ପୁରାଃଚି ହାରା ଇଦିୟାଃତାନା । ^୪ ନେ ଲେକାତେ ଆପେୟାଃ ସବେନ୍ ସାସାତି ଆଡ଼ଃ ଦୁକୁ ଇମ୍ତାଚାରାଃ ସାହାତିଙ୍ଗ୍ ଜୀଦାନ୍ ଆଡ଼ଃ ବିଶ୍ୱାସ୍ ନାଗେନ୍ତେ ଆଲେ ପାର୍‌ମେଶ୍ୱା଼ଆଃ କାଲିସିୟାକରେ ଆପେୟାଃ ବିଷାଏଲେ ଉଦୁବ୍‌କେଦା ।

^୫ ପାର୍‌ମେଶ୍ୱା଼ଆଃ ବିଚା଼ ଠାଉକାଗିୟା, ମେନ୍ତେ ନେ ସବେନାଃତେ ସାରିୟାଃତାନା ଆଡ଼ଃ ଏନାତେ ଆପେ ପାର୍‌ମେଶ୍ୱା଼ଆଃ ରାଇଜ୍ ନାମେ ଲେକାନ୍‌କପେ ହବାଅଆଃ, ଚିୟାଃଚି ଏନ୍ ରାଇଜ୍ ନାମେ ନାଗେନ୍ତେଗି ଆପେ ଦୁକୁପେ ସାହାତିଙ୍ଗ୍‌ତାନା । ^୬ ଠାଉକାନ୍‌ତେୟାଃ ପାର୍‌ମେଶ୍ୱା଼ ରିକାୟାଏ, ନାହାଁଃ ଆପେକେ ଅକନ୍‌କ ଦୁକୁ ଏମାପେତାନାକ, ଇନ୍‌କୁକେ ଇନିଃ ଦୁକୁ ଏମ୍ ରୁହାଡ଼କଆଏ, ^୭ ଆଡ଼ଃ ଆପେୟାଃ ଦୁକୁ ସାଙ୍ଗିନ୍‌କେଦ୍‌ତେ, ଆଲେକେୟ ଜୀଉରାଡ଼େଃ ଏମାଲେୟାଏ । ନେଆଁ ପ୍ରାଭୁ ଯୀଶୁ ଆୟାଃ ପୁରାଃ ପେଡ଼େୟାନ୍ ଦୁଁଡ଼କଲଃ ସିମ୍‌ହେତେ ହିଜୁଃ ଇମ୍ତା ହବାଅଆ । ^୮ ପାର୍‌ମେଶ୍ୱା଼କେ କା ସାରିତାନ୍‌କକେ, ଆଡ଼ଃ ଆରୁଆଃ ପ୍ରାଭୁ ଯୀଶୁଆଃ ସୁକୁକାଜି କା ମାନାତିଙ୍ଗ୍ ତାନ୍‌କକେ ଇନିଃ ସାଜାଇ ଏମାକ ନାଗେନ୍ତେ ସେଙ୍ଗେଲ୍ ଲେକା ଜୁଲ୍‌ତାନ୍ ହୁକା ସାବ୍‌କେଦ୍‌ତେ ହିଜୁଃଆ । ^୯ ଏନ୍ ହଡ଼କ ପ୍ରାଭୁଆଃ ହେପାଦ୍‌ହେତେ ଆଡ଼ଃ ଆୟାଃ ପେଡ଼େୟାନ୍ ମାନାରାଙ୍ଗ୍‌ହେତେ ବିନ୍‌ଗାଅଃତାନ୍‌ଲଃ ଜାନାଅ ଜାନାଅ ନାଗେନ୍ତେକ ଜିୟନଃଆ । ^{୧୦} ମେନ୍‌ଦ ଏନ୍ ହୁଲ୍ଲାଙ୍ଗ୍ ଇନିଃ ଆୟାଃ ପାବିତା଼ ହଡ଼କତାଃଏତେ ଆଡ଼ଃ ସବେନ୍ ବିଶ୍ୱାସୀକତାଃଏତେ ମାଇନାନ୍ ଆଡ଼ଃ ମାନାରାଙ୍ଗ୍ ନାମେୟାଏ । ଇନ୍‌କୁଆଃ ଆଲାରେ ଆପେୟାଗି ତାନ୍‌ପେ, ଚିୟାଃଚି ଆପେ, ଆଲେ ଉଦୁବ୍‌କେଦ୍ କାଜିରେପେ ବିଶ୍ୱାସ୍‌କେଦା ।

^{୧୧} ଏନା ନାଗେନ୍ତେ ଆପେ ପାର୍‌ମେଶ୍ୱା଼ଆଃ କେନେଡ଼ା ଲେକାଗି ଜୀଦାନ୍ ବିତାଏପେ ମେନ୍ତେ ଆଲେ ଆପେ ନାଙ୍ଗ୍ ପାର୍‌ମେଶ୍ୱା଼ତାଃରେ ଜାନାଅଗିଲେ ବିନ୍ତିତାନା । ଆୟାଃ ପେଡ଼େଃତେ ଇନିଃ ଆପେୟାଃ ସବେନ୍ ବୁଗିନାଃ ଆଡ଼ଃ ଆପେୟାଃ ବିଶ୍ୱାସ୍‌ରାଃ କାମିକେ ପୁରାଏକା । ^{୧୨} ଏନ୍‌ଲେକାତେ ଆରୁଆଃ ପ୍ରାଭୁ ଯୀଶୁଆଃ ନୁଡୁମ୍ ଆପେରେ ମାନାରାଙ୍ଗ୍

✱ ୧:୧ ୧:୧ ପ୍ରେରିତ୍ ୧୭:୧.

ହବାଅଃକା, ଆତଃ ଆବୁଆଃ ପାର୍ମେଶ୍ଵାର୍ ଆତଃ ଯୀଶୁ ଖ୍ରୀଷ୍ଟଆଃ ସାୟାଦ୍ ଲେକାତେ ଆପେ ଇନିଃରେଗି ମାନାରାଙ୍ଗ୍ ହବାଅଃପେ ।

୨

ଏଡକାନ ହଡ଼

୧୫ ହେ ହାଗା ମିଶିକ, ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ହିନିଜୁଃ ଆତଃ ଆବୁ ଆୟାଃତାଃରେ ହୁଣ୍ଡିୟଃ ନାଗେନ୍ତେ ଆଲେ ଆପେକେ ବିକ୍ରିପେ ତାନାଲେ । ୧୬ ଆପେ ପ୍ରାଭୁଆଃ ହୁଲାଇଁ ସେଚେରାକାନା ମେନ୍ତେ ଜେତାଏତାଃଏତେ ଆୟୁମ୍‌କେଦ୍‌ତେ, ଆମ୍‌ରେ ଆଲ୍‌ପେ ଆକ୍‌ବାକାଅଃଆ ଚାଏ ବେଦାଅଆଃ । ଆଲେ ବାଚାନ୍ ହାଟିଙ୍ଗ୍ ଇମ୍‌ତା ନେକାନ୍ କାଜିଲେ କାଜିକାଦା ଚାଏ ନେ ବିଷାଏରେ ଚିଟାଉଲେ ଅଲ୍‌କାଦା ମେନ୍ତେ ଚିମିନ୍ ହଡ଼କ କାଜିତାନା । ୧୭ ଜେତାଏ ଆପେକେ ଜେତାଲେକାତେ ଆଲକାକ ବେଦାପେକା, ଚିୟାଃଚି ଚୁଣ୍ଡୁମାପାଃତୁପୁଇଙ୍ଗ୍ ହବାଅଃଆ ଆତଃ ଏନ୍ ଏଡକାନ ହଡ଼ ଉନ୍ନୁଦୁବଃଆଏ । ଆତଃ ଇନିଃକେ ଜିୟନଃ ନାଙ୍ଗ୍ ନାରାକ୍‌ତେ ଆଉରି ଇଦିୟଃ ଜାକେଦ୍, ଏନ୍ ହୁଲାଇଁ କା ହିଜୁଃଆ । ୧୮ ଏନ୍ ଏଡକାନ ହଡ଼, ବଙ୍ଗାବୁରୁ ସେଝାତାନ୍ ଆତଃ ପାର୍ମେଶ୍ଵାର୍‌କେ ସୁସାର୍‌ତାନ୍ ସବେନ୍‌କଆଃ ବିରୁଧ୍‌ରେ ତାଇନା ଆତଃ ଆଇଃକ୍‌ଗି ସବେନ୍‌କଆଃ ଚେତାନ୍‌ରେ ତାଇନା ଆତଃ ପାର୍ମେଶ୍ଵାର୍‌ଆଃ ମାନ୍ଦିର୍ ଅଡ଼ାଃରେ ଦୁବ୍‌କେଦ୍‌ତେ ଆଇଙ୍ଗ୍ ପାର୍ମେଶ୍ଵାର୍ ତାନିଙ୍ଗ୍ ମେନ୍ତେ କାଜିୟା ।

୧୯ ଆଇଙ୍ଗ୍ ଆପେଲଃ ତାଇକେନ୍ ଇମ୍‌ତା, ନେ ସବେନ୍ ବିଷାଏରେ ଆପେକେ କାଜିକାଦ୍‌ପେ ତାଇକେନ୍‌ତେୟାଃ କାପେଚି ପାହାମେତାନା ? ୨୦ ଆତଃ ଇନିଃଦ ଏଡକାନ ହଡ଼, ଦହାକାନ୍ ଦିପିଲିରେ ଉଦୁବଃ ନାଗେନ୍ତେ ଚିକ୍‌ନାଃ ଆପେକେ ଛେକାଦ୍‌ପେ ତାନା, ଏନାଦପେ ସାରିତାନା । ୨୧ ଚିୟାଃଚି ଏଡକାନାଃରେ ଉକୁଆକାନ୍ ପେଡ଼େଃ ନାହାଁଃହାଁ କାମିତାନାଏ, କାଜିଛେକାଦ୍‌ତାନ୍ ହଡ଼ ଆଉରି ସାଜିନଃ ଜାକେଦ୍ ଏନାଏଁ କାମିକାତେୟାଃ । ୨୨ ଏନ୍ତେ ଆନ୍‌ରୁ ବାନଃନିଃ ଉଦୁବଃଆଏ, ଇନିଃକେ ପ୍ରାଭୁ ଯୀଶୁ ଆୟାଃ ମଚାରେୟାଃ ସାହେଁଦ୍‌ତେ ଗଜିୟା ଆତଃ ଆୟାଃ ହିନିଜୁଃରାଃ ଜୁନୁଲ୍‌ତେ ଜିୟନିଆ । ୨୩ ଏନ୍ ଏଡକାନିଃ ସାଏତାନ୍‌ରାଃ ପେଡ଼େଃଲଃ ହିଜୁଃଆଏ ଆତଃ ସବେନ୍ ଲେକାନ୍ ହସଡ଼ରାଃ ପେଡ଼େୟାନ୍‌କାମି, ଚିଙ୍ଗାଁ, ଆତଃ ଆକ୍‌ଦାନ୍‌ଆ କାମିକ ରିକାଏୟାଏ । ୨୪ ଆତଃ ପୁରାଃ ହଡ଼କ ଇନିୟାଃ ଏଡକାନ ବେଦାରେ ଜିୟନିଆକ । ଅକନ୍ ଦୁଲ୍‌ଭାଡ଼ରେୟାଃ ସାନାର୍‌ତିକେ ତେଲ୍‌ ଦାରମ୍‌କେଦ୍‌ତେ ଇନ୍‌କୁ ଜୀଉବାଞ୍ଚାଅ ନାମେତେୟାଃକ, ଏନାକେ କା ତେଲ୍‌ ଦାରମ୍‌କେଦ୍ ହରାତେ ଇନ୍‌କୁ ଜିୟନିଆକ । ୨୫ ଏନାମେନ୍ତେ ଇନ୍‌କୁ ଜେ'ଲେକା ହସଡ଼ରେକ ବିଶ୍ଵାସେୟା, ଏନାମେନ୍ତେ ପାର୍ମେଶ୍ଵାର୍ ଇନ୍‌କୁତାଃତେ ପେଡ଼େୟାନ୍ ହସଡ଼କେ କୁଲ୍‌କେଦା । ୨୬ ଏନ୍ତେ ସାନାର୍‌ତିରେ କା ବିଶ୍ଵାସ୍‌କେଦ୍‌ତେ ପାପ୍ କାମିରେ ସୁକୁନାମେତାନ୍ ସବେନ୍‌କ ସାଜାଇକ ନାମେୟା ।

ଆପେ ଜୀଉବାଞ୍ଚାଅ ନାମେ ନାଗେନ୍ତେପେ ସାଲକାନା

୨୭ ମେନ୍‌ଦ ହେ ପ୍ରାଭୁଆଃ ଦୁଲ୍‌ଭାଡ଼ ହାଗାକ, ଆଲେ ଆପେ ନାଗେନ୍ତେ ସବେନ୍ ଇମ୍‌ତା ପାର୍ମେଶ୍ଵାର୍‌କେ ଧାନାବାଦ୍ ଏମ୍ ଲାଗାତିଙ୍ଗ୍‌ୟାଃ । ଚିୟାଃଚି ପାବିତାର୍ ଆମ୍‌ରାଃ ପେଡ଼େଃତେ, ଆତଃ ସାନାର୍‌ତିରାଃ ବିଶ୍ଵାସ୍‌ତେ ଜୀଉବାଞ୍ଚାଅ ନାମେ ନାଗେନ୍ତେ ପାର୍ମେଶ୍ଵାର୍ ଆପେକେ ମୁନ୍‌ଏତେ ଆୟାଃ ପାବିତାର୍ ହଡ଼ ମେନ୍ତେ ସାଲକାଦ୍‌ପେୟା । ୨୮ ଆଲେ ଆପେତାଃରେ ଅକନ୍ ସୁକୁକାଜି ଉଦୁବ୍‌କାଦାଲେ, ଏନା ହରାତେ ପାର୍ମେଶ୍ଵାର୍ ଆପେକେ ଏନ୍ ସୁକୁକାଜି ନାଗେନ୍ତେ କେଡ଼ାକାଦ୍‌ପେୟା । ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ମାନାରାଙ୍ଗ୍‌ରେୟାଃ ହିସା ହବାଅଃ ନାଗେନ୍ତେ ଇନିଃ ଆପେକେ କେଡ଼ାକାଦ୍‌ପେୟା । ୨୯ ଏନା ନାଗେନ୍ତେ, ହେ ହାଗା ମିଶିକ, ଆଲେୟାଃ ଇନିତୁ ଆତଃ ଆଲେୟାଃ ଅନଲ୍‌ତେ ଆପେ ଇଡୁକାନ୍‌ତେୟାଃ ତିଙ୍ଗ୍ କେଚେଦ୍‌କେଦ୍‌ତେ ସାବାକାପେ ।

୩୦ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ ଆଇଃକ୍‌ଗି ଆତଃ ଆବୁଆଃ ଆପୁ ପାର୍ମେଶ୍ଵାର୍ ଆବୁକେ ଦୁଲ୍‌ଭାଡ଼କେଦ୍‌ତେ ଆୟାଃ ସାୟାଦ୍ ହରାତେ ଆବୁକେ ଜାନାଅଗି ଜୀଉରାଡ଼େଃ ଆତଃ ବୁଗିନ୍ ଆସା ଏମାକାଦ୍‌ବୁଆଏ, ୩୧ ଇନିଃ ଆପେକେ ସବେନ୍ ଇମ୍‌ତା ବୁଗିନ୍ କାମି ନାଗେନ୍ତେ ଆତଃ ସାର୍‌ତି କାଜି ନାଙ୍ଗ୍ ପେଡ଼େଃ ଆତଃ ଜୀଉରେ ରାସ୍‌କା ଏମାପେକାଏ ।

୩

ଆଲେ ନାଗେନ୍ତେ ବିକ୍ରିପେ

୩୨ ହେ ହାଗା ମିଶିକ ଚୁଣ୍ଡୁରୁ ଆଲେ ନାଙ୍ଗ୍ ବିକ୍ରିପେ, ପ୍ରାଭୁଆଃ କାଜି ଆପେତାଃରେ ନିଡିର୍‌ୟାନ୍* ଲେକାଗି ଏନା ଚାରିୟାଃରେ ନିଡିର୍‌କେଦ୍‌ତେ ମାନାରାଙ୍ଗ୍ ହବାଅଃକା । ୩୩ ଆତଃଗି ବିକ୍ରିପେ, ପାର୍ମେଶ୍ଵାର୍ ଆଲେକେ ଏଡକାନାଃଏତେ ଆତଃ ଏଡକାନ ହଡ଼କତାଃଏତେ ବାଞ୍ଚାଅଲେକାଏ, ଚିୟାଃଚି ସବେନ୍‌କ ସୁକୁକାଜିରେ ବିଶ୍ଵାସୀ ନାହାଁଲାଇ ।

୩୪ ମେନ୍‌ଦ ପ୍ରାଭୁ ପାତିୟାଃରଃନିଃ ତାନିଃ, ଆତଃ ଇନିଃ ପେଡ଼େଃ ଏମାପେୟାଏ, ଏନ୍ତେ ଏଡକାନ ହଡ଼ଏତେ ବାଞ୍ଚାଅପେୟା । ୩୫ ଆତଃ ଆଲେ ଆପେକେ ଆରୁକାଦ୍‌ପେତେୟାଃ ସବେନାଃପେ କାମିତାନା ଆତଃ କାମିୟାପେ, ମେନ୍ତେ ଆଲେ ପାର୍ମେଶ୍ଵାର୍‌ତାଃରେ ଆପେୟାଃ ବିଷାଏରେ ପୁରାଃ ବିଶ୍ଵାସ୍ ମେନାଃ ।

☆ ୨:୧ ୨:୧ ୧ ଥେସ୍‌ଲନିକା ୪:୧୫-୧୭. ☆ ୨:୯ ୨:୯ ମାଥୁର ୨୪:୨୪. * ୩:୧ ୩:୧ ପାସ୍‌ରାଅ

୫ ପ୍ରାଭୁ ଆପେୟାଃ ମନ୍ସୁରୁଦ୍ରେ ପାର୍ମେଶ୍ଵରୀଃ ଦୁଲ୍ଲାଭ୍ ଆତଃ ଶ୍ରୀଷ୍ଟ୍ଵ ଏମାକାଦ୍ ସାହାତିଙ୍ଗ୍ଠ୍ୟେଁ ଲେକାନ୍ ହରାରେ ସୁଦୁଃ ଇଦିପେକା ।

ସବେନ୍ କାମି ରିକା ଲାଗାତିଙ୍ଗ୍ଠ୍ୟାଃ

୬ ହେ ହାଗା ମିଶିକ, ଆଲେ ପ୍ରାଭୁ ଯୀଶୁ ଶ୍ରୀଷ୍ଟ୍ଵାଃ ନୁତୁମ୍ତେ ଆରୁପେ ତାନାଲେ, ଜେତାଏ ହାଗା, ଆଲେତାଃଏତେ ନାମାକାଦ୍ ଇନିତୁଲେକା କା ସେସେନ୍କେଦ୍ତେ ଆଲ୍ଵି ଜୀଦାନ୍ ବିତାଅତାନ୍ରେଦ୍, ଇନିଃତାଃଏତେ ସାଙ୍ଗିନ୍ରେ ତାଇନ୍ଦେ । ୭ ଆପେଦ୍ ତିଲ୍ଲକାତେ ଆଲେକେ ଅତଙ୍ଗ୍ ଲାଗାତିଙ୍ଗ୍ଠ୍ୟାଃ ଏନା ବୁଗିଲେକାପେ ଇତୁକାନା, ଆଲେଦ୍ ଆପେଲଃ ତାଇକେନ୍ ଇମ୍ତା ଆଲ୍ଵି କାଲେ ତାଇକେନା । ୮ ଆତଃ ବେଗାର୍ ଗନଙ୍ଗ୍ତେ ଜେତାଏତାଃରେ କାଲେ ଜମ୍ ତାଇକେନା, ମେନ୍ଦ୍ ଆପେତାଃଏତେ ଜେତାଏୟାଃ ବାହାରମ୍ ଲେକା ଆଲକାଲେ ଲାଦିୟଃ ମେନ୍ତେ ଦୁକୁ ସାହାତିଙ୍ଗ୍ତାନ୍ଲଃ ନିଦା ସିଙ୍ଗି ପୁରାଃ କେଟେଦ୍ କାମିଲେ କାମି ତାଇକେନା । ୯ ଆପେତାଃଏତେ ଜେତ୍ତନାଃ ନାମେ ନାଗେନ୍ତେ ଆଲେୟାଃ ଆକ୍ତେୟାର୍ ବାନଃଆ ମେନ୍ତେଦ୍ କା, ମେନ୍ଦ୍ ଆପେ ଆଲେକେ ଅତଙ୍ଗ୍ଲେପେ ମେନ୍ତେ, ଆଲେ ଆପେତାଃରେ ନାମୁନା ଲେକା ବାଇୟେନ୍ ନାଗେନ୍ତେଲେ ରିକାକେଦା । ୧୦ ତିୟାଃତି ଆଲେ ଆପେଲଃ ତାଇକେନ୍ ଇମ୍ତାଗି ଆପେକେ ନେଆଁ ଆରୁକାଦ୍ପେ ତାଇକେନାଲେ, ଜେତାଏ କା କାମି ସାନାଙ୍ଗ୍ତାନ୍ନିଃ ଆଲକାଏ ଜମେକା ।

୧୧ ଆଲେ ଆପେକେ ନେଆଁ କାଜିପେତାନାଲେ, ତିୟାଃତି ଆପେ ଆଲାରେ ତିମିନ୍ ହତକ ଆଲ୍ଵି ଜୀଦାନ୍ ବିତାଅତାନ୍ଲଃ ଏଟାଃକଆଃ କାମିରେ ଆଲା ଆଲାଅଃତାନାକ ଆତଃ ଜେତ୍ତନାଃ କାକ କାମିତାନା, ମେନ୍ତେଲେ ଆୟୁମେତାନା । ୧୨ ଏନ୍ ଲେକାନ୍ ହତକକେ ପ୍ରାଭୁ ଯୀଶୁ ଶ୍ରୀଷ୍ଟ୍ଵାଃ ନୁତୁମ୍ତେ ଚେତାଅକେଦ୍ତେଲେ ଆରୁକତାନା, ଇନ୍କୁ ଆକଆଃ ଜୀଦାନ୍ରେ ସୁକୁରେ ତାଇନ୍କେଦ୍ତେ ଆକଆଃ ଜମେନାଙ୍ଗ୍ କାମିକା ।

୧୩ ମେନ୍ଦ୍ ହେ ହାଗା ମିଶିକ, ବୁଗିନ୍ କାମିରେ ଆଲ୍ପେ ଲାଗାଅଃଆ । ୧୪ ଆତଃ ଆଲେ କୁଲାକାଦ୍ ନେ ଚିଠିରେୟାଃ କାଜି କା ମାନାତିଙ୍ଗ୍ତାନ୍କକେ ନେଲ୍ ଉରୁମାକାକପେ, ଆତଃ ଇନ୍କୁ ଗିହୁଗଃକାକ ମେନ୍ତେ ଆପେ ଇନ୍କୁଲଃ ଆଲ୍ପେ ମେସାନା । ୧୫ ମେନ୍ଦ୍ ଇନ୍କୁକେ ବାଇରି ଲେକା କା ନେଲ୍କେଦ୍ତେ ଶ୍ରୀଷ୍ଟ୍ଵ ବିଶ୍ଵାସୀ ହାଗାଲେକା ମନେତାନ୍ଲଃ ଚେତାଅକପେ ।

ଚୁଶ୍ଟୁ କାଜି

୧୬ ଅକନ୍ ପ୍ରାଭୁ ଆରୁଆଃ ଜୀଉସୁକୁ ଏମଃନିଃ ତାନିଃ, ଇନିଃ ଆପେକେ ସବେନ୍ ଇମ୍ତା ଆତଃ ସବେନ୍ ଲେକାତେ ଜୀଉସୁକୁ ଏମାପେକାଏ । ପ୍ରାଭୁ ଆପେ ସବେନ୍କଲଃ ହବାଅଃକା ।

୧୭ ଆଇଙ୍ଗ୍ ପାଉଲୁସ୍, ତିଃଇ ତାଇୟାଃତେ ଅଲ୍କେଦ୍ତେଇଙ୍ଗ୍ ଜହାର୍ପେତାନା, ନେ ଲେକାଗି ସବେନ୍ ଚିଠିକରେ ଚିହ୍ନାଁ ଲେକାଇଙ୍ଗ୍ ଅଲେତାନା ।

୧୮ ଆରୁଆଃ ପ୍ରାଭୁ ଯୀଶୁ ଶ୍ରୀଷ୍ଟ୍ଵାଃ ସାୟାଦ୍ ଆପେ ସବେନ୍କଲଃ ହବାଅଃକା ।

ତୀମଥ୍ ନିକଟକୁ ପାଉଲଙ୍କ ପ୍ରଥମ ପତ୍ର ତୀମଥ୍‌ତାଃତେ ପ୍ରେରିତ୍ ପାଉଲୁସ୍‌ଆଃ ପାହିଲା ଚିଟାଉ ପାରିଟ୍ୟ

ପାହିଲା ତୀମଥ୍ ପୁଅ ମିଆଁଦ୍ ଚିଟାଉ ପ୍ରେରିତ୍ ପାଉଲୁସ୍‌ଆଃ ହରାତେ ଆୟାଃ ତେଲା ତୀମଥ୍‌କେ ଅଲାକାନା । ପାହିଲା ତୀମଥ୍ ହବାସାକାଅଆଃ ୨୨-୨୪ କରେ ଯାଶୁ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍‌ତେ ଅଲାକାନା । ହବା ଦାଡ଼ିୟଃଆ ନେଆଁ ପାଉଲୁସ୍‌ଆଃ ଜୀଦାନ୍‌ରେୟାଃ ଚୁଣ୍ଟୁ ଦ୍ଵିପିଲି ତାନାଃ । ପାଉଲୁସ୍‌ଲଃ ତୀମଥ୍‌ଆଃ ପୁରାଃ ବୁଗିନ୍ ନାତା ତାଇକେନା, ଇନିଃ ପୁରାଃସାଃ ତୀମଥ୍‌କେ ହନ୍ ମେନ୍ତେ କାଜିକାଦା ଫିଲିପିୟ ୨:୨୨;୧ ତିମଥ୍ ୧:୨-୧୮ । ପାଉଲୁସ୍‌ଆଃ ହରାତେ ମିହୁଡ଼କେ ଏସ୍‌କାର୍ ଅଲାକାନ୍ ଉପୁନିୟା ଚିଟାଉକଏତେ ନେଆଁ ହବାଅଃତାନା ମିଆଁଦ୍ । ଏଗାଃ ଆପିୟା ପୁଅ ହବାଅଃତାନା ୨ ତୀମଥ୍, ତିତସ୍, ଆତଃ ଫିଲ୍‌ମନ୍ । ପାହିଲା ତୀମଥ୍‌ରେ କାଲିସିୟାଃସାଃ ସୁନୁସାର୍ ବିଷାଏରେ ମେନାଃ । ୨:୧-୫ ।

ନେଆଁରେ କାଲିସିୟାରେନ୍ ଆଗୁଆଇକଆଃ ଚାଇଲ୍ ଚାଲନ୍ ବିଷାଏରେ ମେନାଃ ୩:୧-୧୩ଆତଃ ହସଡ଼ ଇତୁକଆଃ ବିଷାଏରେ ତେନେତାଅ କାଜି ମେନାଃ ୧:୩-୧୧;୪:୧-୫;୬:୨-୫ । କାଲିସିୟାରେ ତୀମଥ୍ ଚିଲ୍‌କା ମିଆଁଦ୍ ଆଗୁଆଇ ହବାଅଃ ଲାଗାତିଙ୍ଗ୍‌ୟାଃ, ଏନ୍ ବିଷାଏରେ ପାଉଲୁସ୍ ନେ ଚିଟାଉରେ ଉଦୁବ୍‌କାଦା । ପାହିଲା ତୀମଥ୍‌ରେ ନାହାଁରେୟାଃ ହାତୁ କାଲିସିୟାକରେ କାମି ରିକା ଲାଗାତିଙ୍ଗ୍ ନାଗେନ୍ତେ କାଲିସିୟାରେନ୍ ଆଗୁଆଇକକେ ପୁରାଃଗି ଏନେଟେଦ୍ ଇନିତୁକ ଏମାକାନା ।

ପୁଅ ତିଟାରେ ତାଇକାନ୍ କାଜି

- ୧. ପାଉଲୁସ୍ ତୀମଥ୍‌କେ ଜହାର୍ କାଜିକେଦ୍‌ତେ ଅନଲ୍ ଏଟେଦ୍ କାଦାଏ । ୧:୧-୨
- ୨. ପାଉଲୁସ୍ ତୀମଥ୍‌କେ ହସଡ଼ ଇତୁକଆଃ ବିରୁଧ୍‌ରେ ତେନେତାଅ ଉଦୁବ୍‌କାଦାଏ । ୧:୩-୧୧
- ୩. ଖ୍ରୀଷ୍ଟ୍‌ତାଃରେ ପାଉଲୁସ୍‌ଆଃ ଧାନିଧାବାଦ୍ । ୧:୧୨-୧୯
- ୪. କାଲିସିୟାରେୟାଃ ସେଝା କାମି ଆତଃ ଆଗୁଆଇକଆଃ ବିଷାଏରେ ତୀମଥ୍‌କେ ପାଉଲୁସ୍‌ଆଃ ଇନିତୁ । ୨-୩
- ୫. ତୀମଥ୍‌କେ ପାଉଲୁସ୍‌ଆଃ ଚୁଣ୍ଟୁ ଇନିତୁ । ୪-୬

୧ ଆଇଙ୍ଗ୍ ପାଉଲୁସ୍, ଆଗୁଆଃ ଜୀଉବାସ୍ତାଅ ଏମଃନିଃ ପାର୍‌ମେଶ୍ଵାର୍ ଆତଃ ଆରୁ ଆସ୍ତାଏତାନ୍ ଯାଶୁ ଖ୍ରୀଷ୍ଟ୍‌ଆଃ ଆନାତୁ ଲେକାତେ କୁଲାକାନ୍‌ନିଃ ତାନିଙ୍ଗ୍,

୨ *ବିଶ୍ଵାସ୍‌ରେନ୍ ସାର୍‌ତି ହନ୍ ତୀମଥ୍‌ତାଃତେ ଅଲାକାନ୍ ଚିଟାଉ : ଆପୁ ପାର୍‌ମେଶ୍ଵାର୍ ଆତଃ ଆଗୁଆଃ ପ୍ରାଭୁ ଯାଶୁ ଖ୍ରୀଷ୍ଟ୍ ଆପେକେ ସାୟାଦ୍, ଲିନିବୁଇ ଆତଃ ଜୀଉସୁକୁ ଏମାପେକାଏ ।

ହସଡ଼ ଇନିତୁଏତେ ଚିଟାଲାକାନ୍‌ପେ

୩ ଆଇଙ୍ଗ୍ ମାକିଦନିଆତେ ସେନଃତାନ୍ ଇମ୍‌ତା ଆମ୍‌କେ କାଜିକେଦ୍‌ମେ ଲେକା ଆମ୍ ଏଫିସୁସ୍ ନାଗାର୍‌ରେୟା ତାଇନ୍‌ମେ ଆତଃ ଚିମିନ୍ ହଡ଼କ ଏନ୍ତାଃରେ ହସଡ଼କାଜିକ ଇତୁକତାନା, ଇନ୍‌କୁକେ ଏନ୍ ହସଡ଼କାଜିକ ଆଲ୍‌ପେ ଇତୁକଆ ମେନ୍ତେ ଆରୁକମେ । ୪ ଆତଃ ହଡ଼ତେ ବାଇୟାକାନ୍ କାଥ୍‌ନି ଆତଃ ହାଡ଼ାମ୍‌ହଡ଼କଆଃ ଜିଲିଙ୍ଗ୍ କିଲିକଆଃ ଉଡ଼ଃକୁ ଆଲ୍‌ପେ ଆୟୁମାଃ ମେନ୍ତେ ଆରୁକମେ, ଚିୟାଃଚି ନେ ସବେନାଃତେଗି ପାତିୟାଃରେତେ ସାରିୟାଃତାନ୍ ପାର୍‌ମେଶ୍ଵାର୍‌ଆଃ ସେଝା କାମି କା ହବାକେଦ୍‌ତେ କାପ୍‌ଜିକ ଅତଙ୍ଗ୍‌ଅଥା । ୫ ଫାର୍‌ତି ମନ୍‌ସୁରୁଦ୍‌ତେ, ବୁଗିନ୍ ମନ୍‌ତେ ଆତଃ ସାର୍‌ତି ବିଶ୍ଵାସ୍‌ତେ ଅତଙ୍ଗ୍‌ଅଥାତାନ୍ ଦୁଲାଡ଼କେ ଚିହୁଟ୍ ରିକାନାଙ୍ଗ୍ ଆଇଙ୍ଗ୍ ଆମ୍‌କେଇଙ୍ଗ୍ ଆରୁମେତାନା । ନେଆଁଗି ଧାର୍‌ମାନ୍ ଇନିତୁ ତାନାଃ । ୬ ଚିମିନ୍ ହଡ଼କ ନେ ବିଶେଷ୍ କାଜିକ ବାଗିକେଦ୍‌ତେ ସାମାକାଜିକରେ ପାତିୟାଃରେକେଦ୍‌ତେ ଆକଆଃ ହରାକି ଆଦାକାଦା । ୭ ଇନ୍‌କୁ ମୁଣା ନାବାଆଃ ଆନ୍‌ଚୁରାଃ ଆଇନ୍ ଇତୁକ ହବାଅଃ ନାଙ୍ଗ୍‌କ ସାନାଙ୍ଗ୍‌ତାନା, ମେନ୍‌ଦ ଇନ୍‌କୁ ଆକଗି କାଜିତାନ୍‌ତେୟାଃ ଆତଃ ଆକଗି ଇତୁକତାନ୍ ପକ୍‌ତାନ୍ କାଜିକେ କାକ ଆର୍‌କାର୍‌ଉରୁମେତାନା ।

୮ ଆରୁ ସାରିତାନାବୁ ଯେ, ଜେତାଏ ହଡ଼ ମୁଣାରାଃ ଆନ୍‌ଚୁ ଲେକାଗି ବୁଗିଲେକାଏ କାମିରେଦ୍ ଏନା ବୁଗିନ୍ ତାନାଃ । ୯ ଆତଃ ଧାର୍‌ମାନ୍ ହଡ଼କ ନାଗେନ୍ତେ ଆନ୍‌ଚୁ କା ଦହାକାନା, ମେନ୍‌ଦ ଆନ୍‌ଚୁ ବାନଃ ଏଡ଼କାନ୍ ହଡ଼କ ନାଙ୍ଗ୍, ଆପାନ୍ ସାନାଙ୍ଗ୍‌ତାନ୍‌ଲେକା କାମିତାନ୍‌କ ନାଙ୍ଗ୍, ପାର୍‌ମେଶ୍ଵାର୍‌କେ କା ବରତାନ୍‌କ ନାଙ୍ଗ୍, ପାପ୍‌କାମିରେ ତାଇନ୍‌ତାନ୍‌କ ନାଙ୍ଗ୍, ସଡ଼ରାକାନ୍‌କ ନାଙ୍ଗ୍, ଆତଃ କା ଧାର୍‌ମାନ୍ କାମି କାମିତାନ୍‌କ ନାଙ୍ଗ୍, ଏଙ୍ଗା, ଆପୁକିନ୍‌କେ ଗଏଃତାନ୍‌କ ନାଙ୍ଗ୍, ହଡ଼ ଗଗଏଃକ ନାଙ୍ଗ୍, ୧୦ ଆପାଙ୍ଗିର୍‌ତାନ୍‌କ ନାଙ୍ଗ୍, କଡ଼ା କଡ଼ାକଲଃ ଆପାଙ୍ଗିର୍‌ତାନ୍‌କ ନାଙ୍ଗ୍, ହଡ଼ ଆଖ୍‌ରିଙ୍ଗ୍‌ତାନ୍‌କ ନାଙ୍ଗ୍, ବେଦାତାନ୍‌କ ନାଙ୍ଗ୍, ହସଡ଼ ଗାଝା ଏମ୍‌ତାନ୍‌କ ନାଙ୍ଗ୍ ଆତଃ ସବେନ୍ ବୁଗିନ୍ ଇନିତୁରେ କାଜିକେସେଦ୍‌ତାନ୍‌କ ନାଙ୍ଗ୍ ନେ ଆଇନ୍ ବାଇୟାକାନା । ୧୧ ପୁରାଃ ମାନାରାଙ୍ଗ୍ ସୁକୁଆନ୍ ପାର୍‌ମେଶ୍ଵାର୍‌ଆଃ ସୁକୁକାଜିରେ ସବେନ୍ ବୁଗିନ୍ ଇନିତୁ ଦହାକାନା । ଏନ୍ ସୁକୁକାଜିକେ ଉଦୁବ୍ ନାଗେନ୍ତେ ଆଇଙ୍ଗ୍‌କେ ବାହାରମ୍ ଏମାକାନ୍ ତାଇକେନା ।

* ୧:୨ ୧:୨ ପ୍ରେରିତ୍ ୧୭:୧.

ପାର୍ମେଶ୍ଵରୀଆଃ ଲିନିବୁଇ ନାଗେନ୍ତେ ଧାନ୍ୟାବାଦ୍

୧୨ ଆୟାଃ କାମିରେ ପେଡ଼େଃ ଏମାକାଦିଙ୍ଗ୍ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟକେଇଙ୍ଗ୍ ଜହାରିତାନା । ଇନିଃ ଆଇଙ୍ଗ୍ କେ ପାତିୟାରରଃନିଃ ଲେକା ଆଟ୍ କାରକେଦ୍ ଥେ ଆଇଃକ୍ କେ ସେଝା ନାଙ୍ଗ୍ ସାଲାକାଦିୟାଏ । ୧୩ *ଆଇଙ୍ଗ୍ ଦ ସିଦାକରେ ଯୀଶୁ ଖ୍ରୀଷ୍ଟକେଇଙ୍ଗ୍ ନିନ୍ଦାକିୟା, ସାସାତିକିୟା, ଆତଃ ଲାନ୍ଦାକିୟା, ଏନ୍ରେହ ପାର୍ମେଶ୍ଵରୀ ଆଇଙ୍ଗ୍ କେ ଦାୟାକେଦିୟା, ମେନ୍ଦ୍ ଆଇଙ୍ଗ୍ ଚିନାଃ କାମି ତାଇନାଇଙ୍ଗ୍ ଏନା କା ବିଶ୍ଵାସ୍ ଥେ ଆତଃ ବେଗାର୍ ସାରିଡେଇଙ୍ଗ୍ କାମିକାଦା । ୧୪ ଆତଃ ଆରୁଆଃ ପ୍ରାଭୁଆଃ ସାୟାଦ୍ ପୁରାଃଗି ଆଦକାୟାନ୍ ହରାଡେ ଆଇଙ୍ଗ୍ ଯୀଶୁ ଖ୍ରୀଷ୍ଟରେ ବିଶ୍ଵାସ୍ ଆତଃ ଦୁଲ୍ଲାଡ଼ରାଃ ମେନେସାରେ ମେନାଇୟା । ୧୫ ପାପି ହଡକକେ ବାଞ୍ଛାଅ ନାଗେନ୍ତେ ଯୀଶୁ ଖ୍ରୀଷ୍ଟ ଅଡେଦିଶୁମ୍ ଥେ ହିଜୁଃୟାନା, ନେ କାଜି ପାତିୟାରରଃ ଲେକାନ୍ କାଜି ତାନାଃ, ନେଆଁକେ ସବେନ୍ଦ୍ ବିଶ୍ଵାସ୍ ଆତଃ ତେଲାଦାରମେ ଲାଗାତିଙ୍ଗ୍ ଯାୟା । ଆଇଙ୍ଗ୍ ଇନ୍ କୁଏଡେ ପୁରାଃଗି ଏଡକାନ୍ନିଃ ତାନିଙ୍ଗ୍ । ୧୬ ଆଇଙ୍ଗ୍ ମାରାଙ୍ଗ୍ ଡତାର୍ ପାପି ତାନିଙ୍ଗ୍ ରେୟ ଯୀଶୁ ଖ୍ରୀଷ୍ଟ ଆଃ ସବେନ୍ ସାହାତିଙ୍ଗ୍ ଜୀଞ୍ଜାନ୍ ଉଦୁବ୍ ନାଗେନ୍ତେ ପାର୍ମେଶ୍ଵରୀ ଆଇଙ୍ଗ୍ କେ ଦାୟାକେଦିୟା । ଏଟାଃକ ଜେ'ଲେକା ଯୀଶୁ ଖ୍ରୀଷ୍ଟତାଃରେ ବିଶ୍ଵାସ୍ ଥେୟାକ ଆତଃ ଜାନାଅ ଜୀଦାନ୍ଦକ ନାମେୟା । ଏନା ନାଗେନ୍ତେ ଆଇଙ୍ଗ୍ ଇନ୍ କୁଆଃ ନାଙ୍ଗ୍ ନାମୁନାଇଙ୍ଗ୍ ବାଇୟାକାନା । ୧୭ କା ଜିୟନଃତାନ୍, କା ନେଲଃତାନ୍, ମିଆଁଦ୍ ଗି ପାର୍ମେଶ୍ଵରୀ ଜାନାଅ ଜାନାଅରେନ୍ ରାଜା, ଇନିୟାଃ ଏସକାର୍ ମାଇନାନ୍ ଆତଃ ମାନାରାଙ୍ଗ୍ ଯୁଗ୍ ଯୁଗ୍ ହବାଃଅକା ! ଆମେନ୍ ।

୧୮ ହେ ଦୁଲ୍ଲାଡ଼୍ ହନ୍ ତୀମଥ୍, ଆମାଃ ନାଙ୍ଗ୍ ସିଦାରେ କାଜିୟାକାନ୍ ଆୟାରକାଜି ଲେକାଡେ ଆଇଙ୍ଗ୍ ଆମ୍ କେ ଆରୁମେତାନାଇଙ୍ଗ୍, ଏନ୍ ଲେକାଗି ଆମ୍ ସବେନ୍ ଆୟାରକାଜି ହରାଡେ ବୁଗିଲେକାମ୍ ଲାଡାଈ ଦାଡିୟା । ୧୯ ଆମ୍ ବିଶ୍ଵାସ୍ ଆତଃ ବୁଗିନ୍ ସେଣାଁ ସାବେମେ, ନେଆଁ ବାଗିକେଦ୍ ନାଗେନ୍ତେ ଚିମିନ୍ ହଡକ ଆକଆଃ ବିଶ୍ଵାସ୍ କିୟନ୍ କାଦା । ୨୦ ଇନ୍ କୁଏଡେ ହୁମ୍ ନାୟ ଆତଃ ଆଲେକ୍ ଜାଣ୍ଟାର୍, ନେ ବାରାନ୍ କିନ୍ ତାନ୍ କିନ୍ । ନେ ବାରାନ୍ କିନ୍ କେ ଆଇଙ୍ଗ୍ ସାଏତାନ୍ ଆଃ ତିଃଇରେଇଙ୍ଗ୍ ଜିମାକେଦ୍ କିନା, ଜେ'ଲେକାତି ଇନ୍ କିନ୍ ପାର୍ମେଶ୍ଵରୀକେ କା ନିନ୍ଦାଈ ନାଗେନ୍ତେ ଇନିବୁକିନ୍ ନାମେୟା ।

୨

କାଲିସିୟାରେ ପ୍ରାଭୁକେ ସେଝାଈରାଃ ଇନିବୁ

୧ ଆଇଙ୍ଗ୍ ସିଦାଡେ କାଜିଗରଙ୍ଗ୍ ତାନାଇଙ୍ଗ୍, ସେଝାତାନ୍ ଇମ୍ ତା ସବେନ୍ଦ୍ ନାଗେନ୍ତେ ପାର୍ମେଶ୍ଵରୀତାଃରେ ବିକ୍ରି, ଏଟାଃକ ନାଙ୍ଗ୍ ବିକ୍ରି, ଆତଃ ଧାନ୍ୟାବାଦ୍ ଏମେପେ । ୨ ନେ'ଲେକାଗି ରାଜାକଆଃ ନାଙ୍ଗ୍ ଆତଃ ଆକ୍ ଡେୟାର୍ ନାମାକାଦ୍ କ ନାଙ୍ଗ୍ ବିକ୍ରିପେ, ଜେ'ଲେକା ପାର୍ମେଶ୍ଵରୀକେ ବରଭାକ୍ତିତାନ୍ ଲଃ ସାଲ୍ ସାନ୍ତ୍ରିବୁ ତାଇନା ଆତଃ ଏଟାଃକଲଃ ସୁକୁଜୀଡରେ ଜୀଦାନ୍ଦ୍ ବିତାଅ ଦାଡିୟା । ୩ ନେ'ଲେକାନ୍ ବିକ୍ରି ଆରୁଆଃ ଜୀଡ ବାଞ୍ଛାଅନିଃ ପାର୍ମେଶ୍ଵରୀଆଃ ଆୟାରରେ ବୁଗିନ୍ ଆତଃ ସୁକୁଆନ୍ ଗିୟା । ୪ ସବେନ୍ ହଡକଆଃ ଜୀଡ ବାଞ୍ଛାଅକା ଆତଃ ସାର୍ତି ବିଷାଏରେ ସେଣାଁକ ନାମେକା ମେନ୍ତେ ଇନିୟାଃ ସାନାଙ୍ଗ୍ ତାନାଃ । ୫ ଚିୟାଃତି ମିଆଁଦ୍ ଗି ପାର୍ମେଶ୍ଵରୀ ମେନାଇୟା । ହଡକକେ ପାର୍ମେଶ୍ଵରୀତାଃଡେ ଆଡ ହୁଣ୍ଟିକନାଙ୍ଗ୍ ମିହୁଡ୍ ଗି ମେନାଇୟା, ଇନିଃ ହବାଃତାନାଏ ମାନଞ୍ଜାହନ୍ ଯୀଶୁ ଖ୍ରୀଷ୍ଟ । ୬ ଇନିଃ ସବେନ୍ଦ୍ କେ ପାପ୍ ହେଡେ ରାଡା ନାଗେନ୍ତେ ଆଇଃକ୍ ଗି ଦାଣ୍ଟୋରାକାୟାନ୍, ନେଆଁଡେ ଆଟ୍ କାରୟାନ୍, ଯେ, ପାର୍ମେଶ୍ଵରୀ ଠାଡକା ନେଡାରେ ସବେନ୍ ହଡକକେ ବାଞ୍ଛାଅ ନାଗେନ୍ତେ ସାନାଙ୍ଗ୍ ତାନା, ଏନାରେୟାଃ ସାବୁଦ୍ ଏମାକାଦାଏ । ୭ ଏନ୍ ସାର୍ତି ଆତଃ ବିଶ୍ଵାସ୍ ରାଃ କାଜି ସାଆଁସାରକତାଃରେ ଉଦୁବ୍ ନାଗେନ୍ତେ ଆଇଙ୍ଗ୍ ମିଆଁଦ୍ ଇଡୁନିଃ ଆତଃ କୁଲ୍ଲାନିଃ ଲେକାଈଙ୍ଗ୍ ସାଲାକାନା । ଆଇଙ୍ଗ୍ କାଈଙ୍ଗ୍ ବେଦାତାନା, ସାର୍ତିଗିଙ୍ଗ୍ କାଜିତାନା ।

୮ ସବେନ୍ କାଲିସିୟାରେୟାଃ ସେଝାକାମିରେ ହଡକ, ପାବିତାର୍ ହଡକ ବେଗାର୍ ଖୁସ୍ ଥେ ଆତଃ ବେଗାର୍ କାପ୍ ଜିଡେ ତିଃଇ ରିମ୍ କେଦ୍ ଥେ ବିକ୍ରିପେ ମେନ୍ତେ ଆଇଙ୍ଗ୍ ସାନାଙ୍ଗ୍ ତାନାଇଙ୍ଗ୍ । ୯ ଏନ୍ ଲେକାଗି କୁଡିକହଗି ଆକଆଃ ଲିଜାଃ ତୁସିଙ୍ଗ୍ ଆଃରେ ବୁଗିଲେକାଡେ ତୁସିଙ୍ଗ୍ ଆଃକାକ, ଉବ୍ କେ ବାଇ ବାଇଡେ କା ଗାଲାଙ୍ଗ୍ କେଦ୍ ଥେ, ସୋନା ଚାଏ ମଡି ଚାଏ ପୁରାଃ ଗନଙ୍ଗ୍ ରାଈ ଲିଜାଃ ଆଲକାକ ତୁସିଙ୍ଗ୍ ଆଃକା । ୧୦ ମେନ୍ଦ୍ ବୁଗିନ୍ କାମିରେୟାଃ ସିଙ୍ଗାରରେ ଆକ ଆକଗି ସିଙ୍ଗାରକାକ, ଆତଃ ଧାର୍ମାନ୍ କୁଡିକ ମେନ୍ତେକ କାଜିନ୍ କା । ୧୧ କୁଡିକ ସବେନ୍ କାଜିକରେ ହାପାଆ ନାଗେନ୍ତେ ଆତଃ ଲେବେଃ ମନ୍ରେ ଇଡୁନ୍ ନାଗେନ୍ତେ ଲାଗାତିଙ୍ଗ୍ ଯାୟା । ୧୨ କୁଡିକ ଇଡୁକକାକ ଚାଏ କଡାକଆଃ ତେଡାନ୍ରେ ଆକ୍ ଡେୟାରରେକାକ ମେନ୍ତେ ଆଇଙ୍ଗ୍ କାଈଙ୍ଗ୍ ଆରୁକତାନା, ମେନ୍ଦ୍ ଇନ୍ କୁ ହାପାକାନ୍ ଗି ତାଇନ୍ କାକ । ୧୩ ଚିୟାଃତି ପାର୍ମେଶ୍ଵରୀ ସିଦାଡେ ଆଦାମ୍ କେ ବାଇକିୟା, ଏନ୍ ତାୟମ୍ ଥେ ହାଞ୍ଜାକେ । ୧୪ ଆତଃ ସିଦାଡେ ଆଦାମ୍ କାଏ ବେଦାୟାନ୍, ମେନ୍ଦ୍ କୁଡି ବେଦାୟାନ୍ ଆତଃ ପାର୍ମେଶ୍ଵରୀଆଃ ଆନ୍ତୁକେ ଟଟାଃକେଦା । ୧୫ ମେନ୍ଦ୍ ଇନ୍ କୁ ବୁଗିନ୍ ସେଣାଁଲଃ ବିଶ୍ଵାସ୍, ଦୁଲ୍ଲାଡ଼୍ ଆତଃ ପାବିତାର୍ରେ ଆବ୍ ଗି ତାଇନଃରେଦ୍, ଇନ୍ କୁ ଏଙ୍ଗା ହବାଃତା ହରାଡେ ପାରିଡାଣ୍ ନାମ୍ ଦାଡିୟାକ ।

☆ ୧:୧୩ ୧:୧୩ ପ୍ରେରିଡ୍ ୮:୩; ୯:୪,୫. ☆ ୨:୭ ୨:୭ ୨ ତିମଥ୍ ୧:୧୧. ☆ ୨:୯ ୨:୯ ୧ ପାଡ଼ରାସ୍ ୩:୩.

୩

କାଲିସିୟାରେନ୍ ଆଗୁଆଇକ

୧ ନେ କାଜି ସାର୍ତ୍ତିଗି ତାନାଃ, ଜେତାଏ କାଲିସିୟାରେନ୍ ଆଗୁଆଇ ହବାଅଃନାଙ୍ଗ୍ ସାନାଙ୍ଗ୍ରେଦ, ଇନିଃ ବୁଗିନ୍ କାମି ରିକା ନାଙ୍ଗ୍ ସାନାଙ୍ଗ୍ଆଃଏ । ୨ *ତିୟାଃତି କାଲିସିୟାରେନ୍ ଆଗୁଆଇକଦ ବେଗାର୍ ତିଟାକାନ୍ ଲେକା ତାଇନ୍ ଲାଗାତିଙ୍ଗ୍ୟାଃ, ଇନିୟାଃ ମିଆଁଦ୍ଗି କୁଡ଼ି ତାଇନ୍ ଲାଗାତିଙ୍ଗ୍ୟାଃ, ଲେବେଃଫନ୍ନିଃ, ଆପାନ୍କେ ଆବରରେ ଦହନିଃ, ମାଇନ୍ ନାମେତାନ୍ନିଃ, ଆପ୍ନାଃ ଅଡ଼ାଃତେ ହିଜୁଃନିଃକେ ଦାରମିନିଃ ଆତଃ ଇନିଃ ଇତୁ ଦାଡ଼ିଲେକାନ୍ନିଃ ତାଇନ୍କାଏ, ୩ ଇନିଃ ଇଲିଆରୁଖ୍ତେ ବୁଲଃଫନ୍ନିଃ ଚାଏ ଏଡ଼କାନ୍ନିଃ ଆଲକାଏ ହବାଅଃକା, ମେନ୍ଦ୍ ଲେବେଃଫନ୍ନିଃ ଆତଃ ବାପାଇନିଃ ତାଇନ୍କାଏ । ଟାକା ପାଏସା ଦୁଲାଡ଼ନିଃ ଆଲକାଏ ହବାଅଃକା, ୪ ଇନିଃ ଆୟାଃ ଅଡ଼ାଃରେନ୍କକେ ବୁଗିଲେକାତେ ଚାଲାଅ ଦାଡ଼ିକ ଲେକା ଆତଃ ଆୟାଃ ହନ୍କ ଆଇଃକ୍କେ ସବେନ୍ ଲେକାନ୍ ମାଇନ୍ତେ ମାନାତିଙ୍ଗ୍ ଲେକାଏ ତାଇନ୍କା । ୫ ଜେତାଏ ଆୟାଃ ଅଡ଼ାଃରେନ୍କକେ ବୁଗିଲେକାତେ ଚାଲାଅ ନାଗେନ୍ତେ କାଏ ଇତୁଆନ୍ରେଦ ଇନିଃ ପାର୍ମେଶ୍ୱାର୍ଆଃ କାଲିସିୟାକେ ଚିଲ୍କାତେ ଚାଲାଅ ଦାଡ଼ିୟା ? ୬ ଆତଃ ଇନିଃ ଖ୍ରୀଷ୍ଟ୍ ବିଶ୍ୱାସ୍ରେ ପକ୍ତାକାନ୍ନି ତାଇନ୍ ଲାଗାତିଙ୍ଗ୍ୟାଃ, କା'ରେଦ ଇନିଃ ସାମାଗି ଆପାନ୍କେ ମାରାଙ୍ଗ୍ ମେନ୍ତେ କାଜିନ୍ତାନ୍ଲଃ ସାଏତାନ୍ ଲେକା ସାଜାଇରେ ଉୟୁଗଃଆ । ୭ ଇନିଃ ଆଲକାଏ ଗିହୁଗଃକା ଆତଃ ସାଏତାନ୍ରାଃ ଫୈସ୍ରିରେ ଆଲକାଏ ଉୟୁଗଃକା, ଏନାମେନ୍ତେ ଇନିଃକେ ବାହାରି କାଲିସିୟାରେନ୍ ହଡ଼କତାଃଏତେ ହଗି ମାଇନ୍ ନାମେଲେକାନ୍ନିଃ ହବାଅଃ ଲାଗାତିଙ୍ଗ୍ୟାଃ ।

କାଲିସିୟାରେ ଦେଙ୍ଗାତାନ୍କ

୮ କାଲିସିୟାରେନ୍ ଦିକାନ୍କ ବୁଗିନ୍ ଚାଇଲ୍ ଚାଲାନ୍ ଆତଃ ମାଇନ୍ ନାମେଲେକା ହବାଅଃ ଲାଗାତିଙ୍ଗ୍ୟାଃ । ଇନ୍କୁ ଇଲିଆରୁଖ୍ ଆଲକାକ ନୁଁଏକା ଆତଃ ଟାକା ପାଏସାରେଆଃ ଲାଲାବ୍ରେ ଆଲକାକ ତାଇନ୍କା । ୯ ଇନ୍କୁ ଆଗୁଆଃ ଧାରାମ୍ ବିଶ୍ୱାସ୍ରେୟାଃ ଉନ୍ଦୁଦ୍ କାଜିରେୟାଃ ସାର୍ତ୍ତିତେୟାଃକେ ଫାର୍ତି ବିବେକ୍ତେ ପୁରାଃ କେଟେଦ୍ ବିଶ୍ୱାସ୍ରେ ତାଇନ୍କାକ । ୧୦ ଇନ୍କୁକେ ହଗି ସିଦାତେ ବିଡ଼ାଅ ଲାଗାତିଙ୍ଗ୍ୟାଃ, ଏନ୍ତେ ବେଗାର୍ ତିଟାକାନ୍ ଲେକାକ ନେଲଃରେଦ, ଦିକାନ୍ ଲେକା ସୁନ୍ଦସାର୍ କାମିକ କାମିକା । ୧୧ ଏନ୍ଲେକାଗି ଆକଆଃ କୁଡ଼ିକଆଃ ଚାଇଲ୍ ଚାଲାନ୍ ବୁଗିନ୍ ହବାଅଃ ଲାଗାତିଙ୍ଗ୍ୟାଃ ଆତଃ ଏଟାଃନିୟାଃ ବିରୁଧ୍ରେ ନିୟା କାଜିକ କା କାଜିକେଦ୍ତେ ଲେବେଃଫନ୍ନିଃ, ଆତଃ ସବେନ୍ କାଜିକରେ ପାଡ଼ିୟାରରଃ ଲେକା ତାଇନ୍ ଲାଗାତିଙ୍ଗ୍ୟାଃ । ୧୨ କାଲିସିୟାରେନ୍ ଦିକାନ୍କଆଃ ମିଆଁଦ୍ଗି କୁଡ଼ି ତାଇନ୍ ଲାଗାତିଙ୍ଗ୍ୟାଃ ଆତଃ ଆକଆଃ ହନ୍କ ଆତଃ ଆକଆଃ ଅଡ଼ାଃରେନ୍କକେ ବୁଗିଲେକାତେ ଚାଲାଅକୁକାକ । ୧୩ ବୁଗିଲେକାତେ ସୁସାର୍ତାନ୍ ଦିକାନ୍କ, କାଲିସିୟାରେ ଇନ୍କୁ ଆକଆଃ ନାଗେନ୍ତେ ମାଇନ୍କ ନାମେୟା ଆତଃ ଯାଶ୍ୱ ଖ୍ରୀଷ୍ଟ୍ରେ ବିଶ୍ୱାସ୍କାଦ୍ କାଜି ପୁରାଃ ସାହାସ୍କେଦ୍ତେକ କାଜି ଦାଡ଼ିୟା ।

ପାର୍ମେଶ୍ୱାର୍ଆଃ ଉକୁଆକାନ୍ କାଜି

୧୪ ଆଇଙ୍ଗ୍ ଜାଲ୍ଦିଗି ହିଜୁଃକେଦ୍ତେ ଆମ୍କେ ନେଲ୍ମେରାଃ ଆସ୍ତାରେ, ନେ ଚିଠାଉ ଆମାଃତାଃତେଇଙ୍ଗ୍ ଅଲେତାନା । ୧୫ ମେନ୍ଦ୍ ଆଇଙ୍ଗ୍ ହିଜୁଃ ନାଙ୍ଗ୍ ବିଲ୍ମାମେରେଦ, ଜାନିଦ୍ ପାର୍ମେଶ୍ୱାର୍ଆଃ ଅଡ଼ାଃରେ ଆଗୁଆଃ ଚାଇଲ୍ ଚାଲାନ୍ ଚିଲ୍କା ହବାଅଃ ଲାଗାତିଙ୍ଗ୍ୟାଃ, ଏନା ଆମ୍ ନେ ଚିଟାଉରେମ୍ ସାରି ଦାଡ଼ିୟା । ନେ ଜାନିଦ୍ ପାର୍ମେଶ୍ୱାର୍ଆଃ କାଲିସିୟାଗି ସାନାର୍ତ୍ତିରାଃ ଖୁଣ୍ଟୁ ଆତଃ ନିହିଁଗାଡ଼ା ତାନାଃ । ୧୬ ଆଗୁଆଃ ଧାରାମ୍ ବିଶ୍ୱାସ୍ରେୟାଃ ନେ ମାରାଙ୍ଗ୍ ଉକୁଆକାନ୍ ବିଷାଏକେ ସବେନ୍କ ମାନାତିଙ୍ଗ୍ ଦାଡ଼ିୟାଃତେୟାଃ ତାନାଃ, ଖ୍ରୀଷ୍ଟ୍ ମାନଖା ହଡ଼ମ୍ତେ ହିଜୁଃୟାନା, ପାବିତାର୍ ଆମ୍ ଇନିଃକେ ଧାର୍ମାନ୍ ହଡ଼ ମେନ୍ତେ ସାରୁଦ୍କିୟା, ଦୁଁଡ଼କତାଃରେ ନେଲ୍ରିକାୟାନା, ସବେନ୍ ହଡ଼କତାଃରେ ଇନିୟାଃ ବିଷାଏ ଉଦ୍ବୟାନା, ଅତେଦିଶୁମ୍ରେ ଇନିଃ ପାଡ଼ିୟାରରଃ ଲେକାଏ ହବାୟାନା, ଆତଃ ମାନାରାଙ୍ଗ୍ରେ ସିର୍ମାତେ ଇଦିୟାନା ।

୪

ହସଡ଼ ଇତୁକ

୧ ପାବିତାର୍ ଆମ୍ ପାର୍ତାପାର୍ତି କାଜିତାନା, ତାୟମ୍ ଦିପିଲିରେ ଚିମିନ୍ ହଡ଼କ ଖ୍ରୀଷ୍ଟ୍ ବିଶ୍ୱାସ୍କେକ ବାଗିୟା ଆତଃ ବେଦାତାନ୍ ଆମ୍କାକେ ମାନାତିଙ୍ଗ୍କେଦ୍ତେ ବଙ୍ଗାକଆଃ ଇନିତୁ ହରାକ ଅତଙ୍ଗ୍ୟେଆ । ୨ ଇନ୍କୁ ହସଡ଼ ଇତୁକ ଆତଃ ବେଦାତାନ୍ ହଡ଼କ ତାନ୍କ । ଇନ୍କୁଆଃ ବିବେକ୍ ଗଜାକାନା ଆତଃ ଅଣ୍ଡୁରକାନା । ୩ ଏନ୍ ହସଡ଼ ଇତୁତାନ୍କ ଆଣ୍ଡି ନାଗେନ୍ତେ ଆତଃ ଚିମିନ୍ ଜମେତେୟାଃକ ଜମ୍ ନାଗେନ୍ତେ କା ବୁଗିନାଃ ମେନ୍ତେକ ଇତୁଆଃ । ମେନ୍ଦ୍ ପାର୍ମେଶ୍ୱାର୍କେ ବିଶ୍ୱାସ୍ତାନ୍କ ଆତଃ ସାନାର୍ତ୍ତିକେ ସାରିତାନ୍ ହଡ଼କ ନାଙ୍ଗ୍ ଧାନାବାଦ୍ ଏମ୍ତାନ୍ଲଃ ଜମେ ନାଗେନ୍ତେ ପାର୍ମେଶ୍ୱାର୍ ନେ ସବେନାଃଏ ବାଇୟାକାଦା । ୪ ଚିୟାଃତି ପାର୍ମେଶ୍ୱାର୍ ବାଇୟାକାଦ୍ ସବେନାଃ ବୁଗିନ୍ଗିୟା, ଆତଃ ପାର୍ମେଶ୍ୱାର୍କେ ଧାନାବାଦ୍ ଏମ୍କେଦ୍ତେ ବିକ୍ତିତାନ୍ଲଃ ତେଲାଏରେଦ୍ ଜେଡ଼ନାଃ କା ଗେନାଆତମଃଆ । ୫ ଚିୟାଃତି ପାର୍ମେଶ୍ୱାର୍ଆଃ ବାଚାନ୍ ଆତଃ ବିକ୍ତି ହରାତେ ଏନା ପାବିତାର୍କାନା ।

☆ ୩:୨ ୩:୨ ତିତସ୍ ୧:୬-୯.

ୟୀଶୁ ଖ୍ରୀଷ୍ଟଆଃ ବୁଗିନ୍ ଦାସି

୭ ହେ ତୀମଥ୍, ଆମ୍ ବିଶ୍ୱାସକାନ୍ ଆତଃ ଅତଙ୍ଗଆତକାନ୍ ସାର୍ତ୍ତି ଇନିତୁକେ ଆମାଃ ହାଗା ମିଶିକକେମ୍ ଇତୁକରେଦ୍, ଆମ୍ ଯୀଶୁ ଖ୍ରୀଷ୍ଟଆଃ ବୁଗିନ୍ ଦାସିମ୍ ହବାଅଃଆ । ୮ ପାର୍ମେଶ୍ୱାର୍ କାଏ ସୁକ୍ଷ୍ମ ଲେକାନ୍ ସାମାକାଜିକକେ ବାଗିକେଦ୍ତେ ଆମାଃ ଧାର୍ମାନ୍ ଜୀଦାନ୍କେ କେଚେଜେ ନାଗେନ୍ତେ ଇତୁନ୍ମେ । ୯ ଚିୟାଃତି ହଡ଼ମ୍ରେୟାଃ କାସ୍ତାତ୍ କାଟିଃଲେକା ବୁଗିନ୍ଚିୟାଃ, ମେନ୍ଦ୍ ପାର୍ମେଶ୍ୱାର୍ଆଃ କାଜିଲେକା ଜୀଦାନ୍ ବିତାଅତେୟାଃ ସବେନ୍ ଲେକାତେ ବୁଗିନାଃ, ଚିୟାଃତି ନେ ଦିପିଲି ଆତଃ ହିଜୁଃ ଦିପିଲି, ନେ ବାରାନ୍ ଦିପିଲିରେୟାଃ ଜୀଦାନ୍ ନାଗେନ୍ତେ ବାନାର୍ସା ଏନାକାନା ଆତଃ ଏନା ପୁରାଃଗି ବୁଗିନାଃ ତାନାଃ । ୧୦ ନେଆଁ ସାର୍ତ୍ତି କାଜି ତାନାଃ, ଆତଃ ନେଆଁକେ ତେଲ୍ୟା ଲେକାନାଃ ତାନାଃ । ୧୧ ଏନା ନାଗେନ୍ତେଦ୍ ଆବୁ ସବେନ୍କ ଲାଗାତରାଃଗିବୁ କାମିତାନା, ଚିୟାଃତି ଆବୁ ଜୀନିଦ୍ ପାର୍ମେଶ୍ୱାର୍ତାଃରେବୁ ଆସ୍ତାକାଦା, ଇନିଃ ସବେନ୍ ହଡ଼କଆଃ ଆତଃ ଆଇଃକକେ ବିଶ୍ୱାସ୍ତାନ୍କଆଃ ବାଞ୍ଚାଅନିଃ ତାନିଃ ।

୧୨ ଆମ୍ ଇନିକୁକେ ନେ ସବେନ୍ ବିଷାଏକ ଆତୁକମେ ଆତଃ ଇତୁକମେ । ୧୩ ଆମାଃ ଜାଞ୍ଜାନ୍ ଦିପିଲି ନାଗେନ୍ତେ ଜେତାଏ ଆମ୍କେ ଆଲକାକ ହିଲାଇମ୍ମେକା, ମେନ୍ଦ୍ ଆମାଃ କାଜିରେ, ଚାଇଲ୍ ଚାଲାନରେ, ଦୁଲାଇତ୍ରେ, ବିଶ୍ୱାସ୍ତେ ଆତଃ ଫାର୍ତିରେ, ବିଶ୍ୱାସାକ ନାଜ୍ ନାମୁନା ହବାଅଃମେ । ୧୪ ଆଇଜ୍ ଆମାଃତାଃ ଆଉରି ହିଜୁଃ ଜାକେଦ୍, ଧାରାମ୍ପୁଥ୍ ପାଡ଼ାଅରେ, ପାର୍ତାର୍ କାମିରେ, ଆତଃ ଇନିତୁରେ ନେତା ଏମେମେ । ୧୫ କାଲିସିୟାରେନ୍ ପ୍ରାତିନକ୍ ଆମ୍କେ ପାର୍ମେଶ୍ୱାର୍ଆଃ କାଜି କାଜିକେଦ୍ତେ ଆମାଃ ବହଃ ଚେତାନ୍ରେ ତିଃଇ ଦହକେଦ୍ ଇମ୍ତା ଆମ୍ ଅକ ଆମ୍ବିକ୍ ଦାନ୍କ ନାମାକାଦ୍ ତାଇକେନାମ୍, ଏନାକେ ଆଲମ୍ ହେଡ଼ା*ଏୟା । ୧୬ ଏନ୍ ସବେନ୍ କାଜିକାମିକରେ ବୁଗିନ୍ କାମିନିଃ ହବାଅଃମେ ଆତଃ ଏନାକରେ ତାଇକାନ୍ମେ, ଏନାତେ ଆମାଃ କାଜିକାମି ସବେନ୍କତାଃରେ ଆୟୁରତେ ବାଡ଼ାଅଇଦିୟାଆ । ୧୭ ଆମାଃ ନାଜ୍ ଆତଃ ଆମାଃ ଇନିତୁ ନାଜ୍ ଚିର୍ଗାଲକାନ୍ ତାଇକମେ, ନେ ସବେନ୍ କାଜିକାମିକରେ ତାଇକାନ୍ମେ, ଚିୟାଃତି ଆମ୍ ନେ କାମିମ୍ ରିକାଏରେଦ୍, ଆମ୍ ଆମାଃ ପାରିତ୍ରାଣ୍ ଆତଃ ଆମ୍କେ ଆୟୁମେତାନ୍କ ବାଞ୍ଚାଅଃଆ ।

୫

ବିଶ୍ୱାସାକଆଃ କାମିରାଃ ବାହାରମ୍

୧ ହାଡ଼ାମ୍ ହଡ଼କକେ ଆଲମ୍ ମାରାଜ୍ମତାକଆ, ମେନ୍ଦ୍ ଆପୁଲେକା ମାଇନକମେ ଆତଃ ସେପେଡେଦ୍କକେ ହାଗାକଲେକା ମାଇନକମେ । ୨ ବୁଡ଼ିଆକକେ ଏଙ୍ଗାଲେକା ଆତଃ ତିଶ୍ଟା କୁଡ଼ିକକେ ଫାର୍ତି ମନ୍ତେ ମିଶିଲେକା ମାଇନକମେ ।

୩ ଏସ୍କାରାକାନ୍ ରାଣ୍ଡିକୁଡ଼ିକକେ ଯାତ୍ନାଅକମେ । ୪ ମେନ୍ଦ୍ ଜେତା ରାଣ୍ଡିକୁଡ଼ିଆଃ ହନ୍ଗାଁଣା ଚାଏ ଆୟାଃ ଜାଇହନ୍କ ମେନାକରେଦ୍, ଇନିକୁ ସିଦାତେ ଆକଆଃ ଅଡ଼ାଃରେନ୍କକେ ଭାଲ୍ତି ଦେଖାଅ ନାଗେନ୍ତେ ଆତଃ ଏଙ୍ଗାଆପୁକଆଃ ବୁଗିନାଃ ରିକା ନାଗେନ୍ତେ ଇତୁନ୍କା, ଚିୟାଃତି ନେଆଁଦ୍ ପାର୍ମେଶ୍ୱାର୍ଆଃ ନେପେଲ୍ରେ ସୁଗାଡ଼ାନ୍ଗିଆ । ୫ ସାର୍ତ୍ତିଗି ଏସ୍କାରକାନ୍ ଆତଃ ଜେତାଏ କାକ ଜାତାନିତାନ୍ ରାଣ୍ଡିକୁଡ଼ି, ପାର୍ମେଶ୍ୱାର୍ତାଃରେ ଆସ୍ତା ଦହକେଦ୍ତେ ନିଦା ସିଙ୍ଗି ଆୟାଃ ଦେଙ୍ଗାନାଜ୍ ବିଡ଼ିତାନ୍ଲଃ ତାଇନକାଏ । ୬ ମେନ୍ଦ୍ ଜେତାଏ ରାଣ୍ଡିକାନ୍ରେୟ ରିଜ୍ରାଜ୍ରେ ତାଇନତାନ୍ନିଃ, ଜୀନିଦ୍ ତାଇନରେୟଗି ଗଜାକାନାଏ । ୭ ଇନିକୁ ବେଗାର୍ ଚିଟାକାନ୍ ଲେକାକ ହବାଅଃଆ, ଏନାମେନ୍ତେ ଆମ୍ ନେ ସବେନାଃହଗି ଇନିକୁକେ ଆତୁକମେ । ୮ ମେନ୍ଦ୍ ଜେତାଏ ଆୟାଃ କୁଟୁମକଆଃ ଆତଃ ଆୟାଃ ଅଡ଼ାଃରେନ୍କଆଃ ଯାତାନ୍ ଇଦି କାଏ ଦାଡ଼ିନିଃ ବିଶ୍ୱାସ୍ତେ ବାଗିକାଦା ଆତଃ ଇନିଃ କା ବିଶ୍ୱାସ୍ତାନ୍କଏତେ ପୁରାଃଗି ଏଡ଼କାନଃଆ ।

୯ ଜେତା ରାଣ୍ଡିକୁଡ଼ିଆଃ ବାୟାସ୍ ଷାଠିଏତେ ଆଦକା ବାରାଷ୍ ଆଉରି ହବାଅଃ ଜାକେଦ୍ ରାଣ୍ଡିକୁଡ଼ି ମେନ୍ତେ ଆଲକାଏ ହିସାବଃକା, ଇନିଃ ମିସାଗି ଆଣଦିକାନ୍ନିଃ ହବାଅଃକାଏ । ୧୦ ଆତଃ ଇନିଃ ଆୟାଃ ବୁଗିନ୍ କାମିରେ ନୁଡ଼ୁମାକାନ୍ନିଃ, ନେ'ଲେକାଟି ଆୟାଃ ହନ୍କଆଃ ହାରାଆସୁଲ୍ନିଃ, କା ଚିହ୍ନା଼ରକଆଃ ସେଞ୍ଜାନିଃ, ପାବିତାର୍ ହଡ଼କଆଃ କାଟା ଆବୁଜ୍ନିଃ, ଦୁକୁତାନ୍କକେ ଦେଙ୍ଗାନିଃ ଆତଃ ସବେନ୍ ଲେକାନ୍ ବୁଗିନ୍ କାମିକରେ ଚିହ୍ନୁଲ୍ନିଃ ତାନିଃରେଦ୍, ଇନିଃ ରାଣ୍ଡିକୁଡ଼ିକଆଃ ନୁଡ଼ୁମ୍ରେ ହିସାବଃକା ।

୧୧ ମେନ୍ଦ୍ ଧାଜ୍ଡି ରାଣ୍ଡିକୁଡ଼ିକକେ ଆଲମ୍ ମେସାକଆ, ଚିୟାଃତି ଇନିକୁ କଡ଼ାକଲଃ ଏଡ଼କାନ୍ ସାନାଜ୍ରେ ଉୟୁଃକେଦ୍ତେ ଆଣ୍ଡିୟା ନାଜ୍କ ସାନାଜ୍ଆଃ, ଇମ୍ତା ଇନିକୁ ଯୀଶୁ ଖ୍ରୀଷ୍ଟତାଃଏତେକ ସାଜ୍ନିଃଆ । ୧୨ ଆତଃ ଇନିକୁ ଆକଆଃ ପାହିଲା ବାନାର୍ସାକେ ବାଗିକାଦ୍ ନାଗେନ୍ତେ ଆକାଗି ସାଜାଇକ ଆଉକାଦା । ୧୩ ଇନିକୁ ଜେଡ଼ନାଃ କା କାମିକେଦ୍ତେ ଅଡ଼ାଃ ଅଡ଼ାଃ ହନରବାଡ଼ାତାନ୍ଲଃ ସାମାଏ ବିତାଅ ନାଗେନ୍ତେ ଇତୁକାନା, ଏନା ଏସ୍କାର୍ କାହାଗି, ମେନ୍ଦ୍ ସାମାକାଜିକ ଆତଃ ଏଟାଃକଆଃ ରୁପ୍ତା କାଜିକ କାଜିତାନ୍ଲଃ କା ଠାଉକାନ୍ କାଜିକ ଜାଗାର୍ରାଃ । ୧୪ ଏନାମେନ୍ତେ ଧାଜ୍ଡି ରାଣ୍ଡିକ ଆଣ୍ଡିକେଦ୍ତେ ହନ୍ ଜାନାମ୍କକାକ, ଆକଆଃ ଅଡ଼ାଃରେୟାଃ କାମିକ କାମିକା, ମେନ୍ତେଇଜ୍ ସାନାଜ୍ତାନା, ନେକା ରିକାଲେରେ ବାଇରିକକେ ଆବୁଆଃ ବିରୁଧ୍ରେ ଏଡ଼କାନ୍ କାଜି ନାଗେନ୍ତେ ହରା କାକ ନାମେୟା । ୧୫ ଚିୟାଃତି ନାହା଼ହଗି ଚିମିନ୍ ଧାଜ୍ଡି ରାଣ୍ଡିକୁଡ଼ିକ ସାଏତାନ୍କେ ଅତଙ୍ଗ ନାଗେନ୍ତେ ରୁହାଡ଼ୟାନ୍ଗିଆକ

* ୪:୧୪ ୪:୧୪ ଅବହେଲା

। ୧୭ ଜେତାଏ ବିଶ୍ୱାସୀ କୁଡ଼ିଆ ଅଡ଼ାରେ ରାଣ୍ଡିକୁଡ଼ିକ ମେନାକରେଦ, ଇନିଃ ଇନକୁକେ ଦେଙ୍ଗାକକାଏ । ଏନାତେ କାଲିସିୟା ଚେତାନ୍ରେ ଇନକୁଆଃ ବାହାରମ୍ ଆଲକା ଲାଦିୟଃକା, ଆତଃ କାଲିସିୟା, ଏସ୍କାରାକାନ୍ ରାଣ୍ଡିକୁଡ଼ିକଆଃ ଯାତାନ୍ ଇଦି ନାଗେନ୍ତେ ଦାଡ଼ିୟା ।

୧୮ କାଲିସିୟାରେ ଅକନ୍ ପ୍ରାଚିନ୍ଦ ବୁଗିଲେକାତେ କାମିତାନ୍କକେ, ବିଶେଷ୍ଟକେଦ୍ତେ ଅକନ୍ଦ ବାଚାନ୍ ଉଦୁବ୍ରେ ଆତଃ ଇନିତୁରେ ଲାଗାତରଠାଗି କାମିତାନ୍କକେ ବାର୍ ହିସା ଆଦକା ମାଇନ୍ ନାମେଲେକା ବୁଗିନ୍ ନାଲା ଏମାକପେ । ୧୮ ଚିୟାଠି ଧାରାମ୍ପୁଥିରେ ଅଲକାନା, “ବାବା ଦାଉଁରିତାନ୍ ଉରିଃକ୍କଆଃ ମଚା ଆଲପେ ତଲେୟା,” ଆତଃ “କାମିତାନ୍ନିଃ ଆୟାଃ ନାଲା ନାମେଗିୟାଏ ।” ୧୯ ବାର୍ହତ୍ ଚାଏ ଆପିହତ୍ତ୍ରେ ଆଦକା ଗାଞ୍ଜା ବାଙ୍ଗକରେଦ, ପ୍ରାଚିନ୍ଦକଆଃ ବିରୁଧ୍ରେ ଚିଟାତାନ୍କଆଃ କାଜି ଆଲମ୍ ଆୟୁମାଃ । ୨୦ ଏଟାଃ ହତ୍ତକ ବରଏକାକ ମେନ୍ତେ ପାପ୍ତାନ୍କକେ ସବେନ୍ଦକଆଃ ଆୟାରେ ବତଙ୍ଗକମେ ।

୨୧ ଆଇଙ୍ଗ ଆମକେ ପାରମେଶ୍ୱାରଆଃ, ଯୀଶୁ ଖ୍ରୀଷ୍ଟଆଃ ଆତଃ ସାଲକାନ୍ ଦୁଁତକଆଃ ଆୟାରେଇଙ୍ଗ ଆତୁମେତାନ୍ ଆନାତୁକେ ମାନାତିଙ୍ଗମେ । ଜେତାଏୟାଃ ବିରୁଧ୍ରେ ମେଦ୍ମୁହାଁତ୍ ନେଲକେଦ୍ତେ ଆଲମ୍ ବିଚାରେୟା ଚାଏ ଜେତ୍ନାଃ ଆଲମ୍ ରିକାୟା । ୨୨ ଜେତାଏରେ ଇମ୍ତାଗି ତିଃଇ ଦହକେଦ୍ତେ ବିକ୍ତିତାନ୍ଲଃ ପାରମେଶ୍ୱାରଆଃ ସେଞ୍ଜା କାମିନାଙ୍ଗ୍ ଆଲମ୍ ସାଲକଆ । ଏଟାଃକଆଃ ପାପ୍ରେ ଆଲମ୍ ମେସାନାଃ, ଆମ୍ ଆମ୍ଗି ଫାର୍ତିଆକାନ୍ ତାଇନ୍ମେ ।

୨୩ ଦାଆଃ ଏସ୍କାର୍ କା ନୁଁକେଦ୍ତେ ଆମାଃ ଲାହିଦ୍ରାଃ ହାସୁଏତେ ଆତଃ ସବେନ୍ ଇମ୍ତା ଆମାଃ ହତ୍ତମ୍ ବେଶ୍ କା ତାଇନ୍ତାନ୍ ହରାତେ ଆମ୍ ହୁଡ଼ିଙ୍ଗଲେକା ଦାଖରାସି ନୁଁଇମେ ।

୨୪ ଚିମିନ୍ ହତ୍ତକଆଃ ପାପ୍ ବିଚାରେୟାଃ ସିଦାରେ ନେଲଃତାନା ମେନ୍ଦ ଚିମିନ୍ ହତ୍ତକଆଃ ପାପ୍, ତାୟମ୍ତେ ନେଲଃତାନା । ୨୫ ଏନ୍ଲେକାଗି ବୁଗିନ୍ କାମିକ ବୁଗିଲେକା ନେଲଃତାନା ଆତଃ କା ନେଲଃତାନ୍ତେୟାଃ ଉକ୍କାନ୍ଗି କା ତାଇନ୍ ଦାଡ଼ିୟାଆ ।



୧ ଯୀଶୁ ଖ୍ରୀଷ୍ଟକେ ବିଶ୍ୱାସ୍ତାନ୍ କିରିଙ୍ଗ୍ୟାକାନ୍ ଦାସି ଲେକା ଆଡ଼ନାରେୟାଃ ଆକ୍ତେୟାରେ ମେନାକ ସବେନ୍ ଦାସିକ ଆପ୍ନାଃ ଗୁସିୟାକକେ ସବେନ୍ ଲେକାତେ ମାଇନ୍କପେ, ଜେଲେକାଚି ଜେତାଏ ପାରମେଶ୍ୱାରଆଃ ନୁତୁମ୍ ଆତଃ ଆବୁଆଃ ଇନିତୁକେ ଏଡକାନାଃ ତାନାଃ ମେନ୍ତେ କାକ କାଜିୟା । ୨ ଆତଃ ଅକନ୍ ଦାସିକଆଃ ଗୁସିୟାକ ବିଶ୍ୱାସୀତାନ୍କ, ଇନକୁକେ ଆବୁଆଃ ହାଗାକ ତାନ୍କ ମେନ୍ତେ ମାଇନ୍ ଏମ୍ ନାଗେନ୍ତେ ଆଲପେ ହିଚ୍କିଚାଅଆ, ମେନ୍ଦ ପୁରାଃତେ ଇନକୁକେ ସୁସାରକପେ, ଚିୟାଠି ଅକନ୍ଦ ଆକଆଃ କାମିତେ ଲାଡକ ନାମେତାନା, ଇନକୁ ହଗି ବିଶ୍ୱାସୀ ଆତଃ ପୁରାଃ ଦୁଲାଡ୍ ନାମେ ଲେକାନ୍ଦ ତାନ୍କ । ନେ ସବେନାଃ ଆମ୍କେ ଇତୁ ଆତଃ ଉଦୁବ୍ ଲାଗାତିଙ୍ଗ୍ୟାଃ ।

ହସତ୍ ଇନିତୁ ଆତଃ ସାର୍ତି ଖୁଜ୍

୩ ଜେତାଏ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ସାର୍ତି ଇନିତୁ ଲେକା କାଏ ଇତୁତାନା, ଚାଏ ଆୟାଃ ଇନିତୁ କା ମେସାଅଃତାନା ଆତଃ ଧାରାମ୍ ବିଶ୍ୱାସ୍ରେଆଃ ଇନିତୁଏତେ ଏଟାଃଲେକାଏ ଇତୁତାନ୍ରେଦ, ୪ ଇନିଃ ଜେତ୍ନାଃ କା ସାରିକେଦ୍ତେ ଆପାନ୍କେ ମାରାଙ୍ଗ୍ ମେନ୍ତେ କାଜିନାଃ । ଇନିଃ ଏଡକାନ୍ ସାନାଙ୍ଗ୍, ଧାରାମ୍ପୁଥିରାଃ ବାଚାନ୍ ବିଷାଏରେ କାପ୍ଜି, ହିସ୍ଜା, ଏପ୍ରାଙ୍ଗ୍, ଏଟାଃକଆଃ ନିନ୍ଦାକାଜି, ଆତଃ ଏଡକାନାଃକ ଉଡ଼ଗୁାଏ, ୫ ଆତଃ ଅକନ୍ଦ ଧାରାମ୍ ବିଶ୍ୱାସି କିସାଁ ଗ୍ ହବାଅଃ ନାଗେନ୍ତେ ମିଆଁଦ୍ ହରାତାନାଃ ମେନ୍ତେକ ଉଡ଼ଃଇୟା, ନେ ଲେକାନ୍ ହତ୍ତକ ବେଗାର୍ ଉଡ଼ଃକେଦ୍ତେ ସାମାକାଜିତେକ କାପ୍ଜିୟାଃ ଆତଃ ସାନାର୍ତି ଇନକୁତାଃରେ ବାନଃଆ ।

୬ ଧାର୍ମାନ୍ ହତ୍ତ ସାର୍ତିତେ କିସାଁ ତାନିଃ, ଚିୟାଠି ଇନିଃତାଃରେ ଅକ୍ନାଃ ମେନାଃ ଇମ୍ନାଙ୍ଗ୍ରେଗି ଇନିଃ ସୁକ୍ଷତାନାଏ । ୭ ଚିୟାଠି ଆବୁଦ ଅତେଦିଶ୍ୱମ୍ତେ ଜେତ୍ନାଃ କାରୁ ଆଉ, ଆତଃ ନେତାଏତେ ଜେତ୍ନାଃ କାରୁ ଇଦି ଦାଡ଼ିୟା । ୮ ମେନ୍ଦ ଆବୁତାଃରେ ଜମେୟାଃ, ଆତଃ ତୁସିଙ୍ଗ୍ ନାଗେନ୍ତେ ଲିଜାଃ ମେନାଃରେଦ, ଆବୁ ନାଙ୍ଗ୍ ଇମ୍ନାଙ୍ଗ୍ଗି ଲାଗାତିଙ୍ଗ୍ୟାଃ । ୯ ଜେତାଏ କିସାଁ ଗ୍ ହବାଅଃ ନାଙ୍ଗ୍ ସାନାଙ୍ଗ୍ତାନ୍ରେଦ, ବିଡାଅ ଆତଃ ଏଡକାନ୍ ଫାଁସ୍ରେକ ଉୟୁଗଃଆ, ଆତଃ ଆକଆଃ ମନ୍ରେ ପୁରାଃ କା ଲାଗାତିଙ୍ଗ୍ ଏଡକାନ୍ରାଃ ସାନାଙ୍ଗ୍ରେକ ଉୟୁଗଃଆ, ନେ ସବେନାଃ ଇନକୁକେ ଜିୟନଃ ନାଗେନ୍ତେ ଆଇଙ୍ଗ ଇଦିକଆ । ୧୦ ଚିୟାଠି ଟାକା ପାଏସାରାଃ ଦୁଲାଡ୍ ସବେନ୍ ଲେକାନ୍ ଏଡକାନାଃରାଃ ରେହେଦ୍ ତାନାଃ । ଚିମିନ୍ ହତ୍ତକ ଟାକା ପାଏସା ନାମେ ନାଙ୍ଗ୍ ପୁରାଃ ସାନାଙ୍ଗ୍ତାନ୍ ହରାତେ, ଇନକୁ ଆକଆଃ ବିଶ୍ୱାସ୍କ ବାଗିକେଦ୍ତେ ଏଡକାନ୍ ହରାକ ଅତଙ୍ଗକାଦା ଆତଃ ପୁରାଃ ଦୁକ୍ତେ ଆକଆଃ ମନ୍ସୁରଦକ ଦୁକ୍ଷତାନା ।

ଚୁଶ୍ଟ କାଜି

୧୧ ମେନ୍ଦ ହେ ତାମଥ୍, ଆମ୍ ମିହୁଡ୍ ପାରମେଶ୍ୱାରଆଃ ହତ୍ତ ତାନ୍ମେ, ଏନାତେ ନେ ସବେନାଃଏତେ ସାଜିନଃମେ ଆତଃ ଧାର୍ମାନ୍, ପାରମେଶ୍ୱାରଆଃ କାଜିଲେକା ସେସେନ୍ମେ, ବିଶ୍ୱାସ୍, ଦୁଲାଡ୍, ସାହାତିଙ୍ଗ୍ ଜୀଞ୍ଜାନ୍ ଆତଃ ଲେବେଃମନ୍ତେ ସେସେନ୍ମେ । ୧୨ ଖ୍ରୀଷ୍ଟ ବିଶ୍ୱାସ୍ରାଃ ବୁଗିନ୍ ଲାଡ଼ାଇରେ ଲାଡ଼ାଇମେ, ଜାନାଅ ଜାନାଅରେୟାଃ ଜୀଦାନ୍

☆ ୫:୧୮ ୫:୧୮ ମାଥୁଉ ୧୦:୧୦; ଲୁକ ୧୦:୭.

ସାବାକାମେ, ଏନା ନାଗେନ୍ତେ ପାରମେଶ୍ଵାର୍ ଆମ୍ଭକେ ସାଲକାଦମେୟା ଆଡ଼଼ ପୁରା଼ ଗାଞ୍ଜାକଥା଼ ସାମ୍ନାଙ୍ଗ୍ରେ ବୁଗିନ୍ ଗାଞ୍ଜାମ୍ ଏମାକାଦା ।^{୧୩} ସବେନ୍କକେ ଜୀଦାନ୍ ଏମ୍ତାନ୍ ପାରମେଶ୍ଵାର୍ ଆ଼ ସାମ୍ନାଙ୍ଗ୍ରେ ଆଡ଼଼ ପନ୍ତିୟ୍ ପିଲ୍ଲାତୁସ୍ ଆ଼ ଆୟାର୍ରେ ବୁଗିନ୍ ଗାଞ୍ଜା ଏମ୍ତାନ୍ ନି଼ ଯୀଶୁ ଖ୍ରୀଷ୍ଟ୍ ଆ଼ ସାମ୍ନାଙ୍ଗ୍ରେ, ଆଇଙ୍ଗ୍ ଆମ୍ଭକେଇଙ୍ଗ୍ ଆରୁମେତାନା ।^{୧୪} ଆରୁଆ଼ ପ୍ରାଭୁ ଯୀଶୁ ଖ୍ରୀଷ୍ଟ୍ ଆ଼ ଆଡ଼଼ମିସା ହିନିଜୁ଼ ଜାକେଦ୍ ଆମ୍ଭକେ ଏମାକାଦମେ ଆନାରୁକେ ମାନାତିଙ୍ଗ୍ତାନିଲ଼, ବେଗାର୍ ଦାଗିୟ଼ ଆଡ଼଼ କା ନିଦାଅ଼ ଲେକା ତାଇନ୍ମେ ।^{୧୫} ଯୀଶୁ ଖ୍ରୀଷ୍ଟ୍ ଆ଼ ଆଡ଼଼ମିସା ହିନିଜୁ଼ ବିଷାଏରେ ପାରମେଶ୍ଵାର୍ ଆଇ଼କ୍ରି ଦିପିଲି ସାଲ୍ୟୟା, ଇନି଼ ଧାଇନ୍ରିୟାଏ ଆଡ଼଼ ଇନି଼ ଏସ୍କାର୍ ଆକ୍ତେୟାର୍ ନାମାକାଦନି଼, ରାଜାକଥା଼ ରାଜା ଆଡ଼଼ ପ୍ରାଭୁକଥା଼ ପ୍ରାଭୁ ତାନି଼ ।^{୧୬} ଇନି଼ ଏସ୍କାର୍ ଚିତ୍ତଲ୍ୟାଏ କାଏ ଗଜ଼ଆ, ଆଡ଼଼ ଜେତାଏ ଇନି଼କେ କା ତେବ଼ା଼ ଦାଡ଼ିୟ଼ଲେକାନ୍ ମାୟ୍ଲାରେ ତାଇନ଼ତାନା । ଇନି଼କେ ଜେତାଏ ହଡ଼ ଚିତ୍ତଲ୍ୟାଏ କାକ ନେଲ୍ ଚାଏ କାକ ନେଲ୍ ଦାଡ଼ିୟା । ଇନି଼ୟା଼ ମାଇନାନ୍ ଆଡ଼଼ ପେଡ଼େ଼ ଜାନାଅ୍ ଜାନାଅ୍ ହବା଼ଅକା ! ଆମେନ୍ ।

^{୧୭} ନେ ଅତେଦିଶୁମ୍ରେନ୍ କିସାଁଶ୍ ହଡ଼କ, ଆପେ ଆପାନ୍କେ ମାରାଙ୍ଗ୍ ମେନ୍ତେ ଆଲପେ କାଜିନ୍ ଆଡ଼଼ କା ତାଇନ଼ ଜିନିଷରେ ଆଲପେ ଆସ୍ରାଏୟା, ମେନ୍ଦ୍ ଆରୁକେ ଆରୁଆ଼ ସୁକୁରାସକା ନାଙ୍ଗ୍ ସବେନା଼ ଏମାବୁତାନ୍ ପାରମେଶ୍ଵାର୍ତା଼ରେ ଆସ୍ରାଏପେ ମେନ୍ତେ ଆରୁକମ୍ ।^{୧୮} ଆଡ଼଼ ବୁଗିନା଼ ରିକାକେଦ୍ତେ ବୁଗିନ୍ କାମିକରେ କିସାଁଶ୍ତପେ, ଆଡ଼଼ ଲେବେ଼ ମନ୍ତେ ଏଗା଼କଲ଼ ହାଗିଙ୍ଗ୍ ନାଙ୍ଗ୍ ସେକାଡ଼ାକାନ୍ପେ ମେନ୍ତେ ଆରୁକମେ ।^{୧୯} ନେ ଲେକାକ ରିକାଏରେଦ୍, ଇନ୍କୁ ଆକଥା଼ ନାଗେନ୍ତେ ହିଜୁ଼ ଦିପିଲିରେ ପୁରା଼ ଖୁଜ୍ ହୁଣ୍ଡିୟାକ । ଏନ୍ ଖୁଜ୍ ହବା଼ଅତାନା ନିହଁଗାଡ଼ା, ଅକନା଼ରେଚି ଇନ୍କୁଆ଼ ହିଜୁ଼ ଦିପିଲିରା଼ ଜୀଦାନ୍ ତିଙ୍ଗ୍ ଦାଡ଼ିୟ଼ଆ । ଏନ୍ତେ ବୁଣ୍ଡୁରେ ଇନ୍କୁ ସାର୍ତି ଜୀଦାନ୍କ ନାମେୟା ।

^{୨୦} ହେ ତୀମଥୁ, ଆମା଼ତା଼ରେ ଜିମାକାନ୍ ବାହାରମ୍ଭକେ ବୁଗିଲେକା ମାନାତିୟେମେ, ଚିମିନ୍ ହଡ଼କ ସାମାକାଜିକେ ଆଡ଼଼ ଡ଼ଣ୍ଡୁ କାପ୍ତିକେ ବୁଗିନ୍ ସେଣାଁ ତାନା଼ ମେନ୍ତେକ କାଜିତାନା, ଏନାକଏତେ ଆମ୍ ସାଙ୍ଗିନ୍ରେ ତାଇନ୍ମେ ।^{୨୧} ଚିମିନ୍ ହଡ଼କ ଏନାଗି ସାର୍ତି ତାନା଼ ମେନ୍ତେ କାଜିତାନିଲ଼, ଇନ୍କୁ ଆକଥା଼ ବିଶ୍ଵାସ୍ ଆଦାକାଦା । ପାରମେଶ୍ଵାର୍ ଆ଼ ସାୟାଦ୍ ଆପେ ସବେନ୍କଲ଼ ହବା଼ଅକା ।

ତୀମଥ୍ ନିକଟକୁ ପାଉଲକ ଦ୍ଵିତୀୟ ପତ୍ର ତୀମଥ୍‌ତାଃତେ ପ୍ରେରିତ୍ ପାଉଲୁସ୍‌ଆଃ ଏଗାଃ ଚିଟାଉ ପାରିବାଏ

ନେ ପୁଅ, ତୀମଥ୍‌ତାଃତେ ଅଲ୍ଲକାନ୍ ପାଉଲୁସ୍‌ଆଃ ଏଗାଃ ଚିଟାଉ ତାନାଃ । ତୀମଥ୍‌ତାଃତେ ଅଲ୍ଲକାନ୍ ଏଗାଃ ଚିଟାଉ ପାଉଲୁସ୍‌ଆଃ ଜୀଦାନ୍‌ରେୟାଃ ଟୁଣ୍ଡୁ ଦ୍ଵିପିଲିରେ ଅଲ୍ଲକାନ୍ ଚିଟାଉ ତାନାଃ । ନେ ଦିପିଲିରେ ପାଉଲୁସ୍ ରୋମ୍ ନାଗାରରେ ଜେହେଲ୍ଲକାନ୍ ତାଲକେନା ୧:୧୭ । ପାଉଲୁସ୍‌ଲଃ ତୀମଥ୍‌ଆଃ ପୁରାଃ ବୁଗିନ୍ ନାତା ତାଲକେନା ଆତଃ ସବେନ୍ ଇମ୍‌ତା ଇନିଃକେ ହନ୍ ଲେକାଏ ଉଦୁବ୍‌କାଲଜା ଫିଲିପିୟ ୨:୨୨;୧ ତିମଥ୍ ୧:୨:୧୮ ।

ପାଉଲୁସ୍‌ଆଃ ହରାତେ ମିହୁଡ୍‌କେ ଏସ୍‌କାର୍ ଅଲ୍ଲକାନ୍ ଉପୁନିୟା ଚିଟାଉକଏତେ ନେଆଁ ହବାଅଃତାନା ମିଆଁଦ୍ । ଏଗାଃ ଆପିୟା ପୁଅ ହବାଅଃତାନା ୨ ତୀମଥ୍, ତିତସ୍, ଆତଃ ଫିଲ୍‌ମନ୍ । ତୀମଥ୍‌ତାଃତେ ଏଗାଃ ଚିଟାଉ ଅଲଃତାଲକେନ୍ ଇମ୍‌ତା ରୋମ୍ ନାଗାରରେ ସାସାତି ହବାଅଃତାଲକେନା । ହବାସାକାଅଆଃ ନେଆଁ ନାଗେନ୍ତେ ପାଉଲୁସ୍ ଜେହେଲ୍ଲକାନ୍ ତାଲକେନାଏ ଆତଃ ତୀମଥ୍‌କେ ଦୁକୁ ସାହାଡିକ୍‌ୟେଁ ନାଜ୍ କାଜିୟାଲ ତାଲକେନାଏ । ତୀମଥ୍‌ତାଃତେ ଅଲ୍ଲକାନ୍ ପାହିଲା ଚିଟାଉ ଲେକାତେ ପାଉଲୁସ୍ ତୀମଥ୍‌କେ ହସଡ୍ ଇଡୁକଆଃ ବିଷାଏରେ ପୁରାଃ ଚେନେତାଅ କାଜିକ କାଜିକାଦା । ୧ ତିମଥ୍ ୧:୧୭-୧୮ ପାଉଲୁସ୍ ତୀମଥ୍‌କେ କାଜିୟାଃ ଯେ, ହିଜୁଃ ଦିପିଲିରେ ପୁରାଃ ଦୁକୁହାସୁରେୟାଃ ଦିପିଲି ମେନାଃ ୩:୧ ।

ପୁଅ ଭିତରରେ ତାଲକାନ୍ କାଜି

- ୧. ପାଉଲୁସ୍ ତୀମଥ୍‌କେ ଜହାର୍ କାଜିତାନ୍‌ଲଃ ଇନିଃକେ ଜୀଉରେ କେଟେଦ୍ ଏମାଲତାନାଏ । ୧:୧-୧୮
- ୨. ତୀମଥ୍‌କେ ଧିରାଜ୍‌ରେୟାଃ ସାବୁଦ୍ ଏମ୍‌କେଦ୍‌ତେ ଉଦୁବେନ୍ ନାଗେନ୍ତେ ପାଉଲୁସ୍ ଜୀଉରେ କେଟେଦ୍ ଏମାଲତାନାଏ । ୨:୧-୧୩
- ୩. ପାଉଲୁସ୍ ତୀମଥ୍‌କେ ହୁପ୍‌ଡିକ୍ ବିଷାଏରେ ଇନିଡୁ ଏମାଲତାନା । ୨:୧୪-୨୬
- ୪. ହିଜୁଃ ଦିପିଲି ବିଷାଏରେ ଚିଗାଲ୍ଲକାନ୍ ତାଲନଃ ଆତଃ ସାର୍‌ତି ହରା ସାଲ୍ୟାଏ ନାଗେନ୍ତେ ଚେନେତାଅ ଏମେତାନାଏ । ୩:୧-୪:୮
- ୫. ପାଉଲୁସ୍ ତୀମଥ୍‌କେ ଆୟାଃ ଏସ୍‌କାର୍‌ରେୟାଃ କାଜିକ ଏମ୍‌କେଦ୍‌ତେ ଅନଲ୍ ଚାବାକେଦାଏ । ୪:୯-୨୨

୧ ଆଇକ୍ ପାଉଲୁସ୍, ଯୀଶୁ ଖ୍ରୀଷ୍ଟ୍‌ଆଃ କୁଲ୍ଲକାନ୍‌ନିଃ ତାନିକ୍ । ଆବୁ ଯୀଶୁ ଖ୍ରୀଷ୍ଟ୍‌ଲଃ ମେସାକାନ୍ ହରାତେ ପାର୍‌ମେଶ୍ଵାର୍‌ଆଃ ବାନାର୍‌ସା ଲେକାତେ ଯୀଶୁ ଖ୍ରୀଷ୍ଟ୍‌ରେ ଜୀଦାନ୍‌ରୁ ନାମାକାଦା । ଏନା ଉଦୁବ୍ ନାଗେନ୍ତେ ଆଇକ୍ ପାର୍‌ମେଶ୍ଵାର୍‌ଆଃ ମନେଲେକାତେଇକ୍ କୁଲ୍ଲକାନ୍ ।

୨ *ଆଇୟାଃ ଦୁଲ୍ଲାଡ୍ ହନ୍ ତୀମଥ୍‌ତାଃତେ ନେ ଚିଟାଉ ଅଲେତାନାଲକ୍ ।
ଆପୁ ପାର୍‌ମେଶ୍ଵାର୍ ଆତଃ ଆବୁଆଃ ଯୀଶୁ ଖ୍ରୀଷ୍ଟ୍‌ସାଃଏତେ ସାୟାଦ୍, ଲିବୁଲ ଆତଃ ଜୀଉସୁକୁ ଆମାଃ ହବାଅଃକା ।

ଧାନ୍ୟାବାଦ୍ ଏମଃ ଆତଃ ପାତିୟାରରେନ୍ ହବାଅଃ

୩ ଆଇୟାଃ ହାଡାମ୍‌ହଡକଆଃ ଲେକା ଆଇକ୍ ଫୀର୍‌ତି ମନ୍‌ତେ ସେଝାଲତାନ୍ ପାର୍‌ମେଶ୍ଵାର୍‌କେ ନିଦାସିକ୍ ବିନ୍ତିତାନ୍ ଇମ୍‌ତା ଆମ୍‌କେ ପାହାମ୍‌କେଦ୍‌ତେ ଆଇକ୍ ପାର୍‌ମେଶ୍ଵାର୍‌କେ ଧାନ୍ୟାବାଦ୍ ଏମାଲତାନିକ୍ । ୪ ଆଇକ୍ ରାସ୍‌କାତେ ପେରେଜଃକାଲକ୍ ମେନ୍ତେ ଆମାଃ ମେଦ୍ ଦାଆଃ ପାହାମ୍‌ତାନ୍‌ଲଃ ଆମ୍‌କେ ନେଲ୍ ନାଗେନ୍ତେଇକ୍ ସାନାକ୍ ତାନା । ୫ *ଆମାଃ ବୁଡିମ୍‌ ଲଇସ୍ ଆତଃ ଆମାଃ ଏକ୍ମା ଇଉନିକିତାଃରେ ତାଲକାନ୍ ସାର୍‌ତି ବିଶ୍ଵାସ୍ ଆମାଃତାଃରେୟାଃ ମେନାଃ ମେନ୍ତେ ଆଇୟାଃ ପୁରାଃ ବିଶ୍ଵାସ୍ ମେନାଃ, ଆମାଃ ଏନ୍ ସାର୍‌ତି ବିଶ୍ଵାସ୍ ବିଷାଏରେ ଆଇକ୍ ଆୟୁମକାଦା । ୬ ଆଇକ୍ ଆମାଃ ଚେତାନ୍‌ରେ ତିଃଇ ଦହକେଦ୍‌ତେ ବିନ୍ତିତାନ୍ ଇମ୍‌ତା ପାର୍‌ମେଶ୍ଵାର୍‌ତାଃଏତେ ଅକ ବାର୍‌ଦାନ୍ ନାମାକାଦାମ୍ ଏନାକେ ଜୀହିଦ୍‌ଗି ଦହେମେ, ମେନ୍ତେଇକ୍ ପାହାମ୍‌ଇଚିମେ ତାନା । ୭ ଚିୟାଃତି ପାର୍‌ମେଶ୍ଵାର୍‌ଦ୍ ବରଏଲେକାନ୍ ଆମ୍‌ ଆବୁକେ କାଏ ଏମ୍, ମେନ୍‌ଦ ପେଡେଃ, ଦୁଲ୍ଲାଡ୍ ଆତଃ ବୁଗିନ୍ ସେଣ୍‌ନରେନ୍ ଆମ୍‌ ଏମାକାଦ୍‌ରୁଆଏ ।

୮ ଏନାମେନ୍ତେ ଆବୁଆଃ ପ୍ରାଭୁଆଃ ବିଷାଏରେ ଗାଝା ଏମ୍ ନାଗେନ୍ତେ ତାଏ ଆଇକ୍ ଇନିୟାଃ ନାଗେନ୍ତେ ଜେହେଲ୍ଲକାନାଲକ୍ ମେନ୍ତେ ଆଲମ୍ ଗିହୁଗଃଆ, ମେନ୍‌ଦ ପାର୍‌ମେଶ୍ଵାର୍‌ଆଃ ପେଡେଃତେ ସୁକୁକାଜି ନାଗେନ୍ତେ ଆଇୟାଃଲଃ ଦୁକୁ ସାହାଡିକ୍‌ୟେଁମେ । ୯ ଇନିଃ ଆବୁକେ ବାସ୍ତାଅକେଦ୍‌ରୁଆ ଆତଃ ପାବିତାର୍ କେନେଡାତେ କେଡାକେଦ୍‌ରୁଆ, ଆବୁଆଃ ବୁଗିନ୍ କାମିକ ନାଗେନ୍ତେଦ୍ କା ମେନ୍‌ଦ ଆୟାଃ ଉଦେଶ୍‌ତେ ଆତଃ ସାୟାଦ୍‌ତେ ରିକାକାଦା, ଏନ୍ ସାୟାଦ୍ ନେତାରେୟାଃ ମୁନ୍ ସିଦାରେ ଖ୍ରୀଷ୍ଟ୍ ଯୀଶୁରେ ଆବୁକେ ଏମାଦ୍‌ରୁଆ । ୧୦ ମେନ୍‌ଦ ନାହାଃ ଆବୁଆଃ ଜୀଉ ବାସ୍ତାଅନିଃ ଯୀଶୁ ଖ୍ରୀଷ୍ଟ୍‌ଆଃ ହିନିଜୁଃ ହରାତେ ଉଦୁବ୍‌ୟାନା, ଇନିଃ ଗନ୍‌ଏଃରାଃ ପେଡେଃକେ ଟୁଣ୍ଡୁକେଦା ଆତଃ ସୁକୁକାଜି ହରାତେ ଜାନାଅ ଜୀଦାନ୍‌ରାଃ ହରା ଉଦୁବ୍‌ୟାନା ।

* ୧:୨ ୧:୨ ପ୍ରେରିତ୍ ୧୭:୧. * ୧:୫ ୧:୫ ପ୍ରେରିତ୍ ୧୭:୧.

୧୧ ☆ଏନ୍ ସୁକୁକାଜି ଉଦୁବକେଦ୍‌ତେ ଇତୁନାଙ୍ ପାର୍‌ମେଶ୍‌ବାର୍ ଆଇଙ୍‌କେ ମିଆଁଦ୍ କୁଲ୍‌କାନ୍ ତେଲ୍‌ ଲେକାନିଃ ଆଡ଼ଃ ଇତୁନିଃଲେକାଏ ସାଲ୍‌କାଦିୟାଁ । ୧୨ ଏନା ନାଗେନ୍ତେ ଆଇଙ୍‌ ଦୁକୁ ସାହାତିଙ୍‌ ତାନ୍‌ରେୟ୍ କାଇଙ୍‌ ବରତାନା । ଚିୟାଃତି ଆଇଙ୍‌ ବିଶ୍ୱାସ୍‌କାନିଃକେ ସାରିତାନାଙ୍‌ ଆଡ଼ଃ ଇନିୟାଃ ତିଃଇରେଇଙ୍‌ ଜିମାକାନା । ଆଡ଼ଃ ଇନିଃ ଏମାକାଦିଙ୍‌ କାମିରାଃ ବାହାରମ୍‌କେ ରିକାଏ ନାଗେନ୍ତେ ମାରାଙ୍‌ ବିଚାର୍ ହୁଲ୍‌କାଙ୍‌ ଜାକେଦ୍ ଆଇଙ୍‌କେ ବାଞ୍ଚାଅ ନାଙ୍‌ ଇନିଃତାଃରେ ପେଡ଼େଃ ମେନାଃ, ଏନା ଆଇଙ୍‌ ପୁରା କେଟେଦ୍‌ତେଇଙ୍‌ ବିଶ୍ୱାସ୍‌ତାନା । ୧୩ ଆଇଙ୍‌ ଆମ୍‌କେ ଇତୁକାଦ୍‌ମେ ସାର୍‌ତି କାଜିକକେ ଆମ୍‌ ନାମୁନାମ୍ ହବାଅଃଲେକା ପୁରା କେଟେୟାନ୍‌ଗି ସାବାକାମେ । ଅକ୍‌ନାଃତି ଯୀଶୁ ଖ୍ରୀଷ୍ଟ୍‌ରେ ବିଶ୍ୱାସ୍‌ ଆଡ଼ଃ ଦୁଲ୍‌ତୁତାନାଃ । ୧୪ ଆମ୍‌କେ ଜିମାକାଦ୍‌ମେ ବୁଗିନ୍ ବିଷାଏକେ ଆବୁତାଃରେ ତାଇନ୍‌ତାନ୍ ପାବିତାର୍ ଆମ୍‌ରାଃ ପେଡ଼େଃତେ ଏନାକେ ଯାତୁନାଅ କେଦ୍‌ତେ ଦହେମେ ।

୧୫ ପୁଗେଲ୍ ଆଡ଼ଃ ହର୍‌ଗିନସ୍ ମେସାକେଦ୍‌ତେ ଏସିଆ ପାର୍‌ଗାନ୍‌ରେନ୍ ସବେନ୍‌କ ଆଇଙ୍‌କେ ବାଗିକେଦିୟାଁ, ଏନା ଆମ୍‌ ସାରିତାନା । ୧୬ ଅନିସିଫର୍‌ଆଃ ଅଡ଼ାଃରେନ୍‌କକେ ପ୍ରାଭୁ ଦାୟା ଏମାକାକାଏ, ଚିୟାଃତି ଇନିଃ ପୁରାଃତେ ଆଇଙ୍‌କେ ଜୀଉରାଡ଼େଃ ଏମ୍‌ନାଙ୍‌ ଆଡ଼ଃ ଜୀଉରେ ରାସ୍‌କା ଏମ୍‌ନାଙ୍‌ ହିଜୁଃକାନ୍ ତାଇକେନାଏ । ଆଇଙ୍‌ ଜେହେଲ୍‌କାନ୍‌ରେୟ୍ ଇନିଃକେ କା ଗିହୁଃକିୟା । ୧୭ ରୋମ୍ ନାଗାର୍‌ତେ ସେଟେରୟାନ୍‌ଗି ଇନିଃ ଆଇଙ୍‌କେ କା ନାମ୍ ଜାକେଦ୍ ଦାଣ୍ଟାକେଦିୟାଁଏ । ୧୮ ମାରାଙ୍‌ ବିଚାର୍ ହୁଲ୍‌କାଙ୍‌ରେ ପ୍ରାଭୁ ଇନିଃକେ ଦାୟାକାକାଏ । ଏଫିସୁସ୍‌ରେ ଇନିଃ ଆଇଙ୍‌କେ ପୁରାଃଗି ସୁସାର୍‌କେଦିୟାଁ, ଏନା ଆମ୍‌ ବୁଗିଲେକାଡେମ୍ ସାରିତାନା ।

୨

ୟୀଶୁ ଖ୍ରୀଷ୍ଟ୍‌ରେ ବିଶ୍ୱାସ୍‌ତାନ୍ ପାଲେଟାନ୍‌କ

୧ ଏନାମେନ୍ତେ, ଏ ଆଇଁୟାଃ ଦୁଲ୍‌ତୁ ହନ୍, ଯୀଶୁ ଖ୍ରୀଷ୍ଟ୍‌ରେ ତାଇନ୍‌କେଦ୍‌ତେ ଆୟାଃ ସାୟାଦ୍‌ତେ ନାମଃତାନ୍ ପେଡ଼େଃରେ ପେଡ଼େୟେନ୍‌ମେ । ୨ ଆଡ଼ଃ ପୁରାଃ ଗାଞ୍ଜାକଆଃ ସାମ୍‌ନାଙ୍‌ରେ ଆଇଙ୍‌ତାଃଏତେ ଆୟୁମାକାଦ୍ କାଜିକ, ଏଟାଃକକେ ଇତୁ ଦାଡ଼ିଲେକାନ୍ ପାତିୟାର୍‌ରେନ୍ ହଡ଼କତାଃରେ ଜିମାଏମେ ।

୩ ଯୀଶୁ ଖ୍ରୀଷ୍ଟ୍‌ଆଃ ମିଆଁଦ୍ ବୁଗିନ୍ ପାଲଟାନ୍‌ଲେକା ଆଇଁୟାଃଲଃ ଦୁକୁ ସାହାତିଙ୍‌ୟେମେ । ୪ ଜେତାଏ ପାଲଟାନ୍ କାମିରେ କାମିତାନ୍ ହଡ଼, ପାଲଟାନ୍‌କଆଃ ମାରାଙ୍‌ନିଃକେ ସୁକୁ ଏମ୍ ନାଗେନ୍ତେ ସାନାଙ୍‌ଆଃଏ, ଇନିଃ ଲାଡ଼ାଇ କାମି ବାଗିକେଦ୍‌ତେ ଏଟାଃ କାମିରେ କାଏ ମେସାନା । ୫ ଜେତାଏ ଆଖ୍‌ଡ଼ାରେ ହାରାଜିତା ଏନେଃ ଇମ୍‌ତା ନିୟାମ୍ ଲେକା କାଏ ଏନେଃରେଦ୍, ଇନିଃ ମୁକୁଟ୍ କାଏ ନାମେୟା । ୬ କେଟେଦ୍ କାମିତାନ୍ ଚାଷିକେ ପାହିଲା ଇରାକାନ୍ ଜ' ନାମଃଗି ଲାଗାତିଙ୍‌ୟାଃ । ୭ ଆଇଙ୍‌ କାଜିତାନ୍‌ତେୟାଃ, ବୁଗିଲେକାଡେ ଉଡ଼ୁଇମେ, ଚିୟାଃତି ପ୍ରାଭୁଦ୍ ନେ ସବେନ୍ କାଜିକ ଆବ୍‌କାର୍‌ଉରୁମ୍ ନାଗେନ୍ତେ ପେଡ଼େଃ ଏମାମେୟାଏ ।

୮ ଆଇଙ୍‌ ପ୍ରାଚାର୍‌କାଦ୍ ସୁକୁକାଜି ଲେକାଡେ, ଗଜାକାନ୍‌କଏତେ ଜୀଉବିରିଦାକାନ୍ ଯୀଶୁ ଖ୍ରୀଷ୍ଟ୍, ଦାଉଦ୍ ରାଜାରାଃ କିଲି ତାନିଃ, ଇନିଃକେ ପାହାମିମେ । ୯ ନେ ସୁକୁକାଜିକେ ଉଦୁବତାନ୍ ହରାଡେ, ଆଇଙ୍‌ ଗୁଣ୍ଟାକାଦ୍‌ନିଃ ଲେକା ସିକିଡିଡେ ତଲ୍‌ୟାନାଲ୍‌ ଆଡ଼ଃ ଦୁକୁଇଙ୍‌ ସାହାତିଙ୍‌ତାନା, ମେନ୍‌ଦ୍ ପାର୍‌ମେଶ୍‌ବାର୍‌ଆଃ କାଜି କା ତଲ୍‌ଃଆ । ୧୦ ଏନା ନାଗେନ୍ତେ ପାର୍‌ମେଶ୍‌ବାର୍‌ଆଃ ସାଲ୍‌କାନ୍ ହଡ଼କହ ଯୀଶୁ ଖ୍ରୀଷ୍ଟ୍‌ତାଃଏତେ ଜୀଉ ବାଞ୍ଚାଅ ଆଡ଼ଃ ଜାନାଅ ଜାନାଅରେୟାଃ ମାନାରାଙ୍‌କ ନାମେକା, ଏନାମେନ୍ତେ ଆଇଙ୍‌ ଇନ୍‌କୁ ନାଗେନ୍ତେ ସବେନ୍ ଲେକାନ୍ ଦୁକୁଇଙ୍‌ ସାହାତିଙ୍‌ତାନା । ୧୧ ନେ କାଜି ପାତିୟାର୍‌ରେ ଲେକାଗିୟା,

“ଆବୁ ଇନିଃଲଃ ଗଜାକାନ୍‌ରେଦ୍,
 ଆବୁହ ଇନିଃଲଃବୁ ଜୀହିଦଃଆ ।
 ୧୨ ☆ଆବୁ ଇନିଃଲଃ ଦୁକୁ ସାହାତିଙ୍‌ରେଦ୍,
 ଆବୁହ ଇନିଃଲଃବୁ ରାଇଜେୟା,
 ଆବୁ ଇନିଃକେ କାଲେ ସାରିୟା ମେନ୍ତେବୁ କାଜିରେଦ୍,
 ଇନିଃହ ଆବୁକେ କାଇଙ୍‌ ସାରିୟା ମେତାବୁଆଏ ।
 ୧୩ ଆବୁ ପାତିୟାର୍‌ଲେକା କା ତାଇନ୍‌ରେୟ୍,
 ଇନିଃ ପାତିୟାର୍‌ ଲେକାଗି ତାଇନାଏ,
 ଚିୟାଃତି ଇନିଃ ଆପାନ୍‌କେଗି କାଇଙ୍‌ ସାରିୟା ମେନ୍ତେ କାଜି କାଏ ଦାଡ଼ିୟା ।”

ବିଶ୍ୱାସ୍‌ତେ କାମିତାନ୍‌କ

୧୪ ଆମାଃ ସବେନ୍ ବିଶ୍ୱାସୀକକେ ନେ ସବେନ୍ ବିଷାଏ ପାହାମ୍ ଇଚିକମେ ଆଡ଼ଃ ଧାରାମ୍ ପୁଅରେୟାଃ କାଜି ଇତୁକେଦ୍‌ତେ କା ବୁଗିନ୍‌ତେୟାଃକ ଆଡ଼ଃ ଜିୟନଃ ଲେକନାଃକ କା ଏପେଗେର୍ ନାଗେନ୍ତେ ଇନ୍‌କୁକେ ପାର୍‌ମେଶ୍‌ବାର୍‌ଆଃ ସାମ୍‌ନାଙ୍‌ରେ କେଟେୟାନ୍‌ଗି ଆବୁକମେ । ୧୫ ଆମ୍ ଆମ୍‌କେଗି ପାର୍‌ମେଶ୍‌ବାର୍‌ଆଃ ଆୟାର୍‌ରେ ମାଇନ୍ ନାମେନିଃ

☆ ୧:୧୧ ୧:୧୧ ୧ ଡିମଥ୍ ୨:୭. ☆ ୨:୧୨ ୨:୧୨ ମାଥ୍‌ଉ ୧୦:୩୩; ଲୁକ ୧୨:୯.

ଲେକାନ୍ ହବାଅଃ ସାନାଙ୍ଗରେଦ, ଆମ୍ କା ଗିହୁଃକେଦ୍ତେ ପାର୍ମେଶ୍ଵାର୍ଆଃ ସାର୍ତି କାଜିକ ମାଇନ୍ ନାମେନିଃ ଲେକା ଇତୁକମ୍ ।^{୧୭} ମେନ୍ଦ ସାମାକାଜିକଏତେ ଆତଃ ଡଣ୍ଡ କାପ୍ତିକଏତେ ସାଜିନ୍ରେ ତାଇନ୍ମେ, ଚିୟାଃଚି ଜେତାଏ ଏନାରେ ତାଇନ୍କାନ୍କ ପାର୍ମେଶ୍ଵାର୍ତାଃଏତେ ଆତଃଚି ସାଜିନ୍ ଇଦିୟଃଆକ ।^{୧୮} ଆତଃ ଇନ୍କୁଆଃ ଇନ୍ତି ସୟା ଘାଅଲେକା ପାସ୍ତାଅ ଇଦିୟଃଆ । ଇନ୍କୁଏତେ ହୁମ୍ନାୟ ଆତଃ ଫିଲିତୁସ୍, ନେ ବାରାନ୍କିନ୍ ତାନ୍କିନ୍ ।^{୧୯} ଇନ୍କିନ୍ ଜୀଉବିନିରିଦ୍ ହବାୟାନା ମେନ୍ତେ କାଜିକେଦ୍ତେ ସାର୍ତି ହରା ବାଗିକାଦାକିନ୍, ଆତଃ ଚିମିନ୍ ହଡକଆଃ ବିଶ୍ଵାସ୍ ଜିୟନାକାନା ।^{୨୦} ଏନ୍ରେୟ ପାର୍ମେଶ୍ଵାର୍ତାଃ ମାଜ୍ବୁଦ୍ ନିହିଁ ଗାଡା ତିଜ୍ଞୁଆକାନା, ଆତଃ ଏନାରେ ନେ କାଜି ଅଲ୍ଲୀକାନା, “ପ୍ରାଭୁ ଆୟାଃ ହଡକକେ ସାରିୟାଏ, ଆତଃ ଜେତାଏ ଆଇଙ୍ଗ୍ ପ୍ରାଭୁଆଃ ହଡ ତାନିଙ୍ଗ୍ ମେନ୍ତେ କାଜିନିଃ ଏଡକାନ୍ କାମିକଏତେ ସାଜିନ୍ରେ ତାଇନ୍ଃ ଲାଗାତିଙ୍ଗ୍ୟାଃ ।”

^{୨୦} ମିଆଁଦ୍ ମାରାଙ୍ଗ୍ ଅତଃରେ ସୋନା ଆତଃ ରୁପାତେ ବାଇୟାକାନ୍ ତୁବ୍ହା ଏସ୍କାର୍ କା ତାଇନା, ମେନ୍ଦ ଦାରୁରାଃ ଆତଃ ହାସାରାଃ ବାଇୟାକାନ୍ ତୁବ୍ହାହଗି ତାଇନାଃ, ଚିମିନ୍ତେୟାଃ ପାରାବ୍ରେ ମାଇନ୍ ଏମ୍ ନାଙ୍ଗ୍ ଆତଃ ଚିମିନ୍ତେୟାଃ ସବେନ୍ ହୁଲାଙ୍ଗ୍ ନାଙ୍ଗ୍ ବାଉରାଅ ତାନା ।^{୨୧} ଜେତାଏ ଏନ୍ ଏଡକାନ୍ କାମିକଏତେ ଆପାନ୍କେ ଫାର୍ତିନତାନ୍ ହଡ ପାବିତାର୍କାନାଏ, ଆତଃ ଇନିଃ ପାର୍ମେଶ୍ଵାର୍ତାଃ ବିଶେଷ୍ କାମିନାଙ୍ଗ୍ ବେଭାରଃଆଏ, ଚିୟାଃଚି ଇନିଃ ଆୟାଃ ଗମ୍ବେୟାଃ ବେଭାରଃ ନାଗେନ୍ତେ ଜିମାକାନ୍, ଆତଃ ସବେନ୍ ବୁଗିନ୍ କାମି ନାଙ୍ଗ୍ ସେକାଡାକାନ୍ଗି ତାଇନାଃ ।^{୨୨} ମେନ୍ଦ ଆମ୍ ଜାଝାନ୍ ସାମାଏରାଃ ଏଡକାନ୍ ସାନାଙ୍ଗକଏତେ ସାଜିନେନ୍ମେ, ଅକନ୍କ ଫାର୍ତି ମନ୍ତେ ପାର୍ମେଶ୍ଵାର୍ତାଃରେ ବିକ୍ତିତାନ୍କଲଃ ଧାରାମ୍, ବିଶ୍ଵାସ୍, ଦୁଲାଡ୍, ଆତଃ ଜୀଉସ୍ତୁ ହବାଅଃନାଙ୍ଗ୍ କାମିମେ ।^{୨୩} ମେନ୍ଦ ଡଣ୍ଡ ଆତଃ କା ଲାଗାତିଙ୍ଗ୍ କାପ୍ତିକଏତେ ସାଜିନ୍ରେ ତାଇନ୍ମେ, ଏନାଏତେଦ ଏପେରାଙ୍ଗ୍ ଅମନଆଃ ଏନାଦ୍ ସାରିତାନାମ୍ ।^{୨୪} ପ୍ରାଭୁଆଃ ଦାସି ହବାକେଦ୍ତେ ଏପେରାଙ୍ଗ୍ ନାଙ୍ଗ୍ କା ବୁଗିନାଃ, ମେନ୍ଦ ଇନିଃ ସବେନ୍କଆଃ ନାଙ୍ଗ୍ ଲେବେଃ ମନ୍ତେ ସାହାତିଙ୍ଗ୍ତାନଲଃ ବୁଗିଲେକା ଇତୁକକାଏ ।^{୨୫} ଆତଃ ଆୟାଃ ବିରୁଧ୍ରେ ତାଇନ୍ତାନ୍ ହଡକକେ ଲେବେଃମନ୍ତେ ବୁଝାଅକକାଏ, ଏନାରେଦ ଇଦୁ ପାର୍ମେଶ୍ଵାର୍ ଇନ୍କୁକେ ହେୟାତିଙ୍ଗ୍ ନାଙ୍ଗ୍ ଆତଃ ସାର୍ତି ବିଷାଏ ସାରି ନାଙ୍ଗ୍ ନେତା ଏମାକଆଏ ।^{୨୬} ଆତଃ ସାଏତାନ୍ ଅକନ୍କକେ ଆୟାଃ ସାନାଙ୍ଗଲେକା କାମି ନାଗେନ୍ତେ ତଲ୍ଲୀକାଦ୍କ ତାଇକେନାଏ, ଇନ୍କୁ ଆକଆଃ ଚେତା ନାମ୍ବେଦ୍ତେ ସାଏତାନ୍ଆଃ ଫିସ୍ତେତେକ ରାଡାଅଃଆ ।

୩

ଚୁଣ୍ଡ ଦ୍ଵିପିଲି

^୧ ମେନ୍ଦ ନେୟାଁ ସାରିମେ, ଚୁଣ୍ଡ ହୁଲାଙ୍ଗ୍କରେ ପୁରାଃ ବରଝାନ୍ ଦିପିଲି ହିଜୁଃଆ ।^୨ ଚିୟାଃଚି ହଡକ ଆପ୍ତନାଃ ନାଙ୍ଗ୍ ଏସ୍କାର୍ ଉଡ୍ଗୁଃକ, ଚାକା ପାଏସାରାଃ ହାୟା, ଘାମାଣ୍ଡ, ହାଁକାର୍, ନିୟା କାଜି, ଏଙ୍ଗା ଆପୁକେ କା ମାନାତିଙ୍ଗ୍, ମାଇନ୍ କା ଏମ୍, ସଡରାକାନ୍କ, ^୩ ଦୁଲାଡ୍ ବାନଃକ, ଦାୟା ବାନଃକ, ଏଟାଃନିୟାଃ ବିରୁଧ୍ରେ ନିୟା କାଜିକ, ଆପାନ୍କେଗି ଆବର୍ରେ କା ଦହ ଦାଡିକ, ପୁରାଃଚି ଢିଟ୍ଟକ, ଇନ୍କୁ ବୁଗିନାଃତେୟାଃକ ହିଲାଙ୍ଗ୍ୟେଆ ।^୪ ଇନ୍କୁ ବାଏମାନ୍କ, କା ଚେଡଗାର୍କ ହବାଅଃଆ ଆତଃ ପାର୍ମେଶ୍ଵାର୍କେ ଦୁଲାଡ୍ ବାଗିକେଦ୍ତେ ରିଜ୍ଞାଙ୍ଗ୍ରେକ ତାଇନା ।^୫ ଇନ୍କୁ ଧାରାମ୍ରେୟାଃ କାଜିକ ସାବେୟା, ମେନ୍ଦ ଧାରାମ୍ରେୟାଃ ସାର୍ତି ପେଡେଃକେ କାକ ମାନାତିୟାଃ, ନେ ଲେକାନ୍ ହଡକଏତେ ସାଜିନ୍ରେ ତାଇନ୍ମେ ।^୬ ଚିୟାଃଚି ନିକୁଦ୍ ଚିମିନ୍ ହଡକଆଃ ଅତଃତେ ସେନ୍କେଦ୍ତେ କା ପେଡେୟାନ୍ କୁଡିକକେ, ଅକନ୍କଚି ଆକଆଃ ପାପ୍ତେ ଲାଦିୟାକାନ୍ ଆତଃ ସବେନ୍ ଲେକାନ୍ ଏଡକାନ୍ ସାନାଙ୍ଗ୍ତେ ପେରେଜାକାନ୍କକେ ଆକଆଃ ଆକ୍ତେୟାର୍ରେକ ଦହକତାନା ।^୭ ନେ କୁଡିକ ସବେନ୍ ଇମ୍ତା ଇତୁନ୍ତାନ୍ରେୟା ସାନାଚ୍ଚିରାଃ ସେଣାଁ ଚିତଲ୍ଲୀହ କାକ ସାରି ଦାଡିୟାଃ ।^୮ ଯନ୍ନାସ୍ ଆତଃ ଯନ୍ନାସ୍ ମୁଣାରାଃ ବିରୁଧ୍ରେକିନ୍ ତିଜ୍ଞୁକାନ୍ ତାଇକେନା, ଏନ୍ଲେକାଗି ନେ ହଡକଆଃ ମନ୍ କାମି କାଏ ଏମେୟା, ଆତଃ ସାନାଚ୍ଚିରାଃ ବିରୁଧ୍ରେକ ତିଜ୍ଞୁକାନ୍ ଆତଃ ଇନ୍କୁଆଃ ଧାରାମ୍ରେୟାଃ ବିଶ୍ଵାସ୍ କା ପକ୍ତାକାନା ।^୯ ମେନ୍ଦ ଇନ୍କୁ ଥମ୍ବା ସାଜିନ୍ କାକ ସେନ୍ ଦାଡିୟା, ଚିୟାଃଚି ଏନ୍ ବାରାନ୍କିନ୍ ଚିମିନ୍ ଡଣ୍ଡ ତାନ୍କିନ୍, ଏନା ସବେନ୍କ ସାରିକେଦା, ଏନ୍ ଲେକାଗି ଇନ୍କୁଆଃହଗି ସବେନ୍କ ସାରିୟା ।

ଚୁଣ୍ଡ କ୍ଵାଜି

^{୧୦} ମେନ୍ଦ ଆମ୍ ଆଇଁୟାଃ ଇନ୍ତି, ଚାଇଲ୍ ଚାଇଲ୍, ଆତଃ ଆଇଁୟାଃ ଜାଝାନ୍ ହରାକେ ଅତଙ୍ଗକାଦାମ୍ । ଆଇଁୟାଃ ବିଶ୍ଵାସ୍, ଧୁରାଜ୍, ଦୁଲାଡ୍, ସାହାତିଙ୍ଗ୍ ଜାଝାନ୍, ^{୧୧} ଆଇଁୟାଃ ସାସାତି, ଆତଃ ଦୁକୁକେମ୍ ଆଟ୍ଟକାର୍କାଦା । ଆଇଁୟାଃ ଚେତାନ୍ରେ ଆକ୍ତିୟୋଖ୍, ଇକନିୟା ଆତଃ ଲୁସ୍ତ୍ରାରେ ହବାଲେନ୍ ବରଝାନ୍ ଦୁକୁ ସାସାତିକଇଙ୍ଗ୍ ସାହାତିଙ୍ଗ୍କେଦା । ମେନ୍ଦ ଏନ୍ ସବେନାଃଏତେ ପାର୍ମେଶ୍ଵାର୍ ଆଇଙ୍ଗ୍କେ ବାଞ୍ଛାଅକେଦିୟାଃ ।^{୧୨} ଯୀଶୁ ଖ୍ରୀଷ୍ଟ୍ ଆଃ ମେନେସାରେ ଧାରାମ୍ ଜାଝାନ୍ ବିତାଅ ନାଙ୍ଗ୍ ସାନାଙ୍ଗ୍ତାନ୍ ସବେନ୍କ ଦୁକୁ ସାସାତିକ ନାମେଗିୟା ।^{୧୩} ମେନ୍ଦ ଏଡକାନ୍ ହଡକ ଆତଃ ବେଦା ହଡକ ପୁରାଃଚି ଏଡକାନ୍ରେକ ସେନା ଆତଃ ଏଟାଃକକେ ବେଦାତାନ୍ଲଃ ଆକ ଆକଗିକ ବେଦାଅଃଆ ।^{୧୪} ମେନ୍ଦ

☆ ୩:୧୧ ୩:୧୧ ପ୍ରେରିଡ୍ ୧୩:୧୪-୫୨; ପ୍ରେରିଡ୍ ୧୪:୧-୭; ପ୍ରେରିଡ୍ ୧୪:୮-୨୦.

ଆମ୍ଭ ସାର୍ବତ୍ର ବିଷାଏ ଇତ୍ତୁକାନ୍ତେୟାଃ ପୁରାଃତେ ବିଶ୍ୱାସ୍ତାନାମ୍, ଏନ୍ ସବେନାଃରେ ପକ୍ତକାନ୍ତମେ । ଚିୟାଃଚି ଆମ୍ଭକେ ଇତ୍ତୁକାନ୍ତମେ ହତ୍ତକକେ ଆମ୍ଭ ସାରିତାନାମ୍ । ୧୫ ଆତଃ ଯୀଶୁ ଖ୍ରୀଷ୍ଟତାଃରେ ବିଶ୍ୱାସ୍ତକେଦ୍ ହରାତେ ଜୀଉ ବାସ୍ତାଅ ନାଜ୍ ଆମ୍ଭକେ ସେଣାଁ ଏମ୍ ଦାଡ଼ିୟାଏ, ଏନା ଆମ୍ଭ ମିଦ୍ ହୁଡ଼ିକ୍ଏତେ ଧାରାମ୍ପୁଅରେମ୍ ସାରିକାଦା । ୧୬ ଧାରାମ୍ପୁଅରେ ଅଲ୍ଲକାନ୍ ସବେନାଃ ପାର୍ମେଶ୍ୱାର୍ଆଃ ସାହେଦ୍ତେ ଏମାକାନା, ସାର୍ବତ୍ର ଇନିତୁ ନାଜ୍, ଭୁଲ୍ତାନକକେ ଏଗେର୍, କାଜି ବାଲ୍ଲହାଡ଼, ଆତଃ ଧାରାମ୍ ଲେକାତେ ଜୀହୁଦଃ ନାଜ୍ ଆରୁଆଃଏ, ୧୭ ଏନାତେ ପାର୍ମେଶ୍ୱାର୍କେ ସେଞ୍ଜାତାନ୍ ହତ୍ତକ ପକ୍ତକେଦ୍ତେ, ସବେନ୍ ଲେକାନ୍ ବୁଗିନ୍ କାମି ନାଗେନ୍ତେ ସେକାଡ଼ାକାନ୍ଗି ତାଇନ୍ ଦାଡ଼ିୟାକ ।

୪

୧ ଆଇଜ୍ ପାର୍ମେଶ୍ୱାର୍ଆଃ ସାମ୍ନାଜ୍ରେ ଆତଃ ସବେନ୍ ଜୀନିଦ୍ ଆତଃ ଗଜାକାନ୍ତକଆଃ ବିଚାର୍ ନାଗେନ୍ତେ ଆତଃ ରାଇଜ୍ ରିକାଏ ନାଗେନ୍ତେ ହିଜୁଃତାନ୍ ଯୀଶୁ ଖ୍ରୀଷ୍ଟଆଃ ସାମ୍ନାଜ୍ରେ କିରିୟାତାନ୍ଲଃ ଆମ୍ଭକେଇଜ୍ ଆତୁମେତାନା । ୨ ନେତାରେ ଚାଏ କା ନେତାରେ ସବେନ୍ ଇମ୍ତା ବାଚାନ୍ ଉଦୁବେମେ, ପୁରାଃ ସାହାଡ଼ିକ୍ତେ ଇତ୍ତୁତାନ୍ଲଃ ମିସା ମିସା ଏଗେର୍କୁମେ ଆତଃ ମିସା ମିସା ବୁଗିନାଃ କାମିନାଜ୍ ଜୀଉରେ ରାସକା ଏମାକମେ । ୩ ଚିୟାଃଚି ନେତା ସେଟେରାଃ, ଏନାରେ ହତ୍ତକ ବୁଗିନ୍ ଇନିତୁ କାକ ଆୟୁମେୟା, ମେନ୍ଦ୍ ଆକଆଃ ସାନାଜ୍ଲେକାକ ସେସେନା ଆତଃ ଆକଆଃ ନାଜ୍ ହସଡ଼ ଇତ୍ତକକେ ହୁଣ୍ଡିକଆକ, ଏନ୍ତେ ଇନ୍କୁଆଃ ଇନିତୁକ ଆୟୁମେୟା । ୪ ଆତଃ ସାନାର୍ଚି କାଜି କା ଆୟୁମକେଦ୍ତେ ହତ୍ତକଆଃ କାଅନି ଆୟୁମ୍ ନାଗେନ୍ତେ ମନ୍ଦକ ଏମେୟା । ୫ ମେନ୍ଦ୍ ଆମ୍ଭ ସବେନ୍ କାଜିକରେ ଚିର୍ଗାଲ୍ଲକାନ୍ ତାଇନ୍ମେ, ଦୁକୁ ସାହାଡ଼ିକ୍ତେୟେମେ, ସୁକୁକାଜି ଉଦୁବ୍ତାନ୍ନିଆଃ କାମି କାମିମେ, ଆତଃ ପାର୍ମେଶ୍ୱାର୍ଆଃ ଦାସିଲେକା ସେଞ୍ଜାକାମି ପୁରାଏମେ ।

୬ ଆଇଜ୍ ଆଇୟାଃ ଜୀଞ୍ଜାନ୍କେ ଦାଣେଁ ଏମ୍ରେୟାଃ ନେତା ସେଟେରାକାନା, ଆତଃ ନାହାଁଃଚି ଆଇୟାଃ ନାଜ୍ ନେ ଜୀଉକେ ବାଗିରେଆଃ ଦିପିଲି ସେଟେରାକାନା । ୭ ଆଇଜ୍ ଜୀଞ୍ଜାନ୍ରାଃ ଲାଡ଼ାଇରେ ବୁଗିଲେକାତେଇଜ୍ ଲାଡ଼ାଇକାନା, ଆତଃ ଜୀଞ୍ଜାନ୍ରାଃ ନିର୍ରେ ବୁଣ୍ଡୁ ଜ୍ଞାକେଦ୍ ନିର୍ ସେଟେରାକାନିଜ୍, ଆଇଜ୍ ବିଶ୍ୱାସ୍ ଦହକାଦାଇଜ୍ । ୮ ଆତଃ ନାହାଁଃ ଆଇୟାଃ ନାଜ୍ ଧାର୍ମାନ୍ ମୁକୁର୍ ଦହାକାନା, ଏନା ଏନ୍ ମାରାଜ୍ ହୁଲ୍ଲାଇରେ ଧାରାମ୍ତେ ବିଚାର୍ତାନ୍ ପ୍ରାଭୁ ଆଇଜ୍କେ ଏମାକୟାଁ ଆତଃ ଆଇଜ୍କେ ଏସକାର୍ କା ମେନ୍ଦ୍ ଆୟାଃ ହିନିଜୁଃକେ ଦୁଲ୍ଲାଡ଼ତେ ତାଜିକାଦ୍ ସବେନ୍କକେ ଏମାକଆ ।

ତୀମଥ୍ ନାଗେନ୍ତେ ପାଉଲ୍ଲସ୍ଆଃ ଏସକାର୍ କାଜି

୯ ଆଇୟାଃତାଃତେ ଜାଲ୍ଲଦି ହିଜୁଃ ନାଗେନ୍ତେ ସେକାଡ଼ଃମେ । ୧୦ ଚିୟାଃଚି ଦିମା ନାହାଁଃରାଃ ନେ ଅତେଦିଶ୍ୱମକେ ଦୁଲ୍ଲାଡ଼କେଦ୍ତେ ଆଇଜ୍କେ ବାଗିକେଦିୟାଁ ଆତଃ ଥେସ୍ଲନିକାତେ ସେନଃକାନା । କ୍ରେସ୍କେନ୍ସ, ଗାଲ୍ଲାଡ଼ିୟାତେ ଆତଃ ତିତସ୍, ଡାଲ୍ଲମାଡ଼ିଆତେ ସେନଃୟାନା । ୧୧ ଲୁକ୍ ଏସକାର୍ ଆଇୟାଃଲଃ ମେନାଇୟା । ମାର୍କକେ ଆମାଃଲଃ ଆଡ଼ିମେ, ଚିୟାଃଚି ଇନିଃଦ୍ ଆଇୟାଃ ସେଞ୍ଜା କାମିରେ ଦେଜ୍ ଦାଡ଼ିୟା । ୧୨ ଆଇଜ୍ ତୁଖ୍କକେ ଏଫିସୁସ୍ତେଇଜ୍ କୁଲ୍ଲକିୟା । ୧୩ ଚ୍ରୋୟାସ୍ ସାହାର୍ରେ ଆଇଜ୍ କାର୍ପସ୍ତାଃରେ ବାଗିକାଦ୍ ଲିଜାଃ ଆତଃ ପୁଅକହଗି ଆତଡ଼ର୍ସାଏମେ, ବିଶେଷକେଦ୍ତେ ଉହୁର୍ରେ ବାଇୟାକାନ୍ତେୟାଃକେ ଆଡ଼ିମେ ।

୧୪ ଆଲେକ୍ଜାଣ୍ଡ୍ରା କାସାରି ଆଇୟାଃ ପୁରାଃ ଏଡ଼କାନାଃ ରିକାକାଦାଏ, ପ୍ରାଭୁ ଇନିୟାଃ କାମିଲେକା ନାଲ୍ଲ ଏମାକୟାଏ । ୧୫ ଆମ୍ଭ ଇନିଃତାଃଏତେ ଚିର୍ଗାଲ୍ଲକାନ୍ ତାଇନ୍ମେ, ଚିୟାଃଚି ଇନିଃଦ୍ ଆରୁଆଃ କାଜିକ ପୁରାଃତେ କା ଆୟୁମ୍ତାନ୍ଲଃ କାଜିକେକାଦ୍ ତାଇକେନାଏ ।

୧୬ ଆଇୟାଃ ପାହିଲ୍ଲା ଇଝାର୍ ଇମତା ଜେତାଏ ଆଇଜ୍କେ କାକ ଦେଜ୍କେଦିୟାଁ, ଆତଃ ସବେନ୍କ ବାଗିକେଦିୟାଁ । ପାର୍ମେଶ୍ୱାର୍ ଇନ୍କୁଆଃ ନେ ଗୁଣ୍ଡାଁ ଆଲକାଏ ଲେକାଏକା । ୧୭ ମେନ୍ଦ୍ ପ୍ରାଭୁ ଆଇୟାଃସାଃରେ ତିଜ୍ଜୁକେଦ୍ତେ ପେଡ଼େଃ ଏମାଦିୟାଏ, ଆତଃ ଆଇଜ୍ କୁଲ୍ଲାତାଃଏତେ ବାସ୍ତାୟାନାଇଜ୍, ଜେ'ଲେକାଚି ଆଇୟାଃ ହରାତେ ସୁକୁକାଜି ପୁରାଃଚି ଉଦୁବ୍ ଦାଡ଼ିୟାଆ ଆତଃ ସବେନ୍ ସାଅସାର୍କ ଏନା ଆୟୁମ୍ ଦାଡ଼ିୟାକ । ୧୮ ପ୍ରାଭୁ ଆଇଜ୍କେ ସବେନ୍ ଏଡ଼କାନ୍ କାମିକଏତେ ବାସ୍ତାୟକେଦ୍ତେ ଚୁଣ୍ଡୁରେ ଆୟାଃ ସିର୍ମା ରାଇଜ୍ତେ ବୁଗିଲେକାତେ ଇଦିୟାଁ । ଇନିୟାଃ ମାନାରାଜ୍ ଜାନାଅ ଜାନାଅ ଜାକେଦ୍ ହବାଅଃକା ! ଆମେନ୍ ।

ଚୁଣ୍ଡୁ ଜହାର୍

୧୯ ପ୍ରିସକିଲ୍ଲା, ଆକ୍ଲିଲା ଆତଃ ଅନିସିଫରୁଆଃ ଅଡ଼ାଃରେନ୍କକେ ଆଇୟାଃ ଜହାର୍ ଉଦୁବାକମେ । ୨୦ ଏରାଷ୍ଟ୍ରି କିରିନ୍ଥ୍ରିୟାରେ ତାଇନ୍ୟାନାଏ । ମେନ୍ଦ୍ ତ୍ରଫିମ୍ରାଃ ହଡ଼୍ ବେଗ୍ କା ତାଇନ୍ ହରାତେ ଆଇଜ୍ ଇନିଃକେ ମିଲିତସ୍ରେ ବାଗିକେଦ୍ତେଇଜ୍ ହିଜୁଃୟାନା । ୨୧ ରାବାଜ୍ ସାହା ସିଦାରେ ହିଜୁଃନାଜ୍ ସେକାଡ଼େନ୍ମେ ।

☆ ୪:୧୦ ୪:୧୦ କଲସିୟ ୪:୧୪; ଫିଲମନ୍ ୧:୨୪; ୨ କରିନ୍ଥ୍ରିୟ ୮:୨୩; ଗାଲ୍ଲାଡ଼ିୟ ୨:୩; ତିତସ୍ ୧:୪. ☆ ୪:୧୧ ୪:୧୧କଲସିୟ ୪:୧୪; ଫିଲମନ୍ ୧:୨୪; ପ୍ରେରିଡ୍ ୧୨:୧୨,୨୫; ୧୩:୧୩; ୧୫:୩୭-୩୯; କଲସିୟ ୪:୧୦; ଫିଲମନ୍ ୧:୨୪. ☆ ୪:୧୨ ୪:୧୨ ପ୍ରେରିଡ୍ ୨୦:୪; ଏଫିସିୟ ୬:୨୧,୨୨; କଲସିୟ ୪:୭,୮. ☆ ୪:୧୩ ୪:୧୩ ପ୍ରେରିଡ୍ ୨୦:୬. ☆ ୪:୧୪ ୪:୧୪ ୧ ତିମଥ୍ ୧:୨୦; ରୋମି ୨:୬. ☆ ୪:୧୯ ୪:୧୯ ପ୍ରେରିଡ୍ ୧୮:୨; ୨ ତିମଥ୍ ୧:୧୭,୧୭. ☆ ୪:୨୦ ୪:୨୦ ପ୍ରେରିଡ୍ ୧୯:୨୨; ରୋମି ୧୬:୨୩; ପ୍ରେରିଡ୍ ୨୦:୪; ୨୧:୨୯.

ଇଉରୁଲ୍, ପୁଦେନସ୍, ଲାଇନାସ୍, କ୍ଲାଇଦିଆ ଆଡ଼ଃ ସବେନ୍ ବିଶ୍ୱାସୀ ହାଗା ମିଶିକ ଆମ୍ଭକେ ଜହାର୍ ଆଡ଼ଃ ଇଶୁସାଏ କାଜିକୁଲ୍‌କାଦାକ ।

^{୨୨} ପ୍ରାଭୁ ଆମାଃ ଆମ୍ଭାଲଃ ତାଇନ୍‌କାଏ ।
ଆପେ ସବେନ୍‌କଲଃ ସାୟାଦ୍ ହବାଅଃକା ।

ଦାଡ଼ିୟାଏ, ଏନାମେନ୍ତେ ଇନିଷକେ ନେ ଇତୁଆକାନ୍ ପାଡ଼ିୟାରରେଲେକାନ୍ କାଜିକେ ବିଶ୍ୱାସ୍ତାନଲଃ ଏନାରେ ପକ୍ତାନ୍ ଲାଗାଡ଼ିଙ୍ଗୟାଃ ।

^{୧୦} ଚିୟାଃତି ପୁରାଃ କା ମାନାଡ଼ିଙ୍ଗ ହଡ଼କ, ସାମାକାଜିତାନ୍ ହଡ଼କ, ଆତଃ ବେଦା ହଡ଼କ ସବେନାଃଏତେ ଆଦ୍ୱକା ଯିହୁଦୀକଆଃ ଖାତ୍ତନାଅକାନ୍କ, ଝୁଣ୍ଡରେ ମେନାକଆ । ^{୧୧} ଇନ୍କୁକେ ଜେତ୍ତନାଃ କାଜି ନାଙ୍ଗ କା ଲାଗାଡ଼ିଙ୍ଗୟାଃ, ଚିୟାଃତି ଇନ୍କୁଦ ଏଡ଼କାନ୍ଲେକାତେ ଟାକା ପାଏସା ନାମେ ନାଗେନ୍ତେ କା ଲାଗାଡ଼ିଙ୍ଗ ଇନ୍ତୁକ ଇତୁକତାନା ଆତଃ ଗଟା ଅଡ଼ାଃରେନ୍କକେ କାକ ବାପାଇକ ତାନା । ^{୧୨} ଇନ୍କୁଏତେ ଆକଆଃ ମିହୁଡ୍ ନାବୀ କାଜିକାଦାଏ, “କ୍ରିଡ଼ରେନ୍ ହଡ଼କ ସବେନ୍ ଇମତା ହସଡ଼କ, ଏଡ଼କାନ୍ ବିର୍ ଜାଁତୁକ ଆତଃ ଆଲ୍ଲସି ପେଟୁକ ତାନ୍କ ।” ^{୧୩} ନେ ଗାଞ୍ଜା ସାର୍ତ୍ତିଗି ତାନାଃ । ଏନାମେନ୍ତେ ଏନ୍ଲେକାନ୍ ହଡ଼କକେ ପୁରାଃ କେଟେୟାନ୍ଗି କାଜିକମେ, ଜେ'ଲେକାଟି ଇନ୍କୁ ବୁଗିନ୍ ବିଶ୍ୱାସୀକ ହବାଅଃଆ । ^{୧୪} ଇନ୍କୁଦ ସାର୍ତ୍ତିକେ ବାଗିକାଦ୍ ହଡ଼କ ତାନ୍କ, ଇନ୍କୁ ହଡ଼କଆଃ ଆତୁତେ ବାଇୟାକାନ୍ ରିଡ଼ିରିଞ୍ଜା ଆତଃ ଯିହୁଦୀକଆଃ କାଅନି ବାଗିକାକ ମେନ୍ତେ ଇନ୍କୁକେ ଇତୁକମେ । ^{୧୫} ଫାର୍ତି ହଡ଼କ ନାଙ୍ଗ ସବେନାଃ ଫାର୍ତିୟାକାନା । ସଡ଼ରାକାନ୍ ଆତଃ କା ବିଶ୍ୱାସ୍ତାନ୍କ ନାଗେନ୍ତେ ଜେତାନ୍ ବିଷାଏ ଫାର୍ତି ବାନଆଃ ମେନ୍ଦ୍ ଇନ୍କୁଆଃ ମନ୍ ଆତଃ ବିବେକ୍ ବାରାନାଃ ସଡ଼ରାକାନା । ^{୧୬} ଇନ୍କୁଦ ପାର୍ମେଶ୍ୱାର୍ତ୍ତକେ ସାରିଆଲେ ମେନ୍ତେକ କାଜିୟା, ମେନ୍ଦ୍ ଆକଆଃ କାମିତେ ଇନିଷକେକ ଦଧାଦିତାନା । ଇନ୍କୁଦ ହିଲ୍ଲାଙ୍ଗ୍ଅଃତାନ୍ ଆତଃ କା ମାନାଡ଼ିଙ୍ଗତାନ୍ ହଡ଼କ ତାନ୍କ ଆତଃ ସବେନ୍ ବୁଗିନ୍ କାମିନାଙ୍ଗ କା ଠାଉକାନ୍କ ତାନ୍କ ।

୨

ସାର୍ତ୍ତି ଇନିତୁ

^୧ ମେନ୍ଦ୍ ଆମକେ ଏନ୍ ବୁଗିନ୍ ଇନିତୁଲେକା ଇତୁ ଲାଗାଡ଼ିଙ୍ଗୟାଃ । ^୨ ହାଡ଼ାନ୍ ହଡ଼କକେ ସାଲ୍ଲସାନ୍ତଃ, ମାଇନ୍ ନାମେ, ମନ୍ ଆବର୍, ବିଶ୍ୱାସ୍ତରେ କେଟେୟଃ, ଦୁଲ୍ଲାଡ଼, ଆତଃ ସାହାଡ଼ିଙ୍ଗ୍ରେ ପକ୍ତାଃଅ ନାଗେନ୍ତେ ଇତୁକମେ । ^୩ ଏନ୍ଲେକାଗି ବୁଡ଼ିଆକକେ ପାବିତାର୍ ଜାଞ୍ଜାନ୍ ବିତାଅ ନାଗେନ୍ତେ ଇତୁକମେ । ଇନ୍କୁ ଏଟାଃନିୟାଃ ବିରୁଧ୍ରେ ନିୟା ଆଲକାକ କାଜିକା, ଇଲିଆର୍ଖ୍ରେ ଆଲକାକ ଲିଲ୍ଲକାଅଃକା ଚାଏ ଏନାରେୟାଃ ଦାସି ଆଲକାକ ହବାଅଃକା । ଇନ୍କୁ ଅକ୍ନାଃ ବୁଗିନାଃ ତାନାଃ ଏନା ଇତୁ ଲାଗାଡ଼ିଙ୍ଗୟାଃ । ^୪ ଧାଙ୍ଗ୍ଡି କୁଡ଼ିକ, ନେ ଲେକା ଇତୁକମେ, ଆକଆଃ କଡ଼ାକକେ ଆତଃ ହନ୍ଗାଣାକକେ ଦୁଲ୍ଲାଡ଼କକାକ, ^୫ ମନ୍କ ଆବର୍ରେ ଦହେକାକ, ଆତଃ ଫାର୍ତିଗି ତାଇନ୍କାକ, ଆପାନ୍ ଆପାନ୍ ଅଡ଼ାଃରେ ବୁଗିଲେକାତେ କାମିକାକ, ବିଲ୍ଲକାଅଃକାକ, ଆପାନ୍ ଆପାନ୍ କଡ଼ାକଆଃ ଆବର୍ରେ ତାଇନ୍କାକ, ଏନାତେ ପାର୍ମେଶ୍ୱାର୍ତ୍ତାଃଏତେ ହିତୁଃତାନ୍ କାଜିରେ ଜେତାଏ ଏଡ଼କାନାଃ କାକ କାଜି ଦାଡ଼ିୟା ।

^୬ ଏନ୍ଲେକାଗି ଧାଙ୍ଗ୍ଡା କଡ଼ାକକେ ଆକଆଃ ମନ୍ ଆବର୍ରେ ଦହ ନାଗେନ୍ତେ ଆତୁକମେ । ^୭ ଆତଃ ଆମ୍ଗି ସବେନ୍ ବୁଗିନ୍ କାଜିକାମିକରେ ଇନ୍କୁତାଃରେ ନାମୁନାତେ ଉଦୁବେନ୍ମେ, ଆମାଃ ଇନିତୁରେ ଫାର୍ତି ମନ୍, ମାଇନ୍ଲେକାନ୍ ସେସେନ୍, ବୁଗିନ୍ ଆତଃ କା ଚିଟାଅଃଲେକାନ୍ କାଜି ଉଦୁବେମେ । ^୮ ଏନାତେ ଆମାଃ କାଜିକେସେଦ୍ ହଡ଼କ, ଆବୁ ଚିଟାଅଃଲେକାନ୍ ଏଡ଼କାନ୍କାଜି କାକ କାଜିଦାଡ଼ି ହରାତେ ଗିହୁଗଃଆକ ।

^୯ ଦାସିକ, ଆକଆଃ ଗମ୍ବକେକଆଃ ଆବର୍ରେ ତାଇନ୍କାକ ଆତଃ ସବେନ୍ କାଜିକରେ ସୁକୁଇଟିକକାକ ଆତଃ ଆଲ୍ଲପେ କାଜିରୁହାଡ଼କଆ, ^{୧୦} ଆତଃ ଆଲକାକ କୁମ୍ବୁଡ଼ୁକା ମେନ୍ଦ୍ ବୁଗିନ୍ ଆତଃ ପାଡ଼ିୟାର୍ରେ ଲେକାନ୍ କାଜିକରେ ଉଦୁବେନ୍କାକ, ଏନାତେ ଇନ୍କୁ ସବେନ୍ କାଜିକରେ ଆବୁଆଃ ବାଞ୍ଜାଅନିଃ ପାର୍ମେଶ୍ୱାର୍ତ୍ତାଃ ବିଷାଏରେ ଆବୁଆଃ ଇନିତୁକେ ମାଇନାନ୍କ ଆଉଇୟା ।

^{୧୧} ଚିୟାଃତି ସବେନ୍ ହଡ଼କଆଃ ପାରିତ୍ରାଣ୍ ନାଗେନ୍ତେ ପାର୍ମେଶ୍ୱାର୍ତ୍ତାଃ ସାୟାଦ୍ତେ ଉଦୁବାକାନା । ^{୧୨} ଆତଃ ଏଡ଼କାନ୍ଲେକାତେ ଜାହୁଦଃ ଆତଃ ଅତେଦିଶ୍ୱମ୍ବରାଃ ଏଡ଼କାନ୍ ସାନାଙ୍ଗ୍ ବାଗିକେଦ୍ତେ ଏନ୍ ସାୟାଦ୍ ଇତୁକାଦ୍ବୁ ଲେକା ନେ ପାରିୟାରେ ମନ୍ ଆବର୍, ଧାର୍ମାନ୍, ଆତଃ ଭାଲ୍ଲିଲେକାତେବୁ ଜାହୁଦଃଆ । ^{୧୩} ଆତଃ ଏନ୍ ସୁକୁରାସ୍ତକାରାଃ ଆସ୍ତା ଆତଃ ଆବୁଆଃ ମାରାଙ୍ଗ୍ଡତାର୍ ପାର୍ମେଶ୍ୱାର୍ତ୍ତାଃ ଆତଃ ବାଞ୍ଜାଅନିଃ ଯୀଶୁ ଖ୍ରୀଷ୍ଟ୍ ଆଃ ମାନାରାଙ୍ଗ୍ ଉଦୁବଃ ଦିପିଲିକେ ନେଲ୍ହରା ତାନାବୁ । ^{୧୪} ଏନ୍ ଯୀଶୁ ଖ୍ରୀଷ୍ଟ୍, ଆବୁକେ ସବେନ୍ ଏଡ଼କାନାଃଏତେ ମୁକ୍ତି ଏମାବୁ ନାଙ୍ଗ୍ ଆତଃ ଆୟାଃ ଆପ୍ନାଃ ବୁଗିନ୍ କାମିରେ ଚିହ୍ନାନ୍ ହଡ଼କକେ ଆୟାଃ ନାଙ୍ଗ୍ ନିୟାକ୍ ନାଗେନ୍ତେ ଆବୁଆଃ ନାଙ୍ଗ୍ ଆଇଃକ୍ଗି ଆପାନ୍କେ ଏମ୍ୟାନା ।

^{୧୫} ନେ ସବେନ୍ କାଜିକ ଆକ୍ତେୟାକ୍ତେ କାଜିକମ୍ ଆତଃ ଜୀଉରେ ରାସ୍ତା ଏମ୍ବକେଦ୍ତେ ଚେତାଅକମେ । ଜେତାଏ ଆମକେ ଆଲକାକ ହିଲ୍ଲାଙ୍ଗ୍ମେକା ।

୩

ଖ୍ରୀଷ୍ଟିୟାନ୍କଆଃ ଚାଇଲ୍ ଚାଲାନ

☆ ୨:୧୪ ୨:୧୪ ୧ ପାଡ଼ରାସ୍ ୨:୯.

୧ ହାକିମ୍‌କଥା ଆତଃ ଆକ୍ତେୟାର୍ ନାମାକାଦ୍ ହତ୍‌କଥାଃ କାଜି ମାନାତିକ୍ ନାଗେନ୍ତେ ଆତଃ ସବେନ୍ ବୁଗିନ୍ କାମି ନାଗେନ୍ତେ ସେକାଡ଼ାକାନପେ, ୨ ଜେତାଏୟାଃ ଏଡ଼କାନ ଆଲପେ କାଜିୟା, ମେନ୍‌ଦ ସୁକ୍ତଜୀତେ ଆତଃ ଗାତିସାଜ୍‌ତିତେ ସେସେନ୍ ନାଜ୍ ସବେନ୍ ହତ୍‌କତାଃରେ ଲେବେଃମନ୍‌ତେ ସବେନ୍ ଇମ୍‌ତା ଉଦୁବେନ୍‌ପେ ମେନ୍ତେ ଇନ୍‌କୁକେ ପାହାମାକମେ । ୩ ଚିୟାଃଟି ସିଦା ଆରୁହଗି ତଣ୍ଡ, କା ମାନାତିକ୍‌କ, ଆଦାକାନକ, ସବେନ୍ ଲେକାନ୍ ଏଡ଼କାନ ସାନାଜ୍ ଆତଃ ରିଜ୍‌ରାଜ୍‌ରେନ୍ ଦାସିକବୁ ତାଇକେନା । ଆବୁ ଏଡ଼କାନାଃ ଆତଃ ହିସ୍‌ଜ୍‌ରେ ସେସେନ୍‌ତାନ୍, ହିଲାଜ୍‌ଆଁକାନ୍ ଆତଃ ଏଟାଃକକେ ହିଲାଜ୍‌କ ତାଇକେନାରୁ । ୪ ମେନ୍‌ଦ ଚିମ୍‌ତା ଆରୁଆଃ ବାଞ୍ଚାଅନିଃ ପାର୍‌ମେଶ୍‌ବାରୁଆଃ ଦୁପୁଲ୍‌ତରାଃ ଦାୟା ଉଦୁବ୍‌ୟାନା, ୫ ଇମ୍‌ତା ଇନିଃ ଆବୁକେ ବାଞ୍ଚାଅକେଦ୍‌ବୁଆ, ନେଆଁ ଆରୁଆଃ ଧାର୍‌ମାନ୍ କାମିକରେୟାଃ ନାଗେନ୍ତେତେଦ କାହା ମେନ୍‌ଦ ଆୟାଃ ଲିବୁଇ ଆତଃ ପାବିତାର୍ ଆମ୍‌ରାଃ ହରାତେ ଆବୁ ନାଞ୍ଜା ଜାନାମ୍ ଆତଃ ନାଞ୍ଜା ଜୀଞ୍ଜାନ୍‌ବୁ ନାମାକାଦା । ୬ ଆରୁଆଃ ବାଞ୍ଚାଅନିଃ ଯୀଶୁ ଖ୍ରୀଷ୍ଟୁଆଃ ହରାତେ ପାର୍‌ମେଶ୍‌ବାରୁ ଆବୁକେ ପୁରାଃତେ ପାବିତାର୍ ଆମ୍‌ ଏମାକାଦ୍‌ବୁଆଏ । ୭ ଏନାତେ, ଇନିୟାଃ ସାୟାଦ୍‌ତେ ଆବୁ ପାର୍‌ମେଶ୍‌ବାରୁଆଃ ଆୟାର୍‌ରେ ଧାର୍‌ମାନ୍ ହତ୍‌ବୁ ବାଇୟାକାନା ଆତଃ ଆରୁଆଃ ଆସ୍ତା ଲେକାତେ ଜାନାଅ ଜୀଦାନ୍‌ରେ ବଲ ନାଗେନ୍ତେ ଆକ୍ତେୟାର୍‌ବୁ ନାମାକାଦା । ୮ ନେ କାଜି ସାର୍‌ତିଗି ତାନାଃ ।

ଆତଃ ପାର୍‌ମେଶ୍‌ବାରୁକେ ବିଶ୍ୱାସ୍‌ତାନ୍‌କ, ସବେନ୍ ବୁଗିନ୍ କାମି ରିକା ନାଗେନ୍ତେ ସାନାଜ୍‌କାକ, ଏନା ନାଗେନ୍ତେ ଆମ୍ ଇନ୍‌କୁକେ ନେ ସବେନ୍ ବିଷାଏରେ ପୁରାଃ କେଟେଦ୍‌ତେ ଇତ୍‌କମେ, ନେଆଁଇଜ୍ ମନେତାନା । ନେଆଁଦ୍ ହତ୍‌କ ନାଗେନ୍ତେ ପୁରାଃ ବୁଗିନାଃ । ୯ ମେନ୍‌ଦ ତଣ୍ଡ କାଜିକ ଆତଃ ପୁରୁଖା ହାଡ଼ାମ୍‌କଥାଃ ନୁତୁମରାଃ ଜିଲିକ୍ ତାଲିକା, ଏପ୍‌ରାଜ୍, ଆତଃ ଆଇନ୍‌ରେୟାଃ କାପ୍‌ଜିକଏତେ ଆତମେନ୍‌ମେ, ଚିୟାଃଟି ଏନା ସବେନ୍ ଏଡ଼କାନାଃ ତାନାଃ ଆତଃ ସାମାଗିୟା । ୧୦ ବେଦା କାଜିତେ ବିନ୍‌ଗାଅତାନ୍ ହତ୍‌କକେ ମିସା ବାର୍‌ସା ଚେତାଅକେଦ୍‌ତେ ବାଗିତାକମ୍ । ୧୧ ନେ ଲେକାନ୍ ହତ୍‌କ ହରାଆଦାକାଦାକ ଆତଃ ପାପ୍‌କେଦ୍‌ତେ ଆକଗି ଚିଗାଅଃତାନାକ, ଏନାଦମ୍ ସାରିତାନା ।

ଚୁଣ୍ଡ ଉନ୍‌ଦୁବ୍

୧୨ *ଚିମ୍‌ତା ଆଇଜ୍ ଆର୍ଡ୍‌ମା ଆତଃ ତୁଖ୍‌କକେ ଆମାଃତାଃତେଇଜ୍ କୁଲିରେ, ଆମ୍ ଆଇୟାଃତାଃତେ ନିକପଲି ସାହାର୍‌ତେ ହିଜ୍‌ଃମେ, ଚିୟାଃଟି ଆଇଜ୍ ରାବାଜ୍‌ସାହାକେ ଏନ୍ତାଃରେ ବିତାଅନାଜ୍ ଉହାଟ୍‌କାଦାଇଜ୍ । ୧୩ *ଆଇନ୍ ଇତୁନିଃ ଜାନସ୍ ଆତଃ ଆପୋଲୋ, ନେ ବାରାନ୍‌କିନ୍‌ନାଃ ହରାସେନ୍ ନାଜ୍, ଅକ୍‌ନାଃ ଲାଗାତିକ୍‌ତେୟାଃ ସବେନାଃ ଏମ୍‌କେଦ୍‌ତେ ହରାସେନ୍ ଏଟେଦ୍ ନାଗେନ୍ତେ ଦେଙ୍‌କିନ୍‌ମେ । ୧୪ ଆରୁଆଃ ହତ୍‌କ ଆକଥାଃ ଲାଗାତିକ୍‌ତେୟାଃକ ନାମେ ନାଗେନ୍ତେ ବୁଗିନ୍ କାମି ନାଜ୍ ଇତୁଃକାକ, ଏନାରେ ଇନ୍‌କୁ ଜେଡ଼ନାଃତେ କାକ ଜାଞ୍ଜିଅଃଆ ।

୧୫ ଆଇୟାଃଲଃ ତାଇନ୍‌ତାନ୍ ସବେନ୍‌କ ଆମ୍‌କେ ଜହାର୍‌ମେତାନାକ । ବିଶ୍ୱାସ୍‌ରେ ଆଲେକେ ଦୁଲ୍‌ତଲେତାନ୍ ସବେନ୍‌କକେ ଆଲେୟାଃ ଜହାର୍ ଉଦୁବାକମେ ।

ପାର୍‌ମେଶ୍‌ବାରୁଆଃ ସାୟାଦ୍ ଆପେ ସବେନ୍‌କଲଃ ହବାଅଃକା ।

☆ ୩:୧୨ ୩:୧୨ ପ୍ରେରିଡ୍ ୨୦:୪; ଏଫିସିୟ ୬:୨୧,୨୨; କଲସିୟ ୪:୬,୮; ୨ ଡିମଥ୍ ୪:୧୨. ☆ ୩:୧୩ ୩:୧୩ ପ୍ରେରିଡ୍ ୧୮:୨୪; ୧ କରିନ୍ଥ୍‌ୟ ୧୬:୧୨.

ଫିଲ୍ମମନଙ୍କ ନିକଟକୁ ପାଉଲଙ୍କ ପତ୍ର ଫିଲ୍ମନ୍‌ତାଃତେ ପ୍ରେରିତ୍ ପାଉଲୁସ୍‌ଆଃ ଚିଟାଉ ପାରିଟ୍ୟ

ଫିଲ୍ମନ୍ ପୁଅକେ ପ୍ରେରିତ୍ ପାଉଲୁସ୍ ଅଲ୍ଲୀକାଦାଏ ୧:୧ । ଇନିଃ ଜେହେଲ୍ଲୀକାନ୍ ତାଇକେନ୍ ଇମ୍ତା ନେ ପୁଅକେ ଅଲ୍ଲୀକାଦ୍ ତାଇକେନା, ହବାସାକାଅଃ ତାନା, ରୋମ୍‌ରେ ତାଇକେନ୍ ଇମ୍ତାଏ ଅଲ୍ଲୀକାଃ । ଇନିଃ ରୋମ୍‌ରେ ତାଇକେନ୍‌ରେଦ ଖ୍ରୀଷ୍ଟୁଆଃ ଜାନାମ୍ ତାୟମ୍ ୬୧ କରେ ନେ ଚିଟାଉକେ ଅଲ୍ଲୀ ସାକାଅଃକା । ଇନିଃ ଏନ୍ ମିଦ୍‌ସାମାନ୍ ଦିପିଲିରେଗି କଲସିୟ କାଲିସିୟାକେ ଅଲ୍ଲୀକାଃ । ଇନିଃ ନେ ଚିଟାଉ ଫିଲ୍ମନ୍ ନୁତୁମ୍ ମିଆଁଦ୍ ହଡ଼ତାଃତେ ଅଲ୍ଲୀକେଦା । ଫିଲ୍ମନ୍ କାଲିସିୟାରେନ୍ ମିହୁଡ୍ ପ୍ରାଚିନ୍ ତାଇକେନାଏ ଆତଃ ଦାସିକଆଃ ଗମ୍‌କେ ତାଇକେନା । ଫିଲ୍ମନ୍‌ତାଃତେ କୁମ୍‌ତୁକ୍‌କେଦ୍‌ତେ ସାଜିନ୍‌ତେ ସେନଃକାନ୍ ଅନିସିମ୍‌ସକେ ସାଜାଇ ଆଲମ୍ ଏମାଲୟା, ମେନ୍ତେ ପାଉଲୁସ୍ ନେ ଚିଟାଉରେ ଅଲ୍ଲୀକାଦା । ରୋମ୍‌ରେୟାଃ ରିତିରିଖାଜ୍ ଲେକାତେ ଫିଲ୍ମନ୍, ଅନିସିମ୍‌ସକେ ଗନଏଃ ସାଜାଇ ଏମ୍‌ରେୟାଃ ଆକ୍‌ତେୟାଃ ତାଇକେନା ।

ଅନିସିମ୍‌ସକେ ଖ୍ରୀଷ୍ଟୁରେ ହାଗା ଲେକା ମାନାତିଜ୍‌କେଦ୍‌ତେ ତେଲ୍ଲୀଦାରମିମେ ମେନ୍ତେ ଫିଲ୍ମନ୍‌କେ ବିକ୍ରିତାନ୍‌ଲଃ ଜୀଉରାଡ଼େଃ ଏମାଲତାନାଏ । ପାଉଲୁସ୍ ଅନିସିମ୍‌ସକେ ଆୟାଃ ଠାୟାଦ୍‌ରେ ସେଞ୍ଜା କାମି ରିକାନାଜ୍ ଆତୁଇମେ ମେନ୍ତେ ଆତୁକିୟା, ୧:୧୩-୧୪ ।

ପୁଅ ଭିତରରେ ତାଇକାନ୍ କାଜି

- ୧. ପାଉଲୁସ୍ ଫିଲ୍ମନ୍‌କେ ଜହାର୍ ମେନ୍ତେ ଉଦୁବ୍‌ତାନା । ୧:୧-୩
- ୨. ପାଉଲୁସ୍ ଅନିସିମ୍‌ସଆଃ ହରାତେ ଫିଲ୍ମନ୍‌କେ ମିଆଁଦ୍ ଖ୍ରୀଷ୍ଟୁରେ ହାଗା ଲେକା ତେଲ୍ଲୀଦାରମିମେ ମେନ୍ତେ କାଜିକାଦା । ୧:୪-୨୧
- ୩. ପାଉଲୁସ୍ ଆୟାଃ ହରାସେନ୍ ବିଷାଏରେ ଉଦୁବେତାନା ଆତଃ ଜହାର୍ ମେନ୍ତେ ଉଦୁବେତାନା । ୧:୨୨-୨୫

୧ ଯୀଶୁ ଖ୍ରୀଷ୍ଟୁଆଃ ନାଗେନ୍ତେ ଜେହେଲ୍ଲୀକାନ୍ ଆଇଜ୍ ପାଉଲୁସ୍ ଆତଃ ହାଗା ତୀମଥୁତାଃତେ, ଆରୁଆଃ ଦୁଲ୍ଲୀଡ଼୍‌ଗାତି ଆତଃ ମିସାତେ କାମିତାନ୍‌ନିଃ ଫିଲ୍ମନ୍, ୨ *ଆୟାଃ ଅତାଃରେ ହୁଣ୍ଡିକେଦ୍‌ତେ ଗିର୍ଜାତାନ୍‌କ ନାଗେନ୍ତେ, ଆରୁଆଃ ମିଶି ଆଫ୍‌ପିୟା, ଆତଃ ଧାରାମ୍ କାମିରେ ଆରୁଲଃ ମିସାତେ ଲାଡ଼ାଇତାନ୍ ଆଖି ପସ୍‌ତାଃତେ ନେ ଚିଟାଉ ଅଲେତାନାଲେ ।

୩ ଆରୁଆଃ ଆପୁ ପାର୍‌ମେଶ୍‌ବର ଆତଃ ପ୍ରାଭୁ ଯୀଶୁ ଖ୍ରୀଷ୍ଟୁ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

ଫିଲ୍ମନ୍‌ଆଃ ଦୁଲ୍ଲୀଡ଼୍‌ଆତଃ ବିଶ୍ୱାସ୍

୪ ହାଗା ଫିଲ୍ମନ୍, ଆଇଜ୍ ବିକ୍ରିତାନ୍ ଇମ୍ତା ସବେନ୍ ହୁଲ୍ଲୀଜ୍ ଆମ୍‌କେ ପାହାମ୍‌ତାନ୍‌ଲଃ ପାର୍‌ମେଶ୍‌ବରକେ ଧାନ୍ୟାବାଦ୍ ଏମାଲତାନାଲ୍ଲଜ୍ । ୫ ଚିୟାଃତି ପ୍ରାଭୁ ଯୀଶୁ ଖ୍ରୀଷ୍ଟୁରେ ଆମାଃ ବିଶ୍ୱାସ୍ ଆତଃ ପାର୍‌ମେଶ୍‌ବରଆଃ ହଡ଼କଲଃ ଆମାଃ ଦୁଲ୍ଲୀଡ଼୍‌ମେନାଃ, ଏନା ଆଇଜ୍ ଆୟୁମକାଦା । ୬ ଖ୍ରୀଷ୍ଟୁଲଃ ଆରୁଆଃ ମେନେସା ହବାୟାନ୍ ହରାତେ ଆରୁଆଃ ଜୀଦାନ୍‌ରେ ଆଶିଷ୍ଟୁ ନାମାକାଦା । ଖ୍ରୀଷ୍ଟୁକେ ବିଶ୍ୱାସ୍‌ତାନ୍ ହରାତେ ଆମାଃଲଃ ଆଲେୟାଃ ମେନେସା, ଏନ୍ ସବେନ୍ ବୁଗିନ୍ ବିଷାଏରେୟାଃ ଇକିରାନ୍‌ତେୟାଃ ଆଟ୍‌କାର୍‌ଉରୁମ୍ ନାଗେନ୍ତେ ଆମ୍‌କେ ଦେଜ୍‌ମେକାଏ, ଏନା ଆଇୟାଃ ବିକ୍ରି । ୭ ଏ ହାଗା, ଆମାଃ ଦୁଲ୍ଲୀଡ଼୍‌ତେଦ୍ ଆଇଜ୍ ପୁରାଃଗିଜ୍ ରାସ୍‌କାୟାନା ଆତଃ ଜୀଉରାଡ଼େଃ ନାମ୍‌କେଦାଲ୍ଲଜ୍ । ଚିୟାଃତି ଆମାଃ ହରାତେ, ପାର୍‌ମେଶ୍‌ବରଆଃ ହଡ଼କଆଃ ମନ୍‌ସୁରୁଦ୍ ରାସ୍‌କାତେ ପେରେଜାକାନା ।

ଅନିସିମ୍‌ସ ନାଗେନ୍ତେ ପାଉଲୁସ୍‌ଆଃ ବିକ୍ରି

୮ ଏନା ନାଗେନ୍ତେ ଆମ୍ ଖ୍ରୀଷ୍ଟୁରେ ବିଶ୍ୱାସୀ ହାଗାତାନ୍‌ମେ ମେନ୍ତେ ଆଇଜ୍ ଆମ୍‌କେ କାମିକ ଆତୁ ନାଜ୍ ଆଇୟାଃ ପୁରାଃଗି ଜୀଉରେ କେଟେଦ୍ ମେନାଃ । ୯ ମେନ୍‌ଦ୍ ଆଇଜ୍ ହାଡ଼ାମାତାନ୍ ପାଉଲୁସ୍, ଦୁଲ୍ଲୀଡ଼୍‌ହରାତେ ଆଇଜ୍ ଆମ୍‌କେ ବିକ୍ରିମେ ତାନାଲ୍ଲଜ୍, ଆତଃ ଯୀଶୁ ଖ୍ରୀଷ୍ଟୁ ନାଗେନ୍ତେ ଆଇଜ୍ ନାହାଁଃ ଜେହେଲ୍ଲୀ କାନାଲ୍ଲଜ୍ । ୧୦ *ଆଇଜ୍ ଜେହେଲ୍‌ରେ ସିକିଡ଼ିତେ ତଲ୍ଲୀକାନ୍ ତାଇକେନ୍ ଇମ୍ତା ଅନିସିମ୍‌ସକେ ଯୀଶୁ ଖ୍ରୀଷ୍ଟୁଆଃ ହରାତେ ହନିଜ୍‌କଡ଼ା ଲେକାଲ୍ଲଜ୍ ନାମ୍‌କିୟା, ଆଇଜ୍ ନାହାଁଃ ଆମ୍‌କ୍ ଆପୁ ଲେକାଲ୍ଲଜ୍ ହବାକାନା ଆତଃ ଇନିଃ ନାଗେନ୍ତେଲ୍ଲଜ୍ ବିକ୍ରିମେତାନା । ୧୧ ସିଦା ଇନିଃ ଆମାଃ ଜେତାନ୍ କାମି ରିକାଏ ଲେକାନ୍‌ନିଃ କାଏ ତାଇକେନା, ମେନ୍‌ଦ୍ ଇନିଃ ନାହାଁଃ ଆଇୟାଃ ନାଜ୍ ଆତଃ ଆମାଃ ନାଜ୍ ପୁରାଃ କାମି ରିକାଏନିଃ ହବାକାନାଏ ।

୧୨ ଆଇଜ୍ ନାହାଁଃ ଇନିଃକେ ଆପେତାଃତେଇଜ୍ କୁଲ୍ ରୁହାଡ଼ିତାନା, ଆତଃ ଆଇୟାଃ ମନ୍‌ସୁରୁଦ୍ ଇନିଃଲଃ ସେନ୍‌ତାନା । ୧୩ ଆଇଜ୍ ସୁକୁକାଜି ନାଜ୍ ଜେହେଲ୍‌ରେ ସିକିଡ଼ିତେ ତଲ୍ଲୀକାନ୍ ତାଇକେନ୍ ଇମ୍ତା ଆମାଃ ବାଦ୍‌ଲ୍ଲୀରେ

☆ ୧:୨ ୧:୨ କଲସିୟ ୪:୧୭. ☆ ୧:୧୦ ୧:୧୦ କଲସିୟ ୪:୯.

ଆଇଙ୍କୁ ଦେଖାନାହିଁ ଇନିଃକେ ଆଇଁୟାଃ ହେପାଦ୍ରେ ଦହନାଙ୍କ ସାନାଙ୍କ ତାଇକେନାଇଙ୍କ । ୧୪ ଆମ୍ ଆଇଙ୍କୁ ଦେଖାଇଲେନେଗି ମେନ୍ତେ ଆଇଙ୍କୁ କାଇଙ୍କ ସାନାଙ୍କତାନା, ମେନ୍ଦ ଆମ୍ ଆମାଃ ବୁଗିନ୍ କାମି ବେଗାର୍ ଇଛାସାନାଙ୍କୁତେ କା ହବାକେଦ୍ରେ, ଆମାଃ ଇଛାସାନାଙ୍କୁତେ ହବାଅଃକା, ମେନ୍ତେ ଆଇଙ୍କୁ ଜେଡ୍ନାଃ ରିକାନାଙ୍କୁ କାଇଙ୍କୁ ମନେତାନା ।

୧୫ ହବାସାକାଅଆଃ, ଜାନାଅ ଆମାଃତାଃରେ ତାଇନ୍ ଲାଗାଡିଙ୍ଗ୍ୟାଃ ମେନ୍ତେ ଅନିସିମସ୍ ଚିମିନ୍ ମାହାଁ ଆମାଃତାଃଏତେ ସାଙ୍ଗିନ୍ରେ ତାଇକେନା । ୧୬ ଆତଃ ନାହାଁଃଦ ଇନିଃ କିରିଙ୍ଗ୍ ଦାସି ଲେକା କାହାଗି, ମେନ୍ଦ କିରିଙ୍ଗ୍ଦାସିଏତେ ମାରାଙ୍କୁ ଖ୍ରୀଷ୍ଟିଆଃ ବିଶ୍ୱାସୀ ଲେକାତେ ଇନିଃ ମିଆଁଦ୍ ଦୁଲାଡ୍ ହାଗା ଲେକା ତାନିଃ । ଏନାତେ ଇନିଃ ଆଇଁୟାଃ ଦୁଲାଡ୍ ହାଗା ତାନିଃ । ଇନିଃ ମିଆଁଦ୍ ଦୁଲାଡ୍ ହଡ୍ ଲେକା ଆତଃ ପ୍ରାଭୁରେ ମିଆଁଦ୍ ହାଗା ଲେକା ଆମାଃ ନାଙ୍କୁ ଚିମିନ୍ ବୁଗିନାଃ ହବାଅଃଆ ।

୧୭ ଏନାମେନ୍ତେ ଆମ୍ ଆଇଙ୍କୁକେ ମିଆଁଦ୍ ମିସାତେ କାମିନିଃ ମେନ୍ତେମ୍ ଆଟ୍ଟକାରିଙ୍ଗ୍ ତାନରେଦ୍, ଆଇଙ୍କୁକେ ଦାରମ୍ତାନଲେକାଗି ଇନିଃକେ ଦାରମିମେ । ୧୮ ଇନିଃ ଜେଡ୍ନାଃ ଆମାଃ ହାନି ରିକାକାଦ୍ରେଦ୍ ଚାଏ ଆମାଃତାଃଏତେ ରିଶୀ ଇଦିକାଦ୍ରେଦ୍, ଏନାକେ ଆମ୍ ଆଇଁୟାଃ ନୁଡୁମ୍ରେ ଅଲ୍ତାମେ । ୧୯ ଆଇଙ୍କୁ ପାଉଲୁସ୍, ତିଃଇ ତାଇୟାଃତେ ଅଲେତାନାଇଙ୍କୁ, ଏନାଇଙ୍କୁ ହାଲୁରୁହାଡ୍ତେଆ । ଆମାଃ ମନ୍ସୁରୁଦ୍ ଆଇଁୟାଃତାଃରେ ରିଶୀ କାନା, ଏନ୍ ବିଷାଏରେ ଆଇଙ୍କୁ କାଜି ନାଙ୍କୁ କାଇଙ୍କୁ ସାନାଙ୍କୁତାନା । ୨୦ ଏନାତେ ଏ ହାଗା, ପ୍ରାଭୁଆଃ ମେନେସାରେ ଆମାଃ ହରାତେ ଆଇଁୟାଃ ବୁଗିନାଃ ହବାଅଃକା, ଆତଃ ଖ୍ରୀଷ୍ଟରେ ହାଗାଲେକା ରାସ୍କାଇଙ୍କୁମେ ।

୨୧ ଆଇଁୟାଃ ପୁରା ବିଶ୍ୱାସ୍ ମେନାଃ, ଆମ୍ ଆଇଁୟାଃ କାଜି ମାନାଡିଙ୍ଗ୍ତାନାମ୍ ମେନ୍ତେ ଆଇଙ୍କୁ ଆମାତାଃତେଇଙ୍କୁ ଅଲେତାନା, ଆଇଁୟାଃ କାଜିଏତେ ଆମ୍ ଆଦ୍କାମ୍ ରିକାୟା, ଏନାଇଙ୍କୁ ସାରିତାନା । ୨୨ ଆତଃ ଆଇଁୟାଃ ନାଙ୍କୁ ଏତ୍ରାଃରେ ତେରା ଠାୟାଦ୍ ସେକାଡ୍ରେକେଦ୍ରେ ଦହକାମେ ଚିୟାଃତି ଆଇଁୟାଃ ଆସା ମେନାଃ, ପାର୍ମେଶ୍ୱାର୍ ଆପେୟାଃ ବିକ୍ରି ଆୟୁମେୟା ଆତଃ ଆଇଙ୍କୁ ଆପେତାଃତେ ହିଜୁଃରୁହାଡ୍ତାଇଙ୍କୁ ।

ଚୁଣ୍ଟୁ ଜହାର୍

୨୩ ✠ୟୀଶୁ ଖ୍ରୀଷ୍ଟ ନାଙ୍କୁ ଆଇଁୟାଃଲଃ ଜେହେଲକାନ୍ ଏପାପ୍ରା, ଆମ୍କେ ଆୟାଃ ଜହାର୍ କାଜିକୁଲେତାନାଏ, ୨୪ ✠ଆତଃ ଆଇଁୟାଃଲଃ ମିସାତେ କାମିତାନ୍ ମାର୍କ, ଆରିସ୍ତାର୍ଗ, ଦିମା, ଲୁକ୍ ଆମ୍କେ ଜହାର୍ ମେନ୍ତେକ କାଜିକୁଲେତାନା ।

୨୫ ପ୍ରାଭୁ ଯୀଶୁ ଖ୍ରୀଷ୍ଟିଆଃ ସାୟାଦ୍ ଆପେ ସବେନ୍କଲଃ ଆମ୍ରେ ହବାଅଃକା ।

✠ ୧:୨୩ ୧:୨୩ କଲସିୟ ୧:୭; ୪:୧୨. ✠ ୧:୨୪ ୧:୨୪ ପ୍ରେରିଡ୍ ୧୨:୧୨,୨୫; ୧୩:୧୩; ୧୫:୩୭-୩୯; କଲସିୟ ୪:୧୦; ପ୍ରେରିଡ୍ ୧୯:୨୯; ୨୭:୨; କଲସିୟ ୪:୧୦; କଲସିୟ ୪:୧୪; ୨ ଡିମଥ୍ ୪:୧୦; କଲସିୟ ୪:୧୪; ୨ ଡିମଥ୍ ୪:୧୧.

ହିବ୍ରୁମାନଙ୍କୁ ଲିଖିତ ପତ୍ର ଏବଂ ହତୁକତାଃତେ ଅଲ୍ଲାନାନ୍ ଚିଟାଉ ପାରିଟାଏ

ଏବଂ ଚିଟାଉ ମିଆଁଦ୍ ଜୀଉରେ ରାସ୍‌କା ଏମଃ ଚିଟାଉ ତାନାଃ । ମାରି ନିୟାମ୍‌ରେୟାଃ ଆୟାରକାଜି ସବେନାଃ ପୁରାକାନ୍ ବିଷାଏ ନେ ଚିଟାଉରେ ନାମଃଆ । ନେଆଁ ମିଆଁଦ୍ ଇତୁ ଏମଃ ଲେକାନାଃ ତାନାଃ । ନେ ଚିଟାଉରେ ୭୦ ଏତେ ଆଦ୍‌କା ମାରି ନିୟାମ୍‌ରାଃ ଅନଲ୍‌ତେୟାଃ ମେନାଃ । ଯୁଗୁ ଖ୍ରୀଷ୍ଟ ଚିଲ୍‌କା ଆୟାରକାଜି ଆତଃ ଯିହୁଦୀ ଯାଜାକ୍‌କଆଃ କାମି ପୁରାକେଦାଏ, ଏନା ନେ ଚିଟାଉରେ ନାମଃଆ । ଏନା ନାଗେନ୍ତେ ନେଆଁ ଯିହୁଦୀ ଖ୍ରୀଷ୍ଟିୟାନକକେ ଜୀଉରେ ରାସ୍‌କା ଏମଃ ଚିଟାଉ ତାନାଃ । ଏବଂ ଚିଟାଉରେ ନେଲଃଆ ଯେ, ଯୁଗୁ ଚିଲ୍‌କା ଆନରୁକେ ଚାବାକେଦା, ଅକ୍‌ନାଃ ହରାତେ ଯାଜାକ୍‌କେ ଆତଃମିସା ଚିତ୍‌ଲାହ ଦାଣ୍ଠେ ରାକାବ୍ କା ଲାଗାତିୟଃଆ । ଯୁଗୁ ଖ୍ରୀଷ୍ଟ ହବାଅଃତାନାଏ ସବେନ୍ ପାପ୍‌ରେୟାଃ ଦାଣ୍ଠେ ରାକାବ୍, ନେଆଁ ମିସାତରା ସବେନ୍ ହୁଲାଙ୍ଗ୍ ନାଗେନ୍ତେ ତାନାଃ । ନାହାଁଃ ପାତିୟାର୍‌ତାନ ଖ୍ରୀଷ୍ଟିୟାନକ ନାଗେନ୍ତେ ଏବଂ ଚିଟାଉରେ ଜୀଉରେ ରାସ୍‌କା ନେଲଃଆ । ଖ୍ରୀଷ୍ଟ ଏସ୍‌କାର୍ ଆବୁକେ ପାର୍‌ମେଶ୍‌ବାର୍‌ତାଃରେ ଆସ୍ତା ଦହ ନାଗେନ୍ତେ ରିକା ଦାଡ଼ିୟାବୁଆ, ଆତଃ ଆୟାଃତାଃରେ ଆସ୍ତା ଦହତାନଲ୍‌ଃ ଅତଙ୍ଗକେଦତେ ସେନ୍ ଦାଡ଼ିୟାବୁ ୧୨:୨ ।

ଏବଂ ଚିଟାଉ ଅକ୍‌ଏ ଅଲ୍ଲାନାଦାଏ ଏନା କା ସାରିୟଃତାନା, ମେନ୍‌ଦ ପାଣ୍ଡିତ୍‌କ କାଜିୟାଃକ, ହବାସାକାଅଆଃ ପ୍ରେରିତ୍ ପାଉଲୁସ୍, ଲୁକ୍, ଚାଏ ବର୍ଣ୍ଣବାସ୍ । ନେଆଁରେୟାଃ ଅନଲ୍‌ରେୟାଃ ଦିପିଲି ହଗି କା ସାରିୟଃତାନା, ମେନ୍‌ଦ ପୁରାଃ ହତୁକ ବିଶ୍ୱାସାଃକ, ନେଆଁ ଯୁଗୁ ଖ୍ରୀଷ୍ଟିଆଃ ଜାନାମ୍ ତାୟମ୍‌ତେ ୭୦ କରେ ଅଲ୍ଲାନା । ଯୀରୁଶାଲେମ୍ ମାନ୍ଦିର୍ ୭୦ କରେ ଜିୟନ୍‌ୟାନା, ମେନ୍‌ଦ ନେ ଚିଟାଉରେନ୍ ଅନଲ୍‌ନିଃ ନେଆଁ କା ଜିୟନ୍‌କାନ୍ ଲେକା କାଜିୟାଃଏ । ଏବଂ ଚିଟାଉ ହବାସାକାଅଆଃ ରୋମ୍ ନାଗାର୍‌ରେ ଅଲ୍ଲାନାନ୍ ତାଇକେନା ୧୩:୨୪, ଆତଃ ଏଟାଃ ଏଟାଃ କାଲିସିୟାରେ ହାଟିଙ୍ଗକାନ୍ ତାଇକେନା ।

ପୃଥ୍ ଭିତରରେ ଅଲ୍ଲାନାନ୍ କାଜି

- ୧. ଯୁଗୁ ଖ୍ରୀଷ୍ଟ ନାବୀ ଆତଃ ଦୁଁଡକତାଃଏତେ ହଗି ମାରାଙ୍ଗ୍ ତାନିଃ । ୧:୧-୪:୧୩
- ୨. ଯୁଗୁ ଖ୍ରୀଷ୍ଟ ମାରାଙ୍ଗ୍ ଯାଜାକ୍ ତାନିଃ । ୪:୧୪-୭:୨୮
- ୩. ଯୁଗୁଆଃ ସେଖା କାମି ମାରାଙ୍ଗ୍ ତାନାଃ । ୮:୧-୧୦:୩୧
- ୪. ଯୁଗୁଗି ସବେନାଃଏତେ ମାରାଙ୍ଗ୍ ତାନିଃ । ୧୦:୩୨-୧୩:୧୭
- ୫. ଜୀଉରେ ରାସ୍‌କାନ୍ କାଜି ଏମଃ ଆତଃ ଚୁଣ୍ଡୁ ଜୁହାର୍ । ୧୩:୧୮-୨୫

ପାର୍‌ମେଶ୍‌ବାର୍ ହନ୍ ହରାତେ ପାର୍‌ମେଶ୍‌ବାର୍‌ଆଃ ଏମାକାନ୍ ବାଚାନ୍

୧ ସିଦା ଦିପିଲିରେ ପାର୍‌ମେଶ୍‌ବାର୍ ଚିମିନ୍ ମାହାଁ ଆତଃ ସବେନ୍ ଲେକାତେ ନାବୀକଆଃ ହରାତେ ଆବୁଆଃ ପୁରୁଖା ହାଡ଼ାମକକେ କାଜିକାଦକଆ ୨ ମେନ୍‌ଦ ନେ ଚୁଣ୍ଡୁ ଦିପିଲିରେ ପାର୍‌ମେଶ୍‌ବାର୍ ଆୟାଃ ହନ୍ତେକଡ଼ା ହରାତେ ଆବୁକେ କାଜିକାଦବୁଆ । ଏନ୍ ହନ୍ତେକଡ଼ା ହରାତେଗି ପାର୍‌ମେଶ୍‌ବାର୍ ଅତେଦିଶୁମ୍‌କେ ବାଇକେଦା, ଏନ୍ତେ ଚୁଣ୍ଡୁରେ ସବେନାଃରେୟାଃ ଆକ୍‌ତେୟାର୍ ହବାଅଃ ନାଗେନ୍ତେ ଇନିଃ ହନ୍ତେକଡ଼ାକେ ସାଲ୍‌କିୟା । ୩ ହନ୍ତେକଡ଼ାତାଃରେ ପାର୍‌ମେଶ୍‌ବାର୍‌ଆଃ ମାନାରାଙ୍ଗ୍‌ରେୟାଃ ଜୁନୁଲ୍ ଝାଲ୍‌ସାଃଅ ତାନା ଆତଃ ପୁରା ପାର୍‌ମେଶ୍‌ବାର୍‌ଆଃ ଲେକାଗି ଆୟାଃ ସଭାବ୍ ମେନାଃ । ଇନିଃ ଆୟାଃ କାଜିରେୟାଃ ପେଡ଼େଃତେ ଗଟା ଅତେଦିଶୁମ୍‌କେ ଆକ୍‌ତେୟାର୍‌ରେ ତାନା । ଇନିଃ ସବେନ୍ ମାନଃକଆଃ ପାପ୍‌କ ଛାମାକେଦତେ, ସିମାରେ ସାଲ୍‌କିଃତାର୍ ପେଡ଼େୟାନ୍ ପାର୍‌ମେଶ୍‌ବାର୍‌ଆଃ ଜମ୍‌ସାଃରେ ଦୁବାକାନା ।

ପାର୍‌ମେଶ୍‌ବାର୍‌ଆଃ ହନ୍ ମାରାଙ୍ଗ୍ ତାନିଃ

* ଇନିଃ ସିମାରେନ୍ ଦୁଁଡକଏତେ ଜେ'ଲେକା ମାରାଙ୍ଗ୍, ଏନ୍‌ଲେକାଗି ଆୟାଃ ନୁଡୁମ୍‌ହଗି ଇନ୍‌କୁଆଃ ନୁଡୁମ୍‌ଏତେ ପୁରାଃ ମାରାଙ୍ଗ୍‌ଆଁ,

* ଚିୟାଃଚି ଚିତ୍‌ଲାହଗି ପାର୍‌ମେଶ୍‌ବାର୍ ଦୁଁଡକକେ କାଏ କାଜି :

“ଆପେ ଆଇଁୟାଃ ହନ୍,
ତିସିଙ୍ଗ୍‌ତାଃଏତେ ଆଇଙ୍ଗ୍ ଆପେୟାଃ ଆପୁ ତାନିଙ୍ଗ୍,” ପାର୍‌ମେଶ୍‌ବାର୍ ଆତଃଗି କାଜିକେଦା,
“ଆଇଙ୍ଗ୍ ଇନିୟାଃ ଆପୁ ତାନିଙ୍ଗ୍
ଆତଃ ଇନିଃ ଆଇଁୟାଃ ହନ୍ ତାନିଃ ।”

୭ ମେନ୍ଦ ପାରମେଶ୍ୱର ଆୟାଃ ମୁତ୍କୁଲ୍ ହନ୍ଦକେ ନେ ଅତେଦିଶୁମ୍ତେ କୁଲ୍‌କିୟା ଇମ୍ତା ନେ'ଲେକାଏ କାଜିକାଦ୍ ତାଇକେନା,

“ପାରମେଶ୍ୱର ଆୟାଃ ସବେନ୍ ଦୁଁତକ ଇନିଃକେକ ଜହାର୍‌ରିୟା ।” ୭ ମେନ୍ଦ ସିର୍ମାରେନ୍ ଦୁଁତକ ଆୟାଃ ବିଷାଏରେ ପାରମେଶ୍ୱର ନେ କାଜି କାଜିକାଦା;

“ପାରମେଶ୍ୱର ଆୟାଃ ଦୁଁତକେ ଆମ୍ବା ଲେକା
ଆତଃ ଆଇଃକକେ ସେଝାତାନ୍ ଦାସିକକେ ଜୁଲ୍‌ତାନ୍ ସେଝେଲ୍ ଲେକାଏ ବାଇୟାକାଦ୍‌କଆ ।”

୮ ଆୟାଃ ହନ୍ଦେକତାରାଃ ବିଷାଏରେ କାଜିକେଦା,
“ହେ ପାରମେଶ୍ୱର, ଆମାଃ ରାଜ୍‌ଗାଦି ଜାନାଅ ଜାନାଅ ମେନାଃ !

ଆମ୍ ନ୍ୟାୟ ବିଚାର୍‌ତେ ଆମାଃ ହତ୍‌କକେମ୍ ଚାଲାଅକ ତାନା । ୯ ଆମ୍ ଧାର୍‌ମାନ୍‌କେ ଦୁଲ୍‌ତାଃମେ ଆତଃ ଏତକନାଃକେ ହିଲାଙ୍‌ଆଃମେ । ଏନାମେନ୍ଦେ ପାରମେଶ୍ୱର, ଆମାଃ ପାରମେଶ୍ୱର ଆମ୍‌କେ ଆମାଃ ଗାତିକଏତେ ଆଦ୍‌କା ପୁରାଃଗି ରାସ୍‌କାଅଃ ଲେକା, ଆମ୍‌କେ ସୁନ୍‌ମ୍‌ତେ ଆଭିଷେକ୍* କାଦ୍‌ମେୟା ।”

୧୦ ଇନିଃ ଆତଃଗି କାଜିକାଦ୍‌ମେୟା,

“ହେ ପ୍ରାଭୁ, ଆମ୍ ଏନେଟେଦ୍‌ରେ ଅତେରେୟାଃ ନିହିଁ ଗାତାମ୍ ବାଇକେଦା
ଆତଃ ଆମାଃ ତିଃଇତେଗି ସିର୍ମାମ୍ ବାଇକେଦା ।

୧୧ ଏନା ସବେନାଃ ମୁସିଙ୍‌ ହୁଲାଙ୍‌ ଜିୟନଃଆ । ମେନ୍ଦ ଆମ୍ ଜାନାଅଗିମ୍ ତାଇନା,
ଆତଃ ଏନା ସବେନ୍ ମାରି ଲିଜାଃ ଲେକା ଜିୟନଃଆ ।

୧୨ ଲିଜାଃ କୁଡ଼ାତାନ୍ ଲେକା ଆମ୍ ଏନ୍ ସବେନାଃକେମ୍ ସତଃଏୟା
ଆତଃ ଲିଜାଃ ବାଦ୍‌ଲାଅତାନ୍ ଲେକାଗିମ୍ ବାଦ୍‌ଲାଅଏୟା ।

ମେନ୍ଦ ଆମ୍ ଚିତ୍‌ଲାଅ କାମ୍ ବାଦ୍‌ଲାଅଃଆ
ଆତଃ ଆମାଃ ଜୀଝାନ୍ ଚିତ୍‌ଲାଅ କା ରୁଣ୍ଡୁଆ ।”

୧୩ “ଆଇଙ୍‌ ଆମାଃ ବାଇରିକକେ ପୁରା ଆଉରିଙ୍‌ ହାରାଅକ ଜାକେଦ୍ ଆମ୍ ଆଇଁୟାଃ ଜମ୍‌ସାଃରେ ଦୁବାକାନ୍‌ମେ” ମେନ୍ଦେ ପାରମେଶ୍ୱର ଆୟାଃ ଦୁଁତକଏତେ ଜେତାଏକେ ଚିତ୍‌ଲାଅ କାଏ କାଜିକାଦ୍‌କଆ ।

୧୪ ତାଦ୍‌, ସିର୍ମାରେନ୍ ଦୁଁତକ ଅକଏତାନ୍‌କ ? ଇନ୍‌କୁ ହବାଅଃତାନାକ ପାରମେଶ୍ୱରକେ ସେଝାତାନ୍ ଆମ୍‌କା ଆତଃ ଜୀଉବାଞ୍ଚାଅ ନାମାକାଦ୍ ହତ୍‌କକେ ଦେଙ୍‌ମା ନାଗେନ୍ଦେ ପାରମେଶ୍ୱରତେ କୁଲାକାନ୍ ଆମ୍‌କା ।

୨

ପୁରାଃ ମାରାଙ୍‌ ପାରିତ୍ରାଣ୍

୧ ଆବୁ ସାନାର୍‌ତିହେତେ ଆଲକାବୁ ହିଗାଡ଼ଃକା ମେନ୍ଦେ ଆବୁ ଆୟୁମାକାଦ୍ ସାନାର୍‌ତି କାଜିରେ ପୁରାଃ ପକ୍‌ତାକେଦ୍‌ତେ ତାଇନ୍ ଲାଗାତିଙ୍‌ୟାଃ । ୨ ଆବୁଆଃ ପୁରୁଖା ହାତାମ୍‌କକେ ସିର୍ମାରେନ୍ ଦୁଁତକ ଅକନ୍ କାଜି ଏମାକାଦ୍‌କଆକ, ଏନା ସାର୍‌ତି ମେନ୍ଦେ ଉଦୁବାକାନା, ଅକନ୍‌କ ଏନାକେ କାକ ଅତଙ୍‌କେଦା ଆତଃ କାକ ମାନାତିଙ୍‌କେଦା ଇନ୍‌କୁ ସବେନ୍‌କ ସାଜାଇକ ନାମେଗିୟା । ୩ ତାଦ୍‌, ନେ'ଲେକାନ୍ ପୁରାଃ ମାରାଙ୍‌ ଜୀଉବାଞ୍ଚାଅକେ ଦୟାକୁଣ୍ଡାମ୍‌ଲେରେ ଆବୁ ଚିଲ୍‌କାତେ ବାଞ୍ଚାଅବୁ ନାମେୟା ? ନେ ଜୀଉବାଞ୍ଚାଅକେ ପ୍ରାଭୁ ଆଇଃକଗି ସିଦାତେ ଉଦୁବକାଦା, ଆତଃ ଇନିଃତାଃଏତେ ଆୟୁମ୍‌କାଦ୍ ହତ୍‌କ ଏନାରେୟାଃ ସାନାର୍‌ତିକେ ଆବୁତାଃରେକ ଉଦୁବକାଦା । ୪ ଆତଃଗି, ପାରମେଶ୍ୱର ସବେନ୍ ରାକାମ୍‌ରେୟାଃ ଚିହ୍ନା, ଆକ୍‌ଦାନ୍‌ଆ କାମି ଆତଃ ପେଡେୟାନ୍ କାମିକ କାମିକାଦ୍ ହରାତେ ଏନ୍ ସବେନ୍ କାଜି ସାର୍‌ତି ତାନାଃ ମେନ୍ଦେ ଗାଞ୍ଜା ଏମାକାଦାଏ ଆତଃ ଆୟାଃ ସାନାଙ୍‌ଲେକାତେ ପାବିତାର୍ ଆମ୍‌ରେୟାଃ ବାଦ୍‌ଦାନ୍ ଏମାକାଦାଏ ।

ପାରିତ୍ରାଣ୍ ହରାତେ ଇଦିନିଃ ଖ୍ରୀଷ୍ଟ୍ ତାନିଃ

* ପାରମେଶ୍ୱର ଅକନ୍ ନାଞ୍ଜା ଅତେଦିଶୁମ୍ ବାଇୟାଏ ଆତଃ ଆଲେ ଅକନ୍ ଅତେଦିଶୁମ୍‌ରେୟାଃ କାଜିଲେ କାଜିତାନା, ଏନାକେ ରାଇଜେ ନାଗେନ୍ଦେ ଦୁଁତକକେ କାଏ ସାଲାକାଦ୍‌କଆ । ୨ ମେନ୍ଦ ଧାରାମ୍‌ପୁଅରେ ଅଲାକାନା,

“ହେ ପାରମେଶ୍ୱର, ମାନଝାହନ୍ ଅକଏ ତାନିଃ,
ଆମ୍ ଇନିୟାଃ ନାଗେନ୍ଦେମ୍ ଉଡ଼ୁତାନା ଆତଃ ଇନିୟାଃ ଜାତାନ୍ ଇଦିତାନାମ୍ ?

୩ ଆମ୍ ମାନଝାକେ ଦୁଁତକତାଃଏତେ କାଟିଃଲେକାମ୍ ହୁଡ଼ିଙ୍‌କିୟା ।
ଆମ୍ ଇନିଃକେ ମାଇନ୍ ଆତଃ ମାନାରାଙ୍‌ରେୟାଃ ରୁପୁରିମ୍ ତୁସିଙ୍‌କିୟା ।

୮ ଆତଃ ସବେନାଃ ରାଇଜେ ନାଗେନ୍ଦେ ଆକ୍‌ତେୟାର୍ ଏମ୍‌କିୟାମ୍ ।”

“ସବେନ୍ ବିଷାଏ” ମେନ୍‌ଲେରେ, ଜେତ୍‌ନାଃକେ କା ବାଗିକେଦ୍‌ତେ ସବେନ୍ ବିଷାଏତେୟାଃରେ ଆକ୍‌ତେୟାର୍ ଏମାକାଦାଏ । ନେଆଁତେ ପୁରା ଆବ୍‌କାରଃ ତାନା, ସବେନ୍ ବିଷାଏ ଇନିୟାଃ ଆକ୍‌ତେୟାର୍‌ରେଗି ମେନାଃ । ଆବୁ

* ୧:୯ ୧:୯ ବହଃରେ ସୁନ୍‌ମ୍ ଦୁଲ୍‌କେଦ୍‌ତେ ସାଲା

ସାର୍ତ୍ତଗିବୁ ସାରିତାନା, ନାହାଁଃ ସବେନାଃରେ ମାନଞ୍ଜା କାଏ ରାଇଜେ ତାନା । ୯ ମେନ୍ଦ ଆବୁ ନେଲେତାନାବୁ, ଚିଲ୍ଲକା ଯାଶୁ ଘାଡ଼ିକାଦ୍ ନାଗେନ୍ତେ ସିର୍ମାରେନ୍ ଦୁଁଡ଼କତାଃଏତେ କାଟିଃଲେକାଏ ହୁଡ଼ିଙ୍ଗିୟାକାନ୍ ତାଇକେନା, ଜେ'ଲେକା ପାର୍ମେଶ୍ଵାରଆଃ ସାୟାଦ୍ରେ ମିମିୟାଦ୍ ସବେନ୍ ହଡ଼କ ନାଗେନ୍ତେ ଇନିଃ ଗନଏଃ ଚାଖାଅକାଦାଏ । ଆବୁ ଆୟାଃ ଗନଏଃରେୟାଃ ଦୁକୁ ହରାତେ ମାଇନ୍ ଆତଃ ମାନାରାଙ୍ଗରେୟାଃ ଚୁପୁରି ତୁସିଙ୍ଗକାନ୍ ବୁ ନେଲ୍ଲକିୟା । ୧୦ ସବେନ୍କଆଃ ବାବାଇନିଃ ଆତଃ ବାଞ୍ଚାଅନିଃ, ପାର୍ମେଶ୍ଵାର୍ ତାନିଃ । ଇନିଃ ଆୟାଃ ପୁରାଃ ହନକକେ ଯାଶୁଆଃ ମାନାରାଙ୍ଗରେ ହିସା ଏମାକ ନାଗେନ୍ତେ, ଗନଏଃ ହରାଲଃ ଯାଶୁକେ ପକ୍ତାକେଦ୍ରେ ପୁରାଃ ବୁଗିନ୍ କାମି କାମିକାଦା । ଚିୟାଃଚି ଯାଶୁଗି ଜୀଉବାଞ୍ଚାଅ ହରାତେ ଇନ୍କୁକେ ସୁତୁଃଇଦିକଆ ।

୧୧ ଇନିଃ ହଡ଼କକେ ପାପ୍ତହେତେ ଫାର୍ତିକଆ । ଆତଃ ଆୟାଃ ଏନ୍ତେ ଆୟାଃତେ ପାବିତାରକାନ୍ ହଡ଼କଆଃ ଆପୁ ମିଆଁଦ୍ ତାନିଃ । ଏନାମେନ୍ତେ ଯାଶୁ ଇନ୍କୁକେ ହାଗା ମିଶି ମେନ୍ତେ ହାକାଅ ନାଙ୍ଗ କାଏ ଗିହୁଗାଃ । ୧୨ ଇନିଃ ପାର୍ମେଶ୍ଵାର୍କେ କାଜିକିୟା,

“ଆଇଙ୍ଗ୍ ଆମାଃ ନୁତୁମ୍ ଆତଃ ସବେନ୍ କାମି ଆଇଁୟାଃ ହାଗା ମିଶିକକେଇଙ୍ଗ୍ ଉଦୁବ୍କଆ ।

ଆଇଙ୍ଗ୍ ଇନ୍କୁ ହୁଣ୍ଡିକାନ୍ ଆଲ୍ଲାରେ ଆମାଃ ମାନାରାଙ୍ଗ୍ ଦୁରାଙ୍ଗ୍ରେଇଙ୍ଗ୍ ।”

୧୩ ଇନିଃ ନେୟାହଗି କାଜିକାଦାଏ, “ଆଇଙ୍ଗ୍ ପାର୍ମେଶ୍ଵାର୍ତାଃରେ ଆଇଁୟାଃ ବିଶ୍ଵାସାଇଙ୍ଗ୍ ଦହେୟା” ଆତଃ “ପାର୍ମେଶ୍ଵାର୍ ଆଇଙ୍ଗ୍କେ ଅକନ୍ ହନକକେ ଏମାକାଦିୟା, ଇନ୍କୁ ଆଇଁୟାଃଲଃ ମେନାକଆ ।”

୧୪ ଇନିଃ ଅକନକକେ ହନକ ମେନ୍ତେ କାଜିତାନା, ଇନ୍କୁ ମାୟୋମ୍ ମାସ୍ ହଡ଼ମ୍ ଲେକାନ୍ ହଡ଼କ ହବାକାନ୍ ହରାତେ ଯାଶୁହ୍ ଆଇଃକ୍ଗି ଇନ୍କୁଆଃ ଲେକା ମାନଞ୍ଜା ହଡ଼ମ୍ ଆତଃ ସଭାବ୍ରେ ମେସାୟାନା । ଇନିଃ ନେୟା କାଜିକେଦ୍ରେୟାଃ ମୁଣ୍ଡି ହବାଅଃତାନା, ଇନିଃ ଆୟାଃ ଗନଏଃ ହରାତେ ସାଏତାନ୍କେ ଜିୟନିଆ, ଚିୟାଃଚି ଗନଏଃରେ ସାଏତାନ୍ଆଃ ପେଡ଼େଃ ତାଇକେନା । ୧୫ ନେଆଁ ହରାତେ ଗଟା ଜୀଦାନ୍ ଗନଏଃ ବର ଲେକାନ୍ ଦାସିରେୟାଃ ତନଲ୍ରେ ତାଇନ୍ତାନ୍ ହଡ଼କକେ ଇନିଃ ରାଡ଼ାକାଦକଆଏ । ୧୬ ନେଆଁତେ ପୁରା ଆଟ୍ଟକାରଃ ତାନା, ଇନିଃ ସିର୍ମାରେନ୍ ଦୁଁଡ଼କକେ କାଏ ଦେଙ୍ଗାଃ, ମେନ୍ଦ ଇନିଃ ଆବ୍ରାହାମ୍ଆଃ କିଲିକକେ ଦେଙ୍ଗାଃଏ । ୧୭ ଏନାମେନ୍ତେ, ସବେନ୍ ବିଷାଏରେ ଆୟାଃ ହାଗା ମିଶିକ ଲେକା ହବାଃଅତେୟାଃ ଆୟାଃ ଲାଗାତିଙ୍ଗ୍ ତାଇକେନା, ଏନା ହରାତେ ଇନିଃ ଇନ୍କୁଆଃ ପାତିୟାରଃ ଲେକାନ୍ ଆତଃ ଦାୟା ଏମଃ ମାରାଙ୍ଗ୍ ଯାଜାକ୍ ହବାକେଦ୍ରେ ପାର୍ମେଶ୍ଵାର୍ଆଃ ସେଞ୍ଜା ରିକା ଦାଡ଼ିୟାଏ ଆତଃ ହଡ଼କ ପାପ୍ ଛାମାକ ନାମ୍ ଦାଡ଼ିୟା । ୧୮ ଇନିଃ ଆଇଃକ୍ଗି ବିନିଡ଼ାଅରେ ଉୟୁଃକେଦ୍ରେ ଦୁକୁ ନାମ୍କେଦ୍ ହରାତେ, ଇନିଃ ବିନିଡ଼ାଅରେ ଉୟୁଗାକାନ୍ ହଡ଼କକେ ଦେଙ୍ଗା ଦାଡ଼ିୟା ।

୩

ୟାଶୁ ମୁଣାଏତେ ମାରାଙ୍ଗ୍

୯ ହେ ଖ୍ରୀଷ୍ଟ୍ରେ ପାତିୟାର୍ରେଃ ଲେକାନ୍ ପାବିତାର୍ ହାଗା ମିଶିକ, ଆପେୟଗି ପାର୍ମେଶ୍ଵାର୍ତେ କେଡ଼ାକାନ୍କଆଃ ହିସାରେନ୍ ହଡ଼କ ତାନ୍ପେ ! ଆପେ ଯାଶୁଆଃ ବିଷାଏରେ ଉଡ଼ୁଏପେ, ଇନିଃ ଆବୁଆଃ ଧାରାମ୍ ବିଶ୍ଵାସରେୟାଃ ମାରାଙ୍ଗ୍ ଯାଜାକ୍ ହବାଃ ନାଗେନ୍ତେ ପାର୍ମେଶ୍ଵାର୍ଆଃ ହରାତେ କୁଲ୍ଲକାନା । ୨ ମୁଣା ପାର୍ମେଶ୍ଵାର୍ଆଃ ଅଡ଼ାଃରେ ପାତିୟାର୍ରେଃ ଲେକାଏ କାମିକେଦା, ଏନ୍ଲେକାଗି, ପାର୍ମେଶ୍ଵାର୍ଆଃ ସାଲ୍ଲକାନ୍ ଯାଶୁ ନେ କାମି ନାଗେନ୍ତେ ପାର୍ମେଶ୍ଵାର୍ଆଃ ନାଙ୍ଗ୍ ପାତିୟାର୍ରେଃ ଲେକାଏ କାମିକେଦା । ୩ ଅଡ଼ାଏତେ ଅଡ଼ା ବାବାଇନିଃକେ ପୁରାଃ ମାଇନ୍ ଏମଃଆ । ଏନ୍ଲେକାଗି ମୁଣାଏତେ ଯାଶୁ ପୁରାଃଗି ମାଇନ୍ ନାମେ ଲେକାଏ ହବାକାନା । ୪ ସବେନ୍ ଅଡ଼ାକେ ଜେତାଏ ମିହୁଡ଼୍ ବାଇୟାକାଦାଏ, ମେନ୍ଦ ପାର୍ମେଶ୍ଵାର୍ ସବେନାଃରେୟାଃ ବାବାଇନିଃ ତାନିଃ । ୫ ଦାସି ଲେକା ମୁଣା ପାର୍ମେଶ୍ଵାର୍ଆଃ ଅଡ଼ାଃରେ ପାତିୟାର୍ରେଃ ଲେକାଏ କାମିକେଦା ଆତଃ ଆୟାଃ କାମି ପାର୍ମେଶ୍ଵାର୍ ହିଜୁଃ ଦିପିଲିରେ ଉଦୁବ୍ ନାଗେନ୍ତେ ମନେକାଦ୍ ତାଇକେନ୍ ବିଷାଏ ନାମୁନା ଲେକା ତାଇକେନା । ୬ ମେନ୍ଦ ପାର୍ମେଶ୍ଵାର୍ଆଃ ଅଡ଼ାଃରେ ଖ୍ରୀଷ୍ଟ୍ ହନ୍ ଲେକା ପାତିୟାର୍ରେଃ ଲେକାନ୍ ଗୁସିୟାଁ ତାନିଃ । ଆବୁ ଜୀଉରେ କେଟେଦ୍ରେଦ୍ରେ ଆସ୍ରାକାଦ୍ରେୟାଃ ନାମେୟାବୁ ମେନ୍ତେ ପୁରା ପକ୍ତାକେଦ୍ରେ ତାଇନିଃରେଦ୍, ଆବୁ ଆୟାଃ ଅଡ଼ା ତାନ୍ବୁ ।

ପାର୍ମେଶ୍ଵାର୍ଆଃ ହଡ଼କ ନାଗେନ୍ତେ ରୁଡ଼ୁ

୭ ଏନାତେ ପାବିତାର୍ ଆମ୍ ନେ'ଲେକାଏ କାଜିୟା,
 “ତିସିଙ୍ଗ୍ ଆପେ ପାର୍ମେଶ୍ଵାର୍ଆଃ କାଜିପେ ଆୟୁମେରେଦ୍,
 ଠ ଆପେୟାଃ ପୁରୁଖା ହାଡ଼ାମ୍କଆଃ ଲେକା ମନ୍ସୁରୁଦ୍ରେ ଆଲପେ କେଟେଜେୟା ।
 ଇନ୍କୁ ଏନ୍ ହୁଲ୍ଲାଇଁ ବିର୍ରେ ପାର୍ମେଶ୍ଵାର୍କେକ ବିଡ଼ାଅକିୟା
 ଆତଃ ଆୟାଃ ବିରୁଧ୍ରେ ଏପେରାଙ୍ଗ୍କେନାକ ।
 ୯ ପାର୍ମେଶ୍ଵାର୍ କାଜିୟାଏ, ଏନ୍ ବିର୍ରେ ଆପେୟାଃ ପୁରୁଖା ହାଡ଼ାମ୍କ ଆଇଁୟାଃ ପେଡ଼େଃ ଆତଃ ଧୁରାଜ୍ତାଇୟାଃକେକ ବିଡ଼ାଅକେଦା,

ଆତ୍ମ ସ୍ୱାସ୍ଥ୍ୟ ବାଧ୍ୟତା ଜାଣିବି ଆଇଁ କାମିକେଦ୍‌ତେୟାଃକ ନେଲକେଦା ।

୧୦ ଏନାତେ ଆଇଁ ଇନ୍‌କୁଆଃ ଚେତାନରେ ଖୁସକେଦ୍‌ତେ କାଜିକେଦାଇଁ,
‘ଇନ୍‌କୁଆଃ ମନ୍‌ସୁରୁଦ୍‌କ ସବେନ୍‌ ଇମ୍‌ତା ଏଡ୍‌କାନ୍‌ ହରାତେ ସେନଃତାନା, ଆତ୍ମ ଆଇଁୟାଃ ହରା କାକ ସାରିୟାଃ,
ଆତ୍ମ ଆଇଁୟାଃ ଆନାରୁ ମାନାତିକ୍‌ ନାଗେନ୍ତେ କା ସାନାକ୍‌ତାନ୍‌ ହଡ୍‌କ ତାନ୍‌କ ।’

୧୧ ଆଇଁ ଖୁସ୍‌ତେ କିରିୟାକେଦାଇଁ :
ଆଇଁ ଇନ୍‌କୁକେ ଅକନ୍‌ ଦିଶୁମ୍‌ରେ ରୁଡ୍‌ନୁ ନାଗେନ୍ତେଇଁ ଏମାକାକତେୟାଃ, ଇନ୍‌କୁ ଏନ୍‌ ଦିଶୁମ୍‌ତେ
ଜେତାଲେକାତେ କାକ ବଲ୍‌ ଦାଡ୍‌ୟା ।”

୧୨ ହେ ବିଶ୍ୱାସୀ ହାଗା ମିଶିକ, ଚିର୍ଗାଲାନାନ୍‌ପେ, ଆପେକ୍‌ଏତେ ଜେତାଏୟାଃ ମନ୍‌ସୁରୁଦ୍‌ ପାପ୍‌ରେ ଆତ୍ମ କା ବିଶ୍ୱାସ୍‌ରେ
ପେରେଃକେଦ୍‌ତେ ଜାନିଦ୍‌ ପାରମେଶ୍ୱାର୍‌ତାଃଏତେ ଆଲକା ସାଜିନଃକା । ୧୩ ମେନ୍‌ଦ, ଆପେକ୍‌ଏତେ ଜେତାଏ ପାପ୍‌ରେ
ବେଦାକେଦ୍‌ତେ କେଟେଦ୍‌ ମନ୍‌ସୁରୁଦ୍‌ ଆଲକାଏ ହବାଅଃକା, ଏନାମେନ୍ତେ ମିହୁଡ୍‌ ଆତ୍ମମିହୁଡ୍‌କେ ସବେନ୍‌ ହୁଲାଇଁ
ଜୀଉରେ ରାସକା ଏମ୍‌କେଦ୍‌ତେ ଦେଙ୍ଗାକାଏ । ଆତ୍ମ ଧାରାମ୍‌ ପୁଅରେ “ତିସିକ୍‌” ମେନ୍ତେ ଅଲାନାନ୍‌ ଲାବ୍‌ଜା ଆରୁ
ନାଗେନ୍ତେ ଲାଗାତିକ୍‌ ହବାଅଃ ଜାକେଦ୍‌ ଏନା କାମିକାଦ୍‌ତେପେ । ୧୪ ଚିୟାଃତି ଆରୁ ଚୁଣ୍ଡ ଜାକେଦ୍‌ ଆରୁଆଃ ଏନେଟେଦ୍‌
ବିଶ୍ୱାସ୍‌ରେ କେଟେଦ୍‌କେଦ୍‌ତେବୁ ତାଇନଃରେଦ, ଆରୁ ସବେନ୍‌କ ଖ୍ରୀଷ୍ଟ୍‌ଆଃ ହିସାରେବୁ ତାଇନ୍‌ ଦାଡ୍‌ୟାଆ ।

୧୫ ଧାରାମ୍‌ ପୁଅରେ ଅଲାନାନା,
“ତିସିକ୍‌ ଆପେ ପାରମେଶ୍ୱାର୍‌ଆଃ ବାଚାନ୍‌ପେ ଆୟୁମେରେଦ,
ଆପେୟାଃ ପୁରଖା ହାଡ୍‌ମକଆଃ ମନ୍‌ସୁରୁଦ୍‌ କେଟେଦ୍‌କେଦ୍‌ତେ ପାରମେଶ୍ୱାର୍‌ଆଃ ବିରୁଧ୍‌ରେ ଏପ୍‌ରାକ୍‌କେନାକ,
ଏନ୍‌ଲେକା ଆପେ ଆଲ୍‌ପେ ରିକାୟା ।”

୧୬ ପାରମେଶ୍ୱାର୍‌ଆଃ ବାଚାନ୍‌ ଆୟୁମ୍‌କେଦ୍‌ରେୟ ଅକନ୍‌କ ପାରମେଶ୍ୱାର୍‌ଆଃ ବିରୁଧ୍‌ରେ ଏପ୍‌ରାକ୍‌କେନାକ, ଇନ୍‌କୁ
ଅକନ୍‌କ ତାନ୍‌କ ? ମୁଣା ନାବୀ ମିସାର୍‌ ଦିଶୁମ୍‌ଏତେ ସୁତୁଃ ଆତ୍ମକାଦ୍‌କ ତାଇକେନାଏ, ଇନ୍‌କୁ ଚିନାଃ ନାହାଁଲାଇତି ?
୧୭ ବାହ୍‌ହିସି ବାଧ୍ୟତା ଜାଣିବି ଅକନ୍‌ ପାରମେଶ୍ୱାର୍‌ ଖୁସକାନ୍‌ ତାଇକେନାଏ, ଇନ୍‌କୁ ଅକନ୍‌କ ତାନ୍‌କ ? ପାପ୍‌କାମିକେଦ୍‌
ହରାତେ ଗଏଃୟାନ୍‌କ ଆତ୍ମ ବିର୍‌ରେ ଉୟୁଗାକାନ୍‌ ତାଇକେନାକ, ଇନ୍‌କୁ ଚିନାଃ ନାହାଁଲାଇତି ? ୧୮ ପାରମେଶ୍ୱାର୍‌
କିରିୟାକେଦ୍‌ତେ ବାନାର୍‌ସାକାଦ୍‌ ତାଇକେନା, ଇନ୍‌କୁ ଆୟାଃ ବାନାର୍‌ସା ଏମାକାଦ୍‌ ରୁଡ୍‌ନୁରେୟାଃ ଦିଶୁମ୍‌ରେ ଚିତ୍ତଲାଇଅ
କାକ ବଲ୍‌ଦାଡ୍‌ୟା, ଇମ୍‌ତା ଇନିଃ ଅକନ୍‌କଆଃ ବିଷାଏରେ କାଜିକାଦ୍‌ ତାଇକେନା ? ଅକନ୍‌କ ଏପ୍‌ରାକ୍‌କେନାକ
ଇନ୍‌କୁଆଃ ବିଷାଏରେ ଏନା କାଜିକାଦ୍‌ ତାଇକେନା । ୧୯ ତାବ୍‌ଦ, ଆରୁ ନେଲେତାନାରୁ, ଇନ୍‌କୁ ଆକଆଃ କା ବିଶ୍ୱାସ୍‌
ହରାତେ ପାରମେଶ୍ୱାର୍‌ ବାନାର୍‌ସାକାଦ୍‌ ରୁଡ୍‌ନୁରେୟାଃ ଦିଶୁମ୍‌ କିନାନ୍‌ରେ କାକ ବଲ୍‌ ଦାଡ୍‌ୟାନା ।

୪

୧ ଆରୁକେ ଅକନ୍‌ ରୁଡ୍‌ନୁ ଏମଃଆ ମେନ୍ତେ ପାରମେଶ୍ୱାର୍‌ କାଜିକାଦ୍‌ ତାଇକେନାଏ, ଏନା ଆରୁ ନାମ୍‌ ଦାଡ୍‌ୟାରୁ
ମେନ୍ତେ ପାରମେଶ୍ୱାର୍‌ ବାନାର୍‌ସା ଏମାକାଦାଏ । ଏନ୍‌ ବାନାର୍‌ସା ଏମାକାନ୍‌ ରୁଡ୍‌ନୁଏତେ ଜେ'ଲେକା ଜେତାଏ ଆଲକାକ
ବାରିୟାଃକା, ଏନାମେନ୍ତେ ଚିର୍ଗାଲାନାନ୍‌ ତାଇନପେ । ୨ ଚିୟାଃତି ଇନ୍‌କୁଆଃ ଲେକା ଆରୁହରି ସୁକୁକାଜିବୁ ଆୟୁମ୍‌କାଦା ।
ଇନ୍‌କୁ ଏନାକେ ଆୟୁମ୍‌କେଦ୍‌ ରେୟ ପାତିୟାର୍‌ତେ କାକ ତେଲାଇକେଦା । ଏନାମେନ୍ତେ ଇନ୍‌କୁଆଃ ନାକ୍‌ ବୁଗିନାଃ ଲେକା
କା ହବାୟାନା । ୩ ମେନ୍‌ଦ ଆରୁକ୍‌ଏତେ ଅକନ୍‌କ ବିଶ୍ୱାସେୟା, ଇନ୍‌କୁଗି ପାରମେଶ୍ୱାର୍‌ ଏମାକାଦ୍‌ ବାନାର୍‌ସା ଲେକାତେ
ରୁଡ୍‌ନୁକ ନାମେୟା, ଚିୟାଃତି ପାରମେଶ୍ୱାର୍‌ କାଜିକାଦାଏ,

“ଆଇଁ ଖୁସକେଦ୍‌ତେ କିରିୟାକେଦାଇଁ,
‘ଆଇଁ ରୁଡ୍‌ନୁ ଏମାକ ଦିଶୁମ୍‌ରେ ଇନ୍‌କୁ ଚିତ୍ତଲାଇଅ କାକ ବଲ୍‌ଆ ।’”

ନେ ରୁଡ୍‌ନୁତେୟାଃ ଅତେଦିଶୁମ୍‌ରେୟାଃ ମୁନ୍‌ଏତେ ପାରମେଶ୍ୱାର୍‌ଆଃ କାମି ପୁରାକାନ୍‌ରେୟ ପାରମେଶ୍ୱାର୍‌ ନେ
କାଜି କାଜିକାଦ୍‌ ତାଇକେନା । ୪ ଧାରାମ୍‌ପୁଅରେ ଅଲାନାନା, “ଏୟା ହୁଲାଇଁ” ବିଷାଏରେ, ନେ'ଲେକା ଅଲାନାନା,
“ପାରମେଶ୍ୱାର୍‌ ଆୟାଃ ସବେନ୍‌ କାମି ଚାବାକେଦ୍‌ତେ ଏୟା ହୁଲାଇଁରେ ରୁଡ୍‌ୟାନା ।” ୫ ଆତ୍ମ ନେ ବିଷାଏରେ
ଏଟାଃତାଃରେ ଆତ୍ମଚି ଅଲାନାନା, ପାରମେଶ୍ୱାର୍‌ କାଜିକେଦାଏ, “ଆଇଁ ରୁଡ୍‌ନୁ ଏମାକ ଦିଶୁମ୍‌ରେ ଇନ୍‌କୁ ଚିତ୍ତଲାଇଅ
କାକ ବଲ୍‌ ଦାଡ୍‌ୟା । ୬ ଅକନ୍‌କ ସିଦାତେ ସୁକୁକାଜି ଆୟୁମାକାଦ୍‌ ତାଇକେନାକ, ଇନ୍‌କୁ ଆକଆଃ କା ପାତିୟାର୍‌
ହରାତେ ପାରମେଶ୍ୱାର୍‌ଆଃ ଏନ୍‌ ରୁଡ୍‌ନୁ କାକ ନାମ୍‌ ଦାଡ୍‌କେଦା । ନାହାଁଃ ଏଟାଃ ହଡ୍‌କ ଏନ୍‌ ରୁଡ୍‌ନୁ ନାମେ ନାଗେନ୍ତେ
ସୁଯୋଗ୍‌କ ନାମେତାନା, ୭ ଚିୟାଃତି ଇନ୍‌କୁଆଃ ନାଗେନ୍ତେ ପାରମେଶ୍ୱାର୍‌ ଏଟାଃ ମିଆଁଦ୍‌ ହୁଲାଇଁକେ ସାଲାଇକାଦା ଆତ୍ମ
ଏନା ହାବାଅଃତାନା ‘ତିସିକ୍‌’ । ନେଆଁକେ ପୁରାଃ ଦିପିଲି ସିଦାରେ ପାରମେଶ୍ୱାର୍‌, ଦାଉଦ୍‌ ରାଜାରାଃ ହରାତେ ନେ ବିଷାଏକ
କାଜିକାଦା,

‘ତିସିକ୍‌ ଆପେ ପାରମେଶ୍ୱାର୍‌ଆଃ କାଜିପେ ଆୟୁମେରେଦ,
ମନ୍‌ସୁରୁଦ୍‌ ଆଲ୍‌ପେ କେଟେଜେୟା ।’”

୮ ଚିୟାଃଚି ଯିହୋଶୁୟ ହଡକକେ ପାର୍ମେଶ୍ୱାର୍ଆଃ ବାନାରସାକାଦ୍ ରୁଡନୁ ଏମ୍କାକତେୟାଃଏ ରେଦ, ପାର୍ମେଶ୍ୱାର୍ ତାୟମ୍ତେ ଏଟାଃ ମିଆଁଦ୍ ରୁଡନୁ କାଜି କାଏ କାଜିକାତେତେୟାଃ । ୯ ଏନାତେ, ନେଆଁ ଆର୍କାରଃତାନା, ଏୟା ହୁଲାଙ୍ଗ୍ରେ ପାର୍ମେଶ୍ୱାର୍ ରୁଡ୍ମୁନାଏ, ଏନଲେକାଗି, ପାର୍ମେଶ୍ୱାର୍ ଆୟାଃ ହଡକଆଃ ନାଗେନ୍ତେ ବିଶେଷ୍ଟ ରୁଡନୁ ଦହାକାଦାଏ । ୧୦ ପାର୍ମେଶ୍ୱାର୍ ଆୟାଃ କାମିଏତେ ରୁଡ୍ମୁନୁ ଲେକାଗି, ଜେତାଏ ଆୟାଃ ଏମାକାଦ୍ ରୁଡନୁରେ ବଲକାନା, ଇନିଃ ଆପ୍ନାଃ କାମିଏତେ ରୁଡନୁ ନାମାକାଦାଏ । ୧୧ ଏନାତେ ଆରୁ ଏନ୍ ରୁଡନୁରେ ବଲ ନାଗେନ୍ତେ ପୁରାଃ ଚେଷ୍ଟାଏକାରୁ, ଜେ'ଲେକାଗି ଆରୁଏତେ ଜେତାଏ ହଡ, ଏନ୍ କା ପାତିୟାରକେଦ୍ ହଡକଆଃ ନାମୁନା ଲେକା ଆଲକାଏ ଉୟୁଗଃକା ।

୧୨ ଚିୟାଃଚି ପାର୍ମେଶ୍ୱାର୍ଆଃ ବାଚାନ୍ ଜାନିଦ୍ ଆତଃ କାମିୟାଃତେୟାଃ ତାନାଃ ଆତଃ ବାରାନ୍ହରା ଲେସେରକାନ୍ ତାରାଉଡିଏତେ ପୁରାଃ ଲେସେରତେୟାଃ ତାନାଃ, ନେ ବାଚାନ୍ତେ ଜୀଉ ଆତଃ ଆମ୍ବା ମେସାନାଃ, ଜଡେନ୍ ଜାଙ୍ଗ୍ରେ ଭେଦାଅଆଃ, ଆତଃ ହଡକଆଃ ମନ୍ସୁରୁଦ୍ରେୟାଃ ଏଡକାନ୍ ସାନାଙ୍ଗ୍ ଆତଃ ଉଡ୍ଡୁରେୟାଃ ବିଚାର୍ ହବାଅଃଆ । ୧୩ ପାର୍ମେଶ୍ୱାର୍ତାଃଏତେ ଜେଡନାଃ କା ଉକୁ ଦାଡିୟାଆ, ବାଲୟାକାନ୍ତେୟାଃ ସବେନାଃ ଇନିୟାଃ ସାମ୍ନାଙ୍ଗ୍ରେ କା ଉକୁଆକାନା ମେନ୍ଦ୍ ଇନିୟାଃ ମେଦ୍ ସାମ୍ନାଙ୍ଗ୍ରେ ନେଲଃତାନା । ଆତଃ ଏନ୍ ପାର୍ମେଶ୍ୱାର୍ଆଃ ସାମ୍ନାଙ୍ଗ୍ରେ ଆରୁକେ ହିସାବ୍ ଏମ୍ ଲାଗାତିଙ୍ଗ୍ୟାଃ ।

ୟାଶୁଗି ମାରାଙ୍ଗ୍ ଯାଜାକ୍

୧୪ ଏନାତେ, ସିମାସାଲିମ୍ ହରାତେ ସେନ୍ ସେଟେରାକାନ୍ ପାର୍ମେଶ୍ୱାର୍ଆଃ ହନ୍ ଯାଶୁଗି ଆରୁଆଃ ମାରାଙ୍ଗ୍ ଯାଜାକ୍ ତାନିଃ, ଏନାତେ ଏଲା ହିଜୁଃପେ, ଆରୁ ଆରୁଆଃ ବିଶ୍ୱାସରେ ପୁରାଃ କେଟେୟାନ୍ଗି ତାଇନ୍ ଲାଗାତିଙ୍ଗ୍ୟାଃ । ୧୫ ଚିୟାଃଚି ଇନିଃ ଆରୁଆଃ ନାରାଦୁରା ଇମ୍ତା କାଏ ଆର୍କାର୍ଉରୁମ୍ ଦାଡିୟା ଏନଲେକାନ୍ ମାରାଙ୍ଗ୍ ଯାଜାକ୍ ନାହାଁଲିଃ । ମେନ୍ଦ୍ ଚିମିନ୍ ରାକାମ୍ରେୟାଃ ବିନିଡାଅରେ ଉୟୁଃକାନ୍ ତାଇକେନ୍ରେୟ, ଇନିଃ କାଏ ପାପ୍କେଦା । ୧୬ ଏନାତେ ଆରୁ ଜୀଉ କେଟେଦ୍ତାନଲଃ ପାର୍ମେଶ୍ୱାର୍ଆଃ ସାୟାଦ୍ରେୟାଃ ରାଜଗାଦି ହେପାଦ୍ତେବୁ ସେନା, ଏତ୍ରାଃରେ ଆରୁ ଆରୁଆଃ ଦେଙ୍ଗା ନାମେ ନାଗେନ୍ତେ ଲାଗାତିଙ୍ଗ୍ ଦିପିଲିରେ ଦାୟା ଆତଃ ସାୟାଦ୍ବୁ ନାମେୟା ।

୫

୧ ସବେନ୍ ମାରାଙ୍ଗ୍ ଯାଜାକ୍ ଆପାନ୍ ହଡକତାଃଏତେ ସାଲାକେଦ୍ତେ କାମିୟାଃ । ଇନିଃ ଇନ୍କୁଆଃ ହରାତେ ପାପ୍ ଛାମାରେୟାଃ ଦାଣେଁ ରାକାବେ ନାଗେନ୍ତେ ଆତଃ ଦାନ୍ ରାକାବେ ନାଗେନ୍ତେ ପାର୍ମେଶ୍ୱାର୍ଆଃ ସେଞ୍ଜା କାମିୟାଃଏ । ୨ ଇନିଃ ଆଇଃକ୍ଗି ଚିମିନ୍ ରାକାମ୍ରେୟାଃ ଗୁଣ୍ଡାଁ, କା ପେଡେଃତେ ପେରେଜାକାନ୍ ହରାତେ, କା ସାରିକେଦ୍ତେ ଗୁଣ୍ଡାଁ କାମିକାଦ୍ ଡଣ୍ଡୁ ହଡକଆଃ ନାଗେନ୍ତେ ଇନିଃ ଲିବୁୟାନ୍ନିଃ ତାନିଃ । ୩ ଆତଃ ଇନିଃ ଏଟାଃକଆଃ ପାପ୍ ନାଗେନ୍ତେ ଏସ୍କାର୍ ଦାଣେଁ ରାକାବାଃଏ ମେନ୍ତେଦ୍ କାହା ମେନ୍ଦ୍ ଆୟାଃ ଆପାନାଃ ପାପ୍ ନାଗେନ୍ତେୟ ଇନିଃକେ ଦାଣେଁରାକାଦ୍ ଲାଗାତିଙ୍ଗ୍ୟାଃ । ୪ ଜେତାଏ ଆପାନ୍କେଗି ମାରାଙ୍ଗ୍ ଯାଜାକ୍ ସାଲାକେଦ୍ତେ ଆପାନାଃ ମାଇନ୍ କାଏ ରିକାଦାଡିୟା । ହାରୁନ୍ଆଃ ଲେକା ପାର୍ମେଶ୍ୱାର୍ଆଃ ହରାତେ କେଡାକାନ୍ନିଃ ଏସ୍କାର୍ ମାରାଙ୍ଗ୍ ଯାଜାକ୍ ହବା ଦାଡିୟାଆଏ ।

୫ ଏନଲେକାଗି ମାରାଙ୍ଗ୍ ଯାଜାକ୍ରେୟାଃ ମାଇନାନ୍ ନାମେ ନାଗେନ୍ତେ ଖ୍ରୀଷ୍ଟ୍ ଆଇଃକ୍ଗି ଆଇଃକ୍କେ କାଏ ସାଲା । ମେନ୍ଦ୍ ପାର୍ମେଶ୍ୱାର୍ ଇନିଃକେ ସାଲାକେଦ୍ତେ କାଜିକିୟା,

“ଆମ୍ ଆଇୟାଃ ହନ୍,

ତିସିଙ୍ଗ୍ ଆଇଙ୍ଗ୍ ଆମାଃ ଆପୁ ହବାୟାନାଇଙ୍ଗ୍ ।”

୬ ଆତଃ ଇନିଃ ନେଆଁହ କାଜିକାଦାଏ, “ଆମ୍ ଯାଜାକ୍ କାମିରେ ମଲ୍କିସେଦକ୍ଆଃ ଆକ୍ତେୟାର୍ନିଃ ଲେକା ଜାନାଅ ଜାନାଅରେନ୍ ଯାଜାକ୍ ତାନ୍ମେ ।”

୭ *ଅକନ୍ ପାର୍ମେଶ୍ୱାର୍ ଇନିଃକେ ଗନଏଃଏତେ ବାଞ୍ଛାଅ ଦାଡିୟାଏ, ଇନିଃତାଃରେ ଯାଶୁ ନେ ଅତେଦିଶୁମ୍ରେୟାଃ ଜୀଞ୍ଜାନ୍ରେ ପୁରାଃ ରାନାଃତାନ୍ଲଃ ମେଦ୍ ଦାଆଃ ଚିପାଃକେଦ୍ତେ ବିକ୍ତିକେଦା । ଇନିଃ ଲେବେଃ ଆତଃ ସାଧୁ ହଡ୍ ହବାକାନ୍ ହରାତେ ପାର୍ମେଶ୍ୱାର୍ ଆୟାଃ ବିକ୍ତି ଆୟୁମ୍କେଦା । ୮ ଇନିଃ ପାର୍ମେଶ୍ୱାର୍ଆଃ ହନ୍ ତାଇକେନ୍ରେୟ, ଦୁକୁ ସାହାତିଙ୍ଗ୍କେଦ୍ତେ କାଜି ମାନାତିଙ୍ଗ୍ତେୟାଃ ଇତୁୟାନ୍ୟାଏ । ୯ ନେ'ଲେକା ପାର୍ମେଶ୍ୱାର୍ ଇନିଃକେ ମିଆଁଦ୍ ପକ୍ତାକାନ୍ ମାରାଙ୍ଗ୍ ଯାଜାକ୍ ଲେକା ହବା ଦାଡିୟାଆଏ ମେନ୍ତେ କାଜିକେଦାଏ, ଆତଃ ଇନିଃ ଆୟାଃ ମାନାତିଙ୍ଗ୍ତାନ୍ ସବେନ୍କଆଃ ନାଗେନ୍ତେ ଜାନାଅ ଜୀଉ ବାଞ୍ଛାଅରେୟାଃ ଏନେଟେଦ୍ ଠାୟାଦ୍ ହବାୟାନାଏ । ୧୦ ଆତଃ ଇନିଃ ମଲ୍କିସେଦକ୍ଆଃ ଆକ୍ତେୟାର୍ନିଃ ଲେକା ମାରାଙ୍ଗ୍ ଯାଜାକ୍ ହବାୟାନାଏ ମେନ୍ତେ ପାର୍ମେଶ୍ୱାର୍ ଉଦୁବ୍କେଦାଏ ।

ପାତିୟାର୍ ଆଦେରେୟାଃ ଦାସା

୧୧ ନେ ବିଷାଏରେ ଆଲେୟାଃ ପୁରାଃଗି କାଜି ମେନାଃ, ଏନା କାଜି ନାଗେନ୍ତେଲେ ସାନାଙ୍ଗ୍ତାନା । ମେନ୍ଦ୍ ଆପେକେ ଉଦୁବ୍ ନାଗେନ୍ତେ ହାମ୍ବାଲ୍ଗିୟା, ଚିଆଃଚି ଆପେୟାଃ ଆମିକ୍ ଜୀଞ୍ଜାନ୍ରେ ଆୟୁମ୍ ଆତଃ ଆର୍କାର୍ଉରୁମ୍ ନାଗେନ୍ତେ କାପେ ଚିହୁଲାକାନା । ୧୨ *ଆପେ ଏଟାଃକକେ ଇତୁରେୟାଃ ଦିପିଲି ସେଟେରାକାନ୍ରେୟ, ପାର୍ମେଶ୍ୱାର୍ଆଃ

☆ ୫:୭ ୫:୭ ମାଥୁଉ ୨୭:୩୭-୪୭; ମାର୍କ ୧୪:୩୨-୪୨; ଲୁକ ୨୨:୩୯-୪୬. ☆ ୫:୧୨ ୫:୧୨ ୧ କରିନ୍ଥୁୟ ୩:୨.

ବାଚାନ୍ରେୟାଃ ଏନେଚେଦ୍ ଇନିତୁକେ, ଆପେକେ ଇତୁ ନାଗେନ୍ତେ ଇତୁନିଃ ଲାଗାତିଙ୍ଗ୍ ହବାଅଃତାନା । ଆପେ କେଚେଦ୍ ଜମେୟାଃ ବାଦ୍ଲାନରେ ନାହାଁଃ ଜାକେଦ୍ ତଆପେ ନୁଁ ତାନା । ୧୩ ଜେତାଏ ତଆ ନୁଁ ତାନିଃ, ସିଟିଆ ହନ୍ ଲେକାନନିଃ ତାନିଃ । ବୁଗିନାଃ ଆତଃ ଏଡକାନାଃ ବିଷାଏରେ ଆୟାଃ ସେଣାଁ ବାନଃଆ । ୧୪ ମେନ୍ଦ୍ କେଚେଦ୍ ଜମେୟାଃ, ହାରା ଦାଡ଼ିକାନ୍ ହଡକ ନାଗେନ୍ତେ ତାନାଃ, ଇନ୍କୁ ହାରା ଦାଡ଼ିୟାନ୍ ହରାତେ ବୁଗିନାଃ ଆତଃ ଏଡକାନାଃ ଆଟ୍‌କାର୍ ଉରୁମ୍ ଦାଡ଼ିୟାକ ।



୧ ଏନାତେ ଆବୁ ଖ୍ରୀଷ୍ଟ୍ ଧାରାମ୍ ବିଷାଏରେୟାଃ ଏନେଚେଦ୍ ଇନିତୁ ବାଗିକେଦ୍‌ତେ ଆମ୍ବାରେ ହାରାଇଦିୟଃ ଲେକାନ୍ ପକ୍‌ତାନ୍ ଇନିତୁରେ ଇତୁନ୍ ଲାଗାତିଙ୍ଗ୍‌ୟାଃ । ଆବୁ ଧାରାମ୍ ବିଶ୍ୱାସ୍‌ରେୟାଃ ଏନେଚେଦ୍ ଇନିତୁ ଅକ୍‌ନାଃଟି, ସାମାକାଜି କାମିକ୍‌ଏତେ ରୁହାଡ଼ତାନଲଃ ପାର୍‌ମେଶ୍ୱାର୍‌ତାଃରେ ବିଶ୍ୱାସ୍, ୨ ବାପ୍ତିସ୍ମା ବିଷାଏରେୟାଃ ଇନିତୁ, ବାରାନ୍ ତିଃଇ ଜିଲିଙ୍ଗ୍, ଗନଏଃ ହଡକଆଃ ଜାଉବିନିରିଦ୍ ଆତଃ ଜାନାଅ ଜାନାଅରେୟାଃ ସାଜାଇ, ନେ ସବେନାଃରେୟାଃ ଇତୁ ନାଙ୍ ଆତଃମିସା ନିହଁଗାଡା ବାଇ କା ଲାଗାତିଙ୍ଗ୍‌ୟାଃ । ୩ ଆବୁ ଆୟାର୍‌ତେ ସେନ୍ ଇଦିନାଃବୁ ! ଆତଃ ପାର୍‌ମେଶ୍ୱାର୍ ଆବୁକେ ଆବୁରୁରେଦ୍, ଆବୁ ନେଆଁବୁ କାମିୟା ।

୪ ଅକନ୍‌କ ଆକଆଃ ବିଶ୍ୱାସ୍‌କ ଆଦାକାଦା, ଇନ୍କୁ ହେୟାତିଙ୍ଗ୍‌କେଦ୍‌ତେ ଆତଃମିସାକ ରୁହାଡ଼ ଦାଡ଼ିୟାଟି ? ଇନ୍କୁ ମିସା ପାର୍‌ମେଶ୍ୱାର୍‌ଆଃ ମାର୍‌ସାଲ୍‌ରେ ତାଇନଃ ତାଇକେନାକ, ସିର୍ମାରେୟାଃ ବାର୍‌ଦାନ୍ ଚାଖାଅକାଦାକ ଆତଃ ପାବିତାର୍ ଆମ୍ବାରାଃ ହିସାଦାର୍ ହବାକାନାକ, ୫ ଇନ୍କୁ ପାର୍‌ମେଶ୍ୱାର୍‌ଆଃ ବୁଗିନ୍ ବାଚାନ୍‌କେ ଆତଃ ହିଜୁଃ ଦିପିଲିରେୟାଃ ପେଡ଼େଃକେ ଆଟ୍‌କାର୍ ଉରୁମ୍‌କାଦାକ । ୬ ଏନ୍‌ରେୟ ଇନ୍କୁ ଆକଆଃ ବିଶ୍ୱାସ୍‌କେ ଆଦାକାଦାକ । ଏନାତେ ଆତଃମିସା ହେୟାତିଙ୍ଗ୍‌କେଦ୍‌ତେ ରୁହାଡ଼୍‌ତେୟାଃ ଇନ୍କୁ ନାଗେନ୍ତେ କା ହବାସାକାଅଆଃ, ଚିୟାଃଟି ଇନ୍କୁ ଆକଆଃ ଜିୟନଃ ନାଗେନ୍ତେ ପାର୍‌ମେଶ୍ୱାର୍‌ଆଃ ହନ୍‌କେ ଆତଃମିସା କୁଶ୍‌ରେ କିଲାକେଦ୍‌ତେ ହଡ ଆଲାରେ ଗିହୁଗିତାନାକ ।

୭ ଅକ ଅତେରେ ସବେନ୍ ଇମ୍‌ତା ଗାମା ଦାଆଃ ଉୟୁଃକେଦ୍‌ତେ ବେଭାରେ ଲେକାନ୍ ହିତାକଏ ଅମନେଆଁ, ଏନ୍ ଅତେରେ ପାର୍‌ମେଶ୍ୱାର୍‌ଆଃ ଆଗିଷ୍ ମେନାଃ । ୮ ମେନ୍ଦ୍ ଏନ୍ ଅତେ ଜାନୁମ୍ ଦାରୁ ଆତଃ ଚୁଲିତାସାଦ୍ ଅମନେରେଦ୍, ଏନାରେୟାଃ ଜେତାନ୍ ଗନଙ୍ କା ତାଇନାଃ, ଏନା ପାର୍‌ମେଶ୍ୱାର୍ ସାର୍‌ପାଅକାଦ୍ ଲେକାନାଃ ହବାଅଃଆ ଆତଃ ସେଙ୍ଗେଲ୍‌ତେ ଜିୟନଃଆ ।

୯ ହେ ଦୁଲାଡ଼କ୍, ଆଲେ ଆପେକେ ନେ'ଲେକା କାଜିଲେରେୟ, ଆପେ ଆପେୟାଃ ଜାଉ ବାଞ୍ଚାଅ ନାମେ ନାଗେନ୍ତେ ଆଗିଷ୍ ନାମେ ଲେକାପେ ହବାକାନା, ମେନ୍ତେ ଆପେୟାଃ ଚେତାନ୍‌ରେ ଆଲେୟାଃ ବିଶ୍ୱାସ୍ ମେନାଃ । ୧୦ ପାର୍‌ମେଶ୍ୱାର୍ କା ଧାର୍‌ମାନ୍‌ନିଃ ନାହାଁଲିଃ । ଇନିଃ ଆପେୟାଃ କାମିକ୍, ବିଶେଷ୍‌କେଦ୍‌ତେ ପାବିତାର୍ ହଡକକେ ଦେଙ୍ଗା ଆତଃ ନାହାଁଃ ଜାକେଦ୍ ସୁସାରକତାନ୍ ହରାତେ ପାର୍‌ମେଶ୍ୱାର୍‌ଆଃ ନୁତୁମ୍ ନାଙ୍ ଆପେ ଅକନ୍ ଦୁଲାଡ଼ ଉଦୁବ୍‌କାଦାପେ, ଏନା ଇନିଃ କାଏ ରିଡ଼ିଙ୍ଗ୍‌ୟେଆ । ୧୧ ମେନ୍ଦ୍ ଆଲେୟାଃ ଇଛାସାନାଙ୍ ନେଆଁ ତାନାଃ, ଚୁଣ୍ଟୁ ଦ୍ୱିପିଲି ଜାକେଦ୍ ଏଟାଃକ ନାଗେନ୍ତେ ଆପେୟାଃ ଦୁଲାଡ଼୍ ସବେନ୍ ଇମ୍‌ତା ତାଇନ୍‌କା । ଏନାରେ ଆପେୟାଃ ଆସ୍ତାକାଦ୍ ସବେନାଃ ପୁରାଅଃଆ । ୧୨ ଆପେ କୁଡ଼ି ହବାଅଃପେ ମେନ୍ତେ ଆଲେ କାଲେ ସାନାଙ୍‌ତାନା, ମେନ୍ଦ୍ ବିଶ୍ୱାସ୍‌ରେ ପକ୍‌ତାକାନ୍‌କକେ ଆତଃ ଧୂରାଜ୍‌ରେ ତାଇନ୍‌ତାନ୍ ହଡକକେ ଅତଙ୍‌କପେ, ଆତଃ ପାର୍‌ମେଶ୍ୱାର୍ ବାନାର୍‌ସା ଏମାକାଦ୍ ସବେନ୍ ବିଷାଏ ନାମେପେ ।

ପାର୍‌ମେଶ୍ୱାର୍‌ଆଃ ବାନାର୍‌ସା କା ବାଦ୍‌ଲାଅଃଆ

୧୩ ପାର୍‌ମେଶ୍ୱାର୍ ଆବ୍ରାହାମ୍‌କେ ବାନାର୍‌ସା ଏମ୍‌କିଃ ଇମ୍‌ତା, ପାର୍‌ମେଶ୍ୱାର୍ ଇନିଃକେ ଏମାକାଇ ବାନାର୍‌ସାକେ ପୁରାଏୟା ମେନ୍ତେ କିରିୟାକେଦା । ଆୟାଃତାଃଏତେ ଜେତାଏ ମାରାଙ୍ କା ତାଇନ୍ ହରାତେ ଇନିଃ ଆୟାଃ ନୁତୁମ୍‌ତେ କିରିୟାକେଦା । ୧୪ ଇନିଃ କାଜିକେଦାଏ, “ଆଇଙ୍ଗ୍ ଆମ୍‌କେ ଆଗିଷ୍‌ମେୟାଈଙ୍ଗ୍, ଆମାଃ କିଲିକକେ ପୁରାଃଗିଇଙ୍ଗ୍ ପସାକଆ ।” ୧୫ ଆବ୍ରାହାମ୍ ଧୂରାଜ୍ ସାବ୍‌କେଦ୍‌ତେ ତାଙ୍‌କେଦା । ଏନାତେ ଇନିଃ ପାର୍‌ମେଶ୍ୱାର୍‌ଆଃ ବାନାର୍‌ସା ବିଷାଏ ସବେନାଃ ନାମ୍‌କେଦାଏ । ୧୬ ହଡକ କିରିୟାଏ ଇମ୍‌ତା ଆୟାଃତାଃଏତେ ମାରାଙ୍ ହଡଆଃ ନୁତୁମ୍‌ତେ କିରିୟା ରିକାଃକ, ନେ'ଲେକା କିରିୟାକେଦ୍ ହରାତେ ସବେନ୍ କାପ୍‌ଜିତେୟାଃ ହକାଅଃଆ । ୧୭ ପାର୍‌ମେଶ୍ୱାର୍ ଅକନ୍‌କକେ ଏନ୍ ସବେନାଃ ଏମାକଆଇଙ୍ଗ୍ ମେନ୍ତେ ବାନାର୍‌ସା ଏମାକାଦ୍‌କଆଏ, ଏନ୍ ଏମାକାଦ୍ ବାନାର୍‌ସାକେ ଚିଉଲାଅ କାଏ ବାଦ୍‌ଲାଅ ଦାଡ଼ିୟା ମେନ୍ତେ ଇନ୍‌କୁକେ ବୁଗିଲେକା ଉଦୁବ୍ ନାଗେନ୍ତେ ଇନିଃ ଆୟାଃ ବାନାର୍‌ସାଲଃ କିରିୟାକେହ୍ ମେସାକାଦାଏ । ୧୮ ଆୟାଃ ବାନାର୍‌ସା ଆତଃ କିରିୟା, ନେ ବାରାନାଃ କା ବାଦ୍‌ଲାଅଃଆ, ଏନାକେ ବାଦ୍‌ଲାଅକେଦ୍‌ତେ ପାର୍‌ମେଶ୍ୱାର୍ ହସଡ କାଏ ହବାଅଃଆ । ଏନାତେ ଆୟାଃତାଃରେ ତାଇନ୍‌ତାନ୍ ଆବୁ ସବେନ୍‌କ ସାମ୍‌ନାଙ୍‌ରେ ଅକନ୍ ଆସ୍ତା ମେନାଃ ଏନାକେ ସାବ୍‌କେଚେଜେ ନାଗେନ୍ତେ ପୁରାଃଗି ଜାଉରେ ରାସ୍‌କାବୁ ନାମାକାଦା । ୧୯ ନେ ଆସ୍ତା ଆବୁଆଃ ଜୀଦାନ୍‌ରେ ଜାହାଜ୍‌କେ ଆଟ୍‌କାଏତାନ୍ ହାମ୍‌ଲ୍ ମେଡ଼େଦ୍ ଲେକାନାଃ ତାନାଃ । ନେଆଁ ଆସ୍ତାଏ ଆତଃ ଭାର୍‌ସାଏ ଲେକ୍‌ନାଃ ତାନାଃ । ଏନା ସିର୍ମାଦିଶୁମ୍ ମାନ୍‌ଦିର୍ ଅତାଃରେୟାଃ ହାନାଟିଙ୍ଗ୍ ଦାନାଙ୍‌ଲିଜାଃ ପାରମ୍‌କେଦ୍‌ତେ ମାରାଙ୍ ପାବିତାର୍ ଠାୟାଦ୍‌ରେ ସେଚେର୍ ଦାଡ଼ିକାନା । ୨୦ ଆବୁଆଃ ନାଗେନ୍ତେ ଯୀଶୁ ସିଦାରେ ଏନ୍ତାଃତେ ସେନ୍ ସେଚେର୍‌କାନା । ଇନିଃ ମଲ୍‌କିସେଦକ୍‌ଆଃ ଆକ୍‌ତେୟାର୍‌ନିଃ ଲେକା ଜାନାଅ ଜାନାଅ ନାଗେନ୍ତେ ମାରାଙ୍ ଯାଜାକ୍ ହବାକାନାଏ ।



ଯାଜାଙ୍କ ମଲ୍ଲକିସେଦକ୍

^୯ ନେ ମଲ୍ଲକିସେଦକ୍ ସାଲେମ୍‌ରାଃ ରାଜା ଆତଃ ସାଲାଇଁ ଉତାର୍ ପାର୍‌ମେଶ୍ୱାର୍‌ଆଃ ଯାଜାଙ୍କ ତାଇକେନାଏ । ଆବ୍ରାହାମ୍ ଆୟାଃ ଗାତିକ ଉପୁନିୟା ରାଜାକକେ ଲାଡ଼ାଇରେ ହାରାଅକେଦ୍‌ତେ ରୁହାଡ୍ ତାଇକେନାକ ଇମ୍‌ତା, ମଲ୍ଲକିସେଦକ୍ ଇନିଃଲଃ ନେପେଲ୍‌କେଦ୍‌ତେ ଇନିଃକେ ଆଶିଷକାଇ ତାଇକେନାଏ । ^{୧୦} ଆତଃ ଆବ୍ରାହାମ୍ ଇନିଃକେ ଲାଡ଼ାଇହେତେ ନାମାକାଦ୍ ହିସାଏତେ ଗେଲ୍‌ହିସା ଏମାକାଇ ତାଇକେନାଏ । ମଲ୍ଲକିସେଦକ୍‌ଆଃ ନୁତୁମ୍‌ରେୟାଃ ମୁଣ୍ଡି ହବାଅଃତାନା “ଧାରାମ୍‌ରେନ୍ ରାଜା,” ଇନିଃ ସାଲେମ୍‌ରେନ୍ ରାଜା ହବାକାନ୍ ହରାତେ ଆୟାଃ ନୁତୁମ୍‌ରେୟାଃ ଆତଃମିଆଁଦ୍ ମୁଣ୍ଡି ହବାଅଃତାନା “ଜୀଉସୁକୁରେନ୍ ରାଜା” । ^{୧୧} ମଲ୍ଲକିସେଦକ୍‌ଆଃ ଏକ୍‌ଆପୁ ଚାଏ ପୁରୁଶା ହାଡ଼ାମ୍‌କ୍‌ଆଃ ଚାଏ ଆୟାଃ ଜାନାମ୍ ଆତଃ ଗନଏଃ ବିଷାଏରେ ଜେଡ୍‌ନାଃ କା ସାରିକାନା । ଇନିଃ ପାର୍‌ମେଶ୍ୱାର୍‌ଆଃ ହନ୍ ଲେକା, ଆୟାଃ ଯାଜାଙ୍କ କାମି ଜୀଦାନ୍‌ରାଃ କା ଟୁଣ୍ଡୁ ଜାକେଦ୍ ଜାନାଅ ଜାନାଅଗି ତାଇନା ।

^{୧୨} ଏନାତେ ଉଡ଼ୁଲେପେ, ଇନିଃ ଚିମିନ୍ ମାରାଜ୍ ତାନିଃ । ଆବୁଆଃ ସାରିୟାକାନ୍ ପୁରୁଶା ହାଡ଼ାମ୍ ଆବ୍ରାହାମ୍ ଲାଡ଼ାଇହେତେ ଜିତାଅକାନ୍ ଖୁଜ୍‌ରାଃ ମିଦ୍ ଗେଲ୍‌ହିସା* ଇନିଃକେ ଏମାକାଇ ତାଇକେନା । ^{୧୩} ଲେବୀକ୍‌ଆଃ କିଲିକ ଯାଜାଙ୍କ କାମିକ କାମିୟାଃ, ଇନ୍‌କୁ ଆନ୍‌ରୁରେୟାଃ କାଜିଲେକାତେ ଇସ୍ରାଏଲ୍ ହାଗାକତାଃଏତେ ଗେଲ୍‌ହିସାକ ହାରମେୟାଁ ମେନ୍ତେ ଆରୁକାନା । ଏନାତେ ଇସ୍ରାଏଲ୍ ହଡ଼କ ଆବ୍ରାହାମ୍‌ଆଃ କିଲିକ ଆତଃ ଲେବୀକ୍‌ଆଃ ଆପାନାଃ ହଡ଼କ ତାନ୍‌କରେୟ, ଇନ୍‌କୁତାଃଏତେ ନେ'ଲେକା ଗେଲ୍‌ହିସାକ ହାରମ୍ ତାଇକେନା । ^{୧୪} ମଲ୍ଲକିସେଦକ୍ ଲେବୀ କିଲିରେନ୍ କାଏ ତାଇକେନ୍‌ରେୟ, ଇନିଃ ପାର୍‌ମେଶ୍ୱାର୍‌ଆଃ ବାନାର୍‌ସା ନାମାକାଦ୍ ଆବ୍ରାହାମ୍‌ତାଃଏତେ ମିଦ୍ ଗେଲ୍‌ହିସା ନାମକେଦ୍‌ତେ ଇନିଃକେ ଆଶିଷକିୟା । ^{୧୫} ଆଶିଷ୍ ଏମ୍ ହଡ଼, ଆଶିଷ୍ ନାମେ ହଡ଼ତାଃଏତେ ପୁରାଃଗି ମାରାଜ୍‌ଆଁ, ନେଆଁରେ ଜେତାନ୍ ଆଡ଼ାଃଉଡ଼ୁ ବାନଃଆ । ^{୧୬} ମିଦ୍ ଗେଲ୍‌ହିସା ନାମେ ଯାଜାଙ୍କ୍, ମୁସିଙ୍ଗ୍ ହୁଲାଙ୍ଗ୍ ଗଜଃଆକ, ମେନ୍‌ଦ ମଲ୍ଲକିସେଦକ୍ ଇନ୍‌କୁତାଃଏତେ ମାରାଜ୍ ତାନିଃ ମେନ୍ତେ ଗାଞ୍ଜା ଏମଃତାନା, ତିଆଃଚି ଧାରାମ୍‌ପୁଥ୍ ଲେକାତେ ଇନିଃ ନାହାଁଃ ଜାକେଦ୍ ଜାନିଦ୍ ମେନାଇୟା । ^{୧୭} ଏନାତେ ଆବ୍ରାହାମ୍ ମଲ୍ଲକିସେଦକ୍‌କେ ଗେଲ୍‌ହିସା ଏମ୍‌କିଃ ଇମ୍‌ତା, ଅକନ୍ ଲେବୀ ନାହାଁଃ ଗେଲ୍‌ହିସା ନାମେତାନାଏ, ଏନ୍ ଲେବୀହଗି ମଲ୍ଲକିସେଦକ୍‌କେ ଗେଲ୍‌ହିସା ଏମାକାଇ ତାଇକେନାଏ ମେନ୍ତେ କାଜିୟଃତାନା । ^{୧୮} ଇମ୍‌ତା ଲେବୀ କାଏ ଜାନାମ୍‌କାନ୍ ତାଇକେନା ଏନା ସାର୍‌ତିକାଜି ତାନାଃ, ମେନ୍‌ଦ ଆବ୍ରାହାମ୍ ମଲ୍ଲକିସେଦକ୍‌ଲଃ ନେପେଲ୍‌କେନ୍ ଇମ୍‌ତା, ଇନିୟାଃ ହଡ଼ମ୍ ପୁରୁଶା ହାଡ଼ାମ୍ ଆବ୍ରାହାମ୍‌ଲଃ ତାଇକେନା ମେନ୍ତେ କାଜିଲେରେୟ ବାୟୁଃଆ ।

^{୧୯} ନେ ଲେବୀକ୍‌ଆଃ ଯାଜାଙ୍କ ହବାଅଃ ହରାତେ ଇସ୍ରାଏଲ୍ ହଡ଼କକେ ଆନ୍‌ରୁ ଏମାକାନା । ଲେବୀକ୍‌ଆଃ ଯାଜାଙ୍କ କାମି ହରାତେ ପକ୍‌ତାକାନ୍ ହବାଅଃତେୟାଃରେଦ୍, ହାରୁନ୍‌ଆଃ ଆକ୍‌ତେୟାର୍‌ତେ ନେ ଲେବୀକ୍‌ଆଃ ଯାଜାଙ୍କ କାମି ହକାକେଦ୍‌ତେ, ମଲ୍ଲକିସେଦକ୍‌ଆଃ ଆକ୍‌ତେୟାର୍ ଲେକାତେ ଏଗାଃ ଆତଃମିଆଁଦ୍ ଯାଜାଙ୍କ୍‌ଆଃ ଲାଗାଡ଼ିଙ୍ଗ୍ କା ତାଇକେନା । ^{୨୦} ଚିୟାଃଚି ଯାଜାଙ୍କ କାମି ବାଦ୍‌ଲ୍‌ଆଃତେୟାଃରେଦ୍, ମୁଣ୍ଡାରାଃ ଆନ୍‌ରୁହଗି ବାଦ୍‌ଲ୍‌ଆଃତେୟାଃ । ^{୨୧} ଅକ୍‌ଏୟାଃ ବିଷାଏରେ ଆଲେ ନେ ସବେନାଃ କାଜିତାନାଲେ, ଇନିଃ ଆବୁଆଃ ପ୍ରାଭୁ ଯୀଶୁ ତାନିଃ ଆତଃ ଏଗାଃ କିଲିରେନ୍ ତାନିଃ । ଏନ୍ କିଲିରେନ୍ ଜେତାଏ ଚିଉଲାଅ ବେଦି ତେତାନ୍‌ରେ ଯାଜାଙ୍କ କାମି କାକ ରିକା । ^{୨୨} ନେଆଁତେ ସାରିୟଃତାନା, ଇନିଃ ଆବୁଆଃ ପ୍ରାଭୁ ଯିହୁଦା କିଲିରେ ଜାନାମ୍‌କାନ୍ ତାଇକେନା ଆତଃ ଯାଜାଙ୍କ ହବାଅଃ ନାଗେନ୍ତେ ମୁଣା ନାବୀ ନେ କିଲିରେୟାଃ ନୁତୁମ୍ ଚିଉଲାଅ କାଏ କାଜି ।

ମଲ୍ଲକିସେଦକ୍‌ଆଃ ଲେକା ଆତଃମିଆଁଦ୍ ଯାଜାଙ୍କ

^{୨୩} ନେଆଁତେ ପୁରାଃଗି ସାରିୟଃତାନା, ମଲ୍ଲକିସେଦକ୍‌ଆଃ ଲେକା ଆତଃମିଆଁଦ୍ ଯାଜାଙ୍କ୍‌ଆଃ ଉନ୍‌ଦୁବ୍ ହବାୟାନା । ^{୨୪} ଇନିଃ ମାନଞ୍ଜା ବାଇୟାକାଦ୍ ଆନ୍‌ରୁ ଲେକାତେ ଯାଜାଙ୍କ କାଏ ହବାକାନ୍ ତାଇକେନା, ମେନ୍‌ଦ କା ଟୁଣ୍ଡୁ ଜୀଦାନ୍‌ରାଃ ପେଡ଼େଃ ହରାତେ ଯାଜାଙ୍କ ହବାକାନ୍ ତାଇକେନାଏ । ^{୨୫} ଚିୟାଃଚି ଧାରାମ୍‌ପୁଥ୍‌ରେ ଅଲ୍‌କାନା, “ଆମ୍ ମଲ୍ଲକିସେଦକ୍‌ଆଃ ଆକ୍‌ତେୟାର୍‌ନିଃ ଲେକା ଜାନାଅ ଜାନାଅରେନ୍ ଯାଜାଙ୍କ ହବାଅଃଆମ୍, ମେନ୍ତେ ଗାଞ୍ଜା ଏମଃତାନା ।” ^{୨୬} ଏନାତେ ମାରି ଆନ୍‌ରୁଦ୍ ନାରାଦୁରା ଆତଃ ଜେତାନ୍ କାମିରେୟାଃ କା ହବାଅଃତାନ୍ ହରାତେ ଏନାକେ ବାଗିୟଃତାନା । ^{୨୭} ଚିୟାଃଚି ମୁଣା ନାବୀ ଏମାକାଦ୍ ଆନ୍‌ରୁ ହରାତେ ଜେଡ୍‌ନାଃ ପୁରାଃ ବୁଗିନାଃ ଲେକା ପକ୍‌ତା କା ହବାଦାଡ଼ିୟାନା, ମେନ୍‌ଦ ନାହାଁଃ ଆବୁକେ ପୁରାଃ ବୁଗିନ୍ ଆସ୍ରା ଏମାକାନ୍ ହରାତେ, ଆବୁ ପାର୍‌ମେଶ୍ୱାର୍‌ଆଃ ହେପାଦ୍‌ତେ ସେନ୍‌ନାଙ୍ଗ୍ ଦାଡ଼ିତାନାବୁ ।

^{୨୮} ନେଆଁଏତେ ଆଦକା, ଆବୁ ନାଗେନ୍ତେ ପାର୍‌ମେଶ୍ୱାର୍‌ଆଃ କିରିୟାହଗି ମେନାଃ । ହାରୁନ୍‌ଆଃ କିଲିକ ଯାଜାଙ୍କ କାମିରେ ସାଲାଇୟାନ୍ ଇମ୍‌ତା ନେ'ଲେକା ଜେତାନ୍ କିରିୟା କା ଏମାକାନ୍ ତାଇକେନା । ^{୨୯} ମେନ୍‌ଦ ଯୀଶୁ ଯାଜାଙ୍କ ହବାୟାନ୍ ଇମ୍‌ତା ପାର୍‌ମେଶ୍ୱାର୍ କିରିୟାକେଦ୍‌ତେ କାଜିକିୟା,

“ପ୍ରାଭୁ ମିଆଁଦ୍ କିରିୟାକାଦାଏ,
ଇନିଃ ଆୟାଃ କିରିୟା କାଏ ବାଦ୍‌ଲ୍‌ଆଏୟା,

* ୭:୪ ୭:୪ ଦାଶ୍ ଭାଗ

ଆମ୍ ଜାନାଅ ଜାନାଅଗି ଯାଜାକ୍ ହବାଅଥାମ୍ ।”

^{୨୨} ନେ ରାଜିନାମା ହରାତେ ଯାଶୁ ମିଆଁଦ୍ ପୁରାଃ ବୁଗିନ୍ ରାଜିନାମାରେୟାଃ ଗାଞ୍ଜାଏ ହବାକାନା ।

^{୨୩} ନେଆଁ ବାଗିକେଦ୍ତେ ଆତଃମିଆଁଦ୍ ଧାରା ମେନାଃ, ଏନା ହବାଅଥାତାନା, ଯାଜାକ୍‌କଥାଃ ଗନଏଃ ହବାଅଥରେ, ଏଟାଃ ଯାଜାକ୍‌କ ଯାଜାକ୍ କାମିକ କାମିୟାଃ, ଏନାତେ ଯାଜାକ୍‌କ ପୁରାଃଗି ମେନାକଥା ଆତଃ ଇନ୍‌କୁକେ ସବେନ୍ ହୁଲାଙ୍ କାଏ କାମିକଟିକତାନା । ^{୨୪} ମେନ୍‌ଦ ଯାଶୁ ଜାନାଅ ଜାନାଅ ତାଇନାଏ ଆତଃ ଇନିୟାଃ ଯାଜାକ୍ କାମି ହଗି ଜାନାଅ ଜାନାଅ ତାନାଃ । ^{୨୫} ଆତଃ ଇନିୟାଃ ହରାତେ ପାର୍‌ମେଶ୍ୱାର୍‌ଆଃ ହପରଜାପାଃତେ ହିଜୁଃତାନକକେ ନାହାଁଃ ଆତଃ ସବେନ୍ ଇମ୍‌ତା ଇନିଃ ଜାଉବାଆଅ ଦାଡିନିଃ ତାନିଃ, ଚିୟାଃଟି ଇନ୍‌କୁ ନାଗେନ୍ତେ ପାର୍‌ମେଶ୍ୱାର୍‌ତାଃରେ ବିନ୍ତି ନାଙ୍ ଇନିଃ ଜାନାଅ ଜାନାଅଗି ତାଇନା ।

^{୨୬} ଆରୁଆଃ ସବେନ୍ ଲାଗାତିଙ୍‌ତେୟାଃକ ଯୋଗାଅନିଃ ଯାଶୁଗି ମାରାଙ୍ ଯାଜାକ୍ ତାନିଃ । ଇନିଃ ପାବିତାର୍, କା ଚିଟାକାନ୍, ପାପିକତାଃଏତେ ସାଙ୍ଗିନାକାନା, ଆତଃ ସିମାରେ ସବେନାଃଏତେ ପୁରାଃ ମାରାଙ୍ ମାଇନାନ୍ ଏମାକାନା । ^{୨୭} ଇନିଃ ଏଟାଃ ମାରାଙ୍ ଯାଜାକ୍ ଲେକାନିନିଃ ନାହାଁଲିଃ, ଇନ୍‌କୁଆଃ ଲେକା ଇନିଃକେ ସିଦାତେ ଆୟାଃ ପାପ୍ ନାଗେନ୍ତେ ଆତଃ ତାୟମତେ ଏଟାଃକଥାଃ ପାପ୍ ନାଗେନ୍ତେ ସବେନ୍ ହୁଲାଙ୍ ଦାଣ୍ଡୋରାକାବ୍ କା ଲାଗାତିଙ୍‌ୟାଁଃ । ଇନିଃ ଆଇଃକକେଗି ଦାଣ୍ଡୋ ରାକାବ୍‌କେଦ୍ତେ ମିସାତରା ସବେନାଃ ପୁରାତାବାକାଦା । ^{୨୮} ମୁଶା ନାବୀଆଃ ଆନ୍‌ରୁ ନାରାଦୁରା ହଡକକେ ମାରାଙ୍ ଯାଜାକ୍‌ରେୟାଃ କାମି ନାଗେନ୍ତେ ସାଲାକାନା । ମେନ୍‌ଦ ଆନ୍‌ରୁ ହବାୟାନ୍ ତାୟମତେ ପାର୍‌ମେଶ୍ୱାର୍ ଆୟାଃ ବାନାରସା ଆତଃ କିରିୟା ଲେକାତେ ଆୟାଃ ହନ୍‌କେ ମାରାଙ୍ ଯାଜାକ୍ ଲେକାଏ ସାଲାକିୟା, ଇନିଃ ଜାନାଅ ଜାନାଅ ନାଗେନ୍ତେ ପକ୍‌ତାକାନା ।

୮

ୟାଶୁ ଆରୁଆଃ ମାରାଙ୍ ଯାଜାକ୍

^୧ ଆଲେ କାଜିତାନ୍ କାଜିରେୟାଃ ମୁଣ୍ଡି ନେଆଁ ତାନାଃ, ଆରୁ ନାମାକାଇ ମାରାଙ୍ ଯାଜାକ୍, ସିମାରେନ୍ ମାରାଙ୍ ମାନାରାଙ୍‌ନିଆଃ ରାଜଗାଦିରାଃ ଜମସାଃରେ ଦୁବାକାନା । ^୨ ଇନିଃ ଅକନ୍ ପୁରାଃ ପାବିତାର୍ ଠାୟାଦରାଃ ସାରତି କୁମ୍ବା ଲାତାର୍‌ରେ ମାରାଙ୍ ଯାଜାକ୍ ଲେକାଏ କାମିତାନା, ଏନା ହଡତେ କା ବାଇୟାକାନା, ମେନ୍‌ଦ ପ୍ରାଭୁ ଏନାକେ ବାଇୟାକାଦା ।

^୩ ସବେନ୍ ମାରାଙ୍ ଯାଜାକ୍‌କ ପାର୍‌ମେଶ୍ୱାର୍‌ଆଃ ନୁତୁମ୍‌ତେ ଦାନ୍ ରାକାବ୍ ଆତଃ ଜାଁତୁକଥାଃ ଦାଣ୍ଡୋ ରାକାବ୍ ନାଗେନ୍ତେକ ସାଲାକାନା । ଏନାତେ ଆରୁଆଃ ନେ ମାରାଙ୍ ଯାଜାକ୍‌କେହ୍ ଜେଡନାଃ ଦାନ୍ ରାକାବେ ନାଗେନ୍ତେ ଲାଗାତିଙ୍‌ୟାଁଃ । ^୪ ଇନିଃ ନେ ଅତେରେ ତାଇନ୍‌ତେୟାଃରେଦ, ଯାଜାକ୍‌ହ୍ କାଏ ହବା ସାକାଅକାନ୍‌ତେୟାଃ, ଚିୟାଃଟି ଯିହୁଦାକଥାଃ ଆନ୍‌ରୁ ଲେକାତେ ଦାଣ୍ଡୋରେୟାଃ ଦାନ୍ ରାକାବ୍ ନାଙ୍ ଯାଜାକ୍‌କ ମେନାକଥା । ^୫ ଇନ୍‌କୁ ଯାଜାକ୍ କାମି କାମିତାନ୍‌ତେୟାଃ, ସିମାରେୟାଃ ନାକାଲ୍ ଆତଃ ଉମୁଲ୍ ଲେକନାଃ ଏସ୍‌କାର୍ ତାନାଃ । ମୁଶା ନାବୀଆଃ ଦିପିଲିହେତେ ନେ'ଲେକା ହବା ଆଉଅଥତାନା । ମୁଶା ନାବୀ ପାବିତାର୍ କୁମ୍ବା ବାଇ ନାଗେନ୍ତେ ସେକାଡ଼ଃ ତାଇକେନ୍ ଇମ୍‌ତା, ପାର୍‌ମେଶ୍ୱାର୍ ଇନିଃକେ କାଜିକାଇ ତାଇକେନା, “ନେଲେମେ, ବୁରୁରେ ଆମକେ ଅକନ୍ ନାମୁନା ଉଦୁବ୍‌କାନ୍ ତାଇକେନା, ଏନ୍‌ଲେକାଗି ସବେନାଃ ବାଇୟେମେ ।” ^୬ ମେନ୍‌ଦ ନାହାଁଃ ଯାଶୁକେ ଅକନ୍ ଯାଜାକ୍ କାମି ଏମାକାନା, ଏନା ଏଟାଃକଥାଃ ଯାଜାକ୍ କାମିହେତେ ପୁରାଃ ବୁଗିନାଃ ତାନାଃ । ଏନ୍‌ଲେକାଗି ପାର୍‌ମେଶ୍ୱାର୍ ଆତଃ ହଡକଥାଃ ଆଲାରେ ଇନିଃ ଅକ ରାଜିନାମା ବାଇୟାକାଦାଏ, ଏନା ପୁରାଃ ବୁଗିନାଃ ତାନାଃ, ଚିୟାଃଟି ନେ ରାଜିନାମା ପୁରାଃ ବୁଗିନାଃ ହବାଅ ନାଗେନ୍ତେ ବାନାରସା ଏମାକାନା ।

^୭ ସିଦା ନିୟାମରେ ଜେତାନ୍ ଗୁଣ୍ଡାଁ କା ତାଇକାନ୍‌ରେଦ, ଆତଃମିଆଁଦ୍ ନିୟାମ୍ କା ଲାଗାତିଙ୍‌ୟାଃତେୟାଃ । ^୮ ମେନ୍‌ଦ ପାର୍‌ମେଶ୍ୱାର୍ ଆୟାଃ ହଡକଥାଃ ଗୁଣ୍ଡାଁ ଉଦୁବ୍‌କେଦ୍ତେ କାଜିକେଦା,

“ପ୍ରାଭୁ କାଜିତାନାଏ, ନେତା ସେଟେରଃତାନା,

ଆଇଙ୍ ଇସ୍ରାଏଲ୍ ହଡ ଆତଃ ଯିହୁଦାରେନ୍ ହଡକଲଃ ମିଆଁଦ୍ ନାଞ୍ଜା ରାଜିନାମା ବାଇୟାଇଙ୍ ।

^୯ ଆଇଙ୍ ଇନ୍‌କୁଆଃ ପୁରଖା ହାଡାମ୍ ହଡକଥାଃ ତିଃଇ ସାବ୍‌କେଦ୍ତେ ମିସାର୍ ଦିଶୁମ୍‌ଏତେ ଅତଙ୍ ଆଉକେଦ୍‌କ ଇମ୍‌ତା,

ଅକ ରାଜିନାମା ବାଇୟାକାଦ୍ ତାଇକେନାଇଙ୍ ଏନା, ନେ ରାଜିନାମା ଲେକାନାଃ ନାହାଁଲାଃ । ଆଇଙ୍ ଇନ୍‌କୁଲଃ ଅକ ରାଜିନାମା ବାଇୟାକାଦ୍ ତାଇକେନାଇଙ୍,

ଏନାରେ ଇନ୍‌କୁ ପାତିୟାର୍‌ରଃ ଲେକା କାକ ହବାୟାନା,

ଏନାତେ ଆଇଙ୍ ଇନ୍‌କୁଆଃ କାଇଙ୍ ଧ୍ୟାନ୍ କେଦା ।” ପ୍ରାଭୁ କାଜିତାନାଏ,

^{୧୦} “ଆଇଙ୍ ହିଜୁଃ ଦିପିଲିରେ

ଇସ୍ରାଏଲ୍‌ରେନ୍ ହଡକଲଃ ନେ ରାଜିନାମା ବାଇୟାଇଙ୍,

ଆଇଙ୍ ଆଇୟାଃ ଆନ୍‌ରୁକେ ଇନ୍‌କୁଆଃ ମନ୍

ଆତ୍ମ ସମ୍ପର୍କରେ ଅଲୋଚନାକରି,
ଆତ୍ମ ଇନ୍ଦ୍ରିୟ ଆରମ୍ଭରେ ହବାଅଟଇକି,
ଆତ୍ମ ଇନ୍ଦ୍ରିୟ ଆରମ୍ଭ ହେ ହବାଅଟଇକି ।

୧୧ ଇନ୍ଦ୍ରିୟ ଇନ୍ଦ୍ରିୟ ହେଉଥିବାପରିକେ ତାଏ ହାଗା ମିଶିକକେ ଇନ୍ଦ୍ରିୟ ଏମ୍ କା ଲାଗାତିକିୟା, ଆତ୍ମ ‘ପ୍ରାଭୁକେ
ଆରମ୍ଭକେ ଫେକ୍ତେ ଜେତାଏକେ କାଜି କା ଲାଗାତିକିୟା,’
ଚିନ୍ତାଚି ହୁତିକିଏତେ ମାରାକି ସବେନକ ଆରମ୍ଭକେ ସାରିୟାକି ।
୧୨ ଆରମ୍ଭ ଇନ୍ଦ୍ରିୟ ଆରମ୍ଭ ସବେନ ପାପ ଛାମାକଆରମ୍ଭ
ଆତ୍ମ ଇନ୍ଦ୍ରିୟ ଜେତାନ୍ ଏତକାନ୍ ଆଟ କାକି ପାହାମେୟା ।”
୧୩ ନେଆଁକେ ନାମ୍ ନିୟାମ୍ ମେକ୍ତେ କାଜିକେଦ୍ ହରାତେ ପାରମେଶ୍ୱର ସିଦାତେୟାକେ ମାରିତେୟା ମେକ୍ତେ
କାଜିକେଦା ଆତ୍ମ ଅକନାଟ ମାରିତେୟା ତାନାଟ, ଏନା ଜାଲଦିଗି ଜିୟନଟା ।



ଅତେଦିଶ୍ୱମ୍ ଆତ୍ମ ସିମ୍ଭାରେୟାଟ ସେଖା

୧ ସିଦା ନିୟାମ୍ରେୟାଟ ସେଖା ବିଷାଏରେ ଚିମିନ୍ ନିୟାମ୍ କାନୁନକ ବାଲୟାକାନ୍ ତାକକେନା ଆତ୍ମ ଅତେରେ
ମିଆଁଦ୍ ପାବିତାର୍ ଠାୟାଦ୍ ତାକକେନା । ୨ ଏନଲେକାଗି ମିଆଁଦ୍ ସେଖାରେୟାଟ କୁମ୍ବା ବାଲୟାକାନ୍ ତାକକେନା ।
ଏନାରେ ତାକକାନ୍ ପାହିଲା ହିସାରେ ଦିଆ ଦହ ଖୁଣ୍ଟୁ, ମିଆଁଦ୍ ଟେବୁଲ୍ ଆତ୍ମ ଟେବୁଲ୍ ତେତାନ୍ରେ ପାରମେଶ୍ୱରକେ
ଏମାକାନ୍ ହଲକି ତାକକେନା । ଏନାକେ ପୁରାଟ ପାବିତାର୍ ଠାୟାଦ୍ ମେକ୍ତେ କାଜିୟାଟକ । ୩ କୁମ୍ବାରେୟାଟ ପାବିତାର୍
ଠାୟାଦ୍ତାଟରେ ହାନାଟିକି ଦାନାକିଜାଟରାଟ ତାୟମ୍ରେ ଅକନ୍ ଠାୟାଦ୍ ମେନାଟ, ଏନାକେ ପୁରାଟ ପାବିତାର୍ ଠାୟାଦ୍
ମେକ୍ତେକ କାଜିୟାଟ । ୪ ଏନ୍ତାଟରେ ମିଆଁଦ୍ ବୁଗିନ୍ ସହାନ୍ ନାକି ଧୁଆନ୍ ଉରୁବେତେୟାଟ ସୋନାରେୟାଟ ଆତ୍ମ
ଉପୁନ୍ସାଟରେ ସୋନାତେ ଦାପାଲାକାନ୍ “ରାଜିନାମାରାଟ ବାକ୍ସା” ତାକକେନା । ଏନ୍ ବାକ୍ସା ଭିତାର୍ରେ “ମାନ୍ନା”
ଦହାକାନ୍ ସୋନାରେୟାଟ ମିଆଁଦ୍ ତାସକି ତାକକେନା, ହାରୁନ୍ଆଟ ସୁଡାକାନ୍* ମିଆଁଦ୍ ସଟା ଆତ୍ମ ପାରମେଶ୍ୱରଆଟ
ଆନ୍ତୁ ଅଲକାନ୍ ବାରିଆ ଚାକାର୍ ଦିରି ତାକକେନା । ୫ ବାକ୍ସା ତେତାନ୍ରେ ପାରମେଶ୍ୱର ମେନାକିୟା ମେକ୍ତେ
ଉଦୁବେତାନ୍ ମାନାରାକିରେନ୍ ବାରିଆ ଆପୁରବ୍ ତାକକେନ୍ କିରୁବ୍ଦୁଡକିନ୍ ତାକକେନା । ଇନ୍ଦ୍ରିୟ ପାପ ଛାମା ଠାୟାଦ୍
ତେତାନ୍ରେ ଆପୁରବ୍ ଚାକାର୍କେଦ୍ତେ ତାକକେନାକିନ୍, ମେନ୍ଦ୍ ନେ ସବେନାଟରାଟ ସାର୍ତ୍ତିକାଜି ମିମିଆଦ୍ତେ ଉଦୁବ୍
କା ଲାଗାତିକିୟାଟ ।

୬ ଏନ୍ତାଟରେ ନେଲେକା ବାଲକାନ୍ ତାକକେନା, ଯାଜାକ୍ ସେଖା ନାଗେକ୍ତେ ସବେନ୍ ହୁଲାକି କୁମ୍ବାରେୟାଟ
ପାହିଲା ହିସାତେ ବଲୟାନ୍ଲଟ ଆକଆଟ କାମିକ କାମିୟାଟ, ୭ ମେନ୍ଦ୍ କୁମ୍ବାରେୟାଟ ଆତ୍ମମିଆଁଦ୍ ହିସାତେ ମାରାକି
ଯାଜାକ୍ ଏସକାର୍ ବଲ ଦାଡିୟାଏ । ଇନ୍ଦ୍ରିୟ ଆୟାଟ ନାଗେକ୍ତେ ଆତ୍ମ ହେକ୍ତକ ବେଗାର୍ ସାରିତେ ପାପକାଦ୍ ନାଗେକ୍ତେ,
ପାରମେଶ୍ୱରତାଟରେ ଏମାକାଦ୍ ମାୟୋମ୍କେ ସାବକେଦ୍ତେ ମିଦ୍ ବାରାଷ୍ଟରେ ମିସାଗି ଏନ୍ ଠାୟାଦ୍ତେ ବଲଆ ।
୮ ପାବିତାର୍ ଆମ୍ବା ନେ ସବେନାଟ ହରାତେ ବୁଗିଲେକାଏ ଇଡୁଆଟ ଯେ, କୁମ୍ବାରେୟାଟ ପାହିଲା ହିସା ତାକକେନ୍ ଜାକେଦ୍,
ପୁରାଟ ପାବିତାର୍ ଠାୟାଦ୍ତେ ବଲ ନାଗେକ୍ତେ ହରା କା ନିଜାକାନା । ୯ କୁମ୍ବାରେୟାଟ ନେ ପାହିଲା ହିସା, ନେ
ଦିପିଲି ନାଗେକ୍ତେ ଜନ୍କା ଲେକାନାଟ ତାନାଟ । ନେଆଁରେୟାଟ ମୁଣ୍ଡି ହବାଅଟାନା, ପାରମେଶ୍ୱରଆଟ ନାଗେକ୍ତେ ଦାନ୍
ରାକାଦ୍ ଆତ୍ମ ଜାଁଡୁକଆଟ ଦାଣ୍ଡୋରାକାଦ୍ ସେଖାତାନ୍ନିଆଟ ମନ୍ସୁରୁଦ୍କେ କାଏ ପକ୍ତା ଦାଡିୟା । ୧୦ ଚିନ୍ତାଚି ଏନ୍
ସବେନାଟ ଜମେ, ନୁଏତେୟାଟ ଏସକାର୍ ତାନାଟ ଆତ୍ମ ରାକାମ୍ ରାକାମ୍ରେୟାଟ ଆରୁକ୍ ଫାର୍ତିୟାଟ କାମିକ ଆତ୍ମ ହେକ୍ତ
ନେପେଲ୍ରେ କାମିୟାଟତାନ୍ ଲେକାନାଟ ଏସକାର୍ ତାନାଟ । ପାରମେଶ୍ୱରଆଟ ନାମ୍ ନିୟାମ୍ କାନୁନକ ହବାଅଟ ଜାକେଦ୍
ନେ ସବେନାଟରାଟ ଲାଗାତିକି ତାକକେନା ।

୧୧ ମେନ୍ଦ୍ ନାହାଁଟ ଅକନ୍ ସବେନ୍ ବୁଗିନ୍ ବିଷାଏ ଆବୁ ନାମାକାଦାରୁ, ଏନ୍ ସବେନାଟରାଟ ମାରାକି ଯାଜାକ୍ ଲେକା
ଶ୍ରୀଷ୍ଟ ହିଡୁକାନାଏ । ଅକନ୍ କୁମ୍ବାରେ ଇନ୍ଦ୍ରିୟ ସେଖା କାମିତାନାଏ, ଏନା ପୁରାଟ ମାରାକିଆଁ ଆତ୍ମ ସିମ୍ଭାରେ ପୁରାଟ
ବୁଗିନାଟ ତାନାଟ । ଏନାଦ୍ ହେକ୍ତେ କା ବାଲୟାକାନା, ଆତ୍ମ ବାଲୟାକାନ୍ ଅତେଦିଶ୍ୱମ୍ରେୟାଟ ହିସା ନାହାଁଲାଟ ।
୧୨ ଶ୍ରୀଷ୍ଟ ଏନ୍ କୁମ୍ବା ହରାତେ ମିସାଗି ପୁରାଟ ପାବିତାର୍ ଠାୟାଦ୍ତେ ବଲୟାନ୍ ଇନ୍ଦ୍ରିୟ ମେରମ୍ ତାଏ ବାଛାରାଟ
ମାୟୋମ୍କେ ଦାଣ୍ଡୋ ରାକାଦ୍ ନାକି କା ଇଦିକେଦ୍ତେ ଆୟାଟ ମାୟୋମ୍କେଗି ଇଦିକେଦା ଆତ୍ମ ଆରୁଆଟ ନାଗେକ୍ତେ
ଜାନାଅ ଜାନାଅ ଜାଉ ବାଆଅରେୟାଟ କାମି କାମିକେଦା । ୧୩ ଅକନ୍ ହେକ୍ତକ କାଜିକାମି କା ମାନାତିକି ହରାତେ
ସଡରାଅଟାନାକ, ଇନ୍ଦ୍ରିୟ ମେରମ୍କଆଟ ମାୟୋମ୍ ତାଏ ସାଁଶ୍ଟକଆଟ ମାୟୋମ୍ ଆତ୍ମ ଉରୁବାକାନ୍ ଦାମ୍ବୁହନ୍ଆଟ
ତରେକ୍ତେ ହିରୁକେଦ୍ତେ ଆକଆଟ ସଡରାଏତେକ ଫାର୍ତିୟାଟତାନା । ୧୪ ନେଆଁ ସାର୍ତ୍ତି ତାନାଟରେଦ୍, ଅକନ୍ ଶ୍ରୀଷ୍ଟ
ଜାନାଅ ଜାନାଅ ଆମ୍ବାରାଟ ହରାତେ ପାରମେଶ୍ୱରଆଟ ଆୟାଟ୍ରେ ଆପାନ୍କେ ବେଗାର୍ ଦାଗିୟାକାନ୍ ଦାଣ୍ଡୋରାକାଦ୍

* ୯:୪ 9:4 ନାଗକା

ଲେକାଏ ଦାଣ୍ଡେୟାନା । ଇନିୟାଃ ମାୟୋମ୍ ଚିମିନାଙ୍ଗ୍ ପୁରାଃ ଆଦକା ଲାଗାତିଙ୍ଗ୍ କା ହବାଅଃଆ ? ଇନିୟାଃ ଏନ୍ ମାୟୋମ୍ ହରାତେ ରିତିରିଞ୍ଜାନ୍ରେୟାଃ ସାମାକାଜି କାମିକଏତେ ଆରୁଆଃ ବିବେକ୍ ଫାଋଚିୟଃଆ, ଏନାତେ ଆରୁ ଜାନିଦ୍ ପାର୍ମେଶ୍ଵାର୍ଆଃ ସେଞ୍ଜାବୁ ରିକାଦାଡ଼ିୟା ।

^{୧୫} ନେ ହରାତେ ଖ୍ରୀଷ୍ଟି ନାଞ୍ଜା ରାଜିନାମା ଠାହାରାଅକାଦାଏ, ଏନାତେ ଅକନ୍କ ପାର୍ମେଶ୍ଵାର୍ତେ କେଡାକାନାକ, ଇନ୍କୁକେ ପାର୍ମେଶ୍ଵାର୍ଆଃ ବାନାର୍ସା ଏମାକାଦ୍ ଜାନାଅ ଆଶିଷ୍ଟକ ନାମେୟା । ସିଦାରାଃ ରାଜିନାମାରେ କାମିୟଃତାନ୍ ତାଇକେନ୍ ଇମ୍ତା, ହଡକ ଅକନ୍ ପାପ୍କାମିକ କାମିକାଦା, ଏନା ଖ୍ରୀଷ୍ଟିଆଃ ଗନଏଃହେତେ ଏସକାର ରାଡାଅଃଆ ।

^{୧୬} ମିଆଁଦ୍ ଏମଃ ଅନଲ୍ଚିଠା ନିୟାମ୍ ଲେକା ହବାକାନରେ, ଏମଃ ଅନଲ୍ଚିଠା ବାଇୟାକାଦ୍ ହଡଆଃ ଗନଏଃ ହବାକାନା ମେନ୍ତେ ଉଦୁବ୍ ଲାଗାତିଙ୍ଗ୍ୟାଃ । ^{୧୭} ଚିୟାଃତି ଏମଃ ଅନଲ୍ଚିଠା ବାଇୟାକାଦ୍ ହଡ ଜାନିଦ୍ ତାଇନ୍ ଜାକେଦ୍ ଅନଲ୍ଚିଠାରାଃ ନିୟାମ୍ ଜେତାନ୍ କାମିରେ ବାନଃଆ, ଇନିୟାଃ ଗନଏଃ ତାୟମ୍ତେ ଏସକାର୍ ଏନାରେୟାଃ କାମି ହବା ଦାଡ଼ିୟଃଆ । ^{୧୮} ଏନାମେନ୍ତେ ସିଦା ରାଜିନାମା† ହଗି ବେଗାର୍ ମାୟୋମ୍ ଲିଙ୍ଗିତେ କା ବାଇୟାକାନା । ^{୧୯} ସିଦାତେ ମୁଣା ନାବୀ ଆନରୁରାଃ ଆନାରୁକ ହଡକତାଃରେ ଉଦୁବ୍କେଦା । ଏନ୍ତେ ଇନିଃ ବାଛା ଆତଃ ମେରମ୍କଆଃ ମାୟୋମ୍ଲଃ ଦାଆଃ ମେସାକେଦ୍ତେ, ଏସୋବ୍ କତ ଆତଃ ବାଛଗିନିଆ ଉନ୍ତେ ଆନରୁରେୟାଃ ପୁଥ୍ରେ ଆତଃ ସବେନ୍ ହଡକଆଃ ଚେତାନ୍ରେ ହିରଚିକେଦା । ^{୨୦} ଇନିଃ କାଜିକେଦାଏ, “ପାର୍ମେଶ୍ଵାର୍ ଆପେକେ ଅକନ୍ ରାଜିନାମା ମାନାତିଙ୍ଗ୍ ନାଗେନ୍ତେ ଆରୁକାଦ୍ପେୟା, ନେ ମାୟୋମ୍ ଏନ୍ ରାଜିନାମାକେ ମୋହର୍ କାଦା ।” ^{୨୧} ଏନ୍ଲେକାଗି ଇନିଃ ପାବିତାର୍ କୁମ୍ପା ଆତଃ ସେଞ୍ଜା କାମିରେ ଅଡଙ୍ଗ୍ଅଃତାନ୍ ସବେନାଃରେ ମାୟୋମ୍କେ ହିରଚିକେଦା । ^{୨୨} ଆତଃ ଆନରୁ ଲେକାତେ ସବେନାଃରେ ମାୟୋମ୍ତେ ଫାଋଚିୟଃଆ, ଆତଃ ବେଗାର୍ ମାୟୋମ୍ ଲିଙ୍ଗିତେ ପାପ୍ ଛାମା କା ହବାଅଃଆ ।

ଖ୍ରୀଷ୍ଟିଆଃ ଦାଣ୍ଡେରାକାବ୍ ପାପ୍କେ ସାଜିନେୟା

^{୨୩} ଅକନ୍ ବିଷାଏକ ସିର୍ମାରେୟାଃ ନାମୁନା ଲେକ୍ନାଃ ତାନାଃ, ଏନ୍ ସବେନାଃ ମାୟୋମ୍ତେ ଫାଋଚିୟଃ ଲାଗାତିଙ୍ଗ୍ ତାଇକେନା, ମେନ୍ଦ୍ ସିର୍ମାରେୟାଃ ବିଷାଏକ ନାଗେନ୍ତେ ନେ ସବେନାଃଏତେ ପୁରାଃ ମାରାଙ୍ଗ୍ ଦାଣ୍ଡେ ରାକାବ୍କେଦ୍ତେ ଫାଋଚିୟଃ ଲାଗାତିଙ୍ଗ୍ ମେନାଃ । ^{୨୪} ଅକ୍ନାଃ ହଡତେ କା ବାଇୟାକାନା, ଏନ୍ଲେକାନ୍ ମିଆଁଦ୍ ପୁରାଃ ପାବିତାର୍ ଠାୟାଦ୍ତେ ଖ୍ରୀଷ୍ଟି ସେନାକାନାଏ । ଏନା ସାର୍ତିତେୟାଃରାଃ ନାକାଲ୍ ତାନାଃ । ଇନିଃ ଆଇଃକ୍ଗି ସିର୍ମାତେ ସେନାକାନା, ଏନ୍ତାଃରେ ଆରୁଆଃ ନାଗେନ୍ତେ ନାହାଁଃ ପାର୍ମେଶ୍ଵାର୍ଆଃ ହେପାଦ୍ରେ ମେନାଇୟା । ^{୨୫} ଯିହୁଦୀ ମାରାଙ୍ଗ୍ ଯାଜାକ୍ ଜେ'ଲେକା ମିଦ୍ ବାରାଷ୍ଟରେ ମିସା ଜାଁତୁରାଃ ମାୟୋମ୍ ସାବ୍କେଦ୍ତେ ପୁରାଃ ପାବିତାର୍ ଠାୟାଦ୍ତେ ସେନା, ଏନ୍ଲେକା ଇନିଃ ଘାଡ଼ିଘାଡ଼ି ଦାଣ୍ଡେ ରାକାବ୍ ନାଗେନ୍ତେ କାଏ ସେନ୍ । ^{୨୬} ତାବ୍ଦ୍ ଇନିଃକେ ଅତେଦିଶ୍ଵମ୍ପରାଃ ବାଇୟଃ ହୁଲାଙ୍ଗ୍ତାଃଏତେ ପୁରାଃଗି ଦୁକୁ ସାହାତିଙ୍ଗ୍ ହବାକାନ୍ତେୟାଃ । ମେନ୍ଦ୍ ଟୁଣ୍ଡୁ ଦିପିଲିରେ ଇନିଃ ଆପାନ୍କେ ଦାଣ୍ଡେ ରାକାବ୍ ହରାତେ ଜାନାଅ ଯୁଗ୍ ନାଙ୍ଗ୍ ପାପ୍ରାଃ ପେଡ଼େଃକେ ଜିୟନେ ନାଗେନ୍ତେ ହିଜୁଃକାନ୍ ତାଇକେନାଏ । ^{୨୭} ସବେନ୍ ହଡକଆଃ ମିସାଗି ଗନଏଃ ହବାଅଃଆ ଆତଃ ଏନ୍ ତାୟମ୍ତେ ପାର୍ମେଶ୍ଵାର୍ଆଃ ବିତାର୍ ହବାଅଃଆ । ^{୨୮} ଏନ୍ଲେକାଗି ପୁରାଃ ହଡକଆଃ ପାପ୍ ସାଜିନେ ନାଗେନ୍ତେ ଖ୍ରୀଷ୍ଟି ମିସାଗି ଦାଣ୍ଡେୟାନା । ଇନିଃ ଆତଃମିସାଏ ହିଜୁଃଆ, ଇମ୍ତା ପାପ୍ ନାଗେନ୍ତେଦ୍ ବାନଃଗି, ମେନ୍ଦ୍ ଆଇଃକ୍କେ ନେଲ୍ହରାଇ ତାନ୍କକେ ଜୀଉବାଞ୍ଚାଅ ନାଗେନ୍ତେ ହିଜୁଃଆ ।

୧୦

^୧ ଯିହୁଦୀକଆଃ ଆନରୁ ହିଜୁଃତାନ୍ ବୁଗିନ୍ ସାର୍ତି ବିଷାଏରେୟାଃ ମିଆଁଦ୍ ଉମ୍ପୁଲ୍ ଲେକାନାଃ ତାନାଃ । ସବେନ୍ ଇମ୍ତା ବାରାଷ୍ଟକେ ବାରାଷ୍ଟ ଏନ୍ ମିଦ୍ ରାକାମ୍ ଦାଣ୍ଡେ ରାକାବଃତାନା । ଅକନ୍କ ପାର୍ମେଶ୍ଵାର୍ଆଃ ହେପାଦ୍ତେ ହିଜୁଃଆକ, ଆଇନ୍ରେୟାଃ ଏନ୍ ସବେନ୍ ଦାଣ୍ଡେ ହରାତେ ଇନ୍କୁ ଚିନାଃ ପକ୍ତା ଦାଡ଼ିୟଃତାନାକ ? ^୨ ନେ'ଲେକାତେ ପାର୍ମେଶ୍ଵାର୍ଆଃ ସେଞ୍ଜାତାନ୍କ ପାପ୍ହେତେ ସାର୍ତି ବିବେକ୍ରେ ଫାଋଚି ଦାଡ଼ିୟଃତେୟାଃକରେଦ, ଇନ୍କୁ ଆପାନ୍କେ ପାପି ମେନ୍ତେ କାକ ଆଋକାରେନ୍ତେୟାଃ ଆତଃ ସବେନ୍ ଦାଣ୍ଡେ ହକାଅଃତେୟାଃ । ^୩ ମେନ୍ଦ୍ ଏନ୍ଲେକା କା ହବାକେଦ୍ତେ ବାରାଷ୍ଟକେ ବାରାଷ୍ଟ ଦାଣ୍ଡେ ରାକାବ୍ ହରାତେ ହଡକକେ ଆକଆଃ ପାପ୍କେ ପାହାମ୍ପିକ ତାନା । ^୪ ଚିୟାଃତି ସାଣ୍ଟିଆଃ ଆତଃ ମେରମ୍କଆଃ ମାୟୋମ୍ତେ ପାପ୍ କା ସାଜିନ୍ ଦାଡ଼ିୟଃଆ ।

^୫ ଏନାମେନ୍ତେ ଖ୍ରୀଷ୍ଟି ଅତେଦିଶ୍ଵମ୍ପତେ ହିଜୁଃ ସିଦାରେ ପାର୍ମେଶ୍ଵାର୍କେ କାଜିକିୟା,

“ଆମ୍ ଦାଣ୍ଡେ ଆତଃ ଦାନ୍ ଏମ୍କରେ କାମ୍ ସୁକୁଃଆ,

ମେନ୍ଦ୍ ଆଇଁୟାଃ ନାଗେନ୍ତେ ମିଆଁଦ୍ ହଡମ୍ ସେକାଡାକାଦାମ୍ ।

^୬ ପାପ୍କ ସାଜିନେ ନାଗେନ୍ତେ ଆମ୍ ବେଦି ଚେତାନ୍ରେ ଉରୁବ୍ ଦାଣ୍ଡେ ଚାଏ ଜାଁତୁକଆଃ ଦାଣ୍ଡେରେ କାମ୍ ସୁକୁଃଆ ।

^୭ ଏନାତେ ଆଇଙ୍ଗ୍ କାଜିକିୟାଇଙ୍ଗ୍,

ଆନରୁ ପୁଥ୍ରେ ଆଇଁୟାଃ ବିଷାଏ ଅଲ୍ଲାନା,

ହେ ପାର୍ମେଶ୍ଵାର୍, ଆମାଃ ମନେଲେକା କାମି ନାଗେନ୍ତେଇଙ୍ଗ୍ ହିଜୁଆକାନା ।”

† ୯:୧୮ 9:18 ରୁକ୍ତି

୮ ସିଦାତେ ଇନିଃ କାଜିକେଦାଏ, “ଆମ୍ ହଡ଼ରାଃ ପାପ୍ ସାଜିନେ ନାଗେନ୍ତେ ଦାଣ୍ଡୋରାକାବ୍ ଚାଏ ଦାନ୍ ଏମ୍ ଆତଃ ବେଦି ଚେତାନ୍ରେ ଜାଁତୁକଆଃ ଉରୁବ୍ ଦାଣ୍ଡୋକ କାମ୍ ଆସିୟା, ଏନ୍ ସବେନାଃରେ ଆମାଃ ସୁକୁ ବାନଃଆ ।” ନେ ସବେନ୍ ଦାଣ୍ଡୋ ମୁଗାରାଃ ଆନ୍ତୁ ଲେକାତେ ହବାଅଃ ତାଜକେନ୍ରେୟ, ଇନିଃ ନେ ଲେକାଏ କାଜିକାଦ୍ ତାଜକେନା । ୯ ଏନ୍ତେ ଇନିଃ କାଜିକେଦାଏ, “ହେ ପାର୍ମେଶ୍ୱାର୍, ଆଇଙ୍ଗ୍ ଆମାଃ ମନେଲେକା କାମି ନାଗେନ୍ତେଇଙ୍ଗ୍ ହିଜୁଆକାନା ।” ଏନାତେ ପାର୍ମେଶ୍ୱାର୍ ସିଦା ଦାଣ୍ଡୋରାକାବ୍ତେୟାଃକେ ଆତମ୍କେଦ୍ତେ, ଏନାରେୟାଃ ବାଦ୍ଲାରେ ଶ୍ରୀଷ୍ଟିଆଃ ଦାଣ୍ଡୋକେ ଦହକେଦା । ୧୦ ଚିୟାଃଚି ଯୀଶୁ ଶ୍ରୀଷ୍ଟି ମିସାଗି ଆୟାଃ ହଡ଼ମ୍କେ ସବେନ୍କଆଃ ନାଙ୍ଗ୍ ଦାନ୍ ଏମ୍କେଦ୍ତେ ପାର୍ମେଶ୍ୱାର୍ଆଃ ମନେଲେକାଏ କାମିକେଦା, ଏନାତେ ଆବୁ ସବେନ୍କ ପାପ୍ହେତେ ଫାର୍ତିୟାକାନାବୁ ।

୧୧ ଯିହୁଦୀ ଯାଜାକ୍ ସବେନ୍ ହୁଲାଙ୍ଗ୍ ଆକଆଃ ସୁସାର୍ କାମି ନାଗେନ୍ତେ ଆତଃ ଘାଡ଼ିଘାଡ଼ି ଏନ୍ ମିଦ୍ରାକାମ୍ଗି ଦାଣ୍ଡୋରାକାବ୍ ତାନାକ, ମେନ୍ଦ୍ ନେ ସବେନ୍ ଦାଣ୍ଡୋରାକାବ୍ ହରାତେ ଚିତ୍ତଲାଅ ପାପ୍ କା ସାଜିନଃଆ । ୧୨ ମେନ୍ଦ୍ ଶ୍ରୀଷ୍ଟି ପାପ୍ ନାଗେନ୍ତେ ମିସାଗି ଦାଣ୍ଡୋୟାନ୍ଚି ଜାନାଅ ଜାନାଅ ନାଗେନ୍ତେ ପାର୍ମେଶ୍ୱାର୍ଆଃ ଜମ୍ତିଃସାଃରେ ଦୁବ୍ୟାନା । ୧୩ ପାର୍ମେଶ୍ୱାର୍ ଆୟାଃ ବାଇରିକକେ ପୁରା ଆଉରି ହାରାଅକ ଜାକେଦ୍ ଇନିଃ ଏନ୍ତାଃରେଗି ନେଲ୍ ହରାତାନା । ୧୪ ମିଆଁଦ୍ ଦାଣ୍ଡୋରାକାବ୍ ହରାତେ ଅକନ୍କ ପାପ୍ହେତେ ଫାର୍ତିୟାକାନାକ, ଇନ୍କୁକେ ଇନିଃ ଜାନାଅ ଜାନାଅ ନାଗେନ୍ତେ ପକ୍ତାକାଦ୍କଆ ।

୧୫ ଆତଃ ପାବିତାର୍ ଆମ୍ହାଗି ଆବୁକେ ଇନିୟାଃ ଗାଞ୍ଜା ଏମ୍କେଦ୍ତେ କାଜିକାଦା,

୧୬ “ପ୍ରାଭୁ କାଜିୟାଃଏ,

ହିଜୁଃ ଦିପିଲିକରେ ଆଇଙ୍ଗ୍ ଇନ୍କୁଲଃ ନେ ନାଞ୍ଜା ରାଜିନାମା ବାଇୟାଇଙ୍ଗ୍,

ଆଇଙ୍ଗ୍ ଆଇଁୟାଃ ଆନ୍ତୁକେ ଇନ୍କୁଆଃ ମନ୍ସୁରୁଦ୍ରେଇଙ୍ଗ୍ ଦହୟା

ଆତଃ ଆକଆଃ ମିନ୍ରେଇଙ୍ଗ୍ ଅଲେୟା ।”

୧୭ ଇନିଃ ଆତଃଗି କାଜିୟାଃ, “ଆଇଙ୍ଗ୍ ଇନ୍କୁଆଃ ପାପ୍କ ଆତଃ ଏଡକାନ୍ କାମିକ କାଇଙ୍ଗ୍ ପାହାମେୟା ।” ୧୮ ଏନାତେ ଇନ୍କୁ ଛାମା ନାମାକାଦ୍ରେଦ୍, ପାପ୍ ଛାମା ନାଗେନ୍ତେ ଆତଃମିସା ଦାଣ୍ଡୋରାକାବ୍ କା ଲାଗାତିଙ୍ଗ୍ୟାଃ ।

ପାର୍ମେଶ୍ୱାର୍ଆଃ ହେପାଦ୍ତେ ହିଜୁଃକାବୁ

୧୯ ଏନାତେ ହେ ହାଗା ମିଶିକ, ଯୀଶୁଆଃ ଗନଏଃ ହରାତେ ଆବୁ ପୁରାଃ ପାବିତାର୍ ଠାୟାଦ୍ରେ ବଲ ନାଗେନ୍ତେ ପୁରା ଆକ୍ତେୟାର୍ବୁ ନାମାକାଦା । ୨୦ ପାବିତାର୍ ଆତଃ ପୁରାଃ ପାବିତାର୍ ଠାୟାଦ୍ରେୟାଃ ହାନାଟିଙ୍ଗ୍ ଆଲାରେ ତୁଙ୍ଗାକାନ୍ ଦାନାଙ୍ଗ୍ଲିଜାଃ ହରାତେ ବଲ ନାଙ୍ଗ୍ ଯୀଶୁଆଃ ଗନଏଃ ହରାତେ ଆବୁଆଃ ନାଙ୍ଗ୍ ମିଆଁଦ୍ ଜାନିଦ୍ରାଃ ନାଞ୍ଜା ହରା ନିଜାକାନା । ୨୧ ପାର୍ମେଶ୍ୱାର୍ଆଃ ଅତଃ ନାହାଁଃ ଆବୁଆଃ ମାରାଙ୍ଗ୍ ଯାଜାକ୍ଆଃ ଜିମାରେ ମେନାଃ । ୨୨ ଏନାତେ ଆବୁ ଫାର୍ତି ମନ୍ସୁରୁଦ୍ରେ ଆତଃ ସାର୍ତି ବିଶ୍ୱାସ୍ଲଃ ପାର୍ମେଶ୍ୱାର୍ଆଃ ହେପାଦ୍ତେବୁ ସେନା, ଚିଆଃଚି ଆବୁ ନାହାଁଃ ଚିଟାକାନ୍ ବିବେକ୍ହେତେ ଶ୍ରୀଷ୍ଟିଆଃ ମାୟୋମ୍ତେ ଫାର୍ତିକାନାବୁ ଆତଃ ଆବୁଆଃ ହଡ଼ମ୍ ନିରାଲ୍ ଦାଆଃରେ ଆବୁଙ୍ଗ୍କାନା । ୨୩ ଆବୁଆଃ ଅକନ୍ ଆସ୍ତା ମେନାଃ ମେନ୍ତେ କାଜିତାନାବୁ, ଏନାରେ ଆବୁ ପୁରାଃ ପକ୍ତାକେଦ୍ତେ ତାଇନ୍ ଲାଗାତିଙ୍ଗ୍ୟାଃ, ଚିୟାଃଚି ଆବୁ ପାର୍ମେଶ୍ୱାର୍ଆଃ ବାନାର୍ସାରେ ପାତିୟାର୍ ଦାଡ଼ିୟାବୁ । ୨୪ ଦୁଲାଡ୍ ଆତଃ ବୁଗିନ୍ କାମି ନାଗେନ୍ତେ ମିହୁଡ୍ ଆତଃମିହୁଡ୍ଲଃ ଦେଙ୍ଗାଞ୍ଜାଃବୁ । ୨୫ ଅକନ୍କ କାଲିସିୟାରେ ହୁଣ୍ଡିୟଃ ନାଗେନ୍ତେ କାକ ସାନାଙ୍ଗ୍ତାନା, ଇନ୍କୁଆଃ ଲେକା ଆବୁ କାବୁ କାମିୟା । ମେନ୍ଦ୍ ପ୍ରାଭୁଆଃ ହିନିଜୁଃ ହୁଲାଙ୍ଗ୍ ନାଡ଼େଜଃ ତାନା ମେନ୍ତେ ସାରିକେଦ୍ତେ ମିହୁଡ୍ ଆତଃମିହୁଡ୍ଆଃ ଜାଉରେ ରାସ୍କା ଏମ୍ତାନ୍ଲଃ ତାଇନାଃବୁ ।

୨୬ ଆବୁତାଃରେ ସାନାର୍ଚି ଉଦ୍ବୟାନ୍ ତାୟମ୍ତେ ଆବୁ ସାରି ସାରିଗି ପାପ୍ କାମିରେ ତାଇନାଃବୁରେଦ୍, ଆତଃ ଜେତାନ୍ ଦାଣ୍ଡୋ ଆବୁକେ ପାପ୍ହେତେ ରାଡ଼ା କାଏ ଦାଡ଼ିୟା । ୨୭ ତାବ୍ଦ୍, ଆବୁ ହିଜୁଃତାନ୍ ମାରାଙ୍ଗ୍ ବିଚାର୍ରେ ପାର୍ମେଶ୍ୱାର୍ଆଃ ବିରୁଧ୍ରେ କାଜିକଟଙ୍ଗ୍ ହଡ଼କ ନାଗେନ୍ତେ ତାଇନକାନ୍ ପୁରାଃଗି ସେଙ୍ଗେଲ୍ରେ ଜିୟନଃ ଦାସାକେ ବରକେଦ୍ତେ ତାଜିତେୟାଃଏତେ ଆବୁଆଃ ଏଟାଃ ଦାସା ବାନଃଆ । ୨୮ ଜେତାଏ ମୁଗା ନାବାଆଃ ଆନ୍ତୁ କାଏ ମାନାତିୟେଆ ଆତଃ ବାରିଆ ଚାଏ ଏନାଏତେ ଆଦ୍କା ଗାଞ୍ଜା ଏମ୍ ହଡ଼କଆଃ ଗାଞ୍ଜାତେ ଇନିଃ ଗୁଙ୍ଗା ମେନ୍ତେ କାଜିୟାଆ, ଆତଃ ଇନିଃକେ କା ଲିନିବୁଇକେଦ୍ତେ ଗନଏଃ ସାଜାଇ ଏମାଃଏ । ୨୯ ତାବ୍ଦ୍ ଉଡ଼୍ଟଲେପେ, ଜେତାଏ ପାର୍ମେଶ୍ୱାର୍ଆଃ ହନ୍କେ ହିଲାଙ୍ଗ୍ତାନା ଆତଃ ପାର୍ମେଶ୍ୱାର୍ଆଃ ନାଞ୍ଜା ରାଜିନାମାରେୟାଃ ମାୟୋମ୍ ହରାତେ ପାପ୍ହେତେ ଫାର୍ତିକାନ୍ ତାଇକେନ୍ରେୟ, ଇନିଃ ଏନାକେ ହିଲାଙ୍ଗ୍ୟେତାନା ଆତଃ ସାୟାଦ୍ ଏମ୍ନିଃ ପାବିତାର୍ ଆମ୍ହାକେ କା ମାନାତିଙ୍ଗ୍ରେଦ୍, ଇନିଃ ଚିମିନ୍ ପୁରାଃଗି ସାଜାଇ ନାମେ ଲେକାଏ ହବାଅଃଆ ? ୩୦ ଚିୟାଃଚି “ଆଇଁୟାଃ ବାଦ୍ଲା ଇଦିରେୟାଃ ଆକ୍ତେୟାର୍ ମେନାଃ, ଆଇଙ୍ଗ୍ ସାଜାଇ ଏମ୍ନିଃ ତାନିଙ୍ଗ୍” ନେ କାଜି କାଜିକେଦ୍ନିଃକେ ଆବୁ ସାରିତାନାବୁ । ଇନିଃ ଆତଃଗି କାଜିକାଦା, “ପ୍ରାଭୁ ଆୟାଃ ହଡ଼କକେ ବିଚାର୍କଆ ।” ୩୧ ଜାନିଦ୍ ପାର୍ମେଶ୍ୱାର୍ଆଃ ବିଚାର୍ରେ ତିଙ୍ଗ୍ନ୍ତେୟାଃ ଚିମିନ୍ ବରଞ୍ଜାନ୍ଗିୟା ।

୩୨ ଆପେ ଆପେୟାଃ ସିଦା ଦିପିଲିକେ ପାହାମେପେ, ପାର୍ମେଶ୍ୱାର୍ଆଃ ମାର୍ସାଲ୍ ନାମ୍କେଦ୍ ତାୟମ୍ତେ, ଆପେ ଚିମିନ୍ ରାକାମ୍ରେୟାଃ ଦୁକୁ ସାସାତିପେ ନାମ୍କେଦା, ଏନ୍ରେୟ ଆପେ କାପେ ହାରାଅୟାନା । ୩୩ ମିସା ମିସାଦ୍ ଆପେ ହଡ଼କଆଃ

ଆୟାତ୍ରେ ହିଲାଇଅଃ ଲେକା ଆତଃ ଦୁକୁତେ ଲାନ୍ଦାଅଃ ଲେକାପେ ହବାୟାନା । ଏନ୍ଲେକାତେ ଆପେ ଅକନ୍ ହଡକ ନେ'ଲେକା ସାହାତିଙ୍ଗ୍ ତାଇକେନାକ, ଇନ୍କୁଲଃ ମେସା ନାଗେନ୍ତେ ସେକାଡ଼ୟାନାପେ । ୩୪ ଆପେ ଜେହେଲକାନ୍କଆଃ ଦୁକୁ ହାସୁରେପେ ଦୁକୁୟାନା ଆତଃ ଆପେୟାଃ ଖୁଜ୍ କ ସବେନାଃ ରେଃକ୍‌ଇଦିୟାନା, ଇମ୍ତା ଆପେ ରାସ୍‌କାତେ ସାହାତିଙ୍ଗ୍‌କେଦାପେ, ଚିୟାଃତି ଆପେୟାଃ ପୁରାଃ ବୁଗିନାଃ ଜାନାଅ ଜାନାଅରେୟାଃ ଖୁଜ୍ ମେନାଃ, ଏନାପେ ସାରିକାଦା । ୩୫ ଏନାମେନ୍ତେ ଆପେ ଜୀଉରେ କେଟେଦକାଦ୍‌ତେୟାଃ ଆଲ୍‌ପେ ଆଦେୟା, ଚିୟାଃତି ଏନାରେ ପୁରାଃଗି ନାଲା ନାମଃଆ । ୩୬ ପାର୍‌ମେଶ୍ୱାର୍‌ଆଃ ମନେ ପୁରାକେଦ୍‌ତେ, ଇନିଃ ଏମାରୁଆଏ ମେନ୍ତେ ବାନାର୍‌ସା ଏମାକାଦାଏ, ଏନାକେ ନାମେ ନାଙ୍ଗ୍ ଧୁରାଜ୍ ସାବ୍‌କେଦ୍‌ତେ ତାଇନ୍‌ପେ । ୩୭ ଚିୟାଃତି ଧାରାମ୍ ପୁଥ୍‌ରେ ଅଲାଇକାନା,

“ଆତଃ କାଟିଃ ଘାଡ଼ିକାଦ୍ ତାଙ୍ଗ୍‌ପେ,
 ଅକଏୟାଃ ହିନିକୁଃରାଃ ମେନାଃ,
 ଇନିଃ ହିକୁଃଆଏ, କାଏ ବିଲାଇମେୟା,

୩୮ ଆଇୟାଃ ଧାର୍‌ମାନ୍ ହଡ ବିଶ୍ୱାସ୍ ହରାତେ ବାଞ୍ଚାଅଃଆ,
 ମେନ୍‌ଦ ଜେତାଏ ତାୟମ୍‌ତେ ରୁହାଡ଼ିନିଃକେ
 ଆଇଙ୍ଗ୍ କାଇଙ୍ଗ୍ ସୁକୁଃଆ ।”

୩୯ ଆଲେ ଦୟା ରୁହାଡ଼ିକେଦ୍‌ତେ ଜିୟନଃ ଲେକାନ୍ ହଡକ ନାହାଁଲାଇଲେ, ମେନ୍‌ଦ ପୁରାଃ ବିଶ୍ୱାସ୍‌କାଦ୍ ଆତଃ ଜୀଉ ବାଞ୍ଚାଅ ନାମାକାଦ୍ ହଡକ ତାନ୍‌ଲେ ।

୧୧

ବିଶ୍ୱାସ୍‌ରେୟାଃ ନାମୁନା

୧ ଆବୁ ଆସ୍ତାକାଦ୍‌ତେୟାଃ ନାମ୍‌ୟାନା ମେନ୍ତେ ସାରିତେୟାଃ ଆତଃ କା ନେଲଃତାନ୍‌ତେୟାଃରାଃ ସାର୍‌ତି ସେଣାଁଗି ବିଶ୍ୱାସ୍ ତାନାଃ । ୨ ସିଦା ଦିପିଲିରେନ୍ ପ୍ରାତିନ୍‌କ ଆକଆଃ ବିଶ୍ୱାସ୍ ହରାତେ ପାର୍‌ମେଶ୍ୱାର୍‌ଆଃ ମାଇନ୍ ନାମେ ଲେକାକ ହବାୟାନା ।

୩ ☆ ପାର୍‌ମେଶ୍ୱାର୍‌ଆଃ ଆନାରୁତେ ନେ ଅତେଦିଶୁମ୍ ବାଇୟାନା ଆତଃ କା ନେଲଃତେୟାଃଏତେ ନେଲଃତେୟାଃ ବାଇୟାନା, ନେ କାଜି ବିଶ୍ୱାସ୍‌ତେ ଏସ୍‌କାର୍ ଆବୁ ସାରିତାନାରୁ ।

୪ ବିଶ୍ୱାସ୍ ହରାତେ ହାବିଲ୍ ପାର୍‌ମେଶ୍ୱାର୍‌ଆଃ ଆୟାତ୍ରେ କୟିନ୍‌ଏତେ ପୁରାଃ ବୁଗିନ୍ ଦାଣ୍ଡେଁ ରାକାବ୍‌କେଦା । ଆୟାଃ ବିଶ୍ୱାସ୍ ହରାତେ ଇନିଃ ଧାର୍‌ମାନ୍ ମେନ୍ତେ ଉଦ୍‌ବେନ୍‌ୟାନା, ପାର୍‌ମେଶ୍ୱାର୍ ଆଇଃକ୍‌ଗି ଆୟାଃ ଦାନ୍ ବିଷାଏରେ ଗାଞ୍ଜା ଏମ୍‌କେଦାଏ, ଆତଃ ଇନିଃ ଗଏଃକାନ୍‌ରେୟା ବିଶ୍ୱାସ୍ ହରାତେ ତିସିଙ୍ଗ୍ ଜାକେଦ୍ ବାଞ୍ଚାଣ୍ଡିତାନାଏ ।

୫ ବିଶ୍ୱାସ୍ ହରାତେ ହନୋକ୍ ବେଗାର୍ ଗନଏଃତେ ପାର୍‌ମେଶ୍ୱାର୍‌ଆଃ ଜାପାଃତେ ସେନଃୟାନା ଆତଃ ଜେତାଏ ଇନିଃକେ କାକ ନେଲ୍ ଦାଡ଼ିକେନା । ଧାରାମ୍ ପୁଥ୍‌ରେ ଅଲାଇକାନା, ହନୋକ୍ ପାର୍‌ମେଶ୍ୱାର୍‌ଆଃ ହେପାଦ୍‌ତେ ସେନଃ ସିଦାରେ ଆୟାଃ ସୁକୁଆନ୍ ଲେକାଗି ହବାୟାନା । ୬ ବିଶ୍ୱାସ୍ ବେଗାର୍ ଜେତାଏ ପାର୍‌ମେଶ୍ୱାର୍‌କେ ସୁକୁ କାଏ ଦାଡ଼ିୟା, ଚିୟାଃତି ଜେତାଏ ପାର୍‌ମେଶ୍ୱାର୍‌ଆଃ ହେପାଦ୍‌ତେ ହିକୁଃଆ ଇନିଃକେ ପାର୍‌ମେଶ୍ୱାର୍ ମେନାଇୟା ମେନ୍ତେ ବିଶ୍ୱାସ୍ ରିକା ଲାଗାଡ଼ିଙ୍ଗ୍‌ୟାଃ, ପାର୍‌ମେଶ୍ୱାର୍‌କେ ଦାଣ୍ଡିତାନ୍ ହଡକଆଃ ଆସ୍ତା ପୁରାଏୟାଏ ମେନ୍ତେହିଁ ବିଶ୍ୱାସ୍ ରିକା ଲାଗାଡ଼ିଙ୍ଗ୍‌ୟାଃ ।

୭ ବିଶ୍ୱାସ୍ ହରାତେ ନୁହୁଁ ହିକୁଃ ଦିପିଲିରେୟାଃ କା ନେଲଃତାନ୍ ବିଷାଏରେ ପାର୍‌ମେଶ୍ୱାର୍‌ଆଃ ତେନେତାଅ କାଜି ଆୟୁମ୍ ଦାଡ଼ିକେନା । ଇନିଃ ପାର୍‌ମେଶ୍ୱାର୍‌ଆଃ ଆନାରୁ ମାନାଡ଼ିଙ୍ଗ୍‌କେଦ୍‌ତେ ମିଆଁଦ୍ ଜାହାଦ୍ ବାଇକେଦାଏ । ଏନାରେ ଆଇଃକ୍ ଆତଃ ଆୟାଃ ଅତଃରେନ୍‌କ ବାଞ୍ଚାଅ ଦାଡ଼ିୟାନା । ଆତଃ ଅତେଦିଶୁମ୍‌ରେନ୍ ହଡକ ସାଜାଇକ ନାମ୍‌କେଦା, ମେନ୍‌ଦ ନୁହୁଁ ଆୟାଃ ବିଶ୍ୱାସ୍ ହରାତେ ଧାର୍‌ମାନ୍‌ରେୟାଃ ନାଲାଏ ନାମ୍‌କେଦା ।

୮ ପାର୍‌ମେଶ୍ୱାର୍ ଆବ୍ରାହାମ୍‌କେ ଅକନ୍ ଦିଶୁମ୍ ଏମାମେୟାଁଇଙ୍ଗ୍ ମେନ୍ତେ ବାନାର୍‌ସା ଏମାକାଇ ତାଇକେନାଏ, ଏନ୍ ଦିଶୁମ୍‌ତେ ସେନଃ ନାଗେନ୍ତେ ପାର୍‌ମେଶ୍ୱାର୍ କେଡ଼ାକିଃ ଇମ୍ତା ଆବ୍ରାହାମ୍ ବିଶ୍ୱାସ୍‌ତେ ପାର୍‌ମେଶ୍ୱାର୍‌ଆଃ ଆନାରୁ ଆୟୁମ୍‌କେଦାଏ, ଆତଃ ଆଇଃକ୍‌କେ କତାଃତେ ସେନ୍ ଲାଗାଡ଼ିଙ୍ଗ୍‌ୟାଃ ଏନାହ ବେଗାର୍ ସାରିତେ ଇନିଃ ଆୟାଃ ଦିଶୁମ୍‌କେ ବାରିକେଦ୍‌ତେ ଅଡ଼ଙ୍ଗ୍‌ୟାନା । ୯ ଇନିଃ ବିଶ୍ୱାସ୍ ହରାତେ ପାର୍‌ମେଶ୍ୱାର୍ ବାନାର୍‌ସା ଏମାକାଦ୍ ଦିଶୁମ୍‌ରେ ଏଟାଃ ଦିଶୁମ୍‌ରେନ୍ ଲେକାଏ ତାଇନ୍‌ୟାନା । ଇନିଃ କୁମ୍‌ପାରେ ତାଇନ୍‌ୟାନା ଆତଃ ଆୟାଃ ଲେକା ପାର୍‌ମେଶ୍ୱାର୍‌ତେ ବାନାର୍‌ସା ଏମାକାନ୍ ଇସାକ୍ ଆତଃ ଯାକୁବ୍‌ହଗି ଏନ୍‌ଲେକା କୁମ୍‌ପାରେ ତାଇନ୍‌କାନ୍ ତାଇକେନାକିନ୍ । ୧୦ ଚିୟାଃତି ଅକନ୍ ନାଗାର୍ ଜାନାଅରେୟାଃ ନିହୁଁ ଗାଡା ତାନାଃ, ଏନାକେ ନାକ୍‌ସା ଏମ୍‌ନିଃ ଆତଃ ବାବାଇନିଃ ପାର୍‌ମେଶ୍ୱାର୍‌ଗି ତାନିଃ । ଆବ୍ରାହାମ୍ ଏନ୍ ନାଗାର୍‌କେ ନେଲ୍‌ହରା ତାଇକେନା ।

୧୧ ସାରା ପୁରାଃଗି ବୁଡିଆକାନ୍ ହରାତେ ଆୟାଃ ହନ୍‌ଗାଁଣା ହବାଅଃରେୟାଃ ପେଡେଃ କା ତାଇକେନ୍‌ରେୟା, ବିଶ୍ୱାସ୍ ହରାତେ ଆବ୍ରାହାମ୍ ହାଡ଼ାମ୍ ଦିପିଲିରେ ଆପୁ ହବା ଦାଡ଼ିୟାନାଏ । ପାର୍‌ମେଶ୍ୱାର୍ ଆୟାଃ ବାନାର୍‌ସାକେ ପୁରାଏୟା ମେନ୍ତେ

☆ ୧୧:୩ ୧୧:୩ ଯୋହାନ୍ ୧:୩.

ଆବ୍ରାହାମ୍ ବିଶ୍ୱାସକାନ୍ଦ ତାଙ୍କକେନାଏ । ୧୨ ଆବ୍ରାହାମ୍ ଗଜଃଲେକାଏ ତାଙ୍କକେନ୍ରେୟ, ଆୟାଃତାଃଏତେ ସିର୍ମାରେ
ମେନାକ ଇପିଲ୍ ଆତଃ ଦରେୟା ଗେନାରେୟାଃ କା ଲେକାଅଃ ଗିତିଲ୍ ଇମ୍ନାଜ୍ ହନ୍ଗାଁଣାକ ହବାୟାନା ।

୧୩ ଏନ୍ ସବେନ୍ଦକ ବିଶ୍ୱାସରେକ ଗଏଃୟାନା । ପାର୍ମେଶ୍ୱାର୍ ଇନ୍କୁକେ ବାନାର୍ସା ଏମାକାଦକ ତାଙ୍କକେନ୍ତେୟାଃ
ଇନ୍କୁ କାକ ନାମ୍ ଦାଡ଼ିକେଦା, ମେନ୍ଦ ସାଜ୍ମେନ୍ତେ ଏନାକେ ନେଲ୍କେଦ୍ତେକ ଦାରମ୍କେଦା, ଆତଃ ଇନ୍କୁ
ଆପାନ୍କେ ଏଟାଃ ଦିଶ୍ୱମ୍ରେନ୍ ତାନ୍ରୁ ମେନ୍ଦ ନେ ଅତେଦିଶ୍ୱମ୍ରେ ତାଙ୍କତାନାରୁ ମେନ୍ତେକ ମାନାତିଜ୍କେଦା ।
୧୪ ନେ'ଲେକା କାଜିତାନ୍କଦ, ଆଲେ ନାଗେନ୍ତେ ଆଲେୟାଃ ଦିଶ୍ୱମ୍ଲେ ଦାଣାଁତାନା ମେନ୍ତେକ ଉଦୁବେନ୍ତାନା । ୧୫ ଇନ୍କୁ
ବାଗିକାଦ୍ ଦିଶ୍ୱମ୍କେ ଆତଃ କାକ ଉଡ଼ୁ ତାଙ୍କକେନା, ଇନ୍କୁ ଉଡ଼ୁକାତେ ତେୟାଃକରେଦ, ଏନ୍ତାଃତେ ରୁହାଡ଼ ନାଗେନ୍ତେ
ହରାକ ନାମାକାତେତେୟାଃ । ୧୬ ମେନ୍ଦ ଇନ୍କୁ ପୁରାଃ ବୁଗିନ୍ ଦିଶ୍ୱମ୍, ଚାଏ ସିର୍ମା ଦିଶ୍ୱମ୍ତେ ସେନଃ ନାଗେନ୍ତେକ
ତେତାଜ୍ତାନା । ଏନା ନାଗେନ୍ତେ ଆଇଜ୍ ଇନ୍କୁଆଃ ପାର୍ମେଶ୍ୱାରାଜ୍ କାଜିୟାଆ ମେନ୍ତେ ପାର୍ମେଶ୍ୱାର୍ କାଏ
ଗିହୁଃକାନ୍ ତାଙ୍କକେନା, ଚିୟାଃଚି ଇନିଃ ଇନ୍କୁ ନାଗେନ୍ତେ ମିଆଁଦ୍ ନାଗାର୍ ବାଇସେକାଡ଼ାକାଦାଏ ।

୧୭ ପାର୍ମେଶ୍ୱାର୍ ଆବ୍ରାହାମ୍କେ ବିଡ଼ାଅକିଃ ଇମ୍ତା, ବିଶ୍ୱାସ୍ତେ ଆବ୍ରାହାମ୍ ଆୟାଃ ହନ୍କଡ଼ା ଇସାକ୍କେ ଦାଣେଁ
ରାକାବ୍ ନାଜ୍ ସେକାଡ଼ୟାନାଏ । ପାର୍ମେଶ୍ୱାର୍ ଆବ୍ରାହାମ୍କେଗି ଆୟାଃ ବାନାର୍ସା କାଜି ଏମାକାକ ତାଙ୍କକେନାଏ,
ଏନ୍ରେୟ ଆବ୍ରାହାମ୍ ଆୟାଃ ମିଆଁଦ୍ଗି ହନ୍କଡ଼ାକେ ଦାଣେଁ ରାକାବ୍ ନାଗେନ୍ତେ ସେକାଡ଼ୟାନା । ୧୮ ପାର୍ମେଶ୍ୱାର୍
ଇନିଃକେ କାଜିକିୟା, “ଆଇଜ୍ ଆମ୍କେ ଅକନ୍ କିଲି ଏମାମେୟାଈଜ୍ ମେନ୍ତେ ବାନାର୍ସା ଏମାକାଦ୍ମେୟା, ଏନା
ଇସାକ୍ ହରାତେଗିମ୍ ନାମେୟା ।” ୧୯ ପାର୍ମେଶ୍ୱାର୍ ଇସାକ୍କେ ଗନଏଃହେତେୟ ଜୀଉବିରିଦ୍ ଦାଡ଼ିୟାଏ, ନେ ବିଶ୍ୱାସ୍
ଆବ୍ରାହାମ୍ଆଃ ତାଙ୍କକେନା । ଆତଃ ସାର୍ତି କାଜିଲେରେ, ଆବ୍ରାହାମ୍ ଜନ୍କା ଲେକା ଇସାକ୍କେ ଗନଏଃହେତେ ନାମ୍
ରୁହାଡ଼କିୟା ।

୨୦ ଇସାକ୍ ଆୟାଃ ବିଶ୍ୱାସ୍ ହରାତେ ଯାକୁବ୍ ଆତଃ ଏଷୌକେ ହିଜୁଃ ଦିପିଲି ନାଜ୍ ଆଣିଷ୍ଟବେନାଜ୍ ମେନ୍ତେ
ବାନାର୍ସାଏ ଏମାଦ୍କିନା ।

୨୧ ବିଶ୍ୱାସ୍ ହରାତେଗି ଯାକୁବ୍ ଗନଏଃ ସିଦାରେ ଯୋଷେଫ୍ ଆୟାଃ ବାରାନ୍ ହନ୍କିନ୍କେ ଆଣିଷ୍ଟକେଦ୍କିନା । ଇନିଃ
ଆୟାଃ ସେସେନ୍ ସଗାରେୟାଃ ରୁଚିରେ ଅଧିଲ୍ଆକେଦ୍ତେ ପାର୍ମେଶ୍ୱାର୍କେ ଜହାର୍କିୟା ।

୨୨ ଯୋଷେଫ୍ ଆୟାଃ ଗନଏଃ ଇମ୍ତାରେ ବିଶ୍ୱାସ୍ ହରାତେ ଇସ୍ରାଏଲ୍ ହଡ଼କଆଃ ମିସାର୍ ଦିଶ୍ୱମ୍ଏତେ ସେନଃ
ବିଷାଏରେ ସିଦାରେ କାଜିକାଦ୍ ତାଙ୍କକେନା, ଆତଃ ଆୟାଃ ଗନଏଃ ହଡ଼ମ୍ ଚିକ୍ନାଃ ଚିକାଅଃଆ ଏନ୍ ବିଷାଏରେ ଆରୁକାଦ୍
ତାଙ୍କକେନା ।

୨୩ ବିଶ୍ୱାସ୍ ହରାତେ ମୁଶା ନାବୀଆଃ ଏଜାଆପୁକିନ୍ ଆୟାଃ ଜାନାମ୍ ଦିପିଲିରେ ଇନିଃକେ ମିଆଁଦ୍ ସୁଗାଡ଼ାନ୍ ହନ୍ ମେନ୍ତେ
ନେଲ୍କେଦ୍ତେ ରାଜା ହୁକୁମାକାଦ୍ ଆନାରୁକେହ୍ କା ମାନାତିଜ୍ ନାଗେନ୍ତେ କାକିନ୍ ବରକେଦା, ଆତଃ ଆପି ଚାଣ୍ଡୁ*
ଜାକେଦ୍ ଇନିଃକେକିନ୍ ଉକୁକିୟା ।

୨୪ ମୁଶା ନାବୀ ହାରା ଦାଡ଼ିୟାନ୍ ତାୟମ୍ତେ ବିଶ୍ୱାସ୍ ହରାତେ ଫାରୋ ରାଜାରାଃ ହନ୍ତେକୁଡ଼ିରାଃ ହନ୍ ନାହାଁଲିଜ୍
ମେନ୍ତେ କାଜିକେଦା ୨୫ ପାପ୍ରେ ତାଙ୍କକେଦ୍ତେ କାଟିଃ ଲେକା ସୁକୁ ନାମେତେୟାଃଏତେଦ ପାର୍ମେଶ୍ୱାର୍ଆଃ ହଡ଼କଲଃ
ଦୁକୁ ସାହାଡ଼ିଜ୍ତେୟାଃ ବୁଗିନାଃ ତାନାଃ ମେନ୍ତେ ଇନିଃକେ ସୁକୁକିୟା । ୨୬ ଇନିଃକେ ମିସାର୍ ଦିଶ୍ୱମ୍ରେୟାଃ ସବେନ୍
ଖୁଜ୍ କଏତେ ମାସି ନାଗେନ୍ତେ ନିୟାଅଃତେୟାଃ ପୁରାଃ ବୁଗିନାଃ ତାନାଃ ମେନ୍ତେ ଆଚ୍କାର୍କେଦା, ଚିୟାଃଚି ହିଜୁଃ
ଦିପିଲିରେୟାଃ ନାଲାକେ ହେତାକାଦ୍ ତାଙ୍କକେନା ।

୨୭ ମୁଶା ନାବୀ ଆୟାଃ ବିଶ୍ୱାସ୍ ହରାତେ ରାଜାରାଃ ଖସକେ କା ବରକେଦ୍ତେ ମିସାର୍ ଦିଶ୍ୱମ୍କେ ବାଗିକେଦା,
ଆତଃ ଇନିଃ କା ନେଲଃ ପାର୍ମେଶ୍ୱାର୍କେ ନେଲ୍କାକାଈଃ ଲେକାଗି ଆଚ୍କାର୍କେଦ୍ତେ ହିଜୁଃ ରୁହାଡ଼ ନାଗେନ୍ତେ କାଏ
ସାନାଜ୍କେଦା । ୨୮ ଇସ୍ରାଏଲ୍ରେନ୍ ମୁଡ଼କୁଲ୍ ହନ୍କକେ ଗନଏଃରେନ୍ ଦୁଡ଼ ଆଲକାଏ ଗଏଃକକା ମେନ୍ତେ ଇନିଃ ବିଶ୍ୱାସ୍
ହରାତେ ପାସ୍କା ପାରାବ୍କେ ମାନାତିଜ୍ ନାଗେନ୍ତେ ଆତଃ ଦୁଆର୍ରେ ମାୟୋମ୍ ହିର୍ଚି ନାଗେନ୍ତେ ଆରୁକେଦା ।

୨୯ ବିଶ୍ୱାସ୍ ହରାତେ ଇସ୍ରାଏଲ୍ ହଡ଼କ ରହଡ଼୍ ଅତେରେ ସେସେନ୍ତାନ୍ ଲେକା ଆରାଃ ଦରେୟାକେକ ସେନ୍
ପାରମ୍କେଦା, ମେନ୍ଦ ମିସାର୍ରେନ୍ ହଡ଼କ ସେନ୍ ପାରମଃ ତାଙ୍କକେନ୍ରେ, ଏନାରେ ତୁବିଃଗ୍ ଗଏଃୟାନାକ ।

୩୦ ବିଶ୍ୱାସ୍ ହରାତେ ଇସ୍ରାଏଲ୍ରେନ୍ ହଡ଼କ ଯିରିହୋ ନାଗାର୍ରେୟାଃ ଭିଡ଼଼ରାଃ ଚାରିୟସାଃରେ ସାଡ଼ ଦିନ୍ ହନ୍ର୍
ବିୟୁର୍କେଦ୍ ତାୟମ୍ତେ ଏନାରେୟାଃ ଭିଡ଼ ଉୟୁଃୟାନା । ୩୧ ବିଶ୍ୱାସ୍ ହରାତେ ବେଶ୍ୱା କୁଡ଼ି ରାହାବ୍, ଇସ୍ରାଏଲ୍ରେନ୍
ହଡ଼କକେ ଅକନ୍କଚି ଉକୁକେଦ୍ତେ ସେନାକାନ୍ ତାଙ୍କକେନାକ, ଇନ୍କୁକେ ଦାରମ୍କେଦ୍କ ହରାତେ ପାର୍ମେଶ୍ୱାର୍କେ
କା ମାନାତିଜ୍ତାନ୍ ହଡ଼କଲଃ କା ଗଏଃକେଦ୍ତେ ବାଞ୍ଚାଅ ନାମ୍କେଦାଏ ।

୩୨ ଆତଃ ଆଦ୍କା ଚିନାଃ କାଜିୟାଜ୍ ? ଗିଦିୟନ୍, ବାରାକ୍, ସାମ୍ସନ୍, ଯିପ୍ରାହ୍, ଦାଉଦ୍, ଶାମୁଏଲ୍ ଆତଃ
ଆୟାର୍କାଜିକଆଃ ବିଷାଏରେ କାଜିଲେରେ, ନେଡ଼ା କା ହବାଅଃଆ । ୩୩ ବିଶ୍ୱାସ୍ ହରାତେ ଇନ୍କୁ ଲାଡ଼ାକେଦ୍ତେ
ରାଜ୍ଜକ ଆମ୍ଲାଅକେଦା । ଇନ୍କୁ ପୁରାଃ ବୁଗିନାଃ କାମିକ କାମିକେଦା ଆତଃ ପାର୍ମେଶ୍ୱାର୍ ଏମାକାଦ୍ ବାନାର୍ସାକ

* ୧୧:୨୩ ୧୧:୨୩ ମାହୁଁନା † ୧୧:୩୦ ୧୧:୩୦ ପାଡ଼ି

ନାମକେଦା । ଇନ୍କୁ କୁଲାଇଆଃ ମଚାକ ତେପେଦକେଦା, ୩୪ ସେଜେଲ୍ରେୟାଃ ପୁରାଃ ଏଲାଇକ୍ ହକାକେଦା ଆତଃ ଲେସେର୍ ତାରାଉଡ଼ିଏତେକ ବାଞ୍ଚାଅୟାନା । ଇନ୍କୁ କା ପେଡ଼େୟାନ୍ତିକ ତାଇକେନା, ମେନ୍ଦ ପୁରାଃ ପେଡ଼େୟାନ୍କ ହବାୟାନା, ଲାଡ଼ାଇରେ ଜିତାଅୟାନାକ ଆତଃ ଏଟାଃ ଦିଶ୍ଟୁମ୍ରେନ୍ ପାଲ୍ଟାନ୍କଆଃ ଗାଡ଼କକେ ଧାସ୍ତୁଡ଼କେଦାକ । ୩୫ ବିଶ୍ଟାସ୍ ହରାତେ କୁଡ଼ିକ ଆକଆଃ ଗଜାକାନ୍ କୁଟୁମ୍କକେ ଜୀଉବିରିଦାକାନ୍ ନାମ୍ପୁହାଡ଼କେଦକଆକ । ଏଟାଃକ ପୁରାଃ ବୁଗିନ୍ ଜୀଉବିରିଦିଦ୍ ନାମେରେୟାଃ ଆସ୍ତାରେ, ରାଡ଼ାନ୍ କା ସାନାକ୍କେଦତେ ପୁରାଃ ସାସାତିକ ନାମ୍କେଦା ।

୩୬ ଚିମିନ୍ ହଡ଼କକେ ଲାୟାକେଦକଆକ, ଆତଃ ଚିମିନ୍କକେ ଚାବୁକ୍ତେକ ହାଁଶାକେଦକଆ, ଆତଃକକେ ସିକିଡ଼ିତେ ତଲ୍ଲକେଦତେ ଜେହେଲ୍ତେକ ଇଦିକେଦକଆ । ୩୭ ଆତଃ ଚିମିନ୍ ହଡ଼କକେ ଦିରିତେକ ଚିଦ୍ଗି ଗଏଃକେଦକଆ ଆତଃ କାରାଡ଼ତେକ ବାର୍ ହିସାକେଦକଆ, ଆତଃ ତାରାଉଡ଼ିତେକ ଗଏଃକେଦକଆ, ଆତଃ ଅକଏ ଅକଏଦ ମିଶ୍ଟି ଆତଃ ମେରମ୍କଆଃ ଉହୁର୍ ତୁସିକ୍କେଦତେ ନାରାଦୁରାଗି, ସାସାତି ଆତଃ ସିଗିଦ୍ୟାନ୍ଲଃ ନେତେ ହାନ୍ତେକ ହନର୍ବାଡ଼ା ତାଇକେନା । ୩୮ ନେ ଲେକାନ୍ ହଡ଼କ ନାଗେନ୍ତେ ଅତେଦିଶ୍ଟୁମ୍ରେ ବୁଗିନ୍ ଠାୟାଦ୍ କା ତାଇକେନା । ଇନ୍କୁ କା ଚିହ୍ନାଁର୍ ହଡ଼ ଲେକା ହନର୍ତାନଲଃ ବିର୍ରେ, ବୁରୁରେ, ଆତଃ ଅତେରେୟାଃ ଲାପାଙ୍ଗା ଆତଃ ସୁରୁକ୍ରେ ତାଇନଃ ତାଇକେନାକ ।

୩୯ ନେ ସବେନ୍ ହଡ଼କ ଆକଆଃ ବିଶ୍ଟାସ୍ ହରାତେ ମାଇନ୍ ନାମେଲେକାକ ହବାକାନା । ଏନ୍ରେୟ ଇନ୍କୁ ପାର୍ମେଶ୍ଟାର୍ ଏମାକାଦ୍ ବାନାର୍ସାକେ କାକ ନାମ୍କେଦା, ୪୦ ଚିୟାଃଚି ପାର୍ମେଶ୍ଟାର୍ ଆବୁ ନାଗେନ୍ତେ ମିଆଁଦ୍ ପୁରାଃ ବୁଗିନାଃଏ ଉହାବ୍କାଦ୍ ତାଇକେନା । ଇନ୍କୁ ଆବୁଲଃ ଏସ୍କାର୍ ପକ୍ତାଃଅକାକ ମେନ୍ତେ ଆୟାଃ ଇଛାସାନାକ୍ ତାଇକେନା ।

୧୨

ପାର୍ମେଶ୍ଟାର୍ ଆବୁଆଃ ଆପୁ

୧ ନେଲେକା ଗାଞ୍ଜାତେ ପେରେଜାକାନ୍ ଗାଦେଲ୍ ହଡ଼କ ଆବୁଆଃ ଚାରିୟସାଃରେ ମେନାକଆ, ଏନାମେନ୍ତେ ମାର୍ ହିଜୁଃପେ, ଆବୁ ନିରେତାନ୍ ଇମ୍ତା ଅକ୍ନାଃ ଆବୁକେ ଛେକାଦ୍ବୁତାନା ଆତଃ କେଟେୟାନ୍ଗି ସାବ୍ବୁତାନ୍ ପାପକେ ବାଗିତାନ୍ଲଃ, ଦଲାରୁ, ଏନ୍ତାଃତେ ନିର୍ ସେଟେରେ ନାକ୍ ଧୂରାଜ୍ ସାବ୍କେଦତେ ଆବୁଆଃ ଆୟାରରେୟାଃ ନିର୍ରେ ହରାରେବୁ ନିର୍ରେୟା । ୨ ଅକନ୍ ଯାଶୁକେ ଆବୁ ମୁନ୍ଦୁଏତେ ଗୁଣ୍ଟୁ ଜାକେଦ୍ ବିଶ୍ଟାସ୍କାଇଜାରୁ, ଇନିୟାଃ ତେତାନ୍ରେଗି ଆବୁଆଃ ମେଦ୍ ଦହକାନ୍କା । ଇନିଃ କୁଶରାଃ ବରତେ ଆୟାଃ କାମିହେତେ କାଏ ରୁହାଡ଼ାକାନ୍ ତାଇକେନା, ମେନ୍ଦ ହିଜୁଃ ଦିପିଲିରେ ଆୟାଃ ନାକ୍ ଅକନ୍ ରାସ୍କା ମେନାଃ, ଏନା ନାଗେନ୍ତେ କୁଶ୍ରେୟାଃ ଗନଏଃକେ ଇନିଃ ବାନଃ ମେନ୍ତେ କାଏ କାଜିକେଦା, ଆତଃ ନାହାଁଃ ଇନିଃ ପାର୍ମେଶ୍ଟାର୍ଆଃ ରାଜଗାଦିରେୟାଃ ଜମ୍ସାଃରେ ଦୁବାକାନା ।

୩ ଇନିଃ ପାପିକତାଃଏତେ ଚିମିନ୍ ପୁରାଃଗି ହିଲାଇୟାନା ଆତଃ ଚିମିନ୍ଗି ଦୁକୁ ସାହାତିକ୍କେଦା, ଏନା ଉଡ଼ୁଲେପେ ! ଏନାତେ ଆପେ ଆପେୟାଃ ମନ୍ରେ ଆଲ୍ପେ ହୁଡ଼ିକ୍ଜୀଉଃଆ ଆତଃ ଆଲ୍ପେ ଲାଗାଉତାରଃଆ । ୪ ଚିୟାଃଚି ଆପେକେ ପାପ୍ ବିରୁଧ୍ରେ ଲାଡ଼ାଇକେଦତେ ନାହାଁଃ ଜାକେଦ୍ ମାୟୋମ୍ ଲିଜିୟଃ ଲେକା ଆଉରିପେ ହବାଅଃଆ । ୫ ପାର୍ମେଶ୍ଟାର୍ ଆୟାଃ ହନ୍କ ଲେକା ଆପେକେ ଅକ ଜୀଉରାଡ଼େଃରାଃ କାଜି ଉଦୁବାପେ ତାନା, ଏନା ଚିନାଃ ଆପେ ରିଡ଼ିୟାକାଦାପେ ? “ଏ ଆଇୟାଃ ହନ୍, ପ୍ରାଭୁଆଃ ଚେନେତାଅ କାଜିକେ ରାଞ୍ଜାଲାନ କାଜିଲେକା ଆଲମ୍ ଆବ୍କାରେୟା,

ଚାଏ ଇନିଃ ଆମ୍କେ ଏଗେର୍ମେ ଇମ୍ତା ଆଲମ୍ ହୁଡ଼ିକ୍ଜୀଉଃଆ ।

୬ ଚିୟାଃଚି ପ୍ରାଭୁ ଜେତାଏକେ ଦୁଲ୍ଲାଡ଼ାଃଏ, ଇନିଃକେ ଚେତାଅଆଃ,

ଆତଃ ଜେତାଏକେ ଆୟାଃ ହନ୍ ଲେକାଏ ନେଲିଆ, ଇନିଃକେ ସାଜାଇ ଏମାଃଏ ।”

୭ ଆପେୟାଃ ଦୁକୁହାସୁକେ ପାର୍ମେଶ୍ଟାର୍ଆଃ ସାଜାଇତାନାଃ ମେନ୍ତେ ଆବ୍କାର୍କେଦତେ ସାହାତିକ୍କେୟେ, ନେ ହରାତେ ଇନିଃ ଆପେକେ ହନ୍ ଲେକାଏ ରିକାପେତାନା ମେନ୍ତେ ଆପେୟାଃ ଦୁକୁହାସୁଗି ଉଦୁବେତାନା । ଆପୁତାଃଏତେ ଚିଉଲ୍ଲାଅ ସାଜାଇ କା ନାମାକାଦ୍ ଜେତା ହନ୍ ମେନାଲୟା ଚି ? 「 ମେନ୍ଦ ଆପେ ସବେନ୍କ ଆୟାଃ ହନ୍କ ଲେକା ସାଜାଇ କାପେ ନାମାକାଦ୍ରେଦ, ଆପେ ସାର୍ତି ହନ୍ ନାହାଁଲାପେ, ମେନ୍ଦ ଲାମ୍ବି* ହନ୍ତାନ୍ପେ । ୯ ଅତେଦିଶ୍ଟୁମ୍ରେନ୍ ଆବୁଆଃ ଆପୁକ ଆବୁକେ ସାଜାଇ ଏମାବୁତାନ୍ରେୟ, ଆବୁ ଇନ୍କୁକେ ମାଇନ୍କ ତାନାବୁ, ତାବ୍ଦ୍ ଆବୁଆଃ ଆମ୍ବିକ୍ ଆପୁଆଃ ଚେନେତାଅରେ ଜାନିଦ୍ ତାଇନଃ ନାକ୍ ଚିମିନ୍ ଆଦ୍କା ବୁଗିନ୍ ତାଇନ୍ ଲାଗାଡ଼ିକ୍ୟାଃ ! ୧୦ ଅତେଦିଶ୍ଟୁମ୍ରେନ୍ ଆବୁଆଃ ଆପୁକଆଃ ନେପେଲ୍ରେ ଅକ୍ନାଃ ଠାଉକାଗିୟା, ଏନ୍ଲେକାଗି ଆବୁକେ କାଟିଃ ଘାଡ଼ିକାଦ୍ ନାକ୍ ସାଜାଇ ଏମାଦ୍ବୁତାନାକ, ମେନ୍ଦ ଆବୁ ପାର୍ମେଶ୍ଟାର୍ଆଃ ପାପିତାର୍ରେୟାଃ ହାନାଟିକ୍ବୁ ନାମେକା ମେନ୍ତେ ଇନିଃ ଆବୁଆଃ ବୁଗିନାଃ ନାଗେନ୍ତେ ଆବୁକେ ସାଜାଇ ଏମାଃଏ । ୧୧ ସାଜାଇ ନାମେ ଇମ୍ତା ଆବୁକେ ଦୁକୁ ଆବ୍କାରାଃ, ସୁକୁ କା ଆବ୍କାରାଃ । ମେନ୍ଦ ସାଜାଇ ନାମ୍କେଦତେ ଅକନ୍କ ଆକଆଃ ଜୀଦାନ୍ ବାୟାକାଦାକ, ଇନ୍କୁ ତାୟମ୍ତେ ଜୀଉସୁକୁରେୟାଃ ଧାର୍ମାନ୍ ଜୀଦାନ୍ ଲେକାନ୍ ନାଲାଇ ନାମେୟା ।

ଇନିତୁ ଆତଃ ଚେନେତାଅ

* ୧୨:୮ ୧୨:୮ ବେଗାର୍ ଆପୁରେନ୍ ହନ୍

୧୭ ଏନାତେ ଆପେୟାଃ କା ପେଡ଼େୟାନ୍ ତିଃଇକେ ଆତଃ ଏକ୍ଲାଅଃତାନ୍ ମୁକ୍ତିକେ କେଟେଜେପେ । ୧୩ କା ସେସେନ୍ ଦାଡ଼ିତାନ୍ କାଟା ଆଲକା ଆତ୍ତମଃକା ମେନ୍ଦ ବୁଗିୟଃକା ମେନ୍ତେ ସିଧା ହରାରେ ସେନ୍କାତେକାଏ ।

୧୪ ସବେନ୍କଲଃ ସୁକୁଜୀଉରେ ତାଇନଃ ନାଗେନ୍ତେ ଆତଃ ପାବିତାର୍ ଜୀଞ୍ଜାନ୍ ବିତାଅ ନାଗେନ୍ତେ ଚିହ୍ନେନ୍ଦପେ, ଚିୟାଃଚି ନେଆଁ ବେଗାର୍ ଜେତାଏ ପ୍ରାଭୁକେ ନେଲ୍ କାଏ ଦାଡ଼ିୟା । ୧୫ ଜେତାଏ ପାର୍ମେଶ୍ୱାର୍ଆଃ ସାୟାଦ୍‌ହେତେ ଆଲକାଏ ରୁହାଡ଼କା, ଏନାମେନ୍ତେ ଚିର୍ଗାଲ୍ଲକାନ୍ ତାଇନ୍ଦପେ । ଜେତାଏ ମେହେର୍ ଦାରୁ ଲେକା ଆଲକାଏ ହବାଅଃକା, ଏନାରେୟାଃ ବୁଟା ହାରାକରେ, ଏନାରେୟାଃ ମାହୁଁରାତେ ପୁରାଃ ହଡ଼କଆଃ ଜିୟନ୍ ହବାଅଃଆ । ୧୬ ଜେତାଏ ଆପାଙ୍ଗିର୍ କାମିନିଃ ଚାଏ ମିସାଗି ଜମେ ନାଗେନ୍ତେ ଆପନାଃ ମୁଡ଼କୁଲ୍ରେୟାଃ ଆକ୍ତେୟାର୍‌କେ ଆଖରିଙ୍ଗକେଦ୍ ଏଷୌ ଲେକା କା ଧାର୍ମାନ୍ ଆଲକାଏ ହବାଅଃକା । ୧୭ ତାୟମ୍‌ତେ ଇନିଃ ଆପୁତେୟାଃ ଆଶିଷ୍ରେୟାଃ ଆକ୍ତେୟାର୍ ନାମେ ନାଗେନ୍ତେ ସାନାଙ୍ଗକେଦ୍ରେୟ, ଇନିଃ ଗେନା ଆତମ୍‌ୟାନାଏ, ପୁରାଃଚି ରାଆଃକେଦ୍ ରେୟ ଆଇଃକ୍ କାମିକାଦ୍‌ତେୟାଃ କାଏ ବାଦ୍‌ଲାଅ ଦାଡ଼ିୟାନା ।

୧୮ ଇସ୍ରାଏଲ୍ ହଡ଼କ ଲେକା ସିନାଇ ବୁରୁରେ ଜୁଲଃତାନ୍ ସେଙ୍ଗେଲ୍, କୁଲ୍‌କୁଲ୍ ନୁବାଃ, ହୁର୍ଲାସି ହୟ, ୧୯ ବିଙ୍ଗୁଲ୍ ବାଜା ସାଡ଼ି, କାଜିରେୟାଃ ସାଡ଼ି ଆପେ କାପେ ଆୟୁମ୍ । ଇସ୍ରାଏଲ୍ ହଡ଼କ ଏନ୍ ସାଡ଼ି ଆୟୁମ୍‌କେଦ୍‌ତେ, ଆତଃ କାଲେ ଆୟୁମାଃ ମେନ୍ତେ ବିକ୍ରିକିୟାକ, ୨୦ ଚିୟାଃଚି “ଜେତା ଜାଁତୁହଗି ଏନ୍ ବୁରୁକେ ଜୁଟିଦ୍‌ତାରେ, ଇନିଃକେ ଦିରିତେ ଦିଦ୍‌ଗି ଗଏଃ ଲାଗାଡ଼ିଙ୍ଗୟାଃ” ମେନ୍ତେ ଆରୁକାନ୍ ତାଇକେନା, ଏନାକେ ଇନ୍‌କୁ କାକ ସାହାଡ଼ିଙ୍ଗ ଦାଡ଼ିକେନା । ୨୧ ଏନା ନେଲଃରେ ପୁରାଃ ବରଞ୍ଜାନ୍‌ଗି ତାଇକେନା ଯେ, ମୁଶା ନାବୀ କାଜିକେଦା, “ଆଇଙ୍ଗ୍ ପୁରାଃଚିଇଙ୍ଗ୍ ବରତାନା ଆତଃ ଏକ୍ଲାଅଃତାନା ।”

୨୨ ମେନ୍ଦ ଆପେ ସିନାଇ ବୁରୁତେ, ଜାନିଦ୍ ପାର୍ମେଶ୍ୱାର୍ଆଃ ନାଗାର୍ ସିର୍ମାରେୟାଃ ଯାରୁଶାଲେମ୍‌ତେପେ ହିଜୁଃକାନା, ଅକ୍ତାଃରେଚି କା ଲେକାଦାଡ଼ିୟଃ ସିର୍ମା ଦୁଁଡ଼କ ହୁଣ୍ଡିୟଃତାନା । ୨୩ ପାର୍ମେଶ୍ୱାର୍ଆଃ ଅକନ୍ ମୁଡ଼କୁଲ୍ ହନ୍‌କଆଃ ନୁଡୁମ୍ ସିର୍ମାରେ ଅଲ୍ଲାନା, ଆପେ ଇନ୍‌କୁଆଃ ରାସ୍‌କାରେ ହୁଣ୍ଡିନ୍ ନାଗେନ୍ତେପେ ହିଜୁଃକାନା । ପାର୍ମେଶ୍ୱାର୍ ସବେନ୍‌କଆଃ ବିଚାର୍‌ନିଃ ତାନିଃ, ଆପେ ଇନିଃତାଃତେ ଆତଃ ପକ୍ତାକାନ୍ ଧାର୍ମାନ୍ ହଡ଼କଆଃ ଆମ୍ବାକତାଃତେପେ ହିଜୁଃକାନା । ୨୪ ନାଞ୍ଜା ରାଜିନାମାକେ ଠାହାରାଅକାଦ୍ ଯୀଶୁତାଃତେ ଆତଃ ନେ ହିର୍ଚିୟାକାନ୍ ମାୟୋମ୍ ହେପାଦ୍‌ତେପେ ହିଜୁଃକାନା । ଏନ୍ ହିର୍ଚିୟାକାନ୍ ମାୟୋମ୍ ହାବିଲ୍‌ଆଃ ମାୟୋମ୍‌ଏତେ ପୁରାଃଚି ବୁଗିନାଃ ତାନାଃ ।

୨୫ ଏନାତେ ଚିର୍ଗାଲ୍ଲକାନ୍ ତାଇନ୍ଦପେ, ଇନିୟାଃ କାଜିକେ ଆୟୁମ୍ ନାଗେନ୍ତେ ଆଲ୍‌ପେ ହିର୍ଚିକାଅଃଆ, ଚିୟାଃଚି ସିର୍ମାରେୟାଃ କାଜି ଅତେଦିଶ୍ୱମ୍‌ରେ ଉଦୁବକେଦ୍‌ନିଃକେ ଅକନ୍‌କ କାକ ଆୟୁମ୍‌କିୟା, ଇନ୍‌କୁ ଜେତାଏ କାକ ବାତାଅୟାନା । ଏନ୍‌ରେଦ, ନାହାଁଃ ଅକଏଚି ସିର୍ମାରେ ତାଇନ୍‌କେଦ୍‌ତେ କାଜିତାନାଏ, ଇନିଃକେ ଆବୁ କାବୁ ମାନାଡ଼ିଙ୍ଗ୍‌ରେଦ୍ ଚିନାଃ ଆବୁ ବାଞ୍ଜାଞ୍ଜେନ୍ ଦାଡ଼ିୟାବୁ ? ୨୬ ଏନ୍ ଦିପିଲିରେ ଇନିୟାଃ ଲାବ୍‌ଜା ଅତେକେ ଏକ୍ଲାଅକେଦାଏ, ମେନ୍ଦ ନାହାଁଃ ଇନିଃ ବାନାର୍‌ସା ଏମାକାଦାଏ, “ଆଇଙ୍ଗ୍ ଆତଃମିସା ଅତେକେ ଏସ୍‌କାର୍ କାହା, ମେନ୍ଦ ସିର୍ମାକେହ୍ ଏକ୍ଲାଅୟାଇଙ୍ଗ୍ ।” ୨୭ “ଆତଃମିସା” ମେନ୍ତେ କାଜିକେଦ୍ ହରାତେ ଆଟ୍‌କାର୍‌ତାନା ଯେ, ବାଇୟାକାନ୍‌ତେୟାଃ ସବେନାଃ ଏକ୍ଲାଅଃଆ ଆତଃ ଆତମ୍‌ଃଆ ଆତଃ ଅକ୍ନାଃ କା ଏକ୍ଲାଅଃଆ ଏନା ତାଇନଃଆ ।

୨୮ ଏନାତେ ଆବୁ କା ଏକ୍ଲାଅଃ ରାଇଜକେବୁ ନାମେତାନ୍ ନାଗେନ୍ତେ ଏଲା ହିଜୁଃପେ, ଆବୁ ପାର୍ମେଶ୍ୱାର୍‌କେବୁ ଜହାରିୟା ଆତଃ ବରଭାକ୍ତିତାନ୍‌ଲଃ ଆୟାଃ ସୁକୁଆନ୍ ହବାଅଃ ଲେକାରୁ ସୁସାରିୟା । ୨୯ ଚିୟାଃଚି ଆବୁଆଃ ପାର୍ମେଶ୍ୱାର୍ ଜିୟନେତାନ୍ ସେଙ୍ଗେଲ୍ ତାନିଃ ।

୧୩

ପାର୍ମେଶ୍ୱାର୍‌କେ ସୁକୁଇଚି

୧ ଶ୍ରୀଷ୍ଟିୟାନ୍ ହାଗା ମିଶିକ ମିହୁଡ଼ ଆତଃମିହୁଡ଼କେ ଦୁଲାଡ଼କାତେକ୍‌ପେ । ୨ ଆପେୟାଃ ଅତାଃତେ ହିଜୁଃତାନ୍ ହଡ଼କକେ ଦାରମ୍‌କ ନାଗେନ୍ତେ ଆଲ୍‌ପେ ରିଡ଼ିଙ୍ଗ୍‌ୟେଆ । ଚିମିନ୍ ହଡ଼କ ନେ'ଲେକା କାମିତାନ୍ ହରାତେ ବେଗାର୍ ସାରିତେ ସିର୍ମାରେନ୍ ଦୁଁଡ଼କକେ ଦାରମ୍‌କେଦ୍‌କଆକ । ୩ ଜେହେଲ୍‌କାନ୍ ହଡ଼କଲଃ ଆପେୟାଃ ଇନ୍‌କୁଲଃ ଜେହେଲ୍‌କାନ୍ ଲେକା ଉଡ଼ଃକେଦ୍‌ତେ ଇନ୍‌କୁକେ ପାହାମ୍‌କୁପେ । ଆପେୟାଃ ହାସା ହଡ଼ମ୍‌ରେନ୍ ହଡ଼କତାନ୍‌ପେ ମେନ୍ତେ ଆଟ୍‌କାର୍‌ତାନ୍‌ଲଃ ଦୁକୁହାସୁ ନାମେତାନ୍ ହଡ଼କକେ ପାହାମ୍‌କୁପେ ।

୪ ଆଶ୍‌ଦିୟାଃତେୟାଃ ସବେନ୍‌କ ନାଗେନ୍ତେ ମାଇନାନ୍ ହବାଅଃକା, ଆତଃ କଡ଼ା କୁଡ଼ି ବାରାନ୍‌କିନ୍‌ଗି ପାତିୟାର୍‌ରଃ ଲେକାକିନ୍ ହବାଅଃକା । ପାର୍ମେଶ୍ୱାର୍ ହଡ଼ମ୍‌ରାଃ ଏଡ଼କାନ୍ ସାନାଙ୍ଗ୍ କାମିତାନ୍ ଆତଃ ଆପାଙ୍ଗିର୍ କାମିତାନ୍‌କକେ ବିଚାର୍‌କଆ ।

୫ ଆପେୟାଃ ଜୀଦାନ୍‌ରେ ଟାକା ପାଏସାରାଃ ହାୟାହେତେ ସାଙ୍ଗିନ୍‌ରେ ତାଇନ୍ଦପେ, ଆତଃ ଆପେତାଃରେ ଅକ୍ନାଃ ମେନାଃ ଇମ୍‌ନାଙ୍ଗ୍‌ରେଚି ସୁକୁକେଦ୍ ତାଇନ୍ଦପେ । ଚିୟାଃଚି ପାର୍ମେଶ୍ୱାର୍ କାଜିକେଦାଏ, “ଆଇଙ୍ଗ୍ ଆମ୍‌କେ ଚିଉଲ୍‌ଲାଅ କାଇଙ୍ଗ୍ ଆତାଃମେୟାଁ, ଚି ଚିଉଲ୍‌ଲା କାଇଙ୍ଗ୍ ବାଗିମେୟାଁ ।” ୬ ଏନାତେ ଆବୁ ଜୀଉରେ କେଟେଦ୍‌କେଦ୍‌ତେ କାଜି ଦାଡ଼ିୟାବୁ,

“ପ୍ରାଭୁ ଆଇଁୟାଃ ଦେଙ୍ଗାନିଃ ତାନିଃ,
ଆଇଙ୍ଗ କାଇଙ୍ଗ ବରଏୟା ।
ହଡ଼ ଆଇଁୟାଃ ଚିନାଃ ରିକା ଦାଡ଼ିୟାଏ ?”

^୭ ଆପେୟାଃ ସିଦାରେନ୍ ଆଗୁଆଇକ ଆପେକେ ପାର୍ମେଶ୍ୱାର୍ଥାଃ କାଜିକ କାଜିକେଦପେୟା ଏନା ପାହାମେପେ । ଇନ୍କୁଆଃ ଜୀଦାନ୍ ଆଡ଼ଃ ଗନଏଃ ଚିଲ୍‌କା ହବାଲେନା ଏନା ପାହାମ୍ ରୁହାଡ଼େପେ ଆଡ଼ଃ ଇନ୍କୁଆଃ ବିଶ୍ୱାସକେ ଆପେୟାଃ ଜୀଦାନ୍‌ରେ ଅତଙ୍ଗୟେ । ^୮ ଯୀଶୁ ଖ୍ରୀଷ୍ଟ୍ ହଲ୍ଲା, ତିସିଙ୍ଗ୍, ଆଡ଼ଃ ଜାନାଅ ଜାନାଅ ଜାକେଦ୍ ମିଦ୍‌ଗି ତାଇନା । ^୯ ରାକାମ୍ ରାକାମ୍ ଏଟାଃ ଇନିଡୁଡେ ଆପେୟାଃ ବୁଗିନ୍ ହରା ଆଲକା ଆଦଃକା । ଚିୟାଃଚି ଜମ୍ ନୁଁରେୟାଃ ନିୟାମ୍ ମାନାତିଙ୍ଗ୍‌କେଦତେଦ କାହାଗି, ମେନ୍‌ଦ ପାର୍ମେଶ୍ୱାର୍ଥାଃ ସାୟାଦତେ ମନ୍‌ସୁରୁଦ୍‌ରେୟାଃ ପେଡ଼େଃ ନାମେତେୟାଃ ବୁଗିନାଃ ତାନାଃ । ଅକନ୍‌କ ଜମ୍ ନୁଁରେୟାଃ ନିୟାମ୍ ମାନାତିଙ୍ଗ୍ ତାନାକ, ଇନ୍କୁଆଃ ଜେଡ଼ନାଃ ବୁଗିନାଃ କା ହବାକାନା ।

^{୧୦} ଆବୁଆଃ ମିଆଁଦ୍ ଦାଣେଁ ରାକାବ୍‌ରେୟାଃ ବେଦି ମେନାଃ, ଏନାରେ ତାଇନାକାନ୍ ଜମେୟାଃ ଜମ୍ ନାଗେନ୍ତେ ଯିହୁଦୀକଆଃ କୁମ୍‌ଗାରେ ସୁସାର୍‌ତାନ୍ ଯାଜାକ୍‌କଆଃ ଆକ୍‌ତେୟାର୍ ବାନଃଆ । ^{୧୧} ଯିହୁଦୀ ମାରାଙ୍ଗ୍ ଯାଜାକ୍ ଜାଁତୁରାଃ ମାୟୋମ୍‌କେ ପାପ୍‌ରେୟାଃ ଦାଣେଁ ରାକାବ୍ ନାଗେନ୍ତେ ପୁରାଃ ପାବିତାର୍ ଠାୟାଦତେ ଆଉଇୟା, ମେନ୍‌ଦ ଏନ୍ ଜାଁତୁରାଃ ହଡ଼ମକେ କୁମ୍‌ଗାରେୟାଃ ବାହାରି ଇଦିକେଦତେ ସେଙ୍ଗେଲ୍‌ରେ ଉରୁବଃଆ । ^{୧୨} ଏନ୍‌ଲେକାଗି ଯୀଶୁହ୍ ଆୟାଃ ମାୟୋମ୍‌କେ ହଡ଼କକେ ପାପ୍‌ହେତେ ଫାର୍‌ଚିକ ନାଗେନ୍ତେ ନାଗାର୍‌ରେୟାଃ ବାହାରିରେ ଗଏଃୟାନା । ^{୧୩} ଏନାତେ ଦଲ୍ଲାରୁ, ଆବୁହ୍ ଆୟାଃ ଲେକାଗି ଆବୁକେ ଲାନ୍‌ଦାବୁଡେୟାଃକ ସାହାତିଙ୍ଗ୍‌କେଦତେ ନାଗାର୍‌ରେୟାଃ ବାହାରି କୁମ୍‌ଗାତେ ଆୟାଃ ହେପାଦତେବୁ ସେନା । ^{୧୪} ଚିୟାଃଚି ନେ ଅତେଦିଶୁମ୍‌ରେ ଆବୁ ନାଗେନ୍ତେ ସବେନ୍ ହୁଲ୍ଲାଙ୍ଗ୍ ନାଙ୍ଗ୍ ଜେତା ନାଗାର୍ ବାନଃଆ, ମେନ୍‌ଦ ଆବୁ ନାଙ୍ଗ୍ ଅକ ନାଗାର୍ ହିଜୁଃ ଦିପିଲିକରେ ବାୟୁଃଆ, ଏନ୍ ନାଗାର୍‌କେବୁ ନେଲ୍‌ହରାତାନା । ^{୧୫} ଏନାତେ ହିଜୁଃପେ, ଆବୁ ଯୀଶୁଆଃ ହରାତେ ପାର୍ମେଶ୍ୱାର୍ଥାଃ ନୁଡୁମ୍‌ରେ ଆବୁଆଃ ସାହାରାଅ ଦାଣେଁବୁ ରାକାବେୟା । ନେ ଦାଣେଁ ଆବୁଆଃ ଲାତଡାତେ ଯୀଶୁକେ “ପ୍ରାଭୁ” ମେନ୍ତେ ମାରାଙ୍ଗ୍‌ଇତାନା । ^{୧୬} ଏଟାଃକଆଃ ବୁଗିନାଃ କାମି ନାଗେନ୍ତେ ଆଡ଼ଃ ଇନ୍କୁକେ ଦେଙ୍ଗାକ ନାଗେନ୍ତେ ଆଲ୍‌ପେ ଚିଡ଼ିଙ୍ଗ୍‌ୟେଆ, ଚିୟାଃଚି ନେ ସବେନାଃଚି ପାର୍ମେଶ୍ୱାର୍ଥାଃ ସୁକୁଆନ୍ ଦାଣେଁ ତାନାଃ ।

^{୧୭} ଆପେୟାଃ ଆଗୁଆଇକଆଃ କାଜି ମାନାତିଙ୍ଗ୍‌ପେ ଆଡ଼ଃ ଆକଆଃ କାଜି ଆୟୁମେପେ । ଇନ୍କୁ ହର ହଡ଼ଲେକା ବେଗାର୍ ରୁଡ଼ୁକେଦତେ ଆପେୟାଃ ଜୀଉକ ହରତାନା, ଚିୟାଃଚି ଇନ୍କୁକେ ପାର୍ମେଶ୍ୱାର୍ତାଃରେ ଆକଆଃ କାମିରେୟାଃ ହିସାବ୍ ଏମ୍ ଲାଗାତିଙ୍ଗ୍‌ୟାଃ । ଆପେ ଇନ୍କୁକେ ମାନାତିଙ୍ଗ୍‌କରେଦ, ଇନ୍କୁ ସୁକୁମ୍‌ନତେ ଆକଆଃ କାମିକ କାମିୟା, ମେନ୍‌ଦ ଆପେ କାପେୟାଃରେଦ, ଇନ୍କୁ ଦୁକୁ ମନ୍‌ଡେକ କାମିୟା, ଆଡ଼ଃ ଏନାରେ ଆପେୟାଃ ନାଙ୍ଗ୍ ଜେତାନ୍ ବୁଗିନାଃ କା ହବାଅଃଆ ।

^{୧୮} ଆଲେ ନାଗେନ୍ତେ ବିକ୍ରିକାତେପେ । ଆଲେୟାଃ ବିବେକ୍ ନିରାଲ୍‌ଗିୟା, ଏନା ସାର୍‌ତି ତାନାଃ, ଚିୟାଃଚି ଆଲେ ସବେନ୍ ଇମ୍‌ତା ବୁଗିନ୍ ଚାଇଲ୍ ଚାଇଲ୍ ରିକା ନାଗେନ୍ତେଲେ ସାନାଙ୍ଗ୍ ତାନା । ^{୧୯} ଆଡ଼ଃ ପାର୍ମେଶ୍ୱାର୍ ଆଇଙ୍ଗ୍‌କେ ଆପେତାଃତେ ଜାଲ୍‌ଦିଗି କୁଲ୍‌ତାଇଙ୍ଗ୍‌କା ମେନ୍ତେ ବିକ୍ରିପେ । ଆଇଙ୍ଗ୍ ନେଆଁ ଆପେତାଃରେ ଆଇଁୟାଃ ମନ୍‌ସୁରୁଦ୍‌ତେଇଙ୍ଗ୍ ବିକ୍ରିତାନା ।

ରୁଣ୍ଡୁ ବିକ୍ରି

^{୨୦} ଅକଏଚି ଆୟାଃ ଗନଏଃ ହରାତେ ମିଶ୍ରିକଆଃ ମାରାଙ୍ଗ୍ ମିଶ୍ରିଗୁପିନିଃ ହବାକାନାଏ, ଆବୁଆଃ ଜୀଉସୁକୁ ଏମଃନିଃ ପାର୍ମେଶ୍ୱାର୍ ଏନ୍ ପ୍ରାଭୁ ଯୀଶୁକେ ଗନଏଃହେତେ ଜୀଉବିରିଦ୍‌କିୟାଏ । ଏନ୍ ଯୀଶୁଆଃ ଗନଏଃରେୟାଃ ମାୟୋମ୍‌କେ ମିଆଁଦ୍ ଜାନାଅ ଜାନାଅ ତାଇନଃ ରାଜିନାମାରାଃ ମୋହର୍ ଏମାକାନା । ^{୨୧} ଜୀଉସୁକୁ ଏମଃନିଃ ପାର୍ମେଶ୍ୱାର୍, ଆୟାଃ ସାନାଙ୍ଗ୍ ଲେକା କାମି ନାଗେନ୍ତେ ଆପେକେ ଆପେୟାଃ ଲାଗାତିଙ୍ଗ୍ ଲେକା ସବେନ୍ ବୁଗିନାଃତେୟାଃକଏ ଏମାପେକା, ଆଡ଼ଃ ଯୀଶୁ ଖ୍ରୀଷ୍ଟ୍‌ଆଃ ହରାତେ ଆବୁଆଃ ଜୀଦାନ୍‌ରେ ଇନିୟାଃ ସୁକୁଆନ୍ କାମିକ ହବାଅଃକା । ଆଡ଼ଃ ଜାନାଅ ଜାନାଅ ଖ୍ରୀଷ୍ଟ୍‌ଆଃ ମାନାରାଙ୍ଗ୍ ହବାଅଃକା ! ଆମେନ୍ ।

ରୁଣ୍ଡୁ କାଜି

^{୨୨} ହେ ହାଗା ମିଶିକ, ଆଇଙ୍ଗ୍ ବିକ୍ରିପେ ତାନାଇଙ୍ଗ୍, ଆଇଁୟାଃ ନେ ହୁଡ଼ିଙ୍ଗ୍ ଲେକାନ୍ ଅନଲ୍ କାଜିକେ ଧ୍ୟାନ୍ ଏମ୍‌କେଦତେ ଆୟୁମେପେ । ଆଇଙ୍ଗ୍ ଆପେକେ ଜୀଉରେ ରାସକାପେ ନାଗେନ୍ତେ ନେଆଁଇଙ୍ଗ୍ ଅଲ୍‌କାଦା । ^{୨୩} ଆପେ ସାରିପେ ମେନ୍ତେଇଙ୍ଗ୍ ସାନାଙ୍ଗ୍‌ତାନା ଯେ, ଆବୁଆଃ ହାଗା ତୀମଥ୍ ଜେହେଲ୍‌ହେତେ ଅତଙ୍ଗ୍‌ଆଁକାନା, ଇନିଃ ଜାଲ୍‌ଦି ହିଜୁଃରେଦ, ଆଇଙ୍ଗ୍ ଆୟାଃଲଃ ମିସାତେ ଆପେତାଃତେ ନେପେଲ୍ ନାଗେନ୍ତେଇଙ୍ଗ୍ ହିଜୁଃଆ ।

^{୨୪} ଆପେୟାଃ ସବେନ୍ ଆଗୁଆଇକକେ ଆଡ଼ଃ ପାର୍ମେଶ୍ୱାର୍ଥାଃ ହଡ଼କକେ ଆଲେୟାଃ ଜହାର୍ ଉଦୁବାକପେ । ଇଟାଲି ଦିଶୁମ୍‌ହେତେ ହିଜୁଃକାନ୍ ହାଗାକ ଆପେକେହଗି ଜହାର୍ ମେନ୍ତେକ କାଜିକୁଲେତାନା ।

^{୨୫} ପାର୍ମେଶ୍ୱାର୍ଥାଃ ସାୟାଦ୍ ଆପେ ସବେନକଲଃ ହବାଅଃକା ।

ଯାକୁବଙ୍କ ଲିଖିତ ପତ୍ର ଯାକୁବ୍ ଅଲ୍ଲାକାଦ୍ ଚିଟାଉ ପାରିବାଏ

ଯାକୁବ୍ ପୁଅ ଯାକୁବ୍ ନୁହେଁମତେ ସାରିୟାତାନ୍ ମିଆଁଦ୍ ହଡ଼ ଅଲ୍ଲାକାଦାଏ । ହବାସାକାଅଆଃ ନେ ଯାକୁବ୍ ଯ1ଶୁ ଖ୍ରୀଷ୍ଟିଆଃ ହାଗାତେ ତାଇକେନା, ଅକଏଚି ଏନେଟେଦ୍ କାଲିସିୟାରେନ୍ ମିଆଁଦ୍ ଆଗୁଆଇ ଆତଃ ଯ1ରୁଶାଲେମ୍ ପାଞ୍ଚେଟ୍ରେନ୍ ହଡ଼ ତାଇକେନାଏ ପ୍ରେରିଡ୍ ୧୫:୧୩ । ପ୍ରେରିଡ୍ ପାଉଲୁସ୍‌ହଗି ଯାକୁବ୍‌କେ କାଲିସିୟାରେନ୍ ଖୁଣ୍ଟୁ ମେନ୍ତେ କାଜିୟା ଗାଲାତିୟ 9:୯ ।

ଯାକୁବ୍ ପୁଅ ଯ1ଶୁ ଖ୍ରୀଷ୍ଟିଆଃ ଜାନାମ୍‌ରେୟାଃ ୫୦ ବାରାଷ୍ଟ ତାୟମତେ ଅଲ୍ଲାକାନା ମେନ୍ତେ ବାଇବାଲ୍ ପାଣ୍ଡିଡ୍‌କ ବିଶ୍ୱାସ୍ ରିକାଃକ । ଯାକୁବ୍ ଯ1ରୁଶାଲେମ୍‌ରେନ୍ ଆଗୁଆଇ ତାଇକେନାଏ, ଏନାତେ ହବାସାକାଅଆଃ ଇନିଃ ଏନ୍ତାଃରେ ତାଇନ୍‌ତାନ୍ ଇମ୍‌ତା ଇନିଃ ନେ ପୁଅ ଅଲ୍ଲାକାଦ୍ ତାଇକେନାଏ ।

ଯାକୁବ୍ ଅତେଦିଶୁମ୍‌ରେ ଛିତିବିତିକାନ୍ ଗେଲ୍‌ବାର୍ କିଲିକଆଃ ବିଷାଏରେ ଆୟାଃ ପୁଅରେ ଉଦୁବାକାଦା ଯାକୁବ ୧:୧ । ଯାକୁବ୍ ପୁଅରେୟାଃ ଇନିତୁ ସବେନ୍ ଖ୍ରୀଷ୍ଟିୟାନ୍‌କଆଃ ନାଗେନ୍ତେ ଲାଗାତିଙ୍ଗ୍ ତାନା । ମେନ୍ଦ୍ “ଗେଲ୍‌ବାର୍ କିଲିକ” ମେନ୍ତେ କାଜିକାନ୍ କାଜି, ହବାସାକାଅଆଃ ଯାକୁବ୍ ଯିହୁଦୀ ଖ୍ରୀଷ୍ଟିୟାନ୍‌କକେ ଅଲ୍ଲାକାଦ୍‌କଆ । ଚିଆଃଚି ନେ ପୁଅ ପୁରାଃ ପାଢ଼ାଅଃତାନ୍ ହଡ଼କତାଃତେ ସେଟେରେ ନାଗେନ୍ତେ ତାଇକେନା, ନେଆଁରେ ପୁରାଃ ବିଷାଏକ ଅଲ୍ଲାକାନା । ଯାକୁବ୍ ବିଶ୍ୱାସ୍ ଆତଃ କାମିରେୟାଃ ଚେତାନ୍‌ରେ କାଜିକାଦା ଯେ, ସାର୍‌ତି ବିଶ୍ୱାସ୍ କାମିରେ ଉଦୁବଃଆ 9:୧୭ । ଇନିଃ କିସାଁଶ୍ ହଡ଼କକେ ଏସ୍କାର୍ ମାଇନ୍ ଏମାକ ବିଷାଏରେ ଚେତାଅ କାଜି କାଜିକାଦା 9:୧-୪ । ଆତଃ ଆବୁକେ ଉଦୁବ୍‌ବୁ ତାନା ଯେ, ଆବୁ ଜାଗାର୍‌ତାନ୍ ବିଷାଏରେ ଚିର୍ଗାଲ୍‌କାନ୍‌ବୁ ତାଇନା ୩:୧-୧9 ।

ପୁଅ ଭିତରରେ ଅଲ୍ଲାକାନ୍ କାଜି

- ୧. ଯାକୁବ୍ ଆୟାଃ ପାଢ଼ାଅତାନ୍‌କକେ ଜହାର୍ ମେନ୍ତେ କାଜିକତାନାଏ । ୧:୧
- ୨. ଇନିଃ ଖ୍ରୀଷ୍ଟିୟାନ୍‌କକେ ଦୁକୁ ଇମ୍‌ତା ଧିରାଜ୍ ସାବ୍‌କେଦ୍‌ତେ ତାଇନ୍ ନାଗେନ୍ତେ ଜୀଉରେ କେଟେଦ୍ ଏମାକତାନାଏ । ୧:9-99
- ୩. କାମି ହରାତେ ଚିଲ୍‌କା ବିଶ୍ୱାସ୍‌କେ ଉଦୁବ୍ ଲାଗାତିଙ୍ଗ୍‌ୟାଃ ଏନ୍ ବିଷାଏରେ କାଜିକାଦା । 9:୧-99
- ୪. ବାଚାନ୍ ଚିଲ୍‌କା ପେଡେୟାନ୍ ହବାଅଃଆ ଏନା ଇନିଃ କାଜିକାଦାଏ । ୩:୧-୧9
- ୫. ଯାକୁବ୍ ଅତେଦିଶୁମ୍‌ରେୟାଃ ସେଣାଁ ପାର୍‌ମେଶ୍ୱାର୍‌ଆଃ ସେଣାଁ ଲେକା ନାହାଁଲାଃ ମେନ୍ତେ କାଜିକାଦା । ୩:୧୩-୪:୧୦
- ୬. ପାଢ଼ାଅତାନ୍ ହଡ଼କକେ ଆପାନ୍‌କେ ମାରାଙ୍ଗ୍ ମେନ୍ତେ ଆଲପେ କାଜିନ୍ ମେନ୍ତେ ଚେତାଅକ ତାନା । ୪:୧୧-୫:9
- ୭. ଚୁଣ୍ଡୁରେ ଯାକୁବ୍ ଚିମିନ୍ ହୁପ୍‌ତିଙ୍ଗ୍ ଇନିତୁକ ଏମ୍‌କେଦ୍‌ତେ ଆୟାଃ ଅନଲ୍ ଚାବାକେଦାଏ । ୫:9-90

ଜହାର୍

୧*ଆଇଙ୍ଗ୍ ଯାକୁବ୍ ପାର୍‌ମେଶ୍ୱାର୍‌ଆଃ ଆତଃ ପ୍ରାଭୁ ଯ1ଶୁ ଖ୍ରୀଷ୍ଟିଆଃ ଦାସି ତାନିଙ୍ଗ୍, ଗଟା ଅତେଦିଶୁମ୍‌ରେ ଛିତିବିତିକାନ୍ ପାର୍‌ମେଶ୍ୱାର୍‌ଆଃ ହଡ଼କକେ ଜହାର୍ କାଜିତାନ୍‌ଲଃ ନେ ଚିଟାଉ ଅଲେତାନାଇଙ୍ଗ୍ ।

ବିଶ୍ୱାସ୍ ଆତଃ ସେଣାଁ

୨ ହେ ଆଇଁୟାଃ ହାଗା ମିଶିକ, ଜୀଦାନ୍‌ରେୟାଃ ସେସେନ୍ ହରାରେ ଚିମିନ୍ ରାକାମ୍‌ରେୟାଃ ବିନିଡ଼ାଅ ହିଜୁଃରେଦ୍, ଏନାକେ ରାସ୍କାରେୟାଃ ବିଷାଏ ତାନାଃ ମେନ୍ତେ ଆଟ୍‌କାରେପେ । ୩ ଚିୟାଃଚି ଆପେ ସାରିତାନାପେ, ନେ'ଲେକାନ୍ ବିନିଡ଼ାଅ ହିଜୁଃତାନ୍ ଇମ୍‌ତା ବିଶ୍ୱାସ୍‌ରେ କେଟେଦ୍ ତାଇନଃରେ, ଆପେୟାଃ ସାହାତିଙ୍ଗ୍‌ରେୟାଃ ପେଡେଃ ହାରାଇଦିୟାଆ । ୪ ଆପେ ଚୁଣ୍ଡୁ ଜାକେଦ୍ ସାହାତିଙ୍ଗ୍‌କେଦ୍‌ତେପେ ତାଇନଃରେଦ୍, ଜେତାନ୍ ବିଷାଏରେ କା ଜାଞ୍ଜିକେଦ୍‌ତେ ପକ୍‌ତା ଆତଃ ପୁରାକେଦ୍‌ତେପେ ତାଇନାଃ । ୫ ମେନ୍ଦ୍ ଆପେକଏତେ ଜେତାଏ ସେଣାଁରେ ଜାଞ୍ଜିକାନ୍‌ରେଦ୍, ଇନିଃ ପାର୍‌ମେଶ୍ୱାର୍‌ତାଃରେ ବିକ୍ରିକା, ଏନାରେ ପାର୍‌ମେଶ୍ୱାର୍ ଇନିଃକେ ସେଣାଁଏ ଏମାଲ୍‌ୟା, ଚିୟାଃଚି ପାର୍‌ମେଶ୍ୱାର୍‌ଦ୍ ବେଗାର୍ ହିଡ଼କିତାଅକେଦ୍‌ତେ ଆତଃ ଲେବେଃ ମନ୍‌ତେ ସବେନ୍‌କକେ ଏମାଃଏ । ୬ ମେନ୍ଦ୍ ଆପେ ବିକ୍ରି ଇମ୍‌ତା, ବେଗାର୍ ଆତଃଉଡ଼ୁକେଦ୍‌ତେ ବିଶ୍ୱାସ୍‌ତାନ୍‌ଲଃ ବିକ୍ରିପେ । ଆତଃଉଡ଼ୁକେଦ୍‌ତେ ବିକ୍ରିତାନ୍‌ନିଃ, ହୟତେ କା ଆବର୍‌ଅଃ ଦରେୟାରେୟାଃ ଆଲ୍‌ପୁଙ୍ଗ୍ ଲେକାଃଏ । ୭ ଏନ୍‌ଲେକାନ୍ ହଡ଼ଦ୍, ପ୍ରାଭୁତାଏତେ ଜେଡ଼ନାଃ ନାମେୟାଃଏ ମେନ୍ତେ ଆଲକାଏ ଉଡ଼ୁଗେକା, ୮ ଚିୟାଃଚି ଇନିଃଦ୍ ବାରିଆ ମନ୍‌ରେନ୍ ହଡ଼ତାନିଃ, ଏନାତେ ଇନିଃ ଆୟାଃ ଉହାଟ୍‌କାଦ୍‌ତେୟାଃ କାଏ ରିକା ଦାଡ଼ିୟା ।

କିସାଁଶ୍ ଆତଃ ଗାରିବ୍

* ୧:୧ ୧:୧ ମାଥୁର ୧୩:୫୫; ମାର୍କ 9:୩; ପ୍ରେରିଡ୍ ୧୫:୧୩; ଗାଲାତିୟ ୧:୧୯.

୯ ଗାରିବ୍ ଖ୍ରୀଷ୍ଟ ବିଶ୍ୱାସୀ ହାଗାକକେ ପାର୍ମେଶ୍ୱାର୍ ଇନ୍‌କୁଆଃ ଜୀଦାନ୍‌ରେ ହାରାଈଦିକ ଇମ୍‌ତା ଇନ୍‌କୁ ରାସ୍‌କାଅଃକାକ, ୧୦ ଆଡଃ କିସାଁଣ୍ ଖ୍ରୀଷ୍ଟ ବିଶ୍ୱାସୀକକେ ପାର୍ମେଶ୍ୱାର୍ ଲାତାରରେ ଉୟ୍‌ଃକ ଇମ୍‌ତା ଇନ୍‌କୁ ରାସ୍‌କାଅଃକାକ । ଚିଆଃଚି ଇନ୍‌କୁଆଃ କିସାଁଣ୍‌ତେୟାଃ ତାସାଦ୍ ବାହା ଲେକା ନୁରକେନଃଆ । ୧୧ ସିଙ୍ଗି ରାଁପ୍‌ରେୟାଃ ଲଲ ହୟ୍‌ତେ ତାସାଦ୍ ରହଡ଼କଆଃ, ଆଡଃ ଏନାରେୟାଃ ବାହା ନୁରକଆଃ ଏନ୍ତେ ଏନାରେୟାଃ ସୁଗାଡ଼ାନ୍‌ତେୟାଃ ଜିୟ୍‌ନକଆଃ । ଏନ୍‌ଲେକାଗି, କିସାଁଣ୍ ହଡ଼ହ୍ ଆୟାଃ ସବେନ୍ କାଜିକାମିରେୟାଃ ଭିଡ଼ରେ ମୁସିଙ୍ଗ୍ ହୁଲାଙ୍ଗ୍ ଜିୟ୍‌ନଃଆଏ ।

ବିନିତାଅ ଆଡଃ ଲାଲାଡ଼

୧୨ ବିନିତାଅରେ ସାହାତିଙ୍ଗ୍‌ତାନ୍ ହଡ଼କ ସୁକୁତାନ୍‌ଗିୟାକ, ଚିୟାଃଚି ନେ ଲେକାନ୍ ବିନିତାଅରେ ଜିତାଅଃରେଦ୍, ପାର୍ମେଶ୍ୱାର୍ ଅକ ଜୀଦାନ୍ ଏମ୍ ନାଗେନ୍ତେ ଆଇଃକକେ ଦୁଲାଡ଼ିତାନ୍ ହଡ଼କକେ ବାନାର୍‌ସା ଏମାକାଦକଆଏ, ଇନ୍‌କୁ ଏନାକେ ମୁକୁଟ୍ ଲେକାକ ନାମେୟାଃ । ୧୩ ଜେତା ହଡ଼ ବିତାଅରେ ଉୟ୍‌ଗଃରେ, “ଆଇଁୟାଃ ନେ ବିତାଅ ପାର୍ମେଶ୍ୱାର୍ ସାଃଏତେ ହିନ୍ଦୁଆକାନା” ମେନ୍ତେ ଆଲକାଏ କାଜିକା, ଚିୟାଃଚି ପାର୍ମେଶ୍ୱାର୍ ଏଡ଼କାନାଃତେ କାଏ ବିତାଅ ଦାଡ଼ିୟାଃଆଃ, ଆଡଃ ଇନିଃ ଜେତାଏକେ କାଏ ବିତାଅକଆ । ୧୪ ମେନ୍‌ଦ୍ ଜେତା ହଡ଼ ଆୟାଃ ଏଡ଼କାନ୍ ସାନାଙ୍ଗ୍‌ରେ ତାଇନ୍‌କେଦ୍‌ତେ ବିତାଅରେ ଉୟ୍‌ଗଃଆ । ୧୫ ଏଡ଼କାନ୍ ସାନାଙ୍ଗ୍‌ରେୟାଃ ହାମ୍‌ଗାଲ୍‌ରୋଝାଏତେ ପାପ୍ ସିରଜାଅଃଆ ଆଡଃ ଏନ୍ ପାପ୍ ପୁରା ହାରାଈଦିକେନଃରେ ଗନ୍‌ଏଃ ହବାଅଃଆ ।

୧୬ ହେ ଦୁଲାଡ଼୍ ହାଗା ମିଶିକ, ଆଲପେ ବେଦାଅଃଆ । ୧୭ ସବେନ୍ ବୁଗିନ୍ ବାର୍‌ଦାନ୍ ଆଡଃ ସବେନାଃଏତେ ପୁରାଃ ବୁଗିନ୍ ଦାନ୍ ସିର୍ମାରେନ୍ ଆପୁ ପାର୍ମେଶ୍ୱାର୍‌ତାଃଏତେଗି ହିନ୍ଦୁଃଆ । ଇନିଃ ସିର୍ମାରେ ମାର୍‌ସାଲେତାନ୍ ସିଙ୍ଗି, ଚାଣ୍ଡୁ, ଇପିଲକକେ ବାବାଇନିଃ ତାନିଃ । ଇନିଃ ଉମ୍‌ଲୁ ଲେକା ବାଦ୍‌ଲାଅଃନିଃ ନାହାଁଲିଃ । ୧୮ ଗଟା ଅତେଦିଶୁମ୍‌ରେ ଆଇଃକ ବାଇୟାକାଦ୍ ଜାଁଡ଼ୁକଆଃ ଆଲାରେ ଆବୁ ଜେ'ଲେକା ପାହିଲା ଠାୟାଦ୍‌ରେବୁ ତାଇନା, ଏନାମେନ୍ତେ ଇନିଃ ଆୟାଃ ଇଛାସାନାଙ୍ଗ୍‌ରେ ସାର୍‌ତି କାଜିତେ ଆବୁକେ ବାଇୟାକାଦ୍‌ବୁଆ ।

ଆୟୁମ୍ ଆଡଃ କାମିରିକା

୧୯ ଆଇଁୟାଃ ଦୁଲାଡ଼୍ ହାଗା ମିଶିକ, ନେଆଁ ପାହାମେପେ, ଆପେ ସବେନ୍‌କ ଆୟୁମ୍ ନାଗେନ୍ତେ ଏୟନାକାନ୍‌ପେ, ମେନ୍‌ଦ୍ ସୁଆଏତେ ଜାଗାର୍ ନାଙ୍ଗ୍ ଆଡଃ ସୁଆଏତେ ଖୁସ୍‌ଅଃ ନାଗେନ୍ତେ ହବାଅଃପେ । ୨୦ ଚିୟାଃଚି ହଡ଼ଆଃ ଖୁସ୍ ହରାତେ ପାର୍ମେଶ୍ୱାର୍‌ଆଃ ଇଛା ଧାର୍‌ମାନ୍ କାଏ ରିକାଦାଡ଼ିୟା । ୨୧ ଏନାମେନ୍ତେ ସବେନ୍ ଲେକାନ୍ ଏଡ଼କାନ୍ ଗିନିକାନ୍‌ତେୟାଃକ ଆଡଃ ଏଡ଼କାନ୍ ଚାଇଲ୍ ଚାଲାନ୍ କାମିକ ବାଗିପେ । ଆପାନ୍‌କେ ପାର୍ମେଶ୍ୱାର୍‌ତାଃରେ ଜିମାକେଦ୍‌ତେ, ଆପେୟାଃ ମନ୍‌ସୁରୁଦ୍‌ରେ ଇନିଃ ଅକ ବାଚାନ୍ ହେରାକାଦାଏ, ଏନାକେ ତେଲାଏପେ । ଏନା ଆପେକେ ବାଞ୍ଛାଅ ଦାଡ଼ିୟାପେୟା ।

୨୨ ଆପେ ଆପାନ୍‌କେ ଆଲପେ ବେଦାନାଃ । ଇନିୟାଃ ବାଚାନ୍ ଏସ୍‌କାର୍ ଆୟୁମ୍‌ଲେରେ କା ହବାଅଃଆ ମେନ୍‌ଦ୍ ଏନ୍ ବାଚାନ୍ ଲେକାତେ କାମି ରିକା ଲାଗାଡ଼ିଙ୍ଗ୍‌ୟାଃ । ୨୩ ଅକ ହଡ଼ ପାର୍ମେଶ୍ୱାର୍‌ଆଃ କାଜି ଏସ୍‌କାର୍ ଆୟୁମାଃଏ, ଚାଏ ଆୟୁମ୍‌କେଦ୍‌ତେ କାଏ କାମିୟାଃ, ଇନିଃ ଆଏନାରେ ଆୟାଃ ମେଦ୍‌ମୁହାଁଡ଼୍ ନେଲେତାନ୍ ହଡ଼ ଲେକାଃଏ । ୨୪ ଇନିଃଦ୍ ବୁଗିଲେକା ଆୟାଃ ମେଦ୍‌ମୁହାଁଡ଼୍‌କେ ଆଏନାରେ ନେଲେନା, ମେନ୍‌ଦ୍ ଇନିଃ ଏନ୍ତାଃଏତେ ଅଡ଼ଙ୍ଗ୍‌ୟାନ୍‌ତେ ଆୟାଃ ଆପନାଃ ମେଦ୍‌ମୁହାଁଡ଼୍‌କେ ଇମ୍‌ତାଗି ରିଡ଼ିଙ୍ଗ୍‌ତାଃ । ୨୫ ମେନ୍‌ଦ୍ ହଡ଼ରାଃ ଜାଉବାଞ୍ଛାଅ ନାଗେନ୍ତେ ମିଆଁଦ୍ ପୁରା ପକ୍‌ତାକାନ୍ ଆନ୍‌ତୁ ମେନାଃ । ଜେତାଏ ଏନା ଆୟୁମ୍‌କେଦ୍‌ତେ କାଏ ରିଡ଼ିଙ୍ଗ୍‌ୟେଆ ଆଡଃ ଆୟାଃ ନାଗେନ୍ତେ ପୁରା ମନ୍‌ସୁରୁଦ୍‌ରେ ମିଦ୍‌ମନ୍‌ତେ ଏନାକେ ମାନାଡ଼ିୟେରେଦ୍, ପାର୍ମେଶ୍ୱାର୍ ଇନିୟାଃ ସବେନ୍ କାମିରେ ଆଶିଷ୍ ଏମାଇୟାଃ ।

୨୬ ଜେତାଏ ଚିନାଃ ଆପାନ୍‌କେ ଧାର୍‌ମାନ୍ ମେନ୍ତେ ଆର୍‌କାରେନ୍ ତାନା ? ଇନିଃ ଆୟାଃ ଆଲାଙ୍ଗ୍‌କେ ଆବର୍‌ରେ କାଏ ଦହ୍ ଦାଡ଼ିତାନ୍‌ରେଦ୍, ଇନିୟାଃ ଧାରାମ୍ କାମିକ ସବେନାଃ ସାମାତାନାଃ ଆଡଃ ଇନିଃ ଆପନାଃ ମନ୍‌କେ ବେଦାତାନା । ୨୭ ଟୁଆର୍ ହନ୍‌କଆଃ ଆଡଃ ରାଣ୍ଡିକଆଃ ନାରାଦୁରା ଇମ୍‌ତାଙ୍ଗ୍ ଯାଡ଼ନାଅ ଇଦିକେଦ୍‌ତେ, ଅତେଦିଶୁମ୍‌ରେୟାଃ ଏଡ଼କାନାଃଏତେ ଆପାନ୍‌କେ ବେଗାର୍ ଦାଗିକେଦ୍‌ତେ ଦହ୍‌ତେୟାଃଚି, ଆବୁଆଃ ଆପୁ ପାର୍ମେଶ୍ୱାର୍‌ଆଃ ଆୟାର୍‌ରେ ପୁରାଃ ଫାର୍‌ତିୟାନ୍ ଆଡଃ ସୁଗାଡ଼ାନ୍ ଧାର୍‌ମାନ୍ କାମି ତାନାଃ ।

୨

ମେଦ୍‌ମୁହାଁଡ଼୍ ନେଲ୍‌ରେୟାଃ କାଜି

୧ ହେ ଆଇଁୟାଃ ହାଗା ମିଶିକ, ଆବୁଆଃ ମାନାରାଙ୍ଗ୍ ପ୍ରାଭୁ ଯୀଶୁ ଖ୍ରୀଷ୍ଟତାଃରେ ବିଶ୍ୱାସ୍‌କାଦ୍ ହରାତେ, ଆପେ ହଡ଼କଆଃ ମେଦ୍‌ମୁହାଁଡ଼୍ ନେଲ୍‌କେଦ୍‌ତେ ଆଲପେ ସୁସାର୍‌କଆ । ୨ ହବାସାକାଅଆଃ, ଆପେୟାଃ ସାମାଜ୍ ଅଡ଼ାଃତେ ଜେତାଏ ମିହୁଡ଼୍ ସୋନାରେୟାଃ ମୁଦାମ୍ ଆଡଃ ଗନଙ୍ଗ୍‌ଆଁନ୍ ଲିଜାଃ ତୁସିଙ୍ଗ୍‌କେଦ୍‌ତେ ହିନ୍ଦୁଃରେ ଆଡଃ ଏଗାଃ ମିହୁଡ଼୍ ହୁମୁ ଲିଜାଃ ଆଡଃ ଚେଟାଃ ଲିଜାଃ ତୁସିଙ୍ଗ୍‌କେଦ୍‌ତେ ହିନ୍ଦୁଃ ଇମ୍‌ତା, ୩ ଆପେ ଗନଙ୍ଗ୍‌ଆଁନ୍ ଲିଜାଃ ତୁସିଙ୍ଗ୍‌ୟାକାନ୍ ହଡ଼କେ ପୁରାଃଚି ମାଇନ୍‌କେଦ୍‌ତେ “ନେତାଃ ଦେଲା ନେ ବୁଗିନ୍ ଠାୟାଦ୍‌ରେ ଦୁର୍‌ମେଁ ମେନ୍ତେପେ କାଜିୟା,” ମେନ୍‌ଦ୍ ମିଆଁଦ୍ ଗାରିବ୍ ହଡ଼କେ, “ଜୁ ଏନ୍ତାଃରେ ଡିଙ୍ଗ୍‌ନ୍‌ମେଁ, ଚାଏ ଏନ୍ ଅତେ ଲାତାରରେ ଦୁର୍‌ମେଁ” ମେନ୍ତେପେ କାଜିୟା, ୪ ଏନ୍‌ରେଦ୍ ଆପେ

ଆପେୟାଃ ଆଲ୍ଲାରେ ମାରାଙ୍ଗ ହୁଡ଼ିଙ୍ଗ୍ରେୟାଃ ଭେଦ୍ଭାବ୍ ରିକାଏତାନାପେ ଆତଃ ଏଡ଼କାନ୍ ଉଡ଼ଃତାନଲଃ ମେଦ୍ମୁହାଁଡ଼୍ ନେଲ୍ଲକେଦ୍ତେପେ ବିଚାର୍ତାନା ।

* ହେ ଆଇଁୟାଃ ଦୁଲ୍ଲାଡ଼୍ ହାଗା ମିଶିକ ଆୟୁମେପେ, ପାର୍ମେଶ୍ୱାର୍ ତିନାଃ ନେ ଅତେଦିଶୁମ୍ରେନ୍ ନାରାଦୁରା ହଡ଼କକେ ବିଶ୍ୱାସ୍ରେୟାଃ ଖୁଲ୍ରେ କିସାଁଣାଃ ନାଗେନ୍ତେ ଆତଃ ଆଇଃକ୍କେ ଦୁଲ୍ଲାଡ଼ିତାନ୍ ହଡ଼କକେ ଅକ ରାଇଜ୍ ଏମାକ ନାଗେନ୍ତେ ବାନାର୍ସାଏ ଏମାକାଦକଆ, ଏନାରେୟାଃ ଆକ୍ତେୟାର୍ ନାମେ ନାଗେନ୍ତେ କାଏତି ସାଲ୍ଲାକାଦକଆ ? ୬ ମେନ୍ଦ୍, ଆପେ ଗାରିବ୍ ହଡ଼କକେ କାପେ ମାଇନ୍କତାନା । ଅକନ୍ ହଡ଼କ ଆପେକେ ସିଗିଦ୍ପେତାନାକ ଆତଃ କାଚାଇରିତେ ଆଇଜ୍ ଇଦିପେତାନାକ, ଇନ୍କୁ ଅକଏ ତାନ୍କୁ ? ଇନ୍କୁଗି ଏନ୍ କିସାଁଣ୍ ହଡ଼କ ତାନ୍କୁ । ୭ ଅକ ଯାଶୁ ଖ୍ରୀଷ୍ଟ୍ ଆଃ ନୁଡୁମ୍ ଆପେକେ ଏମାକାନା, ଇନ୍କୁ ଏନ୍ ବୁଗିନ୍ ନୁଡୁମ୍ରେୟାଃ ଏଡ଼କାନ୍ କାଜିକ କାଜିୟାଃ ।

୮ “ଆମାଃ ହପର୍ଜାପାଃ ନିଃକେ ଆମାଃ ଲେକାଗି ଦୁଲ୍ଲାଡ଼ିମେ,” ଧାରାମ୍ପୁଥ୍ରେ ଅଲ୍ଲାକାନ୍ ପାର୍ମେଶ୍ୱାର୍ ଆଃ ରାଇଜ୍ରେୟାଃ ନେ ଆନ୍ରୁକେପେ ମାନାତିଙ୍ଗ୍ତାନ୍ ରେଦ୍, ଆପେ ଠାଉକାନ୍ କାମିପେ କାମିତାନା । ୯ ମେନ୍ଦ୍ ଆପେ ହଡ଼ରାଃ ଏୟରଃଡୁସିଙ୍ଗ୍ ଅଃ ନେଲ୍ଲକେଦ୍ତେ ହଡ଼କକେପେ ମାଇନ୍କ ତାନ୍ରେଦ୍, ଆପେ ପାପ୍ କାମିତାନାପେ ଆତଃ ଆନ୍ରୁ ଲେକାତେ ଆପେ ମିହୁଡ୍ ଆନ୍ରୁକେ କା ମାନାତିଙ୍ଗ୍ତାନ୍ ହଡ଼ ଲେକାନ୍କ ତାନ୍ପେ । ୧୦ ଜେତାଏ ସବେନ୍ ଆନ୍ରୁକେ ମାନାତିଙ୍ଗ୍ ତାନାଏ, ମେନ୍ଦ୍ ମିଆଁଦ୍ ଆନ୍ରୁ ଏସ୍କାର୍ କାଏ ମାନାତିଙ୍ଗ୍ ତାନା, ଇନିଃ ସବେନ୍ ଆନ୍ରୁକେ କା ମାନାତିଙ୍ଗ୍ତାନ୍ନିଃ ତାନିଃ । ୧୧ ଚିୟାଃତି, ପାର୍ମେଶ୍ୱାର୍ କାଜିକାଦାଏ, “ଆପାଙ୍ଗିର୍ କାମି ଆଲ୍ମାଃ,” ଏନ୍ ପାର୍ମେଶ୍ୱାର୍ଗି ଆତଃମିଆଁଦ୍ କାଜିକାଦାଏ, “ହଡ଼ ଗଗଏଃ ଆଲ୍ମାଃ ।” ଏନାତେ, ଆମ୍ କାମ୍ ଆପାଙ୍ଗିର୍ ତାନ୍ରେୟାଃ, ହଡ଼ ଗଗଏଃ ତାନ୍ରେଦ୍ମ, ଆମ୍ ମିହୁଡ୍ ଆନ୍ରୁ କା ମାନାତିଙ୍ଗ୍ନିଃ ତାନ୍ମେ । ୧୨ ରାଡ଼ାଅଃରେୟାଃ କାମି ଏମ୍ ଦାଡ଼ିତାନ୍ ମୁଶାରାଃ ଆନ୍ରୁ ହରାତେ ଆମାଃ ବିଚାର୍ ହବାଅଃଆ, ଏନା ଆମାଃ ଜାଗାର୍ତେ ଆତଃ କାମିତେ ଉଦୁବେମେ । ୧୩ ଚିୟାଃତି ଜେତାଏ ଏଟାଃନିଃକେ କାଏ ଦାୟାଇୟା, ପାର୍ମେଶ୍ୱାର୍ ଇନିଃକେ କାଏ ଦାୟାଇୟା, ମେନ୍ଦ୍ ଅକନ୍କ ଏଟାଃକକେ ଦାୟାକାଦକଆକ, ଇନ୍କୁକେ ପାର୍ମେଶ୍ୱାର୍ ବିଚାର୍ ନେତାରେ ଦାୟାକଆ ।

କାମି ବେଗାର୍ ବିଶ୍ୱାସ୍ ଗନଏଃ

୧୪ ହେ ହାଗା ମିଶିକ, ଜେତାଏ ଆଇଁୟାଃ ବିଶ୍ୱାସ୍ ମେନାଃ ମେନ୍ତେ କାଜିତାନା, ମେନ୍ଦ୍ କାମିରେ କାଏ ଉଦୁବେତାନ୍ ରେଦ୍, ଇନିୟାଃ କାଜିରେ ଜେତାନ୍ ଲାଡୁ ବାନଃଆ । ତିନାଃ ଏନ୍ ଲେକାନ୍ ବିଶ୍ୱାସ୍ ଜେତାଏକେ ବାସ୍ତାଅ ଦାଡ଼ିୟାଃଏତି ? ୧୫ ମେନ୍ଦ୍ ଜେତାଏ ହାଗା ତାଏ ମିଶିଆଃ ଲିଜାଃ ଆତଃ ଜଜମାଃ ବାନଃରେଦ୍, ୧୬ ଆତଃ ଆପେ ଇନିୟାଃ ଲାଗାତିଙ୍ଗ୍ତେୟାଃକେ କା ଏମ୍କେଦ୍ତେ କାଜିୟାପେ, “ପାର୍ମେଶ୍ୱାର୍ ଆମ୍କେ ଆଗିଷ୍ମେକା, ଜମ୍ ନୁଁକେଦ୍ତେ ଜାଉସୁକୁରେ ତାଇନ୍ମେଁ ।” ୧୭ ବିଶ୍ୱାସ୍ ହଗି ଠକ୍ । ଏନ୍ଲେକାଗି ବେଗାର୍ କାମିତେ ବିଶ୍ୱାସ୍ ଗଜାକାନା ।

୧୮ ମେନ୍ଦ୍ ଜେତାଏ କାଜି ଦାଡ଼ିୟାଏ, “ମିହୁଡ଼ରାଃ ବିଶ୍ୱାସ୍ ମେନାଃ, ଏଟାଃ ମିହୁଡ଼ରାଃ କାମି ମେନାଃ ।” ମେନ୍ଦ୍ ଆଇଙ୍ଗ୍ କାଜିୟାଇଙ୍ଗ୍, “କାମି ବେଗାର୍ ଆପେୟାଃ ବିଶ୍ୱାସ୍ ଆଇଙ୍ଗ୍କେ ଉଦୁବାଇଙ୍ଗ୍ପେ ଆତଃ ଆଇଙ୍ଗ୍ କାମି ହରାତେ ଆପେକେ ଆଇଁୟାଃ ବିଶ୍ୱାସ୍ ଉଦୁବାପେୟାଈଙ୍ଗ୍ ।” ୧୯ ପାର୍ମେଶ୍ୱାର୍ ମିହୁଡ଼ିୟାଏ ଏନା ଆପେ ବିଶ୍ୱାସ୍ତାନାପେ ବୁଗିନ୍ କାଜିତାନାଃ । ବଙ୍ଗାକହଗି ବିଶ୍ୱାସ୍କେଦ୍ତେ ବରତେ ଆର୍ଥାରାଃଃକ । ୨୦ ହେ ତଣ୍ଡକ, କାମି ବେଗାର୍ ବିଶ୍ୱାସ୍ ସାମାତାନାଃ, ନେଆଁ ତିନାଃ କାପେ ସାରିତାନା ? ୨୧ ଆବୁଆଃ ପୁରଃ ହାଡ଼ାମ୍ ଆବ୍ରାହାମ୍, ପାର୍ମେଶ୍ୱାର୍ ଆଃ ନେପେଲ୍ରେ ଚିଲ୍କା ଧାର୍ମାନ୍ ହବାୟାନାଏ ? ଇନିଃ ଆୟାଃ ହନ୍ ଇସାକ୍କେ ବେଦି ତେତାନ୍ରେ ଦାଣ୍ଟେ ରାକାବ୍କିୟାଏ ଇମ୍ତାଙ୍ଗ୍ ଆୟାଃ କାମି ହରାତେ ଧାର୍ମାନ୍ ମେନ୍ତେ କାଜିୟାନା । ୨୨ ଆପେ ତିନାଃ କାପେ ଆଟ୍କାର୍ଉରୁମ୍ ଦାଡ଼ିତାନା ? ଆବ୍ରାହାମ୍ ଆଃ ବିଶ୍ୱାସ୍, କାମିତେ ଉଦୁବ୍ୟାନା, କାମି ହରାତେ ଇନିୟାଃ ବିଶ୍ୱାସ୍ ପକ୍ତାୟାନା । ୨୩ ନେଆଁ ହରାତେ ଧାରାମ୍ପୁଥ୍ରେୟାଃ କାଜି ପୁରାୟାନା : “ଆବ୍ରାହାମ୍ ପାର୍ମେଶ୍ୱାର୍କେ ବିଶ୍ୱାସ୍କିୟା ଆତଃ ଇନିୟାଃ ବିଶ୍ୱାସ୍ ହରାତେ ପାର୍ମେଶ୍ୱାର୍ ଆଃ ନେପେଲ୍ରେ ଇନିଃ ଧାର୍ମାନ୍ ମେନ୍ତେ ଲେକାୟାନା ।” ଆତଃ ଆବ୍ରାହାମ୍ ପାର୍ମେଶ୍ୱାର୍ ଆଃ ଗାତି ମେନ୍ତେ କାଜିୟାନା । ୨୪ ଏନାତେ, ଆପେ ଆଟ୍କାର୍ଉରୁମ୍ ଦାଡ଼ିୟାପେ ଯେ, ହଡ଼ହନ୍ ବିଶ୍ୱାସ୍ ହରାତେ ଏସ୍କାର୍ କା ମେନ୍ଦ୍ କାମି ହରାତେ ଧାର୍ମାନ୍ ମେନ୍ତେ କାଜିୟାଆ ।

୨୫ ଏନ୍ଲେକାଗି ହଡ଼ମ୍ରେୟାଃ ଏଡ଼କାନ୍ କାମିରେ ତାଇନ୍ତାନ୍ କୁଡ଼ି ରାହାବ୍ ହଗି ଆୟାଃ ବୁଗିନ୍ କାମି ହରାତେ ଧାର୍ମାନ୍ ମେନ୍ତେ କାଜିୟାନା । ଇସ୍ରାଏଲ୍ରେନ୍ ଅକନ୍ ହଡ଼କକେ ଉକ୍ତକେଦ୍ତେ କୁଲ୍ଲାକାନ୍ ତାଇକେନା, ଇନ୍କୁକେ ଇନିଃ ଉକ୍ତ ନାଗେନ୍ତେ ଆତଃ ଏଟାଃ ହରାରେ ସେନଃ ନାଙ୍ଗ୍ ଦେଙ୍ଗାକାଦକ୍ ତାଇକେନାଏ, ଏନା ପାର୍ମେଶ୍ୱାର୍ ଆଃ ଆୟାର୍ରେ ଠାଉକାନ୍ କାମି ତାଇକେନା ।

୨୬ ଏନାତେ, ଆମ୍ ବେଗାର୍ ହଡ଼ମ୍ ଜେଲ୍ଲେକା ଗଜାକାନା, ଏନ୍ଲେକାଗି କାମି ବେଗାର୍ ବିଶ୍ୱାସ୍ ହଗି ଗଜାକାନା ।



^୧ ହେ ହାଗା ମିଶିକ, ଆପେକଏତେ ପୁରାଃ ଇନିତୁକ ଆଲପେ ହବାଅଃଆ । ଚିୟାଃଚି ଆପେ ସାରିତାନାପେ ଯେ, ଆଲେ ଲେକାନ୍ ଇନିତୁକ ଏଟାଃକଆଃ ତାଃଏତେ ପୁରାଃଚି ସାଜାକ ନାମେୟା । ^୨ ଆରୁ ସବେନ୍ଦକଦ ଚିମିନ୍ସା ଭୁଲ୍ ରିକାଃରୁ । ଜେତାଏ ଆୟାଃ ଜାଗାଚିତାନ୍ ଇମ୍ତା କାଏ ଭୁଲ୍ଲେତାନ୍ ରେଦ, ଇନିଃ ପକ୍ତାକାନ୍ ଆତଃ ଆପ୍ତନାଃ ହଡ଼ମକେ ପୁରା ଆବରକେଦତେ ଦହ ଦାଡ଼ିତାନ୍ ହଡ଼ ତାନିଃ । ^୩ ସାଦମ୍ପାଃ ହଡ଼ମକେ ଆବରରେ ଦହ ନାଗେନ୍ତେ ଆରୁ ଆୟାଃ ମଚାରେ ଲାଗମ୍ ତଲ୍ୟାଃରୁ ଆତଃ ଆରୁ ଇନିଃକେ ଆରୁଆଃ ଇଛାସାନାକ୍ ଲେକାତେ ଇଦି ଦାଡ଼ିୟାଃରୁ । ^୪ ମିଆଁଦ୍ ମାରାକ୍ ଦାଆଃ ଜାହାନ୍ ବିଷାଏରେ ଉଡ଼ୁଃକପେ, ଦାଆଃ ଜାହାନ୍କେ ଚାଲାଅତାନ୍ନିଃ ପୁରାଃ ହୟ ହିଜୁଃତାନ୍ରେୟ ମିଆଁଦ୍ ହୁଡ଼ିକ୍ ପାତଃଞ୍ଚାରେୟାଃ ଦେଙ୍ଗାତେ ଏନାକେ ଆବରରେ ଦହକେଦତେ ଆପ୍ତନାଃ ଇଛାସାନାକ୍ ଲେକାତେ ଚାଲାଅ ଇଦିୟାଏ । ^୫ ଏନ୍ଲେକାଗି ନେ ଆଲାକ୍ ହୁଡ଼ିକ୍ଆ, ଏନ୍ରେୟ ମାପ୍ତରାକ୍ କାଜି କାଜିକେଦତେ ଆପାନ୍କେ ମାରାକ୍ ମେନ୍ତେ କାଜିନାଃ ।

ଉଡ଼ୁଃ ଲେକାପେ ଚିଲକା ସେଙ୍ଗେଲ୍ ଆଙ୍ଗରା ହୁଡ଼ିକ୍ରେୟାଗି ମାରାକ୍ ବିରକେ ଅଶ୍ଚୁରତାଃଏ । ^୬ ମଚାରେୟାଃ ଆଲାକ୍ ସେଙ୍ଗେଲ୍ ଲେକ୍ନାଃ ତାନାଃ, ଆରୁଆଃ ହଡ଼ମରେୟାଃ ହିସାରେ ଅତେଦିଶୁମ୍ରେୟାଃ ସବେନ୍ ଏଡ଼କାନ୍ରେୟାଃ ଏନେଚେଦ୍ ଲେକ୍ନାଃ ତାନାଃ । ଏନା ଆରୁଆଃ ହଡ଼ମରେ ତାଇନ୍ତାନ୍ ହରାତେ ହସଡ଼ କାଜିକ ନିଡ଼ିରୟାନ୍ଲଃ ଆରୁଆଃ ପୁରା ହଡ଼ମକେ ସଡ଼ରାକାଦା । ଆଲାକ୍ରେୟାଃ ନାରାକ୍ ସେଙ୍ଗେଲ୍ରେ ଆରୁଆଃ ଗଟା ଜୀଦାନ୍କେ ଅଶ୍ଚୁରତାଃଏ । ^୭ ମାନଞ୍ଜା ସବେନ୍ ବିର୍ ଜାଁତୁକକେ, ଚେଣ୍ଟାଁ, ରେଙ୍ଗାଅଜାଁତୁ ଆତଃ ଦାଆଃରେ ତାଇନ୍ତାନ୍ ଜାଁତୁକକେ ଆପ୍ତନାଃ ଆକ୍ତେୟାଚ୍ରେ ଦହକାଦକଆ । ^୮ ମେନ୍ଦ ଜେତାଏ ଚିତଲହ ଆଲାକ୍ରେ ଆବରରେ ଦହ କାକ ଦାଡ଼ିୟା । ଏନା ହସଡ଼ତେ ଆତଃ ଗନ୍ଏଃରାଃ ମାହୁଁରାତେ ପେରେଜାକାନା । ^୯ ଆରୁ ଆଲାକ୍ ହରାତେ ପ୍ରାଭୁ ଆତଃ ଆପୁ ପାରମେଶ୍ଚାଚ୍ରେକେ ଧାନ୍ୟାବାଦ୍ ଏମାଃରୁ । ଆତଃ ଏନ୍ ଆଲାକ୍ ହରାତେ ପାରମେଶ୍ଚାଚ୍ଆଃ ସଭାବ୍ ଲେକାଗି ବାଲୟାକାନ୍ ହଡ଼କକେ ସାରପାଅକ ତାନାରୁ । ^{୧୦} ଏନ୍ ମଚା ହରାତେଗି ଧାନ୍ୟାବାଦ୍ ଆତଃ ସାରପାଅ ଅଡ଼କ୍ଆଃତାନା । ହେ ହାଗା ମିଶିକ, ଏନ୍ଲେକା ଆଲକା ହବାଅଃକା । ^{୧୧} ମିଆଁଦ୍ ସେତେକ୍ଏତେ ହେଡ଼େମ୍ ଆତଃ ମେହେର୍ ଦାଆଃ ଲିକ୍ ଦାଡ଼ିୟାଃଆଚି ? ^{୧୨} ହାଗା ମିଶିକ, ଲିଆଦାରୁଏତେ ଚିନାଃ ଜାଇତୁନ୍ ଜ ଜ'ଆ ? ଚାଏ ଦାଖ୍ନାଡ଼ିଏତେ ଚିନାଃ ଲିଆ ଜ ଜ'ଆ ? ଏନ୍ଲେକାଗି ବୁଲ୍ଲକ୍ ଦାଆଃ ଲିକ୍ତାଃତାନ୍ ସେତେକ୍ଏତେ ହେଡ଼େମ୍ ଦାଆଃ କା ଲିକ୍ତାଃଆ ।

ସିମାଏତେ ହିଜୁଃତାନ୍ ସେଣ୍ଟାଁ

^{୧୩} ଆପେକଏତେ ସେଣ୍ଟାଁନିଃ ଚାଏ ଆଚ୍କାର୍ଉଡ଼ୁମ୍ନିଃ ଅକଏ ମେନାଇୟା ? ଇନିଃ ସେଣ୍ଟାଁନିଃ ଆତଃ ଲେବେଃତେ ବୁଗିନ୍ କାମି ରିକାକେଦତେ ଆୟାଃ ଜୀଦାନ୍ରେ ଉବୁବେକାଏ । ^{୧୪} ମେନ୍ଦ ଆପେୟାଃ ମନ୍ସୁରୁଦ୍ରେ ହିସଙ୍ଗା, ମେହେର୍ ଆତଃ ଆପ୍ତନାଃ ନାକ୍ ଏସକାର୍ ଉଡ଼ୁଃତେ ପେରେଜାକାନ୍ ରେଦ, ଆପ୍ତନାଃ ସେଣ୍ଟାଁନ୍ ହରାତେ ସାନାର୍ଚିରାଃ ବିରୁଧ୍ରେ ଆପାନ୍କେ ମାରାକ୍ ମେନ୍ତେ ଆଲପେ କାଜିନ୍ ଆତଃ ହସଡ଼ କାଜି ଆଲପେ କାଜିୟା । ^{୧୫} ନେ'ଲେକାନ୍ ସେଣ୍ଟାଁ ପାରମେଶ୍ଚାଚ୍ଆଏତେ କା ହିଜୁଃଆ, ମେନ୍ଦ ନେ ସେଣ୍ଟାଁ ଅତେଦିଶୁମ୍ଏତେ ହିଜୁଃଆ । ନେଆଁ ଆମ୍ବାଏତେ କାହା ମେନ୍ଦ ସାଏତାନ୍ତାଃଏତେ ହିଜୁଃଆ । ^{୧୬} ଚିୟାଃଚି ଅକ୍ତାଃରେ ହିସଙ୍ଗା, ଆପ୍ତନାଃ ନାକ୍ ଏସକାର୍ ଉଡ଼ୁଃ ମେନାଃ, ଏନ୍ତାଃରେ ବିନ୍ଗାଅ, ଆତଃ ସବେନ୍ ଲେକାନ୍ ଏଡ଼କାନ୍ କାଜିକ ତାଇନାଃ । ^{୧୭} ମେନ୍ଦ ସିମାଏତେ ଆଡ଼ଗୁଃତାନ୍ ସେଣ୍ଟାଁ ସବେନାଃଏତେ ସିଦାତେଦ ଫାର୍ଚି, ସୁକୁ ଏମାଃ, ଲେବେଃମନ୍, ଆତଃ ଗାଡ଼ିସାଙ୍ଗାତି ତାନାଃ, ଏନା ଦାୟାତେ ପେରେଜାକାନା ଆତଃ ପୁରାଃଚି ବୁଗିନ୍ କାମିରେୟାଃ ଜ'ତେ ପେରେଜାକାନା । ନେଆଁ ସାର୍ଚିତେ ଆତଃ ବେଗାର୍ ଆଡ଼ାଃଉଡ଼ୁତେ ହବାଅଃତାନା । ^{୧୮} ଜୀଉସୁକୁ ବାବାଇ ହଡ଼କ ହରାତେ ହେରାକାନ୍ ହିତାଏତେ ଧାରମାନ୍ରେୟାଃ ଜ' ଏମାଃଏ ।

୪

ଅତେଦିଶୁମ୍ଲଃ ଗାଡ଼ିସାଙ୍ଗାତି

^୧ ଆପେ ଆଲାରେ ଲାଡ଼ାଇ ଆତଃ ଏପେଗେର୍ ଚିନାଃମେନ୍ତେ ହବାଅଃତାନା ? ଆପେରେ ତାଇନ୍ତାନ୍ ରିକ୍ତାକ୍ରେୟାଃ ସାନାକ୍ଗି ଏନ୍ ଲେକାଏ ରିକାଏତାନା । ^୨ ଚିୟାଃଚି ଆପେ ଅକଆଃ ନାମ୍ ନାଗେନ୍ତେପେ ସାନାକ୍ତାନା, ଏନା କାପେ ନାମେରେ ମାଆଃ ଗଗଏଃ ନାଗେନ୍ତେପେ ସେକାଡ଼େନ୍ ତାନା । ଅକ୍ନାଃ ନାମେ ନାଗେନ୍ତେ ଆପେୟାଃ ପୁରାଃଚି ସାନାକ୍ ହବାଅଃଆ, ଏନା କାପେ ନାମ୍ଲେରେ ଏପେଗେର୍ ଆତଃ ଲାଡ଼ାଇୟାଃପେ । ଚିୟାଃଚି ଆପେ ପାରମେଶ୍ଚାଚ୍ରେକେ ଆପେୟାଃ ଲାଗାଡ଼ିକ୍ତେୟାଃକ କାପେ ଆସିୟାଃ, ଏନାମେନ୍ତେ ଆପେ ଏନ୍ ସବେନାଃ କାପେ ନାମାଃ । ^୩ ଆତଃ ଆପେ ଆସିରେୟ କାପେ ନାମେରେୟାଃ ବିଷାଏ ହବାଅଃତାନା, ଆପେୟାଃ ଆସିରେୟାଃ ଉକେଶ୍ ଏଡ଼କାନାଃ ତାନାଃ । ଆପେ ଆପେୟାଃ ରିକ୍ତାକ୍ ନାଗେନ୍ତେ ଆସିୟାଃପେ । ^୪ ଏ ଆପାକ୍ଚିର୍ କାମିତାନ୍ କୁଡ଼ି ଲେକାନ୍ ହଡ଼କ, ଅତେଦିଶୁମ୍ରେୟାଃ ଗାଡ଼ିସାଙ୍ଗାତି ପାରମେଶ୍ଚାଚ୍ଆଃ ବାଇରି ତାନାଃ, ଏନା ଚିନାଃ ଆପେ କାପେ ସାରିତାନା ? ଜେତାଏ ନେ ଅତେଦିଶୁମ୍ଲଃ ଗାଡ଼ିସାଙ୍ଗାତି ରିକାଃଏ ଇନିଃ ପାରମେଶ୍ଚାଚ୍ଆଃ ବାଇରି ତାନିଃ । ^୫ ଆପେ ଚିନାଃ ଧାରାମ୍ପୁଅରେୟାଃ ନେ କାଜିରେ ସାର୍ଚି ବାନଃଆ ମେନ୍ତେପେ ଆଚ୍କାରେତାନା, “ପାରମେଶ୍ଚାଚ୍ ଆବୁତାଃରେ ଅକ ଆମ୍ବାକେ ତାଇନଃ ନାଗେନ୍ତେ ଏମ୍କିୟା, ଇନିଃ

ଆବୁକେ ପୁରା ଆକ୍ତେୟାରୁ ନାଗେନ୍ତେ ପୁରାଠି ସାନାଙ୍ଗତାନା ?” ୭ ମେନ୍ଦ ପାର୍ମେଶ୍ୱାର ଅକ ସାୟାଦ୍ ଏମାଃ, ଏନା ପୁରାଠି ପେଡେୟାନ୍‌ଗିୟା । ଧାରାମ୍‌ପୁଅରେ ଅଲାନାନା, “ପାର୍ମେଶ୍ୱାର ହିସିଙ୍ଗାତାନ୍‌କଆଃ କାଜିକଟଙ୍ଗ୍ ରିକାଃଏ ମେନ୍ଦ୍ ଲେବେଃମନ୍ ହଡକକେ ସାୟାଦ୍ ଏମାଃଏ ।”

୯ ଏନାତେ, ଆପେ ପାର୍ମେଶ୍ୱାର୍‌ତାଃରେ ଆପାନ୍‌କେ ଜିମାନ୍‌ପେ । ସାଏତାନ୍‌କେ କାଜିକଟଙ୍ଗ୍ ରିକାଈପେ । ଏନ୍‌ରେଦ୍ ଇନିଃ ଆପେତାଃଏତେ ନିରାଃଏ । ୮ ପାର୍ମେଶ୍ୱାର୍‌ଆଃ ହେପାଦ୍‌ତେ ହିଜୁଃପେ, ଏନାରେ ଇନିଃ ଆପେୟାଃ ହେପାଦ୍‌ତେ ହିଜୁଃଆ । ଏ ପାପି ହଡକ, ଆପେୟାଃ ତିଃଇକେ ଆବୁଙ୍ଗ୍‌ୟେପେ ଆଡଃ ଏ ବାରିୟା ମନ୍‌ରେନ୍ ହଡକ, ଆପେୟାଃ ମନ୍‌ସୁରୁଦ୍‌କେ ଫାରିପେ । ୯ ଏୟମ୍‌ତାନ୍, ଦୁକୁଃତାନ୍‌ଲଃ ରାଆଃଏପେ, ଆପେୟାଃ ଲାନ୍‌ ରାନାଃରେ ଆଡଃ ଆପେୟାଃ ରାସିକା ଦୁକୁରେ ବାଦ୍‌ଲାଅଃକା । ୧୦ ପ୍ରାଭୁଆଃ ଆୟାର୍‌ରେ ଆପେ ଆପାନ୍‌କେ ଲେବେୟେନ୍‌ପେ, ଏନାରେ ଇନିଃ ଆପେକେ ମାରାଙ୍ଗ୍‌ପେୟା ।

ମିହୁଡ୍ ଆଡଃମିହୁଡ୍‌କେ ଆଲପେ ବିଚାରାଃ

୧୧ ହେ ଦୁଲାଡ୍ ହାଗା ମିଶିକ, ମିହୁଡ୍ ଆଡଃମିହୁଡ୍‌ଆଃ ବିରୁଧ୍‌ରେ ଏଡକାନ୍ କାଜି ଆଲପେୟାଃ । ଜେତାଏ ବିଶ୍ୱାସୀ ହାଗାରାଃ ବିଚାରକେଦ୍‌ତେ ଇନିୟାଃ ବିରୁଧ୍‌ରେ ଏଡକାନ୍ କାଜି କାଜିରେଦ୍, ଇନିଃ ଆନ୍‌ରୁରେୟାଃ ବିଚାର୍ ଆଡଃ ଏନାରେୟାଃ ବିରୁଧ୍‌ରେ ଏଡକାନ୍ କାଜି କାଜିୟା । ଆପେ ଆନ୍‌ରୁରେୟାଃ ବିଚାର୍ ରିକାଏରେଦ୍, ଆପେ ଏନା କାପେ ମାନାତିଙ୍ଗ୍‌ତାନା, ମେନ୍ଦ୍ ଏନାରେୟାଃ ବିଚାର୍‌ନିଃପେ ହବାକାନା । ୧୨ ପାର୍ମେଶ୍ୱାର୍ ଏସକାର୍ ଆନ୍‌ରୁ ଏମାଃନିଃ ଆଡଃ ବିଚାର୍‌ନିଃ ତାନିଃ । ଇନିଃ ଏସକାର୍ ବାସ୍ତାଆ ଆଡଃ ଜିୟନ୍ ଦାଡିନିଃ ତାନିଃ । ଏନାମେନ୍ତେ ହପର୍‌ଜାପାଃରେନ୍‌କଆଃ ଗୁଣ୍ଡା ବିଚାର୍ ନାଗେନ୍ତେ ଆପେ ଅକଏ ତାନ୍‌ପେ ?

ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍ ବିଷାଏରେ ତେତାଅ

୧୩ ନାହାଃଦ୍ ଆୟୁମେପେ, ଆପେକଏତେ ଚିନିନ୍‌ହଡକ କାଜିୟାଃପେ, “ଆଲେ ତିସିଙ୍ଗ୍ ଚାଏ ଗାପା ଏନ୍ ନାଗାର୍‌ତେ ସେନାଲେ, ଆଡଃ ଏନ୍ତାଃରେ ମିଦ୍ ବାରାଷ୍‌ ତାଇନାଲେ ଏନ୍ତେ କାମିତଦାମକେଦ୍‌ତେ ପୁରାଠି ଟାକା ପାଏସାଲେ ନାମେୟା ।” ୧୪ ମେନ୍ଦ୍ ଗାପା ଆପେୟାଃ ଜୀଦାନ୍‌ରେ ଚିନାଃ ହବାଅଃଆ, ଏନାଦ୍ ଆପେ କାପେ ସାରିୟା ! ଆପେୟାଃ ଜୀଦାନ୍‌ଦ୍ କୁହୁଡି ଲେକା, ଘାଡିକାଦ୍‌ଗି ନେଲଃଆ ଏନ୍ତେ ଆଡଃକାଟିଃ ଘାଡିକାଦ୍‌ରେ କା ନେଲଃଆ । ୧୫ ଏନାମେନ୍ତେ ଆପେକେ ନେ'ଲେକା କାଜି ଲାଗାତିଙ୍ଗ୍‌ୟାଃ, “ପ୍ରାଭୁଆଃ ସାନାଙ୍ଗ୍ ହବାଅଃରେଦ୍, ଆଲେ ଜୀନିଦ୍ ତାଇନ୍‌କେଦ୍‌ତେ ନେଆଁଲେ ରିକାୟା ଚାଏ ଏନାଲେ ରିକାୟା ।” ୧୬ ମେନ୍ଦ୍ ନାହାଃ ଆପେ ଆପନାଃ ମାନାରାଙ୍ଗ୍ ରିକାକେଦ୍‌ତେ ଆପାନ୍‌କେ ମାରାଙ୍ଗ୍ ମେନ୍ତେପେ କାଜିନ୍‌ତାନା; ନେ'ଲେକାନ୍ ମାରାଙ୍ଗ୍‌ୟେନ୍‌ତେୟାଃ ଏଡକାନାଃ ତାନାଃ ।

୧୭ ଏନାମେନ୍ତେ, ଜେତା ହଡ୍ ରୁଗିନ୍ କାମି ରିକା ଲାଗାତିଙ୍ଗ୍‌ୟାଃ ମେନ୍ତେ ସାରିକାଦ୍‌ରେୟ୍ ଏନା କାଏ ରିକାଏ ରେଦ୍, ଇନିଃ ପାପ୍ କାମିତାନାଏ ।



କିସାଁଶ୍ ହଡକ ନାଗେନ୍ତେ ତେତାଅରେୟାଃ କାଜି

୧ ହେ କିସାଁଶ୍ ହଡକ ଆଇଁୟାଃ କାଜି ଆୟୁମେପେ, ଆପେୟାଃ ନାଗେନ୍ତେ ହିଜୁଃତାନ୍ ବରଝାନ୍ ଦୁକୁ ହବାଅଃତେ ସେନ୍‌ତାନା, ଏନାମେନ୍ତେ ରାଆଃଏପେ ଆଡଃ ଏୟମେପେ । ୨ ଆପେୟାଃ ଖୁଜ୍ କି ଜିୟନିଃଆ ଆଡଃ ଲିଜାଃକକେ ନିଦିରକ ଜମେୟା । ୩ ଆପେୟାଃ ସୋନା ରୁପାକରେ ମୂର୍ତ୍ତୀ ସାବ୍‌କେଦାକ, ଆଡଃ ଏନ୍ ମୂର୍ତ୍ତୀ ଆପେୟାଃ ବିରୁଧ୍‌ରେ ଗାଝାଏ ଏମେୟା ଆଡଃ ଆପେୟାଃ ହଡ଼ମକେ ସେଙ୍ଗେଲ୍ ଲେକା ଜୁଲ୍ ଅଶ୍ତରେଆଏ । ନେ ଚୁଶ୍ଟୁ ଦିପିଲିରେ ଆପେ ଖୁଜ୍ କପେ ହୁଣ୍ଡିଆକାଦା । ୪ ଆପେୟାଃ ପିଡିରେ କାମିତାନ୍‌କକେ ନାଲା କାପେ ଏମାକାଦ୍‌କଆ । ଇନ୍‌କୁଆଃ କାଜିଗହାର୍ ଆୟୁମେପେ । ବାବା ଇରଃକଆଃ ରାନାଃ ସବେନାଃଏତେ ପେଡେୟାନ୍ ପ୍ରାଭୁ ପାର୍ମେଶ୍ୱାର୍ ଆୟୁମାକାଦାଏ । ୫ ନେ ଅତେଦିଶ୍‌ମ୍‌ରେ ଆପେୟାଃ ଜୀଦାନ୍ ରିଜ୍‌ରାଙ୍ଗ୍‌ରେ ପେରେଜାକାନା । ଗନ୍‌ଏଃରେୟାଃ ହୁଲାଙ୍ଗ୍ ନାଗେନ୍ତେ ଆପେ ଆପେୟାଃ ମନ୍‌ସୁରୁଦ୍‌କେ ମଟାକାଦାପେ । ୬ ଆପେ ଧାର୍‌ମାନ୍ ହଡକକେ ଚିଟାକେଦ୍‌ତେ ମାଆଃଗଏଃ କାଦ୍‌କଆପେ; ଇନ୍‌କୁ ଆପେୟାଃ କାଜିକଟଙ୍ଗ୍ କାକ ରିକା ଦାଡିୟା ।

ଧିରାଜ୍ ସାବ୍‌କେଦ୍‌ତେ ବିକ୍ରିପେ

୭ ହେ ହାଗା ମିଶିକ, ପ୍ରାଭୁଆଃ ଆଡଃମିସା ହିଜୁଃ ଜାକେଦ୍ ଧିରାଜ୍ ସାବ୍‌କେଦ୍‌ତେ ତାଇନ୍‌ପେ । ନେଲେପେ, ଚାଷିହଡ୍ ଚିଲ୍‌କା ଆୟାଃ ଅତେରେ ପୁରାଃ ଗନଙ୍ଗ୍‌ଆଁନ୍ ଜ ନାମେ ନାଙ୍ଗ୍ ଧିରାଜ୍ ସାବ୍‌କେଦ୍‌ତେ ଗାମାଦାଆଃକେକ ତାଜିଆ । ୮ ଏନ୍‌ଲେକାଗି ଆପେୟା ଧିରାଜ୍ ସାବ୍‌କେଦ୍‌ତେ ଆପେୟାଃ ମନ୍‌ସୁରୁଦ୍‌କେ ସାଲ୍‌ସାନ୍ତ୍ ରିକାଏପେ । ଆପେୟାଃ ଆସ୍ତା କେଟେଦ୍‌ଗି ତାଇନ୍‌କା, ଚିଆଠି ପ୍ରାଭୁଆଃ ହିନିଜୁଃ ହୁଲାଙ୍ଗ୍ ନାଡେଜାକାନା ।

☆ ୫:୨ ୫:୨ ମାଥୁର ୭:୧୧.

^୯ ହେ ହାଗା ମିଶିକ, ମିହୁଡ଼ ଆଡ଼ଃମିହୁଡ଼ନିୟାଃ ବିରୁଧରେ ଆଲପେ କାଜିୟା, ଏନାରେ ପାର୍ମେଶ୍ଵାର୍ ଆପେୟାଃ ବିଚାର କାଏ ରିକାଏୟା । ନେଲେପେ, ମାରାଙ୍ଗ୍ ବିଚାରନିଃ ଦୁଆର୍ ହେପାଦରେ ତିଙ୍ଗୁଆକାନା । ^{୧୦} ହେ ହାଗା ମିଶିକ, ଅକ ନାବୀକ ପ୍ରାଭୁଆଃ ନୁତୁମତେ କାଜିକାଦ୍ ତାଇକେନାକ, ଇନ୍କୁକେ ଧିରାଜ୍ ଆଡ଼ଃ ସାସାତି ନାମେକେଦରେୟାଃ ନାମୁନା ଲେକା ତେଲକପେ । ^{୧୧} ଇନ୍କୁଆଃ ସାହାତିଙ୍ଗ୍ ଜୀଞ୍ଜାନ୍ ହରାତେ ଆବୁ ଇନ୍କୁକେ ଧାଇନ୍ ମେନ୍ତେବୁ କାଜିତାନା । ଆପେ ଆୟୁବରାଃ ସାହାତିଙ୍ଗ୍ ଜୀଞ୍ଜାନ୍ ବିଷାଏରେ ଆୟୁମାକାଦାପେ ଆଡ଼ଃ ଟୁଣ୍ଡୁରେ ପ୍ରାଭୁ ଚିଲିକା ଇନିଃକେ ଆଶିଷ୍ ଏମ୍‌କିୟାଏ, ଏନା ସାରିତାନାପେ । ଚିୟାଃତି ପ୍ରାଭୁଦ ପୁରା ଲିବୁଇତେ ଆଡ଼ଃ ଦାୟାତେ ପେରେଜାକାନ୍‌ନିଃ ତାନିଃ ।

^{୧୨} ହେ ହାଗା ମିଶିକ, କିରିୟାଏ ଇମ୍‌ତା ସିର୍ମା ଦିଶୁମ୍‌ରେୟାଃ ଚାଏ ଅତେରେୟାଃ ଚାଏ ଏଟାଃ ଜେତାନ୍ ବିଷାଏରେ କିରିୟା ଆଲପେ ରିକାଏ । ଆପେୟାଃ “ହୁ” ମେନ୍‌ତେୟାଃ ହୁ ତାଇନ୍‌କା ଆଡ଼ଃ “ବାନଃ” ମେନ୍‌ତେୟାଃ ବାନଃ ତାଇନ୍‌କା । ଏନ୍‌ରେଦ ପାର୍ମେଶ୍ଵାର୍‌ଆଃ ବିଚାରରେ ସାଜାଇ କାପେ ନାମେୟା ।

^{୧୩} ଆପେକଏତେ ଜେତାଏ ଚିନାଃ ନାରାଦୁରାଗିୟାଏ ? ଇନିଃ ବିକ୍ତିକାଏ । ଜେତାଏ ଚିନାଃ ରାସକାଗିୟାଏ ? ଇନିଃ ମାନାରାଙ୍ଗ୍‌ରେୟାଃ ଦୁରାଙ୍ଗେକାଏ । ^{୧୪} ଆପେକଏତେ ଜେତାଏ ଚିନାଃ ଦୁକୁତାନାଏ ? ଇନିଃ କାଲିସିୟାରେନ୍ ପ୍ରାଚିନ୍‌କକେ କେଡାକକାଏ; ଇନ୍କୁ ପ୍ରାଭୁଆଃ ନୁତୁମତେ ସୁନୁମ୍ ଗସଃକେଦ୍‌ତେ ଆୟାଃ ନାଗେନ୍ତେ ବିକ୍ତିକାକ । ^{୧୫} ନେଲେକାନ୍ ବିଶ୍ଵାସରେୟାଃ ବିକ୍ତି ଦୁକୁତାନ୍‌ନିଃକେ ବୁଗିୟା । ପ୍ରାଭୁ ଇନିଃକେ ବୁଗିୟାଏ ଆଡ଼ଃ ଇନିଃ ପାପ୍ କାମିକାଦ୍‌ରେଦ, ଇନିଃକେ ଛାମା ଏମାୟାଏ । ^{୧୬} ମିହୁଡ଼୍ ଆଡ଼ଃମିହୁଡ଼୍‌ନିୟାଃ ଆୟାର୍‌ରେ ପାପ୍‌କାଦାଇଙ୍ଗ୍ ମେନ୍ତେ ମାନାତିଙ୍ଗ୍‌ପେ ଆଡ଼ଃ ମିହୁଡ଼୍ ଆଡ଼ଃମିହୁଡ଼୍‌ଆଃ ବୁଗିୟା ନାଗେନ୍ତେ ବିକ୍ତିପେ । ଧାର୍‌ମାନ୍ ହଡ଼କଆଃ ବିକ୍ତିରେ ପୁରାଃ ପେଡ଼େଃମେନା ଆଡ଼ଃ କାମି ରିକା ଦାଡ଼ିୟାଃତେୟାଃ ତାନାଃ । ^{୧୭} ଏଲିୟ ଆବୁଲେକା ହଡ଼ ତାଇକେନାଏ । ଇନିଃ ଦାଆଃ ଆଲକାଏ ଗାମାଏକା ମେନ୍ତେ ମିଦ୍‌ମନ୍‌ତେ ବିକ୍ତିକାଦ୍ ତାଇକେନା, ଆପିୟା ଆଡ଼ଃ ଆଧା ବାରାଷ୍ ଅତେଦିଶୁମ୍‌ରେ ଦାଆଃ କାଏ ଗାମାକେଦା । ^{୧୮} ଇନିଃ ଆଡ଼ଃମିସା ବିକ୍ତିକେଦାଏ, ଆଡ଼ଃ ସିର୍ମାଏତେ ଦାଆଃ ଗାମାକେଦାଏ, ଆଡ଼ଃ ଅତେରେ ହିତା ଜ ଅମନ୍‌ୟାନା ।

^{୧୯} ହେ ଆଇୟାଃ ହାଗା ମିଶିକ, ଆପେକଏତେ ଜେତାଏ ହରା ଆଦେରେଦ, ଏଟାଃନିଃ ଇନିଃକେ ସାର୍‌ତି ହରାତେ ରୁହାଡ଼୍ ଆଉଇୟାଏ । ^{୨୦} ତାବ୍‌ଦ ପାହାମେପେ, ଜେତାଏ ଆଦାକାନ୍ ହରାଏତେ ପାପି ହଡ଼କେ ରୁହାଡ଼୍ ଆଉଇୟାଏ, ଇନିଃ ଏନ୍ ପାପି ହଡ଼ରାଃ ଆମ୍‌କେ ଗନ୍‌ଏଃହେତେ ବାଞ୍ଚାଅୟା ଆଡ଼ଃ ପୁରାଃ ପାପକ ଛାମା ହବାଅଃଆ ।

ପିତରଙ୍କ ଲିଖିତ ପ୍ରଥମ ପତ୍ର ପାଢ଼ରାସ୍ ଅଲୀକାଦ୍ ପାହିଲା ଚିଟାଉ ପାରିଚାଏ

ପାଢ଼ରାସ୍ ଆଠ ପାହିଲା ଚିଟାଉ ପ୍ରେରିତ୍ ପାଢ଼ରାସ୍ ହରାତେ ଅଲୀକାନା । ପାଢ଼ରାସ୍ ଅକ୍ୟ ତାନିଃ ଆତଃ ନେ ଚିଟାଉ ଅକ୍ୟତାଃ ଅଲୀକାଦାଏ, ନେ ବିଷାଏରେ କାଜିକେଦ୍ତେ ଚିଟାଉ ଅଲ୍ ଏଚେଦ୍କାଦାଏ । ଇନିଃ ନେ ଚିଟାଉରେ ବେଗାର୍ ଚିହ୍ନୀର୍ ଖ୍ରୀଷ୍ଟିୟାନ୍ ହଡ଼କକେ ଅଲୀକାଦକଆ ୧:୧; ୧:୧୭; ୨:୧୧ । ଇନ୍କୁ ଅତେଦିଶ୍ଟୁମ୍ରେ ଛିତିବିତିକାନ୍ ହରାତେ ଇନିଃ ଆୟାଃ ପାଢ଼ାଅତାନ୍ ହଡ଼କକେ ପୁରାଃସାଃ ନେ'ଲେକାଏ କାଜିକାଦକଆ । ଚିଆଃଚି ନେ ଚିଟାଉ ଏଫିସୁସ୍ କାଲିସିୟାତେ ଅଲୀକାଦ୍ ପାଢ଼ଲୁସ୍ଆଃ ଚିଟାଉ ଲେକା ତାନାଃ । ପୁରାଃ ହଡ଼କ ବିଶ୍ୱାସାଃକ ଯେ, ପାହିଲା ପାଢ଼ରାସ୍ ଯୀଶୁ ଖ୍ରୀଷ୍ଟିଆଃ ଜାନାମ୍ରେୟାଃ ୬୫ ବାରାଷ୍ ତାୟମ୍ତେ ଅଲୀକାନ୍ ତାଇକେନା । ପାଢ଼ରାସ୍ ନେ ଚିଟାଉ ରୋମ୍ ନାଗାର୍ହେତେ ଅଲୀକାଦା, ଅକ୍ନାଃକେଚି ବାବିଲୋନ୍ ମେନ୍ତେ ଇନିଃ କାଜିୟାଃଏ ୫:୧୩ ।

ପାଢ଼ରାସ୍ ନେ ଚିଟାଉରେ କାଜିୟାଃଏ ଯେ, ନେ ଚିଟାଉରେୟାଃ ଉଦ୍ଦେଶ୍ ଆପେକେ ଜୀଉରେ ରାସ୍କା ଏମ୍ ନାଗେନ୍ତେ ଆତଃ ପାର୍ମେଶ୍ୱାର୍ଆଃ ସାର୍ତି ସାୟାଦ୍ରେୟାଃ ଗାଞ୍ଜା ଏମ୍ ନାଗେନ୍ତେ ତାନାଃ ୫:୧୨; ୧ ପାଢ଼ରାସ୍ ୨:୧୧-୩:୭; ଏଫିସିୟ ୫:୧୮-୬:୯, ଆତଃ କଲସିୟ ୩:୧୮-୪:୬ ନେଆଁରେ ମିଦ୍ଜକାଗି ମେନାଃ । ନେ ଆପିୟା ଚିଟାଉରେୟାଃ ସବେନ୍ ଆଧ୍ୟାୟରେ କୁଟୁମ୍ କୁପୁଲ୍କଆଃ ନାତା ବିଷାଏରେ ଆତଃ ଆକ୍ତେୟାର୍ ନାମାକାଦକକେ ମାନାତିଜ୍ ବିଷାଏରେ ଇନିତୁ ଏମାଃଏ । ତୁଣ୍ଡୁ ଦିପିଲି ନାଡେଜଃତାନ୍ ହରାତେ ଇନିଃ ଦୁକୁ ଇମ୍ତାହଗି ସାହାତିଜ୍କେଦ୍ତେ ତାଇନଃ ନାଗେନ୍ତେ ଖ୍ରୀଷ୍ଟିୟାନ୍ ହଡ଼କକେ ଜୀଉରେ ରାସ୍କା ଏମାଃଏ ୪:୧ ।

ପୁଅ୍ ଭିତାରେ ତାଇକାନ୍ କାଜି

- ୧. ପାଢ଼ରାସ୍ ଆୟାଃ ପାଢ଼ାଅତାନ୍ ହଡ଼କକେ ଆୟାଃ ବିଷାଏରେ ପାରିଚାଏ ଆତଃ ଆୟାଃ ଆପୁଆଃ ଅଡ଼ାଃ ଠାୟାଦ୍ ଏମାଃଏ । ୧:୧-୨
- ୨. ପାଢ଼ରାସ୍ ପାର୍ମେଶ୍ୱାର୍କେ ଧାନ୍ୟାବାଦ୍ ଏମାଃଏ ଯେ, ସବେନ୍କ ପାର୍ମେଶ୍ୱାର୍ଆଃ ପାରିତ୍ରାଶ୍ରେୟାଃ ହିସା ହବାଅଃଆକ, ଅକ୍ନାଃ ଆକଆଃ ଜୀଦାନ୍ରେୟାଃ ଉଦ୍ଦେଶ୍ ତାନାଃ । ୧:୩-୨:୧୦
- ୩. ଅତେଦିଶ୍ଟୁମ୍ରେ ଚିଲ୍କା ବୁଗିଲେକା ଜୀଦାନ୍ ବିତାଅ ହବାଅଃ ଲାଗାତିଜ୍ୟାଃ ଆତଃ କଡ଼ା କୁଡ଼ି, ଗୁସିୟାଁ ଆତଃ ଦାସି ଆଲାରେ ଚିଲ୍କା ନାତା ଦହ ଲାଗାତିଜ୍ୟାଃ ଏନାରେୟାଃ ଇନିତୁ ଏମାଃଏ । ୨:୧୧-୪:୧୧
- ୪. ଦୁକୁ ଇମ୍ତାକରେ ସାହାତିଜ୍କେଦ୍ତେ ତାଇନଃ ନାଗେନ୍ତେ ପାଢ଼ରାସ୍ ଇନ୍କୁକେ ଜୀଉରେ ରାସ୍କା ଏମାଃଏ । ୪:୧୨-୫:୧୧
- ୫. ଏନ୍ତେ ଇନିଃ ଆୟାଃ ଚିଟାଉ ଅଲ୍କେଦ୍ତେ ଚାବାକେଦା । ୫:୧୨-୧୪

୧ ଆଇଜ୍ ପାଢ଼ରାସ୍ ଯୀଶୁ ଖ୍ରୀଷ୍ଟିଆଃ ମିଆଁଦ୍ କୁଲ୍ଲାନିନିଃ ତାନିଜ୍, ପନ୍ତସ୍, ଗାଲାତିୟ, କାପାଦକିଆ, ଏସିଆ, ବେଥ୍ନିଆ, ରାଇଜ୍କରେ ଛିତିବିତିକେଦ୍ତେ ତାଇନଃତାନ୍ ପାର୍ମେଶ୍ୱାର୍ଆଃ ସାଲାକାନ୍ ହଡ଼କକେ ନେ ଚିଟାଉ ଅଲେତାନାଇଜ୍ ।

୨ ଆପୁ ପାର୍ମେଶ୍ୱାର୍ ସିଦାରେ ଉହାଟ୍କାଦ୍ ସେଣାଁ ଲେକାତେ ଆପେ ସାଲାକାନାପେ ଆତଃ ଯୀଶୁ ଖ୍ରୀଷ୍ଟିଆଃ କାଜି ମାନାତିଜ୍କେଦ୍ତେ ଆୟାଃ ମାୟୋମ୍ରେ ଫାର୍ତିୟାଃ ନାଗେନ୍ତେ ଆପେ ପାବିତାର୍ ଆମ୍ନାତେ ପାବିତାର୍ ହଡ଼ପେ ବାଇୟାକାନା । ପାର୍ମେଶ୍ୱାର୍ଆଃ ସାୟାଦ୍ ଆତଃ ଜୀଉସୁକୁ ଆପେୟାଃ ପୁରାଃତେ ହବାଅଃକା ।

ମିଆଁଦ୍ ଜାନିଦ୍ରାଃ ଆସ୍ତା

୩ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟ, ଆପୁ ପାର୍ମେଶ୍ୱାର୍ଆଃ ସାହାରାଅ ହବାଅଃକା, ଚିୟାଃଚି ଆୟାଃ ମାରାଜ୍ ଦାୟାତେ ଯୀଶୁ ଖ୍ରୀଷ୍ଟକେ ଗନଏଃହେତେ ଜୀଉବିରିଦ୍କିୟାଏ, ଆତଃ ଆବୁକେ ନାଞ୍ଜା ଜୀଞ୍ଜାନ୍ ଏମାକାଦ୍ବୁଆଏ । ନେଆଁ ଆବୁକେ ଜାନିଦ୍ ଆସ୍ତାରେ ପେରେଜାକାଦ୍ବୁଆ । ୪ ଏନାମେନ୍ତେ ପାର୍ମେଶ୍ୱାର୍ ଆୟାଃ ହଡ଼କ ନାଜ୍ ମାରାଜ୍ ଆଶିଷ୍ ଦହାକାଦାଏ, ଏନାକେ ନାମେ ନାଗେନ୍ତେ ଆବୁ ସବେନ୍କ ତାଜିତାନାବୁ । ଇନିଃ ଏନାକେ ଆପେ ନାଗେନ୍ତେ ସିମ୍ନାରେ ଦହାକାଦା । ଏନ୍ତାଃରେ ଏନା କା ସୟାଃଞ୍ଜା, କା ଜିୟନଃଆ, ଆତଃ କା ଗସଃଆ । ୫ ତୁଣ୍ଡୁ ଦିପିଲିରେ ଅକ ଜୀଉବାଞ୍ଚାଅ ଉଦ୍ବୁବଃ ନାଗେନ୍ତେ ସେକାଡ଼ାକାନା, ଏନାକେ ନାମେ ନାଜ୍ ଆପେୟାଃ ବିଶ୍ୱାସ୍ ହରାତେ ପାର୍ମେଶ୍ୱାର୍ଆଃ ପେଡ଼େଃତେ ଜାଡ଼ନାଅ କାନାପେ ।

୬ ଏନାତେ ଆପେ ରାସ୍କାଅଃପେ । ହବାସାକାଆଃ ଚିମିନ୍ ରାକାମ୍ରେୟାଃ ଦୁକୁହାସୁ ହରାତେ ଆପେକେ ନାହାଁଃ କାଚିଃ ଘାଡ଼ିକାଦ୍ ନାଜ୍ ଦୁକୁ ହବାଅଃ ଲାଗାତିଜ୍ୟାଃ । ୭ ଆପେୟାଃ ବିଶ୍ୱାସ୍ ସାର୍ତିତାନାଃଚି ନାହାଁଲାଃ ଏନା ବିଡ଼ାଅ ନାଗେନ୍ତେ ନେ ସବେନାଃରାଃ ଉଦ୍ଦେଶ୍ ତାନାଃ । ସୋନାକେ ସେଜ୍ଲେରେ ବିଡ଼ାଅକେଦ୍ତେ ବୁଗିନାଃ ତାନାଃଚି ନାହାଁଲାଃ ଏନା ସାରିୟାଃଆ, ମେନ୍ଦ୍ ଏନା ଜିୟନଃତେୟାଃ ତାନାଃ । ଆପେୟାଃ ବିଶ୍ୱାସ୍ ସୋନାଏତେୟାଃ ପୁରାଃ ଗନଜ୍ଆନ୍

ତାନାଃ ଏନା ନାଗେନ୍ତେ ବିନିତାଅ ହରାତେ ଏନାକେ ପକ୍ତାଏ ଲାଗାତିଙ୍ଗିୟାଃ । ଏନା ହବା ଦାଡ଼ିୟଃରେ, ଯୁଗୁ ଶ୍ରୀଷ୍ଟିଆଃ ଉନ୍ନୁଦୁବ୍ ଦିପିଲିରେ ଆପେ ମାଜନାନ୍, ମାନାରାଙ୍ଗ୍, ଆତଃ ସାହାରାଅପେ ନାମେୟା । ୮ ଆପେ ଜନିଃକେ କାପେ ନେଲ୍ଲକାଇରେୟ ଦୁଲ୍ଲାଡ଼ିତାନାପେ ଆତଃ ନାହାଃ ହିଁ କାପେ ନେଲ୍ଲିତାନରେୟ ଜନିଃତାଃରେ ବିଶ୍ୱାସ୍ କେଦ୍ଦେ କା କାଜି ଦାଡ଼ିୟଃ ଲେକା ମାନାରାଙ୍ଗ୍ ରାସ୍ କାତେପେ ରାସ୍ କାଅଃତାନା, ୯ ତିଆଃତି ଆପେୟାଃ ବିଶ୍ୱାସ୍ ରେଆଃ ନାଲା ଆପେୟାଃ ଆମ୍ବାରାଃ ଜୀଉବାଞ୍ଚାଅ ତାନା, ଏନାପେ ନାମାକାଦା ।

୧୦ ନେ ଜୀଉବାଞ୍ଚାଅ ବିଷାଏରେ ନାବାକ ପୁରାଃ ବୁଗିଲେକା ଦାଣିଁ ନାମ୍ କେଦ୍ଦେ ଜନ୍ କୁ ପାର୍ମେଶ୍ୱାର୍ ଆଃ ନେ ସାୟାଦ୍ରେୟାଃ ବାର୍ଦାନ୍ ବିଷାଏରେକ କାଜିଆୟାର୍ କେଦା । ୧୧ ଏନ୍ ବାର୍ଦାନ୍ କେ ଆପେ ଚିଉଲା ଆତଃ ଚିଲ୍ଲକାତେପେ ନାମେୟା, ଏନା ସାରିନାମ୍ ନାଗେନ୍ତେ ଜନ୍ କୁ ଚେଷ୍ଟା ତାଇକେନାକ । ଏନ୍ ବିଷାଏରେ ପାବିତାର୍ ଆମ୍ବାରାଃ ଦେଙ୍ଗାତେ ଜନ୍ କୁ ଶ୍ରୀଷ୍ଟିଆଃ ଦୁକୁ ଆତଃ ତାୟମ୍ ତେରାଃ ମାନାରାଙ୍ଗ୍ ବିଷାଏରେ ଆୟାର୍ କାଜି କାଜିକାଦ୍ ତାଇକେନାକ । ୧୨ ନେ ସବେନ୍ ବିଷାଏରେ ଜନ୍ କୁ ଆକଆଃ ଆପ୍ନାଃ ସୁନ୍ଦୁସାର୍ କା ରିକାକେଦ୍ଦେ ଆପେୟାଃ ସୁନ୍ଦୁସାର୍ ରିକା ତାଇକେନାକ, ମେନ୍ଦ୍ ଜନ୍ କୁ ଆକଆଃ ବୁଗିନ୍ ନାଗେନ୍ତେ ଜେଡ଼ନାଃ କାକ କାମିକେଦା । ଜନ୍ କୁ କାଜି ତାଇକେନ୍ଦ୍ରେୟାଃ ଆପେ ନାଗେନ୍ତେ ଉଦୁବକାନ୍ ତାଇକେନା । ଏନା ସିର୍ମାଏତେ କୁଲ୍ଲାନାନ୍ ପାବିତାର୍ ଆମ୍ବାରାଃ ପେଡ଼େଃତେ ନାହାଃ କାଜି ଏମ୍ ତାନକଆଃ ହରାତେ ଆପେତାଃତେ ସୁକୁକାଜି ଉଦୁବାକାନା, ଏନ୍ ସବେନ୍ ବିଷାଏ ଦୁଡ଼କହ୍ ନେଲ୍ ନାଗେନ୍ତେକ ସାନାଙ୍ଗ୍ ତାନା ।

ପାବିତାର୍ ଜୀଞ୍ଜାନ୍ ବିତାଅ ନାଗେନ୍ତେ କେନେଡ଼ା

୧୩ ଏନାମେନ୍ତେ, କାମି ନାଙ୍ଗ୍ ଆପେୟାଃ ମନ୍ରେ ସେକାଡ଼ାକାନ୍ ତାଇନ୍ଦେ । ଚିର୍ଗାଲାକାନ୍ଦେ, ଯୁଗୁ ଶ୍ରୀଷ୍ଟି ଉଦୁବଃ ଜମ୍ତାରେ ଆପେକେ ଅକ ସାୟାଦ୍ରେୟାଃ ଜୀଉବାଞ୍ଚାଅ ଏମଃଆ ଏନାରେ ପୁରାଃତେ ଆସ୍ତା ଦହେପେ । ୧୪ ପାର୍ମେଶ୍ୱାର୍ କାଜି ମାନାତିଙ୍ଗିପେ, ଆତଃ ଆପେ ବେଗାର୍ ସାରିତେ ଏଡ଼କାନ୍ ସାନାଙ୍ଗ୍ରେପେ ଜୀହୁଦଃ ତାଇକେନ୍ ଲେକା ଆଲ୍ପେ ସେସେନା । ୧୫ ମେନ୍ଦ୍ ଆପେକେ କେଡ଼ାକେନ୍ନିଃ ପାବିତାର୍ ମେନାଇ ଲେକାଗି ଆପେୟ ସବେନ୍ ଚାଇଲ୍ ଚାଲାନ୍ରେ ପାବିତାରଃପେ । ୧୬ ଧାରାମ୍ପୁଥ୍ରେ ଅଲାକାନା, “ଆପେ ପାବିତାରଃପେ ଚିୟାଃତି ଆଇଙ୍ଗ୍ ପାବିତାର୍ ତାନିଙ୍ଗ୍ ।”

୧୭ ପାର୍ମେଶ୍ୱାର୍ ଜେତାଏୟାଃ ମେଦ୍ମୁହାଡ଼୍ କା ନେଲ୍ଲକେଦ୍ଦେ ଆକଆଃ କାମି ଲେକାତେ ବିଚାର୍ କଆ । ଆପେ ଜନିଃତାଃରେ ବିକ୍ତି ଜମ୍ତା ଜନିଃକେ ଆପୁ ମେନ୍ତେପେ ମାଜନିତାନରେଦ୍, ନେ ଅତେରେ ଆପେୟାଃ ଜୀଞ୍ଜାନ୍ ବାଚାଅକାନ୍ ନେତାରେ ଜନିଃକେ ବରଭାଲ୍ଲିତାନଲ୍ଲଃ ଜୀଞ୍ଜାନ୍ ବିତାଏପେ । ୧୮ ଆପେଦ୍ ସାରିତାନାପେ, ଆପେୟାଃ ପୁରୁଖା ହଡ଼କତାଏତେ ହିଜୁଃକାନ୍ ରିତିରିଞ୍ଜାନ୍ ଆତଃ ସାମାରେୟାଃ ଜୀଞ୍ଜାନ୍ଏତେ ଆପେକେ ମୁକ୍ତି ଏମ୍ ନାଙ୍ଗ୍ ପାର୍ମେଶ୍ୱାର୍ କେ ଗନଙ୍ଗ୍ ଏମ୍ ଲାଗାତିଙ୍ଗ୍ ତାଇକେନା । ଏନା ରୁପା ଚାଏ ସୋନା ଲେକାନ୍ ଜିୟନଃ ଜିନିଷ୍ କା ତାଇକେନା, ୧୯ ମେନ୍ଦ୍ ବେଗାର୍ ଦାଗିକାନ୍ ଆତଃ କା ଚିଟାକାନ୍ ମିଶ୍ଟିହନ୍ ଲେକା ଯୁଗୁ ଶ୍ରୀଷ୍ଟିଆଃ ପୁରାଃ ଗନଙ୍ଗ୍ ଆନ୍ ମାୟୋମ୍ତେ ରାଡ଼ାକାନାପେ । ୨୦ ଜନିଃଦ୍ ଅତେଦିଶ୍ଟମ୍ରେୟାଃ ବାଇୟଃ ସିଦାରେ ପାର୍ମେଶ୍ୱାର୍ରେ ସାଲାକାନ୍ ତାଇକେନାଏ ଆତଃ ଆପେ ନାଗେନ୍ତେ ନେ ଚୁଣ୍ଟୁ ଦିପିଲିରେ ଉଦୁବାକାନା । ୨୧ ପାର୍ମେଶ୍ୱାର୍ ଜନିଃକେ ଗଜାକାନ୍କଏତେ ଜୀଉବିରିଦ୍ କିୟା ଆତଃ ମାନାରାଙ୍ଗ୍ ଏମ୍ କିୟାଏ । ଜନିୟାଃ ହରାତେ ଆପେ ପାର୍ମେଶ୍ୱାର୍ କେପେ ବିଶ୍ୱାସୀ ତାନା, ଏନାତେ ପାର୍ମେଶ୍ୱାର୍ ତାଃରେ ଆପେୟାଃ ବିଶ୍ୱାସ୍ ଆତଃ ଆସ୍ତା କେଟେୟଃ ତାନା ।

୨୨ ନାହାଃ ଆପେ ସାର୍ତି ମାନାତିଙ୍ଗ୍ ତାନ୍ ହରାତେ ଆପେ ଆପେଗି ଫାର୍ତିଆକାନାପେ ଆତଃ ବିଶ୍ୱାସ୍ ତାନ୍ ହାଗାକକେ ଆପେୟାଃ ସବେନ୍ ମନ୍ସୁରୁଦ୍ରେ ଦୁଲ୍ଲାଡ଼କପେ, ଆତଃ ସବେନ୍ କଲ୍ଲଃ ଦୁପୁଲ୍ଲାଡ଼ରେ ତାଇନ୍ଦେ । ୨୩ ଚିୟାଃତି ପାର୍ମେଶ୍ୱାର୍ ଜାନିଦ୍ ଆତଃ କା ଜିୟନଃ ବାଚାନ୍ତେ ଚାଏ ଆପେଦ୍ ଗନଏଃରେନ୍ ଆପୁଆଃ ହନ୍ ଲେକା କାହାଗି ମେନ୍ଦ୍ କା ଗନଏଃ ଆପୁଆଃ ହନ୍ ଲେକାପେ ଜାନାମ୍ ରୁହାଡ଼କାନା । ୨୪ ଧାରାମ୍ପୁଥ୍ରେ ଅଲାକାନା, “ସବେନ୍ ହଡ଼କ ତାସାଦ୍ ଲେକାଃକ,

ଆତଃ ଜନ୍ କୁଆଃ ସବେନ୍ ସୁଗାଡ଼ାନ୍ତେୟାଃ ବିର୍ ବାହା ଲେକାଃ ।
ତାସାଦ୍ ରହଡ଼କଆଃ ଆତଃ ବାହା ଗାସାର୍ କଆଃ,

୨୫ ମେନ୍ଦ୍ ପାର୍ମେଶ୍ୱାର୍ ବାଚାନ୍ ଜାନାଅ ଜାନାଅ ଜାକେଦ୍ ତାଇନାଃ ।”
ନେଆଁ ଏନ୍ ସୁକୁକାଜି ଅକ୍ନାଃ ଆପେତାଃରେ ଉଦୁବାକାନା ।

୨

ଜାନିଦ୍ ଦିରି ଆତଃ ପାବିତାର୍ ହଡ଼କ

୧ ଆପେ ସବେନ୍ ଲେକାନ୍ ଏଡ଼କାନାଏତେ ସାଙ୍ଗିନେନ୍ଦେ । ସବେନ୍ ଏଡ଼କାନ୍ କାଜି ଚାଏ ହସଡ଼ କାଜି ଚାଏ ହିସ୍ ଜା କାଜି ଚାଏ ଚୁପ୍ କାଜିକ ବାଗିପେ । ୨ ନାଞ୍ଜାଜାନାମ୍ ହନ୍ଲେକା ହବାଅଃପେ । ସବେନ୍ ଜମ୍ତା ଫାର୍ତି ଆମ୍ବିକ୍ ତଆ ନୁଁ ନାଗେନ୍ତେ ତେତାଙ୍ଗ୍ ଅଃପେ, ଜେ'ଲେକାଚି ଆପେ ନୁଁକେଦ୍ଦେ ହାରା ଦାଡ଼ିୟାଆପେ ଆତଃ ବାଞ୍ଚାଅପେ ନାମେୟା । ୩ ଧାରାମ୍ପୁଥ୍ରେ ଅଲାକାନା, “ପ୍ରାଭୁ ଚିମିନ୍ ଦାୟାଲୁ ତାନିଃ, ଏନା ଆପେ ଆର୍କାର୍ ଉରୁମ୍ କାଦାପେ ।”

୪ ଜାନିଦ୍ ଦିରି ଲେକାନନିଃଗି ଏନ୍ ପ୍ରାଭୁ ତାନିଃ, ହଡ଼କ ଇନିଃକେ କା ଗନଙ୍ଗୁଆଁନ୍ ଲେକା ଗେନା ଆତମ୍‌କିୟାକ, ଇନିଃତାଃତେ ହିଜୁଃପେ, ଚିୟାଃଚି ପାର୍‌ମେଶ୍‌ବାର୍‌ତାଃରେ ଇନିଃ ପୁରାଃ ଗନଙ୍ଗୁଆଁନ୍ ହବାକେଦ୍‌ତେ ସାଲାୟାନାଏ ।
 ୫ ଆପେ ମିଆଁଦ୍ ଆମ୍‌କି ମାନ୍‌ଦିର ବାଇୟେନ୍ ନାଙ୍ଗ୍ ଜାନିଦ୍ ଦିରି ଲେକା ବାଉରାଅଃ ନାଗେନ୍ତେ ହିଜୁଃପେ । ଏନ୍ ମାନ୍‌ଦିର ଅଡ଼ାଃରେ ଆପେ ଯୀଶୁ ଖ୍ରୀଷ୍ଟୁଆଃ ହରାତେ ପାର୍‌ମେଶ୍‌ବାର୍ ସୁକ୍ଷୁଆଏ ଲେକା ଆମ୍‌କି ଦାଣ୍ଟି ରାକାବ୍ ନାଗେନ୍ତେ ପାବିତାର୍ ଯାଜାକ୍ କାମି କାମିୟାପେ ।^୬ ଚିୟାଃଚି ଧାରାମ୍‌ପୁଅରେ ଅଲାକାନା,

“ଆଲେ ମିଆଁଦ୍ ପୁରାଃ ଗନଙ୍ଗୁଆଁନ୍ ଦିରି ସାଲାକାଦାଲେ,
 ଏନାକେ ଆଲେ ସିୟୋନ୍‌ରେୟାଃ କଚା ଦିରି ଲେକାଲେ ମାଣ୍ଡାଅକାଦା ।
 ଜେତାଏ ଇନିଃରେ ବିଶ୍ୱାସେନିଃ, ଚିଉଲାଅ କାଏ ଗିହୁଗଃଆ ।”

^୭ ଆପେ ବିଶ୍ୱାସ୍‌ତାନ୍ ହରାତେ ନେ ଦିରି ଆପେୟାଃ ନାଙ୍ଗ୍ ପୁରାଃଗି ଗନଙ୍ଗୁଆଁନ୍ ତାନାଃ । ମେନ୍‌ଦ କା ବିଶ୍ୱାସ୍‌ତାନ୍‌କଆଃ ନାଙ୍ଗ୍,

“ଅଡ଼ାଃ ବାବାଇକ ଅକନ୍ ଦିରିକେ ଗେନା ଆତମ୍‌କେଦାକ,
 ଏନା ନାହାଁଃ ସବେନାଃରାଃ କଚା ଦିରି ହବାୟାନା ।”

୮ ଧାରାମ୍‌ପୁଅରେ ଆତଃଗି ଅଲାକାନା,

“ନେ ସେରେଙ୍ଗ୍ ଦିରି ଚେତାନ୍‌ରେ ପୁରାଃ ହଡ଼କ ତହଦଃଆକ,
 ନେ ସେରେଙ୍ଗ୍ ହରାତେ ଇନ୍‌କୁଆଃ ଜିୟନ୍ ହବାଅଃଆ ।” ଇନ୍‌କୁ ପାର୍‌ମେଶ୍‌ବାର୍‌ଆଃ ବାଚାନ୍‌କେ କାକ ମାନାତିଙ୍ଗ୍‌କେଦା, ଏନାତେ ଇନ୍‌କୁ ତହଦ୍‌ୟାନାକ । ନେଆଁ ଇନ୍‌କୁଆଃ ନାଗେନ୍ତେ ପାର୍‌ମେଶ୍‌ବାର୍‌ଆଃ ସାନାଙ୍ଗ୍ ତାଇକେନା ।

^୯ ମେନ୍‌ଦ ପାର୍‌ମେଶ୍‌ବାର୍ ଆପେକେ ନୁବାଃହେତେ ଆୟାଃ ଆକ୍‌ଦାନ୍‌ଆ ମାସ୍‌ଲାତେ କେଡ଼ାକାଦ୍‌ପେୟା, ଜେ'ଲେକାଚି ଆପେ ପାର୍‌ମେଶ୍‌ବାର୍‌ଆଃ ଆକ୍‌ଚାକାଅ କାମିକପେ ଉଦୁବେଆ, ଏନାମେନ୍ତେ ଆପେ ମିପିହୁଡ୍ ସାଲାକାନ୍ ହଡ଼କ ତାନ୍‌ପେ, ରାଜା ଲେକାନ୍ ଯାଜାକ୍ କିଲିକ, ପାବିତାର୍ ହଡ଼କ, ଆତଃ ପାର୍‌ମେଶ୍‌ବାର୍‌ଆଃ ଆୟାଃ ହଡ଼କପେ ହବାକାନା ।^{୧୦} ସିଦା ଆପେ ପାର୍‌ମେଶ୍‌ବାର୍‌ଆଃ ହଡ଼କ କାପେ ତାଇକେନା, ମେନ୍‌ଦ ନାହାଁଃ ଆୟାଃ ହଡ଼କ ତାନ୍‌ପେ । ସିଦା ପାର୍‌ମେଶ୍‌ବାର୍‌ଆଃ ଦାୟା କାପେ ସାରିକାଦ୍ ତାଇକେନା, ମେନ୍‌ଦ ନାହାଁଃ ଆପେ ଇନିୟାଃ ଦାୟା ନାମାକାଦାପେ ।

ପାର୍‌ମେଶ୍‌ବାର୍‌ଆଃ ଦାସି

^{୧୧} ହେ ଦୁଲାଡ୍ ହାଗା ମିଶିକ, ଆପେ ନେ ଅତେଦିଶ୍‌ମ୍‌ରେନ୍‌କ ନାହାଁଲାପେ ଆତଃ କା ଚିହ୍ନାଁର୍ ଲେକାନ୍‌କ ତାନ୍‌ପେ, ଏନାମେନ୍ତେ ଆଇଙ୍ଗ୍ ଆପେକେ ବିକ୍ରିପେ ତାନାଇଙ୍ଗ୍, ଆପେ ହଡ଼ମ୍‌ରେୟାଃ ଏଡ଼କାନ୍ ସାନାଙ୍ଗ୍‌କଏତେ ସାଙ୍ଗିନେନ୍‌ପେ, ଏନାକଦ ଆମ୍‌ରେୟାଃ ବିରୁଧ୍‌ରେ ଲାଡ଼ାଇୟାଃ ।^{୧୨} ସାଆଁସାର୍ ହଡ଼କଆଃ ଆଲାରେ ଆପେୟାଃ ଚାଇଲ୍ ଚାଲାନ୍ ବୁଗିଲେକା ହବାଅଃ ଲାଗାତିୟା, ଚିମ୍‌ତା ଇନ୍‌କୁ ଆପେକେ ଏଡ଼କାନ୍ କାମିହଡ଼ ମେନ୍ତେକ ହିଲାଙ୍ଗ୍‌ପେରେ, ଆପେୟାଃ ବୁଗିନ୍ କାମି ନେଲ୍‌କେଦ୍‌ତେ ଯୀଶୁ ଖ୍ରୀଷ୍ଟୁଆଃ ହିନିଜୁଃ ହୁଲାଙ୍ଗ୍‌ରେ ପାର୍‌ମେଶ୍‌ବାର୍‌କେକ ମାଇନିୟା ।

^{୧୩} ପ୍ରାଭୁଆଃ ନୁଡୁମ୍‌ତେଇଙ୍ଗ୍ ବିକ୍ରିପେ ତାନା, ସବେନ୍ ଆକ୍‌ତେୟାର୍ ନାମାକାଦ୍ ହଡ଼କଆଃ ଆବର୍‌ରେ ତାଇନ୍‌ପେ । ରାଜା ତାଇନିଃ ଚାଏ, ଲାଟ୍‌ସାହେର୍, ଆତଃ ଏଟାଃ ହାକିମ୍‌କେ ମାନାତିଙ୍ଗ୍‌କପେ ।^{୧୪} ହାକିମ୍‌କ, ଏଡ଼କାନ୍ ହଡ଼କକେ ସାଜାଇ ଏମ୍ ନାଗେନ୍ତେ ଆତଃ ବୁଗିନ୍ କାମି କାମିକାଦ୍ ହଡ଼କକେ ସାହାରାଅକ ନାଗେନ୍ତେ ଇନିଃ ଇନ୍‌କୁକେ ସାଲାକାଦ୍‌କଆ ।^{୧୫} ଆପେ ବୁଗିନ୍ କାମିତେ କା ସେଣାଁନ୍ ଡଣ୍ଡୁ ହଡ଼କକେ ହାପାଉତାର୍‌କପେ, ଏନା ପାର୍‌ମେଶ୍‌ବାର୍‌ଆଃ ସାନାଙ୍ଗ୍ ତାନାଃ ।^{୧୬} ରାଡ଼ାକାନ୍ ହଡ଼କ ଲେକା ଜୀହୁଦ୍‌ସପେ, ମେନ୍‌ଦ ଆପେ ରାଡ଼ାକାନାଲେ ମେନ୍ତେ ଏଡ଼କାନ୍ କାମିରେଲେ ତାଇନା ମେନ୍ତେ କା ଉଡ଼ୁକେଦ୍‌ତେ, ପାର୍‌ମେଶ୍‌ବାର୍‌ଆଃ କିରିଙ୍ଗ୍‌ୟାକାନ୍ ଦାସି ଲେକା ଜୀଝାନ୍ ବିତାଏପେ ।^{୧୭} ସବେନ୍‌କକେ ମାଇନ୍‌କପେ, ଏଟାଃ ବିଶ୍ୱାସୀ ହାଗା ମିଶିକକେ ଦୁଲାଡ଼କପେ, ପାର୍‌ମେଶ୍‌ବାର୍‌କେ ବରଆଇପେ, ଆତଃ ରାଜାକେ ମାଇନିପେ ।

ୟୀଶୁ ଖ୍ରୀଷ୍ଟୁଆଃ ଦୁକୁରେୟାଃ ନାମୁନା

^{୧୮} ହେ ଦାସିକ, ଆପେ ବରତାନ୍‌ଲଃ ଆପେୟାଃ ଗମ୍‌କେକକେ ମାଇନ୍‌କପେ, ବୁଗିନ୍ ଆତଃ ଲେବେଃମନ୍‌ରେନ୍ ହଡ଼କକେ ଏସ୍‌କାର୍ କାହା, ମେନ୍‌ଦ କା ଲେବେଃମନ୍‌ରେନ୍ ହଡ଼କକେହ ମାଇନ୍‌କପେ ।^{୧୯} ଆପେ ପାର୍‌ମେଶ୍‌ବାର୍‌ଆଃ ଇଛା ସାରିକାଦ୍ ହରାତେ ବେଗାର୍ ଗୁଣ୍ଡାଁରେ ସାସାତି ନାମେତାନ୍‌ଲଃ ଦୁକୁପେ ସାହାତିଙ୍ଗ୍ ତାନ୍‌ରେଦ, ପାର୍‌ମେଶ୍‌ବାର୍ ଆପେକେ ଆଶିଷ୍‌ପେୟା ।^{୨୦} ଆପେ ଗୁଣ୍ଡାଁକେଦ୍‌ତେ ସାଜାଇପେ ନାମେରେଦ, ଏନାରେ ଚିକାନ୍ ମାରାଙ୍ଗ୍ ତାନାଃ ? ମେନ୍‌ଦ ଆପେ ବୁଗିନ୍ କାମିକେଦ୍‌ତେ ଦୁକୁପେ ସାହାତିଙ୍ଗ୍ ତାନ୍‌ରେଦ, ଏନାରେ ପାର୍‌ମେଶ୍‌ବାର୍ ଆପେକେ ଆଶିଷ୍‌ପେୟା ।^{୨୧} ପାର୍‌ମେଶ୍‌ବାର୍ ନେଆଁ ନାଗେନ୍ତେ ଆପେକେ କେଡ଼ାକାଦ୍‌ପେୟା । ଯୀଶୁ ଖ୍ରୀଷ୍ଟୁ ଆଇଃକଚି ଆପେ ନାଗେନ୍ତେ ଦୁକୁ ସାହାତିଙ୍ଗ୍‌କେଦ୍‌ତେ ନାମୁନା ଉଦୁବକାଦା, ଜେ'ଲେକାଚି ଆପେ ଆୟାଃ ଉଦୁବକାଦ୍ ହରାକେପେ ଅତଙ୍ଗ୍ ଦାଡ଼ିୟା ।^{୨୨} ଇନିଃ ଜେଡ଼ନାଃ କାଏ ପାପ୍‌କାଦା, ଆତଃ ଆୟାଃ ମଚାଏତେ ବେଦା କାଜି ଅତଙ୍ଗ୍‌ଅଃତେୟାଃ ଜେତାଏ ଚିଉଲାଅ କାକ

☆ ୨:୯ ୨:୯ ଚିତସ୍ ୨:୧୪.

ଆୟୁମ୍ବଦା । ୨୩ ଇନିଷକେ ଲାନ୍ଦାକିୟାକ ଇମ୍ତା ଇନିଷ ଇନ୍କୁକେ କାଏ ଲାନ୍ଦାରୁହାଡ଼କେଦକଆ, ଦୁକୁ ନାମ୍ବକେଦ ଇମ୍ତା ଇନ୍କୁଆଃ ବାଦଲା ଇଦିନାଜ୍ କାଏ ବଡ଼କ୍ବକେଦକଆ, ମେନ୍ଦ ନ୍ୟାୟ ବିଚାରନିଷ ପାରମେଶ୍ଵାର୍ତାଃରେ ପୁରାଃଗି ଆସ୍ତାକାଦ୍ ତାଇକେନାଏ । ୨୪ ଆରୁ ଜେ'ଲେକା ପାପ୍ ନାଜ୍ ଗଏଃକେଦତେ, ଧାରମାନ୍ ନାଗେନ୍ତେବୁ ଜୀହୁଦଃକା, ଏନାମେନ୍ତେ ଯୀଶୁ ଖ୍ରୀଷ୍ଟ ଆଇଃକଗି କୁଶ୍ ଚେତାନ୍ରେ ଆୟାଃ ହଡ଼ମରେ ଆରୁଆଃ ପାପକଏ ଗଅଃକେଦା । ଆରୁ ଆୟାଃ ହଡ଼ମରେ ହାଁଶ୍ଵାକାନ୍ ଘାଅ ହରାତେ ବୁଗିକାନାରୁ । ୨୫ ଆପେଦ ଆଦାକାନ୍ ମିଶ୍ଟିକ ଲେକାପେ ତାଇକେନା, ମେନ୍ଦ ନାହାଁଃ ଆପେୟାଃ ଆମ୍ବରେନ୍ ମିଶ୍ଟିଗୁପିନିଃ ଆଡଃ ଆଗୁଆଇନିଷକେ ଅତଜ୍ଞକ୍ ନାଗେନ୍ତେପେ ଆଉରୁହାଡ଼ାକାନା ।

୩

ଆଶ୍ଵଦି କଡ଼ା କୁଡ଼ିକ ନାଜ୍ ଇନିଡୁ

୧୨ ହେ ଆଶ୍ଵଦି କୁଡ଼ିକ, ଏନଲେକାଗି ଆପେ ଆପାନ୍ ଆପାନ୍ କଡ଼ାକଆଃ ଆବରରେ ତାଇନ୍ଦପେ । ଏନାତେ ଜେତା କଡ଼ା ପାରମେଶ୍ଵାର୍ତାଃ ବାଚାନ୍ କାଏ ମାନାଡ଼ିକ୍ବରେଦ, ଆୟାଃ କୁଡ଼ିଆଃ ବୁଗିନ୍ ଚାଇଲ୍ ଚାଲାନ୍ ହରାତେ ଇନିଷ ବିଶ୍ଵାସେ ନାଜ୍ ଜିତାଅଇୟାଏ । ଆପେକେ ମିଦ୍ପଦହ୍ କାଜି କା ଲାଗାଡ଼ିକ୍ବୟାଃ, ୨ ଚିୟାଃଚି ଇନ୍କୁ ଆପେୟାଃ ବୁଗିନ୍ ଫାର୍ଚିତେୟାଃ ଆଡଃ ବରଭାକ୍ତିକ ନେଲେୟା । ୩ *ଆପେୟାଃ ସିଙ୍ଗାରେନ୍, ଉଦ୍ ଗାଲାଜ୍ବୟେନ୍, ସୋନା ତୁସିୟେନ୍, ଚାଏ ଲିଜାଃ ତୁସିୟେନ୍, ନେ ସବେନାଃ, ନେପେଲ୍ ସିଙ୍ଗାର୍ ଏସ୍କାର୍ ଆଲକା ହବାଅଃକା, ୪ ମେନ୍ଦ ଆପେୟାଃ ମନ୍ସୁରୁଦ୍ରେୟାଃ ସିଙ୍ଗାରେନ୍ ହବାଅଃତାନା, ଲେବେଃମନ୍ ଆଡଃ ବୁଗିନ୍ ସଭାବ୍, ଏନା ପାରମେଶ୍ଵାର୍ତାଃ ନେପେଲ୍ରେ ସବେନାଃଏତେ ଗନଜ୍ଆନ୍ ଆଡଃ କା ଜିୟନଃତେୟାଃ ତାନାଃ । ୫ ଚିୟାଃଚି ପାରମେଶ୍ଵାର୍ତାଃରେ ଆସ୍ତାକାଦ୍ ସିଦା ଦିପିଲିରେନ୍ ପାବିତାର୍ କୁଡ଼ିକ ଆକଆଃ କଡ଼ାକଆଃ ଆବରରେ ତାଇନ୍ଦତାନ୍ ହରାତେ ଆକ ଆକଗି ସିଙ୍ଗାରଃ ତାଇକେନାକ । ୬ ଏନଲେକାଗି ସାରା ଆବ୍ରାହାମ୍ଆଃ କାଜି ମାନାଡ଼ିକ୍ବକେଦତେ ଇନିଷକେ ଆୟାଃ ଗମ୍ବକେ ମେନ୍ତେ କାଜି ତାଇକେନା । ନାହାଁଃ ଆପେୟାଃ ଇନିୟାଃ କୁଡ଼ିହନ୍ଦକ ତାନ୍ପେ, ଆଡଃ ଆପେ ବୁଗିନ୍ କାମିପେ ରିକାଏରେଦ, ଜେତାନ୍ ବିଷାଏରେ କାପେ ବରଏୟା ।

୭ *ଏନଲେକାଗି ଏ କଡ଼ାକ, ଆପେୟାଃ କୁଡ଼ିକ, ଆପେଏତେ ପୁରାଃଗି ନାରାଦୁରା ମେନ୍ତେ ସାରିତାନ୍ଲଃ ଇନ୍କୁଲଃ ସାହାଡ଼ିକ୍ବୟେ ଲେକା ଜୀଦାନ୍ ବିତାଏପେ । ଇନ୍କୁକେ ମାଇନ୍ଦକପେ, ଇନ୍କୁହ ପାରମେଶ୍ଵାର୍ତାଃ ସାୟାଦ୍ତେ ଆପେଲଃ ଜାନିଦ୍ରେୟାଃ ନାଲକ ନାମେୟା ଆପେ ଇନ୍କୁକେ ବୁଗିଲେକାପେ ମାଇନ୍ଦକରେଦ, ଆପେୟାଃ ବିକ୍ତିରେ କାଜିକଟଜ୍ କାପେ ନାମେୟା ।

ବୁଗିନ୍ କାମି ନାଗେନ୍ତେ ଦୁକୁ

୮ ବୁଗୁରେ, ଆପେ ସବେନ୍ଦକ ମିଦ୍ ମନ୍ରେ ତାଇନ୍ଦକେଦତେ ମିହୁଡ଼ ଆଡଃମିହୁଡ଼ଲଃ ହାଗା ମିଶିଲେକା ଦୁପୁଲ୍ଲାଡ଼ଃପେ ଆଡଃ ମିହୁଡ଼ ଆଡଃମିହୁଡ଼କେ ଦାୟାତାନ୍ଲଃ ଲେବେଃମନ୍ ଲେକା ହବାଅଃପେ । ୯ ଏଡ଼କାନାଃ ନାଗେନ୍ତେ ଏଡ଼କାନାଃ, ଚାଏ ସାର୍ପାଅ ନାଗେନ୍ତେ ସାର୍ପାଅ ଆଲ୍ପେ ଏମ୍ବରୁହାଡ଼କଆ, ମେନ୍ଦ ଆଶିଷ୍ଟକପେ, ଚିୟାଃଚି ଆପେ ପାରମେଶ୍ଵାର୍ତାଃଏତେ ଆଶିଷ୍ଟ ନାମେ ନାଗେନ୍ତେପେ କେଡ଼ାକାନା । ୧୦ ଧାରାମ୍ପୁଥ୍ରେ ଅଲ୍ଲାକାନା,

“ଜେତାଏ ଜୀଦାନ୍ରେ ସୁକୁ ନାମେ ନାଗେନ୍ତେ
 ଆଡଃ ସୁକୁରାଃ ଦିନ୍ ନେଲ୍ ନାଗେନ୍ତେ ସାନାଜ୍ତାନ୍ରେଦ,
 ଇନିଷ ଏଡ଼କାନାଃ ଆଲକାଏ କାଜିକା
 ଆଡଃ ହସଡ଼ ଆଲକାଏ କାଜିକା ।

୧୧ ଇନିଷ ଏଡ଼କାନାଃଏତେ ସାଜିନ୍ଦକେଦତେ ବୁଗିନାଃଏ କାମିକା,
 ଆଡଃ ଜୀଉସୁକୁ ଦାଣ୍ଡାକେଦତେ ଅତଜ୍ଞୟେକା ।

୧୨ ପ୍ରାଭୁଆଃ ନେପେଲ୍ରେ ଧାରମାନ୍ ହଡ଼କସାଃରେ ମେନାଃ,
 ଆଡଃ ଇନ୍କୁଆଃ ବିକ୍ତି ଆୟୁମାଃଏ,
 ମେନ୍ଦ ଏଡ଼କାନ୍ କାମିତାନ୍କଆଃ ବିକ୍ତି କାଏ ଆୟୁମାଃ ।”

୧୩ ଆଡଃ ଆପେ ବୁଗିନାଃତେୟାଃରେ ଚିହ୍ନଲାନିପେ ହବାଅଃରେଦ, ଅକଏ ଆପେୟାଃ ଏଡ଼କାନ୍ ରିକାୟାଏ ? ୧୪ *ମେନ୍ଦ ଧାରମାନ୍ ନାଗେନ୍ତେ ଆପେକେ ଦୁକୁ ସାହାଡ଼ିକ୍ ହବାଅଃରେୟା, ଆପେ ସୁକୁତାନ୍ଗିଆ । ଇନ୍କୁ ଆପେକେ ବଡ଼କ୍ବପେରେ ଆଲ୍ପେ ବରଏୟା, ଆଡଃ ଆଲ୍ପେ ଆକ୍ବାକାଅଃଆ । ୧୫ ମେନ୍ଦ ଯୀଶୁ ଖ୍ରୀଷ୍ଟକେ ପ୍ରାଭୁ ମେନ୍ତେ ଆପେୟାଃ ମନ୍ସୁରୁଦ୍ରେ ମାଇନିପେ । ଆପେତାଃରେ ତାଇନଃତାନ୍ ଆସ୍ତା ବିଷାଏରେ ଜେତାଏ ଆପେକେ କୁଲିପେରେ, ଇନିଷକେ କାଜିରୁହାଡ଼ ନାଜ୍ ସବେନ୍ ଇମ୍ତା ସେକାଡ଼ାକାନ୍ ତାଇନ୍ଦପେ, ୧୬ ମେନ୍ଦ ଲେବେଃମନ୍ତେ ଆଡଃ ବୁଗିନ୍ ମାଇନ୍ତେ କାଜିରୁହାଡ଼କପେ । ଆପେୟାଃ ବିବେକ୍ ନିରାଲ୍ ଦହେପେ, ଏନ୍ତେ ଆପେ ଯୀଶୁ ଖ୍ରୀଷ୍ଟକେ ଅତଜ୍ଞ ନାଜ୍ ବୁଗିନ୍ ଚାଇଲ୍ ଚାଲାନ୍ରେ ତାଇନ୍ ଇମ୍ତା ଆପେୟାଃ ବିଷାଏରେ ଏଡ଼କାନ୍ କାଜି କାଜିତାନ୍କ ଗିହୁଗଃଆକ ୧୭ ଏଡ଼କାନ୍

* ୩:୧ ୩:୧ ଏଡ଼ିସିୟ ୫:୨୨; କଲସିୟ ୩:୧୮. * ୩:୩ ୩:୩ ୧ ତିମ୍ଥ ୨:୯. * ୩:୭ ୩:୭ ଏଡ଼ିସିୟ ୫:୨୫; କଲସିୟ ୩:୧୯. * ୩:୧୪ ୩:୧୪ ମାଥୁର୍ ୫:୧୦.

କାମି କାମିକେଦ୍‌ତେ ଦୁକୁ ନାମ୍‌ହେତେ, ପାର୍‌ମେଶ୍ୱାର୍‌ଆଃ ମନେଲେକା ବୁଗିନ୍ କାମି କାମିକେଦ୍‌ତେ ଦୁକୁ ନାମେତେୟାଃ ବୁଗିନାଃ ତାନାଃ । ୧୮ ଆପେକେ ପାର୍‌ମେଶ୍ୱାର୍‌ତାଃତେ ସୁଦୁଃଆଉପେ ନାଗେନ୍ତେ ଯାଶୁ ଶ୍ରୀଷ୍ଟ ଆଇଃକ୍‌ଗି ଧାର୍‌ମାନ୍ ତାଇକେନରେୟ କା ଧାର୍‌ମାନ୍ ହଡ଼କଆଃ ପାପ୍ ନାଗେନ୍ତେ ମିସାଗି ଗଏଃୟାନା । ଇନିଃ ହଡ଼ମ୍‌ ଲେକାତେ ଗଏଃୟାନା ମେନ୍‌ଦ୍‌ ଆମ୍‌ ଲେକାତେ ଜୀହୁଦ୍‌ୟାନା, ୧୯ ଏନ୍ତେ ଆମ୍‌ତେ ଇନିଃ ତଲ୍‌କାନ୍ ଆମ୍‌କତାଃ ସେନ୍‌କେଦ୍‌ତେ ପ୍ରାଚାର୍‌କେଦା । ୨୦ ନୁହୁଁ ଲାଉକା ବାଇତାନ୍ ଇମ୍‌ତା ପାର୍‌ମେଶ୍ୱାର୍‌ ଧିରାଜ୍ ସାବ୍‌କେଦ୍‌ତେ ତାଜିତାନ୍ ତାଇକେନାଏ, ଇମ୍‌ତା ଅକନ୍ ହଡ଼କ ପାର୍‌ମେଶ୍ୱାର୍‌କେ କାକ ମାନାତିଜ୍ ତାଇକେନା, ଇନ୍‌କୁ ଏନ୍ ଆମ୍‌କ ତାନ୍‌କ । ଏନ୍ ଦାଆଃ ଜାହାଜ୍‌ରେ ବଲ୍‌କେଦ୍‌ତେ କାମ୍‌ତିଗି ହଡ଼, ଚାଏ ସବେନ୍ ମେସାକେଦ୍‌ତେ ଇରାଲିୟା* ଝାନ୍‌ଗି ଚୁଡା ଦାଆଃହେତେ ବାସ୍ତାଅୟାନାକ । ୨୧ ଏନାଦ ଆପେୟାଃ ଜୀଉବାସ୍ତାଅ ହବାଅଃତାନ୍ ବାପ୍ତିସ୍ତାରେୟାଃ ଜନ୍‌କା ତାନାଃ । ନେ ବାପ୍ତିସ୍ତା ଆପେୟାଃ ହଡ଼ମ୍‌ରେୟାଃ ହୁମ୍‌ କାଏ ସାଜିନେଆଁ, ମେନ୍‌ଦ୍‌ ପାର୍‌ମେଶ୍ୱାର୍‌ତାଃରେ ବୁଗିନ୍ ବିବେକ୍ ନାମେ ନାଗେନ୍ତେ ବିକ୍ତି, ଆତଃ ଯାଶୁ ଶ୍ରୀଷ୍ଟଆଃ ଜୀଉବିନିରିଦ୍ ହରାତେ ଆପେୟାଃ ଜୀଉବାସ୍ତାଅ ହବାଅଃତାନା ୨୨ ଏନ୍ ଯାଶୁ ଶ୍ରୀଷ୍ଟ ସିର୍ମାତେ ରାକାବ୍‌ୟାନା ଆତଃ ପାର୍‌ମେଶ୍ୱାର୍‌ଆଃ ଜମ୍‌ତିସାଃରେ ଦୁବାକାନା, ଆତଃ ସିର୍ମାରେନ୍ ଦୁଢ଼କ, ଆକ୍‌ତେୟାର୍ ନାମାକାଦକ, ପେଡ଼େଃ ନାମାକାଦକ ଇନିୟାଃ ଆବ୍‌ରେ ମେନାକଆ ।

୪

ମନ୍ ବାଦ୍‌ଲୀଅକାନ୍ ଜୀଝାନ୍

୧ ଯାଶୁ ଶ୍ରୀଷ୍ଟ ହଡ଼ମ୍‌ରେ ଦୁକୁ ନାମାକାଦ୍ ହରାତେ, ଆପେୟ ଇନିୟାଃ ଲେକାଗି ମନ୍ ବାଇକେଦ୍‌ତେ ଆପେଗି ପେଡ଼େୟେନ୍‌ପେ, ଚିୟାଃତି ଜେତାଏ ଶ୍ରୀଷ୍ଟଆଃ ନାଗେନ୍ତେ ହଡ଼ମ୍‌ରେ ଦୁକୁ ନାମାକାଦ୍‌ନିଃ ପାପ୍‌ରେ ଆତଃ କାଏ ତାଇନାଃ । ୨ ନାହାଁଃଏତେ ଆପେୟାଃ ଅତେଦିଶ୍ୱମ୍‌ରେ ବାଚାଅକାନ୍ ଜୀଝାନ୍‌କେ ହଡ଼କଆଃ ଏଡ଼କାନ୍ ସାନାଜ୍ ଲେକାତେ କା ସେସେନ୍‌କେଦ୍‌ତେ ପାର୍‌ମେଶ୍ୱାର୍‌ଆଃ ମନେଲେକାତେ ସେସେନ୍ ଲାଗାତିଜ୍‌ୟାଃ । ୩ ସେନଃୟାନ୍ ଦିପିଲିକରେ ଆପେ ସାଅଁସାର୍ ହଡ଼କଲେକା ପୁରାଃଗି ଜୀଝାନ୍ ବିତାଅକାଦାପେ । ଆପେୟାଃ ଜୀଝାନ୍ ଏଡ଼କାନ୍ ସାନାଜ୍, ଇଲିଆରୁଶ୍ ନୁଁରେ ବୁଲଃ, ରିଜ୍‌ରାଜ୍, ଆତଃ ମୁରୁଡ଼ ସେଝା ତାଇକେନାପେ । ୪ ନାହାଁଃ ଆପେ ସାଅଁସାର୍ ହଡ଼କ ଲେକା କା ଫାର୍‌ତି କାମିରେ ରାସ୍‌କାନ୍ ନାଜ୍ କାପେ ମେସାନ୍‌ତାନା, ଏନାତେ ଇନ୍‌କୁ ଆକ୍‌ଦାନ୍‌ଆକେଦ୍‌ତେ ଆପେକେ ଲାନ୍‌ପେ ତାନାକ । ୫ ମେନ୍‌ଦ୍ ଅକ ପାର୍‌ମେଶ୍ୱାର୍ ଜୀନିଦ୍ ଆତଃ ଗଜାକାନ୍‌କଆଃ ବିଚାର୍ ରିକାଃଏ, ଇନିଃତାଃରେ ଇନ୍‌କୁକେ ହିସାବ୍ ଏମ୍ ଲାଗାତିଜ୍‌ୟାଃ । ୬ ଏନାମେନ୍ତେ ଗଜାକାନ୍‌କତାଃରେ ସୁକୁକାଜି ଉଦ୍‌ବ୍‌ୟାନା, ଜେ'ଲେକାଗି ଇନ୍‌କୁ ହଡ଼କଆଃ ଲେକା ହଡ଼ମ୍‌ରେ ବିଚାର୍ ହବାନ୍‌ୟାନ୍‌ରେୟ, ପାର୍‌ମେଶ୍ୱାର୍‌ଆଃ ଲେକା ଆମ୍‌ରେ ଜୀହୁଦ୍‌ୟାକ ।

ପାର୍‌ମେଶ୍ୱାର୍‌ଆଃ ଖୁଜ୍ ରାଃ ବୁଗିନ୍ ଭାଣ୍ଡାରି

୭ ସବେନାଃରେୟାଃ ଚୁଣ୍ଡ ସେଚେରାକାନା । ଏନାମେନ୍ତେ ଆପେୟାଃ ମନ୍ ଆବ୍‌ରେ ଦହକେଦ୍‌ତେ, ବିକ୍ତି ନାଜ୍ ଚିର୍ଗାଲ୍‌କାନ୍ ତାଇନ୍‌ପେ । ୮ ସବେନାଃଏତେ ଆଦକା ପୁରାଃତେ ଦୁପୁଲ୍‌ତ୍‌ରେ ତାଇନ୍‌ପେ, ଚିୟାଃତି ଦୁଲ୍‌ତ୍‌ଦ୍ ପୁରାଃ ପାପ୍‌କାଏ ଦାଲ୍‌ବେଆ । ୯ ବେଗାର୍ ନଗମ୍ ତଗମ୍‌ତେ ମିହୁଡ୍ ଆତଃମିହୁଡ୍‌କେ ପେଡ଼ାକପେ । ୧୦ ଆପେ ସବେନ୍‌କ ଜେ'ଲେକା ସାୟାଦ୍‌ରେୟାଃ ବାର୍‌ଦାନ୍ ନାମାକାଦାପେ, ଏନ୍‌ଲେକାଗି ପାର୍‌ମେଶ୍ୱାର୍‌ଆଃ ସାୟାଦ୍‌ରେୟାଃ ବୁଗିନ୍ ଭାଣ୍ଡାରି ଲେକା ମିହୁଡ୍ ଆତଃମିହୁଡ୍‌ରାଃ ସୁସାର୍ ରିକାଏପେ । ୧୧ ଜେତାଏ ପାର୍‌ଚାର୍ ରିକାଏରେଦ, ଇନିଃ ପାର୍‌ମେଶ୍ୱାର୍‌ଆଃ କାଜି ପାର୍‌ଚାର୍‌ତାନ୍ ଲେକା ପାର୍‌ଚାରେକାଏ । ଜେତାଏ ସୁସାର୍‌ତାନ୍‌ରେଦ ଇନିଃ ପାର୍‌ମେଶ୍ୱାର୍‌ତାଃଏତେ ପେଡ଼େଃ ନାମାକାଦ୍ ହଡ଼ଲେକା ସୁସାରେକାଏ । ଏନାତେ ଯାଶୁ ଶ୍ରୀଷ୍ଟଆଃ ହରାତେ ପାର୍‌ମେଶ୍ୱାର୍‌ଆଃ ମାଇନାନ୍ ହବାଅଆଃ । ଇନିୟାଃ ମାନାରାଜ୍ ଆତଃ ପେଡ଼େଃ ଜାନାଅ ଜାନାଅ ହବାଅଃକା । ଆମେନ୍ ।

ଶ୍ରୀଷ୍ଟିୟାନ୍ ନାଗେନ୍ତେ ଦୁକୁ

୧୨ ହେ ଦୁଲ୍‌ତ୍‌ ହାଗା ମିଗିକ, ଅକନ୍ ସେଜେଲ୍ ବିନିତାଅରେ ଆପେ ଦୁକୁଃତାନା, ଏନା ମିଆଁଦ୍ ଆକ୍‌ଦାନ୍‌ଆନ୍ କାଜି ହବାଅଃତାନା ମେନ୍ତେ ଆଲ୍‌ପେ ଆକ୍‌ଚାକାଅଃଆ । ୧୩ ମେନ୍‌ଦ୍ ରାସ୍‌କାଅଃପେ, ଚିୟାଃତି ଆପେ ଯାଶୁ ଶ୍ରୀଷ୍ଟଆଃ ଦୁକୁରେୟାଃ ହାନାଗିଜ୍‌ପେ ନାମାକାଦ୍ ହରାତେ ଆୟାଃ ମାନାରାଜ୍ ହବାଅଃ ଇମ୍‌ତା ଆପେ ପୁରାଃ ରାସ୍‌କାରେପେ ରାସ୍‌କାଅଃଆ । ୧୪ ଆପେ ଯାଶୁ ଶ୍ରୀଷ୍ଟଆଃ ନୁଡ଼ମ୍ ନାଗେନ୍ତେପେ ହିଲ୍‌ଜ୍‌ଆଃରେଦ, ଆପେ ସୁକୁତାନ୍‌ଗିଆ, ଚିୟାଃତି ପାର୍‌ମେଶ୍ୱାର୍‌ଆଃ ମାନାରାଜ୍‌ରେନ୍ ଆମ୍‌ ଆପେରେ ମେନାଇୟା । ୧୫ ଏନାତେ ଆପେଏତେ ଜେତାଏ ହଡ଼ ଗଗଏଃନିଃ ଚାଏ କୁମ୍‌ତୁ ଚାଏ ଏଡ଼କାନାଃ କାମିନିଃ ଚାଏ ଏଟାଃନିଆଃ କାମିରେ ଆଲାଆଲ୍‌ନ୍‌ନିଃ ହବାକେଦ୍‌ତେ ଦୁକୁ ଆଲ୍‌କାଏ ସାହାତିଜ୍‌ୟେକା । ୧୬ ଜେତାଏ ଶ୍ରୀଷ୍ଟିୟାନ୍ ତାନିଃ ମେନ୍ତେ ଦୁକୁ ସାହାତିଜ୍ ତାନ୍‌ରେଦ ଆଲ୍‌କାଏ ଗିହୁଗଃକା, ମେନ୍‌ଦ୍ ଯାଶୁ ଶ୍ରୀଷ୍ଟଆଃ ନୁଡ଼ମ୍ ନାମାକାଦ୍ ନାଗେନ୍ତେ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମାଲ୍‌କାଏ ।

୧୭ ପାର୍‌ମେଶ୍ୱାର୍‌ଆଃ ଅଡ଼ାଃତାଃଏତେ ଏଚେଦ୍‌କେଦ୍‌ତେ ବିଚାର୍ ଦିପିଲିରେୟାଃ ନେତା ସେଚେରାକାନା, ଆତଃ ପାହିଲା ପାର୍‌ମେଶ୍ୱାର୍‌ଆଃ ହଡ଼କଆଃ ବିଚାର୍ ହବାଅଃଆ । ଆବୁତାଃଏତେ ଏନେଚେଦ୍ ହବାଅଃତାନ୍‌ରେଦ, ଅକନ୍‌କ

* ୩:୨୦ ୩:୨୦ ଆଠ

ପାର୍ମେଶ୍ୱରୀଆସ ସୁକୁକାଜିରେ କାକ ବିଶ୍ୱାସତାନା, ଇନ୍କୁଆସ ଚୁଣ୍ଡୁ ଦିପିଲି ଚିଲକାଅଥା ? ୧୮ ଧାରାମ୍ପୁଥିରେ ଅଲ୍ଲାନା,

“ଧାର୍ମାନ୍ ହଡକଆସ ଜୀଉବାସ୍ଥା ନାମେତେୟାସ ନିମିନ୍ କେଟେଦ୍ତାନରେଦ,
କା ଧାର୍ମାନ୍ ହଡ ଆତସ ପାପି ହଡକଆସ ଚିନାସ ହବାଅଥା ?”

୧୯ ଏନାତେ, ଅକନ୍କ ପାର୍ମେଶ୍ୱରୀଆସ ମନେଲେକା ଦୁକୁ ସାହାତିକ୍ତାନାକ, ଇନ୍କୁ ଆକଆସ ଆମ୍ବାକେ ଜିମାକେଦ୍ତେ ବୁଗିନ୍ କାମିରେ ତାଇନକାକ । ବାବାଇନିସ ସାର୍ତି ପାର୍ମେଶ୍ୱର ଇନ୍କୁଆସ ନାକ୍ ଏମାକାଦ୍ ଆୟାସ ବାନାରସାକେ ପୁରାଏ ନାଗେନ୍ତେ କାଏ ରିଡିକ୍ତେୟା ।

୫

ପାର୍ମେଶ୍ୱରୀଆସ ମିଶ୍ଟିଗୋଟ୍

୧ ଆଇକ୍ ମିହୁଡ୍ ପ୍ରାଚିନ୍ ଆଗୁଆଇ ଲେକା ଆପେୟାସ କାଲିସିୟାରେନ୍ ପ୍ରାଚିନ୍ ଆଗୁଆଇକକେ ବିକ୍ତିତାନଲସ କାଜିକତାନାଇକ୍ । ଆଇକ୍ ଯୀଶୁ ଖ୍ରୀଷ୍ଟଆସ ଦୁକୁରେୟାସ ଗାଝା ତାନିକ୍, ଆତସ ଇନିୟାସ ମାନାରାକ୍ ଉଦୁବସ ଇମ୍ତାରେ ଆଇକ୍ ଏନାରେୟାସ ହିସାକ୍ ହବାଅଥା । ୨ *ପାର୍ମେଶ୍ୱର ଆପେକେ ଏମାକାଦ୍ପେ ମିଶ୍ଟିଗୋଟ୍କକେ ଯାତ୍ନାଅକପେ, କା ସାନାକ୍ତାନ ଲେକା କାହାଗି, ମେନ୍ଦ ପାର୍ମେଶ୍ୱରୀଆସ ସାନାକ୍ଲେକା ସୁକୁ ମନ୍ତେ ଯାତ୍ନାଅକପେ । ଟାକା ପାଏସା ନାମେ ନାଗେନ୍ତେଦ କାହାଗି, ମେନ୍ଦ ରାସକା ମନ୍ତେ ସୁସାରକପେ । ୩ ଆପେକେ ଅକନ୍କଆସ ଯାତ୍ନାଅ ନାଗେନ୍ତେ ଏମାକାନା, ଇନ୍କୁଆସ ତେତାନରେ କା ରାଇକ୍କେଦ୍ତେ ଗୋଟ୍କଆସ ନାମୁନା ହବାଅଥାପେ । ୪ ଆତସ ମାରାକ୍ ଗୁପିନିସ ହିଜୁ ଇମ୍ତା, ଆପେ ମାନାରାକ୍ରେୟାସ ଚୁପୁରିପେ ନାମେୟା । ଅକ୍ନାସଟି ଚିତଲ୍ଲାଅ କା ମୁର୍ଗାଅଥା ।

୫ ଏନଲେକାଗି, ଏ ସେପେଡେଦକ, ଆପେ ପ୍ରାଚିନ୍କଆସ ଆକ୍ତେୟାରରେ ତାଇନପେ । ଆପେ ସବେନ୍କ ମିହୁଡ୍ ଆତସମିହୁଡ୍କେ ସୁସାରି ନାଗେନ୍ତେ ଲେବେସମନ୍ ଲେକାନ୍ ଲିଜାସ ତୁସିୟେନ୍ପେ । ଚିୟାସଟି ଧାରାମ୍ପୁଥିରେ ଅଲ୍ଲାନା, “ପାର୍ମେଶ୍ୱର ଆପାନ୍କେ ମାରାକ୍ ମେନ୍ତେ କାଜିନ୍ ହଡକଆସ ସାୟାଦ୍ ହକାଏୟାଏ, ମେନ୍ଦ ଲେବେସମନ୍ ହଡକକେ ସାୟାଦ୍ ଏମାକାଏ ।” ୬ *ଏନାନାଗେନ୍ତେ ପାର୍ମେଶ୍ୱରୀଆସ ପେଡେୟାନ୍ ତିସଇ ଲାତାରରେ ଲେବେୟେନ୍ପେ, ଇନିସ ଆୟାସ ନେତାରେ ଆପେକେ ମାରାକ୍ପେୟା । ୭ ଆପେୟାସ ସବେନ୍ ଉଡ଼ୁରେୟାସ ବାହାରମ୍ ପାର୍ମେଶ୍ୱରୀତାରେ ଏମେପେ, ଚିୟାସଟି ଇନିସ ଆପେ ନାଗେନ୍ତେ ଉଡ଼ୁତାନା ।

୮ ଆପେ ଚିରାଲ୍ଲାନ ଆତସ ଏୟନାକାନ୍ ତାଇନପେ । ଆପେୟାସ ବାଇରି, ସାଏତାନ୍, କୁଲା ଲେକାଏ ହୁକ୍ତରାଅ ତାନା । ଅକଏକେ ଜିୟନିଆ ଏନାଏ ଦାଣାବାଡା ତାନା । ୯ ଆପେ ବିଶ୍ୱାସରେ କେଟେୟେନ୍ପେ ଆତସ ସାଏତାନ୍କେ ହକାଇପେ, ଚିୟାସଟି ଆପେ ସାରିତାନାପେ, ନେ ଅତେଦିଶ୍ଟୁମରେ ଆପେୟାସ ଏଗାସ ବିଶ୍ୱାସା ହାଗା ମିଶିକରେ ନେ ଲେକାନ୍ ଦୁକୁକ ହବାଅଥାତାନା । ୧୦ ଆତସ ଯୀଶୁ ଖ୍ରୀଷ୍ଟଲସ ମେସାକେଦ୍ତେ ଆୟାସ ଜାନାଅ ଜାନାଅ ମାନାରାକ୍ରେ ହିସାଦାର୍ ହବାଅଥା ନାଗେନ୍ତେ ସବେନ୍ ସାୟାଦ୍ରେନ୍ ପାର୍ମେଶ୍ୱର ଆପେକେ କେଡାକାଦ୍ପେୟା । ଆପେୟାସ ଘାଡିକାଦ୍ରେୟାସ ଦୁକୁ ସାହାତିକ୍ତେଦ୍ ତାୟମ୍ତେ, ଇନିସ ଆଇକ୍କି ଆପେକେ ପକ୍ତାପେୟା, ସାଲ୍ସାନ୍ତ୍ପେୟା, କେଟେଦ୍ପେୟା, ଆତସ ବାଇରୁହାଡ୍ପେୟା । ୧୧ ଇନିୟାସ ପେଡେସ ଜାନାଅ ଜାନାଅଗି ହବାଅଥାକା । ଆମେନ୍ ।

ଚୁଣ୍ଡୁ ଜହାର୍

୧୨ *ଆଇକ୍ ସିଲାସକେ ପାତିୟାରରେନ୍ ଖ୍ରୀଷ୍ଟ ହାଗା ଲେକାଇକ୍ ମାଇନିତାନା ଆତସ ଆୟାସ ଦେକ୍ତାତେ ଆଇକ୍ ନେ ହୁଡିକ୍ ଚିଗାଉ ଅଲ୍ଲାନାଦାଇକ୍ । ଆଇକ୍ ପାର୍ମେଶ୍ୱରୀଆସ ସାର୍ତି ସାୟାଦ୍ ବିଷାଏରେ ଗାଝା ଏମ୍କେଦ୍ତେ ଆପେକେ ଜୀଉରେ ରାସକା ଏମ୍ ନାଗେନ୍ତେଇକ୍ ସାନାକ୍ତାନା । ଆପେ ଏନ୍ ସାୟାଦ୍ରେ ଡିକ୍ତୁକେଟେୟାକାନ୍ ତାଇନପେ ।

୧୩ *ପାର୍ମେଶ୍ୱରୀତେ ସାଲ୍ଲାନା ବାବିଲୋନ୍ରେୟାସ କାଲିସିୟା ଆତସ ଆଇୟାସ ଧାରାମ୍ପୁହନ୍ ମାର୍କ୍ ହୁ ଆପେକେ ଜହାର୍ କାଜିକୁଲ୍କାଦା । ୧୪ ଖ୍ରୀଷ୍ଟିୟାନ୍ ଦୁଲ୍ଲାଡ୍ତେ ମିହୁଡ୍ ଆତସମିହୁଡ୍କେ ପାବିତାର୍ ଜହାର୍ତେ ଜହାର୍ପେ । ଯୀଶୁ ଖ୍ରୀଷ୍ଟତାରେ ମେନାପେ ସବେନ୍କଆସ ଜୀଉସୁକୁ ହବାଅଥାକା ।

☆ ୫:୨ ୫:୨ ଯୋହାନ୍ ୨୧:୧୫-୧୭. ☆ ୫:୬ ୫:୬ ମାଥୁ ୨୩:୧୨; ଲୁକ ୧୪:୧୧; ୧୮:୧୪. ☆ ୫:୧୨ ୫:୧୨ ପ୍ରେରିଡ୍ ୧୫:୨୨,୪୦. ☆ ୫:୧୩ ୫:୧୩ ପ୍ରେରିଡ୍ ୧୨:୧୨,୨୫; ୧୩:୧୩; ୧୫:୩୭-୩୯; କଲସିୟ ୪:୧୦; ଫିଲ୍ମନ୍ ୧:୨୪.

ପିତରଙ୍କ ଲିଖିତ ଦ୍ୱିତୀୟ ପତ୍ର ପାଢ଼ରାସ୍ ଅଲ୍ଲୀକାନ୍ ଏଟାଃ ଚିଟାଉ ପାରିଚାଏ

ପାଢ଼ରାସ୍‌ଆଃ ଏଟାଃ ଚିଟାଉ କାଜିୟାଃ ଯେ, ନେ ଚିଟାଉ ପ୍ରେରିତ୍ ପାଢ଼ରାସ୍‌ଆଃ ହରାତେ ଅଲ୍ଲୀକାନା । ମେନ୍ଦ୍ ନାହାଃ ପୁରାଃ ପାଣ୍ଡିତ୍ କ ନେଆଁ ସାର୍ତି ନାହାଁଲାଃ ମେନ୍ତେ କାଜିୟାଃକ । ହବାସାକାଅଆଃ ନେଆଁ ପାଢ଼ରାସ୍‌ଆଃ ବାଦ୍‌ଲୀରେ ଏଟାଃ ମିହୁଡ୍ ଅଲ୍ଲୀକାଦାଏ ମେନ୍ତେକ କାଜିୟାଃ । ଅନଲ୍‌ନିଃ କାଜିୟାଃ ଯେ, ଇନିଃ ଯାଶୁ ଖ୍ରୀଷ୍ଟ୍‌କେ ମେଦ୍‌ତେ ନେଲ୍‌କାଇ ହଡ୍ ତାନିଃ । ବିଶେଷ୍‌କେଦ୍‌ତେ ଯାଶୁଆଃ ରୁପ୍ ବାଦ୍‌ଲୀଅ ବିଷାଏରେ କାଜିୟାଃକ ୧:୧୭-୧୮ । ପାଢ଼ରାସ୍ ନେ ଚିଟାଉ ଅଲ୍ଲୀକାଦ୍‌ରେଦ୍, ହବାସାକାଅଆଃ ରୋମ୍‌ରେ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍‌ତେ ୫୭-୬୯ କରେ, ଆୟାଃ ଗନଏଃ ସିଦାରେ ନେ ଚିଟାଉ ଅଲ୍ଲୀକାଦାଏ । ପାଢ଼ରାସ୍ ହରି ନେଆଁ ଆୟାଃ ଏଟାଃ ଚିଟାଉ ମେନ୍ତେ କାଜିୟାଃ ୩:୧ । ପାଢ଼ରାସ୍ ଆୟାଃ ପାହିଲା ଚିଟାଉ ଅଲ୍‌କେଦ୍ ତାୟମ୍‌ତେ, ଏନ୍ ଅନଲ୍ ଦିପିଲିରାଃ ଠାୟାଦ୍ ଏମ୍‌କେଦ୍ ହରାତେ ନେଆଁକେ ଏଟାଃ ଚିଟାଉ ମେନ୍ତେ କାଜିୟାଃକ । ଇନିଃ ସବେନ୍ ଖ୍ରୀଷ୍ଟ୍‌ୟାନ୍ ହଡ୍‌କକେ ନେ ଚିଟାଉ ଉଦ୍‌ବୁକାଦାକାଆଏ ।

ପାଢ଼ରାସ୍ ବିଶ୍ୱାସୀକକେ ଜୀଉରେ ରାସ୍‌କା ଏମ୍ ନାଜ୍, ବୁଗିନ୍ ଜୀଦାନ୍ ବିତାଅ ନାଜ୍, ହସଡ୍ ଇନିତୁକକେ କା ଅତଙ୍‌କ ନାଜ୍ ଆତଃ ଚେତାଅକ ନାଜ୍ ନେ ଚିଟାଉ ୨ ଆଧ୍ୟାୟରେ ଅଲ୍ଲୀକାଦାଏ । ଯାଶୁ ହିଜୁଃ ନାଗେନ୍ତେ ପୁରାଃ ବିଲାମେ ତାନାଏ ମେନ୍ତେ କାଜିତାନ୍ ହଡ୍‌କକେ ଇନିଃ ଆଲପେ କାଜିୟା ମେନ୍ତେ ଜୀଉରେ ରାସ୍‌କାଏ ଏମାକତାନା । ପାର୍‌ମେଶ୍ୱାର୍ ବିଲାମେନିଃ ନାହାଁଲିଃ ମେନ୍ଦ୍ ସବେନ୍‌କ ଜୀଉବାଞ୍ଚାଅକ ନାମେକା ମେନ୍ତେ ଇନିୟାଃ ସାନାଜ୍ ତାନା ୩:୮-୯ । ନେଆଁ ମିଆଁଦ୍ ବୁଗିନ୍ ଜୀଦାନ୍‌ରେୟାଃ ବିଷାଏ ତାନାଃ ୩:୧୪ ।

ପୁଅ ଭିତାରେ ତାଇକାନ୍ କାଜି

- ୧. ପାଢ଼ରାସ୍ ଆୟାଃ ପାରିଚାଏ ଉଦ୍‌ବୁବାଃଏ ଆତଃ ଆୟାଃ ପାଢ଼ାଅତାନ୍ ହଡ୍‌କକେ ଆୟାଃ ଅଡ଼ାଃରେୟାଃ ଠାୟାଦ୍ ଉଦ୍‌ବୁବାଃଏ । ୧:୧-୨
- ୨. ଏନ୍ତେ ବିଶ୍ୱାସୀକକେ ବୁଗିନ୍ ଜୀଦାନ୍ ବିତାଅ ନାଗେନ୍ତେ ପାହାମ୍‌ଇତିକ ତାନା, ଚିଆଃଚି ପାର୍‌ମେଶ୍ୱାର୍ ଆବୁକେ ପେଡ଼େଃ ଏମାଃଏ । ୧:୩-୨୧
- ୩. ଇନିଃ ହସଡ୍ ଇତୁକକେ ଚେତାଅକେଦ୍‌ତେ ବୁଣ୍ଡୁ ଦିପିଲିରେ ଇନ୍‌କୁଆଃ ଚିନାଃ ହବାଅଃଆ ଏନାଏ କାଜିକାଦା । ୨:୧-୨୨
- ୪. ପାଢ଼ରାସ୍ ଯାଶୁ ଖ୍ରୀଷ୍ଟ୍‌ଆଃ ଆତଃମିସା ହିଜୁଃ ନାଜ୍ ସେକାଡ଼ାକାନ୍‌ଲଃ ତାଇକ୍‌କେଦ୍‌ତେ ବୁଗିନ୍ ଜୀଦାନ୍ ବିତାଅ ନାଜ୍ ଜୀଉରେ ରାସ୍‌କାଏ ଏମାଃଏ । ୩:୧-୧୮

୧ ଯାଶୁ ଖ୍ରୀଷ୍ଟ୍‌ଆଃ ଦାସି, କୁଲ୍‌କାନ୍ ଶିମୋନ୍ ପାଢ଼ରାସ୍ ଆବୁଆଃ ପାର୍‌ମେଶ୍ୱାର୍ ଆତଃ ଜୀଉବାଞ୍ଚାଅନିଃ ଯାଶୁ ଖ୍ରୀଷ୍ଟ୍‌ଆଃ ଧାର୍‌ମାନ୍ କାମି ହରାତେ ବିଶ୍ୱାସ୍ ଲେକାନ୍ ପୁରାଃ ଗନଜ୍‌ଆଁନ୍ ଦାନ୍‌କ ନାମାକାଦା, ଇନ୍‌କୁତାଃତେ ଆଇଜ୍ ନେ ଚିଟାଉ ଅଲ୍‌କେତାନାଇଜ୍ ।

୨ ପାର୍‌ମେଶ୍ୱାର୍ ଆତଃ ଆବୁଆଃ ପ୍ରାଭୁ ଯାଶୁ ଖ୍ରୀଷ୍ଟ୍‌ଆଃ ସେଣାଁ ହରାତେ ଆପେୟାଃ ପୁରା ସାୟାଦ୍ ଆତଃ ଜୀଉସୁକୁ ହବାଅଃକା ।

ପାର୍‌ମେଶ୍ୱାର୍‌ଆଃ କେନେଡ଼ା ଆତଃ ସାଲ୍

୩ ଧାର୍‌ମାନ୍ ଜୀଦାନ୍ ବିତାଅ ନାଗେନ୍ତେ ଆବୁକେ ଲାଗାତିଜ୍‌ତେୟାଃ ପାର୍‌ମେଶ୍ୱାର୍ ଆୟାଃ ମାରାଜ୍ ପେଡ଼େଃ ଏମାକାଦ୍‌ବୁଆଏ । ଆୟାଃ ମାନାରାଜ୍ ଆତଃ ଧାର୍‌ମାନ୍ କାମିରେ ହିସାଦାର୍ ହବାଅଃ ନାଗେନ୍ତେ କେଡ଼ାକେଦ୍‌ବୁଆ । ଇନିଃକେ ସାରିକିଃ ହରାତେ ଆବୁ ନେ ସବେନ୍ ବାର୍‌ଦାନ୍‌ବୁ ନାମାକାଦା । ୪ ନେ'ଲେକା ଇନିଃ ଆବୁକେ ଆୟାଃ ବାନାର୍‌ସା ଲେକାତେ ପୁରାଃ ଗନଜ୍‌ଆଁନ୍ ଆତଃ ମାରାଜ୍ ବାର୍‌ଦାନ୍ ଏମାକାଦ୍‌ବୁଆଏ, ଏନ୍ ସବେନ୍ ବାର୍‌ଦାନ୍ ହରାତେ ଆପେ ନେ ଜିୟନଃ ଅତେଦିଶ୍ୱମ୍‌ରେ ତାଇନଃତାନ୍ ଏଡ୍‌କାନ୍ ସାନାଜ୍‌ଏତେ ବାଞ୍ଚାଅପେ ନାମେୟା, ଆତଃ ପାର୍‌ମେଶ୍ୱାର୍‌ଆଃ ଲେକାନ୍ ସଭାବ୍‌ରେ ହିସାଦାର୍ ହବା ଦାଡ଼ିୟଃଆପେ । ୫ ଏନା ନାଗେନ୍ତେ, ଆପେ ପୁରାଃ ବୁଗିଲେକାତେ ଆପେୟାଃ ବିଶ୍ୱାସ୍‌ଲଃ ବୁଗିନାଃ ମେସାଏପେ, ବୁଗିନାଃଲଃ ସେଣାଁକେ ମେସାଏପେ, ୬ ସେଣାଁଲଃ ଆପାନ୍‌କେ ଆବର୍ ଦହନାଜ୍ ମେସାଏପେ, ଆପାନ୍‌କେ ଆବର୍‌ରେ ଦହଲଃ ସାହାତିଜ୍ ଜାଞ୍‌ମ୍ ମେସାଏପେ, ସାହାତିଜ୍ ଜାଞ୍‌ମ୍‌ଲଃ ପାର୍‌ମେଶ୍ୱାର୍‌କେ ବରଭାକ୍ତି ମେସାଏପେ, ୭ ପାର୍‌ମେଶ୍ୱାର୍‌କେ ବରଭାକ୍ତିଲଃ ଖ୍ରୀଷ୍ଟ୍ ହାଗା ଦୁଲ୍‌ଡ୍ ମେସାଏପେ, ଆତଃ ଖ୍ରୀଷ୍ଟ୍ ହାଗା ଦୁଲ୍‌ଡ୍‌ଲଃ ଦୁଲ୍‌ଡ୍ ମେସାଏପେ । ୮ ନେ ସବେନ୍ ବୁଗିନାଃ ଆପେତାଃରେ ହାରାଜ୍‌ଦିୟଃରେ, ଆପେ ନାମାକାଦ୍ ପ୍ରାଭୁ ଯାଶୁ ଖ୍ରୀଷ୍ଟ୍‌ଆଃ ସେଣାଁ ଆପେକେ କାମି ଇଚିପେୟା ଆତଃ ଜ ବାନଃଲେକା କାଏ ବାଇପେୟା । ୯ ମେନ୍ଦ୍ ଜେତାଏତାଃରେ ନେ ସବେନାଃ ବାନଃରେଦ୍, ଇନିଃ ସାଜିନ୍‌ତେ କା ନେଲ୍ ଦାଡ଼ିତାନ୍ ଆନ୍ଧା ତାନିଃ ଆତଃ ଆୟାଃ ସିଦା କାମିକାଦ୍ ପାପ୍‌କଏତେ ପାର୍‌ଚିଆକାନା ଏନାଏ ରିଡ଼ିଜ୍‌କାଦା ।

୧୦ ଏନାମେନ୍ତେ, ହେ ହାଗା ମିଶିକ, ପାରମେଶ୍ୱାର୍ ଆପେକେ ସାଲାନେଦ୍‌ତେ କେଡ଼ାକାଦ୍‌ପେୟା, ଏନାକେ ଜାନାଅଗି ଦହ ନାଗେନ୍ତେ ପୁରାଃ ଜାଡ଼ନାଅଃପେ । ନେ'ଲେକା କାମିଲେରେ ଆପେ ବିଶ୍ୱାସ୍‌ତେ ଚିତ୍ତଲାଅ କାପେ ତହଦଃଆ । ୧୧ ନେ ଲେକାତେ ଆରୁଆଃ ପ୍ରାଭୁ ଆଡ଼ଃ ଜୀଉବାସ୍ତାଅନିଃ ଯୀଶୁ ଖ୍ରୀଷ୍ଟ୍‌ଆଃ ଜାନାଅ ରାଇଜ୍‌ରେ ବଲ ନାଗେନ୍ତେ ଆପେ ପୁରା ଆକ୍‌ତେୟାର୍‌ପେ ନାମେୟା ।

୧୨ ଆପେ ନେ ସବେନାଃ ସାରିତାନାପେ ଆଡ଼ଃ ନାମାକାଦ୍ ସାନାର୍‌ତିରେପେ କେଟେୟାକାନା, ନେ ସବେନ୍ କାଜି ଆଇଙ୍ଗ୍ ଆପେକେ ସବେନ୍ ଇମ୍‌ତା ପାହାମ୍‌ଇଚି ନାଗେନ୍ତେଇଙ୍ଗ୍ ସାନାଙ୍ଗ୍‌ତାନା । ୧୩ ଆଇଙ୍ଗ୍ ନେ କୁମ୍‌ବା ଲେକାନ୍ ଗନଏଃ ହଡ଼ମ୍‌ରେ ଜାନିଦ୍ ତାଇନଃ ଜାକେଦ୍, ନେ ସବେନ୍ ବିଷାଏରେ ଆପେ ପାହାମ୍‌କାତେପେ ନେଆଁ ଠାଉକାଗି ତାନାଃ ମେନ୍ତେଇଙ୍ଗ୍ ଉଡ଼ଃତାନା । ୧୪ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍ ଆଇଙ୍ଗ୍‌କେ ଉଦୁବାକାଦିଙ୍ଗ୍ ଲେକା ଜାଲ୍‌ଦିଗି ନେ କୁମ୍‌ବା ଲେକାନ୍ ଗନଏଃ ହଡ଼ମ୍‌କେ ବାଗି ଲାଗାଡ଼ିୟା ମେନ୍ତେଇଙ୍ଗ୍ ସାରିତାନା । ୧୫ ଆଇଁୟାଃ ଗନଏଃ ତାୟମ୍‌ତେୟ ଆପେ ନେ ସବେନାଃ ସବେନ୍ ଦିପିଲିରେପେ ପାହାମେୟା, ଏନାମେନ୍ତେଇଙ୍ଗ୍ ସାନାଙ୍ଗ୍‌ତାନା ।

ଖ୍ରୀଷ୍ଟ୍‌ଆଃ ମାନାରାଙ୍ଗ୍‌କେ ମେଦ୍‌ତେ ନେଲକାଦ୍ ଗାଝା

୧୬ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ପେଡ଼େଃ ଆଡ଼ଃ ହିନିଜୁଃରେଆଃ କାଜି, ଆଲେ ଆପେକେ ଉଦୁବାଦ୍‌ପେତେୟାଃ ହଡ଼ ବାଇକାଦ୍ କାଅନି ଲେକା କାଲେ ଉଦୁବ୍, ମେନ୍‌ଦ୍ ଇନିୟାଃ ମାନାରାଙ୍ଗ୍ ବିଷାଏରେ ମେଦ୍‌ତେ ନେଲକାଦ୍ ଗାଝାଲେ ଏମ୍‌କେଦା । ୧୭ ଆପୁ ପାରମେଶ୍ୱାର୍‌ତେ ମାଇନ୍ ଆଡ଼ଃ ମାନାରାଙ୍ଗ୍ ତାଇକେନ୍ ଇମ୍‌ତା ଆଲେୟ ଏଡ଼ାଃରେ ତାଇକେନାଲେ । ମାରାଙ୍ଗ୍‌ଉତାର୍ ମାଇନାନ୍‌ତାଃଏତେ ଇନିୟାଃ ବିଷାଏରେ ମିଆଁଦ୍ ସାଡ଼ି ଆୟୁମ୍‌ୟାନା, “ନିଃ ଆଇଁୟାଃ ଦୁଲ୍‌ଡ଼୍ ହନ୍, ନିଃକେ ଆଇଙ୍ଗ୍ ପୁରାଃଗିଇଙ୍ଗ୍ ସୁକ୍ଷ୍‌ଆ ।” ୧୮ ଆଲେ ଇନିଃଲଃ ଏନ୍ ପାବିତାର୍ ବୁରୁରେଲେ ତାଇକେନ୍ ଇମ୍‌ତା, ଆଲେଗି ସିମ୍‌ଏତେ ଉଦୁବଃତାନ୍ ନେ କାଜିଲେ ଆୟୁମ୍‌କେଦା ।

୧୯ ଏନାତେ ନାବୀକଆଃ ଆୟାର୍‌କାଜିରେ ଆଲେୟାଃ ବିଶ୍ୱାସ୍ ପୁରାଃଗି କେଟେଦ୍‌କାନା । ଏନାମେନ୍ତେ ଆପେକେୟ ଏନାରେ ଧ୍ୟାନ୍ ଏମ୍ ଲାଗାଡ଼ିୟାଃ, ଚିୟାଃଚି ଏନା ନୁବାଃରେ ଦିମି ଲେକା ମାୟାଲେ ଲେକାନାଃ ତାନାଃ ଆଡ଼ଃ ଆଙ୍ଗ୍‌ଆଃ ଇପିଲ୍ ଆପେୟାଃ ମନ୍‌ସୁରୁଦ୍‌ରେ ଆଉରି ତୁରଃ ଜାକେଦ୍ ଏନା ଜୁଲ୍‌କାତେୟଃଆ । ୨୦ ଆପେ ନିମିନାଙ୍ଗ୍ ସାରିପେ, ଧାରାମ୍‌ପୁଅରେ ଅଲକାନ୍ ଆୟାର୍‌କାଜିକେ, ଜେତା ହଡ଼ ଆପାନ୍ ସେଣ୍‌ତେ କାଏ ଆଟ୍‌କାର୍‌ଉରୁମ୍ ଦାଡ଼ିୟା । ୨୧ ଆୟାର୍‌କାଜି ହଡ଼କଆଃ ସାନାଙ୍ଗ୍ ଲେକାତେ ଚିତ୍ତଲାଅ କା ହିଜୁଆକାନା, ମେନ୍‌ଦ୍ ପାରମେଶ୍ୱାର୍‌ତେ କୁଲକାନ୍ ହଡ଼କ ପାବିତାର୍ ଆମ୍‌ ହରାତେ ପାରମେଶ୍ୱାର୍‌ତାଃଏତେ ହିଜୁଆକାନ୍ କାଜିକ ଉଦୁବକାଦ୍ ତାଇକେନା ।

୨

ହସଡ଼ ଇନିତୁକ

୧ ସିଦା ଦିପିଲିରେ ଜେ'ଲେକା ହଡ଼କ ଆଲାରେ ହସଡ଼ ନାବୀକ ତାଇକେନା, ଏନ୍‌ଲେକାଗି ଆପେ ଆଲାରେୟ ହସଡ଼ ଇନିତୁକ ଅଡ଼ଙ୍ଗ୍‌ଆଃଆ । ଇନ୍‌କୁ ଜିୟନଃ ଏଡ଼କାନ୍ ଇନିତୁକେ ଉକୁଉକୁତେକ ଉଦୁବେଆ ଆଡ଼ଃ ଆବୁକେ କିରିଙ୍ଗ୍‌କାଦ୍‌ବୁ ପ୍ରାଭୁକେ କାଲେ ସାରିୟା ମେନ୍ତେକ କାଜିୟା, ଏନାତେ କା ସାରିଲେକା ଇନ୍‌କୁଆଃ ତେତାନ୍‌ରେ ଜିୟନଃ ହିଜୁଃଆ । ୨ ଆଡ଼ଃ ପୁରାଃ ହଡ଼କ ଇନ୍‌କୁଆଃ ଏଡ଼କାନ୍ କାମିକ ଅଡ଼ଙ୍ଗ୍‌ୟେଆ । ଏଗାଃ ହଡ଼କ ଇନ୍‌କୁଆଃ ଚାଇଲ୍ ଚାଲାନ୍ ନେଲ୍‌କେଦ୍‌ତେ ସାନାର୍‌ତିରେୟାଃ ବିରୁଧ୍‌ରେ ଏଡ଼କାନାଃକ କାଜିୟା । ୩ ଇନ୍‌କୁ ଟାକା ପାଏସାରେୟାଃ ହାୟାତେ ବେଦାତାନ୍‌ଲଃ ଆପେତାଃଏତେ ଖୁଜ୍ ନାମେ ନାଗେନ୍ତେକ ସାନାଙ୍ଗ୍‌ଆଃ, ମେନ୍‌ଦ୍ ସିଦାଏତେଗି ପାରମେଶ୍ୱାର୍ ଇନ୍‌କୁଆଃ ବିଚାର୍‌କାଦାଏ ଆଡ଼ଃ ଇନ୍‌କୁଆଃ ଗନଏଃରେୟାଃ ନେତା ନାଡ଼େଃତେ ସେଟେରାକାନା ।

୪ ପାରମେଶ୍ୱାର୍ ପାପ୍‌କେଦ୍ ଦୁଡ଼କେକେ କା ଛାମାକେଦ୍‌ତେ ନାରାକ୍‌ରେ ହୁରାଙ୍ଗ୍‌କେଦ୍‌କଆ ଆଡ଼ଃ ମାରାଙ୍ଗ୍ ବିଚାର୍ ହୁଲାଙ୍ଗ୍ ଜାକେଦ୍ ନୁବାଃ ଗାଡ଼ାରେ ଦହକାଦ୍‌କଆ । ୫ ପାରମେଶ୍ୱାର୍ ସିଦା ପାରିୟାରେନ୍ ଅତେଦିଶ୍ୱମ୍‌କେହ୍ ସାଜାଇ ଏମ୍ ନାଗେନ୍ତେ କାଏ ବାଗିକେଦା, ଏଡ଼କାନ୍‌ତେ ପେରେଜାକାନ୍ ଅତେଦିଶ୍ୱମ୍‌ରେନ୍ ହଡ଼କକେ ଦାଆଃତେ ତୁବାକେଦ୍‌କଆ । ୬ ଧାରାମ୍ ପାର୍‌ଚାର୍‌କେଦ୍ ନୁହୁଁ ଆଡ଼ଃ ଏଗାଃ ଏୟା* ଝାନ୍ ହଡ଼କକେ ଏସ୍‌କାର୍ ବାଚାଅକେଦ୍‌କଆ । ୭ ତାୟମ୍‌ତେ ପାରମେଶ୍ୱାର୍ ସୋଦମ୍ ଆଡ଼ଃ ଗମ୍‌ରା ନାଗାର୍ ବାରାନାଃକେ ସାଜାଇ ଏମ୍‌କେଦ୍‌ତେ ସେଙ୍ଗେଲ୍‌ତେ ଜିୟନ୍‌କେଦା ଆଡ଼ଃ କା ଧାର୍‌ମାନ୍‌କଆଃ ତିନାଃ ହବାଅଃଆ, ଏନା ନେ ବାରାନ୍ ନାଗାର୍‌ଗି ଏନାରେୟାଃ ନାମୁନା ଲେକା ହବାକାନା । ୮ ଏଡ଼କାନ୍‌କଆଃ କା ଧାର୍‌ମାନ୍ ଚାଇଲ୍ ଚାଲାନ୍ ହରାତେ ଲାଗାକାନ୍ ଧାର୍‌ମାନ୍ ଲୁଟ୍‌କେ ପାରମେଶ୍ୱାର୍ ବାସ୍ତାଅକିୟାଏ । ୯ ଏନ୍ତେ ଏନ୍ ଧାର୍‌ମାନ୍ ହଡ଼ ଇନ୍‌କୁଲଃ ତାଇକେନ୍ ଇମ୍‌ତା ଇନ୍‌କୁଆଃ କା ଠାଉକାନ୍ କାମିକ ନେଲ୍‌କେଦ୍‌ତେ ଆଡ଼ଃ ଆୟୁମ୍‌କେଦ୍‌ତେ ସବେନ୍ ହୁଲାଙ୍ଗ୍ ଆୟାଃ ମନ୍‌ରେ ପୁରାଃଗି ଦୁକୁ ଆଟ୍‌କାରେ ତାଇକେନାଏ । ୧୦ ଆଡ଼ଃ ଧାର୍‌ମାନ୍ ହଡ଼କକେ ଆକଆଃ ବିଡ଼ାଅହେତେ ଚିଲ୍‌କା ବାସ୍ତା ଲାଗାଡ଼ିୟାଃ, ଆଡ଼ଃ ଏଡ଼କାନ୍‌କକେ ବିଚାର୍ ହୁଲାଙ୍ଗ୍‌ରେ ସାଜାଇ ଏମ୍ ନାଗେନ୍ତେ ଚିଲ୍‌କା ଦହାକାନାକ, ଏନା ପ୍ରାଭୁ ସାରିୟାଏ । ୧୧ ବିଶେଷ୍‌କେଦ୍‌ତେ ଅକନ୍‌କ ପାରମେଶ୍ୱାର୍‌ଆଃ ଆକ୍‌ତେୟାର୍‌କେ କା ମାନାଡ଼ିଙ୍ଗ୍‌କେଦ୍‌ତେ ଆକଆଃ ହଡ଼ମ୍‌ରେୟାଃ ଏଡ଼କାନ୍ ସାନାଙ୍ଗ୍‌କେକ ଅଡ଼ଙ୍ଗ୍‌ତାନା । ନେ

* ୧:୧୭ ୧:୧୭ ମାଥୁର ୧୭:୧-୫; ମାର୍କ ୯:୨-୭; ଲୁକ ୯:୨୮-୩୫. * ୨:୫ ୨:୫ ସାଡ଼

ହସତ୍ ଇତ୍ତୁକ ଜୀଉରେ କେଟେଦ୍‌କେଦ୍‌ତେ, ଆପ୍‌ନାଃ ହତ୍‌ଫରାଃ ଇଛା ସାନାଙ୍ଗ୍ ଲେକା କାମିତାନାକ । ଇନ୍‌କୁ ମାନାରାଙ୍ଗ୍‌ରେୟାଃ ପେଡେଃକକେ ନିନ୍ଦା ରିକା ନାଗେନ୍ତେ କାକ ବରତାନା । ^{୧୧} ନେ ହସତ୍ ଇତ୍ତୁକଏତେ ଦୁଁଡକଦ ପୁରାଃ କେଟେୟାନ୍ ଆତଃ ପେଡେୟାନ୍‌କ ତାନ୍‌କରେୟ ପାର୍‌ମେଶ୍ୱାର୍‌ଆଃ ସାମ୍‌ନାଙ୍ଗ୍‌ରେ ନିନ୍ଦାକେଦ୍‌ତେ ଇନ୍‌କୁଆଃ ବିଚାର୍ କାକ ରିକା ତାନା । ^{୧୨} ମେନ୍‌ଦ ନେ ହତ୍‌କଆଃ କାମି ବିର୍ ଜାଁତୁକ ଲେକା ଆକ୍‌ତେୟାର୍‌ରେ ଆତଃ ଗଗ୍‌ଏଃତେୟାଃ ତାନା, ଅକ୍‌ନାଃ କାକ ଆଟ୍‌କାର୍‌ଉରୁମ୍ ଦାଡ଼ିୟା, ଏନାକେ ଇନ୍‌କୁ ହିଲ୍‌ଲ୍‌ୟେତାନ୍‌ଲଃକ କାଜିୟା, ଆତଃ ଇନ୍‌କୁ ବିର୍ ଜାଁତୁ ଲେକାକ ଜିୟନଃଆ, ^{୧୩} ଆତଃ ଇନ୍‌କୁ ଏଟାଃକଆଃ ହାନି ରିକାକାଦ୍ ଲେକାଗି ଆକଆଃ ହାନି ହବାଅଃଆ । ଅକ୍‌ନାଃରେ ଇନ୍‌କୁଆଃ ହତ୍‌ଫରେୟାଃ ରିଜ୍‌ରାଙ୍ଗ୍ ବିୟଃଆ, ଏନାକେ ଇନ୍‌କୁ ସିଙ୍ଗିରେ ରିକାକେଦ୍‌ତେ ରାସ୍‌କାଃଆ ନାଗେନ୍ତେକ ସୁକୁଃଆ, ଆତଃ ଅକନ୍‌କ ଆକଆଃ ହସତ୍‌ତେ ପେରେଜାକାନ୍ କାମିରେ ରାସ୍‌କାଃଆତାନ୍‌ଲଃ ଆପେଲଃ ମିସାତେ ଜମାଃକ । ^{୧୪} ଇନ୍‌କୁଆଃ ମେଦ୍ ଆପାଙ୍ଗିର୍‌ତେ ପେରେଜାକାନା ଆତଃ ପାପ୍‌କାମି ଚିତ୍‌ଲ୍ଲା କାକ ବାଗିୟା । ଇନ୍‌କୁ ନାରାଦୁରା ମନ୍‌ରେନ୍ ହତ୍‌କକେ ବେଦା ଇଦିକଆକ, ଆତଃ ଇନ୍‌କୁଆଃ ମନ୍‌ସୁରୁଦ୍ ଟାକା ପାଏସାରେଆଃ ହାୟାରେ ପେରେଜାକାନା । ଇନ୍‌କୁ ପାର୍‌ମେଶ୍ୱାର୍‌ତାଃଏତେ ସାର୍‌ପାଅ ନାମେଗିୟାକ । ^{୧୫} ଇନ୍‌କୁ ସିଧା ହରା ବାଗିକେଦ୍‌ତେ ଆକଆଃ ହରାକ ଆଦାକାଦା, ଆତଃ ଇନ୍‌କୁ ବିୟୋର୍‌ରାଃ ହତ୍‌କେଡ଼ା ବାଲାମ୍‌ଆଃ ହରାକ ଅତଙ୍ଗ୍‌କାଦା । ଇନିଃ ଟାକା ପାଏସାରାଃ ଦୁଲ୍ଲାଡ୍‌ତେ ଏଡ୍‌କାନ୍ କାମି କାମିକେଦାଏ, ^{୧୬} ଆତଃ ଆୟାଃ ଏନ୍ ପାପ୍ ନାଗେନ୍ତେ ହିଲ୍‌ଲ୍‌ୟାନ୍‌ନା । ଆୟାଃ ଗାଧା ହତ୍‌କଆଃ ଲାବ୍‌ଜାତେ କାଜିକେଦା, ଆତଃ ନାବୀଆଃ ବାଉଡ଼ାଁ କାମିହେତେ ହକାଜିୟା ।

^{୧୭} ନେ ହସତ୍ ଇନ୍‌ତୁକ ରହତ୍ ସେତେଙ୍ଗ୍ ଲେକା ଆତଃ ଦୁଦ୍‌ଗାର୍ ହୟତେ ଅଟାଙ୍ଗ୍‌ଅଃତାନ୍ ରିମିଲ୍ ଲେକାନ୍‌କ ତାନ୍‌କ । ପାର୍‌ମେଶ୍ୱାର୍ ଇନ୍‌କୁ ନାଗେନ୍ତେ ପୁରାଃ ନୁବାଃ ହୁଆଙ୍ଗ୍‌ଗାଡ଼ା ଦହକାଦାଏ । ^{୧୮} ଇନ୍‌କୁ ଆପାନ୍‌କେ ମାରାଙ୍ଗ୍ ମେନ୍ତେକ କାଜିନ୍‌ତାନା ଆତଃ ସାମାକାଜିକ କାଜିତାନା, ଏଡ୍‌କାନାଃରେ ସେସେନତାନ୍ ହତ୍‌କତାଃଏତେ ବାଚାଅ ନାମକେଦ୍‌ତେ ହିଜୁଃ ରୁହାଡ଼ାକାନ୍ ହତ୍‌କକେ ହତ୍‌ଫରାଃ ଏଡ୍‌କାନ୍ ସାନାଙ୍ଗ୍‌ରେୟାଃ ରିଜ୍‌ରାଙ୍ଗ୍ ଦେଖାଅତାନ୍‌ଲଃ ବେଦାକତାନାକ । ^{୧୯} ଏନ୍ ହସତ୍ ଇନ୍‌ତୁକ ଇନ୍‌କୁକେ ତନଲ୍‌ହେତେ ରାଡ଼ାଅଃରେୟାଃ ବାନାର୍‌ସାକ ଏମାକଆ, ମେନ୍‌ଦ ଇନ୍‌କୁ ଆକଗି ଜିୟନଃରେୟାଃ ଦାସିତାନ୍‌କ, ଚିୟାଃଚି ଜେତାଏ ଅକ୍‌ନାଃତେ ହାରାଅକାନା, ଇନିଃ ଏନାରେୟାଃ ଦାସି ତାନିଃ । ^{୨୦} ଆବୁଆଃ ପ୍ରାଭୁ ଆତଃ ଜୀଉବାଞ୍ଚାଅନିଃ ଯାଶୁ ଖ୍ରୀଷ୍ଟାତାଃଏତେ ସେଣାଁ ନାମକେଦ୍‌ତେ ଅକନ୍‌କ ଅତେଦିଶୁମ୍‌ରେୟାଃ ଏଡ୍‌କାନାଃଏତେ ବାଞ୍ଚାଅ ନାମାକାଦାକ, ଇନ୍‌କୁ ଆତଃମିସା ଏନ୍ ଏଡ୍‌କାନାଃରେୟାଃ ତନଲ୍‌ରେ ତଲ୍‌କେଦ୍‌ତେ ହାରାଅ କାନ୍‌ରେଦ, ଇନ୍‌କୁଆଃ ଚୁଣ୍ଡ ଦୁସା, ପାହିଲ୍ଲା ଦାସାଏତେ ପୁରାଃଗି ଆଦ୍‌କା ହବାଅଃଆ । ^{୨୧} ଧାର୍‌ମାନ୍ ହରା ସାରିକେଦ୍‌ତେ, ଏନାରେ ଏମାକାନ୍ ପାବିତାର୍ ଆନ୍‌ରୁ ବାଗିତେୟାଃଏତେ, ଏନ୍ ହରା କାକ ସାରିକାରେ ଇନ୍‌କୁଆଃ ନାଗେନ୍ତେ ପୁରାଃ ବୁଗିନାଃ ହବାକାନ୍‌ତେୟାଃ । ^{୨୨} ଇନ୍‌କୁ ନାଗେନ୍ତେ ଅକ୍‌ନାଃ ହବାକାନା, ଏନାଏତେ ନେ କାଜିୟାକାନ୍ କାଜି ସାର୍‌ତି ହବାଅଃତାନା, “ ସେତା ଅକ୍‌ନାଃ ଉସାଡ଼କାଦାଏ, ଏନାକେ ଆତଃମିସା ଜମ୍ ରୁହାଡେଆଏ, ’ସୁକୁରିକେ ଆବୁଙ୍ଗ୍‌କେଦ୍ ତାୟମ୍‌ତେ ଆତଃମିସା ଲସଦ୍‌ରେ ବାଚିନ୍ ନାଗେନ୍ତେ ସେନା ।’ ”

୩

ପ୍ରାଭୁଆଃ ହିନିଜୁଃ

^୧ ହେ ଦୁଲ୍ଲାଡ୍ ହାଗା ମିଗିକ, ଆଇଙ୍ଗ୍ ଆପେତାଃତେ ଆତଃମିଆଁଦ୍ ଚିଟାଉ ଅଲେତାନାଇଙ୍ଗ୍ । ନେ ବାରାନ୍ ଚିଟାଉରେ ଆଇଙ୍ଗ୍ ଆପେକେ ନେ ସବେନ୍ ବିଷାଏରେ ପାହାମ୍ ଇଚିକେଦ୍‌ତେ ଆପେୟାଃ ମନ୍‌ରେ ଫାର୍‌ଚି ଉଡ଼ୁ ନାଙ୍ଗ୍ ଚିହୁଟଃପେ ମେନ୍ତେଇଙ୍ଗ୍ ସାନାଙ୍ଗ୍‌ତାନା । ^୨ ଆପେ ପାବିତାର୍ ନାବୀକଆଃ ହରାତେ ସିଦାରେ ଉଦ୍‌ବକାନ୍ କାଜିକ ଆତଃ ଜୀଉ ବାଞ୍ଚାଅନିଃ ପ୍ରାଭୁଆଃ ଆନ୍‌ରୁକେ କୁଲ୍ଲାକାନ୍ ପ୍ରେରିଡ୍‌କ ଆପେକେ ଏମାକାଦ୍‌ପେୟାକ, ଏନା ଆଇଙ୍ଗ୍ ଆପେକେ ପାହାମ୍‌ଇଚି ନାଗେନ୍ତେଇଙ୍ଗ୍ ସାନାଙ୍ଗ୍‌ତାନା । ^୩ *ସବେନାଃଏତେ ସିଦା ଆପେକେ ସାରି ଲାଗାତିଙ୍ଗ୍‌ୟାଃ, ନେ ଚୁଣ୍ଡ ଦିପିଲିକରେ ଚିମିନ୍ ହତ୍‌କ ସାର୍‌ତିକେ ଲାନ୍ଦାକେଦ୍‌ତେ ଆକଆଃ ଏଡ୍‌କାନ୍ ସାନାଙ୍ଗ୍‌ତେ ଏସ୍‌କାର୍‌କ ସେସେନା, ^୪ ଆତଃ ଇନ୍‌କୁ ଆପେକେ ଲାନ୍ଦାକେଦ୍‌ତେ କାଜିୟାକ, “ୟାଶୁଆଃ ହିନିଜୁଃରାଃ ବାନାର୍‌ସା କାଜି କତାଃରେୟା ? ଆବୁଆଃ ପୁର୍‌ଖା ହାଡ଼ାମ୍‌କ ଗଏଃ ଚାବାୟାନ୍‌ଗିୟାକ, ମେନ୍‌ଦ ଏନେଟେଦ୍‌ରେ ଅତେଦିଶୁମ୍ ଚିଲ୍‌କା ବାଇକାନ୍ ତାଇକେନା ଏନ୍‌ଲେକାଗି ନାହାଁଃ ଜାକେଦ୍ ମେନାଃ ।” ^୫ ଇନ୍‌କୁ ସାରିସାରିତେଗି ରିଡ଼ିଙ୍ଗ୍‌ତାଃକ ଯେ, ସିଦା ଦିପିଲିକରେ ପାର୍‌ମେଶ୍ୱାର୍‌ଆଃ ହୁକୁମ୍‌ତେ ଅତେ ଆତଃ ସିମା ବାଇୟାନା । ନେ ଅତେଦିଶୁମ୍ ଦାଆଃଏତେ ଆତଃ ଦାଆଃତେ ବାଇୟାକାନା । ^୬ ଆତଃ ଏନ୍ ମାରି ଅତେଦିଶୁମ୍ ଇନିୟାଃ ହରାତେ ମୁସିଙ୍ଗ୍ ଦାଆଃ ଚୁଡାକେଦ୍‌ତେ ଜିୟନ୍‌ୟାନା । ^୭ ମେନ୍‌ଦ ନାହାଁଃ ଅକନ୍ ଅତେଦିଶୁମ୍ ଆତଃ ସିମା ମେନାଃ, ଏନା ପାର୍‌ମେଶ୍ୱାର୍‌ଆଃ ଏନ୍ ସାମାନ୍ ହୁକୁମ୍‌ତେଗି ସେଙ୍ଗେଲ୍‌ରେ ଜିୟନଃ ନାଗେନ୍ତେ ଦହାକାନା । ଅକ ହୁଲ୍ଲାଙ୍ଗ୍‌ରେ କା ଧାର୍‌ମାନ୍ ହତ୍‌କ ବିଚାରଃଆକ, ଏନ୍ ହୁଲ୍ଲାଙ୍ଗ୍ ଜାକେଦ୍ ଏନାକେ ଦହାକାନା ।

^୮ ମେନ୍‌ଦ ହେ ଦୁଲ୍ଲାଡ୍ ହାଗା ମିଗିକ, ମିଆଁଦ୍ କାଜି ଆଲ୍‌ପେ ରିଡ଼ିଙ୍ଗ୍‌ୟେଆ, ପାର୍‌ମେଶ୍ୱାର୍‌ଆଃ ଆୟାର୍‌ରେ ମୁସିଙ୍ଗ୍‌କେ, ମିଦ୍ ହାଜାର୍ ବାରାଷ୍ ମେନ୍ତେ ହିସାବଃଆ ଆତଃ ମିଦ୍ ହାଜାର୍ ବାରାଷ୍‌କେ, ମୁସିଙ୍ଗ୍ ମେନ୍ତେ ହିସାବଃଆ । ନେ ବାରାନାଃ

† ୨:୧୭ ୨:୧୭ ବାଏହା ‡ ୨:୧୭ ୨:୧୭ ଝାରେନ୍ ☆ ୩:୩ ୩:୩ ଯିହୁଦା ୧:୧୮.

ସାମାନ୍ ତାନାଃ । ୯ ଚିମିନ୍ ହଡ଼କ ବିଲମ୍ବତାନାଃ ମେନ୍ତେକ ଉଡ଼ୁତାନ ଲେକା, ପ୍ରାଭୁ ଆୟାଃ ବାନାର୍ଯ୍ୟା କାଜିକେ ପୁରାଏ ନାଗେନ୍ତେ କାଏ ବିଲମ୍ବେ ତାନା, ମେନ୍ଦ ଜେତା ହଡ଼ ଆଲକାକ ଜିୟନଃକା ଆତଃ ପାପ୍ତହେତେ ମନ୍ ରୁହାଡ଼େକାକ ମେନ୍ତେ ଇନିୟାଃ ସାନାଙ୍ଗ ।

୧୦ *ମେନ୍ଦ ପ୍ରାଭୁଆଃ ହିନିଦୁଃ ହୁଲ୍ଲାଙ୍ଗ କୁମୁଡ଼ୁଲେକା ହିନୁଃଆ । ଏନ୍ ହୁଲ୍ଲାଙ୍ଗ ସିର୍ମାକ ପୁରାଃ ସାଡ଼ିତେ ଜିୟନଃଆ, ଆତଃ ନେ ଅତେଦିଶ୍ୱମ୍ ଅକ୍ନାଃତେ ବାଲକାନା, ଏନ୍ ଏନେଚେଦ୍ ବିଷାଏକ ସବେନ୍ ସେଙ୍ଗେଲ୍ତେ ସେରଃଆ, ଅତେରେ ବାଲୟାକାନ୍ ସବେନାଃ ଜିୟନଃଆ । ୧୧ ନେ ସବେନାଃ ନେଲେକା ଜିୟନଃରେଦ, ଆପେୟାଃ ଚିଲ୍ଲକାନ୍ ଜୀଞ୍ଜାନ୍ ହବାଅଃ ଲାଗାତିଙ୍ଗୟାଃ, ଏନା କାଟିଃ ଉଡ଼ୁଲେପେ । ଆପେକେ ପାବିତାର୍ ଆତଃ ପାର୍ମେଶ୍ୱାର୍ତାଃରେ ଜିମାକାନ୍ ଜୀଞ୍ଜାନ୍ ଲେକା ହବାଅଃ ଲାଗାତିଙ୍ଗୟାଃ । ୧୨ ଆପେ ପାର୍ମେଶ୍ୱାର୍ତାଃ ହିନିଦୁଃ ହୁଲ୍ଲାଙ୍ଗକେ ନେଲ୍ ହରାତାନରେଦ, ଏନା ଜାଲ୍ଲଦି ହିନୁଃ ନାଗେନ୍ତେ ସେକାଡ଼ାକାନ୍ପେ । ଏନ୍ ହୁଲ୍ଲାଙ୍ଗ ସିର୍ମାରେୟାଃ ଏନେଚେଦ୍ ବିଷାଏ ସବେନ୍ ଜୁଲ୍ଲକେଦ୍ତେ ଜିୟନଃଆ ଆତଃ ସିର୍ମାରେନ୍ ଇପିଲ୍ ଚାଣ୍ଡୁ ପୁରାଃ ଜୁନୁଲ୍ରାଃ ଏଲ୍ଲାଙ୍ଗତେ ଲେୟାଙ୍ଗଅଃଆ । ୧୩ *ମେନ୍ଦ ପାର୍ମେଶ୍ୱାର୍ ଆବୁକେ ଏମାକାଦ୍ ବାନାର୍ଯ୍ୟା କାଜିଲେକାତେ, ମିଆଁଦ୍ ନାଞ୍ଜା ସିର୍ମା ଆତଃ ନାଞ୍ଜା ଅତେରୁ ନେଲ୍ହରାତାନା, ଅକ୍ନାଃକି ଧାର୍ମାନ୍କଆଃ ତାଇନଃ ଠାୟାଦ୍ ହବାଅଃଆ ।

୧୪ ଏନାତେ ହେ ଦୁଲ୍ଲାଡ଼୍ ହାଗା ମିଶିକ, ଆପେ ନେ ସବେନାଃକେ ନେଲ୍ହରାତାନ ନାଗେନ୍ତେ ପାର୍ମେଶ୍ୱାର୍ତାଃ ନେପେଲ୍ରେ ପାବିତାର୍ ଆତଃ ବେଗାର୍ ଦାଗିକାନ୍ ଲେକା ସୁକୁଜୀତେତେ ତାଇନଃ ନାଗେନ୍ତେ ବୁଗିଲେକା ଚେଷ୍ଟାଏପେ । ୧୫ ଆବୁଆଃ ପ୍ରାଭୁ ଚିମିନ୍ ସାହାତିଙ୍ଗନିଃ ତାନିଃ । ଆପେୟାଃ ଜୀଉବାଞ୍ଚାଅ ନାମ୍ ନାଗେନ୍ତେ ଇନିଃ ଚିମିନ୍ ନେତା ଏମାକାଦାଏ, ଏନା ଆବୁଆଃ ଦୁଲ୍ଲାଡ଼୍ ହାଗା, ପାଉଲ୍ଲସ୍ ପାର୍ମେଶ୍ୱାର୍ତାଃଏତେ ସେଣାଁ ନାମ୍କେଦ୍ତେ ଆପେତାଃତେ ନେ ଚିଟାଉ ଅଲ୍ଲାକାଦାଏ । ୧୬ ଇନିଃ ଆୟାଃ ସବେନ୍ ଚିଟାଉରେ, ନେ ସବେନ୍ ବିଷାଏ ଉଦୁବ୍କେଦ୍ତେ କାଜିକାଦାଏ, ଏନ୍ ସବେନାଃରେ ନେଲେକା ଚିମିନ୍ ହାମ୍ପାଲ୍ କାଜିକ ମେନାଃ, ଅକ୍ନାଃକଚି ଆବ୍କାର୍ତୁରୁମ୍ ନାଗେନ୍ତେ ପୁରାଃଗି ହାମ୍ପାଲ୍ । ଆବ୍ରେ କା ତାଇନଃ ବେଗାର୍ ସେଣାଁନ୍ ହଡ଼କ ଏଟାଃ ସବେନ୍ ଧାରାମ୍ପୁଥ୍ ଲେକାଗି ପାଉଲ୍ଲସ୍ଆଃ ଚିଟାଉକରେୟ ଏନ୍ଲେକାଗି ମୁଣ୍ଡିକ ଉଦୁବାଃ । ନେଆଁତେ ଇନକୁ ଆକଆଃ ଜିୟନଃକ ଆଉତାନା ।

୧୭ ମେନ୍ଦ ହେ ଦୁଲ୍ଲାଡ଼୍ ହାଗା ମିଶିକ, ଆପେ ନେ ସବେନାଃ ସିଦାରେ ସାରିକାଦାପେ । ଏନାତେ ଚିର୍ଗାଲ୍ଲକାନ୍ ତାଇନ୍ପେ, ଜେଲେକା ଏଡ଼କାନ୍ ହଡ଼କଆଃ ହସଡ଼ ଇନିଦୁରେ ଉୟୁଃକେଦ୍ତେ ଆପେୟାଃ କେଚେଦ୍ ବିଶ୍ୱାସ୍ଏତେ ଆଲପେ ସାଜିନଃଆ । ୧୮ ମେନ୍ଦ ଆବୁଆଃ ପ୍ରାଭୁ ଆତଃ ଜୀଉବାଞ୍ଚାଅ ଯୀଶୁ ଶ୍ରୀଷ୍ଟିଆଃ ସାୟାଦ୍ ଆତଃ ସେଣାଁତେ ହାରାଇଦିଅଃପେ । ନାହାଁଃ ଆତଃ ଜାନାଅ ଜାନାଅ କାକେଦ୍ ଇନିୟାଃ ମାନାରାଙ୍ଗ୍ ହବାଅଃକା, ଆମେନ୍ ।

☆ ୩:୧୦ ୩:୧୦ ମାଥୁଉ ୨୪:୪୩; ଲୁକ ୧୨:୩୯; ୧ ଥେସ୍ଲନିକା ୫:୨; ଉନୁଦୁବ୍ କାଜି ୧୬:୧୫. ☆ ୩:୧୩ ୩:୧୩ ଉନୁଦୁବ୍ କାଜି ୨୧:୧.

ଯୋହନଙ୍କ ଲିଖିତ ପ୍ରଥମ ପତ୍ର ଯୋହାନ୍ ଅଲ୍ଲାକାଦ୍ ପାହିଲା ଚିଟାଉ ପାରିଚା୍ୟ

ଯୋହାନ୍‌ଆଃ ପାହିଲା ଚିଟାଉ ଯିଶୁ ଖ୍ରୀଷ୍ଟିଆଃ ଜାନାମ୍ ତାୟମତେ ୫୦ – ୧୦୦ କରେ ପ୍ରେରିତ୍ ଯୋହାନ୍‌ଆଃ ହରାତେ ଅଲ୍ଲାକାନା । ଯୋହାନ୍ ଆଇଃକକେ ଅନଲ୍‌ନିଃ ଲେକା ପାରିଚା୍ୟ କାଏ ଏମ୍, ମେନ୍‌ଦ ପାହିଲା ଆଧ୍ୟାୟରେ ଇନିଃ ଯିଶୁ ଖ୍ରୀଷ୍ଟିଆଃ ଜୀବନ୍ ଆତଃ ଜୀଉବିନିରିଦ୍‌କେ ମେଦ୍‌ତେ ନେଲ୍‌କାଦ୍‌ନିଃ ତାନିଃ ମେନ୍ତେ ସାରିୟଃତାନା ୧:୧-୩ । ପାହିଲା ଯୋହାନ୍‌ରେୟାଃ ଅନଲ୍ ତାରିକା, ଯୋହାନ୍ ଅଲ୍ଲାକାଦ୍ ସୁକୁକାଜିରେୟାଃ ଅନଲ୍ ତାରିକାଲ୍‌ଃ ମିଦ୍‌ଜକା ଲେକାଗି ନେଲ୍‌ଃଆ । ନେଆଁ ବିଶ୍ୱାସଃ ତାନା ଯେ, ଇନିଃ ଏଫିସୁସ୍‌ରେ ତାଇକେନା ଇମ୍‌ତା ଯୋହାନ୍ ଅଲ୍ଲାକାଦ୍ ସୁକୁକାଜି ଆତଃ ଯୋହାନ୍‌ଆଃ ଆପିୟା ଚିଟାଉ ଅଲ୍ଲାକାଦାଏ, ଏନା ହବାଅଃତାନା, ୧ ଯୋହାନ୍, ୨ ଯୋହାନ୍, ୩ ଯୋହାନ୍ ।

ସେଣ୍‌ନକ ମେନ୍ତେ କାଜିୟଃତାନ୍ ଝୁଣ୍ଟ୍‌ରେନ୍ ହଡକ ହରାତେ କାଲିସିୟା ସାଙ୍କାଟ୍‌ରେ ତାଇନଃ ତାଇକେନ୍ ଦିପିଲିରେ ଯୋହାନ୍ ସବେନ୍ ଖ୍ରୀଷ୍ଟିୟାନ୍ ହଡକକେ ନେ ଚିଟାଉ ଅଲ୍ଲାକାଦ୍‌କ ତାଇକେନାଏ । ଇନ୍‌କୁ ବିଶ୍ୱାସାଃକ ଯେ, ଯିଶୁ ସାର୍‌ତିଗି ପୁରା ପାର୍‌ମେଶ୍ୱାର୍ ତାନିଃ, ମେନ୍‌ଦ ଅତେଦିଶ୍ୱମରେ ତାଇକେନ୍ ଦିପିଲିରେ ଇନିଃ ମାୟୋମ୍, ମାସ୍ ହଡ଼ମ୍‌ରେନ୍ ସାର୍‌ତି ମାନଃ ହଡ ନାହାଁଲିଃ । ଯୋହାନ୍ ଯିଶୁ ଖ୍ରୀଷ୍ଟିକେ ମେଦ୍‌ତେ ନେଲ୍‌କାଇନିଃ ତାନିଃ ଆତଃ ଆୟାଃ ତିଃଇ ଯିଶୁକେ ଜୁଟିଦକାଇ ହରାତେ, ଇନିଃ ନେଆଁ ଅଲ୍ଲାକାଦାଏ ୧:୧-୩ । ଯୋହାନ୍ ଆୟାଃ ରାସକାକେ ପୁରାଏତେୟାଃଗି ନେ ଚିଟାଉ ଅନଲ୍‌ରେୟାଃ ଉଦେଶ୍ ତାନାଃ ୧ ଯୋହାନ୍ ୧:୪, ଆତଃ ବିଶ୍ୱାସୀକକେ ପାପ୍ କାମିହେତେ ହକାକ ନାଗେନ୍ତେ, ୧ ଯୋହାନ୍ ୨:୧ ଆତଃ ହସଡ ଇନିଦୁହେତେ ବିଶ୍ୱାସୀକକେ ବାସ୍ତାଅକ ନାଗେନ୍ତେ ୧ ଯୋହାନ୍ ୨:୨୬ ଆତଃ ଏନ୍ ବିଶ୍ୱାସୀକ ବାସ୍ତାଅକାନାକ ଏନା ସାର୍‌ତି ତାନାଃ ମେନ୍ତେ କାଜିକନାଙ୍ ୫:୧୩ ।

ପୁଅ୍ ଭିତାରେ ତାଇକାନ୍ କାଜି

- ୧. ଯୋହାନ୍ ଆୟାଃ ଚିଟାଉରେ ପାରିଚା୍ୟ ଉଦୁବକେଦ୍‌ତେ ଅନଲ୍‌ରାଃ ଉଦେଶ୍ ଅଲ୍ଲାକାଦାଏ । ୧:୧-୪
- ୨. ପାର୍‌ମେଶ୍ୱାର୍ ମାର୍‌ସାଲ୍ ତାନିଃ ଏନା କାଜିକେଦ୍‌ତେ ଯିଶୁଆଃ ଲେକା ଜୀବନ୍ ବିତାଅ ନାଗେନ୍ତେ କାଜିୟାଃ । ୧:୫-୩:୧୦
- ୩. ମିହୁଡ୍ ଆତଃମିହୁଡ୍‌କେ ଦୁଲାଡ୍ ବିଷାଏରେ ଆବୁକେ ପାହାମ୍‌ଇଚିବୁ ତାନା । ୩:୧୧-୫:୧୨
- ୪. ଯୋହାନ୍ ଆୟାଃ ଅନଲ୍ ଅଲ୍ ତାବାକେଦାଏ । ୫:୧୩-୨୧

ଜାନିଦ୍‌ରାଃ ବାଚାନ୍

୧ *ଆଲେ ଅତେଦିଶ୍ୱମ୍‌ରାଃ ଏନେଟେଦ୍ ସିଦାରେ ତାଇକାନ୍ ଏନ୍ ଜୀବନ୍ ବାଚାନ୍ ବିଷାଏରେ ଉଦୁବତାନା, ଅକ୍‌ନାଃକେଚି, ଆଲେ ଆୟୁମାକାଦା, ନେଲ୍‌କାଦା, ନେଲ୍‌ବାଇକାଦା, ଆତଃ ତିଃଇତେଲେ ଜୁଟିଦାକାଦା । ୨ *ଏନ୍ ଜୀବନ୍ ବାଚାନ୍ ଉଦୁବେନ୍‌ୟାନା, ଆତଃ ଆଲେ ଏନା ନେଲ୍‌କେଦ୍‌ତେ ଗାଃ ଏମ୍‌ତାନ୍‌ଲ୍‌ଃ କାଜିତାନାଲେ, ଅକନ୍ ଜାନାଅ ଜୀବନ୍ ଆପୁ ପାର୍‌ମେଶ୍ୱାର୍‌ଲ୍‌ଃ ତାଇକେନା ଆତଃ ଆଲେତାଃରେ ଉଦୁବେନ୍‌ୟାନା, ଏନ୍ ବିଷାଏରେ ଆପେକେଲେ ଉଦୁବତାନା । ୩ ଆଲେ ଅକ୍‌ନାଃ ନେଲ୍‌କାଦ୍‌ତେୟାଃ ଆତଃ ଆୟୁମାକାଦ୍‌ତେୟାଃ ଆପେକେୟ ଉଦୁବପେତାନାଲେ, ଜେ'ଲେକାଚି ଆପେୟ ଆଲେୟାଃ ମେନେସାରେ ମେସାଦାଡ୍‌ୟାଃଆପେ, ଆତଃ ଆଲେୟାଃ ମେନେସା ଆପୁ ପାର୍‌ମେଶ୍ୱାର୍ ଆତଃ ଆୟାଃ ହନ୍ ଯିଶୁ ଖ୍ରୀଷ୍ଟିଲ୍‌ଃ ମେନାଃ । ୪ ଆବୁଆଃ ସୁକୁରାସକା ପୁରାଅଃକା ମେନ୍ତେ ଆଲେ ନେ ସବେନାଃ ଅଲେତାନାଲେ ।

ପାର୍‌ମେଶ୍ୱାର୍ ମାର୍‌ସାଲ୍ ତାନିଃ

*ଆଲେ ପାର୍‌ମେଶ୍ୱାର୍‌ଆଃ ହନ୍‌ତାଃଏତେ ଆୟୁମାକାଦ୍ କାଜିକେ ଆପେକେ ଉଦୁବପେତାନାଲେ, ଏନା ନେଆଁ ତାନାଃ, ପାର୍‌ମେଶ୍ୱାର୍ ମାର୍‌ସାଲ୍ ତାନିଃ ଆତଃ ଇନିଃରେ ଜେତାନ୍ ନୁବାଃ ବାନଆଃ । ୨ ଇନିଃଲ୍‌ଃ ଆବୁଆଃ ମେନେସା ମେନାଃ ମେନ୍ତେ କାଜିକେଦ୍‌ତେ ନୁବାଃରେବୁ ତାଇନଃତାନ୍ ରେଦ୍ ଆବୁ ହସଡ୍ ତାନ୍‌ବୁ, ଆତଃ ଆବୁଆଃ ଜାଗାର୍‌ରେ ଆତଃ କାମିରେ ସାନାର୍‌ତି ବାନଆଃ । ୩ ମେନ୍‌ଦ ପାର୍‌ମେଶ୍ୱାର୍ ମାସ୍‌ଲ୍‌ରେ ମେନାଲ୍ ଲେକା ଆବୁହ୍ ମାସ୍‌ଲ୍‌ରେ ମେନାବୁରେଦ୍ ଆବୁଆଃ ମେନେସା ମିହୁଡ୍ ଆତଃମିହୁଡ୍‌ଲ୍‌ଃ ମେନାଃ ଆତଃ ଇନିଃୟାଃ ହନ୍ ଯିଶୁ ଖ୍ରୀଷ୍ଟିଆଃ ମାୟୋମ୍ ସବେନ୍ ପାପ୍‌ହେତେ ଆବୁକେ ଫାଟ୍‌ଚିବୁଆ ।

† ଆବୁରେ ପାପ୍ ବାନଆଃ ମେନ୍ତେବୁ କାଜିରେଦ୍, ଆବୁ ଆବୁଗି ବେଦାନ୍‌ତାନାବୁ, ଆତଃ ଆବୁତାଃରେ ସାର୍‌ତି ବାନଆଃ । ୯ ମେନ୍‌ଦ ପାର୍‌ମେଶ୍ୱାର୍‌ତାଃରେ ଆବୁ ପାପ୍‌କାଦାବୁ ମେନ୍ତେ ମାନାତିଙ୍‌ଲେରେ, ଇନିଃ ଆବୁଆଃ ପାପ୍‌କ ଛାମା

* ୧:୧ ୧:୧ ଯୋହାନ୍ ୧:୧. ☆ ୧:୨ ୧:୨ ଯୋହାନ୍ ୧:୧୪.

ଏମ୍ ନାଗେନ୍ତେ ଆଡ଼ଃ ସବେନ୍ ଏଡ଼କାନ୍ଆଃଏତେ ଫାର୍ତିବୁ ନାଗେନ୍ତେ ପାତିୟାର୍ତଃ ଲେକାନ୍ନିଃ ତାନିଃ ଆଡ଼ଃ ଠାଉକାନ୍ତେୟାଃଗି ରିକାଏୟା । ୧୦ ଆବୁ କାବୁ ପାପକାଦା ମେନେରେଦ, ଆବୁ ପାର୍ମେଶ୍ଵାର୍ତ୍ତକେ ହସଡ଼ନିଃ ମେନ୍ତେବୁ ମେତାଇତାନା, ଆଡ଼ଃ ଇନିୟାଃ କାଜି ଆବୁରେ ବାନଆଃ ।

୨

ୟାଶୁ ଖ୍ରୀଷ୍ଟ ଆବୁଆଃ ଦେଙ୍ଗାନିଃ

୧ ହେ ଦୁଲାଡ଼ ହନକ, ଆପେ ପାପ୍ କାମି ଆଲପେ ରିକାଏ ମେନ୍ତେ ଆଇଙ୍ଗ୍ ନେ କାଜିକ ଆପେତାଃତେଇଙ୍ଗ୍ ଅଲେତାନା । ମେନ୍ଦ ଜେତାଏ ପାପ୍ କାମି ରିକାଏରେଦ, ଆବୁ ନାଗେନ୍ତେ ଆପୁ ପାର୍ମେଶ୍ଵାର୍ତ୍ତାଃରେ ବିନ୍ତି ନାଙ୍ଗ୍ ମିଆଁଦ୍ ଦେଙ୍ଗାନିଃ ମେନାଇୟା, ଇନିଃ ଧାର୍ମାନ୍ ଯାଶୁ ଖ୍ରୀଷ୍ଟ ତାନିଃ । ୨ ଆଡ଼ଃ ଯାଶୁ ଖ୍ରୀଷ୍ଟ ଆଇଃକ୍ତି ଆବୁଆଃ ପାପ୍ ଛାମା ନାଗେନ୍ତେ ଏସ୍କାର୍ କାହା, ମେନ୍ଦ ଗଟା ଅତେଦିଶୁମ୍ରେନ୍ ହଡ଼କଆଃ ପାପ୍ ଛାମା ନାଗେନ୍ତେ ଦାଣ୍ଟେ ରାକାଦ୍ୟାନା ।

୩ ଆବୁ ପାର୍ମେଶ୍ଵାର୍ତ୍ତାଃ ହୁକୁମ୍ରେକେ ମାନାତିଙ୍ଗ୍ରେଦ, ଇନିଃକେବୁ ସାରିୟା । ୪ ଆଡ଼ଃ ଇନିୟାଃ ହୁକୁମ୍ କା ମାନାତିଙ୍ଗ୍ରେଦ୍ରେ, ଇନିଃକେଇଙ୍ଗ୍ ସାରିୟା ମେନ୍ତେ କାଜିନିଃ ହସଡ଼ ତାନିଃ ଆଡ଼ଃ ଇନିଃରେ ସାର୍ତି ବାନଃଆ । ୫ ମେନ୍ଦ ଜେତାଏ ଇନିୟାଃ ବାଚାନ୍କେ ମାନାତିଙ୍ଗ୍ରେ, ଇନିଃତାଃରେ ପାର୍ମେଶ୍ଵାର୍ତ୍ତାଃ ଦୁଲାଡ଼୍ ସାର୍ତିଗି ପୁରାକାନା । ନେଲେକାତେ ଆବୁ ଇନିଃରେ ମେନାବୁଆ ମେନ୍ତେବୁ ସାରିତାନା । ୬ ଜେତାଏ ପାର୍ମେଶ୍ଵାର୍ତ୍ତାଃ ତାଇନ୍ ତାନାଇଙ୍ଗ୍ ମେନ୍ତେ କାଜିନିଃ, ଯାଶୁ ଖ୍ରୀଷ୍ଟ ଲେକା ଜୀଝାନ୍ ବିତାଅ ଲାଗାତିଙ୍ଗ୍ୟାଃ ।

ନାଝା ଆନାବୁ

୭ ହେ ଦୁଲାଡ଼୍ ହାଗା ମିଶିକ, ଆଇଙ୍ଗ୍ ଆପେତାଃତେ ନାଝା ଆନବୁଦ କା ମେନ୍ଦ ମୁନ୍ଦ୍ରେଦ୍ ଆପେତାଃରେ ତାଇକେନ୍ ମାରି ଆନବୁକେଗିଇଙ୍ଗ୍ ଅଲେତାନା, ଆପେ ଆୟୁମାକାଦ୍ କାଜି, ଏନ୍ ମାରି ଆନବୁଗି ତାନାଃ । ୮ ଏନ୍ରେୟ, ଆଇଙ୍ଗ୍ ଏନାକେ ନାଝା ଆନବୁ ଲେକାଇଙ୍ଗ୍ ଅଲେତାନା, ଏନାରେୟାଃ ସାର୍ତି, ଯାଶୁ ଖ୍ରୀଷ୍ଟରେ ଆଡ଼ଃ ଆପେରେହ୍ ନେଲଃଆ, ଚିୟାଃଟି ନୁବାଃ ସେନଃତାନା ଆଡ଼ଃ ସାର୍ତି ମାର୍ସାଲ୍ ଚାମ୍କାଆଃ ତାନା ।

୯ ଜେତାଏ ମାସ୍ତାଲ୍ରେନ୍ ତାନିଙ୍ଗ୍ ମେନ୍ତେ କାଜିକେଦ୍ରେ, ଆପ୍ନାଃ ହାଗା ମିଶିକକେ ହିଲାଙ୍ଗ୍ ତାନ୍ରେଦ ଇନିଃ ନାହାଃ ଜାକେଦ୍ ନୁବାଃରେ ମେନାଇୟା । ୧୦ ଜେତାଏ ଆପ୍ନାଃ ହାଗା ମିଶିକକେ ଦୁଲାଡ଼୍ ତାନ୍ରେଦ, ଇନିଃ ମାସ୍ତାଲ୍ରେନ୍ ତାନିଃ ଆଡ଼ଃ ଇନିଃ ଜେତାଲେକାତେ କାଏ ତହଦଃଆ । ୧୧ ମେନ୍ଦ ଜେତାଏ ଆପ୍ନାଃ ହାଗା ମିଶିକକେ ହିଲାଙ୍ଗ୍ରେଦ, ଇନିଃ ନୁବାଃରେ ମେନାଇୟା, ଆଡ଼ଃ ନୁବାଃରେ ସେନେତାନା ଆଡ଼ଃ କତେ ସେନଃତାନା ଏନା କାଏ ସାରିୟା ଚିୟାଃଟି ନୁବାଃ ଇନିୟାଃ ମେଦ୍ରେକେ ନୁବାଃକାଦା ।

୧୨ ଏ ହନକ, ଆଇଙ୍ଗ୍ ଆପେତାଃତେଇଙ୍ଗ୍ ଅଲେତାନା, ଚିୟାଃଟି ଆପେୟାଃ ପାପ୍କଦ ଯାଶୁ ଖ୍ରୀଷ୍ଟଆଃ ନୁଡୁମ୍ରେଦ୍ ଛାମାକାନା । ୧୩ ହେ ଆପୁକ, ଆଇଙ୍ଗ୍ ଆପେତାଃତେଇଙ୍ଗ୍ ଅଲେତାନା, ଚିୟାଃଟି ଆପେଦ ଅତେଦିଶୁମ୍ରେୟା ଏନେଟେଦ୍ ସିଦାରେ ତାଇକେନ୍ନିଃକେପେ ଇଡୁଆନା । ଏ ସେପେଡେଦ୍, ଆଇଙ୍ଗ୍ ଆପେତାଃତେଇଙ୍ଗ୍ ଅଲେତାନା, ଚିୟାଃଟି ଆପେଦ ଏନ୍ ଏଡ଼କାନ୍ନିଃକେପେ ହାରାଅକିୟା ।

୧୪ ଏ ହନକ, ଆଇଙ୍ଗ୍ ଆପେତାଃତେଇଙ୍ଗ୍ ଅଲାଇକାଦା, ଚିୟାଃଟି ଆପେଦ ଆପୁକେପେ ସାରିୟା । ହେ ଆପୁକ, ଆଇଙ୍ଗ୍ ଆପେତାଃତେଇଙ୍ଗ୍ ଅଲାଇକାଦା, ଚିୟାଃଟି ଆପେଦ ଅତେଦିଶୁମ୍ରେୟା ଏନେଟେଦ୍ ସିଦାରେ ମେନାଇ ଖ୍ରୀଷ୍ଟକେପେ ସାରିୟା । ଏ ସେପେଡେଦ୍, ଆଇଙ୍ଗ୍ ଆପେତାଃତେଇଙ୍ଗ୍ ଅଲାଇକାଦା, ଚିୟାଃଟି ଆପେଦ ପେଡେୟାନ୍କ ତାନ୍ରେ, ଆପେରେ ପାର୍ମେଶ୍ଵାର୍ତ୍ତାଃ ବାଚାନ୍ ମେନାଃ ଆଡ଼ଃ ଏଡ଼କାନ୍ନିଃକେପେ ହାରାଅକିୟା ।

ଅତେଦିଶୁମ୍ରେକେ ଆଲପେ ଦୁଲାଡ଼ାଃ

୧୫ ଆପେ ନେ ଅତେଦିଶୁମ୍ ଆଡ଼ଃ ଅତେଦିଶୁମ୍ରେୟା ଜେଡ଼ନାଃ ଆଲପେ ଦୁଲାଡ଼େୟା । ଆପେ ନେ ଅତେଦିଶୁମ୍ରେକେ ଦୁଲାଡ଼େତାନ୍ରେଦ, ଆପୁ ପାର୍ମେଶ୍ଵାର୍ତ୍ତାଃ ଦୁଲାଡ଼୍ ଆପେରେ ବାନଃଆ । ୧୬ ଚିୟାଃଟି ହଡ଼ମ୍ରେୟାଃ ଏଡ଼କାନ୍ ସାନାଙ୍ଗ୍, ମେଦ୍ରେଆଃ ଏଡ଼କାନ୍ ସାନାଙ୍ଗ୍, ଆଡ଼ଃ ଆକଆଃ ମେନାଃତେୟାଃ ନାଙ୍ଗ୍ ଆପାନ୍କେ ମାରାଙ୍ଗ୍ ମେନ୍ତେ କାଜିନ୍ତେୟାଃ, ନେ ଅତେଦିଶୁମ୍ରେ ତାଇନଃତାନ୍ ବିଷାଏ ତାନାଃ, ନେ ସବେନାଃ ଆପୁସାଃଏତେଦ୍ କାହା, ମେନ୍ଦ ଅତେଦିଶୁମ୍ସାଃଏତେ ହିଡୁଃତାନା । ୧୭ ଅତେଦିଶୁମ୍ ଆଡ଼ଃ ଏନାରେୟାଃ ସବେନ୍ ଏଡ଼କାନ୍ ସୁକୁରାସ୍କା ଜିୟନଃଆ, ମେନ୍ଦ ଜେତାଏ ପାର୍ମେଶ୍ଵାର୍ତ୍ତାଃ ସାନାଙ୍ଗ୍ ଲେକା କାମିନିଃ ଜାନାଅ ଜାନାଅ ଜାକେଦ୍ ତାଇନାଏ ।

ୟାଶୁ ଖ୍ରୀଷ୍ଟଆଃ ବାଇରି

୧୮ ହେ ଦୁଲାଡ଼୍ ହନକ, ଟୁଣ୍ଡୁ ଦ୍ରିପିଲି ନାଡ଼େଃକାନା, ଆଡ଼ଃ ଖ୍ରୀଷ୍ଟଆଃ ବାଇରି ହିଡୁଃଆଏ ମେନ୍ତେପେ ଆୟୁମ୍ରେକେଦ୍ଲେକା ନାହାଃହ ଯାଶୁ ଖ୍ରୀଷ୍ଟଆଃ ବାଇରିକ ପୁରାଃଗି ମେନାକଆ, ଏନାତେ ଟୁଣ୍ଡୁ ଦ୍ରିପିଲି ନାଡ଼େଃକାନା ମେନ୍ତେବୁ ଆଟ୍ଟକାରେତାନା । ୧୯ ଇନ୍କୁ ଆବୁତାଃଏତେକ ଅଡ଼ଙ୍ଗ୍ୟାନା ମେନ୍ଦ ଇନ୍କୁ ସାର୍ତିଗି ଆବୁଆଃ ମେନେସାରେ କାକ ତାଇକେନା, ଚିୟାଃଟି

☆ ୨:୭ ୨:୭ ଯୋହାନ୍ ୧୩:୩୪.

ଇନ୍ଦ୍ରକୁ ଆରୁଆଃ ମେନେସାରେ ତାଇକାନ୍ରେଦ ଆରୁଲକ ତାଇକାନ୍ତେୟାଃ ହନାଙ୍ଗଆଃ । ମେନ୍ଦ ଇନ୍ଦ୍ରୁ ଯେ, ଆରୁଆଃ ଝୁଣ୍ଡରେନ୍ ନାହାଁଲକ, ଏନା ଜେ'ଲେକା ଉଦୁବଃଆ, ଏନାମେନ୍ତେ ଇନ୍ଦ୍ରୁ ଆରୁଆଃ ଝୁଣ୍ଡଏତେ ଅତଙ୍ଗୟାନାକ ।

୨୦ ମେନ୍ଦ ଯୀଶୁ ଖ୍ରୀଷ୍ଟଆଃ ସାୟାଦ୍ତେ ପାବିତାର୍ ଆମ୍ବା ଆପେକେ ଆଭିଷେକ୍ କାଦ୍ପେୟା, ଆତଃ ଆପେ ସବେନ୍ଦକ ସାର୍ତିପେ ସାରିକାଦା । ୨୧ ଆପେ ସାର୍ତି କାପେ ସାରିକାଦା ମେନ୍ତେଦ କାହା, ମେନ୍ଦ ଆପେ ସାର୍ତିକେପେ ସାରିତାନା, ଆତଃ ସାର୍ତିଏତେ ଜେତାନ୍ ହସଡ୍ କାଜି କା ଅତଙ୍ଗଅଃଆ ମେନ୍ତେ ସାରିତାନ୍ ହରାତେ ଆଇଙ୍ଗ୍ ଆପେତାଃତେଇଙ୍ଗ୍ ଅଲ୍ଲକେଦା ।

୨୨ ଅକଏ ହସଡ୍ ତାନିଃ ? ଅକଏ ଯୀଶୁକେ ଜୀଉବାଞ୍ଚାଅନିଃ ଖ୍ରୀଷ୍ଟ ନାହାଁଲିଃ ମେନ୍ତେ କାଜିନିଃଗି ହସଡ୍ ତାନିଃ । ନେ ଲେକାନ୍ ହଡ୍ ଯୀଶୁ ଖ୍ରୀଷ୍ଟଆଃ ବାଇରି ତାନିଃ ଆତଃ ଇନିଃ ହନ୍ ଆତଃ ଆପୁ ବାରାନ୍କିନ୍ଦକେ କାଏ ମାନାତିଙ୍ଗ୍କିନା । ୨୩ ଜେତାଏ ହନ୍କେ କାଏ ମାନାତିଙ୍ଗ୍ନିଃ ଆପୁକେହ କାଏ ମାନାତିୟାଃ, ଜେତାଏ ହନ୍କେ ମାନାତିୟାଃ ଆପୁକେହ ମାନାତିୟାଃ ।

୨୪ ଆପେ ମୁନ୍ଦୁଏତେ ଆୟୁମାକାଦ୍ କାଜି, ଆପେତାଃରେଗି ତାଇନ୍ଦକା । ଆପେ ମୁନ୍ଦୁଏତେ ଆୟୁମାକାଦ୍ କାଜି, ଆପେତାଃରେଗି ତାଇନ୍ରେଦ, ଆପେୟ ହନ୍ ଆତଃ ଆପୁତାଃରେ ସବେନ୍ ଇମ୍ତାପେ ତାଇନା । ୨୫ ଆତଃ ଯୀଶୁ ଖ୍ରୀଷ୍ଟ ଏମାକାଦ୍ ବାନାର୍ସା କାଜିଗି ଜାନାଅ ଜୀଦାନ୍ ତାନାଃ ।

୨୬ ଆପେକେ ବେଦାପେ ନାଗେନ୍ତେ ସାନାଙ୍ଗ୍ତାନ୍ ହଡ୍କଆଃ ବିଷାଏରେ ଆଇଙ୍ଗ୍ ଆପେତାଃତେ ନେଆଁଇଙ୍ଗ୍ ଅଲେତାନା । ୨୭ ମେନ୍ଦ ଆପେକେ ଯୀଶୁ ଖ୍ରୀଷ୍ଟ ଆୟାଃ ପାବିତାର୍ ଆମ୍ବାତେ ଆଭିଷେକ୍ କାଦ୍ପେୟା । ନେ ପାବିତାର୍ ଆମ୍ବା ଆପେରେ ତାଇନ୍ ଜାକେଦ୍ ଏଠାଃକତାଃଏତେ ଆପେକେ ଇନିତୁ କା ଲାଗାତିଙ୍ଗ୍ୟାଃ । ଚିୟାଃତି ପାବିତାର୍ ଆମ୍ବା ସବେନ୍ ବିଷାଏରେ ଆପେକେ ଇତୁପେୟା ଆତଃ ଆୟାଃ ଇନିତୁ ସାର୍ତି ତାନାଃ ଏନା ହସଡ୍ ନାହାଁଲାଃ । ପାବିତାର୍ ଆମ୍ବାରାଃ ଏନ୍ ଇନିତୁକେ ମାନାତିଙ୍ଗ୍କେଦ୍ତେ ଯୀଶୁ ଖ୍ରୀଷ୍ଟଲଃ ମେନେସାରେ ତାଇନ୍ପେ ।

୨୮ ଏନାତେ ଏ ହନ୍କ, ଯୀଶୁ ଖ୍ରୀଷ୍ଟରେ ମେସାକେଦ୍ତେ ତାଇନ୍ପେ, ଏନ୍ରେଦ ଆୟାଃ ହିନିଦୁଃ ନେତାରେ ଜୀଉ କେଟେଦ୍କେଦ୍ତେଦ୍ତେ ଦାରମିୟା ଆତଃ ଆରୁ ସବେନ୍ଦକ ଆୟାଃ ଆୟାରେ କାରୁ ଗିହୁଗଃଆ । ୨୯ ଆରୁ ସାରିୟାଃରୁ ଯେ, ଯୀଶୁ ଖ୍ରୀଷ୍ଟ ଧାର୍ମାନ୍ନିଃ ତାନିଃ, ନେଆଁହ୍ ସାରିୟାଃରୁ ଯେ, ଜେତାଏ ଧାର୍ମାନ୍ କାମି କାମିନିଃ ପାର୍ମେଶ୍ଵାର୍ଆଃ ହନ୍ ତାନିଃ ।

୩

ପାର୍ମେଶ୍ଵାର୍ଆଃ ହନ୍କ

୧ *ପାର୍ମେଶ୍ଵାର୍ ଆରୁକେ ଆୟାଃ ଦୁଲାଡ୍ତେ ଚିମିନାଙ୍ଗ୍ ଦୁଲାଡ୍କେଦ୍ବୁଆଏ, ଏନା କାଟିଃ ଉଡ୍ଡୁଲେପେ । ଆରୁ ପାର୍ମେଶ୍ଵାର୍ଆଃ ହନ୍କରୁ ନୁତୁମାକାନା । ଆତଃ ଆରୁ ଆୟାଃ ହନ୍କଗି ତାନ୍ରୁ । ଅତେଦିଶ୍ଟମ୍ ପାର୍ମେଶ୍ଵାର୍କେ କାଏ ସାରିୟା, ଏନାମେନ୍ତେ ଅତେଦିଶ୍ଟମ୍ ଆରୁକେ କାଏ ସାରିୟା । ୨ ହେ ଦୁଲାଡ୍ ହାଗା ମିଶିକ, ନାହାଁଃ ଆରୁ ପାର୍ମେଶ୍ଵାର୍ଆଃ ହନ୍କ ତାନ୍ରୁ, ମେନ୍ଦ ହିଜୁଃତାନ୍ ଦିପିଲିରେ ଚିନାଃରୁ ହବାଅଃଆ ଏନା କା ସାରିୟାତାନା । ମେନ୍ଦ ଯୀଶୁ ଖ୍ରୀଷ୍ଟ ଆତଃମିସା ହିଜୁଃରେ ଆରୁହ ଆୟାଃ ଲେକାଗିରୁ ହବାଅଃଆ, ଚିୟାଃତି ଇନିଃକେ ଆଇଃକଗି ତାନିଃ ଲେକାରୁ ନେଲିୟା । ୩ ଆତଃ ଇନିଃରେ ଆସ୍ତା ଦହକାଦ୍କ, ଇନିଃ ଫାର୍ତିଗି ମେନାଲ୍ଲେକା, ଇନ୍ଦ୍ରୁ ଫାର୍ତିଗିକ ତାଇନ୍କା ।

୪ ଜେତାଏ ପାପ୍ ରିକାଏତାନ୍ନିଃ, ପାର୍ମେଶ୍ଵାର୍ଆଃ ଆନ୍ତୁକେ କାଏ ମାନାତିଙ୍ଗ୍ ତାନା, ଚିୟାଃତି ଆନ୍ତୁ କା ମାନାତିଙ୍ଗ୍ତେୟାଃଗି ପାପ୍ ତାନାଃ । ୫ *ଆପେ ସାରିତାନାପେ ଯେ, ଯୀଶୁ ଖ୍ରୀଷ୍ଟ ଆରୁଆଃ ପାପ୍ ଗଅଃଇଦି ନାଙ୍ଗ୍ ହିଜୁଃୟାନାଏ ଆତଃ ଇନିଃରେ ଜେତାନ୍ ପାପ୍ ବାନଃଆ । ୬ ଜେତାଏ ଇନିଃରେ ତାଇନ୍ତାନ୍ନିଃ ପାପ୍ କାମି କାଏ ରିକାୟା, ଆତଃ ଜେତାଏ ପାପ୍ କାମିତାନ୍ନିଃ ଇନିଃକେ ଚିଉଲ୍ଲାଅ କାଏ ନେଲ୍ଲାଇୟା ଚାଏ କାଏ ସାରିକାଇୟା ।

୭ ହେ ଦୁଲାଡ୍ ହନ୍କ, ଜେତାଏ ଆପେକେ ଆଲକାକ ବେଦାପେକା, ଜେତାଏ ରୁଗିନ୍ କାମି କାମିୟାଏ, ଇନିଃ ଏସ୍କାର୍ ଯୀଶୁ ଖ୍ରୀଷ୍ଟ ଲେକା ଧାର୍ମାନ୍ନିଃ ତାନିଃ । ୮ ଆତଃ ଜେତାଏ ପାପ୍ କାମି ରିକାତାନ୍ନିଃ, ସାଏତାନ୍ରେନ୍ ତାନିଃ, ଚିୟାଃତି ସାଏତାନ୍ ମୁନ୍ଦୁଏତେ ପାପ୍ କାମି ରିକାଆଉତାନାଏ । ଏନ୍ ସାଏତାନ୍ରାଃ କାମିକେ ଜିୟନେ ନାଗେନ୍ତେ ପାର୍ମେଶ୍ଵାର୍ଆଃ ହନ୍ ହିଜୁଃୟାନାଏ ।

୯ ଅକନ୍ଦକ ପାର୍ମେଶ୍ଵାର୍ଆଃ ହନ୍ ତାନ୍କ, ଇନ୍ଦ୍ରୁ ପାପ୍ କାମିରେ କାକ ତାଇନା, ଚିୟାଃତି ପାର୍ମେଶ୍ଵାର୍ଆଃ ସଭାବ୍ ଇନ୍ଦ୍ରୁରେ ମେନାଃ, ଆତଃ ପାର୍ମେଶ୍ଵାର୍ ଇନ୍ଦ୍ରୁଆଃ ଆପୁ ତାନିଃ, ଏନାତେ ଇନ୍ଦ୍ରୁ ପାପ୍ରେ କାକ ତାଇନ୍ ଦାଡ୍ଡିୟା । ୧୦ ପାର୍ମେଶ୍ଵାର୍ଆଃ ହନ୍କ ଆତଃ ସାଏତାନ୍ଆଃ ହନ୍କ ଅକନ୍ଦକ ତାନ୍କ, ଏନା ନେ'ଲେକାତେକ ସାରିୟାଆ, ଜେତାଏ ଧାର୍ମାନ୍ କାମି କାଏ କାମିନିଃ, ଚାଏ ବିଶ୍ଵାସୀ ହାଗା ମିଶିକେ କାଏ ଦୁଲାଡ୍ନିଃ ପାର୍ମେଶ୍ଵାର୍ଆଃ ହନ୍ ନାହାଁଲିଃ ।

ମିହୁଡ୍ ଆତଃମିହୁଡ୍କେ ଦୁଲାଡ୍ପେ

* ୩:୧ ୩:୧ ଯୋହାନ୍ ୧:୧୨. * ୩:୫ ୩:୫ ଯୋହାନ୍ ୧:୨୯.

୧୧ ✨ଆବୁକେ ଦୁଲାଡ଼ରେ ତାଇନଃ ଲାଗାତିଙ୍ଗିୟାଃ, ନେଆଁଦ ଆପେ ମୁନୁଏତେ ଆୟୁମ୍‌କାଦ୍ କାଜି ତାନାଃ । ୧୨ ଆବୁ କୟିନ୍ ଲେକା କାବୁ ହବାଅଥା, ଇନିଃରେ ଏଡ଼କାନ୍ ଏସେର୍‌ୟାନା ଆତଃ ହାଗାତେ ହାବିଲ୍‌କେ ଗଏଃକିୟା । କୟିନ୍ ହାଗାତେକେ ତିନାଃ ନାଗେନ୍ତେ ଗଏଃକିୟା ? ଚିୟାଃତି କୟିନ୍‌ଆଃ କାମି ଏଡ଼କାନାଃ ଆତଃ ହାଗାତେୟାଃ କାମି ଠାଉକାତେୟାଃ ତାଇକେନା ।

୧୩ ଏନାତେ ହେ ହାଗା ମିଶିକ, ନେ ଅତେଦିଶୁମ୍‌ରେନ୍ ହଡ଼କ ଆପେକେ ହିଲାଙ୍‌ପେରେ ଆଲ୍‌ପେ ହାଏକାଟଃଆ ।

୧୪ ✨ଆବୁ ଖ୍ରୀଷ୍ଟ ହାଗା ମିଶିକକେବୁ ଦୁଲାଡ଼କ ତାନ୍‌ରେଦ, ଆବୁ ଗନଏଃକେ ପାରମ୍‌କେଦ୍‌ତେ ଜୀଦାନ୍‌ରେବୁ ବଲକାନା ଏନାବୁ ସାରିତାନା । ଜେତାଏ କାଏ ଦୁଲାଡ଼ତାନ୍‌ନିଃ ନାହାଁଃ ଜାକେଦ୍ ଗନଏଃରେୟାଃ ଆକ୍‌ତେୟାର୍‌ରେ ମେନାଇୟା ।

୧୫ ଜେତାଏ ଖ୍ରୀଷ୍ଟ ହାଗା ମିଶିକେ ହିଲାଙ୍‌ନିଃ, ହଡ଼ ଗଗଏଃନିଃ ତାନିଃ । ଆତଃ ହଡ଼ ଗଗଏଃନିଃୟାଃ ଜାନାଅ ଜୀଦାନ୍ ବାନଃଆ ମେନ୍ତେ ଆପେ ସାରିତାନା । ୧୬ ଯାଶୁ ଖ୍ରୀଷ୍ଟ ଆବୁ ନାଙ୍ଗ ଆୟାଃ ଜୀଉ ଏମ୍‌କେଦାଏ ଏନାତେ ଆବୁ ଦୁଲାଡ଼, ତିନାଃ ତାନା ଏନାବୁ ସାରିତାନା । ଆତଃ ଆବୁକେୟ ଖ୍ରୀଷ୍ଟ ହାଗା ମିଶିକ ନାଗେନ୍ତେ ଆବୁଆଃ ଜୀଉ ଏମ୍ ଲାଗାତିଙ୍ଗିୟାଃ ।

୧୭ ଜେତା ହଡ଼ ଅତେଦିଶୁମ୍ ଲେକା ଆୟାଃ ମେନାଃତେୟାଃକ ପୁରାଃଗି ତାଇନ୍‌କେଦ୍‌ତେ ଖ୍ରୀଷ୍ଟ ହାଗା ମିଶି ଜାଞ୍ଜିୟାତାନ୍ ନେଲ୍‌ରେୟ ଇନିଃ ନାଗେନ୍ତେ ଆୟାଃ ମନ୍‌ସୁରୁଦ୍‌କେ କେଟେକେରେଦ, ଇନିଃ ଚିଲ୍‌କାତେ ଆଇଙ୍ଗ ପାରମ୍‌ଶ୍ୱାର୍‌କେ ଦୁଲାଡ଼ ତାନାଇଙ୍ଗ ମେନ୍ତେ କାଜିୟାଏ ? ୧୮ ଏ ହନ୍‌କ, ଆବୁଆଃ ଦୁଲାଡ଼, କାଜିତେ ତାଏ ଜାଗାର୍‌ତେ ଏସ୍‌କାର୍ ଆଲକା ହବାଅଥାକା, ମେନ୍‌ଦ ସାର୍‌ତିତେ ଆତଃ କାମିତେ ଉଦୁବ୍ ଲାଗାତିଙ୍ଗିୟାଃ ।

୧୯ ଆବୁଆଃ କାଜିକାମି ହରାତେ ଆବୁ ସାନାର୍‌ତିରେନ୍ ହନ୍‌କ ତାନ୍‌ବୁ ମେନ୍ତେ ମନ୍‌ରେ ଆଟ୍‌କାର୍ ଦାଡ଼ିୟାବୁ ।

୨୦ ଆବୁଆଃ ମନ୍‌ସୁରୁଦ୍ ଆବୁକେ ଚିଟାବୁରେଦ, ପାରମ୍‌ଶ୍ୱାର୍ ଆବୁଆଃ ମନ୍‌ସୁରୁଦ୍‌ହେତେ ପୁରାଃ ମାରାଙ୍ଗ ତାନିଃ, ଇନିଃ ସବେନାଃ ସାରିୟାଏ । ୨୧ ଏନାତେ ହେ ଦୁଲାଡ଼ ହାଗା ମିଶିକ, ଆବୁଆଃ ମନ୍‌ସୁରୁଦ୍ କାଏ ଚିଟାବୁରେଦ, ଆବୁ ପାରମ୍‌ଶ୍ୱାର୍‌ଆଃ ସାମ୍‌ନାଙ୍ଗ୍‌ରେ ବେଗାର୍ ବରତେ ତିଙ୍ଗୁନ୍‌ବୁ ଦାଡ଼ିୟା । ୨୨ ଆତଃ ଆବୁ ଆସିତେୟାଃ ସବେନାଃ, ଇନିଃ ଆବୁକେ ଏମାବୁଆ, ଚିୟାଃତି ଆବୁ ଆୟାଃ ଆନାରୁକବୁ ମାନାତିଙ୍ଗି ତାନା ଆତଃ ଆୟାଃ ସୁକୁଆନ୍ ଲେକାବୁ କାମିତାନା ।

୨୩ ✨ଆବୁ ଆୟାଃ ହନ୍ ଯାଶୁ ଖ୍ରୀଷ୍ଟ ଆବୁ ନୁଡୁମ୍‌ରେବୁ ବିଶ୍ୱାସେକା ଆତଃ ଯାଶୁ ଖ୍ରୀଷ୍ଟ ଏମାକାଦ୍ ଆନାରୁ ଲେକା ମିହୁଡ଼ ଆତଃମିହୁଡ଼ଲଃ ଦୁଲାଡ଼ରେବୁ ତାଇନ୍‌କା । ୨୪ ଜେତାଏ ପାରମ୍‌ଶ୍ୱାର୍‌ଆଃ ଆନାରୁ ମାନାତିଙ୍ଗିନିଃ ପାରମ୍‌ଶ୍ୱାର୍‌ରେ ତାଇନା, ଆତଃ ପାରମ୍‌ଶ୍ୱାର୍ ଇନିଃରେ ତାଇନା । ନେଆଁ ପାରମ୍‌ଶ୍ୱାର୍ ଆବୁକେ ଏମାକାଦ୍‌ବୁ ପାବିତାର୍ ଆମ୍‌ ହରାତେ ପାରମ୍‌ଶ୍ୱାର୍ ଆବୁରେ ମେନାଇୟା ମେନ୍ତେବୁ ସାରିୟା ।

୪

ପାରମ୍‌ଶ୍ୱାର୍‌ଆଃ ଆମ୍‌ ଆତଃ ହସଡ଼ ଆମ୍‌

୧ ହେ ଦୁଲାଡ଼ ହାଗା ମିଶିକ, ପାରମ୍‌ଶ୍ୱାର୍‌ତାଃଏତେ ଆମ୍‌ ନାମାକାଦାଲେ ମେନ୍ତେ କାଜିତାନ୍ ସବେନ୍‌କକେ ଆଲ୍‌ପେ ବିଶ୍ୱାସକଥା, ଇନ୍‌କୁ ନାମାକାଦ୍ ଆମ୍‌ ପାରମ୍‌ଶ୍ୱାର୍‌ତାଃଏତେ ହିଜୁଃକାନାତି କାହା ଏନା ବିଡ଼ାଅକୁପେ, ଚିୟାଃତି ପୁରାଃ ହସଡ଼ ନାବୀକ ଅତେଦିଶୁମ୍‌ରେକ ଅଡ଼ଙ୍ଗକାନା । ୨ ନେ'ଲେକାତେ ଆପେ ପାରମ୍‌ଶ୍ୱାର୍‌ଆଃ ଆମ୍‌କେପେ ନେଲ୍‌ଉରୁମିଆ, ଯାଶୁ ଖ୍ରୀଷ୍ଟ ମାନଞ୍ଜା ରୁପରେ ହିଜୁଃକାନା ମେନ୍ତେ ମାନାତିଙ୍ଗିତାନ୍ ସବେନ୍ ଆମ୍‌କ ପାରମ୍‌ଶ୍ୱାର୍‌ତାଃଏତେ ହିଜୁଃକାନା । ୩ ମେନ୍‌ଦ ଜେତାଏ ଯାଶୁ ଖ୍ରୀଷ୍ଟ ଆଃ ବିଷାଏରେ ନେ କାଜି କା ମାନାତିଙ୍ଗିତାନ୍‌ନିଃ ପାରମ୍‌ଶ୍ୱାର୍‌ଆଃ ଆମ୍‌ କାଏ ନାମ୍ । ଇନିଃଦ ଖ୍ରୀଷ୍ଟ ଆଃ ବାଇରିତାଃଏତେ ହିଜୁଃକାନ୍ ଆମ୍‌କେ ନାମ୍‌କାଦା । ଇନିଃ ହିଜୁଃଆଏ ମେନ୍ତେପେ ଆୟୁମ୍‌କାଦ୍ ତାଇକେନ୍‌ନିଃ ନାହାଁଃଗି ଅତେଦିଶୁମ୍‌ରେ ମେନାଇୟା ।

୪ ହେ ଦୁଲାଡ଼ ହନ୍‌କ, ଆପେଦ ପାରମ୍‌ଶ୍ୱାର୍‌ଆଃ ତାନ୍‌ପେ ଆତଃ ଏନ୍ ହସଡ଼ ନାବୀକକେ ହାରାଅକାଦ୍‌କଆପେ, ଚିୟାଃତି ଆପେୟାଃ ମନ୍‌ସୁରୁଦ୍‌ରେ ତାଇନ୍‌ତାନ୍ ପାରମ୍‌ଶ୍ୱାର୍‌ଆଃ ଆମ୍‌ ନେ ଅତେଦିଶୁମ୍‌ରେନ୍ ହଡ଼କତାଃରେ ତାଇନ୍‌ତାନ୍ ଆମ୍‌ଏତେ ପୁରାଃ ପେଡେୟାନ୍‌ଗିୟାଏ । ୫ ହସଡ଼ ନାବୀକ ଅତେଦିଶୁମ୍‌ରେନ୍ ତାନ୍‌କ, ଇନ୍‌କୁ ନେ ଅତେଦିଶୁମ୍‌ରେୟାଃ କାଜିକ କାଜିତାନା ଆତଃ ଅତେଦିଶୁମ୍‌ରେନ୍ ହଡ଼କ ଇନ୍‌କୁଆଃ କାଜିକ ଆୟୁମାଃ । ୬ ମେନ୍‌ଦ ଆବୁ ପାରମ୍‌ଶ୍ୱାର୍‌ଆଃ ତାନ୍‌ବୁ । ଜେତାଏ ପାରମ୍‌ଶ୍ୱାର୍‌କେ ସାରିନିଃ, ଆବୁଆଃ କାଜି ଆୟୁମାଃଏ । ଜେତାଏ ପାରମ୍‌ଶ୍ୱାର୍‌କେ କାଏ ସାରିନିଃ, ଆବୁଆଃ କାଜି କାଏ ଆୟୁମାଃ । ନେ'ଲେକାତେ ଆବୁ ସାନାର୍‌ତିରେନ୍ ଆମ୍‌ ଆତଃ ହସଡ଼ରେନ୍ ଆମ୍‌କେବୁ ନେଲ୍‌ଉରୁମ୍ ଦାଡ଼ିୟା ।

ମିହୁଡ଼ ଆତଃମିହୁଡ଼ଲଃ ଦୁପୁଲାଡ଼ପେ

୭ ହେ ଦୁଲାଡ଼ ହାଗା ମିଶିକ, ଦୁପୁଲାଡ଼ରେବୁ ତାଇନା, ଚିୟାଃତି ଦୁଲାଡ଼ ପାରମ୍‌ଶ୍ୱାର୍‌ତାଃଏତେ ହିଜୁଃଆ । ଜେତାଏ ଦୁଲାଡ଼ନିଃ ପାରମ୍‌ଶ୍ୱାର୍‌ଆଃ ହନ୍ ତାନିଃ, ଆତଃ ପାରମ୍‌ଶ୍ୱାର୍‌କେ ସାରିତାନା । ୮ ଜେତାଏ କାଏ ଦୁଲାଡ଼ନିଃ ପାରମ୍‌ଶ୍ୱାର୍‌କେ କାଏ ସାରିୟା, ଚିୟାଃତି ପାରମ୍‌ଶ୍ୱାର୍ ଦୁଲାଡ଼ନିଃ ତାନିଃ । ୯ ଆବୁ ଯାଶୁ ଖ୍ରୀଷ୍ଟ ଆଃ ହରାତେ ଜାନାଅ

☆ ୩:୧୧ ୩:୧୧ ଯୋହାନ୍ ୧୩:୩୪. ☆ ୩:୧୪ ୩:୧୪ ଯୋହାନ୍ ୫:୨୪. ☆ ୩:୨୩ ୩:୨୩ ଯୋହାନ୍ ୧୩:୩୪; ୧୫:୧୨, ୧୭.

ଜୀବନ୍ ନାମେ ନାଗେନ୍ତେ ପାରମେଶ୍ଵର ଆୟାଃ ମିଆଁଦ୍ଵି ହନ୍ ଯୀଶୁ ଖ୍ରୀଷ୍ଟକେ ଅତେଦିଶୁମ୍ତେ କୁଲ୍‌କିୟା, ନେଆଁତେ ପାରମେଶ୍ଵରଆଃ ଦୁଲ୍ଲାଡ୍ ଆବୁ ନାଜ୍ ଉଦୁବ୍‌ୟାନା । ୧୦ ନେଆଁତି ସାର୍ତି ଦୁଲ୍ଲାଡ୍ ତାନାଃ, ଆବୁ ପାରମେଶ୍ଵରକେବୁ ଦୁଲ୍ଲାଡ୍‌କିୟା ଏନାତେଦ କାହା, ମେନ୍ଦ୍ ଇନିଃ ଆବୁକେ ଦୁଲ୍ଲାଡ୍‌କେଦ୍‌ବୁଆ ଆଡଃ ଆବୁଆଃ ପାପ୍ ଛାମା ନାଗେନ୍ତେ ଆୟାଃ ହନ୍‌କେ କୁଲ୍‌କିୟା ।

୧୧ ହେ ଦୁଲ୍ଲାଡ୍ ହାଗା ମିଶିକ, ପାରମେଶ୍ଵର ଆବୁକେ ନେ'ଲେକା ଦୁଲ୍ଲାଡ୍‌ବୁତାନ୍‌ରେଦ୍, ଆବୁକେୟ୍ ଏନ୍ ଲେକା ଦୁପୁଲ୍ଲାଡ୍‌ରେ ତାଇନ୍ ଲାଗାଡିଙ୍ଗ୍‌ୟାଃ । ୧୨ *ପାରମେଶ୍ଵରକେ ଜେତାଏ ଚିଉଲ୍ଲାହ୍ କାଏ ନେଲ୍, ମେନ୍ଦ୍ ଆବୁ ଦୁପୁଲ୍ଲାଡ୍‌ରେ ତାଇନ୍‌ରେଦ୍ ପାରମେଶ୍ଵର ଆବୁଲ୍ଲଃ ମେନାଲ୍‌ୟା, ଆଡଃ ଆୟାଃ ଦୁଲ୍ଲାଡ୍ ଆବୁତାଃରେ ପକ୍‌ତାକାନା ।

୧୩ ଆବୁ ପାରମେଶ୍ଵରଲ୍ଲଃ ତାଇନ୍‌ତାନାବୁ ଆଡଃ ଇନିଃ ଆବୁଲ୍ଲଃ ତାଇନ୍‌ତାନାଏ, ଏନାବୁ ସାରିତାନା, ଚିୟାଃତି ଇନିଃ ଆବୁକେ ଆୟାଃ ଆମ୍ବରାଃ ମେନେସା ଏମାକାଦ୍‌ବୁଆଏ । ୧୪ ଅତେଦିଶୁମ୍ତେ ବାଞ୍ଚାଅନିଃ ହବାଅଃ ନାଗେନ୍ତେ ଆପୁ ପାରମେଶ୍ଵର ଆୟାଃ ହନ୍‌କେ କୁଲ୍‌କିୟା । ଆବୁ ଇନିଃକେ ନେଲ୍‌କେଦ୍‌ତେ ଇନିଃୟା ବିଷାଏରେ ଏଟାଃକକେବୁ ଉଦୁବ୍‌କତାନା । ୧୫ ଜେତାଏ ଯୀଶୁ ଖ୍ରୀଷ୍ଟକେ ପାରମେଶ୍ଵରଆଃ ହନ୍ ତାନିଃ ମେନ୍ତେ ମାନାଡିଙ୍ଗ୍‌ତାନ୍‌ରେଦ୍, ପାରମେଶ୍ଵର ଇନିଃରେ ତାଇନ୍‌ତାନା ଆଡଃ ଇନିଃ ପାରମେଶ୍ଵରତାଃରେ ତାଇନ୍‌ତାନା । ୧୬ ଆଡଃ ପାରମେଶ୍ଵର ଆବୁକେ ଦୁଲ୍ଲାଡ୍‌ବୁ ତାନ୍‌ତେୟାଃ ସାରିତାନାବୁ ଆଡଃ ଏନାରେ ଆବୁଆଃ ପୁରାଃ ବିଶ୍ଵାସ୍ ମେନାଃ । ପାରମେଶ୍ଵର ଦୁଲ୍ଲାଡ୍ ତାନିଃ, ଜେତାଏ ଦୁଲ୍ଲାଡ୍‌ରେ ତାଇନ୍‌ନିଃ ପାରମେଶ୍ଵରରେ ତାଇନା ଆଡଃ ପାରମେଶ୍ଵର ଇନିଃରେ ତାଇନା । ୧୭ ଆବୁଆଃ ଜୀବନ୍‌ରେ ନେ ଦୁଲ୍ଲାଡ୍ ପକ୍‌ତାକାନାନ୍‌ଗି ତାଇନଃରେଦ୍, ଆବୁ ବେଗାର୍ ବରକେଦ୍‌ତେ ବିଚାର୍ ହୁଲ୍ଲାଙ୍ଗ୍‌ରେୟାଃ ଆୟାଃରେ ତିଙ୍ଗ୍‌ନ୍‌ବୁ ଦାଡିୟା, ଚିୟାଃତି ନେ ଅତେଦିଶୁମ୍ତେ ତାଇନ୍‌କେଦ୍‌ତେ ଆବୁହ୍ ଯୀଶୁ ଖ୍ରୀଷ୍ଟ ଲେକା ଜୀଞ୍ଜାନ୍ ବିତାଅ ତାନାବୁ । ୧୮ ଦୁଲ୍ଲାଡ୍‌ରେ ବର ବାନଃଆ, ମେନ୍ଦ୍ ପକ୍‌ତାକାନ୍ ଦୁଲ୍ଲାଡ୍ ସବେନ୍ ବରକେ ସାଙ୍ଗିନେଆଁ । ଜେତାଏ ବରତାନ୍‌ନିଃ ଦୁଲ୍ଲାଡ୍‌ରେ କାଏ ପକ୍‌ତାକାନା, ଚିୟାଃତି ସାଜାଇ ନାମେରେୟାଃ ବର ଇନିଃରେ ମେନାଃ ।

୧୯ ପାରମେଶ୍ଵର ଆବୁକେ ପାହିଲା ଦୁଲ୍ଲାଡ୍‌କେଦ୍‌ବୁ ହରାତେ ଆବୁ ଦୁଲ୍ଲାଡ୍ ତାନାବୁ । ୨୦ ଜେତାଏ ପାରମେଶ୍ଵରକେ ଦୁଲ୍ଲାଡ୍ ତାନିଙ୍ଗ୍ ମେନ୍ତେ କାଜିକେଦ୍‌ତେ ଖ୍ରୀଷ୍ଟ ହାଗା ଚାଏ ମିଶିକେ ହିଲ୍ଲାଙ୍ଗ୍‌ରେଦ୍, ଇନିଃ ହସଡ୍ ତାନିଃ । ନେଲ୍ଲାକାଇ ହାଗା ଚାଏ ମିଶିକେ କାଏ ଦୁଲ୍ଲାଡ୍‌ରେଦ୍, କା ନେଲ୍ଲାକାଇ ପାରମେଶ୍ଵରକେ ଚିଉଲ୍ଲାଅ କାଏ ଦୁଲ୍ଲାଡ୍ ଦାଡିୟା । ୨୧ ଜେତାଏ ପାରମେଶ୍ଵରକେ ଦୁଲ୍ଲାଡ୍‌ତାନ୍‌ନିଃ ଖ୍ରୀଷ୍ଟ ହାଗା ଚାଏ ମିଶିକେହ୍ ଦୁଲ୍ଲାଡ୍‌କାଏ, ନେ ଆନାବୁ ଆବୁ ଯୀଶୁ ଖ୍ରୀଷ୍ଟତାଃଏତେ ନାମାକାଦାବୁ ।

୫

ଅତେଦିଶୁମ୍ତେ ଜିତାଅ

୧ ଜେତାଏ ଯୀଶୁକେ ଖ୍ରୀଷ୍ଟ ତାନିଃ ମେନ୍ତେ ବିଶ୍ଵାସ୍‌ତାନ୍‌ନିଃ ପାରମେଶ୍ଵରଆଃ ହନ୍ ତାନିଃ, ଆଡଃ ଜେତାଏ ଆପୁକେ ଦୁଲ୍ଲାଡ୍‌ନିଃ, ଏନ୍ ଆପୁତେୟାଃ ହନ୍‌କେହ୍ ଦୁଲ୍ଲାଡିୟାଏ । ୨ ଆବୁ ପାରମେଶ୍ଵରକେ ଦୁଲ୍ଲାଡ୍‌କେଦ୍‌ତେ ଆୟାଃ ଆନାବୁକବୁ ମାନାଡିଙ୍ଗ୍‌ତାନ୍‌ରେଦ୍, ନେଆଁତେବୁ ସାରିତାନା ଯେ, ଆବୁ ପାରମେଶ୍ଵରଆଃ ହନ୍‌କବୁ ଦୁଲ୍ଲାଡ୍‌କ ତାନା । ୩ *ପାରମେଶ୍ଵରଆଃ ଆନାବୁକ ମାନାଡିଙ୍ଗ୍‌ତେୟାଃତି ପାରମେଶ୍ଵରକେ ଦୁଲ୍ଲାଡ୍‌ତେୟାଃ ତାନାଃ । ଆଡଃ ଆୟାଃ ଆନାବୁକ ମାନାଡିଙ୍ଗ୍ ନାଜ୍ କା ହାମ୍ବାଲ୍ଲଃ । ୪ ଚିୟାଃତି ପାରମେଶ୍ଵରଆଃ ସବେନ୍ ହନ୍‌କ ନେ ଅତେଦିଶୁମ୍ତେ ହାରାଅ ନାଗେନ୍ତେ ପେଡ଼େଃକ ନାମାକାଦା । ଆବୁ ବିଶ୍ଵାସ୍‌ତେ ନେ ଅତେଦିଶୁମ୍ତେ ଜିତାଅ ଦାଡିୟାବୁ । ୫ ଯୀଶୁକେ ପାରମେଶ୍ଵରଆଃ ହନ୍ ତାନିଃ ମେନ୍ତେ ବିଶ୍ଵାସ୍‌ତାନ୍‌ନିଃ ଏସ୍‌କାର୍ ଅତେଦିଶୁମ୍ତେ ଜିତାଅ ଦାଡିୟାଏ ।

ୟୀଶୁ ଖ୍ରୀଷ୍ଟଆଃ ବିଷାଏରେ ଗାଞ୍ଜା

୬ ଏନ୍ ଯୀଶୁ ଖ୍ରୀଷ୍ଟ ଦାଆଃରେ ବାପ୍ତିସ୍ମା ଇଦିକେଦ୍‌ତେ ଆୟାଃ କାମି ଏଟେଦ୍‌କାଦ୍ ତାଇକେନା, ଆଡଃ ଆୟାଃ ମାୟୋମ୍ ଲିଙ୍ଗିକେଦ୍‌ତେ ମାନଞ୍ଜାରାଃ ଜୀଉବାଞ୍ଚାଅ ରିକା ଦାଡିକେଦାଏ । ଦାଆଃତେ ଏସ୍‌କାର୍ କାହାଗି ମେନ୍ଦ୍ ବାରାନାଃ ଦାଆଃ ଆଡଃ ମାୟୋମ୍ ହରାତେ ହିଜୁଃୟାନା । ନେଆଁ ସାର୍ତି ତାନାଃ ମେନ୍ତେ ପାବିତାର୍ ଆମ୍ବା ଆଇଃକ୍‌ଗି ଗାଞ୍ଜା ଏମେତାନା, ଚିୟାଃତି ପାବିତାର୍ ଆମ୍ବା ସାର୍ତି ତାନିଃ । ୭ ଆଡଃ ନେ ଆପିୟା ଗାଞ୍ଜା ମେନାଃ : 「ଆମ୍ବା, ଦାଆଃ, ଆଡଃ ମାୟୋମ୍, ନେ ଆପିୟା ଗାଞ୍ଜା ମିଦ୍‌ଗିୟା । ୮ ଆବୁ ହଡ୍‌କଆଃ ଗାଞ୍ଜାବୁ ମାନାଡିଙ୍ଗ୍‌ତାନ୍‌ରେଦ୍, ପାରମେଶ୍ଵରଆଃ ଗାଞ୍ଜାଏ ଏନାଏତେ ମାରାଙ୍ଗ୍‌ଆଃ, ଆଡଃ ପାରମେଶ୍ଵରଆଃ ଗାଞ୍ଜା ନେଆଁ ତାନାଃ ଯେ, ପାରମେଶ୍ଵର ଆଇଃକ୍‌ଗି ଆୟାଃ ହନ୍ ବିଷାଏରେ ଗାଞ୍ଜା ଏମାକାଦାଏ । ୯ ଜେତାଏ ପାରମେଶ୍ଵରଆଃ ହନ୍‌ତାଃରେ ବିଶ୍ଵାସ୍‌ନିଃ, ଆୟାଃ ମନ୍‌ସୁରୁଦ୍‌ରେ ଗାଞ୍ଜା ନାମାକାଦାଏ, ମେନ୍ଦ୍ ଜେତାଏ ପାରମେଶ୍ଵରତାଃରେ କା ବିଶ୍ଵାସ୍‌ନିଃ ହସଡ୍ ବାଲ୍‌ୟାକାନାଏ, ଚିୟାଃତି ପାରମେଶ୍ଵର ଆୟାଃ ଆପ୍‌ନାଃ ହନ୍ ବିଷାଏରେ କାଜିକାଦ୍‌ତେୟାଃ ଇନିଃ କାଏ ବିଶ୍ଵାସ୍‌କେଦା । ୧୦ ଏନ୍ ଗାଞ୍ଜା ନେଆଁ ତାନାଃ, ପାରମେଶ୍ଵର ଆବୁକେ ଜାନାଅ ଜୀବନ୍ ଏମାକାଦ୍‌ବୁଆଏ, ଆଡଃ ଏନ୍ ଜୀବନ୍ ଆୟାଃ ହନ୍‌ତାଃରେ ମେନାଃ । ୧୧ ଜେତାଏତାଃରେ

* ୪:୧୨ ୪:୧୨ ଯୋହାନ୍ ୧:୧୮. * ୫:୩ ୫:୩ ଯୋହାନ୍ ୧୪:୧୫. * ୫:୧୧ ୫:୧୧ ଯୋହାନ୍ ୩:୩୭.

ପାର୍ମେଶ୍ଵରୀୟ ହନ୍ ମେନାଇୟା, ଇନିଃ ଜୀଦାନ୍ ନାମାକାଦାଏ, ଆତଃ ଜେତାଏତାଃରେ ପାର୍ମେଶ୍ଵରୀୟ ହନ୍ ବାଙ୍ଗାଇୟା, ଇନିଃ ଜୀଦାନ୍‌ଗି କାଏ ନାମ୍ ।

ଜାନାଅ ଜୀଦାନ୍

^{୧୩} ଆପେରେ ଜାନାଅ ଜୀଦାନ୍‌ରେୟାଃ ଜୀଦାନ୍ ମେନାଃ ଏନାପେ ଆର୍‌କାରେକା ମେନ୍ତେ ଆପେ ପାର୍ମେଶ୍ଵରୀୟ ହନ୍‌ଆଃ ନୁତୁମ୍‌ରେ ବିଶ୍ଵାସ୍‌ତାନାପେ, ଏନାମେନ୍ତେ ଆଇଙ୍ଗ୍ ଆପେତାଃ ନେ ସବେନାଃଇଙ୍ଗ୍ ଅଲେତାନା । ^{୧୪} ଆବୁ ବେଗାର୍ ବରତେ ପାର୍ମେଶ୍ଵରୀୟ ଆୟାରରେ ହିଜୁଃବୁ ଦାଡ଼ିୟା, ଚିୟାଃତି ଆବୁ ଜେତ୍‌ନାଃ ଆୟାଃ ଇଛା ଲେକାବୁ ଆସିରେଦ୍, ଇନିଃ ଆବୁଆଃ ବିକ୍ତି ଆୟୁମେୟାଏ । ^{୧୫} ଆତଃ ଆବୁ ଆୟାଃତାଃରେ ବିକ୍ତିକେଦ୍‌ତେ ଜେତ୍‌ନାଃ ଆସିତେୟାଃ ଏନା ଆୟୁମାଃଏ, ଏନା ସାର୍‌ତି ତାନାଃ ମେନ୍ତେବୁ ସାରିତାନା । ଏନାତେ ଆବୁ ଆୟାଃତାଃରେ ବିକ୍ତିକେଦ୍‌ତେ ଆସିକାଦ୍‌ତେୟାଃ ନାମାକାଦାବୁ ଏନାହଗି ସାରିତାନାବୁ ।

^{୧୬} ଜେତାଏ ଆପେୟାଃ ଖ୍ରୀଷ୍ଟ୍ ହାଗା ଚାଏ ମିଶିକେ ପାପ୍ କାମିତାନ୍ ନେଲିରେ ଆତଃ ଏନ୍ ପାପ୍ ଗଜଃ ଲେକାନାଃ କା ତାଇନ୍‌ରେ, ଇନିଃ ନାଗେନ୍ତେ ପାର୍ମେଶ୍ଵରୀୟତାଃରେ ବିକ୍ତିପେ, ଆତଃ ପାର୍ମେଶ୍ଵର କା ଗଜଃଲେକାନ୍ ପାପ୍ କାମିକାଦ୍ ହଡ଼କକେ ଜୀଦାନ୍ ଏମାକତାନ୍‌ଲେକା, ଇନିଃକେହ୍ ଜୀଦାନ୍ ଏମ୍‌ଦାଡ଼ିୟାଏ । ଚିମିନ୍ ପାପ୍‌କ ମେନାଃ ଅକ୍‌ନାଃତି ଗନଏଃତେ ଇଦିୟାଏ, ଏନ୍ ବିଷାଏରେ ପାର୍ମେଶ୍ଵରୀୟତାଃରେ ବିକ୍ତିପେ ମେନ୍ତେ ଆଇଙ୍ଗ୍ କାଇଙ୍ଗ୍ କାଜିତାନା । ^{୧୭} ସବେନ୍ ଏଡ଼କାନ୍ କାମିଗି ପାପ୍ ତାନାଃ, ମେନ୍‌ଦ ସବେନ୍ ପାପ୍ ଗଜଃଲେକାନାଃ ନାହାଁଲାଃ ।

^{୧୮} ପାର୍ମେଶ୍ଵରୀୟରେ ମେନାଇନିଃ ପାପ୍‌ରେ କାଏ ତାଇନ୍ ଦାଡ଼ିୟା ମେନ୍ତେ ଆବୁ ସାରିତାନା, ଚିୟାଃତି ପାର୍ମେଶ୍ଵରୀୟ ହନ୍ ଇନିଃକେ ବାଞ୍ଛାଅଇୟା, ଆତଃ ସାଏତାନ୍ ଇନିୟାଃ ଜେତ୍‌ନାଃ ଏଡ଼କାନ୍ ରିକା କାଏ ଦାଡ଼ିୟା ।

^{୧୯} ଆବୁ ସାରିତାନାବୁ, ଗଟା ଅତେଦିଶୁମ୍ ଏଡ଼କାନ୍‌ନିଆଃ ଆବରରେ ମେନାଃରେୟ, ଆବୁ ପାର୍ମେଶ୍ଵରୀୟ ତାନ୍‌ବୁ ।

^{୨୦} ଆତଃ ପାର୍ମେଶ୍ଵରୀୟ ହନ୍ ହିଜୁଃକେଦ୍‌ତେ ସାର୍‌ତି ପାର୍ମେଶ୍ଵରୀୟକେ ଆର୍‌କାର୍‌ଉରୁମ୍ ନାଗେନ୍ତେ ଆବୁକେ ସେଣାଁ ଏମାକାଦ୍‌ବୁଆଏ । ଆବୁ ସାର୍‌ତି ପାର୍ମେଶ୍ଵରୀୟରେ ଆତଃ ଆୟାଃ ହନ୍ ଯୀଶୁ ଖ୍ରୀଷ୍ଟ୍‌ରେ ମେନାବୁଆ । ଇନିଃଗି ସାର୍‌ତି ପାର୍ମେଶ୍ଵର ଆତଃ ଜାନାଅ ଜୀଦାନ୍ ତାନିଃ ।

^{୨୧} ହେ ଦୁଲାଡ଼୍ ହନ୍‌କ, ମୁରୁଡ଼୍ ବଙ୍ଗାକତାଃଏତେ ସାଜିନ୍‌ରେ ତାଇନ୍‌ପେ ।

ଯୋହାନ୍ କିଶ୍ଚ ଦ୍ଵିତୀୟ ପତ୍ର ଯୋହାନ୍ ଅଲକାଦ୍ ଏଗାଃ ଚିଟାଉ ପାରିଚାଏ

ଯୋହାନ୍ ଅଲକାଦ୍ ଏଗାଃ ଚିଟାଉ ଯୀଶୁ ଖ୍ରୀଷ୍ଟଆଃ ଜାନାମ୍ରେୟାଃ ୫୦-୧୦୦ କରେ ପ୍ରେରିତ୍ ଯୋହାନ୍ ହରାତେ ଅଲକାନ୍ ତାଇକେନା । ଯୋହାନ୍ ଆପାନ୍କେ ଅନଲ୍ନିଃ ଲେକା ପାରିଚାଏ କାଏ ଏମାଃ, ଏନାରେୟାଃ ବାଦ୍ଲାଇରେ ଜନିଃ ଆପାନ୍କେ ପ୍ରାଚିନ୍ ମେନ୍ତେ ପାରିଚାଏ ଏମାଃଏ । ଯୋହାନ୍ଆଃ ଏଗାଃ ଚିଟାଉରେୟାଃ ଅନଲ୍ ବିଷାଏକ ଯୋହାନ୍ ଅଲକାଦ୍ ସୁକୁକାଜିଲ୍ଲଃ ମିଦ୍ସାମାନ୍ରିଆ । ନେଆଁ ବିଶେଷକେଦ୍ତେ ଯୀଶୁକେ ଅକଲେକା, ଜନିଃ ମିହୁଡ୍ ଆତଃମିହୁଡ୍ତକେ ଦୁଲ୍ଲାଡ୍ ବିଷାଏରେ ଯୀଶୁଆଃ ଆନାରୁକେ ଲାଗାତିଜ୍ ତାନାଃ ମେନ୍ତେ କାଜିୟାଃ, ଏନ୍ ଲେକାଗି ଯୀଶୁଆଃ ଆନାରୁ ମାନାତିଜ୍ତେୟାଃ ହବାଃଅ ତାନାଃ, ଆଇଃକ୍ତେ ଦୁଲ୍ଲାଡ୍ତେୟାଃ ୨ ଯୋହାନ୍ ୧:୫-୬; ଯୋହାନ୍ ୧୫:୯-୧୦ । ନେଆଁ ବିଶ୍ଵାସ ତାନା ଯେ, ଯୋହାନ୍ ଏଫ୍ସୁସ୍ରେ ତାଇନ୍ତାନ୍ ଇମ୍ତା, ଯୋହାନ୍ ସୁକୁକାଜିଲ୍ଲଃ ଯୋହାନ୍ଆଃ ଆପିୟା ଚିଟାଉ ହରି ଅଲକାନ୍ ତାଇକେନା, ଏନା ହବାଃଅତାନା, ୧ ଯୋହାନ୍, ୨ ଯୋହାନ୍, ୩ ଯୋହାନ୍ ।

ଯୋହାନ୍ ନେ ଚିଟାଉରେ ସାଲକାନ୍ କୁଡ୍ଡି ଆତଃ ଆୟାଃ ହନ୍କ ବିଷାଏରେ ପାରିଚାଏ ଏମାକାଦାଏ, ଜନିଃ ଏନା କାଲିସିୟାକେ କାଜିକାଦା । ଯୋହାନ୍ଆଃ ନେ ଚିଟାଉ ଅନଲ୍ରେୟାଃ ଉଦ୍ଦେଶ୍ ତାନାଃ, ବିଶ୍ଵାସୀକକେ ଜୀଉରେ ରାସ୍କା ଏମ୍ ଆତଃ ହସତ୍ ଇତୁକତାଃଏତେ ଚିର୍ଗାଲ୍କେଦ୍ତେ ତାଇନଃତେୟାଃ ତାନାଃ ।

ପୁଅ୍ ଉତ୍ତରରେ ଅଲକାନ୍ କାଜି

- ୧. ଯୋହାନ୍ ନେ ଚିଟାଉରେ ଅକଏୟାଃ ନାଗେନ୍ତେ ଅଲେତାନା, ନେଆଁ କାଜିକେଦ୍ତେ ଆୟାଃ ତେଲାଇଦାମ୍କକେ ଜହାର୍ କାଜିୟାଏ । ୧:୧-୩
- ୨. ଯୋହାନ୍ କାଲିସିୟାକେ ଜୀଉରେ ରାସ୍କା ଏମ୍କେଦ୍ତେ ମାରାଜ୍ ଆନ୍ତୁ ବିଷାଏରେ ପାହାମ୍ଜଟିକ ତାନା । ୧:୪-୬
- ୩. ଯୋହାନ୍ ହସତ୍ ଇତୁକତାଃ ବିଷାଏରେ ଚେତାଅକତାନା । ୧:୭-୧୧
- ୪. ଯୋହାନ୍ ଅକ୍ତାଃରେ ତାଇନଃତାନା ଏନ୍ତାଃରେନ୍ ବିଶ୍ଵାସୀକକେ ଜହାର୍ କାଜିକେଦ୍ତେ ଅନଲ୍ ଅଲ୍ ଚାବାଏତାନାଏ । ୧:୧୨-୧୩

୧ ପ୍ରାଚିନ୍ ଯୋହାନ୍ ଆଇଜ୍ ତାନିଜ୍, ମିଆଁଦ୍ ସାଲକାନ୍ ଆଣ୍ଡି କୁଡ୍ଡି ଆତଃ ଆୟାଃ ହନ୍କ*ତାଃତେ ନେ ଚିଟାଉ ଅଲେତାନାଇଜ୍ । ଇନ୍କୁକେ ଆଇଜ୍ ସାର୍ତିଗିଜ୍ ଦୁଲ୍ଲାଡ୍ ତାନା, ଆତଃ ଆଇଜ୍ ଏସ୍କାର୍ କା, ମେନ୍ଦ୍ ସାର୍ତି ସାରିକାଦ୍ ସବେନ୍କହ୍ ଦୁଲ୍ଲାଡାଃ । ୨ ଚିୟାଃତି ଏନ୍ ସାର୍ତି ଆବୁରେ ତାଇନଃତାନା ଆତଃ ଜାନାଅ ଜାକେଦ୍ ଆବୁଲଃ ତାଇନାଃ ।

୩ ଆପୁ ପାର୍ମେଶ୍ଵାର୍ ଆତଃ ଏନ୍ ଆପୁଆଃ ହନ୍ ଯୀଶୁ ଖ୍ରୀଷ୍ଟତାଃଏତେ ସାୟାଦ୍, ଲିବୁଇ ଆତଃ ଜୀଉସୁକୁ ଆବୁଲଃ ସାର୍ତି ଆତଃ ଦୁଲ୍ଲାଡ୍ରେ ତାଇନକା ।

ସାନାର୍ତି ଆତଃ ଦୁଲ୍ଲାଡ୍

୪ ଆପୁ ପାର୍ମେଶ୍ଵାର୍ଆଃ ଆନାରୁ ଲେକା ଆମାଃ ଚିମିନ୍ ହନ୍କ ସାନାର୍ତିରେ ସେସେନ୍ତାନ୍ ନେଲ୍କେଦ୍ତେ ଆଇଜ୍ ପୁରାଃଗିଇଜ୍ ସୁକୁୟାନା । * ହେ ଦୁଲ୍ଲାଡ୍ ମାଲ୍, ନାହାଃ ଆଇଜ୍ ନାଖା ଆନ୍ତୁ ଅଲେତାନ୍ ଲେକାଦ କାହା ମେନ୍ଦ୍ ମୁନ୍ଦ୍ଏତେ ଆବୁତାଃରେ ତାଇକେନ୍ ଆନ୍ତୁକେଗି ଅଲ୍ତାନଲ୍ ବିକ୍ରିପେତାନାଇଜ୍ ଯେ, ଆବୁ ସବେନ୍କ ଦୁପୁଲ୍ଲାଡ୍ରେଗିବୁ ତାଇନକା । ୬ ଆତଃ ଆବୁ ପାର୍ମେଶ୍ଵାର୍ଆଃ ଆନ୍ତୁଲେକାବୁ ସେସେନ୍ତାନା, ନେଆଁଗି ସାର୍ତି ଦୁଲ୍ଲାଡ୍ ତାନାଃ । ଆତଃ ଆପେ ମୁନ୍ଦ୍ଏତେ ଆୟୁମାକାଦ୍ ଲେକାଗି ସେସେନ୍ଦେ, ନେଆଁଗି ଏନ୍ ଆନାରୁ ତାନାଃ ।

୭ ଆଇଜ୍ ନେଆଁ କାଜିତାନାଇଜ୍ ଚିଆଃତି ପୁରାଃ ବେଦାହଡ୍ଡକ ଅତେଦିଶୁମ୍ରେକ ଅଡ୍ଜକାନା । ଜେତାଏ ଯୀଶୁ ଖ୍ରୀଷ୍ଟକେ ମାନଖା ହଡ୍ଡମ୍ରେ ହିଜୁଃୟାନା ମେନ୍ତେ କା ମାନାତିଜ୍ନିଃଗି ବେଦାହଡ୍ଡ ଆତଃ ଯୀଶୁ ଖ୍ରୀଷ୍ଟଆଃ ବାଇରି ତାନିଃ । ଠ ଆଲେ ଆପେ ନାଗେନ୍ତେ କାମିକାଦ୍ତେୟାଃ ଆଲକାପେ ଆଦେ ଆତଃ ପୁରା ନାଲା ନାମେ ନାଗେନ୍ତେ ଚିର୍ଗାଲକାନ୍ଦେ ।

୯ ଜେତାଏ ଯୀଶୁ ଖ୍ରୀଷ୍ଟଆଃ ଜନିତୁରେ କାଏ ତାଇନତାନା, ଏନ୍ ହଡ୍ଡତାଃରେ ପାର୍ମେଶ୍ଵାର୍ ବାଙ୍ଗାଇୟା । ଆତଃ ଜେତାଏ ଯୀଶୁ ଖ୍ରୀଷ୍ଟଆଃ ଜନିତୁରେ ତାଇନତାନା, ଏନ୍ ହଡ୍ଡତାଃରେ ପାର୍ମେଶ୍ଵାର୍ ଆତଃ ଆୟାଃ ହନ୍, ନେ ବାରାନ୍କିନ୍ ମେନାକିନା । ୧୦ ଜେତାଏ ଆପେତାଃତେ ହିଜୁଃକେଦ୍ତେ ନେ ଜନିତୁ କାଏ ଇତୁପେରେଦ୍, ଜନିଃକେ ଆପେୟାଃ ଅଡାଃତେ

* ୧:୧ 1:1 ଆଣ୍ଡି କୁଡ୍ଡି ଆତଃ ଆୟାଃ ହନ୍କ, ମେନ୍ତେ କାଜିଲେରେ ହବାସାକାଅଆଃ କାଲିସିୟା ଆତଃ କାଲିସିୟାରେନ୍ ହଡ୍ଡକକେ କାଜିୟାକାନା ☆ ୧:୫ ୧:୫ ଯୋହାନ୍ ୧୩:୩୪; ୧୫:୧୨,୧୭.

ଆଲ୍ପେ ଦାରମ୍ପିୟା ଆଡ଼ଃ “ଆମାଃ ଜୀଉସୁକୁ ହବାଅଃକା” ମେନ୍ତେ ଆଲ୍ପେ କାଜିୟା । ^{୧୧} ଜେତାଏ ଇନିଃକେ ଜହାରିନିଃ, ଇନିୟାଃ ଏଡ଼କାନ୍ କାମିକରାଃ ହାନାଟିଜ୍ ନାମେୟାଏ ।

ରୁଣ୍ଡ କ୍ଵାଜି

^{୧୨} ଆପେତାଃତେ ପୁରାଃ ଅଲ୍ ନାଗେନ୍ତେ ମେନାଃ, ମେନ୍ଦ କାଗାନ୍ ଆଡ଼ଃ ସିହାଈତେ ଅଲ୍ ନାଜ୍ କାଈଜ୍ ସାନାଜ୍‌ତାନା । ଆପେତାଃତେ ହିଜୁଃକେଦ୍‌ତେ ନେପେଲ୍‌ରେଇଜ୍ ଜାଗାରେୟା ମେନ୍ତେଇଜ୍ ଆସ୍ରାଏ ତାନା, ଜେ'ଲେକାଟି ଆରୁଆଃ ସୁକୁରାସ୍‌କା ପୁରାଅଃଆ ।

^{୧୩} ପାର୍‌ମେଶ୍ଵାର୍‌ଆଃ ସାଲ୍ୟାକାନ୍ ଆମାଃ ମିଶି†କଆଃ ହନ୍‌କ ଆମ୍‌କେ ଜହାର୍ କାଜିକୁଲ୍‌କାଦାକ ।

† ୧:୧୩ 1:13 ନେତାଃରେ ମିଶି, ମେନ୍‌ଲେରେ ହବାସାକାଅଆଃ କାଲିସିୟାକେ କାଜିୟାକାନା

ଯୋହାନଙ୍କ ଲିଖିତ ତୃତୀୟ ପତ୍ର ଯୋହାନ୍ ଅଲୀକାଦ୍ ଆପିୟା ଚିଟାଉ ପାରିଚାଏ

ଯୋହାନ୍‌ଆଃ ଆପିୟା ଚିଟାଉ ଯୋହାନ୍‌ଆଃ ହରାତେ ୫୦-୧୦୦ କରେ ଯାଶୁ ଖ୍ରୀଷ୍ଟିଆଃ ଜାନାମ୍ ତାୟମତେ ଅଲୀକାନ୍ ତାଇକେନା । ଯୋହାନ୍ ଅଲୀକାକେ ଅନଲ୍‌ନିଃ ଲେକା ପାରିଚାଏ କା ଏମ୍‌କେଦ୍‌ତେ ଆପାନ୍‌କେ ପ୍ରାଚିନ୍ ଲେକା ପାରିଚାଏ ଏମାକାଦାଏ, ଏନଲେକାଗି ଯୋହାନ୍ ଆୟାଃ ଏଟାଃ ଚିଟାଉରେ ପାରିଚାଏ ଏମାକାଦାଏ ୧:୧; ୨ ଯୋହାନ୍ ୧:୧ । ନେଆଁ ବିଶ୍ୱାସଃ ତାନା ଯେ, ଇନିଃ ଏଫିସୁସ୍‌ରେ ତାଇକେନ୍ ଇମ୍‌ତା ଯୋହାନ୍ ଅଲୀକାଦ୍ ସୁକୁକାଜିଲିଃ ଆପିୟା ଚିଟାଉକହଗି ଅଲୀକାଦ୍ ତାଇକେନାଏ, ଏନା ହବାଅଃତାନା, ୧ ଯୋହାନ୍, ୨ ଯୋହାନ୍, ୩ ଯୋହାନ୍ ।

ଯୋହାନ୍ ଗାୟସ୍ ନୁତୁମ୍ ମିଆଁଦ୍ ବିଶ୍ୱାସୀକେ ନେ ଚିଟାଉରେ ଉଦୁବିତାନା । ଇନିଃ ଗାୟସ୍‌କେ ମିଆଁଦ୍ ଗାତି ଲେକା କାଜିକେଦ୍‌ତେ ଏନ୍ ପାର୍‌ଗାନ୍‌ରେ ହରାସେନ୍‌ତାନ୍ ଖ୍ରୀଷ୍ଟିୟାନ୍ ହାଗାକକେ ପେଡ଼ାକ ନାଜ୍ କାଜିକାଇ ତାଇକେନାଏ ।

ପୃଥ୍ ବିତାରେ ଅଲୀକାନ୍ କାଜି

- ୧. ଯୋହାନ୍ ଆୟାଃ ପାରିଚାଏ ଏମାଃଏ । ୧:୧
- ୨. ଯୋହାନ୍ ଗାୟସ୍‌କେ ଜୀଉରେ କେଟେଦ୍‌କେଦ୍‌ତେ ହରାସେନ୍‌ତାନ୍‌କକେ ପେଡ଼ାକ ନାଜ୍ ଇନିତୁ ଏମାଃଏ । ୧:୨-୮
- ୩. ଯୋହାନ୍, ଦିୟତ୍ରୀଫା ଆତଃ ଦିମିତ୍ରୀୟ, ନେ ବାରହଡ଼କିନାଃ ବିଷାଏରେ କାଜିୟାଃ । ୧:୯-୧୨
- ୪. ତୁଣ୍ଡୁରେ ଆୟାଃ ଅନଲ୍ ଅଲ୍ ଚାବାକେଦାଏ । ୧:୧୩-୧୪

୧ *ପ୍ରାଚିନ୍ ଯୋହାନ୍ ଆଇଜ୍ ତାନିଜ୍, ଆଇୟାଃ ଦୁଲାଡ୍ ଗାୟସ୍‌ତାଃତେ ନେ ଚିଟାଉ ଅଲେତାନାଇଜ୍ । ଇନିଃକେ ଆଇଜ୍ ସାର୍‌ତିଗିଜ୍ ଦୁଲାଡ଼ିତାନା ।

୨ ହେ ଦୁଲାଡ୍ ଗାତି, ଆମାଃ ମନ୍‌ସୁରୁଦ୍ ସୁକୁରେ ମେନାଃଲେକା, ଆମାଃ ସବେନ୍ କାଜିକାମିକରେ ସୁକୁ ହବାଅଃକା ଆତଃ ଆମ୍ ଜୀଉସୁକୁରେ ତାଇକେନେ ମେନ୍ତେ ଆଇଜ୍ ବିକ୍ରିତାନା । ୩ ଆମ୍ ସାନାର୍‌ତିରେ ପାତିୟାର୍‌ରଃ ଲେକା ମେନାମେୟା ଆତଃ ସବେନ୍ ଇମ୍‌ତା ସାନାର୍‌ତିରେମ୍ ସେସେନ୍‌ତାନା ମେନ୍ତେ ଚିମିନ୍ ବିଶ୍ୱାସୀ ହାଗାକତାଃଏତେ ଗାଞ୍ଜାକ ଆୟୁମ୍‌କେଦ୍‌ତେଇଜ୍ ସୁକୁୟାନା । ୪ ଆଇୟାଃ ହନ୍‌କ ସାନାର୍‌ତିରେ ସେସେନ୍‌ତାନାକ ମେନ୍ତେ ଆୟୁମ୍‌ତେୟାଃଏତେ ପୁରାଃ ରାସକା ବାନଃଆ ।

ଗାୟସ୍‌ଆଃ ବୁଗିନ୍ କାମିରେୟାଃ ମାନାରାଜ୍

୫ ହେ ଦୁଲାଡ୍ ଗାତି, ଖ୍ରୀଷ୍ଟ ବିଶ୍ୱାସୀ ହାଗା ମିଗିକ ନାଗେନ୍ତେ ନେ'ଲେକାଚି ଇନ୍‌କୁକେ କା ନେଲ୍ ଉରୁମ୍‌କାକରେୟ, ଆପେ ଇନ୍‌କୁକେ ପାତିୟାର୍‌ରଃ ଲେକା ମାଇନ୍‌କତାନାପେ । ୬ ଇନ୍‌କୁ କାଲିସିୟା ସାମନାଜ୍‌ରେ ଆମାଃ ଦୁଲାଡ୍ ବିଷାଏରେ ଗାଞ୍ଜାକ ଏମେତାନା । ଆମ୍ ପାର୍‌ମେଶ୍ୱାର୍‌ଆଃ ମନେଲେକା ଇନ୍‌କୁକେ ଦେଙ୍ଗାକେଦ୍‌ତେମ୍ କୁଲ୍‌କରେଦ୍ ଆମ୍ ବୁଗିନ୍ କାମିମ୍ କାମିୟା । ୭ ଚିୟାଃଚି ଇନ୍‌କୁ ସାଅଁସାର୍ ହଡ଼କତାଃଏତେ ଜେତାନ୍ ଦେଙ୍ଗା କା ଇଦିକେଦ୍‌ତେ ଯାଶୁ ଖ୍ରୀଷ୍ଟିଆଃ ନୁତୁମ୍‌ତେ ସେଞ୍ଜା ନାଗେନ୍ତେକ ଅତଙ୍ଗକାନା । ୮ ଏନା ନାଗେନ୍ତେ ଆବୁ ଖ୍ରୀଷ୍ଟିୟାନ୍‌କ ଇନ୍‌କୁକେ ଦେଙ୍ଗାକେଦ୍‌ତେ ସାନାର୍‌ତି ଉଦୁବ୍ ନାଜ୍ ଇନ୍‌କୁଆଃ କାମିରେ ମେସାନ୍ ଲାଗାତିଜ୍‌ୟାଃ ।

ଦିୟତ୍ରୀଫା ଆତଃ ଦିମିତ୍ରୀୟ

୯ ଆଇଜ୍ ଆପେୟାଃ କାଲିସିୟାତେ ହୁଡ଼ିଙ୍ଗଲେକାଇଜ୍ ଅଲ୍‌କୁଲ୍‌କେଦା, ମେନ୍‌ଦ କାଲିସିୟାରାଃ ଆଗୁଆଇ ହବାଅଃ ନାଜ୍ ସାନାଜ୍‌ତାନ୍ ଦିୟତ୍ରୀଫା ଆଇୟାଃ କାଜିକେ କାଏ ଆୟୁମ୍‌କେଦା । ୧୦ ଆଇଜ୍ ଏନ୍‌ତାଃତେ ହିଜୁଃରେ, ଇନିଃ କାମିକାଦ୍ ଏଡ଼କାନ୍ କାମିକ ସବେନାଃଇଜ୍ ଉଦୁବେୟା । ଇନିଃ ଆବୁଆଃ ବିରୁଧ୍‌ରେ ଏଡ଼କାନ୍ କାଜି କାଜିକେଦ୍‌ତେ ଆବୁକେ ହିଲାଙ୍ଗୁ ତାନାଏ, ଏନ୍‌ରେୟ କାଏ ଆବର୍‌ୟାନା । ଆତଃ ଇନିଃ ଆଇଃକଗି ଖ୍ରୀଷ୍ଟିୟାନ୍ ହାଗାକକେ କାଏ ଦାରମ୍‌କ ତାନା ଚି ଜେତାଏକେ କାଏ ଦାରମ୍‌ଇଚିକ ତାନା । ଆତଃ ଦାରମ୍‌ନାଜ୍ ସାନାଜ୍‌ତାନ୍‌କକେ କାଲିସିୟାଏତେ ଅତଙ୍ଗକତାନା ।

୧୧ ହେ ଦୁଲାଡ୍ ଗାତି, ଏଡ଼କାନ୍‌ତେୟାଃକ ଆଲମ୍ ଅତଙ୍ଗଆଁଃ, ମେନ୍‌ଦ ବୁଗିନ୍‌ତେୟାଃକ ଅତଙ୍ଗୟେମେ । ଜେତାଏ ବୁଗିନ୍ କାମିନିଃ ପାର୍‌ମେଶ୍ୱାର୍‌ଆଃ ହଡ଼ ତାନିଃ, ଆତଃ ଜେତାଏ ଏଡ଼କାନ୍‌ତେୟାଃ କାମିନିଃ ପାର୍‌ମେଶ୍ୱାର୍‌କେ କାଏ ସାରିୟା ।

୧୨ ଦିମିତ୍ରୀୟଆଃ ବିଷାଏରେ ବୁଗିନ୍ କାଜିତାନ୍ ସବେନ୍‌କ ଆତଃ ସାନାର୍‌ତିୟଗି ଇନିୟାଃ ବୁଗିନ୍ ବିଷାଏ କାଜିତାନା । ଆଲେୟଗି ଇନିୟାଃ ଗାଞ୍ଜାଲେ ଏମ୍‌ତାନା ଆତଃ ଆପେ, ଆଲେୟାଃ ଗାଞ୍ଜା ସାର୍‌ତିଗିଆ ମେନ୍ତେପେ ସାରିତାନା ।

ତୁଣ୍ଡୁ ଜୁହାର୍

* ୧:୧ ୧:୧ ପ୍ରେରିଡ଼ ୧୯:୨୯; ରୋମି ୧୭:୨୩; ୧ କରିନ୍ଥ୍‌ୟ ୧:୧୪.

୧୩ ଆଇଙ୍କ ଆମ୍ଭେ ପୁରାଃ କାଜି କାଜିରାଃ ମେନାଃ, ମେନ୍ଦ ଏନ୍ ସବେନାଃ ସିହାଇ ଆଡଃ କାଲାମ୍ତେ ଅଲ୍ ନାଙ୍କ କାଇଙ୍କ ସାନାଙ୍କତାନା । ୧୪ ଆଇଙ୍କ ଆମାଃଲଃ ଜାଲ୍ଦିଗିଇଙ୍କ ନେପେଲା ମେନ୍ତେଇଙ୍କ ଆସ୍ରାକାଦା, ଇମ୍ତା ଆଲାଙ୍କ ବାରାନ୍କିନ୍ ନେପେଲ୍ରେଲାଙ୍କ ଜାଗାରେୟା ମେନ୍ତେଇଙ୍କ ସାନାଙ୍କତାନା ।

୧୫ ଆମାଃ ଜୀଉସୁକୁ ହବାଃଅକା । ଆମାଃ ସବେନ୍ ଗାତିକ ଆମ୍ଭେ ଜହାର୍ ମେନ୍ତେକ କାଜିକୁଲ୍କାଦା । ଆଡଃ ଆଲେୟାଃ ଜହାର୍ ଆମାଃ ସବେନ୍ ଗାତିକଆଃ ନୁତୁମ୍ ସାବ୍କେଦ୍ତେ ଜହାର୍ ଉଦୁବାକମେ ।

ଯିହୁଦାଙ୍କ ଲିଖିତ ପତ୍ର ଯିହୁଦା ଅଲ୍ଲାକାଦ୍ ଚିଟାଉ ପାରିଚାଏ

ନେ ଚିଟାଉ ଅଲ୍ଲାକାଦ୍‌ନିଆଁଃ ନୁତୁମ୍ ଲେକାଗି ନେ ପୁଅରେୟାଃ ନୁତୁମ୍ ଏମାକାନା । ଯିହୁଦା ଆପାନକେ ଯାକୁବ୍, ଯୀଶୁଆଃ ହାଗା ମେନ୍ତେ ଉଦୁବେନ୍ ତାନା । ଏନାତେ ଇନିଃକେ ଯୀଶୁଆଃ ହାଗାକଏତେ ମିହୁଡ୍‌ତାନିଃ ମେନ୍ତେ କାଜିୟାଃକ, ଆଧ୍ୟାୟ ୧ । ମାରି ନିୟାମ୍‌ରେୟାଃ ଅନଲ୍‌ତେୟାଃକ ନେ ଚିଟାଉରେ ଅଲ୍ଲାକାନ୍ ହରାତେ, ନେଆଁ ମିଆଁଦ୍ କାଲିସିୟାକେ ଅଲ୍ଲାକାନ୍ ଲେକା ଆବ୍‌କାରଃଆ । ଯିହୁଦା ଚିଟାଉକେ ପାଢାଅତାନ୍ ହଡକ, ଯିହୁଦୀ ହଡ ମେନ୍ତେକ ଉଦୁବେନ୍ ତାନା, ଅକନ୍‌କଚି ଆପୁ ପାର୍‌ମେଶ୍ୱାର୍‌ଆଃ ଦୁଲାଡ୍‌ରେ ଖ୍ରୀଷ୍ଟିଆଃ ନାଗେନ୍ତେ ଦହାକାନାକ, ଆଧ୍ୟାୟ ୧ । ଯିହୁଦା ସବେନ୍ କେଡାକାନ୍ ହଡକକେ ପାରିଚାଏ ଏମାକାଦ୍‌କଆଏ । ନେ ଚିଟାଉ ହବାସାକାଅଆଃ ଯୀଶୁ ଖ୍ରୀଷ୍ଟିଆଃ ଜାନାମ୍ ତାୟମ୍ ୬୦ କରେ ଅଲ୍ଲାକାନା ।

ନେ ଚିଟାଉ ବିଷେଶ୍‌କେଦ୍‌ତେ ଅକନ୍ ହଡକ ହସଡ୍‌ଖ୍ରୀଷ୍ଟିକେକ ଅତଙ୍ଗ୍‌ ତାଇକେନା, ଏନ୍ ସବେନ୍ ଖ୍ରୀଷ୍ଟିୟାନ୍ ହଡକକେ ଚେତାଅକ ନାଗେନ୍ତେ ଅଲ୍ଲାକାନ୍ ତାଇକେନା । ଇନିଃ ଆୟାଃ କାପ୍‌ଜିକେ ପକ୍‌ତାଏ ନାଗେନ୍ତେ ମାରି ନିୟାମ୍‌ରେୟାଃ ଅନଲ୍ ଆଡ଼ ହବାକାନ୍‌ତେୟାଃ ଅଲ୍‌ମେସାକାଦାଏ । ନେ ଚିଟାଉରେ ହସଡ୍ ଇଡୁକଆଃ ବିରୁଧରେ ପାଡ୍‌ରାସ୍‌ଆଃ ଏଟାଃ ଚିଟାଉରେ ଅଲ୍ଲାକାନ୍‌ତେୟାଃକ ଜକାଃଅତାନା । ନେଆଁରେ ଦୁଁଡକ ଆଡ଼ ସଦୋମ୍ ଗମ୍‌ରା ବିଷାଏରେହଗି ଅଲ୍ଲାକାନା ଯିହୁଦା ୧:୪ ପାଦ୍ ଆଡ଼ ୨ ପାଡ୍‌ରାସ୍ ୨:୧ ।

ପୁଅ ଭିତାରେ ତାଇକାନ୍ କାଜି

- ୧. ଯିହୁଦା ସିଦାତେ ଆୟାଃ ପାଢାଅନିକୁକେ ପାରିଚାଏ ଏମାଃଏ । ୧:୧-୨
- ୨. ହସଡ୍ ଇଡୁକଆଃ ବିରୁଧରେ ଚେତାଅକ ତାନା । ୧:୩-୪
- ୩. ଇନିଃ ମାରି ନିୟାମ୍‌ରେନ୍ ହଡକକେ ଆଡ଼ ହବାକାନ୍‌ତେୟାଃ ଇଦିକେଦ୍‌ତେ ନାମୁନା ଏମାଃଏ । ୧:୫-୧୭
- ୪. ଯାକୁବ୍‌ଆଃ ଚେନେତାଅ କାଜିରେ ଇନ୍‌କୁଆଃ କାମି ଚିନାଃ ହବାଅଃଆ ଏନ୍ ବିଷାଏରେ କାଜିକାଦା । ୧:୧୭-୨୩
- ୫. ଚୁଣ୍ଡିରେ ପାର୍‌ମେଶ୍ୱାର୍‌କେ ମାଜନାନ୍ ଏମ୍‌କେଦ୍‌ତେ ଚିଟାଉକେ ଅଲ୍ ଚାବାକେଦା । ୧:୨୪-୨୫

୧ *ଆଇଙ୍ଗ୍ ଯିହୁଦା, ଯୀଶୁ ଖ୍ରୀଷ୍ଟିଆଃ ମିଆଁଦ୍ ଦାସି, ଆଡ଼ ଯାକୁବ୍‌ଆଃ ହାଗାତେ ତାନିଙ୍ଗ୍ । ପାର୍‌ମେଶ୍ୱାର୍ ଅକନ୍‌କକେ କେଡାକାଦ୍‌କଆ, ଆପୁ ପାର୍‌ମେଶ୍ୱାର୍ ଅକନ୍‌କକେ ଦୁଲାଡ୍‌କାଦ୍‌କଆ, ଆଡ଼ ଯୀଶୁ ଖ୍ରୀଷ୍ଟି ନାଗେନ୍ତେ ଅକନ୍‌କ ଜାଡ୍‌ନାଅକେଦ୍‌ତେ ମାଣ୍ଡାଅକାନାକ, ଇନ୍‌କୁତାଃତେ ନେ ଚିଟାଉ ଅଲେତାନାଇଙ୍ଗ୍ ।

୨ ପାର୍‌ମେଶ୍ୱାର୍‌ଆଃ ଲିନିବୁଇ, ଜୀଉସୁକୁ, ଆଡ଼ ଦୁଲାଡ୍‌ ପୁରାଃଗି ଆପେଲଃ ହବାଃଅକା ।

ହସଡ୍ ଇନିଡୁକ

୩ ହେ ଦୁଲାଡ୍‌ ହାଗା ମିଶିକ, ଆଇଙ୍ଗ୍ ଆବୁ ସବେନ୍‌କଆଃ ଏନ୍ ମିଆଁଦ୍ ଜୀଉବାଞ୍ଚାଅ ବିଷାଏରେ ପୁରାଃ ଚିହ୍ନିତାନ୍‌ଲଃ ଆପେତାଃତେ ଅଲ୍ ନାଙ୍ଗ୍ ସାନାଙ୍ଗ୍ ତାଇକେନାଇଙ୍ଗ୍ । ମେନ୍‌ଦ ପାର୍‌ମେଶ୍ୱାର୍ ଆୟାଃ ପାବିତାର୍ ହଡକକେ ମିସାଗି ଏମାକାଦ୍‌କ ବିଶ୍ୱାସ୍ ନାଗେନ୍ତେ ଲାଡ଼ାଇ ଆଡ଼ ଆପେକେ ଜୀଉରେ ରାସ୍‌କା ଏମ୍ ନାଗେନ୍ତେ ଅଲ୍ ନାଙ୍ଗ୍ ଲାଗାତିଙ୍ଗ୍‌ୟାଃ ମେନ୍ତେଇଙ୍ଗ୍ ମନେକେଦା । ୪ ଚିମିନ୍ ହଡକଦ ଉକୁଡକୁଡେକ ବଲଆକାନା, ଇନ୍‌କୁ ନାଗେନ୍ତେ ନାଙ୍ଗ୍ ପାରିୟାଏତେ ନେ ସାଜାଇରେୟାଃ ବିଚାର୍ କାଜିଆୟାରାକାନା । ଇନ୍‌କୁ ଏଡକାନ୍‌କତାନ୍‌କ ଆଡ଼ ଆବୁଆଃ ପାର୍‌ମେଶ୍ୱାର୍‌ଆଃ ସାୟାଦ୍ ବିଷାଏରେୟାଃ କାଜିକେ ବାଦ୍‌ଲାଏତାନାକ । ଆଡ଼ ଆବୁଆଃ ମିଆଁଦ୍‌ଗି ଗମ୍‌କେ ଆଡ଼ ପ୍ରାଭୁ ଯୀଶୁ ଖ୍ରୀଷ୍ଟିକେ କାକ ମାନାତିଙ୍ଗ୍ ତାନା ।

୫ ପ୍ରାଭୁ ମିସାର୍ ଦିଶ୍ୱାଏତେ ଇସ୍ରାଏଲ୍ ହଡକକେ ବାଞ୍ଚାଅକେଦ୍‌କଆ, ଆଡ଼ କା ବିଶ୍ୱାସ୍‌ତାନ୍‌କକେ ଜିୟନ୍‌କେଦ୍‌କଆ ନେ ସବେନାଃ ଆପେ ସାରିତାନ୍‌ରେୟ, ଆଇଙ୍ଗ୍ ଆପେକେ ପାହାମଇଚି ନାଙ୍ଗ୍ ମନେକେଦାଇଙ୍ଗ୍ । ୬ ଦୁଁଡକ ଆକଆଃ ମାରାଙ୍ଗ୍ ଠାୟାଦ୍ କା ଦହକେଦ୍‌ତେ ଆକଆଃ ତାଇନଃ ଠାୟାଦ୍ ବାଗିକେଦାକ । ପାର୍‌ମେଶ୍ୱାର୍ ଇନ୍‌କୁକେ ଏନ୍ ମାରାଙ୍ଗ୍ ସାଜାଇହୁଲାଙ୍ଗ୍ ଜାକେଦ୍ ଜାନାଅ ଜାନାଅରେୟାଃ ସିକ୍ତି ତନଲ୍‌ରେ ତଲ୍‌କେଦ୍‌ତେ ନୁବାଗାକାନ୍ ଠାୟାଦ୍‌ରେ ଦହକାଦ୍‌କଆ, ଏନା ପାହାମେପେ । ୭ ସୋଦମ୍ ଆଡ଼ ଗମ୍‌ରା, ଆଡ଼ ହପର୍‌ଜାପାଃକରାଃ ନାଗାର୍‌ରେନ୍ ହଡକକେ ପାହାମକପେ । ଇନ୍‌କୁ ଆପାଙ୍ଗିର୍‌କାମି ଆଡ଼ କା ବାୟୁଃଲେକାନ୍ ଏଡକାନ୍‌କାମିକରେକ ବାଲୁୟାନା । ଏଟାଃ ସବେନ୍‌କକେ ଚେତାଅ ନାଗେନ୍ତେ ଇନ୍‌କୁ ଜାନାଅ ସେଙ୍ଗେଲ୍‌ରେ ସାଜାଇକ ନାମେତାନା ।

୮ ଏନ୍‌ଲେକାଗି, କୁମ୍‌ନେଲ୍‌ତାନ୍ ନେ ସବେନ୍‌କହଗି ଆକଆଃ ହଡ୍‌ମକ ସଡ୍‌ରାଏତାନା, ଆଡ଼ ପାର୍‌ମେଶ୍ୱାର୍‌ଆଃ ଆକ୍‌ତେୟାର୍ କାକ ମାନାତିଙ୍ଗ୍ ତାନା ଆଡ଼ ମାନାରାଙ୍ଗ୍‌ରେୟାଃ ପେଡ଼ଃକେକ ହିଲାଙ୍ଗ୍ ତାନା । ୯ *ମେନ୍‌ଦ ମୁଲ୍

☆ ୧:୧ ୧:୧ ମାଥୁର ୧୩:୫୫; ମାର୍କ ୬:୩. ☆ ୧:୯ ୧:୯ ଉନୁବୁଦ୍ କାଜି ୧୨:୭.

ସିର୍ମାଦୁଡ଼ ମିଖେଲ୍‌ହ ନେ'ଲେକା କାମି କାଏ କାମିକାଦ୍ ତାଇକେନା । ମୁଗା ନାବୀରାଃ ଗଏଃ ହଡ଼୍‌ମ ଇଦିକେଦ୍‌ଡେ ସାଏତାନ୍‌ଲଃ କାପ୍‌ଜିତାଇକେନ୍ ଇମ୍‌ତା ମିଖେଲ୍ ନିନ୍‌କାକେଦ୍‌ଡେ ସାଏତାନ୍‌କେ କାଏ ବିଚାରକାଇ ତାଇକେନା । ପ୍ରାଭୁ ଆମ୍‌କେ ଏଗେର୍‌ମେକାଏ ମେନ୍ତେ ଇନିଃ କାଜିକାଦ୍ ତାଇକେନାଏ । ୧୦ ମେନ୍‌ଦ ନେ ହଡ଼କ ଅକ୍‌ନାଃ କାକ ଆର୍‌କାର୍‌ଉରୁମେୟା ଏନ୍ ବିଷାଏରେ ଏଡ଼କାନ୍ କାଜିକ କାଜିୟା, ଆତଃ ଜାଁଡୁ ଲେକା ଆକଆଃ ସଭାବ୍‌ଲଃ ଆର୍‌କାର୍‌ଉରୁମଃଆକ, ଆତଃ ଏନ୍ ସବେନାଃ ନାଗେନ୍ତେକ ଜିୟନଃଆ । ୧୧ ହାଏ, ଇନ୍‌କୁ ନାଗେନ୍ତେ ନେଆଁ ପୁରାଃ ବରଝାନ୍‌ଗିୟା, ଚିୟାଃଚି ଇନ୍‌କୁଦ କୟିନ୍‌ଆଃ ଏଡ଼କାନ୍ ହରାକ ଅତଙ୍‌କାଦା । ବାଲାମ୍ ଟାକା ପାଏସାରାଃ ହାୟାଡେ ଭୁଲ୍ କାମିକେଦାଏ । ଏନ୍‌ଲେକାଗି ଇନ୍‌କୁ ବେଦାକାନାକ ଆତଃ କୋରହ ଲେକା ହାଲାଗୁଲାରେକ ଜିୟନଃତାନା । ୧୨ ଇନ୍‌କୁ ବେଗାର୍ ଗିହୁଃଡେ ଆପେଲଃ ଜମ୍ ନୁଁ କେଦ୍‌ଡେ ଆପେୟାଃ ଦୁପୁଲାଡ୍ ମେନେସା ଜମେୟାଃରେ ମାଇଲାକାନ୍ ଦାଗ୍‌ଲେକାନ୍‌କ ତାନ୍‌କ । ଇନ୍‌କୁ ଆକଆଃନାଙ୍ ଏସକାର୍ ଜାତାନ୍‌ଇଦିୟାକ, ଇନ୍‌କୁ ହୟଡେ ଅଟାଙ୍‌ଅଃତାନ୍ ଦାଆଃ ବାନଃ ରିମିଲ୍ ଲେକାନ୍‌କ ତାନ୍‌କ । ଇନ୍‌କୁ ରାବାଙ୍ ସାହାରେ ଜ ବାନଃ ଦାରୁ ଲେକାନ୍‌କ ତାନ୍‌କ, ଆତଃ ରେହେଦ୍‌ସାମେଦ୍ ଦୁଦ୍‌କେଦ୍‌ଡେ ଗଜାକାନ୍ ଲେକାନ୍‌କ ତାନ୍‌କ । ୧୩ ଇନ୍‌କୁ ଦରେୟାରାଃ ବରଝାନ୍ ଆଲ୍‌ପୁଙ୍ ଲେକାନ୍‌କ ତାନ୍‌କ, ଆକଆଃ ଗିହୁଗଃ ଲେକାନ୍ କାମିକ ପୁଡ୍‌ରିଦ୍ ଲେକା ଚେତାନ୍‌ରେ ନେଲଃତାନା । ଇନ୍‌କୁ ହନ୍‌ରବାଡାତାନ୍ ଇପିଲ୍‌କ ଲେକାନ୍‌କ ତାନ୍‌କ, ପାର୍‌ମେଶ୍ୱାର୍ ଇନ୍‌କୁନାଙ୍ କୁଲ୍‌କୁଲ୍ ନୁବାଃରେୟାଃ ଗାଡା ଜାନାଅ ଜାନାଅ ନାଙ୍ ଦହାକାଦାଏ ।

୧୪ ଆଦାମ୍‌ତାଃଏଡେ ସାଡ଼ୁ କିଲିରେନ୍ ହନୋକ୍ ନୁଡୁମ୍ ହଡ଼ ସିଦା ଦିପିଲିଏଡେ ନେ ବିଷାଏରେ ଆୟାରକାଜି କାଜିକାଦ୍ ତାଇକେନା : “ପ୍ରାଭୁ ଆୟାଃ ହାଜାର୍ ହାଜାର୍ ପାବିତାର୍ ଦୁଡ଼କଲଃ ୧୫ ସବେନ୍‌କଆଃ ବିଚାର୍ ନାଗେନ୍ତେ ହିଜୁଃଆ । କା ଧାରମାନ୍ ହଡ଼କ ଏଡ଼କାନ୍ କାମିକାଦ୍ ନାଗେନ୍ତେ ଆତଃ ପ୍ରାଭୁଆଃ ବିରୁଧ୍‌ରେ ଏଡ଼କାନ୍ କାଜି କାଜିକାଦ୍ ନାଗେନ୍ତେ ଜୀଉରେ ସାଜାଇ ଏମାକଆଏ ।”

୧୬ ନେ ହଡ଼କ ସବେନ୍ ଇମ୍‌ତା କା ସୁକୁଆନ୍ କାଜିକ କାଜିତାନା ଆତଃ ଏଟାଃକକେ ଚିଟାକ ତାନା । ଇନ୍‌କୁ ଆକଆଃ ଏଡ଼କାନ୍ ସାନାଙ୍‌ଲେକାକ ସେସେନ୍‌ତାନା, ଆକଆଃ ମଟାଏଡେ ମାପରାଙ୍ କାଜିକ ଅତଙ୍‌ଅଃତାନା ଆତଃ ଇନ୍‌କୁ ଆକଆଃ ବୁଗିନାଃ ନାଗେନ୍ତେ ଏଟାଃକଆଃ ମାଇନାନ୍ କାଜିକ କାଜିୟାଃ ।

ଚେତାଝାନ୍ କାଜି ଆତଃ ଇଡୁଆନ୍ କାଜି

୧୭ ହେ ଦୁଲାଡ୍ ହାଗା ମିଶିକ, ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ପ୍ରେରିଡକ ସିଦା ଦିପିଲିରେ କାଜିକାଦ୍‌ଡେୟାଃ ପାହାମେପେ, ୧୮ ଇନ୍‌କୁ ଆପେକେ କାଜିକାଦ୍‌ପେୟାକ, “ତୁଣ୍ଡୁଦିପିଲି ହିଜୁଃରେ, ଆକଆଃ ଏଡ଼କାନ୍ ସାନାଙ୍‌ରେ ସେସେନ୍‌ତାନ୍ ହଡ଼କ ହିଜୁଃଆ ଆତଃ ଆପେକେ ଲାନ୍‌ପେୟାକ ।” ୧୯ ଏନ୍ ହଡ଼କଗି ବିନ୍‌ଗାଅଡେୟାଃ ଏଟେଦାଃକ । ଇନ୍‌କୁ ଆକଆଃ ହଡ଼ଫାରାଃ ଏଡ଼କାନ୍ ସାନାଙ୍‌ଡେ ସେସେନାଃକ ଆତଃ ଇନ୍‌କୁରେ ପାର୍‌ମେଶ୍ୱାର୍‌ଆଃ ଆମ୍‌ ବାନଃଆ । ୨୦ ମେନ୍‌ଦ ହେ ଦୁଲାଡକ୍, ଆପେ ପାବିତାର୍ ଧାରାମ୍ ବିଶ୍ୱାସ୍‌ରେ ଆପେୟାଃ ଜୀଝାନ୍‌କେ ବାଇକାଡେପେ, ଆତଃ ପାବିତାର୍ ଆମ୍‌ରାଃ ପେଡେଃଡେ ବିକ୍ରିପେ । ୨୧ ଆତଃ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ଲିବୁଇଡେ ଜାନାଅ ଜୀଦାନ୍ ନାମେ ନାଙ୍ ତାଙ୍‌ତାନ୍‌ଲଃ ପାର୍‌ମେଶ୍ୱାର୍‌ଆଃ ଦୁଲାଡ୍‌ରେ ତାଇକାନ୍‌ପେ ।

୨୨ ଆଡ଼ାଃଉଡ଼ଃଗଃ ତାନ୍ ହଡ଼କଆଃ ମନ୍‌ରେ ଲିନିବୁଇ ଉଦୁଦ୍‌କପେ; ୨୩ ଏଟାଃକକେ ସେଙ୍‌ଲ୍‌ହେଡେ ଆଇଜ୍ ଅତଙ୍‌କତାନ୍ ଲେକା ବାଞ୍ଚାଅକପେ, ଆତଃ ଚିମିନ୍ ହଡ଼କଆଃ ପାପ୍‌ଡେ ହୁମ୍‌ଆକାନ୍ ତୁସିଙ୍ ଲିଜାଃକେହ ହିଲାଙ୍‌ୟେପେ, ମେନ୍‌ଦ ବରତାନ୍‌ଲଃ ଇନ୍‌କୁକେ ଲିବୁଇକପେ ।

ଧାନ୍ୟାବାଦରାଃ ବିକ୍ରି

୨୪ ଅକଏଚି ଆପେକେ ଗୁଞ୍ଝାଏଡେ ବାଟାଅ ଦାଡ଼ିୟାଏ, ଆତଃ ଆୟାଃ ମାନାରାଙ୍‌ରେୟାଃ ଆୟାରରେ ବେଗାର୍ ଚିଟାକାନ୍ ଆତଃ ପୁରାଃ ରାସକାଡେ ଆଉ ଦାଡ଼ିୟାଏ, ୨୫ ଏନ୍ ପ୍ରାଭୁ ଯୀଶୁ ଖ୍ରୀଷ୍ଟଆଃ ହରାଡେ ଆବୁଆଃ ମିଆଁଦ୍‌ଗି ଜୀଉବାଞ୍ଚାଅନିଃ ପାର୍‌ମେଶ୍ୱାର୍‌ଆଃ ମାନାରାଙ୍, ମାଇନାନ୍, ପୁରାଃ ପେଡେଃ, ଆତଃ ଆକ୍‌ଡେୟାର୍, ସବେନ୍ ଯୁଗ୍‌ହେଡେ ସିଦା, ନାହାଁଃ ଆତଃ ଜାନାଅ ଜାନାଅଗି ଆୟାଃ ହବାଅଃକା ! ଆମେନ୍ ।

☆ e:er e:er ୨ ପାଢ଼ରାସ୍ ଶା:ଶା.

ଯୋହନଙ୍କ ପ୍ରତି ପ୍ରକାଶିତ ବାକ୍ୟ ଯୋହାନ୍‌ଆଃ ନାଗେନ୍ତେ ଉତ୍କଳୁବ୍ କାଜି ପାରିଚାଏ

ଯୋହାନ୍‌ଆଃ ଉତ୍କଳୁବ୍ କାଜି ନାଞ୍ଜା ନିୟାମ୍‌ରେୟାଃ ଚୁଣ୍ଡୁ ପୁଥ୍ ତାନାଃ । ନେ ପୁଥ୍ ଯୀଶୁଆଃ ଜାନାମ୍‌ରେୟାଃ ୯୫ ଦିପିଲିକରେ ଯୋହାନ୍‌ଆଃ ହରାତେ ଅଲ୍ଲାକାନ୍ ତାଇକେନା, ୧:୧ । ଇନିଃ ଯୋହାନ୍ ସୁକୁକାଜିଲିଃ ଆତଃ ଆପିୟା ଚିଟାଉ ହରି ଅଲ୍ଲାକାଦାଏ, ଏନା ହବାଅଃତାନା, ୧ ଯୋହାନ୍, ୨ ଯୋହାନ୍ ଆତଃ ୩ ଯୋହାନ୍ । ନେ ଯୋହାନ୍‌କେ ଯୀଶୁ ପୁରାଃଗି ଦୁଲ୍ଲାଡ୍ ତାଇକେନା ମେନ୍ତେ ସାରିୟାଃ ତାଇକେନା, ଯୋହାନ୍ ୧୩:୨୩ । ଯୋହାନ୍ ଆଇସଲ୍ୟାଣ୍ଟ୍‌ରେୟାଃ ପାଡ଼ମସ୍ ଟାପୁରେ ତାଇକେନ୍ ଇମ୍‌ତା, ନେ ଉତ୍କଳୁବ୍ କାଜିକେ ଅଲ୍ଲାକାଦ୍ ତାଇକେନା । ଚିୟାଃଚି ଯୀଶୁ ଖ୍ରୀଷ୍ଟ୍‌ଆଃ ସୁକୁକାଜି ଉତ୍କଳୁବ୍ ନାଗେନ୍ତେ ଏନ୍ତାଃତେ ଇନିଃକେ କୁଲ୍ଲାକାନ୍ ତାଇକେନା, ୧:୯ ।

ଯୀଶୁଆଃ ହିନିଜୁଃ ଦିପିଲି ସେଟେର୍ ତାଇକେନ୍ ହରାତେ, ଯୀଶୁ ଖ୍ରୀଷ୍ଟ୍‌ତାଃରେ ପାଡ଼ିୟାର୍‌ରଃ ଲେକା ତାଇନଃ ନାଗେନ୍ତେ ନେ ପୁଥ୍‌କେ ପାଡ଼ାଅ ହଡ଼କକେ ଜୀଉରେ କେଟେଦ୍ ଆତଃ ଆସ୍ତା ଏମ୍ ନାଗେନ୍ତେ ଯୋହାନ୍ ନେ ଚିଟାଉ ଅଲ୍ଲାକାଦାଏ, ୧:୩;୨୨:୭ । ଇନିଃ ସବେନ୍ ବିଶ୍ୱାସୀକକେ ଆତଃ ବିଶେଷ୍ଟକେଦ୍‌ତେ ଏୟା କାଲିସିୟାକକେ ନେ ଚିଟାଉ ଅଲ୍ଲାକାଦାଏ, ୨-୩ । ଯୋହାନ୍ ଆୟାଃ ଅନଲ୍‌ରେ ଆୟାଃକାଜି ୧:୩ ଆତଃ ଆଇଃକ୍ ନେଲ୍ଲାକାଦ୍ ରାକାମ୍ ରାକାମ୍ ମୁରୁଡ୍ ବିଷାଏରେ ଅଲ୍ଲାକାଦା । ନେ ପୁଥ୍‌ରେୟାଃ ଚିନିନ୍ ଅନଲ୍‌ତେୟାଃ ମାରି ନିୟାମ୍‌ରେୟାଃ ଅନଲ୍‌ଲିଃ ମିଦ୍‌ଗିୟା, ବିଶେଷ୍ଟକେଦ୍‌ତେ ଜାଖ୍‌ରିୟା ୬:୧-୮ ରେ ନାମେ ତାନାବୁ ।

ଏନା ହବାଅଃତାନା ଏୟା ବିଜ୍ଞୁଲ୍‌ବାଜା ଆତଃ ଏୟା ତୁଭାରେୟାଃ ବିଷାଏରେ ଅକଆଃଚି ପାର୍‌ମେଶ୍ୱାର୍ ମିସାର୍‌ରେନ୍ ହଡ଼କକେ ସାସାତି ଏମ୍ ନାଗେନ୍ତେ ଦୁକୁହାସୁ କୁଲ୍‌କେଦା ହରାସେନ୍‌ପୁଥ୍ ୭-୯ । ଉତ୍କଳୁବ୍‌ରେୟାଃ ପୁଥ୍ ଚୁଣ୍ଡୁ ଦିପିଲିକେ ଉଦୁବେ ତାନା । ଯୀଶୁ ଚୁଣ୍ଡୁରେ ଜିତାଅଃଞ୍ଜା ଆତଃ ଅକ ହଡ଼କ ଆୟାଃତାଃରେ ଆସ୍ତା ଦହେୟାକ, ଇନ୍‌କୁ ଜାନାଅ ଜାନାଅଗି ଆୟାଃଲିଃ ତାଇନାଃକ । ନେ ପୁଥ୍ ଆପାନ୍‌କେ ଚେତାଅ ଆତଃ ଆସ୍ତା ଏମ୍ ତାନାଏ ଯେ, ଯୀଶୁ ଜାଲ୍‌ଦିଗି ହିଜୁଃତାନା ।

ପୁଥ୍ ଭିତାରେ ତାଇକାନ୍ କାଜି

- ୧. ଯୋହାନ୍‌ଆଃ ପାରିଚାଏ ଆତଃ ଆଇଃକ୍ ନେଲ୍ଲାକାଦ୍ ଆୟାଃକାଜିରେୟାଃ ଦାର୍‌ଶାନ୍ । ୧:୧-୨୦
- ୨. ଯୀଶୁ ଖ୍ରୀଷ୍ଟ୍‌ସାଃଏତେ ଏୟା କାଲିସିୟା ନାଗେନ୍ତେ ଯୋହାନ୍‌ଆଃ କାନାଜି । ୧:୧-୩:୨୨
- ୩. ଏୟା ମୋହର୍ । ୪:୧-୮:୫
- ୪. ଏୟା ବିଜ୍ଞୁଲ୍‌ବାଜା । ୮:୬-୧୧:୧୯
- ୫. ସାଏତାନ୍‌ଲିଃ ହନ୍‌କଆଃ ଲାଡ଼ାଇ । ୧୨:୧-୧୪:୨୦
- ୬. ଖ୍ୱରେୟାଃ ଏୟା ତୁଭା । ୧୫:୧-୧୭:୧-୧୮
- ୭. ପାର୍‌ମେଶ୍ୱାର୍ ସିର୍ମା ଦିଶୁମ୍‌ରେ ଆୟାଃ ବାଇରି ସାଏତାନ୍‌କେ ହାରାଅଇୟା । ୧୭:୧-୨୦:୧୫
- ୮. ନାଞ୍ଜା ସିର୍ମା ଦିଶୁମ୍ ଆତଃ ନାଞ୍ଜା ଅତେଦିଶୁମ୍ । ୨୧:୧-୨୨:୨୧

୧ ପାର୍‌ମେଶ୍ୱାର୍, ଯୀଶୁ ଖ୍ରୀଷ୍ଟ୍‌ତାଃରେ ଉଦୁବାକାଦ୍ କାଜିକ ନେ ପୁଥ୍‌ରେ ଅଲ୍ଲାକାନା, ଅକଆଃଚି ହୁଡ଼ିଙ୍ଗ୍ ଦିପିଲିରେଗି ହବାଅଃ ଲାଗାଡ଼ିଙ୍ଗ୍‌ୟାଃ । ଏନ୍ ସବେନାଃ ଆୟାଃ ଦାସିକକେ ଉଦ୍‌ବାକ ନାଜ୍ ଖ୍ରୀଷ୍ଟ୍ ଆୟାଃ ଦାସି ଯୋହାନ୍‌କେ ନେ ସବେନାଃ ସାରିକାଏ ମେନ୍ତେ ମିଆଁଦ୍ ଦୁଁଡ଼କେ ଇନିଃତାଃତେ କୁଲ୍‌କିୟା । ୨ ଆତଃ ଯୋହାନ୍ ଆଇଃକ୍‌ଗି ନେଲ୍ଲାକାଦ୍‌ତେୟାଃ ସବେନାଃଏ ଉଦୁବ୍‌କେଦା । ନେ ଅନଲ୍‌ରେ ପାର୍‌ମେଶ୍ୱାର୍‌ଆଃ କାନାଜି ଆତଃ ଯୀଶୁ ଖ୍ରୀଷ୍ଟ୍‌ଆଃ ହରାତେ ସାର୍‌ତି କାଜିକ ଉଦୁବାକାନା । ୩ ଜେତାଏ ନେ ଚିଟାଉରେ ଅଲ୍ଲାକାନ୍ କାଜିକ ପାଡ଼ାଅୟାଏ ଆତଃ ଅକନ୍‌କ ଏନାରେ ଅଲ୍ଲାକାନ୍ ଆୟାଃକାଜିକେ ଆୟାଃକେଦ୍‌ତେକ ମାନାଡ଼ିୟେଆ, ଇନ୍‌କୁ ସୁକୁତାନ୍‌ଗିୟା, ଚିଆଃଚି ଏନ୍ ସବେନାଃ ହବାଅଃରେୟାଃ ନେତା ନାଡ଼େଃଗିୟା ।

ଏୟା କାଲିସିୟାକକେ ଜହାର୍

୪ ✧ ଯୋହାନ୍ ଏସିଆ ପାର୍‌ଗାନ୍‌ରେ ତାଇନତାନ୍ ଏୟା କାଲିସିୟାକକେ ଆଇଁୟାଃ ଜହାର୍ । ପାର୍‌ମେଶ୍ୱାର୍‌ତାଃଏତେ ଆପେୟାଃ ସାୟାଦ୍ ଆତଃ ଜୀଉସୁକୁ ହବାଅଃକା, ଅକ୍‌ନିଃଚି ମେନାଇନିଃ, ତାଇକେନ୍‌ନିଃ, ହିଜୁଃନିଃ, ଆତଃ ଆୟାଃ ରାଜ୍‌ଗାଦି ସାମ୍‌ନାଙ୍ଗ୍‌ରେ ତାଇକାନ୍ ଏୟା ଆମ୍‌ତାଃଏତେ, ୫ ଆତଃ ଗନଏଃକଏତେ ପାହିଲା ଜୀଉ ବିରିଦାକାନ୍‌ନିଃ, ପାଡ଼ିୟାର୍‌ରଃ ଲେକାନ୍ ଗାଞ୍ଜା ଆତଃ ଅତେଦିଶୁମ୍‌ରେନ୍ ରାଜାକଆଃ ରାଜା ଯୀଶୁ ଖ୍ରୀଷ୍ଟ୍‌ଆଃ ସାୟାଦ୍ ଆତଃ ଜୀଉସୁକୁ ଆପେୟାଃ ହବାଅଃକା । ଇନିଃ ଆବୁକେ ଦୁଲ୍ଲାଡ୍ ରିକାଃଏ ଆତଃ ଆୟାଃ ଦାଣ୍ଟି ରାକାଦ୍ ଗନଏଃ ହରାତେ ଆବୁକେ ପାପ୍‌ହେତେ ରାଡ଼ାକାଦ୍‌ବୁଆ । ୬ ✧ ଆତଃ ଆୟାଃ ଆପୁ ପାର୍‌ମେଶ୍ୱାର୍‌ଆଃ ସେଞ୍ଜା ନାଗେନ୍ତେ ଇନିଃ ଆବୁକେ ରାଇଜ୍ ରିକାଏ

✧ ୧:୪ ୧:୪ ଉତ୍କଳୁବ୍ କାଜି ୪:୫. ✧ ୧:୬ ୧:୬ ଉତ୍କଳୁବ୍ କାଜି ୫:୧୦.

ଲେକା ରାଜାଉଡ଼ି କିଲି ଆଡ଼଼ ମିଆଁଦ୍ ଯାଜାକ୍ ଲେକାଏ ବାଇୟାକାଦ୍‌ବୁଆ । ସବେନ୍ ମାନାରାଜ୍ ଆଡ଼଼ ପେଡ଼େ଼ ଜାନାଅ ଜାନାଅ ଜାକେଦ୍ ଯାଶୁ ଶ୍ରୀଷ୍ଟିଆ଼ ହବାଅ଼କା ! ଆମେନ୍ ।

୭ *ନେଲେପେ, ଇନି଼ ରିମିଲ୍‌ରେ ହିଜୁ଼ତାନା, ଅଡେଦିଶୁମ୍‌ରେନ୍ ସବେନ୍ ହଡ଼କ ଇନି଼କେ ନେଲିୟାକ, ଆଡ଼଼ ଅକନ୍‌କ ଆଇ଼କକେ କିଲିକାଇ ତାଇକେନାକ ଇନ୍‌କୁ ହଗି ଇନି଼କେ ନେଲ୍‌କେଦ୍‌ଡେ ବର଼଼ାକତାନିଲ଼ ଏୟମେୟାକ । ନେ ସବେନା଼ ସାର୍‌ତିଗି ହବାଅ଼ଆ଼ ! ଆମେନ୍ ।

୮ *ପେଡ଼େୟାନ୍ ପ୍ରାଭୁ ପାରମେଶ୍ୱାର୍ କାଜିତାନାଏ, “ଆଇ଼ଙ୍ଗି ଏନେଟେଦ୍ ଆଡ଼଼ ଚୁଣ୍ଡୁ ତାନିଙ୍ଗି,” ସିଦାରେ ତାଇକେନାଇଙ୍ଗି, ନାହାଁ଼ ମେନାଇୟାଁ ଆଡ଼଼ ହିଜୁ଼ ଦିପିଲିରେଇଙ୍ଗି ହିଜୁ଼ଆ ।

ୟାଶୁ ଶ୍ରୀଷ୍ଟିଆ଼ ଉଦୁବେନ୍

୯ ଆଇ଼ଙ୍ଗି ଯୋହାନ୍, ଆପେୟା଼ ହାଗା, ଆଡ଼଼ ଯାଶୁଆ଼ ଅଡ଼ଙ୍ଗିନି଼ ହବାୟାନ୍ତେ ଆୟା଼ ରାଇଜ୍‌ରେୟା଼ ହଡ଼କ ଚେତାନରେ ହବାଅ଼ତାନ୍ ଦୁକୁହାସୁକେ ଧିରାଜ୍ ସାବ୍‌କେଦ୍‌ଡେ ସାହାତିଙ୍ଗି ନାଗେନ୍ତେ ଆଇ଼ଙ୍ଗି ଆପେୟା଼ ମିଆଁଦ୍ ହିସାଦାର୍ ତାନିଙ୍ଗି । ଯାଶୁ ଉତ୍କଳକାଦ୍ ସାନାର୍‌ତି ଆଡ଼଼ ପାରମେଶ୍ୱାର୍‌ଆ଼ ବାଚାନ୍ ଉଦୁବ୍‌କେଦ୍ ହରାଡେ ଆଇ଼ଙ୍ଗି ପାଡ଼ମସ୍ ଟାପୁଡେଇଙ୍ଗି କୁଲିକାନ୍ ତାଇକେନା । ୧୦ ପ୍ରାଭୁଆ଼ ହୁଲାଇଙ୍ଗିରେ ପାବିତାର୍ ଆମ୍ନା ଆଇ଼ଙ୍ଗିକେ ଆବ୍‌ରାଅକେଦିୟାଁ, ଆଡ଼଼ ଆଇ଼ୟା଼ ତାୟମ୍‌ସା଼ରେ ବିଙ୍ଗୁଲ୍ ବାଜା ସାଡ଼ିଲେକା ମିଆଁଦ୍ ପୁରା଼ଗି ସାଡ଼ିଇଙ୍ଗି ଆୟୁମ୍‌କେଦା । ୧୧ ଜେତାଏ ମିହୁଡ୍ ଆଇ଼ଙ୍ଗିକେ କାଜିକେଦିୟାଁ, “ଆମ୍ ନେଲ୍‌ତାନ୍‌ଡେୟା଼ ମିଆଁଦ୍ ପୁଥ୍‌ରେ ଅଲ୍‌କେଦ୍‌ଡେ ଦହେମେ ଆଡ଼଼ ଏଡିସୁସ୍, ସ୍ପର୍ଶା, ପାର୍ଗାମ୍, ଥୁୟତିରା, ସାଦ୍ ସ୍, ଫିଲାଇଦେଲ୍‌ଫିୟା, ଆଡ଼଼ ଲାଉଦିକିଆ, ନେ ଏୟା କାଲିସିୟାତା଼ଡେ ନେ ପୁଥ୍‌କେ କୁଲ୍‌ତାମେ ।”

୧୨ ଅକଏ ଆଇ଼ୟା଼ଲ଼ ଜାଗାର୍‌ତାନାଏ, ନେଆଁ ନେଲ୍ ନାଗେନ୍ତେଇଙ୍ଗି ହେତାରୁହାଡ଼କେଦା ଆଡ଼଼ ଏୟା ସୋନାରା଼ ଦିଆ ମାଣ୍ଡାଅଡେୟା଼, ୧୩ ଆଡ଼଼ ଏନ୍ ଦିଆ ମାଣ୍ଡାଅଡେୟା଼ରା଼ ଆଲାରେ ମାନ଼଼ାହନ୍‌ଲେକା ମିହୁଡ଼କେଇଙ୍ଗି ନେଲ୍‌କିୟା । ଆୟା଼ କାଟା ଜାକେଦ୍ ଜିଲିଙ୍ଗି ଲିଜା଼ ତୁସିଙ୍ଗିୟାକାନ୍ ଆଡ଼଼ ଆୟା଼ କୁଡ଼ାମରେ ସୋନାରା଼ କାସ୍‌ନାଡେ ତଲ୍‌ବିହୁରାକାନ୍ ତାଇକେନା । ୧୪ ଇନି଼ୟା଼ ବହ଼ରା଼ ଉଦ୍, କପା ଚାଏ ବାରାଫ୍ ଲେକା ପୁଣ୍ଡିଗି ତାଇକେନା ଆଡ଼଼ ଆୟା଼ ମେଦ୍ ସେଙ୍ଗେଲ୍ ଲେକା ଜୁଲ଼ତାଇକେନା । ୧୫ ଇନି଼ୟା଼ କାଟା ସେଙ୍ଗେଲ୍ ଭାଟିରେ ଫାଟିକେଦ୍‌ଡେ ଚାମ୍‌କାଅ଼ତାନ୍ ପିତାଲ୍ ଲେକା ଝାଲ୍‌ସା଼ଅ ତାଇକେନା ଆଡ଼଼ ଆୟା଼ ସାଡ଼ି ଲିଙ୍ଗିୟାତାନ୍ ଦାଆ଼ରା଼ ସାଡ଼ି ଲେକା ଆୟୁମ୍‌ତା ତାଇକେନା । ୧୬ ଇନି଼ ଆୟା଼ ଜମ୍‌ଡିସା଼ରେ ଏୟା ଇପିଲ୍‌କକେ ସାବାକାଦ୍‌କ ତାଇକେନାଏ, ଆଡ଼଼ ଆୟା଼ ମଚାଏଡେ ବାରାନ୍‌ସା଼ ଲେସେରାକାନ୍ ତାରାଉଡ଼ି ଅଡ଼ଙ୍ଗିଆ଼ ତାଇକେନା, ଆଡ଼଼ ଆୟା଼ ମେଦ୍‌ମୁହାଁଡ଼୍‌ତିକିନ୍ ସିଙ୍ଗି ଲେକା ଜୁଲ଼ ତାଇକେନା । ୧୭ *ଆଇ଼ଙ୍ଗି ଇନି଼କେ ନେଲ୍‌ଲ଼ଗି ଇନି଼ୟା଼ କାଟା ସୁବାରେ ଗଜାକାନ୍‌ନି଼ ଲେକାଇଙ୍ଗି ଉୟୁ଼ୟାନ୍ । ଇନି଼ ଆଇ଼ୟା଼ ଚେତାନରେ ଆୟା଼ ଜମ୍‌ଡି଼ଇ ଦହକେଦ୍‌ଡେ କାଜିକେଦା, “ଆଲମ୍ ବରଏୟା ! ଆଇ଼ଙ୍ଗିଦ୍ ଏନେଟେଦ୍ ଆଡ଼଼ ଚୁଣ୍ଡୁ ତାନିଙ୍ଗି । ୧୮ ଆଇ଼ଙ୍ଗି ଜାନିଦ୍‌ନି଼ ତାନିଙ୍ଗି, ଆଇ଼ଙ୍ଗି ଗଜାକାନ୍ ତାଇକେନାଇଙ୍ଗି, ମେନ୍‌ଦ ନାହାଁ଼ ଆଇ଼ଙ୍ଗି ଜାନାଅ ଜାନାଅ ଜାନିଦ୍‌ଗି ତାଇନାଇଙ୍ଗି । ଗନ୍‌ଏ଼ ଆଡ଼଼ ହୁଆଙ୍ଗାଡ଼ା ଚେତାନରେ ଆଇ଼ୟା଼ ଆକ୍‌ଡେୟାର୍ ମେନା଼ । ୧୯ ଏନାମେନ୍ତେ, ଆମ୍ ନେଲ୍‌କାଦ୍‌ଡେୟା଼, ନାହାଁ଼ ହବାଅ଼ତାନ୍‌ଡେୟା଼, ଆଡ଼଼ ତାୟମ୍‌ଡେ ହବାଅ଼ଡେୟା଼ ଅଲ୍‌କେଦ୍‌ଡେ ଦହେମେ । ୨୦ ଆଇ଼ୟା଼ ଜମ୍‌ଡି଼଼ରେ ମେନାକ ଏୟା ଇପିଲ୍‌କ ଆଡ଼଼ ଏୟା ସୋନାରା଼ ଦିଆ ମାଣ୍ଡାଅଡେୟା଼ରା଼ ମୁଣ୍ଡି ହବାଅ଼ ତାନା, ଏନ୍ ଏୟା ଇପିଲ୍‌କ ମେନ୍‌ଲେରେ ଏୟା କାଲିସିୟାରେନ୍ ଦୁଡ଼କ ତାନ୍‌କ ଆଡ଼଼ ଏୟା ଦିଆ ମେନ୍‌ଲେରେ ଏୟା କାଲିସିୟା ତାନା଼ ।

୨

ଏଡିସୁସ୍ କାଲିସିୟା ନାଗେନ୍ତେ କାନାଜି

୧ “ଏଡିସୁସ୍ କାଲିସିୟାରେନ୍ ଦୁଡ଼ତା଼ଡେ ଅଲେମେ, ଜେତାଏ ଆୟା଼ ଜମ୍‌ ଡି଼଼ରେ ଏୟା ଇପିଲ୍ ଆଡ଼଼ ଏୟା ସୋନାରେୟା଼ ଦିଆ ଆଲାରେ ହିଜୁ଼ସେନ଼ ରିକା଼ଏ, ଇନି଼ ନେଆଁ କାଜିତାନାଏ, ୨ ଆଇ଼ଙ୍ଗି ଆମା଼ କାଜିକାମିକ, କେଟେଦ୍ କାମିକ, ଆଡ଼଼ ଧିରାଜ୍‌କେଇଙ୍ଗି ସାରିତାନା । ଆମ୍ ଏଡ଼କାନ୍ କାମିତାନ୍‌କକେ କାମ୍ ସାହାତିଙ୍ଗି ଦାଡ଼ିୟା, ଏନାହ ଆଇ଼ଙ୍ଗି ସାରିତାନାଇଙ୍ଗି । ଅକ ହଡ଼କ, ଆପାନ୍‌କେ ପ୍ରେରିଡ଼ ମେନ୍ତେକ କାଜିନ୍‌ତାନା, ମେନ୍‌ଦ ସାର୍‌ତିରେ ଇନ୍‌କୁ ପ୍ରେରିଡ଼ ନାହାଁ଼ଲାଇ, ଇନ୍‌କୁକେ ବିଡ଼ାଅକେଦ୍‌ଡେ ହସଡ଼ତାନ୍‌କ ମେନ୍ତେମ୍ ଆଟ୍‌କାର୍‌କାଦ୍‌କଆ । ୩ ଆମ୍ ଧିରାଜ୍ ସାବାକାଦ୍ ହଡ଼ ତାନ୍‌ମେ । ଆଇ଼ୟା଼ ନୁଡୁମ୍ ନାଗେନ୍ତେ ଆମ୍ ଦୁକୁ ସାହାତିଙ୍ଗିକେଦ୍‌ରେୟା କାମ୍ ଲାଗାୟାନା । ୪ ଏନ୍‌ରେୟା ଆମା଼ ବିରୁଧ୍‌ରେ ଆଇ଼ୟା଼ କାଜି ମେନା଼, ଆମ୍ ସିଦାରେ ଚିଲ୍‌କା ଦୁଲାଡ଼୍‌ ତାଇକେନାମ୍, ଏନ୍‌ଲେକା ଆମ୍ ନାହାଁ଼ କାମ୍ ଦୁଲାଡ଼୍‌ ତାନା । ୫ ଆମ୍ ଅକ୍‌ତା଼ଏଡେମ୍ ଉୟୁଗାକାନା, ଏନା ପାହାମେମେ, ଆମା଼ ପାପ୍‌ହେଡେ ମନ୍‌ରୁହାଡ଼େମେ ଆଡ଼଼ ସିଦା ଲେକା ବୁଗିନ୍ କାମିକ କାମିମେ । ପାପ୍‌ହେଡେ ମନ୍ କାମ୍ ରୁହାଡ଼େରେଦ, ଆଇ଼ଙ୍ଗି ଆମା଼ତା଼ଡେ ହିଜୁ଼କେଦ୍‌ଡେ ଆମା଼

☆ ୧:୭ ୧:୭ ମାଥୁଉ ୨୪:୩୦; ମାର୍କ ୧୩:୨୬; ଲୁକ ୨୧:୨୭; ୧ ଥେସଲନିକା ୪:୧୭; ଯୋହାନ୍ ୧୯:୩୪,୩୭; ମାଥୁଉ ୨୪:୩୦. ☆ ୧:୮ ୧:୮ ଉତ୍କଳ କାଜି ୨୨:୧୩. ☆ ୧:୧୭ ୧:୧୭ ଉତ୍କଳ କାଜି ୨:୮; ୨୨:୧୩.

ଦିଆ ଦହତେୟାଃକେଇକ୍ ଆତମେୟାଁ । ୬୭ ମେନ୍ଦ ଦିଆଁଦ୍ ବୁଗିନ୍ କାଜି ଆମାଃତାଃରେ ମେନାଃ, ଏନା ହବାଅଃତାନା, ଆଇକ୍ ନିକଲାତୀୟକଆଃ ସବେନ୍ କାଜିକାମିକଇକ୍ ହିଲାକ୍ଫେୟାଁତାନ୍ ଲେକା ଆମ୍ ହଗିମ୍ ହିଲାକ୍ଫେୟାଁତାନା ।

୬୮*“ପାବିତାର୍ ଆମ୍ କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ତେ ଜେତାଏୟାଃ ଲୁତୁର୍ ମେନାଃନିଃ ଆୟୁମେକାଏ । ଅକ ହଡକ ଜିତାଅଃଃକ, ଆଇକ୍ ଇନ୍କୁକେ ପାର୍ମେଶ୍ଵାର୍ଆଃ ପାରାଦେସ୍ରେୟାଃ ବାଗାଇତାରେ ଜ'ଅଃତାନ୍ ଜୀଦାନ୍ ଦାରୁରାଃ ଜ ଜମେନାକ୍ ଆକ୍ତେୟାର୍ ଏମାୟାକ୍ ।

ସ୍ଵର୍ଣ୍ଣା କାଲିସିୟା ନାଗେନ୍ତେ କାନାଜି

୬୯*“ସ୍ଵର୍ଣ୍ଣା କାଲିସିୟାରେନ୍ ଦୁଁଡ଼ତାଃତେ ଅଲେମେ, ଅକଏ ପାହିଲା ଆତଃ ଟୁଣ୍ଡୁ ତାନିଃ, ଗଏଃକେଦ୍ତେ ଆତଃମିସା ଜୀଉବିରିଦ୍ଫୟାନାଏ, ଇନିଃ ନେଆଁ କାଜିତାନାଏ, ୭୦ ଆଇକ୍ ଆମାଃ ସବେନ୍ ନାରାଦୁରା ଆତଃ ଗାରିବ୍ତେୟାଃକଇକ୍ ସାରିତାନା, ମେନ୍ଦ ସାର୍ତି କାଜିଲେରେ ଆମ୍ କିସାଁଣ୍ ତାନ୍ମେ । ଅକ ହଡକ ଆପାନ୍କେ ଯିହୁଦୀ ମେନ୍ତେକ କାଜିନ୍ତାନା, ଇନ୍କୁ ଯିହୁଦୀ ନାହାଁଲାକ ମେନ୍ଦ ସାଏତାନ୍ରାଃ ଝୁଣ୍ଡରେନ୍ ତାନ୍କ, ଇନ୍କୁଆଃ ନିୟା କାଜିକଇକ୍ ସାରିତାନା । ୭୧ ଆମ୍ ଅକ ଦୁକୁହାସୁ ନାମେ ନାଗେନ୍ତେ ସେନ୍ତାନା, ଏନା ନାଗେନ୍ତେ ଆଲମ୍ ବରଏୟା । ଆୟୁମେମେ, ସାଏତାନ୍ ଆମାଃଏତେ ଚିମିନ୍ ହଡକକେ ଜେହେଲ୍ ଇଦିକେଦ୍ତେ ବିଡ଼ାଅକଆ । ମେନ୍ଦ ଆମାଃ ନେ ନାରାଦୁରା ଗେଲେୟା ହୁଲାକ୍ ଜାକେଦ୍ ହବାଅଃଆ । ନେଆଁରେ ଗନଏଃରାଃ ବର ତାଇନ୍ରେୟ ଆମ୍ ଆଇଁୟାଃ ନାକ୍ ପାତିୟାର୍ରାଃ ଲେକାମ୍ ତାଇନଃ ରେଦ୍, ଆଇକ୍ ଆମ୍କେ ଜୀଦାନ୍ରେୟାଃ ମୁକୁର୍ ଏମାମେୟାକ୍ ।

୭୨*“ପାବିତାର୍ ଆମ୍ କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ତେ ଜେତାଏୟାଃ ଲୁତୁର୍ ମେନାଃନିଃ ଆୟୁମେକାଏ । ଅକନ୍ଦ ଜିତାଅଃଃକ, ଇନ୍କୁଆଃ ବାସା ଗନଏଃ ହବାଅଃରେୟ ଜେଡ଼ନାଃ କା ହାନିୟଃଆ ।

ପାର୍ଗାମ୍ କାଲିସିୟା ନାଗେନ୍ତେ କାନାଜି

୭୩ “ପାର୍ଗାମ୍ କାଲିସିୟାରେନ୍ ଦୁଁଡ଼ତାଃତେ ଅଲେମେ, ଅକଏତାଃରେ ବାରାନ୍ସାଃ ଲେସେରାକାନ୍ ତାରାଉଡ଼ି ମେନାଃ, ଇନିଃ ନେଆଁ କାଜିତାନାଏ, ୭୪ ଆଇକ୍ ସାରିତାନାକ୍, ଆମ୍ ସାଏତାନ୍ରାଃ ରାଜ୍ଗାଦି ଆୟାର୍ରେମ୍ ତାଇନଃତାନା । ଏନ୍ରେୟ ଆମ୍ ଆଇଁୟାଃ ନୁତୁମ୍କେ କେଟେୟାନ୍ଗି ସାବାକାଦାମ୍, ଆତଃ ଆମ୍ ଆଇଁୟାଃ ନାଗେନ୍ତେ ପାତିୟାର୍ରାଃ ଲେକାନ୍ନିଃ ତାନ୍ମେ । ଆତଃ ଚିମ୍ତା ସାଏତାନ୍ରାଃ ତାଇନଃ ଠାୟାଦ୍ତାଃରେ ଆଇଁୟାଃ ମିଆଁଦ୍ ପାତିୟାର୍ରାଃ ଲେକାନ୍ ଗାଃ ଏମ୍ନିଃ ଆକ୍ତିପାକେ ଗଏଃକିୟାକ, ଇମ୍ତାହଗି ଆମ୍ ଆମାଃ ବିଶ୍ଵାସ୍ କାମ୍ ବାଗିକେଦା । ୭୫ ମେନ୍ଦ ଆଇଁୟାଃ, ଆମାଃ ବିରୁଧ୍ରେ ଚିମିନ୍ କାଜିକ ମେନାଃ । ଏନ୍ତାଃରେ ଆମାଃଲଃ ତାଇନ୍ତାନ୍ ଚିମିନ୍ ହଡକ ବାଲାମ୍ଆଃ ଇନିତୁକେ ଅତକ୍ତାନାକ । ମୁରୁଡ଼ତାଃରେ ଦାନ୍ ରାକାବାକାନ୍ ଜମେୟାଃକେ ଜମ୍ନାକ୍ ଆତଃ ଆପାକ୍ଟିର୍ କାମିକ ରିକା ନାଗେନ୍ତେ ଇସ୍ରାଏଲ୍ ହଡକକେ ଆତୁକ ନାକ୍, ବାଲାମ୍, ବାଲାକ୍କେ ଇତୁକାଇ ତାଇକେନା । ୭୬ ଏନ୍ଲେକାଗି ନିକଲାତୀୟ ହଡକଆଃ ଇନିତୁକେ ଅତକ୍ତାନ୍ ଚିମିନ୍ ହଡକ ଆମାଃ ଆଲାରେ ମେନାକଆ । ୭୭ ଏନାତେ ଆମ୍ ପାପ୍ହେତେ ମନ୍ରୁହାଡ଼େମେ, କା'ରେଦ୍ ଆଇକ୍ ଜାଲ୍ଦିଗି ଆମାଃତାଃତେ ହିଜୁଃକେଦ୍ତେ ଆଇଁୟାଃ ମତାଏତେ ଅତକ୍ତାଃତାନ୍ ତାରାଉଡ଼ିଲଃ ଇନ୍କୁଆଃ ବିରୁଧ୍ରେଇକ୍ ଲାଡ଼ାଇୟା ।

୭୮*“ପାବିତାର୍ ଆମ୍ କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ତେ ଜେତାଏୟାଃ ଲୁତୁର୍ ମେନାଃନିଃ ଆୟୁମେକାଏ । ଅକ ହଡକ ଜିତାଅଃଃକ, ଆଇକ୍ ଇନ୍କୁକେ ଉକୁଆକାନ୍ ମାନ୍ନା ଏମାକଆଇକ୍, ଇନ୍କୁଏତେ ମିପିଆଦ୍ ହଡକକେ ନାଃ ନୁତୁମ୍ ଅଲାକାନ୍ ମିଆଁଦ୍ ପୁଣ୍ଡି ଦିରି ଏମାକଆଇକ୍ । ଏନ୍ ନାଃ ନୁତୁମ୍ ଚିନାଃ ତାନାଃ, ଏନା ଏନ୍ ଦିରିକେ ନାମେ ହଡ ବାଗିକେଦ୍ତେ ଏଗାଃ ଜେତା ହଡ କାକ ସାରି ଦାଡ଼ିୟା ।

ଥୁୟତିରା କାଲିସିୟା ନାଗେନ୍ତେ କାନାଜି

୭୯ “ଥୁୟତିରା କାଲିସିୟାରେନ୍ ଦୁଁଡ଼ତାଃତେ ଅଲେମେ, ଅକଏୟାଃ ମେଦ୍ ଜୁଲଃତାନ୍ ସେଜେଲ୍ ଲେକା ଆତଃ ଆୟାଃ ବାରାନ୍ କାଟା ଚାମ୍କାଅଃତାନ୍ ପିତାଲ୍ ଲେକା ନେଲଃତାନା, ଏନ୍ ପାର୍ମେଶ୍ଵାର୍ଆଃ ହନ୍, ନେଆଁଏ କାଜିତାନା, ୮୦ ଆଇକ୍ ଆମାଃ କାଜିକାମିକଇକ୍ ସାରିତାନା । ଆମାଃ ଦୁଲାଡ଼, ବିଶ୍ଵାସ୍, ସୁସାର୍, ଆତଃ ଧୁରାଜ୍ ଜୀଞ୍ଜାନ୍ ସାରିତାନାକ୍ । ନାହାଁଃ ଆମ୍ କାମିତାନ୍ତେୟାଃ, ସିଦାମ୍ କାମି ତାଇକେନ୍ତାଃଏତେ ଆଦ୍କାମ୍ କାମିତାନା । ୯୦ ମେନ୍ଦ ଆମାଃ ବିରୁଧ୍ରେ ଆଇଁୟାଃ ମିଆଁଦ୍ କାଜି ମେନାଃ, ଏନା ହବାଅଃତାନା, କୁଡ଼ିନାବୀ ତାନିକ୍ ମେନ୍ତେ ଆପାନ୍କେ କାଜିନ୍ତାନ୍ ଯିଜେବଲ୍ ନୁତୁମ୍ କୁଡ଼ିକେ ଆମ୍ ଆସା ଏମାକାଇଜାମ୍ । ଇନିଃ ଆଇଁୟାଃ ଦାସିକକେ ଆପାକ୍ଟିର୍ କାମିକ ରିକା ନାଗେନ୍ତେ ଆତଃ ମୁରୁଡ଼କତାଃରେ ଦାନ୍ ରାକାବାକାନ୍ ଜଜମାଃକ ଜମେ ନାଗେନ୍ତେ ଇନ୍କୁକେ ଇତୁତାନ୍ଲଃ ଏଗାଃ ହରାତେ ସୁତୁଃଇଦିକତାନା । ୯୧ ଏନାମେନ୍ତେ ଇନିଃକେ ପାପ୍ହେତେ ମନ୍ରୁହାଡ଼୍ ନାକ୍ ନେଡା ଏମାକାନା, ମେନ୍ଦ ଇନିଃ ଆୟାଃ ଆପାକ୍ଟିର୍ କାମିକେ ବାଗି ନାଗେନ୍ତେ କାଏ ସାନାକ୍ତାନା । ୯୨ ଏନାତେ ଆଇକ୍ ଇନିଃକେ ଆତଃ ଇନିଃଲଃ ଆପାକ୍ଟିର୍ କାମିତାନ୍ ସବେନ୍କ ଆକଆଃ ଏଡ଼କାନ୍ କାମିଏତେ କାକ ମନ୍ରୁହାଡ଼୍ରେ, ପୁରାଃଗି ବରଞ୍ଜାନ୍ ଦୁକୁରେଇକ୍ ଉୟାକଆ ।

* ୨:୨ ୨:୨ ଉତ୍କଳ କାଜି ୨୨:୨. * ୨:୮ ୨:୮ ଉତ୍କଳ କାଜି ୧:୧୭; ୨୨:୧୩. * ୨:୧୧ ୨:୧୧ ଉତ୍କଳ କାଜି ୨୦:୧୪; ୨୧:୮. * ୨:୧୭ ୨:୧୭ ମୋହାନ୍ ୬:୪୮-୫୦.

୨୩ ଆୟାଃ ହନକକେ ହରି ଗଏଃକଆଇଞ୍ । ଏନାରେ ସବେନ୍ କାଲିସିୟାକ ସାରିୟାକ ଯେ, ଆଇଞ୍ ମନ୍ସୁରୁଦ୍ ସାରିନିଃ, ମାନଝାରାଃ ସବେନ୍ ଉଡ଼ୁ ଆତଃ ଇଞ୍ଜାସାନାଞ୍ ସାରିନିଃ ତାନିଞ୍ । ଆପେ ମିପିହୁଡ଼୍ ରିକାକାଦ୍ କାମି ଲେକାଗି ଆଇଞ୍ ଏମ୍ ରୁହାଡ଼ପେୟାଞ୍ ।

୨୪ “ମେନ୍ଦ୍ ଥୁୟତିରାରେ ଆପେକଏତେ ଅକନ୍ ହଡ଼କ ନେ ହସଡ଼ ଇନିତୁ କାପେ ଅତଞ୍ଜାଦା ଆତଃ ଅକ୍ନାଃକେ ସାଏତାନ୍ରାଃ ଇକିର୍ ଇନିତୁ ମେନ୍ତେ କାଜିୟାଃକ, ଏନାକେ କାପେ ଇତୁକାନା, ଇନ୍କୁକେ ଆଇଞ୍ କାଜିକତାନାଞ୍, ଆଇଞ୍ ଆପେ ଚେତାନ୍ରେ ଆତଃ ଜେତାନ୍ ବାହାରମ୍ କାଞ୍ ଲାଦିପେୟା । ୨୫ ଆପେତାଃରେ ଅକ୍ନାଃ ମେନାଃ, ଏନା ଏସ୍କାର୍ ଆଇଁୟାଃ ହିଜୁଃ ଜାକେଦ୍ ପୁରାଃ କେଚେଦ୍ୟାନଗି ସାବ୍କେଦ୍ତେ ଦହକାପେ । ୨୬ ଅକ ହଡ଼କ ଜିତାଅଝାଃକ, ଆତଃ ଚୁଣ୍ଡୁ ଜାକେଦ୍ ଆଇଁୟାଃ ଇଞ୍ଜାସାନାଞ୍ ଲେକାତେ କାମିୟାକ, ଆଇଞ୍ ଆପୁତାଃଏତେ ଅକ ଆକ୍ତେୟାର୍ ନାମାକାଦାଞ୍, ଏନା ଇନ୍କୁକେଞ୍ ଏମାକଆ । ୨୭ ଅତେଦିଶ୍ଚୁମ୍ରେୟାଃ ଏଟାଃ ଏଟାଃ କିଲିରେନ୍ ହଡ଼କକେ ମେଡେଦ୍ ସଟାତେ ସାଜାଇ ଏମାକ ନାଗେନ୍ତେ ଆତଃ ହାସାରାଃ ଚାଟୁ ଲେକା ମିଦ୍ ବାର୍ ହିସା ରାପୁଦଃ ନାଞ୍, ଆଇଞ୍ ଇନ୍କୁକେ ଆକ୍ତେୟାର୍ ଏମାକଆଇଞ୍ । ୨୮ ଆଇଞ୍ ଇନ୍କୁକେ ଆଇଁୟାଃ ଇପିଲ୍ ହରି ଏମାକଆଇଞ୍ ।

୨୯ “ପାବିତାର୍ ଆମ୍ କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ତେ ଜେତାଏୟାଃ ଲୁତୁର୍ ମେନାଃନିଃ ଆୟୁମେକାଏ ।

୩

ସାଦ୍ ସ୍ କାଲିସିୟା ନାଗେନ୍ତେ କାନାଜି

୧ “ସାଦ୍ ସ୍ କାଲିସିୟାରେନ୍ ଦୁଡ଼ତାଃତେ ଅଲେମେ, ପାର୍ମେଶ୍ୱାର୍ଆଃ ଏୟା ଆମ୍ ଆତଃ ଏୟା ଇପିଲ୍ ସାବାକାଦ୍ନିଃତାଃଏତେ ନେ କାନାଜି । ଆଇଞ୍ ଆମାଃ କାମିକଞ୍ ସାରିତାନା, ଆମ୍ ନୁତୁମ୍ତେ ଏସ୍କାର୍ ଜାନିଦ୍ ମେନାମେୟା, ମେନ୍ଦ୍ ସାର୍ତି କାଜିଲେରେ ଗଜାକାନାମ୍ । ୨ ଏନାମେନ୍ତେ ଏୟନଃମେ ଆତଃ ଆମାଃତାଃରେ ଅକଆଃ ମେନାଃ, ଏନା ପୁରାଃଗି ଜିୟନଃ ସିଦାରେ ଏନାକେ ପକ୍ତାଏମେ । ଚିୟାଃଗି ଆଇଞ୍ ସାରିତାନାଞ୍, ଆମାଃ କାମିକ ପାର୍ମେଶ୍ୱାର୍ଆଃ ଆୟାର୍ରେ ନାହାଁଃ ଜାକେଦ୍ କା ପକ୍ତାକାନା । ୩ *ଆମ୍କେ ଅକଆଃ ଇତୁଆକାନ୍ ତାଇକେନା ଆତଃ ଆମ୍ ଅକଆଃ ଆୟୁମାକାଦ୍ ତାଇକେନାମ୍, ଏନାକେ ପାହାମ୍କେଦ୍ତେ ମାନାତିୟେମେ ଆତଃ ଆମାଃ ପାପ୍ହେତେ ମନ୍ରୁହାଡ଼ମେ । ଆମ୍ କାମ୍ ଏୟନଃରେଦ୍, ଆଇଞ୍ ଆମାଃତାଃତେ କୁମ୍ତୁକୁ ଲେକାଞ୍ ହିଜୁଃଆ । ଅକ ଦିପିଲିରେଞ୍ ହିଜୁଃଆ, ଏନା ଆମ୍ କାମ୍ ସାରିଦାଡ଼ିୟା । ୪ ମେନ୍ଦ୍ ସାଦ୍ ସ୍ରେ ଆପେକଏତେ ଚିନିନ୍ ହଡ଼କ ଏସ୍କାର୍ ଆକଆଃ ଲିଜାଃ ନିରାଲ୍ଗି ଦହକାଦାକ । ଇନ୍କୁ ପୁଣ୍ଡି ଲିଜାଃ ତୁସିକ୍ତେଦ୍ତେ ଆଇଁୟାଃଲଃ ହିଜୁଃସେନଃ ରିକାଏୟାକ, ଚିଆଃଗି ଇନ୍କୁ ନେଆଁ ରିକା ଦାଡ଼ିକାଦାକ । ୫ *ଅକ ହଡ଼କ ଜିତାଅଝାଃକ, ଇନ୍କୁ ନେ'ଲେକା ପୁଣ୍ଡି ଲିଜାଃ ତୁସିକ୍ତାଆକ । ଜୀଦାନ୍ରେୟାଃ ପୁଥ୍କଏତେ ଇନ୍କୁଆଃ ନୁତୁମ୍ ଚିତ୍ତଲାହ କା ଜିୟନଃଆ । ଆଇଁୟାଃ ଆପୁ ଆତଃ ଆୟାଃ ଦୁଡ଼କଆଃ ଆୟାର୍ରେ ଇନ୍କୁକେ ଆଇଞ୍, ଆଇଞ୍କେ ଅତଞ୍ଜାଦ୍ ହଡ଼କତାନ୍କ ମେନ୍ତେଞ୍ କାଜିୟା ।

୬ “ପାବିତାର୍ ଆମ୍ କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ତେ ଜେତାଏୟାଃ ଲୁତୁର୍ ମେନାଃନିଃ ଆୟୁମେକାଏ ।

ଫିଲାଦେଲ୍ଫିୟା କାଲିସିୟା ନାଗେନ୍ତେ କାନାଜି

୭ “ଫିଲାଦେଲ୍ଫିୟା କାଲିସିୟାରେନ୍ ଦୁଡ଼ତାଃତେ ଅଲେମେ, ଜେତାଏ ପାବିତାର୍ ଆତଃ ସାର୍ତିନିଃ ତାନିଃ, ଇନିଃତାଃଏତେ ନେ କାନାଜି ଆୟୁମେପେ, ଇନିଃତାଃରେ ଦାଉଦ୍ଆଃ ଚାଜି ମେନାଃ, ଇନିଃ ଅକ ଦୁଆର୍ ନିଜାଃଏ, ଏନାକେ ଜେତାଏ କାକ ହାଣ୍ଡେଦ୍ ଦାଡ଼ିୟା ଆତଃ ଇନିଃ ଅକ୍ନାଃ ହାଣ୍ଡେଦାଃଏ, ଏନାକେ ଜେତାଏ କାକ ନିଜ୍ ଦାଡ଼ିୟା । ୮ ଆଇଞ୍ ଆମାଃ କାଜି କାମିକଞ୍ ସାରିତାନା, ନାହାଁଃ ଜାକେଦ୍ ଆମାଃ କାଚିଃଲେକା ପେଡେଃ ମେନାଃ, ନେଆଁହରି ସାରିତାନାଞ୍ । ଆମ୍ ଆଇଁୟାଃ ଇନିତୁକମ୍ ମାନାତିକ୍ତାଦା ଆତଃ ଆଇଁୟାଃ ନୁତୁମ୍ କାମ୍ ବାରିୟାକାଦା । ଏନାତେ ଆଇଞ୍ ଆମାଃ ଆୟାର୍ରେ ମିଆଁଦ୍ ଦୁଆର୍ ନିଜାକାଦାଞ୍, ଏନାକେ ଜେତାଏ କାକ ହାଣ୍ଡେଦ୍ ଦାଡ଼ିୟା । ୯ ଆୟୁମେମେ, ଅକ ହଡ଼କ ଯିହୁଦୀ ନାହାଁଲାଃକ, ମେନ୍ଦ୍ ବେଦାତେ ଆପାନ୍କେ ଯିହୁଦୀ ମେନ୍ତେକ କାଜିନ୍ତାନା, ନେ'ଲେକାନ୍ ସାଏତାନ୍ରାଃ ଝୁଣ୍ଡରେନ୍ ହଡ଼କକେ ଆଇଞ୍ ଆମାଃ କାଟା ଲାତାର୍ରେଞ୍ ଜହାର୍ଚିକଆ । ଆତଃ ଆଇଞ୍ ଆମ୍କେ ଦୁଲାଡ଼ତାନାଞ୍ ମେନ୍ତେ ଇନ୍କୁ ସାରିୟାକ । ୧୦ ଚିୟାଃଗି ଆମ୍ ଆଇଁୟାଃ କାନାଜି ଧିରାଜ୍ ସାବ୍କେଦ୍ତେମ୍ ମାନାତିକ୍ତାଦା । ଏନାତେ ଅତେଦିଶ୍ଚୁମ୍ରେନ୍ ହଡ଼କକେ ବିଡାଅକ ନାଗେନ୍ତେ ଗଟା ଅତେଦିଶ୍ଚୁମ୍ରେ ସାସାତିରାଃ ବିନିଡାଅ ହିଜୁଃଆ ଇମ୍ତା ଆଇଞ୍ ଆମ୍କେ ଏନାଏତେ ବାଞ୍ଛାଅମେୟାଞ୍ । ୧୧ ଆଇଞ୍ ଜାଲ୍ଦିଗିଞ୍ ହିଜୁଃଆ, ଆମାଃତାଃରେ ଅକଆଃ ମେନାଃ, ଏନାକେ ବାଞ୍ଛାଅକେଦ୍ତେ ଦହକାମେ, ଜେ'ଲେକାଚି ଆମାଃତାଃଏତେ ଆମାଃ ଜିନିତାଅ ମୁକୁର୍ଚ୍ଚକେ ଜେତାଏ ଆଲକାକ କୁମ୍ତୁକୁକା । ୧୨ *ଜିତାଅକାନ୍ନିଃକେ, ଆଇଞ୍ ଆଇଁୟାଃ ପାର୍ମେଶ୍ୱାର୍ଆଃ

* ୩:୩ ୩:୩ ମାଥୁଉ ୨୪:୪୩,୪୪; ଲୁକ ୧୨:୩୯,୪୦; ଉତ୍କଳ କାଜି ୧୨:୧୫. * ୩:୫ ୩:୫ ଉତ୍କଳ କାଜି ୨୦:୧୨; ମାଥୁଉ ୧୦:୩୨; ଲୁକ ୧୨:୮. * ୩:୧୨ ୩:୧୨ ଉତ୍କଳ କାଜି ୨୧:୨.

ମାନ୍ଦିରରେ ଖୁଣ୍ଟ ଲେକାଇଁ ବାଇୟା ଆଡ଼଼ ଇନିଃ ଚିତ୍ତଲାଅ ଏନ୍ତାଃଏତେ କାଏ ସେନଃଆ । ଆଇଁ ଆୟାଃ ଚେତାନରେ ପାର୍ଠେଶ୍ଵରଆଃ ନୁତୁମ୍ ଅଲେୟାଇଁ । ସିର୍ମା ଦିଶୁମ୍ରେନ୍ ଆଇଁୟାଃ ପାର୍ଠେଶ୍ଵରତାଃଏତେ ହିନ୍ତୁଃତାନ୍ ପାର୍ଠେଶ୍ଵରଆଃ ନାଗାରରେୟାଃ ନୁତୁମ୍ ହରି ଆୟାଃ ଚେତାନରେ ଅଲେୟାଇଁ । ଏନ୍ ନାଗାରରେୟାଃ ନୁତୁମ୍ ନାଞ୍ଜା ଯାରୁଗାଲେମ୍ । ଆଇଁ ଆଇଁୟାଃ ନାଞ୍ଜା ନୁତୁମ୍ ହରି ଆୟାଃ ଚେତାନରେ ଅଲେୟାଇଁ ।

୧୩ “ପାବିତାର୍ ଆମ୍ କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ତେ ଜେତାଏୟାଃ ଲୁତୁର୍ ମେନାଃନିଃ ଆୟୁମେକାଏ ।

ଲାଉଦିକିଆ କାଲିସିୟା ନାଗେନ୍ତେ କାନାଜି

୧୪ “ଲାଉଦିକିଆ କାଲିସିୟାରେନ୍ ଦୁତ୍ତତାଃଏତେ ଅଲେମେ, ଅକଏ ନେ ସବେନ୍ ଆମ୍‌କେ କାଜିତାନାଏ, ଇନିଃ ଆମେନ୍, ପାତିୟାର୍‌ରଃ ଲେକାନିଃ ଆଡ଼଼ ସାର୍ତି ଗାଞ୍ଜା ତାନିଃ । ପାର୍ଠେଶ୍ଵର ବାଇୟାକାଦ୍ ସବେନ୍ ବିଷାଏରେୟାଃ ଏନେଚେଦ୍‌ନିଃ, ନେଆଁଏ କାଜିତାନା, ୧୫ ଆଇଁ ଆମାଃ କାଜି କାମିକଇଁ ସାରିତାନା, ଆମ୍ ରେହାଡ୍ ବାଙ୍‌ମେୟାଁ ଚାଏ ଲଲ ବାଙ୍‌ମେୟାଁ, ନେଆଁ ଆଇଁ ସାରିତାନାଇଁ । ଆମ୍ ରେହାଡ୍ ଚାଏ ଲଲ ତାଇନକାରେଦ୍, ବୁଗିନାଃ ହବାଅଃତେୟାଃ । ୧୬ ମେନ୍‌ଦ୍ ଆମ୍ ରେହାଡ୍ ଚାଏ ଲଲ କା ହବାକେଦ୍‌ତେ ଉର୍ଗୁମ୍‌ଗି ମେନାମେ ହରାତେ, ଆଇଁ ଆମ୍‌କେ ଆଇଁୟାଃ ମଚାଏତେଇଁ ବେଏକ୍ ଅଡ଼଼ମେୟାଁ । ୧୭ ଆମ୍ କାଜିତାନାମ୍, ‘ଆଇଁ କିସାଁଗିୟାଇଁ ଆଡ଼଼ ପୁରାଃଗି ଖୁଜ୍ କ ମେନାଃ, ଆଇଁୟାଃ ଲାଗାତିକ୍‌ତେୟାଃକ ସବେନାଃ ମେନାଃ ।’ ଏନ୍‌ରେୟ ଆମ୍ ସାର୍ତିଗି ଚିମିନ୍ ନାରାଦୁରା ଆଡ଼଼ ଲିନିବୁଇ ନାମେ ଲେକାନିଃ ତାନମେ, ନେଆଁ କାମ୍‌ସାରିତାନା । ଆମ୍ ଗାରିବ୍, ସାମାହଡ଼ମ୍, ମେଦ୍ କା ନେଲ୍ ଦାଡ଼ିନିଃ ତାନମେ । ୧୮ ଏନାମେନ୍ତେ ଆଇଁ ଆମ୍‌କେଇଁ ଆରୁମେତାନା, କିସାଁଗି ନାଗେନ୍ତେ ଆଇଁତାଃଏତେ ଫାରିଚି ସୋନା କିରିକ୍‌ୟେମେ, ଆଡ଼଼ ପୁଣ୍ଡି ଲିଜାଃ ହରି କିରିକ୍‌ୟେମେ, ଏନାରେ ଆମ୍ ଆମାଃ ଗିହୁଗାନ୍ ସାମାହଡ଼ମ୍‌କେ ଦାନାଇଁ ଦାଡ଼ିୟାମେ । ନେଲ୍ ଦାଡ଼ି ନାଗେନ୍ତେ ମେଦ୍‌ରେ ଗସଃ ନାଜ୍ ଆଇଁତାଃଏତେ କାଜାଲ୍ କିରିକ୍‌ୟେମେ । ୧୯ *ଆଇଁ ଅକ ହଡ଼କକେ ଦୁଲାଡ଼ାଃଇଁ, ଇନ୍‌କୁକେ ସୁଧରାଅ ନାଜ୍ ସାଜାଇ ଏମାଃଇଁ । ଏନାମେନ୍ତେ ଆମାଃ ମନ୍‌ସୁରୁଦ୍‌ଲଃ ପାପ୍ ହରାଏତେ ମନ୍‌ରୁହାଡ଼େମେ । ୨୦ ନେଲେମେ, ଆଇଁ ଦୁଆର୍‌ତାଃରେ ଡିକ୍‌କେଦ୍‌ତେ ଦୁଆର୍ ଠକ୍ ଠକାଅ ତାନାଇଁ, ଜେତାଏ ଆଇଁୟାଃ ଲାବ୍‌ଜା ଆୟୁମ୍‌କେଦ୍‌ତେ ଦୁଆର୍ ନିଜେୟାଏ, ଆଇଁ ଆୟାଃ ଅଡ଼ାଃ ଭିତାର୍‌ତେ ହିନ୍ତୁଃକେଦ୍‌ତେ ଆୟାଃଲଃ ଜମେୟାଁଇଁ ଆଡ଼଼ ଇନିଃ ଆଇଁୟାଃଲଃ ଜମେୟାଁଏ । ୨୧ ଆଇଁ ଜେଲେକା ଜିତାଅକେଦ୍‌ତେ, ଆଇଁୟାଃ ଆପୁଲଃ ଆୟାଃ ରାଜ୍‌ଗାଦିରେ ଦୁବାକାନାଇଁ, ଏନ୍ ଲେକାଗି ଅକ ହଡ଼କ ଜିତାଅଞ୍ଜାଃକ, ଆଇଁ ଇନ୍‌କୁକେ ଆଇଁୟାଃଲଃ ଆଇଁୟାଃ ରାଜ୍‌ଗାଦିରେ ଦୁବ୍ ନାଗେନ୍ତେଇଁ ଏମାକଆ ।

୨୨ “ପାବିତାର୍ ଆମ୍ କାଲିସିୟାକକେ ଚିନାଃଏ କାଜିତାନା, ଏନା ଆୟୁମେ ନାଗେନ୍ତେ ଜେତାଏୟାଃ ଲୁତୁର୍ ମେନାଃନିଃ ଆୟୁମେକାଏ ।”

୪

ସିର୍ମାରେ ପାର୍ଠେଶ୍ଵରଆଃ ସୁନୁସାର୍

୧ ନେ ନେତାରେଗି ଆଇଁ ଆଡ଼଼ମିଆଁଦ୍ ଦାର୍‌ଗାନ୍ ନେଲ୍‌କେଦାଇଁ । ସିର୍ମା ଦିଶୁମ୍ରେ ଦୁଆର୍ ନିଜାକାନ୍ ତାଇକେନା ଆଡ଼଼ ବିକ୍‌ଲ୍ ବାଜା ସାଡ଼ି ଲେକା ମିଆଁଦ୍ ଲାବ୍‌ଜା ଆଇଁକେ କାଜିତାନ୍ ଆୟୁମ୍‌କେଦାଇଁ, “ନେତାଃତେ ହିନ୍ତୁଃମେ, ଆଡ଼଼ ତାୟମ୍‌ତେ ଅକ୍‌ନାଃ ହବାଅଃଆ ଏନା ଆଇଁ ଆମ୍‌କେଇଁ ଉଦୁବାମେୟାଁ ।” ୨ ଆଇଁ ଇମ୍‌ଗାଗି ପାବିତାର୍ ଆମ୍‌ତେଇଁ ପେରେୟାନା ଆଡ଼଼ ନେଲ୍‌କେଦାଇଁ, ସିର୍ମା ଦିଶୁମ୍ରେୟାଃ ମିଆଁଦ୍ ରାଜ୍‌ଗାଦିରେ ଜେତାଏ ମିହୁଡ୍ ଦୁବାକାନାଏ । ୩ ଆୟାଃ ମେଦ୍‌ମୁହାଁଡ୍ ହିରା ଆଡ଼଼ ମତି ଲେକା ଝାଲ୍‌ସାଃଅ ତାଇକେନା, ଆଡ଼଼ ରାଜ୍‌ଗାଦିରେୟାଃ ଚାରିୟାଃରେ ଗନଜ୍‌ଆଁନ୍ ଦିରି ଲେକା ମିଆଁଦ୍ ଲୁର୍‌ବିକ୍* ତାଇକେନା । ୪ ଆଡ଼଼ ଏନ୍ ରାଜ୍‌ଗାଦିରାଃ ଚାରିୟାଃରେ ବାର୍‌ହିସି ଉପୁନିୟା ଏଗାଃ ରାଜ୍‌ଗାଦି ତାଇକେନା । ଏନ୍ ବାର୍‌ହିସି ଉପୁନିୟା ରାଜ୍‌ଗାଦିରେ ବାର୍‌ହିସି ଉପୁନିୟା ପ୍ରାଚିନକ ଦୁବାକାନ୍ ତାଇକେନା । ଇନ୍‌କୁ ପୁଣ୍ଡି ଲିଜାଃ ଆଡ଼଼ ଆକଆଃ ବହଃରେ ସୋନାରେୟାଃ ମୁକୁଟ୍ ତୁସିକ୍‌କାନ୍ ତାଇକେନାକ । ୫ ଏନ୍ ରାଜ୍‌ଗାଦିଏତେ ହିଚିରରାଃ ମାର୍‌ସାଲ୍ ଆଡ଼଼ ଚିମିଲ୍‌ରାଃ ସାଡ଼ି ଆୟୁମାଃ ତାଇକେନା । ରାଜ୍‌ଗାଦି ହେପାଦ୍‌ରେ ଏୟା ଜୁଲ୍‌ତାନ୍ ଦିଆ ତାଇକେନା । ନେ ଦିଆ ପାର୍ଠେଶ୍ଵରଆଃ ଏୟା ଆମ୍ ତାନାଃ । ୬ ଆଡ଼଼ ରାଜ୍‌ଗାଦି ଆୟାଃରେ କାଁର୍ ଲେକା ନିରାଲ୍ ଦରେୟା ନେଲଃ ତାଇକେନା । ଏନ୍ ରାଜ୍‌ଗାଦିରାଃ ଚାରିୟାଃରେ ଉପୁନିୟା ଜାନିଦ୍ ଜାଁତୁ ତାଇକେନାକ । ଏନ୍ ଜାନିଦ୍ ଜାଁତୁକଆଃ ଆୟୁର୍ ତାୟମ୍ ବାରାନ୍‌ସାଃରେ ମେଦ୍‌ତେ ପେରେଜାକାନ୍ ତାଇକେନା । ୭ ପାହିଲା ଜାଁତୁ କୁଲା ଲେକାଏ ନେଲଃ ତାଇକେନା, ଏଗାଃନିଃ ବାଛା ଲେକାଏ ନେଲଃ ତାଇକେନା । ଆପିୟାନିୟାଃ ମେଦ୍‌ମୁହାଁଡ୍ ହଡ଼ରାଃ ମେଦ୍‌ମୁହାଁଡ୍ ଲେକା ତାଇକେନା ଆଡ଼଼ ଉପୁନିୟାନିଃ ଆପିର୍‌ତାନ୍ ବାଜ୍ ଲେକାଏ ନେଲଃ ତାଇକେନା । ୮ ନେ

* ୩:୧୯ ୩:୧୯ ଏବ୍ରୀ ୧୭:୬. * ୪:୩ 4:3 ଇନ୍‌ଧନ୍ତୁ * ୪:୫ ୪:୫ ଉତ୍କଳ କାଜି ୮:୫; ୧୧:୧୯; ୧୭:୧୮; ଉତ୍କଳ କାଜି ୧:୪.

ଉପୁନିୟା ଜାଁତୁକଆଃ ତୁରିୟା ଆପ୍ତରବ୍ ତାଇକେନା । ନେ ଜାଁତୁକଆଃ ଭିତାର୍ ଆତଃ ବାହାରି ଚାରିୟସାଃରେ ମେଦ୍ତେ
ପେରେଜାକାନ୍ ତାଇକେନା । ଇନ୍କୁ ନିଦାସିଙ୍ଗି ବେଗାର୍ ରୁଡ଼ତ୍ତେ କାଜିତାଇକେନାକ,
“ସବେନ୍ ପେଡ଼େୟାନ୍ ପ୍ରାଭୁ ପାର୍ମେଶ୍ଵାର୍ ପାବିତାର୍, ପାବିତାର୍, ପାବିତାର୍ ।

ଇନିଃ ସିଦା ତାଇକେନ୍ନିଃ, ନାହାଁଃ ମେନାଇନିଃ ଆତଃ ହିଜୁଃ ଦିପିଲିରେ ତାଇନଃନିଃ ।”

୯ ଏନ୍ ଉପୁନ୍ ଜାନିଦ୍ ଜାଁତୁକ ରାଜଗାଦିରେ ଦୁବାକାନ୍ ଜାନାଅ ଜାନାଅ ଜାକେଦ୍ ତାଇନଃନିଃକେ ମାନାରାଙ୍ଗ୍,
ମାଇନାନ୍ ଆତଃ ଧାନାବାଦ୍ ଏମ୍କେଦ୍ତେ ଆୟାଃ ଦୁରାଙ୍ଗ୍ତାନ୍ ତାଇକେନ୍ ଇମ୍ତା, ୧୦ ସିଦାରେନ୍ ଏନ୍ ବାହ୍‌ହିସି ଉପୁନ୍
ପ୍ରାଚିନ୍‌କ ଜାନାଅ ଜାନାଅ ଜାନିଦ୍ ତାଇନଃନିଃତାଃରେ ଅମ୍ପାଃକେଦ୍ତେ ଜହାତ୍ତାନ୍‌ଲଃ ଆୟାଃ ସୁନ୍‌ସାର୍ ରିକାକେଦାକ
। ଆତଃ ରାଜଗାଦି ଲାତାରରେ ଆକଆଃ ଆପ୍ତନାଃ ମୁକୁର୍ ଦହକେଦ୍ତେ କାଜିକେଦାକ,

୧୧ “ହେ ପ୍ରାଭୁ ଆଲେୟାଃ ପାର୍ମେଶ୍ଵାର୍,

ଆମିଗି ମାନାରାଙ୍ଗ୍, ମାଇନାନ୍ ଆତଃ ପେଡ଼େଃ ନାମେ ଲେକାନ୍‌ନିଃ ତାନ୍‌ମେ,

ଚିଆଃଚି ଆମିଗି ନେ ସବେନାଃମ୍ ବାଇୟାକାଦା,

ଆତଃ ଆମାଃ ଇକ୍ଷାୟାନାଙ୍ଗ୍ ଲେକାତେ ଏନାକ ତାଇନ୍‌ୟାନା ଆତଃ ଜାନିଦ୍ ହବାୟାନା ।”

୫

ପୁଅ ଆତଃ ମିଶ୍ଟିହନ୍

୧ ଆଇଙ୍ଗ୍ ରାଜଗାଦିରେ ଦୁବାକାନ୍‌ନିୟାଃ ଜମ୍ ତିଃଇରେ ମିଆଁଦ୍ ମାରି ପୁଅ ନେଲ୍‌କେଦାଇଙ୍ଗ୍, ଏନାରେୟାଃ
ବାରାନ୍‌ସାଃରେ ଅଲ୍‌କାନ୍ ତାଇକେନା ଆତଃ ଏନାରେ ଏୟା ମୋହ୍‌ରାଃ ଚିଙ୍ଗା ତାଇକେନା । ୨ ଆତଃ ଆଇଙ୍ଗ୍
ମିଆଁଦ୍ ପୁରାଃ ପେଡ଼େୟାନ୍ ଦୁଁଡ଼କେଇଙ୍ଗ୍ ନେଲ୍‌କିୟା, ଇନିଃ ପୁରାଃ କାଉରିତାନ୍‌ଲଃ କାଜିକେଦାଏ, “ମୋହ୍‌କେ
ରାଡ଼ାକେଦ୍ତେ, ନେ ମାରି ପୁଅକେ ଜେତାଏ ଅଟାଃ ଦାଡ଼ି ଲେକାନ୍‌ନିଃ ମେନାଇରେଦ୍ ଅଡ଼ଙ୍ଗ୍‌ଅଃକାଏ ।” ୩ ମେନ୍‌ଦ୍ ଏନ୍
ମାରି ପୁଅ ଅଟାଃକେଦ୍ତେ ଏନାରେ ଅଲ୍‌କାନ୍‌ତେୟାଃ ପାଢ଼ାଅ ନାଗେନ୍ତେ ସିର୍ମାରେ, ଅତେରେ ଚାଏ ହୁଆଙ୍ଗ୍‌ଗାଡ଼ାରେ
ଜେତାଏ କାକ ଅଡ଼ଙ୍ଗ୍‌ୟାନା । ୪ ଏନ୍ ମାରି ପୁଅକେ ଅଟାଃକେଦ୍ତେ ଏନାରେ ଚିନାଃ ଅଲ୍‌କାନ୍‌ନା, ଏନା ପାଢ଼ାଅ ନାଗେନ୍ତେ
ଜେତାଏ ମିହୁଡ଼ ହଗି ପାଢ଼ାଏ ଲେକାନ୍ ହଡ଼କ କାକ ନାମ୍‌ୟାନ୍ ହରାତେ ଆଇଙ୍ଗ୍ ପୁରାଃଗିଇଙ୍ଗ୍ ରାଆଃକେଦା । ୫ ଏନ୍ତେ
ପ୍ରାଚିନ୍‌କଏତେ ମିହୁଡ଼ ଆଇଙ୍ଗ୍‌କେ କାଜିକେଦିୟା, “ଆଲ୍‌ମ୍ ରାଆଃଏୟା, ନେଲେମେ ! ଦାଉଦ୍‌ଆଃ ମାରାଙ୍ଗ୍ କିଲି, ଯିହୁଦା
କିଲିରେନ୍ କୁଲା ଜିତାଅକେଦ୍ତେ ହିଜୁଃତାନା, ଇନିଃ ନେ ଏୟା ମୋହ୍‌ ରାଡ଼ାକେଦ୍ତେ ମାରି ପୁଅ ଅଟାଃ ନାଗେନ୍ତେ
ଦାଡ଼ିୟା ।”

୬ ଏନ୍ତେ ରାଜଗାଦିରେୟାଃ ଆଲାମାଲ୍‌ରେ ସିଦାରେନ୍ ଉପୁନିୟା ଜାଁତୁ ଆତଃ ପ୍ରାଚିନ୍‌କଆଃ ଆଲାରେ ମିଆଁଦ୍
ମିଶ୍ଟିହନ୍‌କେ ତିଙ୍ଗୁଆକାନ୍ ନେଲ୍‌କିୟାଇଙ୍ଗ୍ । ମିଶ୍ଟିହନ୍ ଦାଣ୍ଡୋରାକାବ୍‌କାନ୍ ଲେକାଏ ଆବ୍‌କାରଃ ତାଇକେନା । ଆୟାଃ
ଏୟା ଦିରିଙ୍ଗ୍ ଆତଃ ଏୟା ମେଦ୍ ତାଇକେନା । ଏନ୍ ମେଦ୍‌କ ସବେନ୍ ଅତେଦିଶ୍ଵମ୍‌ତେ କୁଲାକାନ୍ ପାର୍ମେଶ୍ଵାର୍‌ଆଃ
ଏୟା ଆମ୍‌ ତାନାଃ । ୭ ଏନ୍ ମିଶ୍ଟିହନ୍ ରାଜଗାଦିରେ ଦୁବାକାନ୍‌ନିଃତାଃତେ ସେନ୍‌କେଦ୍ତେ, ଇନିୟାଃ ଜମ୍ ତିଃଇଏତେ
ମାରି ପୁଅକେ ଇଦିକେଦା । ୮ ଆତଃ ଇନିଃ ମାରି ପୁଅ ତେଲାକେଦ୍ ଇମ୍‌ତାଗି, ଉପୁନିୟା ଜାଁତୁ ଆତଃ ମିଦ୍‌ହିସି ଉପୁନ୍
ପ୍ରାଚିନ୍‌କ ମିଶ୍ଟିହନ୍‌ଆଃ ଆୟାଃରେ ଅମ୍ପାଃୟାନାକ । ଇନ୍କୁ ସବେନ୍‌କ ମିପିଆଦ୍ ବାନାମ୍, ଆତଃ ବୁଗିନ୍ ସହାନ୍ ଧୁଆନ୍‌ତେ
ପେରେଜାକାନ୍ ସୋନାରେୟାଃ ତୁଭା ସାବାକାଦ୍ ତାଇକେନାକ । ଏନ୍ ବୁଗିନ୍ ସହାନ୍ ଧୁଆନ୍‌ରାଃ ତୁଭାକ ହବାଅଃତାନା,
ପାର୍ମେଶ୍ଵାର୍‌ଆଃ ହଡ଼କଆଃ ବିନ୍ତି । ୯ ଇନ୍କୁ ମିଆଁଦ୍ ନାଝା ଦୁରାଙ୍ଗ୍‌କ ଦୁରାଙ୍ଗ୍‌କେଦା,
“ମାରି ପୁଅ ତେଲାକେଦ୍ତେ

ଏନାରେୟାଃ ମୋହ୍‌ ରାଡ଼ା ନାଙ୍ଗ୍ ଆମ୍ ଏସ୍‌କାର୍ ଦାଡ଼ିୟାମେ ।

ଚିୟାଃଚି ଆମ୍ ଦାଣ୍ଡୋକାନ୍ ତାଇକେନାମ୍, ଆମ୍‌କେ ଦାଣ୍ଡୋ ଗନ୍‌ଏଃ ହବାୟାନ୍ ହରାତେ

ସବେନ୍ କିଲି, ଏଟାଃ ଏଟାଃ ଜାଗାର୍‌ତାନ୍‌କ, ଦିଶ୍ଵମ୍ ଆତଃ ଜାତିକଏତେ ପାର୍ମେଶ୍ଵାର୍‌ଆଃ ନାଙ୍ଗ୍ ହଡ଼କକେମ୍
କିରିଙ୍ଗ୍‌କାଦ୍‌କଆ ।

୧୦ ✨ଆତଃ ପାର୍ମେଶ୍ଵାର୍‌ଆଃ ସେଝା ରିକା ନାଗେନ୍ତେ ଇନ୍କୁକେ ମିଆଁଦ୍ ରାଜାଉଡ଼ି ଆତଃ ଯାଜାକ୍ କିଲିରେମ୍
ବାଇକେଦ୍‌କଆ

ଆତଃ ଇନ୍କୁ ଅତେରେକ ରାଇଜେୟା ।”

୧୧ ଆଇଙ୍ଗ୍ ଆତଃଗିଇଙ୍ଗ୍ ନେଲ୍‌କେଦା, କାକ ଲେକା ଦାଡ଼ିୟାଃ ଦୁଁଡ଼କ ରାଜଗାଦିକେ, ଉପୁନିୟା ଜାଁତୁ ଆତଃ
ପ୍ରାଚିନ୍‌କଆଃ ଚାରିୟସାଃରେ ତିଙ୍ଗୁଆକାନାକ । ୧୨ କାଉରିକେଦ୍ତେ ଦୁରାଙ୍ଗ୍‌ତାନ୍‌ଲଃ କାଜିକେଦାକ, “ଦାଣ୍ଡୋ
ରାକାବାକାନ୍ ଏନ୍ ମିଶ୍ଟିହନ୍ ପେଡ଼େଃ, କିସାଁଣ୍, ସେଣାଁ, ଆକ୍‌ତେୟାର୍, ମାନାରାଙ୍ଗ୍, ମାଇନାନ୍ ଆତଃ ସାହାରାଅ ନାମେ
ଲେକାନ୍‌ନିଃ ତାନିଃ ।”

✨ ୫:୧୦ ୫:୧୦ ଉତ୍କଳ କାଜି ୧:୭.

୧୩ ଆତଃ ଆଇଙ୍ଗ ସିର୍ମା ଦିଶୁମ୍, ଅତେ, ହୁଆଙ୍ଗାଡ଼ା ଆତଃ ଦରେୟାରେନ୍ ସବେନ୍ ଜୀନିଦ୍ ଜାତୁକ ଆତଃ ଅତେଦିଶୁମ୍ରେନ୍ ସବେନ୍ ଜାତୁକକେ ଦୁରାଙ୍ଗତାନ୍ ଆୟୁମ୍କେଦକଆଇଙ୍ଗ । ଇନ୍କୁ “ରାଜଗାଦିରେ ଦୁବାକାନ୍ନିୟାଃ ଆତଃ ଆୟାଃ ମିଶ୍ଟିହନ୍ଆଃ ସାହାରାଅ, ମାନାରାଙ୍ଗ, ମାଇନାନ୍ ଆତଃ ପେଡ଼େଃ ଜାନାଅ ଜାନାଅ ତାଇନାଃ !” ମେନ୍ତେକ ଦୁରାଙ୍ଗ ତାଇକେନା ।

୧୪ ଏନ୍ ଉପୁନିୟା ଜାତୁକ କାଜିରୁହାଡ଼୍ ତାଇକେନାକ, “ଆମେନ୍ !” ଆତଃ ପ୍ରାଚିନ୍ଦ ଅମ୍ବୀଃକେଦ୍ତେ ଇନିଃକେ ଜହାରକିୟାକ ।



ମୋହର୍ ଏମାକାନ୍ କାଜିରାଃ ମୁଣ୍ଡି

୧ ଏନ୍ତେ ଆଇଙ୍ଗ ନେଲ୍କିୟାଇଙ୍ଗ, ଏନ୍ ମିଶ୍ଟିହନ୍ ଏୟା ମୋହର୍ଏତେ ପାହିଲା ମୋହର୍କେ ରାଡ଼ାକେଦା, ଆତଃ ଉପୁନିୟା ଜାତୁକଏତେ ମିଆଁଦ୍ନିଃ ଆଇଙ୍ଗକେ ହିଚିର୍ ସାଡ଼ି ଲେକାଏ କାଜିକେଦିୟା, “ହିଜୁଃମେ !” ୨ ଆଇଙ୍ଗ ଆରିଦ୍ ରାକାବ୍କେଦ୍ତେ ମିଆଁଦ୍ ପୁଣ୍ଡି ରାଙ୍ଗ୍ରେନ୍ ସାଦମ୍ ଆତଃ ସାଦମ୍ ଚେତାନ୍ରେ ଦୁବାକାନ୍ନିଃକେ ଧାନୁ ସାବାକାଦ୍ତେୟାଃ ନେଲ୍କିୟାଇଙ୍ଗ । ଇନିଃକେ ମିଆଁଦ୍ ମୁକୁର୍ ଏମ୍ୟାନା ଆତଃ ଜିତାଅଃ ନାଗେନ୍ତେ ଅତଙ୍ଗ୍ୟାନା ।

୩ ଏନ୍ତେ ମିଶ୍ଟିହନ୍ ଏଟାଃ ଆତଃମିଆଁଦ୍ ମୋହର୍ ରାଡ଼ାକେଦାଏ ଆତଃ ଏଟାଃ ଆତଃମିଆଁଦ୍ ଜାତୁ ଆଇଙ୍ଗକେ କାଜିକେଦିୟା, “ହିଜୁଃମେ !” ୪ ଆଇଙ୍ଗ ଆରାଃ ରାଙ୍ଗ୍ରେନ୍ ଆତଃମିଆଁଦ୍ ସାଦମ୍କେ ନେଲ୍କିୟାଇଙ୍ଗ, ଏନ୍ ସାଦମ୍ ଚେତାନ୍ରେ ଦୁବାକାନ୍ନିଃକେ ଅତେଦିଶୁମ୍ଏତେ ଜୀଉସୁକୁ ସାଜିନେ ନାଗେନ୍ତେ ଆକ୍ତେୟାର୍ ଏମ୍ୟାନା । ହଡ଼କ ଲାପଡ଼ାଇକେଦ୍ତେ ମିହୁଡ଼୍ ଆତଃମିହୁଡ଼୍କେ ଗଏଃ ନାଙ୍ଗ, ଆୟାଃ ତିଃଇରେ ମିଆଁଦ୍ ମାରାଙ୍ଗ୍ ତାରାଡ଼ିତ୍ ଏମ୍ୟାନା ।

୫ ଏନ୍ତେ ମିଶ୍ଟିହନ୍ ଆପିୟା ମୋହର୍ ରାଡ଼ାକେଦାଏ ଆତଃ ଆପିୟା ଜାତୁ ଆଇଙ୍ଗକେ କାଜିକେଦିୟା, “ହିଜୁଃକେଦ୍ତେ ନେଲେମେ !” ଏନ୍ତେ ଆଇଙ୍ଗ ମିଆଁଦ୍ ହେନ୍ଦେ ରାଙ୍ଗ୍ରେନ୍ ସାଦମ୍ ଚେତାନ୍ରେ ଦୁବାକାନ୍ନିଃକେ ନେଲ୍କିୟାଇଙ୍ଗ, ଆୟାଃ ତିଃଇରେ ମିଆଁଦ୍ ତାରାଜୁ ତାଇକେନା । ୬ ଏନ୍ତେ ଆଇଙ୍ଗ ଉପୁନିୟା ଜାତୁକ ମିଦ୍ ଲାବ୍ଜାତେ କାଜିତାନ୍ ଲେକା ଆୟୁମ୍କେଦାକ୍, “ମୁସିଙ୍ଗ୍ରାଃ ନାଲା ସିକାତେ ମିଦ୍ ତାମ୍ବି ଗହମ୍ ଚାଏ ଆପି ତାମ୍ବି କଦେ ନାମଃଆ । ମେନ୍ଦ୍ ଜାଲ୍ପାଇ ସୁନୁମ୍ ଆତଃ ଦାଖ୍ରାସିକେ ଆଲପେ ନକ୍ସାନେୟା ।”

୭ ଏନ୍ତେ ମିଶ୍ଟିହନ୍ ଉପୁନିୟା ମୋହର୍ ରାଡ଼ାକେଦାଏ, ଆତଃ ଉପୁନିୟା ଜାତୁ ଆଇଙ୍ଗକେ କାଜିକେଦିୟାଏ, “ହିଜୁଃମେ !” ୮ ଏନାରେ ଆଇଙ୍ଗ ମିଆଁଦ୍ ମାଟିୟା ରାଙ୍ଗ୍ରେନ୍ ସାଦମ୍ ନେଲ୍କିୟାଇଙ୍ଗ । ଏନ୍ ସାଦମ୍ରେ ଦୁବାକାନ୍ନିୟାଃ ନୁଡ଼ମ୍ ଗନଏଃ, ହୁଆଙ୍ଗାଡ଼ା ଆଇଃକ୍କେ ଅତଙ୍ଗ୍ ତାଇକେନା । ମାପାଃତୁପୁଇଙ୍ଗ୍ ରିଙ୍ଗା, ବେମାର୍, ଆତଃ ବିର୍ ଜାତୁକଆଃ ହରାତେ ଜିୟନ୍ ରିକା ନାଙ୍ଗ୍ ଅତେଦିଶୁମ୍ରେୟାଃ ଉପୁନିୟା ଚେତାନ୍ରେ ଇନ୍କୁକେ ଆକ୍ତେୟାର୍ ଏମ୍ୟାନା ।

୯ ଏନ୍ତେ ମିଶ୍ଟିହନ୍ ମଣେୟା ମୋହର୍ ରାଡ଼ାକେଦାଏ ଇମ୍ତା, ଆଇଙ୍ଗ ମିଆଁଦ୍ ବେଦି ନେଲ୍କେଦାକ୍ । ପାର୍ମେଶ୍ୱାର୍ଆଃ ବାଚାନ୍ ଉଦ୍ବକେଦ୍ତେ ଗାଞ୍ଜା ଏମ୍ରେ ପାତିୟାର୍ରେ ଲେକା ତାଇକାନ୍ ହରାତେ ଗନଏଃ ନାମାକାଦ୍ ହଡ଼କଆଃ ଆମ୍ବାକ, ଏନ୍ ବେଦି ଲାତାର୍ରେ ଜାତ୍ନାଅକେଦ୍ତେ ତାଇକେନା । ୧୦ ଇନ୍କୁ କାଉରିକେଦ୍ତେ କାଜିତାଇକେନାକ, “ହେ ପାବିତାର୍, ସାର୍ତି ଆତଃ ପୁରାଃ ପେଡ଼େୟାନ୍ ପ୍ରାଭୁ ! ଅତେରେ ଅକନ୍ଦ୍ ଆଲେକେ ଗଏଃକାଲେ ତାଇକେନାକ, ଇନ୍କୁକେ ବିଚାର୍କେଦ୍ତେ ସାଜାଇ ଏମାକ ନାଗେନ୍ତେ ଆତଃଚିମିନ୍ ମାହାଁ ବିଲାମଃଆ ?” ୧୧ ଏନ୍ ଆମ୍ବାକଏତେ ମିପିୟାଦକକେ ପୁଣ୍ଡି ଲିଜାଃ ଏମ୍ୟାନା । ଇନ୍କୁଆଃ ଗାଡିଦାସିକେ ଆତଃ ହାଗା ମିଶିକକେ ଇନ୍କୁଆଃ ଲେକାଗି ଗନଏଃ ସାଜାଇ ନାମଃଆ, ଇନ୍କୁଆଃ ଗନଏଃ ଆଉରି ପୁରାଃଆ ଜାକେଦ୍ ଆତଃକାଟିଃ ଘାଡ଼ିକାଦ୍ ରୁଡ଼ୁ ନାଙ୍ଗ୍ ଇନ୍କୁକେ କାଜିୟାନା ।

୧୨ ଏନ୍ତେ ଆଇଙ୍ଗ ଏନ୍ ମିଶ୍ଟିହନ୍କେ ତୁରିୟା ମୋହର୍ ରାଡ଼ାତାନ୍ ନେଲ୍କିୟାଇଙ୍ଗ ଇମ୍ତା, ପୁରାଃଗି ଅତେ ଏକ୍ଲାଅୟାନା । ସିଙ୍ଗି, ଉନ୍ତେ ବାଇୟାକାନ୍ କାମ୍ବାଲ୍ ଲେକା ହେନ୍ଦେ ରାଙ୍ଗ୍ ଆତଃ ଚାଣ୍ଡୁ ମାୟୋମ୍ ଲେକା ପୁରା ଆରାଃ ରାଙ୍ଗ୍ୟାନା । ୧୩ ପୁରାଃଗି ହୟକେଦ୍ ହରାତେ ଲଆଦାରୁରାଃ ବେରେଲ୍ ଲଆ ଉୟୁଗଃ ଲେକା, ସିର୍ମାଏତେ ଇପିଲ୍କ ଅତେରେକ ଉୟୁଃୟାନା । ୧୪ ଏନ୍ତେ ପୁଅ୍ କୁଡ଼ାଏ ଲେକା ସିର୍ମା କୁଡ଼ାୟାନା ଆତଃ କା ନେଲଃୟାନା । ବୁରୁ ଆତଃ ଚାପୁକ ମିଦ୍ତାଃଏତେ ଆତଃମିଦ୍ତାଃ ଆତମ୍ୟାନା । ୧୫ ଏନ୍ ଦିପିଲିରେ ଅତେଦିଶୁମ୍ରେନ୍ ସବେନ୍ ରାଜା, ରାଇଜ୍ ଚାଲାଅକ, ପାଲ୍ଚାନ୍କଆଃ ମାରାଙ୍ଗ୍ନିଃ, କିସାଣ୍ଡ, ପେଡ଼େୟାନ୍କ, ଏଟାଃ ସବେନ୍ ହଡ଼କ, ଆଖ୍ରିଙ୍ଗ୍ ଦାସିକ, ତନଲ୍ହେତେ ରାଡ଼ାକାନ୍କ, ବୁରୁରେୟାଃ ସବେନ୍ ଖଡ଼୍ପଃ ଆତଃ ସେରେଙ୍ଗ୍ ଲାତାର୍ ଲାପାଙ୍ଗାତେ ସେନଃୟାନାକ ଆତଃ ଉକ୍ତୟାନାକ । ୧୬ ଏନ୍ତେ ବୁରୁ ଆତଃ ସେରେଙ୍ଗ୍କକେ ହାକାଅକେଦ୍ତେ କାଜିତାଇକେନାକ, “ଆଲେୟାଃ ଚେତାନ୍ରେ ଉୟୁଗଃପେ, ରାଜଗାଦିରେ ଦୁବାକାନ୍ ହଡ଼ତାଃଏତେ ଆତଃ ମିଶ୍ଟିହନ୍ଆଃ ଖ୍ସ୍ଏତେ ଆଲେକେ ଉକ୍ତଲେପେ । ୧୭ ଇନ୍କିନାଃ ଖ୍ସ୍ପରାଃ ବରଞ୍ଜାନ୍ ହୁଲାଙ୍ଗ୍ ସେଟେରାକାନା ଆତଃ ଅକଏ ଏନାରେୟାଃ ବିରୁଧ୍ରେ ତିଙ୍ଗୁ ଦାଡ଼ିୟା ?”

☆ ୬:୧୭ ୬:୧୭ ଉତ୍କଳ କାଜି ୧୧:୧୩; ୧୬:୧୮; ମାଥୁଇ ୨୪:୨୯; ମାର୍କ ୧୩:୨୪,୨୫; ଲୁକ ୨୧:୨୫. ☆ ୬:୧୪ ୬:୧୪ ଉତ୍କଳ କାଜି ୧୬:୨୦. ☆ ୬:୧୭ ୬:୧୭ ଲୁକ ୨୩:୩୦.



୧୪୪,୦୦୦ ଇସ୍ରାଏଲ୍ ହତକ

୧ ନେଆଁ ତାୟମ୍‌ତେ ଆଇଙ୍ଗ୍ ଅତେରେୟାଃ ଉପୁନ୍ କଚାରେ ଉପୁନିୟା ଦୁଁଡକକେ ତିଙ୍ଗୁଆକାନ୍ ନେଲ୍‌କେଦକଆଇଙ୍ଗ୍ । ଇନ୍‌କୁ ଅତେରେୟାଃ ଉପୁନ୍‌ସାଃରେ ହୟକେ କେସେଦକେଦତେ ତାଇକେନାକ । ଏନାତେ ଅତେଦିଶୁମ୍, ଦରେୟା ଚାଏ ଜେତା ଦାରୁରେ କାଚିଃଲେକାହ୍ ହୟ କା ହିଜୁଃତାଇକେନା । ୨ ଆତଃ ଆଇଙ୍ଗ୍ ଏଟାଃ ଆତଃମିଆଁଦ୍ ଦୁଁଡକେ ଜାନିଦ୍ ପାର୍‌ମେଶ୍‌ବାର୍‌ଆଃ ମୋହର୍ ସାବକେଦତେ ସିଙ୍ଗିତୁର୍‌ସାଃଏତେ ହିଜୁଃତାନ୍ ନେଲ୍‌କିୟାଇଙ୍ଗ୍ । ନେ ଦୁଁଡ୍ ଅତେଦିଶୁମ୍ ଆତଃ ଦରେୟାକେ ଜିୟନେ ନାଗେନ୍ତେ ପାର୍‌ମେଶ୍‌ବାର୍ ଅକ ଉପୁନିୟା ଦୁଁଡକକେ ଆକତେୟାର୍ ଏମାକାଦକ ତାଇକେନାଏ, ଇନ୍‌କୁକେ କାଉରିକେଦତେ କାଜିକେଦକଆ, ୩ “ଆଲେ ଆବୁଆଃ ପାର୍‌ମେଶ୍‌ବାର୍‌ଆଃ ଦାସିକଆଃ ମଲ୍‌ଙ୍ଗ୍‌ରେ ମୋହର୍‌ରାଃ ଚିହ୍ନା ଆଉରି ଏମାକ ଜାକେଦ୍ ଅତେଦିଶୁମ୍, ଦରେୟା ଚାଏ ଦାରୁକରାଃ ଜେଡନାଃ ଆଲପେ ନକସାନେୟା ।” ୪ ଅକ ହତକଆଃ ମଲ୍‌ଙ୍ଗ୍‌ରେ ପାର୍‌ମେଶ୍‌ବାର୍‌ଆଃ ମୋହର୍‌ରାଃ ଚିହ୍ନା ଏମ୍‌ୟାନା, ଇନ୍‌କୁ ୧୪୪,୦୦୦ ହତକ ମେନାକଆ ମେନ୍ତେଇଙ୍ଗ୍ ଆୟୁମ୍‌କେଦା । ଇନ୍‌କୁ ଇସ୍ରାଏଲ୍‌ରେନ୍ ଗେଲ୍‌ବାର୍ କିଲିକଆଃ ହତକତାନ୍‌କ । ୫ ଯିହୁଦା କିଲିକଏତେ ୧୨,୦୦୦, ରୁବେନ୍ କିଲିକଏତେ ୧୨,୦୦୦, ଗାଦ୍ କିଲିକଏତେ ୧୨,୦୦୦, ୬ ଆସେର୍ କିଲିକଏତେ ୧୨,୦୦୦, ନପ୍ତାଲି କିଲିକଏତେ ୧୨,୦୦୦, ମନାସି କିଲିକଏତେ ୧୨,୦୦୦, ୭ ଶିମିୟନ୍ କିଲିକଏତେ ୧୨,୦୦୦, ଲେବୀ କିଲିକଏତେ ୧୨,୦୦୦, ଇସାଖର୍ କିଲିକଏତେ ୧୨,୦୦୦, ୮ ସବ୍‌ଲୁନ୍ କିଲିକଏତେ ୧୨,୦୦୦, ଯୋଷେଫ୍ କିଲିକଏତେ ୧୨,୦୦୦, ଆତଃ ବେଞ୍ଜାମିନ୍ କିଲିକଏତେ ୧୨,୦୦୦ ।

ପୁରାଃ ଗାଦେଲ୍ ହତକ

୯ ଏନ୍ତେ ଆଇଙ୍ଗ୍ ପୁରାଃ ଗାଦେଲ୍ ହତକକେଇଙ୍ଗ୍ ନେଲ୍‌କେଦକଆ, ଇନ୍‌କୁକେ ଲେକାଲେକରେ କାକ ଲେକା ଦାଡିୟଃଆ । ଇନ୍‌କୁ ମିପିୟାଦ୍ ଜାତିରେନ୍, କିଲିରେନ୍, ଦିଶୁମ୍‌ରେନ୍, ଆତଃ ଏଟାଃ ଏଟାଃ ଜାଗାର୍‌ତାନ୍ ହତକଏତେ ହିଜାକାନ୍ ତାଇକେନାକ । ଇନ୍‌କୁ ପୁଣି ଲିଜାଃ ତୁସିଙ୍ଗ୍‌କେଦତେ ଆତଃ ତିଃଇରେ କିତା ଢାଉଡା ସାବକେଦତେ, ରାଜଗାଦି ଆତଃ ମିଣ୍ଡିହନ୍‌ଆଃ ଆୟାର୍‌ରେ ତିଙ୍ଗୁଆକାନ୍ ତାଇକେନାକ । ୧୦ ଇନ୍‌କୁ ପୁରାଃ କାଉରିକେଦତେ କାଜିତାଇକେନାକ, “ରାଜଗାଦିରେ ଦୁବାକାନ୍ ପାର୍‌ମେଶ୍‌ବାର୍ ଆତଃ ମିଣ୍ଡିହନ୍ ଏସ୍‌କାର୍ ଆବୁଆଃ ଜୀଉବାଞ୍ଚାଅନିଃ ତାନିଃ ।” ୧୧ ସବେନ୍ ଦୁଁଡକ ରାଜଗାଦି, ପ୍ରାଚିନ୍‌କଆଃ, ଆତଃ ଉପୁନିୟା ଜାତୁକଆଃ ଚାରିୟସାଃରେ ତିଙ୍ଗୁଆକାନ୍ ତାଇକେନାକ । ଇନ୍‌କୁ ରାଜଗାଦି ଆୟାର୍‌ରେ ଅମ୍‌ୟାଃକେଦତେ ପାର୍‌ମେଶ୍‌ବାର୍‌କେ ଜହାର୍‌ତାନ୍‌ଲଃ ଆତଃ ସୁନ୍‌ସାର୍ ରିକାତାନ୍‌ଲଃ ୧୨ କାଜିକେଦାକ, “ଆମେନ୍ ! ସାହାରାଅ, ମାନାରାଙ୍ଗ୍, ସେଣାଁ, ଧାନ୍ୟାବାଦ୍, ମାଇନାନ୍, ପେଡେଃ ଆତଃ ଆୟାଃ ଆକତେୟାର୍ ଜାନାଅ ଜାନାଅ ଆବୁଆଃ ପାର୍‌ମେଶ୍‌ବାର୍‌ଆଃ ହବାଅଃକା ଆମେନ୍ !”

୧୩ ଏନ୍ ପ୍ରାଚିନ୍‌କଏତେ ମିହୁଡନିଃ ଆଇଙ୍ଗ୍‌କେ କୁଲିକେଦିୟାଁ, “ପୁଣି ଲିଜାଃ ତୁସିଙ୍ଗ୍‌ୟାଁକାନ୍ ଏନ୍ ହତକ ଅକଏତାନ୍‌କ ? ଆତଃ ଇନ୍‌କୁ କତାଃଏତେ ହିଜୁଃକାନାକ ?”

୧୪ *ଆଇଙ୍ଗ୍ କାଜିରୁହାଡକେଦାଇଙ୍ଗ୍, “ହେ ମାଇନାନ୍, ଆଇଙ୍ଗ୍ କାଇଙ୍ଗ୍ ସାରି, ଆବେନ୍ ସାରିକାଃବେନ୍ ।” ଇନିଃ ଆଇଙ୍ଗ୍‌କେ କାଜିକେଦିୟାଁ, “ନେ ହତକ ବରଞ୍ଜାନ୍‌ଗି ସାସାତି ନାମ୍‌କେଦତେ ହିଜୁଃକାନାକ । ଇନ୍‌କୁ ମିଣ୍ଡିହନ୍‌ଆଃ ମାୟୋମ୍‌ତେ ଆକଆଃ ଲିଜାଃ ଚାପିକେଦତେ ପୁଣିକାଦାକ । ୧୫ ଏନାମେନ୍ତେ ଇନ୍‌କୁ ପାର୍‌ମେଶ୍‌ବାର୍‌ଆଃ ରାଜଗାଦି ଆୟାର୍‌ରେ ତେରାକେଦତେ ନିଦାସିଙ୍ଗି ଆୟାଃ ମାନ୍‌ର୍ ଅତଃରେ ଆୟାଃ ସୁନ୍‌ସାର୍ ରିକାତାନାକ । ଆତଃ ରାଜଗାଦିରେ ଦୁବାକାନ୍ ହତ ଇନ୍‌କୁକେ ବାଞ୍ଚାଅକଆ । ୧୬ ଇନ୍‌କୁ ଚିଉଲାହ କାକ ରେଙ୍ଗେଜଆଃ ଚାଏ କାକ ତେତାଙ୍ଗ୍‌ଅଃଆ, ସିଙ୍ଗିରାଃ ରାଁପ୍ ଚାଏ ଏଟାଃ ଜେତାନ୍ ରାଁପ୍ ଇନ୍‌କୁକେ କାଏ ଜୁଲ୍ ଦାଡିୟା । ୧୭ ଚିୟାଃଚି ରାଜଗାଦି ଆଲାମାଲ୍‌ରେ ଦୁବାକାନ୍ ମିଣ୍ଡିହନ୍ ଇନ୍‌କୁଆଃ ଗୁପିନିଃ ହବାଅଃଆଏ । ଇନିଃ ଜୀଦାନ୍‌ରେୟାଃ ସେତେଙ୍ଗ୍ ଦାଆଃ ହେପାଦତେ ଇନ୍‌କୁକେ ସୁତୁଃଇଦିକଆ ଆତଃ ପାର୍‌ମେଶ୍‌ବାର୍ ଇନ୍‌କୁଆଃ ମେଦଦାଆଃ ସବେନାଃଏ ଜଦକଆ ।”



ଏୟା ମୋହର୍

୧ ମିଣ୍ଡିହନ୍ ଏୟା ମୋହର୍ ରାଡାକେଦ୍‌ଚି, ସିର୍ମା ଦିଶୁମ୍‌ରେ ଆଧା ଘାଣ୍ଟା ଜାକେଦ୍ ସିଃସଏଃୟାନା । ୨ ଏନ୍ତେ ଆଇଙ୍ଗ୍ ପାର୍‌ମେଶ୍‌ବାର୍‌ଆଃ ଆୟାର୍‌ରେ ତିଙ୍ଗୁଆକାନ୍ ଏୟା ଦୁଁଡକକେଇଙ୍ଗ୍ ନେଲ୍‌କେଦକଆ ଆତଃ ଇନ୍‌କୁକେ ଏୟା ବିଙ୍ଗୁଲ୍‌ବାଜା ଏମ୍‌ୟାନା ।

୩ ଏଟାଃ ଆତଃମିଆଁଦ୍ ଦୁଁଡ୍ ମିଆଁଦ୍ ସୋନାରେୟାଃ ଧୁଆନ୍ ଉରୁବ୍‌ତେୟାଃ ସାବକେଦତେ ବେଦି ଜାପାଃରେ ତିଙ୍ଗୁୟାନା । ରାଜଗାଦି ହେପାଦରେ ତାଇନଃତାନ୍ ସୋନାରେୟାଃ ବେଦି ଚେତାନ୍‌ରେ ପାର୍‌ମେଶ୍‌ବାର୍‌ଆଃ ହତକଆଃ ବିନ୍ତ୍ରିଲଃ ମେସାକେଦତେ ଦାନ୍ ରାକାବେ ନାଙ୍ଗ୍ ଇନିଃକେ ପୁରାଃଗି ଧୁଆନ୍ ଏମ୍‌ୟାନା । ୪ ଏନ୍ ଦୁଁଡ୍‌ଆଃ ତିଃଇରେ ଜୁଲଃତାନ୍ ଧୁଆନ୍‌ରାଃ ସୁଲ୍‌ଲୁଲଃ ପାର୍‌ମେଶ୍‌ବାର୍‌ଆଃ ହତକଆଃ ବିନ୍ତ୍ରି ମେସାକେଦତେ ଚେତାନ୍‌ତେ ରାକାବ୍‌ୟାନା । ୫ *ଏନ୍ତେ ଦୁଁଡ୍

☆ ୭:୧୪ ୭:୧୪ ମାଥ୍‌ଉ ୨୪:୨୧; ମାର୍କ ୧୩:୧୯. ☆ ୮:୫ ୮:୫ ଉତ୍କଳ କାଜି ୧୧:୧୯; ୧୭:୧୮.

ଧୁଆନ୍ ଉତ୍କଳଦେଶରେ ବେଦିରେୟାଃ ସେଙ୍ଗେଲ୍ ପେରେଃକେଦାଏ ଆଡ଼ଃ ଏନାକେ ଅତେରେ ହୁରାଙ୍ଗକେଦା । ନେଆଁ ହରାତେ ରିମିଲ୍ ସାଡ଼ିୟାନା, ହିଚିରକେଦାଏ ଆଡ଼ଃ ଅତେ ଏକ୍ଲଆୟାନା ।

ଏୟା ବିଙ୍ଗୁଲ୍‌ବାଜା

୨ ଏନ୍ତେ ଏୟା ଦୁଁଡ଼କ ଏୟା ବିଙ୍ଗୁଲ୍‌ବାଜା ସାଡ଼ି ନାଙ୍ଗ୍ ସେକାଡ଼ୟାନାକ ।

୩ ପାହିଲା ଦୁଁଡ଼ ବିଙ୍ଗୁଲ୍‌ବାଜା ସାଡ଼ିକେଦ୍‌ଚି ଆରିଲ୍, ସେଙ୍ଗେଲ୍ ଆଡ଼ଃ ମାୟୋମ୍ ଅତେ ଚେତାନରେ ଦୁଲ୍‌ୟାନା । ଏନାତେ ସବେନ୍ ଦାରୁ, ହାରିୟାର୍ ତାସାଦ୍ ଆଡ଼ଃ ଅତେରେୟାଃ ଆପିହିସା ଜୁଲ୍‌ୟାନା ।

୮ ଏନ୍ତେ ଏଟାଃ ଆଡ଼ଃମିଆଁଦ୍ ଦୁଁଡ଼ ଆୟାଃ ବିଙ୍ଗୁଲ୍‌ବାଜା ସାଡ଼ିକେଦ୍‌ଚି ସେଙ୍ଗେଲ୍ ଜୁଲ୍‌ତାନ୍ ଲେକା ମିଆଁଦ୍ ମାରାଙ୍ଗ୍ ଦରେୟାରେ ହୁରାଙ୍ଗୟାନା । ଏନାତେ ଦରେୟାରେୟାଃ ଆପିହିସା ଦାଆଃ, ମାୟୋମ୍ ବାଇୟାନା । ୯ ଦରେୟାରେନ୍ ଜାନିଦ୍ ଜାଁଡୁକଏତେ ଆପିହିସା ଗଏଃୟାନାକ, ଆଡ଼ଃ ଦରେୟାରେୟାଃ ଦାଆଃ ଜାହାଜ୍‌କ ଆପିହିସା ନକ୍‌ସାନ୍‌ୟାନା ।

୧୦ ଏନ୍ତେ ଆପିୟା ଦୁଁଡ଼ ଆୟାଃ ବିଙ୍ଗୁଲ୍‌ବାଜା ସାଡ଼ିକେଦ୍‌ଚି ସିର୍ମାଏତେ ସେଙ୍ଗେଲ୍ ଲୁଠି ଲେକା ଜୁଲ୍‌ତାନ୍ ମିଆଁଦ୍ ମାରାଙ୍ଗ୍ ଇପିଲ୍ ସବେନ୍ ଗାଡ଼ାରେୟାଃ ଆପିହିସା ଆଡ଼ଃ ସେତେଙ୍ଗ୍ ଚେତାନରେ ଉତ୍କଳୟାନା । ୧୧ ଏନ୍ ଇପିଲ୍‌ରାଃ ନୁଡୁମ୍ “ମେହେର୍ ।” ଏନାରେ ଦାଆଃରେୟାଃ ଆପିହିସା ମେହେର୍‌ୟାନା, ଆଡ଼ଃ ଏନ୍ ଦାଆଃ ନୁଁକେଦ୍‌ତେ ପୁରାଃ ହଡ଼କଆଃ ଗନଏଃ ହବାୟାନା ।

୧୨ ଏନ୍ତେ ଉପୁନିୟା ଦୁଁଡ଼ ଆୟାଃ ବିଙ୍ଗୁଲ୍‌ବାଜା ସାଡ଼ିକେଦ୍‌ଚି ସିଙ୍ଗିରାଃ ଆପିହିସା, ଚାଣ୍ଡୁରାଃ ଆପିହିସା, ଆଡ଼ଃ ଇପିଲ୍‌କଆଃ ଆପିହିସା ଜିୟନ୍‌ୟାନା । ଏନାତେ ମାୟାଲ୍‌ରେୟାଃ ଆପିହିସା ନୁବାଃୟାନା । ସିଙ୍ଗିରେୟାଃ ଆପିହିସା ଆଡ଼ଃ ନୁବାଃରେୟାଃ ଆପିହିସା କା ମାୟାଲ୍‌ୟାନା ।

୧୩ ଏନ୍ତେ ଆଇଙ୍ଗ୍ ଆରିଦ୍ ରାକାବ୍‌କେଦାଇଙ୍ଗ୍, ଆଲା ସିର୍ମାରେ ମିଆଁଦ୍ ବାଜ୍ ଅତେ ଆପିର୍‌ତାନଲଃ କାଉରିକେଦ୍‌ତେ କାଜିତାନା, “ହାଏ, ଚିମିନ୍ ବରଞ୍ଜାନଗିୟା ! ଏଟାଃ ଆପିୟା ଦୁଁଡ଼କ ଆକଆଃ ବିଙ୍ଗୁଲ୍‌ବାଜା ସାଡ଼ି ଇମ୍‌ତା, ଅତେଦିଶ୍ୱମ୍‌ରେନ୍ ହଡ଼କଆଃ ଦୁର୍‌ଦାସା ଚିମିନ୍ ବରଞ୍ଜାନଗି ହବାଅଃଆ ।”



୧ ଏନ୍ତେ ମଶେୟା ଦୁଁଡ଼ ବିଙ୍ଗୁଲ୍‌ବାଜା ସାଡ଼ିକେଦ୍‌ଚି, ଆଇଙ୍ଗ୍ ସିର୍ମାଏତେ ମିଆଁଦ୍ ଇପିଲ୍ ଅତେରେ ଉତ୍କଳଗଡ଼ାନ୍ ନେଲ୍‌କିୟାଇଙ୍ଗ୍, ଇନିଃକେ ହୁଆଙ୍ଗ୍‌ଗାଡ଼ାରେୟାଃ ଚାଞ୍ଜି ଏମାକାନ୍ ତାଇକେନା । ୨ ଇନିଃ ହିଜୁଃକେଦ୍‌ତେ ହୁଆଙ୍ଗ୍‌ଗାଡ଼ାରେୟାଃ ଦୁଆର୍ ନିଜ୍‌କେଦ୍‌ଚି, ମିଆଁଦ୍ ମାରାଙ୍ଗ୍ ଭାଚିଏତେ ଅତଙ୍ଗ୍‌ଅଃତାନ୍ ସୁକୁଲ୍ ଲେକା ହୁଆଙ୍ଗ୍‌ଗାଡ଼ାଏତେ ସୁକୁଲ୍ ଅତଙ୍ଗ୍‌ୟାନା, ଆଡ଼ଃ ଏନ୍ ସୁକୁଲ୍ ହରାତେ ସିଙ୍ଗି ଆଡ଼ଃ ସିର୍ମା ଲାତାର୍ ନୁବାଃୟାନା । ୩ ଆଡ଼ଃ ଏନ୍ ସୁକୁଲ୍‌ଏତେ ସନ୍‌ସରେଦ୍‌କ ଅତଙ୍ଗ୍‌କେଦ୍‌ତେ ଅତେରେକ ପାସ୍‌ରାୟାନା । ଇନ୍‌କୁକେ ମାର୍‌ମାର୍ ଲେକା ତୁଡ଼୍ ଦାଡ଼ିରେୟାଃ ପେଡ଼େଃ ଏମ୍‌ୟାନା । ୪ ଅତେରେୟାଃ ତାସାଦ୍, ଆଡ଼ାଃ ଚାଏ ଜେତାନ୍ ଦାରୁକେ ଆଲପେ ନକ୍‌ସାନେୟା, ମେନ୍‌ଦ୍ ଅକନ୍‌କଆଃ ମଲ୍‌ଙ୍ଗ୍‌ରେ ପାର୍‌ମେଶ୍ୱାର୍‌ଆଃ ଚିହ୍ନାଁ କା ତାଇକେନା, ଇନ୍‌କୁଆଃ ଏସ୍‌କାର୍ ନକ୍‌ସାନ୍ ରିକା ନାଗେନ୍ତେ ଏନ୍ ସନ୍‌ସରେଦ୍‌କକେ କାଜିକାନ୍ ତାଇକେନା । ୫ ଆଡ଼ଃ ଏନ୍ ହଡ଼କକେ ଆଲପେ ଗଏଃକଆ, ମେନ୍‌ଦ୍ ମଶେୟା ମାହିଁନା ଜାକେଦ୍ ଦୁକୁ ଏମାକପେ ମେନ୍ତେ ଏନ୍ ସନ୍‌ସରେଦ୍‌କକେ ଆରୁକାନ୍ ତାଇକେନା । ଏନ୍ ଦୁକୁହାସ୍ତୁ, ମାର୍‌ମାର୍‌କଆଃ ତୁଡ଼୍ ଲେକା ହାସୁ ତାଇକେନା । ୬ ଏନ୍ ମଶେୟା ମାହିଁନା ଭିତାରରେ ଦୁକୁହାସୁତାନ୍ ହଡ଼କ ଗନଏଃ ଦାଣ୍ଡାୟାକ, ମେନ୍‌ଦ୍ ଗନଏଃ କାକ ନାମେୟା । ଇନ୍‌କୁ ଗଜଃ ସାନାଙ୍ଗ୍‌ଆଃକ, ମେନ୍‌ଦ୍ ଗନଏଃ ଇନ୍‌କୁତାଃଏତେ ନିରାଃ ।

୭ ଏନ୍ ସନ୍‌ସରେଦ୍‌କ ଲାଡ଼ାଇ ନାଗେନ୍ତେ ସେକାଡ଼ାକାନ୍ ସାଦମ୍ ଲେକାକ ନେଲଃ ତାଇକେନା । ଇନ୍‌କୁଆଃ ବହଃରେ ସୋନାରେୟାଃ ମୁକୁର୍ ଲେକା, ମେଦ୍‌ମୁହାଁଡ଼୍ ହଡ଼କଆଃ ମେଦ୍‌ମୁହାଁଡ଼୍ ଲେକା, ୮ ଉବ୍ କୁଡ଼ିକଆଃ ଉବ୍ ଲେକା ଆଡ଼ଃ ଡାଟା କୁଲାକଆଃ ଡାଟା ଲେକା ତାଇକେନା । ୯ ଇନ୍‌କୁଆଃ କୁଡ଼ାମ୍‌କେ ମେଡ଼େଦ୍‌ତେ ବାଇୟାକାନ୍ ତୁସିୟେନ୍‌ତେୟାଃ ଲେକ୍‌ନାଃଲଃ ପଟ୍‌ମାକାନ୍ ତାଇକେନା ଆଡ଼ଃ ସାଦମ୍ ଗାଡ଼ିତେ ଲାଡ଼ାଇପିଡ଼ି ନିରେତାନ୍ ପୁରାଃଗି ସାଦମ୍‌କଆଃ ଲାବ୍‌ଜା ଲେକା, ଇନ୍‌କୁଆଃ ଆପ୍‌ରବ୍‌ରାଃ ଲାବ୍‌ଜା ଅତଙ୍ଗ୍‌ଅଃ ତାଇକେନା । ୧୦ ଇନ୍‌କୁଆଃ ଚାଆଃଲମ୍ ଆଡ଼ଃ ତୁଡ଼୍‌ତେୟାଃ, ମାର୍‌ମାର୍‌କଆଃ ଚାଆଃଲମ୍ ଆଡ଼ଃ ତୁଡ଼୍‌ତେୟାଃ ଲେକା ତାଇକେନା । ଏନ୍ ଚାଆଃଲମ୍‌ତେ ମଶେୟା ମାହିଁନା ଜାକେଦ୍ ହଡ଼କଆଃ ନକ୍‌ସାନ୍ ରିକା ନାଗେନ୍ତେ ଇନ୍‌କୁକେ ଆକ୍‌ତେୟାର୍ ଏମାକାନ୍ ତାଇକେନା । ୧୧ ଇନ୍‌କୁଆଃ ଚେତାନରେ ମିଆଁଦ୍ ରାଜା ରାଇଜେ ତାଇନାଏ । ଇନିଃ ହୁଆଙ୍ଗ୍‌ଗାଡ଼ାରେନ୍ ମାରାଙ୍ଗ୍ ଦୁଁଡ଼୍ ତାନିଃ । ଏବ୍ରୀ ଜାଗାର୍‌ତେ ଆୟାଃ ନୁଡୁମ୍ ଆବ୍‌ଦୋନ୍ ଆଡ଼ଃ ଗ୍ରୀକ୍ ଜାଗାର୍‌ରେ ଏନ୍ ନୁଡୁମ୍ ହବାଅଃତାନା ଆପୋଲିୟୋନ୍, ଏନାରେୟାଃ ମୁଣ୍ଡି ଜିୟନେନିଃ ।

୧୨ ପାହିଲା ଦୁକୁହାସୁ ଚାବାୟାନା, ଏଟାଃ ଆଡ଼ଃମିଆଁଦ୍ ଦୁକୁହାସୁ ହିଜୁଃତାନା ।

୧୩ ଏନ୍ତେ ତୁରିୟା ଦୁଁଡ଼ ଆୟାଃ ବିଙ୍ଗୁଲ୍‌ବାଜା ସାଡ଼ିକେଦ୍‌ଚି, ପାର୍‌ମେଶ୍ୱାର୍‌ଆଃ ଆୟାରରେ ଦହାକାନ୍ ସୋନା ବେଦିରେୟାଃ ଉପୁନିୟା ଦିରିଙ୍ଗ୍‌ହେତେ ମିଆଁଦ୍ ଲାବ୍‌ଜା ଆୟୁମ୍‌କେଦାଇଙ୍ଗ୍ । ୧୪ ଏନ୍ ଲାବ୍‌ଜା ବିଙ୍ଗୁଲ୍‌ବାଜା ସାବାକାଦ୍ ତୁରିୟା ଦୁଁଡ଼କେ କାଜିକିୟା, “ଇଉପ୍ରାଟିସ୍ ନୁଡୁମ୍‌ତାନ୍ ମାରାଙ୍ଗ୍ ଗାଡ଼ା ହେପାଦ୍‌ରେ ତଲ୍‌କାନ୍ ଉପୁନିୟା ଦୁଁଡ଼କକେ ରାଡ଼ାତାକମେ ।” ୧୫ ଏନାମେନ୍ତେ ନେ ସାଲାକାନ୍ ବାରାଷ୍, ମାହିଁନା, ଦିନ୍ ଆଡ଼ଃ ଘାଡ଼ିରେ, ସବେନ୍ ହଡ଼କଆଃ

ଆପିହିସା ହତକକେ ଗଗଏଃ ନାଗେନ୍ତେ ସେକାଡ଼ାକାନ୍ ଏନ୍ ଉପୁନିୟା ଦୁଢ଼କକେ ରାଡ଼ାୟାନା । ୧୭ ଏନ୍ତେ ଆଇଙ୍ଗ୍ ସାଦମ୍ ଚେତାନରେ ଦୁବକେଦ୍ତେ ଲାଡ଼ାଇତାନ୍ ସିପାଇକ ୨୦୦,୦୦୦,୦୦୦ ତାଇକେନାକ ମେନ୍ତେଇଙ୍ଗ୍ ଆୟୁମ୍‌କେଦା । ୧୭ ଆଡ଼ଃ ଆଇଙ୍ଗ୍ ଦାର୍‌ଶାନରେ ନେ'ଲେକାଇଙ୍ଗ୍ ନେଲ୍‌କେଦା, ଇନ୍‌କୁଆଃ କୁଡ଼ାମ୍‌ରେ ମେଡ଼େଦ୍ତେ ବାଇୟାକାନ୍ ତୁସିୟେନ୍‌ତେୟାଃ, ସେଙ୍ଗେଲ୍ ଲେକା ଆରାଃ, ନିଲିୟା ରାଙ୍ଗ୍, ଆଡ଼ଃ ସାସାଙ୍ଗ୍ ରାଙ୍ଗ୍ ତାଇକେନା । ସାଦମ୍‌କଆଃ କୁଲ୍ ଲେକା ବହଃ ତାଇକେନା ଆଡ଼ଃ ଇନ୍‌କୁଆଃ ମଚାଏତେ ସେଙ୍ଗେଲ୍, ସୁକୁଲ୍ ଆଡ଼ଃ ଗାନ୍ଧାକ୍ ଅଡ଼ଙ୍ଗ୍‌ଆଃ ତାଇକେନା । ୧୮ ଆଡ଼ଃ ଇନ୍‌କୁଆଃ ମଚାଏତେ ଅଡ଼ଙ୍ଗ୍‌ଆଃତାନ୍ ସେଙ୍ଗେଲ୍, ସୁକୁଲ୍ ଆଡ଼ଃ ଗାନ୍ଧାକ୍ ଲେକାନ୍ ନେ ଆପିୟା ଦୁକୁହାସୁତେ ହତକଆଃ ଆପିହିସା ଗଗଏଃ ହବାୟାନା । ୧୯ ସାଦମ୍‌କଆଃ ପେଡ଼େଃ, ଇନ୍‌କୁଆଃ ମେଦ୍‌ମୁହାଁଡ଼୍ ଆଡ଼ଃ ଚାଆଃଲମ୍‌ରେ ତାଇକେନା । ଇନ୍‌କୁଆଃ ଚାଆଃଲମ୍ ବିଙ୍ଗ୍‌କଆଃ ବହଃ ଲେକା ତାଇକେନା ଆଡ଼ଃ ଏନାତେ ଇନ୍‌କୁ ହତକକେ ନକ୍‌ସାନ୍‌କ ତାଇକେନାକ ।

୨୦ ଦୁକୁହାସୁକରେ କା ଜିୟନ୍‌କେଦ୍ତେ ସାରେଜାକାନ୍ ହତକ ଆକଆଃ ଏଡ଼କାନ୍ କାଜି କାମିକଏତେ କାକ ହେୟାଡ଼ିଙ୍ଗ୍‌କେଦା । ଇନ୍‌କୁ ବଙ୍ଗା ସେଞ୍ଜା, ଡିଃଇତେ ବାଇୟାକାନ୍ ସୋନା, ରୁପା, ପିତାଲ୍, ଦିରି ଆଡ଼ଃ ଦାରୁରେୟାଃ ମୁରୁଡ଼କକେ, ଅକନ୍‌କତି କାକ ନେଲ୍ ଦାଡ଼ିୟା, କାକ ଆୟୁମ୍ ଦାଡ଼ିୟା ଆଡ଼ଃ କାକ ସେସେନ୍ ଦାଡ଼ିୟା ଇନ୍‌କୁକେ ସେଞ୍ଜା ନାଙ୍ଗ୍ କାକ ବାଗିକେଦା । ୨୧ ଇନ୍‌କୁ କା ହେୟାଡ଼ିଙ୍ଗ୍‌କେଦ୍ତେ ହଡ଼ ଗଗଏଃ, ଦେଅଁଣା କାମି, ଆପାଙ୍ଗ୍‌ର କାମି, ଆଡ଼ଃ କୁମ୍‌ତୁ କୁମି କାକ ବାଗିକେଦା ।

୧୦

ଦୁଢ଼ ଆଡ଼ଃ ହୁଡ଼ିଙ୍ଗ୍ ମାରି ପୁଥ୍

୧ ଏନ୍ତେ ଆଇଙ୍ଗ୍ ଆଡ଼ଃମିଆଁଦ୍ ପେଡ଼େୟାନ୍ ଦୁଢ଼କେ ସିର୍ମାଏତେ ଆଡ଼ଗୁଃତାନ୍ ନେଲ୍‌କିୟାଇଙ୍ଗ୍ । ଇନିଃ ରିମିଲ୍‌ରେ ଦାନାଙ୍ଗାକାନ୍ ତାଇକେନା ଆଡ଼ଃ ଲୁର୍‌ବିଙ୍ଗ୍* ଆୟାଃ ବହଃରେ ବିୟୁରାକାନ୍ ତାଇକେନା । ଇନିୟାଃ ମେଦ୍‌ମୁହାଁଡ଼୍ ସିଙ୍ଗିଲେକା ଆଡ଼ଃ ଆୟାଃ ବାରାନ୍ କାଚା ସେଙ୍ଗେଲ୍‌ରାଃ ଖୁଣ୍ଟୁ ଲେକା ନେଲଃ ତାଇକେନା । ୨ ଇନିୟାଃ ଡିଃଇରେ ମିଆଁଦ୍ ହୁଡ଼ିଙ୍ଗ୍ ମାରି ପୁଥ୍ ଅଗାଃକାନ୍ ତାଇକେନା । ଇନିଃ ଆୟାଃ ଜମ୍ କାଟାକେ ଦରେୟା ଚେତାନରେ ଆଡ଼ଃ ଲେଙ୍ଗା କାଟାକେ ଅତେ ଚେତାନରେ ଦହକାଦ୍ ତାଇକେନା । ୩ କୁଲାରାଃ ହୁଁକ୍‌ରାଅ ଲେକା ଇନିଃ କାଉରିକେଦ୍ତେ କେଡ଼ାକେଦା, ଏନ୍ ଲେକାଗି ହୁଁକ୍‌ରାଅକେଦ୍ତେ ଏୟା ରିମିଲ୍‌ସାଡ଼ିକ ଇନିୟାଃ କେନେଡ଼ାରାଃ କାଜିରୁହାଡ଼କେଦାକ । ୪ ଇନ୍‌କୁ ଜାଗାରକେନ୍‌ତେୟାଃ, ଏନାକେ ଆଇଙ୍ଗ୍ ଅଲେ ନାଗେନ୍ତେଇଙ୍ଗ୍ ସେକାଡ଼ଃ ତାଇକେନା, ମେନ୍‌ଦ ସିର୍ମାଏତେ ମିଆଁଦ୍ ଲାବ୍‌ଜା ଆୟୁମ୍‌କେଦାଇଙ୍ଗ୍ । ଏନ୍ ଲାବ୍‌ଜା ଆଇଙ୍ଗ୍‌କେ କାଜିକେଦିୟା, “ରିମିଲ୍‌ସାଡ଼ିରେ ଅକଆଃ ଆୟୁମ୍‌କେଦାମ୍, ଏନାକେ ଉକୁକେଦ୍ତେ ଦହେମେ, ଆଲ୍‌ମେ ଅଲେୟା ।”

୫ ଏନ୍ତେ ଆଇଙ୍ଗ୍ ଅକ ଦୁଢ଼କେ ଦରେୟା ଆଡ଼ଃ ଅତେ ଚେତାନରେ ଡିଙ୍ଗୁଆକାନ୍ ନେଲ୍‌କାଇ ତାଇକେନାଇଙ୍ଗ୍, ଇନିଃ ଆୟାଃ ଜମ୍ ଡିଃଇକେ ସିର୍ମାସାଃତେ ଉଠାଅକେଦା, ୬ ଆଡ଼ଃ ଇନିଃ ସିର୍ମା, ଅତେ, ଦରେୟା, ଆଡ଼ଃ ଏନାରେୟାଃ ସବେନ୍ ବିଷାଏକେ ବାଇୟାକାନ୍‌ନିଃ ଜାନାଅ ଜାନାଅ ଜାନିଦ୍ ପାର୍‌ମେଶ୍ୱାର୍‌ଆଃ ନୁଡୁମ୍‌ତେ କିରିୟାକେଦ୍ତେ କାଜିକେଦା, “ଆଡ଼ଃ ଦିପିଲି କା ବିଲମାଃଆ ! ୭ ଏୟା ଦୁଢ଼ ବିଙ୍ଗୁଲ୍‌ବାଜା ସାଡ଼ିୟାଏ ଇମ୍‌ତା, ପାର୍‌ମେଶ୍ୱାର୍ ଆୟାଃ ଦାସିକଆଃ ଆଡ଼ଃ ନାବୀକଆଃ ଆୟାରରେ, ଅକ ସୁକୁକାଜି ଉଦୁବକାଦ୍ ତାଇକେନାଏ, ଏନାକେ ପୁରାଏୟାଏ ।”

୮ ଏନ୍ତେ ସିର୍ମାରେୟାଃ ଏନ୍ ଲାବ୍‌ଜା ଆଇଙ୍ଗ୍‌କେ ଆଡ଼ଃମିସା କାଜିକେଦିୟା, “ଜୁ, ଦରେୟା ଆଡ଼ଃ ଅତେ ଚେତାନରେ ଡିଙ୍ଗୁଆକାନ୍ ଦୁଢ଼ଆଃ ଡିଃଇଏତେ ଅଗାଃକାନ୍ ମାରି ପୁଥ୍ ଇଦିମେ ।”

୯ ଆଇଙ୍ଗ୍ ଦୁଢ଼ତାଃ ସେନ୍‌କେଦ୍ତେ ଏନ୍ ହୁଡ଼ିଙ୍ଗ୍ ମାରି ପୁଥ୍‌କେଇଙ୍ଗ୍ ଆସିକିୟା । ଇନିଃ ଆଇଙ୍ଗ୍‌କେ କାଜିକେଦିୟା, “ନେଆଁ ଇଦିକେଦ୍ତେ ଜମେମେ । ଆମାଃ ଲାହିଦ୍ ନାଗେନ୍ତେ ନେଆଁ ମେହେର୍‌ଗିୟା, ମେନ୍‌ଦ ଆମାଃ ମଚାରେ ନେଆଁ ହୁରୁମ୍‌ସୁକୁ ରାସି ଲେକା ହେଡ଼େମ୍‌ଗିୟା ।”

୧୦ ଆଇଙ୍ଗ୍ ଏନ୍ ହୁଡ଼ିଙ୍ଗ୍ ମାରି ପୁଥ୍‌କେ, ଏନ୍ ଦୁଢ଼ଆଃ ଡିଃଇଏତେ ଇଦିକେଦ୍ତେ ଜମ୍‌କେଦାଇଙ୍ଗ୍ । ଏନା ଆଇଙ୍ଗ୍‌ଆଃ ମଚାରେ ହୁରୁମ୍‌ସୁକୁ ରାସି ଲେକା ହେଡ଼େମ୍‌କେନା, ମେନ୍‌ଦ ଉଦ୍‌କେଦ୍ ତାୟମ୍‌ତେ ଲାହିଦ୍ ଭିତାରରେ ମେହେର୍‌ୟାନା । ୧୧ ଏନ୍ତେ ଜେତାଏ ମିହୁଡ଼୍ ଆଇଙ୍ଗ୍‌କେ କାଜିକେଦିୟା, “ପୁରାଃ ଦିଶୁମ୍, ଜାଡ଼ି, ରାକାମ୍ ରାକାମ୍ ଜାଗାରତାନ୍ ହଡ଼ ଆଡ଼ଃ ରାଜାକଆଃ ବିଷାଏରେ ପାର୍‌ମେଶ୍ୱାର୍‌ଆଃ କାନାଜି, ଆମ୍ ଆଡ଼ଃମିସା ସେନ୍‌କେଦ୍ତେ ଉଦୁବେମେ ।”

୧୧

ବାରିୟା ଗାଞ୍ଜକିନ୍

୧ ଏନ୍ତେ ଜେତାଏ ମିହୁଡ଼୍ ଆଇଙ୍ଗ୍‌କେ ସଙ୍ଗସଗା ଲେକା ମିଆଁଦ୍ ସଗା ଏମ୍‌କେଦ୍ତେ କାଜିକେଦିୟା, “ଜୁ, ପାର୍‌ମେଶ୍ୱାର୍‌ଆଃ ମାନ୍ଦିର୍ ଆଡ଼ଃ ବେଦି ସଙ୍ଗକେଦ୍ତେ, ମାନ୍ଦିର୍‌ରେ ସେଞ୍ଜାତାନ୍ ହତକକେ ଲେକାକମେ । ୨ ☆ମେନ୍‌ଦ

* ୧୦:୧ 10:1 ଇନ୍‌ଧନୁ ☆ ୧୧:୨ ୧୧:୨ ଲୁକ ୨୧:୨୪.

ମାନ୍ଦିର ଅଡ଼ାଠରାଚାକେ ଆଲମ୍ ସଙ୍ଗେୟା । ଚିୟାଠି ଏନାଦ ସାଅଁସାର୍ ହଡ଼କକେ ଏମାକାନା ଆତଃ ଇନ୍କୁ ବାର୍‌ହିସି ବାର୍ ମାହିଁନା ଜାକେଦ୍ ନେ ପାବିତାର୍ ନାଗାର୍‌କେ ଆକଆଃ କାଟାଲଃ ଡିକାଏୟାକ । ୩ ବାସ୍ତା ଲିଜାଃ ତୁସିଙ୍ଗାୟାକାନ୍ ଆଇୟାଃ ବାର୍‌ହଡ଼ ଗାଞ୍ଜାକିନ୍‌କେଇଙ୍ଗ୍ କୁଲ୍‌କେଦ୍‌କିନା । ଇନ୍‌କିନ୍ ୧,୨୬୦ ମାହିଁ ଜାକେଦ୍ ପାର୍‌ମେଶ୍ୱାର୍‌ଆଃ କାନାଜିକେ ଉଦୁବେୟାକିନ୍ ।”

୪ ଏନ୍ ବାରାନ୍ ଗାଞ୍ଜା ହବାଅଃତାନାକିନ୍, ଅତେରେ ପାର୍‌ମେଶ୍ୱାର୍‌ଆଃ ଆୟାର୍‌ରେ ତିଙ୍ଗୁଆକାନ୍ ବାରିୟା ଜାକତୁନ୍ ଦାରୁ ଆତଃ ବାରିୟା ଦିଆ ଦହ ଖୁଣ୍ଟୁ ତାନକିନ୍ । ୫ ଜେତାଏ ଇନ୍‌କିନାଃ ନକ୍‌ସାନ୍ ରିକା ନାଙ୍ଗ୍ ସାନାଙ୍ଗ୍‌ରେଦ୍, ଇନ୍‌କିନାଃ ମଟାଏତେ ସେଙ୍ଗେଲ୍ ଅତଙ୍ଗ୍‌କେଦ୍‌ତେ ବାଇରିକ ଜିୟନଃଆ । ନେଲେକା ଜେତାଏ ଇନ୍‌କିନାଃ ନକ୍‌ସାନ୍ ରିକା ନାଗେନ୍ତେକ ଅତଙ୍ଗ୍‌ଅଃଆ, ଇନ୍‌କୁ ଜିୟନଃଆକ । ୬ ପାର୍‌ମେଶ୍ୱାର୍‌ଆଃ କାନାଜି ଉଦୁବ୍ ଇମ୍‌ତା ସିର୍ମାଏତେ ଦାଆଃ ଆଲକାଏ ଗାମାଏ ମେନ୍ତେ, ସିର୍ମାରେୟାଃ ରିମିଲ୍‌କେ ହକା ନାଗେନ୍ତେ, ସେତେଙ୍ଗ୍ ଦାଆଃ, ମାୟୋମ୍ ହବାଅଃ ନାଗେନ୍ତେ ଆତଃ ଆପାନାଃ ଇଛାସାନାଙ୍ଗ୍ ଲେକା ଅତେରେ ମଣେସା ଦୁକୁହାସୁ ହବାଅଃ ନାଗେନ୍ତେ ଇନ୍‌କିନ୍‌କେ ଆକ୍‌ତେୟାର୍ ଏମାକାନା ।

୭ *ଇନ୍‌କିନ୍ କାନାଜି ଉଦୁବ୍ ଚାବାକେଦ୍ ତାୟମ୍‌ତେ, ହୁଆଙ୍ଗାଡ଼ାଏତେ ମିଆଁଦ୍ ଜାଁତୁ ହିଜୁଃକେଦ୍‌ତେ, ଇନ୍‌କିନ୍‌ଲଃ ଲାପ୍‌ଡ଼ାଇ ରିକାଏୟାଏ । ଇନିଃ ଇନ୍‌କିନ୍‌କେ ହାରାଅକେଦ୍‌ତେ ଗଏଃକିନା । ୮ ଅକ ମାରାଙ୍ଗ୍ ନାଗାର୍‌ରେୟାଃ ହରାରେ ପ୍ରାଭୁ କୁଶ୍‌ରେ କିଲାକାନ୍ ତାଇକେନା, ଏନ୍ତାଃରେ ଇନ୍‌କିନାଃ ଗନଏଃ ହଡ଼ମ୍ ଉୟୁଗାକାନ୍ ତାଇନା । ଏନ୍ ମାରାଙ୍ଗ୍ ନାଗାର୍‌କେ ଆମିକ୍ ଲେକାତେ ସୋଦମ୍ ଚାଏ ମିସାର୍ ମେନ୍ତେ କାଜିୟାଃକ । ୯ ସବେନ୍ ଦିଶୁମ୍‌ରେନ୍ ହଡ଼କ, କିଲିକ, ଏଟାଃ ଏଟାଃ ଜାଗାର୍‌ତାନକ, ଆତଃ ଜାତିରେନ୍ ହଡ଼କ ଆପିୟା ଆତଃ ଆଧା ମାହିଁ ଜାକେଦ୍ ଇନ୍‌କିନାଃ ଗନଏଃ ହଡ଼ମ୍‌କ ନେଲେୟା ଆତଃ ଇନ୍‌କିନ୍‌କେ ତପାଗାଡ଼ାରେ ଜେତାଏ କାକ ତପାକିନା । ୧୦ ନେ ବାରାନ୍‌କିନାଃ ଗନଏଃ ହରାତେ ଅତେଦିଶୁମ୍‌ରେନ୍ ହଡ଼କ ରାସ୍‌କାନାଃକ, ରିଜ୍‌ରାଙ୍ଗ୍‌କେଦ୍‌ତେ ମିହୁଡ଼ ଆତଃମିହୁଡ଼ତାଃତେ ଦାନକ କୁଲେୟା । ତିଆଠି ଏନ୍ ନାବାକିନାଃ ହରାତେ ଅତେଦିଶୁମ୍‌ରେନ୍ ହଡ଼କ ପୁରାଠି ଦୁକୁକ ନାମେ ତାଇକେନା । ୧୧ ମେନ୍‌ଦ୍ ଆପିୟା ଆତଃ ଆଧା ମାହିଁ ତାୟମ୍‌ତେ ପାର୍‌ମେଶ୍ୱାର୍‌ତାଃଏତେ ଜୀଦାନ୍ ଏମଃରେୟାଃ ହୟ ହିଜୁଃକେଦ୍‌ତେ ଇନ୍‌କିନାଃ ହଡ଼ମ୍‌ରେ ବଲୟାନା ଆତଃ ଇନ୍‌କିନ୍ ବିରିଦ୍‌କେଦ୍‌ତେ ତିଙ୍ଗୁୟାନାକିନ୍ । ଅକନ୍‌କ ନେଆଁ ନେଲ୍‌କେଦାକ, ଇନ୍‌କୁ ପୁରାଠି ବରକେଦାକ । ୧୨ ଆତଃ ଏନ୍ ବାରାନ୍ ନାବାକିନ୍ ମିଆଁଦ୍ ଲାବ୍‌ଜା ସିର୍ମାଏତେ କାଜିତାନ୍ ଆୟୁମ୍‌କେଦାକିନ୍, “ନେତାଃତେ ହିଜୁଃବେନ୍ !” ଇନ୍‌କିନାଃ ବାଇରିକ ନେଲ୍ ତାଇକେନ୍ ଇମ୍‌ତାଗି ଇନ୍‌କିନ୍ ରିମିଲ୍‌ରେ ସିର୍ମାତେକିନ୍ ରାକାବ୍‌ୟାନା । ୧୩ *ଏନ୍ ଦିପିଲିରେ ପୁରାଠି ଅତେ ଏକ୍‌ଲାଅୟାନା, ନାଗାର୍‌ରେୟାଃ ଗେଲ୍‌ହିସା ଜିୟନ୍‌ୟାନା ଆତଃ ଅତେ ଏକ୍‌ଲାଅୟାନ୍ ହରାତେ ୭,୦୦୦ ହାଜାର୍ ହଡ଼କ ଗଏଃୟାନାକ । ଜାନିଦ୍ ତାଇକାନ୍ ହଡ଼କ ବରତେ ସିର୍ମାରେନ୍ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍ ରିକାକେଦାକ ।

୧୪ ବାରିୟା ସାଙ୍ଗାଟ୍ ଚାବାୟାନା, ମେନ୍‌ଦ୍ ଆପିୟା ସାଙ୍ଗାଟ୍ ଜାଲ୍‌ଦି ହିଜୁଃତାନା ।

ଏୟା ବିଙ୍ଗୁଲ୍

୧୫ ଏନ୍ତେ ଏୟା ଦୁଁଡ଼ ଆୟାଃ ବିଙ୍ଗୁଲ୍ ସାଡ଼ିକେଦାଏ, ଆତଃ ସିର୍ମାରେ କାଉରିକେଦ୍‌ତେ କାଜିତାନ୍ ମିଆଁଦ୍ ଲାବ୍‌ଜା ଆୟୁମ୍‌ୟାନା, “ଆରୁଆଃ ପ୍ରାଭୁ ଆତଃ ଆୟାଃ ଖୀଷ୍ଟ୍ ଅତେଦିଶୁମ୍‌ରେ ରାଇଜେରେୟାଃ ଆକ୍‌ତେୟାର୍ ନାହିଁଃଦ୍ ଆୟାଃ ଆପ୍‌ନାଃ ତିଃଇରେ ମେନାଃ, ଆତଃ ଇନିଃ ଜାନାଅ ଜାନାଅ ରାଇଜେୟାଏ । ୧୬ ଏନ୍ତେ ପାର୍‌ମେଶ୍ୱାର୍‌ଆଃ ଆୟାର୍‌ରେ ଆକଆଃ ଆପ୍‌ନାଃ ଆପ୍‌ନାଃ ରାଜ୍‌ଗାଦିରେ ଦୁବ୍‌ତାନ୍ ବାର୍‌ହିସି ଉପୁନିୟା ପ୍ରାଚିନ୍‌କ ବହଃ ତିରୁବ୍‌କେଦ୍‌ତେ ପାର୍‌ମେଶ୍ୱାର୍‌କେ ଜହାର୍‌କିୟାକ ଆତଃ ଆୟାଃ ସୁନ୍‌ସାର୍ ରିକାତାନ୍‌ଲଃ, ୧୭ କାଜିକେଦାକ,

“ହେ ପ୍ରାଭୁ, ସବେନ୍ ପେଡେୟାନ୍ ପାର୍‌ମେଶ୍ୱାର୍, ଆମ୍ ତାଇକେନ୍‌ନିଃ ଆତଃ ମେନାମେନିଃ ତାନ୍‌ମେ, ଆଲେ ଆମ୍‌କେ ଧାନ୍ୟାବାଦ୍ ଏମାମେତାନାଲେ, ତିଆଠି ଆମ୍ ପୁରାଃ ପେଡେଃତେ ରାଇଜେ ନାଗେନ୍ତେମ୍ ଏଟେଦ୍‌କାଦା ।

୧୮ ସାଅଁସାର୍ ହଡ଼କ ଖୁସ୍‌ତେ ପେରେଃୟାନାକ,
ଚିୟାଠି ଆମାଃ ଖୁସରାଃ ଦିପିଲି ହିଜୁଃକାନା,
ଗଜାକାନ୍‌କ ବିଚାରଃଆକ ।

ଆମାଃ ଦାସିକକେ, ନାବାକକେ, ପାବିତାର୍ ହଡ଼କକେ ଆତଃ ଅକନ୍‌କ ଆମ୍‌କେ ବରମେତାନ୍
ହୁଡିଙ୍ଗ୍ ଆତଃ ମାରାଙ୍ଗ୍ ସବେନ୍‌କକେ ନାଲା ଏମ୍‌ରେୟାଃ

ଆତଃ ଅକନ୍‌କ ଅତେଦିଶୁମ୍‌କେ ଜିୟନେୟାକ, ଇନ୍‌କୁକେ ହଗି ଜିୟନଃରେୟାଃ ନେଡା ସେଟେରାକାନା ।”

* ୧୧:୭ ୧୧:୭ ଉତ୍କଳ କାଜି ୧୩:୫-୭; ୧୭:୮. * ୧୧:୧୩ ୧୧:୧୩ ଉତ୍କଳ କାଜି ୭:୧୨; ୧୭:୧୮.

୧୯ *ସିର୍ମାରେ ତାଲନଃତାନ୍ ପାର୍ମେଶ୍ଵରୀୟାଃ ମାନ୍ଦିର ନିର୍ଦ୍ଦୟାନ୍ ଆତଃ ମାନ୍ଦିର ଭିତରରେ ରାଜିନାମାରେୟାଃ ବାକ୍ସା ନେଲଃୟାନ୍ । ଏନ୍ତେ ରିମିଲ୍ଲ ହିଚିରକେଦାଏ, ଠେରକେଦାଏ, ଅତେ ଏକ୍ଲାଅୟାନ୍ ଆତଃ ପୁରାଃଗି ଆରିଲ୍ଲ ଉୟଃୟାନ୍ ।

୧୨

ମିଆଁଦ୍ କୁଡ଼ି ଆତଃ ମାରାଜ୍ ବିଜ୍

୧ ଏନ୍ତେ ସିର୍ମାରେୟାଃ ରିମିଲ୍ଲରେ ମିଆଁଦ୍ ଆକ୍ଦାନ୍ଦାଅ ଚିହ୍ନାଁ ନେଲଃୟାନ୍, ଏନ୍ତାଃରେ ମିଆଁଦ୍ କୁଡ଼ି ସିଙ୍ଗିରାଃ ରାଁପ୍ ଲେକା ତୁସିଙ୍ଗିୟାକାନ୍ ତାଲକେନାଏ । ଆୟାଃ କାଟା ଲାତାରରେ ଚାଣ୍ଡୁଆତଃ ବହଃରେ ଗେଲ୍ବାର୍ ଇପିଲ୍ଲରାଃ ମୁକୁର୍ ତାଲକେନା । ୨ ଏନ୍ କୁଡ଼ି ହାମ୍ପାଲ୍ଲରୋଞ୍ଜାକାନ୍ ତାଲକେନାଏ ଆତଃ ହନ୍ ଜାନାମାଃରେୟାଃ ଦୁକୁରେ ହାସୁଲ୍ ନାମେ ତାଲକେନା ।

୩ ସିର୍ମାରେୟାଃ ରିମିଲ୍ଲରେ ଆତଃମିଆଁଦ୍ ଚିହ୍ନାଁ ନେଲଃୟାନ୍ । ଏନ୍ତାଃରେ ଆଇଜ୍ ଆରାଃ ରାଜ୍ରେନ୍ ମିଆଁଦ୍ ମାରାଜ୍ ବିଜ୍ ନେଲ୍କିୟାଇଜ୍, ଇନିୟାଃ ଏୟା ବହଃ, ଗେଲ୍ ଦିରିଜ୍ ଆତଃ ମିପିଆଦ୍ ବହଃରେ ମିପିଆଦ୍ ମୁକୁର୍ ତାଲକେନା । ୪ ଇନିଃ ଆୟାଃ ଚାଆଃଲମ୍ତେ ସିର୍ମାରେନ୍ ଆପି ହିସା ଇପିଲ୍ଲକକେ ଅତେରେ ହୁରାଜ୍କେଦକଥା । ଏନ୍ କୁଡ଼ିରାଃ ହନ୍ ଜାନାମାୟାନ୍ତି, ଇନିଃକେ ଉଦି ନାଗେନ୍ତେ ମାରାଜ୍ ବିଜ୍ ଏନ୍ କୁଡ଼ିଆଃ ଆୟାରରେ ତିଲ୍ଲୁୟାନ୍ । ୫ ଏନ୍ତେ ଏନ୍ କୁଡ଼ି, କଡ଼ାହନ୍ ଜାନାମକିୟାଏ, ଇନିଃ ସବେନ୍ ଦିଶ୍ଵମ୍କେ ମିଆଁଦ୍ ମେଡେଦ୍ ସଟାତେ ରାଲ୍ଜେୟା । ମେନ୍ଦ ଏନ୍ ହନ୍କେ ଛଡ଼ାଅ ଇଦିକେଦ୍ତେ ପାର୍ମେଶ୍ଵରୀୟାଃ ରାଜ୍ଗାଦି ଆୟାରରେ ଇଦିୟାନ୍ । ୬ ଆତଃ ଏନ୍ କୁଡ଼ି ବିରତେ ନିର୍ୟାନ୍ । ଏନ୍ତାଃରେ ୧,୨୬୦ ମାହାଁ ଜାକେଦ୍ ଆୟାଃ ତାଲନଃ ନାଗେନ୍ତେ ପାର୍ମେଶ୍ଵର ଠାୟାଦ୍ ବାଲକେଦାଏ ।

୭ *ଏନ୍ତେ ସିର୍ମାରେ ମାପାଃତୁପୁଇଜ୍ ଏନେଚେଦୟାନ୍ । ମିଖେଲ୍ ଆତଃ ଆୟାଃ ଦୁଁଡକ୍, ଏନ୍ ମାରାଜ୍ ବିଜ୍ ଆତଃ ଆଇଃକକେ ଅତଜ୍ତାନ୍ ଦୁଁଡକଲଃ ଲାପାଡ଼ାଇୟାନ୍ । ୮ ମେନ୍ଦ ଲାପାଡ଼ାଇରେ ମାରାଜ୍ ବିଜ୍ ଆତଃ ଆଇଃକକେ ଅତଜ୍ତାନ୍ ଦୁଁଡକ କାକ ଜିତାଅ ଦାଡ଼ିୟାନ୍ ଆତଃ ଇନ୍କୁ ସିର୍ମାରେ ଠାୟାଦ୍ କାକ ନାମକେଦା । ୯ *ଏନ୍ ମାରାଜ୍ ବିଜ୍ ହବାଅଃତାନାଏ, ସବେନ୍ ଅତେଦିଶ୍ଵମ୍କେ ବେଦାକାଦ୍ ମାରି ମାରାଜ୍ ବିଜ୍, ସାଏତାନ୍; ଆୟାଃ ଦୁଁଡ ଆତଃ ପେଡେୟାନ୍ ଝୁଣ୍ଡଲଃ ଅତେଦିଶ୍ଵମ୍ରେ ହୁରାଜ୍ୟାନ୍ ।

୧୦ ଏନ୍ତେ ଆଇଜ୍ ସିର୍ମାରେ ପୁରାଃ କାଉରିକେଦ୍ତେ ମିଆଁଦ୍ ଲାବ୍ଜା ଆୟୁମ୍କେଦାଇଜ୍, “ନାହାଁଃଦ ପାର୍ମେଶ୍ଵରୀୟାଃ ଜୀଉବାଞ୍ଚାଅ ସେଚେରାକାନା । ଆୟାଃ ପୁରାଃ ପେଡେଃ, ରାଲ୍ଜ ଆତଃ ଆୟାଃ ମାସିଆଃ ଆକ୍ତେୟାର୍ ଉଦୁବାକାନା । ଅକ ଫାଁସ୍ରିରେ ଉୟଃ ନାଜ୍ ନିଦାସିଜ୍ ପାର୍ମେଶ୍ଵରୀୟାଃ ଆୟାରରେ ତିଲ୍ଲୁକେଦ୍ତେ, ଆରୁଆଃ ହାଗା ମିଶିକଆଃ ବିରୁଧ୍ରେ ହସଡ୍ କାଜିନିଃ ତିସିଜ୍ ସିର୍ମାଏତେ ହୁରାଜ୍ ଏଣ୍ଡାଃକାନା । ୧୧ ମିଶ୍ଵିହନ୍ଆଃ ମାୟୋମ୍ରାଃ ପେଡେଃତେ ଆତଃ ଆକଆଃ ଗାଞ୍ଜରେୟାଃ କାଜି ଉଦୁବ୍ ହରାତେ ଆରୁଆଃ ହାଗା ମିଶିକ ଜିତାଅକାନାକ, ଆତଃ ଗନ୍ଏଃ ଜାକେଦ୍ ଇନ୍କୁ ଆକଆଃ ଆପ୍ନାଃ ଜୀଉକେ କା ଦୁଲ୍ଲାଡ଼କେଦ୍ତେ ଜୀଉ ଏମ୍ ନାଗେନ୍ତେ ସେକାଡ଼ାକାନ୍ ତାଲକେନାକ । ୧୨ ଏନାତେ ସିର୍ମା ଆତଃ ସିର୍ମାରେ ତାଲନତାନ୍ ସବେନ୍କ ରାସ୍କାଅଃପେ । ମେନ୍ଦ ହାଏ, ଅତେ ଆତଃ ଦରେୟାରେନ୍ ସବେନ୍କ, ଆପେୟାଃ ଦୁରଦାସା ଚିମିନ୍ ବରଞ୍ଜାନିଆ ! ନାହାଁଃ ସାଏତାନ୍ ଆପେତାଃରେ ପୁରାଃଗି ଖ୍ଵକାନା, ଚିଆଃଚି ଇନିଃ ସାରିତାନାଏ ଆୟାଃ ନେଡା ପୁରାୟାନ୍ରିଆ ।”

୧୩ ଏନ୍ ମାରାଜ୍ ବିଜ୍ ଆପାନ୍କେ ଅତେରେ ହୁରାଜ୍କାନ୍ ନେଲ୍କେଦ୍ତେ ଏନ୍ ହନ୍ ଜାନାମାକାଲ୍ କୁଡ଼ିଆଃ ଦୟା ଦୟା କୁଦାଅକିୟାଏ । ୧୪ ଏନ୍ ବିଜ୍ତାଃଏତେ ବାଞ୍ଚାଅଃ ନାଗେନ୍ତେ, ଏନ୍ କୁଡ଼ିକେ ବାଜ୍ ଅଡେରାଃ ବାରିୟା ମାପ୍ରାଜ୍ ଆପ୍ରବ୍ ଏମ୍ୟାନ୍ । ଏନାଃଲଃ ଇନିଃ ବିରତେ ଆପିର୍ୟାନ୍ ଆତଃ ଏନ୍ତାଃରେ ଆପିୟା ଆତଃ ଆଧା ବାରାଷ୍ ଜାକେଦ୍ ରୁଗିଲେକା ତାଲକେଦ୍ତେ ଆସୁଲ୍ୟାନ୍ । ୧୫ ଏନ୍ତେ ଏନ୍ କୁଡ଼ି ଗାଡ଼ାରେୟାଃ ଦାଆଃରେ ଆତୁଃକାଏ ମେନ୍ତେ ମାରାଜ୍ ବିଜ୍ ଆୟାଃ ମଟାଏତେ ଚୁଡ଼ା ଦାଆଃ ପୁରକାଅ ଅତଜ୍ତକେଦାଏ । ୧୬ ମେନ୍ଦ ଏନ୍ କୁଡ଼ିକେ ବାଞ୍ଚାଅ ନାଗେନ୍ତେ ଅତେ ଆୟାଃ ମଟା ଅଟାଃକେଦ୍ତେ, ମାରାଜ୍ ବିଜ୍ରାଃ ମଟାଏତେ ଅତଜ୍ତାଃତାନ୍ ସବେନ୍ ଚୁଡ଼ା ଦାଆଃ ନୁଁ ଆଞ୍ଜେଦ୍ କେଦାଏ । ୧୭ ଏନାରେ ମାରାଜ୍ ବିଜ୍ ଏନ୍ କୁଡ଼ି ଚେତାନ୍ରେ ପୁରାଃଗି ଖ୍ଵୟାନ୍ ଆତଃ ଆୟାଃ କିଲିରେନ୍ ସାରେଜାକାନ୍ ହନ୍କଲଃ ଲାପ୍ଡାଇ ନାଗେନ୍ତେ ଅତଜ୍ତୟାନ୍ । ଅକନ୍କ ପାର୍ମେଶ୍ଵରୀୟାଃ ଆନ୍ତୁକ୍ ମାନାତିଜ୍ ତାନା ଆତଃ ଯାଶୁଆଃ ବିଷାଏରେ ଗାଞ୍ଜା ଏମାଃକ, ଇନ୍କୁ ଆୟାଃ ହନ୍କ ତାନ୍କ । ୧୮ ଆତଃ ଏନ୍ ମାରାଜ୍ ବିଜ୍ ଦରେୟା ଗେନାରେ ତିଲ୍ଲୁୟାନ୍ ।

୧୩

ବାରିୟା ଜାଁତୁ

* ୧୧:୧୯ ୧୧:୧୯ ଉତ୍କଳ କାଳି ୮:୫; ୧୭:୧୮; ଉତ୍କଳ କାଳି ୧୭:୨୧. ☆ ୧୨:୭ ୧୨:୭ ଯିହୁଦା ୧:୯. ☆ ୧୨:୯ ୧୨:୯ ଲୁକ ୧୦:୧୮.

୧୧ ଏନ୍ତେ ଆଇଙ୍ଗ ଦରେୟାଏତେ ମିଆଁଦ୍ ଜାଁତୁକେ ରାକାବ୍‌ତେୟା ନେଲ୍‌କିୟାଇଙ୍ଗ । ଇନିୟାଃ ଗେଲ୍ ଦିରିଙ୍ଗ୍ ଆତଃ ଏୟା ବହଃ ତାଇକେନା । ମିପିଆଦ୍ ଦିରିଙ୍ଗ୍‌କରେ ମିପିଆଦ୍ ମୁକୁଟ୍ ଆତଃ ମିପିଆଦ୍ ବହଃକରେ ପାର୍‌ମେଶ୍‌ବରକେ ନିନ୍ଦାଇ ମିପିଆଦ୍ ନୁତୁମ୍ ଅଲ୍‌କାନ ତାଇକେନା । ୧୨ ଆଇଙ୍ଗ ନେଲ୍‌କାଇ ଜାଁତୁ କୁଲା ଲେକାଏ ତାଇକେନା, ଇନିୟାଃ କାଟା ଭାଲୁରାଃ କାଟା ଲେକା ଆତଃ ଇନିୟାଃ ମଟା ସିଂହରାଃ ମଟା ଲେକା ତାଇକେନା । ଏନ୍ ମାରାଙ୍ଗ୍ ବିଙ୍ଗ୍ ଦରେୟା ଗେନାରେ ତାଇକେଦ୍‌ତେ, ଆୟାଃ ସବେନ୍ ପେଡ଼େଃ ରାଜ୍‌ଗାଦି ଆତଃ ମାରାଙ୍ଗ୍ ଆକ୍‌ତେୟାର୍ ଆଇଃକ୍‌କେ ଏମ୍‌ୟାନା । ୧୩ ଜାଁତୁରାଃ ମିଆଁଦ୍ ବହଃ ଅମ୍‌ଗାଗି ଠଗାକାନ ଲେକା ଆର୍‌କାରଃ ତାଇକେନା । ମେନ୍‌ଦ୍ ଘାଅକାନ୍‌ତାଃ ବୁଗିକାନ୍ ତାଇକେନା ଆତଃ ଗଟା ଅତେଦିଶ୍‌ମ୍‌ରେ ସବେନ୍‌କ ଆକ୍‌ଦାନ୍‌ଅକେଦ୍‌ତେ ଜାଁତୁକେ ଅତଙ୍ଗ୍‌କିୟାକ । ୧୪ ଆତଃ ସବେନ୍‌କ ଏନ୍ ମାରାଙ୍ଗ୍ ବିଙ୍ଗ୍‌କେ ସୁନ୍‌ସାର୍‌କିୟାକ, ଚିଆଃଚି ଇନିଃ ଆୟାଃ ପେଡ଼େଃ ଏନ୍ ଜାଁତୁକେ ଏମ୍‌କିୟା । ଇନ୍‌କୁ ଜାଁତୁକେହଗି ସୁନ୍‌ସାର୍‌କେଦ୍‌ତେ କାଜିକେଦାକ, “ଅକଏ ନେ ଜାଁତୁ ଲେକାଏ ହବାଦାଡ଼ିୟାଆ ? ଅକଏ ଆୟାଃଲଃ ଲାଡ଼ାଇ ଦାଡ଼ିୟାଏ ?”

୧୫ ଏନ୍ ଜାଁତୁକେ ପାର୍‌ମେଶ୍‌ବରଆଃ ବିରୁଧ୍‌ରେ ହିଲ୍‌ଲ୍‌କାଜି ଆତଃ ନିନ୍ଦାଇ କାଜିକ କାଜି ନାଗେନ୍ତେ ଆରୁକାନା, ଆତଃ ବାର୍‌ହସି ବାର୍ ମାହ୍‌ନା ଜାକେଦ୍ ଆକ୍‌ତେୟାର୍‌ରେ ନାଗେନ୍ତେ ଇନିଃକେ ଆରୁକାନ ତାଇକେନା । ୧୬ ଏନ୍ ଜାଁତୁ ପାର୍‌ମେଶ୍‌ବରଆଃ ବିରୁଧ୍‌ରେ କାଜି ଏଟେଦ୍‌କେଦ୍‌ତେ, ଆୟାଃ ନୁତୁମ୍, ଆୟାଃ ତାଇନଃ ଠାୟାଦ୍, ଆତଃ ସିର୍‌ମାରେ ତାଇନତାନ୍ ସବେନ୍‌କକେ ନିନ୍ଦାକେଦ୍‌କଆ । ୧୭ ପାର୍‌ମେଶ୍‌ବରଆଃ ହଡ଼କଆଃ ବିରୁଧ୍‌ରେ ଲାଡ଼ାଇକେଦ୍‌ତେ ଇନ୍‌କୁକେ ହାରାଅ ନାଗେନ୍ତେ ଇନିଃକେ ଆକ୍‌ତେୟାର୍ ନାମ୍‌ୟାନା ଆତଃ ମିପିଆଦ୍ କିଲି, ଦିଶ୍‌ମ୍, ଏଟାଃ ଏଟାଃ ଜାଗାର୍‌ତାନ୍ ଆତଃ ଜାତିକଆଃ ଚେତାନ୍‌ରେ ଇନିଃକେ ଆକ୍‌ତେୟାର୍ ଏମ୍‌ୟାନା । ୧୮ ଅତେଦିଶ୍‌ମ୍‌ରାଃ ଏନେଟେଦ୍ ସିଦାରେ ଅକନ୍ ହଡ଼କଆଃ ନୁତୁମ୍ ଦାଣ୍ଟେ ରାକାବଃତାନ୍ ମିଶ୍‌ତିହନ୍‌ଆଃ ଜୀଦାନ୍ ପୁଥ୍‌ରେ ଅଲ୍‌କାନ ତାଇକେନା, ଇନ୍‌କୁକେ ବାଗିକେଦ୍‌ତେ ଅତେଦିଶ୍‌ମ୍‌ରେନ୍ ଏଟାଃ ସବେନ୍‌କ ଏନ୍ ଜାଁତୁରାଃ ସୁନ୍‌ସାର୍ ରିକାଏୟାକ ।

୧୯ ଆୟୁମ୍ ନାଗେନ୍ତେ ଲୁତୁର୍ ମେନାଃନିଃ ଆୟୁମେକାଏ । ୨୦ ପାର୍‌ମେଶ୍‌ବରଆଃ ସାନାଙ୍ଗ୍ ଲେକାତେ, ଜେତାଏ ତଲ୍ ଇଦିୟାଃନିଃ ସାର୍‌ତିଗି ତଲ୍ ଇଦିୟାଃଆ । ଜେତାଏ ଏଟାଃନିଃକେ ତାରାଉଡ଼ିତେ ମାଆଃ ଗଜିନିଃ, ଆଇଃକ୍‌ଗି ତାରାଉଡ଼ିତେ ମାଆଃ ଗଜଃଆ । ନେ ଦିପିଲିରେ ପାର୍‌ମେଶ୍‌ବରଆଃ ହଡ଼କ ନାଗେନ୍ତେ ଧ୍‌ରାଜ୍ ଆତଃ ବିଶ୍‌ସ୍‌ ତାଇନଃଗି ଲାଗାଡ଼ିଙ୍ଗ୍‌ୟାଃ ।

୨୧ ଏନ୍ତେ ଆଇଙ୍ଗ୍ ଆତଃମିଆଁଦ୍ ଜାଁତୁକେ ଅତେହେତେ ଚେତାନ୍‌ତେ ବିରିଦ୍ ରାକାବ୍‌ତେୟା ନେଲ୍‌କିୟାଇଙ୍ଗ୍ । ମିଶ୍‌ତିହନ୍‌ଆଃ ଦିରିଙ୍ଗ୍ ଲେକାଗି ଇନିୟାଃ ବାରିୟା ଦିରିଙ୍ଗ୍ ତାଇକେନା ଆତଃ ଇନିଃ ମାରାଙ୍ଗ୍ ବିଙ୍ଗ୍ ଲେକାଏ ଜାଗାର୍‌ତାନ୍ ତାଇକେନା । ୨୨ ଏନ୍ ଏଟାଃ ଜାଁତୁ ପାହିଲା ଜାଁତୁରାଃ ନେପେଲ୍‌ରେ ଆୟାଃ ପେଡ଼େଃକେ ଉଦୁବ୍‌କେଦା । ଆତଃ ଏନ୍ ପାହିଲା ଜାଁତୁ, ଅକଏୟାଃଚି ଘାଅ ବୁଗିୟାକାନ ତାଇକେନା, ଇନିୟାଃ ସୁନ୍‌ସାର୍ ରିକା ନାଗେନ୍ତେ ଅତେଦିଶ୍‌ମ୍‌ରେନ୍ ସବେନ୍‌କକେ ଜାବାର୍‌ଜାସ୍ତିକେଦ୍‌କଆ । ୨୩ ଏଟାଃ ଜାଁତୁ ପୁରାଃ ଆକ୍‌ଦାନ୍‌ଅ କାମିକଏ କାମିକେଦା । ସବେନ୍‌କଆଃ ଆୟାର୍‌ରେ ସିର୍‌ମାଏତେ ଅତେରେ ସେଙ୍ଗେଲ୍‌ଗାମା ଗାମାଇଚିକେଦାଏ । ୨୪ ଆତଃ ପାହିଲା ଜାଁତୁରାଃ ତାଇନଃ ଦିପିଲିରେଗି, ନେ'ଲେକା ପୁରାଃଗି ଆକ୍‌ଦାନ୍‌ଅ କାମିକ ରିକାକେଦ୍‌ତେ ଅତେଦିଶ୍‌ମ୍‌ରେନ୍ ସବେନ୍‌କକେ ବେଦାକେଦ୍‌କଆ । ତାରାଉଡ଼ିତେ ମାଆଃକାନ୍‌ରେୟ, ବାଞ୍ଚାଅକାନ୍ ପାହିଲା ଜାଁତୁରାଃ ମାଇନଃ ନାଙ୍ଗ୍ ଆୟାଃ ମିଆଁଦ୍ ମୁରୁଡ଼ ବାଇ ନାଗେନ୍ତେ ଏଟାଃ ଆତଃମିଆଁଦ୍ ଜାଁତୁ ହଡ଼କକେ ଆରୁକେଦ୍‌କଆ । ୨୫ ପାହିଲା ଜାଁତୁରାଃ ମୁରୁଡ଼ ଜେ'ଲେକା ଜାଗାର୍ ଦାଡ଼ିୟାଏ ଆତଃ ଏନ୍ ମୁରୁଡ଼କେ କାକ ସୁନ୍‌ସାର୍‌ତାନ୍ ହଡ଼କକେ ଜେ'ଲେକା ଗନ୍‌ଏଃ ସାଜାଇ ଏମଃଆ, ଏନାମେନ୍ତେ ଏଟାଃ ଆତଃମିଆଁଦ୍ ଜାଁତୁକେ ଏନ୍ ମୁରୁଡ଼ରେ ଜାଉ ଏମ୍‌ରେୟାଃ ଆକ୍‌ତେୟାର୍ ଏମ୍‌ୟାନା । ୨୬ ହୁଡ଼ିଙ୍ଗ୍ ଆତଃ ମାରାଙ୍ଗ୍, ଗାରିବ୍ ଆତଃ କିସାଁଣ, ଦାସିକାନ୍ ଆତଃ କା ଦାସିକାନ୍, ସବେନ୍‌କକେ ଇନ୍‌କୁଆଃ ଜମ୍‌ଡ଼ିଃଇରେ ଚାଏ ମଲ୍‌ଙ୍ଗ୍‌ରେ ମିଆଁଦ୍ ଖଦାକାନ୍ ଚିହ୍ନାଁ ଦହ ନାଗେନ୍ତେ ଇନିଃ ଜାବାର୍‌ଜାସ୍ତି କେଦ୍‌କଆଏ । ୨୭ ଅକ ହଡ଼ ଏନ୍ ଜାଁତୁରାଃ ନୁତୁମ୍ ଚାଏ ଆୟାଃ ନୁତୁମ୍‌ରାଃ ନାମ୍‌ବାର୍ କାଏ ଖଦାକାନ୍‌ଗିୟା, ଇନିଃ ଜେଡ଼ନାଃ କିରିଙ୍ଗ୍ ଚାଏ ଆଖିରିଙ୍ଗ୍ କାଏ ଦାଡ଼ିୟା ।

୨୮ ନେତାଃରେ ସେଣାଁ ତାଇନଃ ଲାଗାଡ଼ିଙ୍ଗ୍‌ୟାଃ । ଏନ୍ ଜାଁତୁରାଃ ନାମ୍‌ବାର୍ ସେଣାଁନ୍ ହଡ଼ ଏସ୍‌କାର୍ ସାରି ଦାଡ଼ିୟାକ । ଚିଆଃଚି ନେ ନାମ୍‌ବାର୍ ମିଆଁଦ୍ ହଡ଼ରାଃ ନାମ୍‌ବାର୍ ତାନାଃ, ଏନା ହବାଅଃତାନା ୨୨୭ ।

୧୪

ମିଶ୍‌ତିହନ୍ ଆତଃ ଆଇଃକ୍‌କେ ଅତଙ୍ଗ୍‌ଇତାନକ

୧୧ ଏନ୍ତେ ଆଇଙ୍ଗ୍ ଏନ୍ ମିଶ୍‌ତିହନ୍‌କେ ସିନାଇ ବୁରୁରେ ତିଙ୍ଗୁଆକାନ ନେଲ୍‌କିୟାଇଙ୍ଗ୍ ଆତଃ ଇନିଃଲଃ ୧୪୪,୦୦୦ ହଡ଼କ ତାଇକେନାକ । ଇନ୍‌କୁଆଃ ମଲ୍‌ଙ୍ଗ୍‌ରେ ମିଶ୍‌ତିହନ୍ ଆତଃ ଆୟାଃ ଆପୁଆଃ ନୁତୁମ୍ ଅଲ୍‌କାନ ତାଇକେନା । ୧୨ ଏନ୍ତେ ଆଇଙ୍ଗ୍ ପୁରାଃଗି ଲିଙ୍ଗିୟାଃତାନ୍ ସେତେଙ୍ଗ୍ ଦାଆଃରାଃ ସାଡ଼ି ଆତଃ ରିମିଲ୍ ସାଡ଼ି ଲେକା ମିଆଁଦ୍ ସାଡ଼ି ସିର୍‌ମାଏତେଇଙ୍ଗ୍ ଆୟୁମ୍‌କେଦା । ବାନାମ୍ ସାଡ଼ିତାନ୍‌କଆଃ ବାନାମ୍ ସାଡ଼ି ଲେକା ଆୟୁମଃ ତାଇକେନା । ୧୩ ଅତେଦିଶ୍‌ମ୍‌ରେ ମୁଲ୍‌ତି ନାମାକାଦ୍

☆ ୧୩:୧ ୧୩:୧ ଉତ୍କଳ କାଜି ୧୭:୩,୭-୧୨. ☆ ୧୪:୧ ୧୪:୧ ଉତ୍କଳ କାଜି ୭:୩.

ଏନ୍ ୧୪୪,୦୦୦ ହଡକ, ସିର୍ମାରେୟାଃ ରାଜଗାଦି, ଉପୁନିୟା ଜାଁତୁକଆଃ ଆତଃ କାଲିସିୟାରେନ୍ ପ୍ରାଚିନ୍‌କଆଃ ଆୟାରରେ ତିକୁୟାନାକ । ଇନ୍‌କୁ ନାଞ୍ଜାଦୁରାଙ୍ଗ ଦୁରାଙ୍ଗ ତାଇକେନାକ । ଇନ୍‌କୁକେ ବାରିକେଦ୍‌ତେ ଆତଃଜେତାଏ କାକ ଦୁରାଙ୍ଗ ଦାଡ଼ିତାଇକେନା । ସବେନ୍ ମାନଞ୍ଜାକଏତେ ଇନ୍‌କୁ ଏସ୍‌କାର୍ ଜୀଉବାଞ୍ଚାଅ ନାମାକାଦ୍ ତାଇକେନାକ ।^୪ ଇନ୍‌କୁ କୁଡ଼ିକଲଃ ହଡ଼ମରେୟାଃ ଏଡ଼କାନ୍ କାମି ଚିଉଲାଅ କା ରିକାକେଦ୍‌ତେ କା ସଡ଼ରାକାନ୍ ତିଶ୍ଟାଗିକ ତାଇକେନା, ଆତଃ ସବେନ୍ ଇମ୍‌ତା ମିଣ୍ଡିହନ୍‌କେ ଅତଙ୍ଗତାନ୍ ହଡ଼କ ତାଇକେନା । ଇନ୍‌କୁ ମାନଞ୍ଜାକ ଆଲାଏତେ ମୁକ୍ତି ନାମ୍‌କେଦ୍‌ତେ ପାର୍‌ମେଶ୍ଵାର୍ ଆତଃ ମିଣ୍ଡିହନ୍‌ତାଃରେ ଦାନ୍ ରାକାବାକାନାକ ।^୫ ଇନ୍‌କୁ ଚିଉଲାଅ ହସଡ଼କାଜି କାକ କାଜି, ଆତଃ ପୁରାଗି ବେଗାର୍ ଚିଟାକାନ୍ ହଡ଼କ ତାନ୍‌କ ।

ଆପିୟା ଦୁଁଡ଼

^୬ ଏନ୍ତେ ଆଇଙ୍ଗ ଏଗାଃ ମିଆଁଦ୍ ଦୁଁଡ଼କେ ଆଲା ସିର୍ମାରେ ଆଫିରତାନ୍ ନେଲ୍‌କିୟାଇଙ୍ଗ । ଅତେରେନ୍ ସବେନ୍ ହଡ଼, କିଲି, ଏଗାଃ ଏଗାଃ ଜାଗାରତାନ୍‌କ ଆତଃ ଦିଶୁମ୍‌ରେନ୍ ହଡ଼କଆଃ ଆୟାରରେ ପାର୍‌ମେଶ୍ଵାର୍‌ଆଃ ଏନ୍ ଜାନାଅ ଜାନାଅରେୟାଃ ସୁକୁକାଜି ଉଦ୍‌ବତାନାକ ।^୭ ଇନିଃ କାଉରିକେଦ୍‌ତେ କାଜିତାଇକେନା, “ପାର୍‌ମେଶ୍ଵାର୍‌କେ ବରଇପେ, ଆୟାଃ ମାନାରାଙ୍ଗ ରିକାଏପେ, ଚିଆଃଚି ମାନଞ୍ଜାରାଃ ବିଚାର୍ ନେତା ସେଟେରାକାନା । ସିର୍ମା, ଅତେ, ଦରେୟା ଆତଃ ସେତେଙ୍ଗ ବାବାଇନିୟାଃ ସୁନ୍‌ସାର୍ ରିକାଏପେ ।”

୮ ^୫ଏନ୍ ପାହିଲା ଦୁଁଡ଼ଆଃ ତାୟମତେ ଏଗାଃ ଦୁଁଡ଼ କାଜିକେଦାଏ, “ଅକ ମାରାଙ୍ଗ ନାଗାର୍ ବାବିଲୋନ୍, ସବେନ୍ ହଡ଼କକେ ଆୟାଃ ଆପାଙ୍ଗିର୍ କାମି ଲେକାନ୍ ଇଲିଆରଖ୍ ଆନୁକାଦ୍‌କଆଏ, ଇନିୟାଃ ଜିୟନ୍ ହବାକାନା !”

^୯ ଏନ୍ତେ ନେ ବାରିୟା ଦୁଁଡ଼କିନାଃ ତାୟମତେ, ଆତଃମିଆଁଦ୍ ଦୁଁଡ଼ କାଉରିକେଦ୍‌ତେ କାଜିକେଦା, “ଜେତାଏ ଜାଁତୁ ଆତଃ ଆୟାଃ ମୁରୁଡ଼କେ ସୁନ୍‌ସାର୍ ରିକାଏୟା ଆତଃ ଆପ୍‌ନାଃ ମଲଙ୍ଗ୍‌ରେ ଚାଏ ତିଃଇରେ ଆୟାଃ ଚିହ୍ନାଁ ଖଦାକାନ୍‌ରେଦ୍, ^{୧୦} ଇନିଃ ପାର୍‌ମେଶ୍ଵାର୍‌ଆଃ ଖ୍‌ସ୍‌ଆଃ ଲେକାନ୍ କାଟୋରାରେ ଦୁଲ୍‌କାନ୍ ଆୟାଃ ପୁରାଃ ଖ୍‌ସ୍‌ରେୟାଃ ଇଲିଆରଖ୍ ନୁଁଇଆ । ଅକ ହଡ଼କ ନେ କାମିକ ରିକାଏୟା, ଇନ୍‌କୁ ସବେନ୍‌କ ମିଣ୍ଡିହନ୍ ଆତଃ ପାବିତାର୍ ଦୁଁଡ଼କଆଃ ସାମ୍‌ନାଙ୍ଗ୍‌ରେ ସେଙ୍ଗେଲ୍ ଆତଃ ଗାନ୍ଧାକ୍‌ରେ ଦୁକୁକ ନାମେୟା । ^{୧୧} ଏନ୍ ଦୁକୁରେୟାଃ ସୁକୁଲ୍ ଜାନାଅ ଜାନାଅ ସୁକୁଲଃଆ । ଅକ ହଡ଼କ ଜାଁତୁ ଆତଃ ଆୟାଃ ମୁରୁଡ଼କେ ସୁନ୍‌ସାର୍ ରିକାଏୟାକ, ଚାଏ ଆୟାଃ ଚିହ୍ନାଁ ଖଦାନାଃକ, ଇନ୍‌କୁ ନିଦାସିଙ୍ଗି ସବେନ୍ ଇମ୍‌ତା କା ରୁଡ଼ନୁ ଦୁକୁକ ନାମେୟା ।”

^{୧୨} ଅକ ପାବିତାର୍ ହଡ଼କ ପାର୍‌ମେଶ୍ଵାର୍‌ଆଃ ହୁକୁମ୍‌କ ମାନାତିୟାଃ ଆତଃ ଯୀଶୁକେ ବିଶ୍ଵାସାଃକ, ଇନ୍‌କୁ ମାନାତିଙ୍ଗ୍‌ରେ ଆତଃ ବିଶ୍ଵାସରେ ପାତିୟାର୍‌ରଃ ଲେକା ତାଇନ୍ ଲାଗାତିଙ୍ଗ୍‌ୟାଃ ।

^{୧୩} ଏନ୍ତେ ଆଇଙ୍ଗ ସିର୍ମାଏତେ ମିଆଁଦ୍ ଲାବ୍‌ଜା ଆୟୁମ୍‌କେଦାଇଙ୍ଗ, “ନେ କାଜି ଅଲେମେ, ନାହାଃଏତେ ପ୍ରାଭୁତାଃରେ ବିଶ୍ଵାସକେଦ୍‌ତେ ଅକ ହଡ଼କଆଃ ଗନଏଃ ହବାଅଆ, ଇନ୍‌କୁ ସୁକୁତାନ୍‌ଗିୟାକ ।” ଆତଃଗିଇଙ୍ଗ ଆୟୁମ୍‌କେଦା, ପାବିତାର୍ ଆମ୍‌ କାଜିତାନାଏ, ନେଆଁ ସାର୍‌ତିଗି ହବାଅଆ । “ଏନ୍ ହଡ଼କ ଆକଆଃ କେଟେଦ୍ କାମିଏତେ ରୁଡ଼ନୁକ ନାମେୟା, ଚିଆଃଚି ଇନ୍‌କୁ କାମିକାଦ୍ କାମି ଆକଲଃ ମିସାତେ ସେନା ।”

ଅତେରେ ଇରଃ ଦିପିଲି

^{୧୪} ଏନ୍ତେ ଆଇଙ୍ଗ ମିଆଁଦ୍ ପୁଣ୍ଡି ରିମିଲ୍ ଆତଃ ଏନ୍ ରିମିଲ୍‌ରେ ମାନଞ୍ଜାହନ୍ ଲେକା ମିହୁଡ଼କେ ଦୁବାକାନ୍ ନେଲ୍‌କିୟାଇଙ୍ଗ । ଇନିୟାଃ ବହଃରେ ସୋନାରେୟାଃ ମୁକୁର୍ ଆତଃ ଇନିୟାଃ ତିଃଇରେ ମିଆଁଦ୍ ଲେସେର୍ ଦାଡ଼ରମ୍ ତାଇକେନା । ^{୧୫} ଏନ୍ତେ ମିଆଁଦ୍ ଦୁଁଡ଼ ମାଦିରହେତେ ଅତଙ୍ଗୟାନ୍‌ଲଃ, ଏନ୍ ରିମିଲ୍‌ରେ ଦୁବାକାନ୍‌ନିଃକେ କାଉରିକେଦ୍‌ତେ କାଜିକିୟା, “ଆମାଃ ଦାଡ଼ରମ୍ ସାବ୍‌କେଦ୍‌ତେ ମାତାକାନ୍ ବାବା ଇରେମେ । ଅତେରେୟାଃ ବାବା ଇରେ ନାଗେନ୍ତେ ଦିପିଲି ସେଟେରାକାନା ।” ^{୧୬} ନେଆଁ ଆୟୁମ୍‌କେଦ୍‌ତେ ରିମିଲ୍‌ରେ ଦୁବାକାନ୍‌ନିଃ ଦାଡ଼ରମ୍‌ଲଃ ମାତାବାବା ଇର୍ ଏଟେଦ୍‌କେଦାଏ ଆତଃ ଅତେରେୟାଃ ସବେନ୍ ବାବା ହୁଣ୍ଡିକେଦାଏ ।

^{୧୭} ଏନ୍ତେ ଏଗାଃ ଆତଃମିଆଁଦ୍ ଦୁଁଡ଼ ସିର୍ମାରେୟାଃ ମାଦିରହେତେ ହିଜୁଃତାନ୍ ନେଲ୍‌କିୟାଇଙ୍ଗ, ଇନିୟାଃ ତିଃଇରେୟ ମିଆଁଦ୍ ଲେସେର୍ ଦାଡ଼ରମ୍ ତାଇକେନା ।

^{୧୮} ଏନ୍ତେ ଆତଃମିଆଁଦ୍ ଦୁଁଡ଼ ବେଦିହେତେ ହିଜୁଃୟାନା । ଇନିୟାଃ ସେଙ୍ଗେଲ୍ ଚେତାନ୍‌ରେ ଆକ୍‌ତେୟାର୍ ତାଇକେନା । ଇନିଃ ଲେସେର୍ ଦାଡ଼ରମ୍ ସାବାକାଦ୍ ଦୁଁଡ଼କେ କାଉରିକେଦ୍‌ତେ କାଜିକିୟା, “ଅତେରେୟାଃ ଦାଖ୍‌ନାଡ଼ିରେ ଜ'କାନ୍ ଅଙ୍ଗୁର୍ ଝୁପାକକେ ଦାଡ଼ରମ୍‌ଲଃ ଇରେମେ । ଚିଆଃଚି ଅଙ୍ଗୁର୍ ମାତାୟାନ୍‌ଗିୟା ।” ^{୧୯} ଏନ୍ତେ ଏନ୍ ଦୁଁଡ଼ ଅତେଦିଶୁମ୍‌ରେୟାଃ ଦାଖ୍‌ନାଡ଼ିରାଃ ଅଙ୍ଗୁର୍‌କ ଦାଡ଼ରମ୍‌ଲଃ ଇର୍‌କେଦାଏ । ଆତଃ ଏନ୍ ସବେନାଃ ପାର୍‌ମେଶ୍ଵାର୍‌ଆଃ ପୁରାଃ ଖ୍‌ସ୍‌ରେୟାଃ ଦାଖ୍‌ରାସି ଘାନାରେ ହୁରାଙ୍ଗ୍‌କେଦା । ^{୨୦} ^୫ନାଗାର୍ ବାହାରିରେ ତାଇକାନ୍ ଏନ୍ ଦାଖ୍‌ରାସି ଘାନାରେ ହୁରାଙ୍ଗ୍‌ୟାନା ଆତଃ ଏନ୍ ଘାନାରେ ଦାଖ୍‌ରାସି ପେସାଅୟାନା । ଏନାଏତେ ୩୦୦ କିଲୋମିଟର୍ ଜିଲିଙ୍ଗ୍ ଆତଃ ସାଦମ୍‌ରାଃ ମଚାରେୟାଃ ଲାଗମ୍ ଜାକେଦ୍ ମେନ୍‌ଲେରେ, ବାର୍ ମିଟର୍ ଲେକା ସାଲାଙ୍ଗି ମାୟୋମ୍‌ରେୟାଃ ଗାଡ଼ା ଲିଙ୍ଗିୟାନା ।

☆ ୧୪:୮ ୧୪:୮ ଉତ୍କଳ କାଜି ୧୮:୨. ☆ ୧୪:୨୦ ୧୪:୨୦ ଉତ୍କଳ କାଜି ୧୯:୧୫.

୧୫

ଚୁଣ୍ଡ ଛୁକୁହାସୁ

୧ ଏନ୍ତେ ସିର୍ମାରେ ଆଇଙ୍ଗ ଆତଃମିଆଁଦ୍ ହାଏକାଟ୍ ଆତଃ ଆକ୍‌ଦାନ୍‌ଆ ଚିହ୍ନାଁ ନେଲ୍‌କେଦାଇଙ୍ଗ । ଏନ୍ତାରେ ଏୟା ଝାନ୍ ଦୁଁଡକ ମିପିଆଦ୍ ଚୁଣ୍ଡ ଛୁକୁହାସୁ ସାବକେଦ୍‌ତେ ଆଡ଼ଗୁୟାନାକ । ନେଆଁ ହବାଅଃ ତାୟମ୍‌ତେ, ପାର୍‌ମେଶ୍‌ବାର୍‌ଆଃ ଖ୍‌ସ୍‌ରାଃ ଚୁଣ୍ଡ ଛୁବାଅଃଆ ।

୨ ଏନ୍ତେ ଆଇଙ୍ଗ ସେଙ୍ଗେଲ୍‌ଲଃ ମେସାକାନ୍ କାଁର୍ ଲେକା ମିଆଁଦ୍ ଦରେୟା ନେଲ୍‌କେଦାଇଙ୍ଗ । ଅକ ହଡକ ଏନ୍ ଜାଁଡୁ, ଆୟାଃ ମୁରୁଡ୍ ଆତଃ ଆୟାଃ ନୁଡୁମ୍‌ରାଃ ନାମ୍‌ବାର୍ ଚେତାନ୍‌ରେ ଜିତାଅକାନ୍ ତାଇକେନାକ, ଇନ୍‌କୁକେ ଏନ୍ ଦରେୟା ଗେନାରେ ତିଙ୍ଗୁଆକାନ୍ ନେଲ୍‌କେଦକଆଇଙ୍ଗ । ଇନ୍‌କୁଆଃ ଡିଃଇରେ ପାର୍‌ମେଶ୍‌ବାର୍ ଏମାକାଦ୍ ବାନାମ୍ ତାଇକେନା । ୩ ଇନ୍‌କୁ ପାର୍‌ମେଶ୍‌ବାର୍‌ଆଃ ଦାସି ମୁଣାରାଃ ଆତଃ ମିଣ୍ଡିହନ୍‌ଆଃ ଦୁରାଙ୍ଗକ ଦୁରାଙ୍ଗତାଇକେନା । “ହେ ସବେନ୍ ପେଡେୟାନ୍‌ନିଃ ପ୍ରାଭୁ ପାର୍‌ମେଶ୍‌ବାର୍, ଆମାଃ କାମିକ ପୁରାଃ ମାରାଙ୍ଗ୍ ଆତଃ ଆକ୍‌ଦାନ୍‌ଆଗିୟା ! ସବେନ୍ ହଡକଆଃ ରାଜା, ଆମାଃ ହରାକ ଠାଉକାଗିୟା ଆତଃ ସାର୍‌ତି ତାନାଃ ! ୪ ହେ ପ୍ରାଭୁ, ଅକଏ ଆମ୍‌କେ କାଏ ବରମେୟା ? ଆମାଃ ନୁଡୁମ୍‌ରାଃ ମାନାରାଙ୍ଗକେ ଅକଏ କାଏ ଉଦୁବେୟା ? ଆମ୍ ଏସକାର୍ ପାବିତାର୍ ତାନ୍‌ମେ, ସବେନ୍ ହଡକ ହିଜୁଃକେଦ୍‌ତେ ଆମାଃ ସୁନୁସାରକ ରିକାଏୟା । ତିଆଃତି ଆମାଃ ଧାର୍‌ମାନ୍ କାମିକ ସବେନ୍ ହଡକ ନେଲାକାଦାକ ।”

୫ ଏନ୍ ତାୟମ୍‌ତେ ଆଇଙ୍ଗ ସିର୍ମା ଦିଶୁମ୍‌ରେ ମାନ୍‌ଦିର୍ ଅଡ଼ାଃରାଃ ଦୁଆର୍ ନିଜାକାନ୍ ନେଲ୍‌କେଦାଇଙ୍ଗ । ଏନାରେ ସାବୁଦ୍ ଲେକା ପାର୍‌ମେଶ୍‌ବାର୍‌ଆଃ ତାଇନଃ ପାବିତାର୍ ଠାୟାଦ୍ କୁମ୍‌ବା ତାଇକେନା । ୬ ଏୟା ଦୁକୁହାସୁ ସାବାକାଦ୍ ଏୟା ଦୁଡ୍, ସିର୍ମାରେୟାଃ ମାନ୍‌ଦିର୍ ଭିତାର୍‌ଏତେକ ଅଡ଼ଙ୍ଗୟାନା, ଇନ୍‌କୁ କା ଦାଗିୟାକାନ୍ ନିରାଲ୍‌ଲିଜାଃ ତୁସିଙ୍ଗୟାକାନ୍ ତାଇକେନାକ ଆତଃ କୁଡ଼ାମ୍‌ରେ ସୋନାରେୟାଃ କାସ୍‌ନା ତଲ୍‌ବିହୁରକାନ୍ ତାଇକେନାକ । ୭ ଏନ୍ତେ ଉପୁନିୟା ଜାଁଡୁକଏତେ ମିଆଁଦ୍‌ନିଃ ଜାନାଅ ଜାନାଅ ଜାନିଦ୍‌ଗି ତାଇନଃ ପାର୍‌ମେଶ୍‌ବାର୍‌ଆଃ ଖ୍‌ସ୍‌ତେ ପେରେଜାକାନ୍, ଏୟା ସୋନାରେୟାଃ ତୁଭା, ଏନ୍ ଏୟା ଦୁଁଡକକେ ଏମାଦକଆ । ୮ ପାର୍‌ମେଶ୍‌ବାର୍‌ଆଃ ମାନାରାଙ୍ଗ୍ ଆତଃ ପେଡେୟାରେୟାଃ ସୁକୁଲ୍‌ତେ ମାନ୍‌ଦିର୍ ଅଡ଼ାଃ ପେରେୟାନା, ଏୟା ଦୁଁଡ୍ ଆଉଝାକାଦ୍ ଏୟା ଦୁକୁହାସୁରେୟାଃ ଚୁଣ୍ଡ ଥୁଆଉରି ହବାଅଃ ଜାକେଦ୍, ନେ ମାନ୍‌ଦିର୍ ଅଡ଼ାଃରେ ଆତଃଜେତାଏ କାକ ବଲଦାଡ଼ିୟାନା ।

୧୬

ପାର୍‌ମେଶ୍‌ବାର୍‌ଆଃ ଖ୍‌ସ୍‌ତେ ପେରେଜାକାନ୍ ଏୟା ତୁଭା

୧ ଏନ୍ତେ ଆଇଙ୍ଗ ଆୟୁମ୍‌କେଦାଇଙ୍ଗ, ମାନ୍‌ଦିର୍ ଅଡ଼ାଃଏତେ ଜେତାଏ ମିହୁଡ୍ କାଉରିକେଦ୍‌ତେ, ଏନ୍ ଏୟା ଦୁଁଡକକେ କାଜିୟାକତାନା, “ଜୁ ସେନଃପେ, ଏୟା ତୁଭାରେ ତାଇକାନ୍ ପାର୍‌ମେଶ୍‌ବାର୍‌ଆଃ ଖ୍‌ସ୍‌କେ ଅତେ ଚେତାନ୍‌ରେ ଦୁଲ୍‌ତାପେ ।”

୨ ନେଆଁ ଆୟୁମ୍‌କେଦ୍‌ତେ, ପାହିଲା ଦୁଁଡ୍ ସେନଃୟାନାଏ ଆତଃ ଆୟାଃ ତୁଭାରେ ତାଇକେନ୍ ସବେନାଃ ଅତେ ଚେତାନ୍‌ରେ ଦୁଲ୍‌କେଦା । ଇମ୍‌ତାଗି ଅକନ୍‌କ ଜାଁଡୁରାଃ ଚିହ୍ନାଁ ଖଦାକାନ୍ ତାଇକେନାକ ଆତଃ ଆୟାଃ ଲେକାନ୍ ମୁରୁଡ୍‌କେ ସେଝା ତାଇକେନାକ, ଇନ୍‌କୁଆଃ ହଡ଼ମ୍‌ରେ ପୁରାଃଗି ହାସୁ ଲେକାନ୍ ଘାଅ ଅଡ଼ଙ୍ଗୟାନା ।

୩ ଏନ୍ତେ ଏଗାଃ ଦୁଁଡ୍ ଆୟାଃ ତୁଭାରେ ଖ୍‌ସ୍‌କେ ଦରେୟାରେ ଦୁଲ୍‌କେଦା । ଦରେୟାରାଃ ଦାଆଃ ଗଜାକାନ୍ ହଡ଼ରାଃ ମାୟୋମ୍ ଲେକା ହବାୟାନା ଆତଃ ଦରେୟାରେ ତାଇନ୍‌ତାନ୍ ସବେନ୍ ଜୀଉଜାଁଡୁକ ଗଏଃୟାନା ।

୪ ଏନ୍ତେ ଆପିୟା ଦୁଁଡ୍, ଆୟାଃ ତୁଭାରେ ତାଇକେନ୍ ସବେନାଃ ନାହିଁ ଆତଃ ସେତେଙ୍ଗ୍ ଚେତାନ୍‌ରେ ଦୁଲ୍‌କେଦା । ଏନାରେ ସବେନ୍ ଦାଆଃ ମାୟୋମ୍‌ୟାନା । ୫ ଇମ୍‌ତା ଆଇଙ୍ଗ୍ ଆୟୁମ୍‌କେଦାଇଙ୍ଗ, ଦାଆଃରେୟାଃ ଆକ୍‌ତେୟାର୍ ନାମାକାଦ୍ ଦୁଁଡ୍ କାଜିତାନାଏ, “ଆମ୍ ପାବିତାର୍, ଆମ୍ ନାହାଁଃ ମେନାମେନିଃ ଆତଃ ସିଦାରେ ତାଇକେନ୍‌ନିଃ ତାନ୍‌ମେ, ଆମ୍ ଠାଉକାଗିମ୍ ବିଚାର୍‌କାଦା । ୬ ଇନ୍‌କୁ ପାର୍‌ମେଶ୍‌ବାର୍‌ଆଃ ପାବିତାର୍ ହଡକଆଃ ଆତଃ ନାବୀକଆଃ, ଅକ ମାୟୋମ୍ ଲିଙ୍ଗିକାଦାକ, ଏନା ଆମ୍ ଇନ୍‌କୁକେମ୍ ଆନୁକାଦକଆ । ଇନ୍‌କୁ ଆକଆଃ ନାଲା ନାମାକାଦାକ ।” ୭ ଏନ୍ତେ ଆଇଙ୍ଗ୍ ବେଦିହେତେ ମିଆଁଦ୍ ଲାବ୍‌ଜା ଆୟୁମ୍‌କେଦାଇଙ୍ଗ, “ପ୍ରାଭୁ ପାର୍‌ମେଶ୍‌ବାର୍ ସବେନ୍ ପେଡେୟାନ୍‌ନିଃ ତାନିଃ ! ଆମାଃ ବିଚାରକ ସାର୍‌ତିଗିୟା ଆତଃ ଠାଉକାଗିୟା ।”

୮ ଏନ୍ତେ ଉପୁନିୟା ଦୁଁଡ୍, ଆୟାଃ ତୁଭାରେ ତାଇକେନ୍ ସବେନାଃ ସିଙ୍ଗି ଚେତାନ୍‌ରେ ଦୁଲ୍‌କେଦା । ଏନାରେ ସିଙ୍ଗିକେ ସେଙ୍ଗେଲ୍‌ତେ ହଡକକେ ଅଣ୍ଡର୍ ନାଙ୍ଗ୍ ଆକ୍‌ତେୟାର୍ ଏମ୍‌ୟାନା । ୯ ଇମ୍‌ତା ହଡକ ସିଙ୍ଗି ରାଁପରାଃ ଏଲାଙ୍ଗ୍‌ତେ ଅଣ୍ଡର୍‌ୟାନାକ ଆତଃ ଅକ ପାର୍‌ମେଶ୍‌ବାର୍‌ଆଃ ନେ ସବେନ୍ ହାସୁରାଃ ସାସାତି ଚେତାନ୍‌ରେ ଆକ୍‌ତେୟାର୍ ମେନାଃ, ଏନ୍ ପାର୍‌ମେଶ୍‌ବାର୍‌ଆଃ ନୁଡୁମ୍‌କେ ସାର୍‌ପାଅକେଦାକ । ଆତଃ ଆୟାଃ ମାନାରାଙ୍ଗ୍ ରିକା ନାଗେନ୍ତେ କାକ ହେୟାତିଙ୍ଗ୍‌କେଦା ।

୧୦ ଏନ୍ତେ ମଣେୟା ଦୁଁଡ୍ ଆୟାଃ ତୁଭାକେ ଜାଁଡୁରାଃ ରାଜଗାଦି ଚେତାନ୍‌ରେ ଦୁଲ୍‌କେଦା । ଜାଁଡୁରାଃ ରାଇଜ ଚେତାନ୍‌ରେ କୁଲ୍‌କୁଲ୍ ନୁବାଃୟାନା ଆତଃ ହଡକ ପୁରାଃ ହାସୁତେ ଆକଆଃ ଆଲାଙ୍ଗ୍‌କେ ହାବ୍‌କେଦାକ । ୧୧ ଆତଃ ଇନ୍‌କୁ ଆକଆଃ ହାନାସୁ ଆତଃ ହଡ଼ମ୍‌ରାଃ ଘାଅ ନାଗେନ୍ତେ ସିର୍ମାରେନ୍ ପାର୍‌ମେଶ୍‌ବାର୍‌କେ ସାର୍‌ପାଅକିୟାକ । ମେନ୍‌ଦ୍ ଆକଆଃ ଏଡକାନ୍ କାମିକଏତେ କାକ ହେୟାତିଙ୍ଗ୍‌କେଦା ।

୧୭ ଏନ୍ତେ ତୁରିୟା ଦୁଁଡ଼ ଇଉଫ୍ରାଟିସ୍ ନୁତୁମ୍ ମାରାଙ୍ଗ ଗାଡ଼ାରେ ଆୟାଃ ତୁଭାକେ ଦୁଲ୍‌କେଦା । ଇମ୍‌ତାଗି ଏନ୍ ଗାଡ଼ାରାଃ ଦାଆଃ ଆଞ୍ଜେଦୟାନା ଆତଃ ସିଙ୍ଗି ତୁରଃସାଃଏତେ ବାଇରି ରାଜାକଆଃ ନାଗେନ୍ତେ ହରା ନିଜ୍‌ୟାନା । ୧୩ ଏନ୍ତେ ଆଇଙ୍ଗ ଆପିୟା ସଡ଼ରାକାନ୍ ଆମ୍ବାକକେଇଙ୍ଗ ନେଲ୍‌କେଦକଆ । ଇନ୍କୁ ଚକେ ଲେକା ନେଲଃ ତାଇକେନାକ । ଇନ୍କୁ ଏନ୍ ମାରାଙ୍ଗ ବିଙ୍ଗ ମଚାଏତେ, ଜାଁତୁ ମଚାଏତେ ଆତଃ ହସଡ଼ ନାବୀଆଃ ମଚାଏତେ ଅତଙ୍ଗୟାନାକ । ୧୪ ଏନ୍ ବଙ୍ଗାକଆଃ ଆମ୍ବାକ ଆକ୍‌ଦାନ୍ଦାଅ କାମିକ ରିକାଦାଡ଼ିୟା । ଆତଃ ଇନ୍କୁ ପେଡେୟାନ୍ ପାର୍‌ମେଶ୍ୱାର୍‌ଆଃ ହୁଲାଇଙ୍ଗରେ ଲାଡ଼ାଇ ନାଗେନ୍ତେ ଅତେଦିଶ୍ୱମ୍‌ରେନ୍ ରାଜାକକେ ମିଦ୍‌ତାଃରେ ହୁଣ୍ଡି ନାଗେନ୍ତେ ଅତଙ୍ଗୟାନାକ ।

୧୫ *“ଆୟୁମେପେ, ଆଇଙ୍ଗ କୁମ୍‌ତୁ ଲେକାଇଙ୍ଗ ହିଜୁଃଆ । ଅକ ହଡ଼ ଏୟନାକାନ୍ ତାଇକେଦତେ ଆୟାଃ ଲିଜାଃ ସେକାଡ଼କେଦତେ ଦହକାଃ, ଏନ୍ ହଡ଼ ସୁକୁତାନଗିୟାଏ । ଇନିଃକେ ସାମା ହଡ଼ମଗି ସେନ୍ ନାଗେନ୍ତେ କା ଲାଗାଡ଼ିଙ୍ଗୟାଃ ଆତଃ ହଡ଼କ ଆୟାଃ ଗିହୁଃ କାକ ନେଲେୟା ।”

୧୬ ସଡ଼ରାକାନ୍ ଆମ୍ବାକ ରାଜାକକେ ଏବ୍ରୀ ଜାଗାର୍‌ତେ କାଜିୟଃତାନ୍ ଆମ୍ବାଗେକୋନ୍ ନୁତୁମ୍ ଠାୟାଦ୍‌ରେ ହୁଣ୍ଡିକେଦକଆକ ।

୧୭ ଏନ୍ତେ ଏୟା ଦୁଁଡ଼ ଆୟାଃ ତୁଭାକେ ହୟରେ ଦୁଲ୍‌କେଦା ଆତଃ ମାନ୍ଦିରରେ ତାଇକେନ୍ ରାଜଗାଦିଏତେ କାଉରିକେଦତେ ମିଆଁଦ୍ ଲାବ୍‌ଜା ଆୟୁମ୍‌ୟାନା, “କାମି ପୁରାୟାନା ।” ୧୮ *ଇମ୍‌ତାଗି ହିଚିରକେଦାଏ, ରିମିଲ୍ ସାଡ଼ିୟାନା ଆତଃ ଅତେ ପୁରାଃଗି ଏକ୍‌ଲାଅୟାନା । ନେ'ଲେକା ବରଞ୍ଜାନ୍ ଅତେ ଏକ୍‌ଲାଅଃତେୟାଃ ମାନଞ୍ଜାରାଃ ମୁନୁହେତେ ଚିଉଲାଅ କା ହବାକାନ୍ ତାଇକେନା । ୧୯ ମାରାଙ୍ଗ ନାଗାର୍ ଆପି ହିସାରେ ହାଟିଙ୍ଗୟାନା, ଆତଃ ଦିଶ୍ୱମ୍‌ରେୟାଃ ସବେନ୍ ନାଗାର୍‌କ ଜିୟନ୍‌ୟାନା । ପାର୍‌ମେଶ୍ୱାର୍ ମାରାଙ୍ଗ ନାଗାର୍ ବାବିଲୋନ୍‌କେ କାଏ ରିଡ଼ିଙ୍ଗକାଦ୍ ତାଇକେନା । ଇନିଃ ଆୟାଃ ନୁଁଏ କାଗୋରାଏତେ ଆୟାଃ ପୁରାଃ ଖ୍ୱରାଃ ଇଲିଆରଞ୍ଜ୍ ଆନୁକିୟା । ୨୦ *ସବେନ୍ ଟାପୁକ କା ନେଲଃୟାନା ଆତଃ ବୁରୁ ବେଡ଼ାକ କା ତାଇନ୍‌ୟାନା । ୨୧ *ସିମ୍‌ାଏତେ ହଡ଼କଆଃ ଚେତାନ୍‌ରେ ପୁରାଃ ମାପୁରାଙ୍ଗ ଆରିଲ୍‌କ ଉୟୁଃୟାନା । ମିପିଆଦ୍ ଆରିଲ୍‌ରାଃ ହାମ୍‌ଲ୍ ୫୦ କେ.ଜି ଲେକା ତାଇକେନା । ହଡ଼କ ନେ ବରଞ୍ଜାନ୍ ଆରିଲ୍ ନାଗେନ୍ତେ ପାର୍‌ମେଶ୍ୱାର୍‌କେ ସାର୍‌ପାଅକିୟାକ ।

୧୭

ସବେନକ ସାରିକାଇ ବେଶ୍ୟା କୁଡ଼ି

୧ ଏନ୍ତେ ଏୟା ତୁଭା ସାବାକାଦ୍ ଏୟା ଦୁଁଡ଼କଏତେ ମିହୁଡ଼୍‌ଆଇଙ୍ଗତାଃତେ ହିଜୁଃୟାନ୍‌ଲଃ କାଜିକେଦିୟାଏ, “ହିଜୁଃମେ, ଆଇଙ୍ଗ ମିଆଁଦ୍‌ହେତେ ଆଦକା ଗାଡ଼ା ଜାପାଃରେ ବାଇୟାକାନ୍ ବେଶ୍ୟା ଲେକାନ୍ ଏନ୍ ମାରାଙ୍ଗ ନାଗାର୍ ଚିଲ୍‌କା ସାଜାଇ ନାମେୟାଏ, ଏନାଇଙ୍ଗ ଉଦୁବାମେୟା । ୨ ଅତେରେନ୍ ରାଜାକ ଏନ୍ ବେଶ୍ୟାଲଃ ଆପାଙ୍ଗିର୍ କାମିକ କାମିକାଦା, ଆତଃ ଅତେଦିଶ୍ୱମ୍‌ରେନ୍ ହଡ଼କ ଇନିୟାଃ ଆପାଙ୍ଗିର୍ କାମି ଲେକାନ୍ ଇଲିଆରଞ୍ଜ୍ ନୁଁକେଦତେ ବୁଲାଇନାକ ।”

୩ *ଏନ୍ତେ ଦୁଁଡ଼ ଆଇଙ୍ଗକେ ଆମ୍ବା ହରାତେ ବିରତେ ଇଦିକିୟା । ଏନ୍ତାଃରେ ମିଆଁଦ୍ କୁଡ଼ିକେ ବାଇଗିନିଆ ରାଙ୍ଗରେନ୍ ଜାଁତୁ ଚେତାନ୍‌ରେ ଦୁବାକାନ୍ ନେଲ୍‌କିୟାଇଙ୍ଗ । ଏନ୍ ଜାଁତୁରାଃ ସବେନ୍‌ସାଃରେ ପାର୍‌ମେଶ୍ୱାର୍‌ଆଃ ବିରୁଧ୍‌ରେ ନିୟା ନୁତୁମ୍‌କ ଅଲ୍‌କାନ୍ ତାଇକେନା । ଏନ୍ ଜାଁତୁରାଃ ଏୟା ବହଃ ଆତଃ ଗେଲ୍ ଦିରିଙ୍ଗ ତାଇକେନା । ୪ ଏନ୍ କୁଡ଼ି ବାଇଗିନିଆ ଆତଃ ଆରାଆଃ ଲିଜାଃ ତୁସିଙ୍ଗୟାକାନ୍ ତାଇକେନାଏ ଆତଃ ସୋନା, ପୁରାଃ ଗନଙ୍ଗଆଁନ୍ ମଣି, ଆତଃ ମଡ଼ିତେ ସିଙ୍ଗାରାକାନ୍ ତାଇକେନା । ଆୟାଃ ତିଃଇରେ ମିଆଁଦ୍ ସୋନାରେୟାଃ କାଗୋରା ତାଇକେନା । ଏନାରେ ହିଲାଇଙ୍ଗଅଃ ବିଷାଏ ଆତଃ ଇନିୟାଃ ଆପାଙ୍ଗିର୍ କାମି ଲେକାନ୍ ସଡ଼ରା କାମିକ ପେରେଜାକାନ୍ ତାଇକେନା । ୫ ଇନିୟାଃ ମଲଙ୍ଗରେ ମିଆଁଦ୍ ଉକୁଆକାନ୍ ନୁତୁମ୍ ଅଲ୍‌କାନ୍ ତାଇକେନା, ଏନାରାଃ ମୁଣ୍ଡି, “ମାରାଙ୍ଗ ବାବିଲୋନ୍, ବେଶ୍ୟାକଆଃ ଆତଃ ଅତେଦିଶ୍ୱମ୍‌ରେନ୍ ସବେନ୍ ଲେକାନ୍ ହିଲାଇଙ୍ଗଅଃ ବିଷାଏରେନ୍ ଏଙ୍ଗା ।” ୬ ଆଇଙ୍ଗ ଆତଃଗିଇଙ୍ଗ ନେଲ୍‌କେଦା, ଏନ୍ କୁଡ଼ି ପାର୍‌ମେଶ୍ୱାର୍‌ଆଃ ହଡ଼କଆଃ ଆତଃ ଯାଶୁଆଃ ନାଗେନ୍ତେ ଗାଞ୍ଜା ଏମାକାଦ୍ ହଡ଼କଆଃ ମାୟୋମ୍ ନୁଁକେଦତେ ବୁଲାଇନ୍ ତାଇକେନା । ଇନିଃକେ ନେଲ୍‌କେଦତେ ଆଇଙ୍ଗ ଆକ୍‌ତାକାଅୟାନାଇଙ୍ଗ । ୭ ଦୁଁଡ଼ ଆଇଙ୍ଗକେ କାଜିକେଦିୟା, “ଚିନାଃ ମେନ୍ତେମ୍ ଆକ୍‌ଦାନ୍ଦାଅଃତାନା ? ଆଇଙ୍ଗ ଆମ୍‌କେ ଏନ୍ କୁଡ଼ି, ଆତଃ ଆଇଃକ୍‌କେ ଗଅଃ ଇଦିତାନ୍ ଜାଁତୁ, ଅକଏୟାଃତି ଏୟା ବହଃ, ଗେଲ୍ ଦିରିଙ୍ଗ ମେନାଃ, ଇନିୟାଃ ବିଷାଏରେ ଉକୁଆକାନ୍ କାଜିଇଙ୍ଗ ଉଦୁବାମେୟା । ୮ *ଆମ୍ ଅକ ଜାଁତୁକେ ନେଲ୍‌କାଇ ତାଇକେନାମ୍, ଇନିଃ ଜୀନିଦ୍ ତାଇକେନାଏ ଆତଃ ନାହାଃ ବାଙ୍ଗାଇୟା । ମେନ୍‌ଦ ଇନିଃ ହୁଆଙ୍ଗାଡ଼ାଏତେ ହିଜୁଃଆ ଆତଃ ଜିୟନଃଆଏ । ଏନାରେ ଅତେଦିଶ୍ୱମ୍‌ରାଃ ମୁନୁଏତେ ଅକ ହଡ଼କଆଃ ନୁତୁମ୍ ଜୀଦାନ୍ ପୁଥ୍‌ରେ କା ଅଲ୍‌କାନା, ଏନ୍ ହଡ଼କ ଇନିଃକେ ନେଲ୍‌କେଦତେ ଆକ୍‌ଦାନ୍ଦାଅଆକ । ଚିଆଃତି ଇନିଃ ଜୀନିଦ୍ ତାଇକେନାଏ, ନାହାଃ ବାଙ୍ଗାଇୟା ଆତଃ ତାୟମ୍‌ତେ ହିଜୁଃଆ ।

* ୧୭:୧୫ ୧୭:୧୫ ମାଥୁର ୨୪:୪୩,୪୪; ଲୁକ ୧୨:୩୯,୪୦; ଉତ୍କଳ କାଜି ୩:୩. * ୧୭:୧୮ ୧୭:୧୮ ଉତ୍କଳ କାଜି ୮:୫; ୧୧:୧୩,୧୯. * ୧୭:୨୦ ୧୭:୨୦ ଉତ୍କଳ କାଜି ୬:୧୪. * ୧୭:୨୧ ୧୭:୨୧ ଉତ୍କଳ କାଜି ୧୧:୧୯. * ୧୭:୨୩ ୧୭:୨୩ ଉତ୍କଳ କାଜି ୧୩:୧. * ୧୭:୨୮ ୧୭:୨୮ ଉତ୍କଳ କାଜି ୧୧:୭.

୯ “ନେ ସବେନାଃ ଆବ୍‌କାର୍‌ଉରୁମ୍ ନାଗେନ୍ତେ ସେଣାଁ ଲାଗାତିଙ୍ଗ୍‌ୟାଃ । ନେ ଜାଁତୁରାଃ ଏୟା ବହଃ ହବାଅଃତାନା ଏୟା ବୁରୁ । ଅକ ଚେତାନରେତି ଏନ୍ କୁଡ଼ି ଦୁବାକାନା । ଏନା ଏୟା ରାଜାକକେ ହଗି କାଜିୟଃତାନା । ୧୦ ଇନ୍‌କୁଏତେ ମଣେୟାଁ ରାଜା ଗଏଃୟାନାକ । ମିଆଁଦ୍‌ନିଃ ରାଇଜେତାନାଏ, ଆତଃ ଏଟାଃନିଃ ନାହାଁଃ ଜାକେଦ୍ ଆଉରି ହିଜୁଃଆଏ । ଇନିଃ ହିଜୁଃରେ, ଘାଡ଼ିକାଦ୍‌ଗି ରାଇଜେୟା । ୧୧ ଅକ ଜାଁତୁ ଜାନିଦ୍ ତାଇକେନାଏ, ନାହାଁଃଦ ଇନିଃ ବାଙ୍ଗାୟା, ଇନିଃ ହବାଅଃତାନାଏ ଇରାଲିୟା ରାଜା । ଇନିଃ ଏନ୍ ଏୟା ରାଜାକଏତେ ମିଆଁଦ୍‌ନିଃ ତାନିଃ ଆତଃ ଇନିଃ ହଗି ଜିୟନଃଆ ।

୧୨ “ଆମ୍ ନେଲକାଦ୍ ଗେଲ୍ ଦିରିଙ୍ଗ୍ ମେନ୍‌ଲେରେ ଗେଲ୍ ରାଜାକ ତାନକ । ଇନ୍‌କୁ ନାହାଁଃ ଜାକେଦ୍ ଆଉରି ରାଇଜେୟାକ । ମେନ୍‌ଦ ଇନ୍‌କୁକେ ଏନ୍ ଜାଁତୁଲଃ ମିଦ୍ ଘାଡ଼ିଗି ରାଇଜେ ନାଗେନ୍ତେ ଆକ୍‌ତେୟାର୍ ଏମଃଆ । ୧୩ ନେ ଗେଲ୍ ରାଜାକଆଃ ଉକେଶ୍ ମିଦ୍‌ଗିୟା । ଇନ୍‌କୁ ଆକଆଃ ଆପ୍‌ନାଃ ସବେନ୍ ପେଡେଃ ଆତଃ ଆକ୍‌ତେୟାର୍ ଜାଁତୁକେ ଜିମାୟାକ । ୧୪ ଇନ୍‌କୁ ମିଣ୍ଡିହନ୍‌ଆଃ ବିରୁଧ୍‌ରେ ଲାପାଡ଼ାଇୟାଃକ, ଆତଃ ମିଣ୍ଡିହନ୍ ଇନ୍‌କୁକେ ହାରାଅକଆ, ଚିୟାଃତି ଇନିଃ ପ୍ରାଭୁକଆଃ ପ୍ରାଭୁ ଆତଃ ରାଜାକଆଃ ରାଜା ତାନିଃ । ଆତଃ ଅକନକ ଆୟାଃଲଃ ମେନାକଆ, ଏନ୍ କେଡ଼ାକାନକ, ସାଲାକାନକ, ଆଇଃକକେ ଅତଙ୍ଗ୍‌ତାନକ ଆତଃ ପାତିୟାର୍‌ରଃ ଲେକାନ୍ ହଡକ ହଗି ଜିତାଅଃଆକ ।”

୧୫ ଦୁଁଡ୍ ଆଇଙ୍ଗ୍‌କେ ଆତଃଗି କାଜିକେଦିୟା, “ଆମ୍ ଅକ ଦାଆଃ ଚେତାନରେ ବେଶ୍ୟାକେ ଦୁବାକାନାମ୍ ନେଲକିୟା, ଏନ୍ ଦାଆଃ, ଦିଶୁମ୍‌ରେନ୍ ସବେନ୍ ହଡକ ଆତଃ ଏଟାଃ ଏଟାଃ ଜାଗାର୍‌ତାନ୍ ହଡକକେ କାଜିୟଃତାନା । ୧୬ ଆମ୍ ନେଲକାଦ୍ ଗେଲ୍ ଦିରିଙ୍ଗ୍ ଆତଃ ଏନ୍ ଜାଁତୁ, ବେଶ୍ୟାକେ ହିଲାଙ୍ଗ୍‌ଆଃକ, ଇନ୍‌କୁ ଇନିଃତାଃଏତେ, ଆୟାଃ ସବେନାଃ ରେଃଇଦିୟାକ ଆତଃ ଇନିଃକେ ସାମା ହଡ଼ମ୍‌କେଦ୍‌ତେ ବାଗିତାଇୟାକ । ଇନ୍‌କୁ ଆୟାଃ ଜିଲ୍ଲୁ ଜମ୍‌କେଦ୍‌ତେ, ଇନିଃକେ ସେଙ୍ଗେଲ୍‌ରେ ହୁରାଙ୍ଗ୍‌କେଦ୍‌ତେ ଜିୟନ୍‌ତାଇୟାକ । ୧୭ ଚିୟାଃତି ପାର୍‌ମେଶ୍‌ୱାର୍ ଆୟାଃ ଇଛା ସାନାଙ୍ଗ୍‌କେ ପୁରାଏ ନାଗେନ୍ତେ ନେ'ଲେକା ଇନ୍‌କୁକେ କାଜିକାଦ୍‌କଆ । ଇନ୍‌କୁ ମିଦ୍ ମନ୍‌ତେକ କାମିୟା ଆତଃ ପାର୍‌ମେଶ୍‌ୱାର୍‌ଆଃ କାଜି ସାର୍‌ତିଗି ଆଉରି ହବାଅଃ ଜାକେଦ୍, ରାଇଜକେ ଚାଲାଅରେୟାଃ ବାହାରମ୍, ଏନ୍ ଜାଁତୁଆଃ ତିଃଇରେ ବାଗିତାଃକ ।

୧୮ “ଆମ୍ ଅକ କୁଡ଼ିକେମ୍ ନେଲକିୟା, ଇନିଃ ହବାଅଃତାନାଏ, ଅତେଦିଶୁମ୍‌ରେନ୍ ରାଜାକଆଃ ଚେତାନରେ ରାଇଜେତାନ୍, ଏନ୍ ମାରାଙ୍ଗ୍ ନାଗାର୍ ।”

୧୮

ବାବିଲ୍‌ରାଃ ଜିୟନଃ

୧ ଏନ୍ ତାୟମ୍‌ତେ ଆଇଙ୍ଗ୍ ଏଟାଃ ମିଆଁଦ୍ ଦୁଁଡ୍‌କେ ସିର୍ମାଏତେ ଆଡ଼ଗୁଃତାନ୍ ନେଲକିୟାଇଙ୍ଗ୍ । ଇନିଃ ପୁରାଃଗି ଆକ୍‌ତେୟାର୍ ନାମାକାଦ୍‌ନିଃ ତାଇକେନାଏ ଆତଃ ଇନିୟାଃ ମାନାରାଙ୍ଗ୍ ଗଟା ଅତେଦିଶୁମ୍‌କେ ମାର୍‌ସାଲ୍‌କାଦ୍ ତାଇକେନା । ୨ *ଇନିଃ କାଉରିକେଦ୍‌ତେ କାଜିକେଦା, “ଇନିୟାଃ ଜିୟନ୍ ହବାକାନା । ଏନ୍ ମାରାଙ୍ଗ୍ ବାବିଲୋନ୍ ହାଦୁଡ଼ାକାନା । ଏନା ନାହାଁଃଦ ବଙ୍ଗା ଆତଃ ସଡ଼ରା ଆମ୍‌କଆଃ ତାଇନଃ ଠାୟାଦ୍ ହବାକାନା । ସବେନ୍ ରାକାମ୍‌ରେନ୍ ସଡ଼ରା ଜାଁତୁ ଆତଃ ହିଲାଙ୍ଗ୍ ଚେଣେକଆଃ ତାଇନଃ ଠାୟାଦ୍ ବାଇୟାକାନା । ୩ ଚିୟାଃତି ଇନିଃ ସବେନ୍ କିଲିରେନ୍ ହଡକକେ ଆୟାଃ ଆପାଙ୍ଗ୍‌ର କାମି ଲେକାନ୍ ଇଲିଆର୍‌ଶ୍ ଆନୁକାଦ୍‌କଆ । ଅତେରେନ୍ ରାଜାକକେ ଆୟାଃଲଃ ଆପାଙ୍ଗ୍‌ର କାମିରେ ମେସାକାଦ୍‌କଆ । ଅତେଦିଶୁମ୍‌ରେନ୍ କିରିଙ୍ଗ୍ ଆଖ୍‌ରିଙ୍ଗ୍‌ତାନକ ଆୟାଃ ଏଡକାନ୍ ରିଜ୍‌ରାଙ୍ଗ୍ ହରାତେ କିର୍ସାଣ୍‌କାନାକ ।”

୪ ଏନ୍ତେ ଆଇଙ୍ଗ୍ ସିର୍ମାଏତେ ମିଆଁଦ୍ ଲାବ୍‌ଜା ଆୟୁମ୍‌କେଦାଇଙ୍ଗ୍, “ଆଇୟାଃ ସବେନ୍ ହଡକ ଅତଙ୍ଗ୍‌ଅଃପେ ! ଇନିଃତାଃଏତେ ଅତଙ୍ଗ୍‌ଅଃପେ ! ଆପେ ଇନିୟାଃ ପାପ୍‌ରେ ଆତଃ ଆଲପେ ତାଇନଃଆ । ଇନିଃ ଅକ ସାସାତି ନାମେୟାଏ, ଏନାରେୟାଃ ହିସା ଆଲପେ ହବାଅଃଆ । ୫ ଇନିୟାଃ ପାପ୍‌କଦ୍ ସିର୍ମା ଜାକେଦ୍ ସେଟେରାକାନା । ପାର୍‌ମେଶ୍‌ୱାର୍ ଇନିୟାଃ ଏଡକାନ୍ କାମିକଏ ପାହାମାକାଦା । ୬ ଇନିଃ ଜେ'ଲେକା ଆପେଲଃ ବେଭାର୍‌କାଦା, ଆପେ ଏନ୍‌ଲେକାଗି ଆୟାଃଲଃ ବେଭାରେପେ, ଇନିଃ ଅକ୍‌ନାଃ ରିକାକାଦାଏ, ଏନାଏତେ ବାର୍‌ଗୁନା ଏମ୍ ରୁହାଡ଼ାଇପେ । ଆପେକେ ନୁଁ ନାଗେନ୍ତେ ଇନିଃ ଅକ ନୁଁଏତେୟାଃ ବାଇୟାକାଦ୍ ତାଇକେନାଏ, ଏନାଏତେ ବାର୍‌ଗୁନା ବାଇରୁହାଡ଼ାଇପେ । ୭ ଇନିଃ ଆପାନାଃ ଚିମିନ୍ ମାନାରାଙ୍ଗ୍ ରିକାଏ ତାଇକେନାଏ ଆତଃ ଏଡକାନ୍ ରିଜ୍‌ରାଙ୍ଗ୍‌ରେ ତୁବିଃଗକାନ୍ ତାଇକେନା, ଏନ୍ ଇମ୍‌ନାଙ୍ଗ୍‌ରେଗି ଇନିଃକେ ଦୁକୁହାସୁ ଏମାଲପେ । ଚିଆଃତି ଇନିଃ ଆୟାଃ ମନ୍‌ରେ ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍‌ତାନ୍‌ଲଃ କାଜିତାନାଏ, ‘ଆଇଙ୍ଗ୍ ନେତାଃରେ ରାନୀ ଲେକା ଦୁବାକାନାଇଙ୍ଗ୍, ଆଇଙ୍ଗ୍ ଟଣିଟ୍ ନାହାଁଲିଙ୍ଗ୍, ଆଇୟାଃ ଚିତ୍‌ଲାଅଗି ଏୟମ୍ କା ହବାଅଃଆ ।’ ୮ ଇନିୟାଃ ନେ ସବେନ୍ ପାପ୍‌କ ନାଗେନ୍ତେ ବେମାର୍, ଦୁକୁରେୟାଃ ରାନାଃ, ଆତଃ ରିଙ୍ଗା ମୁସିଙ୍ଗ୍ ଇନିଃକେ ମିସାତେ ସାବିଆ । ଆତଃ ଇନିଃ ସେଙ୍ଗେଲ୍‌ରେ ପୁରା ଜିୟନଃଆଏ । ଚିୟାଃତି ଇନିୟାଃ ଅକଏ ବିଚାର୍ ତାନାଏ, ଏନ୍ ପ୍ରାଭୁ ପାର୍‌ମେଶ୍‌ୱାର୍ ପୁରାଃ ପେଡେୟାନ୍‌ନିଃ ତାନିଃ ।”

୯ ଅତେରେନ୍ ଅକ ରାଜାକ ଇନିଃଲଃ ଆପାଙ୍ଗ୍‌ର ଆତଃ ପାପ୍ କାମିକ ରିକାକାଦ୍ ତାଇକେନା, ଇନ୍‌କୁ ଇନିୟାଃ ହଡ଼ମ୍ ସେଙ୍ଗେଲ୍ ଜୁନୁଲ୍‌ତେ ଜିୟନଃତାନ୍ ସୁକୁଲ୍ ନେଲକେଦ୍‌ତେ ରାଆଏୟାକ । ୧୦ ଇନିୟାଃ ଦୁକୁହାସୁରେ ହିସା ହବାଅଃ ଅନାଙ୍ଗ୍ ବରକେଦ୍‌ତେ ଇନ୍‌କୁ ଇନିଃତାଃଏତେ ପୁରାଃ ସାଙ୍ଗିନ୍‌ରେ ତିଙ୍ଗ୍‌କେଦ୍‌ତେକ ତାଇନା, ଆତଃ କାଜିୟାକ, “ହାଏରେ

* ୧୮:୨ ୧୮:୨ ଉତ୍କଳ କାଜି ୧୪:୮.

ଚିମିନ୍ ବରଞ୍ଚାନ ଆତଃ ଆକଦାନ୍ଦାଅ ବିଷାଏ ତାନାଃ ! ଆମ୍ ଚିନାଃ ଏନ୍ ପୁରାଃ ପେଡ଼େୟାନ୍ ବାବିଲୋନ୍ ନାଗାର୍ ତାନ୍ମେ ! ମେନ୍ଦ୍ ମିଦ୍ ଘାଡ଼ିରେଗି ନେ'ଲେକା ସାଜାଇ ନାମ୍‌କେଦାମ୍ ।”

୧୧ ଅତେରେନ୍ କିରିଙ୍ଗ୍ ଆଖିରିଙ୍ଗ୍‌ତାନ୍‌କ ଇନିଃ ନାଗେନ୍ତେକ ଏୟମ୍‌ୟା, ଚିୟାଃଚି ଜେତାଏ ଇନ୍‌କୁଆଃ ଜିନିଷ୍ଟକକେ କାକ କିରିଙ୍ଗ୍‌ୟେଆ । ୧୨ ଇନ୍‌କୁଆଃ ସୋନା, ରୁପା, ମଣି, ମତି, ଉନ୍‌ରାଃ ଲିଜାଃ, ବାଇଗିନିଆ ଲିଜାଃ, ସିନ୍ଦୁର୍ ରାଙ୍ଗ୍‌ରାଃ ଲିଜାଃ, ସବେନ୍ ଲେକାନ୍ ଗନଙ୍ଗ୍‌ଆନ୍ ଚନ୍ଦନ୍ ସାହାନ୍, ହାଁତି ତାଟାତେ ବାଇୟାକାନ୍ ସବେନ୍ ଲେକାନ୍ ଜିନିଷ୍ଟକ, ପୁରାଃ ଗନଙ୍ଗ୍‌ଆନ୍ ଦାରୁ, ପିତାଲ୍, ମେଡ଼େଦ୍, ମାର୍ବଲ୍‌ରେ ବାଇୟାକାନ୍ ସବେନ୍ ଲେକାନ୍ ଜିନିଷ୍ଟ, ୧୩ ଆତଃ ଦାଲ୍‌ଚିନି, ଏଟାଃ ଏଟାଃ ମାସ୍‌ଲାକ, ଧୁଆନ୍, ବୁଗିନ୍ ସହାନ୍ ସୁନୁମ୍, ବୁଗିନ୍ ସହାନ୍ ମାଲାମ୍, ଦାଖ୍‌ରାସି, ଅଲିଭ୍ ସୁନୁମ୍, ମାଏଦା, ଗହମ୍, ଉରିଃକ୍, ମିଣ୍ଡି, ସାଦମ୍, ସାଦମ୍ ଗାଡ଼ି, କିରିଙ୍ଗ୍‌ଦାସି ଆତଃ ଜାଉ ତାଇନଃ ମାନଞ୍ଜାକକେ ହଗି କିରିଙ୍ଗ୍ ନାଗେନ୍ତେ ଜେତାଏ ହଡ଼ କାକ ଅତଙ୍ଗ୍‌ଅଃଆ । ୧୪ କିରିଙ୍ଗ୍ ଆଖିରିଙ୍ଗ୍‌ତାନ୍ ହଡ଼କ ଇନିଃକେକ କାଜିକିୟା, “ଆମାଃ ଜୀଦାନ୍‌ରେୟାଃ ରିଜ୍‌ରାଙ୍ଗ୍ ସବେନ୍ ବୁଗିନ୍ ବିଷାଏକ ଆମାଃତାଃଏତେ ସାଙ୍ଗିନ୍‌ୟାନା । ଆତଃ ଆମାଃ ଖୁଜ୍ ରେୟାଃ ସୁଗାଡାନ୍‌ତେୟାଃକ ଆମାଃତାଃଏତେ ଆତମ୍‌ୟାନା, ଆମ୍ ଏନ୍ ସବେନାଃକେ ଆତଃ ଚିତ୍ତଲାଅ କାମ୍ ନାମ୍‌ରୁହାଡ଼େୟା ।” ୧୫ ଅକନ୍ କିରିଙ୍ଗ୍ ଆଖିରିଙ୍ଗ୍‌ତାନ୍ ହଡ଼କ ଏନ୍ ନାଗାର୍‌ରେ ଆଖିରିଙ୍ଗ୍‌କେଦ୍‌ତେ କିର୍ସାଣ୍‌କାନ୍ ତାଇକେନାକ, ଇନ୍‌କୁ ଇନିୟାଃ ଦୁକୁହାସୁରେ ହିସା ହବାଃଅ ନାଗେନ୍ତେ ବରକେଦ୍‌ତେ ପୁରାଃ ସାଙ୍ଗିନ୍‌ରେକ ତିଙ୍ଗୁନା । ୧୬ ଇନ୍‌କୁ ରାଆଃ ଆତଃ ଏୟମ୍‌ତାନ୍‌ଲଃ କାଜିୟାକ, “ହାଏରେ, ଏନ୍ ମାରାଙ୍ଗ୍ ନାଗାର୍‌ରେୟାଃ ଦୁକୁ, ଚିମିନ୍ ବରଞ୍ଚାନ୍‌ଗିୟା ! ଚିମିୟାଙ୍ଗ୍ କା ସାହାଡ଼ିଙ୍ଗ୍‌ୟାଃ ଲେକା ମେନାଃ ! ଅକ ମାରାଙ୍ଗ୍ ନାଗାର୍ ଉନ୍‌ରାଃ ଲିଜାଃ, ବାଇଗିନିଆ ଲିଜାଃ ଆତଃ ସିନ୍ଦୁର୍ ରାଙ୍ଗ୍‌ରେୟାଃ ଲିଜାଃ ତୁସିଙ୍ଗ୍‌ୟାକାନ୍ ତାଇକେନାଏ, ଆତଃ ସୋନା, ମଣି, ମତିତେ ସିଙ୍ଗ୍‌ରାଅକାନ୍ ତାଇକେନା । ୧୭ ମେନ୍ଦ୍ ମିଦ୍ ଘାଡ଼ିରେଗି ନେ ସବେନ୍ ଖୁଜ୍ କଏ ଆଦ୍‌କେଦା !” ଦାଆଃ ଜାହାଜ୍ ଚାଲାଅତାନ୍‌କଆଃ ଆଗୁଆଇ ଆତଃ ଏନାରେ ଦୁବାକାନ୍‌କ, ଦାଆଃ ଜାହାଜ୍ ଚାଲାଅତାନ୍‌କ, ଆତଃ ଦରେୟାରେ କିରିଙ୍ଗ୍ ଆଖିରିଙ୍ଗ୍‌ତାନ୍ ହଡ଼କ ସାଙ୍ଗିନ୍‌ରେ ତିଙ୍ଗୁୟାନାକ । ୧୮ ଆତଃ ଜିୟନଃତାନ୍ ନାଗାର୍‌ରେୟାଃ ସୁକୁଲ୍ ନେଲ୍‌କେଦ୍‌ତେ, କାଉରିତାନ୍‌ଲଃ କାଜିକେଦାକ, “ନେ ମାରାଙ୍ଗ୍ ନାଗାର୍ ଲେକା ଆତଃ ଜେତା ନାଗାର୍ କା ତାଇକେନା ।” ୧୯ ଇନ୍‌କୁ ଆକଆଃ ବହଃରେ ଧୁଡ଼ିକ ହେରକେଦ୍‌ତେ ଏୟମ୍‌ତାନ୍‌ଲଃ କାଜିକେଦାକ, “ଚିମିନ୍ ବରଞ୍ଚାନ୍‌ଗିୟା, ନାଗାର୍‌ରେୟାଃ ଦୁର୍ଦାସା କା ସାହାଡ଼ିଙ୍ଗ୍‌ୟାଃ ଲେକା ହବାକାନା ! ଦରେୟାରେ ସେନ୍‌ତାନ୍ ଦାଆଃ ଜାହାଜ୍‌କ ଆୟାଃ ଖୁଜ୍ ତେଗି କିର୍ସାଣ୍‌କାନ୍ ତାଇକେନା ! ମେନ୍ଦ୍ ମିଦ୍ ଘାଡ଼ିରେଗି ସବେନାଃ ଜିୟନ୍‌ୟାନା !”

୨୦ ହେ ସିର୍ମାରେନ୍ ହଡ଼କ, ଇନିଃ ଜିୟନ୍‌କାନ୍ ହରାତେ ରାସ୍‌କାଅଃପେ । ହେ ପାର୍‌ମେଶ୍ୱାର୍‌ଆଃ ହଡ଼କ, ପ୍ରେରିଡ଼କ ଆତଃ ନାବୀକ ରାସ୍‌କାଅଃପେ ! ଚିଆଃଚି ଆପେ ନାଗେନ୍ତେ ଅକ୍‌ନାଃ ରିକାକାଦ୍ ତାଇକେନାଏ, ଏନାମେନ୍ତେ ପାର୍‌ମେଶ୍ୱାର୍ ଇନିଃକେ ସାଜାଇ ଏମାକାଇଜାଏ ।

୨୧ ଏନ୍ତେ ମିଆଁଦ୍ ପୁରାଃ ପେଡ଼େୟାନ୍ ଦୁଡ଼, ଜାନ୍ତାଦିରି ଲେକା ମିଆଁଦ୍ ଦିରି ଇଦିକେଦ୍‌ତେ ଦରେୟାରେ ହୁରାଙ୍ଗ୍‌କେଦ୍‌ତେ କାଜିକେଦା, “ମାରାଙ୍ଗ୍ ନାଗାର୍ ବାବିଲୋନ୍, ନେ'ଲେକା ହୁରାଙ୍ଗ୍‌ଅଃଆଏ ଯେ, ଇନିଃକେ ଆତଃମିସା ଜେତାଏ କାକ ନେଲ୍ ଦାଡ଼ିୟା । ୨୨ ବାନାମ୍ ସାଡ଼ିତାନ୍‌କଆଃ ସାଡ଼ି, ମାନଞ୍ଜାକଆଃ ଲାବ୍‌ଜା ଦୁରାଙ୍ଗ୍, ମୁର୍ଲି ସାଡ଼ି, ବିଙ୍ଗୁଲ୍ ସାଡ଼ି ଚିତ୍ତଲାଅ ଆମାଃତାଃରେ ଆତଃ କା ଆୟୁମଃଆ । ଜେଡ଼ନାଃଗି ବାବାଇ ହଡ଼କ ଆମାଃତାଃରେ ଆତଃ ଚିତ୍ତଲାଅ କାକ ନେଲଃଆ, ଚାଏ ଜାନ୍ତାଦିରିରେ ରିଦେତାନ୍ ଲାବ୍‌ଜା କା ଆୟୁମଃଆ । ୨୩ ଆମାଃତାଃରେ ଆତଃ ଚିତ୍ତଲାଅ ଦିମି କା ଜୁଲଃଆ, ଚାଏ ନାଞ୍ଜା କଡ଼ାକୁଡ଼ିକିନାଃ ଲାବ୍‌ଜା କା ଆୟୁମଃଆ । ଚିଆଃଚି ଆମାଃତାଃରେ କିରିଙ୍ଗ୍ ଆଖିରିଙ୍ଗ୍‌ତାନ୍ ହଡ଼କ ଅତେଦିଶ୍ୱମ୍‌ରେ ପୁରାଃଗି ପେଡ଼େୟାନ୍‌ଗିକ ତାଇକେନା, ଆମାଃ ଯାଦୁଟଣାତେ ଆମ୍ ସବେନ୍ ହଡ଼କକେ ବେଦାକେଦ୍‌ତେ ଦହକାଦ୍‌କ ତାଇକେନାମ୍ ।”

୨୪ ଆତଃ ନେ ବାବିଲୋନ୍ ନାଗାର୍‌ରେ ଅତେଦିଶ୍ୱମ୍‌ରେନ୍ ପୁରାଃ ନାବୀକ ଆତଃ ପାର୍‌ମେଶ୍ୱାର୍‌ଆଃ ହଡ଼କଆଃ ମାୟୋମ୍ ଲିଙ୍ଗିକାନ୍ ତାଇକେନା । ନେ ସବେନ୍ ପାପ୍ ନାଗେନ୍ତେ ଇନିଃ ସାଜାଇ ନାମାକାଦାଏ ।

୧୯

ସିର୍ମାରେ ରାସ୍‌କାରେୟାଃ ଦୁରାଙ୍ଗ୍

୧ ଏନ୍ ତାୟମ୍‌ତେ ଆଇଙ୍ଗ୍ ସିର୍ମାରେ ପୁରାଃ ଗାଦେଲ୍ ହଡ଼କକେ କାଉରିକେଦ୍‌ତେ ଜାଗାର୍‌ତେୟାଃ ଆୟୁମ୍‌କେଦ୍‌କଆଇଙ୍ଗ୍ । ଇନ୍‌କୁ କାଜିତାଇକେନାକ, “ପାର୍‌ମେଶ୍ୱାର୍‌ଆଃ ସାହାରାଅ ରିକାଏପେ । ଜୀଉବାଞ୍ଚାଅ, ମାନାରାଙ୍ଗ୍ ଆତଃ ପେଡ଼େଃ ଆରୁଆଃ ପାର୍‌ମେଶ୍ୱାର୍‌ଆଃ ତାନାଃ । ୨ ପାର୍‌ମେଶ୍ୱାର୍‌ଆଃ ବିଚାର୍ ସାର୍‌ତି ଆତଃ ନ୍ୟାୟ୍ ତାନାଃ । ଆପାଙ୍ଗିର୍ କାମି ହରାତେ ଅତେଦିଶ୍ୱମ୍‌କେ ସଡ଼ରାକାଦ୍ ବେଶ୍ୟା କୁଡ଼ି ନାଗେନ୍ତେ ଠାଉକାଗି ସାଜାଇ ଏମାକାନା । ପାର୍‌ମେଶ୍ୱାର୍‌ଆଃ ଦାସିକଆଃ ମାୟୋମ୍ ଲିଙ୍ଗିକାଦ୍ ହରାତେ, ଇନିଃକେ ପାର୍‌ମେଶ୍ୱାର୍ ସାଜାଇ ଏମାକାଇଜାଏ ।” ୩ ଆଇଙ୍ଗ୍ ଇନ୍‌କୁକେ ଆତଃମିସା କାଉରିକେଦ୍‌ତେ କାଜିତାନ୍ ଆୟୁମ୍‌କେଦ୍‌କଆଇଙ୍ଗ୍, “ପାର୍‌ମେଶ୍ୱାର୍‌ଆଃ ସାହାରାଅ ରିକାଏପେ । ଏନ୍ ମାରାଙ୍ଗ୍ ନାଗାର୍‌କେ ଜିୟନେତାନ୍ ସେଙ୍ଗେଲ୍‌ରେୟାଃ ସୁକୁଲ୍ ଜାନାଅ ଜାନାଅଗି ଚେତାନ୍‌ତେ

ସୁକୁଲଃସ୍ୟା ।” ୪ ରାଜଗାଦିରେ ଦୁବାକାନ୍ ପାରମେଶ୍ଵରଃ ଆୟାତ୍ରେ ବାହୁସି ଉପୁନିୟା ପ୍ରାଚିନକ ଆତଃ ଉପୁନିୟା ଜାତୁକ ଅମ୍ବାୟାନଲଃ ଜହାରକେଦତେ କାଜିକେଦାକ, “ଆମେନ୍ ! ପାରମେଶ୍ଵରଃ ସାହାରାଅ ହବାଅଃକା ।”

ମିଶ୍ରିହନଃ ଆଶ୍ଵି ଭୋଜି

୫ ଏନ୍ତେ ରାଜଗାଦିଏତେ ମିଆଁଦ୍ ଲାବଜା ଆୟୁମୟାନା, “ପାରମେଶ୍ଵରଃ ଦାସିକ ଆତଃ ଆୟକ୍ତକେ ବରଭାକ୍ତିତାନ୍ ହୁତିକ୍, ମାରାକ୍ ସବେନ୍ ହତକ ଇନିୟାଃ ସାହାରାଅ ରିକାଏପେ ।” ୬ ଆଇକ୍ ଆତଃଗି ଗାଦେଲ୍ ହତକଆଃ ଲାବଜା ଲେକା, ଦରେୟାରେୟାଃ ଆଲ୍ପୁକ୍ ସାଡ଼ିତାନ୍ ଲେକା, ରିମିଲ୍ ସାଡ଼ିତାନ୍ ଲେକା ଆତଃ ଠେଡ଼ାନ୍ରେୟାଃ ସାଡ଼ି ଲେକା ମିଆଁଦ୍ ସାଡ଼ିକ୍ ଆୟୁମକେଦା, “ପାରମେଶ୍ଵରଃ ସାହାରାଅ ହବାଅଃକା, ଚିଆଃଚି ଆରୁଆଃ ପ୍ରାଭୁ ପୁରାଃ ପେଡ଼େୟାନ୍ ପାରମେଶ୍ଵର ତାନିଃ, ଇନିଃ ଏସକାର ଆରୁଆଃ ରାଜା ତାନିଃ !” ୭ ଲାଦା ରାସକାତାନ୍ଲଃ ଏଲା ହିଜୁଃପେ, ଇନିୟାଃ ମାଇନାନ୍ବୁ ରିକାଏୟା, ମିଶ୍ରିହନଃ ଆଶ୍ଵିରେୟାଃ ଦିପିଲି ସେଟେରାକାନା, ଏନାମେନ୍ତେ ଆୟାଃ ନାଞ୍ଜା କୁଡ଼ି ଆପାନକେ ସେକାଡେନ୍ତାନା । ୮ ଆୟାଃ ତୁସିୟେନ୍ ନାଗେନ୍ତେ ଫାର୍ଚି ଆତଃ ପୁରାଃ ପୁଣ୍ଡି ଝାକ୍ମାକ୍ ଉନ୍ରାଃ ଲିଜାଃ ନାମାକାଦାଏ ।” ପାରମେଶ୍ଵରଃ ହତକଆଃ ଧାର୍ମାନ୍ କାମି ହବାଅଃତାନା ଏନ୍ ନାରାମ୍ ଲିଜାଃ ।

୯ ଏନ୍ତେ ଦୁଁଡ଼ ଆଇକ୍ କେ କାଜିକେଦିୟା, “ଅଲକେଦତେ ଦହେମେ, ଅକନ୍କ ମିଶ୍ରିହନଃ ଆଶ୍ଵି ଭୋଜିରେ କେଡ଼ାକାନାକ ଇନ୍କୁ ଧାଇନ୍ରିୟାକ ।” ଇନିଃ ଆତଃଗି କାଜିକେଦାଏ, “ନେଆଁ ପାରମେଶ୍ଵରଃ ସାର୍ଚି ବାଚାନ୍ ତାନାଃ ।”

୧୦ ଆଇକ୍ ଏନ୍ ଦୁଁଡ଼କେ ସୁନ୍ସାର୍ ରିକା ନାଗେନ୍ତେ ଆୟାଃ କାଟା ସୁବାରେଇକ୍ ଉୟୁୟାନା । ମେନ୍ଦ ଇନିଃ ଆଇକ୍ କେ କାଜିକେଦିୟା, “ଏନ୍ ଲେକା ଆଲମ୍ ରିକାଏୟା । ଆଇକ୍ ଆମାଃ ଗାଡିଦାସି ତାନିକ୍ ଆତଃ ଆମାଃ ହାଗା ମିଶିକ ଲେକାଗି ଆଇକ୍ ଯାଶୁଆଃ ଗାଞ୍ଜା ଏମନିଃ ତାନିକ୍ । ଆପେ ଲେକା ଆଇକ୍ ହଗି ଯାଶୁ ଉଦୁବାକାଦ୍ ସାନାର୍ଚିକେଇକ୍ ତେଲାକାଦା । ପାରମେଶ୍ଵରକେ ଏସକାର ସୁସାରିମେ ।” ଚିଆଃଚି ଯାଶୁ ନାଗେନ୍ତେ ଗାଞ୍ଜା ହବାଅଃତାନା, ଆୟାକାଜିରାଃ ଏନେଟେଦ୍ ଆମ୍ ଲେକ୍ନାଃ ।

ପୁଣ୍ଡି ସାଦମ୍ରେ ଦୁବାକାନ୍ନିଃ

୧୧ ଏନ୍ତେ ଆଇକ୍ ସିମା ନିଜାକାନ୍ ନେଲକେଦାଇକ୍ । ଏନ୍ତାଃରେ ପୁଣ୍ଡି ସାଦମ୍ରେ ଦୁବାକାନ୍ନିଃକେ ନେଲକିଜାଇକ୍ । ଏନ୍ ସାଦମ୍ରେ ଦୁବାକାନ୍ନିୟାଃ ନୁଡୁମ୍ ପାଡିୟାରରନିଃ ଆତଃ ସାର୍ଚି । ଇନିଃ ନ୍ୟାୟ ଲେକାତେ ବିଚାର୍ ରିକାଃଏ ଲାଡ଼ାଇ ରିକାଃଏ । ୧୨ ଇନିୟାଃ ମେଦ୍ ଜୁଲଃତାନ୍ ସେକେଲ୍ ଲେକା ଆତଃ ଇନିୟାଃ ବହଃରେ ପୁରାଃଗି ମୁକୁଟ୍ ତାଇକେନା । ଇନିୟାଃ ଚେତାନ୍ରେ ମିଆଁଦ୍ ନୁଡୁମ୍ ଅଲ୍ଲାକାନ୍ ତାଇକେନା, ମେନ୍ଦ ଏନା ଚିନାଃ ତାନାଃ, ଏନା ଆୟକ୍ତକେ ବାଗିକେଦତେ ଜେତାଏ କାକ ସାରିୟା । ୧୩ ଇନିଃ ତୁସିକ୍କାନ୍ ଲିଜାଃ ମାୟୋମ୍କାନ୍ ତାଇକେନା । ଇନିୟାଃ ନୁଡୁମ୍ “ପାରମେଶ୍ଵରଃ ବାଚାନ୍ ମେନ୍ତେ ସାରିୟାଃ ତାଇକେନା ।” ୧୪ ସିମାରେନ୍ ଫାଉଦ୍, ନିରାଲ୍, ପୁରାଃ ପୁଣ୍ଡି ଫାର୍ଚି ଆତଃ ଝାକ୍ମାକ୍ ଉନ୍ରାଃ ଲିଜାଃ ତୁସିକ୍ୟାନ୍ଲଃ, ପୁଣ୍ଡି ସାଦମ୍ ଚେତାନ୍ରେ ଦୁବକେଦତେ ଇନିଃକେକ ଅତକ୍ ଡ଼ି ତାଇକେନା । ୧୫ ଇନିୟାଃ ମଚାଏତେ ମିଆଁଦ୍ ଲେସେରାକାନ୍ ତାରାଡ଼ି ଅତକ୍ ଅଃଆ । ଏନାଲଃ ଅତେରେନ୍ ସବେନ୍ ହତକକେ ହାରାଅକଆ । ଆତଃ ଇନିଃ ଇନ୍କୁକେ ମେଡେଦ୍ରାଃ ସଚାତେ ହୁମାଃକଆ ଆତଃ ପେଡ଼େୟାନ୍ ପାରମେଶ୍ଵରଃ ପୁରାଃ ଖ୍ଵ ଲେକାନ୍ ଦାଖନାଡ଼ିକେ ଘାନାରେ ଆୟକ୍ତକି ପେରାଅକେଦତେ ଏନାଏତେ ଦାଖରାସି ଅତକ୍ ଯେଆ । ୧୬ ଇନିୟାଃ ଲିଜାଃ ଚେତାନ୍ରେ ଆତଃ ବୁଲୁରେ ନେ ନୁଡୁମ୍ ଅଲ୍ଲାକାନ୍ ତାଇକେନା, “ରାଜାକଆଃ ରାଜା ଆତଃ ପ୍ରାଭୁକଆଃ ପ୍ରାଭୁ ।”

୧୭ ଏନ୍ତେ ଆଇକ୍ ମିଆଁଦ୍ ଦୁଁଡ଼କେ ସିକ୍ ଚେତାନ୍ରେ ଡିକ୍ ଆକାନ୍ ନେଲକିୟାଇକ୍ । ଆଲା ସିମାରେ ଆଫିରତାନ୍ ସବେନ୍ ଚେଟେକକେ କାଉରିକେଦତେ କାଜିକେଦକଆ, “ଏଲା, ପାରମେଶ୍ଵରଃ ମାରାକ୍ ଭୋଜିରେ ମେସାନ୍ ନାଗେନ୍ତେ ହୁଣ୍ଡିନ୍ପେ !” ୧୮ ରାଜା, ପାଲ୍ଟାନ୍, ସିପାଇ, ସାଦମ୍, ସାଦମ୍ରେ ଦୁବାକାନ୍, କିରିକ୍ୟାକାନ୍ ଦାସି, ପେଡ଼େୟାନ୍ ହତ, କା ପେଡ଼େୟାନ୍ ହତ, ନେ ସବେନ୍କଆଃ ଜିଲୁକେ ହିଜୁଃକେଦତେ ଜମେପେ ।”

୧୯ ଏନ୍ତେ ଆଇକ୍ ନେଲକେଦାଇକ୍, ଏନ୍ ସାଦମ୍ରେ ଦୁବାକାନ୍ନିଃ ଆତଃ ଆୟାଃ ପାଲ୍ଟାନ୍କଆଃ ବିରୁଧ୍ରେ ଲାଡ଼ାଇ ନାଗେନ୍ତେ ଏନ୍ ଜାତୁ ଆତଃ ଅତେଦିଶ୍ଵମ୍ରେନ୍ ସବେନ୍ ରାଜା ଆତଃ ଇନ୍କୁଆଃ ସବେନ୍ ପାଲ୍ଟାନ୍କ ମିଦ୍ତାଃରେ ହୁଣ୍ଡିୟାନାକ । ୨୦ ଏନ୍ ମାପାଃତୁପୁଇକ୍ରେ ଜାତୁ ଆତଃ ଇନିୟାଃ ଆୟାତ୍ରେ ଆକ୍ଦାଦାଅ କାମିକ ରିକାତାନ୍, ଏନ୍ ହସଡ଼ ନାବୀ ସାନାବ୍ୟାନଲଃ ତନଲ୍ରେ ଦହୟାନା । ଅକନ୍କଆଃରେ ଜାତୁରାଃ ଚିହ୍ନା ତାଇକେନା ଆତଃ ଅକନ୍କ ଆୟାଃ ମୁରୁଡ଼କେକ ସେଞ୍ଜା ତାଇକେନା, ଇନ୍କୁକେ ଏନ୍ ଜାତୁ ଆୟାଃ ଆକ୍ଦାଦାଅ କାମିତେ ବେଦାକ ତାଇକେନା । ଜାତୁ ଆତଃ ଏନ୍ ହସଡ଼ ନାବୀ ହୁଆକ୍ଗାଡ଼ାରେ ଜାନିଦ୍ଗି ହୁରାକ୍ୟାନାକିନ୍ । ୨୧ ଆତଃ ଇନ୍କିନାଃ ପାଲ୍ଟାନ୍କ ଆତଃ ସାଦମ୍ରେ ଦୁବାକାନ୍କ, ମଚାଏତେ ଅତକ୍ ଅଃତାନ୍ ତାରାଡ଼ିଲଃ ମାଆୟାନାକ, ଆତଃ ସବେନ୍ ଚେଟେକ୍ ଆକଆଃ ଇଛାସାନାକ୍ ଲେକା ଇନ୍କୁଆଃ ଜିଲୁ ଜମ୍କେଦାକ ।

୫ ୧୯:୯ ୧୯:୯ ମାଧ୍ଵ ୨୨:୨,୩. ୬ ୧୯:୧୫ ୧୯:୧୫ ଉତ୍କଳ କାଜି ୧୪:୨୦. ୭ ୧୯:୨୦ ୧୯:୨୦ ଉତ୍କଳ କାଜି ୧୩:୧-୧୮.

୨୦

ମିଦ୍ ହାଜାର ବାରାଷରେୟାଃ ରାଇଜ୍

^୧ ଏନ୍ତେ ଆଇଙ୍ଗ୍ ଆତଃମିଆଁଦ୍ ଦୁଁଡକେ ସିର୍ମାଏତେ ଆଡ଼ଗୁନ୍ତାନ ନେଲ୍‌କିୟାଇଙ୍ଗ୍ । ଇନିୟାଃ ତିଃଇରେ ହୁଆଙ୍ଗ୍‌ଗାଡ଼ାରେୟାଃ ଚାଡି ଆତଃ ମିଆଁଦ୍ ହାମ୍‌ଲ୍ ସିକଡି ତାଇକେନା । ^୨ ଇନିଃ ଏନ୍ ମାରାଙ୍ଗ୍ ବିଙ୍ଗ୍, ଚାଏ ସାଏତାନକେ ସାବ୍‌କେଦ୍‌ତେ ମିଦ୍ ହାଜାର ବାରାଷ୍ ଜାକେଦ୍ ସିକଡିତେ ତଲ୍‌କିୟାଏ, ^୩ ଆତଃ ହୁଆଙ୍ଗ୍‌ଗାଡ଼ାରେ ହୁରାଙ୍ଗ୍‌କେଦ୍‌ତେ ଏନାରେୟାଃ ଦୁଆର୍ ହାଣ୍ଡେଦ୍‌କେଦାଏ ଆତଃ ଏନ୍ ଚେତାନରେ ମୋହର୍ ଏମକେଦାଏ । ମିଦ୍ ହାଜାର ବାରାଷ୍ ଆଉରି ପୁରାଃଅ ଜାକେଦ୍ ଇନିଃ ଆତଃ ଜେତାନ ଦିଶୁମ୍‌ରେନ୍ ହଡକକେ ବେଦା କାଏ ଦାଡିୟା । ନେଆଁ ତାୟମ୍‌ତେ ଘାଡିକାଦ୍ ନାଙ୍ଗ୍ ଇନିଃକେ ଆତଃମିସା ରାଡ଼ାଅଃଆ ।

^୪ ଏନ୍ତେ ଆଇଙ୍ଗ୍ ନେଲ୍‌କେଦାଇଙ୍ଗ୍, ଚିମିନ୍ ରାଜଗାଦିକ ଆତଃ ଏନାକରେ ଦୁବାକାନ୍ ହଡକକେ ବିଚାର୍ ନାଗେନ୍ତେ ଆକ୍‌ତେୟାର୍ ଏମାକାନା । ଆତଃଗି ଚିମିନ୍ ଗଜାକାନ୍ ହଡକଆଃ ଆମ୍‌କକେଇଙ୍ଗ୍ ନେଲ୍‌କେଦ୍‌କଆ, ଇନ୍‌କୁ ଯୀଶୁ ଉଦୁବାକାଦ୍ ସାନାର୍‌ତି ଆତଃ ପାର୍‌ମେଶ୍‌ବାର୍‌ଆଃ ବାଚାନ୍‌କେ ଉଦୁବ୍‌କେଦ୍ ହରାତେ ଏନ୍ ହଡକ ଗନଏଃ ସାଜାଇ ନାମାକାଦ୍ ତାଇକେନାକ । ଇନ୍‌କୁ ଜାଁତୁ ଚାଏ ମୁରୁଡକକେ କାକ ଜହାରକାଦ୍‌କ ତାଇକେନା, ଚାଏ ମଲଙ୍ଗ୍ ଆତଃ ତିଃଇରେ ଜାଁତୁରାଃ ଚିଙ୍ଗାଁ କାକ ଖଦାକାନ୍ ତାଇକେନା । ଇନ୍‌କୁ ଖ୍ରୀଷ୍ଟଲଃ ମିଦ୍ ହାଜାର ବାରାଷ୍ ରାଇଜେ ନାଗେନ୍ତେ ଜୀଉବିନିଦାକାନ୍ ତାଇକେନାକ । ^୫ ଏନ୍ ମିଦ୍ ହାଜାର ବାରାଷ୍ ଆଉରି ପୁରାଃଅ ଜାକେଦ୍ ଏଟାଃ ଜେତାନ ଗଜାକାନ୍ ହଡକଆଃ ଜୀଉବିନିରିଦ୍ କା ହବାକାନ୍ ତାଇକେନା । ନେଆଁଦ୍ ପାହିଲା ଜୀଉବିନିରିଦ୍ ତାନାଃ । ^୬ ଗଜାକାନ୍ ହଡକଆଃ ନେ ପାହିଲା ଜୀଉବିନିରିଦ୍‌ରେ ଅକନ୍‌କ ହିସାକ ନାମାକାଦା, ଇନ୍‌କୁ ଚିମିନ୍ ଧାଇନ୍ ଆତଃ ପାବିତାର୍‌ଗିୟାଃକ ! ଇନ୍‌କୁଆଃ ବାର୍‌ସା ଗନଏଃ କା ହବାଅଃଆ । ଇନ୍‌କୁ ପାର୍‌ମେଶ୍‌ବାର୍‌ଆଃ ଆତଃ ଖ୍ରୀଷ୍ଟ୍‌ଆଃ ଯାଜାକ୍ ହବାକେଦ୍‌ତେ ଖ୍ରୀଷ୍ଟଲଃ ମିଦ୍ ହାଜାର ବାରାଷ୍ ଜାକେଦ୍ ରାଇଜେୟାକ ।

ସାଏତାନରାଃ ଚୁଣ୍ଡ ହୁରାଅ

^୭ ମିଦ୍ ହାଜାର ବାରାଷ୍ ପୁରାୟାନ୍ ତାୟମ୍‌ତେ ସାଏତାନକେ ତଲ୍‌କାନ୍‌ହେତେ ରାଡ଼ାଅଃଆ, ^୮ ଗୋଗ୍ ଆତଃ ମାଗୋଗ୍ ଲେକା ଅତେରେୟାଃ ଚାରିୟାଃରେ ଦରେୟାରେନ୍ ଗିତିଲ୍ ଲେକା ଛିତିବିତିକାନ୍ କିଲିକଆଃ କା ଲେକା ଦାଡିୟାଃ ହଡକକେ ସାଏତାନ ବେଦାକେଦ୍‌ତେ ଲାଡ଼ାଇ ନାଗେନ୍ତେ ମିଦ୍‌ରେ ହୁଣ୍ଡିକଆ । ^୯ ଇନ୍‌କୁ ଅତେରେୟାଃ ଚାରିୟାଃ ସେନ୍‌କେଦ୍‌ତେ ପାର୍‌ମେଶ୍‌ବାର୍‌ଆଃ ହଡକଆଃ ତାଇନଃ ଠାୟାଦ୍ କୁମ୍‌କାକେ ଆତଃ ପାର୍‌ମେଶ୍‌ବାର୍‌ଆଃ ଦୁଲାଡ୍ ନାଗାର୍‌କେ କେସେଦ୍ ବିୟୁରେୟାକ । ମେନ୍‌ଦ୍ ସିର୍ମାଏତେ ସେଙ୍ଗେଲ୍ ଉୟାଃକେଦ୍‌ତେ ଇନ୍‌କୁକେ ଜିୟନ୍‌ତାକଆ, ^{୧୦} ଆତଃ ଅକ ଜୁଲଃତାନ୍ ହୁଆଙ୍ଗ୍‌ଗାଡ଼ାରେ ଜାଁତୁ ଆତଃ ହସଡ୍ ନାବୀ ହୁରାଙ୍ଗ୍‌କାନ୍ ତାଇକେନାକ, ହସଡ୍‌ନିଃ ସାଏତାନ୍ ହଗି ଏନାରେ ହୁରାଙ୍ଗ୍‌ଆଃଆ । ଏନ୍ତାଃରେ ଇନ୍‌କୁ ନିଦାସିଙ୍ଗି ଜାନାଅ ଜାନାଅ ଦୁକୁକ ନାମେୟା ।

ଚୁଣ୍ଡ ହିଚାର୍

^{୧୧} ଏନ୍ତେ ଆଇଙ୍ଗ୍ ମିଆଁଦ୍ ମାରାଙ୍ଗ୍ ପୁଣ୍ଡି ରାଜଗାଦି ଆତଃ ଏନାରେ ମିହୁଡ୍ ଦୁବାକାନ୍‌ନିଃକେଇଙ୍ଗ୍ ନେଲ୍‌କିୟା । ଇନିୟାଃ ହେପାଦ୍‌ହେତେ ଅତେ ଆତଃ ସିର୍ମା ନିର୍‌ୟାନା ଆତଃ ଇନ୍‌କିନାଃ ନାଗେନ୍ତେ ଉକ୍‌ୱ ନାଙ୍ଗ୍ ଠାୟାଦ୍ କା ନାମ୍‌ୟାନା । ^{୧୨} ଏନ୍ତେ ଆଇଙ୍ଗ୍ ଗଜାକାନ୍‌କକେ, ମାପ୍‌ରାଙ୍ଗ୍‌କକେ ଆତଃ ହୁପ୍‌ଡିଙ୍ଗ୍‌କକେ ପାର୍‌ମେଶ୍‌ବାର୍‌ଆଃ ରାଜଗାଦି ଆୟାର୍‌ରେ ଡିକ୍‌କ୍‌ଆକାନାଇଙ୍ଗ୍ ନେଲ୍‌କେଦ୍‌କଆ । ଆତଃ ପୁଅକ ଅଗାଃୟାନା, ଏନ୍ ପୁଅକଏତେ ଜୀଦାନ୍ ପୁଅ ନୁଡୁମ୍ ମିଆଁଦ୍ ପୁଅ ତାଇକେନା । ଏନ୍ ଜୀଦାନ୍ ପୁଅରେ ହଡକଆଃ କାମିଉଦାମ୍ ବିଷାଏରେ ଅକ୍‌ନାଃ ଅଲ୍‌କାନ୍ ତାଇକେନା, ଏନ୍ ଲେକାତେ ଇନ୍‌କୁଆଃ ବିଚାର୍ ହବାୟାନା । ^{୧୩} ଏନ୍ତେ ଦରେୟା ଭିତାର୍‌ରେ ଗଜାକାନ୍ ହଡକ ବିରିଦ୍‌ୟାନାକ । ଗନଏଃଗାଡ଼ାରେ ଗଜାକାନ୍ ହଡକ ହଗି ବିରିଦ୍‌ୟାନାକ । ଇନ୍‌କୁ ସବେନ୍‌କ ଆକଆଃ ଆକଆଃ କାମିଉଦାମ୍ ଲେକାତେ ବିଚାର୍‌ୟାନାକ । ^{୧୪} ଏନ୍ତେ ଗନଏଃ ଆତଃ ଗନଏଃ ଗାଡାକେ, ଏନ୍ ହୁଆଙ୍ଗ୍‌ଗାଡ଼ାରେ ହୁରାଙ୍ଗ୍ ଏଣ୍ଡାୟାନା । ନେ ହୁଆଙ୍ଗ୍‌ଗାଡ଼ା ହବାଅଃତାନା ବାର୍‌ସା ଗନଏଃ । ^{୧୫} ଅକନ୍ ହଡକଆଃ ନୁଡୁମ୍ ଜୀଦାନ୍ ପୁଅରେ କା ଅଲ୍‌କାନ୍ ତାଇକେନା, ଇନ୍‌କୁ ହଗି ସବେନ୍‌କ ହୁଆଙ୍ଗ୍‌ଗାଡ଼ାରେ ହୁରାଙ୍ଗ୍‌ୟାନାକ ।

୨୧

ନାଞ୍ଜା ସିର୍ମା ଆତଃ ନାଞ୍ଜା ଅତେ

^୧ ଏନ୍ତେ ଚୁଣ୍ଡଚୁର ଆଇଙ୍ଗ୍ ନାଞ୍ଜା ସିର୍ମା ଆତଃ ନାଞ୍ଜା ଅତେ ନେଲ୍‌କେଦାଇଙ୍ଗ୍ । ପାହିଲ୍‌ରେୟାଃ ଅତେ, ସିର୍ମା ଆତଃ ଦରେୟା କା ନେଲଃୟାନା । ^୨ ଏନ୍ତେ ଆଇଙ୍ଗ୍ ସିର୍ମାରେନ୍ ପାର୍‌ମେଶ୍‌ବାର୍‌ଆଃଏତେ ପାବିତାର୍ ନାଗାର୍ ଲାଡାଡ୍‌ତେ ଆଡ଼ଗୁଡାନ୍ ନେଲ୍‌କେଦାଇଙ୍ଗ୍ । ନେ ପାବିତାର୍ ନାଗାର୍‌ଗି ନାଞ୍ଜା ଯୀରୁଶାଲେମ୍ ତାନାଃ । କଡ଼ା ନାଗେନ୍ତେ କୁଡି ଜେ'ଲେକା ସିଙ୍ଗ୍‌ରାଅକାନ୍‌ଗି ତାଇନାଃ, ଏନ୍‌ଲେକାଗି ନେଆଁ ସାପ୍‌ଡ଼ାଅକାନ୍ ତାଇକେନା । ^୩ ଆତଃ ସିର୍ମାରେୟାଃ

☆ ୨୧:୧ ୨୧:୧ ୨ ପାଡ଼ରାସ୍ ୩:୧୩. ☆ ୨୧:୨ ୨୧:୨ ଉତ୍କଳ କାଳି ୩:୧୨.

ରାଜଗାଦିଏତେ ମିଆଁଦ ଲାବଜା ଆୟୁମ୍ବକେଦାଈଙ୍ଗ, “ନାହାଁଠଦ ପାର୍ମେଶ୍ଵାର୍ଥାଃ ତାଇନଃ ଠାୟାଦ ହଡ଼କ ଆଲାରେ ମେନାଃ, ଇନିଃ ଇନକୁଆଃ ଆଲାରେ ତାଇନା ଆତଃ ଇନକୁ ଆୟାଃ ହଡ଼କ ହବାଅଆଃକ । ପାର୍ମେଶ୍ଵାର୍ ଇନକୁଲଃ ତାଇନାଏ ଆତଃ ଇନକୁଆଃ ପାର୍ମେଶ୍ଵାର୍ ହବାଅଆଃଏ । ୪ ଇନିଃ ଇନକୁଆଃ ମେଦ ଦାଆଃ ଜଦେୟାଏ । ଗନଏଃ, ଏୟମ୍, ରାନାଃ, ଆତଃ ହାସ୍ତ ଜେଡ଼ନାଃ କା ହବାଅଆ । ସବେନ୍ ମାରିତେୟାଃକ କା ନେଲଃତାନା ।”

୫ ରାଜଗାଦିରେ ଦୁବାକାନ ହଡ଼ କାଜିକେଦାଏ, “ହେଗି, ଆଇଙ୍ଗ ସବେନାଃକେଇଙ୍ଗ ନାଞ୍ଜାକାଦା ।” ଆତଃ ଇନିଃ ଆଇଙ୍ଗକେ କାଜିକେଦିୟା, “ନେ ସବେନ୍ କାଜି ଅଲ୍ଲକେଦ୍ତେ ଦହେମେ, ଚିଆଃଚି ନେଆଁ ସାର୍ତି ଆତଃ ପାତିୟାର୍ତ୍ତେୟାଃ ତାନାଃ ।” ୬ ଆତଃଚି ଇନିଃ କାଜିକେଦିୟାଏ, “କାମି ଚାବାକାନା । ଆଇଙ୍ଗ ସୁରୁଇନିଃ ଆତଃ ଚାବାଏନିଃ, ମୁନୁ ଆତଃ ଚୁଣ୍ଡୁ ତାନିଙ୍ଗ । ତେତାଙ୍ଗତାନିଃକେ ଜୀଦାନରେୟାଃ ସେତେଙ୍ଗ ଦାଆଃ ବେଗାର୍ ଗନଙ୍ଗତେ ନୁଁଏ ନାଙ୍ଗ ଏମାୟାଈଙ୍ଗ । ୭ ଅକନକ ଜିତାଅଃଆକ, ଆଇଙ୍ଗ ଇନକୁକେ ନେ ନାଲା ଏମାକଆଇଙ୍ଗ, ଆଇଙ୍ଗ ଇନକୁଆଃ ପାର୍ମେଶ୍ଵାର୍ ହବାଅଆଇଙ୍ଗ ଆତଃ ଇନକୁ ଆଇଁୟାଃ ହନକ ହବାଅଆକ । ୮ ମେନ୍ଦ ବରଏତାନକ, କା ବିଶ୍ଵାସ୍ତାନକ, ଏଡ଼କାନ ଚାଇଲ ଚାଲାନକ, ହଡ଼ ଗଗଏଃକ, ଆପାଙ୍ଗିର୍ କାମିତାନକ, ଦେଅଁଣାତାନକ, ମୁରୁଡ଼ ସୁନୁସାରକ, ଆତଃ ହସଡ଼ କାଜିତାନକ, ନେଲେକାନ ସବେନ୍ ହଡ଼କଆଃ ଠାୟାଦ ହବାଅଆତାନା ଜୁଲଃତାନ ହୁଆଙ୍ଗାଡ଼ା । ନେଆଁଗି ଇନକୁଆଃ ବାର୍ସା ଗନଏଃ ତାନାଃ ।”

ନାଞ୍ଜା ଯାରୁଗାଲେମ୍

୯ ଏୟା ଚୁଣ୍ଡୁ ଦୁକୁହାସ୍ତେ ପେରେଜାକାନ ଏୟା ତୁଭା ସାବାକାଦ୍ ଏୟା ଦୁଡ଼କଏତେ ମିହୁଡ଼ ଆଇଙ୍ଗତାଃତେ ହିଜୁଃକେଦ୍ତେ କାଜିକେଦିୟା, “ହିଜୁଃମେ, ଆଇଙ୍ଗ ନାଞ୍ଜା ଆଣ୍ଡିକାନ କୁଡ଼ିକେଇଙ୍ଗ ଉଦୁବାମେୟା, ଇନିଃ ମିଶ୍ଵିହନ୍ଆଃ କୁଡ଼ି ତାନିଃ ।” ୧୦ ଏନ୍ତେ ପାବିତାର୍ ଆମ୍ବା ଆଇଙ୍ଗକେ ଆକ୍ତେୟାର୍କିଦିୟା ଆତଃ ଦୁଡ଼ ଆଇଙ୍ଗକେ ମିଆଁଦ୍ ମାରାଙ୍ଗ ସାଲାଙ୍ଗି ବୁରୁ ଚୁଟିତେ ଇଦିକିଦିୟା, ଇନିଃ ଆଇଙ୍ଗକେ ପାବିତାର୍ ନାଗାର୍ ଯାରୁଗାଲେମ୍କେ ଉଦୁବାଦିୟା । ଆଇଙ୍ଗ ଏନ୍ ନାଗାର୍ତ୍ତେ ପାର୍ମେଶ୍ଵାର୍ତାଃଏତେ ସିର୍ମାଏତେ ଆଡ଼ଗୁଃତାନ ନେଲ୍ଲକେଦାଈଙ୍ଗ । ୧୧ ଏନ୍ ନାଗାର୍ ପାର୍ମେଶ୍ଵାର୍ତାଃ ମାନାରାଙ୍ଗରେ ଚାମ୍ବାଆଃ ତାଇକେନା, ଏନାରେୟାଃ ମାର୍ସାଲ୍ ପୁରାଃ ଗନଙ୍ଗଆଁନ୍ ମତି ଆତଃ ସିଙ୍ଗିରାଃ ନିରାଲ୍ ଆଏନା ଲେକା ଝାଲ୍ସାଃତ ତାଇକେନା । ୧୨ ଏନାରେ ମିଆଁଦ୍ ମାରାଙ୍ଗ ସାଲାଙ୍ଗି ପାଚ୍ରି ତାଇକେନା । ଏନାରେ ଗେଲ୍ବାର୍ ଦୁଆର୍ ତାଇକେନା, ଏନାକେ ଗେଲ୍ବାର୍ ଦୁଡ଼କ ହରତାଇକେନାକ ଆତଃ ଏନ୍ ଦୁଆର୍ ଚେତାନରେ ଇସ୍ତାଏଲ୍ ହଡ଼କଆଃ ଗେଲ୍ବାର୍ କିଲିକଆଃ ନୁଡ଼ମ୍ ଅଲ୍ଲକାନ ତାଇକେନା । ୧୩ ଆତଃ ଏନ୍ ପାଚ୍ରିରେୟାଃ ଉପୁନ୍ସାଃରେ ଆପିୟା ଦୁଆର୍ ତାଇକେନା, ପୁରାଏସାଃରେ ଆପିୟା ଦୁଆର୍, ଉତ୍ତାର୍ସାଃରେ ଆପିୟା ଦୁଆର୍, ଦାକ୍ଷିଣ୍ଡ୍ୟାଃରେ ଆପିୟା ଦୁଆର୍, ପାଶ୍ଚିମ୍ସାଃରେ ଆପିୟା ଦୁଆର୍ ତାଇକେନା । ୧୪ ନାଗାର୍ରେୟାଃ ନେ ପାଚ୍ରି ଗେଲ୍ବାର୍ ଦିରିତେ ବାଇୟାକାନ ନିହଁଗାଡ଼ା ତାଇକେନା ଆତଃ ଏନ୍ ନିହଁଗାଡ଼ା ଚେତାନରେ ମିଶ୍ଵିହନ୍ଆଃ ଗେଲ୍ବାର୍ ପ୍ରେରିଡ଼କଆଃ ନୁଡ଼ମ୍ ଅଲ୍ଲକାନ ତାଇକେନା । ୧୫ ଆଇଁୟାଃଲଃ ଜାଗାର୍ତାନ ଦୁଡ଼ଆଃ ଡିଃଇରେ ନାଗାର୍, ପାଚ୍ରି ଆତଃ ଦୁଆର୍କକେ ସଙ୍ଗଏ ନାଗେନ୍ତେ ମିଆଁଦ୍ ସୋନାରାଃ ସଙ୍ଗଏ ସଗା ତାଇକେନା । ୧୬ ଏନ୍ ନାଗାର୍ରେୟାଃ ଚାରିୟସାଃ ମିଦ୍ଗି ତାଇକେନା, ଏନାରାଃ ଚାକାର୍ ଆତଃ ଜିଲିଙ୍ଗ ମିଦ୍ଗି ତାଇକେନା । ଦୁଡ଼ ଆୟାଃ ସଙ୍ଗଏ ସଗାତେ ନାଗାର୍ତ୍ତେ ସଙ୍ଗକେଦା । ଏନାରେୟାଃ ଚାକାର୍ ୨,୪୦୦ କିଲୋମିଟର୍ ତାଇକେନା । ଏନାରେୟାଃ ଜିଲିଙ୍ଗ ଆତଃ ସାଲାଙ୍ଗି ଚାକାର୍ଲଃ ମିଦ୍ଗି ତାଇକେନା । ୧୭ ଦୁଡ଼ ଏନ୍ ପାଚ୍ରିରେୟାଃ ସାଲାଙ୍ଗି ହଗି ସଙ୍ଗକେଦାଏ, ଏନା ୬୦ ମିଟର୍ ତାଇକେନା । ୧୮ ଏନ୍ ପାଚ୍ରି ପୁରାଃ ଗନଙ୍ଗଆଁନ୍ ଝାକ୍ମାକ୍ ଦିରିତେ ବାଇୟାକାନ ତାଇକେନା, ଏନ୍ତେ ଏନ୍ ନାଗାର୍ ଫାର୍ଚି ସୋନା ଆତଃ କାଚ୍ତେ ବାଇୟାକାନ ତାଇକେନା । ୧୯ ନାଗାର୍ରେୟାଃ ଚାରିୟସାଃରେ ତାଇକାନ ପାଚ୍ରିରେୟାଃ ନିହଁଗାଡ଼ାରେ ସବେନ୍ ଲେକାନ ଗନଙ୍ଗଆଁନ୍ ଦିରିତେ ସିଙ୍ଗିରାଅକାନ ତାଇକେନା । ପାହିଲା ନିହଁଗାଡ଼ା ହିରାତେ, ଏଗାଃ ନିହଁଗାଡ଼ା ମଣିତେ, ଆପିୟାତେୟାଃ ରାଙ୍ଗିରାଙ୍ଗ ଗନଙ୍ଗଆଁନ୍ ଦିରିତେ, ଉପୁନ୍ସାତେୟାଃ ଝାଲ୍କାଅଃତାନ ହାରିୟାର୍ ଦିରିତେ ବାଇୟାକାନ ତାଇକେନା । ୨୦ ମଣେୟାତେୟାଃ ପୁଲକ୍ ମଣିତେ, ତୁରିୟାତେୟାଃ ମାଣିକ୍ୟ ମଣିତେ, ଏୟାତେୟାଃ ପୁଷ୍ପରାଗ୍ ମଣିତେ, ଇରାଲିୟାତେୟାଃ ଫିରୋଜ୍ ମଣିତେ, ଅରେୟାତେୟାଃ ଗୋମେଦକ୍ ମଣିତେ, ଗେଲେୟାତେୟାଃ ଲଶୁନାୟ ମଣିତେ, ଗେଲ୍ମିଆଁଦ୍ ଇନ୍ଦ୍ରିଲ୍ ମଣିତେ ଆତଃ ଗେଲ୍ବାର୍ତେୟାଃ ବୁଗିନ୍ସହାନ୍ ମଣିତେ ବାଇୟାକାନ ତାଇକେନା । ୨୧ ଗେଲ୍ବାର୍ ଦୁଆର୍ ତାଇକେନା ଆତଃ ଗେଲ୍ବାର୍ ମୋତି ତାଇକେନା । ମିମିଆଦ୍ ଦୁଆର୍, ମିମିଆଦ୍ ମୋତିତେ ବାଇୟାକାନ ତାଇକେନା, ନାଗାର୍ରେୟାଃ ହରା ଫାର୍ଚି ସୋନା ଆତଃ କାଚ୍ ଲେକା ସୁଗାଡ଼ାନ୍ଗି ବାଇୟାକାନ ତାଇକେନା ।

୨୨ ଆଇଙ୍ଗ ନାଗାର୍ରେ ଜେତାନ ମାନ୍ଦିର୍ କାଈଙ୍ଗ ନେଲ୍ଲକେଦା, ଚିୟାଚି ପୁରାଃ ପେଡ଼େୟାନ୍ ପ୍ରାଭୁ ପାର୍ମେଶ୍ଵାର୍ ଆତଃ ମିଶ୍ଵିହନ୍ ଏନାରେନ୍ ମାନ୍ଦିର୍ ତାନକିନ୍ । ୨୩ ଏନ୍ ନାଗାର୍ତ୍ତେ ମାର୍ସାଲେ ନାଗେନ୍ତେ ଏନ୍ତାଃରେ ସିଙ୍ଗି ଚାଏ ଚାଣ୍ଡୁ କା ଲାଗାତିଙ୍ଗିୟାଃ, ଚିୟାଚି ପାର୍ମେଶ୍ଵାର୍ତାଃ ମାନାରାଙ୍ଗରେ ଏନା ମାର୍ସାଲଃତାନା ଆତଃ ମିଶ୍ଵିହନ୍ ଏନାରେୟାଃ ଦିମି ତାନିଃ । ୨୪ ଅତେରେନ୍ ସବେନ୍ ହଡ଼କ ଇନିୟାଃ ମାର୍ସାଲ୍ରେ ହିଜୁଃସେନଃ ରିକାଏୟାକ । ଅତେଦିଶ୍ଵମରେନ୍ ରାଜାକ ଆକଆଃ ମାନାରାଙ୍ଗକେ ପାର୍ମେଶ୍ଵାର୍ତାଃକ ଆଉଇୟା । ୨୫ ନାଗାର୍ରେୟାଃ ସବେନ୍ ଦୁଆର୍କ ସବେନ୍ ଇମ୍ତା

ନିଜାକାନ୍ତ ଚାଲିନା । ଏନା ଚିତ୍ତଲାଅ କା ହାଣ୍ଡେଦଃଆ, ଚିଆଃତି ଏନ୍ତାଃରେ ଚିତ୍ତଲାଅ କା ନୁବାଗଃଆ । ୨୭ ସବେନ୍ ଦିଶୁମ୍ରେନ୍ ମାନାରାଙ୍ଗ୍ ଆତଃ ମାଇନାନ୍ ନେ ନାଗାର୍ରେ ହିଜୁଃକେଦ୍ତେ ମିଦ୍ତାଃରେ ହୁଣ୍ଡିୟଃଆ । ୨୮ ଜେତାନ୍ ସତ୍ତରାକାନ୍ତେୟାଃକ ନେ ନାଗାର୍ରେ କା ଆତଃଆ । ହିଲ୍ଲାଙ୍ଗ୍ ଲେକା କାଜିକାମିତାନ୍ କା ଆତଃ ହସତ୍ କାଜିତାନ୍, ଜେତାଏ ନେ ନାଗାର୍ କାକ ବଲ ଦାଡ଼ିୟା । ଅକନ୍ କଥାଃ ନୁତୁମ୍ ମିଣ୍ଡିହନ୍ଆଃ ଜୀଦାନ୍ ପୁଥ୍ରେ ଅଲ୍ଲାନା, ଇନ୍ କୁ ଏସ୍ କାର୍ ନେ ନାଗାର୍ରେ ବଲ ଦାଡ଼ିୟାକ ।

୨୨

୧ ଏନ୍ତେ ଏନ୍ ଦୁଁଡ୍, ନାଞ୍ଜା ଅତେଦିଶୁମ୍ରେ ଜୀଦାନ୍ ଦାଆଃରାଃ ଗାଡାଏ ଉଦୁବାଦିୟା, ଏନା ଫାର୍ଚି ଆତଃ ନିରାଲ୍ଲଗି ତାଇକେନା । ନେ ଗାଡା ପାର୍ମେଶ୍ୱାର୍ ଆତଃ ମିଣ୍ଡି ହନ୍ଆଃ ରାଜ୍ଗାଦିହେତେ ଅତଙ୍ଗ୍ କେଦ୍ତେ, ୨ ନାଗାର୍ରେୟାଃ ଆଲା ମାଲା ହରାରେ ଲିଙ୍ଗିୟଃତାନା । ଗାଡାରେୟାଃ ବାରାନ୍ ସାଃରେ ଜୀଦାନ୍ରେୟାଃ ଦାରୁକ ତାଇକେନା, ଏନା ବାରାଷ୍ରେୟାଃ ମିପିଆଦ୍ ମାହ୍ ନାରେ ଚାଏ ମିଦ୍ ବାରାଷ୍ରେ ଗେଲ୍ ବାର୍ସାଃ ଜ'ଜ'ଆଆ, ଆତଃ ଏନାରେୟାଃ ସାକାମତେ ହାସ୍ତ ଦୁକୁଃତାନ୍ ହତ୍ତକ ବୁଗିୟଃଆ । ୩ ପାର୍ମେଶ୍ୱାର୍ ଆତଃ ହରାତେ ସାର୍ପାଅକାନ୍ ଜେତାନ୍ ବିଷାଏ ଏନ୍ ନାଗାର୍ରେ କା ନେଲ୍ଆ । ପାର୍ମେଶ୍ୱାର୍ ଆତଃ ମିଣ୍ଡି ହନ୍ଆଃ ରାଜ୍ଗାଦି, ଏନ୍ ନାଗାର୍ରେ ତାଇନାଃ ଆତଃ ଏନ୍ତାଃରେ ଆୟାଃ ଦାସିକ ଇନିୟାଃ ସୁନ୍ସାର୍ କ ରିକାୟା । ୪ ଇନ୍ କୁ ଇନିୟାଃ ମେଦ୍ ମୁହାଁଡ୍ କ ନେଲେୟା ଆତଃ ଇନ୍ କୁଆଃ ମଲ୍ଲଙ୍ଗ୍ରେ ଇନିୟାଃ ନୁତୁମ୍ ଅଲ୍ଆ । ୫ ଏନ୍ତାଃରେ କା ନୁବାଗଃଆ ଆତଃ ଦିମି ଚାଏ ସିଙ୍ଗିରାଃ ମାର୍ସାଲ୍ ଇନ୍ କୁଆଃ ଲାଗାତିଙ୍ଗ୍ କା ହବାଆଆ, ଚିୟାଃତି ପ୍ରାଭୁ ପାର୍ମେଶ୍ୱାର୍ ଇନ୍ କୁଆଃ ମାର୍ସାଲ୍ ହବାଆଆଏ ଆତଃ ଇନ୍ କୁ ଜାନାଅ ଜାନାଅ ରାଜା ଲେକାକ ରାଇଜେୟା ।

ୟାଶୁଆଃ ହିନିଜୁଃ ରୁହାଡ୍

୬ ଦୁଁଡ୍ ଆଇଙ୍ଗ୍ କେ କାଜିକେଦିୟା, “ନେ ସବେନ୍ କାଜିକ ସାର୍ଚି ଆତଃ ପାତିୟାର୍ରେ ଲେକାନାଃ ତାନାଃ । ଅକ୍ନାଃକ ଜାଲ୍ ଦିଗି ହବାଆଆ, ଏନା ଆୟାଃ ଦାସିକେ ଉଦୁବ୍ କ ନାଗେନ୍ତେ ନାବୀକେ ଆମିକ୍ ସେଣ୍ଟା ଏମାକତାନ୍ ପ୍ରାଭୁ ପାର୍ମେଶ୍ୱାର୍ ଆୟାଃ ଦୁଁଡ୍ କେ କୁଲାକାଇଜା ।”

୭ ଯାଶୁ କାଜିତାନାଏ ଆୟାଃମେପେ, “ଆଇଙ୍ଗ୍ ଜାଲ୍ ଦିଗିଇଙ୍ଗ୍ ହିଜୁଃତାନା, ଅକନ୍ କ ନେ ପୁଥ୍ରେ ଉତ୍କଳଦ୍ୱକାନ୍ ଆୟାଃକାଜିକେ ମାନାତିୟାଃକ, ଇନ୍ କୁ ସୁକୁତାନ୍ ଗିୟାକ ।”

୮ ଆଇଙ୍ଗ୍ ଯୋହାନ୍, ନେ ସବେନାଃ ଆଇଙ୍ଗ୍ ଆୟାଃମାକାଦାଇଙ୍ଗ୍ ଆତଃ ନେଲ୍ଲକାଦାଇଙ୍ଗ୍ । ଆଇଙ୍ଗ୍ ଆୟାଃମେଦ୍ତେ ନେଲ୍ କେଦ୍ ତାୟମ୍ତେ, ଅକ ଦୁଁଡ୍ ଆଇଙ୍ଗ୍ ତାଃରେ ଏନାଏ ଉଦୁବ୍ କେଦା, ଆଇଙ୍ଗ୍ ଇନିୟାଃ କାଟାସୁବାରେ ଅମ୍ପାଃକେଦ୍ତେ ସୁନ୍ସାର୍ ନାଙ୍ଗ୍ ସେନ୍ ତାଇକେନାଇଙ୍ଗ୍ । ୯ ମେନ୍ଦ୍ ଇନିଃ କାଜିକିୟାଏ, “ଏନ୍ଲେକା ଆଲ୍ ମ୍ ରିକାଏୟା ଚିଆଃତି ଆଇଙ୍ଗ୍ ଆମାଃ ଲେକା ମିହୁଡ୍ ତାନିଙ୍ଗ୍ । ଆମାଃ ଅକ ହାଗାକ, ନାବୀତାନ୍ କ ଆତଃ ଅକ ସବେନ୍ କ, ନେ ପୁଥ୍ରେୟାଃ କାଜି ଲେକା ମାନାତିଙ୍ଗ୍ ତାନ୍ କଥାଃ ଗାତିଦାସି ତାନିଙ୍ଗ୍ । ପାର୍ମେଶ୍ୱାର୍ ଆତଃ ସୁନ୍ସାର୍ ରିକାଇପେ ।” ୧୦ ଇନିଃ ଆଇଙ୍ଗ୍ କେ ଆତଃଚି କାଜିକେଦିୟା, “ନେ ପୁଥ୍ରେୟାଃ ଆୟାଃକାଜିକେ ଆଲ୍ ମ୍ ଉକୁଇୟା, ଚିୟାଃତି ନେ ସବେନାଃ ହବାଆଃରେୟାଃ ନେତା ନାଡ଼େଃୟାନ୍ ଗିୟା । ୧୧ ଏନାମେନ୍ତେ ନେ କାଜି ସାରିକେଦ୍ତେ, ଅକଏକେ ଚିଲ୍ଲକା ସାନାଙ୍ଗ୍ ଏନ୍ଲେକାଗି ରିକାଏକା । ଏଡ୍ କାନ୍ କାମିତାନ୍ ହତ୍ତ ଆତଃଚି ଏଡ୍ କାନ୍ କାମିକାଏ, ସତ୍ତରାକାନ୍ ହତ୍ତ ସତ୍ତରାକାନ୍ ଗି ତାଇକ୍ କା, ଧାର୍ମାନ୍ ହତ୍ତ ଆତଃଚି ଧାରାମ୍ କାମି କାମିକାଏ, ପାବିତାର୍ ହତ୍ତ ଆତଃଚି ପାବିତାର୍ରେକା ।”

୧୨ ଯାଶୁ କାଜିତାନାଏ, “ଆୟାଃମେପେ, ଆଇଙ୍ଗ୍ ମିପିଆଦ୍ ହତ୍ତକେ ଆକଞ୍ଜା କାମିରେୟାଃ ଗନଙ୍ଗ୍ ଏମାକ ନାଗେନ୍ତେ ନାଲା ସାବ୍ କେଦ୍ତେ ଜାଲ୍ ଦିଗିଇଙ୍ଗ୍ ହିଜୁଃତାନା । ୧୩ ଆଇଙ୍ଗ୍ ସୁରୁଇନିଃ ଆତଃ ଚାବାଏନିଃ, ମୁନ୍ ଆତଃ ଚୁଣ୍ଡ ତାନିଙ୍ଗ୍ ।”

୧୪ ଅକନ୍ କ ଆକଥାଃ ଆପ୍ନାଃ ଲିଜାଃ ସାଫାକାଦାକ, ଇନ୍ କୁ ସୁକୁତାନ୍ ଗିୟାକ । ଜୀଦାନ୍ ଦାରୁରେୟାଃ ଜ ଜମେ ନାଗେନ୍ତେ ଆତଃ ଦୁଆର୍ ହରାତେ ବଲ ନାଙ୍ଗ୍ ଇନ୍ କୁଆଃ ଆକ୍ତେୟାର୍ ମେନାଃ । ୧୫ ମେନ୍ଦ୍ ଏଡ୍ କାନ୍ ଚାଇଲ୍ ଚାଲାନକ, ଦେଅଁଶାତାନ୍ କ, ହତ୍ତ ଗଗଏଃକ, ମୁରୁଡ୍ ସେଞ୍ଜାତାନ୍ କ, ହସତ୍ ହତ୍ତକ, ବେଦାତାନ୍ କ, ଆତଃ ନେ ସବେନାଃ ଦୁଲ୍ଲାଡ୍ ତାନ୍ ସବେନ୍ ହତ୍ତକ ନାଗାର୍ରେୟାଃ ବାହାରିରେ ତାଇନାକ ।

୧୬ “ଆଇଙ୍ଗ୍ ଯାଶୁ, କାଲିସିୟାକରେ ଆପେୟାଃ ବୁଗିନାଃ ନାଗେନ୍ତେ ନେ ସବେନ୍ ବିଷାଏକ ଉଦୁବେ ନାଙ୍ଗ୍ ଆଇଁୟାଃ ଦୁଁଡ୍ କେ କୁଲାକାଇଜାଇଙ୍ଗ୍ । ଆଇଙ୍ଗ୍ ଦାଉଦ୍ ଆଃ କିଲିରେନ୍, ଆତଃ ଏନ୍ ଜୁଲ୍ଲତାନ୍ ଜନଃଇପିଲ୍ ତାନିଙ୍ଗ୍ ।”

୧୭ ପାବିତାର୍ ଆମା ଆତଃ ଏନ୍ ନାଞ୍ଜା ଆଶ୍ୱଦିକାନ୍ କୁଡ୍ କାଜିତାନାକିନ୍, “ହିଜୁଃମେ,” ନେ କାଜି ଆୟାଃମ୍ ତାନ୍ ସବେନ୍ କ କାଜିୟାକ, “ହିଜୁଃମେ,” ଜେତାଏ ତେତାଙ୍ଗ୍ ତାନ୍ ନିଃ ହିଜୁଃକାଏ । ଜୀଦାନ୍ରେୟାଃ ଦାଆଃ ନୁଁଏ ନାଗେନ୍ତେ ଅକଏ ସାନାଙ୍ଗ୍ ତାନ୍ ନିଃ ହିଜୁଃକେଦ୍ତେ ବେଗାର୍ ଗନଙ୍ଗ୍ ତେ ନୁଁଏକା ।

ଚୁଣ୍ଡ କାଜି

☆ ୨୨:୧୩ ୨୨:୧୩ ଉତ୍କଳ କାଜି ୧:୮; ଉତ୍କଳ କାଜି ୧:୧୭; ୨:୮.

^{୧୮} ଆଇଁ ଯୋହାନ, ନେ ପୁଅରେ ଅଲକାନ ସବେନ୍ ଆୟାରକାଜି କାଜିକାନତେୟାଃକେ ଅକନକ ଆୟୁମେୟାକ, ଇନକୁକେ ଆଇଁ ଚେତାଅକ ତାନାଇଁ, ଜେତାଏ ନେ ପୁଅରେୟାଃ ଅନଲରେ ଜେତନାଃ ମେସାଏ ରେଦ, ପାର୍ମେଶ୍ଵାର ନେ ପୁଅରେ ଅଲକାନ ଦୁକୁହାସୁକଏ ଏମାକଆ, ମେନ୍ତେ ସାରୁଦ୍ ଏମେତାନାଇଁ । ^{୧୯} ଆତଃ ନେ ପୁଅରେ ଅଲକାନ ଆୟାରକାଜିକଏତେ ଜେତାଏ ଜେତନାଃ ଆତ୍ମେରେଦ, ପାର୍ମେଶ୍ଵାର ଇନିଃକେ ନେ ପୁଅରେ ଅଲକାନ ଜୀଦାନ ଦାରୁରେୟାଃ ଜ'ହେତେ ଆତଃ ପାବିତାର ନାଗାରହେତେ ହିଗାଡ଼ିୟା ।

^{୨୦} ନେ ସବେନ୍ ବିଷାଏରେୟାଃ ଗାଞ୍ଜା ଏମ୍ତାନିଃ କାଜିତାନାଏ, “ନେଆଁ ସାର୍ତିଗି ହବାଅଃଗିୟା । ଆଇଁ ସାର୍ତିଗି ଜାଲଦିଗିଇଁ ହିଜୁଃଆ ।” ଏନାଗି ହବାଅଃକା । ହେ ପ୍ରାଭୁ ଯୀଶୁ, ହିଜୁଃମେ । ^{୨୧} ପ୍ରାଭୁ ଯୀଶୁଆଃ ସାୟାଦ୍ ମିମିଆଦ୍ ସବେନକ ଆବକାରେପେ । ଆମେନ୍ ।